






3 1761 07839004 4







Digitized by the Internet Archive  
in 2011 with funding from  
University of Toronto





# INSTITUTIONES THEOLOGIAE MORALIS

SECUNDUM DOCTRINAM

S. THOMAE ET S. ALPHONSI

AUCTORE

**JANUARIO BUCCERONI**

E SOCIETATE JESU


MORALIS THEOLOGIAE PROFESSORE IN PONT. UNIV. GREGOR. COLLEGII ROMANI

THEOLOGO DAT. APOST. CONSULTORE S. C. EE. ET RR.

EXAMINATORE APOSTOLICO CLERI ROMANI

---

VOLUMEN PRIMUM



✻ D. Leandro Bugari ✻  
Benedettino — Silvestrino

ROMAE

EX TYPOGRAPHIA FORZANI ET SOCI

1892

## OPERIS APPROBATIO

Cum Opus, cui titulus: *Institutiones Theologiae Moralis*, etc. P. Januarii Bucceroni S. J. aliqui e. S. Theologi recognoverint, et probaverint, facultatem concedimus, ut typis edatur.

*Romae d. 10. Oct. 1890.*

ROGERIUS FREDDI S. J.  
PRAEP. PROVINCIAE ROMANAE.

*Neapoli d. 10. Oct. 1890.*

NICASIUS M. MOLA S. J.  
PRAEP. PROVINCIAE NEAPOLITANAE.

---

## ABBREVIATIONES

G. B. 3. = Gury-Ballerini eodem tractatu num. 3.

L. 5. = S. Alphonsus de Ligorio eod. tract. n. 5.

A. S. S. V. l. p. 2. = Acta S. Sed. Vol. I. pag. 2.

Codices Italiae, Galliae, Austriae initialibus litteris indicantur.



BK  
1758  
B83



## PRAENOTIONES

1. *Quid sit theologia moralis?* — Si *nomen* spectetur, illa est theologiae pars, quae circa *mores* versatur. Si vero *res* ipsa consideretur, definiri potest: illa theologiae pars, quae, innixa iure divino, per revelationem manifestato, inquit quid liciti, quid illiciti sit in humanis actionibus, ut has dirigat in ordine ad vitam aeternam. Hinc facile patet quanta sit moralis theologiae necessitas et utilitas. Cf. S. Th. 1. p. 1.

2. *Quaenam sit theologiae moralis partitio?* — Omnes moralis theologiae quaestiones ad praecipuos quosdam reducuntur tractatus. Ut ordinate progrediamur dicemus: 1.<sup>o</sup> de actibus humanis, qui sunt proprium quasi subiectum honestatis et peccati; 2.<sup>o</sup> de conscientia, quae proxime regulat humanas actiones; 3.<sup>o</sup> de legibus generatim, quae remote easdem actiones regulant; 4.<sup>o</sup> de peccatis, quae ex difformitate exsurgunt humanarum actionum respectu regulae sive proximae sive remotae; 5.<sup>o</sup> de legibus speciatim, quibus licitum vel illicitum in humanis actionibus in particulari determinatur. Hoc autem ordine de illis desserendum: 1.<sup>o</sup> de praeceptis proprie evangelicis, quae iure divino revelato constant, de praeceptis nempe virtutum theologicarum, fidei, spei, caritatis, quibus homo *immediate* tendit ad finem suum; 2.<sup>o</sup> de praeceptis Decalogi, iure naturali proprie constitutis, licet etiam divino iure positive confirmatis; 3.<sup>o</sup> de praeceptis Ecclesiae, quae pendent ex humano iure; 4.<sup>o</sup> a generalioribus ad magis particularia progrediendo, de obligationibus variorum statuum. Atque horum omnium praeceptorum observatione homo *mediate* tendit ad finem suum. Cf. theol. Wirceburg. de virtut. theol. 32. seqq., de virt. relig. 9. 10. 5.<sup>o</sup> Dicendum deinde erit de praeceptis sacramentorum, quae legem continent *praecipientem* simul, et *iuvantem*; per ea enim infunditur gratia sanctificans, aliaque dantur gratiae auxilia, quibus homo universam legem servare potest; ut ita in Dei amicitia conservetur, vel in eam restituatur, si legem transgrediendo, in Deum graviter peccaverit. 6.<sup>o</sup> Tractandum vero erit, post alios de legibus in particulari tractatus, de censuris, quae ecclesiasticae poenae sunt, quarundam specialium legum transgressionem praecaventis et consequentes; et de irregularitatibus, quae partim poenae, partim impedimenta sunt ad sacros ordines suscipiendos. 7.<sup>o</sup> Demum de indulgentiis agendum, per quas, remissis aliunde peccatis poena remittitur temporalis eisdem adhuc debita; et sic homo proxime disponitur ad vitam aeternam consequendam.

3. *Quaenam methodo theologia moralis pertractetur?* — Theologia moralis triplici methodo potest pertractari: positiva, casuistica et scholastica. Prima ex fontibus proprie theologicis morum praecepta et dogmata ordinate exponit et probat. Altera insistit in casibus practicis resolvendis,

generalia principia ad particulares casus, variis determinatos circumstantiis, applicando. Tertia potius quam auctoritate rationis discursu procedit. Moralia enim praecepta et dogmata, positive iam probata argumentis proprie theologicis, philosophicis principiis et rationibus confirmat, illustrat, eorumque nexus et relationes, ac consecutaria declarat. Triplex ista methodus facile simul coniungi et adhiberi potest, et ex hac triplici methodo simul permixta perfecta et excellens moralis theologiae tractatio habetur. In praesentibus institutionibus rationibus paulo magis quam auctoritate insistemus. Disputatio enim quae in scholis instituitur non est directe ad removendum errorem sed ad instruendam et inducendam mentem ad intellectum veritatis, quam intendit; « et tunc oportet rationibus inniti investigantibus veritatis radicem, et facientibus scire quomodo sit verum quod dicitur; alioquin si nudis auctoritatibus magister quaestionem determinet, certificabitur quidem auditor, quod ita est, sed nihil scientiae vel intellectus acquireret, sed vacuus abscedet ». S. Th. Quodl. 4. a. 18. Posterior haec scholastica methodus brevis de se est in quaestionum tractatione. Verum cum plures e veteribus scholasticis longum saepe instituerint examen oppositarum opinionum aliorum, ad eas directe refellendas, hinc maxime quoad moralem theologiam factum est, ut doctissima eorum opera nonnisi paucorum manibus versarentur. Uti huiusmodi nostrae qualescumque institutiones maioris usus et utilitatis esse possint scholastica forma in eis procedere constituimus, omitta longa illa aliorum opinionum discussione, quod factum etiam observamus in Summa Theologica ab Angelico Doctore.

## DE ACTIBUS HUMANIS

### I. — DE NATURA HUMANI ACTUS

1. *Quid sint actus humani?* — Actus humani sunt generatim, actus hominis, quibus idem homo ordinatur ad finem sibi consentaneum. Quare actus humani considerari possunt vel relate ad *hominem*, qui ipsis ordinatur ad finem, vel relate ad *finem*, ad quem ipsorum ope ordinatur. Cf. S. Th. 1. 2. q. 1. a. 2. De humanis actibus utroque respectu consideratis gradatim dicemus.

2. *De actibus humanis relate ad hominem.* — Actus humani, considerati relate ad hominem, dupliciter inspicere possunt: 1.<sup>o</sup> prout ab humanis facultatibus procedunt, quod est eos in sua *intrinseca natura* considerare. Actus enim generatim in creatis nihil aliud est, quam facultatis alicuius a posse ad esse determinatio; 2.<sup>o</sup> prout deficiunt ab hac sibi propria natura ob *impedimenta*, quae non sinunt humanas facultates rite agere. Dicemus primo de intrinseca humani actus natura; deinde de eius impedimentis.

3. *De actus humani natura.* — Usus obtinuit, ut distingueretur inter actum hominis et humanum. Vocatur *actus hominis*, qui procedit ab homine sine advertentia et deliberatione. Vocantur autem *actus humani*, qui procedunt, non utcumque, sed cum advertentia et deliberatione. Neque vero ista distinctio sine ratione facta est. Etenim « actionum, quae ab ho-



mine aguntur, illae solae proprie dicuntur *humanae*, quae sunt propriae hominis in quantum est homo (nempe adaequate, et quoad *substantiam* operis, et quoad *modum* operandi). Differt autem homo ab aliis irrationalibus creaturis in hoc, quod est suorum actuum dominus..... Est autem homo dominus suorum actuum per rationem et voluntatem: unde et liberum arbitrium esse dicitur facultas voluntatis et rationis. Illae ergo actiones proprie *humanae* dicuntur, quae ex voluntate deliberata procedunt. Si quae autem aliae actiones homini conveniant, possunt dici quidem *hominis actiones*, sed non proprie *humanae*, cum non sint hominis, in quantum est homo ». S. Th. 1. 2. q. 1. a. 1. Iam vero, cum actus humanus, actus sit *ex voluntate deliberata procedens*, ut eius naturam penitius cognoscamus, opus est paucis explicare 1.<sup>o</sup> naturam *voluntarii*, 2.<sup>o</sup> naturam *liberi*, 3.<sup>o</sup> tandem quotuplici modo actus quivis a deliberata voluntate procedere possit.

4. *Quid sit voluntarium?* — *Voluntarium*, a voluntate dictum, est quod procedit seu causatur a voluntate. Quare voluntarium non est nisi vel *actus* voluntatis, vel *effectus* illius actus. *Voluntarium* ergo differt a *volito*, quod non nisi obiectum actus voluntatis designat. Cum voluntarium a voluntate procedat, quae est principium agenti intrinsecum, convenit cum motu quolibet *naturali*, differt vero a *violento*; ille enim a principio intrinseco, iste a principio extrinseco procedit. Porro *voluntarium* tripliciter sumi potest: 1.<sup>o</sup> latius pro *spontaneo*, 2.<sup>o</sup> strictius pro *voluntario* praecise tali, quatenus nempe differt a *spontaneo* et a *libero*, vel saltem praescindit a *libero*, 3.<sup>o</sup> strictissime pro *libero*. *Spontaneum* est quod procedit ab appetitu sensili ex praevia sensili cognitione obiecti, in quod appetitus tendit. « Ratio est, quia sicut appetitus naturae sequitur ex forma naturali, ita appetitus elicited ex forma apprehensa, actu representante obiectum ». Suarez in 1. 2. Tr. 2. D. 6. S. 4., S. Th. 1. 2. q. 8. a. 1. Spontaneum ergo competit tum hominibus tum brutis animalibus. *Voluntarium* proprie est quod procedit ab appetitu spirituali, seu voluntate cum praevia cognitione rationali obiecti. *Liberum* tandem est quod procedit a voluntate se determinante ad actum, cum potestate ipsius actus eliciendi vel non eliciendi vel alium eliciendi. Quare *liberum* essentialiter includit rationem *voluntarii*. Cf. S. Th. 1. 2. q. 6. a. 1. 2., Suarez D. 1. S. 1. 3. 6.

5. *Resolves*: Voluntarium ergo haberi non potest sine praevia *cognitione*. *Nihil volitum quin praecognitum*. Necessaria tamen semper non est *clara* et *distincta* rei cognitio, sufficit enim notitia *obscura* et *confusa*. Et sic *valide* baptizatur adultus, licet omnes christiani obligationes nondum plane exploratas habeat. — Voluntarium praeterea esse non potest nisi de re *determinata*. Voluntas enim non nisi in bonum movetur; bonum autem rationem finis habet. « Cum bonum sit quod omnia appetunt, hoc autem habet rationem finis; manifestum est, quod bonum rationem finis importat ». S. Th. 1. p. q. 5. a. 4. Atqui finis non nisi aliquid certum et determinatum est. Et ideo ille qui vult sponsalia contrahere cum qualibet ex duabus, non contrahit, et sacerdos qui vult ex pluribus hostiis, unam quamcumque consecrare non consecrat. Sanch. l. 1. D. 26. S. 1., Rubr. Miss. De Defect. § VII. n. 1. — Demum voluntarium esse non potest de re *impossibili*. Etenim « voluntas est appetitus quidam rationalis; omnis autem appetitus non est nisi boni. Cuius ratio est, quia appetitus nihil aliud est, nisi quaedam inclinatio in aliquid. Nihil autem inclinatur nisi in aliquid *simile* et *conveniens* ». S. Th. 1. 2. q. 8. a. 1. — Minime vero requiritur quod voluntarium non nisi de *vero* et *reali* bono sit. « Ad hoc quod voluntas in aliquid tendat, non requiritur quod sit bonum in *rei veritate*, sed quod *apprehendatur* in ratione boni, et propter hoc Philosophus dicit: finis est bonum vel apparens bonum ». S. Th. 1. c.

6. *An voluntarium saltem esse possit de re, non facto, sed iure impossibili?* — De re quoad *factum* ipsum impossibili voluntarium esse non potest,



ut ex dictis constat, Cf. n. 5., si quis recte utatur ratione. Hinc nemo potest serio velle manu tangere spatium vacuum extra mundum. De re quoad *ius* tantum impossibili quaestio est: v. g. matrimonium contrahere cum habente impedimentum dirimens; consecrare aquam, baptizare cum vino, etc. Sed affirmandum videtur; siquidem voluntas in ipsum *factum* fertur, neque necessario ferenda simul est in *ius*, vel in *factum* non nisi dependenter a *iure*. Et sic qui contrahit matrimonium cum impedimento dirimente ignorato, qui matrimonium etiam attentat coram magistratu civili, vere matrimonium vult, quantum in se est, contrahere. Unde est quod Ecclesia deinde aliquando dispensat in radice, non renovato nempe consensu, et matrimonium convalidat. Sanch. De M. 1. 2. D. 33. Et sane C. *Ex sponsalibus* un. *De Spons.* in 6.<sup>o</sup> dicitur: « Ex sponsalibus puris et certis, etiamsi consanguinitatis, affinitatis, frigiditatis, religionis aut alia quavis ratione *sint nulla*, dummodo non sint nulla *ex defectu consensus*, oriri..... impedimentum iustitiae publicae honestatis ». Ergo aperte supponitur verus consensus cum impedimento dirimente.

7. *Quid sit liberum?* — *Liberum* supra *voluntarium* habitudinem solum addit ad potentiam, *elicientem* actum voluntarium, et habentem potestatem ad illum suspendendum, vel alium actum eliciendum specie tantum diversum, vel etiam oppositum. In 1.<sup>o</sup> casu dicitur *libertas exercitii* seu *contradictionis*; in 2.<sup>o</sup> casu *libertas specificationis*; in 3.<sup>o</sup> casu *libertas contrarietatis*. *Liberum* ergo requirit utique in potentia seu facultate intrinsecum dominium actus, adeoque immunitatem non tantum ab *extrinseca coactione*, sed etiam ab *intrinseca necessitate*; minime vero requirit immunitatem etiam ab *infirmirate*, nempe a concupiscentia aliisque humanae vitae miseriis, quae utpote extrinsecae, et neque *cogentes*, neque *necessitantes*, intrinsecam agendi rationem humanae voluntatis immutare nequeunt. Libertas haec, de qua agimus, libertas *physica* est. Libertas vero *moralis* carentiam in suo conceptu involvit non tantum necessitatis physicae agendi, verum etiam moralis obligationis vi legis praecipientis vel prohibentis.

8. *An in humanis actibus liberum vere reperiatur non tantum a coactione verum etiam a necessitate?* — R. Affirm. Veritas fidei est, quae apertissime constat ex SS. et Traditione. Cf. Suarez. D. 1. S. 2. Cuius ratio est, quia « si proponitur voluntati aliquod bonum, quod completam boni rationem habet, ut ultimus finis, propter quem omnia appetuntur, non potest non velle esse felix, aut velle esse miser. In his autem, quae ad ultimum finem ordinantur, nihil invenitur adeo malum, quin aliquod bonum admixtum habeat, nec aliquod adeo bonum, quod in omnibus sufficiat: unde quantumcumque ostendatur bonum vel malum, semper potest adhaerere et fugere in contrarium ratione alterius, quod in ipso est, ex quo accipitur, si malum est simpliciter, ut apparens bonum; et si bonum est simpliciter, ut apparens malum: et inde est, quod in omnibus, quae sub electione cadunt, voluntas libera manet, in hoc solo determinationem habens, quod felicitatem naturaliter appetit, et non determinate in hoc vel illo ». S. Th. 2. Dist. 25. q. 1. a. 2. Cf. etiam 1. 2. q. 10. a. 2. Hinc, uti patet, potestas illa ad opposita, quae actus voluntatis ponitur ab ipsa, praesupponit in suo exercitio indifferentiam obiectivam iudicii intellectus, quae consistit in hoc, quod intellectus voluntati proponat in obiecto varias rationes convenientiae vel disconvenientiae, boni vel mali.

9. « *Infertur*, quod orta gravi tentatione, et postquam a phantasia, aut aliunde, vehementer excitatus appetitus sensitivus concupiscibilis, venterius, aut irascibilis, quod, inquam, tunc in voluntate triplicis generis possint dari actus. 1.<sup>o</sup> Illi, qui *praeveniunt usum rationis*, et eliciuntur a tentato in eo instanti aut tempore, in quo intellectus voluntati nondum proponit motiva absterrentia, sed solum allicientia illius obiecti, in quod fertur appetitus. Et hi actus voluntatis dicuntur *motus primo primi*. 2.<sup>o</sup> Illi qui *sequuntur ad*



*aliqualem usum rationis*, et eliciuntur a tentato in eo instanti, in quo intellectus motiva absterrentia proponit solum obscure, motiva allicientia vero ad amorem illicitum aut ad odium, ita vivaciter, ut voluntas a motivis, absterrentibus solum remisse et imperfecte moveatur. Et hi actus voluntatis dicuntur *motus secundo primi*, 3. Tandem illi qui *sequuntur ad perfectum usum rationis*, et eliciuntur a voluntate in eo instanti, in quo intellectus voluntati satis clare et intense proposuit motiva absterrentia seu disconvenientiam et malitiam moralem, a quibus voluntas posset libere absterri, si serio vellet. Et hi actus voluntatis dicuntur *actus deliberati*. Actus 1.<sup>i</sup> generis non sunt liberi, et consequenter neque sunt *formaliter* peccaminosi. Actus 2.<sup>i</sup> generis sunt imperfecte liberi, et solum venialiter peccaminosi. Actus 3.<sup>i</sup> generis vero sunt perfecte liberi, et consequenter, si adsit gravitas materiae, sunt mortaliter peccaminosi ». Struggl Theol. Mor. Tr. 1. q. 1. a. 1. n. 10. Cf. S. Th. 1. 2. q. 10. a. 3.

10. *Quotuplici modo voluntarium a voluntate procedat?* — Cum voluntarium apprehensionem intellectus praesupponat, voluntatis actum et libertatis exercitium includat, et ad aliquem etiam extrinsecum actum seu extrinsecam actionem se protendat, hinc voluntarium multiplici modo a voluntate est, variaeque inde exurgunt voluntarii partitiones, quas statim explicabimus.

11. *Quid voluntarium elicitivum et imperativum?* — Primum habetur, quum totus actus perficitur a voluntate et in voluntate, absque adminiculo alterius facultatis, sive interioris et spiritualis, sive exterioris et corporalis: uti sunt *volitiones, volitiones*. Alterum habetur, cum actus ex ipso quidem voluntatis imperio dependet, ab alia tamen agentis facultate perficitur; sive interiori, uti sunt intellectus, phantasia, memoria; sive exteriori, uti sunt membra corporis, atque sensuum organa, sicut ambulare vel loqui. Cf. S. Th. 1. 2. q. 1. a. 1. ad 2., Suarez D. 1. S. 1., D. 10. S. 1. 2. Potest autem actus esse simul *elicitivus* et *imperativus*, voluntas enim potest sibi ipsi in actibus suis imperare: et hac ratione dicunt Theologi, quod una virtus e. g. charitas imperat actus aliarum virtutum, quando voluntas ex motivo unius virtutis elicit actum alterius virtutis, e. g. ex amore Dei pauperis miseretur. Cf. S. Th. 1. 2. q. 17. a. 5., Suarez D. 10. S. 1.

12. *Quot et quoniam sint actus a voluntate elicti?* — « Omnis voluntatis actio aut circa finem, aut circa medium versatur, quod dupliciter contingit fieri aut appetendo aut exequendo; ex quo duplex oritur ordo actuum voluntatis, et intellectus practici, qui voluntatem gubernat in moribus. Prior omnes illos actus continet, qui necessarij sunt usque ad postremam medij electionem, qui sunt *voluntas, intentio, consilium, consensus, electio*. Duo priores circa finem: posteriores circa medium eo quo munerati sunt ordine versantur. Stabilita autem electione, progreditur voluntas ad liberam executionem, et sic est secundus ordo, in quo duo tantum actus numerantur: *imperium* et *usus*; quibus actibus *fructus* additur; quae non est operatio ad finem vel appetendum vel assequendum ordinata, sed fine potius comparato, ipsa subsequitur ». Suarez D. 6. initio.

13. *Voluntas* seu *simplex volitio* primus voluntatis actus est, qui est quasi prima inclinatio voluntatis in obiectum propositum, tanquam *per se* amabile, sine ullo ordine ad aliud. Ex quo patet hunc actum circa finem versari: solus enim finis per se amabilis est. Sed tendentiam in finem non includit, sistendo tantum in amore et complacentia illius boni, et ideo *simplex volitio*, seu *amor* et *complacentia* est, adhuc inefficax. Suarez D. 6. S. 1., S. Th. 1. 2. q. 8. a. 1. 2.

14. *Intentio* est libera vel perfecte voluntaria tendentia in bonum, ut illud assequamur. Quare intentio tendentia voluntatis est in aliquem finem per debita media obtinendum. Desiderium in rem amatum est, et de se deside-

rium efficax est. Etenim desiderium generali significatione quaecumque appetitionem obtinendi boni, quo aliquis caret, significat: et non solum ad appetitionem efficacis voluntatis, sed etiam ad imperfectas volitiones, vel velleitates rerum etiam impossibilem sese extendit. Intentio vel virtute vel expresse appetitio etiam est mediorum in communi. Ratio, quia intentio est efficax voluntas obtinendi finem. Atqui velle finem, absolute ut sic consequendum, est virtute velle exequi omnia media necessaria ad finem. Insuper potest quis hunc actum explicito elicere volo adhibere omnia media necessaria ad finem, qui actus est intentio, quia antecedit omnem consultationem de mediis et electionem, et principium est consilii vel electionis. Dicitur autem *in communi* non *in particulari*, hac enim ratione ab electione distinguitur. Suarez l. c. S. 2., S. Th. 1. 2. q. 8. a. 2., q. 12. a. 4.

15. *An possit quis plura simul intendere, et si plura impossibilia intenduntur, quoniam intentio praevaleat?* — R. ad 1.<sup>am</sup> Affirm. Etenim vel illa sunt ordinata ad invicem vel non. « Si quidem ad invicem fuerint ordinata, manifestum est quod homo potest simul multa intendere. Est enim intentio non solum finis ultimi, sed etiam finis medii: simul autem intendit aliquis et finem proximum et ultimum, sicut confectionem medicinae et sanitatem. Si autem accipiantur duo ad invicem non ordinata, sic etiam simul homo potest plura intendere, quod patet ex hoc, quod homo unum alteri praeeligit: quia melius est altero. Inter alias autem conditiones, quibus aliquid est melius altero una est, quod ad plura valet. Unde potest aliquid praeeligi alteri ex hoc, quod ad plura valet, et sic manifeste homo simul plura intendit ». S. Th. 1. 2. q. 12. a. 3. — R. ad 2.<sup>am</sup> 1.<sup>a</sup> Si voluntates istae sint simul, praevalens praedominans, nempe quae eligeretur, cognita impossibilitate. 2.<sup>a</sup> Si inter voluntates contrarias una alteri succedat, posterior praevalens priori: nam est praedominans ordine temporis, et actualitatis. Excipe: nisi prior revocaverit, saltem virtualiter, omnem voluntatem subsequentem: tunc enim prior voluntas, modo expresse non revocetur, est certe praedominans. Cf. Lugo De Sacr. D. 8. n. 121. 123., L. 1. 6. n. 24.

16. *Resolves*: Si alter a te missam petiit pro gratiarum actione, alter pro graviter aegrotato, tenendum est pro hoc fuisse applicatam, sive prior sive posterior illam petierit. Si tecum statueris: quodcumque post hoc votum emisero sine licentia confessarii, illud valere nolo: et postea voveris aliquid confessario inconsulto, non valet, modo ea voluntas non retractetur expresse vel virtualiter, scilicet si memor primi voti secundum emitteres, e. g. in naufragio, in incendio, etc. Si quis matrimonium contraheret, *intendens* illud esse solubile, tali animo, quod si sciret esse indissolubile non contraheret, matrimonium nullum est: nam indissolubilitas essentialis proprietatis est matrimonii christiani. Valide vero contraheret, si per errorem tantum putaret matrimonium esse dissolubile, quia error privatus non aufert ei intentionem contrahendi modo quo debet. Cf. L. 1. 3. nn. 210. 700. l. 6. n. 24., Elbel 130.

17. *Electio* est actus voluntatis, quo voluntas fertur in medium particulare, ut medium, seu ut bonum utile, efficax nempe volitio est alicuius particularis rei, quae *propter aliud* amatur. Electio igitur praecedit ex intentione efficiendi finis, cuiusque obiectum est bonum utile ut sic, et nobis possibile, et virtualiter saltem ipsius finis volitionem continet. Electio item intra eadem suam naturam retinet, quamvis non contingat fieri inter plura, cum illud medium sit unum tantum. Nam actus specificatur a proprio obiecto, et item obiectum nunciet electionis, nempe medium ad finem, sive sit unicum medium, nec continetur cum aliis. Electio est ad modum *desiderii*, quia est de modo ut exequendo et executionem praecedit; et ideo de re absente est. Electio voluntatis *propositum* est. Propositum est voluntatis actus, quo quis aliquid se facturum constituit. S. Th. 1. 2. q. 13., Suarez D. 8. S. 1. 2.



18. *Consensus* tribui potest cuicumque actui libero voluntatis acceptantis bonum intellectu propositum, quo modo peccatum dicitur perici consensu; et sic non est specialis actus, et non solum circa, media verum etiam circa finem versatur. Verum prout specialis actus est, circa medium versatur, et actus specie distinctus non est ab electione, sed tantum ratione ex diversis respectibus. « Nam quatenus voluntas vult, quod intellectus indicat esse utile, dicitur consensus; quatenus vero illud praefert vel aliis mediis, utilibus, vel certe aliis rebus inutilibus non conducentibus ad finem dicitur electio ». Suarez D. 8. S. 2., S. Th. 1. 2. q. 15.

19. *Consilium* proprie est actus intellectus duo includens, inquisitionem et inventionem mediorum ac iudicium. Consilium ergo non unum sed plures actus intellectus involvit. Illa enim inquisitio non fit sine discursu et consideratione plurium rerum. Verum consilium aliquando significat solum inquisitionem, aliquando solum iudicium, quamvis ex discursu non procedat, interdum utrumque complectitur. Consilium hoc ultimo sensu frequenter quidem electionem praecedat, non tamen semper. Nam quando electio fit inter multa, quod saepius accidit, oportet omnia illa esse inventa, proposita, discussa, et iudicata per intellectum. Verum ubi agatur de rebus minimis, vel de rebus per se determinatis, vel per se notis, non est tunc formale consilium. S. Th. 1. 2. q. 14., Suarez D. 8. S. 5.

20. *Usus* alius est activus, alius passivus. Primus est actus elicited a voluntate, quo movet caeteras potentias ad operandum. Alter est actus potentiae exequentis procedens ab usu activo. Usus proprie est de mediis, nam usus significat quendam motum voluntatis ad realiter consequendam rem volitam seu finem. Usus distinguitur re ab electione, cum prius fiat consilium, et electio de medio secundum se, quam tractetur de executione; minime vero ab electione re distinguitur, cum intellectus subito determinat medium et circumstantias omnes, et voluntas in eodem instanti in quo eligit medium, eligit etiam circumstantiam actualis executionis: ex vi enim talis electionis sequitur actio potentiae exequentis. *Usus* et *electio* actus inter se specificè distincti non sunt, quia tendunt in obiectum sub eadem ratione boni, nempe ut est utile ad consequendum finem. S. Th. 1. 2. q. 16., Suarez D. 9. S. 1. 2.

21. *Imperium*, de quo hic agitur, imperium est quo quis sibi imperat, non quo imperat aliis. Dupliciter homo potest sibi imperare 1.<sup>o</sup> quasi in in actu exercito, dum se movet ad aliquid agendum, 2.<sup>o</sup> in actu signato expresse actum imperii eliciendo, *fac hoc*. Huiusmodi imperium est partim actus voluntatis partim est actus intellectus, quia imperare est movere ad agendum « primum autem movens in viribus animae ad exercitium actus est voluntas ». S. Th. 1. 2. q. 17. a. 1. Verum imperare non est movere quomodocumque, sed movere quasi imponendo legem: intellectus autem est qui imponit legem voluntati quoniam iudicat de agendis. Iam age quaeritur hic quinam sit hic actus intellectus et voluntatis, qui imperium adaequate constituit. Ad actum intellectus quod spectat nota. 1.<sup>o</sup> Ante voluntatem et intentionem praecedat iudicium practicum intellectus, quo quis iudicat non solum rem esse in se bonam, sed etiam sibi convenientem, et expedire illam amare. Iudicium hoc aliqualem continent rationem imperii. « Imperans enim ordinat eum cui imperat ad aliquid agendum, intimando vel denuntiando ». S. Th. 1. 2. q. 17. a. 1. 2.<sup>o</sup> ante electionem et consensum iudicium item practicum antecedit sive sit per modum formalis consilii, sive non, medium aptum ad finem uti eligibile proponens, et huiusmodi iudicium aliqualem etiam rationem imperii continet, cum etiam suo modo moveat denuntiando et intimando. 3.<sup>o</sup> Post electionem illam, quae tempore praecedat usum activum, iudicium aliud praecedat magis practicum, in hoc distinctum a iudicio quod praecedat electionem, quod magis immediate attingat opus et omnes determinatas circumstantias necessarias ad operis

executionem. Ratio est, quia ante omnem actum voluntatis debet antecedere iudicium intellectus illi consentaneum a quo dirigatur et illuminetur: sed usus activus est actus voluntatis, qui aliquid addit electioni iam factae. Ergo iudicium hoc magis adhuc rationem imperii participat, vehementius enim movet voluntatem denuntiando et intimando, non tam virtute sua quam virtute electionis iam factae. Ordinatur enim prorsus ad executionem operis, et magis inclinat ad vincendam difficultatem operis, quae tempore executionis maior semper apparet, quam in consultatione et electione abstracta. 4. Praeter haec iudicia practica reperitur in nobis aliud iudicium, quod experimur cum nobiscum interne ita loquimur: fac hoc: et explicitè exprimit voluntatis actum efficacem eliciendum operis exequendi. Hoc iudicium, illud est quod proprie imperium constituit. Iudicium hoc non est per se necessarium ad opus: est tamen utilis actus, ut voluntas ipsa et totus homo magis moveatur, vel ut citius aggrediatur executionem, vel ut constantius in ea perseveret, quia dum homo sibi ita imperat, quasi supra seipsum reflectitur, et fit sibi superior, et quia uti locutio externa quoad alios, ita locutio interna quoad seipsum vim habet movendi et incitandi animum. Ad actum voluntatis quod attinet notandum est. 1. quod hoc imperium si efficax est et verum absolutam voluntatem supponit: nam si fiat sine ulla voluntate est fictum et tantum verba: si vero voluntas, quae antecedit, sit inefficax, ipsum etiam inefficax erit. Et ratio est quia tota efficacia movendi est a voluntate. Huiusmodi ergo voluntas rationem illius imperii complet. 2. Ipse usus activus voluntatis rationem aliquam imperii habet, et saepe imperium dicitur. Id constat ex S. Th. 1. 2. q. 71. a. 6. ad 2. et 2. 2. q. 4. a. 2. ad 2., quibus in locis dicit voluntatis esse imperare caeteris potentis, etiam intellectui. Et eodem modo, uti dictum est, unus actus voluntatis imperatur ab alio actu eiusdem voluntatis. Et ratio huius locutionis est, quia imperare est habentis dominium: voluntas vero est, quae quasi habet dominium omnium actionum humanarum. S. Th. 1. 2. q. 17., Suarez D. 9. S. 3.

22. *Fruitio* quoad nomen est capere fructum a re. Quoad rem ipsam, est quies quaedam voluntatis, suavitas, gaudium, delectatio, posita obiecti desiderati praesentia, eiusque possessione. *Gaudium* magis dicitur de bono *rationali*, *delectatio* de *sensili*, fruitio de utroque, eaque ad bonum *proprium* potius coarctatur, cum *gaudium* de bono *alio*, tanquam amici, etiam dicatur. Theologi morales *gaudium communiter* a delectatione distinguunt ex tempore, docentes gaudium esse rei *praeteritae*, delectationem *praesentis*. Obiectum ergo fruititionis proprie est bonum sub ratione boni delectabilis. Tum autem finis tum medium potest esse obiectum gaudii, quavis ratio gaudendi seu formale obiectum semper sit finis. Ratio 1. est, quia gaudium oritur ex consecutione boni delectabilis. Atqui ipsum medium est quoddam bonum delectabile. Et sic experimur nos delectari quando media contententia obtemus. Ergo. Ratio 2. est, quia omne bonum amatum est finis vel ratione finis. Ergo omne bonum quod delectat est finis vel ratione finis. Duplex autem distinguitur gaudium seu fruitio, perfecta et imperfecta. Nam cum sit de fine consecuto, si finis perfecte assecutus sit, fruitio est perfecta, si sit assecutus in spe quadam, potest hinc oriri aliqua fruitio, sed imperfecta, quia illa iam est aliqualis consecutio: et haec videtur illa fruitio, de qua Paulus *spe gaudentes*. Suarez D. 7. S. 2., S. Th. 1. 2. q. 11. 31.

23. *Quid voluntarium perfectum et imperfectum; voluntarium absolutum, et collectum: simpliciter et secundum quid?* — Variae hae partitiones vix sibi recipere possunt et declarari, prout consideretur in voluntario vel prout ratio voluntaria, vel ratio *liberi*, vel varium obiectum, ad quod referatur, nec magis eius statum. Breviter eas sequentibus numeris explicabimus, secundum varias quas habent acceptiones.



24. *Ratione voluntarii, seu inclinationis* voluntatis, voluntarium aliud est *simpliciter tale*, seu *perfectum*, aliud *tale secundum quid* seu *imperfectum*. Primum illud est, quod a voluntate, plena inclinatione, eiusdem voluntatis, absque ulla repugnantia, proreeditur. Secundum est illud, quod procedit quidem a voluntate consentiente, sed non sine aliqua eiusdem rationalis voluntatis repugnantia, ita ut *volitio acta* quidem sit, sed admixta *volitioni conditionatae* obiecti. Sic nauta, naufragii periculo urgente, *acta vult et deliberati vult* merces proicere, quas tamen, deliberata etiam voluntate servare *vellet*, si naufragium non immineret, unde non sine voluntatis deliberata repugnantia, sed *inefficaci*, eas proicere absolute consentit. S. Th. 1. 2. q. 6. a. 6. ad 3., a. 7. ad 2., S. q. 47. a. 1.

25. Voluntarium aliud est absolutum et simpliciter, aliud quod est velleitas, et secundum quid, *ratione ipsius obiecti*, ad quod voluntas tendit, prout nempe absolute consideratur, prout reapse est, secundum omnes sui circumstantias, vel tantum prout in se est praecisione facta a circumstantiis. Ad rem A. D. 1. p. q. 19. a. 6. ad 1. « Unumquodque secundum quod bonum est, sic est volitum a Deo. Aliquid autem potest esse in *prima* sui consideratione, secundum quod absolute consideratur, bonum vel malum, quod tamen prout cum aliquo adiuncto consideratur, quae est *consequens* consideratio eius e contrario se habet. Sicut hominem vivere est bonum et hominem occidi est malum, secundum absolutam considerationem: sed si addatur circa aliquem hominem, quod sit homicida, vel vivens in periculum multitudinis, sic bonum est eum occidi et malum est eum vivere: unde potest dici, quod iudex iustus antecederet vult hominem vivere, sed consequenter vult homicidam suspendi. Similiter Deus antecederet vult omnem hominem salvari, sed consequenter vult quosdam damnari secundum exigentiam suae iustitiae. Neque tamen id quod antecederet volumus, *simpliciter* volumus, sed *secundum quid*: quia voluntas comparatur ad res, secundum quod in seipsis sunt, in seipsis autem sunt in particulari. Unde simpliciter volumus aliquid, secundum quod volumus illud, consideratis omnibus circumstantiis particularibus, quod est consequenter velle. Unde potest dici, quod iudex iustus simpliciter vult homicidam suspendi, sed secundum quid vellet eum vivere, scilicet in quantum est homo. Unde magis potest dici velleitas, quam absoluta voluntas. Et sic patet, quod quidquid Deus simpliciter vult, fit, licet illud, quod antecederet vult, non fiat ».

26. Si voluntarium consideratur in *ratione liberi* et secundum *varium deliberationis gradum*, voluntarium, aliud est *perfectum*, et est illud, quod a voluntate procedit cum perfecta cognitione et plena deliberatione: aliud est *imperfectum*, et illud est, quod a voluntate procedit cum cognitione imperfecta et semiplena deliberatione. Tales sunt actiones hominis semiebrii, semidormientis. Cf. Suarez D. 1. 3. 4.

27. Voluntarium iterum, *ratione deliberationis*, aliud est voluntarium *absolutum* et *simpliciter*, aliud voluntarium *secundum quid*, quod *velleitas* etiam nuncupatur. Et sic, stante tentatione peccati in voluntate, qua tamen quis deliberate peccato resistit, voluntas, *ut natura*, seu secundum quid, vult peccatum: sed tamen eadem voluntas, *ut rationis voluntas*, absolute et simpliciter peccatum detestatur. Apposite S. Thomas 3. p. q. 21. a. 4., ubi rationem simul reddit huius partitionis: « Voluntas simpliciter hominis est rationis voluntas. Hoc enim *absolute* voluntas, quod secundum *deliberatam rationem* volumus. Illud autem, quod volumus secundum motum sensualitatis, vel etiam secundum motum voluntatis simplicis, quae consideratur ut natura, *non simpliciter* volumus, sed *secundum quid*, scilicet si aliud non obsistat, quod per deliberationem rationis invenitur. Unde talis voluntas magis est dicenda *velleitas*, quam *absoluta voluntas*: quia scilicet homo hoc vellet, si aliud non obsisteret ».

28. Voluntarium ratione suae *perfectionis* aliud est voluntarium *abso-*

*lutum, efficax, perfectum, seu completum, ut dicitur a S. Thoma, aliud est voluntarium, quod iterum velleitas appellatur, simplicis complacentiae, seu imperfectum et incompletum, ut dicitur ab eodem S. D. Primum est illud, quod usque ad consecutionem rei se extendit, rem et media ad eam volendo. Alterum illud est, quod usque ad rei consecutionem non progreditur, sed in eius sistit simplici complacentia. Sic huius partitionis rationem assignat A. D. 1. 2. q. 13. a. 5. ad 1. « Dicendum quod voluntas media est inter intellectum et exteriorem operationem. Nam intellectus proponit voluntati suum obiectum, et ipsa voluntas causat exteriorem operationem. Sic igitur principium motus voluntatis consideratur ex parte intellectus, qui apprehendit aliquid ut bonum in universali. Sed terminatio seu perfectio actus voluntatis attenditur secundum ordinem ad operationem, per quam aliquis tendit ad consecutionem rei: nam motus voluntatis est ab anima ad rem; et ideo perfectio actus voluntatis attenditur secundum hoc, quod est aliquid bonum alicui ad agendum. Hoc autem est possibile. Et ideo voluntas completa non est nisi de possibili, quod est bonum volenti. Sed voluntas incompleta est de impossibili, quae secundum quosdam velleitas dicitur: quia scilicet aliquis vellet illud, si esset possibile ». Et sic infirmus sanitatem sperans, sanitatem vult voluntate completa: habet enim voluntatem absolutam et efficacem sanitatis, volendo simul media sanitatem inducentia. Infirmus de sanitate desperans, unde negligit media ad illam recuperandam necessaria adhibere, sanitatem vult voluntate incompleta; habet enim simplicem tantum complacentiam, seu velleitatem sanitatis cum media simul non velit sanitatem inducentia. Voluntas completa et incompleta non sic est ergo accipienda, quasi voluntas incompleta sit velle non deliberatum, aut non capax meriti et demeriti, aut quasi voluntas incompleta sit velle semideliberatum. Potest enim quis deliberare et plena deliberatione velle expellere Deum de regno suo si posset, et similia, ubi constat inveniri peccatum et peccatum grave. Sed completio et incompletio voluntatis accipienda est secundum ordinem voluntatis ad operationem, secundum modum nempe motus voluntatis ad rem. Hinc ex eo quod voluntatis motus est ad rem, media operatione exteriori, assequendam, disponendam, etc., perfectus non est perfectione apta nata inveniri in genere motus voluntatis, nisi terminetur ad bonum agibile, quamvis perfectus sit quoad consensum, deliberationem, et alia huiusmodi. Et sic peccator et magnus peccator, qui vult ad Deum converti, et ideo poenitentiam agere vult, voluntatem habet completam. Caietan. in l. c. Et q. 20. a. 4. A. D. inquit: « Si loquamur de bonitate actus exterioris, quam habet (actus exterior) secundum materiam et debitas circumstantias, sic comparatur ad voluntatem ut terminus et finis, et hoc modo addit ad bonitatem vel malitiam voluntatis, quia omnis inclinatio, vel motus perficitur in hoc, quod consequitur finem vel attingit terminum: unde non est perfecta voluntas, nisi sit talis, quae opportunitate data operetur. Si vero possibilitas desit, voluntate existente perfecta, ut querantur, si posset, defectus perfectionis, quae est ex actu exteriori est simpliciter involuntarius ». Voluntas ergo potest dici et esse completa dupliciter. Uno modo secundum illam habitudinem, qua volitum est in voluntate. Alio modo secundum illam, qua voluntas tendit in realem assecutionem voliti. Iuxta primum modum significatur perfectio voluntatis per hoc, quod est velle perfecte; iuxta secundum vero per hoc, quod est habere perfectum, seu assequi et possidere rem volitam. Unde voluntas parata operari si posset, est perfecta voluntas, quia perfecte vult, et hoc spectat ad primam habitudinis perfectionem, et est imperfecta simpliciter, quia non pervenit ad rem quod recte habere, assequatur et possideat id quod vult, et quod nata est habere. Omnis enim motus deficiens a termino est imperfectus per privationem in assecutione termini consistentis. Et cum prima perfectio sit alterius rationis a secunda, et tota latitudo primae comparatur ad secundam, ut imperfectum ad perfectum, consequens est, quod*



quantumcumque crescat, et intensissimus sit interior actus voluntatis, solus nunquam perveniet ad hoc, quod sit perfectus simpliciter, sine assecutione exterioris. Propter quod Salvator dixit Jo. 15. *Maiorem caritatem nemo habet, quam ut animam suam ponat quis pro amicis suis; ponat dixit, non velit ponere.* Caetan. in l. c.

29. *Quid voluntarium directum et indirectum, in se et in causa, positivum negativum?* — Voluntarium, ratione actus voluntatis, quo a voluntate procedit, aliud est *directum* aliud *indirectum*. Directum a voluntate agente est. Indirectum a voluntate est non agente, non probante, quae nempe prohibere debeat et possit. Etenim « non semper id quod sequitur ad defectum actionis reducitur, sicut in causam, in agens, ex eo quod non agit, sed solum tunc cum potest et debet agere. Si enim gubernator non posset navem dirigere, vel non esset ei commissa gubernatio navis, non imputaretur ei navis submersio, quae per absentiam gubernatoris contingeret. Quia igitur voluntas volendo et agendo potest impedire hoc quod est, non velle et non agere, et aliquando debet; hoc quod est non velle et non agere imputatur ei, quasi ab ipsa existens ». S. Th. 1. 2. q. 6. a. 3.

30. Voluntarium *ratione obiecti*, quod immediate voluntatis actum terminat, aliud est *voluntarium in se*, aliud *voluntarium in causa*. Primum habetur, quando quis aliquid *immediate in se vult*: secundum vero, quando quis *vult causam*, ex qua *praevidet aliquem effectum secuturum*; hunc enim tunc *in se* non vult, sed *in alio*, scilicet in eius *causa*. Dicitur *praevidet*, h. e. mere *praevidet*: nam si praeterea velit, iam erit ille effectus *directe et in se volitus et voluntarius*, et non tantum *in causa*. Hinc autem consequitur, quod ille effectus, non erit amplius volitus et voluntarius tamquam effectus: neque item eius *causa* volita et voluntaria erit tanquam *causa*: sed effectus tunc respectu voluntatis rationem habebit *finis*, et causa rationem *medii*. Illud enim quod quis vult *propter se* habet rationem *finis*, quod quis vult *propter aliud* rationem *medii*. Neque vero valet obicere quod si effectus mere *praevideatur*, et in illum voluntas suo actu non feratur, iam ille effectus est *prae intentionem*, et nullo modo neque in causa voluntarius esse potest. Etenim quia voluntas *non volendo causam potest impedire effectum*, et aliquando *debet*, imputatur ei effectus, qui consequenter cum non sit volitus *in se*, volitus erit in causa. S. Th. q. 6. a. 3., q. 71. a. 5. Et sic mala operis contra proximum commissa in ebrietate voluntaria sunt in causa illi, qui voluntarie inebriatus est, ea mala praevideus ex praevia experientia, quamvis eadem mala neque vellet neque intenderet. Cf. n. seq. et Suarez D. 1. S. 4.

31. Voluntarium *in se*, et voluntarium *in causa* theologi plures a voluntario *directo* et *indirecto* omnino distinguunt. Et sic Suarez « voluntarium *in se*, ait, satis clarum est, tunc enim aliquid dicitur *in se voluntarium*, quando in se est volitum, ita ut voluntas immediate versetur circa illud, vel per *actum proprium*, si sit voluntarium *directum*, vel per *carentiam actus* si sit voluntarium *indirectum* ». D. 1. S. 4. Item S. Thomas q. 77. a. 7. « Duo, ait consideranda videntur. Primo quidem, quod aliquid potest esse voluntarium, vel secundum se, sicut quando voluntas *directe in ipsum fertur*; vel secundum suam causam, quando voluntas *fertur in causam*, et non in effectum; ut patet in eo, qui voluntarie inebriatur. Ex hoc enim quasi voluntarium ei imputatur quod per ebrietatem committit. Secundo considerandum est, quod aliquid dicitur voluntarium *directe* vel *indirecte*. *Directe* quidem id, in quod voluntas fertur, *indirectum* autem illud, quod voluntas potuit prohibere, sed non prohibet ». Alii vero voluntarium *in se* et *in causa* appellant voluntarium *directum* et *indirectum*, et istud alia partitione exprimunt, nempe voluntarii *positivi* et *negativi*, de qua statim dicemus. Cf. Gur. Ball. n. 5., Suarez l. c. — Porro, comparatione instituta inter utramque partitionem voluntarii *in se* et *in causa*, et voluntarii

*directi et indirecti*, et in doctrina Angelici Doctoris insistendo, dicendum est, voluntarium *directum* complecti sub se tum voluntarium *in se* tum voluntarium *in causa*: nam voluntarium *directum* dicitur ab A. D. « quod procedit a voluntate *sicut ab agente*, » q. 6. a. 3. ad 1. Atqui tum voluntarium *in se*, tum voluntarium *in causa*, a voluntate procedit *in quantum est agens et volens*. — Voluntarium autem *indirectum*, tum ad voluntarium *in se*, tum ad voluntarium *in causa* reduci potest. Voluntarium *indirectum* dicitur ab eodem S. D. « quod est a voluntate, *sicut a non agente* ». l. e. Atqui tum voluntarium *in se* tum voluntarium *in causa* includit voluntatem *agentem et volentem*. E. voluntarium *indirecte*, neque proprie est voluntarium *in se*, neque item proprie est voluntarium *in causa*. Ad utrumque tamen reduci potest: nam voluntarium *indirecte*, aut dicitur tantum de actu interiori voluntatis, aut etiam de actu exteriori. Si primum, cum *non velle* immediate sit a voluntate, voluntarium *in se* dici potest: si secundum, cum externe *non agere*, sit quasi obiectum externe compens illud *non velle*, ut illud est aliquo modo voluntarium *in se*, ita et istud, siquidem unus quasi constituitur complete *non actus*, e. g. *non velle* audire missam, et *non audire missam* de facto, ex utraque carentia actus interioris et exterioris, ut unus constituitur complete *actus* ex actu interno et externo, *vult* audire missam et *audiendi* missam. Iam vero, ut ex actus positione tanquam *causa*, *effectus* aliquis sequi potest, ita actus omissionem alius actus sequi potest, qui quamvis proprie non sit *effectus* illius omissionis, ut illa ommissio proprie *causa* non est sequentis actus, cum *non agere* proprie causa esse non possit, ut effectus tamen considerari potest: et sic voluntarius dici potest *in causa*, et sic e. g. navigantium mors *indirecte* voluntaria, est, sensu dicto, voluntaria *in causa* gubernatori navis desistenti a gubernando.

32. *Quid requiratur, ut effectus, pravi secutus, in causa vel indirecte tantum voluntarius, voluntati imputabilis sit ad culpam?* — Requiruntur seqq. conditiones: 1.<sup>o</sup> ut qui ponit vel omittit causam advertat saltem in confuso, talem effectum ex causa illa secuturum esse; quia nihil volitum, quin aliquo modo sit praeognitum: 2.<sup>o</sup> ut agens talem causam impedire possit, quia ad impossibilia nulla datur obligatio: 3.<sup>o</sup> ut agens teneatur causam illam auferre vel omittere; quia prosequenti ius suum non imputatur effectus *praeter intentionem* secutus; tunc enim agens reapse non *vult effectum*, sed *vult permissionem* effectus. S. Th. 1. 2. q. 6. a. 3.

33. *Quandonam teneatur quis causam removere, ratione pravi effectus secuturi?* — 1.<sup>o</sup> Tenetur quando ea *per se, directe et primario non nisi effectum pravi* producit. Tunc enim causa *in se* prava est. Dicitur *per se directe et primario non nisi effectum pravi* producit: nam non ideo teneretur quis causam removere, si effectus pravi sequeretur mere *per accidens*, tunc enim non ideo causa *in se* esset mala, vel si *per se, directe et primario* producit bonum effectum, et non nisi hoc mediante pravi sequitur effectus. Nam causa secundum moralem aestimationem diiudicatur ex eius effectum *per se, directo et primario*, adeoque ea *in se* tunc est simpliciter *honestas*. Quare tunc quis non vellet malum, sed vellet bonum, et malum tantum permitteret. Itemque non ideo teneretur quis causam removere, quia *aeque directe et primario*, quasi parallela ratione, in bonum et pravi influit effectum. Tunc enim causa *in se* secundum moralem aestimationem *indifferens* est, et *honestas*, prout *subest intentioni agentis*: effectus enim pravi non *intenditur*, sed *permittitur*. Cf. S. Th. 1. 2. q. 73. a. 8. 2. 2. q. 64. a. 7. — 2.<sup>o</sup> Tenetur item quis causam removere ratione pravi effectus secuturi, quando licet causa *in se* honesta vel indifferens sit, effectum tamen quis impedire tenetur *ex iustitia*, vel *ex caritate*, vel *ex praecepto*, quod adimplendum urget, puta si quis vellet ludere recreationis gratia, dum ultima missa die dominica mox celebrabitur, ita ut eam consequenter omittat ex distractione. Cf. L. 1. l. n. 152. « Qui enim ad legem obligatur, is obli-



getur necesse est ad procuranda media *ordinaria*, *proximeque* ex rei ipsius natura necessaria ad legem observandam.... *Ordinaria* inquam: neque enim leges humanae ad *extraordinaria* nimiumque difficilia compellunt ». Ithur. Cas. 32. n. 4. Hinc « ratio reddi potest, quia ratione praecepti illa causa et effectus ex ea secuti, quamvis physice tantum *per accidens* connectantur, nec unum sit causa alterius: tamen moraliter censentur habere rationem unius obiecti disconvenientis, seu evitandi a voluntate, et ideo voluntas unius censetur virtualis voluntas alterius ». Suarez D. 1. S. 4. 5. — 3.<sup>o</sup> tandem tenetur quis causam removere ratione pravi effectus secuturi, quando licet causa in se honesta vel indifferens sit, nulla tamen adest ex parte agentis proportionata necessitas, utilitas, decentia: deest enim tunc honestus operantis finis. Praeterea velle tunc talem causam pravam affectum saepe ostendit directe erga malum illum effectum secuturum: vel saltem proximum periculum est saepe huiusmodi pravae affectionis. — Eo ergo maior ratio requiritur ad agendum in praecedenti casu, quo propinquius causa malum effectum attingit, quo probabilior est malus effectus, quo minus iuris ad actionem in se spectatam habetur, quo gravior ipse effectus est.

34. *An effectus secutus, graviter pravius, indirecte vel in causa tantum voluntarius, imputabilis sit semper ad gravem culpam, ita ut contrahat quis gravem malitiam propriam illius effectus, si causam quis illicite ponat absque ulla sufficienti ratione?* — R. 1.<sup>a</sup> Affirm., si illa causa *per se* graviter influat in effectum. Ratio est, quia si causa *per se* influat graviter in effectum, gravis ex effectu malitia in causam redundat. Quare gravem quis contrahit malitiam propriam ipsius effectus, eius causam volens, sine ulla ratione sufficienti. Insuper, practice saltem loquendo, qui vult causam *per se* graviter influentem in effectum, graviter pravam, absque ulla ratione sufficienti, reapse vult directe gravem istius effectus malitiam, neque hanc mere tantum permittit: cum causa et effectus sint inseparabiliter, quantum est ex ipsa natura rei, inter se connexi, neque alia adsit honesta ratio causam ponendi propter alium honestum effectum, uti supponitur. — 2.<sup>a</sup> Negat., si illa causa non nisi leviter *per se* influat in illum effectum. Ratio est, quia cum causa *per se* non nisi levem influxum habeat in eum effectum graviter pravam, huiusmodi causa non est *per se* sufficiens ad positionem effectus, adeoque quantum ex natura rei est inseparabiliter inter se connexi non sunt. Ergo non ideo, quia quis vult causam vult etiam effectum, sed vult tantum *permissionem* effectus, si forte sequatur: adeoque non contrahit gravem malitiam propriam effectus. Cum vero malitia effectus in causam redundet ratione influxus, quam ista habet in effectum, ubi influxus sit levis non nisi levis malitia est, et consequenter, seclusa semper directa intentione effectus graviter pravi, causam qui volens, in talem effectum non nisi leviter influentem, quamvis non peccabit graviter, peccabit tamen leviter. Et haec est propria ratio, cur quamvis non detur in re venerea parvitas materiae detur tamen in illis actibus merae sensualitatis, uti sunt adspetus, ex causa merae curiositatis, rerum minus honestarum, seclusa iterum intentione rei ipsius venereae, uti habet communissima theologorum sententia. — 3.<sup>a</sup> Negat. iterum, si causa nullo modo *per se* influat in pravam illum effectum, sed effectus sequatur *mere per accidens*. Ratio est, quia cum effectus non nisi *per accidens* sequatur nulla adest, quantum est ex natura rei connexio inter causam et effectum. Ergo non ideo quia quis vult causam, vult etiam effectum, sed vult tantum *permissionem* effectus, si forte sequatur. Cum autem effectus malitia nullo pacto in causam redundet, nam effectus ex ea causa non sequitur *per se* sed *mere per accidens* causam quis volens, seclusa omni pravi effectus intentione, huius nullam contrahit malitiam, neque gravem, neque levem, licet aliunde forte graviter etiam peccet. Et sic si quis pollutionem praevideat ex aliquo potus vel cibi excessu, quin eam velit et intendat peccabit leviter vel forte etiam graviter ratione illius

excessus, minime vero peccabit ratione pollutionis, cum hic effectus non sit volutus, sed praeter et contra intentionem accidat, causa vero sit extra genus luxuriae. Neque vero tenetur quis removere omnes causas *per accidens* tantum influentes in aliquem pravam effectum ratione tantum ipsius pravi effectus: ac nullo etiam modo tenetur ab ea causa ponenda abstinere, si huiusmodi causae ponendae rationabile adsit motivum. — Suaresius D. I. S. 4., S. Th. 3. p. q. 30. a. 7., L. I. 3. n. 484., Salm. Tr. 26. C. 7. n. 41.

35. *Quandonam effectus volutus in causa imputetur?* — Imputatur, *per se loquendo*, tunc primum, quum quis causam posuit, vel ex quo potuerit et debuerit impedire, si illum animadverterit post causam positam. « Ratio est, quia libera volitio, aut non impeditio effectus mali est formaliter mala, non vero existentia physica effectus, adeoque peccatum formale committitur, quando habetur huiusmodi perversa volitio, aut nolitio.... sic igitur qui alteri e. g. porrexit venenum.... non peccat quando sequitur mors alterius.... sed quando libere posuit huius effectus causam ». Struggl. q. 1. art. 3. n. 32., L. I. 5. n. 10. Dicitur *per se loquendo*, nam si huiusmodi effectum usque ad ipsius executionem quis potest impedire, et non impediat, aut in eius futuritione aut existentia sibi complaceat, in sua mente continuat peccatum, cuius causam prius libere et culpabiliter posuit. Struggl. l. c.

36. *Nota:* Cum causa *qua talis*, malitiam specificam effectus participet, non vero diversam, sufficit malitiam tantum effectus in confessione accusare, vel si causa *in se ipsa* aliam habeat specialem malitiam sufficit seorsim utramque dicere. Et sic, si ob lusum omisisti sacrum, sufficit accusare hanc omissionem; si ob furtum sacrum item omisisti, potes tunc seorsim furtum et omissionem sacri accusare. L. I. 5. n. 9., Lugo de Poen. D. 15. n. 479.

37. *Resolves:* 1.º « Si causa pollutionis est in ipsam *graviter influens*, et homo non abstinet a causa seu actione illa ponenda; patet quod pollutio imputatur ad peccatum, *etiamsi non fuerit intenta*, modo saltem in confuso sit praevisa. *Huiusmodi* autem *causae* sunt procul dubio omnes illae, quae *per se sunt graves culpae in genere luxuriae*, nempe tactus vel aspectus pudendorum alieni aut proprii corporis cum delectatione turpi ac deliberata; aspectus concubitus humani et cogitationes morosae de rebus venereis. Omnes ergo pollutiones *ex his causis* provenientes certe sunt mortalia. Ita S. Th. 2. 2. q. 154. a. 5., et alii communiter. Et tunc actus ille turpis qui est causa pollutionis habet *specialem malitiam* contra naturam, ut ait Sanchez. De Matr. l. 9. D. 45. n. 23., et consentiunt omnes ». L. I. 3. n. 482. *Specialem malitiam*, nempe effectus seu pollutionis, quae peccatum est contra naturam, praeter malitiam propriam, quae in delectatione consistit ex turpi obiecto excitata. Cf. Salmant. Theol. Schol. Tr. 13. D. 10. n. 274. *Graviter influens*, quare si causa sive ratione sui, sine ratione dispositionis subiecti *graviter* non influit, gravis abest culpa ratione pollutionis forte securitatur; siquidem tunc praeter intentionem et per accidens sequitur. Salmant. Theol. Mor. Tr. 26. C. 7. n. 41. *Per se sunt graves culpae*, « sententia communis et probabilior docet pollutionem non esse mortalem (nempe in causa, nisi proveniat ex causa *per se mortali* in genere luxuriae... Ratio, quia cum pollutio non sit voluta nisi in causa, eo gradu mala erit, quo mala est ipsa causa ». L. I. 3. n. 484. *In genere luxuriae*, unde « inferitur non esse mortalem pollutionem, quae praeter intentionem accidit ex causis illicitis adhuc mortaliter in alio genere, quam luxuriae, puta ex ebrietate, vel ex comestione, nimis immoderata aut die vetito ». L. I. 3. n. 484.

2.º « Si quis facturus rem aliquam necessariam vel licitam et honestam, praevidet naturaliter securitatur pollutionem, idque multo magis valet de distillatione, quam tamen ille nullo modo velit nec intendat; tunc, modo absit periculum consensus in delectationem, non tenetur abstinere a tali actione: quia prosequenti ius suum non imputatur effectus *per accidens*



et *præter intentionem* sequutus. Hinc, non obstante pollutione, licet audire confessiones mulierum, studere casibus conscientiae, tangere se ex necessitate, feminas caute et ex necessitate osculari, amplecti iuxta morem patriæ, si alioquin incivilis habendus esset ». L. l. 3. n. 481. « Licet alicui, qui magnum pruritus potitur in verendis, illum tactu abigere, etiamsi pollutio sequatur ». L. l. 3. n. 483. Ratio est, quia hi actus *vel per se leviter* tantum influunt, vel quamvis *per se graviter influant*, cum tamen non fiant ex turpi concupiscentiæ et delectationis causa, sed ex causa honesta, necessaria, utili, convenienti, iam non habent eandem vim et influxum in effectum, quæ ex illa prava voluntatis propensione graviter augetur, et e contra valde imminuitur ex voluntate alio conversa, et quantum in se est resistente. Unde pravus effectus, si sequatur potius *infirmittate naturæ* tribuitur, quam *prædictis actibus* tanquam *causæ*. Stante præterea præfato honesto fine, non tenetur quis abstinere a causa ad pravam effectum impediendum. Quando enim causa habet duos effectus, unum bonum alterum malum, potest poni ex intentione solius effectus boni, permissive se habendo ad malum. Præterea ergo ille effectus in casu vere sequitur *per accidens et præter intentionem*. L. l. 3. n. 483., S. Th. 3. p. q. 80. a. 7.

3.<sup>o</sup> « Inferitur non esse nisi venialem pollutionem, quæ oritur ex colloquio non diuturno cum puella, vel levi aspectu, aut curiosa lectione venialiter turpi; quia, ut dictum est, cum causæ istæ *leviter influant*, pollutio subsequens potius a causa naturali, quam ab illis procedit ». L. l. 3. n. 484. Si quis vero iustam causam habeat nihil peccat. L. l. 5. n. 29. Iusta causa est « quævis causa rationabilis necessitatis, utilitatis, aut convenientiæ ». L. l. 3. n. 484., l. 5. n. 29.

4.<sup>o</sup> A fortiori gravis adest culpa in illis actionibus, quæ *remote influant*, et *per accidens*, cum sint extra genus luxuriæ. Quamvis ergo prævideatur secutura pollutio, aut prava commotio licet equitare non modo necessitatis et utilitatis gratia: sed etiam causa recreationis: decumbere aliquo situ ad commodius quiescendum; cibos calidos aut potus moderate sumere, honestas ducere choreas, etc. L. l. 3. n. 483. *Gravis adest culpa*; nam an adsit culpa levis, in positione talium causarum sine iusta ratione, ob effectum secuturum, controvertitur. Negant Holzman, alique, « quia, ut dicunt, tum pollutio oritur potius ex naturæ infirmitate, quam ex causa illa, quæ non nisi per accidens, et remote ad pollutionem concurrit. Sed probabilius affirmant Sanch., Less., alique... quia sine causa rationali permittere pollutionem semper videtur aliquid indecens et deordinatum ». L. l. 3. n. 484. — Sanch. De Matr. l. 9. D. 45., Sporer De Matr. n. 644. seqq.

38. Voluntarium ratione ipsius *actus voluntatis* eiusque *efficacitatis* aliud est *actuale* seu *formale*, aliud *virtuale*, aliud *habituale*, aliud *interpretativum*. Voluntarium actuale datur, cum quis actu aliquid vult, sive velit *explicite* h. e. clare et in particulari, sive *implicite*, h. e. in confuso, voluntate nempe universali, vel quasi universali, quæ ad hoc etiam obiectum extenditur.

39. Voluntarium *virtuale* trifariam patet. Voluntarium virtuale primo est, quod perseverat in aliqua *sui virtute*, daturque quando non amplius existit ipsa explicite et clara voluntas, seu intentio finis, sed explicite tantum et clare existunt volitiones mediorum, quas ipsius finis, remissiori gradu, volitiones comitantur. Cf. Lugo de Fid. D. 1. n. 95. Sic, e. g. quando sacerdos vult celebrare missam et dein se induit, accedit ad altare, et peragit alia consueta, quin amplius habeat claram illam actualem voluntatem consecrandi, consecratio erit virtualiter voluntaria, si omnia voluntarie peragens confuse et remisse semper adest voluntas consecrandi. Voluntarium virtuale deinde est, quod perseverat in opere ipso exteriori imperato a priori actu voluntatis seu in *voluntaria executione mediorum*, quæ quis voluntarie adhibet *vi seu virtute et impulsu prioris intentionis finis*, licet de fine ne remissa

quidem volitio amplius existat. Sic virtualiter voluntaria erit itineranti suscepta peregrinatio ad sanctuarium B. Virginis, licet ad eam in itinere non amplius attendat, imo de rebus omnino diversis cogitet. Cf. Laymann l. 1. C. 2. C. 3. n. 4. S. Th. 3. p. q. 64. a. 8. ad 3. Voluntarium virtuale tertio est, quod perseverat in aliquo suo *effectu morali* sic, e. g. contractus a procuratore initus erit virtualiter voluntarius agenti principali, quod facultatem illi fecit suo nomine agendi. Dicitur perseverat in aliquo suo *effectu morali*, ut excludatur effectus mere physicus, in quem forte influit prior ille actus voluntatis, qua *physicus actus* est, puta, si habita voluntate consecrandi, deinde dormiens somniando consecres, consecratio nulla est. Non enim prior ille voluntatis actus influit in hunc effectum, qua *actus humanus*, seu moralis est; sed mere qua *physica* quaedam *actio* est. Cf. Laymann l. c., Lugo de Poenit. D. 24. S. 4.

40. Voluntarium *habituale* illud est, quod fuit sed neque *in se* est, ne remitte quidem, neque in opere *exteriori imperato*, seu in *executione mediorum*, neque in *positivo ullo effectu morali*, sed est, moraliter loquendo, in *effectu* mere *negativo*, quatenus nempe prior voluntas non fuerit retractata. Hinc huiusmodi voluntas sufficit ad morales quosdam effectus. Sic si adultus invalide baptizatus, rebaptizetur dum dormit, valet baptisma; si quis ignoranter consenserit in matrimonium nullum ob impedimentum dirimens occultum, sublato impedimento per dispensationem, etiam sine novo consensu matrimonium convalidari potest. Sic etiam « ad contrahendum, ait S. Alph. l. 3. n. 769., non sufficit voluntas interpretativa seu conditionalis, ut diximus n. 773., sed requiritur voluntas actualis, aut virtualis, aut saltem habita et non retractata iuxta dicenda l. 6. n. 324 ». Cf. Laymann l. c.

41. Voluntarium *interpretativum* est actus voluntatis, qui neque est, neque fuit, quia non adest neque adfuit cognitio obiecti, sed *esset*, si huiusmodi cognitio haberetur. Cf. Suarez D. 1. S. 4. Atque haec de voluntario in seipso considerato.

42. Si enim voluntarium consideratur prout exterius proditur *aliquo signo*, distinguitur tunc voluntas *expressa*, *tacita*, *praesumpta*, *interpretativa*. Voluntas expressa ea est, quae verbis, litteris, nutibus, vel aliquo facto exteriori exprimitur. Haec alia est *explicite* expressa, quando nempe quis signo exteriori aliquem voluntatis actum clare et explicite, seu in particulari manifestat; alia est *implicite* expressa, cum quis aliquid signo exteriori velle manifestat, cum quo aliud est connexum. Voluntas *tacita* ea est, quae silentio ipso manifestatur, puta cum superior interrogatus tacet, quando tenetur et potest loqui. Voluntas *praesumpta*, ea est, quae licet *a posteriori*, nobis non innotescat signo aliquo exteriori, vel ipso silentio; *a priori* tamen colligitur *adesse*. Adest enim causa aliqua sufficiens, ita iudicandi. Voluntas interpretativa ea est, quae cum reapse non *adfuert*, neque *adsit*, neque aliquo signo exteriori *a posteriori*, neque aliqua causa sufficiente *a priori* colligitur *adesse* vel *adfuisset*, adest tamen aliqua ratio sufficiens colligendi quod *adesset*, si obiecti cognitio haberetur. Cf. Struggl T. 1. q. 1. a. 2. Quare nemo voluntate tantum interpretativa peccat. Et ideo recte confessarius absolutionem impertitur retinenti rem alienam bona fide, si idem confessarius non movet propter hanc causam, quia nempe illam sciens peccatens esse alienam adhuc retineret et non restitueret.

43. Voluntas *praesumpta* confunditur saepe cum voluntate *interpretativa*. Saepe etiam illa ab hac distinguitur, distinguendo voluntatem *praesumptam de praesenti*, quae proprie a nobis dicitur *praesumpta*, et voluntatem *praesumptam de futuro*, quae proprie a nobis dicitur *interpretativa*. Ut utrinque discrimen melius innotescat res hoc exemplo practico declarari potest. Vult religiosus in itinere, superiore absente, rem emere alicuius momenti, magnae utilitatis pro tota communitate. Rem scribit superiori.



Dum superior, epistola accepta, rescribit, occasio urget rem emendi et emit, responso ob temporis defectum nondum accepto, affirmativum responsum praesumens ex voluntate alias bene cognita superioris. Voluntatem habes hic simpliciter *praesumptam*, vel praesumptum *de praesenti*. An autem superioris voluntas *reapse adsit* vel *falso adesse praesumatur*, veritas ipsa inspicienda est, quam superioris responsum postea acceptum declarabit. Si vero eadem urget occasio rem emendi, quam maxime utilem communitati, puta ingentem optimorum librorum copiam minimo pretio, et nullum adest tempus absentem superiorem consulendi, ex eadem tamen superioris voluntate alias bene cognita praesumit religiosus ille, quod annueret, si rogaretur, et libros emit, pecunia pro itinere accepta, monasterii utilitatem commodiori itineri praeferendo, voluntatem habes *praesumptam de futuro vel interpretativam*. L. l. 4. n. 18., Laymann l. c. n. 3., Struggl l. c. n. 20.

## II. — DE IMPEDIMENTIS ACTUS HUMANI

44. *Varia impedimenta actus humani.* — Ut ex dictis constat, ad habendum actum humanum requiritur 1.<sup>o</sup> exercitium intellectus advertentis, 2.<sup>o</sup> exercitium liberum voluntatis, 3.<sup>o</sup> exercitium aliarum facultatum a libera voluntate procedens. Iam age, si factum ipsum respiciamus, saepe nos agimus, quin sciamus quid vera facimus, putamus enim aliud agere. Item, saepe agimus impulsus a vehementi aliqua passione concupiscentiae, vel oppressi a vehementi aliqua passione timoris. In 1.<sup>o</sup> casu videtur deesse conditio requisita ex parte intellectus; in 2.<sup>o</sup> vero casu videtur deesse conditio requisita ex parte voluntatis. Hinc quaestio movetur de ignorantia, de concupiscentia, de metu, an causent involuntarium.

45. *An ignorantia causet involuntarium?* — 1.<sup>o</sup> Ignorantia, cum qua quis agit, aut se habet *causaliter* relate ad id quod fit, aut se habet mere *concomitanter* respectu illius quod fit. *Concomitanter* quidem se habet, « quando ignorantia est de eo quod agitur; tamen etiamsi sciretur, nihilominus ageretur. Tunc enim ignorantia non inducit ad volendum, ut hoc fiat; sed accidit simul esse aliquid factum et ignoratum; sicut in exemplo posito, scilicet cum aliquis vellet quidem occidere hostem, sed ignorans occidit eum, putans occidere cervum. Et talis ignorantia non facit *involuntarium* (nempe contrarie), quia *non causat* aliquid, quod sit repugnans voluntati; sed facit *non voluntarium* (seu involuntarium mere privative), quia non potest esse actu volitum, quod ignoratum est » S. Th. 1. 2. q. 6. a. 8. Idque valet sive ignorantia ista *concomitans* sit voluntaria, sive sit involuntaria. Hinc est quod A. D. generaliter loquitur et non distinguit. — 2.<sup>o</sup> Si ignorantia non est mere *concomitans*, seu non se habet mere *concomitanter relate ad id quod agitur*; sed est *causans*, seu se habet *causaliter*, nempe est causa faciendi id quod fit, tunc ista ignorantia aut est voluntaria, seu *consequens* liberum voluntatis actum, aut non est voluntaria seu *antecegens* liberum voluntatis actum. *Liberum voluntatis actum*, nempe de ipsa ignorantia, non de eo, quod deinde ex ipsa ignorantia fit. « *Consequenter* autem, ait S. Th. ib., se habet ignorantia ad voluntatem, in quantum est voluntaria ». Quando igitur huiusmodi ignorantia est causa faciendi id quod agitur, « cum ipsa sit *voluntaria*... non potest causare *simpliciter involuntarium* (nempe contrarie: cum id quod fit sit voluntarium in causa, unde procedit, nempe in illa ignorantia volita): causat tamen *secundum quid involuntarium*, in quantum praecedit motum voluntatis ad aliquid agendum, qui non esset scientia, praesente », ib.: nempe licet ille motus voluntatis, *voluntarius sit in causa, in se tamen est omnino involuntarius*; non esset enim si scientia adesset.

Cf. S. Alph. l. 5. n. 4. — 3.<sup>o</sup> Si vero ignorantia *causans*, seu quae est causa faciendi id quod fit non est voluntaria, seu est *antecedens*, tunc ignorantia causat *involuntarium simpliciter*, cum illud quod fit eo ipso quod ab ignorantia causatur, scientia praesente non esset, adeoque contra voluntatem est. Neque vero *in se* est illud volitum; neque ullo modo volitum *in causa*. Ergo manet totaliter seu simpliciter involuntarium. « *Antecedenter* autem, ait S. D. ib., se habet ad voluntatem ignorantia, quando *non est voluntaria*, et tamen est causa volendi, quod alias non vellet; sicut cum aliquis homo ignorat aliquam circumstantiam actus, quam non tenebatur scire, et ex hoc aliquid agit, quod non faceret, si sciret: puta cum aliquis, diligenter adhibita, nesciens aliquem transire per viam, proiecit sagittam, cum qua interfecit transeuntem. Et talis ignorantia causat *involuntarium simpliciter* ».

46. *Utrum ignorantia reddat actum obiective nullum?* — R. Negat. Ratio est, quia falsa nostra existimatio immutare non potest obiectivam rei veritatem. Et sic infidelis, qui baptizans existimat hominem revera baptismo non iustificari, si tamen intentionem habet faciendi quod facit Ecclesia, valide baptizat. Sacerdos baptizans in casu necessitatis aqua, quam naturalem falso non existimat, si aqua vere est naturalis, valide baptizat. Parochus qui matrimonio interest, falso putans se indigere adhuc speciali quadam episcopi delegatione, quam non habet, valide illi assistit. Cf. Bonac. De Sacram. D. I. Q. 2. P. 1. n. 28., Sporer De Matr. n. 48.

47. *An ignorantia sit semper peccatum.* — Ignorantia alia est *invincibilis*, alia *vincibilis*. Ignorantia *invincibilis* locum habet, cum quis nihil prorsus *de re ipsa*, et *de obligatione inquirendi* suspicatur; vel licet in suspicionem rei, et obligationis inquirendi inciderit, post adhibitam tamen *moralem diligentiam*, rem noscere non potuit. Dicitur, *post moralem diligentiam*; non enim necesse est, ut diligentia adhibenda sit maxima; sed sufficit, ut sit *communis* et *ordinaria personae*, ac *rei*, de qua agatur, proportionata. Cf. S. Alph. l. 1. n. 3. Ignorantia *vincibilis* habetur, cum quis non solum in dubium veniat *rei*, et *obligationis inquirendi*, sed *occasionem* praeterea habet in rei notitiam deveniendi, cum tamen voluntarie praetermittit. — Ignorantia *invincibilis*, involuntaria est; *vincibilis* vero voluntaria. Ignorantia *vincibilis*, alia est *directe voluntaria*, alia *indirecte voluntaria*, alia *voluntaria per accidens*. Ignorantia *directe voluntaria* dicitur ignorantia *affectata*. Haec habetur, cum quis data opera vult ignorare, sive ob discendi taedium, sive ut liberius peccet, vel ut excusationem habeat, vel ut simpliciter non retrahatur a peccato. S. Th. 1. 2. q. 6. a. 9., q. 76. a. 3., de Malo q. 3. a. 8. Ignorantia *indirecte voluntaria* habetur, cum quis *omittit adhibere studium ad cognoscendum*, seu negligit addiscere ob moram pigritiam seu desidiarum, ob addiscendi laborem, ob alias occupationes. Huiusmodi ignorantia dupliciter distinguitur, nimirum in *crassam* seu *superam*, et in *pure vincibilem*. *Crassa* sive *supina* est in eo, qui licet ignorantiam studiosè non quaerat, *nullam tamen vel fere nullam adhibet diligentiam*, ut eam sibi comparet notitiam, quam iuxta suam conditionem habere potest. *Pure vincibilis* est, cum quis *aliquam* adhibet *diligentiam* pro veritate cognoscenda, sed *modicam* et *minime sufficientem*, inspecta *qualitate personae*, et *gravitate rei*. Ignorantia tandem *voluntaria per accidens*, illa est, quae non intenditur et *praeter intentionem* est, et quae habetur, « cum quis *directe* vel *indirecte* vult aliquid, ad quod ignorantia sequitur. *Directe* quidem sicut apparet in ebrio, qui vult superflue vinum potare, per quod privatur rationis usu; *indirecte* autem cum aliquis negligit repellere insurgentes passionis motus, qui percrebrescentes ligant rationis usum in particulari eligibili ». De Malo q. 3. a. 8. Ignorantiae aequiparantur *oblivio*, *inconsideratio*, *inadvertentia*. Quare idem morale iudicium de his ferendum est ac de simplici ignorantia. Cf. Suarez D. 4. S. 3., S. Alph. l. 1. n. 169. — Porro ignorantia *invincibilis* non est peccatum; ignorantia



autem *vincibilis* est peccatum, si sit eorum, quae aliquis scire tenetur, non autem si sit eorum, quae quis scire non tenetur. Ratio 1.<sup>a</sup> p. est, quia ignorantia *invincibilis* dicitur, quia studio superari non potest. Atqui non imputatur homini ad negligentiam, si nesciat ea, quae scire non potest. Ergo talis ignorantia, cum non sit voluntaria, eo quod non est in potestate nostra eam repellere, non est peccatum. Ratio 2.<sup>a</sup> p. est, quod quicumque negligit habere, vel facere id, quod tenetur habere vel facere, peccat peccato omissionis. Unde propter negligentiam ignorantia eorum, quae aliquis scire tenetur est peccatum. S. Th. 1. 2. a. 76. a. 2. q. 19. a. 6., Quodl. 8. a. 15. — Peccatum ergo erit illa ignorare, sine quorum scientia non potest quis debitum actum recte exercere. Unde omnes tenentur scire communiter ea quae sunt fidei et universalia iuris praecepta: singuli autem ea quae ad eorum statum vel officium spectant. Quaedam vero sunt, quae etsi aliquis natus est scire non tamen ea scire tenetur, sicut theorematum geometriae, et contingentia particularia, nisi in particulari casu forte occurrente. S. Th. 1. c.

48. *Utrum ignorantia diminuat peccatum?* — R. 1.<sup>o</sup> Ignorantia *antece-*  
*dens*, invincibilis, efficax, seu causa peccati, « quae totaliter a peccato excusat, quia totaliter voluntarium tollit, peccatum non minuit, sed omnino aufert ». S. Th. 1. c. a. 4. — 2.<sup>o</sup> « Ignorantia, quae non est causa peccati, sed *concomitanter* se habet ad peccatum nec minuit peccatum, nec auget ». S. Th. 1. c., cum nihil influat in actum peccati: neque consequenter aufert peccatum S. Th. 1. c. a. 3. — 3.<sup>o</sup> Ignorantia consequens pure vincibilis, vel etiam crassa seu supina, efficax seu causa peccati « diminuit voluntarium et per consequens peccatum ». S. Th. 1. c. Habetur enim voluntarium tantum indirecte seu in causa. — 4.<sup>o</sup> Ignorantia, consequens affectata, efficax, seu causa peccati « videtur augere voluntarium et peccatum: ex intentione enim voluntatis ad peccandum provenit quod aliquis vult subire ignorantiae damnum propter libertatem peccandi ». Ita S. Th. 1. c. a. 4. alique. Alii vero negant, et horum sententia, ait. S. Alph. H. A. Tr. 19. n. 8., reapse improbabilis dici nequit. Nam qui legem transgreditur sciens prudens illam aperte contemnit: qui ignorantiam affectat legem adhuc aliquantulum vereri videtur. Sed distinguendum videtur: nam huiusmodi ignorantia potest procedere ex variis affectibus et motivis. Si quis ignorantiam affectat ob taedium addiscendi, vel non praecise ne retrahatur a peccato, sed ne retrahatur a tali actione, cui valde adhaeret, vel etiam ne retrahatur a peccato, peccatum inde non augetur. Nam ignorantia *per se* imminuit rationem actus humani, et formalem contemptum legis. Insuper si ideo iste vult ignorare, ne retrahatur a peccato. Ergo si sciret forte reapse retraheretur a peccato. Ergo illa ignorantia ostendit voluntatem non adeo firmatam in tali peccato. Si quis vero ignorantiam affectat, quia ipsum absolute vult peccatum, sive reapse prohibeatur sive non, peccatum tunc augetur, quia illa ignorantia est signum et magni affectus ad peccatum, et maioris contemptus: cum tanto affectu peccatum prosequatur, ut dispendium etiam pati velit ignorantiae, et sic peccare, licet forte res in se peccatum non sit. Suarez D. 4. S. 2., Lugo de Poenit. D. 16. S. 4. n. 183., Struggl 1. c. n. 36.

49. *An ignorantia vincibilis legis sit peccatum per se speciale?* — R. Negat. Omnis enim lex sui observationem praeciens, implicite quidem praecipit eiusdem legis cognitionem. Verum hanc non praecipit nisi in ordine ad opus quod faciendum vel omittendum praecipitur. Ergo ignorantia illa vincibilis legis *speciem* accipit ab ipsa legis transgressione, cuius causam vel periculum praebet. Idque locum habet etiam quoad ignorantiam articulo-  
rum fidei. Nam licet eorum notitia, uti habet communior opinio, speciali praecepto et per seipsam precipiatur, atque ideo, sistendo in ipsa obligatione sciendi, est per se culpabilis talis ignorantia, hoc tamen peccatum eiusdem fidei virtuti oppositum est. Malitia enim peccati contra fidem in eo est, quod aliquis offendit auctoritatem loquentis non credendo. Haec

autem irreverentia invenitur non solum quando aliquis scienter dissentit a Deo loquente: sed etiam quando aliquis culpabiliter negligit examinare, an sit doctrina Dei, et ob eam negligentiam dissentit iis, quae a Deo dicuntur. Cf. Lugo de Poen. D. 16. n. 182. seqq. Laymann. l. 1. Tr. 2. c. 4. n. 10., Viva De Act. hum. q. 3. a. ult.

50. *An habendae sint tanquam humanae, adeoque imputabiles sint actiones, quas quis facit ex contracto habitu?* — 1.<sup>o</sup> *Speculative*: Humanae sunt, et imputabiles, si eas advertat, in se; secus in causa tantum, quandiu tamen habitum non retractaverit, et extirpare conetur. — 2. *Practice*: «Huiusmodi peccatores male habituati, quamvis habeant cognitionem minus expeditam, quam alii, semper tamen habent cognitionem aliquam actualem suorum criminum sufficientem ad reddendos actus deliberatos et mortales». L. 1. 5. n. 4. par. *Tertio*, l. 3. n. 127., Tr. de Act. hum. XIV.

51. *An concupiscentia causet involuntarium?* — Concupiscentiae nomine intelligitur hic passio quaecumque appetitus sensitivi, qui fertur in bonum sibi proprium. Quae autem dicuntur de affectione sensilis appetitus facile applicari possunt affectui voluntatis; ut enim ex sensili concupiscentia causari potest voluntatis motus, ita unus voluntatis affectus ex alio ipsius voluntatis affectu causari potest. Et sic ex amore filiorum, Dei, honoris, aliquis voluntarie aggreditur pericula, quae voluntas tanto erit ferventior, quanto ille effectus fuerit maior. — Concupiscentia alia est antecedens, alia est consequens. Illa liberum voluntatis actum antecedit, et consequenter mere naturaliter excitatur. Illa liberum voluntatis actum consequitur. Illa trahit et inclinat rationem et voluntatem. Illa ex voluntate redundat. Illa voluntaria non est, ista voluntaria est, vel in se, si eam voluntas ex industria velit et excitet; vel in causa, si naturaliter ex libero voluntatis actu resultat. «Appetitus sensitivus, ait S. Th. 1. 2. q. 77. a. 6., potest se habere ad liberum arbitrium et antecedenter et consequenter. Antecedenter quidem, secundum quod passio appetitus sensitivi trahit vel inclinat rationem vel voluntatem. Consequenter autem, secundum quod motus superiorum virium, si sint vehementes redundant in inferiores. Non enim potest voluntas intense moveri in aliquid, quin excitetur aliqua passio in appetitu sensitivo». — Concupiscentia *antecedens* minuit voluntarium tum in ratione *voluntarii*, tum in ratione *liberi*. Quare actus, ex ea procedens, eo minus voluntarius est sub utraque ratione, quo magis illa est intensior. — Ratio 1.<sup>a</sup> p. est, quia actus eatenus est *voluntarius*, quatenus est a principio intrinseco. Atqui concupiscentia extrinseca voluntati est. Ergo actus ex eius impulsu procedens minus voluntarius est in ratione *voluntarii*. Hinc S. Th. 1. 2. q. 77. a. 6. ad 3. inquit: «dicendum, quod etsi motus voluntatis sit intensior ex passione incitatus: non tamen ita est voluntatis proprius, sicut si sola ratione moveretur ad peccandum». Et ib. in c. «Actus in tantum est peccatum inquantum est voluntarius, et in nobis existens. Esse autem aliquid in nobis dicitur per rationem et voluntatem. Unde quanto ratio et voluntas ex se aliquid agunt, non ex impulsu passionis, magis est voluntarium et in nobis existens». Ratio 2.<sup>a</sup> p. est, quia actus tanto minus est voluntarius in ratione *liberi* quanto minus habet dependentiae ex parte liberae voluntatis et advertentiae ex parte rationis. Atqui cum vehementior est passio praecedens, tanto minor est dependentia huius actus consequentis ex voluntate libere se determinante et ex ratione considerante. Nam *libera* voluntas, quanto magis invenit animum iam propendentem per passionem, tanto minus ipsa in actus determinationem consequentis influit. Deinde, licet directe nequeat passio influere in iudicium, potest tamen indirecte influere tripliciter: 1. per quandam *distractionem*, minor est enim ad singula sensus, cum pluribus intendit; 2. per quandam *contrarietatem*, quatenus inclinat ad contrarium eius quod deberet indicari, et animus evadit debilis et imbecillus; 3. per *immixtationem corporalem*: pervertit enim phantasiam, quae



se non praestat rectis operationibus intellectus, ut in insanis et furentibus ex passionum vehementia videre est. S. Th. 1. 2., q. 6. a. 7. ad 3., q. 10. a. 3., q. 73. a. 6. ad 2., q. 77. a. 1. 2. 3. 6. 7., Suarez. D. 3. S. 3. 4. — Quamvis vero ex antecedenti concupiscentia voluntatis actus minus voluntarius sit, evadit tamen intensior et faciliior. Ac prout maior est passio eo faciliorem reddit voluntatis cobatum. Et sic milites ex spe gloriae, parentes et amici ex amore filiorum et amicorum molesta quaeque iucunde perferunt. S. Th. 1. 2., q. 77. a. 6. ad 3. — Concupiscentia *consequens* praesupponit actum tanto magis voluntarium, quanto ipsa intensior est. — Ratio est, quia concupiscentia consequens excitatur in nobis consequenter ad actum voluntatis libere sese determinantis. Quare sive excitetur naturaliter per quandam redundantiam in partem inferiorem ex superiore, sive excitetur voluntarie, vel indirecte per voluntariam negligentiam et omissionem repressionis motuum exurgentium vel directe data opera et studiose motus excitando in inferiore parte; concupiscentia utpote consequens et non praecedens liberum voluntatis actum unde procedit, non potest in ipsum ullum causalitatis influxum exercere; sed eundem voluntatis actum praesupponit, qui influxum potius in ipsam exerceat. Et si sermo iterum sit de concupiscentia, quae sive voluntarie, sive naturaliter ex ipso voluntatis actu excitatur, cum effectus proportionatus esse debet suae causae, eamque superare non possit concupiscentia consequens non diminuit voluntarium, sed magis auget, quatenus nempe significat et demonstrat maiorem voluntatis propensionem et inclinationem ad actum. S. Th. 1. 2. q. 24. a. 3. ad 1., 9. 73. a. 6. ad 2., 77. a. 6.

52. *An passio diminuat peccatum?* — R. « Dicendum quod peccatum essentialiter consistit in actu liberi arbitrii, quod est facultas voluntatis et rationis. Passio autem est motus appetitus sensitivi... Si igitur accipitur passio, secundum quod *praecedit* actum peccati, sic necesse est, quod diminuat peccatum. Actus enim in tantum est peccatum in quantum est voluntarius... Et secundum hoc passio minuit peccatum in quantum minuit voluntarium. Passio autem *consequens* non diminuit peccatum, sed magis auget, vel potius est signum magnitudinis eius, in quantum scilicet demonstrat intensionem voluntatis ad actum peccati. Et sic verum est, quod quanto aliquis maiori libidine, vel concupiscentia peccat, tanto magis peccat ».

53. *Resolves*: Hinc sequitur quod eo magis peccatum minuitur, quo vehementer est passio *praecedens*. « Dicendum, quod de ratione peccati est, quod sit voluntarium, voluntarium autem dicitur, cuius principium est in ipso agente. Et ideo quanto principium eius magis augetur, tanto etiam peccatum fit gravius; quanto autem principium exterius magis augetur, tanto peccatum fit levius. Passio autem est principium extrinsecum voluntati; motus autem voluntatis est principium intrinsecum. Et ideo quanto motus voluntatis fuerit fortior ad peccandum, tanto peccatum est maius: sed quanto passio fuerit fortior impellens ad peccandum tanto (peccatum) fit minus ». S. Th. de Malo q. 1. a. 11. ad 3. — Actus vero ex *consequenti* concupiscentia procedens, eo magis voluntarius et maius peccatum est, quo illa maior est. « Si sub concupiscentia includatur etiam ipse motus voluntatis, sic ubi est maior concupiscentia est maius peccatum ». S. Th. 1. 2. q. 73. a. 6. ad 2.

54. *An passio totaliter excuset a peccato?* — R. « Dicendum hoc solum actus aliquis, qui de genere suo est malus, totaliter a peccato excusatur, quod totaliter involuntarius redditur. Unde si sit talis passio, quae totaliter involuntarium reddat actum sequentem, totaliter a peccato excusat; alioquin non totaliter... Passio quandoque quidem est tanta, quod totaliter aufert usum rationis; sicut patet in his, qui propter amorem vel iram insanunt. Et tunc si talis passio a principio fuerit voluntaria imputatur actus ad

peccatum: quia est voluntarius in sua causa... Si vero causa non fuerit voluntaria sed naturalis, puta cum aliquis ex aegritudine, vel aliqua huiusmodi causa incidit in talem passionem, quae totaliter aufert usum rationis actus omnino redditur involuntarius, et per consequens totaliter a peccato excusatur. Quandoque vero passio non est tanta, quod totaliter intercipiat usum rationis: et tunc ratio potest passionem excludere, divertendo ad alias cogitationes, vel impedire, ne suum consequatur effectum: quia membra non applicantur operi, nisi per consensum rationis. Unde talis passio non totaliter excusat a peccato ». S. Th. 1. 2. q. 77. a. 7., q. 6. a. 7. ad 3. Cf. etiam q. 10. a. 3.

55. *An primi pravae concupiscentiae motus sint semper peccata et qualia?*

— R. Nullum dubium esse potest, quod primi pravae concupiscentiae motus sint peccata, et peccata mortalia, agitur enim de re gravi, si illis exurgentibus voluntas sequenti tempore *consentiat* et consentiendo morose in illis *delectetur*, sive longa, sive brevi et brevissima mora. Actus enim est de re graviter turpi, et plene deliberatus: et ille primus concupiscentiae motus, licet independentem omnino a voluntate excitatus fuerit, accedente voluntatis consensu, iam actus imperatus in sui mora et permanentia incipit esse. — Nullum dubium item est quod primi pravae concupiscentiae motus naturaliter excitati et independentem a voluntate, quae deinde pro viribus illis *dissentit* et *resistit*, nullo modo peccata sunt. Actus enim sunt omnino involuntarii: et sine voluntario peccatum non est. Immo meritum inde est voluntati repugnanti. « Primus motus, ait S. Th. 2. Dist. q. 1. a. 4. ad 3., non habet rationem culpae, nisi secundum quod aliquo modo est in potestate voluntatis. Unde quandiu voluntas non repugnat, habet rationem peccati. Sed quando voluntas iam repugnare incipit, tunc homo meretur ». — Si tandem voluntas, exurgente primo concupiscentiae motu, neque *consentit* neque *dissentit*, sed permittit, non illum prohibens, iam *rationem habet peccati* huiusmodi motus, quia *aliquo modo est in potestate voluntatis*. Ille enim motus iam contra et praeter voluntatem, haud sane intendentem sed saltem permittentem, non est. Peccatum autem non mortale sed leve est. Etenim peccatum mortale est in aversione a Deo, quae haberi non potest sine ratione sese a Deo avertente per deliberationem, quae aversio hic non habetur. Ergo illud peccatum mortale non est, sed veniale. « Primus motus est motus sensualitatis praeveniens deliberationem rationis... Ad naturam autem sensualitatis et rationis pertinet, quod motus sensualitatis, qui est absque deliberatione rationis, non possit esse peccatum mortale: quia peccatum mortale est, quod consistit in aversione a Deo, ad quem converti non potest homo nisi per rationem: et per consequens aversio a Deo, quae constituit peccatum mortale non potest esse nisi in ratione ». S. Th. Quodl. 4. a. 22. Insuper inordinatio, quae peccatum mortale constituit, est in voluntate quae *cult* malum. Porro hic voluntas non vere *cult* sed *permittit*: permittit autem malum per se peccatum non est, vel certe peccatum mortale non est. Nam *cult* malum est ex perfecto voluntatis dominio, malum *permittit*, non nisi ex eius imperfecto dominio est, siquidem est malum tantum non prohibere, « Habet voluntas in quibusdam dominium completum, in quibusdam vero incompletum. Completum dominium habet in illis actibus, qui *ex imperio voluntatis procedunt*, et hi sunt actus deliberationem sequentes, qui rationi adscribuntur. Sed incompletum dominium habet, in illis actibus, qui *non per imperium rationis procedunt*, sed tamen voluntas *eos impedire* poterat: ut sic quodammodo voluntati *subiaccant*, quantum ad hoc quod est *in potestate* vel *non impediri*, et ideo inordinatio, quae in his actibus contingit rationem peccati causal, tamen *incompleti*, et ideo in his actibus peccatum *veniale* est, et *veniale* ». S. Th. 2. Dist. 24. q. 3. a. 2. Eadem est S. Th. doctrina Quodl. 4. a. 21. « dicendum quod motus importat inclinationem quantum ad terminum; quae quidem inclinatio pertinet ad appetitum in humanis actibus. Est autem in homine triplex appetitus. Unus



quidem naturalis, secundum quod vis appetitiva pertinet ad animam vegetabilem, sicut et vis digestiva et expulsiva et retentiva. Secundus appetitus est sensualitatis, qui movetur secundum apprehensionem sensus. Tertius appetitus est voluntatis, qui movetur secundum iudicium rationis. Peccatum, quod habet rationem culpae, de quo nunc loquimur, non potest esse nisi in actu voluntario, qui scilicet est aliquando in potestate peccantis. Actus autem appetitus naturalis non subiaceat imperio rationis, sicut nec actus aliarum potentialium vegetabilis, animae; et ideo in actu talis appetitus non potest consistere culpa: sicut quod homo esuriat vel sitiât, absque culpa est; et idem dicendum est in aliis huiusmodi. Sed actus appetitus sensitivi subiaceat imperio rationis: quia ratio praeveniens ipsum, potest eum imperare, vel etiam impedire: et ideo talis motus potest iam habere rationem culpae: et si sequatur iudicium rationis, poterit etiam esse peccatum mortale, sicut et motus exteriorum membrorum imperati a ratione. Si autem praeveniat iudicium rationis, est quidem peccatum, si tendat in aliquid illicitum, quia in potestate hominis fuit ipsum cohibere: est tamen veniale peccatum et levissimum... et hoc dicitur primus motus peccati. Motus autem superioris appetitus i. e. voluntatis, consequens iudicium rationis iam potest esse peccatum mortale ».

56. *An metus causet involuntarium?* — Praenota. 1.<sup>o</sup> Timor est, instantis vel futuri periculi causa, mentis trepidatio. Dividitur primo in *letem* et *gravem*. Primus habetur, aut cum malum instans, vel futurum leve est: aut cum licet grave sit, parum tamen probabile est; secundus, cum grave est malum, et valde probabile vel certum. Grave autem est malum vel *absolute*, vel *relative*. *Absolute* grave, quod et in virum constantem timorem ineuit sui, locum habet eum malum, quod timetur, *in se* grave est, et communiter tale reputatur, ut mors, mutilatio, etc. *Relative*, quum malum quod timetur grave *secundum se* non est, est autem tale respectu huius, vel illius. Dividitur praeterea metus in intrinsecum et extrinsecum, ratione causae, unde proficiscitur. Motus intrinsecus est qui exoritur ex intrinseca ipsius subiecti dispositione, ex cuiusque nempe propria corporis aut animi infirmitate. Timor mortis, ex gravi morbo excitatus, timor intrinsecus est, quippe qui exoritur tanquam ex causa ex infirmitate, quae in ipso subiecto timoris est. Metus extrinsecus est, qui ab extrinseca causa excitatur, sive causa haec sit naturalis seu necessaria, sive sit causa moralis seu libera: ut item metus mortis ex naufragio, vel ex latrone obviam occurrente. Metus extrinsecus a causa morali seu libera incussus in iustum et iniustum subdividitur, prout ius habeat vel non habeat metum inferendi: ut metus a iudice vel grassatore incussus. Ac sive iuste sive iniuste metus incussus sit, potest talis metus simpliciter ineuti ad aliquid obtinendum vel ad malum aliquod inferendum, ut in latronibus mortem minantibus nisi quis det ea quae habet; et potest ineuti ad *consensum* in certam quandam rem extorquendam e. g. in sponsalia, in matrimonium, in contractum, etc. Metus speciali nomine appellatur *reverentialis*, cum metus est, ne superior offendatur, vel quo quis veretur resistere ei, cui subiicitur, nempe patri, matri, avo, socero, marito, regi, domino, praelato, tutori et curatori, ut communiter docent dd. cum Sanchez. Item etiam patruo, aut patrueli, vel fratri maiori, si cum eis metum passus habitet, et ab ipsis alimenta recipiat. L. l. 6. n. 1056. « Pontius merito ait metum *reverentialem per se esse gravem*, quia aliud est operari ex reverentia superiori debita, aliud ex metu reverentiali, qui necessario induit timorem alicuius gravis damni imminentis ex obedientia non praestita, puta diuturnae indignationis, etc. ». L. l. 3. n. 717. Indignatio profecto patris, domini, etc. malum est, et si diuturna sit malum grave est. Quare seclusis etiam aliis malis, v. g. verberibus, minis, etc. metus *reverentialis per se* gravis est. — 2.<sup>o</sup> « Aliud est aliquid operari *cum metu*, aliud vero *ex metu*: nam primum dicit *concomitantiam*: unde quod ita fit, licet sit absolute voluntarium, tamen illud voluntarium non oritur ex metu, sed potius opponitur, et vincit ipsum metum, quod est signum magnae voluntatis: ut

quando Christus Dominus progrediebatur ad mortem, metuens illam, summa voluntate illam amplectebatur, quae non oriebatur ex timore Patris et hominum, et ideo vincebat naturalem timorem. At vero fieri *ex metu*, significat quod metus ipse inducit ad volendum, seu faciendum aliquid, et tunc metus est *causa* talis voluntarii, eo modo quo inter actus voluntatis intentio est causa electionis, et electio usus; et amor boni est causa odii oppositi mali: nam ad hunc modum in praesenti, quando quis timet mortem decernit et intendit illam fugere; et ex vi huius decreti eligit hoc medium v. g. prolicere merces in mare, et ad hanc electionem sequitur usus, seu executio. Ergo de primo ad ultimum metus fuit causa excitans et applicans voluntatem ad illum actum efficacem, quo imperavit illam actionem exteriorem ». Suarez D. 3. S. 1. — 3.<sup>o</sup> Porro illa, quae *ex metu* fiunt magis sunt voluntaria: sunt enim voluntaria *simpliciter*, involuntaria autem *secundum quid*. Nam unumquodque est simpliciter tale, prout est in actu. Atqui hic actus, prout hic et nunc exercetur est simpliciter volitus; quia licet talis actio per se considerata non sit amabilis simpliciter, tamen hic et nunc proponitur ut absolute eligenda, tanquam medium conveniens ad evitandum maius malum. Ergo sub ea ratione est hic et nunc simpliciter voluntaria. Iudicium enim de voluntario est ferendum, considerata re in particulari cum omnibus circumstantiis, et non per abstractionem seu praecisionem intellectus. « Sed quod accipiatur id quod per metum fit, ut extra hunc casum existens, prout repugnat voluntati, hoc non est nisi secundum rationem tantum et ideo est involuntarium secundum quid, i. e. prout consideratur extra hunc casum existens ». « Illud ergo quod per metum agitur absque conditione est voluntarium, i. e. secundum quod actu agitur; sed in voluntarium est sub conditione, i. e. si talis metus non immineret ». S. Th. 1. 2. q. 6. a. 6. « Et quia actus in particularibus sunt, ideo simpliciter voluntarium est, sed secundum quid involuntarium ». S. Th. S. q. 47. a. 1. Cf. Suarez D. 3. S. 1. 2.

57. *Nota*: Illa quae fiunt ex metu, sunt involuntaria *secundum quid*, cum res est *in se mala*, sed bona duntaxat in praesentibus circumstantiis, ut patet in exemplo allato projectionis mercurii pro mercatore, quae in se mala est illi; et bona illi est in praesenti circumstantia naufragii. Verum si res est *in se bona*, ita ut talis sit, abstrahendo etiam a praesentibus circumstantiis, tunc ille qui operatur ex metu potest perfecta voluntatis inclinatione, in eam rem ferri, ita ut voluntarium *simpliciter* habeatur, quin simul habeatur involuntarium *secundum quid*. Et sic, qui ex metu supernaturali gehennae vult abstinere a peccato, *voluntarium simpliciter* habet sine involuntario admixto, quia divinae legis observatio est simpliciter bona in se, abstrahendo etiam ab illa circumstantia metus divinorum iudiciorum. Cf. S. Alph. l. 6. n. 442. Oblic. II. Insuper « qui vult servare praeceptum ex timore inferni, si intelligat vim illius motivi, non potest habere simplicem affectum contrarium: *transgreditor praeceptum, si non esset poena*, nam per hunc ipsum affectum peccaret et reatum poenae incurreret, et consequenter contra suum metivum. Si ergo vere et efficaciter moveatur ab illo motivo, et intelligat vim eius, et qualitatem suorum actuum, fieri non potest, ut cum illo motivo sit talis affectus ». Suarez D. 3. S. 2.

58. *An preces importunae constituent metum gravem?* — R. « Affirmat Pontus, etc. Sed verius negandum, nisi preces addantur metui reverentiae erga superiorem, ita Sanch. etc. Et bene advertit Sanch. non omnes preces assuevit nec importunas, sed tantum quae sunt instantissimae, et saepius inculcatae ». S. Alph. l. 3. n. 717.

59. *An metus gravis excuset a culpa?* — R. Cum distinctione. Vel sermo est de iis, quae *adtrahunt et per se mala* non sunt; vel de iis, quae *sunt ex natura sua intrinsece mala*, uti esset v. g. apostasia a fide, blasphemiam in Deum. Si 1.<sup>o</sup> — ordinarie loquendo, a tota culpa metus gravis excusat, quia lex quaelibet positiva obligare non solet cum gravi proportionato in-



commodo, uti commune est. Dicitur *ordinarie loquendo*, quia si quis metu gravi compelleretur ad legis alicuius positivae violationem, quae cederet in damnum commune, vel in contemptum legitimae potestatis, vel religionis cum gravi scandalo publico, gravis metus tunc non excusaret a culpa transgressionis; nam in 1.<sup>o</sup> bonum commune praeponi debet privato; in 2.<sup>o</sup> vero ageretur iam de re ex natura sua intrinsece mala. Verum in altero hoc casu si patiens, cum legem violat, publice protestetur se ita non agere in legis contemptum, sed tantummodo ad declinandam violentiam, qua existente, lex amplius non obligare declarat; tunc, si *publicum scandalum cesset*, et cesset praedictus contemptus, quod practice loquendo difficile omnino videtur, excusaretur a culpa. Si 2.<sup>um</sup> certum est, metum utcumque gravem dummodo talis non sit, ut usum rationis adimat; nunquam excusare a tota culpa: illa enim cum includant intrinsecam et essentialem malitiam, si fiunt voluntarie, nunquam culpa carere possunt, exemplum est in christiano illo, qui poenarum vel etiam mortis metu percussus, fidem Christi negaret. Minuit tamen culpam, cum voluntarium minuat. Attamen, *ordinarie loquendo*, metus gravis talem adhuc relinquit cognitionem eorum, quae fiunt, ut sufficiat ad mortale peccatum. L. l. 1. n. 175., Elbel 43.-52.

60. *Resolves*: Metus gravis v. g. mortis, etc., saepe non tantum excusat a praecepto positivo, tam divino, quam humano etiam ecclesiastico, sed quandoque etiam ab affirmativo naturali, et sic non tenetur quis cum periculo vitae baptismum suscipere, integre confiteri, communionem recipere, servare depositum, implere votum, succurrere proximo in extrema vitae indigentia. Lessius, q. 6. a. 6., S. Alph. l. 1. n. 175. E contrario ad mortem declinandam non potest sacerdos sigillum sacramentale violare. Cf. Viva de act. hum.

61. *An voluntas praeter metum, violentiam quoque pati possit?* — 1.<sup>o</sup> Praenota: Vis seu violentia dicitur, quod est ab extrinseco principio contra voluntatis inclinationem, ita ut qui vim patitur non possit contrarium agere, et omnino repugnet. Quare ad violentiam duo requiruntur 1.<sup>um</sup> ut sit a principio *extrinseco*, quia nemo proprie dici potest sibi ipsi violentiam inferre. Hinc patet discrimen violentiae et *metus*, qui provenire potest tam a principio intrinseco, qualis est v. g. metus mortis proveniens ex morbo, quam a principio extrinseco, qualis est v. g. metus naufragii, inferni atque poenarum: 2.<sup>um</sup> quod requiritur, ut patiens omnino *repugnet* h. e. *pro viribus et positive*; dicitur pro viribus et positive, nam si quis passive tantum se haberet, tunc non conferret quidem ad violentiam *agendo*, sed conferret *volendo pati*. Attamen non semper requiritur ad culpam vitandam resistentia omnino absoluta et continua illatae coactioni, quando scilicet ex una parte inutilis foret, ex altera autem agitur de materia minus periculosa. Sic martyres, ducti ad templa paganorum non peccabant, quamvis ambularent. Et in omni casu resistendum est, quantum ad averendum periculum scandali, vel religionis iniuriam requiritur. — 2.<sup>o</sup> » Quantum ad ipsum proprium actum (nempe *elicium*) voluntatis, non potest ei violentia inferri. Et huius est ratio, quia actus voluntatis nihil aliud est quam inclinatio quaedam procedens ab interiori principio cognoscente... Quod autem est coactum, vel violentum, est ab exteriori principio ». S. Th. 1. 2. q. 6. a. 4. — 3.<sup>o</sup> » Quantum ad actus a voluntate *imperatos* voluntas violentiam pati potest, in quantum per violentiam exteriora membra impediri possunt, *ne imperium voluntatis exequantur* ». S. Th. 1. 2. q. 6. a. 4. Violentiam voluntas pati item potest in exterioribus membris, quamvis *voluntatis imperium* proprie non habeatur, ut e. g. si quis *contra suam voluntatem* deprehendatur, manibus et pedibus ligetur, in carcerem detrudatur, etc. Idque valet non tantum quoad exteriora membra verum etiam quoad interiores facultates. Etenim clarum est, quod voluntas non tantum manui e. g. *praecepere potest* ut non subscribat proprium nomen in chirographo ficti creditoris, et illa

ab isto vi apprehensa subscribere debeat, verum etiam *potest intellectui praecepere*, ut rem aliquam cogitet et consideret, et intellectus distractus ad alia cogitanda rapiatur: *potest praecepere sensili appetitui* ut rationi obediat, et contra rationem ille moveatur. Item potest extrinseca causa, e. g. daemon phantasmata in imaginatione *contra voluntatem* excitare, sensiles motus in sensili appetitu, repugnante pariter voluntate, excitare, etc. Cf. Suarez D. 2. Lessium in q. 6. a. 4., S. Th. 1. 2. q. 80.

62. *An violentia causet involuntarium?* — Violentia *involuntarium*, *contrarie* tale causat. Nam « Violentia *directe* opponitur voluntario: sicut etiam et naturali. Commune est enim voluntario et naturali, quod utrumque sit a principio intrinseco. Et propter hoc, sicut in rebus, quae cognitione carent, violentia aliquid facit contra naturam, ita in rebus cognoscentibus facit aliquid esse contra voluntatem. Quod autem est contra naturam dicitur esse innaturale: et similiter quod est *contra voluntatem* dicitur esse *involuntarium*. Unde violentia involuntarium causat », S. Th. 1. 2. q. 6. a. 5.: violentia *simpliciter* involuntarium *simpliciter*, violentia *secundum quid* involuntarium *secundum quid*: haud quidem quantum ad actus elicitos, sed quantum ad actus imperatos. Nam quantum ad actus imperatos tantum, et non etiam quantum ad actus elicitos, voluntas violentiam pati potest. S. Th. 1. 2. q. 6. a. 5. ad 1.

63. *Resolves*: Quando ergo *passio* aliqua est *simpliciter violenta*, quia nempe quis omni quo potest modo voluntate resistit, et repugnat, ea est *simpliciter* et *contrarie involuntaria*, adeoque non humana, neque imputabilis. Quando vero est tantum *secundum quid violenta*, quia nempe pro viribus quis sua voluntate non resistit et repugnat, tunc non tollitur ratio voluntarii, adeoque actus humani et imputabilis, sed tantum minuitur pro maiori vel minori resistantia et repugnantia.

### III. — DE MORALITATE HUMANORUM ACTUUM

64. *De actibus humanis relate ad finem.* — Diximus de actibus humanis relate ad hominem, qui per ipsos ad ultimum humanae vitae finem, seu beatitudinem sese ordinat. Dicendum nunc est de iisdem actibus in ordine ad praedictum finem: seu de eorundem actuum moralitate. Ordo enim humanorum actuum ad finem communem humanae vitae, ordinem moralem, seu moralitatem humanorum actuum constituit. S. Th. 1. 2. q. 21. a. 2. ad 2. Primum autem dicendum generatim est de ipsa moralitate; deinde vero de variis fontibus huius moralitatis in humanis actibus.

65. *De genericis et specificis moralitate actuum humanorum.* — Actus humani considerari possunt aut *genericè* omnes, aut *specificè* hi vel illi. Si *genericè* considerantur *qua actus humani sunt*, capaces sunt *conducendi hominem ad finem*, ad ultimum nempe finem, in cuius possessione felicitas et beatitudo ac plena eius perfectio constituitur. Per eos enim homo seipsum in finem *ordinat* et *ducit*. S. Th. 1. 2. q. 1. a. 1. 2., q. 7. a. 2. Si *specificè* hi vel illi, *qua tales actus sunt*, inspiciantur, *actu sunt ordinantes et ducentes, vel non, ad finem*, prout fini conformes sunt vel non. Et sic e. g. cognitio Dei, amor Dei, hominem, natura sua, ad finem ordinant et ducunt; ignorantia Dei, odium Dei, hominem, natura sua, a fine avertunt et remouent. — Si actus humani, primo modo, generatim spectentur, *morales* vocantur. Si, secundo modo, considerentur in particulari specie constituti, *boni* vel *male moraliter*, *boni* vel *malè* nuncupantur. « Bonum et malum, ait S. Th. 1. 2. q. 18. a. 5., diversificant speciem in actibus moralibus ». Moralitas ergo constituit genus: bonitas vel malitia speciem.



66. *De natura moralitatis.* — Notandum primo, communiter dd. per *moralitatem* intelligere habitudinem humanorum actuum ad propriam normam et regulam, secundum quam ordinantur et diriguntur. Opiniorum diversitas potius in hac norma et regula determinanda sita est. Et sic etiam communiter, genere pro specie sumpto, actus distinguuntur *morales* et *immorales*, ad designandos actus humanos rectos, et actus voluntarios a propria rectitudine deficientes. Porro, aliorum omisissis discrepantibus opinionibus, et insistendo in doctrina A. D., moralitas *generice* considerata, secundum suum primum et fundamentalem conceptum, definiri potest: capacitas quam habent in se actiones humanae, ut bonae aut malae sint in ordine ad finem creationis, i. e. ut conformes seu convenientes sint, vel non, huic fini assequendo. *Specifice* vero est ratio conformitatis vel difformitatis quam *in se* habent humanae actiones in ordine ad finem creationis, tanquam media ad finem; quatenus nempe convenientes sint vel disconvenientes, ut hominem ducant, vel non, ad suum finem. Dicitur secundum *suum primum* et *fundamentalem conceptum*: nam *proxime* et *formaliter* ista conformitas seu convenientia, difformitas sive disconvenientia non est nisi a lege, quae per *rectam rationem* manifestatur. Eo ipso enim quod lex aliquid faciendum vel omittendum praecipit illud formaliter et proxime constituit in ratione medii in ordine ad finem assequendum, obligationem in conscientia pariens usus talis medii. Unde recte S. Alph. ait: « Bonitas moralis actus humani consistit in quadam conformitate et convenientia actus liberi cum recta ratione, et lege ». Tr. de act. hum. XXXIV. Cf. S. Th. qq. 18, 19, 20., Suarez Tr. 3. D. 1. D. 2. S. 1. 2., D. 3. S. 2. 3., D. 7. S. 1.-6., D. 10. D. 11.

Et sane, ex A. D. 1. 2. passim, ad finem dirigi debent et ordinari omnes humanae actiones q. 5. a. 7., finis obiectum proprium et praecipuum est voluntatis q. 8. a. 2., a fine principaliter *specificantur* actus humani et morales q. 87. a. 6. ad 2. A fine ergo repetenda est primaria et fundamentalis ratio moralitatis. Per *moralitatem* enim actuum humanorum hoc communiter intelligitur, ratio nempe *rectitudinis* vel *non rectitudinis* eorundem humanorum actuum; et cum actus humani media sint ad finem, finis regula et mensura est illius rectitudinis vel non rectitudinis. Per *moralitatem* iterum hoc intelligitur, quod actus sint *secundum rationem* vel *prae rationem*: porro ratio hoc manifestat et hoc dicitur sequendum in humanis actibus, finem nempe assequendum per actus illi congruentes et conformes. Per *moralem* autem *bonitatem* vel *malitiam* hoc communiter intelligitur, quod actus humani sint *ordinati* ad illum finem: sint *secundum rectam rationem*, ad finem proprios actus *ordinantem*, vel *prae rationem*, vel *prae hanc rectam rationem*. Hinc bonitas actuum est in quantum sunt utiles ad finem, q. 7. a. 2. a. 4. ad 2. Et hinc consequenter est, quod ab illo fine, et ab obiecto ad illum finem ordinato vel non, actus humanus constituatur *in specie* actus moraliter boni, moraliter mali.

Quod autem ex eodem A. D. illa *moralitas*, et *bonitas* ac *malitia moralis*, *proxime* et *formaliter* a lege sit desumenda sic patet ex 1. 2. q. 19. a. 4., ubi simul ostendit, quomodo illa *moralitas*, *bonitas* ac *malitia moralis* a ratione etiam proficiscatur: « Dicendum, ait, quod in omnibus causis ordinatis, effectus plus dependeat a causa prima quam a causa secunda: quia causa secunda non agit nisi in virtute primae causae. Quod autem ratio humana sit regula voluntatis humanae, ex qua eius bonitas mensuratur, habet ex lege aeterna, quae est ratio divina. Unde in Ps. 4. dicitur: *Multi dicunt: Quis ostendit nobis bona? Signatum est super nos lumen vultus tui Domine*: quasi diceret: *lumen rationis, quod in nobis est, in tantum potest nobis ostendere bona, et nostram voluntatem regulare, in quantum est lumen vultus tui, i. e. a vultu tuo derivatum*. Unde manifestum est, quod multo magis dependet *bonitas* voluntatis humanae a lege aeterna, quam a ratione humana ». Idem constat ex a. 9. et 10. ib.

Cum lex aeterna sit nobis ignota, secundum quod est in mente divina:

innotescat tamen nobis per naturalem rationem; hinc ratio, et ipsa, regula et norma est humanorum actuum, et quidem *proxima*, utpote proponens immediate voluntati bonum vel malum secundum legem aeternam. Verum ista regula proxima est subiectiva, *mere proponens* obiectum: lex regula proxima *obiectiva* est, rectitudinem constituens. Hinc idem S. Th. q. 18. a. 5. ait: « Dicuntur autem aliqui actus humani vel morales, secundum quod sunt a ratione ». Et q. 19. a. 1. ad 3. « Dicendum quod bonum per rationem repraesentatur voluntati ut obiectum; et, in quantum cadit sub ordine rationis, pertinet ad genus moris, et causat bonitatem moralem in actu voluntatis. Ratio enim principium est humanorum et moralium actuum ».

Quod autem de *lege aeterna* dicitur de qualibet autem lege intelligendum est: cum quaelibet lex sit, ordinatio rationis, ordinem et rectitudinem constituens humanorum actuum ad finem: neque vero omnes humani actus ipsa lege aeterna vel praecipuntur vel prohibentur. Unde plures humani actus non nisi positiva lege praecipuntur vel prohibentur; et sic constituuntur proxime et formaliter in ratione necessarij medij ad finem.

67. *Universalitas duplicis regulae moralitatis.* — Remota et fundamentalis moralitatis norma, nempe ultimus hominis finis, *omnes* humanos actus complectitur: secus regula iam remota et fundamentalis moralitatis non esset. Ratio patet, quia *omnes* humani actus *media* sunt ad finem totius humanae vitae. Non omnes tamen eandem *habitudinem* habent ad hunc finem: alij enim sunt *per se* ordinati, nempe *intrinseca natura sua* ordinati ad hunc finem, ut, e. g. Dei cognitio et amor, amor proximi, iustitia erga alios servanda, etc., et isti actus dicuntur intrinsece *boni*, et quia *boni* sunt, nempe intime et necessario rationis ordini consoni, ideo praecipuntur deinde a *naturali lege*. Alii e contrario *per se* repugnant, seu intrinseca natura sua dissona sunt communi humanae vitae *fini*, ut e. g. blasphemia, periurium, sacrilegium, furtum, etc., et isti actus dicuntur intrinsece *mali*, et quia *mali* sunt, nempe intime et necessario rationis ordini dissoni, ideo prohibentur deinde a *naturali lege*. Alii tandem actus sunt, qui per se seu intrinseca natura sunt cum praedicto *fini* et consequenter cum rationis ordine *necessario connexi* non sunt, ut e. g. cum amico conversari, rusticatum ire, etc., et isti actus dicuntur intrinsece indifferentes; quare *necessitate finis assequendi* isti actus neque necessario poni debent, neque necessario debent omitti: sed, si sponte quis illos ponere velit eos profecto, ita exercere debet, ipsa necessitate finis assequendi, ut a fine non abscedat, sed ad finem semper tendat, cum ob hanc rationem dederit homini ipsa natura facultatem libere agendi, ut per liberam actionem se ipsum ducat in finem. Unde eo ipso quod actus, actus nempe *in concreto*, fini non repugnat, iam fini aliquo saltem modo consensus est et moraliter bonus. S. Th. 2. Dist. 40. q. 1. a. 5. Atque hinc patet quid *ordo* et *rectitudo rationis* significat, nempe importat proportionem medij ad finem, quam ratio non facit, sed cognoscit et proponit voluntati. Et sic A. D. bonum morale dicit quod convenit ordini rationis, bonum item honestum quod convenit rectitudini rationis 1. 2. q. 18. a. 8. q. 39. a. 2.

Regula item proxima et formalis, nempe lex, omnes etiam humanos actus complectitur: siquidem alios praecipit, alios prohibet; quos autem neque praecipit neque prohibet, sed permittit sive positive sive negative, ita ex eadem lege praecipiente, praestandi sunt, ut rationis ordini et rectitudini non repugnent; et sic huiusmodi actus sunt eo ipso moraliter boni, siquidem si in ipsis efficiendis rationis ordo servetur, iam rationi convenientes sunt et moraliter boni ac honesti.

68. *An moralitas seu moralis bonitas vel malitia in interiori tantum voluntate acta reperatur, an etiam in actu exteriori?* — Duplex in exteriori actu distingui potest bonitas seu malitia moralis. Primo enim considerari potest bonitas vel malitia moralis *obiectiva* actus exterioris, quam actus



ille ex se habet, nempe ex proprio obiecto et circumstantiis, quibus obiective afficitur, secundum rectum rationis ordinem. Huiusmodi bonitas seu malitia, quam habet actus exterior secundum se propter debitam vel indebitam materiam et debitas vel indebitas circumstantias a ratione derivatur, prout nempe rectitudinem rationis vel deviationem a recto rationis ordine illud obiectum illaque circumstantiae exhibent. Haec obiectiva bonitas seu malitia actus exterioris prior est quam bonitas seu malitia actus voluntatis. Et sic actus exterior est *obiectum* voluntatis, in quantum proponitur voluntati a ratione, ut quoddam bonum apprehensum et ordinatum per rationem, vel ut ab hoc ordine desciscens; et bonitatem seu malitiam moralem in voluntate causat. Secundo considerari potest in actu exteriori bonitas vel malitia moralis, in ordine ad finem, secundum quod iste exterior actus substat interiori actui voluntatis. Finis enim proprium voluntatis obiectum est. Et sic ratio boni vel mali, quam habet actus exterior ex ordine ad finem per prius invenitur in actu voluntatis, et ex eo derivatur ad actum exteriorem. Itemque in quantum exterior actus, consistit in executione operis est effectus voluntatis, et sequitur voluntatem. Voluntas tunc comparatur ad actum exteriorem, sicut causa efficiens, unde bonitas vel malitia moralis actus voluntatis est forma exterioris actus, sicut in causa agente existens, q. 20. a. 1. Quare « bonitas finis ex voluntate redundat in actum exteriorem, et bonitas materiae et circumstantiarum redundat in actum voluntatis ». q. 20. a. 3. Iam vero actus exterior et interior voluntatis prout considerantur in genere moris sunt unus *actus humanus*, ib. Si ita adaequate consideratur *humanus actus*, *formalis* bonitas vel malitia moralis *actus humani* solum est intrinsece in interiori actu voluntatis, in exterioribus vero solum per denominationem extrinsecam. Moralitas enim *humani actus formaliter* inspecta non reperitur nisi in actu *libero*, libertas autem formaliter non nisi in voluntate est. Item formalis moralis bonitas ex ordine ad finem est, qui proprium est obiectum voluntatis, q. 20. a. 1. Unde patet, quod in exteriori actu huiusmodi moralis bonitas, quae est *secundum ordinem ad finem* tota dependet a voluntate, ib. a. 2. Illa autem « bonitas actus exterioris, quam habet ex materia et circumstantiis, est alia a bonitate, quae est ex fine: non autem alia a bonitate voluntatis, quam habet ex ipso actu volito, sed comparatur ad ipsam ut ratio et causa eius ». q. 20. a. 4. ad 2. Confirmatur « nam quantumvis actus exterior ex se bonus et conformis videatur rationi, si tamen a malo interno actu seu prava intentione et electione impetratur, non est bonus, quatenus actus humanus est. Ergo signum est *in ratione actus humani* solum esse bonum per denominationem ab interiori actu. Simile argumentum est, quia actus exterior praecise et per se sumptus non addit homini formalem bonitatem moralem, nec reddit illum magis studiosum, si enim intelligamus aliquem existimantem, se posse exequi exteriorem actum virtutis, habere efficacem voluntatem exercendi talem actum, is rectus est et studiosus, sive possit revera exequi sive non possit, quia virtus non pendet ex facultate, quae nobis invitis deesse potest, sed ex voluntate, supposito quod voluntas aequalis sit. . . . Doctrina haec de actibus externis eodem modo procedit in actibus intellectus et appetitus sensitivi ». Suarez D. 10. S. 1.

69. *An actus externus moralitatem aliquo modo addit actui interno?*— « Dicendum est primum, actum exteriorem *per se* non ferre augmentum bonitatis vel malitiae, si caetera sint paria in actu interiori: ita D. Th. 1. 2. q. 20. a. 4. . . . quia actus exterior non habet bonitatem distinctam ab interiori, et necessario sequitur ex illo si est in nostra facultate, si autem non est in nostra facultate non minuit bonitatem voluntatis. . . . Secundo dicendum est, actionem externam interdum esse necessariam ad bonitatem voluntatis, vel ad talem bonitatem. . . . nam quando est in potestate hominis exequi actionem externam, non potest habere interiorem voluntatem perfectam, nisi exteriorem actionem exequatur, quia actus exterior est ter-

minus et finis interioris, et quia voluntas absolute perfecta est quae operatur cum potest. . . . Tertio dicendum, per accidens exteriorem actum posse augere bonitatem, vel malitiam simpliciter. . . . Nam 1.<sup>o</sup> propter exteriorem actum saepe homo magis durat et perseverat in interiori, imo etiam saepe multiplicat interiores actus, et hoc modo moraliter peius est occidere. 2.<sup>o</sup> Quia ipsa exterior actio et accendit affectum et ita facit ad actum interiorem, quo modo vocalis oratio conferre solet ad interiorem devotionem. 3.<sup>o</sup> Sunt utiles actiones externae ad moderandas passiones et habitandum corpus, ut facilius iustitiae deserviat. . . . Addendum est etiam esse actus externos bonos utiles ad effectum satisfactionis pro poena temporali debita pro peccato, quia satisfactio non tantum sumitur ex bonitate, sed maxime ex poenaltate actus: actus autem exterior per se affert propriam poenam et dolorem. Denique addendum est exteriores actus esse necesarios ad aliquos effectus gratiae, qui vel ex opere operato, vel ex speciali privilegio conferuntur: ut sunt effectus sacramentorum et effectus martyrii, et si qui alii sunt similes, quia cum hi effectus non pendeant ex sola mente operantis, promissi sunt exercenti tale opus non solum in affectu, sed etiam in effectu: et eodem modo e contrario actus mali externi, vel etiam effectus eorum sunt necessarij ad incurrendas aliquas poenas vel censuras, quae per solum interiorem actum non incurruntur ». Suarez. D. 10. S. 2.

Haec S. Th. cit. q. 20. a. 4. « Dicendum, quod si loquamur de bonitate exterioris actus, quam habet *ex bonitate finis*, tunc actus exterior nihil addit ad bonitatem, nisi contingat ipsam voluntatem secundum se fieri meliorem in bonis, vel peiorem in malis. Quod quidem videtur posse contingere tripliciter: uno modo *secundum numerum*, puta cum aliquis vult aliquid facere bono fine vel malo, et tunc quidem non facit, postmodum autem vult et facit: duplicatur actus voluntatis, et sic fit duplex bonum vel duplex malum. Alio modo *quantum ad extensionem*: puta cum aliquis vult facere aliquid bono fine vel malo, et propter aliquod impedimentum desistit: alius autem continuat motum voluntatis, quousque opus perficiat, manifestum est quod huiusmodi voluntas est diuturnior in bono vel malo: et secundum hoc est peior vel melior. Tertio *secundum intensiorem*: sunt enim quidam actus exteriores, qui in quantum sunt delectabiles vel poenosi, moti sunt intendere voluntatem vel remittere. Constat autem, quod quanto voluntas intensius tendit in bonum vel malum, tanto est melior vel peior. Si autem loquamur de bonitate actus exterioris, quam habet *secundum materiam et debitas circumstantias*, sic comparatur ad voluntatem ut terminus et finis, et hoc modo addit ad bonitatem vel malitiam voluntatis: quia omnis inclinatio vel motus perficitur in hoc quod consequitur finem vel attingit terminum. Unde non est perfecta voluntas, nisi sit talis, quae opportunitate operetur. Si vero possibilitas desit, voluntate existente perfecta, ut operaretur si posset: defectus perfectionis, quae est ex actu exteriori, est simpliciter involuntarius. Involuntarium autem sicut non meretur poenam vel praemium in operando bonum aut malum, ita non tollit aliquid de praemio vel de poena, si homo involuntarie simpliciter deficiat ad faciendum bonum vel malum ». Hic agitur de bonitate et malitia actuum respectu praemij vel poenae essentialis, nam actus exterior addit ad praemium accidentale, ut inquit idem A. D. 2. Dist. 40. a. 3. Cf. l. 2. q. 13. a. 5. ad 1., q. 20. a. 5.

70. *An idem actus exterior possit esse bonus et malus?* — « Dicendum, quod nihil prohibet aliquid esse unum, secundum quod est in uno genere et esse multiplex secundum quod refertur ad aliud genus. . . . Et secundum hoc nihil prohibet aliquem actum esse unum secundum quod refertur ad genus moris. . . . Ambulatio enim continua est unus actus secundum genus naturae, potest tamen contingere quod sint plures secundum genus moris, si mutetur ambulantis voluntas, quae est principium actuum moralium. Si ergo accipiat unus actus prout est in genere moris, impossibile est, quod



sit bonus et malus bonitate et malitia moralit: et tamen si sit unus unitate naturae et non unitate moris, potest esse bonus et malus. q. 20. a. 6.

71. *An dentur actus humani indifferentes, i. e. qui neque boni moraliter, neque mali moraliter sint, neque honesti neque turpes?* — Si actus humani considerentur *in abstracto*, seu secundum *suum speciem*, quam intrinsece habent a proprio obiecto, praecisione facta a fine et a circumstantiis determinantibus, tunc actus profecto dantur indifferentes, qui nempe ex specie sua neque *mali* neque *boni* sint, sicut homo secundum se, seu secundum suam speciem neque virtuosus neque vitiosus est. Et ratio est, quia omne obiectum aliquam habet bonitatem vel malitiam saltem naturalem; non tamen semper importat bonitatem vel malitiam moralem, quae consideratur per comparisonem ad ordinem, nempe rationis. Non enim obiectum actus humani includit aliquid pertinens ad hunc rationis ordinem: non omnes quidem actiones sunt per se necessario connexae cum ultimo fine, neque omnes praecipiuntur aut prohibentur a lege, sed plures mere permittuntur, sicut ambulare, ire ad campum, levare festucam de terra, et huiusmodi. Tales ergo actus secundum speciem suam sunt indifferentes, q. 18. a. 8. — Si vero actus humani *in individuo*, seu concrete considerentur, prout nempe et a particularibus circumstantiis et a fine determinantur. Scotistae affirmant dari actus indifferentes *in individuo*. Ratio est, quia nulla certa lex iubet dirigere eos in ultimum humanae vitae finem, nempe Deum, neque semper agere ex altiori motivo honestatis et virtutis: sed attenda humana fragilitate et infirmitate, Deus ipse permittit, ut homo agat ex hac ipsa infirmitate et fragilitate propter necessitatem et commodum ipsius naturae, ut e. g. lautius aliquando comedere, convivia instituere, recreari aspectu coeli, campi, etc. Ergo haec et aliae similes actiones exerceri possunt ex fine mere indifferenti. Thomistae e contrario negant dari actus indifferentes *in individuo*, et verius. Atque haec profecto est A. D. sententia. Ratio est, quia aut quis facit rem necessariam, utilem, convenientem naturae rationali, nempe animae, corpori, rebus ipsis exterioribus, quae ad utrumque ordinantur, aut rem facit inutilem prorsus et otiosam. Si primum actio haec tendit ad finem naturaliter bonum, et bona est. Si secundum rem facit naturae rationali disconvenientem, utpote saltem superfluum: ratio enim dicat non multiplicanda entia sine necessitate, aut utilitate, aut convenientia aliqua, q. 18. a. 9. par. *Sed contra*, 2. Dist. 40. q. 1. a. 5. Praeterea cum rationis hoc proprium sit, humanos actus, qui ex deliberatione fiunt, dirigere et ordinare ad debitum finem: aut humanus actus est reapse ad debitum finem ordinatus, et habet rationem *boni*: aut non est ad debitum finem ordinatus, et tunc ex hoc ipso *rectae rationi* repugnat, et habet rationem *mali*, q. 18. a. 9. c., Suarez D. 9. S. 3. Atque ex adducta ratione luculenter patet, actus illos indifferentes Scotistarum tales revera non esse, sed esse moraliter honestos; si enim fiant propter necessitatem, utilitatem, convenientiam, secundum ordinem rationis sunt, et consequenter moraliter honesti. Enimvero et lautius aliquando comedere et convivia instituere, et animo ac corpore recreari, actus secundum rationem sunt, si intra debitos limites haec contineantur. Sunt ergo isti actus revera facti ex motivo honestatis et virtutis, licet fiant ex naturali fragilitate, necessitate, utilitate, convenientia: siquidem in hoc est honestas et virtus, quod rectitudo rationis servetur. Sunt praeterea etiam ad Deum ordinati saltem implicite, licet non explicite, ut mox magis explicabimus, siquidem, eo ipso quod secundum rationem sint et boni, ad Deum natura sua referuntur, q. 18. a. 9. ad 3., Suppl. q. 49. a. 2. ad 6., 2. Dist. 40. q. 1. a. 5., 2. q. 141. a. 6. ad 2., q. 168. a. 3. ad 3., q. 169. a. 1. ad 1., De Caritate q. un. a. 7. ad 13. ad 14., 4. Dist. 16. q. 2. a. 2. q. 1., 2. q. 145. a. 1. a. 3., q. 23. a. 3., 2. Dist. 39. q. 3. a. 3. ad 6., 1. 2. q. 39. a. 2.

72. *An ad moralem bonitatem actuum humanorum necesse sit dirigere*

*omnes actiones in gloriam Dei?* — Communior et verior sententia affirmat. Ratio luculentissime patet ex dictis: siquidem omnis moralis actio, ut sit bona, necesse est, ut tendat in ultimum finem, et in eum a ratione ordinetur. Atqui si humana actio ad ultimum finem tendit et ordinatur, iam ad Dei gloriam dirigitur. Ergo tam necessarium est actiones omnes dirigere ad Dei gloriam, quam necessarium est esse eas moraliter bonas. « Bonitas voluntatis dependet ex intentione finis: finis autem ultimus voluntatis humanae est summum bonum, quod est Deus. Requiritur ergo ad bonitatem humanae voluntatis, quod ordinetur ad summum bonum », q. 19. a. 9. « Totum quod homo est, et quod potest et habet, ordinandum est ad Deum », q. 22. a. 4. ad 3. Hinc, ut patet ex ratione facta, satis est eas in Deum dirigere *virtualiter* ex parte operis, seu *actu ipso exercito*, agendo nempe ob finem aliquius virtutis, seu honestum et naturae rationali consentaneum: talis enim actus ex intrinseca natura sua in Dei gloriam tendit. Ad rem S. Th. q. 8. a. 3. ad 2. « quaecumque quis vult ea, quae sunt ad finem, vult eodem actu finem: non tamen e converso ». Et q. 21. a. 4. « Qui facit actum malum *non reprehensibilem* in Deum, non servat honorem Dei, qui ultimo fini debetur ». Caietanus in eand. q. 8. a. 3.: « semper appetens, ait, quod est ad finem, appetit finem, non *habitualmente*, sed *actualiter*, ut extendit se ad *actualiter* et *virtualiter*. Est enim *virtualiter* uti aliquo, infra latitudinem actualis usus: aliocum nunquam impleteretur illud praeceptum: *Omnia in gloriam Dei facite*: facere enim actualiter operari importat ». Multo magis satis praeterea est actiones omnes in Deum dirigere *virtualiter* ex parte ipsius operantis, qui per caritatis actum totam vitam suam in Deum ordinavit, et in habituali manet caritate. Haec Caietanus in 1. 2. q. 8. a. 3.: « inter motum voluntatis in aliquod *habitualmente* et *actualiter*, medius est motus voluntatis in illud *virtualiter*. . . Cum enim habens caritatem peccat venialiter *habitualmente* quidem diligit Deum, sed non *actualiter*, ut patet, nec *virtualiter*, quia peccatum *non est dirigibile in Deum*. Cum autem habens caritatem ambulat vel praedicat, et quidquid aliud *non malefacit*, quamvis de Deo non cogitat *actualiter*, actus tamen ille non solum talis virtutis est, sed caritatis, et voluntas tunc *virtualiter* fertur in Deum, et non solum *habitualmente*, quod convenit dormienti, et peccanti venialiter ».

#### IV. — DE VARIIS MORALITATIS FONTIBUS

73. *Quiaam sint moralitatis fontes?* — Ut iam dictum est, moralitas actuum humanorum, earumque moralis bonitas vel malitia ex habitudine est ad ultimum humanae vitae finem et legem, ex convenientia vel inconvenientia cum eodem fine et lege. Porro ista habitudo, ista convenientia vel inconvenientia in humano actu ex triplici capite exoriri potest, nempe ex *fine* eiusdem actus, ex eius *obiecto*, ex *circumstantiis*. Hinc communiter dici solet, humanum actum ex hoc triplici capite desumere suam bonitatem vel malitiam, moralem: particularem nempe specificam et individuum bonitatem vel malitiam: non omnes enim actus *boni* sunt in eadem specie, nec omnes actus *males* in eadem pariter specie. Tum autem obiectum, tum circumstantiae, tum finis, ordinem et diversum ordinem habere possunt ad ultimum bonum finem, et legem. In hoc autem ordine humanorum actuum ad ultimum finem et legem moralitas consistit.

74. *Quid et quodammodo sit finis?* — Per finem hic proprie intelligitur id quod per tale vel talen actum agens ulterius intendit, tanquam ratio propter quam operatur. Hic est ille finis, qui dicitur *operantis*, et finis *extrinsecus* vel actus. « Dicendum, ait S. Th. 2. Dist. 36. q. un. a. 5. ad 5.,



quod actus aliquis habet duplicem finem, scilicet proximum finem, qui est obiectum eius, et remotum, quem agens intendit. Si autem agens non intendit alium finem diversum ab ipso fine *intrinseco* actionis, quam facit, tunc *finis operantis* coincidit cum *fine operis*, ut apparet in illo, qui vult furari, ut furetur, i. e. ut ex alieno ditiescat. Iam vero *finis operantis* dupliciter considerari potest 1.<sup>o</sup> respectu *intentionis* voluntatis, h. e. respectu actus voluntatis, intendentis ipsum, 2.<sup>o</sup> respectu ipsius actus, qui *imperatur*, tanquam medium ad illum finem. Sub prima consideratione, finis est proprie voluntatis *obiectum*, imo praeceptum: cum finis sit, qui movet voluntatem ad media. Sub secunda consideratione finis est mera *circumstantia* actus imperati, et sic inter circumstantias solet annumerari. Ille, qui furatur e. g. ut committat adulterium, praecipue *cult* adulterium, hoc *intendit* et efficaciter procurat. Et ex hoc adulterio est principalis voluntatis malitia. Actus autem, ideo imperatus ab aulterii voluntate, nempe furtum e. g., substantialiorem malitiam sibi propriam habet a proprio obiecto, nempe ab acceptione rei alienae, invito domino: quod autem referatur extrinsece ab operante ad talem vel talem finem, hoc ipsi accidentale omnino est, non ex propria natura, sed ex operantis arbitratu. Finis ergo qui est *actus circumstantia*, non est ipse finis *operis*, qui *dat speciem actui*, sed aliquis finis *adiunctus*: sicut quod fortis fortiter agat propter bonum fortitudinis non est *circumstantia*: sed si fortiter agat propter liberationem civitatis, vel propter Christum, vel aliquid huiusmodi q. 7. a. 3. ad 3., q. 18. a. 6. ad 2. Finis *intrinsecus* finis semper *proximus* est, ut patet: finis vero extrinsecus et *proximus* et *remotus* et *ultimus* esse potest. *Proximus*, qui immediate intenditur, remotus qui mediate, ultimus in quo sistitur.

75. *An unicus sit humanae actionis finis?* — « Idem actus numero, secundum quod semel egreditur ab agente, non ordinatur nisi ad unum finem proximum a quo habet speciem, sed potest ordinari ad plures fines remotos, quorum unus est finis alterius ». Dicitur prout *semel egreditur ab agente*, nam plures esse possunt eius actus fines, prout hic continuetur et repetatur: puta alienum sumere, ut quis ex alieno ditiescat: alienum retinere, vel iterum sumere, ut illud domino conservetur. Dicitur *a quo habet speciem*: nam plures esse possunt *fines*, etiam proximi, *operis*, unius eiusdemque actus, sed unus est *finis operis* primarius a quo est *species* velut substantialis actus, caeteri autem accidentales et naturam potius circumstantiarum inducunt. Sic e. g. si quis peregrinationem instituat, ut celebret Missam in Sanctuario SS. mi Cordis Iesu: Missae sacrificium est finis *operis* proximus, a quo intrinsece speciem sumit ipsa celebratio Missae: in illo vero Sanctuario celebrare ad honorem SS. mi Cordis Iesu finis *operis* etiam proximus est ipsius celebrationis, sed quasi extrinsece quaedam circumstantia non dans speciem actui. Finis autem remotus *operantis*, ad quem actus ordinatur, et ipse speciem actui dare potest: imo si sit finis in ea serie ultimus ipse est, qui potissimum speciem actui dat, quia ipse est qui est prior in intentione, et a quo omnes alii fines dependent, siquidem illi omnes sunt subordinati. Et sic ille qui moechatur, ut furetur, furatur, ut homicidium committat: potius homicida est, quam moechus et fur: quia homicidium est ratio formalis et motiva aliorum actuum. « Quando multi actus specie differentes ordinantur ad unum finem, est quidem *diversitas speciei* ex parte exteriorum actuum, sed *unitas speciei* ex parte actus interioris », q. 18. a. 6. « Possibile tamen est, quod *unus actus secundum speciem naturae* ordinetur ad diversos fines voluntatis. Sicut hoc ipsum quod est occidere hominem, quod est idem secundum speciem naturae potest ordinari sicut in finem ad conservationem iustitiae, et ad satisfactionem irae. Et ex hoc erunt diversi actus secundum *speciem moris*, quia uno modo erit actus virtutis, alio modo erit actus vitii ». S. Th. 1. 2. q. 1. a. 3. ad 3.

76. *An humana actio bene sit et speciem sumat ex fine, et an ea*

*differt a bonitate et specie, quae sumitur ex obiecto?* — Finis est obiectum voluntatis, non autem aliarum virium. Unde quantum ad actum voluntatis non differt bonitas, quae est *ex obiecto* a bonitate quae est *ex fine*, sicut in actibus aliarum virium; nisi forte per accidens prout *finis* dependet ex fine et *voluntas* ex voluntate; q. 19. a. 2. ad. 1. quando nempe *plures fines* per se subordinati et voliti sunt simul, ut cum quis vult medicinam sanativam propter adeundam militiam, propter victoriam, formalis bonitas obiecti, puta esse sanum, differt a bonitate alterius finis puta militiae; et quando *voluntas* unius finis, puta adulterii, dependet ex *voluntate* alterius finis, puta furti; ut cum quis vult adulterari, ut furetur, malitia quoque obiecti, puta adulterii, differt a malitia finis, puta furti. Utrumque autem est *per accidens*, accidit enim fini, quod alteri subordinetur, et voluntati etiam accidit, quod ab alia dependeat, secus enim hoc omni fini et omni volitioni conveniret. Caietan. in h. l. Insuper humanus actus, in tantum humanus est in quantum voluntarius. In actu autem voluntario duplex invenitur actus, actus interior voluntatis, et actus exterior. Horum autem uterque proprium obiectum habet. « Finis autem est proprie obiectum voluntatis. Id autem, circa quod est actio exterior est obiectum eius. Sicut igitur actus exterior accipit speciem ab obiecto, circa quod est, ita actus interior voluntatis accipit speciem a fine sicut a proprio obiecto. Id autem, quod est ex parte voluntatis, se habet ut formale ad id quod est ex parte exterioris actus, quia voluntas utitur membris ad agendum, sicut instrumentis, neque actus exteriores habent rationem moralitatis, nisi in quantum sunt voluntarii. Et ideo *actus humani species formaliter consideratur secundum finem*, materialiter autem secundum obiectum exterioris actus. Unde Philos. dicit, quod ille qui furatur, ut committat adulterium, est, per se loquendo, magis adulter quam fur ». S. Th. 1. 2. q. 18. a. 6.

77. *Utrum intentio extrinsecae finis naturam operis exterioris intrinsece immutare possit?* — Alii affirmant, alii negant. Horum sententia unico vera nobis videtur. Ratio est: 1.<sup>o</sup> natura mutari non potest; 2.<sup>o</sup> quia intentio operantis operi nihil addit, imo illud ne attingit quidem, cum illi prorsus extrinseca sit. Quare bona nostra intentio nequit opus malum reddere bonum, neque mala nostra intentio potest quod bonum est malum reddere, nec quod malum est in aliam malitiae speciem intrinsece transferre. Hoc autem non impedit, uti patet, quominus ubi agatur de obiecto de se indifferenti, possit finis extrinsecus operantis bonitatem vel malitiam moralem tribuere. Hoc enim non est immutare naturam intrinsecam ipsius operis exterioris, sed determinare eius intrinsecam indifferenciam, quatenus opus humanum est; quae determinatio in moralibus non nisi ab intentione est. Et sic, licet prava intentio iudicis reo nocendi *iustae* sententiae naturam immutare intrinsece non possit, et eam constituere *iniustam* damnificationem: intentio tamen accipiendi alienum, ipsam acceptionem determinat, prout nempe quis rem alienam accipiat, ut eam domino conservet, vel ut eam sibi accipiat et furetur. S. Alph. 1. 3. nn. 584. 636.

78. *An actus bonus sit, si duplicem habeat finem, alium bonum, alium malum?* — R. 1.<sup>o</sup> Affirm., si finis *malus* mere antecederet vel consequeretur se habeat, h. e. mere praecedat totum actum vel accedat actui iam praesistenti, vel etiamsi se habeat mere concomitanter, h. e. nihil influat in esse ipsius actus, sed illi tantum adiungatur. Ratio est, quia tunc est prorsus extrinsecus actui in toto suo esse constituto. Non est enim *ratio propter quam* ipsius actus: sed ratio tantum est e. g. simplicis cuiusdam complacentiae, quae praecedat, concomitatur, aut consequitur actum deliberatum. Haec autem in simplex complacentia potest, quin actum inficiat, suum exerceat influxum, ut facilius quis moveatur ad actum bonum, e. g. si alicui proponeretur elemosyna tanquam conferens ad vitam aeternam, et huic simplex complacentia *adiungatur* existimationis inde habendae apud homi-



nes. q. 19. a. 7. 2.<sup>o</sup> Negat., si finis malus se habeat vere causative, et influat in substantiam actus. Ratio, quia tunc vult quis bonum saltem inadaequate sub ratione mali, quod est malum velle, q. 19. a. 7. « ad hoc quod sit voluntas bona, requiritur quod sit boni, sub ratione boni, i. e. quod velit bonum et propter bonum ». 1. c. .... ad 3. Excipe, nisi sit finis *leviter* tantum malus. Ratio, quia tunc finis leviter tantum malus influat non in ipsum esse substantiale actus, sed tantum in esse accidentale actus, adeoque manet bona tota substantia actus. Et sic bona erit elemosyna, etiamsi in illum actum levis ostentatio obrepserit, et vere influxerit. S. Th. 1. 2. q. 18. a. 4. ad 3., Suarez D. 8. S. 1. n. 14. seqq.

79. *An peccet qui propter delectationem agat?* — R. Affirm. si agat propter *solum* delectationem; ulteriorem nempe honestum operis finem positive *excludendo*, et hoc peccatum, per se loquendo, veniale non excedit. Negat. si simpliciter propter delectationem agat. Ratio primi est, quia delectatio est propter operationem, non viceversa, ut nempe homo alliciatur ad operationes humanae vitae necessarias, vel utiles. Ergo delectatio non est finis actionis « sed medium ad actionem constantius, facilius, melius exercendam ». S. Th. 1. 2. q. 4. a. 2. Ergo. Confirm. ex prop. 8., damn. ab Innoc. XI. Ratio secundi est, quia cum delectatio per se non sit mala, sed bona, nisi quis in ea constituat suum ultimum finem, quod procul dubio grave esset, non habetur gravis in humana actione deordinatio. Ratio tertii est, quia delectatio per se non est mala, sed bona, ipsique ordini naturae consentaneum est, ut homo alliciatur a delectatione ad operandum. S. Th. C. G. 1. 3. c. 26. n. 6. 7. Si quis ergo, licet nihil expresse cogitet de ulteriori fine honesto, movetur a delectatione ad actionem, quam apprehendit naturae consentaneam, vel in qua nihil invenit rationis ordini contrarium, e. g. ad cibum sumendum, ludendum, etc., nihil omnino peccat. S. Th. 2. 2. q. 141. a. 1. ad 1.

80. *Quid per obiectum intelligatur?* — Per *obiectum* actus humani non intelligitur hic quidquid voluntati obiiicitur: sic enim, et *finis*, et *circumstantiae* forent etiam eius obiectum: sed intelligitur res illa, quam quis immediate seu directe et per se vult. Obiectum non consideratur hic *physice*, nempe prout est existens quaedam res. Circa *idem obiectum physice consideratum*, possunt versari actus morales *specie diversi*. Et sic e. g. circa eandem uxorem possunt haberi actus coniugaliter honestus, et actus adulterii turpis. Obiectum consideratur hic *moraliter*, nempe prout subest regulae morum, seu legi praecipienti, prohibenti, permittenti. Et sic obiectum furti non est res aliena, praecise prout *res est*, sed quatenus recta ratio vetat, ne auferatur, invito domino. Hinc A. D. inquit 1. 2. q. 19. a. 2. ad 3.: « dicendum, quod bonum per rationem repraesentatur voluntati, ut obiectum, et in quantum cadit sub ordine rationis pertinet ad genus moris, et causal bonitatem moralem in actu voluntatis ». Cf. q. 18. a. 5. et S. q. 41. a. 3. ad 5.

81. *An actus humani bonitatem aut malitiam moralem desumant ex obiecto.* — R. Affirm. ratio est, quia ex obiecto intrinsece specificantur actus. Ergo ut ab obiecto habent speciem, ita habent etiam bonitatem et malitiam. « Bonum et malum actionis, ait S. Th. q. 18. a. 2., sicut et caeterarum rerum, attenditur ex plenitudine essendi, vel defectu ipsius. Primum autem, quod ad plenitudinem essendi pertinere videtur, est id, quod dat rei speciem. Sicut autem res naturalis habet speciem ex sua forma; ita actio habet speciem ex obiecto: sicut et motus ex termino. Et ideo sicut prima bonitas rei naturalis attenditur ex sua forma, quae dat speciem ei, ita et prima bonitas actus moralis attenditur ex obiecto convenienti. Unde et a quibusdam vocatur *bonum ex genere*, puta uti re sua. Et sicut in rebus naturalibus primum malum est, si res generata non consequitur formam specificam; puta si non generetur homo, sed aliquid loco hominis: ita primum malum in actionibus moralibus est, quod est ex obiecto, sicut acci-

pere aliena. Et dicitur malum *ex genere*, genere pro specie accepto, eo modo loquendi quo dicimus *humanum genus* totam humanam speciem ».

82. *An actus bonus sit, si obiectum sit bonum, sed malus finis?* — R. Negat. Qui enim malo fine agit, licet velit bonum, illud tamen vult sub *ratione mali*, et ideo prout est volitum ab ipso est malum. q. 19. a. 7. Hinc S. Alph. ait: « Si obiectum sit bonum, finis vero operantis sit malus, actus humanus est *totus* malus ex malitia finis, quae destruit omnem bonitatem ». Tr. De act. hum. n. XXXVIII., Suarez D. 6. S. 1. 2. D. 8. S. 1. n. 13.

83. *An actus bonus sit, si obiectum sit malum, sed bonus finis?* — R. Negat. Et sane Apostolus damnat dicentes. *Faciuntus mala ut eremiant bona*. Rom. 3. 8. Ratio autem est, quia intentio finis boni, utpote extrinseca ipsi obiecto volito, si hoc malum est, non impedit quominus quis *malum* reapse velit Suarez D. 4., D. 8. S. 1. n. 20. seqq.

84. *Quid per circumstantias intelligatur?* — Per *circumstantias* actus humani intelliguntur rationes illae omnes, quae *obiecto* volito *accessoriae* sunt, et quasi *substantiae* actus *accidentales*, et volitae dumtaxat sunt *concomitantur* vel *consequuntur*. « Nomen *circumstantiarum*, ait S. Th. q. 7. a. 1., ab his quae in loco sunt derivatur ad actus humanos. Dicitur autem in localibus aliquid circumstare, quod est quidem extrinsecum a re, tamen attingit ipsam, vel appropinquat ei secundum locum. Et ideo quaecumque conditiones sunt extra substantiam actus, et tamen attingunt aliquo modo actum humanum, *circumstantiae* dicuntur. Quod autem est extra substantiam rei, ad rem ipsam pertinens, accidens eius dicitur. Unde *circumstantiae* actuum humanorum accidentia eorum dicendae sunt ». Et obiectum, ita *circumstantiae* non considerantur hic prout sunt *accidentia* quaedam *physice* *afficientia* actum, sed prout sunt accidentia actus humani: ipsum *in esse morali*, iam *ex obiecto constitutum*, *moraliter* *afficientia*. *Moraliter* *afficientia*, h. e. quatenus ad mores pertinent. Enimvero ad *esse morale* actus nihil refert, quod quis e. g. aliam alteri dederit, vel furatus sit manu dextera vel sinistra. Aliter autem circumstantias considerant Iuriconsulti ac Theologi. Illi enim potius quatenus societatem perturbant, isti quatenus Deum gravius offendunt eas considerant. Cf. Suarez Tr. 2. D. 5.

85. *An humani actus desumant etiam suam bonitatem et malitiam moralem ex circumstantiis?* — R. Affirm. Etenim cum in obiectum tendant non *abstractum* sed *concretum*, seu suis individuantiis circumstantiis determinatum, ut desumunt specificam bonitatem et malitiam moralem ab obiecto, ita etiam bonitatem et malitiam moralem accidentalem desumunt ex circumstantiis: et varias ex eis induunt accidentales qualitates: sicut homo ab anima habet rationem suae speciei, aliquid vero accidentale convenit homini individuo secundum accidentia eius individualia. Et sane, cum *bonum* convertatur cum *ente*, sicut *ens* dicitur secundum substantiam et secundum accidens, ita et *bonum* attribuitur alicui et secundum esse suum substantiale, et secundum esse accidentale, tam in rebus naturalibus, quam in actionibus moralibus. S. Th. 1. 2. q. 18. a. 3. 9.

86. *Resolvit*: 1. Actus humanus triplicem bonitatem vel malitiam moralem habere potest, sive intra eandem speciem, sive etiam diversae speciei. Sic e. g. si quis rem sacram furaretur, ut eam dono daret meretrici ad fornicationem ab ea obtinendam, talis actus *ex obiecto* esset *factum*; *ex circumstantia sacri sacrificii*; *ex fine fornicatio*; adeoque triplicem malitiam specie diversam haberet. 2. Bonitas seu malitia moralis intrinseca et essentialis actus desumitur ex obiecto. Ex obiecto enim voluntas primo et per se seu directe movetur ad actum. Hinc licet, ut actus humanus sit bonus simpliciter, requiratur ut nullam habeat circumstantiam malam, non requiritur tamen ut semper habeat obiectivas circumstantias proprias, a quibus acci-



dentalem bonitatem, seu augmentum bonitatis accipiat, ut patet in actu circa obiectum omnino simplex, qualis est amor Dei. Dicitur *circumstantias obiectivas*, seu ex parte obiecti, nam circumstantiae ex parte ipsius actus semper aliquae saltem reperiuntur, quae illi conferant bonitatem aliquam vel malitiam. Et sic semper, saltem moraliter loquendo, quod satis est in praesenti materia, est in actu aliqua *intensio*, pertinens ad circumstantiam *quo modo*, ratione cuius habet actus aliquam bonitatem vel malitiam, quae potest dici accidentalis, quatenus sine illa posset servari species actus. 3.º Ut circumstantiae suam actui conferant bonitatem vel malitiam moralem debent esse volitae vel per modum obiecti vel saltem per modum actus, quia obiectum non confert actui humano moralem bonitatem vel malitiam nisi quatenus intentum et volitum. Circumstantiae obiectivae, h. e. quae se tenent ex parte obiecti debent esse volitae per modum obiecti, quia huiusmodi circumstantiae afficiunt ipsum obiectum, et actus indivisibiliter attingit obiectum, non quasi nudum, sed suis quasi circumstantiis vestitum. Circumstantiae vero quae se tenent ex parte actus debent esse volitae vel per modum obiecti, si illa circumstantia sit extrinseca ipsi actui, uti est e. g. circumstantia *quis*, potest enim operans seipsum respicere, ut obiectum suae voluntatis et velle dignitatem seu conditionem suae personae ad opus applicare, vel per modum actus, si illa circumstantia sit intrinseca ipsi actui, uti est e. g. circumstantia *quomodo* vel *quando*, et sic ut bonitas vel malitia actus voluntatis augeatur ex intensione vel duratione, satis est ut intensio et duratio sit voluntaria per modum actus, quatenus nempe voluntarius sit ipsimet actus intensus, diuturnus, etc. Cf. S. Th. C. G. 1. 3. c. 138., 1. 2. II. cc., Suarez D. 4. D. 5. D. 6. S. 3.

87. *Utrum circumstantia naturam operis exterioris, intrinsece immutare possit?* — R. Affirm. Ratio est, quia circumstantia est intrinseca ipsi operi, minime vero extrinseca, uti est finis operantis respectu operis exterioris. Ergo ipsum opus externum immutare potest. *Immutare potest*. Non enim quaelibet circumstantia externum opus, ita semper modificat, ut eius etiam naturam intrinsece immutet. Et sic si parochus breviarium recitat, tempore, quo deberet moribundo sacramenta ministrare, recitationis breviarii intrinseca natura non mutatur. Unde sufficit etiam confiteri tantum praedictam omissionem administrationis sacramentorum. Neque vero ita illa *intrinseca* immutatio intelligenda est, ut opus externum ex *propria sibi natura intrinseca* indifferens, bonum, vel in tali specie, ratione nempe proprii obiecti, evadat natura sua malum, vel in alia specie. Circumstantia enim cum sit quid obiecto accessorium, si obiectum ratione sui, indifferens vel bonum est et in tali specie, indifferens et bonum et in tali specie manet sub illo respectu, licet intrinsece etiam evadere possit malum, immutari in malum et aliam speciem assumere, ratione circumstantiae. Sic e. g. comedere actio de se est indifferens, sed comedere die ieiunii post aliam sumptam refectio-nem, grave peccatum est, adeoque actio est mala non ratione comestionis, sed ratione diei ieiunii, et *haec circumstantia temporis* mala evadit. Matrimonio uti, actio honesta est; sed matrimonio uti post votum castitatis actio graviter peccaminosa est, non ratione ipsius usus matrimonii, sed voti; et haec voti circumstantia in malam ex bona immutatur. Furari actio est contra iustitiam mala, sed furari rem sacram, actio est mala etiam contra religionem ex illa rei sacrae circumstantia, unde malitiae furti malitia additur sacrilegii.

88. *Quomodo variae circumstantiae distinguantur?* — Quaedam circumstantiae sunt, quae naturam operis vel actus immutant *more accidentaliter*, intra eandem nempe speciem, bonitatem vel malitiam moralem augent vel minuunt; et ideo *aggravantes* vel *minuentes* appellantur. Huiusmodi circumstantiae sunt illae omnes, quae non habent bonitatem vel malitiam *secundum se*, sed *per ordinem ad aliam conditionem actus*, quae illam boni-

tatem vel malitiam secundum se habet. Unde praedictam bonitatem vel malitiam augent vel imminuunt. Et sic e. g. intensio et remissio actus, mora longa vel brevis actus, non habet secundum se moralem bonitatem vel malitiam, sed per ordinem tantum ad actum bonum vel malum, cuius consequenter non nisi accidentalem diversitatem constituunt. Sic etiam tollere aliquid in maiori vel minori quantitate, non respicit *secundum se* ordinem rationis in bono vel malo, sed *praesupposita* aliqua alia conditione, per quam actus habet malitiam vel bonitatem, puta hoc quod est *esse alienum*, quod secundum se rationi repugnat. Unde tollere alienum in maiori vel minori quantitate non diversificat speciem peccati. Aliae vero sunt circumstantiae, quae *essentialiter* naturam operis et actus immutant et *mutantes speciem* vocantur. Huiusmodi circumstantiae sunt illae, quae *secundum se* specialem ordinem rationis respiciunt. Sic e. g. tollere alienum habet speciem *ex ratione alieni*, ex hoc enim constituitur in specie furti. Et si consideretur super hoc ratio loci, vel temporis, se habebit in ratione circumstantiae. Sed quia ratio etiam de loco vel de tempore et aliis huiusmodi ordinare potest, contingit conditionem loci circa obiectum accipi ut secundum se contrariam ordini rationis, puta quod ratio ordinat iniuriam non esse faciendam loco sacro: unde tollere aliquid alienum de loco sacro addit specialem repugnantiam ad ordinem rationis. Et ideo locus, qui prius considerabatur ut simplex *circumstantia*, nunc consideratur ut *principalis conditio* obiecti rationi repugnans. Hinc S. Th. q. 18. a. 10. ad 2. « circumstantia, ait, manens in ratione circumstantiae, cum habeat rationem accidentis, non dat speciem: sed in quantum mutatur in principalem conditionem obiecti, secundum hoc dat speciem ».

89. *An actus sit bonus, si circumstantia sit mala?* — R. 1.<sup>a</sup> Negat., si agatur de uno eodemque voluntatis actu *in genere moris*. Ratio est, quia actus voluntatis, qui haec omnia simul complectitur, nempe obiectum et circumstantias unus simplicissimus actus est, adeoque, si non ex omni parte sit bonus, malus erit. Excipe, nisi sit circumstantia tantummodo *leviter* mala. Haec enim circumstantia *leviter* mala actum bonum non corrumpit, cum substantiae actus in se constituti accidentalis omnino sit. Id quidem in naturalibus contingit, idem in moralibus multo magis esse debet. Et sic affectus ad peccatum mortale in Communionem, hanc substantialiter corrumpit et reddit sacrilegam; affectus ad peccatum veniale in Communionem, hanc non corrumpit in sui substantia, licet minus fructuosam reddat. — 2.<sup>a</sup> Affirm., si agatur de uno eodemque actu *in genere naturalis*, et qui multiplex est *in genere moris*. Ratio est, quia tunc huiusmodi mala circumstantia extrinseca omnino est ipsi actui bono. Et sic in celebratione missae, sacerdos consecrans in statu gratiae, actum ponit bonum, deinde graviter peccans adhaerendo turpi cogitationi, et sacrilegam sumens communionem actum ponit malum.

90. *Quot humanorum actuum circumstantiae numerentur?* — Septem, quaeque sunt: *Quis, quid, ubi, quibus auxiliis, cur, quomodo, quando*. « Ratio huius adnumerationis sic accipi potest. Nam circumstantia dicitur quasi extra substantiam actus existens: ita tamen, quod aliquo modo attingit ipsum, contingit autem hoc fieri tripliciter. Uno modo in quantum attingit ipsum *actum*. Alio modo in quantum attingit *causam* actus. Tercio modo in quantum attingit *effectum*. Ipsum autem actum attingit vel *per modum mensurae* sicut tempus et locus: vel *per modum qualitatis* actus, sicut modus agendi. Ex parte autem effectus, ut cum consideratur *quid* aliquis fecerit. Ex parte vero causae actus quantum ad causam *finalem* accipitur *propter quod* ex parte autem causae *materialis* sive obiecti accipitur *circa quid* (quod comprehenditur sub *quid*): ex parte vero agentis *principalis* accipitur *quis* egerit; ex parte vero causae agentis *instrumentalis* accipitur *quibus auxiliis* » q. 7. a. 3.

91. *Quomodo sint praecipuae circumstantiae considerandae?* — Eae accipiendae non sunt, quatenus ab ipsis dependet substantia actus, sed quae



tenus ipsum accidentaliter afficiunt. Secus iam rationem circumstantiarum non haberent. Quare: 1.<sup>o</sup> *Quis* non significat substantiam operantis, sed eius qualitatem seu conditionem, e. g. quod sit ligatus, matrimonio coniunctus, publicus magistratus, etc. Ad hanc circumstantiam revocat Lugo de Poen. d. 16. n. 200., consuetudinem peccati, per eam enim explicatur qualiter quis sit dispositus ad facilius peccandum. Circumstantia personae, generatim loquendo, peccatum in aliam speciem non transfert, nisi peccatum *coniunctioni*, officio specialem afferenti obligationem, *voto* vel *statui eius directe* adversetur, ut si sacerdos fornicetur in sacrilegium transit, si autem blasphemat solius blasphemiae reus est, sicut alius blasphemans. S. Th. 2. 2. q. 110. a. 4. ad 5. 2.<sup>o</sup> *Quid et circa quid* non exprimit item substantiam effectus, seu obiecti, sed eius *qualitatem* vel *quantitatem*, v. g. in furto non denotat, quod res furtiva sit aliena, hoc enim pertinet ad ipsam substantiam actus, sed quod sit sacra vel prophana, magnae vel parvae quantitatis: cum damno inde pauperis, pupillorum, puellarum nubiliu, cum scandalo plurium, etc. Circumstantia *quid et circa quid* facile *mutans speciem* esse potest. *Quid* autem, i. e. effectus, quando est *praevisum* et *volitum* trahit in ipsius speciem, Cf. n. 32. seqq. Ad hanc circumstantiam revocari potest *quoties*, seu actuum multiplicatio. Illam tamen S. Th. inter circumstantias non computavit. Et ratio est, quia circumstantiae circa eundem sunt actum. Numerus autem operationum non circumstat unam et eandem operationem. Non enim secundum furtum est circumstantia primi, aut e converso; nec tertium secundi, et sic deinceps. Ex quo sequitur, quod quia non minus tenetur quis confiteri secundum peccatum, quam primum, et non minus centesimum, quam quodcumque aliud; quod non sufficit dicere, quod pluries furatus est, sed oportet explicare quoties furatus est, si numeri meminerit; et si non meminerit exprimere debet quam frequenter, sic ut verisimilis numerus habeatur. 3.<sup>o</sup> *Ibi* non significat nudum locum: certum enim est quemlibet actum hominis alicubi fieri; sed qualitatem loci, e. g. quod sit publicus, unde scandalum exoriatur; quod sit sacer, unde sacrilegium habeatur, etc. Circumstantia loci sacri, quamvis omnia aggravet peccata per accidens, illa tamen sola ad sacrilegii speciem trahit, quae sanctitati loci directe opponuntur, aut annexae immunitati, ut effusiones sanguinis, vel seminis humani, quae impediunt exhibendum ibidem divinum cultum, ad quem directe sanctificatur locus, et violentae extractiones, quae immunitati contrariantur, et his similia. 4.<sup>o</sup> *Quibus auxiliis*, significat accidentaliter instrumenta, seu media, quibus usus est operans, v. g. si quis vasis sacris usus fuerit ad veneficium, opem daemonis adhibuerit, alios homines iussu vel consilio ad peccati executionem induxerit. Licet haec circumstantia mere materialiter aliquando videatur se habere ad peccatum; aliquando tamen speciem etiam mutat. 5.<sup>o</sup> *Cur* denotat non finem intrinsecum operis, hic enim pertinet ad substantiam actus, sed extrinsecum et operantis, uti si quis furetur ad se inebriandum. *Cur* manifeste aliam speciem actui dare potest. 6.<sup>o</sup> *Quomodo* designat accidentalem modum, quo fit interior voluntatis actus, v. g. intense vel remisse, ex contemptu, ex levitate, ex ignorantia, ex metu, ex passione. Designat etiam modum exterioris actionis, quod occideris veneno, gladio, cum crudelitate et saevitia, etc. *Quomodo* licet sit ordinarie aggravans vel imminuens peccatum, aliquando etiam speciem dare potest. 7.<sup>o</sup> *Quando* significat qualitatem vel quantitatem temporis, e. g. die festo, communionis, hebdomadae sanctae: diu, brevi tempore. Circumstantia temporis sacri est aggravans peccatum, non tamen apponens speciem sacrilegii, nisi fiat in contemptum temporis sacri. Lessius in q. 7., Caietanus in c. q., S. Alph. 1. 6. n. 923., S. Th. 4. Dist. 32. q. 1. a. 5. q. 4. Sol. 2.<sup>a</sup>.

## DE CONSCIENTIA

## I. — DE CONSCIENTIAE NATURA

1. *Multipler conscientiae acceptio.* — Conscientia dupliciter sumi potest *physice* et *moraliter*. Conscientia physice inspecta ad Psychologiam et ad Logicam pertinet, prout ea consideratur vel praecise quatenus facultas cognoscitiva est in proprios actus redeundi, vel praecise quatenus instrumentum est veritatis assequendae. Conscientia vero moraliter inspecta tum ad theologiam moralem spectat, tum ad philosophiam moralem. Quare hic de conscientia tantum moraliter sumpta sermo erit. Dicemus primo de intrinseca natura huius conscientiae moralis, deinde vero de variis eius partitionibus.

2. *De intrinseca moralis conscientiae natura.* Lex regulat humanas actiones in ordine ad earum moralem honestatem vel turpitudinem ope conscientiae. Etenim, ut eas regulet, applicari debet actioni hic et nunc efficiendae, ut videatur, an talis actio praecipitur, prohibeatur, permittatur a lege, vel consulatur: ex qua applicatione iudicium deinde efformatur de tali vel tali actione, *hic* et *nunc* efficienda vel omittenda, et hoc practicum iudicium *conscientia* est. Quare conscientia nihil aliud est, quam iudicium practicum, quo rem *hic* et *nunc* agendam vel omittendam pronuntiamus, tanquam bonam vel malam: idque per modum praeepti, vel consilii, vel simplicis permissionis. Ut ergo hanc conscientiam efformare possimus syllogismum facimus. In hoc syllogismo propositio maior enuntiat generatim legem. Propositio vero minor eiusdem syllogismi comparat actionem, quam volumus hic et nunc facere, cum lege. Denique consequens ex affirmata in praemissis conformitate vel difformitate talis vel talis actionis cum lege, pronuntiat talem vel talem actionem efficiendam *hic* et *nunc* esse ut bonam, vel omittendam ut malam, quod iudicium seu dictamen *conscientia* appellatur. *Dictamen*, dictare enim est praecipere, ordinare: conscientia est velut lex interior, quae hominem ligat. *Iudicium*, siquidem ut dictamen de iis tantum est quae fieri vel omitti *debeant*, iudicium est etiam de iis quae fieri vel omitti *possunt*. Cf. S. Th. 1. p. q. 79. a. 13. 1. 2. q. 76. a. 1. *De Verit.* q. 16. a. 1. q. 17. a. 1. 2. Dist. 24. q. 1. a. 4. q. 2. a. 4., Suarez Tr. 3 D. 12. S. L. S. Alph. 1. 1. n. 1. 2

3. *Conscientia antecedens, consequens.* — Conscientia moralis, cuius naturam descripsimus iam, et de qua loquimur in praesenti, vocata est *conscientia antecedens*, ut distinguatur ab alia conscientia morali, quae appellatur *consequens*, et ea est, quae refert actionem iam factam, fuisse moraliter bonam vel malam. Ad vitandas autem cavillationes circa priorem illam conscientiam, quod non esset *conscientia* appellanda, cum de re non *acta* sed *agenda* iudicium ferat: conscientia enim *facta* refert *internam*, breviter adducamus usum iam obtinuisse ut sic vocetur. Usus autem hac in re sufficiens ratio est. Cf. S. Th. *De Verit.* q. 17. a. 1. 1. p. q. 79. a. 3. Porro formulae bonitas vel malitia humanorum actuum non a conscientia *consequenti*, sed ab *antecedenti* est desumenda. Hinc illi qui student theologiae morali nonnunquam desipiunt, quia existimant post adeptam sciendam se in pluribus peccasse, quandoquidem ea carebant cum agebant, et bona fide tunc versabantur. Idem dicitur de rudibus aliisque omnibus, qui post



auditam concionem, post libri pii lectionem, incipiunt versari in anxietate quoad praeteritas operationes.

4. *De moralis conscientiae partitionibus.* — Si in illo syllogismo, qui efformandus est, ut conscientia habeatur maior propositio, seu lex, semper evidenti certitudine constaret, et minor propositio, seu quod haec vel illa actio in lege contineatur, semper etiam evidenti certitudine constaret, non daretur nisi unica conscientia, conscientia certa et recta. Sed cum et lex et applicatio legis colligenda saepe sit vi difficilis ratiocinationis hinc variae adsunt species conscientiae Dividitur ergo: 1.<sup>o</sup> In conscientiam *rectam* et *erroneam*. Recta illa est, quae dicat quod est verum; erronea quae dicat tanquam verum quod falsum est. Cf. S. Th. 1. 2. q. 19. a. 3. a. 6. ad 2. Conscientia erronea alia est *vincibiliter*, alia *invincibiliter* talis, prout error moraliter vitari potuit ac debuit, vel moraliter vitari non potuit. Dividitur 2.<sup>o</sup> in conscientiam *certam*, *probabilem*, *dubium*, *strictam*, *laxam*, *scrupulosam*, prout fundatur in motivo certo, probabili, dubio, strictiori, laxiori, vel omnino inani. Conscientia, subjective tantum certa, quae nempe talis existimatur, adeoque certitudine latius accepta, itemque conscientia probabilis et dubia potest esse obiective recta vel erronea. Ad erroneam vero scrupulosa, stricta et laxa revocantur. Absque enim sufficienti ratione, *scrupulosa* peccatum timet, ubi peccatum non est; *laxa* iudicium in favorem libertatis inflectit, vel ad legem simpliciter vitandam, vel ad eius minuendam obligationem; *stricta* vero vel obligationem quae non adest, vel graviolem quam reapse adsit, affirmat. Cf. Suarez D. 12. S. 2.

## II. — DE CONSCIENTIA CERTA

5. *Quid conscientia certa?* — Conscientia *certa* proprie est ea conscientia, quae innititur motivo certo; et consequenter iudicat de honestate vel turpitudine actionis faciendae absque formidine errandi. Minus vero proprie est, quae simpliciter absque ullo errandi formidine iudicat de honestate vel turpitudine actionis. Haec subjective tantum, illa etiam obiective certa est.

6. *Nefas est agere sine conscientia subjective certa de actionis honestate.* — Prob. Qui agit sine hac conscientia vult actionem de cuius honestate vel turpitudine incertus est. Atqui velle actionem, de cuius honestate vel turpitudine quis incertus est, nihil aliud est quam eam velle sive bona sive mala sit. Atqui iterum velle actionem sive bona sive mala sit, illicitum est; nam haec est voluntas consentiens in malum. Ergo. S. Th. 1. 2. q. 19. a. 3. 5., Suarez D. 12. S. 3. L. 1. 1. n. 3.

7. *Nota:* Peccatum ex hoc praecise quod sit contra conscientiam non habet specialem malitiam, nisi fiat ut conscientia vincatur. Ratio 1.<sup>a</sup> est, quia hoc est intrinsecum et commune omni peccato, ut sit contra conscientiam. Ratio 2.<sup>a</sup> est, quia habetur tunc contemptus directe volutis regulae omnis bonae operationis, et sic exponitur quis periculo omnium scelerum, quod uti patet specialis, eaque gravissima inordinatio voluntatis est contra naturalem inclinationem voluntatis in bonum. Lessius in q. 19. a. 6. D. 3.

8. *Sola conscientia subjective certa est regula morum. Sufficit autem conscientia moraliter certa.* — Prob. 1.<sup>a</sup> p. Nam ut constat ex priori prop., sine hac conscientia nequit quis agere. Praeter hanc conscientiam alia subjective perfectior non datur. Ergo cum hac sola potest quis agere; adeoque sola haec conscientia est regula morum. Prob. 2.<sup>a</sup> p. 1.<sup>o</sup> Ex communi dd. sententia, et praxi universali. 2.<sup>o</sup> Quia plerumque alia certitudo habere ne-

quit; et nemo necessario peccat. 3.<sup>a</sup> Quia, stante ista morali certitudine, quis prudenter agit, nam certitudo moralis licet non escludat omne dubium tum prudens, tum imprudens; excludit tamen omne dubium prudens. Ergo.

9. *Fas est agere iuxta conscientiam certam, at invincibiliter erroneam.* — Prob. Qui sic agit vult quantum in se est actionem bonam, et non nisi in actionem bonam consentit. Atqui ius est velle hanc actionem. Ergo. Prob. mai. nam nihil volitum nisi praecognitum. Ergo, stante conscientia invincibiliter erronea, qui iuxta eam agit vult quantum in se est actionem bonam, et non nisi in actionem bonam consentit. L. 1. 1. n. 5., Elbel 126.

10. *Nefas est agere contra conscientiam certam, at invincibiliter erroneam.* — Prob. Qui sic ageret vellet actionem quam iudicavit prohibitam; nollet quam indicavit praeceptam. Atqui nefas est habere hanc voluntatem, quia est voluntas consentiens in malum. Ergo. « Dicendum, quod simpliciter omnis voluntas discordans a ratione, sive recta, sive errante, semper est mala ». S. Th. 1. 2. q. 19. a. 5., 2. Dist. 39. q. 3. a. 3., Quodl. 3. a. 27., L. 1. c., Caietan. in 1. 2. q. 19. a. 5., Suarez D. 12. S. 4.

11. *Fas est agere iuxta conscientiam certam, licet vincibiliter erroneam.* — Prob., quia cum actio iudicetur honesta vel turpis cum certitudine, voluntas agens secundum hanc conscientiam honestam prosequitur, et turpe fugit, quod omnino licet. Quod autem conscientia haec sit vincibiliter erronea, hoc non facit quod, quando quis *actu agit* secundum eam, peccat; sed hoc facit quod culpa sit solum *in causa*, unde iudicium de eius gravitate vel levitate ferendum est non ex gravi vel levi effectu, sed ex gravi vel levi negligentia in veritate inquirenda. Et sane *quando quis actu agit*, si nullo pacto attendit ad erroneam quam habet conscientiam, et de ea nullam habet suspicionem, tunc non ex erronea sed ex invincibili conscientia agit. La-Croix 1. 1. n. 42. 43. 757. 760.

12. *Nefas est agere contra conscientiam certam, at vincibiliter erroneam.* — Prob. Quia tunc quis ageret contra iudicium certum; et vellet actionem quam iudicat prohibitam, nollet actionem quam iudicat praeceptam; quae voluntas mala est; nam in malum afficitur. Ergo. S. Th. 1. 2. q. 19. a. 5. 6., Suarez D. 12 S. 4., Elbel 122. 137. 138., L. 1. 1. n. 4., La-Croix 1. 1. n. 42. 43. 757.

13. *Nota:* « Peccatum contra conscientiam commissum habet suam speciem ex materia particulari, in qua putatur versari; vel ex ordine ad particulare praeceptum, cui putatur adversari, v. g. si putes rem, quam accipis non esse tuam, attamen revera tua sit, erit peccatum furti, si putes esse contra obligationem voti; erit peccatum sacrilegii. Ratio est, quia peccata accipiunt speciem ex obiecto vel actionis externae vel voluntatis. Nec refert sit ne hoc obiectum revera malum, sed an apprehendatur ut malum; quia voluntas fertur in illud, prout a ratione proponitur ». Lessius in q. 19. a. 6. D. 3., S. Th. 1. 2. q. 19. a. 5. ad 3.

14. *An quis laborare possit conscientia invincibiliter erronea quoad prava desideria, aliasque actus mere internos, si nempe nulla exterior actio sequatur?* — De desiderio explicite et generatim loquens Elbel haec habet n. 127: « quod multi saltem e rudioribus, et minus eruditis inculpabiliter possint sibi persuadere huiusmodi desideria non esse mala, nisi opere complerentur, videtur satis certum, quod et Sanch., Stoz, La-Croix expresse docent ». Hanc opinionem ait S. Alph. 1. 1. n. 9.: « nunquam probabilem censere possum. ... Cum aliis doctis recentioribus parum probabilem censeo ». Huius sententiae ratio est, quia si quis certo cognoscit malitiam actionis externae, et *vult* tamen illam exequi, iam cognoscit se velle malum. Quomodo ergo a peccato excusabitur? G. 123., Cas. 40. Quoad simplicem vero delectationem facilius ea invincibilis ignorantia adesse potest; tendentia enim

voluntatis in malum tam evidens non est uti in desiderio de se *efficiaci*. Idemque etiam de desiderio *inefficiaci* dicendum videtur.

15. *An dari possit conscientia invincibiliter erronea circa praecepta iuris naturae?* — « Certum est, quod in primis iuris naturalis principiis, aequae ac in proximis conclusionibus et certis obligationibus proprii status non datur invincibilis ignorantia, quia lumine ipso naturae talia omnibus nota sunt, praeterquam illis, qui oculos claudunt, ne ea videant. . . . Contra vera unanimis theologorum sententia est . . . in conclusionibus, mediatis et obscuris seu remotis a principiis, utique dari et admitti debere ignorantiam invincibilem » L. l. 1. n. 8. 170. seqq. Cf. Struggl Tr. 3. q. 1. n. 10.-13., S. Th. Quodl. 3. a. 26., *De Verit.* q. 17. a. 2.

16. *An pueri malitiam pollutionis invincibiliter ignorare possint?* — R. Affirm., absolute loquendo, saltem in aliquo raro casu, et in principio pravae consuetudinis. Ratio, nam quod adspectus, vel tactus impudicus aut captatio voluptatis ex pollutione procurata, vel etiam naturaliter exorta, etc. sint mortaliter mala, et illicita, non ita evidenter innotescit ex ipsa comprehensione primorum principiorum, sed opus est discursu ad deprehendendam eorum malitiam. Ergo malitia eorum potest saltem ad aliquod tempus inculpabiliter ignorari. Ex quo facile concludit prudens confessarius, in tali contingentia facti, caute et prudenter esse procedendum: quae cautela et prudentia, si cum omnibus speciatim in materia castitatis observanda est, maxime vero cum pueris et puellis. Elbel 128., G. Cas. 41., Struggl l. c. n. 13.

### III. — DE CONSCIENTIA PROBABILI

17. *Quid conscientia probabilis?* — « Conscientia probabilis est, qua quis innixus aliqua opinione probabili, format sibi practicum dictamen rationis ex certis principiis reflexis, sive concomitantibus, ad licite operandum » L. l. 1. n. 40.

18. *Nota:* « Diversas dari probabilitatum species. . . . *Opinio tenuiter probabilis* est, quae aliquo fundamento nititur, sed non tali, ut valeat assensum viri prudentis ad se trahere. . . . *Probabilis* est, quae gravi momento nititur, vel intrinsecae rationis, vel extrinsecae auctoritatis, quod valet ad se trahere assensum viri prudentis, etsi cum formidine oppositi. *Probabilior* est, quae nititur fundamento graviori, sed etiam cum prudenti formidine oppositi, ita ut contraria etiam probabilis censeatur. *Probabilissima* est, quae nititur fundamento gravissimo, quapropter opposita censeatur vel *tenuiter*, vel *dubie probabilis*. . . . *Opinio* sive sententia *moraliter certa* est, quae omnem prudentem formidinem falsitatis excludit, ita ut opposita reputetur *omnino improbabilis*. *Opinio* demum *tota* est, quae recedit ab omni peccandi periculo. *Tutior* vero, quae magis a tali periculo recedit, tametsi rationibus firmiter non nitatur » L. l. c. At presse magis haec S. D. de opinione *probabilissima* H. A. Tr. 1. n. 65.: « Nisi velimus opinionem *probabilissimam* cum opinione *absolute certa* confundere, opus est dicere, quod opinio contraria *probabilissimae* non est *tenuiter probabilis*, sed *dubie probabilis* ». Ratio, quia opinio *probabilissima* « inter fines probabilitatis est », adeoque « non excludit omnem prudentem formidinem ». « Tenuis vero probabilitas non est vera probabilitas, adeoque non affert seum prudentem rationem. At dubia probabilitas aliqualem affert prudentem rationem, licet non omnino certam et stabilem ». Cf. etiam, Op. Mor. l. n. 32. Verum ne verborum sit cavillatio, ad nos quod attinet, non alias agnoscimus opiniones



intra limites *verae probabilitatis*, nisi opinionem *probabilem*, *probabiliozem*, *probabilissimam*. *Infra probabilem* non est nisi *non probabilis*, *improbabilis*, cuius vero vari gradus esse possunt; *supra probabilissimam* non est nisi *certa*. Probabilis *immediate* opponitur oppositione comparationis probabiliori; *mediate* vero probabilissimae; itemque probabilissima *immediate* opponitur probabiliori, *mediate* vero probabili; nisi *probabilissimum* cum *certa* reapse contundere quis velit.

19. *Cam conscientia practice probabili quae nempe proxime actionem dirigat, hic et nunc reapse penendam, nefas omnino est operari.* — Ut enim iam diximus n. 8, sola conscientia subiective certa morum regula est. Atque hoc sensu falsum consequenter est effatum illud: *Qui probabiliter agit prudenter agit*, L. l. I. nn. 58. 69. 80. Quare tota quaestio hic est de conscientia *speculative probabili*: quae nempe *remote* tantum actionem dirigit, enuntians probabilem existentiam legis, an nempe ope alicuius rationis gradum iure facere possimus a conscientia *speculative probabili*, ad conscientiam *practice certam*; vel quod idem est, an, stante probabili opinione de honestate alicuius actionis in generali, possimus nobis certam conscientiam efformare de honestate talis actionis in particulari, et sic licite sequi in praxi opinionem speculative probabilem. Ad hanc quaestionem resolvendam seqq. statuimus propositiones.

20. *Non licet practice sequi opinionem tenuiter probabilem, tutiore relicta.* — Prob. 1<sup>a</sup> ex prop. 3. d. ab Innoc. XI. « Generatim dum probabilitate sive intrinseca, sive extrinseca, *quantumvis tenui*, modo a probabilitatis finibus non exeat, confisi aliquid agimus, semper prudenter agimus ». 2. Nam opinio *tenuiter probabilis* est opinio *tenui* innixa motivo; tenue autem motivum est motivum minime sufficiens ad movendum ad assensum virum gravem seu prudentem, adeoque vere probabilis non est. Enimvero opinio vere probabilis ea dicitur, quae tali innititur motivo, ut sufficiens sit ad movendum ad assensum virum prudentem. Atqui si talis opinio insufficiens est ad movendum virum prudentem ad iudicium de non existentia legis, impossibile est sibi efformare conscientiam de licetate actionis. L. l. n. 40.

21. *Resolves*: 1.<sup>a</sup> Ex cit. prop. ab Innoc. XI. proscripta, tum quia agit in ea de *tenui* etiam *probabilitate*, tum quia nimis generatim asserit, quod *semper prudenter agimus*, dum probabilitate confisi aliquid agimus, nihil contra probabilissimum erui potest. Nam *tenuis probabilitas* non est vera probabilitas. Cf. n. 18., La-Croix l. 1. n. 126. Neque vero probabilismus extenditur ad casum, ubi agatur de veritate rei et fine absolute obtinendo. Cf. n. seq. — 2. Hinc neque licet practice sequi opinionem *dubie probabilem*. Opinio enim *dubie* probabilis est opinio innixa motivo dubio, de quo nempe prudenter dubitari potest, an sit sufficiens ad movendum ad assensum virum prudentem. Evitens autem res est, quod vir prudens in rebus gravis momenti, non innitatur huiusmodi motivo; quin le si res reapse non bene succedat omnes eam iure merito imprudentiae insinulabunt. Gravior autem res est moralis bonitas vel malitia humanorum actuum, quam quolibet aliud temporale negotium. Insuper, stante dubia hac probabilitate, impossibile est sibi efformare dictum opusculum moraliter certum de licetate actionis. — 3.<sup>a</sup> Opinioni ergo *tenuiter* probabili opponitur opinio *graviter* probabilis, opinioni *dubie* probabilis opponitur opinio *certaine* probabilis. Non desunt qui opinionem *grave* probabilem et *tenuiter* probabilem inter se confundunt. *Practice* quidem reapse confunduntur; sed *speculative*, attenda natura rei, inter se easdem animum sentiri.

22. *Non licet sequi opinionem probabilem, de ipsa rei obiectiva veritate, ubi agatur de fine absolute obtinendo, tutiore relicta.* — Prob. qui absolute tenetur ad finem, in ea tenetur seligere media, quae finem obti-

nendum in discrimen minime adducant. Atqui opinio probabilis, cum falsa esse possit, periculum affert frustandi timem, absolute obtinendum. Etenim obiectiva veritas seu existentia rei hanc sane habebitur, si opinio circa ipsam probabilis sit falsa. Ergo, L. 1. 1. n. 42. Dicitur *absolute obtinendo*, « quod scilicet ex iustitia vel caritate vitare (quis) damnum tenetur, quod in re ipsa subest », Suarez ap. S. Alph. Op. Mo. ed. Rom. a. 1757. l. c. n. 33., vel periculum eius. Suarez D. 12. S. 5. n. 8. S. 6. n. 10. Cf. L. 1. 2. n. 10. l. 6. n. 918. par. ult.

23. *Resolves*: 1.<sup>o</sup> Non licet sequi opinionem probabilem, sed tutiorem omnino seligere debemus in iis omnibus, quae necessaria sunt, *necessitate media*, ad salutem: ubi factum ipsum, seu rei veritas unice attenditur. Hinc religionem magis tutam amplecti debemus. Unde merito damn. est ab Innoc. XI. pro. 1.: « ab infidelitate excusabitur infidelis non credens ductus opinione minus probabili ». L. 1. 1. n. 43. — 2. In collatione sacramentorum tenetur minister sententiam sequi tutiorem, nisi adsit necessitas, vel Ecclesia suppleat: agitur enim iterum de veritate rei. Non haberentur autem sacramenta, nisi reapse ponerentur, quae Christus ad eorum valorem instituit. Hinc iure damn. est ab Innoc. XI. prop. 1.: « Non est illicitum in sacramentis conferendis sequi opinionem probabilem *de valore sacramenti*, relicta tutiore, nisi id vetet lex, conventio, aut periculum gravis damni incurrendi ». Dicitur, *nisi adsit necessitas* « etenim in extrema necessitate bene uti possumus qualibet opinione non solum probabili, sed etiam tenuiter probabili pro valore sacramenti... modo sacramentum conferatur sub conditione: quia conditio satis reparat sacramenti iniuriam, si forte invalide conferatur, et contra necessitas sufficiens et iusta est causa sacramenta conditionate conferendi ». L. 1. 1. n. 49. Dicitur, *nisi Ecclesia suppleat*, nam « licite uti possumus opinione probabili, ubi praesumitur Ecclesia supplere, ut evenire potest in sacramento matrimonii ad convalidandum contractum, probabiliter tantum validum, si forte contractus ille est nullus ob impedimentum, quod Ecclesia supplendo aufert, et in sacramento poenitentiae ad supplendam iurisdictionem confessorii, si forte illa desit ». L. 1. 1. n. 59. — 3.<sup>o</sup> Medicus tenetur adhibere medicamenta tutiora, quae in casu haberi possunt: agitur enim hic de ipso effectu obiectivo, h. e. de sanitate infirmi absolute obtinendo. Et sane medicus non solum ex caritate, sed etiam ex iustitia, ratione officii et taciti contractus, tenetur providere meliori modo: saluti infirmi, a quo stipendium accipit. L. 1. 1. n. 44. — 4.<sup>o</sup> Iudex indicare non potest iuxta sententiam minus probabilem: ipse enim tenetur ex praecepto divino et humano ius suum cuique tribuere. Hinc damn. fuit ab Innoc. XI. prop. 2.<sup>a</sup>, quae dicebat: « Probabiliter existimo iudicem posse indicare iuxta opinionem minus probabilem ». L. 1. 1. n. 47. — 5.<sup>o</sup> Venator qui probabiliter indicat obiectum, in sylva latens, esse hominem, ferre non potest, licet probabilius iudicet esse feram. Nam ex una parte proximus habet ius certum vitae suae, ex altera maior probabilitas non facit, ut si revera sit homo ictu non pereat. L. 1. 1. n. 52.

24. *Licet sequi opinionem probabilissimam, et etiam probabiliorem, relicta tutiore, ubi de sola actionis honestate agitur*. — Praenoti: *Honestas actionis*, de qua hic agitur bene diversa est ab *effectu ipsius actionis*, seu a *veritate rei*, de qua in praeced. prop. Honestas humanae actionis dependet a dictamine conscientiae, quae est regula proxima humanorum actuum, effectus actionis seu veritas rei dependet ab ipso facto actionis. Illa subiectiva est, haec obiectiva. Prob. 1. p. ex. prop. 3.<sup>a</sup> damn. ab Innoc. XI. « Non licet sequi opinionem vel inter probabiles probabilissimam ». — Prob. 2.<sup>a</sup> p. eisdem rationibus ac prop. sequens. L. 1. 1. n. 49. 54. Cf. Suarez D. 12. S. 6. n. 8.

25. *Licet sequi opinionem vere probabilem, relicta tutiore, acque probabili, vel etiam vere probabiliore, ubi de sola actionis honestate agitur*. —

Prob. 1.<sup>o</sup> Statuta propositio constat ex plurium et gravissimorum theologorum auctoritate. Atqui qui doctrinam sequitur in praxi, quam plures lique gravissimi theologi docent, prudenter agit, qui autem prudenter agit, honeste agit. Ergo.

Prob. mai. Haec Suaresius, quem audire totam scholam audire est, de Relig. tom. 4. Tr. 9. l. 4. C. 15. n. 21.: « iuxta communem doctrinam per se licet practice sequi opinionem probabilem circa honestatem actus, relicta probabiliori ». — Haec doctissimus et eruditissimus Lucius Ferraris in sua Biblioth. Canon. v. *Conscientia* n. 78.: « Potest homo licite sequi opinionem vere quidem, sed minus probabilem, minusque tutam, relicta probabiliori et tutiori, quando tamen agitur de sola honestate actionis, an licita sit, vel non, est iam fere communis, eamque docent innumeri doctores, tam recentes quam antiqui, quos omnes adducere nimis esset oblongum et operosum ». — Haec Lugo, de quo S. Alph. l. 3. n. 552. ait, quod « post D. Thomam non temere inter alios theologos facile princeps dici potest ». De Poenit. D. 22. n. 39. « Nemo tenetur in operando sequi opiniones probabiles, sed potest sequi probabiles, regulariter loquendo ». Et in Resp. Mor. l. 1. D. 26. idem supponit tanquam indubium omnino, et communiter receptum. — Doctissimus Struggi Tr. 1. q. 4. a. 2. n. 18.: « In materia iuris, inquit, seu quando quaestio immediate solum est de licentia actionis, licitum est sequi sententiam minus tutam, et minus probabilem, in concursu probabilioris et tutioris: dummodo illa sit certe et vere probabilis. Ita communissima recentiorum et plurium aliorum ex omni schola... » Et ib. inferius: « si non esset licitum sequi sententiam minus, vere tamen probabilem, tunc nostra praesens conclusio contineret errorem universalem... Quia praesens nostra conclusio non solum est generalis regula pro usu opinionum probabilium, sed etiam post Medinam, qui scripsit a. 1577. ita invaluit, ut uni adversario auctori iamdudum decem ex nostrae sententiae patronis opponi potuissent, ut testatur P. Esparza in append. a. 2. n. 32. — La-Croix L. 1. n. 268. seqq.: « Probatur licitum esse sequi opinionem probabilem relicta probabiliori... *communis consensu* dd., nam ex omni aetate, statu, conditione afflari possent pro hac sententia auctores typ. edit. plures quam 160., teste Arsd. Teril. citat eorum 200., plerosque a se inspectos: Gob. addit alios 25., plures alios addit Moya ». Et ib. n. 478. seqq.: « licitum esse sequi opinionem probabilem, relicta tutiore... docent auctores *commendissime* ». — Eruditissimus et doctus Pignatelli Consult. Can. T. 4. Cons. 112. n. 3. 4.: « opinio probabilis sicut excusat a peccato *ex quam plurimis et doctissimis viris*, nempe Vasquez... In iis quae sunt iuris, licet sequi opinionem quancunque probabilem, etiamsi sit minus probabilis, et minus tuta... Quia omnis opinio probabilis est intra terminos rectae rationis, alioquin non esset probabilis », etc. Et T. 1. Cons. 182. n. 1.: « *Plurimi docent* inter duas opiniones probabiles arbitrium esse in praxi adhaerere laxiori, idque non modo si haec sit probabilior, sed etiam si minus probabilis ». — Vasquez in 1. 2. D. 62. C. 4. n. 14.: « Veram, ait, existimo sententiam, quam sequitur Barthol. Medina, iamque in scholis multo ante *communis* fuit, nempe viro docto licitum esse contra suam opinionem, quam probabiliorē arbitratur, operari secundum opinionem alteram: etiamsi opinio aliorum sit minus tuta, et suo iudicio minus probabilis dum tamen ratione et probabilitate destituta non sit ». Et inferius C. 8. nn. 42. 43., virum illiterate, ait, sequi posse opinionem viri docti et probi. — Elbel Conferent. 7. de Conse. n. 185.: « Per se loquendo non est illicitum sequi minus probabilem in questionibus iuris, i. e. quando agitur de sola honestate, seu licetate alicuius actionis. Ita hodie *satis communter* doctores, Terillus, Manstrius, Herinex, Sporer, Reiffenstuel, Felix Priester, Hsung, Castropalaus, La-Croix, Stoz, Banbestuber, et innumeri alii, ita ut Stephanus Spinola merito scripserit, hanc opinionem esse recentiorum omnium calculo, et *universali* pene populorum usu confir-



matam ». — Castropalaus Tr. 1. disp. 2. punct. 2. n. 2.: « *Communis sententia est, et mihi probabilior eligi posse opinionem minus probabilem et tutam, relictā probabiliori propria et tutiori. Sic tenent Valent., Pasq., Salas innumeros referens, Navarr., Sayrus., Thomas Sanchez., pluribus relatis, Ioann. Sanchez, illos et alios plures allegans* ». — Sporer super Decal. Tr. 1. n. 41. « *Inter opiniones diversas et oppositas de eadem re, quarum quaelibet est vere probabilis, per se loquendo, et quantum est de honestate actionis, licite quilibet potest sequi quamlibet: etiam minus probabilem, et minus tutam, etiam contra propriam opinionem probabiliorē vel tutiorem visam, et quidam aliquando etiam debet, praesertim subditiis et confessoriis in iudicio sacramentali. Haec etiam adhuc est *controversior et tuta* ». Idemque tanquam « multo probabilius » docet Sanchez in Decal. l. 1. c. 9. n. 14., etc.*

Prob. min. syllogismi in principio facti. Etenim « puto, ait S. Alph. licet in alia quaestione, l. 6. n. 460. par. *Haec autem*, nequaquam errare eum, qui se dirigit cum sententiis communiter receptis ab huiusmodi dd. non humilis notae. Dicere autem, quod ipsi scripserint ex passione affecti, ut suae ipsorum doctrinae cum plausu exciperentur, vel propter aliquid huiusmodi, non videtur carere aliqua labe temeritatis. Quod si hoc non est censendum, non debet credi hos tam graves ad. a Deo lumine suo fuisse destitutos, in re, quae directionem respicit conscientiarum totius populi christiani: tanto magis, quod circa tales sententias nulla Ecclesiae proscriptio intercessit. Nec officit, quod plures opiniones, quae circumferuntur, non sunt ab Ecclesia damnatae, et tamen ab aliis communius, ut laxae reputantur: nam Ecclesia non omnes opiniones, quae casus particulares respiciunt, damnat, quamvis non approbet: sed sententias, quae universalitatem conscientiarum spectant, Ecclesia nec approbat, nec tacet, ut dixit S. Aug. Epist. 119. « *Ecclesia Dei multa tolerat, et tamen quae circa fidem sunt, vel bonam vitam, nec approbat, nec tacet* ». Cf. Struggel l. c. et S. Alph. l. 3. n. 669. versus fin. *Hoc unum*, etc.

26. Prob. 2.<sup>o</sup> Qui sequitur in praxi opinionem, quae sistit intra terminos rectae rationis et prudentiae, prudenter, et consequenter honeste agit. Atqui qui sequitur in praxi opinionem vere probabilem, relictā probabiliori et tutiori, opinionem sequitur quae sistit intra terminos rectae rationis et prudentiae. Ergo. Maior per se constat. Minor vero constat ex ipsa natura et definitione opinionis vere probabilis, quae non manutatur ex concursu alterius opiniones, licet probabilioris et tutioris. Idque aperte affirmat ipse S. Alph. in definitione opinionis probabilioris, eius enim contrariam ait, probabilem censerī. Cf. hic n. 18.

27. Prob. 3.<sup>o</sup> Haec S. Alph. in suo Op. Mor. Theol. edit. 6.<sup>a</sup> Romae a. 1767. « *Duo sunt principia, quibus innixus licitum usum tuor opinionis probabilis. Primum, quod lex dubia in conflictu duarum opinionum aequè probabilium non obligat, quia dubia lex non est sufficienter promulgata. Alterum, quod lex incerta nequit certam obligationem inducere, quia legis obligatio posterior est ad libertatem, qua homo est donatus a Deo* ». Utrumque hoc principium fuse explicatum et probatum reperies edit. P. Heilig l. 1. n. 69. seqq. Atqui quando adest opinio vere probabilis, licet in concursu sit alterius probabilioris et tutioris, utrumque principium adhuc verificatur, nempe quod lex sit dubia seu incerta: adeoque ut ib. ait. S. D. explicans discrimen utriusque principii, neque lex habet virtutem actualiter obligandi, cum non sit sufficienter seu certe promulgata, « *tunc enim sufficienter promulgatum est dubium, an lex existat, sed non est promulgata lex* », l. 1. 1. n. 70., neque homo, certam suae libertatis possessionem habens, de illa tenetur se expoliatum reputare propter incertam legem: antecedenter enim ad omnem legem quisque suam possidet libertatem, cum prius concipiendus sit homo liber, indeque lex quae homini imponatur. l. 1. 1. n. 69. nota

edit. et n. 77. Ergo. Iamvero, quod lex in ea hypothesis sit reapse dubia seu incerta: ita ut *probabiliter* talis existimetur; unde duplex illud axioma promanet, constat ex ipsa probabilistae natura, ubi enim adest vera probabilitas, maior probabilitas per se minorem non destruit; idque communiter affirmant tum philosophi tum theologi, et expresse tradit S. Alph. l. supra c. n. 18., ubi dicit, quod contraria *probabilioris probabilis* etiam censetur. Idem S. D. docet pluribus aliis in locis, Dissert. edit. a. 1755. nn. 13. 17. 31. 32. 34. Hinc S. D. l. 6. n. 604. quaestionem movens: « An possit absolvi poenitens, qui vult sequi opinionem contrariam illi, quam tenet confessarius », respondet: « sententia *communis* et *sequenda* docet non solum *posse*, sed etiam *teneri* sub gravi (ubi nempe de materia gravi agatur, H. A. Tr. 16. n. 118.), confessarium absolvere poenitentem, qui vult sequi opinionem *probabilioris*, licet opposita videatur *probabilior* confessario... Stante hac *communi sententia*, tot auctoritatibus et rationibus roborata, non video quomodo possit confessarius tuta conscientia absolutionem denegare volenti sequi opinionem, quae ipsi poenitenti *probabilis* apparet, imo forte *probabilior*, si non directe saltem reflexe, ut communiter sentiunt auctores probabilistae, qui sequendo opinionem *probabilem* in concursu *probabilioris*, existimant amplecti sententiam reflexe *probabilioris*, utpote *gravioribus* fundamentis et *communissima doctorum* auctoritate firmatam ». Eandem habet doctrinam S. D. in ult. suo op. H. A. Tr. 16. n. 118., cui vero sententiae non alios adiecit limites nisi sequentes: quod nempe « opinio poenitentis *aliqualem habeat probabilitatem*, ita ut confessarius, esto eam non habeat, ut solite probabilem, tamen non reputet *omnino falsam... evidentem erroneam* ». Idem praeterea evincitur ratione communiter adducta, et quam S. Alph. exponit in hunc modum in cit. Dissert. edit. a. 1755. n. 13., maior probabilitas non elidit minorem, « nisi quando illa minor probabilitas ex eodem principio hauriatur, vel nisi opinio probabilior habeat pro se *tam convincens argumentum*, ut contraria *vere improbabilis*, vel non amplius *graviter* et *certo probabilis* videatur. Secus tamen dicendum, si excessus non sit *notabilis*, et probabilitas opposita *ex diversis principis*, ut *fere semper* accidit in opinionum concursu, vim accipiat: tunc enim opinio minus probabilis gravi sua probabilitate minime destituitur ». Enimvero probabilitas vel improbabilitas alienius opinionis, idem non est ac eius veritas vel falsitas, ita ut una aliam excludat, sed condignitas est merendi assensum prudentem, orta ex gravibus motivis, quae licet maiora vel minora, alia aliis non contrarium, si *ex diversis principis* desumantur. Si vero argumentum exhibeat *ita convincens*, ut oppositum *improbabile* censetur; iam extra casum sententiae *maioris* vel *minoris* probabilitatis, siquidem altera opinio tunc erit certa vel probabilis, altera falsa vel improbabilis.

28. Prob. 4. Innocentius III. coniugi impotentia laboranti indulgit experimentum triennale, C. *Laudabilem* 5. De *Frig.* neque praescripsit videndum primum, utrum probabilior vel saltem aequae probabilis esset potestas. — Saeculo XVII. Indis quibusdam in Regno Paraquariae ad fidem converſi, qui plures uxores habebant, quaestionibus super validitate eorum matrimoniorum subactis, Urban. VIII. Ioanni postea Cardinali De Lugo respondit: « Ut ad sententiae concurrunt utrinque probabiles, sequendas esse oportet, pro condutture locorum et hominum barbaris *faciorabiles* ». Non habet tamen *probabiles* sequendas, neque dixit ubi concurrunt aequae *probabiles*, sed absolute ubi opiniones *probabiles* concurrunt. — Illud tamen colligi et debet esse sufficienter promulgata. S. Th. l. 2. q. 90. a. 4. Atque tunc non legis promulgatio non habetur, si lex certa et *certe* non sit. Hinc hae canonicae generatim statuntur: « In his super quibus locus arguitur *ex parte una*, procedas, acquite serata, semper in hunc modum, prout decernitur, secundum quod personas et causas, loca et tempora, rationes potestatis ». C. *In parte tua* 11. De *Transact.* Et iure civili decernitur: « In re dubia benigniorem interpretationem sequi non minus

*iustus* est, quam *tutus* ». L. 153. § 1. De R. I. Ratio autem est, quia lex imponit necessitatem moralem, adeoque debet necessario ligare voluntatem. Sed necessario ligare voluntatem non potest, nisi *per scientiam*. Quare, seclusa scientia legis, voluntas moraliter libera manet, S. Th. *De Ver.* q. 17. a. 3. Iamvero si probabilissima adest sententia contra legem evidenter patet deesse legis scientiam. Certitudo enim et evidentia haberi non potest cum opposita maxima probabilitate: quin imo nec cum simplici probabilitate. Unde S. Alph. ait: « Ad constituentiam *legis certam* sufficit vera probabilitas in contrarium ». L. 1. n. 57. Ed. a. 1762. 1763.

29. Conf. auctoritate S. Thomae. Lex est quaedam regula et mensura. Ut *regula* dirigat et *mensura* metiatur applicari debeat rei, quae debet dirigi et metiri. S. Th. 1. 2. q. 30. a. 4. Lex ergo subditos, quos dirigit, attingere debet, *attingit autem per scientiam*. S. Th. *De Ver.* q. 17. a. 3. Proinde lex esse debet certa et evidens. Quare si lex est *incerta*, si nempe non constat de *eius existentia*, si lex est *dubia*, si nempe legis sententia obscura sit, legis obligatio cessat: *praeceptum non ligat nisi per scientiam*. S. Th. 1. c. Unde axiomata illa *lex incerta non potest certam obligationem inducere; lex dubia non obligat*. Effectus enim nequit causam superare. Haec generatim omnino S. Thom., neque distinguit inter legem habentem contra se *minus* probabilem vel *aeque* probabilem, vel *magis* probabilem sententiam. Quare tota quaestio ex Angelico Doctore haec est: an lex, habens contra se *magis* probabilem, *aeque* probabilem, vel *minus* probabilem sententiam, dici possit *attingere* hominem *per scientiam*, cum *ligare mediante scientia, per scientiam, per virtutem scientiae*. Atqui *scientia* non datur, si contra sit vera probabilitas. Hinc omnis quaestio de peccato mortali periculose determinatur, nisi *expresse veritas habeatur*. S. Th. Quodl. 9. a. 15.

30. Nota 1.<sup>a</sup>: Propositio superius constabilita n. 22. non est *exceptio* quaedam probabilismi, quasi verus casus probabilismi. Nam si probabilismus verus est, semper verus esse debet, et in omni casu verificari debet. Et sane probabilismus respicit ipsam formalem seu *subjectivam honestatem* vel *tarditudinem actionis*; minime vero *obiectivam* seu *realem existentium* vel *non existentium effectus talis actionis*. Porro illa thesis praecise hunc effectum obiectivum obtinendum vel non obtinendum respicit. Si quis ergo in casu isto, quo effectus est absolute obtinendus, utatur opinione probabili, iste profecto percabit, sed non peccabit praecise, *quia* utitur opinione *probabili de licitate actionis*, sed *quia* utitur opinione probabili de *actus validitate*, exponens se periculo frustrandi effectum, absolute obtinendum. Tunc hic probabilismi casus esset, *quum probabilis opinio esset, licere sua actione exponere periculo effectum, absolute obtinendum*: quod probabilis opinio non est, sed falsa et erronea. Et sic e. g. minister sacramentorum sequens in eorum administratione opinionem probabilem quoad eorum *valorem*, peccat quidem, minime sane, quia sequitur opinionem *probabilem* quoad *licitatem actionis*: imo e contra, quia sequitur opinionem *omnino improbabilem* quoad *licitatem* actionis: quia cum effectus sacramenti certe obtinendus, nempe peccatorum remissio et infusio gratiae, dependeat a vera materia et a vera forma: adhibens quis materiam vel formam dubiam exponit illud periculo carendi tali effectui, adeoque proximo nocumentum infert, et consequenter peccat (Cf. S. Alph. Op. Mor. edit. Rom. a. 1757. l. 1. n. 33., Laymann l. 1. tr. 1. C. 5. § 2. 3.).

31. Nota 2.<sup>a</sup>: Exceptio et vera ac illigica exceptio probabilismi est. limitatio, quam nonnulli probabilistae, et aequiprobabilistae, probabilismo adiciunt ex principio possessionis: in dubio melior est conditio possidentis. Quare aiunt lex quidem dubia, in dubio de existentia legis, non obligat quia possidet libertas. Verum lex dubia in dubio de eius *cessatione* obligat, quia possidet lex. Hinc si est *probabile*, quod votum non emisisti voto non obligaris. Si certo votum emisisti, et *probabile* est, quod satisfeceris, teneris



adhuc ad satisfactionem. Verum ita dimidiare admittere probabilismum est admittere principia et negare conclusiones. Si lex dubia non obligat, praecise quia *dubia*, semper ac dubia est non obligabit. Porro tam dubia est lex in dubio de eius existentia, nempe de prima eius existentia: quam dubia est in dubio de eius cessatione, nam si probabilis est eius cessatio eo ipso dubia evadit ipsamet existentia legis. Lex autem obligans non est lex, quae existit, sed quae existit, neque est lex quae existit in abstracto, sed quae in praesenti sua certa obligatione non ligat. Atqui si *probabilis* opinio habetur de legis cessatione, utrumque ea intelligatur, eius obligatio evadit dubia, eiusque existentia item evadit dubia: nempe iterum non ipsamet existentia legis in abstracto, sed eius obligandi vis in concreto, in casu particulari, hic et nunc. Et sic licet certum sit votum emissum, et aliquando existens, si probabiliter ipsi satisfecisti, votum istud certum, quia aliquando *existens*, evadit dubium quia *te obligans* hic et nunc; et valet illud: Lex dubia non obligat. Possessio sane eatenus ius praevaleus constituit, quatenus is, qui possidet, ipsa possessione demonstratur vel saltem praesumitur dominus rei, quam possidet. Quomodo vero potest id vel demonstrari vel rationabiliter praesumi, quando *vere probabile* est, seu *gravi probabilitate* oppositum constat? Tunc enim vera et gravi constat probabilitate possessionem non esse *legitimam*, quae unica est, quae *ius praevaleus* constituere potest. Si enim solum possessionis *factum*, sine *legitimo titulo*, saltem rationabiliter praesumpto, praevaleus illud ius constitueret, iam omnes fures et latrones praevaletum possessionis iure, alienam rem possent retinere. Sed contra cl. D'Annib. n. 268, asserit errare, qui id putant. Etenim quoties inter duos aliquid controversitur, causa possessoris ideo est potior, quia *actori incumbit onus probandi*, quod non iure aliquo positivo introductum, sed naturali iure et summa aequitate constitutum est. Ita sane, sed cur naturale ius, et aequitas id constituit, nisi quia possessor rei demonstratur vel saltem praesumitur dominus rei, quandiu actor non potuerit probare rem suam esse. Ipsum *materiale possessionis factum*, ius praevaleus minime constituit in foro interiori, quoad ipsum ius domini et proprietatis rei, sed tantum quoad probationem in exteriori foro, quae ab actore est contra possessorem instituenda, ob praedictam domini praesumptionem. Praesumptio autem cedit veritati. Unde, si quis mala fide possiderit, vel per longissimum tempus, etiam sponte et sine actoris probatione et petitione, rem restituere debet.

32. *De extrinseca probabilitate.* Nullum dubium, quod probabilitas extrinseca constituat opinionem vere et satis graviter probabilem. « Aliquis parvae scientiae, ait S. Th. 2. 2. q. 4. a. 3. magis certificatur de eo, quod audit ab aliquo scientifico, quam de eo, quod sibi secundum suam rationem videtur ». Probabilitas haec ideo valet, quia non censetur quis loqui *sine gravi fundamento*. Hinc, si quis non sistit in *sola auctoritate*; sed *fundamentum hoc capendit*, probabilitas tunc extrinseca in intrinsecam resolvitur. Aliquando vero extrinseca haec probabilitas ipsam intrinsecam probabilitatem constituit, nempe cum agatur de re quae valde pendet ab aestinatione sapientum. L. 1. 3. n. 1032., de re scilicet potius *facti*, quam *iuris*, e. g. quatenus sit materia gravis in horis canonicis, in ieiunio, etc. Opinio *extrinsecae* probabilis designari solet per opinionem *communem*, *communiorem*, *communiorem eam*. De his haec Sanchez de Matr. l. 3. D. 44. n. 3. unde iudicium quis ferre potest de opinione *communis*, *communiore*, etc. « Non dicitur communis opinio, quae plures dd. eam asserentes habet, nulla disputatione praemissa, sed perfunctorie, et ut aiunt per transeunam illam sequentes... Quare optime Navarr. ait *communiorem* existimare opinionem, approbatam a sex dd. professis rem tractantibus, quam a. 50., sola fere priorum auctoritate ductis, quibus addit Ioann. Lupum... dicentem, non esse credendum dd. quantuncunque totum polleant, dum carent fundamento ». Cf. La-Croix l. 1. n. 164. 165., Mazzarelli Dissert. de Reg. mor. opin. Romae 1807. pag. 21. seqq.

33. *Nota:* A communi theologorum sententia « non est in re practica facile discedendum. Lugo de Iust. et Iur. D. 16. n. 106. Hoc tamen non est nimis scrupulose accipiendum, et multo minus extendendum. Hinc S. Alph. non dubitat affirmare se « a multorum graviumque auctorum sententiis recessisse » l. 3. n. 547., et ib. inferius ait: « ubi ratione me convicit non renui auctoribus pluribus contraire ».

34. *Resolves:* A conscientia *speculative* probabili, ad conscientiam *practice* certam gradum ergo facimus sequenti ratiocinio. Quod nulla certa lege vetitum est licet. Atqui talis vel talis actio, quae vere probabiliter nulla prohibetur lege, eo ipso nulla certa lege vetita est. Ergo talis actio licet. Cum maior et minor huius syllogismi certa sit, conclusio et ipsa certa erit. Conclusio autem iudicium seu dictamen conscientiae continet. Idem transitus fieri potest vi alterius ratiocinii, nempe: qui agit secundum, quod prudentia dicitur, agit honeste. Atqui ille qui agit secundum hanc vel illam opinionem probabilem agit secundum dictamen prudentiae. Ergo qui agit secundum hanc vel illam opinionem probabilem agit honeste. Cum iterum maior et minor huius syllogismi certa sit, conclusio etiam certa erit. L. l. 1. n. 67. 69.

35. *An ad probabilitatem alicuius sententiae sufficiat auctoritas unius doctoris?* — R. Negat., ordinarie loquendo. Ratio, quia si est alicuius antiqui, et fuit ab omnibus deserta, hoc ipso ordinarie caret sufficienti fundamento. Si vero est alicuius recentioris, vel iste gravem afferat rationem, vel non. Si 1.<sup>am</sup>, eius sententia ordinarie traditur etiam ab aliis. Si 2.<sup>am</sup>, nequit suam opinionem reddere aliis probabilem, cum nullum ad id afferat sufficientem rationem. Dicitur *ordinarie loquendo*, nam si gravis aliquis auctor quaestionem aliquam pertractat, quam alii non tractarunt, et gravem afferat rationem, vel si sententiam sustineat contra communem opinionem, sed nova aliqua ratione, aliis incognita, eam sustineat: nihil impedit quominus suam opinionem vel solus probabilem reddat, sed mox ei alii plures adhaerebunt, si publice ea doctrina diffundatur. Et sic « notant Salm., etc. sufficere dictum eximii doctoris etiam moderni, asserentis legem abrogatam esse, ut a lege deobligemur » L. l. 1. n. 107.

36. *Nota* hic prop. 27. damus, ab Alexandro VII.: « Si liber sit alicuius iunioris et moderni (quae verba generalia sunt et de auctore quocumque etiam humilis notae intelligi possunt), debet opinio censi probabilis, dum non constet reiectam esse a Sede Apostolica tanquam improbabilem ».

37. *An detur opinio speculative, non practice probabilis?* — R. 1.<sup>o</sup> Negat. *per se loquendo*: semper enim fieri potest ratiocinium supra constitutum, n. 34., si opinio *in se seu speculative*, vere probabilis est, quo ad ipsam conscientiam practicam progrediamur. — 2.<sup>o</sup> Affirmat., *per accidens*, si nempe cum in usum deducatur ea opinio adest semper vel fere semper extrinseca quaedam circumstantia, quae illicitum reddat usum talis opinionis, e. g. periculum lapsus, scandali, etc. Cf. Pignat. Con. Can. T. 8. Cons. 15., Lugo Resp. Mor. l. 1. D. 26. n. 3.

38. *An licite quis sequi in praxi possit diversas opiniones probabiles sibi favorabiles, licet inter se oppositae illae sint?* — 1.<sup>o</sup> Nemo prohibetur uti modo una opinione probabili, modo contraria etiam probabili. Nam si tibi licet alteram sequi, mihi alteram, utramque utrique etiam licebit sequi, minime enim eo quod una quis usus fuerit, altera probabilis ac tuta esse desinit. — 2.<sup>o</sup> In una eademque re non licet sectari opinionem probabilem qua prodest: qua vero nocet non eam, sed contrariam sequi. Nam, ut patet, aperta contradictio est. Et sic, e. g. cum alii affirmant testamentum legalibus formalitatibus destitutum esse validum, alii negent, illicite ageret qui ob hanc duplicem opinionem vellet sibi hereditatem acquirere ex testamento minus solemniter, et nollet ex eodem legata praestare. — 3.<sup>o</sup> Non licet duplici simul probabilitate uti non existentiae duplicis praecepti, cum certa

est alterutrius transgressio. Et sic, e. g. urget hodie lex abstinentiae, volo cras ad communionem accedere, probabile autem est mediam noctem esse iam elapsam, probabile etiam oppositum, non licet certe manducare carnem et simul ad sacram communionem accedere.

39. *An capiat rigidiores opiniones benignioribus praeferre.* — 1.<sup>a</sup> « Ubi agitur de removendo poenitente a periculo peccati formalis, confessarius debet, generaliter loquendo, et in quantum christiana prudentia suggerit, benignis opinionibus uti; ubi vero opiniones benignae proximius reddunt periculum formalis peccati, prout sunt nonnullae auctorum opiniones, v. g. quoad vitandas occasiones proximas, et aliae id genus: tunc semper expedit ut confessarius utatur, imo, dico quod ipse ut medicus animarum tenetur uti opinionibus tutioribus, quae poenitentes ad se servandos in statu gratiae conducunt ». L. l. 4. n. 84. Cf. l. 3. n. 547. — 2.<sup>a</sup> Ubi poenitens paratus sit sequi dictamen confessarii, quodcumque fuerit, tunc « spectat ad prudentiam confessarii perpendere utrum tutioris vel minus tutae sententiae usus suo poenitenti sit profuturus... quia licet id per se sit tutius et perfectius, tamen periculosius erit pluribus imponere obligationem operandi semper secundum rigidiores sententias ». L. l. 6. n. 605. — 3.<sup>a</sup> Generatim in praxi, confessarius potius, quoad fieri potest, debet esse benignus quam rigidus cum poenitentibus. L. Alph. l. c. Id et PP. et ThTh. auctoritate constat, quos citatos habes ap. S. Alph. l. c. et l. 1. n. 83. par. Ego, et n. 89. H. A. Tr. 1. n. 79.

40. *An confessarius scire debeat omnes opiniones probabiles?* — « Non est obligatus confessarius ad notitiam omnium opinionum probabilium, sed ad eam scientiam, quam mediocriter docti communiter habent; sicut advocatus, index, medicus, aut artifices etiam non obligantur ad summam et exquisitam scientiam et peritiam in sua professione, sed ad mediocrem iuxta gradum sui muneris et conditionis... sic poenitens a confessario obvio non debet exigere nisi notitiam communem de peccatis communibus et communibus etiam opinionibus; si vero subtiliora remedia desideret, adeat confessarium doctiorem ». Lugo, Resp. Mor. l. 1. D. 26. n. 2.

#### IV. — DE DOCTRINA S. ALPHONSI CIRCA PROBABILISMUM

41. Cum maxima sit in re morali auctoritas S. Alphonsi, et recentiores plures neque S. D. stare pro probabilismo simpliciter tali: sed aequiprobabiliter sic non docere affirmant, probabilismum vero tanquam doctrinam laxam reprobant: hinc statim hae movemus quaestionem de mente sancti Doctoris, quam is in praecedenti articulo fere constanter usi simus ipsius sententiis et etiam verbis ad probabilismi doctrinam constabiliendam.

42. Ne fallamur in re sit, et fideliter mentem S. D. exponamus, eius doctrinam demonstramus ex Tr. de Conse. in eius op. H. A., quem ipse ibidem n. 79. docuit in hae vitae scripsisse. Porro haec habentur nn. 33. 77. « *habetur quae videtur ad conscientiam dicit, quod quum opinio, quae libertati libertatis, magis probabilis, atque opinio quae legi faveat, sine dubio et licite capiatur pro tali, non est opinio est ut ego quid circa meum, quod non movetur, quod est ad meum, non est opinio, et est, quod cum dubitatur, an opinio legi, magis, et magis probabilis, aut parum probabilior, tunc locum habet ista sententia, quae dicitur, non obligat; tali enim casu licet lex non debeat observari, sed tamen tunc quavis aliqua pro lege non est, sed probabilior, cum est parum, et tunc maior probabilitas ad id, vel non praesentantia, aut non legem, sed magis, ut nihil facientia sit praeter illo effato communiter ab ipso auctoritate, admissio, quod parum pro nihilo reputatur.*



Secus autem esset: quando *excessus esset evidens, atque certus*, quia tunc opinio legi favens erit *certe et multo probabilior*: ideoque tunc, uti a principio dictum fuit, *lex est iam moraliter premeditata*, ideoque obligat, et est procul dubio observanda ».

43. Duo hic sunt investiganda: 1.<sup>a</sup> est, quid S. Alph. intelligat per opinionem *evidenter et certe multo probabilior*, si enim vere intelligit opinionem *vere et proprio* probabilem, contra nos est, si vero intelligit opinionem quae probabilitatis limites praetercedatur, et *certa* *non afficiat*, pro nobis erit: 2.<sup>a</sup> est, quid iterum intelligat S. D. per opinionem *atque probabilior* aut *parum probabilior*, si enim illud *parum* *probabilior* denotat tantum excessum probabilitatis, prout a *moraliter* distinguitur excessu *verae probabilitatis*, iterum S. D. contra nos est: si vero denotet simpliciter excessum probabilitatis, S. D. pro nobis erit.

44. Ad primum quod attinet, S. Doctor semel refert ad ea quae in principio dicta fuere. Haec autem in principio, n. 31. habentur: « Unum autem liceat cum opinione probabili operari, tres adsunt sententiae, prima quarum est, ut possit quis licite sequi opinionem etiam *minus probabilem* pro libertate, licet opinio pro lege sit *certe probabilior*. Hanc sententiam *duplex saeculi auctores quasi concinnate*, tenere, sed nos dicimus eam esse laxam et licite amplecti non posse. Ratio est, quia quando opinio pro lege est *certe probabilior*: tunc lex non est amplius *dubio stricto dubia*, uti accidit, quemadmodum postea explicamus, cum opiniones tam pro lege, quam pro libertate sunt *atque probabiles*: sed est *moraliter certa*, quum habeat pro se *fundamentum certum*, quod *vera sit*, ubi e contra opinio *minus probabilis*, quae favet libertati, *tale habet fundamentum*, ut *vera non sit*, ut remaneat *tenuiter*, sive *saltem dubio probabilis*, prae opinione tutiore, ideoque non est *prudenter* sed *imprudenter* eam velle sequi. Quum calum intellectui *certe appareat*, quod veritas stet magis pro lege quam pro libertate: tunc voluntas *atque prudenter* et sine culpa partem minus tutam sequi: tunc enim non operaretur *ex proprio iudicio*, seu per se credidit, sed *quodam ex conatu*, quem sua voluntate facit intellectui, remanente illum ab ea parte, quae ei verior videtur, eumque deflectente ad illam partem, quae non solum *videtur ei non vera*, sed ne demonstrat quidem *certaine* habere *fundamentum*, quod *possit esse vera* ». Jam vero ex his aperte constat, S. D. per opinionem *certe probabilior* intelligere nequid opinio *moraliter certam*. Ait enim, quod tunc lex 1.<sup>a</sup> non est *dubio stricto dubia*, sed est *moraliter certa*: 2.<sup>a</sup> quod eadem lex tunc habet at pro se *fundamentum certum* quod *vera sit*: 3.<sup>a</sup> iterum, quod dicta lex non habeat e contra sensu opinionem quae *tale habet fundamentum*, ut *vera non sit*: 4.<sup>a</sup> quod opinio minus probabilis opposita legi sit *tenuiter* vel *dubio probabilis*, ita ut *imprudenter*, sit eam velle sequi, quaeque *non saltem videtur non vera*, sed ne demonstrat quidem *certaine* habere *fundamentum*, quod *possit esse vera*. Porro opinio *tenuiter probabilis* non est opinio *vere probabilis*: huc tradit idem S. Alph. n. 65: « *tunc probabilis non est probabilior certa*, sed est tantum quaedam *falsa*, seu *improba* *probabilis species* ». Opinio item, *dubio probabilis* non est *vera et proprio* probabilis, quia nos contendimus statum esse sequi, etiam in consensu probabilioris. Si enim dubio probabilis est, dubio probabilitatis naturam patitur, ideoque *propria* *legum* *probabilis* non est. Et sane opinio *vere et proprio* probabilis *concordat* *ad S. Alph. l. c. n. 21.*: « *illa quae gravi aliquo innititur fundamento, quod non prudentis assensum inclinatum*. Opinio ergo *dubio probabilis* est opinio, quae habet *fundamentum dubio certa*, atque non meretur assensum *imprudenter*, qui periculo exponeretur *ex proprio iudicio*. Hanc *probabilem*, ait S. Alph. l. c. n. 65: quia nemo s. qui potest, sed si *certaine* est *probabilis*, habet tantum prudentem aliquam rationem, quod *vera sit*, ... *dubio probabilis* *aliquam* prudentem rationem, licet non omnino *stabilem* habet,

*quod sit probabilis* \*. Atque hinc patet, quod opinio illa quam velle sequi *imprudenter* est, quaeque *non solum videtur non vera* sed ne demonstrat quidem *certum habere fundamentum quod possit esse vera*, opinio vere et proprie probabilis non est. Si igitur opinio *minus probabilis* opposita certe *probabiliori*, vere et proprie probabilis non est, opinio *certe probabilior* intra probabilis limites minime subsistit, sed certitudinem iam attingit. Idem confirmatur ex Dissertatione inserta in Op. Mor. I. 1. n. 56., ubi ita explicat illud *certe probabilior*. « Dixi, ait, *certe probabilior*, quia dum opinio pro lege est *certe* et *sine ulla haesitatione probabilior*, tunc opinio tutior non erit, *am dubia* (intellige de dubio stricte sumpto . . . .) sed est *moraliter* aut *quasi moraliter certa*; saltem nequit dici amplius stricte dubia cum pro se habeat *certum fundamentum quod sit vera*. Unde tunc fit quod opinio minus tuta, quae certo fundamento caret, remaneat aut *tenuiter*, aut saltem *dubie probabilis* respectu tutioris; adeoque non est *prudenter* sed *imprudenter* velle eam amplecti \*. etc. Nota quoad illud, *quasi moraliter certa*, quod S. Doctori haec in re, ubi agitur de morali quadam existimatione, *parum pro nihilo reputatur*. Insuper S. D. non de quavis loquitur probabilitate, sed de ea quae *intellectui discrete apparet*, et de eo loquitur qui si ab hac probabilitate discederet, a proprio iudicio per *quendam convictum conscientiae discederet*, et contra suam ageret conscientiam; cui proinde illud aptat Apostoli ad Rom. 14., 23. *Quod non est ex fide peccatum est*. Postremo S. D. eam sententiam appellat *laxam*, quae etiam *minus probabilem* pro libertate tuetur *sine ulla distinctione*, quae nempe *aliquid* habet tantum *fundamentum rationis et auctoritatis*, et ideo distinguit dicendo quod non potest quis sequi opinionem hanc minus tutam, *quando est magna et certa praeponderantia pro tatori*. Apolog. cont. il P. Patuzzi an. 1765. Atqui vera probabilismi doctrina, quam sequimur, non quamlibet sententiam probabilem *indistincte* defendit, sed *certo et graviter probabilem*, quae sola *re probabilis est*. Itaque S. D. eam doctrinam *laxam* appellat, quam *auctores clausi saeculi* quasi communiter tradiderunt. Ergo non eam, quam tenebant auctores saeculi XV. et XVI., auctores nempe *solidae doctrinae*, puta Suar., Less., Laym., Bonac., Pal., Rouca., Pont., Silv., De Iugo, Abelly, quorum doctrina S. Doctoris *quanta sit, undique perfecta est*. Dichiarazione del Sistema, etc. n. 50. Napoli 1874. et Op. Mor. I. 1. n. 70.

45. Ad alterum quod spectat, evidens res est, quod si S. D. per opinionem *multo probabilior* intelligit opinionem *moraliter certam*, vel *quasi moraliter certam*; per opinionem *parum probabilior* intelligit simpliciter excessum merae probabilitatis. Si autem quaeratur cur S. D. tunc designet istum excessum, inquit, *parum probabilior*, et non simpliciter dicens, *probabilior*; ratio est, quia S. D. rem considerat potius *practice*, quam *speculative*, attenta natura rei et principiorum, nec non rigore verborum, et ita distinguunt inter *parvam* et *notabilem* excessum probabilitatis. Notabilis excessus vere talis habetur, cum est *evidens* atque *certus*, et tunc ex S. D. ad *certitudinem* pertingit. Et ita quidem est saltem *practice* loquendo; talis enim probabilitas, saltem *practice*, confunditur cum morali certitudine, quae latiori quodam sensu certitudo est. Et re quidem vera, loquitur S. D. de multo maiori probabilitate certe et evidenter tali. *Certe et evidenter* cui? non *oponente* certe; cum omnes bene sciunt, quod una eademque opinio uni talius probabilis alteri magis probabilis appareat, imo etiam eidem in diversis circumstantiis, sed *omnibus*. Et reapse si propositio est *multo probabilior certe et evidenter* *omnibus*, iam revera est moraliter certa. Omnis alius excessus licet forte *notabilis* sit, si tamen non est *evidens* et *certus*, reapse notabilis proprie dici non potest, quin tunc dubitetur de tali excessu notabili, et propositio quae uni videtur multo probabilior, alteri forte imo forte etiam eadem, re melius perpensa, ut ipsemet S. Alph. fateatur de se ipso l. c. n. 78., multo minus probabilis appareat. Si igitur probabilitatis excessus iste *notabilis*, sit *evidens* et *certus*, tunc iam ad certitudinem per-

tingit. Si autem licet notabilis, *evidens* et *certus* tamen non sit, iste excessus reapse quoad nos tanquam *notabilis* haberi non potest, sed manet intra limites acque *probabilitatis* vel *parum maioris probabilitatis*. Unde iterum constat, per hunc *parum maiorem excessum* S. D. intelligere reapse excessum simpliciter probabilitatis. Ac si quaeratur, cur S. D. hanc fecerit distinctionem inter *parum probabiliorem*, et *notabiliter, nullum, evidenter, certe probabiliorem*, ratio est quia S. D., ut constat ex l. e. H. A. n. 31., et ex Apolog. contra Patuzzi 1762, opponere se volebat illis probabilistis, qui probabilismum extendebant etiam ad *tenuem* et *admodum* probabilitatem, adeoque contendebant, licitum esse agere cum adest aliquadis ratio aut auctoritas. Hinc ex opposito statuit S. D., debet tunc quis sequi opinionem *certe, evidenter, notabiliter, nullam probabiliorem*, quae, ut patet, comparatione *tenuiter*, vel *dubie* probabilis iure merito dicitur a S. D. *moraliter certa* vel *quasi certa*. Cum igitur S. Alph. designaverit talem opinionem in comparatione *dubie* et *tenuiter probabilis* per *notabiliter probabilem*, reliquum erat, ut quaecunque aliam probabiliorem opinionem in comparatione *vere probabilis* designaret per *parum probabiliorem*. Cf. Op. Mor. edit. Rom. a. 1757. l. 1. n. 33.

46. Omisso tractatu de Consuetudine, in Opere cui tit. H. A., et morali Dissertatione de hac re inserta in Theol. Mor., si consulimus haec ipsa opera S. Doctoris, videbimus profecto S. D. maxima cum diligentia persequi non solum opiniones *communiores* et *probabiliores* sed etiam *minus* et *multo minus probabiles* et *communius*. Cf. e. g. l. 3. n. 700. q. H., ubi S. D. postquam in questione quadam de iustitia 1.<sup>am</sup> sententiam dixit *communio-*  
*riorem* et quidem *valde probabilem*, de 2.<sup>a</sup> sententia vero valde modeste eam *sua probabilitate non curare*, quam probabilitatem late et diligenter demonstrare aggreditur, tandem objectionem resolvens, hanc ad praxim deservire aperte affirmat; ait enim: « Haec enim est probabilitas iuris..., qua debitor bene uti potest ». Si quis igitur adhuc contendere velit, S. Alph. systema aliud *speculativum* propugnare, a vero probabilismo diversum, is profecto fateri debet *practice* S. Alphonsum verum esse probabilistam. Et sane, si ut teneamur sequi opinionem probabiliorem ex systemate S. Alph. iste maioris probabilitatis excessus esse debet *evidens atque certus*, H. A. l. e. n. 77., vix unam vel aliam forte reperies talem opinionem in re morali, cum, ut iam observavimus, ubi agitur de probabilitate valde diversa sint vel gravissimorum theologorum iudicia, adeoque ille excessus tanquam *evidens et certus* prudenter haberi non potest. Imo, ut observat Ithur. Cas. 44. n. 5.: « Vix questio ulla inter dd. agitur, in qua non sint et probabilistae, qui contra probabilistas alios rigidiorum, et probabiliorum, qui contra probabilistas alios benigniorum sententiam amplectantur ».

47. Doctrina ergo, quam uti *latam* habet S. Alph., non est verus probabilismus, qui sistit intra limites *vere, propriarumque probabilitatis*; sed ille est probabilismus, qui hos limites praetergreditur, et se extendit usque ad *tenuem*, et *dubiam* probabilitatem. Hinc S. D. absolute eam doctrinam non dicit *communiter teneri*, sed *quasi communiter ab auctoribus clausi sacculi*; a pluribus enim reapse tunc tenebatur; sed perperam omnino confunderetur cum doctrina veri probabilismi vere communiter, immo communissime tradita.

48. An tanquam probabiles Sancto Alphonso habeantur opiniones omnes, quas S. Doctor refert, et expresse non reiecit, licet neque expresse approbet? — De hac re ita S. Alph. ipsemet declarat mentem suam: « Medullam Hermannii Busembaum praemittendam censi, non iam ut omnes ipsius auctoris opiniones approbarem, sed tantum, ut eiusdem methodum sequerem, quae inter aliorum doctorum methodos ad res morales exponendis valde accomodata mihi visa fuit... Ceterum, benigne lector, te admonitum volo, ne existimes me opiniones illas approbare, ex eo quod non re-





51. *Cum conscientia practice dubia illicitum est agere.* Sola enim conscientia certa, regula morum est. Cf. n. 8. Hinc illud: *In dubiis tutior pars est eligenda.* L. l. 1. n. 22., Suarez D. 12. S. 5.

52. *Cum conscientia speculative dubia licet operari, modo affirmari possit conscientia practice certa.* L. l. 1. n. 25., Suarez D. 12. S. 5. Nam ut constat ex dictis n. 8, conscientia certa utrumque tandem efformata sit, si saltem morali certitudine inuitatur, est sufficiens morum regula, imo sola regula morum.

53. *Modi quibus ex conscientia speculative dubia, gradum pars faciat ad conscientiam practice certam, sunt:* 1. Perpendere ipsum dubium. Si enim « omnibus ponderatis, adverteret dubium esse nunc, hic bene potest dubium suum deponere sine alia reflexione, et sic actionem exsequi ». L. l. 1. n. 24. — 2. Inquirere praxim bonorum virorum sine scrupulo operantium. — 3. Consilium docti et prudentis viri. — 4. Ratio quaedam probabilis, a priori demonstrativa, quae forte veritatem inquirendo inveniri possit.

54. *Generales quaedam adsunt rationes; seu generalia quaedam ad iudiciata et principia,* quae praesto semper esse possunt, ut quis a dubio *negativo* ad moralem certitudinem immolate, vel saltem ad *probabilitatem* gradum faciat, ex qua deinde ope principiorum probabilissimi conscientiam sibi certam efformare possit. Cf. Suarez in l. 2. Tr. 3. D. 12. S. 5, n. 7., Lugo De iust. et iur. D. 23. n. 110. Porro huiusmodi regulae et principia sunt sequentia.

55. *In dubio melior est conditio possidentis.* Axioma istud in foro externo, tum ecclesiastico, tum civili receptum est tanquam regula certa iudiciorum. Idem sane valet in foro interno conscientiae. Etenim certa et legitima possessio moralem parit certitudinem de dominio rei. L. l. 1. n. 25., l. 4. n. 219., l. 6. nn. 905, 927., et ratio est, quia attentis humanis meritis, nemo est moraliter loquendo, negligens, imo et contra omnes diligentes et valde diligentes sunt in rebus suis custodiendis. Insuper, ubi non proceditur ex falsa suppositione, idem est ius fori externi et interni: utrumque enim forum in principiis naturalis iustitiae et aequitatis fundatur. Unde communiter theologi praefatam regulam pro foro conscientiae admittunt. L. l. 1. n. 26. Porro aliqui dicunt hoc axioma valere tantum in materia iustitiae. « Et tamen, ait S. Alph. l. c. nescio quomodo in omnibus negari possit ». Et haec sane est longe communior et verior sententia. Huius extensionis ad alias etiam materias ratio, eadem cum debita proportione est, ac in materia iustitiae. Nemo enim sine sufficienti ratione spoliari iuste potest bono, quod suum est. Homo autem naturaliter atque certo et legitime omnino suam possidet libertatem. Suarez in l. 2. Tr. 3. D. 12. S. 5, n. 8., Lugo De iust. et iur. D. 17. n. 87., D. 23. n. 110. Explicemus nunc sensum illius axiomatis. *In dubio, i. e. in dubio negativo,* et ratio axiomatis tunc patet, quia pro *possessore* stat tunc *possessio*, atque moralis certitudo, pro *perditore* nulla prudens ratio habetur. Cf. Lugo De iust. et iur. D. 23. n. 110. In dubio vero *positivo*, seu probabilitate, si probabilitas adest ex utraque parte, ita ut hinc stet *possessio* et *probabilitas iuris*, inde tantum aequalis, vel fere aequalis contraria probabilitas *iuris*, melior iterum est conditio possidentis, ut per se patet. Si vero ex una quibam parte stet *possessio* ex altera vero contraria probabilitas *iuris*, vel ex una parte *possessio* et simul probabilitas *iuris*, ex altera longe maior contraria probabilitas *iuris*, tunc certo melior non est conditio possidentis, sed *dubio*. Enimvero l. sententia tenet iudicem teneri rem a iudicare acti, quia ius possessionis praevalet in pari causa, non autem in causa minus probabilis. Regula enim iuris in 6. sic se habet: « *In pari debita, et causa, potior est conditio possidentis* »; et L. 128., ff. de div. Reg. Iuris dicitur: « *in pari causa pos-*

essor potior haberi debet ». 2.<sup>a</sup> Vero sententia tenet meliorem adhuc esse conditionem possidentis, nec iudicem posse hunc possessione expoliare. Ratio est quia « certum est, quod *legitima possessio* cuique tribuit *ius certum* rem retinendi, donec non constet de iure alterius, ut dicunt communissime... *ius certum*, quod nequit superari, nisi a iure certo alterius per rationes certas convincentes ». Possessio enim definitur: ius insistendi in re non prohibita possideri. L. 1. 1. n. 36., Ithur. Cas. 1. n. 2. Cf. L. 1. 3. nn. 547. 562. 711., etc. Possessio ergo, de qua in praesenti effato, est possessio *certa* et *legitima*. Dicitur *certa*, h. e. quod certum sit possessionis factum, *legitima*, h. e. *bona fide* incepta et continuata: itemque *titulo iusto*, saltem apparenti, vel saltem existimato, vel praesumpto incepta et continuata, qualis est, e. g. donatio, emptio, haereditas et similia per quae dominium alicuius rei sibi acquiri. Si ergo possessio est dubia vel incepta dubia fide, vel dubio titulo, speciale ipsa per se non exhibet possessori praerogativam et praesumptionem, contra quam nulla valeat contraria probabilitas. L. 1. 1. nn. 36. 47. l. 4. n. 210. Hi autem quaeret quispiam 1.<sup>o</sup> quidnam praeter ipsam *possessionem* erit ista probabilitas *iuris*, quae ex alterutra parte tantum, vel ex utraque esse potest. Respondetur: Est probabilitas *tituli iusti realis*, seu reapse existentis, ex quo verum et reale oritur *rei dominium et proprietas*. Ad legitimam enim possessionem, de qua in axioma, sufficit *titulus iustus* saltem *apparens*, quia e. g. interfuit donatio vel emptio ab illo, qui putabatur dominus, licet non esset; vel saltem *existimatus*, quia putatur intercessisse actionem per titulum significatam, licet non intercesserit: ut contingit quando quis putat rem sibi donatam aut a se emptam, et tamen hoc non fuit factum: vel saltem *praesumptus*, quia e. g. ob temporis diuturnitatem in quiescente possessione, aliasve circumstantias prudenter existimatur titulum aliquem interfuisse, quamvis possessor nullum determinate allegare possit. Ista ergo probabilitas *iuris*, ut patet est omnino extra *possessionem* ipsam, quae non nisi ius tribuit insistendi in re, seu eam definendi, licet forte ipsius dominium et proprietas ad te non pertineat, cum *realiter* non adhuc sit titulus iustus. Quaeritur 2.<sup>o</sup> cur dicatur *probabilitas iuris*. Respondetur: Illa probabilitas *tituli iusti realis*, seu reapse existentis, dupliciter esse potest: 1.<sup>o</sup> probabilitas *iustitiae tituli* ad incipiendam vel continuandam possessionem et proprietatem rei, testamentum e. g. formalitatibus legatibus destitutum; 2.<sup>o</sup> probabilitas *realitatis seu existentiae tituli iusti* ad eundem effectum, e. g. donationis, cum probabile etiam sit quod res fuerit furto ablata. Prior illa probabilitas dicitur *iuris* posterior ista dicitur *facti*. Ubi de hac agatur, « quando factum non plane probatur, non est probabile, quod reus possit condemnari, cum leges nunquam reum permittant condemnari, nisi delictum vel debitum plene probetur, non probatur autem plene et sufficienter ad sententiam, quando licet duo vel tres testes testificentur; alii tamen testes contrarium testantur; per hos enim eliditur, vel minuitur illorum testificatio, atque ideo non manet probatio sufficiens requisita ad probationem plenam et condemnationem ». Lugo de iust. et iure D. 16. n. 100. Cf. etiam D. 23. n. 110., D. 16. nn. 34. 96. 99.

56. *Resolves*: Ex praefato axioma plures resolvì possunt casus practici *dubio iuratore*, in quo omnis desit vera probabilitas, an nempe advenerit, praeterierit tempus obligationis legis. « In dubio inemptionis v. g. an impleverit annos 21., non tunc ad ieiunium, quia tunc possessio est pro libertate. Sic ut in dubio praeteritionis, v. g. an in sabbato transacta sit hora quaedam noctis, nequis edere carnes, tunc enim possidet lex. Sic etiam, si dilator, an ultra annos 16. ad professionem, vel anno 25. ad sacerdotium, nequis promitti aut ordinari. Ita communiter ». L. 1. 1. n. 99. 32.

57. *In dubio standum est pro eo, pro quo stat praesumptio*. Nam praesumptio desumpta ex ordinariis contingentibus; vel aliis personae et rei circumstantiis, moralem certitudinem, vel saltem probabilitatem efficit. Hinc



si soleas tali tempore diligenter recitare Breviarium, et dubites an aliquam partem recitaveris, praesumptio tibi favet, et te ab obligatione recitandi seu repetendi eximit. Si amens, sed qui habent lucida intervalla, voverit, et postea dubitet, an compos sui voverit, non obligatur quamdiu non appareat competentem sui fuisse. L. 1. 1. n. 26. Attamen, in foro poenitentiae, in quo ut ait S. Thomas 4. Dist. 17. art. 3. q. 3. standum est dicto poenitentis pro se, et contra se, praesumptio cedit affirmatae a poenitente veritati. Cf. Lugo de Poenit. D. 20. n. 17. 19. L. Alph. 1. 6. n. 600. par. *Limitat.*

58. *Nota:* Ubi agatur de obedientia superiori praestanda, in dubio praesumptio stat per se loquendo, semper pro superiore, L. 1. 1. nn. 93. 98. 99. Dicitur *per se loquendo semper*, nam *per accidens* potest aliquando fieri quod praesumptio non adsit pro superiore, puta: 1.<sup>o</sup> In dubio de potestate superioris circa talem rem, quia valde difficilis, vel molesta, vel graviter nociva subdito vel tertio. L. 1. 3. n. 617. « Ratio quia subiectio et obedientia debita superiori non tollit ius et possessionem tuam vel illius circa bonum honoris, famae, corporis, aut fortunae. Ergo non teneris te hac certa possessione privare in re tam magni momenti, sed potius aequitati consentiri videtur, ut habeatur maior ratio tuae possessionis certae, et haec praefertur iuri, vel possessioni aliquo modo dubiae superioris ». Elbel 173., Laymann c. 5. n. 12., Suarez D. 12. S. 5. — 2.<sup>o</sup> In dubio de licetate rei accedente etiam superioris praecepto; e. g. quando superior « solet temere et imprudenter praecipere pro libito quae non licent... quando etiam, accedente praecepto praelati, res manet in dubio (quoad eius intrinsicam licetatem); nec auctoritas, doctrina, probitas, vel prudentia praelati sufficit, ad deponendum dubium, qui casus possibilis est, nam fieri potest », etc. Lugo. Resp. Mor. 1. 3. D. 19. n. 11., L. 1. 3. n. 617. Cf. hic n. 19.

59. *In dubio factum non praesumitur, sed demonstrari debet.* — Nam non est danda ratio non entis, sed entis; quia non ens non habet sui causam, sed ens. Hoc autem intellige de facto *principali*, si dubium sit. Nam si certo constet factum *principale*, et dubium sit de facto *accessorio*, tunc alia valent principia: *In dubio omne factum praesumitur recte factum: In dubio praesumitur factum quod de iure faciendum erat: In dubio standum pro valore actus.* Nam omne ens naturaliter tendit ad sui perfectionem et bonum. Si ergo nihil constat obstare, natura pergit cursum suum prosequi. L. 1. 1. n. 26., 1. 6. n. 595. Tria haec posteriora principia valent et pro libertate et contra libertatem. *Pro libertate*, si non obstat contraria et certa praesumptio vel bonum commune: nam non est imponenda obligatio, nisi de ea certo constet. *Contra libertatem*, si nempe bonum publicum obstat; bonum enim commune praevalet privato. Cf. 75., 76., L. 1. 1. nn. 137. 182., 251.

60. *Resolvers:* In dubio, an aliquid cibi vel potus sumpseris; itemque in dubio, an cibum vel potum sumpseris post mediam noctem, potes Eucharistiam accipere. Nisi enim in utroque casu factum probetur, possidet libertas. L. 1. 1. nn. 38. 39., Elbel 166. 167., Amort. Theol. T. 2. D. 5. 9. 4., qui haec in fine animadvertit. « Dico tamen, eum peccatum saltem venialiter, qui, solius comotationis voluptuariæ causa, sic mercaretur circa leges Ecclesiae se exponendo periculo transgressionis saltem materialis, et si ita faciat ex consuetudine aut proposito semper hoc modo operandi, nulla concurrente alia rationabili causa, v. g. sitis, infirmitatis, peccabit mortaliter, quia tale propositum arguit contemptum interpretativum et defectum caritatis erga Deum et Ecclesiam cuius decorem conspurcat. Cf. Busemb. ap. La-Croix. 1. 1. n. 470. VI.

61. *In dubio nemo malus praesumitur, nisi probetur.* — Axioma hoc corollarium est procedentis. Cum enim facta et consequenter delicta non praesumantur, sed demonstrari debent, neque quispiam malus praesumi debet, sed probandus est. G. 76.

62. *In dubio fa-vores sunt ampliandi et odia sunt restringenda.* — Reg. Iur. Can. 15. in 6. Nam nemo odiosus, omnes vero grati esse desiderant. Quare fa-vores sunt odiis praefereendi. *Favor* intelligitur quidquid libertati indulget, vel gratiam concedit. *Odium* quidquid libertatem restringit, poenam statuit, ius aliquod laedit. Cum autem aliquando fiat, ut quod uni sit *favor*, alteri *odium*, videndus est casus particularis, ut determinetur, an favor odio, vel odium favori sit praefereendum.

63. *Resolves:* Falsum est igitur, quod ubi sermo sit de dubio speculativo, de licitate vel illicite actionis. *In dubiis pars tatio-r est eligenda.* Et sane in hac regula Iuris Can. non agitur de dubio speculativo, in quo ope principii reflexi potest quis sibi certam conscientiam efformare, et sic eligere partem omnino tutam: sed agitur vel de dubio practico, de conscientia nempe practice dubia, cum qua non licet agere, vel etiam agitur de casibus illis, in quibus finis est necessario obtinendus. Agitur verò cum primis *De foro externo*, in quo saepe specialis adest ratio tutius sequendi ad scandala et offensiones fidelium removenda, vel de honestate et meriti maiori-tate, non de salutis necessitate. L. 1. 1. n. 68. 79., Struggl Tr. 1. q. 5. n. 17., Scav. Tr. 1. D. 2. C. 2. a. 4., G. 70. 76.

64. *Qua peccati specie reus sit, qui agit cum conscientia practice dubia?* — Reus iste erit peccati eiusdem rationis ac speciei, cuius est peccatum, de quo dubitat. Ratio est, quia dubitans de illa malitia et nihilominus agens affectum habet ad illam malitiam. Unde si dubites an sit mortale, peccas mortaliter, si dubites generatim, an sit peccatum non attendens, ne in confuso quidem, ad malitiam gravem quae inesse possit, venialiter peccas. L. 1. 1. n. 22. 23., Elbel 140.

65. *Nota:* Qui *ex erronea conscientia* peccavit non tenetur in confessione explicare illam circumstantiam *conscientiae erroneae*, quia non mutat speciem; siquidem omne peccatum contra conscientiam est et non pendet ab obiectiva rei veritate, nisi quatenus illa per conscientiam diiudicatur, et voluntati proponitur. Excipe casum *censurae et reservationis*: siquidem tunc *erronea conscientia* explicanda est ut constet de exemptione a censura et a reservatione. Excipe etiam casum, quo secus peccatum non intelligeretur e. g. si quis die feriali missam omittendo credat se graviter peccare.

66. *Quid quis agere debeat, si inter duo praecepta constitutus, dubius haereat, quodnam eligere debeat, puta si urgeat praeceptum missam audiendi, et gra-viter aegrotandi assistere debitas?* — 1.<sup>o</sup> Debet quis sufficienter, quantum in ipso est, veritatem inquirere ut dubium deponat. — 2.<sup>o</sup> Veritate sufficienter inquisita, et dubio remanente, potest is et debet illud eligere quod minus malum ipsi videtur: ac si utrumque aequè grave videatur, quantum eligere potest. Quod verum est, etiamsi quis culpabiliter in istam perplexitatem se concessisset, modo de culpa praeterita debeat. Ratio est, quia ad impossibilia non datur obligatio, adeoque tunc cessat obligatio minor: vel si sint aut videantur aequales, aut ob ignorantiam discernere quis nesciat, quatenus minor sit utralibet cessat: ac etiamsi quis putet ita agendo se peccare neque non peccat ex defectu libertatis. Suarez D. 12. S. 5., Lessius in q. 19. D. 19. a. 6. D. 9., L. 1. 1. n. 10., Elbel 141.

67. *Resolves:* Si agens elegerit id, quod sibi minus malum videtur, peccat iuxta excessum nonnulli apprehensi, cum libere hunc excessum is eligit.

68. *Scilicet debeat a. aliam obligationi iam satisfeceris, teneris ne adhuc satisficere?* — R. 1. Affirma., si dubium sit mere negativum. Nam tali dubio nulla adest prior ratio satisfactionis, adeoque impossibile est principia aequè rationis alia et unius conscientiam de non satisfactione, quam hoc casu ex parte peccati. (1. Iur. Cas. 44. n. 15. — 2.<sup>o</sup> Si dubium verò sit positivum, contrahitur. 1.<sup>o</sup> Satisfacta, quam omnino tenet et tenetatem perit 8. Alph. 1. 1. n. 26.-29., 1. 3. n. 700. par. ult., 1. 6. n. 477., quæst.

reform., recentes retract. q. 1. et 18. etc., alique tenent plures, affirmat. Ratio est 1.<sup>a</sup>, quia non satisfit obligationi certae per impletionem dubiam; 2.<sup>a</sup> quia cum in dubio melior sit conditio possidentis, et lex certo existens possideat contra libertatem, huic praevalet, cumque sibi semper obligatam habeat, donec certo lex non sit adimpleta. 2.<sup>a</sup> Sententia, quoniam nos tum intrinsece, tum extrinsece probabilissimam existimamus, neget adesse talem obligationem. Ratio est ipsamet fundamentalis ratio probabilismi, quam eruditissime et doctissime exponit Il. supra cc. S. D., nempe lex dubia non obligat. Etenim lex non obligat in abstracto et universaliter, sed in casu concreto et particulari. Atqui si et certa sit existentia legis secundum se; eadem tamen qua obligans in tali casu concreto et particulari incerta est, et praedenter omnino incerta pronuntiatur, si cere probabiliter eidem iam satisfactum fuerit. Ergo aut dicendum est obligationem iterum satisfaciendi legi in casu praedicto esse nullam; aut dicendum praedictum principium, *lex dubia non obligat*, non esse universaliter verum, sed exceptionem pati: quod non convenienter diceretur. Nam quod verum est, semper verum est; et pro omni particulari quod in universali continetur. Ex hac autem ratione apparet quod obligatio reapse non est certa: quod assumitur in 1.<sup>a</sup> ratione oppositae sententiae. Quoad secundam rationem, ut ex iam dictis constat, possessio praevalet in dubio more negativo, ut autem certo praevaleat etiam in dubio positivo, oportet ut sit certa et certo legitima possessio. Porro quando in casu particulari vere probabiliter constat legem fuisse adimpletam, possessio legis pro isto casu concreto et particulari fit prudenter dubia: si enim reapse satisfecisti, possides reipsa libertas, legitima praeterea certo non est, cum probabiliter desit titulus iustus, probabiliter enim credere potes te iam satisfecisse, adeoque titulus iustus, saltem praesumptus, probabiliter non est. Hanc praeterea sententiam plures iique gravissimi theologi tenent, Suarez, Lugo, Tamburinus, Bonama, Salmanticenses, Roncaglia, Billuart ap. G. B. n. 80., ubi haec sententia communissima affirmatur. Imo idem S. Alph. 1. 1. n. 99. haec habet: « Quid in dubio, an legem impleveris? In dubio negativo teneris adimplere, secus in positivo ». Carden. et Ills cum La-Croix 1. 1. n. 600. Cf. etiam S. Alph. 1. 4. n. 159. Atque ita profecto sensiit ipse S. Alph. 1. 1. n. 76. edit. ann. 1757. et hanc sententiam S. D. commauit dicit, et ex ipsis probabilismi principiis ipsemet deduxit. Tandem S. D. 1. 6. n. 595. « sedulo, ait, advertendum non esse cogendos poenitentes ad repetendas confessiones, nisi moraliter certo constat eas fuisse invalidas, ut recte dicunt La-Croix, etc. ».

69. *Resolves*: Illud ergo axioma, *lex dubia non obligat* intelligendum est de lege dubia *dubio positivo*, seu *vere probabiliter dubia*. Porro lex multipliciter dubia positive esse potest; et in omnibus hisce casibus dicimus locum habere praefatum axioma: nisi velimus admittere veritatem propositionis generalis, et negare simul veritatem propositionis generali contentae. Age vero lex dubia esse potest 1.<sup>a</sup> Quoad ipsam existentiam et promulgationem, de qua S. Alph. « lex ut obliget, non tantum promulganda est, sed etiam promulganda ut certa. Et hoc punctum firmiter est hic statuentium », 1. 1. n. 63. seqq. et 97. Ac, ut alios praetermittamus, haec eximius Doctor apud S. Alph. 1. 1. n. 65.: « Quandiu est iudicium probabile quod nulla lex sit prohibens actionem, talis lex non est sufficienter proposita homini; unde cum obligatio legis sit ex se onerosa, non urget donec certius de illa constet ». — 2.<sup>a</sup> Quoad eius *intelligentiam* et *obliant interpretationem*, ac sive obscura sit sive ambigua sit, ex Reg. Iur. Can. 30. in 6. « In obscuris quod minimum est tenendum ». Cum enim lex sufficienter proponi debeat, ut obliget: non censetur Legislator velle obligare ultra id quod clare et determinate in lege exprimitur. Suarez in 1. 2. Tr. 3. D. 12. S. 5. n. 7., G. 76. — 3.<sup>a</sup> An interpretationem *extensivam*, vel *restrictivam* habeat, de quo S. Alph. 1. 3. n. 1036. « Cum dubitatur an lex comprehendat aliquem casum vel subiectum, perinde est ac si dubitatur, an *existat* lex pro illo



*casu vel subiecto, et ideo possidet libertas.* Cf. etiam. l. 1. n. 27. 97. Lugo De Poenit. D. 16. n. 59. De Iust. et Iur. D. 23. n. 110. — 4.<sup>a</sup> An cessaverit, sive statim ac lata fuerit, quia nunquam fuit recepta, sive temporis progressu per desuetudinem; de quo S. D. l. 3. n. 112., « nec obstat sententia. 1.<sup>a</sup> quam secuti sumus l. 1. n. 95., scil. quod in dubio, *an lex recepta sit*, lex bene obliget; nam hic non versamur *in dubio sed in opinione probabili*. . . . In dubio enim praesumptio stat pro lege, cum delictum, in non recipiendo legem iustam, non praesumatur. Quando autem *probabile* est, quod obligatio legis nunquam inceperit, vel aboita sit, tunc cessat praesumptio pro lege et possidet libertas, ut docent Sanch. etc. Idem S. D. habet l. 4. n. 47. Idem consequenter dicendum, cum probabile est finem legis *adacquate* cessasse, L. l. 1. n. 199. vel consuetudinem legem abrogasse, L. l. 3. n. 290., vel in particulari casu opus non esse dispensatione, L. l. 1. n. 192. — 5.<sup>a</sup> *An lex iusta sit vel iniusta*; et hic triplex casus contingere potest. Primus est, quod dubitetur de iustitia legis, quia dubitatur de ipso legislatore, an sit superior legitimus. Porro in hoc casu, si dubium de legitimitate superioris sit *positivum*, de quo agimus, *vere* nempe *probabile* sit quod non sit legitimus superior, eo ipso, ut patet vere probabilis evadit non existentia legis, adeoque non obligat. Cf. S. Alph. l. 1. n. 98. 121. Si dubium vero sit *more negativum*, legi obediendum est, « semper ac superior est in pacifica possessione suae potestatis; tunc enim melior est eius conditio iam possidentis ius praecipendi ». L. l. 1. n. 98. et l. 4. n. 47. Alter casus, quod dubitetur de iustitia legis, quia dubitatur, an superior excedat suam potestatem. *In dubio positivo*, seu vera probabilitate de excessu potestatis, idem dicendum ac in casu praecedenti. Eo ipso enim, quod probabile sit, quod superior suam excedat potestatem, vere probabilis evadit non existentia legis, adeoque non obligat. Et huic sententiae (de qua nempe ibi agitur) ad rem nostram ait S. Alph. l. 3. n. 617.: « tandem convenit etiam Suarez in 3. p. D. 4. S. 6. a 6. in fin. ubi fatetur non esse obligationem obediendi quando, *saltem manifeste* (ad illusionem facilem hac in re praecavendam) *probabile* est mandatum esse supra potestatem praecipientis ». Si dubio vero sit *more negativum*, praesumptio per se loquendo semper stat pro superiore. Tertius casus est, quia dubitatur de licitate ipsius rei praecipitae. *In dubio positivo* seu vera probabilitate, lex non est dubia, adeoque obligat. Superior enim praecipit tunc rem probabiliter licitam; imo certo licitam, praecipit enim ut subditus amplectatur aliquam opinionem probabilem in pravi, quod certe licitum est. Ergo licite et iure praecipit. Ergo subditus obedire tenetur. Lugo Resp. Mor. l. 3. D. 19., L. 90. l. 1. n. 92. 99. 134. Aliam addit S. Alph. l. 4. n. 47. rationem: « Quia ius possessionis quod habet superior praevalet omni opinione contrariae, quae non habet rationes convincentes fundantes certitudinem moralem ». « Limitant vero communiter dd. praefatam sententiam, et dicunt subditum non teneri obedire, 1.<sup>a</sup> si res sit valde difficilis et molesta, quia tunc difficultas operis simul cum opinione probabili, quod res praecipita sit illicita, vel quod praecipium excedat potestatem superiores praevalet illius possessioni. Limitant 2.<sup>a</sup>, quando subditus obediendo exponeret se vel alterum periculo gravis incommodi subeundi in vita fama, honore aut bonis. Ratio, quia subditus non tenetur tunc se perire iure suo certo, quod possidet circa talia bona magni momenti, ne superior privetur sua possessione, quae in eo casu est aliquo modo incerta ». L. l. 4. n. 47., l. 3. n. 617. l. 1. n. 31. Verum haec ratio demonstrativa nullis non videtur; nam si ius superioris certum est, ut modo ipse ait S. Alph. affirmabat, non nisi contraria certitudine evinci potest; si vero est incertum, ut in ista limitatione dicitur, tunc argumentum modo factum pro dectina generali demonstrativum reapse non est. Quare melior et demonstrativa ratio nobis videtur, quia tunc in casu rei valde difficilis vel peccatae merito dubitari potest, an superior excedat limites suae potestatis adeoque ut modo dicebatur, legis existentia dubia evadit. Vel etiam locus

tunc dari potest legitimæ epikie, secundum varias particularis casus circumstantias. Si dubium vero sit *vere negativum*, præsumptio semper stat pro superiore. Cf. Suarez De Relig. T. 4. Tr. 10. l. 4. C. 15., Lugo, Resp. Mor. l. 3. D. 19. Cæterum ad praxim magis quod attinet, « communis est sententia omnium ThTh. tam recentium, quam antiquorum, qui docent in obscuris esse obediendum superiori, ubi non est certum peccatum: ita S. Bonav., etc., et sic docuerunt omnes qui de hac re scripserunt. Ita etiam omnes mysticæ theologiæ magistri cum S. Ignatio Loyola in Ep. de Virt. Obed. » L. 1. l. m. 100. 191., Lugo l. c. n. 3. Cf. Suarez D. 12. S. 5. et hic n. 58.

## VI. — DE CONSCIENTIA SCRUPULOSA

70. *Quid conscientia scrupulosa?* — Scrupulus est inanis apprehensio, et hinc ortus timor et anxietas, alicubi esse peccatum ubi non est, vel peccatum grave ubi non est nisi peccatum leve. Quare conscientia scrupulosa est illa conscientia, quæ ex vana quadam causa *dubitat* de alicuius actionis honestate, ideoque formidat de peccato. Huiusmodi vero *formido* optime stare potest cum *iudicio determinato* de honestate rei; ea enim non nisi levi et inani motivo innititur. Si vero ea *formido* sit, cum *iudicio determinato*, aliquid esse peccatum, quod revera non est, hoc iudicium quatenus ex inani motivo procedit animumque affligit et anxiat, potest sane dici scrupulus, vel conscientia scrupulosa late loquendo; proprie vero est conscientia erronea vincibilis. Potest item esse scrupulus cum vero *dubio practico*, sit hoc peccatum necne, ex inani motivo, suspicando forte esse peccatum, absque ullo determinato iudicio, quod sit vel non sit peccatum. Et sic rursus est scrupulus vel conscientia scrupulosa late dicta propriæ verò est conscientia dubia.

71. *Licet operari cum conscientia scrupulosa, manente scrupulo; dummodo iudicetur esse scrupulum, et ut talis contemnatur. Neque vero opus est, ut ad singulos actus efformetur hoc expressum iudicium, quod sit scrupulus, sed sufficit quod contra eum quis agat ex iudicio experientie prædictorum actuum.* — Ratio 1.<sup>a</sup> est, quia taliter scrupulosus habet motivum prudens contemnendi dictamen conscientie scrupulosæ: 1.<sup>o</sup> quia scrupulus ex levi fundamento procedit, ne consequenter tollit iudicium aliunde certum vel probabile; 2.<sup>o</sup> quia confessari et theologi communiter dicunt scrupulos esse deponendos, aut si deponi non possunt esse contemnendos. Ratio 2.<sup>a</sup> est, quia tunc habetur iudicium saltem virtuale illius contemptus scrupulorum. Cf. Suarez D. 12. S. ult., L. 1. l. n. 18. 19.

72. *Qui est scrupulosus, quin sciat aut advertat, se esse scrupulosum, aut saltem in hac actione scrupulosum, non potest agere contra conscientiam scrupulosam: si iudicium de peccato efformetur: vel dubium de eo habeatur.* — Ratio, quia talis libere exigeret illud, quod malum iudicat, vel de quo dubitat, an malum sit.

73. *Causæ scrupulorum, morales nempe et occasionales, aliæ sunt intrinsecæ, aliæ extrinsecæ.* — Scrupulorum causæ intrinsecæ sunt: 1.<sup>o</sup> naturalis corporis constitutio, aliquid dispositum ad suspiciones et timores, uti est indoles melancholica; 2.<sup>o</sup> infirma capitis valetudo præsertim in mulieribus; 3.<sup>o</sup> ignorantia, qua quis Dei et Ecclesiæ præcepta non bene percipit; 4.<sup>o</sup> superbia occulta, qua quis nimis proprii filii iudicio; 5.<sup>o</sup> nimia abstinentia et vigiliæ immoderate, quibus, capite debilitato, facile conturbatur animus; 6.<sup>o</sup> immoderatus et indiscretus fervor. — Extrinsecæ vero scrupulorum causæ sunt: 1.<sup>o</sup> Deus, qui scrupulos permittit *in iustos*, ut sic

purgati magis proficiant: *in tepidis*, ut christiana pietatis officia ferventius obeant; *in poenitentibus*, ut praeteritorum peccatorum poenam luant. A Deo scrupuli esse censentur si iis exagitati meliores evadant. — 2.° Daemon qui, « Deo permittente, movere potest melancholicos humores in homine, per quos imaginatio vel errare potest, vel turbari ad timorem inordinatum ». S. Am. l. p. t. 3. C. 10. Scrupuli a daemone provenire existimantur, si scrupulosus ad teporem adduci, a virtute retrahi, et praecipue ad desperationem inclinari se sentiat. — 3.° Societas scrupulosorum, praesertim si horum consiliis se moderentur scrupulosi, et frequenter de rebus animae cum his confabulentur: quibus enim sociamur: hos imitamur facillime. — 4.° Lectio librorum, qui nimis rigidi sunt, « statuentes duriora praecepta, quae non possit humana conditio sustinere »; Amb. in ps. 118: sensim sine sensu iis assentimur opinionibus, quibus studemus.

74. *Signa conscientiae scrupulosae sunt*: « 1.° Pertinacia iudicii, qua scrupulosus sapientum consiliis parere renuit, varios consulit, sed nullius iudicio acquiescit, uno quanto magis plures audit, eo plus perplexus evadit. — 2.° Frequens iudicii mutatio ex levibus motivis, unde oritur inconstantia in agendo mentisque perturbatio, praesertim in operationibus externis, puta in celebrando Missae, etc. — 3.° Habere reflexiones impertinentes plurium circumstantiarum, quae in actione adfuerint vel adesse potuerunt ». L. l. 1. n. 11. — 4.° Si putet se peccare in eo in quo pii homines nullum omnino peccatum inveniunt: si preces suas anxie recitet easque continuo de novo oratur; si executionis conscientiae non faciat finem, et minima quaeque explicit et saepe etiam repetat in confessione. — 5.° Si signis ridiculis, gestibus aliisque modis, utatur ad scrupulos deponendos. — 6.° Si scrupulosum indicaverint confessarius, vel alius vir prudens. Cf. La-Croix l. 1. n. 515. seqq.

75. *Remedia conscientiae scrupulosae sunt*: 1.° Scrupulos contemnere, contra illos agere, nec cogitatione fovere. « Sapienter docent Sanchez, etc. », scrupulosum tenet aliquando obligatione gravi adversus scrupulos operari, cum ex scrupulorum anxietate possit grave damnum timere in profectu spirituali aut in valetudine corporis, vel mentis ». L. l. 1. n. 17. 13. — 2.° Iudicio confessarii, vel alterius pii ac docti viri acquiescere. « Hoc enim super omnia praeceptum imo unicuique potest dici remedium huiusmodi infirmitatum esse... ut omnes docent Patres, theologi et spirituales magistri... Hae obediendae anchorae destituti nunquam ipsi salvari possunt ». L. l. 1. n. 12. 13. 16. « Postquam scrupulosus unius confessarii, vel boni viri, responsum vel exemplum accepit, non debet alios consulere, ne assuescat ad anxietates inutiles diutius fovendas ». Sporer n. 195. — 3.° Bonorum vitam et consuetudinem tanquam regulam intueri, et vitam scrupulosorum conversationem vitare; itemque a lectione librorum atque quibus exalta tunc abstinere. L. l. 1. n. 2. — 4.° Antequam operetur, non indicare quidquam esse peccatum, nisi certo sciat, ne ex errore conscientiae remissa peccet. Post operationem utatur « regula a doctoribus sapienter tractata, nempe, eos qui sunt timoratae conscientiae, nisi moraliter certum est, se in grave peccatum consensisse immunes esse a peccato indicantibus, non alio P. Alvarez impossibile est, peccatum in animum ab eo abstractum, et tunc, cum ab eo clare cognoscatur. L. l. 1. n. 15. Suarez D. 12. c. 10. ». — 5.° A suadendo se ad sequendas sententias mitiores et saluberrimas. Barroco, ap. La-Croix l. c. « Pro scrupulosis, Natalis Alesius et alii perhibent esse regulam illam a B. Alberto M. et S. Antonio traditam. Inter alia, et benigna sententiam circa praecepta, benigna iudicium, etiam magis benigna sententia est ». L. l. 1. n. 19. — 6.° Nunquam charitativum alium in tanta cogitationibus scrupulosis. L. l. 1. n. 12. — 7.° Distringere causas scrupulorum: a. e. melancholicus exagit medicamentis atrum bilem, peccatum fuit et suum iudicium; superius suae pru-



dentiae non confidat; rudis instructionem petat, timidus meditetur bonitatem Dei, quae non imponit praecepta redigentia ad insaniam. — 8.<sup>o</sup> Nosse scrupulorum privilegia, ut 1.<sup>o</sup> quod non teneatur in agendo adhibere examen et diligentiam, nisi valde medio rem, nec tantam quantum aiti, et quod dum angit scrupulus nec suppetit consilium, possit libere agere quod vult, nisi certum et evidens sit esse peccatum. Vid. Vaso. in l. 2. D. 57.; 2.<sup>o</sup> quod nihil teneatur repetere ex praeteritis confessionibus, nisi certo sciat illud esse mortale, et se rite confessum non esse. Non est autem certus quando dubitat: Unde suadet Lay., ut scrupulosus nunquam confiteatur dubia et scrupulos. Et Sa v. *dubiam*, Sanchez, Azor, etc., dicunt, non teneri confiteri nisi quae iurare possit esse mortalia, et nunquam esse confessum. Ratio utriusque privilegii, est quia in scrupuloso nimio timore peccandi turbatur ratio, ut non possit recte rem examinare. Unde esto aliqua confessus non fuerit, non tenetur tamen cum tanto damno et periculo anxietatis perpetuae procurare integritatem confessionis, cum ab ea saepe minores difficultates excusent, ut notat Koning, Laym., Bon., Azor, Bec., Busemb. l. 1. 6. nn. 476. 477. — 9.<sup>o</sup> Imo docent Az., Bonac., etc., quod aliquando potest quis taliter scrupulis angī, quod licet ei videatur certo aliqua non dixisse, adhuc ad ea confitenda non tenetur. l. 1. 1. n. 16. — 10. Instanter ac confidenter se Deo commendare « qui consolatur nos in omni tribulatione nostra », 2. Cor. 1. l. 1. n. 12.

76. *Ratio agendi concessarii cum scrupulosis hisce regulis continentur:* 1.<sup>o</sup> Patiens ac caritate plenus sit, cum scrupulorum cura longa sit et ardua, ac miserrima eorum conditio. — 2.<sup>o</sup> Discretus, adeo ut rite cognoscat quoniam sit in poenitente scrupulorum origo; et an sit scrupulosus in omnibus, an in uno tantum, ut malis congruenter medicari valeat. — 3.<sup>o</sup> Prudens, in regulis videlicet praescribendis, quae quidem generales sint oportet; regulis enim particularibus scrupulosi fore nunquam valent se accommodare, quia eas sibi applicare nequeunt. Imo semper dubitant utrum casus fuerit satis explicatus, atque perceptus, utrum regula sine praescripta easui illi sit bene accommodata. — 4.<sup>o</sup> Brevis et dictatorius in suis responsis; et omnia, quod pot. st. prompte definiat, ac firmiter; secus poenitens auctoritate ipsius confessarii in sua anxietate confirmaretur. — 5.<sup>o</sup> Speciatim confessarius advertat, ut plurimum scrupulos versari circa tria: 1.<sup>o</sup> quod malae cuiuscunque cogitationi quae menti observatur, v. g. contra fidem, castitatem, caritatem, praebentur assensus; 2.<sup>o</sup> quod confessiones praeteritae nullae fuerint, aut etiam sacrilege, vel ob defectum integritatis, vel ob defectus imperfectionem; 3.<sup>o</sup> quod in omni actu ne peccatum vel peccati periculum videatur inesse. — Si 1.<sup>mo</sup>, poenitenti imperet ut timores huiusmodi omnino despiciat, eumque doceat non pravos cogitationes, sed pravos consensum esse peccata. Saepo etiam expediet scrupulos imponere, ut a confessione huiusmodi cogitationum se poenitens abstinat, nisi iam certo sciat in illas consensisse, ut illico queat iurare, « Neque est quod timeamur propter moram temporis, aut vehementiam cogitationis, nam haec etiam saepe sunt naturalia et involuntaria, et interdum ex timore, postea maiora apparent, quam revera fuerint ». Sanchez D. 12. S. ult. « Fac tamen diligenter advertas daemonem vel sensum ipsam subinde tentationes nonnullis maxime scrupulosis indicere sub eorum atque consensum exprimente, nec vel simili modo: *Volo peccare, sed conscio*; cum tamen nullus adsit voluntatis consensus, qui non ex incidentibus verbis, sed ex proprio ipsiusmet voluntatis superioris actu repetendus est ». Ihur. Cas. 18. n. 5. — Si 2.<sup>o</sup>, si generalem non alias confessionem expleverit, aut per aliquod notabile tempus ad poenitentiam diligenter et pie accedere consueverit, tunc licet pat. ut non amplius de culpis praeteritis cogitet, neque ullum amplius de his verbum faciat, nisi iurare possit se certo peccata illa mortalia perpetrasset, et illi nunquam in confessione reposuisse, quod si post confessionem rite peractam redeat, tunc confessarius inauditum amittat ei praecipiens, ut accedat ad

communienem. Ita se gessit S. Bernardus, qui sacerdoti cuidam prae scrupulis a Missae celebratione se abstinere volenti dixisse fertur, *Vade et in fide mea celebres*, et liberatus fuit neque dicis: Utinam qui ita loquitur esset alter Bernardus! Quisquis ita dicis, ait S. Antoninus ex Gersone, erras: non enim commisisti te in manibus hominis, quia litteratus, quia pius: sed quia tibi est praepositus. — Si 3.<sup>um</sup> confessarius imponat, ut libere agant et scrupulos despiciant: imo contra eos operentur, quoties evidens peccatum non appareat: quia generatim loquendo isti ob rationem ex nimio illo timore perturbatam putant esse peccatum, ubi non est. Unde oportet iis praeceptum iniungere, ut scrupulos vincant, ne inutiles tam sibi quam aliis evadant: atque ut postea de talibus actionibus se minime in confessione accusent. Qua in re animadvertendum est, quod etiamsi contingere possit, ut aliquando errent materialiter sic agendo, non peccabunt tamen formaliter ratione obedientiae, quam confessario praestant: quia non homini tunc obediunt, sed Deo dicenti: *Qui vos audit, me audit, et qui vos spernit, me spernit*. L. l. 1. n. 12.-19. La-Croix l. 1. n. 527. seqq.

77. *An scrupuli sint utiles?* — 1.<sup>o</sup> « Scrupulus... per aliquod spatium temporis, non parum prodest animae, quae se dat spiritualibus exercitiis: imo magnopere purgat et mundat talem animam separando illam valde ab omni specie (apparentia) peccati iuxta illud Gregorii, *Benarum mentium est, ubi culpam cognoscere, ubi culpa nulla est* ». S. Ignatius de Loy. Exere. Spir. Reg. de Scrup. 3.<sup>o</sup>. La-Croix l. 1. n. 513. — 2.<sup>o</sup> Si vero per longum tempus protrahantur « scrupuli sunt noxii, imprimis corpori, quia destruunt valetudinem, attenuant caput, saepe redigunt hominem ad insaniam, vitam saepe abbreviant: deinde animae, quam reddunt intricatam, desolatam, perplexam, quandoque desperandam: confundunt intellectum, indicandi vim perturbant, saepe totum hominem insignibus talentis praeditum reddunt ad omnes functiones ineptum: praeterea impediunt multa bona opera, prodigunt tempus multis vanis ac inutilibus cogitationibus, etc. ». La-Croix l. c. n. 514.

## DE LEGIBUS

### I. — DE NATURA LEGIS

1. *Quid sit Lex?* — Lex regula est humanarum actionum in ordine ad bonum, idem harum honestatem vel turpitudinem. Verum, si lex stricte sumitur, unica regula non est. Nam humanae actiones regulari possunt etiam a *variis et praecipuo*. *Consilium* est directio a doctore, amico, vel aequali, vel etiam a superiori, minime vero quatenus superior est. *Praeceptum* prout a lege distinguitur est regula imposita a superiore, qua superior est, non toti communitati, sed individuo particulari, uni vel pluribus. Denique *lex* regula est *ita*, communitati imposita. Consilium ego dirigit, sed non obligat: lex vero et praeceptum dirigit et obligant. S. Th. 1. 2. q. 90, a. 3. — Si de nomine fiat quaestio, lex a *legendo* vel a *legendo* indiscriminatim ita appellata est. A *legendo*, quia in ipsa, quae sit superioris voluntas legitur, seu cognoscitur. At a *legendo*, quia voluntas physica subditi, licet maneat post legem physicae legis ut erat, manet tamen moraliter restricta, ita ut nequeat honeste mori et agere, si a lege praescripta discedat. — Si de re fiat quaestio, varie a variis definitur. At communiter recipitur definitio

S. Th. 1. 2. q. 90. a. 4.: « *Ordinatio rationis ad bonum commune ab eo qui curam communitatis habet promulgata* ». *Ordinatio*, nam ordinare est constituere aliquid in loco sibi debito. Atqui hoc facit lex: sane lex praecepit, prohibet, autorizat, permittit, punit. Haec faciens constituit humanos actus et actiones in loco sibi debito, respectu finis obtinendi, qui commune bonum est. Ergo, *Rationis*: ordinatio summi potest active et passive. Lex ordinatio activa est: ipsa enim est, quae ordinem inuenit. At active ordinare proprium rationis est: ratio enim est, quae seil distinguere inter locum et locum, inter locum debitum et indebitum. Ergo, *Ad bonum*, si enim talis non esset, ordinatio amplius non esset, sed deordinatio. — *Commune*, in hoc enim lex distinguitur a praecepto, quod singulis imperatur: bonum enim commune non respicit hunc vel illum, hos vel illos individuos particulares duntaxat, sed respicit omnes. *Ab eo qui curam habet communitatis*, in hoc enim lex distinguitur iterum a praecepto, et a consilio. Praeceptum enim datur etiam ab eo, qui privatam tantum habet *auctoritatem*, ut pater, maritus, dominus. Consilium etiam ab eo datur, qui ceteroqui *auctoritate* non gaudet. *Promulgata*: lex enim obligat entia rationalia, praecise quia rationalia sunt, qua nempe rationali modo operantur. Ut ergo obliget debet esse nota: ut autem innotescat debet exterius a legislatore proferri: neque utcumque, sed solemniter seu cum publica aliqua solemnitate: debet enim *omnibus sufficienter* innotescere hanc esse mentem et voluntatem legislatoris, et quidem *ex parte ipsius Legislatoris*. Dicitur *sufficienter* innotescere, h. e. *certa sententia*, secus enim ens rationale iniuste omnino spoliaretur bono naturali et maximo libertatis, quod certo possidet ex incerta legislatoris voluntate: non enim datur aequalitas inter certam libertatem et incertam obligationem, i. e. inter dominium et possessionem maximi boni certissimam et iustissimam, et spoliationem istius boni incertam et dubiam. Hinc S. Alph. ait: « Lex ut obliget, non tantum promulganda est, sed etiam promulganda ut certa ». — S. Th. 1. 2. q. 90. q. 92. De Verit. q. 17. a. 3., L. 90. seqq.

2. *Resolves*: Privata legis notitia sine promulgatione ad obligationem non sufficit. Promulgatio vero, statim ac sufficienter facta est, sine notitia legis sufficit ad obligandum in foro externo, quia legis rite promulgatae notitia a iudice iure meritoque praesumitur. At in foro interno, praeter exteriorem promulgationem, requiritur semper notitia legis: quia nemo peccare potest sine obligationis cognitione. — C. *Ad haec* 1. De *Post Tract.*, S. Th. 2. 2. q. 77. a. 3. ad 4. Cf. Lugo Resp. Mor. 1. 1. D. 21.

3. *Quomodo, et ab quando leges promulgandae, quandonam obligare incipiunt?* — Nihil iure naturali definitur. Quare in arbitrio Legislatoris est, eam promulgare *modo et loco* ab ipso constituitur. Leges canonicae promulgantur Romae, earum apographo ad valvas Basilicae Vaticanae proposito. Neque vero necesse est, ut in singulis etiam Diocesisibus a locorum Ordinariis publicentur. S. Poenit. 8. Nov. 1821., 15. Jun. 1870. — Postquam autem lex promulgata est, quandonam obligare incipiat, hoc quoad leges civiles a iure pendet uniusquisque nationis. Quoad leges Pontificias, alii putant eas obligare postquam subditi eas cognoscere potuerunt, alii post duos menses, alii postridie, ex c. Resp. S. Poenit. Stante hac sententiarum varietate, in legibus irritantibus et inhabilitantibus, S. Sedes consulenda. Quoad leges Diocesanas, earum facta promulgatione, nullum determinatum exigitur tempus ad ipsarum obligationem. — L. 96. 105. 106. H. A. Tr. 2. n. 8., Struggl q. 1. m. 21. 22., Bened. XIV. De Syn. l. 13. C. 4. Cf. C. I. initio Disp. art. 1., C. G. 1.

4. *An Tridentinum obliget iis in locis, ubi non fuit promulgatum?* — Certum est 1. obligare ubique quoad fidem et mores, cum horum una sit regula et omnibus necessaria. Neque vero *morae* sunt *leges*, sed merae *declarationes* iuris naturalis et divini, iam ante sufficienter promulgati. —



2.<sup>o</sup> Non obligare quoad Decretum circa matrimonia clandestina, S. 22, C. 1. De R.—3. Quoad alia decreta, quae reformationem respiciunt P. Gury 97. ait: « *praeferenda* est sententia asserens ipsa ubique obligare, cum Romae debito modo promulgata sint ». At P. Dumas ib. hanc sententiam *tenendam* affirmat. Et haec sane communis sententia est. Cf. Scav. V. 4. n. 83. Edit. Mediol. 1874.

5. *An vis legis pendeat ab acceptatione Communitatis?* — *Per se* lex nullo modo pendet ab acceptatione populi ut obliget. Quare lex independentem ab ista acceptatione est in se omnino perfecta quae ad vim obligandi quam habet. Prob. tota vis obligandi est in superiore non in subdito. Ergo statim ac sufficienter cognoscitur superioris voluntas, obligationi quis obnoxius est. L. 97. 1. 6. 137. 138. *Per se* ergo peccant episcopi pontificias leges non acceptantes: peccant etiam gubernia civilia catholicarum nationum, quae prohibent Ecclesiae leges acceptare. Hae leges, non obstante ista prohibitione, suam retinent vim obligandi. Cf. L. 96. — *Per accidens* quandoque non obligat lex non acceptata, ratione taciti, vel expressi consensus superioris, aut ratione privilegii vel consuetudinis toleratae. Prob. 1.<sup>o</sup> Ex consensu communi theologorum: 2.<sup>o</sup> quia, ut iam dictum est, tota vis obligandi est in superiore. Ergo si superior consentit non obligare, quovis pacto consentiat, lex amplius non obligabit. Ergo. Quare si maior pars populi legem non acceptaverit, et princeps sciens et volens iam non urgeat, quamvis peccaverint priores legem non acceptantes, alii tamen culpa vacant ob praesumptum superioris consensum. *Non acceptantes*, nempe contrarie legem infringendo, voluntate eam non observandi. Nam si maior pars legem non acceptaverit mere negative, h. e. propter rationabilem causam eius obligationem ad tempus suspendat, donec ea causa superiori manifestetur, parata interim obedire, si superior obligationem urgeat, tunc neque priores peccant. Ex benigna quadam interpretatione haberi potest obligatio legis tanquam suspensa usque dum res componatur. L. 139., Struggl q. 1. nn. 27, 28, 29. — *Sciens et volens*: nam si princeps nesciat non recipi, nec deduci ad usum, vel non possit in initio contradicere, durat legis obligatio, donec elabatur tempus ad praescriptionem requisitum, et legitima efformetur consuetudo. Attamen « si tu legem promulgatam paratus sis suscipere, et data occasione etiam observes: sed alii plerique e communitate non recipiunt, nec recepturi videantur, tunc saltem ab ea excusaberis per discretionem ». L. 137., vel potius ob praesumptum superioris voluntatem, nolentem te solum obligare, L. 139., Struggl q. 1. n. 30., Laymann cap. 3. n. 3.

6. *Quanam sint legis proprietates?* — Sunt sequentes: 1.<sup>o</sup> *Possibilitas*, etiam nempe moralis: quod scilicet non afferat grave vel gravissimum incommodum et difficultatem, saltem communiter loquendo, et in casu legis positivae. Ratio est, quia cum lex ordinatio rationis sit, ita et ipsa ordinata esse debet, iam vero imprudens est et temerarium vitam et cetera bona profuturum, quae ad meliorem usum deinceps servari possent, secluso casu boni communis, contemptus Dei, aut legis negativae violatione. Insuper cum lex item ordinatio rationis sit, adeoque et ipsa ordinata esse debeat, accommodata esse debet communi hominum conditioni, ita ut a tota communitate vel maiori saltem eius parte observari moraliter possit, secus inutile, imo nocivum esset legem ferre. Exercere quoslibet virtutum actus etiam hereticis omnium profecto non est. Idque confirmatur ex ipsa praxi utriusque iuris, ecclesiastici et civilis, et consensu omnium theologorum, assensum, legem divinam positivam et humanam non obligare *generatim* cum proportionato gravi nocimento, quod *per accidens* observationi legis communitum sit. Cf. Sanchez in Decal. l. 1 c. 18. n. 2. — Hinc actus *heretici* generatim sub legem cadere non videntur, quia vires humanas excedere moraliter censentur, atque adeo eiusmodi lex careret ea dote, qua posset dici *possibilis*. Attamen aliquando, exigente bono communi, praecipi pos-

sunt. Sic milites vigilas non possunt stationem deserere, etiam imminente periculo vitae, si detrimentum inde Respublica captura sit. Sic etiam lex obligat cum periculo vitae, si periturae sint animae, nisi pastor adeat aegrotos tempore pestis. L. 175. *Exigente bono communi*, si nempe illud praecipitum necessarium sit ad conservandum bonum, aut averteudum malum commune.

— Hoc tamen non debet intelligi de legibus istis, quae feruntur ex data hypothese alicuius status peculiaris, in quem subditus se voluntarie coniecit, quem propterea *hypotheticum* vocant, *adventitium*, sive *electicum*. Sic Ecclesia praecipit monialibus perpetuam clausuram. Sic etiam hominibus gravissimae criminis reus poenae item gravissimae posuit imponi. Ipsis enim liberum erat sese illis subtrahere, aliter operando. Struzelq. 2. n. 8. — *Legem positivam*: nam leges negativae, quae nempe vetant naturali iure malum, etiam cum discrimine vitae sunt observandae. Malum enim quumquam est faciendum. Excipe vero leges, rem praecipientes, quae natura sua sine gravi incommodo praestari non potest, ut lex confessionis, pro qua autem praesto est auxilium gratiae et a qua etiam excusatur impossibilitas. Leges autem positivae quo magis bono religionis et reipublicae prosperant, eo magis cum maiori incommodo obligant.

7. 2.<sup>o</sup> *Honestas*, nam lex est *ordinatio rationis*. Hinc lex praecipere non potest actus inhonestos: potest tamen praecipere actus per se indifferentes, qui ad commune bonum ordinari possunt, quique consequenter positive honesti evadunt. Cf. Struzelq. 2. n. 9. S. Th. 1. 2. q. 95. a. 3. q. 95. a. 2.

8. 3.<sup>o</sup> *Utilitas*, nam lex est *ordinatio rationis ad bonum commune* ab eo qui curam habet communitalis. Hinc quaevis lex praecipere non potest quosvis actus honestos, sed omnes et solos actus illos, quorum positio vel omissio *ad bonum commune societatis* conferre potest, ut nempe saltem mediate, indirecte, et ultimate cedat in bonum commune. S. Th. 1. 2. q. 96. a. 3. — Quare lex civilis certo non potest praecipere actus mere internos. Neque lex ecclesiastica, iuxta plures, id potest: quia, aiunt, legifera Ecclesiae potestas ad externam tantum fidelium gubernationem pertinet. L. 100. S. Thom., Suarez, Bened. XIV., etc., contra alios, qui probabiliter etiam affirmant, quia Ecclesia illimitatam potestatem a Christo accepit. Potest vero lex humana praecipere actus *mixtos*, seu partim internos, partim externos, qui simul unum morale constituunt: et actus externos licet *ocultos*: nam tum illi tum isti actus ad bonum commune dirigi possunt. — Et sic prohibetur sub excommunicatione haeresis externata, licet occulta: sic sub irregularitate homicidium occultum. L. 100. — S. Th. 1. 2. q. 96. a. 1., 100. a. 9., 2. 2. q. 194. a. 5., Suarez l. 4. C. 12. 13., Ithur. Cas. 41. n. 23., Bened. XIV. De Syn. l. 9. C. 4. n. 4.

9. 4.<sup>o</sup> *Iustitia*. « Dicuntur autem leges iustae, et ex fine, quando scilicet ordinantur *ad bonum commune*: et ex auctore, quando scilicet lex lata non excedit potestatem ferentis: et ex forma, quando scilicet secundum aequalitatem proportionis imponuntur subditis onera in ordine ad bonum commune. Cum enim unus homo sit pars multitudinis, quilibet homo hoc ipsum quod est, et quod habet, est multitudinis, sicut et quaelibet pars id quod est, est totius: unde et natura aliquod detrimentum infert parti, ut salvet totum. Et secundum hoc leges huiusmodi onera proportionabiliter inferentes, iustae sunt, et obligant in foro conscientiae, et sunt leges legales. Iniustae autem sunt leges dupliciter: uno modo per contrarietatem ad bonum humanum e contrario praedictis: vel ex fine, sicut cum aliquis praesidens leges imponit onerosas subditis, non pertinentes ad utilitatem communem, sed magis ad propriam utilitatem vel gloriam: vel etiam ex auctore, sicut cum aliquis legem fert ultra sibi commissam potestatem: vel etiam ex forma, puta cum inaequaliter onera multitudinis dispensantur, etiamsi ordinantur ad bonum commune. Et huiusmodi magis sunt violentiae, quam leges ». S. Th. 1. 2. q. 96. a. 4.

10. 5.<sup>a</sup> *Stabilitas*, i. e. statuta sine tempore definito, ita ut semel lata, nisi abrogetur, vel noxia evadat aut inutilis, tandiu duret quamdiu stat communitas cui imponitur, vel quamdiu perseverant circumstantiae pro quibus lata est. Quod autem generaliter quidem constituitur, sed non in perpetuum, *Statuti*, *Edicti*, *Decreti* nomen habet. S. Th. 1. 2. q. 97. a. 1. 2. — Hinc lex non nisi tripliciter cessare potest: 1.<sup>a</sup> Per *abrogationem* vel *derogationem*, prout enim aut tantum ex parte aboletur: quemadmodum enim superior legem ferre, sic eandem vel tollere vel coarctare potest. Atque hoc notandum est, per legem generalem nunquam abrogari legem particularem, alienius loci, nisi id expresse caveatur in ipsa, aut particularem consuetudinem, quam princeps ignorare praesumitur. Ex adverso, quia consuetudines universales praesumuntur principi esse notae, eo ipso abrogari dicendae erunt, quod princeps ferat legem contrariam, etsi desit clausula generalis derogatoria. Idemque de universali lege dicendum. C. *Licet* 1. *De Const.* in 6. l. 199. C. l. 6. n. 680. 2.<sup>a</sup> Per *cessationem causae motivae adducatur*, seu finis totalis, ob quem lata est respectu totius communis: cessante enim causa legis, eam urgere legislator rationabiliter nequit. S. Th. 1. 2. q. 103. a. 4. ad 3. 3.<sup>a</sup> Per *disuetudinem*, seu per *consuetudinem contrariam* delictis vestitam conditionibus: tunc enim superioris consensus saltem legalis accedit. — *Stabilitas* haec proprietas est exclusive propriae legis, si lex cum praeepto comparatur. Praeceptum enim cessat morte praecipientis vel cessatione ab officio: lex vero non extinguitur simul cum legislatore. Cum enim cessat persona physica, a qua lex emanavit, neque cessat leges ferendi officium, neque cessat bonum commune, ac propterea non cessat lex, quum bonum illud commune bonum sit universale totius societatis et constantis. Bonum vero quod respicit praeeptum, bonum privatum, seu individuale est, et natura sua variabile: et cum persona physica superioris ipsum praecipiendo officium per se cessat ut in Patre, Domino, Magistro, etc. videre est. — Interim tamen etiam praeeptum, seu mandatum, quandoque non statim expirat per mortem mandantis, nempe si mandatum sit ad pias causas, vel in favorem dotis matrimonialis vel alienius scholastici: si mandataris expresse iubeatur aliquid exequi etiam post mortem mandantis: si res non sit amplius integra, videlicet in iudiciis, in donationibus et promulgationibus nomine alterius faciendis: si res sit etiam integra sed executio alienius gratiae mandata sit in favorem alterius, neque relicto arbitrio mandantem. La-Croix 566. 876., Struggl q. 1. n. 5., L. 140.

11. 6.<sup>a</sup> Lex afficit immediate territorium, praeeptum vero immediate personam. Praeceptum enim respicit bonum *privatum personae*, unde ubique ipsa sit praeeptum urget. Lex vero respicit *bonum commune*, bonum nempe communis, quae non nisi determinato territorio est, unde personam, non nisi in territorio existentem obligat.

12. *An cesset lex, cessante causa finali, in casu particulari tantum?* —

R. 1.<sup>a</sup> Affirm., si cessat *contraria*, quando scilicet materia legis redderetur in illo casu noxia, vel valde difficilis. Nam lex positiva, praesertim humana, non obligat cum gravi et proportionato incommodo. — 2.<sup>a</sup> Controvertitur, si cessat tantum *praeceptum*, scil. si lex tunc redderetur inutilis: 1.<sup>a</sup> sent.<sup>a</sup>, quae plures et graves ThTh. tenent affirmat, quia lex tunc redditur inutilis: 2.<sup>a</sup> sent. sent.<sup>a</sup>, quae magis ardet S. Alph., negat, quia quamvis cesset finis legis in particulari, non cessat tamen in communi. Est enim communiter loquendo bene et propter periculum hallucinationis, quia quis in casu proprio facillime decipi potest. Unde tunc evadit lex fundata in praesumptione iuris, quae utique semper obligat. Attamen addit S. D., quod si casus accideret, quod aliquis omnino certus et securus esset abesse omne hallucinationis periculum, non aueret priorem sent.<sup>a</sup> improbare. L. 199. l. 6. n. 613., imo hanc sent.<sup>a</sup> S. D. *probabatur* dicit 1. 3. n. 846. H. A. Tr. 2. n. 69., S. Th. 1. 2. q. 103. a. 4. ad 3., 2. 2. q. 154. a. 2. 3., Struggl q. 4. nn. 25.-27. —



Notandum autem est quod finis legis potest esse multiplex, ut in lectione librorum prohibitorum, et tunc, uno cessante, non ideo cessat lex.

13. *Resolves*: A bannorum proclamatione non eximuntur sponsi, etsi certo sciant nullum subesse matrimonio impedimentum. L. 199. Hinc etiam non potest quis legere libros prohibitos, si nullum ex his sibi periculum pertimescat. Ac quamvis vere etiam cesset istud periculum in casu particulari, non omnino tamen cessat finis prohibitionis, cum ille sit non solum ut perversionis periculum vitetur, sed etiam ne ausa pravis scriptoribus detur perniciose typis demandandi. L. 199.

14. *De interpretatione legis*. — Lex non semper clara est. Hinc ad eam rite intelligendam interpretatio opus est, quae definitur communis legis explicatio iuxta mentem legislatoris. *Mentem*, non latentem, sed verbis legis expressam. S. Th. 2. 2. q. 129. a. 1. ad 3. Interpretatio est: 1. *Authentica*, *doctrinalis* et *usualis*, prout fit ab ipso superiore, vel a viris doctis, vel ex consuetudine. Ut interpretatio vere *authentica* sit et non *doctrinalis* necesse est, ut superior legem declarat quatenus superior, h. e. utens potestate iurisdictionis. Si enim tanquam privata persona suam mentem declarat interpretatio *authentica* non erit, sed *doctrinalis*. Consuetudo aequivalet *authenticae* interpretationi, si est legitime prescripta, secus vero iure *doctrinalis* est. 2. *Stricta* vel *lata*, prout fit stricte iuxta naturalem verborum proprietatem, aut large iuxta sensum benigniorem. 3. *Comprehensiva* vel *extensiva* prout ea interpretatione vel nihil novi inducitur: vel aliquid ea addatur, cum verba, vel ut sonant, vel ultra eorum sensum naturalem accipiuntur. — Cf. Ihur. Cas. 53. n. 2. seqq.

15. *Quatenus sint interpretationis regulae?* — 1. Accipienda sunt verba legis iuxta eorum propriam et usitatum acceptionem, nisi sequatur inde quid absurdum aut iniustum, aut lex inutilis prorsus evadat. — 2. In dubio de vero sensu, attendendum est ad mentem legislatoris, seu ad finem legis, et ad circumstantias vel antecedentes vel consequentes. Reg. 88. de Regul. iur. in 6. — 3. Lex poenalis et odiosa in dubio est stricte interpretanda; lex vero favorabilis subit amplam interpretationem. — L. 200., Struggl q. 4. n. 1. seqq.

16. *An interpretatio authentica promulgatione impleat ut obliget?* — R. Negat.: si ea interpretatio sit declaratio sensus clare contenti in lege; cum talis declaratio non sit nova lex: nihil enim novi statuit, sed statutum declarat. Affirm.: si declaratio sit sensus obscure contenti in lege, quia habetur tunc ut nova lex: vel si legem coerceat, vel extendat, siquidem tunc vere nova lex est. — L. 200., l. 3. n. 1027.

17. *An lex extendi debeat a casu ad casum ob identitatem rationis?* — « Leges poenales non sunt extendendae de casu ad casum » L. 1.6. n. 689. Odia enim sunt restringenda. — Leges item irritantes vel ius aliquod concedentes a casu ad casum extendi non possunt: nam actus tunc valore destituitur, vel vim habet non nisi a positiva voluntate legislatoris. — Negantium item est quoad alias leges; etsi *eadem ratio* currat, a fortiori si sit *similis ratio* duntaxat. Etenim non ratio legis, sed legislatoris voluntas, subditis rite intimata, vim legis habet, et obligat. Potest enim legislator bene de uno disponere et non de alio. Hinc commune axioma: Ratio legis non est lex. — Si autem non licet *per se* legem a casu ad casum *extendere*, a fortiori non licet privilegium a personis ad personas alias, a rebus ad res alias extendere, C. 28. De R. I. in 6. — Excipe tamen, quoties alias manifeste absurdum aut iniquum quid sequeretur et manifeste accusari posset legislator iniustitiae, vel imprudentiae. Hoc autem habetur in sequentibus: 1. in *correlativis*, v. g., inter sponsum et sponsam; ut, puta, si sponsa liberatur a sponsalibus ob longam absentiam sponsi, pariter hic ob sponsae absentiam liberatur; 2. in *aequiparatis*, a iure, ut sunt electio, praesentatio, postulatio ad beneficium: eva et lacteinia ratione abstinence; et sic quod lex disponit circa unum, idem dis-

penere censetur circa aliud: 3.<sup>o</sup> in *connexis*, ut sunt Diaconus et Subdiaconus; 4.<sup>o</sup> in *contentis*: sic ille qui potest testari, etiam legata facere potest. — Atque haec valent etiam si de lege poenali agatur. Neque tunc valet regula: Odia restringenda, favores ampliandi. Nam id procedit tantum, cum dispositio legis extollitur ex interpretatione *congruitatis*, non cum debet extendi ex interpretatione *necessitatis*, quae non tam debet dici *extensio*, quam mera *comprehensio*. Et sane, ut ait Suarez, extensio legis alia est necessaria, alia voluntaria. Illa est omnino requisita ad iustitiam vel rectitudinem: haec vero non ita: sed tantum est voluntaria, quia licet possit lex multa alia iuste comprehendere, tamen minor comprehensio sufficit ad iustitiam legis et proprietatem verborum cum ratione etiam legis servandam. Porro generalis regula de non ampliandi leges poenales intelligi debet de interpretatione voluntaria, i. e. sine qua potest adhuc conservari prudens dispositio, et iustitia legis: non de necessaria extensione legis, quae requiritur, ut servetur iustitia, vel aequitas. — L. 200., Ithur. Cas. 53.

18. *An Declarationes, Decisiones et Decreta SS. Congregationum vim legis habeant?* — 1.<sup>o</sup> Nullum dubium est quod ipsa obligent in particularibus casibus, pro quibus feruntur. — 2.<sup>o</sup> Nullum dubium quod vim habeant legis, si eis adiciatur robur Apostolicae firmitatis, Cf. Bened. XIV. C. *Sacrae sanctae Pœnitentiae*, aut Apostolicae Sedis mandato solemniter fuerint publicata, vel si in Ecclesia universaliter et usu plurimum annorum fuerint divulgata, L. 106. — 3.<sup>o</sup> Praeter casus praedictos « duplex est sententia, utraque probabilis... Prima sententia asserit, quod... robur habent obligandi omnes... Secunda sententia dicit, quod... non obligant universe... Ratio huius sententiae est, quia ut lex obligat omnino requiritur sollemniter promulgatio legis », L. 106. Sed tertia est sententia, quae affirmat quando *Declarationes* sunt *comprehensivae*, quae nempe non recedunt a propria et usu recepta significatione verborum. Nam nulla tunc opus est promulgatione, siquidem non conditur novum ius, sed conditum et promulgatum tantum explicatur. Negat vero quando *Declarationes* sunt *extensivae*, quae nempe recedunt a propria et communiter accepta verborum significatione. Nam tunc novae sunt leges, quae potestatem legislativam requirunt, et promulgationem, Schmalzgr. Dissert. praem. n. 373, seqq., Prehler Proleg. n. 46., Reiffenst. Praem. n. 130, seqq. — Cf. L. l. 3. n. 760., 765., l. 6. nn. 556., 593., H. A. Tr. 15. n. 87., Bened. XIV. De Syn. l. 6. C. 6. n. 4., Indice Operis v. *Congregatio Concilii, eius prudens inconstancia in suis decisionibus ac in iudiciis ferendis*, Scav. l. 1. n. 339, 340. Ed. Mediol. 1874., D'Aunib. 184., 189.

19. *Quid sit epikeia?* — Ad interpretationem revocatur *Epikeia*, quae est benigna, sed aequa legis interpretatio, qua lex indicatur non se extendere ad talem casum particularem quamvis in verbis legis clare comprehensum, ob circumstantias particulares, quae a legislatore vel praeviae: vel comprehensivae reipsa non sunt. Si, v. g., lex prohibeat gestare arma noctu, gestare possum, si exire debeam et inimicum meum ad mortem me periclitentem sim offensurus. Ut tamen detur locus epikeiae, non solum debet lex cessare in casu particulari *negative*, quia nimirum deficiet tunc finis legis, sed debet cessare *contraria*, nempe quod legis observantia reddatur *periculosa, damna*, vel nimis *onerosa*; neque tunc opus est superiorem interire, sed ut facile fieri possit, id enim ex ipsis legis proprietatibus deducitur. Nam lex esse debet honesta, utilis, possibilis, adeoque non obligat cum gravi incommodo. Verum datur locus etiam epikeiae, cum quamvis lex in casu particulari non reddatur peccaminosa, damna, vel nimis onerosa, indicatur tamen ex quadam aequitate et benignitate legislatorem noluisse illum in verbis legis includere. Et tunc cum fere in dispensationem recidat, necesse est superiorem adire, si consuli possit, L. 201. S. Th. l. 2. q. 96. a. 6., 2. 2., q. 120. a. 1., Struggl q. 4. n. 7. 8., Ithur. Cas. 53. n. 9.-13.

## II. — DE AUCTORE LEGIS

20. *Quinam generatione leges ferre possunt?* — Cum Deus sit Dominus omnium, et superioribus non solum ecclesiasticis, sed et civilibus parere iusserit, non solum ipse, sed illi leges ferre possunt. L. 140. Hinc plures distinguuntur leges. — 1. *Lex aeterna*, quae est: Ratio et voluntas Dei aeterna ordinum praescriptum servari iubens, perturbari vetans. Ea ratio et fundamentum est omnis legis: ab ipsa enim profluit lex naturalis, et a lege naturali reliquae leges vim et normam desumunt. Cf. S. Th. 1. 2. q. 91. a. 1. q. 93. — 2. *Lex naturalis*, quae lex Dei aeterna est hominibus promulgata per rectam rationem, qua discernimus quid sit bonum, et quid malum, bonum faciendum et malum vitandum. Quare obiectum cuius legis est id quod *per se* et intrinsece bonum vel malum est. Cf. S. Th. 1. 2. q. 91. a. 2. 6. q. 94. L. 102. — 3. *Lex divina*, quae lex est a Deo per revelationem data. Ea duplex est alia enim Veteri Testamento alia Novo Testamento continetur. Vetus Testamentum praecepta continebat caeremonialia, iudicialia et moralia. Novum Testamentum praecepta continet fidei, morum, sacramentorum. Cf. S. Th. 1. 2. q. 91. a. 4. 5. q. 98.-108. L. 103. — 4. *Lex canonica et civilis*. Prior ab ecclesiastica est potestate, et ea attingit, quae in Ecclesia ad animarum spectant salutem. Posterior, a civili est potestate, et iura ac obligationes moderatur inter cives et cives; inter cives et principem; inter gentem et gentem. Unde ius exoritur *pricatum, publicum et gentium*. S. Th. 1. 2. q. 91. a. 3. q. 95.

21. *Quinam in Ecclesia leges ferant?* — Papa et Episcopi, sive ipsi soli, sive in Conciliis oecumenicis, provincialibus, dioecesanis. C. *Si quis* 2. *De Maior.* C. *Ut animarum* 2. *De Const.* in 6. Decreta Conciliorum Provincialium publicari non possunt, nisi prius a S. C. C. expensa ac recognita fuerint. Sixtus V. C. *Immensa*. Papa leges fert pro tota Ecclesia. Nam primum habet iurisdictionem pro tota Ecclesia. Eandem habent vim Decreta Conciliorum oecumenicorum. Concilia enim Generalia repraesentant totam Ecclesiam docentem et regentem. *Legati* quoque leges ferunt in suis provinciis, sed nomine et auctoritate Summi Pontificis. C. *Nomini* 10. *De Off. Leg.* — Episcopi leges ferunt in propriis dioecesibus. Sunt enim *veri Rectores* in suis dioecesibus Act. 20., 28. Huiusmodi quidem potestas necessaria est ad rectam dioecesis administrationem. Hinc Episcopi ferre quidem possunt leges pro sua quisque dioecesi, etiam sine consensu Capituli, nisi tamen agatur de iis, quae in praedictum Capituli aut Cleri cedere possunt. C. *Novit* 4. C. *Quanto* 5. *De His quae fiunt a Prael.* Consuetudo tamen invaluit, ut, nisi expresse cautum aliter fuerit, ea quae decernit Episcopus extra synodum inconsulto Capitulo, vim non habeant legis, sed simplicis *Statuti* quod consequenter cessat, cessante iure Episcopi, morte, translatione, abicatione. Statuta autem Episcopi, etiam extra synodum, *audito tamen consilio* Capituli, facta et promulgata, iuxta veriorum sententiam, eandem perpetuitatem habent ac Constitutiones Synodales. Bened. XIV. De Syn. l. 12. C. 5. n. 1. l. 13. C. 5. L. 194. l. 7. n. 6. Nihil vero decernere possunt Episcopi contra leges Pontificis, neque in materiis S. Sedis reservatis, cum inferior in superiore iurisdictionem non habeat. — Archiepiscopi item et Patriarchae leges ferre nequeunt pro dioecesibus suffraganeorum, quia non sunt superiores proprie dicti, quamvis eorum lites ad se delatas componere possint. Cf. L. 105. Struggl q. 2. n. 6.

22. *An alii etiam leges condere possint praeter S. Pontificem et Episcopos?* — 1. *Cardinalis* potest ratione suae dignitatis in Ecclesia sui Tituli leges ferre. C. *His quae De Mai. et obed.*, C. *Quare de Elect.* Collegium Cardinalium vero, Sede Romana vacante, si necessitas non urget, non



potest leges ferre: sed nominationi alterius Pontificis debet statim incumberere ex Clement. 1. 1. Tit. 3. c. 2. — 2.<sup>o</sup> Abbates et Praedati exempti leges ferre possunt pro suo territorio, ubi quasi Episcopalem exercent iurisdictionem; iurisdictioni enim adnexa est legislativa potestas. — 3.<sup>o</sup> *Capitulum Cathedrali*, Sede Vacante, leges condere potest, iure enim succedit in iurisdictione Episcopi, C. *Hes quae* 11., C. *Can olim* 14. *De Mai. et obed.* l. 104., Lugo (Resp. Mor. 1. 1. D. 21. n. 5. — 4.<sup>o</sup> Capitula seu Congregationes Generales et Praedati Regularium veras leges condere valent, intra limites suae iurisdictionis, iuxta proprias Ordinis Constitutiones. Habent enim statuta a S. Pontifice approbata, quae illis hanc facultatem tribuunt, *Iurisdictiones*, nempe a Papa concessae, non autem *vi voti*, quod cum personale sit non dat nisi potestatem imponendi *praecepta*, minime vero *legem* condendi. — 5. Abbatissae, vel Superiorissae Monialium non possunt leges proprie dictas ferre, cum iurisdictionis ecclesiasticae non sint capaces. Possunt tamen exigere in conscientia obedientiam circa res praeeptas, vel circa ea quae ad protectum Monialium iuxta regulas conducunt. Habent enim ius praecipendi tum ex voto obedientiae a subditis emisso, tum ex necessitate disciplinae, quae in communitate servari debet. Hinc novitiae, licet ad obedientiam non teneantur stricte, *vi voti*, quod non emiserunt, tenentur tamen aliquo modo ad obediendum ratione regularis disciplinae. Quapropter « Abbatissae possunt ferre praecepta pro recta gubernatione domus, et adhuc sub culpa gravi obligare » L. 104. Cf. Schmalzgr. 1. 1. t. 31. nn. 38, 39. — 6. Parochi leges condere non possunt, Ratio, quia non habent iurisdictionem in foro externo.

23. *Quomodo in Societate civili leges ferantur?* — Princeps vel populus vel uterque simul, pro varia regiminis forma, leges ferunt. In guberniis monarchicis principes, qui suprema gaudent potestate in civili societate leges ferunt. In guberniis repraesentativis potestas leges ferendi residet in Rege, vel in Praeside Reipublicae et in Corpore legislativo ex Deputatis, vel etiam ex Senatoribus constituto. Enimvero saeculares principes sunt veri superiores in civili societate, et ea potestas ad rectum civilis societatis gubernationem necessaria est. Quare nullum est dubium, quod et eorum leges possint etiam in conscientia obligare, L. 104.

24. *Nota:* 1.<sup>o</sup> « Poterit S. Pontifex abrogare vel corrigere leges civiles alicuius principum, si opponantur aequitati » L. 103. Et sic antiqui Romani Iuris aliae leges civiles sunt expresse a Iure Can. approbatae, aliae expresse correctae, aliae neque approbatae, neque reprobatae. . . . Leges approbatae sine dubio in consc. obligant. . . . Correctae non obligant quidem in consc. . . . Non reprobatae videntur tacite approbatae a Iure Can. . . . l. 1. de *Nec oper. nuntiat*. . . . Item C. *Super specula de Prælat.* . . . Et Gelsius Papa ep. 4. ad Anast. Imperat. scripsit: *Quantum ad ordines pertinet publicae disciplinae, legibus tuis ipsi quoque patet religiosus Antistes*. L. 106. Porro haec non solum de Iure Romano quod olim vixit, sed etiam de Iure Civili, quod in praesenti viget, Ordo enim publicae disciplinae, et iustum legitime potestatis, ratio est cur Romanum Ius a Iure Can. approbatur, eademque viget in quolibet civili societate bene ordinata. *Ius autem Romanum cum Iure Canonico constituebat Ius Commune*, ita ut tum, quia per plura saecula totus orbis eo communiter usus est. — 2.<sup>o</sup> « Verum potestas humanorum legislatorum separata invenit: cumque civilis potestas temporalia, ecclesiasticae spiritualia negotia credita sint, illa de his tantum leges ferre potest, quae pertinent ad negotia saecularia; haec de his tantum quae ad animarum salutem pertinent. Prinde, si contraria descenderit, utriusque parendum erit in his, quae suae iurisdictionis sunt, C. 5. G. 10. Dist. 96. C. 7. n. 1. *De Appell.* C. 18. *De Iud.* C. 13. § *Rationabiles qui fil. sint. leg.* V. Bened. XIV. *De Syn.* l. 9. C. 11. n. 5. Nihilominus cum utraque potestas a Deo sit, et ad eundem finem tendat, fo-

ventur mutuo: ea propter, quod ius materia communis est utriusque Iuris, Ius Civile suppletur ex Iure Canonico: et, contra, quod Iuri Canonico deest suppletur ex Iure Civili. C. 1. *De Noc. Op. Nunc.* Non quidem Romano quod olim vixit, sed eo quod nunc viget... quia ideo utrumque Ius fovetur mutuo, quia utraque *Potestas* mutuo foveri debet, nun potestas quae desit? ... praeterquam si agatur de his legibus, quae in Ius Canonicum translatae sunt, quippe quae non amplius leges, sed canones dicendi sunt. Nihilominus Ius Canonicum, quando ex Iure Civili capit interpretationem, non ex eo quod nunc viget, sed ex Iure Communi interpretandum est: quia hoc imperante conditum fuit s. D' Annb. 201., L. 104. 105., 106.

25. *An tyranni leges ferre possint, ita ut vere istae obligent?* — Leges et sententiae, in se honestae et iustae, latae a tyranno, obligant, sive is talis sit *de facto*, seu administratione: sive talis sit *de iure*, seu titulo, sed *pacifice* regnum possideat. Ratio est, quia ille legitimam habet potestatem, licet ea abutatur: iste etiam potestatem habet, licet usurpatam, eamque legitimo principi restituere etiam teneatur. Societas enim sine aliqua potestate stare non potest: neque seipsam pessumdare debet. Dicitur, *sed pacificus*, etc., secus enim non est ei obtemperandi obligatio, cum nondum sit verus superior. L. 94.

26. *Nota:* Obligatio parendi legibus tyranni, qui potestatem usurpavit, *necessitate servandi ordinem in communitate* fundatur. Possunt autem subditi quaedam etiam praestare quae in aliquam tyranni utilitatem cedunt, ut solvere aliqua tributa, agere excubias, fodere ad constructionem arcis, etc.: siquidem haec sunt opera per se indifferentia, quae recusare legitimo Principi non prodesset: ipsis vero subditis gravissima interret damna. Verum illicitum omnino erit ea alia opera facere, quae proxime et formaliter spectant ad iniquam usurpationem confirmandam, et ad damnum legitimo Principi inferendum.

27. *Resolves:* Si tyrannus, talis sit *iure* seu *titulo*, in ipso *actu invasionis* nullas ferre potest leges, neque illi obediendum est, neque eum licet ullo modo iuvare aut recognoscere, ut possessionem regni adipiscatur, in eaque stabilietur. Ratio, quia *invasio* nullum ei tribuit ius.

28. *Utrum consuetudo vim legis habeat?* — 1.<sup>o</sup> Consuetudo, prout *materialiter* consideratur, est agendi mos ex frequentibus communitatis totius, vel maioris eiusdem partis actibus inductus. *Formaliter* vero est ius quoddam moribus constitutum, quod pro lege accipitur, etsi lex deficiat, lex nempe scripta. Schmalzgr. l. 1. t. 4. n. 1. — 2.<sup>o</sup> Consuetudo vim legis habet. Id constat: 1.<sup>o</sup> communi theologorum sententia: 2.<sup>o</sup> ex variis iuris sive canonici, sive civilis locis, quibus indubie eruitur, consuetudinem pro lege habendam esse. Cf. Tit. *De Consuet.*, L. 32. *De Legib.*, C. 1. a. 530. 1654., C. G. a. 671.: 3.<sup>o</sup> ratione: nam consuetudine semel inducta, e. g. contra legem, lex non amplius confert ad bonum commune: et e contra praeter legem inducta ratio urget boni communis. — L. 107., S. Th. 1. 2. q. 97. a. 3., Struggl q. 4. n. 28. seqq., Ithar. Cas. 53. n. 7., Bouix, *De Princip.* P. 2. S. 6.

29. *Quotuplex sit consuetudo?* — Triplex distingui solet consuetudo, *secundum legem*, quae nempe legem iam conditam diuturno usu confirmat et interpretatur. Cf. Can. *De istis* D. 4., L. *Si de interpretatione de Leg.* 37. Dig., *praeter legem*, quae novum inducit ius, aliquid praecipiens vel prohibens, de quo nulla lex scripta habeatur, Cf. Can. *Consuetudo* D. 1., L. *De quibus*, *De Leg.* Dig.: *contra legem*, qua nempe vel lex non recipitur vel recepta abrogatur, aut ei derogatur. L. 107. 108.

30. *Quaenam ad consuetudinem habendam exigantur?* — Ut consuetudo sit legitima plures requiruntur conditiones: 1.<sup>o</sup> Ut sit *rationalis*, i. e. ut peccati fomes non sit, neque bono communi perniciosa. Secus enim nun-

quam vim legis acquirere potest, cum lex esse debeat honesta, utilis, iusta. Hinc contra legem naturalem et divinam nulla esse potest consuetudo, sed tantum contra legem humanam. L. 107., S. Th. Quodl. 2. a. 8., Schmalzgr. l. c. n. 7. — 2.° Requiritur, ut sit inducta a tota communitate, vel saltem a maiori eius parte, capaci quae per legem gubernetur, et capaci legem ferre: et si non possit *ex se* legem ferre, sufficit quod eius agendi ratio vim possit obtinere legis, accedente principis consensu. Ab omnibus enim moribus factum censetur quod a maiori parte fit. Consuetudo autem ab illis introducenda est, quibus leges seu statuta constitui possunt. Privati ergo consuetudinem introducere non possunt. — 3.° Inducta autem esse debet per actus repetitos, et non interruptos, usque ad completam consuetudinem, voluntarios, i. e. neque ex ignorantia, neque ex errore, e. g. si populus existimet existere legem, quae revera non est, neque ex vi et metu extortos, sed ex animo consuetudinem introducendi, et sese obligandi, vel sese deobligandi, denique publicos. Solum enim isti actus, istis positis conditionibus, haberi possunt tamquam conducentes *ad bonum commune*, ut deinde legislator possit rationabiliter tali rationi agendi consentire. Consuetudo insuper, cum vim legis habeat, non minus quam lex promulgata esse debet. *Non interruptos*, dupliciter interrupti possunt, *de facto*, si communitas operari cesset; *de iure*, si superior legem urgeat. *Antea consuetudinem introducenti*, mens haec: seu intentio colligitur ex circumstantiis, nempe si consuetudo *constanter* observetur et cum non levi incommodo, si transgressores percutiatur, si ita communiter sentiant homines pii. S. Th. 1. 2. q. 97, a. 3. — 4.° Minime requiritur, ut sit semper bona fides a principio, nam etiam peccando fieri potest consuetudo, quae postea honesta evadat. Consuetudo enim contra legem triplicem habet statum. *In principio* omnes *introducetes consuetudinem contra legem* peccant. *In progressu* iam non peccant illa a maiori parte inducta utentes, sed possunt puniri. *In fine* nec peccant nec puniri possunt illa iam praescripta utentes. L. 107., Schmalzgr. l. c. n. 6. — 5.° Requiritur praeterea, ut duret per longum tempus. Verum hic distinguendum est: vel consuetudo inducitur via *conviventiae*, legislatore nempe sentiente et convivente: quod evenit, quando legislator scit legem non recipi, et dissimulat, cum possit facile urgere observantiam; vel inducitur ordinaria via praescriptionis, legislatore ignorante. Si primum, docet Bened. XIV. « nullum temporis spatium esse necessarium. . . . Tunc quoque post paucos a tus a superiore toleratos praesumitur, quod idem per hanc ipsam conviventiam suam legem tacite revocet: nolique ea obstringere communitatem cui dicuntur ». *De Sen.* l. 1. 13. c. 5., Ithur. Cas. 53, n. 7. 8. Si secundum, sunt qui 40. annos exigunt, sed plerique universim decennium sufficere dicunt tum iuxta Ius Civile Romanum, tum quoad Ius Ecclesiasticum. L. 107. § 2. a. 8. — Atque hic commemoranda est *Consuetudo immemorialis*, quae potest etiam acquiri, quae privilegio et indulto principis possunt revocari. L. 113. *De Iura.* n. 5.; eaque clausula etiam revocatoria cuiuscumque consuetudinis, apposita, non revocatur, « nisi exprimat, quia quando superius dicitur, cum illam revocare id exprimit ». L. 109. — 6.° Iam vero ostenditur consuetudinem vim legis sortiri potest, quatenus accedit illi consensus potestatis legum ferre, vel factus, qui habetur, cum princeps consuetudinem recipit, et ea, quae non contrahit, vel saltem legalis, qui ille est, qui in consuetudinem habetur per leges universales apponendas legitimas consuetudines. At de revocandi legem consensus non requiritur, ut princeps consuetudinem recipiat, requiritur tamen, ut non constet non potuisse legem contra consuetudinem revocare. Si enim princeps constanter resistit, collata tamen consuetudine a superioribus, non est huiusmodi lex, supponitur consuetudo, quae contra legem a legislatore, id enim postulat commune rationem. — L. 115. § 2. a. 8.

21. *Quid sit a hoc pariter de consuetudine consuetudo?* — « Si apponatur consuetudo, non auctoritate quatenusque consuetudo sit, intelligitur reprobari con-



suetudo opposita praeterita, non vero futura. . . Si autem clausula reprobatur quaecumque consuetudinem futuram, adhuc . . . dicunt probabilius esse, posse consuetudinem talem legem abrogare. . . Si reprobetur . . . uti irrationalis . . . tanquam contraria legi naturali seu divinae, nulla tunc consuetudo valere potest. Si vero reprobetur ut irrationalis pro tempore, quo fit lex, tunc ex nova causa rationalis reddi potest ». L. 108. Cf. l. 6. n. 325. vers. fin.

### III. — DE SUBIECTO LEGIS

32. *Quodnam sit subiectum legis?* — Subiectum legis et obligationis est omnis et solus subditus. Nam tota vis obligandi est in superiore. Atqui superiori non nisi subditus respondet. — S. Th. 1. 2. q. 93. a. 5., q. 96. a. 5., L. 153.

33. *Resolves*: 1.<sup>o</sup> Omnis homo est subiectus legi naturali. Nam lex naturalis est ipsamet divina voluntas ordinem servari iubens, turbari vetans, per ipsum rationis lumen promulgata. Atqui omnis homo ratione gaudet. Quare non licet provocare infantes, ebrios, amentes ad actiones intrinsece malas. L. 153. 155. — 2.<sup>o</sup> Omnes et soli rationis habitualiter compotes legi humanae subiecti esse possunt. Nam lex, rationalis et stabilis regula est. Atqui homines habitualiter rationis usu carentes rationali et stabili regula dirigi non possunt. Hinc infantibus nondum usum rationis adeptis, et perpetuo amentibus licite dantur carnes edendae diebus prohibitis. Illicite dantur amentibus ad breve tempus et ebriis. L. 153. 155. Struggl q. 3. n. 8. seqq. — 3.<sup>o</sup> Legislator non tenetur *directe* suis legibus, ut sic, i. e. quoad vim obligativam et coactivam: *indirecte* tamen quoad vim mere directivam ex aequitate quadam tenetur se tanquam caput membris conformare, scilicet quoad illas leges, quae suum statum decet. Hinc « probabile est, praeciso scandalo, tantum teneri sub levi, quia tantum ex honestate obligatur ad legem ». L. 154. *Praeciso scandalo*, si enim in publica transgressione legis scandalum adesset eam servare temeretur: minime vero in eo casu subiceretur etiam poenis quas ipse in transgressores imposuit. Itemque tenetur etiam in contractibus pari conditione uti. L. 154. S. Th. 1. 2. q. 96. a. 5., Struggl q. 3. n. 1. — 4.<sup>o</sup> Infideles, non tamen baptizati, legibus Ecclesiae non obligantur, licet teneantur Ecclesiam ingredi. E contra haeretici, schismatici, excommunicati ecclesiasticis legibus *per se* teneantur. Id de excommunicatis intelligentiam est quod actus ipsa excommunicatione non interdictos. Quoad haeticos vero, in locis ubi tolerantur leges poenales effectum non habent. Cf. Schmalzgr. l. 1. t. 1. n. 378-380., t. 3. n. 99. l. 5. t. 7. n. 171-174., Reiffenst. l. 1. t. 2. n. 274., L. 154.

34. *An, praecise loquendo, haeretici excusentur ab observatione legum Ecclesiae, quatenus per se teneantur?* — R. Affirm. 1.<sup>o</sup> ratione ignorantiae in qua versantur; 2. quia non praesumitur, quod Ecclesia veli urgere hanc obligationem, ne frustra multiplicentur peccata, saltem quoad leges mere praeciptivas, quae respiciunt bonum spirituale animarum. Quoad leges vero irritantes, quae respiciant bonum et ordinem publicum, ut compellimentorum matrimonii, Cf. ib.

35. *An pueri teneantur legibus ecclesiasticis statim ac usum rationis adepti sunt, licet septennium nondum expleverint?* — Alii probabiliter affirmant: quia capaces sunt praeccepti, neque praecceptum illud certos annos requirit. Alii probabiliter negunt, quia leges humanae attendunt ad ea, quae communiter contingunt. Atqui communiter non contingit usus rationis ante septennium completum. Omnes vero admittunt, pueros ante sep-

tennium non incurrere poenas transgressoribus impositas, nisi id expresse declaretur. Quia imo ordinarias poenas non incurrunt, nisi sint puberes quales sunt masculi anno 14., puellae anno 12.<sup>o</sup> absoluto. — Insuper notandum est, pueros, completo septennio, non obligari legibus humanis, nisi de materia sint suae aetati accommodata. Hinc non obligantur lege ecclesiastici ieiunii. Tenentur vero legibus confessionis annuae, auditionis sacri, abstinentiae a carnibus, adeoque peccant parentes qui negligunt earum implementationem ex parte propriorum filiorum. Au etiam teneantur communione paschali controvertitur prosper reverentiam, quam SS. Sacramentum exigit. Plures et graves theologi «admittunt pueros non obligari ad communionem ante decennium, nisi in articulo mortis, si sit usus rationis». L. 155., La-Croix 676., Struggl q. 3. n. 11. 12.

36. *An clerici teneantur legibus civilibus?* — R. Affirm. saltem indirecte, nisi iuribus adhuc vigentibus Ecclesiae repugnent: quia et ipsa membra sunt Reipublicae, et naturalis aequitas exigit, ut in his, quae non repugnant suo statui reliquis membris se conformet. Id praeterea praecipit Ecclesia. *Adhuc vigentibus*: nam attendenda sunt Concordata, nec non legitimae consuetudines. — La-Croix 674. 678., Struggl q. 3. n. 2. seq.

37. *Quomodo se gerere debeant Clerici si cogantur observare civilem aliquam legem laedentem iura Ecclesiae.* — 1.<sup>o</sup> Protestatio facienda est contra huiusmodi coactionem et legem, si secus scandalum sequeretur: vel huiusmodi legislatores animosiores fierent contra iura Ecclesiae. 2.<sup>o</sup> Facta protestatione, vi cedendum est, et vis vi opponenda non est, neque violentiae, praesertim publicae, excitandae et provocandae sunt; quae id solum obtinent ut plura et maiora peccata multiplicentur, maiori dedecori et iniuriae ecclesiasticus status exponatur. 3.<sup>o</sup> In casu dubii recurrendum ad Episcopum vel ad S. C.

38. *An Senatores et Deputati in Guberniis repraesentativis obligantur propriis legibus?* — R. Affirm. Ratio est, quia Legislator non est quaelibet singularis persona, sed totum Corpus morale. Idem consequenter dicendum est de Praeside Reipublicae, de Metropolitano et Coepiscopis in Provinciali Synodo, de Praelato Regulari et aliis Capitularibus in Capitulo Generali, etc.

39. *An peregrini teneantur legibus specialibus sui territorii, vel loci in quo versantur?* — 1.<sup>o</sup> *Peregrinus* is dicitur, qui habens alicubi domicilium vel quasi-domicilium aliquo venit animo non manendi perpetuo, sed tantum subsistendi per aliquot horas, vel dies, vel ad summum per minorem anni partem, quae usque etiam ad sex menses se protendere potest. *Peregrinus* ab *advena* et *cago* distinguitur. *Advena* est qui extra proprium territorium posuit domicilium suum, vel quasi-domicilium. Porro communiter decessit, quod ille statim domicilium acquirit, vel a prima die, qui habitat ibi non animo perpetuo manendi: qui animus in foro externo praesentatur, si habitatio sit decennalis, vel si ibi domus sit aedificata, aut maior pars habitationis deportata. Quasi-domicilium vero acquirit, qui alicubi manet, vel eo adventiens quam primum ibidem subsistens animum manendi habet per minorem anni partem: tales sunt famuli et scholastici. *Vagus* denique est, qui nullibi fixam ac determinatam domicilium habet, sed de uno in alterum locum se transfert. Cf. C. *Speculatores*. L. 156. l. 6. n. 115. par. *Secunda*. — 2.<sup>o</sup> Porro peregrinus non tenetur legibus sui territorii; nam lex territorium afficit, et ipse extra ipsum est. Excipe 1.<sup>o</sup> nisi fictione iuris in proprio territorio adhuc esse censeatur. Sic v. g. si quis extra proprium territorium rem suam venderet, in eodem extantem, servare tenetur etiam in lege in tali ventilatione. Sic etiam beneficium, qui non residet poenas ditionis latae contra non residentes incurrat. Ibi enim res consummari censeatur, ubi non debuisset: unde delinquens habetur, uti moraliter praesens ibi, ubi sua actione nocet. Dicitur autem *legibus*; nam si sermo

est de *praeceptis*, quae *personas* immediate afficiunt, certum est ea obligare peregrinos, advenas, et vagos ubicumque. Hinc sacerdos v. g. in sua dioecesi suspensus a muniis sacerdotalibus nec in aliena dioecesi missam celebrare potest. — 3.<sup>o</sup> Peregrinus tenetur quidem legibus loci in quo moratur *quoad contractus*, et quod *necessaria* ad bonum commune, quorum nempe violatio cederet in damnum, et iniuriam illius loci in quo versatur. Id ius commune et naturale exigit, quo peregrini minime eximuntur. Idem *quoad delicta* dicendum, quia aequum est, ut scelera ubique puniantur. Quoad alia vero, nisi scandalum adsit, peregrinus particularibus loci legibus non tenetur; quia lex non obligat nisi subditos. Idque probabiliter valet, etiamsi lex particularis vigeat simul et in isto loco, et in patria. Etenim non tenentur legibus patriae, quia absentes, neque legibus huius loci, quia peregrini. Porro ex C. Licet ult. *De For. comp.* nemo subditur alterius potestati, nisi ratione vel delicti, vel contractus, vel domicilii, aut quasi-domicilii, vel ratione rei sitae in territorio, vel demum ratione originis. L. 156. 159. Dicitur *peregrinus*: nam communis sententia docet sufficere, quod quis quasi-domicilium contraxerit, ut legibus loci teneatur, vel a prima die, qua illuc pervenit animo habitandi per maiorem anni partem. L. 156. — 4. Si quis legi communi iam in sua patria satisfecerit probabilius non tenetur iterum satisfacere adveniens in locum, ubi ex speciali privilegio serius urget. Neque vero tenetur quis legi satisfacere, si antequam lex urgeat in isto territorio privilegiato ab eo discedat et in locum pergat, ubi tempus obligationis legis iam fuerit transactum. Ratio 1.<sup>a</sup> est, quia non datur obligatio iterum idem praeceptum adimplendi, cum iam suo tempore adimpletum est. Ratio 2.<sup>a</sup> est, quia extra territorium istud privilegiatum nulla amplius urget obligatio. G. B. 95., Cas. 83.

40. *Nota*: 1.<sup>o</sup> Locus exemptus equiparatur loco sito extra territorium. Hinc non tenetur etiam peregrinus in loco exempto a lege communi eam adimplere. Tenetur e contra lege communi vigente in loco ubi est, etsi in sua patria amplius non obliget: siquidem et ipse subest tunc legislatori communi, et lex territorium afficit. L. 160. 161. — 2.<sup>o</sup> Probabile est etiam et in conscientia securum, peregrinum antequam discedat a proprio territorio non teneri audire missam ibi praeceptam, modo perventurus sit extra locum ubi illud urget antequam tempus obligationis cesset: e. g. ante meridiem, si tunc ultima missa celebratur. Ratio, quia praeceptum non obligat ut expectes. L. 157.

41. *Resolves*: Si in tuo territorio sit ieiunium et eodem die pergas ad locum ubi non est ieiunium potes vespere coenare; imo et mane ieiunare cum ieiunium sit quid indivisibile. Mane existens in loco, ubi non est lex abstinentiae, potes carnibus vesci, etsi eodem die reversurus sis domum, ubi est ieiunium. Domi tamen certo teneris abstinere a carnibus. L. 157.

#### IV. — DE OBLIGATIONE LEGIS

42. *De vi obligationis*. — Nomine *obligationis* intelligitur necessitas quaedam moralis, exorta ab ipsa lege, ita vel aliter agendi, ut quis agat honeste, h. e. citra omnem culpam, et poenam incurrendam. — *Ecce* ab ipsa lege: haec est enim natura legis et praecepti, et in hoc intrinsece a consilio differt. Hinc S. Th. 1. 2. q. 96. a. 4., speciatim loquens de lege humana « Dicendum, ait, quod leges positae humanitas... si quidem iustae sint, habent vim obligandi in foro conscientiae a lege aeterna, a qua deri-



vantur secundum illud ». Prov. 8., 15. *Per me reges regnant, et legum conditores iusta decernunt.*

43. *An legis obligatio semper et sub gravi urgeat?* — R. ad 1.<sup>um</sup> Obligatio praecepti affirmativi est *semper*, sed non *ad semper*: negativi vero est *semper* et *ad semper*. Prob. Nam praeceptum affirmativum praecepit bonum; et licet bonum a lege praeceptum *semper* ac tempus statutum adveniret faciendum sit: non omne tamen bonum omni tempore est faciendum cum onus importabile sit, quod homo semper agat; praeceptum vero negativum prohibet malum, quod omni tempore vitandum est, quod utique fieri potest. L. 101., S. Th. 1. 2. q. 71. a. 5. ad 3., q. 76. a. 2. ad 5. — Ad 2.<sup>um</sup> Lex obligat sub gravi vel sub levi pro legislatoris voluntate, si tamen materia capax sit. Prob. Ratio est, quia tota obligatio pendet a voluntate legislatoris: ratio exceptionis est, quia secus deesset proportio inter obligationem et eius materiam. Potest ergo legislator praecipere sub levi in materia gravi, at non vice versa. L. 141., 143. — Quanam sit materia gravis colligi potest ex ipsa natura objecti, fine, circumstantiis. Quanam vero sit obligatio gravis colligi potest: 1.<sup>o</sup> ex verbis ipsis legis, si magnam vim habent, ut iubemus in virtute S.<sup>ae</sup> Obedientiae, etc.; 2.<sup>o</sup> si materia sit gravis et non constet in contrarium de voluntate praecipientis; 3.<sup>o</sup> ex gravitate poenae; 4.<sup>o</sup> ex interpretatione doctorum vel consuetudinis. L. 144. Cf. L. 1. 5. n. 56. Cum res ergo est simpliciter levis, non peccat quis mortaliter, etsi sub mortali superior praeceperit. Ita communiter. L. 141. seqq., Struggl Tr. 2. q. 2. n. 24., Tr. 3. q. 2. n. 28. 29.

44. *An semper obliget lex in praesumptione fundata?* — « Praesumere est opinari: praesumptio, *rei incertae probabilis coniectura*. Et vel hominis, vel legis est: illa in aestimatione boni viri tota posita est, et huc non pertinet: haec legibus est introducta, et ideo sine lege expressa non est admittenda. Et duplex est, una *periculi*, altera *facti*. *Periculi*, cum legislator ex his quae frequenter eveniunt animadvertens aliquid non sine periculo fieri vel omitti, praecavens huiusmodi pericula, illud vetat hoc iubet. *Facti*, cum pro certo habens aliquid factum fuisse, quia sic communius fieri solet, ex eo supposito facto, quasi revera factum fuerit iura et obligationes constituit. Haec si in iure contrariam probationem recipit *iuris*; sin minus *iuris et de iure* dici solet. — Praesumptio *periculi* v. g. nititur lex, quae vetat legere improbatæ editionis libros, matrimonia cum a catholicis contrahere; *facti*, quae tenet baptizatum fuisse eum, qui natus ex parentibus christianis inter christianos more christiano adolevit, C. 3. in fin. *De Presb. non bapt.* *Iuris* v. g. virum patrem esse; *iuris et de iure* e. g. est qui matrimonium contraxerunt in gradu prohibito, spretis denunciationibus, impedimentum non ignorasse. Adde C. 30. De Spons. — Itaque lex quae nititur praesumptione *periculi* obligat semper, etsi periculum cesset in re praesenti. Ratio est, quia lex non cessat quamdiu finis legis non cessaverit adaequate... Contra quae *facti* praesumptione nititur, si factum revera non subest, in lege conscientiae non obligat. Inde axioma *Praesumptio cedit veritati*, seu *iuris* tantum illa sit, seu *iuris et de iure*... At vero quamdiu non apparet manifeste praesumptionem facto falso inniti pro veritate habetur in utroque loco. D'Annib. 208., L. 100. 150. 151., Ithur. Cas. 39. n. 25. 26., Cas. 53. n. 24.

45. *Resolvens*: Teneris post sententiam ad compensandum damnum vero illatum ab animali tuo, licet sine tua culpa theologia. Non teneris ad compensandum damnum, si damnum falso existinetur, et potes te compensare. L. 100.

46. *Nota*: « A praesumptione differt *fictio iuris*... Fictio pro rei veritate habetur, ex qua perinde, quasi in casu vero lex iura et obligationes constituit... At enim *fictio* non habet locum, nisi in casibus in lege

expressis: 2.<sup>o</sup> non debet plus operari fictio in casu ficto, quam veritas in casu vero; nec 3.<sup>o</sup> valet ultra id quod est expressum in lege; atque ideo 4.<sup>o</sup> strictam interpretationem recipit». D'Annib. 208. not. 65., Schmalzgr. l. 2. t. 23. n. 3., Reiffenst. l. 1. t. 2. n. 185.

47. *Ad quid lex obliget?* — Omnis lex primo obligat ad sui notitiam, deinde vero ad sui observationem. Prob. Nam lex observari nequit nisi cognoscatur. Ergo nisi in vanum actum praecipiat implicite sui cognitionem etiam praecipere debet, eamque primo praecipit: siquidem sine ea legis observantia impossibilis prorsus est. Lex ergo violatur non solum per actum ipsi oppositum: sed etiam per voluntariam eius ignorantiam. Hinc ignorantia vincibilis circa praeceptum aliquod est peccatum, et in re gravi potest esse grave, si negligentia fuerit notabilis. L. 148.-151. Quoad vero ipsam legis observantiam notandum est, quod minimum pro nihilo reputatur, S. Th. 2. 2. q. 62. a. 2., e. g. si in recitatione officii, in auditione missae modicum quid omittatur, si minor in contrahendo modice laedatur, etc.; exceptis illis quae naturalia, aut iure, aut hominis voluntate definita sunt, siquidem in his morali aestimationi locus non est, v. g. si novitius professionem emitat penultima vel ultima 16<sup>a</sup> anni aetatis die, nullam emittit professionem, etc.

48. *Nota:* Contra legem peccatur non solum actione, nempe commissione, vel omissione, faciendo vel non faciendo ea quae lege prohibentur, vel praecipiuntur, verum etiam simplici desiderio, sine executione rei, simplici delectatione morosa, seu voluntaria complacentia sine desiderio, vel e contra voluntaria tristitia. Hinc contra legem peccat etiam qui ea quae facienda sunt vel erant contemnit, vituperat, exprobat: quod perinde est ac contemnere, vituperare exprobare legem quae illa praecipit: aut e contrario ea quae non sunt vel erant facienda probat, iactat, laudat: sive ipsemet, sive alius legem fuerit transgressus. Facile autem exprobratione seu iactantia scandalum etiam adesse potest; siquidem facile haec aliis incitamentum, vel oblectationem praestant. Excipe, si non rem ipsam malam quis laudet, sed modum novum, callidum, strenuum, quo res perfecta fuit: hoc enim naturale quoddam bonum est, dummodo tamen absit periculum delectationis rei malae et scandali. — Lugo, De Poenit. D. 16. nn. 266. 273.

49. *An lex quaelibet vetet sese exponere occasioni eam transgrediendi?* — 1.<sup>o</sup> Lex quae aliquid praecipit vel prohibet, praecipit quoque implicite vitare *occasionem proximam*, et prohibet sese exponere *occasionibus proximis transgrediendae* legis. Ratio, quia secus iam lex frustranea prorsus esset. Si enim non obligat ad media, neque ad finem obligat. — Quare qui has quaerit occasiones, vel illis voluntarie sese exponit, vel in illis permanet, nulla excusante causa, peccat contra legem et virtutem, de qua agatur, contra fidem, castitatem, pietatem, etc. L. 1. 6. n. 454. — 2.<sup>o</sup> Porro, in re praesenti, *ocasio* dicitur quidquid legis transgrediendae periculum nobis exterius praebet. *Exterius*, quia ipsa naturae fragilitas, interiores passionibus, et intrinseci habitus, licet *periculum* prae se ferant, *occasionem* minime constituunt. *Periculum* latius patet quam *ocasio*, et est quidquid ad peccandum nos inducere possit sive sit ab extrinseco sive ab intrinseco. *Legis transgrediendae* adeoque consentiendi peccato, et non merae tentationis. *Proxima* autem *ocasio* ea est, in qua homo constitutus, ut plurimum peccat, sive id verificetur quoad omnes, qui in iisdem circumstantiis reperiantur, ex ipsa rei natura, sive verificetur tantum quoad talem personam, attentis eius peculiaribus circumstantiis. *Ocasio* vero est *remota*, si homo in ea constitutus ut plurimum non peccat: et hanc vitare non tenemur, siquidem impossibilis res esset. — L. 1. 6. n. 452. — 3.<sup>o</sup> Si *ocasio proxima* sit simpliciter necessaria, debet quis eam *remotam* efficere, adhibitis convenientibus mediis, oratione, sacramentorum frequentia, sensuum custodia, etc. Si vero sit moraliter necessaria, illicitum non est in ea versari ex iusta et proportionata causa, dum-

modo tamen certo moraliter non praevideatur consensus in peccatum, quod facile rem veri potest sese praemuniendo orationibus et piis operibus et in maius Dei auxilium fidendo. L. 1. 6. nn. 453. 455. 456.

50. *An lex se extendat ad actus praeteritos?* — R. 1.<sup>o</sup> Negative, quoad *culpam*. Culpae enim et peccatum haberi non potuit, ubi non erat lex. 2.<sup>o</sup> Negative, quoad *poenam*. Poena enim locum non habet ubi nullum est peccatum; in peccati vindictam est. 3. Negative quoad *valorem* actus praeteriti. Actus enim qui fuit validus non potest fieri invalidus pro eodem illo tempore, licet invalidus in posterum declarari possit. 4.<sup>o</sup> Negative etiam quoad *effectus* illius actus, per se et communiter loquendo, et quoad tempus idem praeteritum. Ratio, quia magna inde sequeretur societatis perturbatio. Unde efflatum *lex non respicit retro*. Dicitur *per se et communiter loquendo*, quia in casu particulari, in quo hoc non esset nocivum, sed e contrario valde utile potest legislator attingere tales effectus, si ipsius subsistat potestati, uti e. g. cum dispensatio datur matrimonii invalidi ob impedimentum dirimens, quae dicitur *in radice*. Proles enim legitima habetur et haereditati succedit, perinde ac si legitima semper fuerit. Dicitur, *et quoad tempus idem praeteritum*, nam nulla difficultas est, quod legislator pro delicto etiam praeterito inducere possit pro tempore futuro quandam inhabilitatem e. g. ad ordines recipiendos, ad matrimonium contrahendum, etc. quae quidem non erit poena peccati, sed mera privatio ob defectum conditionis requisitae. — C. *Compensantes* 2. *De Const.*, Clem. *Ec frequentibus* 1. § ult. *De Sent. Ecc.* Cl. C. I Disp. etc. initio a. 2.

51. *An lex cogat etiam fieri alteri auctorem eam transgrediendi?* — 1.<sup>o</sup> Si quis *causa* est cur alter legem transgrediatur contra eandem legem et virtutem peccat, e. g. contra religionem, iustitiam, castitatem, etc. Ratio est, quia quod quis per alium facit per se ipsum facere censetur. Quare ut ipse excoletur ita qui cogit, qui mandat, qui consulit legem transgredi, reus transgressionis legis evadit. — 2. Si quis vero alteri tantum sit *occasio* legem transgrediendi, e. g. suo exemplo, idque directe intendant, contra eandem legem eandemque virtutem patitur peccat: siquidem lex quolibet hoc etiam praecipit, ne quis venit, eam sive a se sive ab alio violari. *Directe intendant*, nam si tantum *praecaveat*, an etiam tunc contra eandem legem et virtutem quis agit, controversatur. Alii affirmant, quia revera et de facto alium inducit ad transgrediendam legem, et huius transgressionis causa est, licet *causa per accidens*. Alii probabilius negant, quia si tenetur quis abstinere ab opere suo, ne alius peccet id tantum ad castitatem pertinet, adeoque contra castitatem quidem peccat, sed non etiam contra eam legem et virtutem quam ea lex attingat.

52. *An lex cogat etiam alteri cooperari in eiusdem legis transgressionem?* — 1. Evidens res est, quod si non licet esse alteri *causam* legis transgressionis, multo magis illicitum est alteri esse cooperatorem in praedicta legis transgressione. *Cooperatio* est operari simul, quare locum non habet nisi in exteriori tantum legis transgressionem, quae consequenter constat *intentionem* peccandi et *opere* ipso peccati. Cooperari utrique cooperationem constituit *per se ipsum*, eaque illicita prorsus est, ut illicitum est velle agere et ut agere contra legem. Cooperari tantum *opere exteriori cooperationem mere materialiter* suppeditat. Haec, si opere malo praestetur, mala est, v. g. si quis furi cooperetur, fores effringendo. Si praestetur opere bono vel saltem indifferente, licet est, non aut officio aut caritate prohibeatur. *Officium* e. g. patris, fratris, coniugii sacramentorum, etc. *Caritate*, neque ad impediendum peccatum, prorsus non licet peccat. Si enim aliter absque alterius cooperatione peccatum aut aliud periturus, nulla esse potest obligatio ab ea cooperatione detrahendi, cum ea nihil revera in peccatum alterius influat, et via cooperandi data possit. Sedulo autem debito officii et caritatis, cum quis ea materiali cooperatione neque intentione neque opere peccet, nulla



quidem adest ratio, unde eius malitia deprehendi possit. Quare nihil tunc interest utrum sit remota vel proxima. Et sic licet matrimonium contrahere cum eo, qui est in statu peccati mortalis, et licet coniungi debitum rendere coniugi castitatis voto obstricto. Cf. De Carit. n. 13. seqq.

53. *Quomodo lex sit observanda, eiusque obligationi satisfiat?* — Ad satisfaciendum obligationi requiritur et sufficit: 1.<sup>o</sup> facere opus praeceptum quoad eius substantiam, eiusque faciendi intentionem habere; 2.<sup>o</sup> opus prohibitum simpliciter omittere, neque habere contrariam voluntatem. Et sic satisfacit quis praecepto abstinendi ab operibus servilibus, si reapse ab ipsis absteat, licet nihil de praecepto cogitet. Prob. 1.<sup>a</sup> p. Nam lex praecipiens imperat tantum actus substantiam, non etiam modum; imperat tamen non actum quemcunque, sed humanum. Prob. 2.<sup>a</sup> p. Nam lex aliquid prohibens non plus intendit quam operis omissionem. Ergo non requirit etiam intentionem, ut lex praecipiens, excepto casu, quod aliquid dare praecipiat, v. g. decimas. Satisfecisti enim, quamvis non mentis compos dederis, cum lex non videatur amplius praecipere quam externam et realem illam actionem. Struggl q. 2. nn. 13. 14.

54. *Resolves:* 1.<sup>o</sup> Obligationi satisfacis, si diversa praecepta diversis actibus, eodem tamen tempore adimpleas, dummodo unum praeceptum aliud non impediatur: ut audire sacrum et officium simul recitare. Obligationi vero non satisfacis si diversa praecepta unico actu adimpleas, si ea in diversam materiam cadant, secus vero si in eandem. Et sic si Caio debeas centum ex mutuo, centum ex emptione, non satisfacis centum tantummodo reddendo, quia duae istae obligationes in diversam cadunt materiam. Si vero eidem Caio debes centum ex furto, quae voveas restituere, et ad quae restituenda obligavit te confessarius, centum tantum reddendo tribus istis obligationibus satisfacis, nempe iustitiae, voti et praecepti, cum eandem respiciant materiam: sic etiam subdiaconus beneficiatus una horarum canonicarum recitatione duplici oneri satisfacit ordinis et beneficii, in eandem enim cadunt materiam. L. 166., Struggl q. 2. n. 15. — 2.<sup>o</sup> Satisfacis obligationi, licet non habeas intentionem implendi praeceptum, seu agendi ex motivo formalis obedientiae, neque habeas intentionem implendi finem praecepti, neque agas ex motivo caritatis, vel in statu gratiae: vel carens fide nisi ipse finis praecepti, vel caritatis actus, vel status gratiae, vel ipsa fides praecipitur. Satisfacis etiam licet opus praeceptum intendens et faciens, expresse simul intendas non satisfacere: e. g. si missam audias, intendens non satisfacere praecepto, etsi, si missa sit ultima, vel si non sit ultima et intendas non audire aliam, pecces contra aliud praeceptum, quo quis tenetur esse subditus legislatori. Denique satisfacis, licet praeceptum adimplendo pecces *ex extrinseca circumstantia*; e. g. si missam audiens cogitationibus vanae gloriae, vel luxuriae occuparis. *Ex extrinseca circumstantia*, nam cum lex non nisi honesta praecipiat, si ipsamet substantia actus intrinsece mala sit legi minime satisfacis. — 3.<sup>o</sup> Obligationi non satisfacit qui prorsus coactus, ebrius, dormiens, praeceptum implet, vel sola intentione aliud peragendi: e. g. si legis horas sola intentione addiscendi, vel pergas ad sacrum dumtaxat ut expectes amicum, oculos pascas, cum alio colloquaris. Si vero praeceptum imples ex metu, satisfacis: esto non sis illud factururus si metus abesset, et pecces tunc ex ista perversa voluntate. — S. Th. 1. 2. q. 89. a. 5., q. 100. a. 9. ad 2. 10., L. 162-165., Struggl q. 2. n. 17.

55. *Nota:* Non satisfacit, qui opus voti vel iuramenti ponit *intendendo expresse* non satisfacere: quia a promittentis voluntate pendet, ut talis obligatio maneat. Obligatio autem parendi legi provenit a legislatoris voluntate, ideoque non extenditur ultra eius intentionem, i. e. ultra substantiam operis praecepti. Dicitur *intendendo expresse*, nam in his etiam, quae a propria voluntate procedunt operans satisfaceret, si mere negative satisfaciendi intentionem non haberet, puta quia immemor obligationis susceptae, modo

tamen quod agit pro alia re non applicet. Quilibet enim ex generali intentione prius intendit debito satisfacere, quam iis, quae sibi libera voluntate imposuit. Et hoc valet etiam de sacramentali satisfactione, si nempe agat opus a confessario impositum, non tamen intendens poenitentiam implere. L. 30. 163., l. 3. n. 700.

56. *De obligationis cessatione.* — Obligatio dupliciter cessare potest, vel ex parte subditi, vel ex parte superioris. Ex parte subditi cessare potest: 1.<sup>o</sup> *simpliciter*, per causas *eximentes*, quae totaliter subtrahunt dominio legis, puta si quis extra locum quem lex afficit se recipiat; 2.<sup>o</sup> *secundum quid*, per causas *impedientes*, quae subditum sub lege remanentem ab eius impletione impediunt seu excusant. Hae causae ad ignorantiam invincibilem, ad metum, et impotentiam reducuntur. Ex parte autem superioris cessare potest: 1.<sup>o</sup> per *dispensationem*, quae est legitima relaxatio legis in casu particulari; 2.<sup>o</sup> per *praeceptum*, quod generatim definitur: gratia constans et permanens contra vel praeter legem communem a superiore concessa.

57. *Ignorantia*, si sit invincibilis excusat, quia nemo peccat, nisi actu voluntario: hic autem cogitationem praesupponit. Si autem sit vincibilis et culpabilis non excusat: qualis est cum poteras et tenebaris scire, aut discere, et in mentem veniebat dubitare, nec studuisti intelligere. L. 163. 170. seqq.

58. *Metus*, nempe metus gravis saepe excusat, cum inde legis observatio in grave celat incommodum. Et sic metus mortis e. g. saepe non tantum excusat a praecepto positivo tam humano quam divino: sed quandoque etiam ab affirmativo naturali. Unde non tenetur quis cum periculo vitae integre confiteri, servare depositum, implere votum, etc. L. 175.

59. *Impotentia*, etiam moralis, excusat. Cum ad impossibile nemo tenetur, postquam quis ad legem implendam factus sit impotens, excusatur, quamvis peccaverit causam ponendo, v. g. si quis bona sua dilapidaverit, et deinde debita solvere non possit. L. 176.

60. *An teneatur ad partem, qui ad totam est impotens?* — Si praeceptum tale sit, ut commode possit aut soleat dividi, atque in eius parte salvetur ratio, seu finis praecepti, tunc qui non potest servare totum debet servare partem, quam potest. Unde qui non potest legere omnes horas, debet dicere eas, quas potest, quia dividuae sunt. Quod si vero non salvetur ratio praecepti in parte, neque id commode possit aut soleat fieri, tunc qui non potest totum, hoc est tantum, quo moraliter censeatur integrum praeceptum, is non tenetur ad partem. Quare obligatus visitare limina Apostolorum Romae, sciens se eo pervenire non posse, non tenetur ingredi iter; quia nec finis nec ratio praecepti salvatur. Quae omnia aestimanda sunt 1.<sup>o</sup> ex intentione legislatoris; 2.<sup>o</sup> ex ratione, fine et materia legis; 3.<sup>o</sup> ex iudicio prudentum; 4.<sup>o</sup> ex communi usu. L. 176. 177.

61. *Nota:* Si quis impotens ad totum, dubius sit an potens sit ad partem, ab hac etiam saepe excusatur, « sicut v. g. in infirmis, in quibus vix, aut ne vix determinari potest, quid possunt, usquequo possunt, et non ultra. Unde si dum non possunt totam legem implere, teneantur ad partem, foret laevis gravissimisque scrupulis, et continua perplexitas in determinanda parte, ad quam teneantur. Et ideo iure praesumitur de mente aequi legislatoris, quod non velit in similibus casibus obligare ad partem: ita graves Theologiae. Billuart De Leg. diss. 4. a. 7.

62. *An cesset obligatio, cui tempore determinato non fuerit satisfactum?* — R. Affirm., si determinatio temporis facta fuerit *ad finiendum obligationem*. Et sic qui quis an audire omisit die dominica, cum audire amplius non debet aliis huiusmodi diebus. — Negat, si ea determinatio facta fuerit *ad arguendam obligationem*. Unde ille qui die per contractum constituta debitum non solvit, illud adhuc solvere tenetur.

63. *An liceat apponere causas a lege eximentes?* — Licet semper ap-

ponere causas *eximentes*, et probabilius etiam *directe* et *proxime* — Causae deobligantes a lege dicuntur apponi *directe* cum agentem movet finis sese legis obligationi subtrahendi, *indirecte*, si alia causa, praevisto tamen legis servandae impedimento. Hae causae sunt proximae vel remotae, prout lex urgeat brevi, vel post notabile tempus. Iam vero lex, *per se loquendo*, non facit ut aliquis sibi subditus sit, aut subditus maneat, sed eum qui subditus iam est ut et manet ad sui observationem obligat. Ergo si actione aliunde licita te subtrahas eius dominio, uteris iure tuo, neque agis in fraudem legis. *Per se loquendo*, quia potest lex hoc etiam praecipere, ne adeas, ex. g., locum liberum, et eius vim effugas, ut in matrimonio clandestino contrahendo contra legem Trid. Urban. VIII. C. — L. 152. 157. Struigel q. 3. n. 20.

64. *An liceat apponere causas legis observantiam impediennes?* — Non licet *directe* apponere causas *impediennes* sive proximae, sive remotae. Imo, ne *indirecte* quidem causas proximae impediennes apponere licet, nisi proportionata adsit necessitas. Probabilius vero licet etiam sine ratione *indirecte* apponere causas remote impediennes. — Prob. 1.<sup>a</sup> p. Nam omnis lex implicite obligat, ne quid data opera fiat ut lex eludatur: vel, quod idem est, omnis lex prohibet ne quis in fraudem eiusdem legis operetur: secus enim lex quoad obligationem imponendam fere irrita esset. Ergo. Ita communis et tenenda sententia. L. 152., l. 4. n. 1045., Sanch. Cons. l. 5. C. 1. D. 7. n. 11. — Prob. 2.<sup>a</sup> p. Quia lex proximae urgens proximae ligat voluntatem ad adhibenda media, ex ipsa natura rei necessaria et ordinaria, ne ipsa absque sufficienti ratione violetur, adeoque ad impedimenta non iniicienda. Secus enim frustraneus omnino est legislatoris actus, quo subditos obligare intendit. Ergo. Cf. S. Th. 2. 2. q. 147. a. 4. ad 3. Ratio vero exceptionis est, quia ex una parte adest sufficiens ratio impedimenti apponendi, ex alia parte non observatio legis praeter agentis intentionem est. — Prob. 3.<sup>a</sup> p. Quia neque lex divina positiva neque humana obligant generatim cum incommodo valde gravi. At esset onus nimis grave, si quisque multo ante obligationem legis ad omnia opera cum illa obligatione insociabilia derelinquenda, tempusque obligationis expectandum adstringeretur. Ergo. Ratio haec, qua thesis probatur, optima norma esse potest diiudicandi in dubio, an causa sit tantum *remote* impediens, si eius nempe omissio grave afferat incommodum. Verum hic notandum generatim est, quod non semper idem incommodum, quod revera grave est respectu unius praeepti, tale etiam erit respectu omnis praeepti: cum non eadem sit omnium praeeptorum gravitas. Hinc incommodum illud grave non solum absolute et in se ipso, verum etiam respectively et relate ad praeeptum, de quo agatur diiudicandum est. — L. 152., S. Th. 1. 2. q. 152., Ithur. Cas. 32., Sanch. In Dec. l. 1. C. 15. n. 4., Suarez De Pecc. D. 3. S. 4. n. 10.

65. *Resolves*: Peccat qui die ieiunii laborem, licet honestum, assumit ut excusetur a ieiunio; quamvis is postquam graviter est defatigatus, etiam malo isto fine, ad ieiunium amplius, non tenatur. Minime vero peccat qui pridie ieiunii diem venando consumit, *praevidens* fore, ut per lassitudinem sibi non liceat ieiunare. — Peccat qui, sine iuxta causa, eodem die testis aut una alterave hora ante illum iter ingreditur, praeviciens fore ut sacrum audire non possit. Non peccat vero, si id faciat die anteriori. — « Excommunicatus vel interdictus non peccat omitendo missam, et sic pariter incarcerationatus, etiamsi negligit absolutionem vel libertatem, quia isti non obligantur auferre impedimenta remota ». L. l. 3. n. 325., l. 1. n. 152., l. 7. n. 161. « Secus tamen dicunt quoad annuam confessionem et communionem, cum hoc sit unum ex praeeptis divinis, erga quae tenemur tollere impedimenta ». L. 161. l. 6. n. 299. « Censent vero Tamb. et Viva carere detentos non teneri ad quaerendam libertatem, ut communicent ». L. l. 6. n. 299., Ithur. Cas. 32. n. 7.



## V. — DE LEGE IRRITANTE ET POENALI

66. *De natura legis irritantis.* — 1.<sup>o</sup> *Lex irritans*, illa lex proprie est, quae actum aliquem, naturali iure de se validum ad suum producendum effectum irritum et nullum, roboris esse praecipit. Lex naturae nihil ulterius videtur utique exigere ad actus alienius validitatem, si abstracte, sine suis circumstantiis res consideretur. Sed ipsa lex naturae exigit, ut, habita ratione circumstantiarum, omnia ita in concreto peragantur, ut ad bonum commune conducant. Determinatio autem eorum quae conferunt ad commune bonum, ex ipsa naturae lege ad illum pertinet, qui curam habet communis. Quare eadem naturae lex exigit ut habeantur tanquam invalidi illi actus, quos publica potestas tales declarat. — Aliae autem sunt leges, quae actum irritum esse iubent *ipso iure, pleno iure*, aliae *rescissioni* tantum *obnoctum* reddunt. Illae primario et directe ad publicum bonum, istae vero ad privatum bonum spectant. In istis officium iudicis requiritur, si nempe ille in cuius favorem leges inductae fuerint, velit earum beneficio uti. In illis vero opus non est iudicis sententia, nisi *actualis rescissio* cum *rescindibilitate* confundatur. Neque valet dicere, quod nulli privato licet sibi ius dicere, utique in foro externo; minime vero in foro interno propriae conscientiae, ubi manifeste constat de veritate. — Actus *rescissio* induci potest etiam in edium alienius criminis, ut impedimenta matrimonii, *criminis*, nullitas collationis *simoniacae* beneficii, etc. In tali casu videndum est utrum nullitas actus sit primario et directe ratione sui inducta ob commune bonum, vel in poenam criminis. In primo enim casu lex est simpliciter irritans, in altero naturam induit legis *poenalis*; siquidem accessorium sequitur principale. — Si autem *lege ipsa* actus rescissio non constituatur, nequit iudex eam sua *sententia* inducere. Iudicis enim est secundum leges iudicare, non leges condere.

67. 2.<sup>o</sup> Actus lege irritantur, vel quia *ipsi actus* a lege prohibentur, vel quia *persona* a lege declaratur *inhabilis*, vel quia factus sine *forma* ab eadem lege constituta. — Si lex actum *prohibet* et simul *irritat*, lex est simul *prohibens* et *irritans*, et vim obtinet simul in foro externo et interno, uti e. g. incestuosa connubia, renuntiatio haereditatis nondum apertae. Si vero lex prohibet quidem actum, sed non irritat, actus in utroque foro valet, secus enim iam lex non mere prohibens esset, sed simul irritans. Et sic matrimonium mixtum, quamvis illicitum, est tamen validum. — Si persona a lege *inhabilis* declaratur, lex proprie *inhabilitans* dicitur. *Incapacitas* ista, alia propria talis est et actum irritum reddit, alia minus proprie talis est, et actum talis personae irritum non reddit, sed ei *restitutio in integrum* conceditur, ut in recentioribus Codicibus videre est. Cf. e. g. Cod. It. art. 134. 319. 339. 1196. 1300., Cod. Gall. art. 215. 484. 513. 1124. 1304. Porro *inhabilitas* constitui potest propter bonos mores, propter pericula avertenda, propter conditionem personae in societate. Si *propter bonos mores*: inhabilitas intelligenda est, et consequenter etiam actus irritatio, in utroque foro, externo et interno. Et sic docent communiter theologi peccare, et irritum actum efficere patrem, qui donationem contra legem adulterino filio facit, ipsumque filium irritam donationem acceptantem. Lugo De Iust et Iur. D. 24. n. 92. Si *propter praecavenda pericula*: inhabilitas et irritatio in utroque etiam foro intelligenda est, secus nihil praecaveretur. Et sic iudices et officiales publici ministerii nequeunt lites redimere. Cod. It. art. 1858. Si tandem *propter conditionem seu statum personae in societate*, actus valet in foro conscientiae, qui aliunde de iure naturali valet, si ea *conditione* seu *statu* non adimatur naturalis conditio, nec lex huiusmodi positiva ea adimat quae naturali lege ad hominem spectant secundum eius *naturalem statum*, seu con-

*ditionem*; sed tantum secundum eius *statum* seu *conditionem in societate*. Et sic manent firma in foro conscientiae iura coniugum, iura filiorum, si verum adfuit matrimonium; licet defuerit *matrimonium civile*. Valet venditio in foro conscientiae, licet facta fuerit non *civi* sed *estero*, ubi id prohibetur. Non valet e contra matrimonium servi, ignorata eius *conditione* a comparte. Itemque non valet testamentum religiosi, neque valet testamentum incapacis. Cf. Lugo De iust. et iur. D. 24. S. 4. — Si tandem actus propter defectum *formae* irritatur, leges tunc magis proprie habentur *irritantes*, prout ab *inhabilitantibus* distinguuntur. Forma autem alia est *intrinseca* ipsi actui et ab actu inseparabilis, alia actui *extrinseca*. Prior est quasi *species* actus, et proprie *forma* nuncupatur, eaque ordinario sita est in hoc, quod actus fiat coram aliqua persona publica, et coram testibus, nec non publicis instrumentis, fidem iuridice facientibus, consignetur. Posterior *solemnitas* actus appellatur, quibus omissis actus proprio *irriti* dicuntur; *infecti* vero si ommissa fuerit *forma*, cum forma det esse rei: sed saepe promiscue verba haec usurpantur, et actus *irritus* et *infectus* etiam dicitur ex defectu *habilitatis* personae. Et sic in matrimonio praesentia parochi et testium matrimonii *formam* constituunt, in alienationibus bonorum ecclesiasticorum, et minorum. Apostolicum beneplacitum requisitum in illis, et iudicis decretum requisitum in his, ad *solemnitatem* pertinent actus. Formae et *solemnitatem* actus, ad fraudes removendas inducuntur. Quare leges huiusmodi in fraudis praesumptione imittuntur. Si fundentur in praesumptione *facti*, et fraus reapse absit, actus validus est. Si vero fundantur in praesumptione *periculi*, quamvis fraus absit, actus tamen semper irritus est. In casibus particularibus facile sane non est definire an lex fundetur in *praesumptione fraudis*, an in *periculo fraudis*. Quare stante dubio possessori favendum est ante iudicis sententiam, post eam latam huic standum est. Cf. L. 1. 3. nn. 711. 927.

68. *An peccat qui actum irritum facit?* — R. 1.<sup>o</sup> Affirm. si actus *malus* sit, ut e. g. matrimonium inire cum consanguineo, vel si actus *damnosus* sit, sive iustitia, sive caritas, sive res publica, sive religio laedatur, v. g. si notarius publicum instrumentum conficiat sine iuridica forma, si testator libere testamentum condat, non servatis legalibus praescriptionibus, unde rixas et scandala exortura praevideat, si iudex legitimum non servet iudiciorum processum, si forma et *solemnitas* iuris canonici non serventur in electionibus ad officia ecclesiastica, in collatione beneficiorum, etc. — 2.<sup>o</sup> Affirmat. si actus lege simul *irritetur* et in conscientiae etiam foro *prohibeatur*, ut in matrimoniis non servare formam a Trid. praescriptam. — 3.<sup>o</sup> Negat. si actus ipse neque *malus*, neque *damnosus*, neque lege *prohibitus* sit: tunc enim non nisi frustraneus actus est, e. g. si quis suum scribat testamentum, omitta subscriptione, vel nondum adeptus aetatem praescriptam a lege. Licet autem lex non obliget in conscientia ad actum omittendum, si sit in tali casu *more irritans* et non simul *prohibens*: obligat tamen ad standum iis omnibus, quae intrinsece ex irritatione nascuntur. Auctoritati enim legitime praecipienti obtemperandum est. Omnis autem legislator leges irritantes condere potest, quia hoc ad bonum commune requiritur: secus enim fraudes et pericula humanae societatis propulsari satis non possent.

69. *An ignorantia, metus et grave incommodum ab irritatione excusent?* — R. ad 1.<sup>am</sup> Negat. quia subiectiva ignorantia sive facti sive iuris non supplet obiectivum actus defectum, et sic nullum est matrimonium stante e. g. impedimento dirimente consanguinitatis, sive bona sive mala fide contrahatur. Verum si lex irritans sit *poenalis*, tunc si ignorantia excusat a culpa, excusat quoque a poena irritationis. Si culpa vero admittitur, sed ignoretur poena irritationis, tunc probabilius haec non incurritur, quia irritatio poena extraordinaria et exorbitans est, a qua ignorantia excusat, Schmalzgr. l. 5. t. 37. n. 105., Sanchez. De Matr. l. 9. D. 32. n. 17. Communius tamen affirmant incurri, quia talis ignorantia cum non excuset pec-

catum contra legem, nec consequenter excusat poenam, licet haec ignoretur. Suarez l. 5. C. 22. Ithur. Cas. 53. n. 24. — Ad 2.<sup>um</sup> et 3.<sup>um</sup> Negat., quia gravis metus et gravissimum etiam incommodum neque personam reddunt *capacem*, neque actibus *vim* reddunt per legem ademptam. Cum autem huiusmodi leges primario et directe tendant ad publicum bonum servandum, locus non datur epichirae propter *privatum* tantum damnum. Et sic irritum inter cognatos et affines erit matrimonium, etiam ad mortem vitandam, etiam in articulo mortis. *Privatum*, si enim commune adest damnum, cum lex tunc nociva evadere*t* Societati, irritatio cessat. Cf. S. Alph. 191. l. 6. n. 1029. De Privil. n. 57, Diana T. 2. Tr. 6. R. 62. 73., Sanch. De Matr. l. 3. D. 17. n. 3., Ithur. Cas. 53. n. 18.

70. *Nota*: 1.<sup>o</sup> Ut adsunt leges *irritantes*, ita leges adsunt *constitutivae* iuris, quas ad irritantes alii revocant. Tale leges sunt illae, quae ius aliquod constituunt et conferunt. Et sic religiosa professio, adoptio, vim obtinent suam illa a lege canonica, ab Ecclesia, religiosam professionem acceptante, ista a lege civili. Quare tales leges in utroque foro valent, in externo et interno. Si quis enim tale ius vere habet in foro conscientiae, non nisi a lege sive canonica, sive civili habet. — 2.<sup>o</sup> Adsunt praeterea leges actionem denegantes in foro externo, quae si respiciunt aliquod *ius naturale*, non prosunt in foro conscientiae. Huiusmodi enim leges actionem non praestant, non quia *naturale* ius adimunt, sed tantum ut sit aliquis litium finis, ne lites multiplicentur. Si vero ius respiciant, quod ex ipsa lege profluat, sive canonica, sive civili, tunc si quis intra praefinitum tempus ius suum non fuerit prosecutus; ius ipsum, adeoque, ex opposito, alterius obligationem adimunt. Quare huic prosunt etiam in foro interno, nisi forte is per iniuriam alterum impedierit ius suum prosequi.

71. *De natura legis poenalis*. — Lex obligare potest ad actum vel actionem aliquam faciendam vel omittendam, et tunc dicitur lex *moralis*, *praeceptiva*, vel *prohibitiva*. Potest vero lex obligare ad solam poenam subeundam, et tunc dicitur lex *poenalis*. Etenim ad legis essentiam sufficit ut imponat aliquam obligationem in conscientia, neque necesse est, ut obligatio actum vel omissionem determinate respiciat. Praeterea lex vim non habet nisi ex voluntate legislatoris. Atqui legislator ad solam poenam obligare potest, si communi bono procurando sufficiat. Quare merito docet S. Th. 2. 2. q. 186. a. 9., « quod non omnia, quae continentur in lege traduntur per modum *praecepti*; sed quaedam proponuntur per modum *ordinationis* cuiusdam, vel *statuti*, *obligantis ad certam poenam* ». — Lex ergo *poenalis* est lex, quae non obligat ad actum ponendum vel omittendum *sub culpa*, in conscientia, sed tantum sub *poena* temporali, i. e. ad acceptandam poenam, ut iustam. Quare dari nequit, *proprie loquendo*, lex *mere poenalis* hoc sensu, quatenus nullo modo obliget in conscientia; potest tamen dari lex *mere poenalis*, hoc alio sensu, quatenus nempe ad alterutrum in conscientia obliget vel ad legem implendam, vel ad poenam subeundam. « Sanctiones quae nullo modo obligant in conscientia, nec ad actum, aut eius omissionem, neque ad poenam non sunt *proprie leges*, sed simplices *Constitutiones* et *Ordinationes*... ». Huc reducuntur Statuta diversorum Ordinum, Congregationum Academicarum, etc. ». Struigel q. 2. n. 32. Extra omnem vero questionem est, dari posse simul legem *moralem*, *praeceptivam* seu *prohibitivam* a<sup>li</sup>is et simul *poenalem*, et tunc lex dicitur *mixta*.

72. *Quomodo dignoscantur leges mere poenales?* — Dignoscuntur 1.<sup>o</sup> ex legis *materia*, *verbis*, et *attinectis*, 2.<sup>o</sup> ex communi sensu doctorum, 3.<sup>o</sup> ex persuasione et praxi praesertim timoratorum.

73. *Ex materia*: *hinc uti poenales*, *per se loquendo*, haberi possunt civiles leges, si eam attentam *materia*, legis finis sufficienter obtineatur, *poenae* tantum incusso timore; ut. e. g. leges de mulctis seu taxis solveudis



quoad merces advehendas vel extrahendas. Uti *praeceptivae* vero habendae sunt civiles leges, si attentae earum *materia* legis finis sufficienter non continetur solo poenae timore, nisi timore etiam culpae: tales sunt leges illae, quae directe et proxime conferunt ad commune bonum, pacem et ordinem civilis Societatis, uti sunt leges e. g. contraeuum: publicorum officiorum, administratorum, magistratuum, etc.: iudiciorum, probationum, nisi quoad has ius sit certum et evidens: siquidem tunc non deficit *ius*, sed *intrinseca probatio*, dummodo *probatio* ipsam *formam* actus non attingat. Cf. C. I. 779. 1314., C. G. 973., etc. Itemque leges sunt omnino in conscientia obligantes leges definitivae iuris, uti sunt leges concedentes patri usufructum in bonis filiorumfamilias, filiisfamilias vero legitimam in bonis paternis, dimidiam partem thesauri inventori, dimidiam domino fundi: restitutionem in integrum minoribus, nuptis, metum passis, regularibus: muri communione vicino: actionem damni dati sola culpa civili, etc.

74. *Ex verbis*: hinc censet Suarez l. 5. C. 4. n. 9., si per verba legis poenalis non satis declaratur praecceptum, praesumendum esse pro lege pure poenali, nisi poena intrinsece supponat culpam theologiceam, ut est excommunicationis poena. Habetur autem lex tanquam *pure poenalis*, si non feratur per modum praeccepti ac prohibitionis, sed mere assertive, v. g. qui frumentum e regno transtulerit, solvet centum libellas; vel si feratur *disiunctive*, v. g. nemo frumentum e regno transferat, vel si transtulerit solvet centum libellas. Si vero lex feratur simpliciter per modum praeccepti ac prohibitionis, aut nullam poenam imponit, et est lex *moralis* praecceptiva vel prohibitiva, obligans per se loquendo, in conscientia ad culpam: aut poenam coniunctam habet, v. g. prohibet Canonici abesse a choro sub poena amissionis distributionum, quae quotidie fiunt inter praesentes, et lex est *mixta*, obligans iterum per se loquendo, simul ad culpam et poenam. *Per se loquendo*, nisi nempe aliter expresse monuerit ipse legislator, uti videre est in pluribus Regulis et Constitutionibus Ordinum et Congregationum Religiosarum, S. Th. 2. 2. q. 186. a. 9. **¶** L. vel aliud indicandum sit ex aliis capitibus. — L. 145.-147.

75. *Ex adiunctis*: e. g. si nulla morum corruptela ex legis transgressionem sequeretur, nullum publici ordinis periculum, etc., et superior ipse suis ministris legis executionem demandaret. Cf. n. 81.

76. *Ex communi doctorum sententia*, et sic uti poenales habentur leges, quae laicis aleas et ludos prohibent. L. 1. 3. n. 885.

77. *Ex consuetudine*. « Hinc leges Oppidorum prohibentes sub poena caesationem lignorum, sive herbarum, piscationem, venationem, non obligant sub culpa; sic enim habet consuetudo ». L. 145.

78. *An ignorantia, ut excuset a culpa, ita etiam excuset a poena?* — R. Affirm. pro foro interno, si ignorantia excuset a culpa, nam poena est naturalis quaedam consequentia culpae. — Negat. pro eodem foro, si ignorantia non excuset a culpa, aut circa solam poenam versetur, intellige *ordinariam*; non vero *extraordinariam et exorbitantem*. Ratio discriminis est, quia poena ordinaria ex natura ipsius criminis semper aliquo modo praevideatur, cum ipsum lumen naturale dietet malum iuxta suam naturam esse puniendum. At poena extraordinaria ne in confuso quidem praevideri potest. — Affirmat. item pro eodem foro, si ipsemet Legislator scientiam poenae requirat, ut in censuris ecclesiasticis videre est, quas non incurrunt, qui eas inevitabiliter ignorant. — Pro foro autem externo negat., quatenus nunquam licet auctoritati resistere. — L. 169., l. 6. n. 1074., l. 7. n. 351.

79. *An lex poenalis obliget ad subeundam poenam ante iudicis sententiam?* — 1.<sup>o</sup> Poena, quae lege continetur alia est *activa*, quae nequit executione donari, sine aliqua delinquentis positiva actione, uti esset v. g. pecuniae solutio; alia vero est *privativa*, quae consistit in mera privatione alicuius iuris acquisiti, e. g. officii, beneficii, iurisdictionis, iuris suffragii, etc.;

eaque *conditionalis* est, si privat aliquo iure sub data conditione, alia *inhabilitans*, quae nempe inhabilem seu incapacem reddit alicuius iuris aliquid nempe faciendi, vel contrahendi, acquirendi, dandi, etc. — Itemque alia est poena *latae sententiae*, alia *ferendae sententiae*. 1.<sup>a</sup> sola criminis patratione, 2.<sup>a</sup> iudicis sententia incurritur. Haec autem sententia ferenda vel *condemnatoria* est, per quam reus certa poena mulctatur, vel *declaratoria*, per quam iudex declarat aliquem in illud incidisse crimen, propter quod poena a lege statuta ipso facto incurritur. Ut poena latae sententiae dici possit, necesse est, ut legislator eaverit evidenter, ut reus delicto admissio illico ea teneatur. — 2.<sup>a</sup> Si poena sit f. s. lex non obligat ad poenam subeundam ante istam sententiam; lex enim tunc poenam ipsa per se non infligit, sed tantum per iudicem infligendam decernit. Si poena vero sit l. s. tunc distinguendum est. Quare — 3. Poena *activa* e. g. aliquid restituendi vel patiendi subeunda non est ante iudicis sententiam. Ratio, « quia nimis ardua, et inobservabilis esset lex illa humana: quod reus ipse in seipsum debet poenam exequi », L. 149. 148. — Idem ob eandem rationem dicendum de poena *privativa* simul et *activa*. « Et sic igitur dicendum de legibus privantibus beneficiis, iam obtentis, ratione simoniae vel alienationis bonorum beneficii, etc., ubi semper requiritur declaratio iudicis » L. 1. c. — Si poena sit *simpliciter privativa*, ante iudicis sententiam *ordinarie* erit subeunda, ut patet ex usu et consuetudine ubique recepta de censuris ac poenis similibus. Hinc absque alia sententia coniuges incestuosi privantur iure petendi. C. *Si quis de Eo qui copulat*. Ac merito: cum enim incestus fere semper occultus sit, poena redderetur inutilis, si ille esset probandus, ac si sententia requireretur. Dicitur *ordinarie*, nam excipitur: si reus nequeat poenam exequi sine infamia, cum hoc esset nimis durum; si aliter alicubi habeat particularis consuetudo. L. 148. — « Poenae *inhabilitantes* obligant ante iudicis sententiam, ut est poena imposita a Trid. non residentibus non lucrandi fructus. Item quando poenae privativae sunt *conditionales* v. g. ut habens beneficium curatum, si non ordinetur sacerdos infra annum, sit ipso facto privatus beneficio, ut ex C. *Licet, De Elect.* in 6.<sup>a</sup> Sic etiam clericus beneficiatus non deferens habitum ipso facto privatur privilegio fori », L. 149. Ratio 1.<sup>a</sup> est, quia nemo potest acquirere id, ad quod nullum ius habet. Ratio 2.<sup>a</sup> est, quia cum lex non tribuat ius nisi sub tali conditione, eo deficiente et omne ius deficere debet. Attamen ut pro poenis privativis, ita etiam pro inhabilitantibus sententia declaratoria requiritur. « casu quo reus non possit exequi poenam sine propria infamia », L. 1. 6. n. 705., Struggl q. 2. n. 38. seqq.

80. *An poena conventionalis in contractibus debeat solvi ante sententiam?* — « 1.<sup>a</sup> Sententia, affirmat quia quisque tenetur ante sententiam pactum observare, .... 2.<sup>a</sup> Sententia, quam aequae probabilem vocant Salm... negat, quia sentiendum est contrahentes non aliter velle sibi imponere poenam, quam iuxta dispositionem iuris circa leges poenarum, quae non nisi post sententiam contrahuntur. — Profecto tenetur reus post sententiam ad poenam. — Sed notandum est, non teneri eum ad solvendam pecuniam, nisi petatur a parte. — Et si poena sit nimis dura, ultra sententiam requiritur praeceptum iudicis, et ministrorum executio », L. 150.

## VI. — DE LEGE TRIBUTORUM

81. *An et quomodo in conscientia obligent tributorum leges?* — Leges tributorum, per se loquendo, morales sunt, seu praeceptivae in conscientia; illae nempe quae continentur a *legitima auctoritate*, et iuxta causam communis boni, sustentationis et decoris Principis, et servata debita *proportione*, ita

ut e. g. pauperes non graventur sicut divites, sic enim illi longe maius onus quam isti sustinerent. Cf. Lugo De Iust. et Iur. D. 36. nn. 25. 26. Enimvero huiusmodi leges actum praecipunt naturalis iustitiae videlicet iustitiae legalis, eum tantum definiendo et determinando. Nam naturalis haec iustitia praecipit *subditis* subministrare Superiori, habenti curam communitatis, ea quae ad hanc curam habendam sunt necessaria: praecipit item *extraneis* debere eos compensare damna, quae mercedem asportatione et venditione inferunt alienae societati: praecipit tum *subditis* tum *extraneis* delere compensare expensas necessarias in constructione, et custodia viarum, pontium, etc., quibus fruuntur. Cf. Ad Rom. 13. 5-7. Attamen cum publice horum tributorum *coactores* constituantur haec esse evidentur mens legislatorum, ut tributorum solutio non censeatur debita, nisi exigatur. Minime vero inde permittuntur, ut per se patet, mendacia et fraudes ad exactores decipiendos. Verum plures et graves sunt doctores, qui leges de tributis habent, ut leges *mere poenales*, quae consequenter non obligant, nisi ad subeundam poenam, si quis deprehendatur gabellam non solvisse. Quare tunc tantum quis peccat, quando, non soluta gabella, nolle etiam post confiscationem solvere poenam. Atque haec sententia communi etiam praxi confirmatur. Quare stante saltem dubio de obligatione nemo videtur inquistandus. — G. B. 736. seqq., L. 1. 3. n. 616., H. A. Tr. 10. n. 51.

82. *Resolves*: Damnandi sunt: 1.<sup>o</sup> Qui violenter resistunt ministris vectigalia exigentibus; hi enim peccant 1.<sup>o</sup> contra obedientiam: *Qui resistit potestati, Dei ordinationi resistit*. Ad Rom. 13. 2.; 2.<sup>o</sup> contra iustitiam legalem: nam lex quae respicit tributa, etiamsi ut mere poenalis habeatur, gubernatoribus tamen ius certum tribuit ad muletam exigendam, si subditi in fraude deprehendantur. — 2.<sup>o</sup> Qui per fas et nefas defraudationem veluti commercium quoddam exercent, atque animo resistendi etiam armati diu noctuque vagantur: huiusmodi enim homines fiunt cives rebelles et societati perniciosissimi. — 3.<sup>o</sup> Nec indulgendum est iis, qui licet nunquam resistant, nec animum resistendi habeant, omni tamen studio et opera in artem defraudandi incumbunt, eamque veluti vitae professionem habent: hi enim et temporalium bonorum vitae ac fortunae et animae periculis haud raro exponuntur. — G. B. 74.

83. *An peccent contra iustitiam praepositi, quoties tributum non exigant?* — R. Affirm., *per se generatim*, et quidem graviter in materia gravi. Ratio patet, siquidem se obligant ad rite invigilandum, et ad tributa diligenter exigenda. Quare si officio suo desint, ad restitutionem tenentur erga Principem, vel Rempulicam. *Generatim*, quia iuxta plures praepositi vectigali us exigendis non semper damnandi sunt, quando subinde benignius agunt in re levi, praecipue cum pauperibus, vel etiam cum iis, qui alias diligenter solvunt. Damnandi vero sunt qui vectigalibus exigendis praepositos mediis iniustis corrumpunt, ne officio suo fungantur; peccant enim saltem ad horum peccatum cooperando. G. B. 745.

## VII. — DE DISPENSATIONE

84. *Quid dispensatio sit?* — Dispensatio est relaxatio legis in casu particulari propter specialem causam. S. Th. 2. 2. q. 117. a. 4. Differt a *Declaratione*, qua edicitur hunc vel illum casum non comprehendi in lege. Differt a *licentia*, quae locum habet, quando lex rem absolute non prohibet, sed tantum conditionate, nempe sine superioris consensu et approbatione. Quare legis vinculum per *licentiam non relaxatur*, sed apponitur dum-



taxat conditio, qua posita lex non amplius locum habet. Lex tunc potius observatur, nam lex præcipit recipere petere licentiam, si tale vel tale quid fiat, petere nempe superioris consensum. Differt a *Privilegio*, quod et *contra legem* et *præter legem* etiam esse potest, et cum contra legem est illi simpliciter derogat, adeoque non pro casu tantum, aut casibus aliquibus in particulari, sed pro omnibus. Differt etiam ab *irritatione*, *abrogatione*, et *cessatione* legis, quia in hisce lex pro omnibus extinguitur.

85. *Nota*: Potestas dispensandi *generaliter* data recedit in privilegium *præter ius* et favorabilis est, adeoque latam habet interpretationem: sed non *extensivam*. Ipsa vero dispensatio, quia legi derogat odiosa est, et strictae est interpretationis, nisi debita sit, vel concessa fuerit, motu proprio, vel communitati, vel in bonum commune, vel inserta in Corpore Iuris. *Strictae* sed non *restrictivae*, nisi forte ius tertii laedatur. Nunquam vero ita est interpretanda, ut fiat ei cui est concessa inutilis vel onerosa. L. 187. 192. 194.

86. *Quaenam ad dispensationem requirantur?* — 1.<sup>o</sup> Necesse est, ut is qui dat dispensationem eam det sciens volens, sed metu extorta valet; et ut ille cui datur, regulariter loquendo, eam acceptet. Invito enim beneficium non datur. Dari autem potest et acceptari etiam tacite, et facto ipso. L. 184. 187. Cf. Sanch. de Matr. 1. 3. c. 36. n. 2. *Regulariter loquendo*, absolute enim dispensari potest etiam inscius et invitus. Siquidem legislatoris est ligare et solvere. — 2.<sup>o</sup> *Iusta* requiritur causa, secus enim superior non esset fidelis custos legis, sed imprudens dissipator. Insuper naturale ius dictat, partem debere confirmari suo toti, nisi iusta causa excuset. Trid. S. 25. C. 18. De R., S. Th. 1. 2. q. 97. a. 4. Sine iusta causa dispensatio data ab ipso legislatore valida quidem est, quamvis illicita: ab inferiore vero seu a delegato et illicita et invalida. Legislator enim tanquam propriam habet potestatem ligandi et solvendi, cui illa iusta causa extrinseca est, eam vero non censetur communicare inferiori seu delegato, nisi ut ea rationabiliter utatur. *Leeder* tamen peccat et legislator sine causa dispensans, et dispensatus, eam petens, qui vero sublata lege per dispensationem hac utens ne le iter quidem peccat. Nulli enim et ille dando et iste acceptando iniuriam faciunt, quamvis legalem iustitiam laedant. Graviter vero peccat delegatus dispensans sine iusta causa in re gravi, siquidem graviter concessa sibi potestate abutitur. *In re gravi*, in re enim levi, venialem culpam non excedit. — 3.<sup>o</sup> Ceterum causa sufficit probabiliter iusta et ad petendam et ad concedendam dispensationem tum valide tum licite, ne res nimis anxie et scrupulis obnoxia sit. Neque vero opus est ut tanta sit, quantae sufficiat de se ad excusandum, secus inutilis prorsus evaderet dispensandi potestas in superiore. « Causa est dignitas petentis aut superioris, ut se benignum ostendat, nec non utilitas communis, aut privata et similia. In dispensationibus autem impedimentorum pro matrimoniis, sufficit pro causa solutio pecuniae in subsidium Ecclesiae, ut est praxis ». L. 195. Cf. S. Th. 2. 2. q. 63. a. 2. ad 2. L. 178. 1-1. 1-2. 186. 192. 195., 1. 3. n. 251., 1. 7. n. 353., S. Th. 1. 2., q. 96. a. 6., q. 97. a. 4.

87. *An existente iusta causa, teneatur superior dispensare?* R. Negat., si causa sit tantum sufficiens, ita ut dispensatio sit permissa: et superior eam potest vel dare vel negare, vel dare uni alteri negare, nam est mera gratia, adeoque libera. Insuper et subdito prodest dispensatio, ita bono communi ei per negatam prodest. — Affirmat., si causa dispensationem necessariam reddat ad evitandum damnum commune, vel privatum magni momenti, vel ad procurandam utilitatem communem, vel privatam magnam, alioquin peccaret graviter vel leviter iuxta materiam: ideo enim ei potestas data fuit, « Denegata tamen, etiam iniuste dispensatione, nequit subditus agere contra legem: nec talis causa urgeat, ut eum extrahat a lege: quare si episcopus iniuste neget dispensationem publicationum ante matrimonium,

potest urgenti gravi causa illud contrahi sine eis ». L. 179., S. Th. 1. 2. q. 97. a. 4.

88. *Utrum in dubio, an casus indigeat dispensatione, ea opus sit?* — R. Negat. in dubio, positivo: extensio enim legis ad illum casum incerta manet. Affirm. in dubio negativo de sufficientia causae excusantis; nam lex certa possidet. Negat. vero in dubio negativo de necessitate dispensationis, nam tunc e contra possidet libertas. L. 97. 180. 192. 195., l. 4. n. 154., Cf. H. A. Tr. 2. n. 51.

89. *An licet uti dispensatione tacita, praesumpta, interpretativa?* — R. Ad 1.<sup>am</sup> Affirm., adest enim vere voluntas dispensandi in superiore, cum *tacita* dispensatio habeatur, quando superior aliquid velit cum quo dispensatio sit connexa, vel quando sciens et potens contradicere non contradicat. — Ad 2.<sup>am</sup> Affirm., tunc enim etiam adest in superiore vere voluntas dispensandi, ut rationabiliter ex hypothesi praesumitur, v. g. si sciens Praelatum te esse excommunicatum, beneficium tibi conferat. — Ad 3.<sup>am</sup> Negat. Non enim adest, neque ulla ratio persuadet quod *adsit* in superiore voluntas dispensandi, sed tantum ratio adest quod *adesset* talis voluntas in superiore si rem sciret. Attamen in rebus minoris momenti facilius quis tunc epikeia uti posset. Nec refert quod valeat licentia *praesumpta de futuro*: nam ad actiones, quae ad sui valorem requirunt positivum actum voluntatis non sufficit voluntarium interpretativum, ut in *dispensatione* contingit, siquidem *relaxatio legis* positivum superioris consensum requirit. E contra ad actiones, ad quas mere sufficit superiorem non esse invitum, ut in casu *licentiae* petendae, voluntarium interpretativum sufficit. L. 187., Struggl Tr. 1. q. 1. n. 21., Sanch. De Matr. l. 3. D. 35. n. 16. 24.

90. *Quinam dispensare possint, et cum quibusnam?* — Cum dispensatio *relaxatio sit legis*, patet eam esse actum iurisdictionis. Quare 1.<sup>o</sup> ille tantum dispensare potest, potestate *ordinaria* qui legem condidit, vel eius superior, aut successor: potestate vero *delegata* qui ab his dispensandi receperit potestatem. Ratio, quia legislator tantam habet potestatem ad solvendum quantum ad ligandum: parem habet cum suis praedecessoribus potestatem; sibi demum subordinatam habet inferiorum potestatem. Inferior autem nullam habet potestatem in legem sui superioris. — Non potest legislator dispensare etiam in sua lege, si lex transeat in contractum. Nam pacta sunt ab omnibus observanda. L. 190. 191. — Potest vero inferior dispensare in lege etiam superioris, si in lege *generaliter* permittatur dispensatio, v. g. si dicatur *donec dispenseetur*. L. 90., si consuetudo praescripserit, si communiter a theologis admittatur. Hinc valide et licite inferior potestate ordinaria dispensat ex iusta causa in lege superioris 1.<sup>o</sup> circa levia, h. e. quae sub mortali non obligant, etsi sit facilis ad superiorem recursus; 2.<sup>o</sup> in casibus qui frequenter occurrunt, et in casibus dubiis; 3.<sup>o</sup> quando urgens adsit necessitas, recursus ad superiorem est difficilis, et in mora periculum adest. L. 180. 190.–192., l. 6. n. 902. — *Potestate ordinaria, delegata*. Ordinaria est, quae alicui competit ex vi officii sui; delegata, quae competit ex concessione illius, qui ordinariam habet. Si delegata potestas ab ipso iure concedatur, ordinariae aequiparatur, utpote officio et dignitati adnexa; si vero tota sit a superiore pure delegata est. — 2.<sup>o</sup> Cum illis tantum dispensari potest, qui dispensantis iurisdictioni subiiciuntur, v. e. *cum incolis*, domicilium habentibus, sive in proprio sint territorio, sive extra illud. L. l. 1. n. 158., l. 7. n. 81.; *cum advenis*, quamdum quasi domicilium in territorio habent. L. l. 1. n. 158., l. 3. n. 262., S. O. 22. Nov. 1865., A. S. S. V. 2. p. 671., qui impetrata dispensatione uti possunt etiam cum peregre abeunt, Suarez l. 8. C. 26. n. 12.; *cum vagis*, quamdum ibi versantur in territorio, Bened. XIV. Not. 33. n. 10; immo etiam cum peregrinis, siquidem peregrini etiam per accessum ad superiorem localem sufficienter fiunt subditi dum in alieno sunt territorio, L. l. 1. n. 158., l. 3. n. 262.,

atque haec dispensatio cum *personalis* sit, personae adhaeret, adeoque peregrinantem subsequitur etiam extra territorium seu dioecesim, dispensantis, tandem cum seipsis, quamvis delegatam tantum habeant potestatem, sed *generalem*. Ratio est « quia est iurisdictio pure voluntaria, quae etiam erga seipsum exerceri potest. Hinc bene sibi dispensare potest in votis, iuramento, ieiunio, etc. ». L. 183. *Generalem*, quia nullus excipitur in facultate generali quocumque modo habeatur. Secus vero est, si quis delegatus sit ad casus tantum particulares. L. 158. 183., et l. de voto n. 262.

91. *An Papa dispensare possit in lege divina?* — Potest dispensare ex iusta causa in iis in quibus ius divinum oritur a voluntate humana, ut in votis et in iuramentis. Certum enim est, quod in his gerat vicem Dei. Unde est, quod dispensatio in voto vel iuramento, sine iusta causa, etiam a Papa facta sit invalida. L. 180. In caeteris controvertitur, an vere dispensare possit ex gravissima causa, vel tantum declarare ius divinum tunc cessare. In praxi parvi refert. Excipe semper leges, quae ad essentialiam Ecclesiae constitutionem pertinent, ut sunt leges circa formas, et materias sacramentorum, circa oblationem sacrificii, etc. — L. 188. 189., S. Th. 1. 2. q. 100. a. 8., 2. 2. q. 88. a. 12., S. q. 65. a. 1. 2. 4., q. 67. a. 3., Struggl q. 4. n. 11.

92. *In quibusnam legibus dispensare possunt Episcopi?* — 1.<sup>o</sup> *De iure ordinario* dispensare possunt in propriis dioecesibus a legibus latis in Synodis provincialibus, cum ita sit consuetudine introductum. C. *Una contigat* 13. *De fer. comp.*, modo non sint Concilio specialiter reservatae. Dispensare item possunt in omnibus statutis episcopalibus et synodalibus, et quidem independentem a capitulo et clero. Neque obstat, quod concilium Provinciale, vel Synodus dioecesana ab Apostolica Sede fuerit approbata. Ista enim approbatio non est *specificata* et *absoluta*, ut singula examinentur, cognoscantur, ac *actu proprio et certa scientia* probentur. Sed est *ordinaria, communis et conditionata, si iuste, si canonice*, etc., quod quidem nihil novi iuris tribuit, ut cum Fagnano docet Bened. XIV. De Syn. l. 13. C. 5. Ceterum Episcopi iure suo dispensant in legibus etiam Pontificiis pro sua dioecesi latis, habentur enim instar legum dioecesanarum. A statutis episcopalibus et synodalibus dispensare valet etiam capitulum, Sede Vacante, cum succedat in locum Episcopi. Id tamen nequit vicarius generalis episcopi, sine speciali delegatione, cum id non habeat de suo iure ordinario; siquidem in generali commissione non intelligitur facultas dispensandi. — 2.<sup>o</sup> Non possunt tamen Episcopi dispensare in lege Synodali taxativa congruae pro Ordinationis, Ratio est, quia Innoc. XII. B. *Speculatores* statuit, ut « beneficiarius eius sit redditus, ut ad congruam vitae sustentationem, sive iuxta taxam synodalem, sive ea deficiente, iuxta morem regionis pro promovendis ad SS. ordines, debitis oneribus, per se sufficiat, illudque ab ordinando patetice possideatur ». Quare Pontifex implicite admittit episcopo facultatem dispensandi hae in re, seu potius arbitrandi, aut faciendi suppletionem suo modo. — 3. Quia autem omnis potestas, et maxime spiritualis, non in destructionem, sed in aedificationem data est, et ex ipsa natura ecclesiasticarum legum et ex praesumpta Rom. Pontificis voluntate, nec non ex consuetudine, Episcopi dispensant etiam in legibus communibus. 1.<sup>o</sup> cum materia est levis, 2.<sup>o</sup> quoad casus dubios, 3.<sup>o</sup> quoad casus qui saepe accidunt, ut in interisque votis, ieiuniis, abstinentia cum privatis, observantia festorum, effectus divini in casibus particularibus, etc. — 4.<sup>o</sup> In aliis etiam pontificiis legibus, quatenus non est facilis recursus ad Summ. Pontificem et periculum grave est in mora, e. g. in impediendis matrimoniis, in irregularitatibus, in votis reservatis, etc. — 5.<sup>o</sup> Possunt dispensare in legibus pontificiis, si in lege ipsa dicatur posse ab ea dispensari: nam si verba haec aliquid significent, et dispensationem permittunt, eam certe inferioribus permittunt, nempe episcopis. Excipiuntur tamen matrimoniales dispensationes,



Cf. Trid. S. 24. C. 5. De R. M., ex praxi et stylo Curiae, vel si dispensandi essent ipsimet Ordinarii. Cf. C. *super eo* 2. *De Big.* L. 180. 190. 191. 192. App. 2. n. 55., et l. 6. n. 613. 902., H. A. Tr. 2. C. 6. n. 57.

93. *Nota:* 1.<sup>o</sup> Dicitur episcopus in praec. casib. dispensare *de iure ordinario*, quia talis facultas eis competit vi proprii officii, cui est perpetuo annexa, et ideo bene eam possunt alteri delegare. L. 190. 192. 193., l. 6. n. 613., De Priv. 57. 58., Struggl q. 4. n. 12. — 2.<sup>o</sup> In casibus dubiis episcopus potest *declarare* casum dispensatione non indigere, vel *ad cautelam* dispensare. Quoad dispensationem *ad cautelam* haec notat Bened. XIV. Not. 101.: « Diana sapienter advertit concedi a S. Poenit. vel Datar. dispensationes huiusmodi non tanquam necessarias, sed ut omni scrupulo animique sollicitudine fideles eripiantur ». Dispensatio non erit tunc, regulariter loquendo, necessaria; sed valde prodest: si forte enim deinde veritas appareat, dispensatus nihilominus quis vere manet. Cf. Sanch. l. 8. D. 6. n. 18.

94. *An Parochi in aliquibus dispensare valeant?* — *De iure ordinario*, possunt, ratione consuetudinis, dispensare cum subditis, pro casibus tantum particularibus, in ieiuniis, in abstinentia, in operibus die festo prohibitis, et in aliis similibus, quae frequenter occurrunt et indigent prompta dispensatione. *Ratione consuetudinis*, iurisdictionem enim in foro externo non habent. *De iure ordinario*, siquidem haec facultas ipsis tributa est ratione officii, utpote exercenda in casibus qui frequentes occurrunt. — Quin imo in gravioribus etiam dispensare possunt, in quibus possunt episcopi dispensare, stante gravissima necessitate, si episcopus non possit adiri et periculum sit in mora. — L. 190. 192. et l. 3. n. 288., l. 6. n. 613., H. A. 59.

95. *An Regulares in aliquibus dispensare possint?* — 1.<sup>o</sup> « Prelati regulares habent potestatem dispensandi cum suis subditis in praeceptis ecclesiasticis, ut possunt episcopi cum suis dioecesanis. Etenim ipsi habent quasi episcopalem iurisdictionem, ut communiter docent DD. ». L. de Privil. n. 106. — 2.<sup>o</sup> « Confessarii Mendicantium, et caeteri Regulares communicantes potestatem habent irritandi, remittendi, et dispensandi iuramenta, ac vota. Possunt insuper dispensare cum coniugibus quoad impedimentum ad petendum debitum, propter incestum commissum cum consanguinea coniugis. Animadvertendum est autem hic, quod confessarius debet in hoc obtinere licentiam specialem, et saltem a superiore inferiore sui monasterii. Possunt praeterea confessarii Mendicantes dispensare cum coniugibus in voto castitatis elicto ante matrimonium, ad petendum debitum, sicuti etiam in voto elicto post matrimonium. Possunt ipsi dispensare in omnibus votis, in quibus valent de iure ordinario dispensare episcopi cum suis subditis ». L. ib. 109., l. 1. n. 194., Struggl q. 4. n. 13.

96. *Utrum dispensatio in foro externo, an in foro interno dari possit?* — Dispensatio dari potest in foro externo, siquidem si vinculum legis in foro externo constituitur, in eodem etiam foro solutio illius vinculi dari potest. Et sic dispensatio ab abstinentia, quae datur per Indultum tempore Quadragesimae in foro externo datur. — Dari etiam potest in foro interno *sacramentali*; nam in foro sacramentali bene agi possunt ea omnia, quae ad spirituale salutem pertinent. Dari item potest in foro interno *conscientiae*, licet non sacramentali, nam ut ad forum *sacramentale* pertinent proprie peccata, ita ad forum conscientiae pertinent omnia, quae spectant ad spirituale uniuscuiusque salutem. Illud autem essentiale intercedit discrimen inter forum internum *sacramentale* et forum *mere internum conscientiae*, quod in illo res inter praesentes tractantur, in hoc res agi etiam possunt inter absentes. — Distinguitur etiam *forum poenitentiae*, sed hoc, secundum alios, est forum sacramentale; secundum alios, est forum conscientiae. Quare quod alicui committitur *in foro poenitentiae*, praeter *peccatorum absolutionem*, v. g. dispensatio, absolutio a censuris, etc., etiam extra sacramentum

poenitentiae potest expediri, quamvis, mandatum *sacerdoti confessario* dirigatur. — Suarez l. S. C. 6. n. 15. 16., Salm. Tr. 18. C. 1. n. 33., Schmalz. l. 2. t. 2. n. 2., L. 4.

97. *De dispensationis cessatione.* — Dispensatio cessat: 1.<sup>o</sup> *Revocatione*, ea enim *legis* vinculum restituitur. Quare a legislatore facta etiam sine causa valet; a delegato facta etiam ex iusta causa non valet; facta ab inferiore, quando illum ordinario iure concessit, si ex iusta causa, valet; secus vero, si absque iusta causa, quia non potest superioris legem restituere. L. 197. *Legis*, nam si obligatio non a lege sed a propria pendet voluntate, ut in votis, sine hac restitui non potest. Praelatus dispensationem revocans sine iusta causa *per se* venialiter tantum peccat. L. 197.

2.<sup>o</sup> *Renunciatione*, quae statim valet in illis, quae ex propria voluntate vim habent, in votis, iuramentis, etc. In illis vero quae ex lege effectum sortiuntur, e. g. in impedimentis matrimonii, in horis canonicis, etc. tunc valet cum a superiori fueri acceptata, qui legis vinculum restituere potest. L. 198.

3.<sup>o</sup> *Cessante totaliter causa motiva*, si dispensatio tractum habeat successivum, et absolute data non fuerit; ut e. g. dispensatio a lege ab continentiae ob infirmitatem. Secus vero, si dispensatio absolute data fuerit, quamvis, attenta materia, tractum habere possit successivum, vel si unico actu fuerit perfecta, e. g. si quis ab irregularitate fuerit dispensatus ob paupertatem parentum, vel ob morum honestatem, vel ob inopiam ministrorum. Quare qui absolute fuit dispensatus a voto castitatis, mortuo coniuge, alteri nubere potest; si vero pro speciali casu dispensatio fuerit concessa, nova indiget dispensatione. Si dispensationi fuerit adiuncta aliqua commutatio oneris, tunc etiam, cessante causa, dispensatio non cessat. L. 195. 196. Dispensatio item non cessat: 1.<sup>o</sup> *Non usu*, aut *usu contrario*, unde ea quis semper deinde uti poterit, siquidem haec legis vinculum restituere non valent. L. 198. 2.<sup>o</sup> *Dispensantis territorio relicto*, quia factum legitime retractari non debet, etsi postea in casus incidere, a quo initium haberi non potuisset. C. 73. De R. I. in 6.<sup>o</sup> 3.<sup>o</sup> Dispensatio, quae absolute est data, non cessat *morte dispensantis*, quicumque ille sit sive praelatus superior, sive inferior; cum dispensatio sit gratia, et gratia non expiret morte concedentis. Porro si causa indicatur *perpetua*, tunc dispensatio censetur data *absolute*, etsi postea per accidens causa cesset. Secus vero, si causa diiudicatur tantum pro tempore duratura. L. 196. 197.

## VIII. — DE PRIVILEGIIS

98. *Quid sit Privilegium?* — 1.<sup>o</sup> Privilegium est, quasi *privata lex*, aliquid speciale alicui concedens beneficium, extra corpus iuris existens. *Privata*, quia aliquid speciale alicui et non omnibus concedit. *Lex*, quia dum ius privilegiato concedit privilegio utendi, omnes seu totae communitati obligationem imponit privilegii usum non impediendi. *Speciale*, neque enim privilegia concederentur, si praeter generalem legem nulli aliquid speciale concederetur. *Beneficium*, siquidem gratiam Principis continet. *Alicui*, h. e. sive singulari personae, sive personae morali, e. g. Universitati, Ordini religioso, etc. *Extra corpus iuris existens*, siquidem lex proprie non est, unde neque indiget promulgatione: sed cum donatio quaedam sit *acceptatione* indiget. Idque de qualibet *gratia* concessa valet; siquidem nihil acquiritur nisi volenti. Cf. Schmalz. l. 4. t. 3. n. 203. seqq. Sed petitio pro acceptatione est, et si per procuratorem petatur, sufficit ut per eum acceptetur. Quare quoad quis ignoret, an gratia concessa fuerit, ea regulariter

uti licite non potest; sed verius valide potest. Suarez l. 8. C. 25. n. 25., Laymann Tr. 23. c. 10., Sanch. De Matr. l. 3. D. 36. n. 68., Engel l. 5. t. 33. n. 12., l. 4. t. 3. n. 15., siquidem verum est gratiam fuisse concessam. Nec refert, si gratia pro alio petita fuerit, etiam ignorante, imo et invito. Sanch. De Matr. l. 8. D. 26. n. 4., Bonac. D. l. Q. 3. C. 3. n. 4. Quare si quis, nec ipse gratiam petiit, nec scit petitam ab alio concessam fuisse, eaque tamen forte utitur, standum erit pro valore actus: uti e. g. in Dispensationibus Matrimonii in radice videre est. Cf. Suarez l. 8. C. 25., l. 1. — Hinc *Privilegium* proprie differt a *Legē*, proprie tali, *singulari*, quae nempe aliquid speciale constituit *pro certa personarum genere*, et cum vera lex sit continetur in corpore iuris, et communiter *Privilegium clausum in corpore iuris* appellatur, uti e. g. est facultas, concessa Episcopis a Triu., S. 24. C. *Liceat* 6., dispensandi ab irregularitatibus ex delicto occulto provenientibus: restitutio in integrum ex Legibus concessa minoribus, uxoribus, interdictis. Quare ut aliae leges, ita et hae non acceptance sed promulgatione indigent. Quin imo neque scientia eorum, quibus fuerint concessae, requiritur ut hi valide eis utantur. Cf. Suarez l. 8. C. 25. n. 16. Itemque, prout aliae leges, ita etiam hae sunt perpetuae et renuntiatione non cessant, licet in particularibus casibus possit quis iuri pro se introducto renuntiare, dummodo privilegium concessum non fuerit aliorum causa, vel ob dignitatem ordinis seu coetus, vel ob praesumptionem communis periculi fraudis, ut ea quae concessa sunt imbecillitati personarum, velut restitutio concessa minoribus et profitentibus ante aetatem canonicam, si hi restitutioni renuncient.

99. *Quotplex sit Privilegium?* — 1.<sup>o</sup> *Privilegium ratione subiecti*, aliud est *personale*, quod *individuae* conceditur personae, v. g. Titio, vel *coctui* personarum v. g. minoribus, vel *corpori morali*, v. g. ordini religioso; aliud vero est *reale*, quod etiam personis conceditur, sed respectu dignitatis, officii, loci, rei. Privilegia realia perpetua sunt, et his etiam accensentur privilegia personalia secundi et tertiae speciei. — 2.<sup>o</sup> *Ratione obiecti*, aliud est *contra ius*, quod legi derogat, ut privilegium oratorii privati; aliud est *praeter ius*, quod mera gratia praeter legem conceditur, v. g. facultas absolvendi a reservatis. — 3.<sup>o</sup> *Ratione causarum*, aliud est *remuneratorium*, quod ob certa merita conceditur, aliud *gratiosum*, quod sine praeviis meritis conceditur. Cf. Suarez l. 8. C. 4. n. 38.

100. *Quid sit gratia facta, et facienda?* — Gratiae distinguuntur in *factas* et *faciendas*. Gratia dicitur *facta*, cum ille qui eam concedit annuit petitioni, si nempe detur *ad preces supplicantis*; vel cum gratiam faciens eam simpliciter concedit, si eam *motu proprio* largiatur. Iam vero quando Princeps *ipsemet* eam concedit in gratiam eius cui illa concedit, seu ut dicitur in forma *gratiosa*, gratia tunc regulariter *facta* intelligitur, uti si summus Pontifex concedat ordini religioso, vel singulari personae, Titio sacerdoti, facultatem absolvendi a reservatis, benedicendi coronas eisque Indulgentias adnectendi, etc. Quando autem eam concedit per alium, seu ut dicitur in forma *commissoria*, quia in mandatum recidit, tunc gratia aliquando *facta*, aliquando est *facienda*. Est *facta*, si alius constituitur *exequutor necessarius*, est vero *facienda* si alius constituitur *exequutor voluntarius*. In primo enim casu alius est mere *exequutor* concessionis gratiae, in secundo vero alius est *exequutor* gratiae concedendae, ipsi nempe gratia concedenda remittitur. Et sic gratia est *facta*, si in Rescripto e. g. Ordinario dicatur, *dispenses, absolvas*, etsi conditio adiciatur, etsi addatur *pro tuo arbitrio et conscientia* S. C. C. 6. Dec. 1846. Est vero *facienda*, si in Rescripto dicatur *dispenses absolvas, si expedire indicaveris*, vel preces ei remittantur *cum facultatibus necessariis et opportunis*. L. l. 1. App. 2. n. 13., Bizzarri Collect. p. 666. Hinc gratia *facta* non expirat, morte concedentis, aut eo ab officio cessante: e contra expirat gratia *facienda*, nempe *re integra*. Verum gratiae *faciendae*, concessae a Romano Pontifice, postridie



electionis successoris reviviscunt ex Reg. 12. Cane. Apost. — L. 8., Laymann l. 1. De Privileg. C. 23. n. 18., D'Annib. 222.

101. *Quomodo Privilegium concedere possit, et quibusnam?* — Privilegium *contra legem* concedi potest ab illis, quibus lex subest; et quidem solis subditis, solisque locis qui potestate sua continentur. Ratio est, quia tale privilegium legis derogatio est, et legislator supra non subditos, et extra proprium territorium nullam habet auctoritatem. — Privilegium *praeter legem* potest concedi etiam non subditis, quia non est actus iurisdictionis, sed actus merae facultatis et quasi donatio. Sic princeps potest concedere extraneo privilegium venandi in suo territorio. — Suarez l. 8. C. 8. 10. 26.

102. *An gratia negata ab uno superiore concedi possit ab alio?* — Gratia petita ab uno superiore et negata, potest ab alio superiore, qui eandem habeat potestatem, etiam inferiore, imo etiam ab alio delegato postulari. Hoc enim nullo iure prohibetur. Concessa autem gratia a superiore inferiore, vel a delegato, valet; siquidem maioris superioris negatio aliis inferioribus potestatem non adimit. Ac si alicui duplex sit concessa facultas, v. g. absolvendi a reservatis et dispensandi in irregularitatibus, una earum, etiam maiori, adempta, altera non ideo consequenter adimitur, sed permanet. Lugo De Fid. D. 23. n. 130.

103. *An peregrini gaudere possint privilegiis locorum, quae peragunt, etsi sint contra legem communem?* — R. Affirm. Constat ex consuetudine generali.

104. *An delegatus ad gratiam concedendam subdelegare possit?* — R. Negat. per se loquendo, quia haec facultas per se non includitur in concessionibus superioris, nisi expressa sit. Excepe 1.<sup>o</sup> si quis esset delegatus a Principe: casu tamen quo delegatio facta sit tamquam per officium, non vero si eligatur persona propter suam peritiam, aut si ei committatur alicuius causae executio, C. fin. § 1. de Offic. et pot. deleg.; 2.<sup>o</sup> si quis esset delegatus ad universitatem causarum, etsi non a Principe; hinc vice-parochi, universim deputati in locum parochi absentis, vel mortui, possunt alium subdelegare, L. 1 § An ab eo, ff. Quis, et a quo. Haec tamen subdelegatio non potest esse ad totam, sed ad unam vel alteram causam tantummodo, ut commune est cum D. Th. « Vicarius non potest totam suam potestatem communicare, sed potest partem ». Quodl. l. a. 31. Quod autem dictum est de delegatione facta a Principe, valet magis de delegatione facta a Papa. L. 193.

105. *An delegatio absolute data, expiret morte delegantis?* — R. Negat., si delegatio sit per modum gratiae factae, quantumvis res sit adhuc integra, quod evenit 1.<sup>o</sup> Cum conceditur publicae utilitatis causa, prout est facultas dispensandi in votis, in impedimentis matrimonialibus, absolvendi a censuris, etc. 2.<sup>o</sup> Cum conceditur causa privatae utilitatis alterius v. g. Caii, Sempronii, etc., ita tamen, ut commissario seu delegato imponatur praeceptum exequendi mandatum, veluti si dixerit, *Dispenses cum Titio, Absolveas, Provideas de beneficio*, etc., si preces veritate nitantur. Huiusmodi enim delegatio ius continet perfecte concessum, adeoque semel acceptatum perseverat in suo esse, licet concedens moriatur. C. l. § 1. de Fidei Presbyt., atque haec delegatio late est interpretanda. — Affirmat., si data sit per modum gratiae faciendae, re tamen integra, quod evenit quando gratia non est perfecte concessa, uti contingit cum datur in favorem alterius privatae personae, neque praecipitur delegato eam exequi, sed concedendae gratiae potestas datur, vel eius remittitur arbitrio et voluntati, veluti si dixerit, *Dispensare possis ac valeas*, etc., si vera sint exposita. Dicitur *re integra*, nam secus est, re non integra. Et huiusmodi delegatio stricte est interpretanda. Dicitur autem *res non integra*, si delegatus primum actum exercere coepit, ut si coepit vocare partem ad cognoscendum de precum veritate. Reg. 16. Iuris in 6.<sup>o</sup> L. 192.-194. Cf. hic n. 100.

106. *De Privilegiorum interpretatione.* — Privilegia tantum valent quantum sonant. C. *Per exemptionem* 9. *De Priv.* in 6.<sup>a</sup> Quare neque extensivam neque restrictivam declarationem recipiunt, sed regulariter declarativam tantum. Quare concessa facultate absolvendi a reservatis papalibus non includitur facultas etiam absolendi a reservatis episcopalibus. L. 1. 7. n. 93. Concessa facultate eligendi confessarium, illum quis eligere poterit quoties voluerit. Dicitur *regulariter*, quia si privilegium concedatur verbis generalibus, in tali generali concessione non veniunt ea, quae quis non esset verosimiliter concessurus. C. 81. *De R. L.* in 6.<sup>a</sup> l. c. extraordinaria prorsus et insedita. Laym. in C. *Sedes* 15. *De Rescript.* Reff. in cit. C. 81., nec ea quae merentur specialem mentionem, vel ex consuetudine aut iure excluduntur. Quapropter concessa facultate absolvendi a reservatis, non intelligitur concessa facultas absolvendi a specialiter reservatis; concessa facultate absolvendi a reservatis etiam specialiter non comprehenduntur casus Constitutionis *Sacramentum Poenitentiae*. — Privilegia *propter* legem latae sunt interpretationis, siquidem Beneficia Principis sunt. C. 16. *De Ver. Sign.* C. *Quia circa* 22. *De Priv.* E contra Privilegia *contra* legem sunt strictae interpretationis, quia legem vulnerant. C. *Ut fili* 1. C. *Ad praesidium* 2. *De Fel. Presb.* Nihilominus haec quoque latae sunt interpretationis, si reipublicae vel Religionis bono interest, uti sunt privilegia communitatibus vel pie alicui causae concessa. L. 1. 1. App. 2. n. 8., si concessa sint *motu proprio*. C. *Si motu* 23. *De Praeb.* in 6.<sup>a</sup>, si alias forent inutilia. C. 30. in fin. *De Priv.* — Ea sola privilegia sunt semper strictae interpretationis, quae laedunt ius tertii, siquidem semper intelliguntur, salva iustitia, et iure tertii. C. *Licet* 12. *De Off. Iud. Ord.* C. *Super eo* 15. *De Off. Iud. Deleg.* C. *Cum olim* 12. *De Priv.* — Cf. L. 5. seqq.

107. *An privilegia contra ius commune sint necessaria odiosa?* — R. Negat. Nam privilegium *favorabile* illud est, quod uni prodest, ita ut nemini noceat. *Odiosum* vero quod ex favore uni concessa alteri procreat incommodum. Inde sequitur privilegia contra ius non esse odiosa nisi alicui noceant. Vix autem dari potest ullum privilegium quod sit iuri communi vere ac proprie oppositum. Nam ut ait, S. Alph. 1. *privilegium* differt a dispensatione, quae eximit a lege et ideo semper est per se odiosa; et legi contradicit; nam subditus licet actu ab ipso eximatur, manet tamen habitualiter ligatus. Privilegium e contra parallele potius cum lege procedit: nam privilegium est lex aliqua privata subditos suos dirigens.

108. *De Privilegiorum cessatione.* — Privilegia cessant 1.<sup>o</sup> Ex parte concedentis, revocatione, e. g. contraria lege lata, clausulam continentem, *non obstantibus privilegiis quibuscumque*, vel iussu ipsius Principis concedentis privilegium, aut eius successoris, directe manifestato ei cui privilegium concessum fuerat. — 2.<sup>o</sup> Ex parte privilegiati, per renunciationem C. *Si de terra* 6. *De Priv.*, a concedente acceptatam; per non usum, seu contrarium usum, si ius laedant tertii, et hic legitime adversus ea praescripserit. Cf. Engel l. 5. t. 33. n. 19. seqq., Pirhing. ib. n. 176., Reiffenst. ib. n. 209. — 3.<sup>o</sup> Ex parte ipsius privilegii, concessi sub conditione, licet tacita, vel in diem, conditione expleta, et elapsa die. Privilegium autem *personale*, morte personae, cessat; *reale* interitu rei vel loci, vel dignitate et officio amissis. Cessante vero causa finali etiam in perpetuum privilegium non cessat, cum sit quaedam donatio, Suarez l. 8. C. 30. n. 2., nisi cesset *contrarie*, ita ut privilegium illicitum et iniustum evadat, Suarez l. c. n. 6. Enimvero, cessante mere *negative* causa, non ideo privilegium evadit inutile beneficium, ut e. g. privilegium oratorii privati, concessum infirmo vel personae in dignitate constitutae, sanitate recuperata, dignitate amissa. — L. 14.-17.

109. *Nota:* Nemo tenetur *per se* uti privilegio, quia unusquisque iuri suo renunciare potest; aliquando tamen *per accidens* privilegiatus obligatur

ad usum privilegii: 1.<sup>o</sup> Ratione caritatis; hinc peccaret qui habens facultatem absolvendi a reservatis, peccatorem in gravi necessitate positum audire nollet. 2.<sup>o</sup> Ratione boni communis, quando nempe privilegium non est personale sed reale, addictum loco vel dignitati, vel statui: sic clericus non potest renuntiare privilegio *canonis* aut *fori*, nec religiosus privilegio *exemptionis*. L. 2.

## IX. — CLERICORUM EPISCOPORUM REGULARIUM PRIVILEGIA

110. *Præcipua Clericorum Privilegia*. — 1.<sup>o</sup> *Privilegium fori*, quo a laicis magistratibus in civilibus et in criminalibus eximuntur. C. *Nullus* 2. *De For comp.* Competit hoc privilegium clericis constitutis in sacris, beneficiariis, aliisque, sive regularibus, sive secularibus, si tamen hi « clericalem habitum et tonsuram deferant, alicui Ecclesiae ex mandato episcopi inserviant, aut in aliqua Schola vel Universitate de licentia episcopi, quasi in via ad maiores ordines suscipiendos versentur ». Trid. S. 23. C. 6. de R. S. 25. C. 20 de R. Quare ecclesiastici gaudent 1.<sup>o</sup> exemptione circa suas personas, neque possunt a curia laicali iudicare et puniri: 2.<sup>o</sup> exemptionem etiam habent quoad propria bona, tam ecclesiastica, quam quocunque alio modo acquisita; unde respectu illorum non tenentur solvere ullum vectigal. Varia hic attendenda sunt *Concordata*. Cf. Schmalzgr. l. 2. t. 2. p. 80. seqq., Bened. XIV. De Syn. l. 12. C. 6. n. 5. L. 18. seqq., A. S. S. V. 2. p. 178. 431. 584.

2.<sup>o</sup> *Privilegium C. Odoardus* 3. *De Solut.*, ne Clericus nempe debitor condemnatur, si propter rerum inopiam debita solvere non possit, usquedum ad pinguorem devenerit fortunam.

3.<sup>o</sup> *Privilegium Canonis*, quo percussores clericorum excommunicationem incurrunt ipso facto Rom. Pontifici reservatam. C. *Apostolicæ Sedis de censuris*.

4. Hisce privilegiis spoliantur clerici, realiter degradati, itemque vilem artem exercentes; et ut laici incedentes, si tertio admoniti intra convenientem terminum non resipuerint, Clem. *Diocesanis* 1. *De Vit. et bon. Cleric.*; clerici tyrannidi seu enormitati sese immiscentes, dimisso habitu clericali, C. *Perpendimus* 23. *De Sent. excomm.*; clerici bigami, qui duas legitimas uxores aut viduam duxerunt. C. *Altercationis* un. *De Dig.* in 6.<sup>a</sup>, Cf. Trid. S. 23. C. 6. De R., Schmalz. l. 5. t. 39. n. 218.; clerici minoribus ordinibus constituti, qui clericalem habitum dimittunt, S. C. Imm. 20. Sept. 1860, clerici minores ordinati, Sede Vacante, intra annum a die vocationis, nisi benefici ecclesiastici recepti vel recipiendi occasione aretati fuerint. Trid. S. 7. C. 10. De R., etc. Cf. Comment. De Const. *Apostolicæ Sedis* n. 48. L. 24., l. 6. n. 827., A. S. S. V. 3. p. 433. 443. seqq.

5. Ecclesiis, publicis Oratoriis, Palatio Episcopali, Domibus Regularum, Hospitalibus, in quibus publica est Cappella, immunitas competit quoad delinquentium asylum, exceptis casibus comprehensis in BB. Gregor. XIV. et Bened. XIV. Omnes delinquentes, dummodo sint christiani, licet hæretici, aut interdicti, aut in carcere inclusi, qui ruptis carceribus ad prædicta loca confugerint, hæc gaudent immunitate, præter tamen casus in iure exceptos. Sicuti vero possunt superiores ecclesiastici extrahere proprios subditos ab Ecclesia, ita quoque, si opus sit, possunt eandem extrahere. Etenim curiæ seculari concedere. Varia item hic attendenda *Concordata*. — L. 25. seqq. Cf. Comment. cit. n. 55. Frassinetti Comp. Ed. 6.<sup>a</sup> V. 2. Nota 187.

111. *Privilegia Episcoporum præcipua*. — 1.<sup>o</sup> Episcopi, si crimen commiserint, quod vetitum sit sub poena Suspensionis vel Interdicti hæc



censuras non incurrunt, nisi et in ipsos latae sint nominatim. — 2.<sup>o</sup> Qui vero episcopos laedunt excommunicationem incurrunt, Rom. Pontifici speciali modo reservatam. C. *Apostolicae Sedis* de Censuris. — 3.<sup>o</sup> Ex ead. C. *Apost. Sed.* « Scilicet celebrantes vel celebrari facientes divina in locis ab Ordinario, vel delegato iudice, vel a iure interdictis, aut nominatim excommunicatos ad divina officia, seu ecclesiastica sacramenta, vel ecclesiasticam sepulturam admittentes, interdictum ab ingressu ecclesiae ipso iure incurrunt, donec ab arbitrio eius cuius sententiam contempserunt, competenter satisfecerint ».

112. *Quoad Missam.* — 1.<sup>o</sup> « Episcopus potest dispensare ad celebrandum in alio altari, aut Ecclesia non destinata a fundatore, quando adest aliqua iusta causa ». L. 60., l. 6. n. 329. — 2.<sup>o</sup> « Potest dispensare iustis de causis tam secum, quam aliis ad celebrandum post meridiem ». L. 61. l. 6. n. 344. — 3.<sup>o</sup> Celebrare possunt in domibus etiam laicis, in quibus occasione visitationis vel itineris hospitio excipiuntur, et cum in casibus a iure permissis, vel de speciali Sedis Apostolicae licentia absentes a domo propriae habitationis moram ideo faciunt in aliena domo per modum similis habitationis L. 63., l. 6. n. 358., De Angelis Praelect. iur. Can. t. 41. l. 3. n. 3. in fine. S. R. C. 22. Aug. 1818., Gard. 4547. Cf. Gattic. De usu alt. port. C. 7. — 4.<sup>o</sup> Facultatem concedere potest celebrandi extra Ecclesiam, in loco non sacro, et in domibus privatorum, si graves ad sint et proportionatae causae, et per modum *actus* transeuntis tantum. L. 64. l. 6. nn. 344. 359., Lucidi, de Visitat. Sacror. Limin. V. l. p. 97. n. 108.

113. *Quoad Confessionem.* — Possunt sibi eligere confessarium extra dioecesim, modo sit eorum subditus, et eum valent secum educere in diversa loca: at si non est subditus debet ab Ordinario suo esse approbatus. Idem possunt Cardinales, sed Romae tantum, etsi illum, quem elegerint, extra Romam secum possint educere. L. 65., l. 6. n. 565.

114. *Circa Censuras et Irregularitates.* — Possunt Episcopi per se, vel per alium specialiter deputatum absolvere subditos a casibus papalibus, occultis, exceptis iis qui *speciali modo* S. Pontifici reservantur. Ex Declar. S. Off. Inquis. 17. Iun. 1856. et 4. Apr. 1871. excipitur etiam, casus personae cuiuscunque sexus *falso denuntiantis* sacerdotem de sollicitationis crimine in confessione. Possunt item dispensare in omnibus irregularitatibus et absolvere ab omnibus suspensionibus incurring ob delictum occultum, excepto homicidio voluntario, aliisque delictis ad forum contentiosum. Trid. S. 24. C. *Licet*, C. *Apostolicae Sedis*, L. 29., l. 6. n. 593. 705., l. 7. n. 353. 392. 394. Probabiliter dispensare possunt in irregularitatibus etiam dubiis ex defectu. L. 29. Insuper dispensare possunt in irregularitatibus non occultis ex defectu natalium ad ordines minores et beneficia simplicia L. 49. Quoad inhabilitates iniunctas a Pontificibus in poenam, an possint dispensare controvertitur, et valde dubia res est. L. 59., l. 6. n. 705.

115. Notandum hic: 1.<sup>o</sup> sub nomine *episcoporum* venire etiam vicarios capitulares, Sede Vacante. L. 31. et l. 6. n. 595. — 2.<sup>o</sup> Nomine *subditorum* venire etiam peregrinos quoad facultatem absolvendi a casibus papalibus occultis, quia subiciendo se foro sacramentali iam fiunt sufficienter illorum subditi quoad istum actum. L. 32. 35. — 3.<sup>o</sup> Nomine delicti *occulti* intelligendum quodecunque delictum, quod aliquo modo possit celari, etiamsi in iudicio probari possit. L. 33. — 4.<sup>o</sup> Potest episcopus delegare generaliter aliis hanc facultatem. L. 34. 53. l. 6. n. 594. — 5.<sup>o</sup> Quoad homicidium « communis sententia est, posse episcopum dispensare, quando immineret periculum animae; aut alia causa gravissima, et difficile esset ad Pontificem habere recursum, etc. ». L. 51. 52. — 6.<sup>o</sup> Possunt praeterea episcopi absolvere, et delegare facultatem absolvendi etiam a casibus reservatis cum censuris ab aliis episcopis, quando

sunt occulti, modo illa censura lata sit per statutum vel per sententiam generalem: neque quis *in favorem* legis absolutionem petat. Ita Bonacina et alii ap. S. Alph. 35., idque S. D. approbare videtur.

116. Absolvere possunt percipientes *leviter* clericum; et si hi sint collegi liter conviventes, vel impediti Romam adire absolvi etiam possunt ab episcopo, si percussio fuerit *gravis*, non vero si fuerit *enormis*. L. 46. 47. Vani praeterea ipsis reservantur casus in C. *Apost. Sedis*.

117. *Quoad Ordines*. — Episcopus dispensare potest in interstitiis a Tridentino praescriptis quoad ordinationem clericorum, ut in eodem Trid. statuitur S. 23. C. 11. 13. De R. L. 59. l. 6. n. 775. 780. 789. Dispensatio interstitiorum ad episcopum pertinet etiam quoad regulares.

118. *Circa Matrimonium*. — Dispensare possunt. 1.<sup>o</sup> In bannorum publicationibus, L. 54., ac in impedimentis *impedientibus*, exceptis voto castitatis perpetuae, voto ingreditur Religiosis, sponsalibus et impedimento disparitatis cultus inter catholicos et haereticos, nec non rationabili parentum dissensu. — 2.<sup>o</sup> In impedimentis *supervenientibus*, contracto matrimonio, in ordine ad debitum petendum, v. g. si affinitatem ideo contraxerint, quod alteruter commercium carnale cum consanguineis alterius habuerit; vel si unus castitatem voverit, Imo Episcopus etiam dispensare potest coniugem a voto perpetuae castitatis, quod ante matrimonium emisit, ut iura matrimonialia exercere queat. — 3.<sup>o</sup> In impedimentis *dirimentibus* dubiis, L. 55. — 4.<sup>o</sup> *Per accidens* in impedimentis *dirimentibus certis*, tum ante, tum post contractum matrimonium, quando recursus ad Papam est valde difficilis, et adest periculum in mora, seu ubi instat periculum scandalum, infamiae, incontinentiae, etc. L. 56. 57. 58., l. 6. nn. 613. 1122.

119. *Quoad clausuram*. — « Episcopi sunt delegati Sedis Apost. ad tuendam clausuram monasteriorum monialium etiam exemptarum, earumque quae regularibus sunt subiectae ». L. 66. 67.

120. *Circa alias leges ecclesiasticas*. — Episcopi dispensare possunt pro casibus et personis particularibus, vel ad breve tempus, prout iam n. 92. dictum est. *Casibus et personis particularibus*; nam in iure communi cum tota communitate dispensandi facultatem episcopi non habent. Utrum vero possit episcopus dispensare in statutis canonicis non expresse reservatis, negativam sententiam omnino tenendam censuit S. Lig. l. 1. n. 191. Attamen idem S. D. in opere H. A. Tr. 2. c. 6. n. 58. sententiam affirmativam *satis probabiliter* dicit. Et in Append. de Privil. 71. haec habet « Potest probabiliter episcopus dispensare in omnibus, in quibus dispensatio non est specialiter Pontifici reservata ».

121. *Circa vota et iuramenta*. — Episcopi dispensare possunt: 1.<sup>o</sup> In omnibus votis simplicibus privatis, exceptis quinque Papae reservatis, nempe castitatis perpetuae, Religionis et peregrinationum ad Hierusalem, ad limina Apostolorum et ad S. Iacobum Compostellanum. — 2.<sup>o</sup> In omnibus iuramentis, si iuramenta excipias a tertio acceptata, quae metu aut fraude non interunt extorta. G. 125.

122. *Præcipua Regularium Privilegia*. — *Privilegiorum Communicatio*. — Omnes ordines regulares communicant in privilegiis aliorum ordinum, sive mendicantium, sive non; L. 1. 4. n. 60. « Hae religiones mendicantes communicant privilegiis ceterarum religionum, vel congregationum, vel collegiorum monasticorum vel non monasticorum... Et hoc valet etiam in privilegiis concessis alteri religioni, vel congregationi adsit clausula, quod non communicetur... Huiusmodi privilegiis perfruuntur tam conversi, ipsi enim vere religiosi sunt, quam novitii... fruuntur quoque religiosi ad episcopatum promoti, dummodo non agatur de rebus, quibus episcopi, si uterentur, aliquod religioni praeiudicium proveniret, ut esset habitatio in

monasterio, datio suffragii... tertiarii autem, et tertiariae, vel beatæ subditæ mendicantibus, et quæ habitum religionis deferunt, et votum habent castitatis... eorum quoque privilegiis gaudent, sed quatenus sunt capaces. Confratres seapularis, et cinguli, vocati *cardenis*, fruuntur tantum, et participant in omnibus indulgentiis et remissionibus peccatorum, sed non in alio. L. 9. Cf. Bouix T. 2. p. 76. seqq.

123. Moniales gaudent iisdem privilegiis (intellige de favorabilibus), quorum sunt capaces, religiosorum eiusdem ordinis. Ratio, quia cum ipsae vivant sub eadem regula, sunt pars ordinis, et ideo ordinis privilegiis merito gaudere debent. L. 10., l. 4. n. 60, 61, 63. Hinc potest abbatissa dispensare in ieiuniis, officio, etc. iuxta privilegia sui ordinis praelatis concessa; quia, licet ipsa non possit per se dispensare defectu auctoritatis spiritualis, potest hoc tamen praelati commissione, quæ præsumitur ei facta, statim ac fuit electa in abbatissam. L. 1. 4. n. 61.

124. Privilegia alicui loco vel personæ concessa non tanquam personæ particulari, sed tanquam communitatis membro, intelliguntur quoque concessa ceteris locis et religiosis eiusdem dignitatis et gradus, tam illius ordinis, quam aliorum qui communicationem habent, quando scilicet eadem, vel similis ratio militat. L. 11.

125. Privilegia non communicantur: 1.<sup>o</sup> quando sunt odiosa vel contraria propriis statutis, adeo ut præiudicent bono sive communi observantiae religionis; 2.<sup>o</sup> quando conceduntur alicui personæ privatae, vel alicui congregationi, sed ad tempus determinatum, vel per Brevia particularia, vel ob rationem particularem, quæ in cæteris locum non habeat, vel de re exorbitanti quæ difficile solet concedi et speciali commemoratione digna; vel, ex Decr. Gener. S. C. R. 20. Mart. 1706., de iis quæ respiciunt missas et officia. L. 11.; 3.<sup>o</sup> non communicatur item privilegium suscipiendi sacres ordines a quolibet episcopo. Bened. XIV. C. *Impositi nobis* 27. Febr. 1747. par. *Quod vero*.

126. Privilegia, religiosis familiis a Iure Can. vel a S. Sede concessa, solis compentunt superioribus, qui ea prout suæ prudentia subditis communicant. G. 176. Quare possunt iisdem praelati auferre vel limitare subditis usum privilegiorum. L. 6., l. 4. n. 64.

127. Privilegia, « quæ sunt concessa alicui ordini, conventui, communitati, aut ad aliam piam causam, omnia sunt interpretanda non modo late, sed etiam latissime, etiamsi adversentur Iuri Communi, vel alicui tertio. Privilegia enim, communitatibus concessa, præsumuntur omnia esse remuneratoria servitorum præstitorum, et ideo omnia habentur tanquam favorabilia ». L. 8.

128. Episcopi caeterique praelati saeculares prohibentur, ne præfata privilegia *iuridice* et *authentice* interpretentur. Si quod dubium oriatur, de eo iudicetur inter homines peritos, vel Sedes Apostolica consulatur. Generales religionum pro toto ordine nedum doctrinaliter, sed etiam *iuridice* et *authentice* privilegia interpretantur, ita ut omnes subditi teneantur stare illorum interpretationi, quando vel leges et consuetudines, vel privilegia interpretantur. Eadem facta fuit potestas praelatis regularibus, etiam pro immediatis, sed prudenter et ex consilio peritorum procedant, ut possent foro conscientiae Auctoritatae Apostolica omnia dicta authentice ac iuridice interpretari ac declarare. L. 6.

129. *Quoad exemptionem*. — Regulares habent privilegium exemptionis a iurisdictione episcoporum. Quare praelati regulares habent in suis Praelatis et monasteriis iurisdictionem, quasi-episcopalem, tam quoad personas, quam quoad loca. L. 72. — Privilegio exemptionis gaudent non tantum professi et conversi, sed etiam novitii et tertiarii, qui intra claustra com-



morantur; item quoad censuras, sacramenta, et sepulturam famuli regularium, qui actu famulantur, et quasi de familia ac perpetui commensales intra claustra monasteriorum resident haud secus ac ipsi conversi. Trid. S. 24. C. 11. L. 74. — Exemptio ista universalis non est, sed plures habet exceptiones. Cf. Ferraris, v. *Regulares* art. 2. L. 75.-91.

130. Communiter loquendo, certum est, extra loca Missionum, exemptas esse a visitatione episcopi, tam personas, quam monasteria, et Ecclesiam regularium, dummodo in illis degant saltem duodecim vel sex religiosi. Excipe vero: 1.<sup>o</sup> Ecclesias saecularium, quarum parochus sit religiosus. Cf. Lucidi V. 2. p. 4. seqq.; 2.<sup>o</sup> Ecclesias regularium, si sint parochiae, verumtamen quoad ea tantum, quae ad paroeciam et parochum, quatenus id gerit officii, spectant. L. ib. Cf. Bened. XIV. C. *Firmandis* 4. Nov. 1744. Leonem XIII. C. *Romanos Pontifices* 8. Maii. 1881. Bona item religionum exempta sunt ab episcopi iurisdictione. Administratores vero monasteriorum monialium rationem reddere debent episcopo, administrationis bonorum. — L. 79. 80. 81.

131. *Quoad Eucharistiam*. — 1.<sup>o</sup> Regulares praeter *Ecclesias publicas* habent etiam *Oratoria privata*. Porro alios admittere possunt in utrisque tum ad celebrandum tum ad missam praeceptam audiendam. Bouix p. 191. 196. L. 62. 121. l. 6. n. 357. — 2.<sup>o</sup> Necessaria est regularibus etiam exemptis Ordinarii licentia, ut possint SS. Sacramentum *detectum publice* exponere: eaque vero minime requiritur, sive pro exponenda sacra Eucharistia *relata*, adstante populo, sive pro exponenda *detecta*, exclusis saecularibus. Bouix p. 212. seqq. — 3.<sup>o</sup> Ex CC. Iulii II., Pauli III. et S. Pii V. regulares sunt quod die et singulis fidelibus SS. Eucharistiam distribuere aiae, *tamen die Paschae*. Nullatenus ab episcopo prohiberi possunt quominus SS. Eucharistiam in suis Ecclesiis distribuant a *Pascha* usque *ad Dominicam in albis*. Sic. S. C. 9. Iul. 1644. Cf. Bened. XIV. de Syn. l. 9. C. 15. L. 123. — 4.<sup>o</sup> « Possunt regulares celebrare una hora ante auroram; quare valent celebrare missam tribus horis ante solis ortum. Imo, cum adest aliqua iusta causa, possunt celebrare immediate post duas horas post mediam noctem. Eoque valet tantum pro Ecclesiis propriis: in quibus tamen possunt huiusmodi privilegio uti etiam sacerdotes saeculares. Insuper Eugen. IV. concessit regularibus licentiam celebrandi tribus horis post meridiem, iuxta tamen ex causa » L. 122. Salmant. Tr. 15. C. 7. P. 4. n. 94. 95. Pellizzar. Manuale Regul. Tr. 8. C. 2. n. 97. Oppositum vero tradit idem S. D. l. 6. n. 312. Ceterum hoc posteriori in loco n. 344. facultatem S. D. affirmat adesse omnibus superioribus dispensandi in aliquo casu particulari ex rationabili causa circa horam missae, « secluso privilegio, erga suos religiosos, cum sint eorum Ordinarii ». — 5.<sup>o</sup> Habent mendentibus, solum superiores sive praelati, privilegium benedicendi sacras vestes. L. l. 6. n. 376. — Cf. L. l. 6. n. 239. 240. 300. 360. 363. 378. 381., H. A. Tr. 12. n. 41. Lugo de Euchar. D. 18. n. 49.-50., Diana Tr. 2. de praec. div. et eccles. Commun. Sacram. R. 22. 23.

132. *Quoad Confessionem*. — 1.<sup>o</sup> « Cum saecularibus, conceditur facultas deligendi sibi *confessarium* semper supponitur quod sit ab episcopo approbatus; sed regulares ex expressa, aut tacita sui superioris licentia possunt confiteri cuicunque simplici sacerdoti. . . Quare omnes superiores regulares possunt sibi eligere in confessarium quemlibet sacerdotem ». L. 110. — 2. *Quoad casus*, in ordine reservatos, absolvendos, iuste superior facultatem *eligere potest et debet*, si agatur *de damnificatione aliorum*, i. e. quando scandalum vel quodvis damnum forte immineret vel religioni, vel domui, vel alteri, vel ipsi poenitenti; nec aliter occurri illi posset, nisi rei notitiam superiori praebendo. L. l. 6. 586. Verum, « si superior confessorio regularium, ad hoc deputato, neget facultatem absolvendi, confessarius autem iudicet debere concedi, potest *is alia vice* absolvere » i. e. *toties quoties*

casus iste contigerit. Constat ex Decreto Clem. VIII. Cf. Ferraris *Prælatas Regularis* n. 58., Pellizar. de Monial. c. 9. n. 29. — 3. Regulares exempti reservationi episcopali non subiacent, cum exempti sint a iurisdictione episcopi. Imo neque novitii, neque familiares regularium reservationi episcoporum subiacent. Sic ex B. *Superna* Clem. X. Si vero novitius inciderit in casum reservatum ante ingressum in religionem a confessorio religionis ex privilegio absolvi poterit. L. 1. 6. n. 583. 602., Reliqua in Tr. De Poenitentia. Cf. L. 102. 103. 111. 112.

133. *Quoad Ordines.* — 1.<sup>a</sup> « Regulares non recipiant litteras dimissoriales ab episcopis, sed ab eorum superioribus, aliter graviter peccant, et incurrunt suspensionem ». — 2.<sup>a</sup> « Possunt ordinari *extra tempora* ». L. 113. 115. Reliqua in Tr. De Ordine.

134. *Quoad prædicationem.* — 1.<sup>a</sup> Extra ecclesias suorum ordinum prædicare non possunt regulares absque obtenta licentia episcopi. — 2.<sup>a</sup> In ecclesiis vero sui ordinis prædicare possunt, petita episcopi benedictione, etiamsi eam non obtinuerint, modo tamen episcopus non contradicat. — 3.<sup>a</sup> Potest episcopus licentiam concessurus regularibus, in ecclesiis quæ suorum ordinum non sunt prædicare volentibus, illos, quamvis ab universitatibus aut a magistratibus laicis nominatos, etiamsi episcopi antecessores per tempus inmemorable hanc licentiam absque examine concedere consueverint, quoad doctrinam examinare, si ita ipsius arbitrio, quod moderatum et discretum esse debet, visum fuerit. In ecclesiis vero suorum ordinum prædicare vestes, non spectat ad Ordinarium eos examinare, sed ad eorum superiores. <sup>ob id</sup> Potest episcopus licentiam prædicanti semel iisdem concessam, <sup>ob exhibitas</sup> causas, licet occultas, prædicationem tamen concernentes, suæ, <sup>vel, ex Dec.</sup> potest tamen episcopus prohibere generatim regularibus, qui in ecclesiis suorum ordinum prædicant. Bouix p. 148. 263. seqq., L. 124. seqq.

135. *Quoad censuras ecclesiasticas.* — 1.<sup>a</sup> Revocatis privilegiis absolvendi a casibus papalibus per C. *Apostolicæ Sedis*, possunt adhuc absolvi a casibus per eandem Const. Episcopis reservatis; et a censura canonis, uti ante prædictam Const. — 2.<sup>a</sup> Omnes regulares utriusque sexus tempore interdicti generalis possunt privatim in suis monasteriis divina peragere, ac sacramenta suscipere; et possunt etiam publice celebrare in pluribus festis, Paschatis, Pentecostes, etc. Cf. L. 95. seqq., l. 4. n. 61.

136. *Quoad irregularitatem.* — 1.<sup>a</sup> « Regulares valent dispensare cum  *suis subditis* in omnibus irregularitatibus occultis, in quibus possunt Ordinarii dispensare cum suis diocesanis. Et idem possunt cum secularibus ». L. 104. — 2.<sup>a</sup> « Possunt præterea dispensare  *cum subditis* in quacunque irregularitate, aut ob delictum, aut ob defectum ». L. 105., Frassinetti *Comp.* 6.<sup>a</sup> ed. vol. 2. n. 681. Loc. cit. S. D. ad particulares casus mox descendit; et ita concludit: « Ultimo possunt regulares dispensare cum  *suis subditis* in omnibus inhabilitatibus et poenis contractis ratione delicti... etsi illæ reservatæ sint Pontifici ». Cf. L. 1. 7. n. 355. 358. 364. 366.

137. *Quoad ius sepeliendi.* — Quando regularis defunctus sepeliri nequit in conventus ecclesia, obstante v. g. lege civili, possunt regulares cadaver ad commune coemeterium deferre, cum stola et cruce conventus, absque interventu ullius parochi, dummodo tamen cadaver deferatur absque solenni pompa et recto tramite ad coemeterium. Res decisa fuit in causa Ordinis Prædicatorum 24. Jan. 1846. Idem ius monialibus exceptis competit: quare ad eorum confessorium pertinet funus ducere, parochio excluso. Bouix p. 345. Porro solemnitas, quæ prohibetur non consistit in cantu, sed in concursu populi, in assistentia Ministrorum sacris paramentis indutorum, etc. S. C. EE. et RR. 26. Febr. 1864. declaravit: « Religiosos dispersos quoad ius

nera subesse parochi loci prouti caeteri parochiani ». A. S. S. V. 1. p. 168. Cf. L. 91. seqq.

138. *Quoad iuramenta, vota, et impedimenta matrimonii.* — « Confessarii mendicantium, et caeteri regulares communicantes, potestatem habent irritandi, remittendi, et dispensandi iuramenta, ac vota, in quibus valent *de iure ordinarii* dispensari episcopi cum suis subditis. Possunt insuper dispensare cum coniugibus quoad impedimentum ad petendum debitum, propter incestum commissum cum consanguinea coniugis. Animadvertendum est autem hic, quod confessarius debet in hoc obtinere licentiam specialem, saltem a superiore sui monasterii ». L. 108. 109. l. 4. n. 257. Cf. l. 6. n. 1076. 1127. « Possunt praeterea dispensare cum coniugibus in voto castitatis elicto ante et post matrimonium ». L. 109. l. 6. n. 987. Demum improbable eidem S. D. non est, quod plerique affirmant, posse nempe in casu necessitatis dispensare cum sponsis, ut possunt episcopi, in voto castitatis ad contrahendum matrimonium, l. c. et l. 4. n. 258.

139. *Quoad alia praecepta ecclesiastica.* « Praelati regulares habent potestatem dispensandi cum  *suis subditis*  in praeceptis ecclesiasticis, ut possunt episcopi cum suis diocesanis. . . Et idem valet quoad regulas religionis ». L. 106. n. 107. l. 4. nn. 63. 64.

140. *Quoad indulgentias.* — « Omnes regulares professi gaudent indulgentiis concessis cuicumque ordini religioso », L. l. 4. n. 64., secundum nempe Br. Le n. X. *Datum per Nos accepto* 10. Dec. 1519., et Br. Pauli V. *Romanus Pontifex* 23. Maii. 1606., exclusis ab hac communicatione indulgentiis exclusive propriis uniuscuiusque ordinis. S. C. Indulg. 25. Apr. 1755. Theod. a Spiritu S. P. 2. p. 88. seqq. p. 114. *Recentiores moniales* votorum simplicium, in Gallia, antiquorum ordinum religiosorum, ex speciali iussu. « lucrari possunt indulgentias omnes, quae religioni seu instituto aliarum monialium, solennia vota emittentium secundum institutum, seu regulam respectivam concessae fuerunt ». S. C. Indulg. 10. Iul. 1843., S. Poenit. 12. Iul. 1847. — Notandum insuper est, quod privilegia personalia, et indulgentiae, in ecclesiis regularium, pulsus religiosi, evanescent, quamvis in ecclesia aliquis religiosus, quasi cappellanus, aut custos, remanserit. Privilegia vero realia, velut ius tumulandi, religioso inibi relicto cappellani vel custodis nomine, ab hoc exerceri debent. S. C. C. 29. Maii 1841., 29. Aug. 1864., 16. Sept. 1871., S. R. C. 20. Dec. 1864., S. C. Indulg. 24. Maii 1849. A. S. S. V. 1. p. 587., V. 4. p. 228., V. 7. p. 34. Itemque « Notandum, privilegium altaris privilegiati non esse communicabile per generalem communicationem privilegiorum ex decreto S. C. Indulg. d. 5. Febr. 1748., et approbato a Benedicto XIV. 2. Mar. eiusd. an. ». L. l. 6. n. 339.

## X. — DE RESCRIPTIS

141. *Quid sit Rescriptum; Quae eius necessariae conditiones?* — Privilegia et Dispensationes per Rescripta plerumque solent concedi. Rescriptum est  *Responsum scriptum*  Principis; et aliud est  *iustitiae*  ad lites finitendas, aliud  *gratiae*  quod Principis continet beneficium. — Ut rescriptum valeat necesse est, ut in supplici libello nulla sit substantialis subreptio, nisi  *motu proprio*  concedatur, vel obreptio, quamvis  *motu proprio*  concedatur, quia potest tunc superior decipi.  *Subreptio*  est reticentia veri necessarij exprimentum,  *obreptio*  expositio falsi. Quare subreptio habetur nisi exprimentur ea  *annua*  et  *sola* , quae ex iure seu ex stylo Romanae Curiae



exponi debent, C. *Quam gravi* 6. *De Crim. fals.* Cf. Sanch. De Matr. l. 8. D. 21. n. 10. etc. *Omnia*, neque ignorantia seu bona fides excusat. *Sola*, secus nulla amplius gratia tuta, et certa esset. — *Obreptio* vero habetur si causa *motiva*, quae nempe *moet* seu *determinat* ad dispensationem sit falsa. Ac si plures exponantur et aliquae tantum sint falsae valet dispensatio, si una saltem sit vera. Causa vero *impulsiva*, quae nempe tantum *iuvat* ad dispensandum addita *motivae*, etsi sit falsa, dispensationi non nocet: siquidem ea clausula: *si vera sint exposita*, C. *Ex parte* 2. *De Reser.*, ad causam motivam non impulsivam refertur. Idemque datur si plures addantur causae impulsivae falsae. Verum si unica exponitur causa sive *motiva* sive *impulsiva* falsa, vel si plures exponantur tantum causae impulsivae falsae, quae omnes simul pro una *motiva* computantur, rescriptum non valet, si una tantum sit falsa. — Si rescriptum sit in forma *gratiosa* subreptio et obreptio censenda tantum est adesse, si adsit tunc cum gratia conceditur, seu rescribitur. Quare tunc causa adesse debet, et ea clausula verificari debet: *si vera sint exposita*. Si vero rescriptum sit in forma *commissoria* causa adesse debet tunc cum a delegato gratia conceditur. Ratio est, quia praedicta clausula verificari debet tunc cum gratia conceditur. Atqui gratia conceditur quando conceditur a delegato, non quando datur a superiore mandatum delegato eam concedendi. Atque hoc clarum omnino est, si delegatus sit *executor voluntarius*, siquidem tunc delegatus reapse gratiam concedit, nomine delegantis. Verius autem est si delegatus *executor sit necessarius*, siquidem etiam tunc superior gratiam non concedit, cum mandat eam concedi, sed tunc cum delegatus eam communicat ipse revera concedit non delegatus. — L. 178. 181, 185., Struggl q. 4. n. 14. 16., Sanch. De Matr. l. 8. D. 21., Ball. Palm. V. 1. n. 311. seqq., n. 340. seqq.

142. *Resolves*: 1.<sup>o</sup> Invalida est dispensatio, quoties in postulato irrepsit error circa causam motivam, aut circa obiectum ipsum dispensationis, sive culpa oratoris aut alterius, sive etiam ex mera inadvertentia id evenierit: v. g., si ponas in petitione impedimentum affinitatis loco impedimenti consanguinitatis, vel tertium gradum pro secundo; secus tamen si ponas 2.<sup>um</sup> pro 3.<sup>o</sup>, quia minor gratia in maiori eiusdem generis continetur. L. 185. 202. l. 6. n. 1131. — 2.<sup>o</sup> Valet dispensatio, si error irrepsit in rescripto superioris, v. g., incuria secretarii, quia concessionem iam factae supervenit, et superior sic concedit: *Fiat ut petitur*. — 3.<sup>o</sup> Valet dispensatio ex iusta causa concessa alicui improbo, quem probum reputavit superior, etsi cognita improbitate, non fuisset dispensaturus, quia probitas non reputatur causa *motiva*, sed mere *impulsiva*. Excipe, nisi quis motus fuerit ob probitatem. — Valet etiam, si causa falsa tempore petitionis, vere fiat tempore concessionis; sive haec immediate fiat ab ipso superiore, sive mediate per delegatum, sed non vice versa. — 4.<sup>o</sup> Valet dispensatio concessa a superiore, licet ab inferiore iam fuerit negata, nec huius negationis mentio fiat. — Imo etiam probabiliter valet, si a superiore negata, ab inferiore concedatur; quia potestas inferioris non est restricta per negationem superioris, nisi hic expresse eam restringat. — A fortiori valet dispensatio ab uno superiore negata et ab eius successore negationis ignaro data. Ratio est, quia successor eandem habet potestatem ac praedecessor, nec regitur per iudicium et voluntatem illius. — Valet etiam dispensatio prius negata, et postea ab eodem superiore rei immemore concessa. Nullo enim pacto rationi consentaneum est, quod superior dispensationem velit negare ob solam hanc rationem quod alias negaverit. Nam si reapse iusta adsit causa potius decet priorem rigorem temperare quam illum firmare. L. l. 4. n. 50.

143. *Quaenam sint a Delegato praestanda in Rescriptorum executione?* — 1.<sup>o</sup> Mandatum adeoque iurisdictio in delegato nondum habetur usquedum autographae mandati litterae ad ipsum pervenerint. C. *Super eo* 12. *De Appell.* Sanch. De Matr. l. 8. D. 29. n. 10. Sufficere, tamen videtur, si li-

teras ad vicarium generalem missas officiales curiae acceperint et legerint, eique renunciaverint; siquidem *Officiales* ad idem *Officium* pertinent. Ac si in longinquas regiones litterae essent mittendae, et periculum esset in mora sufficere etiam putat D'Annib. 341., si per telegraphum renunciatum fuerit rescriptum expeditum fuisse. — 2.<sup>o</sup> Explorare debet, an vera sint exposita. Si exploratio omittatur, et in mandato clausula habeatur: *si preces veritate nitantur*, dispensatio valet, siquidem haec clausula non inducit *novam formam substantialem*, sed tacite inest. Si vero clausula habeatur: *si preces veritate niti repperis*, tunc prima sententia tenet adhuc valere: dummodo verae sint reapse; siquidem dispensatio propter causam motivam non propter huius notitiam datur. Neque vero hac clausula *nova inducitur substantialis forma*: nam tacite etiam ipsa inest. Hanc sententiam receptissimam vocat Navarr. C. 27. n. 37, et magnam aequitatem habere dicit D'Annibal. 241. Verum secunda communior sententia, et tenenda, affirmat illa clausula *novam induci substantialem formam* adeoque, exploratione omissa, irritam esse dispensationem. Ac, quoad impedimenta matrimonii in particulari, S. Alph. l. 6. n. 1131. causarum verificationem ad validitatem dispensationis pertinere affirmat, ex C. Bened. XIV. *Ad Apostolicam servitatem* 10. Mart. 1742. Inquisitio autem non iuris ordine necessario est facienda: sed sufficit summaria et extraiudicialis in foro exteriori. Ac in foro interiori fides oratori habenda est. Trid. S. 22. C. 5. De R., Sauch. De Matr. l. 3. D. 33. n. 4., l. 8. D. 34. n. 21. seqq., De Iustis l. 1. C. 6. n. 249., Bened. XIV. Not. 87. n. 34. — 3.<sup>o</sup> Mandato *per se* defungi debet, pro eo dumtaxat casu, qui in mandato exprimitur. C. *Suscriptum* 6. *De Reser.* in 6.<sup>o</sup>, C. *Cui* 27. *De Praeb.* in 6.<sup>o</sup> — Cf. L. 202. seqq.

## DE PECCATIS

### I. — DE NATURA PECCATI

1. *Quid sit peccatum?* — Cum peccatum sit actus humanus malus, recte a S. Augustino definitur: dictum vel factum vel concupitum contra legem aeternam. S. Th. 1. 2. q. 71. a. 6. *Contra legem aeternam*, quia omnis lex sive humana sive divina ab hac lege vim suam habet: quia nulla potestas est nisi a Deo: quia nulla legis transgressio peccatum esset nisi Deum offenderet: quia in hoc quod dicitur *contra legem aeternam* tangitur aversio a fine et omnes aliae inordinationes. — Peccatum est *formale*, si lex libere et scienter violatur: est *materiale*, si transgressio legis prorsus involuntaria sit. — L. 1. 11., S. Th. De Malo q. 2. a. 1. 2., l. 2. q. 71. a. 6. ad 5, q. 87., q. 76. a. 2. ad 1., 2. 2. q. 20. a. 3.

2. *An ad peccatum actuale requiratur necessarium actualis advertentia et consensus voluntatis?* — R. Affirm. Peccatum enim est libera transgressio legis. Atqui non potest haberi *actualis* transgressio libera sine *actuali* voluntatis actu, vel *hic et nunc*, vel *in causa*. Nequit item haberi *actualis* transgressio legis libera, quin aliquo modo, vel *hic et nunc*, vel *in causa*, saltem in confuso advertat quis *peccatum*: nihil enim volitum, quin praecognitum. — Sed qui *hic et nunc* ignorat, nihil advertit, nihil dubitat, *hic et nunc* nihil peccat, quamvis forte ignorantia vel inadvertentia fuerit culpabilis *in causa*. Si enim antea praeviderit effectus ignorantiae suae vel inadvertentiae, eius quod facit reus est quidem *in causa*, sed non nisi *in*

*causa.* — L. 1-5. 10., S. Th. 1. 2. q. 76. a. 3., De Malo q. 2. a. 1. 2., q. 7. a. 6.

3. *Resolves:* 1.<sup>o</sup> Nullum peccatum habetur, si perturbetur usus rationis et tollatur libertas, ut in vehementissimo motu irae: si advertentia habeatur sed desit consensus voluntatis, ut in pravis motibus contra castitatem quousque displicent: si advertentia habeatur et consensus, sed non ut in rem malam, v. g. si quis die abstinence carnes advertenter quidem et voluntarie omnino comedat, sed nihil de praecepto Ecclesiae cogitans L. 2. — 2.<sup>o</sup> Actus humanus non nisi eam habet malitiam, quae apprehenditur. Quare, si in aliqua re multiplicis malitiae, unius tantum speciei malitia advertatur, haec tantum contrahitur. L. 1. 1. n. 168. Itemque si negligentia e. g. ebrietatem, aut eventus ex ea sequi solitos praecavendi fuerit tantum venialis, etiam mala, quae praevideri poterant, venialia tantum sunt. Cum non in se, sed in causa sint libera, non possunt habere maiorem culpam, quam in ipsa causa. L. 4.

4. *An peccatum actu tantum interno, vel etiam eterno continetur?* — Peccatum formaliter actus internus voluntatis est. Nam peccatum secundum sui naturam, non nisi a libera voluntate et in voluntate proprie est. « Peccatum, ait S. Th. De Malo q. 3. a. 1., secundum quod proprie in moralibus dicitur, habet rationem culpae, et provenit ex eo quod voluntas deficit a debito fine, per hoc quod ad indebitum finem tendit ». Actus alius internus, et actio exterior aliarum facultatum, obiectum actus interni voluntatis, huius quasi complementum sunt. Ex illo enim interno voluntatis actu, et actu interno aliarum facultatum, vel exteriori actione, unum totale concretum morale efficitur, ille enim alius internus actus, vel exterior actio, qua actus morales, tota quanta sunt, pertinent ad ipsum individuum morale actus interni voluntatis, cui substant, et a quo suam esse morale accipiunt. Peccatum ergo inchoatur actu voluntatis interno, perficitur et consummatur actu alio vel alia actione aliarum internarum vel externarum facultatum. Hinc cum pars essentialiter differat a toto, peccatum quod solo interno voluntatis actu continetur essentialiter differt, moraliter loquendo, a peccato quod actu alio interno perficitur alterius facultatis internae, vel quod usque ad opus externum prodeat, quod consequenter necessario in confessione est accusandum. Unde non sufficit voluntatem homicidii confiteri, sed necesse est confiteri etiam ipsum homicidium commissum. S. Th. 1. 2. q. 72. a. 7., q. 74., q. 75., L. 5.

5. *Quaenam sint peccata mere interna voluntatis?* — Peccata omnia quae interiori tantum voluntate committuntur facile reduci possunt ad desiderium et delectionem. *Desiderium* est propositum alicuius rei, seu actus voluntatis, qua bonum aliquod assequi volumus. Aliud est *efficax*, et est propositum absolute de se efficax, unde est quod quis media reapse suscipit ad ducendum illud ad effectum. Aliud est *inefficax*, et est propositum conditionate tantum efficax, quod nempe quis exequeretur si posset, v. g. si possét furari thesaurum Ecclesiae, furaretur. Porro desiderium rei malae malum est: siquidem unum idemque est obiectum actionis et desiderii. Hinc pravum desiderium speciem habet ac malitiam peccati mortalem vel venialem, quam habet exterior res, in quam fertur. Scilicet desiderium eo tendit absolute vel saltem conditionate, ut rem exequatur, eamque realiter existentem constituat. Atqui si quis rem vere exequeretur contraheret omnem malitiam tum obiecti tum circumstantiarum. Ergo idem dicendum, si quis affectu et desiderio rem prosequatur: cum enim hic desiderii affectus coniungatur cum ipsa existentia obiecti, coniungitur necessario cum omnibus ipsi obiecto necessario connexis. Quare Titius rem habens cum Caia uxore aliena, committit adulterium, si norit eam esse alienam, etiamsi nollet esse alienam, eodem modo desiderans Caiam uxorem alienam, adulterii etiam reus est, si norit esse alienam, et etiamsi nollet esse alienam, quia desiderium



tendit, ut ipsa executio, in idem opus existens, adeoque concretum omnibus suis circumstantiis. Hinc in confessione e. g. desiderii fornicandi declarandae sunt circumstantiae consanguinitatis, matrimonii, voti castitatis personae, etc. L. 12.

*Delectatio simplex* quaedam voluntatis quies et complacentia est *ex praesentia* boni convenientis aut secundum rem possessi, aut secundum cognitionem et apprehensionem. *Delectatio a gaudio* proprie non differt, nisi quatenus *gaudium* potius dicitur delectatio appetitus rationalis, et *delectatio* potius dicitur illa, quae est appetitus sensibilis cum quadam corporis transmutatione, et quae *delectatio* etiam *sensibilis* appellatur, et si est cum transmutatione organorum ac spirituum generationi inservientium *delectatio venerea* nuncupatur. S. Th. 1. 2. q. 31. a. 4., q. 72. a. 2. Sanch. in Dec. 1. 1. C. 2. n. 33. Secundum autem S. Alph., 15., ut *desiderium* respicit tempus *futurum*, et opus *patrandum* ita *gaudium* respicit tempus *praeteritum*, nempe cum quis sibi complacet de malo opere *patrato*, et *delectatio* respicit tempus *praesens*, videlicet quando quis per *imaginationem* et *cogitationem*, sibi reddit praesens opus peccati, e. g. fornicationem, et de illa deliberato consensu delectatur, tanquam si actualiter fornicaretur, sine tamen desiderio illam exequendi. *Delectatio morosa rei pravae* peccatum est, quia delectatione inest dilectio. Nunquam enim res illa prava delectaret, nisi ipsa secundum se amaretur. Suarez De Pecc. D. 5. S. 7. n. 5. *Delectatio morosa*, delectatio voluntaria est; morosa enim dicitur non ob necessariam alicuius temporis moram: sed ob necessarium voluntatis consensum. Non enim: delectatio, sed consensus in delectationem peccatum est. S. Th. 1. 2. q. 74. a. 6. 8. *Rei pravae*; delectatio enim duplex est. Alia est de opere pravo, ita ut opus malum sit obiectum delectationis, quae semper mala est: alia est delectatio de cogitatione obiecti mali, ita ut non opus malum, sed ipsa cogitatio de opere malo sit per se obiectum delectationis. Et haec vel potest esse bona, si adsit iusta causa cogitandi v. g. causa studii, consultationis, etc., cum abominatione obiecti, vel potest esse venialiter mala, si fiat ex curiositate, etc., vel potest esse aliquando etiam graviter mala, si adsit periculum proximum consensus. S. Th. De Verit. q. 15. a. 4., L. 16. 17. *Delectatio morosa rei pravae*, prout delectatio a *gaudio* secundum tempus distinguitur, malitiam et speciem habet secundum varietatem tantum obiectorum mente exhibitorum. Simplex enim delectatio non tendit in obiectum ut in re ponendum, sed in eo quiescit, ut repraesentato per intellectum. Atqui intellectus abstrahit ab aliis proprietatibus obiecti praeter illam, quae delectationem movet. L. 15. 28. *Gaudium*, vero, ut desiderium, malitiam et speciem induit tum obiecti tum circumstantiarum ipsi realiter annexarum. Gaudium enim, cum sit volitio sibi complacens, adeoque approbens rem praeteritam, in eam fertur qualis in se extitit, suis nempe circumstantiis vestitam. Hinc in recordatione et complacentia praeteritorum peccatorum necesse est in confessione declarare naturam et specificas circumstantias obiecti. L. 15. *In recordatione et complacentia*. Peccatum enim non habetur simplici peccati, olim commissi, recordatione, eo quod illud neque placeat neque displiceat recordanti, quia nulla lege iubemur peccatorum pluries poenitere, si eius iam egimus poenitentiam, vel hic et nunc poenitere, si nondum eius poenituerimus. Laym. De Poenit. D. 2. S. 8., Sporer De Poenit. n. 192.

6. *Resolves*: 1.<sup>o</sup> Gaudere de *modo*, e. g. novo, callido, strenuo quo res confecta est, illicitum non est, cum obiectum delectationis malum non sit. L. 18. — 2.<sup>o</sup> « Amplius, si res, *sic ut accidit*, non sit mala, ne materialiter quidem, nec alteri noxia, eam desiderare non est per se illicitum: quamvis *alias* esset intrinsece mala; v. g. pollutionem, quae in somno naturaliter evenit ». D'Ann. P. 1. n. 275. (18.). *Desiderare*, nempe simplici affectu et sine ulla cooperatione. Si autem licet desiderare licet etiam gaudere de illa iam facta. Ratio est « quia quod licitum est desiderare ut fiat, licitum etiam est de eo gaudere, quod factum sit, et contra si fas est gaudere de facto, etiam

licitum est desiderare ut fiat: haec enim sunt eiusdem moris: nam gaudium necessario resultat ex bono desiderato obtento, et supponit vel implicite includit desiderium ». Lessius De Iust. et Iur. l. 4. C. 3. n. 104. « Ego tamen, ait idem Lessius l. c., huiusmodi desideria admitti cupiam non sunt auct. : tum quia etsi per se mala non sint, tamen imperfectum indicant castitatis affectum, tum quia sanctiora remedia et a sanctis viris usurpata non desunt. Idem dixerim de gaudio. Cavenda quoque in omnibus huiusmodi, ut iam saepe monuimus, omnis cooperatio est periculum consensus ». Billuart Tr. De Temp. Diss. 6. a. 4. Obi. 3.<sup>a</sup>, S. Th. 2. 2. q. 154. a. 5. Cf. L. 12. 20. — 3.<sup>o</sup> Non est peccatum, *per se loquendo*, saltem mortale, si coniuges delectentur, *appetitu tantum rationali*, de actu coniugii praeterito, futuro, vel possibili, respectu compartis praesentis vel absentis. Idem dicendum, si sponsus desideret copulam futuram, aut de ea pariter *rationali tantum appetitu* delectetur, vel vidua de praeterita, secluso periculo consensus in delectationem venerem, quae ex illa consurgat. Ratio, quia hi actus habent obiectum licitum. Pleni tamen periculo sunt propter praedictam venerem delectationem ex illis saepe exurgentem. Lugo De Poenit. D. 16. n. 576. 385. Sanch. De Matr. l. 9. D. 47. n. l. 4. 7., L. 23. 24. 25. — 4.<sup>o</sup> Tristitia de bono peracto, quod sub gravi praecipiebatur culpabilis est: de bono quod praecipiebatur sub levi, levis est. De bono item neque sub gravi neque sub levi pracepto, levis est, nisi iusta adsit causa nunc poenitendi; inordinatio enim quaedam est tristari de bono peracto, licet non pracepto. Si vero tristitia feratur non in ipsum bonum, sed in molestiam, in laborem, etc., peccatum *per se* non est. Sanch. in Dec. l. 4. C. 12. n. 2.

7. *An liceat desiderare malum, sub conditione, si licitum sit?* — R. 1.<sup>o</sup> Affirm. *per se*, si conditio apposita totam operis malitiam tollat, e. g. edere carnes in quadragesima, nisi Ecclesia prohiberet. Talis enim affectus nullam involvit deordinationem, neque in se neque in obiecto, a quo per conditionem omnis malitia excluditur. — 2.<sup>o</sup> Secus vero negat., e. g. peccare si non esset infernus, quia affectus tendit in obiectum malum, et quidem absolute, cum conditio non tollit malitiam ab obiecto, etiam ut repraesentato, et proinde tota malitia obiecti in actum voluntatis refundatur. — 3.<sup>o</sup> Et quidem sunt quaedam obiecta circa quae conditio utcumque apposita malitiam tollere nequit, e. g. si esset licitum, destruerem Deum. Etenim quae intrinsece mala sunt mutari nequeunt, et proinde inutiliter conditio apponeretur, siquidem talia optare est desiderare, ut lex et ordo naturae immutetur, quod adhuc peius esset. — 4.<sup>o</sup> Attamen probabiliter excusandus esset a peccato gravi ille, qui tali desiderio *nollet certo*, ut id quod malum est intrinsece, fieret licitum, sed tantum *naturalem propensionem* suam in illud obiectum ostenderet, v. g. vindicaret si esset licitum, at nolo propter Dei legem; vel enunciative tantum rem proferret, e. g. iunior vindicaret, significans non quid vellet nunc, si iunior esset, sed quid forte iunior fecisset; remoto tamen semper periculo desiderii efficacis, et etiam veri desiderii inefficacis, omnis nempe voluntatis faciendi, et omnis simplicis affectionis voluntatis. — 5.<sup>o</sup> Id quod dictum est de desiderio, etiam de delectatione et de gaudio *appetitus dicendum* consequenter est. Nam gaudere et delectari non licet in illo bono, quod amare et desiderare non licet; et e contra licet gaudere et delectari rationali appetitu in illo bono quod amare et desiderare licet. Amor enim et desiderium via est ad gaudium et delectationem tanquam motus ad quietem tendens. Sanch. in Dec. l. 1. C. 2. n. 22. seqq. Billuart Tr. De Temper. Diss. 6. a. 15. §. IV. *Petes* 3.<sup>o</sup>, S. Th. De Verit. q. 15. a. 4., L. 12. 13. 14.

8. *An liceat delectari de re aliqua mala, si ea citra omnem culpam peracta fuerit?* — 1.<sup>o</sup> Si res illa sit intrinsece mala non licet de ea delectari *secundum se*. Ratio est, quia obiectum illud est in se malum, quod autem non fuerit peccatum ideo est, quia non fuit voluntarium. Ergo, si

nunc accedat voluntas, *talem actum approbans, vel de illo gaudens* quod fit in delectatione, erit peccatum. La-Croix 89., Suarez De Peccat. D. 5. S. 7. n. 14. — 2.<sup>o</sup> Si res illa intrinsece mala non sit, et delectatio de ea non habeatur *sub ratione prohibitionis*, e. g. si quis delectetur, quod inadvertenter die veneris carnes ederit, alii putant esse licitum de ea *secundum se* delectari, quia secundum se mala non est; alii vero putant esse illicitum, quia materiali non caruit peccato, seu materialiter mala fuit. Lessius De Inst. et Iure l. 4. C. 3. n. 104., L. 20. 27. — 3.<sup>o</sup> Si delectatio referatur ad actum praeteritum malum *non secundum se*, prout est obiective malus, sed *exclusive prout fuit causa boni effectus, neque rectus iustitiae aut caritatis ordo pervertitur*, alii affirmant esse licitum, alii illicitum. Ratio 1.<sup>ae</sup> sententiae est, quia tunc non gaudemus de opere malo ob bonum effectum, hoc sensu quatenus ob bonum effectum gaudeamus illud opus malum factum fuisse, sed supposito quod illud opus malum factum fuerit, gaudemus de causatione boni, quae tali operi competit. Quod illicitum non est, cum sit de obiecto honesto, de illa nempe bona qualitate et virtute, quam opus caeteroquin malum habuit. Praescinditur a malitia obiectiva, quae affectum non movet, et delectatio praecise cadit super praedicatum, *quod est causativum boni*, quod bonum est. Apposita autem restrictio, *neque rectus iustitiae*, etc. per se patet, et confirmatur ex pr. 13. 14. 15. d. ab. Innoc. XI. Ratio 2.<sup>ae</sup> sententiae est, quia eo ipso quod quis delectetur de opere malo *prout est causativum boni*, iam implicite de ipso opere malo *secundum se*, seu *secundum sui existentiam* delectatur. Causalitas enim realis implicite includit realem existentiam. — « In quocunque tamen casu licet, *per se loquendo*, cuique delectari non de causa, sed de effectu sequuto, nempe de exoneratione causata a pollutione etiam voluntaria, vel de consequutione haereditatis ob homicidium, modo causa detestetur ». L. 20. Et sane huius delectationis obiectum est bonum. — L. 19. La-Croix 91., Suarez l. c. n. 15., Ithur. Cas. 18. n. 6., Lessius l. c., S. Th. 1. D. 9. q. 1. a. 4. q. 1. ad 5., 3. D. 30. q. 1. a. 1. ad 4., L. 20. 21. 22.

9. « An peccet graviter, qui negative se habet, et positive non resistit motui appetitus sensitivi circa obiectum sub mortali prohibitum? — Tres adsunt sententiae. Prima affirmat peccari graviter, etiam cessante periculo consensus. . . . Secunda sententia dicit, talem ne venialiter quidem peccare, remoto periculo consensus. . . . Tertia et vera sententia tenet, cessante periculo consensus, esse veniale non resistere positive motibus illicitis, sed non mortale. Idque videtur expresse confirmare S. Th. 1. 2. q. 74. a. 4., ubi ait: *peccatum mortale non potest esse in sensualitate, sed solum in ratione*. Ratio igitur est, tum quia consensus ad graviter peccandum non provenit ex sensu appetitu, sed ex voluntate, quae cum non positive consentit, non committitur mortale; et ideo committitur veniale, in quantum homo cavere debet, ne appetitus trahat post se voluntatem; *sed haec obligatio, quando peccatum committitur non est proximam*, est tantum levis. Tum quia, si sub gravi teneremur omnes motus inordinatos positive repellere, teneremur ad impossibile. Impossibile enim est, omnes hos motus collective sumptos positive coercere ». L. 6. 29., Diana V. 8. Tr. 6. De aliq. cas. circa mat. lux. R. 8., S. Th. 1. 2. q. 74. a. 3. ad 3., q. 79. a. 1.

10. « Notandum non esse obligationem motibus carnalibus resistendi *passive*, si causa adsit ad causam non resistendi, nempe si quis expertus ex resistendo magis motus excitari, et augeri; vel si motus ortum habeant ex actione necessaria, vel utili; . . . si non facile negotium sit illos repellere. Satis est igitur tunc *negative* se habere cum firmo proposito nunquam consentiendi: ipsa enim non consentiendi actualis cura sufficit tunc ad liberandum hominem a culpa, saltem mortali, etsi non a veniali, si resistentia sit tepida, ut dicunt Tol., Cai., Laym., etc. cum Salm. Verum La-Croix, cum Az. et Sanchez, ut certum supponit, quod in casu praedicto, quando tentatio



diu durat, et nimis molestum foret iugiter motus positive repellere, nullum peccatum sit eos permittere, negative se habendo. Et sic facere consulit Cont. Tourn. cum Sylv., his qui sunt timoratae conscientiae ». L. 9.

11. *Positiva resistantia praestari potest dupliciter: 1.<sup>o</sup> directe*, eos motus repellendo; et nulla quidem est obligatio hanc directam resistantiam ahibendi, quae, quoad carnales motus magis saepe eos excitat, multoque minus obligatio adest resistantiae materialis, quae et ipsa saepe, quoad istos carnales motus, nociva est; 2.<sup>o</sup> *indirecte*, animum ad alia divertendo. Quoad motus contra castitatem et contra fidem ac caritatem, indirecta haec resistantia magis consulenda est, quam directa aliqua resistantia seu oppugnatio, et si motus sint leves, melius est eos contemnere. L. S. S. Th. 1. 2. q. 74. a. 3. ad 2.

## II. — DE SPECIFICA PECCATORUM DISTINCTIONE

12. *Undenam sit repetenda specifica peccatorum distinctio?* — S. Th. 1. 2. q. 18. a. 2. q. 72. a. 1. 4. 9., etc., docet repetendam esse ex obiecto, quia peccatum est actus humanus; et actus humanus speciem sumit *ex obiecto*, et *ex diversa* eiusdem obiecti *ratione*. Et sic homicidium, detractio, furtum specie differunt, quia vita, aestimatio, res, boni sunt, quae specie, inter se differunt. S. Th. De Mal. q. 2. a. 6. Scotus e contra, in 4. D. 35. q. 2., putat repetendam esse ex *virtute*, quae laeditur, et *ex modo* sive *opposito*, sive *mero diversa*, quo virtus laeditur; quia peccatum formaliter in privatione consistit rectitudinis virtutis oppositae. Omnis autem privatio specificatur a forma sibi opposita. Et sic haeresis, fornicatio, furtum, sunt peccata specie distincta, quia opponuntur virtutibus specie distinctis, fidei, castitati, iustitiae. Praesumptio et desperatio omisio amoris Dei et odium Dei specie distinguuntur, quia illa laedunt spem contrario modo, haec caritatem per defectum et per excessum. Detractio, calumnia, furtum, adulterium, homicidium, specie pariter differunt inter se, quia diverso modo iustitiam laedunt. Itemque periurium, violatio voti, blasphemia, licet sint contra eandem religionis virtutem specie tamen sunt diversa, quia diverso modo illi opponuntur. — Altera sententia alteri non opponitur, nam peccatum, utrumque est, actus humanus et privatio, actus humanus materialiter, privatio formaliter. S. Th. 1. 2. q. 72. a. 1. 6. Unde una sententia aliam perficit, et dici potest peccatum proxime specificari ex rectitudine seu honestate virtutis, cui opponitur, remote et fundamentaliter ex obiecto. Laym. 1. 1. Tr. 3. C. 2. n. 2. Utraque vero sententia in idem fere recidit: « virtutes enim distinguuntur specie secundum obiecta ». S. Th. 1. 2. q. 72. a. 1. ad 2. Unde idem S. Th. 2. D. 42. q. 2. a. 2. q. 1. ad 1. inquit: « Dicendum ergo, quod divisio peccati in species suas essentielles est *per oppositum virtutis*; quia oportet, quod sit *secundum obiectum*, *ex quo specificatur peccatum et virtus* ». Cf. 1. 2. q. 71. a. 1., q. 72. a. 4. 8. — Tunc autem habetur vel *diversum obiectum* seu *diversa eandem obiecti ratio*, vel *diversa virtus* seu *diversus modus eandem virtutem laedendi*, quae novam prae se ferant *moralement peccati speciem*, quando ista prae se exhibent *specialem* rationis ordinem, seu specialem convenientiam vel disconvenientiam cum recta ratione, cum nempe habetur inde *specialis ratio* cur aliquid sit moraliter bonum vel malum. « Ubique occurrit diversum motivum, inclinans intentionem ad peccandum, ibi est diversa species peccati. » S. Th. 1. 2. q. 72. a. 8. 9., Cf. q. 71. a. 2., q. 79. a. 2. ad 3., 2. 2. q. 154. a. 11., L. 30. 31. 32.

13. *An unius peccati multiplex species esse possit?* — R. Affirm., siquidem obiecto circumstantiae adesse possunt *speciem mutantis*, seu potius multiplicantes. Et sic qui ligatus voto castitatis cum consanguinea

coniugata peccat quatuor committit, specie diversa, peccata, contra castitatem, religionem, pietatem, et iustitiam. S. Th. 1. 2. q. 73. a. 7.

14. *An ex diversis praeceptis circa eandem rem peccata plura specie distinguuntur?* — Leges positivae cum aliquid praecipiant, aut prohibent, actum constituunt in ea virtute, cuius intuitu praecipiant, aut prohibent. Quare legis transgressio vitio tribuitur, illi virtuti opposito. Hoc autem fit quadrupliciter: 1.<sup>o</sup> Quando iubent aut vetat aliquid indifferens intuitu alicuius *specialis virtutis*, ut, e. g. abstinere ab operibus servilibus die festo intuitu *religionis*; unde ab illis non abstinere *irreligiositas* est; naturale ieiunium servare *debitae reverentiae erga SS. Eucharistiam*, unde illud non servare *sacrilegium* est. — 2.<sup>o</sup> Quando praecipiant aut prohibent actum alicuius *specialis virtutis* aut vitii intuitu eiusdem virtutis, ut interesse sacro die festo intuitu *religionis*, unde abesse *irreligiositatis* item species est, ieiunium ecclesiasticum intuitu *temperantiae*, unde illud frangere ad *intemperantiam* pertinet; matrimonium non ineundum cum consanguineis, affinibus, adoptivis, intuitu *pietatis*, unde illas ducere personas *incestus* est. — 3.<sup>o</sup> Quando praecipiant aut prohibent actum alicuius *specialis virtutis* aut vitii intuitu alterius virtutis; unde qui rem sacram furatur, aut clericum percutit, is ex ipsa actus intrinseca natura, seu naturali iure, *iustitiam* laedit: ex lege autem extrinseca Ecclesiae *religionem* praeterea offendit. Lugo De Poenit. D. 16. n. 139., L. 1. 1. n. 167., l. 6. n. 808. — 4.<sup>o</sup> Si lex nullius *specialis virtutis* intuitu iubet aut vetat, e. g. proscriptos libros non legere, quod fit secundum eam legem ad virtutem spectat *obedientiae*, quod contra ad *inobedientiae* vitium pertinet. *Obedientiae*, nempe late sumptae, quia propria significatione *obedientiae* obiectum sunt praecepta non leges, hae proprie obiectum sunt *legalis iustitiae*. — 5.<sup>o</sup> Iam vero si varia praecepta, omnia ad eandem virtutem spectant et distinguuntur tantum ex parte legislatorum, ut est in furto, quod prohibetur lege naturali, divina, canonica, civili, minime inducunt distinctionem specificam peccatorum; quia diversitas legislatorum non efficit praeceptum esse formaliter diversum, sed tantum materialiter. Secus tamen, si praecepta distinguantur ex parte ipsius obiecti, nempe ex parte motivi proximi ipsius praecepti; quia tum diversae virtutes laeduntur, prout si quis frangeret ieiunium praeceptum ab Ecclesia, et ad quod voto simul ipse se obstrinxerit, tunc enim laederet temperantiam, ex qua Ecclesia ieiunium imperat, et religionem, ex qua Deus praecipit vota observari. — L. 33., l. 1. n. 167., l. 4. n. 145.

15. *Resolves*: Diversae *causae*, quibus praeceptum aliquod imponatur, peccati *speciem* non mutant, neque *numero* peccato augentur. Hinc licet una eademque virtute *religionis*, Ecclesiae praecepto accedente, ad horas canonicas obligentur et qui possidet beneficium, et qui in sacris est constitutus, unum tamen committit peccatum canonicas horas non recitando presbyter e. g., qui parochiale habet beneficium. Itemque unum committit peccatum sacrilegii praeter peccatum contra castitatem praesbyter religiosus qui turpiter agat, licet castitate teneatur, et qua presbyter et qua religiosus. L. 33., l. 3. n. 465., l. 4. n. 145., l. 6. n. 808.

16. *Nota*: 1.<sup>o</sup> Qui peccat ex ignorantia culpabili, vel quia dubitans agit, et qui peccat in causa, eius speciei peccatum admittit, cuius periculum subit et saltem in confesso praevidet; uterque enim illud implicite et quasi per consequens videt. Sanch. De Matr. l. 11. D. 41. n. 7. — 2.<sup>o</sup> « Actus omissionem concomitantes, ut ludere, edere, dum v. g. omittitur Sacrum, non esse peccaminosos, nisi sint causa omissionis, puta cum lusus est causa omittendi sacrum. . . . Tunc autem actus influentes eandem malitiam omissionis inducunt, non vero diversam. . . . Quare sufficit tunc tantum omissionem confiteri. Si vero actio, quae est causa omissionis sit etiam grave peccatum, nempe si quis omittat sacrum ob furandum, tunc furtum potest dici in confessione seorsim ab omissione sacri, quia tunc furtum non est nisi causa aggravans, non autem mutans speciem ». L. 9. 60.

## III. — DE NUMERICA PECCATORUM DISTINCTIONE

17. *Undenam desumenda sit numerica peccatorum distinctio?* — Ea desumenda est 1.<sup>o</sup> ex diversitate obiectorum totalium, 2.<sup>o</sup> ex multiplicitate actuum *moraliter interruptorum*. — Obiectum totale illud hic dicitur quod vel ex intrinseca natura sua, vel ex extrinseca intentione agentis in se completur, neque ad aliud tanquam pars referatur. Sic in homicidio unicum habetur obiectum totale, licet homicida varios actus praevios praemisit, v. g., quaerendo arma, struendo insidias, et pluries percutiendo, quia omnes isti actus praevii habendi sunt ut partes actus principalis, et ad illum sunt ordinati. Si vero homicida primum intenderit tantum percussorem, et postea, mutata voluntate, occiderit, duplex erit obiectum totale: quia ex intentione agentis unum ad aliud non ordinatur, sed per se seorsim intenditur. Dicitur vero *moraliter interruptorum*, quia etsi ad distinctionem numericam physice sufficiat quaevis interruptio, in ordine tamen ad confessionem non multiplicatur, nisi moraliter multi sint, quia, sicut in confessione actus moralis, ita etiam multiplicatio, et distinctio moralis attendi debet. — Prob. 1.<sup>a</sup> p. Quia obiectum, prout docet S. Th. 2. 2. q. 18. a. 2., est quodammodo forma actus. Ergo talis est actus quale est obiectum. Ergo ubi plura sunt numero obiecta in genere moris, plures sunt numero actus in eodem genere: ubi unum est obiectum, unus reputatur esse actus. Ergo totidem sunt peccata quot sunt obiecta totalia. — Prob. 2.<sup>a</sup> p. Etiam quando actus voluntatis moraliter interrumpuntur, fiunt numero completi, et singuli in propria malitia constituuntur, siquidem actus sequens non potest dici continuatio praecedentis: ergo actus illi interruptione morali evadunt diversi: ergo iteratione multiplicatur. Sic qui pluribus vicibus moraliter interrupti alium percudit, vel furatur, tot peccata committit, quot sunt illae percussiones, vel illa furta; quia haec tot actus diversos constituunt. — L. 35. 36.

18. *An unum vel plura sint peccata, quando obiecta, materialiter et physice totalia, plura sint: sed ad unum voluntatis actum referantur?* — Controvertitur. Duae adsunt graves sententiae, et pro utraque plures et graves stant theologi. *Prima sententia*, quam sequitur S. Alph. 45., docet diversitatem obiectorum materialiter et physice totalium constituere in uno eodemque actu diversa numero peccata. Ratio, quia peccatum est motus voluntatis in suum terminum, seu obiectum. Ergo sicut diversitate specifica obiectorum distinguitur specie, ita distinctione numerica illorum distinguitur numero. Ioann. De Dicastillo De Poenit. D. 9. Dub. 4. n. 216. seqq., La-Croix 150.

19. « *Hinc inferitur diversa numero peccata committere* 1.<sup>o</sup> eum, qui uno ictu plures homines occidit, vel pluribus detrahit... Et idem dicendum, si quis intendit occidere sive infamare totam familiam.... secus vero, si quis laederet bona, quae possidet aliqua civitas, monasterium, aut capitulum in communi: tunc enim non competit ius in individuis in particulari, sed tantum toti communitati, unde unum ius laeditur. 2.<sup>o</sup> Qui unico actu optat ad plures feminas accedere, vel pluries ad eandem feminam: tanto magis, qui eadem nocte pluries eandem feminam cognoscit.... quaelibet enim fornicatio habet suum terminum completum. 3.<sup>o</sup> Qui pluribus furatur. 4.<sup>o</sup> Qui pluribus unica vice scandalum praebet. 5.<sup>o</sup> Qui unico actu vult per plures dies horas canonicas vel ieiunium omittere. 6.<sup>o</sup> Qui unico actu malum tribus personis desiderat ». L. 46.

20. *Secunda sententia* tenet diversitatem obiectorum materialiter et physice totalium in uno eodemque actu non nisi unum numero peccatum constituere. Ratio est, quia illa obiecta materialiter et physice plura per



modum unius obiecti adaequati unico actu attinguntur, adeoque unum obiectum totale formale ac morale constituunt. *In uno eodemque actu*, uno eodemque actu interiori voluntatis; et si agatur de actu voluntatis *efficaci*, uno etiam eodemque actu exteriori. Nam si actus exterior unus idemque non sit, sed plures sint, cum quilibet ad obiectum in se totale terminetur et compleatur cum alio uniri iam non potest. Cf. n. seq. Lugo De Poenit. D. 16. n. 126. seqq., Suarez De Poenit. D. 22. S. 5. n. 34.

21. *Resolves*: 1.<sup>o</sup> Unicum peccatum committit qui unico ictu plures homines occidit. Sed non explicaret quis sufficienter suum peccatum dicendo *homicidium* commissi, quod occisionem unius hominis significat, sed illud deberet saltem explicari sub aliqua generalitate confusa significante pluralitatem; e. g. uno ictu occidi plures, vel multos. Lugo l. c. n. 141. Idem dicendum de eo, « qui unico actu voluntatis vult ad decem v. g. mulieres eiusdem conditionis accedere, aut ad eandem vult accedere pluries. Satis enim est, si dicat: vult accedere pluries ad solutam, seu solutas, seu coniugatas sine necessitate exprimendi numerum obiectorum talis unice volitionis ». Tambur. Meth. Conf. l. 2. C. 1. § 9. n. 59., Dicastillus De Poenit. D. 9. Dub. 4. n. 256. 257. — 2.<sup>o</sup> « Qui unico actu detractionis multos simul laesit propter eandem rationem non est necesse, ut numerum personarum laesarum aperiat... Si qui, detrahat familiae vel domni vel religioni, sive numerosa sit sive modica, satis est si dicat: detraxi cuidam familiae est ». Tambur. l. c. n. 63., Lugo l. c. n. 135. Unicum etiam peccatum est, si quis detrahat alicui coram pluribus, cum ius ad famam non sit multiplex, sed unicum apud omnes. Lugo l. c. n. 112., L. 49. Unicum pariter est peccatum, si quis eodem actu plures articulos fidei negat, quia non multiplex, sed unicum est obiectum formale fidei, nempe auctoritas Dei revelantis, L. 50. Qui eodem passionis impetu plura diversa mala exoptat inimico, puta infamiam, mortem, pauperiatiem unum numero et specie peccatum committit, si nempe omnia appetantur sub generica ratione *mali*. Lugo l. c. n. 260., L. 50. Unicum praeterea est peccatum, si quis furetur crumenam ad plures pertinentem, vel rem, quae materiam gravem pluries excedat. Lugo l. c. n. 137., Diana Tom. 1. Tr. 7. R. 18. n. 8. — 3.<sup>o</sup> « Infero volentem non recitare officium per totum annum, et id postea *exsequentem*, committere plura peccata... Similiter qui vult *exerceere* latrocinia et caedes in via per totam vitam, non committit *postea* unum peccatum sed plura ». Lugo l. c. n. 546., L. 1. 4. n. 149. Idem dicendum de peccato commisso cum tribus mulieribus, triplex est non unum, etc.

22. *An committat diversa peccata, qui detrahit alicui in pluribus materiis, eadem diversis contumeliis afficit.* — Afirmat probabiliter S. Alph. 48. Sed communis gravium doctorum sententia negat. Nam fama et honor semper est eiusdem speciei quolibet sit materia de qua agatur. Unde haec in confessione necessario explicanda non est. Lugo De Poen. D. 16. n. 265., Diana Tom. 1. Tr. 7. R. 19. n. 2. 3.

23. *Nota*: Si quis coniugatus peccet cum coniugata, vel habens votum castitatis peccet cum habente etiam castitatis votum, duplex admittit peccatum. — « Prior enim malitia est *contra fidelitatem*, quam debet *suae coniugi*... posterior vero est quatenus est *causa sua cooperatione* quod complex violat leges matrimonii ». Itemque « alia species malitiae contrahitur *ex violatione proprii voti*, alia vero *ex cooperatione* ad violationem *voti alicui*, ad cuius observationem ego non teneor ex voto, ut constat ». Lugo l. c. n. 140. 141., L. 1. 2. n. 46.

24. *Quomodo moralis actuum interruptio habeatur?* — Actus voluntatis triplici modo interruptuntur, scilicet: 1.<sup>o</sup> *Per retractationem* seu *revocationem expressam voluntatis*, quia haec impedit, quominus actus posterior cum priore coniungatur, v. g. si quis retractet pravam voluntatem

male agendi, et postea eam resumat, *nisi brevissima mora interpuerit*. Lugo De Poenit. D. 16. n. 551. — 2.<sup>o</sup> *Per cessationem voluntariam ab actu*, seu per mentis applicationem ad diversa objecta, v. g. si quis libere cesset a proposito malo, et dein ad illud redeat: nisi propositum aversit statim eadem peccata continuandi, puta si quis turpiter conversans cum femina, alio adveniente, cessat interim, sed animo, eo abeunte, continuandi. — 3.<sup>o</sup> *Per cessationem involuntariam sat notabilem*, ratione habita ad actus naturam, secundum prudentium iudicium, v. g. per somnum, *distractioem*, etc. *Sat notabilem*, si enim sat breve tempus intercedat, actus, moraliter loquendo, non discontinuantur. — L. 35. 38., Struggl q. 1. n. 41. — Tria haec facile applicari possunt triplici actuum classi, nempe actibus mere internis, actibus internis cum proposito externam actionem ponendi, actibus externis, seu externe consummatis.

25. *Actus mere interni*, qui intime omnino perficiuntur v. g. odia, haerese, delectationes morosae, desideria turpia inefficacia, iudicia temeraria, etc., per se loquendo, statim ac *retractantur* vel *libera voluntate relinquantur*, vel *involuntarie deservantur* multiplicantur. Ratio est, quia tales actus cum obiectum in se completum habeant, et ad nullum externum effectum ordinentur, ratione cuius possint ad invicem continuari, actus in se sunt omnino completi. Et ideo poenitens debet explicare, si potest, quot vicibus interna voluntate rei pravae consenserit: si vero non potest, quia e. g. pravius animus fuit diuturnus, tunc sufficit dicere *circa*, vel saltem fateri tempus, in quo cum tali animo perseveraverit, et an valde frequenter, vel raro. Sic enim confessarius sufficienter intelliget ordinarias intercessisse interruptiones vel frequentiores, vel e contra rariores. *Per se loquendo*, si enim plures huiusmodi actus ex eodem passionis impetu procedunt, unum peccatum mortale constituunt, etsi aliquod breve intervallum inter actus intercedat. Itaque unum habetur mortale peccatum, si pravae voluntates *ordinem inter se* habeant, ita ut una dependeat ab alia. Tunc enim posteriores voluntates absque nova deliberatione aut consultatione ex vi primae voluntatis ponuntur. — Lugo De Poenit. D. 16. n. 562. seqq., Suarez De Poenit. D. 22. S. 5. n. 11., Struggl q. 1. n. 36., Tambur. Meih. Confess. l. 2. C. 1. § 5. n. 30. seqq., L. 35. 37.

26. *Actus interni cum proposito externam actionem pendentem* multiplicantur pariter 1.<sup>o</sup> *per retractationem* voluntatis. Tunc enim si quis redeat ad malam voluntatem, novum erit peccatum, cum posterior actus a primo non procedat. 2.<sup>o</sup> *Per cessationem voluntariam*, si quis nempe voluntarie et libere cesset a pravo proposito, notabili interposita mora: tunc enim etiam verificatur quod posterior actus est novum peccatum cum a primo non procedat. 3.<sup>o</sup> *Per cessationem involuntariam*, si tempus diuturnum intercedat: si enim tempus breve intercedat actus moraliter non discontinuantur. — L. 35. 38. 39.

27. Difficultas hic adest quoad praedictam *notabilem moram* et *diuturnum* tempus definiendum. Iam vero duplex hypothesis fieri potest: 1.<sup>o</sup> quod actus interni ordinentur immediate ad plures actus externos directos et subordinatos ad aliquem unicum et communem finem; 2.<sup>o</sup> quod actus interni ad unum actum externum ordinentur. — *In prima hypothesisi* valet primum quod habet S. Alph. 40. « Actus voluntatis si ex prima voluntate *procedant*, et moraliter permaneant *in aliquo effectui*, qui conducat ad consummandum peccatum externum, *per quaecunque tempus duret prava voluntas*, unum solum peccatum constituunt. Hinc infertur, quod si quis proponat occidere hominem, et ideo arma praeparet, viam arripiat, et inimicum occidere; unum peccatum committit, *licet per multos dies illum quiescit, et pluries voluntatem repetierit*. Ita communiter S. Bonav.... et S. Thomas. etc. ».

28. *In prima autem et altera hypothesisi*, si nullus adhuc exterior effe-

actus habeatur. quale aestimandum sit breve tempus vel diuturnum, ita ut praedicti actus continuari vel discontinuari censeantur, certa regula assignari non potest. Breve et longum istud intervallum solo prudentium iudicio in peculiaribus casibus definiri potest. Idem enim propositum maiori vel minori tempore perdurat pro varia intensitate, nec non pro variis circumstantiis personarum, aetatis, sexus, indolis, etc. Generatim vero loquendo, praedicti actus non discontinuantur per interruptiones *breves* et *communes*, seu *ordinarias*, quae fiunt per somnum, prandium, confabulationem cum amico, etc. unde esto post eas iterum repetas pravam propositum occidendi inimicum, fornicandi, etc., unicum peccatum committis, quia cum prima voluntas permanet virtualiter, unitur et continuatur cum secunda. Salmant. Tr. 20. C. 12. n. 38. Sed aliud dicendum est de interruptione *extraordinaria*, quae quidem tollit unitatem moralem actionis humanae. Non enim persistit tunc amplius prior voluntas. Si quis e. g. vult occidere inimicum, ita ut per mensem *continuet* hanc voluntatem, non obstantibus brevibus et ordinariis interruptionibus, postea vero per annum, per plures menses, per mensem infirmetur, et hac rerum permutatione non amplius cogitet de inimico occidendo, ea priori voluntate frigescente, imo evanescente omnino, si postquam convalescit, eam priorem voluntatem iterum resumat, haec quidem posterior voluntas cum illa priore facere unum non amplius potest cum tam distantes voluntates non possint amplius inter se neque morali aestimatione coniungi. Tambur. Meth. Confess. l. 2. C. 1. § 5. n. 34., Lugo De Poenit. D. 16. n. 545.

20. *Actus externi, seu externe consummati* multiplicantur toties quoties obiectum est disparatum, vel in se terminatum; non autem multiplicantur, etiam interposito notabili temporis intervallo, quando sunt velut partes actus principalioris, seu ad finem unicum tendunt; quia quid unum morale efficiunt, quod non completur, nisi consummato actu principaliter intento; vel quanto, licet isti actus partiales ad actum principalem non ordinentur, ex eodem tamen passionis impetu procedunt. Intellige omnes actus praevios quid unum morale cum actu principali et consummato intento: nisi *per se* novam inducant speciem, quae *ex se* ad peccati complementum non tendat. Quapropter: 1.<sup>o</sup> Unicum peccatum committit, qui intendens fornicationem, mulierem turpiter tangit, osculatur, turpibus allicit colloquiis, et tandem fornicatur; quia omnes actus praevii ad actum consummatum natura sua ordinantur. Si vero ab initio voluisset tantum mulierem tangere, et postea libidine inductus copulam perfecerit, duplex erit peccatum, adeoque non satis erit si copulam confiteatur. — 2.<sup>o</sup> Unicum facit peccatum sacerdos qui integrum officium vult una die omittere, quia singulae horae ordinantur ad complendum unum officium. Duo autem peccata faceret, qui voluisset tantum omittere matutinum, et postea reliquas horas recitare nollet, quia duplex foret actus malae voluntatis distinctus, obiectum in se terminatum habens. — 3.<sup>o</sup> Unicum perpetrat peccatum, qui ex eodem impetu passionis actum malum multoties repetit, v. g., qui pluries se, vel alium turpiter tangit, etiam cum aliqua interruptione; qui pluries inimicum percutit, vel ei plura mala imprecatur, etc.; quia unicus est pravis voluntatis affectus, et actiones illae variae moraliter uniuntur. — 4.<sup>o</sup> Item probabiliter unicum facit peccatum, qui eodem actu in duodecim Apostolos blasphemat: quia omnes blasphemiae in Sanctos malitiam desumunt ex una relatione ad Deum. — 5. Unicum facit peccatum, qui summam aliquam determinatam pecunie furari intendens, pluribus vicibus, moraliter non interruptis, ne delegatur, eam subripit, quia unicus est pravis voluntatis actus, qui in ultimo furto consummatur. E contrario plura patrat peccata, qui pluribus vicibus ex eadem pecunia furatur, quin totam auferre ab initio statuerit, quia singula furta obiectum in se totale efficiunt. — 6.<sup>o</sup> Plura peccata facit, qui cum eadem pluries successive fornicatur quamvis eadem nocte. — Plura item peccata facit qui ieiunium praescriptum per plures dies omittit, licet istae fornicationes et omissiones oriantur ex una eademque voluntate; quae-



libet enim fornicatio et omissio successive facta in se terminatur, et obiectum totale constituit. Attamen, si quis in mortali plures audiat confessiones successive sed continue, unam post aliam, non desunt theologi, qui unum affirmant adesse peccatum ob moralem unionem. — Lugo De Poenit. D. 16. n. 135. 546. 556. 557. 561., Tambur. Meth. Confess. I. 2. C. 1. n. 52., Struggl q. 1. n. 43., L. 41. 42. 43. 44. 46. 47. 50., I. 3. n. 538.

30. *Resolves*: Si quis statuit non restituere rem alienam, et in eadem voluntate semper adhuc per annum maneat, unum peccatum committit; quia in illa retentione nunquam retractata virtualiter persistet prima voluntas. L. 40. et I. 3. n. 683., Diana Tom. 1. Tr. 7. R. 158. n. 3. 4.

31. *An novum sint peccatum tactus, qui statim copulam fornicariam sequuntur?* — Omnes hi actus, sicut et complacentia de copula habita novum peccatum non sunt, si statim post copulam habeantur, et minime ad novam copulam intendantur, quia verosimiliter adhibentur, tanquam complementum copulae obtentae. L. 41., Tamb. I. c. 72.

32. *An explicanda sint in confessione media ad peccandum adhibita, si peccatum postea non fuit consummatum?* — Alii generatim affirmant, etiamsi media illa non fuerint mala in se, uti viam suscipere, scalam deferre ad furtum, etc. Ratio est, quia peccatum tunc non manet tantummodo internum, sed mediis istis externum evadit. Actiones enim illae, licet indifferentes sint in se, malae tamen a fine malo evadunt. Alii vero distinguunt. Negant probabiliter, si illa media in se mala non sint, nullum enim tunc speciale peccatum constituunt; sed solummodo dicere generatim ad actionem *externam* peccati explicandam, conatus sum e. g. inimicum occidere; praeparavi media ad illum interficiendum, etc. Affirmant vero, si media ista in se mala sint, et tunc indicari debent, et quidem omnia quoad speciem, si *sint speciei diversa*, ut tactus, aut verba obscena ad sollicitandum adhibita. Et ratio est, quia peccato non consummato, illa varia media in se mala ad finem iam referri nequeunt, et quid unum in peccati consummatione constituere. Ergo illi actus singuli cum sua malitia propria spectandi sunt. Ergo seorsim sunt accusandi in confessione. — Si vero media illa in se mala *eosdem sint speciei*, quia eadem repetita pluries, tunc omnia quoad numerum explicanda, si in unum actum moraliter non coaduerunt, secus vero si unum moraliter actum constituerunt, puta quia ex eodem passionis impetu processerunt. — G. 164., Cas. 156. 157., Tambur. 66. seqq., L. 42.

#### IV. — DE GRAVITATE PECCATI

33. *Quid gravitas peccati, et unde sit repetenda?* — *Peccati gravitas* est quantitas seu mensura malitiae, qua peccatum est magis vel minus Dei offensivum, et proinde maiori vel minori poena dignum. — Maior vel minor peccatorum gravitas repetenda est generatim: 1.<sup>o</sup> ex obiecto, fine et circumstantiis, prout magis vel minus naturae rationali, vel legi repugnant; 2.<sup>o</sup> ex duratione actus mali, vel ex eius intensitate; 3.<sup>o</sup> ex advertentia maiori vel minori ad malitiam actus, vel ex diverso gradu consensus actui pravo praestiti; 4.<sup>o</sup> ex praestantia virtutum vel praeceptorum, quibus peccata opponuntur; 5.<sup>o</sup> ex variis modis, quibus virtutes aut leges violantur. S. Th. I. 2. q. 73. 77. 78.

34. *Quotuplex sit peccatum?* — *Peccatum aliud est mortale, aliud veniale*, prout est transgressio legis graviter vel leviter obligantis, gravis vel levis offensa Dei. Peccatum mortale de se, ut tale est, habet aliquam de-

ordinationem specie distinctam ab omni ea, quae est in peccato veniali. Nam pravitas illa, quae est directe contraria ultimo fini, et ratione cuius homo avertitur ab ipso, et convertitur ad creaturam ut ad ultimum finem, est propria species deordinationis et pravitatis moralis, et haec propria peccati mortalis est, et reperiri non potest in peccato veniali. Suarez De Peccat. D. 2. S. 5. n. 2. 3. S. Th. 1. 2. q. 71. a. 4. q. 72. a. 5., q. 74. a. 9., q. 88. 89., De Mal. q. 2. a. 8. — Peccata mortalia talia sunt: 1.<sup>o</sup> *Ex toto genere suo*, quando eorum obiectum seu materia, quaecumque ea demum sit, gravem continet deordinationem, ut in luxuria, blasphemia, periurio, haeresi, etc. — 2.<sup>o</sup> *Ex genere suo non toto*, quando eorum materia in eadem specie manens potest esse gravis, quamvis etiam levis esse possit, ut sunt peccata contra iustitiam. — 3.<sup>o</sup> Venialia vero *ex genere suo* dicuntur peccata, quae, spectata obiecti materia seu natura, non admittunt gravem reatum, et ideo quousque manent intra suam speciem, alia scilicet species non accedat ex genere suo mortalis, nequeunt mortalia esse. S. Th. 1. 2. q. 77. a. 8. ad 1., q. 88. a. 5., L. 11. 51.

35. *Quoniam requirantur ad peccatum mortale?* — Ad peccatum mortale requiruntur et sufficiunt: 1.<sup>o</sup> materia gravis; 2.<sup>o</sup> advertentia plena ad malitiam gravem; 3.<sup>o</sup> consensus plenus in praevagationem. — Prob. 1.<sup>o</sup> p. Nam materia levis non inducit nisi levem obligationem, adeoque eius transgressio grave peccatum esse nequit. Prob. 2.<sup>a</sup> et 3.<sup>a</sup> p., quia, cum per peccatum mortale homo *totaliter recedat* a Deo fine suo ultimo, ut creaturis *totaliter adhaereat* et in illis tanquam in fine suo quiescat, id fieri non potest, nisi homo plene deliberate, et consequenter plena rei cognitione, creaturam praeferat creatori. — Peccatum ergo ex toto genere suo mortale fieri potest veniale ratione imperfectae advertentiae, et imperfecti consensus. — S. Th. 1. 2. q. 74. a. 10., q. 88. a. 6., 2. 2. q. 35. a. 3., q. 36. a. 3., L. 52. seqq.

36. *Signa imperfectae advertentiae sunt:* 1.<sup>o</sup> si tenuiter, et quasi semidormiens apprehendisti esse malum; 2.<sup>o</sup> si post, ubi melius consideras, iudicas te non fuisse futurum, si ita apprehendisses; 3.<sup>o</sup> si vehementissima passione, apprehensione, vel distractione laborasti, vel turbatus fuisti, ita ut fere ne sciveris quid ageres. — *Signa consensus imperfecti sunt:* 1.<sup>o</sup> si ita dispositus fueris, ut licet facile potueris exsequi peccatum, non tamen sis exsecutus; 2.<sup>o</sup> si quis dubitet, num consenserit, praesertim si sit vir timoratus; 3.<sup>o</sup> si quis soleat esse ita affectus, ut malit mori quam expresse mortaliter peccare: quia talis non facile consentit; 4.<sup>o</sup> si quis valde timide, et suspense processisse se meminit; 5.<sup>o</sup> si semisomnis fuit, non plene sui compos, etc., iunctaque se non id fuisse facturum si plene vigilasset. (Cf. L. 1. 6. n. 476. Item. « Seda pravae cogitationis continuatio iudicium non est praestiti consensus, quia diuturna esse potest tentatio, cui pro virili resistitur ». Scavini, Tr. 4. d. 1. c. 2. n. 4. q. 7. — Struggl q. 2. n. 6., L. 54. 55.

37. *An peccet graviter qui deliberat de praestando consensu obiecto graviter malo, si tandem non consentiat?* — Solutio quaestionis pendet a qualitate deliberationis. Etenim si haec sit imperfecta, i. e., si non sit nisi quaedam aestimatio, vel omissio resistentiae ex torpore, pigritia, vel negligentia, peccatum veniale non excedit. Si vero deliberatio sit plena quatenus nempe voluntas ad utrumque sit parata et affecta, erit peccatum mortale, quia voluntas parata tunc se ostendit Deum peccato postponere; et erga malum deliberatum habet affectum.

38. *Quoniam ad veniale peccatum requirantur?* — Ad peccatum veniale requiruntur et sufficiunt advertentia aliqua quantumvis exigua, ad actus malitiam, et aliquis voluntatis consensus quantumvis imperfectus. — Prob. Requiritur ista quidem, quia istis sublati, nulla mali cognitio et volitio, et proinde nullum peccatum esse potest; sufficiunt vero, quia illis positis, mali cognitio et volitio, quae ad peccatum constituendum necessariae sunt, aliqua ratione habentur.

39. *An plura venialia possunt constituere unum mortale?* — R. Negat., *ratione multiplicationis, et per se loquendo*. Essentiae enim rerum sunt immutabiles. Affermat, *ratione levitatis materiae*, si haec, licet in se levis, aliis tamen accedens in unum coalescat, et materiam gravem *ratione continuationis* constituat, ut ex pluribus frustulis pluries editis in die ieiunii. Struggl q. 2. n. 26., S. Th. 1. 2. q. 88. a. 4.

40. *Quibus modis veniale fiat per accidens mortale?* — 1.<sup>o</sup> *Ratione conscientiae erronae*, ut patet. — 2.<sup>o</sup> *Ratione finis, graviter mali, adiacenti*, ut si quis leviter mentiatur ad fornicationem committendam. Sufficit autem in confessione fornicationem confiteri; necessarium non est mendacium etiam explicare. — 3.<sup>o</sup> *Ratione finis ultimi*, quem quis in re etiam levi constituat, e. g. in ludo, in persona inordinate amata, etc. « Si quis amore lusus paratus sit committere quodecumque peccatum mortale, esset peccatum temeritatis, et quidem gravissimum, sed sine specie ». L. 60. — 3.<sup>o</sup> *Ratione contemptus absoluti et formalis*, « quando nimirum ideo formaliter et absolute praeceptum violatur, quia ipsi aut superiori subiici rennis, quod est peccatum superbiae consummatum; vel quando ideo non vis obedi praecepto, quia praeceptum est, et est peccatum inobedientiae formalis, quorum utrumque graviter pugnat cum caritate debita superiori. Aliud igitur est contemnere legem seu legislatorem, etiam humanum, non qua talem personam, sed qua legislatorem, quod est mortale, aliud contemnere rem praeceptam, quod est veniale, si materia sit levis ». L. 61., l. 4. n. 161., S. Th. 2. 2. q. 186. a. 9. ad 3. — 4.<sup>o</sup> *Ratione gravis scandalii, aliorum* quod graviter caritati repugnat. — 5. *Ratione gravis aliorum damni*, quod graviter repugnet iustitiae. — 6.<sup>o</sup> *Ratione proximi periculi peccandi*, « Hac in re certissimum est, opus ex se veniale aut indifferens in mortale transire, si operans occasionem ita proximae exponatur, ut eum in morali ac proximo peccandi mortaliter periculo constituat... Tunc autem contingit haec moralis proxima occasio, vel hoc morale proximum periculum, quando ex suo genere occasio talis est, ut frequenter homines similis conditionis ad peccatum mortale inducat, vel experimento constet, in hoc homine talem effectum habere... sicut in periculo damni temporalis incurrendis exponitur, qui aggreditur opus eo tempore et loco et talibus circumstantiis, ut vix illud damnum evadere valeat... Atque in hoc probabili peccandi mortaliter periculo fatendae sunt circumstantiae illius peccati, cuius periculo se exposuit... Quippe eiusdem malitiae est constituere se in morali periculo admittendi alicuius criminis, atque illud admittere. Nam eodem praecepto, quo quis crimen vitare tenetur obligatur quoque ad proximum illius periculum vitandum ». Sanch. in Dec. l. 1. C. 8. n. 1. 4. — Excipe 1.<sup>o</sup> nisi ea cautio adhibeatur, ut periculum cesset, 2.<sup>o</sup> nisi gravis adsit causa: tunc enim periculum moraliter voluntarium non est, sed invitum illud quis ea necessitate cogitur subire. Sanch. l. c. n. 2. 3., S. Th. 2. 2. q. 10. a. 9., L. 63.

41. *An graviter peccet qui sola mortalium vitare vellet, et propositum haberet venialia omnia committendi?* — R. Negat. *per se loquendo*, secluso casu peculiaris fragilitatis, ita ut proximum inducatur graviter peccandi periculum. Nam neque peccatorum venialium multiplicatio constituet unquam peccatum mortale, quia singula venialia in specie inferiori semper manebunt; neque animus ita comparatus proximum inducit peccandi periculum. Verum qui spernit modica ad maiora etiam spernenda paulatim disponitur. — Lugo De Poenit. D. 16. n. 49. 50., Suarez De Rel. Tr. 8. l. 1. C. 4. n. 18., Ithur. Cas. 35. n. 28., L. 1. 4. n. 12., S. Th. 1. 2. q. 88. a. 3. 4.



## V. — DE VITIIS CAPITALIUM

[illegible][illegible][illegible]

est. Res vero etiam sacras peragere ob vanam gloriam, e. g. concionari, veniale non excedit. S. Th. 2. 2. q. 132. a. 3. 4., q. 162. a. 7., L. 66.

45. *Porro inanis gloriae*, quam S. Th. vitium capitale constituit, sic *filiæ* ab eodem S. D. 2. 2. q. 132. a. 5. assignantur. Ad manifestationem propriæ excellentiæ dupliciter homo potest tendere: « uno modo *directe* sive per verba, et sic est *iactantia*, sive per facta, et sic, si sint vera habentia aliquam admirationem, est *præsumptio novitatum*, quas homines solent magis admirari; si autem falsa sint, sic est *hypocrisis*. Alio autem modo nititur aliquis manifestare suam excellentiam indirecte, ostendendo se non esse alio minorem, et hoc quadrupliciter. Primo quidem quantum ad intellectum, et sic est *peritiam*, per quam homo nimis innititur suæ sententiæ, nolens credere sententiæ meliori. Secundo quantum ad voluntatem, et sic est *discordia*, dum non vult a propria voluntate discedere, ut aliis concordet. Tercio quantum ad locutionem, et sic est *contentio*, cum aliis verbis clamet se contra alium litigat. Quarto quantum ad factum et sic est *impudencia*, dum scilicet aliquis non vult exequi superioris præceptum ». Et sic convenienter hæc vitia filiæ inanis gloriæ dicuntur. Cf. 2. 2. q. 37. a. 2., q. 38.

46. *Iactantia per se* venialis est, si sit de rebus bonis, eaque per accidens gravis esse potest. Si vero sit de rebus graviter malis, gravis est: quia approbatio operis eandem cum illa speciem habet, quæ probe in confessione debet exprimi, saltem quando cum iactantia de peccato coniuncta fuit complacentia eiusdem. *Saltem quando*, etc., quia si absque ea fuit plures tenent non esse necessario explicandam. Quolibet enim iactantia de peccato mortali, præcisione facta ab ipsius complacentia eiusdem est speciei, quod nempe gloriatur quis in hoc quod Deum offenderit. — S. Th. 2. 2. q. 112., L. 26. 66. 67.

47. *Præsumptio novitatum*, quæ et *ostentatio* dicitur, si ea facta nihil habeant admirationis, *per se* etiam venialis est. Et sic leve est peregrinis indui vestibus, vel se nimium exornare ex animi levitate, vanitate, etc.: grave vero si tale sit, ut notabiliter mores corrumpat. L. 66. 67.

48. *Hypocrisis*, qua quis « non curat sanctitatem habere sed solum sanctus apparere... est peccatum mortale... Simulare sanctitatem, a qua deficit per peccatum mortale... non semper est peccatum mortale, sed quandoque veniale », secundum quod contingat adversari vel non caritati. S. Th. 2. 2. q. 111. a. 4. Simulare item improbitatem peccatum est, et potest esse mortale. S. Th. ib. a. 1., L. 66. 67.

49. Tribus superbiæ filiabus respondet *pusillanimitas*, qua quis nimium sibi diffidens detrectat honores, gloriam, vel officium, quo dignus est. Veniale est ex genere suo; et fit mortale, si detrectes, ad quod teneris sub mortali. L. 67.

50. *Quid sit avaritia?* — Avaritia est: inordinatus appetitus bonorum temporalium. Avaritia, prout præcise opponitur virtuti *liberalitatis*, est peccatum ex genere suo solum veniale. Potest tamen tripliciter mortale fieri: 1.<sup>o</sup> contra *caritatem sui*, finem ultimum in divitiis constituendo, vel præcepta Dei potius transgrediendo, quam detrimentum pati in bonis temporalibus; 2.<sup>o</sup> contra *caritatem proximi*, cum in gravi necessitate constitutum non adiuvando, etc.; 3.<sup>o</sup> contra *iustitiam*, alienum accipiendo, etc. — S. Th. 1. 2. q. 84. a. 1., 2. q. 118., L. 68.

51. *Quænam sint avaritiæ filiæ?* — Sunt sequentes: 1.<sup>o</sup> *Obduratio cordis*, contra misericordiam, egenis et pauperibus non compatiendo, eos obiurgando, debita dure nimis exigendo, quando creditor non est solvendo, etc. Hæc aliquando peccari potest mortaliter, quando præceptum elemosinæ vel caritatis urget, et tamen ex tali duritia non subvenitur. L. 69. — 2.<sup>o</sup> *Inquietudo cordis*, h. e. vehemens et inordinata applicatio mentis ad acqui-

rendas vel conservandas divitias, cum inani et vano timore, ne non acquirantur vel perdantur. Est mortalis, quando retrahit a spiritualibus vel aliis, ad quae ex praecepto gravi obligamur, vel inducit superfluum timorem et ex hoc difficultatem erga Deum. Venialis est, si sit de re bona sed tempore vel loco indebito, v. g. de familia, messe, vindemia, quando quis est in templo vel vacandum Deo. S. Th. 2. 2. q. 55. a. 6., L. 69. — 3.<sup>o</sup> *Violentia*, rei nempe alienae per vim usurpatio. Mortalis est, si circa rem gravem, vel gravem inferat vim. L. 69. — 4.<sup>o</sup> *Fallacia*, sive dolus in verbis: potest esse mortalis ratione finis vel mediorum. S. Th. 2. 2. q. 55. a. 4., L. 69. — 5.<sup>o</sup> *Periurium*, si addatur confirmatio iuramenti. — 6.<sup>o</sup> *Fraus*, sive dolus in facto. Est mortalis ex genere suo: eaque multipliciter in contractibus contingit. S. Th. 2. 2. q. 55. a. 5., L. 69. — 7.<sup>o</sup> *Proditio*, quae est deceptio contra fidem datam, aut debitam in damnum alterius. Mortalis est ex genere suo. Contingit fere tripliciter: 1.<sup>o</sup> circa personas, quo modo Iudas Christum prodidit; 2.<sup>o</sup> circa res, uti si hosti modum capiendi arcem, pecuniam, vestem, etc. absconditam praedoni ostendas; 3.<sup>o</sup> circa secretum, vel sibi commissum revelando, vel alienas epistolas legendo. Quod si sit in re gravi per se mortale est. L. 69. — S. Th. 2. 2. q. 118. a. 8., q. 55. a. 8.

52. *Quid sit luxuria?* — Luxuria, quae castitati opponitur, est: inordinatus appetitus rei venereae. Luxuria gravis est ex toto genere suo, si sit deliberata et directe volita. Unde parvitatem materiae non admittit. Venereum enim usus natura sua institutus est ad conservationem generis humani, quod est magnum hominum bonum, et externum Dei: proinde qui abutitur, graviter offendit Deum, et laedit humanam societatem. Dicitur, si sit *deliberata et directe volita*: si enim deliberatio et volitio circa eius causam tantum, versetur, tunc dari potest hac in re parvitas materiae. — S. Th. 2. 2. q. 153., L. 71.

53. *Quoniam sint luxuriae filiae?* — Sunt octo, quatuor ex parte intellectus, et quatuor ex parte voluntatis. — 1.<sup>o</sup> *Caecitas mentis*, cum quis adeo est adhaerens turpitudini, ut de caelestibus non cogitet. S. Th. 2. 2. q. 46. — 2.<sup>o</sup> *Præcipitatio*, qua quis ex eadem causa sine consilio operatur. — 3.<sup>o</sup> *Inconsideratio*, quando in modo delinquit, inconsiderate agens, quae statum vel personam delectent. — 4.<sup>o</sup> *Inconstantia*, quando quis ex eodem affectu voluptatum a piis propositis mox deficit. S. Th. 2. 2. q. 53. — 5.<sup>o</sup> *Amor sui*, lascivus enim voluptates seipsum finem suarum actionum facit, non Deum. — 6.<sup>o</sup> *Odium Dei*, lascivus enim solet a rebus divinis ab arere, imo ab ipso Deo, tanquam peccatorum vindice. — 7.<sup>o</sup> *Affectus praesentis saeculi*, quia enim voluptatum carnalium ita animum afficit, ut subinde etiam beatitudinem aeternae paratus esset renuntiare, si praesentibus frui semper permitteretur. — 8.<sup>o</sup> *Horror futuri saeculi*, quando voluptatibus immersus mortem mercedine timet, et de ea nolens cogitare, vitam illicitis mediis praeterite studet, etc. S. Th. 2. 2. q. 153. a. 5. — Priores quatuor sunt mortales, quoniam aliquid Dei praeceptum graviter obligans praetermittitur. Quod si versetur solum circa materiam luxuriae, peccata specie distincta non sunt, sed us tunc si alia praecepta violantur. Posteriores quatuor, si plenus sit voluntatis consensus per se sunt mortales et specie distinctae: ex inconsideratione vel alia actuum imperfectione saepe veniales. — L. 71.

54. *Quid sit invidia?* — Invidia est tristitia de bono alterius, in quantum est oblativum gloriae propriae. S. Th. 2. 2. q. 36. a. 1. — Porro quinque modis potest quis de bono alterius tristari: 1.<sup>o</sup> Cum quis contristatur de bono alterius absolute, quia proximi bonum est: et proprie est odium inimicitiae, vel simpliciter odium seu aversio personae, cui volumus malum, quatenus eius malum est, quod quidem ex genere suo mortale est. 2.<sup>o</sup> Cum quis contristatur de bono proximi relative, quia ab eo timet aliquod malum et proprie est timor, qui erit laetus, nisi sit inordinatus, v. g. si malum sit vel alius timeat intercedulum iniuste. 3.<sup>o</sup> Cum quis contristatur de bono



proximi, non quia illud proximus habeat, sed quia eodem ipse careat, et non est invidia sed *amelatio* seu *zelus*, qui si est circa bonum honestum est laudabilis, si autem circa bona temporalia interdum est venialis, ut si bonum dolenti sit inproportionatum, quale esset, si rusticus doleret, se non esse regem. 4.º Cum quis contristatur de bono alterius, quia talis boni eundem putat indignum; et est *indignatio* seu *abominatio*, quae non est peccatum, erit tamen, et quidem mortale, si vel Dei providentiam arguat, et est blasphemia, vel si ita afficiat, ut ducat homines ad malum imitandum. 5.º Si quis debeat quod alter sibi aequalis, vel non multum inaequalis, in excellentia crescat, ita ut te fiat superior, et ipsum incrementum excellentiae apprehendas, ut tibi malum; et est proprie dicta invidia, invidus enim dicitur, quod non sit videns, quia bona alterius sine tristitia videre non potest. Invidia est ex genere suo mortalis. Est enim directe contra caritatem, quae gaudet de bono proximi, quod invidia destructum optat, vel non destructum dolet. S. Th. 2. 2. q. 36. L. 72.

55. *Quatenam sint invidiarum filiae?* — Sunt *oliva*, *sasurratio*, *detractio*, *culatio* in adversis proximi, et in prosperis *afflictio*. Hae sunt ex genere suo mortales; quippe directe contra caritatem. — *Sasurratio*, sermō est, quo sine causa aliquid refertur alicui personae de alia, quod quidem ex se aptum sit ad utriusque amicitiam disruptendam, quam proinde restituere et reconciliare tenetur. Mortalis est ex genere suo tum contra caritatem, tum contra iustitiam. — S. Th. 1. c. a. 4. ad 3., q. 34. a. 6., L. 72.

56. *Quid sit gula?* — Est inordinatus appetitus cibi et potus. Opponitur abstinentiae. Committitur quinque modis: 1.º si edas ante tempus, 2.º si nimis exquisita, 3.º si plus iusto, 4.º si voraciter, 5.º si nimis exquise. — Gula ex genere suo est peccatum tantum veniale, quod graviter non opponitur caritati Dei vel proximi. Potest tamen mortalis fieri multiplex sub respectu: 1.º contra *caritatem Dei* in illa finem suum ultimum et beatitudinem constituendo; 2.º contra *caritatem suiipsius* ratione gravis damni animi vel corporis, si quis e. g. ideo fiat inaptus ad functiones, quas sub mortali tenetur adimplere vel notabiliter noceat sanitati; 3.º contra caritatem proximi, contra pietatem et iustitiam, uti contingit cum nobiles uti gulae vacent graviter premunt subditos, dissipant bona familiae necessaria, contrahunt debita quibus solvendis impares sunt; 4.º ratione scandali, si clericus e. g. publice comensationibus et comotationibus indulgeat; 5.º quando propter gulam quis transgreditur praecepta Ecclesiae, e. g. die abstinentiae comedendo carnes, die ieiunii pluries in die ad satietatem comedendo, die dominicae propter comessationes sacrum non audiendo; 6.º ratione ebrietatis perfectae, de qua mox dicetur. S. Th. 2. 2. q. 148., L. 73.

57. *Resolves:* « Comedere vel bibere usque ad vomitum, probabile est esse tantum veniale ex genere suo, nisi adsit scandalum (nempe grave), vel notabile nocuumtum valetudinis, ut communius dicunt . . . . Qui autem sponte vomunt, quod sumpservnt, ut iterum edant et bibant *sic cessantur* a mortali: hoc enim *vomitur* involvere magnam deformitatem. Ita *probabiliter* ». L. 73. Et sane alii probabiliter negant, quia ibi non habetur nisi avilitas delectationis in cibis, quae ex genere suo venialis est, nisi alia accedat peccati species. Vix autem dubium est, licere esu aut potu aliterve creare vomitum, si is salubris esse indicetur. Habet enim tunc rationem medicinae. Mortale censetur vesse carnibus et sanguine humano; tum quia est contra pietatem defunctis debitam, tum quia est contra naturae instinctum; nisi fiat causa medicinae, vel alia iusta causa e. g. extremæ famis. Cf. Laym. 1. 3. S. 4. n. 3., Diana Tr. 5. De Scand. R. 76.

58. *Quatenam sint gulae filiae?* — Sunt sequentes, quae ex genere suo veniales sunt, fiunt vero mortales cum alteri virtuti graviter opponantur; videlicet ex parte animae: 1.º *inobediencia mentis* seu stupiditas, nata ex cra-

pula; 2.<sup>o</sup> *inopla luctitia*, quae movet ad actus turpes; 3.<sup>o</sup> *multiloquium*, 4.<sup>o</sup> *scurrilitas* in verbis et gestis; 5.<sup>o</sup> ex parte corporis, *immunditia*, vomitus et seminis effusio. S. Th. 1. c. a. 6., L. 74.

59. *Quid sit ebrietas?* — « Ebrietas est peccatum mortale, quia secundum hoc homo volens et sciens privat se usu rationis, quo secundum virtutem operatur, et peccata declinat; et sic peccat mortaliter periculo peccandi se committens. Unde ebrietas, *per se loquendo*, est peccatum mortale » S. Th. 2. 2. q. 159. a. 2., 1. 2. q. 88. a. 5. ad 1. Ebrietas opponitur virtuti sobrietatis, cuius officium est mensuram adhibere « circa potum non quicquidque, sed eum, qui sua fumositatem natus est caput conturbare, sicut vinum, et omne quod inebriare potest ». S. Th. 2. 2. q. 149. a. 1. Ebrietatis malitia est in *voluntaria* privatione, modo artificiali, innaturali et violento per immoderatum potum inebriantem, usus rationis, non mere negative, ut in somno, sed contrarie per rationis perturbationem. — L. 75.

60. *Resolves*: 1.<sup>o</sup> Si quis sciens et volens tantam sumit vini potionem, quae apta est ad inebriandum, nullo modo excusatur a mortali, quamvis antequam sensibus destituatur somno se committat, quo vini effectum effugiat: quia potio illa iam est intrinsece mala, cum de se apta iam sit ad privandum hominem usu rationis, et per accidens se habet, quod ipse per somnum sensibus privatur. Neque vero in somno potentiam habet proximam ad usum rationis. L. 78. — 2.<sup>o</sup> Non peccat mortaliter, qui ex potu vini non amittit totaliter usum rationis, quamvis mens perturbetur, ita tamen ut discernere valeat inter bonum et malum, ut communiter dicunt theologi. Addunt etiam communiter theologi ebrietatem non esse mortalem, si per modicum tempus privet ratione. Dicit autem La-Croix longum tempus videri unam horam. — La-Croix l. 5. n. 327., L. 75. 78.

61. *An liceat ad morbum depellendum potum sumere, si ex eo praeridetur secutura ebrietas?* — R. Affirm. probabilius, si potus sumatur ad pravas corrigendas qualitates, tunc enim rationis privatio per accidens et indirecte sequitur, et ideo licite permitti potest. — Si vero potus sumatur ad ebrietatem seu privationem rationis directe procurandam negant S. Alph., alique, quia privare se facultate proxima usus rationis est intrinsece malum; affirmit vero Busemb., alique innixi praecipue auctoritate S. Th. 1. 2. q. 88. a. 5. ad 1. ubi ait: « Quod enim homo absque necessitate reddat se impotentem ad utendum ratione, per quam homo in Deum ordinatur, et multa peccata occurrentia vitat ex sola vini voluptate, expresse virtuti contrariatur ». Nota tamen *absque necessitate, ex sola vini voluptate*. E. si adsit necessitas, et non ex vini voluptate, virtuti non contrariatur. — Layman l. 3. S. 4. n. 5., La-Croix l. 5. n. 319., Struggl 25., S. Th. 2. 2. q. 150. a. 2. ad 3., L. 76.

62. *An liceat alicui se inebriare ad vitandam mortem, quam alter ei imminatur, nisi inebrietur?* — 1.<sup>a</sup> Sent.<sup>a</sup> S. Alph. probabilior negat, quia privare se directe potestate proxima utendi ratione est intrinsece malum. Cum autem hic periculum mortis sit ab extrinseco, immoderatus ille potus usque ad ebrietatem nequit hic habere tanquam causa produciens duos effectus. Quare inebriatio esset directe intenta et volita. 2.<sup>a</sup> Sent.<sup>a</sup> quam tenent cum Busemb., Less., Pal., et probabilem putant Layman, alique, affirmat, quia privatio rationis hic non est intenta, sed solum permissa; vini enim excessus assumitur non animo se inebriandi, neque *absque necessitate, ex sola vini voluptate*, quod esset certe intrinsece malum, sed tanquam medium ad mortem fugiendam. — La-Croix l. 5. n. 321., Struggl 25., L. 76.

63. *An licita sit ebrietas ad operationem chirurgicam subeundam.* — 1.<sup>a</sup> Sent.<sup>a</sup> quam tenent S. Alph. 76., Scav. q. 7., alique, negat, quia in hoc casu directe intenderetur ebrietas, seu rationis privatio, quae intrinsece mala est, tanquam medium dolorem sensuum removendi. 2.<sup>a</sup> Sententia vero affirmat.

1.<sup>o</sup> quia privatio usus rationis saltem ad breve tempus, et ex gravi causa non videtur intrinsece malum; 2.<sup>o</sup> quia non directe potatio datur ad privationem rationis causandam, sed ad sensuum soporem; atque adeo ebrietas indirecte sequitur et per accidens: neque enim sensuum sopor provenit ex privatione rationis, sed ex nervorum laxitate et hebetudine. G. B. 182. — Nullo autem modo damnandus est usus aliorum medicamentorum, quorum virtus primaria est inferre soporem, vel nervos obtorpescere, uti opium et aetheris inspiratio.

64. *An licitum sit aliquem ad ebrietatem inducere ut illi impediatur a graviore malo, e.g., a sacrilegio vel homicidio committendo?* — 1.<sup>o</sup> sententia affirmat, quia hoc est malum, quod alter impediri non potest. diminueret; 2.<sup>o</sup> sententia distinguit, et ait licitum esse alterum inducere ad ebrietatem materiale, i. e. quando alter se inebriet sine peccato, puta apponendo illi vinum fortissimum aut medicatum, quia tunc ex una parte ille non peccat, et ex altera damnum ebrietatis permittitur ad vitandum gravius damnum aliorum. Non autem licitum esse dicunt eum inducere ad ebrietatem formalem, nempe cum suo peccato, cum haec sit intrinsece mala, ac ideo nunquam permittenda; 3.<sup>o</sup> vero sententia neutrum concedit, quia cum talis nequitiam de vino cogitet, illum est positive inducere ad ebrietatem, adeoque malum. « His tamen non obstantibus, concludit S. Alph. 77., 1.<sup>o</sup> sententia satis probabilis videtur mihi, et aliis viris doctis a me consultis, sive ebrietas sit materialis, sive formalis, ob rationem iam allatam, quia licitum est inducere alterum ad minus malum, ut impediatur a maiori ». Tunc nempe iam non est malum consulere, sed bonum, scilicet electionem minoris mali — Scav. q. 7.

65. *An licitum sit aliquem inebriare, ut secreta patefaciat?* — Haec habet Struggl 25.: « Licet alterum materialiter inebriare... ad elicienda secreta, quae alter tenetur manifestare; si autem hoc fieret ad elicienda secreta, quae alter posset bona conscientia manifestare, non tamen tenetur, ei fieret iniuria, quia est rationabiliter invitatus contra talem inebriationem et modum eliciendi secreta. Quod a fortiori verum est, quando alter similia secreta nequit bona conscientia manifestare ». Idem habet La-Croix l. 5. n. 328. 329.

66. *An peccet quis graviter amentem inducens in ebrietatem?* — R. Negat. *per se*, quia fatuus, utpote iam usu rationis destitutus, nequit amplius usu rationis privari. Dicitur *per se*, quia si fatuus post potum excessivum soleat res turpes efficere, vel in blasphemias eruipere, et id sciat qui ad bibendum eum inducit, graviter hic peccabit contra legem naturalem; quia fatuus eam materialiter violat, cum ei in actu primo subiectus sit. G. Cas. 182.

67. *An sint imputabilia mala in ebrietate commissa?* — R. 1.<sup>o</sup> Negat. si praevisa non fuerint saltem in confuso, ut patet. 2.<sup>o</sup> Affirmat., si praevisa fuerint saltem in confuso, saltem *mala operis*, ut iterum patet ex dictis. Dicitur saltem *mala operis*, nam *verba* iniuriosa, aut etiam facta contumeliosa probabiliter non sunt imputabilia, si contra homines proferantur, quippe nullam iniuriam et contumeliam ex communi aestimatione inferre censentur. Secus tamen si contra Deum proferantur, uti blasphemiae, etc., quia vel sola prolatio illa materialis blasphemiarum voluntaria in causa in diminutionem vergit divini honoris. Attamen S. Alph. 78. contrariam Salm. sententiam improbabilem dicere non audet. — Cum autem blasphemia in ebrietate prolata veram in se non habeat blasphemiae naturam, quamvis praevisa fuerit, reservationi et censurae, si forte adsit, non subiecitur. — Ithur. Cas. 30., Sanch. in Dec. l. 1. C. 16. n. 42. seqq., L. 2. 78., G. 183.

68. *Quid sit ira?* — Ira est inordinatus appetitus vindictae. Haec inordinatio dupliciter fieri potest: 1.<sup>o</sup> Ex parte modi irascendi, ut, v. g., si nimium interius exardescas, vel exterius per signa nimis patefacias. — 2.<sup>o</sup> Ex



parte obiecti, ut, si vindictam appetas plane iniustam ob causam, vel si iusto maiorem, v. g., optando inimico mortem, quam non est meritum, vel exsequendam propria auctoritate, vel denique, licet vindicta iusta sit, non tamen eam appetas ut iustam, sed ut satiativam animi tui malevoli. — Si ordinate appetatur vindicta, non est peccatum irae: ut cum superiores irascuntur culpis subditorum, eosque puniunt, seu vindicant. Ira inordinata, primo modo ante dicto est ex genere suo peccatum veniale, potest tamen fieri mortale ex accidente, propter violationem alterius virtutis, v. g., religionis, pietatis, caritatis, etc., ut si addatur blasphemia, maledictio, scandalum: tum etiam, si huiusmodi motus animi sit vere vehemens et deliberatus. G. Cas. 174. 175. Ira inordinata secundo modo est ex genere suo mortale: quia est directe contra caritatem, et iustitiam. — S. Th. 2. 2. q. 158., L. 79.

69. *Quaenam sint filiae irae?* — Partim sunt ex corde: 1.<sup>o</sup> *Indignatio*, quae est inordinatus affectus ex eo, quod quis reputet se indigne a tali tractari. Communiter est veniale. Imo si ex iusto rationis iudicio procedat, nullum est. Posset tamen esse mortale, si cresceret usque ad deliberatum odium et contemptum personae gravem. — 2.<sup>o</sup> *Tumor mentis*, quo quis morose excogitat diversas vias vindictae, iisque cogitationibus animum tumefacit. Quale peccatum sit, iudicandum est ex qualitate vindictae, quae excogitatur. — Partim in ore: 1.<sup>o</sup> *Clamor*, cum iratus extollit vocem, multa inordinate et confuse effundens. Est veniale communiter, nisi aliud addatur. — 2.<sup>o</sup> *Blasphemia* contra Deum, et mortale est. — 3.<sup>o</sup> *Contumelia* contra homines, qua quis proximo malum aliquod obicit, cum intentione illum inhonorandi. — 4.<sup>o</sup> *Maledictio*, qua quis optat et imprecatur alteri malum, sub ratione mali. — Partim in opere, ut *Rixae*, Pugnae, Seditiones, Vulnera. *Rixae*, per quas intelliguntur omnia nocumenta, quae facto proximis inferuntur ex ira. S. Th. 2. 2. q. 158. a. 7. Rixae, si modum non excedant, uti et leviculae pugnae veniales sunt: secus, si progrediantur ad seditiones, vulnera, caedes. Suntque haec communiter peccata mortalia ex parte incipientis rixam: alter enim potest se defendere cum moderamine inculpatae tutelae. — L. 80. 83., S. Th. 2. 2. q. 41. 42.

70. *Contumelia*. — Ex genere suo mortalis est. Venialis tantum est, si sit parva, vel tantum materialis sine animo dehonoriandi, modo non sequitur laesio notabilis honoris proximi. Et sic excusantur saltem a mortali multi parentes, dum filios vocant asinos, etc., item mulieres, pueri, et infimae sortis homines conviciis se onerantes; quia cum fides iis non habeatur, non laeditur graviter honor. Neque vero peccatum est, si fiat animo corrigendi, humiliandi, aliave ratione. Et sic potest superior verbum aliquod alias contumeliosum obicere. In quo tamen peccari potest, si modus debitaе correctionis excedatur, vel subditus gravius dehonoretur, quam meruit. Itemque si facta causa, per convenientem recreationem, leves defectus obiciantur, urbanitas est, secundum S. Th. 2. 2. q. 72. a. 2., dummodo alter non contristetur neque ad iram moveatur. — Contumelia etiam fit facto, tum *indirecte*, ut si imaginem vel litteras alterius conculees, comburas, etc., tum *directe*, ut si virum honestum fuste caedas, ad ianuam eius cornua apponas, vel representantes aliquid, quod honorem alterius laedat. — Huc spectat *substruendum, allasio et derisio*, quando fit signis ut naso rugato, labiis extensis, etc., intendendo proximi confusionem, quae, si sit gravis, vel saltem procum, et graiter contristetur, mortalia sunt. — Circa quae nota, quod qui per contumeliam laesit alterius honorem, teneatur hunc restituere, etiam si facta non sit laesa. Hoc autem fieri potest vel per honorificam et amicum salutationem, vel invitationem ad mensam, vel petitionem veniae, etiam subinde flexis genibus et coram testibus, prout laesio fuit gravis. Variam contumeliae mortalis qualitatem in confessione explicare necessarium non est. — L. 81.

71. « *Maledictio*, de qua nunc loquimur est, per quam pronuntiatur malum contra aliquem vel imperando vel optando. Velle autem vel imperio movere ad malum alterius, secundum se repugnat caritati, qua diligimus proximum; et ita secundum suum genus est peccatum mortale, et tanto gravius, quanto personam, cui maledicimus magis amare et revereri tenemur.... Contingit tamen, verbum maledictionis prolatum esse peccatum veniale, vel *propter parvitatem mali*, quod quis alteri maledicendo imprecatur, vel etiam *propter affectum eius*, qui profert maledictionis verba, dum ex levi motu, vel ludo, aut *ex subreptione aliquo* talia verba profert, quia peccata verborum maxime ex affectu pensantur ». S. Th. 2. 2. q. 76. a. 3., L. 83.

72. *Quid sit accidia?* — *Accidia*, sive animi taedium, potest dupliciter usurpari: 1.<sup>o</sup> Generaliter, pro omni animi remissione in exercitio virtutum, eo quod labor aliquis sit adiunctus. 2.<sup>o</sup> Particulariter, pro tristitia, et taedio de divina amicitia, eo quod per virtutum exercitia laboriosa servari debeat; et sic amicitiam illam non curet. — *Accidia* accepta primo modo tum demum est peccatum mortale, quum ideo committitur opus vetitum sub mortali. *Accidia* accepta secundo modo ex se est mortale, quia repugnat caritati Dei. S. Th. 2. 2. q. 35., L. 84.

73. *Quaenam sint accidiae filiae?* — Sunt sequentes: 1.<sup>o</sup> *Malitia*, qua quis odio habet bona spiritualia, et vellet ea non esse, aut qua ipsum poenitet bene fecisse vel implevisse id, ad quod tenebatur, aut qua contemnit Dei beneficium, v. g., desiderando non fuisse natum, aut non agnovisse Christum, etc. Est ex genere suo mortale. — 2.<sup>o</sup> *Pusillanimitas* et *Desperatio* de salute, quae mortale quoque est. — 3.<sup>o</sup> *Rancor*, quo ii sunt fastidio, qui ad spiritualia inducunt. — 4.<sup>o</sup> *Torpor*, cum bona fiunt non cum debito fervore. — 5.<sup>o</sup> *Eragatio mentis*, qua quis in exercitio spiritualium evagatur circa illicita, sive per cogitationem, et dicitur curiositas, sive per locutionem, et dicitur verbositas, sive per inquietudinem et dicitur inquietudo, quae communiter sunt venialia. — S. Th. 2. 2. q. 35., L. 84.

## DE PRAECEPTO FIDEI

1. *Quid sit Fides, et quomodo distinguatur?* — 1.<sup>o</sup> Fides supernaturalis, de qua hic sermo est, definitur: assensus firmissimus rebus a Deo revelatis propter auctoritatem Dei revelantis. Quare obiectum materiale fidei est omnis et sola veritas a Deo revelata: obiectum formale auctoritas Dei revelantis. S. Th. 2. 2. q. 1. — 2.<sup>o</sup> Fides alia est *formalis*, alia *virtualis*. *Formalis* habetur, quum quis veritatem Deo revelatam credit propter auctoritatem Dei revelantis. *Virtualis* habetur, quando fides formalis habita sit, eaque habitualiter perduret, et actu influat in alium virtutis actum, ut, e. g., quando quis, quin actu eliciat actum fidei, actum elicit supernaturalis caritatis et contritionis. Fides item alia est *explicita*, alia *implicita*. Fides *explicita* illa est, qua aliquis fidei articulus creditur in se, sub propriis ac particularibus terminis, sub quibus nobis proponitur: v. g., qui credit Deum unum in natura et trinum in personis. Patrem, Filium et Sp. S. habet fidem explicitam Trinitatis. Fides vero *implicita* illa est, qua aliquid creditur non in se, sed in alio in quo illud aliquomodo continetur, v. g., qui credit in Christum Deum, hominem; eo ipso implicite credit in duplicem eius voluntatem, etsi eam ignoret. — L. 2. 2., S. Th. 2. q. 1. a. 1-7., q. 2. a. 1. 2. 9. 10., q. 4.

2. *Quoniam sint peccata et vitia fidei opposita?* — 1.<sup>o</sup> *Fidei* opponitur *infidelitas* quae triplex est: *negativa*, *privativa*, *positiva*. Prima est carentia fidei in eo, qui nunquam de vera religione quidquam audivit. Altera est carentia fidei in eo, qui sibi notitiam fidei data occasione comparare negligit. Tertia est carentia fidei in eo, cui sufficienter ipsa proposita est, et qui eam positive respuit. Licet infidelitas *negativa*, ut patet, peccatum non sit, est tamen poena peccati; quia si fecisset quod in ipso erat, Deus fidem ei non abscondisset. Infidelitas autem *privativa* et *positiva* gravissimum peccatum est: ratio est, quia illa virtualiter, haec vero formaliter continet gravem contemptum et iniuriam auctoritatis Dei revelantis. Fides praeterea est initium, fundamentum et radix iustificationis. Trid. S. 6. C. 8. Ergo qui se voluntarie privat fide, se privat pariter iustificatione, adeoque quam maxime peccat. — 2.<sup>o</sup> Fidei opponitur etiam *haeresis*, quae duplex est: *formalis* et *materialis*. Prima est error *voluntarius* ac *pertinax* contra aliquam fidei veritatem ab Ecclesia propositam, in eo qui fidem recepit. Altera vero ea est, qua quis errori adhaeret, sed sine pertinacia. Porro pertinaciter errare hic non est acriter et mordicus suum errorem tueri, sed est eum scienter et voluntarie retinere postquam contrarium est sufficienter propositum: sive quando scit contrarium teneri ab universali Christi in terris Ecclesia, cui suum iudicium praeferat: sive id fiat ex vana gloria, sive libidine contradicendi, aliave causa. Haeresis merè *materialis* peccatum non est: ille enim error procedit ex ignorantia invincibili veritatis. At haeresis *formalis* gravissimum peccatum est, sicut ipsa infidelitas propter easdem rationes. — 3.<sup>o</sup> Ad haeresim *apostasiam* revocatur, a qua tantum differt quod haeresis sit error fidei ex parte tantum contrarius; *apostasiam* vero ex toto: est enim totalis defectio a veritate fidei christianae. De ea igitur sicut de haeresi diiudicandum erit. — 4.<sup>o</sup> Qui ab haeresi voluerint ad catholicam Ecclesiam converti ante absolutionem debent suam haeresim abiurare et publicam fidei professionem facere, secundum quod praescribitur C. *Si qui coluerint* 8. can. 1. q. 7. et Rit. Rom. — Struggl q. 2. n. 1. 9., Suarez D. 16. S. 1., Lugo D. 16. n. 291. seqq., D. 18. n. 3. seqq., S. Th. 2. 2. q. 10. 11. 12. L. 17. seqq.

3. *An sit haereticus formalis, qui dubitat de aliquo fidei articulo?* — R. 1.<sup>o</sup> Affirmat., si positive dubitet, *indicando* incertam esse veritatem, quam scit esse a Deo revelatam et ab Ecclesia propositam: voluntarie enim contradicit fidei sufficienter propositae; adeoque error vere habetur voluntarius et *pertinax* contra aliquam fidei veritatem, quae definitio est haereseos formalis. — 2.<sup>o</sup> Negat., si negative se habeat, atque *suspendat* assensum sive id fiat ex formali aut virtuali contemptu divinae revelationis, sive id fiat ex negligentia, aut quia vult mentem ad alia divertere, etc. Ratio est, quia cum nihil affirmet contra infallibilitatem fidei, ut supponitur, non erat positive in fide adeoque haereticus non est; licet contra fidem graviter peccet, vel ex contemptu verbi Dei, vel ex negligentia actum fidei praeceptum omittendo. Struggl q. 2. n. 12. 13., D. Annib. n. 7.

4. *Actus internus fidei omnibus adultis, ratione utentibus, ad iustificationem necessarius est necessitate medii.* — Nam, ut ait Apost. ad Heb. 11. 6., *sine fide impossibile est placere Deo. Credere enim oportet accedentem ad Deum, quia est, et inquirentibus se remunerator sit.* Ergo. — *Necessitate medii.* Quia fides positive influit in iustificationem, eaque inculpabiliter etiam non habita, iustificatio et salus obtineri non potest. Cf. Commentar. De necessitate medii. — L. 1. S. Th. 2. 2. q. 2. a. 3. 5.

5. *Quo sunt certo de necessitate medii explicite credenda:* 1.<sup>o</sup> *quod Deus sit;* 2.<sup>o</sup> *quod remunerator sit.* — Constat 1.<sup>o</sup> ex eodem textu Pauli modo cit.; 2.<sup>o</sup> prop. 22. et 23. damn. ab Innoc. XI.

6. *An etiam de necessitate medii credenda sint explicite mysteria Tri-*



*nitatis et Incarnationis?* — Duplex adest sententia probabilis: altera affirmat, altera negat. Ratio prioris est, quia Incarnatio obiectum est maxime necessarium ex parte medii nostrae salutis, Trinitas maxime necessarium ex parte finis: adeoque utrumque maxime credendum. Ratio posterioris est: nullum adest et rationis argumentum, et positivum documentum, unde ista necessitas erui possit. Priori sententiae favet, maxime pro praxi. Resp. S. O. 10. maii 1703. — Struggl q. 1. n. 21., L. 2., S. Th. 2. 2. q. 2. a. 7. 8.

7. *An possit absolvi qui ea ignorat, quae sunt certo de necessitate medii?* — R. Negat. Nec licite nec valide. Ratio est, quia ille, ex defectu medii necessarij simpliciter, est incapax iustificationis; ergo etiam est incapax absolutionis. Aliunde nemo potest habere spem salutis, quin Deum remuneratorem credat.

8. *An possit absolvi ignorans mysteria Trinitatis et Incarnationis?* — 1.<sup>o</sup> Non potest licite, extra casum necessitatis, v. g. periculum mortis, quia confessarius, talem absolvens, sacramentum periculo nullitatis exponit. — 2.<sup>o</sup> Probabiliter potest absolvi *valide*, si versatur in ignorantia invincibili. Ratio est ipsa probabilitas sententiae negantis necessitatem medij pro talibus mysteriis.

9. *Actus internus fidei est etiam adultis necessarius necessitate praecepti quandoque in vita.* — Prob. 1.<sup>o</sup>, ex 1. Ioann. 3., 23. *Hoc est mandatum eius, ut credamus in nomine Filij eius, Iesu Christi*; 2.<sup>o</sup> Ex prop. 1.<sup>a</sup> damn. ab Alex. VII. et ex prop. 17. 65. damn. ab Innoc. XI.

10. *Quandonam obliget praeceptum fidei?* — Fidei praeceptum urget *per se* et *ratione sui*: 1.<sup>o</sup> Post usum rationis completum, ad incipiendam vitam christianam, S. Th. 1. 2. q. 89. a. 6., alique, alij tamen negant. L. 20. 2.<sup>o</sup> Quando infideli seu haeretico adulto fidei nostrae veritas sufficienter proposita est. 3.<sup>o</sup> In articulo mortis, iuxta quosdam, ad proximius tendendum ad Deum. 4.<sup>o</sup> Saepius in vita, saltem iuxta plures semel in anno, iuxta multos alios singulis bimestri, trimestri vel etiam semestri; et iuxta nonnullos singulis mensibus. — Urget vero *per accidens*: 1.<sup>o</sup> Urgente gravi tentatione, quae aliter vinci nequit, et tunc obligatio exoritur ex ipso praecepto fidei, si de tentationibus contra fidem agatur, secus vero si de aliis tentationibus. 2.<sup>o</sup> Ratione alterius praecepti, quando, e. g., ponendus est actus contritionis in confessione, qui cum ex fide procedere debeat, sine aliquo fidei actu, saltem virtuali, et implicito, circa proprium suum obiectum aut motivum esse nequeat. 3.<sup>o</sup> Post lapsum in haeresim, aut fidem negatam, et semper ac exterior fidei professio facienda est. — Struggl q. 1. n. 30. 33. 35. 46., Suarez D. 14. S. 2., L. 5.-8. 11., G. Cas. 187.

11. *Nota*: In illis, qui veritates fide tenendas iam didicerunt et crediderunt, generatim sufficiunt actus fidei virtualis, et implicitae. Quare sufficienter hoc praeceptum adimpletur exercendo alios religionis actus. Hinc praecepto satisfacit, qui devote audit Missam, adorat Crucifixum, orat, crucis signum format, sacramenta recipit. — Fide autem saltem generali et implicita necesse est credere omnia a Deo revelata; nempe necessarium est, ut generatim credantur ea omnia, quae a Deo revelata sunt, et per Ecclesiam proposita. Id enim exigit Dei revelantis auctoritas. — Struggl q. 1. n. 35., L. 7., S. Th. 2. 2. q. 2. a. 5. 6.

12. *Quaenam sint explicitae credenda necessitate praecepti?* — « Explicitae de necessitate praecepti debent sciri, et credi, saltem in substantia, ut docet S. Carolus Borro. in sua Institutione ad confessarios: 1. Symbolum Apostolorum. 2. Oratio dominicalis, et salutatio angelica. 3. Praecepta Decalogi, et Ecclesiae. 4. Sacramenta, quae cuilibet sunt necessaria, ut baptismus, eucharistia, et poenitentia; ceterorum enim sufficit habere fidem implicitam, cum explicita sit tantum necessaria illis qui ea suscipiunt ». L. H. A. t. 4. c. 1. n. 3. Prob. ex praxi communi, et communi thth. auctoritate.

Ratio, quia haec continent substantialia capita et fundamenta Religionis, quam quis debet profiteri; et praecepta necessaria, secundum quae vivere debet.

13. *Nota: Quoad Symbolum.* Suarez et Lugo putant non improbabilem sententiam negantem necessitatem credendi explicite perpetuam B. Mariae virginitatem. Licet *Passio Christi* explicite credenda sit sub gravi, illa tamen circumstantia, sub *Pontio Pilato* ad fidem explicite tenendam non pertinet. *Crucifixus*, probabiliter crucifixio, genus mortis exprimens explicite est credenda: sic enim (1. Cor. 1. 23.) *Praedicamus Christum Crucifixum*. Et sane hoc genus mortis Ecclesia fidelibus constanter praedicat. *Sepultura vero Christi* explicite credenda est, sed probabilius sub levi tantum, quia est circumstantia levis. Lugo, D. 12. n. 21. *Descendit ad inferos*, probabiliter hoc non est explicite credendum sub gravi, imo nec sub levi, iuxta Suarez, quia a fidelibus non facile intelligitur. Sed contradicit Lugo ib. Licet vero *Resurrectio a mortuis* sub gravi explicite credenda sit, quia substantialis res est, ut constat ex Paulo 1. ad Cor. 15.; illa tamen temporis circumstantia *tertia die* non est explicite credenda. *Sedit ad dexteram Patris*, probabiliter, iuxta plures, hoc non est credendum explicite, quia a fidelibus difficile intelligitur; alii autem affirmant esse credendum explicite quoad honorem, potestatem, dominiumque supremum. *Inde venturus est iudicare vivos et mortuos*; haec verba *vivos et mortuos*, iuxta Lugo, non sunt explicite credenda, ob varietatem explicationum. *Credo in Spiritum Sanctum*, processio a Patre Filioque non est credenda explicite necessitate praecepti a singulis fidelibus, etsi de fide sit. Multa enim de fide non ab omnibus sciri debent. *Sanctam Ecclesiam Catholicam*: de Ecclesia scire et credi debent tria, scilicet quod sit: 1.<sup>o</sup> unica in terris sub uno capite visibili; 2.<sup>o</sup> gubernata et conservata Spiritus Sancti assistentia; 3.<sup>o</sup> infallibilis in rebus fidei et morum, et ab omnibus audienda. Hoc tamen ultimum, licet certum et de fide, in Symbolo explicite non continetur. Quoad eius *sanctitatem* sufficit scire et credere esse sanctam ob caput, doctrinam, sacramenta sua, et sanctos canonizatos, quia de caeteris diversi diverse sentiunt. Quoad eius autem *catholicitatem*, sufficit illi profiteri obedientiam in persona capitis sui visibilis. *Communionem Sanctorum*, utrum credenda explicite, et quoad aliquam communicationem orationum tantum, an tantum implicite in unitatem Ecclesiae: utrum sub gravi, an sub levi non conveniunt dd.; quidquid sit, in praxi omnes videntur sufficienter illam cognoscere, cum saepe dicant, *ora pro me*, sanctosque frequenter invocent. — Lugo D. 13. n. 65. 75. 82. 85. 87. 112., Suarez D. 13. S. 2. 4. Cf. S. Th. 2. 2. q. 1. a. 8. 9.

14. *Decalogus* etiam credendus est explicite, quia praecepta Decalogi sunt revelata, ut ab omnibus serventur; porro quod revelatum est, *fide divina* est credendum; et quod revelatum est ad dirigendos actus singulorum, est ab omnibus explicite sciendum. Ergo. Contradiciunt tamen plures, quia alio modo, ac per revelationem, eiusmodi praecepta nosci possunt.

15. *Quoad praecepta Ecclesiae.* — Haec non sunt credenda fide divina, quia a Deo non sunt revelata, saltem quatenus praecepta Ecclesiae. Illud tantum credendum est, quod Ecclesiae praecepta condendi ex auctoritate divina ius habeat. Debent autem sciri ab omnibus praecipua Ecclesiae praecepta, quorum observatio ad omnes fideles pertinet: nempe praeceptum festa colendi, missaeque in iis audiendi, praeceptum confessionis annuae, communionis paschalis, ieiunii et abstinentiae. Ad obligationem praecepta noscendi revocatur etiam, quod singuli officia proprii status seu conditionis nosse necessario debent.

16. *Quoad Eucharistiam.* — Omnes scire et credere debent realem in ea Christi praesentiam. Item explicite credendum est, iuxta communem

sententiam, quod Christus sit totus in singulis speciebus, et probabilius etiam, quod in sacrificium offeratur, cum omnes debeant missae sacrificio assistere. Non vero probabilius explicite credenda transubstantiatio. — Lugo D. 13. n. 121.

17. *Quoad orationem dominicam.* — Omnes scire debent sub gravi, Deum esse orandum cum spe et fiducia, et ab eo petenda esse omnia bona tum animae, tum corporis, et gratias ad animae mala effugienda. Creditur in ea Deus providens, auxiliator, condonans, remunerans. Datur item obligatio, saltem sub levi, illam aliquando recitandi, iuxta communem sententiam. — Lugo D. 13. n. 133., Suarez D. 13. S. 4. n. 12., L. 3.

18. Non omnes tenentur sub mortali praedicta scire memoriter, aut eo ordine, aut iis verbis quibus proponuntur, sed sufficit ea scire crasso modo, et quoad substantiam. Consuetudo enim obligationem memoriter ea addiscendi exposuit non esse ultra veniale; uti nec est ultra veniale nescire facere crucem; ita Sanch. contra Sylv., qui docet esse mortale *Ac quoad salutationem angelicam*, P. Gury 204., aliiq., non nisi ex decentia eam sciendam et recitandam affirmant. — Suarez D. 13. S. 5. n. 8., De Relig. T. 2. l. 3. De Orat. C. 6. n. 8. seqq., L. 3.

19. Possunt quidem absolvi qui ignorant ea quae necessitate praecepti et sub mortali scienda sunt; quia licet peccarint omittendo discere, possunt tamen de hoc dolere, cum proposito discendi. G. Cas. 185. Parochus vero suas oves, sicut parens liberos, tenetur sub mortali per se, vel per alium, docere ea saltem, quae sub mortali scire tenentur. — L. 3.

20. *Quoad actum externum fidei, datur praeceptum negativum, prohibens veram fidem negare, falsamve profiteri. Datur etiam praeceptum affirmativum, obligans aliquando ad fidem etiam cum vitae periculo confitendam.* — Prob. 1.<sup>a</sup> p. Veram fidem negare, vel falsam profiteri, est Deum et Christum negare. Atqui Christus ait: *Qui negaverit me coram hominibus negabo et eum coram Patre meo, qui in Coelis est.* Matt. 10., 33. Ergo. Prob. 2.<sup>a</sup> p. Nam ordinata caritas, quam Deo et proximo debemus, exigit ut, cum Dei honor et proximi spiritualis utilitas *privative* vel *contrarie* subtraheretur, ad fidem profitendam, bona temporalia et vitam etiam aliquando spernamus. Ergo. S. Th. 2. 2. q. 3. a. 1. 2. Confessionis autem fidei blasphemia opponitur, de qua sermo erit in secundo Decalogi praecepto. S. Th. 2. 2. q. 13. *Privative*, ut si ideo cessaret magnus honor in Deum et magna utilitas in proximum. *Contrarie*, ut si aliqui Deus afficeretur iniuria, vel proximus gravi malo, v. g., si inde penderet aliorum conversio vel perversio, contemptus religionis, scandalum. — Suarez D. 4. S. 2. L. 10., S. Th. 2. 2. q. 3. a. 2.

21. *Resolves.* — 1.<sup>o</sup> Qui rogatus a privata auctoritate, vel tacet, vel respondet obscure, vel ait se nolle respondere, se non rogari iure, non teneri se nec velle aliis dicere quid ipse credat, ac simili modo tergiversatur, nisi aliud expostulent rerum aliuncta, non videtur negare fidem, sed nolle prodere. Unde si sic potest molesta inquisitione liberari, licet. *Privata auctoritate*; quoad enim *publicam potestatem* regulariter non licet. Cf. prop. 18. damn. ab Innoc. XI. S. Th. 2. 2. q. 3. a. 2., Suarez D. 14. S. 3., Lugo D. 14. n. 37. 39. — 2.<sup>o</sup> Non negat fidem, sed ostendit, qui fugit; quod etsi liceat, non tamen pastori, tunc cum oves eius opera indigent; uti contra, si eis consultius est ut ad tempus se subducant, et in bonum earum reservet, tenetur fugere. Lugo D. 14. n. 42. 43. 96. — 3.<sup>o</sup> Cum non rogari de fide, non solum licet, sed saepe melius est ad Dei honorem et utilitatem proximi tegere fidem quam fateri: ut si labens inter haereticos plus boni facias; vel si ex confessione plus mali sequeretur, v. g., turbatio, neces, exacerbatio tyranni, periculum defectionis, si torquereris. Unde temerarium plerumque est offerre se ultro. Struggl q. 1. n. 41. — 4.<sup>o</sup> Non peccat contra fidem, qui templa haereticorum vel infide-



lium ex mera curiositate visitat, secluso scandalo, perversionis periculo, aut mandato, quod hoc prohibeat. Item qui interest convivio nuptiali aut sepulturae haereticorum, quia haec proprie ad fidem non spectant, et praefatae adunationes ut mere civiles habentur. Non peccat item contra fidem qui per loca haereticorum transiens, timore periculi gravis, carnes comedit die vetito, ne catholicus agnoscat, quia hoc per se non est signum haereseos: secus autem si carnes manducaret etiam metu mortis, ad id in odium fidei impulsus. Struggl q. 1. n. 44. 45., Lugo D. 14. n. 156. seqq. — 5.<sup>o</sup> Licet uti signis aut vestibus infidelium, si sint vestes aut signa propria alicuius regionis et distinctiva *gentis a gente*, licet regio haec tota sit infidelis, quia haec ad religionem per se non referuntur. Probabilius adhuc licet, gravi tamen de causa, si vestes sint distinctivae *sectae a secta*, quia tunc usus primarius earum est ad corpus tegendum, et secundarius tantum ad sectam distinguendam. Hinc licet missionario ad se occultandum indui vestibus ministrorum falsae religionis, ita ut unus ex ipsis appareat. G. Cas. 196., L. 15., Struggl l. c. n. 43., Lugo D. 14. n. 70.-97. Secus autem, si vestes aut signa, sint *protestativa falsae religionis*, ut sunt vestes et ornamenta quibus sacerdotes in exercitio functionum suarum utuntur. Hinc neque licet incensio thuris, genuflexio coram idolo, sumptio coenae haereticæ, etc., etsi externe tantum haec fiant. — 6.<sup>o</sup> Catholici viventes inter haereticos, si ex praeecepto magistratus contrahant matrimonium coram ministro haeretico, peccant contra fidem, etiamsi contraxerint ante, vel contracturi sint postea coram sacerdote catholico: testatur enim contrahens caeremonia illa, se illum agnoscere verae fidei ministrum; quod est intrinsece malum, quia auctoritas ministri et consequenter doctrina eius augetur, et concurritur ad ritus haereticos, quos minister isto actu exercet. Licite tamen contrahunt coram magistratu civili, vel potius testantur se contraxisse; modo prius, vel posterius ritu catholico contrahant. Quia haec actio est instituta ad finem politicum, ut coniuges habeantur, et proles non censeantur illegitimæ. — L. 12. seqq. 18., Lugo D. 14. n. 156. seqq.

22. *Qualis communicatio fidelibus sit prohibita cum Iudæis?* — «Fidelibus praeter communicationem in rebus Religionis et matrimonii, cum Iudæis est prohibitum: 1.<sup>o</sup> habitare; 2.<sup>o</sup> eorum medicis aut medicina uti; 3.<sup>o</sup> ex conducto et societate, convivio aut eodem balneo interesse; 4.<sup>o</sup> in domibus eorum agere famulum, aut nutricem; 5.<sup>o</sup> illis in testamento legata relinquere; 6.<sup>o</sup> eis publica officia inter christianos committere. Ita ex Iur. Can. . . . — Porro finis harum prohibitionum est partim dignitas Religionis Christianæ, partim periculum subversionis. Quando igitur aliqua communicatio ex recensitis huic fini graviter opponitur, illa est peccatum mortale; quando vero solum leviter, illa est peccatum veniale. — Praeterea propter necessitatem aliquamque rationabilem causam potest contingere, ut aliqua communicatio cum Iudæis neque sit venialiter peccaminosa», Struggl q. 2. n. 5., La-Croix l. 3. n. 89., consuetudine praesertim interveniente, quæ hodie ferme ubique obtinet. Scav. l. 2. n. 809. — C. Nullas, C. Omnes caus. 28. q. 1., C. Iudæi De Iud. Sarac. etc., L. 18.

23. *Qualis communicatio prohibita sit cum haereticis?* — 1.<sup>o</sup> communicatio simpliciter prohibita est cum haereticis, si sint excommunicati *vitando*. 2.<sup>o</sup> Communicatio prohibetur cum ipsis *in divinis*, communicando nempe in eorum ritibus, propriis sectæ haereticæ, minime vero communicando cum ipsis in nostris ritibus, si sint tolerati, audiendo e. g. missam in ecclesia cum haeretico. 3.<sup>o</sup> Communicatio prohibetur cum ipsis etiam *in civilibus*, licet sint tolerati, semper ac inde scandalum et perversionis periculum habeatur. 4.<sup>o</sup> Iudæis speciatim prohibitum est publice vel privatim cum haereticis disputare. C. *Quicumque* 2. § 1. De Haeret. in 6.<sup>o</sup> — Struggl q. 2. n. 32. 33., Lugo D. 22. n. 1. seqq., Suarez D. 20. S. 1., D. 21. S. 3. n. 4., S. Th. 2. 2. q. 10. a. 7.

24. *Qualis communicatio fidelibus sit prohibita cum paganis?* — « Iure tam divino positivo, quam ecclesiastico, sub peccato mortali prohibita est communicatio: 1.<sup>o</sup> in iis rebus quae pertinent ad Religionem, e. g., in eorum dogmatibus, caeremoniis et ritibus... Ratio... quia taliter communicans utitur signis, et exercet actiones, quae per se significant professionem falsae Religionis, adeoque saltem externe abneget veram fidem. — 2.<sup>o</sup> Iure pariter divino et ecclesiastico, prohibitum est fidelibus inire matrimonium cum paganis, imo etiam cum Iudaeis. C. *Care* 28. q. 1. ... — 3. E contra in actionibus civilibus nullo iure fidelibus est prohibitum communicare cum paganis, quando abest periculum perversionis ». Struggl q. 2. n. 4. S. Th. 2. 2. q. 10. a. 9. 10.

25. *Nota:* « Principes christiani possunt permittere Iudaeis, et Paganis, aut Haereticis libertatem conscientiae tantum ob bonum Religionis, et ob spem conversionis; non autem ob temporale emolumentum... Bene autem potest Ecclesia, et quicumque Princeps supremus compellere Iudaeos et Paganos subditos *ad audiendam* fidem nostram ». L. 18., S. Th. 2. 2. q. 10. a. 8. 10. 11. q. 12. a. 2.

## DE PRAECEPTO SPEI

1. *Quid sit spes?* — Spes actus voluntatis est, quo amore concupiscentiae Deum et divina prae omnibus aliis concupiscebilibus nobis concupiscimus, et quo ex virtute Dei auxiliatrice et fidelitate in promissis futuram beatitudinem et media ad illam consequendam certo expectamus. Hinc obiectum *materiale* spei primum est Deus et aeterna beatitudo, secundarium vero divinum gratiae auxilium, et bona opera nostra. Obiectum *formale* spei, secundum varios eius actus seu formalitates, est bonitas Dei respectiva, virtus Dei auxiliatrix, fidelitas Dei in promissis. — Struggl q. 3. n. 1. 2. 3., q. 4. n. 2., Theol. Wircob. n. 233. seqq., Laymann l. 2. Tr. 2. C. 1. n. 6., S. Th. 3. D. 26. q. 1. 2., De Virtut. q. 7. un., De Spe. a. 1., 2. 2. q. 17. q. 18. a. 4., L. 20. 21.

2. *Quoniam sint peccata et vitia spei opposita?* — 1.<sup>o</sup> Ratione primi actus spei opponitur *odium Dei*, quo quis Deum abominatur tanquam sibi infestum propter vindictam peccatorum, vel quo quis a Deo aeterna beatitudine avertitur, et vult in re alia, quam in Deo, ponere suam felicitatem. Hinc etiam mortale peccatum est, spei oppositum, *amare magis amore concupiscentiae terrena*, quam coelestia: v. g., si quis ita comparatus sit, ut desideret perpetuo degere in hac vita, et Deo relinquere coelum, si sibi relinquat terram. — 2.<sup>o</sup> Ratione alterius actus spei opponitur desperatio et praesumptio. Prior est diffidentia voluntaria obtinendi beatitudinem et media ad eam assequendam necessaria. Posterior vero est inordinata fiducia beatitudinis obtinendae sine mediis a Deo ordinatis. Praesumptio praecipue committitur: 1.<sup>o</sup> si praesumas vitam aeternam propriis naturae viribus obtinere; 2.<sup>o</sup> si eam expectes sine poenitentia, sine labore, ex sola Dei misericordia. — Struggl q. 3. n. 11. 14.-16., Suarez D. 1. S. 2. 3., D. 2. S. 3., S. Th. 2. 2. q. 20. q. 21., L. 21.

3. *An detur paritas materiae in peccatis contra spem?* — R. 1.<sup>o</sup> Negat, quoad praedictum *Dei odium* et *creatorarum amorem*, si actus sit perfectus, ut per se patet. — 2.<sup>o</sup> Negat, quoad *desperationem*, si sit perfecta et proprie talis: est enim maxime iniuriosa Misericordiae divinae. Sectus vero, si sit imperfecta et improprie talis, ut saepe in tristitia et impatientia accidit. Notandum autem hic est, quod animae etiam devotae tentationibus desperationis

prope continuis nonnunquam exagitantur. Haud quidem facile credendum est, eas peccasse graviter, quamvis putent se illis consensum praebuisse: sicut nec nimius timor de periculo salutis cum desperatione propria dicta confundendus est. — 3.° Affirmat, quoad *praesumptionem*, etsi gravis sit ex genere suo. Bonae. apud La-Croix 128. docet, eum tantum venialiter peccare, qui ex praesumptione de bonitate Dei peccaret venialiter, aut in sequentem diem differret agere poenitentiam circa peccatum mortale. — Suarez D. 2. S. 3., S. Th. 2. 2. q. 20. a. 1. 3., L. 20.

4. *An sit peccatum contra spem ex tactio mortem exoptare?* — R. Negat. *per se*, quia non est recedere a Deo tanquam a fine ultimo: neque generatum est grave peccatum, sed tantum veniale, nisi adsit expressa rebellio contra ordinem divinae Providentiae. — G. 214.

5. *An sit praesumptio peccare sub spe veniae, vel perseverare in peccato ex eadem spe veniae?* — « Dicendum quod peccare cum proposito perseverandi in peccato sub spe veniae ad praesumptionem pertinet, et hoc non diminuit sed auget peccatum ». S. Th. 2. 2. q. 21. a. 2. ad 3. Idem dicito de eo, qui peccat vel auget peccata, vel in peccato perseverat ex spe veniae, tanquam ex motivo sive ratione peccandi: quia nempe Deus peccatis ignoscit, vel tam facile decem quam quinque peccatis, nunc vel in fine vitae. — Non est autem praesumptio peccare ex passione et fragilitate *cum spe veniae*, quandoque percipiendae et proposito poenitendi, et ita peccatorum remissionem obtinendi: etsi actus iste spei, sive sit praevius, sive sit concomitans, removeat maiorem timorem peccati, et sit *per accidens* occasio liberius peccandi. Imo « hoc peccatum diminuit: quia per hoc videtur habere voluntatem minus firmatam ad peccandum ». S. Th. 1. e. Et sane « dum quis actu vult peccare vel actu peccat, bonum est sperare veniam peccati et proponere postea poenitere ». — Struggl q. 3. n. 17., La-Croix 126., L. 21.

6. *An sit praesumptio committere pluries idem peccatum, quia tam facile pluries quam semel commissum accusatur?* — R. Negat. Ratio est, quia tunc quis non peccat ex facilitate veniae obtinendae, sed ex facilitate confitendi, quamvis haec omnino prava sit dispositio. — La-Croix 127., G. 214.

7. *An spes sit necessaria?* — 1.° *Spes in adultis requiritur de necessitate medii ad salutem*, Prob. Homo enim ad Deum finem suum ultimum consequendum pervenire nequit, nisi propriis actibus in ipsum tendat: hoc autem sine spe fieri non potest. Constat etiam ex Trid. Sess. 6. C. 6. — 2.° *Spes necessaria est etiam necessitate praecepti*, Prob. Siquidem datur verum praeceptum eliciendi actus spei aliquoties in vita. Constat ex prop. 1.ª damn. ab Alex. VII. — 3.ª Quandonam et quonam modo urgeat praeceptum spei iisdem regulis determinandum est, quas supra de Fide statuimus. Caeterum, ut pro praecepto fidei, ita pro praecepto spei nulla practice habenda est anxietas. Nam ad illud implendum spes sufficit virtualis, orando, sacramenta recipiendo, alia pia opera exercendo. Qui vero desint, cum id ordinarie fiat sine advertentia, nullam quoad praeteritum perturbationem habere debent. — Cf. Suarez D. 2. S. 1. n. 3., Struggl q. 3. n. 7. seqq., S. Th. 2. 2. q. 22., a. 1., L. 20.

## DE PRAECEPTO CARITATIS

### I. — DE CARITATIS NECESSITATE

1. *Quid sit caritas?* — Caritas actus voluntatis est, quo Deum tanquam summum bonum amore benevolentiae et amicitiae diligimus propter seipsum, et proximum propter Deum. Quare obiectum *materiale* primum



caritatis est Deus, secundarium proximum. Obiectum autem *formale*, bonitas Dei absoluta. — S. Th. 2. 2. q. 23. 25. 27., L. 22. 23.

2. *An detur speciale caritatis Dei praeceptum?* — R. Affirmat. Prob. Matth. 22., 37. *Dileges Dominum Deum tuum ex toto corde tuo ... hoc est maximum et primum mandatum.* Idem evincitur ex prop. 1.<sup>a</sup> damn. ab Alex. VIII. Caritatis praeceptum, ut patet ex allato SS. textu, nos obligat ad Deum super omnia amandum, haud quidem *intensive*, etsi hoc maxime deceat, sed *appetitive*, ita ut nullam creaturam pluris faciamus quam Deum, et velimus potius omnia perdere quam Deum graviter offendere. — S. Th. 2. 2. q. 44., L. 22.

3. *Resolves:* 1.<sup>o</sup> Peccatum mortale et gravissimum est neque parvitatem materiae admittit, cum infinitae Dei bonitati opponatur, si quis Deum formaliter oderit odio malevolentiae et inimicitiae, v. g., si quis optet Deum non esse, et odio haberi a Deo. — 2.<sup>o</sup> Mortaliter peccat, si quis amet Deum amore *appetitive* minore quam creaturas. — 3.<sup>o</sup> Peccat item contra caritatem Dei, si quis Deum non diligat *propter se*, tanquam finem ultimum omnium rerum; sed tantum propter aliud, v. g., vitam aeternam, vel ad evitandum infernum. Quod est mortale, quia scilicet Deus non diligeretur appetitive super omnia, si aliud ab illo actuali intentione amaretur ut finis principalis. *Principalis* quia, Deus propter retributionem vitae aeternae amari potest, sed minus principaliter. *Actuali intentione*, quia secus vitam aeternam et alia Dei dona amando, eo ipso quod talis actus sit in se rectus, vita aeterna vel alia Dei dona sunt semper saltem implicite et actu exercito ordinata in Deum tanquam in supremum finem. — L. 23. 24., S. Th. 2. 2. q. 34. a. 1. 2., Struggl q. 5. n. 2., Sanch. 1. 2. C. 35. n. 3.

4. *An schisma sit speciale peccatum contra caritatem?* — « Peccatum schismatis proprie est *speciale peccatum*, ex eo quod *intendit* se ab unitate separare, quam caritas facit: quae non solum alteram personam alteri unit spirituali dilectionis vinculo: sed etiam totam Ecclesiam in unitate spiritus. Et ideo proprie schismatici dicuntur, qui *propria sponte et intentione* se ab unitate Ecclesiae separant. ... Et ideo schismatici dicuntur qui subesse renunt summo Pontifici, et qui membris Ecclesiae ei subiectis communicare recusant. ... Schisma autem *per se opponitur unitati* ecclesiasticae caritatis». — S. Th. 2. 2. q. 39. a. 1.

5. *Quandomam urgeat praeceptum caritatis Dei?* — 1.<sup>o</sup> Nullum datur praeceptum agendi semper ex motivo caritatis. Prob. ex prop. 8.<sup>a</sup> damn. ab Alex. VIII. — 2.<sup>o</sup> Praeceptum caritatis frequentius, quam semel in vita, vel singulis quinquenniis urget. Prob. ex prop. 5.<sup>a</sup> 6.<sup>a</sup> 7.<sup>a</sup> damn. ab Innoc. XI. — 3.<sup>o</sup> Quandomam et quomodo urgeat praeceptum caritatis iisdem regulis determinandum est, quas supra de fide statuimus. — L. 8. 23.

6. *Nota:* 1.<sup>o</sup> S. Alph. censet non excusari a mortali, qui per mensem actum caritatis differt. Verum haec opinio nullo demonstrativo argumento innitur, et limites probabilitatis non excedit. H. A. 13. Iusuper idem S. D. existimat probabilissimum, praeceptum caritatis urgere in articulo mortis. Si de iis sermo sit quibus aliud iustificationis medium non suppetit verissime id affirmatur. At si talis absit necessitas, etiam haec opinio limites probabilitatis non excedit. L. 23., Struggl q. 4. n. 7.-10. — 2.<sup>o</sup> Praecepto caritatis satisfit operando ad hunc finem placendi, nempe Deo, vitando peccatum quia Deo displicet, orando ut sanctificetur nomen Dei, fiat voluntas eius, gaudente de perfectionibus divinis, optando ut nemo Deum offendat, actum contritionis eliciendo, quia contritio caritatis motivum includit, minime vero attritione, quia caritatis motivo non innitur, etc. ... Quare nemo qui pie vivit de hoc praecepto anxius esse debet. Ob varias item doctorum sententias, et ob defectum advertentiae, ut in praecepto fidei et spei, raro hic peccatum committitur. — L. 8.

7. *An detur praeceptum caritatis proximi?* — 1.<sup>o</sup> Caritas proximi praecepit amorem sui et proximi, sed ordinate; non enim omnis proximus eodem modo nobis proximus est. Cum autem et inimicus proximus sit, inimicorum etiam amorem praecepit. Praeter internam hunc amorem cum caritas natura sua sterilis non sit, sed operosa, hinc et exteriora quaedam opera praecepit, inter quae specialem locum tenent elemosyna et correptio fraterna, quae opera sunt misericordiae: illa corporalis, haec spiritualis. *Misericordia* enim virtus est, quae nos ex compassione inclinat ad alienae miseriae subveniendum. Cf. S. Th. 2. 2. q. 30. Eadem caritas prohibet e contrario odium malevolentiae et inimicitiae proximi: quod ex genere suo mortale est. Eo enim proximo malum volumus, prout ipsi est malum, quod semper est inordinatum, et caritati repugnans. Datur vero parvitas materiae, cum malum, quod proximo velimus, magnum vel parvum esse possit. Struggi q. 6. n. 4. Praeter internum hunc actum prohibet consequenter, ne exterioribus nostris actionibus damnum inferamus spirituale eius saluti per scandalum, neve alius damnum ei faciamus sive quoad alia bona animi, sive quoad bona corporis. De hoc postremo agitur in praeceptis decalogi, hic de reliquis tantum dicemus. — 2.<sup>o</sup> Porro datur vere praeceptum proximum diligendi vero et interno affectu, ut constat ex prop. 10.<sup>a</sup> et 11.<sup>a</sup> damn. ab Innoc. XI. Verum hunc praecepto sufficienter quis satisfacit per amorem quemdam generalem, qui neminem excludat, atque adeo orationem dominicam recitando, in qua et internum et externum actum habes. Huiusmodi praeceptum obligat *per se*, quando *per se* obligat praeceptum caritatis in Deum. Est enim huic simile, Matth. 22. Obligat vero *per accidens*: 1.<sup>o</sup> si odium in proximum nequeat repelli, quin actus eliciatur amoris; qui enim tenetur ad finem, obligatur ad media; 2.<sup>o</sup> quando proximus est in gravi necessitate, alioquin frustrandum esset praeceptum. — L. S. S. Th. 2. 2. q. 25. q. 27. a. S. q. 31., q. 34. a. 3. 4., q. 44., Salm. 17., D'Annib. 81.

## II. — DE ORDINE CARITATIS

8. *Quinam ordo in caritate proximi servandus?* — Ordine caritatis quisque tenetur post Deum diligere 1.<sup>o</sup> seipsum secundum bona spiritualia; quatenus Deum *finem suum*, i. e. bonum supremum et unice necessarium, plus sibi, quam alteri velit; 2.<sup>o</sup> proximum quoad eadem bona; 3.<sup>o</sup> seipsum quoad bona corporalia intrinseca, uti sunt vita, sanitas, etc.; 4.<sup>o</sup> proximum quoad eadem; 5.<sup>o</sup> denique seipsum et deinde proximum quoad externa, uti fama, honor, divitiae. Fama tamen et honor, respectu divitiarum altioris ordinis sunt, quia quid spirituale et morale sunt. Ratio est, quia amor sui est regula amoris proximi. Regula autem prior est ac potior, quam regulatum. Quare amor sui praecedit semper et praefertur amoris proximi, ubi de bonis eiusdem ordinis agatur, et de pari necessitate. Ordo enim in caritate servandus tum ipsum amorem, tum bona, tum personas: respicit. — Quoad amorem eandem attendendum est, an sit amor mere appreciativus et simpliciter complacentiae, an etiam amor efficacis benevolentiae et exterioris operis. — Quoad *personas* attendenda est tum comparatio ad Deum, secundum quam aliae aliis sunt excellentiores et meliores, tum comparatio ad nos secundum quam aliae aliis nobis sunt coniunctiores, nobiscum autem non coniunctionem sed unitatem et identitatem habemus. — Quoad *bona*, alia aliis sunt praestantiora, et magis necessaria. *Bona supernaturalia* praefrendenda sunt *bonis naturalibus*. Itemque bonum commune praefrendendum est bono privato: quia bonum multorum commune divinius est, quam bonum unius privatum. — Necessitas autem sive temporalis, sive spiritualis triplex,

distinguitur: 1.<sup>o</sup> *extrema*, cum periculum aeternae damnationis aut mortis alteriusve mali morti fere aequalis ita proximo instat, ut hic moraliter loquendo, sine alterius auxilio illud evadere non possit. 2.<sup>o</sup> *Gravis*, cum quis magnum patitur periculum salutis animae, aut vitae corporis, alteriusve gravis mali, quod sine magna difficultate ellugere nequit. 3.<sup>o</sup> *Communis* seu *mediocris*, in qua quis sibi providere potest sine magna difficultate. In hac versantur in ordine spirituali vulgares peccatores, qui, si vellent conatum aliquem adhibere, e pravo statu resurgerent: in ordine vero temporali in ea sunt generatim pauperes mendicantes, quibus vita, pro eorum conditione, non nimis molesta ac misera est. — Tambur. Expl. Dec. 1. 5. C. 1. §. 1. n. 4. seqq. §. 2. n. 5. seqq., Suarez De Car. D. 9. S. 2. n. 4., S. Th. 2. 2. q. 26. a. 4. 5., q. 31. a. 3., q. 44. a. 7. S., L. 25. 27. 31., H. A. 18.

9. *Resolves*: Peccat 1.<sup>o</sup> contra caritatem erga seipsum graviter vel leviter pro rei gravitate, qui debitam animae vel corporis curam negligit. Licet quidem, per se loquendo, se privare bonis spiritualibus non necessariis ad salutem ob bonum proximi spirituale vel corporale, ut esset omittere ingredi in religionem, ne desit qui aut parochiae, aut seminario, aut missioni operam impendat, vel ad alendos parentes suos aut filios. Imo potest quis maiora bona spiritualia, non necessaria, optare et proximo procurare, quam sibi, secluso eorum contemptu. At non licet leviter vel graviter peccare, neque subire periculum proximum peccandi, ut peccatum alienum impedias, quando lapsus tuus appareat quodammodo certus: secus si periculum istud fieri possit remotum, ita ut merito confidas non te lapsurum esse. L. 26., l. 4. n. 78., l. 5. n. 63., l. 6. n. 453., H. A. 14.

2.<sup>o</sup> *In extrema necessitate spirituali* succurrendum est proximo etiam cum certo vitae periculo, dummodo haec quatuor constent: 1.<sup>o</sup> ut sit aequae certa spes illum iuvandi; 2.<sup>o</sup> ut proximus nullum alium habeat a quo sublevetur; 3.<sup>o</sup> ut proximus certo damnandus sit nisi a te adiuvetur, ita ut tibi constet proximum non posse ipsum se liberare a peccato per baptismum, per sacramentum poenitentiae aut saltem per contritionem perfectam; 4.<sup>o</sup> ut gravius malum inde non imminet, v. g., si quopiam ea de causa moriente, plurium aliorum salus periclitetur. — L. 27., S. Th. 2. 2. q. 26. a. 5., Reginald. Prax. For. Poenit. l. 4. C. 25. S. 6. n. 357.

3.<sup>o</sup> *In extrema necessitate temporali* succurrendum est proximo ordinarie cum magno quidem incommodo, non tamen cum maximo quale esset etiam pro divite magnae pecuniae largitio. Ratio est, quia ex una parte vita proximi bonum est excellentius aliquo nostro bono; et ex alia parte, cum amor sui ordine praecedat, nemo obligatur ad tantum incommodum pro aliis subeundum. — S. Lig. 31.

4.<sup>o</sup> *In gravi necessitate utriusque ordinis*, nemo tenetur proximo succurrere cum gravi suo incommodo, secluso tamen iustitiae, pietatis, officii titulo, vel damno communi. Ratio eadem est, quia nempe bonum proximi excellentius esse potest aliquo nostro bono, at, cum amor sui semper praecedat, vi ipsius caritatis, hinc caritas non praecipit bonum proximi procurare, nisi cum minori semper nostro detrimento quam damnum proximi quod urget. *Secluso*, etc., unde tenentur ex iustitia pastores, scilicet episcopi et parochi, cum periculo vitae ministrare oribus sacramenta necessaria, ut baptismum et poenitentiam, non vero alia. Nec pastor potest tunc officio renuntiare, licet possit alios substituere cum iusta licentia Ordinarii. Ita Laym. ex communi cum Valent., Pal., Salm., etc. Addit Suarez quod pastor tenetur etiam cum magno suo damno temporali procurare magnam utilitatem spirituales subditi. — L. 27.

5.<sup>o</sup> *In communi necessitate utriusque ordinis*, succurrendum proximo est cum incommodo quidem aliquo, quia id amor proximi exigit, sed levi tantum; non enim potest esse nisi levis obligatio caritatis, quando proximus



sat facile ab illa necessitate sese eripere potest, vel non est ei nimis molesta. Non tenemur autem omnibus in communi necessitate positis opitulari. Hoc enim impossibile est, et si fieri posset, iam non leve incommodum foret. — L. 32.

10. *An sit contra caritatem sibi mortem optare ob vitae infortunia?* — R. Negat., si fiat ex desiderio vitae melioris seu aeternae felicitatis, ut per se patet; vel quando vita tam molesta sit, ut ipsa morte durior aestimetur. Affirm., si id ex taedio vitae et animi deiectione fiat, quod tamen veniale non excedit, si desiderium illud et inefficax sit, et divinae Providentiae ordini nolit contraire. Plerumque etiam excusatur defectus advertentiae et deliberationis. Struggl q. 5. n. 12., Viva in prop. 13.-15. lunoe. XI. n. 3., L. 30., l. 5. n. 22.

11. *An in iis quae necessaria sunt vitae alium sibi praeferre liceat?* — Alii probabiliter negant, quia ordo caritatis postulat, ut quis ceteris paribus magis seipsum diligit quam proximum. Excipe tamen, si alterius vitam servare bonum publicum exigeret. Alii probabiliter affirmant, nam in his non amat reapse quis proximum plus quam seipsum, sed amat bonum heroicæ virtutis plus quam seipsum. Excipe tamen, si ille qui se exponit necessarius sit reipublicae aut familiae suae. — L. l. 3. n. 366., H. A. Tr. 8. n. 1. S. Th. 3. D. 29. a. 5. ad 3., Struggl 29., et Tr. 7. q. 3. n. 8.

12. *Quinam ordo inter proximos servandus?* — 1.<sup>o</sup> Ceteris paribus, *dilectione simplicis complacentiae et gaudii* circa bona possessa, quam consequitur honor, cultus et reverentia magis appretiative diligendi sunt qui meliores sunt. Ratio, quia sunt magis coniuncti cum praecipuo obiecto caritatis quod est Deus. Et sic parentes magis diligendi sunt quam filii vel uxor, magis benefactores quam beneficiarii; maiorem enim isti cum Deo, communi omnium parente ac benefactore similitudinem habent. — 2.<sup>o</sup> *dilectione benevolentiae et desiderii*, qua alteri optamus bonum nendum possessum, quam *beneficentia* consequitur, magis diligendi sunt ii, qui nobis sunt coniunctiones, quoad ea bona quae sunt obiecta tali coniunctioni. Ratio est quia communicatio bonorum est fundamentum amicitiae et caritatis. Et sic in rebus pertinentibus ad civilem communicationem concives nostri, in rebus bellicis commilitones alii praeferruntur debent. In spiritualibus vero auxiliis eorum maior habenda est ratio, qui nobis secundum spiritum filii, patres, aut fratres censentur. Bannez tamen q. 26. a. 8. non improbabiler docet parentes carnales, etiam in spiritualibus rebus, praeferrandos esse, partim quia eorum nobiscum coniunctio etiam in his fundata est; partim quia coniunctio carnalis, aliarum coniunctionum fundamentum ac basis, suapte natura prior ac stabilior est, sicuti monet S. Th. a. 8. Gratia autem caritatis inclinationem naturae non destruit, sed perficit et ad finem supernaturalem dirigit. S. Th. a. 7. Et quod dictum est de parentibus eadem ratione dici debet de filiis ac fratribus carnalibus, comparatur enim filiorum vel fratrum spiritualium. In bonis denique pertinentibus ad naturam et vitam corporalem conservandam, succurrendum est, ceteris paribus: 1.<sup>o</sup> *uxori*, quia est una caro cum viro; 2.<sup>o</sup> *filii*, quibus naturali iure patres parentes obligati sunt ad providendum, quam vice versa, *Non enim debent filii parentibus alere, sed parentes filios*, ait Apost. 2. ad Cor. 12., et docet S. Th. a. 9.; 3.<sup>o</sup> *parentibus*: magis autem patri quam matri, quia ille educatorem principium rationem obtinet, S. Th. a. 10.; imo in casu necessitatis et timore, parentibus ante omnes alios, etiam uxorem ac proprios filios, succurrendum esse existimat, S. Th. a. 9. 11. ad 2.; etenim ipsi nobis exstiterunt causa et principium fieri; quare aequitas postulat, ut in extrema necessitate ab illis nos liberando, tantundem rependamus; 4.<sup>o</sup> *fratribus, sororibus*; 5.<sup>o</sup> *alii consanguineis*; 6.<sup>o</sup> *benefactoribus, amicis*. — *Ceteris paribus*, nam 1.<sup>o</sup> si benefactori aut amico, e. g., potius subveniendum est ex caritatis lege, quam consanguineo non valde propinquo, vel de nobis non bene merito. Similiter fratribus spiritualibus magis, etiam in temporalibus

bonis subveniendum videtur, quam cognatis non valde propinquis: quandoquidem coniunctio spiritualis praestat carnali. Cum autem ista caritatis obligatio non sit nisi ratione necessitatis, patet illam magis generatim obligare, ubi maior adsit necessitas. Verum, cum sint diversi gradus et indigentiae et propinquitatis, non potest pro omnibus casibus universalis regula determinari, cui sit magis subveniendum. Quare hoc requirit prudentis iudicium. — S. Th. 2. 2. q. 26., q. 31. a. 3., q. 32. a. 9., q. 44. a. 7. 8., L. 27.

13. *An sit contra caritatem malum temporale proximo desiderare, vel de eo gaudere ob bonum finem?* — R. Negat., si debitus ordo caritatis servetur, i. e., si id fiat ob maius bonum, vel ad minus malum. Affirm., si caritatis ordo pervertatur. Confirm. ex prop. 13. 14. 15. damn. ab Innoc. XI. Cf. Viva in his prop. n. 20., S. Th. De Virt. q. 2. a. 8. ad 10., 3. D. 30. q. 1. a. 1. ad 4. — Quare licitum est optare malum temporale proximo, vel de eo gaudere: 1.<sup>o</sup> ob bonum spirituale proximi ipsius; 2.<sup>o</sup> ob bonum commune vel spirituale vel temporale; 3.<sup>o</sup> ob bonum etiam plurimum, multo maioris momenti, v. g., familiae, communitatis, etc. — Illicitum vero est uxori desiderare mortem mariti ex eo quod iniuste ab eo male tractetur, vel filiae suae ad propriam molestiam vitandam, quia ob deformitatem vel paupertatem nubere nequit. — G. 223., L. 30. l. 5. n. 21. 22., Struggl q. 5. n. 9.

### III. — DE DILECTIONE INIMICORUM

14. *An etiam inimici sint diligendi?* — Certum est inimicos aliquo modo diligendos, cum sint proximi; idque constat etiam ex Evang. Matth. 5.: Hoc praeceptum quatenus *negativum* prohibet, ne unquam quis odio prosequatur inimicum suum, quatenus vero *affirmativum* obligat etiam ad positivam benevolentiam et externam beneficentiam pro ratione necessitatis in qua versatur. Quaestio igitur tantum est de modo huius positivae dilectionis ex praecepto habendae; et hic statim in seqq. explicatur.

15. *Quilibet homo tenetur per se proximo, etiam inimico, communia dilectionis signa et beneficia exhibere ex praecepto: specialia vero ex consilio tantum, nisi aliunde ratio obligationis accedat.* — Praenota: Dicitur *per se*, quia quandoque adest rationabilis causa ad tempus ea denegandi, v. g., ratione debitae correctionis, boni effectus in filios vel inferiores, vel ob timorem prudentem rixarum ex conspectu vel conversatione inimici, vel ob timorem prudentem, quod inimicus signis illis, etsi communibus sit abusus, ad novam iniuriam inferendam, item ob expressionem iusti doloris ex iniuria concepti, etc. — *Proximo etiam inimico*: Inimicus enim non est diligendus in quantum est inimicus, sic enim potius est odio habendus, S. Th. 2. 2. q. 25. a. 8., q. 27. a. 7.; sed in quantum proximus est. Inimicus enim intelligitur qui immerito offenderit vel laeserit, et odio prosequatur. — *Communia dilectionis signa et beneficia* ea sunt, quae ratione generalis caritatis christiano debentur a quovis christiano in communi, concipi a concive, cognato a cognato, et sic porro. — *Specialia* vero sunt, quae non debentur ratione generalis caritatis, sed alieni personae exhibentur ratione specialioris amicitiae et familiaritatis. Haec autem cum libera voluntate suscipiatur, hinc ea specialia signa non ex caritatis debito, sed ex caritatis liberalitate procedunt. — *Nisi aliunde ratio obligationis accedat*, qualis esset: 1.<sup>o</sup> timor scandali ex omissione; 2.<sup>o</sup> spes salutis inimici; unde si per aliquid horum possis sine tuo incommodo inimicum tibi et Deo reconciliare, id omittere esset grave; 3.<sup>o</sup> necessitas temporalis vel spiritualis; 4.<sup>o</sup> culpae

deprecatio et exhibitio specialium signorum amoris. In hoc autem postremo casu, ad speciale amicitiam et familiaritatem quod attinet, eius redintegratio necessario semper urgenda non est. Ista enim specialis amicitia ne amico quidem debetur, ergo a fortiori non debetur inimico, cum prorsus voluntaria sit. — Prob. 1.<sup>a</sup> p. 1.<sup>a</sup> Ex communissima thth. sententia; 2.<sup>o</sup> quia ea communia signa denegare est odii manifestatio, quae caritati adversatur. Prob. 2.<sup>a</sup> p. 1.<sup>a</sup> Ex communissima pariter thth. sententia; 2.<sup>o</sup> quia cum ad inimicum nulla alia unio nobis remaneat, nisi sola unio communis caritatis, ea sola signa exhibere ipsi tenemur, quae communia caritatis signa sunt. Ergo. — Struggl q. 4. n. 29.-31., S. Th. 2. 2. q. 25. a. 8. 9., 3. D. 30. q. 1. a. 2., De Virt. q. 2. a. 8. 9., L. 28.

16. *Resolves*: Non licet inimicum excludere a communibus orationibus, v. g., oratione dominica, et quae pro communitate instituitur; nec a communibus eleemosynis, *resalutatione*, responsione, expositarum mercium venditione, quia haec sunt communia dilectionis signa. Nemo autem, per se loquendo, tenetur ad inimicum diligendum positivo et *peculiari* actu, neque ad eum *salutandum*, alloquendum, aegrotum invisendum, moestum consolandum, hospitio excipiendum, vel familiariter cum eo agendum, etc... quia haec sunt signa specialia amoris. Quare, si aliquid horum, attentis circumstantiis locorum et personarum, commune esset dilectionis signum, ab eo iam abstinere non liceret. — G. 224. 226., Struggl q. 4. n. 36., Sporer Tr. 2. in 1. Pr. C. 6., L. 28.

17. *Etsi quis teneatur inimico veniam legitime petenti non tantum interius remittere, sed etiam externa remissionis signa ostendere; non tenetur tamen statim postquam offensio ipsi illata sit. Neque vero tenetur remittere satisfactionem pro damno si laesus fuerit, imo nec cum tenetur acceptare si offerat, sed etiam iudice pro compensatione petere potest, dummodo deponatur odium.* — Prob. 1.<sup>a</sup> p. Quoad actum internum. Matth. 5., 44. *Ego autem dico vobis: Diligite inimicos vestros.* Et ib. 6., 15. *Si non dimiseritis hominibus, nec Pater vester dimittet vobis peccata vestra.* — Quoad actum externum, quia secus censeris inimicum contemnere, et in hostilitate velle perseverare. « Si autem (inimicus seu offensus) non exhibet condignam satisfactionem non tenetur offensus ei loqui, quando scilicet satisfacere aut omnino non vult, aut semiplene ». S. Antonin. Summ. P. 2. tit. 8. C. 2. § 6. Sedulo autem hic notandum est, an offensus, dum quaedam renuit offensori officia, grave aliquid huic malum inferat aut exoptet. Nam si hoc absit, et nulla alia gravia incommoda ex officiis istis offensori negatis timeri queant, gravis culpae statim quis insinulari non debet, ita ut propter eam confessus absolutioem iure denegat. Cf. n. 15. 16., et Coninek De Virt. Theol. 4. D. 29. n. 69. Ratio vero factae restrictionis est, quia res nimis violenta videtur, et supra humanam fragilitatem, laesum cogere statim ad reconciliationem faciendam, nondum sedata perturbatio. Unde expectandum tempus opportunum, et interea sufficit quod offensus odium deponat. — Prob. 2.<sup>a</sup> p. Qui caritas non opponitur iustitiae. Sporer l. c. n. 18. — Prob. 3.<sup>a</sup> p. Quia licita est audita auctoritate publica. Quare licet poenam publicam optare inimico et eam petere. Ratio autem limitationis est, quia, « si eius intentio feratur principaliter in malum illius de quo vindictam sumit, et ibi quiescat, est omniae illatum; quia delectari in malo alterius pertinet ad odium, quod caritati resurgnat, qui omnes homines debemus diligere. Nec aliquis excusatur, si malum intendat illius, qui sibi iniuste intulit malum; sicut non excusatur aliquis per hoc quod odit se odientem: non enim debet homo in alium peccare propter hoc quod ille peccavit prius in ipsum; hoc enim est vinci a malo, quod Apost. prohibet ad Rom. 12., 21. dicens: *noli vinci a malo, sed vince in bono malum.* Si vero intentio vindicantis feratur principaliter ad aliquod bonum, ad quod pervenitur per poenam peccantis, puta ad emendationem peccantis, vel saltem ad cohibitionem eius et quietem



aliorum, et ad iustitiae conservationem, et Dei honorem, potest esse vindicta licita, aliis debitis circumstantiis servatis. S. Th. 2. 2. q. 108. a. 1. — Haec quidem *speculative* et quoad doctrinam. Item, *practice*, difficile sane est, ut publica vindicta ex amore iustitiae disjungatur ab inordinato amore privatae vindictae. Idque maxime valet, si poena sit valde gravis, v. g. capitis mutilationis, neque laeso ex ea commodum proveniat. Difficile sane et raro abest malevolus animus. Itemque si offensos satisfaciatur, quantum potest, ad id quod non potest, eam urgere videtur contra caritatem. — Struggl q. 4. n. 33. 34., L. 28.

18. *Etsi odium inimicitiae sive personae secundum se, et honoram, quae in se habet, volendo scilicet illi malum ut sit, sive quatenus illi malum est, ex genere suo sit mortale; odium tamen abominationis, sive qualitatis, quo non hominem, sed eius malitiam avversamur licitum est.* — Id per se patet, et communiter docent theologi Struggl q. 4. n. 26., q. 5. n. 6., S. Th. 2. 2. q. 34. a. 3., L. 30. — Hinc privatus, qui aversus ab alio, fugit illum, si id faciat, ut eum suo colloquio et solatio privet, atque ita contristet et male illi sit, est odium inimicitiae et peccatum. Si vero nihil mali optando tantum fugias, quia tuae naturae est difformis, vel tibi solet esse molestus, est odium abominationis et aversionis, et peccatum si sit irrationabile; quale non erit si reapse sit persona valde aspera: modo absit contemptus, scandalum, et vindictae cupiditas. — Struggl q. 4. n. 26. 28. 37., L. 30.

19. *An offensos a laeso veniam petere debeat?* — R. Affirm. *per se*: Nam quo modo caritas destructa est, eam reparari debet: nisi tamen aliud medium, vel modus reconciliationis magis conveniens suppetat, varia officia aut beneficia praestando, aut nisi ad placandum offensum nihil prodesse veniae petitio videatur. Excipiunt etiam casum, quo offensos offensus longe superior sit, nisi forte tanta enormitas iniuriae urgeret, ut etiam a subdito petitionem veniae exigeret. Itemque casus excipitur, quo offensus prudenter censeatur id condonare. Sed alia revera non desunt media offensum placandi. Ita communiter. — La-Croix. l. 2. n. 189., Struggl q. 4. n. 35.

#### IV. — DE ELEEMOSYNA

20. *Quid sit eleemosyna?* — Eleemosyna actus misericordiae est, quo proximi necessitati subvenitur. Alia est spiritualis, alia corporalis, prout ea necessitas spiritualis vel corporalis est. Agimus hic solum de corporali. Praecipue quaestio est de eius praecepto, de quo statim in seqq. dicemus. S. Th. 2. 2. q. 32.

21. *Verum datur eleemosynae praeceptum.* — Prob. 1.<sup>o</sup> Eccl. 4., 1.: *Eleemosynam pauperis ne defraudes.* Math. 25., 42.: *Discedite a me maledicti in ignem aeternum... esurivi enim, et non dedistis mihi manducare; sitiivi, et non dedistis mihi potum.* 2.<sup>o</sup> Quia caritas praecipit proximum diligere, adeoque opem illi in necessitate ferre. Struggl q. 4. n. 40., S. Th. 2. 2. q. 32. a. 5.

22. *Nemo tenetur dare eleemosynam ex bonis sibi ad vitam necessariis, nisi necessitas esset personae talis, ex qua penderet salus reipublicae.* — Praenota: Bona ad vitam necessaria illa dicuntur, sine quibus non potest aliquis, iique quorum curam habet, esse vel vivere. Quare bona etiam ad vitam necessaria sunt illa, quae necessaria sunt ad alendos et educandos liberos, ad ancillam sustentandam, quae infantes custodiat aut infirmis advigilet. S. Th. 4. D. 15. q. 2. a. 4. q. 1. — Prob. 1.<sup>o</sup> Ex communi th. sententia: Illud sine quo, ait S. Th., non potest esse vel vivere aliquis, vel ipse, vel illi quorum curam habet, non debet in eleemosynam expendi. 4.

D. 15. q. 2. a. 4. q. 1. 2.<sup>o</sup> Quia id caritatis rectus ordo ex postulat. Struggl q. 4. n. 41. 42., S. Th. 2. 2. q. 32. a. 6., Suarez D. 7. S. 4. n. 6., Valentia T. 3. D. 3. q. 9. p. 4., L. 31.

23. *Elemosyna tantum facienda est ex bonis propriis et quorum quis liberam administrationem habet.* — Caritas enim illaeram servare debet institutam. Potest tamen fieri ex alienis, quando proximus est in extrema vel quasi extrema necessitate, et aliunde ei succurri non potest. Tunc enim omnia sunt communia. S. Th. 2. 2. q. 7., L. 33.

24. *Nota:* «Cum plures sciunt extremam necessitatem proximi, omnes tenentur succurrere per aequas partes: si nolint alii omnes tenebuntur in solidum, omnesque scientes et omittentes peccabunt mortaliter. Si unus velit totum praestare per se, alii liberabuntur. Quod si vero aliis de contribuendo admontis et recusantibus, unus totum praestiterit, poterit partes ratas ab aliis iure exigere, vel compensare». Sporer in 4. Dec. praec. C. 6. n. 50.

25. *Resolves:* 1.<sup>o</sup> Non licet dare elemosynam ex bonis obnoxiiis restitutioni, v. g. furto ablatiis: licet tamen ex acquisitis per opus illicitum, sed non cum iniustitia, v. g. ex lucro meretricium. — 2.<sup>o</sup> Pueris, filiisfamilias, servis, ancillis, non licet dare elemosynam nisi tenuem, in qua nempe parentum et dominorum voluntas praesumitur. Ob eandem hanc rationem uxor elemosynas ordinarias et communes facere potest iuxta morem conditionis suae: non autem extraordinarias, sine mariti consensu, nisi ex bonis omnino propriis, quorum scilicet dominium simul administrationemque habet, et fructus percipit. — 3.<sup>o</sup> Tutores et curatores, qui habent curam bonorum alienorum, possunt facere modicas elemosynas ex bonis quae administrant, quales nimirum ipsi facere deberent quorum sunt. — L. 33., S. Th. 2. 2. q. 32. a. 7. 8., Struggl q. 4. n. 49.

26. *In extrema necessitate proximo succurrendum est etiam ex bonis aliquo modo ad statum necessariis.* — Praenota: Bona ad statum necessariam illa sunt quibus indigemus ad honeste vivendum vel decenter secundum statum nostrum. Haec autem sunt quae requiruntur, secundum propriam conditionem, ad famulos sustentandos, ad hospites recipiendos, ad honestas donationes, ad convivia de more instauranda, ad moderatam pompam, etc., spectatis etiam communibus eventibus, necessitate futura, etc. Additur *aliquo modo*, quia si deberes *excidere e tuo statu* non teneris. — Prob. 1.<sup>o</sup> ex communi th. sententia: 2.<sup>o</sup> quia id exigit ordo caritatis. Vita enim proximi praevalere debet bono nostro longe inferiori. — La-Croix 201., Struggl q. 4. n. 42. 47., S. Th. 4. D. 15. q. 2. a. 1. q. 4., a. 4. q. 1., 2. 2. q. 32. a. 6., L. 31.

27. *In gravi necessitate proximo succurrendum est ex superfluis vitae et status: imo etiam, probabiliter, ex necessariis ad statum, cum modico tamen detrimento sui status.* — Prob. 1.<sup>a</sup> p. Nam caritatis ordo postulat, ut cum proximo velinus et procuremus quando ex una parte proximus est in gravi necessitate constitutus, ex altera vero, vel nullum nobis vel non nisi parvum incommodum nobis resultat. Prob. 2.<sup>a</sup> p. Eadem ratione, sed minus valide: cum modicum revera in casu non habeatur incommodum, sed sat grave. Unde S. Th. ait non cadere sub praecepto sed sub consilio, 2. 2. q. 32. a. 6., L. 31., Struggl q. 4. n. 45., S. Th. 4. D. 15. q. 2. a. 1. q. 4., a. 4. q. 1. 4. ad 4., L. 31.

28. *Resolves:* Tum in extrema, tum in gravi necessitate tantum dandum est, quantum sufficit hic et nunc ad levandam hanc necessitatem, nisi sint alii qui ipsi subvenire velint. Si proximus ergo tantum egeat usu rei, satis est illam commodare, v. g., si ab hostibus spoliato vestem commodos, vel vulnerato equum, donec domum revertatur. Nemo tamen tenetur magnam pecuniae summam erogare ad pauperem a periculo mortis liberandum, vel

ad remedia extraordinaria et magni pretii ei eroganda. Nemo enim, attenta conditione status sui, tenetur etiam pro vita sua tantumdem expendere in extraordinariam medicinam sibi comparandam. — S. Th. 2. 2. q. 32. a. 5., L. 31., La-Croix 215., Struggl q. 4. n. 48., Lugo de iust. et iur. D. 16. n. 167. 168.

29. *In communi necessitate tenetur aliquando dare eleemosynam, qui habet bona citae et statai superflua.* — Prob. 1.<sup>o</sup> Ex communi thth. sententia. Prob. 2.<sup>o</sup> Tum quia quisque tenetur diligere proximum sicut seipsum; tum quia alioquin pauperes isti in necessitatem inciderent gravem. — Struggl q. 4. n. 40. 41. 43., L. 32.

30. *Nota:* « Non tamen adest (pro laicis) obligatio praestandi totum superfluum: sed sufficit, si detur quinquagesima pars annuorum proventuum, qui supersunt... et si redditus sunt pinguiores minus quinquagesima parte ». — L. 32., H. A. Tr. 4. n. 19., S. Th. 2. 2. q. 32. a. 10.

31. *An praeceptum eleemosynae obliget sub gravi?* — R. Affirm., in extrema vel quasi extrema necessitate. Ita omnes. In gravi vero necessitate, alii probabiliter et communiter affirmant, quia cum in Scriptura frequenter damnentur homines ob neglecta opera misericordiae, haec non sunt restringenda ad extremam et raram necessitatem. Alii vero negant, neque haec sententia extrinsece saltem improbabilis pluribus videtur. In communi vero necessitate, alii etiam probabiliter et communiter affirmant: uti colligitur ex sententia, quam Christus est prodaturus in extrema die per illa verba: *Esurivi, sitivi*, etc.: neque enim Christus pro ratione damnandi iniquos duritiam in pauperes allegaret, nisi hoc vitium esset commune et frequens apud homines, quale non esset, si nulla foret obligatio ex superfluis eleemosynas in pauperes obvios erogandi. Confirm. ex 1. ad Tim. 6.: *Divitibus huius saeculi praecepe... facile trahere, communicare...*, ubi verba illa, *praecepe* et *facile* praeceptum indicare videntur etiam extra gravem necessitatem. Alii vero tenent vel nullam esse obligationem, vel obligationem saltem non esse gravem: neque haec sententia extrinsece probabilitate caret. — G. B. 227. 228., Struggl q. 4. n. 43. 45. 47., Suarez D. 7. S. 3. n. 7. 10., L. 31. 32., S. Th. Quodl. 6. a. 12., 2. 2. q. 52. a. 5. q. 71. a. 1.

32. *Resolves:* 1.<sup>o</sup> Tenentur medici, advocati, etc., operam pauperibus gratis impendere, quia sunt in vera necessitate, nec ab aliis adiuvari possunt. S. Th. 2. 2. q. 71. a. 1. — 2.<sup>o</sup> Si quis dives et abundans sine ulla rationabili causa omnes a se pauperes repelleret, eum dicit Laym. versari in malo statu. Nulli tamen quantumvis diviti omnes pauperes sine eleemosyna repellenti facile deneganda est absolutio, tum ob dissensum auctorum de hac obligatione, tum ob difficultatem diiudicandi de superfluitate bonorum et de pauperum necessitate, tum ob praesumptionem quod alii velint succurrere, etc. — Struggl q. 4. n. 44. 50. 51., L. 32., Diana T. 4. Tr. 7. R. 8. 42.

## V. — DE CORREPTIONE FRATERNA

33. *Quid sit fraterna correptio?* — *Correptio fraterna* est admonitio, quae quis ex caritate proximum conatur revocare a peccato prout hoc est malum spirituale ipsius peccantis. Unde correctio fraterna actus misericordiae est. Differt a correctione *iudiciali*, quia haec fit auctoritate publica, et ad bonum aliorum, praesertim commune: a correctione *paterua* vero, quia haec fit auctoritate superioris ad bonum privatum, simul et aliorum ac commune. Istae competunt tantum particularibus personis in suos subditos: illa competit omnibus, cum oriatur ex motivo caritatis, quae omnes obligat.



Hinc si in praelato ipso aliquid corrigibile inveniatur, ab inferiore etiam, ad id apto, esset caritative redarguendus. — Struggl q. 4. n. 52. 60., S. Th. q. 33. a. 1. 4., 4. D. 19. q. 2. a. 1., L. 34.

34. *Datur verum praeceptum fraternae correptionis.* — Prob. 1.<sup>o</sup> Ex iure naturali, quo membra unius corporis vi caritatis mutuo se invare tenentur. Prob. 2.<sup>o</sup> Ex iure positivo, Matth. 18., 15: *Si peccaverit in te frater tuus, eade et corripe cum inter te, et ipsum solum.* Eccl. 19., 14: *Corripe proximum... ne forte iteret.* — Struggl q. 4. n. 53., S. Th. 2. 2. q. 33. a. 2.

35. *Omne mortale peccatum proximi per se est sufficiens materia, ut hoc praeceptum obliget sub mortali.* — Praenota: Dicitur omne mortale, quia etsi veniale sit materia correctionis, non tamen graviter obligans; nec nisi facillime possis. Excipe tamen si sermo sit de ordinibus religiosiis. Si enim per venialia peccata aut penitus dissolvi, aut notabiliter imminui regularis disciplina videatur, gravis esse poterit obligatio tum in praelatis, tum etiam in privatis, cum utrique ad gravissimum hoc malum religionis avertendum ex caritate teneantur. L. 1. 4. n. 13. Excipe etiam, si quis per peccatum veniale constituatur in periculo proximo peccandi mortaliter, etc. — *Per se*, quia si quis ob timorem, verecundiam, pusillanimitatem, putat se non ita stricto obligatum vel minus esse idoneum ad corripiendum, videtur tantum peccare venialiter. Prob. 1.<sup>o</sup> Ex communi thlth. sententia. Prob. 2.<sup>o</sup> Quia cum peccatum mortale vitam spiritualem proximi tollat, sufficientem necessitatem correctionis inducit. Hinc, qui facile potest per correptionem impedire peccatum mortale proximi, et ob vanum timorem alicuius mali temporalis negligit, peccat mortaliter. — S. Th. 2. 2. q. 32. a. 2., q. 33. a. 2., L. 34. 35., Diana T. 1. Tr. 4. R. 8., Struggl q. 4. n. 55. 56.

36. *Praeceptum hoc obligat concurrentibus his circumstantiis:* 1.<sup>o</sup> Si certo tibi constet de peccato proximi: indagare autem tenetur solus superior. 2.<sup>o</sup> Si non constet emendasse, nec constet emendaturum, sed relapsurum; quia elemosyna egenti tantum facienda est. 3.<sup>o</sup> Si alius aequae idoneus non adsit, qui correpturus putetur. 4.<sup>o</sup> Si sit spes fructus, quia desperato fine, cessant media. 5.<sup>o</sup> Si sit bona occasio, locus, et tempus opportunum, possi-que sine tuo gravi damno facere, nisi tamen ratione officii corrigere quis teneatur. Quod si horum aliquid desit, praeceptum non obligat. S. Th. 2. 2. q. 33. a. 2. 5. 6., L. 36. 42., Struggl q. 4. n. 54. 57.

37. *Regulae:* 1.<sup>o</sup> Privati inter se raro ad correptionem tenentur, saltem sub gravi, nisi sint familiariter inter se coniuncti; quia raro omnes requisitae conditiones reperiuntur; rarius adhuc erga superiores propter inopitundiam. — 2.<sup>o</sup> Plerumque suadet prudentia ut omittatur correctio erga eos, quorum indoles est penitus ignota, ne iniquo animo correptionem accipientes fiant deteriores. — 3.<sup>o</sup> Serpulosi ordinarie excusantur a fraterna correctione facienda; quia aut nimium defatigantur, aut inepti sunt; scrupulis enim et anxietatibus perturbati, necessaria discretione ad corrigendum carent, et ad causas excusantes attendere non valent. — (4. 233.)

38. *Ubi hoc praeceptum obliget omnes etiam subditos, magis tamen praelati.* — Ratio prioris asserti est, quia omnes sunt commembra et tenentur aliis externa officia caritatis praestare. Ratio posterioris est, quia subditi tenentur ex caritate, praelati vero etiam ex officio et iustitia tenentur. S. Th. 2. 2. q. 33. a. 3., L. 40.

39. *Regulae:* 1.<sup>o</sup> Praelati, episcopi, pastores, magistratus tenentur, etiam cum magno quo incommode, impedire peccata tum publica, tum occultam subditorum secretum, quia ex iustitia ad procurandum tuendumque bonum commune obligantur. — 2.<sup>o</sup> «Correctio delinquentis... pertinet ad praelatos, quae ordinatur ad bonum commune, et habet vim coactivam... non est dimittenda propterurbationem eius qui corripitur: tum quia si propria sponte emendari non velit, cogendus est per poenas, ut peccare de-

sistat; tum etiam, quia si incorrigibilis sit, per hoc providetur bono communi; dum servatur ordo iustitiae, et unius exemplo alii deterrentur. S. Th. 2. 2. q. 33. a. 6. — 3.<sup>o</sup> Tenentur ex officio superiores invigilare in subditos, et inquirere eorum peccata, non admodum tamen de certa quapiam persona, nisi ad hoc illes peculiaris aliqua ratio permoveat. — Struggl q. 4. n. 55. 57. 58., Diana T. 7. Tr. 4. R. 24. 30., L. 40. 42.

40. *Ordo in correptione servandus est, quem Christus praescripsit*, Matth. 18. 15.-17., scilicet ut corripias in secreto, denique eam testibus, tum ad praedictum Ecclesiae sive superiores deferas. Excipi tamen: 1.<sup>o</sup> Nisi praestet superiori, viro probi et prudenti, quam aliis testibus rem sua tescere. 2.<sup>o</sup> Nisi peccatum sit publicum: tunc enim potest publice corripi. 3.<sup>o</sup> Nisi vergat in grave damnum tertii aut communitatis, si superiori non statim innotescat, v. g. si quis prodicionem mediatur, haeresim occulte spargat; tunc enim immediate superiori indicandum, quia e immune bonum praeterendum est, privato. 4.<sup>o</sup> Quando corripiendus est contentus, ut superiori statim significetur, ut est apud quosdam religiosos, qui quoad hoc iuri suo renuntiarunt. — L. 41., l. 4. n. 242.-247., S. Th. Quodl. 11. a. 12. 13., 2. 2. q. 33. a. 7. 8., Suarez D. 8. S. 6., Struggl q. 4. n. 59.

41. *Nota*: 1.<sup>o</sup> Si certo constat fratrem perfecte emendasse peccatum occultum, nec ex eo esse ullum periculum relapsus, vel damni, ipsi aut alteri, non licet denunciare patri vel praefato, etsi frater expresse in istum denuntiationem consentiat. Ratio autem est, quia cessat motivum caritatis, atque adeo ratio denunciandi, ideoque est peccatum, et quidem, ut Lugo notat ex Suar., mortale ex genere suo. — 2.<sup>o</sup> Si superior immediatus se solo possit delinquentem emendare, ita ut nullum periculum damni vel relapsus, ipsi vel alteri, vel communitati immineat, videtur peccare manifestando superiori mediato delictum. Peccat item quando delictum occultum subditi, quod in secreto potest paterne emendare, in publico manifestans corrigit. Struggl q. 4. n. 59. — 3.<sup>o</sup> In communitatibus sub regula viventibus, in collegiis, seminariis, etc. plerumque expedit, ut correctio fiat via denuntiationis ad superiorem aut per se, aut per alium; nec possunt absolvi sodales aut convictores in eiusmodi denuntiationem non consentientes, ubi de gravi damno communitatis agatur. Item de iure naturali denunciandi sunt superioribus ecclesiasticis sacerdotes publice corruptores, qui magnum fidelibus spirituale damnum inferunt, vel illaturi videntur. G. 233. — 4.<sup>o</sup> Correctio adhibenda est, non semper statim, sed dum maior fructus speratur; hinc interdum permitti potest reiteratio peccati, ut revertentius resipiscat. Neque sufficit semel esse factam correctionem, sed debet iterum iterumque fieri quandiu speratur fructus. — 5.<sup>o</sup> « Detinere hominem ad horam ab aliquo opere illicito statim perpetrando, cuiuslibet licet: sicut enim aliquis detinet aliquem, ne se praecipitet, vel ne alium feriat. Sed simpliciter aliquem includere vel ligare, ad eum solum pertinet, qui habet disponere universaliter de actibus et vita alterius; quia per hoc impeditur non solum a malis faciendis, sed etiam a bonis agendis ». S. Th. 2. 2. q. 65. a. 3. ad 3. Cf. Mol. D. 755. n. 4., Lugo De iust. et iur. D. 21. n. 34.

42. *De notatione facienda*. — Praecepto de correctione fraterna ad delictorum emendationem praeeptum addendum est de *communionem*, qua proximus de veritate docetur. Cf. Tr. De Poenit. n. 171. Doctrina enim ibi generalis trahtur, et non tantum specialis et propria confessoriorum,

## VI. — DE SCANDALO

43. *Quid sit scandalum?* — Scandalum definitur: dictum vel factum minus rectum, praebens alicui occasionem ruinae spiritualis. *Dictum* vel *factum*, quo nomine etiam omissio intelligitur. *Minus rectum*, h. e., quod vel in se malum sit, ut si loquaris turpia coram adolescente, vel mali speciem habeat, ut si, iusta de causa, coram aliis cum ignorantibus, comedas carnes die vetito, *Praebens occasi- nem*, licet metaphysice loquendo *ocasio* idem non sit ac *causa*, hic tamen occasio ista vera causa moralis est: nam cum proximus reapse ab illa alliciat, et inducatur ad peccatum, verum ipsa exerceat influxum moralem. *Ruinae spiritualis*, mortalis nempe vel venialis tantum peccati. Ruina ergo spiritualis non est rumor, aut admiratio in populo et a fortiori horror de facto commissio: sed graves suspensiones et iudicia temeraria, detractiones, calumniae, etc., in populo exorta. Suarez De Carit. D. 10. S. 1., De Cens. D. 6. S. 3., S. Th. 2. 2. q. 43. a. 1., L. 43.

44. *Quotupliciter sit scandalum?* — Scandalum aliud est *directum*, aliud *indirectum*, prout proximi *ruina*, seu *peccatum*, vel intenditur, vel quamvis non intendatur, tamen praevideatur, saltem in confuso. Ac si *ruina spiritualis* proximi intendatur *diabolicum* dicitur: secus vero si peccatum tantum intendatur, v. g. fornicationis, sed non ut spiritualis ruina alterius. Scandalum item aliud est *activum*, aliud *passivum*. Scandalum activum illud est, cui convenit data definitio. *Passivum* est ipsa ruina spiritualis proximi, atque improprie vocatur scandalum, cum melius dici debeat effectus scandali. Scandalum autem potest esse *activum* seu *datus*, quin sit *passivum*, seu *acceptum*, quia poni potest actio apta per se ad scandalum, quin subsequatur effectus. Et vice versa potest esse *acceptum*, quin sit *datus*: tunc autem scandalum non proprie tribuendum est actioni proximi, sed potius ignorantiae, imaginationi, aut etiam malitiae illius qui scandalum patitur, vel sine fundamento admittit. Hoc autem dicitur scandalum *pusillorum*, si ex infirmitate vel ignorantia proximi suscipiatur: vocatur vero *pharisaicum*, si ex mera subiecti malitia proveniat. — L. 43., S. Th. 2. 2. q. 43. a. 1. ad 4., a. 3., Lugo De Poenit. D. 16. n. 157.

45. *Resolves*: Non semper est *scandalum*, si peccas coram aliis, sed tantum quando attentis circumstantiis, tam personae agentis, quam coram quibus fit actus, potest probabiliter timeri ne per hunc actum trahantur ad peccatum, qui alias peccaturi non essent. Hinc blasphemia prolata coram viris religiosis et piis non habet rationem scandali, sed horroris et abominationis. Item non est scandalum peccare coram vilibus et infamibus, qui iam abunde sunt peccaturi: ut si quis fornicetur coram aliis, qui iam sunt parati idem facere, nec eius exemplo moventur. — L. 43. 44., S. Th. 2. 2. q. 43. a. 5., Struggl q. 5. n. 29.

46. *Scandalum est peccatum grave ex genere suo, specialem habens malitiam specificam, sive sit directum, sive indirectum.* — Prob. 1.<sup>a</sup> p. Christus Dominus exclamat: *Vae mundo a scandalis! Vae homini illi, per quem scandalum venit!* Ergo scandalum ex genere suo, nisi nempe excuset parvas materiae, peccatum grave est. Prob. 2.<sup>a</sup> p. Scandalum directe operatur correctionem fraternae, in qua intenditur remotio peccatorum proximi nostri. Ergo specialem habet malitiam specificam contra caritatem proximi. Prob. 3.<sup>a</sup> p. « Si enim caritas obligat ad proximum corrigendum, et impediendum, cum possumus, ne ruat in peccatum: quanto magis obligat ad eum non impellendum ad peccatum consilio vel exemplo? » L. 45., S. Th. 2. 2. q. 43. a. 1.-4

47. *Resolves*: Non nisi venialiter peccat ratione scandali, qui alteri



praebet occasionem ruinae venialis tantum. Quod verum est etsi directe illam intendat, et quidem per actum mortalem. Caritas enim graviter tunc non laeditur. E contrario graviter peccat, ratione scandali, qui alteri praebet occasionem ruinae mortalis, licet id faciat per opus indifferens vel tantum veniale, v. g., si religiosus verba proferat iocosa et leviter turpia coram foemina, vel iis qui occasionem mortalis peccati inde capere possunt. — L. 44., S. Th. 2. 2. q. 43. a. 4. 6., Ithur. Cas. 35.

48. *In scandalo directo peccatum datur non solum contra caritatem, sed etiam contra virtutem, ad quam violandam proximus inducitur. In scandalo autem indirecto probabili est tunc sententia affirmativa, tunc sententia negans hanc aliam specialem malitiam.* — Prob. 1.<sup>a</sup> p. 1. Ex communi thth. sententia. 2.<sup>a</sup> Quia quaelibet virtus prohibet non solum, ne quis eam laedat, sed etiam ne velit et faciat eam ab aliis laedi. Prob. 2.<sup>a</sup> p. 1.<sup>a</sup> Quia pro utraque opinione graves sunt theologi. 2.<sup>a</sup> Quia ut voluntarium *indirectum* sufficit ad peccandum, ita etiam sufficit ad peccandum contra talem virtutem, respectu cuius voluntarium indirectum est: unde est quod in moralibus voluntarium *directum* et *indirectum* ad eandem speciem pertinent. Ergo probabiliter in scandalo *indirecto* peccatum datur non solum contra caritatem, sed etiam, etc. At contra est, quod virtutes non nos obligant, ut *impediamus*, in aliis vitia opposita, ut ut praevia, sed tantum ut non *intendamus* et *procuremus* ut alii eam laedant. Ergo probabiliter in scandalo *indirecto* non datur peccatum contra virtutem ad quam, etc. « Si ut enim in rebus naturalibus id quod est per accidens, non constituit speciem, ita etiam nec in rebus moralibus: in quibus id quod est *intentione*, est *per se*: quod autem sequitur *prae*ter *intentionem*, est quasi *per accidens* ». S. Th. 2. 2. q. 39. a. 1. — Lugo De Poen. D. 16. n. 159., Struggl q. 5. n. 21. seqq., L. 44. 45. 46. 47., 1. 3. n. 537.

49. *Resolves*: 1.<sup>o</sup> Sufficit ergo in confessione exprimere generatim peccatum scandali, neque necesse est speciem peccati innuere, ad quod inducti indirecte alii fuerint. Multo vero minus opus est, ut exprimantur circumstantiae, quae aliorum peccatis forte speciem superaddant, v. g., num qui induci ad luxuriam turpi sermone aut pictura potuerunt, coniugati sint aut voto adstricti, etc. G. B. 236. — 2.<sup>o</sup> Circumstantia sollicitationis et inductionis ad peccandum, e. g. ad fornicationem, circumstantia tantum aggravans est, adeoque sufficit confiteri fornicationem. Eadem enim malitia inductionis sive scandali habetur, licet minor, quando aliquis non sollicitat, sed consentit; consentiendo enim adhuc participat cum altero in suo peccato, et est causa cooperans ad eius ruinam. Quare haec malitia magis tantum aggravatur intra eandem speciem, si quis positive sollicitet. Et idem dicendum de collocatione turpi et simili. Ita Lugo cuius sententia satis probabilis videtur S. Alphonso, « cum etiam in cooperatione ad fornicationem adsit peccatum *contra caritatem*, bene *distinctum* a peccato *cooperationis* ad *fornicationem*, *cooperando* ad *ruinam alterius partis* ». L. 46.

50. *Scandalum pusillorum, seu infirmorum vitandum est, quoties fieri potest, sine gravi incommodo, tum operis indifferentis, tum operis boni non praecepti omissione.* — Prob. Quia ex caritate malum proximi impedire tenemur, cum facile possumus, v. g. abstinendo ab actione non valde utili, aut eam differendo, vel nostram agendi rationem exponendo, etc., cum proximus in illud discrimen incidit, causa a nobis data. Atqui *pusilli* seu *infirmi* in illud incidunt discrimen, causa aliquo modo a nobis data, nam, licet nostra actio *de se* non influat in peccatum proximi, *de facto* tamen influit, licet id sit ob proximi ignorantiam et infirmitatem. Ergo. Unde patet scandalum *pusillorum* non esse pure *acceptum*, sed aliquo modo *datum*, datum nempe non ratione *operis* facti, sed ratione circumstantiarum, licet extrinsecae istae penitus sint, quibus opus illud fit. G. 235., S. Lig. 48.

51. *Scandalum pharisaicum, seu malitiosum, saltem ordinarie, nec omissione operis boni, nec omissione operis etiam indifferentis, mali speciem non habentis, est necessario vitandum.* — Prob. Tale scandalum oritur a sola malitia illius, qui scandalum accipit, ac propterea non est ullo pacto datum, sed pure acceptum. Atqui caritas nullo pacto nos obligat, ut impediamus peccata, aliorum omnino ipsis voluntaria, et omnino independentia a nostra agendi ratione, saltem ordinarie: caritas enim non urget cum tanto incommodo. Ergo. Dicitur ordinarie: nam « si cura de bono proximi potest obligare ad bonum faciendum, cur non etiam aliquando ad internittendum? Praesertim cum nullo bono spirituali propterea privatur homo... quia hoc ipsum, quod est privare se merito illius operis propter bonum proximi, erit maius meritum, quam ipsum opus bonum. Unde in operibus consilii res est clara ». Suarez De Carit. D. 10. S. 3. n. 9. Casus esse posset, si ex dilatione, e. g. boni operis fructus speraretur. G. 235.

52. *An liceat suadere minus malum alicui, ad maius exsequendum iam determinato?* — Alii negant, quia qui suadet minus malum, vere malum suadet. Alii probabilius affirmant, quia hoc genus consilii eo tendit formaliter, ne committatur maius peccatum. Ergo formaliter non nisi bonum suadet. Et hoc addit Sanchez cum Salm. licere non solum privatis, sed etiam confessoribus, parentibus, et aliis quibus ex officio incumbit impedire peccata subditorum. G. 237., L. 57., l. 5., n. 77.

53. *Resolves:* Licetum est aliquem ad ebrietatem inducere, ut ille impediatur a graviori malo, puta, homicidio committendo. G. 183., L. 1. 5. n. 77. Licet volenti maius damnum uni inferre, suadere minus damnum eidem inferendum. Dicitur eadem, quia ratione iustitiae idem non videtur licere respectu alterius personae determinatae, saltem ordinarie et per se loquendo, quia tunc illud consilium est vera causa de se efficax damni alterius, et iniusta: non enim alter istud damnum subire tenetur, unde esset rationaliter invitus. Dicitur ordinarie et per se loquendo: etenim, uti affirmat Viva prop. 36. Innoc. XI., volenti furari a Petro aliquid ob quod ille in extremam redigeretur paupertatem posset suaderi uti aliquantulum subripiat a Paulo ditissimo, qui aliter in hoc esset irrationaliter invitus. Imo sunt, qui tenent licere, suadere minus malum etiam respectu diversae personae determinatae: quia hoc semper est a maiori malo tantum avertere, et non ad minus etiam inducere, et confirmatur exemplo Loth, qui filias stuprandas pro hospitibus obtulit. — Sauch. De Matr. l. 7. D. 11. n. 16. seqq., Vazquez Opusc. De Sauch. art. 1. dub. 2. n. 14., L. 1. 3. n. 565., Diana T. 7. tr. 5. de Scand. Res. 36.

54. *An liceat occasionem peccandi permittere, ut reus corrigatur atque etiam apponere?* — R. Affirm., quando alter aliunde probabiliter ad continuandum peccatum constatur esse paratus. Ratio est, quia 1.<sup>a</sup> permittere non est inducere ad peccandum, et ratio adest sufficiens permittendi: quia per nos tunc est impeditiva maioris mali; permittitur enim unum peccatum, ne fiant plura. Ita communiter. — 2.<sup>a</sup> quia occasionem etiam apponere peccati non est ex natura sua inducere ad peccatum, sed actus est de se inutiliter, ex quo duplex sequitur effectus, alter bonus qui intenditur, alter bonus, praeter intentionem agentis, et ex malitia peccantis, et ratio praeterea adest sufficiens istum actum ponendi. Ita probabilius, et confirmari potest exemplo Iudith, quae cum videret permissionem libidinis in Holophernes tutam esse impeditionem malorum complurium pro toto populo Israhelico, utro obiecit ei occasionem, nempe ornatum suum: et tamen in hoc communiter censent ipsam non peccasse. — Struggel q. 5. n. 33., G. 297, 298., L. 58.

55. *Resolves:* Licet patri et domino non auferre occasionem furandi filiis aut famulis, cum nihilominus ad furandum propensos et paratos no-

verint, ut sic deprehensi puniantur et resipiscant. Licet custodi agrorum se abscondere, ut damnificantes capiat, et se indemnem servet a periculo damni obventuri. — G. l. c., L. l. c.

56. *An peccet mortaliter puella ad conspiciendam se praebens circa scandalum passura?* — Haec S. Alph. 53.: « Affirm. Busamb., S. Ant., Sylv., Nav., etc. . . . Sed valde probabiliter negant peccare graviter Cai., Sanch., etc. Sufficit enim, ut dicunt, ad eam excusationem, saltem a mortali, causa ne ipsa sua libertate privetur: cum ex una parte hoc scandalum non est datum, sed acceptum ex malitia viri; et ex alia res esset valde incommoda mulieri et scrupulis obnoxia, si expendere deberet semper, an habeat iustam causam egrediendi vel non. — Nequirem autem illam excusare a mortali, si ipsa, ex vanitate ducta, etsi scandalum illius viri non intendat, data opera eius aspectui se offerat. Hinc recte dicunt Spor., Diana, Hurt., teneri mulierem sub gravi, scandalum viri determinati vitare, si possit commode, aliam Ecclesiam adire, per aliam viam progredi, a fenestra abstinere, et similia. Hoc tamen non intelligendum ad longum tempus, sed tantum pro una vel altera vice, donec alter advertere possit se fugi ab illa, et asserit Spor. in hoc omnes consentire. Nequirem etiam mulierem a mortali excusare, si illa peteret aliquem locum, quem non adiret, nisi sciret ibi amasium esse ».

57. *Resolves:* 1.<sup>o</sup> Mulier, quae ex ornatu etiam *convenienti* suo statui, probabiliter praevidet aliquem in *particulari* lapsurum mortaliter, tenetur ad *breve tempus* eum dimittere, aut talis conspectum fugere, *ad breve tempus*, quia ad longum tempus nimis illi grave foret. — 2.<sup>o</sup> Si vero idem tunc retur *in particulari* ex ornatu *superfluo*, vano, et non convenienti statui, quem assumere vanitatis causa, seclusis aliis non nisi veniale est, teneretur *per se loquendo* eum omnino dimittere, etiam sub mortali, quia nullum habet ius ad illum ornatum, et ex altera parte tenetur vitare peccatum alterius, quando *commode potest*. *Per se loquendo*, nam cum superflui ornatus, practice loquendo, mox in consuetudinem parite femininarum, quae honestae sunt, convertantur, neque dici absoluite potest quod ius non habeat talis mulier patriae consuetudinem sequendi, neque grave deest incommodum. — 3.<sup>o</sup> Si mulier non ita *in particulari*, sed *in genere* tantum aliquos in se scandalizandos putet, modo eorum lasciviam non intendat, nec ei placeat, licet ei placeat quod laudetur ut formosa, non videtur generi abstinere ab illo ornatu, etiam *superfluo* sub mortali, v. g. fucando faciem, etc. Ratio est tum quia est scandalum potius acceptum quam datum, et ornatus ille ac pulchritudo remote tantum ad peccatum provecat, tum quia nimis grave esset isti sexui, praesertim si maritum quaererat, perpetuo sic abstinere; cum illa occasio sit *universalis* et *perpetua*, nec formosiores unquam licite irent foras, cum pulchritudo naturalis plus noceat quam artificialis. — L. 53. 54. 55., S. Th. 2. 2. q. 169, a. 1. 2., S. Antonia. P. 2. T. 4. C. 5., Diana T. 7. Tr. 5. R. 9.

58. *An ad scandalum vitandum tenearis dimittere bona temporalia?* — R. Negat. *ordinarie loquendo*: nam aut magna patienda est pecuniae iactura, et caritas erga proximum non urget eum tanto incommodo; aut levis tantum pecuniae iactura est, et haec cum saepius occurrere possit, iam gravis faciliter evadit; et bono communi praeterea noceret eum iam malis occasio daretur aliena extorquendi et rapiendi, et ipsis malis nociva esset, cum in eorum prava voluntate sic firmarentur. *Ordinarie loquendo*, nam si in peculiari aliquo casu, grave cesset incommodum, et scandalum esset non *pharisaicorum* sed *pusillorum*, tunc vel bona temporalia sunt dimittenda vel scandalum sedandum per aliquam admonitionem. — G. 236., L. 52., S. Th. 2. 2. q. 43. a. 8.

59. *Resolves:* Non teneris plus aequo solvere operario vel rhedario,



licet praevideas illum secus esse blasphematurum. Non tenetur parochus iurae stolae dimittere, licet plures praevideat obtrectaturas, etc.

60. *An praecepta sint quandoque propter scandalum omittenda?* — R. 1. Negat., si ex ista omissione propria salus periclitaretur, vel aliis, praesertim communitati, grave damnum immineret. Unde bona spiritualia, necessaria ad salutem, nec debet, nec potest quisquam dimittere ob cuiusquam scandalum. Negat. etiam, si illa omisso sit intrinsece mala. Unde praecepta naturalia negativa omitti etiam nec debent, nec possunt. — 2.<sup>o</sup> Quoad praecepta naturalia affirmativa, per se et generatim praetermittenda non sunt. Nam scandalum non est proprie datum, et est ratio sufficiens illud permittendi. Attamen ea omitti interdum possunt; quin imo et debent, si omnibus prudenter pensatis, praestat vitare ruinam proximi, et grave inde damnum nobis non obveniat. Verius tamen dicitur in isto casu praecepta illa cessare, et non obligare, e. g. corrigendi peccatores, vel puniendi delinquentes, cum magis timetur damnum quam fructus speratur. — 3.<sup>o</sup> Quoad praecepta positiva humana controversatur. 1.<sup>a</sup> Sententia probabilis negat, quia iterum scandalum non est proprie datum, sed acceptum. 2.<sup>a</sup> Sententia probabilis affirmat, secluso incommodo gravi, quia praeceptum vitandi scandalum proximi utpote naturale, positivis praeceptis praefendum est. Hinc mulier sciens se turpiter esse concupiscendam ab aliquo, si ad missam praeceptam pergat, tenetur eam omittere semel aut iterum, si spes adsit, ut deinde scandalum cesset; non tamen pluries ob *grave incommodum*, quod inde consequeretur. Alii tamen plures non minus probabiliter tenent bene posse illam semel vel iterum omittere sacrum, sed ad hoc non teneri. *Potest* ob probabilitatem extrinsecam posterioris sententiae. Non *tenetur*, quia: iterum scandalum non est proprie datum, et est ratio sufficiens illud permittendi. — 4.<sup>a</sup> Notandum hic autem est, praesentem etiam controversiam locum habere non nisi in scandalo, quod aliquis *in particulari* pati possit; minime vero quando *generalis* adsit timor, ne quis forte scandalizetur; quia nimis id difficile esset. Itemque de scandalo tantum agitur *pusillorum*: nam si scandalum esset *pharisaicum*, occasio daretur bona semper malitiose impediendi. — Struggl q. 5. n. 30. 31., S. Th. 2. 2. q. 43. a. 7., L. 50. 51. 52.

61. *An sit peccatum scandali petere ab alio aliquid, quod ipse non erit praebiturus absque peccato, cum iam paratus sit ad peccandum?* — Haec S. Alph. 47.: 1.<sup>a</sup> « Si res quae petitur sit de se *intrinsece mala*, ita ut nullo modo praestari possit sine peccato, prout est petere fornicationem a meretrice parata, non desunt plures dd., qui dicunt non esse peccatum scandali, quia cum talis mulier sit semper in actuali aut virtuali voluntate peccandi, non censetur graviter, sed leviter cooperari, qui occasionem ei praebet peccatum illud exequendi. Ita Sotus, Henriq., Azor, Valent., etc. Venerat tantorum dd. auctoritatem, sed non auderem recedere a sententia contraria, quam sequendam censeo, et tenent Sanch. cum Caiet., etc. Ratio mihi valde potens, quia licet meretrix sit in actuali voluntate peccandi, certe tamen sibi infert ruinam graviter maiorem, opere complendo illud particulare fornicationis peccatum. Is igitur, qui illi cooperatur ad peccatum consummationem, dupliciter graviter peccat, tum contra caritatem, tum contra castitatem. — 2.<sup>a</sup> Si res, quae petitur sit *indifferens*, et bene possit praestari sine peccato, ut esset petere mutuum ab usurario, et similia. 1.<sup>a</sup> Sententia tenet, non esse peccatum grave petere sine iusta causa. Ratio, quia cum usarius ille iam habeat voluntatem deliberatam peccandi, non inferes ipsi grave damnum, si proponas illi occasionem, qua exsequatur peccatum praeter tuam intentionem. Ea enim anticipatio operis externi peccatum illius tantum accidentaliter variat. Ita Lugo, Caiet., etc. 2.<sup>a</sup> Sententia, quam amplectimur, tenet id esse peccatum mortale tam contra caritatem, quam contra virtutem ad quam laedendam occasio proximo praebetur, petendo ab illo mutuum, etc., sine gravi causa, nam cum adsit gravis causa,

petens omnino excusatur. Ita S. Th. 2. 2. q. 78. a. 4. Elbel., etc. Ratio, quia cum peccator actu externo notabilem maiorem ruinam sibi intert; non potest excusari a peccato gravi contra caritatem, qui sine gravi causa cooperatur illi ad opus exequendum. . . . Cum autem habemus gravem causam petendi non possumus sine gravi incommodo a petendo abstinere; et ideo tunc equidem excusamur. Ita Busemb., Sanch., Valent., etc. Notant autem Sporn., Pont., etc., quod ad mutuum licite petendum ab usurario, non requiritur praecisa necessitas, sed sufficit quaevis notabilis utilitas, sive ad conservationem, sive ad decentiam status aut familiae &c. — Cf. Lugo De iust. et iur. D. 25. n. 235., Diana T. 7. Tr. 5. R. 34. 55., L. 48. 49. 78., l. 3. n. 103. q. 5., 149., S. Th. 2. 2. q. 68. a. 4.

62. *Nota.* Ex resolutione huius quaestionis, resolutio patet aliarum similium quaestionum: an liceat acceptare, offerre, dare, vendere, vel facere aliquid, quod alius non donat, acceptet, emat, vel utatur sine peccato: in quibus omnibus scandalum est per modum cooperationis.

63. *Resolves:* 1.<sup>o</sup> Non licet ergo petere, e. g., a notario aliquid officio suo oppositum. Licet vero sacramenta ab indigno ministro, aut iuramentum ab eo qui peieraturus erit, petere, modo adsit iusta causa, nempe, pro primo casu, si adsit necessitas, aut notabilis utilitas spiritualis; pro secundo, si iudex petat iuramentum ratione officii, vel magni tui interest, uti perituro ad fraudes alterius manifestandos, ut ius tuum consequaris. G. 249., L. 47. 60. 61. 77. 79. — 2.<sup>o</sup> Peccat puella acceptans munera ab amasio si ea ex turpi amori provendant, nam turpem istum amorem fovent: secus vero, ut patet, si non nisi ex honesta benevolentia et amicitia procedant; vel si eam aliis offerantur, et absque aliorum scandalo et propria infamia respui nequeant. G. 240., L. 76. — 3.<sup>o</sup> Nullo pacto licet cauponi ad plures alliciendo hospites choreas graviter turpes ordinarie admittere in suis aedibus, vel illis legenda proponere publica folia, quae evidentem et ordinariam sint religioni vel bonis moribus adversa. G. 256. — 4.<sup>o</sup> In civitatibus, in quibus vitandi maioris mali causa permissum est, licet domum locare usurario et meretricibus; maxime si alii conductores desint, aut illis alias aedes conducere facile sit, nisi tamen meretrices graviter nocerent vicinis honestis, vel ob situm ansam maiorem darent peccatis. G. 250., L. 70., l. 3. n. 434. Ithur. Cas. 26., S. Th. 2. 2. q. 10 a. 11. — 5.<sup>o</sup> Licet vendere res *indifferentes*, aut quae bonum usum facile habere possunt, si venditor nihil sciat de mala intentione emptoris, quia malum non est praesumendum. Hinc licet vendere aleas, gladios, fucos, vinum, etc., etsi plurimi his abutantur, quia haec non ordinantur per se ad peccatum, imo saepe bono usui inserviunt. G. 254. Non licet vero vendere has ipsas res *indifferentes*, quando certo cognoscitur emptorem illis male usurum esse, nisi denegari absque gravi incommodo non possent, vel etiam nisi aequae ab aliis emerentur; in hoc enim postremo casu, si vendens peccaret hoc ideo tantum esset, quia non impedit peccatum proximi. Atqui, licet non venderet, non ideo impediret peccatum; alius enim esset qui venderet. Hinc non licet vendere ornamenta honesta puellae, si venditori constaret de abusu futuro, nisi notabile damnum pateretur, vel si aequae illa ab aliis emeret. Ita La-Croix l. 2. n. 263., alique. Sed postremum casum non admittit S. Alph. 71. Non licet vendere vinum absque gravi et proportionata causa eis, qui revendunt mixtum aqua. Non licet pariter cauponi vendere vinum iis qui praevidentur se inebriari, vel carnes comesturis die vetito praebere, nisi excuset gravis ratio, puta si alias notabiliter laederentur ex diminutione emptorum. Unde etiam licet communiter cauponi dare carnes quando petuntur, nisi petitio fiat in contemptum religionis: quia gravissimum incommodum esset inquire de rationibus cuiusque petentis. L. 68. 69. 78. Imo licet generatim cauponi apud quem divertunt rhedae publicae, mensam cibis licitis vel illicitis struere; quia cum constet plures carnes esse petituros, non videtur

necessarium a singulis petere quid velint. A fortiori licet vendere carnes diebus abstinentiae et tempore quadragesimae, quia venditor de rationibus ementium diiudicare nequit, nec pertinet ad ipsum de illis inquirere. G. 254. 255. Non licet vero vendere res, quae ex institutione sua vel usu sunt *destinatae ad malum*, nisi in casu particulari constet abesse periculum abusus, vel nisi gravis et proportionata ratio excuset. Hinc non licet vendere venenum; nisi moraliter constet emptorem illo bene usurum, v. g. ad confectionem colorum, medicinae, etc. Non licet praevidere libros indiscriminatum vendere, cuilibet scilicet emptori. Quandoque tamen vendi possunt viris prudentibus ac doctis, qui huiusmodi libros utiliter legere possunt, v. g. ad eos confutandos, etc. Excipe tamen libros prorsus obscenos, qui radicitus sunt extirpandi. G. 254. Tambur in Decal. l. 1. C. 1. § 4. n. 37., L. 69. 72. 76. — 6.<sup>o</sup> Licitum est operariis theatra aedificare, et ornare, si ornamenta in se honesta sint, etsi gravis alia ratio desit; quia licitum est principibus spectacula permittere. Fas est Iudaeorum synagogas, et haereticorum templa, permittente legitimo magistratu, restaurare et aedificare, secluso tamen scandalo et quovis religionis contemptu, praesertim si aequae fieret sine ipsis. G. 252., L. 73. Licet etiam idolorum statuas conficere, si haec non debeant adhiberi ad falsum cultum, sed ad ornamentum platearum, aedificiorum, etc. G. 252. — 7.<sup>o</sup> Licet captivis christianis ex gravi metu remigare in triribus infidelium contra catholicos. Nam quid intrinsece malum non faciunt, nex proxime perniciosum christianis. Aliunde adest gravissima et proportionata causa id faciendi. G. 253., L. 73. — 8.<sup>o</sup> Non licet componere, sive repraesentare comoedias graviter turpes, quodcumque sit lucrum. « Pariter graviter peccant pingentes sive exponentes *publice* imagines obscenas, scilicet detectis pudendis, sive tenui velo coopertis, secus si detectis aliis partibus, pudenda tegantur ». L. 56., G. 247. 249. Excipe tamen, si quid huiusmodi pingendum sit, v. g., ad scientiam anatomicam aut obstetriciam docendam vel addiscendam.

64. *An nunquam liceat alterius peccato cooperari?* — Praenota: Cooperatio in genere est concursus cum alio principaliter agente. Prout autem caritati adversari potest, est participatio quaedam ad actionem pravam alterius. Cooperatio est: 1.<sup>o</sup> *immediata vel mediata*, prout cooperans agit cum peccante in ipso actu peccati, vel ponit alias actiones cum peccato alterius connexionem aliquam habentes; 2.<sup>o</sup> *Proxima vel remota*, prout actio cooperantis propius vel remotius, ex natura sua vel ex circumstantiis, cum prava alterius actione connectitur; 3.<sup>o</sup> *Positiva vel negativa*, prout cooperans vel ponit aliquam actionem in peccatum alterius influentem, v. g. cum adiuvando, vel omittit actum debitum, v. g. si non obstat cum ob stare deberet; 4.<sup>o</sup> *Formales*, quae concurrunt ad malam voluntatem alterius, et nequit esse absque peccato, utpote quae intendit ipsam cooperationem ad pravam actionem alterius, vel *explicita* operantis intentione, vel *implicita* in ipso opere, quod *natura sua* ad pravam actionem ordinatur: vel *materialis*, quae concurrunt tantum ad malam actionem alterius sine ulla intentione cooperandi ad peccatum, neque in *actu signato*, neque in *actu exercito*. Ut scandalum ita cooperatio dupliciter haberi potest: 1.<sup>o</sup> *inducendo* alium ad peccandum, et proprie *scandalum*; est 2.<sup>o</sup> *agendo* aliquo modo *simul* cum eo qui peccat, et est proprie *cooperatio*; quae eandem *specie* malitiam scandalum habet, nempe et contra caritatem et contra virtutem, quam alius peccando laedit, cum cooperatio *formalis* sit. — Porro: 1.<sup>o</sup> Certum est, nunquam licere cooperationem *formalem*, cum haec moraliter influat in peccatum alterius, et proinde sit illius causa *moralis*. — 2.<sup>o</sup> Cooperatio *materialis* licita est, dummodo 1.<sup>o</sup> actio sit per se *bona*, vel saltem *indifferens*; 2.<sup>o</sup> non teneatur quis ex officio peccatum impedire; 3.<sup>o</sup> adsitque causa *iusta* et *proportionata* ad gravitatem peccati alterius, et ad proximitatem concursus ad peccati executionem. Ratio est, quia cum tu praestas actionem honestam, vel indifferentem, sine prava intentione, si alter illa abuti voluerit ad peccatum exsequendum,



non teneris, nisi ex caritate, illud impedire; et cum caritas non obligat cum gravi incommodo, ideo ponens tuam cooperationem cum iusta causa, non peccas; neque enim peccatum illius provenit ex tua cooperatione, sed ex malitia ipsius, qui tua actione abutitur. — Dicitur autem *proportionata*: nam cum obligatio illam actionem vitandi consurgat ex obligatione virtutis, cui opponitur proximi peccatum, et obligatio omnis virtutis non sit aequalis, sed quaedam magis, quaedam minus obliget, neque cooperationes pares sint, sed quaedam magis, quaedam minus ad peccatum accedunt, insuper nec aequa semper certitudo est, te non cooperante alterum non peccaturum: neque vero idem semper est ius ad actionem, sed aliquando maius aliquando minus: ideo non semper aequalis causa erit proportionata ad hanc cooperationem praestandam, sed quandoque maior, quandoque minor erit necessaria. Hinc urgentior causa desideratur quando peccatum est contra iustitiam quam contra solam caritatem, et talis, quae merito praeferrī possit damno alterius. Ratio est, quia in illis innocens invitatus damnum patitur; in his autem solus peccans detrimentum spirituale subit, idque propria voluntate, quod idem detrimentum patitur cum contra iustitiam peccat. — G. 248., Sanch. l. 1. C. 7. n. 12., L. 59. 63.

65. *Resolves*: 1.<sup>a</sup> Fas est famulo ostium aperire meretrici, quia huiusmodi materialis cooperatio satis remota est, maxime dum, eo etiam non aperiente, adhuc esset qui aperiret. G. 250., L. 66. — 2.<sup>a</sup> Haud quidem illicitum est, si famulus equum sternat domini ad peccandum profecturi, quia in hoc non videtur magis peccato domini cooperari, quam aperiendo ostium meretrici. G. 251. — 3.<sup>a</sup> Licetum est famulo dominum ad concubinae domum comitari, quando etiam, famulo non comite, herus adiret, nec ex eo animosior reddatur, quia tunc est merus comitatus; et ipse famulatus ratio sufficienter excusat. Ita Busemb., alique. Sed S. Alph. alique hunc casum et praecedentem non nisi ex gravis damni metu excusant. L. 63. 64. Si herus vero famulum comitem adhiberet, ut securius peccaret, tunc certe illicitum esset, quia iam influeret proxime in peccatum. Salm. Tr. 21., C. 8. n. 72., G. 251., L. 64. Cf. Sanch. in Dec. l. 1. C. 7. n. 22. 23. Illicitum item prorsus esset, famulo subiicere humeros, vel deferre sculam domino ascendenti ad fornicandum, vi aperire ianuam et similia, nam cooperatio omnino proxima est, et facilius reddens peccatum, in gravissimum damnum tertii. Cum tamen hae actiones intrinsece malae non sint illicitae adhuc non essent, si metus mortis aut mutilationis accedret. Nullum aliud timorem, addit S. Alph. 66., excusare cooperantem, nisi mortis: nam alias, ob solum metum laetulae facultatum, vel infamiae, non licet concurrere ad dehonorationem puellae deflorandae. Cf. L. 68. 75., l. 3. n. 571. — 4.<sup>a</sup> Spörer de S. praeepto c. 1. n. 99. famulum etiam excusat dona meretrici deferentem, « quia, inquit, ex una parte illi ex officio et conditione sua tenentur dominis servire et obsequi; ex altera vero parte cooperatio ad peccatum mere materialis est, et tantum remota ». Alii vero aliam valde gravem requirunt rationem, quia cum munera haec apte sint ad libidinem fovendam cooperatio proxima est. Ac propter hanc ipsam rationem non licet famulo litteras amatorias concubinae domini sui deferre, nisi gravior et proportionata adsit ratio. Alii tamen ut quoad dona ita quoad epistolas deferendas specialem hanc non requirunt rationem, praeter ipsum famulatum. Nam hic attendendum non videtur utrum *epistolae* vel *munera* habeant vim fovendi turpem amorem, sed ipsa actio *ferendi* epistolas aut munera spectanda est, quae de se indifferens est. Secus enim cum vim fovendi turpem amorem magis habeat aspectus neque ianuam aperire licebit. Caeterum famulus non tenetur inquirere quid litteris contineatur. G. 251., L. 65. 67. 68.

66. *An liceat meretricibus vel concubinariis famulari?* — R. Negat. *per se et ordinarie* loquendo: tum ob scandalum, tum etiam ob maximum lapsus periculum. Illi ergo casus, qui in praxi excipiendi sunt, ex necessi-

tatis gradu et personarum adiunctis, scandalum et proximum peccandi periculum remouentibus, diiudicandi erunt. G. 240.

67. *An liceat aliquando pravis libris edendis cooperari?* — 1.<sup>o</sup> Generationem non videtur licitum esse immediate cooperari impressioni talium librorum, v. g. typos ordinare, cartam typis apponere, impressionem dirigere, etc., quia hoc valde propinque ad pravam librorum doctrinam diuidendam accedit. Attamen in casu gravissimi detrimenti, *ad breue tempus, tali quodpiam materialiter* praestari posse iudicat Laym. — 2.<sup>o</sup> Licet autem, gravi de causa, cooperari mediate, seu remote, v. g. atramentum, vel cartam praeparare, aut libros impressos ordinare. — G. 253., Laymann De Carit. C. 13. n. 4.

68. *An qui pravam libram ab alio legendum commodatum acceperit eam domino restitui possit?* — R. Negat., nisi prudens timor cuiuspiam gravis incommodi aliter suadeat. Hoc ex principiis traditis sua sponte defluit. Grave autem incommodum censendum est, si graves rixas, blasphemias, odia, aliaque eiusmodi a domino pertimescas. — G. 241.

## DE VIRTUTIBUS CARDINALIBUS

1. *Natura et tractatio cardinalium virtutum.* — Diximus haec de virtutibus *theologicis*, ita dictis quia earum obiectum tum materiale primum, tum formale Deus est. *Materiali*, siquidem Deus est, quem credimus, speramus, amamus. *Formali*, nam credimus Deo, quia veritas est; Deum speramus, quia bonus est nobis; Deum diligimus, quia summa in se bonitas est. Praeter virtutes theologicas, virtutes adsunt *morales*, ita dictae, quia voluntatem, in ordine ad bonum honestum prosequendum perficiunt. Huiusmodi virtutes numerantur quatuor principales, seu *cardinales*: prudentia, iustitia, temperantia, fortitudo.

2. *Prudentia* est specialis quaedam virtus intellectus practici, qua in quovis negotio occurrente novimus quid honestum sit, quid turpe. Et sic prudentia recta ratio agendorum est, seu virtus recte ordinans ea quae sunt ad finem totius vitae. Omnis autem virtus *in medio* est; medium est ea facere quae virtus praecipit, quando oportet, ubi oportet, prout oportet; atque prudentiae officium est huiusmodi medium invenire. S. Th. 2. 2. q. 47. Hinc prudentiae praeceptum non datur, ratione sui, sed ratione tantum alterius, nempe virtutis exercendae et peccati vitandi. S. Th. 2. 2. q. 56. Ut ergo ad prudentiam spectant omnia Decalogi praecepta, ita ad prudentiam spectat universa Moralis Theologia, speciatim vero tractatus De Conscientia et de opinione probabilis; siquidem tota moralis theologia et praedicatus tractatus in particulari regulas tradunt, ut *prudenter* et *recte* agamus. Quare nihil speciatim hic dicendum est de prudentia. Prudentiae vero opponitur *imprudentia*. Ea est *vel privative*, vel *contrarie* talis. « *Negative* autem non proprie dicitur, ita scilicet quod proprie importet solam carentiam prudentiae; quae potest esse sine peccato. *Privative* quidem imprudentia dicitur, in quantum aliquis caret prudentia, quam quis natus est et debet habere; et secundum hoc imprudentia est peccatum *ratione negligentiae*, qua quis non adhibet studium ad prudentiam habendam. *Contrarie* vero accipitur imprudentia, secundum quod ratio contrario modo movetur, vel agit, prudentiae; puta si recta ratio prudentiae agit consiliando, impru-

dens consilium spernit; et sic de aliis quae in actu prudentiae considerata sunt. Et hoc modo imprudentia est peccatum secundum rationem propriam prudentiae. Non enim potest hoc contingere, quod homo contra prudentiam agat, nisi divertens a regulis, quibus ratio prudentiae rectificatur. Unde si hoc contingat per aversionem a regulis divinis, est peccatum mortale: puta cum quis quasi contemnens et repulchus divina documenta, praecipitanter agit. Si vero praeter ea agit absque contemptu, et absque detrimento coram, quae sunt de necessitate salutis, est peccatum veniale. S. Th. 2. 2. q. 53. a. 1.

3. *Iustitia* virtus est, quae debitum reddit ad aequalitatem. Hinc aliae virtutes morales *mediam* tenent rationis, secundum nempe *prudentem* destinationem. Cum enim circa passiones regendas versentur. Aliud, quod rectum est pro uno, parum vel nimium pro alio est. Iustitia vero *mediam rei* attingit, secundum nempe *aequalitatem rei ad rem*, ut scilicet tantum reddatur quantum debetur. Et sic medium iustitiae variare non potest pro personis, locis et tempore; sed quivis sit, ubicumque et quodcumque, qui debeat centum, et quicumque sit creditor, huic centum reddere debet. Si reddat quinquaginta iustitiam laedit, si centum et quinquaginta liberalitatem exerceat. Iustitiae *iniustitia* opponitur. Nihil iterum speciatim hic dicendum est de iustitia. De ea enim agitur in praeceptis Decalogi, potissimum vero in quinto et septimo. S. Th. 2. 2. q. 58. 59. 61.

4. *Fortitudo* virtus est, quae animum moderatur et firmat contra pericula praesertim mortis. Non datur praeceptum *per se* huius virtutis; sed ratione tantum alicuius specialis praecepti implendi, e. g. martyrii etiam subeundi ne fides denegetur. An autem et quando detur obligatio legem servandi etiam cum vitae discrimine dictum est in Tr. 1. de Legibus, et in singulis tractatibus explicatur, cum quaeritur an liceat aliquid agere saltem ad mortem vitandam. Quare neque de *fortitudine* instituenda hic est specialis tractatio. Duplex fortitudinis est actus, *aggradi* et *sustinere*. Ad actum aggradiendi duo requiruntur. Primum est animi praeparatio, ut scilicet aliquis promptum animum habeat ad aggradiendum, quod praestat *magnanimitas*. Alterum operis executionem respicit, ne scilicet aliquis deficiat in executione illorum, quae magnanime inchoavit, quod praestat *magnificentia*. Ad actum sustinendi duo etiam requiruntur. Primum est, ne difficultate imminentium malorum animus frangatur per tristitiam et decidat a sua magnitudine, et ad hoc ponitur *patientia*. Alterum est, ut ex diuturna difficultatum passione homo non fatigetur usque ad hoc quod desistat; et ad hoc ponitur *perseverantia*. Fortitudini opponitur timor, intimiditas, audacia. Magnanimitati opponitur praesumptio, ambitio, inanis gloria, pusillanimitas. Magnificentiae opponitur parvificentia et consumptio vel nimia profusio. Patientiae opponitur impatientia, perseverantiae vero mollietis et pertinacia. De his Cf. S. Th. 2. 2. q. 123. seqq.

5. *Temperantia* virtus est, quae concupiscentiam et delectationem moderatur sensibilibus bonorum. Porro bona sensibilia alia ad individuum, alia ad speciem conservandam spectant. Hinc temperantia in *abstinentiam*, et *sobrietatem*; *humilitatem*, *mansuetudinem* et *modestiam*; *castitatem* et *pu-  
dicitatem* potissimum diducitur. *Abstinentiae* opponitur *gula*, *sobrietati* opponitur *ebrietas*, de quibus iam egimus, cum de vitiis capitalibus diximus in tr. De Peccatis, et iterum agendum est in tr. De Praeceptis Ecclesiae. *Humilitati* opponitur *superbia*, *mansuetudini* opponitur *ira*, de quibus eodem in loco tractatus De Peccatis diximus; de peccatis vero modestiae oppositis in sexto Decalogi praecepto dicemus. Tandem *castitati* et *pu-  
dicitati* opponitur *luxuria* de qua etiam diximus in eod. tr., de vitiis capitalibus agentes. De ea tamen praecipue agendum erit in sexto et nono Decalogi praecepto. Quare specialis tractatio de temperantia instituenda non est. Cf. S. Th. 2. 2. q. 141. seqq.





horae canonicae, de quibus specialiter dicimus, nisi sermo erit de sacramentis et de praeceptis particularibus. Circa orationes publicas duo generatim sunt attendenda ex Bened. XIV.: 1. quod istae orationes, earumque formulae non a privatis, sed ab Ecclesiis tantum auctoritate institutae, et designatae sunt. B. *Quomodo dicuntur*; 2. quod in sacris ritibus non aliae sunt actiones, nisi quae ab Ecclesia sunt receptae. B. *Inter quosdam*. — Struaz. t. 21, S. Th. 2. 2. q. 83. Suarez De Relig. Tr. 4. l. 1. c. 3. supp.

4. *Datur orationis praeceptum*. — Prob. 1. quia frequentissime in Sc. tum a Christo, tum ab Apostolis, uti necessarium ad salutem praecipitur; 2. quia quantum est ex parte Dei gratias suas Deos, si paucis exceptis, v. g. initium fidei, sub eo tantum conditione debet elargiri, ut orantes sint, ut eadem oratione exspectantibus, libenter largiantur: *non habentes propter quod non postulates*, Iac. 4. *Orantes*, si quidem libenter Deus ex sua misericordia infinita etiam non petentibus gratias conferat suas. Et hoc sensu probabilius et communiter docent, aditus orationis non necessarium quodque esse necessitate modum ad salutem. Illud enim vere dici potest de necessitate modum, sine quo, attente ordinari divinae providentiae, salus etiam contingeri non potest. Quantum autem est ex parte hominis summa eius intelligentia est, ita ut quisque iure merito cum Propheta debeat ex timore: *Ego sum sicut et pauper, Deus adiuva me*, Ps. 108. Quare Angelicus: «Ad eum non quilibet homo tenetur ad bona spiritualia procurare, quae non nisi divinitus dantur: unde alio modo procurari non possunt, nisi ab ipso petantur.» In 4. D. 18. q. 4. a. 1. — G. 259. L. int. S. Th. 2. 2. q. 83. a. 2. Struaz. n. 22-24.

5. *Orationis praeceptum frequentius urget*. — Prob. Christi enim et Apostolorum praeceptum est ut *semper, ubi, tempore, sine intermissione* oramus, quae verba non tribant singulis physice in modis orandum esse, quod foret impossibile, sed frequenter orandum esse, tempore opportuno. — Porro praeceptum hoc obligat *per se*: 1. quia homo non rationis adipes erat, tunc enim tenetur se ad Deum convertere, cuiusque omnipotens omnium bonorum fontem agnoscere ac summum rerum omnium Dominum esse subire, ad quod minime oratio inservit. S. Th. 1. 2. q. 89. a. 6.; 2. Tempore mortis, tunc enim maxime necessaria est perseverantia finalis, ad quam continentia oratio est necessaria. «Cum constet, inquit August., alia Deum dante etiam non orantibus, sicut initium fidei, alia non nisi orantibus praeparasse, sicut usque in finem perseverantiam, profecto qui ex seipso hanc se habere putat, non orat ut habeat.» Lib. De Don. Persev. C. 16. n. 30.; 3. «Per certa intervalla horarum et temporum», ut ait idem August. Ep. 139. Porro alii docent orandum esse sub gravi saltem semel in anno, alii sex, quodque mense, alii singulis ferme mensibus, alii singulis annis mensibus, eodem tunc pacto ac praeceptum fidei, spei et caritatis. — Obligat *ver. per accidens*: 1. Quoties urget aliquod praeceptum, quod impleri non possit absque oratione: qui enim tenetur ad finem, tenetur etiam ad media; 2. Quando gravis urget tentatio quae alio modo repelli non possit, et quicquid quoties aliquis ad auxilium divinum speciale nobis necessarium videtur, ut in gravi quocumque calamitate sive privata, sive publica. — Prae dictis et praesimplius obstat ut perorandas orationes preces nullum datur praeceptum. Prae dictis vero constitutis in sacris ordinibus et praebeneficiis Ecclesiae praeceptum adest canonicas horas recitandi. — Qui omittit preces matutinas aut vespertinas, praeterit *per se*, non peccat, si interim tantum eas morat. Ratio est, quia media lex est, quae determinatas preces singulis diebus et certis horis praecipiat. Deo, tamen advertunt, raro aliquam abesse negligentiae et accedias culpam. Ceterum in praesi excusari prorsus ab aliqua culpa non possunt, cum illas saepius omittunt, tum quia forte minime erant alio tempore, aliove modo, et si orationis praescripto aliquando doerunt, tum quia ex periculo, quae quoties occurrunt, neglecta oratione, in plura peccata latentur. — G. 260. 261. L. int.

6. *Ut oratio legitime fiat, debet fieri cum attentione, humilitate, fiducia, perscrutantur.* — Prob. 1.<sup>a</sup> p. Qui enim mente voluntarie distrahitur actu quo orat incurrit in illam Dei reprehensionem: *Populus hic labiis me honorat cor autem eorum longe est a me.* Matth. 15. Quomodo sane audiri postulat qui seipsum non audit? *Per se autem peccat venialiter, qui sine iusta ratione voluntarie distrahitur; idque valet etiamsi oratio fiat absque obligatione, quia aliquam irreverentiam Deo irrogat.* Elbel n. 419. G. 261. Prob. 2.<sup>a</sup> p. Scripsi est enim: *Resperit in orationem humilium, et non spernit precem eorum...* oratio humilium se nubes penetrabit. Ps. 101., Eccl. 35. Prob. 3.<sup>a</sup> p. *Omnia quaecumque orantes petitis, credite quia accipietis.* Marc. 11. Prob. 4.<sup>a</sup> p. *Orationi instate, vigilantes in ea.* Ad Col. 4. — Cf. Struggl 27. seqq., S. Th. 2. 2. q. 83. a. 13. 14. 15., Quodl. 8. a. 8. 9., L. 1. 4. n. 176., Suarez De Relig. Tr. 4. l. 3. C. 4.

7. *Quosnam praeter Deum orare possumus?* — Beatam Virginem Mariam ut mediatricem nostram, Angelos, ut custodes hominum, omnes Sanctos et amicos Dei, ut intercessores nostros apud Deum. Invocari privatim possunt etiam infantes baptizati, et ante usum rationis defuncti, cum Sancti sint et regnent cum Christo, et iuxta Less., Bellarm., Bonac., Elbel idem probabilius dicendum est de animabus in purgatorio detentis. — Et sane amici sunt Dei. Neque vero repugnat eos, qui nostris precibus indigent, posse pro nobis utiliter orare; sicut viventes pro se invicem utiliter orant, licet etiam indigeant, ut pro ipsis oretur. — Invocatio autem Sanctorum est de consilio, non vero de praecepto, cum Trid. S. 25. dicat tantum, esse *bonum et utile* eos invocare. Attamen aiunt communiter a peccato veniali non esse excusandum, qui nunquam B. Virg. invocaret. — G. 262., Cas. 247., Struggl 31.

8. *Pro quibus orare possumus?* — 1.<sup>o</sup> Neque pro Sanctis, neque pro damnatis orandum est. Illi enim beatitudine nunquam defutura potiuntur in coelo, isti vero suppliciis aeternis iam sunt immutabiliter mancipati in inferno. Honestum autem est orare pro iustis, qui in igne purgatorii detinentur. *Sancta et salubris est cogitatio pro defunctis exorare, ut a peccatis salvantur.* 2. Mach. 12. Item orare licet et debemus pro nobismetipsis, et, si de oratione privata sit sermo, pro omnibus qui in terris degunt sive fideles sive infideles, sive iusti sive peccatores, sive excommunicati sive non, sive amici, sive inimici, pro iis nempe omnibus orandum est, quos iubemur diligere iuxta illud Christi: *Dilige proximum tuum sicut teipsum,* Matth. 12. Hinc Apostolus ait: *obsecro primum omnium fieri obsecrationes, orationes, postulationes, gratiarum actiones, pro omnibus hominibus...* hoc enim bonum est et acceptum coram Salvatore nostro Deo, qui omnes homines vult salvos fieri. 1. Tim. 2. *Si de oratione privata, etc., quoad publicam enim vide exceptionem in Tr. de Censuris n. 25.* Huic autem muneri pro omnibus orandi satisfit, si quis licet nullam aliorum faciat specialem mentionem in iis tamen precibus, quae non pro se tantum funduntur, cuiusmodi sunt *oratio dominica et salutatio angelica*, neminem quis excludat. — G. 262., S. Th. 2. 2. q. 83. a. 7. 8., Struggl 32.

9. *Quid petere orantes debemus et possumus?* — Petere in primis debemus bona spiritualia eaque *absolute*, quia certum est non posse nos iisdem abuti: *Quaerite primum regnum Dei et iustitiam eius,* Matth. 16. Petere autem possumus et bona temporalia, et mala poenae temporalis, ut humiliatio, paupertas, etc., *sed conditionate*; possunt enim aliquando nos ad salutem iuvare. — Struggl 25., S. Th. 2. 2. q. 83. a. 6.



## II. — DE ADORATIONE

10. *De actibus externis religionis.* — Hi actus in tres classes distribuuntur. Ad primam pertinent actus illi, per quos aliquis suum corpus ad Deum venerandum exhibet, talis est *adoratio*; ad secundam pertinent illi actus, quibus aliquid de rebus exterioribus Deo offertur. Circa quas occurrit duplex consideratio: 1.<sup>a</sup> quidem est de his, quae Deo a fidentibus dantur, ubi considerandum est de sacrificiis, oblationibus, primitiis, et decimis, ac de sanctificatione festerum. Considerationem de sacrificiis remittimus ad tractatum de Eucharistia; considerationem de sanctificatione festerum ad tract. de 3.<sup>o</sup> Decalogi praecepto; considerationem autem de oblationibus, primitiis et decimis omittimus cum nullum nunc vigeat in universa Ecclesia tale praeceptum. Altera consideratio est de votis, quibus Deo aliqua promittuntur, et hanc considerationem ad secundum Decalogi praeceptum remittimus. Ad tertiam denique classem pertinent actus illi, quibus aliquid divinum ab hominibus assumitur, quod est vel sacramentum aliquod, vel ipsum nomen divinum. Sed de sacramenti assumptione locus erit dicendi in tractat. de Sacramentis. Assumptio autem nominis divini tripliciter fit: uno modo per modum *iuramenti* ad propria verba confirmanda; alio modo per modum *aliationis* ad alios inducendos; tertio modo per modum *invocationis* ad orandum, vel laudandum. Et de his omnibus dicendum etiam erit in secundo Decalogi praecepto. Quare hic nomini de adoratione sermo erit. Cf. S. Th. 2. 2. q. 84. 85. 86. 89.

11. *Quid et quodplex adoratio?* — Adoratio est honor externo corporis gestu alteri exhibitus, quo testamur nostram submissionem, et alterius excellentiam: vel quatenus est signum internae aestimationis et reverentiae et submissionis erga alterum, et consequenter illius quoque excellentiae. Adoratio ergo, ut patet, duplicem exigit actum internum, alterum intellectus, alterum voluntatis. Prior est iudicium speculativum de excellentia alterius; et iudicium practicum, honestum esse nos illi submitti propter excellentiam suam, et nostram respectu eius inferioritatem. Posterior vero est imperium voluntatis se demittendi ob superiorem illam in altero excellentiam. Unde demum existit executio ipsa in exteriori corporis gestu. Adoratio alia est *politica*, alia est *religiosa*, prout alteri cultum exhibet ob dignitatem aut excellentiam mere civilem, vel ob supernaturalem excellentiam, quae in Deo et in Sanctis eius reperitur. — Haec tres sub se species completitur: 1.<sup>a</sup> est *latria*, quae suprema est, et singularis, quam soli Deo debemus ob excellentiam divinam ipsi propriam, quaeque proinde nulli alteri communicabilis est, iuxta Matth. 4., 10. — 2.<sup>a</sup> *Dulia*, quae Angelis et aliis Sanctis convenit ob supernaturalem et creatam excellentiam, quae in ipsis est. — 3.<sup>a</sup> *Hyperdulia*, quae B. Virgini exhibetur ob supernaturalem et creatam eius excellentiam, sed plane singularem, et aliis omnibus creatis excellentiis maiorem et supereminentem. — Porro quaelibet adorationis species dividitur in absolutam et respectivam. Absoluta est, quando aliquid adoratur, aut colitur propter excellentiam sibi intrinsecam; et ita adoratur cultu latriae absoluto Deus, SS.<sup>ma</sup> Trinitas, Christus etiam ut homo, SS.<sup>mm</sup> Eucharistiae Sacramentum, cultu vero duliae absoluto Sancti, cultu hyperduliae absoluto SS.<sup>ma</sup> Virgo. Respectiva vero est, quando aliquid adoratur aut colitur propter excellentiam et sanctitatem sibi extrinsecam, sed intrinsecam illi, ad quem in aestimatione morali refertur; et ita adoratur cultu latriae respectivo SS.<sup>mm</sup> Nomen Iesu, Christi passionis instrumenta, crux; cultu duliae respectivo, Sanctorum reliquiae, imagines, etc.; cultu hyperduliae respectivo SS.<sup>mae</sup> Virginis imagines, etc. — S. Th. 2. 2. q. 84., Suárez De Relig. Tr. 2. l. 1 C. 2., Struggl 11. seqq.

12. *An homines qui e vita cesserunt cum sanctitatis fama adorari possint?* — Honorari possunt cultu privato. Verum cultu solenni et publico honorari nequeunt nisi in Album Sanctorum vel Beatorum a S. Pontifice adnumerati fuerint. Est autem cultus publicus, qui nomine Ecclesiae, vel tanquam ab ea institutus exhibetur, privatus vero qui ex privata tantum devotione procedit, etiamsi coram aliis fiat. Itaque non licet ecclesias aut altaria erigere in honorem Sanctorum non canonizatorum, vel saltem non beatificatorum: nec licet eos publice invocare in litanis, neque eorum reliquias, sive imagines publice venerandas exponere, vel in processionibus circumferre. Licet tamen has imagines vel reliquias asservare privatim, eas reverenter osculari, etc., quia talis cultus est omnino privatus, qui non prohibetur. — G. 258., Struggl 18.

13. *Resolves*: 1.<sup>o</sup> Minime illicitum est apponere effigiem vel statuam alicuius defuncti non canonizati, sive in oratorio etiam publico, sive in ecclesia, dummodo id ad eum cultu publico honorandum non fiat, sed ex alio motivo patenti, v. g. si fundator aut benefactor sit ecclesiae, vel eius statua ad ipsius tumulum in ecclesia apponatur. Sic etiam imagines imperatorum, regum et aliorum insignium virorum appendi possent. Sic Basilica Sancto Petro Romae dicata, imaginibus seu statuis Pontificum in Album Sanctorum non relatorum decorata est. — 2.<sup>o</sup> Sacerdos potest quidem stipendium acceptare et missam celebrare in honorem viri cum fama sanctitatis defuncti, vel in gratiarum actionem pro obtento beneficio, etc., dummodo missam sumat de festo aut de feria eo die occurrente, non autem de communi non Pontificum, nec specialem orationem de eo vel cum eius nomine recitet. Ratio est, quia sacrum facere ad praedictam intentionem non est cultu publico alicui honorare, siquidem intentio celebrantis est quid omnino privatum. — Elbel 413., G. Cas. 249. 250.

14. *Nota*: 1.<sup>o</sup> Ad cultum publicum reliquiarum certo constare debet, reliquias venerandas ad Sanctum vel Beatum, sollemniter ab Ecclesia ut talem recognitum, pertinere. Insuper sigillum alicuius episcopi seu praelati apponi debet, sigillum autem episcopi loci ad reliquias cultu publico colendas sufficit, nec scriptum authenticum necessarium est. — 2.<sup>o</sup> Ut reliquiae, licet authenticae, publicae venerationi fidelium in ecclesia vel in oratorio publico exponantur, requiritur, ut ab episcopo loci recognoscantur, etiamsi Romae a Praeposito Apostolico obsignatae fuerint, Trid. S. 25. *De Invo-cat.*, etc., Xistus V. C. *Dominus*. — 3.<sup>o</sup> Ad cultum privatum requiritur tantum certitudo moralis privata, qualis, v. g., ab homine fide digno habetur. — 4.<sup>o</sup> Graviter peccat quis furando reliquias notabiles, vel etiam minimam partem reliquiae valde pretiosae, v. g. SS. Crucis, quia, licet non sint pretio aestimabiles, tamen haec ablatio graviter possessorem contristare potest. In districtu autem romano sub poena excommunicationis prohibetur furari reliquias, etiam minimas pertinentes ad ecclesias. Ex Const. Clem. VIII. et Pauli V. Quare non in omni casu furtum mortale est et grave sacrilegium reale est. — 5.<sup>o</sup> Quoad imagines non possunt apponi aureolae, seu radii imaginibus defunctorum, licet communiter habeantur ut Sancti, nisi ab Ecclesia beatificati fuerint; itemque nec lampades aut alia quaevis lumina, in venerationem scilicet et cultum, ad eorum sepulchra appendere licet. At cum licentia Ordinarii seu Episcopi licet similis Sancti reliquias in loco ab ecclesia separato et secreto custodire, oblationes et tabellas accipere, et beneficia recepta in libellis enarrare, non tamen sine recognitione et approbatione episcopi, uti statuit Urbanus VIII. in Decr. *Santissimus* 13. Mart. 1625., et alia speciali Const., *Caelestis Hierusalem*, G. 258., Cas. 251. 252., L. 1. 3. n. 45. 532., Struggl 18. — 6.<sup>o</sup> Imagines Beatorum pingendae sunt cum radiis tantum; Canonizatorum cum diademate circa caput. Ferraris, v. *Veneratio* SS. n. 46. Item imagines D. N. et B. V., Angelorum et Sanctorum pingi aut sculpi debent ea forma et habitu, qui ab antiquo tempore

est in usu in Ecclesia. Urban. VIII. C. *Sacrosancta Tridentina* 15. Mart. 1642. — Quoad *Beatos*, ipsis nec ecclesias nec altaria nuncupare licet. S. R. C. 11. Apr. 1842., eorumque imagines et reliquiae in his tantum ecclesiis possunt retineri et exponi, in quibus de eorum officio fieri permittitur. Urb. VIII. C. *Sanctissimum*, Clem. XI. C. 82. n. 11. — Cf. L. I. 3. Epist. Resp. in fine cap. 1. Cf. Craisson Man. I. C. L. 1. n. 1023. seqq., Scavini L. 2. n. 168. seqq.

### III. — DE SUPERSTITIONE ET IDOLOLATRIA

15. *De actibus religioni oppositis.* — « Opponitur verae religioni aliquid dupliciter: uno modo per excessum, quando scilicet id quod est religionis, alteri indebite exhibetur, quod pertinet ad superstitionem; alio modo quasi per defectum reverentiae, cum scilicet Deus contemnitur, quod pertinet ad vitium irreligiositatis. ... Superstitio autem impedit religionem quantum ad hoc, ne suscipiatur Deus ad colendum. ... Per irreligiositatem autem impeditur religio, quantum ad hoc, ne Deus, postquam susceptus est, honoretur ». S. Th. 2. 2. q. 122. a. 3.

16. *Quid superstitio?* — « Superstitio, inquit S. Th., est vitium religioni oppositum secundum excessum, non quia plus exhibeat in cultum divinum, quam vera religio, sed quia exhibet cultum divinum, vel cui non debet, vel eo modo, quo non debet ». 2. 2. q. 92. a. 1. « Praecipuum autem impedimentum religionis est quod homo falso Deo inhaereat. ... Et ideo in primo praecepto legis excluditur cultus falsorum deorum. ... Omnes aliae autem superstitiones procedunt ex aliquo pacto cum daemonibus inito, tacito vel expresso: et ideo omnes intelliguntur prohiberi in hoc quod dicitur: *non habebis deos alienos* ». 2. 2. q. 122. a. 2. L. 1. 2.

17. *Quotuplex sit superstitio?* — Ex parte rei, quae cultu donatur, triplex est superstitionis species: *idololatria, divinatio, vana observantia*: vel enim creatura colitur *tanquam Deus*, et est *idololatria*, vel ab ipsa *tanquam a Deo* petitur rerum occultarum cognitio, et est *divinatio*, vel demum aliquid imploratur auxilium, et est *vana observantia*: quae omnia natura sua mortalia sunt, cum gravem Deo irrogent irreverentiam, tribuendo creaturae quod illi debetur. — Ratione modi, quo cultus exercetur, alia est superstitio *cultus falsi*, si quid falsi significet, v. g., si quis Deo nunc offerat cultum per caeremonias veteris legis; si laicus Deum colat tanquam publicus minister Ecclesiae, etc.; alia superstitio *cultus turpis*, si quaedam contineat Deo iniuriosa, v. g., si quis in suis precibus induceret verba inhonesta et contumeliosa; alia superstitio *cultus superflui*, si nihil conferat ad verum cultum Dei, v. g., caeremonia audiendi missam ante ortum solis, cum certo numero, situ, ordine cereorum, etc. — Ultima haec species, secluso scandalo, ordinarie venialis tantum censetur; quia materia levis est, et potius est dicenda mera simplicitas quam positiva irreverentia; sed duae aliae semper mortales sunt, quia graviter repugnant honori et cultui divino, qui veritate et sanctitate nititur. Struggl 2. seqq., L. 3. 4.

18. *Quid et quotuplex idololatria, et quale peccatum?* — Idololatria definitur: actio qua cultus soli Deo debitus creaturae exhibetur. — Triplex est: *perfecta, imperfecta, simulata*. Prima creaturae defert divinum honorem, *falso indicans* eam revera esse Deum. Altera defert quidem creaturae honorem divinum, sed vel ex odio veri Dei, vel ex cupiditate aliquid a daemone vel alia creatura obtinendi, non ignorans eandem divinitate destitui. Tertia denique honorem illum creaturae exhibet, ex solo mortis metu, absque interno affectu, uti christianis quibusdam accidit tempore persecutionum. — Quaelibet harum idololatria peccatum grave est. Prob. « Sicut in terrena



republica gravissimum esse videtur, quod aliquis honorem regium alteri impendat quam vero regi... ita in peccatis, quae contra Deum committuntur, quae tamen sunt maxima, gravissimum esse videtur, quod aliquis honorem divinum creaturae impendat; quia quantum in se est, facit alium Deum in mundo». S. Th. 2. 2. q. 94. a. 3. 1., L. 12. 13.

#### IV. — DE DIVINATIONE

19. *Quid divinatio?* — Divinatio definitur tacita vel expressa daemonis invocatio ad cognoscendas res occultas. *Tacita* vel *expressa*, quia duplici modo fieri potest: vel illud daemonis auxilium *expresse* invocando et dicitur *expressa*, vel adhibendo ad daemonis opem implorandam media quaedam ex se inutilia et inefficacia, et dicitur *tacita*. Ubi notandum est, non requiri, ut daemon aliquando pactus sit, se ad usum cuiuspiam vani medii concurrurum, eo enim ipso, quod quis mediis omni proportionem ad finem carentibus utitur, daemonis opem exercite invocet, qui iis rebus se immiscere solet. S. Th. 2. 2. q. 95. a. 1. 2., L. 5. 6. 8.

20. *Quotuplex sit divinatio?* — Divinatio in plures species, sed *materialiter* tantum distinguitur, ratione diversorum mediorum. Praecipuae divinationis species per expressam daemonis invocationem, sunt: 1.<sup>o</sup> *Pythonsmus*, cum nempe daemon alienius viri vel feminae corpus occupans et voces illinc emittens occulta patefacit. 2.<sup>o</sup> *Vaticinium*, cum daemon ad occulta significanda utitur opera pseudo-prophetarum. 3.<sup>o</sup> *Necromantia*, quando daemon per mortuos vel per revocatos ad vitam respondet. 4.<sup>o</sup> *Oraculum*, quum consultus daemon, in simulacris delitescens, respondet. 5.<sup>o</sup> *Præstigium*, cum daemon ipse apparitionibus oculos perstringit. 6.<sup>o</sup> *Oniromantia*, cum quis occulta patefacere praesumat ex somniis. Divinatio autem, quae fit absque expressa daemonis invocatione, duplex est; alia utitur aliquarum rerum dispositionibus, alia vero quibusdam utitur, quae ab hominibus serio fiunt ad aliquid occultum inquirendum. Ad primam pertinet: 1.<sup>o</sup> *Chirromantia*, quasi divinatio ex manus inspectione. 2.<sup>o</sup> *Physiognomia* ex lineamentis vultus. 3.<sup>o</sup> *Araspicium* ex visceribus animalium. 4.<sup>o</sup> *Augurium* ex garritu avium. 5.<sup>o</sup> *Auspicium* ex earum volatu, situ, pastu. 6.<sup>o</sup> *Astrologia* ex astris. 7.<sup>o</sup> *Geomantia*, *hydromantia*, *pyromantia*, *acromantia* ex signis in terra, in aqua, in igne, in aere. Ad alteram vero spectat: 1.<sup>o</sup> *Sortilegium*, quasi divinatio ex sortibus. 2.<sup>o</sup> *Omen* ex fortuito casu. Scav., Struggl. 20. 21., S. Th. 2. 2. q. 95. a. 3., L. 6.

21. *Nota:* 1.<sup>o</sup> Distinguendi sunt sedulo effectus naturales a liberis; priores enim saepe conici possunt, uti v. g. ex cantu et volatu avium, aut siderum aspectu conicitur tempestas, pluvia, vel coeli serenitas, etc. Experientia enim constat, inter haec naturalem adesse connexionem; secus vero de posterioribus dicendum. 2.<sup>o</sup> Indoles aut animi status interdum aliquo modo ex colore vultus, vel aliis signis externis conici potest, etsi in praxi plerumque a talibus coniecturis sit abstinendum ob iudicii temerarii periculum; actus vero liberi, sive praeteriti, sive futuri, numquam certo cognosci possunt. 3.<sup>o</sup> Divinationi tribuendum est quidquid occultum cognoscatur alio modo quam per revelationem, aut per media naturalia; non enim aliud datur medium occulta investigandi. G. 267., S. Th. 2. 2. q. 95. a. 1., L. 9. 10.

22. *Divinatio ex genere suo mortalis est*, tum quia tribuit honorem divinum creaturae, volendo ab ipsa cognoscere res soli Deo notas; tum quia societas cum daemone est magnus Dei contemptus, proditio et apostasia a

Deo, cum daemon ei sit perpetuus hostis: hinc monet Apost.: *nolo vos socios fieri daemoniorum.*, 1. Cor. 10. Attamen divinatio tacita aliquando a mortali excusari potest ob simplicitatem et ignorantiam, vel ob defectum fidei certae. G. 267., Struggl. 19., S. Th. 2. 2. q. 95. a. 2. 4., L. 7., Suarez de Relig. Tr. 3. l. 2. C. 8. n. 15., Laym. l. 4. Tr. 19. C. 3. n. 4.

23. *Resolves*: 1.<sup>o</sup> Non vacet culpa gravi, qui utens mediis improprietatis ad aliquam cognitionem, protestatur se nullum cum daemone commercium intendere; agit enim contra suam protestationem, et daemone impiente invocet, cum nec Deus, nec Angelus talibus se immisceant. 2.<sup>o</sup> Precant graviter, qui de fortuna seu vita sua futura a vatibus inquirunt; nisi ex simplicitate, loco, aut curiositatis causa agant, quin si cum dictis adhibeant. Si tamen serio faciat vates, difficile a cooperatione graviter culpabili excusari possunt. — Reuter 43., G. 268., L. 8. 10., et S. Th., Quodl. 3. a. 22.

24. *An aliquando liceat potare ex somniis conicere?* — Quatuor sunt somniorum genera: 1.<sup>o</sup> *naturalia*, quae ortum habent a causis naturalibus, v. g. occupationibus, vel temperamento corporis. 2.<sup>o</sup> *Casualia*, quae oriuntur ex vario concursu phantasticarum repraesentationum. 3.<sup>o</sup> Quae sunt a Deo auctore. 4.<sup>o</sup> Quae auctorem habent daemone. — Perro 1.<sup>o</sup> ex somniis *naturalibus* superstitiosum non est conicere praesentem corporis valetudinem; vel statum eiusdem futurum, vel etiam vivendi rationem et disciplinam; quia inter haec intercedit vera et naturalis conexio. Esset tamen superstitiosum inde conicere futura, libere contingentia; cum haec non nisi a libera ac volubili hominis voluntate proficiantur. 2.<sup>o</sup> Ex somniis *casualibus* est superstitiosum futura deducere; quia eo ipso quod sint casualia nequeunt esse accommodata ad rem quamlibet significandam. At non videretur peccare mortaliter, qui ob somnium praecedens omittit vel ponit actionem indifferentem; quia id potius ex quaelam animi simplicitate, vel nimia timiditate provenire videtur, v. g. si quis omitteret deambulationem, quia somniavit se fore in ea proditorie hac vel altera die interficiendum. 3.<sup>o</sup> *Somniis quae sunt certo vel probabiliter a Deo* possumus immo utemur, ait S. Alph. 9., fidem eis adhibere, cum aliquando ita locuturum se Deus promiserit, Act. 2. 17. 4.<sup>o</sup> *Somniis diabolicis* credere est mortale, nisi ignorantia vel simplicitas excuset; cum sit veritatem futare in mendacio et societatem cum daemone inire. Hoc sensu dicit Scriptura: *non augurabimini, nec observabitis somnia.* Lev. 19. — Struggl. 24., L. 9.

25. *Nota*: Regula generalis ad dignoscendum, an somnia a daemone proviant, est: si ea impellant ad malum, vel si quis perturbatum et minus promptum ad bonum se experiatur. Secus vero, si somnium ad bonum impellat, vel ad illud alacrioris quis se sentiat; semper tamen cum humilitate et timore, cum diabolus saepe se transfiguret in angelum lucis. — Struggl. 25., L. 9.

26. *An aliquando liceat astrologia?* — Astrologia duplicis est generis *naturalis* et *iulicaria*. Per primam effectus *naturales* praedicuntur, alii *certi*, alii *probabiles*; per secundam effectus *libere contingentes* praenuntiantur. Iam vero astrologia *naturalis* licita est, ut patet. Ad *iulicariam* prorsus illicita et superstitiosa est; quia corpora caelestia in literam hominis voluntatem nihil omnino possunt. L. 10.

27. *An aliquando licitus sit usus sortium?* — Sortes aliae sunt *divisoriae*, aliae *consolatoriae*, aliae *divinatoriae*: 1.<sup>o</sup> *Divisoriae*, quae adhibentur ad componendas lites, etc. Utraque parte consentiente, licitae sunt, cum nihil contineant superstitiosi, sed sint veluti quaedam species contractus; et probantur etiam in Script. his verbis: *contradictiones comprimunt sortes.* Prov. 18. Excipe positivo iure electiones omnes ad praelaturas et beneficia ecclesiastica, quae a Spiritus Sancti inspiratione, ut ait S. Th., fieri debent; quod valet etiam de litibus circa eadem beneficia. C. *Ecclesia* 3. de *Sortil.* Atta-

men *probabilibus* censent Salm., Suar., Sanch., Laym., etc. hoc tantum vetari, a quo ut si sors usurpetur, electiones sint illicitae, sed validae; ratio est, quia nullibi declarantur invalidae, si una excipiat electio praelati iurisdictionem habentis. C. *Quia propter de Elect.* Cf. Schmalz. l. 5. p. 2. t. 21. n. 38. seqq. Officia etiam secularia non sorte, sed secundum personarum aptitudinem sunt dividenda: etsi inter plures aequae aptos et dignos sorte agi possit. Sic etiam si plures mortem meriti sint, nec expediat omnes puniri, sorte definiri potest, quis ex eis sit occidendus. — 2.<sup>a</sup> *Consultoriae*, quibus inquiritur quid in hac vel illa re sit agendum. Illicitae ipsae plerumque sunt, quia continent tentationem Dei et periculum diabolicae fraudis. *Plerumque*, nam aliquando licitae sunt: quando divino instinctu, aut iussu fiant, ut contingit in electione Mathiae. Act. 1.; quando causae necessitas et honestas exigit. v. g. urgens necessitas salutis, aptiorque modus dubium vincendi non apparet: dummodo fiant praemissa oratione, cum debita reverentia, et iudicium non expectetur nisi a solo Deo, et divina non convertantur ad terrena negotia, etc. — 3.<sup>a</sup> *Divinatoriae*, quibus inquiritur per taxillorum, proiectum rei occultae vel futurae cognitio, et dicitur etiam *sortilegium*, quod nullo modo sustinetur: cum neque ex natura sua, neque rerum caeterarum, neque ex Dei aut Ecclesiae institutione, sortitio illa ullam vim habeat ad praedictos effectus. Si tamen ad sortem ponendam impellat Deus ipse, quod vix unquam existimari debet, tunc licita erit; sicuti licita fuit Josue, quando ea usus est ad occultum ab Achan patratum scelus explorandum. Jos. 7. « Porro si quis manifestationem occultae veritatis per sortes peteret a Deo tale sortilegium non esset superstitiosum, sed tentatio Dei, aut aliud peccatum irreligiositatis; ut cum Sanchez docet Layman n. 9 ». Struggl. 26. — L. 10. 11., S. Thom. Quodl. 12. a. 35.

28. *An licitus sit usus virgae divinatoriae?* — Haec virga, cuius prima mentio facta est, ut aiunt, saec. xv., ex corylo est ac bifurcata. Ea utuntur ad inveniendos thesauros, venas aquarum, transpositos agrorum limites, homicidas, etc. Non desunt qui illius usum naturalem defendunt; at merito communiter id negatur. Nam sola intentio nihil conferre potest ad motum physicum. Porro virga movetur iuxta mentem ferentis, ita ut si ille metalla quaerat, non aquam, virga non moveatur si invenit aquam, et vicissim. Adde ipsam remanere immotam in manibus illius, qui protestatur se nihil velle superstitiosi, ut exempla probant. Negandum tamen non est, quod etiam naturaliter evenire possit, quod aliqua virga, moveatur ad unam potius partem quam ad aliam; et sic inservire possit ad aquas vel metalla detegenda, vi nempe naturalis attractionis, ut patet de magnete. Sed id tum constanter contingit, et independentem ab intentione ea utentis. L. 8.

## V. — DE VANA OBSERVANTIA

29. *Quid vana observantia?* — Vana observantia in eo consistit, quod quis media nec natura sua proportionata, nec a Deo vel ab Ecclesia instituta adhibeat ad certum effectum obtinendum. Differt a divinatione eo quod haec ordinatur ad cognitionem occultorum; vana autem observantia ad quoscunque obtinendos effectus. Convenit cum divinatione, quia pacto etiam innitur expresse vel tacito cum daemone. Parum sane refert quod daemon expresse non invocetur; invocatur enim aequivalenter; nam cum rebus vanis se Deus non immisceat, effectus non potest nisi a daemone expectari. — S. Th. 2. 2. q. 96. a. 1. L. 24.

30. *Quotuplex sit vana observantia?* — Quatruplex est vanae observantiae, species quae materialiter tantum distinguuntur ratione effectuum.



1.<sup>o</sup> Si observentur quaedam inutilia ad scientiae infusionem acquirendam, absque aliò studio, et *ars notoria* dicitur. Differt a divinatione, quia haec notitiam speculativam directe, illa directe notitiae infusionem ad propriam commoditatem spectat, indirecte vero ipsam notitiam. Si peccant qui elaboratam potionem sumunt, ut illico docti evadant. 2.<sup>o</sup> Si inutilia observentur ad obtinendam sanitatem, et dicitur *observatio sanitatum*. Sic peccant qui nomina ignota, certasque inanes caeremonias usurpant ad animalia fuganda; vel qui amuleta, involucria vel quid simile ad morbos depellendos collo deferrunt. 3.<sup>o</sup> Si ex consideratione alicuius eventus decernatur quid sit futurum, et inde quis actiones suas moderetur, eaque *observatio eventuum* dicitur, quae a divinatione differt, tum quia huiusmodi observationes sunt sine ulla ratione et arte, unde sunt magis vanae et superstitiosae, tum quia spectant ad proprius actus dirigendos: divinatio vero speculativam potius occultarum notitiam intendit. Sic peccaret qui recusaret cum tredecim in mensa sedere quasi id mortis sit signum, quamvis hoc plerumque valeat excusari, cum nulla huic rei vera adhibeatur fides: sed quaedam simplex sit ac inanis formido. 4.<sup>o</sup> Si observantia versetur circa corpora varie immutanda aliosque miros vel noxios effectus producendos, et dicitur *magia* vel *maleficium*. Maleficium triplicem continet moralem malitiam contra religionem, caritatem et iustitiam. Maleficium aliud est *amarorium* seu *phyltrum*, aliud *veneficium*. Prius est ad carnalem amorem vel odium in aliquam personam excitandum, daemone hominis phantasiam vel corporis humores commovente, nihil tamen in voluntatem agente; unde non inducit necessario ad patrandum peccatum. Posterius vero est ad damnum alicui inferendum, sive in eius bonis, sive in eius sanitate. 5.<sup>o</sup> Notandum autem hic est *possessionem* in eo consistere, quod daemon corpori humano quodam modo uniatur, et in illo, et per illud extraordinaria operetur. Quod si daemon in corpore hominis residere non videatur, sed tantum externe operetur illud variis modis vexando, tunc habetur *obsessio*. — Struggl 28. 41. 42. 43., Suarez C. 15. 16., L. 15. 23., S. Th. Quodl. 4. q. 9. a. 16.

31. — Ut divinatio ita etiam vana observantia grave peccatum est, tum quia tribuit honorem divinum creaturae, ab ipsa expectando quod debet attendi a solo Deo; tum quia ininitur pacto, et consequenter societatem importat cum daemone. Multoties tamen a mortali valet excusari ratione ignorantiae et inconsiderationis, vel dubiae admodum fidei. — L. 15.

32. *Resolves*: 1.<sup>o</sup> Superstitionis rei sunt, qui gestant ligaturas quibusdam characteribus consignatas, qui certa invocant nomina ignota, aut certum adhibent numerum crucium vel orationum ad sananda vulnera, ad se invulnerabiles efficiendos, etc. 2.<sup>o</sup> Item qui gestant quasdam orationes ad S. Birgittam aut alias preces, effectum omnino infallibilem ex ipsis expectantes. Non tamen vituperandi sunt, imo admodum laudandi sunt, qui numismata pia, sacras effigies aut reliquias Sanctorum gestant, sperantes auxilium divinum specialiter se impetraturos esse. 3.<sup>o</sup> Item rei sunt superstitionis, qui aliquos dies tanquam faustos, alios vero tanquam infaustos habent, ita ut actiones suas inde dirigant, vel qui ad morbos expellendos requirunt herbas tali festo collectas, etc. 4.<sup>o</sup> Superstitiosum vero non est observare lunam aut tempora colligendis herbis, caedendis arboribus aptiora, etc., nec res sacras, aut verba S. Scripturae gestare ad honorem Dei vel Sanctorum, et ad ipsorum auxilium implorandum. Item nec recitare certum numerum orationum, nec facere ea omnia, quae devotionem augere possunt, modo vis infallibilis ipsis non tribuatur. 5.<sup>o</sup> Nec ullatenus superstitiosum, quin imo valde religiosum ac pium est recitare preces novendiales, aut toties preces iterare in cultum Domini N. vel B. Virg., alicuiusve Sancti, ratione indulgentiarum, quae tali precum numero sint annexae, vel ratione mysticae significationis ad devotionem augendam, e. g., *ternarii* in honorem SS. Trinitatis, *quinarii* in honorem quinque plagarum D. N. J. C.,

*septenarii*, quia in mentem revocat sex dies creationis et septimum quo requievit Dominus, *novenarii* in honorem novem mensium, quibus fuit situs in utero Matris, etc., modo vis infallibilis non annexatur tali numero, certae diei, aut fixo tempori. — G. 265., Cas. 253., Struggl 33. 34. Caietan. in q. 96. a. 3. l. L. 17-22.

33. *An in dubio de causa naturali alicuius effectus liceat experientia facere?* — In dubio, num effectus proveniant a causa naturali, an a daemone, tribui possunt viribus naturae: et proinde est licitum illos procurare: quia non constat rem esse malam; consulto tamen praemittitur protestatio contra quemlibet daemonis interventum. In dubio autem, an effectus a daemone vel a Deo producantur, si certo constet eos a causa naturali provenire non posse, daemoni tribuendi sunt, nisi sanctitas operantis vel alia clara indicia contrarium persuadeant, quia temerarium est putare, fieri semper miracula. Unde non licet tunc experiri, utrum effectus sit secuturus, necne. — L. 20., S. Th. 2. 2. q. 96. a. 1., G. 264., Struggl 32., D'Annib. 29.

34. *An magia novam inducat speciem praefer vana observantiam?* — R. Negat. Nam magia non differt a vana observantia, nisi mere materialiter, quia nempe eius effectus sint magis miri, v. g. immutatio corporum, etc. Specie autem morali nec a vana observantia differt, nec a divinatione, quia parvi refert utrum a daemone occultorum notitia aut effectus mirandi petantur. G. 272. Quare tria haec in linea morali eandem continent specie malitiam. — Struggl 39.

35. *Quid fieri possit ad maleficium tollendum?* — 1.<sup>o</sup> Uti licet remediis naturalibus ex medicina petitis ad praeavos humores corrigendos. 2.<sup>o</sup> Exorcismis, sacramentis, peregrinationibus, invocationibus Sanctorum, etc. 3.<sup>o</sup> Destructione signorum, per quae daemon nocet, absque tamen alio maleficio. Licet etiam contrarium signum apponere, ex se tamen honestum. Ratio est, quia non est nisi tollere signum, et dissolvere pactum cum daemone. 4.<sup>o</sup> Si maleficus *facto modo* potest maleficium tollere, licet eum ad id accerere, rogare, imo etiam pecunia inducere, idque etiam si constet eum id facturum per novum maleficium, sicuti ex causa licet ab usurario petere mutuum ad usuram. Et ratio est, quia cum habeam ius petendi quod ab illo recte praestari potest, et est indifferens, imputabitur illius malitiae, si id male faciat. 5.<sup>o</sup> Si maleficus non potest tollere maleficium, nisi per novum maleficium, non licet eum ad id inducere, quia id esset inducere eum ad peccatum, et actui intrinsece malo cooperari. 6.<sup>o</sup> Si dubitetur, an possit sine maleficio *facto modo* tollere, non licet ab eo petere: quia praesumptio obstat, quod non nisi illicitum ille modum sciat. 7.<sup>o</sup> Facilius autem praesumi potest eum, qui signa posuit, posse ea sine novo maleficio destruere, quam eum, qui non posuit. Unde si hic operam suam offerat, prius erit examinandus de modo solvendi. — Suarez C. 17. n. 10., L. 24. seqq., Struggl 44. seqq.

36. *Quid sentiendum sit de recentioribus superstitionibus, quae circumferantur?* — 1. Huiusmodi superstitionum varii sunt effectus, omnibus noti; effectus mechanici, physiologici, psychologici, spirituales: variae item adhibentur vel adhiberi dicuntur causae ad huiusmodi effectus producendos: unde varia nomina sive ex effectibus, sive ex causis desumpta, nempe magnetismi, magnetismi animalis, spiritismi, tabularum rotantium, somnambulismi, hypnotismi. — 2. Duo autem in huiusmodi re notanda sunt; proportio nempe vel improprio effectus cum naturali causa: honestas vel turpitudine utrum qui adhibentur, vel conditionum quae praerequirantur, e. g., quod persona magnetizata sese subiciat penitus voluntati personae magnetizantis, in eoque sese tradat arbitrium. Ex illa improprio vel proportionis superstitio habetur vel non; ex ista honestate vel turpitudine, etiam sine superstitione, res illicita esse poterit, utpote immoralis. — 3. Ad prae-

ternaturalitatem quod attinet praedictorum effectum, illud sedulo animadvertendum est: an, licet effectus aliquis a naturali causa absolute produci possit, ab hac reapse producatur, vel potius ab alia causa praeternaturali, attentis omnibus eius circumstantiis. — 4.<sup>o</sup> Porro magnetismus, magnetismus animalis, spiritismus, tabulae rotantes, somnambulismus, hypnotismus, secundum illos effectus, qui in eorum usu *commender contingunt*, non licent: siquidem vel reapse a divinatione, vana observantia, magia et maleficio non differunt, cum effectus, attenta eorum intrinseca natura, modo quo produciuntur, aliisque circumstantiis, naturalium causarum virium exsuperent, vel turpibus et immoralibus actibus excitantur, vel certe saepe et illam improprietatem et istam turpitudinem prae se ferant. — 5.<sup>o</sup> Quare illicitum etiam est horum effectuum experimentis adesse, quamvis mere passive, siquidem est peccatum cooperationis rei intrinsecae malae. — G. B. 273. seqq., Villada Cas. V. 2. p. 84. seqq., Franco L'Ipnotismo tornato di moda, Euchir. Mor. N. 273.

## VI. — DE IRRELIGIOSITATE ET TENTATIONE DEI

37. — *Quid irreligiositas.* — Irreligiositas est vitium, quod religionis virtuti adversatur per defectum, quodque tendit ad irreverentiam Deo inferendam vel *directe* in se, vel *indirecte* in rebus aut personis sacris. Primo modo dividitur in tentationem Dei, periurium, infidelitatem in promissis, blasphemiam. Altero modo, in sacrilegium et simoniam. De periurio infidelitate, et blasphemia in secundo Decalogi praecepto; de reliquis hic. De blasphemia tamen agit S. Th. prout est opposita confessioni fidei q. 13. 14. — Suarez Tr. 3. l. 1. C. 1. n. 8.

38. *Quid tentatio Dei?* — Tentatio Dei est dictum vel factum, quo quis explorat, num Deus sit potens, sapiens, misericors, aut aliquam aliam perfectionem habeat. — S. Th. 2. 2. q. 97. a. 1., L. 29.

39. *Quotuplex sit tentatio Dei?* — Duplex est: una *explicite et formalis*, altera *implicite et interpretativa*. Prima est quando quis directe intendit divinarum perfectionum explorationem, et haec plerumque *ex infidelitate* oritur, quamvis possit etiam provenire *ex levitate, curiositate, imprudenti fiducia*, etc., v. g., si quis dubitans de aliquo fidei articulo petat a Deo miraculum, vel si quis sese ex alta turri deiciat, curiose experturus an Deus sit potens eum a morte servare. Secunda vero est, quando quis non intendit proprie eam explorationem; sed aliquid dicit aut facit, quod, spectatis circumstantiis, suapte natura eo referri videtur; idque contingit dupliciter: 1.<sup>o</sup> Cum quis sine iusta causa negligit remedia ordinaria, et a solo Deo temerarie expectat effectum extraordinarium, v. g., si quis in morbo periculoso omnem respuat medicinam, volens a Deo tantum miraculose sanari. 2.<sup>o</sup> Quando quis sponte ipsa sua absque ulla necessitate et utilitate se conicit in tale periculum, ut vix queat liberari sine Dei miraculo, v. g., si quis per totam quadragesimam absque speciali Dei instinctu vellet abstinere ab omni cibo et potu, expectans a Deo extraordinariam vitae suae conservationem. Ubi nota, quod si quis *temere* tantum agat, *absque ullo ad Deum respectu*, quin certo divinae providentiae confidat, sed stulta quadam confidentia credens casu forte se superaturum tale vel tale periculum, non peccat contra religionem, sed tantum contra quantum Decal. praeceptum. — Suarez De Relig. Tr. 3. l. 1. C. 2. 3., L. 29.

40. *Tentatio Dei peccatum mortale est ex genere suo.* — Prob. quia gravem Deo irrogat irreverentiam; hinc scriptum est: *Non tentabis Domi-*



*num Deum tuum.* Matth. 4. Idque valet sive tentatio sit *explicita* sive *implicita*. De *explicita* patet: quia explicita intentio illa explorandi divinas perfectiones est explicitus Dei eiusdem contemptus. De *implicita* vero ex eo demonstratur, quod petitio etiam implicita, nempe ut Deus contra ordinem suae providentiae operetur absque necessitate, cedit evidentissime in gravem ipsius iniuriam, nam est agere cum Deo, uti curiositatum fautore. — L. 29. 30.

41. *Nota:* Tentatio Dei non solum ob ignorantiam, inadvertentiam, defectum consensus, sed etiam ob parvitatem materiae potest esse tantummodo venialis, sic, v. g., venialiter tantummodo peccaret qui levi laborans infirmitate negligeret remedia naturalia et sanitatem a Deo imprudenti confidentia, vel potius praesumptione sibi exspectaret: iste enim non videtur committere gravem inordinationem, cum vere non petat miraculum ex dubio, vel ex gravi levitate et curiositate experiendi divinam potentiam. Imo ab omni etiam culpa excusatur, si speret se naturaliter, Deo iuvante, a tali morbo liberatum iri. Item peccat *per se* venialiter tantum, qui ex negligentia imparatus accedit ad praedicandum Dei verbum, sperans a Deo speciale auxilium. Si tamen tentatio Dei non ex *imprudenti tantum et praesumptuosa divini auxilii imploratione*: sed *ex dubio de divinis perfectionibus procedat*, nulla tunc aderit parvitas materiae. Nam parvitas materiae non datur in dubio deliberato contra fidem. Quare peccatum tunc locum habebit contra religionem, et etiam contra fidem, *ex toto genere suo mortale*. — L. 30. 32.

42. *Resolves:* Ex dictis colligere est, quid sit sentiendum de probationibus olim usitatis, vulgo *iudicia Dei*: quando nempe deficiebant testes, varia instituta fuerant experimenta, quibus subiiciebatur accusatus, v. g., ferrum calidum ferebat, super carbones ardentes gradiabatur, etc., et si nihil ei accidebat mali, uti innocens habebatur. Hoc enim est prorsus illicitum: est enim tum species divinationis, cum nulla sit proportio mediorum ad finem, tum Dei tentatio, cum sit velle indiscriminatim ab eo petere miraculum, quo patefaciat veritatem. Ecclesia id nunquam approbavit. Quando enim viis naturalibus crimen cognosci non potest, neque aliter suadet specialis Dei instinctus, illud iudicio Dei secreta cordium scrutantis relinquendum est. Cf. Muratori. Antiq. Ital. diss. 38. 39. — Tit. *De Purgat. Vulgar.*, L. 30., Struggl 6.

43. *An liceat petere a Deo miraculum?* — Docent communiter id licere, quoties adsit utilitas gravis ad nostram aut aliorum salutem, vel ad divinam implendam voluntatem. Tunc enim non esset tentare Deum, sed Dei auxilium expostulare in tempore opportuno. Peccaret vero qui *absolute* peteret, vel offerret miraculum ad conversionem haereticorum aut peccatorum: cum sufficiant fidei nostrae testimonia. Exeipe casum particularis inspirationis Dei. S. Th. 2. 2. q. 97. a. 2. ad 3., L. 31.

44. *An liceat se martyrio offerre?* — Distinguendum est cum D. Th. Vel adest legitima causa, vel non. Si 1.<sup>um</sup>, v. g., ad vitandas blasphemias, ad procurandam Dei et fidei gloriam, ad eliminandum in proximo periculum incredulitatis, utique licet; cum sit opus maxime caritatis. Si 2.<sup>um</sup>, non licet, cum nemo sit vitae suae dominus, ut eam prodigere possit ad libitum suum. Unde graviter peccat quum non excusat bona fides aut divina inspiratio, uti in Sanctis compluribus contigisse scimus. S. Th. 2. 2. q. 144. a. 3. L. 32. 1. 6. n. 101.

## VII. — DE SACRILEGIO

45. *Quid sacrilegium?* — Sacrilegium est violatio rei sacrae, qua sacrae; h. e. rei dicatae cultui divino, non materialiter, sed formaliter sumptae, prout nempe ad hunc cultum ordinatur. Videlicet ut aliqua actio sit sacrilegium debet res violari in eo quo sacra est: unde si quis male loquatur de aliquo qui votum castitatis habeat; istius detractio non induit naturam sacrilegii formalis: quia iste est sacer Deo tantum quoad corporis munditiam, non autem quoad famae integritatem. Porro *res sacra* illa solum proprie censetur, quae non est utcumque sacra, seu utcumque dicata cultui divino; sed publico ritu, et institutione divina vel ecclesiastica, seu Ecclesiae potestate, ad Dei cultum est deputata. Quare non sufficit, quod res fuerit simpliciter benedicta, benedictione nempe mere *invocativa*, qua bonum rei vel personae adprecamur, sed necessaria est benedictio *constitutiva*, qua rex ex profana efficitur sacra; quin imò necessaria est benedictio *constitutiva*, qua res *ad divinum cultum consecratur*. Et sic illicitum non est « proficere canibus ossa agni vel ova, quae benedicuntur... sicut etiam licitum est uti aqua benedicta et candelis ad usum profanum ». L. l. c. n. 94., Struggl 9. S. Th. 2. 2. q. 99. a. 1. 2., L. l. 6. n. 94.

46. *Quotuplex sit sacrilegium?* — Sacrilegium triplex est: *personale*, quo persona; *locale*, quo locus; *reale*, quo res aliae sacrae violantur. Sacrilegium specie differt prout personam, locum, aut rem sacram afficit. Ex communi constat thth. auctoritate; et quia personarum locorum et rerum non eadem est sanctitas. Suarez De Relig. Tr. 3. l. 3. C. 1., Lugo De Poenit. D. 16. n. 471., L. 48., S. Th. 2. 2. q. 99. a. 3.

47. *Sacrilegium peccatum est ex genere suo mortale, si opus specialiter repugnet rei sanctitati*; quia gravem ex natura sua Deo iniuriam semper involvit; et tanto gravius, quo maiorem sanctitatem obtinet ipsa res sacra. Leve tamen fieri potest ratione parvitatis materiae. *Si opus specialiter*, etc., nam si generaliter tantum repugnet sanctitati, v. g., quo modo omnia peccata mortalia generaliter repugnant sanctitati templi, veniale peccatum non excedit, vel circumstantia est leviter aggravans. — G. 284., L.

48. *Quotuplici modo sacrilegium personale committatur?* — Sacrilegium *personale* committitur tripliciter: 1.<sup>o</sup> violentas manus inferendo in clericum vel religiosum; 2.<sup>o</sup> luxuriose violando personas Deo dicatas, etiam solis tactibus; 3.<sup>o</sup> personas ecclesiasticas subiciendo foro laicali contra privilegium exemptionis et immunitatis. S. Th. 2. 2. q. 99. a. 3., L. 35., Struggl. 11.

49. *Quotuplici modo sacrilegium locale committatur?* — Sacrilegium *locale* triplici item modo evenire potest: 1.<sup>o</sup> actionibus profanis, quae vel natura sua vel iuris praescripto adversantur *sanctitati* et *immunitati* loci, quamvis per eas Ecclesiae non polluantur, ut sunt publicus mercatus, publica convivia, ludi theatrales, publicae conclamationes, saecularia parlamenta, strepitus iudiciorum, nisi gravis causa excuset, etc. 2.<sup>o</sup> Peccatis omnibus, quibus ecclesia *polluitur* de iure canonico, scilicet iniuriosa et notoria effusione sanguinis humani, illicita et notoria effusione seminis humani, culpabili et notorio homicidio, sepultura excommunicati non tolerati, aut infidelis non baptizati in ecclesia, etsi talis sepultura fuisset inculpabilis. 3.<sup>o</sup> Peccatis omnibus quae fiunt contra *immunitatem asyli* loci sacri. *Immunitas localis* est, qua vetatur in locis Deo sacris profana exercere. *Immunitas vero asyli* est, qua vetatur asyli iura violare. C. 2. De *Immun.* in 6.<sup>o</sup>, C. 6. De *Immun. Eccl.* *Asylum* est privilegium, vi cuius malefactoribus ad locum sacrum confugientibus, securitas praestatur, ne inde vi extrahi possint, praeter casus

tamen a iure exceptos. Cf. Suarez De Relig. Tr. 2. l. 3. C. 8., Gregor. XIV. C. *Cura albis*, Bened. XIII. C. *Ex quo divina* 6. Id. Iun. 1725., Clem. XII. C. *In superna*, Bened. XIV. C. *Detestabilem*, C. *Officii nostri*. Hic autem notandum est, quod ubi agitur de sacrilegio ob hanc violatam loci sacri *immunitatem*, sacri loci notio multo patet latius quam cum agitur de actibus directis oppositis loci sacri *sanctitati*. Nam quoad hosce actus attinet, quibus et pluri ecclesia potest, locus sacer dicit tantummodo ambitum loci etiam simpliciter benedicti ac deputati ab episcopo ad divina officia aut ad mortuos sepeliendos a tecto usque ad pavimentum, etiamsi interdictus et pollutus. Quare excluduntur oratoria privata. Si vero de loci sacri immunitate sit sermo, hic exteriores quoque ecclesiae partes, porticus, v. g., sacristiam, turrim, tectum, subterraneas cryptas, scalas ad templum, totamque exteriorem basin comprehendit. Eodem censu habentur coemeteria etiam distincta ab ecclesia, episcopi palatium, imo et domus parochi, si sit ecclesiae coniuncta, religiosorum conventus cum horreis, hortis ac iis omnibus, quae eorum ambitu concluduntur, hospitia demum auctoritate episcopi erecta et sacellum ad celebrandum habentia. — C. un. *De Consecr.* in 6.<sup>o</sup> C. *Ecclesiis* 20. *de Consecr.* D. 2., C. *Ecclesia fin. de Consecr.*, C. 9. *De Eccles. adific.*, L. 36., 38., l. 3. n. 460., l. 6. n. 366. 920., Struggl. 13., Schmalzgr. l. 3. t. 40. n. 72. 77., G. B. 285., G. Cas. 284.

50. — *Quotuplici modo sacrilegium reale committatur.* — Sacrilegium *reale* tribus etiam modis, generaliter loquendo, potest committi: 1.<sup>o</sup> res sacras iniuste tractando; 2.<sup>o</sup> eas iniuste usurpando; 3.<sup>o</sup> res sacras prophane vendendo et emendo, seu simonia. Hinc sacrilegium reale committitur: 1.<sup>o</sup> indigna administratione aut susceptione sacramentorum, quae sanctitatem produunt. Et sic etiam sacrilegium esset adhibere ad sacrificium vasa sacra, corporalia, etc. enormiter immunda, relinquere particulas consecratas corrumpi in pyxide, etc. 2.<sup>o</sup> Abusu Scripturae, detorquendo ad vana eius verba, quae significant sacrum. C. Trid. Sess. 5. in fine hanc usurpationem vocat *temeritatem*, et eam puniri iubet. 3.<sup>o</sup> Indigna tractatione sacrarum imaginum, vel caeremoniarum, quae sacra repraesentant. 4.<sup>o</sup> Profanatione vasorum, instrumentorum, et ornamentorum sacrorum, etc., quae pertinent ad cultum sacrum: intellige profanationem de iis, quae consecrari vel saltem benedici solent: nam ad nuptias, vel communem usum adhibere tapetes, candelabra, pelvim, imo et manutergium, etc., quae mediate serviunt ministerio sacro, non esse peccatum docet Tamb. Exp. Sacrif. l. 1. C. 2., nisi fiat ex aliquo contemptu saltem implicito, ut si semper, et indifferenter utaris supradictis. 5.<sup>o</sup> Furto et usurpatione bonorum ecclesiasticorum, quae ad cultum et sacerdotum ministrorum sustentationem deputata sunt. 6.<sup>o</sup> Furto et indigna tractatione reliquiarum quae Sanctorum particulae sunt. 7.<sup>o</sup> Iurium Ecclesiae defraudatione, e. gr., tributa imponendo, etc. — Struggl 15., L. 40. 48. 460.

51. *Autres praedictae species sint subalternae, vel sint infimae?* — Haec S. Alph. 34.: « prima sententia tenet esse subalternas, continentes sub se alias species infimas. Ita Suar. Pal., Less., etc. Et ideo dicunt percussionem clerici specie differre a concubitu cum eo. Secunda tamen sententia tenet esse infimas. Ita Viva., Salm., Cai., etc., ita ut si quis violat sanctimoniam verberando, aut cum ea concubendo, unum sacrilegium formaliter committat. Et sic sentit S. Th. 2. 2. q. 99. a. 3. ad 2., ubi ait: *possibile est atque duo peccata differre specie secundum materiales actus, convenire autem in specie secundum unam rationem formalem sacrilegii*: puta si quis sanctimoniam violaverit verberando vel concubendo. Et haec est probabilior ».

52. *An sit sacrilegium violatio personae voto simplicis castitatis ligatae?* — Prima sententia probabilis affirmat, quia peccatum personae sacrae, quod directe agitur contra eam sanctitatem, qua Deo sacrata et dicata est, verum est sacrilegium. Atqui persona Deo dicatur non solum per sacram



ordinationem, vel statum religiosum, verum etiam per huiusce status participationem, quale est votum simplex castitatis, maxime perpetuum. Ergo. Secunda sententia, probabilis etiam, negat, quia per votum simplex et privatum, neque res neque persona efficitur sacra, sed requiritur publica ecclesiae deputatio, in ordine ad castitatem servandam. Dicitur *in ordine*, etc., nam etiam clerici, in minoribus ordinibus constituti, sunt personae sacrae, etiam sacerdotes ritus graeci personae sacrae sunt; sed quia ab Ecclesia consecrati non sunt in ordine ad servandam castitatem sacrilegii proprietatis reatum non incurrunt. G. 265., L. 47., Struggle 9, 10. Ceterum quisquis ligatus sit voto castitatis, quoties hoc violat, certo duplex committit peccatum, nempe contra castitatem et contra religionem, fiduciam Deo non servando. Sacrilegii vero proprie dicti reatus incurritur etiam ab iis, qui vere religiosi sunt, votis tamen tantum simplicibus adstricti. Cf. S. Alph. l. 6. n. 808, 809., S. Th. 2. 2. q. 88. a. 3., q. 97. proem., q. 99. a. 3. ad 3., q. 154. a. 1. ad 3., a. 10. ad 2. et 3., 4. D. 38. q. 1. a. 3. q. 2. 3., Suarez De Sacril. l. 3. c. 3., De Vot. l. 5. c. 3. n. 45., Laym. l. 4. Tr. 10. c. 7. n. 4.

53. *An sit sacrilegium peccatum mere internum contra castitatem personae sacrae.* — Disputatur et non desunt, qui negant, G. V. 2 n. 165.; siquidem castitas secundum quam homo Deo consecratur potius actus exteriores, quos Ecclesia suis legibus attingere solet, quam interiores *per se* respicit. Verum communiter affirmant dd., quia per castitatem ipsa persona Deo consecratur. Verum ratio haec non videtur rem *demonstrative* evincere. Nam licet ipsa persona per illud votum Deo consecratur, non ideo tamen quodlibet internum peccatum sacrilegium est, quod esset si reapse ipsa persona Deo esse absolute consecrata. Quare omnino tenendum est, ipsam utique personam esse Deo consecratam, per illud votum, sed *quoad castitatem* servandam. Quod autem haec extendatur etiam ad actus internos, hoc est demonstrandum. Et videtur demonstrari posse ex eo quod cum votum simplex *perfectae* castitatis ita intelligatur, ut et internos et externos actus complectatur, *a fortiori* utrosque complectatur *votum solemne*, per quod persona evadit *sacra*, et quod certe perfectius est.

54. *An omnia peccata luxuriae in ecclesia, aut coemeterio commissa sint sacrilegia?* — 1.<sup>o</sup> Peccata *mere interna* non sunt habenda ut sacrilegia, quia locum sacrum non videntur *specialiter* afficere, nisi habeatur desiderium externe peccandi in ipso loco sacro. Ita communiter. Quod si habeantur ut sacrilegia, Cf. n. 47., haec tamen circumstantia, utpote leviter culpabilis, non est necessario in confessione aperienda. Sacrilegium ergo erit *desiderium* peccandi in loco sacro, licet habitum extra ipsum, non vero desiderium conceptum in loco sacro peccandi extra eundem. — 2.<sup>o</sup> Quoad peccata *externa*, certum est committi sacrilegium per actus consummatos, nempe per pollutionem voluntariam, fornicationem, etc. An vero committatur etiam per alia peccata externa gravia, v. g. tactus graviter turpes, controvertitur. Probabilius affirmant S. Lig. 459., Collet., etc. Negant autem non improbabiler Sanch., Tamb., Bonac., etc. Alii vero affirmant de tactibus magis impudicis, negant de aliis actibus. Lugo De Poenit. D. 16. n. 461. seqq. Plures apud S. Alph. l. 3. n. 458, ceu probabile tradunt, praeciso scandalo, nunquam esse sacrilegium copulam maritalem in ecclesia habitam. Alii vero communius et probabilius id affirmant tantum in casu necessitatis, ad vitandum incontinentiae periculum. — G. 286., L. 36. 43. l. 3. n. 334. 462. 458. seqq.

55. *An omne furtum in ecclesia sit sacrilegium?* — 1.<sup>o</sup> Constat esse sacrilegium omne furtum rei sacrae et etiam rei non sacrae, commissae tamen loci sacri custodiae. C. *Quisquis*, 21. § 2. Caus. 17. q. 4.: « Similiter sacrilegium committitur auferendo sacrum de sacro, vel non sacrum de sacro, sive sacrum de non sacro ». Res autem sacra intelligitur res Deo quoque modo donata, locus vero sacer ecclesia. — 2.<sup>o</sup> Quoad res quae casu aut per accidens in

ecclesia reperiuntur, ut crumenae, horologium, etc. controvertitur. Alii *Probabiliter* negant cum Lugo, Azor, Less., etc., quia illa circumstantia loci sacri, cum omnino *per accidens* se habeat, nulla fit iniuria loco sacro. Alii cum Layman, Elbel, Salmant., etc., probabiliter affirmant, quia verificatur adhuc, quod talis furetur *non sacrum de sacro*. Insuper quia licet *res per accidens in ecclesia sit*, attamen mala illa *actio externa repugnat adhuc per se loco sacro, quia sacro*. Struggl. 14., G. 286. — 3.<sup>o</sup> Furari e sacristia negat Sanch. esse sacrilegium *locale*. Certum vero est, non esse sacrilegium furtum in claustris, nec in oratorio domus privatae. In oratoriis xenodochiorum vel eremitoriorum, licet non benedictis ab episcopo, iuste putat Sanch. furta esse sacrilegia. L. 39.

56. *An laesio quorumcumque bonorum ad clericos pertinentium sacrilegium constituat?* — R. Negat., sed tantum laesio bonorum, quae clerici possident non suo, sed ecclesiae nomine, et de quibus disponere nequeunt, quia haec tantum sunt sacra. L. 42., S. Th. 2. 2. q. 99. a. 3.

57. *An vasa et vestes sacrae converti possint in usum profanum?* — R. Affirm., si res totaliter ita immutetur, ut ad communem materiam reducatur, v. g. si calix igne aut ferro argenti massa fiat. Secus autem: si totaliter non immutetur. Hinc non licet ex veteri casula vestes profanas resarcire, nec ornamenta sacerdotum ad usus profanos applicare. Secus autem de iis, quae non benedicuntur, ut tapetes, candelabra. L. 41., l. 6. n. 371., S. Th. 2. 2. q. 100. a. 4 ad 2., 3. p. q. 83. a. 3 ad 3. « Uti vestibis sacris, etiam attritis ad usus profanos est mortale. Vestes tamen sacrae in usibus profanis adhibitae non amittunt benedictionem ». L. 6. n. 376.

58. *Quibusnam licitum sit vasa sacra tangere?* — Omnibus et solis clericis absque licentia speciali: sed veniale est, et si causa subsit nec veniale. Id etiam conceditur regularibus laicis sacristis, ex privilegio Xisti IV., nec non monialibus sacristis, ex communicatione privilegiorum. L. 48., S. Im. et alii communiter. Licet autem omnibus tangere alias res sacras, cuiusmodi sunt, v. g. agnus Dei, saltem ex hodierna consuetudine, reliquiae Sanctorum, ornamenta sacra, exceptis iis, quae sanctam Eucharistiam immediate tangunt. — C. 41. de Consecr. Dist. 1., G. 287. L. 48., l. 6. n. 94. 382., l. 7. n. 340.

59. *An sit sacrilegium peccare die festo?* — R. Negat. « nisi notabilis irreverentia irrogatur cultui divino, ut si quis in die parasceves exhiberet comoedias, ludos publicos, etc ». L. 46.

## VIII. — DE SIMONIA

60. *Quid sit simonia?* — Simonia est studiosa voluntas emendi aut vendendi pretio temporali aliquid spirituale vel spirituali adnexum. — *Studiosa* non modo quia ut quodvis aliud peccatum *deliberationem* exigit; verum etiam quia ad eius essentialiter malitiam non requiritur ut *factum* mutuo consensu reipsa perficiatur, sed sufficit *intentionem* vel unius *voluntas* paciscendi seu alium obliganti.

*Spirituale* hic illud omne intelligitur quod *ex se* vel *ex institutione Dei* aut *Ecclesiae*, ad salutem pertinet animae, adeoque ad ordinem bonorum spiritualium. Alia porro sunt spiritualia *in seipsis* et *formaliter*, v. g. dona Spiritus Sancti et gratia sanctificans; alia autem *causaliter*, quatenus nempe sunt causa donorum spiritualium, v. g. sacramenta et sacramentalia, alia denum *effectiva*, quae a causa spirituali procedunt, ut sunt dispensatio in votis, absolutio a censuris, etc. *Spirituali adnexum* tripliciter aliquid esse potest: *antecedenter*, cui accedit spirituale, utpote quod ad spirituale ordi-

natur, ut ius patronatus quod ordinatur ad praesentandum clericum ad beneficia, vel vasa sacra quae ordinantur ad sacramentorum usum; *consequenter*, cui spirituale praesupponitur et quod ex spirituali dependet, ut ius ad redditus beneficiorum, quod habetur propter officium spirituale: *concomitanter*, sive *intrinsece*, si re ipsa non sit separabile, ut labor in administratione sacramentorum; sive *extrinsece*, si sit separabile, ut curus in celebratione missae. Iam age data definitio complectitur tantum spirituali adnexum *concomitanter intrinsece et consequenter*; non etiam adnexum *antecedenter et concomitanter extrinsece*. Quare *per se* licitum est vendere temporale, quod *antecedenter* adnexum est spirituali, ut argentum calicis: nam illa res semper retinet suum valorem intrinsecum, a re spirituali independentem, C. *Ille eius* 2. § 1. c. 10. q. 2., nulla tamen in pretio habita ratio consecrationis. Dicitur *per se*, iure enim eccles. praeter res beneficii excipitur chrisma, oleum benedictum et cimiterium. Itemque pro adnexo *concomitanter extrinsece*, licet stipendium accipere, e. g., pro itinere in celebratione missae, certa hora, certo loco, etc. Quae vero sunt adnexa spirituali *concomitanter intrinsece* nequeunt vendi, secus res ipsa spiritualis venderetur, cum sint eidem inseparabilia et intrinseca, sine quibus neque res ipsa subsistit. Hoc tempus quod insinitur necessario ad confectionem sacramenti non est pretio aestimabile. Pariter nec ea quae *consequuntur* rem spirituales vendi possunt; quod enim est adnexum consequenter alicui rei, rem ipsam supponit, et se habet veluti illius accessorium. Si ergo principale nequit vendi, nec quod ex illo necessario sequitur. Hinc simonia est vendere ius vivendi de bonis monasterii, cum id sit adnexum consequenter professioni, quae spiritualis est.

*Pretio temporali*, i. e. re pretio aestimabili, vel quae temporale commodum prae se ferat: licet forte pretio seu pecunia aestimari non possit; sive sit *munus a manu*, ut est pecunia ipsa, vel aliud quodcumque temporale bonum illi aequivalens; sive *munus a lingua*, ut est laus, recuperum, patrocinium; sive *munus ab obsequio*, ut est famulatus. Simonia erit ob *munus a manu*, si detur alicui beneficium cum pacto, ut ille remittat debitum. Simonia erit ob *munus a lingua*, si episcopus alicui conferat beneficium, ut ab eo laudibus exornetur, favoribus afficiatur, ne illius odium incurrat. Simonia demum erit ob *munus ab obsequio*, si praefatus beneficium faciens vel famulus illic conferret, ut gratis si i servari, vel ut eius famulandi munus sic compensetur. Unde non est simonia dare rem spirituales pro spirituali, e. g., ego dicam missam pro te, ut tu dicas pro me tot rosaria, dare reliquias pro aliis reliquiis, calicem pro ciborio, vel cum auctoritate legitimi superioris unum beneficium commutare cum alio. Res enim eiusdem ordinis bene invicem aestimantur.

*Emendi aut emendi*. Verba haec significant quaecumque contractum onerosum, sive voluntatem alterum ex pacto obligandi ad dandum spirituale pro temporali, aut vicissim. *Obligandi*, ita ut vel *primum* inde obligatio vel *roga* inde habeatur rei temporalis obligatio onerosa, vel ex fidelitate, *quaelibet* res illa temporalis sit, quamvis non proprie res, sed contractus aliquis inendus, e. g. mutui. C. 114. caus. 1. S. Th. 2. 2. q. 78. c. 2. ad 4. a. 5. L. 56. 57. Suarez C. 37. — Simoniae igitur malitia in eo est, quod spirituale temporali aequiparetur. Quod dupliciter locum habere potest, *formaliter* et *virtualiter*; formaliter, cum quis directe intendat loco temporalis, et propter eius aestimationem accipere spirituale; virtualiter, cum quis re temporali *proxime* et *immediatè* obtinere velit spirituale, nec aliud motivum verum et honestum intercedat. In hac enim voluntate virtualiter includitur intentio unum cum alio commutandi. Nam tunc quis rem temporalem pro spirituali, aut vicissim, confert, tanquam pro *motivo intrinseco et finitè*, et sic saltem in mente datur pactum virtuale. — Hinc simonia non erit, si quis aliquid temporale *gratis* alteri traderet pro beneficio iam accepto: vel ad alliciendum ut pro ipso praestetur aliquid spirituale, v. g. si vir dives



pauperi eleemosynam det ut pro ipso oret. Hoc sensu licet etiam alicui promittere donum in spiritualem eius utilitatem, v. g. si missam audiat, sacramenta suscipiat, vel si monasterium ingre datur: quia haec est simplex donatio, sine conditione quidem, sed nullus onerosus contractus est. Secus vero esset, si simpliciter imponeretur obligatio, vel conditio esset praestandi aliquid in utilitatem dantis. — C. *Sand nonnulli* 114. caus. 1. q. 1. G. 288. 289. L. 49. 55. 56. 59. 61. 63. 104. 70. 72. 93. S. Th. 2. 2. q. 100. a. 1. 2. 4. 5. 4. D. 25. q. 3. a. 2. Ithur. Cas. 36. Suarez De Simon. C. 45. Schmalz. l. 5. t. De Sim. n. 62. seqq.

61. *Quatuorplex sit simonia?* — 1.<sup>a</sup> Simonia, ratione *pacti*, alia est *mentalis*, alia *conventionalis*, alia *realis*. *Mentalis* est, cum datur temporale cum animo obligandi ad reddendum spirituale, aut e converso, sed absque ullo pacto externo; vel quando datur temporale tanquam compensationem ex iustitia debitam pro re spirituali accepta, aut e converso, absque ullo tamen praevio pacto. *Conventionalis* ea est, quae ad ipsum pactum exterius procedit, absque tamen reali eius executione. *Conventionalis* simonia dicitur *pure conventionalis*, si pactum ex neutra parte impletum est: dicitur *mixta* ex conventionali nempe et reali, si ex una tantum parte pactum impletum sit. *Realis* tandem ea est, qua pactum ex utraque parte, saltem *inchoate*, impletur. — Schmalzgr. l. 5. t. 3. de Simon. n. 29. seqq., Struggl. 24. 25. L. 49. 67.

62. 2. Rati ne autem *materiae* distinguitur simonia *confidentialis*, quae est circa *beneficia ecclesiastica*, et *communis*, quae est circa quamlibet aliam materiam. Simonia confidentialis in eo consistit, quod is qui alteri beneficium dat utrumque, i. e., aut eligendo, aut praesentando, aut postulando, aut conferendo, aut dando in commendam, aut instituendo, aut in alterius favorem *cedendo* et *resignando*, quidpiam propria auctoritate ex pacto, expresso aut tacito, vel circa beneficii *fructus*, vel circa *beneficium* reservet: assensum superioris impetrando; secus enim simonia iam communis, non confidentialis esset. L. 90. Porro quatuorplex distinguitur reservatio: 1.<sup>a</sup> reservatio *accessus*, cum quis beneficium alteri, utrumque procurat seu confert eo tamen pacto, ut hic opportuno tempore alteri, v. g. consanguineo, vel sibi, ipsum resignet. 2.<sup>a</sup> Reservatio *ingressus* cum quis beneficium sibi iam collatum, sed nondum possessum, alteri ea conditione resignat, ut in dato casu et tempore ipse resignans ias habeat eius possessionem adipiscendi, sive in beneficium reipsa *ingrediendi*. 3.<sup>a</sup> Reservatio *regressus* cum quis beneficium iam a se possessum resignat alteri eo pacto, ut in determinato aliquo casu et tempore, ad ipsum resignantem aliamve certam personam sit regressurum. 4.<sup>a</sup> Reservatio pensionis aut *fructuum*, quando confertis aut resignans beneficium, sive solum collatum, sive etiam possessum, istud alieni facit obvenire cum pacto, ut hic sibi, vel alteri a se designato, omnes beneficii fructus, vel eorum partem tribuat, aut pensionem ex eis percipiat. Sibi vel alteri, si alteri omnes conveniant, confidentialem esse simoniam. Si *alia* plures negant esse simoniam confidentialem, sed communem esse dicunt. — Pius IV. C. *Romanorum* XVI. kal. Nov. 1564. S. Pius V. C. *Interdubitas* l. Iun. 1569. Trid. S. 24. C. 9. 19. S. 25. C. 7. de R. Simoniae De Simon. C. 43. Ithur. Cas. 35. n. 74. Cas. 36. n. 25. Schmalzgr. l. 5. t. 3. n. 32. L. 49.

63. *Nota*. La reservatio *ex pacto* esse debet: quare simonia confidentialis vel *realis*, vel saltem *conventionalis mixta* esse debet: unde *confidentialis* non potest esse cum quadam *confidentia* et pacto est. Quare simonia *mentalis* licet circa beneficia, non est proprie simonia *confidentialis*. Cum pacto, ex Schmalzgr. l. 5. t. 3. n. 40-42, aliisque sufficit, sine expresso pacto, intentis tantum resignantis seu conferentis obligandi alium ad dandum sibi vel alteri *accessum*, *ingressum*, *regressum*, aut pensionem, signo externo expresso, id tamen negant *probabiliter* S. Alph. 86. 87., aliique.

Insuper praedicta reservatio *sine debita superioris auctoritate* esse debet: secus nulla erit confidentialis simonia. Postremo eadem reservatio circa *sola beneficia ecclesiastica* esse debet. Ex Extr. 2. Quare si pacta simonica fiant circa *pensionem*, aut quodvis aliud ius, quod proprie nominis *beneficii* non comprehenditur, ad simoniam communem, non ad confidentialem pertinet. Simonia haec *communis* et *confidentialis* distinguitur ob speciales leges et poenas, quae in iure habentur contra hanc ultimam, quare ea non extenditur ultra casus in eodem iure determinatos.

64. *Resolves: Permutantes inter se* beneficia cum certa fiducia sive pacto, de permutatione dato tempore dissolvenda, et de concedendo regressu, e. g. ad beneficia sic permutata sibi aut aliis, vel de pensione solvenda sibi aut aliis simonia confidentialis non est, sed communis. Constitutiones enim Pii IV. et Pii V. non nisi de *cessione* et *resignatione* beneficiorum loquuntur. *Permutantes inter se*: secus enim esset de episcopo vel quovis alio beneficii collatore, cum alterutro, vel utroque permutantem, ita praesent. Cf. L. 88., Ball. Palm. V. 2. p. 329. Non est simonia confidentialis, sed communis, si cessio et resignatio beneficii habeatur cum confil utia seu pacto non de ipso beneficio vel eius fructibus, sed de alia re temporali vel spirituali danda vel reddenda: vel etiam non de *colendo* beneficio, sed de alio resignando. L. 85. — C. *Quaesitum* 5., C. *Cum cum* 7. De *Res. permut.*

65. 3.<sup>a</sup> Ratione *iuris*, quo simonia prohibetur, alia est *iuris naturalis* seu *divini*, alia *iuris ecclesiastici*. Simonia *iuris divini* habetur, ubi vilipenditur *rei spiritualis*, quae nempe talis est in se ipsa, vel ex Christi institutione, dignitas, per comparationem cum *re temporali*. *Iuris vero ecclesiastici* est, cum contra Ecclesiae prohibitionem, *res spirituales* datur pro alia *re spirituali*, ut in permutatione beneficiorum propria auctoritate facta: vel cum *res per se temporales* alteri spirituali adnexi, vel ad eam ordinata datur pro pretio temporali, ut si quis emat officium economi, thesaurarii, sacristae Ecclesiae, etc. Licet enim proprie absit ab istis permutationibus malitia acquiparandi *spirituali* cum *temporali*, cuiusdam tamen ventilationis et emptionis rerum spiritualium speciem praeseferunt, et periculum continent. Unde eas Ecclesia merito interdixit ex motivo religionis et reverentiae erga sacra. Quare simonia haec *iuris* du utaxat *ecclesiastici* non est *intrinsece mala*, sed solum mala est, quia ab Ecclesia prohibetur ob reverentiam erga res sacras: lex enim habet vim efficiendi ut saltem obiectum sit materia alienius virtutis, intuitu causae, ob quam illud praecipit, sic, v. gr., communio facta ab homine non levi sine causa ex usu est sacrilegium, quia Ecclesia ex motivo reverentiae vetuit sumptionem cibi vel potus ante communionem. — L. 68, 69.

66. *Simonia est peccatum gravissimum; et si sit iuris divini et naturalis materiae parvitas non admittit; si autem simonia sit iuris ecclesiastici, potest in ea dari materia parvitas.* — Prob. 1.<sup>a</sup> p. 1.<sup>a</sup> Ex communitate sententiae, 2.<sup>a</sup> Quia res spiritualis quolibet ex comparatione cum temporali, magna iniuria in ipsum Deum, vilipenditur. Constat etiam ex verbis S. Petri ad Simonem magum, Act. 8., 20.: *Peccata tua tecum sunt in perditionem, quoniam domum Dei existimasti pecunia possideri*. Prob. 2.<sup>a</sup> p. Nam ex parte rei spiritualis, haec licet minime maximae semper aestimationis est. Ex parte vero pretii, quo haec minus est eo magis spiritualitate vilipenditur. Prob. 3.<sup>a</sup> p. Quia simonia iuris ecclesiastici non ita eo interdicatur, quasi pro re spirituali detur temporale pretium: sed ab Ecclesia prohibetur ad omnem simoniam et avaritiae speciem, aliisque incommoda removenda. Unde per hanc non fit proprie iniuria rei sacrae, sed tantum Ecclesiae praecceptum violatur: in hoc autem parvitas materiae inveniri potest. L. 50. Exceptio tamen facienda videtur iuxta aliquos quoad examinatores in concursu ad pericium. Tr. S. 24. C. 18. G. B. 289. Alii vero hanc exceptionem omittunt, vel expresse negant.

67. *An sit simonia dare principaliter temporale ob spirituale, vel contra sed non unice?* — R. Affirm. Ratio est, quia etiam sic adest comparatio rei temporalis cum spirituali. Motivum enim quod adicitur quantumvis honestum sit, prioris motivi, *propter quod principaliter datur temporale*, malitiam non destruit. Confirm. ex prop. 45. et 46. damnatis ab Innocent. XI. *Temporale ob spirituale vel contra*; secus enim esset, si temporale datur non *ob spirituale, vel contra*, sed *ad* gratum animum significandum, vel *ad* benevolentiam alliciendam, etc. Aliud quidem est *motivum intrinsecum operis, ob, propter quod*, ipsum *opus* intendatur, aliud *finis extrinsecus operantis, suam actionem ordinantis ad hoc vel illud*. — L. 51. 52. 53. 54. 55. 64., S. Th. 2. 2. q. 100. a. 5. ad 3., 4. D. 25. q. 3. a. 2. q. 2.

68. *An sit simonia obire functiones sacras ad lucrandum stipendium, vel recipere aliquid pro doctrina sua?* — Ad 1.<sup>am</sup> Haec S. Th. 2. 2. q. 100. a. 2. 3. « Accipere pecuniam pro spirituali gratia est crimen simoniae, quod nulla consuetudine potest excusari, quia consuetudo non praediuicat iuri naturali vel divino... accipere autem aliqua ad sustentationem eorum, qui sacramenta Christi ministrant secundum ordinationem Ecclesiae et consuetudines approbatas non est simonia neque peccatum. Non enim sumitur tamquam *pretium mercedis*, sed tamquam *stipendium necessitatis*... Ita tamen quod si *lesit intentio emptionis et venditionis*, et quod ab invitis non exigatur per spiritualium subtractionem, quae sunt exhibenda; hoc enim haberet quamdam venditionis speciem. Gratis tamen spiritualibus prius exhibitis, licite possunt statutae et consuetae oblationes, et quicumque alii proventus exigere a nolentibus et volentibus solvere auctoritate superioris interveniente ». Neque vero obstat, quod talis neque missam legeret, neque concionaretur sine luero; id enim non probat, temporale esse *pretium*, sed solum esse *finem*, finem nempe non operis, sed operantis, occupati in gratiam alterius, seu *conditionem*, sine qua non operaretur, deficiente nempe congrua sustentatione. Qui tamen sic « sacra ministeria peragunt *principaliter ob emolumentum temporale*, non facile excusari possunt a culpa veniali, cum sit quaelibet inordinatio dirigere spiritualia ad temporale ». L. 55. Hinc idem S. Alph. L. c. ait: « illicitum non est ordinare rem spirituales, etiam principaliter ad finem temporalem honestum. » Attamen, *per se*, quod licite accipitur licite etiam intendi potest. Neque vero obstat, quod talis sustentatione non indigeat; hoc enim *per accidens* est. Cum autem stipendium hoc ex iustitia debeatur, licet etiam de eo pacisci. (Cf. Schmalzgr. l. 5. t. 3. n. 89. 95., S. Th. 2. 2. q. 100. a. 3., L. 55. 104.)

Ad 2.<sup>am</sup> Distinguendum est: vel instructio illa natura sua tendit tantummodo ad spirituales aliorum utilitatem, v. g., catechesis, verbi Dei praedicatio, et similia; vel tendit etiam in aliquod eorum bonum temporale, v. g., ad obsequium nem et honorem, uti est instructio ad interpretandas Scripturas sacras, et emolundas Theologiae controversias, etc.; si 1.<sup>am</sup>, certe simonia est accipere pro eo aliquod temporale, nisi ratione sustentationis; cum sit res *merito spiritualis* et labor intrinsecus; si 2.<sup>am</sup>, nulla erit simonia; quia *qui docet scientiam*, ait Angelicus, *potest stipendium accipere quasi operas suas locum*. S. Th. 2. 2. q. 100. a. 3. ad 3. Nec refert quod scientia illa supernaturalis sit, nam proxime et per se non ordinatur ad salutem animae, sed ad illustrandum intellectum, sicuti aliae scientiae naturales. — L. 94.

69. *An sit simonia, si sacerdos spondeat laico missam pro exitu ludi, dum a sacris pretium temporale exponit?* — R. Negat. *per se*, quia hac ratione res spiritualis non equiparatur proprie temporali, sicut non equiparatur, quoniam missa dicitur pro stipendio; sed tantum offertur executioni rei spiritualis hoc temporale, quae foret aliquam tradenda. Non enim peccat qui offert exitum 100. missas pro eo celebrandis, ut remittat debitum 100. francorum; et non peccat, qui spondet missam pro exitu ludi, dum aliter 20. asses exponit. Ita Voit, n. 506., contra alios. Caeterum eiusmodi



ludus raro caret aliquo scandalo, et proinde semper dissuadendus est. G. 292. Cf. L. 1. 3. n. 882.

70. *An sit simonia, si sacerdos pro missa stipendium supra tarum consuetum aut ab episcopo statutam exget?* — R. Negat. quoad forum internum et coram Deo, nisi mente simonia a agit; quia cum alium habeat titulum exigendi remunerationem, deficit comparatio inter spirituale et temporale. Peccaret quidem contra obedientiam, vel iustitiam plus aequo exigendo, minime vero contra religionem. Attamen in foro externo ut simoniacus habereetur, eo quod eiusmodi auctarium praesumeretur exigere non pro sustentatione, sed tamquam pretium rei spiritualis, qua de causa plures theologi et canonistae absolute affirmant, eo casu committi veram simoniam. G. B. I. c.

71. *An sit simoniacus clericus inseruiens episcopo, et expectans pro retributione aliquid spirituale?* — R. Negat., si inseruiat in spiritualibus, v. g. in munere praedicatoris, nam « ecclesiasticis utilitatibus insudantes ecclesiae dignum est remuneratione gaudere » C. *Eccles.* 67, c. 12, q. 2. Negat. etiam, si inseruiat in temporalibus, et si intentio primaria sit dandi gratis temporale; quia tunc comparatio immediata fit rei temporalis cum temporali, nempe benevolentia superioris. Secus autem, si intendatur res spiritualis, ut debita retributio, non vero ut effectus gratitudinis animi. L. 51. 62., S. Th. 2. 2. q. 100, a. 3, ad 1.

72. *An sit simonia beneficium conferre ob carnalem affectionem, nempe ob parentelam?* — Haec S. Th. 2. 2. q. 10, a. 3, ad 2. « Si aliquis aliquid spirituale alicui conferat gratis propter consanguinitatem, vel quancunque carnalem affectionem, est quidem illicita et carnalis collatio; non tamen simonica; quia nihil ibi accipitur: unde hoc non pertinet ad contractum emptionis et venditionis, in quo fundatur simonia. Si tamen aliquis det beneficium ecclesiasticum alicui hoc pacto vel intentione, ut exinde suis consanguineis provideat est manifesta simonia ». Cf. etiam Quodl. 5. q. 11. a. 23.

73. *An sit simonia tradere temporale pro omissione rei spiritualis?* — Si detur pro omissione rei, quam quis tenetur ponere vi potestatis spiritualis, ut est, v. g., omisso absolutionis, vel quae directe et proxime paret viam ad spiritualia, v. g., si alteri des pecuniam, ne concurrat ad beneficium, est simonia: cum vendatur exercitium rei spiritualis pro temporali. « Correctio est spiritualis actus: unde simoniam committit, qui pecuniam accipit ut peccatum quod tenetur revelare aut punire, non revelet aut puniat », ait S. Th. in 4. D. 25. q. 3, a. 2, q. 11. Si vero rem omittere pendeat a libertate, poterit quidem turpe peccatum esse, non erit tamen simonia: quum nil sacrum vendatur, sed solum usus liberi arbitrii, ut esset omissio orandi, celebrandi, etc. — L. 97. Ithur. Cas. 36. n. 17.

74. *An sit simonia dare vel accipere aliquid pro ingressu in religionem?* — 1.<sup>o</sup> Certum est non licere dare vel accipere aliquid pro solo ingressu: quia hoc esset commutatio rei sacrae, cuiusmodi est religio, cum re temporali. — 2.<sup>o</sup> Certum est etiam, licere monasterio pauperi aliquid exigere pro ingredientis sustentatione, quia tunc non commutatur res spiritualis cum temporali; et alioquin postulat aequitas, ut recipiatur aliquid, ne monasterium oneribus gravatum corruat. — 3.<sup>o</sup> Certum est pariter, licere monasterio aliquid exigere pro sustentatione novitiorum, quia cum non adhuc pertineant ad religionem, et pro libito discedere possint, et saepe reipsa discedant aequum non est monasterium pro ipsis tam gravi oneri subesse. Religio tamen FF. Minorum, ex decreto speciali, nil accipere potest. — 4.<sup>o</sup> Controvertitur autem, si agatur de monasterio opulento. Negat S. Lig. n. 92., nisi recipiendus sit senex vel infirmus. Affirmant vero alii non pauci, modo non exigatur pecunia pro ipso ingressu, sed recipiatur aut postuletur

tantum ratione sustentationis, seu dotis. — 5.<sup>o</sup> Quoad sanctimonialia, cum S. C. experientia didicerit nullum monasterium reperiri adeo opulentum, quod pluribus incommodis non sit obnoxium; amplexa est S. Caroli decreta, quibus a singulis indiscriminatim monialibus statuitur tradendam esse dotem: unde satis est episcopo, si modum imponat sumptibus fieri solitis occasione ingressus, etc., prout eum monet Bened. XIV. de Syn. l. XI. C. 6. Cavere tamen debent, ne inhabiles unice propter dotem aut aliud quidpiam temporale recipient: id enim simoniacum esset. Tr. S. 25. de Reg. C. 16., S. Th. 2. 2. q. 100. a. 3. ad 4.

75. *An sit simonia pecunia se redimere ab iniusta vexatione circa beneficia, aut aliud bonum spirituale, v. g. sacramenta, etc.* — 1.<sup>o</sup> Potest iniuste aliquis vexari vel in iure spirituali iam *acquisito*, vel in tali iure nondum *acquisito*, sed certe *acquirendo*. Si 1.<sup>um</sup> non est simonia pretio temporali redimere iniustam vexationem a quocunque tandem proveniat. Pretium enim non datur pro re spirituali, sed pro cessatione iniustae vexationis. *Iniustam vexationem*: si enim vexatio iusta sit, v. g., si quis accusetur de vero crimine, ob quod beneficium debeat amittere, vel iura spiritualia amplius nequeat exercere, simoniacum esset pretio redimere vexationem hanc: quia tale ius non est firmum, ideoque tollendo vexationem iustam pretio emitur ius firmum, quod est spirituale. Ita pariter non licet dare pecuniam competitori, ut non concurrat ad beneficium: nam directe pararetur via ad illud. Si 2.<sup>um</sup> vel ista vexatio provenit ab iis, qui nequeunt ius illud concedere, vel ab iis qui illud concedere possunt, si 1.<sup>um</sup> fas est eam pretio redimere, quia pretium datur pro re temporali: sic, v. g., si quis per *diffamationem* patronum impediatur, ne te eligat ad beneficium, poteris utique diffamatori dare pecuniam, ut ab illa cesset diffamatio: quia in hoc casu non redimeres nisi famam, et tolleres vim ac fraudem, quibus sublatis patronus adhuc suo in arbitrio plenissime remanet te ad beneficium eligendi vel non eligendi. Si 2.<sup>um</sup> simonia erit temporale aliquid iisdem *chargi* eo fine, ut cessent a vexatione: quia in hoc casu vere ac *proprie* daretur *temporale pro spirituali*. Nam «sic per pecuniam parares tibi viam ad rem spirituales obtinendam». S. Th. 2. 2. q. 100. a. 2. ad 5. Aliter vero esset, si ageretur de actu possessionis beneficii iam collati: tunc *probabilius* liceret hanc vexationem pecunia redimere: quia possessio est temporalis, cum in solo facto sita sit, neque redimitur seu acquiritur ius ipsum beneficii, sibi iam debiti seu *sui*. Pariter simonia non esset pecuniam tribuere electoribus, ut desistant ab electione indigni, quia Ecclesia habet ius acquisitum in dignos; unde daretur pro desistendo a malo: sicut nec simonia esset dare pro eligendo digno, vel digniori in genere: nam ideo datur, ne mala electio fiat; sed si determinaretur persona, simonia esset: cum directe esset pro illius electione pecuniam tribuere. — Struggl 29., L. 49. 64. 65. 98. 99. seqq., S. Th. 2. 2. q. 100. a. 2. ad 5.

76. *Quot modis committitur simonia iuris ecclesiastici?* — Sequentibus: 1.<sup>o</sup> Beneficia commutando, in alterius favorem resignando, in iis paciscendo, vel transigendo, vel pensiones licet spirituales reservando sine licentia superioris. C. *Quasitum de Res. perm.*, C. *Super eo*, C. *Statuimus de Trans.* Ratio legis est *periculum*, ne id fiat intuitu rei temporalis; cum hac commodus aliquod includant S. Th. 2. 2. q. 100. a. 1. ad 5., a. 4. ad 3. Atque beneficia vendere, etiam secundum illud, quod in illis temporale est, nempe secundum ius percipiendi fructus. «Probabilius tamen, ait S. Alph. 70., dicunt esse simoniam de iure divino ex S. Th. 2. 2. q. 100. a. 4. ad 2., ut colligitur ex C. *Si quis* 1. q. 3. et ex C. *Ex diligenti* 17. de *Simon.*». Cf. etiam L. 76. Adde etiam, vendere ius patronatus praesentandi ad beneficium. C. *De iure* 16., C. *Practerea* 23. *De iure patr.* Affirmant tamen Less., Pal., Laym., etc., hanc venditionem iure etiam divino vetari. L. 71., S. Th. 2. 2. q. 100. a. 4. ad 3. «Trid. S. 24. C. 14. praecipitur episcopis, ne permittant pro admis-

sione ad possessionem beneficii solutionem allam, aut promissionem, utpote *simoniace labis, aut avaritiae suspitionem habentes*, reprobata quaecunque consuetudine in contrarium. Tantum permittit Conc., si sit consuetudo dare aliquid in usus proles convertendum & L. 99. Cf. h. l. — 2. Aliquid dando vel accipiendo etiam sponte oblatum, ante vel post *occasionem exactionis* ad curam parochialem, v. g., cum agitur de parcho eligendo in *capitulo* ex Trid. S. 24. C. 18., *Occasionem exactionis*: nam pro *examine ipso* dare vel accipere esset simonia iuris divini. — 3. Aliquid accipiendo, etiam sponte oblatum, *occasionem collationis ordinis, vel litterarum ad ordinem ipsam, vel etiam prebendam tonsurae*, ex eod. Trid. S. 24. C. 1. Ubi tamen excipitur decima pars aurei pro notario, si ei nullum salarium est constitutum, et consuetudo permittit accipere. Verum Sacra Congr. S. Oct. 1678. permittit episcopis, ut candelam reciperent, et etiam mappam a presbyteranis: imo eodem Congr. deputata ab Innoc. XI. taxavit etiam emolumenta, quae exiguntur pro dimissionis ac testimonialibus, etc. « Conceditur episcopis in dispensationibus matrimoniorum accipere aliquid elemosynis tributum, modo ipsis vel suis nihil perveniat, per modum poenae, vel commutationis, non autem per modum sustentationis. Hoc enim vetitum est illis ex... Trid. S. 24. C. 5. & L. 96. — 4. Vendendo vel emendo officia procuratoris, sacristae, oeconomae, defensoris Ecclesiae: quod quidem factum est intuitu religionis, C. *Si quis* 3., C. *Salvator* S. c. 1. q. 3. — 5. Vendendo partem coemeterii: imo erit simonia iuris divini, si vendatur ut locus sacer. Potest tamen emi ius sepulchri, ut quis in tali loco sepelatur: quia tunc non venderetur sepultura ne ratione quidem terrae, sed pretium exigetur ratione oneris quod suscipitur alios ibi non sepeliendi: quod quidem est quod temporale; neque ita ius prohibet, imo procat usus. Idem dicendum est si plus exigitur ad deferendam crucem, arcentiam pro ferrea: non enim est materis benedictionis una prae alia: sed hic honor mundanus est, qui potest utique vendi, L. 71. — 6. Vendendo oleum benedictum, vel sacrum chrisma, etiam secundum suam speciem physicam: usus tamen in ecclesiis cathedralibus invaluit, ut aliqui ab ecclesiis particularibus accipiantur pro compensandis sumptibus, quae in materia comparandae factae sunt. — 7. Exactio pecuniae pro admissione in religionem, non pro ipso statu, quod iuris divinis simonia esset, sed ratione sustentationis, nisi *vel lex, vel consuetudo, vel tenuitas monasterii* excuset, Cf. n. 74. — 8. Accipiendo aliquam pro erectione, institutione, communicatione, vel aggregatione. Conc. terminatum contra C. *Quaecunque* Clem. VIII. Pluribus etiam de rebus S. Cong. Indul. interdictum est ne rosaria, crucis aut numismata benedicta venditioni exponantur. — Struggl 23., L. 68. 69. 72. 74. 77.

77. *Quoniam sent parate in simoniacos latae?* — 1. Manent etiam nunc firmae poenae a Pontificibus, maxime a Julio II. C. *Quoniam tam dicimus*, 14. Ian. 1505. latae contra simoniam in electione Romani Pontificis commissam, C. *Apostolicae Sedis* De censuris. Cf. L. 112. par. ult.

2. Excommunicatio habetur latae sententiae Romano Pontifici reservatae in « reos simoniae realis in beneficiis quibuscunque et eorum complices », C. *Apost. Sed.* Ob eandem simoniam realem in materia beneficiaria incurritur praeterea nullitas electionis, praesentationis et canonicae institutionis, ita ut sic promotus et institutus fructus beneficii nequeat *facere suos*, etiamsi pecunia data fuerit a tertia persona, ipse prorsus ignarus: nisi forte vel per triennii spatium bona fide beneficium possederisset: vel si ille, cognito pravo simoniae consilio, contraxerit, et tamen, eo inscio, alius promiserit aut contulerit: vel si tertius simoniam commiserit eo fine ut illum redderet inhabilem. Insuper *inhabilitas ad idem beneficium obtinendum*, dicitur *ad idem*: nam ad alia obtinenda non fit inhabilis, nisi post sententiam, *ut probabilis* et communius docent explicantes Bullam S. Pii V. (ubi contrarium videtur innui), de foro externo: cum Bulla revera loquatur de *reis convictis*. Imo si alia beneficia iam habeat, ea retinere



potest, quia nulla lex expressa hanc poenam ipso facto decernit. — G. B. 293. Riganti Reg. 36. Cane. n. 132., Suarez De Relig. l. 4. C. 57. 58., L. 111. 112., S. Th. 2. 2. q. 100. a. 6.

*Notandum:* Poenae huiusmodi simoniae *realis* non incurruntur si non fuerit peccatum externum completum ex utraque parte. Odia enim sunt restituta agenda. Hinc beneficium ecclesiasticum accipiens cum pacto praestandi pecuniam, non tenetur ante pecuniae solutionem neque beneficium resignare, neque fructus a beneficio perceptos restituere. Aliud vero est de simonia *confidentiali*, ut mox dicitur: tunc enim ex Bulla *Intolerabilis* S. Pii V. poenae incurruntur etiam per simoniam conventionalem mixtam, scilicet ex una tantum parte completam. — L. 106.

Quoad facultatem dispensandi ab inhabilitate obtinendi beneficium simoniae collatum, haec animadvertenda sunt: 1.<sup>o</sup> Si beneficium sit simplex, etiam canonicatus vel dignitatis, cui non insit cura animarum, et fuerit acceptum per simoniam ignoranter, scilicet, quando simonia fuit commissa ab alio, beneficiario ignorante, tunc potest episcopus dispensare etiam in illa vacatione, cummodo beneficiarius sponte renuntiet. — 2.<sup>o</sup> Imo eadem facultas episcopo tribuenda est, quando beneficium sit quidem duplex, sed collatio eiusdem irrita non fuerit declarata per *sententiam*. Nam, eiusmodi aecedente sententia, ad Sum. Pontificem pro dispensatione *saltem illa vice* recurrendum esset. Dicitur *illa vice*, quia si idem beneficium alteri prius conferatur, et iterum vacare contigerit, utique poterit illi conferri, qui simoniam ab altero in sua provisione commissam ignoraverat. Cf. Reiffenst. l. 5. tit. 3. n. 337. — 3.<sup>o</sup> Si scienter simoniacus quis acceperit beneficium sive simplex, sive curatum, etiamsi sponte renuntiet, nequit episcopus cum illo dispensare ad idem beneficium habendum, neque pro illa, neque pro alia vice, ut docet S. Th. cum Salm., Sauch. L. 111. 117. 118., S. Th. 2. 2. q. 100. a. 6., G. B. 293., Ithur. Cas. 34. n. 32.

3.<sup>o</sup> Excommunicatio etiam habetur latae sententiae Rom. Pontifici reservata in « reos simoniae confidentialis in beneficiis quibuslibet, cuiuscunque sint dignitatis ». C. *Apost. Sedis*. Insuper ob simoniam confidentialem completam, i. e., quando beneficium datum et acceptum est in confidentiam, etiamsi, pactum ab altera parte nondum impletum fuerit, habetur: nullitas resignationis aut collationis factae in confidentiam: inhabilitas ad idem beneficium: reservatio eiusdem beneficii ad Sedem Apostolicam. Fructus vero ex hisce beneficiis male percepti Camerae Apostolicae applicantur. — G. B. 293., L. 89. 90. 111. 117., Cf. Schmalzgr. n. 273., Giraldi. T. 2. pag. 572.

4.<sup>o</sup> Excommunicatio pariter adest latae sententiae Rom. Pont. reservata in « reos simoniae realis ob ingressum in religionem ». C. *Apost. Sedis*. Incurritur praeterea ex utraque parte infamia iuris, et consequenter irregularitas. Valde autem probabile est non incurri has poenas in simplici ingressu, sed in professione, quae etiam simoniace facta valida certo est. — L. 108., G. B. 293.

5. Omnes electiones simoniacae ad Generalatum, Rectoratum et quodlibet officium spirituale in religione sunt irritae, C. l. Extr. de Sim., L. 112.

6. Quoad simoniam commissam ab *examinatoribus synodalibus* beneficiorum parochialium, haec decernuntur a Trid. S. 24. C. 18. de R.: « Caveant ne quidquam prorsus occasione huius examinis, nec ante, nec post, accipiant; alioquin simoniae vitium tam ipsi quam alii dantes incurrant; a qua absolvi nequeant, nisi dimissis beneficiis, quae quomodocunque etiam antea obtinebant. Et ad alia in posterum inhabiles reddantur ». G. B. 293. Quare privantur ante omnem sententiam beneficiis iam obtentis, Scav. Sed. Cf. Thesaur. De Poen. Eccl. V. Simonia. IV. 1. L. 1. 3. n. 112.

7.<sup>o</sup> Praeter has, aliae etiam adsunt poenae, sed probabiliter non incurruntur nisi post iudicis sententiam. Plura in Tract. de Censuris, G. B. 293.

78. *An sit restituenda res spiritualis, simoniace acquisita?* — R. 1.<sup>o</sup> Affirmat, quoad *beneficia*; ita communis et certa doctorum sententia.

Ratio, quia iura in poenam delicti obstant, quominus recipiens aut pretium, aut beneficium, possit dominium accepti acquirere. Et cum irrita sit beneficii adeptio, eo ipso nec fructuum acquiri potest dominium, atque adeo hi quoque sunt restituendi, si mala fide percepti fuerint. Hi autem restituendi sunt ecclesiae, modo committum non recipiant ex hoc qui simoniam commiserunt. Sed probabile est posse pauperibus « in elemosynas erogari », S. Th. 2. 2. q. 2. a. 7., vel reddere successori in beneficia, vel « in pios usus convertere », S. Th. 2. 2. q. 62. a. 5. ad 2., vel etiam compensare posse cum Pontifice pro dictis fructibus, L. 116. *Mala fide percepti*, quia non videtur teneri etiam restituere fructus perceptos *file bona, nisi in quantitate ditione percussisset*, adeoque non nisi extantes, S. Th. 2. 2. q. 100. a. 6. ad 3., G. Cas. n. 289., G. B. 293. Ac sive sermo sit de simoniaco bonae fidei, sive etiam de simoniaco malae fidei. Valde etiam *probabile est non esse* restituendos fructus perceptos *intacta stola*; quia fructus isti non dantur ut redius *beneficii*, sed ut *stipendiarii officii*. — 2. Negat, quod reliqua, licet index possit in poenam criminis restitutionem iniungere. Ita communis cum Schmalzgrueber, lib. 5, tit. 3, n. 284. Ratio est, non modo quia quaelibet restitui non possunt, v. g., sacer ordo, sed etiam quia ut valida sit rei spiritualis, v. g., ss. reliquiarum translatio, iure divino non plus requiritur, quam potestas in altero transferendi, in altero recipiendi rei dominium; atqui nisi *aliunde* in alterutro sit defectus, haec potestas adest in utroque quoad rem spiritualement. Ergo, Si autem translatio valet iure divino, valebit etiam iure humano, cum ab hoc irrita, nisi fore solae provisiones beneficiales simoniacae, non decernantur. — G. 25., L. 113, 116.

79. *An sit restituendum pretium simoniace pro re spirituali acceptum?* — 1. Si solum intercessit simoniae crimen, nulla vero iustitiae laesio, non adest obligatio restituendi simoniaco pretium ante confirmationem iudicis sententiam, nisi ipsum pretium excedat aestimationem communem temporalem, quod cum re spirituali in alterum transferatur. Ita Suarez, Lessius, Layman, Reiffenst. apud Schmalzgr. Lib. 9, tit. 3 n. 286., L. 114, 115. Intellige, *excepta materia beneficii*, in qua datum et acceptum ante omnem sententiam iudicis in foro conscientiae restituendum est, non quidem iure naturali sed tantum ecclesiastico ex Cap. *De hoc 11, h. tit.* Ratio est, quia iura tam beneficium quam pretium accipientem impediunt, quominus dominium accepti acquirere possit, idque in poenam tam gravis delicti. Schmalz. 3. l. 5. t. 3. n. 283., G. B. 295. — 2. Ubi vero parum simoniaco repugnat etiam iustitiae commutativae, pretium restituendum est ante omnem iudicis sententiam. Ita communis. Ratio est, quia ex iustitiae commutativae laesione, obligatio restituendi ipso naturae iure exurgit. G. 295., L. 114.

80. *Resolves*: Proinde ad pretium restituendum, tenetur: 1. qui pretium accipit pro re mere spirituali, quae nullum commodum temporale affert; quippe rei, quae pretio non est aestimabilis, nullum est pretium; atque adeo contra iustitiam pretium pro ipsa accipitur; 2. qui pretium accipit pro re spirituali, etiamsi haec commodum temporale afferat, quam tamen quispiam, v. g., parochus ex officio et iustitia praestare tenetur; 3. episcopus seu praelatus qui vendat beneficia vel officia ecclesiastica, quorum collatio ad ipsum vi muneris sui spectet; quippe ex officio suo dispensare ea gratis debet adeoque accipiens pretium contra iustitiam peccat. Cf. Schmalzgr. l. c. n. 293, 295.

81. *Cui restituendum sit pretium simoniacum?* — 1. Si datum sit pretium, sed nondum tradita sit res spiritualis, communis sententia docet, pretium illi restituendum esse, qui dedit, nisi aliter index decreverit. Ratio est, quia iura solum contra simoniam realem poenas statuunt. — 2. Si vero utrinque secuta sit traditio, distinguenda a reliquis est causa beneficialis. In hac enim simoniaco pretium ex C. *De hoc 11, de Simoniac* restituendum est ecclesiae, in qua situm beneficium est; vel, ita superiorem

decernente, potest pauperibus distribui. S. Th. 2. 2. q. 100. a. 6. ad 4. Quoad pretium vero pro alia re spirituali acceptum, cum nihil iura clare decretum reperiamus, superest ut ei restituatur, qui illud persolvit. Ratio est, quia *per se et lege seu superiore aliud non statuente*, ubi iniusta acceptio intervenit, restitutio facienda illi est, qui laesus fuit. Atqui in casu laesus ille fuit qui dedit pretium. Ergo... Proinde si is, qui simoniacum pretium solvit, gratuito solum remittat, ille qui istud accepit, licite idem retinet, donec in criminis poenam Ecclesiae vel pauperibus illud erogare per indicem iubeatur. Cf. Schmalzgr. l. 5 tit. 3. n. 297., qui dein n. 298.-301. hanc doctrinam ab obiectis vindicat. G. 295., Struggl 32., L. 115.

## DE SECUNDO DECALOGI PRAECEPTO

### I. — DE VANA NOMINIS DEI USURPATIONE

1. *Quid secundo Decalogi Praecepto praecipitur?* — Secundum Decalogi praeeptum est: *Non assumes nomen Domini Dei tui in vanum*. Exod. 20. 7. Praeceptum hoc directe prohibet omnem inordinatam usurpationem nominis Dei, qualis potissimum fit blasphemando, temere iurando, vocando et non servando. Indirecte vero reverentiam nominis Dei usurpationem, eiusque laudem praecipit. Struggl 11., L. 120.

2. *Quid vana SS. Nominis Dei usurpatio?* — Dicitur in vanum usurpari SS. Dei nomen, cum sine rationabili causa assumitur, aut sine debita reverentia, idque tripliciter fieri solet: 1.<sup>o</sup> ex impatientia, vel indignatione in creaturas; 2.<sup>o</sup> ex admiratione, per modum exclamationis; 3.<sup>o</sup> mere superfluae, vel ex levitate vel ex consuetudine et quadam loquendi formula. G. 296.

3. *Vana usurpatio nominis Dei per se peccatum veniale est.* — Praenota: Dicitur *per se*: nam 1.<sup>o</sup> culpa saepe omnis abesse poterit propter inadvertentiam; 2.<sup>o</sup> mortale etiam evadere potest ad formalem Dei contemptum, aut gravem in Deum iram. Prob. 1.<sup>o</sup> p., *per se* peccatum est, quia laesant reverentiam divino nomini debitam. Constat insuper ex Eccl. 23. 10.: *Nominatio Dei non sit assidua in ore tuo*. Prob. 2.<sup>o</sup> p., *per se* peccatum est *veniale* tantum, quia reverentia illa non graviter laeditur. G. 297.

4. *An sit eodem modo peccatum usurpare inutiliter nomina Sanctorum?* — R. Affirmat. Quod enim dicitur de sanctissimo Dei nomine, idem, servata proportione, etiam de nominibus Sanctorum dicendum est, ut constat ex citato loco Eccl., ubi additur: *Et nominibus Sanctorum non admiscearis*. Idem quoque dicendum est de vana usurpatione verborum Sacrae Scripturae, quando irreverenter sumuntur. G. 298., L. 123.

5. *An sit peccatum frequens et inutilis usurpatio nominis daemonis?* — R. Negat *per se*. Reprehenda tamen est ut minus decens in ore christianorum praesertim in sacerdotibus, qui ratione scandali interdum inimicos ab aliqua culpa non sunt. L. 141. Quidam autem asserunt esse veniale *per se*. Ita Voit, 514. = G. 298.



## II. — DE BLASPHEMIA

6. *Quid blasphemia?* — Blasphemia definitur: locutio maledictionis in Deum. Vocabulo *locutionis* non intelliguntur tantummodo verba, sed et cogitationes et facta, quae Deo contumeliam irrogen: uti si quis pede concutiet Crucifixum, vel in coelum tanquam in Dei sedem sputum emittat. S. Th. 2. 2. q. 13. a. 1. q. 11. a. 1. Verbum *maledictionis* non ad imprecationem alicuius mali restringitur, sed ad locutionem cuiuscunque mali generatim extenditur, ut comprehendatur contumelia, convitium, improprium, opprobrium, irrisio, derisio, subsannatio, illusio, irenia, imprecatio. Dicitur autem *in Deum*, consideratum nempe vel *in se*, vel in suis Sanctis, et creaturis in ordine ad Deum ipsum, quatenus in iis elucet aliqua divina perfectio, v. g. sanctitas, bonitas, sapientia. L. 121. 122. 125.

7. *Nota:* Si sermo sit de reservatione aut de aliis poenis blasphemiae inflictis, sola *oralis* proprie intelligitur. Blasphemiae enim vocabulum strictè tunc est usurpandum. Porro communi hominum usu blasphemia vitium linguae significat: eaque *laudi Dei* opponitur, quae solis verbis exhibetur. Quare blasphemia *facti*, qua potius Dei *honor* laeditur, blasphemia propriè non est, sed ad blasphemiam, quoad indolem iniuriæ in Deum, revocatur. S. Th. 2. 2. q. 103. a. 3. ad 3., Struzel 34., Ithur. Cas. 30., Suarez De Relig. Tr. 3. l. 1. C. 4. n. 1.

8. *Resolves:* 1.<sup>o</sup> Si quis ex *ira contra hominem*, vel exclamando ad veritatem exaggerandam, nomen Sanctos, B. Virginem, mortem Dei, Corpus Christi, Sanguinem Christi, Caput Christi, aliaque honesta Christi membra, blasphemiam *per se* non committit, sed tantum insigniam divini nominis usurpationem. *Per se* secus enim est si hæc *ex ira*, vel *indignatione in Deum*, per modum contemptus proferantur, vel apud audientes Deus eiusque sacra inhonorari censeantur. — 2.<sup>o</sup> Neque est blasphemia dicere: nego Deum, si te non percussero: qui enim ita loquitur, vult tantum significare quod certe percusserit; neque dicere: hoc est verum sicut Deus: nam non equiparatur veritas creata increatae, sed quaedam tantum innuitur similitudo hyperbolica. Esset autem blasphemia, si reapse intenderetur significare tantam esse veritatem secundum aequalitatem, quanta est in fidei veritate. (4. Cas. 296. — 3.<sup>o</sup> Blasphemia e contrario est dicere: perdat te mors Christi vel sanguis Dei: perdant te sacramenta: quia iniuria irrogatur morti, sanguini et sacramentis Christi, quae non ad perniciem, sed ad salutem hominum ordinata sunt. Blasphemia item est dicere, se velle agere Deo invito, et similia. — 4.<sup>o</sup> Blasphemia est dicere: Deus mei est plane oblitus: quare Deus me creavit? Excipe tamen, si hæc proferantur modo loquendi humano, ex levitate, vel ad ostendendum doloris vel taedii gravitatem, ut saepius fieri solet. Nunquam autem excusando sunt a peccato gravi, qui advertenter ac serio dicunt: Deus est iniustus: Deus iniuste me tribulationibus gravat: iniuste sinit malos esse felices in mundo. Voit 519., G. : 00., L. 123.-126. 128.

9. *Quatuorplex sit blasphemia?* — Blasphemia imprimis distinguitur: 1.<sup>o</sup> *Directa vel indirecta*, prout Dei inhonoratio vel directe et formaliter a blasphemante *intenditur*, vel quamvis in se non intendatur, continetur tamen in gestis aut dictis Deo iniuriosis, quae ab eo intentione, v. g. iocandi, iram manifestandi, proferuntur, cum advertentia ad sensum, quem verba continent. Voit 509.; 2.<sup>o</sup> *Immediata, vel mediata*, prout Deum ipsum immediate afficit, vel mediate tantum, nempe Sanctos, aut res sacras verbis inhonorando: 3.<sup>o</sup> *Haereticalis*, quae est etiam contra fidem, *imprecatoria* seu *execratoria*, quae est etiam contra caritatem Dei, et *mere probrosa*, prout haeresim, vel imprecationem, aut merum contemptum Dei, licet vera pronuntiet, sed ex ira et malo animo in Deum, contineat. G. 299., L. 122. 123. 126.

10. *Blasphemia quaelibet formalis et deliberata, sive directa sit, sive indirecta, sive innuenda, sive mediata, est peccatum mortale ex toto genere suo.* — Ratio est, quia quaelibet contumelia in Deum est iniuria gravis divinae Maestati illata. Hinc Lev. 24. 16.: *Homo qui maledixerit Deo suo, portabit peccatum suum: et qui blasphemaverit Nomen Domini, morte moriatur.* Struggl 36., G. 2.9., S. Th. 2. 2. q. 13. a. 2. 3.

11. *Nota.* 1.<sup>a</sup> Blasphemia, ut quodvis aliud peccatum, veniale evadere potest ex imperfectione actus, scilicet ex defectu advertentiae, aut perfecti consensus. Ad rem S. Th. 2. 2. q. 13. a. 2. ad 3. « Blasphemia potest absque deliberatione ex surreptione procedere dupliciter: uno modo quod aliquis non advertat hoc quod dicit esse blasphemiam: quod potest contingere cum aliquis subito ex aliqua passione in verba imaginata prorumpit, quorum significationem non considerat, et tunc est peccatum veniale, et non habet proprie rationem blasphemiae ». — 2.<sup>a</sup> Blasphemia *directa* circumstantiam affert more aggravantem prae *indirecta*, adeoque in confessione necessario exprimenda non est. Illi enim circumstantia voluntarii *directi* utpote mere subiectiva actum utique efficit magis voluntarium respectu obiecti mali, sed in novam malitiam obiectivam non tendit. G. B. 299., D'Ann. 57.

12. *Resolves:* Non peccat graviter, qui pronuntiat verba in se quidem blasphematoria, sed dimidiat aut corrupta, ita ut ad verum sensum non attendat; v. g. qui dicit: *nego Di! nego Diana!* Haec enim rationem blasphemiae iam non amplius habent. L. 123., G. 300., D'Annib. 56.

13. *Ad blasphemiam perfectam ratione actus necessaria non est expressa et explicita intentio Deum inhonorandi, sed implicita sufficit, quam inesse dicimus blasphemiae indirectae.* — Ratio est, quia voluntarium indirectum ad peccatum sufficit: unde qui advertere verba pronuntiat blasphematoria, unde Dei inhonoratio reapse habeatur, quaecumque de causa id faciat, blasphemiae peccatum voluntarie admittit, eiusque reus efficitur. Reuter 442., L. 124. 127., D'Annib. 57.

14. *An specie differant blasphemiae in Deum et in Sanctos prolata?* — Affirmant probabiliter Busemb. cum aliis: sed etiam probabiliter negant Bouae., Sanch., etc. Sed cum ii qui blasphemant Sanctos, verius, communiter loquendo, eos iniuria afficere intendunt, non ob praecisam propriamque ipsorum excellentiam, sed quatenus ad Deum mediate referuntur: ideo non contra dulum, sed tantum contra latrum peccant, et propterea non tenentur excusare an Deum vel Sanctos blasphemaverint. L. 132. Quod si constet aliquid contumeliosum in Sanctos quidem proferri, sed tantum uti *homines* olim in terris degentes, erit du utaxat contra *dulum*: imo erit etiam solum veniale, si fiat ex ioco, v. g. si quis Ss. Crispinum et Crispinianum *sutores* appellet: erit e contrario *mortale* si fiat ex contemptu, ex odio, vel ex indignatione in Sanctos. — Struggl 37., L. 124. 125., S. Th. 2. 2. q. 13. a. 1. ad 2.

15. *An gravis sit blasphemia per iocum prolata?* — Haec Reuter P. 2. T. 5. de Blasph. n. 442.: « Gravis blasphemia est... si quis per iocum dicat verba blasphemica: ubi apud audientes iis coniuncta est inhonoratio Dei ». Aberit ergo gravis culpa, ubi apud audientes inhonoratio ista absit. L. 124.

16. *An sit blasphemia maledicere creaturis?* — Est blasphemia maledicere creaturis cum relatione ad Deum, v. g. pluviae, ventis, ut a Deo imperatis, vel addito verbo *Dei*: item maledicere creaturae, quae de se specialem relationem ad Deum habet, v. g. animae nostrae, fidei catholicae, coelo et similibus. Secus autem, ut fere contingit, si indignatio feratur in creaturas sine relatione ad Deum. L. 128., G. 304.: « Maledicere rebus irrationalibus, in quantum sunt creaturae Dei, est peccatum blasphemiae: maledicere autem eis, secundum se consideratis, est otiosum et vanum ». — S. Th. 2. 2. q. 76. a. 2.

17. *Resolves*: Hinc ex Viva et aliis, non est grave maledicere simpliciter horae, diei, anno, nisi addatur verbum *sancto*; vel nisi de se dies prae se ferat quid speciale sanctitatis, ut dies paschalis, etc. Ratio, quia quidquid sanctitatem importat ad Deum *per se* referatur, qui omnis sanctitatis est auctor, et prolatio verborum, quibus specialis quaedam sanctitas explicatur, saltem indirecte, per se loquendo, ad Deum refertur. L. 128. Maledicere bestiis, ventis, etc., regulariter levis est culpa; nec regulariter in ira animus adest, ut maledictio executioni mandetur, et actus impatientiae est. Itemque «in ira imprecari aliis daemonem, grandinem, fulgura, etc.,... plerumque, saltem quando dicitur in illos, qui auantur ab irato, ob subitam commotionem et inadvertentiam ac defectum seriae voluntatis, non est nisi venialis... Grave autem est, si subditi supererogius, filii parentibus, licet materialiter tantum sic maledicant, praesertim in faciem: quia est grave contra debitam reverentiam». L. 130. Cf. etiam n. 126. et seq. Epist. Resp. S. Th. 2. 2. q. 76. a. 3.

18. *An sit blasphemia maledicere toti mundo?* — Affirmat S. Lig. 129., quia sicut iurare per creaturas, in quibus magis reluctant attributa divina, est verum iuramentum, ita ipsis maledicere est vera blasphemia, quia Deus in ipsis *indirecte* continetur. «Reipsa tamen vix talis sensus animo haec proferentis occurrere solet». Ita G. 304. Oppositum vero existimat idem S. Alph. 1. c. «Ordinarie loquendo censeo rusticos, qui mundo maledicunt, ut plurimum graviter peccare, dum ipsi de tali maledictione cum gravi horrore se accusant».

19. *An sit blasphemia maledicere mortuis, et diabolo?* — R. Ad 1.<sup>am</sup> Negat, eo tamen casu, quo animus maledicentium ad hoc non feratur, ut iis maledicant prout sunt creaturae Dei: imo plerumque id neque *mortaliter* est, quia per hoc eisdem neque *in se* neque *ex mente proferentium* inferitur gravis iniuria: non quidem *in se*, quia vox *mortalis* vel magis referenda est ad corpus quod moritur, quam ad animam quae saepe vivit: vel et summum significat homines vita functos, qui possunt esse tam salvi quam damnati: *non ex mente proferentium*, quia mortuis maledicentes nullo modo intendunt mala adpreari animabus defunctorum: sed potius exprobare vivos, ad quos maledictiones suas ad instar mininae solent referre. L. 130. — Ad 2.<sup>am</sup> Maledicere diabolo recte putat Tamb. raro esse peccatum mortale, quia semper solet illi maledici, ut auctori malorum, vel ut Dei inimico, quo pacto, abstrahendo ab impatientiae actu, ne veniale quidem esse dicit. L. 129.

20. *Nota*: 1.<sup>o</sup> In dubio, an aliqua locutio sit ne ne blasphemia, minime ut blasphemia sumenda est. L. 129. 130. Si verba secundum se divini honoris diminutionem nullam exprimunt, non est censenda blasphemia neque mortale peccatum. L. 130. Si dubia sit significatio, tunc ad intentionem et affectum verba proferentis attendendum est. L. 130. «Peccato verborum maxime sunt ex intentione dicentis damnanda». S. Th. 2. 2. q. 73. — 2.<sup>o</sup> Rudes saepe confutunt cum blasphemia verba quaelibet minus decentia et maledictiones in bestias et in homines. Quare docendi sunt, «ne tot animae ex ignorantia ob errorem conscientiam peccati mortalis misere pereant». L. 131.

### III. — DE IURAMENTO

21. *De natura iuramenti*. — Iuramentum est: invocatio tacita vel expressa Nominis Divini, tanquam primae et infallibilis veritatis, in testam alicuius veritatis. L. 133. S. Th. 2. 2. q. 89. a. 1. Hinc patet iuramentum esse actum virtutis religionis, quia «in hoc ipso quod homo per Deum iurat, profitetur Deum potius, utpote cuius veritas est indefectibilis et cognitio



universalis, et sic Deo aliquo modo reverentiam exhibet... Exhibere autem reverentiam Deo pertinet ad religionem». S. Th. 2. 2. q. 89. a. 4.

22. *Quotplex sit iuramentum?* — Distinguitur iuramentum: 1.<sup>o</sup> *Asseritorium*, prout Deus invocatur in testem veritatis praeteritae aut praesentis; et *promissorium*, prout «inducitur divinum testimonium ad confirmandum aliquod futurum». S. Th. 2. 2. q. 89. a. 1. Duplex est iuramentum promissorium: *stricte* vel *late* tale. 1.<sup>um</sup> est confirmatorium *promissionis* vel erga Deum, quod est *cotum* iuratum, vel erga proximum, quod obligationi iustitiae aut fidelitatis ex promissione ortae addit obligationem ex virtute religionis; 2.<sup>um</sup> vero nullam continet erga alterum promissionem, sed merum propositum. Ac *comminatorium* est, si iurans sub attestazione divini Nominis alteri minatur poenam, v. g., iuro per Deum, quod nisi hoc feceris, poenas lues. — 2.<sup>o</sup> *Solemne* vel *simplex*, prout fit forma iure requisita, solemnibusve caeremoniis, v. g., cum Missa, cum praecedenti communione, aut iis seclusis. Clerici autem, praesertim sacerdotes, solemne iuramentum interponere non possunt, nisi de episcopi licentia, quae gravi solum de causa conceditur. G. B. 306., S. Th. 2. 2. q. 89. a. 10. — 3.<sup>o</sup> *Explicitum* vel *implicitum*, prout Deus expresse in testem invocatur, aut adhibentur in testimonium creaturae, in quibus attributa divina specialiter relucunt. — 4.<sup>o</sup> Accedit etiam iuramentum *invocatorium*, quo Deus simpliciter, ut testis invocatur; et *imprecatorium*, quo Deus invocatur simul in testem et in vindicem perjurii. Huc revocatur formula: Ita me Deus adiuvet, et haec sancta Dei Evangelia; sicut enim qui haec pronuntiat, bonum sibi, si verum dicat; ita malum sibi imprecatur, si mentiatur. Unde ille, qui hoc modo voluntarie peierat, serio malum sibi exoptans, non solum peccat contra religionem, sed etiam contra caritatem erga seipsum. Struggl 3., L. 139.-142., S. Th. 2. 2. q. 89. a. 1. ad 3.

23. *Duo requiruntur ad iuramentum*, scilicet 1.<sup>o</sup> Intentio iurandi, saltem virtualis; quia sine tali intentione non potest existere iuramentum formale; 2.<sup>o</sup> Formula iuratoria, sive per Deum *explicite*, sive *implicitate* per creaturas; quia, cum Deus invocatur ut testis, necesse est, ut hoc in iuramento exprimitur. L. 134., G. 307., Struggl 1.

24. *Nota:* Quando dubium est de iurantis intentione, iudicari solet secundum communem verborum acceptionem quibus est usus. Adeo autem ista intentio confert ad valorem iuramenti, ut si quis utatur verbis nullo modo importantibus iuramentum, et is tamen putet ea esse iuramenta vere iuret quoad forum internum; et e contra ea intentione deficiente, iuramentum nullum est quoad forum internum, etiamsi verba adhibeantur vero iuratoria. — L. 134.

25. *Resolves:* 1.<sup>o</sup> Non valet iuramentum fictum, seu mere externum ab defectu voluntatis seu intentionis iurandi. Peccat vero sic iurans, sed *probabiliter* venialiter tantum, *per se*, loquendo, quia non profert nisi mendacium cum vera nominis Dei usurpatione. Saepe tamen hoc mortale est ratione damni communis vel particularis. — 2.<sup>o</sup> Non valet *probabiliter* iuramentum promissorium factum cum animo quidem iurandi, sed non se obligandi ex religione; quia hoc nugatorium est. Hoc autem valde probabiliter solum, veniale per se est, quia cum iuramentum nullum sit, habetur tantum vera divini nominis usurpatio. Valet autem iuramentum factum cum animo iurandi quidem, sed non se obligandi ex iustitia aut ex fidelitate. L. 172., H. A. 17. — 3.<sup>o</sup> Valet iuramentum promissorium factum sine animo implendi, sed cum animo iurandi et se obligandi. Qui autem sic iurat peccat mortaliter, quia Deum testem invocat ficti propositi seu fictae promissionis, adeoque iurat contra veritatem. Deus enim in iuramento promissorio assumitur tanquam testis propositi seu promissionis praesentis, et tanquam *fidelius* quodam modo executionis futurae, prout haec saltem pendet a voluntate humana. — 4.<sup>o</sup> Est iuramentum dicere: iuro per Deum, Deum attestor, etc., ut per sepat et. Item iuramentum est dicere: iuro per Sanctos, Ecclesiam,

Evangelium, Fidem Catholicam; quia tunc censetur in testem adduci ipse fidei, evangelii, Ecclesiae et Sanctorum Auctor. Censetur pariter iuramentum cum sit per creaturas nobiliores: cum per eas tunc accipiatur earum creator, qui in iis singulariter residet ac rehaeret: sit, v.g., dum iuratur per coelum intelligitur istius Habitat et Dominus; dum per terram Is cuius haec est scabellum, dum per templum, Is qui ibi editur. Sic pariter *probabilis* esse iuramentum censet plures, si dicas, per animam meam: quia in anima singulariter respundet Deus, qui in testem tunc censetur adduci. Facendum tamen vix esse qui dum usurpant ea verba de Deo cogitent; et ideo raro haec quoque formula iuramentum continet, G. Cas. 2. 3. Secus vero esset, si quis iuraret per creaturas, in quibus non elucet specialiter divina bonitas, aut potentia, v.g. per barbam, etc. — 5. Non est iuramentum dicere: Deus est veritas, vivit Deus, Deus novit, coram Deo loquor, si haec mere *narrative* proferantur: secus vero si *invocative*, quod dignoscitur ex circumstantiis, vel intentione loquentis. Item dicere: iuro ita esse, non est vere iuramentum, quia tunc nec explicitè nec implicitè invocatur, divinum testimonium: nisi tamen praecesserit interrogatio de iureiurando, quia tunc per interrogationem praecedentem illud *iuro* satis determinatur ad verum iuramentum. Insuper verba ista: occidar, si haec non est, et similia, quamvis sint vera iuramenta, si per modum *exclamationis* dicantur communiter non continent nisi quandam sponsonem, seu poenae obligationem, et significant, si non est ita spondeo meam vitam. Secus vero, si Deus ibi expresse nominatur dicendo: Deus me perdat, si mentior: quia tunc iam invocatur Deus, ut vindex mendacii, si forte preteritur. — 6. Non est iuramentum dicere: vera, certe, in veritate, fide boni viri, christiani, sacerdotis, militis, principis, regis: nec dicere: per conscientiam meam, quia in testem non adducitur Deus. — 7. Non iurat qui dicit: tam verum est, quam sol lucet, quam hic sedeo, ambulo, etc., unde etsi comparatio falsa sit, tantum est mendacium, cum nullus in testem invocetur. Quamvis dicere: tam verum est, quam Deus est: quam Christus est in venerabili Sacramento: quam verum est Evang., etc. communiter videatur continere iuramentum cum blasphemia: id tamen non satis apparet, quia nullus in testem invocatur, neque videtur esse blasphemia, si sit verum, et animus proferentis sit significare tantum similitudinem. — G. 308., L. 134-143. Suarez De Rel. Tr. 5. l. 1. C. 13., S. Th. 2. 2. q. 89. a. 1. 6.

26. *De iuramenti licitate*. — Iuramentum de iis vestitum conditionibus honestum est et licitum, et si promissorium sit, obligat in conscientia, nisi iusta causa obstat, vel legitime obligatio eiusdem cessaverit. *Ita omnia*, et constat tum ex definitione Conc. Const. Sess. 8. contra Wisleham, et ex prop. 101. damn. a Clem. XI. B. *Unigenitas*, nec non ex prop. 75. damn. a Pio VI. B. *Auctorem fidei*, tum ex praxi universali Ecclesiae et populorum, tum ex variis sacrae Scripturae locis, Deuter. 6., 13.: *Domineum Deum tuum timebis* ... *ac per nomen illius iurabis*. L. 144. s-q., S. Th. 2. 2. q. 89. a. 2. Et sane maxime Deus eiusque attributi honoratur ex eo quod in medium adducatur et invocetur, tanquam summa et infallibilis Veritas in testimonium veritatis. S. Th. 1. c. a. 4.

27. *Triplex conditio requiritur ad licitatem iuramenti*, iuxta illud Jeremiae 4. 2.: *Iurabis: Ficti Domini, ac veritate, et in iudicio, et in iustitia*. Ratio, quia secus praestari nequit cum debet Deo reverentia.

28. Itaque requiritur: *Veritas*, i. e. conformitas assertionis cum intentione et cognitione iurantis. Excludit igitur omne mendacium, non vero omnem errorem. In iuramento assertorio veritas respicit existentiam facti: in promissorio existentiam intentionis. — *Iudicium*, i. e. ut cum discretionem, prudentiam, considerationem ac reverentiam, nec sine necessitate aut gravi causa fiat. Cum enim iuramentum sanctissima res sit, non debet fieri absque prudentia, consideratione, reverentia, et temere absque ulla necessitate et

causa. — *Iustitia*, i. e. ut iuramentum sit de re, sive promissa, sive simpliciter proposita, vel de assertione *honestā* et *iusta*, sic contra iustitiam iuraret, qui iuramento se obligaret ad damnum proximo iniuste inferendum, vel ad quodquam aliud prohibendum. — L. n. 144., S. Th. 2. 2. q. 89. a. 3. 5. 10.

29. Iurare *sine veritate* est semper mortale etiam in materia levi: quia Deum adducere in testimonium falsitatis est velle destruere ipsius infinite perfectam veracitatem. Constat etiam ex prop. 24. ab Innoc. XI. damn. S. Th. Quodl. 1. a. 18. — Iurare *sine iudicio* veniale est per se, secluso tamen scandalo et periculo poterandi: puta si quis temere iuraret, antequam veritatem sufficienter indagaret, quia est tantum vana usurpationis nominis Dei. Ita fere omnes, etiam rigidi res. — Iurare *sine iustitia* certo mortale est in iuramento *promissorio*, si de patrandi gravi peccato agatur, ut patet, imo, iuxta S. Lig., etiamsi agatur de peccato veniali tantum, saltem *probabiliter*, quia gravis esse videtur irreverentia Deum invocare ut testem ac fideiussorem peccati cuiuscunque committendi. Oppositum tamen sententiam Suarez cum aliis ait esse *communem*. In iuramento autem assertorio, *probabiliter* veniale est, *per se*, tantum, quia iuramentum per se cadit in assertum, non ut malum, sed ut verum. Sic qui iuramento se iactat de fornicatione commissa, quanvis hac iactantia lethaliter peccet, vi tamen iuramenti per se non confirmat iactantiam, sed veritatem dumtaxat fornicationis. Excipe, nisi iuramentum assumatur tanquam instrumentum seu medium peccandi, v. g. ad firmandam detractionem. Idque valet etiamsi quis iuramento utatur tanquam instrumento seu medio ad consummandum peccatum *veniale*, quia sic iurans quantum in se est Deum facit complicem peccati sui. — Struggl 5. 7. 9., l. 145. 146. 147., Suarez l. 3. C. 12.

30. *Quoniam sit causa sufficiens ad iurandum?* — Quaecunque causa honesta, alicuius poteris, v. g. pax confirmanda in familiis, maior securitas in contractibus ... etc. L. H. A. 14., G. 310.

31. *An liceat iurare cum probabilitate veritatis?* — Haec S. Alph. 148.: «Ad recte iurandum non requiritur certitudo absoluta, et omnino infallibilis, sed sufficit aliqua certitudo moralis, sive quaedam probabilitas, quae ad quamdam confirmationem moralem pertingat. Ita Tamb. Imo Sanch., Suar., Salam., Less., Bon., Azor cum *communione* expressius aiunt, sufficere in iuramento sive assertorio, sive promissorio probabilitatem veritatis assertae, vel impletionis executionis rei promissae, modo non lateatur ratio probabilis in oppositum. Hinc aiunt posse quidem affirmari cum iuramento quod auditum est a persona fide digna, ut moraliter certos nos faciat. Hoc tamen non currit in nullo, ubi iuramentum quod exhibetur est de certitudine propria emittentium. Struggl 6. Peccat ergo graviter qui iurat in mero dubio veritatis: quia Deus veritas infallibilis nequit invariari nisi in testimonium rei quae moraliter saltem certa videatur. G. Cas. 297., Struggl 6.

32. *An liceat iurare cum restrictione mentali?* — R. Negat., si sit *pure mentalis*, et tunc ex S. Alph. spectant prop. 26. 27. 28. damn. ab Innoc. XI. Absolut., si sit *late mentalis* ex iusta causa. «Certum est, ait S. Alph. 151., et commune apud omnes, quod ex iusta causa licitum est uti aquivoco, tunc ... et cum iuramento iurare ... Iusta autem causa esse potest quaevis, et finis honestus ad servandam bonam spiritui vel corpori utilia». Et respondit: «Ad sic iurandum praeterquam in iudiciis et contractibus non requiritur certitudo absoluta gravis, sed sufficit quaelibet rationabilis causa, puta ad se liberandum ab importuna et iniusta interrogatione alterius». Et Busemb. n. 179. sic ait: «quando est iusta causa necessitatis vel utilitatis, potest quis uti aquivoco, et sic in iuramento, etiamsi ad iurandum sponte se offerat». Adde denique S. Alph. 151. ex probabiliori sententia veniale esse, si id sine causa praestet. «Ratio est, quia in huiusmodi iuramento iam adsunt veritas et iustitia, et debet tantum iudicium sive discretio, cuius deficientia non



est nisi venialis... Excipientium tamen cum Salm. et aliis communiter, nisi hoc fiat in iudicio, vel in contractibus ». Huius exceptionis ratio quoad 1.<sup>am</sup> est, quia superioris legitime interroganti tenemur ex obedientia respondere ad sensum interrogantis; quoad 2.<sup>am</sup> vero, quia tunc ex iustitia tenemur verba proferre ad mentem contrahentis, ne iste decipiatur et damnum patiatur. — Struggl 16. seqq., Lugo De Fid. D. 4. n. 67.

33. *De obligatione iuramenti promissorii.* — Omne iuramentum promissorium de re licita et honesta praeter obligationem iustitiae, aut fidelitatis, quae ex simplici promissione oritur, obligationem quoque religionis inducit. Ratio est, quia promissio *per se* iam obligat, et testis, mox divino invocato confirmatur et corroboratur. — Minime autem obligat iuramentum de re illicita aut plane inutile; quia iuramentum, utpote actus religionis, non potest esse vinculum iniquitatis aut rei otiosae. Eiusmodi autem iuramenta non reviviscunt, etiam si res esse otiosa aut illicita postea desinat, iuxta iuris reg. 18. in 6.<sup>o</sup> « Non firmatur tractu temporis, quod de iure ab initio non subsistit ». — Struggl 24. seqq., L. 172. 176. S. Th. 2.2. q. 89. a. 7. 8.

34. *Resolves:* 1.<sup>o</sup> Nunquam obligatur iuramento, qui rem malam iuravit; imo dupliciter peccat, si iuramentum adimpleat, nempe contra religionem, et virtutem, cui opponitur materia iuramenti. L. 176., S. Th. 2.2. q. 89. a. 7. — 2.<sup>o</sup> Non obligatur iuramento, qui promissionem prodigam iurando confirmavit, quia promissio illa est saltem leviter mala. Ita Suarez, Salmant., et alii communiter cum S. Lig., qui hoc ut probabilius admittit n. 185. — 3.<sup>o</sup> Non peccat contra iuramentum, qui urbanitatis causa iuravit, se ante alterum non sessurum, bibiturum, ingressurum domum, ecc., si ab altero coactus prius seibat, bibat vel ingrediatur; quia plerumque eiusmodi iuramentum nullum est ex defectu intentionis iurandi; vel, si valeat, ab altero cedente iuri suo relaxatur. L. 180. — 4.<sup>o</sup> Raro peccant parentes non adimplentes iuramentum puniendi filios; quia plerumque iuramentum est de re inutili, aut potius de vinclicta inordinata; accedit quod delinquentes aut iam emendati sunt, aut saltem emendationem promiserunt. L. 186. — 5.<sup>o</sup> Plerumque etiam mercatores non videntur ligari iuramento non vendendi minoris, aut pluris non emendi; vel quia huiusmodi iuramenta ut plurimum sunt de re inutili, vel quia isti homines non habent animum iurandi, aut certe quia iuramento inest tacita conditio, nisi aliter res melius cedere videantur. G. 315.

35. *Obligatio iuramenti interpretanda est stricte, et iuxta naturam actus vel contractus, cui adicitur, ita ut omnes eius conditiones sequatur.* — Ratio, est, quia iurans censetur voluisse se obligare quam minime potuit, et aliunde iuramentum non mutat naturam actus, sed ei superaddit solam religionis obligationem, et proinde easdem conditiones et limitationes habere debet. L. 180.

36. *Resolves:* 1.<sup>o</sup> Non obligatur iuramento, qui iuratus promisit nuptias puellae diviti, sanae, virgini, bonae famae, si illa inciderit in paupertatem, infirmitatem, infamiam, fornicationem; quia promissio simplex tunc non obligat. L. 180. — 2.<sup>o</sup> Non peccat, qui secretum iuratum detegit, quando ipsa lex secreti cessat obligare; quia iuramentum, ut diximus, sequitur naturam actus, cui adiungitur. L. 183., G. 315. — 3.<sup>o</sup> Itemque si iurasti Titiae eam ducere, potes, ea relicta religionem ingredi, quia promissioni matrimonii haec tacita conditio inest, nisi ingrediatur religionem. L. 177.

37. *Obligatio iuramenti interpretanda insuper est iuxta conditiones tacitas in eo inclusas seu subintellectas, quae sunt:* 1.<sup>o</sup> si potuero sine gravi damno; quia nemo censetur se ad rem tam *physice* quam *moraliter* impossibilem obligare; 2.<sup>o</sup> si res non fuerit notabiliter mutata; 3.<sup>o</sup> si iura aut voluntas superioris non obstant; 4.<sup>o</sup> si alter fidem reciprocam servaverit; 5.<sup>o</sup> nisi alter de iure suo cedat. L. 180., G. 312., Struggl 31.

38. *An detur parvitas materiae in transgressione iuramenti promissorii?* — 1.<sup>a</sup> Sententia *negat*, quia non tantum violatur promissio simplex, sed promissio iurata. In quacunque ergo materia gravis iniuria inferitur Deo, cuius testimonium in vanum a iurante invocatum est. Et sane vocaretur Deus in testem falsitatis, si veritas non conformaretur rei promissae. S. Th. 2. 2. q. 89. a. 7. Bonac., Lessius. Toletus, etc. 2.<sup>a</sup> Sententia *affirmat*, quia in iuramento promissorio Deus non proprie adducitur, ut testis futurae executionis rei promissae, sed tantum ut testis actualis promissionis, seu verae intentionis promissionem exsequendi, et ut praebeus auctoritatem obligationi, quae oritur ex promissione coram se facta, sicut princeps sponsalia coram se contracta sua auctoritate firmiora reddit. Iam vero quoad primum, nulla per iuramenti promissorii transgressionem irreverentia in Deum committitur, seu Deus non efficitur *testis falsitatis*, siquidem sinceram fuisse supponimus in iurante promissionem, atque executionis intentionem; quoad alterum autem, infidelitate in re promissa implenda, irreverentia quidem auctoritati divinae irrogatur, sed quae neque directa est et formalis, cum indirecte solum intendatur in ipsa promissionis violatione, neque maior est, imo teste S. Th. 2. 2. q. 89. a. 8., per se est minor irreverentia, quae in voti transgressione invenitur. Cum igitur in hac, sicut et in qualibet irreverentia contra Deum indirecta, levitas materiae ab omnibus admittatur, in ea etiam admittenda est, quam infert iuramenti promissorii transgressio, Suarez, Navarrus, Laymann, etc. Et sape si iurans *actū iuramentum* habuit voluntatem implendi et postea non implet non committit *mendacium*, et periurium, sed tantum *infidelitatem*, quae cum res promissa non sit gravis ex hypothesi protrahi non poterit ad culpam gravem. S. Lig. 173., dicit utramque sententiam probabilem; sed magis secundae sententiae adheret, et in H. A. n. 13. ait: « Si res promissa non sit gravis, infidelitas ad gravem culpam non pertingit ». Gur. Dum. 313., Suarez l. 3. C. 16. n. 9. seqq. L. 172. 173. 178. 211.

39. *An obliget iuramentum promissorium errore aut dolo emissum?* — R. *Negat*, si error aut dolus versetur circa rei substantiam; secus vero, si adiuncta eius accidentalia tantum afficiat: quia contractus simplex invalidus foret in priori casu, non vero in posteriori. L. 175. Advertit tamen idem S. Alph. l. 3. n. 187. probabilem esse sententiam oppositam, quando error vel dolus versetur circa illas circumstantias, utut accidentales, quae si ab initio notae fuissent, a iuramento et promissione deterruissent. Ingredientes quasi substantiam contractus sunt quasi conditio sine qua non. Quae quidem S. Alphonsi animadversio valore debet sicut in votis, ita in contractibus *gratuitis*, non vero in contractibus *onerosis*.

40. *An obliget iuramentum promissorium metu gravi et iniusto extortum?* — 1.<sup>a</sup> Sententia probabilis *affirmat*. Etenim regula generalis est, quodlibet iuramentum esse servandum quando potest sine peccato, ne Deus in testem falsi adducatur. 2.<sup>a</sup> Sententia sat etiam probabilis *negat*; quia iuramentum sequitur maturam actus, cui adiecitur. Illa autem promissio, de iure naturali est irrita vel saltem rescindibilis, prout promissio gratuita est vel onerosa, ob gravem quam continet iniuriam, quae iuramento firmanda et continuanda non est. Unde etiam patroni primae sententiae advertunt, eum qui metum passus est posse iuramenti relaxationem petere, ut ab obligatione solvendi excusetur; si vero iam solverit, posse id quod dedit, in iudicio repetere, vel occulte se compensare. G. 314. L. 171. Cf. S. Th. 2., 2. q. 89. a. 7. Ithur. Cas. 15. n. 11. 18., Struggl 28. 29.

41. *An iuramentum in faciem tertii semper ac impleri potest sine peccato, implendum sit?* — *Affirmat*, respondet S. Alph. etiam si sit contra consilia evangelica, et etiam si promissio facta irrita sit a iure in odium creditoris, velut promissio facta meretrici, licet tale iuramentum fuerit illicitum, ut Star., Cal., Sanchez, etc.; intellige, si meretrix, e. g. iam opus

suum praestiterit; secus, si non. Aliter tamen dicendum, si promissio sit irrita a iure, quia esset contra bonum commune. Ratio, quia tunc ipsa impletio illicita esset. Ideo non obligat iuramentum metu extortum super professione religiosa, matrimonio, sponsalibus, etc. — « An quando contractus est irritus a iure in *favorem tantum promittentis*, tunc iuramentum firmet contractum: ita ut promissarius ex eo acquirat ius iustitiae? Affirmant Azor, Sanch. et alii. Sed probabiliter negant Elbel, Spor., etc. Ratio, quia nullo modo iuramentum habet vim firmandi huiusmodi contractum; non ex se, quia solum obligat virtute religionis; non ex iure positivo, nulli enim habetur servandos esse ex iustitia. Et ideo haec obligatio non transit ad haeredes iurantis: et ipse iurans non obligatur relaxato iuramento ». L. 177.

42. *De cessatione obligationis iuramenti.* — Obligatio iuramenti cessare potest tum ab intrinseco, tum ab extrinseco. — *Cessat ab intrinseco*: 1.<sup>o</sup> Si quod bonum erat tempore iuramenti, propter circumstantias, postea fiat illicitum, vel impeditivum maioris boni, vel melius sit omitti quam impleri. Iuramentum enim actus religionis est, et Deus non editur re illicita, vel quae detrahit potius de cultu divino. 2.<sup>o</sup> Si iuramentum mutes in opus aliquod aperte melius, et Deo gratius; id enim quisque per se potest. *Accipe* tamen semper, si quid in hominis commodum iurasses, nec enim Deus illum vult defraudari. Cf. n. 44. 3.<sup>o</sup> Si notabiliter mutetur status rei, nam talis mutatio aliud facit obiectum, ad quod iuramentum intentio non se extendit. 4.<sup>o</sup> Si res iurata facta sit inutilis ad intentum, maxime si magis illius destructiva; e. g. si correctio impenitentis filii inutilis prorsus esset, imo peior in se evaderet. 5.<sup>o</sup> Si ita ferant condiciones illae, quas in quovis promissorio iuramento tacite subintelligi natura et dei docent, nempe si potero, salvo iure tertiis, salvo iure superioris, nisi res notabiliter mutetur, nisi obligatio tollatur. 6.<sup>o</sup> Si cesset causa finalis illius, nam sine causa finali non subsistit effectus, v. g. promissisti pauperi eleemosynam, sed ille postea fit dives. Secus vero, si cessat causa tantum impulsiva. L. 187, 188., S. Th. 2. 2. q. 89. a. 9.

43. *An sit de se sufficiens illa mutatio etiam non notabilis, quae tamen praevia, iuramentum quis non emisisset?* — 1.<sup>a</sup> Sententia affirmat ex S. Th. 4. D. 38. q. 1. a. 3. q. 1. ad 1. Ratio, quia intentio se obligandi tunc vel deest, vel sic intelligitur. 2.<sup>a</sup> Sententia tenet eam non sufficere, quia obligatio non est desumenda ex promissione, quae in futurum non fieret: sed ex illa quae iam facta est. Ita Suar., Sanch., Cai., etc. « Merito tamen dicunt non posse negari probabilitatem primae sententiae. Imo ipsimet cum Salm., censent, illam esse notabilem mutationem, quae si a principio cognita fuisset, iurans non promississet, quod utique cum prima sententia cohaeret ». L. 187. Cf. etiam 226.

44. *Cessat ab extrinseco* per irrotationem, dispensationem, commutationem, remissionem: 1.<sup>o</sup> *Irritatio*, annullatio iuramenti est. *Irritatio* fit a quolibet superiore, potestatem dominativam habente in iurantem, licet agatur de promissionibus et de contractibus, si tamen ab eodem possint irritari. Hanc dominativam potestatem habent pater, maritus, superior, tutor, dominus: iique irritare et annullare possunt suorum iuramenta eo plane modo quo irritare possunt suorum vota. S. Th. 2. 2. q. 89. a. 9. ad 3. (Cf. infra de Voto. — 2.<sup>o</sup> Quoad dispensationem, haec datur ab habente iurisdictionem in foro externo: intellige spiritualement. Quicumque habet potestatem ordinariam, dispensandi in votis, potest in iuramentis et in votis dispensare, etiamsi haec iurata sint. L. 189., S. Th. 2. 2. q. 89. a. 9. — 3.<sup>o</sup> Quoad *commutationem*, eadem est ratio, quae de dispensatione. L. 191. *Communitio* ad dispensationem revocatur: et fit, ut ipsa, ab habente iurisdictionem in foro externo. — 4.<sup>o</sup> Quod attinet ad *remissionem*, sive relaxationem, iuramentum factum in favorem hominis, non potest relaxari, nisi ab eo cui



factum est, aut cui is et promissa materia subiecta est. Pro maiori vero claritate notandum 1.<sup>o</sup> quod, si promissio in favorem hominis, firmata iuramento, nondum acceptata sit, non sit obligatio illam implendi, et revocari possit; quia iuramentum tunc est accessorium et sequitur naturam promissionis; secus autem, si promissio principaliter fuit facta Deo. Hoc certum est. Notandum 2.<sup>o</sup> quod, si talis promissio sit acceptata a tertio, cui facta fuit, et absolute sit illi ius acquisitum, tunc sine eius consensu, nec etiam a Pontifice relaxari possit; est adhuc commune cum S. Th. 2. 2. q. 80. a. 9. ad 3. Hoc autem posterius limitatur in tribus casibus: 1.<sup>o</sup> si iurans sit subditus, et iuramentum sit circa ea quae superiorum potestati subduntur, ut docet S. Th. 1. c.; 2.<sup>o</sup> si iuramentum non posset servari sine damno communi, vel sit super contractu a lege vetito. Talia iuramenta *verius* relaxatione non indigent, cum de se sint nulla; 3.<sup>o</sup> si iuramentum sit dolo aut metu extortum, tunc enim etiamsi validum sit, relaxari potest. Et hoc valet etsi promissio non sit indebita, puta de solvendo debito vero: sed iuramentum iniuste sit extortum; et etiamsi extorqueatur iuramentum metu levi, saltem pro foro interno, ex C. *Sollicite* 2. et ex C. *Accepta* 3. de *Restit. Spol.*, ubi solum iuramentum omnino spontaneum relaxari nequit. Illud autem relaxare possunt non solum Pontifex, sed etiam episcopi, capitula, sedibus vacantibus, et alii iurisdictionem episcopalem habentes, et etiam confessarii delegatam facultatem habentes dispensandi in votis, qui possunt etiam talia iuramenta relaxare. Notandum 3.<sup>o</sup> certum est, quod iuramentum in favorem tertii possit libere ab eo remitti, absque relaxatione Ecclesiae, ut docent omnes cum S. Th. 2. 2. q. 89. a. 9. ad 2., quia iuri suo quisque cedere potest. L. 189.-193.

45. *An qui habet facultatem delegatam dispensandi in votis possit dispensare in iurantibus?* — R. Haec Suarezius De Voto l. 6. C. 14. n. 6.: « Satis probabile est, potestatem delegatam simpliciter ad dispensandum in votis, extendi ad dispensandum in iurantibus piis circa eandem materiam, quando per se stant, suamque solum obligationem produciunt. Haec est sententia communis, et sine dubio potest in praxi observari ». Et n. 19.: « Etiamsi votum et iuramentum super eandem materiam immediate cadant, et unumquodque per se obliget ad Dei honorem; per facultatem absolutam dispensandi in votis auferri poterit vel votum, vel iuramentum, vel utrumque dispensantis arbitrio. Pro hac assertionem possumus allegare omnes Auctores primae (scil. praec.) assertionis..., et tenent alii moderni et viri docti ». Alii vero negant, quia diversum est vinculum voti et iuramenti. Ita Scavini. Verum cum satis probabilis sit opposita sententia, ea omnino tuta est in praxi: siquidem, ea stante probabilitate, superior concedens priorem facultatem iure censetur et posteriorem concedere, nisi expresse ipse limitet. Neque vero valet opposita ratio; nam licet vinculum sit diversum, quoad tamen dispensationem aequiparantur. Dispositum autem in uno aequiparatorum censetur dispositum in altero. Cf. L. 189. 190. 192. 254.

#### IV. — DE VOTO

46. *De natura voti.* — Votum est: promissio deliberata Deo facta de bono possibili et meliori. *Deo facta*, votum enim est actus religionis, imo laetitia actus est soli Deo debitus; adeoque dum quaedam Sanctis vovemus sensus est: voveri ea Deo in eorundem honorem. Duae ergo ad voti validitatem conditiones sunt requisitae, intentio vera voti, materia apta. L. 194., S. Th. 2. 2. q. 88. a. 1. 2. 5.

47. *Quotuplex sit votum?* — Votum distinguitur: 1.<sup>o</sup> *Absolutum* vel *conditionatum*. Illud est quod fit sine ulla conditione; hoc autem quod fit

cum conditione, ita ut, nisi hac posita non exurgat obligatio. Struggl 28. Hinc votum *poenale*, speciatim distinguitur, quando nempe res bona votetur ut *poena* seu poenitentia, e. g. dabo elemosynam, si me inebriavero. — 2.<sup>o</sup> *Personale* vel *reale*, prout ipsius votantis actio vel omissio, e. g. peregrinatio aut res aliqua ab actione personae separabilis, e. g. donatio calicis, elemosyna, etc., promittitur. — 3.<sup>o</sup> *Temporarium* vel *perpetuum*, prout ad certum tempus tantum, aut per totam vitam servandum promittitur. — 4.<sup>o</sup> *Solemne* vel *simplex*, prout fit solemniter et ab Ecclesia acceptatur, seu ratum habetur; aut *seclusa* solemnitate et Ecclesiae acceptione emittitur. Solemne est dumtaxat votum castitatis, quod maioribus ordinibus est annexum et votum professionis religiosae. G. 319., L. 195., S. Th. 2. 2. q. 88. a. 7.

48. *Ad voti validitatem requiritur vera et deliberata intentio votum emittendi, seu vera promissio Deo facta, et obligationem inducens ex virtute pablitatis.* — Votum enim est instar legis cuiuspiam, quam vovens, capax alicuius pendendi onus, quod assumit, sibi in se imponit. Nemo autem censetur citra sufficientem animi deliberationem sese obligare. Hinc votum essentialiter differt a proposito: quia propositum voluntatem dicit deliberatam ad aliquid agendum vel emittendum absque animo se obligandi. Quare propositum quantumvis firmum, nullum vinculum obligationis producit, neque rei propositae omissio est peccatum, nisi forte quandoque per accidens, v. g. propter inconstantiam, tedium aut negligentiam, quae per se peccatum veniale non excedunt. — L. 196.-199., Struggl 3. 16.

49. *Resolves:* Hinc ad voti voluntatem non sufficit quaelibet voluntas et deliberatio, quae ad peccatum mortale sufficiat. Ad grave enim peccatum satis est confuse nosse gravitatem reatus et voluntarium saltem indirecte et in causa; sed perfectior requiritur cognitio et volitio oneris, ad quod quis se obligat, ubi de promissione et obligatione contrahenda agatur. Bonum enim ex integra causa, malum ex quocumque defectu. «Cum voti obligatio sit gravissima requiritur intentio, deliberatio et libertas perfecta, qua quis *libere et directe in se* voluerit promittere cum animo se obligandi». L. 196. Non obligat ergo votum factum cum semiplena advertentia vel deliberatione. L. ib. Item vota facta in ebrietate, etiam ante praevia, et sic volita in causa, non sunt valida, cum non sint volita in seipsis, et directe. Ad hanc tamen plenam et perfectam deliberationem non requiritur, ut quis ex-acte perpendat omnes circumstantias, quae ad votum allicere, vel ab eo absterre possunt, sed sufficit, ut quis satis agnoverit gravamen et obligationem voti quoad substantiam, Struggl 5. Sufficit item intentio virtualis, quae procedit ex praevia intentione actuali. Hinc qui ex praevia intentione religiosae professionis tria religionis vota emittit, etsi animo prorsus distractus illis vere obligatur. Struggl 6., Laym. l. 4. t. 4. C. 1. n. 4., L. 196. Si quis vero vovet cum animo positivo non promittendi, nec se obligandi ex religione certe votum est nullum. S. Th. in 4. Dist. 38. q. 1. a. 1. quaestione. 1. ad 2. Si quis etiam vult promittere, sciens obligationem voti, sed non vult ad promissionem et votum se obligare communius et probabilius voto non tenetur. Sic autem vovere sine animo se obligandi, dicunt Sanchez, etc. ordinarie non esse nisi veniale propter quamdam inordinationem. Dicitur *ordinarie*, quia in professione religiosa, et susceptione sacrorum ordinum, procul dubio esset mortale, quia esset deceptio in re gravissima. L. 201.

50. *Nota.* «Ad votum sufficit promissio implicita, ut patet in susceptione ordinem sacrorum, ubi, licet non dicatur, voveo, vel promitto castitatem, votum tamen hoc fit implicita, hoc ipso, quod sciens, Ecclesiam annexisse in ordinibus istud votum, eos suscipis. An vero, si quis plane id ignoraret, adhuc censeretur vovere ex implicita intentione, dubium est. Aliqui aiunt, aliqui probabilius negant, dicuntque, talem teneri ad castitatem, non ex voto, sed ex Ecclesiae praecepto». L. 200., Struggl 6.

51. *An valeat votum ex errore emissum?* — R. 1.<sup>o</sup> Negat., si error versetur circa substantiam rei, vel circa circumstantias substantiales, seu quae principaliter intenduntur, aut ad substantiam spectant, vel illam notabiliter mutant: quia tunc res promissa non est satis cognita et volita. L. 198. Imo, addit S. Alph. 198. «certum est quod error circa substantiam invalidat votum etiamsi fuerit concomitans, i. e. non dans causam voto, puta si adhuc errore cognito, tu vovisses, et etiamsi error fuerit quantumcumque crassus». Haec enim etiam ignorantia actum non voluntarium reddit. — 2.<sup>o</sup> Non redditur votum irritum, si error sit tantum circa causam impulsivam. «Valet votum, quia illa est tantum causa secundaria, qua seposita, actus est sufficienter voluntarius secundum substantiam. Neque talis error in caeteris contractibus actum vitiat: v. g. vovit aliquis peregrinationem Romam studio colendi Deum, et simul etiam habuit causam secundariam impulsivam, ut inviseret fratrem, quem putavit esse Romae, quem etsi intelligat deinde isthic non esse, non ideo desinit obligari voto». L. 198. — 3.<sup>o</sup> Afirmat., si error versetur circa circumstantias accidentales minoris momenti, quae voto non obstitissent, si secluso errore cognitae fuissent: nam qui vovet, censetur se obligare ad subeunda incommoda mere accidentalia, quae in voto adimplendo occurrere possint. Ita S. Lig., qui tamen n. 198. non negat esse probabile, quod votum invalidet error, etiam in circumstantiis accidentalibus, si hae sint magni momenti, et si ipsis cognitis votum emissum non fuisset. Excipi tamen debent vota, quae emittuntur post novitiatum in quocunque approbato ordine: quippe quae irrita non sunt ob ullum errorem, nisi solum substantialem, circa substantiam. Statum enim natura sua firmum et irrevocabilem constituunt: adeoque a nullo alio errore, quam substantiali, dependentem. Insuper, quia secus inde sequeretur plures invalidari professiones in grave reipublicae damnum et scandalum. Quod et de matrimonio valet. L. ib. Cf. Lugo de Iust. et Iure D. 22. n. 88., Sanch. De Matr. l. 10. D. 9. n. 20.

52. *An valeat votum metu factum?* — R. 1.<sup>o</sup> Negat., si metus sit *gravis, iniustus et incoactus ad extorquendum votum*. Ratio est, quia Deo acceptum id esse non potest, quod per iniuriam a quopiam vi extorquetur, quando lex naturae postulat, ut ius in integrum restituatur. Et hoc quidem evincit, eiusmodi vota esse invalida iure naturae. Constat autem ex iure canonico quoad vota solemnia religionis, et probabiliter etiam quoad caetera vota. L. 197. Dicitur *iniustus*, nam si metus sit iustus, votum valet: cum non sit vera coactio in eo quod quis facere debet, neque vovens est rationabiliter invitatus: dicitur *incoactus ad extorquendum votum*: secus enim valet votum, v. g. si quis mortem timens, quam latrones minantur, votum Deo facit, ut liberetur. — 2.<sup>o</sup> Utrum autem votum, ex metu levi iniusto emissum, sit invalidum? «Afirmat hic Busemb. cum Suar. et Fill. Item Nav. et alii plures ap. Sanch. Dec. lib. 4. c. 3. n. 24. Ratio (ut dicunt), quia in eo metus irritat votum eo quod plenam consensus libertatem auferat: ergo metus quoque levis irritabit, quando eandem libertatem auferit, et causa est, ut votum fiat. Et hanc opinionem probabilem vocat Sanch. Sed probatur et sententia opposita, quam tenet Sanch. n. 24. cum Sot. Val. S. Azor. etc. ap. Salin. ibid. n. 161. qui vocant communem, et probant ex C. *Perlatam, de Iis quae vi*, etc. Ratio, quia non censetur causa rei tan. gravis, prout est votum, levis metus, qui de facili reiici potest, ut pariter dicimus de contract. n. 718. L. 197., G. 322. — 3.<sup>o</sup> Afirmat., si metus oratur ab intrinseco vel a causa necessaria, nisi volenti usum rationis adimat: ratio, quia eiusmodi vota sunt simpliciter voluntaria. G. 322.

53. *An voto teneatur, qui dubitat, utrum votum emiseric, utrum cum sufficiente deliberatione, utrum votum emissum implecerit?* — R. Ad 1.<sup>am</sup> Negat., idemque dicendum si dubites, an voto aliquid comprehendatur; non teneris quoad partem de qua dubitas. Non enim imponenda est obligatio



nisi de ea certo constet. — Ad 2.<sup>um</sup> Impossibile sane est, ut stante vero et positivo dubio de sufficiente usu rationis eiusque sufficientis deliberationis, certa inde voti obligatio habeatur. Votum enim essentialiter rationis perfectam deliberationem includit. Si igitur dubia haec est, dubium consequenter votum, dubia eius obligatio. Suarez l. 4. C. 6. n. 10. — Ad 3.<sup>um</sup> Negati., ob eandem rationem ac ad 1.<sup>um</sup>, si dubium sit positivum. Afirmat. vero si dubium sit negativum: quia possessio tunc stat pro voto. — L. 196.

54. *Materia voti debet esse res moraliter possibilis.* — Ratio, quia votum est promissio facta Deo cum intentione se obligandi, nemo autem se obligare potest ad aliquid sibi *moraliter impossibile*. Si vero res sit divisibilis et ex parte possibilis sit, pro hac parte valet votum. Excipe tamen, si constaret, votentem per modum unius se voluisse ad utramque partem obligare, et indivisibiliter utramque prae oculis habuisse. Ratio, quia votum est lex particularis, quae non extenditur ultra intentionem votentis: et ideo si votens collective promisit utramque partem, atque unam dependentem ab altera, si una sit impossibilis, totum votum irritum manet. Ita Salm. Tr. 17. C. 1. n. 74., qui mox ib. n. 75. 76. plura exempla subiiciunt votorum, quae vel servanda sunt ex parte, quae possibilis manet, vel irrita ob alicuius partis impossibilitatem censentur. Non valet autem votum, si res sit moraliter indivisibilis. Ita communiter. — L. 202. 225., G. 323.

55. *Resolves:* 1.<sup>o</sup> Non valet votum faciendi quidquid sit perfectius, sine speciali Spiritus Sancti instinctu, vel vitandi omnia peccata etiam venialia, etiam semideliberata: quia hoc moraliter impossibile est, sine speciali gratia et privilegio. Trid. S. 6. q. 23. — 2.<sup>o</sup> S. Alphonsus, Gury alique asserunt, valere votum vitandi omnia mortalia, vel etiam omnia venialia plene deliberata, quia hoc est cum divinae gratiae ordinario auxilio moraliter possibile et speciali privilegio non indiget, si tamen de personis vere piis agatur. «Votum autem, addit S. Alph. 203., abstinendi a venialibus in aliqua materia determinata, communiter validum est, maxime in personis magnae virtutis; in aliis vero modicae virtutis erit materia impossibilis; imo in aliquibus materiis, puta cogitationum inhonestarum, otiosarum, etc., cum sint inevitabiles quoad omnes, votum est nullum». At Salm. alique apud eundem S. Alph. l. c. asserunt e contrario votum de vitandis omnibus venialibus, etiamsi esset de plene deliberatis, omnino invalidum esse, prout de re moraliter impossibili, ex c. 23. S. 6. Trid. Sed in hoc can. sermo solum non est de plene deliberatis.

56. *Materia voti debet esse res moraliter bona, imo de bono meliori.* — Ratio, quia alioquin promissio voti non esset Deo grata et accepta. «Voti, quae sunt de rebus vanis et inutilibus, sunt magis deridenda, quam servanda». S. Th. 2. 2. q. 88. a. 2. ad 3., L. 204. Promissio item, quae impedit maius bonum, sub hoc respectu detrahit de cultu Dei, nec illi consequenter grata et accepta esse potest, ad obligationem in conscientia pariendam ex motivo religionis, seu cultus divini. Hoc autem bonum *melius* non est intelligendum comparate ad bonum quodcumque, sed comparate ad eius oppositum, ita ut hoc bonum tale sit, ut eius positio sit melior quam omissio. Bonum item *melius* non solum *absolute* in se, sed etiam *relative* ad circumstantias intelligitur. G. 323.

57. *Resolves:* Non valet votum rei bonae ex fine pravo, si finis pravus se tenet *ex parte ipsius voti*, si nempe ipsum votum ad pravam finem ordinetur, v. g. si voveas eleemosynam ad impetrandum felicem furti successum, vel in gratiarum actionem pro latrocinio. Ratio, quia ratio eleemosynae ad talem finem est actio blasphematoria, quasi Deus ad peccandum opem ferat. Itemque votum non valet *ex causa in se prava*, uti e. g. si votum facias, eo quod iniustam causam viceris, inimicum ocideris, Senus dicendum, iuxta communem sententiam, si malus finis *accidentaliter* tantum

votum comitetur, et se prorsus teneat *ex parte vorentis*, v. g. si quis, voveat ob Dei gloriam, sed *cum* aliqua vanitate, et ex vana ostentatione libentius externe voveat. L. 206. Valet item votum rei bonae *cum conditione multa*, si votum fiat ex affectu erga rem bonam, ut bona est, etsi coniuncta cum causa seu occasione mala, ut si quis voveat eleemosynam, quia non est captus vel si non capiatur in furto. Etsi enim furtum malum sit: non laedi tamen non est malum, sed Dei donum: et votum non cadit super malum, sed super bonum, quatenus in se bonum est. Multo magis autem id valet, si votum fiat ex malae conditionis detestatione: ut si quis voveat eleemosynam, si et quoties blasphemet. Laymann l. 4. Tr. 4. C. 2. n. 7. Valet votum de re aliunde praecepta, quia votum huiusmodi est de re bona in se, cum praecepta supponatur, et est de bono meliori, cum novum vinculum ad maiorem fidelitatem et devotionem in adimplenda lege conferre possit. L. 213., G. 324., S. Th. 2. 2. q. 88. a. 6.

58. *An invalidum sit votum de bono impediendo maioris boni?* — Haec S. Alph. 207. 209. Invalidum est et veniale peccatum vovere bonum, quod est impeditivum boni maioris, ut praesertim sunt vota contra consilia evangelica, v. g. manere in saeculo, ducere uxorem, ire ad militiam, facere mercaturam. Si tamen aliquod bonum, per se et absolute minus, fieret per accedens maius bonum, tunc talia vovere valet, v. g. si quis videret susceptionem ordinum sibi fore damnosam. Hinc votum nubendi, *per se loquendo*, nullum est, etiamsi sit de ducenda paupere, meretrice, vel ad tollenda aliena peccata, quia semper coelibatus est Deo gratior. Secus, si votum sit emissum, ad scandalum, vel honorem puellae ex obligatione reparandum, vel ad bonum commune; vel etiam longe probabilius ob expertiam sui fragilitatem, *supposito quod talis nolit uti aliis remediis*; quia in tali casu matrimonium est maius bonum, cum a Deo concessum sit ad concupiscentiam sedandam ei, qui alia remedia meliora suscipere non vult.

59. *An peccet et quomodo, qui voveat rem malam?* — Haec S. Alph. 204. 205.: 1.<sup>o</sup> Qui vovet rem vanam, inutilem, indifferentem peccat venialiter. 2.<sup>o</sup> Qui vovet mortale peccat mortaliter. 3.<sup>o</sup> Qui vovet veniale alii dicunt peccare venialiter, alii mortaliter. « Probabilius mihi est esse culpam gravem cum de se blasphemia sit, velle ut malum cedat in honorem Dei: sed communiter ob ignorantiam hoc non est nisi veniale ».

60. *De voti obligatione.* — Votum obligatorium est. Promissio enim facta homini certe obligat, quanto magis itaque facta Deo. Idque evidentissime suadent Scripturae: *Cum votum roveris... non tardaberis reddere*, etc. Deut. 23. *Si quid roveris Deo, ne moreris reddere*, etc. Eccli. 5. « Haereticum est, ait S. Th. Quodl. 3. a. 2., asserere votum non obligare ». Cf. 2. 2. q. 88. a. 3.

61. *Votum obligat per se, sicut lex vel praeceptum Ecclesiae, ac proinde graviter in materia gravi, et leviter in levi.* — Votum enim est quasi quaedam lex privata, quam quis sibi imponit. G. 325., Struggl 17., L. 211. 213.

62. *Votum obligat secundum vorentis intentionem, si ille obligationis quantitatem in actu vovendi determinet, ita ut sub levi tantum in materia quantavis gravi se ligare possit.* — Ratio est, quia sicut legislator vel superior potest in materia gravi obligare sub levi tantum, ita etiam qui vovet de re gravi, levem tantum obligationem sibi imponere potest. Non tamen vicissim graviter in re levi potest se obligare, quia materia levis non est gravis obligationis capax. L. 211. 212., G. 325. Verum in voto castitatis sacris ordinibus annexo, et in votis professionis religiosae Ecclesia specialiter requirit voluntatem se graviter obligandi. Unde irrita est professio religiosa, quando expresse emititur absque voluntate se graviter obligandi. — Struggl 18., S. Th. 2. 2. q. 88. a. 3.

63. *Nota:* Illa materia gravis censetur, quae cum ab Ecclesia praecipitur, graviter obligat, ut ieiunium, missa, etc., vel quae comparata cum

alio praecepto gravis videtur, vel notabiliter ad finem voti, seu ad Dei cultum confert. G. 326.

64. *Nemo obligari potest alieno voto ei voti*; quia votum est onus personale voluntarie susceptum, et ideo nemo rem vel actionem alienam promittere potest. L. 213. 214. 216. Dicitur *ei voti*: nam 1.<sup>o</sup> *ex iustitia* haeres vota realia defuncti solvere tenetur, sicuti tenetur solvere alia illius debita legata, etc. Ratio est, quia votum reale afficit ipsam rem, adeoque ista obligata manet ad quascunque manus deveniat. Hinc talibus votis debet satisfieri ante legata, quia prior est obligatio votorum realium, quam liberum legatum mortis causa, sed post debita iustitiae, quia defunctus censetur vota realia emisisse solvenda solum de illa parte bonorum, de qua libere, et sine aliorum iniuria disponere poterat. Hinc haeres necessarius potest non solum sibi, sed etiam aliis descendentibus, licite reservare partem legitimam, seu iuxta leges debitam, adeoque solum de residua substantia tenetur solvere vota realia defuncti. Struggl 26., L. 214. — 2.<sup>o</sup> *Ex obedientia* tenentur subditi, tum qui nunc vivunt, tum qui in posterum membra communitatis fient, vi cuiusdam pacti vel statuti aut consuetudinis, et ex motivo religionis, ad adimplendum votum, quod eorum nomine a magistratu civili, assentiente episcopo, aut a superioribus religionis emissum fuerit. G. 327. 328., Struggl 24., L. 216., S. Th. 2. 2. q. 98. a. 2. ad 4.

65. *Resolves*: 1.<sup>o</sup> Vota realia de suo solvenda sunt: qui autem nequit de suo solvere, non tenetur ab alio mendicare, ut satisfacere possit. Satisfacit tamen, si alius sive rogatus sive sponte pro ipso solvere velit, quamvis ipse satisfacere queat: quia quod dat alter, accedente voventis consensu vel ratificatione, si ipso in seio dederit, fit ipsius proprium. Excipe, si materia voti realis fuerit determinata: tunc enim ea in *iudicio* eroganda est, quando nempe peculiaris ratio movit ad rem hanc in individuo voventiam. L. 217. 220. — 2.<sup>o</sup> Vota personalia impleri possunt tantum ab ipso vovente, nec ad haeredes transeunt. Hinc qui vovit peregrinationem, non satisfacit, si conducat alium; neque ad conducendum tenetur, si ipse non possit. L. 217. — 3.<sup>o</sup> Vota parentum filios devoventium culpam religioni, aut ipsis imponentium obligationem, v. g. certis diebus ieiunandi, etc., istos ligare nequeunt. Licet autem filii non teneantur voto parentum, qui illos religioni, vel alicui obligationi devoverunt, parentes tamen votum obligat, ut quantum in ipsis est, salva filiorum libertate, hos moveant ad id, quod pro ipsis voverunt, amplectendum, ac multo magis ne filiis id amplecti volentibus obstat. L. 213. 216.

66. *Vota conditionalia non obligant, cessante conditione, etiamsi ipse vocans causa fuerit, ut conditio non ponatur: modo id non impediat dolo, vi, aut malitia*. — Ratio, quia iam non impletur conditio, licet culpa voventis. L. 218. 219.

67. *Qui voret aliquid faciendum certo tempore, illo transacto sive cum culpa sive sine culpa, ad nihil tenetur, si dies oppositus sit ad finiendam obligationem*, ut, per se et regulariter loquendo, censendum est in votis personalibus, nisi constet de opposito, ut communissime dicunt. Transgressio enim voti ad compensationem non obligat. Unde qui una die non implevit, non tenetur implere alia die. Suarez l. 4. C. 15. Sanch. in Decal. l. 4. C. 14. n. 25. *Secus, si diem apposuisti tantum ad sollicitandam impletionem*, sicut e converso iudicandum est, per se et regulariter, in votis realibus, nisi iterum constet de opposito, cum ille dies nullam habeat magis specialem rationem, quam alii. *Si autem votum indeterminatum sit, quoad tempus*, v. g. de rosario diurno, etc., votum perpetuo obligat, nisi aliud colligatur ex circumstantiis. — Struggl 17., L. 212. 220.

68. *Vota interpretanda sunt secundum benigniorem partem; cum sint leges liberae voluntatis*. L. 224.



69. *Resolves*: 1.<sup>o</sup> Vovens se per mensem auditurum sacrum, probabiliter non tenetur in festis audire duo: sicut probabile etiam est hoc, si imponatur a confessario pro poenitentia. L. 224. — 2.<sup>o</sup> Vovens se recitaturum rosarium, satisfacit recitando tertiam partem, quia communiter sic intelligitur: et satisfacit recitando alternatim, quia tale votum obligat instar officii divini: et etiam satisfacit dividendo decades. L. 224. — 3.<sup>o</sup> Vovens ieiunium se observaturum, potest comedere lacticia. Vovens ieiunium per mensem, non tenetur in dominica. Vovens ieiunium in vigilia alicuius Sancti, quae veniat in dominica, potest anticipare ieiunium in sabbato. Vovens ieiunium singulis sabbatis, probabiliter non tenetur ad votum, si in sabbato cadat Natalis Domini, nisi expresse intenderit adhuc eo die se velle obligare, quia tunc procul dubio tenetur. L. 224. 226. — 4.<sup>o</sup> Cum autem ieiunii materia seu substantia dividua sit, ita ut ad unicam comestionem teneantur ii quoque, qui uterque, sive culpate, sive inculpate carnes manducaverint: ille qui vovit ieiunium, si carnes comedit, et eadem die voti obligatio finitur, saltem ad unicam comestionem servandam tenetur: si vero voti obligatio ea die non finitur, siquidem diei affixa non est, ad ieiunandum alia die tenetur. — 5.<sup>o</sup> Quod si quis immemor voti, vel poenitentiae iniunctae, etc., praestet opus debitum, bene satisfacit voluntate generali, quam quisque censetur habere satisfaciendi prius obligationibus. L. 224. Cf. L. 222. 223.

70. *An materiae leves in votis possint secum coalescere ad materiam gravem efficiendam?* — Vel materiae illae leves voventur separatim et per modum rerum complurium a se invicem disiunctarum, puta ex diverso fine: vel conglobatim et per modum unius. Si 1.<sup>um</sup> omissiones, etsi multiplicentur, materiam gravem nunquam poterunt conflare: quia inter se nullo modo uniuntur. Si 2.<sup>um</sup> possunt utique ob contrariam rationem constituere materiam gravem et pervenire ad mortale. Censentur autem materiae voveri per modum rerum complurium, a se invicem disiunctarum, in votis personalibus: per modum autem unius et conglobatim in votis realibus, nisi de contrario constet: vota enim personalia communiter censentur adfixa diei, unde transactio unius non coalescit cum altero: non item realia; sic v. g. censetur votum reale, si quis voveat dare unam monetulam quotidie per annum: esset vero votum personale, si ille voveat recitare unum Pater singulis anni diebus. Quare omitendo recitare hanc orationem etiam longo tempore esset peccatum veniale, omitiendo vero parvam illam elemosynam, esset grave, cum ad gravem materiam pervenerit. Hinc huiusmodi ommissio supplicia semper erit, cum lapsu temporis voti obligatio non cesset. Attamen si intentio voventis vere dubia esset, votum censetur adfixum diei, adeo ut eius materiae non coalescant, sed quaelibet terminetur in die. Quisque enim censetur se obligare quam minimum possit. Struggl 17. 33., L. 212. 220.

71. *Quaenam dilatio gravis censenda sit?* — 1.<sup>o</sup> Gravis est *per se* quaelibet dilatio voti graviter obligantis, quando temporis determinato affixum est, ut est votum ieiunandi in tali vigilia, etc., quia elapso tempore cessat voti obligatio ex generali principio, quod *transgressio voti* non obligat ad compensationem. — 2.<sup>o</sup> Si vero tempus determinatum non fuerit, aut ad *urgendum* tantum, non etiam ad finientiam voti obligationem praefixum sit, aut dilatio materiam promissam imminuit aut non. Si 1.<sup>um</sup> verificatur dilatio gravis in re gravi peccatum grave erit, nisi excuset rationabilis causa, puta si quis opportunum interim expectet tempus pro fine, quem sibi proposuit. L. 221. Hinc, e. g. si quis vitam religiosam voverit, tunc inquit Tamburini: «considerandum esse tempus, seu aetatem voventis: nam si vovens agat, v. g. decimum quintum annum, trium immo quatuor annorum dilationem non indicarem notabilem: suscipere enim vitam religiosam solent adolecentes circa decimum quintum et vicesimum annum, quando scilicet status vitae consuevit assueri: quare dum aliquis decimum quintum annum agens perpetuam religionem vovet, nisi tempus determinet ad ingressum,

non videtur renunciasse consueto modo, et tempori in assumendo statu vitae... Verum si vovens quadragesimum, v. g., annum aetatis attingeret dilationem ultra sex menses satis esse notabilem libens admitto: talis enim aetas, longiorem moram non permittit». Si vero 2.<sup>um</sup> verificatur, idem Tamburini ait « non videri improbabile dilationem quancunque, modo non sit probabile periculum omittendi omnino votum, non esse nisi venialem. Ratio esse potest, quia nemo cum dat totum quod promisit, et nullum damnum ex mora creditori facit, condemnandus videtur de gravi errore: sed solum de levi negligentia: at nullum damnum ex praedicta dilatione Deo cedit, etc. » Et mox addit: « Illud merito certum est, quando non adest periculum diminutionis servitii, posse etiam sine veniali votum factum sine temporis determinatione, differri, usque ad tempus, quo credit quis se illud cum maiori devotione adimplendum: quia haec cedit ad maiorem Dei honorem ad quem votum ordinatur: quare illa maior sperata devotio, indicanda est causa sufficiens dilationis ». Explic. Dec. l. 3. C. 12. § 3. n. 11., Struggl 19-21. Cf. L. l. 4. n. 72. seqq. Verum alii generatim grave asserunt vota differre temporaria ultra duos vel tres annos, perpetua vero ultra sex menses. L. 221. Cf. S. Th. 2. 2. q. 88. a. 3. ad 3.

72. *Quotuplex peccatum committit qui votum violat?* — Vel votum est de re aliunde praecepta, vel non. Si 1.<sup>um</sup> duplex erit peccatum, unum contra virtutem ad quam pertinet res voto promissa, aliud contra virtutem religionis: nam duplex praeceptum violatur. Si 2.<sup>um</sup> unum erit peccatum contra religionem: quia vovens in hoc casu non aliam sibi vult obligationem imponere, quam quae ab ipsa exoritur vi voti. Malitia autem huius peccati contra religionem *perpétua* est, seu violatio fidelitatis Deo debitae, quae violatio *directe* pertinet ad *irreverentiam Dei*. Utrum autem violatio cuiuscunque voti, i. e. licet non solemnisi, induat etiam malitiam *sacrilegii* stricte talis, i. e. aliud peccatum inducat contra religionem, *directe* pertinens ad *irreverentiam sacrarum rerum*, alii affirmant alii negant. Cf. De l. Dec. Praec. n. 52. Rencaglia Tr. 7. q. 2. C. ult. quaest. 5., L. 213. 224.

73. *De cessatione voti.* — Obligatio voti cessare potest ab intrinseco et ab extrinseco. — *Cessat ab intrinseco*: 1.<sup>o</sup> Si materia antea possibilis fiat impossibilis, antea honesta fiat turpis, antea melius bonum fiat indifferens et impeditiva maioris boni, ratione destructionis ipsius rei, prohibitionis, te novae circumstantiae. Extinguitur enim obligatio, si in eum incidat casum, a quo incipere non possit. L. 225. — 2.<sup>o</sup> Si votum mutes in opus evidenter *melius*; id enim quisque etiam per se potest, modo specialis in casu particulari non habeatur prohibitio. Cf. n. 103. L. 243., G. 334. — 3.<sup>o</sup> Si notabiliter mutetur status rei. « Est communis sententia, ait S. Alph. 223., apud Salm., quod in omni promissione prout est etiam votum, mutatio materiae de se notabilis obligationem auferit. Ratio, quia per mutationem res fit diversa ab ea quae est promissa ». Intellige, « excepto voto simplici castitatis et religionis ». L. l. 4. n. 50., G. Cas. n. 311. — 4.<sup>o</sup> Si res vota facta sit inutilis ad intentum, maxime si magis illius destructiva. — 5.<sup>o</sup> Si ita etiam ferant condiciones illae, quae in quovis etiam voto subintelliguntur. Cf. S. Th. 2. 2. q. 88. a. 3. ad 2. — 6.<sup>o</sup> Si cesset causa finalis illius; secus vero si cesset causa tantum impulsiva. Cf. n. 42. — 7.<sup>o</sup> Quando non impletur conditio, si votum fuerit conditionatum: quando lapsum fuerit tempus determinatum, si votum certo tempori fuerit affixum. Struggl 32-36.

74. *An sit de se sufficiens illa mutatio etiam non notabilis, qua tamen praecisa, quis votum non emisisset?* — 1.<sup>a</sup> Sententia affirmat, et hanc expresse tenet S. Th., qui docet: « Id liberare a voti vel iuramenti obligatione, quod si a principio notum fuisset, ea fieri impediret », in 4. D. 38. q. 1. a. 3. Ratio quia tunc intentio se obligandi vel deficit vel sic interpretatur iuxta dicta num. praec. 5.<sup>o</sup> loco. — 2.<sup>a</sup> Sententia negat: quia ad eximendum voventem ab obligatione voti, non est attendendum ad ill. quod

ipse promississet, si meminisset: sed potius ad id actu promisit. Iam vero S. Alph. 226, loquens de 1.<sup>a</sup> sententia ait: « Haec sententia mihi videtur non minus probabilis, imo forte probabilior ». Eamque quasi *certam* tradit l. 3. n. 729. Cf. hic n. 43. 73. 3.<sup>a</sup>.

75. *Cessat ab extrinseco* per irrationem, dispensationem, commutationem. — Quod spectat ad *irritationem*, voti irritatio est eius annullatio vel suspensio facta ab eo, cuius potestati subest voluntas voventis, aut materia voti. Est 1.<sup>a</sup> *directa*, si cadat *directe* in personam seu in voluntatem voventis; 2.<sup>a</sup> *indirecta*, si cadat tantum in voti materiam. In priori casu votum omnino annihilatur neque amplius reviviscit: in posteriori autem, suspenditur tantum eius obligatio quoad materiam alterius potestati subiectam, et reviviscit, cum vovens fuerit perfecte sui iuris G. 329., Struggl 30. 31. 43.

76. *Irritatio directa*. — Cum non debeat violari cuiusquam dominium, ac quilibet dominus possit uti sua libertate, hinc, si potestati dominativae alterius sit subiecta alienius *voluntas*, potest is subditi istius omnia vota, quaecumque sint, ad suum libitum, sine ulla causa valide irritare *directe*; hoc est, potest velle, et pronunciare ut illa vota nulla sint, ita ut nullo etiam casu obligatio postea reviviscat. Haec enim irritatio non est oppositio alienius impediendi executionis actus voluntatis, sed eius valoris annullatio, idque valet etiam si votum sit in favorem tertii et forté acceptatum. G. Cas. 330. *Potestas dominativa* in hoc a *iurisdictione* distinguitur, quod haec ex iure publici muneris, illa vero ex privati muneris iure exoritur, unde et potestas oeconomica dici solet. Schmalz. l. t. 7. 32. n. 4., Laym. De Leg. C. 5. n. 1. Porro hoc ius provenit ex iure naturali, et etiam ex iure positivo, quo datur alicui legitima potestas dominativa in voluntatem alterius. Ita communiter dd L. 227., Suarez. de Relig. Tr. 6. L. 6. C. 6. 7., S. Th. 2. 2. q. 88. a. 8., q. 185. a. 5. Cf. Bouix de Iure Reg. V. 2. pag. 481-505.

77. *Irritatio indirecta*. — Si alicui non quidem voluntas voventis, sed voti *materia* sit subiecta, ita ut in hanc ius habeat, is tale votum potest irritare irritatione *indirecta*, hoc est, eius obligationem suspendere, in quantum suo iuri praepiatur: idque ex lege naturae docente, quod nemo possit alteri promittere aliquid in praepiudicium tertii. Hinc votum, rerum statu mutato, reviviscit. *Per accidens* vero potest extinguí, si votum, e. g., obliget pro certo tempore, et pro illo licentia denegetur, vel materia prohibeatur. L. 241., S. Th. 2. 2. q. 88. a. 8.

78. *Superior irritare potest vota, licet haec a se ratihabita fuerint*; quia nequit sibi adimere potestatem, quam in subditos habet. L. 239. Contra vero, qui semel votum irritavit, si postea nolit, non ideo votum revalidatur. Ratio vero est, quia per irrationem votum extinguitur. Ut extinctum autem reviviscat, nihil confert poenitentia superioris, qui irritavit, sed requiritur subditi voluntas, qui se iterum voto obliget. G. 321. *Insuper vota facta tempore subiectionis, possunt adhuc irritari post illud*, v. g. quando filius iam est pubes, et haec est, ait S. Alph. 238., probabilior sententia. Duplicem autem regulam hac in re tradit Sanchesius in Decal. L. 4. C. 39. n. 7. 8. « Prior est: Quando potestas superioris, cuius tempore votum emissum est, non est omnino extincta aut omnino suspensa, sed quoad aliqua manet, potest irritare votum subiectionis suae tempore emissum, etsi illud iam transierit; dimittendo eo transacto non sit denuo confirmatum (intellige, confirmatum, modo erat tunc voti fuisse infirma, ut habet S. Alph. l. c.). Posterior regula est: Quando ea superioris potestas est omnino extincta aut omnino suspensa, nequit irritare ea vota ».

79. *Vota irritare subditorum sine causa de se nullum peccatum est*; quia censentur emissa sub conditione consensus superioris; unde obedientia



stat pro causa. Dicitur *de se* quia in praxi difficulter poterit a veniendi excusari: esset enim actus otiosus et irrationabiliter perfectus alterius impeditur. Non tamen id communiter peccatum veniale excedit. Ad excusandum autem a veniendi sufficit quaevis causa rationalis. Malet putem Suarez de Relig. Tr. 6. l. 6. C. 7. n. 16. ad irritandum sufficere minorem causam, quam ad dispensandum. Unde ex omnium sententia infert, subditum, qui petat a suo praefato irritationem voti, quando non habet causam, quae ad istam dispensationem sufficiat, **non peccare, quia (inquit) utitur iure suo.** Item, quia votum non fuit absolutum, sed conditionatum, et per illud non se obligavit ad cavendum, ne conditio impediretur, vel ad non praevendendum, ut non poneretur, ut constat ex communis modo vocentis. Item non est peccatum, se ostendere propensum ad irritationem: quia hoc neque est contra votum, neque contra aliud praecceptum. Tandem qui sentit onera religionis, sine peccato potest frui commodis inus. Ergo qui se subiecit potestati superioris, ut ab illo onera recipiat, non peccat procurando licitis mediis adque levamen per eiusdem potestatem. Sicut ergo non peccat praefatus irritando, ita nec subditus petendi. L. 228., C. 331.

80. *Resolves*: 1.<sup>o</sup> Vota religiosorum, quaecumque etiam interna, etiam sub praedecessoribus emissa, irritare possunt directe, praeter Papam (Papa omnia quidem potest directe irritare vota religiosorum; et episcopus personalium subiectarum), abbates, guardiani, priores et rectores, etiam si praefati secundarii absentibus primariis, ac probabiliter etiam abbatibus. Excepitur tamen praeter ipsa vota professionis religiosae, uti statuit Trid. S. 25. C. 4. de Reg., votum transeundi ad religionem strictiorem, uti statuitur C. *Locat de Regal.* Hoc votum nec Pape potest irritare; prout est supremus religiosi ordinis praefatus, licet ab ipso non solum Papa, sed et praefatus regularis possit dispensare. L. 233. 242., Struggl 37. 38., S. Th. 2. 2. q. 88. a. 8.

81. *Nota*: 1.<sup>o</sup> Praefatus pariter potest licite et valide irritare votum subditi, a praedecessore aequali vel inferiore confirmatum, non tamen a superiore. L. 239. — 2.<sup>o</sup> Certum est vota religiosorum per professionem extingui, ut habetur ex C. *Scripturae* 4. de Vota. a Reus fracti voti non habetur, qui tempore obsequium in perpetuum nascitur religionis observantiam *commutare* 5. L. 237., S. Th. 2. 2. q. 88. a. 8. 22. — 3.<sup>o</sup> Ad novitios vero quod attinet, possunt praefati regulares indirecte irritare vota personarum novitii, quando harum executio praepiudicat exercitiis probationis. Nequit vero irritare eorum vota realia, quia haec non praepiudicant exercitiis probationis. Struggl 42.

82. 2.<sup>o</sup> Pater, sive avus paternus in eius defectu, potest irritare quaecumque impuberum vota, sive personalia, sive realia adhuc castitatis et religionis, etiam si filius sit doli capax, et etiam si votum sit de peculio castrensi, vel quasi, quia in tali aetate deficit perfecta deliberatio ad tantam obligationem, quare, ad talem defectum natura prospexit, praebendo parentibus facultatem talia vota irritandi. Impubertas autem finitur in masculis anno quarto decimo completo; in feminis, anno duodecimo completo a die nativitatis computando. In dubio an votum sit emissum ante vel post pubertatem, adhuc potest pater id irritare quia praevalet eius potestas. Filiorum vero puberum non possunt parentes irritare vota personalia, puta castitatis, etc. nisi indirecte, h. e. nisi praepiudicent domesticae gubernationi, prout vota peregrinationis, etc. Bene item indirecte possunt irritare vota realia puberum in minori aetate, quia in ea carent ipsi administratione bonorum. Exeipe, si votum sit de peculio castrensi, vel quasi; vel si filius exierit e patria potestate. Quod dictum est de patre, dicendum etiam de tutore respectu pupilli, et de curatore respectu minoris; et si sit plures tutores, vel curatores, quilibet eandem potestatem habet. L. 229. 242., S. Th. 2. 2. q. 88. a. 8. 9.

83. Mater potest irritare vota filiorum, *deficiente patre*, si sit designata tutrix aut curatrix, et potest quod tutores et cacteri, ut supra, possunt. Sed si non fuit designata ut tutrix vel curatrix, et filius careat patre, vel avo paterno. Sanch., Suar., etc. putant tunc filium esse sui iuris. Sed oppositum, scilicet, quod in eo casu incumbat matri esse tutricem, vel curatricem, probabilius tenent Salm., Tamb., etc., quia rationabile est, ut mater, vel avia minori provideat: et ideo bene potest eorum vota, ut tutrix vel curatrix irritare. Negant autem Sanch., Suar., etc. posse matrem vota filiorum irritare, *praesente patre vel tutore*, et dicunt matrem, et deficiente matre, avum, vel aviam ex parte matris, posse tantum vota impuberum irritare, quando deficit pater vel tutor. Sed non minus probabiliter, Salm., Rone., etc., asserunt matrem, etiam *praesente patre vel tutore*, posse irritare vota omnia impuberum, etiam castitatis et religionis, et etiam vota personalia puberum, quae praeiudicant gubernationi domus; non vero realia, quorum administratio pertinet ad patrem vel curatorem. Ratio, quia talis potestas, licet non civiliter (Iure nempe Communi soli competat patrifamilias), naturaliter tamen etiam est in matre, cui filii tenentur obedire, etsi cum subordinatione ad patrem: ita ut possit pater irritare vota filiorum, contradicente matre; sed non sic mater, contradicente patre. Recentioribus vero legibus patria potestas in patre et matre est, licet a patre solum exerceatur. C. 1. 220. C. G. 373. L. 230., S. Th. 2. 2. q. 88. a. 8. 9., Struggl. 39. 40.

84. *Nota*: Iuri positivo debetur, nempe Iuri Communi, quod parentes possint *directe* irritare tantum vota filiorum impuberum, indirecte vero vota puberum. Distinctio impuberum et puberum recentioribus legibus praetermittitur. Hinc putat D'Annib. P. 3. n. 524. 526. posse parentes directe vota omnia filiorum irritare usque dum maneant sub patria potestate. C. 1. 220., C. G. 372., C. A. 174. L. 227.

85. 4.<sup>o</sup> Probabilius est, quod vir possit directe omnia vota uxoris irritare, licet non praeiudicent usui matrimonii, vel proles educationi, vel gubernationi domesticae. Et ratio est tum quia maritus in uxorem dominatum habet, tum quia expedit valde ad pacem familiae, ad mutuum amorem fovendum, quod uxor voluntatem totaliter a viro dependentem habeat, et sic impetus feminarum retundatur. Potest ergo vir irritare etiam vota castitatis et religionis ab uxore emissa, et exequenda post mortem viri. L. 234. Non potest vero vir directe irritare vota ab uxore emissa ante matrimonium, sed bene potest illorum suspendere executionem, quatenus praeiudicant suae potestati. — L. 237., S. Th. 2. 2. q. 88. a. 8.

86. 5.<sup>o</sup> E converso, uxor nequit irritare vota viri, nisi sibi praeiudicent, ut votum longae peregrinationis, etc., vel etiam votum non petendi debitum, ut probabilius tenent Spor., Laym., etc. contra Less., Sanch., etc., quia valde grave esset pudori uxoris cogi semper ad petendum. Talia vota docent del., communiter esse irritanda; at potius videntur esse invalida, utpote de materia inepta, sicut sentiunt Salm. L. 235. 242., S. Th. 2. 2. q. 8. a. 8.

87. *Nota*: Possent coniuges etiam continentiae votum mutuo consensu emissum invicem irritare. Id consequi videtur ex potestate viri *directe* irritandi vota uxoris; ex potestate uxoris *indirecte* irritandi vota mariti, ex potestate irritandi vota etiam a se approbata seu ratihabita. Id negat S. Alph. 236. Non desunt tamen graves doctores qui id affirmant. G. B. S. Th. 2. 2. q. 88. a. 8. ad 3. Cf. Sanch. 1. 4. D'Annib. 531. C. 32. n. 7., Suarez 1. 4. C. 6. n. 1.

88. 6. Dominus potest irritare quaecumque vota realia servorum seu mancipiorum, nisi illi aliquid de proprio habeant, et personalia, quae domino praeiudicant, prout religionis, etc., non vero castitatis, etc. Vota haec servorum et famulorum nequeunt tamen ab heris directe irritari, sed tantum

indirecte, seu suspensi possunt pro tempore servitutis et famulatus, quatenus debitis obsequiis praedificent. Salvo, Sanch., Suar., etc. l. 240. 242., S. Th. 2. 2. q. 88. a. 8.

89. *An vir vel praelatus possit directe irritare uxoris aut religiosi vota, de quibus dubitatur, an sint emissa ante vel post subiectionem?* — Ratio dubitandi est, quia nullus praelatorum superiorum potest directe irritare vota emissa ante subiectionem, v. g. ante matrimonium. Porro negat S. Alph. 237. Ratio, quia vota sunt certa, et incerta est viri vel praelati possessio, eo quod dubitatur, an vota emissa fuerint necne tempore, quo incepit subiectio. Affirmant vero Suarez, Sanch., alique. Ratio, quia e contra possessio praesentis voluntatis subditi est certa, cum certum sit, illam esse uxorem, vel hunc religiosum; at exceptio quod illa vota est dubia: quare usquedum probetur exceptio, scilicet quod vota sunt emissa ante subiectionem, praevalet certa possessio superioris. Sicut a pari coniux dubitans de valore matrimonii tenetur reddere debitum alteri potenti ob certam suam possessionem, ut habetur ex C. *Dominus de Secund. nuptiis*.

90. *Quoad dispensationem voti*, haec est: voti remissio facta Dei ipsius nomine ob iustam causam ab habente spirituales iurisdictionem in foro externo. *Remissio*, quia non intelligitur solutio obligationis iuris naturae, sed actio qua Ecclesia Dei nomine subtrahit voto materiam: hoc patet exemplo illius, qui remittit promissionem sibi factam: non enim dispensat in iure naturali standi promissis, sed contractum rescindit, illius obligationem remittendo. Hanc porro facultatem Ecclesiae inesse constat tum ex facto, cum semper ea usa sit: tum ex iure, cum id expediat fidelium bono, et generalia sint illa Christi verba: *quodcumque solveritis*, etc.: soli autem Ecclesiae inesse, constat ex eo quod hic actus sit spiritualis: solius ergo potestatis spiritualis esse debet. *Dei nomine facta*: cum enim Ecclesia non dispense in lege sua, sed Dei, non nisi ipsius Dei nomine id agere potest. Hinc discrimen constat inter dispensationem et irritationem. *Dispensatio* in votum cadit, prout hoc ex Dei acceptance pendet. *Irritatio* vero in votum cadit, prout hoc quasi conditionatum est, vel ex parte voluntatis voventis, vel ex parte rei promissae superioris potestati subiectae ab eaque dependentis. Irritatio fieri potest, invito vovente, et superior prohibendo materiam, vel resistendo obligationi voti, aufert conditionem, scilicet honestatis, sine qua votum validum esse non potest. *Dispensatio* e contra invito vovente, fieri non potest, quia cum in voto obligatio a propria pendet voluntate, dispensationem non acceptando votum quis quasi confirmat, vel iterum emittit. *Ob iustam causam*: quia interior cum sit simplex executer, non potest sine iuxta proportionata causa dispensare in lege superioris: quod si agat, invalide agit: et peccat, nisi bona fides eum excuset. *Ab habente*, etc., cum enim potestas haec ad externam gubernationem pertineat, sicuti potestas ferendi leges, quarum naturam imitatur votum, hanc facultatem a voto dispensandi non possunt ut propriam habere, nisi qui externa pollent iurisdictione. Adde promissionem acceptatum solvi non posse, nisi consentiat qui acceptavit, vel eius repraesentator. l. 250., S. Th. 2. 2. q. 88. a. 12.

91. *Quinam dispensare possint a votis, et cum quibusnam.* — 1. Papa respectu omnium fidelium et omnium votorum etiam solemnium. 2. Episcopus respectu suorum subditorum, etiam peregrinorum, in omnibus votis Papae non reservatis: non autem parochus, quia tantum habet iurisdictionem fori interni. Neque vero ex iure aut ex consuetudine talis facultas ipsi communicatur. 3. Praelati regulares exempti respectu suorum religiosorum et novitorum, quoad vota, quae vel in saeculo, vel etiam in novitiatu fecerunt, exceptis votis reservatis. Non possunt vero dispensare praelati non exempti, neque abbatissae, imo neque poenitentarii, neque vicarii episcopi, nisi facultas specialiter his delegetur. 4. Ex speciali privilegio omnes censesarii regulares possunt dispensare in votis, non reservatis, fidelium, intra vel extra



confessionem, neque vero requiritur, quod sit confessarius ordinarius voto obstricti. Alii confessarii nullam habent hac in re facultatem, nisi ipsis a Papa vel ab episcopo communicetur. 5. Eandem facultatem habent Legati a latere, et Nunci in provincia sibi commissa: item Capitulum, Sede vacante, et Aylates episcopalem iurisdictionem habentes. — L. 256, 257, 262., S. Tr. 4. D. 38. q. 1. a. 4. q. 1. ad 3., 2. 2. q. 88. a. 9. 10. 11. Struggl. 1. 45. 46. 47. Cf. Diana Tr. 4. de Voto et Iuramento R. 78., Tr. 1. de Dubiis Regularium R. 274. 275.

92. *Nota:* In votis religiosorum dispensari potest a suis praelatis, etsi fuerint emissi cum licentia ipsorum: et etiamsi fuerit votum transcendendi ad strictiorem religionem, si nullus insecatur religiosum manere in sua. Potest episcopus cum suis subditis dispensare in voto ingrediendo astrictiorem religionem, voto reliquis quod substantium relicto: cum nullo iure talis dispensatio inveniat res tracta. Facultas autem dispensandi potest aditis praelatis delegari etiam simplici clerico tonsurato. In votis substantialibus ratiocinis, vel ipsis annexis, prout voto non edendi carnes, etc., quae solent emitti in aliquibus religionibus, requirit dispensari nisi a Pontifice. Praeterea in votis nullo iure, si non sint reservata, potest dispensari tum a praelatis religionis, tum etiam ab episcopo proprio. L. 257.

93. *Quotnam sint iustae causae dispensationis?* — Haec S. Alph.: 1. Periculum Ecclesiae, vel commune reipublicae, vel familiae, vel profectus viventis. 2. Periculum transgressionis ob indispositionem particularem viventis, vel ob communem fragilitatem hominum. 3. Magna difficultas in executione, non solum si non fuit praevisa, sed etiam si praevisa fuerit: tum quia tunc etiam adest periculum transgressionis: tum quia res multo difficilius apprehenditur dum incipit executio, quam dum deliberatur: et etiamsi talis difficultas ortum habeat ex fragilitate viventis. 4. Si vivens vocetur iniquis scrupulis. 5. Si votum emissum sit immature, scilicet cum nimis molliori, vel ex imperfecta deliberatione, vel sine perfecta libertate. Ob hanc rationem in votis impuberum sine alia causa potest absolute dispensari sine aliqua commutatione. 6. Si votum sit emissum ob metum levem, immensum ab extrinseco. 7. Quando imperfecta deliberatio, aut libertas in vivente processit ex tristitia, sive metu intrinseco naufragii, mortis, vel alterius mali, quia tunc immature vota fieri solent, et ideo potest in eis dispensari sine commutatione. Si autem constaret maturam adfuisse deliberationem: tunc dispensationi adhibeatur aliqua commutatio. Sicut etiam fieri debet, si cesset causa impulsiva voti. — L. 250. 252. 253., Struggl. 46. 47.

94. *An superior possit dispensare in votis ad utilitatem proximi potius?* — Votum licet gratuitum, si fuit emissum in solius hominis utilitatem, vel principaliter in utilitatem tertii, et iste tertius sit determinatus, v. g. talis pauper, talis ecclesia, nullo modo potest dispensari, ubi semel a paupere vel rectore illius ecclesiae acceptatum sit: nam ille pauper, illa ecclesia, verum ius acquirunt, quo quidem citra iniuriam sine consensu partis spoliari non potest. Dicitur *licet sed gratuitum*, nam multo minus potest dispensari praeterito nuntio, onerosa, ut contingit in votis et iuramentis per se onerosa, quae fiunt in aliquibus congregationibus: nam illa tunc assumunt rationem contractus, nempe congregatio se obligat ad sustentandum subditum, et hunc ad inserviendum, et ita declaravit Benedict. XIV. C. *Commutato*, 25. Nov. 1749. §. 32., quod confirmavit C. *Inter praetritos*, 3. Dec. 1749. §. 16. *Inter vel principaliter in utilitatem tertii*: nam si principaliter sit contractum in Deum legem: tunc tertius non acquireret verum ius ad rem promissam, nisi dependenter a Dei voluntate, quae quidem relaxari potest, c. *Spener*, Viva, Fagnani, etc. dicunt satis esse probabile quod bene potest tale votum commutari auctoritate praelati vel propria etiam post acceptationem &c. L. 255. Hoc autem quod dictum est de voto dicendum

etiam est de iuramento *principaliter* emisso in honorem Dei, quod possit relaxari ab episcopo sine consensu partis. Dicitur *si tertius sit determinatus*, nam promissio facta soli Deo dandi aliquid, e. g. pauperibus indeterminatis semper dispensari et commutari potest. Dicitur *si sit acceptatum*, nam ante acceptationem non habetur consummata traditio et communissima sententia est posse tunc dispensari et commutari. L. 255. 726. Cf. Suarez l. 6. C. 15. n. 7. 8., Sanch. l. 4. C. 41. n. 15.

95. *Quatenam sint vota Papae reservata?* — Ex consuetudine ubique recepta atque ex ipso iure Canon. praeter vota religionis, eisque annexa, sunt haec quinque: 1.<sup>o</sup> votum religionem approbatam ingrediendi; 2.<sup>o</sup> votum perpetuae et integrae seu totalis castitatis; 3.<sup>o</sup> votum peregrinationis ad sepulchrum Domini in Hierusalem; 4.<sup>o</sup> votum peregrinationis ad limina Apostolorum Petri et Pauli; 5.<sup>o</sup> demum votum peregrinationis ad visitandum reliquias S. Jacobi Compostellae. Unde in generali concessione dispensandi in omnibus votis, quinque ista vota non comprehenduntur, licet expresse non excipiantur. Ratio, quia illa quae speciatim reservantur specialem postulant concessionem. Struggl 48., L. 258.

96. *Nota:* 1.<sup>o</sup> Haec reservatio utpote odiosa stricte semper est interpretanda adeoque reservatio non habetur: 1.<sup>o</sup> si non sint perfecta ratione voti, e. g. si sint emissa sub obligatione levi; 2.<sup>o</sup> si non sint perfecta ratione affectus ad rem promissam, e. g. si votum disiunctivum facias puta religionis aut ieiunii; vel si votum sub conditione facias castitatis, impleta etiam conditione, vel votum adeundi Romam ad invisendum sepulchrum S. Aloysii Gonzagae, vel eundi in Palaestinam ad inserviendum peregrinis, infirmis, etc.; 3.<sup>o</sup> si non sint perfecta ratione libertatis, e. g. si sint emissa ex metu, etiam levi ab alio incusso; 4.<sup>o</sup> si non sint perfecta ratione materiae, e. g. votum non nubendi, vel votum castitatis quoad actus externos tantum et non etiam quoad internos, religionis non approbatae, vel in qua non fiunt vota solemnia. — Struggl 49. seqq., L. 258 261.

97. 2.<sup>o</sup> Quamvis vota sint reservata non sunt tamen reservatae circumstantiae ipsorum, e. g. peregrinandi mendicando, ingrediendi religionem statim, etc. L. 258.

98. 3.<sup>o</sup> Episcopi et similem iurisdictionem habentes possunt recte dispensare in votis reservatis in urgenti necessitate, puta, si non sit facilis accessus ad Papam, et in mora sit periculum gravis damni, vel spiritualis, prout violationis voti, scandali, rixarum, vel temporalis, proprii aut alieni, nimirum gravis infamiae mulieris et similium. Praedicta facultas, quae probabiliter conceditur episcopis, et aliis quibus ab ipsis communicata est potestas dispensandi in votis reservatis, urgente necessitate, non conceditur confessoriis in lubilaeo habentibus a Papa facultatem dispensandi in votis simplicibus. Dispositio autem praefata non est concedenda, nisi quatenus necessitas obliget; unde si sufficiat, ut suspendatur votum, non potest dispensari. — Struggl 56., L. 258. Cf. Diana Tr. 1. de Dubiis Regular R. 277.

99. 4.<sup>o</sup> Potest episcopus dispensare coniugem a voto castitatis perpetuae tum ante, tum post matrimonium emisso in ordine ad debitum potendum; quia dispensare ipse potest ab omni impedimento exercitum actus conjugalis impediante. Idipsum possunt confessori mendicantes, et quidem tum intra, tum extra confessionem. G. 333., L. 258., l. 6. n. 986. 987.

100. 5.<sup>o</sup> Licet facultas dispensandi a iuramento aequiparari imo et associari soleat facultati dispensandi a voto, iuramentum tamen castitatis, religionis, etc. reservatum non est. L. 259.

101. *Ad commutationem quod attinet*, ea est: substitutio unius materiae in locum illius, quae fuit voto promissa, facta sub eadem voti obligatione. Triplici autem modo contingere potest, nempe in melius, in aequale,

in minus. Haec autem facultas commutandi, uti et facultas dispensandi intelligitur sine praeiudicio tertii. Deus enim ratam non habet dispensationem vel commutationem iniustam et iniuriosam alteri.

102. *Qui habet potestatem dispensandi in votis habet etiam potestatem commutandi*: quia commutatio est pars dispensationis. Praeterea, iuxta Reg. 53. Iuris «Cui licet quod est plus, licet utique quod est minus» in eodem nempe genere. Non tamen potest dispensare qui tantum habet facultatem commutandi: quia minus non continet quod maius est. Struggl 57., L. 246.

103. *Quisquis potest privata auctoritate, et sine causa speciali, votum suum commutare in opus evidenter melius*, modo id Ecclesia in casu particulari non prohibuerit: quia dum quis peragit opus re promissa perfectius, eo ipso id servat quod promiserat, cum perfectum in perfectiori eminenter includatur. Constat insuper ex C. 3. *de Iurciurando*. Melius autem censetur, quod ad maiorem utilitatem spiritualem voventis, ac maius Dei obsequium conducit. Excipe tamen vota Papae reservata, nisi mutatio fiat in statum religiosum uti statuitur C. *Scripturae de Voto*, L. 243. Excipe etiam nisi votum factum fuerit in favorem tertii, ab eoque acceptata sit promissio, quia commutatio ista quae fiat cum alterius iniuria grata esse nequit Deo. Dicitur *in opus evidenter melius*. Nam qui votum emisit, illud in bonum minus propria auctoritate commutare nequit: debet enim Deo dare, quidquid promisit. Ita omnes. Utrum vero possit mutare votum suum in bonum aequale, controversitur. 1.<sup>a</sup> Sententia probabilior negat ex S. Th., «quia commutatio est quidam contractus, qui perfici nequit absque consensu eius qui vicem Dei gerit in terris, scilicet Praelati». In 4. D. 38. q. 1. a. 4. q. 1. Deinde, quia supposita promissione, magis gratum censetur esse Deo, ut vovens fidelis sit ei praestando potius rem promissam, quam aliam aequalem. Ita Sanchez, Cai., Covar., Sot., etc. 2.<sup>a</sup> Sententia, quam tenent Elbel., Tamb., Sal., Bon., etc., affirmat. Ratio, quia praesumitur Deus acceptare opus quoad substantiam aequale, ob benignitatem divinam, saltem ut hilarius ei oblatio praestetur. — Struggl 58., L. 244.

104. *Sacerdos delegatus ad vota mere commutanda, ea in opus notabiliter minus commutare nequit*: quia secus magna ex parte dispensaret, et sic acceptam facultatem excederet. Attamen facultas vota commutandi non adeo stricte est interpretanda, ut ad opus omnino aequale coarctetur, sed latiori sensu accipienda est, adeo ut ad opus aliquanto minus sese porrigat: secus enim innumeris difficultatibus et scrupulis obnoxia foret, cum difficillimum sit aequalitatem invenire in rebus omnino disparatis. Insuper commutatio fore debet in allevationem eius fieri, qui sese voto obstrinxit. G. 334., L. 247.

105. *An requiratur causa aliqua ad votum in opus aequale vel minus commutandum?* — R. Affirmat. quoad liceitatem, quia secus praelatus prodige potestate commutandi uteretur. Affirmat. etiam probabiliter quoad validitatem quia praelatus facultatem habet hac in re delegatam; delegatus enim nequit valide sine iusta causa dispensare: commutatio autem dispensatio quaedam est. Attamen sententiam oppositam probabilem dicit. S. Alph. 245. Ratio, quia cum maior obligatio non sit erga homines, quam supplendi, tanto magis id valet cum Deo, quocum mitius agitur, seu qui nobiscum mitius agit.

106. *Nota*: Ad commutationem voti minor requiritur causa quam ad dispensationem, quia dispensatio plane liberat ab obligatione voti, commutatio vero aequali subrogat; et rursus minor requiritur ad commutandum in aequale quam in minus: sufficit enim maior propensio personae, vel minus periculum votum transgrediendi. G. 335., L. 244.

107. *An facta commutatione liceat redire ad primum opus?* — 1.<sup>a</sup> Af-



firmat., si commutatio facta fuerit in minus vel aequale, quia primum opus est aequè gratum Deo, imò et grātius videtur. Ita communiter. 2.<sup>o</sup> Affirmat., probabilius, etiamsi facta fuerit in melius, quia commutatio fit in favorem voventis. L. 248.

108. *Resolves*: Licet vovens redierit ad primum opus potest tamen iterum relire ad secundum subrogatum. Et praeterea si pluries facta sit commutatio in diversa opera potest vovens eligere eorum quodcumque malit. L. 248.

109. *An debeas redire ad primum opus, si secundum fiat impossibile?* — 1.<sup>o</sup> Negat., si mutatio facta sit alterius auctoritate, etiamsi tua culpa impossibile fieret: quia prior obligatio per commutationem ipsam dissoluta est. 2.<sup>o</sup> Affirmat., si pro tuo arbitrio commutationem feceris: quia tunc non dissolvitur prior obligatio, sed tantum suppleri supponitur per aequalem aut meliorem. Ita communissime. L. 249., G. 335. Verum negat D'Annib. 534. siquidem Dei acceptione prior obligatio extincta est.

110. *An commutato voto reservato etiam materia subrogata reservata maneat?* — R. Negat.: ita communiter et probabilius. Ratio, quia licet materia subrogata habeat idem vinculum voti: cum tamen ipsa minime sit reservata, secum minime trahit reservationem, quae tantum primae addicta est. G. 335., L. 260.

111. *An habens facultatem commutandi vota pro aliis habeat etiam pro se?* — R. Affirmat., sicut de facultate dispensandi docent communiter Sanch., Bonac. etc. L. 249, 256.

## V. — DE ADIURATIONE

112. *Quid sit adiuratio?* — Adiuratio est: contestatio per Deum, Sanctos vel rem sacram facta ad inducendam naturam intellectualem ad aliquid agendum, aut omittendum. Dicitur *contestatio*, i. e. invocatio nominis Dei etc.: *per Deum* etc. innuitur motivum propter cuius amorem, respectum, aut timorem adiurans alterum intendit inducere ad aliquid agendum aut omittendum: *facta ad inducendum*, superiores quidem deprecando, inferiores imperando: *naturam intellectualem* nempe Deum, Angelos, homines, daemones. Quare creaturae irrationales proprie et *directe* non adiurantur sed tantum *indirecte*, adiurando nempe Deum, vel Sanctos ut earum usus nos adiuvet, vel daemones ut per eas desistant nocere. L. 1. 3., S. Th. 2. 2. q. 90. a. 1. 2. 3.

113. *Quotuplex sit adiuratio?* — Adiuratio alia est *solemnis* vel *privata*, prout fit ab Ecclesiae ministris, et modo ab ea determinato, vel solemnitatibus destituatur; alia est *deprecativa* vel *imperativa*, prout fit per preces vel per imperium. L. 1. 3., Struggl 37. seqq.

114. *Ut adiuratio sit licita tria requiruntur*, sicut in iuramento, scilicet 1.<sup>o</sup> *veritas*, i. e. ut adiurans vere intendat assequi quod petit, et vera sit causa, ob quam petit: carentia autem huius veritatis raro erit plusquam venialis, quum Deus reipsa non invocetur in testem falsi. Unde mendicus, qui fingit se pauperem et petit per Jesum Christum, peccat contra religionem: eius tamen peccatum veniale est. 2.<sup>o</sup> *Iustitia*, ex cuius carentia certe graviter peccat rem petens graviter malam ex comm. dd. sententia. Si rem vero quis petat leviter malam, alii tenent esse mortale, alii veniale. Si quis tamen adiuraret Deum ipsum aut Sanctos deliberate, ut sibi opem

ferat ad rem etiam leviter illicitam peccaret mortaliter, quia talis adiuratio esset directe contra Sanctitatem Dei. 3.<sup>o</sup> *Iudicium*, i. e. debita discretio: adeoque et adsit sufficiens causa adiurandi, et debita sit submissio et resignatio in voluntatem divinam. Huius iudicii carentia certe non est nisi venialis. L. 2.

115. *Privata adiuratio contra daemones omnibus quidem licita est.* Solemnis vero adiuratio per exorcismos competit solis ministris rite ordinatis in Ecclesia, nempe exorcistis: est enim actus ordinis. Verum ipsa in praesente Ecclesiae disciplina non nisi cum episcopi expressa licentia fieri potest, sine qua sub gravi prohibetur. L. 4., S. Th. 2. 2. q. 90. a. 2.

116. *Nota:* 1.<sup>o</sup> Adiuratio contra daemones fieri debet tantum modo imperativo, non vero deprecativo. Ratio est, quia daemones nihil faciunt ex respectu divini honoris, sed ex timore divinae potestatis. Struggl 43. — 2.<sup>o</sup> Nullo pacto fieri potest talis adiuratio daemonis ut opem praestet, sed fieri debet tantum ad removenda damna et vexationem obsessi; neque vero ad vanitatem et curiositatem. L. 5. Ratio est, quia nobis a Deo non est data potestas ad daemones invocandos, sed solum ad fugandos, tanquam infensissimos hostes Dei et animarum. Struggl 42., S. Th. 2. 2. q. 90. a. 2.

117. *An peccet qui sermones cum daemone immiscret?* — Dicunt dd. communiter non posse excusari a peccato gravi, qui multos sermones inutiliter haberet cum daemone obsidente. At quaerere a daemone unam vel alteram rem curiosam affirmat Pal. esse mortale; sed S. Alph. probabilius ait esse tantum veniale, si revera adiuratio fiat modo imperativo. Licet vero exorcistis interrogare daemonem de omnibus, quae ad eius expulsionem conducunt, v. g. de numero et nominibus eorum, qui in obsessio habitant, a quanto tempore et qua de causa, de signo egressus, etc. L. 5.

118. *An liceat quaerere imperative a daemone manifestationem aliquius veritatis?* — R. Negat Elbel, quia ut ait non videntur ministri aliam habere potestatem, nisi interrogandi tantum de iis, quae ad eum expellendum conferunt. Sed probabilius et communissime affirmatur licere, si id conducat ad divinam gloriam. Expresse id docet S. Th. 2. 2. q. 95. a. 4. ad 1. L. 5.

## VI. — DE LAUDE DEI

119. *Quid sit laus Dei?* — Laus Dei locutio est, qua excellentiam et beneficentiam Dei cum honore profiteamur. Locutio haec non fit, ut Deo cordium inspectori affectus nostros manifestemus, sed ut nosmetipsos et alios audientes ad eius reverentiam moveamus. Hinc haec laus dupliciter fieri solet: 1.<sup>o</sup> simplici locutione; 2.<sup>o</sup> cantu. Cf. S. Th. 2. 2. q. 91. Porro de sola laude Dei canonica seu horis canonicis in Theologia Morali sermo est. De ea vero agendum in Tract. de praeceptis particularibus. — S. Th. 2. 2. q. 91.

## DE TERTIO DECALOGI PRAECEPTO

## I. — DE PRAECEPTO AUDIENDI MISSAM

1. *Quid tertio Decalogi Praecepto praecipitur?* — Tertium Decalogi praeceptum est: *Memento, ut diem sabbati sanctifices...* Non facies omne opus in eo. Ex. 20., S. 10. Praeceptum hoc naturale est, quatenus praecipit, ut aliquod tempus publico divino cultui dedicetur; quatenus vero in L. V. sabbatum, in L. N. diem dominicam, ex Ecclesiae determinatione, aliosque festos dies designat positivum est. S. Th. 2. 2. q. 122. a. 4. ad 4. Hoc praeceptum qua negativum est, opera servilia die festo potissimum prohibet. Qua vero affirmativum est, praecipit *sub gravi* dominicis aliisque festis diebus interesse sacro. Idque constat 1.<sup>o</sup> ex variis iuris Can. locis, praesertim ex C. *Missas* 64. de *Consecr.* D. 1., item ex C. *Omnes* 63. de *Consecr.* D. 1. 2.<sup>o</sup> Ex omnibus catechismis, quibus indubium praeceptum de missa his diebus audienda declaratur. 3.<sup>o</sup> Ex prop. 52. damn. ab Innoc. XI. — Praeter istud vero nihil aliud *sub gravi*, vel etiam *sub levi per se*, praecipit. Ratio est, quia reipsa nihil aliud in iure praeceptum invenitur; aut legitime consuetudine inductum, ut habet communis thth. doctrina. — Unde patet 1.<sup>o</sup> nullam reipsa esse ex vi huius praecepti, qua naturale et qui ecclesiasticum est, obligationem *sub gravi*, aut *sub levi per se* assistendi officio vespertino diebus dominicis et festis; aut concionem audiendi. Dicitur *ex vi huius praecepti*: nam forte quis peccare posset contra alias virtutes et obligationes sui status, concionem, catechesim, et caetera pietatis opera omit-tendo. 2.<sup>o</sup> Huic praecepto satisfacere, qui unam missam audit die Nativitatis J. C. 3.<sup>o</sup> Nullam esse obligationem audiendi missam die cinerum, feria V., VI. et sabb maioris hebdomadae, neque diebus rogationum; et die omnium fidelium defunctorum. — Obligat autem hoc praeceptum omnes baptizatos usum rationis habentes, etiam sacerdotes non celebrantes; non autem infantes ante expletum septennium, vel catechumenos. Ratio 1.<sup>a</sup> est, quia est universale. Ratio 2.<sup>a</sup>, quia tunc illud humano modo servandi capaces sunt. Ratio 3.<sup>a</sup>, quia non sunt Ecclesiae subiecti. — Tandem obligatio diei festi incipit a media nocte ad aliam. Talis enim est usus hodiernus Ecclesiae Romanae. Cat. Rom. v. 1. seqq., L. 263.-271.-308., S. Th. 2. 2. q. 122. a. 4., Struggl 12.-14., Ithur. Cas. 20. n. 1.-4.

2. *De obligatione missam rite audiendi.* — Ad missam rite audiendam requiritur 1.<sup>o</sup> ut tota missa audiatur; 2.<sup>o</sup> ut in loco debito; 3.<sup>o</sup> corpore praesenti; 4.<sup>o</sup> mente attenta.

3. *Missam sub gravi obligatione debet audiri integra; et consequenter omittere libere notabilem eius partem est peccatum mortale.* — Prob. 1.<sup>o</sup> ex C. *Missas* de *Consecrat.* D. 1.; 2.<sup>o</sup> ex eodem thth. consensu; 3.<sup>o</sup> quia in re magni momenti et graviter praecepta omittere libere notabilem partem est grave peccatum. — Porro pars notabilis est pars pertinet ad essentiam sacrificii: dimidia aut tertia etiam pars totius missae, pertinet ad integritatem, eaque minor etiam esse potest, si dignitas partis omissae diuturnitatem compenset.



4. *Resolvitur*: 1. Grave est omittere simul consecrationem et communionem: quia deest tunc essentialis ratio sacrificii; imo et sola consecrationem, quia est pars dignissima in qua saltem praecipue consistit. Quin, imo probabilius grave est uni tantum consecrationi non adesse: quia essentialis sacrificii probabilius in utraque consecratione consistit. L. H. A. 33: « Alii tamen, ut Lugo, Tamb., Diana, Escob., a gravi excusant etiamsi *tota consecratio* omittatur; cum satis non constat, utrum essentialis sacrificii sit vere in sumptione vel consecratione: et probabile putat Elbel cum Suar. etc. valdeque adhaerent Sporer etc. Haec sententia non videtur improbabilis ». L. 110. — Utrum vero sola communione praeterire sit grave contrahitur, affirmativa sententia est S. Alphonsi probabilior, qui existimat essentialiam sacrificii etiam in communione consistere. Communior tamen sententia eam in sola consecratione essentialiter reponit. Communio vero pertinet ad integritatem et plenitudinem sacrificii. — Hinc satisfacit quidem praecepto qui *successive* audit duas dimidias missas a diversis sacerdotibus, si consecratio et communio in eadem parte missae reperiuntur: quia tunc ratio integra sacrificii in eadem parte habetur. L. 311.; minime vero satisfacit si consecratio et communio non sint in eadem parte, quia non assistit sacrificio substantialiter integro. L. H. A. 34. *Successive*: nam si simul non a satisfacit, prop. 53, d. ab Innocent. XI Inde etiam sequitur non debere saltem probabiliter reliqua audire, qui post consecrationem advenit: quia iam deest essentialis sacrificii, et cessat proinde obligatio illi assistendi, cum praeceptum per hoc impleri non possit. Attamen sententia opposita gravi etiam immititur fundamento, quia haberi potest assistentia parti notabili ceremoniae ab Ecclesia praeeptae. *Post Consecrationem*: nam si veniret *ante* « omnino affirmandum est teneri cum Sanchez, Salm., Lugo, Suar., et communi ». Et sane habetur tunc, tum pars omnino notabilis, tum tota essentialis sacrificii. L. 310. — 2. Grave est omittere omnia usque ad offertorium inclusive, vel omnia ante evangelium, et simul omnia post communionem: quia pars notabilis quoad integritatem est. Item gravis habenda est omissio canonis a Praefatione exclusive ad consecrationem, a consecratione exclusive ad Pater exclusive, quia est pars notabilis diuturnitate et dignitate simul. — E contrario leve certo est omittere omnia usque ad epistolam exclusive, et probabilius etiam inclusive: imo probabiliter etiam iuxta S. Lig. 310., usque ad evangelium inclusive. Leve pariter est omittere omnia, quae communionem sequuntur: imo omittere omnia post communionem et omnia ante epistolam. Ratio est, quia partem notabilem ratione integritatis non constituunt, si attendatur 1. quod evangelium S. Joannis in fine probabiliter non est pars missae, quia ante illud iam dimittitur populus per benedictionem; 2. quod alia sit ratio missae *catechumenorum* alia *missae fidelium*, quae ab offertorio ad summptionem se protendit. Omittere autem omnia usque ad epistolam inclusive, et omnia post summptionem. « Baum et Llamas etiam excusant; sed contradicunt Pal., Suar., etc. communius apud Croix » L. 310. — Ad symbolum vero quod attinet, utpote partis *non regularis*, rationem habendam non esse censet cum aliis S. Alph. 310. — Quoad autem offertorium eius omissio levis reputatur, idemque existimatur de praefatione, utraque enim neque ad essentialiam sacrificii pertinet, neque pars notabilis est ratione integritatis aut dignitatis. L. 310.

5. *Notae*: An qui omittit levem partem missae teneatur supplere, si possit, alii affirmant, quia missam integram audire tenetur; alii vero probabiliter negant. « quia praeceptum est iam substantialiter impletum... illeque modus illum supplendi est valde imperfectus, et non tantum conducens ad missae integritatem... et quia res morales non sunt adeo rigorese expendendae, praesertim quando leviores sunt » Suarez, de Euch. D. 88., S. 2., L. 310.

6. *Nulla adest obligatio missam audiendi in ecclesia parochiali. Prae-*

*cepto autem non satisfacit, qui missam audit in oratorio privato, secluso speciali privilegio.* — Prob. 1.<sup>o</sup> p. 1.<sup>o</sup> ex privilegiis regularibus concessis etiam post Trid. Constat praesertim ex Const. Pii V. *Etsi mendicantium* a. 1567., ubi dicitur: « Christi fideles audiendo missam et alia divina officia in Ecclesiis Fratrum huiusmodi (mendicantium) diebus dominicis et festis, praecepto Ecclesiae satisfacisse censeantur ». 2.<sup>o</sup> Ex consuetudine legitime praescripta. 3.<sup>o</sup> Ex communissima et certa doctorum sententia, praesertim vero ex Benedicto XIV., de Syn. l. 11. c. 14., ubi assertis, Decretis Conciliorum et summorum Pontificum obligationem statuentibus, derogatum fuisse contraria consuetudine universali, quae constituit quoddam ius commune, contra quod insurgere nequeunt episcopi neque *licite*, neque *valde*, G. 349., Struggl 39., L. 320. seqq.

Praenota quoad 2. p. Oratoria privata sunt sacella, in domo privata erecta ex privilegio a summo Pontifice concessio, ut ibi peragantur divina mysteria. Non censentur vero privata, sed publica sunt habenda ea oratoria, quae legitime erecta sunt in seminariis, monasteriis, seu domibus religiosorum vel monialium, aliarumve communitatum, ut in conservatoriis, carceribus, nosocomiis, et etiam in domibus episcoporum, cardinalium. Non enim hae, domus privatae sunt. Imo aliquando oratorium in domibus privatorum haberi potest ut publicum. Sed ad hoc requiritur: 1.<sup>o</sup> ut ingressus in viam publicam pateat; 2.<sup>o</sup> ut nulli subiaceat servituti Iure Canonico reprobatae; 3.<sup>o</sup> ut in perpetuum cultui divino addicatur; 4.<sup>o</sup> ut redditus ad divina officia sufficientes statuatur. L. 319., l. 6. n. 357.

Prob. 2. p. Ex ipsis Brevibus concessionis habetur non satisfacere praecepto, qui missam audiunt in oratoriis privatis, nisi sint domini, aut illorum coniuncti, consanguinei nempe et affines usque ad quartum gradum, qui habitent in eadem domo, et eorum expensis vivant, ut vult S. Alph. 318., vel, ut notat Gatticus n. 11., licet unam non constituent familiam: aut illorum sint nobiles hospites, illi quoque, qui ad prandium a privilegiato invitantur: aut sint familiares, qui nempe domini servitio incumbant, eiusque impensis vivant, ac sint familiares actu necessarii, quorum nempe praesentia in oratorio tempore missae est necessaria, licet hi extra domum habitent. Requiritur vero pro istis, ut actu intersit aliquis ex iis, quibus *principaliter* indultum concessum est. Indultum vero *principaliter* concessum intelligitur iis tantum, quibus Breve dirigitur, nimirum personis illis, quae a tergo eiusdem Brevis proprio nomine nuncupantur, adeo ut sine praesentia alienius ex dictis personis minime liceat missae sacrificium peragi, etiamsi alius praesens sit ex illis qui eodem Brevi commemorantur. Cf. Gatticum De Orat. Priv. c. 23. n. 23. 24. Imo et pro omnibus festa principaliora excipiuntur. Haec sunt festa Paschatis, Pentecostes, Natalis Domini, Epiphaniae, Ascensionis, Assumptionis, festi S. Petri et Omnium Sanctorum; item Annuntiationis, Ferae V. in Coena Domini, S. R. C. 17. Nov. 1607., et S. Titularis Ecclesiae, S. C. C. in Derthon. 17. Febr. 1685.; et his quidem diebus prorsus interdicatur in eiusmodi oratoriis celebrare. Nulla tamen dies excipitur, quando oratorium a Pontifice infirmitatis causa conceditur. — L. 318. l. 6. n. 357. 359., D'Annib. P. 3. n. 8., La-Croix l. 3. P. 1. n. 626. seqq., A. S. S. V. 4. p. 257., V. 8. p. 61., V. 12. p. 254.

7. *Ad satisfaciendum huic praecepto requiritur moralis praesentia corporis.* — Praenota Praesentia moralis corporis habetur, quando qui intra ecclesiam existit, vel extra illam, ita tamen ut possit dici unus e numero assistantium et offerentium sacrificium. Atque hoc verificatur si possit missam sequi quoad partes praecipuas audiendo, videndo, aut ad signa aliorum assistantium attendendo, dummodo tamen magna non intercedat loci distantia inter ipsum et alios assistentes, si extra ecclesiam sit. — Prob. 1.<sup>o</sup> ex communi thfh. sententia; 2.<sup>o</sup> quia sine praesentia saltem *moralis* fideles non censentur secundum aestimationem moralem sacerdoti sacrificanti assistere et missam audire. — L. 312.

8. *Resolvens*: 1.<sup>o</sup> Missae valide assistit, qui, etsi sacerdotem non videat, nec audiat verba, sacri partes distinguit sonitu campanulae, cantu chori, motibus assistentium, quibus moraliter iungitur, licet sit extra ecclesiam, in qua turba contineri non potest. Item qui stat post altare, post columnam, vel post parietem, modo ad partes praecipuas missae advertere possit. L. 312. — 2.<sup>o</sup> Item probabilius, qui est in domo proxima, ex qua per fenestram vel ianuum altare aut assistentes videat, aut partes missae distinguat, dummodo parvum sit spatium inter ecclesiam et locum in quo est. Secus autem si magnum spatium aut platea intercedat, ut communius docetur. L. 312. — 3.<sup>o</sup> Non assistit sacro, qui extra ecclesiam multum a longe manet, etsi templum, altare, turbam videat, quia in usu communi dici non potest audire et adesse moraliter. Iuxta Lugo et alios, spatium triginta passuum a turba assistentium non adeo magnum videtur, ut impediat, quominus quis sacro adsit. G. 341., L. 312.

9. *Ad missam ratione praeepti sub gravi audiendam requiritur et sufficit* 1.<sup>o</sup> voluntas audiendi missam; 2.<sup>o</sup> attentio pure externa. — Praenota: Duplex distinguitur attentio alia interna, alia externa. Prior in hoc praeece consistit, quod quis advertat et animum applicet, aut ad verba et actiones sacerdotis; aut ad sacrificii mysteria; aut tandem ad Deum precibus vel meditatione laudandum, adorandum, colendum. Posterior vero in eo est, quod quis non ponat opus externum cum auditione missae impossibile, quoniamvis mens interne, continue et voluntarie sit distracta. *Incompossibile*, e. g. dormire, vel confabulari per totam missam, vel per magnam eius partem, de re seria. Cf. L. 316, 317. — Prob. 1. p. *Requiritur* utrumque; nam, si alterutrum desit, vel non habetur actus humanus, vel non habetur actus religiosus cultum Deo exhibens, ne externe quidem. Prob. 2. p. *Sufficit*; nam 1. id docent et plures et graves theologi, et illi ipsi, qui contrarium docent, hanc sententiam ut probabilem habent. L. 313., Struggl 37., G. 345. 2.<sup>o</sup> quia attentio interna non requiritur ad substantiam moralem cultus externi. Ut enim communiter docent Sotus, Suarez, Sanchez, Salmeron, Filippus, etc. in hoc tertio praeepto tantummodo praecipitur cultus externus, et abstinendi a servilibus et missam audiendi. Confirmatur ex S. Th. 2. 2. q. 122. a. 4., qui docet, quod ad interiore cultum non cogitur, sed movemur a Spiritu S., « et ideo, ait, in tertio praeepto praecipitur exterior Dei cultus ». Idem docet Cath. Rom. n. 1.: « hoc legis praeepto externus ille cultus, qui Deo a nobis debetur, recte atque ordine praescribitur ». L. 264.

10. *Nota*. Iuxta ipsam sententiam requirentem attentionem internam parum admodum requiritur, ut quis praeepto satisfaciat, ita ut nemo hac in re anxius esse debet ob scrupulum attentionis non praestitae. « Iuxta sententiam hanc, ait S. Alph. 313., sufficit ad satisfaciendum, sicut in officio, attentio virtualis, scilicet, quod quis sub initio habeat intentionem attendendi, et illam non mutet; nam, si postea distrahatur, etiam *advertenter*, sed non advertat, se distrahi a missa, vel ab officio, etiam satisfacit; quia istud, licet voluntarie se distrahat, non tamen distrahitur voluntarie a missa ».

11. *Resolvens*: 1. Satisfaciunt praeepto ministrantes missae: satis enim attendunt suum exhibentes ministerium, quo actualiter ad sacrificium cooperantur, licet ad breve tempus recedant ab ecclesia, ut sumant vinum, thus etc. vel ut pulsant campanas quia talis recessus ordinatur ad sacrificium. Item de eadem est de sacristis, musicis, organistis, tympanistis, etc.; quia eorum actus ad Dei cultum referuntur, nec necessarium impediunt attentionem ad ea, quae in altari peraguntur. L. 309, 317. Scavini. 2.<sup>o</sup> « Qui autem magnam sacri partem insumit in colligendis elemosynis, a pluribus excusatur, si sit in ecclesia parva, secus in magna: ita Item, cum aliis apud Salin. n. 52. Sed Lessius apud Croix n. 652. indistincte eos excusat, si simul attentant ad missam: et vere talis distractio non videtur esse impossi-



bilis». L. 317. 3.<sup>o</sup> Qui tempore missae ad confessionem se praeparat certe per se loquendo sufficienter omnino missam audit; nam sufficienter adhuc potest piis illis actionibus intendere. G. 347., alique communiter. Ad confessionem vero quod attinet, quae notabili temporis intervallo duret, communior quidem et probabilior sententia negat praeecepto satisfieri. At plures etiam sunt et graves theologi qui affirmant, si aliquo modo ad missam simul attendatur. « Haec sententia, inquit S. Alph. 314., non videtur omnino probabilitate destituta, et olim probabilem ipsemet censui: sed quia postmodum observavi eam a pluribus gravibus doctoribus reinci, modo non audeo probabilem dicere ». Attamen haec sententia sua reapse non destituitur probabilitate. Eam enim plures et graves recentiores theologi, vel tacite referendo et nihil in contrarium dicendo, vel etiam positive defendendo approbant. G. B. 346. Praeterea qui negativam tuerentur sententiam, ut notat La-Croix l. 3. n. 655., diversas afferunt rationes; et ipse S. Alphensius id advertit, quod certe indicium est desiderari rationem omnino demonstrativam obligationis imponendae. Insuper satis quidem solida videtur ratio ab obligatione eximendi. Etenim « habet intentionem audiendi (ut supponitur); adest corpore, quia confitetur in templo; assistit moraliter, quia adest humano et religioso modo; denique etiam attendere potest ad missam: et licet forte actu non attendat tamen occupatur occupatione pia, adeoque adhuc censetur cum sacrificante et circumstantibus Deo cultum exhibere ». La-Croix l. c. Neque vero attentio interna omnino necessaria est, ut quis huic praeecepto satisficiat. Si autem agatur de famulis qui aliter non confitentur Lessius et La-Croix dicunt bene satisfacere: tunc enim saltem praesumitur quod Ecclesia consentiat. Idque admittere videtur etiam S. Alph. 332. — Lessius Auctar. ad Comment. in l. 2. v. *Missae* c. 2. n. 8. 9., L. 309.

12. *De causis a missa excusantibus.* — Excusat a missa audienda quaevis causa mediocriter gravis, seu quae involvit notabile et saltem mediocre quoddam incommodum vel damnum in bonis animae vel corporis proprii vel proximi, privati vel publici. Constat ex communi interpretatione et consuetudine, quae est optima legum interpret. Ita communiter. — L. 324.

13. *Resolves:* 1.<sup>o</sup> Excusantur mulieres, quae non habent vestes decentes iuxta conditionem suam et statum: ut etiam non habentes famulam vel sociam, sine quibus magna rubore suffunderentur bene excusantur a sacro audiendo, dummodo non possint eidem interesse vel summo mane vel in ecclesia remota quo populus minime concurrat: idem dicendum de puellis inhoneste praegnantibus, et de illis quae ab ecclesia exeunt tempore quo fiunt proclamationes pro eorum matrimoniis, si magnam ob id verecundiam pati debeant. L. 330. — 2.<sup>o</sup> Excusat usus iuxta locorum consuetudinem domo non egrediendi sex hebdomadas post partum, vel mensem tempore luctus ob mortem viri, et etiam sororis, aut filiae. L. 330., H. a. 42. — 3.<sup>o</sup> Excusantur matres et nutrices, quae neminem habent cui relinquunt parvulos, nec eos ad Ecclesiam ducere possunt sine magna adstantium perturbatione. Si sint duo coniuges tantum, alternis vicibus sacro interesse convenienter poterunt. L. 326. — 4.<sup>o</sup> Excusantur qui custodiunt gregem vel domum, aut qui cibos parare debent, aut similia necessaria peragere; si tamen plura fiant sacra, omnes, quoad fieri potest, missam successive audire debent. L. 326. — 5.<sup>o</sup> Excusantur viatores, quibus non occurrit ubi sacro intersint, aut qui non possunt iter interrompere, propterea quod rhedarii publici, vel socii viae, sine quibus iter incommodis aut periculo non careret, sistere abnuunt. L. 328. — 6.<sup>o</sup> Excusantur famuli, si ministerium suum omittere non possint sine gravi detrimento domini, aut si ab eo prohibeantur. Si autem frequenter et sine iusta causa impedirentur missam audire, tenentur alium dominum adire, si id sine gravi incommodo possint. Struggl 53., L. 327. — 7.<sup>o</sup> Excusantur aegroti, infirmi, convalescentes, quibus nocet foras prodire. L. 325. Item qui infirmum custodire debet, qui ab illo relictus

gravem turbationem patiatur: et hoc etiamsi adesset alius assistens, sed infirmus poterit illius assistentiam esse sibi necessariam, et alias gravem pateretur tristitiam: item excusantur qui aliter non possunt impedire blasphemias, rixas, furta, etc. Hinc excusatur etiam uxor quae « ex accessu ad Ecclesiam timeret mariti indignationem, aut gravem zelotypiam mariti ». Struigel 50., L. 326, 327, 332. — 8.<sup>o</sup> Excusat distantia a templo integro horae spatii, habita ratione personarum et tempestatis. Doctores gravissimi docent distantiam trium miliarium seu iter pedestre unius horae cum quadrate atque etiam quid minus, si plueret aut ningeret absolute et indistincte excusare omnes. L. 329., H. a. 41., G. 352. — 9.<sup>o</sup> Excusat lucrum notabile extraordinarium faciendum. G. 353., L. 332.

## II. — DE PROHIBITIONE OPERUM SERVILIIUM

14. *Die festo prohibentur omnia opera servilia.* — Ita dd. communiter ex C. 1. *de Feriis*, L. 272.

15. *Nam:* 1.<sup>o</sup> *Opus servile* est quod corporis viribus potissimum exercetur, commoditati corporis immediate inservit, et a servis regulariter fieri solet. Quare opus servile non tantum ab intrinseca operis natura, sed etiam et maxime pendet a consuetudine et aestimatione hominum. Opus servile contrahitur ab opere *liberali*, quod a viribus animae maxime pendet, immo etiam commoditati animae inservit, et a dominis regulariter fieri solet. Opus autem adest *medium* inter servile et liberale, quod commoditati tam animae tam corporis inservire potest, et tam a servis quam a dominis fieri solet. Primi generis sunt arare, suere et et alia opera mechanica; alterius sunt studere, docere, scribere, cantare, et alia opera liberalia; tertii vero generis sunt venari, piscari, iter facere, et similia opera *communia*. — 2.<sup>o</sup> Opus, quod *suapte natura* est liberale non fit servile ex eo quod fiat lucri gratia; neque illud quod *suapte natura* est servile fit liberale ex eo quod fiat gratis. Idem dicendum est sive opus fiat hac vel ista intentione pia, vana, turpi. Impertinens quoque est, sive fiat cum defatigatione et labore, sive non; sive brevi, sive longo tempore, ex pacto mercedis, vel ex recreationis causa, etc.; quia nihil horum mutat naturam operis. Dicitur *suapte natura*. Nam cum respice hac in re plurimum obtineat communis hominum opinio et existimatio, ut ex ipsa definitione operis *servilis* eruitur, hinc fit ut elementum extrinsecum *qualitates* operis, ex gr., praesto aliquando esse possit, saltem ut maior quantitas avaritiae ratio habeatur. Et sic piscari, v. gr. si recreationis causa cum aratuve aut levi reti fiat commune haberi solet et permittitur, cum tamen servile hincetur, nec liceat, si fiat cum apparatu magno et labore. — L. 272, 273, 274, 278., Struigel 7.; S. Th. 2, 2, q. 122, a. 4, ad 3.

16. *Resol.* 1.<sup>o</sup> Licitum est die festo non solum scribere, sed etiam transcribere, etiamsi hoc fiat propter mercedem. Struigel 8.; L. 278, 279. Probabiliter licitum etiam est die festo typographis ordinare characteres; quia opus videtur ad animum pertinens solum pacto ac scriptio, licet materiali corporis assiduatione fiat, L. 279., 282. Verum si in publica officina exercetur a nulli ratione vilis apparatus, et communis aestimationis, ut opus servile hincetur. Ad maiora prorsus est librorum impressio, unde opus omnino servile. L. 279., 282., Struigel 8., Layman 3. — 2.<sup>o</sup> Satis probabile est licitum esse die festo pingere, multoque magis delineare, secluso tamen magno apparatu et labore, e. g. colares miscendo, tabulas dolando, etc. Etenim si actio liberalis non est, certe actio media est et communis servis et liberis, dum saepe communiter observamus nobiles viros non erubescere

hanc operationem pingendi addiscere et exercere. Hinc excusantur etiam puellae ac in tela imagines retrahentes: itemque exercentes artem photographiam, nisi vili fiat apparatus. L. 280. S. Th. 2. 2. q. 212. a. 4. ad 3. Sculptere autem, ait S. Alphonsus, communiter, saltem in aestimatione hominum, inter artes mechanicas numeratur. « Spores tamen excipit, quando in materia modica valde subtilia sculpunt aurifabri, in quibus fere nullus corporis, sed totus animi et ingenii labor intercedit ». Struggl 8. — 3.<sup>o</sup> « Licitum est die festo venari, aucupari et piscari, sine magno apparatu, et recreationis causa. Ratio, quia similia, praeciso maiori apparatu, et labore, non sunt opera servilia, sed communia dominis et servis. Imo similia, si fiant sine magno apparatu, etiam ex consuetudine sunt licita, etsi fiant lucri causa. Si autem fiant cum magno apparatu, et labore, sunt servilia, et illicita ». Struggl 8., L. 283. — 4.<sup>o</sup> Licitum est die festo iter facere pedibus, equo, curru, navi, lectica, via ferrea, etc. Ratio huius est: quia iter facere non est opus servile, sed naturale, et commune omnibus hominibus. Ita dd. communiter; ac ita praeterea habet universalis consuetudo. L. 275. Perro hoc ipso, quod praedictis modis liceat iter facere die festo, etiam licet praestare opera, quae ad id sunt necessaria, et conducentia; ut e. g. equos parare, currum iungere, lecticam portare, et in aqua remos ducere. Ratio est, quia accessorium sequitur naturam sui principalis. Struggl 8. — 5.<sup>o</sup> Licere in festis molere « concedit Sanchez si sit mola, quae agitur aqua, vel vento; non autem, si agatur bestiis, et in qua requiritur magnus labor, et occupatio. Ex qua doctrina satis probabiliter inferunt Tamb. n. 14. et La-Croix n. 578., quod quando cooperatio et applicatio hominis est modica, non sit illicitum, saltem graviter, etiam cum bestiis molere ». L. 277. — 6.<sup>o</sup> Licita item est *distillatio*, si sine vili apparatu, nec in publica officina, ad experientiam physicam fiat, vel sine corporis de fatigatione. L. 282.

17. *Ad peccatum mortale non sufficit labor minor quam duarum horarum.* — Prob. 1.<sup>o</sup> quia duae etiam horae sunt revera pars modica diei, utpote duodecima; 2.<sup>o</sup> quia ita thth. communiter sentiunt. Struggl 12. L. 305.

18. *Quaenam determinate sit materia gravis in opere diebus festis peracto?* — 1.<sup>o</sup> Si opera valde corpus defatigent, et valde servilia sint, ut caedere lapides, fodere terram, etc. iuxta probabiliorum et communiorum sententiam non est mortale peccatum, nisi quis laboret multum ultra duas horas, puta duas horas cum dimidia, vel saltem aliquantulum plus quam duas horas, vel certe duas horas compleat, quos temporis limites generatim statuit, uti communiter recepto, S. Alph. 305., H. A. 25., La-Croix 594., etc. Neque vero desunt thth., qui ad gravem culpam tres horas generatim loquendo requirunt. « Durum videtur, inquit Busembaum ap. S. Alphons. 305., mortalis damnare, si quis duas aut tres horas impendat ». — 2.<sup>o</sup> Si opera leviora sint neque valde servilia, e. g. artificiales flores conficere maius temporis spatium requiritur ad materiam gravem, quam in operibus laboriosis et valde servilibus, ut tradit S. Alph. 282. — 3.<sup>o</sup> Si in operibus servilibus conficiendis aliud subintret elementum *excusans*, e. g. *necessitas* in operibus illis laboriosis, *pietas* in operibus aliis levioribus, scapularia, e. g. vel rosaria conficiendo, tunc ut maior adest ratio talia opera permittendi, ita et maior ratio maiori temporis spatio permittendi. L. 293., H. A. 25. Illud autem notandum est, quoad leviora ista opera, quod tunc tantum pietas potest illis favere, cum mere gratis et mere ad fovendam pietatem assumantur. Si enim pro mercede fiant, iam illa opera *omnino servilia* sunt, utpote *mercenaria*, neque ea pietas ad opera *pia* evehit. Quod et communi fidelium consuetudine ac sensu confirmatur.

19. *Resolves:* Quoad eos qui currus vel iumenta onusta die festo ducunt «sententia probabilior, saltem hodie censet, omnino licitum esse, non solum iter inceptum continuare, sed etiam inchoare. Ratio, quia in tali labore



muliones non insumunt tempus notabile: et si aliquando sit notabile, excusatur vel ob evitandum grave damnum, vel ob publicam utilitatem, vel denique quia adest universalis consuetudo, quam adesse merito asserit Mazz. Idemque ait de nautis ». L. 276. Qui die festo mandat sex famulis ut laborant per horam probabilius graviter per se non peccat, quia opera famulorum, sive simul sive successive laborent, non coalescunt in unum ad materiam gravem efformandam. Et sane singuli nonnisi venialiter peccant, si nulla adsit causa eos excusans. L. 306.

20. *Hoc praeceptum, prout est negativum prohibet non solum omnia opera servilia, sed etiam mercatum, et tria forensia, nempe placitum iudicium ad mortem et Sacramentum.* Ita communis thth. sententia ex C. 1. 2. et ult. de *Feriis*. L. 284.

21. *Per mercatum* intelligitur exercitium publicum mercaturae seu mercatus cum strepitu, ut sunt nundinae annuae vel hebdomadales, etc. *Venditiones mercium publicae*, ratione scandali prohibentur; « unde, ut usus fert, vendi possunt (merces) clausis ianuis », Scavini. Verum observanda hac in re est consuetudo tum universalis, tum etiam particularis locorum; nam haec legem humanam ex tota vel ex parte potest abrogare, et ut ait Mazz. magna ex parte hic legem iam abrogavit. Hinc ob consuetudinem generaliter receptam excipiuntur nundinae ad certum diem constitutae, si in diem festum incidant. Sic declaravit Bened. XIV. C. *Ab eo tempore*, etc. L. 286. 289. G. 355. — Licite etiam ex recepta consuetudine venduntur et emuntur in officinis publicis exculenta, poculenta, calceamenta, candelae, panni ad vestes conficiendas, et alia huiusmodi. Attamen mercatores debent officinas suas claudere, ut ostendant se diem dominicum ab aliis diebus distinguere; sed plurimum etiam hic sibi vindicat locorum consuetudo, et varia pro variis locis necessitas. Tolerantur etiam alicubi publicae venditiones sub hasta, post peracta divina officia: quia aliis diebus pauciores essent concurrentes, etc. Tolerantur itidem, ut mercatores rerum parvi momenti ex uno loco in alium merces deferant, ostendant et vendant. L. 289. Licite venduntur et emuntur domus, equi, boves, aliaeque merces, sive praesentes, sive absentes, sive in parva, sive in magna quantitate, etiamsi in hoc notabile tempus impendatur, dummodo haec fiant inter privatos; tum quia sic fert timoratorum usus; tum quia Ecclesia tantum venditiones in publicis officinis prohibuit ratione scandali. L. 286. An autem nomine mercatus velentur in diebus festis locationes alique contractus controvertitur. Sed communius negatur, quia talis est sapientum consuetudo. Hinc liciti sunt omnes contractus si fiant sine instrumentis et iudicis auctoritate. Imo notat S. Alph. 286. ferre consuetudinem, ut non modo private celebrentur, sed etiam per instrumenta dummodo non requirant strepitum iudiciale, v. g. testamenta, instrumenta sponsalium, venditionum, etc. « quamvis, addit S. D., notarii alicubi soleant ad hoc petere ab Ordinario generalem licentiam, quae caeterum communiter conceditur ». L. 286.

22. *Per placitum* intelligitur sententia civilis seu causarum civilium in iudicio. *Per iudicium ad mortem* intelligitur citatio rei ad iudicium, eius excommunicatio, condemnatio et executio sententiae. Iam age processus iudiciales diebus festis prohibentur, et sunt ipso iure irriti ex C. ult. de *Feriis*. Excepit tamen, si causa adsit tum necessitatis, tum etiam pietatis, ut ex eod. Cap. ult. de *Feriis*, et communi thth. auctoritate constat. G. 355. L. 284. 294. 295., Schmalzgr. I. 2. t. 9. nn. 52, 53., Struggl 6.

23. *Resolves*: Licetum ergo est die festo excommunicare, dispensare, iudicem privatum informare, advocatum consulere, consilia conficere, etc., quia fiunt extra iudicium et consequenter non requirunt strepitum iudiciale. Bonacina t. 2. d. 5. q. un. p. 2. n. 25., Struggl 6., L. 287.

24. *Nota*: Dicitur esse *iudicialis strepitus*, ubi causa est contentiosa

et litigiosa, atque ubi *quaestiones* et *iurgia* tractantur, et quidem in citatione, a qua causa maxime incipere videtur, in processus formatione, et causae cognitione, ac in sententiae prolatione *streptus iudicialis* consistit. Quare actus voluntariae iurisdictionis die festo non prohibentur, neque actus extrajudiciales, neque excommunicationem ferre. Suarez l. 2. C. 38., Caietanus 2. 2. q. 122. a. 4.

25. *Per sacramentum* tandem intelligitur iuramentum coram iudice, seu iudiciale. L. 284., S. Th. 2. 2. q. 8. 89. a. 10.

26. *Nota*: In his operibus forensibus et iudicialibus materiae quantitas, ad grave peccatum sufficiens, non ex quantitate temporis, sed ex operis qualitate desumitur. L. 307., G. 359.

27. *De causis excusantibus ab operibus prohibitis*. — Sex praecipue sunt causae excusantes: Dispensatio, consuetudo, pietas, caritas, necessitas, utilitas, ut constat ex communi thth. sententia. L. 288.

28. *Dispensatio*. In praecepto abstinendi ab opere servili dispensare possunt: 1.<sup>o</sup> Pontifex, ut supremus legislator et pastor, in omnibus festivitatibus, et pro tota Ecclesia. 2.<sup>o</sup> Episcopi et vicarii capituli. Sede Vac. in suis diocesisibus. 3.<sup>o</sup> Praelati regulares erga suos religiosos subditos, et eorum domesticos. 4.<sup>o</sup> Parochi, praesente etiam episcopo, ex consuetudine iam recepta. L. 288.

29. *Consuetudo*. Hinc ex generali consuetudine fere ubique recepta excusantur: 1.<sup>o</sup> tonsores, qui praeterea ex eo etiam excusantur, quod secus gravi ipsorum detrimento a plerisque relinquerentur, L. 289.; 2.<sup>o</sup> quae ad domus nitorem pertinent, uti cubilia sternere, vasa lavare, et quae respiciunt personae compositionem, uti barbam tondere, vestes pulvere purgare et caetera eiusdem generis, L. 298.; 3.<sup>o</sup> quae necessaria sunt ad victum: imo etiam licitum est parare cibos lautiores. Struggl 23., L. 298., Suarez l. 2. C. 21. n. 3. 4.

30. *Pietas* in Deum, per quam licita sunt opera quae *pro.cime*, non quae *remote*, spectant ad cultum Dei: uti sternere tabulata ad festivitatem, vererere et ornare templum, altare, etc.; minime vero ecclesiam aedificare, reparare, etc. L. 291.–293.

31. *Caritas* erga proximum. Hinc licet die festo: 1.<sup>o</sup> facere quod est necessarium ad infirmos sublevandos; 2.<sup>o</sup> fodere sepulturam ad mortuum sepeliendum; 3.<sup>o</sup> laborare pro aliquo paupere determinato, cui ratione gravis necessitatis laborare liceret; non tamen iuxta graves theologos pro pauperibus in genere, nisi agatur de conficiendis vestibus aut aliis eiusmodi, quae usui pauperum deservire debent, non vero ad lucrandam pecuniam, quae pauperibus erogetur. G. B. 360., L. 293. 294.

32. *Necessitas*, sive propria, sive aliena, tum animae, tum corporis. Hinc. 1.<sup>o</sup> Excusantur pauperes, qui aliter se suosque alere non possint, modo privatim, et secluso scandalo laborent. Itemque etiam excusantur si suas resarciant vestes, quando diebus laborum ad id tempus commodum non habent. Struggl 15. 2.<sup>o</sup> Excusantur omnes, quorum opera incepta interrumpi nequeunt sine magno damno, ut fundentes ferrum, etc. 3.<sup>o</sup> Excusantur pariter pictores, qui panem recentem habere debent, ut eumentibus satisfaciant. 4.<sup>o</sup> Item sartores, qui conficiunt vestes funebres aut nuptiales, quas neque per se, neque per alios ante festum perficere valent. 5.<sup>o</sup> Item agricolae, qui ob praeteritam, aut imminentem pluviam foenum vel segetes vertunt, ligant, vehunt. 6.<sup>o</sup> Item famuli ad laborandum coacti, si alium dominum facile et cito invenire sine magno incommodo non possint. Idem dicendum de uxoribus et filiis coactis a patre ad laborandum; quod tamen non sit in contemptum religionis. 7.<sup>o</sup> Excusantur fabri ferrarii, qui equos in via vel a rusticanis adductos calceant, aut vomeres agricolis die sequenti necesarios reducunt;

necnon ii qui currus casu fractos, pontes, aut vias publicas reficiunt, si opus sine iactura boni publici differri nequeat. — L. 295.-304., S. Th. 2. 2. q. 122. a. 4., G. 360.

33. *Utilitas.* Hinc excusantur 1.<sup>o</sup> ii qui laborant ad utilitatem publicam, urgente aliqua necessitate, v. g., si agatur de celebranda victoria, de festo preparando in principis adventum, aut alterius publicae exultationis gratia. L. 304. 2.<sup>o</sup> Excusantur quoque probabiliter, ob lueri notabilis et extraordinarii circumstantiam, illi qui laboribus se sustentant, quia pro istis tale luerum omittere idem est ac damnum grave pati. L. 301.

## DE QUARTO DECALOGI PRAECEPTO

### I. — OBLIGATIONES FILIORUM ERGA PARENTES

1. *Quid quarto Decalogi Praecepto praecipitur?* — 1.<sup>o</sup> Quantum Decalogi Praeceptum est: *honora patrem tuum et matrem tuam.* Ex. 20., 12. Praeceptum hoc primario et directe respicit obligationes filiorum erga parentes, propterea quod « sunt particulare principium nostri esse, sicut Deus est universale principium ». S. Th. 2. 2. q. 122. a. 3. Secundario autem et implicite spectat ad obligationes parentum erga filios, nec non obligationes mutuas aliorum consanguineorum, et aliorum inferiorum ac superiorum. Cat. Rom. P. 3. C. 6. n. 2. 8. — 2.<sup>o</sup> Quare hoc praeeptum de actibus per se est virtutis pietatis, observantiae, dulciae, obedientiae, et praeterea gratiae. *Pietas*, specialis quaedam virtus est, ad quam pertinet exhibere cultum parentibus et patriae: quia sunt « connaturale principium producens in esse et gubernans ». Hoc enim « principium respicit pietas, in quantum parentibus et patriae et his qui ad haec ordinantur officium et cultum impendit ». S. Th. 2. 2. q. 101. a. 3. Cultum praeterea exhibet pietas aliis etiam consanguineis, non quod principium sint ortus nostri, sed quia in illis sanguinis communione parentes quodammodo repraesentantur; itemque benevolis patriae, quia in ipsis favorem et auxilium patriae conspiciamus. S. Th. 1. c. a. 1. Hinc pietas est etiam inter coniuges et quoad filios, « quoniam inter coniuges est cultus et officium ad invicem, tanquam coadiutores ad conservationem consanguinitatis utriusque, quam quilibet coniugum a suis habet parentibus: conservatur namque propagatione filiorum utriusque parentis sanguis. Et idem dicimus de filiis, quia scilicet respiciuntur a pietatis virtute ut conservatores consanguinitatis a parentibus susceptae ». Caiet. — 3.<sup>o</sup> *Observantia* virtus est, « per quam cultus et honor exhibetur personis in dignitate constitutis ». S. Th. 2. 2. q. 102. a. 1. Observantia reductive pertinet etiam ad quartum hoc Praeceptum; siquidem ut parentes principium sunt nobis producens in esse et gubernans, ita personae in dignitate constitutae non solum quandam in se excellentiam habent, verum etiam quandam gubernandi potestatem, unde et ipsis competit ratio principii, sicut est princeps civitatis in rebus civilibus, dux exercitus in rebus bellicis, magister in disciplinis. Unde est quod omnes tales personae *patres* etiam appellantur propter similitudinem curae. S. Th. 2. 2. q. 102. a. 1. 2., Cat. Rom. n. 8. — 4.<sup>o</sup> *Dulia* est « quaedam observantiae species; quia per observantiam honoramus quascunque personas dignitate praecel-



lentes; per dulciam autem proprie sumptam servi dominos suos venerantur. Dulcia enim gracie servitus dicitur ». S. Th. 2. 2. q. 103. a. 3. — 5.º *Obedientia* est « specialis virtus; et eius speciale obiectum est praeceptum tacitum vel expressum ». S. Th. 2. 2. q. 104. a. 2. « Obedientia procedit ex reverentia, quae exhibet cultum et honorem superioribus. Et quantum ad hoc sub diversis virtutibus continetur, licet secundum se considerata prout respicit rationem praecepti, sit una specialis virtus, in quantum ergo procedit ex reverentia praelatorum continetur quodammodo sub observantia; in quantum vero procedit ex reverentia parentum sub pietate; in quantum vero procedit ex reverentia Dei sub religione, et pertinet ad devotionem, quae est principalis actus religionis ». S. Th. 2. 2. q. 104. a. 3. ad 1. — 6.º *Gratia* sive gratitudo virtus est, quae benefactoribus recompensat particulare aliquod et privatum beneficium receptum. Quare gratia virtus quaedam est, quae venit post pietatem et observantiam, tanquam ab illis deficiens; siquidem « non quidquid debemus patri vel personae indignitate praecellenti debemus alicui benefactori, a quo aliquod particulare beneficium recepimus ». S. Th. 2. 2. q. 106. a. 1.

2. *De filiis legitimis et illegitimis, naturalibus et adoptivis.* — 1.º Filii alii sunt *legitimi* et *naturales*, alii *naturales*, alii *legitimi*. Filii *legitimi* et *naturales* ii sunt, qui ex viro eiusque uxore nascuntur.

2.º Filii *naturales* seu *illegitimi* ii sunt, qui extra matrimonium nascuntur. Hi iure Canonico sunt irregulares; iure Civili a *legitimis* distinguuntur quoad successionem in paternam haereditatem. Filii hi *naturales*, si nati sint ex viro et muliere, inter quos matrimonium iniri non potuisset, sive iure naturali, sive iure Canonico, ex eodem Canonico iure appellantur *spurii* seu *nati ex damnato coitu*, C. 3. 10. *Qui fil. sint legit.* Ex iure autem Civili recognosci non possunt, C. I. 179. 180. seqq., Cf. C. G. 334. seqq. Filii *naturales*, praeter *spurios*, agnosci et legitimiari possunt. Agnoscuntur parentum confessione, iure Civili, *authentica*, C. I. 181., C. G. 334., iure Canonico, *simplici et nuda*, C. 10. *De Probat.* Agniti vero legitimiari subsequenti matrimonio, ipso iure, C. I. 6. *Qui fil. leg.*, C. I. 194., C. A. 161., ac etiam post contractum iam matrimonium agnosci possunt, C. I. 197., Cf. C. G. 331. Ex quo vero fuerint legitimiari perinde habentur ac si ex iusto matrimonio editi fuerint, C. 6. *Qui fil. sint leg.*, C. I. 194., C. G. 333., Bened. XIV. De Syn. l. 13. C. 24. n. 16. At agnitus tantum eius dumtaxat filius intelligitur, qui eum agnovit, C. I. 182., C. G. 336.

3.º Foetus nono editur plerumque mense, ex quo conceptus fuit, interdum ineunte septimo, nonnunquam decimo pleno, videlicet non ante 180 dies, nec post 300 dies, C. I. 161. seqq., C. G. 315. Hinc eius, qui vel post septimum mensem ab inito matrimonio, vel ante decimum mensem a soluto matrimonio nascitur, is pater est, quem nuptiae demonstrant, nisi aliud sit evidentissimum. Minime vero obstat, quod mater fuerit adultera, C. I. 165., C. G. 313., C. A. 158., vel quod ipsa filium adulterinum fuerit professa, nisi talia proferat indicia, quae in foro externo satis forent, Lugo De Iust. D. 12. n. 26., quamvis sit fide dignissima, et iurata, ac moriens id asserat: nemo enim meretur fidem allegans turpitudinem suam, C. 8. §. ult. *de Donat.* Foetus, editus ante septimum mensem ab inito matrimonio, habetur legitimus dumtaxat, si maritus vel duxit sciens volens mulierem praegnantem, vel cum praesens esset natum prorsus non repudiavit, C. I. 161., C. G. 314. Foetus, serius editus post decimum mensem a solutione matrimonii, ut illegitimus habetur, nisi matris valetudo et mores et rerum circumstantiae aliud suadeant, C. I. 169., C. G. 315.

4.º Filii *legitimi* sunt filii *naturales legitimi* et *adoptivi*, C. I. 737. *Adoptio* est actus, quo in locum filii adsciscitur is, qui natura talis non est. Ex recentioribus legibus adoptatus perinde habetur, ac filius legitimus et naturalis eius dumtaxat, qui eum adoptavit, eiusque successionis ius acquirit, C. I. 212. 737., C. G. 350. Verum patris sui naturalis potestati non eximitur,

nec in patris adoptantis potestatem et familiam transit, C. I. 210. 212., C. G. 348. 349. Secus vero est ex C. A. 183. Adoptio haec perpetua est, et ne mutuo quidem consensu dissolvitur, C. I. 217. Et ita etiam Iurisconsulti Gallici, Secus est ex C. A. 185.

5. Filii *legitimi* et *naturales*, quoad ius successionis tales habentur ex quo revera concepti sunt, dummodo vitalis postea nascatur, C. I. 724., C. G. 725., C. A. 138. Vitalis natus est, qui natus est post 180. diem a conceptione, C. I. 160. 162., C. G. 312. 314., C. A. 138., et perfecte natus est. In dubio, qui vivus editus fuit, vitalis natus fuisse praesumitur, C. I. 724. Filii *naturales* tantum, sive legitimati, sive agniti, ius successionis acquirunt ab initio parentum matrimonio, vel ex eo tempore quo postea agniti fuerint, C. I. 197. Filii *legitimi* tantum, ius acquirunt successionis ex eo tempore, quo fuerunt adoptati, quasi tunc primum concepti fuissent, C. I. 217.

3. *Propria filiorum obligatio.* — 1.<sup>o</sup> Cum filii a parentibus existentiam habeant, i. e. o, praeter amorem, *pietatem* illis debent. Pietas duo *per se* exigit, reverentiam et obsequium, *per accidens* vero opem praestandam, si indigeant, S. Th. 2. 2. q. 101. a. 2., L. 333.

2.<sup>o</sup> *Reverentia* laedi potest verbis, gestis et factis, nempe graviter in illis etiam, quae quoad alios levia sunt, dummodo levia prorsus non sunt, L. 333. Quare graviter peccant *verbis*, passim eos asperere alloquendo; vel etiam nullum benivolentiae signum ostendendo; eos praesentes verbis contumeliosis eos appellando; vel eis ex animo maledicendo; *gestis*, torvis oculis aspiciendo, eos praesentes irridendo, subsannando; *factis*, manus in illos considerate levando in signum ipsos percutiendi, eos criminum accusando, nisi de criminibus agatur in rempublicam perniciosus, ut haeresis, perduellio, etc.— L. 333. 334.

3. *Obsequium* item graviter laeditur, parentibus non obediendo in iis, quae ad domesticam gubernationem et oeconomiam spectant, vel ad bonos pertinent mores; si tamen parentes serio et in re gravi praecipiant; excepta electione status, matrimonii ineundi, religionem ingrediendi, nisi tamen parentes ex iusta causa filiis haec in re contradicant, L. 335., S. Th. Quodl. 2. a. 9., 2. 2. q. 104. a. 2. Grave pariter committitur peccatum, eos quasi parentes non agnoscendo, nisi id fiat ex iusta causa, et exterius tantum se eorum filium esse dissimulando, L. 334.

4.<sup>o</sup> *Opem* parentibus *egentibus* debent etiam filii, eosque consequenter alere debent, et grave est religionem etiam ingredi, eos in egestate deserendo, S. Th. 2. 2. q. 101. a. 4. ad 4. L. 335. Grave item est ex hoc capite non curare sacramenta aegrotantibus conferri; mortuos tradi sepulturae; pro eorum anima sacrificium aliquod offerri, L. 333.— S. Th. 2. 2. q. 101. a. 2., q. 102. a. 2., q. 122. a. 5. ad 3.

4. *An filii parentibus debeant etiam propria bona?* — R. 1.<sup>o</sup> Negat. *Pietatem* filii parentibus debent, non *operas*. Quare si filius in domo paterna operas praestet, v. g., fabri, sutoris, quod ex eis lucratur, suum est, deductis alimentis, quae a patre accipit; cum iam sua opera et labore sustentare valeat, nec amplius paterna egeat sustentatione. Verum si nihil potest videri ea patri remittere ex grato animo et pietate, L. 488., 3. Idem dicendum est de bonis a filio acquisitis, donatione, testamento, etc.; ea quidem filius sua facit, sed patri educationis expensas refundere tenetur. Haec iure naturali constant, et iure positivo confirmantur, quod naturalem determinans obligationem parentibus adscribit usufructum bonorum filiorum. — 2.<sup>o</sup> Ad ius positivum quod attinet, distinguenda sunt dominium, seu proprietas bonorum, usufructus, administratio. Distinguenda item sunt varia bona et varia iura, ius commune seu Romanum, et varia iura recentiora, quae vigent in variis regionibus. Cum ius parentum quoad filiorum bona partem constituat illorum iurium, unde patria habetur potestas, de eo mox dicemus patriam potestatem declarantes.

5. *De patria potestate.* — Patria potestas est complexus iurium parentum in filios. Ea est ex iure simul Naturali et Positivo, ius naturale definiente et determinante. Iura enim parentum in filios ex iure naturali et civili profluunt.

1.<sup>o</sup> *Iure Naturali* parentibus, sive legitimis sive illegitimis, debetur pietas: nempe patri et matri, eaque ipsis aequae et perpetuo competit. Ipsis praeterea competit potestas quoad ea, quae ad spiritualem filiorum salutem pertinent. Et haec etiam utrique pariter competit. Si vero inter se dissentiant ille praevalet, qui filii saluti consulit. Et patre mortuo, si dissentiant mater tutrix et avia paterna, haec potior erit Bened. XIV. Ep. *Probe te* §. 20. 21. 23., Ep. *Postremo mense* §. 16. 21. 23., C. 2. *De Conc. infid.* Parentum naturalis potestas in his, quae pertinent ad salutem animae, infantia exacta, finitur, in his quae pertinent ad electionem status finitur pubertate, in his quae pertinent ad domesticam eum et disciplinam emancipatione finitur; verum in iis, quae spectant ad sustentationem corporis et generationem proles, filii sui iuris sunt. Emancipatio autem naturaliter habetur cum iam sufficienter per aetatem adoleverit filiusfamilias, ita ut iam paterfamilias ipse esse possit et per se ipsum rite considerare, et se obligare circa ea quae ad personam suam et ad sua bona exteriora pertinent. C. 11. 12. *De Regul.*, S. Th. 4. D. 37. q. 2. a. 2., D. 38. q. 1. a. 1. q. ult. Sol. 3., 2. 2. q. 104. a. 5., S. q. 43. a. 2., q. 58. a. 5.

2.<sup>o</sup> *Iure Communi* patria potestas soli patrifamilias competit, C. 2. *De Convers. infid.*, ex recentioribus legibus competit etiam matrifamilias, C. 1. 2. 20., C. G. 373. Sed mater ea non utitur, quamdiu ea utitur pater, C. 1. 46. 220. 230. 331. Competit autem in filios tantum legitimos et naturales, in naturales agnitos seu legitimatos, in adoptivos, C. 1. 184. 220. Patria potestas a patre exercetur, eoque mortuo, a matre aequo iure, C. 1. 220. 231. Attamen ius est patri morienti matri superstiti praescribere, quem velit in filiorum educatione et bonorum administratione modum servari, C. 1. 235. 1059., C. G. 391. Porro patria potestas partim in *personas*, partim in *res* filiorum exercetur.

6. *Patria potestas exercetur 1.<sup>o</sup> in personas* facultate, quam habet pater retinendi domi filium, nisi filius velit voluntarie nomen dare militiae, C. 1. 221., C. G. 374., facultate quam habet pater moderate corrigendi et puniendi filium discolum, eum etiam a propria domo arcendi, et, recurrendo etiam ubi opus sit ad tribunal, eum collocandi in domo alia educationis seu correctionis, C. 1. 222., Cf. C. G. 375. seqq. Insuper filius prohibetur sine parentum consensu in adoptionem se dare, C. 1. 224. 315. 330., Cf. C. G. 346., et matrimonium inire, C. 1. 63. 208., C. G. 142. Matre autem dissentiente sufficit patris consensus, C. 1., C. G. 11. cc. Parenti postremo decedenti ius competit tutoris dandi, C. 1. 242., C. G. 397.

Excepto matrimonio, quod ante pubertatem ex lege canonica nullum est, quoad alios contractus filiifamilias *minores* naturaliter et civiliter obligari possunt, et qui cum eis contrahunt naturaliter et civiliter obligantur. Quare si sponsalia inierint, si votum emiserint, sponsalibus et vota obligantur. Si quid donaverint dominium transferunt in accipientem, et si quid dono ipsi accipiant dominium licite acquirunt et retinent, C. 1. *De Desp. impub.*, C. 1. 1304., C. G. 1314., C. A. 244. 246., S. Th. 2. 2. q. 88. a. 8., 4. D. 27. q. 2. a. 2., L. 1. 3. n. 918. par. *Secunda*, Lugo *De Iust. D.* 22. n. 228. 295. 300. Quamvis vero minor *valide* contrahat, ex recentioribus legibus *firmiter* non contrahit, si non observentur variae earundem legum praescriptiones, et tunc conceditur ipsis restitutio in integrum, quae in foro etiam conscientiae valet, cum huiusmodi lex sit definitiva iuris, et iusta: siquidem est *propter bonos mores* tuendos, propter familiarum pacem et bonum, propter bonum commune. Ex C. 1. actio nullitatis admittitur 1.<sup>o</sup> si minor non emancipatus actum ex se confecit sine interventu patris seu eius legitimi repraesentantis; 2.<sup>o</sup> si minor emancipatus actum ex se



confecit. pro quo lex exigit assistentiam curatoris: 3.<sup>o</sup> cum non observantur formalitates pro quibusdam actibus constitutas per speciales legis dispositiones. Actio vero nullitatis non admittitur: 1.<sup>o</sup> si *minor* mala arte et dolo occultavit suam conditionem *minoris*: 2.<sup>o</sup> si agatur de obligatione ex delicto vel quasi delicto exorta: 3.<sup>o</sup> si probetur quod solum est in commodum et utilitatem minoris fuisse conversum. C. I. 1300. 1303. 1305. 1306. 1307. 1899. Ex C. G. 1304. 2012. actio nullitatis admittitur, si legis praescriptiones in contractibus *minorum* non fuerit observatae. Verum *simplex laesio* locum dat huic rescissioni in favorem minoris. C. G. 1305. Atque haec rescissio non admittitur: 1.<sup>o</sup> si laesio ex casuali eventu contigerit: 2.<sup>o</sup> si minor commercium aut artem aliquam exerceat quoad contractus initos ratione sui commercii seu artis: 3.<sup>o</sup> si de obligatione agatur profluente ex delicto vel quasi delicto: 4.<sup>o</sup> si probetur quod solum est in eorum cessisse commodum et utilitatem. C. G. 1306. 1308. 1310. 1312. Quare ex C. I. *minor* restituitur quia *minor*; ex C. G. quia *laesus*

7. *Patria potestas exercetur 2.<sup>o</sup> in res* filiorum. Administratio omnium bonorum filiorum *minorum* est penes patrem, vel matrem, vel tutorem, qui filiorum incapacitatem vel imperitiam supplere debent donec *maiores* fiant, vel emancipationem obtineant: maiores plenam habent administrationem bonorum suorum; emancipati vero eam non nisi limitatam habent. C. I. 323. 310. seqq., C. G. 488. 476. seqq. Unde is, qui patriam potestatem exercet, filii negotia gerit, C. I. 224. 242., C. G. 389., C. A. 149. 152.: is, non filius, in iudicio agit, haereditates filio obvenientes adit, confecto inventario, donationes acceptat, C. I. 226. 1059., Cf. C. G. 389. 390., eiusque bona administrat, C. I. 224., C. G. 389., C. A. 149., sed bona sive immobilia, sive mobilia, iis exceptis quae servando servari non possunt vel deteriora fiunt, non potest alienare, hypotheca vel pignore obligare: neque item nomine filii mutuum accipere, aliosque actus exercere, qui simplicis administrationis actus excedunt, nisi ex causa necessitatis vel evidentis utilitatis, et civilis tribunalis decreto, C. I. 224., Cf. C. G. 389. Pater, vel mater patriam exercens potestatem, usufructum habet eorum, quae filio obveniunt, successione, donatione, vel alio titulo lucrativo, C. I. 228. 229. 231., C. G. 384. 386., Cf. C. A. 149. 150., nisi bona filio vel testamento relicta, vel donatione data fuerint filio, ea conditione, ne usufructus ad parentes pertineat, vel labore, professione, industria separata ea sibi filius acquisierit, C. I. 229., C. G. 387., vel ea filio fuerint testamento relicta, vel donatione data ad aggradiendum aliquem vitae cursum, artem, vel professionem, vel nisi, invitis parentibus, donationem aut legatum acceptaverint vel haereditatem filii adierint, C. I. 229. Huiusmodi usufructus finitur emancipatione filii, vel morte, vel expleta minori aetate; itemque patre vel matre viduis, transeuntibus ad alias nuptias, C. I. 228. 232., Cf. C. G. 384. 386. Filio autem maiore facto, ea quae a parentibus gesta sunt, si facta fuerint secundum legem, rata manent, secus vero irrita ab ipso fieri possunt, C. I. 227. 1304., C. G. 1314.

8. *Nota:* Quaecumque parentibus competunt vi patriae potestatis quoad filios legitimos, competunt eis etiam quoad illegitimos a se agnitos vi tutelae, ex C. I. 65. 184.

9. *Patria potestas solvitur* emancipatione filii, C. I. 220., C. G. 372., C. A. 174.: emancipatur autem filius ex ipso iure per matrimonium, C. I. 310., C. G. 476. Soluta praeterea aetate *maiori*, C. I. 220., C. G. 372.: aetas *maior* habetur quoad civilia anno 21.<sup>o</sup> completo, C. I. 240. 323., C. G. 388. *Maior* vero est clericus in beneficialibus, et aliis spiritualibus causis, qui 14.<sup>o</sup> aetatis annum explevit, C. 3. *de Iudic.* in 6.<sup>o</sup> — Soluta patriae potestate filiusfamilias sui iuris efficitur. Sive autem sui iuris sit sive adhuc patriae subest potestati cum ipso patrefamilias utiliter contrahere potest, et a 18.<sup>o</sup> aetatis anno potest testamentum conficere, C. I. 763., C. G. 903. 94., C. A. 569.

10. *An possit filiusfamilias retinere lucra, quae ex proprio labore, sed non industria separata, in domo paterna ipsi obveniunt?* — Plures et graves theologi negant. Ratio est, quia tunc filiusfamilias laborans non nomine proprio, agere censetur tanquam membrum familiae, et sic omne lucrum bono familiae cedere debet. Illi praeterea non favet, sed obest omnino ius positivum. Plures etiam et graves theologi affirmant. Ratio est, quia filius peioris conditionis non est, quam famulus: filio ergo cedere debet saltem merces, quae famulo vel extraneae personae laboranti deberetur. Illa certe deberetur filio, si ex conditione sua non teneretur laborare, et extraneam personam supplet, vel si extraordinarium et indebitum omnino laborem in domo paterna impendat. Neque vero in duplici hoc casu obesse videtur ius positivum, cum sint extraordinarii, et legitima epicheia, non comprehensi positivo iure, quod casus respicit communiter contingentes. Cf. L. 1. 3. n. 488. 3.º 544. 910.; Ithur. Cas. 3.

11. *An filius habeat dominium perfectum in bona mobilia ipsis data a parentibus aut cognatis?* — R. 1.º Affirmat, si primo usu sint consumptibilia, quia ipsi ad usum absolute dantur, nisi forte aliqua restrictio appositae fuerit, ut esset pecunia ad libros emendos, etc. — 2.º « Si non sint primo usu consumptibilia, ut libri, vestes, etc., filius non habet generatim nisi dominium utile, quia parentes fere non aliud ipsi conferre intendunt ». Ita Gur. 546. Verum dicendum potius videtur, eo ipso quod filii possint continuato usu propter propriam utilitatem res has consumere et destruere habere dominium harum rerum etiam directum, licet forte restrictum, et non omnino absolutum, quatenus ex mente dantis, non nisi in eorum utilitatem res sit tota convertenda, ut. e. g. videre est in libris, vestibus, etc.

12. *An filius censetur renuntiare usufructui, ad quem ius habet, si, eo vivente et tucnte, pater hunc usufructum precipiat?* — R. Negat, saltem generatim loquendo. Ratio est, quia silentium in tantum aequivaleret renuntiationi, in quantum filius facile reclamare posset. Iam vero, quin id facile possit, plerumque metus reverentialis obstat. G. 546.

## II. — OBLIGATIONES PARENTUM ERGA FILIOS

13. *Propria parentum obligatio.* — Parentes principium sunt existendi filiorum. Quare, praeter amorem, parentes debent filiis *providentiam*, scilicet filiis providere debent *quoad corpus, quoad animam, quoad statum*. L. 336.

*Providentiam debent quoad corpus*, adeoque graviter parentes peccant, si eos, nondum in lucem editos, periculo exponunt abortus, si natos iam exponunt publicis misericordiae locis, nisi id faciant ex gravi causa, L. 336. Eos praeterea alere debent, nisi tamen aliunde se alere possint, et non indigeant, sive sint legitimi, sive illegitimi, sive *spurii*, C. 5. *de Eo qui dux*. C. I. 752., C. G. 762., L. 336. 951. Ad id autem tenentur simul pater et mater ex C. I. 138., C. G. 203.; vel pater primum, ut ex iure Communi L. 9. *C. de patr. potest.*, ex iure Canonico C. 2. *de Convers. infid.*, et C. A. 141. Adoptivus etiam alere debet adoptans in casu necessitatis ex C. I. 211. Mater vero tenetur, sub veniali tamen, lactare prolem proprio lacte, nisi habeat iustam excusationem, v. g. si sit debilis, aut nobilis, ob consuetudinem; tunc vero tenetur sub gravi peccato bonam nutricem quaerere. L. 336.

*Providentiam debent quoad animam*: quare sub gravi parentes debent filios docere ea, quae necessaria sunt ad aeternam salutem, eos bonis moribus imbuere verbis et exemplis, a proximis peccandi occasionibus arcere, debita moderatione corrigere, ne ad iracundiam provocati peiores fiant, eosque

delinquentes coercere, implorato etiam iudicis officio, si necesse sit. C. I. 222., C. G. 377. Quapropter graviter peccant parentes sinentes filios libere pravis sociis comitari, pravos libros et ephemerides legere, pravas officinas et scholas frequentare, nisi adsit gravissima causa eos excusans. — L. 339.

*Providentiam debent quoad statum:* unde parentes debent filios arte aliqua vel litteris instituere secundum morem regionis et conditionem familiae. Curare debent, ut filii, qui velint matrimonium inire, honestum ineamt matrimonium; et si filiarum pudicitia in periculo ideo versetur, debent saltem ex caritate eas dotare. Quin imo non desunt qui absolute tenent, patrem obligari ad dandam dotem filiae, sive contrahat dignum matrimonium, sive religionem ingrediatur, itemque obligari ad dandum patrimonium filio qui velit sacerdotium suscipere. L. 1. 6. n. 819. Attamen ex C. I. 147. et ex C. G. 204. nulla filiis competit *actio* contra parentes, nolentes quidquam suo patrimonio detrabere, ut filii aut filiae matrimonium inire possint, aut alio simili titulo. Si vero parentes sua bona dilapident, et ideo filios egenos derelinquant, gravi profecto non vacant peccato. Neque vero a peccato excusari possunt, si non adhibeant saltem mediocrem diligentiam, ut acquirant bona, quibus filii alantur, habeantque haereditatem secundum suum statum. Maxime vero tenentur proli relinquere libertatem quoad electionem status; et graviter peccant invitos ad matrimonium vel religionem cogentes, vel eos avertentes a tali status. — L. 336. 337. 339.

14. *An parentes filios aliquando exhaereditare possint?* — R. Affirmative; ob iustam tamen, et gravem causam criminis contra ipsos parentes, quod talem poenam mereatur. Id constat primo iure naturali. Aequum enim omnino est, ut parentes possint filios, in ipsos graviter iniurios, tali poena plectere, et eiusdem poenae timore in proprio officio continere. Constat praeterea iure positivo. Etenim Ius Romanum hanc potestatem in parentibus agnoscit, et plures casus determinat, quibus parentes filios exhaereditare possunt. Ac ob eandem criminis rationem possunt filii exhaereditare parentes, et fratres exhaereditare fratres. *Novella* 115. cap. 3. 4., *Novella* 22. cap. 47. Ex Iure Italico art. 725. 1081., et ex Iure Gallico art. 727. 955. 1046. 1047., non habetur quidem exhaereditatio proprie dicta, sed generatim statuitur incapacitas et indignitas succedendi ratione criminis, et revocabilitas ipsius donationis factae ratione ingratitudinis, ob determinata quaedam delicta: si nempe 1.<sup>o</sup> vitae testatoris fuerint insidiati; 2.<sup>o</sup> si alio crimine, saevitiis vel gravibus iniuriis rei in eum fuerint; 3.<sup>o</sup> si alimenta ei denegaverint; 4.<sup>o</sup> si calumniose eum gravis criminis ex Iure Ital. vel criminis capitalis ex Iure Gall. accusaverint; et 5.<sup>o</sup> ex Iure Ital., si ad testamentum condendum vel mutandum coegerint, vel ab eo condendo aut revocando impederint. — L. 340. 948. 949.

15. *An parentes teneantur in foro conscientiae legitimam filiis secundum leges relinquere?* — Parentes, verius et secundum communem doctrinam, debent *legitimam* post mortem relinquere filiis suis, sive maribus sive feminis, *naturalibus* et *legitimis*, immo etiam *naturalibus* iure agnitis et legitimatis, nec non *legitimis* seu adoptivis, nisi gravis adsit causa. Lex enim iusta est, et in conscientia quidem obligans, sed rariores quosdam necessitatis casus, non excludens, quibus aliter agendum ipsum filiorum et familiae bonum suadeat; quod etiam timoratorum praxi confirmatur. — L. 1. 3. n. 215., La-Croix P. 3. l. 2. n. 1173., Gousset 794., Scav. 1. 2. n. 334. Del Vecchio not. ad Scav. l. c. Ed 13., Gury 827., Cas. 822. seqq., D'Annib. P. 2. n. 573.

Nullum sane dubium est, quod possint parentes, attentis civilibus legibus, manualia dona praesertim remuneratoria filiis facere; si enim haec non prohibentur pro amicis, neque pro coniunctis prohibentur, aut pro piis causis. Possunt praeterea etiam, iisdem personis, maioris momenti dona efficere, si ex meris redivitis fiant; quia horum sunt pleni et liberi domini neque, ipsis civilibus legibus, tenentur patrimonium redivitis augere. Tandem



si iusta et proportionata gravis adsit causa possunt etiam, si legitima filiorum non laedatur, donationem efficere ex iis quoque quae patrimonium constituent. Ratio est 1.<sup>a</sup> quia lex casus spectat ordinarios, non extraordinarios, in quibus ipsum familiae bonum et bonum commune aliud expostulant. Ratio 2.<sup>a</sup> est, quia lex legitimam determinans hanc dat parentibus facultatem, ut de reliquis bonis libere disponant pro aliis. Si ergo pater ea aliis extraneis relinquere potest, donare potest etiam ipsis filiis, si rationabilis adsit causa ita agendi. Non enim supponi potest quod lex denegat pro filiis eam facultatem, quam dat pro extraneis Ratio 3.<sup>a</sup> est, quia lex successionis bona proprie respicit quae pater decedens relinquit, dummodo igitur legitima non laedatur, potest quidem reliqua donatione saltem inter vivos dare. Illud vero notandum est, quod habet Lugo D. 23. n. 147. nempe « parentes, si inofficiose donaverint, h. e. in praediuicium legitimae filiorum, eorum donationes revocari possunt a filiis. Non tamen est invalida donatio, sed irritari potest ». Idque valet etiam in Iure Italico et Gallico: non enim in utroque hoc Iure dicitur quod *est irrita*, sed quod *erit irrita*. Cod. Ital. art. 821. Cod. Gall. art. 920.

### III. — OBLIGATIONES CONIUGUM

16. *Quotuplex inter coniuges iurium et obligationum genus?* — Matrimonium est consortium omnis vitae. Unde triplex ex matrimonio iurium et obligationum genus promanat, quoad personas, quoad bona, quoad corpus. De iuribus et obligationibus utriusque coniugis *quoad corpus* in Tr. De Matr. dicendum erit. Quare hic de aliis tantum dicemus.

17. *De iuribus et obligationibus coniugum quoad personas.* — Caput uxoris est vir, adeoque uxor sub viri potestate est, in iis quae ad matrimonium, i. e. quae ad individuum vitae consuetudinem pertinent. Quare uxor sine consensu viri, nequit obligari voto, S. Th. 2. 2. q. 88. a8. ad 3., L. l. 3. n. 234.; nequit regulariter obligari contractu: viri domicilium regulariter sequi debet, C. l. 131., C. G. 214.; licet sine causa, Sanch. De Matr. l. 1. D. 41. n. 2.; dummodo uxor possit eum sequi sine gravi seu animae, seu corporis detrimento, Sanch. n. 4., L. 351.

Viro quidem reverentiam obsequium, et obedientiam praestare debet uxor, in iis quae spectant ad domus gubernationem et bonos mores; sed eius socia, non famula est, L. 351., Sanch. De Matr. l. 6. D. 6. n. 14. Quare si ipsa est dives, aut nobilis non cogitur praestare viro, quae suae dignitatis non sunt, v. g. coquere cibos, verrere domum, etc. L. 352. Si tamen viro non obediatur in re gravi, graviter peccat, et viro modica quaedam coercitio permittitur, L. 356., l. 6. n. 972.

Vir vicissim tueri debet uxorem, C. l. 132., C. G. 213. cum ea habitare adeoque diu ipsi abesse non licet, nisi ex gravi causa, C. l. *de Coni. lpr.*, et ne peregrinationem quidem longam inire, muliere invita, C. 8. *de Voto*. Licet autem uxori virum sequi, si possit citra incommodum illius gravi, C. 9 §. *In tanta de Voto*. Peccat vero graviter maritus, si verbis contumeliosis vel infamatoriis afficiat uxorem; si illam impediatur circa praecepta Dei vel Ecclesiae sine iusta causa, si graviter caedat uxorem, si gubernationem domus et rem familiarem negligat. L. 356.

In his quae pertinent ad mutuum vitae adiutorium paris iuris sunt vir et uxor, cum matrimonium mutui adiutorii causa ineatur. Hinc si quid adversi alteri acciderit particeps alter esse debet. Quare mulier virum alio migrantem valetudinis causa, vel in peenam, et vir mulierem sequi debet, L. 353.; et alter alteri egent, etiam in exilium acto sua culpa, vel carceri

incluso, imo et ab eo separato, dummodo non sua culpa, si facultates habeat, alimenta debet praestare, et vir alere debet uxorem, etsi indotatam duxerit, vel dos casu perierit, C. I. 132. 133. 142., C. G. 214., Sanch. De Matr. l. 9., D. 4. n. 20., D. 5. n. 8. 14.

Neutri fas est, altero invito, religionem ingredi, C. un. Extr. *De Voto*; et qui transit, coniuge invito, ad religionem revocari potest, C. 3. 12. *De Conc. Coni.*; nec viro, uxore invito, ordines, immo nec tonsuram fas est accipere, C. 4. *De Temp. ord.* in 6.<sup>o</sup>, praeterquam si ab ea iuste et ex iure quoad habitationem diverterit, L. 1. 6. n. 969.

18. *De iuribus et obligationibus coniugum circa bona.* — Si Ius naturale inspicitur, maritalis societas non impedit, quominus et maritus et uxor retineant proprietatem, usufructum et administrationem etiam bonorum, quae habebant ante matrimonium, et quae acquirunt durante matrimonio. Concurrere tamen debent ad expensas ob communia onera necessario sustinendas. Convenit autem, ut maritus vel omnem habeat bonorum administrationem, vel uxorem certe coadiuvet, quantum necesse est ad eius imbecillitatem supplendam. — Si vero Ius positivum inspicitur, amplior est hac in re mariti potestas. Hinc varia Iure positivo distinguuntur bona uxoris.

19. *Quoad bona uxoris, haec sunt vel dotalia, vel extradotalia*, seu paraphernalia. *Dos* est pecunia marito data vel promissa matrimonii oneribus sustinendis, C. I. 1388. Cf. C. G. 1541., C. A. 1218. Ut sit *dos* necesse est: 1.<sup>o</sup> ut hoc nomine expresse constituta fuerit, C. I. 1388. Cf. C. G. 1541.; 2.<sup>o</sup> ut *instrumentum* per notarium conficiatur, et, si dos ab ipsis coniugibus constituitur, *ante matrimonium*, C. I. 1391.; post matrimonium enim dos nec constitui nec augeri ab ipsis potest, C. I. 1391., et ex C. G. 1543 neque ab aliis; 3.<sup>o</sup> ut ex Iure Civili initae sint nuptiae.

20. *Qui dotem constituit* eam ex suis bonis praestare debet, etsi mulieri propria bona non desint, C. I. 1392. 1393. 1394. 1395., C. G. 1544. 1545. 1546., C. A. 1224., et evictionem praestat, C. I. 1396., C. G. 1547. Vir autem pro dote ad cautionem non tenetur, nisi ad eam conventionem facta obligetur, aut adigatur per iudicis sententiam, si dos periculo exponatur, C. I. 1400., C. G. 1550., C. A. 1245.

21. *Ea quae dotis causa dantur, alia transeunt in plenum viri dominium, alia permanentem dotem constituunt.* — In plenum dominium viri transeunt res, quae usu consumuntur, C. A. 1227.; res sive mobiles sive immobiles, quae ei in *solutum* dantur, C. I. 1403. C. G. 1553.; res mobiles si aestimatae datae fuerint, C. I. 1401., C. G. 1551., non item immobiles, nisi id palam fuerit expressum, C. I. 1402., C. G. 1551., C. A. 1228. — Eorum bonorum, quae *permanentem dotem* constituunt dominium naturale et directum penes uxorem remanet, civile et utile transit in maritum. Quare, vi naturalis et directi domini uxoris, dotis incrementum vel damnum uxoris erit. Vi civilis et utilis domini mariti, vir habet bonorum dotalium administrationem et usufructum: unde bona dotalia administrat quasi sua, pro ipsis in iudicio agit, C. I. 1399., C. G. 1549., et omnia quae fructuum nomine continentur sua sunt ab inito matrimonio, C. I. 1399., C. G. 1549., C. A. 1227.; et si pecunia numerata promissa fuit, usurae ipso Iure ei debentur, licet dilatio solutioni stipulata fuerit, C. I. 1397., C. G. 1548. Verum maritus debet eam diligentiam praestare in rebus dotalibus administrandis, quam in suis rebus praestat, et omnes implere debet usufructuarii obligationes, C. I. 1408., C. G. 1562., *fructus* autem ad alendam familiam adhibere tenetur, ideo enim *fructus* ipsi assignantur, scilicet ad ferenda onera matrimonialia. Potest vero mulier officio iudicis separationem bonorum obtinere, C. I. 1418., C. G. 1497., qua impetrata ipsa, loco mariti, dotalia bona administrat, C. I. 1424., C. G. 1449., sed domesticis necessitatibus et filiorum institutioni simul cum marito providere debet, C. I. 1423., C. G. 1448.

22. *Bona dotalia regulariter, constante matrimonio, alienari non possunt.* et facta alienatio revocari poterit ab ipso etiam marito, qui alienationi consensit, C. I. 1407., C. G. 1560. *Bona dotalia*, nempe omnia ex C. I. 1405., *immobilia* tantum ex C. G. 1554. *Regulariter*, alienari enim possunt ex gravi necessitatis vel utilitatis causa, ex tribunalis decreto et utriusque coniugis consensu, C. I. 1405., C. G. 1558.; vel si alienatio permessa fuerit in ipso matrimonii contractu, C. I. 1404., C. G. 1557. *Alienari non possunt* ob quamvis causam ex C. I. 1405., nihil distinguente, excepta causa filii alienius collocandi ex C. G. 1556. Alienatio vero comprehendit etiam permutationes, servitutes, hypothecas, C. I. 1404. 1405., Cf. C. G. 1554. 1559. *Constante matrimonio*, quare etiam post separationem ex C. I. 1405., Cf. C. G. 1449. Si vero, constante matrimonio mulier aes alienum, vel quamlibet obligationem contraxit, post solum matrimonium bona etiam dotalia creditoribus obligantur ex C. I. 1407., secus vero ex I. G.

23. *Solutum matrimonio, dos cessat, et restituenda est.* — Res quarum dominium civile et utile tantum penes maritum erat, in propria specie sunt *statim* restituendae, ut tunc sunt, C. I. 1409. 1411. 1412., C. G. 1564. 1566. 1567., et si culpa mariti deteriores factae sint, detrimentum ipsi aestimatur, C. I. 1408., C. G. 1562. Rerum vero, quarum plenum dominium habuit maritus, pretium tantum est *infra annum* restituendum, C. I. 1401. 1410., C. G. 1551. 1565. Ex his potest mulier sibi retinere lintea et quae ad ordinarium ipsius usum sunt necessaria, eorum actuali pretio refuso, si eorundem facta aestimatione, data ipsa primum fuere, C. I. 1411., C. G. 1566. — Restituendi praeterea sunt fructus ultimi anni matrimonii, pro rata temporis. Annus a die celebrati matrimonii anniversaria computatur. Sed potest vidua pro suo arbitrio vel hos fructus exigere, vel alimenta toto luctus anno. Ipsi praeterea debentur hoc anno habitatio et vestes luctus, C. I. 1415. 1416., C. G. 1570. 1571.

24. *Bona extradotalia pleno iure sunt uxoris*, adeoque ea administrat eorumque usufructu potitur, C. I. 1427., C. G. 1576. Si vero maritus ea administrat *ex mandato uxoris expresso vel tacito* et fructus percipit, fructus tantum restituere debet, qui tunc sunt, cum mulier petit, aut moritur: omnes vero fructus quos percepit restituere debet, si apposita fuerit mandato conditio, ut redderet rationes fructuum, vel si mulier iudiciali actu se opposuerit, C. I. 1427. seqq., C. G. 1576. seqq. Quare uxoris sunt ea bona, quae, durante matrimonio, ex suis bonis, vel ex suo labore acquirit, praesertim si mercaturam suo nomine exercet.

25. *De bonis mariti.* — Nullum bonorum mariti dominium uxor habet. Verum cum uxor socia sit viri, et vir uxorem alere debeat pro sua conditione, uxor sumere sibi potest ea, quae sibi hac de causa sunt necessaria, Lugo De lust. et lur. D. 16. n. 72., Less. De lust. et lur. l. 2. C. 12. n. 85., ac si ex consuetudine regionis receptum est, ut uxor aliquid impendat ex bonis viri, hoc etiam efficere potest, Lugo l. c. Quare potest uxor sumere non solum ea, quae corpori sunt necessaria, sed etiam quae ad animum levandum et ad sui status decentiam pertinent, Lugo l. c. n. 68. 70. Neque vero id potest pro se tantum, sed etiam pro filiis ex eo matrimonio susceptis, pro utilitate familiae, vel ad aliquod eius damnum removendum, idque invito etiam viro. Quare potest res viro prodigo subtrahere, ad ea pro familia in posterum reservanda, vel viro avaro ad moderatas eleemosynas faciendas, Lugo l. c. n. 65., Less. l. c. n. 85. Ex ipsa natura societatis coniugalit uxorem administrationem habet rerum domesticarum, penus, supellectilis, etc., Lugo l. c. n. 64., Less. l. c. n. 85. Ex C. I. a. 1432., si uxor bona mariti administravit, eidem iuri, qui ipse in administratione bonorum paraphernalium uxoris, subiecitur. Viro autem absente vel furioso, uxor eius bona administrat, eaque expendere potest, secundum vires patrimonii, pro sustentatione et dignitate servanda familiae, licet forte vir, si praesens vel



compos sui esset, non fuisset expensurus. Lugo l. c. n. 16. 70., Less. n. 127. 86.

26. *Præter hæc*, tum a viro tum ab uxore ea omnia pacta servanda sunt, quæ in contractu matrimonii vel tacite inita sunt secundum leges proprias regionis, vel expresse privata voluntate constituta. Cf. C. I. 1398. C. G.

27. *Quid possit uxor quoad varios contractus incutendos?* — Non potest uxor, sine viri consensu et auctoritate, l. res suas immobiles donare, alienare, hypothecæ subicere, mutuum contrahere, cedere vel exigere capitalia, fideiubere, transigere, vel in iudicio de his actibus agere., C. I. 134., Cf. C. G. 215., 217., C. A. 91., nec alterius negotia gerenda suscipere, C. I. 1743., Cf. C. G. 1990. — Nullo vero indiget viri aut alterius consensu seu auctoritate mulier, viro minore, interdicto, absente, vel poenam anno longiorem expiante, vel absente, vel quando iuridice sit separata ex culpa mariti, vel quando mercaturam exerreat, C. I. 135., Cf. C. G. 220., 222. — Qui cum uxore contrahit sine viri consensu et auctoritate, cum ea opus sit, uxori obligatur tum civiliter tum naturaliter, illi vero uxor pariter obligatur. At uxori, eiusque hæredibus, nec non viro, constante matrimonio, datur in integrum restitutio; nisi probetur, quod uxori solum est eidem in commodum et utilitatem cessisse, C. I. 134., 137., 1107., 1300., C. G. 217., 225., 1304., 1312.

28. *An uxor pro viro fideiubere possit?* — R. Affirmat., ut domesticis nempe necessitatibus consulat. Secus vero negat. Ita communiter. Ratio est, quia illud aliquando exigitur ab ipso familie bono, hoc vero ab hoc eodem bono excluditur. Inde etiam sequitur teneri uxorem ad solvenda debita marito contracta nomine uxoris, vel ipsa sciente et consentiente propter bonam et commodum ipsius familie. L. 354.

29. *Quid iuris sit, si vir et mulier irritum matrimonium contraxerint?* — 1.<sup>o</sup> Si uterque conscius erat nullitatis, nullum quidem est matrimonium, et nullam inde ius ex positivo iure prætendi potest sive quoad dotem uxoris, sive quoad legitimam et successionem hæreditariam filiorum, C. I. *Qui fil. sint legit.*, C. I. 116., C. G. 202., C. A. 160. — 2.<sup>o</sup> Si uterque inconsciis erat nullitatis, matrimonium perinde est ac si validum revera sit, unde iura ex eo fluunt quasi veri matrimonii, C. 2. 8. 14. *Qui fil.* C. I. 116., C. G. 201., L. 1. 7. n. 425. — 3.<sup>o</sup> Si alter conscius alter inconsciis nullitatis erat, civilia iura coniugi soli constant, qui in bona fide contraxit, filii vero quoad utrumque legitimi sunt, C. 14. *Qui fil.*, C. ult. §. *Si quis l. de Claud. Desp.*, C. I. 116., C. G. 202. — Schmalz. I. 4. t. 17. n. 13. 18. 57.

#### IV. — ALIORUM COGNATORUM OBLIGATIONES

30. 1. *Quoad alios cognatos ascendentes et descendentes eadem sunt generaliter obligationes cum debita proportionem, ac parentum respectu filiorum, et vice versa; isti enim omnes, ratione generationis aliorum ab aliis, stricto pietatis vinculo invicem ligantur, præsertim si, parentibus deficientibus, ascendentes nepotum curam suscipiant.* Ita omnes. Hanc autem curam suscipere debere docent communiter tituli, in defectu parentum et tutorum, quoad istum sunt minores, et quantum illi commode possunt. Cæteris paribus, alios paternus tenetur istam suscipere curam præ avo materno, ut del. communiter docent. — 2. *Quoad fratres et sorores hi debent se mutuo amore præsequi, non tantum communi affectu, ut cæteri homines, sed peculiari affectione ob arctum sanguinis vinculum.* Debent etiam sibi invicem succurrere quod ad necessaria vitæ, non tantum in extrema, sed etiam in gravi necessitate, L. 349., t. 377. — 3. *Reliqui consanguinei et collaterales tenentur pariter sibi invicem præstare amorem et auxilium in necessitate, iuxta*

ordinem graduum consanguinitatis. Ratio est, quia sanguinis coniunctio et descensus ab eodem stipite et principio vitae hanc inducit specialem pietatis obligationem. Unde in defectu parentum, vel quasi parentum, et ascendentium, consanguinei collaterales etiam succedunt in obligatione praebendi alimenta egenti in ordinaria necessitate, et mendicitate, si possunt, vel nisi alii adsint, qui similem necessitatem liberaliter velint sublevare. Struëlz 20.

31. *De alimentis praestandis quoad varios consanguineos et affines.* — Ad alimenta praestanda primo loco obligatur coniux, secundo descendentes, tertio ascendentes, quarto gener et nurus, quinto socer et socrus, C. I. 138.-142., C. G. 203. 205.-207., denique fratres et sorores: quae quidem obligatio reciproca est, C. I. 140., C. G. 207. Ascendentes tenentur ordine proximitatis, C. I. 138. Descendentes autem tenentur eo ordine, quo ad legitimam successionem vocarentur personae egentis, C. I. 142. Fratribus et sororibus alimenta debentur, si sint in admodum gravi necessitate, C. I. 141. Illis in locis, in quibus lex civilis non obligat fratres et sorores ad alimenta praestanda fratribus et sororibus, urget tamen graviter naturalis caritas et pietas, si fratres vel sorores sint in *gravi necessitate* constituti. Quoad alios autem consanguineos remotiores, praeter fratres, si in gravi versentur necessitate, obligatio adhuc adest, quamvis levis « cum erga ipsos etiam adsit aliqua, licet non ita stricta obligatio pietatis », L. 339., l. 3. n. 946., Lugo De Iust. et Iur. D. 24. n. 175. Socrus et nurus alimenta amittunt, si ad alias transeant nuptias, aut mortem obierit coniux, ex quo orta est affinitas, nullis relictis descendantibus, C. I. 140., C. G. 206. Parentes filiis alimenta denegare non possunt, quia ipsis invitis nuptias cum indignis contraxerint, L. l. 3. n. 337. 949. « Dicunt Sanchez, etc. quod pater tenetur alimenta praestare non tantum filio, sed etiam uxori illius quamvis eam duxerit sine dote, et contra ipsius patris voluntatem. Praeterea tenent Azor, etc. quod pater debet filium alere, etiamsi filius consummasset vitiose portionem iam prius sibi traditam », L. 336. 337. Quantum autem praestari debet ex necessitate petentis et ex facultatibus dantis aestimandum est, C. I. 143., C. G. 208. Alimenta complectuntur victum, vestitum, habitationem, aliasque res ad vitam necessarias, et secundum circumstantias, instructionem personae convenientem, C. I. 846. Optio vero datur, vel domi egentem recipiendi, vel ei pensionem suppeditandi, nisi aliud iudex constituerit, C. I. 145., C. G. 210. Quia vero haec obligatio praestandi alimenta ex caritate et pietate est non ex iustitia, qui ea non praestat non tenetur ad restitutionem, neque erga haeredes mortui, qui ius ad ea habebat, obligatur, C. I. 144. 146., C. G. 209. — L. 339. 356.

32. *De damnis reparandis.* — Quaestio generatim movetur: An superior teneatur ad reparandum damnum a suis subditis illatum? Et resp. 1.<sup>a</sup> Affirmat., in *foro externo*, secundum varias leges in variis regionibus vigentes, Cf. C. I. 1153., C. G. 1384., in quibus fit expressa mentio: 1.<sup>a</sup> de patre, et, ob defuncto, de matre relate ad filios minores, cum ipsis habitantes; et in C. I. de tutoribus relate ad eos, quorum sunt administratores, cum ipsis item habitantes; 2.<sup>a</sup> de herede et de mandante relate ad famulos et ad mandatarios in exercitio functionum, ad quas eos ipsi destinarunt; 3.<sup>a</sup> de institute et artifice relate ad alumnos durante tempore, quo sunt sub eorum vigilantia; 4.<sup>a</sup> de marito vero relate ad uxorem nihil statuitur. Eiusmodi autem obligatio sive in parentibus, sive in tutoribus, sive in heris et mandantibus, sive in praeceptoribus et artificibus cessat ex utroque iure I. et G., quoties probent non potuisse impedire factum, de quo secus respondere deberent. — 2.<sup>a</sup> Negat, in *foro interno*. Ratio est, quia qualitas superioris inferi tantum opus recte subditos gubernandi: minime vero obligationem *ex debito iustitiae* damna suorum subditorum, et multo minus aliorum non subditorum impediendi: nisi vel *ex speciali contractu*, vel *ex speciali officio* ea impedire debeat.

## V. — TUTORUM ET CURATORUM OBLIGATIONES

33. *Quid tutor et curator?* — Inter tutorem et curatorem discrimen est. Tutor datur directe personae, et per consequens bonis eius. Curator per se datur bonis, et per accidens personae. Curator bonorum administrator est. Tutor datur minori non emancipato, et interdicto bonorum administratione. Curator vero datur minori emancipato; maiori inhabili renunciato ob mentis infirmitatem, vel prodigalitatem: surdo muto, vel caeco a nativitate. C. I. 241. 314. 329. 339. 340., C. G. 389. 482. 505. 513.

34. *Tutoris et curatoris officia.* — Tutor habet curam personae minoris, eum repraesentat in actibus civilibus, eiusque bona mere administrat. C. I. 277. 298. 318., C. G. 450. 457. 481., C. A. 188. 243. Quare administrationis fines excedere non potest. C. I. 296. seqq. 301., C. G. 457. seqq. 482., C. A. 233. 484. Curator assistentiam et auctoritatem praebet ei, qui sub eius cura est. C. I. 318. 339. 342. Quare sive tutor sive curator magnam in proprio officio fidelitatem adhibere tenentur, et si graviter in eo implendo delinquant peccant graviter, etiam contra iustitiam vi quasi contractus, et ad damnorum compensationem tenentur. L. 341.

35. *Nota:* Tutor, vel pro-tutor, *minoris* bona emere vel locare non potest, neque acceptare potest cessionem iurium *minoris*. Nulla conventio fieri potest inter tutorem et minorem, neque ulla testamentaria dispositio illi utilis esse potest, ante redditam et approbatam rationem tutelae. — C. I. 300. 307. 769., C. G. 156. 450. 472. 907.

36. *Resolves:* Tutor vel curator non potest donationes vel remissiones gratias facere de bonis pupilli; non ad destruendum sed ad tuendum est constitutus. Excipe donationem remuneratiam; sic enim potest, v. g. stipendio debito pro liberali servitio aliquid addere ex liberali donatione. Lugo D. 23. S. 10., L. 341.

37. *Minoris obligationes.* — Tutor loco patris est. Hinc officia *minoris* erga ipsum similia sunt illis, quae ipsi patri deberentur. Minor vero est obligatio *minoris* erga curatorem; cui tamen quoad bonorum administrationem et subesse debet et gratum gerere animum. *Minor* tamen sive erga curatorem, sive erga tutorem non tam stricte ad amorem, ad reverentiam et obedientiam ac erga parentes obligatur. Longe enim minor est eius ab ipsis dependentia ac a parentibus.

38. *Actum valor, et restitutio in integrum.* — Illa quae secundum leges fiunt sive a tutore, sive a curatore valida et firma sunt, adeoque rescissioni minime obnoxia, licet non utilia sed nociva fuerint ei qui sub tutela vel cura erat. C. I. 1304., C. G. 1314. Illa e contra quae non secundum leges facta fuerint, licet utiliter gesta, revocari possunt per restitutionem in integrum. C. I. 1309. *Per restitutionem*, nam interim valent. C. I. 335.-1107.; Ex C. I. *minores* restituntur, consultius et rationabilius, ut *minores*; ex C. G. 1305. restituntur non tanquam *minores*, sed tanquam *laesi*.

39. *Quomodo tutela et cura finiantur?* — Finiuntur ex parte tutoris vel curatoris legitima eius excusatione, remotione, morte. Ex parte eius cuius est tutor vel curator, *minori* ipsius aetate, aut cessata interdicti vel inhabilitationis causa, vel eiusdem morte. Cf. C. I. 338. 342., C. G. 512. 514.



## VI. — OBLIGATIONES DOMINORUM ET FAMULORUM

40. *Servorum et famulorum distinctio*. — *Famuli* a *servis* distinguuntur. Famuli enim non sunt *servi*, sed *liberi*, qui libere famulatus contractum ineunt. Famuli sunt de familia, ideoque familiares etiam vocantur vel domestici. Hinc famuli sub gubernatione domini sunt, et domini iura et obligationes erga famulos habent. Licet autem famuli, et de familia proprie non intelligantur, qui per unam vel alteram tantum diei horam, officia famulatus praestant; familiares tamen satis intelliguntur, qui per totam diem in domini domo stabilem habent sedem, eique inserviant, quique vero noctu in propria dormiunt domo.

41. *De obligationibus dominorum*. — Domini tenentur famulos suos: 1.<sup>o</sup> Benigne tractare, id est decenter et humane eos alloquendo et eis praecipiendo, bonaque et sufficientia alimenta praestando, nimis operibus eos non gravando, infirmos convenienter curando. Constat ex iure naturali, et ex Scriptura Sacra, Eccli. 33., 31. *Si est tibi servus fidelis, sit tibi quasi anima tua: quasi fratrem sic eum tracta*, Ephes. 6., 9.: *Et eos, domini, eadem facite illis (servis), remittentes minas: scientes quia et illorum et vester Dominus est in coelis, et personarum acceptio non est apud eum*. — 2.<sup>o</sup> Instruere et corripere: dominus enim est caput famuli, sicut totius familiae; ad caput autem spectat dirigere, ubi opus est. Videtur etiam constare ex verbis Pauli. 1. Tim. 5., 8.: *Si quis autem suorum et maxime domesticorum curam non habet, fidem negavit, et est infideli deterior*. Famuli autem inter domesticos reputantur. Elbel n. 590. — 3.<sup>o</sup> Iustum pretium solvere: agitur enim de obligatione iustitiae et aequitatis naturalis: unde defraudatio talis mercedis inter peccata in caelum clamantia recensetur. — G. 382., L. 342.

42. *Resolves*: Peccare, et quidem etiam graviter, possunt domini: 1.<sup>o</sup> Si tempus non concedant famulis ad addiscenda rudimenta fidei christianae, vel eos ad catechismum et concionem non mittant; si non caveant, ut tempore debito confiteantur et communient. — 2.<sup>o</sup> Si conducant, vel in domo retineant famulos irreligiosos, impios, blasphemantes, turpia loquentes; si peccantes graviter non moneant et corrigant, aut emendationem promittere nolentes non dimittant, nisi forte eorum opera maxime indigeant, et alios invenire non possint. — 3.<sup>o</sup> Si curam non habeant, quantum in ipsis est, ut servi a peccatis abstineant; si ipsis occasionem peccandi permittant; si eos pravo exemplo aut sollicitationibus in peccatum inducant vel alliciant. — 4.<sup>o</sup> Si stipendium promissum aut iustum non solvant, aut nimis differant; si famulos aegrotos non curent, eosque statim expellant, vel absque iusta causa ante praefixum tempus dimittant. — G. 382., L. 342.

43. *De obligationibus famulorum*. — Tenentur famuli praestare dominis: 1.<sup>o</sup> Reverentiam; sic enim Apost. 1. Tim. 6. 1.: *Servi dominos suos omni honore dignos arbitrentur*. Exinde peccare possunt etiam graviter, qui dominos irrident, eos aspernantur, illorum occultos defectus manifestant. — 2.<sup>o</sup> Obsequium et obedientiam in iis omnibus ad quae se obligantur vi contractus, et in iis quae spectant ad bonos mores: sic Ephes. 6., 5.: *Servi, obedite dominis carnalibus cum timore et tremore in simplicitate cordi vestri, sicut Christo*. Et 1. Petr. 2. 18: *Servi, subditi estote in omni timore dominis non tantum bonis et modestis, sed etiam dyscolis*. Hinc peccant plus minusve, ratione materiae, qui cum aliquid eis praecipitur, obmurmurant, insolenter respondent, tempus inutiliter terunt, negligunt praeceptum laborem peragere, aut cum damno domini pro se laborant; et uno verbo, si omnes qui obsequium non praestant, quale ordinarie a talibus exigi et praestari solet. — 3.<sup>o</sup> Fidelitatem; iuxta verba Pauli ad Tit. 2., 9.: *Servos dominis suis sub-*

*ditos esse... non fraudantes, sed in omnibus fidem bonam ostendentes.* Hinc peccant et saepe graviter contra iustitiam, qui rerum sibi creditarum curam non habent, qui ex culpa sua eas deteriores fieri sinunt, qui victualia protusa, aut ipsis non dari solita, surripiunt sive ad manducandum, sive ad extraneis dandum aut vendendum. — G. 383. S. Th. 2. 2. q. 103., L. 343.

44. *Nota:* 1.<sup>o</sup> « Merces debetur famulis ad breve tempus infirmis, v. g. ad paucos dies, quia tempus anni, ad quem conducuntur, moraliter accipiendum est, seu ad breve tempus deficiens non est attendendum; parvum enim tempus respectu totius anni pro nihilo reputandum est. Secus vero, si famulus aegrotet ad plures menses, quia merces pro officio non praestito minime debetur. L. 346. Neque tenetur dominus ad expensas pro curatione, seu pro remediis et medici opera faciendas. De hoc conveniunt omnes, si expensae sint notabiles; imo id etiam admittit S. Lig. n. 864. post Lugo, saltem ut probabile, si expensae sint leves. — Non debetur autem merces ulla operariis, etiam ad breve tempus aegrotantibus, quia isti ad diem conducuntur... ergo pro singulis diebus tantum, imo pro media diei parte, si per mediam diem deficiant, iis retribuendum est ». G. Cas. 972. — 2.<sup>o</sup> Dominus nequit ante constitutum tempus famulum dimittere absque *causa gravi*. Ratio est, quia contractus locationis est vere onerosus, utramque partem obligans pro ratione materiae. Ergo, quemadmodum famulus sine gravi causa herum deserere nequit, si hic, defectu famuli, damnum grave subire deberet: ita pariter neque dominus sine gravi causa famulum pro anno conductum abicere. Herus ante tempus famulum dimittens sine sufficienti causa damnum inde emergens resarcire tenetur. Si famulus vero ante constitutum tempus discedat, *per se* ius habet ad salarium fere pro rata temporis famulatus, paulo minus tamen; sed si dominus grave detrimentum patiat ex discessu famuli, partem proportionatam stipendii retinere potest. L. 342. 345., G. Cas. 372. 373. 970.

45. *An famuli teneantur ad restitutionem, quando culpabiliter non impediunt damna, quae domino inferantur?* — R. Aut famuli conducuntur ad rem familiarem custodiendam, et defendendam, ac ad invigilandum et impediendum, ne damnum ullum eidem inferatur, ut sunt *administratores, custodes, etc.*, qui hoc potius nomine, quam domine *famuli* appellari solent; aut ad merum laborem, et operam suam praestandam, in rebus familiae necessariis conducuntur, qui proprie *famuli* communiter nuncupantur. In primo casu ad restitutionem et damnorum compensationem tenentur. Dominorum enim damnum ex officio et contractu, adeoque ex stricta iustitia commutativa, impedire tenentur. In altero casu alii dicunt teneri etiam *famulos* ad damnorum compensationem, sive illa ab extraneis, sive ab aliis famulis inferantur. Eorum ratio est, quia, vi ipsius famulatus, dominus uniusque famulo res suas in custodiam committit. Alii *communius* et *probabilius* dicunt teneri, si furtum et damnum committatur ab extraneis, non teneri si committatur ab aliis famulis seu domesticis. Ratio est, quia eo ipso quod in familiam admittantur censentur quidem obligationem suscipere eam adversus extraneos defendendi, minime vero etiam adversus alios familiares. Lugo D. 12. nn. 105. 106., L. 1. 3. n. 344., G. n. 691. Alii tandem dicunt famulos non teneri ad restitutionem seu damni compensationem. Licet enim ex caritate obligentur ad illud damnum impediendum, non obligantur tamen ex iustitia. Nam conducuntur quidem ad laborem et operam suam praestandam in rebus familiae necessariis, minime vero ad custodiendam et defendendam bona familiae. Ad custodiam et vigilantiam supra res domesticas vel familiam, et speciatim ad penus curam et custodiam speciales famuli et administrati praeficiuntur; et istis claves ad res custodiendas traduntur. Quare tunc tantum famuli ad restitutionem seu damni compensationem tenentur, cum ipsis illa cura et custodia rei familiaris speciali munere commissa sit, vel explicite, vel implicite, e. g., cum datur ei clavis ad extrahendum aliquid

de aliquo loco, quia pro tunc custodia eius loci ipsi demandatur. Stante hac sententiarum varietate, « confessarius, inquit Baller. in nota ad P. Gury. l. c., ab urgenda restitutionis obligatione abstinere debet ».

46. *An famuli, indicantes salarium esse infra operam ab ipsis praestitam, uti possint occulta compensatione?* — R. 1.<sup>o</sup> Affirmat. si domini stipendium ex conventionem constitutum non solvant, vel imminuant. Aperte enim tunc commutativam iustitiam laedunt. Ithur. Cas. l. n. 2. — 2.<sup>o</sup> Negat. vero, saltem generatim loquendo, extra praedictum casum. Prob. 1.<sup>o</sup> ex prop. 37. damn. ab Innoc. XI. 2.<sup>o</sup> Nam licet de minori pretio convenerint, contractui tamen, utpote iusto in conscientia standum est. Dicitur, *saltem generatim loquendo*, quia excipiunt plures: 1.<sup>o</sup> si famulus vi aut metu compellatur ad consentiendum in pretium inaequale; 2.<sup>o</sup> si necessitate compulsus in illud consenserit, modo tamen dominus alios famulos eodem vili pretio, iam iuste non invenisset, vel hunc rogantem ex misericordia non exceperit. Quin imo si famulus, nulla statuta mercede inserviat, ex mera domini caritate, ut ab eo alatur, nullam praetendere potest, « quemadmodum accidit cum pueris, quos nobiles aut episcopi rogantur in suam familiam admittere; tunc enim sufficit, si domini tribuant eis victum, vestes, et habitationem, cum talis sit consuetudo ». L. 348. 3.<sup>o</sup> si invitatus operibus indebitis gravetur; 4.<sup>o</sup> si operas augeat ex voluntate domini, sive expressa, sive tacita: operarius enim dignus est mercede sua; secus vero si omnino sponte ipsemet operas augeat, quia tunc censetur operas condonare ad conciliandam sibi gratiam domini. — L. 522. 523., G. 623.

*Nota:* 1.<sup>o</sup> Quod de famulis idem dicendum est de aliis operariis, et mercatoribus. — 2.<sup>o</sup> Quatenam sit iusta compensatio iudicio etiam famuli relinqui potest, si prudens sit et timoratae conscientiae. Sed res in praxi periculo saepe hallucinationis non caret. — L. 524., G. l. c. — 4.<sup>o</sup>

## VII. — OBLIGATIONES MAGISTRORUM ET DISCIPULORUM

47. *Quaenam sint magistrorum et discipulorum obligationes?* — Inter magistros et discipulos sunt quodammodo eadem obligationes, *quae inter parentes et liberos*. Ratio, quia parentes, quorum ius et obligatio proprie est educationis et institutionis filiorum, magistros sibi substituant, qui prout eorum locum hac in re tenent erga liberos. — Quare magistri et praeceptores debent discipulis amorem, exemplum, correctionem, doctrinam. Hinc debent sese perficere in scientia, quam docent, ad alios debite erudiendos; promovere profectum discipulorum in litteris, quantum in ipsis est; eos avertere quantum possunt ab aliis, qui pravis moribus turpantur, quosque in scholis suis admittere nullo modo debent. Praeceptores autem delinquere possunt etiam graviter, cum discipulorum instructionem negligunt, aut eos iniuste vel indiscrete puniunt; sed praesertim si eosdem seducant, ad peccata impellendo; si non doceant bonos mores; si ex proposito falsa doceant ut vera, vel saluti noxia; si alumnos retineant malis moribus imbutos, qui aliis perniciosi sint, etc.

48. Discipuli tenentur exhibere magistris amorem et reverentiam, ob superioritatem et curam eorundem. Debent praeterea obedientiam, dum erudiuntur ab eis in bonis moribus et artibus. Ratio patet: hoc enim importat obligatio reciproca discipulorum ad magistros, qui plane frustra obligarentur ad eos erudiendos, vel imbuendos bonis moribus, nisi discipuli pariter obligarentur ad sectanda monita et praecepta magistrorum. Peccant autem discipuli, graviter vel leviter ex ipsa rei gravitate vel levitate, eiusque variis circumstantiis, si magistris non obediant in rebus per-



tinentibus ad studia et bonos mores, si magistris non exhibeant honorem et reverentiam: scilicet si nedom diligenter studeant, tempus conterant in otio, lusu, aliusve ineptiis contra voluntatem magistrorum suorum; si magistris detrahant, eos irrideant, subsannent, maledictis, calumniis, molestiis afficiant, etc. — G. 384. 385., L. 361.

## VIII. — OBLIGATIONES INFERIORUM ET SUPERIORUM ECCLESIASTICORUM

49. *Subditi tenentur suis superioribus spiritualibus exhibere amorem, honorem, et obedientiam in his, quae ad eorum iurisdictionem, et curam, spectant; item subsidium necessarium.* — Ita Sporer hic Cap. 5. 11. 73. et alii communiter. Prob. 1.<sup>o</sup> Id constat ex pluribus locis S. S., 1. ad Timoth. 5., ad Hebr. 13., etc.; 2.<sup>o</sup> Quoad amorem, reverentiam et obedientiam; quia superiores sunt, veram habentes iurisdictionem: quoad subsidium; quia dignus est operarius mercede sua.

50. *Resolves:* Christiani omnes tenentur ergo sub gravi culpa obedire Summo Pontifici in rebus ad fidem et christianam disciplinam pertinentibus: nam in his est Christi in terris Vicarius. Eodem modo dioecesani tenentur obedire episcopis, secundum rationem materiae, in illis, quae ad eorum iurisdictionem spectant.

51. *Superiores spirituales tenentur vicissim suis subditis exhibere amorem, curam, doctrinam, et bonum exemplum.* — Ita Sporer l. c. et communis aliorum. Prob. 1.<sup>o</sup> Id constat ex pluribus locis S. S. et ex Conc. Trid. S. 23. de R. C. 1.; 2.<sup>o</sup> Ex ipso eorum officio id evincitur. Unde neglectus animarum quoad curam, et administrationem sacramentorum, quoad doctrinam, et correctionem in superioribus ecclesiasticis non solum est contra caritatem, sed etiam contra iustitiam, et plerumque peccatum mortale, iuxta illud Ezech. 34.: *Vae pastoribus Israel ..... quod infirmum fuit, non consolidastis, et quod aegrotum non sanastis*, etc. — L. 357. seqq.

## IX. — OBLIGATIONES INFERIORUM ET SUPERIORUM CIVILIUM

52. *Quoad obligationem subditorum erga civilem auctoritatem*, subditi tenentur etiam Superioribus saecularibus, exhibere amorem, reverentiam, obedientiam. Sunt enim, in ordine civili, veri superiores, vices Dei ipsius in ordine temporali erga nos gerentes. Conf. ex S. Script., ad Rom. 13., 1. seqq., 1. Petr. 2., 13. 17. Quamobrem Catechismus Conc. Trid. huiusmodi obligationem cum ea comparat et coniungit, qua erga auctoritatem paternam et ecclesiasticam obstringimur. Etenim, P. 3. de 4.<sup>o</sup> Mandato, S. 15., postquam docuit parentes et superiores ecclesiasticos debito honore colendos esse, subdit: « Item de Regibus, de Principibus, de Magistratibus, et reliquis, quorum potestati subicimur, dicendum est. Nam si quem eis cultum tribuimus, is ad Deum refertur; habet enim venerationem hominum excellens dignitatis gradus: quia divinae potestatis est instar: in quo etiam Dei providentiam venerationem, qui publici muneris procuracionem iis attribuit, quibusque utitur tanquam potestatis suae ministris » Cf. etiam S. Justinii Apol. 1. 17., S. Theophili Antioch. ad Autol. lib. 1. c. 11., S. Clem. Const. c. 12., Tertull. ad Scap. c. 2., S. Gregorii Naz. Or. 17., S. Chrys. Hom. 6. ad Ant., S. Irenaei

adv. Haeres. l. v. 24., S. Augustini in Ps. 124. n. 7., et de Civit. Dei, l. v. 10. 11. 14. 15., et Litteras Encyclicas Gregorii XVI., Pii IX., Leonis XIII. — G. 386.

53. *Quoad vero obligationem ipsorum Superiorum, hi tenentur ex officio subditis exhibere amorem, bonum exemplum quoad mores et religionem, administrationem iustitiae, et publicae felicitati prospicere mediis iustis ac opportunis. Id constat apertissime ex ipsa natura eorum officii. Unde Superiores saeculares peccant graviter per negligentiam, conniventiam, et omissiones, puta si subditos ab hostibus et iniustis vexationibus non timent, maxime vero per positivas iniurias, oppressiones, et exactiones excessivas, vel christianae religionis persecutionem: quas iniustitias Deus certe non relinquet inultas: nam. ut dicitur Sap. 6.: *Iudicium durissimum in his, qui praesunt, fiet: exiguu enim conceditur misericordia, potentes autem potenter tormenta patientur.* Struggl 28. Peccant item si reipublicae ignaros imperitosque praeficiat. Hoc autem grave praeceptum probos eligendi debita proportione in gubernio Constitutionali ac Republicano urget etiam omnes deputatorum electores: et, aliis circumstantiis praecclusis, non solum peccant qui malis suffragium tribuunt, sed etiam qui non concurrendo in causa sunt, ut mali ab aliis eligantur: unusquisque enim cum potest tenetur a republica malum avertere. Quot autem mala ab impiis deputatis tum religioni, tum civili societati obveniant, nemo ignorat, cum ipsis summa omnium rerum concredita sit, neque tantum tribuant consilium, sed ipsas leges cum aliis condant. Excipe, nisi alicubi ob speciales rationes praestet aliter agere et specialis habeatur praescriptio aliter agendi.*

54. *An liceat aliquando non obedire auctoritati temporali: an liceat aliquando Principem interficere? —* Doctrina S. Scripturae, Patrum, Conciliorum, SS. Pontificum, Catechismi Conc. Trid., S. Lig. H. A. Tr. 8. n. 13., et etiam Enc. Gregorii XVI. 15. Aug. 1832., quae totam catholicam traditionem exprimit, sic paucis verbis circa hanc quaestionem resumiri potest. — Ad 1.<sup>am</sup> Sicut evidens est, nunquam obediendum esse auctoritati humanae in iis, quae evidentiter contra legem Dei sunt, ita in iis, quae per se licita sunt, et quae ad civilem pertinent potestatem, est omnino obediendum Principibus *etiam dyscolis*, et illis quoque, qui auctoritate sua abutuntur. Ex hisce fontibus purissimis, Scriptura nempe et Traditione, ait Gregorius XVI. in Br. 9. Iunii 1832., apertissime edocemur obedientiam, quam praestare homines tenentur potestatibus a Deo constitutis, absolutum esse praeceptum, cui nemo contraire potest. — Ad 2.<sup>am</sup> Nunquam omnino licitum est rebellare. « Nimis perniciosum in hac re, ait S. Lig., fuit principium Joannis Gersonis, qui ausus est asserere, quod monarcha potest legitime a tota natione iudicari, si regnum iniuste regat...: principium, inquit, non tantum falsum, sed perniciosissimum... At quale remedium adest, si regimen Principis esset excessive tyrannicum? Remedium quod suppetit, ait S. Thomas, est ad Deum recurrere, ut auxilium praebet ». H. A. Tr. 8. n. 13. — Ad 3.<sup>am</sup> Nemini licet unquam Principem interficere. Sequitur ex dictis. Contraria opinio antiquorum dicitur a S. Alph. l. c. *improbabilis, falsa, falsissima*, « Postulo, ait S. D., estne ille homo, ut alii, et si est homo nequit ipse privari vita, aut bonis ab iis, qui ius non habent eum vita aut bonis expoliare. Communis est SS. PP. doctrina, quod *nulli privatae personae licet unquam occidere hominem*, quamvis privatum, et quantumcunque iniquus ille sit, nisi publicam habeat auctoritatem, aut nisi id necessarium sit ad propriam vitam tuendam ». Idemque prorsus valet, si Princeps sit bonus sive malus; sive legitimus, sive regni usurpator. — G. 387. 394., S. Th. 2. 2 q. 64. a. 3., q. 101. a. 1. 3., q. 102. a. 1. 2., 104. a. 1. 2. 5.

55. *An ad civilia officia digniores sint eligendi? —* Resp. Affirmative, si habeatur *conkursus*: tunc enim adest contractus implicitus de digniore eligendo. Negative vero si non habeatur *conkursus*. Non constat enim de tali

obligatione. Ad hoc enim, ut sufficienter publico bono provideatur, sufficit ut excludantur et removeantur indigni, et digni eligantur. Atque hac obligatione tenentur non tantum ipse supremus Princeps, verum etiam illi omnes qui potestate ab ipso accepta eligere possunt. Non enim accipiunt potestatem nisi eligendi eo modo, quo Princeps eligere deberet. Lugo De iust. et iur. D. 33., L. 342.

## DE QUINTO DECALOGI PRAECEPTO

### I. — DE OCCISIONE SUI

1. *De ordine Praeceptorum inter se.* — « Post praecepta tria pertinentia ad religionem, qua redditur debitum Deo, et post quartum praeceptum, quod est pietatis, qua redditur parentibus debitum, in quo includitur omne debitum quod ex aliqua speciali ratione debetur, necesse fuit quod ponerentur consequenter aliqua praecepta pertinentia ad iustitiam proprie dictam, quae indifferenter omnibus debitum reddit ». S. Thom. 2. 2. q. 122., art. 6. Sex igitur quae sequuntur decalogi praecepta, ut idem Ang. Doctor docet, l. c. a. 1. sunt « de actibus iustitiae communiter dictae, quae inter aequales attenditur ». In sex istis praeceptis prohibentur homicidium, adulterium, furtum et falsum testimonium. « Omnia autem alia documenta, quae proximis inferuntur, possunt ad ista reduci quae his praeceptis prohibentur, tanquam ad quaedam communiora et principaliora. Nam omnia documenta quae in personam proximi interuntur, intelliguntur prohiberi in homicidio sicut in principaliori. Quae vero inferuntur in personam coniunctam, et maxime per modum libidinis, intelliguntur prohiberi simul cum adulterio. Quae vero pertinent ad damna in rebus illata, intelliguntur prohiberi simul cum furto. Quae autem pertinent ad locutiones, sicut detractiones, blasphemiae, et si qua huiusmodi, intelliguntur prohiberi in falso testimonio, quod directius iustitiae contrariatur ». S. Th. 1. c. a. 6. ad 2.

2. *Quid quinto Praecepto Decalogi praecipitur?* — Quintum Praeceptum est: *Non occides*. Ex. 20., 13. Iam vero 5.<sup>um</sup> hoc praeceptum, quatenus negativum est, primario quidem prohibet homicidium, i. e. iniustam hominis occisionem; secundo autem et consequenter, iniustam iram, seu inordinatum appetitum vindictae, Matth. 5., 21. 22., omnem aliam iniustam laesionem, vulnerationem aut mutilationem corporis, sive proprii sive alieni, quae ad homicidium, tanquam iniuriam corporalem principalem, reducit. Quatenus vero virtualiter est *positivum*, praecipit vitae conservationem. Ea quae hic de occisione sive licita, sive illicita statuuntur, eadem mutilationi vel cuilibet corporis laesioni, servata debita proportione applicanda erunt. Struggl 3. 5., L. 363.

3. *Absque divina auctoritate nefas est seipsum directe interficere.* — Praenota: *directe* quis seipsum vel alium dicitur interficere cum vere per se et directe intendit sibi vel alteri vitam adimere; *indirecte* vero, cum hoc quis positive non intendit; voluntarie tamen aliquid facit, ex quo praevidet mortem sui vel alterius secuturam. Prob. Nam 1.<sup>o</sup> id aperte prohibetur SS. Ex. 20., 13. Deut. 52., 39., Sap. 16., 13. 2.<sup>o</sup> Id repugnat caritati erga seipsum, et est iniuriosum tam Deo, qui solus est directus et absolutus dominus vitae humanae quam societati et reipublicae, quae iniuste per suici-



dium privatur sua parte seu cive. S. Th. 2. 2. q. 64. a. 5. Hinc suicidium utroque iure merito punitur. Nam Iure civili Communi tum suicidae, tum qui hoc crimen tentant, etiam morte non sequuti, poena infamiae puniuntur. Iure vero ecclesiastico suicidae privantur sepultura sacra et Ecclesiae suffragiis, ut statuitur Cap. 12. c. 23. q. 1. et ut videre est in Rit. Rom.: quae tamen poena non complectitur qui furore, amentia aut phantasia per gravissimam animae tristitiam turbati vitam sibi eripuerunt, vel qui ante mortem de crimine doluerunt. Struggl 7., Ithur. Cas. 40. n. 3. seqq., L. 366. 375.

4. *Resolves*: Non licet virgini ad castitatem etiam servandam quae maximum bonum existimatur, directe occidere se ipsam. Struggl 8., Ithur. l. c., S. Th. 2. 2. q. 64. a. 5. ad 3., L. 366.

5. *Nunquam sine divina auctoritate fas est ponere actum eternum, per se immediate tendentem ad sui destructionem, nisi actus ille habeat alium effectum bonum et immediatum, qui solus intendatur, et gravissima ratio effectum illum bonum obtinendi urgeat.* — Ratio est, quia ubi actus physicus, etiam per se indifferens, non habet alium effectum quam suicidium, iam sit malus, siquidem nulla adest ratio, qua praeceptum conservandi vitam, et cavendi a mortis periculo cesset. Ergo in quocumque casu prohibetur. G. 389., L. 366.

6. *Resolves*: « Nefas est se in flumen proicere cum certo mortis periculo ad baptizandum puerum: hoc enim esset sibi vitam directe auferre: nam sui in flumen proiectio habetur pro medio directe volito ». Ita Scav. Tr. 6. D. 2. C. 2., L. 363., quia nempe prius hic ponit medium, quod directe et immediate, tendit ad sui occisionem, ut deinde eo posito, baptismum ministrare possit.

7. *Non licet se mutilare vel aliam mutilare, nisi hoc ad conservationem totius corporis sit necessarium, et de eius consensu, cuius est membrum, vel eius « ad quem pertinet curare de salute eius, qui habet membrum corruptivum » aliorum membrorum.* S. Th. 2. 2. q. 65. a. 1. Alter autem aliquem membro mutilare est omnino illicitum: idque etiamsi fiat ad conservandam castitatem et vitandas tentationes. — Ratio est, quia Deus est humanae vitae dominus absolutus atque directus: homo vero non nisi dominium utile seu indirectum in suum corpus habet. Dicitur, nisi hoc ad *conservationem totius corporis sit necessarium*: cum enim pars ordinetur ad totum corpus conservandum, tali urgente necessitate, poterit utique membrum aliquod resecari, ex. gr. manum catena ligatam sibi abscindere ad vitandam mortem a bellua, vel tyranno, aut incendio imponentem S. Th. 2. 2. q. 64. a. 2., q. 65. a. 1. Lugo de Iust. D. 10. n. 22., La-Croix 786 *Etiamsi fiat*, etc., quia hoc remedium neque est absolute necessarium, neque reapse eximit a tentationibus carnalibus, licet quis impotens fiat ad generandum. S. Th. 2. 2. q. 65. a. 1. Hinc, *a fortiori, probabilius* non licet pueros castrare ad vocem in eis conservandam S. Th. l. c., L. 374. Cf. Bened. XIV. De Syn. l. 11. C. 7. n. 3.-6., Lugo D. 10. n. 23. Ecclesiae autem disciplina, irregularitatis notam inurit: eunucho, qui extra necessitatem salvandae vitae mutilationi suae assensum praeberit. — Struggl 9. 10.

8. *Quisque tenetur mediis ordinariis ad vitam conservandam.* — Ratio est, quia periude est vitam sibi non conservare atque eam sibi adimere. Dicitur *mediis ordinariis*, nam ad *extraordinaria* non tenetur, nisi eius vita bono communi sit omnino necessaria. Et sane media extraordinaria extra communes vires posita sunt, ea ergo communiter lex praecipere nequit. — L. 372.

9. *Resolves*: Infirmus in periculo mortis, quando adest spes salutis, non potest respuere medicamenta ordinaria sibi praescripta, ut communiter do-

cent thth. Struggl 6. — 2.<sup>o</sup> Non tenetur quis ad vitam sibi conservandam ingentes facere sumptus aut remedia adhibere, quae ingentes ipsi causent dolores, v. g. amputationem cruris, incisionem ventris ad extrahendum calculum, etc. L. 372., Cf. Struggl Tr. 6. de Iust. et Iure q. 5. a. 1. n. 5. 10., S. Th. 2. 2. q. 65. a. 1. — 3.<sup>o</sup> Non tenetur virgo operationem pati per manus medici, etiamsi vita periclitetur, quando ob verecundiam id ei gravissimum accidit, maioremque illi horrorem, quam ipsa mors, ingerit. L. ib. H. A. 2. — 4.<sup>o</sup> Licet etiam virgini mortem potius pati quam permittere sui violationem. Consentunt omnes ob maximum virginitatis bonum. Dicitur *licet* nam probabiliter non *tenetur*, saltem speculative loquendo, modo voluntate positive resistat, et proximum absit consensus periculum. Ratio est, quia haec permissio non est *formalis* ad peccatum alterius cooperatio, sed *materialis* tantum, iusta autem adest permissionis causa, mortis scilicet periculum. G. 390., L. 368. Cf. La-Croix l. 3. P. 1. n. 916. — 5.<sup>o</sup> Licet etiam virgini ad castitatem servandam se exponere mortis periculo, saltem si mors non sit certo secutura, idque tum ob amorem castitatis, tum ob periculum peccati, quod saepius in tali occasione habetur. Ita communiter thth. Imo probabilius adhuc affirmandum est, licet mors certo secutura sit, nec adsit proximum consensus periculum; quia etiam sola corporis integritas maxime aestimatur. L. 366., H. A. 1. — Cf. L. 430. 433.

10. *Licet ex gravi causa, concurrere indirecte ad occisionem sui*, seu ponere actionem, ex qua praeter intentionem propria mors certo sequatur; modo ex ista actione sequatur aequae immediate aliquid bonum, et hoc solum intendatur. Ratio patet ex dictis in Tract. de Act. hum., n. 33. — Struggl 7. L. 366.

11. *Resolves*: 1.<sup>o</sup> Licitum est res non fugere, imo etiam sponte se sistere coram iudice, etsi certo morte puniri debeat: quia actio ista *per se* est indifferens, imo et honesta; in casu enim velle mori perinde est, ac velle iustitiae ordinem; et sicuti ob iustam causam mortem alteri desiderare licet, atque etiam legitimo modo procurare, ita et sibi. L. 369., H. A. 2. — 2.<sup>o</sup> Non peccant artifices, qui super aedificiorum tecta ascendunt, et variis sese periculis, ubi opus sit, exponunt; nec fabri ferrarii, qui quotidie ignem versando vitam sibi minuunt; ratio est, quia ex causa rationabili id agunt. Contra graviter peccant viri audaces, qui ex temeraria sponione et vana gloria in gravia discrimina sine causa se iniiciunt, in altum ascendendo, deorsum se demittendo, onera graviora ferenda, etc. Hinc etiam prohibita sunt periculosae taurorum agitationes. L. 365. 369., l. 7. n. 209. — 3.<sup>o</sup> Nunquam licet macerare corpus ad vitam breviamdam, neque etiam secluso tali fine, immoderatis et prorsus indiscretis poenitentiis graviter valetudinem pessum dare. Licet tamen, ex virtute, poenitentiis ordinarie gravibus uti, cum certa qualiam vitae abbreviatione, qua ex communi dd. sententia propter meritum, vel naturae pravae mortificationem, aliqua longioris vitae iactura contemni potest. L. 370. 371., H. A. 2., S. Th. Quodl. 5. a. 18. Haec vero *de via ordinaria*, nam Deus saepe Sanctis extraordinarias omnino poenitencias inspiravit, quorum valetudo saepe quo minus sibi parcerent eo robustior, (Cf. Bened. XIV. De Canoniz. SS. l. 3. c. 29. n. 6. — 4.<sup>o</sup> Licet saltem probabilius incendere navim, aut turrin, ut hostes grave damnum patiantur, quantvis cum certa vitae propriae iactura; quia expedit damnum publicum vitari, vel commune bonum procurari etiam cum danno privatorum certissimo. L. 367. — 5.<sup>o</sup> Potest quis ex incensa domo per fenestram prosilire, vel ex confligente navi in mare se conicere, non quidem ad mortem petendam, sed ad duriorum evadendam. Idemque dicendum de virgine, quae ab altissima fenestra se dat praecipitem, ut e manibus impuri violatoris eripiat. Elbel 13, Struggl 8., G. Cas. 377. 379. 384.

## II. — DE OCCISIONE REI

12. *Licet malefactores publica auctoritate sive incarceratione, sive membro aliquo mutilare, sive etiam occidere.* — Ratio, quia hoc est medium necessarium ad commune totius societatis bonum procurandum, immo ad ipsam societatem servandam: quod quidem plerumque non nisi morte scelestorum hominum obtineri potest. Deus autem potestatem, sine qua societas stare non posset, contulisse dicendus est. Constat etiam ex praxi cuiusvis legislationis, ex sacra Scriptura, et universali omnium consensu. Lugo D. 10. n. 64., Struggl 34., Scav. Tr. 7. D. 2. C. 1. a. 1. q. 8., Ithur. Cas. 40. n. 11.-12., S. Th. 2. 2. q. 64. a. 2. 3., q. 65. a. 1. 3., q. 67. a. 3., L. 375.

13. « *Peccat princeps vel magistratus, regulariter loquendo, qui occidi iubet reos, sine iudicio publico, non citatos vel non damnatos, etsi privata scientia constet eos esse nocentes: quia ex iure naturae actus publicus fieri debet ex scientia et auctoritate publica. Exceipe 1.º si crimen sit notorium: 2.º si esset periculum seditionis, aut esset dedecus regis, si iuridice procederetur.* ». L. 377., S. Th. 2. 2. q. 64. a. 3. ad 2. ad 3., Struggl 35. 36.

14. *Nota:* « Iudex tenetur sub gravi concedere reo tempus sufficiens ad confessionem, etsi timeretur periculum direptionis. Tenetur etiam concedere tempus pro sumptione communionis, nisi tamen grave damnum timeatur, cum reus sit tunc in articulo mortis, in quo praeceptum communionis obligat iure divino, et tunc etiam non ieiunus reus potest communicare eadem die mortis, modo communi praecedat per horam executionem. Si reus nolit peccata confiteri, post adhortationem licite potest occidi a carnifice, quia tunc sua damnatio suae culpae tribuitur ». L. 379, l. 6. n. 233.-285. par. *Hic autem.* 247.

15. *Non licet occidere malefactores auctoritate privata.* — Prob. quia non licet occidere malefactores, nisi ob bonum commune, sicut non licet amputare membrum, nisi propter salutem totius corporis: atqui administratio boni communis pertinet ad potestatem publicam, quae est in Principe, aut Republica, non vero ad privatos. Ergo. Praeterea, si cuilibet liceret privata auctoritate occidere malefactores, et quilibet in propria causa posset esse iudex, omnia essent plena iniustis homicidiis. Ergo Deus, utpote auctor, et conservator naturae, non dedit privatis hominibus potestatem occidendi malefactores. C. 7. c. 33. q. 2., Prop. 19. d. ab Alex. VII., S. Aug. De Civ. Dei l. 1. C. 26., S. Th. 4. D. 37. q. 2. a. 1., 2. 2. q. 64. a. 3., L. 376.

16. *Nota:* Grassatorem et malefactorem publice proscriptum quilibet saecularis, per se loquendo, potest intra territorium proscribentis licite occidere. Ratio est, quia per sententiam proscriptivam auctoritate publica quilibet constituitur minister iustitiae. Dicitur autem 1.º *quilibet saecularis:* nam in C. *Sententiam, Ne Cler. vel Mon.,* etc. clerico graviter prohibetur, ne in causas sanguinis etiam iustas se immisceat. 2.º *Per se loquendo,* nam filius non potest licite occidere patrem bannitum, seu proscriptum, neque parens filium, aut uxor maritum: quia hoc graviter repugnat caritati, et pietati naturali: excipe tamen nisi id exigat bonum commune. 3.º *Intra territorium proscribentis:* nam bannitus non potest iuste occidi in territorio alieno, nisi tacito, vel rationabiliter praesumpto consensu alterius Principis. — Struggl 36. 37., L. 376. 378. 380.

17. *Resolves:* 1.º Reus ad mortem condemnatus nequit per seipsum exsequi mortis sententiam mortem sibi inferendo. An autem id facere possit saltem in casu, quo a iudice constituatur publicus minister iustitiae in ordine ad suam necem, plures affirmant, Struggl 8.; sed plures etiam negant.



et hanc sententiam communiorē dicit S. Alph. 369. Utramque autem probabilem appellat S. D. l. 4. n. 284. Cf. ib. n. 281. — 2.<sup>o</sup> Milites iussi comprehendere et custodire malefactorem non possunt eum autugientem occidere, etiamsi iam ad mortem fuerit damnatus: quia vi officii sui, et, secluso speciali Principis mandato, satellites reum tantum coercere possunt. L. 380, H. A. 9. G. 394. Cf. Struggl 36 — 3.<sup>o</sup> Non licet patri proprios filios, nec domino proprios servos correctionis causa mutilare aut occidere: ratio, quia punire per mutilationem et occisionem, quae damnum irreparabile inferunt, requirit sane potestatem perfectam, quam nec pater nec dominus habet G. 393., S. Th. 2. 2. q. 65. a. 1. 2.

18. *Nemini licet aliquem potestati suae non subiectum verberare*, nisi accedat consensus saltem tacitus illius, qui potestatem habet, v. gr. patris in filium, mariti in uxorem, domini in servum: verberatio enim est punitio: haec autem supponit potestatem gubernativam. Cum autem haec verberatio causa fiat disciplinae, moderata esse debet. Hinc *per se* magistri possunt discipulos moderate verberare, quia parentum locum tenent. E contra frater natus maior non potest *per se* fratres minores verberare, nisi id ipsi sit a patre mandatum, aut nisi, mortuo aut absente patre, familiam ipse regat, quia primogenitura ei tale ius non confert. S. Th. 2. 2. q. 65. a. 2.

### III. — DE OCCISIONE INIUSTI AGGRESSORIS

1.<sup>o</sup> *Potest quilibet iniustum vitae suae aggressorem occidere cum moderamine inculpatae tutelae*. — Ita S. Th., et thesim suam confirmat ex eo quod Exod. 22 furem nocturnum occidere licet; ergo multo magis, ait, licitum est defendere propriam vitam. Deinde vim vi repellere omnes leges et omnia iura elevant. Denique ipsa natura docet esse in homine verum ius vitam propriam defendendi, si iniuste oppugnetur, eamque praefendi vitae aggressoris iniusti, qui ex propria malitia in tale periculum se coniecit: quod probat etiam valere non solum pro se et daribus, sed etiam pro ipsis eleveis et reaggis: ius enim defensionis est unicuique a natura inditum: si secus esset, iniustitiae arma ministrarentur, bonorum caeli, rerum publicarum eversioni, hinc Catech. Rom. n. 8. haec ius omnibus tribuit in discriminatione. C. *Si vero* 3. de Sent. Eccl., S. Th. 2. 2. q. 64. a. 7., L. 380.

2.<sup>o</sup> *Nota:* Dicitur 1.<sup>o</sup> *potest*, nemo enim tenetur aggressorem occidere, horridum medium est ad propriam vitam conservandam, sed licite et laudabiliter potest occisionem propriam percuttere, ne alter vita temporali et aeterna privetur, ut dicunt communiter Less., S. Antonin., Sylv., Salm. Exempe 1.<sup>o</sup> quando vita invasi esset necessaria et valde utilis bono communi; 2.<sup>o</sup> quando ipse esset in peccato mortali, quia tunc omnino teneretur se defendere. L. 380 — 2.<sup>o</sup> *Cum moderamine inculpatae tutelae*, quod in tribus hinc continetur situm est: 1.<sup>o</sup> ut occisio aggressoris non fiat ad vindictam, cum ea privatum non sit; neque ex odio, cum hoc caritati adversetur: set solum ad infuriam et vim proferendam, set ad sui defensionem; 2.<sup>o</sup> ut qui aggressorem patitur, non utatur minori violentia, quam necesse sit ad medium vitandam, itaque si ab iniusto aggressore liberare se queat fugiendo vel vulnerando tantum, non potest occidere; alioquin occideret iniuste, et teneretur ad restitutionem excessui proportionatam, cum ius excederet a natura tributum; 3.<sup>o</sup> ut aggressio in ista *actu, moraliter loquendo*, inferatur, i. e. ita procedens sit, ut non possis, nisi adhibita vi, eam repellere: si enim aggressorem vix probabiliter feriendo vel occidendo praeveniamus, vitae alienae aggressores nos ipsi efficiemur, non defensores nostrae. Struggl 17. 20. 30., Iturr. Cas. 49. n. 9.-10., Lugo D. 10. n. 161., L. 380. 381. 387. 388.

21. *Licet eodem moderamine occidere iniustam aggressorem etiam pro defensione membrorum.* — Prob. 1.<sup>o</sup> ex communi thth. sententia; 2. quia quisque ius habet servandi bonum sibi maxime ad vitam necessarium, etiam cum periculo vitae alterius, cui alter ex sua malitia se obicit, modo aliud desit medium, nec mors aggressoris intendatur. G. 397., L. 380, 398.

22. *Licet mulieri seipsam defendere incasorem pudicitiae occidendo.* — Prob. 1.<sup>o</sup> ex communi thth. sententia; 2.<sup>o</sup> quia « mulier utitur iure suo naturali, quo licet vim vi repellere, et magis tenetur vitae suae providere quam alienae; nam exponit se periculo consentiendi actui peccati permitiendo se opprimi », S. Antoninus. Iusuper si licet invasorem bonorum occidere, quanto magis invasorem pudicitiae, cum sit bonum superioris ordinis? Unde quamvis puella invasorem occidere non teneatur, sed possit passive se habere, quia castitas invite non amittitur; ad id tamen non obligatur, tum quia vel ipsa materialis corporis integritas maximum est bonum; tum quia adest periculum pudoris, « quod bonis foeminis morte gravius est », ut ait S. Ambr. l. 13. de offic. L. 368. 3-6.

23. *Nota:* Hic autem bene advertunt thth., quod non solum licet puellae aggressionem propulsare actu quo eandem patitur, sed etiam postea aggressorem potest percutere alapis, pugnīs, fuste, baculo et similibus ictibus minime periculosīs, ut sic displicentiam suam atque constantiam ostendat, et aggressor facilius discedat nec revertatur: id porro (modo fiat immediate post acceptam iniuriam et nunquam ad vindictam) non tantum permittendum est, sed etiam mulieribus consulendum est omnino. Struggl 28., L. 386., G. 399., Lugo D. 10. n. 196.

24. *Licet defendere bona fortunae magni momenti cum occisione furis, si aliter retineri non possint.* — Prob. 1.<sup>o</sup> ex communi thth. sententia, quam supponit S. Th. 2. 2. q. 64. a. 7. 2.<sup>o</sup> Quia praeceptum caritatis, quod unice movet adversarios, non obligat praeferre bona proximi altioris ordinis, nisi quando ille est in extrema necessitate, non vero quando ipse de se et sponte et ex malitia propria periculo mortis occurrit, prout in casu nostro contingit. L. 380, 382., G. 397., Cas. 393. 2., Struggl 23.

25. *Nota:* Dicitur *magni momenti*: nam non licet occidere furem auferentem rem minoris momenti: quia caritas prohibet, quominus pro levi nostro damno gravissimum proximo damnum inferamus, licet iste sponte eius periculo se obiciat. Et sane non nisi leve est damnum nostrum sive spectetur *res ablata*, quae minoris est momenti ut supponitur, sive inspicatur *iniuria*, quae in ea ablatione habetur et consequenter *contemptus* ac *dehonoratio* quae illam iniuriam consequitur. Quis enim graviter dehonorus aestimatur, quia fur violenter ab eo rem aliquam arripuerit? At tamen etiam in isto casu si praecise consideratur *res*, quae infertur domino, rem suam licet minoris momenti custodienti, semper ipsi licebit vim vi repellere, sed *cum moderamine inculpatae tutelae*. Ratio est 1.<sup>o</sup> quia « quando quis ita defendit sua, regulariter defendit simul suam propriam personam, quam periculo pro suarum rerum defensione exponit », Molina Tom. 4. Tr. 3. Disp. 16. n. 4.; 2.<sup>o</sup> quia id exigit ipsum publicum bonum. Secus enim scelerum impunitas improbos ad nocendum audientiores redderet. Layman L. 3. Tr. 3. c. 3. P. 3. n. 4. Generatim autem loquendo bona illa censentur *magni momenti*, quibus ablatis, deficeret alicui sustentatio pro se et suis: gravis autem notae Theologi inter quos Card. de Lugo, docent etiam hoc nomine donari posse illa, quorum iactura damnum notabile afferret domino iuxta qualitatem personae. Scavini. Quamquam nec diffidendum sit admittere oportere aliquam damni gravitatem absolute respectu omnium gravem, longe tamen maiorem, quam quae sufficit ad furtum mortale. Quare, absolute loquendo, non sufficit certe summa 4. aut 5. aureorum; hodie 40. aut 50. libellarum. Sufficere autem videtur summa 40. aut 50. aureorum, hodie 400. vel 450. libellarum. L. 3-2. 383. 384. 385., D'Annib. 283., Struggl 23. 24.

26. *Non licet quidem invasorem honoris occidere, si hic verbis tantum impetatur.* — Nam cum aliter tunc iniuria repelli possit, debeat et soleat percussio et interfectio non defensionis, sed privatae vindictae rationem habet. Non licet pariter invasorem honoris occidere *si hic factis impetatur post ipsam factum.* Etenim laesio etiam aggressoris post factum non habet rationem defensionis, sed privatae vindictae. Licet vero *cum debito moderamine* sese defendere contra invasorem etiam honoris, si hic factis, e. g., alapa vel calcibus, vel fuste impetatur, *ante ipsum factum.* Ratio est. quia *vim vi repellere omnia iura permittunt.* Ergo improbandus non est, qui velit eo uti iure, quod omnia iura permittunt ad tuendum nempe bonum in aestimatione hominum magnum, quod *melius est quam divitiae multae*, Eccli. 41., et pugnis ipse et etiam calcibus et fuste sese defendat. Cf. S. Th. 2. 2. q. 41. a. 1. — Lugo D. 10. n. 166., La-Croix 803., Struggl 25. 26. 31., G. B. 398. 399., L. 380. 381. 382. 391.

27. *Potest aliquis privatus per occisionem etiam iniusti aggressoris, defendere citam, bona, pudicitiam proximi.* — Prob. 1.<sup>o</sup> ex communi thth. sententia; 2.<sup>o</sup> « quia sicut ipse proximus innocens potest se defendere occidendo aggressorem, ita fas est cooperari cum ipso ad rem licitam, quam ipse facere potest, ipsunque adiuvere ». Lugo de Iust. D. 10. n. 201., Struggl 29., L. 389. 391., S. Th. 2. 2. q. 60. a. 6. ad 2.

28. *Nota:* 1.<sup>o</sup> Dicitur *aliquis privatus*, nam certum est ad id teneri Principes, Magistratus et milites, qui specialiter conducti sunt ad civium defensionem: isti tenentur etiam cum periculo vitae propriae, ubi agatur de avertendo a civibus malo publico; sed ubi agitur de vita dumtaxat alicuius privati, non tenentur cum tanto incommodo eandem tueri. *Potest:* nam probabilius est, saltem generatim loquendo, eos minime obligari ad talem innocentis defensionem cum occisione aggressoris iniusti; idque tum quia praeceptum caritatis eo in casu non videtur obligare, cum praestet evitare mortem aeternam aggressoris ipsius; tum quia in alterius occisione nunquam potest evitari incommodum grave, v. g., ob timorem inimicitiarum, vel publicae iustitiae, vel etiam ob horrorem qui concipitur in foedando manus nostras sanguine humano, *Saltem generatim loquendo*; nam excipe: 1.<sup>o</sup> si invasus esset necessarius ad bonum publicum, ad quod curandum quisque tenetur sub gravi; 2.<sup>o</sup> si ipse sit pater, filius, uxor aut frater, quos pietas ipsa obligat omnino tueri; 3.<sup>o</sup> denique si sit ebrius vel amens et in statu peccati mortalis a quo poterit post phraenesis aut ebrietatem resurgere; idque, quod rarissimum est, certo tibi constet: quia tunc iste vere esset in extrema animae necessitate, cui subveniendum est etiam cum ipso vitae corporalis aggressoris detrimento. — 2.<sup>o</sup> Si agatur de invasore pudicitiae alienae; id intellige modo mulier suum invasori consensum non praebet, sed *positive*, eidem resistit alioquin invasorem occidere non esset vim vi repellere; cum non detur iniuria ubi est consensus; excipiunt Less., Spor., alique, si invasa sit tibi valde propinqua: tunc, aiunt, ante factum adhuc potes invasorem occidere, quamvis aggressa consentiat; eo enim in casu iniuriam propulsas, quae in te redundat, Scavini. L. 389.-392.

#### IV. — DE OCCISIONE INNOCENTIS

29. *Nunquam licet directe innocentem occidere, sive auctoritate privata, sive publica, etiam ad bonum publicum procurandum.* — Est enim actio iniustae mali, et divina lege expresse prohibita. Exod. 23. 7.: *Insontem et iustum non occides*. S. Th. 2. 2. q. 64. a. 2. ad 3., a. 6., L. 393., Struggl 11. 32., Lugo D. 10. n. 104.



30. *Resolves*: 1.<sup>o</sup> Non licet occidere letaliter vulneratos, nec alios quoscunque moribundos, ne diutius, patiantur: nec rabidos, ne aliis noceant dummodo aliter a nocendo cohiberi possint. Ratio est, quia ex noto effato ad obtinendum bonum non sunt facienda mala. — 2.<sup>o</sup> Non licet occidere innocentem ad satisfaciendum tyranno mortem eius postulanti, etiam sub poena urbis subvertendae, et etiamsi morti suae ille consecraret, quia dominium in propriam vitam non habet. Probabilius tamen posset cogi, ut seipsum tyranno pro bono publico traderet, et probabiliter, si nollet, etiam tradi. L. 393., Struggl 11. cum aliis. Secus vero esset si tyrannus puellam ad stuprandam peteret, vel libros sacros ad comburendos. Utrunque enim intrinsece malum est. In priori enim casu puella in proximo peccandi periculo exponeretur; in posteriori Dei contemptus haberetur. Scav. Cf. Lugo D. 10. n. 114.-116. — 3.<sup>o</sup> Non licet legatos, au obsides occidere, etiamsi hostes, qui illos miserunt, fidem datam non servaverint, et obsides vel legatos ad eos missos iniuste interfecerint: quia sunt innocentes. Busemb., et alii communiter cum S. Lig. ib. G. 401.

31. *Licet ob gravem causam ponere actionem in se bonum, ex qua praeter intentionem sequitur mors innocentis*, iuxta principium D. Thomae supra expositum, Tr. De Actib. hum. n. 33.

32. *Resolves*: 1.<sup>o</sup> Licet in bello tormenta adversus hostium stationes dirigere, quamvis inde etiam aliqui innocentes mortem passuri sint: quia eorum mors praeter intentionem sequitur. L. 393. — 2.<sup>o</sup> Si fugere non possis mortem, persequente hoste, nisi per viam angustam qua quisquam ista sedens esset obtinendus, licet nihilominus fugere cum eius periculo et interitu praeter tuam intentionem, dummodo tamen, si infans est, sit baptizatus. Idem dicendum si aggressor, corpore infantis obiecto, se tueatur. Lugo D. 10. n. 124.-127., Struggl 13., L. 393. 569.

33. *Nota*: 1.<sup>o</sup> Non est homicidii reus, qui etiam sine causa, sed adhibita diligentia, ponit actionem etiam aliquin illicitam, quae mortem *per se* non infert, licet sit periculosa, sed *raro* ex ea mors contingat. Tum enim homicidium omnino fortuitum et involuntarium est: puta si clericus venationi prohibitae operam dans hominem casu interficiat, modo debitam adhibuerit diligentiam, ne id contingeret. Secus vero, si ponat actionem, quae licet mortem *per se* non inferat, est tamen communiter periculosa, etiamsi diligentia ad damnum praecavendum adhibeatur. Est enim voluntarium in causa, dummodo tamen illud saltem in confuso praevideat: puta, si quis, v. g., funda lapides in via publica proficiat, S. Th. 2. 2. q. 64. a. 8. L. 398., G. 400. — 2.<sup>o</sup> Nomine homicidii *voluntarii*, ubi de reservatione agatur, non intelligitur homicidium utcumque culpabile, sed studio quaesitum et ex industria procuratum. Secus enim illud additum omnino inutile esset. Cf. Ithur. Cas 40. n. 19. seqq.

34. *An liceat occidere ebrium vel amentem aggressorem?* — R. Affirm. *probabilius*, nisi tibi constet eum in statu peccati mortalis versari: rarissimus autem casus est, quo certo id constet. Ratio est, quia quamvis ebrius vel amentis non sit aggressor tuus *formaliter* iniustus, est tamen *materialiter* iniustus, et tu ius tuum servas vim vi repellendi. Defensionis ius ex iure ad propriam vitam, non ex alterius iniuria exoritur. Quod si certo scias, quod rarissimum est, eum in statu peccati lethalis versari, a quo poterit post phraenesim vel ebrietatem resurgere, e contra vero moraliter credas te esse in statu gratiae, cum hic in extrema necessitate versetur, caritas exigit, ut salutem eius aeternam vitae tuae temporalis conservationi praeferas. Nihil autem prohibet, quominus eum ita percutias aut vulneres, ut salva eius vita, auferas vim nocendi. G. B. 396., Lugo D. 10. n. 143.

## V. — DE PROCURATIONE ABORTUS

35. *Abortus communiter definitur*: eiectio foetus immaturi. Dicitur *immaturus*, i. e. nondum ad vitalem nativitatem apti, talibus temporis gestationis circumstantiis, ut foetus quamvis vivus adhuc in lucem prodeat, necessario tamen cito mori debeat. Quare, ut patet, idem reapse non est, *abortus* ac mera *partus acceleratio*. In partus acceleratione foetus immaturus non est, et quamvis in lucem prodeat ante completum gestationis tempus, potest tamen *naturaliter* vivere. Abortus proprie locum habet septem prioribus gestationis mensibus; reliquis duobus mensibus mera partus acceleratio est, communiter loquendo et ex generali regula. Dicitur praeterea *eiectio* foetus; quare abortus proprie distinguitur a qualibet actione, quae *per se primo* non sit *eiectiva* foetus, sed *laesiva* eiusdem foetus, qualis est chirurgica illa operatio, quae *craniotomia* et *embryotomia* appellatur, propterea quod *cuesio* sit *cranii* infantis, vel *foetus*, ad eum ex matris utero extrahendum.

36. *Eiectio foetus dupliciter procurari potest*: 1.<sup>a</sup> *directe et per se*; 2.<sup>a</sup> *indirecte et per accidens*. Habetur *directa* procuratio abortus seu eiectiois foetus, applicando medium seu medicamentum *per se* efficax et *per se primo* ordinatum ad expellendum foetum, uti sunt validae compressiones exteriores ventris, vel scissio seu disruptio, ope alicuius instrumenti, secundinae, seu coriaceae illius membranae, in qua foetus clauditur, et humore natat, quo subtrato, ibi vivere amplius non possit, sed necessario eicitur. Quare *directa* procuratio abortus hic intelligitur non tantum *directa intentione*, quatenus quis foetus eiectioem intendat, sed *directa etiam actione* exteriori, quatenus haec *per se primo* ad foetum expellendum efficaciter tendat. *Indirecta* procuratio abortus habetur applicando medium vel medicamentum *per se primo* ordinatum ad sanitatem conferendam matri, ex quo tamen *sequatur* etiam expulsio foetus, vel etiam adhibendo medium vel medicamentum, ex quo *aeque* habeatur sanitas matris et foetus expulsio. Prioris generis sunt pharmaca quaedam irritantia et violentia, quae *per se primo* tendunt, propria efficacia, ad praves humores et pravas morbi dispositiones corrigendas, consequenter vero abortum etiam procurant. Posterioris generis sunt ea remedia, quae fibrarum relaxationem causant, ut balneum, sanguinis fluxus et emissio; unde simul dum sanitati consulitur, abortus producitur, una eademque causa. *Indirecta* haec procuratio abortus, *indirectae* si *actione* simul et *intentione*. Verum potest quis *directa* intentione ad abortum procurandum adhibere medium indifferens de se, et ad alium honestum finem *per se* ordinatum.

37. *Laet aliquando indirecte abortum procurare*, seu potius permittere, subministrando videlicet matri morbo gravi laboranti remedia morbo curando *per se* idonea, etsi *consequenter* abortus sequi possit, vel remedia *aeque* *per se* idonea morbo curando, ac foetui nociva. — Prob. 1.<sup>a</sup> ex communi thesaurorum doctrina, S. Alph. l. 3. n. 394., Struggl Tr. 7. q. 3. n. 15., Sanchez de Matr. l. 9. D. 20. n. 13. seqq., Diana Tr. 6. de abortu Res. 38. seqq., Gury n. 192., Scavini, etc. 2.<sup>a</sup> Nam quando remedium aliquod, seipso unaque et eadem efficacia, utrumque effectum simul producere potest, sanandi matrem et prolem occidendi, sive primario sanitas matris et consequenter abortum sequatur, sive hi effectus sint sibi invicem paralleli, unus non assumitur necessario *re* aut *intentione* tanquam medium ad alium procurandum. Ergo atest tunc casus actionis bonae aut indifferentis, ex qua sequitur duplex effectus unus bonus, alter vero malus, quam fas est ponere,

si finis agentis sit honestus, prævum scilicet effectum non intendat, et adsit causa proportionate gravis.

38. Hinc dicitur, *licet aliquando*, si nempe agatur de morbo lethali matris, cuius vita servanda causa proportionate gravis est respectu *vitalis* temporalis prolis. « Certum est, inquit S. Alph. l. c., apud omnes licitum esse remedium præbere prægnanti, directe ad eam curandam etiam cum periculo abortus, si morbus est mortalis, secus si non esset talis »; et inferius: « Si (remedium) tendat directe ad servandam vitam matris, ut esset purgatio corporis, scissio venæ, balneum, etc., hæc certe licita sunt, quando aliter certo moraliter iudicatur mater cum prole moritura »; nempe remedio non adhibito; vel quando æquale esset periculum abortus, sive remedium adhibeatur sive non, vel quando moraliter certo constat foetum nondum esse animatum, ut saltem pro prioribus conceptionis diebus teneri potest. Ratio est, quia consulitur tunc salutem matris siue maiori periculo prolis, et « quia, ut habet Busembaum apud eundem S. Alph. l. c.; in pari necessitate mater potest magis prospicere sibi quam proli ». Et *par* est necessitas, nam nulla quidem adest spes baptismi, cum proli procurandi in primo et tertio casu; spes illa vero in secundo casu æqualis est.

39. E contrario *par* non est necessitas, quando certa quidem est mors matris, si medicinam non sumat; sed si eam sumat, certa est mors prolis non solum temporalis, sed etiam æterna, quia baptismus ministrari ei non poterit, qui vero certo ei posset ministrari, si mater a medicina abstineret; quia proles certo mortuæ matri supervivet; et tunc « tenetur utique mater ex ordine caritatis abstinere a medicina, et præferre suæ vitæ corporali vitam spiritualem prolis ». Ita S. Alphonsus l. c., qui ibid. pergit inquit: « sic etiam ex eadem caritate tenetur abstinere, quando dubitatur de salute matris et prolis », quando nempe dubitatur, an, neglecta medicina, mater possit sanari; et an, pereunte matre, proles possit supervivere et baptizari. Et idem S. Doctor mox addit: « Et etiamsi mors matris esset moraliter certa, si non sumat remedium, nec etiam tunc auderem ei medicinam permittere, si aliqua rationabilis spes afflaret, quod, mortua matre, proles superviveret et baptizari posset: quia nemini licet, ad tuendam suam vitam temporalem, positive exponere proximum in necessitate constitutum, periculo mortis æternæ. Secus vero puto dicendum cum Sylv., Tourn., etc., et communi, si nulla spes rationabilis esset de vita prolis post mortem matris, ita ut possit illa deduci ad baptismi gratiam: quia tunc non videtur caritas obligare matrem in extrema necessitate positam, ut vitam suam negligat, a remediis abstinendo, ob exiguam et remotissimam spem vitæ prolis ».

40. Atque hic ad praxim quod attinet, animadvertit idem S. Doctor, l. c. « medicos quoad pharmaca præstanda matribus, non esse scrupulose angendos, eo quod probabilissimum sit rarissimum esse casum, et moraliter impossibilem, ut pene miraculum sit, quod, pereunte matre, proles supervivat, ut baptismum recipere possit ». Attamen ea res non adeo negligenda est: quia non semel etiam accidit, quod ob peritiam chirurgorum statim ac spiritum mater exhalaverit, inciso matris utero, proles viva extracta fuerit et baptizata.

41. Nullo unquam casu vel causa licet directe procurare abortum, etiamsi foetus supponeretur adhuc inanimatus. — Prob. Etenim 1.º si sermo sit de directa procuratione abortus improprie talis, nempe per media vel medicamenta, quibus ad foetum vel infantem *laedendum* ac perimendum *directe* tenditur, ut ex. gr. cum medici ope forcipis cranium infantuli in ipso matris utero conferunt, ad mortuum foetum postea violenter extrahendum: verissimum habetur homicidium, *directe* intentum, et *directe* exercitum, quod nunquam licet.

42. 2.º Si sermo sit de directa procuratione abortus per media vel me-



dicamenta, quae non nisi partus praematuram accelerationem directe causant, ex qua proles necessario, ex ipsis naturae legibus morti succumbere debeat, « post animationem id esset directe occidere infantem, quod numquam licet »: nam positiva actione eicere infantem *immaturum* extra uterum, est positive subtrahere illi medium institutum ab ipsa natura ad eius vitae conservationem, quod est directe aliquem occidere: « ante animationem vero neque licet id directe procurare, sicut non licet procurare seminis effusione etiam ad salvandam vitam, in quo casu loqui videtur Tertullianus in Apol. cap. 3.: rationem enim reddit universalem, *homo, inquit, est qui futurus est, nam fructus in semine est* ». Lugo de Iust. et Iure Disp. 10. S. 5. n. 130. Quare, cum foetus etiam non animatus ordinetur ad hominem formandum: illius eiectio homicidium anticipatum est. Hinc Ithur. Cas. 21. n. 5. « certo certius, ait, semper esse gravi malitia infectam » directam abortus procurationem ».

43. *Nota.* Doctores sunt sane graves et plures, quos sequitur et refert Sanchez de Matr. l. 9. D. 20. n. 9. et Struggl Tr. 7. q. 3. n. 16., qui existimant, abortum directe procuratum, ubi tamen dumtaxat agatur de mera foetus inanitati praematura eiectione, minime vero de directa foetus laesione, non ita esse intrinsece illicitum, ut saltem in casu servandi vitam matris, ex praesenti morbo extreme periclitantis, non liceat. Imo doctores non desunt, qui directam procurationem abortus foetus etiam animati defendunt, in praedicto casu, « quam sententiam olim non improbabilem censuit »; cl. D'Annib. P. 2 n. 284. Ed. 3.<sup>a</sup> Nos vero nunquam intelligere potuimus huius opinionis probabilitatem, eamque existimamus in praesenti implicite excludi Decretis S. Offic. de illicite craniotomiae. Enimvero inter caedem, quae per craniotomiam habetur, et inter abortum huiusmodi nihil reapse distat. Nam quis negaverit pariter hominem occidere et qui eum transverberat, et qui e turri eum deiecit, et qui eum in mare mergit.

## VI. — DE DUELLO

44. *Quid sit duellum?* — Duellum stricte dictum, et prout canonico iure gravibus poenis prohibetur, est pugna inter duos vel paucos ex conducto iuncta cum periculo occisionis, mutilationis vel gravis vulneris. Dicitur *inter duos* vel *paucos*, nempe in pari numero, et ita a bello distinguitur quod est multorum contra multos. *Privata auctoritate*, nam publica auctoritate, quale fuit illud Davidis cum gigante Goliath et Horatorum cum Curiatis, licitum est; cum paucorum pugna non minus licita sit quam multorum, si utraque publica auctoritate ad bonum commune suscipiatur. *Ex conducto*, quod nempe communi consensu indicat *locum ac tempus*, et sic distinguitur a rixa, quae nullum supponit pactum praecedens. *Arma* quoque designanda sunt ad poenas incurrendas. Hic enim est ordinarius duellorum mos, ut etiam arma designantur. Quare de tali pugna censendi sunt loqui Romani Pontifices, duellum prohibentes et poenas in duellantes statuentes. L. 401. *Cum periculo* etc., ut excludantur a notione duelli stricte talis omnes illae pugnae ad gravem laesionem inferendam ineptae, uti quae levibus baculis fiunt aut alius instrumentis ad occidendum vel graviter vulnerandum non ordinatae, licet in tali pugna unus per accidens laedatur. Hinc patet, illicite quidem agi et mortaliter peccari non tamen esse duellum stricte dictum et consequenter poenis iuris subiectum, quando duo, ob iniuriam subita ira exarscentes, et ad pugnam se provocantes subito congregiuntur, quamvis ex eodem irae et vindictae impetu ad locum aliquem idoneum statim simul se conferant. Ratio est, quia sic provocatio et pugna non sunt moraliter

duae actiones, sed unica tantum, adeoque non est proprie pugna ex praevio condicto, aut designatione temporis et loci. — Struggl 55. seqq., La-Croix, l. 3. P. 1. n. 843. seqq., L. 399. 401.

45. *Duellum est intrinsece malum et mortale*: — Prob. 1.<sup>o</sup> Nam repugnat legi naturali *advertenter* et *privata auctoritate* seipsum et alium exponere periculo occisionis, mutilationis vel vulneris: usurpatur enim ius Dei, qui solus est vitae Dominus. 2.<sup>o</sup> Conc. Trid. S. 25. C. 9. docet: « *detestabilem duellorum usum fabricante diabolo introductum esse, ut e cruenta corporum morte animarum etiam perniciem lucretur* ». — L. 399. 400. 401.

46. *Resolves*: 1.<sup>o</sup> Non licet acceptare duellum, ne quis timiditatis notam et ignominiam apud alios incurrat. Imo neque licet illud acceptare quamvis officio et sustentatione privaretur. Quod enim intrinsece malum est nunquam licitum esse potest. Cf. prop. 2. damn. ab Alex. VII et propp. damn. a Benedicto XIV. Euchir. Moral. n. 406. L. 400. 401.

47. *Illicitum est etiam duellum, apposita conditione, ut ad primas ictus illatos finitur; vel si quis illud solummodo sinidet, quamvis certo sciatur pugnam non secuturam*. — Prob. 1. p. Nam 1.<sup>o</sup> etiam in hoc casu maximum adest letalis vulneris periculum, ut ipsa constat experientia. 2.<sup>o</sup> Clemens VIII. in B. *Illius rices* haec habet « Auctoritate Apostolica et tenore praesentium decernimus et declaramus... iisdem poenis (excommunicationis reservatae) Decreto (Tridentino), et Constitutionibus (caetorum Pontificum), teneri eos inter quos pactiones initae sint de dirimendo certamine, cum primum alteruter vulneratus fuerit, seu sanguinem effuderit, aut certus ictuum numerus utrinque illatus fuerit ». 3.<sup>o</sup> Quia istud duelli genus scandalum creat et duellis fatalibus occasionem praebet. — Prob. 2. p. Nam ita peccat quis praebendo saltem alteri scandalum et occasionem peccati. Praeterea peccat praebendo etiam aliis scandalum et occasionem peccati: quia illi qui duellum in loco signato suscipiunt, ab aliis iure credi possunt se duello concertaturos. Insuper leges Ecclesiae non tantum prohibent caedes, sed etiam intendunt *detestabilem* duellorum usum exterminare: huic autem fini repugnant duella etiam ficta. Reuter, part. 3. n. 380. G. Cas. 407.

48. *Licitum quidem est duellum in omnibus illis casibus, in quibus agatur de sui defensione contra aggressorem*: nam tunc reapse non est duellum *facere*, sed *vim vi repellere*, quod omnia iura concedunt. Hinc Struggl n. 65. ait: « licitum posse evadere duellum, si duellum contra iniustum aggressorem ad defensionem vitae, vel ingentium bonorum, necessario deberet suscipi: ut si quis tibi *actualiter* intentaret certam mortem, direptionem bonorum, aut incenium domus, nisi cum illo *actualiter* duellum ineas: nam licitum est se defendere contra iniustum aggressorem vitae, et ingentium bonorum, alia via irrecoverabilium ». Et, ubi non de ipsa vita et bonis defendendis, sed de ipso honore defendendo agatur, idem theologus, haec antea n. 61. tradiderat: « Si igitur provocatus ad duellum sit vir nobilis, eques, aut miles, cui fuga provocatoris et actualis aggressoris esset valde ignominiosa, licitum est ei dicere ad provocantem, etiam gladium manu apprehendendo: Ego hoc ense me defendam, ubicumque me petiveris, quod etiam hic, si me aggressus fueris, praestabo; exire autem ad locum conditum non est hominis christiani, utpote contra legem naturae, Dei et Ecclesiae. Ratio est: quia similis vir non tenetur ex caritate fugere cum tam gravi honoris incommodo, et timiditatis nota: adeoque licite potest stare et se stando defendere: nam sic ante actuali duellum se haberet mere defensiva. Si tamen alicui alteri ex fuga non immineret periculum vulnerationis a tergo aut gravis ignominiae, teneretur fugere; ut cum aliis docet idem La-Croix 841 ».

## VII. — DE BELLO

49. *Quid sit bellum?* — Bellum est pugna multitudinis contra multitudinem extraneam, legitima principis auctoritate suscepta ad reipublicae bonum defendendum aut ad eius illatam iniuriam vindicandum. Differt bellum a *rixa* quia rixa est, inter privatas personas, paucorum vel singulorum, contra paucos vel singulos. Differt a *seditione*, quia seditio est multitudinis contra multitudinem in eadem republica, sive societate. Rixa ex inordinata voluntate procedit. Et ideo rixa semper importat peccatum. Et in eo quidem, qui alterum invadit iniuste est *per se* peccatum mortale; inferre enim nocuum proximo, etiam opere manuali, non est absque mortali peccato. Quia vero selitio habet speciale bonum, cui opponitur, scilicet unitatem et pacem multitudinis, speciale est peccatum. S. Th. 2. 2. q. 40. a. 1., q. 41. a. 1., q. 42. a. 1.

50. *Quotuplex sit bellum?* — Bellum aliud est *defensivum* aliud *offensivum*. Bellum *offensivum* pertinet ad iustitiam vindicativam et non potest institui, nisi auctoritate supremi Principis. Bellum vero *defensivum* illuc tantum spectat, ut vis ab alia republica illata vi repellatur. « Porro cum vim per iniuriam illatam vi repellere omnia iura permittant; hinc bellum defensivum non solum potest suscipi publica, sed etiam privata auctoritate invasorum ab hoste; ut habetur *L. 3. ff. de Iust. et Iur.* Interim tamen inter bellum privata et publica auctoritate susceptum hoc est discrimen, quod pugnantibus in bello defensivo privata auctoritate teneantur ad moderamen inculpatae tutelae, sistendo in sola necessaria et sufficiente defensione; et contra pugnantibus in bello defensivo publica auctoritate suscepto possunt iuste ulterius offensive procedere ad vindictam iniuriae illatae ». Struggi 40. *L. 402.*, S. Th. 2. 2. q. 40. a. 1.

51. *Licetitas belli defensorii* ex dictis apparet; nam si privato licet vim vi repellere, idem profecto licebit toti Societati. *Licetitas vero belli offensivi*, si debitae concurrant conditiones, constat tum ex communi catholicorum auctoritate, tum quia iure naturali non solum licitum est iniuriam propulsare dum alicui iniuste inferitur, sed etiam publica auctoritate vindicare, et amovere, postquam illata est, ne deinceps iterum inferatur. Atqui supremi Principis, qui in terris non habent Iudicem Superiorem, non possunt iniurias ab alio Principe sibi illatas vindicare, nisi per bellum offensivum. Ergo. Struggi 41., *Ithur. Cas. 40. n. 13.*, *L. 402.*, S. Th. 2. 2. q. 40. a. 1.

52. *Quarum sint conditiones ad bellum licite et iuste inchoandum concurrentes, fundendum?* — R ad 1.<sup>am</sup> 1.<sup>a</sup> *Auctoritas publica*, i. e. suprema, nullum alium Superiorem in civilibus agnoscens. Ratio est, quia ubi maior auctoritas habetur, haec de lite iudicare debet. S. Th. 2. 2. q. 40. a. 1.

*Causa iusta et gravis*, quae sit praeponderans incommodis ex bello sequuturis, v. g. regnum vel provincia recuperanda, aut iniuria gravis reipublicae propulsanda, vel subditorum rebellio reprimenda, etc. Cum enim e bello tot mala et corpori et animae proveniant, illud non nisi in extremis tentandum est. *L. 403.*, S. Th. 2. 2. q. 40. a. 1. 3.<sup>a</sup> *Ius moraliter certum*. Ratio est 1.<sup>a</sup> quia possessor bonae fidei nequit re possessa expoliari, nisi constet eum iniuste illam retinere; 2.<sup>a</sup> quia ad ponendam causam gravissimorum malorum, ut sunt caedes, iniustitiae, metum, corruptelae et alia huiusmodi, quae bellum ordinarie consequuntur requiri videtur moralis certitudo iuris sui. *Haec longe probabilibus* et verius. S. Lig. 404. Pal., Tamb., alique contra plures, quorum alii maiorem tantum probabilitatem, alii vero aequalem sufficere autumant. G. 408. Minorem autem probabilitatem minime sufficere communiter docent theologi. 4.<sup>a</sup> Ut ante bellum a parte adversa



requiratur condigna satisfactio; quae si offeratur, ex iustitia acceptari debet: ubi enim bellum desinit esse necessarium, desinit quoque esse iustum. — L. 405. Cf. Verricelli tr. de Apost. Mission. Tit. 13. q. 182. S. 17. §. 13.

Ad 2.<sup>um</sup> Etiam post mutuum aggressionem, et conflictum, quando iam aliqui ceciderunt ex parte eius, qui iustum bellum gerit, debet acceptari condigna satisfactio, et bellum intermitteri, si illa offeratur ab adversario Principe; sin minus ex rigore iustitiae, saltem plerumque ex caritate, modo pars altera omnes expensas iam factas compensare velit, nec ad bonum publicum necesse sit, ut eius petulantia retundatur. L. 405., Laym. 5., G. 409. Ratio 1.<sup>a</sup> est eadem quae modo data est. Ratio 2.<sup>a</sup> quia, cum in bello vindicativo ferme impossibile sit dare satisfactionem condignam, a bello actualiter coepto Princeps offensus non tenetur ex iustitia, sed potius ex sola caritate desistere, et satisfactionem acceptare; ut cum aliis ibidem adverte Layman.

Ad 3.<sup>um</sup> In bello offensivo post recuperatam rem debitam, et omnem indemnitatem, aut post vindicatam sufficienter iniuriam, victor tenetur acceptare pacem iustis conditionibus instructam: idem est de victore in bello defensivo, postquam iniuriam sibi illatam satis vindicavit. Ita communis Theologorum. Ratio responsionis est: quia excessus esset contra ius iustitiae vindicativae, imo etiam commutativae. Praeterea finis belli est pax et securitas; ergo his satis obtentis a bello, tanquam medio atroci, est desistendum. Porro etiam victus per accidens saepius tenetur acceptare pacem, ne se et suos subditos maiori periculo, infortunio, aut intolerabili incommodo exponat. Struggl 44.

53. *Quenam in bello licet facere contra hostem?* — In bello iusto omnia licet facere contra hostem, quae sunt necessaria, et apta, ad obtinendum iustum belli finem, iuxta mandatum tamen, et voluntatem expressam, vel tacitam belli ducis. Ita Layman n. 9., Sporer 112. Et alii communiter. Ratio est; quia ille, qui habet ius ad finem habet etiam ius ad media necessaria, et apta; ergo in bello iusto licet contra hostem omnia facere, quae sunt necessaria, et apta ad obtinendum iustum belli finem. *Quae sunt necessaria, et apta;* nam alia proximo damnosa, quae ad talem finem non sunt necessaria, non possunt iuste inferri, et damnum dein debet resarciri. Struggl 45., L. 409.

54. *Resolves:* 1.<sup>o</sup> In bello iusto licet vii insidiis et stratagematibus, ut docet S. Th. 2. 2. q. 40. a. 3. et theologi communiter. Haec enim non reputantur mendacia, quia culpa sua decipiuntur adversarii, cum media illa in bello adhiberi soleant. Illicitae autem sunt fraudes, quae prudentia praecaveri non possunt: hinc licet aqua urbes privare; sed non licet veneno inficere puteos et fontes, innocentes directe occidere, occidere legatos, qui iure gentium ubique sunt inviolabiles, itemque subornare sicarios qui Principem, vel ducem exercitus occulte trucident. Haec contra iura belli sensu communi et iure gentium pugnant. L. 410., G. B. 409. — 2.<sup>o</sup> Licitus est usus cuiuscumque generis armorum dummodo haec non sint venevata. — 3.<sup>o</sup> Licet urbes et arces obsidere, tormenta contra illas explodere, imo aliquando monasteria et Ecclesias destruere aut comburere, in iis spoliare et occidere, si v. g. hostes Ecclesia ut arce ad se defendendum utantur. L. 410. Item licet aliquando urbem captam in praedam dare, sed non nisi ob gravissimas rationes. Id tamen non licet militibus propria auctoritate, sed opus est, ut adsit legitima permissio. Et tunc non licet ullo pacto *directe occidere* innocentes, quo nomine veniunt, pueri, mulieres, senes, peregrini, clerici, rustici, mercatores, etc. quia hi nihil commiserunt, propter quod possent vita privari, neque sunt actuales vel proximi aggressores. *Peregrinos* insuper innocentes neque bonis *per se* licet spoliare, propterea quod neque in seipsis, neque in societate nocentes sunt. Itemque, quando urbs datur in praedam semper excipiuntur monasteria, ecclesiae, loca pia. Bona autem immobilia ex lege

belli cedunt Principi aut reipublicae: mobilia de usu sunt primi capientis, nisi consuetudo, vel lex sit, ut pars cedat Principi et communitati: vel omnia in communi reponantur et singulis debita cum proportionem fiat distributio. L. 409. 410., Struggl 48. — 4.<sup>o</sup> Praeter *praedas* licent etiam *repraesalia*, quae sunt occupatio vi facta et retentio personarum, vel rerum inimicorum, quae casu vel de industria in manus alterius partis perveniunt; cum sint quaedam compensationis ac belli species; si tamen 1.<sup>o</sup> manifeste constet cives alterius reipublicae fecisse iniuriam; 2.<sup>o</sup> si illorum superiores rogati recusent administrare iustitiam; 3.<sup>o</sup> si constet eos culpabiliter id recusare; 4.<sup>o</sup> si Princeps supremus, causa cognita, id concedat; 5.<sup>o</sup> si non inferatur plus damni, quam iusta satisfactio requirat; 6.<sup>o</sup> si non committantur in personas ecclesiasticas: ita communiter. Cap. unic. de *Iniur.* in 6.<sup>o</sup> — 5.<sup>o</sup> In ipso conflictu vel impugnatione licet occidere omnes contra bellantes, vel in armis existentes, cuiuscumque conditionis, status, vel sexus, usquedum ipsi se captivos dedant, et parata sit perfecta victoria. Post autem conflictum et obtentam victoriam licet etiam aliquando occidere captos vel deditos nocentes, si nempe antea mortem aliquo crimine meriti sint: vel si id ad pacem et securitatem stabiliendam aut iniuriam vindicandam necessarium sit, nisi cum pacto vitae servandae se dederint; vel nisi sint clerici etiam nocentes, quos post conflictum nullo pacto licet occidere Principi saeculari ob ipsorum immunitatem. Struggl 47. seqq., G. 408. etc. Ithur. Cas. 40. n. 14. 17., Laym. l. 2. tr. 3. C. 12.

55. *An Principes catholici possunt in bello vocare in auxilium haereticos vel etiam gentiles?* — 1.<sup>a</sup> Sententia universe affirmat. 2.<sup>a</sup> Sententia absolute negat. 3.<sup>a</sup> Sententia affirmat *per se* licere; *per accidens* tamen ratione scandali et damni Religionis, quod plerumque adest, illicitum esse. L. 406., G. 408. « Haec tertia sententia, ait S. Alph. l. c. speculative est quidem probabilis, sed secunda in praxi videtur omnino tenenda. Ratio, quia est moraliter impossibile, quod, contracta societate cum hostibus fidei, praefata damna religioni non obveniant ».

56. *An milites belligerare possint cum dubio de iustitia belli?* — Vel agitur de militibus subditis; vel de non subditis; vel de conductis. Si 1.<sup>um</sup>, tenentur obedire Principi iubenti, donec de belli iniustitia sint omnino certi; subditi enim tenentur obedire, ubi peccatum non est certum. Deinde in proposito casu bellum praesumere debent tanquam iustum, ubi contrarium clare non appareat; possidet nempe ius superioris, ita ut, docente August., « fortasse reum faciat regem iniquitas imperandi, innocentem autem militem ostendat ordo serviendi ». L. 22. cont. Faust. c. 75. Si 2.<sup>um</sup>, non debent militare, nisi certi fiant de eius belli iustitia; cum enim agatur de damno tertii et quidem gravissimo, nequit illud eidem inferri antequam constet de iniustitia possidentis. Si 3.<sup>um</sup>, vel iam erant conducti *ante* bellum indictum, et idem dicendum est ac de subditis; vel *post*, et valet quod de non subditis dictum est. L. 497. 498. Cf. Ithur. Cas. 40. n. 16. Tambur. Explic. Dec. l. 6. C. 1. par l. n. 9., Lugo de iust. et iur. D. 10. n. 144.

57. *An Clerici liceant belligerare?* — Clericis *extra casum necessitatis* iure Canonico sub poena irregularitatis prohibitum est in bello propria manu pugnare. C. *Clericum*, D. 50., C. *Eos qui* c. 20. q. 3., etc. Dicitur autem *extra casum necessitatis*; nam in quibusdam casibus necessitatis, clerici absque licentia Papae, et poena irregularitatis, possunt propria manu in bello pugnare. Struggl 54., S. Th. 2. 2. q. 40. a. 2.

58. *Quaenam tempore belli specialis adsit pro Principe et Ducibus obligatio.* — Principes et duces, maxime tempore belli, tenentur curare, ut milites morum et religionis praecepta observent, ne populis scandalo adsint vel damno. Debent item recta administratione illis stipendia persolvere et debita aequitate onera in cives distribuere, si quando apud ipsos pernoccant

et morentur; alioquin tenentur ipsi compensare damna et militibus et aliis, qui a militibus damna acceperunt; cum horum omnium sint causa iniusta et efficaciter movens. Itemque civibus, qui tempore belli ingens damnum passi sunt restitutio quaedam a republica debetur. Ius enim belli excusat non quae civibus fiunt, sed quae hosti nocent. Neque vero aequum est, ut alii aliis plus onerentur, cum de communi omnibus bono agatur. Eadem ratione contributio fieri solet, si unius merces in mare proiectae sint, ut aliorum res salventur. — L. 405. 407.

59. *An confecto bello teneantur partes pacta servare publica belli et victoriae obtentae vi extorta?* — Huic quaestioni affirmative respondet Gury Cas. 410.: « Ratio est, ait, quia foedera publica per ius gentium, omni humano generi commune, introducta sunt, sic exigente bono communi generis humani. Etenim, nisi pacta publica inter tot principes diversos, et inter magistratus ac subditos omnimode servanda essent, nulla pax aut societas, stabilis consistere posset; sed via perpetuis bellis et caedibus aperiretur ». Eandem habet sententiam Reuter, quam communem esse affirmat, iniquens P. 3. n. 510., « fides publica data hosti etsi bellum iniustum gerenti servanda est, modo foedus non sit *objective malum* ». De hac eadem quaestione haec habet Lugo: « In bello propter publicum pacis bonum, et securitatem regnorum oportet, quod pacta utrinque servantur, quando fiunt sine coactione et metu; alioquin cum unusquisque praesumat, se habere iustam causam belli, nunquam eiusmodi pacta servarentur, quod esset maximum impedimentum pacis componendae: sicut etiam propter eandem rationem debetur impunitas, et indemnitas Oratoribus et Legatis publicis, quia alioquin non posset haberi tractatus circa pacem, quod esset magnum inconveniens ». De Iust. et Iur. D. 37. S. 15. n. 179. Et S. Th. 2. 2. q. 40. a. 3. ait: « aliquis potest falli ex facto vel dicto alterius ex eo quod ei dicitur falsum vel non servatur promissum; et istud semper est illicitum; et hoc modo nullus debet hostes fallere; sunt enim quaedam iura bellorum, et foedera etiam inter ipsos hostes servanda ».

## DE SEXTO ET NONO DECALOGI PRAECEPTO

### I. — DE ACTIBUS NON CONSUMMATIS

1. *Quid Sexto et Nono Decalogi Praecepto praecipitur?* — Sextum et Nonum Decalogi praeceptum sunt: *Non moechaberis* ... *Non desiderabis uxorem eius* (proximi). Ex. 20. 14. 17. — Sexto decalogi praecepto prohibentur omnia, quae repugnant ordinatae propagationi generis humani. Nam haec omnia suo modo reducuntur ad moechiam, seu adulterium, tanquam actum primarium, repugnantem ordinatae huic propagationi. Nono vero praecepto omnis interior concupiscentia prohibetur eorum operum externorum, quae sexto praecepto prius fuerant iam prohibita. Utrumque ergo hoc praeceptum prohibet *luxuriam* quae est: inordinatus appetitus vel usus venereorum. S. Th. 2. 2. q. 154. a. 1., L. 412. 414.

2. *Malitia luxuriae in hoc consistit*, quod homo venereis, i. e. commotione spirituum genitalium et semine, quod a natura et Deo, tanquam auctore



naturae, ordinatur ad debitam propagationem generis humani, inordinate utatur ad voluptatem, aut alium perversum finem. *Inordinate*, h. e. extra matrimonium, vel contra matrimonii leges in matrimonio.

3. *Luxuria cuiusvis generis vel speciei est, per se, grave peccatum.* — Ratio est 1.<sup>o</sup> Quia graviter pugnat contra naturam. Usus enim rei venereae ex natura sua institutus et necessarius est ad solam conservationem et propagationem generis humani; non potest igitur usurpari extra matrimonium; imo ne in matrimonio quidem nisi debito modo, sine gravi recti ordinis perturbatione. 2.<sup>o</sup> Quia sub gravi a Deo naturae Auctore prohibetur, ut ex innumeris S. Scripturae locis constat: sic ad Galat. 5. 19.: *Manifesta sunt opera carnis, quae sunt fornicatio, immunditia, impudicitia, luxuria, ... quae praedico vobis, sicut praedixi, quoniam qui talia agunt, regnum Dei non consequentur.* L. 14., S. Th. 2. 2. q. 153. a. 2. 3.

4. *Luxuria directe voluntaria in quovis genere nunquam parvitatem materiae admittit.* Ratio est, quia quaevis delectatio directe quaesita subversionem, in re gravissima, naturalis ordinis a Creatore stabiliti necessario inducit. Constat etiam ex prop. 40. d. ab Alexand. VII. Cf. Sporer de Matrim. n. 689. 690., L. 415. 416., S. Th. 2. 2. q. 153. a. 2. 3.

5. *Luxuria indirecte voluntaria admittit parvitatem materiae;* quia nullus tunc est consensus seu directa intentio in voluptatem veneream, sed tantum in causam, quae leviter vel graviter est peccaminosa, prout leviter vel graviter in delectationem influit. G. 412., L. 482. 483.

6. *Luxuria directe opponitur castitati,* quae, generaliter sumpta, est virtus moralis, quae moderatur inordinatum appetitum et usum venereorum. Pars castitatis, eaque perfectissima, est virginitas, quae duo importat, integritatem nempe corporis, et integritatem mentis, seu propositum illam integritatem corporis servandi in perpetuum. Eumvero triplex distinguenda est castitas, *conjugalis, vidualis, virginialis*. Castitas *conjugalis* est, quae in matrimonio licitis voluptatibus moderate utitur. Castitas *vidualis* est, quae post mortem coniugis, aut aliunde amissam virginitatem firmo proposito ab appetitu et usu venereorum deinceps absinet. Castitas denum *virginialis* est, quae ab omnibus voluptatibus carnalibus tam illicitis, quam licitis in matrimonio, proponit perpetuo abstinere. — S. Th. 2. 2. q. 151. 153.

7. *Virginitas physice amittitur* in puella per aperitionem sive effractionem claustrum virginialis, et in mare per effusionem seminis; *moraliter* vero tam a foemina quam a mare amittitur per voluntariam pollutionem. Attamen quoad statum politicum, et in facie Ecclesiae, puella manet virgo, quamdiu claustrum virginitalis per concubitum non fuit violatum, et mas quamdiu foeminam carnaliter non cognovit. Cf. Tambur. Explic. Decal. l. 7. c. 5. n. 2. 3., Sporer, post Tract. V. in Append. ad 6.<sup>am</sup> Praecept. n. 6., S. Th. 2. 2. q. 152.

8. *Duplex, huc in re, distinguenda est delectatio, alia venerca,* quae dicitur etiam *crucialis*, alia *sensibilis*. Delectatio *venerca* sentitur in partibus genitalibus per commotionem spirituum genitalium et seminis; e contra delectatio *sensibilis* in aliis sensibus sentitur ex applicatione eorum ad obiectum suum, et proportionem obiecti ad proprium sensum. — Delectatio *sensibilis* dupliciter patet: alia est *pure talis*, alia est *sensibilis venerca*. Delectatio *sensibilis pure talis* ea est, quae oritur ex obiecto, quod de se praecise non est aptum movere ad delectationem veneream, ut e. g. delectatio, quae oritur ex tactu holserici, odoratu floris, auditu musicae, gustu sacchari. Delectatio *sensibilis venerca* ea est, quae exoritur ex obiecto, quod de se aliquo modo aptum est movere ad delectationem veneream, ut, e. g. delectatio, quae exoritur ex tactu, ex amplexu foeminae, ex eius osculo, etc. L. 412. 413. 415.

9. *Delectatio venerea deliberate voluntaria inter homines, quibus illicita est copula, ad luxuriam proprie spectat, et peccatum grave est ex toto genere suo, materiae parvitatem non admittens, ut constat ex n. 4.*

10. *Delectatio sensibilis pure talis ad luxuriam proprie non pertinet, sed ad sensualitatem, eaque de se mala non est, sed indifferens. Neque vero alia malitia in ea reperiri potest, quam ea, quae generatim est in actu, qui ad finem rationalem non refertur, qualis profecto esset si quis non solum ageret cum ea delectatione, sed etiam propter eandem delectationem, ulteriorem honestum operis finem, positive excludendo.*

11. *Delectatio tandem sensibilis-venerea, aut ex natura sua proxime disponit ad delectationem veneream, aut tantum remote. Si proxime, peccatum grave per se est propter proximum periculum delectationis venereae. Si remote, peccatum veniale per se non excedit, si directe intendatur, propter inordinationem, quae in ea directe intenta est, neque tamen gravem, cum absit proximum periculum delectationis venereae. Cf. Struggl 4. 7., Tambur. Expl. Decal. l. 7. C. 8.; n. 1. seqq., Sporer de Matr. 686-688. 691., L. 416.*

12. *Luxuria alia est interior, alia exterior. Prior est voluntaria occupatio phantasiae, intellectus et voluntatis per gaudium, delectationem morosam, aut desiderium rei venereae, voluptatis gratia. Posterior est ipsemet venerorum usus, voluptatis gratia; et multiplex specie est: alia enim est in actibus non consummatis, alia in actibus consummatis, qui specie ab illis differunt; ac tum haec, quae in actibus consummatis est, tum illa, quae est in actibus non consummatis, in alias species subdividitur pro obiectorum specifica diversitate. Actus autem consummati, hac in re, sunt illi actus, qui usque ad humoris prolifici effusionem pertingunt. Qui ad hunc terminum non pertingunt actus sunt non consummati, qui proprie sensualitatis et impudicitiae actus sunt. S. Th. 2. 2. q. 151. a. 4. q. 154. a. 1. ad 3., q. 155. a. 2. 3. 4., L. 412. Actus non consummati luxuriae sunt turpes aspectus, auditiones seu sermones, quibus lectiones turpes accensentur, odores et gustus turpes, denique tactus.*

13. *De aspectibus obscenis. — Aspectus voluntarius et deliberatus rerum valde obscenarum, quae ex sua natura proxime disponunt ad delectationem veneream, nisi fiat ex iusta causa, est per se loquendo peccatum mortale; aspectus vero rerum minus obscenarum, quae ex natura sua solum remote disponunt ad delectationem veneream, nisi etiam fiat ex iusta causa, per se loquendo, est peccatum solum veniale. Ratio 1.<sup>a</sup> p. est, quia quis ita agens se exponit periculo proximo delectationis venereae, quae est graviter peccaminosa; adeoque graviter peccat. Ratio 2.<sup>a</sup> p. est, quia licet obiectum sit aliquo modo obscenum, adeoque actio circa illud illicita, non affert tamen proximum venereae delectationis periculum, adeoque ea actio graviter illicita non est. — L. 420. seqq.*

14. *Resolves: 1.<sup>o</sup> Aspectus picturarum obscenarum ex mera curiositate ut mortalia non habentur, si delectatio turpis aut eius proximum periculum absit. In praxi tamen vix a mortali posset excusari vir morose aspiens pudenda mulieris depictae, quia difficulter cavere poterit a delectatione turpi, nisi forte per brevissimum tempus, aut in magna distantia fiat, aut nisi picturae vetustas vim artificii imminuerit. Billuart autem cum aliis excusat a mortali, si aspectus fiant ex levitate, obiter, ex curiositate, aut si picturae infantes tantum repraesentent, quia picta non commovent sicut naturalia; et hoc improbabile non videtur, nisi forte ob aspicientis fragilitatem aliter iudicandum sit. Idque facilius admitti potest ob consuetudinem quoad imagines et sculpturas, angelos repraesentantes nudos, aut quasi nudos, sicut plures in templis christianis exponuntur. — G. 415., L. 424.*

2.<sup>o</sup> Per se loquendo, et seclusa mala intentione, aut periculo consensus propter specialem fragilitatem, peccatum veniale non excedit aspicere ex

levitate et quadam curiositate, partes turpes animalium, et animalia coeuntia Struggl 12., L. 419.

3.<sup>o</sup> Non est mortale aspectus propriorum genitalium, si breviter fiat, secus si fiat studiose et morose. L. 419. « Non est mortale de se, citra periculum consensus veneri, aspicere pudenda personae eiusdem sexus, nisi aspiciens esset valde propensus ad sodomiam, Salm., Sanch., etc., vel nisi *adderem* pulcher adolescens aspiceretur nudus ». L. 420. 421.

4.<sup>o</sup> Aspectus in partes honestas personae diversi sexus, etiam pulchrae, *per se*, non sunt peccata: si autem ex curiositate vel cum morbositate aliqua fiant, peccata venialia ordinarie erunt; a mortali vero non excusabuntur aspectus diurni, si proximum periculum involvant turpis concupiscentiae, vel morosae delectationis, praesertim si commotio spirituum insurgat, et a fortiori si persona inordinato amore diligatur. Si vero aspectus iste contingat ex simplici urbanitate, vel causa alia honesta, nullum erit peccatum. — G. 418., L. 422.

5.<sup>o</sup> Aspectus in partes minus honestas, sed non turpes, mulieris, scilicet pectus, brachia, crura, non sunt *per se* peccata mortalia, secluso tamen proximo pravi consensus periculo, et modo aspectus non sit diurnus. L. 423. A mortali vero generatim non excusabis eos, qui ubera mulieris pulchrae nuda cum mora notabili sine causa aspiciunt, ob periculum huiusmodi aspectui adnexum. Sed graviter non peccant, qui secluso speciali periculo matres aut nutrices infantulos lactantes aspiciunt, aut in denudatum pectus mulieris vetulae aut iunioris non adhuc formatae oculos figunt. G. 418., L. 423.

6.<sup>o</sup> Aspectus in verenda diversi sexus aut in partes vicinas ordinarie sunt peccata mortalia, nisi forte visio fiat a longinquo et per brevissimum tempus; quia aspectus huiusmodi aut a libidine oritur, aut certe proximum periculum peccandi inducit. Nec excusaris a gravi, si partes turpes velo tenuissimo et perlucido aspicias, quia fere talis aspectus libidinem auget, nedum minuat. Exeipiunt 1.<sup>o</sup> si aspiciens sit puer vel valde senex, aut valde frigidus, quia isti parum moventur; 2.<sup>o</sup> si oculi defigantur in infantulum, quia parum movet. Unde non censentur graviter peccare ancillae et nutrices, quae pueros sibi commissos sic aspiciunt; nisi morose vel iteratis vicibus, praevoque affectu id faciant. G. 418. Hinc peccatum etiam grave est deliberate aspicere personam alterius sexus totam nudam, nisi aspectus fieret solum leviter, obiter aut a longe, vel aspicere personas coniugatas coeuntes. Struggl 12., L. 420. 421.

7.<sup>o</sup> Omnes aspectus praedicti qui leviter vel graviter peccaminosi sunt, omni culpa carent, si ex proportionata utilitate et necessitate fiant, qualis datur, e. g., in medico vel chirurgo, dum in his partibus mederi debet. Cf. Diana, Tr. 6. De aliq. Cas. circa mater. luxuriae Resol. 19., L. 419. 420.

15. *De turpibus sermonibus.* — « De se non est malum verba turpia proferre aut audire ». L. 426. *De se*, nam, practice loquendo, verba valde obscena, quae loquentem vel audientes ex natura sua proxime disponunt ad delectationem veneream, nisi fiant ex iusta causa, sunt peccatum mortale: verba vero minus obscena, quae ex natura sua solum remote disponunt ad delectationem veneream, nisi pariter fiant ex iusta causa, sunt peccatum solum veniale. Ratio eadem est ac in prop. praec. n. 13., L. 426. 427. 428.

16. *Nota:* Quod de sermonibus dictum est, eadem proportionem de cantionibus et lectionibus impudicis dicendum etiam est. L. 426.

17. *Resolves:* 1.<sup>o</sup> Graviter peccant qui coram personis solutis, praesertim alterius sexus, sermones inter se permittunt de seminatione, copula carnali et aliis, quae, attentis personarum, rei dictae, et modi eam dicendi circumstantiis, proxime disponere possunt loquentes vel audientes ad delectationem veneream. Neque, *per se* loquendo, excusantur a gravi peccato, qui, iocandi praetextu, verbis aequivocis sed satis notis de his rebus sermones habent;



excipe, nisi aliquid huiusmodi *mero ioco et obiter* dicatur. Ille enim iocus et equivocatio nedum removel, auget potius, ob excitatam curiositatem, periculum venereae delectationis. Item libros omnino obscenos legere, absque iusta causa, est peccatum mortale, etiamsi ex curiositate vel recreationis causa fieri id videatur: quia *per se* haec lectio valde ad libidinem provocat. Excipe forte, nisi legentes ex sola curiositate ob aetatem provectam et frigidam complexionem aut consuetudinem de rebus venereis tractandi grave libidinis periculum non incurrant. L. 426. Certum autem est, componentes, ac etiam vendentes libros notabiliter turpes, nullo modo excusari posse a peccato gravi, ob scandalum aliorum, quamvis non intentum; nec lucrum quamvis magnum excusare valet. L. 428.

2.<sup>o</sup> Non est *per se* mortale proferre turpia quidem, sed non graviter obscena, si fiat breviter, per iocum, aut vanum solatium, nisi audientes ita debiles sint spiritu, ut grave scandalum patiantur. Hinc communiter non sunt gravia dicteria turpia, quae proferuntur a messoribus, vindemiatoribus, mulionibus, quia ad merum iocum ordinarie dicuntur et audiuntur. L. 426. G. 420. Neque vero semper ut mortalia sunt habenda tenera colloquia, ceteroquin honesta, cum personis diversi sexus, quamvis periculis plena sint, praesertim si sint diuturna, saepe repetita, aut in locis solitariis fiant. L. 422 426. Quid ergo iudicandum de amoribus, ut vocant, praesertim inter iuniores? Non sunt indiscriminatim omnes culpaе mortalis damnandi: quamquam saepe occasio proxima lethaliter peccandi difficulter aberit, saltem in progressu, et accedentibus quibusdam adiunctis, ut si adamantes omnino soli praesertim per longius tempus, aut noctu, etc. conveniant. L. Prax. Confess. 63. G. l. c. Item libros amatorios et leviter inhonestos legere *per se* non est peccatum mortale, quamvis in praxi sit valde periculosum, praesertim iunioribus. G. 419., L. 426. Componentes vero aut vendentes libros leviter obscenos peccant quidem, etiam lethaliter, si ad excitandam libidinem id faciant; si vero tantum ad lucrum comparandum, aut ob aliud motivum non graviter pravam, peccatum erit solummodo veniale, cum absque gravi periculo legi queant huiusmodi libri. Clerici vero ac religiosi non videntur *per se* loquendo posse componere aut spargere huiusmodi libros absque gravi scandalo.

3.<sup>o</sup> Legere libros obscenos iustam ob causam, v. g. ad stilum efformandum et perficiendum, ad discendam historiae veritatem, ad superiores informandos, ad corrigendos mores, etc. nullum est peccatum, modo turpibus non assentiantur.

18. *Nota*: Ex illis, quae duabus prop. praeced. dicta sunt, n. 13. 15., iudicium ferri potest de theatro: an nempe peccent qui theatri intersunt? Si enim peccant, non nisi ob turpes aspectus, vel turpes res auditas peccare possunt. Cf. L. 427. 428.

19. *De tactibus turpibus*. — Tactus valde turpes, qui ex natura sua proxime disponent ad delectationem veneream, nisi ex iusta causa fiant, *per se* loquendo sunt peccatum mortale: tactus vero minus turpes, qui ex natura sua non disponent proxime, sed solum remote ad delectationem veneream, nisi pariter ex iusta causa fiant, *per se* loquendo sunt peccatum solum veniale. Prob. Ratio est, quia tangeus priori modo se aut alteram personam, exponit se aut alteram personam periculo proximo delectationis venereae: posteriori vero modo, periculo solum remoto: neque utriusque tactus rationabilis adest causa illum cobonestans. Ergo. L. 415. 416. 417. 418., S. Th. 2. 2. q. 154. a. 4. q. 156. a. 2. 4.

20. *Resolves*: 1.<sup>o</sup> Tangere genitalia brutorum non est ordinarie nisi veniale. Hos autem tactus producere usque ad effusionem seminis probabiliter est mortale, quia est actio vehementissime excitans ad veneream delectationem. Attamen si quis id faceret ex mera levitate et curiositate, et expe-

riatur se nihil inde veneree commoveri, de mortali damnari non posset. Tamb. Explic. Dec. l. 7. C. 8. n. 5., Sporer de Matrim. n. 697., L. 419. 420.

2.<sup>o</sup> Tactus proprii corporis veniale non excedunt, quando, secluso affectu venereo, obiter tantum, et ex mera levitate aut curiositate habeantur, quia libidinis non sunt admodum incentivi. G. 416., L. 419.

3.<sup>o</sup> Tactus in vendendis alterius personae eiusdem sexus, aut partibus vicinis, etiam super vestes, ordinarie non excusantur a peccato gravi, nisi forte ex petulantia, ioco, levitate, et obiter fiant. G. l. c., L. 420.

4.<sup>o</sup> Veniale non excedit tangere partes honestas, e. g. digitos, manum, vultum personae diversi sexus, si haec ex mera levitate fiant, nec adsit speciale venereae delectationis periculum ratione modi, quo hi tactus fiunt. L. 415. 416. 417. 418.

5.<sup>o</sup> Tactus in partibus minus honestis personae diversi sexus, quales sunt pectus, crura, brachia, si ex mera levitate, curiositate, ioco, etc... fiant, veniale etiam non excedunt, secluso semper speciali delectationis venereae periculo ratione modi, quo hi tactus fiant. L. 430.

6.<sup>o</sup> Tactus in partibus turpibus, h. e. in partibus genitalibus, vel quae ipsis proximae sunt, personae diversi sexus etiam brevi tempore habiti, sive immediate, sive mediate fiant, seu supra vestes, excusari regulariter nequeunt a peccato gravi, sive quia affectum ostendunt venereae delectationis, sive quia proximum venereae delectationis periculum continent. Probabiliter tamen arguendae non sunt de peccato gravi ancillae, quae tangunt pudenda infantium dum eos vestiunt, etiamsi ex levitate vel curiositate quadam: secus vero si cum mora id fieret, ob periculum venereae delectationis. L. 420. 430.

7.<sup>o</sup> Ut alii actus incompleti, de quibus in articulis praeced. ita etiam tactus non sunt *ex intrinseca sua natura* mali, ut constat ex ratione constanter adducta, sed tantum extrinsece ob proximum, nempe venereae delectationis periculum. Et sane omnes hi actus ex intrinseca sua natura non pertinent ad *luxuriam* seu rem veneream, quae non nisi coitu, pollutione et delectatione carnali, quae ad ea proxime disponit, vel ea sequitur in partibus genitalibus, continetur: sed ad *sensualitatem* et *pubicitiam per se* spectant, ut ex iam supra dictis constat, n. 12. Omnes ergo praedicti tactus liciti omnino sunt ex proportionata necessitate et utilitate. Hinc medici tangentes ex necessitate pudenda personae etiam diversi sexus non peccant, esto per accidens involuntariam pollutionem patiantur. Neque peccant *per se* qui se tangunt ad abstergendas corporis sordes, vel ad pruritus sedandum, aut ad intrimitates curandas: si tamen sit tolerabilis pruritus, insinuandum est, ut a tactibus, quatenus possint sine gravi molestia, abstineant. Magna tamen in his discretionem confessarius utatur, oportet. Huiusmodi enim dubia personae praesertim conscientiae timoratae vexare solent. L. 417. 419. 420. H. A. n. 3., S. Th. 2. 2. q. 154. a. 4.

21. *Nota:* Ex illis, quae de tactibus dicta sunt, patet quid dicendum in particulari de osculis, de amplexibus, de choreis: quae graviter turpes, leviter turpes, et honestae esse possunt, attento vario, quo fiant, modo. L. 417. 429. 430.

22. *An praecipui tactus specie differant ab actu consummato pollutionis et copulae, et ab aliis actibus incompletis?* — R. Ad 1.<sup>um</sup> affirm.; et haec responsio valet tum pro tactibus, tum pro aliis actibus incompletis, de quibus hactenus fuit sermo. Ratio est, quia actus inchoatus differt natura ab actu consummato. Quanto igitur similes actus praecedunt actum venereum in eodem passione completum, aut eundem comitantur, vel immediate subsequuntur, ut oscula, tactus, etc. constituunt cum actu venereo completo unum numero peccatum, et non sunt necessario in confessione sacramentali distincte explicandi: quando vero exercentur sine actu venereo completo sunt ab hoc distinctum peccatum, unum tamen numero, si exercentur in eodem motu passionis. Unde in tali casu sunt luxuria quaedam incompleta, et in confessione sacramentali explicandi.

R. Ad 2.<sup>um</sup> 1.<sup>a</sup> Sententia communior affirmat. Ratio est, quia hi actus secundum se inspecti et a facultatibus distinctis ac diversis procedunt, et ad distincta ac diversa obiecta ordinantur. Unde sequitur, quod « desiderium turpiter aspiciendi, tangendi, osculandi, fornicandi, distinguuntur specie non tantum a morosa delectatione de illis obiectis, sed etiam singula ab invicem, quia tendunt ista obiecta prout a parte rei ponerentur: si autem a parte rei ponerentur, distinguerentur specie, uti patet. Hinc qui semel delectatus est cogitatione de copula, et semel desideravit copulam, non satisfacit dicendo, bis habui turpem cogitationem, sed dicere debet, semel delectatus sum copula, et semel desideravi. Similiter qui semel desideravit aspicere, semel osculari, semel tangere, semel fornicari, non satisfacit dicendo, quater desideravi aliquid turpe facere, sed tenetur ea obiecta exprimere ». La-Croix, l. 6. P. 2. n. 1032. — 2.<sup>a</sup> Sententia negat. Ratio, quia licet huiusmodi actus *physice* procedant a facultatibus realiter distinctis et diversis, et ad obiecta tendant realiter distincta et diversa, *moraliter* tamen inspecti non continent malitiam *intrinsecam* gravem, sed gravem quam continent malitiam a *delectatione venerea* habent, ad quam proxime disponunt, et quae eadem specie est pro omnibus hisce actibus. S. Th. 2. 2. q. 154. a. 4. Unde sequitur, quod, explicata in confessione venerea delectatione secuta, cui quis consensit, non est necesse explicare, an eam sibi procuraverit ad aspectu vel tactu suipsius, ad aspectu etiam vel tactu alterius personae, praecisione tamen facta a cooperationis peccato, et scandalo, explicandis certe, si adfuerint. Explicata item interiori voluntatis *delectatione*, vel *desiderio* quoad veneream delectationem, explicandum non est an illa voluntatis delectatio et desiderium, immediate ad aspectus vel tactus turpes terminabatur. Haec habet Billuart Diss. 6. art. 15. § III. Nota et seqq.: « Docet Franc. Henno delectationes de aspectu, tactu, osculo, etc. specie inter se differre, et debere sic distincte accusari... quia, inquit, aspectus, tactus, oscula, specie inter se distinguuntur... sed tamen fatetur praxim confessoriorum et poenitentium esse contrariam. Insuper puto ego falsum esse eius fundamentum, nempe tactus, oscula, aspectus specie inter se distinguui in genere luxuriae. Cum enim non sint per se mala, ut dictum est, sed tantum ratione commotionis, aut pollutionis, aut copulae, ad quas excitant et tendunt, eandem inter se malitiae speciem habent, scilicet vel commotionis carnalis, vel pollutionis vel copulae, etc. Unde meo iudicio satisfaceret poenitens, qui diceret, toties excitavi in me vel in alio commotionem carnalem, aut pollutionem, tacendo an per tactus, aut aspectus, aut oscula, modo sui et complicitis conditiones explicet. A fortiori satisfaceret dicendo, toties delectatus sum carnaliter circa talem vel talem personam, non explicando an circa tactus, aut oscula, aut aspectus, bene tamen si fuerit delectatio circa copulam, aut pollutionem, quia cum haec differant specie ab impudicitia, et distincte sint accusanda, ita et delectationes circa ipsa ». S. Th. 2. 2. q. 154. a. 4. ad 3. loquens de osculis et tactibus, ait: « quod huiusmodi non sunt peccata secundum *suum speciem* ». Et ib. ad 2. ait: « ex libidine habent rationem peccati ». Et ib. in c.: « huiusmodi, secundum quod libidinosi sunt, sunt peccata mortalia ».

23. An tactus aliquae actus incompleti, cum peccatum grave sunt, malitiam contrahant specie diversam pro variis personarum circumstantiis? — Ad tactus, oscula et amplexus quod attinet, communiter affirmatur. Et ratio est, quia morali existimatione tactus prae aliis actibus maxime respiciunt personam *individuum*, et ad copulam *quam proxime* accedunt. Unde quemadmodum in copula circumstantiae specificae personarum sunt explicandae, ita et in tactibus. L. 417. 453. 459. 469. Quoad aspectus, affirmant pariter Salmant. apud S. Alph. 421., ac tum quoad aspectus, tum etiam quoad verba turpia sive dicta sive audita, eodem fere modo ac quoad tactus affirmat etiam Sanchez de Matrim. l. 9. D. 46. n. 17. 18. 30. 45. propter rationem omnino universalem, quia nempe hi actus omnes ordinantur ad coitum eiusque malitiam moralem participant. Verum S. Alph., relata Sal-



mant. opinione, quoad aspectus haec subdit: « Sed huic doctrinae verius contradicit Croix l. 6. p. 2. n. 1030., ubi ait, quod qui sine ullo desiderio personam venereae aspicit, non tenetur dicere qualis fuerit persona: Quomodo enim foemina, aspiciendo turpiter sacerdotem... committet sacrilegium, quod consistit in violatione personae sacrae, cum ibi nulla violatio intercedat? Et quomodo quis, aspiciens turpiter consanguineam, committet incestum? » l. c. Haec vero valent etiam quoad verba turpia dicta vel audita, ut per se patet — Cf. S. Th. 2. 2. q. 154. a. 4. ad 1.<sup>um</sup>, ad 2.<sup>um</sup>, L. 415. 416. 417.

24. *An in tactibus quos secum vel cum alio quis habeat explicandus sit sexus, an sit ipse mas, an foemina?* — R. *per se* loquendo negative; id enim se habet *per se* mere materialiter. L. 467.

25. *An quoad tactus explicandae sint corporis partes quas graviter hac in re peccans tetigit?* — R. Haec La-Croix l. 6. P. 2. n. 1031.: « Qui sine desiderio venereae attigit puellam, secundum Dianam satisfacit dicendo se toties attigisse turpiter, nihil dicendo de partibus in quibus attigit. Alii probabiliter dicunt exprimendum, si partem turpem attigerit ».

## II. — DE PECCATIS IUXTA NATURAM

26. *Peccata luxuriae consummatae*, alia sunt secundum naturam, quando nempe exercentur eo modo, qui generationi speciei humanae non adversatur: si videlicet in concubitu servatur sexus diversus, species eadem, vas et modus naturalia; alia sunt contra naturam, si semen ita effundatur ut generationi inservire non possit; id est si modo enumerata non serventur, sive id fiat extra concubitum, sive in concubitu. L. 412. 432, S. Th. 2. 2. q. 154. a. 2.

27. *De fornicatione.* — Fornicatio est intrinsece mala et peccatum mortale; ita ut nunquam liceat. Praenota: Fornicatio est copula soluti cum soluta ex mutuo consensu. Dicitur *soluti* cum *soluta*, h. e. a vinculis matrimonii, cognationis aut affinitatis et voti. — Prob. 1.<sup>a</sup> p. 1.<sup>o</sup> ex prop. 48. d. ab Innoc. XI. 2.<sup>o</sup> Quia fornicatio et vagus concubitus repugnat bonae proles educationi, quae sine vinculo coniugali maris et foeminae non potest fieri; nam ad illam non solum requiritur cura matris, a qua nutritur, sed multo magis etiam cura patris, a quo dein proles est instruenda, defendenda, et ad statum, in quo sibi de necessariis possit providere, promovenda. Prob. 2.<sup>a</sup> p. 1.<sup>o</sup> quia in SS. fornicatores excluduntur a regno coelorum. 2.<sup>o</sup> Quia fornicatio graviter repugnat bono proles, et debitaee propagationi generis humani; nam, si liceret fornicatio et vagus concubitus, mares de proprietate proles dubii eam non agnoscerent, et debitaee educationi non studerent: foeminae vero a maribus dein derelictae, procurarent abortus, relinquerent infantes, aut eos plane occiderent. Porro fornicatio est peccatum mortale, etsi dives vellet curare debitam educationem proles fornicariae; nam si fornicatio in tali casu liceret, plerique similem licentiam sibi arrogarent, omitterent matrimonium, et fornicatio successive fieret communis contra debitam propagationem generis humani. Struggl 23. S. Th. 2. 2. q. 154. a. 2. 3., L. 432. 435. seqq.

28. *Nota:* « Qui solum incipit copulam; sed non absolvit, nec seminat, debet idipsum explicare, quia licet tunc sit fornicatio inchoata, et in affectu, non est tamen fornicatio culpa; sed est actus impudicus, et extremus impudicitiae. Multo magis, qui eandem copulam incipit, et excitata iam natura resilit, semenque dispergit, explicare debet, quia iam adest duplex malitia,

nimirum fornicatio inchoata et in affectu, et mollities consummata, ut per se patet ». Sporer 575. 576., Struggl 25., L. 1. 6. n. 916.

29. *De stupro.* — 1.<sup>o</sup> Stuprum sumitur aliquando pro omni illicito concubitu; sed communius hac voce speciale luxuriae peccatum designatur. Non autem sibi consentiunt thth. circa naturam huius peccati. P. Gury 425. stuprum, ait, est violatio seu oppressio mulieris, ipsa iuvita. Verum communiter theologi stuprum reponunt in defloratione virginis. Alii autem tenent propriam stupri rationem simpliciter consistere in *illicita virginis defloratione*; alii vero tenent consistere in *violento concubitu cum virgine*, ita ut concubitus cum virgine consentiente non sit peccatum distinctum a simplici fornicatione. Virginis autem nomine in utraque sententia non ea intelligitur, quae virtutem virginittatis ita servavit ut nullo peccato luxuriae fuerit maculata, sed illa quae virginittatis signaculum retinet integrum, etsi polluta fuerit etiam voluntarie, ideoque amiserit irrevocabiliter *virtutem virginittatis*. — L. 443., S. Th. 2. 2. q. 154. a. 6.

2.<sup>o</sup> Certum apud omnes est violentam virginis deflorationem, praeter grave peccatum contra castitatem involvere, etiam peccatum grave contra iustitiam, in confessione necessario explicandum. Atque haec violentiae circumstantia, ut per se patet, exprimenda est etiamsi mulier non esset virgo, sed corrupta vel coniugata. Porro « per violentiam hic intelligitur non solum violentia physica, sed etiam moralis, qualis est fraus et metus; item importunae preces et blanditiae, quae, iuxta iudicium prudentum, in hac praesertim materia, violentia moraliter reputantur: quales sunt eae quas comitantur magna promissa, oscula, tactus, veneris incentiva, ac uno verbo eae omnes quibus ingenua mulier facile resistere non potest ». Billuart, de Temper., Diss. 6. art. 3. *Dico* 1.<sup>o</sup>, Struggl 28. 29. Quamvis vero non habeatur vis seu violentia, certe insignis fraus habetur, adeoque specialis malitia contra iustitiam in confessione declaranda, si quis fornicaretur cum muliere amente, ebria, aut dormiente, quia violatur sine eius consensu, et proinde gravis ei inferitur iniuria. Sporer 606., S. Th. 1. 2. q. 154. a. 6. Cf. L. 430. 433.

3.<sup>o</sup> Verum, an illicita defloratio virginis ultro consentientis sit species luxuriae a simplici fornicatione distincta controvertitur, et utraque sententia saltem extrinsece probabilis est. Negativae sententiae nos omnino adhaeremus: ratio, quia illa circumstantia physicae virginittatis seu integritatis mere materialiter se habet respectu virtutis castitatis, adeoque peccatum contra castitatem specie non immutatur. Hinc, quod consequens est, circumstantia haec virginittatis in peccatis quibuscumque a foemina vel viro, virginibus, commissis necessario in confessione non erit explicanda: nisi forte occasione reservationis, vel censurae, vel alterius extrinsecae circumstantiae, puta si culpabiliter innotuerit, et dedecus ac damnum obvenerit, quod sit reparandum. — S. Th. 2. 2. q. 154. a. 1. 4.

30. *An stuprum, si virgo deflorata consentiat, contineat saltem specialem malitiam iniustitiae respectu parentum, in quorum custodia erat?* — R. Negat. « Ratio, quia, si ipsa puella, cum sit domina sui corporis, nullam irroget iniuriam patri, si deflorationi consentiat, utens iure suo, tanto minus irrogat deflorator. Tantum illa peccabit, et consequenter etiam violator, contra pietatem patri debitam, et etiam contra obedientiam, si de tali crimine expresse prohibitionem a patre habuerit, ut ait Lugo n. 226 ». L. 641.

31. *De raptu.* — Raptus dupliciter sumi potest. Primo enim sumi potest prout est impedimentum dirimens matrimonium, et est abductio violenta mulieris cuiusvis e domo vel potestate paterna vel quasi paterna, ad alium locum, *ad contrahendum matrimonium* sub potestate raptoris. Altero vero modo, est luxuriae species; eaque est personae cuiusvis, sive sit masculus, sive foemina, sive virgo sive corrupta, sive nupta sive innupta, abductio de loco ad locum, illata vi sive abductae, sive iis quorum potestati subest, scilicet parentibus aut tutoribus, aut viro, non autem si sint fratres et mu-

lier sit sui iuris. *libidinis explendae causa*. Quare primo modo persona abducitur matrimonii contrahendi causa, altero vero modo causa libidinis. De raptu 1.<sup>o</sup> modo in tract. de Matrim. est sermo, hic de raptu agimus 2.<sup>o</sup> modo. Porro patet, quomodo raptus ita sumptus a stupro differat. Nam stuprum solummodo cum virgine invita locum habet, raptus autem cum quacunque persona: stuprum solum involvit violentiam vel fraudem, raptus etiam abductionem de loco ad locum: stuprum violentiam infert tantum virgini, raptus personae abductae aut iis quorum potestati rapta subest, aut etiam utrisque. « Unde vides raptum virginis secuto turpi effectu non nisi valde accidentaliter differre a stupro ». Sporer de Matr. 603. Si quae tamen sponte discedat cum amasio, in sciis parentibus, non erit proprie raptus, sed fuga, non addens malitiam specie distinctam fornicationi. Malitia ergo raptus propria consistit in iniuria, quae infertur in violenta abductione, libidinis causa. Quare, ut stuprum perfecte tale, ita raptus praeter peccatum luxuriae continet peccatum iniustitiae: at in raptu ista iniustitia est tam contra personam ipsam quae violenter abducitur, quam etiam contra parentes aut alias quascunque, quarum in potestate persona illa est constituta. Ex Trid. S. 24. C. 6. de R. M. raptor tenetur mulierem ducere aut dotare, nisi mulier sit meretrix aut malae famae. — S. Th. 2. 2. q. 154. a. 7., L. 444.

32. *De adulterio*. — Adulterium est copula cum alterius coniuge. Peccatum grave est ab aliis specie distinctum. Praeter peccatum contra castitatem aliud contra iustitiam includit. Violat enim in re gravi ius inalienabile alterius coniugis: unde non cessat talis malitia, licet iste consentiat. — L. 445., S. Th. 2. 2. q. 154. a. 8.

33. *Gravitate peccati huius hi sunt gradus*: 1.<sup>o</sup> gravis, cum persona soluta peccat cum ligata; quia praeter fornicationem solum cooperando peccat contra ius tertii. 2.<sup>o</sup> Gravior, cum persona ligata peccat cum soluta, quia praeter fornicationem peccat contra fidem a se datam propriae coniugi, et quia violat ius acquisitum coniugi in eius corpus. 3.<sup>o</sup> Gravissimus, cum persona ligata peccat cum ligata, quia praeter fornicationem peccat ipse contra iustitiam, violans ius proprii coniugis, et cooperatur peccato contra iustitiam sui complicitis violentantis pariter ius proprii coniugis. Unde status utriusque declarandus omnino est in confessione, ut habet communissima dd. sententia. 4.<sup>o</sup> Adulterium uxoris gravius adulterio viri est, propter damnum gravissimum familiae et legitimorum haeredum, volitum in causa, quae circumstantia est aliam inducens malitiae speciem. — Sporer 529., L. 445.

34. « *Adulterium committitur a coniugato in omni prorsus specie luxuriae*, saltem externae non tantum naturali cum soluta, ligata, consanguinea, sacra, etc., sed etiam contra naturam bestialitate, sodomia, mollitie, itemque oculis et tactibus impudicis etiam cum solutis: ideoque talia agens coniugatus, vel coniugata tenetur explicare statum matrimonii sui. Communissima dd. Sanchez l. 9. D. 18. n. 4. Lugo l. c., Tamburin. cit. C. 3. § 1. Ratio est: quia in his omnibus semper fit iniuria coniugi, iuxta Apostolum citat. *Vir non habet potestatem corporis sui*, etc. Et e contra ». Sporer 529.

35. *Adulteri etiam vel quasi adulteri malitiam coniuges contrahunt peccantes contra naturam*, sodomia aut mollitie, quum mutuo vel seorsim se polluant. Sic enim verissime dividitur eorum caro contra fidem matrimonii. Debent autem necessario explicare peccatum illud commissum esse cum propria coniuge: secus enim nunquam peccatum a se commissum explicabunt. — Sporer 526., L. 446., Diana tr. 6. de Matr. R. 186. n. 4.

36. *An conear si solum morose delectetur de copula cogitata cum altera contrahat etiam adulteri malitiam necessario in confessione explicandam?* — « Affermat Vasquez 2.<sup>a</sup> p. tom. 1. D. 112. cum aliis. Ratio est, quia fides matrimonii obligat, non solum corpus, sed etiam mentem



ad aliud obiectum turpe non collocare: ideoque talis morose delectans, non tantum peccat peccato luxuriae, sed etiam adulterii mentalis: quemadmodum omnium consensu religiosus, sacerdos, vel alius voto castitatis adstrictus in confessione delectationis morosae venereae tenetur explicare circumstantiam voti, vel status sui: quia non solum contra castitatem, sed etiam vere contra votum et virtutem religionis delinquit. Probabilis et sine dubio tutior sententia. Negat vero non improbabilius Hurt. apud Tambur. l. 10. Decalogi n. 6. his verbis: Docet Vasquez coniugatum, qui venere delectatur de fornicatione cum non sua, non tantum peccare peccato luxuriae contra castitatem, sed etiam peccato adulterii contra fidem matrimonii. Id tamen difficili et absque sufficienti fundamento probatum, quia difficile et absque fundamento dicitur in matrimonio praestari fidem coniugi non collocandi mentem in aliam. Haec Hurtad. satis probabiliter. Certe absque sufficienti fundamento et urgenti necessitate aut ratione non est gravandum sacramentum poenitentiae. Alia est ratio de voto castitatis adstricto. Nam votans castitatem Deo inspectori cordium, sine dubio principaliter vovet et obligat se ad castitatem etiam internam, sine qua nihil valet externa: at contrahens matrimonium cum homine sine fundamento asseritur, ei etiam obligare mentem, ne in aliud obiectum libidinis tendat \*. Sporer n. 523.

37. *An sit adulterium copula habita cum desponsata per verba de futuro?* — « Probabilius negatur cum Sanchez de Matr. l. 1. D. 2. n. 2., Salm. d. c. 5. n. 10., Renc. ibid. q. 5. Censent autem Renc. et Salm. de Matr. C. 1. n. 11., quod si unus ex sponsis cum alia persona fornicetur, debeat aperire in confessione circumstantiam sponsalium tanquam mutantem speciem ratione iniuriae alteri illatae. Probabile vero satis est cum Trull. Pont., Dian., Covarr., Lug., Sanch. et Laym. esse tantum circumstantiam aggravantem, cum sponsus per sponsalia nullum acquirat ius in corpus alterius. Vide hoc de Matr. l. 6. n. 647. \*. L. 447.

38. *De incestu.* — Incestus est concubitus cum consanguineis aut affinibus intra gradus ab Ecclesia pro matrimonio prohibitos. Incestus grave peccatum est, et specie differt ab aliis luxuriae peccatis: est enim non solum contra castitatem sed etiam contra pietatem et reverentiam, quam ipsi coniuncti sibi mutuo debent. S. Th. 2. 2. q. 154. a. 9. L. 448.

39. *An non solum copula, sed etiam omnes tactus impudici inter coniunctos induant naturam incestus in confessionem necessario explicandi?* — R. Affirm. Nam isti etiam actus reverentiae coniunctis debitae repugnant. L. 453. 469. Cf. Billuart Diss. 6. art. 6. 9. Cf. Inc. n. 23.

40. *An adsit incestus inter eos qui ligantur impedimento publicae honestatis?* — Quidam affirmant, et Sporer 613. tanquam certum tradit. Sed saltem probabiliter negandum est. Ratio est, quia incestus est inter cognatos et affines. Atqui inter eos, qui ligantur impedimento publicae honestatis, neque cognatio est, neque affinitas strictae talis. Ergo.

41. *An incestus cum consanguinea sit idem specie ac incestus cum affine: itaque an omnes incestus quoad gradus sint eiusdem speciei?* — R. « Probabilis opinio est omnes incestus factos sive inter consanguineos, sive inter affines et in quocumque gradu et linea esse ejusdem speciei, atque adeo illam diversitatem coniunctionum et graduum non esse necessario explicandam in confessione, ut sufficiat dicere: feci incestum... Ratio... est quia in omnibus istis una et eadem species et deformitas est contra eandem virtutem pietatis et reverentiae debitae coniunctis: neque enim illa diversitas coniunctionis consanguinitatis et affinitatis ac graduum diversorum quidquam aliud afferunt, nisi maiorem aut minorem coniunctionem: magis et minus autem non variant speciem etiam in re morali, nisi aliunde probetur esse contra particularem virtutem vel contra speciale rationis dictamen: quod hic evenire difficile est. Similiter, quod copula in tali coniunctione

et gradu aliquando illicita sit ex natura rei intrinsece, ut in primo gradu consanguinitatis: aliquando vero tantum ex praecepto Ecclesiae, ut in ceteris omnibus; ex hoc autem nihil specie diversum necessario inferitur, nam praeceptum superioris aliquid praecipientis ponit materiam praeceptam in eadem specie virtutis, ratione cuius seu ex cuius motivo illam praecipit: nunc autem Ecclesia prohibet congressum in illis coniunctionibus et gradibus propter eandem pietatis virtutem et reverentiam coniunctis debitam: ergo manet eiusdem speciei transgressio ». Sporer 609., S. Th. 2. 2. q. 154. a. 9., Cai. ib. S. Alph. e contra docet probabile esse, quod omnes incestus eiusdem sint speciei inter consanguineos et affines, excepto tamen primo consanguinitatis et affinitatis gradu in linea recta; reverentia enim parentibus et filiis debita non est eiusdem rationis ac reverentia debita ceteris consanguineis, quod et pro primo affinitatis gradu in linea recta valet. L. 448. 449., l. 6. 469. 470. Cf. Tr. De Poenit. n. 52. 53.

42. *An incestus inter cognatos spirituales et legales sit diversae speciei quam inter consanguineos et affines?* — « Absolute affirmandum cum Salm. et S. Th., qui 2. 2. q. 154. a. 10. ad 2.<sup>um</sup> docet per copulam inter cognatos spirituales *committi sacrilegium ad modum incestus*.... Pariter incestus inter cognatos legales, nempe ratione adoptionis, est diversae speciei ab aliis enunciatis et explicari debet ». L. 450. 469. « Fatendum est illum (incestum inter cognatos legales) esse proprie incestum; unde non est cur dicamus differre specie ab incestu inter consanguineos et affines naturales... Unde... non necesse erit explicare differentiam cognationis legalis a naturali... Circumstantia vero cognationis spiritualis specie diversa est ab incestu, quia licet contineat malitiam aliquam incestus... addit tamen ultra hoc malitiam sacrilegii ». Lugo De Poenit. D. 16. n. 327. seqq. Haec autem Sporer n. 612. 613. « Qui peccat carnaliter cum persona coniuncta cognatione legali (cuius quadruplex est gradus 1.<sup>o</sup> inter adoptantem personam et adoptatum eiusque descendentes, 2.<sup>o</sup> inter adoptatum et filios legitimos adoptantis, 3.<sup>o</sup> inter uxorem adoptati et ipsum adoptantem, 4.<sup>o</sup> inter uxorem adoptantis et adoptatum) sine dubio committit speciale peccatum incestus, ut tale necessario confitendum cum inter easdem personas ob saepe dictam reverentiam coniunctis debitam, Ecclesia constituat impedimentum dirimens matrimonium. Utrum autem incestus iste sit explicandus ut distinctum peccatum ab aliis incestibus supra dictis, et an etiam explicari debeat illa modo dicta diversitas graduum seu personarum? Rursus probabilius ac tutius quod sic; et satis probabile quod non. Qui autem peccat cum persona coniuncta cognatione spirituali contracta ex sacramento baptismi et confirmationis (cuius duplex est gradus seu species, *paternitas spiritualis* inter baptizantem et confirmantem, item inter paternos ex una parte, et baptizatum et confirmatum ex altera parte: et *compaternitas spiritualis* inter eosdem, baptizantem et confirmantem, ac paternos ex una, ac parentes baptizati vel confirmati ex altera parte; nam *fraternitas spiritualis*, inter baptizatum et confirmantem, et filios baptizantis vel patrinorum exolevit) is omnino committit incestum distinctum ab omnibus praedictis in consanguinitate, affinitate, vel legali cognatione, ideoque specialiter explicandum in confessione: quia addit specialem malitiam irreverentiae sacramento, ratione cuius reducitur ad genus quoddam sacrilegii. Utrum autem etiam explicari debeat, an factum sit ex sacramento baptismi vel confirmationis: item an in paternitate vel compaternitate? Probabilissimum quod non, quia in omnibus eadem deformitas non multum gravior vel levior ». Ita etiam Billuart Diss. 6. art. 6. Caietanus vero in 2. 2. q. 154. a. 9.; « Ad 2.<sup>am</sup> objectionem de cognatione spirituali et legali, dicitur, quod quia coniunctio talis non ordinatur ad consanguinitatem, ut proprium ac proximum finem, sed secundum quandam assimilationem, ideo illius violatio metaphorice dicitur incestus ».

43. *An confessorius rem habens cum filia spirituali debeat hoc*

*explicare in confessione?* — R. Negat. probabilius. Ratio est, « quia nec est incestus dum inter illos nulla intervenit cognatio: neque est sacrilegium (intellige quoad circumstantiam) dum nulla sacramento iniuria irrogatur. Recte vero advertit Elbel l. c. cum Henno, parochum peccantem cum tali poenitente, peccare etiam contra iustitiam, cum ex iustitia teneatur suas oves pascere, ex Trid. non solum verbo, sed etiam exemplo ». L. 451. Idem proportionate aliqui dicunt de tutore erga pupillum et de omnibus quibus cura minorum est commissa. Cf. Billuart Diss. 6. a. 2. App. 1., Lugo de Peenit. D. 16. S. 6. §. 3.

44. *An propinqui obtenta dispensatione ad matrimonium contrahendum, si ante matrimonium fornicentur incestum committant?* — Duplex est sententia: utramque probabilem habet S. Alph. 452 Ratio sententiae negantis est, quia cessante speciali matrimonii repugnantia, cessat consequenter specialis fornicationis repugnantia: hac enim manente ipsum matrimonium impediretur.

45. *De sacrilegio.* — Sacrilegium, quatenus est luxuriae peccatum, est violatio loci, rei, vel personae sacrae, per actum venereum: praeter peccatum ergo contra castitatem, complectitur etiam peccatum contra religionem. S. Th. 2. 2. q. 154. a. 10., L. 454.

46. *Sacrilegium personale.* — Sacrilegium carnale et personale « proprie et in rigore dicitur concubitus illicitus seu quodvis peccatum carnis personae Deo voto solemniter castitatis adstrictae et consecratae, utpote per professionem Religionis approbatae, aut per susceptionem Ordinis sacri a subdiaconatu inclusive. Omnes. Ratio est, quia sacrilegium proprie et in rigore est violatio rei sacrae: res autem sacra proprie dicitur quae publica auctoritate et ritu ad cultum Dei instituta et consecrata est: atqui per solum votum solenne professionis, vel sacri Ordinis persona publica auctoritate Ecclesiae illud votum solemniter loco Dei acceptantis consecratur ad cultum Dei: non item per votum simplex privatim emissum. Quare peccatum carnis personae sacrae solo voto simplici castitatis adstrictae, non quidem est in rigore proprie dictum sacrilegium; cum non sit personae sacrae: est tamen speciale peccatum contra virtutem religionis et 2.<sup>um</sup> praeceptum decalogi, scilicet violatio voti et promissionis Deo factae, et ideo necessario quoque in confessione explicandum, secundum omnes ». Sporer 615. Cf. Tr. De Primo Decal. Praec. n. 52.

47. *Resolves:* Hinc qui ligatus solemniter castitatis voto peccat carnaliter, peccatum perpetrat triplicem continens malitiam: *impudicitiae* contra castitatem: *infidelitatis* contra Deum. ob non impletionem promissionis ipsi factae, *sacrilegii* ob violationem seu profanationem personae Deo consecratae. *Sacrilegii* vero gravitas triplicis gradus est, si complices habeat: 1.<sup>o</sup> gravis si peccatum carnale sit *personae non sacrae cum sacra*, 2.<sup>o</sup> gravior si sit *personae sacrae cum non sacra*, 3.<sup>o</sup> gravissimus si sit *personae sacrae cum sacra*, L. 456.

48. *Nota:* 1.<sup>o</sup> Probabile est non opus esse exprimere utrum votum fuerit solenne vel simplex, quia probabilis est etiam opposita sententia, quod nempe verum etiam sacrilegium sit violatio personae sacrae voto simplici castitatis ligatae. Neque item necesse est dicere si persona sit duplici titulo sacra, v. gr. quia est religiosus et sacerdos, quia constitutus in sacris probabilius et verius tantum ratione voti Ordini adnexi tenetur ad castitatem et colligitur ex C. Cum olim de cler. coniug. L. 454. 455. Cf. Tr. de Primo Decalogi Praecepto n. 52. — 2.<sup>o</sup> Omnino tenendum sacrilegium committere religiosum qui morose delectaretur de peccato carnali alterius, vel qui alterum suis manibus pollueret, etiam sine sua delectatione. L. 457. Itemque sacrilegium committit qui personam sacram ad peccatum luxuriae inducit, licet ipse cum ea non peccet; sacrilegio enim cooperatur. G. 424. E con-



trario, satis probabile est sacrilegium non committere, qui habens votum castitatis alterum suo consilio inducit ad carnale peccatum, quia castitatis votum emittens, non alienam sed tantum propriam castitatem respicit; unde tunc scandalo peccaret. Intellige tamen, si id alio fine faceret, quam ex positivo libidinis affectu: secus enim iam directe in propriam castitatem, cuius votum emisit, peccaret. L. 457. — 3<sup>o</sup> Sacrilegium personale in affectu esset, si quis se pollueret cogitando cum delectatione Sanctum vel Sanctam, vel quod horribilissimum est ipsum D. N. J. C. aut ipsam B. V.

49. *Sacrilegium locale.* — Locus sacer hic solummodo intelligitur ecclesia, h. e. locus ad divina officia ab episcopo consecratus, vel etiam simpliciter benedictus a tecto usque ad pavimentum; et coemeterium, h. e. locus benedictus et deputatus ad mortuos sepeliendos. Quare excluduntur oratoria privata, cum non sint verae ecclesiae; excluduntur etiam aliae omnes partes ecclesiae, quae intra tectum et pavimentum minime continentur, uti sunt cellae, claustrum, sacristiae, dormitorium, tectum supra ecclesiam, ianua extra limen ecclesiae, atrium. L. 460.

50. *Peccata mere interna* non sunt habenda ut sacrilegia, saltem graviter talia, quia locum sacrum non videntur specialiter afficere, nisi habeatur desiderium externe peccandi in ipso loco sacro, etiam si extra locum sacrum illud desiderium habeatur; est enim tunc sacrilegium in affectu.

51. *Quoad peccata externa* certum est apud omnes, committi sacrilegium per actus consummatos, nempe per pollutionem voluntariam, fornicationem, etc. Ubi advertendum est, quod plures ex S. Alph. 458. probabiliter tenent non nisi per publicam seminis effusionem sacrilegium in ecclesia committi; licet alii probabiliter dicant etiam occultam effusionem esse sacrilegium. L. 36. 334. 458. et l. 6. n. 920. — Cf. Tr. de Primo Decal. Praec. n. 54.

52. *An, praeter actus consummatos, sacrilegium committatur per alia peccata externa gravia non consummata?* — Alii probabilius affirmant, alii non improbabiler negant. L. 459. 461., Spor. 619. « Excipit tamen merito Lugo et alii passim, nisi quis eiusmodi impudica exerceat in loco sacro cum magna ecclesiae irreverentia, ut si meretricem ante altare publice impudica tangeret, si in sacro templo lascivas comoedias exhiberet, etc. tunc enim non esset negandum proprie sacrilegii scelus committi: fieret enim gravis irreverentia divino cultui, ad quem locus sacer deputatus et consecratus est ». Sporer ib. Cf. Tr. de Primo Decal. Praec. n. 54.

53. *Sacrilegium reale.* — Sacrilegium committit, qui indutus ad missam se pollueret; itemque sacerdos gestans SS. Eucharistiam qui carnaliter peccaret, vel qui se pollueret infra mediam horam post communionem; minime vero qui carnaliter peccaret gestando reliquias, agnos Dei, etc., vel die festo. Ratio est, quia haec omnia videntur per accidens se habere ad carnale peccatum. Neque revera res ipsa sacra violatur; e contra in primo, secundo et tertio casu gravis irreverentia foret in SS. Eucharistiam, et in missae sacrificium, ac sacra vestimenta ad illud offerendum destinata. Sacrilegium item non committeret, qui reliquias Sanctorum daret amasiae, titulo simplicis donationis. Secus vero, si eas daret in pretium peccati; nam esset tunc sacrilegium et simonia. Huc vero spectat sollicitatio ad turpia in confessione, quando scilicet confessarius sacramento poenitentiae abutitur ad peccatum carnale; gravissima enim irreverentia infertur sacramento. Sporer 621., L. 463.

## III. — DE PECCATIS CONTRA NATURAM

54. *De mollitie, seu pollutione.* — Mollities, seu voluntaria pollutio est, voluntaria seminis humani extra copulam seu concubitum effusio. *Voluntaria*; nam ista seminis effusio potest etiam provenire naturaliter ex ipsa abundantia humoris, et ex pluribus etiam extrinsecis circumstantiis tum in statu vigiliæ, tum potissimum in somno determinari sæpe potest. Hæc autem circumstantiæ aliæ sunt physicae, ut debilitas, temperamenti, morbus aliquis irritationem organum genitalium prodigens, decubitus supinus, mollities et calor lecti, potiones excitantes, exercitium equitationis, etc.; aliæ morales, ut cogitationes rerum venerearum, lectiones earundem rerum, conversationes, etc. Voluntaria vero erit pollutio, cum ipsa *in se* vel etiam *in sui causa*, quæcumque ea tandem sit, intentatur. Cum autem voluntaria ista pollutio sæpe manuali contactu excitetur, hinc vulgo masturbatio appellatur.

*Effusio*: effusio hæc in maribus fit extra membrum genitale; unde effusio exterior est; in foeminis vero fit tam extra, sed rarius, quam intra vas genitale absque ullo effluxu exteriori. Licet vero in foeminis ista effusio fiat in vase genitali, hanc ipsas sensibilibus percipiunt; in ea enim magna voluptate afficiuntur, eaque completa, satiantur et quiescunt; et hæc magnæ voluptatis et satisfactionis subsecutæ signo dignoscuntur, an revera fuerint pollutæ. Hinc, ut patet, pollutio differt omnino a motibus inordinatis, qui motus sunt partium genitalium alterati, unde, erectio; et hi motus voluptatis venereæ sensui consociantur, et ad pollutionem disponunt. Hi motus tam in viris, quam in foeminis locum habere possunt.

*Seminis*: semen generatim hic intelligitur humor viscosus ad generationem ab ipso met Creatore destinatus. Humor iste non est eiusdem naturæ in mare ac in foemina. Materia enim, quæ per pollutionem segregatur in foemina, non est prolifica, sed simplex quaedam excretio mucosa, quæ opus coniugii facilius efficit; materia vero quæ segregatur in viro vere prolifica est, eaque in testiculis elaboratur. Hinc *pollutio* in viro differt a *distillatione*, quæ est urethralis quædam excretio, et fluxus alterius humoris, qui non in testiculis, sed aliis uretræ glandulis elaboratur, nec est prolificus, nec etiam adeo vehementer, sed levi tantum, imo et quælibet absque ulla carnis commotione ac venereâ delectatione emitti solet. Foeminae etiam, ut paucæ asserunt, experiri possunt non solum pollutionem, sed etiam effluxum cuiusdam humoris non dissimilis distillationi marium, qui proinde non est confundendus cum mollitie seu pollutione. *Extra copulam*, seu concubitum; hinc pollutio habet, quod sit peccatum contra naturam, adeoque specie diversum.

55. *Voluntaria pollutio peccatum gravi est*, ut constat ex prop. d. ab Innoc. XI. « Ratio huius certissimæ veritatis potissima affertur; quia si eiusmodi pollutio esset licita, et saltem non graviter prohibita, impediretur usus coniugii tam necessarius in mundo; quandoquidem homines ea sola voluptate contenti forent, nec coniugii plerumque tam molestis vacare velent. Accedit: si fornicatio est iure naturæ vitata, et intrinsece mala, multo magis erit pollutio, quæ prorsus prodigitur semen, et impeditur generatio contra unicum a natura intentum finem, iure naturæ illicita, et intrinsece mala erit ». Sporer 628., L. 465., S. Th. 2. 2. q. 154. a. 5.

56. *Resolves*: 1. Specialis pollutionis malitia consistit, ut ex dictis patet, in frustranea seminis effusione contra naturæ ordinem. Quare peccatum hoc specie differt ab omni tactu impudico, quem utique venereâ voluptas, nulla tamen seminis effusio sequitur. — 2. Voluntaria pollutio, cuiusvis morbi, vel mortis periculi evadendi causa, semper est peccatum mortale.

Communissima dd. Licitum omnino est pro conservanda vita, et toto supposito, homini membrum aliquod, manum vel pedem abscindere. Nulla enim ex ista abscissione, aliquando licita, sequuntur inconvenientia; cum enim ab ea tamquam a re permolesta appetitus naturalis vehementer abhorreat, non facile homines eo medio abutentur, et ultra casum extremæ necessitatis extendent. E contrario, cum pollutio res sit magnam afferens voluptatem, ad quam natura ipsa inclinatur, periculum maximum adest, ne, si aliquando hoc liceat, homines abutantur in detrimentum *ipsius speciei*. Et sic e. g. nunquam licet, neque in casu extremæ necessitatis, sigillum sacramentale violare; quia si hoc vel in rarissimo casu liceret, odiosum redderetur fidelibus sacramentum poenitentiae, ab eoque removerentur, maximo animarum detrimento; quemadmodum reapse saepe bono consilii petendi homines privantur, quia sciunt posse quibusdam in casibus forte secretum manifestari. — 3.<sup>o</sup> Simplici pollutionis malitiae, aliae malitiae ratione circumstantiarum addi possunt, idque generatim valet etiam pro aliis luxuriae speciebus « puta si polluatür sacerdos, additur sacrilegium, si coniugatus adulterium; si cum desiderio peccandi cum alia persona additur malitia iuxta qualitatem personae concupitae; item additur alia malitia, si quis polluitur se delectando de concubitu imaginato, cum polluitur tactibus alienis ». L. 476. Sporer 640. 641., Sanch. de Matr. l. 9. D. 17. n. 16., — 4.<sup>o</sup> Sicut velle et procurare ipsam pollutionem, vel delectationem veneream, peccatum grave est, ita consequenter peccatum grave erit distillationem libidinosam velle et procurare, distillationem nempe cum partiali seminis effusione, vel cum carnali tantum commotione et venerea delectatione. De ea vero quae involuntarie et insensibiliter accidit, inquietari non oportet. Caiet. opusc. 22. q. 1., Sporer 660., Salmant. 33., L. 477.

57. *An impuberes sive pueri, sive puellae, et eunuchi, qui conantur impudicis motibus semen emittere, cum non possint, peccent peccato pollutionis, vel tantum impudicitia?* — Haec Tamburini de 2. Eccl. pr. c. 17. n. 13.: « Qui ex defectu aetatis vel ex alia causa (quales sunt impuberes et eunuchi) non possunt motu impudico semen effundere, vel effundunt semen inutile, peccant mortaliter... sed certe haec species peccati differt a vera pollutione, cuius est proficere semen contra generationis finem, quae proiectio non est in praedictis eiusmodi; ergo peccatum in impuberibus reducitur reipsa ad tactum impudicum ». Ita Sporer 639.: « Respondetur, utique esse peccatum mortale ad molliem reducendum; est enim ex se pravus affectus ad pollutionem: attamen videtur specie differre a vera pollutione, per quam seminatur, in specie proprie reducendum ad impudicitiam tactus; unde in confessione explicandum ». Ita etiam Holzmann, Babenstuber alique. Contrarium tamen docet S. Alph. 476., qui aperte affirmat, quod « pollutio spadonum et puerorum (licet illi semen perfectum non habeant) nihil differt a pollutione adulterum ».

58. *An foeminae, quae carent semine vere prolifico, cum pollutionem sibi procurant, peccatum committunt speciale pollutionis, vel tantum impudicitiae, ut pro impuberibus et eunuchis dictum est?* — Affirmant nonnulli e recentioribus theologis propter rationem in ipso quaesito indicatam. Hinc autem deducunt: 1.<sup>o</sup> confessarium posse ab omni ulteriori interrogatione abstinere, cum malitia haec pollutionis non sit specie diversa a malitia tamen; 2.<sup>o</sup> in muliere uxorata talem pollutionem non excedere culpam venialem, cum in eadem tactus impudici talem malitiam probabiliter non excedant. Verum negat communissima recentiorum et unanimis omnino veterum theologorum sententia, licet horum etiam quam plures mulieris seminationem necessariam conceptioni non reputarent. Ratio est, quia licet ille humor non sit *de se* prolificus et necessarius ad generationem, est tamen ex natura sua ad actum generativum destinatus; ad hunc enim melius et facilius efficiendum ordinatur. Hinc in effusione istius humoris frustratur



adhuc ordo naturae in re gravissima humanae generationis, ad quam extra concubitum totus ille actus iam amplius ordinabilis non est; adeoque contra naturam est. Atque hinc discrimen patet pollutionis mulierum, et illius impuberum et eunuchorum effusionis. Haec enim est intrinsece et essentialiter actus physice incompletus, et *de se* ordinabilis ad actum licitum completum, nempe copulam coniugalem: dum e contra haec mulierum pollutio intrinsece et essentialiter est actus physice completus, ut constat vel ex ipsa serie phaenomenorum excitationis, quae praecedit, et quietis ac satietatis quae sequitur, adeoque si fiat extra omnem concubitum, *de se* amplius ordinabilis non est ad actum licitum completum, nempe copulam coniugalem. Quare iterum actus contra naturam est.

59. *Neque vero valet instare*, quod licet ille actus sit contra naturam adeoque *de se* illicitus, non est tamen graviter, sed leviter tantum illicitus, cum iste uxorius actus non sit ad esse simpliciter generationis, sed tantum ad melius esse. Si enim id non esset graviter illicitum, et ex intrinseca natura sua, iam foeminae, quibus matrimonium tam onerosum est, contentae ea sola voluptate, quae a natura ad opus coniugii alliciuntur, ejusdem minime vacarent, ac nulli amplius essent uxoriae masturbationis et conjugalis onanismi ex parte earundem uxorum limites. Quin imo impudicis mulieribus matrimonium via esset ad impudicitiam magis magisque fovendam et augendam, cum eam iam saltem citra grave peccatum exercere possint.

60. *Neque iterum urgeri potest*, quod saltem in ista mulieris pollutione desit propria ratio pollutionis, frustranea nempe seminis effusio *contra generationem*, cum contra hanc nihil fiat. Etenim in pollutione mulieris duo sunt apprimè distinguenda. Primum est *humoris* effusio, qui ad generationem minime est necessarius, sed dumtaxat utilis: alterum vero est *ovuli decisio*, quae non solum fit naturaliter et spontaneè tempore menstrui, sed fit etiam venerea hac excitatione quae folliculum dirumpit, quo ovulum continetur, tum ipso totius organi generationis erethismo, tum secretionem humoris quo illud repletur. Quatenus ergo venerea ista excitatio tendit de se ad ovuli decisionem ex ovario, veram ea continet pollutionis malitiam; siquidem ovulum est ex parte foeminae elementum omnino necessarium generationis, quod spermatozoidum virilis spermatis contactu foecundatum generationem exhibet novi individui. Quare ut in viro pollutionis malitia reapere non est in *frustranea humoris effusione*, sed in *frustranea a testiculis decisione spermatozoidum*, in quibus residet vis ovulum foecundandi, quae spermatozoidum decisio illam reliqui humoris effusionem comitatur; unde haec ab illa habet quod *contra naturam* sit: ita pariter in foemina pollutionis malitia non est in *frustranea humoris effusione* sed in *frustranea ab ovario decisione ovuli*, ad quam illa effusio humoris tendit, unde haec ab illa habet, quod *contra naturam* sit. Cf. Milne Edwards, *Leçons sur la physiologie et l'anatomie comparée*, etc., Paris, 1870., tom. 8., pag. 338., 339., 355., 356., 359., 360., tom. 9. pag. 106.-109. - Longet, *Traité de physiologie*, Paris, 1850, tom. 2., 3.<sup>e</sup> part., pag. 80-95.

61. *An omnes pollutiones sint eiusdem speciei?* — « Omnes pollutiones secundum se sunt eiusdem speciei, quocumque modo fiant, si fiant sine concubitu ». L. 476. 477. Dicitur *secundum se*, quia ratione circumstantiae, personae vel interioris delectationis et desiderii vel cooperationis ad peccatum alterius, possunt ei adiungi aliae malitiae.

62. *Resolves*: 1.<sup>o</sup> Necesse non est explicare in confessione an propriis manibus immediate, vel mediante aliquo instrumento inanimato quis se polluerit. — 2.<sup>o</sup> Copula cum foemina mortua non includit aliam malitiam in genere luxuriae quam malitiam pollutionis: sicuti qui concubitum iniret cum pictura vel statua foeminae vel vestibus foeminae, etc. Nihilominus id explicandum erit in confessione, saltem generatim dicendo: pollui me

cum instrumento inanimato, cum affectu ad foeminam. Adest enim pollutio et fornicatio affectiva. L. 466., Spor. 639., Diana l. c. Resol. 6. n. 5. — 3.<sup>o</sup> « Qui se polluit instrumento alieno animato, seu partibus corporis alterius personae... foeminae vel viri, etc., tenetur quidem explicare personam illam (ratione cooperationis)... Sed opus non est explicare ipsas illas particulares partes corporis, quia materialiter solummodo differunt, et illa maior delectatio quaesita in una parte non transcendit speciem malitiae quae est in alia, nisi adesset affectus aliquis particularis ad partes praeposteras, et sodomiam, quod utique explicandum foret ». Sporer 636. Cf. n. seq.

63. *An pollutio habita tangendo puerum aut mulierem dormientes, aut doli incapaces, aut pudenda bestiarum, sed absque concubitu, sit diversae speciei a simplici pollutione?* — « 1.<sup>a</sup> Sententia affirmat, et dicit talem pollutionem cum puero esse sodomiam, cum foemina vero esse copulam inchoatam. — 2.<sup>a</sup> Sententia tenet esse simplicem pollutionem. Ratio, quia, quando abest concubitus, dicunt de materiali se habere, quod fiat pollutio tactibus propriis vel alienis. Sufficit tunc confiteri: habui pollutionem tactibus alienis. Quando enim non adest concubitus, non adest affectus ad sexum, sed ad pollutionem; et haec est probabilior. Notat ideo Ronc. de VI. Praec. c. 7. q. 6. cum Bon., Trull. et Fill. quod, si quis polluitur tactibus alienis, non oporteat ut explicet an tactibus viri vel foeminae; quia, quum tantum pollutio tunc intendatur, etiam de materiali se habet si tactibus viri vel foeminae illa eveniat. Secus tamen dicendum, si facta sit tactibus coniugatae, vel votum castitatis habentis ». L. 467. 474. 485. Difficultas autem hic adest conciliandi haec cum dictis ab ipso S. D. H. A. Tr. 9. n. 3., ubi asserit sexum in tactibus explicari debere, quia, ait, tactus « omnes eiusdem sunt naturae quam actus consummatus ». Cf. hic n.

64. *An, si semen corruptum fuerit, liceat illud medicamentis expellere, etsi praeter intentionem sequatur aliqua veri seminis emissio?* — R. Affirmat. Ita communius dd. Ratio, quia medicamenta illa per se directe solum tendunt ad expulsionem seminis corrupti; effusio autem aliqualis veri seminis sequitur per accidens, et praeter intentionem, quod non potest dici illicitum, cum omnes concedant licitum esse remediis alios expellere humores nocentes, quamvis per accidens sequatur pollutio, sicut etiam licet pharmacum sumere ad morbum expellendum, etsi indirecte expellendus sit foetus inanimis, iuxta pariter communem sententiam. « Hanc sententiam, ait S. Alph. 478., satis probabilem censeo, modo tamen 1.<sup>o</sup> Semen certo sit corruptum, non vero, si dubie. 2.<sup>o</sup> Expulsio seminis corrupti possit fieri sine sensu libidinis, ut bene advertit Anacl. 3.<sup>o</sup> Alia non sint remedia ad semini corrupto medendum: nunquam tamen est licitum tactu semen corruptum expellere, etiamsi absit periculum consensus; sic tenendum omnino cum Sporer, etc... Ratio, quia, licet permittatur remedium, eo quod illud solum tendat de se ad expellendum semen corruptum, nullo modo tamen est permittenda conflicatio; quia ista tendit de se ad commovendos spiritus carnales, et semen verum expellendum, quod nunquam est licitum ».

65. *An liceat sumere medicamentum ad semen verum corrumpendum, et postea iam corruptum dicens?* — « Probabiliter id concedunt Sanch., Bon., Anacl., Ronc., etc. Ratio quia natura non obligat ad conservandum semen cum periculo vita. Si enim (ait Sanch.) licet amputare testiculos ad tuendam vitam, quamvis homo sine illis omnino impotens reddatur ad generandum; cur non liceret semen corrumpere? » L. 478.

66. *An temeretur quis pollutionem involuntarie coeptam impedire?* — Affirmant nonnulli, quia, aiunt, falsum est quod inde ullum adsit periculum morbi. Debrye, Machiologie, Bruxelles, 1853, pag. 26. Verum alii communiter negant. Tunc enim quis illam pollutionem non vult, sed mere patitur. L. 479., Spor. 657. 642. 656.

*Nota:* « Quando pollutio incipit in somno, et emissio contingit in vigilia semiplena, tunc, si homo aliquam experitur delectationem, non plene deliberatam, non peccat quidem nisi venialiter ». L. ibid.

65. *An teneatur quis pravos concupiscentiae motus involuntario, exortos positivo conata impedire?* — R. Negat.: neque vero id expedit, siquidem imaginatio tunc ipsamet contentione exandescit et per sympathiam naturalem facultatis cum facultate genitales spiritus magis magisque excitat. Opportunum magis remedium erit Deum invocare et mentem ac imaginationem ab imaginibus obscenis avertere et seria applicatione ad alia praesertim ad exteriora negotia applicare. Ita communiter.

66. *An si actiones, quae per se nullo pacto, vel tantum omnino leviter influant in pravos motus, vel etiam in pollutionem, graviter influant in eundem effectus ratione peculiaris infirmitatis et dispositionis subiectae, teneatur quis sub gravi abstinere a talibus actionibus?* — R. Affirmat. Scavini, qui citat Rone, et Salmant. Verum nobis negandum videtur, excluso tamen proximo consensus periculo in pravos illos effectus. Ratio est, quia dispositio subiectiva non potest immutare intrinsecam naturam illius actionis, adeoque non potest eam facere graviter illicitam, si ea in se est tantum leviter illicita, vel etiam simpliciter licita. Quod autem ex ea sequantur pravi motus vel etiam pollutio, hoc est per accidens. Casus iste, cum actio in se honesta sit, est casus causae in se honestae habentis duplicem effectum, alterum per se bonum, alterum malum, et quidem per accidens. Potest ergo quis in ea actione ponenda prosequi ius suum. Neque vero ex parte agentis sufficiens et proportionata ratio deest in tali ratione agendi: nam qui ita sensibiliter afflictor, ipsis honestis rebus, obnoxius est innumeris scrupulis et anxietatibus, et si omnia vitare velit quibus male affici potest, vere intolerabilem cogitur ducere vitam. Si vero actio illa omnino leviter illicita sit, per se « non est gravis obligatio » illam vitandi, L. 484.; *practice* vero « hominibus est quasi moraliter impossibile omnes has causas communiter evitare ». L. ib. — Billuart Diss. 6. art. 12. Dico 1.º, L. 423. 484.

67. *De bestialitate.* — Bestialitas est concubitus cum bestia. Huius peccati species non mutatur moraliter loquendo ex varietate bestiarum. An autem moraliter immutetur ex diversitate sexus aliqui affirmant, sed communiter et probabilius negatur. « Quare tota essentialis deformitas huius facinorae consistit in accessu ad diversam speciem ». L. 474. « Ut completa sit bestialitas requiritur seminis effusio ex parte patrantis. Dicit Soettler necesse haud esse declarare in confessione, an congressus fuerit in alvo aut in alia parte corporis bruti, quippe ad recipiendum semen humanum nulla est destinata. Attamen casu quo hoc peccatum esset reservatum, Billuart tenet necessariam esse seminationem intra vas bruti, quia reservatio, utpote odiosa, restringi debet ad actum consummatum. Billuart ergo non reputat consummatam bestialitatem nisi fiat intra vas bruti, proinde, saltem ut plurimum, consummare nequit a mulieribus » Craisson, Notiones circa Sext. Decal. Praec. n. 178. — S. Th. 2. 2. q. 154. a. 11.

68. *Ad bestialitatem reducitur congressus cum daemone.* Hinc « universaliter a D. Th. et aliis definitur bestialitas peccatum contra naturam, quo homo concumbit cum re animata diversae speciei: ut nimirum etiam comprehendantur infandi coitus sagarum et magorum cum daemonibus incubis vel succubis, praeter peccatum contra naturam, etiam speciale peccatum contra religionem, sc. societatis et commercii nefandi cum daemone. Dei nostrumque omnium nequissimo inimico, continentes: ideoque sine dubio id necessario explicandum in confessione ». Sporer 625.

69. *«An autem qui coit cum daemone apparente in forma coniugatae, monialis, aut consanguineae, peccet semper affective peccato adulterii, sacrilegii, aut incestus?»* — Videtur universe affirmare Busemb. cum aliis: sed



valde probabiliter negandum, si concubens delectetur de muliere illa a daemone repraesentata, non qua nupta, aut moniali, sed qua pulchra, iuxta sententiam Lug., Pal., Vasq. et aliorum plurium, qui valde probabiliter docent quod delectatio merosa non involvat speciem obiecti de quo aliquis delectatur: nisi circumstantia personae intret in delectationem ». L. 475.

70. « *Tactus impulsi cum bestia*, licet non sint proprie peccata bestialitatis, tamen habent aliquam specialem turpitudinem, ut ait Elbel, saltem venialem ». L. 474. Cf. hic n. 61.

71. *De sodomia*. — « *Quaestio magna est in quoniam actu consistat sodomia?* — Alii tenent consistere in concubitu ad indebitum vas. Alii in concubitu ad indebitum sexum. Utraque sententia est probabilis, et in utraque sententia cernitur specialis deformitas, quam habet sodomia contra naturam, quae requirit utrumque servari ad generationem, i. e. debitum *vas* et debitum *sexum* ». L. 466. Secunda sententia *probabilior et communis* theologorum dicitur a S. Alph. l. c. « Ratio, quia vera et propria sodomia committitur in accessu ad personam, quacum *nullo modo* generatio fieri potest ». L. ib. iuxta hanc sententiam non refert in quo vase coeant masculi aut foeminae inter se, in anteriori vel in posteriori, vel in alia parte corporis, cum malitia sodomiae in affectu ad sexum indebitum consistat, atque in genere suo completa sit dum fit applicatio membri genitalis ad partem corporis eiusdem sexus per modum concubitus; si autem fieret tantum applicatio manus, pedis vel oris ad partes genitales alterius, etiamsi pollutio ex utraque parte locum haberet, non reputaretur sodomia, quia non esset concubitus. Cf. hic n. 61. L. 466. 485., S. Th. 2. 2. q. 154. a. 11. 12.

72. *Resolves*: « Hinc inferitur 1.<sup>o</sup> esse veram sodomiam coitus foeminae cum foemina, ut dicunt S. Th., Ronc., Holzm., Spor., Salm., cum Cai., etc. Quamvis non improbabiler sentiat Elbel l. c. cum Fel. huiusmodi concubitus, etiam cum affectu ad vas praeposterum, non videri nisi sodomiam impropriad, cum inter foeminas non possit dari copula perfecta. — Inferitur 2.<sup>o</sup> esse veram sodomiam quicumque concubitus, sive corporum coniunctionem, habitam cum persona eiusdem sexus, sive in vase praepostero, sive in alia parte: semper enim adest tunc, regulariter loquendo, affectus ad indebitum sexum, ut tenent Tamb., Ronc., Tourn. Croix, Salm. Hinc dicunt Ronc., Tamb. et Salm. contra Graffl. non esse necessario in confessione explicandum, si pollutio fuerit intra vel extra vas: sufficit enim confiteri, peccavi cum puero, ut confessarius iudicet adfuisse sodomiam cum pollutione. Si vero non adfuerit pollutio, deberet explicari. — Inferitur 3.<sup>o</sup> cum Salm., Bon., Tamb. et communiori, coitum viri in vase praepostero mulieris esse sodomiam tantum imperfectam, *specie distinctam* a perfecta, ut aiunt Tourn. et Tamb. Qui negat cum Fill. et recte consentiunt Holz. et Spor. cum communi, ut asserit, quod, s. vir coiret inter crura, brachia, aut alias partes mulieris, esset quaedam coitus inchoata, saltem in affectu. Unde, iuxta hanc doctrinam, *vir concubitus* cum virgine extra vas, duo committit peccata, contra eandem quidem malitiam, sed diversae speciei, unum fornicationis in affectu, alterum contra naturam in effectu. Dicunt autem praefati Spor., Holzm., Tamb. cum Angel. quod confessarius, intelligens mulierem cognitam fuisse extra vas naturale, vel praeposterum, non debeat querere in quo loco, vel quomodo ». L. 470. — Porro haec Sporer 627.: « Hoc nota, quando vir et foemina, cum transientes se polluunt extra vas: si quidem fiat ex affectu ad personam ipsam, (ut ordinarie fit) spectat ad copulam fornicariam, adulteriam, incestuosam, etc., prout fuerit persona; si autem fiat ex affectu ad praeposteram partem, erit sodomia imperfecta de qua agimus; si denique fiat sine concubitu vel coniunctione aliqua, sed mere ad explendam libidinem, est molities ». L. 475.

73. *An pollutio in ore sit diversae speciei?* — « Affirmat Sporer cum

aliquibus apud Diana, et hoc peccatum vocat irrumationem. Sed probabilius dicunt Holzm., Fill., Caiet., Graff., etc., quod, si vir polluitur in ore foeminae, erit copula inchoata: si vero in ore maris, erit sodomia ». L. 466.

74. *An in peccato sodomiae explicandum sit quis fuerit agens vel patiens?* — Probabilius *per se* non est declarandum: quia species peccati eadem est. Circumstantia tamen pollutionis, si adfuit, quod facilius in agente contingit, omnino aperienda est. L. 468., G. 434.

75. *Nota:* Probabiliter notant Salm. cum Bonacina, quod sodomia cum foemina non comprehenditur sub reservatione sodomiae, cum non sit vera sodomia. Secus vero, si sit reservatum peccatum contra naturam. Huiusmodi vero reservatione Episcopi communiter, pollutiones etiam comprehendere non intendunt. L. 471

## DE SEPTIMO ET DECIMO DECALOGI PRAECEPTO

### I. — DE IUSTITIA GENERATIM INSPECTA

1. *Quid Septimo et Decimo Decalogi Praecepto praecipitur?* — « *Non furtum facies ... Non concupisces domum proximi tui, non servum, non ancillam, non bovem, non asinum, nec omnia quae illius sunt* ». Exod. 20., 15. 17. Septimo praeepto, formaliter negativo, nomine furti late accepti, prohibetur omnis iniuria seu iniusta laesio vel damnificatio proximi in bonis temporalibus fortunae: et ex consequenti, eodem praeepto, quatenus virtualiter et implicite affirmativum est, praecipitur cuivis ius suum quoad bona temporalia tribuendum esse. Ad idem sane praeeptum ad eandemque virtutem spectat et prohibere, ne alterius ius laedatur per iniuriam, ac praecipue obligare, ut alteri cuivis ius suum tribuatur per restitutionem aliosque modos. Ut autem septimo praeepto actus externus, ita decimo actus internus proximo in bonis fortunae iniuriosus prohibetur. Eo enim prohibetur omnis appetitus inordinatus et iniustus honorum fortunae proximi. Quare contra decimum hoc praeeptum peccant non solum invidi, verum etiam avari, qui nimia aviditate divitiis expetunt, et modis iniustis opes augere concupiscunt. Utrumque hoc praeeptum virtutem respicit iustitiae.

2. *Quid sit iustitia?* — Iustitia stricte dicta, prout est specialis virtus, de qua hic agimus, communiter definitur: constans et perpetua voluntas ius suum cuique tribuendi. *Constans et perpetua voluntas*, quia debet esse animus firmus non tantum pro una aut altera die, sed semper ius suum cuique tribuendi, nam alias non est virtus perfecta, sicut poenitentia non est virtus perfecta, nisi includat propositum nunquam peccandi. *Ius* hic non intelligitur ius late dictum, quod est exigentia rectae rationis ad aliquid *tanquam ad honestum*, i. e. ad aliquid faciendum propter eius honestatem, vel omitendum propter eius inhonestatem: sed intelligitur ius *stricte* dictum, quod est potestas moralis ad aliquid *tanquam suum*, i. e. ad aliquid faciendum, omittendum, habendum, retinendum, exigendum *ut suum*, i. e. suae libertati subiectum, ceteris exclusis. Hoc autem ius aliud est *iurisdictionis*, aliud *proprietas*. Primum est potestas legitima Superioris, aliquid praecipendi, aut prohibendi subditis in bonum horum proprium, aut totius communitalis. Administrandae communitalis necessitas et utilitas mensura est

huius iuris, quoad suos actus. Alterum est potestas legitima cuiusvis privatae personae disponendi de re aliqua in commodum propriae libertatis, seu tanquam sua. Ius proprietatis aliud est *in re*, aliud *ad rem*. Primum est, qua quis rem ipsam tanquam suam immediate devinctam, et iuridice obligatam habet. Unde res, tali iure alicui obligata, secum trahit suam obligationem, et quocumque devenit potest a suo domino repeti, et iuridice vindicari. Secundum vero est, quo quis non ipsam rem immediate habet sibi devinctam, et iuridice obligatam, sed potius alterius personam ad aliquam rem sibi tradendam. Quare *ius in re* facit rem iam *sua*, *ius ad rem* facit *ut res fiat sua*. Ius *in re* dat actionem immediatam in ipsam rem, ut eam tibi sumas. Ius *ad rem* dat actionem immediatam in ipsam personam, ut eam cogas ad rem tibi tradendam, puta per iudicis sententiam. *Suum*, tripliciter res aliqua *sua* esse potest, si persona in societate tanquam eius membrum consideretur. Hinc ius etiam tripliciter distinguitur, in ius *altum*, *bassum* et *proprietas*. Ius altum est, quod habet Princeps, Respublica, aut Communitas ad bona membrorum, quae propter bonum commune potest exigere tanquam sua, *suitate communitatis*. Ius bassum est in membro communitatis, qua tali, ad bona communia, quae membrum in eorum distributione potest exigere tanquam sua, *suitate membri*. Ius proprietatis vero est in membro communitatis, qua tali, ad bona propria, quae unum membrum potest ab altero exigere tanquam sua, *suitate proprietatis*. Ius suum *cuique tribuendi*, adaequandi nempe ius alterius per redditionem *debiti*, iuri enim tanquam cuidam morali exigentiae debitum correlative respondet. Quare, ut patet, iustitia non est virtus ad seipsum, sed *ad alterum*. — Struggl L. 486., S. Th. 2. 2. q. 58.

3. *Resolves*: Potest quidem Princeps, si quando id requiratur ad commune bonum, rem a subdito tollere: quia ius ad finem importat necessario ius ad media, sine quibus finis obtineri nequit. Bonum autem publicum aliquando requirit, ut aliquis re sua privetur, v. gr. agro pro via publica construenda, etc. Sed tunc Princeps, in quantum fieri potest, ad iustam compensationem tenetur: quia aequum non est, ut unus spoliatur, aliis intactis, prout ex iure naturali et positivo constat. C. I. 43., C. G. 545., C. A. 365. Nullo vero pacto potest, sine causa gravi publici boni, sed ob suam propriam commoditatem, per legem tollere a subdito rem eius notabilem, seu ius acquisitum; quia nihil potest circa bona privatorum, nisi id ratio boni communis omnino exigit. Quare ad restitutionem tunc tenetur.

4. *Quotuplex sit iustitia?* — Iustitia est triplex, nempe *distributiva*, *legalis*, et *commutativa*. Iustitia enim, cum tota sita sit in eo quod alteri reddat ius suum, specificatur et dividitur secundum ius. Ius autem, ut modo dictum est, triplex est, nempe altum, bassum et proprietatis. Iustitia *distributiva* igitur adaequat ius bassum per distributionem bonorum communium, munerum publicorum, officiorum, praemiorum, ius nempe, quod ad haec habet membrum communitatis qua tale; estque ista iustitia *totius ad partem*, seu capitis, aut communitatis ad membra. Iustitia *legalis* adaequat ius altum per actiones et bona, quae Principi aut Reipublicae debentur ad promovendum bonum commune; estque haec iustitia *partis ad totum*, seu membrorum ad caput, et communitatem. Dicitur *legalis*, quia habet pro suo obiecto id quod Communitati debetur *ratione et vi legum*. Quare revera vix iustitiae nomen meretur, siquidem revera nihil aliud est quam *obedientia legibus* praestanda. Iustitia commutativa vero adaequat ius proprietatis, seu bassum membri contra alterum membrum per commutationem rerum, et pretiorum; estque haec iustitia *partis ad partem*. Iustitia *vindicativa*, quae tribus prioribus iustitiae speciebus adici solet, quarta proprie non est iustitiae species; quia iustitia specificatur et dividitur secundum diversitatem iuris quod respicit; et hoc est solum triplex illud ius modo dictum. Reduci tamen potest sub diverso respectu ad omnes illas tres



species. Prout Superior per poenas communi civium felicitati prospicit, ea ad *legalem* pertinet; prout poenas ipsas criminum gravitati proportionatas decernit pertinet ad *distributivam*; denique prout Superior iustitiae vindictivae officia exsequitur ex quodam quasi contractu cum Republica inito de recte negotiis publicis administrandis, pertinet ad iustitiam *commutativam*. L. 486., S. Th. 2. 2. q. 58. q. 61.

5. *Nota.* Inter iustitiam *commutativam* et *distributivam* hoc discrimen notant Iuriconsulti ac Theologi, quod in *commutativa* servanda sit *aequalitas arithmetica*; in *distributiva* autem proportio *geometrica*. Iustitia *commutativa* exercetur a cive ad civem, a privato ad privatum, et locum habet in contractibus ac in ceteris negotiis ad sociale commercium pertinentibus; servanda igitur in ea erit aequalitas rerum ipsarum, nempe aequalitas rei ad rem, uti si v. gr. debeas centum, centum reddas, non attendendo nisi id quod debetur, ita ut si excipiantur casus, in quibus ratio personarum a lege ipsa praescripta sit, v. g. cum agitur de *minoribus*; in ceteris omnibus nullus habeatur respectus conditionis vel meritorum personae, et haec est aequalitas illa quam vocant arithmetica. Iustitia autem *distributiva* exercetur a Superiore ad subditum et locum habet in distribuendis *honoribus*, ut aiunt, et *oneribus*; praemiis ac poenis; ideoque non debet habere respectum *rei* ad *rem*, sed meritorum et conditionis personarum, loci, temporis et adiutorum similium. Ex quo exsurgit et constituitur ea quae dicitur *proportio geometrica*, quae scilicet non est aequalitas rei ad rem, sed proportio rei ad personam, i. e. ad merita personarum, sive quod idem est non *rerum*, sed *rationum* aequalitatem significat; unde si illi, qui habet merita uti quinque, tribuantur v. g. decem nummi; illi, cui sunt merita uti decem, tribui debent viginti.

6. *Tum iustitia commutativa, tum etiam iustitia distributiva, vindictiva et legalis obligat per se sub gravi.* — Prob. Nam *iustitiae commutativae violatio*, ut constat ex pluribus SS. locis, poena aeterna est punienda. Ea repugnat praeterea *per se* seu ex natura sua caritati, quae movet ad volendum alterius bonum: ipsa enim essentialiter consistit in nocimento alteri inferendo. Ergo *per se* et *ex genere* suo peccatum mortale est. S. Th. 2. 2. q. 59. a. 4. Laesio autem iustitiae distributivae, vindictivae et legalis gravem *per se* inducit deordinationem; cum graviter necessario societatis ordini noceat. Dicitur *per se*, quia haec in re materiae parvitas admittitur.

7. *Quid sit dominium?* — Cum iustitia commutativa respiciat aequalitatem rei ad rem, ea non versatur nisi circa ius proprietatis, quod uno verbo proprietatis et dominium dici solet. Dominium solet communiter definiri: potestas moralis disponendi pro arbitrio de re aliqua tanquam sua, nisi tamen lege conventionem vel testatoris voluntate prohibeatur. *Potestas moralis*, et sic a potestate physica distinguitur: potestas moralis, adeoque legitima. *Disponendi de re*, et sic distinguitur a *iurisdictione* quae etiam dominium iurisdictionis dicitur, ut a dominio proprietatis distinguatur; iurisdictio enim est potestas moralis *gubernandi*, neque in rem sed in personam subditam immediate exercetur. *Pro arbitrio* h. e. vendendo, donando, vel etiam destruendo sine causa, quod licet aliquin prohibitum sit, quia Deus eo tantum consilio unicuique dominium permittit, ut suis suorumque necessitati et utilitati praesto sit; contra tamen commutativam iustitiam non est. *Tanquam sua*, dominium enim proprie est *ius in re* et non praecise *ius ad rem* quod ad illud tendit, et illo perficitur ac completur. *Nisi lege prohibeatur*, sic *minoribus* non permittitur rerum suarum alienatio, nisi ex iusta causa et servatis quibusdam solemnitatibus, quo tamen in casu non aufertur dominium, sed impeditur tantummodo usus. *Conventionem* esset, v. g. si venditionem inter et emptorem conventum sit, ut emptor re empta non utatur nisi post certum diem. *Testatoris voluntate* esset, si v. g. testator fundum legasset alicui ea conditione ut illo non utatur nisi post annum. C. I. 436., C. G. 544.

8. *Quotuplex sit dominium?* — Dominium proprietatis immediate dividitur in dominium perfectum et in dominium imperfectum. Dominium proprietatis perfectum, seu plenum, est potestas legitima proprio nomine percipiendi ex re aliqua omne commodum suae libertatis. Imperfectum vero est potestas legitima percipiendi ex re aliquod, non tamen omne commodum suae libertatis. Dominium imperfectum immediate subdividitur in dominium directum et in dominium utile. Prius est: potestas legitima in substantiam rei sine fructibus. Posterius est: potestas legitima percipiendi fructus et emolumenta ex re aliena, salva eius substantia. Dominium utile, pro variis rerum commoditatibus percipiendis in varias dividitur species, praecipue vero in usum, habitationem, usufructum, servitutem, possessionem. L. 487.

9. *Usus definitur:* Ius utendi rebus alienis, salva earum substantia tum quoad materiam, tum etiam quoad formam. Vocabulum *ius* significat facultatem, quae competit *usuario*, sic nempe appellatur is cui competit usus, ille autem ad quem pertinet rei proprietas sive dominium, dicitur *proprietaryus*. Quare *usus* hic, non sumitur generatim pro actuali cuiusvis domini exercitio, sed speciatim pro speciali quadam potestate. Illud *utendi* significat facultatem usuario convenientem extendi ad illa duntaxat, quae sunt necessaria. C. I. 521. C. G. 630. Haec autem necessitas mentienda est iuxta conditionem, statum et dignitatem ipsius usuarii et eius familiae, inclusis famulis, non exclusis filiis natis post exercitium *usus*. C. I. 521. 523., C. G. 630., C. A. 565. 566. Verba *alienis rebus* indicant usum in rebus propriis consistere non posse: quilibet enim in rebus suis non *usum* tantummodo, sed *dominium* quoque habere dicitur. Additur, *salva earum substantia*: alioquin non esset *usus*, sed *abusus*; ex quo sequitur usuarium non posse ne in meliorem quidem formam rem cuius usum consecutus est immutare, et ideo apposita sunt etiam ea verba: *tum quoad materiam tum etiam quoad formam*. C. A. 507. Atque haec est praecipua usuarii obligatio, unde tenetur etiam ad ordinarias reparationes, et tributa pro ratione tamen fructuum, ut res integra conservetur domino suo. C. I. 527., C. G. 635. Cf. C. A. 508.

Hinc patet, 1.<sup>o</sup> quod sub *usum*, ut etiam sub *usufructum* non veniunt res unico actu consumptibiles, ut vinum, oleum, panis, etc., quia per talem usum non manet salva rei substantia. 2.<sup>o</sup> In casu destructionis rei tenetur quis refundere pretium aequivalens. Adeoque praevia cautio danda est, et inventarium conficiendum. C. I. 925. C. G. 262. 3.<sup>o</sup> Attenta natura ipsius *usus* usuarius non potest alteri locare, vendere, aut donare *ius* suum. Usus enim in eo consistit ut quis re utatur pro mensura suae necessitatis. C. I. 528., C. G. 631. 634., C. A. 507. Excipe nisi clare appareat ipsi hanc etiam facultatem fuisse concessam peculiari conventionem, vel si usus esset omnino inutilis, nisi posset alienari. 4.<sup>o</sup> Usuarius rei fructiferae, ut horti, agri, vineae, etc., nequit iusto plus de fructibus colligere, quam requiratur ad necessarium sustentationem; unde si plus fructuum colligat, tenetur eas domino directo restituere. C. I. 821., C. G. 630., C. A. 505. 506. — Usus acquiritur et cessat eisdem modis ac acquiritur et cessat *usufructus*. C. I. 529., C. G. 625.

10. *Habitatio est:* Ius alienas aedes inhabitandi, salva earum substantia. Et sic viduis nobilibus conceditur saepe a maritis ius habitandi ad dies vitae in domo haeredis. Is, cui domus habitatio concessa est, potest in ea habitare cum sua familia, quanvis eo tempore quo habitationem aedis acquisivit coniugatus non fuerit, in eaque hospites recipere, non potest tamen *ius* suum alteri transferre, illud vendendo, vel aedem locando, et acquirendo sibi pretium locationis. Qui totam habitat domum tenetur ad omnes necessarias ac ordinarias expensas et tributa: qui partem tantum habitat, non tenetur nisi pro rata rei. Habitatio incipit et cessat ut *usus*, cum quo confunditur ex recentioribus legibus. C. I. 521. seqq., C. G. 625. seqq., C. A. 521. 522.

11. *Usufructus est*: Ius utendi et fruendi aliqua re, fructus ex ea percipiendo, eo ipso modo quo perciperet ipse proprietarius, salva tamen eius substantia tum quoad materiam, tum etiam quoad formam, sicut in usu. C. I. 477., C. G. 578., C. A. 509., L. 487. Differt ab *usu* in hoc, quod latius pateat: nam *uti* simpliciter est fructus dumtaxat necessarios percipere: sic v. g. si quis habeat usum alicuius horti, potest quidem fructus ab eo suscipere pro se et suis, sed non potest eos alienare et extraneis elargiri, potest autem si eiusdem habeat usufructum. Illud *utendi* et *fruendi* non frustra apponitur: nam usufructus, prout respicit rem fructiferam, est ius utendi, prout respicit vero fructus est ius fruendi, seu ex ea fructus percipiendi. Et sic si legati sint redditus alicuius praedii, non *usufructus* censetur, sed *legatum reddituum*, quod onus personale est, non fundi. Et ideo dicitur, ius utendi et fruendi *aliqua re*, fructus *ex ea*, etc. Unde ius *reale* est *in re* constitutum, et sic a *locatione* differt. Ille cui competit usufructus dicitur *fructuarius*.

Porro nomine *fructuum* generatim intelligitur illud omne quod res fort vel producit: fructus enim dicti sunt a ferendo: et sunt alii *naturales*, qui ex re ipsa et solius naturae beneficio producantur, uti herba, poma, nuges: item foetus animalium et quae ab ipsis proveniunt, cum habeantur uti pars viscerum: alii *industriales* qui sola industria acquiruntur, ut est lucrum, quod percipitur a pecunia, quae negotiationi exponitur, aut a meliorationibus rei factis: alii vero sunt, in quibus praeter naturam, hominis quoque labor et industria partem habet, uti sunt v. g. frumentum et segetes: hos theologi appellant *mixtos*, quia partim quidem natura, partim autem humanae industriae beneficio producantur: alii tandem *civiles*, qui proveniunt tantummodo occasione rei, et vi obligationis particularis in iure civili fundatae, v. g. pretium domus locatae, pensiones fundi, usurae pecuniae mutuo datae, etc. Fructus ipsi naturales et industriales dividuntur in *nascituros* et *natos*: isti item in *pendentes* et in *perceptos*, et isti adhuc in *estantes* et in *consumptos* dividi solent. C. I. 444. 480. 494., C. G. 585. 598., C. A. 330.

Usufructus duplex est divisio, prima nempe in usufructum *propriam* et *impropriam*: ille constituitur in rebus, quae usu minime consumuntur, uti sunt v. g. domus et hortus: iste vero constituitur in *rebus peribilibus* ut vocant, quae nempe usu consumuntur, uti v. g. panis, vinum et oleum: usufructus improprius dicitur etiam *quasi usufructus*. C. I. 483. 484., C. C. 587. 589. Altera divisio est in usufructum *singularem*, i. e. quarundam rerum in specie: in *particularem*, i. e. alicuius partis bonorum, et *universalem*, in quo bona omnia continentur.

Ad iura usufructuarii quod attinet haec in genere sunt eius iura, seclusa speciali conventionione. Cum usufructuarius personam proprietarii quoad dominium utile agere censeatur L.<sup>um</sup> eius ius est, ut possit fructus omnes percipere sive naturales sive industriales, eosque suos facere sive collegerit per se sive per alios. C. I. 477., C. G. 578.: collecti autem intelliguntur, cum a solo vel a re fuerint separati: hinc si fructuarius moriatur, fructibus quidem maturis, sed nondum a solo vel a re separatis, fructuarii haeredit non sunt, sed rei proprietarii, fructus enim quamdiu adhaerent fundo censentur unum cum illo. Quod si haeres iste, fructuario iam morituro, fructus immaturos collegerit, teneatur eos proprietario restituere: nam sicut fructuarius non poterat fructus immaturos colligere, ita tanto minus eius haeres. E contrario fructus naturales et industriales initio pendentes percipit usufructuarius sine onere solvendi pro cultura, vel semine, etc. Fructus vero civiles de die in diem acquiruntur, ac proinde dividi debent pro rata temporis quo usufructus duravit. C. I. 479. 480. 481. 494., C. G. 585. 588. 598., C. A. 511. Cf. 519. 2.<sup>o</sup> Ius habet in ea omnia, sine quibus usufructus haberi non potest: quare ius itineris habet ad rem fructuariam per fundum haereditarium, si aliunde non pateat aditus: item ius utendi servitutibus omnibus fundo inhaerentibus; quia habentur tanquam qualitates



fundi ipsius: item ius habet in fodinas apertas, in singula fundi instrumenta, nisi contraria appareat testatoris voluntas: non enim praesumendum est testatorem voluisse, ut fructuarius sibi instrumenta compararet pro fundo quo ad tempus tantummodo usus sit. C. I. 491., C. G. 598. 3.<sup>o</sup> Ius est, quod possit fructus vendere, donare, res fructuarias locare, commodare ac hypothecae supponere, ac alii fruendam concedere imo et pignori tradere; nam qui per alium fruitur, per se frui ipse videtur. C. I. 492. 493. 1967., C. G. 595. 2118.

Quoad vero onera, haec in genere: 1.<sup>o</sup> Usufructuario incumbit onus tum custodiam praestandi, tum expensas ordinarias subeundi, ut res in integro suo statu conservetur, tum etiam faciendi sumptus, ut naturales fructus ex ea percipiat. Tenetur etiam ad solvenda onera ordinaria, quibus gravatur res usufructuaria, quod sunt salaria, tributa annua et similia. C. I. 477. 501. 504. 506. 509., C. G. 605. 606. 608., C. A. 512. 513. 2.<sup>o</sup> Usufructuarius uti debet re aliena tanquam bonus paterfamilias, eamque talem reddere, qualis reperiri debet post bonam administrationem. Proprietarius autem nihil facere potest, quo deterior fiat conditio usufructuarii, quia patitur frui. C. I. 495. 497., C. G. 599. 601., C. A. 513. 3.<sup>o</sup> Res fructuaria domino restituenda est, finito usufructu, qualis quoad sui substantiam tunc erat cum incepit. C. I. 477.; ideo cautio danda est et inventarium conficiendum. C. I. 496. 497., C. G. 600. 601. Ex C. I. 1922. aut cautio aut pignus dari potest. Cautio autem danda non est a patre vel matre in usufructu legali, nec ab eo qui rem vendidit, aut donavit, reservato sibi usufructu. C. I. 497., C. G. 601. Neque vero cautio danda, neque inventarium conficiendum, si utrumque remittat qui usufructum constituit. C. I. 496. 497. C. G. 593.

Ad usufructus tandem acquisitionem et cessationem quod spectat, acquiritur 1.<sup>o</sup> ex lege, et tunc dicitur *legalis*, talis est usufructus parentum ex bonis filiorum, vel mariti ex bonis uxoris; 2.<sup>o</sup> ex conventionem vel contractu, et ideo *conventionalis* nuncupatur, v. g. vi donationis vel testamenti; 3.<sup>o</sup> praescriptione C. I. 2137. Cessat vero 1.<sup>o</sup> morte naturali aut civili usufructuarii; quum enim tam usus, quam usufructus sint iura *personalia*, morte eius cui competunt, extinguuntur debent. Hinc *usufructus*, i. e. ipsum ius stabile utendi et fruendi, neque transit ad haeredes, neque etiam vendi potest sine consensu domini directi. C. I. 515., C. G. 617. 2.<sup>o</sup> Finito tempore, si quod lege sit statutum, vel fuerit conventionem constitutum. C. I. 515. 517., C. G. 617. 620., C. A. 528. 3.<sup>o</sup> Omnimoda mutatione, v. g. si pratum fiat stagnum, vel tota rei interitu, si e. g. totum aedificium diruatur: *totali*, nam si res partialiter tantum perit, sustinetur in eo quod remanet usufructus. C. I. 515. 519. 520., C. G. 617.-624. Cf. C. A. 525. 4.<sup>o</sup> Consolidatione, quum nempe fructuarius rei ipsius proprietatem et dominium consequitur, vel dominus usufructum etiam acquirit. C. I. 515., C. G. 617. 5.<sup>o</sup> Renuntiatione usufructuarii, modo non fiat in fraudem creditorum. 6.<sup>o</sup> Abusu, quo per usufructuarii culpam res deterior fiat. C. I. 516., C. G. 618. 7.<sup>o</sup> Praescriptione, si nempe usufructuarius iure suo non utatur tanto tempore, ut res fructuaria ab altero usu capi possit; 30. anni requiruntur ut dominus adversus usufructuarium praescribere possit. C. I. 515., C. G. 617.

12. *Servitus, active et generice* sumpta, est ius, quod inest cuipiam, ut alterius res, aut alia persona, rei suae vel sibi serviat: servitus vero passive sumpta est obligatio rei alienae, vel personae praedicto iuri correspondens. *Alterius res*, aut *alia persona*, nam res propria domino suo non servit: quare quae inde dominus commoda percipit iure domini percipit, non *aut servitus*. Idem a fortiori de persona dicendum. Hinc servitus esse potest 1. *personales*, quae a persona personae debetur, et propria est mancipii erga dominum; 2. *mixtae*, quae a re debetur personae, cuiusmodi sunt usus, usufructus, habitatio; 3.<sup>o</sup> *reales*, quae rei a re debetur: ut onus praedio in utilitatem alterius praedii impositum. C. I. 531., C. G. 637.,

C. A. 473. Servitus realis in *continuum* et *discontinuum* dividitur. Illa est, quae absque hominis facto exercetur, ut servitus prospectus, stillicidii, etc. Haec hominis facto exercetur, ut servitus itineris, aquae haustus, etc. C. I. 617., C. G. 688. Alia praeterea est *apparens*, alia non *apparens*. Prior signo aliquo exterius apparet, ut servitus portae, fenestrae, aquaeductus; posterior hoc exteriori signo caret, ut servitus aedificium altius non attol-  
lendar. C. I. 618., C. G. 689.

Servitus realis ex triplici fonte oriri potest. Primus est *naturalis positio locorum*: sic v. g. fundus qui est in situ inferiori, tenetur recipere aquas effluentes a fundo, qui est in superiori: servitutes ex hoc fonte manantes dicuntur ideoque *naturales*. Alter est *lex*, quo nomine venit etiam sententia iudicis: sic v. g. ob utilitatem publicam vel privatam lex praescribit regulas servandas quoad viarum constructionem atque reparationem, aquarum deductionem, domorum aedificationem, murorum distantiam, etc.: servitutes sic ortae dicuntur *legales*. Potest praeterea servitus praescriptione acquiri. C. I. 2137. Solae servitutes *apparentes* et *continue* usucapionibus acquiri possunt, et verius sola praescriptione 30. annorum. C. I. 629. 630., C. G. 690. Opus autem est in foro conscientiae bona fide, qua quis nempe existimat dominum, qui patitur eum servitute uti, non esse invitum. Tertius tandem fons est *conventio*, possunt nempe vicinorum fundorum proprietarii (si lex vel ordo publicus non obstat) secum convenire, ut unus fundus alteri serviat et vicissim si ita placuerit: et servitutes istae dicuntur *conventionales*. C. I. 532., C. G. 639. Potest item servitus constitui destinatione patristamiliis, actu aliquo ultimae voluntatis, seu inter vivos. C. I. 629. 630., C. G. 692. 693. — Extinguitur vero servitus realis 1.<sup>o</sup> Elapso statuto tempore, vel impleta conditione: 2.<sup>o</sup> renuntiatione expressa vel tacita: 3.<sup>o</sup> consolidatione, qua dominus praedii dominantis fit simul dominus servientis, aut vice versa: 4.<sup>o</sup> si res immutetur: si tamen res reducatur ad pristinum statum, servitutes reviviscunt, nisi obstat praescriptio: 5.<sup>o</sup> praescriptione, seu non usu iuris servitutis saltem per 30. annos. Imo cum servitutes habeant rationem immobilium, praescribi possunt per spatium temporis, quod in his praescribendis servatur. G. 597. 598.

13. *Possessio* cum *proprietate* saepe confunditur. Differt tamen ab ista, quia *possessio* est ius, quo res detinetur uti sua: *proprietas* vero seu dominium est ipsummet ius, quo res est sua, et quis est dominus eius. *Possessio* potius res *facti* est, quam *iuris*. Nihilominus duplex distinguitur *possessio*: alia *facti*, alia *iuris*. *Possessio facti* definiri potest: *rei apprehensio vel detentio, corporis, animi et iuris adminiculo*. *Rei*, quo nomine intelligimus non solum res corporeas, sed etiam incorporeas, uti sunt census, patronatus, etc., quae quidem dicuntur *quasi possideri*, ad discrimen rerum corporearum, quae *possideri* dicuntur. *Apprehensio vel detentio*: quia *possessio* consideratur vel in sui initio vel in sui continuatione: in sui initio est *apprehensio rei*, in sui continuatione est *eiusdem detentio*. *Corporis adminiculo*: quia ut res aliqua possideatur, debet actu aliquo corporali apprehendi, v. g. manibus, pedibus, oculis et similibus. *Animi*: quia res ut possideatur, debet apprehendi animo illam habendi ut suam. *Iuris*, i. e. iure non resistente neque impediente: quia ad possessionem requiritur, ut ius seu leges non impedian, quominus detentio rei censeatur vera eiusdem *possessio*, incapaces possessionis reddendo, sic v. g. detentio rei sacrae, quae fiat a laico, rei publicae, quae a privata fiat persona, ne *possessio* quidem *facti* dici potest: quia ius has personas incapaces talis possessionis reddendo, talem possessionem impedit: contra detentio rei furtivae profanae penes furem est vera *possessio facti*, licet iniusta, quia ius non impedit, quominus talis rei detentio sufficiat ad possessionem. C. I. 685. 687. 688. 690., C. G. 2134. 2228. 2230. 2232., C. A. 309. 313.

*Possessio vero iuris* definitur: *ius insistendi rei tanquam suae, non prohibita possideri*. *Ius*, per quod differt a *possessione facti*, quae est

ipsa occupatio rei vel eius detentio, ex qua vel oritur ius si sit iusta, vel non oritur si iniusta sit. *Insistenti rei*, i. e. rem pacifice detinendi, et iuris remediis, interdum etiam armis ubi fuerit opus, eam tuendi contra perturbatores. *Tanquam suae*: nam si quis insistat rei nomine alieno, non erit *vera* possessio: sic v. g. tutor dici non potest possidere bona minoris, sed minor ipse possidet per tutorem; quia tutor non retinet illa bona *tanquam sua*, sed nomine minoris. *Non prohibitar possideri*, i. e. nulla lege resistente atque impediante, uti dictum est supra *de possessione facti*. C. I. 686. 701., C. G. 540. 550. 2229. 2268., C. A. 316. 326. 327. 328.

Possessio tam *facti* quam *iuris*, dividitur in *naturalem*, *civilem* et *civilissimam*. *Naturalis* est, qua res possessa corpore et animo retinetur ut sua, dum scilicet quis corporaliter insistit detentioni rei tanquam suae; quod facit qui rei in conspectu positae ita vicinus est, ut continuo ei possit adesse. *Civilis* est, qua res corpore et animo apprehensa retinetur solo *animo*; sic possidet domum suam qui domo abest, quamdiu habet animum eam sibi retinendi. *Civilissima* tandem est, quae sola legis dispositione acquiritur absque omni *animi* et *corporis* adminiculo; quod contingit v. g. in parvulo, cui haereditas aliqua obvenit: iste possidet haereditatem defuncti sine ullo apprehensionis actu, imo et sine ulla intellectus cognitione. Distinguitur item possessio *naturalis* et *civilis*, quatenus possessio mere *naturalis* dicatur illius, qui rem possidet sed alieno nomine, *civilis* vero dicatur illius qui suo nomine possidet, animo nempe domini sive vero *per se*, sive per alium, per colonum, inquilinum, fructuarium, etc., rem detineat. C. I. 685. 687. 688., C. G. 2134. 2228.-2232., C. A. 30. 309. 313.

Iura, et privilegia iuridicae possessioni annexa sunt sequentia: 1.<sup>o</sup> Possessor bonae fidei elapso certo tempore potest praescribere contra dominum rei directum, et acquirere huius dominium; ut infra dicetur. 2.<sup>o</sup> Possessio bonae fidei, si est immemorialis, seu si eius initium excedit memoriam hominum actu viventium, supplet omnes defectus, ex quibus alias dominium legitimum non esset: ut constat ex C. *Quibusdam de Verb. signific.* 3.<sup>o</sup> Possessor bonae fidei, suborto dubio, an res sit sua, vel aliena, si contrarium certo non potest ostendi, potest salva conscientia rem retinere, et iudex stante tali dubio rem ei debet adiudicare. C. I. 691. 4.<sup>o</sup> Possessor bonae fidei, si rem alienam absumpsit, dein non tenetur restituere, nisi in quantum est ditior factus, et suis pepereit. 5.<sup>o</sup> Possessor tempore contestatae litis est a iudice in possessione defendendus, nisi vi, clam, aut praecario illam attraxerit: nam tunc esset possessio privandus. 6.<sup>o</sup> Si possessor privata violentia est a possessione deturbatus, ante omnia debet fieri spoliati restitutio, nec prius audiendus est occupator, allegans fitulum, volensque probare rem esse suam. C. *In litteris, de Restit. spoliat.* Cf. C. I. 694. 697. 7.<sup>o</sup> Possessor bonae fidei potest rem possessam etiam armis defendere contra invasorem, dummodo id fiat incontinenti, et cum moderamine culpatae tutelae, hoc est defensive, et non offensive, ut habetur. L. 3. ff. *de vi, et vi armata* 8.<sup>o</sup> Si quis successive obligetur ad eandem rem mobilem duobus demandam seu tradendam, ille qui eiusdem rei possessionem prior obtinet, eiusdem etiam habet proprietatem, licet eius titulus posterior sit, dummodo bona sit fide. C. G. 1141.

14. *De obiecto dominii*. — Declarata intrinseca dominii natura progredimur nunc ad explicandum obiectum et subiectum dominii.

15. *Homo non habet dominium directum animae et corporis ac membrorum, sed tantum alic.* — Prob. 1.<sup>a</sup> p. Nam dominium importat quandam superioritatem: atqui homo non est superior seipso, et suis membris, aut alio homine. Ergo. Praeterea ideo iure naturali competit dominium directum in reliquis creaturas sublunares, quia haec ex natura sua ordinantur ad hominem, ut ei serviant. Ergo, cum homo ex natura sua sit ordinatus, ut serviat Deo, dominium proprietatis directum in hominem, eiusque mem-



bra competit soli Deo. Unde Sap. 16. dicitur: *Tu es, Immense, qui vitam et mortis habes potestatem*. Et Deut. 32. ait Deus: *Es dominus, et tu facies facinus*. Prob. 2.º p. Nam homo suo corpori et membris, non solum potest licite uti ad plurimas functiones, sed etiam per has, divina gentis aliorum, potest mereri vitam æternam. Ergo, G. 547. Lugo D. 16. n. 9. 17. Molina T. 4. D. 1. n. 1.

16. *Resolves*: Suicidium et mutilatio, per se iniquæ, non solum est contra caritatem, sed etiam contra iustitiam, seu ius proprietatis divinum, nam ususarius habet obligationem conservandi substantiam rei, sed et usum concessæ. Hinc enim vero alterius personæ non solum est contra caritatem, et ius proprietatis divinum, sed etiam contra ius utile humanum.

17. *Unus homo esse potest sub dominio alterius non solum iurisdictionis, sed etiam potestatis, sed ut corpus, sed utilis*. — Prædicta dicitur *imperfecta*, seu *utilis*, nam dominium proprietatis per se non soli Deo competit, ut constat ex præced. p. p. — Prob. Item est, quia homo quilibet est dominus propriæ operæ: ac potius potest illam aliorum in propriam utilitatem, et in dominium alterius tradere. Dominus enim per arbitrium de obiecto homini sui disponere potest. G. 549.

18. *Ex quibus titulis induci possit servitus?* — Ex quatuor sequentibus titulis: 1.º *Ex pacto*, seu conventioni non propriæ. Etenim non recipitur, ut quis renunciaret suæ libertati ad propriam imperii subordinationem, etc. — 2.º *Ex iure belli*. Non enim repugnat, rationem hanc quodvis hominem indigere. Quandoque enim possit captivos vendere ab gentis servitutem: ergo, a fortiori eis in servitutem redigere. — 3.º *Ex delicto*, seu ex iusta condemnatione. Etenim si reus potest damnari ad mortem, a fortiori ad servitutem, cum privatio vitæ summa contra præparatam merito censetur. — 4.º *Ex parentate* in statu servitutis, quia quidem de iure servi sunt, qui a servis nascuntur. Ita ex iure gentium iuxta communem sententiam. — Lugo D. 6. n. 11. 17., G. 549.

19. *An licitum sit nigrificari non in rebus?* — 1.º Omnino illicitum est ex omni iure, quoties nigrificatio iniuste libertate spoliatur, et turpem ut vilia pecora a regionibus suis transvehuntur, et venduntur, ut fit in nefario eorum commercio. Contra tam inhumanam negationem profudere variae Constitutiones apostolicæ, nempe Pauli III., Urbani VIII., Benedicti XIV., Gregorii XVI. *In superna apostolicatus*, 3. Dec. 1800. G. Ep. Leonis XIII. ad episcopos Brasiliæ *In pluribus*, 5. Mai 1888. — 2.º Si vero agatur de nigris aut albis in legitima servitute existentibus, per se illicitum absolute non est, quia, semel admissa servitute, ut legitime dominus verum ius in servos, seu in eorum operas habet, et potius illud transmittit in alios valet. *Per se*: obstat enim presentis circumstantia, v. g. si coniux a coniuge esset separandus, vel leges civiles id vetent, potius tunc generatim in Europa servitus interdicitur. — G. 541.

20. *Nota*: Ex C. I. 1628., C. G. 1780. non potest quis obligare propriam operam in alterius servitium, nisi ad tempus determinativum, et determinatum obiectum.

21. *Homo dominium habet suæ famæ*. — Prob. Nam cum homo acquirit laborem persus dependente a sua libera voluntate per virtutis exercitium, adeoque per proprias actus, quis illa vulgi naturalis consequentia consequitur. — L. 1. 3. n. 283. Billart Diss. 3. art. 2. G. 544.

22. *Resolves*: Homo ex iusta causa, et prae iusto scandalo ac infamatione aliorum, licite potest se infamare. *Ex iusta causa*: nam si quis sine iusta causa suam famam prodigit, potest venditè ut eum S. Th. 2. 2. q. 76. communiter deest tñtia. A fortiori peccaret, si infamia officeret propter materis executioni, e. g. parochi, magistrat. rectoris, etc. *Et prae iusto scandalo*:

nam si quis revelando aliquod crimen proprium, prorsus occultum, aliis daret scandalum, peccaret alios scandalizando. *Ac infamatione aliorum*; nam alias homo peccaret laedendo aliorum famam, e. g. complicitis familiae, aut communitatis. Sic religiosus non potest exteris revelare sua crimina in religione commissa; quia hoc modo aliqualiter laederet famam suae religionis, et communitatis. Struggl 9., G. 539., Scav.

23. *Homo habere potest dominium utile et directum in bona externa fortunae legitimae acquisita.* — Prob. creaturae irrationales immediate fuerunt creatae propter hominem, ut iste illis uti, et Deo servire possit. Neque vero ulla restrictio apposta est a Deo huic usui, imo illimitate concessus est quoad praeditum firem, ut patet ex verbis Genes. 1. 28. *Dominium piscibus maris et volatilibus coeli etc.*, et Ps. 8. 8. *Omnia subiecisti sub pedibus eius.* Deus ergo homini concessit dominium *utile et directum* harum rerum externarum. — G. 538.

24. *De subiecto domini.* — Certum est, omnem et solam substantiam intellectualem domini esse capacem: dominium enim est legitima facultas disponendi pro libito de re aliqua tanquam sua. Atqui omnis et sola substantia intellectualis hanc facultatem habere potest; cum sola praedita sit libera voluntate. — Soli quidem Deo competit supremum, absolutum, et independens dominium in res omnes creatas. Dominium autem particulare, supremo Dei dominio subiectum, hominibus etiam competit; licet *infidelibus et peccatoribus*; imo etiam *parrulis et amentibus*. Nam usus rationis necessarius quidem est ad disponendum de bonis, non vero ad habendam eorum possessionem atque habituale dominium: alioquin dormientes et ebrii verum non haberent dominium, illudque prorsus amitterent actu quo dormiunt, vel quo ebrietate obruantur. Ipsa naturalis legis necessitate et legis positivae dispositione dominium acquiri et retineri potest etiam sine ullo positivo actu propriae voluntatis. Cf. Lugo D. 3. n. 16.

25. *De dominio filiorumfamilias et uxorum.* — Filiusfamilias ille dicitur, qui potestati paternae adhuc subiacet. Quamvis autem « mulier sit aequalis viro in actu matrimonii, tamen in his, quae ad dispositionem domus pertinent, *vir caput est mulieris*, secundum Apostolum. 1. Cor. 11. ». S. Th. 2. 2. q. 32. a. 8. Porro « ille qui est sub potestate alterius constitutus, in quantum huiusmodi secundum superioris potestatem regulari debet. Hic est enim ordo naturalis, ut inferiora secundum superiora regulentur. Et ideo oportet, quod ea in quibus inferior superiori subiecitur, dispenset non aliter, quam ei sit a superiore permissum ». Hinc patet, quod licet filiifamilias et uxores bene rerum dominium habere possint, hoc tamen dominium independens non est, per se loquendo, a potestate patrisfamilias et viri: sed horum subiecitur potestati quoad administrationem, et etiam quoad usufructum, ad educationis expensas, et matrimonii onera sustinenda. Cf. De Quarto Decal. Praec. — Filiorumfamilias dominium res spectat, ipsis quoque titulo domini translatitio datas; nam ad bona paterna quod attinet, nullum filius, vivente patre, strictum ius est in paterna bona. Unde si quid filiifamilias ex hisce bonis surripiat ad restitutionem *per se* tenetur. *Per se*, nisi nempe agatur de re minoris momenti et prudenter praesumatur patrem eam remittere obligationem. Dominium item uxorum in propria bona intelligitur, non in bona mariti. Unde uxor etiam, si quid marito surripiat ex ipsis bonis, ad restitutionem *per se* tenetur. *Per se* iterum, nisi nempe agatur de re minoris momenti et prudenter praesumatur maritus consentire. Excusanda item esset uxor, si bona non habens paraphernalia, aliquid acciperet de bonis communibus, aut de fructibus suae dotis ad sublevandam necessitatem parentum vel filiorum, qui ex primo matrimonio suscepti fuerint. Ad id enim tenetur iure naturae, et maritus in id consentire debet. L. 542. 543. H. A. n. 33. G. 557. Cum vero maritus bonorum uxoris dominium directum non habet, si ea dissipet, ad restitutionem tenetur. Quaestio mo-

vetur hic tantum de *bonis communibus*, an teneatur etiam maritus ad restitutionem, si prodige vel male ea impendat et dissipet; et omnino affirmandum videtur, si de ipsis bonis *capitalibus et communibus* agatur; siquidem si ea bona *communis* sunt, et consequenter ad virum et uxorem *in communi* pertinent, clarum est uxoris ius hac in re laedi, adeoque reparandum. Si vero agatur de eorundem bonorum redditibus, cum isti per leges marito assignentur, a restitutione quoad ipsos male impensos excusatur. C. G. 1401. seqq., C. I. 1433. seqq.

26. *De Ecclesiae dominio.* — Dominium habet Ecclesia civilis *iuris dictionis*, ut est dominium temporale Romani Pontificis. Dominium praeterea habet Ecclesia *proprietas* in bona sive mobilia, sive immobilia. Ius autem Ecclesiae hac in re, independens natura sua est a civilis Status potestate; adeoque ab hac limitari et coartari non potest. Enchir. Mor. n. 558. — Dominium *directum* horum bonorum ad ipsam universalem seu *Catholicam Ecclesiam* pertinet. Unde *bona Ecclesiae*, et *bona ecclesiastica* simpliciter appellantur. Hinc, cessante subiecto immediato horum bonorum, e. g. pio Instituto, Monasterio etc., eorum bona non evadunt nullius, sed pergunt ad Ecclesiam pertinere, et potest consequenter Summus Pontifex de illis disponere in favorem, e. g. alterius pii Instituti, Monasterii etc. Etenimvero Summus Pontifex plenariam et supremam habet *administrationem* ac *dispositionem* omnium bonorum ecclesiasticorum. C. *Licet* 2. *de Præb.* et *dignit* in 6.; S. Th. 2. 2. q. 100. a. 1. ad 7. Cf. L. l. 3. n. 591. 615. — Horum autem bonorum usufructus *per se* respective pertinet, per translationem iuris, ad illas personas, loca etc., quibus a fidelibus donata vel relicta sunt. *Per se*, siquidem S. Pontifex posset pro sua potestate hunc usufructum immutare, sicut etiam debitos fructus condonare etc. Etenim cum huiusmodi fidelium donationes ultro prorsus fiant, integrum sit oportet offerentibus, sicut illas facere, vel non facere, ita etiam cum faciunt, ius earum in eum transferre quem maluerint. — Solent aliquando huiusmodi oblationes Ecclesiis vel aliis religiosis locis factae, ad certos usus destinari. Earum tunc immediata administratio ad episcopum, parochum vel ecclesiae rectorem pertinet, minime vero ad laicos, nisi opera sint beneficentiae mere laicalis. Possunt tamen laici in administratione bonorum ecclesiasticorum tanquam puri ministri adhiberi. Etenim cum ius administrationis huiusmodi quid sit spirituale, eo potiri laici non possunt. Si autem certa sit offerentium voluntas huic parendum esse liquet ex Clem. *Quia contingit de Religios. dom.* Cf. Ithur. Cas. 45. n. 47., Acta S. Sed. vol. 8. pag. 174. — Postremo sine apostolico beneplacito, alienari non possunt ecclesiastica bona, aliaque in hac alienatione servandae sunt praescriptae iuris solemnitates. Extrav. *Ambitionae de Reb. Eccl. non alienand.* Cf. Commentar. de Const. *Apostolicae Sedis* n. 83.

27. *De dominio clericorum.* — 1. Bona clericorum quadruplicis generis distinguuntur, scilicet 1.° *Patrimonialia*, quae proveniunt ex paterna hereditate, aut ex qualibet alia causa profana, puta ex donatione, successione, etc. Bonis hisce patrimonialibus aequiparandae sunt pensiones, quae tribuuntur a Gubernio caducis praesbyteris, aut religiosis e monasteriis olim eiectis, tanquam auxilia ad eorum sustentationem et in compensationem erogata. — 2.° *Quasi patrimonialia*, quae acquiruntur occasione et intuitu functionum, v. g. missam celebrando, concionando, etc. Vocantur etiam *quasi ecclesiastica*, vel *casualia*. Huc pertinent etiam incerti parochorum proventus, qui dicuntur *iura stolar*, et quotidianae clericorum distributiones ob servitium chori, quasi personae stipendium. — 3.° *Ecclesiastica*, quae ex beneficiis Ecclesiae, v. gr. ex redditibus beneficiorum, etc. percipiuntur. Huc spectant etiam bona, quae a Gubernio solvantur pastoribus et canonicis titulo supplementi, S. Poenit 19. Jan. 1819, nec non decimae. Quare nomine *bonorum ecclesiasticorum* non intelliguntur hic *fundi*, quos certe clerici alienare non



possunt, cum earum dominium sit penes Ecclesiam, clerici autem sint simplices usufructuarii, sed solum intelliguntur redditus inde provenientes. — 4.<sup>o</sup> *Parimonialia*, quae clericus seponit parce vivendo ex beneficii fructibus, et quae honeste vivendo consumere posset. L. 490. 491., G. 558.

2.<sup>o</sup> Clericus dominium perfectum habet bonorum patrimonialium. Ratio, quia clericus est per se dominii vere capax, nec ulla lege prohibetur, quominus de praedictis bonis libere disponat. Imo ius illud sexcentis locis iuris canonici et civilis supponitur. L. 491. G. 558.

3.<sup>o</sup> Clericus perfectum habet dominium bonorum quasi patrimonialium, seu quasi ecclesiasticorum, vel casualium. Ratio est, quia bona haec non sunt fructus beneficii, neque pretium muneris sacri, sed quoddam veluti stipendium laboris extrinseci, ad quem non tenetur clericus, aut etiam quaedam largitio a fidelibus ad clerici sustentationem erogata. L. 491., Lugo D. 4. n. 23. Constat etiam ex responsione S. Poenit. 9. Aug. 1824., qua declaravit oblationes fidelium non esse bona ecclesiastica. G. 558.

4.<sup>o</sup> Clericus fructibus beneficii uti potest ad honestam sustentationem; sed omne superfluum in pauperes, vel in alia pia opera erogare tenetur. Ratio 1.<sup>a</sup> est, quia ecclesiae ministrans de ecclesiae bonis honeste vivere potest: siquidem ad hunc praesertim finem beneficia instituta sunt. Ratio 2.<sup>a</sup> eruitur ex Ecclesiae praecepto, quod ex innumeris Conciliorum et SS. Canonum decretis perspicuum est. *Hanc enim obligationem Ecclesiae* Canones clericis imponunt *aut impositam supponunt*, ait Bened. XIV. de Syn. 1. 7. c. 2. n. 4. L. 491. G. 558.

5.<sup>o</sup> Nomine *usus pii* venit, quidquid ad divinum cultum pertinet. Nomine autem *pauperum* veniunt non solum ostiat mendicantes, sed etiam ii qui aliter nequeunt suum statum conservare. Veniunt etiam consanguinei, si vere pauperes sint, ita ut alias non possint proprium statum sustinere. Sanch. Laym., Croix, etc., communiter. Et patet ex Trid. S. 25. C. 1. de R. Hos autem consanguineos indigentes potest clericus praeferre aliis pauperibus, etiam gravius egentibus. Quia, ut bene advertit Viva, cum Mol. et communi, subventio propinquorum egentium pertinet etiam ad proprium statum clerici servandum, cum illorum paupertas in ipsius dedecus redundet. Licet autem sit congruentius, non necessario tamen succurri debent in pari causa pauperes, qui sunt in loco beneficii, quia canones indistincte praecipiunt eleemosynam fieri, sive in cives, sive in extraneos. L. 491.

6.<sup>o</sup> Licet haec specialis et gravis obligatio radicaliter et occasionaliter proveniat ex virtute caritatis et religionis, formaliter tamen solum oritur ex praecepto Ecclesiae, et iure positivo ac virtute obedientiae. Ita cum Lessio 1. 2. C. 4. dub. 6. communiter aliorum. Ratio quoad 1.<sup>am</sup> p. est, quia clericis nullibi imponitur speciale praeceptum ex caritate pauperibus erogandi redditus superfluos, sed illi obligantur praecepto generali solum dandi eleemosynam, quamvis aequaliter arctius, quam saeculares. Ratio quoad 2.<sup>am</sup> p. vero est: quia fundatores clericis redditus amplios non assignarunt sub formali hac obligatione, sed solum spe, et intentione; ergo ». Ita Struggi 27. S. Aq. 491. 492., licet admittat saltem probabiliter hanc obligationem non oriri ex iustitia, admittit tamen eam oriri ab Ecclesiae praecepto ex motivo virtutis religionis, probabilius vero ex iustitia.

7.<sup>o</sup> Clericus perfecto gaudet dominio bonorum parcomialium, adeoque de his ut verus dominus disponere potest. Ratio est, quia clericus ius strictum habet ad honestam sustentationem: ergo quidquid ex ea tollit parcius vivendo, ad usum pertinet, et in libera eiusdem potestate manet: quippe ius illud commune absolutum est. Trid. S. 24. C. 12. de R. C. *Consuetudinem de Cler. non recid.* in 6. L. 491., S. Th. 2. 2. q. 185. a. 7. Quod 6. a. 12. ad 3. Lessius c. 4. Bened. XIV. De Syn. 1. 7. C. 2. n. 12. G. 558. 559. 563. seqq.

8.<sup>o</sup> Clericis saecularibus licet testari de suis bonis patrimonialibus, quasi patrimonialibus et parcomialibus; verum de bonis beneficalibus superfluis

nullum ipsi iure commune facere possunt testamentum, etiam ad pias causas. *Dicitur iure communi*, excipiendum enim est casus specialis privilegii vel consuetudinis. Struggl 28.

28. *An teneantur ad restitutionem clerici, male impendentes superflua bonorum ecclesiasticorum?* — R. Negat. probabiliter, quia quamvis constet de praecepto Ecclesiae, non tamen constat de obligatione ex iustitia. Imo ex Conc. Trid. S. 24. C. 12. de R. colligi videtur, eos facere fructus suos, licet cum obligatione in elemosynas aut alia pia opera superfluum erogandi. Dicit enim Conc. de clericis non residentibus: Non faciant fructus suos. — Affirmant tamen probabiliter alii, quia clerici sunt tantum administratores et oeconomi bonorum ecclesiasticorum: vel saltem quia Ecclesia ipsis eorumdem bonorum dominium non concedit, nisi limitatum, hoc onere ex iustitia imposito. Prima sententia, idest negativa, ait S. Lig. in Retract. qu. X. non minus probabilis videtur in praxi, signanter ob auctoritatem et rationem D. Th. 2. 2. qu. 185. art. 7. Quod vero attinet ad culpam violati Ecclesiae praecepti, ad materiam gravem requiritur quantitas multo maior, quam in furto, L. 491. IV 492., S. Th. Quodl. 6. a. 12. G. 560. Cum utraque sententia sit probabilis, haereditas etiam horum bonorum possunt probabiliter absque iniustitia et peccato ea retinere. An autem peccent cooperando peccato donantis ea bona accipiens, plures affirmant: sed probabilius dicendum est « accipientem non peccare, neque contra religionem, neque contra caritatem, nisi petat, vel inducat ad donandum ». L. 492.

29. *Quid intelligatur per se superfluum?* — Superfluum censetur, quod honestae sustentationi superest. Porro honesta clerici sustentatio ea est, quae clerico convenit ratione sui status, dignitatis, etc. Quocirca non excludit honestas recreationes, moderatas donationes, et alias eiusmodi expensas; sed haec prudenti timoratae conscientiae iudicio, potiusquam generali regula determinari possunt. Billuart art. 5., G. 561. « Honestà vel congrua sustentatio non potest aequaliter definiri respectu omnium clericorum; plus enim, ut per se patet, debetur episcopo quam canonico, plus canonico in ecclesia cathedrali quam simplici praesbytero, plus in uno loco quam in alio: idcirco attendi potius debet ad usum aliorum timoratae conscientiae in eodem gradu, et in iisdem circumstantiis locorum et rerum. Utrum autem possit haberi ratio nobilitatis disputant: nobis non videtur damnandus qui id affirmaret: unusquisque enim secundum suum statum vivere potest: ita quoque licite potest ex his bonis debita legitime post beneficium contracta solvere, cum id quoque pertineat ad rationem proprii status: sicut etiam moderatam hospitalitatem exercere, cum id sit debitum virtutis: item nepotes in studiis alere, si parentes pauperes sint, ac alii pauperes non graviter indigeant, et ipse alia bona non habeat: tunc enim hoc evadit opus caritatis et misericordiae ». Scavini D. 2. C. 3. a. 3. q. 4. Cf. etiam q. 5. L. 491.

30. *An clerici possint serrare superfluum in uturum?* — R. Affirm., quia *per se* nulla est obligatio subito erogandi superflua: imo laudabiliter servari possunt ad foundationem piam, modo bona fide procedatur, et absit periculum, ne postea ad usus profanos convertantur. S. Th. 2. 2. q. 185. art. 7., L. 491., G. 561.

31. *An clericus habens ex patrimonio unde vivat, ex fructibus beneficii se sustentare possit?* — R. Affirm. Ratio est, quia iustum est, ut ille qui laborat in Ecclesia, ab eadem sustentetur, et per accidens omnino est, quod dives sit aut pauper. Non igitur ratione paupertatis, sed laboris clericus ad sustentationem ius habet. Unde clericus potest patrimonio parcere, dum fructibus beneficii utitur ad sustentationem suae dignitati convenientem. Constat etiam ex verbis Apostoli 1. Cor. 9.: *Quis militat suis stipendiis unquam? ... Nescitis, quoniam, qui in Sacrario operantur, quae de Sacrario*

*sunt edant, et qui Altari deserviant, cum Altari participant.* — L. 491., S. Th. 2. 2. q. 185. a. 7<sup>o</sup>. Billuart Diss. 3. a. 5., G. 562.

32. *De dominio auctorum.* — « Certum est, inquit P. Gury Comp. V. 1. n. 566, hominem quemlibet ex iure naturali ius habere in fructum suae industriae et sui ingenii. Si enim res fructificat domino, a fortiori hoc verum esse debet de facultatibus internis, cum nihil magis homini proprium esse possit. Quilibet igitur in suum commodum uti potest ius, quae suo ingenio in scientiis excogitavit. Inventor igitur artis alicuius, strictum ius habet, ne secretum suum surripiatur, et se invito in vulgus divulgetur. Quod si fiat, damnificator pro ratione iniuriae illatae ad restitutionem omnino tenetur. Difficultas autem est, utrum auctor, operibus semel in lucem emissis, ea sibi propria servare, et alios ab eorum usu excludere queat. Usus hic, de quo agitur, ille est, quo alii opera semel edita prae se ipsi committant, et proprio luero vendant. Si auctor in eius opera, iam in publicam lucem emissis, ius sibi retinet proprietatis absolute et illimitate; impedire profecto potest, quominus alii edant et vendant opera sua, seu, ut communiter dicitur, potest auctor sibi reservare ius proprietatis quoad hunc usum. Si vero auctor in ea opera nullum iam sibi retinet ius proprietatis, praedictum usum sibi reservare non potest, librum edendi et vendendi.

33. *Quaestio haec agitari potest de iure naturali, et de iure positivo.* — Si consideretur primo naturale ius, sunt qui tenent praedictum proprietatis ius de iure naturali stricte omnino spectare ad auctorem. Ratio est, quia si lex ipsa naturae postulat, ut cuique ius suum in fructum industriae atque ingenii sui servetur, fructus autem industriae in re nostra percipi nullus possit, nisi in communitatem opus, ut dicunt, tradatur; profecto eadem lex naturae postulat, ut ista traditio seu divulgatio operis in communitatem auctorem fructu industriae suae non privet. Sunt e contrario qui tenent, auctorem non habere de iure naturae ius in opus suum, iam in lucem editum et divulgatum, quia res in communitatem semel tradita, fit eo ipso de iure communis; adeoque ius naturae exigere nequit, ut auctor sibi usum operis reservare possit, aliosque ab eo edendo et vendendo possit excludere.

34. *Ut quaestio rite resolvetur, distinguenda est stricta iuris exigentia a convenientia seu congruentia et aequitate.* Distinguendus praeterea est liber formaliter consideratus, quoad nempe seriem illam doctrinae eiusque expositionem et explanationem, quam continet, a libro materialiter considerato, quoad nempe illam materiale editionem, quam auctor fecit. Porro neque de mera iuris congruentia, neque de mera aequitate agitur; neque de materiali editione ab ipso auctore facta quaestio movetur. Evidens res est, quod conveniens omnino et aequum sit, ut permittatur auctori frui commercio et luero, quod provenit ex libro a se confecto, quod commodum et lucrium non nisi parva forsitan parte percipere poterit, nisi ius ipsi reservetur excludendi quemlibet alium a praedicto usu sui libri. Quare lex positiva praecedens et delinens huiusmodi ius, lex profecto iusta omnino est et obediens in conscientia; et, ea lege stante, auctor ius strictum proprietatis habet in suum librum. Itemque evidens res est, quod auctor iure ipso naturali ius strictum proprietatis habeat in illam editionem sui libri, quam ipsomet proprio nomine conficiendam curavit.

35. *Verum si sermo sit de stricta iustitiae commutativae exigentia, ex naturali iure, et de alia libri editione, ab alio, nomine proprio, conficienda, et vendenda.* Iure probabilius videtur id naturali iuri non adversari. Et sane ius proprietatis aut est ius in substantiam ipsam rei, eiusque utilitatem, aut in affectum tantum. Si agatur de ipsa substantia rei, cum veritas sit obiectum proprium humani intellectus, statim ac veritas et veritatum complexus in publicam lucem editus est, proprietatis fit unuscuiusque. Quare quemadmodum statim ac Astronomus manifestaverit existentiam ali-



cuius astri in coelo, omnes illud videre possunt, neque Astronomus retinere sibi potest ius, ut videat solus ipse astrum cum exclusione aliorum, vel ut ipsi saltem tributum aliquod solvant, si astrum alii in coelo propriis oculis videre velint; ita auctor libri statim ac aliquam veritatem, vel veritatum seriem publice exposuerit impedire profecto non potest, quominus alii, nullo ipsi soluto tributo, veritatem intelligant, illamque etiam melius forte quam ipse sibi persuadeant. Idque confirmatur ex ipsa intentione et scopo scriptoris, professoris: hoc enim omnes intendunt, ut lectores et auditores persuadeantur, et traditas doctrinas suas faciant. Et haec ipsorum maxima laus est, si id consequantur.

Hinc facillime aliud demonstratur, semel ac opus in publicam lucem emissum est, auctorem non servare dominium in usum sui operis, formaliter inspecti, ut iam explicavimus n. 34., quo sensu semper de auctoris dominio loquimur, et quaestio inter doctores agitur. Enimvero si auctor non servat dominium in substantiam rei, statim ac opus evulgatum est, quomodo translato dominio in substantiam, servabit ipse dominium in usum? Si hoc fieri posset, posset quis etiam mutuo transferre in alium dominium in substantiam pecuniae, reservato sibi dominio usus pecuniae, quem deinde venderet.

Ceterum, si auctor servat sibi dominium usus veritatum, quas ipse forte invenit, explicavit, ordinavit, non posset quis illis uti studio et meditatione; et ex illis ratiocinatione progredi ad alias veritates forte etiam inveniendas, ut facile fieri potest in artibus et scientiis chemicis, physicis, mathematicis, etc., progrediendo usque ad practicam illarum veritatum applicationem, quod maximae quidem est utilitatis, et maximi etiam lucri. Itemque non posset quis alienum librum edere, notis appositis ad res explicandas, non posset etiam textus ex alieno libro in proprio libro referre, non posset alienum librum penitus confutare, et tanquam erroneum, scandalosum, auferre illi omnem auctoritatem; quod dominium importat non tantum in usum, verum etiam in ipsam substantiam rei, quam pro iure suo destruit.

36. *An violet ius alienum, qui opus manuscriptum sine consensu auctoris typis edat?* — R. Affirmat. Ratio, quia opus, quamdiu in lucem emissum non fuit, sub dominio prorsus remanet auctoris. Quare talis usurpator ad restitutionem manuscripti et damnorum compensationem tenetur.

37. *An item violet ius alienum, qui lectiones alicuius professoris, vel concionem oratoris typis edat?* — R. Sunt qui generatim affirmant, etiam de publica lectione vel concione. Ratio, quia publice docere vel concionari non est tradere opus suum alteri ad edendum vel vendendum. Verum distinguendum videtur. Etenim si agatur de privata lectione, de privata concione, perspicua res est professorem vel concionatorem retinere totum ius suum in suam lectionem vel concionem. Verum, si agatur de publica lectione vel concione, valet argumentum iam factum quod res in communitatem iam tradita sit, et eo ipso facta sit de communi iure. Idque confirmatur ipso facto, nam nemo est, qui tanquam iniurios in alios condemnat eos, qui publicos discursus typis edunt, in ephemeridibus, deputatorum vel senatorum in Parliamentis, vel aliorum in publicis conventibus. Ipsa Summi Pontificis verba in publicis Christifidelium receptionibus publice eduntur, neque ullus est, qui id gravis peccati contra iustitiam insimulet.

38. *An typis mandari possit in alio loco liber recenter vulgatus, sine licentia auctoris?* — R. Si de loco valde dissito agatur, illi ipsi doctores, qui contendunt de iure naturae auctorem ius proprietatis retinere in suum librum iterato edendum, ita ut alii excludantur a tali iure, concedunt in tali casu huiusmodi ius minus urgendum videri: siquidem editio in regionibus valde dissitis minus impedit, quominus fructum industriae suae congruum auctor percipiat. Atque haec ratio adhuc clarius ostendit auctorem revera non retinere ius proprietatis in suum opus: siquidem si illud ius retineret, parum referret quod in vicina vel longinqua regione liber edatur

sine licentia, contra voluntatem auctoris. Parum sane refert, quoad iniustitiam, quod quis occupet alienam domum, alienum campum, iisque utatur ac fruatur, invito domino, in vicina vel remotissima regione. Neque valet dicere quod quis in tali remotissima regione defendere ac tueri non posset suum ius proprietatis, secus, ut ipsimet doctores scite animadvertunt, fas esset cuique segetes aut uvas sibi sumere ad libitum, quod agri aut vineae dominus eas custodire non valet. Si vero de vicino loco agatur, et tractatus adsint inter varias ditiones, quorum vi auctor eodem iure alibi ac in propria patria gaudere potest, laeditur certe iustitia commutativa et violator alieni iuris ad normam legum damna compensare tenetur. Quod si nulla adsit conventio inter varias regiones, cum lex extra territorium legislatoris nullam habeat vim, quamvis forte talis adsit lex in loco auctoris, in alio tamen loco, libri editor ea non tenetur, adeoque nonnisi naturali iure res definienda est. Atqui naturali iure huiusmodi proprietatis ius nullum est, vel valde incertum est. Argui ergo non potest, tamquam alieni iuris violator et tamquam damnificator, qui suo utitur iure et alienum librum edit. Idque multo magis valet, si quis non mere ederet alienum librum, sed in aliam linguam antea verteret. Tunc enim adhuc magis accedit propria industria et proprius labor. Cf. Commentar. de Dominio auctorum.

## II. — DE MODIS ACQUIRENDI DOMINIUM IURE NATURALI

39. *Varii modi dominium acquirendi.* — Ad exactam notitiam dominii et iurium ac obligationum, quae inde derivantur, pertinet non solum nosse illius essentiam, et diversas eius species, verum etiam varios modos, quibus acquiritur. Modus acquirendi dominium est titulus quilibet, seu causa ex se idonea ad dominium conferendum. Porro alii modi oriuntur ex iure naturali seu gentium, alii ex iure civili, alii ex privata voluntate. Modi naturales acquirendi dominium bonorum fortunae reduci possunt ad occupationem et accessionem.

40. *De occupatione.* — Occupatio est: realis apprehensio rei corporalis cum animo habendi eam ut suam. *Apprehensio*, eo nempe modo, quem patitur res, et usus fert, e. g. manu, pedibus, laqueo, reti, vulnere inflicto. *Corporalis*, incorporalia enim, uti iura, apprehendi corporaliter non possunt. — Est legitimus modus dominium acquirendi, dummodo: 1.<sup>o</sup> res sit dominii privati capax, nec ullius sit, vel si sit alicuius, cedat dominus volens iuri suo, puta per contractum, vel si sit invitus legitime iure suo spoliatur, puta occupatione bellica; 2.<sup>o</sup> ut occupans velit rem suam facere cum eam de facto apprehendit; 3.<sup>o</sup> ut nulla lege, quae eam certo domino reservaverit, v. g. reipublicae, res veluti ante occupata fuerit. — Occupationis species sunt: inventio, venatio, piscatio, de quibus in particulari mox dicendum. — C. I. 710. 711. 758., C. G. 539. 713. 768., L. 493.

41. *Resolves.* Potest miles omnia mobilia servare, sed hostem a se occisum spoliaverit; haec est enim generalis consuetudo. Videtur etiam excusandus, si alios hostes prostratos exuerit. Si vero res a sodalibus occisis acceperit, eas parentibus vel haeredibus defunctorum cognitis restituere debet, in quantum fieri potest, et rei valor requirit. G. Cas. 512. Cf. Struggl de V. Praec. Dec. art. 5. n. 49. 50., Reiffenst. Tr. 7. D. 5. q. 1. n. 4.

42. *Ad inventionem quod spectat*, invenire et inveniendo acquirere non est rem solum vilere, sed est eam etiam physice aut moraliter prout res exigit apprehendere. Res inventae triplicis generis sunt. Aliae sunt, quae

nunquam fuerunt sub alicuius hominis dominio: ut gemma reperta in littore maris. Aliae sunt, quae fuerunt sub hominis dominio, sed de facto carent domino, vel quia dominus ea abiecit cum animo non amplius ea possidendi, et dicuntur *bona derelicta*, vel quia dominus absque testamento et haeredibus moritur, et dicuntur *bona vacantia*, vel quia a longo tempore defunctus est dominus, qui pecuniam vel alias res pretiosas abscondit seu deposuit, ita ut nulla earum extabat amplius memoria, et dicuntur *thesauri*. Aliae demum sunt, quae actualem habent dominum, sed iste ignoratur, eo quod ab ipso fuerunt perditae, et *res nuper amissae* appellantur.

43. *Res inventae, quae nunquam dominum habuerunt, fiunt inventoris.* — Prob. 1.<sup>o</sup> ex communi thth. sententia; 2.<sup>o</sup> ex ipso iure positivo; 3.<sup>o</sup> quia quod nullius est, occupationis facto fit legitime suum. — Interim tamen quoad ius fodiendi metalla, etc., attendendae sunt particulares locorum leges.

44. *Bona derelicta et vacantia de iure naturali primi occupantis fiunt.* — Ratio, quia nullum amplius dominum habent: cedunt ergo primo occupanti, haud secus ac illa, quae nunquam dominum habuerunt. De iure autem positivo communiter reipublicae tribuuntur. Hoc tamen ex consuetudine ad sola immobilia restringendum videtur, saltem ante iudicis sententiam. — Carrière 285. 343., G. 576.

45. *Nota:* 1.<sup>o</sup> Ad occupationis titulum reduci potest modus, quo pauperes occupant ramos sicos silvae, spicas vel castaneas, post earum messem, racemos post vindemiam, etc., quae uti derelicta habentur et a dominis generatim pauperibus conceduntur. — 2.<sup>o</sup> Bona naufragio perdit, etiamsi occasione tempestatis ultro proiciantur in mare, non censentur derelicta, quia non eiciuntur eo animo quasi dominus nolit illa habere, sed ut istud periculum naufragii cum navi effugiat. Neque habentur pro derelictis, quae ex incendio, inundatione aut praedonum manibus liberantur, etsi alias peritura fuissent: unde haec omnia restituenda sunt suis dominis. — 3.<sup>o</sup> Quoad bona vacantia haec habet Struggl Theol. univ. P. 2. Tr. S. D. 2. q. 2. a. 2. VII: « Satis probabile est, quod participans de bonis vacantibus, aut eorum possessor non tenentur ante sententiam iudicis eadem bona fisco tradere..... Hoc ego a fortiori probabile iudico, si quis tali defuncto diligenter inservisset, aut ita eius amicus fuisset, ut prudentem spem haereditatis aut legati habuisset, si ille testamentum condidisset ».

46. *De thesauro.* — 1.<sup>o</sup> Thesaurus ex C. I. 714, et C. G. 716. est quodlibet obiectum mobile pretiosum, quod hominis manu fuerit absconditum, vel sub terra depositum, adeoque ibidem latens, cuius nemo probare possit se esse dominum, sive vetus sive recens sit depositio; sed ex C. A. 398. *vetus depositio est.*

2.<sup>o</sup> Thesaurus ubicumque reperiatur iure naturae totus inventoris est. Ratio, quia thesaurus computatur inter bona derelicta, nec est pars fundi, aut fundi fructus. Thesaurum autem *invenire* non est illum manu apprehendere, sed illum primum videre, et cognoscere esse thesaurum.

3.<sup>o</sup> Thesaurus pertinet ex C. I. 714, et C. G. 716. domino fundi. Ex C. A. 399. tertia pars debetur fisco. Si *fortuito* quis thesaurum reperiit in alieno fundo, sive rustico sive urbano, inter inventorem et dominum fundi thesaurus est dimidiatim dividendus. Si vero *ex industria* thesaurum quis quaesivit, domino inscio, in eius fundo, vi legis totus thesaurus ad dominum fundi spectat. *Ad dominum fundi*, sive dominus sit homo privatus, sive fiscus, sive civitas, sive ecclesia. Si vero inventus sit in loco usibus publicis destinato, ut in publica via, platea, foro, etsi data opera, ex communi sententia totus inventoris est. C. I. 714., C. G. 716. Cf. Lugo D. 6. n. 114. 117. *Ad dominum fundi*, non enim cedit usufructuario, C. I. 494., C. G. 598. Inventus vero in fundo emphyteutico ex C. I. 1561. cedit non domino directo sed utili, ex C. A. 399. utrique cedit.



4.<sup>o</sup> Thesauri dominium vi legis statim acquiritur domino fundi, et inventori. Verum lex quae dimidium partem inventori extorquet, cum thesaurum in alieno fundo ex industria quaerit, poenalis videtur, adeoque ante sententiam dimidia illa pars deberi non videtur. — L. 602., Lugo D. 6. n. 131., G. Cas. 526.

5.<sup>o</sup> Potest quis praedium emere communi pretio, licet certo sciat ibidem fuisse absconditum thesaurum. Ratio est, quia neque thesaurus fundi fructus est, propter quem debeat maius pretium pro fundo solvere; neque certitudo rei, quam habet, ullam infert venditori iniuriam. Etenim cum thesaurus ille non fuerit adhuc a domino fundi repertus, eius adhuc non est, sed res pergit esse nullius. Quod igitur emptor certo sciat in illo fundo absconditum esse thesaurum, agrum communi pretio emens, nullum venditoris ius laedit. G. Cas. 525., Lugo D. 6. n. 126., S. Th. 2. 2. q. 66. a. 5.

47. *Circa rem a quopiam amissam*, si rem forte inventam quis accipiat 1.<sup>o</sup> debet eam accipere animo restituendi et interrogandi de domino; et ad hoc ex quasi-contractu obligatur. Ratio est, quia inventor hoc modo rem alienam libere in suam custodiam recipit; adeoque censetur se ex quasi-contractu obligare ad eam restituendam, et consequenter ad interrogandum de domino rei. Praeterea dominus rei ordinarie vult, rem deperditam esse inventoris, postquam iste dominum rescire nequit; adeoque propter hunc favorem censetur ex quasi-contractu obligare ad onus interrogandi inventorem. Unde, si inventor dominum inquirere culpabiliter negligit, illa bona sunt debita ex delicto. Adde, quia, prout saepe evenit, cum inventor rem apprehendit, causa est, cur dominus communiter recordans loci, in quo eam perdidit, eandem frustra hoc in loco quaerat. Lugo D. 6. n. 132., Struggl l. c. III.

2.<sup>o</sup> Inventor malae fidei, qui rem perditam occultavit, et dominum debito tempore investigare neglexit, tenetur in conscientia rem inventam pauperibus erogare, aut piis causis applicare: etsi postea dominum rei inventae rescire non possit. Ita thth. communiter cum S. Th. 2. 2. q. 62. a. 5. ad 3. Ratio huius est primo, quia hoc ipso, quod aliquis rem ab alio deperditam occultet, aut negligat investigare dominum, peccat contra iustitiam, rem alienam detinendo. Ergo non minus, quam fur ex iniusta detentione tenetur ad restitutionem. Cum igitur deinde non possit amplius dominum rescire, tenetur eam erogare pauperibus, vel applicare causis piis. Secundo, quia non potest prudenter praesumi, quod dominus rei perditae velit, ut talis inventor ex suo delicto habeat emolumentum; sed potius, ut, postquam debitam inquisitionem neglexit, habeat onus rem inventam in eleemosynas, aut alias pias causas expendendi, ut dominus saltem emolumentum spirituale reportet. Ergo. Struggl l. c. XIV.

3.<sup>o</sup> Inventor, qui in inquirendo domino debitam diligentiam adhibuit, et hunc rescire non potuit, probabilius rem perditam potest licite retinere, sine obligatione iustitiae aliquid dandi pauperibus, aut expendendi in alias causas pias. Ratio huius est, quia dominus rei perditae prudenter praesumitur velle, ut res inventa post adhibitam sedulam, et sufficientem sui indagationem sit inventoris. Ergo propter titulum inventionis, et similem voluntatem domini prudenter praesumptam, potest inventor sibi prudenter, et licite rem inventam appropriare. Cons. patet; quia his suppositis nihil obstat, quin inventor possit rem appropriare. Ant. prob. Primo, dominus rei perditae vult invent rem esse obligatum ad sedulo, et sufficienter inquirendum, quisnam sit dominus rei perditae. Ergo hoc ipso prudenter praesumitur velle, ut inventor, postquam dominum rescire non potuit, possit sibi rem perditam in praemium suae industriae appropriare. Ant. patet. Cons. etiam constat; quia nemo praesumitur alterum velle obligare ad onera sine remuneratione, praesertim si haec potest fieri sine suo damno. Secundo, dominus rei perditae prudenter praesumitur velle, ut res deperdita eo modo asservetur, quo eandem potest facilius, et securius recuperare; sed in

hac sententia potest rem deperditam facilius, et securius recuperare. Ergo. Mai. patet; nam talem animum ordinarie habent domini rerum perditarum. Min. etiam iam constat: quia res facilius recuperatur ab uno inventore; quam a pluribus pauperibus, aut a pluri causis. Struggl l. c., Lugo D. 6. n. 100. seqq., L. 603., S. Th. 2. 2. q. 66. a. 5. ad 2.

48. *An qui rem alienam inveniat possit eam relinquere in loco ubi est, vel eam colligere teneatur?* — 1.<sup>o</sup> Non tenetur certe rem illam ex iustitia colligere; et ratio est, quia nullo speciali officio, nulloque contractu tenetur quis ad rem alienam inventam colligere. — 2.<sup>o</sup> Tenetur tamen ex caritate rem illam colligere pro domino, si secus periret, vel dominus eam recuperare amplius non posset. Ratio est, quia ex caritate tenemur damnum proximi avertere, quod facile impedire possumus. Hinc generatim loquendo, si res inventa magni pretii sit, magnaue adsit probabilitas dominum detegendi, nullumque sit ex parte inventoris detrimentum pertimescendum, ea obligatio gravis est. G. Cas. 517.

49. *An peccet qui rem alienam inventam primum acceperit, postea vero in eodem loco reponat?* — Peccat non solum contra caritatem, verum etiam contra iustitiam, si probabilitas aderat dominum detegendi, rem retinendo. Ratio est, quia rem alienam in loco tuto iam existentem periculo exponit, quod domino pereat, perinde ac ille qui pannum ab incendio a se ereptum in ignem proiciat. Praeterea rem alienam colligendo suscipit obligationem ex iustitia eam domino restituendi, si possit. Excipe tamen, si praevides damnum inde te passurum, « potes illam in eodem loco reponere et permittere, ut alter auferat, licet id faciendo in deteriorem statum rem inmittas: tunc enim acceptio furis evenit ex sua malitia, et tua cooperatio est tantum permissiva detrimenti alieni, quod tu evitare non teneris cum proprio damno ». L. 569.

50. *An qui rem invenerit alienam, et post sufficientem diligentiam, non invento domino, suam rem illam fecerit, nolo viro domino post tempus ad praescriptionem sufficiens, possit nihilominus rem tanquam suam servare titulo praescriptionis?* — P. Gury Cas. 545. duas affirmat esse hac in re sententias: « Prima ait, sententia communior negat... Secunda sententia probabilis affirmat », et citat pro hac secunda opinione Elbel 172., Sporer 187., Pichler et alios, quos non nominat. Huic opinioni adhaeret P. Ballerini Comp. Theol. P. Gury in nota ad n. 579. Huic nos adhaeremus etiam opinioni, et rationem desumimus ex alia doctrina S. Alph. l. 3. n. 590., ait enim: Quando spectatis omnibus circumstantiis non est amplius possibile (intellige moraliter loquendo) quod dominus inveniatur, si res post debitam diligentiam adhibitam ad inveniendum dominum tradita sit pauperi, si postea dominus compareat non tenetur pauper eam restituere, quia « tunc pauper acquirit rei absolutum dominium sine ullo onere restitutionis ». Ergo a pari idem dicendum est de ipso inventore, si, ut potest, rem ipse apud se servat. Et ratio a priori est, quia, ut inquit idem S. D. l. c. n. 603.: « Quando res spectatis circumstantiis longitudinis temporis, vel distantiae loci, vel eo quod res non possit amplius a domino pro sua recognosci, ut accedit in nummis ordinariis, non videtur possibile, ut ad dominum redeat: tunc illa fit nullius, et ideo acquiritur a primo occupante, qui illam non tenetur dare iuxta voluntatem prioris domini, cum ille per impossibilitatem eam recuperandi eius dominium prorsus amisit... Ratio a priori est, quia ius gentium tribuit privatis dominium rerum non ad aliud, quam ut illis utantur, hinc quando est impossibile rem pervenire ad ipsorum usum, illa tanquam derelicta evadit nullius, et redit ad primaevum ius naturae, ac ideo fit primi occupantis sine ulla obligatione ». Ita etiam S. Th. 2. 2. q. 66. a. 5. ad 2. Ex C. l. 715.-717. inventor obiecti mobilis, quod non sit thesaurus, debet illud restituere praecedenti possessori; quem si ignorat, debet illud absque mora tradere syndico loci, ubi obiectum repertum est. Syndicus rem notam facit publicatione

iuxta consuetas formas iteranda duabus dominis successivis. Exactis duobus annis a die secundae publicationis quin dominus compareat, res aut eius pretium, si circumstantiae exegerint ut venderetur, spectat ad inventorem.

51. *Ad venationem et piscationem quod attinet*, animalia quadrupliceis sunt generis. Aliqua sunt *mansueta* seu domestica, quae ex sua indole gaudent humano consortio; ut sunt equi, oves, gallinae, etc. Aliqua sunt *sylvestria* seu *ferae*, quae ex sua indole consortium humanum fugiunt; ut sunt lupi, cervi, lepores, aves, pisces, etc. Haec aliquando existunt in sua naturali libertate, ut cervus in sylva undique aperta, piscis in mari; aliquando, dempta tali plena libertate, aliqua sunt custodia inclusa, ut cervus in nemore altis sepihus cincto, etc. Aliqua sunt *mansuefacta*, et sunt animalia sylvestria seu ferae, quae industria humana mansuefiunt, et ita curantur, ut consuetudinem habeant abeundi et redeundi, uti columbi in columbario, cuniculi in garena. Aliqua demum sunt *efferrata*, et sunt animalia, quae, deposita priori consuetudine, vel pristinam naturam sylvestrem induunt, vel eam contrahunt.

52. *Animalia mansueta, seu domestica, remanent prioris domini, quantumvis aberrant*: unde non possunt *ab alio occupari*. — Ratio est, quia huiusmodi animalia sunt particularis hominis dominio subiecta, et moraliter recuperabilia: adeoque, cum dominus non deponat animum ea recuperandi ut sua, semper retinet eorum dominium. Ob eandem rationem, si quis ovem tuam e lupi faucibus rapuerit, non sibi, sed tibi eam servat. Interim tamen in hoc et simili casu servans animal alienum pretium suae operae saltem ex aequitate, pretium necessarij pabuli vero etiam ex iustitia, petere potest. G. 570., Lugo D. 6. n. 41.

53. *Animalia fera mansuefacta, quamdiu habent consuetudinem revertendi, aut certa custodia sunt inclusa, non fiunt primi occupantis; bene vero, postquam similem consuetudinem amiserint, vel postquam custodiam evaserint*. — Ratio 1.<sup>a</sup> est, quia huiusmodi animalia ad possessorem pertinent tum ratione occupationis, tum etiam ratione educationis et detentionis. Sic insuper omnia infra statuunt. Ratio 2.<sup>a</sup> est, quia si revertendi consuetudinem amiserint, aut si domini custodiam evaserint, alterius primi occupantis fiunt: quia suam primam naturam et libertatem recuperarunt. Lugo D. 6. n. 41.

54. *Resolves*: 1.<sup>o</sup> Quando tota turma apium ex alveari avolat et dominus amittit spem probabilem eam recuperandi, turma apium fit primo occupantis. Ex C. G. pertinet ad dominum fundi, in quo consistit. Ex C. I. 713. nisi dominus apes e suo fundo in alium volantes, intra proximum biduum fuerit prosequutus: itemque nisi quis feras cicuratas, quas coeperit, intra viginti dies sibi vindicaverit, illae fiunt domini fundi, istae capientis et retinentis. — 2.<sup>o</sup> Columbae quamdiu habent consuetudinem domum revertendi non sunt primo occupantis; sicut nec alia animalia mansuefacta. Hinc non licet pabulo specialiter confecto, aut aliis illecebris alienas columbas ad suum columbarium attrahere. Si tamen columbae, cuniculi, pisces in aliud columbarium, vivarium, piscinam sese sponte sua receperint, horum domini sunt. C. I. 462., C. G. 564.

55. *Animalia fera, quae actuali domino carent, et naturali fruuntur libertate, fiunt primi occupantis*. — Ita communiter. Ratio est, quia ut dicitur *Iustit. l. 2. t. 1. de rerum divisione*, §. 12. « Quod nullius est, id naturali ratione primo occupanti conceditur ». Hinc fera ab uno vulnerata, ab alio capta, si constat manus vulnerantis effugere amplius non posse, vulnerantis est, non capientis. L. 604. Idem dicendum de ave, cui unusquisqueam tetendit, alius tamen eam coepit. L. 604.

56. *Quomodo obligent leges, quae venationem et piscationem prohibent?* — 1.<sup>o</sup> Leges, quae venationem et piscationem prohibent tempore quodam determinato, vel aliquibus instrumentis determinatis, ex communi et



probabili sententia, leges sunt mere poenales; adeoque non obligant nisi ad mulctam et poenam subeundam, si quis deprehendatur. Ratio est, quia huiusmodi leges non nisi materiale et externum bonum respiciunt, piscium vel avium debitam procreationem, et multiplicationem. L. l. l. n. 145.

2.<sup>o</sup> Leges, quae prohibent venationem et piscationem in privato fundo clauso, leges sunt prohibitivae in conscientia. Hae enim leges confirmant legem naturalem, ne quis aliena re invito domino utatur, eique damnum inferat. Quare transgredientes has leges contra iustitiam commutativam peccant, et ad damni compensationem tenentur.

3.<sup>o</sup> Leges, quae prohibent venationem vel piscationem in publico aliquo loco, vi contractus initi e. g., locationis, leges prohibitivae sunt in conscientia vi iustitiae commutativae. Quare, si quis eo in loco tantam caperet multitudinem piscium vel aliorum animalium, ut alterius ius notabiliter laederetur, graviter contra iustitiam commutativam peccaret, et ad damni compensationem teneretur. L. 605. 617., H. A. Tr. 10. n. 71., Lugo D. 6. n. 189.

4.<sup>o</sup> Leges prohibentes venationem et piscationem in aliquo publico determinato loco ex privilegio aliis concessio, leges item sunt prohibitivae in conscientia obligantes quidem ex iustitia legali, minime vero ex iustitia commutativa. « Diana tamen cum Dic. etc. excusant venatorem a restitutione, et a peccato gravi, si loca non sint conclusa. Quod etiam admittit Less., si damnum non fuerit notabile, cum ferae non sint magni pretii, vel non sint multae; tunc enim dicit, prohibitionem accipi ex communi iudicio factam tantum sub veniali. Immo addit cum Mol., quod semper excusari possint venatores a restitutione, quando poena iniuncta est, quia illam tantum videntur tunc Principes intendere ». L. 605.

5.<sup>o</sup> Ad animalia capta quod attinet contra praedictas leges prohibentes venationem et piscationem; si illa erant sub dominio domini loci, vel habentis ius sive ex contractu, sive ex privilegio venationis seu piscationis, restituenda sunt, siquidem ea quis capiendo sua facere non potest. Si vero illa animalia non erant sub praedicto dominio, siquidem e. g. licet pisces erant in magno aliquo lacu, vel ferae in magna aliqua sylva circumsepta, unde exire non possint, adhuc tamen effugere possunt retia illius, qui pisces capere velit, vel vagari et venatorem effugere, tunc nulla eorum facienda est restitutio, siquidem ea capiens facit sua. Lugo D. 6. n. 72.

6.<sup>o</sup> Fera fit primi occupantis etiamsi in fundo alieno capiatur. Ratio, quia licet fera existat in fundo alieno, adeoque eius ibi traiectio sit illicita, non existit tamen in alterius dominio: nisi fundus sit clausus, ita ut ferae non possint inde exire, *et facile capi ibi queant*, quia hae tunc censentur amisisse libertatem, et ad dominum fundi pertinere. Item licet dominus territorii possit sibi appropriare ius venandi in proprio territorio, non tamen feram liberam, cum solum ad illud non vero ad hanc habeat titulum proprietatis. Verum dominus, qui in aliquo territorio ius venandi proprium habet non solum potest feram laqueo captam eximere, sed etiam laqueum, aut aliud instrumentum auferre, quin teneatur ad huius restitutionem, ut communiter docent thth. Ratio, quia talis ablatio communi consuetudine censetur poena pro laeso iure venandi. Hinc, cum possit hoc titulo feram dimittere, potest etiam eodem titulo sibi retinere.

7.<sup>o</sup> Si dominus fundi ex sua magnificentia parvipendat vel feram captam restituendam, vel damnum illatum reparandum, et sola mulcta seu poena contentus sit, ut ferae tutae sint; neque restitutio, neque damni reparatio urgenda est, etiamsi forte, neque mulcta soluta fuerit, quia crimen mansit occultum. Ubi vero damnum sit reparandum, arbitrio viri prudentis, attentis omnibus circumstantiis, aestimatio facienda est. Haec enim non pendet ex pretio ferae captae, sed quantum domino vel ius habenti piscationis seu venationis intererat, animalia non esse capta, eo quod plura animalia per ipsum, vel per suos fuissent capienda, nisi quis iniuste accepisset. Quare, si illud factum, attenta ferarum multitudine, non impedivit, quod caperet ipse

quotquot valuerit. neque efficit quod earum pretium decresceret, damni reparatio urgenda non est.

57. *De accessione.* — Accessio dupliciter sumi potest *genericè* et *specificè*. *Genericè* inspecta est additamentum alicui rei factum, vel propter eundem rei productionem, vel propter eiusdem rei unionem cum alia. C. I. 443., C. G. 546.

58. *De productione rei* — Ratione productionis rei distinguitur generatim fructuum productio et speciatim nativitas. *Fructuum productione*, proprietarius rei fructiferae, sive lucrativae suos facit fructus sive naturales sive civiles. Unde commune effatum: res fructificat domino. C. I. 444., C. G. 547. *Nativitas* autem partus est animalium, per quem acquiritur dominium animalis geniti ex proprio animali. Ad hunc titulum nihil refert quod partus fuerit conceptus ex proprio vel ex alieno animali masculino. Unde Iuris effatum: partus sequitur ventrem. C. I. 443. 444., C. G. 546. 547., C. A. 406., L. 494.

59. *De unione rei cum alia.* — Unio rei cum alia, accessionis etiam nomine venit, et accessio sic sumpta, licet magis determinata, genericè adhuc sumitur. Et sic accessio, genericè sed magis strictè sumpta, est unio, qua aliquid accidentale adiungitur principali. Haec autem unio *natura* vel *arte* fieri potest, unde variae sunt species, de quibus statim dicemus. Cum accessorium sequatur principale, rei principalis proprietat tribuit generatim ius in rem accessoriam ipsi unitam. C. I. 443., C. G. 546.

60. *De alluvione.* — Alluvio species accessionis est *in re soli*, non hominis industria, sed *sola natura*. Quatuor hic sunt distinguenda, alluvio, avulsio, mutatio alvei, insula nata. *Alluvio* est incrementum *latens*, quod a fluvio alicui fundo paulatim adiecitur. Per *alluvionem* statim acquiritur dominium illius incrementi, quod, vi aut etiam recessu aquae, fundo insensibiliter et successive adiecitur ab aliquo fundo. C. I. 453. 454., C. G. 556. 557., L. 494. *Avulsio* habetur cum integra pars terrae vi fluminis detracta alteri fundo adiungitur. Huius dominium non statim acquiritur, sed eius capta possessione, post annum, nisi eam dominus sibi vindicaverit, C. I. 456., C. G. 559. *Alvei mutatio*. Si flumen paulatim ab una ripa recedit, et alteram invadit, locus relictus ad proprietarios agrorum iuxta ripam pertinet, nullo refuso damno, C. I. 454., C. G. 557. Si flumen relicto toto naturali alveo, novum alveum sibi efformet, prior ille relictus inter proprietarios agrorum utriusque veteris ripae dividitur, C. I. 461., Cf. C. G. 563., C. A. 409. 410. *Nova Insula* in medio flumine *nata*, ad proprietarios item pertinet agrorum utriusque oppositae ripae, dummodo flumen navigationis vel rebus vehendis aptum non sit, C. I. 457. 458., C. G. 560., C. A. 467. seqq. *Nata*, si enim effecta est ex flumine circa agrum fluente, illius manet, cuius erat, C. I. 460., C. G. 562., C. A. 408.

61. *De inaedificatione, plantatione, satione.* — Inaedificatio, plantatio, satio sunt item species quaedam accessionis *in re soli* factae per hominis industriam. Quae quid solo inaedificantur, plantantur, seruntur, solo cedit. Dominium cum fundi secum generationem trahit quidquid est supra vel infra positum. C. I. 447., C. G. 452. Porro qui in suo fundo aedificavit, plantavit, vel alia opera fecit ex materia aliena, debet pretium materiae refundere huius domini, et si mala egit fide debet eidem domino damna reparare. C. I. 449., C. G. 554., C. A. 416. seqq. Si quis vero ex sua materia aedificavit, plantavit, vel alia opera fecit in fundo alieno, C. I. 450. proprietarius fundi ius habet opera retinendi, vel obligandi alium, qui mala egit fide, ut ea autem suis expensis, et rebusis damnis, si vero proprietarius fundi praefert ea opera retinere debet eorum solvere pretium, vel auctum fundi valorem. Idemque arbitrium habet vel solvendi operum pretium, vel auctum fundi valorem erga eum qui bona egit fide, quin tamen eum cogere possit

ad opera ipsa suis expensis auferenda. Cf. C. G. 555. Si tandem tertius quidam aedificet, plantet, etc. in fundo alieno ex materia aliena, dominus materiae non eam sibi vindicare potest, sed petere a tertio illo damnum compensationem, et a domino fundi pretium nondum solutum materiae, si aedificium retineat. C. I. 451. — Cf. L. 500. 501.

62. *De adiunctione.* — *Adiunctio seu accessio, specificatio, commixtio seu confusio*, species item accessionis sunt in re mobili. *Accessio* hic, ut patet, non sumitur generice, pro qualibet unione rei ad rem, sed specifico, pro speciali quadam rerum unione. Perro *adiunctio*, seu *accessio*, specifico talis, habetur cum duae res ita inter iunguntur, ut ex utraque unum *integrum* corpus efformetur, siquidem una res ex altera integratur, discretata tamen manente utriusque rei substantia, et sic adiunctio seu accessio habetur textura, ut si aliena purpura tuo vestimento sit intexta, insertione, ut si aliena gemma auro vel argento inseratur, scriptura, pictura, etc. *Adiunctio seu accessio naturali* regitur aequitate, C. I. 460., C. G. 562. Quocumque autem modo fiat unio, si res unita aliena sit, et sine gravi detrimento separari ab alia possit, dominus rei accessoriae ius habet separationem petendi et utraque res suo domino reddenda est, ex C. I. 464., ut e. g. pali vineis iuncti, tegulae aedibus iunctae, etc.: sed ex C. G. 566. totum pertinet ad dominum rei principalis, soluto pretio rei accessoriae. Si vero accessorium a principali non potest separari, ea vi accessionis cedit rei principali, sed huius dominus illius pretium solvere tenetur, C. I. 464., L. 497. Accessorium autem est illud quod rei ornandae gratia adhibetur, quod per se sine alio consistere non potest, quod vilius, quod minus est, C. I. 465. 467., C. G. 567. 569. Verum si accessorium praestet principali in potestate domini est, aut totum sibi vindicare, aut rem suam eximere, quamvis id sine alterius rei detrimento fieri non possit, C. I. 465., C. G. 568., Cf. C. A. 414. Ac si accessorium longe omnino praestet principali, tunc accessorium ut principale habetur et artifex totum retinere potest refuso pretio alienae materiae, C. I. 470., C. G. 571. Tandem si neutra res alteri praestet, et altera ab altera separari non possit, neutra alteri cedit, sed cuique domino res sua manet, et totum commune dominis manet, C. I. 469., C. G. 572.

63. *De specificatione.* — *Specificatio* est introductio novae formae in materiam. Ad specificationem habendam, licet non requiratur mutatio substantialis rei physice, requiritur tamen mutatio substantialis moraliter, e. g. si quis ex aliena lana conficiat pannum, ex auro annulum, ex tabulis navim, ex uvis, olivis, spicis, vinum, oleum, frumentum. Sive materia ad priorem formam reduci possit, sive non possit, nova species alienae cedit materiae, refuso pretio artis adhibitae, C. I. 468., C. G. 570. Si tamen pretium industriae longe superet pretium materiae, artifex retinere potest speciem a se confectam, soluto materiae pretio, et si mala egit fide damna praeterea reparare tenetur, C. I. 470. 475., C. G. 571. 577. Cf. L. 496.

64. *De commixtione et confusione.* — *Commixtio* est plurium solidarum rerum unio. *Confusio* autem plurium liquidarum rerum unio. Si commixtio seu confusio sit plurium diversi generis rerum, et ex utrisque facta sit nova species, e. g. si ex melle et vino factum sit mulsum, cuius cedere debeat ex iure specificationis repetendum est. Si nulla nova species facta sit et res possunt separari, qui commixtioni seu confusioni assensum non praestitit separationem petere potest. Si res nullo modo separari possunt, ut frumentum Titii permixtum cum frumento Caii, aut non possunt sine detrimento rerum separari, tota massa fit communis, pro rata cuiusque portione et pretio, C. I. 471., C. G. 573. Attamen si portio unius reputari potest uti principalis vel uti multo pretiosior, neque possunt res separari, vel non sine detrimento, e. g. si granum optimae qualitatis permixtum fuerit cum grano infimae qualitatis, vel cum secali, illius dominus totum potest sibi retinere, pretio alterius portionis refuso, C. I. 472., C. G. 574. Cf. L. 498. 499.



## III. — DE MODO ACQUIRENDI DOMINIUM IURE CIVILI

65. *De usucapione et praescriptione.* — Praecipuus modus dominium acquirendi iure civili est usucapio seu praescriptio, quae definitur: acquisitio domini, vel liberatio ab aliqua obligatione et iuris alieni peremptio per continuationem possessionis, tempore et modo a legibus definito, C. I. 2105., C. G. 2219., C. A. 1451. seqq. *Acquisitio domini*; nam per usucapionem seu praescriptionem legitimam ex dispositione iuris civilis et canonici, possessor acquirit rei alienae dominium, vel liberatur ab aliqua obligatione; duplex enim est *usucapio* seu *praescriptio*, una *acquisitiva* iuris, altera *liberativa* servitutis, vel alterius oneris; illa proprie *usucapio*, haec proprie *praescriptio* dicitur: sed promiscue haec nomina saepe usurpantur, et reapse separari nequeunt; nam quae quoad unum est *acquisitiva*, quoad alium *extinctiva* est. *Et iuris alieni peremptio*; nam, postquam possessor per praescriptionem legitimam acquisivit rei alienae dominium, vel liberavit se ab aliqua obligatione, ex parte prioris domini non solum perimitur dominium, sed etiam omne ius ad rem: unde rem aliquam legitime praescribens non tenetur alteri pretium rei compensare. *Per continuationem possessionis, tempore*, etc., nam continuatio legitimae possessionis tempore, et modo legibus definito, est proxima ratio propter quam ius civile, seu canonicum, possessori tribuit rei alienae dominium. *Ius civile seu canonicum*, siquidem usucapio seu praescriptio eo regitur iure cui res usucapienda vel praescribenda est obnoxia. CC. 4. 6. 8. *De Praeser.*

66. *Causae, propter quas iure civili et canonico introducta est praescriptio*, sunt quatuor sequentes: 1.<sup>o</sup> ut tolleretur incertitudo et confusio dominiorum; 2.<sup>o</sup> ne lites multiplicentur; 3.<sup>o</sup> ne possessores in continuo metu viverent rem possessam amittendi; 4.<sup>o</sup> ne homines in conservandis suis rebus et iuribus essent negligentes. — Quare propter publicum bonum usucapiones sunt introductae: adeoque stipulari non possunt creditores et debitores, ne ulla inter eos usucapio procedat.

67. *Praescriptio legitimus modus est dominium acquirendi*, tum in foro externo, tum etiam in foro interno, ut habet communissima doctorum sententia, eaque ipso canonico iure est approbata. CC. 3. 20. *De Praeser.*, C. I. e. t. in 6.<sup>o</sup>, S. Th. Quodl. 12. a. 24., L. 513. 517., Lugo de Iust. et Iur. D. 7. S. 1. Possessor igitur licet post legitimam praescriptionem resciat, quod alius fuerit rei praescriptae dominus, non tenetur tamen illam huic restituere, cum per praescriptionem legitimam factus fuerit dominus. Praescriptione autem expleta, res ita sua est, ac si semper sua fuisset, neque fructus debet praeteriti temporis. Ac etiamsi possessor ignoret se praescriptione acquisivisse dominium rei, legitime tamen praescribit; et si rem ita legitime praescriptam ex tali ignorantia reddat priori domino potest de in consensu iuris illam repetere, C. I. 2105., C. G. 2219., S. Th. Quodl. 12. a. 14.

68. *Ad legitimam et consequenter ad validam praescriptionem ex utroque iure sequentes requiruntur conditiones*; praescribendi capacitas, res apta praescriptionis, possessio, titulus, legitimum tempus, bona fides. L. 504.

69. *Illi omnes praescribere possunt*, qui capaces sunt acquirendi dominium. Quare et privatae personae et communitates et ecclesiae praescribere possunt, uti etiam praescriptioni subduntur. C. I. 2114., C. G. 2227. 2251., C. A. 1472. 1475., CC. 8. 9. *De Praeser.*

70. *Ea omnia et sola generatim praescribi possunt*, quae sub dominium et commercium privatum veniunt, et ad quorum acquisitionem dari potest titulus legitimus. Etenim cum finis praescriptionis sit dominium trans-

ferre ex auctoritate legis, talis translatio fieri nequit de re, quae ex natura sua, vel ex legum dispositione in dominium privatorum venire non possit. C. I. 2113., C. G. 2226., C. A. 1456.

71. *Resolves*: « Hinc res sacrae, ut ecclesiae, coemeteria, iura ecclesiastica, necnon ea quae sunt domini publici stricte sumpti, ut plateae, viae, etc., praescribi nequeunt ». G. 582. Praescribi nequit a laicis ius conferendi beneficia, C. 7. *De Praescrip.* Neque praescribi possunt fines parochiarum, vel dioecesium, dummodo constet a legitima auctoritate fuisse constitutos, C. *Super eo* 4. *De Paroch.* Verius etiam praescribi non possunt onera missarum. Cf. Ferrar. v. *Usucapio* n. 17., S. C. C. 18. Febr. 1702., 18 Aug. 1843. Licet Pontifices noluerint beneficia ecclesiastica per praescriptionem in laicos transferre, potest tamen ecclesiasticum beneficium praescribi a clerico triennali possessione, ut habetur Reg. 36. Cancellariae, de triennali possessione. Ubi tamen advertendum est, quod ad similem praescriptionem requiruntur hae conditiones: 1.<sup>o</sup> bona fides; 2.<sup>o</sup> possessio pacifica per triennium; 3.<sup>o</sup> titulus coloratus; 4.<sup>o</sup> ingressus non simoniacus; 5.<sup>o</sup> ut beneficiatus se non intruserit in beneficium Sedi Apostolicae in Corpore iuris reservatum. L. 507. 515., Lugo D. 7. S. 7., Haunold. T. 1. tract. 5. C. 2. n. 273.

72. *Nota*: Ut praescriptio adversus aliquem inchoari, et inchoata procedere possit necesse est, ut is possit iura sua in iudicio tueri. Hinc praescriptio non procedit, si quis in amentiam incidierit; itemque contra iura conditionalia, pendente adhuc conditione; contra iura ad diem determinatum, die nondum elapsa; contra actionem de evictione usquedum nota fuerit controversia, C. I. 2120. 2121., CC. 2257.

73. *Certum est, quod legitima possessio requiritur ad praescriptionem.* Id constat tum ex Iure Civili, tum ex Iure Canonico: « Sine possessione praescriptio non procedit ». R. I. 3. in 6.<sup>o</sup> C. I. 2106., C. G. 2229. Layman I. 3. tr. 1. c. 8. n. 4., Struggl. Theol. univ. P. 2. Tr. 8. D. 2 q. 3. a. 4. II.

74. *Ut legitima sit possessio* ea esse debet 1.<sup>o</sup> *dominativa*, h. e. debet quis rem per se vel per alium *nomine suo* retinere; 2.<sup>o</sup> *pacifica*, absque ulla litis contestatione, absque ulla vi, v. g. si quis dominum vel eius colonum a praedii possessione vi prohibuerit, ei praedii usucapio non procedit; 3.<sup>o</sup> *manifesta*, non clam, v. g. si locatarius Titii fundum Caio vendat, et in fundi possessione remaneat ut locatarius Caio, usucapio Caio non procedit; 4.<sup>o</sup> *non aequivoce*, ut palam appareat, te rem quasi tuam possidere, te iure quasi tuo uti, et sic usucapio non habetur, si conductor ex praedio sibi locato, aquam in proprium praedium derivet, quod plerumque fieri solet iure vicinitatis, amicitiae et familiaritatis; 5.<sup>o</sup> *continua*, non interrupta neque naturaliter neque civiliter, si res, e. g., intermedio tempore furto fuisset surrepta, vi fuisset oblata. Cf. n. 81. 82.; 6.<sup>o</sup> *completa*, sed ad usucapionis tempus a Iure constitutum implendum successor singularis uti *potest* accessione possessionis auctoris sui, v. g. emptor uti *potest* possessione venditoris; successor universalis, i. e. *haeres*, ea etiam uti *potest*, ex C. G., ea uti *debet* ex C. I. *Haeres*, qui vero alicui succedit in officio instar successoris particularis, non haeredit, est. Cf. n. 86. seqq. — C. I. 685. 686. 693., C. G. 2229. 2235., L. 506.

75. *Resolves*: « Hinc fit, non possidere sufficienter ad praescribendum colonum, conductorem, depositarium, commodatarium, servum, et similes: hi enim non possident *nomine suo*, sed *domini*, qui per illos possidet possessione utili ad praescriptionem, nempe et *civili*, atque etiam *naturali*. Usufructuarius vero, et emphyteuta possident quidem sufficienter, ut praescribant in ordine ad ius fundi, non quoad proprietatem: quia hanc non possident *civiliter*. Tutor item, et curator, procurator, et similes possident *non suo nomine*, sed *aliorum*, quibus etiam praescribere possunt suus servus, et filiusfamilias, ac religiosus. Denique qui non est capax domini acquirendi,

non possidet possessione utili ad praescribendum. Unde laicus, qui non est capax iuris spiritualis, ad decimas, vel ad aliquid aliud, non potest illud praescribere, ut cum aliis communiter docet Molina dicta D. 62. versus finem ». Lugo D. 7. n. 13., C. I. 685. 2115.

76. *Titulus possessionis in genere est causa, ex qua rem tenemus seu possidemus. Alius est translativus domini, qui per se ordinatur ad transferendum dominium, ut venditio: alius non translativus, qui per se non ordinatur ad transferendum dominium, ut locatio. Posterior, ut per se patet, est de se insufficiens ad praescriptionem. Prior vero si non verus reipsa existens, saltem apparens, existimatus, vel praesumptus necessario ad praescriptionem requiritur: nam deficiente omni titulo non potest quis prudenter iudicare, rem esse suam, adeoque sine omni titulo non potest esse possessor bonae fidei. C. I. 701., C. G. 550. Iam vero de hoc titulo breviter dicendum est, hunc non requiri verum, sed sufficere existimatum apparentem, vel praesumptum.* « Si enim vera fuisset emptio, vel donatio, etc., non requireretur praescriptio: requiritur ergo titulus *apparens*, qualis est emptio, v. g. ab eo, qui putabatur dominus ab emptore, licet dominus non esset. Ratio autem est, quia sine titulo non potuit esse bona fides initio possessionis. Quia tamen potuit titulus esse in ipso initio, et postea per oblivionem deperdi, ideo statutum est, quod sufficiat titulus praesumptus: ad praesumendum autem titulum non sufficit possessio illius temporis ordinarii ad praescriptionem requisiti, sed requiritur possessio 30 aut 40. vel plurium annorum, quae solet appellari possessio longissimi temporis: et hoc quidem, quando ius non resistit, neque aliunde est praesumptio malae fidei in possessore. Si autem ius resistit, vel esset praesumptio malae fidei in possidente, requireretur possessio tempore immemoriali, ut constat ex cap. 1. de praescriptionibus lib. 6. Si autem non solum esset praesumptio, sed constaret de mala fide possessoris, aut de ignorantia iuris non dubii, quae ignorantia etiamsi esset invincibilis, aequivalet malae fidei in hac materia: tunc etiam possessio temporis immemoralis non sufficeret; quia possessor malae fidei ullo tempore non praescribit. Dicitur autem ius resistere possessioni, non per hoc, quod quocumque modo fit in contrarium, sed ex eo quod positive prohibet talem possessionem ». Lugo D. 7. n. 15., L. 505.

77. Ex recentioribus legibus pro ordinariis usucapionibus titulus requiritur, *habilis* ad dominium transferendum, *coloratus* seu *apparens*, et non tantum existimatus, et *iustus*, h. e. titulus sua forma legali constare debet, C. I. 2137., C. G. 2265. 2267. Cf. C. I. 2237., C. G. 931. Eget praeterea transcriptione, ab eaque peracta incipit usucapio procedere ex C. I. 2137., C. A. 1467.

78. Ex Iure Rom. *res mobiles*, si adest *titulus specialis* tam inter praesentes quam absentes praescribuntur triennio completo. L. un C. de Usuc. Transf. C. A. 1466. Et hoc valet adhuc ut antea quoad bona ecclesiarum. Auth. *Quas actiones*, Extr. *Ambitiosae de Reb. Eccl. non alien.*, Lugo D. 7. n. 69. L. 506. 507. 510. *Res immobiles* ex eodem iure, si adest *specialis titulus*, praescribuntur contra dominum privatum inter praesentes decennio, et inter absentes vicennio L. 508. *Res tum mobiles, tum immobiles*, si nullus *specialis titulus* adest, primum praescribuntur post completum tempus triginta annorum, L. 509. Bona vero immobilia ecclesiarum, monasteriorum, hospitalium, aut ad alias pias causas pertinentia non praescribuntur nisi spatio 40. annorum, imo bona immobilia Ecclesiae Romanae non nisi spatio 100. annorum. C. *Ad audientiam*, C. *Si diligenti de Praeser.* Privilegium centenariae praescriptionis habet etiam Ecclesia Lateranensis, et plures religiosi Ordines. Schmalz l. 2. t. 26. n. 100, seqq., Struggl l. c. q. 3. a. 5., L. 510.

79. Ex Iure vero Ital. et Gall. haec disponuntur quoad praescriptionem domini *acquisitivam*: 1.<sup>o</sup> Quoad *bona immobilia*, quoad *res* et *iura*, tam



realia, quam personalia, *sine speciali titulo* possessa, requiruntur triginta anni ad praescribendum, C. I. 2135., C. G. 2262. *Cum titulo autem speciali*, quoad *bona immobilia*, decem anni requiruntur et sufficiunt, si dominus sit praesens, i. e. si habet domicilium in loco subiecto eidem Curiae superiori *appellationis*, in cuius territorio fundus est: si enim verus dominus sit absens, tunc anni absentiae duplicantur, ex C. G. 2265. 2266. *Bona immobilia* vero et *iura* etiam *realia* ex C. I. 2137., omni ablata distinctione inter praesentes et absentes, usucapione decennii a transcriptione tituli acquiruntur. 2.º Quoad *bona mobilia*, exceptionibus factis de quibus mox dicemus, nullum generatim praescribitur tempus, sed sola sufficit possessio ex C. G. 2279. Quoad singulas vero res mobiles, et non quoad mobilia universitatem, itemque quoad schedas mensarias innominatas (titoli al portatore), ex C. I. 707. possessio item pro titulo est, quoad *tertios* qui sint *bona fide*. Exceptiones: Quoad res *furtivas* et *inventas*, ille qui amisit rem aliquam, aut cui furto sublata haec fuit revindicare eam potest *trium annorum spatio*, quod computandum est a die amissionis vel furti, ab illo apud quem rem reperit, servata huic actione contra eum, a quo illam accepit. Si actualis possessor rei furto ablatae, aut amissae eam emerit in nudinis vel mercatu, aut occasione publicae licitationis, aut a mercatore, qui eiusmodi merces divendat, proprietarius originarius, i. e. dominus non potest eam sibi revindicare, nisi possessori solvat pretium, quo eam acquisivit. Ita ex C. G. 2279. 2780., cui consonat C. I. 708. 709. 2146., sed *biennium* statuitur ad rem propriam vindicandam.

80. Dispositiones vero eiusdem Iuris Gallici et Italici quoad praescriptionem *liberativam* ab aliqua servitute, vel ab aliquo onere sunt sequentes: 1.º Omnes actiones personales et reales per 30. annos absque titulo praescribuntur. C. I. 2135., C. G. 2262.; 2.º Post decem annos architectus et operum directores liberantur ab onere damnum praestandi maiorum operum, C. G. 2270. Praescribitur item actio adversus eum qui tutelam administravit, C. I. 309., C. G. 475.; 3.º Quinque anni sufficiunt ad praescribendum pensiones ex censibus, sive perpetuis sive vitalitiis debitas, pensiones alimentarias, pretium locationis domorum, praediorum, pecuniae mutuo acceptae, et generatim quidquid quotannis vel post tempus brevius periodice solvendum est, C. I. 2144., C. G. 2277., C. A. 1480. Idem etiam tempus requiritur ad praescribendum actionem divisionis rescindendae ob laesionem in successione, vel petendae restitutionis in integrum C. I. 1038. 1300. Cf. C. G. 887. 1304.; 4.º Biennium autem sufficit ad praescribendam actionem venditionis rescindendae ob causam laesionis, C. I. 1531., C. G. 1676.; 5.º Praeter has aliae sunt praescriptiones ob res praestitas a pharmacopolis, cauponibus, laxis, mercatoribus; ob stipendia advocatorum, apparitorum, notariorum, medicorum, chirurgorum, pharmacopolarum, magistrorum, architectorum, operariorum, famulorum, etc., quae tamen in conscientia non valent, siquidem iuramentum exigi potest de vera debiti extinctione. Quare huiusmodi praescriptiones reapse non sunt nisi tantum quaedam iuris praesumptiones in foro externo, quae in foro interno cedunt veritati. C. I. 2138.-2142., C. G. 2271.-2275., Lugo D. 7. n. 56., L. 347. 516.

81. *Praescriptio interrumpi et suspendi potest. Interrumpitur* quum ob impedimentum interpositum cessat tali modo, ut vim amplius non habeat, nisi de novo inchoetur legitima possessio. Porro *praescriptio interrumpitur* dupliciter: 1.º *naturaliter*, si praescribens amittat possessionem per tempus anno integro maius, aut si mala fides superveniat. C. I. 2124., C. G. 2243.; 2.º *civiliter*, si lis moveatur *iuridice* circa possessionem, nec interpellatio a iudice fuerit reiecta, « nisi alter, addit S. Alph. 511., iniuste hoc faciat ad interrumpendam praescriptionem ». C. I. 2125. 2128., C. G. 2244. 2246. 2247.; vel is qui coepit praescribere, praescriptione nondum impleta, alterius ius quoquo modo recognoscat. C. I. 2129., C. G. 2248., C. A. 1497.

82. *De praescriptionis suspensione.* — 1.<sup>o</sup> Praescriptio suspenditur, quum illa prius inchoata propter aliquod legitimum impedimentum tantisper cessat, ita ut tempus quo impedimentum durat, non possit computari, impedimento tamen cessante, possint anni priores, omisso tempore intermedio impedimenti, cum sequentibus coniungi, et ex omnibus praescriptio compleri. 2.<sup>o</sup> *Praescriptio suspenditur:* 1.<sup>o</sup> contra nuptas, durante matrimonio, quoad bona dotalia, C. I. 2120., C. G. 1561. 2255.; 2.<sup>o</sup> contra minores et interdictos, C. I. 2120., C. G. 2252.; 3.<sup>o</sup> contra milites tempore belli, C. I. 2120.; 4.<sup>o</sup> contra ecclesias quamdiu rectore careat, CC. 4. 5. *de Praescr.*; 5.<sup>o</sup> contra absentes ob servitium civile vel militare, ac dum iudicia exercere nequeant, tempore pestis, belli, etc. C. A. 1496.; 6.<sup>o</sup> Praescriptio item non procedit inter eos, qui una veluti persona aestimantur, i. e. inter coniuges, inter filiumfamilias et eum cuius patriae potestati ille subest, inter administratos et administratores ex iure datos, inter haeredem, qui haereditatem adit beneficio inventarii et creditores aditae ab ipso haereditatis, C. I. 2119., C. G. 2252. 2253. 2258. — In tribus prioribus casibus ex C. I. 2121. usucapio 30. ann. procedit ei qui praedium possidet, vel reali aliquo iure utitur.

83. *Bona fides in hac materia est firma persuasio*, qua quis prudenter iudicat, rem a se possessam esse suam. C. I. 701., C. G. 550., C. A. 326. Haec bona fides omnino necessaria est ad inchoandam et continuandam praescriptionem *acquisitivam* domini; ratio est, quia quisquis advertit, se possidere bona aliena, eo ipso statim obligationem restitutionis contrahit, cum res aliena tum iure naturali, tum etiam positivo, sive divino, sive humano, scienter neque subripi, neque retineri possit. Constat etiam ex Conc. Lateran. IV, necnon ex R. 2.<sup>a</sup> Iuris in 6.<sup>o</sup> « Possessor malae fidei ullo tempore non praescribit ». Unde dispositiones iuris civilis, in quantum bonam fidem non exigunt, aut eam tantum in principio possessionis exigunt, pro foro interno non valent, et velut mera recursus, i. e. *actionis* contra alium, denegatio sunt habendae. C. I. 2135. 2137., C. G. 2262. 2265., C. 5. 20. *de Praescr.* Requiritur autem bona fides non solum ad praescriptionem *acquisitivam*, sed etiam ad *liberativam*, quia pro utraque eadem rationes et auctoritates aequae urgent. — Iuxta multos theologos et iuristas, bona fides non requiritur ad se liberandum ab aliqua *servitute passiva*, sed potius dicendum, bonam fidem in hoc consistere, ut nullum ponatur obstaculum, quo alter ab usu iuris sui impediatur. Ratio est, quia praescribens nullo ligato debito erga eum, contra quem praescribit; nec tenetur, decurrente praescriptionis tempore, monere alium, ut contra ipsum servitutis iure utatur. Hoc tamen alii negant. Vide Bouvier, etc., G. 589., L. 504. 513., S. Th. 4. D. 41. q. 1. a. 5., q. 1. 2., Quodl. 12. a. 24. 25.

84. *An quis praescribere possit si putet ex ignorantia culpabili rem esse suam?* — R. Negat. si sit gravior culpabilis, quia nemo ex propria culpa debet commodum reportare. Afirmat. si sit leviter culpabilis; nam in Conc. Later. IV. non damnatur nisi sola fides cum peccato mortali. L. 511.

85. *An ad praescriptionem semper sufficiat bona fides theologice sumpta, qua nempe quis inculpabiliter nescit rem esse alienam.* — R. 1.<sup>o</sup> Afirmat. quoad praescriptionem 30. annorum. Ratio, quia obligatio restitutionis stante *bona fide*, si nihil aliunde obstat, nequit tunc exurgere *ex iure naturali*, ut per se patet, nam inculpabiliter quis putat rem esse suam. Neque vero exurgere potest *ex iure positivo*: siquidem istud expresse habet, hoc in casu opponi non posse defectum bonae fidei, neque exigit titulum coloratum et determinatum: sed contentus est titulo aliquo praesumpto et indeterminato. C. I. 2135., C. G. 2262. 2.<sup>o</sup> Probabiliter negat. quoad praescriptionem 20. annorum et temporis brevioris, quando bona fides theologice sumpta fundatur in ignorantia iuris clari et certi, secus vero si fundatur tantum in ignorantia facti. Haec autem *iuris* ignorantia datur, quando quis sciret v. g. Antoniam esse nuptam, et fundum constituere eius dotem, ne-



sciret tamen maritum non posse eius dotem valide alienare. Esset vero ignorantia *facti*, si quis sciret bona dotalia non posse alienari, nesciret tamen Antoniam esse nuptam, et bonum esse dotale. Ratio responsionis est, quia ius praescriptionis est ex iure positivo. Ergo praescriptio nequit locum habere quando deficient conditiones requisitae ab isto iure. Ius It. 2137. et Gall. 2265. *bonam fidem et iustum titulum* exigunt pro *immobilibus, nullitas* praeterea *tituli defectu formae* fundare nequit ex eodem iure praescriptionem 10. et 20. annorum C. I. 2137., C. G. 2265. 2267. Haec Card. De Lugo l. c. n. 29: « Communior sententia dicit, ignorantiam invincibilem facti non excludere bonam fidem ad praescriptionem necessariam, neque etiam ignorantiam iuris non clari, sed ambigui, quia ipsa ambiguitas iuris facit probabilem utramque partem: at vero ignorantiam iuris clari, et manifesti obesse praescriptioni etiam in foro conscientiae, et licet invincibilis sit. Hanc docet Covarruv. quem refert, et sequitur late Molina disp. 64., Lessius dicta dub. 4., Turrianus disp. 47. dub. 3. et alii passim. Ratio potissima est, quia hoc privilegium praescribendi rem alienam, cum sit de iure humano, iis solum competere potest, et in iis circumstantiis, in quibus leges tale beneficium concedunt. Leges autem expresse dicunt ignorantiam iuris non conducere ad hunc effectum, nec cum ea posse dari bonam fidem... Ergo cum eiusmodi ignorantia praescribi non potest ». Intellige autem de illa solum ignorantia, quae est circa titulum iure prohibi- tum. Cf. Struggl. l. c. VI. Hanc sententiam *probabiliorem* vocat S. Alph. 511., « quia ad praescriptionem non tantum requiritur fides theologiae, sed etiam civiliter bona, cum tantum ex vi legum dominium acquiratur ». Verum alii tum quoad dispositiones Iuris Rom., tum quoad dispositiones Iuris Ital. et Gall. probabiliter etiam affirmant praescribi posse cum ignorantia invincibili, sive iuris sit, sive facti, sive iuris clari, sive ambigui. Ratio est, quia leges in tantum dicunt cum *ignorantia iuris* non praescribi, vel *iustum titulum legalem*, iuxta nempe leges, exigunt, in quantum difficile admittitur illa ignorantia iuris, et cum illo defectu *tituli iuridice iusti* non praesumitur bona fides. Ergo in foro conscientiae, in quo veritas constaret, et bona fides, non esset neganda praescriptio. Et hanc sententiam positive probabilem dicit Card. de Lugo l. c. 32., Struggl. l. c. A. 3. 11. Cf. C. I. 703., C. G. 549. 550., C. A. 326. 1460. L. 511.

86. *An bona fides auctoris ad complendam praescriptionem prosit successori?* — R. Bona fides auctoris possessionem inchoantis prodest successori bonae fidei ad possessionem continuandam et legitimam praescriptionem complendam per accessionem utriusque temporis. Quare ad nihil amplius tenetur possessor, si sciat rem esse alienam post impletum tempus praescriptionis ab antecessore inchoatum et a se completum quocumque titulo sive universali, sive particulari, sive oneroso, sive gratuito illi successerit. Ita ex Iure Rom. Ital. 693. et Gall. 2235.

87. *An praescribat haeres, qui dubitat de bona fide antecessorum?* — R. Affirmat., quia mala fides *per se et ordinarie* praesumi non debet, cum nemo malus praesumatur, nisi probetur. Ita communiter. G. 590.

88. *An fides antecessoris impediatur successorem a praescriptione?* — R. 1.º Negat., si succedat *titulo particulari*, quia neque *est*, neque fictione iuris *consuetur* esse unica persona cum antecessore. Idem dicendum est de rebus acquisitis emptione vel alio contractu. L. 516. 2.º Affirmat., si haeres succedat *ex titulo universali* quoad *praescriptionem ordinariam* 10. seu 20. annorum: ratio est, quia « successor universalis, h. e. haeres ita repraesentat personam defuncti, ut succedat in omnes eius obligationes, et onera: cum ergo praecessor ob malam fidem, et iniustam rei acceptionem, et retentionem contraxerit obligationem restituendi, et impediendi praescriptionem illius rei, et resarciendi omnia damna, haeres in hac ipsa obligatione succedit, et ideo non potest cooperari praescriptioni, quam ipsemet tenetur



impedire, pro qua debet restituere ». Lugo l. c. n. 60., L. 512., C. I. 693. Cf. C. G. 2235.: 3.<sup>o</sup> Si haeres succedat ex *titulo universali*, sed agatur de *praescriptione extraordinaria* 30. annorum negat Lugo ob eandem rationem, quia haeres semper repraesentat defunctum cum omnibus suis vitiis, quare sicut defunctus cum sua mala fide nunquam posset praescribere, sic haeres, qui eum repraesentat qualis decessit cum illa mala fide nunquam praescribere potest. Lugo l. c. Quin imo idem Lugo id extendit etiam ad haeredes mediatos n. 61., quod tamen alii plures negant. Struggel l. c. IX. Verum ex Iure Gall., et idem est quoad Ius Ital., P. Gury aliique tenent tanquam probabilius malam fidem antecessoris non nocere successori universali quoad hanc praescriptionem 30. annorum, si haeres bona fide haereditatem adeat et dein per 30. annos possideat, quia ius Gallic. 2262., ut etiam Ital. 2135., nulla facta distinctione, dicit omnes obligationes tam reales quam personales posse praescribi per 30. annos: neque ullam admittunt exceptionem ex parte tituli, vel bonae fidei. Idemque auctor quoad haereditatem mediatum negat pariter malam antecessoris fidem ei nocere, quia hic non censetur ulla iuris fictione unam constituere personam cum antecessore mediato. Et sane haeres mediatum non est haeres primi defuncti, seu auctoris malae fidei, sed tantum est haeres prioris haeredis, qui malam fidem non habebat. G. 590., L. 512. 516.

#### IV. — DE MODIS ACQUIRENDI DOMINIUM PRIVATA VOLUNTATE

89. *De contractibus in genere.* — Acquiritur dominium privata voluntate per varios contractus. Contractus est: conventio, qua unus vel plures sese uni vel pluribus obligant ad aliquid dandum, vel faciendum, C. I. 1098. C. G. 1101., C. A. 861., L. 707., Lugo D. 22. S. 1.

90. *Quotuplex sit contractus?* — Contractus multiplex est: 1.<sup>o</sup> *Pariens* in utroque contrahente obligationem, *synallagmaticus*, seu *bilateralis* appellatur. Pariens vero in uno tantum contrahente obligationem, *unilateralis* nuncupatur. C. I. 1099. 1100., C. G. 1102. 1103. — 2.<sup>o</sup> *Commutatorius*, cum utraque pars contrahens obligatur ad dandum aut faciendum aequivalens. *Abulatorius*, cum huiusmodi aequivalens pendet ab incerto eventu lucri vel damni pro utraque parte. Quare in priori contrahitur de *re aliqua*, in hoc posteriori contrahitur de *spe probabili* rei adipiscendae, C. I. 1102., C. G. 1104. 1104. — 3.<sup>o</sup> *Gratuitus*, cum nihil ex obligatione iustitiae exigitur pro eo quod praestatur. *Onerosus*, cum utraque pars obligatur ad aliquid praestandum, C. I. 1101., C. G. 1105. 1106. Divisio haec in primam reincidit. — 4.<sup>o</sup> *Solemnis*, quem lex subiicit quibusdam formalitatibus, uti contractus matrimonii, donationis, etc. *Simplex*, qui nulli peculiari formae a lege subiicitur, uti venditio, locatio, mandatum, etc. — 5.<sup>o</sup> *Vestitus*, qui praeter conventionem partium, aliquid aliud adminiculum habet, ratione cuius oritur actio in iudicio externo, e. g. si facta sit rei traditio, si facta fuerit scriptura contractus, etc. *Nudus*, qui praeter purum pactum nihil aliud habet, unde ex eo regulariter non conceditur actio in foro exteriori. L. 708., Lugo D. 22. n. 12.-14. — 6.<sup>o</sup> *Nominatus*, qui proprium nomen habet, uti venditio. *Innominatus*, qui nomine proprio caret. Contractus omnes innominati reducuntur ad unum horum quatuor: do ut des; facio ut facias; do ut facias; facio ut des. L. 707., Lugo D. 22. S. 2. Ex C. I. 1103. et C. G. 1107. contractus omnes, sive nominati sive innominati generalibus contractuum re-

gulis subiciuntur. — 7.<sup>o</sup> *Explicitus* seu *formalis*, « qui fit cum formali et expressa partium conventionem et obligationem, ut emptio, venditio, etc. ». *Implicitus* seu *virtualis*, « qui fit solum cum virtuali et tacita conventionem, et obligationem; ut e. g. quando quis suscipit tutelam, aut aliud officium, tacite se obligat ad ea praestanda, quae tali officio ex lege, aut consuetudine sunt annexa. Unde talis susceptio dicitur *quasi-contractus* ». Struggl 2. C. I. 1140. C. G. 1371.

91. *De translatione domini per contractus*. — 1. Ad acquirendum dominium alienae rei opus est titulo translatitio domini, qualis est haereditas, legatum, donatio, emptio et venditio abique contractus. — 2.<sup>o</sup> Ex Iure autem Positivo opus quandoque est publicis instrumentis, quae determinatam habent ex ipso Iure Positivo formam, ut in donatione rerum immobilium, et in pactis dotilibus, C. I. 1056. 1382., C. G. 951. 1394. Quandoque vero sufficiunt instrumenta privata, ut in alienationibus rerum immobilium, vel iurium his cohaerentibus, C. I. 1314. Atque haec instrumenta non valent, nisi munita sint partium subscriptionibus, C. I. 1316. 1321. C. G. 1318. 1323. Neque vero eadem haec *privata* instrumenta exiguntur ad validitatem ipsius actus, sed tantum ad probationem, nisi inter partes conventum fuerit, actum non valere, quandiu non fuerit ille scriptura consignatus et subscriptus L. 708. — 3.<sup>o</sup> Opus vero non est ad domini translationem traditio, sed sufficit sola domini transferentis in alium consensus et huius acceptatio. Ita ex C. I. 1125. 1448. 1538., C. G. 1158. 1583. 1689. Ea vero opus est ex Iure Communi et ex C. A. 425. Attamen ut quoad alios, volentes sibi rem vindicare, alienatio valeat rerum mobilium traditione opus est, C. I. 707. 1539. C. G. 1689. 2279.; uti vero valeat quoad alios alienatio rerum immobilium, opus est, in casibus per leges determinatis, transcriptione, C. I. 1922. 1933., C. G. 939. Cf. C. A. 440.

92. *An validus sit quoad forum conscientiae contractus destitutus formis, a Iure Positivo Circi praescriptis?* — « Triplex datur *probabilis* sententia. Prima negat; quia leges irritantes tales contractus fundantur in praesumptione non solum doli, sed etiam periculi; et ideo potest lex humana omnino tollere naturalem obligationem contractus initi... Secunda affirmat... quia in illis humana lex, quamvis negat actionem civilem, non tamen tollit naturalem obligationem, ad quam solus quidem consensus sufficit. Tertia docet, in his contractibus preferendum esse possessorem, donec per sententiam iudicis condemnatur ad restituendum... Hanc sententiam non solum puto probabiliorē, sed in praxi omnino tenendam, eo quod... cum possessio ius certum tribuat nequit possessor re exspoliari, nisi constet de iure alterius ». L. 711. 927.-929.

Prima sententia rationi magis conformis videtur. Et-nim, non solum quoad Ius Romanum, verum etiam quoad recentiora Iura, valet quod observat Lugo D. 22. n. 252.: « *Verba legis* id videntur sonare, neque aliis fere verbis utitur Trid. S. 24. C. I. quando matrimonia clandestina irritat, nec possunt adhiberi verba magis apta ad id significandum, quam declarare antecedenter contractum nullum et irritum... Posita solum irritatione contractus in foro externo, parum utilis censeretur lex, cum solum deserviret ad fovendam iniquitatem eius, qui consensu de valore et obligatione contractus adhuc intentaret spoliare iustum possessorem, auferendo propter defectum solemnitatis id quod ab ipso in foro conscientiae auferri non posset. Et quidem durum esset cogere iudices ad favendum huic iniustae petitioni, quando ipsis constat, contractum coram Deo valuisse, et non posse sine peccato adversarium petere quod petit ».

Secunda sententia conformior videtur toti recentiorum legum contextui. Etenim C. I. 1104. et C. G. 1108., contractus formas non enumeravit inter condiciones *essentiales* ad validitatem contractus. Quare hisce formis illud tantum videtur intendere, instrumenta scilicet seu media determinare, quibus

voluntas partis contrahentis apud iudices constare valeat. Gousset in art. cit. et in art. 1101. Quin imo publica instrumenta non videntur explicite requiri ad *validitatem* actus, sed tantum ad *probationem*. C. I. l. 3. tit. 4. C. 5. S. I. Rubr. 1313., 1314., C. G. 1315. seqq. 1335. 1338.

Tertia sententia reapse a prima et secunda non distinguitur, sed utramque admittens, utriusque corollarium deducit. Possessor enim esse potest et ille cui favet testamentum, licet destitutum formis legalibus, et ille cui favet defectus legalium formarum. Tunc reapse tertia haec sententia a prima et secunda esset distincta, si dicatur quod praedictae leges actum non reddant ipso iure irritum, sed irritationi obnoxium per iudicis sententiam, quam quis pro suo arbitrio poterit invocare; et tunc, ut ait idem S. Alph. l. c., « procul dubio tenetur possessor stare sententiae iudicis, si damnetur ad restituendum ».

An teneatur ad restitutionem, si quis, probabilem sequens sententiam, impediat ne compars adeat iudicem, qui eum condemnet et obliget ad restitutionem? — R. « Affirmative si impediat vi vel fraude; secus si alio modo ». L. 888. Ratio 1.<sup>a</sup> est, quia laedit ius alterius; 2.<sup>a</sup> vero, quia tunc prosequitur legitime ius suum.

93. *Quatuor sunt conditiones essentiales ad valide contrahendum.* — Consensus partis, quae obligatur: Capacitas contrahendi: Obiectum certum quod sit materia contractus: Causa obligationis licita. C. I. 1104., C. G. 1108.

94. *De contrahentis consensu.* — Consensus esse debet: 1.<sup>o</sup> *internus*, obligatio enim contractus oritur a sola contrahentis voluntate; 2.<sup>o</sup> *liber* et *plene deliberatus*: secus enim voluntas esset imperfecta, et perfectam obligationem sub gravi parere non posset; 3.<sup>o</sup> *externus*, nam comparti manifestari debet; secus enim nequit quis *alteri* se obligare; 4.<sup>o</sup> *mutuus*, ut enim quis *alteri* propria voluntate se obliget, requiritur, ut iste eam voluntatem acceptet; 5.<sup>o</sup> neque vero necesse est, ut utriusque partis consensus simul eliciatur. Consensus enim unius semel datus nec revocatus moraliter perseverat, unde, accedente alterius consensu, statim contractus perficitur. G. 772. 773.

95. *Resolves*: 1.<sup>o</sup> Qui ficto consentit in contractum, non contrahit, adeoque nullum transfertur dominium. Verum deceptor tenetur in conscientia partem deceptam indemnem facere, si damnum alter inde patitur, vel partem suam iam praestiterit, ubi contractus sit onerosus; adeoque, si aliud non adsit medium, internum consensum praebere debet et stare contractui. L. 709. 711. Supplere autem poterit consensum, quamdiu alter suum non retractaverit, quamvis hic defectum consensus compartis ignoret, H. A. 93. — 2.<sup>o</sup> Consensus interpretativus, non sufficit ad contrahendum, quia consensus est, qui adhuc non est, adeoque nequit obligationem contractus parere. — 3.<sup>o</sup> Quando agitur de contractibus onerosis, contractus non perficitur donec utriusque acceptatio utrique etiam nota fiat, atque ideo potest quis ante resilire. Ratio, quia sicut voluntas me obligandi tibi, nondum tibi manifestata, non me obligat tibi; ita voluntas te obligandi mihi, nondum mihi manifestata, non obligat te mihi; et consequenter nec te nec me. Exeipe, nisi quis velit ipse obligari, et contractum perfici ante manifestatam acceptionem compartis, v. g. si quis a te petat mutuum pecuniam, illi statim eam mittas: contractus mutui erit perfectus, et poterit ille de pecunia accepta statim disponere. Lugo D. 22. n. 26. 27. 33. 34.

96. *An valeat contractus initus cum animo contrahendi, sed sine animo se obligandi; vel illam implendi?* — R. Ad 1.<sup>um</sup> « Prima sententia affirmat cum Less. Soto. Dic. Pont. etc. ap. Salm... Secunda sententia vero probabilior negat... Ratio, quia conditio appositae contrariae substantiae contractus, contractum invalidat », L. 710. — Ad 2.<sup>um</sup> Affirmat. Ratio, quia simul consistere possunt voluntas se obligandi, et voluntas non implendi contractum. G. 773. — L. I. 6. n. 832. 833.

97. *An contractus omnis solo mutuo consensu externe manifestato et*



*acceptato intrinsece perficiatur, absque rei traditione?* — Aliqui contractus sunt, qui per se loquendo, solo consensu mutuo, exterius sive verbis, sive scriptis, aliove signo, manifestato perficiuntur, et ideo *consensuales* dicuntur. Ratio, quia nihil aliud important, quam mutuam partium *conventionem*, uti venditio, mandatum etc. Aliqui vero contractus sunt, qui per se loquendo, non nisi rei traditione perficiuntur, qui *reales* ideo appellantur. Ratio, quia praeter mutuam illam partium conventionem, ipsam rei traditionem important uti mutuum, commodatum, etc. Et sane absque traditione non mutuum, sed potius promissio mutui habetur, etc. Dicitur *per se loquendo*, nam « in foro conscientiae contrahentium intentioni standum est », L. 708., Lugo D. 22. S. 3. Ex C. G. 1138. « Obligatio tradendi rem est perfecta solo consensu partium contrahentium. Ea reddit creditorem proprietarium, et rem eius periculo constituit ab ipso instanti, quo res tradi debuit ». Ita etiam ex C. I. 1125.

98. *An error et dolus invalidet contractum?* — Praenota: Dolus malus, de quo in praesenti quaest. agitur, est: calliditas, fallacia, machinatio ad circumveniendum, fallendum, decipiendum alterum adhibita. Calliditas sita est in tacendo, fallacia in mentiendo, machinatio in faciendo.

R. 1.<sup>o</sup> « Contractus est nullus, si dolus vel error sit circa *substantiam* contractus... quia deficit actualis consensus » — 2.<sup>o</sup> Si error vel dolus sit circa *qualitatem* rei, et non dederit causam contractui, contractus est validus; consensus enim non deest circa obiectum ipsum conventionis. — 3.<sup>o</sup> Si error vel dolus sit circa *qualitatem* rei, sed causam dederit contractui, contrahitur. Prima sententia negat. « Ratio, quia licet qualitas in esse physico sit quid accidentale, in esse tamen morali habet rationem substantiae. Oppositum tamen est communiter traditum a dd. et probabilius... Ratio, quia contractus hic non est invalidus neque de iure positivo (sive Rom. sive Ital. 1110. 1115. 1300., sive Gall. 1116. 1117.), neque de iure naturali... nam ad contractum validandum sufficit animus voluntarius quoad substantiam, licet sit involuntarius quoad accidentia: nisi... contrahens expresse consentiat *sub conditione*, si talis adsit circumstantia, quia tunc qualitas transit in substantiam. Communiter autem dd. docent semper posse irritari talem contractum a decepto, ratione iniuriae, et defectus consensus, et teneri deceptorem ad damna ex deceptione orta ». Ac quamvis error fuerit invincibilis adhuc tamen contractum irritare quis potest in conscientia, et illum non adimplere, si res sit magni momenti, in quam merito non censetur voluisse consentire, saltem omnino absolute. L. 714. 715. l. 6. n. 835. Verum « si dolus a quodam tertio, sine ulla alterius contrahentis culpa adhibeatur, certo validus est contractus; sed alii cum Lessio, Sanchez, Bonac., volunt adhuc esse rescindibilem, alii dicunt rescindi non posse, dari tamen actionem decepto adversus deceptorem pro reparatione damnorum obtinenda ». G. 777. — 4.<sup>o</sup> Error vel dolus circa causam *motivam* contractus invalidat contractum, tunc enim deficit consensus circa ipsam substantiam contractus. Hinc « non mirum si paupertatis fictio impediatur dominii translationem, cum motivum dandi eleemosynam huic pauperi sit eius paupertas, quam ille nequiter dolose fugit ad extorquendam eleemosynam », Lugo Resp. Mor. D. 17. n. 1. Restitutio autem in eo casu probabiliter fieri potest vel ipsi domino, vel aliis pauperibus ex praesumpta domini voluntate. L. 622., C. I. 1109. — 5.<sup>o</sup> Error vel dolus circa causam mere *impulsivam* contractus, v. g. si pauperi eleemosynam largiaris, quia eum existimas valde probum, cum minus probus sit, non invalidat contractum, cum non desit consensus in substantiam rei, potest tamen quis in conscientia contractum rescindere, si res sit magni momenti, in quam merito non censetur voluisse consentire, saltem omnino absolute, prout de *qualitate* dante causam contractui dictum est. Idque maxime in contractibus *gratuitis* locum habet, qui plenum voluntarium et spontaneitatem requirunt, L. 737. — 6.<sup>o</sup> Error vel dolus circa *personam* contractus, per se loquendo, non irritat contractum in contractibus *onero-*

*sis*: persona enim est omnino extrinseca et indifferens talibus contractibus. Excepi tamen matrimonium, in quo persona contrahens est simul obiectum ipsius contractus. Invalidat vero contractum in contractibus gratuitis, per se loquendo, in his enim e contra persona donatarii specialiter a donatore intenzi solet. Dicitur, *per se loquendo*, spectanda enim sunt rerum adiuncta, ex quibus contrahentis voluntas melius dignoscatur. C. I. 1110. C. G. 1110. — Lessius l. 2. C. 17. D. 5., Rogron et Gousset ina. 1110., Molina Tr. 2. D. 352. n. 7. 8.

99. *An gravis metus invalidet contractum, aut saltem rescindibilem reddat?* — R. 1.<sup>o</sup> Negat., si agatur de metu ab *intrinseco*, aut a causa necessaria seu naturali; vel de metu ab *extrinseco* quidem, sed *iuste* incusso. Ratio, quia metus non tollit simpliciter voluntarium, nisi tam gravis sit ut rationem perturbet. Neque vero talis metus ullam irrogat iniuriam contrahenti. — 2.<sup>o</sup> Si agatur de metu gravi ab *extrinseco* et *iniuste* incusso, sed non *ad consensum extorquendum*, controvertitur, sed distinguendum videtur. « Si enim incussus est ab altero contrahentium... contractus est irritabilis: quia metum iniuste incutiens tenetur tollere omnia incommoda, quae ex iniuria proveniunt, inter quae est obligatio ex tali contractu orta. Ita probabilis Lugo. Si autem metus a tertio impertinente est incussus, contractus adhibeatur, ut medium ad declinandum malum imminens: tum contractus onerosus valet irrevocabiliter... nam nullus contrahentium iniuriam intulit; tertius autem metum inferens non potest auferre obligationem consentiendo in rescissionem contractus: quia cum illo contractum non est: quamquam hic tenetur inducere ad rescissionem, ut ab innocente avertat iniuriam, si hic velit... Et quis dicat rescindi posse contractum, si ex metu hostis tui tibi insidiantis, emisti gladium ad te defendendum... Excipit 1.<sup>o</sup> Lugo contractum matrimonii, quem putat esse invalidum, ex tali metu initum. Excipit 2.<sup>o</sup> probabiliter Palav. contractus *gratuitos*, quia sic melius consulitur innocenti, et alter quaeri non potest: quia solo lucro privatur, manens in statu, quo ante erat, et sicut ipse nollet in tali statu obligari, sic nec debet velle obligare alterum ». Reuter 127. G. 783. — 3.<sup>o</sup> Si agatur de metu gravi ab extrinseco iniuste incusso *ad consensum extorquendum ab alio quam a comparte contrahente*, iterum controvertitur. Prima sententia probabilis docet, quod contractus « rescindi non potest iure naturae, quia cum neutra pars iniuriam fecerit, non est ratio ex natura rei, cur potius possit ad libitum unius rescindi, quam ad libitum alterius servari », Reuter 126. Secunda sententia probabilis oppositum tenet, « quia ratione iniuriae, etiam a tertio illatae, res priori domino obligata manet, et consequenter cum illo onere ad quemlibet transit: non autem par est, ut quis per alterius iniuriam ius omne in rem suam amittat, Billuart etc. », G. 782. Posteriori huic sententiae consonat tum Ius Rom. Reuter l. c., tum Ius Ital. 1111 et Ius Gall. 1111. — 4.<sup>o</sup> Si metus ab *extrinseco*, *iniuste* sit incussus *ad consensum extorquendum ab altero contrahentium*, an contractus, sic initus, sit ipso facto invalidus, controvertitur. Adest triplex sententia probabilis. Prima affirmat. Ratio, quia si huiusmodi contractus naturaliter esset validus, ex iniustitia oriretur iustitia, cum ex contractu per iniuriam extorto oriretur obligatio, quae est actus iustitiae... Secunda tenet contractus gratuitos esse invalidos, non vero onerosos. Ita Sot., etc. Ratio, quia ad contractus *gratuitos*, ad differentiam aliorum contractuum requiritur voluntas omnino libera; est enim beneficium. Tertia vero probabilior et communissima, quam tenent Lugo, Less., et alii innumeri, docet talem contractum esse quidem rescindibilem, non vero invalidum, neque de iure naturali, neque positivo. Non *naturali*, quia metus non tollit simpliciter voluntarium. Non *positivo*, sive Rom., quo praecipitur iudicibus ut tales contractus rescindantur, ergo per se lex habet eos ut validos: sive Gall., uti aperte habetur art. 1117., sive Ital. 1111. 1113. L. 715. 716.

100. *Nota*: Ex iure canonico certo invalidos esse contractus ex metu

gravi elicitos, ubi agitur: 1.<sup>o</sup> de matrimonio, et probabiliter etiam de sponsalibus; 2.<sup>o</sup> de traditione rerum Ecclesiae et renuntiatione beneficii; 3.<sup>o</sup> de professione religiosa; et de aliis quibuscumque votis; 4.<sup>o</sup> de electione praelati; 5.<sup>o</sup> de absolutione a censuris, et probabiliter etiam de iurisdictione ecclesiastica. G. 781., L. 715. 716.

101. *Resolves*: « Si deprehenso in furto vel homicidio mineris, te eum ad iudicem delaturum, nisi tibi det vel promittat certum munus, tenet promissio, nec acceptum teneris reddere... Quod etiam verum est, etsi non habuisses animum illum deferendi, sed tantum terrendi: quia cedere saltem iuri tuo id faciendi, quod est pretio aestimabile... Ideo enim dedit, ut resignares iuri tuo ad accusandum; id quod vere facis, etsi non intenderis accusare. Sanch. Less., etc. » Reuter 120. Idque *probabilius* dicit S. Alph. 894.

102. *Utrum contractus ex metu levi initus, sit rescindibilis arbitrio metum passus?* — « Prima sententia affirmat in foro interno: nam, in externo non datur actio. Ratio, quia quicumque metus iniuriam infert, ex qua incutiens commodum reportare non debet... Ita probabiliter Less., etc. Bene tamen excipit matrimonium iuxta nostram sententiam l. 6. n. 1056., et professionem religiosam. An etiam votum V. de Voto, 197. Secunda sententia vero mihi probabilior, quam tenent Pont., Tamb., Viva, etc. dicit, neque in foro externo, neque interno rescindi posse contractum initum ex metu levi. Ratio, quia non praesumitur consensisse ex metu, sed vere sponte, qui noverit esse levem, et cum facile potuisset, non reiecit. Excipienda tamen censent Salm. omnino esse sponsalia, quae etiam per metum levem contracta rescindi possunt per iudicis sententiam, ex maxima libertate quam sponsalia requirunt», L. 718. Excipiendos item censet Baller. contractus gratuitos.

103. *Nota*: Quod dictum est de metu gravi et levi intelligas etiam de metu reverentiali, prout iste gravis vel levis sit. L. 717., C. I. 1114., C. G. 1114.

104. *Utrum, si interfuerit metus gravis iniustus dans causam contractui, et res pervenerit ad tertium possessorem bonae fidei, possit metum passus ab illo rem revocare, et ille teneatur restituere?* — « Negat Laym. Sed recte communius affirmant Salm., Lugo, etc.; quia res semper transit cum vitio suo, etiamsi metus non sit ab illo tertio incussus ». L. 719.

105. *Nota*: Datur laesis, ex recentioribus legibus, restitutio in integrum, sed *iure civili*, nisi nempe rem quis comprobaverit rite ac recte gestam. C. I. 1309., C. G. 1311. 1338.; in casibus in lege expressis. C. I. 1308., C. G. 1313., i. e. in divisionibus, venditionibus et permutationibus ex C. I. 1038. 1529. 1554., in divisionibus et venditionibus, sed non in permutationibus. ex C. G. 887. 1674. 1706., in omnibus praeter contractus aleatorios et transactiones ex C. A. 931. 1060. 1266. 1386. Ea a iudice petenda est; locum habet etsi iniuria abfuerit, et ex C. I. 1309. quinquennio praescribitur, ex C. G. 1304. praescribitur decennio. Beneficium hoc competit pariter ecclesiis et locis piis intra quadriennium ex C. I. 2. de Restit. in integr. in 6<sup>a</sup>. Restitutio vero in integrum, quae *naturali iure* competit laesis, propter dolum vel metum, officio iudicis non eget, eaque in omnibus contractibus verificatur, et perpetua est. L. 717. Gousset 739., S. Th. 2. 2. q. 89. a. 7. ad 3.

106. *De contrahendi capacitate*. — De iure naturali valide contrahere possunt ii omnes et soli, qui liberum rationis usum habent. Ratio, quia isti omnes et soli dominium transferre, et obligationes suscipere possunt. Unde contrahere valide nequeunt infantes usu rationis necdum pollentes, amentes, furiosi, perfecte ebrii. *Contrahere nequeunt*, nempe *per se*, nam cum dominium proprietatis habere possint, possunt pro ipsis tutores et curatores contrahere. De iure item naturali *firmiter* contrahere possunt ii omnes et soli, qui liberam habent bonorum administrationem. Ratio est, quia hoc ipso quod



dominium aut administratio bonorum sit ab alterius dominio aut iurisdictione dependens contractus habet ex natura rei hanc conditionem implicitam: Nisi alter, cuius iuris est contradicere, contradixerit. Hinc, quamvis religiosi ex praesumpta Superioris voluntate licite contrahant: contractus tamen est a Superiore revocabilis. — Struggl 12., Reuter 141. De Iure autem positivo, ut quis *valide* vel saltem *firmiter* contrahat requiritur, ut lege *incapax* contractus faciendi non declaratur.

107. *Ex C. I.* 1105. 1106., *C. G.* 1123. 1124., *C. A.* 865. *alii sunt, quibus fere omnes, alii quibus non nisi certi contractus, vel in quibusdam casibus, prohibentur.* — Omnes fere prohibentur generatim uxoribus, minoribus, interdictis.

108. *Uxor* generatim contrahere *firmiter* non potest *sine speciali consensu mariti*, vel in huius defectu, *sine iudicis auctoritate*, *C. I.* 133. 136., *C. G.* 217. 219. — *Minores*, non emancipati, contrahere *firmiter* nequeunt absque assistentia tutoris, *C. I.* 277., *C. G.* 450. Minores vero emancipati habiles sunt ad faciendas administrationis actus, et contractus, a lege determinatos. Pro reliquis vero assistentia curatoris requiritur, *C. I.* 317.-319., *C. G.* 480. 484. 487. In re autem maioris momenti tutor et curator ab auctoritate pendent *consilii familiae*, *C. I.* 277.-301. 314. seqq., *C. G.* 450. 468. 483 — *Interdicti*, qui nempe iudicis sententia incapaces declarantur actus civiles exercendi ob statum imbecillitatis, aut dementiae aut furoris, ut etiam prodigi, iuridice denunciati, nequeunt *firmiter* contrahere absque assistentia tutoris vel curatoris vel consilarii iuridice constituti, *C. I.* 329. 335., *C. G.* 502. 509. 513. — *Si legis praescripta non observentur*, horum contractus, nempe uxorum, minorum, interdictorum 1.<sup>o</sup> sunt validi; nisi iudicis sententia irritentur, *C. I.* 1300., *C. G.* 1304. — 2.<sup>o</sup> *Sunt eorum arbitrio rescindibiles*, minime vero arbitrio compartis contrahentis, *C. I.* 1107., *C. G.* 1125. Ubi vero de uxoris agatur, contractus nullitatem opponere possunt etiam maritus aut ipsorum haeredes, *C. I.* 137., *C. G.* 225. — 3.<sup>o</sup> Rescissionem invocare possunt minores, quia *minores* ex *C. I.* 1300., quia *laesi* ex *C. G.* 1305. 1306., uxores vero et interdicti rescissionem invocare possunt, etiamsi laesi non fuerint, 1305., Rogron in h. a.; casu tamen excepto pro *minore*, si commercium aut artem exercens, pro rebus commercii aut artis contraxerit, *C. G.* 1308., pro *uxore* vero, quando vacat commercio publico et separato *C. G.* 220., Rogron in h. a., vel comparat ea, quae necessaria sunt ad familiae sustentationem, *G.* 767. Verum hanc rescissionem in conscientia invocare non possent semper ac mala agerent fide et compartem deciperent. Nemo enim ex fraude commodum reportare debet; neque Legislator fraudi favere intendit, sed bonae fidei et imbecillitati harum personarum. — 4.<sup>o</sup> Facta contractus rescissione, restituere debent quod acceperunt, si emolumentum ex contractu pereceperunt, *C. I.* 1307., *C. G.* 1312., imo etiam, si nullum emolumentum pereceperunt, si tamen id provenierit ex ipsorum culpa, et compars bona egerit fide. Id enim exigit naturalis aequitas; neque Legislator eorum vitii et fraudibus favere certo intendit. Dicitur, *si id provenierit ex ipsorum culpa*, nam si tamen ex ipsorum *imbecillitate* naturali provenierit, possent adhuc invocare in conscientia beneficium legis, eos a restitutione eximentis: lex enim huic imbecillitati providere intendit. Dicitur *si tamen compars bona egerit fide*, nam si mala egerit fide et talium personarum imbecillitate utens contractum micrunt, quo nulla provenierit illis utilitas, possunt illi uti in conscientia beneficio legis, ne solvant quod acceperint, cum talis lex iusta sit propter bonum commune, ad huiusmodi personas contra fraudes iniquorum defendendas, *C. I.* 1307., *C. G.* 1312. *G.* 761.-771., Gousset, 744.-749.

109. *Certi tantum contractus, vel in quibusdam duntaxat casibus prohibentur*, 1. *tutoribus*, qui contrahere velantur cum suis administratis, *C. I.* 300. 1457., *C. G.* 450. 472. 2.<sup>o</sup> *coniugibus* inter se, *C. I.* 1054., *C. G.* 1525. vel respectu aliorum, *C. I.* 1405., *C. G.* 1554. Cf. *C. I.* 1405. 1407. 1433. seqq.

3.<sup>o</sup> *privatis et publicis* quibusdam personis *curam et protectionem* habentibus alienorum bonorum. C. I. 1457. 1458., C. G. 1596. 1597. Verum licet huiusmodi contractus prohibeantur, non tamen omnes declarantur ipso facto irriti ante iudicis sententiam. — L. 723. 724.

110. *De obiecto contractus.* — Obiectum contractus esse debet: 1.<sup>o</sup> *possibile*, tum physice tum moraliter, quia ad impossibile nemo obligari potest. 2.<sup>o</sup> *Existens* vel in re, vel in spe certa seu probabili exitura, secus nullum ius in illam haberi posset, utpote quae nullo foret pretio aestimabilis. Excipitur ex C. I. 1118. et ex C. G. 1130. successio haereditaria nondum aperta. Haec tamen exceptio non valet, si agatur de donatione matrimonii causa ex C. G. 1082.—1084. 1091.—1093. Neque etiam valet, iuxta plures, probabiliter, si dispositio fiat in favorem Communitatis religiosae; quia finis legis est tantum impedire periculum mortis possessori inferendae. Ubi agitur de Monasterio nullum est tale periculum, G. Cas. T. 2. n. 111. 112. 3.<sup>o</sup> *Honesta et licita in se*, i. e. nullo iure prohibita; quia ad rem inhonestam et prohibitam nulla dari potest obligatio. S. Th. 2. 2. q. 110. a. 3. ad 5. Ad contractus autem validitatem satis est, ut obiectum sit *substantialiter honestum*, licet accidentaliter aliqua circumstantia illicita sit. 4.<sup>o</sup> *Proprium contrahentis*; nemo enim in alium transferre potest ius quod ipse non habet. 5.<sup>o</sup> *Certum et determinatum* quoad *speciem*, licet incertum sit quoad *quantitatem*, dummodo tamen quantitas ista aliquo modo determinari queat. C. I. 1117., C. G. 1129. Nulla enim rei omnino incertae et indeterminatae obligatio esse potest. — G. 756.

111. *An obiectum contractus onerosi esse possit actio aliunde debita, pro eaque consequenter pretium quis licite possit accipere?* — R. 1.<sup>o</sup> Negat. si debita est ex iustitia alteri contrahenti. Ratio, quia secus alteri venderes rem suam. Quare neque iudex pro iusta sententia ferenda, neque latro ne te occidat, etc. pretium recipere sive licite, sive valide potest. — 2.<sup>o</sup> Affirm. si debita est ex iustitia tertiae personae, illaeso tamen huius iure. Ratio, quia non laedis ius prioris et posteriori rem utilem facis. Sic. v. g. si quis te conduxit ut pergas ad certum locum pro negotio pertractando, potes etiam ab alio conduci ad iter istud peragendum pro alio negotio; modo posterius mandatum priori non noceat. — 3.<sup>o</sup> « Qui non tenetur ad aliquid ex iustitia, sed ex caritate, aut alia virtute, bene potest pro eo pretium accipere, quandoquidem quod promittit est pretio aestimabile ». L. 1. 4. n. 216., l. 3., n. 713. Hinc accipere quidem potes pecuniam, uti ieiunium Ecclesiae serves; ad restitutionem vero teneris, si pecuniam exigas ad viam homini transeunti ostendendam, quod statim et absque ullo tuo labore facere potes. G. 757.

112. *An res spiritualis obiectum contractus sive gratuiti sive onerosi esse possit?* — R. Affirmat., omni tamen seclusa simonia. Ratio, quia nihil adest inordinati in tali contractu, neque iure positivo prohibetur. Hinc sive fidelitate sive ex iustitia missas promittere potes, etc.

113. *De causa contractus.* — Causa extrinseca et impulsiva contractus necessaria non est, uti contractus valeat. Neutra enim est, quae contractum proxime determinat. Sic valet emptio bonum, quos necessarios existimabam ad agrum excolendum, falso existimans meos interiisse. Causa vero intrinseca et motiva contractus omnino necessaria est, uti contractus valeat. Ipsa enim est, quae ad contractum proxime determinat. Causa haec in contractibus onerosis est utilitas rei saltem pro uno e contrahentibus; in contractibus gratuitis, voluntas benefaciendi alicui personae. Sic non valet obligatio quam suscepi solvendi tibi 1000. francos, tanquam tibi debitos ex legato patris mei, quod postea comperi ab eo esse revocatum, C. I. 1119., C. G. 1131., Gousset in h. a. et in a. 1110.

114. *An praestita ab altero re turpi, teneatur quis praestare quod promiserat?* — Prima sententia probabilis negat. Ratio, quia non potest

valorem habere, etiam post operis positionem ex altera parte, id quod ab initio nullum est. Cum enim opus impletur, prior illa voluntas nullius roboris est ob legem irritantem talem contractum. Non solum enim ipsum ius naturale, sed et ius positivum tum canonic, tum civile, C. I. 1119., C. G. 1133, irritat ab initio talem contractum. Cum igitur illa voluntas nullius valoris moralis sit in initio contractus, talis persistit etiam post operis positionem. Ut autem pretio aestimabile non est peccatum, ita etiam neque pretio aestimabile est labor seu incommodum illi peccato intrinsecum. Secunda sententia probabilis affirmat. Ratio, quia contractus innominatus: *do ut des*, etc., tunc perficitur quum fit rei traditio, seu operis praestatio, et tunc, uti patet, cessat ratio et vis legum, quae pacta turpia irritant; neque enim obligat, quae tunc ponitur in altera parte turpis est, aut ad rem turpem obligat. Incommodum autem et periculum quod altera pars subit vere pretio aestimabile est, licet ipsum peccatum pretio aestimari non possit. — S. Th. 2. 2. q. 32. a. 7., q. 62. a. 5., q. 63. a. 5. ad 2., 4. D. 15. q. 2. a. 4. q. 2. 3., D. 33. q. 1. a. 3. q. 2. ad 1., Lugo D. 18. n. 45. seqq., L. 642. 712., Struggl art. 6. VI., Rauter 109. 339., Tambur. Explicat. Decal. 1. 7. C. 5. n. 19. 20., Ithur. Cas. 5., Gousset 753., G. 760.

115. *Resolves*: « Cum quis dat meretrici propter fornicationem, mulier potest sibi retinere quod ei datum est. Sed si superflue aliquid per fraudem aut dolum extorsisset, teneretur eidem restituere ». S. Th. 2. 2. q. 62. a. 5. ad 2.

116. *An promittens prodige aliquid foeminae ob copulam, teneatur post copulam dare?* — « Affirmat Lugo, Fill., Sanch., quia, posita promissione, datio tunc est debita, non prodiga. Negant autem probabilius Sotus, Bann., Trull. etc., etsi adfuerit iuramentum, quia promissio non tollit dationem prodigam esse illicitam; ideo res illicita reducenda est ad aequalitatem iuxta communem aestimationem ». L. 735.

117. « *An si vir donet foeminae ad extorquendam copulam, possit illa retinere, copula non concessa?* — Si adfuerit pactum de copula explicitum vel implicitum, tunc certe tenetur restituere; secus vero, si donum datum est ad animum alliciendum, quia datio illa fuit omnino liberalis ... Bene tamen advertunt Salm., difficulter excusari mulierem accipientem tale munus a peccato scandalii, quia munere accepto vir ardentior et audacior redditur ad eam concupiscendam ». L. 712. 734. 736.

118. *De contractuum obligatione*. — Quilibet contractus rite mitus parit obligationem in foro conscientiae, saltem ex parte unius e contrahentibus; quia in contractu ius aliquod tribuitur uni vel utrique parti; omni autem iuri sua correspondet obligatio. — Huius nodi autem obligatio se extendit non solum ad id, quod pacto exprimitur, sed ad omnia consecutaria quae pro conventionis natura postulant aequitas, lex, consuetudo. Ratio est, quia haec omnia implicite, in qualibet conventionione, subintelliguntur, nisi aliter ex istis explicitè fuerit derogatum speciali pacto. — C. I. 1123. 1124., C. G. 1134. 1135. 1165., L. 734.

119. *Resolves*: Contractus revocari nequeunt, nisi mutuo consensu, vel causis antiqui aequitatis, lege vel consuetudine probatis, C. I. 1123., C. G. 1134. 1135. Strictius inquirenda est contrahentium intentio, si de ea clare et expressè constare possit. Si autem obscura et ambigua maneant, explicari potest tum ex materia conventionis, tum ex variis conventionis clausulis, tum ex usu personarum, tum ex indole personarum, etc. C. I. 1131.-1139., C. G. 1156.-1164.

120. *Nota*: In contractibus omnibus ultra citroque obligatoriis, tacite inest conditio, ut, si alter ex contrahentibus obligationem suam non impleverit, alteri liceat a contractu discedere. Verum *tacita* haec conditio contractum non resolvit nisi officio iudicis ex recentioribus legibus; *expresse* vero apposita, ipso iure contractum resolvit. C. I. 1123. 1165., C. G. 1134. 1184.



121. *Quomodo cesset obligatio contractuum?* — Obligatio contractuum cessat: 1.<sup>o</sup> Per *solutionem*, seu per *praestationem* cuiuslibet rei debitaе, aut etiam per *exsecutionem* obiecti promissi aut alias debiti. C. I. 1236. seqq., C. G. 1234. seqq.

2.<sup>o</sup> Per *novationem*, seu substitutionem novi debiti debito veteri, quod sic extinguitur: v. gr. promisi tibi dare singulis annis decem vini delia; nunc convenio tecum, ut vinum amplius dare non teneat, sed mille francos: obligatio dandi vinum tunc extinguitur. C. I. 1267. seqq., C. G. 1271. seqq.

3.<sup>o</sup> Per *condonationem*, seu actum, quo creditor debitori suo ex plena libertate debitum remittit. Quisque enim de iure suo cedere potest in iis omnibus, quae ad bonum publicum non spectant, modo ad contrahendum inhabilis non fuerit. C. I. 1279. seqq., C. G. 1282. seqq.

4.<sup>o</sup> Per *compensationem*, seu fictam et reciprocam solutionem, quae locum habet, quando personae sunt erga se invicem debitrices. C. I. 1285. seqq., C. G. 1289. seqq.

5.<sup>o</sup> Per *confusionem*, quae locum habet, cum obligatio debitoris et ius creditoris in eadem persona coadunantur, v. gr. si creditor fiat haeres sui debitoris, vel debitor sui creditoris, vel eadem persona fiat haeres creditoris simul et debitoris. C. I. 1296. seqq., C. G. 1360. seqq.

6.<sup>o</sup> Per *destructionem*, aut *perditionem* rei debitaе, quae aliquando debitorem ab obligatione liberat, ut in contractibus mere gratuitis, et aliquando in aliis, ubi non incidit culpa debitoris. Aliquando vero non liberat, v. gr. si evenerit culpa debitoris, vel fuerit in mora culpabuli, etc. C. I. 1298. seqq., C. G. 1302. seqq.

7.<sup>o</sup> Per *rescissionem*, seu *rescindibilitatem*, quae locum habet, quando contractus essentialibus conditionibus constans ob aliquos defectus dissolubilis est. Contractus ille valet, donec rescindatur. C. I. 1390. seqq., C. G. 1304. seqq.

8.<sup>o</sup> Per *praescriptionem*, de qua dictum est supra, C. I. 1236., C. G. 1234. — G. 787.

122. *De accidentalibus contractuum modificationibus.* — Accidentales contractuum modificationes sunt quaedam extrinsecae vel intrinsecae contractuum qualitates, quae eorum obligationem obfirmant vel infirmant: augent vel imminuunt; determinant, suspendunt, vel perimunt. Porro huiusmodi contractuum modificationes praecipuae, quae ad praxim faciunt confessarii, sunt: iuramentum quod extrinsece contractum confirmat, varique modi contractuum, quibus intrinsece contractuum obligationes varie constituuntur.

123. *De iuramento contractui adiecto* — Iuramentum promissorium contractibus adiecit ad eos propter reverentiam divini Nominis confirmandos. Unde praeter obligationem *ex iustitia* vi contractus, obligatio etiam adest *ex religione* vi iuramenti. — Obligatio iuramenti non nisi iurantis *personam* afficit. Eo enim *Deo* obligamur *facturos*, quod promisimus. Quare licet obligatio contractus ad haeredes transeat, utpote quae ipsemet contrahentis *bona* afficiat: obligatio tamen iuramenti ad eos non transit. — Quoad iuramenti obligationem, generalis regula est: Iuramentum sequitur naturam actus. Accessorium enim sequitur principale. L. 1. §. n. 870. 873.

124. *Resolves*: Iuramentum est irritum, si actus ipse irritus ipso facto sit, sive iure naturali sive iure positivo. — Actus obligatione sublata, aufertur etiam iuramenti obligatio. — Quae actui tacite insunt: nempe si potuero, si res notabiliter non immutetur, si alter fidem servet, etc., ea etiam iuramento insunt. Hinc si iures te servaturum statuta alicuius communitatis, si haec a maiori parte communitatis non amplius observentur, neque tu eas observare teneris. L. 4. §. n. 181.

125. *An iuramentum adiectum de non rescindendo contractu firmet omnino contractum, lege positiva rescindibilem?* — Controvertitur. Prima

sententia probabilis affirmat. Alii autem dicunt firmari tum *ex religione*, tum *ex iustitia*; alii vero tantum *ex religione*. Et sane propter reverentiam erga Deum iuramentum servandum est. semper ac licite servari potest. Secunda sententia probabilis distinguit; negat, quando rescindibilitas immediate et directe inducitur propter bonum commune. Tunc enim nocivum esset bono communi, adeoque illicitum et invalidum. Affirmat vero, si rescindibilitas inducta sit immediate et directe propter privatam contrahentium utilitatem. Unusquisque enim renuntiare potest beneficio in sui gratiam constituto. Hinc videtur stare iuramentum, quo quis promittit libere alteri se non revocaturum testamentum vel legatum in ipsius favorem factum. An autem valeant iuramenta minorum, uxorum et similium ad contractus firmandos, negat G. 792., «etsi lex in ipsorum utilitatem sit constituta: quippe perversi homines semper iuramentum ab iis exigent, quod in detrimentum societatis cederet»; affirmat vero Struggl tr. V. q. 3. n. 27. *Secundo*, ob generalem rationem, quod ea lex propter bonum privatorum immediate et directe lata sit. — Ceterum, quia iuramentum naturam actus non mutat, si actus est natura sua revocabilis, ut testamentum; aut revocabilis positivo iure, ut donatio, susceptis liberis: aut rescissioni obnoxius, ut contractus minorum et uxorum, *valide* revocatur, *valide* rescinditur. — Lugo D. 22. n. 200.-202., Lessius, l. 2. C. 17. d. 7, L. 727. 739. 757. 891. 892.

126. *De variis contractuum modis.* — Varii contractuum modi, quibus varie contractuum *obligatio* modificatur, sunt: contractus obligationis sub conditione, ad modum, ad terminum, alternative, solidarie, divisibiliter vel indivisibiliter, cum clausula poenali, sub causa, sub demonstratione. — Modus servandus est ex iustitia, nisi repugnet substantiae contractus. Illius violatio contractum saepe non invalidat, quia nempe quid mere accidentale est. Si modus sit turpis aut impossibilis habetur pro non adiecto, nec contractus est invalidus, nisi modus illius naturae repugnet, vel nisi voluntas contrahentis omnino ad illum restricta fuerit. G. 794.

127. *De contractu conditionali.* — Contractus conditionalis est, cum ab eventu futuro et incerto pendet, C. I. 1157., C. G. 1168. — Dicitur *future* et *incerto*. Si enim pendet ab eventu *praeterito* vel *praesenti* contractus statim validus est, vel nullus: licet nobis incertus adhuc sit. Quare conditio de futuro suspendit *contractum* eiusque *obligationem*, usque dum verificetur; conditio vero de praesenti vel praeterito suspendit tantum *executionem* contractus. C. I. 1161., C. G. 1181., Cf. Lugo Resp. Mor. l. 4. d. 3. n. 9. — Conditio de re turpi aut impossibili contractum nullum tum iure naturae, tum civili reddit, C. I. 1160., C. G. 1172. Excipiuntur tamen eodem C. G. 900. donationes inter vivos et per testamenta, in quibus conditiones impossibiles aut turpes pro non adiectis habentur. Ex C. I. 1065. donatio sub conditione impossibili aut turpi nulla est. Et ex eod. C. I. 849. conditiones impossibiles aut turpes in testamentis pro non apposis censentur. Excipitur item ex iure Canonico matrimonium, modo conditio turpis aut impossibilis substantiae contractus contraria non sit. — Contractus nullus est, cum conditio est *potestativa*, quae nempe unice a voluntate sese obligantis pendet, v. g. dabo tibi 1000. libellas, si ita mihi placuerit. Huiusmodi enim contractus nullam, uti patet, producere potest obligationem. C. I. 1162., C. G. 1174. Validus vero erit contractus si conditio *potestativa*, non sit voluntas ipsa debitoris sed voluntas alterius partis, vel tertiae personae, vel factum aliquod adimplendum ab una e duabus partibus contrahentibus. Gousset in a. c. — Conditio implenda est eo sensu, quo contrahentes prudenter censentur se voluisse obligare, C. I. 1166., G. C. 1175. Quare 1.<sup>o</sup> voluntas potius, quam verba, intuenda est. 2.<sup>o</sup> Generatim loquendo, conditio in propria forma adimpleri debet, aliquando tamen sufficit, quod aequivalenter impleatur, cum nempe talis censetur prudenter fuisse contrahentis voluntatem, Gousset in a. c. L. 734. — Conditio censetur impleta, quoties per eum

qui se obligavit sub illa, stetit, quominus adimpleretur, C. I. 1169., C. G. 1178. — Antequam conditio impleatur creditor exercere potest actus omnes conservativos sui iuris, C. I. 1171., C. G. 1180.

128. *De conditione resolutoria.* — Praeter conditionem, de qua diximus, quae propterea quod contractum suspendat *suspensiva* dicitur, alia adest conditio, quae dicitur *resolutoria*, propterea quod verificata contractum validum resolvat, et partes restituit in eundem statum quo erant ante contractum, C. I. 1158, 1164, 1168, 1183. Huiusmodi conditio subintelligitur in omni contractu synallagmatico, si compars suam obligationem non adimpleat, C. I. 1165., C. G. 1184., Cf. n. 119.

129. *De contractu ad modum.* — A conditione distinguendum est onus *mere superadditum*, v. g. do tibi hoc praedium cum obligatione celebrandi tot missas annuatim. Porro hic contractus statim valet, manente in comparte onere implendi obligationem: quam si compars non impleat, peccat contra iustitiam, at non ideo corrumpitur contractus, ut communius dicunt. Huiusmodi contractus dicitur *ad modum*. — L. 734.

130. *De contractu ad terminum.* — Contractus obligationis *ad terminum*, seu *ad diem determinatum*, est: cum licet eius *obligatio* statim oriatur, *executio* tamen ad diem determinatum suspenditur, C. I. 1172., C. G. 1185. Terminum semper praesumitur constitutus in favorem debitoris, nisi aliter conventum fuerit, C. I. 1175., C. G. 1187.

131. *De contractu obligationis alternativae.* — Contractus obligationis *alternativae* est, cum duae res disjunctive obligantur, ita ut debitor liberetur, alterutram solvendo, C. I. 1177., C. G. 1189. Electio est debitoris nisi aliter conventum sit, C. I. 1178., C. G. 1190. Altera vero re pereunte, alteram dare tenetur, vel huius pretium, si haec quoque et posteriori loco perierit, C. I. 1180., C. G. 1192, 1193.

132. *Nota:* Cum obligatione *alternativa*, confundenda non est obligatio *facultativa*. Paulus legavit Petro domum suam, nisi haeres eius mallet solvere summam 10000. libellarum. Petrus exigere nequit nisi domum, quamvis haeres possit pro domo solvere illi 10000. libellas. Hinc, casu fortuito domo pereunte, haeres ad nihil tenebitur: et in hoc discrimen proprie est unius obligationis ab alia. Gousset 765.

133. *De contractu obligationis in solidum.* — Contractus obligationis *solidariae* est, vel ex parte creditorum, quando nempe totum creditum exigere potest a singulis creditoribus, ideoque solutio facta uni creditori liberat debitorem ab aliorum creditorum molestia, C. I. 1184., C. G. 1197., C. A. 892., vel ex parte debitorum, quando nempe ad totum debitum solvendum singuli debitores adigi possunt, ita ut solutio facta ab uno debitore caeteros liberet quoad ipsos creditores, C. I. 1186., C. G. 1200., C. A. 891. Solidaria haec debitorum obligatio non praesumitur, sed in pactum est deducenda, C. I. 1188., C. G. 1202. Verum si unus totum accepit cum ceteris communicat, si unus totum solvit a ceteris repetit, deducta sua parte, C. I. 1198, 1199., C. G. 1213, 1214., C. A. 896.

134. *De contractu obligationis divisibilis, vel indivisibilis.* — Contractus obligationis est *divisibilis*, vel *indivisibilis*: si nempe coalescat ex aliqua re, quae dum traditur, aut ex aliquo facto, quod dum executioni mandatur, dividi potest, vel non, C. I. 1202., C. G. 1217. Est v. g. si moriatur debitor, cui sint plures haeredes: si ipse unum tantum obligavit ad solvendum, obligatio indivisibilis est: secus debitum erit divisibile, C. I. 1205., C. G. 1220, 1221. Qui ergo indivisibiliter aliquid debent, singuli *totum* debent, et qui indivisibiliter creditores sunt alicuius rei vel operis, singulis *totum* debetur, C. I. 1206, 1207.

135. *De contractu cum clausula poenali.* — Contractus *cum clausula*



*poena* est, cum quis ad firmandam obligationem se adstringit ad aliquid, si quod non servet. C. I. 1209. C. G. 1226. Invalida obligatione principali est *avalata poena*, non vicissim, C. I. 1210. C. G. 1227. Poena debetur quidem ex iustitia, si petatur, pro inexecutione saltem culpabili obligationis principalis, minime vero debetur poena simul et res principalis, nisi constituta fuerit pro simplici retardatione, C. I. 1212. 1229. 1230.

136. *De contracta sub causa, vel sub demonstratione.* — In contractu *sub causa* (quia, vel *sub demonstratione* (vendo *hoc* vel *tantum*) error non invalidat, nisi ad essentiam rei pertineat. Si error sit in quantitate, res tota debetur, si quantitas designata fuerit *demonstrative*, *hoc*; si vero *taxative*, *tantum*, excessus quantitatis non debetur. Porro res censetur designata *demonstrative*, si res primo loco exprimitur, et postea eius quantitas, v. g. lego Titio praedium meum triginta iugerum; *taxative* vero, si primo loco quantitas exprimitur, deinde res, v. g. lego tres aureos in tali capsula. Sed adiuncta rerum perpendenda, et inde intentio contrahentis investiganda. G. 794.

## V. — DE PROMISSIONE

137. *Ordo rerum tractandarum.* — Explicata generali contractuum doctrina, praedium nunc facimus ad varias eorum species. De contractibus primo gratuitis; deinde de onerosis dicemus.

138. *Quid promissio?* — Promissio est deliberata, et spontanea fidei obligatio, facta alteri de re quapiam bona, et possibili. *Deliberata et spontanea*, quia promissio indeliberata, vel metu, aut fraude extorta, nullam parit obligationem. *Obligatio fidei*: nam per promissionem ordinarie nos solum obligamur ex fide, seu virtute fidelitatis. *De re quapiam bona*: nam promissio de re mala non parit obligationem, iuxta regulam 60. Iuris in 6.<sup>o</sup> *In males promissus fides non expedit observare*, quod intelligendum est, etsi promissio, esset iuramento firmata: nam iuxta regulam 58. Iuris in 6.<sup>o</sup> *Non est obligatio contra bonos mores praestatum iuramentum*. Tandem additur: *Et possibile*: nam, iuxta regulam 6. Iuris in 6.<sup>o</sup> *Nemo potest ad impossibilia obligari*.

139. *Resolves*: Promissio differt a simplici proposito per hoc, quod promittens alteri obligat suam fidem, seu se ipsum ex virtute fidelitatis, aut etiam iustitiae; proponens vero se alteri non obligat, sed solum se ipsum in praesenti determinat ad aliquid in posterum agendum, aut omitendum. Unde ille, qui non servat simplex propositum, e. g. bevandandi, aut certis diebus persolvendi, per se non peccat, nisi aliunde obligatus sit ad quod sine intentione, sed instantiae tantum sequitur turpitudine praeter et contra se intentionem. S. Th. 2. 2. q. 88. a. 1. Lugo D. 22. n. 1.

140. *Promissio non obligat ante aut sine acceptatione promissarii, i. e. aliter, quam per acceptationem.* — Prob. quia ius activum ex parte promissarii debet resultare ex propositae eius acceptatione; atque sine hac neque ex parte promittentis potest resultare obligatio passiva in actu secundo. Praeterea omnis pactus debet fieri utriusque paciscentis consensu. Ergo etiam promissio.

141. *Revocatio.* Promissio ergo ante acceptationem est revocabilis a promittente, quia ante acceptationem non parit obligationem, et a tunc manet in potestate promittentis. Potest autem quis acceptare per alium quempiam ad id electum, vel per alium, qui eius curam gerit, v. g. pater pro filio,

religiosus pro monasterio, praelatus pro Ecclesia sua, ex r pro marito. Unam enim mortaliter peccant cum eo constitutere consuevit G. 799.

142. *Promissio simplex et gratuita, per se obligat solum obligat sub peccato veniali*. — Prob. quia obligatio simpliciter promissus non solum erit ex virtute fidelitatis, quae per se solum obligat sub peccato veniali. Unde communis hominum habitio parum aestimant solent conditiones simpliciter promissionum. — L. 837.

Dicitur *per se liberanda*: nam per accidens etiam promissio gratuita posset obligare sub peccato mortali: ut contingeret 1. quando promissarius propter promissionem non impletam incurreret grave damnum; 2. quando promittens promissum confirmaret iuramento promissorio: nam sic ille simul obligaretur ex virtute religionis; 3. quando promittens suam promissionem confirmaret chirographo, ut promissarius posset civiliter agere: nam sic simul obligaretur ex virtute iustitiae. Potest ergo quis ex iustitia se obligare, et tunc graviter obligatur in materia gravi. « Non apparet, inquit Lugo D. 23. n. 91., cur non possis gratuito, et sine ullo bono concedenti, velle te ex iustitia obligare alteri ad dandum, vel faciendum aliquid postea in eius gratiam. Sicut enim potes dare ei gratuito donum, atque idem transferre in ipsum ius aliquid reale in donum, quod sit tuum tam propriae iustitiae: cur non poteris etiam gratuito transferre in eum ius, non in re, sed ad rem, et constituere te debitorem ipsius ex debiti iustitiae? Totum quippe illud, quod potest ex pretio dari, poterit etiam dari gratis, et sicut potes dandum pretio vendere, ita potes etiam gratis eum donum, et ita in utroque casu aequas ius proprium iustitiae in donum, ergo sicut potes pretio accepto, obligare te ex iustitia ad aliquid faciendum postea, vel dandum, ex qua obligatione das ius ex iustitia propria adversus te: ita poteris hoc ipsum ius gratis dare, et constituere te debitorem ex iustitia, sicut si pretium accepisses pro hac obligatione ». « Et hic advertunt Sanchez, Sper. et alii e numerum apud Thom. quod ad constituendam materiam gravem in promissione requiritur materia quadruplo maior, quam in iure mortali, quia promissor agit de proprio, fur de alieno ». L. 720. S. Th. 2. 2. q. 88. a. 3. ad 1.

143. *Si per promissionem quis ex iustitia se obligat, licet non datur ius in re, datur tamen ius ad rem*. — Nam iustitia obligat ad non habendum ius alienum; si ergo non transferatur alteri saltem ius ad rem, tamen illa promissio ex iustitia amplius non obligat. *Si vero per promissionem quis ex fidelitate tantum se obligat, neque ius ad rem, ullo pacto alteri datur*. « Fidelitas enim non obligat ad id quod alteri debes, sed ad id quod mihi-metipsi debeo ». Lugo l. c. n. 14.

144. *Promissio onerosa, adimpleta conditione, per se obligat sub peccato mortali*. — Prob. quia promissio sub conditione onerosa, adimpleta conditione, obligat ex iustitia: obligatio autem iustitiae per se, et ex genere suo, est gravis. Unde, quando conditio est graviter onerosa, et promittens de praemio multum detraheret, peccaret mortaliter, quando vero conditio est solum leviter onerosa, et promissum magnum praemium, promittens peccaret solum venialiter, etsi plus detraheret: quia ad excessum videtur se obligasse solum ex fidelitate.

145. *Quid de promissionibus prout generatim fieri solent?* — Promissiones simplices, et communiter fiunt, nec ex fidelitate urgent, quia in animo promittentis communiter non est fidem suam obligare: merum igitur propositum enuntiant. G. 798., Cas. 797. 799.

146. *An, vel quatenus obliget promissio, si ante executionem moriatur promissarius, vel promittens?* — R. Ad 1.<sup>am</sup> Nullo modo obligat, si promissio facta fuerit principaliter in gratiam promissarii: quia, eo mortuo, cessat finis in promissione intentus: secus autem, si promissio facta sit praeipue

intuitu familiae promissarii, vel ipsius haeredum. — Ad 2.<sup>um</sup> Mortuo promittepte, promissio, debitis vestita conditionibus, ab eius haeredibus adimplenda est: quia omnis obligatio realis ad haeredes transire debet eodem modo, eodemque titulo, quo promittens obligabatur. Promde sub gravi vel sub levi, ex iustitia vel fidelitate, tenebuntur haeredes, sicut promittens, dum vivebat, tenebatur. Poterunt tamen ab omni obligatione liberari, si ex adiunctis rei, aut ex signis manifestum sit, promittentem voluisse tantum se personaliter obligare. — Lugo, Reuter, G. 800.

147. *Obligatio promissionis acceptatae cessat ob sequentes causas.* 1.<sup>o</sup> Propter condonationem promissarii: nam quilibet suo iuri renunciare potest. 2.<sup>o</sup> Propter mutationem obiecti, si nempe res promissa interim fieret impossibilis, per leges illicita, vel damnosa, aut inutilis promissario, in cuius utilitatem, et commodum fuit facta. 3.<sup>o</sup> Propter supervenientem mutationem status promissoris, vel promissarii, ita ut promissor non promississet, si hanc mutationem praevidisset: ut e. g. si quis pauperi promisit centum florenos, et interea ipsemet in paupertatem incidat, illisque ad se ipsum, aut suam familiam honeste sustentandam indigeat; vel, si quis puellae promisit matrimonium, quae postmodum fit pauper, multum deformis, aut ab alio corrumpitur. 4.<sup>o</sup> Propter ingratitudinem promissarii: nam haec non solum tollit obligationem promissionis, sed etiam, si gravis est, facit donationem revocabilem; ut habetur C. ult. de Donat. 5.<sup>o</sup> Per compensationem, quando nempe duo quidpiam sibi invicem promiserunt, et alter non vult stare promissis: nam, ut dicitur regula 75. Iuris in 6.<sup>o</sup> *Frustra sibi fidem quis postulat ab eo servari, cui fidem a se praestitam servare recusat.* 6.<sup>o</sup> Propter defectum conditionis, aut causae principalis ipsius promissionis: ut si quis alteri propter paupertatem aliquid promisit, quem postea reperit non esse pauperem. Semper enim promissio facta censetur sub talibus tacitis conditionibus. — Struggl 23., G. 799., L. 720, S. Th. 2. 2. q. 110. a. 3. ad 5.

148. *Quid de promissione ex iure civili?* — Ex C. I. et C. G. nihil speciale habetur de promissione. Ex C. G. 893. eruitur non dari actionem civilem ex simplici promissione. Ex C. I. 710. promissio non videtur excludi ex variis modis, quibus aliis propria iura transferri possunt. Speciatim vero agitur in C. G. 1589. 1590. de promissione venditionis, eaque ab ipsa venditione non distinguitur. In C. I. 53. 54. agitur speciatim de reciproca matrimonii promissione; quae nullam legalem obligationem producit. Si tamen ea publico actu, vel privata scriptura facta fuit, vel factae fuerint a civili magistratu publicationes, promittens qui sine iusto motivo promissionem exsequi recusat ad expensas, ab alia parte factas, compensandas tenetur. Agitur item in C. I. 1129., C. G. 1120. de promissione facti tertiae personae. Huiusmodi promissio ius dat ad indemnitatem obtinendam ab eo qui se obligavit, vel promisit tertii ratificationem, si iste obligationem implere recusat. Ceterum si promiserit tantum *curaturum se*, ut alter det aut faciat, si frustra id curaverit, ad nihil amplius tenetur. Lugo D. 23. n. 114.

## VI. — DE DONATIONE

149. *Quid sit donatio?* — Donatio stricte dicta est liberalis alicuius domi collatio: *liberalis collatio*: nam donum, quod alteri per donationem confertur, non debet ei esse ex iustitia debitum, neque dans donum debet alterum obligare ad aliquid aliud praestandum: donatio debet esse actus liberalitatis, et non iustitiae. Interim tamen donationi non repugnat debitum gratitudinis consequens, aut etiam antecedens, adeoque donatio



potest esse ex gratitudine remunerativa, seu actus gratitudinis; quamvis sic aliquoties recedat a proprietatibus donationis. C. I. 1051. Ut autem donatio obligationem in lucat in donatorem, necessaria est acceptatio donatarii. Nemo enim de iure naturali absque proprio consensu ius acquirere potest in rebus alienis. L. 725. 726. Acceptari autem potest vel per se vel per procuratorem.

150. *Quotuplex sit donatio?* — Donatio dividitur 1.<sup>o</sup> in *liberalem et remuneratorem*. Illa est, quae fit ex pura virtute liberalitatis, et absque debito gratitudinis: haec vero est, quae simul fit ex virtute gratitudinis, et motivo compensandi huius debitum. C. I. 1051. 2.<sup>o</sup> In *donationem mortis causa et inter vivos*. Prior est, quae a donante fit intuitu securitatis mortis, et consequenter ex natura sua ante mortem est revocabilis propter imbibitam hanc implicitam conditionem: Si in hac infirmitate, periculo, mortuus fuero; vel donationem ante mortem non revocavero. Posterior vero est, quae absolute fit inter vivos, et consequenter per se est irrevocabilis. Gousset, Code comm. in art. 893.

151. *Resolves*: 1.<sup>o</sup> Non est donatio *mortis causa*, sed *inter vivos*, dispositio, qua quis nunc et irrevocabiliter alteri donat dominium rei, cuius usum vel usufructum sibi reservat usque ad mortem. 2.<sup>o</sup> Nec ut donationes *mortis causa* habendae sunt, sed *inter vivos*, dispositiones, quibus aegroti dant actualiter et irrevocabiliter personis praesentibus, v. g. parentibus, famulis, amicis, res mobiles aut etiam immobiles, absque ulla conditione mortem respiciente. 3.<sup>o</sup> Vim donationis *mortis causa* non habent promissiones, quae solent fieri in vita de re aliqua danda in morte parentibus, famulis, amicis, neque vi talis promissionis quispiam poterit vel quid minimum, communiter loquendo, praetendere: quia promissiones illae non aliud *solent* denotare quam *merum propositum*, seu bonum animum donationis alias faciendae. Cavendum igitur, ne parentes, famuli, amici, facilius voluntatem defuncti in sui favorem interpretentur, atque adeo res quasvis, praetextu promissionis vel donationis, occulte surripiant. G. 837.

152. *De donatione mortis causa.* — *De iure naturali et communi valet donatio mortis causa, modo debitis vestiatur conditionibus*: scilicet 1.<sup>o</sup> fieri debet intuitu mortis; secus donatio *inter vivos* censeretur; 2.<sup>o</sup> acceptari debet ab ipso donatario; nemo enim potest acquirere ius in res alienas, quin prius consentiat; 3.<sup>o</sup> si donatarius praemoriatur ipso facto revocatur, nec ad eius haereditatem transit, saltem in *rigore iuris*, quia ad illos directae non fuit; 4.<sup>o</sup> tandem revocatur donatio *mortis causa*, si mortis periculo donator supervixerit, et praecise proximi mortis periculi intuitu facta fuerit. Tripliciter enim *mortis causa* potest quis donare: 1.<sup>o</sup> cum quis nullo praesentis periculi metu conterritus, sed sola mortalitatis cogitatione donat; 2.<sup>o</sup> cum quis imminente periculo commotus ita donat, ut statim fiat accipientis; 3.<sup>o</sup> cum quis periculo motus non sic det, ut statim fiat accipientis, sed tunc demum cum mors fuerit insecuta.

153. *Ad recentiores leges quod spectat*, ex C. A. 956. donatio *mortis causa*, praescriptis servatis formalitatibus, certo valet ut legatum. Ex C. I. 710. donatio *mortis causa* verius valet, ut quaelibet alia *conventio* ad dominium in conscientia transferendum. Ex C. G. gravis adest difficultas ob art. 893., vi cuius non potest quis titulo gratuito disponere de bonis suis, nisi donatio inter vivos, et testamento. Verum probabilius etiam valet: nam art. 967. dicitur quod potest quis per testamentum disponere de bonis suis, sive titulo institutionis haereditatis, sive titulo legati, sive *omni alia denominatione, apta ad manifestandam propriam voluntatem*. Donatio autem *mortis causa* ad testamentum vel ad legatum revocatur, vel alia certe forma est *apta* ad *proprium voluntatem manifestandam*. Et sane si ea donatio in testamento scripta esset, tanquam legatum valeret. Unde locum ad summum hic haberet

generalis doctrina contractuum formis legalibus destituti. Praeterea ea donatio certo videtur valere tanquam *donatio inter vivos, conditionalis*, uti donatio intuitu matrimonii, Cf. art. 1088., si non sit revocabilis ad nutum donatoris, sed tantum ex eventu sanitatis; conditio enim tunc est *casualis*, quae nihil contra legem continet. Insuper si donatio mortis causa irritatur ex lure Gall., « irritatur quidem per iudicis sententiam, sed probabiliter non ipso facto ». G. Cas. 816. Ergo ante sententiam iudicis valida in conscientia erit. Denique « gravissimi iuris interpretes, v. g. Merlin et Delvincourt, asserunt donationes *mortis causa* valere, modo sit traditio aut derelictio (dessaisissement); et sic declaravit *Curia Suprema* 12. decemb. 1815 ». G. Cas. 811., Comp. 836. Cf. Gousset, Code comm. in art. 893., L. 741-743.

154. *Resolves*: 1.<sup>o</sup> Donatio sub conditione, ut restituatur, si repetatur, probabilius valet, nam « quamvis non valeat ut donatio *inter vivos*, quae postulat, ut donator re sua se spoliaret irrevocabiliter; valere tamen potest tanquam donatio *mortis causa* propter traditionem realem, quae non minus roboris habere debet, licet nulla mortis mentio fiat ». G. 836.

2.<sup>o</sup> Ille cui mortis causa donata est res mobilis, potest illam occulte accipere, mortuo donatore: modo sit certus de donatione et ultima voluntate defuncti. Et enim res non fuit donata, ut solvenda, sed ut ab ipso donatore accipienda. Deinde habet ius in re donata nam donatio mortis causa est donatio *conditionata*, quae per mortem testatoris fit absoluta. Ergo, donatore mortuo, res donata statim transit in dominium donatarii. Ergo hic eam ut suam accipere potest. Quare si a iudice compellitur ad praestandum iuramentum, quod nihil de bonis defuncti acceperit, iuramento asserere potest, se nihil accepisse ex bonis defuncti, scilicet quod suum non fuerit. G. 836., Cas. 812. 816. Cf. Gousset, Code Comm. in art. 931.

155. *De donatione inter vivos*. — Donatio inter vivos est actus spontaneae liberalitatis, quo donans se spoliatur actu et irrevocabiliter re donata in favorem donatarii, qui eam acceptat. C. I. 1050., C. G. 894. *Se spoliatur actu et irrevocabiliter*, nihil tamen prohibet donationem fieri sub conditione tum suspensiva tum resolutive, C. I. 1066. 1078., C. G. 944. 953. Conditio suspensiva facite inest donationibus, quae fiunt causa matrimonii, C. I. 1068., C. G. 1088. Conditio resolutive tacite inest donationibus reciprocis, quae duo sibi invicem faciunt, Cf. C. I. 1083. Donationem vero irritat conditio, quae in donantis potestate tota reposita est, C. I. 1066., C. G. 944., quae donatario imponit onus satisfaciendi quibuslibet futuris donantis debitis, C. I. 1067., C. G. 945., et quae constituit, ut donatario vel eius filiis praemortuis, res donata ad alium, quam ad ipsum donantem, revertatur, C. I. 1071., C. G. 951. *In favorem donatarii*, cui statim transfertur irrevocabiliter dominium rei donatae, ius nempe *in re*; unde donatio essentialiter differt a promissione, quae non dat nisi *ius ad rem*. Neque vero opus est traditione rei, ut aperte constat ex C. I. 1062. 1125., C. G. 938. 1138. Cf. Rogron in art. 711. 938. 1138., L. 732. *Qui acceptat*, sine acceptione nulla adhuc est donatio, tum iure positivo, tum iure naturali. Quapropter revocari potest, licet sit iuramento firmata; quia iuramentum sequitur naturam actus. C. I. 1057., C. G. 932., Lugo D. 23. n. 42., L. 725. 726. 727.

156. *An absens sufficienter donationem acceptet, recepto nuntio, vel litteris donatoris?* — « Donatio facta absenti, si per nuntium fiat, potest revocari, donec coram nuntio acceptetur; non enim sufficit, si acceptetur coram aliis. Si vero donatio offeratur per litteras, Viva dicit sufficere, ut litterae ad donatarium perveniant. At Less. et Salm. dicunt requiri amplius, ut remittantur litterae, vel nuntius acceptionis, ut donatio sit valida ». L. 728. 725.

157. *Quid si donator, misso nuntio, donationem revocaverit?* — 1.<sup>o</sup> Si

donator revocet donationem antequam acceptatur, et revocatio innotescat nuntio quem misit, iam nuntius nihil amplius potest efficere; siquidem omnis potestas offerendi vel tradendi est ipsi adempta. — 2.<sup>o</sup> Si autem revocatio non innotescat nuntio ante executionem, tunc distinguendum est: Vel ille se habet solum instar nuntii referentis alterius donationem, aut rem tradentis, vel habet mandatum faciendi donationem. Si prius, per factam revocationem donatio subsequens irritatur, quia deest omnino consensus ex parte donantis. Si posterius, valent eius acta, et donatio valide acceptari potest. Tenetur enim mandans ratum habere id, quod ex vi mandati bona fide eius nomine gestum est. — G. 811.

158. « *Utrum post mortem donantis possit donatio valde acceptari?* — Distinguit Less. Si donatio iam facta est, et donans ante mortem mittit nuntium, aut epistolam, tunc censet posse acceptari. Ratio, quia donatio permanet virtualiter in litteris vel nuntio misso. Et idem probabiliter tenent Sanch., Lugo, Viva. Sed probabilius hoc negant Lopez, ... et alii ... et probabile censem Salm., quia post mortem donantis nequit voluntas eius uniri cum donatarii consensu, ut ad acceptionem requiritur. ... Si autem, aiunt Lugo, Less. et Sanch. donatio nondum sit facta, sed mandata fieri a nuntio, per illum etiam munere misso, tunc donatio post mortem donantis amplius acceptari nequit, ex *l. Inter causas ff. Mandati*, etc., ubi expresse declaratur mandatum expirare post mortem mandantis. Hoc tamen non obstante, dicit Sa., donationem posse acceptari, quia hic mandatum, cum sit quaedam gratia facta non expirat morte mandantis. Et hoc Less. et Viva, etc., merito probabile putant. ... Advertendum tamen cum Lugo, Mol. ac Sanch., ex eadem *l. Inter causas*, quod si donatio facta fuerit a nuntio, in seio mortis mandantis tam nuntio, quam donatario, tunc donatio valebit ». L. 730., Lugo Resp. Mor. l. 4. D. 6. n. 6., Ithur. Cas. 8.

159. « *An mortuo donatario ante acceptionem, suus haeres possit donationem acceptare?* — Afirmat Sanch., etc., quia haeres repraesentat personam defuncti. Negant tamen probabilius Less. et Salm., etc., quia haeres succedit in iuribus realibus, defuncti, non autem personalibus, ut est ius acceptandi donationem. Concedit tamen Less., quod si haeres sit filius donatarii, ex aequitate posset acceptare, cum talis praesumenda tunc sit mens donatoris ». L. 731.

160. *De donatoris capacitate.* — De Iure naturali illi omnes donare possunt, qui possunt bona sua alienare; donatio enim alienationis species est. Quare requiritur, ut donans sit sanus mente, et non sit declaratus incapax ex lege, cum donationem perficit. — Ex Iure Romano inhabiles sunt ad donandum: 1.<sup>o</sup> surdi simul et muti a nativitate, nisi scribere sciant; 2.<sup>o</sup> damnati crimine capitali; 3.<sup>o</sup> pupilli vel impuberes, nisi agatur de rebus parvi momenti; 4.<sup>o</sup> coniuges inter se, nisi donatio sit modici momenti; 5.<sup>o</sup> pater erga filium sub sua potestate manentem, excepta causa matrimonii, belli, studiorum et similium. — Ex Iure I. et G. donare non possunt qui, eodem iure, non possunt testamentum facere; et regulariter minores, C. l. 1052. 1386., C. G. 902.-904. 1095., uxores, C. l. 134., C. G. 217. 905.; inhabiles postulati et renunciati, C. l. 1052. 1387., C. G. 502. 902. Ex C. l. 1054., coniuges non possunt, durante matrimonio alter alteri donare. Ex C. G. 1094. 1098. 1099., coniuges generatim invicem sibi donare possunt *inter vivos*, vel per testamentum: 1.<sup>o</sup> si non adsint descendentes, quidquid extraneo donare possent quoad proprietatem, et insuper usufructum partis haereditatis ascendentibus reservatae; 2.<sup>o</sup> si adsint descendentes, vel quartam bonorum partem quoad proprietatem, et simul aliam quartam quoad usufructum, vel dimidia tantum partis usufructum; 3.<sup>o</sup> si coniux habeat filios ex praecedenti matrimonio, non potest donare novo coniugi ultra partem, quae filio, minus prae caeteris accipientis, contingit, neque quartam bonorum partem excedere. Ex Cod. comm. l. 555., G. 446. nulli sunt actus, translatitii domini bonorum



sive mobilium sive immobilium, *titulo gratuito*, negotiatorum, qui cessionem bonorum fecerunt, infra decem dies ante sententiam tribunalis declarantis diem eiusdem cessionis. — L. 721. 723. 724.

161. *An valide et licite donationem quis accipiat ab eo qui sit aere alieno gravatus?* — Affirmant Lessius, Mol. Nav., etc., et probabile putant Lugo et Pal. ap. S. Alph. Ratio, quia ille bene potest dominium transferre cum adhuc sit verus dominus rei, quae donatur: tu vero acceptans non es causa per se et efficax damni creditoris, sed tantum per accidens et permissiva. Causa per se et efficax est tantum donator, ipse enim est qui donationem facere determinat. Ergo, si eum ad donandum non induxeris *contra iustitiam* non peccas. Neque vero peccas *contra caritatem*; haec enim non te obligat ut repudies grave tuum commodum, ad servandos debitores indennes. — Pal. vero Bonac. Lugo alique ap. eundem S. Alph. *verius* et *communius* negant. Ratio, quia donatarius est vera causa per se et efficax damni creditoris: donatio enim essentialiter non consistit in sola voluntate donantis, sed etiam in voluntate acceptantis, sine qua nulla existit alienatio sive donatio. Ergo sicut donans laedit iustitiam se reddendo impotentem ad solvendum, de quo nemo dubitat, ita etiam donatarius *cooperans actioni iniustae* donantis cum damno creditorum. L. 722. Utraque sententia sua non carere probabilitate videtur. Cf. Ithur. Cas. 8. n. 12.

162. *Nota:* Ex C. I. 1091. 1092., C. G. 920. 921. non conceditur creditoribus ius postulandi *reductionem donationis* peractae a debitis gravato. Hoc ius conceditur dumtaxat in haereditate, si legitima sit laesa, haeredi, in cuius favorem lex legitimam reservavit. Ex eodem tamen C. I. 1235. et C. G. 1167., possunt sane creditores impugnare *actus* a debitoribus factos *in fraudem iurium* eorum. — L. 722.

163. *De capacitate donatarii.* — De Iure naturali ex *parte donatarii* requiritur habilitas ad recipiendum. Habiles autem sunt omnes homines, qui recipiendi donationes per legem non constituuntur incapaces. Nec inhabiles habendi sunt infantes, amentes, vel alii usu rationis carentes, cum sint domini capaces, et res acceptare vel occupare per alios possint, v. gr. per parentes, tutores, etc. Cf. n. 24. — Ex Iure communi donationem accipere nequeunt: 1.<sup>o</sup> omnes accipientes ab iis, qui donationes facere nequeunt, iuxta dicta n. 160.; 2.<sup>o</sup> accipientes ab iis, qui sunt aere gravati, in fraudem creditorum, iique ad compensationem damni creditoribus inde obvenientis tenentur; 3.<sup>o</sup> accipientes in defraudationem *legitimae*, quae haeredibus necessarii debeatur; 4.<sup>o</sup> coniuges. Generatim invalidae sunt coniugum reciprocae donationes. Excipe 1.<sup>o</sup> nisi donatio iuramento sit firmata; 2.<sup>o</sup> si interveniat mors donantis, qui ante donarium decedat, modo res in vita tradita sit; 3.<sup>o</sup> si donatio sit remuneratoria, vel fiat causa mortis; 4.<sup>o</sup> si uxor donet viro, ut aliquam dignitatem consequatur. L. 722. 723. 740. — Ex recentiori Iure omnibus donari potest, etiam ignotis, inhonestis, nascituris, dummodo conceptis, C. I. 1053. 724., C. G. 906.; et, ex C. I. 1053. 1059., dummodo natus sit ille ex quo nasciturus speratur, is cui donatur. Excipiuntur vero generatim illi, quibus testamento relinqui non potest, C. I. 1053., C. G. 902. Excipitur praeterea speciatim coniux ex C. I. 1054.

164. *Nota:* Ex C. I. 1055. quaelibet donatio in favorem personae incapacis est nulla; ex C. G. 911. erit nulla.

165. *De quantitate bonorum quae dari possunt.* — Donari possunt bona quae in commercio sunt, et regulariter omnia, quae nempe quis in praesenti habet, non ita futura, salva semper parte haereditatis legitima. Nihilominus donare quis potest illud, quod in spe determinata habet, v. g. fructus ex agro quodam nasciturus hoc anno; pisces quos et piscatione referet, etc., excepta spe futurae haereditatis, circa quam omne pactum prohibetur. Cf. n. C. I. 1064. 1091., C. G. 913. seqq. 943. Cf. C. A. 944.

166. *Speciales Iuris positivi praescriptiones.* — 1.<sup>o</sup> *De forma donationum.* Donatio *manualis*, de manu ad manum, adeoque *rerum mobilium*, fieri possunt sine scriptis, etiam secundum recentiores leges, quae non nisi donationes *non manuales* et *rerum immobilium* attingunt. Porro, nisi publico hae fiant instrumento, *actus donationis sunt nulli* ex C. I. 1056, obnoxii sunt *poenae nullitatis* ex C. G. 931. — Excipien hae tamen sunt: 1.<sup>o</sup> donationes, quae sunt veluti conditiones alterius contractus, v. g. dono, vendo tibi fundum, ex quo centum aureos annuatim dabis Titio; illae enim donationes sunt quid accessorium. C. I. 1128., C. G. 1121. 2.<sup>o</sup> Donationes, quibus quis renuntiat alicui iura sua; donationes enim sunt lato sensu. 3.<sup>o</sup> Donationes remuneratoriae et onerosae; hae enim donationes proprie non sunt. — Gousset Cod. comm. art. 948.

2.<sup>o</sup> *De donationis acceptatione.* — *Maiores* tantum, qui nec sub tutela nec sub cura sunt, *non manuales* donationes acceptare possunt, C. I. 1059., C. G. 935. Quare pro *minoribus* non emancipatis acceptat is, qui patriam potestatem vel tutelam exerceat. Emancipati vero et indubiles renunciatores eorum interveniunt. C. I. 231. 1059., C. G. 935. Uxores vero ex C. I. 134. sine consensu mariti acceptare possunt; sed ex C. G. 217. 934., mariti indigent consensu. Attamen hi omnes, si per se acceptent, valet etiam in foro civili donatio, donec compars reclamaverit; siquidem conceditur ipsi restitutio in integrum, et clare eruitur ex C. I. 1061. L. 725. — Acceptatio esse debet expressa, et, si absenti sit facta donatio, non antea facta intelligitur, quam donanti fuerit renunciata. C. I. 1057., C. G. 932. Quare ante eam, donatio periinde est, ac si non intercesserit, adeoque donans potest interim donationem suo iure revocare.

3.<sup>o</sup> *De donatione intuitu matrimonii.* — Donationes matrimonii intuitu a minore fieri possunt, interveniunt eorum, quorum consensu opus est ex iure civili ad contrahendum matrimonium. Fieri etiam possunt ab inhabili curatoris interveniunt. C. I. 1386. 1387. — Donationes hae factae contemplatione matrimonii impugnari non possunt ob defectum acceptationis, C. I. 1062. C. G. 1087.; neque possunt ob ingratitudinem vel ob natos filios revocari, C. I. 1087. Cf. C. G. 960. — Nullae vero sunt si matrimonium non sequatur, C. I. 1068., C. G. 1088., vel si irritum pronuncietur, remanent tamen iura acquisita a tertiis, immo et iura filiorum, si saltem unus ex coniugibus illud in bona fide contraxerit. C. I. 1068.

4.<sup>o</sup> *De nullitate donationum ob omissionem legalium formarum.* — Donationes, defectu formae, nullae in foro exteriori, nullae non sunt in foro etiam exteriori. Id constat: 1.<sup>o</sup> Siquidem generatim admittitur ex C. I. 1237. et ex C. G. 1235. *naturalis obligatio* independentem ab *obligatione civili*. Unde ille, qui *voluntarie naturali satisfacit obligationi solum repetere non potest*. Adest ergo naturalis quaedam obligatio donationi satisfaciendi, quae vestita non sit praescriptis legis formalitatibus. 2.<sup>o</sup> Valent sane donationes sub forma contractus onerosi, e. g. venditionis, inter personas capaces disponendi de propriis bonis, et recipiendi, si nihil contra leges contineant. Idque ex actuali iurisprudencia comprobatur. Porro hae iurisprudencia aperte ostendit, praescriptas donationum formalitates, non attingere ipsam donationem, sed tantum *actum* seu *instrumentum* donationum, secus enim nullae essent donationes omnes sub alio oneroso contractu dissimulatae. 3.<sup>o</sup> Nam ipsa lex revera non loquitur de *donatione*, sed de *actu* donationis, seu de instrumento, quo donatio continetur. *Actus* tantum nullitati subicitur, nisi confectus fuerit secundum praescriptam formam. C. I. 1056., C. G. 931. 4.<sup>o</sup> Communiter traditur nullam secundum leges requiri formalitatem pro donationibus manualibus. Id eruitur ex eo quod praescriptae formalitates C. I. 1070., C. G. 948. non exiguntur pro ipsa *donatione*, sed pro *actu* donationis. Idem ergo valet pro donationibus non manualibus. Cf. n. 92. Gousset Cod. comm. art. 931.

167. *De donationis obligatione.* — Donatione perfecta, donans ad rem,

quam donavit, statim tradendam tenetur, et si eam destruxerit, alienaverit, deteriorem fecerit, graviter in re gravi peccat, et tenetur ad omne damnum donatario compensandum. Lugo D. 12. n. 42.

168. *De casibus, in quibus donationes non plenum sortiuntur effectum.* Duo hi casus sunt: reductio et collatio.

169. *Reductio* est: donationis vel legati *rescissio* pro rata excessus supra quantitatem disponibilis, quae quidem rescissio auctoritate publica fiat oportet. C. I. 821. 822. 1091, C. G. 920., L. 740.

170. *Collatio* est actus, quo unus ex heredibus ad summam bonorum, quam testator inter haeredes dividendam reliquit, ea bona refert, quae a donatore accepit, ut inter omnes ex aequo dividantur; nisi velit potius haereditati renuntiare, est enim haec obligatio haeredum; et tunc ea retinere potest usque ad concurrentiam partis disponibilis. C. I. filiis et descendantibus tantum collationem imponit erga cohaeredes, non legatarios, aut haereditatis creditores. C. G. vero indiscriminatim cuilibet haeredi collationem praecipit. C. I. 1001.-1004. 1014., C. G. 843.-845. — Collatio duplici modo fieri potest: 1.<sup>o</sup> *in specie*, i. e. referendo rem ipsam donatam; 2.<sup>o</sup> minus accipiendo. Prior modus fit ordinarie in immobilibus, posterior autem in mobilibus, C. I. 1015., C. G. 858. — L. 954.

171. *Eximuntur vero a collatione variae donationes*: 1.<sup>o</sup> si quae testator dedit, heredem a collatione nominatim eximendo, vel titulo *praecipui iuris* intra limites partis, de qua disponere poterat. C. I. 1001., C. G. 843. Ex C. I. 1004. 1006. 1012. praesumuntur factae cum dispensatione a collatione donationes ascendentium, factae descendentis haeredis: donationes factae in favorem eius, qui vel quae sit coniux descendentis Obnoxium item collationi non est immobile, quod fortuito, et absque culpa donatarii perierit. 2.<sup>o</sup> si expensae factae a donatore fuerint in alicuius favorem v. g. in alimenta, vestes, munera consuecta, etc. Item expensae nutritionis, educationis, nuptiarum, artis adiscendae, et similia, C. I. 1009., C. G. 852. 3.<sup>o</sup> fructus rerum referibilium, quos percepit donatarius ante mortem testatoris, C. I. 1013., C. G. 856., Gousset Cod. comm. in art. 852., G. 807. L. 958. 959.

172. *An filius referre debeat expensas a patre tenuis fortunae factas, pro ipso ad sacerdotium erigendo?* — R. Negat., generatim loquendo, quia expensae illae cedunt in bonum commune familiae, nempe in eius honorem, commodum, etc., et gratuito a parentibus haec donata censentur. Referri autem debet in haereditatis divisionem patrimonium a patre datum filio ad sacros ordines suscipiendos, quia equiparari potest doti filiae, quae necessario referenda est. Secus enim aequalitas inter liberos lauderetur, quod collatio praecavere intendit. Id constat etiam ex C. I. 1007., C. G. 851., L. 488. 955. 956.

173. *An conferendae sint expensae factae a patre in gratiam filii pro doctoratu, beneficio, studiis, libris, etc.?* — R. Negat., haec enim cedunt in bonum commune totius familiae, honorem, commodum, etc. Excipe, nisi pater bona propria filii habuerit, tunc enim censetur de illis filium in studiis sustentasse. Excipe etiam, si expensae omnino extraordinariae fiant. — L. 724. 950. 955.

174. *An conferri debeat pecunia adhibita ad filium ex militia redimendum?* — R. Affirm., si redimatur in propriam utilitatem, quia id aequalitas postulare videtur; secus si filius redimatur in utilitatem patris, v. gr., infirmi, senis vel pauperis, aut familiae sustentandae; quia familia, quae commodum percipit, onus etiam ferre debet. Rogron in art. 851. Cod. civ., Gousset Code civil comm. art. Cod. civ. 852., G. 809. L. 955.

175. *An filius teneatur referre ea quae de bonis paternis male expedit, e. g. in ludis, potationibus, etc.?* — R. Negat. modo filius plus non con-



sumpserit male, quam pater contentus fuit, ut in suam sustentationem et honestas recreationes expenderet; secus si expensae excessissent. L. 957.

176. *An lex collationis obliget in conscientia?* — « Lex collationis respicit forum tum externum, tum internum. Nihilominus cum certum sit, sive verbali declaratione donatoris, sive variis facti circumstantiis, donationem factam fuisse cum exemptione a collatione, quamvis haec exemptio, defectu authentici documenti, non possit in foro exteriori probari, donatarius non obligatur ad collationem. Sed, generatim loquendo, donatarius retinere non potest excessum super legitimam partem, quaecvis sit donarii voluntas » Gousset in art. 852.

177. *Exceptions irrevocabilitati donationis inter vivos.* — Donatio: 1.<sup>o</sup> resolvitur, sed non pleno iure, si conditiones appositae non praestentur. 2.<sup>o</sup> Revocari potest, si donatarius se exhibeat ingratus erga donantem in casibus a lege determinatis, nisi tamen sint donationes matrimonii causa, et ex C. I. nisi sint donationes pure remuneratoriae. 3.<sup>o</sup> Revocatur vero *pleno iure* est ex C. G., sed non ipso iure ex C. I., ob prolem supervenientem, licet ea tempore donationis iam fuerit concepta, licet etiam ea posthuma nata sit, vel si legitimaverit filium naturalem post donationem natum; exceptis ex C. G. mutuis coniugum donationibus, vel ascendentium in favorem coniugum, matrimonii causa factis; exceptis ex C. I. donationibus remuneratoriis et matrimonii causa factis. Iusta sane est et pia praesumptio iuris, donatorem prole carentem donationem fecisse cum hac virtuali, aut tacita conditione: *Nisi liberos acquisivero*; nam quilibet suos exteris tacite velle praeferre censetur. Hinc etiam omnis contraria convertio, tanquam nulla habetur. Cum autem donatio hoc in casu ipso iure revocetur, ea per mortem prolis non reviviscit. 4.<sup>o</sup> Omnes donationes *inter vivos* ab alterutro coniuge alteri factae semper revocari possunt. Neque vero indiget uxor consensu mariti aut iudicis autoritate. — C. I. 1078.-1090., C. G. 1953. 955. 956. 959. 960. 961. 964. 965., L. 738. 739.

178. *An donatio facta Ecclesiae vel causae piae, ob ingratitudinem, vel ob adrentum prolis revocetur?* — R. Ad 1.<sup>um</sup> Donatio facta Ecclesiae ob ingratitudinem praelati aut clericorum revocari non potest; quia donatio illa fit principaliter ab bonum animae donatoris, et principaliter Deo, qui non potest esse ingratus. Lugo D. 23. n. 175. L. 738. — Ad 2.<sup>um</sup> « Communiter docent omnes posse solum quoad id, in quo inofficiosa est filiis, seu quoad eorum legitimas, non quoad totum. Ratio est, quia quoad portionem filis debitam non praesumitur donans Ecclesiam praetulisse, sed potius voluisse primo loco suo pietatis debito satisfacere. Quoad reliqua vero Ecclesia censetur magis, vel aequè diligere cum filiis, quare sicut donatio uni filio facta non revocatur natis aliis filiis, nisi quoad eorum legitimas, ut postea videbimus; ita dicendum est de donatione facta Ecclesiae, vel causae piae ». Lugo de Iust. et I. D. 23. n. 194. « Quae revocatio subsisteret, neque donatio revivisceret, etiamsi filii morerentur, quia actio semel extincta, semper extincta manet ». Ithur. Cas. 8. n. 12. L. 739.

## VII. — DE TESTAMENTO

179. *Quid sit testamentum?* — Testamentum quod secundum etymologiam nominis idem est ac *testatio mentis*, secundum rem significatam, est: Voluntatis iusta sententia de eo, quod quis post mortem fieri vult circa res suas, cum directa institutione heredis. Ita communiter thth. ex Iure Romano. *Voluntatis iusta sententia*, i. e. dispositio voluntatis legitima,

et iuri congrua: *De eo quod quis post mortem fieri vult*: nam testamentum non solum fit mortis causa, sed etiam suum robur primum acquirit per mortem testatoris, iuxta illud Apost. II ad Hebr. 9.: *Ubi testamentum est, mors intercedit testatoribus, necesse est: testamentum enim in mortuis constitutum est: alioquin non valet, dum vivit, qui testatus est. Cum instituitur haeres: non per hoc testamentum defert ab aliis ultimis voluntatibus, nempe a iudiciis, legatis, fideicommissis, in quibus nullus haeres per se et directe, instituitur. L. 919.*

*Codicillus* enim, seu parvus codex, est suprema voluntas de eo, quod quis fieri velit post mortem suam, absque directa institutione seu nominatione haeredis, cui immediate haereditas debeatur, ut praeter haeredis institutionem alia possit testator de bonis suis disponere, v. g. legata haeredi committendo, aut fideicommissa, etc. L. 919.

*Legatum* est donatio quaedam a defuncto relicta, et ab haerede praestanda. *Donatio quacunque*, non proprie donatio non est, cum non sit acta immediate inter dantem et acceptantem. *Ab haerede praestanda*, legatum enim est particularis quacumque lex dicta haeredi, et ideo dicitur legatum: quod est a *lego*, unde *her* derivatur. *Ab haerede praestanda*, nempe post mortem testatoris. *A defuncto relicta* legatario, ad quem proinde immediate a testatore, rei dominium transit, licet eius possessio sit prius apud haereditatem, et ab haerede testatario sit res tradenda.

*Fideicommissum*, ita dictum, quia testator fidei haeredis suam committit supremam voluntatem, ut haereditatem vel totam, vel eius partem alteri reddat. Hinc fideicommissum mediata est haeredis *substitutio* C. I. 899., C. G. 896. Immediata vero *substitutio* habetur, cum quis haereditatem ita nominat, ut si is non possit aut velit haereditatem adire, alter sit haeres, qui immediate ab ipso testatore instituitur, et non prius mediante, a quo haereditatem accipit, ut locum habet in mediata substitutione. Substitutio haec mediata, indirecta, dicitur substitutio *fiduciaria*, *issaria*. Substitutio vero immediata et directa, substitutio *vulgaris* appellatur. C. I. 895., C. G. 898., C. A. 694.

*Institutio fiduciaria*, *issaria*, ab institutione *fiduciaria* distinguitur, quatenus in ea palam, in hac etiam fidei haeredis committitur haereditatis substitutio.

Ex C. I. 759. «testamentum est actus revocabilis, quo quis, iuxta regulas statuta a lege, disponit pro tempore, quo vivere desiderit de omnibus suis substantiis, aut parte earum in favorem unius aut plurium personarum». Ita fore etiam ex C. G. 895. — Hinc institutio haeredis necessaria non est, et discrimen inter testamentum et codicillum sublatum est. Substitutio item mediata, seu fideicommissaria ablata est, C. I. 899. 900., C. G. 896., determinata quodam casu excepto, ex C. G.

180. *Resolvens*: Haereditas dicitur haeredi ex morte testatoris, nec antea nec postea. Non antea, quia *exstitis* nulla est adhuc haereditas, non postea, quia haeres a defuncti personam continuat, et eadem est cum ipsa, fictione iuris, persona. Quare si sortus haeres haereditatem adiit, a iure retro valet, ex momento cuius defuncti: ac si moriatur ante aditam haereditatem, ius suum, suis haeres transmittit. C. I. 933., C. G. 777., C. C. I. 924., C. A. 25. Hinc *de haereditate* habetur ut non apposita *das* a qua haereditas impetretur, sed a qua desinere debeat, C. I. 851., C. C. A. 695.

181. *Quotuplex est testamentum?* — 1. Ratione dispositionis bonorum triplex est, ex C. G. 1002. 1003. 1010., testamentaria dispositio, universalis, ex titulo universalis, ex titulo particulari. *Universales* est, cum testator uni aut pluribus relictum universitatem suorum bonorum. *Titulis universalis*, cum testator aliquid reliquit quodam omnium bonorum partem, dimidium partem, tertiam partem, omnia immobilia, omnia mobilia, aut horum quoniam partem. Utraque haec dispositio ex C. I. 760., *ex titulo universalis* ap-

pellatur. *Titulo particulari* est qualibet alia dispositio. C. I. 760, C. G. 1010. Prima et altera dispositio ex C. I. 760, qualiterque tribuuntur hæredibus, postea legatarii. Ex C. G. 1002. In hac ista dispositio aut denominatione institutionis hæredis vel legiti fieri potest, et sic hæres vel legatarius assequatur *universali, titulo universalis, et titulo particulari*. C. G. 1003, 1010, 1014.

2.<sup>a</sup> Ratione formæ ex Iure Romano, testamentum distinguitur:

1. *Solenne*, in quo servantur omnes conditiones legibus præscriptæ. Est autem duplex. 1. *In scriptis seu censum*, quod sigillo signatum traditur subscribendum septem testibus, in duos, masculis, puberibus, etc., quibus cum subscribit testator, si possit; si vero nequeat, notarius testis hæc edere debet; 2. *Apertum*, quod fit coram septem testibus, sive scriptis apertis, sive viva voce, unde *nuncupatorium* etiam appellatur.

2. *Præscriptum*, quod valet absque solemnitatibus: hoc est testamentum a milite conditum, vel ab alio tempore postis, aut ceteris eiusmodi circumstantiis. — L. 920, 926.

Ratione item formæ triplex est ex C. I. et ex C. G. testamentum:

1. *Holographum*, quod *ad validitatem* manu testatoris integrè scribitur, cum indicatione anni, mensis, diei, et minutis appositione. C. I. 775, C. G. 979. Ex C. I. expresse exigitur a notariis subscribere in fine dispositionum apponatur. Nota temporis integris litteris, vel numeris fieri potest in qualibet testamenti parte. Nota hoc necessaria non est. Papyrus quælibet, licet non obsignata sufficiat, et tamen res ad iudicem deferatur, nulla in Italia erit ab hærede solvenda 30. fr. Testamentum *holographum*, antequam executioni manum; quoniam presentem debet iudici et tribunali primæ instantiæ; index vero post sufficientem examen intebit, illud apud aliquem notarium custodiri. Sed hæc formæ accidentis omnino est C. G. 1007. Testamentum item *holographum* ex C. I. 912, seqq. ad instantiam eius, cuius interest, deponitur apud notarium loci, in quo successu aperta est, in præsentia prioris et duorum testium, et librum vel instrumentum conficitur. Gousset in art. 979.

2.<sup>a</sup> *Publicum*, seu *solenne*, quod scribitur ab uno notario coram quatuor testibus masculis, puberibus, etc., vel a duobus notariis coram quatuor testibus, et a testatore, a notario ac testibus subscribitur. Ac si testator subscribere non possit, mentio in actis facienda est, atque etiam notarius qui prohibetur subscribere. C. I. 776, seqq., C. G. 971, seqq.

3. *Mysticum seu secretum*, quod testator causam sigilloque signatum tradit notario coram sex testibus, assertis hæc esse testamentum suum a se vel ab alio scriptum, et a se subscripum. Debet inscribi nec attestatio super collatione testamenti, et a notario, testibus et testatore subscribi. Si testator testamentum subscribere non poterit, de hac mentio fieri debet et abitur alius testis præter sex necessarios. C. G. 976, seqq., C. I. 782, seqq. Verum ex C. I. 783, quatuor tantum testes exiguntur, et si testator scribere nequeat, idem observatur ac in *testamento publico*.

Testamentum holographum facere possunt, qui scribere possunt, publicum qui possunt legi, secretum qui possunt legere. Sordidum et nunti testari possunt testamentum holographum vel secretum. C. I. 775, 778, 785, 786, C. G. 971, 972, 978, 979. — L. 926.

4. Sunt præterea *testamenta privilegiata*, quæ speciem habent formæ. Ea sunt: 1. *Testamentum pifitum*, et verum qui officio sunt exaribus ad fieri. Cf. C. I. 790-803, C. G. 981-984. — 2. *Testamentum tempore postis*. Cf. C. I. 789, 790, C. G. 985-987. — 3. *Testamentum in nunciato*. Cf. C. I. 791, seqq., C. G. 988, seqq. — 4. *Testamentum publicum rusticorum*. Cf. C. G. 974. — L. 926, 929.

182. *Conditiones testamentarum*. — Ut testamentum sit validum, et firmum, requiritur: 1. ut habeat conditiones ad contractus prædictos requisitas, et imprimis consensum liberum et spontaneum; 2. ut dispositio bonorum fiat iuxta reservationem seu legitimam hæredibus a legē assi-



gnatam: 3.<sup>o</sup> ut non fiat ab inhabili ad testandum, nec in gratiam inhabilis ad recipiendum, seu ad succedendum in iura defuncti: 4.<sup>o</sup> ut servantur substantiales formalitates iure praescriptae. — G. 815., L. 921.

183. *Cuiusmodi testes requirantur in testamentis?* — 1.<sup>o</sup> Ex Iure Romano debent esse masculi, puberes, liberi, non surdi, non muti, non caeci, non intestabiles a lege, non haeredes ex testamento, nec domestici testatoris vel haeredis; non tamen excluduntur legatarii, L. 919. — 2.<sup>o</sup> Ex C. G. 971, 975, 980, postulatur masculi, maiores, subditi reipublicae, fruenter iuribus civilibus, non scribae notariorum qui actum faciunt, non legatarii seu haeredes, neque horum consanguinei vel affines intra quartum inclusive gradum, id est intra secundum iuxta computationem canonicam pro linea transversali: attamen in mystico testamento legatarii aut eorum cognati non excluduntur. Hi enim qui excluduntur a munere testandi, reiciuntur tantum pro testamento publico. Ex C. I. 788, admittuntur inter testes etiam extranei, in regno residentes, et excluduntur solum proximi exercentes et amanuenses notariorum, iique, quibus civilium iurium exercitium fuerit interdictum.

184. *An valeant in foro conscientiae testamenta ad causas prophanas, formis legalibus destituta?* — Affirmandum videtur ex C. I. Etenim art. 804, horum testamentorum nullitas ipso iure minime statuitur, sed tantum asseritur, constitutas formalitates servandas esse *sub poena nullitatis*. Quare, nulla intercedente iudicis sententia, ea testamenta in conscientia valent. Affirmandum etiam videtur ex C. G. 970., ubi de testamento olographo dicitur, quod non *crit valiturum*, nisi servatis statutis formis, et art. 1001, item dicitur, statutas testamentorum formalitates servandas esse *sub poena nullitatis*. Sententia vero iudicis intercedente, quam legitime quis invocare potest, huic standum est. Cf. n. 92. L. 927.

185. *An testamenta ad pias causas sint valida, si formis legalibus careant?* — R. Affirmat., et haec sententia communissima et certa est: 1.<sup>o</sup> Quia constat ex Iure Canonico, C. *Relatum* 11. de *Testam.*, etc. 2.<sup>o</sup> Quia piae causae ad Ecclesiam pertinent, eiusque subiacent iurisdictioni: porro Ecclesia libera et immunis est a potestate civili in iis omnibus, quae iurisdictioni suae directe subunt. Quare a Trid. sic statutum est: «Episcopi, etiam ut Sedis Apostolicae delegati, in casibus a iure concessis, omnium piarum dispositionum, tam in ultima voluntate quam inter vivos, sint executores». S. 22. C. 8. de R. 3.<sup>o</sup> S. Poenitentiaria, pluries interrogata, huic sententiae adhaerendum esse respondit. — G. 818., L. 922.

186. *Nota:* Testamenta ad pias causas nulla ergo egent solemnitate civilibus legibus constituta: sed opus est tantum, ut certo innotescat testatoris voluntas. Quare, si oretenus testamentum factum sit, duo aut tres testes sufficiunt. C. *Relatum* cit. Testes autem esse possunt quicumque legitime testari valent. Si autem testatoris scriptura extet, ea quidem sufficit ad validitatem testamenti vel legati pii. Quin imo sufficit, in foro conscientiae, nuntius vel aliud testatoris signum, absque ullo teste, dummodo tamen *certa sit testatoris voluntas*. Hinc testamentum inchoatum et non perfectum, propter morbum intervenientem testatoris, valet quoad legata pia in eo iam expressa. — L. 922, 923, 924, 925, 937, 940.

187. *An valeat dispositio testamentaria sub conditione, et ad diem?* — R. 1.<sup>o</sup> Dispositio testamentaria fieri potest sub conditione, C. I. 848., C. G. 1040. — 2.<sup>o</sup> Conditiones impossibiles aut contra bonos mores habentur ut non adiectae, C. I. 849., C. G. 990. — 3.<sup>o</sup> C. I. 850, reiecit conditiones legibus contrarias, inter quas recenset conditionem impediendam primas et ultteriores nuptias: sed permittit conditionem status viduitatis a coniuge alteri impositam. Cf. Laymann de *Testam.* C. 10, n. 13. — 4.<sup>o</sup> Si conditio est non faciendi aliquid, cautio ab haerede praestanda exigitur, C. I. 855. Idque pro

haereditate et pro legato valet. — 5.<sup>o</sup> *Conditio suspensiva tribuit haeredi aut legatario ius ad suos haeredes transmittendum ante impletam quoque conditionem, dummodo impleatur.* C. I. 854., C. G. 1041. — 6.<sup>o</sup> *Nulla habetur ratio diei apppositi institutioni haeredis, titulo universali, a quo die debeat ipse incipere aut cessare,* C. I. 851.

188. *An in conscientia obligent substitutiones et fideicommissa?* — 1.<sup>o</sup> *Immediatae substitutiones, substitutiones vulgares etiam dictae, quibus haeredi seu legatario, alter haeres seu legatarius substituitur, si prior haereditatem aut legatum non adeat ex C. G. 898, validae sunt. Idem habetur ex C. I. 895, si prior haeres seu legatarius nolit vel non possit haereditatem seu legatum acceptare. Ex C. I. 896, substitutus ei, qui noluerit haeres esse, substitutus intelligitur ei qui non potuerit, et contra: nisi constet de contraria testatoris voluntate. Secus vero est ex C. A. 605. Quare nulla quoad huiusmodi substitutiones ex positivis legibus esse potest difficultas pro foro conscientiae.*

2.<sup>o</sup> *Ex C. A. 608, fideicommissa integra manent, adeoque admittitur tum substitutio vulgaris, tum substitutio fideicommissaria.*

3.<sup>o</sup> *Ex C. G. 896, 897, 1048, 1050., fideicommissa, seu mediatae haeredis substitutiones, substitutiones fideicommissariae etiam nuncupatae, quibus nempe haeres aut legatarius iubetur *servare et alteri reddere, erant nullae* respectu etiam *donatarum, legatarum, haeredis.* Unde non tantum onus reddendi, sed ipsa etiam donatio, legatum, haereditas nullitati subiecit. Exciipiuntur eae dispositiones, quibus parentes bona sua, vel eorum partem, uni aut pluribus ex suis filiis relinquunt, cum onere, ut ipsi ea bona descendantibus suis, in primo tamen gradu ex art. 1048., etiam in secundo gradu ex leg. 17. Maii 1826., natis vel nascituris reddant. Eadem facultas fit fratri relinquenda bona, de quibus disponere potest, uni aut pluribus fratribus cum onere reddendi eadem filiis suis natis aut nascituris, in primo item dumtaxat gradu.*

4.<sup>o</sup> *Ex C. I. 899, 900, quaelibet dispositio qua haeredi vel legatario onus imponitur *servandi et alteri restituendi* est substitutio fideicommissaria lege prohibita. Eius autem nullitas nullum infert praeiudicium validitati institutionis haeredis aut legati: sed substitutio tantum, etiam in primo gradu caret effectu. Verum permittitur ex C. I. 832, 932., haereditatem vel annuas praestationes relinquere, propter piam causam vel causam publicae utilitatis, pauperibus alendis, pueris instituendis, puellis dotandis, etc., quovis instituto haerede, v. g. futuris suis primogenitis, vel alterius.*

5.<sup>o</sup> *Porro notandum primo est quod non habetur substitutio lege prohibita, si non habetur *imperium et onus* reddendi. Simplex *deprecatio* et sine *onere* imposito substitutionem prohibitam non constituit. Necesse praeterea et onus *servandi*. Quare onus tantum *reddendi* non constituit iterum substitutionem prohibitam. Tunc enim haeres institutus, reapse haeres non est, sed mere executor testamenti. Requiritur insuper onus *reddendi* tertio, reddendi nempe post mortem haeredis instituti. Hinc neque onus reddendi ex die e. g. Caio postquam pervenerit ad pubertatem, ad ordines sacros ascenderit, etc., post decem annos, etc., substitutio prohibita est, sed legatum quoddam *sub conditione*, vel *ad terminum*, quod lege ipsa comprobatur, C. G. 1040, 1041, 1186., C. I. 854, 856, 857, 1173, 1174. Non enim est, quod lex prohibere intendit, videlicet quod quis suo testamento bis aut pluries, aut etiam indefinite velit successiones futuras determinare. Cf. C. I. 901. Atque hinc patet substitutionem proprie non esse dispositionem *conditionatam*, sed dispositionem *sub modo*. Quare haeres nominatus, vere et absolute haeres instituitur, eique dominium transfertur, cum obligatione impositum onus implendi, quod si non impleatur, dominium non amittitur; sed cogi semper potest ad illud implendum. Gousset in art. 896., Rogron in eund. art. C. I. 829, permittitur haeredi fiduciario veri haeredis, aut legatarii nomen confidere, modo is incapax non sit. Grave autem erit fiduciario fidem fallere.*

6.<sup>o</sup> Ex dictis apparet, praecedentem legem iniustam saltem non esse, adeoque ratio non adest cur illi omnis obligandi vis adimatur, per se et communiter loquendo: quamvis, ut ipso legis tenore constat, testamentaria dispositio, contra talem legem facta, tanquam ipso iure irrita haberi non possit. Quare si quis directe haeres institutus fideicommissaria substitutione haereditatem possideat, eam in conscientia retinere poterit, et rescissionem substitutionis invocare poterit. Si item haeres *substitutus* praedicta dispositione fideicommissaria haereditatem iam adeptus sit, eam poterit in conscientia retinere donec a iudice restituere cogatur. Si quis vero haeres instituitur ex praevia promissione facta testatori, seu pacto haereditatem statim vel post certum tempus transmittendi tertiae personae vel causae piae, eam quidem in conscientia retinere non poterit. — L. 927. 928. 952.

189. *De revocatione testamentorum.* — 1.<sup>o</sup> Testamentum, sub quacumque forma sit factum, semper revocari potest ad nutum testatoris, quia testamentum ex natura sua est actus essentialiter revocabilis: proinde testator dominium bonorum suorum usque ad mortem retinet. Idque valet, quamvis testator se testamentum non mutaturum promiserit, aut scripserit. C. I. 916., Cf. C. A. 716.

2.<sup>o</sup> Hinc positivo iure renunciatio futurae haereditatis et omnia pacta prohibentur de futura successione; et, privata conventione, testamenta in pacta commutari non possunt. C. I. 954. 1118. 1460., C. G. 1130. 1500., C. A. 879. 1383. L. 932. 933. 934. Insuper nequit quis quolibet modo renunciare libertati revocandi aut mutandi dispositiones testamentarias: quaelibet clausula aut conditio contraria caret effectu. C. I. 916. « Tales pactiones odiosae sunt, et plenae periculis ob insidias, quae parantur eius vitae, super cuius bonis fit pactio ». L. 934.

3.<sup>o</sup> *Excepcio*: nisi renunciatio fiat in favorem Communitatis vel Collegii: tunc enim cessat omnis praesumptio et periculum insidiarum: nisi quis ob Constitutiones Ordinis de omnibus bonis et iuribus acquisitis et acquirendis disponere debeat, idque in favorem Communitatis piae vel certae personae; nisi fiat pactum circa haereditatem personae incertae, v. g. si quae mihi haereditas obvenerit, dum vivero, tua esto: cessat item periculum. L. 934.

4.<sup>o</sup> Testamentaria autem dispositio semel revocata, sine effectu permanet; licet nova dispositio executionem sortiri non possit. C. G. 1037.

5.<sup>o</sup> Refertur ad *revocationem* testamenti eius *caducitas*, quae habetur, quando dispositiones testamentariae, etsi validae a principio, infirmae tamen evadunt ob quasdam circumstantias: v. gr. si legatarius deficiat, moriatur ante testatorem, vel ante executionem alicuius conditionis, si res legata deficiat, pereat, etc. Verum *legata* manent, quamvis *testamentum* fiat *caducum*. C. I. 853. 854. 890. 891., C. G. 1039. 1049. 1041. 1043. C. A. 703.-705.

6.<sup>o</sup> *Revocatio testamenti duplici modo fieri potest*: expresse, et tacite. *Expresse*, seu 1.<sup>o</sup> per destructionem testamenti; 2.<sup>o</sup> per actum coram notario confectum, quo mutatio voluntatis exprimitur; 3.<sup>o</sup> per testamentum novum priori contrarium: sed tunc revocatio non censetur integra, nisi dispositiones testamenti novi omnibus dispositionibus prioris sint contrariae, et omnes tunc validae sunt: si vero contrariae sint, novissimae valent. C. I. 916. seqq., C. G. 1035. seqq. *Tacite*, per donationem, venditionem, permutationem, destructionem, aut quamlibet dispositionem rei legatae, qua mutatio testatoris manifestatur. C. I. 892. 893., C. G. 1042. Quaelibet alienatio a testatore facta sive ex toto sive ex parte rei legatae, etiam per venditionem cum pacto retrovenditionis revocat testamentum quoad illud quod alienatum fuit, quamvis alienatio sit nulla, aut res reseat in possessionem testatoris. C. I. 892., C. G. 1048. Idemque valet, si testator rem legatam ita transformaverit, ut praecedentem formam et denominationem amiserit. C. I. 892.

190. *Revocatur ipso iure testamentaria dispositio*, sive sub titulo uni-



versalis institutionis haeredis, sive sub titulo particulari legati, ab eo facta, qui cum testamentum conderet, aut carebat filiis seu descendentibus, aut se eos habere ignorabat, si existat, vel superveniat filius vel descendens legitimus testatoris, etsi postumus, aut legitimatus, aut adoptivus. Atque praedicta revocatio locum adhuc habet, etiamsi filius conceptus fuerit tempore testamenti, et, si agatur de filio naturali legitimo, etiamsi a patre ante testamentum fuerit recognitus et post testamentum legitimatus. At vero, si filius aut nepos, vivo testatore, decesserit, testamentum convalescit. Locum vero revocatio non habet, si testator casui providerit quod existerent aut supervenirent filii aut eorum descendentes. C. l. 888. 889. — L. 950.

191. *An utrumque testamentum validum sit, cum duplex reperitur testamentum eodem die confectum.* — P. Gury in Cas. Conse. n. 553, ubi citat Pontas « utrumque, ait, testamentum est validum, cum utrumque omnibus conditionibus testamenti olographi gaudeat et utrumque eodem die confectum fuerit. Proinde duo haeredes ius aequale habent. Et ambo inter se hanc haereditatem dividere debent. Idem enim est ac si uterque in eodem testamento haeres institutus fuisset ». Card. de Lugo D. 24. n. 47. « quando, inquit, duo testamenta proferuntur facta eodem die, nec possit sciri quod fuerit posterius, et idem, meo iudicio, erit, quando duo proferuntur sine die quo condita essent, aliqui dicunt utrumque valere et dividenda esse bona; quod etiam sequitur P. Molina disp. 153 par. *quando eodem die*; et certe si aliqua sint legata, vel aliqua alia, quae in utroque testamento praescribantur, videntur illa implenda esse, cum quoad illa certo constet de voluntate testatoris: quod saltem verum erit, si sufficiat codicillus ad illorum valorem, et illud testamentum possit saltem valere ut codicillus propter clausulam codicillarem formaliter vel virtualiter positam. Quoad alia vero, in quibus illa testamenta sunt opposita, communis sententia, loquendo de iure communi, docet merito neutrum testamentum valere propter incertitudinem, et haereditatem venire ad haeredes ab intestato... Ita doctores communiter, quos affert et sequitur Sanchez dicto cap. 1. dub. 22. n. 3. Quam tamen sententiam limitat cum aliis primo, si neuter haeres possideret, alioquin possessor in dubio non est spoliandus. Secundo, nisi in altero instituti sint ii, qui ab intestato deberent succedere: tunc enim illud esset praefendum. Tertio nisi unum esset in favorem causae piae, ob cuius favorem illud sustinebitur ». — Sententia haec, quae stat pro invaliditate utriusque testamenti, probabilior nobis videtur, siquidem duplex hoc testamentum voluntatem testatoris ostendit suspensam et adhuc non determinatam. Duo enim testator conficiens testamenta, quae invicem opponuntur, neutrum actu eligit sed alterutrum est electurus. Sententia tamen, quae stat pro validitate utriusque testamenti sua non caret probabilitate. Cf. n. 189. 6.<sup>o</sup>

192. *De testatorum capacitate.* — 1. Ex Iure naturali omnes testari possunt, iis tantum exceptis, qui suae mentis compotes non sunt, vel incapaces ex lege fuerint declarati, licet sub cura, sub tutela sint, et testari possunt etiam sine curatore, sine tutore. Surdi etiam et muti a nativitate possunt testari. L. 942.

2.<sup>o</sup> Ex Iure Romano testari possunt omnes usum rationis habentes, exceptis surdis-mutis a nativitate, impuberibus, prodigis, damnatis ad mortem civilem, vel naturalem, nec non religiosis professis. Ex Iure etiam Canonico testari non possunt religiosi professi, itemque clerici quoad redditus beneficiorum, excepto privilegio vel legitima consuetudine. Novitii, cum adhuc sui iuris sint testari possunt. Neque vero rumpitur eorum testamentum, secuta professione, etsi monasterium in eo praeteritum fuerit. CC. 9. 12. *de Testam.* L. 935., 942., Schmalz. *de Testam.* n. 83. seqq., Ferraris v. *Beneficium* art. 3. n. 8.

3.<sup>o</sup> Ex C. l. 762. 763. testari possunt omnes, qui incapaces per legem non declarantur. Porro tanquam incapaces testari non possunt minores ante an-

num 18.<sup>mo</sup>, interdicti propter infirmitatem mentis, qui sanae mentis non sunt tunc cum testamentum condunt, damnati ad Ergastulum. Cod. Pen. 32.

4.<sup>o</sup> Ex C. G. 509, 903, 904. testari possunt: 1.<sup>o</sup> omnes qui donationes facere possunt *inter vivos*; 2.<sup>o</sup> uxores, quae plenam habent facultatem testandi, licet donationes erogare nequeant absque speciali mariti consensu, aut iudicis auctoritate; neutro enim horum indigent, quo libere possint per testamentum disponere; 3.<sup>o</sup> minores ab anno 16.<sup>o</sup> testari tantum possunt de dimidia parte bonorum, de quibus maiores disponere valent. — Testari vero non possunt qui sanae mentis non sunt, et interdicti.

193. *De haeredum capacitate.* — 1.<sup>o</sup> Ex Iure naturali, omnes homines, etiam amentes, surdi, muti, servi, immo et communitas haeredes institui possunt, nisi specialiter Iure positivo prohibeantur. L. 943.

2.<sup>o</sup> Ex Iure Canonico haeredes institui possunt religiosi professi Ordinum, quibus permissum est bona immobilia in communi possidere, eorumque nomine monasterium succedit, nisi contraria adsit specialis Ordinis Constitutio, ut in Soc. Jesu. Religiosi vero ad episcopatum promoti ita sunt haereditariae successionis capaces, ut administratio bonorum et commodum ad eos spectet, dominium vero Ecclesiae, cui praesunt. Ipsa etiam monasteria, quibus concessum est dominium habere in communi bonorum immobilium, haeredes institui possunt. — L. 944.

Ex Iure Romano haeredes institui prohibentur damnati ad mortem tum naturalem tum civilem, perduelles, filii naturales et spurii, iuxta restrictiones infra ponendas. L. 943, 950, 951, 952.

Ex C. I. 2. 721, 724, 725, 726, 763, 764, Cod. poen. 33. incapaces sunt hereditatis ex testamento, qui ex legis dispositione succedere nequeunt, videlicet 1.<sup>o</sup> qui cum adiretur haereditas nondum essent concepti; 2.<sup>o</sup> qui nati sunt non vitales: possunt tamen ex testamento accipere filii immediati personae viventis cum moreretur testator, etiamsi hi nondum concepti fuerint; 3.<sup>o</sup> damnati ad Ergastulum. 4.<sup>o</sup> Communitates seu Collegia, quae legitime non sunt probata, cum civilibus iuribus non gaudeant, ex testamento accipere nequeunt. Verum quatenus huiusmodi dispositio Ecclesias et causas pias respicit, nulla prorsus est in foro conscientiae. C. I. 833, 1075. — Incapaces vero sunt successionis tanquam indigni: 1.<sup>o</sup> qui voluntarie occidit aut tentavit occidere eum de cuius successione agitur, 2.<sup>o</sup> qui eidem inferat crimen, si illatum crimen declaratur in iudicio calumniosum, 3.<sup>o</sup> qui eundem coegerit testamentum facere aut mutare, 4.<sup>o</sup> qui eundem impediverit testamentum facere aut factum revocare, aut qui suppresserit, celaverit testamentum posterius, vel in eo mutationes aliquas induxerit. Cf. L. 948, 949. — Nihilominus, indignus admitti potest ad successionem, si is de cuius successione agitur, ipsum ad hoc habilem reddiderit expresse per actum authenticum aut testamentum. Itemque descendentes indigni retinent ius ad legitimam, quae ad reiectum spectaret.

Ex C. G. 25, 338, 725, 727, 762, 906, seqq. prohibentur generatim illi qui donationes recipere non possunt. Quare incapaces haereditatis sunt: 1.<sup>o</sup> qui non erant concepti tempore mortis testatoris, 2.<sup>o</sup> qui nati sunt non vitales, 3.<sup>o</sup> mentis civiliter, 4.<sup>o</sup> medici, chirurgi, officiales sanitatis, pharmacopolae, qui defunctum curaverunt in ultimo morbo, nec non confessarii, si dispositio, durante tali morbo, quo nempe infirmus moritur, facta fuerit, quibusdam exceptis casibus, 5.<sup>o</sup> Communitates quaelibet sine Principis approbatione, vel Praefecti, si dispositio excedat summam 300. fr. Recentius vero Praefectis in gratiam Communitatum civilium, hospitalium, fabricarum, etc., ampliores concessae fuerunt facultates, quae tamen non extenduntur ad Communitates religiosas. Per se autem patet, hasce praescriptiones nullius esse roboris, quatenus Ecclesiae iura laedant. — A successione vero tanquam indigni repelluntur: 1.<sup>o</sup> qui damnatus fuerit eo quod defunctum occiderit, aut occidere tentaverit; 2.<sup>o</sup> qui capitale crimen defuncto intulerit, quod indicatum sit calumnia; 3.<sup>o</sup> maior qui noscens

homicidam defuncti, ipsum ad iudicium non detulerit. Cf. art. 727. 955. 1046. 1047.

Insuper nihil a testatore capere possunt 1.<sup>o</sup> tutores eius, *ante redditos* et comprobatas ultimas rationes administratae tutelae, etiamsi tutela finita fuerit, C. I. 309. 769., C. G. 475. 907., exceptis a *ascendentibus*, *descendentibus*, *fratribus*, *sororibus*, *coniuge*, C. I. 769. — 2.<sup>o</sup> Notarius et qui testamento testis interfuit, C. I. 771., vel testamentum scripsit, nisi forte secretum testamentum fuit, et testator manu sua, vel ore tenus coram notario et testibus, cum traditur, comprobaverit quod huic reliquit, C. I. 771. 772. — 3. Filii illegitimi, quos testator agnovit, vel quos iudicis sententia tales esse constat, legitimos existentibus, nequeunt quidpiam a patre vel matre capere: scilicet *naturales* praeter legitimam, vel id quod eis debetur iure successionis, C. I. 193. 724. 764. 768. 773., C. G. 723. 908. 911., *spurio* praeter alimenta, C. I. 180. 752. 767., C. G. 762. Concors fuit iudic. sententia parentes graviter peccare plus donando vel relinquendo, et filios acceptando, hosque ad restitutionem teneri etiam ante iudicis sententiam, L. 351. — 4.<sup>o</sup> Coniugi binubo non licet plus novo coniugi relinquere quam filio ex priori matrimonio procreato, cui minus reliquit quam ceteris, C. I. 770., Cf. C. G. 1098. — 5.<sup>o</sup> Nulla est dispositio testamentaria facta in favorem personae, quae incerta ita sit, ut nequeat determinari, vel personae incertae ab alio nominandae. Valida tamen est dispositio generatim facta in favorem pauperum, aegrotorum, etc. Si in nomine haeredis aut legatarii testator erraverit, si tamen de persona constat, valet institutio et legatum, C. I. 830. 832. 834. 907. 972.

194. *Nota*: 1.<sup>o</sup> Dispositio testamentaria in favorem *incapacis*, quamvis simulata sub forma contractus onerosi, vel facta per interpositas personas, nempe patrem, matrem, descendentes, et coniugem eius cui relinquitur, ex C. I. 773. *est nulla*, ex C. G. 911. *erit nulla*. Hinc alii affirmant haereditatem fiduciarium, cui commissum fuerit haereditatem incapaci, v. g. filio spurio restituere, haereditatem vel legatum sibi adscribere posse: nam conditio restituendi contra legem, nulla est. Alii dicunt restituere debere illi cui relictum fuerat, ne fidem fallat. Alii tenent, et verius, restituere debere haeredibus ab intestato, quibus assistit ius ex legum iusta dispositione. Cf. Lugo D. 24. n. 95., Salm. Tr. 14. C. 5. n. 73., L. 952. — 2.<sup>o</sup> *Indignus* officio iudicis est a successione repellendus. — 3.<sup>o</sup> «Legata ad causas pias ob incertitudinem loci vel Ecclesiae non fiunt caduca, sed plerumque pauperiori Ecclesiae vel xenodochio danda erunt». L. 938.

195. *Quotuplicis generis haeres distinguitur?* — 1.<sup>o</sup> *Legitimus*, qui de iure succedit ab intestato: 2.<sup>o</sup> *Necessarius*, qui a testatore excludi non potest: 3.<sup>o</sup> *Voluntarius*, qui haeres vocatur ex libera testatoris voluntate. — Hinc patet, distinguendum esse etiam haereditatem *ex testamento*, si per testamentum fuerit designatus, et haereditatem *ab intestato*, si de iure succedat defuncto, qui nullum aut imperfectum testamentum fecit. — G. 822., L. 945.

196. *Quotuplicis generis testatoris bona distinguantur?* — Ei, qui nullos successores necessarios habet, integrum est omnia prorsus sua bona donare cui velit actu inter vivos, sive mortis causa, C. I. 809., C. G. 916.: secus vero si necessarios successores habeat. Hisce enim portio debetur bonorum seu *haereditatis*, a lege constituta, quae *legitima* dicitur, C. I. 805. 808. 1091., C. G. 913. 915., C. A. 762. 774. Ea vero bonorum pars, quam cuivis sive inter vivos donare, sive testamento relinquere quis libere potest, *disponibilis* appellatur. Pars *legitima* plena proprietate debetur, adeoque sine ullo prorsus onere, modo, conditione, vel die; secus vero *disponibilis*, cui onera addi possunt, C. I. 808. 810., C. G. 913. 917., C. A. 774. — L. 950.

197. *Quinam sunt haeredes necessarii?* — Haeredes *necessarii* sunt: 1.<sup>o</sup> *descendentes*: 2.<sup>o</sup> in eorum defectu *ascendentes*. — Si utrique desunt integrum est testatori de omni re sua pro suo arbitrio disponere, C. I. 809.,



C. G. 916., salvo iure coniugis superstitis ad certam partem usufructus relictorum bonorum, C. I. 812.-814. — Descendentes autem sunt filii naturales et legitimi, aut legitimi tantum i. e. legitimati et adoptivi, eorumque descendentes, C. I. 806. — Descendentes filiorum iure repraesentationis succedunt, si cum filiis concurrant, et tunc quotquot sint portionem eam inter se divisibilem accipiunt, quae eorum parenti competeat, h. e. succedunt in stirpes: si autem nullus supersit filius, singulis ex aequo testator bona sua distribuere potest, iuxta ius sibi concessum, et ipsi succedunt in capita, C. G. 739.-745. — Filiis, *naturalibus legaliter non recognitis*, nullum ius conceditur in bona parentum: recognitis nullum ius in bona eorum, qui parentum cognati sunt, C. I. 743. 749., C. G. 756.

198. *Quaenam sit reservatio seu legitima haeredibus necessariis debita?* — Ex Iure Romano: 1.<sup>o</sup> Quoad *ascendentes*, *triens*, seu tertia pars, deficientibus descendantibus, reservatur. — 2.<sup>o</sup> Quoad *filios legitimos*, *triens*, si non sint plures quam quatuor filii; et *semissis*, seu dimidia pars, si plures sint. — 3.<sup>o</sup> Quoad *filios naturales*, succedunt matri pari iure cum legitimis. Non succedunt vero patri filios legitimos habenti, licet ab eo duodecimam haereditatis partem accipere possint. Quod si pater filius legitimis careat, potest instituere haeredes filios naturales, modo parentes superstites legitima portione non priventur, quibus deficientibus filii naturales in omnibus bonis patris succedere possunt. L. 947.-951.

Ex C. G. 913.-915., sive pro testamento, sive pro donatione *inter vivos*: 1.<sup>o</sup> Quoad reservationem *filii legitimis* debitam, si unus sit, *dimidia pars* bonorum reservatur: si duo, *histrions* seu duae tertiae partes; si tres vel plures, *duodrans*, seu tria quadrantia. Nomine autem *fili* eius descendentes, qui eum repraesentant, comprehenduntur. — 2.<sup>o</sup> Quoad reservationem *ascendentibus* debitam, si adsint *fili legitimi*, ius nullum habent; filiis deficientibus, ascendentes ius habent ad legitimam, ita ut haec portio sit semis vel dimidia pars, si ex utraque linea supersint, quadrans vero, vel quarta pars, si supersint tantum ex una. — 3.<sup>o</sup> Uxor non venit inter haeredes necessarios, nec legitimos ab intestato, nisi deficientibus caeteris legitimis intra gradus lege stabilitos. Ita ex utroque Iure, Romano scilicet et Gallico. Attamen lege naturali testator aliquam partem adsignare debet coniugi superstiti, si bona sua sufficientia non habeat, ob arctissimam inter maritum et uxorem necessitudinem.

Ex C. I. 744. 805. 807. 808. 812-816. 818. 1.<sup>o</sup> Portio legitima *filiorum*, *legitimorum*, est dimidium bonorum, quicumque sit filiorum numerus, et sexus. Nomine autem filiorum comprehenduntur, legitimi, legitimati, adoptivi, eorumque descendentes. — 2.<sup>o</sup> *Filiis illegitimis*, rite agnitis, si extant liberi vel ascendentes, dimidium debetur quotae partis, quae ipsis contigisset si fuissent legitimi, legitimis simul computatis. Si vero deficiunt descendentes et ascendentes, debentur ipsis duae tertiae partes praedictae quotae. Verum portio haec, quae illegitimis debetur praestari potest bonis haereditariis, vel pecunia muneribus aequae *legitimam* descendantium legitimorum vel ascendentium non minuit, siquidem ex disponibili detrahenda est. — 3.<sup>o</sup> Portio legitima *ascendentium* deficientibus descendantibus, est tertia pars divisibilis inter patrem et matrem, et alterutro ex eis deficiente superstiti conferenda, ambobus deficientibus, dividenda inter ascendentes lineae paternae et lineae maternae, dummodo eorum constent gradu, secus conferenda proximis alterutrius lineae. — 4.<sup>o</sup> *Coniux* ius habet in haereditate coniugis defuncti ad usufructum certae portionis, maioris vel minoris, prout defunctus aut descendentes, aut ascendentes solos, aut neutros reliquerit. Sed portio haec ex *disponibili* detrahitur, et certa reddituum parte, vel annuis praestationibus dari potest. C. I. 818. 819.

199. *An testator teneatur sub gravi obligatione relinquere bona cognatis, qui non sunt haeredes necessarii, si ipsi graviter indigeant?* — Loquendo de fratribus aut sororibus, affirmandum omnino est, saltem quantum sufficiat

ad sublevandam ipsorum indigentiam non tantum ex generali praecepto caritatis, quae graviter obligat, cum materia sit gravis, sed etiam ex obligatione speciali pietatis, quae sub gravi etiam obligat ad subveniendum fratribus aut sororibus in gravi necessitate, prae omnibus aliis pauperibus sive operibus piis. Quod si fratres aut sorores sint pauperes, etiamsi gravem indigentiam non habeant, adhuc est saltem veniale eos praeterire. Erga vero alios consanguineos remotiores non videtur adesse gravem obligationem ipsos praefereendi aliis pauperibus. Eorum tamen praeteritio, si graviter indigeant levi culpa non careret, siquidem erga ipsos etiam adest aliqua, licet non ita stricta, pietatis obligatio. L. 946.

200. *An possint parentes partem haereditatis, etiam filiis spuris relinquere?* — « Filii autem spurii, praeter alimenta, nihil penitus ex quocunque titulo possunt recipere a patre, neque inter vivos, neque ex testamento, aut ab intestato; et si quid acceperint, tenentur in conscientia restituere haeredibus patris... Ratio, quia isti spurii effecti sunt per legem omnino incapaces in odium genitorum, ut ex Nov. 74. etc. » L. 951. Haec Struggl Tr. 7. q. 2. n. 13.: « Unde in casu quo pater filiam spurium excessive dotavit, haec cum suo marito tenetur etiam ante sententiam iudicis legitimis haeredibus restituere excessum dotis, nisi illi hunc forte libere remittant; ut cum Molina et Sanchez docet Sporer hic cap. 5. n. 50. » C. I. 180. 752., C. G. 762. « Plures autem, ait P. Gury Dumas Cas. 868., non *improbabiliter* huiusmodi donationes (donationes nempe filiis etiam incestuosis et adulterinis factas), non irritari contendunt, nisi de vitio natiuitatis iuridice constet ». Cf. L. 951. 952.

201. *An haeredes necessarij exhaereditari possint?* — 1.<sup>o</sup> *Ex Iure Romano* exhaereditari possunt filii sola patris auctoritate praecipue in casibus sequentibus: 1.<sup>o</sup> si filius iniiciat manus in parentem, aut contumeliose eum tractet; 2.<sup>o</sup> si eius accusator aut testis sit in causis criminalibus; 3.<sup>o</sup> si rem habeat cum eiusdem uxore; 4.<sup>o</sup> si nolit fideiubere ad patrem e carcere liberandum; 5.<sup>o</sup> si patrem a condendo testamento prohibuerit; 6.<sup>o</sup> si filia, recusato honesto matrimonio, luxuriose vivat. L. 948., seq. — 2.<sup>o</sup> *Ex Iure Gallico et Italico* nunquam haeredes privata auctoritate exhaereditari possunt. Iure tamen seu indigni excluduntur ab haereditate in casibus iam supra notatis. Cfr. n. 183., et de IV. Decal. Praec. n. 14.

202. *Quinam sunt haeredes legitimi?* — Haeredes *legitimi* ii generatim sunt, qui ad successionem vocantur secundum dispositionem legis, deficiente defuncti dispositione, vel quia nullum condidit testamentum, vel quia condidit invalidum testamentum, vel quia haeres institutus nequeat aut nolit haereditatem adire. Cf. C. I. 723. 724., C. G. 725.

Haeredes *legitimi* in particulari sunt: 1.<sup>o</sup> ex C. I. 736., C. G. 743., *fili legitimi*, vel eorum descendentes sine distinctione primogeniturae, vel sexus, licet nati ex diversis matrimoniis. Succedunt autem aequis portionibus et in capita, si sint in primo gradu et ratione sui vocentur. Succedunt in stirpes si iure representationis appellentur. Descendentes autem defuncti excludunt caeteros a successione. Ex C. I. 737. *fili legitimi* comprehendunt etiam legitimatos et adoptivos eorumque descendentes. Adoptivi vero eorumque descendentes succedunt quidem adoptanti, sed excluduntur a successione omnium coniunctorum adoptantis.

2.<sup>o</sup> Deficientibus descendantibus, itemque deficientibus fratribus aut sororibus eorumque descendantibus, *ascendentes* succedunt, nempe ex C. I. 738. 739., pater et mater aequis portionibus, vel parens superstes. Ac deficientibus descendantibus, fratribus aut sororibus, nec non genitoribus, eorumque descendantibus, succedunt ascendentes lineae paternae in dimidia bonorum parte, et in altera dimidia parte ascendentes lineae maternae. Si tamen ascendentes in pari gradu non sint; haereditas ad proximorem spectat. — Ex C. G. 746. 747. deficientibus descendantibus, itemque fra-

tribus aut sororibus, eorumque descendantibus, proximior ascendens ex linea paterna et proximior ascendens ex linea materna, dimidiam et dimidiam bonorum partem singuli recipiunt, caeteris exclusis. Ascendentes, ceteris legitimis haeredibus exclusis, succedunt eorum descendantibus, sine posteritate defunctis, in iis bonis, quae iisdem descendantibus donarunt, vel in eorum pretium, si ea fuerint alienata.

3.<sup>o</sup> Si defunctus sine prole reliquit tum *genitores*, tum *fratres aut sorores*, vel eorum descendentes, ex C. G. 748. 751. 752., dimidia haereditatis pars inter patrem et matrem est dividenda, altera dimidia pars inter fratres et sorores dividenda est ex aequo, si ex eodem thoro nati sunt, secus vero si nati sint ex diverso thoro. Si vero unus tantum e parentibus superstes sit, portio fratrum, sororum, vel horum descendantium est dodrans, seu tres quartae partes, quarta tantum pars ad parentem superstitem relinquitur. Ex C. I. 740. in nullo casu portio genitorum esse potest minor triente, seu tertia parte. Fratres vero vel sorores consanguinei aut uterini, sive concurrant cum *germanis*, sive soli sint dimidium portionis obtinent, quae ad *germanos* spectat.

4.<sup>o</sup> Si defunctus quis sit sine prole, et sine parentibus, vocantur tunc ad successionem, ceteris exclusis, eius *fratres et sorores*, vel eorum descendentes, C. G. 750. C. I. 741., idem statuens de fratribus consanguineis ac uterinis, quod supra art. 740.

5.<sup>o</sup> Si defunctus quis sit sine prole, et sine fratribus et sororibus, eorumque descendantibus, ac sine ascendentibus alterutrius lineae, dimidium haereditatis defertur *ascendentibus superstitibus*, alterum dimidium proximioribus coniunctis alterius lineae, si tamen inter superstitis ascendentes sit pater aut mater hi ius habent ad usufructum trientis bonorum, in quibus non succedunt, C. G. 753. 754. Ex C. I. 742. si quis neque prolem, neque genitores, neque ascendentes alios neque fratres vel sorores relinquit, successio defertur ad coniunctum seu coniunctos viciniore absque discrimine lineae paternae aut maternae.

6.<sup>o</sup> *Coniuncti ultra 12.<sup>um</sup> gradum*, nempe 6.<sup>um</sup> iuxta canonicam computationem, ex C. G. 755. non succedunt. Deficientibus in aliqua linea coniunctis intra praedictum gradum, tota haereditas spectat ad coniunctos alterius lineae. Ex C. I. 742. successio non extenditur ultra 10.<sup>um</sup> gradum, nempe 5.<sup>um</sup> ex canonica computatione. Ita etiam ex Iure Romano.

7.<sup>o</sup> *Filii naturales*, legaliter recogniti, existentibus filiis naturalibus et legitimis ex C. G. 723. 757. 758. ius habent ad tertiam partem portionis, quam obtinissent, si fuissent naturales et legitimi; ad dimidiam partem eius portionis, si nulli sint legitimi descendentes, et sint ascendentes, aut fratres vel sorores; ad dodrantem, si et hi omnes desint; et si praeterea nullus sit coniunctus, qui successionis iure gaudeat, tota ad eos pertinet haereditas. — Ex C. I. 744. 745. 746. 747. filii naturales legaliter recogniti, existentibus descendantibus legitimis, ius habent ad dimidium portionis, quam recipere, si essent legitimi. Filii naturales debent praeterea imputare in eam portionem quidquid forte a parente seu parentibus acceperint, collationi obnoxium, licet a collatione dispensati fuerint. Si parens sine prole legitima eiusque descendantibus decedat, relinquat autem suos genitores, aut unum ex eis, aut alium ascendentem, aut coniugem, filii naturales succedunt in duplii triente haereditatis, reliquum defertur ad ascendentes aut coniugem. Si autem adsint simul ascendentes et coniux, tertia haereditatis pars spectat ad ascendentes, quarta ad coniugem, reliquum ad filios naturales. Si nulli sint legitimi descendentes et ascendentes nec coniux, tota haereditas ad naturales filios devolvitur. — Ex C. I. 180. 752., C. G. 762. a successione omnino excluduntur filii ex adulterio aut incestu nati, qui solum ius habent ab alimentis. Filiis sine alimenta de iure naturae debentur. Unde illis a patre nunquam privari possunt. Struggl Tr. 7. q. 2. n. 15., L. 949. 951.



8.<sup>o</sup> Ex C. G. 767., coniunctis omnibus deficientibus intra 12.<sup>um</sup> gradum coniux ad successionem vocatur, dummodo inter eos divortium non existerit. Ex C. I. 753. 754. 755. coniux superstes ius habet ad usufructum certae portionis, si adsit proles; quae portio maior esse nequit quarta parte; deficiente legitima prole, si sint ascendentes, aut filii naturales, aut fratres sororesque eorumque descendentes, coniugi superstiti defertur triens haereditatis in proprietatem; si vero sint simul ascendentes legitimi et filii naturales solum quadrans. Si defunctus alios reliquerit propinques, quibus ius sit succedendi coniux superstes duos obtinet trientes. Si desint coniuncti, qui ius habent successionis intra 6.<sup>um</sup> gradum integra haereditas ad coniugem superstitem spectat.

9.<sup>o</sup> Omnibus deficientibus, qui succedendi ius habent, haereditas Statui devolvitur. C. I. 758., C. G. 768. — Cf. L. 951. 955.

203. *De iure accrescendi.* — Ius accrescendi ius illud est, quo partes deficientium haeredum vel deficientium legatariorum in eadem haereditate vel in eadem re legata, aliis cohaeredibus, vel aliis collegatariis adiciuntur. C. I. 879. 884., C. A. 560. — Ius accrescendi locum habet in haereditate quando in eodem testamento una eademque dispositione testator haeredes coniunctim ad haereditatem vocavit, quin partium distributionem inter ipsos fecerit, *quotum* singulorum expresse indicando. Cum vero ius accrescendi locum habere non potest inter cohaeredes, portio deficientis haeredis devolvitur haeredibus legitimis ab intestato. C. I. 880. 881. 883., C. A. 560. seqq. — Ius accrescendi locum pariter habet in legato, cum aliquis e legatariis praemortui testatori, aut legato renuntiavit, aut incapax sit aut deficiat conditio, sub qua res ei legata est; imo etiam quando una eademque in eodem testamento pluribus legata est, licet distincta dispositione. C. I. 884. — Haeredes et legatarii recipientes aliorum portiones, onera et obligationes subeunt iis adnexa. C. I. 882. 887., C. A. 563. — Ex C. G. 1044. 1045. ius accrescendi inter haeredes seu legatarios habetur, cum haereditas seu legatum pluribus coniunctim sit relictum.

204. *De acceptanda vel repudianda haereditate.* — 1.<sup>o</sup> Ad acceptandam vel repudiandam haereditatem requiritur primo ut delata fuerit. Viventis enim nulla est haereditas, adeoque nulla eius acceptatio aut repudiatio esse potest. C. I. 954., C. G. 791. Insuper requiritur, ut qui eam acceptat, vel repudiat sit capax obligationis contrahendae et alienandi. Etenim eam acceptando, quasi contrahit cum creditoribus haereditariis et legatariis. Repudiando vero illam, eandem alienat. Hinc opus est familiae consilio, tutore, curatore, pro iis qui sub tutela et cura sunt, C. I. 226. 296. 930. 931. 932., C. G. 776., et ex C. G. pro uxoribus consensu etiam mariti opus est.

2.<sup>o</sup> Uniuersum integrum est acceptare vel repudiare haereditatem sive testamentariam sive legitimam. Ratio est, quia nemo tenetur acceptare beneficium, quod saepe magnis oneribus gravatur. Renuntiatio tamen non praesumitur, sed iuridica forma facienda est. *Repudiare* autem quis poterit, si nihil ex ea antea subtraxerit vel occultaverit, C. I. 953., C. G. 792. Et, testamento repudiato, recipere quis poterit legata, sibi forte relicta, C. I. 845., C. G. 845. Haereditate repudiata, potest quis adhuc eam adire, quamdiu adita ab aliis non fuerit, C. I. 950., C. G. 790. Ius adeundae haereditatis 30. annis finitur, C. I. 943., C. G. 789.

3.<sup>o</sup> *Acceptatur* haereditas expresse vel tacite. *Expresse*, cum quis quovis iuridico actu, vel etiam privata scriptura, ius et nomen haeredis assumit. C. I. 934., C. G. 778. *Tacite*, cum aliquid quis facit, quod necessario demonstrat voluntatem adeundae haereditatis, et se pro haerede gerendi, C. I. 934. 938. 965., C. G. 778. 780. 796. — Haereditas semel adita nequit deinde repudiari licet aes alienum appareat, quod antea latebat, C. I. 942., C. G. 783. Nihilominus adversus additionem, uti etiam adversus repudiationem, datur restitutio in integrum dolum aut metum passis. C. I. 942..

C. G. 783. — Ex C. I. 939. 943. is cui delata est haereditas, si antequam acceptat expresse vel tacite moriatur, transmittit ad suos haeredes ius acceptandi, quod ius perimitur praescriptione tantum 30. ann. Cf. C. G. 781. 789.

4.<sup>o</sup> Nemo cogitur ad haereditatem acceptandam. Eius vero abdicatio non praesumitur, sed probanda est. Acceptari autem potest *pure* vel *sub beneficio inventarii*. C. I. 929. 944., C. G. 774. 775. 784. Identidem confectio inventarii necessaria est ex lege, ut in haereditate minori delata, C. I. 930., C. G. 461. 776., in haereditate alicui communitati devoluta, C. I. 932. Potes haeres beneficio uti inventarii, non obstante qualibet testatoris prohibitione, C. I. 956.

5.<sup>o</sup> *Beneficia inventarii*, quod certo tempore et certa solemnitate conficiendum est, C. I. 955. seqq., C. G. 793. seqq., tria sunt. Primum est, quod haeres non tenetur solvere debita haereditaria et legata ultra haereditatis vires, eamque potest creditoribus et legatariis cedere ad se eximendum ab onere solvendi. Secundum est, quod bona propria haeredis non confundantur cum bonis haereditatis, et servat haeres adversus haereditatem ius exigendi suorum creditorum solutionem. C. I. 968., C. G. 802. Tertium est, quod in administratione sibi concredita, non teneatur nisi de culpa gravi. C. I. 970., C. G. 804. — L. 961.

205. *Quaenam sint iura et obligationes haeredum?* — Generatim haeredes succedunt in omnia iura et onera defuncti, quia illius personam representant: excipiuntur ea tantum, quae personae defuncti natura sua vel pacto erant affixa. Hinc dominium bonorum defuncti pleno iure acquirunt, eius obligationes et debita in se suscipiunt, et ipsius voluntatem in legatis implere debent. C. G. 724. 1009. 1012. 1013. 1017. Quoad modum solvendi debita a defuncto relicta, singuli *pro rata* suae portionis haereditariae solvunt, et si propter hypothecam plus solvere cogantur, recursum habent contra caeteros, C. G. 873. — L. 961.

206. *De executore testamenti.* — 1.<sup>o</sup> Executor testamenti est is, quem testator nominavit ad dispositiones testamentarias exequendas. Nullo autem nominato, executio testamenti ad haeredes pertinet, et quoad causas pias, si nullus sit designatus executor, vel designatus fungi nolit officio, episcopus loci est executor. C. *Nos quidem* 3. *de Testam.*, L. 936. 937. 938. 941. Trid. S. 22. de R. C. 8. — Executor testamentarius non cogitur mandatum suscipere. « Detrectans tamen hoc ipso perdit legatum, *saltem quod in praemium muneris* ei relictum fuit, ceditque aliis executoribus ». L. 936. Et sane testamenti executio mandatum continet natura sua gratuitum; amici enim officium est. Gousset Cod. comm. in art. 1025. Verum si illud acceptaverit munere suo defungi debet, idque sub gravi, C. *Joannes* 19. *de Testam.*, C. A. 816. Lugo D. 24. n. 29., L. 941.

2.<sup>o</sup> Ut quis sit executor testamenti, necesse est, ut capacitatem sese obligandi habeat. Hinc executores esse nequeunt interdicti, minores, etiam consentiente tutore, uxores sine mariti consensu, C. I. 904. 905. 1743., C. G. 1028. 1030. Executores esse possunt Religiosi ex licentia Praelati sui, nisi Ordinis Regula obstet. C. *Religiosus* 2. *de Testam.* in 6.<sup>o</sup>, Clem. un. e. t. L. 936.

3.<sup>o</sup> Plures executores testamenti institui possunt, et uno absente alter ad testamenti executionem procedere potest. C. *Religiosus* cit. C. I. 903. 910., C. G. 1025. 1033. Testamenti executor hoc munus ad suos haeredes non transmittit. C. I. 909. C. G. 1032.

4.<sup>o</sup> Executor invigilare debet. 1.<sup>o</sup> ut apponantur sigilla, si inter haeredes sint minores, interdicti vel absentes; 2.<sup>o</sup> ut fiat inventarium, praesente vel rite advocato proximo haerede; C. I. 908., C. G. 1031.; 3.<sup>o</sup> ut vendantur mobilia, si pecunia ad solutionem legatorum deficiat; C. I. 908., C. G. 1031.; 4.<sup>o</sup> ut executionem testamenti urgeat, tempore a testatore praescripto; 5.<sup>o</sup> Rationem reddere debet suae executionis intra tempus a lege definitum, ex C. I. 908., C. G. 1031. intra annum a morte testatoris.

5.º Impensae autem quae fiunt ab executore, muneris sui adimplendi causa, ex rebus haereditariis solvi debent., C. G. 1034., C. I. 911.

207. *Resolves*: « In foro conscientiae haeredes et executores tenentur sub gravi statim implere legata, maxime pia, cum possunt ». L. 941. Cf. S. Th. Quodl. 6. a. 13.

208. *An testamenti haeres, vel executor, qui inventarium non fecit, aut non recte fecit, teneatur in conscientia erga creditores et legatarios, etiam ultra vires haereditatis?* — R. 1.º Affirmat, si inventarium dolo malo omisit; siquidem causa fuit damni saltem in confuso praevisi. — 2.º Si citra peccatum inventarium conficere omisit, sententia communior negat; quia lex fundatur in praesumptione fraudis, quae abest, Lugo D. 24. n. 232., Gousset Cod. comm. in art. 802.

209. *De legatis*. — Legatum in eo differt proprie ab haereditate, quod in re particulari et determinata situm sit, quod ab haerede debeatur, et ab eo illius possessio sit obtinenda. Excipitur tamen legatum ad causam piam. Tunc enim sufficit manifesta defuncti voluntas, adeoque haeres etiam ab intestato, succedens loco designati haeredis, legatum debet. Quamvis vero legatarius possessionem legati ab haerede consequi debeat: dominium tamen legati acquiritur legatario a morte testatoris. Hinc fructus rei et incrementum iam inde legatario debentur, et si legatarius moriatur ante aditam haereditatem ab haerede, dominium ipsum rei, si res erat determinata, vel saltem ius ad rem, si res erat minus determinata, transmittere legatarius potest ad suos haeredes. Ac si res legata absque culpa haeredis perierit, legatario ea perit. Legatarius rem particularem a testatore accipiens, veluti quandam donationem, eius personam non repraesentat, neque consequenter in eius iura et obligationes succedit. C. I. 862. seqq., C. G., 1014 seqq. 1024.

210. *Nota*: 1.º Si legatum sit *sub conditione*, cum conditio suspendat dispositionem, si legatarius, et idem de haerede est, moriatur antequam conditio impleatur, cessat legatum, nec eius ius ad haeredes transmittitur. C. I. 853. — 2.º Si legatum sit *sub modo* legatum statim acquiritur legatario. Quare si legatarius post mortem testatoris, ante acceptum legatum, vel ante impletum modum, moriatur, eiusdem ius ad haeredes transit, dummodo per eos aequè modus implere possit. — 3.º Legatum *in diem* seu futurum tempus solvendum, non debetur ante statutum tempus. Legatarius interim ius habet ad illud, quod ius si ante constitutam diem moriatur, ad suos transmittit haeredes.

211. *Quis et cui possit legare?* — Legare potest quisquis potest testari. Legare autem licet iis, qui haeredes institui possunt; iis qui donationem recipere possunt. Et sic Iure Canonico modicum quid legari potest conventibus Fratrum Minorum, et Professis ac Coadiutoribus formatis Societatis Jesu, licet neutri, ex propriis Constitutionibus, haeredes institui possint. Clem. 1. § *Cupientes de Verb. sign.*

212. *Quaenam legari possint?* — Legatis peculiare est, quod non solum res sua sed etiam aliena legari possit, quam nempe testator sciebat esse alienam; secus enim legatum non valet. Quare tenetur haeres rem ab eius domino emere et legatario tradere, vel eiusdem illi iustum tradere pretium. Ita ex C. I. 837. 838., C. A. 662. Legatum vero rei alienae ex C. G. 1021, *nullum crit* sive testator ignoraverit sive cognoverit rem esse alienam. — C. I. 870. et C. G. 1022. statuitur, quod cum legata est res indeterminata, sub certo tamen genere aut specie contenta, haeres, ad quem electio spectat, non tenetur dare optimam, nec potest dare pessimam. L. 938. — Si testator aliquid annuum aut mestruum alicui eiusque haeredibus reliquerit, vel determinatum numerum missarum quotannis celebrandarum iusserit illud debetur haeredibus etiam haeredum, et hae in perpetuum erunt celebrandae, S. C. C. 4. Aug. 1864.



213. *An legatum a debitore relictum creditori censendum sit datum in compensationem debiti?* — Ex C. I. 845., C. G. 1023. huiusmodi legatum, sine mentione debiti, non praesumitur factum in solutionem debiti. Generalis tamen est praesumptio, quod quis velit prius suae obligationi satisfacere, et deinde dare gratis.

214. *An legatum relictum orphanis, possit dari pauperibus habentibus, parentes inutiles?* — 1.<sup>o</sup> Si veri orphani desint, dari potest; quia sufficienter testatoris voluntas impletur: vult enim opitulari filiis non habentibus unde alantur. — 2.<sup>o</sup> Si veri adsint orphani, probabilius omnino dari non potest: quia expressa voluntas testatoris in propria forma implenda est, semper ac impleri potest. Clem. *Quia contingit de Rel. dom.*, Trid. S. 25. C. 8. Attamen S. Alph. existimat non improbabiler dari posse, quia id magis accedit ad finem testatoris, dum non solum debent tunc tales filii propriae indigentiae providere, sed etiam parentum inopiae. L. 930.

215. *An legatum relictum puellis, ut nubant, possit dari eis, quae sunt religiosae?* — 1.<sup>o</sup> Si legatum sit relictum personae determinatae, certum est posse dari, nisi aliter constet de mente testatoris. Testator enim ipsam personam primario suo beneficio spectare intendit. — 2.<sup>o</sup> Si legatum relictum sit personis indeterminatis certe probabilius non nisi nubentibus dari debet. Etenim testatoris expressa voluntas, servanda est in propria forma, semper ac servari potest. Admodum autem pia est haec testatorum voluntas, qui providere intendunt huiusmodi puellis, ut a peccandi periculo removeantur. L. 930.

216. *An debeatur legatum relictum puellae sub conditione nubendi cum aliquo viro, si illa cum alio nubat?* — R. «Certum est non deberi», quia illa conditio non laedit libertatem ad matrimonium requisitam, cum libere possit puella tales nuptias acceptare vel respuere; adeoque haberi non potest tanquam conditio turpis, et quasi non adiecta. Excipe vero, si «ipsa inducatur ad nubendum cum indigno, quia tunc conditio illa reicitur tanquam turpis, et debetur ei legatum, si ipsa nubat cum alio». L. 853.

217. *An legatum relictum puellis, ut nubant, possit dari puellis, quae sine dote iam nupserunt?* — R. Affirm., si agatur de puellis de terminatis; quia praesumitur testator voluisse ipsis omnino providere ob peculiarem erga illas affectum, vel ut nuptae decenter vivant. Secus, si de indeterminatis, quia tunc testator censetur potius nubentibus sub venire voluisse, ut periculum prostitutionis vitarent. — L. 930., G. 830.

218. *Quid veniat in legatis nomine mobilium seu bonorum mobilium?* — 1.<sup>o</sup> Bona mobilia ea sunt generatim, quae e loco moveri possunt, ut vestes, animalia, pecunia, etc. Idem sonant bona mobilia, res mobiles, mobile, vel etiam mobilia cum oppositione ad immobilia. — 2.<sup>o</sup> Mobilia, sine addito et sine determinatione, dicuntur omnia bona, quae non sunt immobilia, exceptis pecunia, libris, gemmis, numismatibus, debitis activis, instrumentis artium, linteaminibus ad usum corporis, equis, armis, granis, vino, foeno, et aliis similibus. Adde ea, circa quae commercium particulare exercetur. — 3.<sup>o</sup> Suppellex seu mobilia domum praecise instrumenta omnino restringuntur ad ea, quae ordinantur ad usum, vel habitationis ornamentum, ut sedilia, tabulae, armaria, etc. — C. G. 527. seqq., C. I. 416. seqq. Gousset Cod. comm. in art. 533. 535., G. 831.

219. *Resolves:* Hinc 1.<sup>o</sup> sunt mobilia simpliciter, seu ex 2.<sup>a</sup> classe, suppellex argentea, animalia, exceptis equis, linteamina, exceptis iis, quae ad usum corporis adhibentur. — 2.<sup>o</sup> Si dicat testator: *Lego mobilia Caro et immobilia Sempronio*, Caritas ius habet ad omnia bona mobilia, quia mens testatoris evidenter patet ex oppositione mobilium ad immobilia. — Gousset Cod. comm., art. 533., Rogron, ib. — 3.<sup>o</sup> Si legatum sic ferat: *Lego Titio omnia mobilia mea vel bona mobilia, vel totalitatem mobilium: Titius ius*

habet ad omnia bona non immobilia, quia vox *mobilia* hic non sumitur *sine addito*. — Gousset n. 807., Cod. comm. art. 533., Rogron ib., G. 831.

220. *An Summus Pontifex possit ultimas testatorum voluntates commutare?* — Nulli dubium, quod Papa potest cum causa ultimas voluntates commutare, ut patet ex Clem. *Quia contingit de Releg. domib.* *Cum causa* « quia licet dispositiones testatorum censentur commissae Papae vel Principi, non tamen ut domino, sed ut boni communis, aut piam causarum dispensatori committuntur. Unde, cum Pontifex non sit dominus talium bonorum, non potest neque ex potestate ordinaria, neque extraordinaria convertere sine causa has dispositiones ad alium usum, quam a testatoribus sunt destinatae. Si igitur legatum est profanum poterit Princeps, ob necessitatem publicam vel aliam iustam causam, in aliud legatum profanum vel pium commutare. Si vero legatum est pium, poterit Papa tantum, iuxta causam interveniente, in aliud pium convertere ». L. 931.

221. *An episcopi cum iusta causa possint commutare pias dispositiones?* — « Prima sententia affirmat... Secunda vero sententia probabilior negat... Ratio, quia ex C. *Tui de Testam.* et ex Trid. S. 22. C. 8. imponitur episcopis exequi exacte ultimas voluntates... Valde tamen probabiliter censet Laym. et consentiunt, Salm. etc., quod si aliqua causa superveniat, vel si fuerit testatori ignota, quam si ille cognovisset, aliter disposuisset: tunc episcopus cum haerede potest ex epicheia interpretari voluntatem testatoris, et legatum in alium usum convertere, puta si legatum sit relictum pro vasis sacris conficiendis, quibus non egeat, sed potius casulis. Quando autem legata pia nullo modo possunt applicari ad usum a testatore intentum, illa non sunt caduca, sed applicanda sunt in alium pium usum arbitrio episcopi et executoris ». L. 931. 939. 940., Lugó Resp. Mor. l. 4. D. 32. n. 1. 8. 9. 10. 11.

222. *De divisione inter liberos a parentibus facienda.* — Parentibus conceditur res suas inter liberos dividere, sive actu donationis, sive actu ultimae voluntatis seu testamento, iisdem donationum vel testamentorum formalitatibus servatis. C. l. 1044. 1045., C. G. 1075. 1076. Ut divisio valida et firma sit necesse est: 1.<sup>o</sup> ut sit facta inter omnes liberos, C. l. 1047., C. G. 1078.; 2.<sup>o</sup> ut legitima non laedatur; 3.<sup>o</sup> ut, si fiat actu donationis, divisio res praesentes tantum comprehendat: si vero fiat per testamentum futuras quoque comprehendere potest. C. l. 1045., C. G. 1076.; 4.<sup>o</sup> Divisione per donationem facta, dominium rerum divisarum in liberos transit, a donationis acceptance, qua divisio perficitur. Si vero per testamentum fiat, divisio non nisi morte testatoris perficitur, et dominium ab ea morte in liberos transit. 5.<sup>o</sup> Si quae in divisione comprehensa non fuerint, haec, perinde ac omissa, ab intestato deferuntur. C. l. 1046., C. G. 1077.

## VIII. — DE COMMODATO

223. *Quid sit commodatum?* — Commodatum est: alicuius rei ad solum et determinatum usum, certumque tempus gratuita concessio. C. l. 1805., C. G. 1875., C. A. 971. *Alicuius rei*, i. e. tam immobilis quam mobilis, quae tamen usu consumptibilis non sit. C. l. 1805., C. G. 1878. *Ad solum usum*, et per hoc differt a pignore vel deposito, quorum usus minime conceditur, *ad solum usum* eumque determinatum, quare in commodatarium praecise transferitur ius ad certum tantum usum, et consequenter, commodator dominus permanet rei commodatae. C. l. 1805., C. G. 1877. *Certumque tempus*, in hoc differt commodatum a precario, quod in precario tempus non determinetur, sicut in commodato: quare precarium acitur, quod

precibus petenti utendum conceditur, quamdiu is qui concessit patitur. *Gratuita concessio*; nam per hoc differt commodatum a locatione, quod in hac usus concedatur pro certo pretio, in commodato vero gratis. C. I. 1806., C. G. 1876., L. 744. 745., Lugo D. 33. n. 8. — Obligationes, quae vi commodati contrahuntur ad haeredes commodantis, et commodatarii transeunt. Verum si commodatum intuitu tantum commodatarii factum sit ad eius haeredes minime pertransit. C. I. 1807., C. G. 1879. Ratio est, quia si commodatum factum est exclusive ratione *personae*, adaequate cessat eius causa finalis, e. g. si equum commodasti amico tuo, qui aequitare multum delectabatur. Si vero commodatum factum est ratione alicuius *peculiaris rei*, eius causa finalis non cessat nisi res cesset, e. g. si equum amico tuo commodasti propter labores messis. Precarium vero cessat per mortem accipientis, non autem per mortem dantis, si ab haeredibus non revocetur. L. *Cum precario ff. de Prec.* L. 745.

224. *Quaenam sint commodatarii obligationes?* — 1.<sup>o</sup> Illicitum est commodatario rebus commodatis diutius aut aliter uti, quam utendas acceperit, si se intelligat, id invito domino facere, eumque si intellixisset non permissurum. Secus agens re non *uteretur*, sed *abuteretur*, adeoque de damnis tenetur. C. I. 1808. 1809., C. G. 1880. 1881., Lib. 3. tit. 15. § 7. Institutionum de Commodato. Cf. Ithur. Cas. 46. n. 6.

2.<sup>o</sup> Tenetur commodatarius ad ordinarias expensas pro conservatione rei, minime vere ad extraordinarias. Ratio est, quia expensae *ordinariae* sunt quasi naturalis quaedam sequela quotidiani *usus*, qui commodatario concessus est, minime vero *extraordinariae*, quae praecise sunt ad *ipsam rem conservandam*; rei autem dominium commodantis permanet. C. I. 1813. 1817., C. G. 1886. 1890., L. *In rebus* § 2. Dig. h. t., Lugo D. 33. n. 14., L. 747.

3.<sup>o</sup> Commodatarius regulariter non tenetur de casu fortuito rei, C. I. 1810., C. G. 1882., L. *Si ut certo* § 4. Dig. h. t., lib. 3. tit. 15. § 2. Institutionum, seclusa nempe eius culpa, speciali de ea re conventione, et iudicis sententia. Ratio, quia res perit domino suo. — Item non tenetur de damno, quando hoc non quidem fortuito, sed veluti necessario ex concessu rei usu sequatur. In illud enim dominus consensisse censetur. C. I. 1812., C. G. 1884., L. *Si commodavero* Dig. h. t., L. *Eum qui* Dig. e. t. — Si damnum factum sit alterius iniuria commodatarius non tenetur de eo. L. *Ad eos* Dig. h. t. — Neque tenetur damni commodatarius, si res pereat culpa illius, cui tradendam iusserat commodator. L. *Si mei* § 1. Dig. h. t. — Neque etiam tenetur, si commodatarius mediis idoneis ad restituendum usus sit. L. *Argentum* Dig. h. t., L. 752.

4.<sup>o</sup> Tenetur vero commodatarius de damno fortuito: si id in pactum deductum fuerit. L. *Ea quidem C. de Commodato*, quod intelligitur, si rem aestimatum acceperit, C. I. 1811., C. G. 1883.; si culpa commodatarii intervenierit: Reg. 25. Iur. in 6.<sup>o</sup>, L. *Si ut certo* § 7. Dig. h. t.; si diligenter rem non custodierit, et a periculis praeservaverit, C. I. 1808. C. G. 1880., L. cit. § 5. C. *Cum gratia* un. h. t.

5.<sup>o</sup> Ex Iure Romano, Inst. lib. 2. tit. 15. §§ 2. 4. tenetur commodatarius maiorem pro re commodata, quam pro rebus suis custodiam habere. Hinc damnatur, qui in periculo suas potius quam commodatas res custodit. Ex C. I. 1808. 1810., C. G. 1880. 1882., commodatarius tenetur ad rem commodatam custodiendam ut bonus paterfamilias, unde etiam, si in periculo potius commodatam rem quam suam exponit, de illius interitu et casu tenetur.

6.<sup>o</sup> Ex Iure Romano, L. *In rebus* Dig. h. t., L. *Obligationes* § 4. de *Obligationibus et Actionibus*, etc., et ex Iure Canonico, C. un. de *Commod.*, commodatarius tenetur de culpa non tantum *lata et levi*, sed etiam *levissima*, tenetur nempe de culpa *lata*, si aliquis sua dumtaxat causa commodaverit; de culpa *levi* si commodaverit in gratiam sui et commodatarii,



de culpa levissima si commodaverit in gratiam tantum commodatarii. — Ex C. I. 1809. 1811., C. G. 1881. 1883. si res pereat, quia ad alium usum fuit adhibita vel non tempore debito restituta: vel si aestimata fuit, commodatarius de fortuito etiam rei interitu tenetur.

225. Hinc quaeritur: *an, seclusa theologia culpa huiusmodi leges in conscientia obligant, ante iudicis sententiam?* — Praenota, quod culpa alia sit *theologica*, et alia solum *iuridica*. Culpa *theologica* est omissio, vel actio alteri damnosa libera, et quae coram Deo est peccatum. Culpa *iuridica*, seu civilis, vero est quaecumque negligentia, aut etiam actio alteri damnosa, etsi sit involuntaria, et coram Deo minime peccatum. Talis autem culpa *iuridica* ex Rom. Iure est triplex, nempe *lata*, *levis* et *levissima*. Culpa *lata*, quae dolo aequiparatur, est omissio diligentiae, et circumspeditionis, quam homines eiusdem conditionis passim in iisdem rei circumstantiis adhibere solent: qualis esset e. g. si quis librum commodatum foris ante ostium relinqueret, sicque fur auferret. Culpa *levis* est omissio diligentiae, et circumspeditionis, quam homines eiusmodi conditionis diligentiores, et cautiore, solent adhibere: qualis esset, si quis librum commodatum relinqueret intra cubiculum, ostio tamen aperto; nam diligentiores solent claudere ianuam. Culpa *levissima* tandem est omissio diligentiae, et circumspeditionis, quam homines eiusmodi conditionis diligentissimi, et cautiissimi adhibent: qualis esset, si quis librum sibi commodatum relinqueret intra cubiculum, cuius ostium quidem clausit, sed non tentavit, an hoc sit bene obseratum. L. 549. 749.

Communior et probabilior sententia obligationem affirmat in foro conscientiae praedictarum legum. Etenim L. ut ait Lugo D. 8. n. 106.: « negari non potest, quod iuxta *naturae lumen et communem hominum sensum*, magis videntur homines obligari ad culpam cavendam in aliquibus contractibus, quam in aliis: nam qui rem commodatam accepit in solam suam commoditatem, magis se obligatum iudicat ad illam custodiendam, quam qui ob deponentis solum utilitatem eam apud se depositam habet. Ergo non potest dici, quod in foro conscientiae omnes teneantur solum pro culpa *lata* et gravi *theologica*: alioquin non magis in uno, quam in alio casu tenerentur. Ergo illa distinctio contractuum vel in unius vel in utriusque gratiam, etiam secluso iure positivo et humano, parit diversos gradus obligationum et per consequens in aliquo casu et pro aliqua culpa tenebitur aliquis ex uno contractu in foro etiam conscientiae, pro qua in alio casu non tenebatur, atque ideo non solum tenebitur pro culpa mortali, sed etiam pro levi, nam pro mortali et gravi omnes in omni casu tenentur ». 2. « Ratio est, ut inquit Lessius l. 2. C. 7. n. 45., quia istae leges sanciant id, quod *naturali aequitati* est consentaneum circa rem alienam (quam mediante contractu apud nos habemus) praestare: qua sanctione posita, *qui facit talem contractum*, accipiendo commodatum, conductum, depositum, pignus, etc., *implicite se obligat ad praestandam eam diligentiam, quam leges requirunt*. Quare, si hanc diligentiam non praestet (quamvis id naturali oblivione sine omni culpa factum sit) tenebitur ad restitutionem ». Atque haec quidem valere omnino videntur in casu de quo agitur in C. I. et G. I. c.

« Sed valde probabiliter negant Sotus, etc. Ratio, quia ex una parte non est aequum aliquem obligare ad poenam gravem sine sua gravi culpa: ex alia non praesumitur, saltem non constat, quod aliquis voluerit se obligare in conscientia ad satisfaciendum damnum factum cum sola culpa *iuridica*. Leges autem, quae adducuntur in contrarium, obligantes cum sola culpa *iuridica*, vel praesumunt culpam *theologicam*, vel obligant solum pro foro externo, vel non sunt receptae in alio sensu... Illae vero leges, quae in aliquibus casibus praecipiant restitutionem, istae quidem obligant, etiamsi absit peccatum, sed non ante sententiam iudicis, ut communiter dicunt Salm. etc. quidquid alii dicunt... Pariter in officiis est probabile ex eadem ratione, quod nemo tenetur ad restitutionem, nisi ex culpa *lata*, coniuncta

cum gravi theologia... Tenetur tamen etiam ex culpa levi iuridica, qui recipit stipendium... vel qui promittit diligentiam maiorem communi debita, vel si officium de se exigit magnam diligentiam... Sed semper intelligitur, quod culpa iuridica sit coniuncta cum gravi peccato, ut graviter obliget». L. 554.

*Precarium* imponit obligationem tantum ex dolo, et culpa lata, quia ad nutum revocare alius rem potest. L. *Quaesitum est* § 3. Dig. de *Precario*.

Si pluribus simul commodata res fuerit, singuli in solidum tenentur, L. 4. § ult. h. t. C. I. 1814., C. G. 1887.

226. *An quis teneatur a periculo salvari prius res sibi commodatas quam proprias?* — R. 1.<sup>o</sup> Affirm., si res alienae multo pretiosiores sint quam propriae, praesertim si gratuito ei commodatae fuerint. Ratio est, quia rei alienae debetur custodia, quam quisque prudens pro suis adhiberet; quisque autem servaret suas pretiosiores prae vilioribus. Ergo similiter agere debet erga res alienas commodatas; secus iniustitiae reus evadit et ad restitutionem adstringitur. Alter vero iacturam rei commodatarii compensare tenetur. Neque enim commodatarius, neque etiam depositarius, tenentur ad sumptus extraordinarios pro re commodata, vel gratis deposita. Hinc, 2.<sup>o</sup> e contrario ob rationis paritatem potest quia per se res proprias praeferre, si pretiosiores sint quam alienae. Nemo enim tenetur subire damnum maius, ut evitet damnum minus alterius. 3.<sup>o</sup> In casu in quo tum res alienae tum propriae eiusdem sint valoris, controversatur. Alii censent commodatarium in hac hypothese debere attendere aequae ad res commodatas quam ad suas salvandas, quia eas accipiendo, suscepit obligationem adhibendi seriem diligentiam res illas, velut suas, curandi et custodiendi. Reuter. Alii tamen communius dicunt probabiliter posse commodatarium res suas proprias potius a periculo salvare, quia caritas recte ordinata a semetipso incipit saltem *per se* loquendo, secluso speciali contractu. Quod si quis rem alterius potius conservet, tenetur alter iacturam rei illius compensare; siquidem esset in casu extraordinarium sumptum facere. — Lugo D. 8. S. 10., G. Cas. 870., L. 752., Ithur. Cas. 27. n. 14.

227. *Quatenam sint commodantis obligationes?* — 1.<sup>o</sup> Tenetur commodator rei vicia aperire; secus de damnis tenetur. Causa enim eorum est commodatario. C. I. 1818., C. G. 1891., L. *In Commodato* § 3. Dig. h. t., L. *In rebus* § 3. Dig. e. t.

2.<sup>o</sup> Commodator repetere non potest rem suam ante tempus statutum, vel ante constitutum usum. Adiuvare quippe nos, non decipi beneficio oportet. C. I. 1815., C. G. 1888., C. A. 973., L. *In Commodato* § 3. Dig. h. t., C. un. de *Commod.*, Reg. 33. Iuris in. 6.<sup>o</sup> Excepe, nisi aequale damnum commodanti impendeat; siquidem haec semper conditio subintelligitur: *nisi necessitas urgeat*. Aequum enim non est proprio damno alteri beneficiare. L. 747., C. I. 1816., C. G. 1889. Secus vero est ex C. A. 976.

## IX. — DE DEPOSITO

228. *Quid sit Depositum?* — Depositum est contractus, quo res alicui gratis custodienda traditur ea lege, ut eadem quandocumque restituatur. L. I. *Depositum*, C. I. 1835., C. G. 1915., C. A. 957. *Res*, nempe mobilis. Depositum in solidis rebus mobilibus constitui potest. C. I. 1831., C. G. 1918., L. 746. *Gratis*, si enim *merces*, vel *interesse* fuerit constitutum, depositum transit in locationem et conductionem, vel in foenus. L. I. § *Si vestimenta* C. h. t., C. I. 1837., C. G. 1917. *Custodienda*, si depositario ea uti permittatur

in commodatum vel in mutuum *ferre* transit. LL. 24. 26. § 1. h. t., C. A. 959. *Fere*, siquidem res deposita quandocumque potenti restitui debet.

Contrahitur expresse vel tacite. *Expresse* cum explicite talis sit contractus; *tacite*, cum res apud eos defertur, qui ratione officii ad eius custodiam tenentur, uti sunt caupones, stabularii, nautae. Necesse non est res tradere cauponi, stabulario, nautae; sufficit rem inferre in cauponam, stabulum, navim, L. 1. in fi. *Naut. Cauponae*, etc., C. I. 1866., C. G. 1952., C. A. 970.

Ex eodem Iure It. et Gall., qui vecturam terra exercent, pro rebus depositis iisdem tenentur obligationibus ac caupones. Spondent pro rebus transvehendis, quam primum ipsis in portu aut mercium statione commissae fuerint, lactura et depravatio mercium commissarum ipsis imputatur, nisi casum fortuitum aut vim maiorem in causa fuisse probent. Quoad alios vero artifices, si in rem alienam conficiendam nihil nisi operam conferant, rei iactura facta, ad compensationem non tenentur, nisi culpa intercesserit. C. I. 1630. 1631. 1636., C. G. 1782. 1784. 1789.

229. *Quaenam sint depositarii obligationes?* -- 1.<sup>o</sup> Depositarius uti nequit *per se* re deposita. Ratio, quia res datur ei in custodiam, non eius usus conceditur. Usus rei permissus tantum censeri potest, si rationabiliter censeri potest dominus rei in illum consentire, e. g. si res usu nulli exponatur periculo, nec deterior fiat; si pecuniam non clausam, nec obsignatam quis deposuerit, L. 34. § *Clam. Locati*. Quare si dominus sit invitus, dominus pro usu facto rei compensandus est, si exinde depositarius factus sit ditior. LL. 11. 22. h. t., C. I. 1846., C. G. 1930. Lugo. D. 33. n. 4. Verum qui re aliena suo vere utitur periculo, etsi sciat invitum esse dominum, quod inde sua industria lucratur sibi acquirit. *Sua industria*, siquidem res usu consumptibilis per ipsum usum non fructificat, sed destruitur. *Sua industria, fructus* enim ab ipsa re producti cum ipsa re reddendi sunt. C. I. 1852., C. G. 1936., C. A. 961. — L. 748.

2.<sup>o</sup> Depositarius debet eam curam gerere rei depositae, quam gerit pro rebus suis. L. 32. h. t., L. 1. § 3. *De Act. et Oblig.* C. I. 1843., C. G. 1927. — Rigidior haec obligatio est, si depositarius semetipsum obtulit ad recipiendum depositum; si mercedem pro deposito stipulatus est; si depositum in commodum solius depositarii factum est, si conventio intercessit, quod is de quavis culpa teneatur. C. I. 1844., C. G. 1928.

3.<sup>o</sup> Si depositum fit in solius deponentis gratiam, depositarius tenetur solum praestare dolum et culpam *latam*, quae dolo equiparatur, L. *Quod Nerva Dig. Depositum*. Si depositum et in gratiam depositarii fit, ut cum stipendium accipit, seu mercedem, tenetur depositarius etiam de culpa *levi*, licet non *levissima*, L. *Depositum Dig. Depositum* § 8. coll. § ult. Inst. *de Locat. et cond.* — Excipe nautas, caupones, stabularios, qui tenentur etiam de culpa *levissima*, non tamen de casu fortuito, aut de vi maiore, L. *Et ita Dig. Nautae* etc. Idque vero, quod nempe de *levissima culpa* teneantur, censet Laymann, de Deposito n. 1., cum aliis non improbabili, ante sententiam iudicis in foro conscientiae non valere.

4.<sup>o</sup> Caupones et stabularii depositarii censentur earum rerum, quas itinerantes afferunt in eorum diversorium, in quo manent, iique tenentur de furto aut damno illato, si furtum perpetratum sit, aut damnum sit illatum a domesticis aut personis praepositis directioni diversorii, aut ab extraneis, qui illud frequentant. C. I. 1866. 1867., C. G. 1952. 1953, L. 750.

5.<sup>o</sup> Nulla depositarius obligatione tenetur, si quid, vi maiore praevallente, contingat, nisi iam antea rem a deponente postulatam reddere distulerit. C. I. 1845. 1868., C. G. 1929. 1954. Excipe pro foro interno, si res fuisset aequae peritura et eodem tempore ac periculo apud dominum, quia tunc mora illa causa non fuit damni. G. 647.

6.<sup>o</sup> Depositum reddere debet statim ac petitur, si fieri potest. L. *Depositum* § 22. *Dig. Depositum*. Ratio est, quia in solius deponentis commoditatem deposita res est; adeoque nulla *per se* esse potest causa depositum



retinendi. *Per se*, per accidens enim aliquando reddi non debet, ut si in proprium aut alienum damnum repetatur. L. *Depositum* § 39. Dig. *Depositi*. Restituenda autem res est quandocumque res repositur, etiamsi forte in contractu dies constituta sit pro restitutione. Ante autem constitutam diem, depositarius rem regulariter restituere non potest, nisi ex iusta causa. C. I. 1860., C. G. 1994., C. A. 962. 963.

7.<sup>o</sup> Depositarius rem depositam restituere debet ei, qui deposuit: si tamen intelligat rem esse furtivam et dominum eius noscat, debet hunc monere, statuto congruo spatio temporis, quo eam ipse reposeat: si autem hic negligens fuerit depositarius ab omni obligatione liberatur restituens depositum illi, a quo accepit. C. I. 1853., 1854.

8.<sup>o</sup> Restituenda regulariter res est ei qui eam deposuit, furi etiam, si dominus interpellatus defuerit, L. 31. h. t., C. I. 1853. 1854., C. G. 1937. 1938. Deponente mortuo, haeredi res est restituenda. Si plures sint haeredes et res est divisibilis unicuique sua pars reddenda est; si vero res sit indivisibilis, omnes convenire debent quoad modum rem recipiendi. L. 1. § *Si pecunia* 36. h. t., C. I. 1855., C. G. 1939.

9.<sup>o</sup> Restitutio ab eo facienda est, penes quem res deposita fuit, et eo in loco, in quo res sine dolo malo depositarii reperitur. L. 12. § 1. h. t., C. I. 1859., ex C. G. 1943. eo in loco quo fuit deposita.

10.<sup>o</sup> Depositarius, uti etiam commodatarius, compensare sibi non possunt debita ex deposito, ex commodato et precario. Ita ex Iure Positivo, L. ult. C. de *Commodato*, L. *Si quis C. Depositi*; C. *Bona fides de Deposito*. C. I. 1289., C. G. 1293. 1885. Attamen, si quis hoc titulo rem retineret peccaret quidem contra iustitiam legalem, minime vero contra iustitiam commutativam. L. 753. De Iure Naturali « probabile est, ait Lessius l. 2. C. 27. n. 16., in foro conscientiae locum habere compensationem, quando nulla alia ratio suppetit rei sibi debitae obtinendae ». Verum si depositarius reperiat rem depositam esse suam nulla amplius obligatione tenetur. C. I. 1861., C. G. 1946., L. 753.

230. *An seclusa culpa theologica, teneatur depositarius ad compensationem, si res pereat ex eius negligentia?* — Haec Busemb. ap. S. Alph. 749. « Si is, cui res commodata, locata, deposita, aut pignolata est, negligeret custodiat, ita ut pereat, negligentia autem non sit theologica culpa mortalis, probabile est, quod dixi ex Soto, Sa, non teneri ad restitutionem in conscientia. Alii tamen sentiunt, nimirum teneri restituere, qui iuridicam culpam in custodiendo contraxerit, si ea fuerit lata; et subinde si levis tantum, imo et aliquando si sit levissima, nimirum quando depositio facta est in commodum utriusque, et si pretium pro custodia accipiat. Vide Lessium cap. 7. d. 8., Laym. tr. 4. cap. 25, ubi docet depositarium tantum teneri de dolo, vel culpa crassa, quae dolo aequiparetur ». Cf. L. 751. et hic n. 225.

231. *Quaenam sint deponentis obligationes?* — Refundendae sunt a deponente expensae necessariae factae, et damnum compensandum, quod forte passus est depositarius, causa depositi. Depositarius potest hoc titulo depositum retinere usque ad perfectam debiti solutionem. Officium suum nemini debet esse damnosum. LL. 5. 23. *Depositi*, LL. 61. 63. § *Quod vero* 5. de *Furt.* C. I. 1862. 1<sup>o</sup> 63., C. G. 1947. 1848., C. A. 967.

232. *De sequestro.* — A deposito differt *sequestrium*, quatenus res aliqua controversa ab his, qui controvvertunt, deponitur apud tertium ea conditione, ut restituatur ei, cuius erit, L. 109. de V. S., C. I. 1870., C. G. 1956., C. A. 968. Sequester non potest susceptum deponere officium, invitis iis, quarum interest, nisi ex gravi et iusta causa, L. 5. § 2. h. t., C. I. 1874., C. G. 1960., nec uni ex deponentibus partem reddere, L. 17. h. t. *Sequestrium* hoc, *conventionalium* appellatur, et distinguitur prorsus a sequestro *iudiciali*, quod non nisi officio iudicis constituitur. C. I. 1875. seqq., C. G., 1961. seqq.

## X. — DE MUTUO

233. *Quid sit mutuum?* — Mutuum aliquando sumitur pro ipsa re mutuo donata, aliquando vero et saepius pro ipso contractu, quo ea res alteri datur; et definitur, contractus, quo per traditionem transferitur dominium rei usu consumptibilis in alterum cum obligatione tantundem reddendi in eadem specie et bonitate post aliquod temporis spatium. Dicitur *per traditionem*, ut indicetur, contractum esse *realem*, qui rei traditione perficitur. *Transferitur dominium*, qui enim rem mutuo accipit ea uti potest alioquin merum esset depositum. At uti ea non potest nisi dominium habeat, cum ea res usu sit consumptibilis, et nemo pro libitu possit rem alienam consumere. *Consumptibilis* sive physice uti panis, sive moraliter uti pecunia, quae licet usu in se non pereat, ei tamen perit, qui illam alteri tradit. *Cum obligatione tantundem reddendi*, secus esset donatio. *In eadem specie*, secus esset venditio vel permutatio, si in diversa specie: commodatum vel locatum, si identice et in individuo reddenda. *Et bonitate*, ne ex beneficio mutuator detrimentum patiat. *Post aliquod temporis spatium*, quo a cambio distinguitur, quo statim aurum, v. g. pro argento datur. — L. 754., C. I. 1819., C. G. 1892., C. A. 383.

234. *Ut datur praeceptum elemosinae faciendae pauperibus, ita datur praeceptum concedendi mutuum ditibus, qui ob peculiarem circumstantiam eo summe indigeant.* — Ratio est, quia praeceptum caritatis nos obstringit erga omnes homines, etiam divites, et exigit, ut hoc libenter praestemus, quod in pari casu nobis praestari vellemus, si tamen absque gravi incommodo ipsis per mutuum succurrere possimus. « Neminem, ait Bened. XIV. Enc. *Vix pervenit*, id latere potest, quod multis in casibus tenetur homo simplici ac nudo mutuo alteri succurrere, ipso praesertim Christo monente: *Volenti mutuari a te, ne avertaris* », Matth. 5. 42.

235. *Quenam sint mutuatarii obligationes?* — 1.<sup>o</sup> Vi mutui mutuarius dominus evadit rei mutuatae, quae quocumque modo pereat ipsi perit. C. I. 1820., C. G. 1893., L. 755.

2.<sup>o</sup> Mutuarius debet rem mutuam restituere eadem quantitate, qualitate, et tempore constituto; et, in rei defectu, debet eius solvere valorem, secundum tempus et locum constitutum. Si nullum tempus, nullus locus fuerit constitutus restitutio facienda est secundum valorem respondentem tempori, quo in mora constituitur, ex C. I. vel quo mutuum factum est ex C. G., et secundum locum, quo mutuum fuerit factum, C. I. 1828., C. G. 1903.

3.<sup>o</sup> Pecunia mutuo data restituenda semper erit in eadem numerica summa in contractu expressa. Ac sive augeatur sive imminuatur nummorum valor, restituenda est eadem numerica summa in specie currenti tempore solutionis. C. I. 1821., C. G. 1895. Licet autem, etiam in foro conscientiae pro argenteis vel aureis nummis syngraphas mensarias dare, quavis lege, vel pacto in contrarium sublato. Leg. 1. Maii 1866., S. Poenit. 21. Ian. 1873. Quando vero mutuo datae sint pecuniae aureae vel argenteae, cum pacto restitutionis in eadem specie et quantitate, earumque valor modifietur, aequivalens reddi debet valori temporis mutui dati, C. I. 1822., L. 782. 791.

4.<sup>o</sup> Si mutuarius rem non restituit, vel eius valorem secundum constitutum pactum, *interesse* debet a die iudicialis petitionis. C. G. 1904. Imo si sit in mora culpabili tenetur etiam de damnis, quorum est causa.

236. *Quenam sint mutantis obligationes?* — 1.<sup>o</sup> Tenetur mutuarium monere de vitio rei traditae, si quod sit; item de imminente damno,

lucro cessante, periculo sortis, nisi gratis mutuari velit: alias hic non consentit, et sustinet iniuriam, quam reparare tenebitur mutuans. C. I. 1824., C. G. 1898., L. 754.

2.<sup>o</sup> Repetere non potest rem ante tempus constitutum, C. I. 1824., C. G. 1899., L. 754. Si tempus restitutionis constitutum non fuit potest iudex dilationem mutuuario concedere secundum circumstantias. C. I. 1826., C. G. 1900. Si vero constitutum fuit, ut mutuarius solvat quando possit, vel quando media ad id habeat iudex terminum constituet secundum circumstantias. C. I. 1827., C. G. 1901.

3.<sup>o</sup> Tenetur *per se*, non plus recipere, quam res mutuata valuerit, quando mutuo data est: quia mutuum *per se* est contractus gratuitus hoc sensu, quod aliud onus, mutuuario non imponat, quam ut reddat in specie, debito tempore, id quod accepit. L. 754. 755., G. 851.

237. *An possis rem mutuatam in eadem mensura et quantitate recipere, si mutui tempore crescat eius pretium? An plus repetere, si decrescat?* —

1.<sup>o</sup> Si quando res mutuo traditur, aequale sit utrinque dubium, an tempore restitutionis res valitura sit pluris vel minoris, licet pacisci, ut servata eadem bonitate et mensura reddi suo tempore debeat, etsi pretium eius valde sit auctum. Ratio est, quia cum utrinque aequale fuerit periculum, eo ipso iam aequalitas servatur. — 2.<sup>o</sup> Licitum non est *per se* pactum praedictum, si certo constet, vel longe probabilius sit, tempore solutionis valorem auctum iri. Ratio est, quia sic non servatur aequalitas, sed plus exigitur, quam detur tempore mutui. Hinc si modius tritici nunc valeat tribus francis, et valiturus sit quatuor tempore restitutionis, non licet pacisci, ut tantumdem solvatur. Excepi tamen, nisi statueris rem servare in tempus pretii aucti: quia tunc plus exigitur ratione lucri cessantis. — 3.<sup>o</sup> Si praevideas valoris seu pretii immutationem, tantum potes repetere, et mutuariusolvere debet, quanti res valebat, cum mutuo tradita est; quia revera non plus exigis, quam dedisti. — G. 852., L. 782. 791., La-Croix 910. seqq.

238. *Nota:* 1.<sup>o</sup> « quod mutuum praestitum Ecclesiae, Causae piae, aut Universitati non potest repeti, nisi probetur in utilitatem illius conversum fuisse, L. *Civitas ff. Si certum petatur*. Et idem dicitur de mutuo dato minori, qui alias non tenetur, etiam maior factus, restituere. L. 3. C. *Quando facto tut.* Si tamen Praelatus cum consensu Capituli, et idem dicitur de Gubernatore cum consensu Officialium, recipiat mutuum nomine Ecclesiae, ipsa semper teneturolvere: dum Praelati cum Capitulo recte alienare possunt res mobiles Ecclesiae, . . . 2.<sup>o</sup> quod mutuum datum filiisfamilias, ut sic putatis et carentibus bonis castrensibus, sine saltem tacito consensu parentum, neque ab illis postea restituendum est saltem in foro externo. L. 1. C. de S. C. *Maced.* Quo privilegio filii uti possunt, etsi ei renuntient. . . . Excipitur 1.<sup>o</sup> si mutuum sit in aliis rebus, quam in pecunia, de qua lex loquitur. 2.<sup>o</sup> Si filius iuravitolvere, quamvis post solutionem habeat actionem ad repetendum: immo potest relaxationem iuramenti sibi procurare. 3.<sup>o</sup> Si mutuum datum sit, sciente et non contradicente patre, aut conversum sit in utilitatem patris aut filiorum in rebus, quas pater ei praebere tenebatur. Item si res mutuata adhuc extet; vel si pater solutus fueritolvere debita filiorum. 3.<sup>o</sup> Dubium est, an filiisfamilias in primo casu posito liberi sint a restitutione mutui, non solum in foro externo, sed etiam interno? Negant Bonae etc. quia Ius Civile non tollit obligationem naturalem. At satis probabilius affirmat Less. etc. quia lex bene potest cum iusta causa naturalem obligationem auferre, et sic fecisse iudicator in hoc casu ad providendum damno parentum et nequitiam foeneratorum avertendum. Non videtur autem posse negari, quod potestas suprema humana, ob altum dominium quod habet, bene potest propter bonum commune transferre dominium rerum ab uno in alterum, ut patet in lege praescriptionis ». L. 756. 757. 918.



239. *De contractu usurario.* — Usura est: lucrum immediate ex mutuo proveniens tanquam debitum. Dicitur 1.<sup>o</sup> *lucrum immediate ex mutuo proveniens*: nam usura proprie committitur, quando mutuum immediate propter mutuacionem, et precise titulo mutui quaerit lucrum, seu aliquid supra sortem, ac substantiam mutuata. Licet igitur etiam ille, qui rem ultra summum iustum pretium vendit, aut alteri ad usum locat, peccet contra iustitiam: non tamen dicitur committere usuram stricte talem. Nomine autem *lucri* intelligitur quidquid pretio sit aestimabile, unde si dans mutuum exigit, e. g. ut alter tibi reddat quod aliunde tibi debet *ex iustitia*, usura non est. *Tanquam debitum*, nempe ex *iustitia*, vel *pacto* gratitudinis, aut benevolentiae. Unde si mutuarius mutuantis praecise ex naturali gratitudine, et absque interveniente pacto, aliquid ultra sortem liberaliter tribuit vel etiam ex timore, ne alias mutuatio si denegeretur in futurum, aut ne aestimetur ingratus, mutuans potest hoc absque vitio usurae acceptare. Hinc contractus usurarius est: pactum, quo mutuans obligat mutuarium ad dandum aliquid pretio aestimabile supra sortem ex solo titulo mutui. — L. 758. 761.-765. 774. 777.-781. 791., S. Th. 2. 2. q. 78. a. 2.

240. Usura alia est *mentalis* et alia *realis*. Illa est, qua mutuans, absque pacto externe manifestato, formaliter, *intendit* lucrum non gratuito offerendum, sed quasi titulo mutui *debitum*: vel virtualiter, puta si interne *sperat* lucrum, ita ut talis spes sit *principale* motivum mutuandi. Haec vero est, qua mutuans lucrum in pactum externum, sive expresse, sive tacite deducit. Usura realis alia est *aperta*, et alia *palliata*. Usura aperta, seu expressa, et formalis est, quando in ipso contractu mutui ex hoc titulo aliquid exigitur ultra sortem. Usura palliata, seu virtualis est, quae alio distincto contractu palliatur, in quo involvitur lucrum propter mutuum, uti contingeret, si mercator merces cariori pretio, quam sit iustum, vendere: precise ex eo, quod solutionem debeat expectare; nam sic virtualiter exigitur lucrum maius propter mutuum. — L. 761. 762., S. Th. 2. 2. q. 78. a. 2.-De Malo q. 13. a. 4.

241. *Usura naturali, divino et ecclesiastico iure prohibita est.* — 1.<sup>o</sup> *Naturali iure*: « Ad cuius evidentiam sciendum est, quod quaedam res sunt quarum usus est ipsarum rerum consumptio; sicut vinum consumimus, eo utendo ad potum, et triticum consumimus, eo utendo ad cibum. Unde in talibus non debet seorsum computari usus rei a re ipsa: sed cuicumque conceditur usus, ex hoc ipso conceditur res; et propter hoc in talibus per mutuum transfertur dominium. Si quis ergo seorsum vellet vendere vinum, et vellet seorsum vendere usum vini, venderet eandem rem bis, vel venderet id quod non est; unde manifeste per iniustitiam peccaret. Et simili ratione iniustitiam committit qui mutuatur vinum aut triticum, petens sibi dari duas recompensationes, unam quidem restitutionem aequalis rei, aliam vero pretium usus, quod *usura* dicitur. Quaedam vero sunt quorum usus non est ipsa rei consumptio: sicut usus domus est inhabitatio, non autem dissipatio. Et ideo in talibus seorsum potest utrumque concedi, puta cum aliquis tradit alteri dominium domus, reservato sibi usu ad aliquod tempus; vel e converso cum quis concedit alicui usum domus, reservato sibi eius dominio. Et propter hoc licite potest homo accipere pretium pro usu domus, et praeter hoc repetere domum accommodatam, sicut patet in conductione et locatione domus. Pecunia autem, secundum Philosophum in 5. Ethic., cap. 5., a med., et in 1. Polit. cap. 5. et 6., principaliter est inventa ad commutationes faciendas: et ita proprius et principalis pecuniae usus est ipsius consumptio, sive distractio, secundum quod in commutationes expenditur. Et propter hoc secundum se est illicitum pro usu pecuniae mutuatae accipere pretium, quod dicitur *usura*, et sicut alia iniuste acquisita tenetur homo restituere, ita restituere tenetur pecuniam quam per usuram accepit ». S. Th. 2. 2. q. 78. a. 1. — « Certum est, ait S. Alph. 759., quod usura

etiam de iure naturali est illicita ». « Quidam autem neotericus in libro recentior edito laboriose conatus est probare, *pecuniam de se non esse sterilem et infructiferam*, sicut aliae res usu consumptibiles; *cum ex communi commercio hominum*, ut asserit, *quam plura lucra ex pecunia observemus oriri*. Hinc infert, praecisis iustis titulis periculi, damni etc. . . licite posse aliquid exigi a mutuo pecuniae ultra sortem, modo lucrum sit moderatum, et modo mutuatarius sit dives, et pecuniam illam in augendis bonis suis impendat. Sed merito haec nova opinio interdicta est a Bened. XIV. in Ep. Enc. *Vix pervenit*. Ratio certa est, quia lucrum quod recipitur ex pecunia, totum oritur non ex ipsa pecunia, quae, cum omnino sterilis sit, fructum parere haud potest, sed oritur ex mera industria hominum. Nec pro eo quod mea pecunia alteri proderit ob suam industriam, possum ego ultra sortem aliquid ab eo exigere ». L. 758.

2.<sup>o</sup> *Hinc usura prohibita est etiam Iure divino, et ecclesiastico*. Sic Ezechiel inquit: « *si genuerit filium latronem effundentem sanguinem . . . ad usuram dantem et amplius accipientem, numquid vivet? non vivet . . . cum haec detestanda fecerit, morte morietur: sanguis eius in ipso erit* » c. 18. Et « Conc. Lateran. Sess. 10. sub Leone X. pro usura damnatur quodlibet lucrum, *ex re infructifera perceptum, secluso tamen titulo laboris, aut sumptus, aut periculi. Quando videlicet, verba Concilii, ex usura rei, quae non germinat, nullo labore, nullo sumpto, nullo periculo, lucrum foetusque conquiri studeatur* ». L. 765. Unde evidenter patet non dampnari usuram, quia *exorbitans*, sed quia *usura*. Sic etiam illicitum aperte pronuntiat lucrum quodlibet, a mutuo proveniens *ratione et vi eiusdem mutui*, Benedict. XIV. in sua celebri Enc. *Vix pervenit ad aures*. Adde integrum tit. de *Usuris* in Corpore canonici iuris, ex quo etiam usurarius si publicus sit ac notorius a communione arcetur, absolutione pro foro poenitentiae privatur, infamis habetur, ac si impoenitens moriatur quin satisfecerit, sepultura ecclesiastica privatur. Adde prop. 41. et 42. damn. ab Innoc. XI. et 42. damn. ab Alex. VII. Iure autem *Civili Communi*, Novella 83. dicitur *usura ubique a Spiritu (nempe Dei) decreto condemnari*.

3.<sup>o</sup> Neque vero ad intrinsecam usurae licitatem dicere valet, quod ille qui mutuam dat pecuniam *beneficium* praestat, quod mercede dignum est; et onus ipse subit, dum se re *privat sua*, quod iterum pretio est aestimabile. Insuper mutuum nihil aliud reapse est quam *pecuniae locatus*, cum in pecunia non corpus sed valor spectetur, et istius dominium semper remanet penes mutuantem: unde est quod mutuatarius dicatur vere et sit *aere alieno* gravatus. Tandem, attento praesenti rerum aucto commercio, constanti et semper progrediente in moderna Societate, vi praecise pecuniae, et incredibilis facilitatis eam transmittendi, permutandi, pecunia revera hodie sterilis et infructifera dici amplius non potest, sed foecunda et maxime fructifera.

Verum tantum haec omnia valent quantum nihil. Etenim 1.<sup>o</sup> *beneficio formaliter* considerato non debetur merces, sed animi gratitudo, Cf. S. Th. 2. 2. q. q. 106. *Beneficium* vero hic materialiter consideratum non plus valet quam ipsa res mutuata, haec ergo restituta in eadem quantitate et qualitate, omnia ad aequalitatem redeunt, quam iustitia commutativa intendit et facit. 2.<sup>o</sup> Privatio item rei suae non pluris sed tanti aestimatur quanti aestimatur ipsa res, qua quis privatur. Ea igitur restituta ad aequalitatem, prorsus onus illud compensatur. Secus dicendum esset, quod in venditione rei praeter pretium ipsius rei, deberet venditor accipere aliud pretium aequivalens privationi suae rei, quae privatio cum sit in venditione pro semper, deberet pretium accipere non tantum duplicatum triplicatum, sed pluries multiplicatum, ut perpetua rei privatio compensetur. 3.<sup>o</sup> Si mutuatarius non esset vere dominus pecuniae non tantum *materialiter* sed etiam *formaliter* consideratae non posset sane eam expendere secundum eius *pecuniarium valorem*. Formalis pecuniae valor inseparabilis *re* est ab ipsa

pecunia materialiter considerata. Et si hic formalis valor ad ipsum mutuatarium non pertineret sed ad mutuantem, nullum mutuatarius posset ex pecunia nomine suo inire onerosum contractum. Quod autem *aere alieno* dicatur gravatus, hoc sane non significat quod pecunia mutuata non sit *sua*, sed quod non sit *sua absolute*, sine nempe etiam obligatione tantumdem restituendi. *Aes alienum* nunquam quidem significavit *aes furtivum*, *aes depositum*, *aes locatum* etc., sed significavit et significat *debita solvenda*, undeunque ista debita proveniant sive *ex mutuo*, sive *ex alio contractu*, sive *ex alio titulo*. 4.<sup>o</sup> Tam verum est quod praesens rerum commercium non reddidit pecuniam fructiferam, quantum verum est quod praesens commercium potius *credito*, ut dicitur, quam materiali *pecunia* regitur; et creditum ex propria est industria, ingenio, labore, fiducia apud publicos mercatores acquisita, maxime honestate vitae. Praeterea maxime in praesenti videtur, quod pauperes operarii, laboriosi et industrii, ingentes brevi tempore congerunt divitias; nobiles viri e contra ditissimi, ob defectum laboris et debitae industriae, ad extremam paupertatem reducuntur. Non est igitur pecunia, quae est fructifera, sed proprius labor et propria industria. L. 758. 759. 761.. Gousset, 815. seqq.

242. *Resolves*: Tum usurarius, tum eius cooperatores ad restitutionem usurae acceptae obligantur. Contractus enim usurarius est omnino nullus; nudaque rei traditio dominium non transfert. L. 761. 783. 791. seqq., S. Th. 2. 2. q. 78. a. 3.

243. *An in dubio, utrum mutuatarius dederit aliquid supra sortem gratis vel non, possit id retinere?* — R. Affirm. cum sententia communi et probabiliori, si bona fide acceperis; et dubium superveniat. Negative, si in dubio negativo acceperis. Si vero in dubio positivo, sive cum probabilitate acceperis, restituere teneris, communiter loquendo; cum in dubio mutuatarius praesumi debeat, *per se loquendo*, dedisse coacte, non gratis; homines enim difficulter sua gratis elargiuntur. Minime vero teneris ad restitutionem, si vere *ex circumstantiis* praesumi donatio possit. — L. 761., G. 854.

244. *An mutans retinere possit, quod mutuatarius dedit ex timore, ne alias mutuum sibi denegetur?* — R. Affirm. probabilius. Ratio est, quia requiritur ad usuram, ut detur ex *vi parti*, sive ut debitum ex iustitia. Ita communis. L. 763., G. 854.

245. *An possit in pactum deduci donatio antiloralis, seu quae ex animo grato fiat?* — R. Negat. Ratio est, quia ex *partis* necessario oritur iustitiae titulus, non vero donatio mere ex animo grato erogata. L. 764., G. 855.

246. « *An pro obligatione, cui se submitteret mutans non repetendi mutuum, nisi post multum tempus, possit aliquid ultra sortem exigere, etiamsi nullum incommodum ex dilatione ei eveniat?* — Adsunt tres sententiae. Prima sententia communis negat, et hanc tenent Less., Viva, Laym., Lugo, qui vocant contrariam, falsissimam et communiter ab aliis reprobata. Ratio, quia talis obligatio est intrinsece annexa mutuo, quod non repetatur statim: sicut igitur non potest aliquid exigi ex eo, quod solutio expectetur pro aliquo tempore, ita nec pro tanto tempore; alias, dicunt, facile tali modo multoties usura palliari posset, illam exigendo non pro mutuo, sed pro obligatione expectandi solutionem. Et huic videtur favere damnatio prop. 42. proscriptae ab Alex. VII.

Secunda sententia dicit, quod, licet in mutuo sit obligatio expectandi solutionem per aliquod tempus: quando tamen obligatio est de non repetendo, *nisi post multum tempus*, puta per triennium, tunc cum illa non sit intrinseca mutuo potest aliquid licite exigi. Ita Med., Serra, Led. apud Salm. n. 25., ibique probabilem putant Trull., Henr. ac Bassaeus, atque non improbabilem putat Sporer. Et haec sententia vere non videtur sua probabilitate carere. Si enim licite aliquid exigere potest, qui obligatur ad mutuan-



dum infra longum tempus, ut docent dd. communius cum Mol. apud Viva in d. prop. 42. n. 5., cur non potest, qui obligatur non repetere suum, nisi post diuturnum tempus? Vide mox infra dicenda.

Tertia sententia parum huic secundae sententiae dissimilis, quam tenent Salm. cum Bann. etc. dicit, quod, licet, adhaerendo primae sententiae, exigere aliquid praecise pro tempore sit usura; attamen cum sit moraliter impossibile, quod per multum tempus expectando mutuans non patiatur aliquod periculum, damnum, vel incommodum, aut saltem non impediatur ab exercendo aliquem actum liberalitatis; aut alterius decentis operationis; idcirco potest aliquid ultra sortem recipere et pacisci. . . . Cuilibet mutuo est quidem intrinseca obligatio expectandi per aliquod tempus ordinarium; verumtamen mutuo in particulari, cum pacto expectandi per tempus extraordinarium, non est intrinseca, sed omnino extrinseca talis obligatio; et ideo illa non procedit ex liberalitate, sed ex iustitia obligat ad expectandum pro tanto tempore. Hinc, si mutuans aliquid accipiat pro tali obligatione, rite accipit, *non ratione commoditatis, quia privatur, sed ratione oneris ex pacto sibi impositi*, quod onus utique est pretio aestimabile. L. 760.

247. *An Montes pietatis sint usurarii?* — Praenota, quod Montes pietatis dicantur aeraria quaedam sive publica, sive privata, quae sunt instituta, ut ad ea indigentes quasi ad montem refugium habeant ad mutuo accipiendas pro pignore pecunias, ne eas ab usurariis cum maiori suo damno accipere cogantur: ita tamen, ut Monti pietatis certum lucrum relinquere debeant, et nisi e. g. intra annum pignus redimant, illud cadat in dominium ipsius Montis.

R. Montes pietatis, debite instituti, non sunt usurarii. Ita communis. Responsio patet ab auctoritate Leonis X. qui in Concilio Lateranensi Sess. 10. per Bullam *Cum inter nonnullos*, eiusmodi Montes pietatis ut licitos, et labe usurae carentes, approbavit. Ratio responsionis vero est: quia illud moderatum lucrum, quod mutuatarius similibus Montibus, sive publicis aerariis, relinquere debet, non exigitur titulo mutui, sed ad exsolvenda salaria officialium, et conservandum simile aerarium: adeoque tale lucrum non est usurarium. Dicitur autem *debite instituti*. Nam 1.<sup>o</sup> lucrum illud, quod percipitur debet esse moderatum et proportionatum expensis faciendis pro ministris istius Montis, quorum labor est vere pretio aestimabilis. 2.<sup>o</sup> Sufficiens tempus concedi debet mutuatariis, ut pignora possent redimere, neque ea derelinquere cogantur. 3.<sup>o</sup> Pignus exigatur aequivalens, vel non multum excedens rem mutuam, cum enim pignora illa nisi e. g. intra annum redimantur cadunt sub dominium Montis, intercederet usura palliata, si ea pignora nimis vili pretio taxarentur, et dein longe maiori venderentur, absque ulla refusione oppignoranti facta. — L. 765. Cf. A. S. S. V. 4. p. 27 seqq.

248. *De iusto interesse mutuantis.* — Illud hic primum est advertendum quod aliud in mutuo est *usura*, aliud *iustum interesse* mutuantis: *Usura* enim est, quando mutuans immediate propter dationem mutui exigit aliquid ultra sortem: *iustum interesse* mutuantis vero est, quando iste ex alio titulo iusto extrinseco, qui in mutuo per accidens intercurrit aliquid exigit ultra sortem in compensationem talis tituli, seu causae pretio aestimabilis. Quapropter, ut patet, illud auctuarium, quod exigitur non exigitur vi contractus mutui, sed vi alterius contractus mutuo adnexi. Contractus autem intercedere debet, secus enim, licet iustus adsit titulus aliquid exigendi, nihil iuste exigi potest. L. 765. 773.

249. *Licet mutuanti exigere quod sua interest ob titulum damni emergentis vel lucri cessantis.* — Prob. Duplici modo, inquit Angelicus, 2. 2. q. 62. art. 4., potest quis damnificari uno modo aufferendo ei quod actu habet, et dicitur *damnum emergens*: alio modo impediendo ne adipiscatur quod erat in via habendi, et dicitur *lucrum cessans*. Porro tam ob *damnum emergens*, quam ob *lucrum cessans* licet mutuanti quod sua interest causa

mutui exigere a mutuuario, si conditiones debitas intersint. Rationem affert idem Angelicus, 2. 2. q. 78. a. 2. ad 1. docens, hoc non esse *condere usum pecuniae, sed dampnum evitare*. Et sane non patitur aequitas, ut quis lu-rum amittat vel dampnum sentiat ex beneficii collatione: *nemo, lo-itur in iure, debet pati dispendium unde praemium collatur nactus*: atque id expresse probari a Benedicto XIV. Epist. Enc. de *usuris*

Diximus si *conditiones debitas intersint*. Conditiones autem sunt: 1.<sup>a</sup> ut *interesse* ab initio in pactum debeat, non *tamen dico exigita*, praemunito etiam mutuuario de *fundo damni emergentis et lucri cessantis*, vel alio (si quis extet, pro quo aliquid ultra sortem exigere velit: nam post contractum mutuans non amplius potest quippiam exigere, etiamsi damni emergentis et lucri cessantis fuerit immemor: ad contractum enim non sufficit voluntas interpretativa sive conditionalis, sed requiritur actualis vel virtualis, aut saltem aliquando habita et non retractata: *debebat sola exis-sisse*, ait Angelicus q. 2. de Male art. 4. de mutuante in tali casu, *ne detrimentum incurreret: nec ille qui mutuum accipit, debet dampnum incurrere* de stultitia mutuantis. Attamen etsi dampnum emergens non fuit de iure in contractum, si mutuarius solutionem ultra terminum statutum culpabiliter differat, tenetur mutuanti resarcire quodcumque dampnum ex tali dilatione emergens: nam iuxta Reg. 25. in 6.: *Mora sua causet est nociva*. 2.<sup>a</sup> Ut non plus exeat mutuans quam si dampnum quod patitur aut lu-rum, quod sperat ex alio contractu habito iuxta aestimationem spei et periculi, ac deductis expensis: id enim tota est ratio exactio-nis. Hinc interesse non potest exigi pro tota quantitate lucri, quod mutuans sperare possit: nam hoc lu-rum, cum saepius possit impediri, minoris debet aestimari: imò ad illud mutuans debuisset concurrere per proprium laborem, cuius carentia pariter est aliquo pretio aestimabilis. Unde valor lucri cessantis debet aestimari secundum iudicium prudentum virorum: quod bene est observandum. 3.<sup>a</sup> Ut mutuum sit reapse causa *damni emergentis*, vel *lucri cessantis*. Unde, si quis non haberet ullam occasionem negotiando aliquid lucrificandi, vel etiam data occasione non vellet negotiari, non posset praecise ex titulo *lucri cessantis* exigere interesse licet ex aliis titulis posset. — L. 768, 769., S. Th. 2. 2. q. 62. a. 4., Goussier §19.

250. *An mutuans compensationem damni emergentis exigere possit, si ipse ultro ad mutuandum se offerat?* — R. Affirmat. probabiliter. « Ratio, quia mutuator tunc non offert mutuum absolute, sed sub conditione, ut ei compensetur lu-rum cessans: et sic mutuarius acceptando mutuum est vera causa cessationis lucri, veroque impedit, quin mutuator ex sua pecunia iuste lucretur ». L. 769. 807., G. 857.

251. *An liceat mutuanti de certo lucro percipiendi ab initio pacisci, si dampnum emergens sit tantum probabiliter futurum?* — Commune est cum Sylv., Navar., Mald., Salmant., etc. aliter aliquid exigi posse supra sortem, habita tamen et caute servata proportionem inter timorem damni vel spei lucri, et *auxilium*, quod in hypothesis acciperetur. Ratio est, quia debita aequalitas iam inde servatur: nam sicut, damno non eveniente, lucretur mutuator: ita contra, eo eveniente, lucretur mutuarius. Nec refert quod dampnum praevium non accidat: etenim pactum de auxilio non fit pro damno, sed pro periculo eiusdem, quod actu supponitur et est pretio aestimabile. Res explicatur exemplo piscatoris, qui vendit iactum retis, iste non vendit quidem pisces, qui forte nulli capientur, sed vendit speciem eorum probabilem, quae actu existit, et est pretio aestimabilis. L. 770., G. 853.

252. *An aliquid exigere possis ratione lucri cessantis ob pecuniae mutuum, si aliam pecuniam otiosam serres?* — Resp. Affirmat., « si illam aliam pecuniam reservasses ad usum familiae ... quia non teneris ratione mutui tuam providentiam negligere ». Affirmat. etiam probabiliter si sine

tali incommodo possis aliam pecuniam substituere pecuniae destinatae negotiationi. Hoc enim posito, quod statueris hanc solam pecuniam negotiationi destinare, licite potes petere lucrum cessans, « quia vere mutuatio est causa, ut tibi cesset lucrum speratum ex illa pecunia ». L. 771. 772.

253. *Licetum est aliquid supra sortem exigere ratione periculi illam amittendi.* — Prob. quia mutuanus non tenetur mutuare cum periculo perdendi sortem, et tale probabile periculum est pretio aestimabile: adeoque, si propter hoc periculum exigatur proportionatum interesse, talis contractus nec repugnat virtuti liberalitatis nec iustitiae. S. Th. 2. 2. q. 78. a. 2., L. 765. Excipe: 1.<sup>o</sup> Si mutuatarius sit pauper, quia tunc praeceptum mutui ex caritate urget; 2.<sup>o</sup> si mutuatarius sortem per pignus assecuret, quia sic periculum cessat. G. 859.

254. Porro, ut interesse sit ex hoc titulo iustum duo debent attendi: 1.<sup>o</sup> Periculum amittendi sortem non debet esse praecise possibile, sed etiam probabiliter futurum: aut ratione mutuatarii, qui non est satis notus, vel dubiae est fidei, vel periculum gerit negotium: aut ratione sortis, quae cum periculo mutuantis alio est deportanda. 2.<sup>o</sup> Quantitas ipsius interesse debet esse proportionata quantitati periculi. Utrumque patet ex responsione S. C. de P. F., quae anno 1645, a Missionariis e Regno Chinesi in simili dubio interrogata, et de mandato Innoc. X. convocata, respondit: « censuerunt ratione alui immediate et praecise nihil esse accipiendum ultra sortem principalem: si vero aliquid accipiant ratione periculi probabiliter emergentis (prout in casu) non esse inquietandos, dummodo habeatur ratio qualitatis periculi et probabilitatis eiusdem, ac servata proportione inter periculum et id, quod accipitur ». La-Croix n. 856., L. 765.

255. *Licetum est in mutuo pacisci de poena solvenda a mutuatario, si sortem non reddat tempore definito.* — Ratio est, quia ita consilium firmitati contractus, et simul negligentia mutuatarii praecavetur. L. 766., G. 861. Observandum tamen est hoc pactum non esse licitum, nisi 1.<sup>o</sup> mora debitoris sit notabilis et culpabilis: *notabilis*, nam aliqua mora est mutuo intrinseca; *culpabilis*, nam qui non peccavit non est puniendus: 2.<sup>o</sup> absit animus lucrandi per poenam illam appositam, qui adesse praesumitur, si debitor oneretur obligatione restituendi sortem eo tempore, quo certo scitur eum sortem minime posse; 3.<sup>o</sup> poena sit moderata et culpae proportionata, alioquin iniusta esset: *probabilis* autem ea ante sententiam debita est; non magis habet rationem pacti quam poenae, licet et poena sit, ut ait Tourn., Less. etc. L. 766. 767. 775.

256. *Lex civiles iustum titulum suppeditat aliquid supra sortem exigendi scilicet etiam quovis alio titulo.* — Praenota: Olim iam existebant apud varios populos leges, vi quarum lucrum certum ex mutuo percipi poterat, praeserim inter Romanos, et recentius inter Germanos. Nostris autem temporibus huiusmodi leges apud plerasque cultas nationes usu generali receptae sunt. Ac, deficiente lege scripta, ea legitima existente consuetudine, quae vim legis habet, suppletur.

Prob. 1.<sup>o</sup> Nam cum ordinarie in mutuo non desit extrinsecus titulus iusti interesse, ratione periculi sortis, lucri cessantis, damni emergentis, bene potest civilis auctoritas lege determinare auctarium quod exigi iuste possit ad impediendas praevorum hominum iniustas extorsiones, et faciliorem omnibus reddere lucum contractum mutui, nec non ad lites et controversias, non sine partem gravi damno, impediendas. — 2.<sup>o</sup> Potest publica auctoritas ratione boni communis privatorum dominium transferre, ut videre est in praescriptis lege. Potest igitur eadem auctoritas dominium auctarii supra sortem transferre, quod hoc in casu libere et libenter datur ab omnibus, ratione publici et privati boni, cui ut ipso experimento compertum est, maxime favet mutui facilitas. — 3.<sup>o</sup> Idem evincitur ex Responsis SS. CC., non esse



nempe *inquietandos*, qui lucrum a lege concessum accipiunt, absque ullo etiam alio titulo.

257. Ex C. I. 1831., C. G. 1907. et Leg. 3. Sept. 1807., interesse aliud est *legale* aliud *conventionale*. Interesse *legale* est quinque pro centum in materia civili, sex pro centum in materia commerciali. Interesse *conventionale* excedere non potest ex Leg. Gall. cit. praedictam quantitatem: ex C. I. a contrahentium arbitrio pendet, sed si excedat interesse legale *actu scripto* constare debet, secus nullum debetur interesse.

258. Item ex C. I. 1232, 1233, C. G. 1154, 1155, interesse ex interesse post annum debetur, si creditor illud iuridice petat, vel peculiari conventionem, postquam tamen prius interesse debitum iam fuerit. Potest autem ab initio etiam exigi ex redditibus praediorum, perpetuis, vitalitiis. Gousset Cod. comm. in art. 1154., G. 873.

259. Insuper lex ipsa civilis citra omnem conventionem statuit legale interesse solvendum, aliquando ratione *morae*, C. I. 1231., C. G. 1146., aliquando ratione *naturalis aequitatis*. Ratione *morae*: v. g. debitoris, qui suo tempore non restituit pecuniam sibi creditam: tutoris, qui pupilli pecuniam non collocavit, etc. Hoc interesse instar poenae est, adeoque ante iudicis sententiam non debetur, post eam in foro etiam conscientiae debetur, etsi *mora* culpam solam *civilem* prae se ferat. Ratione *naturalis aequitatis*, e. g. si dos constituta sit in pecunia numerata, si emptor domus, praedii, statuta die, pretium non solvit, etc. C. I. 1397., C. G. 1548. Hoc interesse sententia iudicis non indiget, ut debeatur.

260. Postremo notandum est, quod quamvis in iure detur generatim indebiti repetitio, C. I. 1237., C. G. 1235., hic tamen non datur, C. I. 1830., C. G. 1906.

261. *Quibusnam liceat percipere 6. pro 100. ratione commercii iuxta legem civilem?* — 1.<sup>o</sup> Licet certo mercatoribus pecuniam aliis mercatoribus mutuantes, quia omnino de commercio agitur. — 2.<sup>o</sup> Licet etiam mercatoribus respectu aliorum non mercatorum, quia lex favere commercio intendit: favet autem permittendo mercatoribus, ut maiorem censum ex mutuata pecunia percipiant. — 3.<sup>o</sup> Si agatur de aliis non mercatoribus respectu mercatorum, controvertitur. Negant communius licere, et afferunt talem esse tribunalium decisionem. Ratio est, quia lex, quae mercatoribus favere intendit, ipsis potius noxiva foret, si interesse maius solvere deberent. Plures tamen etiam inter iurisperitos affirmant. Ratio autem horum est, 1. quia verba legis sunt generalia: *in materia commercii*: nec constat, qualis sit sensus genuinus illorum verborum; 2.<sup>o</sup> quia expedit commercio, ut ita lex intelligatur: sic enim multo facilius mercatores pecuniam reperiant cum maiori sua et commercii utilitate, etc. — G. 870.

262. *An liceat excedere taxam legalem in mutuo ratione damni emergentis, vel lacri cessantis?* — R. 1. Negat., respectu pauperum vel aliorum, qui in necessitate mutuum petunt, et qui auctario maiori opprimerentur. Non tamen teneri videris cum magno tuo incommodo ad mutuum eis concedendum. Caritas non obligat cum gravi incommodo. — 2.<sup>o</sup> Si pecunia in utilitatem, non vero in necessitatem alterius trahatur, controvertitur, et duplex fertur sententia. 1.<sup>a</sup> Sententia affirmat ratione indemnitatis seu iustae compensationis. 2.<sup>a</sup> Sententia negat. Ratio est, quia compensationes damnorum ex obligatione pecuniaria provenientium exigi possunt iuxta taxam legalem. Quae quidem sententia locum habere potest, si mutuator cogat aut obliget alium ad mutuum a se accipiendum: secus non apparet ratio, cur mutuator emergentis damni detrimentum in gratiam alterius subire debeat. — G. 872.

263. *An liceat percipere auctariam legale, ubi excedit 5. vel 6. pro 100.?* — R. Affirmat., si lex, perpensis omnibus circumstantiis, et praesertim timora-

torum praxi et consuetudine, videatur iusta, id est, appareat aequalitas inter lucrum lege permissum et valorem usus pecuniae aut pericula sortis, etc. Nulla enim constitui potest taxa absoluta, sed attendendum est ad varias locorum circumstantias, nec non ad pecuniae raritatem, ex qua eius pretium et proinde usus crescit, ut in Africa, in India, etc. — G. 873.

264. *Quid dicendum de institutionibus, quae vulgo dicuntur Arcae Paricimoniae?* — Non tantum tolerantiae, sed et laudantiae sunt eiusmodi institutiones, quippe quae subveniunt viduis, famulis, ancillis et pauperibus, dum modica eorum pecunia quodammodo accipitur mutuo, et census ipsis rependitur. — G. 874.

## XI. — DE MANDATO

265. *Quid sit mandatum?* — 1.<sup>o</sup> Mandatum, prout est contractus, definiri potest: contractus, quo alter e contrahentibus alteri committit gestionem alicuius negotii suo nomine peragendi. Inst. l. 3. tit. 27. *de Mandato* § 1. supp. C. l. 1737., C. G. 1984., C. A. 1904. — 2.<sup>o</sup> Ex Iure Romano mandatum est contractus per se gratuitus L. 1. § 4. Dig. *Mandati*, Inst. l. c. § 13. Ex C. l. 1739., C. G. 1986. mandatum gratuitum est, nisi aliter fuerit conventum. — 3.<sup>o</sup> Mandatum esse potest expressum et tacitum; acceptatio item esse potest expressa et tacita. Tacitum est mandatum, si quis videat aliquid in sui gratiam fieri, neque prohibeat. Tacita est acceptatio, si mandatarius rem exequatur. L. 6. § 2. Dig. *Mandati*, C. l. 1738., C. G. 1985. — 4. Si mandatum contra bonos mores sit, nullum est. Hinc nulla es civilis actio mandarii contra mandantem. Inst. l. c. § 7. Attamen si mandatarius damnum revera passus sit culpa mandantis, naturalis ei actio contra mandantem non denegatur.

266. *Quamvis mandans et mandatarius esse possit?* — Ut mandatum possit contrahi requiritur, ut *mandans* sit per se capax ea facienti, quae alteri fieri mandat; et ut *mandatarius* sit naturali iure capax obligationis contrahendae, licet incapax sit positivo iure. Ratio est, quia mandatarius non suo nomine, sed nomine mandantis agit. In negotio autem gerendo, ex C. l. 1743., C. G. 1990. *minor* et *uxor* mandatarii munus suscipere possunt, sed mandans contra eos actionem non habet, nisi secundum generales praescriptiones obligationum et contractuum *minorum* et *uorum*.

267. *Quoniam sint mandatarii obligationes?* — 1.<sup>o</sup> Mandatum non suscipere cuilibet liberum est; susceptum autem consummandum est, aut quam primum renunciandum. Inst. l. c. § 11. In negotio autem gerendo non debet mandatarius mandati fines excedere: secus iam non nomine mandantis, sed suo agit. Inst. l. c. § 8., C. l. 1742. 1751., C. G. 1989. 1997.

2. Tenetur mandatarius debitam in re gerenda adhibere diligentiam, et rei non reddere suae executionis, nec non mandanti reddere totum illud quod ei *mandati* recepit, quamvis illud mandanti debitum non fuerit. C. l. 1747., C. G. 1993. Et sic, si mandatum receperit mutuum dandi pecuniam sine interesse legdi, et cum hoc interesse dedit, hoc etiam mandanti restituet.

3. Inter esse praeterea debet pecuniae, quam in proprium usum adhibuit ex die fulminis usus. Interesse item debet pecuniae, cuius debitor est, ex die, qua in mora constituitur. C. l. 1759., C. G. 1996.

4. Mandatarius non nisi de culpa lata tenetur, si mandatum sit gratuitum, Laymann l. 3. tr. 4. C. 26. n. 1.; si autem non sit gratuitum, perinde res erit ac in locatione operae. Instit. loc. § 13. Ex C. l. 1745. 1746., C. G. 1991. 1992., mandatarius tenetur de damnis obvenientibus ex non im-

pleto mandato. Tenetur praeterea non solum de dolo, verum etiam de culpa commissa in executione mandati. Ad culpam quod spectat cum minore rigore tenetur cum mandatum est gratuitum, quam quum stipendium pro eo recepit.

268. *Quatenam sint mandantis obligationes?* — 1. Tenetur mandans ratum habere id quod suo nomine, intra mandati limites, gestum est, et obligationes exequi a mandatario contractas. C. I. 1752, C. G. 1998.

2.º Mandatarius indemnem servare debet, adeoque factas expensas debet compensare, licet res male successerit, et ipse minus fuisset impensurus. Debet item interesse praestare summarum, quas mandatarius impendit, a die quo impendit. Debet etiam damna compensare, quae mandatario contingunt mandati causa et occasione, quae alias passurus non fuisset. An etiam teneatur mandans de fortuito mandatarii damno? Si mandatum fuerit pretio convento, non tenetur; si gratuitum controversitur. — C. I. 1753, seqq., C. G. 1999, seqq.

269. *Quandomodo mandatum cesset?* — 1.º Cum res integra adhuc sit, mandatum cessat mandantis revocatione, mandatarii renuntiatione, alterutrius morte, interdictione, bonorum cessione. Inst. l. c. § 9, 10, 11., C. I. 1757., C. G. 2003., et secundum C. I. l. c. ex inhabilitate renunciata sive mandatarii sive mandantis quoad ea tantum, quae ipsi suo nomine, sine curatore obire nequeunt. Excipe, si mandatum fuerit tradi dotem puellae, et mandans moriatur, etiam post eius mortem tradenda est, idque in gratiam dotis; si mandatum sit ad pias causas, quae a civili potestate non pendent. Laymann l. 3. tit. 4. C. 26. n. 6.; si mandatum de re aliqua sit, quae non nisi post mandantis mortem sit efficienda.

2.º Si res iam coepta sit et mandatarii vel mandantis intersit ut perficiatur, non potest mandans mandatum revocare, vel mandatarius mandato renuntiare, nisi facta compensatione eius, quod mandantis vel mandatarii interest. Hinc ius et obligatio alterius ad haereditas transit. C. I. 1758, 1761, 1763., C. G. 2004, 2007, 2100.

3.º Si mandatarius, ignorata morte mandantis, vel alia causa cessationis mandati, bona fide mandatum executus est, factum probatur et datur ei actio contra mandantis haereditas. Inst. l. c. § 10., C. I. 1762., C. G. 2008, 2009., C. A. 1026.

270. *De ratihabitione. Quid sit ratihabitio?* — Mandato in iure comparatur ratihabitio, qua actus alterius nomine proprio factus ratas habetur. *No. in proprio*, secus enim approbatio operis, non ratihabitio, esse potest. Reg. 9. 10. Iur. in 6.º Lugo D. 3. n. 146., D. 19. n. 34.

271. *De negotiorum gestione. Quid sit negotiorum gestio?* — Negotiorum gestio est quasi-contractus, quo quis absens et ignorantis negotia gerenda ei utiliter suscipiat. Inst. l. 3. tit. 28. *de obligat. quae quasi ex contr. nascuntur*, § 1.

Dicitur: *quasi-contractus*. Etenim licet quasi-contractus saepe confundatur cum implicito seu virtuali contractu, Cf. n. 90; ab hoc tamen distinguitur. Nam per quasi-contractum intelligitur more factum honestum, ex quo *citra conventionem*, etiam implicitam seu virtualem, nascitur obligatio. Multiplex in Iure Romano quasi-contractus recensetur: negotiorum gestio, rei communis vel communis haereditatis administratio, aditio haereditatis, tutela, indebiti solutio. Inst. l. c. Recentiora Iura duos tantum quasi-contractus recensent, negotiorum gestionem et solutionem indebiti. Administratio enim rei vel communis haereditatis, et tutelae susceptio ad negotiorum gestionem facile reduci potest. Haereditatis autem aditio unam haeredis cum testatore eandemque efficit personam.

Dicitur *absentis et ignorantis*, secus enim si dominus praesens sit et rem sciat, licet taceat, non negotiorum gestio, sed mandatum habetur. *Negotia*



*gerenda ei utiliter suscipiat*: non sui enim lucri causa, sed utilitate domini, eius nomine, ipsius negotium gerendum suscipit. Hinc si quis alienam rem a iure domino redemit, eiusdem rei pretium a domino repetit, si ipsi quidem domino redemit, non si sibi emit.

272. *Quatenam sit gestor's et domini rei gestae obligationes?* — *Ex Iure Romano*: 1.<sup>o</sup> Si bona alterius deserta erant, et quis sponte ea suscipit administranda, dolum is praestat et culpam latam, quae dolo aequiparatur. L. *Ad Praetor* § 9. Dig. h. t. Tenetur praeterea gestor non solum de dolo, sed et de culpa etiam levi, imo levissima, in hypothese quod alius esset, qui negotium fuisset diligentius administraturus. Inst. l. c.

2.<sup>o</sup> Negotiorum gestor's actio contra dominum competit, ut nempe ei praestetur quidquid de suo erogaverit, et de damnis compensetur, si prudenter negotium gesserit, etsi sine felici exitu. L. *Sed an* § 1. Dig. *de Neg. gest.* Inst. l. c. Actio pariter concessa est domino contra gestorem, ut rationem reddat gesti et neglectae utilitatis. Inst. l. c.

Ex C. l. 1143., C. G. 1374. negotiorum alterius sponte gestor tenetur 1.<sup>o</sup> in sua administratione curam gerere tanquam bonus paterfamilias, Iudex tamen moderari potest damna, quae provenierint ex culpa vel negligentia administratoris, omnibus rei attentis circumstantiis.

2.<sup>o</sup> Qui sponte alienum negotium gerendum suscipit debet gestionem prosecui et ad exitum perducere, usque dum is cuius interest, possit per se negotio consulere, et, si is cuius interest moritur, debet gestionem prosecui, donec haeres possit eius administrationem sumere. C. l. 1141., C. G. 1372. 1373.

3.<sup>o</sup> Debet gestor pati quae ex ipso negotio consequuntur, et iis obligationibus subesse, quae extarent si ex mandato rem gerendam suscepisset. Dominus vero si recte negotium gestum est debet satisfacere obligationibus, quae nomine suo gestor contraxit, immunem servare gestorem ab iis, quas personaliter is contraxerit, atque compensare omnes expensas factas, tum necessarias tum utiles, una cum earum fructibus, a die quo factae fuerunt, computandis. C. l. 1141. 1144., C. G. 1372. 1375.

273. *De tutela*. — « *Tutores quoque, qui tutelae iudicio tenentur, non proprie ex contractu obligati esse intelliguntur. Nullum enim negotium inter tutorem et pupillum contrahitur. Sed quia saepe non ex maleficio tenentur, quasi ex contractu teneri videntur. Hoc autem casu mutuae sunt actiones. Non tantum enim pupillus cum tutore habet tutelae actionem; sed et contra tutor cum pupillo habet contrariam tutelae, si vel impenderit aliquid in rem pupilli, vel pro eo fuerit obligatus, aut rem suam creditoribus eius obligaverit* ». Inst. l. c. § 2. *Tutelae actionem*, ut nempe rationem reddat suae administrationis, et tam gesti quam non gesti. — L. 917.

274. *De rei communiione*. — « *Item si inter aliquos communis res sit sine coetate, veluti quod pariter eis legata donative esset, et alter eorum alteri loco teneatur communi dividundo iudicio, quod solus fructus ex ea re perciperit, aut quod socius eius solus in eam rem necessarias impensas fecerit, non intelligitur ex contractu proprie obligatus esse: quippe nihil inter se contraxerunt; sed quia ex maleficio non tenetur, quasi ex contractu teneri videtur* ». Inst. l. c. § 3.

275. *De haereditatis communiione*. — « *Idem iuris est de eo, qui cohaeredit familiaris creiscundiae iudicio ex his causis obligatus est* ». Inst. l. c. § 4.

276. *De iur. dotati additione*. — « *Haeres quoque legatorum nomine, non proprie ex contractu obligatus intelligitur. Neque enim cum haerede neque cum defuncto ullum negotium legatarius gessisse proprie dici potest; et tamen quia ex maleficio non est obligatus, quasi ex contractu debere intelligitur* ». Inst. l. c. § 5. Ipso facto adaudi haereditatem, quae legata

contineat, haeres erga legatarios tenetur, et legatarii vicissim erga haeredem obligantur, ut non ab alio quam ab haerede legatum accipiant.

277. *De solutione indebiti.* — « Item is, cui quis per errorem non debitum solvit, quasi ex contractu debere videtur. Adeo enim non intelligitur proprie ex contractu obligatus esse, ut si certiorum rationem sequamur, magis ex distractu, quam ex contractu possit dici obligatus esse. Nam qui solvendi animo pecuniam dat, in hoc dare videtur, ut distrabat potius negotium, quam contrahat. Sed tamen perinde is qui accepit obligatur, ac si mutuum ei daretur, et ideo condictione tenetur ». Inst. l. c. § 6.

Ex C. l. 1145.-1150., C. G. 1376.-1381. ille, qui aut ex errore, aut scienter recipit id, quod ei non debetur, tenetur restituere illi, a quo indebite accepit. — Ille, qui, cum ex errore putaret se debitorem, solvit, ius habet adversus eum, cui solvit, repetendi. Desinit tamen hoc ius, si creditor propter hanc solutionem se privavit bona fide titulo crediti et cautionibus ad ipsum spectantibus; quo in casu liber est ei qui solvit regressus adversus verum debitorem. — Qui mala fide recepit solutum debet restituere tum capitale, tum fructus decurrentes a die solutionis. — Qui indebite aliquam rem accepit, debet eam in individuo restituere, si adhuc subsistit. Si vero non subsistit aut detrimentum passa est, ille qui mala fide accepit debet eius valorem reddere, etsi res fortuito perierit aut deterior facta fuerit: qui vero bona fide accepit, non tenetur restituere, nisi quod in rem suam versum est. — Qui rem bona fide acceptam vendidit, non tenetur nisi ad restitutionem pretii, aut ad cedendam actionem pro eius recuperatione. — Ille cui res restituitur debet compensare possessorem etiam malae fidei pro expensis factis in rei conservationem necessariis, et etiam utilibus.

278. *Nota:* Obligatio restituendi ex indebiti solutione, tam ex quasi contractu, quam *ex re aliena accepta* exoritur.

## XII. — DE VENDITIONE ET EMPTIONE

279. *De natura venditionis et emptionis.* — Emptio est pactio pretii pro merce; venditio vero est pactio mercis pro pretio. Emptio et venditio igitur sunt duo correlativa, et re ipsa unus contractus, utriusque pariscientis consensu constitutus, dandi nempe mercedem pro determinato pretio, et pretium pro determinata merce. Porro nomine mercis intelliguntur omnes res, tam immobiles, quam mobiles, quae inter homines solent vendi: nomine pretii vero intelligitur moneta, seu pecunia: nam quando pro una re vendibili datur alia vendibilis, non est emptio et venditio, sed potius permutatio. Pecunia igitur est quasi instrumentum, mensura, et pretium, publica auctoritate institutum, omnium, quae veniunt in commutationem. Inst. l. 9. tit. 24. § 1., L. *Pacta conventa* Dig. de *Contrahenda emptione*, etc. L. 793., S. Th. 2. 2. q. 77. a. 1.

280. *Rei dominium, periculum, commodum ad quemnam spectent ex Iure Romano?* — 1.<sup>o</sup> Contractus iste perficitur ante rei vel pretii traditionem. Inst. l. 9. tit. 24. init., L. *Sicut* Dig. de *Per. permutat.* § 2. Ad eum tamen requiritur determinatio pretii, quae si remittatur ipsi emptori nullus est contractus, L. *Quod saepe ff. de contrahenda emptione*. Secus si remittatur tertio, L. ult. C. e. r. Et sicut pretium, ita etiam res, saltem in spe, determinata esse debet. L. 794. Etsi contractus hic solo consensu perficiatur, ita ut nulla per se requiratur scriptura, conveniri tamen potest, quod non valeat nisi scriptura confecta. Inst. l. 3. tit. 23.-24., L. 795.

2.<sup>o</sup> Venditori et emptori paritur *ius ad rem* non vero *ius in re*, nisi facta traditione, qua dominium transfertur. Inst. l. c. § 3. Quin imo etsi emptori res fuerit iam tradita, manet adhuc sub dominio venditoris, donec vel pretium fuerit solutum, vel venditori alio modo satisfactum sit, v. g. pignore, vel fidem venditor emptori habuerit de pretio. Inst. l. 2. tit. 1. § 41., L. 795, 796.

3.<sup>o</sup> Speciale est in hoc contractu, quod quamvis contractus sit perfectus, aut tamen traditionem rei venditor sit dominus rei, et periculum rei nihilominus, ut eius commodum et fructus, ad emptorem spectent, nisi, quoad periculum, venditoris culpa pereat, et nisi res vendita res sit determinata tantum quoad genus, ut tot modios tritici, vel etsi in specie sit determinata, sit tamen res, quae est adhuc mensuranda, aut numeranda, aut praestanda, siquidem tunc nondum perfecta censetur venditio. — Inst. l. 3. tit. 24. § 3., L. *Quod si neque* Dig. de Periculo et commodo rei venditae, L. *Quod saepe* Dig. de Contrahenda emptio, L. *Illud* Dig. de Peric. et comm. rei vendit., Laymann de Empt. et Vendit. n. 18., L. 797, 798, 828.

4.<sup>o</sup> Emptor pretium seu pecuniae dominium in venditorem transfert, venditor vero vacuum rei transfert possessionem rei in emptorem. Si venditor vere rei dominus erat rei dominium in emptorem transfertur. Si contra venditor rei dominus non erat, tunc evictionem emptori praestare tenetur. L. *Ex empto* § 2. Dig. de Actionibus empti et venditi, L. *Servus* § 1. ib. Scilicet, si dominus rei evincit rem esse suam, tunc huius rei venditor pretium emptori reddere tenetur, et quantum ipsius intererat rem non esse existentem, L. *Si questio* C. de Evictionibus, L. *Evicta re* Dig. de Evictionibus, etc.

Quapropter etsi emptori ignoranti res aliena vel furtiva vendatur, contractus valet, pretii dominium in venditorem transfertur et emptor ius acquirit ad evictionem, qua venditor emptori obligatur. L. *Rem alienam* Dig. de Contrahenda emptio, etc., L. *Ex empto* Dig. de Action. empti et venditi, L. *Si in emptione* Dig. de Contrahenda empt. etc., L. *Quid cas* Dig. de Fur. § ult. Res vero empti pecunia aliena emptoris est, si nomine suo emat, L. *Si eo* C. de Iuri iudicatione. Excipe si pecunia sit Ecclesiae, minoris et militis; quia tunc illis res acquiritur. L. 799, 800.

281. *Rei dominium, periculum, commodum ad quemnam spectent ex recedente iure:* 1. Ex C. l. 1125., 1448., 1459., 152., C. G. 1138., 1583., 1585., 1587., conventionem facta rei et pretii, contractus est perfectus, etiamsi res adhuc tradita non sit, nec pretium solutum, et dominium rei, ante traditionem penes emptorem est. Si vero de rebus agatur, quae pondere, numero, mensura venduntur, aut quae praegustari solent, contractus non censetur perfectus, ante quam res secundum pondus, numerum, mensuram definita aut praegustata fuerit. Hinc ex eod. C. l. 1470., C. G. 1614. a die venditionis, omnes fructus rei spectant ad emptorem; et C. l. 1180., 1125., C. G. 1624., 1138., periculum rei nondum traditae spectat ad emptorem. — \* Sed et periculum rei spectat ad emptorem, ita ei debentur fructus illius, et leges civiles oppositae in hoc puncto reprobatae sunt a iure canonico, prout tamen illas iure usurario, prout dicunt Salm. » L. H. A. Tr. 10. n. 169. Cf. L. 798.

2. Ex C. l. 1454., C. G. 1591., 1592., pretium determinandum est a partibus contrahentibus. Potest tertii arbitrio committi. Si autem hic nequit aut non vult pretium definire, nullus est contractus.

3. *Venditio rei alienae* nulla est. C. l. 1459., C. G. 1599. Haec nullitas opposita non potest a venditore, C. l. ib. Verum venditio commercialis rei alienae valida est. Ea obligat venditorem ad eius acquisitionem et ad eam tradendam emptori sub poena reparationis dampni, C. l. Comm. 95.

4. Ex C. l. 1444. sub poena nullitatis, publico instrumento vel privata scriptura fieri debent conventiones, quae transferrent proprietatem immobilium, aut aliorum bonorum, aut iurium capacium hypotheca. Ex C. G.



1341. 1583. quaelibet venditio solo partium consensu perficitur absque ulla legali formalitate. Cum venditio summa excedit 150. fr., ut in foro externo probari possit scriptum authenticum vel privatum requiritur.

282. *Quam vim archæ venditioni addant?* Ex Iure Romano: 1.<sup>o</sup> Si apponantur promissioni venditionis tantum, non confirmant contractum, sed unusquisque e contrahentibus resiliere potest. Verum in hoc casu, si resiliat is, qui eas accepit, duplum restituere debet, id est arrhas acceptas, et insuper valorem illi æqualem. — 2.<sup>o</sup> Si apponantur ipsiniet venditioni, non faciunt eam conditionalē, sed argumentum sunt venditionis contractæ; pro parte enim pretii computantur, vel in securitatem solutionis dantur: unde nullus ex contrahentibus, altero invito, resiliere potest. In dubio autem an promissioni contractus, vel ipsiniet contractui adiectæ fuerint, pro minime standum est, seu soli promissioni venditionis adiectæ censentur. Inst. l. 3. tit. 34., l. 35. Dig. de *Contrahenda emptione*, l. *Contractus* C. de *Fide instrumentorum*. — Ex C. G. 1589. 1590. promissio vendendi venditioni æquivalet, quoties adest consensus recipiens utriusque partis in rem et pretium. Si autem promissioni coniunctæ sint arrhæ, quilibet contrahentium potest resiliere a contractu, ita ut eae amittantur ab illo qui eas dedit; qui autem accepit reddat duplicatas. Hinc patet promissionem venditionis non esse omnino confundendam, etiam ex C. G., eam ipsa venditione; siquidem ex eodem Cod. per venditionem transfertur rei dominium, minime vero per promissionem venditionis. Quare promissio venditionis, venditioni æquivalet, non quatenus dominium transferat, sed quatenus venditor cogi possit, accepto pretio: vel contra emptor, re accepta, eam implere. Gousset 833. — Lugo D. 26. n. 10., L. 794., G. 887.

283. *An valeat emptio rei, antea alteri venditæ?* — Ex Iure Romano: 1. Res uni vendita, et nondum ei tradita in dominio venditoris est, qui proinde potest eam alteri *valide* vendere et tradere. Traditio enim secuta fit secundi emptoris. — 2. Idem dicendum, si licet res tradita emptori, pretium tamen ab eo nondum sit solutum, vel nondum pro soluto habeatur. Tunc enim rei dominium nondum emptori est comparatum. — 3.<sup>o</sup> Etsi vero secunda emptio *valida* sit, traditione secuta, *licita* tamen non est. Hinc si res duobus sit vendita, et nondum tradita, priori emptori est tradenda. Si vero secundo emptori iam sit tradita, qui pretium iam solverit, hic rei acquirit dominium, sed prior emptor habet ius et actionem personalem adversus venditorem quoad interesse et damna. L. *Qui tibi* C. de *Hered. vel actione vendita*, l. *Si ancillam* C. de *Action. empti et vend.* Quod si res secundo emptori tradita iam sit, sed pretium nondum sit solutum, aut pro soluto habitum, res priori emptori tradenda est, cum adhuc sit in dominio venditoris. — 4.<sup>o</sup> Licet res posteriori emptori tradita sit, et is pretium solverit, si secundus emptor conscius fuit prioris venditionis damnum potest, naturali saltem iure, ut rem priori emptori tradat. L. 827., Lugo D. 20. n. 112. 116. Verum cum contractus validus sit, ad eam restituendam non tenetur ante sententiam iudicis, sed tenetur tantum ad damni reparationem. Molina D. 369. n. 9., si tamen priori emptori res fuerit hypothecata in securitatem contractus, cum iam aliquod ius in re habeat, ei res est restituenda. L. *Si creditor* § ult. Dig. de *Distract. pignorum*. Item si posterior rem acceperit titulo lucrativo e. g. per donationem, poterit prior emptor rem ab eo evincere. L. *Ignoti* C. de *Revocantibus his, quæ in fraudem creditorum alienata sunt*. Idque locum habet, etsi secundus inscius fuerit fraudis. Lessius l. 2. C. 21. n. 142. — 5.<sup>o</sup> Si prior emptor sit Ecclesia, aut locus pius, aut civitas, quamvis res sit deinde alteri tradita, et ab eo pretium sit solutum, priori emptori res restituenda est; quia Ecclesia, aut locus pius, aut civitas, etiam sine traditione, dominium iam acquisivit. — L. 827.

Ex C. G. 1138, 1583, 1599, post perfectum consensum utriusque partis res vendita in proprietatem transit emptoris ante ipsam traditionem. Venditio autem alienae rei nulla est. Hinc consequitur ius semper esse prior, emptori rem a secundo evincere. Attamen ex eodem C. G. 1141, si res, quam quis se obligavit dare aut tradere duabus successive personis, est mobilis, ea persona, quae possidet praefertur et dominium obtinet, etsi titulus eius tempore sit posterior, dummodo tamen possideat bona fide. Idem habetur ex C. I. 1448, 1459, 1126.

284. *Obligatio venditoris et emptoris.* — 1.<sup>o</sup> Venditor rem eiusque accessoria, vacuum ab alterius possessione, et ab aliis oneribus inconsumetis, statim tradere, nisi aliud convenerit, et traditae rei evictionem praestare tenetur. Emptor etiam, nisi aliud fuerit pacto constitutum, pretium statim, tradere debet. Nisi item aliud fuerit conventionem statutum, eo in loco ubi contrahitur et res et pretium tradenda sunt, eoque modo, de quo in contractu conventum est. C. I. 1468, 1482, 1507, 1508., C. G. 1609, 1626, 1650, 1651. Venditionis et emptionis contractus in aequalitate est. Non servata aequalitate inter pretium et mercem, iniustitia committitur, et in foro conscientiae obligatio adest restitutionis, seu reparationis damni, gravis vel levis pro ipsa damni ratione. S. Th. 2. 2. q. 77. a. 1. — Cf. Rogron in art. 1604.

2.<sup>o</sup> Tenetur praeterea emptor foenus solvere pro pretio non soluto a die quo rem possidet, si res sit frugifera, licet per accidens nullos fructus dederit a tempore venditionis, nisi venditor dilationem ad solvendum dederit: quia non est aequum, ut emptor simul rem et pretium habeat. Si vero res non sit fructifera non tenetur ad foenus solvendum, nisi in mora culpabili fuerit, nec aliter conventum sit. C. I. 1509., C. G. 1652., G. 885.

3.<sup>o</sup> Insuper tenetur emptor solvere expensas factas pro asportatione rei venditae, pro scripturis, aut actibus authenticis, item pro sumptibus necessariis ad rei conservationem a die venditionis, nisi alio modo pactum fuerit. C. I. 1455, 1467., C. G. 1593., G. 885.

285. *De resolutione venditionis ratione pretii.* — De Iure Romano: In foro externo, ad lites nimium non multiplicandas, actio contra damni auctorem non conceditur, nisi euius carius, aut vendens vilius deceptus fuerit ultra dimidium pretii. L. 2. de *Rescindenda venditione*. Idque valet etiam de Iure Canonico. Cf. C. *Novit de Iudicijs*. L. 805.

Ex Recentioribus Legibus: 1.<sup>o</sup> Si conventio expresse facta fuerit, ut pretio suo tempore non soluto, vel re non tradita, aut accepta, vel quavis alia apposita et non impleta conditione res fieret inempta, venditio ipso iure resolvitur. Si vero expressum tale pactum non fuerit, sed tantum tacitum adferit, non nisi officio iudicis resolvitur. C. I. 1511, 1165., C. G. 1654, 1656. Nihilominus venditio rerum mobilium ipso iure resolvitur, si emptor de traditionis definita non venerit, vel si emptor solvendi moram faciat. Tunc enim in potestate venditoris est, si res nondum tradita fuerit, illico ab emptione discedere, nisi concessa fuerit dilatio. Si vero tradita iam res fuerit, poterit venditor rem *condicere* seu rivendicare; nisi iterum dilatio ad solvendum emptori concessa fuerit. C. I. 1512, 1513.; C. G. 1657. Rivendicare autem poterit intra 15. dies a traditione computandos, modo res apud emptorem sit, et nec mutata, sit, nec locatori ignorantia fuerit obligata. C. I. 1512, 1514.

2.<sup>o</sup> Venditor laesus ultra dimidium iusti pretii, C. I. ultra septem duodecimam partem, C. G., in venditione rei immobilis, ius habet postulandi rescissionem contractus, etiamsi huic iuri expresse renuntiaverit in contractu, et declarat venditor deinde excessum, C. I. 1529., C. G. 1674. Venditionis rescissio, *patem luescenti*, soli competit venditori et in sola venditione rei immobilis, in tam externo, sed in potestate emptoris est vel recedere a venditione vel supplere pretii res maioris valet. Rescissio iure biennio finitur. C. I. 1529, 1531, 1534, 1536., C. G. 1674, 1576, 1681, 1683 C. A. 934, 935, 1060. In foro tamen conscientiae, rescissionis actio, ratione laesionis, tum venditori

tum emptori per se competit, sive de re immobili, sive de mobili agatur, sive ultra supremum pretium sive citra infimum res empta fuerit. L. 805, 819., S. Th. 2. 2. q. 77. a. 1. ad 1.

285. *De resolutione venditionis ratione rei.* — 1.<sup>o</sup> Si *citiosa* res tradita fuerit, emptor agere potest *redhibitoria* vel *actio aestimatoria* actione. *Redhibere* est facere ut *rursus habeat* venditor id, quod rebuserat. *Aestimare* est facere ut excessus pretii pro rei aestimatione restituatur. C. I. 1501., C. G. 1644., L. 819., Rogron in art. 1625.

2.<sup>o</sup> Si res non *tota* tradita fuerit, quia eius pars periit emptor potest vel a contractu recedere, vel pretium pro rata diminuire. C. I. 1461., C. G. 1601. Si vero post traditionem emptor evictionem partis passus sit, fas ei est ab emptione discedere, si talis vel tanta ea sit, ut sciens empturus non fuisset. C. I. 1492., C. G. 1636.

3.<sup>o</sup> Si *error* in mensura rei intercessit, venditori quidem non licet a venditione discedere, licet vero emptori, si modus ultra vicesimam partem emptior, non item si minor, inveniatur. Si a venditione non discedatur, pretium augendum vel minuendum erit pro quantitatis modo. Huiusmodi autem actio anno finitur. C. I. 1473. 1475. 1476. 1478., C. G. 1617. 1618. 1619.

287. *An venditor teneatur rei defectus manifestare?* — Distinguen- dum est: defectus enim sunt substantiales, vel accidentales tantum: occulti, vel manifesti: insuper vel de iis venditor interrogetur, vel non. Hinc: — 1.<sup>o</sup> Venditor *in omni caso* tenetur manifestare omnia vitia rei substantia- lia tam in se quam relative ad finem notum emptoris, seu ea omnia, quae rem aliam faciunt, vel eam noxiam, aut notabiliter inutilem reddunt: *secus* de pretio tenetur. Ita ex omni iure. — 2.<sup>o</sup> Venditor *interrogatus*, tenetur omnia vitia occulta manifestare etiamsi rem noxiam aut inutilem non reddant: secus enim dolus committeret. Proinde si dolus fuit *vera* causa emptionis, contractus est rescindibilis. Si vero dolus fuerit *incidens* tantum, ita ut emptor, vitio cognito, etiam emisset, sed non tanti, restituere debet venditor solum quanti minus emisset emptor: quia secus nulla fere venditio fieri posset. — Si autem venditor *non sit interrogatus*, et vitium occultum non reddat rem inutilem, pro ratione vitii pretium minuere debet. Ratio est, quia aliter res plaris venderetur, quam valeat. — 3.<sup>o</sup> Venditor non tenetur *per se* ostendere vitia rei accidentalia de se manifesta, modo imminuat pre- tium pro rata defectus. Ratio est, quia tunc non fit iniuria emptori, nec ratione pretii, quod imminuitur, nec ratione vitii, quod si non viderit emptor, sibi imputare debet. Excipe tamen, nisi emptor sit *caecus rudis*, qui respectu illius vitium censetur occultum. Excipe etiam, si venditor specialiter inter- rogetur de tali defectu. — 4.<sup>o</sup> Si venditor protestetur, se nullo rationem dare de quocunque defectu etiam occultissimo, ad nihil tenetur, dummodo non vendatur res ultra iustum pretium, saltem supremum, habita ratione illius vitii occulti. L. 823. — L. 818. 819. 824., S. Th. 2. 2. q. 77. a. 2. 3. G. 882.

288. *An venditor teneatur de omnibus damnis ex vitio rei venditae sequendis?* — Non tenetur, nisi de damnis praevisis: quia non potuit suscipere obligationem quae ea, quae ne in casu quidem praevidit. — G. 883.

289. *Ad quid teneatur venditor, si res pereat ante vel post tradi- tionem?* — 1.<sup>o</sup> Ad nihil tenetur, si res pereat ante traditionem ex casu fortuito. Ratio est, ex C. I. et C. G., quia res perit domino, id est emptori. Ita etiam nisi aliter contentum fuerit: verbum est ex Iure Romano. Post venditor servet rei dominium, donec tradita fuerit. L. 828., G. 884. — 2.<sup>o</sup> Si res pereat ante traditionem ex culpa venditoris, tenetur de pretio, et san- ctibus contractus, nec non ad quod emptoris intererat, quia rem ut sciam custodire debebat, et de illato damno tenetur. — 3.<sup>o</sup> Si res pereat post tra-



ditionem ex vicio intrinseco, quod tempore traditionis exsistebat, tenetur pariter restituere emptori pretium acceptum, et solvere expensas contractus, si quae sint, itemque id, quod emptoris intererat compensare. Ratio est, quia vendit rem inutilem, seu nullius valoris: ergo adfuit in emptore error circa substantiam contractus; ergo contractus nullus est defectu consensus et ipsius materiae, quae nullo pretio erat aestimabilis. Insuper causa ipse fuit damni emptoris.

290. *Quandom venditor tenetur de evictione rei?* — 1.<sup>o</sup> Tenetur de evictione, quatenus emptor iuridice deturbatur a possessione rei emptae. *Evictio est aliquid vincendo auferri*. Excipe nisi aliter in contractu conventum fuerit. Ratio est, quia venditor dominium rei tunc transferre nequit. C. I. 1481. seqq., C. G. 1626. seqq. — 2.<sup>o</sup> Tenetur etiam ad pretium emptori refundendum, quando deprehenditur, rem venditam pertinere certo ad tertium hic et nunc reclamantem: eadem autem est ratio: venditor enim non potuit transferre rei dominium, quod ipse non habebat. Verum ad hoc non tenetur in conscientia ante sententiam iudicis, nisi omnino certo ipsi constet, rem revera esse illius tertii: nec tenetur fidem facile praebere aliis ita esse asserentibus, cum praesumptio ipsi faveat, nec aliunde sententia iudicis intervenierit. — G. 888., Rogron.

291. *Quandom vendere, emere possint?* — Omnes vendere et emere possunt, qui generatim contrahere possunt, nec speciatim in iure prohibentur. C. I. 1456., C. G. 1596. — Porro ex iure Romano speciatim prohibentur emere iudi et eorumque officiales in loco, ubi iurisdictionem exercent, praeter necessaria ad victum, vestitum, et quotidianum usum. Itemque tutores, curatores et personae ipsis subiectae nequeunt emere bona eorum, qui sunt sub eorum cura aut tutela, sub poena nullitatis. Cf. L. unic. C. de Contract. iud., L. Praesides Dig. Si certum petatur, L. Non licet, L. Si in emptione § ult. de Contrah. empt.

Ex Recentioribus Legibus prohibentur: 1.<sup>o</sup> Debitores ea bona sua immobilia distrahere, quae a creditoribus coepta sunt proscribi, post transcriptum mandatum de solvendo, scilicet quantum creditorum intersit, C. I. 2085., C. G. 686. — 2.<sup>o</sup> Qui foro cesserunt: quin imo alienata ab eis decem superioribus diebus rescindi possunt, C. I. comm. 555., C. G. 446. — 3.<sup>o</sup> Qui bona administrant Communitatis vel cuiusvis publici Instituti: quique in officio, ministerio, munere publico bonis distrahendis auctoritatem praestant, vel intersunt: tutores, profutores, curatores: parentes quoad bona emenda filiorum, qui eorum potestati sunt subiecti: procuratores, quibus quis aliquid distrahere suo nomine commisit. Hi omnes sub poena nullitatis, vel sub hasta, praedicta bona emere prohibentur, C. I. 1457., C. G. 1591. — 4.<sup>o</sup> Qui officii causa in foro agunt seu magistratus, scribae, advocati, procuratores, immo et iudices redimere prohibentur sub poena item nullitatis, lites et iura litionis, quae cognoscenda spectant ad curiam, tribunal, vel praetoram, cuius pars sit, vel in cuius iurisdictione officium exercent, C. I. 1458., C. G. 1591. — 5.<sup>o</sup> Emptio et venditio vetita est inter coniuges, paucis exceptis casibus, C. G. 1595.

292. *Quandom res vendi possint?* — 1.<sup>o</sup> Vendi non possunt res sacrae, de quibus in Tit. de Primo Decal. Praec. n. 60. seqq. Res etiam publici iuris, ut palatiae viae, publicum forum, vendi non possunt. — 2.<sup>o</sup> Ex iure Romano vendere quisque potest omnia sua bona tum praesentia tum futura etiam simul, etiam quae in spe habentur, ut futuri fructus agri. Vendi etiam possunt res alienae, e. g. ratione pignoris, hypothecae, etc. Rem autem suam non vaide emit, nisi venditor aliquid ius in ea habeat, L. Sane rei, L. Si in emptione § rei sane Dig. de Contrah. empt. — 3.<sup>o</sup> Ex Recentioribus Legibus vendi potest quidquid est in commercio, dummodo particularis lex non prohibuerit alienus rei alienationem, C. G. 1598. Vendi nequit successio personae adhuc viventis, vel ipsa consentiente, C. I. 1460.,

C. G. 1600. — Hinc venditio et emptio etiam prohibetur bonorum minorum, uxorum absentium, interdictorum, non servatis praescriptis a lege formalitatibus. Gousset Cod. comm. art. 1598. — 4.<sup>o</sup> Ipso autem *Iure naturali* venditio prohibetur earum rerum, quae ex natura sua non nisi ad malum inservire possunt, e. g. libelli diffamatorii, picturae lascivae, etc. Harum tamen rerum venditio, licet prohibita, non ideo tamen nulla est; unde venditor ad restitutionem non tenetur Gousset § 36. — 5.<sup>o</sup> Vendi vero possunt ex ipso Iure Positivo vel etiam quocumque alio titulo transmitti *Iura incorporea*, ut chirographa, credita, servitus, usufructus, ius ad haereditatem apertam; quorum traditio fit remittendo chirographa, aut alia scripta authentica. Cf. art 1689. seqq.

293. *De pretio. Quotuplex sit pretium?* — 1.<sup>o</sup> Pretium aliud est *legale*, et aliud *vulgare*. Pretium *legale* est, quod auctoritate publica Principis, vel Magistratus, est statutum, ne excedatur; unde hoc pretium dicitur consistere in indivisibili utpote quod tam incrementum, quam decrementum excludat, quoad lex durat. Lugo D. 26. n. 38., S. Th. 1. 2. q. 96. a. 1. ad 3., 2. 2. a. 2. ad 2. — 2.<sup>o</sup> Pretium *vulgare*, seu *naturale* est, quod communi hominum intelligentium iudicio, ponderatis diversis rerum circumstantiis, rebus imponitur. Hinc pretium vulgare non consistit in indivisibili, sed admittit quandam latitudinem. — 3.<sup>o</sup> Pretium vulgare subdividitur in *summum*, *medium*, et *infimum*. Ubi notandum est, « quod pretium rerum vilium minorem latitudinem habet, quam pretiosarum: vinum enim, aut simile quod valet quinque, potest vendi sex, vel quatuor; aut si valet decem, potest vendi duodecim, vel octo; aut si valet centum, potest vendi centum et quinque, et nonaginta quinque » L. 804. 249. Verum cum pretium praescriptum vulgare a pluri us dependeat circumstantiis, secundum quas diiudicari solet, hinc praedicta regula ad definiendum pretium summum, medium et infimum nonnihil severa et scrupulosa videtur. Lugo n. 39.

294. *Ex quibus causis pretium rerum crescere vel decrescere solet?* — R. ad 1.<sup>am</sup> Pretium rerum generatim desumitur ex earum *utilitate* in ordine ad humanos usus, et prout haec utilitas in societate seu communitate *existimatur*. Speciatim vero pretium, etiam iustum, solet crescere ex sequentibus causis: 1.<sup>o</sup> Ex penuria mercium, seu alicuius rei, e. g. vini, frumenti, etc.: nam *quo aliquid est rarius, eo est carius*, iuxta commune axioma. — 2.<sup>o</sup> Ex communi superfluitate pecuniae: nam, quo magis aliquid est superfluum, eo minus aestimatur. — 3.<sup>o</sup> Ex multitudine emptorum: nam quo plures sunt emptores, eo magis necessariae, et utiles aestimantur merces. — 4.<sup>o</sup> Ex maiori labore, et periculo, in comparandis mercibus, aut maioribus expensis: nam ista omnia sunt pretio aestimabilia. — 5.<sup>o</sup> Ex maiori labore in vendendis mercibus, ut e. g. si quis minutim, et per modicas partes debet aliquid divendere; nam maior labor in ponderando, mensurando, etc., est pretio aestimabilis. — 6.<sup>o</sup> Potest pretium crescere ex affectione propria venditoris ad aliquant rem; et hoc dicitur *pretium affectionis*. *A fortiori* vero crescere potest ob commotitatem, quam ex ea percipit venditor; quia ut *affectio* ita et *commoditas* vere est pretio aestimabilis; cum privatio rei sit tunc pro ipso maior. Verum minime crescere potest, saltem iusta communem sententiam, ob *affectum vel utilitatem* specialem emptoris; secus enim venderetur *quod suum non est* Ta. 2. 2. q. 77. a. 1. — 7.<sup>o</sup> Crescere potest pretium ob dilationem solutionis, modo tamen non excedatur taxa legalis pro mutuo, aut ratio alicuius tituli damni emergentis, lucri cessantis, periculi sortis, frequentiae emptorum, qui inde augentur, consuetudinis loci, etc. Ithur. Cas. 4. n. 11., Scav. Tr. 6. d. 3. diss. 2. c. 2. a. 1. § 4. q. 1., L. 768. 810. 811. 829. Ratio patet ex supra dictis de *iusto interesse*. — 8.<sup>o</sup> Potest vendi etiam carius si pretium ab emptore sit tradendus tempore, quo res sit pluris valitura. — 9.<sup>o</sup> Tandem res ultra iustum pretium non ideo vendi potest, quod venditor eam ex sua

ignorantia vel imprudentia aut etiam ex casu fortuito maiori pretio emerit, vel sufficit maiores sumptus, quam vulgò alii solvant aut subeant. Ratio est, quia pretia rerum non crescunt aut decrescunt ex hoc quod uni vel alteri accidit, sed ex eo quod communiter contingit. Neque ex eo quod aliquis privatus mercator fuerit furtum passus vel naufragium, in aestimatione vulgè adaugeri solet pretium rerum: si ut neque crescere solet pretium frumenti, eo quod unus vel alter rusticus fatali grandine fructus agrorum suorum perdidit. Secus autem dicendum foret, si multi mercatores in naufragio suas merces perdidissent, quia merces rariores factae eo ipso pretio crescerent. Elbel n. 587., L. 801.-811.

295. R. ad 2.<sup>am</sup> Pretium rerum solet consequenter decrescere ex oppositis causis: 1.<sup>a</sup> Ex abundantia mercium: nam, quo magis, ut dictum est, aliquid est superfluum, eo minus aestimatur. — 2.<sup>a</sup> Ex penuria pecuniae, nam haec, quo est rarior, eo carior. — 3.<sup>a</sup> Ex paucitate emptorum, adeoque licet vilius emere in gratiam venditoris emptorem quaerentis: quia res ultroneae iusta communem existimationem viliscent. Hinc saltem *probabiliter* licet etiam vilius emere, ubi merces venduntur ob paupertatem; inopia enim venditoris non efficit ut communis aestimatio mutetur. Negant tamen alii *probabiliter*; illique aiunt adversari iustitiae et caritati. — 4.<sup>a</sup> Ex intrinseca vilitate rerum, aut maiori facilitate eas comparandi, aut conservandi. — 5.<sup>a</sup> Ex minori labore res diveniendi, ut e. g. quando magna quantitas simul pro numerata pecunia emitur. — 6. Tandem potest etiam vilius emi si res tradenda sit tempore, quo minus valebit. — Unde pretium eiusdem rei propter diversas circumstantias extrinsecas intra breve tempus solet ascendere, et descendere, ut patet ex quotidiana praxi etiam venditorum et emptorum. — Ithur. Cas. 4., L. 801.-811.

296. *Quod pretium sit servandum in venditione et emptione?* — 1.<sup>a</sup> In venditu ne, et emptione, *per se loquendo*, servandum est pretium *legitimum*; et in minus defectu pretium iustum *vulgare*. Ita communis. Ratio 1.<sup>a</sup> est: quia illud, quod publica auctoritate statuitur ex officio, et propter aequitatem, debet etiam in conscientia observari. Atqui pretium legitimum, seu taxatum, est quid tale. Unde, si quis emptori ignaro vendit aliquid *supra* pretium taxatum, peccat non solum contra iustitiam legalem, seu obedientiam Principi debitam: verum etiam contra iustitiam commutativam, et excessum in conscientia ante sententiam iudicis tenetur restituere. Elbel n. 500. G. Cas. 644. Illi vero qui vendunt *in ea* tale pretium, si pretium a lege est taxatum ut taverint vendendum peccant contra iustitiam legalem et caritatem, quatenus nempe inde damnum aliis mercatoribus sequatur. — Ratio 2.<sup>a</sup> est: quia defectu taxationis auctoritativa Principis, et Magistratus, nulla habetur auctoritas, mensura pretii rerum quam communis hominum aestimatio. Porro, *pro* pretium vulgare sit triplex intra limites iustitiae, nempe summum, medium, et infimum, quolibet ex his licet vendere et emere. — Dicitur autem *per se loquendo*: nam aliquando licet legale pretium excedere, scilicet 1.<sup>o</sup> si ex aegritudine hominum parte non servatur, Principe sciente et taceat, tunc culpa tacite approbat; 2.<sup>o</sup> si res notabiliter mutantur, tunc enim tanta praesentia iniuria; 3.<sup>o</sup> si merces sint notabiliter solito pretiosiores vel detiores, hoc contingit ut res ornamentae hominis. Ithur. Cas. 4. n. 9. L. 803.

297. Si licet non solum pretium *legale*, verum etiam pretium *vulgare*, pro pretio etiam agitur de rebus non necessariis ad communem convictum, ut scilicet gemmae, tabulae pretiosae, res antiquae, antiqui codices, etc., *probabiliter* restituenda sunt iusta iudicium peritorum in ea materia, attentis circumstantiis, scilicet rei raritate, antiquitate, raritate, etc. Ratio est, quia ipsi in eorum emptione agitur per eos ibidem pro ut vulgus in vulgaribus. « Ex-cipio tamen ex hoc, ut S. Alpi. 808., mulieris haereticae usum, qui cum sit pretio instrumentalis, sine iustitia poterit illa pro eo quamplurimum accipere ». Cf. etiam n. 735., Ithur. Cas. 4. n. 10., Sporer de Matr. 583. Opposita



tamen sententia ut *probabiles* aliis apparet, quia in eo casu iustum videtur pretium de quo contrahentes conveniunt; Cf. Gury 889. Huius postremae sententiae probabilitas admitti potest, cum limitando ad casum, in quo non agatur ex una parte de re, quae apud peritos habet remse magnum quandam valorem, ex alia vero de pretio omnino vili, tunc cum error adest in ipsa substantia contractus. Unde S. Alph., quem citat P. Gury assertit emptorem teneri pretium supplere, si e. g. paucis assiens emat pretium gemmam, quae vitrum repetitur, L. 819. Attamen, ut notat item S. Alph. ibi, iustum reputandum est illud pretium, de quo pars utraque convenit, si ob ignorantiam valoris sortis periculo se committant, L. 801-811.

297. *Resolvens*: Quapropter exigere iure potest honesta mulier etiam matrimonium cum viro nobilissimo et ditissimo, etiam Principe, quod, nisi alia obstit potior ratio, iure consequenter debetur. Cf. Lugo D. 26. n. 49. D. 18. n. 47. Dicitur *mulieris honestae*, et a fortiori, *virginis*; meretrici enim cum sit parata ad se prostituendum cum cuiusvis, non adest etiam multum, neque multum alii cum ea niter aestimant civitatem suae honestatis; unde nequit exigere maius pretium, quam quod communiter dari solet.

298. *An liceat emere infra infimum pretium praecise ratione antcipitata solationis, antequam naves trahatur?* — R. 1. Affirmat, ratione variorum titulorum, qui mutuo extrinsecus se solent advenire, si reapse adsint, et servata debita aequitate pretii respectu dignitatis titulorum. Est enim reapse quoddam mutuum. — 2. Affirmat, ratione propria huius modi vendendi: siquidem haec vendendi ratio inducit emptionem raritatem venditorum multitudinem, et magnum venditoris communium affert ex parte ipsorum emptorum. Lessius l. 2. C. 21. n. 62., L. 811.

299. *Resolvens*: Hinc licet etiam citius vendere ob dilataam pretii solutionem, propter eandem mutui rationem, et quia haec vendendi ratio cum multitudinem e contra inducat emptionem, et raritatem venditorum, rei pretium secundum communem existimationem auget. L. 811., Less. l. c. n. 57.

300. *An chirographa et crediti possint aliter emi ob certam et anticipatam solationem?* — R. 1. Negat, quod chirographa, quae vulgo nuncupantur *peccata crediti*, pro quibus nullum in ille periculum adest, modo ob distantiam, incertitudinem aut periculosam sibi non esset exactis, propter eum qui ad exigendum intendens est. L. H. A. Tr. 10. n. 179. — 2. Affirmat, si creditum sit incertum vel difficile exactio, et si adest, si facile illud integre exigere: quod pretium sumitur a communis aestimatione, non ex circumstantia particularis crediti. — 3. Si creditum liquidum sit controversatur, 1. Sententia negat, Ratio quia actus ad creditum liquidum revera, cum nullum adsit periculum, aut sumptus pro eo recuperando, tanti valet, quanti ipsa pecunia debita. 2. Sententia affirmat, Ratio, quia cum in proxi communiter haec credita sint obnoxio, minusculi periculis, et incertis pretia ipsa de rescent iuxta communem aestimationem. — In emptione autem sola aestimatio hominum constituit iustum pretium rerum, huiusque periculi titulum minoris emendi. L. 829, 830. Insuper quia aequivalent pecuniae mutuatae, proinde ex eadem ratione ac in mutuo, licet percipere lucrum moderatum, iuxta taxam legalem. G. 894.

301. *An peccata pretio careant vendere rem quam scis non esse minoris valorem?* — R. Affirmat, *probabiles et veras*. Ratio est, quia pretium praesens est iustum et non dum minusculum, modo tamen scienti, nec sit privata: si enim communis esset, rata mutatur. S. Th. q. 77. a. 3. q. 2. Aliquando tamen peccare potes contra conscientiam: si e. g. tali venditione emptor redueretur ad extremam vel gravem necessitatem, sicut enim caritas praecipit, ut subveniamus proximo, geritibus indicati, sic vetat, ne in paupertatem ipse redigatur, ut peccis divitias comparemus. L. 844. G. 895. Attamen ubi de gravi tantum proximi necessitate agitur, satis non constat

an peccatum contra caritatem sit semper grave. « quia caritas non vetat, ne quis consulat sibi utendo iure suo, etsi alteri damnum inde per accidens obveniat » Scav. — Casum vero excepit Molina, quo quis sciens conditam legem quae pretium imminuat, sed nondum promulgatam, res suas propter eam scientiam plus venderet vel venderet pretio corrente cum aliorum iactura, quas seclusa ea scientia vel venderet pretio corrente vel minime venderet. Ratio est quia « lex publica aequalis ac communis esse debet subditis omnibus, peccaretque contra iustitiam princeps, si, antequam omnibus promulgaretur, quibusdam illam manifestaret, qui promulgationem praevenientes, cum aliorum iactura illius occasione lucrarentur, eademque ratione, qui in aliorum praedictum, scientia illius uteretur, quocumque modo ad ipsum ea scientia pervenisset, peccaret contra iustitiam, cum onere, restituendi damna, quae ea via proximis evenirent ». Tradens vero discrimen huius casus et alterius casus, quo quis scriret alias eiusdem generis merces brevi superventuras, emptoribus id ignorantibus, addit: « qui utitur scientia legis, antequam promulgetur ad seipsum ditandum cum aliorum iactura, utitur scientia rei, quae omnibus debet esse communis, in aliorum detrimentum, ac proinde iniuriam illis facit: qui vero ad eundem effectum utitur scientia, quod superveniant merces, non utitur scientia rei, quae omnibus debeat esse communis, quin potius id spectat ad industriam, artem, atque eventum fortunae mercatorum ». De iust. et iur. T. 2. D. 354. n. 5. Verum alii id negant. Aliud enim est *abusus potestatis*, si e. g. ideo Princeps vel Magistratus legis promulgationem differret, donec ipsi possent suas merces vel pecunias distrahere: non enim Princeps et publici Magistratus potestatem habent, nisi in commune subditorum bonum; aliud vero est merus *usus scientiae*, quam legitime habent Princeps aliique Magistratus, et qua legitime uti possunt, si ex rationabili aliqua causa legis promulgatio sit differenda. — L. 824., S. Th. 2. 2. q. 77. a. 3. Lessius n. 45.-48., Lugo n. 140.-143., G. Cas. n. 90., Struggl Tr. q. 1. n. 16.

302. *An possit pretio corrente vendere rem mixtam cum alia viliori?* — Haec Molina de iust. et iur. T. 2. D. 353. n. 33.: « Quando pretium non est lege taxatum, aliquidque admiscetur rebus, quae venduntur, ut vino aqua, medicamentis aliqua inusitata, distinguendum est. Quoniam si mixturae nocumentum afferre possunt, tunc vendentes res mixtas eo modo, tenentur ad damna omnia subsequuta, itemque ad restitutionem eius, quod res illae minus ementi valent quam sit id, quod pro eis dedit. Si vero nocumentum non afferant, res tamen minus utiles ad id sint, ad quod emuntur, tunc vendentes restituere tenentur, quod minus emptoribus ad id valent, ad quod emuntur: quare, si nihil ad id conducant, restituere tenentur integrum pretium: ut si medicamentum propter mixturam inutile reddatur, ad quod emuntur. Quod si res eo modo mixtae utile ad id sint, ad quod emuntur, tantumque de pretio detrahatur quantum par sit propter mixturam, tunc vendentes ad restitutionem non tenentur: eo quod pretium iustum non exarserint; peccant tamen, nisi necessitate compulsi id efficiant; ut quia antea extrahere non possunt iustum pretium rei, ut verbi gratia, vini, nisi parum aquae illi admisceant: vel nisi res cum ea mixtura re vera valeat, quod pro ea datur, nec emptor pro eo pretio empturus esset meliorem. Arcendi tamen sunt venditores ab eiusmodi fallacis ac deceptionibus ». — L. 820. 821., S. Th. 2. 2. q. 77. a. 2.

303. *An teneantur ad restitutionem mercatores, qui fraude vel mendacio inducant emptores ad merces suas emendas maiori pretio, quam emissent, licet tantum pretium non excedant?* — R. 1.<sup>o</sup> Quoad fraudem, affirmat. Ratio est, quia fraus est causa efficax et iniusta damni, quod emptor patitur: unusquisque autem ius habet strictum, ut fraude vel dolo non inducatur ad damnum quoddam patiendum. Ergo. — 2.<sup>o</sup> Quoad mendacium, *per se* idem dicendum foret, cum etiam illud sit de se causa iniusta

damni. Attamen notandum est, « quod communiter non praestatur fides mendacis vendentium, dum satis noscuntur haec esse communia stratagemata; unde ipsi regulariter non tenentur ob id ad restitutionem... Dixi *regulariter*, quia si aliquando venditor certe animadverteret, emptorem mendacis credere, et ideo maioris emere, tunc quidem ab iniustitia is non est excusandus » L. 805. Quare ad restitutionem tenetur, si huiusmodi mendacis et fraudibus venditor verò induceret emptorem ad merces emendas maiori pretio, licet summum pretium non excedat. — G. 897., S. Th. quodl. 2. a. 10.

304. *An vel quomodo peccent mercatores, qui interrogati de pretio mercium, illud notabiliter exaggerant?* — 1.<sup>a</sup> Si revera intendant hoc pretio vendere, peccant contra iustitiam, inique alienum appetendo; et ad restitutionem tenentur, si de facto pretium illud ipsis solvatur. — 2.<sup>a</sup> Si vero intendant tantum dare emptori locum offerendi suum pretium, ut sic ad iustum pretium deveniant, excusantur, quia notum est et consuetum, mercatores ita loqui, ut emptores ad iustum pretium perducant. — G. 898.

305. *An peccent contra iustitiam, qui rem venditam infimo pretio, ante traditionem imminuunt vel adulterant?* — R. Affirmat., quia agunt contra pactum cum emptore initum. Quamvis enim liceat summo pretio vendere, non licet tamen mercatori, qui infimo vel mediocri pretio vendat, occulte sibi comparare pretium mediocre vel summum, imminuendo qualitatem mercis, aut de mensura vel de pondere detrahendo; secus inutiles prorsus forent conventiones. Excipe, si pretium vel lege taxatum, vel malitia conspirantium emptorum iniquum sit. Essentialis enim huius contractus proprietas aequalitas est. Quare tunc iniustitia non est se compensare mercis quantitatem imminuendo. Lugo n. 137., L. 822.

306. *An peccent contra iustitiam mercatores europaei, qui maximo pretio vendant apud Indos cultellos, specula, et alia eiusmodi, quae apud nos vilioris pretii habentur?* — R. Negat., quia haec licet viliora sint in nostris regionibus, communiter tamen magni aestimantur ab Indis vel Sinensibus, etc.; pretium autem vulgare ex communi aestimatione hominum regionis determinatur. Ergo. — Carrière n. 699., G. 899.

307. *An peccent contra iustitiam, qui vili pretio emunt res pretiosas, quando venales exponuntur apud veteramentarios?* — R. Negat., quia res illae censetur amisisse pretium antiquum et aliud accipere consuetudine, seu contrahentium conventionem. Unde res eiusmodi ratione pretii maximam recipiunt latitudinem. S. Lig. n. 807. — Sic aliquando emuntur paucis assibus libri, qui quinque vel decem francis vendi potuissent. Idem dicendum de emptione mobilium veterum, quia haec minoris valoris communiter habentur. — L. 807., Carrière n. 695. 699., G. 900.

308. *De retrovenditione. — An licitum sit pactum retrovenditionis in gratiam venditoris, ut nempe certo tempore aut quando is voluerit teneatur emptor rem revendere venditori?* — R. Affirmat. Idque constat ex lege Levit. 25. Less. 1. 2. C. 21. n. 113., Lugo D. 26. n. 184. Ratio est, quia dominus rei potest de re sua disponere prout ipse velit, dummodo iustitia servetur. Facta igitur debita pretii imminutione pro onere emptori imposito, huiusmodi pactum licitum est.

Quanta autem esse debeat talis imminutio, alii volunt tertiam pretii partem, alii quartam partem pretii detrahendam tenent, alii verius existimant rem definiendam ex prudentum iudicio, adiunctis omnibus rite pensis. L. 812.

Emptor autem in redemptione rei ex parte prioris venditoris, exigere potest, ut maius pretium sibi solvatur, quam illud quod ipse solvit. « Quia eo ipso, quod res venditur cum pacto retrovenditionis in favorem venditoris, debet vendi pretio minori infra iustum, propter illud onus superadditum. Quando autem venditur postea eidem venditori, datur sine ullo onere. Ergo



debet tunc emi pretio iusto integro. Non ergo potest cogi emptor ad revendendum postea pretio minori sine iniustitia ». Hinc emptor qui rem emit pretio infimo exigere potest a priore venditore pretium summum. Nam vendens rem suam exigere potest iustum pretium quod tunc res valet. Lugo ib. n. 192. 196. Verum cum emptor interim fruatur illa portione pretii imminuti, et rei commoditate et fructibus, potest quidem in pacto retrovenditionis pacto etiam exigere quod res a domino redimi nequeat pretio minori, quo ipse eandem emerat ab ipso, sed pacto exigere absolute nequit, quamvis possit, ut nonnisi maiori pretio a domino redimatur. Absolute enim ad servandam iustitiam sufficit, quod dominus suam redimens rem, iustum solvat pretium; et pretium iustum necessario in casu non est maius pretium.

Licetum vero est pactum ut possit venditor, eodem quod accepit pretio restituto, rem suam redimere. Est enim tunc simplex quaedam venditionis dissolutio ex mutua contrahentium voluntate. Insuper nulla est iniustitia quod emptor tantum a priore venditore recipiat quantum ipsi ille dedit. Nam si pretium hoc iustum est, res clara est, si minus iusto est, compensari sufficienter potest emptori commodo et fructibus rei, interim ab ipso perceptis. C. I. 1515., C. G. 1659.

Ut retrovenditionis pactum licitum sit necessarium praeterea est, ut rei venditae periculum non sit penes venditorem; nisi iuxta periculi aestimationem pretium augeatur. L. 812. Res autem ab emptore restituenda intelligitur talis, qualis accepta fuit ab ipso, absque deterioratione vel novo onere.

309. *An licitum sit pactum reemendi ad arbitrium emptoris?* — R. « 1.<sup>a</sup> Sententia negat... quia revera res non videtur vendi, sed tantum in pignus dari, ita ut emptor percipiat fructus ex sua pecunia, quam potest recuperare, ad suum libitum... 2.<sup>a</sup> Sententia communissima affirmat... Hanc certe probabiliorē puto, cum his tamen conditionibus: 1.<sup>o</sup> ut adsit verus animus emendi et vendendi. 2.<sup>o</sup> ut emptor maius pretium solvat, iuxta aestimationem huius oneris, quod imponit venditori. 3.<sup>o</sup> ut non obligetur venditor reemere eodem pretio maiori quod recipit... Hinc censeo non posse emptorem in tali contractu obligare venditorem, nisi ad solvendum solum pretium, iuxta valorem rei tempore venditionis, et si res sit deteriorata iuxta valorem rei tempore reemtionis. (Et contra si res crescit crescit vendenti. H. A. Tr. 10, n. 181.); excessus enim iusti pretii datus venditori, totus ad illum spectat, ratione oneris ipsi impositi reemendi ad arbitrium emptoris. His conditionibus servatis... gravamina utrinque compensantur ». L. 813.

310. *Resolutes*: Licetum consequenter est pactum retrovenditionis in gratiam simul venditoris et emptoris, dummodo debita pretii aequalitas servetur, ita ut minus sit quam pretium, si pactum sit in gratiam solius emptoris, maius autem sit quam pretium, si pactum in solius venditoris gratiam sit.

311. Ex C. I. 1515. 1516. 1520. 1528., C. G. 1659. 1660. 1664. 1673. licet pactum redemptionis seu recuperationis in gratiam solius venditoris, ita tamen, ut facultas rem suam recuperandi non producat ultra quinquennium, quo tempore elapso, res irrevocabiliter sit emptoris. Intra hoc tempus venditor potest rem suam persequi etiam apud alium, qui eam ab emptore adquisiverit. Venditor rem suam repetens, debet non solum restituere principale pretium, sed et solvere expensas pro contractu venditionis, easque quae subit emptor pro reparationibus necessariis rei, itemque eas quae fundi valor non auverunt. Nisi his omnibus satisfecerit, possessionem rei obtinere nequit. Cum vero in possessionem redit fundi, hunc accipit a quovis onere et hypotheca immunem, quibus ab emptore fuerit gravatus; tenetur tamen locationis contractus servare, quos emptor absque fraude inierit; et ex C. I. si non ultra triennium fuerint constituti.

312. *De Mohatra*. — *Quid sit? An licita?* — Contractus mohatra illo

est, quo quis mercem emit maiori pretio ad creditum cum pacto explicito, vel implicito, ut venditori eandem rem *statim* retrovendat pretio minori et numerata pecunia. — Talis contractus est prorsus illicitus. Constat 1.<sup>o</sup> ex pr. 40. d. ab Innoc. XI. 2.<sup>o</sup> Quia usura palliata est; onus enim imponitur emptori vili pretio *statim* retrovendendi absque ulla compensatione, et ullo iusto titulo, qui in mutuo aliunde reperitur. — Si tamen res sine praevio pacto retrovendatur etiam minoris, et eidem venditori, modo absit omnis usurarius animus, contractus de se licitus erit; quia tunc nullum imponitur onus contra naturalem aequitatem. Ac si excessus qui exigitur conveniens lucrum sit ratione mutui, tunc nulla in eo habetur illicita usura. — L. 813., G. 906.

313. *De venditione sub hasta.* — *Quid sit? An sit licita?* — Venditio sub hasta, seu per licitationem est, ea quae fit per praeconem, et in qua ultimae licitationi res adscribitur. — *Venditio sub hasta licita est*, sive fiat consentiente sive invito domino, seu per auctoritatem publicam; sive infra infimum pretium ematur, sive supra summum vendatur. « Ratio, quia tunc potestas publica approbat pro iusto pretium illud, quod publice emptorum concursu probatur » L. 808., C. l., C. G. 1686. Hinc si emptores concurrant, res fit aestimabilior; si non concurrant, vilior habetur. G. 907.

314. *An venditor possit rem suam retrahere, incipit licitatione, si minus pretium offeratur?* — R. Negat. per se. Ratio est, quia emptores publice convocati ad auctionem, acquirunt quoddam ius ad rem venalem, quatenus fit stipulatio tacita ut cedat plus offerenti. Attamen videtur temperandus huius doctrinae rigor, ubi forte vigeat contraria consuetudo, vi cuius contrahentes in hoc consentiant. Durum enim videtur dampnare iniustitiae praxim universalem, quam docti et etiam pii absque ullo scrupulo tenent. — G. 907.

315. *An possit venditor mittere fictos licitatores, ut pretium rei crescat?* Resp. Neganum videtur. Ratio est, quia hoc apparet nimis fraudulentum ut excusari possit, cum tendat ad decipiendos emptores sinceros, atque adeo iis iniuriam inferat, dum causa sunt ut pretium crescat ex fraude, non vero ex concursu naturali rerum, ex emptorum scilicet libero concursu. L. n. 808., H. A. n. 175., G. 908.

316. *An ille, cuius bona venduntur in gratiam creditorum mittere possit amicos ad ea suo nomine emenda?* — R. 1.<sup>o</sup> Affirmat. saltem attento usu communi, si licitatio sit voluntaria, quia hoc sequi videtur ex eo quod venditor possit rem suam retrahere. 2.<sup>o</sup> Affirmat. a fortiori, si licitatio sit coacta, seu si fiat auctoritate publica; nam ille, cuius bona venduntur, deterioris conditionis esse non debet. Aliunde ipse non est proprie vendens, cum venditio ipso invito fiat. Ergo. — G. 909.

317. *An emptor rogare possit alios ne licitent?* — R. Affirmat. iuxta communissimam sententiam. Ratio quia in hoc casu ius venditoris non violatur: libertas enim licitandi non tollitur. Quare emptor tunc sua utitur diligentia, ut sibi consulat. L. 808., G. 911.

318. *An emptor possit pactum facere cum aliis ne licitent, aut ne plus offerant?* — Negat S. Alph. « saltem casu quo per sententiam iudicis res ad substationem exponitur. Ratio, quia tunc dominus rei tenetur omnino rem tradere plus offerenti; ideoque iniuriam ei emptor irrogat, si solum pretium infimum aut medium offerendo impedit venditorem a consecutione pretii supremi. ad quod ius habet, scilicet ne impediatur ab illo consequendo » L. 808. Excipiunt tamen plures, si emptores sint societate coniuncti, vel quasi coniuncti, ut fratres, amici, etc. quia faciunt quasi unam personam moralem, nec potest exigi, ut adversum se licitent. Excipiunt etiam probabiliter alii, si vigeat usus, ut venditor rem suam retrahat, quando pretium inferius ei offertur: quia si ipse potest impedire, ne pretium sit nimis exiguum, aequitas etiam postulat, ne conqueratur, quod emptores conveniant,

ne pretium nimis augeatur. G. 910. Alii tamen absolute affirmant. Ratio 1.<sup>o</sup> quia in qualibet venditione sub hasta per se dominus tenetur rem tradere plus offerenti. 2.<sup>o</sup> Emptor paciscendo cum aliquo non impedit, quominus dominus summum rei pretium consequatur, nam alii possunt concurrere et offerre. 3.<sup>o</sup> Venditor non habet ius ne aliquis quomocumque impediatur, sed ne vi et fraude impediatur; secus nec precibus posset impediri. 4.<sup>o</sup> Ut quilibet potest libere non concurrere ad hastam, ita potest libere sese obligare ad non concurrendum.

319. *De monopolio. — Quid sit? An licitum sit?* — Monopolium idem, quoad nomen, est ac unius venditio. Quoad rem est potestas vendendi penes unum aut paucos existens. Monopolium quatuor modis contingere potest: 1.<sup>o</sup> Si Princeps alicui concedat privilegium, ut solus vendat aliquod genus mercium, et hoc certe licitum est: cum scilicet id conferat communi bono, legitimo taxato pretio. 2.<sup>o</sup> Si mercator impediatur ne aliae merces advehantur, ut ipse merces suas vendat cum damno reipublicae, et hoc certe est illicitum, et tenetur ad damni restitutionem. Et idem dicendum de eo qui falsam notitiam spargit, naves esse submersas, aut similia mendacia. 3.<sup>o</sup> Si venditores conspirent inter se de pretio, ut non minoris vendant. 4.<sup>o</sup> Si unus vel pauci omnes merces emant, ut deinde vendant quanti plurimi. De duobus modis ultimis agitantur quaestiones sequentes. L. 814. 815.

320. *An peccent contra iustitiam et contra caritatem mercatores, qui conspirant, ne merces suas vendant, nisi summo, licet iusto pretio?* — Ad iustitiam quod attinet non peccatur; siquidem pretium summum, adhuc pretium iustum est. *Summum*, quod nempe esset, secluso monopolio. Iustum enim pretium censi non potest, quod ex hac conspiratione exoritur. Iustitia enim pretii a mero venditoris et emptoris arbitrio pendere non potest. Lugo n. 173. Sic pariter peccant operarii, qui inter se conveniunt de non locando operas suas, nisi pretio summum excedenti, summum nempe hac etiam conventionem seclusa. Ad caritatem vero quod attinet affirmative, quia licet caritas non obliget ad vendendum infra summum pretium, videtur tamen obligare ad non dissuadendum aliis ne minori vendant pretio. Id sane certe grave esset pauperibus; imo etiam non pauperibus. Sicut enim licet caritas non te obliget, ut eleemosynam des, te tamen obligat, ne alias volentes eleemosynam facere dissuadeas. — Lugo 175., L. 817., G. 913.

321. *An peccent contra iustitiam, vel contra caritatem mercatores, qui, tempore messis aut vindemiae, omne triticum vel vinum regionis pretio emunt infimo, ut postea carius vendant?* — R. 1.<sup>o</sup> « Certum est id licitum esse, si emanant merces non necessariae ad vitae sustentationem, vel ad communem reipublicae statum, ut sunt gemmae pretiosae, equi generosi, ornatus mulierum et similia ». L. 816. 2.<sup>o</sup> Si vero sermo sit de rebus necessariis ad vitae sustentationem negative probabilius, ut videtur *quoad iustitiam*, modo non vendant supra summum pretium, quod, secluso monopolio, curreret. Ratio, quia nullius ius violant. Negative etiam probabilius, quoad caritatem, modo alios ad carius vendendum non inducant, nec ipsi vendant supra pretium summum, quod, secluso monopolio, locum haberet: quia iure suo utuntur. Nemo enim proprium commodum negligere tenetur ad vitandum alterius damnum, quod non obligatur avertere. G. 914., L. 816. 833. Cf. Lugo n. 176., Less. n. 150. 151. 152., Molina D. 345. n. 7.-10.

322. *An facto semel monopolio de pretio iniusto a mercatoribus liceat aliis merces eodem pretio vendere?* — R. 1.<sup>o</sup> Sententia affirmat, quia iustum pretium est quod communiter currit, undecumque hoc proveniat. 2.<sup>o</sup> Sententia quae melior videtur S. Alph. 817. negat. « Ratio quia pretium per iniustitiam adauctum, semper et per se iniustum est, et ad iustitiam reducendum ».

323. *De venditione per proxenetas. — Quid sit?* — Venditio per proxenetas ea est, quae non fit immediate ab eo, ad quem res pertinent, sed per



alios ex commissione, et hi proxenetæ dicuntur. Proxenetæ autem possunt esse vel tantum amici, vel speciali mercede ad hoc conducti, vel ad diversa opera pretio annuo locati.

324. *An proxeneta, qui vendit supra, aut emit infra pretium sibi designatum, possit excessum pretii sibi retinere?* — R. Negat., generatim loquendo. Ratio est, quia nullum habet titulum aliquid retinendi. Etenim 1.<sup>o</sup> non ratione rei, quia illius non est, sed domini; 2.<sup>o</sup> nec ratione laboris et industriæ saltem stricto iustitiæ titulo debitæ, quia si stipendio sit conductus, ad nihil aliud ius habet; si vero industriam gratuito præstet, iam mercedi renuntiavit. — Exeipe 1.<sup>o</sup> si labore extraordinario et indebito, aut industria vel diligentia omnino speciali, rem meliorem fecerit; 2.<sup>o</sup> si dominus expresse aut æquivalenter declaraverit, se nihil ultra precium determinatum exigere: tunc enim excessus retineri potest; 3.<sup>o</sup> si dominus agendi rationem proxenetæ noverit et ratam habeat. — L. 825, G. 915.

325. *An possit proxeneta rem pretio sibi determinato vendendam pro seipso emere, et postea eandem rem tanquam suam maiori pretio vendere?* — R. Affirmat., positis dualibus conditionibus, scilicet 1.<sup>o</sup> ut adhibita morali diligentia emptorem non inveniat, qui plus offerat; secus enim contra officium suum et voluntatem mandantis certo cognitam ageret; 2.<sup>o</sup> ut rem sibi non fecte, sed vere emit, ita ut eius periculum subeat; et si forte tanti non vendat, nihilominus pretium determinatum reddat; secus enim æquitas non servatur. — L. 825., G. 916.

326. *An proxeneta possit sibi retinere ea, quæ vendens, solo eius intuitu gratis donat?* — R. Affirmat., si constet de vera donatione: quia mercator absolute loquendo aliquid cedere potest de lucro suo alicui proxenetæ, ut eum ad officinam suam adducat; sed ad hoc requiritur, ut sit revera dispositus ad vendendum alteri cuilibet pretio superiori, et reapse sic ordinarie vendat. Confessarius autem non facile fidem adhibere debet proxenetis, tales donationes sibi factas fuisse asserentibus. L. 825., H. A. 189., G. 916.

Sic de eiusmodi casibus S. Lig. 826: « Cautè permittendum est sartoribus ementibus pannos pro aliis, retinere aliquid de pretio: nam aliquando mercatores potius simulant ipsis donare quam donent, ita ut, si dominus ipse adiret, pro eodem pretio rem obtineret. Caeterum, si sartor fideliter negotium domini gerat, et mercator aliquid ei donet vere gratis, quia suam officinam ille frequentat, vel ut eum alliciat ad suam officinam frequentandam, licite sartor posset retinere donatum modo moralem diligentiam adhibuerit ad emendum ab aliis mercatoribus pretio minori ».

327. *De permutatione. — Quid sit? Quænam eius proprietates?* — Ex Iure Romano permutatio contractus realis est, adeoque non nisi a traditione rei initium sumit. Quare non omnes venditionis et emptionis leges sequitur. — Ex C. I. 1549. 1550. 1552. 1554., C. G. 1702. 1703. 1705. 1706.; permutatio est contractus, quo quælibet pars se obligat rem dare, ut alteram habeat. Solo consensu, ut venditio, perficitur. Quare continuo rei dominium et periculum ultro citroque in alterum transit. Uni re evicta, in potestatem eius est, aut damni compensationem, aut rei suæ restitutionem petere. Actu privato, et verbaliter etiam perfici potest. Locum tamen in hoc contractu non habet, in foro exteriori, rescissio propter læsionem. In foro vero conscientiae, eadem est compensationis ratio ac in venditione et emptione. Gousset Cod. comm. art. 1706.

328. *De cambio. — Quid sit?* — Cambium est: permutatio pecuniæ cum pecunia cum aliquo camporis lucro. Ille a quo petitur cambium vocatur *campor*, ille qui petit *camparius*. Cambium differt a venditione quia in hac merx pro pecunia, in illo pecunia pro pecunia commutatur. G. 927., L. 850. Dominium pecuniæ statim ab acceptante acquiritur, antequam is quod debet reddiderit, ex Iure etiam Romano, siquidem hoc Iure in permuta-

tatione statim acquiritur dominium, antequam ex alia parte contractus compleatur. L. *Cum precibus C. de Rerum permut.*

329. *Quotuplex sit cambium?* — Cambium, aliud est reale, aliud siccum. Cambium siccum est cambium fictum, e. g. quum fugitur pecunia tradenda alteri de loco in locum transvehenda, ut sic possit aliquid pro translatione exigere, cum revera non transferatur. Reale est cambium verum, quo vere et realiter pecunia pro pecunia commutatur; puta si aurum pro argento detur. Cambium reale aliud est minutum seu manuale, cum commutatur pecunia praesens unius formae, vel materiae, cum pecunia alterius formae aut materiae; aliud est locale, cum pecunia praesens commutatur cum absente, quod fit vel cum campsor pecunias hoc in loco dat, a campsario in alio loco restituendas, vel cum campsor pecunias hoc in loco accipit, alio in loco a se restituendas. Cambium hoc per *litteras cambii* ordinarie fit. — L. 851.-854., G. 927.

330. *Cambium siccum, seu fictum illicitum per se est.* — Ratio, quia nullus in eo est titulus lucrum accipiendi cum verum cambium, non sit, sed fictio cambii. Hinc Pius V. B. *In eam* 1571. illud expresse declaravit *usurarium*: est enim usura palliata. Dicitur *per se*, nam ratione mutui licet lucrum, quod in mutuo licitum est.

331. *Cambium reale tum manuale, tum locale licitum est, dummodo lucrum non excedat pretium lege vel locorum consuetudine determinatum.* — Ratio, quia plures adsunt iusti tituli talis lucri: 1.<sup>o</sup> locatio operae et officii ad conquirendam, numerandam et transmittendam pecuniam; 2.<sup>o</sup> expensae in detinendo telonio; 3.<sup>o</sup> pecuniae assecuratio, usque ad locum, ubi pecunia solvenda est; 4.<sup>o</sup> lucrum cessans, damnum emergens, et sortis periculum, ex debitorum infortuniis; 5.<sup>o</sup> varius variis in locis pecuniae valor, unde fiat, quod pecunia plus valeat eo in loco, quo a campso reddenda est, quam in illo quo a campso accipitur. Si contra vero esset, si nempe plus valeret pecunia in loco quo accipitur, quam in loco quo redditur: tunc hoc titulo nihil liceret recipere, imo compensatio usque ad aequalitatem esset facienda. L. 851.-854., G. 928.

332. *An licitum sit cambium Francofurtense, in quo nempe campsor pecuniam dat in proximis vendendis reddendam, ita ut lucrum maius pro maiori dilatione erigatur?* — R. 1.<sup>o</sup> Affirmat., si titulus adsit damni emergentis, vel alius similis titulus. 2.<sup>o</sup> Affirmat. iterum, ratione mutui, si taxa legalis non excedatur. 3.<sup>o</sup> Negat. si praecise ratione dilationis exigatur; usura enim est. L. 85.

333. *An licitum sit cambium illis, qui officium publicum cambiendi non habent?* — R. Affirm., ratio, quia rem utilem alteri praestant, L. 851. G. 929.

334. *An famulas recipiens pecuniam auream a domino, ut satisfaciat creditoribus domini, possit lucrari, eam cum alia commutando?* — R. « Affirmatur, quia est fructus industriae, nisi sit contra expressam vel tacitam domini voluntatem ». L. 856.

335. *An accipiens pecuniam adulterinam possit eam expendere?* — R. Negat. Ratio « quia res vitiosa nequit alteri tradi, vitio non detecto. Neque ex eo quod ipse deceptus est, potest decipere alios, cum actio, qua deceptus fuit nullum ad hoc ius tribuat ». Si autem eam iam expenderit bona fide tenens ad restitutionem « ex vi ipsius contractus, quo obligaris solvere iustum pretium pro re empta ». L. 855.

336. *Quid campsores recipere possunt ratione mutui?* — Recipere possunt G. pro 100. iuxta taxam legalem pro mercatoribus, quia quondam mercaturam pecuniae exercent. Ordinarie enim campsores multa pecunia, ut tali officio fungi, possint, multisque ministris indigent, ac variis periculis expo-

nuntur. Imo in variis locis permittitur ipsis accipere 7. pro 100. ob pericula et labores, quos subire debent ad pecuniam alio transferendam, eamque asscurandam. — G. 930.

337. — *Quid de Bulla S. Pii V. de cambiis?* — Varias S. Pius V. restrictiones apposuit, ad usuras amovendas; eas tamen in plerisque locis non amplius vigere testantur. Lessius n. 93., Lugo n. 107. L. 852., G. 928.

338. *De negotiatione. Quid sit?* — Ea est, cum quis rem sibi comparat eo animo, ut integram et non mutata carius vendendo, vel permutando lucretur. L. 831., S. Th. 2. 2. q. 77. a. 4. ad 2., Lugo D. 28. n. 20.

339. *Quotuplex sit negotiatio?* — Triplex est: negotiatio *oconomica*, negotiatio *artificiosa* seu opificium, et negotiatio *propria* et *stricta* talis. Haec Molina D. 339. n. 2. « Triplex emptionis et venditionis genus distingui consuevit. Quaedam enim est, qua ab unoquoque ea emuntur, quae ad suam familiaeque sustentationem necessaria sunt, superflua vero vendantur... Alia est, qua emitur aliquid, ut per industriam commutatum vendatur... Ad hoc genus pertinet non solum, si quis lanam emat., ut inde pannum, quem vendat, conficiat, vel ferrum, ut gladios, quos ex illo efficiat, vendat; sed etiam si aves aut equos emat, ut postquam eos educaverit et ad aliquid assuefecerit, illos vendat. Ad huius generis negotiationem ea quoque spectat, qua res non empta, sed ex tuis bonis aut fundis, in meliorem formam mutata venditur. Alia denique emptio et venditio est, qua emitur aliquid, ut immutatum carius ad lucrum comparandum vendatur: atque haec est propriissima negotiatio ».

340. *An negotiatio licita sit?* — Prima negotiationis species licita est. « Haec, ait Molina l. c., quasi naturalis est, et de se est bona et licita. Ordinatur quippe non ad lucrum, sed ad congruam sustentationem, atque ad oconomos et politicos spectat, non ad negotiatores presse sumptos ». — Altera species negotiationis licita etiam est. « Haec autem, ait Molina l. c., non est mera negotiatio: eo quod res sic empta per industriam ac artem melior reddatur ». Quare non venditur tantum res empta, sed simul propria industria propriumque opus. Huiusmodi homines potius *opifices*, *artifices*, quam negotiatores seu mercatores appellantur. Nulla ergo in ea iniustitia est, nulla illiciteas, cum valde ea utilis sit privato et publico bono. — Tertia etiam negotiatio licita de se est, siquidem et ipsa valde utilis est privato et publico bono, neque aliunde ullam necessario, seu per se, continet iniustitiam, aut inhonestatem. Etenim ad iustitiam quod attinet sufficit quod quis emendo et vendendo sistat intra limites pretii iustitiae et summi: et rerum pretia aliunde pro variis temporum et locorum adiunctis imminui augeri solent. Accedit praeterea horum negotiatorum labor, itemque ingentes expensae ab ipsis faciendae, ut pro omnibus necessarias merces semper paratas habent. Lucrum autem quod intenditur, ordinate et moderate intendi potest ad bonum et pium etiam finem, adeoque neque ex hoc capite necessario et per se ulla habetur turpitudine.

### XIII. — DE CENSU

341. *Quid sit census?* — Census est, contractus, quo quis sibi reservat vel emit ius annuam pensionem percipiendi. — Emens dicitur, *consualista*, *consitor*, *emptor*, *creditor*; Vendens vero, *consuarius*, *venditor*, *debitor*. Ipsa autem pensio, dicitur *canon*, vel *reditus*, quia ipsa quotannis reddit, et redditur. — *Census*, ut patet, essentialiter differt a *mutuo*; in hoc enim mutuatarius est principaliter debitor ipsius *capitalis*, in illo vero *consuarius*



debitur non est *capitalis*; sed *reditus*, cuius ius vendidit ipsius capitalis pretio. — C. I. 1778., C. G. a. 1909., Gousset in h. a., G. 931., L. 839.

342. *Quotuplex sit census?* — Census multiplex est: 1.<sup>o</sup> *Reservativus*, quo censalista rem suam in alterum transfert titulo gratuito vel oneroso, e. g. alteri donat vel vendit, reservata sibi ex ea re annua pensione. C. I. 1778. 1780., C. G. 530. 2.<sup>o</sup> *Consignativus*, quo censalista ius emit pensionis percipiendae ex re aliena, sive mobili, sive immobili: vel ex ipsa persona obligante se ad annuam pensionem ex arte sua, vel negotiatione, vel officio praestandam. C. I. 1782., C. G. 1909. Hinc 3.<sup>o</sup> census distinguitur in *realem*, *personalem*, *mixtum*, prout immediate constituitur in re aliqua frugifera, vel in labore et industria personae, vel in utroque, quatenus immediate et directe sola persona obligatur, ad securitatem tamen obligantur res aliquae debitoris, quibus nihilominus pereuntibus, persona obligata manet. In censu ergo *reali*, res obligata est ad quoscumque deveniat, et re pereunte, perit census: in censu *personali* persona obligata est, et personae industria pereunte, perit census, nisi census constitutus sit independenter a quacumque industria et non nisi in mera personae obligatione ad solvendum. In censu mixto, pereunte industria personae, obligatur res quasi hypothecata, et re pereunte, obligatur adhuc persona. Cf. L. 841. 846. 847. 4.<sup>o</sup> *Temporarius* vel *perpetuus*, aut *vitalitius*, prout constituitur ad tempus, e. g. ad 10. annos, vel in perpetuum, vel ad vitam hominis. C. I. 1779., C. G. 1910. 5.<sup>o</sup> tandem *redimibilis* vel *irredimibilis*, prout potest vel non potest redimi per capitalis seu pretii restitutionem. — Lugo D. 27. n. 4., G. 931.

343. *Nota:* 1.<sup>o</sup> Ex recentioribus legibus, cum *reditus* pretium est alienationis, aut conditio cessionis immobilium, sive titulo oneroso, sive gratuito, *reditus* vocatur *reditus fundiarius*. Huiusmodi autem cessio immobilium transfert in cessionarium plenum dominium, non obstante quavis contraria clausula. *Reditus* vero constitutus ope capitalis vocatur *reditus simplex* seu *census*. C. I. 1778. 1782., C. G. 530. 1909. — 2.<sup>o</sup> Ex C. I. 1782. census proprie dictus non permittitur, nisi mediante hypotheca speciali in fundo determinato. Scilicet permittitur non quilibet census, sed census mixtus vel *realis*. — 3.<sup>o</sup> Census perpetuus vel ad longum tempus Iure Canonico inter bona *immobilia* recensetur. Clem. *Ecce de Verbor. signif.*, Lugo n. 8. Ex C. I. 418., C. G. 529. *reditus vitalitii* aut perpetui, qui a Statu debeantur vel a privatis inter *mobilia* computantur.

344. *An licitus sit census reservativus?* — R. Affirmat. Ratio, quia quilibet rem suam alteri vendens potest sibi reservare ius ad partem fructuum ipsius rei, modo tamen pro rata reservationis pretium imminuatur. L. 839., G. 932.

345. *An licitus sit census consignativus, realis?* R. Affirmat. « Nam quilibet, cum etis fatentibus, alteri donare potest ius percipiendi annuam pensionem ex re sua frugifera: ergo et hoc ius vendere. Nec refert, quod tractu temporis pensiones percipiendae excedant pretium solutum: id etiam in venditione rei frugiferae contingit: neque tamen eam illicitam dicunt ». Scav. Hinc licitus est census *realis*, sive perpetuus sive temporalis. Si enim debita servetur aqualitas inter pretium et ius, perpetuum vel temporaneum pensionis nulla quidem apparet iniustitia. L. 839., G. 932.

346. *An licitus sit census consignativus, personalis?* — R. 1.<sup>o</sup> *De Iure Naturali* « 1.<sup>a</sup> sententia negat... quia persona non potest vendi... 2.<sup>a</sup> sententia communior et probabilior docet esse licitum... quia si quisque potest operas suas bene, potest etiam et vendere. In tali autem contractu proprie non emitur persona, sed improprie, nam proprie emitur ius super industriam personae ». L. 849., G. 933. — 2.<sup>o</sup> *De Iure Canonico*, ubi hoc viget, census iste prohibetur per B. S. Pii V. *Cum onus* 1568. L. 849. 846. 848. « Bulla autem S. Pii V. an S. Alph. 849., non est recepta in duobus regnis Siciliae,

nec est recepta in Hispania, nec in Belgio, nec in Germania, neque in Gallia, nec etiam Romae observatur ».

347. *An licitus sit census vitalitius?* — R. Affirmat. Est enim contractus aleatorius, in quo tum censualista tum censuario aequali periculo se exponunt ille accipiendi plus vel minus, iste solvendi minus vel plus. Hunc praeterea approbat Ius Civile tam titulo oneroso, ob pecuniam vel rem mobilem, vel rem immobilem, quam titulo gratuito donationis inter vivos, vel testamenti. C. I. 1789. seqq., C. G. 1910, 1968, 1969. Licere etiam eruitur ex Iure Canonico Clem. *Monasteriorum de Reb. Eccl. non alien.* Ad constituendum autem iustum census vitalitii pretium ratio habenda est aetatis. Ordinarie, dicunt, pretium se extendere non debet ultra 15. pro 100. G. 935., L. 844.

348. *An licitus sit census realis redimibilis?* — R. 1.<sup>o</sup> Affirmat. de Iure Naturali, sive ex parte censuarii, sive etiam ex parte censualistae. In censu enim vera venditio habetur, in qua redemptio ex utraque etiam parte licita est. — 2.<sup>o</sup> De Iure Canonico ex B. cit. S. Pii V. semper quidem permittitur censuario, ut possit redimere censum, facta denuntiatione per bimestre; non autem censualistae. L. 843, 847., G. 933, 934. — 3.<sup>o</sup> Ex C. I. 1783. census est essentia sua redimibilis, ex C. G. 1911. census perpetuus est essentialiter redimibilis. Verum census redimi nequit a censualista quoad censuarii pacta servaverit. C. I. 1783, 1785. seqq., C. G. 530, 1911. seqq. E contra a censuario redimi quaecumque potest. C. I. 1783., C. G. 530, 1911., et pactum, ne censum is redimere possit, nullum est. C. I. 1783., C. G. 530. Nihilominus conveniri potest, ne redimatur quamdiu censualista vivat, vel ante certum tempus, quod in reservativis seu fundiariis tricennum, in consignativis decennium excedere nequit, vel non nisi censualista, legitimo tempore, antea praemonito. C. I. 1783., C. G. 530, 1911. — Census autem vitalitius irredimibilis est, tum ex parte creditoris, si debitor fuerit in mora solvendi, tum ex parte debitoris, si forte is plus aequo eo onerari coeperit. Attamen creditor contractum rescindere poterit, si debitor promissas cautiones pro executione non praestiterit. C. I. 1785. 1796-1798., C. G. 1912, 1971, 1977, 1978, 1979.

349. *An licitus sit census realis irredimibilis seu perpetuus?* — R. Affirmat. de Iure naturae. Nam ut huiusmodi ius pensionis seu redditus comparatur certa re vel pecuniae summa, qua venditor poterit negotiari, emere agrum, domum etc. et ita indefinite lucrari; ita etiam illa pensio seu redditus indefinite sunt percipiendi; et si servetur debita in contractu proportio pretii, aequivalere bene possunt quoad utilitatem et emolumentum inde percipiendum rei seu summae pecuniae pro pretio traditae. Atqui in venditione et emptione in hoc praecise est aequalitas servanda inter pretium et mercem, quoad nempe utilitatem et emolumentum hinc inde percipiendum, attenta lege, consuetudine, communi existimatione. — Tambur. de Contr. Tr. 2. C. 2. § 3. n. 3., Lugo D. 27. n. 20. 158.

350. *An licitus sit census personalis redimibilis.* — R. Affirmat. sive ex parte venditoris, sive ex parte emptoris. Etenim ut census realis inuitur in re, ita census personalis inuitur in industria personae. Atqui industria personae vendi potest uti res. Uti ergo licet census redimibilis *realis*, ita licet etiam census redimibilis *personalis*, si debita servetur proportio pro onere imposito. — Bened. XIV. de Syn. l. 10. C. 5. n. 4. 5., L. 840, 813.

351. *An licet emere ius pensionis annuae mera pecuniae translatione domini, quin illud constituitur in aliqua re mobili vel immobili fragifera, vel in industria aliqua determinata personae?* — R. Affirmat. Constat 1.<sup>o</sup> ex praxi fere universali ipsorum virorum timoratorum. Ubique enim annuae pensiones emuntur pecunia, uti aliae merces, sive ad tempus sive ad totam vitam, quin ullus scrupulus de hac re moveatur. 2.<sup>o</sup> Nam huiusmodi census mere

pecuniarius est verissima venditio, quae certe licita est; ex una enim parte ius illud annuae pensionis est pretio aestimabile, ex altera parte pecunia, cuius dominium absolute transfertur, et non cum onere tantumdem restituendi ut in mutuo, vere pretium est illius iuris. C. I. 1778., C. G. a. 1909.

352. *Nota*: 1.<sup>o</sup> Censui iste mere *pecuniarius* hoc sibi habet proprium quod in nulla re frugifera sit constitutus, sed sit verissima venditio, et consequenter licet censuarius amittat acceptum pecuniae capitale, semper tamen constitutum censum solvere tenetur. Idemque locum haberet, si licet quis loco pecuniae pro pretio iuris ad illam pensionem, rem mobilem vel immobilem traderet, quin in ea ius illius pensionis consignaret, eique alligaret. Talis contractus proprio nomine in iure novo *constitutio redditus* appellatur. Et sane non proprie *censum*, sed hanc *constitutionem redditus* agnoscere videtur. C. I. 1778. seqq. et C. G. 530, 1909. seqq. 1908. seqq.

2.<sup>o</sup> Ad census revocari possunt redditus annui in bonis Guberniorum constituti, itemque *actiones* bancariae, commerciales, industriales, quorum venditio et emptio, uti aliarum rerum licita est; itemque pretium, uti aliarum mercium, incrementum et decrementum in dies habet. Hinc licet emere pretio corrente census annuos in Gubernio constitutos, vel actiones a publico nummulario. Venduntur enim et emuntur, ut merces ordinariae, et pretium eorum crescit vel decrescit iuxta communem hominum aestimationem, iudicantium maius vel minus in iis adesse periculum. G. 931.

353. *Quanam requirantur conditiones ad licitam census constitutionem?* — R. « De iure naturali duae tantum conditiones desiderantur: 1.<sup>a</sup> ut sit aequalitas inter censum et pretium; 2.<sup>a</sup> ut pacta, praeter naturam census adiecta, iuste compensentur », L. 845. De iure Canonico plures exiguntur conditiones, quibus tamen consuetudine fere universali derogatum est, L. 845.-849. Iuris autem Civilis dispositiones praecipuas iam enumeravimus. — Cum census vera venditio et emptio sit, contractui census addi possunt illae conditiones et modificationes, quae venditioni et emptioni non repugnant. Pretium item ut in emptione et venditione pro variis rerum circumstantiis varium esse potest. — Tambur. de Contr. Tr. 2. C. 4. n. 1. 2.

354. *An census vitalitius decurrat, divisibiliter cum tempore; vel non nisi post tempus constitutum, puta post annum elapsum, debetur, ita ut, si censuista praemoriatur, censuarius non teneatur pro rata temporis elapsi pensionem haeredibus solvere?* — R. Negant aliqui divisibiliter decurrere. Sed verius affirmandum est. Etenim: 1.<sup>o</sup> Censui *vitalitius* est ad alimenta et pensionem vitae; nam pecuniam suam collocans, vult vivere de pensione: ergo equum est, ut pensio currat cum proportionem ad vitam quae sustentari debet, et sustentatur a die constituti census. Ergo censuista moriens acquisivit ius ad pensionem pro tempore praecedenti: porro ius ab eo tunc acquisitum, eo moriente, transit ad haeredes. 2.<sup>o</sup> Censui *vitalitius* se habet prorsus ut pensio assignata clerico, pro alimentis et sustentatione vitae; nam utraque est *personalis* ad sustentationem, et finitur morte pensionarii, nec habetur ius ad eam, nisi elapso anno. Atqui pensio clerici, mortuo pensionario, debetur haeredi pro rata temporis elapsi. Ergo. 3.<sup>o</sup> Si censuista *ordinarius* moriatur intra annum, debetur haeredi census pro rata temporis praeteriti. Ergo a poro, etiamsi moriatur censuista *vitalitius*; nam haec est tantum differentia inter hos census, quod in priore ius remaneat haeredi ad sortem, in posteriori nullum ius ad sortem supersit, mortuo censuista. Ergo censuista *vitalitius* non debet esse deterioris conditionis, quam censuista *ordinarius*. Ergo in utroque casu pensio habet eandem temporis divisionem; et in utroque casu pensio currit, et obvenit censuistae temporis lapsu. Ergo pro rata temporis praeteriti pensio haeredibus solvi debet. La-Croix 1023., G. Cas. 1905. L. Ex C. I. 1799., C. G. 1980, pensiones in dies cedunt, verum si convenierit, ut praestentur initio cuiusque anni vel mensis, eo veniente, statim integrae totius anni vel mensis debentur.



355. *Quomodo census extinguatur et rescindatur?* — Census *extinguitur*: 1.<sup>o</sup> redemptione ex parte censuarii, C. I. 1783., C. G. 1911.; et si vitalitius sit morte eius ad cuius vitam fuit constitutus, C. I. 1801., C. G. 1982.; 2.<sup>o</sup> officio iudicis, in casibus iure determinatis, C. I. 1785., C. G. 1912., 1913. — Census *rescindi* potest, ut quaelibet alia venditio emptio, si censualista quasi venditor laesus fuerit ultra dimidium iusti pretii; vel si quasi donator liberos postea susceperit.

#### XIV. — DE LOCATIONE ET CONDUCTIONE

356. *Quid sit locatio conductio?* — Est contractus, quo quis se obligat rem ad usum vel usufructum alicui ad certum tempus pro pretio concedere, et alter accipere. *Se obligat*, est enim contractus consensualis, L. 1. Dig. *Locati conducti*, C. I. 1539, 1570., C. G. 1709, 1710. *Rem*, h. e. sive rem proprie dictam, sive personam; quare locari potest res immobilis, ut praedium; res mobilis, ut grex; persona, ut operarius aut famulus. *Ad usum*, ut domus; *ad usufructum*, ut vinea. *Ad certum tempus*, attentio nempe Iure positivo: quo nulla locatio perpetua admittitur. Quin imo, si *ultra decennium* sit alius est contractus, nempe emphyteusis, quae ex Iure Romano a locatione distinguitur. *Pro pretio*, si gratis, non locatio sed commodatum habetur, L. 46. Dig. *Locati et conducti*, Cf. Vinnium de Inst. de *Locatione* § 1. *Pro pretio* h. e. pro pecunia, Inst. de *Locatione* ab init. et § 2., L. *Depositum* § 9. Dig. *Depositum vel contra*, L. *Naturalis* § 2. Dig. de *Praescriptis verbis*, etc. Si non pro pecunia, sed pro alia re res datur ad usum vel usufructum, alius est contractus ex Iure Positivo, sed non locatio conductio. Ex Iure Positivo, nam de Iure Naturali essentielle non est discernere. Iuri Romano autem consonat Ius It. 1569., et Giall. 1709. Quapropter, quoad praedia rustica, L. *Si merces* § 4. Dig. *Locati* etc., si colonus sit partiarus, qui nempe non pecuniam sed partem fructuum domino praestet, contractus dicitur intercedere *societatis*. Si vero colonus ad numeratam pecuniam conducit vera est locatio. Idemque dicendum de societate seu locatione animalium. Ex C. I. 1665., C. G. 1711. sub locatione recensetur contractus, quo alter animalia alteri tradit, ut fructus dividatur inter proprietarium et eum cui traduntur. Itemque C. I. 1647 seqq., C. G. 1711., 1763. cum colonus partiarus est, locatio adhuc habetur. *Pro pretio*, ut vera sit locatio, necesse est pretium determinari cum conventio fit. Si conventio fiat pretii postea determinandi, contractus erit innominatus; facio, ut des, Vinnius l. c. Quod a conductore rependitur nomen sortitur *mercedis*, quemadmodum et *pensionis* cum immobilia locantur. Inst. l. c., L. *Ex conducto* § 4. Dig. *Locati conducti*. Ille vero qui *concedit* dicitur *locator*, et ille qui *accipit* vocatur *conductor*. — L. 857.

357. *Resolves*: Cum huius contractus obiectum sit *usus* rei, non res ipsa; sed haec praesupponatur: si res locata ante traditionem pereat, contractus dissolvitur et conductor liberatur. Idem dicendum est, si, durante locatione, citra conductoris culpam res tota pereat. Si res ex parte tantum perit, pensio saltem imminuenda erit, et si ea pars notabilis sit poterit conductor vel pensionis imminutionem petere, vel etiam contractum dissolvere, C. I. 1580. Si res ipsa non pereat, impelitur tamen conductor ab usu vel cultura rei, citra eius culpam, e. g. si campus diuturna inundatione obruatur, ab hostili exercitu occupetur, etc. liberatur conductor a solvenda pensione, L. *Si fundus*, L. *Perinde*, L. *Et haec*, L. *Habitatores* § 1. Dig. *Locati* etc. — L. 857.

358. *Quinam locare conducere possint?* — Quicumque vendere emere possunt, iidem locare conducere possunt. Ex C. I. 1572., locatio ultra novennium non permittitur iis, qui simplicem administrationem habent. — Conductor potest alteri rem conductam sublocare, L. *Cum in plures* Dig. *Locati et conducti*, et L. *Nemo* C. *de locato*, C. I. 1373., C. G. 1717. — Porro contractus locationis conductionis ad utriusque haereditas transit, quamdiu praefinitum locationis tempus durat, nisi aliter fuerit conventum. Inst. tit. *de Locatione* etc. § 6. Ita etiam ex C. I. 1596., C. G. 1742. Itemque transit, si locata sit opera ad aliquid, quod per alium possit impleri, L. *Interis* C. *de contrahenda et committenda stipulatione*; secus si talis sit opera, quae nequeat per alium impleri. C. I. 1642. 1643., C. G. 1795. 1796. contractus locationis operae solvitur morte operarii, qui operam suam locaverat. Verum qui opus commisit tenetur haereditibus illius solvere pretium tum peracti laboris, tum praeparatae materiae, si haec possunt ipsi committenti utilia esse.

359. *Quid locari conduci possit?* — Locari possunt quaecumque in commercium veniunt, dummodo non sint usu consumptibilia, et mercede possunt ac solent aestimari. Quare locari possunt tam immobilia, quam mobilia; itemque opera, ut tabulam pingere, aliquem alio vehere, etc. et iura incorporalia, ut usufructus, habitatio, vectigalia, etc. Porro opera agri-mensoris beneficium reputatur; et ideo ex veteribus non datur cum tali persona locatio conductio, adeoque neque *merces*, sed remuneratio et *honorarium*. Idem dicendum de opera advocati, medici, aliorum qui operam nobis praestant ingenio, eloquio, fide, etc. — Ex C. I. 1571.-1696. quoad res, quae possunt locari specialis mentio fit tantum praedii rustici, domus habitandae, animalium. Quoad opera tres dicuntur esse principales species locationis operarum et industriae. Prima, qua quis obligat operas suas in alterius famulatum; altera, qua vectores tum terra tum aqua se obligant ad personas vel res transferendas; tertia qua redemptores se obligant ad opera facienda.

360. *Obligations locatoris sunt:* 1.<sup>o</sup> Conventio perfecta rem tradere in eo statu, ut conductor ipsa uti valeat, adeoque necessaria ad id expensas facere tenetur. L. *Sed addes* § 5., L. *Ex conducto* § 1. Dig. *Locati*, etc., C. I. 1575. 1576., C. G. 1719. 1720 — L. 857.

2.<sup>o</sup> Debet locator manifestare vitia rei, quae eius usum inutilem aut perniciosum reddunt. L. cit. *Sed addes* § 1. Ex C. I. 1577., C. G. 1721. locator debet immunem praestare conductorem ab omnibus vitiis et defectibus rei, quae huius usum impedirent; etiamsi ea ignoraverit locator, cum contractus iniretur. Si vero ex huiusmodi vitiis aut defectibus damnum conductori obveniat, tenetur locator damnum compensare, nisi demonstret se ea ignorasse. — L. 857.

3.<sup>o</sup> Locator non potest ante tempus praefinitum conductorem invitum privare re conducta, nisi pensionem conductor non solvat; nisi casus improvisus accadat ob quem domus ipsi domino sit necessaria; nisi necesse sit reficere rem locatam, nec possit fieri altero inhabitante; nisi conductor in re conducta male versetur, v. g. eam destruat, vel ea abutatur, v. g. alendo im meretrices. Iure Canonico, in materia locationis rei ecclesiasticae, si locatio ultra biennium sit, locator expectare biennium debet, neque potest ante hoc tempus conductorem invitum privare re conducta, si pensionem non solvat. C. *Propter de Locato*. Verum haec conditio neque de Iure Naturali est, neque in re non ecclesiastica a Iure Romano exigitur.

C. I. 1612. C. G. 1761. locator nequit solvere contractum, etsi declaret velle se donum habitare, nisi contraria conventio fuerit inita.

C. I. 1580. C. G. 1724. si restorationes rei locatae huiusmodi sint, ut prohibeant habitationem illius partis, quae necessaria est conductori eiusque familiae, locus est iuxta circumstantias rescissioni contractus.

C. I. 1584., C. G. 1729. si conductor utitur re locata in usum alium ab

eo, ad quem est destinata, ut possit damnum inde locator subire, hic iuxta circumstantias potest petere rescissionem contractus.

C. I. 1165. 1595., C. G. 1741. contractus locationis resolvi potest ab altera parte, si altera principalibus suis obligationibus non satisfaciat. Principalis autem conductoris obligatio est, ut statuto tempore pensionem solvat.

4.<sup>o</sup> Ex Iure Romano successor universalis, sive haeres, non potest ante completum tempus conductorem expellere. Partialis autem successor, ut emptor, donatarius, legatarius, etc. non tenetur stare contractui locationis, uti neque conductor: nisi tamen aliter pactum sit, v. g. ne res locata, durante locationis tempore, alienetur. L. 9. C. *de Locato*, etc. Quamvis autem emptor non teneatur stare contractui locationis, conductor tamen, si expellatur agere potest ad eius interesse obtinendum contra locatorem et eius haeredes. L. *Si merces* § 1. Dig. *Locati*, etc. L. *Qui fundum ib.*, L. 858. 859. — Ex C. I. 1597. seqq., C. G. 1743. seqq. emptor rei locatae nequit generatim expellere conductorem, nisi in locationis contractu, statutum fuerit, ut si res locata vendatur possit emptor locationem solvere et conductorem expellere. Quo in casu tenetur emptor conductorem praemonere tempore opportuno, et ex C. G., si nulla intercesserit stipulatio, quoad damna et interesse, locator et, eo deficiente, emptor tenetur servare indemnem conductorem.

361. *Obligationes conductoris sunt*: 1.<sup>o</sup> Pretium solvere tempore statuto. C. I. 1583., C. G. 1728. — 2.<sup>o</sup> Debet re uti in eum finem pro quo est data et non in alium. C. I. 1583., C. G. 1728. — 3.<sup>o</sup> Tenetur expensas locativas facere, expensas nempe minoris momenti, spectantes ad restorationem rei usu attritae, consuetudine vel lege definitas. C. I. 1604. 1625., C. G. 1754. 1777. — 4.<sup>o</sup> Eam diligentiam debet adhibere in rei usu, quam adhibet in re sua, ne rei dominus detrimentum patiatur. C. I. 1583., C. G. 1728. — 5.<sup>o</sup> Non prohibetur sublocare, nisi aliud fuerit stipulatum, vel inde locatori detrimentum fiat. L. 11. C. b. t., C. I. 1573., C. G. 1717.

362. *Quoad culpam praestantiam*, cum locationis conductionis contractus in commodum sit tum locatoris tum conductoris utriusque culpam praestant tantum latam et levem, non levissimam. Lugo D. 29. n. 64., Molina D. 494. n. 1. Neuter etiam ad casus fortuitos tenetur, in quibus nulla est culpa.

363. *Quid si res locata pereat?* — Ex regula generali, si res locata pereat, et ignoretur utrum culpa vel dolo conductoris seu custodis, ac casu res perierit, conductor vel custos obligatur ad utrumque probandum, et quod res perierit, et quod res perierit absque sua culpa aut dolo. Cf. Molina D. 494. n. 13. — Attamen si domus locata incendio pereat conductor absolvendus est, nisi locator culpam demonstret conductoris. Saepe enim incendium culpa contingit famularum, quam paterfamilias praestare non cogitur. L. *Si vendita* Dig. *De Periculo et commodo rei venditae*, Cf. Laymann n. 6., L. 855.

Ex C. I. 1588. 1589. 1590., C. G. 1733. 1734. 1735. Conductor domus aut fundi rustici de incendio tenetur, nisi demonstret incendium contigisse casu fortuito, aut vi maiore, aut ex vitio constructionis, aut ex C. I. non obstante diligentia solita adhiberi a quolibet diligenti paterfamilias, aut ignem ex vicina domo fuisse communicatum. Si plures sunt inquilini, omnes pariter tenentur, una cum locatore ex C. I., si ipse quoque inhabitat, et quilibet pro rata valoris partis a se occupatae: nisi demonstret in habitatione alicuius ex ipsis incepisse incendium, in qua hypothese hic solus obligatur: vel nisi demonstret non potuisse incendium a suo loco incipere. Et generatim conductor praestare debet detrimenta et damna, quae accidunt tempore suae conductionis, nisi probet accidisse absque sua culpa: eademque praestare debet, quorum causa fuerit aliquis ex sua familia, aut ex suis subconductoribus.

364. *An locator agrorum teneatur saltem partem pensionis remittere*



*in casu sterilitatis ob grandinem e. g., vel aliud infortunium?* — « *Per se de iure naturali, ad rigorem loquendo, nunquam locator pensionem debitam colono remittere tenetur, quia infortunia naturaliter ipsi obveniunt. Etenim res, quae casu fortuito seu extraordinario destruitur, perit domino; atqui locatarius est fructuum colligendorum dominus: ergo... Dixi... per se, quia conventionem generali, iure confirmata, introductum est ut, si ingens sit iactura, aliquid remittatur: si vero sit totalis, ut damnum inter utrumque, locatorem scilicet et locatarium, dividatur. Si taliter autem non constitutum fuisset, locatarius minus tributum persolveret. L. 860 ». I. G. Cas. 973.*

365. *Quid si colonus habuit quidem messem faustam, sed tamen omnes fructus iam in horreum collectos amisit, sive hostium direptione, sive incendio?* — « In hoc casu colonus immiutionem pensionis exigere non potest, ut videtur, saltem probabilius. Ratio est, quia, quando fructus iam sunt in horreum collecti, pleno iure sunt in dominium locatarii; nec conventiones aut leges, ex quibus tributum, ingruente extraordinaria calamitate, minus solvendum est, hunc casum respicere videntur. Elbel n. 673., La-Croix l. 3. p. 2. n. 1049. contra Lessium et alios. In praxi, sane locator ante sententiam Iudicis ad nihil teneretur ». G. Cas. 976.

366. *Dispositiones iuris quoad praecedentes casu: L. Ex conducto § 2. Dig. Locati etc.*: « Si labes facta sit, omnemque fructum tulerit, damnum coloni non esse, ne supra damnum seminis (amissi), mercedes agri praestare cogatur ». Quare si damnum immodicum sit conductor a solvenda pensione liberatur. L. Si merces § eod.: « Vis maior... non debet conductori damnosa esse, si plusquam tolerabile est. laesi fuerint fructus ». Unde si magna sit sterilitas, sed non plena, pensio pro rata remittitur. Consentit Iuri Romano Ius Canonic. C. 3. de Locato. — L. 860.

C. I. 1620. 1621., C. G. 1772. 1773. Colonus potest explicita conventionem se subicere fortuitis casibus. Talis autem conventio non intelligitur; nisi pro casibus fortuitis ordinariis, cuiusmodi sunt, grando, fulmen, pruina: non pro casibus extraordinariis, quales sunt bellica vastatio, inundatio, cui regio obnoxia esse non solet; nisi colonus se subiecerit omnibus casibus fortuitis praevisis et non praevisis.

C. I. 1617., C. G. 1769. Si locatio sit ad plures annos, et ea durante totalitas aut dimidium fructuum alicuius anni perit fortuito, colonus potest postulare quandam remissionem pretii, nisi compensetur eo, quod praecedentibus annis collegit. Si compensatio haec absit, remissio pretii in exitu locationis determinatur, computatis fructibus omnium annorum locationis.

C. I. 1618., C. G. 1770. Si locatio sit ad annum unum, et perit totalitas, aut saltem dimidium fructuum, fit pro rata remissio pretii conductori, qui nequit aliquam remissionem exigere, si iactura minor est dimidio.

C. I. 1619., C. G. 1771. Colonus consequi nequit remissionem, si fructuum iactura contigit postquam hi a solo separati fuerant, nisi contractus concedat locatori partem quandam fructuum, qua in hypothesis locator subit iacturam suae partis: dummodo conductoris culpa aut mora non intercesserit, in tradenda locatori eius portione.

C. I. 1619., C. G. 1771. Si causa damni existeret et nota erat, cum contractus initus est, colonus nullam postulare potest remissionem.

367. *De Emphyteusi, Feudo et Libello.* — *Quid sit Emphyteusis?* — Emphyteusis graeca vox est, quae idem sonat ac *insertio*, quia nempe hoc spectale in ea habetur, quod fundus sit meliorandus, idque fit aliquid insertendo in fundo. Ad rem quod attinet emphyteusis est: concessio domini utaris in rem immobilis, cum obligatione eandem colendi, meliorandi, et persolvendi canonem, h. e. statutam pensionem in *recognitionem domini directi*, facta vel in perpetuum, vel ad vitam emphyteutae, vel plurimum, vel ad tempus non minus decennio. Spectato iure Communi tenetur emphyteutae consuetas contributiones solvere; quia cum omnia percipiat rei emolumenta,

aequum est, ut eius etiam onera sustineat. Struggl 13. 17. seqq., G. 920., L. 865.

368. *An Emphyteusis recentioribus legibus admittatur?* — Ex C. G. emphyteusis non videtur agnoscī. Ex C. A. 1123. 1127. seqq. emphyteusis admittitur, et quid medium est inter Ius Commune et Italicum. Ex C. I. 1556. emphyteusis admittitur, et est contractus, quo conceditur in perpetuum aut ad tempus fundus quidam, cum obligatione meliorationis, et solutionis annuae determinatae praestationis sive in pecunia, sive in fructibus.

369. *Quibus legibus emphyteusis regatur?* — Emphyteusi ratione bonorum, quae in emphyteusim dantur, alia est ecclesiastica, alia laica. Emphyteusis ecclesiastica Iure Canonico et Iure Romano regitur. Hinc non licet sine Apostolico Beneplacito emphyteusim ecclesiasticam redimere. — Emphyteusis laica alia antiqua est, alia nova. Prior ex antiquo Iure et ex conventis pactis regitur. Posterior, i. e. iuxta post ann. 1865. recentiori regitur Iure. Leg. 20. Nov. 1865. art. 29. — L. 865.

370. *Quanam ex C. I. speciales sint emphyteusis leges?* — Emphyteusis ipso Iure sequentibus subiicitur praescriptionibus: 1.<sup>o</sup> Emphyteuta potestatem habet disponendi de fundo emphyteutico eiusque accessionibus, tum actu inter vivos, tum ultima voluntate, et quocumque modo transmittatur fundus, nulla praestatio ei debetur qui illum concessit. — Subemphyteusis non admittitur. — Concessor fundi vigesimonono quoque anno postulare potest recognitionem sui iuris a possessore fundi, quin tamen ulla praestatio ei debeatur. Art. 1562. 1563. 1564. — Dummodo praedictae leges serventur constitui possunt particulares aliae conventiones: quae si desint, legibus standum est eodem Cod. statutis. Secundum has leges, art. 1558. 1559. 1561., emphyteuta facit suos omnes fructus fundi et eius accessionum, eademque habet iura, quae haberet proprietarius, in thesauros, et fodinas, quae in fundo detegantur. — Quaecumque sit sterilitas aut amissio fructuum, nequit emphyteuta postulare remissionem aut diminutionem canonis. — Tributa praedio imposita et quaelibet onera eidem inhaerentia ad emphyteutam spectant. — L. 865.

371. *Quomodo finiat emphyteusis?* — Emphyteusis 1.<sup>o</sup> amittitur praescriptione 30. annorum, si nempe emphyteuta tanto tempore cessaverit a canonis solutione. C. I. 1563. — 2.<sup>o</sup> Rescinditur, si emphyteuta fundum notabiliter deterius reddiderit, vel legitime interpellatus, toto biennio canonem non solverit. C. I. 1565. — 3.<sup>o</sup> Extinguitur rei interitu: vel impleto concessionis tempore: vel si emphyteuta fundum legitimo pretio redemerit. C. I. 1560. 1564. 1566.

372. *Quid sit feudum?* — Feudum, a *fide*, est concessio domini utilis in rem immobilem cum obligatione praestandi fidelitatem et obsequium personale domino directo. Qui feudum accipit dicitur *vassallus*, et qui illud tradit *inféudator*. Differt autem vassallus ab emphyteuta per hoc, quod iste in recognitionem domini directi debeat solvere pensionem realem, ille vero solum debeat praestare fidelitatem et obsequium personale, v. g. bellare. G. 920., Struggl 14., L. 867.

373. *Quid sit libellus?* — Libellus nihil aliud est, quam emphyteusis, aut feudum alteri emphyteusi aut feudo subalternatum: quatenus nempe emphyteuta vel vassallus subemphyteuticat aut subinféodat alium. In qui a domino directo accipit emphyteusim aut fundum, dicitur *emphyteuta* aut *feudatarius*. Is vero qui ab eis accipit eandem rem pro pensione dicitur peculiari nomine *libellarius*. — L. 868.

## XV. — DE SOCIETATIS CONTRACTU

374. *Quid sit societatis contractus?* — Societas est contractus, quo duo vel plures aliquid in commune conferunt, lucri in commune percipiendi gratia. C. I. 1697., C. G. 1832. — Dicitur, *duo* vel *plures*, qui nempe valeant de rebus disponere, quique reciprocam utilitatem sibi acquirere non prohibentur ob violationem iurium aliarum personarum; qua ratione non potest v. g. haec societas miri inter matrem et filium eius naturalem, C. I. 1704., C. G. 1840. — *Aliquid*, h. e. pecunia, vel alia bona, vel etiam propria industria. Excepe bona, quae vel donatione, vel legato, vel successione erunt socii acquisituri, nisi ex C. G. de sponsis agatur, quae ita conferri possunt, ut eorum fructio tantum, non proprietas communis evadat, C. I. 1433. 1698. 1701., C. G. 1526. 1833. 1837. — *In commune*, dupliciter aliquid in commune conferri potest: 1.<sup>o</sup> ut rei collatae non solum usus et fructus, sed dominium commune sit, ita ut singuli efficiantur domini totius sortis partiali domino; 2.<sup>o</sup> ut rei dominio permanente penes conferentem, usus et fructus communes sint. L. 1. § 1., L. 2., L. 7., etc. Dig. *Pro socio*. — Porro in dominium societatis ipso iure transeunt, ea quae usu consumuntur, vel deteriora fiunt; ea quae conferuntur ut vendantur; ea quae dantur aestimatione earum facta et inventario consignata. C. I. 1715., C. G. 1851. — Lugo D. 30. n. 1. 4., Molina D. 411. n. 7., Less. l. 2. c. 25. n. 1., L. 904.

375. *An contractus societatis licitus sit?* — R. Affirmat. Nihil enim continet quod iustitiae adversetur. Sequentes tamen exigit condiciones: 1.<sup>o</sup> Ut societas fiat in negotiatione honesta, C. I. 1698., C. G. 1833. Nemo sane obligari licite potest in re turpi. — 2.<sup>o</sup> Ut damnum sortis spectet tantum ad dominum ipsius, si tantum usufructus rei conferatur in societatem; spectet vera ad ipsam societatem si ipsamet sors in societatem conferatur, Res enim domino perit, C. I. 1715., C. G. 1851. — 3.<sup>o</sup> Ut debita servetur aequalitas inter lucra et damna ac expensas, dividenda inter socios. *Damna* autem hic intelliguntur quae solo societatis intuitu sociis obveniunt. *Expensae* vero sunt sumptus itinerum, solutiones vestigialium, etc. C. I. 1716. 1717., C. G. 1852. 1853. — 4.<sup>o</sup> Societas rerum immobilium, vel *usus* earum ultra novennium scriptura, et quoad tertios, transcriptione eget. C. I. 1314. 1932. 1942. — L. 904.-907.

376. *Resolves:* Quare necesse est, ut unicuique constituatur pars lucri pro rata rei, quam contulit, et pars damni pro rata lucri. Verum si aliud sponte conventum fuerit, pactum valet, dummodo lucrum saltem constituitur par iustae mercedi rei vel operae quam quis confert, quasi locatae; nempe constituitur ut unus nullam lucri partem, vel nullam damni partem sentiat, C. I. 1719., C. G. 1855. Eius, qui solam operam contulit, rata, pars eius est, qui minus contulit, C. I. 1717., C. G. 1853. Attamen, attentio iure naturalis, si industria mercatoris notabiliter plus valeret, quam capitale compartis, posset certe conventio fieri de maiori lucro proportionate percipiendo, quod vero ipso iure positivo approbatur.

Quidam mihi dicendum videtur, ait S. Alph. 907., quod salvo capitali domino, lucrum dividendum est pro rata, habita ratione valoris industriae ex una parte, et ex altera commoditatis praestitae ex pecunia, iuxta communem aestimationem lucri, quod communiter haberi solet ex pecunia, applicata ad negotiationem. Hinc bene advertendum, quod aliquando industria mercatoris plus valet, quam usus pecuniae, et tunc proportionaliter debet lucrum distribui; ita ut aliquando licitum poterit esse pactum, ut in fine etiam capitale dividatur, aequè interim distributo lucro, prout fit ex consuetudine in pluribus locis in societate animalium. Insuper adver-



tendum, quod aliquando valor industriae decrescit ob multitudinem operariorum, societatem petentium: qua ratione poterunt forte excusari plures contractus, qui primo aspectu videntur iniusti, eo quod operariorum industria in societatem collata iuxta consuetudinem loci communiter non pluris ibi aestimantur ».

377. *Resolves*: Iniustum omnino est pactum, vi cuius empta merce, ante omnia, ipsa durante societate restituatur domino capitale: deinde vero quod superest aequaliter dividatur, quia ponenti capitale illud, minuitur periculum sui capitalis, mercator vero, si postea pereat merx, subiacet sine compensatione periculo capitalis ac lucri. L. 907.

378. « *An sit licitum pactum, quod si ex grege aliqua oves pereant, suppleri debeant ex foetibus, quae nascuntur, et interim ceteri foetus, lana et caseus aequae dividantur?* — Prima sententia affirmat, « quia talis substitutio ovium resultat tam in gratiam pastoris, quam eementis oves ». Secunda sententia negat, et haec omnino vera videtur S. Alph. 909. « quia licet lucrum utrique prius diminuat, et utrique postea compensetur: tamen foetus qui substituuntur aequae dividendi essent inter pastorem et dominum: at quando substituuntur, id certe magis cedit in utilitatem domini, quam pastoris, cum dominus iam sibi compenset deinde iacturam lucri, sicut et pastor, sed interim dominus semper salvam sibi servat sortem, quae ipsi diminui deberet, et ideo in contractu non servatur aequalitas ».

379. « *An liceat contractus societatis vocatus ad caput salvum, scil. quando traduntur pastori animalia cum pacto reddendi ea salva in eodem numero in fine societatis, et lucrum dividendi?* — « Per se loquendo hic contractus illicitus est, quia sors debet stare periculo apponentis, res enim suo domino perit. Probabiliter tamen licitus fieri potest, si adiciatur alius contractus assecurationis, compensando pastori per maiorem partem fructuum onus talis periculi sortis in se suscepti... Certe iniustus est contractus, quo dominus dat boves aestimatos iuxta praesentem valorem cum pacto, ut si decrescant, finita societate, idem valor restitui debeat, quia deterioratio rei ad dominum pertinet, nisi aliunde hoc damnum compensetur. Quod si tamen pactum adesset, ut in fine societatis non solum lucrum, sed etiam sors animalium dividenda sint cum socio: tunc non quidem iniustum erit pactum, ut si interim pereat capitale, pastor restituere teneatur domino medietatem sortis ». L. 909. 907. q. 4.

380. *An socius, qui pecuniae summam conferre in societatem debebat neque contulit, interesse etiam debeat?* — R. Affirmat. C. I. 1710., C. G. 1846. Idemque utroque Cod. statuitur, si socius ab area sociali aliquam pecuniae summam sumpsit pro sua particulari utilitate.

381. *Ad quosnam societatis administratio pertinet?* — Administratio societatis ad eum pertinet, cui ea fuit mandata. Illi autem cui administratio data fuit, in ipso societatis contractu, auferri postea non potest, nisi ex legitima causa. Si vero postea data fuit, tanquam simplex mandatum revocari potest. C. I. 1720., C. G. 1856. Si nulli fuit mandata, omnibus tacite permissa censetur. C. I. 1723., C. G. 1859. — Unusquisque vero talem diligentiam rebus communibus adhibere debet, qualem suis rebus. Quapropter si quaedam negligenter egerit et societatem laeserit; alia vero diligenter egerit, et societatem auxerit, negligentia cum diligentia non compensatur, nisi haec fuerit prorsus extraordinaria. C. I. 1714., C. G. 1850. Si quis aliquid exegerit a debitore societatis, qui simul suus debitor est, solum utrique debito pro rata imputare debet; sed si totum societati adscripserit, valet. C. I. 1712. 1713., C. G. 1848. 1849.

382. *Quibusnam modis societas finitur?* — Societas, si nihil speciatim conventum sit, finitur: 1.<sup>o</sup> completo tempore, pro quo inita fuerat: 2.<sup>o</sup> re communi totaliter extincta, finitove negotio: 3.<sup>o</sup> morte naturali vel civili,

interdictione vel bonorum publicatione unius ex sociis: 4.<sup>o</sup> voluntate expressa unius vel plurium sociorum cum societatis duratio illimitata sit, si vero societas ad tempus determinatum sit, dissolutio illius exigi nequit, nisi gravis quaedam ratio adsit, v. g. infidelitas compartis, continua socii infirmitas, qua negotia societatis amplius gerere non possit. Cf. C. I. 1729. 1731.-1735., C. G. 1865. 1867. 1869.-1871., L. 907.

383. *Nota: Societate soluta lucrorum*. Capitale primo loco domino est restituendum, etiamsi nullum reapse lucrum supersit. Sixtas V. B. *Detestabilis* § 2., L. 907., S. Th. 2. 2. q. 78. a. 2. ad 5. Similiter si capitale initio perit, domino perit: siquidem in societate lucrorum non confertur capitale, seu summa pecuniae, sed tantum pecuniae commoditas. L. 907.

384. *An conventio fieri possit quod societas, mortuo socio, cum huius haerede continuetur?* — R. Affirmat. Hoc sane prohibebatur Iure Romano, I.L. 35. 59. C. h. t. Verum Iure Ital. et Gall. admittitur. Neque vero Iure Naturali illicitum videtur. C. I. 1729., C. G. 1868. permanet societas, si convenerit, ut cum superstite, vel cum haerede permaneret. Quamvis vero societas non permaneat cum haerede, tenetur tamen hic perficere ea, quae a defuncto inchoata fuerunt. L. 40. C. h. t., C. I. 1732., C. G. 1868.

385. *An quaelibet rei amissio societatem dissolvat?* — R. 1.<sup>o</sup> Affirmat., si unus ex sociis promiserit proprietatem rei vel eius usum et fructum tantum in commune conferre, et res pereat, antequam conferatur. 2.<sup>o</sup> Negat., si rei proprietas iam fuerit in commune collata. — C. I. 1731., C. G. 1867.

386. *An, societate illimitate quoad durationem contracta, possit quis ab ea pro libito discedere?* — R. Affirmat., dummodo tamen eius repunitio sit bona fide et non intempestive facta. C. I. 1733. 1734., C. G. 1869. 1870.

387. *Quotuplex sit Societatis contractus?* — Contractus societatis diversus esse potest tum *ratione finis*, quatenus proximus finis sit vel solus communis rerum usus, vel solum fructus seu lucrum, vel utrumque; tum *ratione materiae*, quatenus vel omnia bona conferantur, vel solus usus et lucra, vel certorum bonorum aut certae negotiationis lucra; tum *ratione temporis*, quatenus societas initur vel ad vitam, vel ad determinatum tempus, vel ad exitum alicuius negotii. — C. I. 1699. seqq.; C. G. 1835. seqq., L. 907.

388. *De societate universali et particulari.* — Duplex praeterea distinguitur societas, *universalis, particularis*. Universalis esse potest vel omnium praesentium bonorum, vel omnium lucrorum. C. I. 1700. seqq., C. G. 1836. seqq. Si omnium praesentium rerum societas coita sit, omnia bona, quae tunc coeuntium sunt, statim communia fiunt. Quae postea partes acquirunt successione vel donatione, societatem ingrediuntur tantum quoad usum et fructum. C. I. 1701., C. G. 1837. Si vero societas fiat omnium lucrorum, ea tantum complectitur lucra, quae partes acquirunt propria industria, quocumque titulo; bona sive mobilia sive immobilia sociorum communia fiunt tantum quoad usum et fructum, C. I. 1702., C. G. 1838. Societas universalis inita sine alia declaratione, societas non rerum sed quaestuum est, C. I. 1703., C. G. 1839. — Societas vero particularis ea est, quae aliquarum tantum rerum vel operarum contrahitur, C. I. 1705. 1706., C. G. 1841. 1842. Multipliciter fieri potest: 1.<sup>o</sup> si omnes socii capitale conferant et operam; 2.<sup>o</sup> si omnes solum capitale, tertius vero stipendio conductus industriam adhibeat; 3.<sup>o</sup> si alter capitale, alter operam conferat. — L. 907.

389. *De societate inter coniuges.* — Societas seu, potius *communio*, inter virum et uxorem coiri ante nuptias potest, et non nisi ab initio matrimonii initium ipsa capere potest. C. I. 1433. C. G. 1399. Quin imo ex C. G. 1400. ipso Iure coita censetur, nisi aliud fuerit conventum. Huius autem societatis administratio penes maritum est, cui praeterea permissum est res communes alienare ex causa onerosa, C. I. 1433., 1421. Effectus

huius societatis ex Iure Romano est, proprietatem utrique coniugi communem efficere. Sed maritus usufructum habet. L. 539. 542. Eius effectus ex C. I. 1436. est. reddere communes et divisibiles acquisitiones factas a coniugibus unum vel separatim, durante societate seu communione. Ex C. G. 1470. 1474. dissoluta communitate, propria bona et debita indemnitates primum praelevantur, deinde quod superest aequalibus portionibus dividitur inter maritum et uxorem, vel eorum representantes.

390. *De societate inter fratres.* — Inter fratres non censetur facta societas, nisi expresse vel tacite ex coniecturis id habeatur. Unde non quia fratres habent patrimonium indivisum, et de communi mensa vivunt, inter ipsos contrahitur societas, nisi vero omnes in aliquo negotio se exerceant; vel nisi, uno negotiante, alii conferant bona sua... Idque clarius praesumitur, si omnes conferant in commune cuncta bona ad unumquemque spectantia. Hoc tamen intelligitur, quando unusquisque confert etiam bona propria, praeter communia; secus, si tantum unus sua propria bona confert, puta lucra alicuius officii, vel artis, et alii sola bona communia; tunc enim is potest ea sibi compensare... Et ita pariter, si unus maiorem laborem conferat, potest ille plus accipere, iuxta aestimationem sui laboris. Si autem aliquis frater absens negotietur communi nomine ex communibus bonis, intelligitur habere societatem, usquedum admoneatur ab aliis fratribus, velle ipsos divisionem facere; et tunc neque etiam desinit societas pro negotiis inceptis ». L. 907.

391. *De trino contractu.* — *Quid sit?* — Contractus trinus est, quo quis pecuniam conferens paciscitur cum alio socio, ut quidquid eveniat, summa integra sibi restituatur cum lucro certo, minore tamen eo lucro, quod sperare probabiliter poterat: vel est contractus societatis, cui adiunguntur duo alii contractus, nempe assecurationis sortis et assecurationis lucri, seu venditionis spei lucri maioris percipiendi pro minore lucro certo et assecurato. Sic autem instituitur. Contraho, v. gr. cum Petro, pecuniae summam ei tribuendo ad negotiandum. Sed cum spes lucrandi 15. pro 100. mihi affulgeat, et timeam ex alia parte, ne sortem amittam, in eo secundum contractum cum Petro, ei 5. pro 100. erogando, si assecurationem sortis in se suscipere velit. Inito hoc secundo contractu, iam 10. tantum pro 100. mihi lucrandi supersunt. Verum lucrum adhuc minus at certum mallet, quam maius et incertum. Igitur propono socio meo, ut mihi 5. tantum pro 100. tribuat, sed certo refundat, quidquid superventurum sit. Hinc triplex datur contractus, scilicet societatis, assecurationis sortis, et assecurationis lucri. — L. 908., G. 919.

392. *An trinus contractus sit licitus?* — Duplex est sententia probabilis inter theologos. 1.<sup>a</sup> Sententia negat. Ratio est 1.<sup>a</sup> quia sic destruitur societas, cuius natura est, ut pericula sint communia: ergo est verum mutuum: ergo deficit titulus seu fundamentum lucri percipiendi, saltem supra taxam legis pro mutuo: 2.<sup>a</sup> quia, aiunt, opposita doctrina a Sixto V. reprobata est per B. *Detestabilis*, anno 1586. § 1. et per B. S. Pii V. *Onus* § 4. — 2.<sup>a</sup> Sententia communiter affirmat, modo pecunia in negotiatione impendatur. Ratio est 1.<sup>a</sup> quia hi singuli contractus separatim et cum diversis personis sunt de se liciti et iusti; ergo etiam si fiant simul et cum eodem: 2.<sup>a</sup> quia nihil est contra aequalitatem: nam datur compensatio, et periculum a tribuente pecunia aequivalenter sustinetur: 3.<sup>a</sup> quia Benedictus XIV. declarat, in Opere de Syn. dioec. l. 7. C. 1. contractum trinum a Sixto V. non esse damnatum, nec illum damnare intendere. Et in Enc. *Vix pervenit*... dicit, se nolle damnare contractus, de quibus inter theologos disputatur. — G. 919., L. 842. 847. 849. 908., Lugo n. 37.



## XVI. — DE SPONSIONE DE LUDO DE ASSECURATIONE

393. *Quid sit sponsio?* — Sponsio est, contractus, in quo duo vel plures de veritate aut eventu alicuius rei certantes sibi invicem aliquid spondent, ut id eius sit qui veritatem assecutus fuerit. L. 869., Lugo D. 31. n. 73.

394. *An sponsio licita sit?* — Sponsio debitis praedita conditionibus per se licita est. Nihil enim inhonesti continet, neque ulla positiva lege prohibetur. Requisitae autem conditiones sunt: 1.<sup>o</sup> ut non sit circa illicita; contra mores non datur obligatio: 2.<sup>o</sup> ut sit de re dubia quoad utrumque spondentem, secus non datur aequalitas; 3.<sup>o</sup> ut sit aequalitas inter rem, quae spondetur et incertitudinem eventus, ut nempe ille pro quo stat maior probabilitas magis promittat, ille vero pro quo stat minor probabilitas promittat minus; 4.<sup>o</sup> ut uterque rem accipiat in eodem sensu, secus in unum minime convenirent. — L. 869. 870. 878. 879., Lugo D. 31. n. 82. 83. Cf. C. I. 1802., C. G. 1965.

395. *Nota:* Per B. Pii IV. *In eligendis*, prohibentur sponsiones circa dubiam electionem Pontificis, aut super eius vitam et mortem. Gregor. XIV. id per B. *Cogit nos* extendit ad electionem Cardinalium, addita excommunicatione latae sententiae quoad electionem Pontificis, et reservata, etiam extra tempus Sedis vacantis. Et quia huiusmodi sponsiones irritae declarantur, nulla ex eis oritur obligatio. L. 869.

396. *Quid ludus sit?* — Ludus est, contractus, quo ludentes inter se conveniunt de certo pretio victori cessuro. Triplex est 1.<sup>o</sup> *industrialis*, qui potissimum regitur industria ludentium: 2.<sup>o</sup> *aleatorius*, qui praecipue pendet a sorte: 3.<sup>o</sup> *mictus*, qui partim ab industria partim a sorte dependet. L. 871., S. Th. 2. 2. q. 168. a. 2.

397. *An ludus licitus et validus sit?* — Huiusmodi contractus, iure naturae spectato, et si debita adsint conditiones validus et licitus est. Ratio, quia quilibet, dominus rei suae, uti de ea disponere potest eam absolute donando, ita eandem alteri tradere potest sub aliqua conditione, sive ea fortuita sit, sive ex industria pendeat. L. 871. Aliunde vero ludum, quatenus est simplex animi relaxatio, licitum esse, extra omnem controversiam est. Nam sicut corpus quiete indiget ne nimis labore debilitetur, ita anima quiete etiam indiget, ne continua meditatione nimium defatigetur. S. Th. 2. 2. q. 168. a. 2.

Dicitur spectato *iure naturae*. Nam ludo merae sortis iure Canonico prohibentur. Dist. 35. can. 1. Attamen ad laicos quod attinet ius Canonicum, aliud consuetudine iam esse derogatum. Ad clericos vero quod spectat cf. Tr. de statib. Particul. n. 85. seqq. iure Romano ludi quidam, nempe alearum et fortunae prohibebantur. LL. 1. 3. C. de Aleatoribus et alearum usu. Eodem iure qui victis in ludis vetitis erant conveniri non poterant, ut solverent, et si solverint, actionem repetendi habebant. Quare solutio a victo facta irrita non est, sed a iudice irritanda. Lugo D. 31. n. 8. Verum cum hae leges vel poenales erant vel ut poenales habitae sunt usu et consuetudine: hinc, attento iure Romano, probabilissimus est quod laici ludentes ne venialiter quidem peccent. L. 883.-885. — Ex C. A. omnes ludi aleatorii ut illiciti habentur, et declaratur nullam eos parere obligationem. Negatur tamen actio repetendi solutum. — C. I. 1802.-1804., et C. G. 1965.-1967. nullius ludi prohibitio habetur. Nihilominus statuitur, quod lex nullam dat actionem pro exigenda solutione eius, quod propter ludum vel sponsonem debeatur. Exciipiuntur ludi, qui conferunt ad exercitium corporis, cuiusmodi sunt tractatio armorum, cursus sive pedibus sive equo, pilae lusus, etc.:

pro his actio conceditur. Integrum est tamen in his quoque iudici negare actionem, si summa, pro ludo aut sponsione deposita, exorbitans fuerit. Verum si victus libere solverit, nequit solum repetere: dummodo abfuerit fraus aut dolus victoris, et victus non sit minor, aut interdictus, aut inhabilis declaratus.

*Si debita adsint conditiones*, quae quod validitatem sunt: 1.<sup>a</sup> ut quae ludo exponuntur sint propria ludentis, et in eius dominio, atque in eius libera disponendi facultate, secus contractus erit vel nullus, vel rescindibilis, vel saltem irritabilis erit solutio a victo facta, Cf. Lugo n. 28.; 2.<sup>a</sup> ut absit omnis vis et fraus: unde oportet, ut ludentes libere concurrant, et quidem ut inter illos aequalitas moralis sit in spe lucenti, et in periculo perdendi. — Ad licitatem vero requiritur: 1.<sup>a</sup> ne quid inhonestum verbis aut factis admisceatur: 2.<sup>a</sup> ne proximum inde adsit peccandi periculum, puta in blasphemias prorumpendi, vel proximi noementum, puta rei domesticae curam negligendi, impotentem se constituendi ad debita solvenda, familiam alendi, etc.; 3.<sup>a</sup> « ut congruat personae, tempori et loco et secundum alias circumstantias debite ordinetur ». S. Th. 2. 2. q. 168. a. 2. 3. 4., L. 882.

398. *Resolves*: Si quis lucratur exponendo ad ludum pecuniam furtivam, extra quam nil aliud habeat, quod tradat, tunc tenetur restituere lucratum, quia contractus fuit nullus, cum exposuerit pecuniam quam collusor acquirere non poterat. L. 875. Si autem aliam habeat pecuniam, nihil prorsus refert quod pecunia a colludente vel ab alio furatus fuerit. Cum par esset solvendo retinere quidem lucrum poterit, fructus enim est industriae suae: sed obligatio semper manet alteri reddendi, quod ei furto sublatum est.

399. *An teneatur qui restituere quod lucratum est ex filiofamilias in ludo?* — R. Negat., si summa victa filiofamilias sit de eius bonis propriis quorum dominium perfectum habet. Affirmat., si summa victa sit de bonis patris, vel de eius bonis quorum ipse non habet nisi dominium directum. Excepi nisi summa sit parvi momenti, in qua praesumatur patris consensus, qui honestam recreationem nolit filio denegare, aut sit aliqua pars moderata deducta ex alimentis, quae ei pater subministrat, L. 871. 872. 873. « Probabile tamen est, quod eo casu, si filiofamilias nolit solvere amissum in ludo, licite potest exceptionem opponere, nec tenetur solvere, reservando aliquid ex alimentis » L. 876.

400. *An teneatur restituere victor, qui multo peritior est in ludo, ita ut certo praesciat se victorem fore?* — R. Affirmat. multo probabilius: quia deest aequalitas inter ludentes requisita, et proinde iustitia laeditur. Hinc notabiliter peritior a ludo recedere debet, vel aliquid commodi adversario remittere. Ita communius contra nonnullos. Attamen in praxi restitutio non esset urgenda, si de re minoris momenti ageretur; vel etiam quando adversarius sufficienter praemonitus nihilominus pertinaciter ludere voluisset; quia tunc nulla deceptio intercessisset. — G. 947., L. 881.

401. *An secundum legem Romani Iuris teneatur ad restitutionem victor in ludo prohibito, vel ad solvendum in eodem ludo victus?* — R. ad 1.<sup>am</sup> Negat. ante sententiam iudicis, quia leg. positiva non declaratur irritus contractus, sed tantum *illicitus* et datur victo actio ad repetendum. — Ad 2.<sup>am</sup> Prima sententia valde probabilis affirmat. Ratio, quia iure naturali contractus fuit validus, et ideo victus illi tenetur stare donec iudicialiter exceptionem opponat, vel petat restitutionem. Secunda sententia probabilior negat. Ratio, quia lex dando ius victo ad se defendendum exceptione vel repetitione soluti, dat etiam ius absolutum ad non solvendum. Ad quid enim tenetur quis solvere, si potest solum statim repetere? L. 887.-894.

402. *An sit validus, si magna pecuniarum summa una vice exponatur?* — R. Affirmat., per se, probabilius, si conditiones requisitae serventur, id est prae-

sertim, si ludentes de bonis suis libere et pleno disponere valeant, sine detrimento familiae, creditorum, etc.,... quia ludentes aequè periculum subeunt scientes et volentes; ac proinde nulla est iniustitia. Sed facile deficient praefatae conditiones; et aliunde etiamsi talis ludus non esset contra iustitiam, saltem honestati adversatur: unde prudens confessarius per modum satisfactionis iniungere, si opportunum videatur, posset poenitenti victori, ut partem aliquam lueri in usus pios impendat. Antoine c. 11. qu. 5. Gousset n. 889., Bouvier. Attamen, cum haec sententia non sit certa, non videntur inquietandi in tribunali poenitentiae illi, qui nolent solvere magnam summam, quam amisissent. Ita recte Gousset, ib. Favet huic sententiae C. I. 1803., C. G. 1866. — L. 735., G. 949.

403. *An ad restitutionem teneatur qui ludens fraude utatur?* — « Non tenetur restituere, qui utitur astutiis illis, quas regulæ lusus, et consuetudo recepta patitur, cum uterque sciat tales astutias esse solitas, et sic tacite in illas libere consentiat: v. g. 1.<sup>o</sup> Si potiores chartas habens et securus de victoria, augeat sponsonem, vel simulet metum, ut adversarius augeat; 2.<sup>o</sup> Si sciens se inferiores chartas habere, dissimulet, augeatque sponsonem, ut se relinquatur sibi quod erat appositum; 3.<sup>o</sup> Si inspiciat chartas alterius, ex sola ipsius negligentia, et absque fraude: secus, si ita se collocet ut possit videre, vel si alium constituat a quo admoneatur; 4.<sup>o</sup> Si chartas a tergo disceat nosse inter ludendum, quas ante non signarat, nec noverat. — Qui vero utitur fraudibus non adhiberi solitis, vel colludenti ignotis: v. g. sufflatur chartas, vel signis a tergo notat, vel utitur notatis, aut iis quas ante novit, ignorante socio, vel arte quadam eas componit, etc., tenetur restituere non tantum lucrum, sed etiam quantum alteri valebat spes lucrandi, imo etiam colludendi ». L. 882. 877.

404. *An si quis cogat iniuriose alterum ad ludendum possit postea retinere quod lucratur?* — « Prima sententia negat: quia damnum ex iniuria secutum omnino est restituendum... Secunda vero sententia affirmat posse retinere: quia tunc non coactio, aut ludus, sed potius casus, aut peritia cogentis fuit causa damni... Haec sententia, per se loquendo, mihi probabilior est: nisi collusor qui coegit superaret coactum in peritia ludendi; eo enim casu sentio teneri ad restitutionem saltem partis lucrati, iuxta mensuram peritiae, qua praecelleret alteri. Ratio, quia contractus ille, non obstante iniuria metus incenssi, fuit satis utrinque voluntarius, et validus, iuxta communiorē sententiam relata, n. 717... Dixi, *per se loquendo*, nam, si metum passus petat restitutionem pecuniae amissae, recte docet Less. teneri incontinentem metum lucratum restituere, iuxta dicta, n. 717 ». L. 880. Cf. etiam G. Cas. 1025., S. Th. 2. 2. q. 32. a. 7. ad 2., etc.

405. *Quid vero, si ille cogat tantum per preces importunas?* — « Sauch. etc., adhuc tenent non posse retinere. Sed longe probabilius contradicunt Less. etc., quia preces non tollunt voluntarium, sicut nec minae; ut ex communi asserit Bus. cum Bann. et Molina ». L. 880.

406. *De loteria. — Quid sit?* — Est contractus, quo ad certam rem vel ad certum pecuniae summam, in medio positam, pluribus pecuniam solventibus sortiendo ius acquiritur; unde, sortitione facta, quidam totum aliquod praemium propositum, quidam partem, quidam nihil habeant. G. 942.

407. *An loteria sit licita?* — R. Affirmat. *per se*. Nam loteria spectari potest ut emptio rei incertae, seu spei et iuris ad certum praemium sortitione acquirendum. Atqui, ut licet pro rei alienius periculo pacisci, ita etiam licet rem incertam emere. Dicitur *per se*: nam *per accidens* ex extrinsecis circumstantiis illicita evadere potest, e. g. si inde familia in miseriam esset conuerenda. G. 943.

408. *Quoniam sint servandae conditiones in loteria, ne illicita evadat?* — Prima conditio est, ut nulla sit fraus in schedulis educendis, nec



in praemio solvendo quod obtigerit. — Secunda conditio est, ut proportio servetur inter parvitatem pretii cum magnitudine incertitudinis et simul cum magnitudine praemii, et, in loteria publica quae constanter repetatur, cum magnitudine periculi, cui dominus loteriae obicitur, ut possit semper facere satis futuris victoribus. — Sunt qui tertiam addunt conditionem, quod nempe lucrum in loteria non excedat illud quod in honesto negotio habetur, si in eo pecunia impenderetur. Verum haec conditio nulla constat ratione, siquidem tunc illicitum esset lucrum, quolibet aleatorio contractu perceptum, et generatim ludo perceptum. Horum enim contractuum hoc proprium est, ut incerta sors interveniat, cui sponte contrahentes se subiciunt, et, sorte favente saepe fit, ut lucrum quis brevi tempore percipiat, quod etiam longo tempore propria industria non pareret.

409. *De ludis bursae.* — *Quid sint?* — *Ludi bursae* vulgo appellantur negotiatoriae et mercatoriae quaedam operationes, quae in foro argentario, orinarie fiunt per mediatores, qui *agentes cambii* vocantur. *Ludi* appellantur quia venduntur et emuntur tituli publicorum reddituum, qui pro variis societatis et guberniorum circumstantiis varium habent valorem, unde praedictae operationes aleatoriae sunt; et sponsio quaedam intercedit de huiusmodi *valorum* varietate, de aucto nempe vel imminuto eorum pretio. *Ludi* autem *bursae* dicuntur a publico loco, seu foro argentario, qui *bursa* appellatur.

410. *An ludi bursae liciti sunt?* — Varii ludi bursae magis vel minus complexi ad sequentes simplices mercatorios et negotiatorios contractus reducuntur.

1.<sup>o</sup> Emit quis titulum e. g. 1000. libellarum pretio currenti, et numerata pecunia 900. libellarum. Annuus tituli redditus est 50. libellarum, ratione nempe 5. pro 100. Per dies, per menses, per annum, per plures annos percipit emptor praedictum redditum. Nihil sane illiciti hac in re adest, est enim simplex quaedam emptio venditio, vel simplex census consignativus, vel simplex constitutio redditus. Si vero emptor, bona oblata et capta occasione, quod auctum sit pretium publicorum reddituum, titulum illius redditus annui 500. libellarum pretio currenti et numerata pecunia vendat 1100. libellarum, ingens quidem percipit lucrum, sed iterum nihil hac in re illiciti est, est enim simplex quaedam venditio, et lucrum debetur ex immutato titulum pretio in foro. Ac, si quis lucrum hoc intendens, plures emat reddituum annuorum titulos pretio currenti et numerata pecunia, cum pretium infimum est, ut eos revendat numerata pecunia cum pretium summum est; negotiatio proprie habetur, quae per se nihil habet illiciti.

2.<sup>o</sup> Si quis emat iterum titulum annui redditus 50. libellarum pretio currenti 900. libellarum, non numerata pecunia sed credito ad terminum e. g. ad quindecim dies, ad mensem, tunc aut titulus statim datur, aut non nisi adveniente termino, seu die fixa. Si primum, non habetur nisi emptio quaedam *credito* facta, qua lucrari potest emptor, si constituta die crescat valor tituli, vel e contra lucrari potest venditor si constituta die tituli valor decreseat. Nihil quidem illiciti hac in re est; verum si venditor interim exigit legale pecuniae interesse donec pretium solvatur; id iure facere potest siquidem interesse non est, ut emptor rem et pretium sibi retineat, utriusque fruatur utilitate. Intercedit tunc simul venditio emptio et mutuum, vel simplex mutuum. Si alterum verificatur, tunc aequale est pro emptore et venditoris periculum detrimenti, aequalis item pro utroque spes lucri, nam interim tituli valor potest crescere, et potest decrescere, adveniente igitur die, qua venditor titulum, emptor pretium tradere debet, si valor tituli crevit lucrum erit emptoris, si valor tituli decrevit lucrum e contra erit venditoris. Cum ergo utrinque aequalitas servetur, nihil hic illiciti per se habetur.

3.<sup>o</sup> Venditor et emptor contractum item ad terminum seu ad diem efficiunt, verum venditor titulum in praesenti non tradit emptori, neque se

obligat ad titulum emptori tradendum, adveniente die. Similiter emptor neque tradit venditori pretium in praesenti: neque se obligat ad pretium tituli tradendum venditori adveniente die, seu termino constituto contractus. Venditor igitur et emptor se obligant ad tradendam adveniente die dumtaxat *differentiam* valoris seu pretii tituli in praesenti, seu hodie, et valoris seu pretii eiusdem tituli constituta die. Est igitur quaedam sponso, in qua iterum aequale periculum, aequalis spes est pro venditore et emptore. Etenim, si adveniente die, crevit valor seu pretium tituli, emptor lucratur hanc valoris differentiam, sibi tantum a venditore sine titulo tradendam. Si vero decrevit valor tituli lucratur tunc venditor illam valoris differentiam, quam sibi tantum emptor tradere debet, sine reliquo tituli pretio, excessum nempe prioris pretii constituti, die contractus, prae illo alio pretio inferiori quod titulus obtinet, die statuta. Quare neque aliquid illiciti per se hic habetur, quemadmodum nihil illiciti haberetur in simplici contractu sponsonis incrementi valoris tituli ex parte emptoris, qui illum augendum sperat, et ideo emit; et imminutionis valoris tituli ex parte venditoris, qui illam timet, et ideo vendit.

4. Emptor emens titulum, eius pretio partim tantum et statim soluto, ad terminum seu ad diem, ius sibi reservat, adveniente die aut exigendi executionem contractus, aut a contractu resiliendi, relicto venditori pretio illo iam dato. Cum ius quod venditor concedit emptori sit pretio aestimabile, iustus hic contractus est, si pretium sit proportionatum. Proportio huius pretii ex variis pendet circumstantiis, et ex vario venditum et ementum concursu.

5. Relatio mercatoria, seu reportus, species quaedam est retrovenditionis. Ea consistit imprimis in vendendis pretio currenti inferiori, statim soluto, titulis quibuscumque, qui in foro argentario veneunt, iisdemque statim redimendis pretio solvendo ad terminum, seu ad diem, sed altiori. C. I. Comm. 73. — Nulla hic etiam apparet per se illiceitas nam habetur duplex venditio eiusdem rei, vel venditio rei cum eius immediata retrovenditione, et si debita servetur pretii aequalitas, nulla sane est iniustitia. In secunda venditione seu in immediata illa retrovenditione, res venditur quidem ad terminum pluris quam empta fuerit. Sed id ex eo provenit, quod intra breve tempus pretium horum titulorum secundum communem estimationem mutatur. Ex eo autem quod res est probabiliter valitura die constituta venditor normam pretii sumere potest. Quare secunda haec venditio, seu retrovenditio contractus est aleatorius, quo tum vendens tum emens lucrari potest, si nempe pretium tituli adhuc magis, die constituta, creverit, quam pretium a venditore praevisum et ab emptore solvendum. G. Cas. 946-950.

411. *Quid sit assecuratio?* — « Contractus assecurationis est, quo quis alienae rei periculum in se suscipit, obligando se vel gratis, vel pro certo pretio et cum compensandam, si perierit. Quod si gratis fiat est gratuita sponso, si pretio est quasi emptio, qua assecurans vendit suam obligationem praestandi alteri rem eius indemnem. Ad eius iustitiam requiritur, ut eventus rei sit incertus utrique saltem quoad notitiam quam de eo habent, qui, alioquin non servatur aequalitas ». L. 911. Propter eandem rationem requiritur item ut pretium sit periculo proportionatum. G. 941., Lugo D. 31 n. 97., C. I. Comm. 429, 430.

De assecuratione agitur in Cod. Commerciali, ea enim prout obiectum commercii consideratur: unde nihil de ea in Cod. Civ. Ex C. I. Comm. 417, assecuratio est contractus quo assecurator se obligat, mediante praemio, ad resarcendam tributam et damna, quae assecurato provenire possunt ex certis casibus fortuitis, aut ex ei maiore, cui nempe resisti non potest, aut solvere summam periculi secundum durationem vel eventus vitae unius sive plurium personarum. Haec bona omnia immobilia et mobilia et ipsa vita

assecurari potest. — Assecurationis contractus in scriptis fieri debet, C. G. 332.

412. *Resolves*: 1.<sup>o</sup> Si assecurans certus sit rem iam esse in tuto inique pretium petit, et tenetur restituere. Si assecuratus certo sciat, rem iam perisse non potest pacisci de eius assecuratione. Itemque si ipse in causa fuit ut res periret ad obtinendum assecurationis praemium, ad restitutionem tenetur. L. 911

413. *Obligaciones assecurantís*. — 1.<sup>o</sup> Assecurator persolvendo esse debet, C. I. Comm. 433., C. G. Comm. 346. Assecurator autem efficere potest, ut alter eius sponsonem assecuret. C. I. Comm. 422., C. G. Comm. 342.

2.<sup>o</sup> Assecurator praestare debet detrimenta et damna, quae ex casibus fortuitis aut ex vi maiore assecuratis rebus contingant: minime vero praestare debet detrimenta et damna, quae oriuntur ex vitio inherente rei, quod non fuit declaratum, neque ea quae debentur actioni aut culpae assecurati, vel eius nomine agentium, vel agnatorum, aut cognatorum, qui in instrumento nominantur, neque praestare damna ex bello producta, aut ex populari tumultu, nisi contraria extiterit conventio. C. I. Comm. 434. Cf. C. G. Comm. 348. 350. seqq.

3.<sup>o</sup> Assecratio ab incendio omnia complectitur damna ab incendio illata, a quacumque causa ipsum fuerit productum, excepto quod provenerit ex culpa gravi imputabili personaliter ipsi assecurato, et excepto casu belli, aut tumultus popularis. C. I. Comm. 441.

4.<sup>o</sup> Assecurator liberatur ab obligatione solvendi, quando per actum assecurati pericula mutantur: aut aggravantur, mutatione alicuius circumstantiae essentialis, ita ut assecurator non dedisset consensum, si ea ab initio extitisset. C. I. Comm. 432.

5.<sup>o</sup> Si tertius damnum intulit, assecurator qui damnum resarcivit actionem habet in illum.

## XVII. — DE FIDEIUSSIONE DE PIGNORE DE TRANSACTIONE

414. *Quid sit fideiussio?* — « Fideiussio est contractus, quo quis alienam obligationem suscipit implendam, si debitor principalis non solverit ». L. 912., C. I. 1898. seqq., C. G. 2011 seqq., C. A. 1344. seqq.

415. « *Pro fideiussione licet accipere pretium, etsi nullum periculum timeatur: quia ex se pretio est aestimabilis. Est commune et omnino videtur tenendum* ». L. 912.

416. *Fideiussor nequit plus et in plus obligari, quam debitor principalis*. Inst. tit. 21. § 5., C. I. 1900., C. G. 2013. — Fideiussio pro obligatione invalida debitoris principalis invalida est. Reg. 42. in 6.<sup>o</sup> Valida vero est pro obligatione, quae sit rescindibilis, sed valida, e. g. in casu minoris aetatis, C. I. 1899., C. G. 2012., L. 912. « Ac ne illud quidem interest, utrum civilis, an naturalis sit obligatio, cui adiecitur fideiussor ». Inst. tit. 21. § 1. — Fideiussionis obligatio, quatenus *realis* est, ad ipsos haeredes transmittitur: minime vero quatenus est *personalis*. Inst. tit. 21. § 2., C. G. 2017.

417. *Nemo fideiussor esse potest, nisi liberum bonorum administrationem habeat, et principaliter obligari non possit*. — Tales sunt pupillus, minor, Religiosus, uxor, interdictus, sine consensu tutoris, superioris, mariti, iudicis. Requiritur praeterea ex C. G. ut fideiussor habitet in territorio curiae regiae, ex C. I. curiae appellationis, ubi fideiussio praebenda est. C. I. 134. 1904., C. G. 2018., L. 912. — Indulgere fideiussionibus clericis interdicitur,



ne saecularibus negotiis implicentur. C. 1. *de Fideiuss.* Fideiussiones autem si fecerint, satisfacere tenentur.

418. *Fideiussor tenetur ergo creditores de omnibus obligationibus debitoris*, sed solummodo in illius defectu, seu impotentia et quidem iuridice probata, C. I. 1907., C. G. 2021., L. 912.

Ex C. I. 1911.-1913., C. G. 2025.-2027., si plures sint fideiussores unius debitoris pro eodem debito, quilibet pro integro debito obligatur. — Nihilominus quilibet ex ipsis nisi beneficio divisionis renuntiaverit, potest exigere, ut creditor dividat antecessenter actionem suam, postulando a singulis partem suam. — Si quum aliquis fideiussor divisionem petiit, quidam tunc solvendo non erant, ille ad partem tenetur, ratione quoque habita huius deficientis solutionis; sed exinde etsi aliae solutiones deficient post divisionem, nequit is amplius inquietari. — Si tamen creditor ipse libere dividerit suam actionem nequit amplius ab ea recedere; quantumvis ante hanc ipsam divisionem, essent quidam fideiussores non solvendo.

419. *Fideiussor qui pro debitore solvit, omnibus creditoris iuribus subrogatur*, et proinde recursus in eundem debitorem habet, ut ab eo repetat quidquid eius loco solvere coactus est. Inst. tit. 21. § 6., C. I. 1915. 1916., C. G. 2028. 2029., L. 912.

Ex C. I. 1919. 1920., C. G. 2032. 2033 pluribus fideiussoribus eiusdem debitoribus pro eodem debito extantibus, qui debitum solverit actionem habet adversus alios fideiussores, singulos pro sua parte. Haec tamen actio in quibusdam tantum casibus competit. — Cf. Inst. tit. 21. § 4., L. *Fideiussoribus* Dig. *de Fideiussoribus*, etc., L. 11. C. *de Fideiussoribus*.

420. *Fideiussores dari possunt quoque in causis criminalibus*, aut civiliter actis, aut etiam criminalibus, dummodo poena non sit alia quam multa pecuniaria, quam potest solvere aut debitor principalis, aut fideiussor. De Angelis, Praelect. Iur. Canon. 1. 3. T. 22. n. 1.

421. *Quid sit pignus?* — Pignus est contractus quo debitor rem mobilem creditori obligat in assecurationem crediti. *Rem mobilem*, si enim *rem immobilem* obligat, hypotheca ex recentiori iure est. C. I. 1878., C. G. 2072. Ex iure Romano, licet pignus et hypotheca in sensu latiori pro eodem sumantur, ut L. 5. § 1. ff. *de Pignor. et Hypoth.*; in sensu strictiori tamen differunt, nam *pignus* significat rem ita consignatam creditori ut physice penes creditorem existat; *hypotheca* autem significat rem non extraditam, sed solum transcriptum credituri, ut expresse habetur L. 9. § 1. ff. *de Pignorat. act.*; ubi dicitur: Proprie autem pignus dicimus quod ad creditorem transit, hypothecam autem cum non transit, nec possessio ad creditorem. — L. 913.

422. *Creditoris iura.* — Ius creditor 1.<sup>o</sup> habet retinendi pignus usque ad totius debiti extinctionem. C. I. 1878. Unde potest illud sibi ablatum a quovis possessore vindicare.

2. Postulare potest a iudice, ut sub hasta pignus vendatur, si debitum non solvatur, vel ut apud ipsum maneat in solutionem debiti, usque ad debiti concurrentium, secundum existimationem peritorum. Quodlibet pactum quod tribuit creditori auctoritatem sibi appropriandi pignus, aut de eo disponendi sine praescriptis formalitatibus, nullum est. C. I. 1884. 1894., C. G. 2078. 2083., C. 7. *de Pignor.* Haec tamen lex innititur facti praesumptione quod pignus pluris valeat. Quare cessat in foro conscientiae, si pignus revera non pluris valeat. — L. 775.

3. Si res in pignus tradita sit penes creditorem vel penes tertium, a contractibus electum, creditor privilegium habet, ut ex ea debitum sibi solvatur ante alios creditores. Si tamen res valeat ultra 500. libellas ex C. I., ultra 150. fr. ex C. G., vel si in pignus tradita sint iura incorporalia crediti, quaecumque ipsa sint, publica vel privata scriptura opus est. — C. I. 1879. seqq., C. G. 2073. seqq., C. A. 1368. 1369.

4.<sup>o</sup> Creditor tenetur pignus aut hypothecam restituere debitori solventi integram sortem seu debitum non tamen solventi solam partem. Unde, si pignus, aut hypotheca, per testamentum, actionem, aut contractum ad plures creditores deveniat, et unus ex his illud apud se retineat, non potest illud restituere debitori, licet ab eo partem sibi debitam acceperit, sed tenetur illud consignare reliquis creditoribus, quibus nondum est satisfactum. Itemque si debitum per testamentum ad plures deveniat, haeres qui partem suam solvit, non potest pignoris restitutionem repetere, nisi alii etiam debito plane satisfecerint. Quin imo nec toto debito soluto tenetur creditor pignus restituere, si quid aliud sine pignore deberi coepit post pignus illud acceptum, quod exigi possit ante prius debitum solutum. — C. I. 1888. 1889., C. G. 2082. 2083. 2087. 2090.

423. *Creditoris obligationes.* — Debet 1.<sup>o</sup> creditor non uti re sibi credita, nisi de consensu debitoris, saltem rationabiliter praesumpto. « Praesumitur autem dominus consentire, si nullum damnum ei sequatur ». L. 914. 776. — Si vero creditor pignore abutatur, huius sequestrum debitor petere potest. C. I. 1887., vel eius restitutionem, C. G. 2082.

2.<sup>o</sup> Diligenter pignus custodire debet tanquam bonus paterfamilias, secus de damno tenetur. L. 14. *de Pign. actio.* Cum pignus datur pro securitate creditoris, et pro utilitate simul debitoris, creditor circa illud tenetur de culpa levi. Quare praestare debet creditor amissionem aut detrimentum pignoris, quod sua negligentia acciderit. C. I. 1885.

3.<sup>o</sup> Fructus ex pignore perceptos in debiti diminutionem debet computare ad aequalitatem servandam. C. I. 1886., C. G. 2081., L. 914.

4.<sup>o</sup> Non potest pignus sibi appropriare, neque potest vendere propria auctoritate in solutionem debiti. C. I. 1884., C. G. 2078. 2088. 2115., L. 775. 913.

424. *Debitoris iura.* — Vi contractus *pignoratitii*, aut *hypothecarii* debitor manet plenus dominus seu proprietarius et usufructuarius rei oppignorate aut hypothecatae.

425. *Debitoris obligationes.* — Debet 1.<sup>o</sup> debitor tradere debitori pignus idoneum.

2.<sup>o</sup> Refundere creditori expensas necessario factas ad illius conservationem. C. I. 1885.

3.<sup>o</sup> Pignus non repetere priusquam integrum debitum solverit; nisi eo creditor abutatur. Tunc enim petere potest, ut sub sequestro ponatur.

426. *Quid sit hypotheca?* — Est contractus, quo res immobilis creditori obligatur ut ex illa sibiolvere possit, si debitor non solverit. Hypotheca est indivisibilis, et integre subsistit super omnia bona obligata, et quodlibet eorum, et quamlibet eorum partem. Ipsa praeterea inhaeret bonis, eademque apud quemlibet possessorem consequitur. C. I. 1964., C. G. 2114. Ex C. G. 2115. hypotheca locum non habet, nisi in casibus et secundum formas a lege praescriptas. Ex C. I. 1965. Effectum hypotheca non parit, nisi publicetur, et subsistere non potest nisi super bonis specialiter indicatis et pro certa pecuniae summa.

427. *Quotuplex sit hypotheca?* — Triplex distinguitur hypotheca. C. I. 1968., C. G. 2116., C. A. 449. Prima est *legalis*, quae ex C. G. 2121. ab ipsa lege inducitur in favorem uxorum, minorum, interdictorum, communitatum super bona mariti, tutorum et administratorum. Ex C. I. 1969. ea competit uxoris, minoribus, interdictis. Ea praeterea competit cohaeredibus, sociis et aliis condidentibus, super bona haereditatis, societatis, communionis. Itemque competit statui super bona damnatorum pro expensis iustitiae in materia criminali aut politicae, et venditoribus aut aliis alienantibus, super immobilia alienata pro adimplentione obligationum derivantium ex actu alienationis. — Secunda est *iudicialia*, quae ex iudicis sententia resultat, in gratiam illius qui sententiam obtinuit contra eum qui causa cessit; vi

enim illius sententiae bona damnati pro damno compartis victricis reparando hypotheca gravantur. C. I. 1970., C. G. 2123. — Tertia est *conventionalis*, quae potest a mutua contrahentium voluntate. Ex iure positivo personas hae requiruntur habiles ad contrahendum, formalitatibus, sub poena nullitatis, a quo praescriptis fieri debet, ac non nisi in bonis praesentibus fieri potest. C. I. 1974, 1975, 1977, seqq., C. G. 2124, 2127, 2129, 2130.

428. *Quaenam bona hypothecae subici possunt?* — 1. Bona immobilia, quae sunt in commercio cum omnibus accessoriis, quae habentur, ut immobilia; 2. usufructus eorundem bonorum cum eorum accessoriis, excepto usufructu legali ascendentium; 3. iura conceuentis et emphyteutae super bona emphyteutica; 4. redditus super obligationes Status. C. I. 1967. Cf. C. G. 2118., C. A. 448.

429. *Iura hypothecaria.* — Creditor hypothecarius hoc habet proprium ius, ut ex bonis hypothecatis prae caeteris communibus creditoribus ipsi satisfiat. C. I. 1964., C. G. 2114. Quare si debitor res hypothecae suppositas inter plures alienavit, quisque cogi potest ut vel accepta re cedat, vel integrum debitum solvat. C. I. 2013, 2014., C. G. 2167, 2168, 2169.

430. *Quid sit antichresis?* — Contractus est, quo res immobilis, ita obligatur creditori, ut illi tradatur, et faciatas ipsi fiat percipiendi illius immobis rei fructus; perceptus vero fructus debeat ipse imputare in suum creditum sibi solvendum, nempe in solutionem sortis et interesse. Quare debitor caret proprietarius dumtaxat rei non autem etiam usufructuarius. C. I. 1891., C. G. 2071, 2072, 2085, 2114., C. I. 2. *de Usus*. L. 776, 916.

431. *Creditoris obligationes.* — Creditor tenetur rem sibi traditam custodire diligenter uti suam; solvere annua tributa eidem inhaerentia, nisi contraaria conventio inita sit, aliasque necessariae expensae, sed cum iure compensationis ex fructibus rei fructibus. C. I. 1812., C. G. 2086. — Nullum antichresis reale ius creditori tribuit, propter non solutum debitum. Omne contrarium pactum nullum est. C. I. 1894., C. G. 2088.

432. *Debitoris obligationes.* — Non potest debitor redire in fruitionem rei immobilis in antichresim datae antequam integre debitum solverit. In potestate tamen est creditorem ab antichresi quandocumque descendere et rem suo domino restituere, nisi huius iuri renuntiaverit. C. I. 1893., C. G. 2087.

433. *Quid sit transactio?* — Transactio contractus est, quo partes contrahentes finem imponunt, mutuo consensu, *liti* alicui, quae vel iam intra ipsas facta sit, vel quae praevideatur nascitura. — Nemo transigere potest nisi habuit facultatem disponendi de rebus, quae sub transactione cadunt; nec tunc transigere nequeunt super bonis minorum, nisi in casibus a lege permissis. Transactio vim habet rem ultimo diiudicandi, unde nequit amplius impugnari neque causa laesivae neque ignorantia iuris. — Transactio nulla erit, si facta fuerit super re nulli controversiae obnoxiae, sive rei controversae tunc fuerit iam ultima tribunalium sententia, quod ignoratur, sive quia facta fuerit super documentis quae deinceps falsa agnita fuerint. — Transactio rescindibilis est, si novum documentum manifestet aliterum non tam rectum habere ius, vel si error adfuerit in persona, vel in qualitate personae, vel si error adfuerit alicuius *facti*, ex quo titulus nullus erit, autem vero cum hic nullus erit ex aliqua *lege* quae ignoratur, vel quodammodo interrenerit dolus aut vis. — C. I. 1764, 1765, 1772, 1773, 1774, 1776, 1777., C. G. 2044, 2045, 2052-2057. Goussier in h. a.

434. *Notae.* Dum res dubia non sit potest tamen dominus rei ad finiendam rem transactionem, transactio tamen tunc non valet in foro conscientiae, sed quatenus de iure valet. — Quantum autem in transactione cuique sit obligandum, ex alicui rei alicui probabilitate cuiusque iuris diiudicandum est.



435. *Rebus ipsis.* — Interius hactenus de contractibus in specie, et primum de contractibus gratuitis, de promissione, de donatione, de testamento, de mandato, de deposito, de mandato. Interius hactenus de contractibus onerosis, de venditione et emptione, de censu, de locatione et condictione, de contractibus societatis. Tactum hinc dirigitur de contractibus aleatoris, de sponsione, de iure, de assumptione. Postremo vero dirigitur de contractibus successuatis, de fideiussione, de pignore et hypotheca de transactione.

## XVIII. — DE INIUSTITIA

### *De iniustitia in genere*

440. *Iniustitia appellatur iniustitia.* — Eritur huiusque de iniustitia agimus nomen de iniustitia, quae est vitium oppositum virtuti iustitiae. Iustitia dicitur virtus, bonum transgressionem continetur: carum grave vel leve peccatum est, prout graviter vel leviter laedit communis bonum. Iustitiae distributivae et commutativae transgressio peccatumque iniquitatis habetur, per quam in distributione bonorum commutativam et meritis praemiorum et poenarum, non attenditur ratio causae, sed meritum iustitiae, sed non personae, bonis nempe qualitatem ad rem non pertinetur, e. g. consanguinitas, amicitia, utilitas, etc. Ea grave vel leve peccatum est secundum rem et quae agitur, et sui generis meriti ad officia boni secularia, e. g. gubernativa aut iudicia, grave est peccatum, iustitiae tandem commutativae transgressio carum proprie continetur.

441. *Quid sit iniuria?* — Illud in intercessionem meritorium est, quod aliud est offensae simplex, seu pars, et aliud est iniuria. Offensa simplex est laesio, vel irritatio voluntatis alienae, quae quis alteri contra eius voluntatem molestiam infert, et quasi res aliquod trahit ad iram, indignationem, vel aversionem adversus offensum: non tamen aliquod ius proprium laedit, sed, si tunc animus perire committitur librum, qui de valde indignus, et tu facile curare potes, desuper amicum procul duci solentis, et sui ipsi sufficiens meritum aversionis: non tamen inferis iniuriam: quia nullum eius ius laedis. Unde ex iniustitia non obligaris ad satisfactionem, sed solum ex virtute caritatis, et pacis humanae ad conciliationem, amicitiam. *Iniuria vero est voluntaria laesio iuris alterius, seu actionis.* Aliiter dicitur, quae nempe aliquid quis faciat scilicet volens non solum contra voluntatem, sed etiam contra meritum, et servare ius alterius. Parum talis iniuria potest quatenus non sit aliqua domus alterius, et tunc dicitur *domus* et *domus*: quodis continetur, si committis actionem voluntariam, unde suscepta prae: non in tali casu laedis ius alterius, non tamen causas laedere: unde ad satisfactionem sed non ad restitutionem tenetis. Quatenus autem iniuria fit cum laedere alterius et laedere meriti domus: talis contingit, si adulterium committis, suscepta prae: unde tenetis ad restitutionem seu ad reparationem damni. — L. 584.

442. *Quoniam sit iniuria alterius?* — Iniuria bonum habere potest 1.<sup>o</sup> in bonis damnae et honoris, de qua sermo est in S.<sup>o</sup> Dec. Praed. 2.<sup>o</sup> in bonis corporis et vitae, de qua agitur in S.<sup>o</sup> Praed. Dec. 3.<sup>o</sup> in bonis fortunae, de qua hic patissimum est quaestio.

443. *Quotuplex sit iniuria in bonis fortunae?* — Est patissimum triplex, nempe factum, rapina, et simplex appropriatio. Furtum proprie est accipere aliquid rei alienae, domino rationabiliter merito, ut illud communiter defendant tibi, post S. Th. 2. 2. q. 66. a. 3. Furti melius participat, adeoque ad furtum reducuntur, acceptio etiam rei alienae de alio

ablatae, vel simplex rei alienae *detentio*, nam « detinere id quod alteri debetur eandem rationem nocuementi habet cum acceptione iniusta » S. Th. 2. 2. q. 66. a. 3. *Rationabiliter invito*, secus alterius ius minime violatur. Rapina autem est *ablatis rei alienae per vim, seu violentiam personae illatam facta*, ut dicitur L. 1. Cod. de *Vi bonorum raptorum*. Unde rapina furto superaddit iuxta thth. speciem peccati iniustitiae distinctam, eo quod domino videnti, et rem suam servare volenti, vis, et iniuria personalis inferatur. *Damnificatio simplex* tandem est, quando domino rationabiliter invito aliquid damnum inferitur absque eo, quod a damnum inferente aliquid accipitur. — L. 518.

440. *Scienti et plene simulque iuridice consentienti non fit iniuria.* — Prob. 1.<sup>o</sup> ex Reg. 27.<sup>a</sup>. Iuris in 6.<sup>o</sup> ubi expresse dicitur: *Scienti, et consentienti, non fit iniuria, neque dolus*. Et Reg. 145.<sup>a</sup> ff. de *Requisitis Iuris*: *Nemo videtur fraudare eos, qui sciunt, et consentiunt*. 2.<sup>o</sup> Quia ille, qui iuridice consentit, habet iuxta leges humanas, et divinas, legitimam potestatem consentiendi: ergo hoc ipso, quod in aliquam actionem plene, et perfecte consentiat, talis actio ei non est iniuriosa. — S. Th. 2. 2. q. 59. a. 3.

441. *Scienti et libere consentienti sine iure valide consentiendi fit iniuria per actionem, quae cunctoquin est ipsi iniuriosa.* — Prob., quia hoc ipso, quod consensus iure sit invalidus, in aestimatione morali est nullus; adeoque taliter consentienti aequae fit iniuria, ac si consensus abesset. — Dicitur autem *sine iure valide consentiendi*: nam, si aliquis consensus iure esset solum prohibitus, non vero irritus, et invalidus, adhuc esset efficax in aestimatione morali, et consequenter tolleretur ius activum, et iniuriam; sic licet defloratio virginis extra matrimonium, et consensus in eam sit prohibitus, si tamen virgo in eam consentiat, nulla ei fit iniuria, et solum peccatur contra castitatem. — S. Th. 2. 2. q. 59. a. 3. ad 3.

442. *Resolves*: Iniuria fit clerico, licet iste consentiat in pertractionem ad tribunal saeculare, aut in sui percussionem; quia non potest valide, et efficaciter cedere iuri collato in favorem totius status clericalis. Iniuria item fit marito, licet iste consentiat in adulterium suae uxoris; nam talis consensus propter reverentiam sacramenti, et indissolubilitatem matrimonii, iure divino est invalidus. Cf. pr. 50. d. ab Innoc. XI. « Id summum ex consensu (coniugis) efficietur, ut coniux in alterius adulterium consentiens querelam super iniuria ab adultero sibi illata instituere non possit, cum actione adversus eum ultro ipse se spoliasset videatur ». Ithur. Cas. 6. n. 16.

443. *Iniuria fit consentienti ex errore, metu, aut necessitate.* — Prob. quia hoc ipso, quod consensus fiat ex errore, metu, aut necessitate, est involuntarius, saltem secundum quid, et consentiens non vult omnino libere cedere suo iuri. Ergo, stante tali consensu, ei fit iniuria.

444. *Licet iniuria alteri inferri effective possit per actum mere internum: actus tamen internus efficere per se nequit, ut actus externus eradat iniustas.* Prob. 1.<sup>o</sup> p., quia aliquando solo actu interno ius strictum alterius laedi potest. Patet exemplo iudicii temerarii, quo iuxta communem sententiam iniustitia erga proximum violatur, quandoquidem quisque ius strictum ad bonum sui existimationem apud singulos habet. — Prob. 2.<sup>a</sup> p., quia actus internus immutare nequit naturam actus externi. — Hinc non peccat contra iustitiam recusans ex odio succurrere alteri, nisi ex officio teneatur; iudex homicidam ex odio ad mortem promeritam damnando; mercator merces suas infimo pretio vendens, ut alios mercatores emolumentis privet. — Dicitur autem *per se*, nam actio externa *inchoative* indifferens non nisi per interiorum intentionem determinatur, ut sit *inchoatio* actionis externae *completar* iniustae potius quam iustae: et sic non peccat contra iustitiam accipiens rem e manibus iuris, ut eam domino restituat, secus vero ut retineat. — G. 602.-604. 629.

445. *Iniuria peccatum grave est ex genere suo. Gravis autem censetur ea materia, quæ ex natura sua, vel ex hominum aestimatione, apta est ad causandam alteri tristitiam difficile sedandam, seu ad caritatem mutuam dissolvendam.* — Prob. 1.<sup>a</sup> p. quia iniuria ex se bono communi grave adfert nocumentum, tendit enim ad caritatem dissolvendam. — Prob. 2.<sup>a</sup> p. quia cum finis iustitiæ sit pacem communem, tranquillitatem publicam, mutuumque amorem per conservationem iurium promovere, gravis merito censetur illa materia, quæ ex natura sua, vel hominum aestimatione, mutuam amorem dissolvere cum pacis communis iactura, seu tristitiam difficile sedandam causare potest. L. 700.

Dicitur autem *ex natura sua*; quia generatim loquendo, in regula generali statuenda attendi illud debet, quod communiter in hominibus temperato iudicio atque affectu utentibus usuvenit, non vero quid affectuum tumultus et intemperantia in iis adiunctis suggerit; iustitia enim rationis ductum et prudentiæ dictamen sequitur. Speciatim vero de iustitia loquendo, cum eius sit aequalitatem rei ad rem servare, ipsam *obiectivam* rei alienæ læsionem in ea attendere est, minime etiam subiectivas individui dispositiones, ad quas ulterius attendendas se extendit caritas.

## XIX. — DE FURTO

446. *Furtum est peccatum ex genere suo mortale.* — Prob., quia furtum ex suo conceptu generico, et præcisa alia malitia, graviter opponitur iustitiæ, ino communi paci, et tranquillitati; ergo est peccatum ex genere suo mortale. Interim tamen apud omnes certum est, quod furtum suscipiat parvitatem materiae, et propter hanc sæpius sit peccatum in individuo solum veniale; ut e. g. si pauper furetur aliquid modicum. — S. Th. Quodl. 66. a. 6., 22. q. 66. a. 3., L. 700.

447. *Materia furti alia est absolute, alia respective gravis.* — Declarat. Materia furti *absolute* gravis est, quæ secundum se, et præseindendo a statu, seu opulentia, vel paupertate illius, cui aufertur, graviter repugnat iustitiæ. Materia furti *respective* gravis vero est, quæ non secundum se præcise, sed per respectum ad personam, cui aufertur, est gravis, et ei respective grave infert detrimentum. — L. 526.

448. *Ad materiam furti absolute gravem sufficere non videntur duo vel tres aurei: decem nempe vel quindecim circiter libellæ: sed viginti vel triginta libellæ.* Etenim veteres theologi duos vel tres aureos tanquam materiam absolute gravem constituebant. L. 527. 528. Atqui hoc nostro tempore pecuniæ valor fere in immensum decrevit, et abundantia pecuniæ certe est duplicata et plus quam duplicata. Ergo, si superiori tempore materia absolute gravis constituebatur decem vel quindecim libellis, in præsenti constituenda videtur viginti vel triginta libellis, et triginta potius quam viginti. Enimvero regula ad dignoscendam materiam absolute gravem alia est extrinseca, alia intrinseca. Regula extrinseca communi theologorum et prudentum virorum iudicio continetur: siquidem res hæc cum a multis dependeat circumstantiis a communi sensu et aestimatione maxime dependet. Porro communiter in præsenti hanc doctores et timorati ac cordati viri habent ut materiam absolute gravem. Regula vero intrinseca inde est repetenda, quod illa materia furti sit absolute et universaliter gravis, propter cuius ablationem, quisvis etiam ditissimus dominus rationabiliter sit graviter invitus; propterea quod talis sit quantitas, quæ



pluribus vitae usibus et necessitatibus inservire possit, et si saepe et a pluribus per levia furti, quae frequentia sunt, surriperetur ingentis societatis damni esset periculum. Atqui quantitas designata ut absolute gravis, attentis etiam inmutatis temporum circumstantiis, talis profecto apparet. Cf. Casimirus Gennari Consultationi Mor. Can. Liturg. Cons. 64.

449. *Materia furti respective gravis per se loquendo est pretium, quod requiritur ad sustentationem competentem unius diei illius personae cui auferitur.* — Prob., quia contra ablationem pretii, quod necessarium est ad comparandam sustentationem unius diei sibi competentem, quilibet rationaliter potest esse graviter invitus: ergo tale pretium apte statuitur pro materia furti respective gravi. Dicitur autem 1.<sup>o</sup> *per se loquendo*; nam, si princeps, vel alius valde laute victitaret, ad materiam furti respective gravem sufficeret minus pretium, quam requireretur ad victum illius diurnum. Dicitur 2.<sup>o</sup> *ad sustentationem competentem*, etc. nam, si valde dives ex parcimonia parce victitaret, ad materiam furti respective gravem non sufficeret pretium, quod ille ad victum diurnum ex parcimonia impendere solet. 3.<sup>o</sup> *Ad sustentationem*, in qua non solum computatur victus, sed etiam vestitus et habitatio, nec non honestae recreationes. *Ad sustentationem* h. e. sive ad totam sustentationem, sive etiam ad notabilem eius partem: siquidem adhuc tunc esset quis rationaliter graviter invitus. — L. 527. Cf. Comment. 8.

450. *Resolves*: Ad gravem materiam relative spectatam, attentis praecipuis Europae locis, et temporum nostrorum adiunctis, requiri videntur 1.<sup>o</sup> circiter valor unius libellae relative ad pauperes, et aliquando minus vel plus pro maiori vel minori gradu necessitatis; 2.<sup>o</sup> circiter duae vel tres libellae relative ad operarios, qui labore diurno victum sibi comparant; 3.<sup>o</sup> circiter quinque vel sex libellae relative ad homines, liberalem exercentes professionem, et honeste ex ea viventes; 4.<sup>o</sup> circiter novem vel undecim libellae relative ad divites ordinarios; decem vero vel quindecim relate ad divites opulentiores, non autem ditissimos. G. 607, L. 527. 528.

451. *Materia furti gravior potest fieri respective levis ex triplici capite*: 1.<sup>o</sup> *propter gravem necessitatem auferentis*, in qua sine surreptione rei alienae misererrimam deberet ducere vitam, ut cum Layman et Sporer docet La-Croix l. 3. P. 1. n. 955. et Struggl de 7.<sup>o</sup> Praec. Dec. 13. Ratio est, quia dominus nequit rationaliter esse graviter invitus, si miser in tali casu auferat quantum est necessarium ad tam gravem necessitatem aqualiter sublevandam.

452. 2.<sup>o</sup> *Materia fieri potest respective levis propter conditionem personae*, e. g. si auferens est filius, uxor aut famulus domino valde utilis; nam contra similia furti dominus non est tam graviter invitus. — L. 539.

453. *Hinc plures theologi ad furtum grave filiorum requirunt summam duplo maiorem*, quam pro extraneis, alique etiam multo magis hanc materiae quantitatem extendunt. Cum vero regula universalis et absoluta circa gravitatem et levitatem similibum furtorum dari non possit ea desumenda erit 1. a statu, opulentia, liberalitate, et affectu maiori, vel minori parentis erga filium; 2.<sup>o</sup> a pluralitate, aetate, aliisque circumstantiis filiorum; 3. ex fine, et usu rei ablatae. Ratio est, quia, ex his capitibus ordinarie solet contingere, ut pater contra furtum filii sit magis vel minus invitus. — L. 543. 544.

454. *Ad furtum autem grave uxorem requirunt etiam plures theologi quantitatem maiorem, et quidem duplo quam ad furtum filiorum*. Ratio est quia inter maritum et uxorem maior datur coniunctio, et identitas moralis, praesertim in ordine ad bona communia, quam inter patrem, et filium; ergo contra furtum uxoris maritus ordinarie censetur esse minus invitus. Neque desunt et plures et graves theologi, qui hanc etiam materiae quantitatem latius extendunt, et asserunt uxorem non peccare mortaliter etsi ad

usus honestos annuatim surripiat vigesimam partem reddituum; quam summam, saltem universaliter loquendo, excessivam censet S. Alph. 540., H. A. Tr. 10. n. 33. Cum igitur hic etiam regula universalis et absoluta statui non possit circa gravitatem vel levitatem similium furtorum, haec desumenda erit 1.<sup>o</sup> a statu, opulentia, liberalitate, et affectu maiori, vel minori mariti erga uxorem; 2.<sup>o</sup> maiori, vel minore dote ab uxore in ordine ad bonum commune allata; 3.<sup>o</sup> a maiori, vel minori cooperatione uxoris ad economiam, et aliis circumstantiis. Ratio est, quia ex his capitibus ordinario solet contingere, ut maritus contra furtum uxoris magis vel minus sit, aut saltem possit esse invitus. — L. 539-542.

455. *Tandem circa furta sercorum communiter dicant dd. ut Less. Caiet., Navar., Sanch., Sporer, Busemb. etc.* quod furta minuta, quae fiunt a servis de cibis, qui non solent caute servari, nunquam deveniunt ad culpam gravem, modo illos non vendant, aut foras extrahant; et modo non accipiant in extraordinaria quantitate; aut addendum si non essent res pretii extraordinarii ». H. A. Tr. 10. n. 34., L. 1. 3. n. 545. Si autem famuli furentur pecuniam aut res *scabulo custoditas*, non requiritur quantitas maior ad peccatum grave, quia domini tunc non sunt minus inviti erga ipsos, quam erga alios. Imo huiusmodi furta severius lege civili puniuntur, ob fidelitatis defectum, qui in illis intervenit. G. 608. Si vero hae res minime custodiantur, quin imo, ipsi famuli rerum administrationem habent plures etiam et graves theologi maiorem adhuc quantitatem requirunt quam pro extraneis, quae diiudicanda erit 1.<sup>o</sup> ex statu, opulentia, liberalitate et affectione domini erga famulum; 2.<sup>o</sup> ex labore utilitate et necessitate ipsius famuli, ac maiori vel minori libertate, quae illi datur in rebus sibi commissis administrandis. — Cf. Tambur. Expl. Dec. 1. 8. Tr. 2. C. 3. par. 4. n. 1., L. 539. 545. 546.

456. 3.<sup>o</sup> *Materia fieri potest respectu levis, quando fit per plura furta minuta et successive perfecta.* — Ratio est, quia contra haec furta domini non solent esse tam graviter inviti. Hinc, ut ait P. Gury 611.: « Si furta minuta eidem fiant diversis vicibus, materia erit gravis, quando haec ex dimidia parte excedet summam ad furtum grave communiter requisitam. Ita communiter. Si furta minuta fiant diversis personis, materia gravis *per se* censebitur, cum erit duplo maior, quam summa ad furtum grave communiter requisita. L. 539. et alii multi ». Quare maior adhuc requiritur quantitas, si furta haec *pluribus* et *pluries* fiant. Haec autem valent, cum furta ista minuta inter se coalescunt.

457. *Furta minuta coalescere possunt in materiam gravem.* — Prob. 1.<sup>o</sup> ex simili in comessationibus die ieiunii, in operibus servilibus die festo; 2.<sup>o</sup> ex pr. 38. d. ab Innoc. XI.: 3.<sup>o</sup> quia ex levibus furtis multiplicatis haberi potest grave damnum, vel periculum gravis damni. Idque valet etiamsi furtula pluribus fiant. Licet enim grave damnum singulis, ut singulis non fiat, fit tamen grave damnum ipsi Communitati et Societati, seu uni Corpori morali in suis membris. Agitur praeterea de re, quae nisi graviter ex iustitia prohiberetur, gravissimum nasceretur malum contra bonum commune: facile enim esset venditoribus e. g. mensuras defraudare, etc. — Ithur. Cas. 1. n. 8. seqq., L. 533. 534., G. 609. 630.

458. *Minuta furta in quatuor casibus in gravem materiam coalescant:* 1.<sup>o</sup> per *intentionem* perveniendi ad materiam gravem, et ista prior voluntas non retractetur. Moralis huius intentionis effectus est morale unitatem tribuere variis furtulis, et sic ad gravem materiam perveniunt. — 2. Si *magnus* non adsit temporis *intervallum* inter furtum et furtum. Secus enim moraliter loquendo, furtum cum furto non unitur: neque proinde unum obiectum in genere moris constituunt. Probabilius autem, et communiter loquendo, furta non amplius coalescunt ultra spatium duorum mensium, etiamsi ad materiam

quasi gravem accederent. G. 610. Alii tamen longius alii brevius interval-  
lum assignant; quarum sententiarum varietas ostendit iudicium hac in re  
desumptum esse non ex solo temporis spatio, sed ex aliis etiam rerum  
admittis. Ceterum furta minuta etiam posito quocumque intervallo ex om-  
nium sententiam coalescunt, quoties patrata sunt cum intentione ad summam  
notabilem pervenienti; quia per hanc intentionem vere inter se ununtur.  
Billuat etc. G. 610. — 3.<sup>o</sup> Per *conspirationem*, ubi plures conspirant inter  
se, et furtula singulorum collecta materiam gravem constituunt. Siquidem  
tunc quilibet causa est totius damni, cui una simul cum aliis cooperatur. —  
4.<sup>o</sup> Per accessionem rei furtivae, ad rem furtivam si utraque conservetur;  
et tunc unio non tantum moralis, sed etiam materialis habetur. — Ithur.  
Cas. 27. n. 16., L. 530. 533. 535. 536. 537., G. 610.

459. *Nota*: 1.<sup>o</sup> Qui eidem saepius modicum furatur, etiamsi non habuerit  
voluntatem difescendi, aut notabilem quantitatem auferendi, si tamen in ul-  
timo modico furto advertit, se iam pervenisse ad magnam quantitatem, per  
ultimum furum modicum, regulariter loquendo, mortaliter peccat. Ratio  
est, quia talis fur per ultimum furum vult *continuare*, et *complevere* grave  
alterius damnum; ergo vi huius volitionis mortaliter peccat: licet furum  
externum secundum se praecise sit leve. L. 533. Idemque dicendum est, si  
post completam materiam gravem, furatur aliquid leve, grave enim pec-  
catum *continuatur*. L. 538. — 2.<sup>o</sup> « Non est mortale per se loquendo  
surripere quancumque summam cum animo restituendi statim, v. g. intra  
quadrantem. Idem est, si intra illud breve tempus quis vult restituere  
tantum illam ultimam partem completam materiam gravem, aut si ad  
breve tempus restitutionem differt ». L. 531. 533. 653. — 3.<sup>o</sup> Si furtula,  
quae simul ad magnam quantitatem perveniant sint facta diversis dominis  
certis... probabilius dicendum videtur, quod huiusmodi fur non peccet  
graviter si non restituat dominis certis, cum commode possit, et satisfaciat  
suae gravi obligationi, si debita pauperibus distribuat... et excusabitur  
etiam a veniali, si aliqua rationabilis causa adsit ». L. 534., G. 630.

460. *An in extrema necessitate surripere liceat aliena?* — In extrema  
necessitate licitum est surripere aliena, quae sunt simpliciter necessaria ad  
conservandam vitam. Ratio est 1.<sup>o</sup> quia contra similem ablationem dominus  
rei nequit esse rationabiliter invitus. Ergo. 2.<sup>o</sup> Quia divisio bonorum, quo-  
modocumque evenierit, non potest derogare iuri naturali, quod cuique com-  
petit, ut sibi provideat, dum extrema necessitate laborat. In tali itaque casu  
omnia sunt communia: adeoque accipiens rem alienam ad sibi subveniendum,  
accipit rem vere communem, quam suam facit, sicut ante bonorum divi-  
sionem continebat. Ergo furtum non committit. S. Th. 2. 2. q. 32. a. 7.  
ad 3., q. 66. a. 7., L. 520. 623. 624., G. 616.

461. *Resolves*: Pauper extreme indigens accipere potest rem etiam  
magis valoris, si illa sit ipsi absolute necessaria ad vitam servandam;  
qualvis alter non teneatur dare. Lugo D. 16. n. 159., L. 520., G. 619.

462. *Nota*: 1.<sup>o</sup> cum ratio aliena subripiendi sit necessitas, hinc si  
extreme indigens alibi habeat in re vel in spe probabili, undeolvere possit,  
non potest rem alienam subducere, nisi cum onere restitutionis: quia ne-  
cessitas non excusat, ut accedat rei proprietati, quando sufficienter re mutuo  
accepto vel commodata sublevari potest. L. 520. 701., H. A. n. 19., S. Th.  
Quod. 5. a. 17., G. 617. — 2.<sup>o</sup> Dives res suas occultans: vel alia utens in-  
dustria, ne pauperi succurrat, cessante pauperis necessitate, non tenetur ad  
restitutionem, quia necessitas etiam extrema tandem confert pauperi ius ad  
usum rei alienae, quamdiu ipsa necessitas urget. H. A. n. 20., G. 617. —  
3.<sup>o</sup> Si dives pauperem impedit vi, ne bona sua accipiat, contra iustitiam  
peccat, et de damnis inde obvenientibus tenetur; nam cum eo in casu ius  
habeat pauper rebus illis utendi, habet etiam ius ne impediatur ab illis.  
L. 520.



463. *An etiam in gravi solum necessitate licitum sit surripere aliena iure privato?* — R. Negat. Prob. 1.<sup>o</sup> ex prop. 36 d. ab Innoc. XI.; 2.<sup>o</sup> quia in his adiunctis domini sunt rationabiliter inviti; siquidem res communes non evadunt; et secus facilis direptionibus aditus pateret. Lugo D. 16. n. 154. 160. Cf. L. 520. Dicitur autem *in gravi solum necessitate*. Nam si quis patitur necessitatem non quidem actum extremam, sed valde urgentem, quae probabilis, aut certo, verget proxime in extremam, posset surripere de alieno pro evitanda necessitate extrema, et periculo vitae; ut cum Lessio, Haunoldo, Lugone, Sporer et aliis, docet Elbel l. c. n. 308. *Iure privato*, quia cum bonum commune bono particulari praevaleat, propter necessitatem et bonum publicum potest Princeps iure alto saltem disponere, ut divites e. g. aperiant sua granaria et taxato iusto pretio vendant, etc.

464. *An si fur minuit rem tuam auferre, nisi accipias et tradas ei alienam, poltris hanc surripere, ne tuam amittas?* — « Hoc facere non licet, quia non habeo ius inferendi alteri damnum, ut bona mea servem, et ideo si id faciam, illicitam ac iniustam actionem facio ». L. 569.

465. « *An caedentes ligna in sylva vetita peccent et teneantur ad restitutionem?* — Communiter dd. docent, quod si nemus est totius Communitatis, incolae illius, qui contra prohibitionem ligna caedunt, non peccant saltem graviter, imo nec venialiter iuxta Sanch. etc., et nihil tenentur restituere, nisi magnam faciant stragem, sed tantum tenentur ad poenam post sententiam: talis enim prohibitio censetur pure poenalis ». L. 529. 614., l. 1. n. 145. Idemque valet de agris totius Communitatis quoad pascenda animalia. L. ib.

466. « *An liceat in vinea aliena comedere uvas?* — Afirmat Covarr., Valer., Ripa etc. apud Lugo D. 16. n. 33., modo quis uvas non asportet, adducuntque illud Deuter. c. 23. v. 23. 24. Ed idem quod dicitur de uvis, et specieis, ait Abulensis ap. Cornel. a Lap. intellige de pomis ac aliis fructibus ». L. 529. Hanc sententiam S. D. ib. dicit satis probabilem, et addit: « Ceterum probabiliter, ait Lugo, de iure naturae licere comedere unum vel alterum uvarum racemum, i. e. unam vel alteram uvam; parique modo concedit comedere ex pomario alieno unum vel alterum pomum. Id enim prohibere videtur durissimum et contra humanitatem ».

467. *Quid sit censendum de fragmentis sartorum?* — 1.<sup>o</sup> Si fragmentum sit *pars notabilis* tenetur illam domino restituere, si iste debitum laboris pretium solvat. Ratio est, quia dominus esset rationabiliter invitatus. 2. Si fragmentum sit *minoris momenti*, et *expresse reputatur* a domino tenetur etiam restituere, si iste debitum laboris pretium solvat ob eandem rationem. 3.<sup>o</sup> Si fragmentum sit *minoris momenti*, et *expresse* a domino non repetatur potest tunc retineri; quia domini communiter sciunt sartores retinere similia moderata fragmenta, et ideo etiam saepe solvunt minus pretium pro labore. — L. 568.

468. *Quomodo peccet, qui alteri auferit rem exiguam valde caram: vel rem maioris momenti quam ille non curat?* — R. ad 1.<sup>um</sup> peccare mortaliter contra caritatem, non tamen in genere furti contra iustitiam. Ratio est, quia talis alterum iniuste graviter contristat, in bonis tamen fortunae non infert grave damnum; ergo. Unde, pereunte tali re, fur non tenetur domino restituere tantum, quanti rem aestimavit, sed solum valorem, et aestimationem communem rei in se; ut advertit Sporer hic n. 25.

R. ad 2.<sup>um</sup> peccare solum venialiter si dominus illam parum curat ac si esset parvi momenti; si autem dominus illam omnino non curat, et pro neglecta, ac derelicta habet, nec venialiter peccare. Ita teste Sporer hic. n. 23. comm. doct. Ratio est, quia domino in bonis fortunae infertur iniuria, quatenus ipse est inivus; ergo, cum in priori casu sit leviter, et in posteriori nullo modo invitus contra ablationem, in priori illi infertur iniuria levis, et in posteriori nulla.

## XX. — DE INIUSTITIAE REPARATIONE

469. *Iniustitia seu iniuria alteri illata per restitutionem reparatur.* — Restitutio est rei alienae redditio vel damni iniuste illati compensatio. Haec definitio ut patet non solum comprehendit restitutionem mutui, commodati, depositi, et pignoris, ubi nulla praecessit iuris alieni violatio; sed etiam restitutionem ex actionibus, in quibus praecessit violatio iuris alieni. — Restitutio ergo a satisfactione differt per hoc, quod satisfactio sit compensatio offensae, seu iniuriae personalis per aliquod obsequium, petitionem veniae, aut aliquam multam seu poenam; restitutio vero sit redditio iuris realis vel compensatio iniuriae realis. — S. Th. 2. 2. q. 62. a. 5., L. 547.

470. *Obligatio restituendi per se non oritur ex violatione iustitiae distributivae aut legalis, sed ex sola violatione damnifica iustitiae commutativae.* — Prob. 1.<sup>a</sup> p. quia per violationem iustitiae distributivae, aut legalis, praecise qua talis, non laeditur ius proprietatis *in re*, vel *ad rem*, seu nullum inferitur alteri damnum; ergo ex violatione iustitiae distributivae, aut legalis, praecise qua talis, non oritur obligatio restituendi realis. Prob. 2.<sup>a</sup> p. quia restitutio stricte talis est compensatio damni iniuste illati, sed damnum reale solum inferitur, quando laeditur ius proprietatis, et iustitia commutativa; ergo. Unde S. Th. ait: « Restituere nihil aliud esse videtur, quam iterato aliquem statuere in possessionem, vel dominum rei suae ». — L. 547.

471. *Resolves.* 1.<sup>o</sup> Superior ad restitutionem non tenetur, si minus dignis officia societatis distribuit; quia non violat ius strictum dignioris, nec communitatis, quae aliud exigere nequit, nisi ut indigni ab officiis arceantur. L. 547., l. 4. n. 107. Secus vero, si in concursu superior minus dignum digniori praeferret; quia in concursu, per se loquendo, intervenit pactum, ex quo *ius strictum* digniori competit. — 2.<sup>o</sup> Non tenetur ad restitutionem superior, qui dignitates mere honorificas distribuit sive minus dignis, sive etiam indignis: quia neminem iure suo privavit, quamvis peccaverit ob personarum acceptionem. — G. 535. 670.

472. *Ex violatione iustitiae distributivae et legalis per accidens, et propter connexam iustitiam commutativam, oriri potest obligatio restituendi.* — Prob. nam ex violatione utriusque illius iustitiae damnum reale tertii exoriri potest, quod ratione officii poterat et debebat vitari; adeoque obligatio exoritur simul illud damnum reparandi. Haec autem obligatio exoritur propter connexam iustitiam commutativam; siquidem eo in casu non solum quis reus est boni communis, ad quod iustitia distributiva et legalis inclinatur, praetermissi, sed etiam violati contractus, quo assumendo officium implicite se obligavit ad damna subditorum vel aliorum praecavenda.

473. *Resolves.* Iniquus distributor officiorum ad nihil tenetur erga dignum praetermissum, quia nullius ius strictum violavit. Tenetur tamen certo erga societatem et erga privatos de omnibus damnis, tum societatum privatis, exinde provenientibus. G. 535. 670.

474. *An impotens restituere ex bonis eiusdem ordinis teneatur restituere et bona ordinis diversis?* — R. Negat. probabilius. Ratio est, quia non datur comparatio inter bona diversi ordinis; ergo nec dari potest compensatio. Et sane decerni nunquam posset, quantum arithmetice restitui deberet, siquidem inter bona diversi ordinis non datur mensura communis. L. 627., La-Croix, etc. Affirmant tamen alii, quia, inquit, qui non potest totum damnum resarcire, tenetur saltem compensare partem, quam potest. S. Th. 2. 2. q. 62. a. 2. Hanc sententiam dicit probabilem. S. Lig., sed primam ut probabilior habet. — Attamen per iustitiam vindicativam potest a

iudice vel a superiore imponi, ut quis pro iniuria circa unum bonorum genus, aliquid praestet in bonis alterius ordinis; probabilius tamen ratione poenae tantum, non vero ratione iustitiae. Laesus insuper ius habet apud iudicem denuntiandi illum, a quo iniuriam accepit, adeoque ab isto pecuniam accipiendi, ut denuntiationem omittat; sic, v. g., mulier ab aliquo violenter oppressa violatorem ad iudicem compellere potest, vel pecuniam a nebulone exigere, ut iure suo renuntiet. — G. 628.

475. *Restitutionis late acceptae obligatio ex sequentibus capitibus proxime oriri potest*: 1.<sup>o</sup> *ex iniusta acceptione* rei alienae; talis enim acceptio laedit ius alterius, adeoque ius laesum est reparandum. 2.<sup>o</sup> *Ex re aliena possessa*, formaliter vel aequivalenter existenti, et nondum legitime praescripta; licet enim res aliena non fuerit iniuste accepta; res tamen aliena possessa et nondum praescripta semper est domini sui, ei que reddenda. 3.<sup>o</sup> *Ex eo quod quis ditor iniuste factus sit ex re aliena*; si enim iniuste ditor factus est, laesum est ius alienum; ius autem laesum reparationem exigit. 4.<sup>o</sup> *Ex iniusta damnificatione*; qui enim damnum alteri affert ius laedit illius. 5.<sup>o</sup> *Ex contractu vel quasi-contractu*; contractus enim vim habent legis privatae; adeoque obligant ad reddendum comparti contrahenti ius suum. 6.<sup>o</sup> *Ex lege vel ex sententia iuridica*; lex enim vel iudicis sententia vim habent obligandi in conscientia. 7.<sup>o</sup> *Ex iniusta cooperatione*, qui enim iniustae actioni iniuste cooperatur sua cooperatione vere laedit ius alienum. — L. 534. 547. 548. 711. 927., S. Th. 2. 2. q. 62. a. 1. 2., q. 66. a. 6.

## XXI. — DE RESTITUTIONE EX INIUSTA ACCEPTIONE

476. *Indubium est ex iniusta rei alienae acceptione obligationem oriri restitutionis*. L. 548. Unum autem quaeri hic potest, an quis iniuste accipiat rem alienam, possessionem incipiens cum dubio de eius iure. Iam vero dupliciter hanc possessionem incipere hic posset: 1.<sup>o</sup> spoliando alium, absque ullo titulo, per se valente dominum transferre; et hoc in casu cum pacifica alterius possessio ius moraliter certum tribuat spoliato ad restitutionem tenetur. L. 547. 2.<sup>o</sup> Rem accipiendo alio titulo, v. g., emptionis, donationis, etc., ab alio, de quo dubitatur, an eius dominus sit; et tunc 1.<sup>o</sup> tenetur quis inquirere rei veritatem, et dubio perseverante « restituere debet, ait P. Gary, pro rata dubii, probabili domino, vel pauperibus, si dominus ignoretur. Ratio est, quia possessio incepta cum dubia fide ipsi non favet, et ideo non potest totum retinere; nec aliunde videtur teneri ad totum restituendum, cum dubitet utrum res sit aliena, et non sua. L. 625., Lugo, G. 652. Verum etsi illud dubium non sit mere negativum, sed positivum, ad nihil aliis videtur teneri; potest enim tunc efforari conscientia ex principiis reflexis: nemo malus nisi probetur, etc., neque aliunde certa imponi potest obligatio, quae certo non constat. Uti praeterea potest iure illius, cui succedit titulo emptionis, donationis, etc. Quare si ille rem bona fide possidebat, et ideo poterat retinere, et ille qui ei succedit eandem rem poterit sibi retinere. Lugo D. 17. n. 83. 2.<sup>o</sup> Ad quid vero tenetur, si inquirere neglexerit. Cf. hic infra de possessore dubiae fidei n. 502. 503.

477. *Ex quali culpa oritur obligatio restitutionis in delictis?* — Oritur tantum ex culpa iuridica lata, coniuncta cum culpa gravi theologica; itemque ex culpa iuridica levi, et levissima, quando nempe quis gravi culpa theologica eam omittit diligentiam, quam sub gravi tenebatur adhibere. « Ratio, quia restitutio communiter accipitur ut poena: et ideo dicimus, quod ut debita aequalitas servetur, ad obligationem gravem resti-



tuendi rem gravis valoris, requiritur culpa theologica gravis. *Theologica*, quia cum conscientia operetur de obligatione, oportet, ut in conscientia adfuerit delictum. *Gravis*, quia ut conscientia teneatur ad gravem obligationem, oportet, ut gravis fuerit culpa ». L. 550. 551.

478. « *Utrum peccatum veniale contra iustitiam inducat obligationem restituendi?* — R. si est veniale ratione parvitat<sup>is</sup> materiae, certe obligat ad restitutionem sub levi. Si vero est veniale ratione inadvertentiae sive in-deliberationis. . . Prima sententia affirmat. . . Secunda tamen sententia probabilior et communior. . . docet in eo casu *nullam* esse obligationem restituendi. . . nec sub gravi, nec sub levi. Non sub gravi, quia obligatio gravis non habet proportionem cum illa culpa levi. Non sub levi, quia levis obligatio non habet proportionem cum re gravi ». L. 552.

479. *Utrum ex peccato levi ob parvitatem materiae contra iustitiam possit aliquando per accidens oriri gravis obligatio restituendi?* — R. « Affirmat, et casus est, quando in ultimo furtulo complente materiam gravem non advertit fur ad furtula praeterita: tunc enim tenetur sub gravi ad restitutionem saltem ultimi furtuli. . . Obligatio gravior, tunc non oritur ex illa ultima *acceptioe iniusta*. . . sed oritur *ex iniusta retentione* gravis materiae culpabiliter iam acceptae ». L. 553.

## XXII. — DE RESTITUTIONE EX RE ALIENA

480. *Triplex rei alienae possessor distingui debet*: bonae fidei, malae fidei, dubiae fidei, prout rem invincibiliter ignorat esse alienam et prudenter indicat esse suam: vel aperte cognoscit esse alienam, vel dubitat, an sua, an aliena sit. De singulis gradatim dicemus.

481. *De possessore bonae fidei.* — *Possessor bonae fidei statim ac novit rem possessam esse alienam tenetur eam adhuc ectantem domino restituere.* — Ratio est, quia secus bonum alienam, invito rationabiliter domino, retinet; et proinde illius ius strictum violat. L. 607.

482. *Nota*: 1.<sup>o</sup> Possessor bonae fidei deducere tamen potest omnes expensas *necessarias*, imo et *utiles*, quae nempe rem conservant et meliorem efficiunt: secus enim dominus plus quam suum est reciperet. Repetere etiam potest expensas etiam *voluptarias* in illis ipsis casibus in quibus id potest possessor malae fidei. Non potest enim denegari possessori bonae fidei quod possessori malae fidei conceditur. Cf. n. 497. Inter expensas autem non sunt computandi casus fortuiti, nec damna *per accidens* causata. Sic, v. g., si in colendo agro alieno perierint equi tui, valor eorum deduci nequit, sed tantum aestimatio laboris facti ab equis pro agri cultura. G. 643.

483. *An possessor bonae fidei possit rem retinere, si ante tempus ad percrepandam requisitum certo detegat rem esse alienam; si impossibiliter non potest eam rei dominum agnoscerre, sive res sit mobilis sive immobilis.* — R. 1.<sup>o</sup> Si agatur de re *mobili* videtur possessor ille rem sibi retinere posse, neque obligatione adstringi eam vel pretium aequivalens pauperibus, vel operi p<sup>ro</sup>destinare. Ista enim res tunc acquiparari potest rei amissae. Porro inventor rei amissae eam sibi retinere potest, si, diligentia sufficienti adhibita, de ea tunc non compareat, nec sit spes ulla ut inveniri possit. L. 589. — 2.<sup>o</sup> Si agatur de re *immobili* idem dicendum videtur, nam quod res possessa sit mobilis vel immobilis id materialiter se habet in ratione iustitiae. Quare si in eo casu res mobilis retineri potest, et immobilis potest retineri. Praeterea eadem hic ratio fieri potest ac fit pro re amissa. In ea enim hy-

pothesi quod dominus amplius reperiri non possit, res sit nullius et acquiritur a primo occupante. Postremo possessor huius rei potest quidem rem adhuc retinere expectans, num dominus compareat. Sic enim melius prospicit bono ipsius domini, quam si vel pauperibus vel operi pio donet. Hinc si dominus aliquando compareat ante tempus ad praescriptionem longissimi temporis requisitum eum ipsi restituere tenetur. Si vero dominus compareat post tempus ad hanc praescriptionem requisitum, tunc nihil videtur ei restituendum. Id enim admittitur pro casu rei amissae, ergo et pro casu praesenti, qui illi aequiparatur. G. 578. 579. 586. 609.

484. *Possessor bonae fidei, qui rem alienavit aut consumpsit cum lucro suae parendo, tenetur hoc lucrum in quantum est ditior factus restituere.* — Ratio est, quia lucrum quod immediate est ex re aliena est aequivalens ipsa res aliena. Ergo sicut possessor bonae fidei tenetur restituere rem alienam formaliter existentem, ita eandem aequivalenter existentem restituere debet. L. 607.-609., G. 635.

485. *Possessor qui rem alienavit, amisit, destruxit vel consumpsit absque ullo lucro ad nihil tenetur.* — Ratio est, quia res perit domino suo, eaque vero neque in se neque in aequivalenti amplius existit. L. 607.-609., G. 635.

486. *Possessor bonae fidei nulla ratione restituere tenetur fructus industriales, et mixtos, quatenus isti industriarum respondent. Quoad fructus vero naturales et mixtos, quatenus isti rei respondent, eos ex Iure Naturali restituere tenetur.* L. 609. 610. Ratio est, quia res fructificat domino suo. Ergo ut res fructificat naturaliter domino suo, ita propria industria et labor laboranti fructificat. L. 610.

Dicitur: *Ex Iure Naturali*: nam ex *Iure Romano* iuxta communem interpretationem restituendi sunt fructus naturales percepti et adhuc existentes, licet ius non semper adeo clarum sit. Controvertitur autem quoad fructus non amplius exstantes seu consumptos. Quidam censent nihil esse restituendum, licet possessor ex iis ditior evaserit: quia restitutionis obligatio probari non potest. Excipiunt tamen, si quis possederit alienam haereditatem quae fuerit exiata: tunc enim ex iure evidenter tenetur reddere id omne, ex quo ditior factus est. Carrière 1052. Communius vero theologi, saltem ex iure naturali, obligant ad restituendum id omne, ex quo possessor ditior factus est. G. 136., L. 610. — C. I. 761. 703., C. G. 549. 550. omnes fructus, quicumque sint, assignantur possessori bonae fidei, modo rem ipsam possideat ut proprietarius, et ex titulo qui ex natura sua dominium transferre valeat. An vero haec Iuris dispositio etiam in foro conscientiae valere possit? Probabilius affirmandum est, quia rationabiliter praesumi potest, talem esse vim legis, cum sic intellecta multo magis bonum publicum promoveat, et de medio tollat inextricabiles querelas, et difficultates quae iugiter moverentur circa quantitatem fructuum restituendorum, etc. Quod autem vis legis non sit actionem tantum denegare in foro externo, sed dominium vere transferre, ut in casu praescriptionis, aperte patet ex eius verbis: ait enim: possessor facit fructus suos. Carrière 1054., Vernier 561. Gousset 931., Cod. Comm. in art. 550., G. 635., L. 610.

487. *Ad quid tenetur possessor bonae fidei, si rem alienam alteri donaverit?* — Si rem possessor bonae fidei donaverit, alioquin nihil de proprio donaturus, ad nullam tenetur restitutionem, ut constat ex n. 485. Si vero alioquin aliud aequale aut minus fuisset donaturus, et rem ipse dono accepit, illud aequale aut minus teneretur domino comparenti, et rem suam recuperare non potenti, restituere, ut constat ex n. 484. Dicitur *et rem ipse dono accepit*, nam *si emerit*, ad nihil etiam teneretur iuxta n. 485. — G. 637.

488. *Ad quid tenetur possessor bonae fidei, si rem a iure emptam*

*alteri vendiderit?* — 1.<sup>o</sup> *In casu evictionis*, idest si dominus rem suam ab emptore vindicaverit, venditor emptori pretium reddere tenetur. Ratio est, quia interveniente evictione, contractus resolvendus est, et emptor recursum ipso facto in venditorem acquirit; quippe rem emptori tradendo se implicite obligavit ad damnum reparandum, si forte futura esset evictio. Idem ob eandem ratione dicito in casu spontaneae restitutionis ab emptore factae. L. 601., Salm. §9. In casu tamen *spontaneae restitutionis* exceptio facienda est pro casu, in quo *spontanea* haec restitutio ab emptore facta *causa* esset, ne tu postea pretium recuperare possis ab eo qui tibi vendiderat; tunc enim non teneris ad pretium ei reddendum; quia damnum quod tu ei intulisti vendendo rem alienam, ipse tibi vicissim intulit accelerata restitutione. — Idem dicendum est, si res aliena in manus variorum possessorum titulo oneroso transiverit. Si enim ultimus possessor rem domino reddere cogatur, et ipse et singuli emptores ius habent venditorem suum persequendi, ut pretium solutum recuperent.

2. *Extra casum evictionis*, vel, iuxta quosdam, etiam spontaneae restitutionis ex parte emptoris, res difficultate non caret, et acriter controvertitur.

Ex Iure Romano venditor ad nihil tenetur saltem probabilius, nisi ex venditione ditior factus fuerit. Ratio est, quia venditio rei alienae cum bona fide non habetur in iure omnino irrita. Licet enim per eam non transferatur dominium rei in emptorem, transfertur tamen dominium pretii in venditorem. Et hic quidem etiamsi deinde deterat, rem venditam alienam esse, non tamen tenetur aut monere dominum, ut rem suam recuperare possit, aut indicare emptori, rem esse alienam. Ita communius, Lugo D. 17. n. 106., Salm. c. 1. n. 88., Vogler, etc., contra Billuart. a. 10., et alios qui venditorem obligant ad pretium domino vel emptori reddendum; quia (aiunt) venditio rei alienae est prorsus invalida.

Ex Iure Ital. et Gall. crescit difficultas, quia irrita declaratur venditio rei alienae. Si igitur, aiunt, contractus plane irritus fuerit, emptor pretii dominium in venditorem non transtulit, nec proinde venditor ius ullum habet ad pretium illud servandum. Ergo pretium videtur refundendum in dominum si ille rem suam ab emptore repetere nequeat. Ita Carriere n. 1047. cum aliis.

Attamen merito contradicunt alii, quorum sententia sat probabilis videri debet. Neque enim plane constat, etiam ex Iure Ital. et Gall. venditionem rei alienae nullos omnino effectus habere. Ex C. I. C. G. 1599. haec mere deduci possunt: 1.<sup>o</sup> dominum rei ius suum in eam servare; 2.<sup>o</sup> emptorem subici eviotioni; 3.<sup>o</sup> venditorem in casu evictionis aut restitutionis ex parte emptoris obligari ad pretium emptori restituendum. Nihil praeter haec aliud ex praxi tribunalium deduci potest. Caeterum quid causae habetur inter venditorem et dominum rei? Qualem recursum hic in illum sibi tribuere potest? Nimirum dominus in venditorem neque actionem *personalem* habet, quia nulla fraus intercessit, neque actionem *realem*, quia rem iste non habet. Insuper durissimum foret, cum, qui nec rem alienam amplius habet, nec ex ea illius factus est, ad tantum, incommodum sponte subeundum obligari. Domino itaque ad ius suum aut violati iuris reparationem consequendum in actionem quidem rei possessorem, aut in furem recursus superest, in alio autem in nullo modo. Gousset 929., G. 138., L. 608.

3. Si bona res in manibus emptoris perierit, possessor bonae fidei qui eam puto quirit et deinde vendidit ad nihil tenetur. « Etenim 1.<sup>o</sup> non tenetur *ratione rei*, cum illam iam non habeat; 2.<sup>o</sup> neque *ratione damni*, cum non sit causa eius interitus nec aliunde ullo modo formaliter cooperatus ablationi rei fuerit ». G. 641.

489. *Si quis bonae fide rem alienam mediocri pretio emerit et maiori eam emulterit, an lucrum perceptum domino reddere teneatur?* — 1.<sup>o</sup> Negat., si lucrum istud industriae extraordinariae tribuendum sit, v. gr., si alium bonum notabili labore emerit, ut opportunam occasionem rem carius



vendendi inveniret, etc. Idem dicendum, si res tempore detentionis melior effecta fuerit cura detentoris. — Affirmat, e contrario, si rex ex natura sua, aut ex communi hominum aestimatione, non vero ex detentoris industria creverit, quia in eo casu domino crescit. — 2.<sup>o</sup> In aliis vero casibus contrahitur. Alii affirmant, quia ex eo lucro possessor ditior factus est. — Negant vero alii communius et probabilius; quia totum illud lucrum fructus industriae possessoris esse videtur. Lugo D. 17. n. 20. Cf. hic n. 488. — G. 640.

490. *Ad quid tenetur possessor bonae fidei, si rem alienam gratuito acceptam alteri vendiderit?* — 1.<sup>o</sup> *In casu evictionis* tenetur emptori damnum rependere, ut in casu praecedenti. Cf. n. 488.

2.<sup>o</sup> *Extra casum evictionis*, quando scilicet res a domino recuperari nequit, sive quia ultimus possessor eam consumpsit, sive quia iste amplius non comparet, venditor iuxta communem sententiam totum pretium ab emptore receptum in dominum refundere debet. Ratio est, quia ex toto illo pretio vere ditior factus est, nec proinde ullam iacturam illius occasione patitur; dum e contrario dominus re sua iniuste spoliatus totum rei damnum subire cogitur. Unde hic indemnitas servandus est ex lucro, quod venditor absque ullo titulo percepit. L. 608., Vogler 66. Non desunt tamen qui venditorem ab omni obligatione liberant, quia in eum nullum recursum habere potest dominus, haud secus ac in casu praecedenti; siquidem eadem omnino valent rationes, quas iuverit expendere.

Enimvero licet venditio rei alienae sit *ipso facto* nulla quoad dominium rei transferendum, non est tamen *ipso facto* nulla quoad dominium pretii acquirendum. Ergo, secluso casu *evictionis* vel *spontaneae restitutionis*, venditor ad nihil tenetur tum erga emptorem tum erga dominum. Et sane, si haec ratio valet in casu quod possessor bonae fidei rem emerit a fure, Cf. n. 488., eadem valere debet etiam in casu, quod rem gratuito acceperit; nam gratuita haec acceptio extrinseca omnino est illi venditionis contractui, neque ideo facit quod pretii dominium non acquirat. — Praeterea venditor pretium aut emptori aut domino restituere deberet. Atqui illud restituere non debet emptori; nam venditor erga emptorem non alia adstringitur obligatione, nisi *evictionis* vel etiam *spontaneae restitutionis* praestandi, qui vero extra hunc casum nullum omnino damnum patitur. Atqui iterum neque pretium restituere debet domino, nam dominus in venditorem neque actionem *personalem* habet, quia nulla fraus intercessit, neque actionem *realem*, quia rem iste non habet. Neque valet dicere, quod licet non habet rem formaliter, habet tamen aequivalenter in pretio, pro ea accepto: nam in omni contractu venditionis, cum ex una parte *transferatur dominium* rei, ex altera vero *transferatur dominium* pretii, pretium non est amplius aequivalenter merces vendita, neque eam representat; sed affert tantum obligationem pro venditore servandi indemnem emptorem in casu *evictionis*; idque magis clarum apparet in venditione rei alienae; nam non transfertur in ea dominium *mercis*, transfertur tamen dominium *pretii*, ergo pretium utpote venditoris non est aequivalenter merces, quae neque venditoris neque emptoris est. « Nec dici potest, ait P. Gury (Cas. 608., pretium rei rem ipsam repraesentare ». Et d'Annib. 125 : « Illud non quaeritur, si forte rem ab alio comparaverim, utrum eam comparaverim pecunia aliena, puta furtiva: quia *res non succedit in locum* pretii; nec si rem alienam vendiderim, *pretium succedit in locum rei* ». Venditor ergo non solum, si rem emerit, sed etiam si gratuito acceperit, postquam eam vendiderit eam aequivalenter non habet. — Insuper ratio, propter quam venditor qui rem gratuito accepit deberet restituere pretium domino, si ultimus rei possessor non compareat vel rem consumpsit, haec sola esset, quia venditor ex toto illo pretio vere ditior factus est, nec proinde ullam iacturam illius occasione patitur; dum e contrario dominus rei iniuste spoliatus totum rei damnum subire cogitur. Atqui 1.<sup>o</sup> aliud est quod quis ditior fiat *ex re aliena*, aliud *occasione* rei

alienae: aliud quod quis ditior fiat *iniuste ex re aliena*, aliud quod quis absque ulla alterius iniuria ditescat. Porro venditor ditescit utique occasione rei alienae, neque iniuste ditescit; et hoc illicitum non est. 2.<sup>o</sup> Quod dominus solum in casu damnum pateretur *per accidens* est. Etenim eius ius legitimum aliud non est quam in furem et in actualem rei suae possessorem. Si istud ius prosequi non potest prorsus *per accidens* est. — Postremo in casu, in quo venditor qui rem gratuito accepit alteri venderit, et res perierit in manibus emptoris, qui obligant venditorem ad restitutionem inter se non conveniunt alii enim *probabiliter* dicunt debere restituere emptori: quia res domino periit, et emptor ius habet ad suam pecuniam recuperandam, cum venditio fuerit invalida: alii *probabiliter* dicunt debere restituere domino: quia cum dominus iniuste sua spoliatus sit, et emptor nullum revera damnum passus sit, aequitas exigit, ut dominus indemnis fiat. Atqui si ius tum domini, dum emptoris non est nisi *probabile*, probabiliter etiam venditor ad nihil tenetur, et praevalet de facto possessio, secundum communem regulam. Gousset 950. — G. 639, 641.

491. *An possessor bonae fidei, venditione aut donatione facta rei alienae, et errore detecto, teneatur monere donatarium aut emptorem, ut rem domino reddat, vel ipsum dominum, ut rem suam recuperare valeat?* —

R. Afirmat., si id possit sine gravi suo incommodo. Nam nemo praecise *vi caritatis* tenetur cum suo gravi incommodo succurrere proximo suo constituto in gravi aliqua necessitate sive temporali sive etiam spirituali. Nemo etiam *praecise vi iustitiae* tenetur cum suo gravi incommodo ad grave proximi damnum reparandum vel impediendum sive illud sit temporale sive spirituale nisi ex pietate, ex contractu vel quasi contractu, ex formali gravi et efficaci iniustitia, vel ex iuridica sententia, aut legis auctoritate. — L. 601., G. 637.

492. *An qui rem furtivam bona fide emit, possit eam furi reddere ad pretium suum recuperandum?* — R. 1.<sup>o</sup> Negat., si comparet dominus rem suam ab illo repetens: tunc enim debet eam ipsi reddere, etiam cum pretii sui iactura, quia de iure naturali dominus rem suam occupare potest ubicumque eam reperiat. Actio tamen emptori datur in furem.

Excipe ex C. I. et G., si res empti fuerit in foro publico, vel ab eo qui res huiusmodi vendere solet: tunc enim emptor domino rem non tenetur reddere, nisi pretio soluto. Haec autem iuris dispositio iuxta plures, valet etiam in foro conscientiae: quia est utilissima bono publico, tranquillitati possessionum, et valde commercio favet. Bouvier de Possessore bonae fidei. Carrière 1041., Gousset 1027.

2.<sup>o</sup> Si dominus si quidem conscius, sed rei in seius, 1.<sup>o</sup> sententia « multum probabilis » negat, « quia res erepta e manu furis iam adepta est meliorem statum; et ideo si furi eam redderet illam in deteriore statum dederet et sic iniuriam domino irrogaret ». 2.<sup>o</sup> sententia « forte probabilior » affirmat, « quia non tenoris rem domino servare cum tuo damno ». Cum autem quisque ius habet ad proprium damnum praecavendum, ei sane non « interdictur actio illa, quae per se est necessaria et directa ad suum damnum recuperandum, licet indirecte et per accidens damnum alteri eveniat. ... Advertendum tamen hanc sententiam tunc tantum posse habere locum, quando emptori nulli alia suppetit via recuperandi suum pretium, quam restituendo rem latroni ». L. 569.

3.<sup>o</sup> S. fur, aut alius venditor non appareat, aut pecuniam reddere nolit, emptor, equo domino, rem aliis vendere non potest, nec in proprios usus convertere, ut se servet indemnem, quia non est rei dominus: sed eam domino reddere debet, non obstante pretii iactura. Recursum autem in venditorem servat. Quod si eum invenire nequeat, damnum ipsi est subeundum. — G. 644.

493. *An qui rem emit a fure, ut eam domino restituat pretium ab*

*isto repetere possit?* — R. 1.<sup>a</sup> Affirmat, si *modico* omnino pretio eam emit. Utiliter enim domini negotium gerit. At qui utiliter negotium domini gerit non est fraudandus pretio, quod in utilitatem domini solvit. 2.<sup>a</sup> Negat, *per se* loquendo, si eam *casto* omnino pretio emit. Dominus enim non tenetur ex una parte emere rem suam, emptor vero ex altera *utiliter* domini negotium in casu non gereret, si eum cogere posset ad totum illud pretium solvendum. Quare in casu non nisi partem repetere potest, quam ex negotiorum gestione domino utili posset repetere. Dicitur, *per se loquendo*, nam si dominus paratus esset ad rem suam recuperandam quocumque pretio, posset tunc emptor totum hoc pretium exigere, quia reapse utiliter tunc domini negotium gerit. Quid vero si emptor indicasset quidem tanti a domino rem aestimari, sed falso. R. Alii pro emptore, alii pro domino stant. « Litem dirimit Tanbulrinus sic statuens, ut pretium iustum utut ingens debeat emptori solvi, si quidem is non levibus, sed, prudentum iudicio, gravibus fundamentis innixus decipi passus sit, secus si animi levitate, nec re bene perpensa ». Ithur. Cas. 4. n. 5., Scav. Tr. 7. D. l. C. l. A. l. q. 1., L. 600.

494. *De possessore malae fidei.* — *Possessor malae fidei restituere debet* 1.<sup>a</sup> rem ipsam *formaliter* vel *aequivalenter* existentem; nam res clamat domino suo. 2.<sup>a</sup> Tenetur compensare omnia *damna*, quae ex iniusta rei possessione domino obvenire; nam causa est per se efficax istorum damnorum. 3.<sup>a</sup> Tenetur restituere omnia illa, in quibus *iniuste* litior factus est, *ex iniusta detentione rei alienae*; nemo enim ditescere iuste potest ex alterius iniuria.

495. *Resolves*: Si res varium habuit valorem tenetur possessor malae fidei rem restituere domino, si eam habeat, quemcumque nunc habeat valorem; nam res crescit et decrescit domino suo, et praeterea compensare damna, si quae secuta fuerint, puta si facta sit deterior sua culpa; si dominus eam vendidisset tempore maioris valoris, etc. Si vero rem amplius non habeat eam restituere debet secundum valorem quod habebat tunc, quum periit, vel alienavit, quia cum res pereat domino suo, et periit tunc secundum valorem quem tunc habebat, non alia remanet nunc obligatio nisi illius valoris, qui rei tunc aequivalerat et eam repraesentabat. Itemque compensare damna debet, si quae secuta sint, puta si dominus rem conservasset usque ad tempus maximum lucrum ex ea percipiendi. Et sane, si tunc fur rem domino restituisset cum periit, vel alienavit, nihil aliud ei dare debuisset, nisi rem ipsam, quemcumque tunc habuerit valorem et compensare damna emergentia vel lucra cessantia. « iusta tantum aestimationem spei ». L. 768. 619. 620. 621., G. 648.

496. *Absolute quidem loquendo, stando in rigore principiorum omnes fructus*, deductis expensis, ut dicitur in prop. seq., *restituere deberet*; quia *res fructificat domino*. Attamen, *moraliter loquendo*, quando agitur de furto rei parvae et valde communis, e. g., gallinae, sufficit si valor rei illius restituitur, quia ex aestimatione communi dominus rei propriae aliud damnum passus non est. Etenim si velit rem aliam similem habere, facillime hanc sibi procurare potest. Hinc neque ova neque pullos alios ex ea obtentos restituere quis debet. L. 621., G. 651.

497. *Potest tamen possessor malae fidei retinere fructus omnes industriales et deducere expensas, tum necessarias, tum utiles.* — Ratio est, quia labor laboranti fructificat; expensas autem necessarias ipse dominus fecisset ad rem sibi conservandum; expensae vero utiles rem ipsi augent et meliorem reddunt. L. 618. Quin imo in foro conscientiae et ante sententiam iudicis, in poenam delicti eum condemnantes, potest deducere expensas etiam *mere voluptarias*, ubi intacta rei substantia separari possunt; nam nullum inde domini ius laeditur; vel si absque rei detrimento separari non pos-



sunt: et illas etiam dominus fecisset, aut rem vult vendere, non tamen in casu opposito: quia iterum in uno casu dominus non patitur damnum, bene vero in altero. L. 618., G. 645.

498. *An teneatur ad restitutionem fur, qui surripuit rem serus certo perituram?* — R. Affirmat., deductis tamen expensis factis cum pretio operae adhibitae ad rem a periculo liberandam. Ratio est, quia res illa non cessavit ad dominum pertinere, licet summo periculo exposita fuerit. — Exciipiunt plures probabiliter, si fur statim consumat rem in certo periculo remanentem, v. gr., esculenta vel poculenta incendio iam peritura: quia res non liberata a periculo nullius est valoris pro domino: siquidem nullo pretio aestimatur. Praeterea dominus nequit tunc esse rationabiliter invitus, quod res sibi certo peritura ab alio consumatur. — Lugo D. 18. n. 77. 144. seq., L. 620., Elbel 80. — Plures hoc extendunt ad casum, in quo res aliena proximo periculo subducitur et statim consumitur: v. gr. si sumas vinum alienum iamiam incursu hostili certo invadendum, illudque cum familia aut amicis bibas. Lugo, Elbel, ib. — G. 646.

499. *An fur teneatur ad restitutionem, si res furtiva apud ipsum perierit?* — R. 1.<sup>o</sup> Affirmat., absolute, si perierit culpa furis vel alterius cuiuslibet, quia fur fuit causa damni efficax, sive ipse, sive alius rem ex negligentia culpabili perdidit aut consumpserit, denavit, destruxerit L. 620. — 2.<sup>o</sup> Affirmat., generalitèr, si pariter res perit apud furem, etiam absque ulla eius culpa. Ratio est, quia fur rem subducendo totum illius periculum in se suscepit. L. 620. — 3.<sup>o</sup> Negat., tamen, si res fuisset peritura apud dominum eodem tempore et casu, seu ex vitio eius intrinseco, quia tunc nullum prorsus damnum domino inferitur. Probabilius hoc valet, etiam si res certo peritura fuisset eodem tempore et in eodem periculo communi, quo apud furem perit, v. gr., in eodem incendio, vel in eadem publica calamitate. Ratio est, quia tunc furtum non fuit causa damni, sed res aequè et eodem modo et tempore periisset. L. 620., H. A. 79., Lugo D. 18. n. 141., Vogler n. 501.

*Si res peritura fuisset eodem tempore apud dominum:* quia si peritura fuisset antea, et furto adscribendum est, quod non perierit, iam ad dominum, dum penes furem manebat, semper clamabat, nec periisset, si iam fuisset restituta: ergo fur ad restitutionem tenetur: si vero postea peritura fuisset apud dominum, urget eadem obligatio restitutionis pro fure, qui eo instanti, quo res penes se perit, obligationem restituendi contraxit. L. 620. — *Eodem periculo:* quia ubi periculum est omnino diversum, bene potest imputari furi quod pereat, quia sine eius furto res huic periculo exposita non fuisset, quamvis aliud discrimen subiisset. L. 620. Aliqui tamen contradicunt, quia, aunt, perinde est, sive res in isto, sive in alio periculo intreat, quando utrumque discrimen simul coexistat. L. 620.

Ex iure Rom. Ital. 1208. et Gall. 1302. quocumque modo res perierit in manibus possessoris malae fidei, ad restitutionem hic tenetur. Attamen non videtur ad restitutionem obligandus ante iudicis sententiam, nisi illum iure naturali obligari constet. Carriere 1072., Gousset 933., Cod. Comm. in art. 1302. — G. 647.

500. *An possit rem furi restituere emptor malae fidei?* — R. « Negant hoc commentatus dd. ... Sed adhuc affirmat. Holzm., Elbel, etc. Et hanc sententiam vident non improbabilem Less. Et quidem non immerito Bus. putat absolute probabilem, into Lugo dicit forte probabiliorè. Ratio, quia licet iste perierit, rem mala fide emendo, tamen post emptionem habet ius aequè ac emptor bonae fidei ad contractum rescindendum, rem furi reddendo, ut supra probatum est ». L. 570. 600., G. 650. Cf. hic n. 492.

501. *De possessione dubiae fidei.* — Possessor dubiae fidei talis esse potest vel in principio vel in decursu tantum possessionis. De 1.<sup>o</sup> casu dictum est supra n. 476: de 2.<sup>o</sup> hic dicendum est.

502. *Possessor dubiae fidei debet* 1.<sup>o</sup> inquirere verum rei dominum, secus enim se exponit periculo rem alienam ex culpabili negligentia sua retinendi. — 2.<sup>o</sup> Inquisitione facta et dubio perseverante, rem totam retinere potest, si ante obortum dubium bona fide possidebat: ratio est quia pacifica rei possessio in bona fide moralem exhibet certitudinem. L. 547. 608. — 3.<sup>o</sup> Inquisitione neglecta, si dominus amplius inveniri non possit « videtur, inquit P. Gury 653., aliquid restituendum esse pauperibus pro rata spei, quam habere potuisset dominus rem suam recuperandi. Generatim spes illa pretii medietatem non attingit sed multo minoris est valoris. S. Lig. de Consc. n. 36., Lugo, La-Croix n. 564 ». etc.

Verum ista resolutio non videtur posse demonstrative probari ex principiis iuris: sed potius oppositum videtur inde crui. Nam si haecenus neglexit inquirere potest adhuc inquisitionem in praesenti instituere. Insuper cum probabile sit dominum reapse nullum esse, eo quod probabiliter res non sit alterius, non constat, quod hic possessor privaverit culpabiliter dominum spe rem suam recuperandi. Itemque, licet quis neglexerit illam facere inquisitionem semper in suum favorem habet praeviam rei possessionem omnino pacificam antequam dubium suboriretur, adeoque etiam nunc potest in suum favorem invocare notum illud principium: melior est conditio possidentis.

Quod confirmari potest ex alia resolutione quam habet idem P. Gury 655. Nam iusta laud. theol. possessor dubiae fidei qui bona fide incepit possidere, si facta, inquisitione, inveniat rem probabilius alienam esse *probabilius* non tenetur ad restitutionem, « quia ex possessione certa ius moraliter certum oritur. Insuper donec alter ius suum certum probaverit valet axioma: Melior est conditio possidentis. S. Lig. l. 1. n. 35. et *alii communissime* iuxta S. Lig. contra *aliquos*, qui docent tunc esse pro rata restituendum ». Atqui 1.<sup>o</sup> utraque haec ratio non anitit suum valorem, etiamsi quis *inquirere neglexerit*. 2.<sup>o</sup> Ut constat ex secunda ratione, reapse non tenetur quis *strictae iustitiae obligatione* inquirendi, sed potest semper prudenter dicere: melior est conditio possidentis: donec alter ius *suum certum* probet. 3.<sup>o</sup> Spes illa inveniendi dominum per inquisitionem, etsi dubium non sit mere negativum, tunc enim utpote imprudens despicit potest, sed positivum, veram constituens probabilitatem iure aequiparari potest *probabilitati* vel etiam *maiori probabilitati* pro domino. Atqui etiam stante *maiori hac probabilitate* pro domino, post inquisitionem possessor non tenetur restituere. Ergo neque antea, donec alter *ius suum certum probaverit*. — L. 547. 562. 657. 658. 706., l. 6. n. 906.

503. *Nota*: Conclusio ultimo loco posita valet etiam pro possessore dubiae fidei ab initio possessionis, cum iste rem accepit titulo emptionis, donationis etc., dubitans, an ille a quo accepit eius sit dominus, et inquirere neglexerit, et amplius non potest rei dominus inveniri. Etenim similis fore ratiocinatio fieri hic potest. Quod confirmari iterum potest ex doctrina eiusdem P. Gury: haec enim aperte habet 656: 1.<sup>o</sup> « Si dubites, an antecessor tuus bona legitimo titulo possederit, potes, re perpensa, et perseverante dubio, haereditatem nihilominus *accipere et retinere*, dummodo constet, eum bona fide possedissee. Etenim, si axioma *in dubio melior est conditio possidentis*, favet antecessori tuo, etiam tibi successori favet: nam in hoc casu applicandum est principium possessoris dubiae fidei, qui possessionem bona fide incepit, quandoquidem antecessor et successor unicam personam moralem ex iure efficiunt ». 2.<sup>o</sup> « In dubio an aliquis bona vel mala fide inceperit, praesumendum est in favorem possessoris: quia delicta non praesumuntur, sed *probari debent* ».

Apposite doctus et eruditus D'Annibale 121.: Sin dubitans inierit quidam possessionem, « dubio practico, inquam, pene communissima sententia docet rem esse restituendam, saltem pro rata dubii. Ita porro, cum de ipsa possessione controversitur, idest cum non satis apparet, uter sit in possessione

actor an reus: at cum de proprietate movetur quaestio, vereor ne vera sit haec sententia. Ceterum si is eo animo sit, ut velit eius, quasi interim precario illam possideat, domino, quodcumque apparuerit rationem reddere, *licet possessionem retinet, capit* \*. Cf. Lugo D. 16. n. 96.

504. *Quando nemo eorum, de quibus dubitatur, utrum rei sint domini, rem ipsam de facto possidet*, si dubium aequale sit, res aequaliter inter illos est dividenda; si vero dubium sit inaequale, dividenda videtur iuxta dubii proportionem. Quod si res dividi nequeat, vendenda est, ut dividatur pretium: vel ex consensu partium est concedenda uni, qui obligetur ad ius unicuique cacterorum reddendum: aut etiam in sortes coniicienda, ut ei tribuatur, cui sors favebit. — La-Croix 566., Sanchez Decal. l. 2. c. 23. n. 173., Carrière 1101., G. 656. Cf. G. B. V. 2. n. 1.

### XXIII. — DE RESTITUTIONE QUIA INIUSTE QUIS FACTUS DITIOR

505. Caput hoc restitutionis ex eo quod quis iniuste factus sit ditior ex re aliena, non respicit ipsam *rem alienam*, sed *fructus* rei alienae perceptos, neque fructus quoscunque, sed *fructus immediate perceptos ex re aliena*, quibus aliquis *iniuste ditior factus est*, ut iam declaravimus, Cf. n. 490. De horum autem fructuum restitutione iam satis diximus, Cf. XXII. Quare nihil hic addendum superest.

### XXIV. — DE RESTITUTIONE EX INIUSTA DAMNIFICATIONE

506. *De damnificatione in genere. — Restitutio ex damnificatione facienda.* — Damnificatur dicitur, qui ius alienum laedit, proximo in bonis suis nocens, quin tamen inde ditior evadit. Quare, damnificatio fons est restitutionis a praecedentibus diversus. Verum, ut ea restitutionis obligationem inducat opus est ut sit culpabilis. Porro culpa alia est *theologica* alia *iuridica* de qua iam diximus, Cf. n. 225. Culpa autem iuridica ex Iure Romano a tria est *lata*, alia *levis*, alia *levissima*, de qua iam etiam diximus, Cf. n. 225. Licet autem haec culparum distinctio expresse non commemoretur in C. I. et C. G. supponitur tamen, quando pro diversis rei adiunctis ordinariam et extraordinariam, *minorem* vel *maiorem* diligentiam iidem Codices exigunt Cf. C. I. 1224. 1843. 1844., C. G. 1137. 1927. 1928. etc., Cf. etiam Rozon in a. 1137.

507. *Ut actio damnificans obligationem restitutionis inducat, iure naturae requiritur triplex conditio*, nempe ut sit *in se iniusta* et non tantum in intentione, *causa damni efficere*, nempe ut realiter influat in damnum alterius, et *theologicae culpabilis*; scilicet, ut sit iniusta, *vere*, *efficaciter* et *formaliter*. Probi debet esse actio *in se iniusta*, secus non datur locus *reali reparatum* iustitiae. Debet esse *efficaciter iniusta*, secus cum quis non sit auctor damni damnum reparare non tenetur. Debet esse *theologicae culpabilis*, secus obligatio in conscientia illatum *iniuria* damnum reparandi minime exoritur; siquidem iniuria in foro conscientiae deficit. Hinc valde probabiliter ad damnorum compensationem non sufficit sola *culpa iuridica*, *seclusa culpa theologica*. Verum si *iuridica culpa theologica* etiam *culpam* inducat,



tunc utique ad damnorum obligat compensationem. Cf. n. 225, 226, 230., G. 659, 661, 662, 696., Ithur. Cas. 27. n. 2, 3, 5, 12, 14., L. 550, 551, 556, 570, 572, 613.

508. *Inustus damnificator restituere tenetur*: 1.<sup>o</sup> totum aequivalens rei damnificatae; ita v. g. si quis domum alterius culpabiliter incendat, integrum eius pretium domino rependere debet; 2.<sup>o</sup> totum aequivalens damnis praevisis praeter rei damnificationem, si quae ex ea proveniant. Hinc v. g. si opifex solitam operam aliquo tempore omittere cogatur, propterea quod instrumentum ei necessarium destruxeris, illum non modo de valore instrumenti, sed etiam de lucro cessante teneris compensare. G. 658.

509. *An teneatur ad restitutionem, qui inculpabiliter quidem causam damni posuit, sed postea non illud impedit, licet impedire potuisset?* —

R. Affirmat. Ratio est, quia quisque tenetur ex iustitia impedire, si potest sine magno incommodo, ne actio sua proximo noceat; ergo tenetur etiam impedire, ne malum ex actione sua secutum perseveret. L. 564. — Hinc 1.<sup>o</sup> qui inculpabiliter subiecit ignem domui alienae, quando advertit ad incendiis periculum, ex iustitia illud impedire tenetur, si possit; 2.<sup>o</sup> pariter pharmacopola, qui venenum pro medicamento ex errore vendidit, ex iustitia emptorem monere debet; 3.<sup>o</sup> item qui errore aliquid grave contra famam alterius dixit, tenetur postea, cognito errore, illum corrigere; et si faciat, peccat graviter, et obligatur ad reparationem omnium damnorum, quae ex hoc proveniunt. G. 662.

510. *An reparari debeat damnum sequens ex causa culpabiliter quidem posita, sed iam retractata, quando damnum inferitur?* — R. Affirmat., saltem si damnum illud fuerit determinatum, et in specie praecognitum. Sic v. g. si quis voluntarie alteri venenum propinxerit, et postea eius effectum impedire non possit, utut facti poenitens maxime velit; damna ex homicidio provenientia reparare tenebitur. Ratio est, quia ille, qui posuit causam damni, semper pergit efficaciter in illud influere. G. 663.

511. *An reparari debeat damnum per accidens quidem, sed vacando operi illicito, illatum?* — R. Negat., quia damnum illud non est voluntarium, cum ne in confuso quidem praevisum fuerit. Nec refert, quid actio fuerit illicita; hoc enim ad iustitiae rationem nihil pertinet. Sic clericus, qui venerationi contra Ecclesiae prohibitionem vacando, hominem pro fera occidit, non magis iniustitiae reus est, quam laicus qui hoc fecisset. Ino damnum per accidens illatum, ne reparari quidem debet, etiamsi occasione actionis iniustae evenerit, quia connexionem cum illa actione non habet. Hinc ad restitutionem non tenetur, qui occidit Tirium, quem minime videbat, nec praesentem sciebat, dum sclopetum in Canem dirigeret. — Vogler 170., Lugo D. 8. n. 72, 82., L. H. A. 39., G. 663.

512. *An ille teneatur ad restitutionem, qui pravo suo exemplo alios ad damnum inferendum induxit, si praevideret pravi exempli efficaciam?* — Prima sententia probabilior negat, quia qui dat pravam exemplum, non est causa damni, sed mera occasio. Neque enim actio mala per se ad id tendit, ut alios ad eam imitandam excitet. Ergo alii damnificatores ex se omnino determinantur ad damnum inferendum. L. 537., l. 2. n. 45. — Secunda sententia affirmat, quia praebens pravam exemplum cum praevisione contagionis haberi potest ut causa efficax damni; quippe aliquo modo influit in determinationem eorum, qui damnum inferunt; et experientia docet, homines magis moveri exemplis quam consiliis, iuxta axioma: Verba movent, exempla trahunt. Antoine p. 2. c. 3. qu. 13., Billuart diss. 8. — G. 667.

513. *An tenearis reparare damnum alicui obveniens occasione iniustae actionis tuae, v. gr., si paratas fueris, et factum illi imputetur?* — R. L. Negat. certo, si damnum illud non praevideris. Non enim est causa theologice culpabilis talis damni. — 2.<sup>o</sup> Negat. etiam probabilius, licet damnum hoc prae-

videris. Ratio est, quia actio tua, posita etiam damni praevisione, non illius causa *per se*, sed tantum *per accidens* est. — 3.<sup>o</sup> Imo probabiliter etiam negandum est, licet de industria egeris, ut actio tua ipsi imputetur; quia semper haec actio est tantum causa damni *per accidens*, et non *per se*; non enim in illud ex natura sua efficaciter influxit. Prava enim intentio non efficit, ut iniustum sit illud opus, quod ex se respectu tertii iniustum non est. L. 636. — 4.<sup>o</sup> Affirmat., si quando tales fuerint circumstantiae, ut inter eas et gravem de altero suspicionem vera daretur connexio. L. n. 635., La-Croix 157. Itemque affirmat, omnino, si quis iis uteretur mediis, quae gravissimam suspicionem alterius accusandi praebeant, v. gr. si vestibus eius indueretur ad homicidium patrandum, et has sanguine foedatas proiceret, etc. L. 635., G. 669.

514. *Quid si opus externum ex mala quidem intentione ponatur, sed licet damnum accidere possit, non sit tamen vere probabile quod secuturum sit?* — Controvertitur inter gravissimos theologos. Clarior autem patebit status quaestionis ex sequentibus exemplis, scilicet: 1.<sup>o</sup> Aliquis ponit venenum aut laqueum in loco, in quo rarissime transit inimicus, sed ea intentione ut occidatur, si forte transeat. 2.<sup>o</sup> Medicus adhibet omnem diligentiam, ad quam tenetur, sed non vult maiorem adhibere ex odio, ut sequatur mors infirmi. Quaeritur an illi causa sint iniustae mortis, quae forte subsequutura est, si de facto sequatur? Duplex est sententia. — Prima sententia, quae communior videtur, negat. Ratio est, quia ex una parte actus externus non est iniustus, siquidem mera damni alieni possibilitas in rebus humanis attendi non debet; ex altera parte actus internus non efficitur iniurius ratione intentionis, cum intentio non influat in efficaciam causae, seu in periculum damni. Etenim tunc dicenda est causa mere *per accidens*, et prava intentio eius naturam non mutat. Lessius lib. 2. c. 9. n. 133., Vogler 404. — Secunda vero sententia affirmat. Ratio est, quia in praefatis casibus homicidium est sane contra iustitiam, et non excusatur, nisi quatenus involuntarium. Po- ro intentio illud reddit voluntarium. Etenim ideo, seclusa intentione, non est voluntarium, quia ponens causam non censetur velle efficaciter effectum, cum effectus probabiliter non connectatur cum causa: sed intentio illam connexionem supplet, et facit, ut operans vera illius causa sit. Ad rationem enim causae multum conducit intentio operantis. Ergo. Lugo D. 8. n. 75. Dicit autem Lugo non sufficere praevisionem possibilitatis damni in praefatis casibus ad rationem iniuriae, sed etiam requiri intentionem illud procurandi. — G. 694.

515. *An existimans ex errore invincibili, damnum a se illatum multo minus esse ac verum sit, teneatur ad totum illud restituendum, si postea verum pretium aproscat, v. g. si quis proiciat in mare gemmam alterius valentem 100., dum credit eam 10. tantum valere?* — Probabiliter tenetur ad restituendum solummodo pro rata damni cogniti; quia non censetur volitum damnum, quod invincibiliter est ignoratum. L. 613., Elbel 90., Vogler 189., Carriere 1151. — Dabitur tamen obligatio reparandi totum damnum, si quando ob maioris pretii suspicionem saltem in confuso obortam totum damnum evadat voluntarium. — G. 666., L. 613.

516. *An teneatur ad restitutionem, qui alium impedit a consecutione alicuius boni vel beneficii?* — R. 1.<sup>o</sup> Affirmat., si proximus habeat ius strictum ad rem obtinendam, v. g. in casu concursus. — 2.<sup>o</sup> Si proximus non habeat ius strictum ad rem consequendam, distinguendum est: 1.<sup>o</sup> affirmandum, si *mediis iniustis* id impediatur, v. gr. *vi, fraude, calumnia, meto*, etc.; 2.<sup>o</sup> negandum vero, si impediatur *mediis in se iustis*, v. gr. *suasione, precibus*, etc. Ratio est, quia nullum ius alterius tunc violatur, nec in se, nec in mediis. — L. 582. 585. 587. 588. 614. 632. 633., H. A. 61., G. 671.

517. *An tenearis ad restitutionem, si ex mala intentione, v. gr. ex*

*odio, sectusis tamen mediis de se iniustis, avertas aliam a consecutione boni, ad quod ius strictum non habet?* — R. Negat. probabilius. Ratio est, quia nulla iniuria proximo inferitur. Et niam ad iniuriam non sufficit mala intentio, sed requiritur actio externa, quae vera et efficax causa damni iniusti sit. L. 584. 585., Ebel 108., Antoine, qu. 15., G. 671.

518. *An teneatur ad restitutionem, qui dabitur, an damni causa ipse fuerit?* — 1.<sup>o</sup> Commune est inter d.d., ait S. Alph. 562., quod in dubio, an causa posita fuerit, vel an damnum illatum sit, ad nullam restitutionem teneatur. Ratio, quia factum non praesumitur, sed probari debet. — 2.<sup>o</sup> Si dubium versetur circa influxum actionis in damnum, quod certo evenit, controvertitur. Prima sententia ex S. Alph. valde probabilis affirmat, quia posito facto actionis, praesumitur ipsam fuisse causam mali, si apta ipsa revera erat ad damnum inferendum. Secunda sententia ex eodem S. D. « satis etiam probabilis negat... et hanc videtur tenere. D. Th. 2. 2. q. 62. a. 7.... Ratio est illa regula generalis, quod nemo obligatur ad restitutionem, nisi omnino de tali obligatione constet, nempe quod ipse fuerit vera causa damni ». L. 562. 547. 575. 579. 706.

519. *An tenearis reparare damnum, quod alicui ex errore intulisti, dum alteri nocere intendere; e. g. si incendas domum Caii, quam putas esse domum Titii inimici tui?* — Duplex adest probabilis sententia. Prima, quam plures et graves thth. tenent, affirmat, quia adsunt in eo casu omnes conditiones requisitae ad restitutionem urgendam, scilicet actio iniusta, causa damni efficax, et culpa theologica. G. 664. Secunda « cum Leandro, Molin., Tamb., Sporer, Lugo, la-Croix... negat eum teneri ad restitutionem, modo is non intenderit, ne confuse quidem, incendere domum alterius quam Titii... Ratio, quia ad obligationem restitutionis, quae oritur ex damnificatione principaliter facta propter iniuriam, requiritur iniuria formalis; nec sufficit iniuria materialis, et solum effectiva sine animo, sicut nec sufficit iniuria tantum effectiva, opere externo non completa, ut esset haec; Cardinalis de Lugo enim sic loquitur: cum ego intendo damnum inferre Titio, animo illi tantum iniuriam irrogandi, quocumque alio excluso; si postea per errorem invincibilem laedam Caium, iniuria respectu Titii non est formalis, et effectiva, sed duntaxat materialis et effectiva, ac mere accidentalis, cum mihi non fuerit animus eum laedendi, nec in particulari, nec in generali; et ideo non teneor illi restituere damnum, quod oritur ex iniuria. Nec obstat dicere, quod ad obligationem restitutionis satis sit intendere aliquam actionem iniustam et eam exequi; nam respondent d.d. citati, quod ad onus restitutionis, ratione damnificationis, non sufficit sola actio materialiter iniusta, sed insuper requiritur actio formaliter, seu voluntarie iniuriosa in alterum qui laeditur. Haec autem actio iniuriosa voluntaria deest in casu nostro, cum accedat actio praeter intentionem, quae non est alicui formaliter iniuriosa: si enim intendam tantum laedere Titium, et quemcumque alium excludam, tunc neminem voluntarie offendo: non Titium, quia de facto is non laeditur: non alterum, quia respectu istius mea actio est prorsus involuntaria, et ideo error est circa substantiam ». Ita S. Alph. 629. Mox vero discrimen ostendens S. D. damnificationis et furti, subdit: « In furto enim non attenditur, cui voluerit facere iniuriam, sed an vere voluerit rem accipere invito domino, cum in hoc videatur differre obligatio restitutionis ob damnificationem, a restitutione ob furtum: nam in damnificatione principaliter intenditur iniuria in personam domini, et accessorie illius damnum; in furto autem principaliter intenditur lucrum iniustum, et accessorie iniuria domini; et ideo error domini, in casu furti, videtur esse circa qualitatem, in casu vero damnificationis circa substantiam ». Cf. L. 628.

520. *De damnificatione in specie.* — *De damnificatione in bonis animi.* — 1.<sup>o</sup> Quicumque fraude, mendacio, vi, metu, vel alio medio iniusto, vel ex officio obligatus, nititur sua actione alicui inferre damnum spirituale



sive ordinis naturalis, eum e. g. privando memoria, ratione, etc. per *venenum*, *philtrum*, etc. sive ordinis supernaturalis eum e. g. inducendo in peccatum, in errorem contra fidem, etc.; vel eum *privare aliquo bono* sive naturalis sive supernaturalis ordinis, e. g. ne scientiam vel artem addiscent, ne ingrediatur in religionem, etc., tenetur *ex iustitia* 1.<sup>o</sup> amovere medium illud iniustum; 1.<sup>o</sup> reparare debet damna, quae ex medio illo iniusto, eveniant, dummodo damna ista in eodem ordine reparari possint. Utriusque ratio est, quia quilibet ius habet ne *iniuste* damnum ipsi inferatur, aut a consecutione boni impediatur. L. 660.-662., S. Th. Quodl. 5. a. 25., G. 723. 724.

2.<sup>o</sup> Si quis autem ex officio non obligatus, et absque fraude, mendacio, vi, metu, vel alio *medio iniusto*, causa sit alteri sua actione alicuius *damni* spiritualis, sive supernaturalis sive naturalis, vel *privationis* alicuius *boni*, tenetur *ex caritate* impedire, si possit, eum maiori vel minori suo incommodo pro maiori vel minori damni alieni periculo, maiori vel minori bono quo alter privatur, ne actio sua proximo noceat. Si id enim non praestat iam eius actio, causa damni alieni, quae ab initio erat forsitan prorsus inculpabilis, dum advertit nunc ad damnum subsequens, culpabilis omnino evadit. Et si ab initio culpabilis fuit in culpa perseverare non debet. Ad nullam tamen ex iustitia tenetur damnum reparacionem, e. g. si quis malo exemplo tantum vel prava suasionem, sine vi et fraude alium induceret ad peccatum; vel si quis gratuito, sine ulla pacti vel officii obligatione, ac seclusis fraude et dolo male alium doceret ex mera negligentia vel ignorantia. — G. 723. 724., L. 660.

521. *De damnificatione ob iniustum homicidium.* — Homicidae vel mutilatores nihil probabilius restituere debent praecise pro vita, membro, etc., quia haec non sunt pretio aestimabilia. Tenentur vero ad compensanda omnia damna temporalia, quorum homicidium *causa efficax* fuit, ut ex dictis constat. L. 626., G. 725.

522. *Resolves:* Homicida vel mutilator tenetur 1.<sup>o</sup> compensare damna, quae *ipsi personae laesae* inferuntur ante ipsius obitum, cuiusmodi sunt expensae in morbo curando factae, et si quid per id temporis et eam ob causam perdidit ex operae intermissione, ex omissa negotiatione, ex impedito lucro, etc., quae, nisi ab ipso laeso condonentur, solvenda erunt in eius defectu haeredibus, quicumque illi sint, ad quos *iura realia* occisi transeunt. L. 630. 631., G. 725.

2.<sup>o</sup> Compensare debet damna *necessario* obvenientia uxori, filiis, aut parentibus occisi. Etenim iniustus homicida illis etiam tenetur restituere, quibus ex sua iniusta actione damnum per se intulit. Atqui illis, quos occisus alere *debuisset* et *poltuisset*, attentata aetate, valetudine, etc., ex sua iniusta actione *per se* damnum intulit. Ergo. Horum autem ius laesum, cum ius non sit ipsius occisi, hic illud occisori remittere non potest. Ex ipsa vero ratione adducta patet quantitas compensationis faciendae ab occisore erga tales personas. Tantum nempe, per se loquendo, restituere tenetur quantum occisus tenebatur et poterat praestare pro eorum necessaria sustentatione, et suo statui debita, iuxta tamen *speciem* istius sustentationis. Lugo D. 11. n. 81. 82. 88., L. 630. 631. 632., G. 725. 726.

3.<sup>o</sup> Compensare debet damna quaevis et quorumcunque, quae ex morte occisi *necessario et per se* sequuntur; talia sunt damna creditorum. L. 633. 634. Neque etiam potest occisus ea condonare, quia disponendi de aliorum iuribus nullam potestatem habet. Verum Sanchez alique eum obligant in casu tantum, quo laedens creditorum damna *praeciderit*. Quod certum videtur. Cf. L. 613. Alii vero plures et graves thth. asserunt non teneri homicidam ad restituendum creditoribus occisi, etiamsi homicida *praeciderit*, dummodo non *intenderit* illorum damnum. Verum ista *directa intentio*, sive adsit, sive desit, non immutat naturam illius actionis externe iniustae erga creditores et causae efficacissimae eorum damni. Eumvero si occisio non est obiective

inspecta causa *per se* eorum damnorum, talis certo non fit *per extrinsecam hanc intentionem*. L. 584. 636.

523. *Nota*: Licet homicida poena capitali plectatur restitutionis obligatio transit ad haeredit. Hi enim succedunt et in iura et in debita realia defuncti. Consent tamen plures excusari haereditem a restitutione, si compensatio damnorum non petatur, quia tunc partes praesumuntur condonare L. 631. 705., G. 727.

524. *An ad aliquid teneatur, qui alterum occidit in duello*. — R. Negat. probabilius, sive fuerit provocans, sive provocatus. Nam ille ipse qui occisus est, in duellum consentiens posuit suo consensu totam causam *necessariam et sufficientem* eorum damnorum. Excipe, nisi alium induxerit vi aut gravibus minis, sique quasi coegerit. — L. 638., G. 727.

525. *De damnificatione ob stuprum et fornicationem*. — 1.<sup>o</sup> Duo distinguenda sunt simplex iniuria, et damnum. *Iniuria* compensatur *satisfactione*; eaque debetur tum mulieri, quae invita stuprum passa fuerit; tum, regulariter loquendo, eius parentibus; si nempe id patri innotuerit, et filia adhuc in patris familia permaneat, licet amplius non sit sub patria potestate. *Satisfactio* nempe veniam petendo, honorem exhibendo, humili sui submissione. L. 641.

2.<sup>o</sup> Pro *damno* mere *naturali*, seu pro laesione integritatis corporalis et amissione virginitatis, nihil *saltem probabilius*, restituendum est; quia damnum illud pecunia compensari nequit. L. 640., G. 728.

3.<sup>o</sup> Etiam pro *damno temporali*, quod ex turpi consortio subsecutum sit, nihil, excepta proles educatione, restitui debet, quando mulier sollicitationi consentit; neque ipsi mulieri consentienti, quia scienti et volenti non fit iniuria, neque eius parentibus; quia nullum eorum strictum ius violatur. L. 641., G. 728. 729.

4.<sup>o</sup> Si stuprator vi, fraude, dolo, minis puellam violaverit, tenetur reparare omne damnum ei vel eius parentibus inde obveniens; quia huius damni est causa efficax et iniusta. L. 641., G. 728.

5.<sup>o</sup> *Damnum* reparandum est, si nempe mulier ex amissa virginitate, vel amplius nubere non possit, vel non nisi deteriores nuptias inire possit. Damnum autem inde adest, si stuprum reveletur, minime vero si occultum maneat, adeoque tunc restitutio cessat. Si autem mulieris culpa reveletur, licet vim ipsa passa sit, sibi debet imputare damnum. Si vero viri culpa reveletur is damnum tenetur compensare, licet mulier consenserit, et iam antea fuerit corrupta. Quod si neque viri neque mulieris culpa reveletur, et mulier invita fuerit oppressa, vir periculum in se suscepit damni, et ad restitutionem tenetur. L. 640. 641. 642. 646.

6.<sup>o</sup> Restitutio in hoc consistit, quod vir mulierem aut dotet, aut in uxorem ducat. *Dotet*, nempe si nullam habeat dotem; aut, si insufficientem habeat, eam augeat, ut mulier aequè bene possit nubere. *Ducat*, si nempe mulier velit, ne iniuriae iniuria addatur, si cogatur. Mulieris autem est eligere vel dotem accipere vel matrimonium inire; nam neque ad dotem accipiendam cogi potest, siquidem illatum damnum aliter non potest ad aequalitatem reparari, nisi inito matrimonio. Attamen, quia coacta matrimonia malum saepe habent exitum, hinc communiter docent dd. sufficere, si vir mulierem dotet, qua aequè bene nubere possit; et ad matrimonium tantum, aiunt, virum teneri, si mulierem dotare non possit, dummodo id facere possit sine suo longe maiori damno, uti e. g. si mulier longe inferioris sit conditionis, si ex matrimonio magnum timeatur scandalum. Dos autem soli mulieri, cuius interest nubere, debetur, et deberi incipit ex quo petatur. — L. 641. 642. 644. 648. 649., l. 6. n. 104. 851., Lugo D. 12., n. 8. 9. 11. 12. 14. 16. 17. 18.

7.<sup>o</sup> Uterque natum filium agnoscere et alere tenetur. Si citra infamiam filius agnoscì non possit, et mulier vim passa fuerit, vir solus eum alere

tenetur; sed si mulier quaestum suo corpore faciat, ipsa sola filium tenetur alere. In stupratoris autem defectu, mater curam filii suscipere debet, licet nullam culpam admiserit, *quia mater est*. Sed tunc recursus servat in corruptorem, qui omnes expensas, quas occasione proles illa fecit, ipsi compensare tenetur. Si vero mulier in peccatum consenserit, ex iure Romano mater tenetur alere infantem per tres annos, et postea ei pater providere debet. Ex C. I. et G. nihil expresse statuitur. Iurisperiti tamen agnoscunt, parentes aequae et in solidum obligari saltem ad alendos et educandos filios *legitiliter* recognitos. Hoc ex C. I. 138., C. G. 203. eruitur. Etsi autem filii non fuerint recogniti, iure tamen naturali eadem obligatio ipsis incumbit. Carrière 1371., Gousset 1016., G. 730.

526. *De damnificatione ob adulterium.* — 1.<sup>a</sup> Restituendum est quidquid *ex falsa causa* illegitimo filio, quasi *legitimo*, obvenit. Hinc « restituendum est pro expensis, quas maritus facit in alimentis proles alienae. Item quod ea de causa ei donat, vel post mortem relinquit, quod quidem aliis filiis vel cohaeredibus reddendum est. Item si mariti consanguinei, putantes filium esse legitimum aliqui eo intuitu ei donant vel relinquunt. Haec enim omnia *ex falsa causa, et dolo iniusto* adulteri faciunt et expendunt ». Lugo D. 13. n. 2. 34. seqq.

2.<sup>a</sup> Restituere autem debent tum ipse filius adulterinus, tum eius adulteri parentes. Adulterinus filius restituere debet *ex re iniuste accepta*, adeoque restituere debet ea quae adhuc habet, vel eorum aequivalens in quo ditior factus est. — Parentes restituere debent *ex iniusta damnificatione*, adeoque damnum compensare debent, quod ex adulterino filio pro legitimo habito, per se et quasi necessario sequitur, videlicet impensas a marito, vel ab eius ascendentibus factas in adulterinum filium alendum sustentandum, educandum; eaque quae adulterinus *ab eis*, non ab aliis consanguineis, accepit, dono, testamento, successione. Lugo D. 13. n. 37. 40. L. 659.

3.<sup>a</sup> *Parentes* autem restituere debent, nempe 1.<sup>a</sup> adultera, nisi haec invita fuerit oppressa, filiis legitimis plus relinquendo, parcius vivendo, rem familiarem diligentius administrando; 2.<sup>a</sup> adulter nisi mater facile potuisset, filium subducere. Lugo D. 13. nn. 9. 13., L. 659. Uterque autem in solidum tenentur: si ex utraque parte crimen fuerit voluntarium, quia *totum* utrique imputandum est. Si adulter vi aut metu gravi consensum mulieris extorsit, solus ad totum damnum reparandum tenetur. G. 732., Lugo D. 13. n. 9. Less. 10. 41.

4.<sup>a</sup> Restituere vero debet filius, si certum et evidens ipsi sit esse adulterinum. Restituere item eius parentes debent, si certum et evidens sit eum misse ex adulterio conceptum. Lugo D. 13. n. 17.

5.<sup>a</sup> Restitutio faciendâ est iis, qui impenderint, dederint eisque defunctis, eorum haeredibus: restitutio item faciendâ est legitimis filiis, adulterini filii *causa* laesis, si filius illegitimus simul legitimis haereditatem accepit. L. 659.

6.<sup>a</sup> Praedictae restitutionis iuste excusans causa est, si fieri nequit sine gravi periculo et damno vitae, libertatis, famae. Lugo D. 13. n. 58., L. 653.

7.<sup>a</sup> Si crimen marito innotuerit debebunt, personalem *iniuriam* compensare per veniam petitionem, per signa doloris, per alia huiusmodi. — Ithur. Cas. 6.

527. *Quid in dubio, an proles sit mariti aut adulteri, vel ex tali adultero potius, quam ex tali alio?* — R. ad 1.<sup>am</sup> probabilius, ad nihil tenentur adulteri, quia de damno non constat. L. 657., Lugo D. 13. n. 17. et alii multi contra alios, qui dicunt pro rata restituendum esse. — Ad 2.<sup>am</sup> Prima sententia tenet, utrumque adulterum teneri ad restitutionem pro rata. Ratio est, quia certum est damnum, et constat illud ab alterutro peractum esse: singuli autem sunt causa efficax et iniusta incertitudinis, quae impedit, ne



compensatio ab uno determinato exigi possit. La-Croix, n. 337., Lugo n. 19., Rencaglia c. 2. qu. 3. Secunda sententia negat, quia onus certum imponi non potest, ubi dubia est obligatio. Excipe nihilominus, si a iulter secundus advertisset, saltem implicite, quod suo peccato foret causa incertitudinis. Item si adulteri ex communi consilio adulterium patnaverint. L. 658. — G. 733.

528. *An mulier erigens seum revolare teneatur, si alio modo damnum reparari nequeat?* — R. Negat., generatim loquendo. Ratio est, 1.<sup>a</sup> quia communiter haec revelatio fieri nequit sine magna mulieris infamia, et saepe sine periculo mortis, vel odii perpetui aut aliorum gravium malorum; 2.<sup>a</sup> quia etiam tali medio adhibito, difficile damnum reparare possit, praesertim cum filius matri fidem adhibere non teneatur, ut infra dicemus. Excipiunt communiter, si mater sit perditae famae, etc. ... L. 653. — G. 732.

529. *An filius teneatur credere matri etiam vivanti, illum illegitimam esse?* — R. Negat., quia ex iure et sensu communi nemo tenetur credere uni testi, etiam probatissimae fidei. Secus tamen si praeter testimonium matris accederent indicia evidentialia, v. gr., absentia patris a longo tempore. L. 654. — G. 733.

530. *An si adulteri, vel fornicatores essent opulenti, et mitterent prolem ad nosocomium, teneantur ad impensas resarciendas?* — Controvertitur. Prima sententia affirmat. Ratio est, quia nosocomia sunt instituta in gratiam infantium, non verum parentum; nec praesumendi sunt eorum fundatores, voluisse divites a solvendis expensis eximere. Lugo D. 13. n. 3. Bouvier de Restit. p. 2. art. 2., Carriere, n. 1373., Rousselot opusc. de sexto praec. — Secunda sententia negat, quia ista nosocomia erecta sunt pro omnibus indiscriminatim infantibus, qui a parentibus abiciuntur, sive ad genitores divites, sive ad pauperes pertineant. Neque obstat, quod subsidia a Gubernio vel a Municipio pro istis parvulis praebentur, quia haec pro puerulis derelictis generatim tribuuntur, quin ad parentes attendatur. Insuper huiusmodi hospitia instituta sunt eo fine, ut infantes illegitimi liberentur a periculo mortis tum aeternae, tum temporalis, cui maxime exponerentur, nisi in piis illis locis susciperentur. Quot enim parentes impios et barbaros infamiae metus adegit sive ad abortum probris suae procurandum, sive ad necem ipsi inferendam? Porro filii divitum non minus ac filii pauperum tale periculum incurrerent. Lig. 656., qui hanc sententiam putat probabiliorē. — G. 734.

531. *De damno occasione militiae illato.* — 1. Ad nihil tenentur milites ratione damni in actione communi, nisi ipsis de iniustitia belli constet, quia non sunt damnificatores *formaliter* iniusti. — 2. Milites autem in bello *evidenter iniusto* tenentur de damnis omnibus, quae per actionem privatam intulerunt; et tenentur singuli pro rata de damnis a toto exercitu illatis, nisi forte ex gravi metu ad belligerandum coacti fuerint. — 3. Duces autem seu Principes tenentur primario et in solidum de toto damno per exercitum illato, quia sunt vere, mandantes; vel, si damnum non imperarunt, illud ex officio impedire tenebantur. — G. 746.

532. *An singuli milites teneantur in solidum de toto damno ab exercitu illato, aliorum defectu?* — R. Negat., probabilius; quia totius damni singuli causa non sunt, sed partis tantum. Ceterum in praxi ex impotentia absoluta forent excusandi. — G. 747.

533. *Ad quid teneantur milites conscripti desertores?* — 1. Tenentur ad castra redire ex obedientia seu ex iustitia legali. Ita communiter. Excipe 1.<sup>a</sup> si nimium salutis periculum offenderent, v. gr., si media confitendi non suppetere, etc.; 2.<sup>a</sup> si redeuntes morte, trimeribus, aliisve gravissimis poenis plectendi forent; 3.<sup>a</sup> si bellum sit evidenter iniustum. — 2. Certo autem ad nullam restitutionem tenentur desertores, quandocumque lex alios

ipsorum loco non requirit: quia nullo modo iustitiam commutativam laedunt, cum nulli alteri damnum inferant. — G. 747.

534. *Ad quid teneantur, qui se locaverunt pro aliis et deinde militiam decesserunt?* — Per se tenentur restituere pretium acceptum illi, a quo acceptum, quia ipsis deest ratio ad accipiendam pecuniam, quae non nisi propter militiae onus erogatur. Attamen hoc videtur valere tantum, ubi ille, qui militem loco sui conduxit, periculo militiae subeundi exponitur. — G. 748.

535. *Ad quid teneantur nondum inscripti militiae, qui ab hac se subtrahunt, vel exemptionem sine veris causis obtinent?* — 1.<sup>o</sup> Qui magistratus vel medicos corrumpunt, ut ab eis invalidi declarentur, certo ad restitutionem tenentur. Ita omnes. — 2.<sup>o</sup> Item qui mendaciis, fraudibus, aut praevia mutilatione magistratus decipiunt, iuxta sententiam communio-rem, obligantur ad restitutionem. Ratio est, quia alii iuvenes exempti ius strictum habent, ne tamen media cum ipsorum detrimento adhibeantur: requisiti enim sorte declinare nequeunt onus militiae legitime ipsis impositum, cum lex seu sortes lege stabilitae ius constituent, alios requirendo, alios vero a militia eximendo. Ita Bouvier. de Restitutione quaest. 2. art. 2., Gousset n. 1002., Collat. Andeg., etc. Negant tamen plures. Ratio, quia haec lex videtur iustitiae distributivae adversari, cum solae familiae iuvenes militiae idoneos habentes tantum onus subeant. — 3.<sup>o</sup> Qui ad militiam effugiendam in aliam patriam se conferret, ut ibi vitam degeret, nullo modo peccaret, quia lege patriae suae absens non adstringeretur, cum lex extra territorium suum extendi nequeat. At qui iam ad militiam designati ab hac se subtrahunt, vel exemptionem sine veris causis obtinent, si nemo eorum loco ex lege requirendus sit, peccant forte contra iustitiam legalem, ad nullam tamen restitutionem tenentur. — G. 749.

## XXV. — DE RESTITUTIONE EX CONTRACTU

536. *Restitutio ex contractu.* — *Restitutio*, damni dati redintegratio est. Damnum autem *ab ademptione* dictum est. Quare restitutio proprie supponit aliquid ademptum et quasi diminutum ex rebus nostris. Hinc quae quis praecise vi contractus vel quasi contractus alteri debet, e. g. vi venditionis emptionis, mutui, commodati etc., non *restituit*, sed *reddit*, quasi *retro dat*. — Similomodo ut vera *ex natura*, et *ex lege* competit restitutio, ita etiam ea *ex pacto* competere potest. Et sic si commo- latarius dolo malo fregit vasa sibi commodata, naturali iure ad restitutionem tenetur. Si culpa civili ea non custodivit et amisit civili iure ad restitutionem tenetur. Si fortuitum essum in se suscepit, ad restitutionem etiam tenetur non ex iure naturali, seu civili, sed ex pacto.

537. Iam vero duplex hic quaestio est dumtaxat pertractanda. Prima est: *An requiratur culpa theologica ad inducendam restitutionis obligationem pro damno illato rei alienae, quae detinebatur ex contractu aliquo*, v. g. commodati, depositi, locationis etc., vel sufficiat culpa *iuridica*. Duplex autem haec in re *probabilis* sententia altera affirmans, altera negans, de qua iam diximus n. 225. Altera quaestio est: *An etiam requiratur culpa theologica ad restitutionis obligationem ob damnum alteri illatum in officio implendo, seu in quasi-contractu servando*, v. g. si medicus ex errore inculpabili remedium medicum legesto praebuerit? Huic quaestioni affirmative probabilius respondetur. Ratio est 1.<sup>a</sup> quia non potest probari obligatio restituendi ob culpam more iuridica in officio, seu in quasi-contractu, sive ex iure natu-

rali, sive ex lege positiva, sive ex partium conventionem: 2.<sup>a</sup> quia talis obligatio esset nociva bono publico; inde enim fieret uti viri probi et timorati a suscipiendis aliorum negotiis nec non ab officiis publicis arcerentur. G. 662. — Excepi tamen 1.<sup>o</sup> si quis suscipiens aliquod officium expresse promittit, se adhibiturum talem diligentiam; nam sic obligatur ex speciali pacto, praesertim, si propterea maius stipendium accipiat: 2.<sup>o</sup> quando talem diligentiam promisit tacite, e. g. iactando se meliorem et doctiorem aliis, sicque impediendo, ne alter quaereret doctiorem, vel diligentiorum; nam sic alterum decepit, et consequenter tenetur ad damnum ex sua ignorantia, aut negligentia secutum, etsi haec in se non fuerit theologice graviter culpabilis. — Cf. n. 225., Ithur. Cas. 27. n. 20.

## XXVI. — DE RESTITUTIONE EX LEGE VEL EX IUDICIS SENTENTIA

538. *Nullum dubium est obligationem adesse restituendi ex iuridica iudicis sententia.* — Id constat 1.<sup>o</sup> ex comm. thth. sententia: 2.<sup>a</sup> quia civilis etiam potestas dum legitime praecipit vim habet obligandi in conscientia. Atqui legitime praecipit civilis magistratus, sive iuxta legem mulctam solvendam imponat, sive etiam iuxta eandem legem lites proprietatem respecientes dirimat. Ergo. Quod autem hae leges iustae sint patet iterum 1.<sup>o</sup> ex comm. thth. auctoritate: 2.<sup>o</sup> ex eo quod apud omnes civiles nationes istae leges vigerint et videntur: 3.<sup>o</sup> quia hae leges maxime necessariae sunt ad rectum regimen civilis societatis eiusque commune bonum, unde civilis auctoritas nullo pacto carere potest morali facultate tales leges ferendi. — L. 631. 641. 711. 927.

539. *Nullum etiam dubium est, ut ex modo dictis constat, obligationem adesse restituendi immediate ex ipsa lege, nulla etiam iuridica iudicis sententia intercedente.* Talem restitutionis faciendae effectum consequenter producit lex civilis in duplici tantum casu: 1.<sup>o</sup> cum *ipso facto* transfert dominium, ut sunt leges praescriptionis: 2.<sup>o</sup> cum iterum *ipso facto* impedit dominii translationem, ut sunt leges contractus *ipso facto* irritantes; et praeterea *legale* mercium decernentes. Quare ad mulctam vel ad restitutionem nullo pacto quis tenetur ante iudicis sententiam condemnatoriam vel saltem declaratoriam, si lex sit *penalis*, vel *mere prohibitiva*, sed non irritans, vel etiam *irritans*, sed *iure dumtaxat*, non *ipso facto*.

540. Loquitur S. Alph. 554. de culpa iuridica, an ea sola, sine culpa theologica sufficiat ad restitutionem imponendam et ait: « Illae leges, quae in aliquibus casibus omnino praecipiunt restituti nem, istae quidem obligant, etiamsi absit peccatum, sed non ante sententiam iudicis » — Damnatus autem a iudice « ad reparandum damnum ob iuridicam culpam, minime pro tali sibi reparatione compensare potest, quia iudicis sententia pro facto etiam interno patienti damnum adsisit ». Ithur. Cas. 27. n. 4. — Licet ergo dominus non teneatur reparare damna per sua animalia illata proximo sine sua theologica culpa, ante sententiam iudicis, tenetur tamen post sententiam, neque se deinde occulte compensare potest. G. 657. — Hinc etiam « etsi praecise pro vita, membro, occisione non sit obligatio restituendi; per sententiam tamen iudicis cogitur iniuriens satisfacere pro iniuria ». L. 631.

541. « An qui fraudibus seu mendaciis, aut falsis testibus impolit, ne fisco applicantur bona, quae ob crimen, e. g. non soluti cecigalis, vel aliud



*essent fisco addicta, teneatur ad restitutionem?* — R. Cum Less. ... ac aliis commississime, quod post sententiam certo tenetur; secus vero ante sententiam, quia ante sententiam nullum ius acquisivit fiscus ad poenam, quae non nisi post sententiam debetur; vel quia sic saltem accipitur communiter hoc fisci ius ad poenas ». L. 583.

## XXVII. — DE RESTITUTIONE EX INIUSTA COOPERATIONE

542. *Restitutio facienda est ex iniusta cooperatione.* — Cooperator enim ad iniustum proximi damnum, vere huius causa est. — Hinc tenentur ad restitutionem omnes illi, qui quoquo modo sunt causa influens et efficax damni secuti: ac qui ex officio et obligatione iustitiae obligati cavere damnum, non caverunt. — Cooperatio autem ad damnum proximi novem modis fieri potest, quorum sex priores sunt positivi, tres posteriores negativi. Omnes sequentibus versibus continentur: Iussio, consilium, consensus, palpo, recursus, Participans, mutus, non obstans, non manifestans.

543. *De iubente.* — *Iubens* seu *mandans* hic dicitur, qui alterum inducit ad agendum, ut damnum suo nomine alteri inferat. — Iubens tenetur ad reparandum omne damnum imperatum, et ex vi mandati illatum; secus autem, si damnum nomine suo factum solum approbet. Ratio est, quia in priori casu, efficaciter in damnum influit. Quoad autem posteriorem casum mera facti approbatio nihil pertinet ad rationem mandati, atque adeo qui mere iam factum approbat, mandans dici neque debet, neque potest. L. 558., G. 673.

544. *An teneatur ad restitutionem mandans, si mandatum revocaverit antequam damnum fuerit illatum?* — R. Negat., si revocatio innotescat mandatario ante executionem mandati; secus autem, si nullatenus aut tardius innotescat: quia in priori casu non influit in damnum, bene vero in posteriori. L. 558., G. 674.

545. *An mandans teneatur de damnis, quae mandatario in mandati executione obveniunt?* — Affermat La-Croix cum aliis, quia mandans, damnum iubendo, censetur suscipere in se obligationem mandatarium idemnem servandi. At videtur id coarctandum ad casum, in quo mandans per fraudem, dolum, vim, aut metum, alium coegit. Secus enim mandatarius videtur sponte in se suscepisse totum onus et illius consecutaria; et nisi pactum de interminitate praecesserit, mandans tantum ex quadam aequitate tenebitur. G. 674.

546. *An mandans teneatur reparare damnum, quod executor ex errore inevitabili alteri intulit?* — R. Negat., quia vera damni causa est error mandatarii. Excipiendum tamen, si forte nimis difficile fuerit errorem cavere. Licet enim omnes consentiant, mandantem non teneri de damnis, quae mandatarius intulerit ultra mandatum; at id limitant, si in potestate fuit mandatarii fines mandati servare. Ergo et in casu si moraliter non erat possibile errorem cavere, error mandanti imputari debet. — G. B 674.

547. *An superior, ratum habens damnum, mandanti comparandus sit?* — R. Negat., si ratihabitio executionem damni subsequatur, quia tunc in damnum inducere nequit. Secus vero, si damnum praecedat, seu propositum damni interendi respiciat, et in illud vere induat. L. 558., G. 674.

548. *De consultant.* — Consultant peccat contra iustitiam, quoties sciens et volens praebet iniquum consilium, quo alter efficaciter inducatur ad damnum iniuste inferendum: quia damnum est et ipsi imputabile. Constat

etiam ex pr. 303 d. ab hinc. XI. Hinc Consilens, qui bona fide delit damnum suum consilium, erga virtute tenetur illud retractare, et quidem ex iustitia. Consilens vero non tenetur ad restitutionem si ex alio de se aut iam determinatus ad damnificandum: ut si alium a quoque libere consilio namum fuisset in animis: quia tunc consilium non effluenter in damnum inludit. Sensus quoque, si ex alio etiam a consilio in invidiam, uter motus, quia tunc vere est effluens causa damni. — L. 561. 562. G. 676.

549. *An teneatur ad restitutionem consilens, qui consilium suum revocat ante retractationem detrahit?* — R. 1.º Negat., si consilium fuerit nudum, id est simplex, quia per revocationem tollitur tota vis consilii. — 2.º Si consilium fuerit instructum, sed in animis mixtum, non revocatur. Prohibetur etiam negat., in do. si illa fuerint in retractatione alia motiva, saltem a quoque effluens. Ita Azor. et alii. contra alios, quorum sententiam probabiliorum est S. Lig. Rayn., si tunc ad damnum inferendum determinatum esset. Vis namque ingrediendi damnum, quam sensus non invenisset, aut quid simile: quod respectu tunc tunc fuit vere effluens, praesertim si praesideris, tum primum suum praesentem non esse mutaturum: nisi tamen in animis eum, cui tantum inludit, ad quod incassum tenetur, ut censet de iure apud S. Alph. 550. si alioque a quoque vel alicui damnum consilium possit damnificandum non re de damno imminere. — G. B. 677., L. 561.

550. *An teneatur ad restitutionem consilens in casu malum ad naves arboribus?* — R. Negat., si agatur de eadem persona, qui consilium ipsi faret, notandum tamen: sensus autem, iuxta multos, si agatur de alia, de qua damnificum non est, tenetur, quia hoc rationaliter invita merito censetur. L. 565. 577. Contrarium tamen tenetur alii ratione satis probabilis duci. Vasquez Op. de Sacris, tit. 1. dub. 2. n. 14. Turrius de Fide Spe etc. Disp. 95. 443. G. 676. B. 677.

551. *Quid si alter cum sit determinatus ad damnum, e. g. ad occidendum, et tu scilicet tandem notum, nempe, ut occidit in loco non gloriose in illo non in alio loco, ad te perit?* — « Adest duplex sententia probabilis. Prima docet te teneri ad restitutionem, quia suadendo motum concurris ad substantiam damni: suadendo vero, ut damnum citius inferatur, totius es causa damni, cum alter per illud tempus potisset animam mutare... secunda sententia absolute excusat a restitutione, in do. certum sit, alterum suum primum animum non mutaturum... Ratio, quia consilens tunc non est causa effluens mali quod ad substantiam damni: et haec est ratio probabilior... Est sic pariter probabilissime excusant a restitutione eum, qui materialiter cooperatur ad damnum inferendum, quando scilicet alter sine sua cooperatione alium certe damnum inlulisset, v. g. si quis tenet scalum ei, qui etiam ascenderet sine suo auxilio ». L. 563. 576.

552. *An teneatur ad restitutionem consilens detrahit ex ignorantia, sed cum culpa gratuita?* — 1.º Si consilium det ex suo statu seu officio, v. g. advocati aut confessarii tenetur: quia tunc vere causa iusta et effluens damni est. — 2.º Si talis persona non sit non tenetur erga potentem consilium, nisi adsit dolus seu malum affectus partium, quam non habet: iste enim sibi imputare debet si precipitatur, cum consilium petat ab homine ruli: tenetur vero erga tertiam personam, si damnum ei scienturum praevideat: alium enim inducens in errorem notum ipsi causa iniusta et effluens damni est. — 3.º Dans vero inculpabiliter consilium alteri per dolum, tenetur ex iustitia facere quantum potest, sine magno tamen incriminio, ne damnum accedat. L. 564.

553. *An consilens scienter malum alteri teneatur etiam de damnis, quae libi passus est, requirere potius consilium?* — R. Negat., per se. Ratio est, quia ipsi nullam intulit iniuriam, cum nulla iniuria scienti et valenti fiat. Sensus tamen, si consilens alio ex alio rem circumvenierit fraudulenter vel sophismatibus, ut hic ad consilii iniquitatem non adverterit. G. 678.

554. *An consulens primario vel secundario tantum ad restitutionem teneatur?* — Per se secundario tantum tenetur, quia executor est principaliter agens, utpote qui nomine proprio et in propriam utilitatem, per se loquendo, agere censetur. G. 679., L. 560.

555. *De consentiente.* — Consentiens ad restitutionem tenetur, quotiescunque scienter ac libere emittit suffragium vel sententiam, ex quibus directe pendet violatio iuris alterius, id est, quoties dant consensum efficacem in damnum seu iniuriam proximi. *Consensum efficacem*; quia si consensus efficaciter in iniuriam non influeret, non teneretur ad restitutionem, cum affective quidem, sed non effective in nocumentum consentiret: itemque si, seclusa fraude aut pacto speciali, alium a consecutione boni, ad quod nullum ius haberet, suffragio suo impediret. — Non tenetur de damno, qui sententiam aut suffragium prius datum authentice revocat, antequam consummetur nequitia: neque suffragans bona fide, quamvis detecto errore teneatur ex caritate, imo ex iustitia, votum suum revocare, si per tempus id ipsi liceat. — L. 566., G. 681.

556. *An teneatur ad restitutionem consentiens, qui dat iniustum suffragium, si non desint alia suffragia iam ad damnum sufficientia?* — 1.<sup>o</sup> Certum est, consentientes omnes aequae ad restitutionem teneri, si de condicto suffragia dederint; cum, inita conspiratione, omnium sit unica actio moralis. — 2.<sup>o</sup> Certum est etiam, omnes consentientes contrahere obligationem restituendi, quando eodem tempore suffragium tulerunt; quia cum nullus tunc prior fuerit neque posterior, sententia resultans ex suffragiorum summa singulis suffragantibus merito tribuitur. — 3.<sup>o</sup> Certum quoque est, non excusandos esse a restitutione eos, qui primi dant suffragium, antequam numerus sit completus, etiamsi praevideant non defuturos alios, qui consentiant, quia vere influunt in damnum; quamvis enim sine illis esset inferendum, per illos tamen partialiter de facto infertur. Vogler n. 303., Lugo D. 19. n. 17. — 4.<sup>o</sup> Utrum vero, seclusa conspiratione et simultanea suffragiorum collatione, possint excusari a restituendi obligatione ultimi suffragantes, quando iam votorum numerus ad negotii definitionem requisitus expletus est, controversum. Plures graves theologi affirmant, quia eiusmodi suffragatores nullo modo sunt causa damni, cum iam illud sufficienter ab aliis praeparatum ac determinatum fuerit. L. 566. 574., Lugo, ib. n. 22. Negant alii, quia cum nunquam perfecta censeatur sententia, nisi concludatur per omnium suffragiorum collationem, ultimi non secus ac primi in sententiam iniustam influunt. — G. 682.

557. *An obligationem restituendi contrahat ille, qui suffragium non fert, cum ferre possit?* — R. 1.<sup>o</sup> Negat., quando ius ferendi suffragii cuiuspiam concessum est in meram ipsius gratiam seu favorem; quia nullam hic alteri iniuriam infert. — 2.<sup>o</sup> Affirmat., si dandum foret ex officio, et ipsius omnisio esset causa efficax damni gravis et iniusti. — G. B. 683.

558. *De palpone.* — Palpo dicitur qui laudando, adulando, vituperando movet alium ad damnificandum. De palpone haec tenenda: 1.<sup>o</sup> Qui induxit alium ad damnum inferendum proponendo laudem aut secus ignominiam secuturum, tenetur de damnis. Talis enim cooperatio se habet instar consilii, cum nempe agentis motiva de se communiter efficaciter proponuntur. Quocirca palpo huiusmodi omnino obligationibus obnoxius est, ac consulens. — 2.<sup>o</sup> Qui homini in iuria affecto ita repraesentant huius iniuriae magnitudinem, ut ille commotus vindictam sumat, ad restituendum tenentur, modo saltem probabiliter damnum secuturum esse adverterint. — 3.<sup>o</sup> Non tenetur autem ad restitutionem, qui facinus iam patratum approbat vel ratum habet, nisi causa sit, cur non fiat restitutio, aut nova damna inferantur. — L. 567., G. 684.

559. *De recursa seu de receptante, vel recursum praebente, haec tenebis:* 1.<sup>o</sup> Receptans, nimirum qui scienter ac libere latroni praebet assecurationem,



tenentur de damnis exinde provenientibus. Sic enim furis voluntatem in proposito vel furandi, vel non restituendi, vel iterum furandi, effluenter ac iniuste determinat, aut firmiter efficit. — 2.<sup>o</sup> Pariter ad restitutionem tenentur mercatores et praesertim caupones, qui accipiunt furta librorum, familias, servorum, etc., vel ea occultant, aut etiam sua vindicare in pretium mercium, computationum, etc. solent. — 3.<sup>o</sup> Inter receptantes computandi non sunt illi, qui amicos vel consanguineos malefactores domi recipiunt; nec illi, qui eos sub spe emendationis occultant, vel iis ostendunt viam, qua fugere possint, cum ad carcerem vel ad necem quaeruntur. — L. 568., G. 685.

560. *De participante.* — 1.<sup>o</sup> Participans duplex est: alius in praeda, alius in actione damnosa. — 2.<sup>o</sup> Participans in praeda tenetur ad restitutionem partis, quam accepit et apud se detinet: patet ex superioribus dictis de possessore malae fidei. — 3.<sup>o</sup> Participans in actione damnosa, seu concurrens cum alio, sive immediate, sive mediate, ad damnum physice inferendum, tenetur generatim loquendo ad restitutionem, quotiescunque cooperatio illius realiter influxit in substantiam damni. L. 571. — 4.<sup>o</sup> Quandoque tamen a restitutione excusabitur participans in actione damnosa, praesertim si mediate tantum concurrat, dummodo adsint requisitae conditiones, nempe: 1.<sup>o</sup> ut actus non sit intrinsece malus; 2.<sup>o</sup> ut eliciatur ex causa relative gravi; 3.<sup>o</sup> ut bonus effectus a cooperante intentus immediate oriatur a causa bona vel saltem indifferenti. Billuart diss. 8. art. 13., Carriere 1197., — G. 686.

561. *An et quando licita sit immediata cooperatio ad damnum proximi in materia iustitiae?* — 1.<sup>o</sup> Quoad *damnum vitae* numquam licet immediate cooperari, ne cum vitae quidem periculo; qui numquam licet occidere directe innocentem. — 2.<sup>o</sup> Quoad *damnum membrorum* numquam pariter licet, ad mortem quoque vitandam, immediate concurrere ad alterius mutilationem, nisi forsitan pro avertenda ipsius morte. — 3.<sup>o</sup> Quoad *damnum in bonis fortunae* tres communiter admittuntur casus, in quibus ex metu gravi licita est cooperatio, propterea quod dominus non censetur rationabiliter invitus, scilicet: 1.<sup>o</sup> si cooperans possit ac velit damnum, quando forte ad id teneatur, reparare; 2.<sup>o</sup> si damnum grave absque cooperante aequaliter et certo ab agente principali illatum fuisset; 3.<sup>o</sup> si damnum sit leve respectu domini: tunc enim ex caritate illud aequo animo ferre debet. L. 571.

Controvertitur autem, an tibi liceat cooperari immediate ad damnum grave proximi ex gravissimo metu, v. gr., mortis, si damnum reparare non possis aut non velis. Negant quidam, quia actus videtur intrinsece malus, cum laedit ius proximi, qui rationabiliter invitus merito suppeditur. Et sane persona laesa in hanc cooperationem neque ex iustitia, quae non obligat ad vitam alterius cum tanto gravamine proprio servandam, neque ex caritate, quae etiam cum tanto incommodo non urget, consentire tenetur. Billuart. — Alii tamen probabiliter affirmant. Etenim constitutus in extrema necessitate subripere id potest, quo mortem declinet, quia tunc omnia bona sunt communia. Cur igitur ille, cui mors intentetur, non poterit cooperari subreptioni bonorum proximi ad propriam vitam e proximo periculo eripiendam? — L. 563. 571. H. A. Tr. 10. n. 56., S. Th. 2. 2. q. 78. a. 4., G. 687.

562. *De muto, non obstante, non manifestante, seu de cooperatoribus negativis.* — 1.<sup>o</sup> Cooperatoribus negativis ii sunt, qui non impediunt damnum proximi, cum ex accepto stipendio, ex pacto, ex officio illud impedire teneantur. Dicuntur vulgo *mutus, non obstands, non manifestans*. 1.<sup>o</sup> *Mutus* ille est, qui non loquitur, non clamat, non praemonet damnicandum, dum ad id ex officio vel contractu tenetur. 2.<sup>o</sup> *Non obstands* dicitur, qui dum inferitur damnum, non obstat, rem non custodit, licet id ex iustitia praestare debeat. 3.<sup>o</sup> *Non manifestans* vocatur, qui post damnum illatum, damnicatorem domino laeso, vel Superiori non denuntiat, licet ex officio atque adeo ex iustitia denuntiari debeat. Caeterum eadem principia, eademque applicationes morales omnibus hisce conveniunt. — 2. Nemo ratione damni non

impediti tenetur ad restitutionem, nisi ex officio illud impedire teneatur; qui enim non adigitur ad damnum ex officio impediendum, ex sola caritate obligatur, cuius violatio ad restitutionem non obligat. — Omnes, qui obligantur ex officio impedire damnum alterius, si id culpabiliter negligant, ad restituendum tenentur; ex iustitia enim damnum impedire debent. Ergo si omittant, contra iustitiam peccant, et proinde ad damna resarcienda obligantur. — Ut negative cooperans ad restitutionem teneatur, necesse est, ut damnum sine gravi incommodo impedire potuerit: quia nec contractus, nec lex positiva cum gravi onere, saltem ut plurimum, obligare solent. — L. 573., G. 690.

563. *An confessarius teneatur ad restitutionem, si poenitentem de restitutione facienda ex gravi negligentia vel ignorantia monere omiserit?* — R. Negat. probabilius. Etenim licet ex officio confessarius teneatur bene instruere poenitentem, ideoque peccet graviter, si id omittat, quando necessarium est; non tamen ad hoc tenetur ex obligatione erga tertium. Excipe, si confessarii silentium positivae approbationi aequivaleat, v. gr. si interrogatus responsum ita declinet, ut absentia obligationis poenitenti suadeatur. L. 578., G. 691.

564. *An consiliarius teneatur ad restitutionem, si per omissionem suffragii evasit sententiae non obstiterit?* — R. Affirmat., si suffragium ferre debeat ex officio, quia officium ex iustitia adimplendum est, saltem communiter loquendo, et seclusa iusta causa, ac nisi quis suo suffragio nihil se impetraturum videat. Negat, autem, si ius suffragii habeat ex privilegio, seu ex mero favore: tunc enim potest absque iniustitia suffragium omittere. Lugo D. 19. n. 61. seq., Vogler 304., G. 693., L. 574.

565. *An teneatur ad restitutionem, qui accepit pecuniam a fure, ut taceat, si ex officio clamare non debeat?* — R. Negat. probabilius, saltem, per se. Ratio est, quia tacere posset ob preces furis absque iniustitia, siquidem clamare ex iustitia non tenetur. Ergo a pari ob munera promissa vel tradita tacere potest absque iniustitia. Secus autem dicendum esset, si pecuniam acciperet, ut observet, num quis adveniat; quia tunc furto positive cooperaretur. G. 693., L. 571.

566. *An custodes non denuntiantes damnificatores teneantur compensare omnia damna et etiam solvere multam?* — R. ad 1.<sup>am</sup> Affirmat., per se, quia ad damna impedienda constituuntur; excipe, si agatur de rebus levioris momenti, pro quibus, ex consuetudine et praesumpta domini voluntate, sufficit secreta admonitio. — Ad 2.<sup>am</sup> Negat. probabilius ob praxim contrariam, cui communis sensus concordat. Idem dicendum de iudice non procurante damni compensationem, vel multam punitivam non exigente. Attamen si apud iudicem facta fuerit damnificatoris denuntiatio, ille ad puniendum, et ad damni reparationem tenetur. L. H. A. Tr. 13. n. 73., G. 693.

## XXVIII. — CUI SIT RESTITUENDUM

567. *Restituendum est domino certo et noto*, quoties absque gravi difficultate et alterius iniuria fieri potest, nec alia adest causa a restitutione excusans. L. 599. H. A. 64. Per restitutionem enim omnia redeunt in pristinum statum. Hinc qui subduxit rem apud alium depositam, vel locatam aut commodatam, non domino, sed ipsi possessori restituere debet. Possessor enim sine iniuria privari nequit iure custodiae, usus, vel possessionis, nisi ipse consentiat. L. 596., 599., H. A. ib., G. 699.

568. *Cuiam sit restituendum cum incertum est, cuiam res debita sit?* — 1.<sup>o</sup> « Quando bona restituenda, sive debita quaecumque sunt incerta, h. e. cum cui debeantur ignoras, aut adire non potes, aut illi restituere: tunc si ea habes *sine delicto*, ut si invenisti, vel a mercedore, v. g. per errorem: acceperisti duas unas panni pro una, et iam is discessit, nec scis quo abierit, teneris adhibere aliquam diligentiam inquirendi, post quam si spes non sit sciendi dominum, probabile est, quod non tenearis ea dare pauperibus... sed possis tibi retinere ». L. 589.

2.<sup>o</sup> Si *malâ fide* res fuerit accepta et dominus rei sit ignotus tantum inter paucos, e. g. tres vel quatuor, « tunc nequit restitutio fieri pauperibus, sed res dividenda est inter eos, quos inter defraudatus existit ». Si vero dominus ignotus sit inter multos, e. g. inter loci habitatores, « tunc restitutio fieri debet pauperibus, ut habetur, *C. Cum tu de Usuris.*... Sufficit autem quod fiat pauperibus cuiuscumque loci. Sufficit etiam, quod fiat locis piis, ut communiter docent... Si autem plures et varii domini incerti alicuius Communitatis, damno affecti fuerint, tunc omnino restitutio facienda est pauperibus eiusdem Communitatis laesae » L. 590. 595. 596., S. Th. 2. 2. q. 62. a. 5. ad 3.

3. « Notandum, quod super his debitis incertis bene potest fieri compositio per B. Cruciatas... Potest etiam haec compositio fieri per S. Poenitentiarum... Compositio haec solet etiam, concedi pro fructibus ecclesiasticis male perceptis ». L. 591. 593., Lugo D. 21. n. 111.

4.<sup>o</sup> « Si casu, quo teneris rem restituere pauperibus, tibi ipsi revera indigenti eam des, et tunc quidem postea factus ditior adhuc non teneris restituere ». L. 696., Lugo D. 20. n. 8.

569. *Resolves*: Si quis vendens in aliqua civitate defraudavit multos in pondere vel pretio, restitutio facienda est augendo eodem modo pondus vel mensuram aut pretium minuendo erga eementes ordinarios, qui damnificati praesumuntur, si facile fieri possit, secus restitutio pauperibus facienda est. G. 699.

570. *An quando creditor tuus coactus fuit cessionem bonorum facere, ipsi vel eius creditoribus restituere debeas?* — Generatim loquendo, creditori tuo restituere non debes, sed creditoribus eius debitum tuum est a te manifestandum. Ratio est, quia licet creditores cedentis bona dominium directum in illius bona non habeant, iure tamen stricto gaudent, ut ex illis bonis indemnes serventur. Attamen quandoque posses tuo creditori restituere, v. g. si debitum sit exiguum, si probus sit, et credas illum esse creditoribus restitutum; item si versetur in gravi necessitate, et debito illo valde indigeat ad vitam ducendam, quia, ut docent communiter theologi, bona cedens potest subducere ea, quae ad vivendum omnino necessaria sunt. — L. 699., Gousset 772., G. 700.

## XXIX. — QUANTUM SIT RESTITUENDUM

571. *Tantum est restituendum quantum alter laesus fuerit.* — Ratio est, quia vi iustitiae commutativae aequalitas servanda est, eaque laesa reparanda est. Neque vero reparatur nisi adaequatio fiat inter ablatum et redditum. L. 614., S. Th. 2. 2. q. 62. a. 5.

572. *Solidaritas seu obligatio restituendi in solidum* est onus incumbens singulis cooperatoribus *totum* damnum illatum reparandi. Ratio enim restituendi, seu reparandi damnum, est, quia quis fuit causa damni. Ille ergo qui tantum *partialiter* fuit causa damni non nisi ad restitutionem seu reparationem damni *partialem* tenetur, qua nempe parte causa ipse fuit



damni. Ille vero qui *totius damni causa* fuit, totum damnum reparare debet. Ut quis ergo obligetur *in solidum* ad restitutionem seu reparationem damni debuit esse causa efficiens *totius* damni. Verum si solum ipse sit causa efficiens *totius* damni tenetur utique ad *totum* damnum reparandum *ipse solus*, sed nomine *in solidum*. Si vero *simul cum aliis cooperantibus causa totius* damni fuit, tunc utique *in solidum* ad totum damnum reparandum tenetur.

573. *Causa totalis damni* potest quis esse sive *moraliter*, alios movendo ad damnum inferendum, sive *physice* damnum inferendo et exequendo.

Causa quis *physica totalis* damni est, quando ponit actionem ad totum effectum *necessariam* et *sufficientem*, ut si quis ad alium occidendum in eum explodat: quando ponit actionem *sufficientem*, licet non *necessariam*, actu in totum effectum *inducantem*, ut cum duo *una simul* in aliam explodunt, unusque occidit: quando ponit actionem quidem *insufficientem*, sed *necessariam*, ut si quatuor trabem asportare non possunt, quintus accedit et transportant. Ratio est, quia in his omnibus casibus quis induit sua actione in totum damnum.

Causa quis *moralis totalis* damni pariter est, quando mandato, consilio, etc. *ad totum* damnum inferendum *necessario sufficienti* influxu movet: quando simul cum aliis, vel cum aliis, moraliter agentibus, concurrit *moralis influxu per se sufficienti ad totum effectum*, licet non *necessario*, actu tamen in totum effectum *inducante*, ut si plures sint *una simul* mandantes, consulentes etc., et quilibet eorum suo mandato, consilio etc., sufficit ad totum effectus executionem, et actu *efficienter* ad illam executionem movet: quando ad totum effectum concurrit influxu *necessario*, licet non *sufficienti*, ut si quis unum ostem ad incensum rem exequenti. Ratio item est, quia in hisce casibus in totum effectum *moraliter* quis influat.

Causa totius damni sive *physica* sive *moralis* quis est, in casu *communis conspirantis*, licet *partiali* tantum influxu ad damnum concurrat. Stante enim *moralis* conspiratione et unitate plurimum inter se, quisque participat aliorum influxui, et sic *totius causa* evadit.

Causa totius damni sive *physica* sive *moralis* quis non est, si non sit *sufficiens ad totum effectum*, et *simul* in effectus *totalis* adhuc sequeretur: ut si quatuor trabem asportent, et quintus accedat, eos adiuvans, secluso casu *conspirationis*, siquidem alius accedens induit influxu mere *partiali*, et cum nulli adsit *conspiratio*, moraliter abis non coniungitur. L. 579. Quaestio vero est, an causa sit *totalis* damni, qui influxu *sufficienti* ad totum damnum sed non *necessario* inducat in illud, secluso tamen casu quod *una simul* cum aliis inducant, v. g. si quis sine ulla cum aliis *conspiratione* domui alienae ignem apponet, eam iam alii apposuerint, det consilium iam ab aliis datum, etc. Alii probabiliter affirmant, quia cum influxus sit *sufficiens ad totum* damnum, causa tunc est causa totius damni, siquidem in totum influat. Alii probabiliter negant, quia cum influxus ille non sit ad totum damnum *necessarius* influxus tunc non est, nisi *partialis* in totum damnum, saltem moraliter loquendo, cum sine huiusmodi concursu damnum nihilominus evenisset. L. 579, G. 607.

574. An tenearis *in solidum* in dabo an *influxeris* in totum damnum? — R. Negat., quia unus certum imponi nequit pro incerta obligatione. L. 579, G. 606.

575. An tenearis *in solidum* in dabo an alii *suam partem* pro rata restituerint? — R. Negat., probabilius, si iuxta diligentem inquisitionem, dubium pers. verat, cum cooperatores non tenentur ad aliud praeter partem suam, nisi in certa altitudine, et si dubium sit de illo defectu, dubium est de obligatione. G. 606.

## XXX. — QUO ORDINE SIT RESTITUENDUM

576. *Restitutionis ordo duplex est*: Primus ex parte eorum, qui restituere debent, quando plures in idem damnum cooperati sunt: secundus ex parte eorum, quibus restitutio fieri debet. L. 579

577. *De ordine restitutionis quoad cooperatores.* — Ordo inter eos servandus. — Cooperatores in damnum alterius aut tenentur ad restitutionem pro rata parte, aut tenentur ad restitutionem in solidum, ad totum nempe singuli restituendum. Si primum, nullus inter ipsos ordo necessario est servandus. Si secundum, ordo inter eos est necessario servandus. Licet enim obligatio restituendi in solidum est obligatio, qua quis tenetur restituendi vel reparandi totum damnum, a pluribus illatum, cum plures simul ad totum damnum inferendum concurrerint. Omnino ergo necessarius est ordo servandus. Ille enim qui passus est damnum ius habet tantum ad unum integram restitutionem seu reparationem damni. Non possunt ergo plures damnificatores in solidum absolute obligari, sed conditionate tantum, si nempe alii qui prius tenentur non solvant, vel si alii qui una simul tenentur, non solvant. L. 579.

578. *Si cooperatores diversa cooperationis specie seu gradu concurrant, tunc primo loco tenentur causae principales damni*: ita ut 1.<sup>o</sup> teneatur possessor rei, in individuo vel in aequivalenti, quin imo etiamsi rem iniuste destruxerit, quin inde ditior evaserit; 2.<sup>o</sup> mandans; si tamen mandans causa fuerit principalis tum ablationis rei, tum eiusdem destructionis, vel eius tantum destructionis, primo loco tum tenetur, tanquam principalis damnificator; 3.<sup>o</sup> executor mere nempe damni illati executor, tanquam causa instrumentalis. Secundo loco vero tenentur causae secundariae: ita ut 1.<sup>o</sup> teneantur reliqui cooperatores positivi; 2.<sup>o</sup> negativi Ratio, quia quisque ad restitutionem tenetur, prout in alterius damnum influit. Causae positivae, secundariae, uti consulens consentiens, laudans, participans, cum non sint aliae aliis subordinatae, aequae tenentur, eodemque loco, plus tamen vel minus pro maiori vel minori influxu, si de rata parte restitutionis agatur. Causae negativae prius tenentur illae, quae magis immediate et plus in damnum influxerunt. Et sic prius tenetur de sylvae incendio custos, deinde oeconomus. — L. 560. 580., G. 684. 702. 703.

579. *Resolves*: Ad nihil tenentur causae secundariae, si causa principalis restituerit vel debiti remissionem obtinuerit. Causae enim secundariae tenentur tantum in defectu causae principalis. Cessante autem principali cessat accessorium. Hinc 2.<sup>o</sup> si una ex causis secundariis restituat causa principalis tenetur eam indemnem facere; si item causa secundaria a creditore liberetur, non ideo liberatur causa principalis. Huius enim obligatio ab illius obligatione independens est. G. 703.

580. *Si cooperatores eadem cooperationis specie, seu eodem cooperationis gradu ad alterius damnum concurrant, tunc singuli aequaliter in solidum, conditionate tamen restituisse debent, absque ullo ordine determinato*: nemo enim eorum magis influens in alterius damnum maius in se reparationis onus suscepit. Dicitur autem conditionate, si nempe caeteri cooperatores non restituant, vel nullus in solidum solvat. Omnes autem absolute tenentur pro rata parte satisfacere, cum omnes aequae in alienum damnum concurrant.

581. *Resolves*: 1.<sup>o</sup> Si una ex causis aequaliter obligatis totum debitum restituerit, aliae tenentur ei partem rependere, quum pro ipsis quoque dedit, et singuli pro sua parte tenentur. Non enim erga eum urget ratio restitutionis in solidum: siquidem unusquisque causa non est, cur ipse primus

totum restituerit, et alii non restituant. Quod si plures ex huiusmodi causis aequaliter obligatis restituerent, et unus non posset aut nollet suam partem restituere, ceteri eam inter se dividere deberent. G. 703. — 2<sup>o</sup> Si creditor remittat alicui ex debitoribus aequè obligatis suum debitum censetur remittere aliis partem illius: si enim totam ab aliis exigeret isti illum cogent ad restitutionem, et sic frustra ea esset remissio. L. 581. Sed alii ad suam partem restituendum adhuc tenentur, nisi condonatio fuerit omnino plena, vel talis merito praesumatur. Exceipe ex C. I. 1281., C. G. 1285., si debitum sit ex contractu, remissio enim uni debitori solidario facta omnes alios prorsus liberat: nisi expresse creditor contra istos sibi iura reservet.

582. *An prius teneatur executor quàm consulens ad restitutionem faciendam?* — R. « Si consilium n sit utile illi praebenti, ipsum primo teneri: secus si soli executori. Si autem sit utile utrique, utrumque teneri pro rata: et item puto, si ex damno illato neutri utile evenerit. In defectu autem alterius, tenetur ille in solidum ». L. 560., G. 703.

583. « *Advertendam* tamen quod rudes, etsi teneantur in solidum, raro expedit eos obligare ad totum, cum difficulter isti sibi persuadeant teneri ad restituendam partem a sociis ablatam. Quin imò satis praesumi valet, quod ipsi domini, quibus debetur restitutio, consentiant, ut illi restituant tantum partem ab eis ablatam, cum aliter valde sit timendum, quod nihil restituant, si obligentur ad totum ». L. 579. 580.

584. *De ordine restitutionis quoad creditores.* — *Ordo quoad creditores servandus.* — Ordo restitutionis locum non habet, nisi quando sint plures creditores. In tali casu, si debitor omnibus satisfacere potest, potest quorumque ordine restituere, quia praecedentia unius nullum alteri damnum infert. L. 684. Si vero debitor omnibus restituere non possit, debitum in restitutione ordo servandus est, ob oppositam rationem, quia nempe praecedentia unius alteri damnum infert. Porro hic ordo ex ipsa iustitia determinatur. Restitutio enim est reparatio iuris laesi. Praelatio ergo iuris praecedentiam determinat restitutionis. Porro hoc ius laesum est ius proprietatis. Perfectius ergo proprietatis ius in creditoribus eos aliis praeferendos exigit.

Quare *primo* creditores ad huc rei vere *propriarii*, siquidem in rem propriam servant non tantum *ius ad rem*, verum etiam *ius in re*, ceteris omnibus praeferendi sunt, qui non habent nisi *ius ad rem*. Et sic ante omnia alia debita restituendae sunt res furtivae, res depositae, res locatae seu commodatae.

*Secundo* reliquis praeferendi sunt creditores *privilegiati*. Restitutio enim facienda est *de iure naturae*, et propter *privatum* personarum *bonum*, quod directe respicit iustitia commutativa. Si ergo iuri naturali accedit ius positivum propter *commune bonum* praescribens praelectionem aliquorum creditorum in particulari, hi profecto propter legis privilegium reliquis sunt praeferendi, nunc *privilegiati*. Atque haec lex in conscientia obligat ex communi fidei sententia, cum sit legitima Superioris lex, lata in bonum commune. Debita autem privilegiata sunt v. g. impensae, quae dicuntur *iustitiae*, expensae funebres, stipendia medicorum et famulorum, debita pro cibis, etc. Si plures sint creditores privilegiati eorum praelectio determinatur ab ipsa lege secundum privilegii qualitatem. Ac si plures eodem gaudent privilegio pro rata crediti sententiae in obtinent. C. I. 1950. seqq., C. G. 2095. seqq.

*Tercio* reliquis praeferendi sunt creditores *hypothecarii*, hi enim habent sibi obligatam non tantum *personam*, verum etiam *ipsa bona* debitoris. Ubi plures sint creditores hypothecarii, ordinem habent ab ipsa lege constitutum, vel a die inscriptionis in registris conservatoriis hypothecarum, vel ab ipsa die constitutionis hypothecae, iuxta Reg. 54. Can. Iur. in 6.<sup>o</sup>: *Qui prior est tempore potior est iure*. L. 690., Laymann de Restit. C. 11. n. 3. seqq., C. I. 1964. seqq., C. G. 2114 seqq.

*Quarto* tandem indemnes faciendi sunt reliqui creditores, qui *communes*



dicuntur. An autem inter istos aliquis etiam constituendus sit ordo ex circumstantiis *temporis, personarum, contractuum*, ipsarumque rerum, quaestio est, et alii generatim negat, quia iustitia commutativa non respicit nisi aequalitatem rei ad rem, quae independens omnino est a conditionibus temporis, personarum, contractuum, ipsarumque rerum, alii e contra generatim affirmant, quia restitutio est ad reparandum ius laesum, et ad resarciendum damnum illatum: atqui ex variis temporis, personarum, contractuum, rerum, varium est ius, et maius ac minus est damnum, ergo secundum illas circumstantias ordo est constituendus in restitutione etiam *communium* creditorum. Praecipue autem circumstantiae illae sunt, de quibus sequentes in particulari quaestiones moventur. — L. 689. 694. 695., G. 704. 705.

Ex C. I. 1948.-1950., C. G. 2092.-2094. quicumque se personaliter obligavit, tenetur suae obligationi satisfacere ex omnibus suis bonis sive mobilibus sive immobilibus, praesentibus seu futuris. Bona proinde debitoris sunt commune veluti pignus suorum creditorum, iique pares sunt in iure exigendi quod suum est, nisi causae legitimae existant inter ipsos praelationis. Causae autem legitimae sunt *privilegia et hypothecae*.

585. *An res aliena apud debitorem existens ante omnia debita quantumvis privilegiata restitui domino suo debeat?* — R. 1.<sup>a</sup> Affirmat., si res detineatur titulo depositi, locationis etc. Res enim illa in individuo existens suo domino clamat. L. 684. — 2.<sup>a</sup> Si res detineatur titulo emptionis, pretio non soluto, aut saltem pignore, fideiussione aut data fide non assecurato, venditori est certo restituenda ex Iure Romano: adhuc enim retinet venditor rei dominium. Quando vero venditor rem tradidit, et de pretio tantum fidem accepit, controvertitur. « Prima sententia dicit, tunc praefendum esse venditorem... Ratio, tum quia hoc postulat aequitas naturalis; tum quia dominium rei, licet eo casu translatum fuerit, est tamen translatum sub conditione pretii solvendi; unde talis res manet hypothecata solutioni pretii. Secunda sententia vero probabilior... tenet nullam venditori praelationem deberi. Ratio, quia cum dominium iam translatum sit, venditori remanet tantum creditum personale erga emptorem: nulloque iure habetur, quod res venditori hypothecata maneat, donec ei pretium solvatur ». L. 685. — Ex C. I. 1512. 1513., C. G. 2102. 2103. res vendita, non soluto pretio, manet obligata venditori quoad pretii solutionem adversus caeteros omnes creditores, post proprietarium tamen domus vel praedii pro locationis pretio, si res mobilis sit. Imo hanc venditor repetere potest, si nulla solvendi dies statuta fuerit, intra 15. dies ex C. I., intra 8. dies ex C. G. ab ipsius traditione. — 3.<sup>a</sup> Si res furto detineatur et rebus propriis fuerit permixta domino rei prae caeteris omnibus creditoribus est satisfaciendum, quia totus cumulus est *specialiter* obligatus domino rei ablatae. L. 686. Cf. hic n. 64.

586. *An prius restituenda sint debita, quorum creditores noti sunt, quam alia pauperibus vel causis piis, quia eorum domini ignorantur?* — Controvertitur. Prima sententia probabilis et communis affirmat; quia dominus non censetur rationabiliter invitus, tum ratione *debitoris*, quia creditore alio saepe persequendus esset, tum ratione alterius *creditoris*, qui indemnitas fiat, cum ipse non possit. Secunda sententia probabilis etiam ait posse restitutionem tunc fieri pro rata pauperibus. Praelatio enim domini noti neque iure positivo neque iure naturae demonstratur. De iure enim naturae pauperes vel causae piae succedunt domino ignoto, ut ipsi prosit, quod suum est; eius nempe animae prosit, quod ipsi restitui non potest. — L. 687., G. 707.

587. *An debita ex delicto solvenda sint prius quam debita ex contractu oneroso?* — Controvertitur. Prima sententia probabilis affirmat., quia retinere rem iniuriose ablatam est gravior iniuria, quam non solvere rem debitam ex contractu. Secunda sententia communior et probabilior negat, sed pro rata, ait, esse solvenda; quia ex Iure positivo non habetur talis prae-

latio: ex Iure vero naturali obligatio, quae exoritur ex iustitia commutativa eadem est in contractu ac delicto: delictum autem poenitentia deletur non restitutione. — L. 688., G. 706.

588. *Nota:* Certum est debita ex titulo gratuito, etiam pia, ultimo loco esse solvenda, quia haec semper includunt tacitam conditionem: nisi quid obstat. — L. 688. 689., G. 706.

589. *An creditores communes, tempore priores, posterioribus sint praeferrendi?* — Controvertitur. « Prima sententia tenet omnibus his satisfaciendum esse pro rata.... Ratio, quia his non bona debitoris, sed obligata est persona quae aequè omnibus, est obnoxia ». Ius vero positivum nullam statuit inter eos praelationem. Imò I. R. statuit: « licet alicui adiciendo sibi creditorem, creditoris sui deteriore conditionem facere ». Secunda sententia « docet praeferendis esse anteriores ex Reg. 54.<sup>a</sup> Iur. in 6.<sup>o</sup> *Qui prior est tempore, potior est iure*. Licet enim Ius Civile sic loquatur tantum de creditoribus hypothecariis: Ius tamen Canonice loquitur de omnibus, et fundatur in Iure Naturali: creditor enim anterior personalis, quamvis directe personam debitoris, indirecte tamen habet obligata etiam eius bona, in quibus non debet pra-iudicari a creditore superveniente. Utraque est probabilis, sed secunda probabilior ». L. 690., G. 706.

590. *An creditores pauperes divitibus, seu non egentibus praeferreri debeant?* — Controvertitur. Prima sententia probabilis negat., quia talis praelatio neque habetur Iure Positivo neque Iure Naturali; nam iustitia commutativa ad personas non attendit. Secunda sententia probabilis affirmat « quia obligatio restitutionis datur ad reparandum damnum proximi; plus autem damnum patitur pauper, si ei non fiat restitutio, quam non indigens ». L. 691., G. 706.

591. *An liceat prius petenti prius solvere, etiamsi tempore posterior sit?* — R. 1.<sup>o</sup> Negat., si prior tempore creditor sit *privilegiatus*, vel *hypothecarius*; adeoque secus faciens tenetur de damno. — 2.<sup>o</sup> Si prior tempore creditor, sit *communis* et petat solutionem in iudicio affirmat. Ita communiter. « quia leges dant praelationem etiam in conscientia ei, qui prius obtinuit sententiam, et post eam etiam debitor debet ei solvere in conscientia ». L. 692., C. I. 1970., C. G. 2123. Quod si petat extra iudicium controvertitur. Prima sententia negat., quia pra-iudicatur creditoribus anterioribus, quibus competit praelatio. Secunda sententia probabilius affirmat., quia actionem creditor personalem habet in debitorem, et totum debitum petendo ius suum prosequitur. L. 692, G. 707.

592. *An debitor sciens suum statum labilem, etiam non petenti integre satisfacere possit?* — R. Negat. Omnes enim cum iure aequales sint, et nemo potior fiat per diligentiam petendo, ex naturali aequitate nequit restitutio fieri uni cum aliorum detrimento. L. 692., G. 707. Quare, *per se loquendo*, peccat graviter debitor contra caritatem et iustitiam secreto unum creditoribus de statu suo labili monendo, vel in eo casu integram solutionem uni soli offerendo.

593. *An creditor, qui in hoc ultimo casu solutionem accepit ad restitutionem erga alios creditores teneatur?* — Controvertitur. Prima sententia probabilis affirmat: quia nullum habet ius, ut sibi integre solvatur cum aliorum detrimento. Secunda sententia probabilis negat: quia summo recepit: ac cum ius exigendi habeat etiam extra iudicium: nullius ius violat acceptando solutionem. Excipe tamen casus in quibus talis solutio invalida per legem declaratur. — L. 692. 693., G. 707., Cf. C. I. 1237., C. G. 1235.

## XXXI. — QUOMODO SIT RESTITUENDUM

594. *Ad restitutionem legitime faciendam requiritur et sufficit, ut restitutio eo modo fiat, quo violata iustitia ad acquiritatem reparatur; et sic dominus laesus indemnus fiat.* — Constat ex ipsa natura iustitiae commutativae, ex qua restitutio debetur. G. 708., L. 676.

595. *Resolves:* Necessse per se non est, ut restitutio *palam* fiat, ut fiat per *ipsum debitorem*, ut fiat *advertente* domino. Hinc debitor restituere potest augendo pondus in vendendo, vel debitum opus in laborando, donationem simulando etc. G. 708. 709., L. 673.

596. *An, facta restitutione per simulatam donationem, restitutioni teneatur debitor, si creditor gratitudine motus aliud donum illi rependat?* — Controvertitur. Prima sententia probabilis affirmat., quia creditoris donatio nulla est, adeoque donum restituendum; ex falsa enim causa motiva procedit, et consequenter plene spontanea non est. Secunda sententia negat; ea tamen hunc restituendi modum non admittit, nisi restitutio nequeat aliter fieri, quam per simulatam donationem, puta quia debitor secus famae detrimentum pateretur, secus enim illicita erit. Ratio, quia « cum haec redonatio sit ex mera liberalitate, ad quam ego amicum nec induxi, nec obligavi, non dicor nisi indirecta causa illius, seu non sum absolute illius causa, sed solum occasio; quare cum periculum meae famae sit causa proportionata me excusans a cooperatione huius novi detrimenti, quod ex occasione mei ficti muneris patitur amicus, non peccabo, nec ad restitutionem consequenter obligabor ». Tamb. Expl. Dec. l. 8. Tr. 4. C. I. § 5. n. 2.

597. *Quo loco et cuiusdam expensis facienda sit restitutio?* — 1.<sup>o</sup> Si res ex contractu debeatur standum est conventioni factae de modo et loco translationis. Si nulla facta fuerit specialis conventio standum est specialibus legibus pro contractuum diversitate; tunc enim secundum eas contraxisse censentur. Cf. Lugo D. 20. n. 196. seqq. — 2.<sup>o</sup> Si res quae debetur bona fide fuerit accepta et retineatur « omnes conveniunt in hoc, quod debeat fieri in eo loco ubi res est, vel si ad alium locum mittenda res sit, id fiat expensis creditoris: quia cum debitor neque ex ulla culpa, neque ex contractu obligatus fuerit ad aliquid aliud; solum debet permittere domino, ut accipiat rem suam ». Lugo l. c. n. 193. — 3.<sup>o</sup> Si obligatio restitutionis ex delicto oriatur, res restituenda est eo in loco, in quo dominus eam esset possessurus, si ablata non fuisset; vel illuc rei pretium transmittendum; si eam dominus vendidisset; idque debitoris sumptibus. Ratio, quia dominus servandus est omnino indemnus; non enim tenetur ex alterius delicto damnum pati. Lugo l. c. n. 180. seqq. — L. 597. 677. 678., G. 709.

598. *An debitor ex delicto expensas adhuc solvere debeat pro re domino remittenda, si expensae valorem ipsius rei exsuperent?* — R. 1.<sup>o</sup> Affirmat., si aequale sit debitoris damnum, vel excessus non sit notabilis. Ratio, « nam magis aequum est, ut delinquens patiatur iacturam illam et amittat centum ex bonis suis, quam quod creditor innocens cogatur eandem iacturam in bonis suis sustinere: nam fur ex delicto suo malum illud patitur, creditor vero sine ulla culpa illud pateretur ». Lugo D. 20. n. 186. — 2.<sup>o</sup> Negat., si excessus maxime notabilis esset. Ratio, « certe iustitia, cum sit virtus, et prudenter praecipiat, non potest ad hoc obligare: quia nemo prudens dicet, creditorem tunc esse rationaliter invitum, nisi ei debitum cum tantis sumptibus restituatur ». Lugo l. c. n. 185. — 3.<sup>o</sup> Affirmat., si excessus sit simpliciter notabilis, ut autem regula aliqua moralis statuatur, dicendum videtur, quod quando *omnibus pensatis* excessus non erit duplo maior, non videtur suffi-



ciens ut dominus re sua privetur, sufficiens vero videtur si hanc proportionem excedat. Ratio congruentiae est « quia supposito delicto debitoris et innocentia creditoris, duplo maior causa videtur esse ut debitor patiatur ad minus, quam ut patiatur creditor » Lugo l. c. n. 190. — Dicitur, *omnibus pensatis*, attendenda enim est non solum quantitas materialis damni debitoris et creditoris, sed etiam quantitas damni respective ad talem personam. Contingere enim potest ut damnum 100. libell. creditoris divitis, respectu debitoris pauperis aestimetur 200. libellar. et amplius. Lugo l. c. n. 188. — L. 598. 677. 702., G. 710.

599. *Nota*: Minus damnum debitoris sufficere potest, ut restitutionem differat, rem restituit in alia specie, e. g. quando rei pretium facilius transmittere potest. Lugo l. c. n. 188. 191. Hodie vero multo maior adest facilitas rem vel pretium transmittendi.

600. *An debitor iterum restituere debeat, si debitum per personam fidelem miserit, et illud casu vel culpa tertii pereat?* — R. 1.<sup>o</sup> Negat., si possessor fuerit *bonae fidei*. Res enim perit domino. 2.<sup>o</sup> Negat. si *rem* debeat ex *contractu*. Nam iterum res perit domino; nisi aliter conventum sit. Affirmat vero si non *rem* sed *pretium* debeat ex *contractu*, debitor enim dominium in illud servat, donec ad creditorem pervenerit. 3.<sup>o</sup> Controvertitur, si rem debeat ex delicto. Prima sententia, quam S. Alph. appellat *communem* et *tenendam* affirmat. Ratio, « quia debitor ex delicto tenetur ad omne damnum, etiam fortuitum (ut certum est apud doctores) quod domino evenit ex sua iniusta ablatione ». L. 705. Excipe tamen si persona haec a iudice fuerit designata, vel ab ipso creditore, vel saltem debitori fecerit facultatem prudentem et fidelem personam eligendi; « tunc enim virtute eius mandati haberet pro accepto debitum datum tali personae ex eius mandato, atque ideo remisisset ius, quod habebat ad damna sequuta, quamdiu res ad ipsum non perveniret ». Lugo D. 21. n. 60. Secunda sententia negat. Ratio, quia cum debitor non possit alio modo restituere sine famae suae detrimento, creditor nequit esse rationabiliter invitus, si debitor hunc modum eligat, adeoque in eum consentire iure praesumitur. Iam vero hic praesumptus consensus domini, extenditur usque ad liberationem ipsius restitutionis, si res a persona illa, e. g. a confessario non restituatur. Dominus enim rei si interrogaretur potius vellet, ut restitutionem isto medio fiat, quamvis debeat suscipere in se periculum talis medii, quam ut restitutio omnino non fiat; cum enim fieri non possit aliter ob famae detrimentum, quod debitor pateretur, ab ea hic excusaretur. Ergo. Hanc sententiam, cui olim adaesit S. Alph., et quam reprobare non audent, plures et graves theologi probabilem existimant.

601. *Quomodo restituendum pro damnis Reipublicae illatis?* — Restituendum est per media ab ipso Gubernio constituta, si huiusmodi media existant. Attende igitur ad varias locorum leges. Si vero talia media constituta non fuerint, alii dicunt restituendum esse per tributorum praepositos, alii vero tenent obligationi iustitiae satisfieri, si pauperibus vel locis piis restituatur. — Carrière 1240., G. 712., Ithur. Cas. 1. n. 12.

## XXXII. — QUANDO SIT RESTITUENDUM

602. *Quoad debita quaelibet, generatim restituendum est quamprimum fieri potest sine gravi incommodo.* Ius enim naturale exigit, ut rem alienam invito rationabiliter domino, non retineas. — Hinc 1.<sup>o</sup> qui culpa iliter et *notabiliter* differt restitutionem, manet in peccato continuo, et absolvi nequit. Insuper si ex dilatione restitutionis damna domino obveniant, ea compensare

tenetur. — 2.<sup>o</sup> Si quis habens propositum restituendi, aliquo brevi tempore differat citra grave damnum incommensuratum, non facile damnandus est de peccato mortali, imo nec de veniali, si aliqua sit causa differendi, v. gr. spes occasionis commodioris, etc. L. 678, 679. H. A. 104, 105. — 3.<sup>o</sup> Qui vellet restituere per partes, cum fa ille possit totum restituere, non esset absolvendus, quando nempe gravis sit materia; quia dominus etiam in hoc est rationabiliter invitatus. Idem dicendum de eo, qui cum per vitae decursum possit restituere, differt tamen usque ad mortem; vel qui in periculo mortis constitutus reitineret alique ratione sufficienti obligationem restituendi in haeredes suos; nisi forte de restitutione bonorum incertorum agatur. L. 679, 681, seqq. — G. 713.

603. *Quoad debita ex iniuria compensanda sunt damna omnia, quae ex dilutione secuta sunt, etiam quando mora fuit inculpabilis.* — Utrum autem debeant compensari etiam damna extraordinaria, seu quae non necessario sequuntur ex dilutione restitutionis, controversatur. Probabiliter negandum videtur, quia haec damna praevideri non potuerunt, nec proinde imputari possunt. Vogler 426., Lugo etc. — G. 713.

604. *Quoad debita ex contracta, generalim standum est conditionibus contractui apposisis circa tempus, vel circa alias circumstantias; nisi prudenter praesumatur, aliam esse alterius contrahentis voluntatem.* L. 678. — Hinc 1.<sup>o</sup> restitutio, seu potius solutio fieri debet tempore, de quo expresse vel tacite conventum est. — 2.<sup>o</sup> Debitor anticipare potest, si terminus solutioni assignatus sit in eius favorem, ut ordinarie fieri solet; secus vero, si idem terminus in creditoris utilitatem vergat, ut v. gr. in praestatione pecuniae cum lucro percipiendo. — 3.<sup>o</sup> Si terminus non sit fixus, ex plurium sententia debitor absque peccato saltem gravi expectare potest generalim, donec moveatur a creditore, nisi tamen hic inde damnum capiat, vel ex timore morere non audeat, vel ex oblivione aut inopotentia monitionem omittat. — 4.<sup>o</sup> Si debitor habeat iustam causam differendi, non tenetur ad compensandum damnum ex dilutione proveniens. L. 680. — G. 714.

605. *An debitor restitutionem differens ex iusta causa teneatur reddere creditori interesse legale, lucrum cessans, vel damnum emergens?* — Controversatur. Prima sententia negat, si debitum sit ex contractu; quia tunc debitor non est causa iniusta ex culpabilis illius damni; non est enim in mora culpabili; affirmat vero, si ex delicto, « quia tunc prima iniusta acceptio revera fuit culpabilis causa damni ». Secunda sententia negat etiam in hoc secundo casu, quia « damnum creditori tunc non obvenit ex illa prima iniusta acceptione, sed ex retentione posteriori, quae iuste fit ». — L. 680, 704. G. 714. Cf. C. G. 1151, 1153. Gousset in h. a.

### XXXIII. — DE CAUSIS A RESTITUTIONE EXCUSANTIBUS

606. *An restitutionem excusant ad tempus, vel etiam totaliter excusant ea omnia quae faciunt, ut creditor rationaliter debeat esse contentus, etsi de facto non sit contentus.* L. 696, 700. Quod ut in particulari declararetur seqq. statuimus propp.

607. *A restitutione excusant remissio sive expresse sive tacita a creditori libere facta; imo etiam rationaliter praesumpta.* — Ratio, quia si dominus non sit invitatus restitutionis remissio iniusta tunc non erit. Hinc facilius excusaberis in rebus levioris momenti filiosfamilias, in exculentis et poculentis communibus famulos, etc. L. 700., G. 716, 722.

608. *Probabilissimum est te non teneri restituere rem, qua dominus est abusus ad peccandum: imo si ille praevideatur abusus in damnum tertii peccares restituendo, quando posses negare sine tuo graviore vel saltem aequali gravi damno...* Et tunc peccares restituendo non solum contra caritatem, sed etiam contra iustitiam. Ratio, quia proximus habet ius, ne tradas aliquid alteri in eius perniciem ». L. 697. Alii tamen verius tenent peccari tunc tantum contra caritatem et non etiam contra iustitiam, quia cooperatio materialis est, nec proxima, quam caritas non iustitia vetat: cum non sit actio illa restituendi suum *de se illicito, et iniusta, sed indifferens, qua alter abutitur sua malitia.*

609. *A restitutione excusat non solum impotentia physica, quae habetur in necessitate extrema, vel quasi extrema; verum etiam impotentia moralis, seu gravis difficultas restituendi, v. g. si vivere non possis secundum decentiam tui status iuste a te acquisiti: secus iniuste acquisiti: si restituere nequeas absque periculo vitae vel notabili bonorum aut famae detrimento: si fieri nequeat restitutio absque periculo salutis tuae vel tuorum.* Ratio 1. quia alias plus damni sustineres quam intulisti in pluribus huius casibus, si non in omnibus: 2.<sup>o</sup> magis generatim: quia quod est valde difficile et quod decenter et honeste fieri non potest, a domino rationabiliter urgeri non potest: cum iustitia caritatem et prudentiam non excludat. L. 697. 698. Idque sane valet, ut patet, quamvis debitor culpabiliter in tales angustias se coniecerit. — G. 715., L. 702. Ithur Cas. 26. n. 10. 11.

610. *Resolves: « Si nobilis v. g. non potest statim solvere, nisi se privet famulis, equis, armis, etc... vel mechanicus nisi vendat instrumenta sua, quibus vivit, aut magnum damnum subeat potest differre et paulatim restituere sine iactura sui status », L. 698. « Item excusaris a restitutione... si sit periculum ne uxor aut filiae se prostituunt, ne filii se dent latrocinis, ne ipse per impatientiam incidat in desperationem », L. 698. « Teneris autem restituere etiam cum tuo damno, si, omissa restitutione, dominus aequale damnum sit passurus ». L. 697.*

611. *An debitor ratione necessitatis a restitutione excusetur, si creditor etiam in necessitate versetur? — R. 1.<sup>o</sup> Si debitor aliter sibi non potest subvenire, nisi per bona quae restituere deberet, tunc non tenetur ea restituere, et in extremam necessitatem se conicere, etiamsi creditor in eadem necessitate constituatur, nisi debitum ei restituatur...* Ratio, quia tunc omnia fiunt communia... Excipe, nisi praecise ob subtractionem illam dominus in extremam necessitatem sit coniectus, quia... melior debet esse conditio domini prius possidentis ». L. 701. — 2.<sup>o</sup> « Si creditor iam necessitatem graevam patitur, et debitor tunc ea non laborat, sed laborabit restituendo, certe tenetur restituere, quamvis in necessitatem graevam sit constituendus » quae in aequali necessitate melior est conditio innocentis, si debitum debitor ex delicto: melior item est conditio creditoris et domini, si debeatur ex contractu. L. 697. 698. 702. — 3.<sup>o</sup> Si debitor iam constitutus sit in necessitate graevi, non tenetur restituere quando creditor item eadem necessitate laborat controuertitur. Prima sententia affirmat, quia iterum melior est conditio innocentis, creditoris et domini adeoque praefrendus. Secunda sententia negat, quia cum debitor ex gravi necessitate iam laboret, certe non posset restituere, non tam gravissimo incommodo, ita ut quasi in extremam necessitatem se conicere videretur ». Excipe iterum, nisi praecise per illam ablationem creditor in graevam necessitatem sit coniectus. L. 703. — G. 717.

612. *An cessio bonorum creditoribus facta a restitutione excuset, si debitor deinde ditor eradat et possit restituere? — R. Negat. Nam, si cessio iudicialis sit, haec est mere legis beneficium, uti bona cedens immuni a coactione sit, in foro externo, uti constat ex iure Rom. Ital. Gall. Si vero sit voluntaria, propterea quod creditores rem cum debitore componant, quia,*



plus habere nequeunt, non ideo renuntiant iuri quoad integram solutionem, si eam debitor aliquando facere possit. Excipe, si creditores expresse vel saltem implicite debitorem vere liberent ab huiusmodi solutione. L. 699., G. 719., C. G. 1265.-1270.

613. *An bona cedens aliquid occulte sibi reservare possit?* — R. 1. Negat., per se loquendo, si res magni valoris sit, quia notabile damnum creditoribus infert. — 2.<sup>o</sup> Affirmat., si res sibi reservet dumtaxat necessarias sustentationi suae et familiae. Quoad has enim creditores nequeunt esse rationabiliter invidi. — Gousset 772., L. 699., S. Antonin. 2. P. Tit. 2. C. 8. § 3. *Si tertio modo*. Lugo D. 21. n. 41., Fevr. v. *Restit.* a. 5. n. 54. 55.

614. *An excusetur a restitutione qui debiti inmemor aliquid gratuito debitori suo donavit?* — Controvertitur. Prima sententia probabilis negat. « Ratio, quia cum is sit debitor tum ex titulo *instituae*, tum ex titulo *donationis* acceptatae, non potest una solutione his duabus obligationibus ex diversis titulis ortis satisfacere ». Secunda sententia probabilis affirmat. Ratio, quia in omni liberali praestatione quisque habet priorem quamdam voluntatem generalem satisfaciendi obligationibus iustitiae, et posteriorem voluntatem actualem donandi. Atqui « praevalet prima voluntas tanquam potior et praecedens ». Ergo. L. 700., G. 718.

615. *An ingressus in Religionem excuset a debitis solvendis?* — *Si religiosus aliquid lucretur in Religione, an debeat hoc debitis solvendis applicare?* — *Si legatum ipsi obveniat an debeat ex illo debitis satisfacere?* — R. Ad 1.<sup>am</sup> Ingressus in Religionem non liberat per se directe a debitis solvendis, sed indirecte: scilicet quatenus licite impedit media quibus debita solvi possunt. Etenim, exceptis casibus lure Can. prohibitis, debitor licite ingreditur Religionem, saltem quando nequit facile et brevi tempore debitis satisfacere ante ingressum. Ergo eo ipso ab onere restituendi liberatur. Etenim lex naturalis non amplius urget, quando debitor nequit satisfacere, nisi cum suo tanto detrimento libertatis, et cum periculo aeternae salutis in saeculo amittendae. Debitor enim non tenetur cum tanto incommodo perfectiori statu religionis privari. — Ad 2.<sup>am</sup> Affirmat., si facile possit laborare, et superior permittat: status enim religionis non liberat per se ab obligatione restitutionis, sed hanc tantum licite impedit. Attamen superior hanc licentiam concedere minime tenetur ex iustitia sed tantum ex caritate, si nullum obsit inconveniens. — Ad 3.<sup>am</sup> Negat., si solemnem professionem emisit: quia tunc est incapax dominii, et ex iure Can. legatum illud monasterio acquiritur. Affirmat., si vota tantum simplicia emisit: quia eo in casu legatum ipsi acquiritur. — G. 718., Cas. 722-724., L. 1. 4. n. 71., S. Th. 2. 2. q. 189. a. 6. ad 3.

616. *An debitor excusetur a restitutione in dubio solutionis?* — R. 1.<sup>o</sup> Negat. in dubio mere *negativo*, quia nulla tunc adest prudens ratio solutionis factae. — 2.<sup>o</sup> In dubio *positivo*, seu probabilitate controvertitur. Prima sententia affirmat: quia non est imponenda obligatio, nisi de ea certo constet. Secunda sententia communior probabilis negat, quia non satisfit obligationi certae per impletionem dubiam. Tertia sententia probabilis dicit restituendum pro rata dubii: quia aequum non est ut tantum ex iure dubio solvatur, quantum solveretur si ius esset certum. D'Annib., qui secundae adhaeret sententiae. « nihilominus, ait 327., si probabile videatur te vel auctorem tuum obligationi vel onerosae, satisfacisse, reor posse te a solutione cessare, quoad creditor, non ignarus obligationis, petat ». — G. 721.

617. *An liberetur a restitutione, qui debitum solvit creditori creditoris sui, r. g. tibi debeo 100. francos, tu vero debes 100. Titio, an satisfaciam solvendo 100. Titio?* — R. Affirmat., per se ad iuris apicem. Ratio est, quia ego solvens creditori tuo id, quod ipsi debes, acquiro ius, quod ille habebat suum a te debitum requirendi: unde ius quod in te habeo, iuri quod in me

habes, aequivalet, et fit compensatio. Etenim potest creditor tuus in me ius suum transferre, seu possum ego illud emere, sicut quilibet alius, qui nihil tibi debeat. L. 700., Billuart diss. 8. art. 14. § 1., Vogler, 541. et alii communiter. — *Per se*, quia non liberor, si forte tu adhuc cogeris solvere, vel creditores privilegiatos aut hypothecarios habeas. *Ad apicem iuris*: quia talis solutio, si absque causa fiat, illicita erit ob varia incommoda, quibus obnoxia est. Est autem ratio sufficiens, si creditor tuus debitum suum recuperare nequeat. Billuart ib. — G. 720.

#### XXXIV. — DE OCCULTA COMPENSATIONE

618. *Quid sit occulta compensatio?* — Occulta compensatio nihil aliud est, quam aequivalens rei propriae recuperatio occulta, damni in rebus propriis iniuste passi reparatio. Compensatio haec *extra-legalis* dici solet, ad differentiam compensationis *legalis*, quae casus quosdam particulares attingit, quando duo sibi invicem debitores singuli in solutum accipiunt rem alteri debitam: quae compensatio ex legis ipsius vi *pleno iure* locum habet. Cf. C. I. 1285. seqq., C. G. 1289. seqq. — G. 620.

619. *Compensatio occulta, quibusdam concurrentibus conditionibus, ex communi dd. sententia licita est.* — Ratio, quia nihil aliud est quam defensio iusta ab iniuria, qua te continuo vexat debitor iniuste retinendo rem tuam, vel id ad quod ius habes ex iustitia. — G. 621.

620. *Conditiones communiter requisitae, ut occulta compensatio iuste et licite fiat sunt:* 1.<sup>o</sup> Ut praecaveatur damnum spirituale et temporale debitoris: ne maneat nempe in conscientia erronea et peccato, ne iterum, quod iam non debet, restituat: eum monendo de cessatione obligationis, fingendo, e. g. condonationem, etc. Ad id tamen quis non tenetur ex *iustitia*, sed dumtaxat ex *caritate*, quae non obligat eum gravi incommodo. — 2.<sup>o</sup> Ut alterius grave damnum praecaveatur, puta si alterius suspicio furti imminet. Ad id etiam quis non tenetur ex *iustitia*, sed tantum ex *caritate*, cum causa sit illius damni non *per se*, sed tantum *per accidens*. — 3.<sup>o</sup> Ut res, quae in compensationem accipitur a debitore, non sit aliena: quia secus non exigeres debitum a debitore, sed ab alio, qui nihil debet. — 4.<sup>o</sup> Ut debitum non possis aliter recuperare petendo illud a debitore, vel coram iudice, vel certe non nisi magna cum difficultate, expensis, litibus, molestiis, etc. Ratio, quia non potest quis regulariter propria auctoritate possessorem expellere, cum id pertineat ad iudicem, seu magistratum, publicam auctoritatem habentem. Praeterea bonum publicum exigit, ut nemo ius sibi dicat, ubi facilis sit ad iudicem recursus. — 5.<sup>o</sup> Ut compensatio fiat, quantum fieri potest in re eiusdem speciei, ac ea quae debebatur. Secus enim debitor sine suo consensu iniuste omnino cogitur rem suam permutare. Si vero fieri non potest in re eiusdem speciei, in alia quidem fieri potest, sed cum minori debitoris detrimento, quantum fieri potest. Hoc enim detrimentum non nisi ex necessitate evanescatur. — 6.<sup>o</sup> Ut debitum sit certum: in dubio enim melior est conditio possidentis, adeoque re sua hic iniuste spoliaretur. — Lugo D. 16. S. 5., Ithur Cas. 3. n. 14. 15., G. 622., L. 521.

621. *An compensatio fieri possit, rem retinendo creditori in depositum traditam?* — Plur. negant unixi positivis Iuris dispositionibus. C. I. 1289., C. G. 1293. Alii tamen probabilius docent, illa iura procedere solum in foro externo, in quo praesumitur potuisse alia via recuperari debitum, et servare depositi fidem. . . . Ratio est, quia quod res sit apud te deposita, non facit

quod sit magis sui domini, quam antea, nec te obligat ad tuendam illam contra verum dominum, qui eam vult vindicare, vel contra eum, qui habet verum ius ad eam accipiendam, si de eo iure tibi constet: immo debes eam dare, si aliunde tibi damnum immincat. Ergo similiter poteris tibi accipere, si habes eius verum dominium, vel verum ius contra eius dominum ad recuperandum tuum debitum ». Lugo D. 16. n. 89., Gousset Cod. Comm. in art. 1293.

622. *An, seclusa impossibilitate vel gravi incommodo ad iudicem recurrendo, grauer quis peccet contra iustitiam legalem et commutativam, occulte sibi compensando?* — R. Ad 1.<sup>am</sup> Negat., generatim loquendo, quia ordinario, ex hac ordinis inversione, non sequitur grave scandalum, vel gravis reipublicae perturbatio. — Ad 2.<sup>am</sup> Negat., si accipis rem tuam quae adhuc ad tuum dominium pertinet, vel si eam accipis in aequivalenti in rebus fungibilibus, uti pecuniam pro pecunia, triticum pro tritico etc., qui in his non cogitur debitor ad aliquod onus subeundum praeter id, ad quod tenebatur. Afirmat, vero *per se* loquendo, si rem accipis alterius generis, e. g. equum pro pecunia, sine causa et necessitate; quia in hoc casu cogis debitorem tuum ad equum vendendum, adeoque ad onus grave subeundum praeter id ad quod tenebatur. Nullum autem ius habes ad hoc novum onus illi imponendum; sed *per accidens* illud sequi permittere potes, ubi causa sufficiens et necessitas adsit rem tuam recuperandi modo, quo potes. Tunc enim sibi debitor imputare debet aliud hoc onus, cum non solvat id quod solvere tenebatur. Lugo D. 16. n. 91., G. 625.

623. *An possit creditor compensare sibi ante tempus, pro debito futuro?* — R. Afirmat., si verum sit periculum mortale, quod debitor suo tempore non sit debito suo satisfactorius. » Ratio, quia defensio iure naturae non solum est licita, quanto iam actu ne offendis, sed etiam quando paratus es ad ine offendum, et aliter non possum evadere nisi praeveniendo ». Attamen, » si aliquid damnum debitori advenit ob anticipationem compensationis, ... debet totum id vel diminui ex principali debito, vel debitori restitui. Cuius ratio est, quod nemo possit puniri pro delicto futuro, antequam fiat ». Lugo D. 16. n. 93.

624. *An possit quis sibi compensare cum solo iure ad rem?* — R. Afirmat. Nam iure ad rem, ex *stricta iustitiae obligatione in altero*, haec immediate et directe obligata sit *personae*, mediate tamen et indirecte ipsa *res* est tibi obligata. Quare uti licite cogere potes personam ut tibi solvat ad iudicem recurrendo, ita et licite eam cogere potes, ut tibi solvat, rem, quae tibi debetur, sumendo; cum impossibilis sit ad iudicem recursus. Et sane evidens res est, quod nulla sit iustitiae commutativae laesio, si tibi *sumas* quod alter ex eadem iustitia *debet*, nec vult dare. G. Cas. 799. Cf. L. 614., Lugo D. 9. n. 97.

625. *An stante sola probabilitate iuris in re licite fieri possit occulta compensatio?* — R. Haec Ithur. Cas. 3. n. 11.: » Quoties opinio utrique parti fuerit aequae probabilis, vel ut frequenter accidit, sua cuique probabilior, iuste fit non in toto, sed certe in medietate debiti compensatio ». Ratio 1. est, quia in tali casu » neutri Iudex potest *totum* adiudicare, sed debet rem inter litigantes dividere.... Nemini autem licet per occultam compensationem plus acquirere, quam quod sibi possit a Iudice post adlegata et probata adiudicari ». Ratio 2. est, quia » quaecumque ius ad eandem rem est aequale, aequale sit oportet partis utriusque emolumentum, sic iustitia exigente, cuius est aequalitati consulere ». Card. vero Lugo, relata communi sententia quae ad compensationem ius exigit certum, haec deinde subiit: » Haec doctrina si, ut sonat, intelligatur difficilis est, nec a suis auctoribus videtur constanter retineri.... Exemplum aliqua subiiciam, in primis de illo qui a Petro infamatus est quaeritur an pro fama, quam Petrus ei non vult



vel non potest resarcire liceat infamato compensationem facere, negando pecunias, quas eidem Petro debebat. Respondet Lessius posse, quia probabilis est sententia, quae docet, infamiam compensandam esse pecunia, quando non potest in proprio genere restitui... cum verior sententia id neget... Secundo quando duo se mutuo infamarunt possunt, quando damnum est aequale compensare sibi, ita ut quilibet non teneatur restituere, quamdiu alter restituere non vult... Quae compensatio in eo casu fundatur solum in opinione probabili, cum contraria sit etiam probabilissima. Tertio qui ex testamento minus solenni legatum debet habere, cum sit opinio probabilis deberi in foro conscientiae ea legata; licet contraria opinio sit satis communis et probabilis, potest tamen legatum detinere, vel de novo accipere, aut occulte sibi compensare ». Hinc concludit Lugo generatim: « videtur probabile, quod possit creditor, antequam res ad iudicium deducatur... compensare sibi occulte suum debitum... Ratio etiam id videtur probare, quia non obstante possessione debitoris, iudex proferret sententiam, vel certe proferre posset pro creditore, amplectendo sententiam probabilem vel probabiliozem, quae ipsi favet... Cur ergo ipsemet creditor, quando sine incommodo gravi non potest ad iudicem recurrere non poterit amplecti eandem sententiam, quam iudex amplecti debuisset, vel potuisset et compensare sibi debitum? » Advertit autem idem Lugo, quod licet iudex teneatur in iudicando sequi probabiliozem opinionem, creditor tamen in occulta compensatione ad id non videtur obligari, quia ratio, ob quam potissime iudex id non potest ea est, « quia ex officio et pacto implicito erga Rempublicam videtur teneri ad inquirendam veritatem quantum possit, quae ratio in creditore non militat, qui nullo tali pacto erga Rempublicam tenetur. De hoc tamen nihil volo asserere, immo libenter abstineo ab ultimo iudicio circa hoc totum punctum de compensatione licite facienda cum opinione solum probabili ». N. 94. seqq., L. 521. 544. 700. 817. 928., l. 1. n. 30.

Communis autem sententiae ratio 1.<sup>a</sup> est periculum hac in re facilis hallucinationis: unde grave, practice loquendo, periculum adest, aliena iura laedendi; 2.<sup>a</sup> quia si alter revera bona fide rem possideat, et titulo rationabiliter saltem praesumpto, iam ius *certum* habet saltem *detentionis rei*, et re consequenter spoliari non potest, donec *certo* constet de alieno iure et dominio rei.

## DE OCTAVO DECALOGI PRAECEPTO

### I. — DE IUDICIO TEMERARIO

1. *Quid octavo Decalogi Praecepto praecipitur?* — Octavum Decalogi Praeceptum est: *Non loquaris contra proximum tuum falsum testimonium*, Ex. 20., 16. Matth. 18., 19. Per hoc praecceptum, quatenus negativum est, primario prohibetur falsum testimonium, in iudicio praesertim; secundario vero praecellitur omnis iniusta laesio proximi in bonis famae, et honoris, quae ad falsum testimonium, tanquam iniuriam principalem reducitur; uti sunt iudicium temerarium, detractio, contumelia, mendacium. Quatenus vero affirmativum est iubet, ut, qualibet sublata simulatione et fallacia, simplex et nuda veritas dicatur, Catech. Rom. De 8.<sup>o</sup> Praec. n. 2., L. 961., G. 437.

2. *De laesione famae proximi interna, seu de iudicio temerario. — Quid fama? Quid temerarium iudicium?* — 1.<sup>a</sup> Fama est: opinio communis de

vita, moribus, aliisque qualitatibus alicuius, quae eius moralem existimationem augere vel imminuere possunt. *Bona fama* igitur est opinio communis de virtute, sapientia, aut de rebus praeclare gestis alterius; quae si exit in testimonium externum verbale, dicitur *laus*; si vero in testimonium reale, dicitur *honor*. Unde bona fama alicuius non solum potest iniuste laedi per detractionem, contumeliam, sed etiam per iudicium intemum temerarium de aliquo crimine, aut defectu morali alterius. — 2. Distinguendum est dubium temerarium, suspicio, opinio et firmum iudicium. *Dubium temerarium* habetur cum quis sine sufficiente ratione haeret suspensus, quin tamen potius inclinet in iudicium de vitio quam de virtute. *Suspicio temeraria* datur, quando quis sine sufficiente motivo potius inclinat in iudicium de vitio, quam de virtute alterius; actuale tamen iudicium suspendit. *Opinio temeraria* datur, quando quis sine sufficiente motivo elicit assensum de vitio alterius, cum formidine tamen de opposito. *Iudicium temerarium* tandem datur, quando quis sine sufficiente motivo elicit determinatum iudicium de vitio alterius absque formidine de opposito. — L. 962, 965., S. Th. 2. 2. q. 60. a. 3., G. 465.

3. *Iudicium temerarium est peccatum oppositum iustitiae, et ex genere suo mortale*. — Prob. 1.<sup>a</sup> p. quia quilibet habet ius, ne ab altero iudicetur esse malus, quandiu huic non dat sufficiens motivum iudicandi, se esse malum; adeoque iudicium temerarium ex suo conceptu generico, et praecisa alia malitia, repugnat iustitiae. Prob. 2.<sup>a</sup> p. quia bona fama notabile hominis bonum est. Dicitur ex *genere suo*, quia saepius non nisi veniale est ob materiae parvitatem sive *secundum se* sive *respectu* ad personas de quibus agatur, aut ob actus imperfectionem. — G. 466., L. 962., Lugo D. 14. n. 11.

4. *Ut iudicium temerarium sit peccatum in individuo mortale tres requiruntur conditiones*: 1.<sup>a</sup> *ut sit firmum, et deliberatum*; 2.<sup>a</sup> *in materia gravi*; 3.<sup>a</sup> *temere conceptum*. — Prob. quia iudicium temerarium, nisi sit firmum, in materia gravi, et temere conceptum, non est gravis iniuria proximi; si autem non est satis deliberatum, non est perfectum ex parte actus, et consensus voluntatis. Ergo nisi habeat praedictas tres conditiones simul, non est peccatum mortale. — G. 466. 467., L. 962., Lugo D. 14. n. 11. 23.

5. *Dubium positivum, suspicio aut opinio temeraria de alterius crimine per se est peccatum solum veniale*. — Prob. quia etiam opinio, si sit formidolosa, de alterius crimine, per se loquendo, non infert ei gravem iniuriam, cum non sit iudicium firmum; ergo, *Dubium positivum* temerarium datur, quando quis deberet ex motivis gravioribus iudicare, aliquem esse bonum, et innocentem; ex aliis tamen levioribus motivis positive dubitat, seu reflexe indicat, esse dubium, an sit bonus vel malus, seu innocens, vel nocens. Dicitur *per se*, nam *per accidens* potest subinde fieri grave, si e. g. hi actus versentur circa peccata valde extraordinaria, et gravia ratione conditionis personarum, quas respiciunt ac ex levibus omnino iudiciis, quia talis opinio, suspicio aut dubitatio maior iniusta est, quam iudicium etiam firmum circa peccata minus gravia ordinaria. Sic etiam tales actus grave peccatum sunt, si procedant ex malevolentia absque causa; procedunt enim tunc ex contemptu alterius, proindeque gravis iniuria reputatur. — L. 963. 964., S. Th. 2. 2. q. 60. a. 3., Caiet. ib., Quodl. 12. a. 34., Lugo D. 64. n. 17., G. 466. 467.

6. *Dubium pure negativum de innocentia vel crimine alterius nullum est peccatum*. — Prob. quia in tali dubio nullus tenetur positive iudicare, alterum esse innocentem, et sic se exponere periculo erroris; adeoque suspendendo omne iudicium de innocentia, aut crimine alterius, non peccat. Cf. S. Th. 2. 2. q. 60. a. 4., Less. 1. 2. C. 11. n. 32.-36., Lugo D. 14. n. 21.

7. *In dubio sufficiente de crimine vel innocentia alterius observandum est illud axioma prudentum*: « In ordine cautelae praesumenda sunt peiora, in ordine vero caritatis, et iustitiae meliora ». Ratio prioris partis est:

quia ad praecavendum malum, praesertim proprium, aut suorum, quilibet habet ius; adeoque in ordine cautelae potest praesumere peiora, saltem practice, et praecise in ordine ad cavendum malum. Ratio posterioris partis vero est: quia minus malum est error praecise speculativus, contra veritatem, quam practicus contra caritatem, et iustitiam; adeoque in ordine caritatis, et iustitiae ad alterum, praesumenda sunt meliora. G. 467., S. Th. 2. 2. q. 60. a. 4. ad 3.

## II. — DE DETRACTIONE

8. *De laesione famae proximi externa, seu de detractioe.* — *Quid sit detractio?* — *Quid calumnia?* — 1.<sup>o</sup> Detractio est: alienae famae occulta et iniusta violatio. *Occulta* i. e. in alterius cui detrahitur absentia. *Alienae*, qui enim propriam laedit, ordinarie iniustus non est, cum sit illius dominus. *Fama* vero est, publica opinio de alterius excellentia. Detractio variis modis fieri potest: 1.<sup>o</sup> *positive*, si falsum crimen imponatur, si verum amplificetur, si occultum manifestetur, si opus bonum sinistre accipiatur; 2.<sup>o</sup> *negative*, negando nempe bona opera proximi, vel illa minuendo, vel etiam quandoque tacendo aliis laudantibus, vel frigide laudando. — 2.<sup>o</sup> Si alicui detrahatur crimen verum aperiendo, dicitur simplex *detractio*, si imputando falsum dicitur *calumnia*, quae est gravior et specie differt a simplici detractioe, quia detractio mendacium addit proximo damnosum. Haec tamen diversa species, « prout praecisae est contra veracitatem, non est malitia mortalis, atque ideo non affert speciem diversam mortalem, necessario in confessione explicandam ». Lugo D. 14. n. 36. — 3.<sup>o</sup> Detractio differt a *susurratioe*, quae est verbum seminans inter amicos discordias. Convenit tamen susurratio cum detractioe ex parte *materiae*, quia utraque malum de proximo dicit; sed *specie* differt ex parte finis, quia susurratio insuper dissolutionem amicitiae intendit. Et ideo est ex genere suo mortalis, specie diversa ac gravior detractioe: unde in confessione est exprimenda, ut notat S. Th. 2. 2. q. 74. a. 2. — G. 445., L. 966.

9. *Detractio est peccatum oppositum iustitiae et ex genere suo grave.* — Prob. quia opponitur iuri quod alter habet ad suam famam, seu bonum nomen: ergo est peccatum oppositum iustitiae, et ex suo conceptu generico mortale. Praeterea detractio per se est peior furto, sicut fama est melior pecunia: iuxta illud Prov. 22.: *Melior est bonum nomen, quam divitiae occultae*. Et Eccli. 41.: *Curam habe de bono nomine, hoc enim magis permanebat tibi, quam mille thesauri pretiosi et magni*. — G. 446. L. 966. 967., S. Th. 2. 2. q. 73. a. 2.

10. *Revelare alterius defectus naturales, per se loquendo, non est peccatum mortale.* — Prob. Quia tales defectus sunt inculpabiles, et ordinarie pluribus noti; adeoque eos revelare non solet esse famae graviter noxium, sic non solet esse famae graviter noxium, si quis dicat alterum esse ignotum, imprudentem etc. Neque, si dicat, alterum esse luscum, claudum, gibbosum etc. Dicitur autem *per se loquendo*; nam, si ex revelatione alicuius defectus naturalis alter pateretur damnum, aut graviter contristeretur, revelator graviter peccaret contra iustitiam, aut caritatem; nisi haberet iustam causam alicui manifestandi similem defectum naturalem. G. 456., L. 967.

11. *Nota:* Idem dicendum, generatim loquendo, de omnibus illis defectibus moralibus, qui licet sine peccato et sine crimine sint, personam effi-



cere possunt minus honore dignam; idemque dicendum de defectibus mere civilibus in eodem casu, e. g. si quis dicat de honesta puella vim esse passam, de honesto et gravi viro lanionis artem exercuisse.

12. *Revelare peccatum veniale alterius, aut loqui de peccatis per verba generalia, per se loquendo, non est peccatum mortale.* — Prob. quia in multis offendimus omnes; adeoque revelare alterius peccatum veniale, vel peccata per verba generalia, ex quibus non potest colligi, alterum peccasse mortaliter, non solet esse famae graviter noxium. Dicitur autem, *per se loquendo*; nam conditio alicuius personae potest esse talis, ut in ea etiam peccata venialia censeantur esse magni momenti; e. g. si de viro gravi, et religioso, dicatur esse mendacem, seu crebro mentiri; aut, si de aliqua religiosa communitate referantur certa peccata per verba etiam solum generalia; e. g. multa scio de illa, quae patefacere prohibet caritas etc., aut tam multa dicantur, etsi non singula gravia, ut notabiliter laedatur fama alicuius personae, in conspicua dignitate constitutae, licet intra longum tempus id peragatur. — G. 446. 455., L. 967.

13. *Revelare peccatum mortale alterius est peccatum mortale, quando propterea patitur grave detrimentum famae, non vero quando patitur solum leve detrimentum.* — Prob. ratio quoad 1. p. per se est clara. Ratio quoad 2. p. est, quia quaedam peccata mortalia a personis certae conditionis tam frequenter committuntur, ut de illis iam quasi praesupponantur; adeoque de persona similis conditionis referre certum peccatum mortale parum minuit illius famam; ut e. g. si dicatur de milite, quod commiserit duellum, aut seduxerit puellam. Idem esset, si quis revelaret delictum, de quo alter se iactare solet, vel eiusdem rationis, seu speciei, cuius iam prius fuit publice diffamatus. — G. 446. 448. 455., L. 967.

14. *Resolves*: Inferitur: 1.<sup>o</sup> non peccare mortaliter eum, referendo alterius grave crimen, qui adeo vilis est conditionis, et auctoritatis, ut sibi prudenter persuadere possit, audientes sibi non esse credituros. Ratio huius est: quia talis non causat in audientibus iudicium firmum de alterius crimine, sed ad summum levem aliquam suspicionem.

2.<sup>o</sup> Non peccare mortaliter eum, qui iniuriam ab aliquo sibi illatam narrat amico, ut consolationem aliquam ab illo accipere, et exposita querela acerbitatem doloris lenire possit. Ratio specialis huius est: quia nimis difficile foret, si quis gravem iniuriam in silentio deberet deoquere, et eam sub gravi obligatione neque amico consolationis causa posset referre. Hinc excusantur saltem a mortali famuli detegentes iniurias illatas a dominis, uxores a viris, filii a patre, religiosi a praelato, doloris tantum mitigandi causa. L. 973., S. Th. 2. 2. q. 73. a. 3., 1. 2. q. 38. a. 2., G. 456

3.<sup>o</sup> Mortale non est de aliquo ignoto vel indeterminato male loqui, si talis non sit, ut in alios notos et determinatos infamia redundet. Sic v. g. peccat qui detrahit Ordini religioso, vel nominat Monasterium, in quo quis grave peccatum occultum commiserit. Id enim tali Ordini vel Monasterio graviter noceat. Excipiunt, si agatur de aliquo Ordine amplo, neque sit strictioris observantiae, cum in quolibet amplo loco forme semper sint aliqui discoli. — G. 455., L. 979.

4.<sup>o</sup> Non est peccatum contra iustitiam saltem mortale, quaerere causam captivitatis alicuius vel de ea loqui: sicut enim captivitas est publica, sic etiam causa videtur esse facta publica. L. 974.

5.<sup>o</sup> Mortuum infamare minus grave est, quam vivum; quum non amplius fama indigeat ad recte vivendum: mortale tamen adhuc esse potest, et ad restitutionem obligans; quia nemo totus moritur, et mortui existimatio ad viventes saepe pertinet. G. 455., L. 978.

6.<sup>o</sup> Crimina, oblivioni iam data, in memoriam revocare grave *per se* contra iustitiam est, siquidem recuperatum aufert existimationem. Criminum vero quae nondum oblivioni data sunt, memoriam constanter renovare, grave *per*

se contra caritatem est: siquidem hoc sine iusta causa, ut supponitur, gravi proximum afficit moerore.

15. *Numquam licet falsum crimen alteri apponere*, ut constat ex pr. 44.<sup>a</sup> d. ab Innoc. XI. *Licet tamen iusta de causa crimen alterius occultum etiam cum auctura fande ipsius manifestare*: quia aliquando bonum publicum vel privatum hoc requirit, et tunc ius proximi ad famam conservandam a potiori iure eliditur. — G. 447., L. 972., S. Th. 2. 2. q. 69. a. 2.

16. *Causae, propter quas licite crimen alterius revelari potest, imo aliquando etiam debet, sunt sequentes*: 1.<sup>o</sup> utilitas notabilis revelantis ipsius, v. g. ad consilium vel auxilium in re gravi petendum, secluso tamen quocumque affectu ad detractionem; 2.<sup>o</sup> utilitas delinquentis, nempe ad ipsius instructionem vel correctionem etc.; 3.<sup>o</sup> utilitas publica, uti ad impedienda mala Reipublicae vel Religioni aut alicui Communitati imminuentia; 4.<sup>o</sup> utilitas gravis etiam privata sive audientium, sive aliorum, v. g. ut a malis, damnis aut incommodis certe aut probabiliter eventuris liberentur. Ratio horum est, quia tunc peccata alterius manifestans non laedit iustitiam nec caritatem. *Non laedit iustitiam*, quia proximus non habet ius ita strictum ad suam famam, ut alii obligentur ad tegendam veritatem, quando eius manifestatio necessaria est ad grave damnum sive proprium sive aliorum vitandum. *Nec laedit caritatem*, quia caritas non obligat cum gravi incommodo: et sicut non teneris impedire damnum proximi tui quamvis magnum, cum gravi tuo damno, ita nec teneris in casu occultum crimen proximi celare. — L. 968., S. Th. 2. 2. q. 73. a. 2., Lugo D. 14. n. 97. 112. 113., G. 447., Gousset 1070.

17. *Resolves*: 1.<sup>o</sup> Si quis iniuste laedit famam tuam, vel calumnia vel simpliciter detractione, delictum tuum omnino occultum denuntiando, nec potes eam tueri, nec recuperare alia via quam imminuendo quoque famam illius, id licet, dummodo falsa non dicas, et solum in tantum, in quantum ad tuam famam conservandam necesse est, nec magis laedas quam laedaris, collata tua et alterius persona. L. 972. — 2.<sup>o</sup> Licet alium infamare ad tormenta gravia vitanda, si crimen sit verum: quia nullam alteri facis iniuriam: cum habeas ius, illud in necessitate revelandi: sed non licet, si crimen sit falsum: quia esset mendacium perniciosum. L. 982. — 3.<sup>o</sup> Licet etiam imminuis alicuius famam si, aestimatio falso concepta de eius doctrina, et probitate, est aliis perniciosa: dummodo nulla alia sit ratio commodior impediendi, et damnum quod proximo timetur sit maius aut saltem aequale damno, quod ex manifestatione defectus, aut criminis alterius ei obvenerit. Less. 968. Quin imo ex Lugo D. 14. n. 112. neque excessus neque aequalitas damni tui aut aliorum requiritur, « dum damnum, quod tibi vel aliis times, non sit leve, sed grave ac notabile ». Ita etiam S. Alph. 968.

18. *An sit mortale grave alterius peccatum, quod graviter eum dedecoret, unico viro prudenti et discreto revelare, seclusa speciali malitia?* — Controversatur. Prima sententia communior et probabilior dicit, graviter peccari, nisi inadvertentia aut magna levitas excuset. Ratio est 1.<sup>o</sup> quia laesio famae etiam apud unam personam gravem gravis censetur, ut patet ex iudicio tenerationis, quod per se grave est: 2.<sup>o</sup> quia saepe homines aegrius ferunt, se laedi apud unam personam gravem, quam apud tres vel quatuor alias. Secunda sententia probabilis negat. Ratio est, quia cum fama consistat in communium aestimatione hominum, non censetur absolute diffamatus, qui apud unum vel alterum dumtaxat bonum nomen amisit. Non stat autem paritas iudicii tenerationis, quia falsi criminis in eo habetur impositio; et in casu, de quo agitur, nuda veri criminis manifestatio. Excipe, nisi quis ei revelet, quem rem maxime et prae omnibus aliis latere velit, eiusque interest graviter ne illi reveletur. — L. 973., S. Th. Quodl. 11. a. 13 ad 3., G. 448.

19. *An revelari possit alterius crimen occultum, simul narrando poenitentiam praestam?* — R. Negat. Non enim manifestatio illa delicti per

subsequentem poenitentiam aequae compensatur. Semper enim sinistra quaedam opinio in aliis ingeritur. Scav. — L. 974.

20. *An grave sit grave peccatum occultum de quadam persona manifestare, quae alio gravi peccato iam noto sit infamata?* — R. Affirmat. *per se*, si peccata sint inter se disparata. Infamis enim in uno genere vitii, non amisit ius famae quoad alias virtutes. Negat. vero si sint inter se connexa et unum alterum inferat, quia tunc notabiliter infamia non augetur. — G. 456., L. 976., H. A. 14.

21. *An ad vitandum grave tuum damnum, possis crimen occultum alterius revelare, si notitiam acceperis iniuste per vim, aut fraudem, puta aperiendo litteras, etc.?* — Haec S. Alph. 969. « In hac quaestione plures sunt sententiae. Sed inter has tam varias, magis mihi arridet sententia Lugonis. Docet hic magnus theologus te non posse, generaliter loquendo, uti notitia illa iniuste accepta cum alterius damno ob quodcumque damnum tuum effugiendum. Ratio, quia actio iniusta, qua tu secretum acceperis, obligat te ad restituenda omnia damna propter illam proximo obventura. Tunc tantum recte admittunt Lugo etc. te posse crimen manifestare: 1.<sup>o</sup> si revelatio esset necessaria ad bonum commune Reipub.; 2.<sup>o</sup> si alter teneretur ex iustitia secretum revelare, ad damnum tuum reparandum; 3.<sup>o</sup> si ille iniuste te vexaret ». Cf. etiam G. Cas. 430.

22. *An crimen publicum revelari possit illud ignorantibus?* — R. Affirmat., quia hoc nec contra iustitiam videtur esse, nec contra caritatem, sive sit publicum publicitate iuris sive publicitate facti. L. 974., G. 449.

23. *An crimen publicum in uno loco possit revelari in alio loco, ubi ignoratur?* — 1.<sup>o</sup> Affirmat. probabilius *per se*, saltem absque peccato gravi, si agatur de loco vicino, seu de loco ubi facile et brevi publicandum est. Ratio est, quia fama brevi et necessario amittenda nullius aut certe non magnae aestimationis est, et moraliter loquendo iam abiecta est. Excipe tamen, nisi grave damnum sit inde quis passurus. — 2.<sup>o</sup> Si agatur de locis, ad quae divulgatio non est perventura, aut non nisi post diuturnum tempus, distinguendum est: *Quoad notorietatem iuris*, non est *contra iustitiam*, quia iudex, quando publice aliquem condemnat, intendit reum spoliaré famam, ut caeteris ubique sit in exemplum. Nec probabilius est *contra caritatem*, saltem graviter, quia ad bonum commune magnopere confert, sententiam ubique vulgari, ut efficacior sit poena, ac reus cognoscatur etiam ab incolis regionis remotae, qui cum illo negotia tractanda habere possent. L. 974. *Quoad notorietatem facti*, contravertitur. Prima sententia valde probabilis dicit, non esse *per se* illicitum, quia neque *contra iustitiam* peccatur, neque *contra caritatem*, saltem graviter, modo agatur de criminibus, quae reddunt hominem perniciosum. Ratio est, quia bono publico conducit, facinorosos homines dignosci, ut ab eis cavere omnes possint. L. 974., H. A. 12., In Retr. n. 12. Secunda sententia e contrario dicit, esse peccatum tum *contra iustitiam*, tum *contra caritatem*. *Contra iustitiam* quidem, quia infamatus in uno loco, non amisit ius ad famam in alio remoto, ubi fama criminis non est brevi perventura: ergo ipsi facit iniuriam, qui eum ibi diffamat. *Contra caritatem*, quia diffamans nocet proximo in re gravi seu in fama, quam alibi sine illius iniuria possidere pergit. — G. 450.

24. *Nota*: 1.<sup>o</sup> ex S. Alph. H. A. 12., « quod delictum publicatum in uno monasterio, non potest dici absolute publicum; unde, non potest alibi manifestari, et ne in alio quidem monasterio ipsius ordinis, quod cum illo haberet frequentem communicationem ». — 2.<sup>o</sup> Ex eod. S. D. I. c. 13., « delictum alicuius publicum uno tempore, non potest in alio, in quo factum est occultum publicari sine gravi culpa saltem contra caritatem, nisi delictum esset publicum non solum notorietate facti, sed etiam notorietate iuris; i. e. per sententiam iudicis, vel rei confessionem in iudicio ». Hoc tamen non



impedit, quominus delicta publica ad publicum bonum publicis historiis narrentur ad veritatem factorum conservandam, horrorem vitii iniciendum, divinam misericordiam commendandam, etc. Cf. Lugo D. 14. n. 87.

25. *Quandonam crimen seu factum dici possit publicum seu notorium?* — 1.<sup>o</sup> Dicitur omnino *publicum* seu *famosum*, quando innotuit maiori parti communitatis seu civitatis, oppidi, pagi, etc. 2.<sup>o</sup> Dicitur *simpliciter publicum* seu *notorium*, quando innotuit toti personis, ut nulla tergiversatione celeri possit, et moraliter sit impossibile, quod in notitiam communitatis non deveniat. Valde autem difficile est determinare, quot personarum requiratur cognitio, ut crimen publicum censeri debeat. Varias regulas assignaverunt theologi pro vario numero personarum, quae communitatem componunt. Iuxta communioem sententiam dici potest publicum crimen, si quindecim sciant ex communitate centum personarum: aut viginti diversarum familiarum in communitate mille personarum; aut quadraginta dispersi in oppido quinque millium personarum. Ita S. Lig. 975. Sed, ut melius inquit Billuart, de Iustitia diss. 15. art. 2. § 5., hoc remittitur iudicio prudentis, qui attento communitatis numero, hominum garrulitate et aliis circumstantiis, iudicet, an possibile sit, ut res secreta maneant. — G. 451.

26. *An peccet graviter referens tantum gravia peccata alterius, ut ab aliis audita, v. g. si dicat: Fertur, narrant, audiri de tali hoc vel illud?* — 1.<sup>o</sup> Peccat graviter *contra caritatem et iustitiam*, si ita referat, ut alii sint verisimiliter et merito id credituri, v. g. si asserat se, quae narrat, audisse a persona fide digna, quia tunc causam sufficientem credendi malum praebet: secus, si probabiliter fides dictis non adhibeatur, quia nulla infamia inde orietur. Multo autem facilius peccabit graviter referens, etiam ut mere dubium, peccatum enorme alterius, v. g. haeresis, sodomiae, etc.; quia sola horum enormium criminum suspicio valde infamat. — 2.<sup>o</sup> Peccat graviter *contra caritatem*, si audita referat coram iis, qui probabiliter ea credent ex levitate aut malitia propria; quia sub gravi quisque tenetur ex caritate tollere occasionem damni alterius, cum facile potest. Non tamen videtur peccare *contra iustitiam*, quia non est causa efficax damni. L. 977. 978., Billuart ib. art. 2. § 4. — G. 452.

27. *Quomodo peccet audiens detractionem?* — 1.<sup>o</sup> Qui efficaciter inducit alium ad detrahendum peccat certe graviter non solum *contra iustitiam*, sed etiam *contra caritatem*. Ratio est, quia non solum est iniusta causa ulterioris detrimenti famae illius cui detrahitur, sed etiam ulterioris peccati detractoris. Ergo respectu primi peccat *contra iustitiam*, respectu posterioris *contra caritatem* propter scandalum et cooperationem. — 2.<sup>o</sup> Peccat graviter *contra caritatem*, quoad eum cui detrahitur, qui gaudet de detractione gravi ab alio facta, quia gaudet de damno gravi proximi. Excepi, si gauderet tantum de auditione rei novae vel curiosae, non vero de ipsa detractione. Peccat etiam *contra caritatem* quoad detrahentem, huic enim occasionem praebet peccatum exterius consummandi. S. Th. 2. 2. q. 73. a. 4. — 3.<sup>o</sup> Superior peccat *contra caritatem*, si detractionem non impediat in quantum commode potest, etiamsi de ea non gaudeat; quia illi specialis obligatio incumbit corrigendi detrahentem, aut damno subditi infamati obviandi. Probabiliter autem non peccat *contra iustitiam*: 1.<sup>o</sup> Superior detrahentis, quia non tenetur invigilare bono alterius non subditi; 2.<sup>o</sup> Superior infamati, quia ipsi non incumbit ex iustitia bono temporali subditi attendere. L. 979. Atamen, superior detrahentis non excusatur a culpa gravi *contra caritatem*, et etiam *contra iustitiam*, si sit episcopus vel parochus, et non corrigat, quia hi tenentur ex iustitia ad corrigendos subditos, iuxta dicta n. 360. L. 980., Struggi 40. — 4.<sup>o</sup> Persona particularis plerumque aut omnino aut saltem a gravi peccato excusatur, si detractionem non impediat, sive ex verecundia aut timore vel etiam negligentia, etiamsi commode possit, modo de illa non gaudeat, nec praeter infamiam aliud damnum accedat. Ratio est, quia in

haec materia saepe constare nequit correctionem esse profuturam: imo saepe periculosum est, et merito timeri potest, ne detractio potius augeatur vel producat. Culpam tamen aliqua non carebit, si facile correctionem efficacem adhibere possit. Excusatur item quis saltem a gravi peccato, si tacet, quia nescit, an occulta sint, quae, detractor reberat. Excusatur autem etiam a veniali, qui ubi advertunt detractorem, discedunt, sermonem expungunt, aut faciem avertunt, atque tristes se ostendunt, iuxta illud Prov. 25, 23: *Dissipat facies testis longuam detrahentem.* — G. 453, L. 980, 981.

28. *De restitutione famae.* — *Detractor tenetur ex iustitia, quantum fieri potest: 1. ad reparandam famam, iniuste ablatam; 2. ad compensanda omnia damna temporalia ex diffamatione procedentia et aliquando praeterita.* — Ratio primi est, quia per ablationem famae irrogata est iniuria damposa: ius enim, quod quisque habet ad famam, autem privata auctoritate nequit: cum itaque necessaria sit boni iniuste ablati restitutio, propterea iniuria illa resarciri debet. L. 991, 994, 995, l. 3, n. 613. Ratio secundi est, quia omnia damna provenientia ex detractatione tribuenda sunt detractori, ut causae eorum efficiat, sive crimen revelatum sit falsum, sive verum, cum in utroque casu famam iniuste detractor laeserit. L. 996. — Obligatio restituendi famam est personalis. Obligatio vero reparandi damna, quae ex diffamatione orta sunt, est realis, et proinde ad haereditates transit. — G. 457, S. 1h. 2, 2. q. 73, a. 2.

29. *Restitutio famae alio modo facienda est a calumniatore, ac a detractore simplici.* — Hinc 1. *Calumniator* tenetur dicta retractare, et quidem per se etiam cum iactura propriae famae, si aliter reparatio fieri nequeat: ratio, quia melior est conditio innocentis quam nocentis, et malitiae suae imputare debet, quidquid propterea est passurus. — 2. *Detractor simplex* dicta retractare nequit, quia sic mentiretur, sed alio modo, quantum in ipso est, famam restituere debet, dicendo, v. g. se male locutum fuisse, se erravisse, aut quid simile; non enim hi solum errant qui a veritate, sed etiam qui a rectitudine recedunt iuxta illud Prov. 14, 22: *Errant, qui operantur malum.* L. 992. Sed saepe modus ille non sufficit apud intelligentes et astutos, qui potius ex his formulis coniciunt, verum esse crimen, quod non asseritur aperte esse falsum. Tunc igitur detractor tacendo de dictis, data occasione, cum dexteritate et veritate laudare et honorare debet eum, cui detraxit. — G. 458.

30. *Qui ludendo alterius famam solum venialiter peccavit non tenetur eandem restituere cum gravi suo incommodo. Qui vero peccavit mortaliter tenetur eandem restituere etiam cum gravi incommodo: ut proportionato alterius damno.* — Ratio 1. est quia ex culpa solum levi, et veniali in simplici damnificatione proximi non potest oriri obligatio gravis, et sub mortali restitutionis in foro conscientiae, saltem ex iustitia. Si tamen ille, qui venialiter peccavit in detrahendo ex semiplena advertentia, potest commode restituere famam in re gravi, hanc ex caritate et ex iustitia tenetur sub peccato mortali restituere: nam caritas graviter obligat ad avertendum grave malum proximi, etiamsi quis nullo modo sit causa illius: et iustitia graviter obligat, ne nostra actio pergat graviter influere in damnum proximi. Ratio 2. est, quia talis tenetur famam restituere ex iustitia, et propter culpam mortalem praecedentem: atqui obligatio ex iustitia et ex culpa mortali, et in re gravi obligat cum gravi incommodo. Ratio 3. est, quia si malum quod deberet pati detractor est altioris ordinis, aut in eodem ordine notabiliter maius malo, quod pati debet innocenter infamatus, infamator posset ordine caritatis praeter bonum proprium maius bono minori innocentis; ut communiter advertunt theologi. Attamen, si restitutio directa famae, dictorum retractione, fieri non possit, aut non expediat, *indirecta* saltem restitutio facienda est, laesum laudando, honorando, etc. — G. 460, L. 994.

31. *An infamans teneatur famam restituere etiam coram iis, qui crimen a se revocatione mediate acceperint?* — R. Affirmat., si famam violavit apud audientes, quos praevidebat facile infamiam evulgaturos. Ratio, quia tunc ipse fuit prima et efficax causa damni. Secundis vero causis deficientibus, obligata semper manet causa prima. Secus vero, non tenetur. — G. 461., L. 991.

32. *Quaenam sint causae a restitutione famae excusantes?* — Sequentes communiter admittuntur: 1.<sup>o</sup> Si delictum quod uni vel pluribus revelasti, ex alia via publicum evaserit, aut si fama alio modo reparata sit, v. g. per sententiam iudicis, etc. — 2.<sup>o</sup> Si prudenter iudicetur, criminis memoriam temporis decursu oblivione deletam esse. — 3.<sup>o</sup> Si restitutio famae fieri nequeat sine vitae periculo: quia vita est bonum ordinis superioris, ac fama: item si restitutio famae sit multo minoris valoris, ac iactura, quam pati deberet diffamator, v. g. si esset homo honoratus et praesertim bono publico vel religioni valde utilis. — 4.<sup>o</sup> Si reparatio sit moraliter impossibilis ob nimiam locorum distantiam aut alias speciales difficultates, quae praesertim in reparatione detractationis simplicis reperiuntur: v. g. si qui audierunt detrahentem, a praeoccupata opinione revocari non possint. — 5.<sup>o</sup> Si iudicetur, detractationi fidem adhibitam non fuisse ab audientibus, ut fit saepius, quando in irae calore detrahitur. — 6.<sup>o</sup> Si infamatus obligationem expresse vel tacite remiserit, modo remittere possit: imo quandoque sufficit condonatio praesumpta. L. 1003. Eam autem remittere non potest, quando ex eius infamia sequitur scandalum, aut damnum vel commune vel suorum, etc., v. g. si agatur de infamia sacerdotis, etc. L. 997. seq. — G. 460.

33. *An excuseris a restitutione famae, si etiam laesus tuam famam violaverit, nec restituere velit?* — Negat Navarrus, Sporer, et quidam alii; sed probabilius affirmandum cum S. Alph. 999.; quia non teneris alteri ius suum reddere, si ille recusat tibi reddere tuum. — G. 461.

34. *An tenearis famam pecunia compensare, si eam restituere non possis?* — R. Negat, saltem probabilius, quia iustitia obligat tantum ad reddendum ablatum, aut aequivalens: sed pecunia non fuit ablata per detractationem, neque ipsa est famae aequivalens, cum sit alterius ordinis. — L. 1000., G. 461.

35. *Quid agendum, si dubium sit, an infamatio fuerit oblivione data?* — Haec S. Alph. 998.: « Retractatio per se avertit infamiam retractandi: unde, quando dubitatur de oblivione infamationis, non videtur quis teneri damnum certum pati, ad reparandum incertum damnum proximi. Et licet iniuria irrogata sit certa; et ideo possideat, attamen, quia restitutio non debetur ob solam iniuriam, sed ob damnum vere illatum, ut dicimus cum S. Th. in Tr. de Iniustitia etc. S. Th. Quodl. 10. a. 13. n. 562., non videtur esse obligatio resarciendi damnum dubium cum damno certo restituentis, nisi quando solum periculum infamiae alterius in aliquo casu magis aestimaretur, quam infamia certa, sive damnum detractoris ».

### III. — DE CONTUMELIA

36. *De laesione honoris per contumeliam. — Quid contumelia et quod simplex?* — 1. Contumelia est: iniusta violatio honoris personae praesentis. Contumelia igitur differt a detractatione primo per hoc, quod detractio directe laedit *famam*, seu internam existimationem, quam alii habent de proximo: contumelia vero directe laedit *honorem*, seu externam contestatio-



nem talis existimationis sive verbis sive factis fiat. Secundo contumelia differt a detractioe per hoc, quod detractio fiat occulte, et in alterius absentia; contumelia vero fiat palam, et in alterius praesentia, per eius contemptum, sive in seipso quis praesens sit, sive in alio, v. g. in suo legato, vel statua: nam contumelia dicitur a contemnendo. L. 966. — 2.<sup>o</sup> Contumelia fit tribus modis, nempe verbo, scripto et facto. Porro sub contumelia, quae fit verbo, comprehenditur *convictum*, *improperium* et *maledictum*. Sub contumelia, quae fit scripto ex animo alterum infamandi, comprehenditur *libellus famosus*. Et tandem sub contumelia, quae fit facto, comprehenditur *irrisio*, *illusio* et *subsannatio*. Interim tamen istae species contumeliae in foro theologico sunt solum materiales; nam formaliter omnes pertinent ad iniustam laesionem honoris alieni. — Struggl 23. 25. 26. 27. Cf. Ithur. Cas. 30. n. 5., S. Th. 2. 2. q. 103. a. 1. 2. — 3.<sup>o</sup> Laesio honoris debiti non solum contra caritatem, sed etiam contra iustitiam est: nam ius singuli habent ad certum honorem et ne despectui habeantur. Quaelibet autem honoris laesio, si id tantum spectetur, non effectus alii extrinseci, eiusdem infimae speciei est. Lugo de Poenit. D. 16. n. 265.

37. « *Convictum*, quasi *Convocium* dictum, proprie voces plurium inter se collisas inordinatimve clamorem significat, et quia probra saepe, contentione adhibita, ingeri solent, ideo pro *contumelia a pluribus facta* in rigore usurpari deberet, usus tamen fert, ut *convictum* cum contumelia confundatur, ut sit iniuria qua praesenti cuipiam ad os obicitur crimen aliquod, sive etiam malum vel poenae vel naturae. . . . *Improperium* est *iniuria*, qua quis alteri obicit beneficium in eum antea collatum, ingratum eius animum erga benefactorem exprobando. . . . *Opprobrium* in lure idem ac *probrum*. L. *Probrum ff. de Verbor. signific.*, est quasi *obiectum probrum*, unde cum probrum dedecus, sive infamiam ex delicto significet, opprobrium est iniuria, qua quis alteri obicit dedecus, quo afficitur propter crimen. . . . *Irrisio* et *derisio* valent idem et derivantur a *deridere* et *irridere*, quae significant ridere cum alterius contemptu. Et iuxta D. Th. 2. 2. q. 65. tunc fit, cum quis alterius malum vel defectum in ludum et risum vertit eo, ut alter erubescat. Si verbis additur risus vel cachinnus proprie *derisio* dicitur, *subsannatio* dicenda, si addatur nasi, capitis, aliussve membri corporis motus, alterius vitium indicans, ut rubore ille suffundatur: quod si ad hunc eundem finem facta alia verbis adiciantur, derisio *illusio* dicitur. Dicitur autem *ironia*, si tum maxime alterum vituperes, cum per derisionem eum laudes. . . . His adde *imprecationem*, vitium illud. . . . quo quis alteri malum aliquod culpae, poenae, vel naturae imprecatur ». Ithur. Cas. 30. n. 5., Lugo D. 14. n. 193., S. Th. 2. 2. q. 75. a. 2.

38. *Contumelia est peccatum mortale ex genere suo*. — Est enim quid gravius detractioe, quae per se est gravis. Constat praeterea ex verbis Scripturae, Matth. 5., 22.: *Qui autem dixerit fratri suo: Raca, reus erit concilio; qui autem dixerit: Fatue, reus erit gehennae ignis*. — *Ex genere suo*: venialis enim erit tum ex imperfectione actus, tum « si sit leve convictum, non multum hominem dehonestans, et proferatur ex aliqua animi levitate, vel ex levi ira, absque firmo proposito aliquem dehonestandi ». S. Th. 2. 2. q. 72. a. 2., a. 1. ad 3., L. 966., G. 463.

39. *Contumelia per se strictam inducit obligationem restituendi honorem et reparandi damna*, si qua subsecuta fuerint, saltem si in confuso fuerint praevisa, ut patet ex dictis de restitutione famae. — L. 966., G. 463.

40. *Resolves*: 1.<sup>o</sup> Honor publice per contumeliam ablati, publice est restituendus coram illis, qui dehonorationis testes fuerunt, vel saltem ita, ut satisfactio ad ipsorum notitiam pervenire possit. Sufficit autem, ut satisfactio fiat per aliam personam, quae nomine dehonorantis veniam petat L. 984. — 2.<sup>o</sup> Ea honoris restitutio requiritur, quae ceaseatur sufficiens

ad manifestandam aestimationem iuxta personae offensae conditionem. Si enim qui dehonoraui fuerit Superior, sufficiet regulariter, si dehonoraui salutet, domi inuisat, aut ei benevolentiam ostendat. Si autem fuerit aequalis, vel a fortiori inferior, maior requiritur satisfactio, nempe ut praeveniat in salutando, cedat locum, veniam petat, etc., si alio modo sufficienter satisfacere nequeat. L. 986., Lugo D. 15. n. 57. — 3.<sup>o</sup> Si inhonoratus vindictam sumpsit, v. g. alterum percutiendo, vulnerando, ... plerumque pro honore non requiritur ulterior satisfactio: quia ille pro satisfactione videtur acceptare vindictam, alter vero non resistendo videtur fateri suam culpam et aestimationem de altero. L. 989. Item a restitutione honoris eximuntur rustici, si inter ipsos impacta mutuo fuerint aequalia convicia aut impropria, quia eo ipso fit compensatio. — 4.<sup>o</sup> In praxi multoties expedit, ut confessarius omittat monere poenitentem in bona fide existentem circa satisfactionis obligationem, maxime si praevideat, monitionem non profuturam esse; vel si putet eum, qui dehonoraui fuit, facile id condonare, aut recusaturum esse reparationem praesertim publicam, ne memoria iniuriae apud alios redeat, aut ne ipse rubore magis afficiatur, etc. L. 988., — G. 464.

41. *Utrum si offensus a iudice publice puniatur, adhuc teneatur in conscientia pro iniuria illata satisfactionem exhibere?* — Probabilissime negat Lugo cum communi. Ratio, quia ipsa poena inflictas pro honore tibi ablato videtur satis honorem tuum resarcire. Ita etiam, si offensus a iudice coactus debitam satisfactionem tibi praestiterit: tunc enim licet coacte, iam vere testificationem exhibuit aestimationis tuae dignitatis. L. 990.

42. *Quando contumelia fuit occulta debeturne satisfactio?* — Negant. Mol., Laym. Sed affirmandum est omnino cum communi et vera sententia, quam tenent Less., Salm., etc.: quia in omni contumelia adhuc occulta, praeter iniuriam, adest damnum honoris iniuste laesi, cum quisque habeat ius ut debitus honor ei servetur. L. 985., G. 464.

43. *An et quandonam licita sit contumelia?* — Contumelia est licita in sequentibus casibus: 1.<sup>o</sup> Si ioci causa per convenientem recreationem leves defectus obliquantur, urbanitas est, secundum S. Th., dummodo alter non contristetur, nec ad iram moveatur. 2.<sup>o</sup> Si fiat animo corrigendi, humiliandi, aliave ratione; sic Christus vocavit apostolos stultos; et apostolus Galatas insensatos. Ita S. Th. 2. 2. q. 72. a. 2 ad 2., qui dicit, « quod sicut licitum est, aliquem verberare causa disciplinae, ita etiam potest aliquis alteri, quem debet corrigere, verbum aliquod conviciosum dicere ». L. 966.

44. *Quomodo se gerere debeat contumelia affectus?* — « Omnes tenemur contumelias tolerare animi vindictae abiciendo. Quandoque tamen expediens erit contumelias repellere, nempe cum tolerantia praevideatur adscribi ostendi impotentiae, aut stultitiae; vel si obesse possit bono communi, prout si praelatus tolerando redderetur contemptibilis, et sic petulantia subditorum augetur ». L. 966., S. Th. 2. 2. q. 72. a. 3.

#### IV. — DE MENDACIO

45. *Quid et quodplex sit mendacium?* — 1.<sup>o</sup> Mendacium est verbum falsum cum intentione fallendi. Quare a mendacio excluduntur, ioci qui ita proferuntur, vel aguntur, ut ex ipso modo proferendi, vel agendi, satis intelligatur, falsum esse, quod exterius enuntiatur; licet audiens ex sua nimia simplicitate, et stupiditate, serio iocum accipiat, et a seipso potius falliatur,

quam a iocante. A mendacio pariter excluduntur locutiones tropicae, et figuratae, ironicae, fabulae, et parabolae: quia verum sensum continent, quem loquens exprimere intendit: licet interdum animadvertat, cum ab audiente non statim apprehendi, sed alium sensum falsum concipi, quem loquens non intendit, sed solum permittit. G. 438. 439. 440.

2. Mendacium est triplex, nempe *iocosum*, *officiosum*, *perniciosum*. Mendacium iocosum est, quod nec prodest, nec obest, sed proferatur, ut delectet. Interim tamen, ut locus sit mendacium, requiritur, ut proferatur falsum animo audientem ioci causa fallendi, et ei ingerendi falsam opinionem. Mendacium officiosum est, quod fit sine alterius iniuria, ut tertio prosit. Perniciosum tandem est, quod fit cum alterius iniuria, et nocumento, etiamsi tertio alicui prosit. — G. 438.

3. Nemo silentio et dissimulatione, non loquendo, non agendo, regulariter mentitur. S. Th. 2. 2. q. 111. a. 1. ad. 4: quia is qui tacet, non agit, neque affirmat neque negat. *Regulariter*, interdum enim non loqui, non agere dolo et fraude non caret. Lugo D. 23. n. 82.

46. *Restrictio mentalis* est: actus mentis verba alienius propositionis ad alium sensum, quam naturalem et obviu, detorquentis vel restringentis. Restrictio mentalis est: 1. *pure seu stricte mentalis*, si sensus loquentis percipi nullo modo possit, et haec proprie mentalis dicitur: 2. *late seu improprie mentalis*, si sensus propositionis ex adiunctis possit colligi. Ad restrictionem mentalem revocantur aequivo- cationes seu amphibologiae, quae sunt locutiones habentes ex se duplicem sensum principalem, sed unum magis et alterum minus obviu. — G. 441.

47. Mendacium non *verbis*, sed *factis simulatio* appellatur. Ad simulationem autem seu ad mendacium pertinent *iactantia*, *hypocrisis*, *adulatio*. G. 440. S. Th. 2. 2. q. 110. a. 2., q. 111. a. 1., q. 113. a. 1. Quodl. 6. a. 17., Quodl. 8. a. 14.

48. *Mendacium est intrinsece malum*. — Prob. quia mendacium formaliter importat intentionem alterum fallendi: adeoque est intrinsece malum. Praeterea mendacium immediate opponitur virtuti veracitatis creatae, et mediate virtuti veracitatis divinae: adeoque est intrinsece malum, et in unico casu licitum. Unde Innocentius III. C. *Saper eos*, de Usuris ait: « Ne pro vita quidem tuenda nobis licitum est mentiri ». — S. Th. 2. 2. q. 110. a. 1. 3., Quodlib. 8. a. 14., G. 439.

49. *Mendacium iocosum et officiosum est peccatum ex genere suo veniale, perniciosum vero est ex genere suo mortale*. — Prob. quia mendacium iocosum et officiosum non opponitur caritati, aut iustitiae, bene vero perniciosum: adeoque duo priora non sunt peccatum ex genere suo mortale, bene vero tertium. Porro mendacium perniciosum in individuo saepius fit peccatum veniale non solum ex imperfectioe actus, sed etiam ex parvitate materiae, seu nocumenti proximo per mendacium illati. — G. 439.

50. *Nunquam licet uti restrictione pure seu proprie mentali, nec amphibologia humana modo non perceptibili*: a tortiori non licet cum iisdem iurare, quia est simpliciter mendacium. Constat etiam ex pr. 26. 27. 28., d. ab Innoc. XI. — G. 442., L. 152.

51. *Amphibologiae seu aequivo- cationes et restrictiones non pure mentales, non sunt mendacia*. — Prob. quia amphibologiae, et restrictiones non pure mentales, nisi fiant ex positiva intentione alterum fallendi, non sunt contra mentem loquentis, et virtutem veracitatis: ergo. Praeterea hoc ipso, quod restrictio non sit pure mentalis, et possit ex aliqua circumstantia rei, loci, temporis, aut personae loquentis prudenter colligi, deceptio alterius sequitur per accidens; ergo.

52. *Licet aliquando ex iusta causa uti restrictione late i. e. improprie*



*mentali, et verbis aequivocis, quando sensus a loquente intentus intelligi possit.* — Ratio est, quia hoc non est malum in se, cum proximus non proprio decipiatur, sed ex iusta causa tantum permittatur eius deceptio: abunde ad bonum societatis requiritur, ut medium adsit licite celandi secretum: aliquando autem aliud medium non suppetit praeter aequivocationem, aut restrictionem late seu improprie mentalem. G. 443. Struggl Tr. 5. q. 3. n. 17., Ithur. Cas. 37. n. 11. seqq.

53. *Nota:* Licet vero uti eiusmodi lata restrictione etiam cum iuramento: quamquam maior causa tunc requiratur, cum divinum testimonium non sit sine iudicio usurpandum. L. 151., G. 443.

54. *Amphibologiae seu aequivocationes et restrictiones etiam non pure mentales non sunt licitae:* 1.<sup>o</sup> si fiant sine causa honesta et proportionata: 2.<sup>o</sup> si exinde damnum proximi emergeret contra ordinem praeceptum caritatis: 3.<sup>o</sup> quando contractus mutuus celebrantur: 4.<sup>o</sup> si interrogans habet ius inquirendi aut imperandi veritatis confessionem. Prob. Ratio 1.<sup>a</sup> est, quia, si sine omni honesta causa, et semper, esset licitum loqui, amphibologiae, aequivocae, et cum restrictione etiam non pure mentali, periret omnis sinceritas, et fides humana: sed fidem humanam homines ex lege naturali tenere conservare. Ratio 2.<sup>a</sup> et 3.<sup>a</sup> est, quia id exigitur a caritate et iustitia. Ratio 4.<sup>a</sup> est, quia iuri illi respondet obligatio fatendi veritatem sine ambiguitate. — G. 444.

55. *Resolves:* 1.<sup>o</sup> Possunt uti huiusmodi restrictione omnes personae publicae interrogatae de rebus suae fidei commissis, ut sunt secretarii, legati principum, duces exercituum, magistratus, advocati, medici, chirurgi, obsterices, et quisquis officium et rationem habet veritatem aliquam occultandi. Si enim secreta his personis commissa violarentur, gravissima inde sequerentur incommoda in societate. — 2.<sup>o</sup> Potest famulus iussu domini negare, ipsum esse domi, quamvis adsit: quia talis locutio generatim usu recepta est ad significandum, eum non esse domi, quatenus videri aut visitari possit. Attende tamen ad locorum consuetudinem. L. 165. — G. 444.

56. *« Simulatio formalis, nempe cum quis intendit per factum externum aliud significare, quam in animo habet, haec nunquam est licita: quia est verum mendacium facti; simulatio vero materialis, scilicet, cum quis aliquid agit, non intendens deceptionem alterius, sed aliquem suum finem, haec est licita cum iusta causa, semper ac ex circumstantiis alii possunt conicere ad alium finem id agi: prout dictum est de restrictione non pure mentali n. 152. Ita Christus Dominus, Luc. 24., apud Emmaus finxit se longius ire, non intendens ut Discipuli hoc crederent, sed volens significare se revera iterum fuisse longius, nisi ab eis invitaretur. Ita Croix ».* L. 171. — S. Th. 2. 2. q. 111. a. 1.

57. *An Superior habeat in omni casu ius cognoscendi veritatem ita ut interrogatus nequeat licite uti restrictione late mentali?* — R. Negat., ut constat ex sequentibus exceptionibus. Etenim: 1.<sup>o</sup> confessarius interrogatus a tyranno, an Titius confessus sit homicidium, respondere potest et debet: Nescio: quia confessarius id nescit scientia communicabili. Imo etiam tyrannus diceret: An hoc nescis scientia communicabili? Respondere adhuc posset: Nescio. Ratio est, quia tyrannus bene cognoscit, se ius non habere de hoc interrogandi, nec confessarius ut homo intelligit se scire, sed ut vicarius Dei ac proinde scientia incommunicabili. G. 444.

2.<sup>o</sup> Poenitens interrogatus a confessario de peccato confesso, potest iurare se non commisisse, subintelligens, illud quod confessus non sit. Ita Card., Salu., Sanch., etc. Hoc tamen intelligendum, nisi confessarius iuste interroget ad nesciendum statum poenitentis. Ex prop. 58. d. ab Inn. XI. L. 157. — « Sed si poenitens non peccaverit mortaliter ab ultima confessione,

confessarius sufficienter novit statum eius, neque tunc ius ullum habet de vita praeterita interrogandi ». G. Cas. V. 2. n. 442.

3.<sup>o</sup> « Satis probabilis est sententia Card. de Lugo de Inst. D. 40. n. 15. Tambur., Cardenac, Sporer, Mezger, Babenstuber, Elbel, et plurium aliorum, qui admittunt reum, stante probatione solum semiplena, et quando est spes evadendi mortem, posse uti amphibologia, et negare crimen etiam cum iuramento, subintelligendo: ita, ut teneat fateri, quamdiu appareat spes evadendi mortem. Ratio huius est: quia praeceptum obediendi legitimo iudici non potest obligare reum, ita ut ipse contra se agat, et per confessionem propriam compleat probationem semiplenam sui criminis capitalis, quando illud aliunde non potest satis probari. Neque praedicta restrictio in tali circumstantia causae est pure mentalis: quia a sagaci iudice et assessoribus prudenter potest colligi. Unde hanc sententiam tuto poterit sequi confessarius, saltem ut reo eam sequi volenti absolutionem non deneget; ut advertunt citati doctores ». Struggl de 8.<sup>o</sup> Praec. 46. et de Virt. Relig. q. 3. n. 22., L. 154., l. 4. n. 57.

4.<sup>o</sup> Testis potest iurare se nescire crimen quod revera scit, subintelligendo nescire crimen, de quo legitime possit inquiri, nempe si ipsi constet crimen caruisse culpa, ut Salm., Elbel.; vel si sciat crimen, sed sub secreto, cum nulla praecesserit infamia, ut Card., vel si crimen sit omnino occultum. Struggl de Virt. Relig. l. c. 21. 22.

## V. — DE VIOLATIONE SECRETI

58. *Quid et quodplex sit secretum?* — 1.<sup>o</sup> Secretum in genere dicitur quidquid occultum est. S. Thom. Quodl. 12. a. 21. Ad quaestionem praesentem quod attinet secretum est: res quaedam occulta alicui revelata, seu utcumque cognita cum onere silentii. 2.<sup>o</sup> Triplex distinguitur secretum. *naturale, promissum, commissum*. Secretum *naturale* est si aliquid casu cognoscas, quod absque alterius iusto moerore vel damno revelare non possis. L. 970. Est *promissum*, si promissione *gratuita* rem quam, iam veras vel cuius accipis notitiam, alteri promittas nemini revelaturum: vel promissione *onerosa* nemini rem revelandi, eam tibi alter manifestet hac conditione. Tandem est *commissum* quando rem alteri reveles consilii vel auxilii gratia, hac expressa vel tacita conditione, nemini eam revelandi. L. ib.

59. *Secretum naturale in re gravi obligat per se sub gravi, t quidem ex iustitia, nisi iusta causa excuset.* — Ratio est, quia ex revelatio se secreti sequitur per se damnum proximi, qui ius habet, ne sine causa rationabili laedatur. L. 970., G. 469.

60. *Secretum promissum obligat per se graviter aut leviter prout quis per promissionem voluit se obligare graviter et ex iustitia in materia gravi: vel leviter et ex mera fidelitate, quae ex genere suo levis est.* — Ratio repetenda est ex dictis de promissione. Tr. de 7.<sup>o</sup> Decal. Praec. n. 142. Ithur. Cas. 37. n. 2. 5. 6., G. 469., L. 970.

61. *Secretum commissum obligat per se sub gravi ex iustitia, et quidem strictius ac secretum mere naturale, atque etiam promissum.* — Ratio est, quia praeter obligationem naturalem, urget etiam obligatio ex contractu haud quidem *gratuito*, ut in secreto simpliciter promisso, sed *oneroso*: neque enim tibi notitiam rei alter committeret, nisi promissionem secreti a te reciperet. Ithur. l. c., G. 469. Iure quoque civili vetitum est magistratibus de his interrogare, quae ratione officii, quo quis defungitur, e. g. parochi, advocati etc. alicui credita sunt.

62. *Nota:* Plures sunt et graves theologi qui probabiliter tuentur mortale non esse, rem gravem sub secreto commissam revelare sub eodem secreto uni vel alteri probo, modo non detegatur cui specialiter celari voluerit ille, qui secretum commisit: cum adhuc res secreta dici possit in istis reum adiunctis. Hoc tamen non est ita facile in praxi permittendum. Tanta enim est hominum loquacitas, ut vix secretum in uno sistere possit. G. 4 71.

63. *Qui revelando alienum secretum mortaliter peccavit tenetur ex iustitia et sub gravi reparare grave alterius damnum.* — Ratio constat ex dictis de iniusta damnificatione. Tr. de 7.<sup>o</sup> Decal. Praec. n. 506.

64. *Secretum naturale, promissum et commissum explorare et revelare licet:* 1.<sup>o</sup> ex consensu recte praesumpto illius cuius interest secretum occultari: tunc enim nulla alicuius iuris laesio habetur. 2.<sup>o</sup> Si res aliunde iam fuerit divulgata: nam desinit tunc esse secreta. 3.<sup>o</sup> Si damnum ex secreto secuturum sit Reipublicae. Ratio est, quia bonum privatum debet cedere bono communi, adeoque nulla esse potest obligatio privatum bonum procurandi contra damnum commune. Atque ob eandem rationem, si ex revelatione secreti damnum commune sequeretur tenetur quis potius mortem, et quaevis tormenta subire, quam secretum revelare. 4.<sup>o</sup> Si ex observatione secreti grave damnum obveniret *tibi* vel *ei* ad quem secretum spectat, vel *alteri* innocenti. Ratio est, quia neque *naturaliter* dari potest obligatio contra *ordinem* caritatis: neque quis sua *promissione* et *contractu* praesumitur ad tale onus se obligasse, ut secretum servet etiam cum proprio gravi damno, nisi ex circumstantiis id certe appareat. Verum si de secreto *commissio*, et de damno *alterius* agatur secretum *commissum*, non cessat in damno alicuius privato etsi gravissimo, nisi damnum ab eo *immineat* cui secretum promissum est, ut si puella abortum procurare et fetum occidere conetur. Ratio asserti est, quia adhuc magis *publici boni* interest, secretum hoc servare, quam privatum damnum alterius etiam gravissimum impedire. Ratio vero exceptionis est, quia secus vix invenies, qui consilium vel auxilium in huiusmodi angustiis dare vellet, quod item publico bono foret perniciosum. L. 570. 971. l. 4. n. 49., l. 6. n. 698., S. Th. 2. 2. q. 70. a. 1. ad 1. 2., Laym. l. 3., Tr. 3. p. 2. C. 5. n. 2., Lugo De iust. et iur. D. 14. n. 142., D. 38. n. 37 seqq., Ithur. l. c. n. 8.-10. 11. 28. 29. 30.-34. 37. 38. Appendix n. 4. 19. 22. 23.

65. *An iudici legitime interroganti tenetur quis secretum manifestare?* — R. 1.<sup>o</sup> Affirmat., si agatur de secreto *mere naturali*: quia potior est obligatio obedientiae praestandae iudici legitime interroganti ob bonum commune, quam impediendi per secreti observationem damnum personae privatae; quod caeteroquin cum a iudice legitime inferatur, nulla erit alieni iuris laesio. — 2.<sup>o</sup> Affirmat., si agatur de secreto promisso: « quia per promissionem ad hoc tantum te obligasti, quod licite praestare poteras. Atqui non poteris promittere contra obedientiam iudici seu superiori debitam; quia, quando crimen novisti, iam contraxisti obligationem naturalem illud manifestandi, si index vel superior id requiret. Ergo promissio subsequens secreti non potuit priorem obligationem destruere ». G. Cas. 437. — 3.<sup>o</sup> Negat. *per se*, si agatur de secreto *commissio* sive ex necessitate, sive ex pacto. Distinguendum enim est duplex secretum commissum: simpliciter commissum ex *mero pacto* intercedente; et commissum ex *necessitate* consilii, auxilii, etc. Ratio 1.<sup>a</sup> est, quia ipsum bonum commune postulat ne metu talis revelationi homines priventur commodo consilii, aut auxilii necessarij quaerendi, quod probecto nunquam requirerent, nisi certi de secreto servando forent. Postulat ergo ipsum bonum commune, ut quousque committens licite potest suum secretum servare ius retineat ne alter illud prodatur. Hinc iudici interroganti potest quis respondere. Nescio: subintelligendo, ita ut manifestare debeam, licet, interposito iuramento, testimonium proferre cogatur. S. Poenit. 21. Aug. 1830. Ratio 2.<sup>a</sup> est, quia, ut ait S. Th. 2. 2. q. 70. a. 1.



ad 2., «servare fidem est de iure naturali: nihil autem potest praecipere homini contra id quod est de iure naturali». Contractum quidem oneroso interveniente, de iure naturali omnino est datam fidem servare. — L. 970., G. 472., Cas. 438., Ithur. l. c. n. 13. 25. Append. n. 10. 11. 12., Lugo D. 14. n. 135. 141.

66. *An possis revelare secretum, si promiseris illud servare etiam cum vitae iactura?* — R. 1.<sup>a</sup> Affirmat., si illud exigit bonum commune, quia promissio facta contra bonum commune nulla est. — 2.<sup>a</sup> Negat., si agatur de tuo proprio damno simpliciter gravi, quia praestat servare secretum hoc speciali contractu promissum. Negat., etiam probabilius, si agatur de damno tuo extremo, quia iuri tuo expresse renuntiasti, nec illicitum est omittere vitae conservationem, ut promissum serves. Verum necessarium omnino est ut negotium secreto servandum gravissimi momenti sit. Secus enim promissio foret prodiga, quam servare non tenemur. L. 971. Attamen S. Auctor oppositum satis probabile merito dicit. — G. 470.

67. *An graviter peccet aperiens aut legens alterius litteras?* — R. Affirmat., per se, seu ex genere suo. Ratio est, quia iure naturali, et iure gentium obligatio inest secreta litterarum illaesa relinquendi; secus commercium humanum pessumdaretur. L. H. A. 5. — Excipe casus sequentes: 1.<sup>a</sup> si adsit consensus tacitus aut praesumptus illius qui scribit, vel illius ad quem litterae mittuntur; 2.<sup>a</sup> si cognoscatur vel praesumatur, litteras continere res levis momenti; 3.<sup>a</sup> si iusta de causa fiat, v. g. ad damnum publicum aut privatum avertendum, modo ad malum istud propulsandum quis ius habeat litteras aperiendi, nec plus legat, quam ad hunc finem necessarium est; 4.<sup>a</sup> si litterae ex levitate aut ex aliqua inadvertentia aperiuntur. — L. l. 5. n. 70., G. 471.

68. *Nota:* Donec epistola ei tradatur cui missa est, ad mittentem adhuc pertinet, qui eam poterit ad se revocare.

69. *Resolves:* 1.<sup>a</sup> Epistolas minutatim discerptas colligere, varias inter se partes iungere et legere, salva iustitia, non licet. Ideo enim ita quis epistolam dilaceravit ne legi possit. L. l. 5. n. 70. 2.<sup>a</sup> «Sic princeps potest aperire litteras non tantum hostium, sed etiam aliorum, quae tempore belli ex locis finitimis hostium veniunt. Item ministri publici, quoties bono publico necessarium esse iudicant. . . Et hoc procedit non solum pro principe et ministris, sed etiam pro privatis. . . Superior religiosus litteras suorum subditorum (dummodo non mittantur ad Superiorem maiorem, vel talem quem statuta eximant, nec ab eo veniant) licite aperit et legit: sive ex *religionis statuto*, aut consuetudine, sive ex *suspensione probabili*, quod mali aliquid contineant». L. l. 5. n. 70. Cf. Struggl 56. III., Ithur. l. c. n. 26. seqq., Ferraris v. Litterae n. 9. 10.

## DE PRIMO ET SECUNDO ECCLESIAE PRAECEPTO

1. *Varia Ecclesiae praecepta.* — Plurima quidem sunt Ecclesiae praecepta, quae particulares hominum status concernunt. Ecclesiae vero praecepta, quae omnes hominum status concernunt, sex communiter recensentur. De prioribus in Tr. de Statibus Particularibus dicemus, de posterioribus hic dicendum erit. Struggl init., G. 473.

2. *Quodnam sit primum et secundum Ecclesiae praeceptum?* — Primum est, ut festa auctoritate Ecclesiae instituta fideles colant. C. Nullas seq., C. 15. q. 4., C. 1. seqq. de Consecr. D. 3., Tit. de Feriis. — Alterum est,

ut saltem diebus dominicis et festis Sacro fideles intersint, C. *Missas de Consecr.* D. 1. Cum igitur utrumque hoc praeceptum sit connexum, de utroque simul agendum hic est. Struggl l. c., G. 473. 474.

3. *De potestate Ecclesiae dies festos instituendi.* — Gaudet Ecclesia potestate festa instituendi, eorumque sanctificationem sub gravi omnibus fidelibus praecipiendo, utpote quae accepit a Christo omnem potestatem in ordine ad bonum spirituale fidelium. — Solus Papa universae Ecclesiae festa indicare potest, quia solus in Ecclesiam universam iurisdictione gaudet. — Episcopi quoque festos dies in sua dioecesi instituere possunt; habent enim facultatem leges in propria dioecesi ferendi. Attamen ex C. *Conquestus* ult. *De Fer.* vetantur episcopi, ne clero fidelibusque inconsultis nova statuatur festa, G. 474. An autem in praesenti liceat adhuc episcopis nova festa instituere, prima sententia affirmat, dummodo instituantur in honorem *Sanctorum*, non *Beatorum*, adhibito aliquorum clericorum consilio, moneatur tamen, ut studeant abstinere. Urb. VIII. C. *Universa* 13. Sept. 1642., Bonae. Tom. 2. D. 6. q. un. P. 1. n. 3. seqq. Secunda sententia negat ex Responso S. R. C. 23. Iun. 1703. Cf. Bouix de Iur. Liturg. P. 4. C. 4.

4. *Quinam sint dies festi observandi?* — Multa olim instituta sunt festa, quae decursu temporum in desuetudinem abierunt, vel auctoritate ipsa Ecclesiastica abolita sunt. Urbanus VIII. C. *Universa* multa festa suppressit, novumque dierum festorum elenchum pro universa Ecclesia statuit. Huic catalogo addendum est festum Immaculae Conceptionis B. M. V. Clem. XI. C. *Commissi nobis* 6. Dec. 1708. Cf. Ezech. Mor. N. 474. — Ex his autem quaedam minus sollemnia, velut festa Apostolorum, serius fuerunt imminuta, sublata nempe operam servilium prohibitione, eaque alicubi deinde prorsus *abrogata* fuerunt. Quaedam vero etiam ex sollemnioribus alicubi in dominicam *translata* sunt. Verum tum quoad *abrogata* tum quoad *translata* nihil omnino innovatum est quoad officium et missam, quoad ecclesiasticas functiones et chorum, quae proinde omnia observari debent, uti ante abrogationem vel translationem. S. R. C. 18. Oct. 1818. 23. Maii 1835. G. 476. *Translationem* intellige perpetuam; nam si translatio fiat aliquando propter aliquod impedimentum, v. g. festi S. Iosephi aut Annuntiationis B. V. M., officium duntaxat non festi observantia transfertur. L. 267. Nihil item immutatum est quoad obligationem pastoribus impositam missam *pro populo* celebrandi, adeoque standum adhuc est catalogo Urbani VIII. Pius IX. C. *Amantissimi* 3. Maii 1858. G. 475.

Pius VI. propter temporum calamitatem, fidelibus romanis condonavit obligationem quaedam festa celebrandi. Haec autem sequentia sunt: scilicet, festa SS. Apostolorum praeter SS. Petri et Pauli sollemnitatem; duae feriae quae Pascha et Pentecosten sequuntur; Inventio S. Crucis; festa S. Annae, S. Laurentii, S. Stephani, SS. Innocentium, S. Sylvestri, Nativitas S. Joannis Baptistae, S. Michaelis, et S. Iosephi; quae tamen tria postrema postea restituta sunt. In Gallia autem post Indultum Card. Caprae 9. Apr. 1802. ex concessione Summi Pontificis Pii VII. quatuor tantum festa praeter dies dominicos de praecepto supersunt pro fidelibus, nempe 1.<sup>o</sup> Festum Nativitatis Domini; 2.<sup>o</sup> Ascensionis eiusdem; 3.<sup>o</sup> Assumptionis B. M. Virginis; 4.<sup>o</sup> Festum omnium Sanctorum. Ex eodem Indulto ad dominicam proxime occurrentem transferenda sunt festa Epiphaniae Domini, Sacratissimi Corporis Christi, SS. Apostolorum Petri et Pauli, et SS. Patronorum cuiuslibet dioecesis et parochiae. Reliqua festa, olim praecepta, celebrantur nunc iisdem ac antea diebus, sed absque ulla pro fidelibus obligatione. — In Statibus Foederatis Americae ex concessione Leonis XIII. 25. Nov. 1885. sex solum festi dies observandi sunt: 1.<sup>o</sup> Immaculae Conceptionis B. V. M.; 2.<sup>o</sup> Nativitatis D. N. J. C.; 3.<sup>o</sup> Circumcisionis D. N. J. C.; 4.<sup>o</sup> Ascensionis D. N. J. C.; 5.<sup>o</sup> Assumptionis B. M. V.; 6.<sup>o</sup> Omnium Sanctorum. Sollemnitas festi SS. Corporis Christi et SS. Apost. Petri et Pauli in diem dominicam proxime

sequentem transfertur. Tandem in Hispania et in regionibus ei subiectis, uti etiam in pluribus Italiae regionibus festum S. Josephi de praecepto iterum servandum est. Cf. *Enchir. Moral.* N. 474.

Festis quae Ecclesia celebrat licet praeterea adiungere festum *Patroni*, non *Titularis*, vel unius ex praecipuis Patronis: 1.<sup>o</sup> Regni vel Dioecesis; et 2.<sup>o</sup> loci; ubi eos haberi vel venerari contigerit. Urban. VIII. C. *Universa*, Pius VI. B. *ex quo divina*, 7. Iun. 1780. Ac ubi utrumque festum est introductum, utrumque servari debet. S. R. C. 25. Mart. 1817. *Patronos* vero eligere non licet, nisi de consensu populi et cleri et episcopi eosque *Sanctos*, non *Beatos*. S. R. C. 23. Mart. 1630. Ferrar. v. *Festa* n. 2. seqq. L. 266.

Cetera cf. in Tr. de 3.<sup>o</sup> Decalogi Praecepto.

## DE TERTIO ET QUARTO ECCLESIAE PRAECEPTO.

1. *Quodnam sit tertium et quartum Ecclesiae praeceptum?* — Tertium Ecclesiae praeceptum est, ut fideles saltem *semel singulis annis* peccata confiteantur *proprio sacerdote*, scilicet Papae, episcopo, paroco, cuilibet sacerdoti approbato ab episcopo. Innoc. III. in Conc. Later. IV. a. 1218. can. 21. *Omnes ubiisque sexus*, G. 477. Bened. XIV de Syn. l. 11. C. 14. n. 2-6. — Quartum praeceptum est, ut fideles saltem tempore paschali ad SS. Eucharistiae Sacramentum accedant. Innoc. III. l. c., Trid. S. 13. c. 9. G. 480.

2. *De annua Confessione.* — *Quodnam pueri censeantur annos discretionis attigisse, ut praecepto annuae confessionis adstringantur?* — Quando sunt capaces peccati mortalis; quod non ex aetate solum, sed praecipue ex gradu ingenii vel boni malique discretionis iudicandum est. Spiritus autem discretionis inesse censetur in iis, qui iam apprehendunt, malum esse mendacium, aut inobedientiam, aut de impuris quibusdam actionibus erubescunt, etc. Hinc Pastores animarum tenentur, puerulos etiam septuages ad confessionem sensim praeparare, et eos, in quibus animadvertunt mortale peccatum etiam dubium, absolvere, saltem intra annum vi Concilii Lateran. L. 1. 6. n. 432.-666., l. 3. n. 270. In dubio de discretionis, absolvantur sub conditione. L. 1. 6. n. 666. Graviter igitur errant, neque excusari possunt confessarii, qui pueros sibi commissos nunquam ante primae communionis aetatem absolvere volunt. L. ib. — G. 478.

3. *An illi, qui non gravatur mortalibus, teneatur confiteri ratione praecepti annuae confessionis?* — R. Negat. Ratio est, quia Ecclesia annuam confessionem praecipiens determinat praeceptum confessionis a Christo impositum. Atqui Christus nullum aliud praeceptum confessionis imposuit, quam peccatorum mortalium, ut constat ex Trid. S. 14. cap. 1. 3., can. 1. 2. 6. 7. Ergo. Hanc sententiam communem et veriore dicit C. De Lugo Resp. Mor. l. 1. Dub. 15. n. 2. L. 1. 6. n. 663. 667., G. 478.

4. *Nota:* « His non obstantibus dari quaedam statuta regularia, aut etiam synodalia, quibus religiosi, et in quibusdam dioecesibus clerici obligantur, ut intra annum saepius suscipiant sacramentum poenitentiae, etsi venialium tantum sibi sint consci: ut cum Laym. Card. de Lugo et aliis. Interim tamen similia statuta ordinario, ut per se loquendo, non obligant sub gravi peccato ». Struggl 18.

5. *Resolves:* « Si quis intra annum et in principio temporis paschalis confiteretur sola venialia, et dein intra tempus paschale incideret in mortale, teneretur illud confiteri; quia praecepto Ecclesiae, quod solum obligat ad con-



fitenda mortalia, nondum satisfecisset. Interim tamen etiam probabile est, quod non teneatur confiteri ante elapsum annum a peccato commisso ». Struggl 12.

6. *An hoc praeceptum sit annexum tempori paschali?* — Hoc praeceptum non est per se, sed solum per accidens annexum tempori paschali. Ratio est, quia Ecclesia nullibi praecepit confessionem annuam determinate pro tempore paschali, sicut communionem paschalem. Dicitur autem, *non est per se, sed solum per accidens annexum*, etc., nam habens peccatum mortale obligatur ad confessionem tempore paschali *per accidens*, et ratione communionis tempore paschali percipiendae: quia ad hanc digne suscipiendam in peccatore non sufficit contritio: sed requiritur confessio sacramentalis. Trid. S. 13. cap. 17. can. 11. Struggl 10.

7. *A quo tempore annus confessionis sit computandus?* — Computari probabiliter potest a 1.<sup>a</sup> die Ianuarii usque ad ultimam Decembris: vel ab ultima confessione, vel ab uno tempore paschali ad aliud tempus paschale. Struggl 11. G. Cas. 443. L. 662. — « Dicit autem Lugo cum communi non esse obligationem confitendi propter solum periculum oblivionis peccatorum ». L. 665. 671.

8. *An praecepto Ecclesiae satisfaciat per confessionem invalidam.* — R. Negat. sive confessio sit *voluntarie* sive *involuntarie* invalida. 1.<sup>a</sup> pars aperte constat ex pr. 14. d. ab Alex. VII.: 2.<sup>a</sup> pars constat ex eo quod Ecclesia praecipit confessionem, per quam peccator reconciliatur cum Deo. Unde, si sacerdos poenitentem invalide absolvisset ex defectu debitae intentionis, aut iurisdictionis, et iste hoc resciret, deberet denuo confiteri, si sciret, se esse peccati mortalis reum. Struggl 13.

9. *An confessio annua, quae paracho, aut alteri ex parochi venia non tantum sufficiens sit ad satisfaciendum Ecclesiae praecepto de annua confessione proprio Sacerdoti facienda.* — R. Affirmat. Ratio est, quia, qui confitetur sacerdoti iurisdictionem habenti et approbato, iam ei confitetur de licentia proprii pastoris, nempe vel summi Pontificis vel Episcopi, qui eum deputarunt, ut audirent confessiones omnium ad eum confluentium. Ita Lugo Resp. Mor. l. 1. d. 15. n. 2., G. 479.

10. *An teneatur confiteri quamprimum, qui integro anno non est confessus?* — R. Affirmat. Quia urget praeceptum determinatione Ecclesiae impositum: terminus enim anni non fuit ab Ecclesia appositus ad finiendam obligationem, sed tantum ad illam urgendam. L. 1. 6. n. 668. — G. 478. Sed cf. hic n. 17.

11. *De Communionem paschali.* — *Quatenam sit huius praecepti natura?* — 1.<sup>o</sup> Praeceptum communionis paschalis non secus ac praeceptum annuae confessionis divinum est quoad substantiam, ecclesiasticum vero quoad temporis determinationem. G. 480. — 2.<sup>o</sup> Praecipitur autem communicatio in propria parochia, ut ex generali Ecclesiae praxi et variis SS. Pontificum Constitutionibus constat. G. 480. — 3.<sup>o</sup> Utrumque grave est, non communicare in propria parochia, neque tempore paschali, licet una vel altera die post elapsum tempus paschale. Ita communiter. G. 481. 482. — 4.<sup>o</sup> Nullum adest Ecclesiae praeceptum Communionem recipiendi determinate *die Paschatis*, vel in *Coena Domini*, etiam pro clericis. Sacerdotes autem ubivis celebrando satisfaciunt huic praecepto, alias tenentur communicare in parochia, ut alii laici. L. 300.

12. *Quale sit paschale tempus; et quatenus dilationem concedere possint?* — 1. Tempus paschale ex iure communi incipit a dominica palmarum et terminatur dominica in albis. Potest autem protrahi ex Episcopi aut Parochi dispositione. Ita censuit S. C. C. 19. Nov. 1616. apud Ferraris V. *Eucharistia* l. 16. Sed Parochi singularibus in casibus tantum. G. 480. L. 1. 6. n. 294. 296.

— 2.<sup>o</sup> cum confessarius index sit non solum dispositionis ad communionem requisitae, sed opportunitatis maioris ad SS. Sacramentum suscipiendum, potest aliquam permittere vel imponere dilationem, si inducet maius bonum poenitentis id requirere, saltem si hic non sit invitus. Ita P. Gury, Cas. 456, 457., et S. Alph. l. 6. n. 297. par. *tertia autem* in fine, alique communiter, hoc enim expresse cautum est in C. *Omnis de Poenit. et remiss.* Altamen peccaret quidem poenitens, si confessarius deberet illi paschalem communionem differre ob defectum debitae dispositionis ad sacram absolutionem recipiendam. Qui enim ad finem tenetur, ad media etiam tenetur. Atqui debita dispositio ad absolutionem medium omnino necessarium est ad sacram Eucharistiam tempore praescripto recipiendam. Ergo. G. 482.

13. *Quinam dispensare possint a communione in parocchia?* — A praeepto in parocchia propria communicandi dispensare potest episcopus, vicarius generalis, et ipse parochus. Sufficit autem consensus interpretativus sive praesumptus, modo adsit moralis certitudo de eorum voluntate. Ita S. Alph. l. c. n. 300., G. 483., Gousset 224, 226.

14. *An in Cathedrali possint omnes, qui sunt de dioecesi implere praeeptum ibi communicando.* — Respondet Tamb. « posse quia ibi residet episcopus, qui est totius dioecesis commune caput et pastor. Ita Diana. . . Ita etiam Bonacina ». De 3.<sup>o</sup> Eccles. pr. C. 4. n. 4. Et de hac ead. re: « Sunt multi ex antiquis, inquit C. De Lugo Resp. Mor. l. 1. D. 15., qui agnoscunt in archipresbytero Ecclesiae Cathedralis potestatem administrandi sacramenta omnibus subditis illius dioecesis, atque ideo videntur supponere Ecclesiam Cathedralen esse communem totius dioecesis, quos refert et congerit Thomas Sanchez lib. 3. de Matrim. D. 27. n. 1. Quare qui recipit communionem in Ecclesia Cathedrali, videtur eam accipere in parochia communi totius dioecesis. Unde sicut, *si eam acciperet de manu episcopi, satisfaceret procul dubio praeepto Ecclesiae*, cum Episcopus sit parochus totius dioecesis, sic si eam accipit in Ecclesia Episcopali, videtur eidem praeepto satisfacere », n. 3. « Ego tamen, pergit C. De Lugo, magis credebam in rigore non satisfieri nisi in propria singulorum parochia, vel nisi episcopus expresse vel tacite consentiat », n. 4. Huic Lagonis sententiae adhaeret S. Alph. l. 6. n. 300., qui de opposita opinione ait: « nescio, an sit probabilis, nisi adsit in aliquo loco communis usus, qui consensum episcopi praesumere faciat, oves enim a proprio pastore agnoscere debent ».

15. *Ubinum peregrini, vagi, milites et famuli praeepto Communionis paschalis satisfacere possint?* — 1.<sup>o</sup> Peregrini et vagi possunt communicare in qualibet Ecclesia, nec tenentur adire parocchiam loci, ubi versantur; quia non habent proprium parochum, qui eos agnoscere debeat. L. l. 6. n. 300. — 2.<sup>o</sup> Milites in statione, vel domicilium in civitate habentes, communicare debent in parocchia, in qua commorantur; secus in quacumque Ecclesia praeeptum adimplere possunt. — 3.<sup>o</sup> Famuli et alii omnes quasi domicilium habentes eadem lege ac incolae loci ligantur. — G. 484.

16. *An teneatur iterum communicare in parocchia, qui ibidem sacrilege communicavit?* — R. Negat., quia adimplevit finem praeepti quoad circumstantiam loci; sufficit igitur ut communiceet in quocumque loco ad satisfaciendum praeepto communionis paschalis, quod non adimplevit per communionem sacrilegam. Nec tenetur ad communionem paschalem in parocchia faciendam is, qui tempore paschali sacram Viaticum suscepit; nam finis legis fuit sufficienter adimpletus. — G. 484.

17. *An qui in paschate communionem omiserit teneatur deinde, transacto tempore paschali, ad communionem quam primum recipiendam?* — Prima opinio communior, et quam tenet S. Alph. l. 6. n. 297. affirmat, et iuxta hanc opinionem, ut quis transacto tempore paschali tenetur ad communionem, ita etiam tenetur ad communionem in propria parocchia recipien-

dam. Altera opinio negat. Hanc tenent plures et graves theologi, inter quos est S. Antoninus, probabilem putant Busemb., Pal., Bon. aliique, eamque *non contemnendam* putat ipse S. Alph. l. c. iuxta autem secundam hanc sententiam, ut quis transacto iam tempore paschali non tenetur amplius ad communionem, ita consequenter neque ad communionem in propria parocchia obligatur. « Quod, notat S. D. 688., pari passu procedit cum praecepto annuae confessionis ».

18. *An qui, non possit communicare tempore paschali teneatur praevincere.* — R. Negat., quia, « talis communio non esset adimpletiva praecepti; tempore enim quo fieret, non adhuc incoeptum esset tempus obligationis, cum nondum incoeperit tempus annuae communionis. E converso certum est, quod, coepto tempore paschali, si quis impediendum a communione se praevidet, tenetur illico eam accipere, ut communiter docent ». L. 298.

19. *An excommunicatus teneatur obtinere absolutionem, ut possit praeceptum implere?* — Communiter affirmant: « quia communio valde confert ad animae salutem, unde ipsius praeceptum rigide obligat ad auferenda mala spiritualia, quae obstant ». L. 299.

## DE QUINTO ET SEXTO ECCLESIAE PRAECEPTO

### I. — DE ABSTINENTIA A CARNE EXTRA IEIUNIUM

1. *Quid quinto et sexto Ecclesiae praecepto praecipitur?* — Quintum Ecclesiae praeceptum est, ut fideles certis diebus a carnibus abstineant, ut constat ex variis SS. Pontificum Constitutionibus, Catechismis et universali Ecclesiae consuetudine, G. 473. 485. — Sextum autem Ecclesiae praeceptum est, ut fideles ieiunia statutis temporibus servent, ut item constat ex variis SS. Pontificum Constitutionibus, Catechismis et universali Ecclesiae consuetudine, G. *Quadragesima* 16. seqq. *de Consecr.* D. 5. — Utrumque autem praeceptum obligat *per se* sub gravi, cum eius materia sit gravis. Pr. 23. d. ab Alex. VII. *Per se*, in utroque enim iuxta communem thth. sententiam datur parvitas materiae. — G. 473. 489., L. 1030.

2. *Quarum animalium carnes prohibeantur die abstinentiae?* — Carnes prohibentur animalium in terra nascentium et respirantium. Ratio, quia hae maxime in comedendo afferunt delectationem, et hominem maxime ad venera praefocant, S. Th. 2. 2. q. 117. a. 8. — « Ad discernendum quae animalia reputanda sint carnes, quamvis non leve iudicium sit attendere, an illa diu extra aquam vivere soleant; magis tamen attendenda est communis aestimatio fidelium ac iudicium medicorum, si reputent carnes vel pisces ». L. 1011.

Hinc ad carnes prohibitas discernendas duplex adest criterium: criterium *physicum naturale*; quod nempe sint animalia in terra nascentia et viventia; criterium *morale*; quod nempe *terrestria* sint *animalia* et non *pisces* ex communis aestimatione et medicorum iudicio. Utrumque vero criterium deficit, neque exhibet determinatam et fixam regulam universalem. Deficit



criterium *physicum*, quia dantur animalia amphibia; et licet comedere limaces, testudines, ranas, caneros, ostreas, locustas, conchas, et iuxta quosdam fibros, lustras, anates cuiusdam speciei, fulicas, et quidam addunt corvos marinos. Deficit *morale*, quia valet tantum pro ordinariis et communibus, ut patet. Hinc in dubio triplex regula: 1.<sup>a</sup> structura animalis, utrum simile sit vel dissimile animalibus terrestribus; 2.<sup>a</sup> virtus nutritiva; 3.<sup>a</sup> consuetudo, quae in his optima regula est. Permanente adhuc dubio, licet comedere, quia lex de abstinentia est negativa, quare, nisi constet de prohibitione, licet comedere.

Prohibentur autem tum *carnes* tum alia, quae a carnibus derivantur, vel partes quomodocumque sunt constitutivae animalium: videlicet adeps, sanguis, medulla, laridum, sagimen seu axungia, ius ex carnibus expressum, etc. Tambur. Decal. 1. 4. C. 5. n. 19., L. 1010. Cf. Enchir. Mor. N. 515. Form. etc.

3. *Quandonam extra ieiunium urgeat praeceptum abstinentiae a carnibus?* — Praeceptum hoc praeter tempus ieiunii urget 1.<sup>o</sup> die Veneris cuiuslibet hebdomadae in universo orbe cristiano. C. *Explicari de Observ. ieiunior.* 2.<sup>o</sup> die Sabbati, nisi legitima consuetudo alicubi per aliquod anni tempus aliter praescripserit, vel S. Sedis dispensatio habeatur. C. *Quia de Consecrat.* D. 5. — A lege hac abstinentiae excipitur ex privilegio Honorii III. pro iis, qui nec voto, nec regulari observantia obstricti sunt, Nativitas Domini, si 6.<sup>a</sup> feria vel sabbato contingat. — In plerisque autem Galliae dioecibus, peculiari ex consuetudine, viget obligatio abstinentiae tribus Rogationum diebus ac vigilia S. Marci. Attende igitur ad specialem locorum consuetudinem.

4. *An parvulis possint dari carnes illis diebus, quibus prohibentur?* — R. Affirmat., si usum rationis non sint adepti; secus, negat. Si autem usu rationis potiantur ante septennium, controversitur: probabilius negat S. Lig. de Leg. n. 155. Cf. hic de Legib. n. 35. — G. 486. L. 1012.

5. *Quenam quantitas carnis requiratur ad peccatum grave?* — Controversitur. Omnes conveniunt gravem esse materiam, quae notabiliter nutrit; sed ea vix determinari potest. Iuxta plures materia gravis excedere debet dimidiam unciam; sed hanc sententiam reliecit S. Lig. 1029., ubi refert et videtur approbare, quod dicunt Salm., materiam parvam esse tantum octavam unciae partem. Hoc tamen dicunt de diebus, in quibus praeterea ieiunium servandum est. Recentiores sunt theologi, qui aiunt materiam gravem in carnibus, ovibus et lacteiniis esse tantum duas uncias. — G. 486.

6. *An sit peccatum mortale vesci offa, lactucis, etc., carne vel sagimine conditis?* — R. Affirmat., si ille cibus sit notabiliter iurulentus; secus veniale tantum erit. Hinc mortale est, si ius offae cum magna carnis quantitate decoctum fuerit, et sic de aliis. Facilius autem excusantur a gravi, vel etiam levi peccato pauperes, qui cum butyrum emere non valeant, exigua sagiminis quantitate ad condiendam offam utuntur. — G. 486.

7. *Quanam a lege abstinentiae excusari censentur?* — 1.<sup>o</sup> Pauperes mendicantes; manducare enim possunt quicquid elemosynae accipiunt, ut communiter sentiunt theologi. — 2.<sup>o</sup> Pauperes operarii, qui nihil aliud habent nisi frustulum sagiminis aut laridi ad offam aut lactucas condiendas. L. 1008. — 3.<sup>o</sup> Aegrotantes, v. g. febri laborantes, etc.; ii etiam, qui stomacho ita debiles sunt, ut cibos licitos digerere nequeant. L. ib. — 4.<sup>o</sup> Qui quotidie operam dant laboribus adeo arduis et stomachum defatigantibus, ut aegrotantium instar famem non experiantur, cibosque respuant; cuiusmodi sunt qui in fodinis, vel in officinis vitreis et ferrariis vitam degunt. Horum etiam in numero censendi videntur aurigae, qui plurium dierum spatio diu noctuque publicos currus ducentes, vix unum vel alterum frustulum cibi deglutire possunt: non autem ii, qui currus, equos vel mules lente ducunt, et in cauponis nocte feriantur. — 5.<sup>o</sup> Viatores, qui praeter cibos vetitos nihil

in cauponis reperiunt, neque alio facile divertere possunt. Serio tamen et instanter cibos licitos petere tenentur. Sola enim ratio itineris nullo modo a lege abstinence eximit, etiamsi a ieiunio ob nimiam defatigationem forte dispenset. Hinc viatores excusari nequeunt ob humanum timorem, ob metum displicendi sociis, ob irrisiones, aliasque huius generis difficultates: secus enim omnes fere iter agentes ab hac lege eximerentur. — 6.<sup>o</sup> Excipiuntur milites in castris vel contuberniis versantes, et expensis Gubernii in communi nutriti. — 7.<sup>o</sup> Qui ex iusta causa dispensationem obtinuerint, quam praeter summum Pontificem, in singulis casibus dare possunt suis subditis episcopi, praelati regulares, parochi. — G. 487.

## II. — DE IEIUNIO ECCLESIASTICO

8. *Quid sit ecclesiasticum ieiunium, quandonam et quosnam obliget?* — Ieiunium ecclesiasticum situm est in abstinentia a cibo et a certa ciborum qualitate, quae iuxta formam ab Ecclesia praescriptam servanda est tempore praesertim Quadragesimae, quatuor Temporum, et quarundam Vigiliarum, scilicet Pentecostes, SS. Apostolorum Petri et Pauli, Assumptionis Beatae Mariae Virginis, Omnium Sanctorum, et Nativitatis Domini Nostri. — Fideles omnes, a vigesimo primo aetatis anno completo, tenentur sub gravi ad servandum statutis diebus ieiunium, nisi legitime excusentur, vel a Superioribus dispensentur. Est antiquissima obligatio, quae dicitur ab ipsis Apostolis tradita. *A vigesimo primo anno completo*; quia Ecclesia, pia mater, non vult imponere pueris et adolescentibus legem, eorum vires superantem. Constat ex consuetudine universalis, et ex omnibus Catechismis. — Ieiunium ecclesiasticum tribus tamquam partibus constat, scilicet 1.<sup>a</sup> unica comestione per 24. diei horas, vespertina refectiuncula adiecta; 2.<sup>a</sup> abstinentia a carnibus et lacticiis, ut inferius declarabitur; 3.<sup>a</sup> tempore ad refectionem sumendam determinato. Animadvertite tamen consuetudinem locorum ac temporum maxime conferre ad determinandam, vel modificandam, vel coarctandam ieiunii naturam et obligationem. — G. 488. 489., L. 1001.

9. *De unica refectioe. — Quid unica refectio?* — Refectio unica est primaria ieiunii conlitiō: in hoc enim praecipue sita est eius essentia, quae quidem sublata, nemo unquam ieiunare dicitur, dum e contrario ieiunium sine abstinentia a carnibus et lacticiis concipitur. — Parvae autem comestiones, quae praeterea fiant, venialia peccata erunt seorsim sumptae, et saepius eodem die repetitae in gravem materiam coalescere possunt, ut constat ex pr. 20. d. ab Alexandro VII. — Ieiunium non frangitur haustu aquae, vini, aliarumque potionum, quae de se ordinantur et communiter adhibentur ad sitim sedandam, quamvis iuxta primam Ecclesiae disciplinam Christiani a vino et a similibus liquoribus prorsus abstinuerint. Hinc axioma: Liquidum non frangit ieiunium. L. 1022. Per liquidum autem id solum intelligitur, quod ex communi usu sumitur per modum potus, non vero per modum cibi, ut lac, etc. — L. 1021., G. 490.

10. *An cinis ad famem sedandam haustum frangat ieiunium?* — R. Negat. probabiliter. Ratio est, quia lex ieiunii praecipit tantum abstinentiam a cibo, non autem a potu, et iuxta S. Thomam 4. Dist. 15. q. 3. a. 4. q. 1. « Statutum legis positivae non attendit intentionem observantis sed ipsam actum, eo quod motus virtutis non cadat in praeepto, sed est finis praeepti ». — L. 1022., S. Th. 2. 2. q. 147. a. 6. ad 2., G. 491.

11. *An frangat ieiunium potus cafaei et theae?* — R. Negat. probabilius, nisi nimia sacchari copia admisceatur; quia haec non habent naturam cibi, sed potus vel medicinae. S. Lig. 1022., loquens tantum de thea dicit, eam posita restrictione modo allata, probabilius rationem potus habere. Videtur idem de cafaeo tenendum esse. — G. 491.

12. *An frangat ieiunium potus aquae saccharo immixtae vel e succis aureorum aut citreorum malorum effectae?* — R. Negat., per se, id est nisi magnam eorum substantiae copiam immisceas, quae rationem cibi habere censetur. Ita communiter cum S. Lig. ib. Ratio est, quia haec omnia ex communi aestimatione tanquam potiones habentur. Neque vero obstat, si ministrentur congelatae: congelatio enim naturam non mutat.

13. *Resolves:* Aliter ergo esset de sumptione lactis, iusculi, succi pomorum, vulgo *melloni*, et aliorum fructuum, item uvarum confectarum, aut tunc dentibus pressarum, licet postea expuantur. Nam haec omnia censentur habere rationem cibi; et potius ad nutritionem, quam ad cibi veliculum referuntur. Imo quoad potiones lacte mixtas adest expressa prohibitio Clementis XIII. B. *Appetente sacro*, 1759. *Serum* lactis proprie dictum uti simplex potio, vel potius uti medicina habetur. Scav. Attamen quantum ad the et caffet cui lac admisceatur ait Billuart Tr. de Temper. Dissert. 2. art. 5. par. V.: « The et caffet... videntur mihi habere rationem potus, nec solvere ieiunium, nisi forte multum lactis et sacchari immisceatur, et sumantur in magna quantitate ».

14. *An potio chocolati frangat ieiunium?* — R. Affirmat., si pinguem, uti mos est extra tempus ieiunii, tibi praebeat nutritionem. Negat. vero, si modica chocolati quantitas sumatur, et semel tantum in die fiat. Ratio ex generali consuetudine deducitur. L. 1023. Quenam quantitas sumi potest? Dicit S. Auctor, non minus quam unciam cum dimidia chocolati in cyathis ordinariis immitti solere; sic enim ex more ab Ecclesia tolerato, et a piis fidelibus servato communiter fieri solet. Non pauci autem, imminuta chocolati praedicta quantitate, panem pro rata substituunt. At vero totalis cibi illius quantitas duarum unciarum pondus, praecisa aqua, excedere non deberet. — G. 492.

15. *An liceat die ieiunii degustare aliquid cibi ante potum, ne hic noceat?* — Id sane non licet *toties quoties*, ut aiunt, quamvis Diana, Leander, alique id quoque concedant; tunc enim irrisibilis foret lex ieiunii. Permitti itaque tantum potest semel aut iterum in die. L. 1018., G. 493.

16. *An electuaria frangant ieiunium?* — *Electuaria* dicuntur ea, quae ex electis rebus, v. gr. ex saccharo et iunipero, etc. conficiuntur. Non censentur autem illicita diebus ieiunii, si per modum medicinae, et in modica quantitate sumantur. Sufficit autem quaelibet causa rationabilis ad excusandum ab omni culpa, v. g. ad ciborum digestionem, stomachum confortandum, oris foetorem tollendum, vocem conservandam, et similia. S. Th. 2. 2. q. 147. a. 6. S. Lig. 1010., addit, probabiliter eos quoque excusari, qui aliquid sumunt, ne vires deficient, quando prandium ultra horam communem differre debent. Imo urgetur obligatio aliquid sumendi, si ad ieiunium servandum hoc sit necessarium. — G. B. 493.

17. *Quenam quantitas cibi censeatur materia gravis, si extra refectionem et coenulam sumatur?* — Controvertitur. Gravis procul dubio censenda est materia, quae vespertinae coenulae addita alteram efficeret refectionem. Certo autem quantitas duarum unciarum ut materia levis habenda est. Non pauci materiam gravem existimant quantitatem dimidia coenulae aequivalentem, seu quatuor uncias. — G. B. 494., L. 1025.

18. *An qui culpabiliter duplicem sumpsit refectionem, graviter peccet, si tertiam superaddat?* — R. Negat., saltem probabilius. Ratio est quia



praeceptum ieiunii ut et modo indivisibili, durante die praecepti: proinde qui semel illud violavit, non peccat iterum atque iterum comedendo. Ergo, patrato semel peccato mortali per ieiunii violationem, tota lex tali die urgens violata est. Ergo, etc. L. 1030. Qui tamen frangit ieiunium pluries comedens carnes aut lacticinia vetita, toties peccat, quoties comedit. L. H. A. 20. — G. 494.

19. *An qui inculpabiliter duplicem in die refectionem sumpsit, errore detecto, aut ablata causa excusante, teneatur sub gravi a tertia abstinere?* — Quidam affirmant. Ratio est, quia ieiunium *materialiter* tantum non *formaliter* laesit: quare cum primum ad legem ieiunii advertit vel causam excusantem cessare videt, eidem legi subicitur, eamque, ut caeteri, servare tenetur: secus enim eam formaliter violaret. Ita probabiliter Reuter de Leg. 176. L. H. A. 20. Alii tamen probabilius negant, quia cum essentia ieiunii in unica comestione sita sit, post binam refectionem ieiunium impossibile evadit. — G. 495.

20. *Quid si die ieiunii inadvertenter ientatus fueris?* — 1.<sup>o</sup> Si parum quid sumpseris, v. g. duas, tres vel fere quatuor cibi uncias, deberes quidem ex more ieiunare, quin refectionem ac coenulam consuetis horis deseras; non enim fuit *substantialiter* laesum ieiunium. — 2.<sup>o</sup> Si quantitatem sumpseris coenulae equivalentem, transferre debes prandium ad vespertinum tempus, vel a coenula ipsa abstinere, nisi in grave incommodum hoc tibi cedat. — 3.<sup>o</sup> Si tamen eiusmodi quantitas vel duplici fere coenulae vel consuetae refectioni par fuerit, deberes, omisso prandio, vespertinam tantum coenulam sumere, eam tamen maturius, si absque gravi difficultate expectare nequeas. Hanc insuper coenulam pro necessitatis ratione augere posses. — G. 496.

21. *De collatione scrotina.* — *An permittatur?* — Praeter consueta refectionem licet, ex consuetudine universali a multis saeculis introducta, et ab Ecclesia tolerata, imo tacite etiam approbata, sumere sub vespere refectiunculam ex levioribus cibis. — G. 496., L. 1024.

22. *Quanam cibi quantitas in coenula sumi possit?* — Ex hodierna et communi consuetudine, saltem ordinarie loquendo, sumi possunt *orto circiter cibi unciae*, seu circiter 250. gr. Uncia enim communis aequivalet circiter 31. gr., et uncia Romana circiter 29. gr. Libra 16. unciarum 500. gr. aequat. L. 1025. — Alii vero permittendam, aiunt, quartam *cornae* partem. Verum haec doctrina nimis vaga vel scrupulis obnoxia est. Quantitas octo unciarum nemini deneganda videtur, maior autem concedenda iis, quibus haec non sufficeret. Sane statui nequit regula omnino fixa, cum etiam ad complexionem, munera obeunda, durationem ieiunii, etc. attendi debeat. Licet in genere sumere quantum necessarium quis ducit ad evitandam indispositionem, quae ipsum impediatur, quominus officia sua convenienter obeat. Habenda etiam est ratio propriae regionis, sicubi maior cibi quantitas necessaria est. — G. 497., L. 1024.

23. *Qualis excessus censeatur gravis in coenula?* — Omnes conveniunt excessum duarum unciarum esse materiam levem. L. 1025. Severiores cum Concilio gravem esse docent excessum duas uncias superantem; alii vero tenent cum Billuart requiri excessum, qui seorsim sumptus coenulae integrae aequivalet. Communiter vero requirunt excessum supra coenulam alteri dimidia coenulae equivalentem, seu quatuor unciarum. Variis in locis ex inducta consuetudine in vigilia Nativitatis, aut in coena Domini sumere licet quantitatem duplo maiorem; sed haec consuetudo non ubique viget. — G. 498., L. 1025.

24. *Quanam ciborum qualitas adhiberi possit in coenula?* — Panis, fructus quilibet, olera etiam quaelibet, et dulcioria varii generis. Sed imprimis servanda est locorum consuetudo. Plura enim permittuntur in variis

dioecesisibus, vel provinciis, quae alibi interdiciuntur: sic, v. g. in Gallia et alibi generatim caseo vesci licet. — G. 498., L. 1026.

25. *An liceat comedere ova et butyrum in coenula vespertina?* — R. Negat., generatim, licet habeatur dispensatio pro lacticiniis, ut constat ex Decreto Bened. XIV. et C. *Appetente* Clem. XIII. 20. Dec. 1759. Attamen quibusdam in locis, ex consuetudine licet sumere aliquid butyri, aut casei, aut lactis: minime autem ova permittuntur, quia sunt maximae substantiae, et ideo a consuetudine rejiciuntur, ait S. Lig. 1027. — G. 499.

26. *An in coenula permittantur pisces?* — R. Affirmat., si agatur de pisciculis, praesertim exsiccatis, et probabiliter etiam de piscibus maioribus: putat tamen S. Lig. 1208. ex hisce duarum vel trium unciarum pondus non esse excedendum. — G. 499.

27. *An liceat in coenula uti iusculo ex herbis coctis cum aqua, aceto, oleo, aut vino decocto?* — R. Affirmat., probabiliter, nisi certo adversetur consuetudo: tum vero, nec aqua, nec vinum in pondus computanda sunt: computandum autem est, iuxta Vivam, quod non habet rationem potus, v. g. oleum. — L. 1209., G. 500.

28. *An liceat sumere in coenula panem cum aqua et oleo decoctum, sive panem iurulentum?* — R. Affirmat., ex hodierna consuetudine, quam sequuntur etiam timorati, approbantque communiter recentiores theologi. Attamen, iuxta S. Lig. 1209., non licet sumere octo uncias panis decocti cum aqua, hae praecisa. Ratio est, quia panis per decoctionem et quandam fermentationem cum aqua aliam fere naturam acquirit, ita ut ex iis quid unum fiat et evadat una substantia maior. Concedi autem potest, ait S. Lig., ut inter ipsam refectionem quis panem, aqua aut vino intingat, et sic etiam octo uncias panis vino madefacti sumat; quippe nulla hic intervenit fermentatio: et liquor, cum inserviat tantum ad vehiculum, non computatur. — G. 500.

29. *Quaenam huiusmodi panis decocti quantitas permitti possit, aqua praecisa?* — Dissentiunt theologi; alii enim, *severius*, negant licitum esse octo uncias excedere. *Severius*, etenim si una uncia panis in decem aquae unciis decocti cum altera uncia olei liberet, quid scrupuli esset duodecim has uncias permittere? Alii vero laxiores concedunt octo uncias decocti panis, aqua praecisa. Atqui ob huiusmodi decoctionem atque fermentationem habes quid unum cibi, quod magis, quam solus panis, certe nutrit; ergo ab aqua omnino saltem praescindi non potest. Media sententia eligenda videtur, permitti scilicet posse quinque vel saltem quatuor uncias panis decocti, non computata aqua, neque oleo. Sahnant. c. 2. n. 77. Dicit autem S. Lig. 1029., se hanc sententiam non improbare. Idem pariter dicendum erit de aliis decoctionibus, quae itidem in coenula apponi solent, v. g. ex farre, oryza, leguminibus, etc. — G. 501.

30. *De abstinentia carnis in ieiunio.* — *Quaenam sit abstinentia praecpta?* — 1.<sup>o</sup> Omnibus fidelibus ratione utentibus, praecpto Ecclesiae interdicitur esus carnis singulis ieiunii diebus. Hinc duplex lege ieiunii imponitur praecceptum, ut etiam definit Bened. XIV., nempe abstinendi a pluribus refectionibus, et abstinendi a carnibus; contra igitur ac plures antiquiores habent, dispensatus vel impotens quoad unam, non ideo ab altero excusandus est. L. 1005. — 2.<sup>o</sup> Tempore quadragesimali prohibentur sub gravi etiam ova et lacticinia, ea scilicet omnia, quae originem ex carne ducunt. Constat ex praxi Ecclesiae, ex eius dispensationibus et ex pr. 32. d. ab Alexand. VII. Nunc tamen plerisque in locis conceditur fidelibus generalis dispensatio ab illa lege, si pauci dies excipiantur. Imo in multis dioecesisibus episcopi, ex delegata a Romano Pontifice facultate, quoad esum, quoque carnis pro praecipua parte Quadragesimae dispensationem concedunt. Caeterum quamvis esus ovorum et lacticiniorum a peccato gravi, *per se*,

excusari non posset iuxta communem sententiam, facilius tamen materiae parvitas in his, quam in esu carnis admittenda videtur. — L. 1606. 1007. S. Th. 2. 2. q. 147. a. 3., G. 502.

31. *An abstinencia a lacticiniis servari debeat etiam in ieiunio extra tempus quadralesimale?* — R. Negat. Quia huiusmodi obligatio nulla generali lege imponitur. Est sententia communis, ait S. Lig. 1009. Alicubi tamen, v. g. Romae, invaluit consuetudo, habens vim legis, ut etiam quibusdam aliis diebus, v. g. quatuor Temporibus, eiusmodi abstinencia servetur. S. Th. 2. 2. q. 147. a. 8. ad 3., Struggl Tr. 8. q. 2. n. 18., G. 503.

32. *An abstinencia ab ovis et lacticiniis obliget etiam in dominicis Quadragesimae?* — R. Affirmat. Ratio est, quia in Iure Can. C. Denique 6. D. 4. universe praecipitur in diebus quadragesimalibus abstinencia a lacticiniis. Certum est autem quod dies dominici etiam Quadragesimae dies sunt. Quare, concludit S. Alph. 1007. opposita sententia negans « sat probabilis non videtur, cum plures eam improbabilem putent ».

33. *An tempore Quadragesimae liceat in refectioe comedere panes ovis confectos?* — R. Negat., nisi ova fuerint permixta: ratio est, quia eorum substantia non deperditur ex eo quod farinae misceatur. L. 1009., G. 504.

34. *An dispensati ad lacticinia censeantur eo ipso etiam dispensati pro ovibus?* — R. Affirmat., quia haec ex consuetudine aequiparantur, nisi distinctio clare in dispensatione exprimitur. — G. 504.

35. *An dispensati ad carnes adhuc teneantur ad ieiunium?* — R. Affirmat. Prob. ex praescriptione Bened. XIV. B. In Suprema, 22. Aug. 1741., et clarius B. Libentissime 10. Iul. 1745. L. 1013. 1014. 1015., Bened. XIV. Inst. 15. n. 20. seqq., G. 502. *Dispensati*: ii vero qui non possunt abstinere a carnibus ob grave incommodum, ad uncam adhuc refectionem *verius* tenentur; sed aliud aliis videtur. Bened. XIV. Not. 15. n. 12. seqq. Sed ii, qui item ob grave incommodum non possunt unica ali refectioe, ad abstinenciam carnibus tenentur, quod *verior* et *certa* sententia est. Bened. XIV. CC. citt.

36. *An dispensati ad carnes possint simul comedere carnes et pisces?* — Dispensati ad carnes nequeunt in diebus ieiunii tempore Quadragesimae, et per annum, nec non in dominicis Quadragesimae, comedere simul, *in eadem* nempe *confectione, carnes et pisces*. Constat ex tribus CC. Bened. XIV. *Non ambigemas, In Suprema, Libentissime*. L. 1013. 1014. 1015.

37. *An dispensati ad carnes possint sine laesione ieiunii edere carnes non salubres, nempe porcinas et similes?* — « Affirmant communissime dd. et quidem probabiliter; tum quia licentia ad carnes generaliter impertita non est restringenda ad solas salubres, tum quia alias dispensati pluribus, subterentur scrupulis, non raro dubitando, quatenam carnes noceant vel possint... Sed, loquendo in particulari de carne porcina, non videtur illa absoluta posse dici insalubris ». L. 1015. *Dispensati*, nempe singuli non universi, tunc enim non nisi salubres permittuntur. Bened. XIV C. *Libentissime* § 1.

38. *De hora refectiois. — Quamam hora facienda sit refectio?* — Nostis his temporibus, ex universalis consuetudine, licite refectio fere sub meridie sentur. L. 1016., H. A. 9., G. 504.

39. *An hora refectiois pertineat ad essentiam ieiunii, ita ut graviter peccet, qui notabiliter eam anticipet?* — Duplex est sententia probabilis. Affirmat S. Lig. H. A. 21., et alii multi. Negant vero Laymann, Elbel, alique non pauci. L. 1016. — G. B. 505.

40. *An frangatur ieiunium, si coenula meridie, refectio autem vespere sumatur?* — Non frangitur essentialiter, et proinde si fiat sine causa, non



excedit peccatum veniale. Verum etiam ab hoc veniali excusat causa rationabilis, et loci aut conditionis consuetudo. Imo multis in locis ex consuetudine hodierna fieri potest coenula hora decima matutina, et refectio vespere. L. 1024.

41. *Quamdieu prandium protrahi possit?* — Nihil absolute circa hoc determinari potest; non videtur autem absque aliqua culpa protrahi posse ultra duas horas. L. 1020., H. A. 10., G. 505.

42. *An frangat ieiunium, qui refectionem interrumpit, et elapso intervallo ad eam rursus accedit?* — 1.<sup>o</sup> Si interruptio sit levis, v. g. unius quadrantis, omni culpa caret, etiamsi absque ratione fiat. L. ib. — 2.<sup>o</sup> Si interruptio sit unius fere horae sine ratione, non caret aliqua culpa levi, ut videtur. — 3.<sup>o</sup> Si interruptio sit valde notabilis, v. g. duarum horarum, non potest excusari a peccato gravi, quia dici nequit unica refectio, nisi iusta causa excuset. — 4.<sup>o</sup> Si autem interruptio gravi de causa habeatur, nullum est peccatum ad mensam redire, etiam mora notabili interposita, quando praecedens refectio sufficiens non fuerit: quia Ecclesia nunquam intendit obligare ad diem sine sufficienti refectione transigendam. L. 1017. 1020. — G. 506.

43. *An ille, qui a mensa surrexit cum animo non amplius comedendi possit iterum mensae accumbere?* — R. Affirmat., probabiliter, si convivae adhuc comedant, vel si in mensa apponatur novum ferculum, quod ipse ignorabat apponendum. Ratio est, quia adhuc moraliter idem prandium censetur. L. 1020., G. 506.

44. *Si quis mane, itineris causa, ientaculum sumpserit, an teneatur ieiunare, si postea non proficiscatur?* — R. Affirmat., per se. Ratio est, quia cum essentia ieiunii non sit adhuc destructa, pergit urgere illius obligatio. Excipe tamen, si per unicam illam comestionem non possit ille commode reliquo die ieiunare. L. ib., G. 506.

45. *De causis a ieiunio excusantibus.* — *Quaenam sint causae, quae a ieiunio excusent?* — Causae excusantes a ieiunio ad tres praecipue revocari solent, scilicet: 1.<sup>o</sup> ad impossibilitatem sive physicam, sive moralem: 2.<sup>o</sup> ad pietatem vel caritatem: 3.<sup>o</sup> ad dispensationem, sicut de aliis praeceptis dictum est. — G. 506, L. 1031. seqq.

46. *Resolves:* 1.<sup>o</sup> Excusantur a ieiunio pauperes ostiatim mendicantes, alique omnes, qui nec habent, nec sibi providere possunt, unde aequam refectionem comparent. Ad hanc vero non sufficiunt panis et fructus, nec offa cum pane et fructibus, nec panis et vinum tantum, nisi forte uno vel altero die. L. 1008. 1033., H. A. 23. — 2.<sup>o</sup> Excusantur aegroti, infirmi, convalescentes et debiles, v. g. qui feбри tertiana vel quartana laborant, vel ab ea convalescunt; ii praeterea, qui nisi bis reficiantur, notabilem ex vacuitate stomachi capitis dolorem aut vertiginem patiuntur, aut noctu somnum capere non possunt. Neque vero tenentur hi mane ientare et prandere vespri, quod extraordinarium est, et grave affert incommodum. L. 1033.-1035 — 3.<sup>o</sup> Excusantur illi, qui exercent opera admodum laboriosa, ut arare, fodere, secare lapides, onera gravia portare, et alia huiusmodi. L. 1041. — 4.<sup>o</sup> Excusantur famuli et famulae aut alii eiusmodi, cum tot tantisque occupantur laboribus, ut ieiunium cum his coniungi absque magna difficultate vel incommodo non possit; item iter pedibus agentes per notabile tempus cum magna defatigatione. L. ib. — 5.<sup>o</sup> Non autem per se et ordinario excusantur tonsores, sartores, pictores, scribae, famuli, pedissequi, typographi qui praelum non versant, sed characteres tantum disponunt, caeterisque similibus operam dantes. L. 1041. — C. *Consilium 2. de Observ. ieiun.*, G. 507., L. 1031. seqq.

47. *An excusentur a ieiunio senes sexagenarii?* — 1.<sup>o</sup> Excusantur sane, si sint viribus debiles ut patet. Imo excusantur etiam iuxta com-

namque sententiam in dubio de validitate virium: quia tunc praesumptio stat pro eorum imbecillitate. L. 1036. — 2.<sup>o</sup> Si viribus polleant, controversitur. Prima sententia negat, eos ieiunii lege eximi, quia illi qui in ea aetate vires validas habent, ut senes non reputantur. Laymann, Antoine, Collet, etc. Haec quidem sententia est probabilis, ait ib. S. Alph., sed non minus probabilis est sententia opposita, quam tenent Sanchez, Rencaglia, Salvant. Ratio est, tum quia sic fert universalis consuetudo, ut communius testantur dd., tum quia alias esset res multis scrupulis obnoxia, examinare an aliquis sexagenarius sit, bene, sufficienter robustus ad ieiunium sustinendum. Sed ratio potior est, quia huiusmodi senes, tam ob virium imbecillitatem, quam ob defectum caloris, nequeunt simul alimentum sufficiens sumere, egentque cibo frequentiori, et licet nonnulli in tali aetate robusti videantur, eorum tamen robur est de facili illusivum et incostans, cum negari non possit, in huiusmodi senibus vires deficere et probari in interitum. Hinc commune adagium: *Senectus ipsa est morbus*. — G. 509.

48. *Nota*: Quod de ieiuniis ecclesiasticis dicitur, id ipsum statui potest de ieiuniis, quae ex Regula servant Religiosi: nam et ab his sexagenarii excusari poterunt, nisi forte, ut notat S. Alph. l. 3. n. 139., observantiam ieiunii expresse usque ad mortem promiserint. Extendi haec norma potest ad eos quoque, qui aliqua hebdomadaria aut menstrua ieiunia in totam vitam venerint. Sed itidem excipe, si quis cogitans de simili aetate expresse obstringere sese usque ad extremum vitae voluerit. — G. B. 509., L. 1038. seqq.

49. *An senex debilior, utpote qui citius senescit, a ieiunio quoque citius excusetur?* — DD. fere controversiam de anno quinquagenario movent. Qui negant excusari, moventur, quod licet citius senescat mulier, tamen minus ieiunio maceratur, et minori indiget alimento. Alii vero affirmant, et illud urgent, quod nemo negat, scilicet valere aequè pro viris ac pro mulieribus, quod senectus est morbus. Nec sane satis apparet, cur ea, quae de senili aetate animadvertit S. Alph. pro viris, pro mulieribus aequè non valeant. Quod si minori mulieres indigent alimento, seu potius si abundantiori alimento terendo prae debilitate sunt impares, hoc potius evincet, eas a lege, quae unicam continentem concedit, excusari, cum unica eque comestio sustentandis viribus par esse nequeat. — G. B. 509., L. 1037.

50. *An excusentur a ieiunio fabri, artifices, etc., si sint adeo robusti, ut ieiunare sat facile possint?* — R. Affirmat., probabiliter, quia consuetudo eximit generatim omnes qui eiusmodi artes exercent: leges autem non respiciunt id, quod raro et per accidens evenit, sed quod communiter et per se contingit. Negant autem etiam probabiliter Concina, Bonacina, etc. Haec secunda sententia, ait S. Lig. 1943., speculative loquendo videtur probabilior, sed in praxi vix reperitur unus, qui ex huiusmodi labore non graviter relaxetur. — G. 510.

51. *An excusentur a ieiunio opifices iis diebus, quibus a labore abstinunt?* — R. Affirmat., si uno vel altero tantum die labores intermittant, ratione reficiendae laxitudinis, et servandarum virium ad proximos labores sustinendos. — G. 510., L. 1044.

52. *An excusentur artifices divites, qui a labore diebus ieiunii cessare possunt?* — R. Affirmat., probabilius. Ratio est, quia interest Republicae, ne causa ieiunii operarii intermittant exercere artes, quibus ex suo officio incumbunt. Id etiam constare videtur ex declaratione Eugenii IV. apud S. Lig. 1942. Neque mens est Ecclesiae, ut fideles ab ordinariis occupationibus impellantur. S. Th. 2. 2. q. 147. a. 4. ad 3., loquens de peregrinantibus haec habet: « Non videtur fuisse intentio Ecclesiae statuere ieiunia, ut per hoc imponeret alias pias, et magis necessarias causas ». — G. B. 510.

53. *An peccent, qui sine iusta causa inusitatum laborem et cum ieiunio impossibilem assumunt?* — R. Affirmat., per se, etiamsi in fraudem

legis non agant: lex enim, quae ieiunium imperat, consequenter iubet, ne absque ratione apponantur causae, quae eiusdem satisfactioni adversentur. Ita communiter. — *Absque ratione*: quia, iusta interveniente causa, suscipere licet laborem cum ieiunio impossibilem, quamvis labor iste inusitatus sit, v. g. ad maximum percipiendum lucrum, etc. Sola autem meri oblectamenti ratio nunquam sufficit, nisi alia causa honesta accedat. — L. 1045. 1046. 1048. 1049. G. 511.

54. *Quale iter iusta de causa pedibus susceptum a ieiunio excusat?* — Communiter aiunt, requiri ac sufficere iter 5. ferme leucarum, hoc est quindecim mille passuum: quod si vel perardua foret via, vel tempestas immitis, vel viator debilis, itinerique non assuetus, excusari posset itinere duarum leucarum. L. 1047. — G. 511.

55. *An vel quomodo excusentur concionatores, magistri scientiarum et confessarii?* — 1.<sup>o</sup> Concionatores, qui quotidie vel fere quotidie concionem habent, communiter ratione pietatis ac muneris a ieiunio excusantur. Potiori etiam iure missionarii, qui graviore defatigatione in missionibus exercentur. Generationim loquendo non excusantur concionatores, qui ter aut quater tantum in hebdomada concionantur; sed in hoc standum est iudicio prudentium. L. 1049. H. A. 34. — 2.<sup>o</sup> Magistri scientiarum excusantur, licet per unam tantum horam singulis diebus doceant, si studio et labore indigeant ad lectiones parandas; non autem ii, qui e scripto tantum tradunt lectiones iam prius ordinatas ac saepius repetitas. L. ib. Merito autem censent Sanchez et Azor, contra Salmant. et alios, excusari magistros grammaticae, si per 4. vel 5. horas doceant. — 3.<sup>o</sup> Confessarii non excusantur *per se*, sed tantum cum extraordinarium laborem subeunt, v. g. cum pluribus succedentibus diebus confessiones audire debent, ut in Missionibus fieri solet, vel cum ita sunt debiles, ut sine gravi incommodo poenitentium frequentiae satisfacere nequeant. L. ib. — G. 512.

56. *Quomodo in lege ieiunii dispensare possint?* — Dispensare possunt: 1.<sup>o</sup> S. Pontifex et eius dispensatio, etiam sine causa, valida est. Iusta causa ad liceitatem requiritur saltem sub levi. — 2.<sup>o</sup> Episcopi cum singulis non vero cum tota communitate, nisi ex gravissima et urgente necessitate, et singulis tantum vicibus. Bened. XIV. B. *Prodiit iam dudum*, B. *Non ambigimus*, B. *In sapientia* § 2. L. 1032., H. A. 22. — 3.<sup>o</sup> Superiores regulares, vi privilegiorum. — 4.<sup>o</sup> Parochi vi consuetudinis cum singulis et singulis vicibus tantum. Servanda autem est semper et ab omnibus lex univae comestionis et vetitae promiscuitatis. Bened. XIV. C. *In sapientia* § 2. — 5.<sup>o</sup> Medicus et confessarius dispensare non possunt, sed possunt pro officio suo declarare aliquem a ieiunio vel abstinentia excusari, quando causa excusans est manifesta vel dubia. Sanch. Cons. l. 5. C. 1. D. 5. n. 3. 28. — 6.<sup>o</sup> Superior autem potest dispensare non solum cum causa est manifesta, verum etiam cum est dubia, et tunc poterit dispensationi admiscere commutationem in alia pia opera, orationes, eleemosynas, etc. Sanch. Cons. l. 5. C. 1. D. 5. n. 26. — L. 1031.

A. M. D. G.





# INDEX ANALYTICUS RERUM

---

PRAENOTIONES. — De theologiae moralis natura, partitione, methodo, 3.

## DE ACTIBUS HUMANIS

- I. DE NATURA HUMANI ACTUS. — De voluntario, 5. - De libero, 6. - De vario modo quo voluntarium a voluntate procedat, 7.
- II. DE IMPEDIMENTIS ACTUS HUMANI. — De ignorantia, 19. - De concupiscentia, 22. - De metu, 25. - De coactione, 27.
- III. DE MORALITATE HUMANORUM ACTUUM. — De generica et specifica moralitate actuum humanorum, 28. - De actum internorum et externorum moralitate, 30.
- IV. DE VARIIS MORALITATIS FONTIBUS. — De fine, 34. - De obiecto, 37. - De circumstantiis, 38.

## DE CONSCIENTIA

- I. DE CONSCIENTIAE NATURA. — Quid sit conscientia, 42. - Quotuplex sit conscientia, 42.
- II. DE CONSCIENTIA CERTA. — Natura conscientiae certae, 43. - Conscientia certa, norma et regula agendi, 43.
- III. DE CONSCIENTIA PROBABILI. — Natura conscientiae probabilis, 45. - Conscientia probabilis norma et regula agendi, 46.
- IV. DE DOCTRINA S. ALPHONSI CIRCA PROBABILISMUM. — Quid ex S. D. sit sententia multo probabilior, 55. - Quid ex S. D. sit sententia parum probabilior, 56.
- V. DE CONSCIENTIA DUBIA. — Quid et quotuplex conscientia dubia, 58. - Conscientia dubia, norma et regula agendi, 59.
- VI. DE CONSCIENTIA SCRUPULOSA. — Quid conscientia scrupulosa, 65. - Scrupulorum causae, signa, remedia, 65.

## DE LEGIBUS

- I. DE NATURA LEGIS. — Quid sit lex, 68. - Quenam legis proprietates, 70. - Legis interpretatio, 73.
- II. DE AUCTORE LEGIS. — Quinam leges ferre possint, 75. - De consuetudine, 77.
- III. DE SUBIECTO LEGIS. — Quodnam sit legis subiectum, 79. - De peregrinis, 80.
- IV. DE OBLIGATIONE LEGIS. — Obligationis vis et extensio, 81. - Quomodo legis obligationi satisfaciendum, 85. - Obligationis cessatio, 86.
- V. DE LEGE IRRITANTE ET POENALI. — Natura legis irritantis, 88. - Natura legis poenalis, 90.
- VI. DE LEGE TRIBUTORUM. - Natura huius legis, 92. - De decimis, remissive.
- VII. DE DISPENSATIONE. — De natura dispensationis, 93. - Quinam dispensare possint, cum quibusnam, et in quibusnam legibus, 95. - De dispensationis cessatione, 98.

- VIII. DE PRIVILEGIIS. — Quid et quotuplex sit privilegium, 98. — Quinam privilegium concedere possint et quibusnam, 100. — De privilegiorum interpretatione, 101. — De eorum cessatione, 101.
- IX. CLERICORUM, EPISCOPORUM, REGULARIUM PRIVILEGIA. — Praecipua clericorum privilegia, 102. — Praecipua episcoporum privilegia, 102. — Praecipua regularium privilegia, 104.
- X. DE RESCRIPTIS. — Rescripti natura, 108. — Rescripti executio, 109.

## DE PECCATIS

- I. DE NATURA PECCATI. — Quid sit peccatum, 110. — Peccata mere interna voluntatis, 111.
- II. DE SPECIFICA PECCATORUM DISTINCTIONE. — Undenam repetenda, 115.
- III. DE NUMERICA PECCATORUM DISTINCTIONE. — Undenam repetenda, 117. — Distinctio actuum interiorum, 119. — Distinctio actuum exteriorum, 120.
- IV. DE GRAVITATE PECCATI. — Quid peccati gravitas, 121. — Peccatum mortale, 122. — Peccatum veniale, 122.
- V. DE VITIIS CAPITALIBUS. — De superbia, 124. — De avaritia, 125. — De luxuria, 126. — De invidia, 126. — De gula, 127. — De ira, 130. — De acedia, 131.

## DE PRAECEPTO FIDEI

- De natura fidei, 131. — De necessitate fidei, 132. — De communicatione fidelium cum iudaëis, haereticis, infidelibus, 136.

## DE PRAECEPTO SPEI

- De natura spei, 137. — De necessitate spei, 138.

## DE PRAECEPTO CARITATIS

- I. DE CARITATIS NECESSITATE. — Caritatis natura et praeceptum, 138.
- II. DE ORDINE CARITATIS. — Varius in caritate ordo servandus, 140.
- III. DE DILECTIONE INIMICORUM. — Etiam inimici diligendi, 143.
- IV. DE ELEEMOSYNA. — Eleemosynae praeceptum, 145.
- V. DE CORREPTIONE FRATERNA. — Fraternalis correptionis praeceptum, 147.
- VI. DE SCANDALO. — Natura scandali, 150. — Natura cooperationis, 156.

## DE VIRTUTIBUS CARDINALIBUS

- De prudentia, iustitia, fortitudine, temperantia, 158.

## DE PRIMO DECALOGI PRAECEPTO

- I. DE DEVOTIONE ET ORATIONE. — De devotionis natura, 160. — De orationis natura, 160. — De orationis necessitate, 161.
- II. DE ADORATIONE. — De natura adorationis, 163. — De cultu sanctorum, 164.
- III. DE SUPERSTITIONE ET IDOLOLATRIA. — Superstitionis natura, 165. — Idololatriae natura, 165.
- IV. DE DIVINATIONE. — De natura divinationis, 166.
- V. DE VANA OBSERVANTIA. — De natura vanae observantiae, 168.
- VI. DE IRRERIGIOSITATE ET TENTATIONE DEI. — Quid irreligiositas, 171. — Quid tentatio Dei, 171.
- VII. DE SACRILEGIO. — Sacrilegii natura, 173. — Sacrilegium personale, locale, reale, 173.
- VIII. DE SIMONIA. — Simoniae natura, 176. — Poenae in simoniacos, 183.



## DE SECUNDO DECALOGI PRAECEPTO

- I. DE VANA NOMINIS DEI OBSERVANTIA. — Quid et quale peccatum sit, 186.
- II. DE BLASPHEMIA. — Quid et quale peccatum sit, 187.
- III. DE IURAMENTO. — *De iuramenti* natura, 189. — *De eius licetate*, 191. — *De iuramento promissorio*, 193. — *De cessatione obligationis iuramenti*, 195.
- IV. DE VOTO. — *De natura voti*, 196. — *De voti obligatione*, 200. — *De cessatione voti*, 203. — *Voti irritatio*, 204. — *Voti dispensatio*, 207. — *Vota reservata*, 209. — *Commutatio voti*, 209.
- V. DE ADIURATIONE. — *Adiurationis natura*, 211. — *Eius licetitas*, 211.
- VI. DE LAUDE DEI. — *Natura laudis Dei*, 212.

## DE TERTIO DECALOGI PRAECEPTO

- I. DE PRAECEPTO AUDIENDI MISSAM. — *Obligatio audiendi missam*, 213. — *Conditiones requisitae*, 213. — *Causae excusantes*, 217.
- II. DE PROHIBITIONE OPERUM SERVILIIUM. — *Varia opera prohibita*, 218. — *Causae excusantes*, 221.

## DE QUARTO DECALOGI PRAECEPTO

- I. OBLIGATIONES FILIORUM ERGA PARENTES. — *Propriae filiorum obligationes*, 222. — *De patria potestate*, 225.
- II. OBLIGATIONES PARENTUM ERGA FILIOS. — *Propriae parentum obligationes*, 227. — *Parentum iura*, 228.
- III. OBLIGATIONES CONIUGUM. — *Propriae coniugum obligationes*, 229. — *Coniugum iura*, 230.
- IV. ALIORUM CONIUGUM OBLIGATIONES. — *Pietas quoad alios cognatos*, 232. — *Alimenta praestanda*, 233.
- V. TUTORUM ET CURATORUM OBLIGATIONES. — *Tutorum et curatorum officia*, 234. — *Minorum obligationes*, 234.
- VI. OBLIGATIONES DOMINORUM ET FAMULORUM. — *Obligationes dominorum*, 235. — *Obligationes famulorum*, 235.
- VII. OBLIGATIONES MAGISTRORUM ET DISCIPULORUM. — *Mutuae eorum obligationes*, 237.
- VIII. OBLIGATIONES INFERIORUM ET SUPERIORUM ECCLESIASTICORUM. — *Mutuae eorum obligationes*, 238.
- IX. OBLIGATIONES INFERIORUM ET SUPERIORUM CIVILIUM. — *Mutuae eorum obligationes*, 238.

## DE QUINTO DECALOGI PRAECEPTO

- I. DE OCCISIONE SUI. — *Eius illicetitas*, 240.
- II. DE OCCISIONE REI. — *Rei occisio publica et privata auctoritate*, 243.
- III. DE OCCISIONE INIUSTI AGGRESSORIS. — *An et quandonam licita sit*, 244.
- IV. DE OCCISIONE INNOCENTIS. — *Eius illicetitas*, 246.
- V. DE PROCURATIONE ABORTUS. — *Licetitas indirectae procreationis abortus*, 248. — *Illicetitas directae procreationis abortus*, 249.
- VI. DE DUELLO. — *Duelli illicetitas*, 250.
- VII. DE BELLO. — *An et quandonam licitum sit bellum*, 252.

## DE SEXTO ET NONO DECALOGI PRAECEPTO

- I. DE ACTIBUS NON CONSUMMATIS. — *Natura luxuriae*, 255. — *De aspectibus obscenis*, 257. — *De turpibus sermonibus*, 258. — *De tactibus turpibus*, 259.
- II. DE PECCATIS IUXTA NATURAM. — *De fornicatione*, 262. — *De stupro*, 263. — *De raptu*, 263. — *De adulterio*, 264. — *De incestu*, 265. — *De sacrilegio*, 267.

III. DE PECCATIS CONTRA NATURAM. — De mollitie, 269. — De bestialitate, 273. — De sodomia, 274.

### DE SEPTIMO ET DECIMO DECALOGI PRAECEPTO

I. DE IUSTITIA GENERATIM INSPECTA. — Natura iustitiae, 275. — Natura domini, 277. — Usus, 278. — Habitatio, 278. — Usufructus, 279. — Servitus, 280. — Possessio, 281. — De obiecto domini, 282. — De subiecto domini, 284.

II. DE MODIS ACQUIRENDI DOMINIUM IURE NATURALI. — De occupatione, 290. — De accessione, 296.

III. DE MODIS ACQUIRENDI DOMINIUM IURE CIVILI. — De usucapione et praescriptione, 298.

IV. DE MODIS ACQUIRENDI DOMINIUM PRIVATA VOLUNTATE. — De contractibus in genere, 304.

V. DE PROMISSIONE. — Obligatio ex promissione, 316.

VI. DE DONATIONE. — Donatio mortis causa, 319. — Donatio inter vivos, 320.

VII. DE TESTAMENTO — Testamenti natura, 325. — Testamentorum revocatio, 330. — Testatorum et haeredum capacitas, 331. — De legatis, 339.

VIII. DE COMMODATO. — Commodati natura, 341. — Commodatarii obligationes, 342. — Commodantis obligationes, 344.

IX. DE DEPOSITO. — Depositi natura, 344. — Depositarii obligationes, 345. — Deponentis obligationes, 346. — De sequestro, 346.

X. DE MUTUO. — De contractu mutui, 347. — De contractu usurario, 349. — De montibus pietatis, 352. — De iusto mutuantis interesse, 352.

XI. DE MANDATO. — Mandati natura, 356. — Mandatarii obligationes, 356. — Mandantis obligationes, 357. — De ratihabitione, 357. — De quasi-contratibus, 357.

XII. DE VENDITIONE ET EMPTIONE. — Natura venditionis et emptionis, 359. — Obligationes venditoris et emptoris, 362. — Pretium, 365. — Retrovenditio, 369. — Venditio sub hasta, 371. — Monopolium, 372. — Venditio per proxenetas, 372. — De permutatione, 373. — De cambio, 373. — De negotiatione, 375.

XIII. DE CENSU. — Natura census, 375. — Censuum liceitas, 376.

XIV. DE LOCATIONE ET CONDUCTIONE — Natura locationis conductionis, 379. — Obligationes locatoris, 380. — Obligationes conductoris, 381. — De emphyteusi, feudo et libello, 382.

XV. DE SOCIETATIS CONTRACTU. — Natura contractus societatis, 384. — Liceitas, 386. — Societas inter coniuges, inter fratres, 386. — Trinus contractus, 387.

XVI. DE SPONSIONE, DE LUDO, DE ASSECURATIONE. — Sponsionis natura, liceitas, 388. — Ludi natura, liceitas, 388. — De loteria, 390. — De ludis bursae, 391. — Assecurationis natura, 392. — Assecurati et assecurantis obligationes, 393.

XVII. DE FIDEISSIONE, DE PIGNORE, DE TRANSACTIONE. — Fideiussionis natura, 393. — Fideiussoris obligationes, 394. — Pignoris natura, 394. — Creditoris et debitoris iura et obligationes, 394. — Natura hypothecae, 395. — Iura hypothecarii, 396. — De antichresi, 396. — Transactionis natura, 396.

XVIII. DE INIUSTITIA. — Quid iniustitia, 397. — Quid iniuria, 397.

XIX. DE FURTO. — Furtum absolute et relative grave, 399. — Necessitas excusans, 402.

XX. DE INIUSTITIAE REPARATIONE. — Undenam obligatio restitutionis oritur, 404.

XXI. DE RESTITUTIONE EX INIUSTA ACCEPTIONE. — Ex quali culpa obligatio restitutionis exoritur in iniusta acceptione, 405.

XXII. DE RESTITUTIONE EX RE ALIENA. — De possessore bonae fidei, 406. — De possessore malae fidei, 411. — De possessore dubiae fidei, 412.

XXIII. DE RESTITUTIONE QUIA INIUSTE QUIS FACTUS DITIOR — Restitutionis obligatio non habetur ex eo quod quis ditior factus sit occasione rei alienae, sed ex eo quod iniuste quis ditior factus sit ex re aliena, 414.

- XXIV. DE RESTITUTIONE EX INIUSTA DAMNIFICATIONE. — Conditiones requisitae, ut ex iniusta damnificatione obligatio emergat restitutionis, 414. — De damnificatione in bonis animi, 417. — Ob iniustum homicidium, 418. — Ob stuprum et fornicationem, 419. — Ob adulterium, 420. — Occasione militiae, 421.
- XXV. DE RESTITUTIONE EX CONTRACTU. — Restitutio ex contractu et quasi-contractu, ob culpam theologicam, iuridicam, 422.
- XXVI. DE RESTITUTIONE EX LEGE VEL EX IUDICIS SENTENTIA. — Obligatio restitutionis vi legis, et vi iudicialis sententiae, 423.
- XXVII. DE RESTITUTIONE EX INIUSTA COOPERATIONE. — De inbente, 424. — De consulente, 424. — De consentiente, 426. — De palpone, 426. — De participante, 427. — De muto, non obstante, non manifestante, 427.
- XXVIII. CUI SIT RESTITUENDUM. — Restitutio facienda domino, pauperibus, 429.
- XXIX. QUANTUM SIT RESTITUENDUM. — De restitutionis solidaritate, 429.
- XXX. QUO ORDINE RESTITUENDUM. — De ordine restitutionis quoad cooperatores, 431. — De ordine restitutionis quoad creditores, 433.
- XXXI. QUOMODO SIT RESTITUENDUM. — Restitutio ita facienda, ut ad aequalitatem iustitia reparetur, 435.
- XXXII. QUANDO SIT RESTITUENDUM. — Restitutio quam primum facienda, 436.
- XXXIII. DE CAUSIS A RESTITUTIONE EXCUSANTIBUS. — Creditoris remissio, 437. — Debitoris impotentia, 438. — Restitutionis damnum, 438.
- XXXIV. DE OCCULTA COMPENSATIONE. — Conditiones ad eam requisitae, 440.

#### DE OCTAVO DECALOGI PRAECEPTO

- I. DE IUDICIO TEMERARIO. — Gravis et specialis iudicii temerarii malitia, 443.
- II. DE DETRACTIONE. — Gravis et specialis malitia detractionis, 444.
- III. DE CONTUMELIA. — Gravis et specialis contumeliae malitia, 450.
- IV. DE MENDACIO. — Natura et intrinseca mendacii malitia, 452.
- V. DE VIOLATIONE SECRETI. — Secretum naturale, promissum, commissum, 455.

#### DE PRIMO ET SECUNDO ECCLESIAE PRAECEPTO

De potestate festos dies instituendi, 458. — Quinam sint festi dies observandi, 458.


#### DE TERTIO ET QUARTO ECCLESIAE PRAECEPTO

De annua Confessione, 459. — De paschali Communione, 460.

#### DE QUINTO ET SEXTO ECCLESIAE PRAECEPTO

- I. DE ABSTINENTIA A CARNE EXTRA IEIUNIUM. — Gravis huius praecepti obligatio, 462.
- II. DE IEIUNIO ECCLESIASTICO. — De unica refectione, 464. — De collatione serotina, 466. — De abstinencia carnis in ieiunio, 467. — De hora refectionis, 468. — De causis a ieiunio excusantibus, 469.





IMPRIMATUR

FR. RAPHAËL PIEROTTI O. P. S. P. A. Magister.

---

IMPRIMATUR

JULIUS LENTI Patriar. Constantinop. Vicesgerens.





## INSTITUTIONES

S. THOMAE ET S. ALPHIONSI

JANUARIO BUCCERONI

MORALIS THEOL. GAE PROFESSOR IN PONT. UNIV. GREGOR. COLLEGI ROMANI  
 IN THEOL. APOST. ET CONSULTOR S. C. EP. ET RR.

✓                      .                     

EX TYPOGRAPHIA FORZANI ET SOCII

1891

## OPERIS APPROBATIO

Cum Opus, cui titulus: *Institutiones Theologiae Morales*, etc. P. Januarii Bucceroni S. J. aliqui e. S. Theologi recognoverint, et probaverint, facultatem concedimus, ut typis edatur.

*Romae d. 10. Oct. 1890.*

ROGERIUS FREDDI S. J.  
PRAEP. PROVINCIAE ROMANAE.

*Neapoli d. 10. Oct. 1890.*

NICASIUS M. MOLA S. J.  
PRAEP. PROVINCIAE NEAPOLITANAE.

---

## ABBREVIATIONES

G. B. 3. = Gury-Ballerini eodem tractatu num. 3.

L. 5. = S. Alphonsus de Ligorio eod. tract. n. 5.

A. S. S. V. l. p. 2. = Acta S. Sed. Vol. I. pag. 2.

# DE PARTICULARIBUS LAICORUM OBLIGATIONIBUS

---

## I. — DE IUDICIBUS.

1. *Quid iudex sit?* — Iudex, quoad eius nominalem definitionem, idem est ac *ius dicens*. Quoad definitionem realem, iudex est persona publica, per legitimam auctoritatem constituta, ut secundum leges iustitiam vindicet, iudicium seu sententiam ferendo inter duas partes litigantes, authentica legum declaratione et applicatione. — S. Th. 2. 2. q. 60. a. 1. 6., q. 67. a. 3.

2. *Quaenam dotes in iudice requirantur?* — Requiritur in iudice scientia et prudentia, qua sciat suo munere recte fungi. Ratio 1.<sup>a</sup> est, quia quilibet, generatim loquendo, tenetur scire ea, quae pertinent ad proprium officium, et sine quorum cognitione recte illud exercere non potest. Praeterea, loquendo in particulari de iudice, iudicis est definire et determinare id quod iustum est. Atqui id fieri non potest sine iuris naturalis et positivi scientia. Ratio 2.<sup>a</sup> est, quia iudicis est legis dictum applicare ad particulare negotium, eiusque iudicium, ut rectum sit, proferendum consequenter est «secundum rectam rationem prudentiae». — S. Th. 2. 2. q. 60. a. 2. et 1. ad 1., Lugo De Iust. et Iur. D. 31. S. 1.

3. *Resolves:* 1.<sup>o</sup> Non vulgaris neque medioeris scientia et prudentia in iudice requiritur, ut intricatas causas perpendere possit, et omnia adiuncta tum iuris tum facti sua consideratione perscrutari. — 2.<sup>o</sup> Petens aut suscipiens officium iudicis, idem est de medico, de chirurgo, etc., quo quis indignus est, ita ut probabile sit inde notabile damnum proximi secuturum, peccat mortaliter. — 3.<sup>o</sup> Iudex carens necessaria scientia non debet absolvi, nisi facta renuntiatione officii, vel nisi firmum habeat propositum renuntiandi, vel saltem eam diligenti studio acquirendi, et interim a iudicando absteineat, vel certo utatur consiliis et opera doctioris; secus enim periculo damni proximum exponeret. Renuntiare vero omnino debet, si nulla sit spes eum habilem studendo aliquando evasurum. — L. 195.

4. *Quomodo iudex officium suum exercere debeat?* — Iudex tenetur incorruptibili integritate munus suum rite implere. Ratio est, quia officium iudicis suscipiens ad id obligatur ex quasi-contractu cum societate. Quare secus agens reus erit violatae iustitiae tum legalis tum etiam commutativae. Cf. S. Th. 2. 2. q. 63. a. 4.

5. *Quid iudex praestare debeat, ut munus suum rite impleat?* — Duo praestare debet. 1.<sup>um</sup> est, causas iudicare, easque celeriter expedire. Etenim tenetur iudex ex officio tribuere cuique ius suum. Porro ius potius laedit, si vel causam iudicare omittat, vel sententiam differat absque iusta et proportionata causa. Hinc mortaliter peccat contra suum officium, causae iudicium omittendo, vel illud sine sufficiente causa excusante valde notabiliter differendo: et tenetur praeterea damna parti laesae compensare, quae ex iniqua omissione et dilatione iudicii secuta sunt; quia illorum est iniusta causa.



L. 196. — 2.<sup>um</sup> est, legitimum iudicium proferre. Iudex enim est interpret iustitiae et iustitia animata. Iudicium autem est, definitio vel determinatio iusti sive iuris. Et Deut. 16. dicitur: *Iudices et magistros constitues in omnibus portis tuis, ut iudicent populum iusto iudicio*. S. Th. 2. 2. q. 60. a. 1. 2.

6. *Quid ad legitimum iudicium proferendum requiratur?* — Tria requiruntur. 1.<sup>um</sup> est *iurisdictio*, sine qua, ut per se patet, peccatur mortaliter, et sententia nulla est, nisi adsit titulus coloratus et error sit communis. S. Th. 2. 2. q. 60. a. 6., q. 67. a. 1., Lugo D. 37. S. 2. 3. — 2.<sup>um</sup> est *rectus processus*, v. g. ut citetur reus et audiatur, etc., nisi forte expediat aliquando, cum delicta sint publica, atrociora, et periculum sit in mora, in flagrante crimine deprehensus subito plectere. Ut enim publica auctoritate, ita publica etiam scientia iudex procedit L. 193., S. Th. 2. 2. q. 67. a. 3., Lugo D. 37. S. 6. 7., CC. *Si legitimus* 1. *Evidentia* 9. *De accusationibus*. — 3.<sup>um</sup> est, ut procedat *ex inclinatione et intentione iustitiae*, secundum rectam prudentiae normam. Si enim ex inclinatione iustitiae et secundum prudentiam non procedit, iudicium iniustum et pravam est. S. Th. 2. 2. q. 60. a. 2., L. 194.

7. *Quomodo sit rectus processus instituendus contra criminosos?* — Tribus modis: 1.<sup>o</sup> via *accusationis*, cum est aliquis accusator, qui spondet se obiecta crimina probaturum. — 2.<sup>o</sup> via *denuntiationis*, cum deferens crimen non vult suscipere onus probandi. — 3.<sup>o</sup> via *inquisitionis*, quae triplex est. 1.<sup>a</sup> *generalis*, quando nempe in genere quaeritur, an leges observentur, an sint transgressores. — 2.<sup>a</sup> *specialis*, quando inquisitio instituitur de certo crimine, et de certa persona, illius auctore. — 3.<sup>a</sup> *mixta*, quando vel sola persona, vel solum crimen est speciale, e. g. an Titius reus sit, quis Caium occiderit. L. 197. — Quaecumque via instituitur processus, semper est aliquis accusator sive persona privata, sive publica, sive physica, sive moralis. Iudicium enim est actus iustitiae, quae non est ad seipsum, ut aliae virtutes, quibus homo ordinatur in seipso, sed est ad alterum, hominem ad alium ordinans. S. Th. 2. 2. q. 67. a. 3.

8. *Quid de generali inquisitione?* — Iudex sine ulla data speciali occasione, *ex solo officio suo* potest instituere *inquisitionem generalem*, in qua tamen eius potestas non se extendit ad occulta delicta elicienda, de quibus nulla est fama. Ratio prioris est, quia id necessarium est reipublicae, nec cuiquam fit iniuria. Ac licet quorundam scelera detegantur, id fit per accidens, praeter intentionem, cui quidem incommodo praevalet bonum commune. Ratio posterioris est, quia secus directe et per se proximi famam laederetur, et hoc ius, per se loquendo, neque iudex, neque ipsa societas habet. Maxima deinde sequerentur incommoda scandalorum, rixarum, etc. Quare ipsi societatis communi bono, per se semper loquendo, magis prodest quod delicta maneant occulta, quam quod publicentur, ut scandalum removeatur, ne alii aliorum exemplo ad similia crimina patranda excitentur. Excipe tamen casus *imminentis periculi damni communis vel privati*, in quibus potest iudex inquirere etiam de secretis delictis. — L. 198. 199., Lugo D. 37. S. 6., Lessius De Iust. et Iur. 1. 2. C. 29. Dub. 13.

9. *Quid de speciali inquisitione?* — « Ut iudex faciat *inquisitionem specialem* debet saltem regulariter praecedere infamia, vel quid aequipollens, quod iustam det causam. Ratio est, tum quia aliquin diffamaret sine causa, tum quia index procedere debet ex scientia publica, quam non habet, nisi per accusationem, vel confessionem rei, vel evidentiam facti, vel per infamiam: ad quam non sufficiunt duo testes, qui iurent se videri crimen admitti, quia adhuc est occultum, sed requiritur, ut rumor sit sparsus per maiorem partem Communitatis, i. e. Civitatis, Viciniae, vel Monasterii, neque a maledicis sit exortus, etsi hac in re tutum sit sequi proximi communem bonorum virorum et Reipublicarum, ut habet Laym., Less. Romae. » L. 201. Dicitur: *regulariter*; nam iterum sunt casus excepti, *si immincat nempe periculum damni communis, vel gravis damni alterius personae, vel*

agatur de *gravioribus criminibus*, homicidiis, furtis, aliisque Rempublicam turbantibus, et adsit aliqua suspicio orta ex indicis non levibus, ne delicta impunita occasionem praebant iniquis hominibus Rempublicam suis sceleribus turbandi, et innocentis laedendi. Quare index debet tunc uti magna prudentia, et habere rationem personarum, et donec videat, an res probari possit, eo modo capere informationes, ut quam minimum fama laedatur. Unde si videt eam probari non posse debet desistere. Less. l. 2. C. 29. Dub. 15. Ne reus autem testes interim corrumpere vel ipse auferre possit, index mandare potest, ut in carcere includatur. Sed id sine gravi delicto et gravibus indicis fieri non potest. — S. Th. Quodl. 11. a. 13. Lugo l. c., CC. *Qualiter et quando* 17., *Cam oporteat* 19., *Inquisitioni* 21. §. 1. 2. P. *De Accusationibus*.

10. *Quid de mista inquisitione?* — Licita quoque est *inquisitio mista*, quando nempe crimen est manifestum, et ignoratur auctor, licet iudici quaerere in genere quis illud commiserit, non tamen in particulari, v. g. an Petrus illud fecerit, nisi infamia aliqua et manifesta indicia praecesserint. Pars prior patet tum ex praxi omnium timoratorum etiam iudicum, tum ex contrariis incommodis; facile enim multiplicarentur crimina et delicta. Posterior vero pars ex eo constat, quod nec esset sine legitima causa proximum infamare. L. 199. 200. Hinc idem S. D. 201. « notandum, ait, quod Praelati nequeunt inquirere contra Religiosos in dubio, an adsint indicia sufficientia... ad inquisitionem, quia in dubio possidet illorum fama, quae per inquisitionem inde deturparetur. Intellige tamen, nisi immincat periculum damni communitatis, tunc enim praevalet ius Religionis », aut etiam privati; quod, uti patet, generale est, et non tantum Religionis proprium. — Lugo l. c.

11. *Nota*: Si de inquisitione agatur non iudiciali, ad poenam, sed paternam, ad emendationem rei, amplior quidem est hac in re facultas, ut constat ex ipsa communi praxi. Episcopi enim et Superiores regulares in Visitatione, quam ordinario non nisi paterne faciunt, de clericis et religiosis etiam in particulari indagare solent, quomodo se gerant, quomodo ipsi aliis et alii ipsis contenti sint, an leges observent, etc. Verum ista etiam paternam inquisitionem, si non de omnibus fiat de more, sed de uno vel alio in particulari, fieri non potest, nisi adsit peculiaris aliqua ratio, et delicta servetur cautela, ne quis inde infametur. Secus enim huiusmodi indagatio vitiosa omnino evadit et reprehensibilis, quia in detractionem degenerat, et « quia generat scandala, et occasionem praebet odiis et dissensionibus. Nam homines moleste ferunt, sua ab aliis facta scrutari et suapte natura talis inquisitio iniuriam inferre proximo, cuius honori adversatur, et aestimationi, quam de se optimam omnes haberi cupiunt ». Diana T. 7. Tr. 4. Res. 25. n. 3.

12. *An index damnare possit reum, quem privata tantum scientia sotent cognoscit, aut innocentem qui iuridice probatur nocens?* — R. ad 1.<sup>am</sup> negative. Index enim indicat, ut persona publica, ideoque sequi debet scientiam publicam, et procedere secundum allegata et probata, praesertim in favorem rei. S. Th. 2. 2. q. 67. a. 2. a. 3. ad 2. L. 207. Verum loquendo non de iudice inferiori, sed de ipso Principe, et de causis civilibus ac ablatione officiorum, etc. observat Lugo D. 37. S. 5. n. 54. « maiorem fortasse potestatem habere Principem ad hoc, ut ex scientia privata possit aliquando condemnare reum non convictum; nam cum harum rerum Respublica habeat maius dominium, et possit disporre de his in ordine ad bonum publicum, facilius potest contingere quod expediat ad bonum publicum auferre ab aliquo bona vel officium propter testimonium solius Principis ». Idem vero non potest index inferior: « is enim non potest dispensare in lege Superioris, maxime in re tanti momenti ». Lugo l. c. n. 50.

13. R. ad 2.<sup>am</sup> « quem index privatim scit esse innocentem, si iuridice probatus sit nocens, tenetur omni modo liberare, si potest, v. g. impediendo accusationem, extrahendo iudicium, aperiendo carcerem, si sine maiori malo potest, remittendo causam ad Superiorem ». L. 208. S. Th. 2. 2.

q. 64. a. 6. ad 3. q. 67. a. 2. c. Quod si iudex sic agendo nihil efficere possit ad innocentem liberandum, tres tunc adsunt sententiae, omnes probabiles. Prima sententia Angelici Doctoris docet posse iudicem in quacunque causa proferre semper sententiam iuxta allegata et probata. Ratio est, quia iudex non iudicat ut persona privata, sed ut publica. Ergo in iudicando non scientiam privatam sed publicam sequi debet. « *Debet eas* [probatione indutas] *in iudicando sequi* ». 2. 2. q. 67. a. 2. c. « Iudex, si scit aliquem innocentem esse, qui falsis testibus convincitur... *non peccat* secundum allegata sententiam ferens; quia ipse non occidit innocentem, sed illi qui eum asserunt nocentem ». 2. 2. q. 64. a. 6. ad 3. Secunda sententia S. Alphonsi valde probabilis negat in quacunque causa posse iudicem sententiam ferre contra eum, quem certo scit esse innocentem. Ratio est, « quia damnare innocentem est intrinsece malum; sicut esset cogere mulierem ad convivendum cum eo, quem privatim scit non esse suum maritum ». L. 208. Tertia sententia Lessii et Lugonis distinguit inter causas criminales, in quibus agitur de poena vitae, vel mutilationis, et causas civiles, vel criminales, in quibus agitur de poena pecuniaria, vel exilii aut privationis officiorum. In illis negat licere iudici condemnare innocentem. In his vero concedit id licere. Ratio prioris partis est, quia per se malum est occidere vel mandare occidere aliquem sine auctoritate. Atqui iudex nullam habet auctoritatem in vitam innocentis, cum ipsa Societas destituatur tali auctoritate. Ratio posterioris est, « quia Respublica habet auctoritatem disponendi de fortune suorum civium, easque de uno in alium transferendi, prout bono publico expediens fuerit: ut patet ex legibus usucapionum. Atqui hic videtur esse iusta causa, tum ne forma publicorum iudiciorum cum populi scandalo pervertatur, tum quia non suppetit ratio incommodum huius hominis avertendi. Ergo potest statuere, ut iudex in tali casu formam publicam iudiciorum sequatur, etiamsi inde fiat, ut fortune eum spoliare debeat, quem privatim innocentem vel bonam causam habere novit ». Less. l. 2. C. 29. Dub. 10. n. 84., Lugo D. 37. S. 4. n. 42. seqq. — Ithur. Car. 34.

14. *An iudicis sententia obliget in conscientia, et ad quid teneatur iudex, qui sententiam iniustam tulit?* — R. ad 1.<sup>am</sup>: 1. affirmative, si est certo iusta. Ratio est quia legitimum superioris praeceptum in conscientia obligat. Atqui iudicis sententia iure comparatur praecepto superioris in particulari quodam casu rem aliquam praecipientis vel prohibentis. « Sententia iudicis est quasi quaedam particularis lex in aliquo particulari facto ». S. Th. 2. 2. q. 67. a. 1. c. Inde deducit Angelicus Doctor, quod « sicut lex generalis debet habere vim coactivam... ita etiam et sententia iudicis debet habere vim coactivam ». Similiter, ut lex generalis debet habere vim obligandi, ita etiam et sententia iudicis debet habere vim obligandi. — 2.<sup>a</sup> negative, si est certo iniusta. Ut enim non tenetur quis obedire illi, qui praecipiendo auctoritate non habet; ita magis non tenetur quis obedire illi, qui auctoritate alitur iniusta praecipiendo. S. Th. 2. 2. q. 60. a. 6. c. ad 4. Quare potest quis occulte se compensare, nisi alter iuste praescripserit. Dicitur *in conscientia* non obligare, « quia *in foro externo*, ubi non tam veritas facti, quam veritas iuridica spectatur, sententia prolata servanda est, *ad evitanda scandala*, et incommoda (si nempe adsint, neque aliter vitari possint), neque elapso tempore, intra quem appellare licebat, actio ei conceditur, lege sic statuenti, tum in praemium pigritiae, tum ob bonum publicum, ut litium sit finis ». L. 215. — 3.<sup>a</sup> affirmative, si est dubie iusta. Ratio est, quia praesumptio superari non iudici licet, et gravissima incommoda praedice essent; namquam esset litium finis. Praeterea superiori legitime praecipienti obedendum est, licet casu vero praedicti dubii et probabilitatis superior seu iudex legitime adhuc praecipiat. Possidet autem certo ius urgendi executionem, quo spoliari non potest, nisi opposita certitudine iniustitiae. Verum a sententia iudicis interioris fas est ad superiorem iudicem appellare, licet sententia sit tantum probabiliter iniusta, et appellatione interposita cessat interim sen-



tentia lata. Ratio est quia illa sententia inferior de se neque absoluta est, neque simpliciter definitiva: sed tantum si acceptetur ut talis, et non imponatur appellatio. Postquam vero sententia transierit in rem iudicatam, absoluta iam est, et definitiva, eique, etiam in dubio an sit iusta, in foro conscientiae standum est. \* Condemnato autem parere necesse est etiam in foro conscientiae postquam sententia transierit in rem iudicatam: etiam in dubio an sententia sit iusta: primo quia possidet sententia, deinde quia id expedit reipublicae, ut sit aliquis litium finis (ut puta quando non satis constet, utrum actus sine iuris solemnibus valeat an minus, et iudex ratum vel irritum pronuntiaverit: immo etsi condemnatus sit dare aliquid, quod sola lege civili edum ne iniuste debitum est: ut puta damnum sarcire e lpa civili datum ». D'Annib. 623. — Lugo D. 37. S. 15. n. 185. seqq. S. Th. Quodl. 4. q. 8. a. 14.

15. R. ad 2.<sup>m</sup>: 1.<sup>o</sup> Si iudex ex inculpabili errore sententiam iniustam tulit, tenetur eam revocare, si potest sine gravi incommodo. Ratio asserti est, quia tenetur ex officio impedire malum proximi, \* alioquin, si dum potest, non repedit suum errorem, imputabitur iam ei quasi conservanti, id quod propter inadvertentiam inculpabilem prius non imputabatur \*. Lugo D. 37. S. 1. n. 3. Non tenetur tamen grave incommodum sustinere, cum iustitia non fuerit formaliter laesa, neque in quasi contractu officii seu muneris suscipiendi censetur quis obligari etiam quoad inculpabiles errores cum notabili suo incommodo. — 2.<sup>o</sup> Si dolo, vel culpabili magna imperitia iniustam tulit sententiam, eam, si potest, revocare debet etiam cum gravi suo incommodo: et reparare tenetur omnia damna inde parti laesae obvenientia. Est enim causa iniusta, efficax, culpabilis talis damni: adeoque ad reparationem tenetur. — L. 195. 214.

16. *An iudex in cecipienda causa et proferenda sententia graviter negligens, aut imprudens, restituere tenetur non tantum parti laesae, sed etiam fisco, i. g. si multam pecuniariam, quam ex lege debebat in poenam reo, sine causa remisit?* — Affirmant Busembaum et alii: sed probabiliter alii etiam negant, si ad multam reus nondum sit condemnatus. \* Ratio, quia ante sententiam nullum fisco acquiritur ius ad poenam, hinc si iudex iniuste reum absolvit, peccat contra iustitiam legalem non commutativam \*. L. 196. Excep. si ex iniusta poenae remissione damnum privatae personae vel Reipublicae obveniret: illud enim vi sui officii impedire tenetur. — S. Th. 2. 2. q. 67. a. 4. ad 3. L. l. e. et n. 237. Lugo D. 37. S. 8. n. 97.

17. *An iudex debet secundum leges scriptas iudicare?* — R. affirmative. \* August. dicit in lib. de vera Relig., c. 31. a med. to. I. *In istis temporalibus legibus, quamquam de his homines iudicent, cum eas instituant: cum tamen fuerint institutae et firmatae, non loquitur iudicibus de eis iudicare, sed secundum ipsas...* Sicut dictum est, a. l. h. q., iudicium nihil aliud est, quam quaedam definitio, vel determinatio eius quod iustum est. Fit autem aliquid iustum dupliciter. Uno modo ex ipsa natura rei: quod dicitur *ius naturale*: alio modo ex quodam condito inter homines, quod dicitur *ius positivum*. Leges autem scribuntur ad utriusque iuris determinationem: aliter tamen et aliter. Nam legis scriptura ius quidem naturale continet, sed non instituit: non enim habet robur ex lege, sed ex natura. Ius autem positivum scriptura legis et continet et instituit, dans ei auctoritatis robur. Et ideo necesse est, quod iudicium fiat secundum legis scripturam, alioquin iudicium deficeret vel a iusto naturali, vel a iusto positivo \*. S. Th. 2. 2. q. 60. a. 5.

18. *Resolves*: Inferior iudex ordinarius non potest poenam relaxare vel minuire, etiamsi actor vel accusator consentiat, nisi aliquando ad bonum Reipublicae aliud necessarium esse diceret epikela, vel nisi iuste interpretetur iudex voluntatem superioris, vel nisi adsit alia iusta causa, in qua potius finis legis, quam cortex verborum est attendendus. Ipse iudex supremus id facere non potest absque iusta causa, unde graviter secus agens

peccaret, quia animosiores redderet delinquentes, et ita ad peccatum conduceret. — S. Th. 2. 2. q. 67. a. 4., 4. Sent. D. 46. q. 1. a. 2. qu. 2., Lugo D. 37. S. 8.

19. *Quid iudici faciendum sit, cum ius clarum non est, sed obscurum et utraque adversus oppositae sententiae probabiles?* — R. 1.<sup>o</sup> In rebus criminalibus reo favendum est, tum quoad criminis existentiam, tum quoad poenarum inflictionem. Ratio est, quia iuxta regulas iuris: In dubio nemo praesumitur malus nisi probetur; Cum sunt partium iura obscura reo favendum est potius quam ateri; Oia restringi, et favores convenit ampliari; In obscuris minimum est sequendum; In poenis benignior est interpretatio facienda. *De Regulis Iuris* in 6.<sup>o</sup> S. Th. 2. 2. q. 60. a. 4.

20. R. 2.<sup>o</sup> In causis civilibus distinguenda est probabilitas *facti*, et probabilitas *iuris*. Dubium facti est: an homo fuerit compos sui dum condidit testamentum; an Titius commiserit tale delictum, falsificaverit scripturas, etc. In tali dubio sententia ferenda est secundum regulas iuris naturalis et positivi: In dubio factum non praesumitur sed demonstrari debet; In dubio praesumitur factum seu recte factum quod de iure faciendum erat; In dubio standum est pro valore actus; In dubio standum est pro eo pro quo stat praesumptio; semel malus semper praesumitur malus; Ignorantia facti non iuris excusat; Inspecimus in obscuris quod est verisimilius, vel quod plerumque fieri consuevit; etc. *De Regulis Iuris* in 6.<sup>o</sup> Dubium iuris est, quando dubitatur quid praecipiat ius in tali casu, an lex extendatur vel non extendatur ad ipsum, etc. et utrinque sunt opiniones probabiles. In tali dubio iuris, aut nullus rem possidet, aut aliquis rei possessor est. In primo casu, quo nullus rem possidet, si dubium sit cuiusnam partium ius magis faveat, vel si, extra dubium, ius aequae partibus favet, duplex est opinio. Prima sententia tenet rem esse dividendam. Ratio est, quia iudex non est rerum dominus, sed declarator iuris in casu partiarii, et consequenter distributor rerum non pro libito suo, sed iuxta iura partium, et itea, si iura, sunt aequalia, aequaliter inter eas rem dividere debet. Excipitur, ex iure Romano et Canonico, si agatur de causis matrimonii, dotes, viaticae, pupilli et alii causis piis: nam tunc pro his iudicandum est, cum iura sunt aequalia, etiamsi sint actores. C. *Duas* fin. *De sect. et re iudicata*. Verum ubi ius Romanum non viget, neque agatur de causa ad ecclesiasticum forum spectante, obligatio nulla est normam hanc in iudicio sequi. Altera sententia tenet, « iudicem melius quidem facere procurando partes ad concordiam reducere, absolute tamen posse alteram ex illis (aeque probabilitibus sententis) eligere... quia iudex ex debet sui officii solum tenetur ad investigandum diligenter veritatem, ut secundum eam iudicet; sed in casu nostro probabilissime indicat, illam esse veritatem, et hunc hominem habere ius; ergo potest pro illo indicare cum illa aequali probabilitate ». Lugo D. 37. S. 10. n. 115. Et sane cum utraque pars tunc habeat iuxta probabilitatem sententiam integrum ius ad rem, bene poterit iudex uni ex istis sententiis se conformare, et nullam alteri parti inferri iniuriam. Quod confirmatur a paritate dispositione iuris Canonici, quae certe contra naturale ius non est. Neque valet obicere, quod iudex iudicando veritatem esse pro una parte se exponit periculo aberrandi a vero et privandi alteram partem iure etc. Nam hoc periculum iudex vitare non potest. Aequale enim est periculum si pro altera parte iudicet. Si vero rem dividat, « tunc erit certius periculum, tunc enim non solum probabile, sed certissimum erit verum deum an privari re sua quoad mediam partem: melius ergo est sustinere libet periculum periculum cum iudice pro omni de iustitia illius, pro quo tertio sententia, quam certissime privare dominum re sua quoad mediam partem ». Lugo l. c. n. 118. — Si vero opinio vere probabilior in quaestione iuris uni parti favet, et opinio minus probabilis alteri parti, communis opinio tenet debere iudicem sententiam ferre pro ea parte, pro qua stat opinio probabilior. Ratio desumitur primo ex prop. 2. damn. ab In-

noc. XI. « Probabiliter existimo iudicem posse iudicare iuxta opinionem etiam minus probabilem ». Verum ex hac damn. prop. sequitur tantum, quod non possit iudex sententiam ferre pro opinione minus probabili, minime vero quod debeat sententiam ferre pro sententia probabiliori, et non possit rem pro rata probabilitatis inter partes dividere. Ratio secundo desumitur ex eo quod iudex a Republica constituitur, ut secundum merita causae, et secundum sententiam, quae ei conformior legi videatur, rem definiat: secus enim acceptor personarum esset. Verum neque haec ratio vere probat assertum. Nam si secundum merita causae iudicare debet rem dividere debet pro rata maioris vel minoris probabilitatis. Quod autem a societate constituatur, ut pro sententia probabiliori sententiam ferat illi integrum ius adscribendo, asseritur quidem, sed non constat. Illud tantum asseri potest, et per se constat, quod nempe, si res dividi non possit pro rata maioris vel minoris probabilitatis, sed uni parti tota adscribatur, quia haec est, e. g., praxis tribunalium, illi sane tribuatur, qui habet maiorem probabilitatem. Haec autem tribunalium praxis ex duplici capite cohonestari posset, 1.<sup>a</sup> si agatur de longe maiori probabilitate: quia tunc fere certitudo moralis habetur, quae saepe difficile a magna probabilitate distinguitur: 2.<sup>a</sup> si dum iudex uni rem totam adscribat, liberat alium ab omnibus expensis iudicii, et a damnis reparandis, ita ut aequa habeatur compensatio. Melior igitur ratio videtur ea, quae modo allata est pro casu aequalis probabilitatis, quia nempe minus periculum iniustitiae est, et iudex, uti iustitiae interpres, tenetur eligere sententiam saltem minus periculosam, cum certa haberi non possit — In altero casu quod aliquis rem possideat, stante aequali utrinque iuris probabilitate res adiudicanda est legitimo possessori: ratione enim possessionis praevalet absolute ipsius ius. Confirmatur ex Reg. 65. Iuris in 6.<sup>o</sup> « In pari delicto vel causa potior est conditio possidentis ». Si inaequalis habeatur probabilitas, prima sententia tenet, iudicem teneri rem adiudicare illi, qui pro se habet maiorem probabilitatem, licet non sit possessor. Nam primo possessio per se non tribuit ius proprietatis, sed tantum detentionis rei, donec quis legitime spoliatur, ius autem proprietatis maius est pro altera parte. De ipsa autem proprietate disputatur, non de simpliciter detentione rei, quae illi extrinseca est. Ergo uti in casu maioris probabilitatis, nullo possidente, praevalet maior probabilitas, ita etiam praevalet in casu possessionis. Praeterea regula Iuris 65. in 6.<sup>o</sup> valet evidenter *in causa pari*, non in causa dispari. Altera sententia tenet iudicem non posse possessorem expellere. Ratio, quia *legitima possessio*, attentis humanis rebus, per se loquendo, arguit ius moraliter certum, etiam ipsius proprietatis: homines enim non solent esse negligentes in rebus suis custodiendis. Atque hac ratione fundatur lex praescriptionis, quae ipsi possessione rei habetur. Dicitur *legitima possessio*: secus enim esset, si ipsamet possessio non esset certa, aut non certe legitima. Porro legitima possessio, praeter ipsum possessionis actum, duo requirit, titulum et bonam fidem. Titulus est, donatio, haereditas, emptio et similia, per quae dominium alicuius rei solet acquiri. Titulus iste esse debet saltem rationaliter praesumptus. Bona fides vero est iudicium, quo quis propter similem titulum prudenter credit rem esse suam. « Et ideo iudices communiter res adiudicant habenti ius ius probabilius, quia in foro exteriori diffident bonam fidem possessoris probare potest ». L. 210. l. 1. n. 47. — Lugo D. 37. S. 10., Ithur. Cas. 611. Viva in prop. 2 damn. ab Innoc. XI.

21. An iudex sententiam ferre possit, cum ipsa lex certa quiescat et iniqua sit? — R. l. Si igitur de lege civili, contraria tantum legibus ecclesiasticis, in quibus Summus Pontifex dispensare potest, uti e. g., de lex ecclesiasticae immunitatis, potest iudex et debet, si iudicium ferri debet, debitum petere facultatem a S. Sede, vel ab Episcopo loci, iuxta variis legibus et varios casus occurrentes. Hanc autem facultatem facile obtineat, cum maxime expediat societatis bono, ut in ea honesti sint iudices. Ratio fuit.



tatis petendae est usurpation, quae secus haberetur iurium Ecclesiae, et publicum scandalum praecavendum.

22 R. 2.<sup>o</sup> Si agatur de lege civili, contraria legibus divinis et naturalibus, tunc aut iudex debet praecipere aliquid directe contra hoc ius, aut debet tantum applicare aliquam poenam. Primum evidenter non licet, et sic deberet potius officium suum relinquere, quam obligare vi militari concubinam, ut domi maneat cum suo amasio. Ut enim iniquum est exequi rem iniquam, ita iniquum est eius executionem mandare. S. Th. 2. 2. q. 10. a. 5. Alterum aliis videtur etiam omnino illicitum; quia intrinsece malum est *condemnare innocentem*, quum nempe ipsa lex est evidenter iniusta, cuius transgressio punitur; aliis vero videtur posse excusari. Etenim temporalem aliquam poenam decernere per se malum semper non est; et gravissima adest ratio ex parte iudicis, ne officio cogatur renuntiare, et ex parte societatis consentientis, cui melius est, ut boni sint iudices, quam mali, remoto semper scandalo, vel ex consuetudine approbata, et praxi timoratorum, vel ex debita facultate prius petita. Et sic potest multam decernere propter *formalitatem omissam* matrimonii civilis, quod Ecclesia hoc sensu tolerat, remoto semper scandalo, uti dictum est. — Verum quamvis de poena tantum decernenda agatur, distinguendum est inter poenam et poenam. Nam si agatur de poena mortis, e. g. mutilationis, etc. cum neque ipsa persona possit cedere iuri suo, nec societas sua auctoritate sancire possit talem poenam, iniquum prorsus est eam imponere. « Ibi enim ius positivum locum habet, ubi quantum ad ius naturale nihil differt, utrum sic vel aliter fiat ». S. Thom. 1. c. Si vero agatur de poena aliqua pecuniaria, vel alia simili, cum quilibet hac in re cedere possit iuri suo, et possit societas consentire, potest sane iudex levem aliquam huiusmodi poenam imponere, ne cogatur officio suo renuntiare cum gravi damno proprio et ipsius societatis. Rationabiliter tunc praesumitur consensus. Id tamen videtur etiam limitandum ad casum, in quo non agatur de lege directe contra naturam, quamvis satis dura sit et non satis iuxta. Nam cum sententia iudicis non sit declaratio quaelibet, sed auctoritativa, auctoritative confirmare legem contra naturam, poenam etiam pecuniariam et levem determinando, contra naturam est. Contra naturam est ad mortem damnare christianum, qui idola renuit adorare, contra naturam est eum ad poenam et multam vel quinque tantum libellarum damnare, *quia* coram idolo noluit genuflectere. Certe de tali iudicio dici non potest, quod sit « definitio vel determinatio iusti sive iuris », nec de iudice dici potest, quod sit « interpretes iustitiae », vel « iustitia animata ». S. Th. 2. 2. q. 69. a. 1., q. 67. a. 3.

23. *An licite possit iudex dona accipere?* — Nefas est iudici dona accipere gravis momenti, quae quidem aliquo modo saltem indirecte videntur exigi, aut in quibus videre est aliquod corruptionis periculum. Non videtur vero posse reprobari accipere levia tantum munuscula sponte omnino oblata, in quibus nullum est corruptionis periculum, quaeque neque indirecte exiguntur. — Ratio primae partis est, quia nefas est ea munera accipere pro sententia iusta; haec enim ex officio proferri debet. Nefas item est ea accipere pro sententia iniusta; quia haec non est proferenda. Id praeterea positive prohibetur Iure Canonico, C. 6. *Statutum* 11. *De Rescriptis* in 6.<sup>o</sup> S. *Insuper*. Prohibetur etiam Iure Civili, quo omnis magistratum corruptio per dona et promissiones gravibus poenis plectitur, tum in corruptis, tum in corruptentibus. Ratio secundae partis est, quia cum ea ex sola urbanitate offerantur, quasi inurbane recusarentur. Confirmatur Iure Can. 1. c., dicitur enim recipi posse « forsitan esculentum vel pasculentum mera liberalitate oblatum, quod paucis consumi possit diebus ». — Lugo D. 37. S. 11.

24. *An, si contra factam prohibitionem munera iudex acceperit, ad restitutionem teneatur?* — Si iudex a litigantibus munera ex dono accepit, ad restitutionem probabiliter non tenetur ante sententiam. Etenim « leges praefatae et aliae vel intelliguntur pro foro tantum externo, vel de restitutione in poenam criminis, pro qua semper requiritur sententia, etsi

non inflictiua poenae, saltem declaratoria criminis ». S. Alph. n. 216. Si vero *ex pacto* acceperit ad ferendam sententiam *iustam*, i. e. ad praestandum id, quod ex iustitia debebat, ad restitutionem tenetur. Ratio est, quia non potest esse materia contractus quiddam ex officio, atque adeo ex iustitia iam debitum est. Multo magis autem restituere tenetur ea, quae vi, minis, vel iniusta vexatione extorsit. Si acceperit item *ex pacto* ad ferendam sententiam iniustam, certo tenetur ad restitutionem antequam eiusmodi sententiam ferat; lata autem sententia potest retinere, cum iam peccatum fuerit, neque in retinenda re accepta peccatur; cum vero praestitum fuerit quod promissum fuerat, et non debebatur, verificatur tunc contractus innominatus: de ut facias. Et sic etiam « propter fornicationem ... mulier potest sibi retinere quod ei datum est ». S. Th. 2. 2. q. 62. a. 5. ad 2., Lugo l. c.

25. *An iudex accipere possit saltem pecuniam ad expediendam causam alienius prae alia?* — « Dicit Laym, spectato iure naturali, non auctore id damnare, quia illa nova obligatio, quam suscipit, est pretio digna. Sed verius contradicunt Salm. n. 65., quia iudex ex iustitia tenetur cito expedire causas eorum, qui aequale ius habent ad expeditionem; nisi extraordinarium susciperet laborem, ad quem ex vi sui muneris non teneretur ». L. 196. Id etiam absolute reprobatur Lugo D. 37. S. 11. n. 136. nam « quoties ex iustitia tenetur ex disuncto gratis facere, non potest pro electione huius partis aliquid accipi ».

26. *An, quando litigantes habent pro se opiniones aequae probabiles, possit iudex pecuniam accipere pro ferenda sententia in favorem auius prae alio, secundum opinionem supra relatam?* (C. n. 19. — R. Negative: ista enim propositio est prop. 26. damn. ab Alex. VII. Ratio est, quia « acciperet pretium pro re non digna pretio; nam ex iustitia debebat proferre sententiam pro uno: determinatio autem ad istam partem, licet faciat sententiam mihi utiliore, non tamen addit laborem, vel aliquid ex parte iudicis dignum pretio. Sicut si aliquis deberet ex iustitia dare dotem uni ex duabus virginibus, non posset aliquid ab ea petere pro ea eligenda. Ratio autem a priori est, quia repugnat debere ex iustitia dare rem integram uni ex duobus, et tamen posse petere pretium pro ea: iam enim non daretur integra uni ex duobus, cum tamen ex iustitia teneatur dare integram: non potest ergo, salva iustitia, aliquid detrahere, alioquin posset accipere pro pretio dimidium rei dandae: quod esset manifeste contra iustitiam ». Lugo D. 37. S. 10. n. 119.

## II. — DE ARBITRIS.

27. *Quinam sint arbitri.* — Arbitri dicuntur, qui ab utraque opposita parte ad litem aliquam dirimendam instar iudicum sponte eliguntur, aut admittuntur. Pactum, quo facultas litem componendi ipsis tribuitur, vocatur *compromissum*. Hoc pacto adversae partes mutuo consensu promittunt se executionis esse quiddam ab arbitris statuetur. Compromissum autem confici potest sive scriptura privata, sive scriptura authentica a notario confecta, sive consensu communi viva voce expresso coram ipsis arbitris. — G. 7.

28. *Quodnam arbitrorum munus?* — Arbitri, quicumque sint, scilicet a diversis partibus admissi, iudicium munere proprie gaudent, eorumque vices omnes gerunt, haud secus ac si a publica auctoritate forent designati. Ratio est, quia potest quis se subicere alterius iudicio, quamvis non sit eius superior. Id si a duobus litigantibus fit, ut lis dirimatur, arbiter habetur, qui proinde, quamvis non ex publica auctoritate, sed tamen ex privato pacto iudex constituitur. Pacta autem privata, uti publicae leges, in conscientia obligant. — S. Th. 2. 2. q. 67. a. 1. ad 2.

29. *Resolves*: Cum arbitri iudicium munera adimpleant, eadem fere iura, easdemque habent obligationes. Quare 1.<sup>o</sup> possunt causam ad se delatam instruere, rem ad aliud tempus opportunius differre, testes audire, et tandem lata sententia litem absolute dirimere. — 2.<sup>o</sup> Non debent suscipere litem, cui diiudicandae doctrinam sufficientem non habent: secus peccant contra iustitiam commutativam, et restitutionis obligationem contrahunt, si re ipsa damnum errando inferant. — 3.<sup>o</sup> Arbitri iudicare tenentur iuxta leges regionis, nisi partes eis facultatem rem ex aequo et bono componendi impetierint. Tunc enim ex bono et aequo utriusque partis commodum promovere debent. — 4.<sup>o</sup> Cavere summopere debent ab acceptione personarum, ne scilicet odio, aversione aut nimio affectu abstracti, contra regulas aequitatis sententiam ferant. — G. 7. 8.

30. *Nota*: Ut arbitri sententia in foro externo valeat, necesse est adimplere conditionibus in Codicibus variarum nationum appositis. Cf. Cod. Ital. Civ. art. 1742. 1764. seqq., Cod. Proc. Civ. art. 8 seqq., Cod. Gall. Civ. art. 1989. 2044. seqq., Cod. Proc. Civ. art. 1003 seqq.

### III. DE IURATIS.

31. *Quinam sint iurati?* — Iurati, sic dicti ob iuramentum, quod praestant de munere sibi credito recte exercendo, sunt viri selecti ex civium principibus ad partem aliquam, iudicium propriam, obsevandam. Adhibentur tantummodo in causis criminalibus, et munus eorum est iudicium pronuntiare circa existentiam facti et culpabilitatem accusati; deinde vero iudices poenam iuxta legem decernunt. — G. 5.

32. *Quoniam sint iuratorum obligationes?* — Iurati easdem contrahunt obligationes ac ipsi iudices, sistendo tamen intra limites eorum muneris. Ratio est, quia magna ex parte munus iudicium exercent. Attamen non omnia praestare debent, ad quae iudices tenentur, sed duntaxat pronuntiare de existentia facti et culpabilitate accusati. — G. 5.

33. *An iuratus dare possit etiam contra accusatum, iuridice quidem convictum, sed cuius innocentiam privata scientia certo cognoscit?* — R. Negative. Ratio est, quia pronuntiare tantum debent circa existentiam facti, secundum intimam eorum convictionem, nec ullo modo tenentur dare rationem legalem propriae sententiae. Quare quoad iuratos locum non habet controversiae, quae de iudicibus agitur. Cf. n. 12. — G. 6.

34. *An licitum sit iuratis sententiam ferre in iudicio, in quo tribunal auctoritatem non habet in ream, si nempe, e. g., agatur de persona ecclesiastica?* — R. 1.<sup>o</sup> Si eius interventus inutilis omnino foret, e. g., cum totius pars vel fere totalitas iuratorum parata sit reum condemnare, abstinere potest ab interveniendo in tale iudicium. Ratio: quia ex una parte nemo tenetur facere rem inutilem; ex altera vero absentia protestatio quaedam est contra abusum iustitiae. — 2.<sup>o</sup> In eadem hypothese debet praeterea se abstinere. Ratio quia eius praesentia esset inutilis; et eius absentia necessaria, ne cooperetur usurpationi iustitiae, et ut protestetur contra illum iustitiae abusum. — 3.<sup>o</sup> Si iuratus nullam possit adducere causam, ut a muliere, a laico, et a civili lege puniatur, potest quidem, in eadem etiam hypothese, intervenire in iudicium, petens debitam facultatem, vel si id fieri non possit, res quantum in se est lavens. Ratio quia cum necessitate compulsus veniat, et petierit antea facultatem, vel, in impossibilitate, conatur res quantum potest lavare, omne removetur scandalum, et sufficiens protestatio habetur contra iustitiae abusum. Rationabiliter praeterea in his rebus adiunctis praesentare potest consensum Ecclesiasticae auctoritatis. — 4.<sup>o</sup> Si eius interventus utilis omnino foret ad absolvendum innocentem, e. g.,



quia maior iuratorum pars iustitiae favere constat, videtur quod lex naturalis charitatis eum obliget ad interveniendum in iudicium, uti proximo graviter auxilio indigenti succurrat. Ad scandalum autem vel admirationem impediendam sufficit debitam petere facultatem, vel si id fieri non possit, intentionem suam declarare, si aliunde non constet, se non tanquam iudicem, sed tanquam innocentis patronum et advocatum advenire. — Eadem resolutio videtur etiam danda, si lex expressa esset, vel censura contra eos, qui iurati munus suscipiunt. Ratio est, quia cum generatim leges et censurae sint in *aedificationem*, ac in particulari huiusmodi leges et censurae sint ad personas earumque status dignitatem tuendam, non videntur in tali casu velle impedire earundem personarum incolumitatem tuendam. Quare tunc cessant contrarie.

#### IV. — DE ADVOCATIS, PROCURATORIBUS, REFERENTIBUS.

35. *Quinam sint advocati, procuratores, referentes?* — *Advocatus* ille est, qui suum litigantibus praebeat auxilium consilio et defensione suscepta coram iudice. *Procurator* vero ille est, qui litigantis mandato et nomine causam in iudicio prosequitur. Postremo *referendarius*, vel *referens* ille est, cui aeta litigantium discutienda committuntur, ut postmodum eorum fundamenta, quasi in compendium redacta, iudicibus referat.

36. *Quoniam sint advocatorum obligationes in causarum defensione?* — Advocati tenentur scientiam competentem habere, causam diligenter examinare, iustitiam vel iniustitiam et certitudinem vel probabilitatem eam lucrandi vel perdendi manifestare, dilationes damnosas praecavere, fidelitatem servare, causam tandem, cumque non nisi iustam, defendere atque mendacis, fraudibus aliisque mediis iniustis. Ratio est, quia ex iustitia legali erga societatem et ex iustitia commutativa erga clientem obligantur ad eius iura defendenda eiusque damnum praecavendum: erga partem vero contrariam, ne cooperatores fiant iniustitiae. Quare secus agentes de damnis tenentur. — S. Th. 2. 2. q. 71. a. 3.

37. *Resolves:* 1° Advocati peccant contra iustitiam erga clientem, si cum non sint sat parati et idonei causas defendendas suscipiant: si causae fundamenta vel secreta parti adversae detegant, vel si parti utrique serviant: si ideo quod sibi videantur peremptoria argumenta afferre alia non spernenda negligant, quia forsitan iudices motivis istis neglectis moveantur, si ad causam dicendam non sufficienter se praeparent, etc. — 2° Idem peccant contra iustitiam erga partem adversam, si leges falsas aut abrotatas citent, aut in sensum alienum deflectant, dolum aut mendacia adhibeant, ex quibus iudices aut iurati in iniustam sententiam vel suffragium abstrahantur: item si parti adversae crimina vel vitia imponant falsa, etc. — G. 14., L. 226., S. Th. 2. 2. q. 71. a. 3.

38. *Nota:* S. Th. 1. c. ad 3. docet, quod «advocato defendenti causam iustam licet prudeniter occultare ea, quibus impediri posset processus eius»: quia hoc non esset adversarium decipere, sed sinere, ut ipse se decipiat.

39. *An liceat advocato causam iniustam defendere?* — *In materia civili* advocatus nequit causam certo iniustam licite sustinere. A fortiori *in materia criminali* suscipere nequit partes accusatoris evidenter iniusti. Ratio est, quia, ut ait S. Thomas 2. 2. q. 71. a. 3. «illicitum est alicui cooperari ad malum faciendum, sive consulendo, sive adiuvando, sive qualitercunque consentiendo: quia consilians et coadiuvans, quodammodo est faciens. Et Apostolus dicit Rom. 1. quod *digni sunt morte, non solum qui faciunt peccatum, sed etiam qui consentiant facientibus*. Unde et supra dictum est (q. 62. a. 7.), quod omnes tales ad restitutionem tenentur. Ma-

nifestum est autem, quod advocatus auxilium et consilium praestat ei, cuius causae patrocinatur. Unde, si scienter iniustam causam defendit, absque dubio graviter peccat, et ad restitutionem tenetur eius damni, quod contra iustitiam per eius auxilium altera pars incurrit. Si autem ignoranter iniustam causam defendit, putans esse iustam, excusatur secundum modum, quo ignorantia excusari potest ».

40. *Resolves*: 1.<sup>o</sup> Advocatus, qui, causa iam suscepta, advertit eam esse iniustam, debet statim admonere de iniustitia causae suum clientem et eam deserere. Secus de omnibus damnis utrique parti obvenientibus tenebitur. Si tamen eliens sit in mala fide, hic primum restituere tenetur, uti mandans. Quod si non restituat, tunc secundo loco tenetur advocatus restituere, nempe ut executor. G. 12. « Attamen non debet eam prodere, ut scilicet aliam partem iuvet, vel secreta suae causae alteri parti revelet ». S. Thom. 1. c. ad 2. Primum contra fidelitatem, alterum contra strictam obligationem secreti est. Excipiunt, nisi alia pars deberet ideo grave et iniustum detrimentum pati. Cf. La Croix l. 3. 2. p. n. 1231. — 2.<sup>o</sup> Procurator generalis peccat contra iustitiam, si ex negligentia, ex praecipitatione aut praeiudicio, ex odio aut personarum acceptione, etc. traducat innocentem in detentionem, in iudicium, et in sententiam iniustam subeundam. Item si accusationem sustinuerit, postquam in causae decursu innocentiam agnovit, aut graviter de ea dubitaverit; proinde de omnibus damnis accusato subsecutis tenetur. G. 14.

41. *An advocati possint defendere causas etiam minus probabiles tum reorum tum actorum?* — R. 1.<sup>o</sup> Affirmative in *causis civilibus*; quia uti sunt huiusmodi res litigiosae, rationabiliter spes haberi potest, ut veritas elucescat. Praeterea cum possit iudex pro rata maioris vel minoris probabilitatis rem dividere, licet advocatis clientum rationes probabiles urgere, ut iusta allegata et probata decernat. Cf. n. 18. In *causis vero criminalibus*, reus semper defendi potest, etiamsi constaret de ipsius culpabilitate. Ratio est, quia advocatus reum defendens nemini infert iniuriam, et ex officio suo ius tuetur rei, ne condemnatur antequam iuridice crimen sit plene probatum, ac saltem ut ad misericordiam princeps impellatur. G. 10. — 2.<sup>o</sup> « In causa criminali dubia non licet tueri partes actoris, qui in tali casu graviter peccat contra reum, ergo etiam advocatus; neque quando actor contra possessorem agens scit, se nihil posse evincere, sed rem mansuram semper dubiam, quia tunc iniuste vexatur possessor, pro quo tandem iudex debet iudicare ». L. 220. « Et siquidem reum patrocinatur, sufficit exceptionem esse iustam in foro exteriori: sin actorem, causa in foro quoque conscientiae iusta esse debet ». D'Annib. 622.

42. *An et quomodo peccet advocatus, qui causam iustam mediis iniustis defendit, v. g. si chirographum novum substituat loco prioris amissi, etc.?* — R. 1.<sup>o</sup> Peccat contra fidelitatem et veritatem. Est enim mendacium officiosum. — 2.<sup>o</sup> Per se non peccat contra iustitiam, si ius clientis est certum. Nulla enim quoad causae substantiam apparet iniustitia. Dicitur *certum*, nam si illud ius est *dubium*, et per chirographum reddatur certum, quia nempe chirographum supponitur, quod nunquam existit, contra iustitiam profecto peccat. Nam cum certitudine omnis probabilitas elidatur, laederetur ius partes adversae. Per *accidens* tamen potest contra iustitiam peccare, si ius vel parti adversae vel suo clienti damnum proveniat. — 3.<sup>o</sup> Potest et quando peccare graviter contra charitatem erga seipsum, si proinde se exponat periculo gravissimarum poenarum, propterea quod falsitas detegatur. — G. 13. 28. S. Th. 2. 2. q. 71 a. 4. ad 3.

43. *An quod teneatur advocatus ratione honorarii seu stipendii?* — Praestanda a primo est licite et iuste advocatum, uti etiam medicum aliosque pro sua spe honorarium seu stipendium exigere. « August. dicit, quod advocatus licite recipit causam patrocinium, et iarsperitus rerum consilium... Dicendum quod quae quis non tenetur alteri exhibere, iuste potest

pro eorum exhibitione recompensationem accipere. Manifestum est autem, quod advocatus non semper tenetur patrocinium praestare, aut consilium dare causis aliorum. Et ideo, si vendat suum patrocinium, sive consilium, non agit contra iustitiam. Et eadem ratio est de medico opem ferente ad sanandum, et de omnibus aliis huiusmodi personis: dum tamen moderate accipiant, *considerata conditione personarum, et negotiorum, et laboris, et consuetudine patriae*. Si autem per improbitatem aliquid immoderate extorqueant, peccant contra iustitiam. Unde Augustinus dicit ad Macedonium, quod *ab his extorta per immoderatam improbitatem repeti solent, data per tolerabilem consuetudinem non solent*. — S. Th. 2. 2. q. 71. a. 4. c. — R. 1.<sup>o</sup> Nihil, generatim loquendo, accipere potest ultra iustum, quod vel lege, vel consuetudine, vel prudentium iudicio, vel partium conventionione determinatum est, habita ratione negotii et peritiae advocati. — 2.<sup>o</sup> Si habet stipendium annuale, illud percipere potest, quamvis eo anno lites non occurrant. Est enim quasi contractus aleatorius, sive lites plures sint, sive nullae. — 3.<sup>o</sup> Si tempore litis diutius infirmatur, nisi alium substituatur, renuntiare debet parti stipendii, quod pacto constitutum fuit. — 4.<sup>o</sup> Si postquam de stipendio conventum est, cliens inceptam causam deserat, potest advocatus totum exigere, si per eum non stet, quominus litem prosequatur, non secus ac suam operam pro aliqua mercede locans, exigere hanc potest, si per conductorem stet, ne opera compleatur. Excipe tamen, si iuxta intervenit causa litem deserendi, cum haec conditio semper in conventionione subintelligatur. — 5.<sup>o</sup> Nequit dum causa tractatur mercedem constituere, neque pro mercede constituere quotam partem, v. g. tertiam partem bonorum, de quibus lis agitur. Verum si iustam petiti mercedem, restitutioni non obligatur. Imo, cum huiusmodi iuris positivi dispositiones non sint in vigore, neque advocatus neque cliens esset inquietandus. — 6.<sup>o</sup> Quamvis sponte se offerat liti pertractandae cognati vel amici, iustam tamen retributionem exigere potest. Attamen si ex charitate pauperibus succurrere tenetur, maxime tenetur erga sibi coniunctos, secundum illud 1. ad Tim. 5. *Si quis suorum et maxime domesticorum curam non habet, fidem negavit*. — 7.<sup>o</sup> Quoad pauperes in particulari 1.<sup>o</sup> tenetur gratuito succurrere, etiam cum gravi suo incommodo iis, qui in extrema necessitate versantur: 2.<sup>o</sup> item iis, qui in gravi necessitate existunt, tenetur gratis patrocinari, et quidem sub peccato mortali, non tamen cum notabili suo incommodo: 3.<sup>o</sup> denique etiam in communi necessitate causas pauperum tueri tenetur ex charitate, non tamen cum gravi incommodo: sufficit scilicet, ut aliquid operis, quando ab aliis vacet, eis largiatur. — G. 11., Frassinetti Comp. 6.<sup>a</sup> Ed. vol. 1. n. 297., Lugo D. 41. n. 12., L. H. A. Tr. 13. n. 69. 70., S. Th. 2. 2. q. 71. a. 1. 4.

44. *Quaenam dotes in procuratore requirantur?* — Ut in avvocato, ita etiam in procuratore requiritur: scientia, iustitia, fidelitas, diligentia et iustum pretium. Ratio est, quia uti officium procuratoris aequiparatur fere officio advocati, ita etiam obligationes.

45. *Resolves*: Procuratores partium peccant contra iustitiam, si causas protrahant, si dilationes indebite obtineant, si causam prius acceptatam priori loco non procurent, si partes ad iniquam compositionem adducant, etc. — G. 14.

46. *An procurator, si habeat advocatum, aut tabellionem, qui gratis ei inserviat, possit iustum pretium illis debitum sibi retinere?* — R. Negative, si inserviat in gratiam clientis; affirmative, si in gratiam ipsius procuratoris. Ratio 1.<sup>a</sup> patet, quia nullum illius pretii acquirendi iustum titulum habet. Ratio 2.<sup>a</sup> etiam patet, quia idem moraliter est facere per se vel per alium: si per se faceret rem utilem, posset quidem iustum pretium retinere, ergo etiam si per amicos faciat. — L. 239.

47. *Quaenam sint referentium dotes?* — *Referentes* debent primo recte scire quae ad munus proprium pertinent: deinde necessariam adhibere diligentiam, ut iisdem faciant satis: alioquin ipsis merito imputabuntur



obventura damna, cum voluntarie tantum munus susceperint imperiti, vel negligenter exercuerint.

48. — *Resolves*: « Referens peccat 1.<sup>o</sup> si defectu studii, vel per incuriam male referat, vel aliquid substantiale praetermittat. 2.<sup>o</sup> si sit partialis, conueniuntque magis unius partis iustitiam, quam alterius explicare. 3.<sup>o</sup> si sententiam alterutri parti manifestet, priusquam evulgetur, unde possint gravia incommoda sequi. v. g. index recusari, etc. » — L. 228.

## V. — DE NOTARIIS, SCRIBIS, APPARITORIBUS.

49. *Quinam sint notarius, scriba, apparitor?* — *Notarius* seu tabellio dicitur ille, qui auctoritate legitima constituitur ad conficienda et conservanda acta seu instrumenta publica, quae tum in iudicio tum extra iudicium fidem faciant. *Scriba* seu secretarius ille est, qui ex officio scripta refert testimoniis, iudicium sententias, ceteraque omnia, quae in tribunalibus peraguntur. *Apparitor* ille est, qui ex officio valimonia et mandata iustitiae deferit, atque executiones a iudice decretas perficit. — G. 15. 19. 20.

50. *Quaenam sint notarii dotes?* — Notarius esse debet expertus, fidelis, diligens. Ratio, id enim eius officium necessario requirit.

51. *Resolves*: Notarii iniusti sunt praesertim in sequentibus casibus: — 1.<sup>o</sup> Si ignorant quae ad officium suum pertinent, et ideo instrumenta non recte conficiant: si cum detrimento contrahentium vel aliorum ex negligentia solemnitates necessarias praetermittant, v. g. idoneos testes adhibere, subscriptiones apponere, diem, mensem, annum indicare, etc.; — 2.<sup>o</sup> Si conficiant instrumentum falsum, usurarium vel iniustum: si in damnum alterius contrahentis aut tertiū fingant in instrumento ea quae non sunt; si annotationes diei falsas apponant, aut veras immutant, etsi damnum non intendant; item si tale consulant: si conficiant acta, quae suum munus excedant, vel si extra territorium sibi assignatum ministerium suum exercent: tunc enim eorum actus ipso facto irriti sunt; — 3.<sup>o</sup> Si non describunt fideliter voluntates contrahentium vel per ambiguas redactiones litibus et iniustitiis locum praebent: si partes non moneant de clausulis, quae eis nocere, aut de difficultatibus, quae inde nasci possunt. Ad haec enim ex *quasi contractu* cum partibus tenentur; — 4.<sup>o</sup> Si falsa scribant summam coram se, vel antea iam concessam, cum a damno alterius partis aut tertiū: item si facile talia scribant. 2.<sup>o</sup> Inter soluentes, quod a contrahentibus decipiantur: tunc enim eorum peritiores reputantur; — 5.<sup>o</sup> Si acta et instrumenta negligenter custodiant cum periculo damni partium: si differant instrumentorum expeditionem, ut pecuniarum contendant: si autem alteri aliquid committant cum erroris periculo; — 6.<sup>o</sup> Si quod se protelle immutant, unde iam aliquid videtur, aut impeditur, et tunc tales admittunt: si testimonium aliquid necessarium suo clienti recusant, occidit, aut transcriptum denegent; — 7.<sup>o</sup> Si actus deinceps sunt alii, quae a partibus: si omni culpa, protocolla amittunt: si iuramenta vel omenta videtur, si dictis vel factis partium, aut testimoniis testium amitti debent, vel detrahant, si sincere omnia, prout se habent, non transcribant, sed se colligant, emularent in suis animis, et propterea instrumenta nulla. 8.<sup>o</sup> Si in scribendis, vel apponendis, quos adhibent, nec testes respondentes, nec auctoritates instrumentorum, aut ab aliis notariis, si ea a pupillis, imbecillis, et ceteris, antequam diligenter ea recognoverint, et notitiam perfectam de eis, cum ea quae continentur, habuerint: item si ab aliis plures notarios in eodem actu, tanquam praesentes decipiant. — 9.<sup>o</sup> Si praetermodum multa pagina, vel si ultra taxam, vel praetermodum consuetudinem partium, et si plures complicant, vel maiori aut magis extenso characteris scribant, ita ut numerus paginarum notabiliter augeatur: si negotia

pertractanda salarii adaugendi causa protrahant: — 10.<sup>o</sup> In his omnibus et similibus tenentur *per se* notarii sub gravi, et ad restitutionem tanquam iniusti damnificatores, aut cooperatores. — G. 21., L. 230. 231.

52. *An notarius teneatur ad restitutionem erga fiscum, si in conficiendo instrumento reuditionis, aut incedarii, postulantibus partibus, vel etiam, ipso inuente, non veram rei pretium inscribat, sed aliud minus, ut tributum imminuat?* — R. Controvertitur. Alii affirmant, quia sic cooperatur defraudationi tributorum, quod iniquum et iniustum est ex parte officialis publici. Alii negant, dummodo infimum saltem pretium in scripto authentico referatur. Alii tandem eum totaliter excusant. Ratio est 1.<sup>o</sup> consuetudo etiam timoratorum; 2.<sup>o</sup> quia si non peccant partes verum pretium dissimulando, nec peccat notarius ex cooperatione: ipse enim, licet sit officialis publicus, non constituitur tamen praepositus vectigalium ad tributa exigenda, sed ad instrumenta conficienda. Verum graviter peccare potest contra charitatem erga seipsum. Codices enim poenales graves decernunt poenas contra publicos officiales, qui agunt fraudulenter. — G. 22.

53. *An lex taxam statuens pro honorariis seu stipendiis percipiendis obliget in conscientia?* — Quaestio haec locum habet pro iis omnibus, quibus pro munere quopiam, quod in iudiciis gerunt, merces debeatur. Iam vero affirmant Navarr. alique, cum sit lex iusta. Sed negant Lugo, alique, quia cum notarius, et alii ministri iustitiae vivere debeant ex stipendiis proprii officii, et tractu temporis augeantur pretia rerum, ac expensae, iuxta morem, circa victum et vestitum: illae autem antiquae leges eadem semper temporis decursu permaneant; ideo non iniuste ipsi aliquid exigunt supra taxam, maxime si attendantur circumstantiae laboris et peritiae. Et hanc sententiam Lugonis dicunt Salm. videri hisce temporibus conformiorem aequitati. Imo addunt tabellionem posse extraordinarium stipendium recipere, si extraordinarium praestet laborem. — L. 231.

54. *An peccet notarius, qui instrumenta conficit die dominica vel die festo?* — Ex consuetudine nunc generali possunt conficere quaecunque instrumenta, dummodo non spectent ad iurisdictionem contentiosam, i. e. ad negotia forensia. Sic possunt conficere instrumenta contractus, testamenta aegrotantium, conventiones matrimoniales, processus electionum ad officium publicum et alia similia. Scripta autem ad forum contentiosum pertinentia nequaquam diebus festis conficere possunt. Id non solum lege canonica, sed ipsa lege civili prohibetur. Quod si notarius tales actus die festo conficeret, et diversam diei assignationem affingeret, peccaret contra legem ecclesiasticam et civilem, et falsum instrumentum conscriberet. Nihil tamen vetat, quominus die festo totius scripti contextus exaretur, cui deinde die legitimo subscriptiones ac caeterae solemnitates accedant. — G. B. 23.

55. *Quoniam sint secretarii dotes?* — Secretarius esse debet et ipse peritus in munere suo, fidelis, diligens. Ratio, quia id ab eius officio necessario exigitur.

56. *Resolves:* Iniustitias varias scriba committere potest, praesertim: 1.<sup>o</sup> Si diligentiam debitam non adhibeat ad omnia audita et statuta aut decisa exacte in scriptum referenda: omissio enim in rebus huius generis facile gravis evadere potest: — 2.<sup>o</sup> Si attentione seria et constanti non utatur ad omnia in tribunali prolata et peracta in libros authenticos referenda: facillime enim defectus attentionis in scriba culpam gravem et restitutionis obligationem inducere potest, nisi omnino involuntarius sit. (Quis enim non videt, quanta damna ex defectu etiam levi ex parte secretariorum subsequi possint?) — 3.<sup>o</sup> Si ex malitia aliquid in scribendo omitat, aut si tabellas publicas sibi commissas adulteret aut male custodiat: si debitas formalitates et subscriptiones non apponat aut apponi non satagat: si testimonia non fideliter transcribat, sive exaggerando, sive imminuendo, aut invertendo:

— 4.<sup>o</sup> Si in distribuendis litibus favori potius, quam ordini pareat: si ad augendum salarium acta distribuenda maiora faciat, v. gr., scribendo in duobus paginis ea, quae in unica referri poterant; — 5.<sup>o</sup> Si arcanum sibi commissum prodatur: si sententiam nondum publicatam manifestet; si processus peractos sine iudicis praescripto partibus ostendat: — 6.<sup>o</sup> Si acta iudicis tradat partibus, antequam iuxta formas legales subscripta fuerint. Tunc enim instrumentum nancum et falsum exhibet, cuius expeditio nullius valoris habetur. — G. 19., L. 220.

57. *Quenam sint apparitoris dotes?* — Apparitor et ipse sufficienter instrui debet de omnibus, quae ad suum munus attinent. Charitatem et fidelitatem praestare debet in mandatis tribunalis exequendis. Ratio primi est, quia ipsis specialiter incumbit, ne ullas formalitates necessarias in actis suis omittant; secus enim iustitiam saepe laederent, atque damna inde provenientia reparanda tenerentur. Ratio alterius est, ut caveant aequum a negligentia, tum a rigore et vexatione erga eos, quos iustitia publica persequitur. — G. 15.

58. *Resolves*: Apparitores iniuste se gerunt, praesertim 1.<sup>o</sup> Si pretio aut favore se corrumpi sinant in praeiudicium clientis, v. gr., denunciationes sententiarum protrahendo, negligendo, vel alia faciendo, unde in causa sint, cur creditor solutionem accipere non possit. Item favendo quibusdam debitoribus solidariis, ut eos in executionibus non comprehendant. — 2.<sup>o</sup> Si tempus ad acta iuridica conficienda praefixum non concedant; si diem falso adscribant; si falsum affirmant in actis verbalibus; si tempore praescripto acta iuridica sibi commissa non conficiant. — 3.<sup>o</sup> Si lustrantes domos asperius agant, ut aliquod munus extorqueant; si vim iniustam aut aliam iniuriam inferant; si falsum in actibus suis enuntient. — 4.<sup>o</sup> Si excedant mandatum iudicis, aut legis statuta in rebus seu bonis privatorum capiendis; si non servant iustum pretium in venditione rerum captarum, etc.; si partem huius pretii sibi retineant, etc. — G. 16.

59. *An apparitores ad restitutionem teneantur, si pretium supra taxam, lege determinatam, titulo donationis acceperint?* — R. Negative, si de taxa agatur determinata per antiquas leges, easdem permanentes. Cf. n. 53.; secus vero « affirmative per se. Ratio est, quia talis donatio generatim spontanea dici nequit. Unde, si excessus pretii sit quid grave, sub peccato mortali ad illum restituendum obligantur ». G. 17. Haec tamen responsio « suas patitur exceptiones, sicut exceptiones patitur et ratio allata, quod talis donatio generatim spontanea dici nequit. Nam et multis in adiunctis prorsus spontanea haberi donatio potest et debet, et insuper non omnis donatio etiam minus spontanea carere censenda est eo consensu, qui ad dominium transferendum sufficit. Haud raro enim etiam invitis sese occasiones offerunt, quae donandi, necessitatem quandam important, nec tamen quispiam restituendi onus donatariis imponendum cogitat ». B. I. c.

60. *An apparitor multiplex salarium exigere possit, si diversa radice una et eadem vice deferat?* — 1.<sup>o</sup> Ex lege naturali in se sola spectata affirmandum videretur, quia eandem praestat utilitatem singulis eum recurrentibus, quam si pro uno solo iter et operam susciperet. Ita S. Lig. H. A. tr. 13. n. 68., etc. — 2.<sup>o</sup> Attendendum est ad statuta locorum particularia. Ex Iure autem civili hoc prohibetur. Attamen quidquid sit de lege civili, usus invaluit, sciente et vidente Gubernio, ut advocati et procuratores ita rem componant, ut pro singulis vadimoniis apparitores idem fere pretium habeant. G. 18.

61. *An lictores et apparitores sententiam exequi debeant, si ea iniusta sit?* — R. I. Affirmative, si ipsi tantum putent sententiam esse iniustam. Ipsi enim iudices non sunt, et secus agentes iudicis officium sibi usurpant. Id praeterea gravissimo detrimento esset publico bono. — 2.<sup>o</sup> Negative, imo non possunt, si sententia est evidenter iniusta, et eam exequi sit



intrinsece malum, ut hominem innocentem, neque reum probatum, occidere. — 3.<sup>o</sup> Controvertitur, si licet sententia sit iniusta, eam tamen exequi intrinsece malum non est, ut condemnato bona extorquere, ut publicentur. Negandum videtur, quia uti iudex condemnare non potest innocentem, neque probatum nocentem, ita neque apparitori licet eius sententiam iniustam exequi. Afirmat vero D'Annib. 620., quia praevalet damnum reipublicae. Hoc quidem valet, cum sententia licet materialiter iniusta ex parte rei, est tamen saltem formaliter iusta ex parte iudicis, quia nempe iudicalem formam et rectum processum servavit. Hae vero de praesenti quaestione habet Ang. Doct. 2. 2. q. 64. a. 6. ad 3. « Minister iudicis condemnantis innocentem, si sententia intolerabilem errorem contineat, non debet obedire: alias excusarentur carnifices, qui Martyres occiderunt. Si vero non contineat manifestam iniustitiam, non peccat praeceptum exequendo; quia ipse non habet discutere Superioris sententiam; nec ipse occidit innocentem, sed iudex, cui ministerium exhibet ».

## VI. — DE ACCUSATORIBUS

62. *Quinam sit accusator?* — *Accusator* dicitur, qui in causis *criminalibus* crimen defert iudici, atque ab eo vindictam ob bonum commune postulat, et simul obligationem crimen obiectum probandi suscipit. In causis vero *civilibus*, qui velut pars laesa adversarium ad iudicem compellit, non *accusator* sed *actor* dicitur. *Accusator* differt a *denuntiatore*, qui superiori vel iudici crimen defert, nec tamen obligationem illud probandi subit. Porro denuntiatio duplex est, alia *iuridica*, alia *evangelica*. Prior est: delatio facta superiori, uti *iudici*: eiusque scopus est: delinquentis punitio et bonum commune, quod ex improborum punitione redundat. Posterior est: delatio facta superiori, uti *patri*, eiusque scopus non est *punitio*, sed *emendatio* proximi, paterna intercedente superioris admonitione, ex qua propter ipsius auctoritatem certior speratur emendatio. — Denuntiatio iuridica fieri potest *iudicialiter*, servatis debitis formis, et *extraiudicialiter*, simpliciter rem Superiori manifestando, et eius prudentiae committendo quid fieri oporteat. Ad eandem ea pertinet virtutem, ad quam iudicis vindictio spectat, ad iustitiam nempe legalem. — G. 24., L. 235., S. Th. 2. 2. q. 68. a. 1. 2. c. ad 3.

63. *Quinam accusare prohibeantur?* — *Ex iure naturali*, regulariter loquendo, accusare prohibentur: infames maioribus criminibus inquinati: eorum enim testimonium nullius esse potest auctoritatis: inimici; quia rationabiliter praesumitur accusationem procedere ex affectu vindictae: filii contra parentes, uxor contra maritum: id enim pietati repugnat, nisi de damno communi imminenti agatur. L. 236., vel de damno proprio aut alieno, quod aliter vitari non possit. — *Ex Iure autem Canonico* arcentur ab officio accusatoris: 1.<sup>o</sup> Clerici in iudicio saeculari, *praesertim* in causa sanguinis. Excipiunt tamen, si accusent reum ad hoc ut proprium damnum praecaveant, vel ut sibi resarciatur; tunc potest Clericus ac Religiosus malefactorem accusare etiam coram iudice laico. Quod licet non solum in causa propria, sed etiam propriae Ecclesiae, vel cognatorum ad quartum gradum, vel etiam domesticorum. Debet tamen Clericus et Religiosus ad vitandum irregularitatis periculum praemittere coram iudice protestationem, se non agere ad vindictam, neque ad poenam sanguinis, bene vero ad solam sui, vel suorum defensionem et iustitiae triumphum. Quae protestatio si omititur, etsi per oblivionem inculpabilem, adhuc irregularitas incurritur: quia obliquo excusatur a culpa, non ab hac irregularitate, quae inducta est lenitatis causa. Scav. q. 1. — 2.<sup>o</sup> Laici nequeunt accusare clericos, nisi clericus sit dilapidator bonorum Ecclesiae, aut haereticus, simoniacus, sacrilegus, etc.; vel nisi laicus causam suam, vel suorum prosequatur. Item nec clerici accusare possunt religiosos, qui tantum a religiosis eiusdem Ordinis accusari

possunt. L. 238. — 3<sup>o</sup> Haeretici non tolerati, et excommunicati respectu fidelium. L. ib. — S. Th. 2. 2. q. 68. a. 1. ad 1. 2., q. 70. a. 1. ad 3. a. 3.

64. *Quandonam teneatur quis accusare vel denuntiare?* — *Tenetur quis accusare*, vel *denuntiare*, sive iudicialiter, sive saltem extraiudicialiter, etiam sine praemissa correctione fraterna, 1.<sup>o</sup> quando agitur *de communi damno vitando*. Crimina autem contra bonum commune sunt haeresis, rebellio, falsificatio monetarum, homicidia et furta ab assassinis aut viarum grassatoribus commissa, subornatio suffragiorum in electionibus ad publicas cathedras, magistratum munera, etc., peccatum Religiosi damnum afferens religioni, etc., « si crimen, ait Aug. Doct. 2. 2. q. 68. a. 1. c., fuerit tale, quod vergat in detrimentum reipublicae, tenetur homo ad accusationem, dummodo sufficienter possit probare, quod pertinet ad officium accusatoris; puta cum peccatum alicuius vergit in multitudinis corruptelam corporalem, seu spirituale ». Lugo D. 38. nn. 2., 14., L. 236. — 2.<sup>o</sup> Si imminet grave damnum innocenti. Caritas enim nos obligat ut proximi damnum impediamus. Atqui id ex hypothesi fieri potest vel accusando vel denuntiando. Erit ergo gravis obligatio accusationis vel saltem denuntiationis faciendae. L. 237. Nota « tamen, quod non semper est obligatio impediendi damnum innocentis per denuntiationem illius, qui damnum infert, si hic pati deberet aequale damnum, quia cum hic sit proximus, non est, unde nascatur obligatio hunc ita damnificandi in gratiam alterius: *non semper*, nam est obligatio, si innocens tibi sit valde coniunctus, v. g. si sit pater vel filius tuus, aut si redundaret in commune damnum, aut si damnificator ex se debeat damnum illud subire ad liberandum innocentem ». Lacroix l. 2. n. 219. — 3.<sup>o</sup> Si ad id a republica vel a privatis dominis stipendium quis accipiat, ut sunt fiscales, aut custodes agrorum, praepositi gabellarum, etc., iique etiam cum gravi suo incommodo tenentur. Obligantur enim ex quasi-contractu et ex iustitia, non ex mera caritate. Alias tenentur ad restitutionem damnorum, quae reipublicae vel dominis ob omissionem accusationis vel denuntiationis obveniunt. L. 236. — An autem hi teneantur etiam restituere valorem poenae seu mulctae, si non denuntiant, alii ex S. Alph. 237. « affirmant valde probabiliter..... quia, omittendo denuntiationem, ad quam tenebantur ratione officii, sunt causa, ut fiscus vel Dominus non exigit poenam, ad quam ius habebat. Sed satis probabiliter negant (alii)..... quia lex poenalis non intendit, ut fiscus, vel domini, mulctis ditentur, sed ut ipsi serventur indemnes, et transgressores puniantur. Indirecte autem et per accidens lex praebet ius, ut inde mulctae exigantur, sed post sententiam; nam ante illam neque fiscus, neque domini ad poenam ius ullum habent. Unde, licet fiscales non denunciando peccent contra iustitiam legalem, non autem peccant contra commutativam respectu ad mulctam; et ideo tantum tenentur resarcire damnum vectigalium, quae mercatores solvere debuissent ». — 4.<sup>o</sup> « Tenetur aliquando aliquis denuntiare, immo etiam accusare delinquentem, si hoc sit necessarium ad vitandum, seu resarciendum damnum propriae familiae, quae alias remaneret dehonolata, vel destituta alimentis ». L. 237. Id enim non tantum ex caritate sed ex pietate debetur. — 5.<sup>o</sup> Obligatio adest denuntiandi ex praecepto vel edictis Praelatorum et Superiorum. Non tantum Praelati ecclesiastici, verum etiam Principes saeculares sub variis poenis praecipere possunt, ut qui sciunt tale vel tale delictum illud statim manifestent. Et sic Pontificiae Constitutiones praecipiunt denuntiationem haeticorum, sollicitantium in confessione, sectariorum, etc. L. l. 7. n. 214.-217., Lugo D. 38. n. 17. seq. — Dicitur, *sine praemissa correctione fraterna*: « nempe nisi forte aliquis firmiter existimaret, quod statim per secretam admonitionem posset huiusmodi mala impedire ». S. Th. 2. 2. q. 33. a. 7., Sanchez Cons. Mor. l. 6. C. 2. Dub. 14.

65. *Quandonam quis non teneatur accusare, vel denuntiare?* — *Non tenetur*, posito etiam superioris praecepto, accusare vel denuntiare crimen: 1.<sup>o</sup> si delinquens emendatus est, sine periculo recidendi, et parti laesae est

satisfactum, nec periculum imminet aliis, nec crimen est notorium. Ratio, quia sine causa proximi infamia sequeretur. L. 239. 244. Lugo D. 38. n., S. Th. Quodl. 4. a. 12., Quodl. 11. a. 13. — 2.<sup>o</sup> Si crimen nostri sub secreto naturali, tamquam consultor, advocatus, medicus, etc., nisi tamen is qui secretum commisit innocentem, vel rempublicam injuste vexaret, nec velle, desistere. L. 239. 248., S. Th. 2. 2. q. 70. a. 1. ad 2., q. 68. a. 1. ad 3., Quodl. 1. a. 15. — 3.<sup>o</sup> Si inde imminet grave periculum honoris, vitae et rerum tuarum, nisi crimen redundet in damnum commune avertendum. Ratio quia neque caritas neque positivum praeceptum obligat cum tanto incommodo. L. 236. 239. 248. Cf. Lugo D. 14. n. 117., D. 38. n. 36., Sanchez Cons. Mor. 1. 6. C. 2. Dub. 22. n. 2. — 4.<sup>o</sup> Si etiam probare cogereris, nec posses. « Si autem non fuerit tale peccatum, quod in multitudinem redundet, vel etiam si sufficientem probationem adhibere non possit, non tenetur ad intendendam accusationem; quia ad hoc nullus tenetur quod non potest debito modo perficere ». S. Th. 2. 2. q. 68. a. 1. c., L. 239. — 5.<sup>o</sup> Si delictum sit omnino occultum, nec vergat ullo pacto in damnum commune, aut privatum alicuius, sed soli noceat delinquenti; laederetur enim eius ius ad famam. L. 248., S. Th. Quodl. 4. a. 12. — 6.<sup>o</sup> « Dicendum quod homo non debet ad accusationem procedere, nisi de re omnino sibi certa, in qua ignorantia facti locum non habeat ». S. Th. 2. 2. q. 68. a. 3. ad 1.

66. *Quandomum possit qui licite denunciare et accusare? et denuntiationem, vel accusationem omittere?* — Potest quis licite denunciare et accusare semper ac delictum aliquod publicum est, licet ratione sui neque Societati, neque alteri privatae personae damnum afferat, sed delinquenti tantum noceat. Ratio est, quia in tali casu nullum laeditur ius delinquentis ad propriam famam, et denuntiatio per se utilis semper est ad bonum commune ratione scandali, quod adest in ea delicti publicitate. — Ac, si « multorum scandalum oritur, iam peccatum non solum nocet illi, sed multis ». Quare potest tunc superior praecipere, ut peccatum illud manifestetur, et tunc iusto intercedente superioris praecepto non solum potest verum etiam debet quis crimen patefacere, et superiori obedire. S. Th. Quodl. 1. a. 12. — Potest etiam quis delictum occultum denunciare, si probabiliter praevideatur damnum delinquentem aliis allaturum. Et ideo licet furem denunciare, etiamsi eius delictum occultum sit. Item dicendum, si denuntiatio necessaria sit, ut recuperes rem tuam, licet iuri tuo cedere possis. — Tandem semper ac delinquentes sunt satis noti superiori, neque ex denuntiatione fructus ullus speretur, licite omitti potest denuntiatio. Ratio, quia nemo tenetur facere rem inutilem. Omitti item potest denuntiatio, quando delictum quidem est contra bonum commune, non tamen adeo graviter nocivum, ut obliget ad accusandum, quando tibi vel tuis illata fuit iniuria, quam non teneris prosequi. Lugo de Just. et Jur. D. 38 n. 5., Sanchez Cons. Mor. 1. 6 C. 2. D. 17. n. 2., S. Th. q. 3. de Virtut. a. 2. ad 7. — Nemo vero tenetur denunciare seipsum, cum nullo iure haec habeatur obligatio; nec sociis sui criminis, cum hoc esset idem ac seipsum denunciare. Verum, si quis legitime de crimine a iudice interrogetur, tenetur tam se quam socios denunciare. L. 254. 238.

67. « *Utrum si aliquis sciat peccatum proximi, peccet mortaliter referendo illud statim praefato suo?* » — Attendenda est lex caritatis, ut in casu particulari videatur, an praestet denuntiationem omittere, vel potius facere; immo, an, licet aliunde denuntiatio sit licita, eam tamen vetet caritas. Cf. S. Th. Quodl. 11. a. 13.

## VII. — DE TESTIBUS

68. *Quinam sint testes?* — Testes in genere sunt personae idoneae, quae ad fidem alicuius rei adstruendam adhibentur; praecipui, alii sunt testamentarii qui in testamento, alii instrumentarii qui in istrumento, alii in-



*diciales* qui in iudicio adhibentur. Testes dicuntur *contestes*, si concorditer deponant super eodem facto: *singulares*, si in testimonio non concordent, quia de diverso facto testantur. — Cf. S. Th. 2. 2. q. 70. a. 2. ad 2.

69. *Quaenam sit testandi obligatio?* — I. Nemo tenetur *ex iustitia commutativa* sponte se offerre ad testificandum: nisi sermo sit de illis, qui ex officio tenentur accusare. Ratio 1.<sup>a</sup> est, quia non quilibet civis contractum habet cum societate testificandi. Ratio 2.<sup>a</sup> est, quia isti ratione officii assumpti quasi-contractum ineunt cum societate.

69.<sup>bs</sup> *Resolves*: Testis, qui se abscondit, ne citetur a iudice, vel qui post citationem fugit, vel qui comparens veritatem tacendo occultat, iniquens: se eam nescire, cum reapse sciat: licet peccare possit, et graviter in re gravi, contra caritatem, iustitiam legalem et obedientiam, ut ex dicendis constabit, minime tamen peccat contra iustitiam commutativam, adeoque ad restitutionem minime tenetur. — L. 270., G. 30.

70. II. Potest quis teneri ad testificandum ex caritate, ex iustitia legali, ex obedientia. Ratio 1.<sup>a</sup> est, quia si agatur de *bono privati*, tenetur quis ex caritate erga proximum, gravem iniustitiam impedire, si possit quis testimonio suo innocentem facile liberare. Ratio 2.<sup>a</sup> est, quia si agatur de *bono communi*, cum quaelibet pars teneatur prospicere incolumitati totius, obligatio adest ex iustitia legali accusandi denuntiandi crimen reipublicae periculosum, si alia via damnum publicum impediri non potest. Porro *crimen reipublicae periculosum* est, quod *directe* et *immediate* est contra bonum commune, ut proditio civitatis etc. Ratio 3.<sup>a</sup> est, quia si adest Superioris seu iudicis praeceptum, tenetur quis obedire superiori *legitime* praecipienti, nisi ratio adsit sufficienter excusans. — G. 30., L. 264., S. Th. 2. 2. q. 70. a. 1.

71. *Resolves*: Testis legitime citatus tenetur coram iudicibus se sistere, iuramentum iure praescriptum emittere: integre veritatem et nihil praeter veritatem dicere, et deinde postulatis simpliciter iuxta conscientiam respondere. Ita omnes. G. 27. Quare testis falsum testimonium ferens, cum sit periturus, et contra iustitiam agens, et mentiens, peccat mortaliter. S. Th. 2. 2. q. 70. a. 4.

72. *Nota*: Nemo testis intelligitur, nisi eius facti, quod ipse *scit*. Quare ea solum proferre debet, quae ipse suis sensibus percipit, hoc est enim *scire*, L. 268., non quae ipse putat, credit, nec quae ab aliis accepit, nisi de his nominatim interrogetur. S. Th. 2. 2. q. 70. a. 4 ad 1.

73. *Quandonam iudex legitime non interroget?* — Iudex *legitime non interrogat*, ita ut quis veritatem manifestare non teneatur: 1.<sup>a</sup> quando iudex non est legitimus, ut per se patet, L. 273., S. Th. 2. 2. q. 70. a. 1. — 2.<sup>a</sup> Quando formam iudicalem non servat, uti si interroget sine praevia accusatione, saltem virtuali, etc. Ratio est, quia non aliam habet potestatem interrogandi, nisi secundum legis praescripta. Accusatio autem virtualis habetur quando adest notorietas criminis, aut talia criminis iudicia, ut probabiliter negari hand possit, L. 199, 273., S. Th. 2. 2. q. 70 a. 1. — 3.<sup>a</sup> Quando delictum reapse *non adfuit*: vel est *omnino occultum*, vel adhuc non adsit *semiplena probatio* delicti: neque ullum commune damnum imminet ex recitanda delicti. Ratio est, quia secus reum diffamaret, absque ullo iure: iudex enim in iudicio instruendo non nisi ex scientia publica delicti procedere potest, L. 199, 201, 273., S. Thom. 2. 2. q. 70, art. 1. Adest autem *semiplena probatio*, cum adest, ait S. Alphonsus 265., « unus testis de visu, vel auditu proprio, ut supra, vel si adest notorietas, aut infamia criminis, vel iudicia evidentialia, vel si accusator se offerat ad delictum pluribus testibus probandum (alias, etiamsi plures testes adsint de aliquo crimine, nemo eorum teneretur crimen revelare): omnia haec enim aequivalent semiplenae probationi, qua interveniente delictum non dicitur amplius secretum, ideo iudex tunc habet ius, ut testis veritatem manifestet... Ut testis autem teneatur tunc respondere, requiritur, ut infamia, vel semiplena

probatio, vel indicia, ut supra, sint iam probata, et a iudice testi manifestentur; nisi constet iudicem esse probum, et asserit se legitime interrogare ».

74. *Quoniam sint rationes sufficienter excusantes a testando, etsi iudex legitime interroget?* — Sunt sequentes: 1.<sup>o</sup> si scias rem ex confessione. — 2.<sup>o</sup> Si accepisti sub secreto naturali: ut consiliarius, advocatus, medicus, etc., modo tamen non sit necessarium ad *magnum* reipublicae vel proximi malum avertendum; tunc enim licet tale secretum detegere, etiamsi iurasses te nulli dicturum: quia tale iuramentum non obligat, cum iure naturae tenearis ad contrarium. S. Th. 2. 2. q. 68. a. 1. ad 3., q. 70. a. 1. ad 2. — 3.<sup>o</sup> Si ex testimonio tibi, vel tuis imminet notabile damnum: nisi tamen damnum publicum, vel privatum alienum praevaleat. Unde communiter non teneris testari contra consanguineum. — 4.<sup>o</sup> Si a viris non sat fide dignis accepisti: tunc enim potes te habere, ac si nihil scires. — 5.<sup>o</sup> Si factum intellexisti per iniuriam, verbi gratia aperiendo litteras, cogendo alium ad revelationem, etc. — 6.<sup>o</sup> Si alter in facto non peccaverit, vel propter ignorantiam, vel quia rem aliquam accepit in occultam compensationem debiti: ex quo, tamquam de fure, inquiratur. Ratio est, quia mens iudicis est inquirere de delicto. Idem valet pro reo. L. 248. 268. 273.

75. *An periturus ad damnum reparationem teneatur?* — Qui *sciens* falsum testatus est, per quod alteri fuit *efficax causa* damni, tenetur ad impeditiorem, vel reparationem omnium damnum, quae causantur. Item tenetur revocare cum pari suo damno, et periculo etiam vitae, si reus de ea periclitetur, et putetur revocando aliquid effecturus. Ita communiter. Ratio est, quia in damno aequali potius habenda est ratio innocentis. Dicitur: 1.<sup>o</sup> *sciens*: quia, si ex ignorantia, inadvertentia, aut oblivione inculpabili falsum est testatus, etsi teneatur impedire, si possit, non tamen ad restitutionem, etiamsi reus damnetur. Ratio est, quia neque tenetur ex re accepta, neque ex delicto. Idem dicendum foret probabilius, etiamsi venialiter peccasset. — 2.<sup>o</sup> *causa efficax*: quia, si a parte rei falsum illud testimonium nihil effecisset, v. g. quia per falsa testimonia aliorum iam tota causa damni erat data, ita ut iudex ex hoc testimonio nihil fuerit motus, ad nihil tenebitur. — G. 27. 28., L. 269.

76. *An testis teneatur revelare crimen omnino occultum, quod ipse solus novit?* — R. Affirmative communiter nunc respondent Theologi, quia leges modernae statuunt, vel unicum testem ad dammandum reum sufficere posse. Verum, si agatur vere de crimine *omnino occulto*, seu secreto, *per se loquendo*, et praescindendo ab aliis circumstantiis, negandum nobis videtur, quia iudex non potest in reum inquirere, nisi aliqua saltem infamia, vel publicus rumor, et alia iudicia praecesserint. Ergo a fortiori testis non tenetur, crimen *omnino occultum*, quod ipse solus novit, manifestare. Quod autem leges modernae unum tantum testem necessario exigant, nihil evincit: nam huiusmodi leges semper supponunt rem evulgatam, publicum rumorem diffusum, etc. Saepe etiam alias circumstantias supponunt, crimen societati noxium, periculum continuatum pro futuro, etc. Nimis clara hac in re est sententia Ang. Doct. 2. 2. q. 70. a. 1: « Si requiritur testimonium alicuius subditi auctoritate superioris,.... non est dubium quin teneatur testimonium ferre in his, in quibus secundum ordinem iuris testimonium ab eo accipitur: puta in manifestis, et in his de quibus infamia praecessit. Si autem exigitur ab eo testimonium in aliis, puta in occultis, et de quibus infamia non praecessit, non tenetur ad testificandum ». Cf. Ricaglia Tr. 15. q. 1. C. 1. Qu. III. R. III.

## VIII. — DE REIS

77. *Quinam sit reus?* — *Reus* in civilibus a re, quae petitur et debetur, in criminalibus, qui crimen admisit, appellatur.

78. *An teneatur reus suum crimen fateri?* — R. 1.<sup>o</sup> Iudex tenetur reo manifestare statum causae, et quae sint indicia, quomodo probetur delictum, etc., ut reo constet, an legitime interrogetur, quia non tenebitur respondere, alioqui, et seipsum honore, aliisve bonis, quae bona fide possidet, spoliare. L. 273., S. Th. 2. 2. q. 69. a. 2., Quodl. 5. a. 16. — 2.<sup>o</sup> Reus, si non interrogetur legitime, non tenetur fateri suum crimen, sed potest iudicem eludere vel ambiguis verbis, vel etiam negando, cum aliqua restrictione, et in bono sensu, ut mendacium absit. Ratio est, quia tunc iudex non habet ius interrogandi, aut obligationem imponendi reo. Secus vero *si legitime interrogetur*. L. 272., S. Th. 2. 2. q. 69. a. 1. Hinc ordinarie rei non tenentur in praesenti crimen suum manifestare, quia interrogationes fiunt ante iuridicam probationem. Praeterea iuxta modernos Codices nemo potest compelli ad ferendum testimonium contra seipsum in re criminis. — 3.<sup>o</sup> Nec tenetur si dubitet an iudex legitime interroget: quia non tenetur parere cum gravi suo damno, nisi constet, superiorem posse praecipere. Ratio, quia reus possidet suam vitam, et famam; unde in dubio habet ius eam servandi, usquedum constet de legitima interrogatione. L. 273.

79. *Nota:* Responsio illa: Non sum reus, mendacium non est: nam ex omnium consensu significat, reum nolle crimen fateri. L. 1. 3. n. 156.

80. *An teneatur reus fateri crimen legitime interroganti cum timore maguae poenae?* — R. Affirmative S. Th. 2. 2. q. 69. a. 1. ad 2., quam sententiam communiorum et probabiliorum dicit S. Alph. At satis probabilis sententia est, quae « negat teneri reum crimen suum revelare. ... Aliud est de causis, in quibus agitur de poena ecclesiastica, quae est *medicinalis* ». L. 274. l. 1. n. 156. Excipe etiam, modo grave damnum publicum ex silentio non immincat. L. 274. Ubi advertendum est, damnum reipublicae, si agatur de periculo mortis subeundae, intelligi debere non quaecumque, sed *maximum*. Ut enim ait Lugo, « lex humana non nisi rarissime et propter maximum reipublicae damnum potest obligare subditum cum periculo vitae: in praesenti autem est certissimum illud periculum ». — « Difficilior quaestio est, an reus interrogatus a iudice debeat crimen fateri. Et in processu accusatorio certe id non debet: in inquisitorio debet regulariter: dummodo delictum saltem semiplene probatum fuerit, et id sciat accusatus; et quae placuit sententia est, ex tabulis processualibus sciat. Dixi *regulariter*, i. e. his, crimen poenam atrocioram secum trahat, quae merito recepta, contra nonnullas, sententia est. Immo etsi non atrocior, sed gravis poena sit, puto leve esse non respondere, aut mentiri: nam neque naturali iure cogitur fateri (alias maxime in atrocioribus cogeretur), neque lege humana cogi potest seipsum probare, et velutensem adversario tradere, quo necetur ». D'Annib. 639.

81. *Nota:* « Regula autem, quod reus non tenetur fateri veritatem, occultam, iudici interroganti, sine semiplena probatione, ut docent Less. et Lugo, erit tantum in causis criminalibus, non in civilibus ». L. 1. 3. n. 888., S. Th. 2. 2. q. 69. a. 2., Quodl. 5. a. 16.

82. *An reus crimen fateri debeat post sententiam latam quod ante incastè negavit?* — R. Negative, quia, finito iudicio, finitur obligatio rei. Imo probabile est, nec ante sententiam ad id teneri, etiamsi adhuc sit in potestate iudicis, donec iterum interrogetur. Ratio, quia iustitia legalis non obligat, nisi tunc tantum cum iudex interrogat; nisi iudex tempus ad respondendum praescribat, nempe si praecipiat, ut reus infra mensem veritatem dicat, et mensis adhuc duret. L. 274.



83. *An graviter peccet, qui ad evitanda tormenta gravia mentiatur, falsum sibi crimen imponens, per quod sit morte plectendus?* — R. Probabiliter mortale non est. Ratio, quia nemo tenetur vitam servare cum tanto cruciatus, qui morte ipsa durior videatur. L. 274. 275.

84. *Nota: « Si ex illa falsi criminis confessione grave damnum aliis sequitur, v. g. bonum reip. aut fama religionis, vel familiae notabiliter laederetur, aut aliqui ideo in haeresim lapsuri essent, quaevis potius tormenta perferenda essent ».* Attamen, si ex illa criminis falsa confessione sequeretur dumtaxat infamia alterius, non teneretur post factum « se revocare ad reparandam alienam infamiam, se denuo exponendo ad sustinenda illa gravia tormenta, quia nemo tenetur famam restituere cum tam longe graviore suo damno ». L. 276. 275.

85. *An ad infirmandum testium fidem liceat, sive actori sive reo, detegere occulta eorum crimina? Et an peccet graviter, si falsa crimina eis imponat?* — R. ad 1.<sup>am</sup> q. 1.<sup>o</sup> Negative, si id inutile sit defensioni. Ratio, quia nonnisi ex iure defensionis id licere potest. 2.<sup>o</sup> Affirmative, si id *necessarium* et *utile* sit defensioni et *falsum* illi testentur. Ratio, quia ius propriae famae defendendae praevalet iuri alterius famae. 3.<sup>o</sup> Si id *necessarium* et *utile* quidem sit defensioni, sed *verum* illi testentur, alii affirmant, alii negant. Ratio affirmandi, quia unicuique ius est ostendere testes contra se agentes, minus idoneos esse. Nemo vero tenetur cum suo gravi damno famam proximi servare. S. Th. 2. 2. q. 73. a. 2. Ratio negandi, quia reus non uteretur iusta defensione, cum testis necesse habeat testimonium ferre, nisi sit voluntarius. Cf. Lug. D. 40. n. 23., Less. L. 2. D. 31. c. 1. Id licitum affirmat S. Alph. 272., « dummodo hoc sit absolute necessarium ad suae innocentiae defensionem: item dummodo alius reus non leve, sed grave damnum sit passurus, licet maius damnum eveniat accusatori, vel testi ». — R. ad 2.<sup>am</sup> q. Affirmative, idque constat ex prop. 44. damn. ab. Innoc. XI. Ratio est, quia talia mendacia dicere in iudicio est contra bonum commune, cum sit pervertere omnem iustitiae ordinem, et ideo illud quisque praeferre debet privato bono, etiam propriae vitae. L. ib., S. Th. 2. 2. q. 69. a. 2.

86. *An innocens inquisitus possit se defendere contra eos, qui volunt eum comprehendere?* — R. Huic quaestioni ita respondet Frassinetti, Comp. etc. 6.<sup>a</sup> ed. Nota 98. « Altro caso pratico viene accennato dal Gousset colle seguenti parole: « Se foste minacciato di una morte evidentemente ingiusta, o in tempi di anarchia, o sotto il regno della tirannide, potreste resistere, respingendo la forza colla forza, a coloro che volessero arrestarvi: eccetto che la vostra resistenza fosse motivo di scandalo o occasione di qualche grande turbolenza. Aliquis damnatur ad mortem dupliciter. Uno modo iuste: et sic non licet condemnato se defendere... Altro modo condemnatur aliquis iniuste: et tale iudicium simile est violentiae latronum. ... Et ideo sicut licet resistere latronibus, ita licet resistere in tali casu malis principibus, nisi forte propter scandalum vitandum, cum ex hoc aliqua gravis turba timeretur ». Così S. Tommaso 2. 2. q. 69. a. 4. e S. Alfonso de' Liguori. Vol. 1. n. 1953 ». — Haec D'Annib. 629: « Vi adhibita uti licet, quasi iusta defensione, quoties aut mandatum capiendi est iniustum, aut iniusta est sententia: seu formaliter sit iniusta, quod nemo dubitat: seu materialiter tantum, quod est verius: dummodo absit scandalum et periculum hallucinationis ». — Et S. Alph. 279. 281.: « Si reus est damnatus iniuste, non solum secundum rei veritatem, sed etiam secundum allegata, et probata, non potest quidem vim vi repellere, occidendo, vulnerando, etc. Proscripta enim fuit prop. 18. ab Alexandro VII., quae dicebat: « Licet interficere falsum accusatorem, falsos testes, ac etiam iudicem, a quo iniqua certe imminet sententia, si alia via non potest innocens damnum evitare... ». Ratio huius est, quia, cum facile rei sibi persuadere possint iniuste esse damnatos, si eis occidere permetteretur, quamplura homicidia cum communi damno acciderent; ideo, ratione periculi facilis hallucinationis, fuit praefata propositio iuste damnata. Potest tamen tunc reus

licite non solum fugere, sed positive resistere v. gr. satellites pellendo, vel eos etiam armis terrendo, ut e manibus eorum se eripiat. Ita S. Th. 2. 2. q. 69. a. 4. Modo ex hoc non oritur publicum scandalum, et perturbatio. E converso, si sententia est omnino iusta, quia vere crimen reus patravit et satis fuit probatum tunc non licet ei positive resistere, vim vi repellendo. Ratio, quia sententia cum sit iusta, reum ad obediendum obligat, ut ait S. Thom.... Si sententia fuit tantum materialiter iusta, nempe tantum iusta secundum allegata et probata, sed non secundum veritatem, quia revera damnatus erat innocens... sat probabiliter dicunt quod in hoc casu bene posset reus non solum fugere e carcere, verum etiam positive se defendere: quia praesumptio debet cedere veritati, et ipsa innocentia tunc ad defensionem ius praebet: modo ex ea non oritur publicum scandalum et perturbatio ».

87. *An reus, qui vere deliquit, possit a carcere fugere?* — 1.º Affirmative, si nondum reus ad poenam sit sententia damnatus, quia nemo ante sententiam tenetur solvere poenam. — 2.º Affirmative, etiamsi reus sit iam sententia damnatus ad mortem, aut aliam gravem poenam, modo illi carcer non sit assignatus ad poenam, sed ad custodiam. « Ratio, ait S. Alph. 280., quia sententia non damnat reum ad non fugiendum, sed tantum ad non resistendum ministris, cum sententiam exequantur ». — 3.º Si vero carcer sit iam per sententiam assignatus ad poenam, affirmant Busembaum alique; et sane reus non tam condemnatur, ut ibi *sponte maneat*, quam ut *detineatur*. D'Annib. 648. Communius vero negant reo licere a carcere etiam perpetuo fugere, quia in executione sententiae iustae tenetur utique reus obedire. Excipiunt tamen plures, si poena esset valde dura, quia videtur supra vires humanas aliquem obligari ad se non liberandum, cum possit, sine ulla vi et resistentia contra ministros iustitiae. L. 279.-282.

88. *Resolves:* « Regulariter reo licet fugere, etiamsi custos carceris gravem dampnum inde passurus sit: quia utitur suo iure, et nulli facit injuriam; nisi tamen caritas aliud suadeat, ob dampnum custodis praeponderans. Multo magis licet fugere, ne capiatur: vel etiam a ministro apprehendente se excutere; non tamen illi vim inferre, vulnerando, percutiendo, etc. Licet etiam, saltem in foro conscientiae, custodes decipere, tradendo v. g. cibum, et potum, ut sopiantur, vel procurando, ut absint: item vincula, et carceres effringere, quia, cum finis est licitus, etiam media sunt licita. Et licet alii captivi per effractum parietem simul elabantur, non tenebitur de damno: quia tantum est eius causa per accidens, cum iure suo utatur ». Ita Busemb. ap. S. Alph. 281.-282., D'Annib. 648.

89. « *Sed quae potest, utrum aliis licitum sit reo fugam suadere, utrum eam expedire, utrum ei instrumenta suppeditare, quibus ipse sibi illum expediat: exceptis custodibus, apparitoribus, etc.* — Et si hoc alteri permixtum futurum sit, ne suadere quidem licet: secus licet eam suadere, et consilio reum instruere quoties huic licitum est eam arripere: expedire omnino non licet: utrumque inter omnes convenit. Sed utrum liceat ei suppeditare quae necessaria sunt, ut ipse sibi eam expediat, non satis convenit: affirmatum sententia S. Alphonsi l. 4. n. 283. probabilis visa est. Lugens D. 49. n. 56. probabilior. Qui enim prohibeor alii dare, quo is licite utitur? Alas nec consiliis juvari posset ». D'Annib. 631.

90. *An reus iuste damnatus ad mortem teneatur fugere e carcere si possit?* — R. 1. sententia affirmat, quia alias videtur esse sui ipsius homicida. 2.º sententia longe verior et tenenda negat. Ratio, quia quamvis reus non possit facere actum immediate tendentem ad mortem, ut sua mutilare membra, e furca se deicere, venenum potare, etc., licent tamen ei actus medii, ut ascendere scalum furcae, extendere collum ad patibulum, et sic in carcere manere; maxime, si iustum finem habeat, ut crimini satisfaciatur, ut sua punitio aliis ad exemplum prosit. L. 281.

91. *An liceat appellare?* — Non licet quidem reo ad iudicem supremum appellare, si sciat sententiam esse iustam, et iuste processum esse (licet tamen supplicare); quia id esset iudici calumniam imponere. Imo iniuste appellans tenetur de damno. Si vero putet sententiam iniquam esse, aut iniuste processum esse, aut si diversae sint opiniones, aut novae adsint probationes, potest appellare. L. 285., S. Th. 2. 2. q. 69. a. 3.

92. *Nota:* Expedit ut confessarius ad confessionem sacramentalem reum non admittat, nisi postquam in foro profano res sunt liquidae: vix enim adigi poterit, ut omnia fateatur ob timorem, ne vel deferatur, vel cogatur eadem fateri iudici; ante tamen de contritione agendum est. L. 286.

93. *An reus in iudicio absolutus teneatur adhuc in conscientia non solum ad rem restituendam, verum etiam ad litis expensas compensandas?* — R. I. Negative quoad expensas tantum, si citra legitimum interrogationem taceat vel inficietur, et ideo absolvatur: quamvis tacendo contra caritatem, inficiendo contra veritatem peccet. Ratio, quia non absolvitur ex suo silentio vel negatione, sed ex defectu probationum. — 2°. Affirmative etiam quoad expensas, si legitime interrogatus taceat vel inficietur, et ideo absolvatur. Ratio quia medio utitur iniusto, ad quod nullum habet ius, ad sui defensionem. — 3°. Negative, si bona omnino fide agat, et index secundum allegata et probata sententiam pro ipso ferat. Non est enim causa theologice culpabilis illius damni. — Minime vero « excusabitur ab obligatione restituendi (rem), eo quod altera pars consenserit sententiae, nec appellaverit: nam totum hoc censetur involuntarium, nec praesumitur voluisse renunciare iuri suo in foro interiori. » Lugo D. 37. S. 15. n. 187.

## IX. — DE MEDICIS, CHIRURGIS, PHARMACOPOLIS

94. *De obligationib. medicor. chirurgor. et pharmacopolar.* — Medici et chirurgi tenentur 1°. sub gravi obligatione sufficientem habere scientiam; — 2°. diligentiam adhibere proportionatam gravitati rei, quae ipsorum curae committitur; — 3°. fidelitatem servare, ne arcana suae fidei commissa revelent, eisque abutantur; si autem in his deficiunt, tenentur de omnibus damnis, quae inde sequuntur; — 4°. operam suam gratuito praestare debent pauperibus, qui in necessitate versantur, ut supra n. 43. de advocatis dictum est; — 5°. in remediis adhibendis sequentes debent servare regulas: I. Ordinarie debent sequi opiniones medicorum securas et tutas. Ratio est periculum et damnum proximi. II. Quando certum aliquid est pharmacum, quod nimirum certo infirmis profuturum est, tenentur illud adhibere, omisso eo, de quo dubitatur, quia alias imprudenter proximum in periculo relinquerent. III. Si non sint certa pharmaca, debent adhibere probabiliora et tutiora; tum quia alioquin salutem proximi in discrimen adducerent; tum quia tenentur fungi officio, quantum possunt, cum minimo proximi periculo et damno. IV. Si probabile sit remedium fore profuturum, tunc potest, imo tenetur illud applicare, quando certius non habet. V. Si remedium est dubium profuturum, et certo non nociturum, omnino infirmo applicandum est. Ratio patet: spes enim aliqua affulget infirmum a morte eripiendi, nec ulum imminet periculum. VI. Quando desperatur de salute infirmi, et utrumque sit probabile, quod nempe remedium possit prodesse, et obesse, duplex est probabilis sententia. 1.º negat posse applicari, quia nunquam licet exponere infirmum periculo mortis, nec illam accelerandi. 2.º affirmat esse licitum, quia cum de infirmo desperatur, conformius est prudentiae, et voluntati infirmi (praesertim si ipse expresse in hoc consentiat) applicare illi remedium dubium, quam illud omittere cum certitudine mortis. Remedium tunc habet saltem effectum hunc bonum: nam mortem certam infirmi reddit iam dubiam. Ergo nequit dici malum. Haec autem habet Tamburini quoad



hanc quaestionem « Utraque sententia est probabilis, et ex affirmativa sequitur debere medicum adhibere, quia quandoquidem potest, et debet omni meliori via decumbenti consulere ». Expl. Decal. l. 1. Cap. 3. par. IV. n. 17. Dicitur: *quando desperatur de salute infirmi*, nam extra casum aegri desperati, non est praebendum, sed expectandum ut natura, Deo auxiliante, seipsam sublevet. Ita S. Antoninus, cuius haec sunt verba, p. 3. tit. 7 c. 2: « Si dubitat (medicus) de medicina, an debeat obesse aut prodesse, male facit dando, quia in dubio potius debet dimittere infirmum in manu Creatoris ». VII. Non licet applicare infirmo etiam desperato remedium, de quo ignoratur, an sit salutare, vel noxium ad experimentum faciendum. Ratio est, quia omnino illicitum est experimentum cum alienae vitae discrimine facere. L. 291 et l. 1 n. 46. G. 31. 34. — Pharmacopolae, si pauca excipias, peccant fere ut medici in casibus modo expositis, praesertim vero pharmaca vetusta adhibendo, inutilia vendendo, puellis gravidis ad foetum efficiendum media subministrando, mandata medici non fideliter exequendo, v. gr. unum medicamentum pro alio porrigendo, etc. L. ib. G. 32.

95. *An peccet graviter medicus, qui tempore pestis aegrotos deserit, ne lucrum contrahat?* — R. 1.<sup>o</sup> Negative per se loquendo, si medicus non sit a communitate constitutus, nec ab ea ullum stipendium accipiat; tunc enim *ex sola caritate* tenetur, quae sane cum gravi vitae discrimine non obligat. — 2.<sup>o</sup> Affirmative si medicus sit a communitate constitutus, et ab ea stipendium accipiat. Ratio est, quia tunc ex pacto inito, adeoque ex *iustitia*, tenetur communi periculo consulere.

96. *Ad quid specialiter teneatur medicus quoad animam aegrotantis, cuius curam suscepit?* — R. Medicus tenetur *per se* sub gravi infirmum admonere de gravi periculo, in quo versatur, et de necessitate Sacramenta recipiendi, ne decedat absque absolutione, Viatico et Extrema Unctione. Id constat ex naturali caritatis lege. Sufficit autem ut curet, eum admoneri a propinquis vel amicis, ita ut benevole Sacerdotem admittat, atque ad recipienda Sacramenta inducatur. — G. 33.

97. *Nota:* Praeceptum adest hac in re Innocentii III. contraria consuetudine saltem ex parte abrogatum. Cf. S. Alph. Prax. Conf. n. 57. aliaque loca ibid. citata. Ithur. Cas. 49. n. 8.-9.

98. *Resolves:* Hinc peccat graviter medicus, 1.<sup>o</sup> si absque sufficienti capacitate gravem morbum curare aggrediatur. — 2.<sup>o</sup> Si, incurrente gravi et insolito morbo, specialem operam non impendat. — 3.<sup>o</sup> Si medicamenta inexplorata, explorandi gratia, adhibeat. — 4.<sup>o</sup> Si non bene perspecta morbi natura, temere praescribat remedia periculosa, praesertim cum discrimine vitae vel gravis laesionis. — 5.<sup>o</sup> Si, agnito aegroti periculo, opportune non adsit, diu nequeque eum inviscendo, si opus sit, et omnia media apta ad morbum propellendum non adhibeat. — 6.<sup>o</sup> Si medicos alios advocari non permittat, ubi oportet, vel si alios consulendi causa convocans, ad amicitiam potius quam ad peritiam attendat. — 7.<sup>o</sup> Si e contrario sine necessitate alios medicos advocet cum expensis inutilibus aegroti, aut contra suam conscientiam eorum consilia adhaereat. — 8.<sup>o</sup> Si curationem protrahat lucri causa, visitationes inutiliter multiplicet, ubi pro singulis salarium exigitur: vel si pretium nimium exigit. — 9.<sup>o</sup> Si ad lavendum pharmacopolis amicis, pharmaca superflua praescribat. — 10.<sup>o</sup> Si abortum, aut media illud procurandi suadeat, aut ipsomet exequatur. — 11.<sup>o</sup> Tandem graviter, imo gravissime peccat medicus, si non praemonens de gravi periculo aegri, ut ipsi Sacramenta conferantur. — L. 291. et l. 3. n. 1-2. G. 31.

## X. — DE CUSTODIBUS, MERCATORIBUS, ARTIFICIBUS

99. *De obligationibus custodum, mercatorum et artificum.* — 1.<sup>a</sup> Custodes ii sunt, qui custodiae sylvarum, agrorum, etc., a Principe, vel a domino privato praeficiuntur. — Mercatores ii omnes sunt, qui mercaturam emendo et vendendo exercent. — Artifices vero ii omnes sunt, qui alicui arti mechanicae ex adcepto stipendio operam dant. — 2.<sup>a</sup> Custodes praeter peccatum quod negligenter custodiendo committunt contra religionem, si iuramentum praestiterint, peccant etiam contra iustitiam commutativam erga damnificatos, et in damnificantium defectu tenentur de damnis, culpabiliter non impeditis. Probabiliter vero tenentur tantum ratione *damni*, non vero *modestae* L. 237., H. a. 73. — 3.<sup>a</sup> Mercatores iniusti sunt merces emendo et vendendo iniusto pretio, occultos rerum defectus non manifestando, res novas et veteres simul admiscendo, eodemque pretio utrasque vendendo, contractuum condiciones non servando, etc., quibus in casibus ad restitutionem tenentur iuxta dicta in 7.<sup>a</sup> Dec. praec. — 4.<sup>a</sup> Artifices iniusti sunt iniusto pretio operas locando, operum defectus non manifestando, negligentia culpabili tempus terendo, alios operarios a labore avertendo, contractuum condiciones non servando, etc., quibus in casibus et ipsi ad restitutionem tenentur iuxta dicta in 7.<sup>a</sup> Dec. praec. — G. 35.-37.

## DE PARTICULARIBUS CLERICORUM OBLIGATIONIBUS

## I. — DE POSITIVIS CLERICORUM OBLIGATIONIBUS

1. *Quid de vitae sanctitate clericorum?* — Clericorum vita *interna* sanctitate et *externa* aedificatione pollere debet, non solum *negative* quoad immunitatem a peccato, sed etiam *positive* quoad virtutum exercitium. Id constat: 1.<sup>o</sup> ex SS., ex CC., ex PP. Cf. Conc. Trid. S. 22. C. 1. de R.; 2. ex ipsa excellentia status et officio, quod profitentur. Utrum autem status clericalis stricte sumptus, quatenus nempe a statu Religiosorum et Episcoporum distinguitur, sit necne status perfectionis, controversitur apud doctores. Cf. Suaresium de Relig. T. 3. l. 1. c. 17. n. 2.-4., G. 38., S. Th. 2. 2. q. 184. a. 8., Suppl. q. 35. a. 4.

2. *Nota:* Ut hanc in clericis interiorem vitae sanctitatem et exteriorem aedificationem promoverent, Summi Pontifices quam maxime spiritualia exercitia commendarunt.

3. *An Clerici ad caelibatum servandum teneantur?* — In *Ecclesia Latina* omnes Clerici, ab Episcopatu ad Subdiaconatum inclusive, tenentur sub gravissimo praeepto servare perpetuam continentiam, ita ut nec *licite* uti possint matrimonio contracto ante sacram ordinationem, nec *licite*, nec *valide* postea illud contrahere. Id constat ex pluribus Iuris Canonici capitulis, signanter C. 1. Dist. 28. et C. unic. de *Foto* in 6.<sup>o</sup> Conc. Trid. S. 24. can. 9. Dicitur in *Ecclesia Latina*. Datur enim aliqua exceptio ex tolerantia Ecclesiae apud Orientales. In Orientali enim Ecclesia Sacerdotes quidem nunquam matrimonium inire possunt post ordinationem sacerdotalem, vel etiam post diaconatum; sed coniugati ante diaconatum possunt ad Ordines superiores

provehī. et nihilominus cum uxoribus conversari. Exciipiuntur Episcopi, qui omnes perfectam castitatem constanter servare debent. Apud Graecos autem subdiaconatus inter sacros Ordines non adnumeratur. Hinc Clericis non conjugatis in ordinatione diaconatus praeceptum castitatis imponitur. L. 1. 6. n. 806., G. 39. 42.

4. *An obligatio caelibatus sit de iure divino?* — R. Negative: si enim haec lex esset de iure divino, non variaret circa illam Latina a Graeca Ecclesia; siquidem ius divinum non variat pro diversitate locorum. Est ergo de ordinatione Ecclesiae. Potest igitur Ecclesia ab illa obligatione dispensare. G. 40. Utrum autem illa obligatio sit immediate ab Ecclesiae praecepto, vel immediate a voto, de praecepto Ecclesiae emittendo, Tridentinum utrumque refert, sed non definit. Sunt porro, qui docent, quod ordinati in sacris non ex voto, sed ex sola Ecclesiae ordinatione ad castitatem tenentur, tum quia nulla fit voti mentio; tum quia ad hoc praeceptum Ecclesiae satis est. Verum probabilius et communius alii hanc obligationem, cum S. Th. 2. 2. q. 88. a. 11., repetunt immediate ex voto, quod in ipso facto ordinationis emittitur iuxta Ecclesiae mentem, idque expresse habetur in iure. C. Cum olim, de Cler. coni., Bened. XIV. C. Inter praeteritos 3. Dec. 1749. § 41. Et hoc votum Bonifacius VIII. solenne esse declaravit. C. un. de Voto et vot. redempt. in 6.<sup>o</sup>. Scav. q. 3., L. 1. 6. n. 807. 808., G. B. 41.

5. *Quid, si quis promoveretur ad Ordines sacros, vel invincibiliter ignorans castitatis obligationem iisdem adnexam; vel expresse nolens obligationem ipsam vocare; vel si esset ex metu gravi ad id compulsus; vel si esset in ipsa infantili aetate ordinatus?* — R. ad 1.<sup>um</sup> Alii probabiliter dicunt, teneri ad castit.; alii « probabiliter censent, quod si ignorantia omnino fuisset invincibilis, ordinatus non teneretur ad castitatem, neque ex voto, neque ex praecepto Ecclesiae, quia Ecclesia non intenderet talem obligare; secus vero, si ignorantia fuisset culpabilis; vel si quis ordinem intenderet suscipere cum eadem obligatione, qua alii suscipiunt ». — Ad 2.<sup>um</sup> « In tali casu si teneretur ad castitatem non ex voto, sed ex praecepto Ecclesiae, quae ex religionis motivo eum ad castitatem, deficiente voto, adstringeret ». — Ad 3.<sup>um</sup> cum dist. 1.<sup>o</sup> si intentionem non habuit sacram ord. recipiendi, non tenetur, utpote invalide ordinatus; 2.<sup>o</sup> si animum habuit se ordinandi, et metus fuerit iustus, probabiliter tenetur, quia cum sit irrationabiliter invitus, talis metus non eximit a lege, nec irritat votum; 3.<sup>o</sup> si item animum habuit se ordinandi, sed metus fuit iniustus, probabiliter non tenetur, ob oppositam rationem. Quare valide potest matrimonium contrahere, « non potest tamen in Ordine ministrare, constante matrimonio, neque privilegiis clericalibus gaudere ». — Ad 4.<sup>um</sup> « Certum est, quod ille qui est ordinatus ante usum rationis, quamvis valida sit ordinatio, non tenetur tamen ad castitatem; unde valide ac licite potest inire matrimonium ». Benedictus XIV. in Bulla *Pro quamvis tempore* 4. Mai. 1745. praecipit, ut aetatis anno 16. detur eis optio; et si voluerint castitatem servare, admittantur ad exercitium Ordinis; secus si noluerint; et subdit quod ipsi post ratihabitionem invalide contrahunt matrimonium, et tenentur ad officium divinum. Si vero ordinatus sit post usum rationis sed ante pubertatem, alii probabiliter dicunt teneri, alii non improbabiler id negant. Ratio, quia tale votum, ex quo probabiliter provenit ea obligatio, « hominem constituit in statu irretractabili, in quo Pontifex nunquam aut raro dispensat, unde tale votum maturum et perfectum usum rationis colligit ». L. 1. 6. n. 80. 781. 809.-811., S. Th. Suppl. q. 39. a. 2. Cf. Acta S. Sed. V. 2. p. 450.

6. *Quid de tonsura et habitu?* — Clerici obligantur ad ferendam tonsuram et vestem clericalem. Constat ex variis locis Iur. Can. praesertim Conc. Tr. S. 14. C. 6. de R. G. 45., L. 1. 6. n. 825., S. Th. 4. D. 24. q. 3. a. 1. q. 1.



7. *An peccent graviter Clerici non deferentes extra propriam domum habitum vel tonsuram?* — R. ad 1.<sup>am</sup> Clerici illi sunt vel simpliciter Clerici, vel beneficiati, aut in sacris constituti. Si 1.<sup>am</sup> communis docent, *per se loquendo*, non peccare, neque venialiter, cum ex iure communi haec gravis obligatio Clericis in sacris, ac beneficiatis tantum, sit imposita. Dicitur *per se loquendo*: attendendae enim sunt particulares locorum leges, et consuetudines. — Si 2.<sup>am</sup>, certum est eos peccare mortaliter: nisi adsit *iusta causa creans*, vel *parvas materiae*: graves enim poenae in iure Can. ipsis imponentur. Quantum autem temporis spatium requiratur ad peccatum mortale, non in genere, sed ex solis circumstantiis potest determinari. Admittunt communiter, esse veniale semel tantum aut iterum habitum relinquere. D'Annibale, 451., citans La Croix l. 1. n. 672., extendit *breve tempus* ad quinque sexse dies. Admittunt tamen etiam communiter peccare graviter Clericos, si vel ad breve tempus habitum clericalem dimittant, aut occultent ad malum finem. G. 45. 46. 47.; L. 1. 6. n. 825. 827., Bened. XIV. De Syn. l. 11. c. 8.; Ferraris v. *Clericus*: Scav. q. 3. — Ad 2.<sup>am</sup>, 1.<sup>o</sup> Clerici qui non sunt in sacris constituti, nunquam graviter peccant, nisi sint beneficiati. Ita communissime. — 2.<sup>o</sup> Etiam clerici, in sacris initiati, saltem non peccant graviter, nisi omittant deferre tonsuram sine gravi causa excusante, et per tempus notabile, quale hac in re non est tempus unius vel alterius mensis. An vero sit grave tonsuram non deferre per annum integrum, non liquet. Communius affirmant Theologi: sed non clare probatur. G. 48., L. 1. 6. n. 820., D'Annib. 451., « sed utrum, ait, letale sit corona carere diu, difficile est definire. V. Croix, V. 1372. Sententia affirmantium est forte communior: at nostri heic facile coronam cum tonsura permiscent ».

8. *Quid proprie sit tonsura et habitus clericalis?* — 1.<sup>o</sup> *Tonsura*, a clericis deferenda, prout distinguitur a *corona*, est prohibitio clericis facta comam laxandi, ex CC. 4. 5. *de Vit. et honest. Cler.*, quod grave est, nisi coma sit moderata, ex cit. C. 4., S. Alph. l. 6. n. 826., aut aliud ferat mos regionis. Neque vero uti possunt coma adscititi a iniussu Episcopi, S. C. C. 9. Dec. 1690., Bened. XIV. De Syn. dioec. l. 11. c. 4. n. 4., nisi aliud obtineat consuetudo. *Corona* ampliôr vel angustior esse debet pro Ordine ac dignitate. C. 15. *de Vit. et honest. Cleric.* « At profecto coronam non deferre, vel habitum talarum, vel tonsuram post monitionem Ordinarii letali non vacat, nisi parvas materiae excuset ». Ios. D'Annib. l. c., L. 1. 6. n. 826. Cf. *Clem.* 2. et Trid. II. cc., CC. 4. 5. 15. *de Vit. et honest. Cler.* — 2.<sup>o</sup> *Habitus clericalis* est vestis talaris, aliaque, iudicio Episcopi, Ordini congruentia: Conc. Tr. S. 14. de R. c. 6., S. 24. de R. c. 12. in fi., S. 22. de R. c. 1., ideo varia sunt pro variis locis. Vestis *talaris* dicitur, quae nimirum defluat usque ad talos, vel saltem ad genu: quod ex epicheia quadam et quorundam locorum consuetudine in oppidis et pagis receptum est: et in ipsis quoque civitatibus extra Missae celebrationem permittitur. Benedictus XIV. Notif. 71. n. 9.

9. *Nota*: Cum plura praesertim quoad exteriorem Clericorum cultum a iure communi minime in particulari determinentur: sed varia sint pro variis regionibus, standum est Statutis uniuscuiusque dioecesis, quae clericorum confessarius ignorare omnino non debet.

10. *Quinam obligentur ad recitationem horarum canonicarum?* — Obligantur ad horas canonicas quotidie recitandas: 1.<sup>o</sup> *Clerici* omnes in *sacris constituti*, etiam suspensi et excommunicati. Constat ex variis locis Iuris Can., ex Conc. Later. a. 1215., ex B. S. Pii V. *Quod a Nobis*. — 2.<sup>o</sup> *Beneficiati* omnes, qui habent ius in re et plenum dominium beneficii. Eruiat ex Conc. Later. sub Leone X., necnon ex B. S. Pii V. *Ex proximo*. — 3.<sup>o</sup> *Religiosi* omnes utriusque sexus in Ordine ab Ecclesia approbato *professi*, et ad Chorum destinati. Liquet ex consuetudine, necnon ex Decreto

Gregorii X., etc. G. 50, 146., L. 140. seq. — S. Th. 4. Dist. 15. q. 4. a. 1. q. 3.

11. *Resolves*: 1.<sup>o</sup> Qui in *minoribus ordinibus* sunt constituti non tenentur ad horas, vel ad aliam determinatam orationem. Clericus incipit obligari *ab hora* subdiaconatus suscepti: et quidem ad horas respondentes horae, qua ordinatur. — Quare ordinatus meridie incipere debet *a sexta*, neque potest incipere *a vespere*. An autem subdiaconus, qui recitaverit partem illam ante ordinationem, suae obligationi satisfecerit, alii negant: alii vero *probabiliter* affirmant. Ratio quia bene potest debitum illud anticipare solvi, quod certe moraliter est contrahendum. L. 140. — 2.<sup>o</sup> Ad *beneficiatos* quod attinet, obligatio incipit *a die* initae possessionis beneficii, adeoque *ex matutino* incipere debent. Non tenentur ante acceptam possessionem, nec si sine sua culpa fructus nullos percipiant, nec percepturi sint: quia non habent beneficium secundum omnem effectum. Hoc certum est. Probabile autem est, eum, qui non residet ex legitima licentia, vel dispensatione, ideoque fructus non recipit, non teneri ad horas: quia obligatio haec est propter sustentationem datam. E contrario tenetur is, qui etsi non recipiat omnes suos fructus, recipit tamen tantam partem, quae ad sustentationem sufficiat. Nec excusatur, si in sacris non sit constitutus, eo quod sibi propositum sit non percipere fructus beneficii: quia non propter privatorum commoda, sed ad divinum cultum beneficia sunt instituta. Cf. Trid. S. 21. C. 6. de R. Lugo Resp. Mer. l. 5. D. 6. 2. Viva in Alex. VII. pr. 21. § ult. L. 144. et l. 3. n. 664. — 3.<sup>o</sup> Ad religiosos quod spectat obligatio incipit *ab hora* editae professionis, *ab hora diei*, non *chori*. Non tenentur ad horas *Novitii, conversi, religiosi* Societatis Jesu, militantes, hospitalarii, et caeteri *choro non destinati*. L. 141.

12. *An qui per metum iniuste incussum Ordinem sacrum suscepit, teneatur Officium recitare?* — Probabilius negant. Ratio, quia licet metus non tollat voluntarium; Ecclesia tamen rationabiliter non censetur velle obligare ad onus Officii, nisi eos, qui omnino sponte Ordinem suscipiunt. Et ideo tales per metum gravem ordinati nec etiam ad castitatem tenentur. In foro tamen externo ad utrumque tenentur, donec de metu apud S. C. C. constiterit. L. 144. A. S. S. V. l. p. 330., V. 2. p. 443., V. 6. p. 85.

13. *An religiosi, qui iusta de causa choro non interveniunt, teneantur sub gravi Officium privatim recitare?* — R. Affirmative. Ratio est, quia principalis obligatio pro Religioso non cadit in chorum, sed in recitationem Officii ratione Religionis, quae onus illud ex suo instituto suscepit. Haec obligatio constat ex universali consuetudine Religiosorum, qui cum choro interesse non possunt, se credunt sub gravi obligatos ad Officium privatim recitandum. Consuetudo autem universalis, quae cum magno incommodo a Religiosis et Monialibus constanter observata fuit, argumentum sufficiens praebet de gravi obligatione suscepta. Unde non est probabilis opinio aliquorum, qui dicunt obligationem Officii non urgere Religiosum extra chorum. G. 54., Bouix de Iure Reg. T. 2. p. 619., L. 142.

14. *An peccet graviter Religiosus, qui Officium recitat privatim, dum iuxta choro interesse possit?* — R. Negative. Obligatio enim chori, licet sit gravis pro Communitate, levis tamen habetur pro singulis privatis, modo prorsus choro non tollatur. Ad chorum autem sufficiunt quatuor expediti, seu velati et liberi ad chorum sustinendum. Si vero Religiosi sint pauciores, nullatenus obligantur ad Officium in choro recitandum: sed a recitatione privata non eximentur, ut modo dictum est. G. 55., L. 143. Dicitur ad chorum sufficere quatuor *expediti*, « nam si sint infirmi, vel legitime occupati, nec etiam si quatuor sint, ad chorum obligantur. Probabiliter autem putant Viva etc. sufficere ad satisfaciendum choro, ut soli novitii intersint, quia ipsi in favorabilibus reputantur ut religiosi », L. 143. « Ab obli-

gatione autem levi choro interveniendi causa mediocris excusare poterit ». G. Cas. 126.

15. *Nota*: 1.<sup>o</sup> Quod graviter peccent praelati, qui ex negligentia permittunt, ut omittatur recitari pars notabilis in choro. — 2.<sup>o</sup> Quod in choro non teneantur omissa supplere ii, qui, dum alii cantant, parant aut transferunt libros, perquirunt psalmos, pulsant organa aut campanas, vel alia choro necessaria peragunt; eo quod, dum aliquis occupatur in rebus ad officii celebritatem pertinentibus, totus chorus pro eo supplet. G. 55., L. 143. Cf. La-Croix, l. 4. n. 1294. seqq., L. 156.

16. *Quid speciatim notandum est quoad recitationem in choro vel cum socio?* — Qui officium recitat in choro vel cum socio, debet integra recitare ea, quae secreta dicuntur; alternis non ternis vicibus hymnos, psalmos, versiculos; at sufficit audire, dum alius ea legit, antiphonas, responsoria breviter et lectiones. Porro quoad ea, quae socius recitat vel legit, ut tu satisfacere possis, necesse est, ut et is omnia proferat rite, ac recte, tuque haec aure accipias; licet socius non sit obligatus ad divinum Officium recitandum, immo licet *distractus sit*: quia haec non impediunt, quominus tu recites iuxta morem Ecclesiae, et cum eo communices: quamvis iuse si sit obligatus, et non attendat, non satisfaciatur, non communicando tecum. Nihilominus, quia omnes recitantes unum veluti corpus constituunt, et quia ea, quae invicem recitant vel legunt, communicantur, si per te non stet quominus aure percipias ea quae altera pars chori vel socius recitat, probabile est, dummodo attendas quantum potes, te satisfacere: surdastrum quoque, et in confuso audientem; v. g. quia fit strepitus, quia socius submissa voce recitat, propter ineptitudinem legentis. *Surdastrum*: An et *surdum*? Si recites cum socio, quia non cogis eo uti, DD. communiter negant: sin in choro, adhuc negant Pal., Sanch., Elbel, S. Alph. Affirmant Suar., Sa. Bonac., Salmant., etc.; nec immerito, nam oportet chori obligationes et iura aequa lance metiri. C. 1. *De Celebr. Miss.* D'Annib. 456., G. 8., La-Croix, 1295., L. 162. 163.

17. *Nota*: 1.<sup>o</sup> « Communis est sententia bene satisfacere, qui audit a socio lectiones, responsoria, capitula, et orationes, ac antiphonas. Et probabiliter adhuc satisfaciunt is, qui solus dicit psalmos, et lectiones audit; vel qui partem psalmorum dicit solus, et partem cum socio, quia satis communicat in ea parte quam audit, et cui ex recepto usu iam satisfiit per auditum ». L. 162. — 2.<sup>o</sup> « Certum autem est, quod non oportet in choro audire omnes, sed sufficit unum audire, et sufficit audire in confuso saltem partem alterius chori, licet distincte nequeas audire » L. 163. Satisfaciunt *Choro*, qui submisso recitat Psalmos, alteram partem audiendo, cum una pars unum corpus cum altera constituat et invicem communicent; neque necesse sit, ut recitantes in uno Choro audiant omnes recitantes in altero. Quoad Canonicos Cf. n. 136. L. 163.

18. *An ad Officium teneantur religiosi ex licentia degentes extra claustra, religiosi profugi, per sententiam civetis, et ad trivemes damnati?* — R. ad 1.<sup>um</sup> Affirmat S. Alph. cum aliis, addens: « sicut etiam in carcere detenti ». Negat vero Busembaum cum aliis de religioso « qui dispensationem obtinuit perpetuo vivendi extra monasterium, quia etsi maneat religiosus, non tamen regularis ». L. 141. 142. — Ad 2.<sup>um</sup> Negat Bon. et probabile putat Tamb., sed melius Less. et Conc. docent teneri. Ratio, quia, sicut ipsi non amittunt statum religiosum, ita ab illius oneribus non eximuntur. L. 142. Idemque dicendum de excommunicatis, etiam vitandis. — Ad 3.<sup>um</sup> « Non improbabiler negant cum Busemb., etc., cum Soto et Layman, qui hanc tutam vocat sententiam. Ratio, quia in eis iam extincta est essentia status religiosi, cum non amplius teneantur ad vota, ut supponit Sanch. tamquam certum: nec sit in potestate eorum ad religionem redire ». L. 142. Verum Sanch. De Matr. l. 8. D. 8. n. 11. loquitur de professo *dispensato* ad nuptias.



Quoad *cicetum*, aliam affert rationem. « quia cum iam sit iuste extra monasterium, ac monasticam vitam, ab eius oneribus eximitur ». — Ad 4.<sup>m</sup> « Communius negat Cabass., qui tamen ait teneri clericos constitutos in sacris, sed de utrisque negant Spor. Less. etc. Ratio, quia talis recitatio videretur cedere in dedecus ordinis religiosi ». L. 142., D'Ann. 458.

19. *Quanta sit divini Officii obligatio?* — Obligatio divini officii tanta est, ut peccet graviter quisquis habens hoc onus, horas, vel notabilem earum partem omittit. Ita communiter omnes. Ratio est, quia violat praeceptum in re gravi, pertinente ad virtutem religionis. L. 146 et l. 3. n. 663., G. 50.

20. *Nota:* 1.<sup>o</sup> « Illa universe censetur parva materia, quae non pertingit ad quantitatem unius integræ horæ ». Ita communissime. — 2.<sup>o</sup> « Qui totum omittit officium verius dicendum unum tantum peccatum committere, quia totum Officium unius diei cadit sub uno praecepto ». — L. 143. 147. 148., G. 51. 52.

21. *An sit grave omittere vespas in Sabbato Sancto?* — R. Negative. Ratio est, quia materia levis est, tum in se, tum respectu totius Officii. G. 52.

22. *An Moniales, quæ Officium B. Virginis tantum recitant, ad illud sub gravi adstringantur?* — R. « In Ordinibus, in quibus recitatur tantum Officium B. M. V., hæc recitatio non obligat sub gravi, licet vota solemnia in istis Ordinibus emittantur. v. gr., in Ordine Monialium a Visitatione dictarum, ut pluries decisum fuit. Insuper in Communitatibus, quibus præter Officium diei recitandum est etiam Officium Beatae Virginis aut Defunctorum, aut septem Psalmi poenitentiales, obligatio non afficit privatim recitantes Officium extra chorum: imo nec recitantes in ipso choro, saltem communiter ». G. 146. Cf. hic n. 35.

23. *An beneficiati divinum Officium omittentes, ad restitutionem teneantur?* — « Tanta est obligatio, ut inducat ei onus restitutionis fructuum, pro rata omissionis Officii, qui titulo beneficii ad horas tenetur, si elapsis pie mensibus post adeptam possessionem culpabiliter Officium non recitaverit. Patet ex Conc. Later. sub Leone X. Sed quia dubium fuit, utrum hoc Conc. esset receptum, Pius V. Bullam edidit, quæ est apud Navarr. C. 25., qua hoc decretum confirmat, ac declarat sic, ut qui uno die totum Officium omiserit, teneatur restituere omnes fructus illi diei respondentes: v. gr., qui accipit annue 365. florenos, teneatur pro uno die restituere unum florenum; qui autem omiserit Matutinum tantum, mediam partem fructuum unius diei: qui reliquas horas, etiam mediam partem: qui vero unam ex illis, sextam partem: eaque restitutio facienda est vel fabricæ, vel pauperibus ». L. 151. et l. 3. n. 663. 666. 672.

24. *Nota:* 1.<sup>o</sup> Non obligantur ad restitutionem qui ex naturali obligatione, justo impedimento, bona fide, invincibili ignorantia, aut aliter absque culpa omiserunt. Ratio est, quia in conscientia non debetur poena, ubi non est culpa. L. 151. et l. 3. n. 665. — 2.<sup>o</sup> « Posse aliquando beneficiatum excusari a restitutione ob horas neglectas, titulo pecuniæ expensæ; intellige *post omissionem* horarum: nam, si ante omissionem, non excusatur, cum damnata sit pr. 33. ab Alex. VII. . . . etsi non isto intuitu in pauperes vel alios usus pios. . . Et probabile est iuxta sententiam, quam tenent Sanch. », etc. L. 153. et l. 3. n. 700., La-Croix, l. 4. n. 1215. — 3.<sup>o</sup> *Pauperum* appellatione ipse quoque beneficiarius continetur; dummodo vere egeat, nec Officium in fraudem omiserit, nempe ut fructus sibi, quasi pauperi, adscriberet. Item *in causas pias* erogare intelligitur etiam quicquid impenditur prædiis beneficii reparandis vel augendis. Suarez De Relig. T. 2. l. 4. C. 30. n. 18. 19., L. l. 3. n. 672.

25. *Quot peccata committat qui tenetur ad recitationem Officii titulo beneficii illud omittendo?* — 1.<sup>o</sup> Si illud omittens nolit restituere fructus, peccat tum contra religionem, tum contra iustitiam. Ratio 1.<sup>a</sup> est, quia Ecclesia obligat ad

horas recitandas ex motivo religionis. Ratio 2.<sup>a</sup> est, quia ex Conc. Lateran. qui Officium non dicit, fructus suos non facit. — 2.<sup>a</sup> Si illud omittens animam habeat restituendi fructus beneficii, non peccat qui tem. contra iustitiam, sed peccat contra religionem. Ratio 1.<sup>a</sup> est quia Ecclesia beneficium confert sub obligatione iustitiae, ut fructus non *faciat suos*, si non recitet, minime vero sub obligatione etiam iustitiae, ut recitet: quare obligatio Officii non oritur immediate ex beneficio accepto, sed ex praecepto Ecclesiae, ratione beneficii imposito, ex motivo religionis. Ratio 2.<sup>a</sup> est, quia, ut constat ex modo dictis, duo sunt gravia praecepta: 1.<sup>um</sup>, quo obligantur beneficiati ad Officium, hic enim fuit finis Ecclesiae in institutione beneficiorum; 2.<sup>um</sup>, quo omittens Officium, fructus restituat. L. 145. et l. 3. n. 663.

26. *An beneficiarius omittens Officium die uno possit supplere de alio?* — 1.<sup>a</sup> A peccato mortali non excusatur, ut omnes docent, et constat ex cit. B. S. Pii V. — 2.<sup>a</sup> Quoad restitutionem fructuum, 1.<sup>a</sup> sententia, quam probabilem vocat Bonae, affirmat. Ratio, quia in tali casu iste iam rependit aequale, prout si capellanus omittat Missam uno die, bene potest altero supplere, 2.<sup>a</sup> sententia communissima negat. Ratio, quia S. Pius V. sancivit, non facere fructus suos, qui horas canonicas uno vel pluribus diebus *intermiserit*. Ubi notandum non dixisse Pontificem *omiserit*, sed *intermiserit*, quo verbo satis significavit, non lucrari fructus, qui uno die Officium intermittit, etiamsi die altero suppleat: quia, licet is dici possit horas non omississe, nequit vero dici quod non intermiserit. L. 1. 3. n. 667., S. Thom. Quodl. 3. a. 29.

27. *An omittens partem minorem quam integrae horae teneatur ad restitutionem?* — « Si partes omissae materiam gravem non constituent, commune est, nullam deberi restitutionem, ne sub veniali quidem, etiamsi fructus illi parti respondentes ad magnam quantitatem pertingerent ». L. 1. 3. n. 668.

28. *An beneficiarius, Officium omittens, restituere debeat omnes fructus?* — R. Sauch. Sot., etc. probabiliter dicunt, ex benigna interpretatione ipsos non teneri omnes fructus restituere, sed tantum eos, qui respondent ad onus Officii omissi. Ratio, tum quia Bulla S. Pii sic recepta est, et sic explicata usu, utpote conformiori aequitati naturali: tum quia durum videtur eodem modo obligari Episcopos, parochos et capellanos, qui ferunt alia opera, ac simplices beneficiarios: quia isti omnes recipiunt fructus non solum pro officio, sed pro aliis etiam oneribus. L. 1. 3. n. 673.

29. *An teneatur Officium divinum iterum recitare qui dubitat, an illud dixerit.* — R. Si dubium sit *positivum*, h. e. si ratio aliqua vel probabilis coniectura adsit, quod recitaverit, licet ratio etiam non desit pro opposito, non tenetur: nam probabiliter satisfecit, et stante probabilitate satisfactionis legis, lex non obligat iuxta probabilismi doctrinam. Et ita sentit La-Croix l. 4. n. 1235., et citat pro eadem sent. Laym., Sanchez, et Illung; ita etiam Busmb. ap. eundem La-Croix n. 1237., et S. Alph. l. 4. n. 150., qui hanc opinionem tanquam communissimam tradidit, plures pro ea citans theologos: sed postea ab hac discessit sententia. Idem tenet P. Gury 53. — Si dubium sit *negativum*, h. e. si nulla adsit ratio vel probabilis coniectura, tunc tenetur ad recitationem breviarii. Ita La-Croix l. c. et supponere videtur P. Gury 53., proposito enim quaesito: An, si quis dubitet utrum omiserit aliquid in officio, teneatur id recitare, respondet negative in casu dubii *positivi*, et nihil addit de dubio *negativo*. Eandem tenet doctrinam S. Alph. l. c., eamque tanquam communem tradit. In fine autem numeri citati hanc S. D. habet ex Salm. animadversionem utilem ad praxim « Si dubites an totam horam dixeris vel non, censent Salm. quod, si saepius tali dubio labores, non teneris repetere, quia tunc facile praesumitur tale dubium oriri a scrupulis, secus si raro ». Ratio est, quia, stante dubio mere negativo, non potest haberi *prudens* iudicium de satisfactione legis, adeo-

que nequit efformari iudicium practicum certum de non obligatione. Neque valet dicere quod sive dubium sit positivum sive negativum semper verum erit legem esse consequenter dubiam, et lex dubia non obligat. Etenim lex *prudenter* dubia iudicata haud quidem obligat, at minime lex utcumque dubia iudicata. Porro cum dubium est negativum, lex nequit prudenter dubia iudicari, cum nullum probabile motivum sit suadens eius satisfactio- nem: sed mera ignorantia, unde omnis prudens praesumptio pro lege est. — Hinc, aiunt, bene excusaris a repetendo Officio, si non memineris dixisse aliquid, et habeas iustam conjecturam credendi quod dixeris: puta, si recorderis te incepisse Psalmum, vel Lectionem aliquam, aut Horam, et postea distractus ad finem Psalmi, Lectionis, Horae deveneris, quin recorderis, an totum recitaveris: praesumptio enim tibi favet, quia soles integre reci- tare ea, quorum recitationem incepisti. Si vero deveneris ad aliquam Horam, v. gr. sextam, et dubites utrum praecedentem recitaveris, eandem tenere potes decisionem, quia non soles recitare Horam posteriorem, nisi priorem praemiseras: prudenter igitur credere potes te nihil omisisse. La-Croix, G. 53., D'Annib. 455., L. 150.

30. *Quo ritu sit Officium recitandum?* — Horae canonicae recitari de- bent iuxta praescriptum *Breviarii Romani* iussu S. Pii V. editi; ita ut omnes ad horas obligati non satisfaciunt muneris suo, si alio Breviario utan- tur, atque adeo beneficiatus non facit fructus suos. Cf. Suarez, de Relig. T. 2. l. 4. de Hor. Can. C. 11. n. 3. 4. — Excipiuntur religiosi, qui habent peculiare Breviarium ordinis: Ecclesia Medionalensis, quae ritu Ambrosiano, et Capellae Toletanae, quae ritu Mozarabico utuntur; item ecclesiae, quae 200. annis, ante institutionem Breviarii per S. Pium V., peculiare habuerunt, quae vero possunt suum Breviarium in Romanum immutare, si Episcopus et universum Capitulum consentiat. Semel autem ac ea facultate usae sunt, Romano Breviario adstrictae remanent. Idem privilegium suum amiserunt, si quaevis additamenta aut immutationes in sua liturgia fecerunt. Potest autem Episcopus in hisee Ecclesiis exceptis prohibere Romani Breviarii usum, si vero nullum adsit tale praeceptum, an quis privatim Breviarium Romanum recitare possit, controversatur. Idem de *Missali* dicendum. Id constat ex Bulla eiusdem S. Pii V. *Quod a nobis* 7. Jul. 1568, et ex C. *Ex proximo*, S. R. C. 10. Jan. 1852., 28. Aug. 1856. G. 56. 57., Rouix De Iure Liturg. P. 4., L. 160.

31. *Nota:* 1.<sup>a</sup> Qui recitando B. Virginis Officio non adstringuntur, non prohibentur ulla huiusmodi Officii formula uti, modo latina sit. — 2.<sup>a</sup> Tum Breviaria, tum Missalia, alique libri liturgiei imprimi non possunt sine Ordinarii attestatione, qua declaratur concordare cum iis, qui Romae sunt impressi.

32. *An satisfaciant, qui recitant aliud Breviarium, servatum ex consuetudine loci, inducta post tempus determinatum a S. Pio V.?* — R. Negative, S. R. C. 10. Jan. 1852.

33. *An sacerdos licentia Episcopi indigeat ad Breviarium Romanum recitandum in praedicto loco, ubi aliud recitatur.* — R. Negative. Constat ex Resp. cit. S. R. C. — « Privatim, ait Busemb. apud. S. Alph. 160., omni- bus etiam regularibus probabile est licere *ex consuetudine* uti Romano, ut docent Less., Rodrig., Sa., Bon. ». Cf. n. seq.; excepta enim consuetudine, si qua sit, eadem ratio, in hoc casu, adesse videtur. L. 161. Cf. etiam A. S. S. V. l. p. 240.

34. *An clerici, ad Breviarium obligati, proprio diocesano uti tenean- tur?* — R. Affirmative dummodo Proprium illud a S. Congr. Rit. reco- gnitum et approbatum fuerit. Ratio est, quia etsi concessio haec Officiorum propriorum habeat rationem privilegii, omnes tamen privati privilegio toti communitati concessio uti tenentur. Excipitur, ut patet, casus, quo privati, virtute Indulti apostolici, possent Proprio diocesano non uti. G. 60.



35. *Daturne adhuc obligatio recitandi Psalmos graduales, Officium parvum B. M. V. et Officium defunctorum?* — R. 1. Negative quoad Clericos, qui Officium privatim recitant. — 2. Negative etiam pro recitantibus Officium in choro, nisi ubi adest consuetudo Officia praedicta recitandi a tempore S. Pri V. Sic S. Congr. Rit. pluries declaravit. G. 60., S. Thom. Quodl. 6. a. 8.

36. *Nota:* Si haec duo omittantur ubi adest legitima consuetudo, peccatum est, sed nulla restitutionis adest obligatio, cum non sit praecepta. Scav. q. 6. not.

37. *An obligati ad Officium, sub gravi recitare debeant Officium defunctorum in die Commemorationis omnium defunctorum, necnon Litanias die festo S. Marci, et triduo Rogationum?* — R. Ad 1.<sup>um</sup> Affirmative, iuxta omnes. Hoc autem Officium constat tantum Vesperis, Matutino et Laudibus. L. 161. — Ad 2.<sup>um</sup> Affirmative, iuxta communem sententiam. Ratio est, quia in Rubrica post, fer. 2. Dom. V. post Pascha sic dicitur: «Qui non intersunt processioni Litaniarum, dicant illas privatim post Matutinum cum suis precibus et orationibus». Verbum autem *dicant* grave praeceptum importat, quando materia est gravis, qualis sane est materia Litaniarum. Insuper ubique viget consuetudo Litanias recitandi his diebus. Consuetudo autem est optima legum interpres. Gravem tamen obligationem negant aliqui, dicentes non constare de praecepto, praesertim gravi. S. Alph. 161. dicit: «Multo magis mihi aridet prima sententia, non audeo tamen dicere secundam improbabilem». G. 61., d'Annib. 452., La-Croix l. 4. n. 1290., A. S. S. V. 1. p. 240.

38. *Quoniam ordine sint Horae canonicae recitandae?* — Duplex est ordo servandus in Breviarii recitatione, scilicet ordo Officiorum et ordo Horarum. 1.<sup>o</sup> Ordo Officiorum describitur in Calendario festorum et in rubricis pro illorum translatione, ubi plura simul concurrant. 2.<sup>o</sup> Ordo Horarum ille est, qui in Breviario exponitur, nempe ut recitetur primo loco *Matutinum* cum *Laudibus*, deinde subiungantur Horae parvae, idest *Prima, Tertia, Sexta, Nona*, et tandem sequantur *Vesperae* cum *Completorio*. G. 72. — Quoad Sanctos, de quibus Horae canonicae recitandae sunt, Officium recitandum est secundum Calendarium propriae dioecesis, i. e., eius in qua quis domicilium vel residentiale beneficium habet, quamvis Calendarium erret, *nisi error sit evidens contra Rubricas vel Decreta*. S. R. C. 27. Aug. 1836., 23 Febr. 1839. — L. 161., d'Annib. 453. Cf. S. Th. Quodl. 1. a. 13.

39. *Quid si quis aliud Officium pro Officio diei recitet?* — Qui consulto aliud Officium pro alio recitat, siquidem et ritu plane diversum, et notabiliter brevius, non satisfacit; velut in die Palmarum Officium Paschatis vel Pentecostes. Si non brevius quidem sed ritu dumtaxat plane diversum, probabile est eum satisfacere, ut puta si in Natali Domini recitet Officium de Passione. Sin eiusdem ritus, sed notabiliter brevius, non satisfacit. Si ex utroque capite fere aequale, satisfacit, quamvis culpa levi non careat; et hoc non solum si fecerit ter vel quater in anno, sed etiam si saepius, quae multorum sententia est, et satis probabilis. Immo neque leviter peccat, si id fecerit ex iusta aliqua causa, e. gr. ex devotione, vel ut recitet cum socio: vel *inconsulto*, et tunc, si recitata modica officii parte animadvertat se errasse, in potestate sua erit vel inceptum vel proprium officium proseguere: sed melius est recitare proprium Officium, ne in errore perseveret. Verum si Officium in duplici hoc casu recitaverit notabiliter brevius, supplere debet quod plus erat in proprio. Sive autem consulto id fecerit, sive *inconsulto*, qua die deinde recitatum Officium incidit, hoc idem iterum, probabilius, recitandum est, non illud quod omisit, ne bis erret. Dicitur *probabilis* secundum S. Alph.; nam quod plures dicunt esse *moraliter certum* ex Decreto S. R. Congr. 17. Jun. 1674, non videtur certo verum. Etenim Decretum hoc non spectat ad quaestionem, *an possit*, sed ad quaestionem, *an debeat* quis recitare Officium omissum die, qua occurrat Officium iam recitatum.

Unde non desunt qui dicunt id fieri posse devotionis causa: sed procul dubio melior devotio est se conformare cum ritu communi Ecclesiae. Alex. VII. prop. d. 34., L. 161., La-Croix l. 4. n. 1237. l. 1250. 1255., D'Annio. 453., G. 73-76.

40. *Quale sit peccatum ordinem invertire in recitatione Horarum?* —

1.<sup>o</sup> In recitatione *privata* nunquam excedit veniale, quia talis ordinis inversio gravem deformitatem non continet; ordo enim servandus non est, nisi sub praecepto secundario et tanquam circumstantia minoris momenti. Si autem ex aliqua iusta causa ordinem mutes, v. gr. ad recitandum cum socio, qui iam ulterius in recitatione processit, omni prorsus culpa carebis. Dicunt quidam, inversionem ordinis esse peccatum mortale, si frequenter fiat: sed *probabilius* negandum est cum S. Lig. 169. « Idem dicendum si in eadem Hora invertatur ordo ». L. 170. 161. in fin. Verum qui Officii partes adeo perturbat, ut vix species Officii divini supersit, non satisfacit. Suarez D. 11. C. 7. — 2.<sup>o</sup> In recitatione *publica, controversatur*, utrum sit peccatum grave, *neque*, invertere ordinem aut mutare tempus Horarum. Alii *affirmant*, si inversio vel temporis mutatio sit notabilis, nec adsit causa excusans. Ratio est, quia Canones pluries repetunt, Horas statutis temporibus esse recitandas. *Azor*, etc. *Negant* vero alii, quia huiusmodi circumstantia non pertinet ad praecepti substantiam, sed est mere accidentalis. Utraque sententia probabilis est: sed secunda probabilior, quia de gravi praecepto non constat. Ita S. Lig. 171. — G. 77.

41. *Quoniam sit causa Horarum ordinem invertendi?* — Quaelibet

causa rationalis excusat. Possunt autem assignari sequentes, scilicet: 1.<sup>o</sup> si inviteris ab amico ad aliquam Horam cum ipso recitandam, et tu Horam praecedentem aut praecedentes nondum recitaveris; 2.<sup>o</sup> si mane non habes Breviarium ad manum, nec commode possis expectare, tunc posses ex Diurnali, quod habes, recitare Horas diurnas, postea Matutinum recitaturus; 3.<sup>o</sup> si non habeas Lectiones ad manum, potes recitare Psalmos Matutini et Laudum, imo et reliqua, dilatis Lectionibus; 4.<sup>o</sup> si venias ad chorum, Hora iam incepta, potes pergere cum aliis, et postea quae omissa sunt, supplere. Item si venias ad chorum una Hora iam absoluta, potes cantare cum choro posteriorem, et postea supplere priorem. Ita S. Lig. 170., La-Croix, 1309. 1311., et alii communiter. — G. 78.

42. *An sit peccatum dicere Matutinum diei sequentis ante absolutum*

*Officium diei praesentis?* — Est quidem peccatum, ait La-Croix 1315., sed veniale tantum, si absque causa fiat. Sed neque constat esse veniale, cum Officium unius diei auditum ordinem habere videatur cum Officio alterius diei, iuxta sententiam autem, quae tenet esse peccatum veniale, sufficiens causa est incipiendi Matutinum diei sequentis, antequam Officium diei praesentis absolveris, si ab alio rogeris, ut Matutinum diei sequentis cum ipso recites; et generatim omnis causa sufficiens ad inversionem ordinis inter Horas eiusdem diei, sufficeret etiam in praesenti casu. La-Croix 1315. — G. 79.

43. *An peccet, qui non recitat commemorationes iuxta ordinem per Rubricam assignatam?* — Negant plures, quia Rubrica illa mere directiva videtur, sicut etiae quae situm corporis, vel signa crucis respiciunt. Imo idem dicunt de ordine servando inter commemorationes in Missa. Sed hoc saltem ultimum negandum est, quia, secundum probabiliorum et communiorum sententiam, omnes Rubricae in Missa servandae, sunt praeceptivae, ut dicit S. Lig. l. 6. n. 399. — G. 80.

44. *Qualis pronuntiatio esse debeat?* — Pronuntiatio debet esse vocalis,

integra, continuata. 1.<sup>o</sup> *Vocalis*, Officium recitari debet voce, et quidem distincta; non autem sufficit, ut sola mente legatur, aut tantum oculis percurretur; nec satis est, si recitetur gutture vel intra dentes. Ratio est, quia oratio proprie vocalis praecipitur; porro non censetur proprie vocalis, nisi

voce distincta fiat. Ita omnes. — 2. *Integra*. Officium integre recitari debet non synecopando, linguave titubante abbreviando. Ad integritatem autem pertinent Pater, Ave, Credo, in principio et fine Horarum, prout in Rubricis adnotatur. Non tamen pertinent ad integritatem Officii orationes, Aperi Domine, et Sacrosanctae; sed solum ex consilio recitantur. — 3. *Continuata*. Quaecumque notabilis interruptio intra unam Horam, si absque ulla causa fiat, culpa non caret; sed peccatum veniale non excedit. L. 166. — G. 81.

45. *An recitans Officium debeat se audire, ut satisfaciatur?* — R. Neg. probabilius. Ratio est, quia non praecipitur auditio, sed tantum recitatio, id est verborum pronuntiatio, quae dicitur vocalis; sufficit igitur, si ille, qui recitat, conscius sibi sit, se verba pronuntiare. Laymann, Spor., Salm., et hoc dicit sat probabile S. Lig. 163. contra alios. — G. 82.

46. *Quatenum sint causae iustae Officium interrumpendi?* — R. Quaelibet causa rationabilis sufficit ad Horam quaecumque interrumpendam; praesertim autem adnumerantur causae sequentes: 1.<sup>a</sup> quaelibet utilitas propria vel aliena, quae sine aliquo incommodo differri non possit; 2.<sup>a</sup> ratio urbanitatis vel caritatis, aut ratio exequendi mandata Superiorum; 3.<sup>a</sup> si excipienda sit confessio alicuius, qui non libenter expectet; 4.<sup>a</sup> si velis aliquid agere aut adnotare, ut tollas distractionem sive sollicitudinem, v. gr. ne obliviscaris, etc., modo tamen non frequenter fiat, quia frequens interruptio ob hanc causam aliqua irreverentia non caret; 5.<sup>a</sup> licite etiam potest recitationi interire aliqua brevis oratio, vel aliquis pius cordis affectus. Non tamen liceret meditandi gratia in istis diutius et frequenter immorari, quia ratio recitationis seu orationis vocalis non satis servaretur; item si vocalis oratio longior et minime pertinet ad Officium diceretur: pars enim notabilis adderetur Horis, quod esset veniale utpote contra formam praescriptam. S. Lig. 168., Salmant., tr. 16. c. 3. n. 4. La-Croix, n. 1307., et alii communiter. — G. 83. Cf. hic n. 51.

47. *An Matutinum separari possit a Laudibus?* — R. Affirm. iuxta communem sententiam. Sic enim S. Lig. 167.: « Commune est, quod Matutinum potest a Laudibus separari sine ulla causa, ut dicunt Salm., Bonac., Concin., Suar., Sanch., Navarr., La-Croix, Less. » G. 84.

48. *An Nocturni separari possint sine causa?* — R. Affirm. Constat ex universali consuetudine, cui nulla lex opponi potest. Imo olim ex praxi Ecclesiae separabantur, cum in variis noctis horis recitari solerent. Quare igitur nunc separari non possent? Ita Salmant. et alii communius contra alios. Imo dicunt non pauci, etiam sine causa speciali intervallum trium horarum interponi inter singulos Nocturnos posse. Si autem adsit iusta causa, cuius gratia Nocturni separari debeant, intervallum illud pro ratione illius causae protrahi etiam potest. Ita Busemb., Bonac., Salm., Viva, quorum sententiam merito probabilem appellat S. Lig. 167. — G. 85.

49. *An vel quomodo ille peccet, qui recitato uno vel altero Nocturno in vigilia, reliquam Matutini partem tota nocte interiecta recitat?* — 1.<sup>a</sup> A peccato mortali semper eximendus est, quia substantiae praecepti satisfaciunt. Ex generali enim regula tradita a S. Lig. 168., et ab aliis communiter, praecepti substantiae satisficit, quoties Officium integre recitatur in die naturali, vel ecclesiastico, ita ut nunquam peccatum veniale tunc excedatur, quantacumque interruptio etiam sine causa intercedat. Ergo casus praesens excludi non debet. — 2.<sup>a</sup> A peccato veniali excusandus etiam ille erit, qui rationabili de causa id peragit, v. gr. si Officium sit valde productum, ut Officium Dominicae, et recitato primo Nocturno sit valde defatigatus, vel somno obrutus, etc. Ratio ex dictis sequitur; siquidem iusta de causa interruptio quaelibet licita est. Reuter, de Horis can. n. 262. — G. 86.

50. *An vel quatenus repetenda sit aliqua Hora propter notabilem interruptionem interpositam?* — 1.<sup>a</sup> Hora integra nunquam est repetenda, etiamsi interruptio absque iusta causa interposita fuerit. Ratio patet ex modo



dictis. Insuper singuli Psalmi, singulaeque Lectiones vel Orationes suam completam significationem habent, et satis uniuntur per intentionem continuandi. — 2. Imo per se loquendo, nihil est necessario repetendum, etiamsi interruptio in medio Psalmo fiat, modo non sit in medio versiculo, vel in media oratione, quia etiam singuli versiculi suam particularem significationem habent. S. Lig. 168., et alii communiter, contra aliquos. — G. 87.

51. *An in recitatione Officii liceat aliquid ex devotione miscere vel apponere?* — R. Neg., quia in Officiis nihil est addendum vel immutandum, nisi a Sede Apostolica fuerit concessum. Sic. S. C. R. 10. Jun. 1690. — G. 87.

52. *An tenearis repetere, quae recitasti cum imperfecta seu mutilata pronuntiatione?* — R. 1<sup>o</sup>. Affirm., si mutilatio sit valde notabilis, ita ut sensus verborum sit corruptus et destructus; idque valet, etiamsi involuntarie feceris, quia vitium substantiam recitationis afficit: excipe, nisi obstat impossibilitas, v. gr. balbuties. — 2<sup>o</sup>. Neg., si ita syllabas mutiles, ut sensus verborum non corrumpatur, vel si mutiles in parva quantitate; culpa enim tunc non afficit substantiam obligationis, et proinde veniale non excedit. Imo nullo modo peccas, si hoc facias involuntarie ob inadvertentiam, vel balbutiem, aut inveteratam consuetudinem, quae difficulter vinci possit; caeterum ad hanc consuetudinem emendandam opportunum studium adhibeatur oportet. — G. 89.

53. *An ante Laudes a Matutino separatas dicendum sit Pater et Ave, ut ante alias Horas?* — Alii affirmant absolute, quia tunc Laudes sunt Hora distincta a Matutino. Sic Saettler, etc. Alii negant probabilius, quia id nullibi praescribitur. Nec valet ratio, quod Laudes tunc sint instar Horae distinctae; nam Pater et Ave non dicuntur initio Completorii, quamvis hoc sit Hora distincta. Ita Voit 1064., La-Croix, 1305. — G. 89.

54. *Quonam tempore Horae canonicae sint recitandae?* — 1.<sup>o</sup> Obligatio recitandi Horas est affixa diei, ita ut nullatenus alia die ipsi satisfieri possit; ideoque obligatio ex mente Ecclesiae cum die sibi assignata cessat atque adeo onus diei nuncupari solet. G. 50. — 2.<sup>o</sup> Tempus ad integram Officii recitationem adimplendam praefinitum incipit a media nocte, et ad mediam noctem sequentem terminatur, ita ut semper a peccato gravi sit eximendus quisquis intra hoc tempus integrum recitat Officium, quacumque hora tali muneri satisfaciat. Ratio est, quia totum Officium in die naturali recitando quoad substantiam satisfacit. G. 62. — 3.<sup>o</sup> Matutinum et Laudes ex privilegio ab Ecclesia concessa pridie sub vespere recitari possunt. Matutinum et Laudes a Sacerdotibus ante Missae celebrationem recitari debent. Constat ex Rubrica Missalis, tit. 1. *de Praeparat. sac.*, ubi legitur: «Sacerdos celebraturus Missam, saltem Matutino cum Laudibus absoluto», etc. Item ex Constitutione Innoc. IV. a. 1254. G. 62. — 4.<sup>o</sup> Omnes Horae parvae tempore matutino recitari possunt; et duae quidem priores ante meridiem recitandae sunt; duae vero posteriores toto tempore tum matutino, tum vespertino dici possunt. Vesperae et Completorium a meridie usque ad mediam noctem recitantur. In Quadragesima tamen a prima Dominica Vesperae ante prandium recitari possunt ob antiquam disciplinam, iuxta quam ieiunium ante Vesperarum recitationem non frangebatur. Die tamen Dominica Vesperae anticipari non possunt, quia ieiunium ei die non servatur. Olim sic Horae recitabantur: Matutinum post mediam noctem, Laudes ad Auroram, Prima post solis ortum, Tertia ad horam nonam matutinam, Sexta ad meridiem, Nona ad horam tertiam pomeridianam, Vesperae ad solis occasum, Completorium ad noctis crepusculum. G. 62. 63.

55. *An horae parvae etiam ante auroram absque ulla causa recitari possint?* — R. Affirm. probabilius. Ratio est, quia ex quo sublata est antiqua consuetudo Horas illas tempore determinato recitandi, nulla alia lex vel nova consuetudo obligationem imposuit eas solum tempore auroram

subsequente persolvendi. Imo graves Theologi expresse asserunt, has Horas toto tempore matutino, seu a media nocte ad meridiem, recitari posse. Sic expresse S. Lig. H. O. tom. 3. Append. 3. n. 74. Saettler, de Horis, art. 2. Quaer. 3<sup>a</sup>, etc G. 63.

56. *An obligatio recitandi Matutinum et Laudes ante Missam urgeat sub gravi?* — R. Neg., saltem probabilius. Ratio est, quia nulla est connexio inter Officium et Missam, et proinde recitatio Matutini non videtur dispositio ad celebrandum, cum Sacerdos etiam aliter orando possit sese pie ad Sacrum disponere; nec apparet gravis obligatio ex Rubrica supra relata, neque sub gravi generatim apprehenditur. Ita communiter. L. 1. 6. n. 347., Bened. XIV. De Sac. Missae, l. 3. c. 13. — S. Alphonsus l. c. ad controversiam. « Quale peccatum sit celebrare Missam ante recitationem matutini », respondet: « Adsunt tres sententiae. Prima dicit esse mortale... Secunda autem sententia nullam in hoc culpam agnoscit... Tertia vero sententia communior et probabilior... docet contra primam, id nequaquam esse mortale... contra secundam autem, non excusari a culpa veniali ». Cf. etiam l. 4. n. 171. G. B. 63. Grave tamen esset, ex communi sententia, canere Missam Conventualem et solemnem, antequam Matutinum in choro dicatur, nisi gravis et publica causa, remoto scandalo, intercedat. Ratio, quia talis est recepta consuetudo in omnibus ecclesiis. Quare secus agendo graviter laederetur publicus Dei cultus, bonum commune et conveniens Ecclesiae regimen praeter scandalum populi. L. 1. 6. n. 348.

57. *Quaenam causa ab illa obligatione excusare possit?* — Excusabit quaelibet medioeris causa rationabilis, v. gr. si quis postulans a Sacerdote, ut Missam pro se celebret, exoptet ut statim celebretur; item si expectet populus, aut aliqua persona gravis; si Superior praecipiat; si tempus celebrandi advenerit, nec possit differri celebratio sine aliquo incommodo; si maior studii commoditas, vel maior utilitas ex studiis percipienda hoc exoptulet; si quod negotium inexpectatum advenerit; si poenitens aliquis ante fuerit audiendus; et similia. — G. 64. L. ib.

58. *Quanam hora liceat incipere recitationem Matutini vespere diei praecedentis, iuxta privilegium supra relatam?* — Ex communi sententia Theologorum licet incipere hora Vesperarum, quae habetur quando sol medium cursum inter meridiem et occasum tenet; tunc enim iuxta omnes incipit dies ecclesiasticus, cum priores Vesperae decantari solent. Hoc universali consuetudine confirmatur. Hinc in variis locis confici solent tabellae horum hanc diversis anni temporibus determinantes. G. 65. L. 174.

59. *An debeat iterari recitatio Matutini, si ante tempus praedictum habita fuerit?* — R. Affirm. probabilius. Ratio est, quia Breviarium est onus diei; ergo ipsa die assignata recitari debet; porro si fiat praedicta anticipatio, iam extra diem recitatur officium, laud seorsus ac si recitarentur Horae parvae diei sequentis ante mediam noctem. Ita communiter cum S. Lig. 174. Oppositum tamen tenent sententiam Sanchez, Diana Trullench, Quintanadvenas, Leander, etc., et hanc putat probabilem Tamburinus, probabilissimam vocant Salmant., eique ipsemet S. Alph. taceatur se olim adhaesisse. Haec autem opinio probabilitate sua non videtur carere, usquedum aliquo S. C. Decreto definiatur: cum de re positiva hic agatur, quae maxime a communi praxi et consuetudine pendet. Si quis igitur Matutinum reciterit post horam quidem secundam a meridie, sed ante tempus Rubrica praefixum, ut aliquando ex errore fieri solet, ab iterando Breviario excusari posset. G. B. 64. « Ex privilegio consuetudine introducto fas est recitare *matutinum et laudes* a vespere diei praecedentis, i. e., communius ab ea hora, quae est media inter meridiem et solis occasum. Recitari posse secundam hora post meridiem sententia est, quam multi tumentur, multi non reprobant, multi probabilem putant: nec immerito, quia nullo certo iure sive scripto, sive non scripto explodi potest. Non sunt igitur inquietandi qui bona

fide ab ea hora recitaverint Matutinum ». D'Annib. 455. Et loquens de officio in choro ait n. 483., Episcopi est permittere recitationem Matutini dici sequentis post Completorium, et lapsam horam tertiam post meridiem S. C. C. 12. Nov. 1644. Bouix de Canon. P. 3. C. 2. § 6. Et sane praxim affirmare possumus ex certa scientia piorum virorum, qui licet alteri adhereant sententiae, si tamen Matutinum ex distractione incipiant ante horam praescriptam a tabella, non ideo existimant se graviter peccare, si iterum non recitent. Et hanc sententiam post clarissimum Ballerinum plures in praesenti tenent et probati Doctores. Plures autem Regulares Ordines sunt, qui privilegium habent Matutinum et Laudes recitandi hora secunda a meridie. Num alia hora dies ecclesiastica incipit pro Regularibus, alia pro Clericis saecularibus? Et si ecclesiastica dies ex ipso S. Alph. et ex S. Th. post dictas Vesperas incipit, quae ex praesenti vitae usu hora circiter secunda a meridie dici solent, cur tunc Matutinum et Laudes recitari non possunt? Et haec sententia non laxitati et negligentiae, sed diligentiae certe favet in Horis Canonicis recitandis. La-Croix l. 4. n. 1314., Lezana V. *Matutinum* n. 3., S. Th. Quodl. 5. a. 28.

60. *An Matutinum Officii defunctorum et Litaniae pro festo S. Marci et diebus Rogationum, pridie vespere recitari possint?* — R. Ad 1.<sup>um</sup> affirmative probabilius. Constat ex universali consuetudine, necnon ex Rubricis, ubi sic habetur: « Dicto Benedicamus Domino, absolute incipit Matutinum defunctorum ». Ergo, cum Matutinum Octavae festi Omnium Sanctorum soleat aut certe possit anticipari, consequenter etiam anticipari potest Matutinum defunctorum. Negant aliqui cum La-Croix, innixi Decreto S. Congr. Rit. Sed Decretum illud videtur respicere tantum recitationem in choro faciendam, iuxta S. Lig. 174 — Ad 2.<sup>um</sup> Affirmant Gavantus et Armand. ac Lochu. ap. La-Croix, et hanc sententiam olim tenuit Gobatus. Ratio, quia Rubrica coniungit Litanias cum Laudibus, in quibus ideo omittitur versiculus *Fidelium animae*, et apponitur in fine Litaniarum, ut habetur ex Rubr. tit. 30. n. 3. Ergo cum faciant quid unum Litaniae cum Matutino, accessorium sequitur principale. L. 174. q. 3 Sed communius et verius negant. Ratio est, quia Litaniae affixae sunt diei, nec per se videntur coniungi cum Matutino et Laudibus, sed sunt quid omnino distinctum. Insuper recitantur loco assistentiae ad processionem, quae assistentia omnino diei est affixa. Praeterea si festum S. Marci transferatur, non debent transferri Litaniae; ergo stricto Matutino non inhaerent, imo nullam connexionem cum illo habent. L. 174., D'Annib. 452., G. 66.

61. *An praevidens impedimentum pro recitatione Officii in ipsa die obligationis, teneatur recitare Matutinum et Laudes in vespere vigiliae?* — R. Negative. Ratio est, quia licet Matutinum et Laudes recitari possint pridie, non tamen debent. Nimirum vi dumtaxat privilegii concessum est, ut pridie Matutinum recitari possit. Atqui generalis regula est, neminem ad utendum privilegio aliquo teneri. Ergo obligatio stricta non urget ante mediam noctem sequentem; ergo non est ipsi antea satisfaciendum. Ergo stante impedimento a media nocte ad mediam noctem, tollitur obligatio. Valde tamen convenit, ut recitatio anticipetur. — G. B. 67.

62. *Quamvis hora incipi possit recitatio Vesperarum mane tempore Quadragesimae?* — Dicunt Salmanticenses, tract. 16. c. 3. n. 15., Vesperas in Quadragesima recitari ab hora undecima posse, seu una hora ante meridiem. Regula autem generalis est, ut Vesperae privatim recitari possint eadem hora, quae in choro recitari solent. Porro in choro recitari debent post Missam conventualem et Nonam. Hora autem Missae conventualis a consuetudine locorum pendet. Ceterum nulla adest obligatio Vesperae recitandi ante meridiem tempore Quadragesimae, sed est merum privilegium, quo nemo uti tenetur. Completorium autem praedicto privilegio non gaudet; unde omni tempore post meridiem recitandum est. — G. 68.

63. *Nota:* « Ut quis licite possit anticipare vel postponere debitum tempus Horarum, sufficit quaecvis causa utilis vel honesta, nimirum concio



paranda vel audienda, periculum supervenientis occupationis sive laboris, maior devotio sive quies, tempus aptius ad studendum, et simile &c. L. 173.

64. *An in choro sit gravis obligatio recitandi Officium ordine debito et statis horis?* — R. Probabilius negative. Ratio, quia huiusmodi circumstantia temporis vel ordinis non pertinet ad substantiam praecepti, sed est quaedam caeremonia accidentalis. Neque vero constat de gravi praecepto super hac re imposito L. 171. Ita etiam Scav. q. 1. D'Annib. 455.

65. *Quid servandum, quoad locum et situm, in Officii recitatione?* — 1.<sup>o</sup> *Quoad locum.* Officium chori in ipso loco ad hoc destinato, seu in choro vel in Ecclesia recitari debet. Officium vero, si recitetur privatim, dici potest in omni loco decenti, sive in oratorio, sive domi, sive rure, aut etiam in via deambulando, aut iter agendo, dummodo locus attentioni requisitae sit congruus et devotionem non impediat. L. 179. — 2.<sup>o</sup> *Quoad situm.* Privatim recitari potest Officium omni situ decenti sive genibus flexis, sive stando, sive sedendo, sive deambulando. Ita praxis universalis, cui concinunt omnes Theologi. — G. 69.

66. *Nota:* Qui ad *chorum* tenentur, possunt ex iusta causa recitare in sacristia, L. 143., vel in alio loco extra ecclesiam. L. 1. 3. n. 675.

67. *An liceat recitare Officium decumbendo in lecto?* — R. Negative, seclusa rationabili causa: talis enim situs aliquam sapit irreverentiam. Idem etiam dicendum est de quolibet alio eiusmodi situ. Attamen haec irreverentia nunquam peccatum veniale excedit. Sic Conc. et Viva apud S. Lig. 179. Quaecumque autem causa mediocris ab omni culpa excusabit, v. gr., morbus aut infirmitas quaelibet, dolor capitis, defatigatio, vel si quis nocte dormire nequeat, Officium recitare posset, quin surgere teneretur — G. 70.

68. *An liceat Officium recitare in curru vel equo?* — R. Affirmative. Ratio est, quia id nulla lege prohibetur; nec aliunde obstat attentioni, nec reverentiae orationi debitae, etiamsi alii essent itinerantes et simul confabulantes. Id enim obtinuit generalis etiam piorum consuetudo. Ita communiter. — G. 70.

69. *An sit culpa non servare rubricam, ex qua preces quaedam genibus flexis sunt recitandae?* — R. 1.<sup>o</sup> negative, si agatur de recitatione extra chorum; quippe ex consuetudine et communi interpretatione et ex S. R. C. 12. Nov. 1831. haec rubrica solum chorum respicit. Idem dicendum de aliis signis in choro usitatis. Haec quidem laudabiliter fiunt in privata recitatione, sed citra culpam omittuntur. L. 179. et alii communiter. — 2.<sup>o</sup> Si agatur de recitatione in choro, controversitur. Alii enim rubricam hac in re habent uti praeceptivam, alii uti directivam. Attamen talis omissio nunquam culpam venialem excedere potest. L. ib., G. B. 71.

70. *An sit peccatum Breviarium recitare in loco indecenti?* — R. Probabilius negandum per se videtur, nisi locus attentioni debitae obsesset, v. gr. ob populi frequentiam, strepitum, etc.: secus enim indecens foret orare in loco indecenti, quod falsum est, siquidem, cum Deus sit ubique, etiam ubique orari et adorari potest, ut patet ex Apost. 1. Tim. 2. 8.: *Volo viros in omni loco orare.* L. 179., La-Croix 1320., et alii contra nonnullos, qui dixerunt adesse peccatum veniale, quod hoc aliqua irreverentia non careat. G. 71.

71. *An et qualis intentio et attentio requiratur in recitatione Officii?* — 1.<sup>o</sup> Distinguenda est *intentio* ab *attentione*. *Intentio* est volitio faciendi aliquid; *attentio*, mentis applicatio ad id, quod agitur. *Intentio* alia est expressa, alia implicita. *Expressa* est, qua quis ab initio Breviarium sumens dicit: volo orare. *Implicita* vero, qua id non dicit quidem actu, sed id virtualiter intendit, dum vult recitare Horas Canonicas iuxta Ecclesiae praeceptum. — *Attentio* item alia est *externa*, quae nempe excludit omnem externam actio-

nem physice impossibilem cum eo, quod agitur; alia *interna*, quae consistit in interiori mentis advertentia ad id quod agitur. — Insuper attentio interna alia est *actualis* quae est, alia *virtualis*, quae fuit et in aliquo effectu perseverat, alia *habitualis*, quae pariter fuit, sed in nullo effectu permanet. — Rursus attentio interna triplex est, scilicet: 1.<sup>o</sup> spiritualis, quae est ad Deum ipsum, ut orationis terminum; 2.<sup>o</sup> litteralis, seu ad sensum verborum, et rerum significationem; 3.<sup>o</sup> materialis, quae fit ad verba tantum, seu ad ea rite proferenda. — G. 91., L. 176., S. Th. 4. Dist. 15. q. 4. a. 2. Sol. 5. — 2.<sup>o</sup> Intentio necessaria est, quia Officii recitatio *actus humanus* est, qui sine intentione esse non potest. Ithur. Cas. 22. « Circa *intentionem*, certum est non requiri intentionem actualem explicitam, sed sufficere virtualem implicitam, nimirum, si de more Breviarium, accipias, ut officium impleas, uti soles, ut communiter docent Sanch., etc. Imo recte addit Croix, non esse opus renovare intentionem ad singulas horas, etsi aliqua interruptio intercedat, etiam sine causa: quia illa resumptio fit ex prima intentione: imo puto semper adesse exercite intentionem actualem implendi officium ». L. 176. — 3.<sup>o</sup> Circa *attentionem*, ad satisfaciendum substantialiter praecepto Officii non requiritur alia attentio interna, praeter attentionem ad rite omnia pronuntianda, sed satis probabiliter sufficit *intentio* recitandi, cum *attentione* externa. Ratio est, quia attentio interna non est de essentia orationis: quare attentio externa, coniuncta cum intentione recitandi, efficit, ut recitatio Horarum fiat quoad substantiam vera oratio. Et ita docent quam plures et graves DD. G. 91., Lugo De Euch. D. 22. n. 25. seqq., L. 176.-177., S. Th. 4. Dist. 15. q. 4. a. 2. Sol. 4. ad 2. — 4.<sup>o</sup> Ceterum ad scrupulos abiciendos valde refert adnotare id, quod communiter DD. ipsi, qui requirunt maiorem attentionem internam, docent, nempe « quod ut dicatur aliquis Officio non satisfacere, non solum requiritur, ut *voluntarie* se distrahat, sed etiam ut *plene advertat*, se distrahi, nam alias iste, licet sponte se divertat, non tamen sponte se divertit a recitatione ». L. 177., G. 92.

72. *An mortaliter peccet qui recitat Horas existens in mortali?* — R. Neg. Ratio, « quia ex una parte recitatio Officii non est actus Ordinis sacri... ex alia quamvis iste nihil sibi impetret, cum tamen oret nomine Ecclesiae, bene potest obtinere pro aliis ». Quod autem oret nomine Ecclesiae in mortali existens, non videtur irreverentia de mortali damnanda. Et si ex devotione oret, S. Alph. l. c. ait., quod non auderet eum de peccato ullo damnare.

73. *Quatenam sint causae excusantes a recitatione Horarum?* — Causae a recitatione divini Officii excusantes sunt: 1.<sup>o</sup> impossibilitas; 2.<sup>o</sup> caritas; 3.<sup>o</sup> dispensatio.

74. I. *Impossibilitas*, sive physica, sive moralis, quae consistit in gravi difficultate Officium recitandi. Hinc excusatur: 1.<sup>o</sup> Qui non habet Breviarium, quia, v. gr., illud, iter suscipiendo, oblitus est, aut in itinere perdidit, cum impotentia aliud comparandi. Si tamen culpa sua oblitus fuerit aut perdidit, aut proiecerit, graviter vel leviter peccavit, prouti omissionis causa graviter vel leviter culpabilis existit, et ommissio Horarum pro gravitate culpae admissae ipsi imputanda est. « Si haberes Officium commune, et non proprium illius dici, teneris ex communi Horas recitare ». L. 158. — 2.<sup>o</sup> Qui gravi morbo laborat, v. gr. febri, dolore intestinorum vel capitis; vel qui iuste timet, ne ex recitatione grave subsequatur incommodum, etc. Unde satis excusatur qui prudenter credit, vel timet, ne ob officii recitationem ei notabilis gravedo capitis, vel eruditio stomachi, aut virium lassitudo, aut aliud grave incommodum inde proveniat, L. 154. — 3.<sup>o</sup> Convalescens ex gravi morbo per aliquot dies ex usui potest ad arbitrium prudentis, donec vires reficiantur. « Et hoc probabiliter admittitur, etiamsi infirmus per magnam diu partem aliquem legeret librum ad animum solandum. Ratio, quia licet iste posset legere librum recreationis, non tamen sequitur quod possit, et teneatur Officium recitare, ad quod alia quidem maior attentio requiritur, quae maiorem affert difficultatem ». L. 154. Idem dicendum etiam si infirmus sacrum forte

faceret, cum aliis sermones consereret: quia his levatur morbus, Horarum vero recitatione ingravesceret. D'Ann. 457. — 4.<sup>o</sup> Excusatur etiam, qui tempore persecutionis timet, ne ex recitatione Breviarii prodatur: item qui graviter oculis laborat, etc. L. 156-157., et alii communiter. Qui non potest recitare ob *oculorum cecitatem* non tenetur Horas memoriter addiscere, quia hoc esset medium extraordinarium. L. 158. — G. 93.

75. II. *Caritas erga proximum*, id est gravis occupatio, quae sine scandalo aut notabili detrimento proximi omitti nequeat. Talis occupatio excusat a recitatione Officii, quia praeceptum naturale caritatis praevalet legi ecclesiasticae. Hinc excusaris a recitatione Horarum sive totaliter sive partialiter: 1.<sup>o</sup> Si sub nocte Officium, v. gr. Vesperas recitaturus advoceris statim ad moribundum, neque ad Officii obligationem persolvendam tempus vel commoditas tibi suppetat. — 2.<sup>o</sup> Si tota die occuperis in excipiendis confessionibus, quae ob peculiarias circumstantias differri non possint, v. gr. in sacris missionibus, ac praesertim sub earum finem, cum sis discessurus, etc. — 3.<sup>o</sup> Si concionem sine scandalo aut famae detrimento omittere non posses, nec tamen eam praeparandi suppetaret tempus, si recitandum esset Officium. — 4.<sup>o</sup> Si occuperis tota die in sedandis iurgiis, aut assistendis infirmis, v. gr. tempore morbi contagiosi, etc. L. 156. et alii. — G. 93., D'Annib. 457.

76. III. *Dispensatio legitima*, seu a legitimo Superiore concessa. — 1.<sup>o</sup> Obligatio divinum Officium recitandi, cum sit de Iure ecclesiastico, a Superioribus ecclesiasticis tolli potest. — 2.<sup>o</sup> Papa hanc dispensationem concedere potest valide in omni casu, etiam sine causa: licite autem ex causa rationabili, v. gr. ob nimiam occupationem, ad scrupulos sedandos, etc. — 3.<sup>o</sup> Episcopus etiam dispensare potest ab hac lege, sed non valide sine causa sufficienti, et tantum cum aliquo in particulari ad tempus, scilicet: 1.<sup>o</sup> quando dubitatur de impotentia morali, aut de gravitate detrimenti metuendi; 2.<sup>o</sup> quando difficilis est recursus ad Papam; 3.<sup>o</sup> quando dispensatio petitur ob causam, quae frequenter recurrit, v. gr. ob infirmitatem; 4.<sup>o</sup> quando petitur dispensatio ad breve tempus. Ita S. Lig. 159 — G. 94.

77. *Quid agendum in dubio, an infirmitas sufficiat ad excusandum, necne?* — 1.<sup>o</sup> Potest infirmus se committere iudicio medici, ut dicitur in Iure can. C. *Fraternitatis, de frig. et mal.*; 2.<sup>o</sup> potest acquiescere iudicio Superioris, qui in dubio etiam dispensare valet; 3.<sup>o</sup> potest se remittere iudicio probabili viri prudentis; 4.<sup>o</sup> imo probabiliter potest etiam stare proprio iudicio, si tale iudicium ipsemet ferre possit. — G. 95., L. 154.

78. *Ad quid teneatur infirmus, si certus sit se integrum Officium persolvere non posse, dubitet vero, an partem recitare valeat?* — Probabiliter ad nihil tenetur. Rationaliter enim a toto Officio excusatur, ne scrupulis angatur, nesciens quousque possit ac teneatur recitare: quae quidem anxietas magnum, ut ait S. Liguorius, nocumentum ipsi afferret. — L. 154. in fine. G. 95.

79. *An utrumque impeditus a recitando integro Breviario, teneatur ad partem, quam recitare potest?* — R. Affirm. prorsus. Ratio patens est. Obligatio enim Breviarii cadit in singulas eius partes, cum res praecepta sit divisibilis. Constat etiam ex propositione 54.<sup>a</sup> damnata ab Innoc. XI. Igitur qui caret Breviario, et nihil aliud scit memoriter, quam Laudes vel Completorium, ista sub gravi recitare tenetur. — G. 96., L. 158.

80. *An tenearis ad Psalmos recitandos, si hos tantum prae manibus habeas, vel scias memoriter, relictis Lectionibus cum Responsoriis?* — R. Affirmative probabilius. Ratio est, quia cum possis partem notabilem Officii recitare, nulla est causa, cur ab ea excuseris. L. 158., La-Croix 1220., Sporer, etc. Attamen plures dicunt, te ad nihil teneri, quia tunc deficit forma a S. Pio V. praescripta. Horum autem sententia satis probabilis videtur. Nec obstat sup. allata prop. 54.<sup>a</sup> ab Innoc. XI. damnata, quia in illa agitur de



eo, qui Horas integras absolvere potest. Sequens autem regula traditur a S. Lig. et aliis: *Si potes recitare quantum est parva Hora, teneris sub gravi id recitare: si vero minus, ne sub veniali quidem aliquid recitare obligaris, quia talis modica pars, seorsim sumpta, non censetur aestimabilis ad finem a lege intentum.*

81. *An tenearis socium adhibere, si non valeas solus Horas recitare?* — R. Affirmative, si facile aliquem invenias, quem commode adhibere possis. Ratio est. 1.<sup>o</sup> quia tunc non datur proprie dicta impotentia; 2.<sup>o</sup> quia praecepta Ecclesiae requirunt diligentiam ordinariam ad sui adimplerionem: porro nullum medium est magis ordinarium, quam socium in recitatione adhibere. Ita communiter. L. 158., Salmant., etc. G. 97.

82. *An tenearis adhibere socium, stipendio soluto, si alium commode non invenias?* — R. Negative, iuxta sententiam communem. Ratio est, quia medium est omnino extraordinarium, et etiam incommodis plenum est: unde ad illud Ecclesia non censetur obligare. Imo si prompte non occurrat socius tecum gratis recitaturus, non teneris aliquem cum anxietate et sollicitudine quaerere, quia et hoc evaderet medium extraordinarium. Ita Salmant. c. 3. n. 44., Suarez. de Relig. t. 2. l. 4. c. 8. n. 12. Idque etiam, saltem probabiliter ex ipso S. Alph. 158., pro beneficiario valet. G. 97.

## II. — DE OBLIGATIONIBUS NEGATIVIS CLERICORUM

83. *An liceat clericis arma gestare?* — Gestatio armorum, seclusa necessitate, Clericis prohibetur. Constat, praeter alia, ex C. *Clerici 2. de Vita et honest. Cler.* Ratio huius est, quia gestatio armorum dedecet characterem Clericorum, qui ad exemplum Christi esse debent mites et humiles corde. Unde dicunt Theologi cum Bened. XIV. Not. 101., peccare graviter Clericos in saceris, qui militiam amplectuntur. Non tamen reprehendendi sunt, qui bello iusto cooperantur consilio, adhortatione, vel etiam auxilio, et si temporalem habeant iurisdictionem, possunt bellum indicare, exercitum conscribere, arma praebere; modo arma non gerant, nec officio ducis fungantur. De his ex variis locis Iuris Can. constat. — *Extra necessitatem*, quia necessitas legem non habet. C. *Dilecto 6. de Sent. Excomm.* in 6.<sup>a</sup> — *Iure Can.*; id enim iure divino non repugnat. Hinc etiam sacerdotes pugnabant in Lege Veteri 1. Machab. 16. — G. 103. Cf. Suarez De Censur. D. 47. S. 6., Lugo Resp. Môr. 1. 5. D. 14. S. Th. 2. 2. q. 40. a. 2.

84. *An piscatio et venatio clericis prohibeatur?* — 1.<sup>o</sup> Commune est licitam esse piscationem, utpote quae natura sua sit omnino quiesca, nec ullibi laetatur proscripta. — 2.<sup>o</sup> Clericis interdictae sunt *venationes* frequentes et clamorosae, quae nempe fiunt magno apparatu hominum, canum, accipitrum, retium, armorum. Si raro fiant, carent culpa gravi; si quiescae sint, licent, nisi positive prohibita sint ab Ordinario; sed ut armis exerceri possint, licentia Ordinarii opus est. Constat ex Iure Can. et communi Theologorum auctoritate. C. 1. de *Cler. ven.*, C. 1. Ne *Cler. vel Mon.*, Conc. Trid. S. 24. C. 12. de R. Bened. XIV. de Syn. dioec. l. 11. C. 10. n. 6-10., L. 1. 3. n. 606. — Cf. S. Th. 2. 2. q. 168. a. 2.

85. *An ludus alearum clericis prohibeatur?* — Ludus alearum dicitur, qui totus situs est in pura sorte, et cuius exitus a mero casu pendet, quin ludentis industria partem ullam in eo obtineat: talis est, v. gr., ludus talorum. — Quoad inferiores clericos communiter dicunt Lugo, Sanchez, aliique id positive non prohiberi, quia quoad ipsos saltem ex consuetudine canonum derogati sunt, sicut quoad laicos. L. 1. 3. n. 884, 895. — Ludus alearum severe prohibetur Clericis, in Ordinibus maioribus constitutis, et beneficiatis. Constat, 1.<sup>o</sup> ex iure naturali, quia *per se loquendo*, Clericum

dederet, et scandalum affert; 2.<sup>o</sup> ex iure canonico, Conc. Later. IV. can. 16., Trid. S. 22. C. 1. de R.

86. *An graviter peccent Clerici aleis ludentes?* — 1.<sup>o</sup> Si agatur de aleatore publico, consentiunt omnes peccare graviter, si in magna quantitate aleis ludat, aut in modica, modo tamen ludus sit non solum frequens sed etiam per longum tempus. — « Qualis autem sit haec frequentia mortalis? Bordon putat esse ludere semel in hebdomada, sed Roncaglia merito id putat nimis rigidum. Imo Less. et Wigandt sentiunt non dammandos de mortali Clericos ludentes ad breve tempus, etsi crebro, recreationis causa, nisi propria statuta dioecesis id prohibeant ». — Ratio est quia lusus alearum de ipso iure naturali notabiliter dedecet statum clericalem, nimium animum avocans a divinis; adeoque merito scandalum aliis affert. L. l. 3. n. 896.—898. — Pensanda tamen hic est « qualitas personae, an sit magni vel parvae aestimationis: clerici enim, qui vitam non tam exemplarem ducunt, revera grave scandalum non ingerunt, si etiam frequenter aspiciuntur in talibus ludis versari, modo propria ministeria non negligant; imo nec ullum praebent scandalum, si mere recreationis causa id faciant. Et hos vere dici potest excusari ab hodierna et universali consuetudine, quae certe differt ab illa antiqua arcta primitivae Ecclesiae disciplina ». L. l. c. n. 900. — 2.<sup>o</sup> « Non peccare graviter clericos, qui raro, moderate, et privatim sine scandalo aleis ludunt. Imo probabiliter nec venialiter, si ludant recreationis gratia in loco, ubi praefati canones non rigide observantur ». L. l. c. n. 899. — 3.<sup>o</sup> Speciatim quoad *Religiosos*, dicunt Lugo, Sanchez, et Mol. ipsos propter eorum statum, et scandalum aliorum, facilius posse graviter peccare aleis, sive taxillis ludendo. Attamen, praeciso scandalo, et praeepto in contrarium, Religiosi etiam excusantur a mortali, si ludant in modica quantitate, vel non frequenter; rique a veniali quoque excusantur, si faciant ob rationabilem causam, puta ad solandum infirmum aut socium tristem. Imo id licitum est etiam recreationis causa, ubi approbata consuetudine permittitur. Et sane in quibusdam communitatibus religiosis, etiam reformatis, et ferventibus, certis anni temporibus ludi, qui sunt purae sortis, uti sunt ludi, vulgo *l'oca*, alique permittuntur, debita tamen moderatione. L. l. c. n. 872. 873. — 4.<sup>o</sup> Speciatim quoad *Episcopos*, isti, si ludunt aleis, cum hoc valde dedecet statum episcopalem, vix possunt excusari a mortali. « Episcopum, ait S. Alph. l. c. n. 902., ludentem ludo merae sortis etiam semel, difficulter puto excusari posse a scandalo gravi: sicut etiam censeo si frequenter versentur in aliis ludis chartarum non omnino fortuitis ». Ratio eadem est, quia difficulter potest excusari a gravi scandalo. L. l. c. n. 899.—902. — 5.<sup>o</sup> Ratione scandali peccari potest, etiam in aliis ludis, qui aleatorii non sunt, quamvis Canones loquantur tantum de publico aleatore, et his lusibus dedito. L. l. c. n. 898., S. Th. 2. 2. q. 168. a. 3.

87. *An quilibet chartarum ludus censeatur aleatorius?* Distinguendus est duplex chartarum ludus. Alius est purae sortis et omnino aleatorius; alius vero mixtus, partim aleatorius, partim a peritia et industria ludentis pendens. De priori idem dicendum est quod supra de aleis. Verum cum ex praesenti consuetudine, uti iam significatum est, antiquorum canonum prohibitio valde temperata videtur, ratio scandali potius attendenda est in praxi. Posterius vero ludi genus non est habendum ut illicitum, si absit ratio scandali et specialis lex prohibens illud; ludus enim aleatorius proprie non est. G. 102.

88. *An peccent mortaliter Clerici aut Religiosi, qui assistendo inspiciunt ludentes aleis?* — « Hoc quidem prohibetur, ut vidimus in C. *Clerici, de Vita*, etc., ubi eis praecipitur, ne huiusmodi ludis intersint. Communitatem tamen negant DD. in hoc ipsos peccare mortaliter, nisi essent causa ludi mortalis, vel negligenter lusores corrigerent, vel nisi de tali ludo, quatenus mortali, se complacerent; secus si assisterent causa tantum se delectandi de industria vel fortuna ludentium..... Episcopi autem his lusibus

ex proposito et frequenter assistentes difficulter etiam excusari possunt a peccato scandali gravis ». L. 1. 3. n. 903., Sanch. Cons. Mor. l. 1. C. 8. D. 29.

89. *An peccent mortaliter Clerici assistentes agitationi taurorum?* — S. Pius V. motu proprio cum omnibus prohibuit et censuras tulit 1. Nov. 1567. Gregorius XIII. 25. Aug. 1575. alio motu proprio moderatus est priorem. Tandem Clem. VIII. 3. Jan. 1596. adhuc magis moderatus est motum proprium S. Pii V. Gutierrez apud Sanchez. Cons. Mor. l. 1. C. 8. D. 31., docet per Constitutionem Clem. non esse ablatam prohibitionem assistendi taurorum agitationi, clericis saecularibus, in sacris constitutis vel beneficiis obtinentibus factam. Verum non satis constat ex Pontificis verbis. Regulares vero ab ipso Pontifice positive et clare excepti sunt a sua limitatione, adeoque interesse prohibentur. Cf. S. Th. 4. D. 16. q. 4. n. 2. q. 3.

90. *Quid de ingressu in camponas, de choreis et comodiis, de habitatione cum mulieribus?* — I. *Ingressas in popinas et tabernas* extra necessitatem Clericis omnino vetatur: ita ex Conc. Later. IV. « Tabernas prorsus evitent, nisi forte causa necessitatis itinere constituti ». Et sane hoc nimium opponitur Clericali modestiae et gravitati. — II. *Choreis* tam publicis quam privateis, et *publicis comodiis* interesse Clericos passim sub obedientiae praecepto prohibent, post Trid. S. 22. C. 1. de R. Synodi. omnes, ut notat. Bened. XIV., De Syn. l. c. 10. tum propter gravissimum damnum et status clericalis decorem, quod inde solet exoriri: tum ob periculum, cui exponitur clericalis vitae sanctitas.

91. *Nota:* 1.<sup>o</sup> Hoc tamen non prohibet, quominus honestae recreationis et exercitationis causa Clerici agant vel intersint iis repraesentationibus, quae in Communitatibus habentur, servatis tamen modestiae ac temperantiae regulis, et ceteris servandis. Cum enim res sit ex se indifferens, nil prohibet, quominus illa in bonum finem dirigatur. — 2.<sup>o</sup> Quaedam etiam sunt publica spectacula, quae ita Clericos delectare non videntur, ut cursus equorum, ferarum septa, gesticulatorum praestigia, extraordinarii conventus musici, etc. Hic res tota est diu licenda ex motivo determinante, ex usu regionis, ex loco, periculo, scandalo, ex frequentia ac qualitate personae, et similibus.

92. III. *Habitatio* sub eodem tecto cum mulieribus Clericis prohibita est: nisi isti illis indigeant, et illae sint omnis suspicionis expertes. Eiusmodi esse praesumuntur consanguineae in 1.<sup>o</sup> et 2.<sup>o</sup> gradu, et affines in 1.<sup>o</sup>, non item in 2.<sup>o</sup>, nisi alter alteri reverentiam debeat, ut patruus aut viduae nepotis, neque pariter extraneae, nisi et probatae virtutis sint: et regulariter provectae aetatis: quae omnia in aestimatione Ordinarii esse debent. *Provectae*, h. e. saltem quadragenariae esse debent. *Regulariter*: nam licet cum junioribus cohabitare, uxoribus famulorum suorum, vel ancillis aut pedisequis eorum, qui de familia sunt. Constat ex C. 9. 27. de *Cohabit. Cler.*, C. 27. D. 81., Trid. S. 22. C. 4. de R. Ratio est periculum lapsus et scandali. Bened. XIV. Not. 83. Pirhin. l. 3. t. 2. n. 2. 3., Reiff. l. 3. t. 2. n. 8.

93. *An liceat clericis negotiatio?* — *Negotiatio* proprie dicta clericis constitutis in sacris, et Religiosis omnibus, est interdicta: ita ut graviter peccent si multum negotiationi dent operam. Trid. S. 22. C. 1. de R., C. 1. 3. 6. Ne *Cler. vel Monach.*, L. 1. 3. n. 831., S. Th. 4. D. 16. q. 4. a. 2. q. 3.

94. *Nota:* 1.<sup>o</sup> *Negotiatio* proprie dicta est, cum quis emat rem eo animo, ut integram et non mutatam, carius vendendo vel permutando lucretur. S. Th. 2. 2. q. 77. a. 4. Dantur *proprie dicta* seu *lucrative*: solet enim distingui etiam *occasionalia*, qua emuntur necessaria ad sustentationem, et superflua venduntur: et *artificiales*, qua aliquid emitur, ut vel *naturaliter*, vel per *propriam industriam* mutatum vendatur. Harum neutra prohibita est. Si vero res, *aliam industriam*, vel *conductis operariis*, immutetur, parum sane a negotiatione distat. Cf. Bazzani Ed. 1885. p. 338. *Constitutis in sacris*, etenim communis est sententia, non prohiberi negotiationem clericis in minoribus.



Dubitatur autem, an vetetur beneficiatis in minoribus? Negant Molina, etc. Sed melius tenendum oppositum cum communi sententia, quam tenent Lugo, etc. L. I. c. *Multam negotiationi dent operam*: etenim, non peccat graviter Clericus his, vel ter exercens negotiationem non turpem, nec in magna quantitate, quia jura loquuntur de *exercente*. Hinc, etiamsi semel vel iterum tantum in materia gravi negotietur, nec etiam peccare graviter, probabiliter tenent Caj., Salas, etc. L. I. 3. n. 831. D'Ann. 461. — 2.<sup>o</sup> Ut negotiatio Clericis vetita sit, requiritur animus *vilius emendi*, ut *vendatur carius*: unde licet eis vendere carius, ut emant vilius L. I. c. 836. — 3.<sup>o</sup> Benedictus XIV. B. *Apostolicae scripturis* constituit poenas inflictas adversus Clericos negotiatores extendi etiam debere ad Clericos illicite sub alieno laici nomine quomodolibet negotiantes, perinde ac si per seipsos, ac proprio eorum nomine negotia ipsa illicite exerceant. Poenae hae sunt terendae sententiae quoad Clericos et Monachos. Quoad missionarios vero Indiarum Orientalium et Americae, quibus negotiatio gravius interdicitur, poenae ab his ipso facto incurruntur ex CC. Urbani VIII. *Ex debito*, 22. Febr. 1633., Clem. IX *Sollicitudo pastoralis officii*, 17 Jun. 1669., Resol. S. Offic. 6. Mart. 1817. Clemens vero XII. B. *Cum primum*, rursus prohibuit Clericis, ne per personas interpositas negotientur: ac praesertim ne cambium activum per alios contrahant: addens quod si adsit familiae necessitas, vel si negotium obveniat aliquo titulo a laicis, Clericus adhuc negotiari non possit sine Sedis Apostolicae, in Italia, extra, sine Episcopi licentia. Praeterea addit, quod si de aliquo contractu exoritur dubium, an licite possit a Clerico iniri « expeditissimam esse viam scribendi ad S. C. Concilii, quae dubium decernet ». L. I. c. 832. 833. Verum, ex receptis moribus, si Clericus in negotiis huiusmodi Patri successerit una cum fratribus ea per alios exercere permittitur. D'Ann. 506. Nulla item opus est venia, si quis negotietur ad comparanda sibi necessaria *vitalis*, et non tantum *statui*. — 4.<sup>o</sup> Certum est non esse licitum clericis vel religiosis conducere res laicorum, lucri faciendi gratia. Ratio, quia quamvis haec *proprie* non sit negotiatio, sed quaelam tantum negotiationis species, vetitum tamen est a Conc. Chalcedon C. *Pervenit* l. Can. 21., C. l. *Ne Cler. vel Mon.* Adeoque ex his pascuis oves, sues, etc., saginare non licet, Lugo De Iust. D. 26. n. 29., nisi aliubi contraria consuetudo vigeat. L. I. 3. n. 835. v. *An vero*. Dixi: *conducere*: nam qui conductori succedit re in re poterit. Fagnan. in C. I. n. 81. *Ne Cler. vel Mon.* — 5.<sup>o</sup> Nullo iure vetitum est Clericis mutuum aliis dare. — Cf. La-Croix l. 3. P. 2. n. 1005. 1006. Scav. l. 1. n. 576., L. I. c. 834., S. Th. 2. 2. q. 77. a. 4. ad 3.

95. *Resolves*: Non est negotiatio ecclesiasticis, vel Religiosis prohibita, si emant pecora, quae pascuis suis saginata vendant, quia vendunt fructus suorum praediorum, vel agrorum. Uti nec si greges alant, ut foetus, lac, lanam vendant. L. I. c. n. 831. Non peccat Clericus: 1.<sup>o</sup> si emat agrum cum fructibus iam maturis, illosque vendat: quia vendit fructus agri sui. 2.<sup>o</sup> Si id, quod ad proprios usus emerat postea, vel quia non indiget, vel mutato consilio, carius vendat. L. I. c. n. 836. Licitum etiam est Clericis emere ferrum, ad vendendos gladios: colores, ad vendendas picturas: lanas, ad vendendum pannum, etc. L. ib.

96. *An liceat Clericis res Ecclesiae alienare?* — Paulus II. in Extrav. *Ambitiosae de reb. Eccl. non alienand.*, prohibet sub gravibus poenis alienari *bona immobilia*, et *mobilia pretiosa Ecclesiae, quae servari possunt*: atque alienationem omnino irritam declarat. L. 157., D'Annib. P. 3. n. 77. seqq. Cf. Comm. de C. *Apostolicae Sedis* n. 83. 84.

97. *Quaenam artes et officia Clericis prohibeantur?* — I. Prohibetur Clericis in sacris ac Monachis ars Medicorum et Chirurgorum, ubi opus sit incisione, amputatione vel adustione, nec adsit necessitas: et quidem sub irregularitate, si inde mutilatio vel mors sequatur: id enim opponitur lenitati, quam iugiter omnes habere debent Clerici. Si tamen peritus non adsit et casus urgeat, Clericus sine peccato, proinde sine poenae aut irregularitatis

periculo, incisionem vel adustionem agere poterit. Item Ecclesiastici alii praesto esse possunt optimis artis salutaris consiliis. — Prohibitum item est Clericis et Monachis publice audire ius et medicinam. L. 7. n. 210. 211. Omnibus autem Clericis eodem canonico iure prohibetur ars quaelibet, quae status clericalis honestati generatim contraria censetur: uti ars macellariorum, tabernariorum, ioculatorum, etc. Scav. q. 1. L. 182. — Cf. Decret. tt. *De vita et honestate Cleric., Ne Cler. vel Mon.*

98. II. Clerici beneficiati vel in sacris passim iure canonico sub gravi prohibentur sequentia officia exercere: 1.<sup>o</sup> Tutoris, Curatoris, aut Procuratoris minorum, et quodeunque aliud, quod sit ministerii publici, ut Praefecti Urbis, Quaestoris, etc., quodque eos obliget ad reddendas rationes de iustitia, vel de bonis administratis, excepto casu quo pupilli seu minores sint proximi Clericorum propinqui. Hodierna vero praxi receptum est, ut esse possint Deputati et Consultores Municipiorum: nisi specialis adsit prohibitio. — 2.<sup>o</sup> Iudicis in causa sanguinis: item Militis: item Advocatorum, Procuratorum et Notariorum in Curiis saecularibus, excepto casu, quo Clericus agat causam vel suam, vel suae Ecclesiae, vel egeni, vel personae sibi in quarto gradu coniunctae: Administratoris honorum personae laicae privatae, non miserabilis, cum obligatione reddendi administratae substantiae rationes, Ceterum non audent DD. damnare de mortali Clericum, qui ob talem procuracionem sua ministeria non negligeret; maxime si id non faceret avaritiae causa, sed ad decentius statum suum et familiae conservandum. Ius enim loquitur tantum de eo, qui ita se immergeret in huiusmodi procuracionibus, ut sua ministeria cogeretur negligere. Scav. q. 2. L. 190. et l. 3 n. 838. Cf. Decr. tt. cc., Bened. XIV. De Syn. l. 13. C. 16., S. Th. 2. 2. q. 187. a. 2., q. 71. a. 2.

### III. — DE BENEFICIARIIS IN GENERE

99. *Quid Beneficium et Pensio?* — Beneficium ecclesiasticum in se spectatum est portio bonorum Deo datorum, adiuncta officio ecclesiastico legitime erecto ac perpetuo subsistenti. *Respectu vero Beneficarii* communiter definitur: Ius perpetuum competens Clerico, legitime instituto, percipiendi fructus ex bonis ecclesiasticis, propter officium spirituale, auctoritatis ipsius Ecclesiae constitutum. *Bona* quid temporale sunt; *Officium*, spirituale; *Ius*, temporale spirituali adnexum, Ius autem percipiendi fructus ex alieno beneficio dicitur *Pensio ecclesiastica*. L. 83. 137.

100. *Nota:* Salaria, quae bonis immobilibus usurpatis, Resp. horum redditibus subrogavit subrogati naturam induunt, et huius iure censentur. S. Poenit. 19. Jan. 1819.

101. *Quotuplex Beneficium et Pensio?* — Beneficiorum praecipua divisio est, ut aliqua dicantur *maiora*, alia *minora*. *Maiora*, quibus inest externa et interna iurisdictio, ea sunt quibus haeret maximus in Ecclesia gradus, ut Patriarchatus, Archiepiscopatus, Episcopatus, Cardinalatus, et in quorundam sententia etiam Abbatia. Haec tamen non communi Beneficiorum vocabulo, sed proprio solent indicari: et quandoque etiam Beneficia *consideranda* dicuntur, eo quod eorum collationem R. Pontifex ordinarie facere soleat in Consistorio Cardinalium. Beneficia autem illa, quae in praedictorum numero non continentur, appellantur *minora*: quae quidem inter se differunt. Ea sane, aliis omissis divisionibus, alia sunt *duplicita*, alia *simplicita*. *Duplicia*, dicuntur quae duplici onere censentur obstricta, si nempe praeter communem Horarum Canoniarum recitationem, quae Beneficiis inhaeret omnibus, et Altaris Ministerium, adnexam habeant aliam qualitatem: scilicet vel praecminentiam et iurisditionem in foro interno, et dicuntur *curata*: vel solam praecminentiam, et sunt *personatus*: vel aliquam admi-

nistrationem, et dicuntur *officia*, vel praeceminentiam et iurisdictionem in externo foro, et sunt *dignitates*. Porro *dignitates*, aliae sunt *maiores*, et sunt iam recensitae, nempe Episcopatus, Archiepiscopatus, Primatia, Patriarchatus, Cardinalatus, et super omnes Pontificatus; aliae sunt *minores*, ut sunt Archidiaconatus, etc. Nomine autem *deputatum* generaliter assumpto in Rescriptis Apostolicis veniunt Dignitates minores. *Simplex* instituta sunt ad solas preces Deo fundendas, atque ad altaris servitium, ut Capellania ecclesiastica, etc. L. 84. 116. — Pensio autem alia est *laicalis*, alia *clericalis*. Laicalis datur sive laico sive clerico, ob temporale aliquod ministerium vel temporalem aliquam causam; et aliquid prorsus temporale est. Clericalis vero datur clerico *uti clerico*, eaque *mista* dicitur si detur clerico pauperi, seni, etc., uti alatur; est vero simpliciter clericalis, si detur v. g. concionatori, Coadiutori parochi, etc., propter spirituale ministerium. L. 137.

102. *Quomodo ecclesiastica beneficia acquirantur?* — Tribus modis communiter ecclesiastica beneficia acquiruntur: 1.<sup>o</sup> per *electionem*, qua Clericus a toto Capitulo vel Congregatione *eligitur*, et a Superiore ecclesiastico seu Praelato confirmatur; 2.<sup>o</sup> per *praesentationem*, qua quis a patrono offertur Superiori, a quo acceptatur et instituitur, si reperiat idoneus: huc referri potest *nominatio*, qua quis nempe, etsi non patronus, ex indulto tamen aliquem ad aliquod beneficium praesentat, ut illud ei *conferatur* a Superiore; 3.<sup>o</sup> per *collationem*, cum gratis nempe Beneficium solo iure Praelati datur. Hinc alia exsurgit divisio beneficiorum, in *electiva*, *patronata*, *collativa*. L. 85. 86.

103. *Quid sit Ius Patronatus?* — *Ius patronatus* est *facultas* seu *ius* offerendi clericum, ut ei conferatur beneficium. Qui hanc habet *facultatem* exhibendi Episcopo clericum *patronus* dicitur. Antiquissima sane Ecclesiae disciplina receptum est, ut iis qui templa aut beneficia vel erigerent, vel dotarent, vel restituerent, fas esset Clericos sibi acceptos ad eadem Beneficia eligere, et Episcopis praesentare. L. 87.

104. *Quenam beneficia concursu sint conferenda?* — Trid. S. 24. C. 18. de R., perpendens quantum animarum saluti expediat a dignis Parochias gubernari, expresse iussit eas non posse conferri, nisi dignioribus inter eos, qui experimento instituendo coram ipso Episcopo, vel eo impedito, ab eius Vicario generali et examinadoribus non paucioribus quam tribus, fuerint approbati, declarans provisiones aliter factas nullas et irritas ipso iure. Parocciis adde praebendam Theologalem ac Poenitentiarum, quae item Beneficia per concursum sunt conferenda ex Benedicto XIII. C. *Pastoralis officii*.

105. *Nota:* Huius concursus forma habetur in Trid. S. 24. C. 18. de R., C. S. Pii V. *In conferendis*, C. Benedicti XIV. *Cum illud*, 14. Dec. 1742. Cf. A. S. S. V. 7. p. 1353. seqq., Bened. XIV. de Syn. l. 4. Cap. 7. 8., Reclusum de Concursibus, Bouix de Parocho pag. 352 seqq.

106. *Quibusnam sint beneficia conferenda?* — Beneficia non sunt conferenda nisi personis idoneis atque dignis, quae scilicet prae se ferant conditiones seu qualitates a sacris canonibus requisitas. Oportet nempe ut eligendus ad Beneficium sit: 1.<sup>o</sup> *honestis moribus*: hinc merito repellitur improbus, facinorosus, infamis, irregularis, censuratus, simoniacus, homicida, qui abortum procuraverit, haereticus et eius fautor, receptor, etc., ut constat ex variis textibus iuris. — 2.<sup>o</sup> Ut *scientia* polleat, quae quidem ex Trid. diversa est pro diversa Beneficiorum qualitate. — 3.<sup>o</sup> Ut sit *caelebs*; nam ex Iur. Can. coniugatus admitti non potest: et collatio facta ei qui matrimonio iunctus est, invalida existit: imo si Clericus in minoribus Ordinibus constitutus habeat Beneficium, et contrahat matrimonium, illud ipso iure perdit. — 4.<sup>o</sup> Ut sit *legitimis* ortus parentibus, neque haereticus filius, secus nulla electio est. — 5.<sup>o</sup> Ut habeat *aetatem* praescriptam; commune



autem est, quod si aetas deficiat etiam quoad unam horam, Beneficii collatio sit nulla. Cf. L. 1. 6. n. 799. — 6.<sup>o</sup> Ut eligendus sit *prima*, saltem *tonsura* insignitus; secus non confertur Clerico. Si vero Beneficium certum Ordinem sacrum requirit, necesse est, ut intra annum a possessione Ordo ille suscipiatur. Verum, si sit gravis necessitas vel utilitas Ecclesiae, Episcopus dispensare potest cum Beneficiato ut studiis vacet. Schmalz. l. 3. t. 4. n. 62. ex Trid. S. 5. C. 1. de R., S. 6. C. 2. de R. Excipe, nisi actu talem Ordinem requirat, tunc Ordo requiritur ipso tempore, quo Beneficium acquiritur. Hic tamen notandum est quod etiam de laico electo et nominatio fieri aliquando solet, *sub spe nempe futuri Clericatus*. — 7.<sup>o</sup> Ut *veram intentionem habeat perseverandi in ecclesiastico statu, et Ordinem sacrum suscipiendi, qui ad Beneficium requiritur*, nisi occurrat iusta causa, quae aliter suadeat; secus deciperet in re gravi Ecclesiam, cuius intentio est, ut Ordinem statuto tempore suscipiat. Unde graviter peccaret qui sine illa intentione Beneficium Ordinis sacri susceperet; quae quidem intentio debet esse vera et determinata. L. 1. 6. n. 785. Et si Beneficium sit *Parochialis Ecclesia*, et hanc receperit *non intendens* promoveri ad Sacerdotium debet fructus restituere, quos sic fraudulenter perceperit, nisi postea mutata voluntate promotus fuerit. C. 35. de Elect. in 6.<sup>o</sup> Si Beneficio nullus est annexus Ordo sacer, verius leviter peccat, quia nullo iure constat hoc esse letale. — 8.<sup>o</sup> Ut tandem Beneficio instituendus iam *alio Beneficio non sit praecisus*; certum est enim iure canonico Beneficiorum pluralitatem in uno Clerico absolute prohiberi. Attamen, dispensatione accedente S. Pontificis, si adsit honestas aliqua causa, plura beneficia obtineri possunt. Imo sine etiam dispensatione in aliquibus casibus plura beneficia obtineri possunt. Trid. S. 24. C. 17. de R., etc. — Cf. L. 112. 118., S. Thom. Quodl. 8. a. 13., Quodl. 9. a. 15.

107. *Quomodo beneficia amittantur?* — Beneficia possunt quatuor modis amitti: 1.<sup>o</sup> per mortem beneficiati, quia personis tantum conceduntur, neque ad haereditatem iure haereditario transire possunt. — 2.<sup>o</sup> Per sententiam iudicis vel mere *declaratoriam criminis*, si agatur de enormibus quibusdam criminibus, quibus *ipso facto* amittitur beneficium, accedente dicta sententia, vel *condemnatorium* propter crimina non tam enormia. Ubi agatur de beneficiis *perpetuis*, seu stricte talibus, nemo potest beneficio expoliari, nisi ob crimen expressum in iure et servato ordine iuris. Cf. Trid. S. 21. C. 6. de R., C. 5. C. 7. De rer. permut., S. C. C. 27. Jan., 18. Dec. 1857., A. S. S. V. 11. p. 159. Ben. XIV. C. Apostolici Ministerii, etc. Si vero beneficia non sint *perpetua*, neque stricte talia, sed *beneficia sunt manualia*, uti dicuntur, tunc beneficia possunt ad nutum vel arbitrio, Episcopi e. g., auferri et beneficiatus est amovibilis, sed ex iusta causa. — 3.<sup>o</sup> Per liberam renuntiationem, quae est spontanea proprii beneficii dimissio facta in manu legitimi Superioris eam acceptantis; vel per resignationem, quae est renunciatio facta in favorem alterius, in manu legitimi Superioris eam acceptantis; vel per permutationem, quae est mutua in favorem alterius beneficii resignatio, in manu legitimi Superioris eam acceptantis. Renuntiare autem prohibetur Noviti ante duos menses Professioni proximos. Conc. Trid. S. 25. C. 16. de R. — 4.<sup>o</sup> Per *meram legis dispositionem*, post matrimonium, vel professionem religiosam, per acceptionem alterius beneficii incompatibilis, etc. Cf. L. 133.-136.

108. *Quatenam sint Beneficati et Pensionati obligationes?* — Beneficarii obligationes aliae sunt speciales, quae propriis in locis exponuntur, ubi de Episcopis, Canonicis, Parochis, etc., aliae communes omnibus. Communis est omnibus beneficiariis: 1.<sup>o</sup> obligatio Horas Canonicas recitandi; — 2.<sup>o</sup> obligatio fructus restituendi, si recitationem Officii, aliasque obligationes adimplendas contumax. — 3.<sup>o</sup> Tenentur sub gravi elargiri in usus pios aut eleemosynas redditus communes, qui supersunt ex bonis mere ecclesiasticis suae honestae sustentationi. S. Th. 2. 2. q. 185. a. 7., Quodl. 6. a. 12. — 4.<sup>o</sup> De-

bent tonsuram et habitum ecclesiasticum deferre, nec non caelibatum servare. — 5.<sup>o</sup> Non possunt bona sive immobilia sive mobilia, uti sunt sacrae suppellectiles Ecclesiae, alienare, pignori dare, servitutibus obnoxias facere, praediorum formam mutare, nec in melius, nisi multum et evidenter melius. C. 1. *De pignori*, Bened. XIV. Not. 69, n. 5. — 6.<sup>o</sup> Res sui beneficii sartas tectas servare et iura tueri debent, ipsis redditibus superfluis beneficii, si sint, secus Ordinarii arbitrio. — 7.<sup>o</sup> Si beneficium est residentiale, debent commorari in loco beneficii, et per se implere onera beneficio adnexa. Trid. S. 24. C. 12. de R. — 8.<sup>o</sup> Provisi de beneficii curam animarum habentibus, vel Dignitatibus aut Canoniciatibus in Cathedralibus elicere debent professionem fidei intra duos menses a die adeptae possessionis, alias fructus *non faciunt suos* posthac et quoad professionem emiserint. — 9.<sup>o</sup> Si beneficio adnexus sit Ordo sacer, hunc suscipere debent anno proximo ab inita possessione, uti iam dictum est. — 10.<sup>o</sup> Tandem implere debent obligationes constitutas in fundationum tabulis. — Pensionati obligationes sunt: 1.<sup>o</sup> recitare Officium B. M. V., nisi ex alio capite ad Horas teneatur. Ex S. Pio V. C. *In proximo*; alias non facit fructus suos pro rata temporis et officii. Verum haec Bulla non ubique recepta fuit. Cf. Suarez de Relig. T. 2. L. 4. C. 30. n. 22. — 2.<sup>o</sup> Si pensio vel pensiones simul sumptae excedunt annum duc. 60. de camera, h. e. libellas 322., tenetur incedere in habitu et tonsura, Sixt. V. C. *Pastoralis*, alias ipso iure pensionem amittit, ibi § 2., nempe si ad statum laicalem rediisse videatur. Schm. 1. 3. t. 12. n. 28. — 3.<sup>o</sup> Probabiliter libere omnino disponere potest de redditibus pensionis. L. 139.

109. *Quid speciatim notandum circa Missarum applicationem?* — 1.<sup>o</sup> Qui ratione beneficii tenetur celebrare, tenetur etiam Missam pro fundatore applicare, nisi de huius contraria intentione constet. S. C. C. 21. Mart. 1868. A. S. S. V. 3. p. 525., L. 1. 6. n. 332. — 2.<sup>o</sup> Si beneficiatus celebrare quidem tenetur, sed libera sit ipsi relicta applicatio Missae, potest tunc certe pro ea stipendium accipere. Secus vero dicendum, si in fundatione beneficii contrarium cautum sit, vel nihil expressum. S. C. C. 13. Jul. 1630. L. 324. — 3.<sup>o</sup> Nisi exprimat, quod per seipsum celebret, poterit celebrare et applicare per alium. S. C. C. 17. Sept. 1783., 24. Februarii 1872. A. S. V. 7. p. 181. 182. L. 330. — 4.<sup>o</sup> Qui non potest fundationi satisfacere propter morbum, non tenetur, si brevis sit, v. g. 15. dierum, aut etiam unius alteriusve mensis, ut probabiliter docet Lugo, D. 21. n. 49., substituire alium, aut compensare, cum tam stricte ne domini quidem honesti cum famulis agant: dum tamen ne fundator aliud voluerit. Secus vero si morbus sit diuturnus, nisi forte et sit pauper et eo beneficio promotus fuerit ad ordines, is enim vacare poterit, quamdiu laborat. S. C. C. 5. Febr. 1650., 24. Apr. 1655., L. 333. — 5.<sup>o</sup> Qui tenetur quotidie per seipsum celebrare et pro fundatore applicare, potest is quater aut sexies in anno celebrare pro seipso, pro coniuncto, pro amico aut benefactore, modo aliud non accipiatur stipendium, itemque poterit semel in hebdomada devotionis et reverentiae causa vacare, idque ex praesumpta testatoris voluntate. Quare id illicitum est, si de contraria constet voluntate. S. C. C. 18. Apr. 1683., Bened. XIV. Not. 56. n. 6., L. 332. — 6.<sup>o</sup> Celebrandae sunt Missae tempore et loco designatis, et ordinarie grave est. Nihilominus antea celebrare, vel postea, infra modicum tempus, nempe infra mensem, vel alio in loco semel aut bis in mense, vel pluries ex iusta causa, gravi vacat culpa: nisi aut alia mens fundatoris esse videatur, aut damnum alterius iniustum id vetet. Ius autem est Ordinarii mutare tempus et locum, ex iusta causa, fundatoris voluntatem interpretando. L. 329.

110. *An sit obligatio eligendi digniores ad beneficia?* — Certum est 1.<sup>o</sup> nullo modo excusari a peccato mortali eos, qui promovent minus dignos ad Episcopatus et Cardinalatus. Habetur hoc ex Trid. S. 24. C. 1. de R. Confirm. ex pr. 47. d. ab Inn. c. XI. « Ex quo patet peccare quidem graviter Pontifices, et reges, qui ad praefatas dignitates non digniores promovent. Ratio, quia

cum beneficia, seu dignitates praedictae, sint instituta ad commune bonum Ecclesiae, multum ipsi detrahunt, qui praetermittunt eligere magis idoneos ad Ecclesiarum regimen ». L. 91. Idem dicit D. Bouix (de Ep. T. 1. p. 312.) de Ministro cultuum, qui Principi proponit, et de Episcopis, qui a Gubernis consuluntur, nisi eos suggerant, quos digniores et Ecclesiae utiliores existimant. — Certum est 2.<sup>o</sup>, quod Episcopi ad beneficia curata pariter teneantur digniores eligere. Ratio est eadem: Trid. S. 24. C. 18. Iam vero maior dignitas eligendorum non accipienda est absolute, sed respective ad utilitatem Ecclesiae. Quare dignior is intelligitur non qui doctior, sed qui impendis muneribus beneficio adnexis est aptior et utilior ceteris. L. 92 S. Th. Quodl. 4. a. 15., Quodl. 6. a. 9., Quodl. 8. a. 6. — Dubitatur 3.<sup>o</sup> an peccent mortaliter *Episcopi* eligentes minus dignos ad beneficia simplicia, omissis dignioribus. Adest enim duplex sententia. « Prima sententia probabilis negat... Secunda sententia tamen communior et probabilior docet sub gravi obligatione etiam ad beneficia simplicia eligendos esse digniores... Limitant tamen DD. et dicunt non esse peccatum mortale, 1.<sup>o</sup> si praetermittatur dignior non passim, sed semel vel bis... 2.<sup>o</sup> si excessus dignitatis sit parvus... 3.<sup>o</sup> si beneficia sint parvi momenti... 4.<sup>o</sup> si ex lege foundationis debeat eligi aliquis ex aliqua familia, collegio vel oppido... 5.<sup>o</sup> si praevideatur dignior brevi dimissurus beneficium ». L. 93-96. Adde: 6.<sup>o</sup> si nulla certa spes appareat digniorem electum iri, suffragari minus digno *capditi*, si hic alias certe eligeretur Dissidendo enim nihil aliud quam inimicitias et discordias quis sereret. Quin imo *oportet* etiam minus diguo suffragari, si alias indignus eligeretur. Quin si dignus nullus occurrat, fas esse et indigno beneficium conferre, si et necessitas urgeat, et plus profuturus speretur, quam abfuturus, putant Less. Lugo, contra Sot. Caietan., etc. existimantes hoc natura sua malum esse. D'Annib. 38. — Dubitatur 4.<sup>o</sup> an *patroni* laici non reges teneantur sub mortali praesentare digniores ad beneficia curata. « Prima sententia, quam tenent Pal. ac Garcias, P. Nav. et alii, negat teneri ad praesentandos digniores sive beneficium sit simplex, sive curatum ». Nam Conc. Trid. non aliud onus imponit laico, quam idoneum praesentare: « Sed omnino tenendum cum secunda sententia, quod in beneficiis curatis teneatur sub gravi patronus adhuc laicus praesentare digniorem. Hoc mihi certum videtur, quia in his beneficiis eadem utique ratio currit, quae in Episcopatibus, pro quibus iam declaravit Tridentinum, ut supra vidimus, a quibuscumque promovendos esse digniores ». Dicitur *patroni laici, non reges*: nam: « certum est quod patroni Episcopatum, ut sunt reges, ad id tenentur ex relato C. 1. Trid. s. 24., de R. ut supra, ubi hoc declaravit Concilium de omnibus promoventibus. Certum est, quod si patroni sunt ecclesiastici, tenentur etiam digniores praesentare, ut sancivit Concilium » C. 18. diet. Sess. 24. Dicitur *ad beneficia curata*. Etenim « si beneficia sint simplicia, prout probabile est, Episcopos non teneri sub gravi ea dignioribus conferre, ita probabile etiam est ad hoc non teneri patronos; sed quia probabilius est, ut diximus, illa dignioribus conferenda esse: ita etiam probabilius censum patronos teneri sub gravi digniores praesentare. Ratio, etc. » L. 97. — Dubitatur 5.<sup>o</sup> an resignantes beneficia etiam debeant digniorem quaerere. Etenim, « prima sententia negat... et Lugo cum Vazq. probabiliter vocat... Secunda sententia omnino opposita absolute affirmat teneri resignantem quaerere digniorem... Tertia sententia... tum tantum admittit posse resignationem fieri non digniori, cum resignatarius sit aequae dignus ac resignans, quia tunc nullum Ecclesiae damnum irrogatur. Sed de his omnibus sententiis aequior mihi videtur sententia doctissimi Lugonis, nempe quod tanta ratio culpa in hoc puncto sumenda est a ratione damni, quod Ecclesiae obveniret, etc. » L. 98, 99. — Dubitatur 6.<sup>o</sup> an ad praelaturas etiam regulares eligendi sint digniores. « Prima sententia negat, nisi agatur de generalatu aut praelatura perpetua... sed omnino affirmandum cum sententia communiori... Ratio quia... sunt quasi Episcopi ». L. 100, 101. — 7. Ille qui beneficium petit et obtinet, potest iudicium de sui idoneitate



et dignitate aliorum aestimationi committere, licet se aliis digniorem non reputet, dummodo se certo indignum non agnoscat. S. Th. 2. 2. q. 185. a. 3.

111. *An electio digni in beneficiis, omisso digniori, sit valida?* — « Si beneficium est simplex, certum est valere ex communi DD. ... Dubium est si sit curatum. Negant probabiliter Pal., etc. ... Affirmant vero probabilius collationem valere Lugo, etc. ». L. 102. 103.

112. *An promotio indigni sit irrita?* — Si haec indignitas respiciat carentiam earum qualitatum, quae reddant *incapacem*, quia stricto iure requiruntur ad validam Beneficii consecutionem, uti est aetas, legitimitas, caelibatus, clericatus, ordo sacer, qui actu habeatur vel saltem infra annum accipiatur, si tamen beneficio adnexus fuerit, quod quis non sit excommunicatus, homicida, filius haereticorum, quod non fuerit haereticus publicus vel schismaticus, etc., tunc patet electionem illam nullam esse. Si vero solum indicet meram *indignitatem* seu ineptitudinem ad officia praestanda ipsi Beneficio inhaerentia, ut defectus scientiae, defectus integritatis vitae et existimationis, censura, irregularitas ex delicto, exercitium artis ludicae, etc., tunc electio non est in foro saltem externo ipso iure irrita: quia de hac nihil habetur definitum. Est tamen irritanda ex Tridentino, quod praecepit, « ut Beneficia ecclesiastica praesertim curam animarum habentia personis dignis et habilibus... conferantur: aliter autem facta collatio sive provisio omnino irritetur ». S. 7. C. 3. de R.

113. *An qui eligunt ad beneficia dignum, omisso digniori, teneantur restituere damnum illatum ipsi, aut Ecclesiae?* — Prima sententia affirmat, ad restitutionem teneri: alii autem aiunt teneri compensare damnum digniori omisso: alii putant damnum resarciendum non solum digniori, sed etiam Ecclesiae. Secunda sententia negat ad restitutionem teneri sive erga Ecclesiam, sive erga digniorem: secus vero si eligatur indignus. « Utraque sententia, ait S. Alph., est valde probabilis »: asserens secundam sibi probabiliorē esse. L. 107. et l. 3. n. 547. 585. Cf. hic n. seqq.

114. *An quando beneficia conferuntur per concursum eligens dignum, omisso digniore, teneatur huius damnum resarcire?* — 1.<sup>a</sup> sententia communis affirmat. Ratio, quia beneficia sunt bona communia et praemia meritorum. — 2.<sup>a</sup> sententia tamen negat. Ratio, quia pactum quod in concursu habetur, non est pactum rigorosum, obligans iuxta leges iustitiae commutativae, sed est tantum promissio obligans ex fidelitate. Beneficia enim sunt potissimum ad divinum cultum obeundum instituta. Concursus autem eo tantum spectat, ut appareat, qui sint digni, qui digniores. L. 109. et l. 3. n. 585.

115. *An minus dignus se opponens per concursum digniori praestet mortaliter, et teneatur ad restitutionem si beneficium obtineat.* — R. 1.<sup>a</sup> Affirmative, si se opponens sit indignus: quia illicite et iniuste obtinet. — 2.<sup>a</sup> Negative, si simpliciter minus dignus. Ratio, quia non pertinet ad ipsum merita discutere, sed ad examinatores et ad conferentem Beneficium: et haec Ecclesiae mens est, et communis praxis, ut omnes digni concurrant. L. 110., S. Th. 2. 2. q. 63. a. 2., q. 185. a. 3.

116. *An examinatores teneantur Episcopo denuntiare digniores?* — 1.<sup>a</sup> sententia probabiliter negat cum Lugo, etc.: quia ex Conc. Trid. renuntiandi sunt ab examinatribus non *digniores*, sed *idonei*, ut ex his deinde Episcopus *digniorem* eligat. — 2.<sup>a</sup> sententia S. Alphonso probabilior et communior affirmat. Ratio, quia ideo praescribitur concursus, ut Episcopus facilius et tutius digniorem possit eligere. L. 111.

117. *An examinatores debeant tantum iudicare de scientia concurrentium, an etiam de ceteris dotibus moralibus?* — R. Affirmative. « Peracto examine, ait Trident., renuntiatur quotiescumque ab his idonei iudicati fuerint aetate, moribus, doctrina, prudentia, et aliis rebus ad vacantem Ecclesiam gubernandam opportunis ». Imo S. C. C. 2. Aug. 1607. expresse declaravit.

examinatores « graviter deesse muneris suo, si doctrinae tantum iudices sint, nec inquirant, qui prae aliis probitate morum, laboribus, praestito ante Ecclesiae obsequio ceterisque dotibus ad officium parochiale cumulate obendum necessariis sint idonei, et commendabiles ». Imo addit, nullam esse collationem, quae facta sit super iudicio examinatorum ad solam doctrinam limitato. Tandem Bened. XIV. Encyc. 14. Dec. 1742. aperte reprobatum abusu contrarium alicubi inolecentem, de Syn. l. 4. C. 8. Cf. A. S. S. V. 2. p. 81. 90., V. 11. p. 13. 127.

#### IV. — DE OBLIGATIONIBUS EPISCOPORUM

118. *De Episcoporum sanctitate.* — Episcoporum eximia esse debet vitae sanctitas. Ratio est, quia Episcopatus status est acquisitae et exercendae perfectionis. Suarez, de Rel. T. 3. l. 1. C. 15., Bouix de Iure Reg. T. 1. p. 15. seqq., S. Th. 2. 2. q. 184. 185. Cf. etiam Quodl. 2. a. 11., Quodl. 5. a. 22., Quodl. 12. a. 17.

119. *De obligatione residendi.* — Certum est Episcopos, licet Cardinales sint, ad residentiam teneri; eamque *per se* obligare sub gravi; ex Tr. S. 23. C. 1. de R., et ex aperta declaratione Bened. XIV. C. *Ad universae*. L. 121. Spatium autem temporis ad culpam gravem requisitum notabiliter excedere debet tres menses, a Trid. permissos. L. 127.

120. *Nota:* 1.<sup>o</sup> Residentia haec intelligenda est, non de *materiali* dumtaxat et otiosa, sed de *formali* et laboriosa. Constat 1.<sup>o</sup> ex Trid. l. c. *ubi inuncto sibi officio defungi teneantur*; 2.<sup>o</sup> ex B. *Grave* Bened. XIV. L. 127. — 2.<sup>o</sup> Episcopus residentiae obligationi satisfacit residendo in quocunque loco suae dioecesis. Constat 1.<sup>o</sup> ex Conc. Tr. ib., *in sua Ecclesia vel dioecesi*; 2.<sup>o</sup> ex B. Bened. XIV. C. *Ubi primum*. L. 124., Ferraris v. *Episcopus* a. 3., n. 14., qui addit: « modo vadat ad Cathedralium temporibus praescriptis a Trid. S. 23. C. 1. de R., S. C. Episc. 17. Dec. 1649. ». Lucidi de Visit. SS. Lim. V. 1. p. 140. Ed. 3<sup>a</sup>.

121. *Quoniam sunt causae excusantes Episcopos a residentia continua et perpetua?* — Ex Trid. l. c. quatuor sunt: 1.<sup>o</sup> *christiana caritas*, 2.<sup>o</sup> *urgens necessitas*, 3.<sup>o</sup> *obedientia debita*, 4.<sup>o</sup> *Evidens Ecclesiae, vel reipublicae utilitas*. L. 125. Propter has easdem causas abesse potest etiam parochus *ultra bimestre*, ipsi concessum. Causae enuntiatæ regulariter non legitimant absentiam Episcoporum, nisi in quantum accedit vel Summi Pontificis licentia vel Metropolitani, vel, eo absente, suffraganei Episcopi antiquioris residentis. Dicitur *regulariter*; nam quidam casus sunt excipiendi. Cf. Craisson Man. I. C. l. 1. n. 890., L. l. 4. n. 125. in fine, et n. 122. par. *Insuper*.

122. *An praeter dictas causas nunquam liceat Episcopis a suae dioecesi abesse?* — Licitum praeterea est Episcopis *extra praedictas causas* a suis dioecesibus abesse per duos vel ad summum tres menses, sed illud non potest fieri nisi *ex aequa causa et absque alio gregis detrimento*; quibus verba, inquit Bened. XIV. C. *Ad universae* « animi levitas, oblectationum cupiditas, alique fuitiles causae penitus excluduntur ». L. 122. Pro hac autem trimestri absentia Episcopi non indigent licentia S. Sedis. Cf. Craisson l. c. n. 887.

123. *An a residentia excusetur Episcopus propter periculum contrahendae pestis?* — R. Negative; idemque de parcho dicendum. Constat ex Resp. S. Congr. L. l. 6. n. 233., S. Th. 2. 2. q. 185. a. 5. Cum autem Superiores quoque sive Praelati regulares residentiae obligatione adstringantur propter curam gerendam suorum, hinc et ipsi tenentur tempore pestis suis assistere. L. 119.

124. *Quibusnam poenis obnoxii sint Episcopi residentiae praeceptum transgredientes?* — Praeter alias poenas tenentur ad fructuum restitutionem. Constat ex Trid. l. c., Bened. XIV. C. *Ad universae*. Cf. Craisson l. c. n. 894., L. 122. 126. 127.

125. *De obligatione visitationis Dioeceseos.* — Episcopus obligatione adstringitur diversas suae iurisdictionis Ecclesias obire per seipsum, aut per alium, si legitime fuerit impeditus, ut oves suas, uti par est, cognoscat, earum necessitates detegat, media illis occurrendi suppeditet. Ad hoc iure divino et naturali obligatur; est enim totius dioecesis pastor: neque ulla consuetudine lex haec abrogari potest. Trid. S. 24. C. 3. de R.

126. *De clericorum regimine.* — Specialis cura clericorum vitae et honestati invigilandi Episcopis incumbit. Id constat 1.<sup>o</sup> ex Trid. S. 22. C. 1. de R., 2.<sup>o</sup> ex Ede. Pii IX. *Qui pluribus* a. 1846. et Leonis XIII. *Etsi Nos*, 15. Febr. 1882. Tenentur autem Episcopi Ecclesiasticum Seminarium instituere, eiusque particularem curam habere. Constat ex Conc. Trid. S. 23. C. 18. de R.

127. *De cura habenda doctrinae.* — Episcopi est institutionibus sive *privatis* sive *publicis*, nec non librorum impressioni ita invigilare, ut nihil tradatur, quod fidei ac moribus adversetur. Id ex eius officio pastoris aperte constat.

128. *De obligatione praedicandi.* — « Quoad Episcopos, ait Sporer t. 3. p. 73. n. 27., quod licet ipsi regulariter, iuxta consuetudinem, non teneantur per se praedicare, et Sacramenta ministrare, debent tamen personaliter invigilare, ut per alios id praestent, et insuper gregem bono exemplo instruere, ac pauperibus subvenire. Dictum est regulariter, nam puto saltem aliquando Episcopos teneri ad concionandum, dum ipsi, ut declarat Trid. d. C. 1. S. 23., de iure divino tenentur oves suas verbi divini praedicatione pascere. Hocque per idem Conc. S. 5. C. 2. de R. declaratur ». L. 127.

129. *De Missae celebratione.* — Frequenter quidem ex decentia, et saltem diebus Dominicis ac festis ex gravi obligatione, Sacrum pro dioecesi universa facere debent; populum etiam debent ad orationem saepius incitare, privatas publicasque preces in praecipuis necessitatibus indicendo, supplicationesque decernendo, etc. G. 108., L. 1. 6. n. 337. H. A. Tr. 7. n. 65. 66.

130. *De Synodo cogenda, et Visitatione ad SS. Limina.* — Tenentur Episcopi quotannis Synodum dioecesanam celebrare. Trid. S. 24. C. 2. de R. Tenentur praeterea certis temporibus Sacrorum Liminum visitationem facere ex C. Sixti V. *Romanus Pontifex* 20. Dec. 1585. Cf. Iustr. S. C. de P. F. 1. Inn. 1877. A. S. S. V. 10. p. 202.

131. *De potestate Vicarii Generalis.* — Vicarius generalis ille est, qui legitime deputatur ad exercendam generaliter iurisdictionem episcopalem, vice Episcopi, ita ut actus eius ab Episcopo gesti censeantur. Quidquid generatim potest Episcopus ex iurisdictione ordinaria propria, non vero delegata, quamvis ordinaria, utpote annexa officio, potest Vicarius, qui cum Episcopo constituit unum tribunal. L. App. de priv. 31. Haec tamen regula generalis plures habet exceptiones, quae videri possunt apud Canonistas. Itemque potest Episcopus, pro suo arbitrio, limitare in quibusdam casibus iurisdictionem sui Vicarii. Cf. Craisson. l. c. n. 1125. 1126. 1128. 1160. 1162. 1174. seqq.

## V. — DE CANONICIS

132. *Quinam sint Canonici?* — Canonici, sic nuncupati, quod olim communi regulae subiciebantur, constituunt generale concilium Episcopi, et variis adstringuntur obligationibus, quoad cultum divinum, altare, chorum, et, vacante sede, dioecesis administrationem. Canonici constituuntur



imprimis, ubi habetur Sedes episcopalis, seu Ecclesia cathedralis. Tempia, quae praeter cathedralem collegium habent Canonicorum, *Collegiata* appellantur. Canonici sunt alii *regulares*, qui sub Praeposito communem vitam votis adstrictam agunt, et hi nunc pauciores inveniuntur; alii vero saeculares, qui seorsim vivunt ex beneficiis seu pensionibus ecclesiasticis, et institutum canonicum servant quoad varia munia in Ecclesia obeunda. G. 115.

133. *De Canonicorum residentia.* — Canonici obligati ne tenentur residendi in propriis ecclesiis. Trid. S. 24. C. 12. de R. L. 129. — Iam vero ex l. c. Tridentini duo: 1.<sup>o</sup> videntur absolute canonicis praescribi et residentia in loco et interessentia choro. Sunt tamen qui tenent canonicos curam animarum non habentes posse diu nocturne moram trahere extra locum proprii beneficii, modo horis congruis accedant ad Ecclesiam pro servitio. Idque constat etiam ex Declar. S. C. apud S. Alph. l. 3. n. 675 in fine, D'Annib. 483. — 2.<sup>o</sup> Abesse possunt per tres tantum menses; « alioquin primo anno privantur dimidia parte fructuum », etc. « Dicit autem Bonacina ex quadam Declar. S. C. canonicos non privari fructibus, si tantum per paucos dies ultra tres menses absint, huiusmodi enim transgressio non videtur talis, ut praedictam gravem poenam privationis medietatis fructuum mereatur ». L. 129. — 3.<sup>o</sup> « Canonici autem tribus mensibus, in quibus absint, non lucrantur distributiones, sed bene lucrantur fructus praebendae: modo reliquo tempore anni resederint, et chorum frequentaverint ». L. ib. — 4.<sup>o</sup> Canonici inutiliter prodigens tres menses a Trid. concessos, probabilius non tenetur restituere fructus beneficii. Ratio est, quia Concilium absolute concedit canonicis per tres menses abesse, nulla speciali causa requisita. — 5.<sup>o</sup> Bene possunt canonici coniungere tempus trimestre concessum cum trimestri anni sequentis, quod facere nequeunt Episcopi, nisi scandalum obveniat, aut cultus divinus minuatur. — 6.<sup>o</sup> Non omnes simul canonici abesse possunt diebus permissis, sed non ultra tertiam partem Capituli, ne cultus impediatur. — 7.<sup>o</sup> Poenale quidem est, quod ex Conc. Trid. l. c., debeant privari dimidiis vel omnibus fructibus, et ideo non ante sententiam solvendis. Ita Scav., alique. Nullam S. Alph. requirit iudicis sententiam ex Declaratione Bened. XIV. Sed id satis reapse non constat. L. l. 3. n. 675. — 8.<sup>o</sup> Si e dioecesi egrediantur, venia indulget Episcopi. — 9.<sup>o</sup> Distributiones amissae propter absentiam nequeunt a sociis condonari. — 10. In potestate Ordinarii est, praeter menses Conciliares alium concedere *ex iusta causa*. S. Pius V. 7. Oct. 1580. ap. Fagnan. in C. *Licet* n. 4. *De Prach.*, imo etiam diuturniorem absentiam permittere potest ob extraordinariam causam, scilicet propter infirmam valetudinem, saevientem persecutionem, indubiam Ecclesiae aut Reipublicae utilitatem. — 11.<sup>o</sup> Canonici absentes aliquem sibi substituere non tenentur. Ita declaravit S. C. — G. 116. 117. L. 129.

134. *De officio chori.* — Omnes Canonici tenentur ad Officium divinum in choro canendum, vel psallendum. Constat ex Conc. Trid. S. 24. C. 12. de R. Nec excusantur ex eo, quod forte sint pauci; nam Congr. Conc. definit 13. Mart. 1696., Canonicos, etsi paucos, puta duos vel tres, officium in choro canere aut recitare teneri. Hinc non sufficit, ut Canonici intersint tantum choro vel Officiis: sed tenentur ad cantum vel recitationem, in quantum possunt, ipsi concurrere, voce clara et pio cordis affectu. G. 118.

135. *An preceat graviter canonici, qui choro non assistant, ultra tempus a Trid. permissum?* — R. plures negant; sed verius affirmandum, si a choro *notabiliter* absint ultra tempus a Trid. permissum, quod non est trium vel quatuor dierum. Ratio est, quia ut constat ex Trid. S. 24. C. 12. de R. obligatio assistendi non oritur ex distributionibus, ita ut si his renuntiant, ab omni obligatione se liberant; sed ex primaria institutione ipsius beneficii, quae non propter cuiusquam utilitatem, sed propter Dei cultum, et ad divina Ministeria obeunda instituta sunt. L. l. 3. n. 675.

136. *Quid teneantur restituere canonici, qui choro non intersunt?* — Qui absunt sine legitima et iusta causa *distributiones* non lucrantur; constat ex Trid. l. c.; *fructus praebendae* restituere debent, sed non ante sententiam. Constat eod. Trid. l. c. Qui absunt ex *legitimis* neque fructus praebendae neque distributiones amittunt. Legitimae causae sunt, *infirmities, rationalis corporis necessitas, et evidens Ecclesiae utilitas*. Qui autem non residet propter causas diversas a tribus praedictis, sed etiam iustas, puta ob studium, visitationem, et alias huiusmodi, is lucratur quidem fructus, sed non distributiones. L. 130. Communitur habentur ut praesentes Canonici curatus, in ipsa Cathedrali vel Collegiata, dum tamen in parochiae cura versatur; Poenitentiarius dum in sua Ecclesia confessiones audit; Theologus die quo fidelibus Sacram Scripturam exponit. L. 131. His addendi sunt, in Italia et insulis adiacentibus, qui vacant exercitiis spiritualibus decem continuis diebus per annum: nempe de licentia Episcopi, et non illis diebus, quibus prohibetur vacare. Clem. XI. Encycl. 1. Febr. 1700.

137. *An satisfaciant choro, ita ut restitutioni non teneantur, canonici, qui choro quidem intersunt, sed minime canunt, vel voce submissa recitant?* — Certum est non solum eos amittere omnes *distributiones*, sed etiam teneri ad restituendos *fructus praebendae*. C. *Cum semper*, 1744. Br. *Dilecte Fili* d. 19. Jan. 1748. Bened. XIV., L. 1. 3. n. 675. Eos graviter peccare vix certum non est. D'Annib. 489.

138. *Nota:* Quae circa chorum de canonicis dicta sunt, intelligenda quoque sunt de beneficiatis, qui ratione beneficii ad chorum obligantur.

139. *An Episcopus permittere possit, ut non omnes Horae cantentur?* — R. Negative. S. Congr. nuperrime interrogata a Capitulo Ecclesiae Molinensis, utrum sustineri posset statutum DD. Antonii de Pons, primi huius Sedis Episcopi a. 1822., quo talis concedebatur licentia Canonicis, respondit: Ordinationem praefatam non esse attendendam. Episcopo tamen eadem Congregatio licentiam concessit, ut res in veteri statu retineantur, usquequid quaedam circumstantiae immutentur. Apud D. de Conny, *Des usages et des abus en matière de cérémonies, ad eandem operis*. Cf. Lucidi de Visitat., etc. V. 1. p. 331. G. 119.

140. *An Officium Defunctorum, B. Mariae V. et Psalmi graduales debeant ex obligatione recitari in choro?* — R. Negative. Quia non sunt de praecepto rigoroso, sed de rubrica directiva, seu de consilio. Ita communiter Canonistae. Cf. hic n. 35. et Lucidi l. c. p. 332. G. 119.

141. *De Missa Conventuali.* — Canonici tenentur per turnum Missam Conventualem canere, et applicare singulis diebus pro Fundatoribus et Benefactoribus in genere, eique alii adesse debent. Constat ex Bened. XIV. C. *Cum semper oblatas*. Cf. Lucidi de Visitat., etc. V. 1. p. 308. seqq., V. 3. p. 188. seqq., A. S. S. V. 8. p. 106. 231., V. 10. p. 434.

142. *De assistentia Episcopo debita.* — 1.<sup>o</sup> Trid. S. 24. C. 12. de R. sic statuit de Canonicis Cathedralium: « Omnes compellantur Episcopo celebranti aut alia Pontificalia exercenti assistere et inservire ». Consonat Caeremoniale Episcoporum, l. 1. c. 15., et declarat, omnes Canonicos teneri convenire in habitu canonicali ad locum designatum, et Episcopum ad Ecclesiam progredientem Pontificalia exercendi causa et ducere, et redeuntem pariter comitari. Sed hoc est intelligendum, quando in solemnioribus festis vel caeremoniis accedit Episcopus ad Ecclesiam celebraturus, vel Saero interfuturus, cappa indutus aut Pontificalibus perfuturus. Non autem tenentur Canonici Episcopo privatim celebranti assistere. — 2.<sup>o</sup> Canonici etiam componunt concilium generale Episcopi. Episcopus enim, nisi adsit contraria et vera consuetudo, in casu particulari postulare debet consilium Canoniorum, antequam mandata ferat: sed eorum consensu non indiget, ut ea statuatur et urgeat, nisi in casibus iure determinatis. Canonici scilicet in isto concilio non habent ius suffragii *deliberativi*, sed mere *consultivi*. Sic

enim Bened. XIV. de Synod. l. 13. C. 1. n. 8. 9.: « Multum hac in re deferendum est locorum consuetudini... Necesse utique non est, ut Episcopus novas leges promulgaturus totius Cleri sententiam efflagitet; sed satis est si *Capituli sui consilium* exposeat, *etsi illud sequi non teneatur*... Quin imo ab ipsa obligatione petendi Capituli consilium solutus erit Episcopus, qui per legitime praescriptam consuetudinem ius sibi acquisierit leges condendi, et publicandi, inconsulto Capitulo ». — G. B. 121.

143. *De Canonicorum munere Sede vacante.* — Vacua Sede Episcopali. tota Episcopi iurisdictione, exceptis iis, quae innovationem sapiunt, vel alienationem, exceptis item Confraternitatibus erigendis earumque statutis approbandis, sive ea sit *ordinaria*, sive *delegata a iure*, transit in Capitulum, et ab eo in Vicarium Capitularem, intra octo dies eligendum, quin Capitulum vel minimam iurisdictionis partem sibi retinere possit. Nihilominus is non potest visitationem obire anno ab ultima S. Visitatione nondum elapso; nec litteras ad tonsuram vel ordines dimissorias concedere infra annum, praeterquam *arctatis*, h. e. laicis praesentatis ad beneficium ecclesiasticum, et clericis qui ex adepto beneficio debent aliquem ordinem suscipere intra tempus definitum a iure, vel a tabulis foundationum. Neque item potest beneficia conferre, exceptis beneficiis patronatus laicalis, Indulgentias tribuere, etc. Cessat autem Officium Vicarii Capitularis statim ac novus Episcopus possessionem fuerit adeptus; sed gratiae ab eo factae manent, quoadiu non fuerint revocatae. Tit. *Ne Sede Vac.*, CC. 1. 14. *De Maior.*, Reg. 2. 11. Cane. Apost., Trid. S. 7. C. 10. de R., S. 24. C. 16. de R., Pius IX. C. *Rom. Pontifex*, S. C. Indulg. 15. Nov. 1878., 23. Nov. 1878. A. S. S. V. 11. p. 353. Bened. XIV. de Synod. l. 2. C. 9. n. 2., Sanchez de Matr. l. 3. D. 28. n. 5., etc.

## VI. — DE PAROCHIS

144. *De residentia.* — Prima obligatio parochi residentia est personalis. Secus enim convenienter gregem suum pascere non potest. Quare non excusantur a gravi culpa et a restitutione fructuum parochi non residentes, ut declaravit Trid. cit. S. 23. C. 1. « Eadem omnino, etiam quoad culpam, omissionem fructuum, et poenas, de curatis inferioribus... Sacrosancta Synodus declarat et decernit (ac pro Episcopis): ita tamen, ut quandoocumque eos, causa prius per Episcopum cognita et probata, abesse contigerit, vicarium idoneum ab ipso Ordinario approbandum cum debita mercedis assignatione reliquant. Discedendi autem licentiam in scriptis gratisque concedendam, ultra bimestre tempus, nisi ex gravi causa non obtineant ». L. 123. 126.-128., Ithur. Cas. 45. n. 56. 58., S. Th. 2. 2. q. 185. a. 5.

145. *Resolves:* Quare « pro rata temporis absentiae fructus suos non faciunt ». Conc. Trid. ib. Atque eos, neque materialiter, neque formaliter residents, neque per alium officium suum implens, amittit ante omnem iudicis sententiam: nam « non alia ratione tenentur, quam contractus initi inter ipsos et Ecclesiam, ex quo dantur eis fructus Beneficiorum sub conditione residentiae, qua non impleta *etiam sine culpa*, nullo modo Pastores tales fructus acquirunt ». L. 127. Quare ad restitutionem tenentur, quavis bona fide perceperint, nisi tamen et bona fide eos consumpserint, neque inde facti sunt ditiores. — Qui non residet materialiter, sed implet per alium rationem officium suum, fructus amittit, post bimestre Conciliare, minime vero amittit intra bimestre Conciliare absentiae. Qui materialiter residet, sed non formaliter, si per nullum alium sacerdotem suis officiis defungitur, non licet fructus suos ex ipso iure naturali. Sin per alium haec praestat, utrum eos amittat ex iure canonico, non satis constat. Afirmat S. Alph. 127., quia residentia non intelligitur *nisi formalis*; negant Garc.,



Reiff., *quia non residere propria significatione est abesse*. Idque « aequius ac verius » dicit D'Annib. 479.

146. *Nota*: 1.<sup>a</sup> Pro absentia per duos menses sive continuos sive interruptos causa aequa requiritur, sed non gravis, si tamen nullum inde parociae detrimentum sequatur, et tempore postis excepto. Greg. XIII. 12. Oct. 1576. Ultra bimestre Ordinarius licentiam dare quidem potest, sed ex gravi causa, nec ad *multum tempus*, sed ad duos vel tres menses. S. C. C. legitimam saepius censuit licentiam infirmis datam ab Ordinariis ad quatuor menses. Cf. D'Annib. 478. S. Th. Quodl. 12. a. 28. — 2.<sup>a</sup> « Communiter dicunt DD. ex declarat. S. C. quod parochus non reputatur residere, si per se ipsum non exerceat principaliora munera, nempe administrationem verbi divini, Sacramentorum, etc. ». L. 127. Cf. Ithur. Cas. 45. n. 61. 62. Adjuvari tamen a vicariis potest: si ampla esset parochia, neque omnia per seipsum commode efficere possit, praesertim in iis quae maius incommodum habent, ut ad infirmos ire noctu, praedicare, docere pueros, excipere confessiones, etc. Sed coadiutoribus uti debent, quasi sociis, ideoque et ipsi haec praestare debent, cessante iusto impedimento, praesertim si fuerint requisiti, secus culpa gravi non caret. Si parochus suis officiis obeundis solus non sufficiat, debet alios sacerdotes sibi adiungere. Parociae autem renuntiare debet, vel saltem coadiutorem assumere debet, si propter senium et chronicam infirmitatem parochialibus officiis defungi non possit. Trid. S. 21. C. 4. de R. CC. 5. 6. de Cler. Aegrot., C. un. eod. Tit. in 6.<sup>o</sup> — 3.<sup>a</sup> Parochi debent habitare in domo suae Ecclesiae, si ibi adest, si vero non adest, debent residere in alia domo, quae sit intra limites parochiae, saltem moraliter, nempe quae sit ita propinqua Ecclesiae parochiali, ut commode possit ei inservire: et quo parochiani facile quant ad ipsum recurrere pro Sacramentis suscipiendis. L. 124. Ithur. Cas. 45. n. 57. — 4.<sup>a</sup> Ut constat ex pluribus decisionibus S. C. C. parochus non excusatur a residentia intra parochiae limites propter aeris malignitatem, aut infirmam valetudinem, aut senium, vel quod tenuis parocia sit, vel quod tres tantum aut quatuor incolae remanserint. Cf. D'Annib. 477.

147. *An praefata licentia in scriptis omnino requiratur, ita ut non valeat, si orationes habeantur?* — Negant Less. alique, et hanc sententiam non putat improbabilem S. Alph., probabilem vero censet La-Croix, eamque et nos admittimus. Ratio, quia licet Conc. Trid. *licentiam in scriptis* requirat, non constat tamen hanc formalitatem requirere ad ipsam validitatem actus. L. 123.

148. *An parochus habens iustam discedendi causam, possit per dictos duos menses abesse sine expressa licentia Episcopi?* — 1.<sup>a</sup> sententia affirmat, eamque probabilem putant Less., La-Croix, Azor, alique. Ratio, quia ex Conc. Trid. ad absentiam duorum mensium quaelibet causa *bona* sufficit: neque licentia et probatio Episcopi requiritur pro tali absentia: sed tantum pro absentia ultra bimestre, pro qua Episcopus debet causam *graciatem* approbare. Insuper absentia per *bimestre* habetur a Conc. tamquam parva materia, eam enim verbo *aliquantisper* comprehendit. Abesse ergo per bimestre ex iusta causa, absque Episcopi licentia, veniale saltem *per se* non excederet. — 2.<sup>a</sup> sententia negat, et hanc sequitur S. Alph. Ratio, quia licet ex Concilio non exigatur *gravis causa* ad discedendum per bimestre, absolute tamen requiritur, ut causa ab Episcopo agnoscatur, et probetur, ex illis verbis, *quandoeunque eos abesse contigerit, causa primo per Episcopum cognita et probata*. Tanto magis quod parochus a Conc. prohibetur discedere, nisi prius ab Episcopo approbetur vicarius, qui relinquitur. L. 123. Attamen cum illud *quandoeunque* referri posset ad tempus extra bimestre ab ipso Conc. concessum, hinc non videtur validum omnino argumentum desumi: neque ex eo quod licet vicarius ab ipso parochio eligi possit, ab Episcopo tamen sit approbandus, si oeconomicum seu vicarium idoneum, alias iam approbatum ab Episcopo, et qui actu iam ibi reperiretur, in parochiae

servitio relinqueret. Nihilominus S. C. C. constanter respondit opus esse expressa Episcopi licentia, licet per hebdomadam et per biduum abesse velit. « Caeterum, ait idem S. Alph. l. c., licite poterit parochus abesse per breve tempus sine licentia, si aliqua occurrat necessitas, quae moram non patiatur Episcopum adeundi, modo idoneum vicarium relinquat... Item ex parvitate materiae poterit parochus excusari saltem a mortali, si discedat per modicum tempus, ut communiter dicunt DD., modo non relinquat infirmos in articulo mortis. Quantum autem sit hoc modicum tempus... communiter admittunt non peccare graviter parochum, qui absit sine licentia per 6. vel 7. dies, relicto tamen vicario idoneo: imo Cont. Tourn., Cabas. Sanch., etc. id extendunt usque ad 15. et 30. dies ». Et Scavini: « Excusari poterit parochus saltem a mortali ex parvitate materiae, si inconsulto Episcopo discedat per modicum tempus, v. g. per unam hebdomadam, et iuxta alios etiam per duas, modo tamen non relinquat infirmos in articulo mortis, et vicarium substituat... Si parochus abest, sine causa, communiter Doctores censent absentiam ultra 15. vel 20. dies materiam gravem constituere: ideoq. tunc obligationem adesse restitutionis sub gravi » q. 5. et 6. D'Annib. 478 nec « Qui discedit, ait, citra parochiae detrimentum, si absque causa aequa, ultra bimestre tenetur levi: si nullo vicario relicto, grave putant abesse duos tresve dies, etiamsi nemo aegrotet, si alii Sacerdotes desint eo loco: sin in iussu Episcopi, verius est letale: nisi discesserit confestim, i. e. intra 20.<sup>um</sup> diem reversurus, vel nisi usus aliud ferat ». Gury autem 111. inquit: « per unum vel alterum diem possunt abesse sine speciali licentia ex causa, quae ipsis videatur legitima, modo vicario idoneo parochiam commendent ».

149. *Quanam sunt causas graves excusantes parochos a residentia ultra bimestre permissum?* — Eaedem illae quatuor sunt, quae Episcopos excusant ex eod. Conc. Trid. nempe, *cristiana caritas, argens necessitas, debita obedientia, et evidens Ecclesiae aut Reip. necessitas*. L. 125., Ithur. Cas. 45. n. 58.-60.

150. *De parochiae visitatione, pauperum et aegrotorum cura.* — Parochus tenetur obligatione visitandi parochiam, quatenus oves suas cognoscere debet. « Praecepto divino, ait Conc. Trid. S. 23. C. 1. de R., mandatum est omnibus, quibus animarum cura commissa est, oves suas agnoscere ». Hinc etiam parochi conficere debent libros matrimoniorum, baptizatorum, confirmatorum, Cf. L. 160. 188., status animarum, defunctorum. Atque ex eodem Trid. l. c. unum ex muneribus curae animarum est, « pauperum aliarumque miserabilium personarum curam paternam gerere ». Ex Rit. autem Rom. *De visit. et cura infirm.* « Parochus in primis meminisse debet, non postremas esse muneris sui partes aegrotantium curam habere ». De ipsis specialem omnino curam habere debent, cum illis pastoris opera maxime sit necessaria. Tenetur praeterea mortuos efferre, eisque iusta persolvere, et si fuerint pauperes gratis omnino. Clement. IX. C. 38. *In excelsa*.

151. *De correctione et monitione.* — 1.<sup>o</sup> Parochi tenentur sub gravi corrigere et monere oves suas in peccato mortali, vel in proximo eius periculo existentes, etiam cum discrimine vitae propriae, et non solum in extrema, sed in gravi etiam earum necessitate spirituali: si tamen 1.<sup>o</sup> adsit spes emendationis, 2.<sup>o</sup> licet non adsit spes emendationis, monitionis tamen omissio in *dammum* cederet commune, alios redderet animosiores ad peccandum. Ratio, quia non solum ex caritate, verum etiam ex iustitia, ratione officii et stipendii quod eis datur, strictissime obligantur ad subveniendum subditis in spirituali necessitate constitutis. L. 1. 2. n. 40., Scav., q. 5., G. 13. — 2.<sup>o</sup> Tenentur praeterea inquirere, num aliquis in tali necessitate versetur. Parochi enim commissa est salus uniuscuiusque ovnis. Si autem parochi ad correctionis officium tenentur, multo magis Episcopi. S. Th. 2. 2. q. 33 a. 4. 2. ad 4., 4. D. 19. q. 2. a. 1.

152. *De oratione et celebratione Missae.* — Tenetur parochus frequenter orare pro suis subditis, ut gratias illis imploret ad salutem necessarias. Specialiter vero « Parochus necesse habet Missam celebrare 1.<sup>o</sup> quoties populus necesse habet illam audire. Trid. S. 23. C. 4. de R. L. l. 6. n. 314. 2.<sup>o</sup> Quoties oportet nuptias benedicere; utrobique sub gravi. Barbo. De O. Paroch. Cap. XIV. 3.<sup>o</sup> Pluries in hebdomada; at quoties non constat; sed convenit posse Episcopum eos cogere sub gravi his vel ter, si Parochia sit populosa, et aliae Missae in ea non celebrantur, et reductis Parochiae non sint tenues et exigui. Salm. Theol. Mor. Tr. 5. cap. 5. n. 45. Non item in iustis funerum, nisi data elemosyna ». D'Annib. 475. — Notandum autem hic est 1.<sup>o</sup>, quod solus Ordinarius vetare potest, ne Missae celebrentur in aliis Ecclesiis, Parochiali nondum celebrata. Bened. XIV. Not. 44. n. 9. de Syn. l. 12. c. 7. n. 7. 2.<sup>o</sup> Ubi Eucharistiae sacramentum semper asservatur, *quotidie* celebrandum esse SS. Missae Sacrificium censuit S. R. C. 16. Mart. 1833. Martin. n. 286.; sed pluribus in locis non observatur.

153. *An Parochus Missam etiam pro populo applicare debeat?* — Parochi pro ovibus suis celebrare debent omnibus diebus Dominicis et festis, quibus fideles Missam audire debent, licet alicubi serviliter laborari posse permittitur, imo licet abrogatis vel translatis; nisi forte cum *solemnitate divinae Officii translatum fuerit in Dominicum diem*, neque excusant consuetudo contraria, etiam immemorialis, nec tenuis Paroeciae reductus, nec infirmitas Parochi. Attamen si parochus ita pauper est, ut congruos ad sustentationem fructus non habeat, potest cum Episcopi consensu elemosynam acceptare, celebrando pro populo in hebdomada. Constat ex Innoc. XII. Br. *Nuper*. Bened. XIV. C. *Cum semper oblatas*, 19. Aug. 1744., Pio IX. C. *Amantissimi*, 3. Maii 1848., S. R. C. 11. Maii 1720., S. C. C. 14. Dec. 1872. Acta S. Sed. V. 7. p. 191., L. l. 6. n. 313. 325.

154. *Nota:* 1.<sup>o</sup> Non solum Parochi tenentur hac obligatione, verum etiam Vicarii, sive perpetui, sive temporanei, et amovibiles, et oekonomi curati. Bened. XIV. l. c. Superiores vero ecclesiastici, saeculares vel regulares, Capellani monasteriorum, vel carcerum, aut nosocomiorum, etc. ad sacrum pro subditis faciendum non tenentur. Neque item tenentur Coadiutores Parochorum, et Missionarii in locis missionum, Acta S. Sed. V. 1. p. 407. 408. — 2.<sup>o</sup> Si ex una Parochia duae factae sint, uterque Parochus tenetur. Si quis duas habet Parochias, in unaquaque applicare debet, sive per se *biuendi* facultatem habeat, sive per alium, vel alio die, si non habet, nisi forte illae unionem *extinctivam* unitae fuerint. Hoc idem dicendum de Parocho Canonico, quo die Missam conventualem celebrare debet. S. C. C. 28. Jan. 1875., Leo XIII. C. *In Suprema*, IV. Id. Jun. 1882., S. C. C. 29. Jan. 1718., S. C. C. 12. Mart. 1774. Acta S. Sed. Vol. 3. p. 97., V. 5. p. 137., V. 8. p. 474. — 3.<sup>o</sup> Episcopi tenentur etiam Missam pro suis ovibus applicare, unam tantum si plures dioeceses, vel Abbatis aequae principaliter unitas regant. Verum hi qui sunt etiam Parochi alicuius Paroeciae in hac per Vicarium applicare debent. Item Vicarii Apostolici, in iis locis, ubi dioeceses constitutae sunt, et ipsi legitimi Pastoris vires obeunt. Non item Vicarii Capitulares. C. cit. *In Suprema*, S. C. C. 23. Mart. 1863., S. C. de Prop. F. 23. Mart. 1866., S. R. C. 12. Nov. 1831., 14. Jan. 1845. Acta S. Sed. V. 14. p. 534. seqq. — 4.<sup>o</sup> Si festivitas tantum in Dominicam diem translata fuerit, ut in Gallia festa Epiph., SS. Corp. Christi, etc., missa applicanda erit ea die, qua celebratur officium; sin tantum officium transferatur, ea die, qua festivitas celebratur, Missa applicari debet, e. gr. festum Annunt. B. V. M. in fer. V. maior hebdom. Verum, si ea die alia quoque festivitas celebraretur, satisfis utrique unius Missae applicatione, prout auditione, S. C. C. 14. Iun. 1841., 24. Apr. 1875. Acta V. 8. p. 36., p. 605. — 5.<sup>o</sup> Obligatio applicandi Missam pro populo est personalis, nec ulla valet in contrarium consuetudo. S. C. C. 27. Sept. 1847. Si tamen Parochus vel Episcopus infirmus, aut alia legitima causa sit impeditus, potest et tenetur per alium pro populo celebrare, S. R. C. 11. Maii 1720, so-



luto illi stipendio: et si alium sibi substituere non possit, tenetur ipse postea ad totidem Missas applicandas. S. C. C. 14 Dec. 1859. Satisfacit autem suae obligationi parochus per Missam lectam, cum non reperiatur praescriptum, quod debeat esse Missa solemnis, vel cantata: eam tamen celebrare debet in propria parochia, et non in alia Ecclesia, quacumque consuetudine in contrarium non obstante. S. C. C. 15 Sept. 17. Nov. 1629. — Bonix de Paroch. p. 550. seqq.

155. *De Praedicatione.* — Ex Trid. S. 5. C. 2. de R. «Omnes Episcopi... et omnes alii Ecclesiarum praelati tenentur per seipsos, *si legitime impediti non fuerint*, ad praedicandum. Archipresbyteri quoque, plebani, et quicumque curam animarum obtineant, per se, vel alios idoneos, *si legitime impediti fuerint*, diebus saltem Dominicis et festis solemnibus plebes sibi commissas pro sua, et eorum *capacitate* pascant salutaribus verbis, docendo ea, quae scire omnibus necessarium est ad salutem, annuntianloque eis cum brevitate, et facilitate sermonis vitia quae eos declinare, et virtutes quas sectari oporteat». S. Alph. l. 3. n. 269., hisce relatis verbis, «hinc, ait, non dubito quin praedictum praeceptum obliget tam Episcopos, quam parochos graviter, et absolute... Communiter tamen DD. in tali praecepto admittunt parvam materiam... Hinc non improbabiler videntur tenere non peccare graviter parochos, qui interdum concionari omittunt; secus vero, aiunt, si omittant per unum integrum mensem continuum, aut per tres menses discontinuos in anno. Tanto magis, quia in Trid. dict. S. 5. C. 2. in fine dicitur, quod si ab Episcopo ipsi parochi moniti, *trium mensium* spatio muneri suo defuerint, per censuras, etc. cogantur, ut officium suum impleant. Ex quo videtur in hac materia eius parvitatem maiorem latitudinem habere». Ithur. Cas. 45. n. 63.

156. *Nota:* 1.<sup>o</sup> Si parochus transitorie infirmatur, excusari potest. Minime vero excusatur, propterea quod talis eo loci consuetudo vigeat, vel quod rari auditores intersint, vel quod frequentes in proximis Ecclesiis conciones habeantur. C. Innocentii XIII. cit. a Bened. XIV. Notif. 10. n. 3. — 2.<sup>o</sup> Parochus, qui pios auditoribus legit libros non obit munus suum praedicandi, quia lectio non est praedicatio. G. 112. Non tenetur tamen ad *formalem concionem* ad populum habendam. S. C. C. ap. Bened. XIV. Notif. 10. n. 3. Conc. Tr. S. 5. C. 2. de R. Ithur. Cas. 45. n. 67.-69.

157. *An parochi teneantur sub gravi catechizare?* — R. affirmative. Ita constat ex Trid. S. 5. C. 2. de R. Signanter vero quoad puerorum instructionem habet, quod Episcopi, «saltem diebus Dominicis et festis diebus, pueros *in saeculis Parochiis* fidei rudimenta et obedientiam erga Deum et parentes diligenter ab iis, ad quos spectabit, doceri curabunt; et si opus fuerit, etiam per censuras ecclesiasticas compellent, non obstantibus privilegiis et consuetudinibus». S. 24. C. 4. de R. A. S. S. V. 13. p. 513. V. 15. p. 236.

158. *De administratione Sacramentorum.* — Parochi tenentur, per se, ipsi Sacramenta ministrare, non modo instante tempore praecepti, et gravis necessitatis, sed etiam, quod spectat ad Sacramenta, quae possunt iterari, toties quoties oves debite seu non intempestive petunt, nisi sint legitime impediti, vel possint per alium sine incommodo et offensione petentium ipsis consulere. Cf. De Sac. in gen. n. 59. seqq. G. 113. «Rationabiliter censet Sponer cum Gobat, quod Parochi tenentur sub gravi obstetrices diligenter exercere, utrum noverint necessaria ad baptizandum... Non ipsis ex officio puerperis adesse incumbit, et non raro occurrit eis occasio Baptismum in necessitate ministrare». L. l. 6. n. 117. Bened. XIV. Not. Idem constat ex Rit. Rom. *De Bapt.* Parochi tenentur matrimonii interesse, et omnia, quantum in ipsis est, praestare, ut rite fiant. Constat ex Rit. Rom. *De Sacram. Matrim.* L. l. 6. n. 54.

159. *Quid de Parochorum vicariis?* — Parochorum vicarii, cum vices

gerant parochorum, aut quoad totum parochiale officium, aut tantum quoad eius partem, iisdem, quibus ipsi Parochi, obligationibus tenentur, cum debita tamen proportionem; et insuper reverentiam et obsequium ipsi Parocho debent. Cf. L. I. c. 6. n. 325. in fine.

160. *An vicarius discedere possit, saltem ad breve tempus, cum monito paracho? An alium sacerdotem delegare possit? An mortuo paracho, omnes functiones sacras, at antea, obire valeat?* — R ad 1.<sup>am</sup> Negative, quia ratio recti ordinis, et etiam necessitatis requirit, ut ipse Parochus non discedat a parochia. Vicario nam monito, qui Parochum, casu occurrente, supplere possit: a fortiori igitur, si de Vicario agatur, siquidem sub quadam Pastoris tutela constituitur. Sic etiam declaratum fuit a S. Congr. Conc. Vide *Analecta iuris pontificii*, tom. 3. livraison 46. p. 372. G. Cas. 67.

161. R ad 2.<sup>am</sup> Affirmative. Nulla quidem difficultas ratione Baptismi, cum minime de validitate, sed de mera licetate agatur. Sed neque difficultas maior obijcienda est, quoad matrimonium, licet iurisdiclio ad validitatem requiratur. Ratio est, quia delegatus ad universitatem causarum subdelegare potest. Vicarius autem merito censetur delegatus ad causas universitatem, nisi in aliquibus locis eius delegatio restringatur. Vicarius ab ipso Episcopo, in actuali Ecclesiae disciplina, in multis locis vigente, constituitur, ut Parochum in omnibus adiuvet, ipsumque suppleat. Sed alium Sacerdotem delegare nequit, ut assistat matrimonio, extra parochiam celebrando, quia tunc neque ipse valide sponso benedicere posset, cum iurisdictione territoriali tantum, seu intra parochiae limites remanente, gaudeat. Collet. Sanchez, Carrière, etc. G. 850., Cas. 68. Cf. S. Th. Quodl. 12. a. 31.

162. R ad 3.<sup>am</sup> Affirmative. Ratio est, quia communiter Vicarii omnem delegationem ab ipso Episcopo accipere censentur. Ergo, non obstante Parochi morte, Vicarius omnes functiones sacras sicut antea obire potest, nisi Episcopus contraxerit Collet, editor et annotator cas. Pontas, v. *Vicaire*, contra ipsum Dictionarii casuum auctorem. G. Cas. 69.

## VII. — DE PRESBYTERIS SIMPLICIBUS AC INFERIORIBUS CLERICIS

163. *De presbyteris.* — I. Simples presbyteri tenentur Ecclesiae, cui addicti sunt, inservire, atque ad salutem fidelium incumbere; quod duo potissimum exigit, pueros fidei rudimenta docere, et confessiones eorum excipere, qui in letali versantur, si desit, vel omnibus non sufficiat is, qui ex suscepto munere tenetur haec praestare. Id constat non tantum ex generali caritatis obligatione, verum etiam ex ipso Sacerdotii officio, et ex Trid. S. 23. C. 13. 16. de R., quod declarat Sacerdotes non ordinari, nisi propter Ecclesiae necessitatem, et utilitatem. Nemo autem ex C. *Ex quo* Bened. XIV. sine licentia Episcopi potest Ecclesiam delinquere, cuius servitio fuerit addictus. Neque vero licet et propria dioecesi discedere iniussu Ordinarii, et si discesserint poenis quoque et censuris revocari possunt, iis exceptis qui discedunt quaerentes alibi, quae sibi ad victum sunt necessaria; nisi eis de congrua sustentatione provideatur, S. C. C. 15. Mart. 1625., 13. Sept. 1749., 30. Aug. 1732. Cf. Acta S. Sed. V. 5. p. 475. Ideo Episcopi vetare possunt, ne extranei Sacerdotes, sine commendatitiis litteris proprii Ordinarii, in suis dioecesebus sacramenta ministrent vel obeant divina, ne Regulares quidem, et in Ecclesiis Regularium; nisi forte eiusdem Ordinarii, Conc. Trid. S. 23. C. 16. de R., S. C. de Pr. Fid. 18. Jul. 1626. Cf. Acta S. Sed. V. 10. p. 474. seqq., V. 14. p. 121., Bizzarri Collectan. Ed. 1885. p. 89. 303. 304.

164. II. Omnes Sacerdotes ratione sacerdotii iure divino tenentur sub gravi aliquando celebrare, ter vel quater in anno. S. C. C. m. Nov. 1696..

S. Th. 3. p. q. 82. a. 10. S. Alph. l. 6. n. 313. hanc sententiam dicit « longe communiorem et tutiorem ». Altera enim est sententia, quae excusat saltem a mortali, dummodo communicent in paschate, absque contemptus et scandalum. Pro hac sententia Busembaum citat Ang., Bon., Dian., Lugo, Tamb. S. Alphonsus vero pro ea citat S. Bonav., Cajet., Alens., Victor., eamque, ait, probabilem putant Suar., Pal., Laym., et huic valde adhaeret Lugo. Huius sententiae ratio est, quia non constat de praecepto, cum oppositae sententiae rationes nequaquam convincentes sint. Verum ista sententia ex S. Alph. « saltem propter scandalum vix est practice probabilis ». — D'Annib. 468. veniale putat, seclusa necessitate, abstinere ab audiendis confessionibus, idque dicit *certum*: itemque veniale abstinere a sacro faciendo, idque dicit *verius*, quia utriusque eadem est ratio. « Nihilominus, addit, in communi necessitate eogi possunt a proprio Ordinario sacrum facere diebus festis, sacramenta ministrare, immo, si parochi ad id non sufficiunt, aliique desint, qui eis coadiutores adiungi possent, docere pueros rudimenta fidei, praedicare et curam animarum gerere ». Constat ex CC. Bened. XIV. *Declarasti nobis: Etsi minime*, S. C. C. 18. Martii 1578., Conc. Rom. a. 1725. Tit. I. cap. 5., Conc. Trid. V. 24. C. 18. de R. Cf. Acta S. Sed. S. 14. p. 409.

165. III. « Nullus sive saecularis, sive regularis, etiam in Ecclesiis priorum Ordinum, contradicente Episcopo praedicare praesumat ». C. Trid. S. 24. C. 4. Cf. etiam. S. 5. C. 2. de R., Const. *Superna*, S. Thom. Quodl. 12. a. 27.

166. *Quid de clericis inferioribus?* — I. « Nulli dubium, quod si quis accedere auderet ad sacram ordinationem, sciens a Deo se vocatum non esse, excusari nequiret a culpa lethali, tum ob gravem praesumptionem se intrudendi in sanctuarium contra Dei voluntatem, tum ob periculum certum damnationis cui tunc ipse se exponit. Attamen ut promovendus a culpa excusetur, sufficit ipsi, quod bonum praeseferat finem, et Episcopo se offerat, ut probetur, dummodo non certe sciat se nunquam fuisse a Deo vocatum ». L. l. 6. n. 73. Vocationis huius necessitatem gravem sic docet Apostolus: « Nec quisquam sumit sibi honorem: sed qui vocatur a Deo tanquam Aaron ». Hebr. 5. Idemque evincit et Ordinis sublimitas, et muneris sanctitatis et oneris gravitas. L. l. 6. n. 802. — Qui vero divinam negligit sequi vocationem non videtur posse excusari ab aliqua culpa quando signa indubia vocationis habentur, ob maxima salutis pericula, in quibus versabitur ille qui, sprete vocatione divina, mundanum statum ex propria voluntate amplectitur. G. Cas. 32. Cf. Particular. Obligat. Regular. n. 12.

167. II. Duae inferiorum clericorum dotes esse debent, ut sacris ordinibus digni habeantur: scientia et sanctitas. Ratio 1.<sup>a</sup> est, quia ignorantia generatim loquendo in Ecclesiasticis non solum sibi, sed aliis etiam nocet. Ratio 2.<sup>a</sup> est, quia ex Trid. S. 23. C. 12. de R., si tantum debent assumi ad sacros ordines, « quorum probata vita senectus sit », nempe qui sint senes in virtute. Idque confirmatur ex communi Summorum Pont., Patrum, et Doctorum auctoritate, qui omnes requirunt in ordinando non solum sanctitatem *negativam*, quod nempe sit immunis a peccato gravi: sed etiam *positivam*, quod nempe bonis moribus sit imbutus. Innocentius XIII. C. *Apostolice provisionis*, Cf. L. l. 6. n. 731, 732. 802, 803.

168. *An deneganda sit absolutio clerico habituato in peccatis lasciviae occulis, qui velit ad sacros ordines ascendere sine praecedenti continentiae experimento?* — Quoad propositam quaestionem: Haec S. Alph. l. 6. n. 64. et seqq. ubi dissertationem habet de hac re a Bened. XIV. commendatam de Syn. l. 11. C. 2. et 3. « 1.<sup>a</sup> Hodierna et antiqua Ecclesiae lex, semper constans, obstringit, tam Episcopos, quam confessarios, et promovendos, ut cum aliquis clericus recidivus vel consuetudinarius in vitio carnis ad sacrum ordinem, sive ad subdiaconatum, sive ad diaconatum, aut presbyteratum ascendere cupit, quamvis sincere sit conversus ad Dominum, et ideo possit



statim absolvi; non tamen poterit sacrum ordinem suscipere, nisi aliquandiu operam det ad pravam habitum extirpandum. Et si ipse persistat ordinem statim suscipere, non censetur dispositus ad absolutionem, quia legem Ecclesiae violat in re gravi. 2.<sup>o</sup> Potest tamen dari casus, quo Deus donet poenitenti tantam extraordinariam compunctionis gratiam, quae reddat eum adeo probatum, ut ipse statim possit sacrum ordinem assumere; et ideo beneficium absolutionis suscipere, sine eo quod temporis experientia prius comprobetur... Et hic notandum, quod id quod dictum est de vitio luxuriae, idem dicendum de quocumque alio, nimirum ebrietatis, avaritiae, blasphemiae, odii, etc. Quod autem ad sacros ordines suscipiendos minime sufficiat simplex gratia sanctificans, sed ultra requiratur interior perfectio, constat ex consensu communi SS. Patrum et Doctorum, qui uno ore illam efflagitant ». Cf. 77. — Quanto autem temporis spatio extra casum extraordinarium, probandi sint recidivi, non una regula est, uti observat Bened. XIV. de Syn. l. 11. c. 2., cum potius omnibus personae, rerum, et casuum adiunctis mature perpensis, tota quaestio sit coram Domino resolvenda.

## DE RELIGIOSIS

### I. — DE NATURA STATUS RELIGIOSI

1. *Quid sit religiosus status?* — Status religiosus inspectus quoad eius *intrinsicam essentiam* definitur: Stabile vitae institutum, ab Ecclesia approbatum pro fidelibus, qui sub certa regula et communi vivendi modo tendere volunt ad perfectionem per tria vota paupertatis, castitatis et obedientiae, cum traditione sui Deo facta et ab ipso acceptata. Cf. Suarez De Relig. Tr. 7. l. 2 c. 1. n. 1., Bouix De Iure Regular. V. 1. p. 47. Religiosi nec ad hierarchiam *iurisdictionis*, nec ad hierarchiam *ordinis* necessario pertinent; sed sunt vel possunt esse simplices in Ecclesia fideles, adeoque et utriusque sexus. — Eorum status est status perfectionis. Duplex sane status vitae est: alius *vitalis communis*, qui nihil aliud intendit, quam *mandatorum* Dei observantiam; alius *perfectionis*, qui observantiam addit *consiliorum*. *Perfectio* christianae vitae in caritate est. S. Th. 2. 2. q. 184. a. 1. Quare perfectio, quae statum perfectionis constituit, a statu communis vitae distinctum, *perfectio caritatis* est. Et haec caritatis perfectio non est profecto in caritate mere *essentiali*, sed in peculiari quadam caritatis superabundantia, quae communem christianorum caritatem exsuperat. Hic autem caritatis excessus situs non est in aliquo vel aliquibus transitoris caritatis actibus, etiamsi sint magnae vel maximae intensitatis; sed in *tali* caritate, in animi praeparatione et habituali dispositione, ut homo proxime praeparetur et disponatur ad agendum facile et ordinarie iuxta Dei praecepta et consilia. S. Th. q. 184. a. 2. 3. 4. Et sic idem A. D. q. 186. a. 1. ad. 4. ait: « Religionis status principaliter est institutus ad perfectionem adipiscendam per quaedam exercitia, quibus tolluntur impedienda *perfectae caritatis* ». Et a. 2.<sup>o</sup> « Qui statum Religionis assumit... tenetur ad hoc tendere et operam dare ut habeat *caritatem perfectam* ». Iam vero status perfectionis duplex est; alius enim est status perfectionis acquisitae, alius acquirendae. Ille episcoporum, iste religiosorum proprius est. Bouix l. c. P. 1. S. 1., S. Th. q. 184. a. 3.-8. Porro status perfectionis acquirendae alius incompletus seu inchoatus est, alius completus. Ad priorem non requiruntur tria praecipua consilia evangelica paupertatis, castitatis, obedientiae; sed suf-

sive aliquod consilium sive sit unum ex tribus illis praecipuis, sive sit aliud: consilia enim sunt numero quam plurima. Ad posteriorem vero requiruntur, et sufficiunt tria consilia Evangelica paupertatis, castitatis et obedientiae, S. Th. q. 186, a. 7., ex obligatione observanda; eaque consequenter voto firmari debent. Status autem religiosus, status est completus perfectionis acquirendae. Porro licet tria illa vota *de se perpetua* esse debeant, hoc enim ab ipsa ratione status exigitur, S. Th. q. 184, a. 4. 5. et q. 186.; minime vero requiritur ex intrinseca natura rei, ut sint *solemnia*, sed satis est ut sint *simplicia*. Id aperte constat ex C. Gregorii XIII., *Ascendente Domino*, ubi statuitur eos, qui in Soc. Jesu tria vota simplicia emisissent vere et proprios esse religiosos. Votorum autem *solemnitas* nihil aliud est, quam quaedam *vis*, ex Ecclesiae dispositione ipsis addita, constituendi religiosum proprie et stricte talem ex canonica institutione, et *irritos* vel saltem *irritabiles* faciendi certos quosdam actus religiosos, circa materiam eorundem votorum, votaue ipsa omnino firma et stabilia reddendi; atque ea vis *absoluta* est, et non *relativa* dumtaxat ad certum tempus, vel donec religiosus liber a votis non dimittitur. Unde ad votorum solemnitatem non sufficit vis quaelibet praefatos effectus producendi; sed vis illa debet esse *absoluta*, i. e. ita perpetua et immutabilis, ut neque religiosus, neque ipsa etiam religio vim illam, ipsumque votum, suspendere aut tollere possit. Minime vero requiritur, ut patet, quod vis illa voti, votumque neque a Romano Pontifice tolli possit; ea enim vis de iure ecclesiastico est, adeoque Papa et ab effectu *solemnitatis* votorum, votis *solemnibus* remanentibus, Decr. S. C. Neg. Eccl. extr. 31. Jul. 1878., et ab ipsis votis solemnibus dispensare potest. Solemnitas igitur voti est in eius omnimoda *dependentia* et *subiectione* Summo Pontifici, quoad *esse* voti, eius *vim* eiusque canonicos *effectus*. Et sic Busemb. l. 3. n. 195. votum solemne ait: « illud est, quod ut tale acceptatur ab Ecclesia... Simplex autem est omne aliud, quod talem solemnitatem non habet », talem nempe Ecclesiae acceptionem, unde est illa totalis dependentia et subiectio praedicta. Et S. Th. 2. 2. q. 189, a. 5.: « Duplex est religionis votum. *Unum simplex*, quod consistit in sola *promissione Deo* facta, quae *ex interiori mentis deliberatione* procedit, et hoc votum habet efficaciam *ex iure divino*. Aliud autem est votum *solemne*, quod facit monachum vel religiosum; quod quidem *subditur ordinationi Ecclesiae propter solemnitatem quam habet annexam*. » Et ex hac Ecclesiae ordinatione mox repetit A. D., quod votum ante puberbatem factum « non habeat suum effectum, ut faciat profitentem iam esse religiosum », et consequenter quod non sit solemne, « quantumcumque aliquis habeat usum rationis plenum, vel sit doli capax, nimirum, *quia Ecclesia respicit id quod in pluribus est* ». Atque hinc distinctio potissimum habetur inter Religionem *proprie* et *stricto* dictam secundum canonicam institutionem, et *Congregationem religiosam*. Etenim per *Religiones proprie* et *stricto* dictas intelligenda sunt instituta, quae essentiam status religiosi habent, cum votis solemnibus; per *Congregationes* autem Religiosas intelligenda sunt instituta, quae essentiam status religiosi habent, sed cum votis dumtaxat simplicibus, a Sancta tamen Sede approbata, ac ita approbata, ut vota, quae in tali Congregatione emittuntur non sint *vota privata*, sed acceptentur ab aliquo nomine Congregationis aut Sedis Apostolicae, secus enim Congregatio religiosa non est, sed *secularis*. Bened. XIV. Br. *Quo magis* 18. Dec. 1742., Benix l. c. P. 2. S. 1. Hac trium votorum nuncupatione, attenta eorum natura, totalis traditio sui Deo habetur, S. Th. q. 186, a. 7., a. 6. ad 2., quae tamen non ab ipso Deo immediate sed ab aliquo homine eius nomine acceptatur. Et sic semper fuit existimatum a Patribus, quod status religiosus sit donatio et traditio sui Deo facta, Deus autem, « secundum ordinariam providentiam, non suscipit peculiarem curam gubernandi privatam personam immediate per seipsum, nec indiget his rebus sensibilibus, ut eis immediate et sine interventu causarum secundarum utatur. Et ideo, donatio sic facta Deo, vel esset vana et otiosa, vel quasi tentans Deum, ab illo immediatum regimen exigendo: et

propterea illi non placet, nec ab ipso immediate acceptatur ». Suarez de Relig. l. 2. C. 4. n. 7. 8., Bouix P. 1. S. 2.

2. *Resolves*: 1. EX Religiosi status professione obligatio reciproca resultat religiosum inter et eorum unitatem, quae nempe non tantum religiosus tenetur permanere in ordine, sed ordo vicissim sine iusta causa illum non eicere. Ratio est, quia « religiosus fit membrum unius corporis mystici, quod est ipsa religio, id autem fieri non potest, nisi per mutuam unitatem inter totum, et partem; illa vero unitio, cum moralis sit, per mutuum obligationem fit ». Suarez de Relig. l. 2. C. 4. n. 19. — 2. Religiosus *à saute professionis* non tenetur esse perfectus, sed tenetur *sub gravi* ad studendum aliquo modo perfectioni. S. Th. q. 183. a. 1. Perfectioni autem tendere debet *primario* per media essentialia status religiosi, nempe per observantiam trium votorum, pauperatis, castitatis et obedientiae; *secundario* vero per media accidentalia, scilicet per proprias Ordinis regulas, saltem ea auxilia non contemnendo. S. Th. q. 184. a. 2. — Hinc graviter peccat, qui firmiter statuit non tendere ad perfectionem, vel nullo modo de ea curare. An autem graviter peccet religiosus, qui intendit servare tantum mandata sub gravi, alia vero, statuit omnia transgredi, vel de his non curare, Controversitur. 1.<sup>a</sup> sententia probabiliter affirmat, 2.<sup>a</sup> sententia tamen communior et probabilior negat. Ratio, quia *obligatio* tendendi ad perfectionem ex religiosa professione est, quae in votis consistit. Ex votis autem gravis *obligatio* non est omnia servandi, sed omnia, quae ad ipsa vota graviter spectant. Ille autem qui *profitetur* regulam, vel secundum regulam, non vovet servare omnia, quae sunt in regula, sed vovet *regularem vitam*, quae *essentialiter* consistit in paupertate, continentia, obedientia, et cui *non contrariatur* graviter, nisi id tantum quod est graviter contra grave praeceptum in regula expressum; quia haec esset facere contra obedientiae votum. Perfectionis autem et regularis vitae professioni directe contrariatur utriusque contemptus. L. 11. — Graviter ergo peccat etiam qui regulas, etsi ad culpam venialem tantum, vel nullam transgreditur ex *contemptu formali* transgreditur, quando nempe illas transgreditur animo non subiacendi illis, vel praelatorum praeceptis; secus vero si eas transgreditur ex concupiscentia ductus, vel quia putat illas non esse necessarias ad salutem, vel si iudicat eas non praecipí sub gravi. Quare transgredi regulas in rebus parvae materiae, etiam ex consuetudine, *per se* veniale non excedit. Dicitur *per se*, nam grave esse potest, *ratione scandalii*, si graviter periculosus esset Religioni, inducendo alios malo exemplo ad regulae laxitatem, *ratione peccandi proximi* graviter peccandi in particulari aliquo casu, et si inde in tali statu constitueretur, ut tanquam incorrigibilis sit expellendus. S. Th. q. 186. a. 9.

3. *An semper Regula obliget et quomodo?* — An adsit obligatio observandi regulam, et quanta ea sit, ordinarie in ipsa regula explicatur. Si nihil in ea determinetur, attendenda est consuetudo, quae est optima legum interpres. Nulla ceteroquin imponenda est obligatio, nisi de ea certo constet. Cf. Bouix V. 2. pag. 571.-587.

4. *An religiosi, si dispersi, obstricti manent obligationibus vitae religiosae?* — R. Affirmative. Nam manent veri religiosi. Ita communissima et tenenda sententia. Hinc 1. Nequaquam censendi sunt a votis suis solemnibus soluti, ratione peculiaris conditionis, in qua reperiuntur, quaedam est attendenda modificatio quoad obedientiam et pauperitatem; nam quoad castitatem nulla esse potest difficultas. Quoad obedientiam ex accidenti suppressionis religionis professi non efficiuntur saeculares; neque solvuntur a votis, quibus adhuc adstricti remanent, sed solum eis permittitur a Sacra Congreg. vivere in saeculo, et in habitu clerici saecularis, aliquid tamen proprium regularis habitus interius deferentis, sub obedientia et iurisdictione Ordinarii. Semper tamen subiecti remanent propriis superioribus. Quoad pauperitatem possunt regulares dispersi licite et valide res sibi utiles aut necessarias comparare (minime vero superfluas), pecuniam apud se habere, et varios emptionis



venditionis et donationis contractus inire. Haec enim omnia possunt peragere religiosi ex Praelatorum licentia et deputatione: porro in casu dispersionis merito praesumitur huiusmodi deputatio: tunc enim unusquisque, ipso facto, deputatur, quasi sui ipsius oeconomicus, saltem pro omnibus casibus, in quibus non potest haberi ad Superiorem recursus. Cf. L. 65. *Nota*.

5. *An religiosus ad parochiam vel episcopatum promotus, obstrictus maneat obligationibus vitae religiosae?* — R. ad 1.<sup>um</sup> Affirmative, adeoque tenetur deferre habitum religionis, regulamque observare in omnibus, quae cum suo munere consistere possunt: nisi contraria excuset legitima consuetudo. L. 4. Ad 2.<sup>um</sup> Affirmative ad formam C. *Castodes* Benedicti XIII. S. C. EE. et RR. 6. Maii 1864. S. Th. 2. 2. q. 185. a. 8.

6. *An apostatae et fugitivi obstricti maneat iisdem obligationibus?* — R. Affirmative: nam nulla sunt obligatione legitime soluti; et ad religionem redire debent. Cf. Bonix V. 2. p. 506. seqq. L. 80. 82.

7. *An electi et dimissi a dictis obligationibus liberi sint?* — R. 1.<sup>o</sup> Affirm. quoad observantias *mere regulares*: per sententiam enim separati a vita religiosa, non amplius observantibus propriis vitae religiosae ligantur. — 2.<sup>o</sup> Negative quoad vota, si agatur de solemniter professis, per electionem enim nequaquam cessant. — 3.<sup>o</sup> Affirmative quoad vota, si agatur de votis simplicibus. Dimittuntur enim cum votorum dispensatione, ab eisque omnino liberi. Ita communiter habetur in Constitutionibus Congregationum et Religionum, in quibus vota simplicia eliciuntur Cf. Bonix V. 2. p. 511. seqq. L. 79. seqq. S. Th. Quodl. 12. a. 36.

## II. — DE VOCATIONE DIVINA

8. *An requiratur divina vocatio?* — Certum est dari vocationem divinam ad statum religiosum, qua nemque Deus aliquos prae aliis ad statum hunc excellentiorem vocat, et gratias ad illum rite exequendum largitur. Prob. 1. ex communi DD. auctoritate, 2.<sup>a</sup> quia si vocatio divina datur ad statum sacerdotalem, idem dicendum est consequenter de vita religiosa, quae est status perfectior, et multo difficilior. G. 148.

9. *Status: 1.<sup>o</sup> Sancti consent vocationem istam semper esse a Deo; nequit enim esse a natura, quae abhorret a castigatione carnis; neque a daemone esse potest, cum neminem ad bonum ex bono fine inducat.* Scav. q. 1., S. Th. 2. 2. q. 189. a. 10. ad 1. — 2.<sup>o</sup> Ordinaria signa vocationis sunt: *Aptitudo* ab obligationes status religiosi in genere, et ad observantiam talis vel talis ordinis in particulari; *inclinatio* constans et recta ad talem statum, non obstante titubantia aliqua praeterita, ex tentationibus daemonis, vel naturae repugnantia orta; *interior* quaedam *pax* et *incomulitas* ex consideratione talis status. Extraordinaria autem signa sunt: divina revelatio; singularis quaedam talis status inspiratio. G. 152., Scav. q. 2. — 3.<sup>o</sup> Haec in re opus non est multoties consiliis et diuturna deliberatione. S. Th. q. 189. a. 10.

10. *Quomodo peccet, qui non vocatus statum nihilominus religionis suscipit?* — Peccat graviter, si defectum vocationis clare noverit ob proximum periculum graves obligationes religiosi status transgrediendi, cui sciens volens se exponit. Excusabitur tamen ab illa culpa, si voluntatem firmam habeat obligationes assumpti status in Dei gratia confidens adimplendi. G. 156. — Nec illius, qui Religionem intraret animo non perseverandi, difficulter excusari potest a culpa gravi, propter damna temporalia et incommoda, quae Religionem tunc frustra afferret, et etiam propter scandalum, quod aliis novitiis praebere, exemplum enim socii magnam alteri tentationem ingerit. L. 1. 6. n. 785.

11. *Quid de eo, qui alios ad Religionem inducant?* — R. Dicendum, ait S. Thomas 2. 2. q. 189. a. 9., quod inducentes alios non solum non pec-

cant, sed magnum praemium merentur. — Posset tamen contingere circa huiusmodi inductionem triplex inordinatio; si violenter, si simoniacè, si mendaciis eum alliciat ». Cf. Quodl. 3. q. 5.

12. *An et quomodo peccet qui secundum Religionem vocatum sentiens, divinae vocationi non obsequitur?* — R. « quod negligere vocationem religiosam, per se non est peccatum; divina enim consilia per se non obligant ad culpam. Id tamen ratione periculi aeternae salutis, cui vocatus se committet, electionem status faciens non iuxta divinum beneplacitum, non potest ab aliqua culpa excusari. Et quidem, si quis crederet, quod in saeculo manens damnationem incurreret, tum ob suam fragilitatem, quam inter saeculi occasiones expertus est, tum ob earentiam auxiliorum quae in religione haberet; non potest excusari a peccato gravi, cum in grave discrimen salutis suae iniiciat... Utrum autem sit in malo statu conscientia eorum, qui certi moraliter iam facti de vocatione Dei ad religionem, nituntur sibi suadere, manendo in saeculo, vel in illud redeundo, salutem suam aequè facile facere posse? Non videtur dubitandum, quod isti magno discrimini salutis se exponunt... Ratio autem huius periculi est, quia qui in saeculo manet contra Dei vocationem, non habebit congrua gratiae auxilia, quae in religione Deus ipsi praeparavit; et ideo illis destitutus, difficulter saeculi tentationibus resistet, et sic succumbens damnationem incurreret... Ceterum nolo in hoc puncto absolutum iudicium proferre: sapientibus illud remitto ». L. 78. Quare in praxi particulares casus cum omnibus suis circumstantiis sunt mature perpendendi.

13. *An et quomodo peccent qui alios avertunt a statu religioso?* — Qui per vim, fraudem aut metum gravem impedit, vel avertit aliquem a religione graviter peccat etiam contra iustitiam; est commune. Prob. ex Trid. S. 25. C. 18. de Reg., ubi excommunicatur, qui puellam a religione impedit. L. 3. n. C. 662. Et sane quisque ius habet, ne vi aut dolo impediatur a consecutione boni. Si vero aversio fit tantum precibus vel promissionibus, grave erit peccatum dumtaxat contra caritatem; quia hoc non potest esse sine gravi damno illius qui a religione distrahitur. « Sed parentes, addit S. Alph. 77., avertentes filios a religione puto duplici peccato gravi delinquere, nam praeter peccatum contra caritatem, ut vidimus, committunt alterum peccatum contra pietatem, dum ipsi ex officio eorum proprio educationis tenentur sub gravi incumbere spirituali profectui suorum filiorum... Non tamen propterea nego, quod plures parentes excusari possunt a mortali, saltem per aliquod breve tempus, ratione ignorantiae, vel inadvertentiae, quae de facili eis inesse potest, ob vehementem carnis affectionem erga filios ».

### III. — DE NOVITIATU

14. *Quinam possint Religionem ingredi?* — Omnes illi, et soli possunt ingredi religionem, qui sunt sui iuris, nec aliis obstricti: qui vero aliis obstricti sunt, non possunt sine eorum consensu. L. 65., S. Th. 2. 2. q. 189. a. 5. 6.

15. *Resolves:* Non possunt ingredi religionem: 1.<sup>o</sup> impuberes, quia subsunt parentibus, vel tutoribus, quoad vitae dispositionem. L. 65., S. Th. 2. 2. q. 189. a. 5. 2.<sup>o</sup> Coniuges post matrimonium consummatum, nisi altera pars sit rea delicti propter quod possit licite dimitti. L. 65. 3.<sup>o</sup> Certum praeterea est, Episcopum iam consecratum et etiam solummodo confirmatum non posse Religionem ingredi absque S. Pontificis licentia, ob votum, quo Episcopus Ecclesiae suae obstringitur in perpetuum. L. 76., S. Th. 2. 2. q. 189. a. 7. q. 185. a. 4.

16. — *An filii puberes, invitis parentibus, licite possint Religionem ingredi?* — R. 1.<sup>o</sup> Affirmative, ita communiter, et ex variis Conc. constat. Ratio

est, quia non est obligatio parentibus obsequendi quoad electionem status, praesertim religiosi, eo quod non tantum non habeant experientiam, sed ob propriam interesse aut mundanum affectum saepe mutantur in hostes. L. 68., S. Th. 2. 2. q. 104, a. 5. — 2.<sup>a</sup> « Dicunt Sanchez, etc., cum Suarez, etc., et communiter, quod filius nequit ingredi religionem, relinquendo parentes in necessitate sive extrema, sive gravi, etiamsi filius votum religionis omiserit. Secus autem, si necessitas sit communis, aut si illi tantum aliqualem patiantur status diminutionem ». L. 66., S. Th. 2. 2. q. 189, a. 6., Quodl. 10, a. 9. — 3.<sup>a</sup> An autem filius iam professus teneatur ingredi, ut subveniat parentibus egestate pressis, in necessitate extrema certum est teneri. L. 67. At si necessitas sit gravis, adest triplex sententia: 1.<sup>a</sup> dicit teneri ratione naturalis obligationis, quae per votum non exiguatur; 2.<sup>a</sup> valde probabiliter dicit teneri, si necessitas antecedit Professionem, secus si subsequatur. Nam naturalis obligatio perseverat in primo casu, in altero vero exurgere non potest; 3.<sup>a</sup> probabilior docet, in tali casu non teneri, nec posse filium egredi sine licentia, sive necessitas parentum praecedat professionem, sive non. Ratio, quia « ille qui iam est in Religione professus, reputatur iam quasi mortuus mundo. Unde non debet occasione sustentationis parentum exire e claustris ». S. Th. 2. 2. q. 101, a. 4. ad 4., Quodl. 3. a. 16., Quodl. 10 a. 9., L. 67.

17. *An debitis gravatus possit Religionem ingredi?* — R. Affirmative, si debita, quibus quis gravatur, sint incerta quoad personam, ita ut restitutio fieri debeat pauperibus; nam etiam dato quod incerta debeantur pauperibus vel piis causis, de iure naturali, res aequivalenter obtinet ad mentem dominorum, si ea remittantur, ut quis possit Religionem ingredi, cum semper dentur ad pias causas: nihil sane adeo pium est, quam se suaeque omnia Deo perpetuo dicare. Quod communiter adhuc conceditur, saltem pro foro interno, si debita sint ex contractu pure liberali: quia in hoc semper subintelligitur conditio: nisi meliorem statum elegero. Si agatur de debitis ex delicto, vel ex contractu oneroso, tres sunt sententiae, omnes S. Alphonso 71. probabiles, sed probabilior tertia: 1.<sup>a</sup> absolute negat, quia contra naturalem iustitiam est bonum spirituale quaerere, cum temporali creditorum damno. 2.<sup>a</sup> absolute affirmat: quia « propter pecuniam persona liberi hominis secundum Iura Civilia non obligatur, sed solum res: quia persona liberi hominis superat omnem aestimationem pecuniae. Unde licite potest, exhibitis rebus suis, Religionem intrare, nec tenetur in saeculo manere, ut procuret unde debitum solvat ». S. Th. 2. 2. q. 189, a. 6. ad 3. 3.<sup>a</sup> affirmat posse debitorem ingredi, casu quo aliunde diu debeat in saeculo manere: nam tunc solutio haberetur uti moraliter impossibilis: secus vero, si in saeculo manens brevi tempore, v. g. intra annum aut biennium, secluso animae periculo, industria et labore sua debita vel magnam eorum partem facile esset soluturus. Haec de Iure naturali. Etenim Sixtus V. B. *Cum de omnibus* a. 1587. reddidit inhabiles ad Religionem debitores illos, qui bona sua dilapidaverint, vel qui deponere debeant rationes, antequam debita solverint, aut rationes ipsas reddiderint. Clemens vero VIII. C. *Suprema* a. 1600. sustulit quidem inhabilitatem illam, sed reliquit prohibitionem. Haec tamen sunt intelligenda: 1. de iis, qui in saeculo manentes possunt creditoribus satisfacere; secus inutiliter morarentur; 2.<sup>a</sup> de iis, qui *requis debitis* sunt gravati: ex *propria culpa*; quia Bulla loquitur de *ingenti aere gravatis, qui dilapidaverint bona sua*. 3.<sup>a</sup> Ad Moniales non est Bulla extendenda, neque ad gravatos debitis incertis: siquidem in *adversis* stricta interpretatio semper est adhibenda, ac testantur alio Decreto ita declarasse Sixtum V. 4.<sup>a</sup> Denique praecceptum intelligendum est de rebellandis rationibus, et de huiusmodi, intricatis, fraudulentis et causam litibus praestituris: nam de hoc tantum Pontifex loquitur. L. 71., Bonif. p. 534. seqq.

18. *An parochi possint licite religionem ingredi, contradicente Episcopo?* — « Omnino affirmandum », ait S. Alph. 74., et certa res est ex C. *Duae sunt leges* Caus. 19. q. 5., ex C. Bened. XIV. *Ex quo dilectus* 11. Jan. 1747.



et ex S. Th. 2. 2. q. 189. a. 7. — Ad Clericos et alias beneficiarios quoque attinet, certum item est, non posse Episcopos impedire suos Clericos, ne religionem ingrediantur, ut habetur C. *Clerici* caus. 19. q. 1. Episcopus tamen bene posset revocare suum clericum a religione, si eius ingressus gravi detrimento esset Ecclesiae, cui erat addictus. Benedict. XIV. C. cit.

19. *An possit religiosus transire ex suo Ordine ad alium strictiorem?* — Bene potest religiosus ex suo Ordine ad alium strictiorem transire, petita licentia a suo praedato quamvis negata, ex G. Leet. 18. *De Regulari*, si tamen iuxta praecepta Urbani VIII. constiterit eam religionem paratam esse eum recipere. Hinc communiter tradunt quod praedatus graviter peccaret, si sine iusta causa licentiam denegaret, quia gravem irrogaret subdito iniustitiam, eum a perfectiori statu retrahendo. Attendendum vero hac in re est ius particulare uniuscuiusque Religionis. L. 73. S. Th. 2. 2. q. 189. a. 8.

20. *Quoniam actus ad Novitiatum inchoandum requiratur?* — Ceruam est ad novitia um sufficere pubertatis aetatem; imo nihil obstat videtur, quod etiam impuberes admittantur, modo usum rationis habeant, et sufficienter intelligant quid sit Novitatus. Ex Conc. Trid. S. 25. C. 17. *De Regulari*. «puella, quae habitum regularem suscipere voluerit maior duod. cum annis sit, non ante eum suscipiat, nec postea ipsa vel alia professionem emittat, quam exploraverit Episcopus, vel eo absente vel impedito, eius Vicarius, aut eorum sumptibus ab eis deputatus, virginis voluntatem diligenter, an coacta, an seducta sit, an sent quid agat ». Duplex haec exploratio gravis est, non tamen gravis reputatur alterutrius tantum omisio, neque vero utriusque omisio invalidam reddit Professionem. Ex Decreto autem S. C. EE. et RR. 23. Maii. 1659. moniales ad habitum admitti non debent ante expletum 15. annum. Cf. S. Th. 2. 2. q. 189. a. 5.

21. *Quanto tempore Novitatus durare debeat?* — Secluso privilegio, Novitatus per annum integrum durare debet: secus professio est nulla, iuxta Trid. S. 25. C. 15. *de Regul.* Quoad longiorem durationem attendendae sunt particulares variorum Ordinum et Congregationum Constitutiones. Novitatus annus Concilii Tridentini computandus est a momento suscepti habitus, vel, si habitus susceptio in aliqua religione non requiratur, a momento ingressus in Novitatum cum animo ibi remanendi. Annus debet ad validitatem esse completus, ita ut anno bissexili sit expectandus lapsus diei qui addendus est. Sic expresse declaravit S. C. C. Debet item ad validitatem esse continuus ex Decr. S. C. Conc., quae statuit Novitium, qui e monasterio abierat, ut aliam Religionem ingrederetur, e duabus tantum horis in alio conventu transactis facti poenitens redierat, novum probationis annum incipere teneri. — G. 140. 141.

22. *Quandomam annus probationis interrumpi censetur?* — 1.<sup>o</sup> Censetur interrumpi praecipue: 1.<sup>o</sup> quoties Novitius egreditur e monasterio sine licentia, cum animo non revertendi, etiamsi statim revertatur, ut ex modo dictis constat; 2.<sup>o</sup> quoties dimittitur absolute a Superioribus, et deinde iterum admittitur; 3.<sup>o</sup> si discedat privata auctoritate, ut ingrediatur aliam domum vel aliam provinciam, etiam eiusdem Ordinis. — 2.<sup>o</sup> Non censetur autem interrumpi Novitatus: 1.<sup>o</sup> Si Novitius aegrotet in domo, etiam notabili tempore, licet exercitiis Novitiorum adesse minime possit; 2.<sup>o</sup> si, violentia coactus, e domo discedat, et postea redeat; 3.<sup>o</sup> si accepta licentia, brevi tempore divertat ad parentes vel alios sanitatis recuperandae, aut negotiorum acenderum gratia; 4.<sup>o</sup> si falsa accusatione dimittatur, et postea, cognita veritate, rursum admittatur; 5.<sup>o</sup> si iter agat iussus a suis Superioribus, quia tunc sub eorum dependentia remanet. — G. 141.

23. *An prorogari possit tempus Novitatus?* — R. Affirmative, si adsit legitima causa: secus si non adsit. Ita ex Conc. Tr. S. 25. C. 16. *de Regulari*. et ex Declar. et praxi S. C. C.

24. *An si novitius, peracto toto anno novitatus, non admittatur ad*

*professionem, sed dimittatur, vel ipse sponte recedat, et post brevem moram redeat, et admittatur, possit statim profiteri absque novo alio anno novitatus?* — R. Affirmative, dummodo non sit mutata conditio personae et vel Religionis. Ita declaravit S. C. C. 27. Feb. 1597. et 12. Feb. 1598. Ratio 1.<sup>a</sup> est, quia iam hic per annum integrum probatus est, quod solum a Trid. requiritur. Ratio 2.<sup>a</sup>, quia cum ex probatione debeat desumi iudicium ad professionem, si post probationem mutatio fit, parum vel nihil deserviet probatio praecedens ad iudicium illud ferendum.

25. *An qui post professionem dimittatur, et postea iterum recipiatur, indigeat novo novitiatu?* — R. Affirmative. Ratio, nam primus novitatus iam obtinuit totum suum effectum per professionem, ad quam ordinabatur. Lugo Resp. Mor. l. 4. D. 1. n. 3.

26. *Quonam in loco et quonam habitu Novitatus sit peragendus?* — R. 1.<sup>o</sup> Novitatus fieri non potest extra monasterium: quin imo in monasterio ad eum destinato peragendus est. Ita ex pluribus Decretis et praxi S. C. — 2.<sup>o</sup> De iure communi novitatus peragi debet in habitu Religionis, quam novitius profiteri intendit. Et hoc requiritur etiam sub poena nullitatis, iuxta S. C. EE. et RR. Ferraris, v. *Habitus* n. 2. 3., v. *Novitatus* n. 4.

27. *An quando, et quomodo Novitius de suis bonis disponere debeat?* — R. Novitius ante Professionem bonis suis renuntiare debet intra duos menses proximos ante Professionem votorum solemnium. Conc. Trid. S. 25. C. 16. de Regular. S. C. Reg. Disc. 1. Aug. 1862. — Ante Professionem vero votorum simplicium cedere debent pro tempore, quo in eadem votorum simplicium professione permanserint, administrationem, et usumfructum, et usum, quibus eis placuerit, ac etiam suo Ordini, si ita velint. S. C. Reg. Disc. 12. Jun. 1858. Ut autem huiusmodi renuntiatio valida sit in conscientia opus non est iuris civilis solemnitatibus.

28. *An novitius ad regularem disciplinam teneatur?* — Regulas et praecepta Ordinis sui novitii observare non tenentur ex proprie dicta obligatione. Ita doctores unanimiter, ea ducti ratione, quod nullum assignari valeat eiusmodi obligationis fundamentum. Schmalzgrueber, tit. de Regular., n. 85. seqq. Licet vero Praelatus non possit praecipere novitio *ratione votorum*, ut patet, potest tamen praecipere *ratione potestatis*, quam *naturaliter* habet quivis Superior in qualibet communitate, et *ratione ecclesiasticae iurisdictionis* in novitium. Unde plures inferunt posse hunc novitios praeceptis ligare sub peccato et sub censuris, et casus respectu ipsorum reservare. At contrarium alii plures et graves theologi docent, posse nempe novitios, absque licentia Praelatorum Ordinis, valide confiteri apud quemcunque confessorum ab Ordinario loci pro saecularibus approbatum, atque ab eo absolvi, etiam a casibus in religione reservatis. Ferraris v. *Novitatus* 13.-16., Bouix, pag. 598., Craisson 2675. seqq., Montrouzier de Inst. Soc. I. pag. 77. De Generatim vero novitii gaudent omnibus privilegiis, indulgentiis, protectione canonis, etc., quibus fruuntur professi Ordinis, quem intendunt amplius: nam ex Reg. Iuris 55. in 6.<sup>a</sup>: « Qui sentit onus, sentire debet et commodum ». Bouix l. c. pag. 599., Ferraris l. c. n. 20., 21., etc.

#### IV. — DE PROFESSIONE

29. *Quid sit Professio religiosa?* — Professio religiosa dupliciter distinguitur, alia enim est *late* talis, alia *stricte* talis. Prior per vota *simplicia*, posterior per vota *solemnia* habetur. Ubi autem vox professio sine addito adhibetur, de professione stricte sumpti intelligi solet.

30. *Quonam requirantur ad Professionem religiosam?* — Ad professionis valorem requiruntur. 1. Ut persona sit habilis ad ingrediendam religio-

nem. 2.<sup>o</sup> Ut proficiens decimum sextum annum impleverit, hoc tempus mathematice computando de momento ad momentum. Ita enim decrevit Trid. Syn. iuxta S. Congr. et omnes DD. 3.<sup>o</sup> Ut praecesserit integer probationis annus. 4.<sup>o</sup> Ut fiat cum intentione professionem faciendi; est enim matrimonium quoddam spirituale cum religione: quod perinde ut carnale, deficiente consensu, et ipsum deficit. 5.<sup>o</sup> Ut professio non emittatur ob fraudem seu dolum: secus enim deesset verus consensus. 6.<sup>o</sup> Ut non fiat ex vi vel metu *gravi*, ab *extrinseco iniuste incusso ad extorquendam professionem*. Id constat ex pluribus J. C. textibus, in particulari vero ex Trid. S. 25. C. 19. de Regul. 7.<sup>o</sup> Ut emittantur tria vota substantialia: secus enim non aderit status religiosi essentia. 8.<sup>o</sup> Ut professio fiat in aliqua religione approbata. 9.<sup>o</sup> Ut professio acceptetur ab habente ad id potestatem. 10.<sup>o</sup> Ut proficiens nullam apponat conditionem substantiae religionis repugnantem. 11.<sup>o</sup> Ut professio *expressa* fiat: professio enim *tacita* est abrogata per Pium IX. Deer. S. C. Disc. Reg. 12. Jun. 1858. 12.<sup>o</sup> Ut vota simplicia emisissent prius viri, in eisq; per triennium integrum permanserint, ante solemnem professionem emittendam. Pius IX. Br. *Universalis Ecclesiae* 7. Febr. 1862. — Praeter haec observanda sunt ad licitatem quae nuperrime a Pio IX. constituta fuere pro admissione ad habitum et professionem, et quae habentur in Actis S. C. super statu Regular. Romae 1862. ex Typ. Rev. Cam. Apost., et ap. Bizzarri Collect. App. 2.<sup>a</sup> Cf. Enchir. Mor. N. 138-141.

## V. — DE VOTO PAUPERTATIS

31. *Quatenam sit vis voti sollemnis paupertatis relate ad proprietatem bonorum?* — Religiosus vi voti sollemnis paupertatis redditur absolute incapax domini in particulari, seu *personaliter*, cuiuslibet rei temporalis pretio aestimabilis, etiam de licentia Superioris. — Dicitur *absolute incapax* i. e. incapax perpetuo et immutabiliter, tum ex parte religiosi tum ex parte religionis. In particulari seu *personaliter*, etenim *solemnitas* voti paupertatis non obstat quominus communitas bona acquirere et possidere possit sive per se, sive per subditos, nisi obstant eius Constitutiones. Hinc pervulgatum axioma Iuris Canonici: Quidquid monachus acquirit, non sibi, sed monasterio acquirit. *Rei temporalis pretio aestimabilis*, quia retinet religiosus dominium bonorum spiritualium, honoris, famae et similium. Item ius eligendi, praesentandi, conferendi regulare beneficium. *Etiam de licentia superioris*, nempe regularis: ista enim incapacitas tolli potest a S. Pontifice quin ideo impediatur voti solemnitas. Cf. n. 1. *Domini*, i. e. domini tum *directi* tum etiam duntaxat *utilis*. Quare solenni paupertatis voto opponitur proprietas bonorum temporalium, ius fruendi, ius utendi, ius simpliciter retinendi seu possidendi: minime vero usus et retentio mere *facti*, i. e. de licentia Superioris, non autem ex proprio iure et nomine: nec non mera administratio: per hanc enim nullum sibi temporale commodum acquirit; ex quo dives aut minus pauper efficiatur.

32. *Resolves:* — 1.<sup>o</sup> Religiosus solemniter professus inhabilis omnino est ad quemlibet proprietatis actum, donationis, venditionis, etc. — 2.<sup>o</sup> Dona omnia, quae religiosis solemniter professis fiunt, eo ipso acquiruntur monasterio, non exceptis legatis et haereditatibus. — 3.<sup>o</sup> Manuscripta sunt propria religiosorum. Ita probabilius affirmant communissime: sunt enim quid spirituale, cum sint partus proprii ingenii. L. 14. — 4.<sup>o</sup> Circa naturam transgressionis voti paupertatis nota, quod « habere proprium dicitur esse contra paupertatem: non quia sit contra aliquam specialem virtutem, quia *nulla est*, sed quia est contra votum paupertatis: et ita peccatum illud est proxime contra Religionem ». Suarez de virt. Rel. Tr. 10. l. 4. c. 14.

33. *Quatenam sit vis simplicis voti paupertatis relate ad bona exteriora?*



— Religiosus *simplici voto paupertatis* ligatus potest quidem dominium directum bonorum habere: sed nihil de ipsis sine Superioris licentia particulari, vel generali disponere licite potest. Dicitur *licite* siquidem religiosus servans dominium directum bonorum potest *valide* de illis disponere absque licentia, quam vere sit dominus illorum bonorum. Attamen talem dispositionem Superior invalidare poterit ob dominativam potestatem, quam habet in voluntatem sui subditi, vi voti obedientiae, ubi tamen non intercedat ius quaesitum tertii. Ita Suarez, Bonif. T. 2. p. 558.

34. *Resolutes*: I. Religiosus, qui non est solemniter professus dominium directum habet: 1.<sup>o</sup> *bonorum temporalium*, quae possidebat ante vota. Ratio, quia vota simplicia non privant dominio iam habito; 2.<sup>o</sup> fructuum seu reddituum eorumdem bonorum. Ratio, quia res fructificat domino, et vota simplicia non privant iure dominium acquirendi; 3.<sup>o</sup> eorum, quae ipsi de iure adveniunt, sive nova acceptance, ut haereditas paterna, legata, etc. Ratio ex dictis patet; 4.<sup>o</sup> omnium bonorum, quae a parentibus, cognatis, amicis accipit de Superiorum licentia; si tamen donationes istae fiant speciatim intuitu personae privatae, et non quatenus religiosae, secus enim donationes monasterio obveniunt. His enim quoque religiosis applicatur principium illud: Quidquid monachus acquirit, etc.; 5.<sup>o</sup> bonorum omnium, quae a parentibus, cognatis, amicis, etc. accipit data intuitu personae privatae, sine Superiorum licentia. Ratio, quia cum habeat ius acquirendi, defectus licentiae facit quod illicite acquirat, non quod acquirat invalide, quemadmodum defectus licentiae facit quod illicite donet non quod donet invalide; 6.<sup>o</sup> opera manualia, quaecumque sint, quae Religiosis conciliantur, ad Communitatem pertinent. De iis igitur privati, licet opifices, disponere nequeunt, nec nullum emolumentum ex illis percipere possunt. Idem dicendum est de honorariis, quae Regularibus pro Missis vel aliis spiritualibus ministeriis tribuuntur. — II. Illicite agit religiosus voto simplici ligatus si quid domi, seu foris etiam ex iis, quae ad victum et vestitum pertinent, sine Superioris consensu, accipiat, retineat, assumat, permulet, alteri donet, mutuetur, vel ac immo- det, vel aliquem contractum faciat, in quo proprietatis actus intervéniat. — III. Contra votum paupertatis peccat, si quid ex rebus in usum suum concessis, in aliam usum expendat, aut culpabiliter amittat, vel destruat. Ratio est, quia in iis tantum habet usum facti, idque precario, quandiu superiori videbitur; estque actus domini, posse rem arbitrari suo destruere. L. 19. — IV. Contra votum paupertatis peccat, si occultat vel subtrahit rem aliquam Superioris dispositioni; si debitum remittat, si haereditati vel legato, quod esset in favorem Communitatis, renuntiet. Si donationi renuntiet non peccat contra iustitiam, vel votum, sed peccare potest contra caritatem erga suum Conventum.

35. *Quid requiratur, ut religiosus rem accipere vel dare possit?* — Ut licite religiosus rem accipiat, donet, etc., requiritur et sufficit licentia superioris, aliter rationabiliter praesumpta. Praenotat: licentia *praesumpta* distinguitur a licentia *expressa et tacita*. Expressa dicitur, quae verbo vel scripto aperte conceditur; et haec esse potest expressa *formalis*, vel *virtualis*, ut si dicit: Concedo tibi ut advoces medicum; erit haec expressa licentia *formalis* in ordine ad consulendum medicum, *virtualis* in ordine ad adhibenda praescripta medicum. *Tacita* dicitur quando ex consuetudine, signis, vel aliis circumstantiis, rationabiliter concluditur superiorem rem approbare. *Praesumpta* appellatur, quando ob occurrentem aliquam necessitatem, aliamve iustam causam, vel illi seu praesumitur, quod Superior consentiret, seu daret licentiam: et haec petetur in his circumstantiis. *Rationaliter praesumpta*, scilicet cum nulla est licentia, cum sit contra voluntatem Superioris. L. 163. 160. — Proinde, quando agendum contra votum paupertatis requiritur, quod religiosus agat ratione proprio et independenter a voluntate superioris. Non autem agit necesse proprio et independenter, qui agit ex consensu Praeati secundum praesentem interpretationem. Ergo, Hanc sententiam pro-

*habiliorem* dicit S. Alph. 18., cumque docet expresse S. Th. 2. 2. q. 32. a. 8. ad 1. et 4. D. 15. qu. 2. a. 5. q. 4.

36. *Resolves.* — 1.° Si praelatus subito donet vel donari permittat imagines, rosaria, etc.; sciens non indigere iis omnibus ad proprium usum, tacite facultatem concedere censetur donandi aliis. L. 17. — 2.° Si religioso ad suam sustentationem certa quantitas ita assignetur, ut nec monasterium tenatur aliud ei præstare, nec ipse rationem reddere, tunc sive is intra claustra commoretur, sive extra, quidquid sibi de illa portione subtraxerit, poterit ad suum beneplacitum erogare, modo erogat ad honestum usum. Secus vero si nulla certa quantitas ei assignatur, sed omnia necessaria a monasterio subministrantur, quia tunc non præsumitur, sicut in primo casu, praelatus licentiam concedere. L. 23. — 3.° Ab auctoribus permittitur religiosi ob eandem præsumptam licentiam moderatas aliquas elemosynas facere, leves item facere donationes ad conciliandum aliorum amorem erga religionem, in signum debitæ amicitiae, vel debitæ gratitudinis. L. 21. 23. Atque hic attendenda est Constitutio *Religiosae* Clementis VIII. moderata per decretum *Nuper* Urbani VIII. religiosi prohibens largitionem munerum præter prædictos, aliosque similes casus, quæ prohibitione comprehenduntur etiam Conventus et ipsorum Capitula: accipientes autem ad restitutionem tenentur.

37. *Nota.* Licentia petita sed indebite negata non excusat a transgressione voti, nisi periculum gravi damni sit in mora. Tunc enim præsumitur adesse consensus Superioris maioris. Ita S. Alph. 33. et congruit doctrinae S. Th. 1. 2. q. 106. a. 6. 2. 2. q. 120. a. 1.

38. *Quænam sit materia gravis in transgressione voti paupertatis.* — R. 1. Difficile est aliquam determinatam regulam tradere circa quantitatem ad grave peccatum requisitam, ut constat ex ipsa multiplicitate opinionum circa hanc materiam: — 2.° Generatim loquendo ea habenda est materia gravis, quæ in furto peccatum grave constituit. Actus enim proprietatis, qui est gravis contra Iustitiam, gravis etiam est contra Religionem, paupertatis voto accedente. Aliqui vero dicunt eam tantum esse materiam gravem, quæ est gravis in furtis filiorum familias, quod alii *probabilius* negant: — 3.° Gravis ista materia secundum diversas circumstantias, ut in furto, maior vel minor esse potest. Plus requiritur pro conventibus pinguius, quam pro aliis minus opulentis. Plus, si religiosus res monasterii in *usum proprium*, vel pro *aliis eiusdem communitalis* usurpet, quam si in extrinsecos erogaret: priori enim casu res domi remanet. Plus, si res non sit ex pecuniis, sed ex vestibus, libris et similibus: admittunt Salm. cum Sanchez. Pal. Bon. Lug. Pell., etc., non esse mortale surripere comestibilia per plures vias, etiamsi perveniant ad magnam quantitatem, modo a religioso non reserventur, et modo damnificatio conventus non sit nimia et in re extraordinaria et pretiosiore. Plus etiam requiritur in furtis minutis, quæ insuper interposito notabili intervallo in gravem materiam non coalescunt, quam in aliis furtis ordinariis. Præterea, plus requiritur in peccatis contra solam religionem, seu contra solam votum commissis, quam simul contra iustitiam: in priori enim casu *actus proprietatis*, ut patet, minor est: unde etiam in eodem casu peccati contra solam religionem plus requiritur ad graviter peccandum quando dona accipiuntur ab extraneis in alios eroganda, quam si hæc in proprios usus retinerentur. Denique plus vel minus requiritur prout actus magis, vel minus participat de proprietate. Et sic generatim religiosus non peccat graviter clam accipiens ad suum usum rem aliquam ex Communitate, vel rem ad usum sibi concessam alteri mutuet vel commodet. — G. 160. 159., L. 24. 25. 27.

39. *An licitum sit religiosi habere peculium, i. e. bonum temporale ad proprios usus destinatum, minime vero ad communes monasterii usus?* — R. 1.° Certum est illicitum esse tale peculium cum independenti ipsius usu: est enim contra pauperitatem, et contra Conc. Trid. S. 25. C. 2. de Regular. — 2.° Controvertitur, utrum peculia cum usu dependenti fuerint prohi-

bita a Cone. Tr. S. 25. C. 2. de Regular. — 3.<sup>o</sup> Ex consuetudine et Sedis Apostolicæ praxi in pluribus monasteriis perseverat adhuc usus peculiorum et licitus est. — 4. Omnes conveniunt, quod in iis Conventibus, in quibus non observatur vita communis ob paupertatem, vel incuriam superiorum subministrandi subditis necessaria, possint concedi peculia ad nutum praelatorum. Ratio, quia Tridentinum tunc præcipit religiosos vitam communem, cum a conventu « nihil, quod sit necessarium, denegetur ». — 5.<sup>o</sup> Non potest regularis vitam communem recusare, si superiores illam erigere velint. Ratio, quia id esset contra votum paupertatis, esset enim habere bona independentem a voluntate superiorum. L. 15.

40. *An peccet contra votum paupertatis, qui accipit ab extraneo pecuniam, in pia opera ad libitum impendendam?* — R. 1.<sup>o</sup> Negative, si opera pia determinentur ab ipso donatore. Nam tunc nullus habetur proprietatis actus. Religiosus est tantum exequens alterius commissionem. G. 157. — 2.<sup>o</sup> Si vero opera nullo pacto a donatore determinentur, P. Gury ib. affirmat, quia actum faceret proprietatis. At Vasquez in Decal. l. 7. C. 30. negat. Ratio, quia dum eam pecuniam distribuat non nomine proprio, sed alieno, nullum facit proprietatis actum.

41. *An religiosi ex voto paupertatis prohibeantur recipere rem alienam in depositum sine praelati licentia?* — R. Affirmative, si sit in vim contractus depositi, quia adest tunc verum ius et obligatio ex Iustitia. Negative, si sit tantum in fidam custodiam, nam nullum tunc habetur ius et obligatio ex Iustitia. G. B. 161.

## VI. — DE VOTO CASTITATIS

42. *Quodnam sit obiectum voti castitatis?* — Obiectum voti castitatis duo complectitur, nempe ea quæ de iure naturali et divino iam prohibentur, necnon ea quæ in legitimo matrimonio licite fieri possent. G. 164

43. *Quoniam sit gravitas peccatorum contra votum castitatis commissorum?* — R. Eadem prorsus est gravitas vel levitas peccati contra virtutem castitatis ac contra votum in iis, quæ virtute prohibentur, et in his duo dantur, peccata, si votum violetur. Unicum committitur peccatum in eo, quod solo voto interdicatur. Gravitas vero vel levitas, ex ipsa castitatis virtute desumenda est, si nempe etiam illi opponeretur.

44. *Quodnam est discrimen inter votum solenne et simplex castitatis?* — Votum solenne castitatis irritat sponsalia et matrimonium subsequens, itemque sponsalia, necnon matrimonium antecedens ratum, sed non consummatum. Et notetur discrimen cum voto castitatis in susceptione Sacrorum Ordinum, nam hoc posterius irritat quidem sponsalia et matrimonium postea contractum; at non irritat matrimonium antea contractum, licet non consummatum. G. 759. 797., L. l. 6. n. 1059., 958. — Votum simplex castitatis de iure communi non irritat matrimonium, sive subsequens, sive antecedens. Dicimus de Iure communi, quia potest S. Pont. decernere ut votum simplex castitatis matrimonium dirimat, perinde ac si foret solenne. Et ita revera statutum est quoad vota simplicia Scholasticorum Soc. Iesu. Præterea per votum simplex perpetuæ castitatis irrita sunt sponsalia subsequenda, promissio enim matrimonii tunc de re illicita est. Probabilius dissolvuntur etiam sponsalia antecedentia. Ratio, quia promissio sponsalium semper censetur facta, sub tacita conditione, nisi melior status eligatur. G. 731.

45. *Quid de clausura?* — Ad maiorem autem castitatis custodiam introducta est clausura, vi cuius Moniales egredi non possunt e Monasterio, nisi de licentia Pontificis aut Episcopi, quæ etiam in solis extraordinariis



casibus dari potest. Religiosi vero domo abesse nequeunt absque Praelati licentia. Neque vero mulieres in Regularium clausuram, neque cuiuscunque sexus vel aetatis personae in Monialium clausuram ingredi possunt. Itemque prohibetur frequens ad moniales accessus, et Regularibus, ut par est, severius, quam aliis tum clericis saecularibus, tum laicis. Cf. Comment. De C. Apostolicae Sedis n. 56. seqq.

46. *Quale sit peccatum egredi e Monasterio sine licentia?* — R. 1.<sup>o</sup> Pro Monialibus intra clausuram degentibus erit semper grave, cum Ecclesia id prohibeat sub poena gravissima, nempe excommunicationis. — 2.<sup>o</sup> Pro Religiosis erit grave, si saepius cum scandalo fiat, aut de nocte furtive; veniale autem tantum, si quis semel aut iterum, aut interdum tantum per diem egrediatur. G. 167.

47. *Quid de obligatione gestandi habitum?* — In iis Institutis, in quibus certus habitus in signum professionis religiosae deferendus iniungitur, *per se loquendo*, dimisso *formalis* habitus, h. e. mutando habitum, ut tanquam religiosus quis non agnosceatur, si fiat temere, est peccatum mortale. C. *Ut periculosa* 2. *Ne clerici vel monachi*, in 6.<sup>o</sup>

## VII. — DE VOTO OBEDIENTIAE

48. *Quodnam est obiectum voti obedientiae?* — Religiosus ex voto obedientiae obligatur ab omnia, quae Superior praecipit secundum regulas et constitutiones ordinis, sive directe et expresse, sive indirecte et implicite. Id constat ex ipsa natura voti obedientiae facti in tali Religione; obiectum enim huius voti hoc est, obedire Superiori praecipienti secundum regulam talis ordinis; nullam enim Superior religiosus potestatem habet *supra* vel *contra* Regulam, prior enim potestas excedit limites promissae obedientiae; posterior, ut patet, in religionis destructionem tenderet. Suarez De Rel. T. 3. l. 10. C. 8., S. Thom. Quodl. 10. a 10.

49. *Resolves:* « Superior ius non habet generatim imponendi id quod ex Instituto sub peccato non iubetur. Id tantum facere potest data speciali ratione in casibus quibuscumque particularibus ». G. Cas. 3.

50. *Nota:* 1.<sup>o</sup> « Quod nisi praelatus *mandatum explicit*, v. gr. dicens *iubeo, praecipio*, etc., subditus non tenetur obedire. Et dicente prelato: *iubeo, praecipio*, etc., nec etiam tenetur subditus obedire sub gravi, nisi addatur: In nomine D. Jesu Christi, vel in virtute obedientiae, vel nisi addatur poena excommunicationis, non solum ferendae, sed etiam latae sententiae ». — 2.<sup>o</sup> « Quae indirecte pertinent ad regulam, Sylv., etc., ampliant ad illa, quae faciunt ad pleniorum eius observationem, Sanch. tamen arctat ad res valde necessarias, sine quibus regula commode servari nequit, alioqui enim superior quasvis corporis macerationes praecipere posset: ordinantur enim ad pleniorum observationem regulae. » L. 38. 39. 40., S. Th. 2. 2. q. 104. a. 5. ad 3., 2. D. 41. q. 2. a. 3. — 3.<sup>o</sup> Religiosus graviter inobediens probabiliter peccat graviter tum contra virtutem Religionis tum contra virtutem obedientiae. L. 46.

51. *An abbatissa possit praecipere monialibus in virtute obedientiae obligando in conscientia?* — R. Affirmative. Ratio est, quia per votum obedientiae moniales obligantur ad obediendum omnibus suis legitimis superioribus. Legitima autem et vere Superior dicenda est abbatissa in suo Monasterio. Id constat tum ex ipsa natura societatis et communitatis, quae certe in Monasterio est, tum ex Approbatione Constitutionum a S. Sede. Nam S. Sedes, Constitutiones approbans, approbat profecto ordinem Superiorissarum et subditarum, earum superioritatem, harum subiectionem. Secus enim, quomodo Monasterium et regularis observantia servari potest? — L. 52.

52. *An ei casti obedientiae praecepti possint actus mer. interni?* — Omnes fere conveniunt circa votum paupertatis, quod actus duntaxat *externos* proprietatis attingat, tanquam proprium obiectum. Quod non excludit, uti patet, quod quis peccare possit contra paupertatis votum etiam actu interno, e. g. desiderio actum proprietatis exercendi; nam illud desiderium a tali obiecto specificatur, quod ex hypothesis contra paupertatis votum est. — Quoad votum castitatis disputatur, utrum obiectum talis voti sint tantum actus exteriores, an etiam actus interiores. Affirmant Salmant. Tr. 15. C. 6. n. 20., Sanch. In Dec. 1. 5. C. 6. n. 9., Busemb. apud S. Alph. 37., Gury 165., alique plures, quia, adiunt, ita communiter intelligitur votum castitatis. Sed hoc *demonstrative* non evincit assertum; siquidem in variis Ordinum et Congregationum Constitutionibus haec explicatio non reperitur, et Religiosi, qui voverunt, saepissime non adhuc theologicis studiis operam dederunt, ita ut possint habere notitiam huius rei. Contenti sunt vovere sicut voverent ceteri ad mentem Ecclesiae, Ordinis et Congregationis Constitutiones approbantis. Neque vero aliam intentionem habere possunt. Hinc alii opinantur votum castitatis solos externos actus attingere iisque violari. Alii enim Ecclesiam non solere praecipere actus mere interiores; adeoque neque vota religionis ab Ecclesia approbata sese extendere ad actus mere internos. Sed responderi posset, et ita posset sustineri simul ratio pro communi sententia, nempe, quod votum castitatis in religione fieri soleat, eodem plane modo, ac extra religionem. Porro votum castitatis extra religionem, cum intelligatur votum *perfectae* castitatis, et internos et externos actus complectitur; ad utrosque enim sese extendit castitas. — Eadem quaestio est pro voto obedientiae, et variae adsunt opiniones; alii enim putant votum obedientiae attingere tantum actus exteriores, et exteriorum executionem mandati Superioris, quod habet etiam Gury 169., alii e contra arbitrantur nihil votum sese protendere usque ad actus mere internos. S. Th. 2. 2. q. 186. a. 5. ad 4., quamvis dicat hoc votum obedientiae habere quandam universalitatem, eam tamen, ait, non se extendere ad omnes particulares actus, et videtur excludere praeter alios etiam actus internos, de quibus agitur in obiectione, nam se remittit ad q. 104. a. 5., ubi huiusmodi actus positive excludit ab obedientia hominibus praestantia. Haec sane habet A. D. praedicta q. 104. a. 5.: « in his, quae pertinent ad interiorum motum voluntatis homo non tenetur homini obedire, sed solum Deo ». Et ib. ad 3. ait de religiosis: « quantum ad illa sola obedire tenentur, quae possunt ad regularem conversationem pertinere ». Et q. 186. a. 7. c. ait, *offerri Deo*, per votum paupertatis bonum *exteriorum rerum*, per votum castitatis bonum *propriū corporis*, per votum obedientiae *propriam voluntatem*. Et ib. ad 1. « Dicendum, ait, quod votum religionis ordinatur, sicut in finem ad *perfectiorem caritatis*, ad quam pertinent omnes interiores actus virtutum ... Et illi *interiores actus virtutum* ... non cadunt sub voto religionis, quod ordinatur ad ipsos sicut ad finem ». Cf. Lugo Resp. Mor. 1. 6. D. 7.

53. *An, si regula ordinis sub peccato obliget, eius transgressio sit contra votum obedientiae?* — Negat Suarez de Rel. Tr. 8. l. 1. C. 2. Nam votum non obligat ad servandam regulam, sed ad obediendum superioribus secundum regulam. Et ideo propria obligatio regulae, ut sic, non ex voto obedientiae, sed ex propria ratione legis est. Affirmat Busemb. ap. S. Alph. 41., quia talis regula non est minus praeceptiva, quam vox superioris. Attamen, ut habeatur peccatum non tantum contra obedientiam, verum etiam contra votum, requiritur, quod vel quis speciali voto promiserit observantiam regulae, veram *bonam et praecepta* continentis, vel quod in regula sit *expressum* Superiorum *praeceptum in vim voti obedientiae*; nam tunc revera idem est, quod praeceptum *in consuetudine*, vel scripto per regulam omnibus imponatur in virtute voti sanctae obedientiae. Et hoc congruere videtur doctrinae A. D. 2. 2. q. 186. a. 9.

54. *Quomodo votum solenne obedientiae a voto simplici differat?* —

Votum simplex obedientiae reddit quidem illicitam obligationem, quae a subdito independenter a consensu Superioris contrahatur, minime vero *per se* invalidam efficit, nisi forte Superior, vi potestatis dominativae, in voluntatem subditi huiusmodi obligationem irritare velit. — Votum autem *solenne* invalidam *per se* reddit omnem obligationem a subdito susceptam independenter omnino a voluntate Superioris, nisi tamen de re agatur, quae Superioris potestati minime subditur, ut videre est in secreto *confessionis*, in secreto *commisso*, etc. G. B. 170.

## DE SACRAMENTIS IN GENERE

### I. — DE NATURA SACRAMENTORUM

1. *Quid sit Sacramentum?* — Quoad *vim nominis*, Sacramentum graece mysterium, idem est ac res sacra, arcana. Quoad *rem*, Sacramentum, prout complectitur Sacramenta V. T. et N. T., definitur: Invisibilis gratiae visibile signum, prout vero ad Sacramenta tantum N. T. coarctatur, definitur: Signum sensibile, quod ex Christi institutione vim habet significandi et *causandi* gratiam. — Hinc Sacramenta distinguuntur a Sacramentalibus, quae sunt quaedam res sacrae vel sacrae actiones ab Ecclesia institutae, quae vim gratiam ex se causandi non habent, sed tantum pios motus in nobis excitandi; ut sunt aqua lustralis, Agnus Dei, consecrationes, benedictiones, etc. — Sacramenta autem N. L. multum a Sacramentis differunt A. L. Illa enim non causabant gratiam, sed eam solum per passionem Christi dandam esse figurabant: haec vero nostra, et continent gratiam, et ipsam digne suscipientibus conferunt. Flor. Decr. pro Armen., Trid. S. 7. c. l. 2. 5. 6. 7., Catech. Rom. n. 2.-14., S. Th. 3. p. q. 60. a. 1.-4. De Sacramentalibus Cf. L. 90.-94., La-Croix 218. seqq., Voit 112-117.

2. *Quot sint Sacramenta N. L.?* — Sunt septem. Baptismus, Confirmatio, Eucharistia, Poenitentia, Extrema-Unctio, Ordo, Matrimonium. Flor. Decr. pro Armen., Trid. S. 7. c. 1., S. Th. 3. p. q. 65. a. 1.-3.

3. *An omnia Sacramenta a Christo fuerint instituta?* — R. Affirmative, idque de fide est ex Trid. S. 7. c. 1. Longe autem verius est, omnia a Christo fuisse instituta immediate, per se; et non mediate, per Apostolos seu Ecclesiam. Cf. S. Th. 3. p. q. 64. a. 2.-4.

4. *An omnia Sacramenta, et semper, gratiam conferant?* — Omnia Sacramenta N. L. gratiam continent, et vim habent eam non ponentibus obice conferendi, eamque dant semper et omnibus rite ea suscipientibus. Trid. S. 7. c. 6. 7. *Obex* habetur, si in suscipiente necessariae desint dispositiones. *Fictio* etiam dicitur, quia impedit, ne Sacramentum efficiat id quod significat. S. Th. 3. p. q. 60. a. 3., q. 69. a. 9. ad 3. — Hinc Sacramenta *formata* vel *informia* dicuntur, prout *gratiam* producunt dum suscipiuntur, aut intercedente obice, effectum suum, nempe *gratiam*, suspendunt donec obex removeatur. Unde apparet posse Sacramenta esse simul *valida* sed *informia*; ac simul recipi posse *valide* sed *illicite*. *Valide*, cum nihil deest eorum, quae pertinent ad essentiam Sacramenti: *illicite*, quando ex culpa aliqua desit ex necessariis dispositionibus in suscipiente.

5. *An Sacramenta informia, sublata postea obice reviviscant?* — Sacramentum *reviviscere* est, gratiam praestare, quam ab initio praestitisset,



si non fuisset obex. Obex autem *aufertur*, supplendo necessarias illas dispositiones, quae *ab initio* defuerunt, e. g. contritionem imperfectam, si agatur de Baptismo, ab adulto suscepto sine ulla contritione propriorum peccatorum, et interim novum grave peccatum non commiserit. Secus enim requiritur vel contritio perfecta, cum voto Sacramenti Poenitentiae, vel contritio imperfecta cum ipso Sacramento Poenitentiae. Et tunc Baptismus delet peccatum originale, ac simul omnia peccata actualia, ante Baptismum commissa. Sacramentum vero Poenitentiae delet peccata post Baptismum commissa, et peccatum *fictionis*, seu pravae dispositionis, cum qua susceptum est Baptismi Sacramentum, saltem in quantum prava haec dispositio post Baptismum perseveravit. — Iamvero Baptismus reviviscit, quia iterari non potest. S. Aug. 1. 1. Contr. Donat. Cap. 13., S. Th. 3. p. q. 69. a. 10., alique communiter. Idem consequenter dicendum est de Confirmatione et de Ordine. S. Th. 4. D. 49. art. 2. Idem etiam proportionata ratione dicendum de Extrema-Uctione et de Matrimonio, quae durante eadem infirmitate, eodemque coniugio iterari pariter non possunt. De Poenitentia vero et de Eucharistia valde disputatur: ratio dubitandi est, quia si in Poenitentia attritio deest, materia deest Sacramenti; et consequenter Sacramentum nec formatum nec informe est, cum sit invalidum, nempe cum non sit omnino. Eucharistia autem ex sua institutione frequenter potest iterari, ideoque non videtur quod fuerit opus hanc ipsi tribuere efficaciam, ut subveniatur humanae fragilitati. S. Alph. n. 87. Verum S. Thom. 4. Dist. 17. q. 3. a. 4. q. 1. loquens de poenitente, qui fecerit confessionem validam, sed informem, ait: « quamvis tunc non percipiat absolutionis fructum, tamen recedente fictione percipere incipiet; sicut etiam est in aliis Sacramentis ». Reviviscentiae autem ratio generalis est, quia per accidens tantum est, quod propriis gratiae effectus non producant, nempe propter obicem; et proinde effectus illi remanent suspensi, manente obice, hoc tamen remoto animae applicari debent. — Cf. Lugo D. 9. n. 50. 55., La-Croix 207., L. 6. 87. 441. H. A. Exam. Ordinandor. n. 4.

6. *Quam gratiam Sacramenta causant?* — Gratia sacramentalis, quam Sacramenta causant, non est gratia entitativa diversa a gratia communi seu non sacramentali: sed est gratia sanctificans, habitualis, quatenus datur per tale Sacramentum, et dat *ius* ad talia auxilia specialia et abundantiora, ipsaque haec auxilia specialia *actu*, suo tempore, collata: pro diversitate finis, ad quem obtinendum singula Sacramenta instituta sunt. Conc. Flor. Decr. pro Armen. Sacramenta autem, quae ex sua primaria institutione causant *primam* gratiam sanctificantem, *mortuorum* appellantur, ut Baptismus et Poenitentia. Quae vero causant ex sua primaria institutione gratiam *secundam* sanctificantem, ut quinque alia Sacramenta, *vivorum* nuncupantur. Verum, cum omnia Sacramenta N. L. gratiam contineant et conferant obicem non ponentibus, Flor. Decr. ad Armen., Trid. S. 7. c. 6. 7., Sacramenta mortuorum *per accidens* secundam conferunt gratiam, si quis ea iam in statu gratiae recipiat, et hoc certum est, Sacramenta e contra vivorum *per accidens* primam sanctificantem gratiam conferunt, si quis simpliciter attritus ea recipiat in statu gravis peccati, bona fide falso existimans, se esse rite absolutum, vel perfecte contritum; et hoc iterum certum est de Extrema-Uctione, valde probabile de aliis. S. Th. 3. p. q. 62. a. 1.-4., q. 72. a. 7. ad 2.

7. *An Sacramenta aequalem in omnibus causent gratiam?* — Sacramenta gratiam causant vi ipsius signi, seu *ex opere operato*, non merito ministrantis nec suscipientis, seu *ex opere operantis*. Hinc gratiam *per se* aequaliter in omnibus efficiunt; quae tamen *per accidens*, ex maiori merito ac melioribus dispositionibus utriusque, maior esse potest: ut evenit in effectibus aliarum causarum, quae physice et necessario agunt. S. Th. 3. p. q. 69. a. 8.

8. *An omnia Sacramenta imprimant characterem?* — Tria tantum Sacramenta imprimunt characterem, quae ideo characteristicum dici solent, nempe Baptismus, Confirmatio, Ordo, quibus Ecclesiae subditi, milites, mi-

nistri effieimur. Flor. Deer. pro Armen. Trid. S. 7. c. 9. Character est, spirituale quoddam signum a caeteris distinctivum, impressum in anima et indelebile. Unde, sine gravi peccato sacrilegii, iterari non possunt. Frustra enim iterarentur, et consequenter non sine gravi irreverentia; cum esset illudere ipsi Christo, qui Sacramentum instituit. Sacramentalis character impossibilis non est, cum gravi peccato; quare Sacramenta etiam informia licet gratiam non producant, characterem in anima imprimunt. Reliqua vero quatuor characterem non imprimunt, et reiterationem admittunt. Unde Sacramenta in *initerabilia* et *iterabilia* dividuntur. Poenitentia et Eucharistia sunt simpliciter iterabilia, Extrema-Unctio et Matrimonium iterabilia quidem sunt, sed non eadem infirmitate, eodemque coniugio. Quare medium locum tenent, inter initerabilia et iterabilia, et sine gravi sacrilegio iterari non possunt. Conc. Flor. et Trid. II. cc. Cf. S. Th. 3. p. q. 63., Lugo de Poenit. D. 16. n. 558.

9. *An Sacramenta sint necessaria?* — Baptismus non baptizatis, et Poenitentia post Baptismum lapsis in grave peccatum, necessaria sunt necessitate non tantum praecepti, verum etiam medii, in re vel in voto. Flor. Deer. pro Armen., Trid. S. 5. Deer. de pecc. origin., S. 14. C. 1. 4. 5. c. 1. 2. 6. 7. Eucharistia necessaria est de necessitate praecepti. Conc. Trid. S. 13. can. 9. Sacramenta Ordinis et Matrimonii omnino libera sunt. An autem Confirmatio et Extrema-Unctio necessaria sint ex praecepto, certo non constat, ut suo in loco explicabitur. Cf. S. Th. 3. p. q. 61.

10. *Quibus Sacramenta perficiantur?* — « Omnia Sacramenta tribus perficiuntur, videlicet rebus tanquam materia, verbis tanquam forma, et persona ministri, conferentis Sacramentum, cum intentione faciendi quod facit Ecclesia: quorum si aliquod desit, non perficitur Sacramentum ». Flor. Deer. pro Armen. Res et verba requiruntur, ut intrinsece constituent Sacramentum, seu signum sensibile gratiae significativum et causativum, tanquam materia et forma. Verum cum materia proxima et forma, quae verbis continetur, per se non existunt, sed humanis actionibus contineantur, ideo minister praeterea requiritur ad Sacramentum substantialiter perficiendum, et quidem cum intentione faciendi quod facit Ecclesia: hac enim intentione ultima completur significatio illius signi. Nam posita etiam re et verbo, seu materia et forma, tota illa actio adhuc non habet perfectam significationem sacramentalem: adhuc enim esse potest actio sacramentalis vel actio quaedam, e. g. irrisoria ipsius Sacramenti, ex intentione agentis. Sacramenta autem « efficiunt illud quod figurant », et significant, S. Th. 3. p. q. 62. a. 1. ad 1., et ideo si nihil significant, nihil efficiunt.

## II. — DE MATERIA ET FORMA SACRAMENTORUM

11. *Quid et quatuor sit Sacramentorum materia?* — Materia Sacramenti est *res* quaedam, vel *quasi res* seu *actio* quaedam, determinata, ex Christi institutione, ad Sacramentum conficiendum. S. Th. 3. p. q. 60. a. 5. Materia haec distinguitur in *remotam* et *proximam*. Materia remota est res ipsa, in Sacramento adhibenda, e. g. aqua in Baptismo: proxima est applicatio et usus rei in sacramentali actione, v. g. ablutio. Huiusmodi *res* vel *actio* rationem habet materiae in Sacramento quia est magis indifferens et minus perfectam significationem habet, adeoque per aliud ad significandum determinari debet.

12. *Quid sit Sacramentorum forma?* — Sacramentorum forma sunt verba quaedam determinata, ex Christi institutione, ad Sacramentum perficiendum, significationem rei seu materiae perficiendo. Id enim quod *res* magis obscure demonstrat, *verba* magis clare significant. S. Th. 3. p. q. 60. a. 6.

13. *An Sacramentum confici possit sine materia, vel sine forma?* — Materia et forma sunt omnino necessaria ad Sacramenti validitatem; idcirco, at eutra deficiente, Sacramenta confici nequeunt. Ratio est, quia Sacramentum esse et vim habet ex Christi institutione. Ergo confici nequit nisi eo modo, quo Christus instituit. Constat praeterea ex Flor. Decr. pro Armen., ex traditione et Ecclesiae praxi. C. *Non ut* 5. *De Bapt.*

14. *An materia et forma certa esse debeant?* — In conficiendo Sacramento extra casum necessitatis materia et forma adhiberi debet certa, prout haberi queat. Ratio est, quia probabilitas invaliditatis periculum non removet, quod et contra reverentiam Sacramento debitam est, et saepe contra caritatem proximi est, et saepe etiam contra iustitiam. Constat praeterea ex prop. 1. d. ab Innoc. XI. — *Extra casum necessitatis*. Etenim, cum Sacramenta sint propter homines, ea possunt et debent conferri, licet certitudo de Sacramenti validitate non habeatur, quoties adest non tantum extrema necessitas, verum etiam gravis necessitas vel utilitas, praesertim si prudenter timeatur, ne, praesenti occasione praetermissa, non amplius deinde conferantur. Ratio est, quia cum irreverentia seu contemptus situs sit in aliqua *laudanda actione, per se contumeliosa*, cessat quidem omnis Sacramenti irreverentia et contemptus, si causa adsit, quae communi hominum opinione omnem contemptus speciem removeat. L. 1. 6. n. 28. 162. 432. IV. — *Prout haberi queat*; nam ubi agitur v. g. de dispositione necessaria ad Sacramentum Poenitentiae, fere de ea vix aliud iudicium haberi potest, quam pendens ac probabile. — *Saepe contra caritatem et contra iustitiam* esse, incertam formam aut materiam adhibere: nam neutrum esset si suscipiens consentiret. Sed licet abesset tunc proximi damnum et malitia quaelibet contra caritatem et iustitiam: non abesset tamen Sacramenti irreverentia, et sacrilegium tum ministri tum susipientis: sancta enim sancte sunt tractanda. Luzo de Poenit. D. 14. n. 110. 111. La-Croix 105., L. 449. Damnum autem, quod proximo afferri potest, materia vel forma incerta, esse potest *gravissimum*, ut in baptismo infantis: simpliciter *grace*, ut in Extrema-Uctione moribundi; *leve*, ut in absolutione venialium peccatorum; et etiam *nullum*, ut in mulieris ordinatione.

15. Quod dictum est *de materia et forma dubia*, dicendum pariter est *de subiecto forte incapaci*. Explorata autem res est de Baptismo et de Poenitentia, et verior sententia est de Confirmatione et de Extrema-Uctione. L. 28. 162. Urgente periculo mortis, Baptismus et Poenitentia conferri possunt et debent etiam cum tenui probabilitate. L. 103. 480. Quare baptizandus est moribundus etiam cum aqua rosacea, Sporer n. 9., vel in pede, Rit. Rom. *De Baptizandis Parvulis*, vel digitis aut capillis. L. 107. 111. Confirmatio autem et Extrema-Uctio conferri possunt et debent, si vere sit probabile neque materiam neque formam desiderari, et scandalum absit: non scandalum quoque removendum est, salva aeterna alterius salute. Hinc ex Rit. Rom. *De Sacramento Extremae-Uctionis*, aegrotus ungendus est, de quo dubitatur, an adhuc vivat. Licet in eo periculo Extremam-Uctionem conferre etiam oleo Catechumenorum. L. 709. d. 2. Licet in eodem periculo Confirmationem cum oleo sine balsamo benedicto conferre. L. 162. Ac, si moriturus eadenter non potuit, licet ei conferre etiam Extremam-Uctionem cum tenui probabilitate, e. g. si sensibus fuerit destitutus in actu peccati, in ebrietate, in rixa; siquidem tunc Sacramentum evadit necessitatis. L. 82. 732.

16. *An mutatio materiae et formae Sacramentum invalidet?* — Duplex esse potest mutatio in materia et forma Sacramentorum, *substantialis*, et *accidentalis*. *Substantiales*, mutatio erit in materia, si haec sit physice corrupta, ut pristinam naturam amisisse videatur; vel si suo naturali usui deservire non possit; vel si iuxta hominum communem aestimationem eadem deus non possit ac ea, quae a Christo est determinata: e. g. si vinum sit acetum factum, si ex aqua fiat atramentum, si vinum et aqua aequali quan-



titate admisceantur: non vinum enim nec aqua censetur, sed mixtio ex aqua et vino, quae neque Baptismo neque Eucharistiae deservire potest. *Accidentaliter* vero erit mutatio, si materia neque physice neque moraliter loquendo pristinam amittat naturam, neque suo naturali usui deservire desinat: e. g. si in modica quantitate aqua vino vel vinum aquae admisceas, vinum Eucharistiam, aqua Baptismum non invalidat. S. Th. 3. p. q. 66. a. 4. Lugo De Euchar. D. 4. n. 4. La-Croix 261., L. 103., 207. q. 2. *Substantialiter* mutatio erit in forma, si sensus verborum a Christo intentus ita immutetur, ut neque sacramentalem actionem, quae a ministro perficitur, neque sacramentalem effectum amplius significet, e. g. si quis in Baptismo dicat: ego te absolvo, ego volo te baptizare. *Accidentaliter* erit mutatio si forma adhuc idem significat, v. g.: hoc est corpus meum. Generatim errores grammaticae nonnisi accidentaliter formam immutant; significatio enim eadem regulariter censetur. — Age vero omnis mutatio *substantialiter* in materia et forma Sacramenti, ipsum invalidat: quia non est amplius ritus a Christo institutus, sed alius. Si autem voluntaria sit, peccatum grave constituit; auctori enim ritus gravem infert iniuriam. Nulla vero *accidentaliter* mutatio in materia et forma Sacramentum invalidat: quia manet adhuc idem ritus; peccatum tamen grave aut leve inducit, prout est notabilis vel parvi momenti. La-Croix 40.-46., S. Th. 3. p. q. 60. a. 8., 4. D. 2. a. 2. q. 2. 3. 4.

17. *Quotuplici modo forma immutari possit?* — Forma immutari potest: 1.<sup>o</sup> *additione*: et forma irrita est, si sensum mutet, vel errorem contra ipsam formam continet, v. g. *ego te absolvo a peccatis tuis involuntariis, ego te baptizo in nomine Patris maioris et Filii minoris, et Spiritus Sancti creati*. Si sensus non mutetur, neque error contra ipsam formam habeatur, forma valet, v. g. *ego te baptizo in nomine Patris et Filii et Spiritus Sancti hac aqua frigida*, licet calida sit. La-Croix 64. Si aequivocatio habeatur, res ex proferentis pendet intentione, v. g. *ego te baptizo in nomine P. et F. et S. S. et B. Mariae V.*, si nomen B. Mariae V. ex mera devotione addatur forma valet: si vero addatur ut eo etiam nomine Baptismus conferatur, non valet. S. Th. 3. p. q. 60. a. 8. — 2.<sup>o</sup> *detractione*: et forma iterum irrita est, si verba detrahantur, quae significant actionem sacramentalem, v. g. haec verba, *ego te baptizo*, aut subiectum, v. g. dicendo *ego baptizo*; secus vero si ministri pronomen omitantur, nam tacite inest, v. g. *baptizo te in nomine, etc.* — 3.<sup>o</sup> *corruptione* verborum, quae formam etiam irritat, nisi forte vel naturali vitio, e. g. blaesis, contingat, vel naturali aliqua praecipitatione, vel imperitia, si tamen sensum omnino non auferat; siquidem in hisce casibus verba *corrupta* communi usu pro *integris* accipiuntur et intelliguntur, v. g. *ego te baptizo in nomine Patria et Filia et Spiritu Sancta*, quae forma valet: quia sensum non auferit, et ut recta accipitur; siquidem *corrupta* intelligitur, non *diversa*: vel *ego te baptizo in nomine Matris et Filiae et Spiritus Sanctae*, quae forma non valet, quia sensum omnino auferit, et ut *alia* omnino *diversa* accipitur. S. Th. 3. p. q. 60. a. 7., L. 110., De Cons. Dist. 86. — 4.<sup>o</sup> *transmutatione* verborum, quae si sint omnino synonyma, forma valet, si synonyma non sint, forma non valet, si dubia sint, dubia quoque forma erit. Sic in Baptismo *abluo* pro *baptizo*, valet: nam est verbum synonymum; *ungo* e contra non valet, quia non est synonymum; *regenero* item non valet, vel dubium est: nam non est plane synonymum, siquidem significat sacramentalem effectum, sed non significat etiam sacramentalem actionem. — 5.<sup>o</sup> *versione* verborum ex una lingua in aliam, quae formam non reddit irritam; nam omnino eadem est significatio, etiamsi varia idiomata adhibeantur in una eademque forma, v. g. *io ti battezzo in nomine P. et F. et S. S. L.* 109., La-Croix 30. — 6.<sup>o</sup> *transpositione* verborum, quae *per se* facit mutationem tantum accidentalem; nam remanet eadem omnino significatio, v. g. si dicas: *te baptizo ego in nomine, etc.* L. 110. Potest tamen transpositio verborum sensum omnino pervertere, vel ancipitem reddere, et tunc forma invalida vel dubia erit. S. Th. 3. p. q. 60. a. 8. ad 3. — 7.<sup>o</sup> *interruptione* verborum; quae si notabilis est, nocet formae, S. Th. 3. p. q. 60.

a. S. ad 3., si parva non nocet. S. Th. ib. Quae sit longa, quae brevis interruptio, prudenti aestimatione iudicandum est. Lugo D. 2. n. 112., Sporer n. 91. Communiter brevis interruptio existimatur unius *Pater* aut *Ave*. D'Annub. 98. *Interruptionem* autem *brevem* syllabarum eiusdem verbi, alii arbitrantur obesse formae, alii non obesse, alii obesse, si interruptio facta sit, alio verbo interiecto; minime vero, si facta sit interiecta aliqua actione, e. g. respiratione, tussi, oscitatione. L. n. 11., La-Croix 33. — 8.<sup>o</sup> *substitutione* aliorum signorum loco verborum, e. g. nutuum, scriptionis, etc., quae excepto matrimonio, quod in contractu consistit, formam irritat: forma enim in verbis est. Conc. Flor. Decr. pro Armen., S. Th. 3. p. q. 60. a. 6., La-Croix 37.

18. *Resolves*: Forma valet, etsi non liceat, si interruptio fiat parva, v. g. *ego te baptizo*, et interponatur: *ista aqua est nimis frigida*; vel: *custos, verte folium*: *In nomine Patris*, etc., L. 11.

19. *Qualis unio esse debeat inter materiam et formam?* — Ut Sacramentum sit validum, debet inter materiam et formam, v. g. inter effusionem aquae, et verborum pronuntiationem, tanta esse coniunctio, ut secundum morem hominum aestimationem, inspecta cuiusque Sacramenti natura, alteram ad alteram referri intelligatur. Ratio est quia ex materia et forma unum signum coalescere debet. In composito autem morali, quale est Sacramentum, sufficit moralis unitas, excepta Eucharistia, quae physicam simultatem omnino requirit, cum pronomen *hoc*, *hic* verificari non possit nisi materia sit praesens. Neque vero refert quatenus prius ponatur, excepta Poenitentia. L. 8. — Sufficit in Baptismo, Confirmatione, Extrema-Untione et Ordine, si una earum posita, sive materia sive forma praecedat, immediate vel mox alia ponatur, e. g. si quis in collatione Ordinis Presbyteratus calicem et patenam tangat, postquam Episcopus verba protulit: *Accipe potestatem*, etc., Lugo Resp. Mor. 1. 1. D. 33. n. 2., *Mox*, brevis enim mora interiecta non obest, mora nempe, quae brevior sit unius *Pater noster*. L. 8. Cf. Lugo de Sac. D. 2. n. 99. — In Matrimonio unius consensus potest alterius consensus tandem sequi, quamdiu hic moraliter permanere censetur, sicut in aliis contractibus. Busemb. 10. — In Poenitentia tandem absolutio satis diu potest differri, sicut in iudicis sententia post examen causae. Busemb. ib. Cf. Rit. Rom. *De Forma Baptismi*, S. Th. 3. p. q. 60. a. 6. ad 2., Suarez D. 2. s. 2. Cfrd. Ballerini 197. (c)

20. *Nota*: Si Sacramentum pluribus partibus constat, ut Eucharistia, Extrema-Untio, Ordo, *notabili* inter eas *mora interiecta*, ita ut actio Ministri non amplius *una* videri possit; omnino cessandum est in Eucharistia, ab initio repetendum in Extrema-Untione, in Ordine caute semper supplendum est quod fuerit incaute praetermissum. Cf. n. 33. et Euchir. Mor. N. 700. 701.

21. *An ab uno eodemque Ministro materia et forma sit unienda et applicanda, et erga idem subiectum?* — R. Affirmative. Ratio est, quia si alter materiam, alter formam poneret, vel alteri ac alteri subiecto idem materiam, et formam applicaret, verba formae falsa essent: *ego te baptizo*, etc.: dum alter enim aquam effunderet, ipse non baptizaret: vel dum aquam ipse in unum effunderet, alium tamen assereret se baptizare. L. 119. S. Th. 3. p. q. 67. a. 6.

22. *Quid si plures ministri Sacramentum conficiant, et pluribus conferant subiectis?* — Si duo ministri e. g. totam materiam et formam ponant, sive *totus* Sacramenti, ut si simul baptizent vel consecrent, sive *partis* Sacramenti, si Sacramentum pluribus constet partibus, ut est Eucharistia, Extrema-Untio, Ordo, Sacramentum valet; quia nihil desideratur in esse Sacramenti. Verum in priori casu ille conficit Sacramentum, qui prius signum absolvit, et si uterque eodem temporis momento signum absolvat, uterque, quantum in se est, Sacramentum conficit. L. 120. S. Th. 3. p. q. 67. a. 6. — Sed id grave est, Rubr. Miss., excepta Presbyterorum Ordinatione. In posteriori etiam casu

grave est, excepta gravi necessitate. — Sacramentum quod unus idemque minister pluribus simul confert, procul dubio valet: quia tunc forma est virtualiter multiplex. Id locum habet e. g. in Baptismo et in Poenitentia, cum nempe quis sub unica forma plures baptizat, plures absolvit. Licitum quidem est in casu extremae necessitatis, v. g. in incendio, naufragio, etc., Rit. Rom. *De Bapt. parvul.*; in aliis vero casibus utrum sit grave an leve disputatur: non enim certo apparet notabilis mutatio: « omnes tamen dicunt, quod is non excusaretur saltem a veniali », sine necessitate. L. 29.

23. *Quomodo pronuntianda sint verba formae?* — Cum Sacramenta signa sint, et significando gratiam efficiant et sanctificent, verba formae pronuntianda sunt consequenter modo consecratorio, praesenti tempore, sive indicativo, ut in Baptismo; sive imperativo, ut in Ordinatione, sive deprecativo, ut in Extrema-unctione. Si alio modo verba proferantur, nimirum mere historice, vel promissorie, vel interrogatorie, vel concionatorie ad instruendum, ad excitandum, forma irrita est. Theol. Wirezburg. 109. seqq.

24. *De iteratione Sacramentorum in dubio de valida applicatione materiae et formae.* — Triplex regula statuenda est quoad praxim: 1.<sup>o</sup> Sacramenta iterari possunt, quoties datur dubium prudens de ipsorum valore. Ratio est, quia si forte Sacramentum non valeret, qui ad illud suscipiendum accedunt, eius fructu privarentur. Quod vero timor prudens tanti incommodi ratio sufficiens sit cur Sacramentum iteretur, patet ex notissimo axioma: Sacramenta propter homines. Rit. Rom. *De Bapt. Parvulor.* Cap. 3. n. 3., Rubr. Miss. Tit. 5. n. 2., L. 28. 136. — 2.<sup>o</sup> Sacramenta generatim iterari non possunt sine peccato gravi, quando non adsit dubium prudens de eorum valore. Ratio est, quia sine causa iterarentur, atque adeo gravis iniuria illis irrogaretur. Catech. Conc. Trid. De Bapt. n. 57. — 3.<sup>o</sup> Sacramenta repeti debent, quoties exorto prudenti dubio de eorum valore id postulant caritas, iustitia et religio. id est quoties ex iustitia, caritate et religione confici aut administrari debuissent. Ratio est, quia nullitas Sacramenti, si forte adesset, in damnum proximi et aliquando in contemptum vel irreverentiam Religionis cederet. Sed conditionate tantum tunc repetenda sunt, ut reverentiae Sacramenti consulatur. Voit. 29. seq. — G. 200., L. 27. seq.

25. *Resolves:* 1.<sup>o</sup> Facilius iteranda sunt Sacramenta magis necessaria, et quae semel tantum conferuntur, scilicet Baptismus et Ordo. etiamsi pro valore Sacramenti militet multo maior probabilitas contra rationes dubie aut tenuiter probabiles in oppositum. Ita communiter. L. 107. q. IV. — 2.<sup>o</sup> Repetenda est absolutio cum poenitente peccati mortalis reo, si prudenter dubitetur de prolatione debita formae. Si autem poenitens non attulerit *materiam confessionis necessariam*, formam repetere necesse non erit, cum ei Communio permitti etiam sine absolutione possit. — 3.<sup>o</sup> Minister qui leviter dubitat, nescitque, cur timeat, aut solum non recordatur reflexe, se verba formae pronuntiasse, mortaliter per se peccat, si formam iteret, aut etiam verbum unum ter aut quater repetat. Ratio est, quia mutat formam, inducitque novum ritum circa actionem omnium gravissimam. Insuper Christum, quem repraesentat, ridicule loquentem exhibet. In praxi tamen scrupulosi, qui formam repetunt, plerumque a peccato mortali, imo saepe etiam a veniali excusantur, quia nimis agitati scrupulis, ex perplexitate, vel sine advertentia, ita stulte agunt. Ita Voit 27., Elbel 14., Gobat, tract. 3. n. 94., etc. — 4.<sup>o</sup> Si in Missa post consecrationem dubium tibi oriatur de formae debita prolatione, vel de totali omissione, nihil repetere debes, nec potes, cum alias haec omittere non soleas: iudicandum enim est ex communiter contingentibus, nisi tamen valde probabiliter dubites, ut loquitur Rubrica. Cf. L. 224. — G. 201.

26. Quoad Missae celebrationem in particulari notandum ex S. Thoma, « quod licet sacerdos non recolat se dixisse aliqua eorum, quae dicere debuit, non tamen debet ex hoc mente perturbari; non enim qui multa dicit recolit omnia quae dixit, nisi forte aliquid in dicendo apprehendat sub ratione iam



dicti: sic enim aliquid efficitur memorabile; unde si aliquis attente cogitet illud quod dicit, non tamen cogitet se dicere illud, non multum postea recollit se dixisse: sic enim fit aliquid subiectum memoriae, in quantum accipitur sub ratione praeteriti, sicut dicitur in lib. de memoria... Si tamen Sacerdoti *probabiliter constat* se aliqua omisisse, si quidem non sunt de necessitate Sacramenti non existimo quod propter hoc debeat resumere immutando ordinem sacrificii, sed debet ulterius procedere: si vero *certificetur* se omisisse aliquid eorum quae sunt de necessitate Sacramenti, scilicet formam consecrationis: cum forma consecrationis sit de necessitate Sacramenti sicut et materia, idem videtur faciendum quod dictum est in defectu materiae, ut scilicet resumatur a forma consecrationis, et caetera per ordinem *reiterentur*, ne mutetur ordo sacrificii » 3 p. q. 83. a. 6. ad 5. Consonat haec D. Th. doctrina, rubricae Miss. Rom. de defectib. in celebr. etc. tit. 5. de defectib. formae, par. 2. « Si Celebrans *non recordatur* se dixisse ea quae in consecratione communiter dicuntur, non debet propterea turbari. Si tamen *certo ei constat* se omisisse aliquid eorum, quae sunt de necessitate Sacramenti, i. e. formam consecrationis seu partem, *resumat ipsam formam*, et caetera prosequatur per ordinem. Si vero *valde probabiliter dubitat* se aliquid omisisse, *iteret formam saltem sub tacita conditione*. Si autem non sunt de necessitate Sacramenti, non resumat, *sed procedat ulterius* ». Nota discrimen quod habetur iuxta rubricam hic citatam pro duplici casu, quo *certo constat* sacerdoti se omisisse aliquid eorum, quae sunt de necessitate Sacramenti, vel tantum *valde probabiliter dubitat* se aliquid huiusmodi omisisse. Nam in primo casu dicitur quod « *resumat ipsam formam et caetera prosequatur per ordinem* ». In altero casu vero dicitur « *iteret formam saltem sub tacita conditione* ».

27. Iamvero quoad primum casum in quo Sacerdos resumere debet *ipsam formam et caetera prosequi per ordinem* quaestio moveri potest: 1.<sup>o</sup> an *resumere* debeat et caetera *prosequi ex ordine* in casu quod certo ei constet se unius tantum consecrationis formam omisisse: vel etiam in casu quod *certo id ei constat* de utraque consecrationis forma: 2.<sup>o</sup> Undenam *resumere* incipiat: 3. Quid sibi velit illud: *caetera prosequatur per ordinem*; omnia ne post resumptam formam *iteranda* ex ordine, an *prosequi ex ordine* debeat omnia, quae remanent a puncto illo Missae, in quos uum errorem sacerdos deprehenderit.

28. Ad 1.<sup>am</sup> quaestionem quod attinet. Si defectus essentialis contingat in forma *unius tantum consecrationis*, certo iteranda est consecratio, etsi defectus ille contingat ex malitia ministri, et post sumptionem speciei non rite consecratae, apposita materia, quae non fuit consecrata, et, si ex malitia fuerit, de priori culpa poenitendo. Ratio est 1.<sup>o</sup>, ut perficiatur sacrificium: 2.<sup>o</sup>, quia rubrica saltem de casu defectus essentialis unius consecrationis intelligenda est: 3.<sup>o</sup>, quia eadem est ratio ineptae materiae ac materiae sine forma. Porro iuxta rubr. tit. 3. n. 5. et 6. dicitur: « Si celebrans advertat post consecrationem hostiam esse corruptam, aut non esse triticeam, etiam post illius hostiae sumptionem, posita alia faciat oblationem, et a consecratione incipiat, scilicet ab illis verbis, *Qui pridie*, etc., quod si hoc contingat post sumptionem sanguinis, apponi debet rursus novus panis et vinum cum aqua, et facta prius oblatione, sacerdos consecret incipiendo ab illis verbis, *Qui pridie*, etc., ac statim sumat utrumque, et prosequatur Missam, ne Sacramentum remaneat imperfectum ». Itemque tit. 4. n. 4. et 5. dicitur: « Si celebrans post verba consecrationis advertat vinum non fuisse positum, sed aquam: deposita aqua in aliquod vas, iterum vinum cum aqua ponat in calice et consecret, resumendo a verbis praedictis, *Simili modo*, etc. Si hoc advertat post sumptionem corporis vel huiusmodi aquae, apponat aliam hostiam iterum consecrandam, et vinum cum aqua in calice, offerat utrumque, et consecret et sumat, etc. » Vel, addit ib. Rubr. « si Missa celebratur in loco publico: ubi plures adsint, ad evitandum scandalum po-

terit apponere vinum cum aqua: et, facta oblatione ut supra, consecrare, ac statim sumere, et prosegui cetera ». Idem ergo praestandum, si defectus essentialis contingeret non ratione materiae, sed ratione formae.

29. Si defectus essentialis contingat in forma *utriusque consecrationis*, et advertatur ante sumptionem alterutrius speciei, videtur iterum consecranda utraque materia. Ratio est, quia *absolute* dicitur in rubrica et generatim omnino, formam resumendam, « si certo ei constet se omisisse *aliquid* eorum, quae sunt de necessitate Sacramenti, i. e. *formam consecrationis*, seu partem », neque ulla fit distinctio inter defectum unius dumtaxat consecrationis vel utriusque. Idem sentit Suarezius de Sacr. D. 85. S. 1. par. *Secundo etiam constat*, etc. Si celebrans, inquit eximius Doctor, ante sumptionem « ex defectu intentionis, vel formae, neutram speciem consecravit, tenebitur secrete iterare, et consecrare antequamumat, et quam primum possit, non ex vi praecepti periculi sacrificium substantialiter inchoatum, quia hoc revera nondum obligat: sed ex vi praecepti non fingendi aliquid falsum in hoc ministerio et consequenter non perseverandi in inchoata fictione; nec sumendi potum et cibum per modum Sacramenti, quod verum Sacramentum non est, nec dandi aliis occasionem adorandi merum panem et vinum ». Si idem vero essentialis defectus utriusque formae advertatur post sumptionem, non videtur iteranda consecratio. Et sane ratio, quam rubrica adducit ad supplendum defectum alterutrius materiae post sumptionem est, « ne Sacramentum remaneat imperfectum », tit. 3. n. 6. « quia praeceptum de perfectione Sacramenti maioris est ponderis, quam quod a ieiuniis sumatur », ibid. n. 5. Iamvero quando defectus essentialis contigerit utriusque consecrationis, nullum revera factum fuit Sacramentum neque perfectum neque imperfectum, sed totum fictum, et ideo tunc non obligat praeceptum de integrando seu perficiendo Sacramento. Aliunde obligat praeceptum non sumendi Sacramentum fracto ieiunio. Hoc igitur praeceptum eo casu prae alio servandum videtur. Et idem affirmat eximius Doctor l. c.

30. Quoad 2.<sup>am</sup> quaestionem propositam variae sunt sententiae. Verum communior et probabilior sententia est, ea tantum verba esse repetenda, quae integram formam constituunt, quae vero iuxta rubr. tit. 5. n. 1. sunt, *Hoc est*, etc. *Hic est*, etc. Ratio est, quia rubrica dicit: *resumat ipsam formam*. Ita etiam sentiunt Suarezius loc. cit. par. II. *Sed quæres tandem*, etc., Gavantus et Moeratus in hanc rubr.

31. Quoad 3.<sup>am</sup> quaestionem propositam, S. Thomas l. c. videtur saltem innuere caetera ita debere sacerdotem per ordinem prosegui, ut ea per ordinem *reiteret*. Verum iuxta rubricam, nihil videtur iterandum ex accidentalibus, quae non sunt de necessitate Sacramenti. Ratio est, quia rubrica non dicit: *resumat formam, et caetera per ordinem*, sed apprimè distinguit, et ait, *resumat formam et caetera prosequatur per ordinem*, prosequatur nempe ab illo puncto Missae quo devenerit, et sic si res contigerit immediate ante aut post sumptionem, ut in defectu materiae dicitur in eadem rubrica, ita, et in isto defectu formae, consecret et *statim*umat, tit. 3. nn. 5. 6. Insuper rubrica citata absolute ait: « si autem non sunt de necessitate Sacramenti, *non resumat, sed procedat ulterius* ». Sive ergo accidentalia tantum, sive essentialia simul et accidentalia omissa fuerint, sufficet essentialia tantum reiterare. Ita sentit etiam Suarezius l. c. par. *Sed quæres tandem*, etc.

32. Nota tandem quoad accidentales defectus regulam generalem esse, postquam iam commissi sunt, regulariter loquendo non sunt supplendi, iterando aliquid, vel praepostero ordine dicendo aut faciendo id quod prius efficiendum erat. Dixi *regulariter*, quia si aliquando tam parva esset mora, ut, nulla alia interposita actione, aut oratione dicta, commissum defectum sacerdos advertat, posset tunc fieri repetitio et suppleri defectus. Non invertitur enim in eo casu ordo sacrificii, sed e contra omnia eurantur debito ordine perfici. Excepe vero ab hac regula defectum accidentalem quidem, sed valde

gravem, si panis nempe fermentatus sit, vel si vino non misceatur aqua: qui licet *post* consecrationem non possit suppleri, *ante* consecrationem tamen praecavendus omnino est. Cf. Rubr. de defect. etc. Tit. 4. n. 7., Suarez de Sacr. D. S. 2., Reuter Neo-Confess. P. 3. C. 13. n. 268., La-Croix l. 6. P. 2. n. 443. seqq., Diana Tr. 1. de Celebr. Missar. R. 236.

33. Haec quae de Missae celebratione dicta sunt, Sacramentis aliis aptari possunt. Quare, si quis non recordetur se aliquid omisisse, vel si non recordetur aliquid dixisse vel fecisse ex illis quae dicenda vel facienda erant, turbari non debet, et caetera per ordinem prosequatur. Si certe vel valde probabiliter meminerit se aliquid omisisse, si non statim recordetur, non oportet iterum omnia resumere, nec quidquam ordine praepostero supplere; sed suppleat quod substantiale est et caetera prosequatur per ordinem. Si vero omissum fuerit aliquid, quod utrum sit substantiale an accidentale disputatur, *caute supplendum est quod incaute fuit praetermissum*. C. 3. in fin. *De Presb. non bapt.* An autem omnia sint tunc ex integro repetenda; alii negant, quia ex iure *nilhil iterandum*, CC. 1. 3. *De Sacram. non iter.*; alii affirmant, quia ex eodem iure *non intelligitur iteratum quod ambigitur esse factum*, CC. 1. 3. cit. Sed videndum est quatenam sit pars omissa, quae debeat suppleri, si pars est ab aliis separata, ut postrema manuum impositio in Presbyteratu, haec tantum supplenda, S. I. C. 27. Maii 1840., si ab aliis separata non est, ut Chrismatio in Confirmatione, totus ritus essentialis certe supplendus est.

### III. — DE MINISTRO SACRAMENTORUM

34. *Quis sit minister Sacramentorum?* — Christus ipse in Sacramentis est principaliter agens; Ecclesiae ministri sunt tantum instrumentaliter operantes in Sacramentis. S. Th. 3. p. q. 64. a. 4. 5. In Matrimonio ipsi contrahentes Ministri sunt. In aliis Sacramentis regulariter exigitur potestas Ordinis et Iurisdictionis, excepta Eucharistia, in qua nulla *regulariter* exigitur iurdictio. Sine Ordinis potestate nullum Sacramentum valet, excepto Baptismo. Sine potestate Iurisdictionis Sacramentum valet, excepto Sacramento Poenitentiae, quod invalidum est; sed illicite confertur et gravi peccato non caret, si absque facultate saltem praesumpta aut interpretativa conferatur, v. g. si simplex sacerdos, non parochus, Baptismum, Viaticum, Extremam-Uctionem administret, vel Episcopus extra propriam dioecesim confirmet aut ordinet. Clem. 1. *De Privil.*, Trid. S. C. de R. C. 5.

35. *An requiratur attentio in administratione Sacramentorum?* — Attentio est applicatio mentis ad ea, quae peraguntur, seu est actus intellectus, quo homo considerat id quod agit. — 1. Ad validitatem collationis Sacramentorum non requiritur alia attentio, nisi quae in omni actu vere humano invenitur. Possunt igitur valide ministrari Sacramenta communiter etiam a Ministro distracto, seu de aliis negotiis simul cogitante. Ratio est, quia moralitas actus non ab attentione actuali, sed ab intentione saltem virtuali agentis procedit. Insuper attentio saepe a voluntate hominis non pendet; Christus autem conditionem aliquando impossibilem in Ministro Sacramentorum requirere non potuit. Ita S. Lig. n. 14. l. 4. n. 75. et alii communiter. — 2. Ad licitam collationem Sacramentorum requiritur attentio talis, ut absit omnis voluntaria distractio. Ratio est, quia reverentia Sacramento debita exigit, ut cum attentione tractetur. Voluntaria autem distractio ordinario peccatum veniale non excedit, iuxta communem sententiam Theologorum, nisi periculo in forma graviter errandi quis se exponat. L. ibid. Excipiunt tamen probabilius et communius Eucharistiam, in cuius confectione omnem voluntariam distractionem peccatum mortale reputant ob maiorem Sacramenti dignitatem. L. ibid. Negant tamen non improbabilius La-Croix



1.6. P. 2. n. 443., Mazzotta et alii. — G. 202., S. Th. 3. p. q. 64. a. 8. ad 3., 4. D. 6. q. 1. a. 2. q. 1. ad 4.

36. *An in Sacramentorum administratione intentio requiratur?* — Intentio est actus voluntatis, in aliquem finem tendentis, vel actus voluntatis, quo quis intendit aliquid agere vel omittere. — 1.<sup>a</sup> Ad validitatem Sacramenti, requiritur in Ministro voluntas aliqua vera et seria saltem faciendi id, quod facit Ecclesia. Constat ex Trid. S. 7. Can. 11. — 2.<sup>a</sup> Non requiritur tamen intentio actualis, sed sufficit virtualis. Ratio est, quia intentio actualis, etsi optima et desideranda, est interdum moraliter impossibilis: virtualis vero satis influit in actionem Ministri, ut haec vere humana et deliberata dici possit. Ita omnes. — 3.<sup>a</sup> Non sufficit intentio habitualis, nec interpretativa. Ratio est, quia ad actum humanum requiritur voluntas aliqua, vi cuius actus ponatur. Iam vero nec intentio habitualis, nec interpretativa est huiusmodi: non 1.<sup>a</sup>, quia nec actu a voluntate elicitor, nec, quamvis aliquando elicit, in aliquo effectu vel in serie actionum perdurat: non 2.<sup>a</sup>, quia nec actu elicitor, nec unquam actu elicit, sed tantum eliceretur, si de re agenda mens cogitaret. Suarez D. 16. S. 2., Lugo D. 8. n. 28. 35. — 4.<sup>a</sup> « Sufficit etiam intentio ministri coacta, sive metu extorta, praeterquam in matrimonio. Ita pariter non invalidat Sacramentum, excepto matrimonio, error ministri circa personam suscipientis ». L. 19. — 5.<sup>a</sup> Ad scrupulos hac in re abiiciendos haec notanda sunt ex S. Alph. 18. « Recte dicunt Viva, etc., quod minister, qui de more ponit actiones requisitas ad Sacramentum, nisi debitam intentionem positive excludat, imprudenter de ea dubitat, quia saltem vult facere quod alias solet, et quod alii ministri faciunt. Adde quia per hoc quod cognoscit actionem illam esse sacram, et frustra non poni, exercite intendit eam ponere iuxta finem suum; non esse opus, ut minister ore, vel corde reflexe dicat, se intendere conficere Sacramentum, sed sufficere ut sit animo praesens, et attente faciat id quod facit ». Et n. 25. haec idem S. D.: « Non debet repetere consecrationem, qui minores hostias ad altare detulit, de quibus maiorem consecrans, non explicite cogitavit, nec detexit ». — G. 203., S. Th. 3. p. q. 64. a. 8., 4. D. 6. q. 1. a. 2. q. 1.

37. *An requiratur intentio interna, seu intentio faciendi ritum, quem intendit Ecclesia?* — 1.<sup>a</sup> sententia negat. Ratio, quia ex Tridentino non requiritur in Ministro intentio faciendi quod Ecclesia intendit, sed tantum faciendi quod facit Ecclesia; et ideo sufficit ut Minister serio applicet materiae debitam formam, ut facit Ecclesia. 2.<sup>a</sup> vero sententia communis et tenenda in praxi affirmat. Prob. ex Trid. S. 7. can. 11., ubi requiritur intentio faciendi quod facit Ecclesia; ergo non sufficit intentio tantum serio applicandi formam materiae, ut facit Ecclesia; reipsa enim haec intentio, dum actio externa ponitur, est ab actione inseparabilis: sed ultra requiritur intentio faciendi ritum sacramentalem, quem facit Ecclesia; alias tam Concilium Trid. quam Flor. frustra, praeter materiam et formam, requisivissent intentionem Ministri faciendi, quod facit Ecclesia. Insuper id eadem ratione constat, qua evincitur necessitas intentionis internae ministri ad conficiendum Sacramentum. Cf. L. 23., S. Th. 3. p. q. 64. a. 8. 10.

38. Apposite D'Annib. 90. 100.: « Intentio alia interna est, alia externa. Interna habetur quoties minister, quando perficit Sacramentum, id efficere vult, quod eo Sacramento efficiendum est; habetur externa, quando omnem ritum externum obit serio, et quasi minister Ecclesiae. Si is igitur utramque voluntatem habet, Sacramentum valet, si neutram, non valet: ut ecce, si ioci causa baptizet, absolvat, Trid. S. 14. de Poenit. can. 9.; vel exempli, aut devotionis causa: ut puta si Parochus infantem mox natum abluat, non baptizaturus, sed ut baptizandi ritum ostetricem doceat; vel si nutrix, dum puerum mane de more abluit, dicat: *ego te lavo in nomine Patris*, etc. Si internam tantum, valet adhuc, Lugo D. 8. n. 20. ut ecce si quis infantis morituri, infidelium filii, caput lavet, quasi ei purificationem aut medicinam faciens, et demissa voce interim dicat: *ego te baptizo*, etc., Lugo n. 21.

Serry, Vindiciae cap. 15., 3. cap. 16., 4. Si tantum externam, quaestio olim insignis et gravis fuit, neque adhuc penitus dirempta est. Porro inter omnes convenit, et certissimum est, in ministro requiri *intentionem saltem faciendi quod facit Ecclesia*. Trid. S. 7. can. 11., nempe catholica: sed si quis facere intendat quod alia Ecclesia schismatica vel haeretica facit, si haec vere Sacramentum facit, valet, ex Trid. S. 7. De Baptis. can. 4. Spor. n. 121., S. Alph. l. 6. n. 21. Quaestio igitur haec esse debet, *quid facit Ecclesia*: utrum nempe peragat ritum duntaxat externum, uti visum Catharino; an internum quoque Sacramenti effectum praestet. Et quaestio haec expedita est: nam quid, sodes, *Ecclesiae* appellatione significatur? Utique Ministri eius, Lugo D. 8. n. 35. 53., uti Matth. 18., 17. Et ideo formae Sacramentales ab his *Christi nomine proferuntur*. Lugo De Poenit. D. 14. n. 110. At, quaeso quid facit Minister, v. g. cum absolvit? Et profecto, si forma caret mendacio, peccata dimittit. Ergo Ecclesia non peragit solum ritum externum; adeoque minister, qui sola externa actione utitur, non facit quod facit Ecclesia: proinde, si ei propositum sit, e. g. dum consecrat, ex duabus hostiis hanc tantum, non illam, consecrare; dum ordinat, eos non ordinare, qui forte sui subditi non sint; si absolvit, sub hac tacita conditione, *si restitueris*, non consecrat, Borang. cap. 3. § 3. ex Rubr. Miss. *De defect.* P. 7. l. n. 1., non ordinat, S. C. C., Bened. XIV. de Sacrific. Miss. S. 2. § 70., de Synod. l. 8. c. 11. n. 2., non absolvit, S. Alph. l. 6. n. 26. Quare huic sententiae, quae statim ac orta est, patronos tot tantosque nacta fuit, vix tenuis aliqua superest probabilitas, Bened. XIV. de Synod. l. 7. c. 4. n. 9., S. Alph. l. 6. n. 23. Itaque intentione, uti vocant, interna omnino opus est, ut Sacramento vis constet sua. Ceterum sat est *implicita*, S. Alph. l. 6. n. 18., ut alias et *virtualis*, S. Alph. l. 6. n. 18. Sed necesse est, ut praecedat actionem sacramentalem, quippe haec ex intentione huiusmodi vim capit suam: i. e. ut antea eliciatur, quam incipias materiam adhibere et formam proferre. Cf. Lugo de Poenit. D. 14. n. 41., La-Croix l. 6. P. 2. n. 687. Itaque si aliquis sine intentione baptizandi, confirmandi, abluiat, ungat: ac statim post ablationem, unctionem, hac intentione concepta proferat formam, nihil agit, Lugo n. 41. 42. ».

39. *An ignorantia vel error ministri irritet Sacramentum?* — Si minister intentionem habeat saltem implicitam et virtuales faciendi quod facit vera Ecclesia, valet Sacramentum, etiamsi ex errore putet suam Ecclesiam heterodoxam esse veram Ecclesiam, L. 21. etiamsi explicitam intentionem non habeat conficiendi Sacramentum, dummodo hanc intentionem non excludat, L. 21. 22., etiamsi formam non intelligat, S. August. Contra Donat. l. 4. C. 5., Suarez D. 2. S. 5., Lugo D. 2. n. 123., etiamsi erret circa veram significationem formae, Spor. n. 127., e. g. si putet haec verba: *Hoc est Corpus meum*, significare tantum mysticam Christi praesentiam, Laymann C. 4. n. 5., etiamsi falso putet, vel materiam vel formam non esse idoneam, e. g. si quis panem consecrando, necessaria existimat verba, *quod pro vobis tradetur*, eaque omittat. Cf. Bonae. D. 1. Q. 2. P. 1. n. 28. Ratio est quia nostra ignorantia vel error rei veritatem non mutat. Si ergo tribus, et non nisi tribus, Sacramenta perficiuntur, nempe rebus, verbis, ministro cum intentione faciendi quod facit Ecclesia, non obstante ignorantia et errore Ministri veritas Sacramenti consistit. Insuper, si secus esset, sequeretur, quod cum protestantes per consensum matrimoniale non credant officii Sacramentum, eorum Matrimonium esset nullum, quod falsum est. — G. B. 204.

40. *An intentio Ministri debeat esse determinata ad certam materiam et personam?* — R. Affirm. Ratio est: 1.<sup>o</sup> quoad materiam, quia secus remaneret in statu indifferenter: non potest enim ab eo statu erui, et ad Sacramentum determinari, nisi per ministri intentionem; 2.<sup>o</sup> quoad personam, quia effectus Sacramenti nequit applicari in genere, sed alicui subiecto: secus nulla fieret applicatio. Debet nimirum pro rei, de qua agitur, natura determinari

actionis obiectum seu terminus: nam si v. g. dixeris, dono, non determines autem quid, aut cui, actum habes omni virtute cassum. — G. B. 205.

41. *Si Minister habeat duas intentiones contrarias, quarum debet prevailere?* — 1.<sup>o</sup> Si voluntates istae sint simul, praevalet praedominans: nempe, quae eligeretur, cognita impossibilitate. — 2.<sup>o</sup> Si inter voluntates contrarias una succedat alteri, posterior valet, nisi prior revocaverit, saltem virtualiter, omnem voluntatem subsequentem: tunc enim prior voluntas, modo expresse non revocetur, certe praevalet. In his autem, si adhuc remanet dubium, dubius erit valor Sacramenti. L. 24. — Idque valet etiam pro Missarum applicatione, Lugo de Sac. D. 8. n. 121. 123.

42. *An valida et licita sit Sacramenti collatio cum intentione conditionata?* — Condicio respicere potest ea, quae utcumque pertinent ad *valorem* Sacramenti: dispositiones subiecti licite et fructuose Sacramentum suscipientis; quolibet aliam rem. — Licite in casu necessitatis, potest et debet apponi conditio, respiciens *valorem* Sacramenti, si dubitetur, e. g. an aqua sit, qua baptizatur; an moribundus Extrema-Unctione municiundus adhuc vivat; an invalide fuerit Sacramentum susceptum, adeoque reiterandum. Ratio est, ut reverentiae Sacramento debitae, quantum fieri potest, caveatur. Atque hic sedulo animadvertendum est, quod, si praeter hanc reverentiam Sacramento debitam, aliud esset praecavendum, quod per appositam conditionem praecaveri non potest, ea uti adeoque Sacramentum sub ea conditione conficere non licet. Et sic nunquam licet sub conditione conficere Eucharistiam cum materia dubia ob periculum materialis idololatriae: nunquam licet cum eadem dubia materia Ordines conferre propter gravissima incommoda irritae ordinationis. Extra praedictum casum necessitatis et dubii Sacramentum sub conditione administrare saepe grave esset, quia non sine negatione esset in re gravi. — Conditionem respicientem suscipientis dispositiones in Sacramento Poenitentiae, confiendo ex urgente causa, apponere licet et apponi debet: ne Sacramentum nullitati exponatur. In caeteris vero Sacramentis generatim non licet; nam, si postea constet dispositiones defuisse, vel eis quis perpetuo carere deberet, vel non sine scandalo iterarentur. Tantum in articulo mortis, rebus desperatis, licitum erit Baptismum, et Extremam-Unctionem, et si haec dari nequit, Confirmationem conferre. Ios. D'Annib. 109. 121., L. 82. 732. — Conditiones alias apponere non licet, et grave esset. Nam, si conditio est de futuro, Sacramentum est nullum. Etenim non valet cum ponitur materia et forma, quia deest intentio, nec valet quando verificatur conditio, quia deest tunc materia et forma. Excipitur matrimonium. Etenim matrimonium instar aliorum omnium contractuum celebrari sub conditione de futuro potest: qua impleta, perficiuntur, non secus ac si ab initio pure ac sine conditione inito fuissent. Neque ideo timendum est praedictum incommodum. Cum enim consensus referatur in eventum conditionis, tunc reipsa contractus perficitur, atque adeo tunc fit Sacramentum. B. 206. Si vero conditio sit de praesenti vel de praeterito, Sacramentum nullitatis periculo exponitur: quin imo nullum est, si huiusmodi conditionis eventus humano modo cognosci non potest, cum Sacramenta hoc certe modo oporteat administrare; e. g. *si es praedestinatus*. L. 25. 26. 431.

43. *An licita sit semper collatio Sacramentorum cum intentione conditionata, in dubio utrum valide collata fuerint?* — 1.<sup>o</sup> Quoad Sacramenta characterem imprimentia, certum est licitam esse. Constat ex Iure can. C. *De quibus* 2. *De Bapt.*, ubi indicatur haec forma in dubio de Baptismo collato: Si nondum baptizatus es, ego te baptizo, etc. — 2.<sup>o</sup> Quoad alia Sacramenta, etiam licita est, si adsit causa sufficiens conditionem ponendi. Ratio est, quia Sacramenta sunt propter homines, et conditionata collatione Sacramenti consulitur, in quantum fieri potest, tum bono eorum, qui Sacramentum accipiunt, si forte illius sint capaces, tum etiam reverentiae Sacramenti. Ita communiter, cum S. Lig. n. 27. 28. contra aliquos. Certum



autem est in extrema necessitate, ubi non adest materia nisi dubia, Ministrum non modo posse, sed et teneri sub gravi Sacramentum ministrare sub conditione. L. 29. — G. 206.

44. « Licitum est confessario prudenter dubitanti, an absolverit poenitentem, absolvere sub conditione. Et idem dicunt Tourn., etc. quando absolvendus est puer de quo dubitatur, an compos sit rationis. Si quis autem iudicans poenitentem esse dispositum, eum sub conditione absolveret, dicens: *ego te absolvo, si dispositus sis*, recte dicunt, quod is non peccaret mortaliter, sed non excusaretur a culpa veniali, cum hoc esset contra ritum Ecclesiae ». L. 28.

45. « Certum est, quod casu, quo adest extrema proximi necessitas, et non habeatur materia, nisi dubia, tunc minister non solum potest, sed tenetur sub gravi Sacramentum ei ministrare sub conditione. Advertit tamen Lugo, quod si postea certa habeatur materia, et locus erit, repetendum est Sacramentum sub conditione, si forte primum invalidum fuerit. Intellige hoc de Sacramentis non iterabilibus, ut Baptismo, Confirmatione et Ordine ». L. 29. De Sacramentis aliis nulla est specialis difficultas, cum iterationi ipsa per se non obstat.

46. *An conditio verbis exprimi debeat?* — R. Neg. Ratio est, quia sufficit ad reverentiam Sacramenti, ut mente concipiatur. Ita S. Lig. H. A. tr. 14. n. 3., La-Croix, n. 83., etc. Imo, iuxta Gobat, n. 272., ne opus quidem est conditionem explicite et formaliter in mente habere: sed satis est si habeatur implicite et virtualiter, veluti habet, qui voluit confessiones audire secundum institutionem Christi vel intentionem Ecclesiae: quia sic reverentia Sacramento debita adhuc sufficienter servatur. Apponi tamen ore debet, ubi hoc praescribit Rubrica, ut in Baptismo conditionato, praesertim si publice conferatur, ne adstantes credant, Baptismum absolute iterari. L. 29., H. A. tr. 14. n. 3., etc. — G. B. 206.

47. *An in conferendis vel suscipiendis Sacramentis liceat uti opinione probabili?* — Quoad collationem Sacramentorum, ubi de eorumdem valore agatur, generatim loquendo, id illicitum est ex prop. 1. damn. ab Innoc. XI. Ratio autem est, quia Sacramento fieret irreverentia: subiecto vero periculum damni adesset, praesertim in Baptismo ob eius maximam necessitatem et Ordinatione ob aliorum etiam publicum damnum. Excipitur tamen 1.º si adsit necessitas, vel gravis utilitas ex parte proximi. Est commune. Ratio est: quia Sacramenta propter homines: neque vero est obligatio reddendi Sacramentis reverentiam plusquam probabilem, L. 1. 1. n. 51., l. 6. n. 633. 2.º si habetur probabilis opinio de iurisdictione confessarii, vel de validitate matrimonii. Est in praxi tutum: et moraliter certum. Ratio, quia Ecclesia supplet tunc sua auctoritate quoad iurisdictionem conferendam confessario, et quoad convalidandum contractum, si forte contractus ille nullus est ob impetumentum, quod Ecclesia supplendo aufert. 3.º quando administratio Sacramenti fieret obnoxia *minis scrupulis aut difficultatibus*, secus enim non posset baptizari infans, quem parentes asserunt non esse baptizatum, cum tale testimonium non sit nisi tantum probabile, neque absolvi posset poenitens de cuius dispositione prudens tantum probabilitas haberi potest. L. 57. et l. 1. n. 50. — Quoad *susceptionem* vero Sacramentorum cum opinione probabili, si iterum agatur de valore Sacramentorum, idem dicendum est, propter easdem de rationes. — Verum in his, quae ad valorem Sacramentorum non pertinent, in Sacramentis sive conferendis sive suscipiendis eadem regula est ac in aliis legibus. Nam, si stante probabilitate non contemnuntur aliae leges: neque profecto, stante eadem probabilitate, Sacramenta contemnuntur. Id vero maxime valet quoad dispositiones ministrantium et suscipientium: nam in his gravis probabilitas pro certitudine habetur. Insuper tum administratio tum susceptio Sacramentorum scrupulis et anxietatibus conscientiae continue esset obnoxia. Quare satis est accedere ad Sacramenta sive conferenda, sive suscipienda probabili dispositione. — Lugo de Poenit.

D. 14. n. 169., La-Croix 105., L. 1. 1. n. 32. 48., l. 6. n. 461. 475. 482. 560. 573., D'Annib. 108. 111.

48. *An fides et probitas Ministri ad validam et licitam Sacramentorum administrationem requirantur?* — 1.<sup>o</sup> Ad valorem Sacramentorum nec fides nec probitas, seu status gratiae, in ministro requiritur. Constat 1.<sup>o</sup> ex praxi et perpetua traditione Ecclesiae, quae nunquam baptizatos ab haereticis et improbis rebaptizari voluit. Constat 2.<sup>o</sup> ex definitione Ecclesiae. Trid. S. 7. c. 12. et 4. de Bapt. — 2.<sup>o</sup> Ad licitam autem Sacramentorum administrationem requiritur in ministro fides et probitas, saltem si is ad Sacramenta conferenda *consecratus* sit, et ea conficiat solemniter, id est, cum integro ritu ab Ecclesia praescripto. Graviter igitur peccat, qui in mortali Sacramenta ministrat: minister enim fide destitutus vel improbus irrogat gravem Deo et Christo iniuriam, sancta indigne tractando, et quantum in se est, contaminando. Insuper cum Minister Sacramentorum repraesentet Christum primum Ministrum, qui est Sanctus sanctorum, eiusque personam gerat, necesse est, ut et ipse sit sanctus. Dicitur *saltem*, etc. nam an id exigat sola *rei* sanctitas, an etiam *officii* sanctitas, satis non constat. L. 31. 32. G. 207.

49. *An peccet graviter Minister, qui confert in mortali Sacramentum, ad quod non est specialiter ordinatus seu consecratus?* — R. Negative probabiliter, quia obligatio in Ministro habendi sanctitatem non oritur praecise ex ipsa sanctitate Christi et Sacramenti secundum se, sed ex Ministri consecratione in Ordine ad Sacramenta conferenda. Billuart. diss. 5. art. 4., S. Th. 3. p. q. 64. art. 6., 4. D. 5. q. 2. a. 2., et alii multi. Affirmant tamen alii non pauci; sic Collet, La-Croix, Lugo, etc. S. Lig. vero, n. 32. admittit probabilitatem utriusque sententiae; in affirmativam tamen magis inclinat. Cf. L. 1. 6. n. 884., Sporer n. 171., Roncaglia cap. 3. q. 6., Sanchez de Matr. l. 2. D. 6. n. 4. « Haec autem quaestio, ut ait S. Alph. 32., tantum locum habet in Baptismo, et Matrimonio, nam alia Sacramenta patet non posse ministrari, nisi a ministris consecratis ». Hinc contrahentes Matrimonium in mortali probabiliter peccant graviter dumtaxat Sacramentum suscipiendo, non etiam ministrando. L. 30. — G. B. 208.

50. *An peccet graviter Sacerdos, seu Minister consecratus, ministrans quidem Sacramentum in mortali, sed non solemniter, v. gr. Baptismum absque caeremoniis in casu necessitatis?* — Controvertitur, ut in quaesito praecedenti, eademque pro utraque parte afferuntur auctoritates et rationes. Hinc probabiliter dicendum est, eum non peccare graviter, quia licet sit per se consecratus ad Sacramenta ministranda, non agit tamen ut consecratus seu ex officio, sed tantum ut laicus ex caritate ad succurrendum proximo in necessitate. Cf. L. 32. 884. — G. B. 208.

51. *An peccet graviter Minister consecratus et solemniter ministrans in mortali, si urgat gravis necessitas?* — R. Negative rigore loquendo, nempe si periculum sit ita urgens, ut actum contritionis elicere per tempus ei non liceat. Sed haec hypothesis generatim neganda est. Porro a mortali excusandus non est Minister, qui conscius gravis culpa casum necessitatis praevidere potest, ut Parochus et alii, qui ex officio Sacramenta ministrare debent, et proinde speciali obligatione in statu gratiae habitualiter permanere tenentur. L. 33., et alii communiter. Cf. Lugo D. 8. n. 151, De Euchar. D. 9. n. 8., Sanchez D. 207., L. 86. — G. 208.

52. *An peccet, qui extra Missae celebrationem ministrat Eucharistiam in mortali?* — R. Affirmative probabilius. Ratio est, quia gravem iniuriam irrogat sanctissimae Eucharistiae. Licet enim ipse non agat ut causa efficax in conficiendo Sacramentum, est tamen illius dispensator ad id specialiter consecratus, et obit ministerium, quod immediate sanctificationi animae cooperatur. L. 35., et alii communiter. Probabiliter tamen censent peccare tantum venialiter Lugo, D. 8. n. 155., Salm. tr. 1. c. 7. n. 11., et alii. Iuxta ergo 1.<sup>am</sup> opinionem celebrans et ministrans in mortali quatuor sacrilegia com-

mittit: 1.<sup>o</sup> quia Sacramentum conficit: 2.<sup>o</sup> quia suscipit: 3.<sup>o</sup> quia ministrat sibi indigne. Cum enim celebrans tunc duas agat partes, alteram ut sumens, alteram ut minister, ideo duo sacrilegia committit; 4.<sup>o</sup> sacrilegium committit, quia Eucharistiam ministrat in mortali. L. 35. « Sed nonne ex his omnibus una tantum actio coalescit? Utcunque, confitenti sat erit dicere, se celebrasse in lethali ». D'Annib. 280. 2.<sup>am</sup> vero opinionem *probabilem* putat Diana non solum si *extra Missam*, sed etiam si *in Missa* communico ministraretur. Tr. 2 De praec. div. et eccl. sacr. comm. Res 25. — G. B. 209.

53. *An peccent, qui in mortali sive mediate sive immediate tangunt aut depercuti SS. Eucharistiam?* — Controvertitur. Triplex est sententia probabilis: 1.<sup>a</sup> SENTENTIA probabilior affirmat in utroque casu, quia rem sanctissimam seu Corpus Christi indigne tractant. Hanc sententiam valde probabilem vocat. L. 35. — 2.<sup>a</sup> SENTENTIA negat, quia nulla hic adest administratio Sacramenti, nec apparet materia tam gravis, ut peccatum mortale inducat. Ita La-Croix, n. 191., Salmant., c. 7. n. 1., Büseml., et S. Lig. dicit hoc non esse improbabile. — 3.<sup>a</sup> SENTENTIA sic distinguit: Peccant quidem graviter tangentes immediate sanctissimam Eucharistiam in mortali, non vero tangentes mediate. Ratio repetitur ex gradu valde diverso irreverentiae inter primum casum et secundum. Ita Billuart. — Ad haec, quae habet Gury 209., Ballerinius addit: at si sua non caret probabilitate opinio Card. Lugo, de qua n. 52. (hic), incassum haec distinctio adhibetur.

54. *An peccent graviter exercentes in mortali alias functiones sacras?* — R. Negative: quia omnia alia exercitia Ordinum praeter confecti nem et administrationem Sacramentorum non videntur sub gravi exigere sanctitatem, cum non sint proxime ordinata ad animae sanctificationem. Ita communiter et probabilius, Salm., Mazzotta, et hoc sat probabile dicit S. Lig. n. 37. — Non peccant ergo graviter: 1.<sup>o</sup> diaconi et subdiaconi, qui, in mortali, altari solemniter ministrant. L. 38. n. 747. 2.<sup>o</sup> Episcopi in mortali conficientes chrisma vel oleum sanctum. L. 39. 3.<sup>o</sup> Episcopus vel sacerdos, qui in mortali consecrat templum, benedicit vestes sacras, aut corporalia, assistit matrimonio, benedicit cineres, aquam lustralem, etc. L. 40. 4.<sup>o</sup> Concionator existens in peccato mortali. L. 40 Cf. S. Alph. l. 6. n. 767. — G. B. 210.

55. *An teneatur Minister confiteri ante confectionem Sacramenti, si reus sit peccati mortalis?* — R. 1.<sup>o</sup> Affirmative, si agatur de Missae celebratione, et ipsi copia confessarii non desit: quia omnes fideles communicaturi confessionem praemittere debent ex Trid. S. 13. C. 7. — 2.<sup>o</sup> Negative vero probabilius, si agatur de aliis Sacramentis: quia nulla lege ad confessionem obligatur; atque adeo sufficit, ut actum contritionis eliciat. Excipe tamen, si ipsi de perfectae contritionis defectu constet. Ita S. Lig. n. 34., Elbel, La-Croix, Lugo, etc., contra quosdam alios. — G. B. 210.

56. *An peccet graviter, qui audit Confessionem in mortali, sed non absolvet?* — R. Negative probabilius, quia Confessarius audiendo confessionem non conficit Sacramentum. L. 36., et alii communiter, contra aliquos. — G. B. 211.

57. *Quot peccata committat Confessarius plures poenitentes successive in mortali absolvendo?* — Duplex est sententia. Nam iuxta alios committit tot peccata, quot personas absolvit: ratio, quia singulae absolutiones constituunt tot actiones morales distinctas, totidem iudicia completa, totidemque Sacramenta in statu peccati collata, proindeque totidem peccata. Ita L. 30. cum aliis. Alii tamen unum putant esse peccatum. Ita Salmant. de Censuris, C. 1. n. 172., cum aliis, quos allegant, eamque opinionem probabilem appellat Lugo, de Poenit. D. 16. n. 558. Idem generatim dicendum de eo qui successive, sed continue, plura confert Sacramenta, e. g. plures baptizat, confirmat, ordinat. Et sane si peccatum ex officio sanctitatis desumitur, verius est unicum



peccatum committi, quia unicum baptizandi, confirmandi, etc. ministerium exercetur. D'Annib. 114. — G. 211.

58. *Quot peccata committat, qui in mortali pluribus Eucharistiam ministrat?* — R. Probabilius unicum tantum; quia unicum actionem moralem ponit: singulae enim distributiones per modum unius habentur, et unicam administrationem, unumque convivium constituunt. L. 35. Cf. sup. dicta n. 52., ubi duplex de culpae huius gravitate opinio producta fuit. — G. B. 212.

59. *Quid de obligatione ministrandi Sacramenta?* — 1.<sup>o</sup> Curam animarum habentes tenentur sub gravi ex iustitia Sacramenta ministrare subditis suis rationabiliter petentibus. Curam enim animarum suscipiendo ad id sese obligaverunt tacito contractu inito cum subditis, a quibus sustentationem aut saltem honorem accipiunt. — Tenentur igitur. si urget commune praeceptum illa suscipiendi, vel si privata petentis necessitas vel utilitas administrationem exigit, v. g. si petens praevideat aliquod periculum, vel in tentatione versetur, et gratia Sacramenti indigeat, vel si devotionem statui suo convenientem exercere, aut Indulgentiam lucrari velit, etc. Scavini. — 2.<sup>o</sup> Alii curam animarum non habentes non tenentur ministrare Sacramenta ex iustitia; aliquando tamen tenentur ex caritate, scilicet in gravi proximi necessitate. L. n. 58. — G. 213.

60. *Quinam censeantur animarum curam habere?* — Hi omnes, qui ex officio, seu titulo speciali iurisdictionis spiritualis aut delegationis aliquam partem ovilis Christi pascere seu curare debent. Tales igitur sunt Episcopi. Parochi, et quicumque curam subsidiariam animarum habent ex commissione seu munere publico, ut sunt Coadiutores seu Vicarii Parochorum. Item respectu Regularium Praelati seu Superiores proprii. L. 58. — G. 214.

61. *Quaenam Sacramenta in necessitate ministranda sint, etiam cum periculo mortis, sive ab habentibus curam animarum, sive ab aliis?* — 1.<sup>o</sup> Qui curam animarum non gerunt, certo tenentur tantum ad ministranda Sacramenta absolute necessaria ad salutem, Baptismum scilicet et Poenitentiam, vel Extremam-Uctionem, quando quis nullo modo confiteri queat. Ratio est, quia non tenentur nisi ex sola caritate ad subveniendum proximo in gravissimo salutis periculo. Sola autem praefata Sacramenta sunt ad salutem necessaria. Ergo, etc. Ita communissime Theologi cum L. 58., et l. 2. n. 27. — 2.<sup>o</sup> Etiam curam animarum gerentes probabilius tenentur ad sola praefata Sacramenta cum quovis periculo ministranda. Ratio est, quia alia Sacramenta non sunt tantae necessitatis, ut quis ad illa conferenda cum gravi vitae discrimine teneatur. Ita L. n. 233., innixus Declarationi Gregorii XIII. 12. Oct. 1576., et item Declarationi S. Congregationis Concilii ab eodem Pontifice approbatae. — Verumtamen qui gerunt curam animarum, tenentur vitam exponere non tantum in extrema, sed etiam in gravi necessitate, dum alii Ministri in sola necessitate extrema ad id obligantur. L. l. 2. n. 27., La-Croix, l. 3. P. 1. n. 755. et seq. — G. 214.

62. *An teneatur quis exponere vitam ad ministranda praefata Sacramenta cum probabilitate tantum successus vel necessitatis?* — Negandum videtur, quia nimis durum est exigere actum adeo heroicum ad proximum adiuvandum, nisi adsit moralis certitudo sive successus sive necessitatis. Hinc non teneris exponere certo vitam ad aliquem baptizandum, vel absolvendum, si probabiliter perire debes, antequam id adimplere possis, vel probabiliter praesumas, illum esse baptizatum, aut non versari in statu peccati mortalis, aut etiam posse facile sibi subvenire per actum contritionis perfectae. Collet, Decal., C. 1., et L. l. 2. n. 27. — G. 215.

63. *Resolves:* 1<sup>o</sup> Peccant graviter habentes curam animarum, non tantum si sine ratione ministerium suum denegent, sed etiam si se morosos et difficiles saepe praebeant: quia sic fideles a Sacramentis deterrent, et res

eodem recidit, ac si Sacramenta denegarent. — 2.<sup>o</sup> Mortale tamen non est, uni vel alteri aut eidem semel vel iterum citra necessitatem petenti Sacramentum Poenitentiae vel Eucharistiae denegare; quia damnum facile reparari potest, nec subditus ideo graviter invitus censetur. — 3.<sup>o</sup> Si subditi irrationabiliter petant, nullum est peccatum. Hinc non tenetur parochus quotidie cum scrupuloso vel devotulis tempus terere, cum tam frequens confessio istis non expediat, nec ipsi ius strictum ad absolutionem tam frequentem habeant. — 4.<sup>o</sup> Si Parochus idoneos habeat Vicarios, non tenebitur adeo rigore confessiones subditorum excipere; debet tamen fidelibus ipsum nominatim requirentibus satisfacere, nisi aut impeditus sit, aut poenitentes libenter alium Confessarium sint adituri. — 5.<sup>o</sup> Peccant graviter, generatim loquendo, curam gerentes animarum, qui subditorum confessiones excipere volunt, nisi paucis diebus intra mensem determinatis: quia in causa sunt cur fideles in statu peccati diu remaneant, et a Sacramentis suscipiendis arceantur. Cf. L. 58., et alibi passim. — G. 216.

64. *Quid de obligatione denegandi Sacramenta indignis petentibus?* — 1.<sup>o</sup> Minister tenetur *generatim* et sub gravi, per se loquendo, Sacramenta indignis denegare, quia lex naturalis obligat dispensatorem ad bona Domini fideliter et iuxta eius voluntatem dispensanda; porro voluntas certa Christi est, ut Sacramenta indignis non conferantur, iuxta illud Matthaei 7., 6.: Nolite dare sanctum canibus, neque mittatis margaritas vestras ante porcos. Cf. Lugo D. 8. n. 164. 180. 193., Suarez D. 8. S. 2. — 2.<sup>o</sup> Quin imo, ut notat S. Alph. 43. « in quibusdam Sacramentis Minister, ut se fidelem dispensatorem praestet, non sufficit, si petentem nesciat esse indignum, sed amplius tenetur prudentem rationem habere, quod ille sit dignus; in Sacramento enim Poenitentiae, cum in eo omnino requiratur ad valorem poenitentis dispositio, Minister, prout iudex ad hoc constitutus, debet de ea se certum reddere. In Sacramento quoque Ordinis Episcopus debet certam habere scientiam de dignitate Ordinandi, cum ad Ordinem, prout directum ad publicum bonum, nemo habet ius, nisi qui vocatur a Deo tanquam Aaron. In Matrimonio autem Sacerdos assistens debet inquirere in impedimenta, cum ad hoc constituitur ab Ecclesia. In aliis vero Sacramentis, ea non sunt deneganda eis, qui catholice vivunt, nisi constet de indignitate poenitentis... Ratio, quia ad haec alia Sacramenta omnes fideles ius habent et Ministri non sunt iudices, sed dispensatores, unde in eis non habent ius inquirendi, sed tantum debitum dispensandi omnibus, qui petunt; modo isti non sint positive indigni ». — 3.<sup>o</sup> Peccatori *publico*, sive occulte sive publice petenti, denegandum est Sacramentum; quia nulla ratio adest, cur regulae generali exceptio fiat; imo grave scandalum fidelium ex Sacramentorum concessione sequeretur. S. Th. 3. p. q. 80. a. 6., L. 44. In casu vero dubii, an quis peccaverit, concedendum: in dubio an egerit poenitentiam denegandum. L. 48. — « Excipitur tamen peccator in articulo mortis constitutus, ut Suar. Tamb. Croix cum communi ». L. 44., quia quisque praesumitur se tum velle rite disponere, et necessitas tollit scandalum, ipsaeque occulta moribundi poenitentia, a ministro publicanda, si publice ei Sacramenta essent ministranda. La-Croix 143. — 4.<sup>o</sup> Peccatori *occulto*, occulte petenti, pariter negandum est Sacramentum; quia reverentia erga Sacramentum, et caritas proximi in his adiunctis hoc postulant. S. Th. p. 3., q. 80. a. 6., L. 50., Salmant., etc. Excepto casu, quo crimen cognitum fuisset ex confessione; tunc enim nec etiam licet ministro peccatorem monere. Idque vetitum est etiam si confessarius Sacramentum denegare possit sub praetextu aliorum causarum. L. 50. 51. — 5.<sup>o</sup> Peccatori vere *occulto*, publice petenti, non est denegandum Sacramentum. Ratio deducitur ex incommodis, quae sequerentur ex Sacramenti denegatione; orirentur enim scandala et perturbantes in Ecclesia, et praesertim fideles in suspicionem adducti, ne a Sacramentis prohiberentur, ab ipsis recederent. Ita omnes cum S. Th. p. 3., q. 80., a. 6., L. 49. 50, Lugo D. 8. n. 176., ex Rituali Romano, de Euch. — G. 217.

65. *Quandonam censetur peccator publicus seu notorius, vel occultus: aut occulte petens Sacramentum?* — 1.<sup>a</sup> Peccator publicus ille dicitur, cuius crimen vel pessima vita communiter cognoscitur. Quod si infamia eius nondum venerit in communem notitiam, ita tamen cognoscatur, ut celari amplius non possit, dicitur peccator notorius; si vero absit periculum ne improbitas nota fiat, peccatur occultus nuncupatur. — 2.<sup>a</sup> Peccator occulte petens dicitur ille, qui reperitur solus cum Ministro vel paucis aliis, quorum merito nulla habeatur ratio, ut sunt pueruli, etc. Secus publice petere censetur. — G. 219.

66. *An sit negandum Sacramentum indigno publici petenti, cuius crimen est notorium quidem, sed nondum publicum?* — R. Negative iuxta sententiam probabiliorē, quia non potest dici adhuc peccator publicus: insuper variis incommodis obnoxia esset denegatio. Imo probabilius non est denegandum Sacramentum, etiamsi plerique ex praesentibus crimen noverint, quandoquidem non est simpliciter publicum. L. 45. — G. 219.

67. *An denegandum sit Sacramentum peccatori, quando crimen eius non est publicum ubi petit, publicum tamen est alibi?* — R. Negative saltem probabilius: quia ex una parte ministrando ei Sacramenta non adest aliorum scandalum, et ex altera parte, si denegarentur, ea nascerentur incommoda atque damna, quae ex denegatione peccatori occulto facta proveniunt. L. 46., et alii communius. Secus vero dicendum, si notitia illius criminis facile sit in eum locum perventura. L. ibid. — G. 220.

68. *Quid requiratur ut publico peccatori Eucharistia possit ministrari?* — « Layman, etc. requirunt praeter Confessionem, aliquod tempus bonae conversationis ad tollendum scandalum. Possev. etc. dicunt sufficere Confessionem coram pluribus (modo, addit Bernal., poenitentia brevi sit publice manifestanda). Et recte Croix adhaeret huic sententiae, quando peccator non habet proximam peccandi occasionem: quia, qui publice confessus est, publice censetur emendatus; secus, si adesset occasio, et ille eam non deseruerit. Qui autem occulte petit, sufficit eum occulte egisse poenitentiam ». L. 47., Rit. Rom. *De Euch. Sacram.*

69. *An denegandum sit sacramentum Ordinis peccatori occulto publice petenti?* — R. Affirmative. « Ratio certa est, quia qui se ingerit in munera publica, ad quae non est idoneus, repelli debet etiam cum infamia, ob bonum publicum privato praefendum. Et quod clericus indignus, quamvis ob crimen occultum, possit et debeat repelli, patet ex Trid., ubi in Sess. 14. C. 1. de Ref. dicitur, quod Episcopus potest prohibere clerico, ne ascendat ad ultiores ordines: et clericus tenetur ei obedire, etiamsi ascensus a suo praelato « ex quacumque causa etiam ob occultum crimen quomodolibet, etiam extraiudicialiter, fuerit interdictus ». Et additur, quod « nulla contra ipsius praelati voluntatem concessa licentia se promoveri faciendo, ei suffragetur ». Ac maxime notandum, quod Episcopus non tenetur eo caso manifestare causam, cur repellat ab ordinatione, iuxta declarationes S. C. Concilii editas die 21. Martii an. 1643. et die 21. April. 1668., quas per extensum affert Sum. Pont. Bened. XIV. in lib. de Syn. l. 7. c. 71. n. 4. Quod autem Episcopus non solum possit, sed etiam debeat repellere indignos, quamvis occultos, patens suadet ratio ex eod. Trid. Sess. 23. de Ref. C. 5. et 7., ubi signanter praecipitur, ut Episcopus ordinans, mores diligenter investiget, et examinet. « Ad quid igitur debet praelatus mores clericorum investigare et examinare, nisi ut repellat quos noverit indignos? » L. 52. 69., S. Th. S. q. 36. a. 3.

70. *Nota:* « Qua de re, ait idem S. D. 803., Episcopi in hac probatione expetenda non debent esse contenti simplici attestatione parochorum... sed insuper ab aliis fide dignis, capta secreta informatione certi fieri debent, non solum quod initiandus non fuerit malus, sed etiam quod ille sit positive bonus, etc. ».



71. *An parochus possit assistere matrimonio eorum, qui sunt publici peccatores?* — Affirmant Layman, Croix, Lugo. Ratio, quia parochus non est minister Sacramenti, sed tantum testis, unde ex una parte, cum sit publicus minister, non potest suam negare assistantiam: et ex altera licite potest assistere, cum sua cooperatio sit mere materialis. Negant vero alii, inter quos S. Alph., nisi de causa gravi et proportionata, tum quia de iure naturali nemo potest cooperari peccato proximi, tum quia Parochus tenetur ex iustitia, ex contractu inito cum communitate a qua stipendium accipit, incumbere salutem spirituali suarum ovium, eas avertendo a peccatis. Et mox subdit S. D. « quod dicimus de parochis, dicendum est etiam de testibus; qui tamen satis excusarentur a peccato, si assisterent coacti metu gravi, cum ipsi non teneantur, nisi ex caritate, impedire peccatum. Parochus autem etiam excusari potest ad vitandam mortem, vel alia graviora mala communitatis, vel ipsorum contrahentium, puta ne ipsi perseverent in peccato ». L. 54. Hanc S. D. sententiam laudavit S. Poenitentiaria in sua responsione 10. Dec. 1860.

72. *An si unus sponsorum sit publice indignus, possit alter Matrimonium cum ipso inire et consequenter Sacramentum ei ministrare?* — R. 1.<sup>o</sup> Neg. si sit indignus, quia est excommunicatus *vitandus*, ut patet. — 2.<sup>o</sup> Affirm. si sit indignus, quia excommunicatus, sed *toleratus*; quia Conc. Const. indistincte concessit fidelibus posse communicare cum excommunicatis toleratis. — 3.<sup>o</sup> Affirm. si sit indignus ob aliquod peccatum, et alter sponsus sine gravi incommodo non posset a matrimonio recedere. Ita probabilius et communius. Ratio, quia praefata administratio est ab ipsis, ut a ministris ad id non consecratis. L. 55., H. A. Tr. n. 6. Cf. Lugo D. 8. n. 226.

73. *Quid si Sacramentum indigno denegari non possit, sine vitae periculo?* — Haec de ista questione habet D'Annib. 125.: « Non licet dare, si petatur in contemptum Religionis vel in odium fidei, S. Alph. l. 6. n. 43., vel si citra offensionem aliorum et scandalum dari non possit, S. Cyprian. l. 1. Epist. 10. His remotis, multi adhuc negant, quia summa irreverentia est dare sanctum canibus, S. Alph. ib., alii affirmant, quia in tanto discrimine rerum irreverentia cessat, Lugo D. 8. n. 181., Suar., Gob. T. 1. n. 273., Dieast. n. 252., Sporer n. 188. Escob. n. 537. Alii alia via rem expediunt: docent enim licitum esse simulare administrationem Sacramenti (excepto sacerdotio): non quidem formaliter, ex pr. 29. d. ab Innoc. XI.; sed materialiter; nempe *mutata substantialiter materia vel forma*. Viva in cit. pr. n. 11. Ut ecce si dicat: ego te *haud* absolvo, Card. in cit. pr. n. 53., vel *absolbam*, vel *absolvo*? V. S. Alph. l. 6. n. 59. Nempe, ut dixi, remoto scandalo. Sane a S. U. I. 6 Sept. 1628. coram SS.mo cautum fuit, sacerdotes, qui coguntur a Turcis baptizare eorum filios, non ut christiani fiant, sed pro corporali salute, *non posse... eos baptizare, adhibita materia sine forma*. Bened. XIV. C. *Postremo mense* § 21. Sed si neque hoc sine periculo, sine scandalo, fieri possit mihi secunda sententia nullatenus displicet; quia Sacramenta conferre indignis non est per se malum, Lugo D. 8. n. 180. Sane Christus communicavit Iudam; quis dixerit Christum rem fecisse materialiter malam? Sed caritas tantum vetat cooperari sacrilegio suscipientis, caritas autem non obligat cum incommodo gravi ».

74. *An intrinsece illicita sit Sacramenti simulatio?* — 1.<sup>o</sup> Simulatio latissime sumpta est positio signi de se indifferentis ad plura cum praevisione, quod aliquis sit decipiendus, eo quod accepturus sit illud in sensu, qui non est verus. Per hoc autem distinguitur a dissimulatione, quod dissimulatio sit praetermissio omnis signi, quando merito poni deberet. — 2.<sup>o</sup> Simulatio alia est *formalis*, qua Minister directe intendit decipere; alia vero *materialis*, qua Minister non intendit directe decipere, sed ex rationali et iusto motivo agens, deceptionem praevidens, eam permittit. — 3.<sup>o</sup> Sacramenti simulatio esse potest vel circa rem plane indifferentem respectu *essentiae* Sacramenti, vel circa rem respicientem ipsam *naturam* Sacramenti. — 4.<sup>o</sup> Si-

mulatio esse potest vel mere circa *administrationem* Sacramenti; vel circa ipsum *Sacramentum*; quando nempe quis vel actionem ponit, qua alii Sacramenti confectionem seu collationem falso credere possunt; vel fecte quidpiam ponat, quod pertinet ad essentiam Sacramenti. — Porro simulatio *formalis* non modo in Sacramentis, sed in quocumque alio casu, non licet: quia mendacium facti est. S. Th. 2. 2. q. 111. a. 1. Simulatio *materialis* circa rem plene indifferenter se habentem ad Sacramentum, h. e. ad ipsam Sacramenti administrationem vel Sacramenti *essentiam*, per se loquendo, non est illicita, quia non est simulatio administrationis Sacramenti, vel Sacramenti: neque adest alia vitiosa circumstantia, ut supponitur. La-Croix 150. 158. Simulatio *materialis* circa ipsam *administrationem Sacramenti, per se loquendo*, intrinsece illicita non est: nam nulla ponitur actio, quae per se pertineat ad essentiam Sacramenti, et actio quae reapse ponitur est actio, ut supponitur *honestas*, licet opinio ex ea induci possit in alios collationis Sacramenti. Simulatio *materialis* circa ipsum *Sacramentum* vel *partem essentialem Sacramenti* illicita omnino est. Ratio est, quia est gravis irreverentia in Christum, cui Minister illudat, abutendo rebus sacris ab ipso institutis. Insuper id evincitur ex pr. 29. d. ab Innoc. XI., in qua specialiter agitur de materiali simulatione. Atque haec ex sequentibus Corollaris facile declarantur. L. 59. 62.

75. *Resolves*: — 1.<sup>o</sup> « Si quis nolens confiteri ingrediatur Confessionale, et genuflexus alloquatur confessarium de aliquo negotio, non simulat Sacramentum, nec peccat peccato mendacii ». L. 60. Actio illa de se indifferens est; et in ea deest omnino materia et forma Sacramenti. L. ib. — 2.<sup>o</sup> Gravissime peccaret Sacerdos, qui in Missa pronuntiaret verba consecratoria super panem et vinum, intentionem consecrandi excludens. Neque bona fide excusari possunt, qui crassa ignorantia laborantes, et in mortali celebrantes, consecrationem simulant, ne sacrilegii rei evadant, etiamsi verba consecrationis omnino omittant. — 3.<sup>o</sup> Graviter peccaret Confessarius, qui verba absolutionis proferret sine animo absolvendi, etiamsi id ageret ad se facilius expediendum a poenitente *indisposito*, et absolutionem instantem petente, aut etiam per gravissimas minas exigente. Dicunt plures, posse Confessarium in hoc casu dicere: Ego te non absolvo... pronuntiando *non* ita demisse, ut non audiatur a poenitente. Non improbabile hoc iudicat S. Alph. 59.: sed Confessarius alias voces aut preces potius quam absolutionis formam tunc facile pronuntiare posset: caeterum casus iste fere chimaericus esse videtur. — 4.<sup>o</sup> Non simulat autem Sacramentum Poenitentiae Confessarius, qui recitat preces super poenitentem indispositum, ne adstantes advertant, illum sine absolutione dimitti: constat enim apud omnes, quod poenitentes saepe cum sola benedictione dimittuntur, et subinde sine intentione confitendi aut confessionem perficiendi ad sacrum tribunal accedunt. L. 59. et alii communiter. — 5.<sup>o</sup> Graviter peccat Sacerdos, qui hostiam non consecratam pro consecrata porrigit etiam scienti et consentienti, ut evenit quandoque miseris Sacerdotibus cum complice, qui famae servandae gratia ad sacram mensam accedit. Ratio est, quia sic hostia non consecrata exponitur adorationi tum adstantium, tum ipsiusmet etiam scienter recipientis cum reverentia externa, quae idololatriam externam et materialem, et proinde quid intrinsece malum constituit. L. 61., S. Th. Quodl. 5. a. 12. « In casu quo aliquis non poterit se disponere ad communionem, posset aliquando convenire cum paroco, ad infamiam, vel scandalum vitandum, ut hic dicat tantum super ipsa verba: « Corpus Domini nostri Jesu Christi custodiat, etc. » et non praebet hostiam, ut admittit Croix 160. ». L. 61. — 6.<sup>o</sup> Tamen iuxta communem sententiam non peccant saltem graviter, qui metu gravi coacti matrimonium inire simulant. Ratio est, quia cum desit voluntarius consensus, iuxta sententiam nunc certam, quae tenet sponso esse huius Sacramenti ministros, deest materia et forma, et proinde non est simulatio Sacramenti, sed tantum simulatio contractus. « Ex eadem ratione non peccaret peccato sacrilegii, qui matrimonium contraheret sciens se habere impedimentum dirimens ». L. 62. — G. 222.

76. *Quid de modo Sacramenta conferendi?* — Non satis est, si minister ea, quae ad materiam et formam spectant, diligenter observet: sed omnes S. Ecclesiae leges circa Sacramentorum administrationem studiose servare debet. Trid. S. 7. De Sacram. can. 13. S. R. C. 1. Maii 1612. Quare praescriptas caeremonias non licet omittere, et per se grave est, secluso necessitatis casu. Rit. Rom. *De Bapt.* initio. Quisque autem uti debet suo ritu sive Latino sive Graeco, et grave est. Bened. XIV. C. *Etsi Pastoralis* § 2., L. 202. 203.

77. *Utrum de praecepto sit usus Ritualis Romani in administratione Sacramentorum?* — R. Affirm. Non semel enim declaravit S. Congr. Rit., « Illos solos libros adhibendos et in illis tantum benedictionibus, quae Rituali Romano sunt conformes, nec alios adhibendos esse, dummodo non constet ab hac S. Congr. fuisse approbatos ». S. R. C. 7. Apr. 1832., 23. Maii 1835. 10. Jan. 1852. Apud Gardellini 4681. — G. 224.

78. *Quaenam vestes sacrae requirantur ad Sacramentorum administrationem?* — Superpellicem et desuper stola. Rit. Rom. *De Sacram. Admin.* initio. S. R. C. 10. Jan. 1852. Verum in extrema necessitate Baptismus et Poenitentia sine his conferri possunt; immo et Confirmatio et Extrema-Unctio: La-Croix l. 6. P. 2. n. 2116., L. 181. 726. Quin et ipsum Viaticum sine sacris vestibus, si absque offensione fieri possit, non est illicitum. L. 241. Grave vero non videtur non uti stola in Sacramento Poenitentiae, et non uti in Eucharistia negant plures esse grave, nec improbat S. Alph. 241., D'Ann. 126.

#### IV. — DE SUBIECTO SACRAMENTORUM

79. *Quinam sit Sacramentorum subiectum?* — Subiectum Sacramenti dicitur ille, qui Sacramentum suscipit, et est capax effectus Sacramenti. — Subiectum Sacramentorum est solus homo viator; quia, ut ex S. Scripturis et traditione patet, pro solis hominibus viatoribus Sacramenta instituta sunt. Non omnes tamen homines sunt omnium Sacramentorum capaces. Nam nec mulieres Sacramentum Ordinis, nec pueri, ratione nondum utentes, suscipere possunt Sacramenta Poenitentiae et Extremae-Unctionis. — Ratio a priori, cur solus homo viator sit capax Sacramentorum, est voluntas Christi Domini institutoris Sacramentorum. Ratio autem convenientiae est, quia iuxta ordinem praesentis Providentiae solus homo viator est capax primae gratiae, vel augmenti gratiae: eiusmodi autem non sunt Beati, vel animae in purgatorio detentae, quibus iam determinata est mensura gloriae respondens gratiae, quam in vita mortali meruerunt. Multo autem minus capaces sunt gratiae damnati, utpote a Deo iam in aeternum separati. — G. 227.

80. *Quaenam sunt requisita ad validam Sacramentorum receptionem?* — 1. Ad Sacramenta valide suscipienda nulla requiritur probitas, nec propria Fides in subiecto, si Poenitentiae Sacramentum excipias. Constat ex praxi Ecclesiae, quae nunquam permisit iterum baptizari aut ordinari haereticos et improbos homines rite baptizatos et ordinatos. Constat etiam, quoad Fidem, ex definitione expressa. Trid. S. 7. c. 13. de Baptismo. — 2. In infantibus aut perpetuo amentibus nulla requiritur dispositio, nec intentio, ut valide recipiant Sacramenta, quorum sunt capaces, videlicet Baptismum, Confirmationem, Ordinem et Eucharistiam, quae olim ipsis ministrabatur. Constat ex praxi Ecclesiae, et sententia communi, etc. L. 80. — 3. In adultis ad validam Sacramentorum susceptionem aliqua requiritur intentio: quia non est conveniens, ut adultus sanctificetur, nisi velit. Sed pro plerisque Sacramentis sufficit intentio habitualis, etiam quandoque confusa tantum, seu implicita, spectata cuiusque Sacramenti natura; quia col-



latio Sacramentorum est quaedam donatio et beneficium, ad quod acceptandum sufficit habitualis intentio. Secus vero dicendum est de conferendo Sacramentum; quia cum agere debeat modo humano, necesse est, ut intentionem saltem virtualem habeat. S. Th. 3. p. q. 68. a. 7. cf. Lugo De Euch. D. 13. n. 23. 26., De Poenit. D. 14. n. 46. 48. — Si deest voluntas Sacramentum recipiendi, Sacramentum invalidum erit, sive quis *nolit* illud recipere, sive *non nolit*, neutralem habens voluntatem. Bened. XIV. C. *Postremo mense* § 47. 48. 51., L. 81. — 4.<sup>o</sup> Ad caetera Sacramenta valide suscipienda praeexigitur susceptio Baptismi: proin homo non baptizatus nullatenus est capax aliorum Sacramentorum. Ratio est, quia caetera Sacramenta sunt instituta pro sola Ecclesia; porro per solum Baptismum homines fiunt membra Ecclesiae. Ergo ... etc. ... Flor. Decr. pro Armenis. — G. 228.

81. *An requiratur attentio in subiecto adulto, ut Sacramentum valide suscipiat?* — R. Neg. Sufficit enim intentio, ut iam explicatum est, etiam in Sacramentis, quae requirunt intentionem virtualem; ratio, quia actus humanus non procedit ab attentione, sed a voluntate seu ab intentione. Praeterea pleraque Sacramenta, ut dictum est, ne virtualem quidem intentionem requirunt; ergo a fortiori attentionem ex parti subiecti non requirunt. Insuper non requiritur attentio in Ministro ad conficiendum Sacramentum, ut constat ex dictis supra n. 35.; ergo a fortiori non requiritur in subiecto. Sporer, 157. — Hinc frustra scrupulis aliquando poenitentes ex eo anguntur, quod distractiones passi fuerint dum absolvebantur, vel quod absoluti fuerint, quin ad id animadvertierint. — G. 229.

82. *Quanam intentio requiratur in adultis pro singulis Sacramentis suscipiendis?* — 1.<sup>o</sup> In Baptismo et Ordine requiritur voluntas saltem *habitualis*. Ratio quia huiusmodi Sacramenta graves imponunt obligationes implendas. Nemo autem censetur suscipere gravem obligationem; sed de eius positiva voluntate omnino constare debet. Lugo D. 9. n. 119. 127., L. 81. 82. Sacramentum Baptismi et Ordinis invalide quidem confertur habentibus solam intentionem interpretativam. Verumtamen Conin., Sporer, Dic., etc., ap. Croix l. 6. P. 1. n. 168., censent ad suscipiendum baptismum sufficere intentionem *implicitam* contentam in contritione, vel attritione habita a suscipiente; vel, ut ait Lugo D. 9. n. 130., in voluntate dandi nomen Religionis christianae, et si hanc ignorat, faciendi quaecumque necessaria sint ad salutem. La-Croix l. c. Cf. L. 82. Haec autem habet La-Croix l. 6. P. 1. n. 168: « Sufficit *implicita* tantum (intentio) contenta in contritione vel attritione, hinc secundum illos (doctores nempe quorum sententiam refert) posset Judaens vel etiam Ethnicus in periculo mortis baptizari, si probabiliter indicaretur habuisse saltem attritionem, quia in hac includitur votum servandi omnia praecepta, item accipiendi omnia media necessaria ad salutem, ideoque etiam suscipiendi Baptismum. Vide n. 288. Quo in loco inquit: « Probabile est sufficere *habitualement implicitam*, etc., secundum dicta n. 168. ». — 2.<sup>o</sup> In Confirmatione, Extrema-unctione, Eucharistia satis est voluntas *interpretativa*. Ratio, quia haec Sacramenta multa afferunt commoda et nullum incommodum. Omnes autem censentur velle commoda percipere. Hinc tum Confirmatio, tum Extrema-unctio conferri possunt sub conditione moribundo sensibus destituto. Rit. de Extr.-Unct., § 6., L. 82. Si is vero de iis recipiendis nunquam reapse cogitasset, reiteranda forent. « Et si forte aeger fuerit sensibus destitutus in actu *peccati mortalis*, probabiliter, ait Viva, saltem sub conditione Extremam-unctionem tunc esse illi ministrandam, prout etiam de Sacram. Poenitentiae dicemus n. 480 ». L. 82. — 3.<sup>o</sup> Ad Poenitentiam requiritur intentio vel *actualis* vel saltem *virtualis*; nec proinde intentio habitualis sufficit. Ratio est quia in isto Sacramento requiruntur pro materia actus poenitentis, qui non possunt quidem haberi, sine voluntate saltem virtuali recipiendi Sacramentum. L. 82. — 4.<sup>o</sup> Ad Matrimonium item requiritur intentio saltem *virtualis*. Etenim « cum uterque coniux non

solum sit suscipiens, sed etiam minister Sacramenti, in singulis eorum certe requiritur ea intentio qualis in ministris aliorum Sacramentorum exigitur ». L. 82.

83. *An valide conferantur Sacramenta dormientibus, ebriis, vel lapsis in amentiam, qui antea habuerunt intentionem illa recipiendi? — R.* Affirmative. Ita communissime. Ratio, quia est subiectum capax. — *Illicite* vero id fieret « nisi in probabili periculo mortis, vel nisi quando inopeditum usus rationis censetur perpetuum, alias expectandum ad tempus, in quo suscipiens fiat compos rationis ». L. 81. 139., S. Th. 4. Dist. 6. q. 1. a. 2. q. 3. ad 7., 3. p. q. 68. a. 12.

84. Quapropter, infirmis, qui sunt sensibus destituti, danda sunt Sacramenta: sed nonnisi in periculo mortis; et nisi imponentes et in *manifesto* peccato mortali moriantur. Rit. Rom. de Sacr. Extr.-Unct. In *dubio* dari debent: nimirum Baptismus et Poenitentia, etiam cum tenui dispositionis probabilitate. Confirmatio vero et Extrema-Unctio cum probabile sit rite esse dispositos.

85. « *Quid iuris sit in surdis et mutis a nativitate, qui in scholis non sunt instituti?* — Veteribus fere omnibus pro certo fuit, eos aliquatenus suae mentis esse, et ea quae ad finem pertinent sapere qualiter qualiter: ideo Baptismo, Poenitentia et Matrimonio prohibere eos non posse, *certa*; Confirmatione, Extrema-Untione et Eucharistia *communior* sententia fuit: tantum de Eucharistia non satis conveniebant, utrum solum in mortis periculo danda esset, an etiam in Paschate, an saepius quoque. Dicam plane quod sentio: cum hodie admodum probabile sit, eos esse instar infantium, existimo posse eis dari Baptismum et Confirmationem; immo, cum non sit plane indubitatum eos ignorare quae ad fidem pertinent, et absolutionem; verum omnia sub conditione: si quis autem et Eucharistiam morituris dandam esse putet, quasi, ut olim, infantibus non obloquar, dummodo omne irreverentiae periculum absit: at Extrema-Unctio, si quid opinor, danda eis non est, cum nec sit necessaria, et vix probabile sit validam esse ». D'Annib. n. 120.

86. *Quaenam sunt requisita ad licitam Sacramentorum receptionem? —* 1.<sup>o</sup> Ad *Sacramenta vivorum* licite et fructuose recipienda, praeter intentionem ea suscipiendi praerequiritur status gratiae. Haec enim ex primaria sua institutione a Christo sunt ordinata, non ad conferendam primam gratiam, sed eius augmentum, cum primam gratiam iam in subiecto supponant. Hinc graviter peccant, qui scienter Sacramenta vivorum in statu peccati mortalis suscipiunt, et gravius quidem ac illi, qui indigne ministrant aut conficiunt. L. 86. Status autem gratiae per confessionem procurandus est, si ad Eucharistiam accedendum sit; vel saltem per contritionem perfectam, si agatur de aliis Sacramentis, ut supra de Ministro dictum est. Satius vero est, quantum fieri potest, etiam aliorum Sacramentorum receptioni confessionem semper praemittere. — 2.<sup>o</sup> Ad *Sacramenta mortuorum* ab adultis licite recipienda requiruntur actus saltem impliciti Fidei et Spei, iuxta dicta Apostoli Hebr. 11. 6.: *Credere oportet accedentem ad Deum, quia est, et impudentibus se remunerator sit.* Requiritur insuper actus doloris de peccatis, quia nulli datur venia peccatorum sine retractatione aut dolore de peccatis commissis. Haec autem in Sacramento Poenitentiae etiam ad validitatem necessaria sunt, quia ad dispositionem poenitentis pertinent. Trid. S. 14. C. 4. sufficit autem attritio, ut suo loco dicetur. L. 86. — 3.<sup>o</sup> Requiritur, ut nulla excommunicatione et nullo interdicto personali obstringatur. Rit. Rom. De Extr. Unct. Cap. 1. §. 8. Verum si quis sine gravi incommodo, e. g. sine scandalo, sine infamia a Sacramentis abstinere non possit, licite ea recipit, quamvis a censura in praesens absolvi non possit. L. 265. quae. 2.<sup>o</sup> — G. 231.

87. *An detur casus quo liceat Sacramentum vivorum suscipere cum*

*mortali?* — R. Affirmative; sed rarissimus est. Duos enumerat S. Alph. 1.<sup>us</sup> est, si hostia esset profananda, nisi statim absumatur; tunc hostia sumeretur, non ut sacramentum, sed ut ab illa profanatione eripiatur adeoque irreverentia cessaret; 2.<sup>us</sup> est, si laicus accumbens iam in scamno communicantium, et communionem mox recepturus recordaretur peccati mortalis, et propter temporis nimiam brevitatem conteri non posset. Verum, nisi tempus quam brevissimum omnino sit, specialis Dei gratia non deesset in talibus casibus ad contritionem statim concipiendam. — L. 86. 33., D'Ann. 118., S. Th. 4. D. 24. q. 1. a. 3. q. 5. ad 4.

88. *An detur casus quo liceat Sacramentum vivorum suscipere cum mortali?* — R. Affirmative; sed rarissimus est. Duos enumerat S. Alph. 1.<sup>us</sup> est, si hostia esset profananda, nisi statim absumatur; tunc hostia sumeretur, non ut Sacramentum, sed ut ab illa profanatione eripiatur; 2.<sup>us</sup> est, si laicus accumbens iam in scamno communicantium, et communionem mox recepturus, recordaretur peccati mortalis, et propter temporis nimiam brevitatem conteri non posset. Verum, nisi tempus quam brevissimum omnino sit, specialis Dei gratia non deesset in talibus casibus ad contritionem statim concipiendam. — L. 86. 33., D'Ann. 118.

89. *An liceat petere Sacramentum a malo ministro?* — 1.<sup>o</sup> Negative, si minister sit excommunicatus *vitandus*, nisi in extrema vel gravissima necessitate: affirmative, si sit excommunicatus *toleratus*, et praecise quatenus *toleratus*; quia Conc. Const. absolute concessit fidelibus, ut cum *toleratis* communicare possent. G. 233., L. 88. — 2.<sup>o</sup> Si minister *simpliciter malus* sit, ob peccatum mortale, licet ex rationabili causa necessitatis vel gravis utilitatis Sacramenta a peccatore suscipere. Ratio est, quia stante tali ratione, licite permittitur peccatum alterius, quod « tamen deponere posset, quia in instanti homo a divina gratia emendatur ». S. Th. 4. D. 24. q. 1. a. 3. q. 5. ad 3. Insuper « ille qui ad Sacramenta accedit, suscipit Sacramenta a ministro Ecclesiae, non in quantum est talis persona, sed in quantum est minister Ecclesiae: et ideo quamdiu ab Ecclesia toleratur in ministerio, ille, qui ab eo suscipit Sacramentum, non communicat peccato eius, sed communicat Ecclesiae, quae eum tamquam ministrum exhibet ». S. Th. 3. p. q. 64. a. 6. ad 2. C. *Vestra* 7. *De Cohabit. Clericor. Ex rationabili causa*, quia caritas exigit, ut impediamus peccatum proximi, quod facile impedire possumus. — 3.<sup>o</sup> Certum est autem, quod quivis minister praesumitur dignus, nisi constet oppositum. « Hinc probabiliter infertur posse peti Sacramentum adhuc ab eo, qui scitur paulo ante peccasse, quia praesumendus est ipse iam se disposuisse saltem per contritionem, nisi constet ministrum esse consuetudinarium, vel esse in occasione proxima peccandi, intellige voluntaria ». L. 89. — 4.<sup>o</sup> « Sic pariter puto, ait S. Alph. ib., illicitum esse sine gravi causa inservire sacerdoti indigne celebranti ».

## DE BAPTISMO

### I. — DE NATURA EFFECTIBUS ET NECESSITATE BAPTISMI

1. *Quid sit Baptismus?* — Vox *Baptismus* aut *Baptisma* idem significat ac immersio et lavatio; unde Baptismus dicitur etiam *lavacrum*, quia peccata abstergit. Baptismus definitur: « Sacramentum regenerationis per aquam in verbo ». Cat. Rom. 5., S. Th. 3. p. q. 66. a. 1.

2. *Quotuplex sit Baptismus?* — Baptismus triplex est. A Sacramento



enim Baptismi, seu Baptismo *aquae*, sic dicto ab eius propria materia, distinguitur Baptismus *fluminis*, et *sanguinis*. S. Th. 3. p. q. 66. a. 11.

3. *Quid sit Baptismus fluminis?* — « Baptismus *fluminis* est perfecta conversio ad Deum per contritionem, vel amorem Dei super omnia, cum voto *explicito*, vel *implicito* veri Baptismi fluminis, cuius vicem supplet quoad culpae remissionem, non autem quoad characterem imprimendum, nec quoad tollendum omnem reatum poenae: dicitur *fluminis*, quia fit per impulsus Spiritus Sancti, qui flamen nuncupatur. De fide autem est per Baptismum fluminis homines salvari ». L. 96., La-Croix 244., S. Th. 1. c.

4. *Quid sit Baptismus sanguinis?* — Baptismus *sanguinis* est sanguinis effusio seu mors tolerata pro fide, aut pro alia virtute christiana. Hic autem Baptismus equiparatur vero Baptismo, quia quasi ex opere operato ad instar Baptismi remittit culpam et poenam: dicitur *quasi*, quia martyrium non ita striete et proprie operatur sicut Sacramenta, sed ex quodam privilegio ratione realis imitationis passionis Christi. Ideo martyrium prodest etiam infantibus; Ecclesia SS. Innocentes prout veros martyres colit. L. 97., S. Th. 1. c. — Ad martyrium adulti, ut sit quale oportet ad salutem, requiruntur quinque: 1.<sup>o</sup> mortis irrogatio; 2.<sup>o</sup> acceptatio eiusdem ex pia causa; 3.<sup>o</sup> ut non resistat tyranno; 4.<sup>o</sup> ut fide teneat veritatem pro qua patitur; 5.<sup>o</sup> legitima ad gratiam dispositio. Quanam vero sit talis dispositio controversatur: 1.<sup>a</sup> sententia docet, necessariam esse veram contritionem, ex dilectione Dei super omnia profectam; 2.<sup>a</sup> tenet sufficere voluntatem patiendi pro Christo, nec opus esse alia poenitentia, etiamsi homo recorderetur suorum peccatorum; 3.<sup>a</sup> asserit, requiri saltem attritionem, si homo sit conscius peccati. — Pro solutione notandum est, contritionem posse dupliciter requiri ad fructum martyrii: primo directe, tanquam necessariam dispositionem: secundo indirecte, tanquam opus necessarium ad vitandum novum peccatum. — Si is, cui martyrium imminet, sit in peccato mortifero, necessaria est illi ad fructum martyrii contritio indirecte, vel saltem attritio, quae putetur esse contritio, tanquam opus necessarium ad vitandum novum peccatum, quod fructum illius impediret. Ratio, quia si unquam obligat praeceptum contritionis, maxime in periculo mortis. — Attamen contritio non est necessaria per se et directe, ut dispositio ad fructum martyrii, sed requiritur et sufficit attritio. Ratio 1.<sup>a</sup> est, quia PP. martyrium aduultorum, in vi delendi peccatum aequant Baptismo. Ubi notandum est, ipsam mortis per passionem secundum se comparari cum Baptismo, eique non minorem vim tribui in peccatis abluendis, quam Baptismo; neque hanc vim tribui internae contritioni, sed operi externo. Ergo sicut baptismus non requirit contritionem, ut gratiam conferat, ita nec martyrium. Ratio 2.<sup>a</sup> est, quia certum est ad remissionem culpae requiri semper aliquam poenitentiam in adultis ex Trid. S. 14. C. 1. — Theol. Wirecb. 57. seqq., Suarez D. 29. S. 1. 2., L. 95., S. Thom. Quodlib. 6. a. 4., 2.2. q. 124. a. 1., 3. p. q. 66. a. 12. ad 2.

5. *Nota:* « De illis, qui in obsequio pestiferorum ex caritate moriuntur, dicit Martyrol. Rom. 28. Febr.: « Quos velut martyres religiosa fides venerari consuevit ». L. 100.

6. *Quanam sint Baptismi effectus?* — Baptismus est spiritualis regeneratio. Hinc per infusionem gratiae sanctificantis: 1. delet omnem culpam, et 2. remittit omnem poenam debitam peccatis. Unde grave est baptizatis satisfactio: imponere. Denique 3.<sup>o</sup> imprimit characterem: unde iterari non potest. Contra quoad 1.<sup>am</sup> C. *Maiores* 3. *De bapt.*, etc., Trid. S. 5. Decr. de pecc. orig., quoad 2.<sup>am</sup> ex Trid. ib. et ex Flor. in Decr. pro Armenis; quoad 3.<sup>am</sup> ex Flor. ib., et ex Trid. S. 7. de Baptismo. — Cat. Rom. 42. seqq., S. Th. 3. p. q. 69., q. 68. a. 5. — Baptismus igitur est velut ianua Ecclesiae et regni coelorum. Hinc si quis non fuerit valide baptizatus, nullum aliud Sacramentum valide recipere potest. CC. 1. 3. *De Presb. non bapt.*, Flor. Decr. pro Armen.

7. *An Baptismus sit necessarius?* — Baptismus aquae in re vel in voto ex divina institutione est omnino necessarius ad salutem, necessitate medii. Constat ex verbis Christi, Joan. 3., 5.; *Nisi quis renatus fuerit ex aqua et Spiritu Sancto, non potest introire in regnum Dei.* Et ex C. Trid. S. 7. Can. 5. de Bapt.: *Si quis dixerit Baptismum liberum esse, hoc est, non necessarium ad salutem, anathema sit.* Cf. Cat. Rom. 31. 21., S. Th. 3. p. q. 68. a. 1. 2., Cf. Commentar. De Necessitate medii. — G. 235.

## II. — DE MATERIA ET FORMA BAPTISMI

8. *Quaenam sit remota Baptismi materia?* — 1.<sup>o</sup> Materia valida Baptismi est sola aqua naturalis, seu elementaris, apta ad abluendum. Est de Fide. Constat ex verbis Christi, Joan. 3., 5., et ex Conciliis, praesertim ex Flor. in Decr. pro Armenis, et ex Trid. S. 7. C. 2., de Bapt.: Cat. Rom. 7. seqq., L. 103., S. Th. 3. p. q. 66. a. 3. 4. — 2.<sup>o</sup> Materia licita Baptismi, extra casum necessitatis, est sola aqua benedicta seu consecrata, et chrismate immixta iuxta ritum Ecclesiae, saltem pro Baptismo solemn. Constat ex Rit. Rom., et praxi Ecclesiae. — Certo autem peccat graviter peccato sacrilegii, qui absque gravi necessitate utitur aqua impura, turbida, aut feculenta, licet haec materia sit valida. — G. 236., L. 102.

9. *Nota:* In periculo mortis, si non possit haberi materia certo valida, potest et debet adhiberi dubia sub hac conditione: Si haec materia sit sufficiens. Tunc autem sufficit etiam tenuis probabilitas de valore materiae, quia in necessitate proximo succurrendum est meliori, quo fieri possit, modo. Si vero sic baptizatus supervixerit, habita copia materiae certo validae iterum baptizari debet sub hac conditione: *Si non es baptizatus, ego te baptizo*, etc. C. *De quibus* 2. *De Bapt.*, etc. — L. 103., G. 236.

10. *Resolves:* 1.<sup>o</sup> Materia valida est: 1.<sup>o</sup> aqua fontium, puteorum, fluminum, maris, stagnorum, paludum, lacuum, cisternarum; 2.<sup>o</sup> aqua resoluta ex glacie, nive vel grandine, quia servat eandem substantiam, licet accidentaliter immutata sit quoad colorem, saporem aut odorem; 3.<sup>o</sup> aqua sulphurea, vel mineralis, aqua collecta ex vapore, rore, vel effluens tempore nimboso ex pariete, foliis, etc.; 4.<sup>o</sup> aqua turbida, mixta cum alia substantia, modo aqua sit materia vere et certe praedominans, ita ut iuxta usum aut aestimationem hominum adhuc aqua dici possit. L. 103., Elbel. n. 8., et alii communiter. — 2.<sup>o</sup> Materia invalida est lac, sanguis, lacrymae, sudor, saliva, sputum, urina; vinum, oleum, cerevisia, ius densum ex adipi, etc.; lutum, atramentum. — 3.<sup>o</sup> Materia dubia est iusculum valde tenue, lixivium, cerevisia tenuis, aqua ex sale soluta; ita communiter cum S. Lig. 103.; humor fluens e vite, aliisque plantis. L. 104. — Cf. S. Th. 3. p. q. 66. a. 4., C. *Non ut* 5. *De Bapt.* etc., G. 237.

11. *An aqua per artem chemicam effecta, distillata, venenata, sit materia apta ad baptismum?* — R. Affirmative. Nam est vera aqua. L. 104. 106.

12. *An glacies, sive nix, non soluta sit materia apta?* — R. Alii negant, alii dubitant, « ideo dicunt posse in necessitate adhiberi sub conditione ». L. 104.

13. *Quaenam sit materia proxima Baptismi?* — Materia proxima Baptismi est ablutio, quae tribus modis fieri potest, scilicet *immersione, aspersione* et *infusione*, iuxta praxim diversarum Ecclesiarum, ita ut morali hominum iudicio baptizatus censeatur esse lotus. Constat ex verbis formae, et perpetua praxi Ecclesiae, necnon ex Paulo Ephes. 5., 26.: *Mundans lavacro aquae in verbo vitae.* — G. 238., S. Th. 3. p. q. 66. a. 7. 8.

14. *An infans in periculo mortis possit baptizari in utero matris?* — 1.<sup>o</sup> « Si infans, inquit Rit. Rom., caput emiseric, et periculum mortis im-

mineat, baptizetur *in capite*; nec postea, si vivus evaserit, iterum est baptizandus ». — 2.<sup>o</sup> Si *e contrario* sit penitus clausus in utero, et baptizetur per ablutionem corporis matris, « certum est non valere baptismum, quia infans est persona a matre distincta ». — 3.<sup>o</sup> Si uterus aliquo modo penetrari possit, et puer secundina involutus mediante aliquo instrumento attingatur, probabiliter valide baptizatur, quia illa habetur velut pars infantis. 4.<sup>o</sup> Si mediante aliquo instrumento secundina scindatur et ipsum corpus infantis aqua attingatur, *verius* adhuc est valide conferri Baptismum. Ratio, quia talis infans cum iam existat homo viator, bene potest Baptismum recipere. Cf. L. 107. 123., Pignatelli Consult. 153. Tom. 1., Benedict. XIV. De Syn. l. 7. C. 5., S. Th. 3. p. q. 68. a. 11.

15. *An valeat Baptismus, si quis proiciat infantem in puteum vel flumen, et formam pronuntiet?* — 1.<sup>a</sup> sententia negat; 2.<sup>a</sup> sententia affirmat. « Utraque probabilis est ». L. 106., La-Croix 265.

16. *An liceat proicere in flumen infantem ad eum baptizandum?* — R. Negative. « quamvis sit mox decessurus sine Baptismo, quia nunquam est licitum ob quaecumque causam directe occidere innocentem . . . Quamvis autem non liceat puerum in flumen iniicere, licitum est tamen aqua etiam gelida, si alia haberi non possit, puerum mox moriturum baptizare, etiamsi timeretur ex hoc mors acceleranda ». L. 106. Actio enim de se indifferens est, duplicem habens effectum, et ad obtinendam vitam aeternam, bene negligi potest parva vitae temporalis iactura.

17. *An Baptismus collatus manus madefactae applicatione validus sit?* — R. Neg. Ratio, quia non habetur ablutio, quae materia proxima est Baptismi.

18. *An Baptismus validus sit, si baptizans motu digiti madefacti partem corporis baptizandi abluere?* — Plures affirmant: quia habetur sufficienter ablutio. Non desunt vero qui Baptismum dubium existimant, quia illa ablutio valde imperfecta est. Hinc dubius etiam est Baptismus, si quis duobus vel tribus aquae guttis baptizetur. L. 105. IV. 107. q. 6., Elbel 16.

19. *An valeat Baptismus, gossypium aqua madidum fronti applicando?* — R. Affirm., si aqua per frontem successive fluxit, ut facile fieri potest, gossypium nonnihil premendo, tunc enim vera ablutio habetur. Negative, si sit merus contactus aquae super frontem; tunc enim ablutio minime habetur. Cf. Suarez de Sacr. D. 20. §. 2.

20. *An valeat Baptismus si parochus, vel alius minister infantem pluviae cadenti subiciat?* — R. Affirm., nam eo modo infantem vere abluit. Attamen melius esset aquam in vola manus colligere et caput infantis cum illa abluere. E contra invalidum esset Baptismus collatus nive, gelo, grandine, capiti applicatis, et naturali calore resolutis; ablutio enim non haberetur ex actione ipsius Ministri.

21. *An trina ablutio ad Baptismum requiratur?* — 1.<sup>o</sup> Certo non requiritur ad validitatem; unica enim sufficit, ut quis censeatur vere ablutus. Ita omnes cum S. Th. 3. p. q. 66. a. 8. — 2.<sup>o</sup> Requiritur autem ad licitatem, et quidem sub gravi, ubi praescribitur haec trina aquae effusio, ut in Rit. Rom. Haec tamen de Baptismo solemniter intelligenda videntur. — G. 240.

22. *An valeat Baptismus, si aqua tangat vestes aut crines baptizandi?* — 1.<sup>o</sup> Si aqua tangat tantum vestes, certo invalidus est Baptismus; quia sic nemo diverit, hominem abluere. — 2.<sup>o</sup> Probabilius autem validus est, si aqua crines tangat. Sed in praxi tutior pars sequenda est. L. 107. q. 3. Hinc si baptizandus sit capillatus, vel digitis sinistrae manus caesariem eius discriminet Sacerdos, dum dextera aquam infundit, vel in fronte eum baptizet. Scav. — G. 239., Lugo Resp. Mor. 1. 1. D. 1.

23. *An valeat Baptismus collatus in alia parte, quam in capite?* — R. Affirm. probabilius, praesertim si baptismus in parte aliqua principaliori



conferatur, v. gr., in pectore, scapulis, etc. . . . Attamen si necessitas ad id compulerit, postea, si fieri possit, iterandus sub conditione baptismus foret. L. ib. qu. 4. « Ex praecepto tamen caput abluendum est, quod praxis Ecclesiae habet ». L. 105. Caput enim praeceptum corporis pars est. S. Th. 3. p. q. 66. a. 7. ad 3.

24. *Quaenam est forma Baptismi?* — Forma Baptismi est: *Ego te baptizo in nomine Patris et Filii et Spiritus Sancti*. Apud Graecos autem dicitur: *Baptizatur talis servus Christi*, etc.; CC. *Si quis* 1., *Non ut* 5. *De Bapt.* Flor. Deerr. pro Armen., Trid. S. 7. c. 4. Plures Theologi, inter quos S. Alphonsus, censent, veniale esse omissionem vocis *Amen*, in fine formae Baptismi, quae tamen vox non reperitur in Rit. Rom. Quaeritur ergo utrum adhibenda sit, vel omittenda? Resp. S. R. C.: « Strictim in casu servetur Rituale Romanum ». 9. Jun. 1853. — G. 241.

25. *Nota*: 1.<sup>o</sup> « Quinque sunt, quae significantur in prolatione formae, iuxta quae valor eius debet expendi: 1.<sup>o</sup> *Persona baptizantis*, saltem implicite, quod in forma Graecorum non negligitur, cum *te baptizetur* idem valeat, ac baptizetur a me. — 2.<sup>o</sup> *Actus baptizandi*, quia alioqui forma non haberet connexionem cum materia, eamque non determinaret, cum ablutio ad varios fines possit referri. — 3.<sup>o</sup> *Persona baptizandi*, quia uti ablutio, ita et forma circa certam personam versari debet. — 4.<sup>o</sup> *Unitas divinae naturae*, quod fit per vocem, *in nomine*. — 5.<sup>o</sup> *Trinitas personarum*: idque explicite et distincte vulgaribus vocabulis », L. 108., nimirum invocatione Trinitatis. Flor. De variis formis dubiis Cf. L. 108.-112., 119.-120., et C. *Debitum*, 4. *De Bapt.* — 2.<sup>o</sup> Expedit obstetrices baptizare lingua vulgari et vernacula. Sed ratas esse aiunt has formas: *io ti abbattezzo*, S. C. C. 12. Maii 1753.; *Ego te baptismo*, S. U. I. 22. Maii 1187, Del Vecchio V. II. n. 425. I., *Io ti batteesimo*; *Io ti battezzo nome di Padre*, ead. S. C. 12. Sept. 1801., seu *del nome del Padre*, vel *in domine Patris*, Scav. V. III. n. 217., *in nom.* (abbreviate) *Patris*, L. 110.

26. *An valeat Baptismus, si in forma omittatur pronomen ego, particula in, vel particula et ante Filii tantum invocationem, vel etiam ante invocationem Spiritus Sancti?* — R. Ad 1.<sup>am</sup> Affirmative; nam implicite in verbo continetur, sed veniale est. L. 111. — Ad 2.<sup>am</sup> non desunt qui negant valere, quia omissa praepositione *in*, variatur significatio, tunc enim sensus non est, quod baptizetur in invocatione Trinitatis, sed quod baptizetur auctoritate, potestate et imperio Trinitatis. Verum probabilius affirmandum est valere iuxta indolem linguae latinae, qua omitti potest praep. *in*: tanto magis quod, adhuc expressa praep. *in*, illud *in nomine* aequivocum manet, et potest significare tum *in invocatione* tum *in potestate*, prout significavit Christus, cum dixit: *In nomine meo daemonia eiicio*, etc. Determinatur autem intentione Ministri. L. 112. — Ad 3.<sup>am</sup> Valet, quia sufficienter explicatur distinctio Personarum. L. 111. — Ad 4.<sup>am</sup> Plures dicunt valere, quia iterum sufficienter explicatur distinctio Personarum. Nam ex una parte indoles linguae latinae omnino admittit eam omissionem, ex alia parte nomina illa P. F. S. S., utpote inter se relative opposita, iam significant distinctionem Personarum. Verum alii plures dicunt non valere: etenim cum nomen Spiritus Sancti per se non sit notionale, sed competat tam Patri tam Filio, nisi particula *et* exprimatur saltem ante ultimum nomen non sufficienter exprimitur distinctio trium Personarum. L. 111.

27. *An validus sit Baptismus collatus his formis: Ego te baptizo in Patre, cum Patre, ex parte Partis, in virtute Patris, etc. in nomine Patris per Filium et S. Sancti?* — Baptismus non valet vel saltem dubius est: quia non habetur his formis invocatio SSmae. Trinitatis, et unitas divinae naturae, quamvis habeatur distinctio Personarum. « Refert Scav. V. 3. n. 59. a S. Poenit. et a S. C. C., imo ab ipsomet Ben. XIV. d. 7. Dec. 1741. responsum fuisse valere formam *cum Patre*, etc., sed quamdiu de his non constat authenticè, non oportet recedere a sententia communi ». D'Annib. 133.

28. *An validus sit Baptismus hac forma: Ego te baptizo in nomine Patris, in nomine Filii, in nomine Spir. S., vel in nomine Patris, et in nomine Filii, et etiam Spiritus Sancti, vel Ego te baptizo in nomine Patris, ego te baptizo in nomine Filii, ego te baptizo in nomine Sp. Sancti?* — R. Affirm., probabilius: quia locutiones sunt omnino aequivalentes, si grammaticae considerentur. Verum cum minus recte exprimatur Unitas divinae essentiae, si significatio theologiae et mysterium attendatur, ut dubiae saltem habendae sunt, quamvis omnes illae locutiones theologice verae sint, et catholicam contineant veritatem. Cf. Rit. Rom. Ord. Comm. Anim.

29. 1. *An valida sit forma Baptismi, si dicatur: Ego te baptizo in nomine Sanctissimae Trinitatis, vel in nomine Christi?* — R. ad 1.<sup>um</sup> Neg., saltem probabilius, quia in tali forma non sat distincte exprimuntur singulae personae Sanctae Trinitatis, siquidem vox Trinitas tantum confuse et implicite Personas significat; Christus autem voluit, ut distincte exprimerentur, prout patet ex Matth. c. ult. Ita communiter. L. 111. — Ad 2.<sup>um</sup> Neg., etiam a fortiori, quia nullatenus exprimitur Trinitas per  $\tau\epsilon$  in nomine Christi. Ita omnes saltem nunc post S. Thomam 3. p. q. 66. a. 6., et constat ex Iure can. in C. *Si revera* 30 de Consecrat. Dist. 4., L. 112. — G. 242.

### III. — DE MINISTRO BAPTISMI

30. *Quinam sit Baptismi Minister?* — Minister Baptismi alius est *ordinarius*, et alius *extraordinarius*. Iterum Minister extraordinarius est duplex: nempe Minister *solemnitatis* et *necessitatis*. — 1.<sup>o</sup> Omnis et solus Sacerdos vi suae ordinationis est minister ordinarius Baptismi. Constat ex variis locis Iuris can. et ex Conc. Florent. in Decreto unionis, nec non ex universalis Ecclesiae praxi. S. Th. 3. p. q. 67. a. 2. — 2.<sup>o</sup> Diaconus est Minister extraordinarius et solemnitatis, id est, valens solemniter baptizare, sed tantum ex delegatione, et de gravi causa. Constat ex Iure can., et Pont. Rom., seu ex instructione Episcopi ad Diaconos in ordinatione, etc. L. 116. — 3.<sup>o</sup> Quilibet homo ratione utens, sive vir, sive mulier, sive catholicus, sive haereticus, sive fidelis, sive infidelis, est Minister extraordinarius Baptismi, ita ut semper valide, et in necessitate etiam licite, baptizare possit. Flor. Deer. pro Armen. — 4. Licet omnis Sacerdos vi ordinationis potestatem habeat baptizandi, non potest tamen ea licite uti, etiam privatim, extra casum necessitatis, nisi iurisdictionem ordinariam vel delegatam habeat. Constat ex Iure can., et ex Rit. Rom. De Min. Bapt. In praesenti regulariter Minister Parochus est. Rit. Rom. ib., et grave est. Clem. I. De Pric. — G. 243. S. Th. 3. p. q. 67.

31. *Resolves: 1.<sup>o</sup> Nec Parochus, nec Episcopus, absque commissione, extra suam diocesim vel intra eam alienos licite baptizat. Ideoque peccant etiam parentes, qui sine licentia sui Praelati alteri deferunt suam prolem baptizandam, siquidem ius Parochi violant.* L. 114. — 2.<sup>o</sup> Extraneus autem baptizari potest de licentia sive expressa, sive rationabiliter praesumpta proprii Sacerdotis. L. 115. — 3.<sup>o</sup> Possunt Religiosi baptizare in casu necessitatis, vel de eodem Parochi et proprii Superioris licentia, cum nulla lege hoc prohibeat. L. ib. — G. 244. — 4.<sup>o</sup> « Sacerdos sine licentia extra necessitatem baptizans, etiam sine solemnitate peccat graviter ». L. 115.

32. *An si parentes habeant domicilium uno in loco, quasi-domicilium in alio, et in hoc malis causa fuerit, debeat in hoc infans baptizari?* — Poterit infans baptizari in loco quasi-domicilii, vel domicilii. Ratio, quia uterque est parochus proprius in ordine ad baptismum et alia Sacramenta recipienda. C. *Significavit* fin. De Paroch. L. 115.

33. *In qua parocchia baptizari debeat infans, si parentes nec domicilium vel quasi-domicilium habeant, vel ab illo distent?* — « Peregrini, vel

(vagi) qui domicilium non habent, possunt baptizari in Ecclesia, quam elegerint ex cap. *Nec numerus*, q. 3... Si autem mulier casu pariat in pago non suo, proles ab illius pagi Parocho est baptizanda: verumtamen, si ille pagus parum distet a pago proprio, v. g. duabus aut tribus horis, potest baptizari proles etiam in ecclesia sua. La-Croix 275. cum Gob. s. L. 114.

34. *An clericus non diaconus et diaconus sine commissione solemniter baptizans incurrat irregularitatem?* — R. ad 1.<sup>am</sup> Affirm. Constat ex C. *Si quis* 1. *De Cler. non ord. min.* — Ad 2.<sup>am</sup> aliqui negant. Sed probabilius alii ex eod. C. *Si quis* affirmant, iuxta sententiam, quam communissimam dicit S. Alph. 116.

35. *An laicus baptizans solemniter contrahat irregularitatem?* — R. Negative. In iure enim nihil dicitur, imo contrarium insinuat. L. 116.

36. *Quis ordo servandus sit inter Ministros Baptismi in casu necessitatis?* — In Rit. Rom. sic habetur: « Si adsit Sacerdos, Diacono praeferatur, Diaconus Subdiacono, Clericus laico, et vir foeminae, nisi pudoris gratia deceat foeminam, potius quam virum, baptizare infantem non omnino editum, vel nisi melius foemina seiret formam et modum baptizandi ».

37. *An grave sit, si pater aut mater, alio praesente, baptizent?* — R. Affirmative, ratione cognationis spiritualis. Quare ipsis persona extranea, etiam mulier, est praefereunda. L. 117., La-Croix 277.

38. *An peccet mortaliter laicus, qui in necessitate, praesente Sacerdote, baptizat?* — R. Affirm. cum sententia communi. Ratio est, quia vere tunc usurpat ius Sacerdotis, cui ex potestate Ordinis commissum est munus baptizandi. Ideo etiam Sacerdos ipse graviter peccaret, si laico administrationem cederet. L. ib. — G. 245.

39. *An, praesente sacerdote excommunicato, praefendus sit laicus non excommunicatus?* — R. Affirmative. Ratio est, quia si laicus adsit, iam nulla est necessitas, cur sacerdos excommunicatus baptizet. L. 117.

40. *An peccet graviter laicus baptizans coram Diacono?* — Controvertitur. 1.<sup>a</sup> Sententia probabilis affirmat; quia Diaconus ex vi ordinationis ad baptizandum deputatur, licet ex praxi actuali Ecclesiae solemniter baptizare non possit, nisi gravi de causa et cum Parochi licentia. — 2.<sup>a</sup> Sententia, pariter probabilis, negat, quia Diaconus baptizans in casu necessitatis sine commissione, non baptizat ex officio, sed eodem modo ac Clericus inferior vel laicus. S. L. ib. dicit utramque sententiam probabilem esse. — G. 246.

#### IV. — DE CAEREMONIIS BAPTISMI

41. *An sub gravi adhiberi debeant caeremoniae ab Ecclesia praescriptae?* — R. Affirmative, nisi necessitas excuset. Rit. Rom. *De Bapt.* C. 1. § 2. Cf. S. Th. 3. p. q. 81.

42. *An servandus sit ritus Ecclesiae propriae Latinae, seu Graecae?* — R. Affirmative et quidem sub gravi. Bened. XIV. C. *Etsi Pastoralis* § 2. Cf. Rit. Rom. *De Bapt.* l. c. Idque valet etiam Graecus inter Latinos, vel Latinus inter Graecos versetur, nempe si eo in loco extet Ecclesia proprii ritus, alias uti poterit ritu, quem potius voluerit. L. 202. 203.

43. *An grave sit extra casum necessitatis solemniter baptizare sine aqua consecrata?* — R. Affirm., quia omissio valde gravis caeremoniae est. « Generice loquendo omissio aquae benedictae est mortale ». L. 102. In casu necessitatis, « si non habeatur aqua Baptismalis, et periculum impendat, Sacerdos utatur aqua simplici ». Rit. Rom. *Ordo Bapt. parvul.* in fine. Sed



curari debet, ut fiat aqua benedicta, sive lustrali, ob maiorem decentiam. L. 102. Cf. Frassinetti Comp. Theol. Mor. Not. 99.

44. *An grave sit baptizare sine unctione olei catechumenorum, vel sine unctione chrismatis?* — R. Affirm., quia hae at aliae similes caeremoniae ob earum specialem et gravem significationem materiam gravem constituunt. L. 141.

45. *Quomodo intelligenda sit prohibitio utendi chrismate veteri, seu alterius anni?* — 1.<sup>o</sup> Rigorose sumenda est, quando chrisma novum habetur. Graviter igitur peccaret Sacerdos, qui chrismate recenti posthabito, veteri uteretur. — 2.<sup>o</sup> Licet autem in Baptismo solemniter uti chrismate anni praecedentis, usquedum consecratum chrisma recens acceptum fuerit. Igitur non ideo debet chrismatis et olei unctio omitti, quod olea recens benedicta haberi nondum potuerint, nec ea de causa Baptismus differi ad aliud tempus debet, quantumvis breve. Ita contra non paucos, ex S. R. C. 19. Sept. 1859. Benedictio autem fontis baptismalis in Sabbato sancto fieri debet cum chrismate praecedentis anni, nisi Parochus olea recentia sibi comparare potuerit, nec debet omitti infusio chrismatis et olei usquedum aliud accipiat. Ita ex Decis. cit. S. R. C., et 23. Sept. 1837. Cf. A. S. S. V. 3. p. 628. In ecclesiis, ubi fons adest baptismalis, illius benedictio omnino peragenda est non modo in Sabbato sancto, verum etiam in vigilia Pontecostes. S. R. C. 7. Dec. 1844.

46. *Quid, si aqua consecrata, et olea benedicta deficere videantur, et alia benedicta haberi nequeant?* — Superinfundi potest in minore quantitate aliud oleum et alia aqua non benedicta, idque toties quoties fuerit necessarium, quamvis maior pars demum praeeexistenti adiciatur. Rit. Rom. *De Mater. Bapt., De Sacris oleis.*

47. *An grave sit, sine urgente necessitate, extra ecclesiam baptizare?* — R. Affirmative. Clem. un. *De Bapt.* L. 142.

48. *An possit aliquando Baptismus extra ecclesiam conferri?* — « Notandum quod prohibentur infantes baptizari domi, *exceptis regum vel principum*, ut habetur ex Clem. un. *De Bapt.* Et cum hic agatur de re gravi, transgressio erit quidem mortalis.... His tamen non obstantibus, ubi introducta est consuetudo, domi baptizandi filios *magnatum*, ipsa non est facile improbanda ». L. 118. — Id etiam licitum erit, si infans nequit in ecclesia deferri sine periculo infamiae parentum. L. 142. — Cum Baptismus reiterandus est, « potest dari in quocumque loco, si peractae iam sint sollemnitates in ecclesia ». L. 136. — Baptismus sollemnis ex Iure Can. nunquam conferri potest extra ecclesiam et quidem parochialem, excepto casu necessitatis, privilegii aut facultatis specialis ab Ordinario obtinendae. Quare baptizare non licet in aliis ecclesiis seu sacellis aut oratoriis, sive privatis sive publicis, nisi de sola Episcopi licentia; et hoc, non obstante qualibet consuetudine, ut constat ex Declaratione. S. Congr. Conc. 7. Febr. 1734. G. Cas. 221. 222. — Nec sine rationabili causa ab Episcopo approbanda licet Baptismum sollemniter conferre in sacristia SS. CC. Rit. 16. Mart. 1861. Si sacerdos in necessitate extra ecclesiam baptizet, omittere debet omnes caeremonias quae Baptismum praecedunt, etiamsi infans tandiu victurus videatur: collato autem Baptismo ut supra, debet infantem in vertice ungere Chrismate, si habeat, imponere vestem albam, et candelam accensam praebere. Cum autem convalescit infans, praesentandus est in ecclesia, ibique, et nunquam extra ecclesiam, supplendae sunt caeremoniae omisssae, quae Baptismum praecedunt. S. R. C. 23. Sept. 1820. — Haec S. Alph. 143. « postquam aliquis privatim baptizatus est, consuetae caeremoniae et ritu in ecclesia suppleri debent ». L. 136. « Et hae caeremoniae sunt supplendae sub mortali ». Cf. Rit. Rom.

49. *Quid de nominibus baptizatis imponendis?* — « Quoad nomina baptizatis imponenda, quod Rit. Rom. cavet, hoc aut consilium est, aut

praeceptum leve, S. Alph. 145. Et si is, qui puerum baptizandum defert, nolit prorsus eum baptizari, nisi imposito impri alicuius vel Ecclesiae hostis nomine, non ideo fas est illi baptismum differre, sed baptizandus est, addito submissa voce nomine alicuius Sancti, S. C. I. Jun. 1883 \*. D'Annib. 63.

50. *An interrogationes, quae ex Rubrica Ritualis Romani patrinis faciendae sunt, lingua vernacula fieri possint?* — R. Neg., sed omnia fieri debent prout in Rit. Rom. iacent, S. R. C. 12 Aug. 1854. Ceterum nihil obstat, quominus vernacula lingua explicentur, quae pertinent ad ipsum Sacramentum Baptismi, S. O. 30. Apr. 1808. — G. 255.

51. *Si Baptismus solemniter collatus deprehendatur inculpatus, an etiam caeremoniae repetendae sint?* — Controveritur. Duplex est sententia probabilis. Unde caeremoniae non sunt necessario repetendae: suatendum tamen est, ut repetantur, si absque scandalo vel infamia fieri possit. — G. 254.

## V. — DE PATRINIS

52. *An in Baptismo patrimi sint adhibendi?* — Patrimi, quasi patres spirituales, ii sunt qui baptismatum de sacro fonte levant, et suscipiant in suam curam. In Baptismo *solemni*, et in Confirmatione etiam, sub gravi adhiberi debent. Trid. S. 24. C. 2. de R., Bened. XIV. C. *Inter omnigenas* § 19., L. 159. 185. In Baptismo *privato* necessario adhiberi non debent, sed laudabiliter adhiberi possunt. L. 147.

53. *Quidnam Patrimi esse nequeant?* — R. 1. *Validè* esse nequeunt, qui non sunt compotes sui, velut infantes, L. 146., non baptizati, C. 102. *de Consecr.* D. 4., et in Confirmatione non confirmati, C. cit. 102. et S. C. C. 13. Jun. 1624., et est grave, L. 186., Sanchez de Matr. l. 7. D. 60. n. 20. — 2.<sup>o</sup> *Licite* autem esse non possunt illi, qui suscepto munere fungi non possent, ut muti, regulares, nisi monachus sit confirmandus, C. 103. *De Consecr.* D. 4., L. 156., La-Croix 355. 397.; item illi, qui sunt indigni, ut haeretici, criminosi, infames, etc. Rit. Rom. De Patr., si removeri possint sine gravi damno, quum leges Ecclesiae non obligent eum incommodo gravi, S. Poenit. 10. Dec. 1860., L. 156. IV. Verum haereticus nullatenus admittendus, et si removeri non possit sine gravi incommodo, admitti posset ut more assistens et testis, quin infantem tangat, cum baptizatur, La-Croix 373. Cf. Kenrick V. 2. Tr. 15. n. 47. Denum patrimi esse non possunt coniuges respectu coniugum, et parentes respectu filiorum, C. 2. *de Cognat spir.*, C. 7. Cau. 3. 1. L. 156.; neque idem in utroque Sacramento, sed hoc leve est, L. 187.

54. — *Nota:* « In privato Baptismo ob necessitatem dato, pater non debet suscipere, aut tenere tanquam patrinus infantem, cum in hoc casu nulla sit patrimi necessitas, ideoque si id vel tunc, vel etiam in Baptismo publico temere faciat, graviter peccat ». L. 158.

55. *An duo coniuges possint licite suscipere alienam prolem?* — R. Affirm. Ratio, id enim iam consuetudine introductum est. L. 157.

56. *An pater possit esse patrinus in baptismo sui filii illegitimi?* — R. Affirm. Ratio est, quia prohibitio facta coniugatis fuit, ne quis pro uxore habeat cognatam suam spirituales. At talis ratio non militat in casu nostro, E. Lugo Resp. Mor. l. 1. D. 5. n. 4.

57. *An pater possit esse patrinus in Baptismo filii suae coniugis ex alio marito?* — R. Negat. Ratio est, quia prohibitio facta est coniugatis, ne contraherent cognationem spirituales cum propria coniuge. At haec ratio omnino verificaretur in casu nostro, E. Lugo ibid.

58. *An pater possit licite patrinus esse in baptismo filii, si eo tempore uxor iam mortua sit?* — R. Affirm. Nam 1.<sup>o</sup> solum prohibentur coniugati suum vel coniugis filium in Baptismo tenere. At in casu praesenti ille nec coniugatus est, nec coniugis filium tenet, cum iam coniugem non habeat, matrimonii enim vinculum fuit morte coniugis solutum. E. 2.<sup>o</sup> nam ratio illius prohibitionis fuit, ne quis cum uxore cognationem spirituales contrahat. A. cum mortua nequit contrahi ulla spiritualis cognatio. E. Lugo ib. n. 5.

59. *Quot patrini sint designandi?* — Non licet sub gravi designare in Baptismo plus quam unum et unam; et in Confirmatione unum tantum et eiusdem sexus. Conc. Trid. Designare autem in Baptismo duos mares aut duas feminas, probabiliter est tantum veniale. Ita La-Croix 350. cum Sanch. aliisque. « Bonae, vero et alii dicunt esse mortale, et hoc mihi verius videtur, si Patrini essent diversi sexus ac infans, quia sic multiplicarentur cognationes, quod prohibere voluit Trid., secus si essent eiusdem sexus ». L. 155. Si autem in Baptismo unicus Patrinus adhibeatur, is masculus vel femina esse potest cum in Trid. dicatur « sive vir, sive mulier ». L. 155.

60. *Quaenam sint patrinorum obligationes?* — Patrini obligationem habent docendi baptizatum ea, quae ad fidem et mores pertinent, si id parentes non praesent. Quare ab hac obligatione eximuntur, si prudenter presumant, quod baptizatus a parentibus diligenter instruatur. Rit. Rom. *De Patrinis*. L. 147., S. Th. 3. p. q. 67. a. 8. — Patrini praeterea contrahunt cum filiis, eorumque parentibus spirituales cognationem, quae impedimentum dirimens Matrimonii constituit. Exinde Sacerdos, collato Baptismo, monere debet patrinos de susceptis obligationibus, et de contracta cognatione spirituali. Rit. Rom. *De Bapt. Parrulor.*, S. Thom. Quodl. 12. a. 18.

61. *Quaenam requirantur conditiones, ut quis sit vere Patrinus?* — Requiritur, ut quis. caeteroquin capax, Cf. n. 53., habeat verum animum patrini munus gerendi, L. 146., ut fuerit designatus a parentibus, et eorum defectu, a Parocho vel Episcopo, L. 146., ut animo et facto suscipiat baptizandum vel confirmandum, dum baptizatur vel confirmatur. L. 146. — Affirmat Busenbaum apud S. Alph. 146., parochum non valide mutare patrinos a parentibus designatos. « Sed Tamb. dicit quod Parochus valide mutaret, et adhaeret Croix, quia ex Trid. sufficit designatio parentum, vel parochi; parochus autem mutans patrinum graviter peccaret, ut ait Beda ap. Croix ». L. 146. Cf. infra n. 64. 65.

62. *An pater, qui patrinus sit in baptismo sui filii illegitimi, contrahat spirituales cognationem cum sua concubina?* — R. Affirm., quia leges ecclesiasticae inducentes hanc cognationem spirituales inter patrinum et parentibus baptizati generaliter loquuntur de omnibus filiis sive legitimis, sive illegitimis. De Lugo Resp. Mor. 1. l. D. 5. n. 2.

63. *An contrahatur spiritualis cognatio inter patrinum et parentes legales filii adoptivi?* — R. Neg., quia non sunt veri parentes, h. e. genitores carnales. De Lugo ib.

64. *An patrini ad contrahendam cognationem debeant esse designati?* — Affirmant plures et graves Th. Ratio, quia Trid. S. 24. C. 2. expresse requirit designationem, et proinde, ea deficiente, cognatio non contrahitur. Sed plures et graves alii DD. negant. « Neque enim Conc. Trid. statuit designationem tanquam formam, qua deficiente, factum sit irritum, et ita esse declaratum a S. C. Conc. in Cremonensi Passerinus refert ». De Angelis l. 4. T. 11. n. 3. Quare licet Conc. Trid. praescribat ut Parochus seiscitetur a parentibus quem designaverint, et ut puniatur si aliter fecerit; non tamen dicit suspensionem esse nullam, neque irritat ius antiquum C. fin. *De Cognat. spir.* in 6.<sup>o</sup>, ex quo omnes tangentes cognationem contrahunt. — Cum autem Conc. Trid. dicat: « Si alii ultra designatos baptizatum tetigerint, cognationem spirituales nullo modo contrahent, Constitutio-



nibus in contrarium non obstantibus » : si adsunt patrini designati, sed alius praeter eos tantum tangit, hic solus tunc contrahit cognationem, « quia Concilium dicit eos non contrahere, qui *ultra* designatos tangunt, non vero qui *praeter*... E converso secus omnino dicendum, si tangat unus designatus, et alter non designatus, quia hic nullo modo contrahit, ut patet ex verbis Tridentini ». L. 154. Si plures quam duo designantur, et successive tangant, primi duo tantum cognationem contrahunt; si autem omnes simul tangant, probabilius omnes contrahunt: quia Trid., licet vetet adhiberi plures quam duos, tamen non irritat ius antiquum, nisi cum tangunt plures ultra duos designatos, non vero si tangunt plures designati ultra duos. L. 154. Contrahunt veram cognationem spiritualem patrini a parentibus designati, et iniuste a parocho reprobati, si infantem reapse teneant: secus, si a Parocho iuste reiciuntur. L. 154.

65. « Quaestionis est, ait Jos. D'Annub. 147., 1.<sup>o</sup> an patrinus non designatus cognationem contrahat; 2.<sup>o</sup> an eam contrahant qui forte adhibiti fuerint ultra numerum legitimum, vel 3.<sup>o</sup> non legitimi sexus. Iure veteri nulla opus erat designatione patrini, et quotquot hoc munere fungebantur, et cuiusvis sexus cognationem contrahebant. C. ult. de Cogn. Spir. in 6.<sup>o</sup> In Confirmatione nihil immutatum videtur. Trid. S. 22. de R. M. C. 2. in fin. Utrum vero ea quae Conc. statuit de Baptismo ad Confirmationem trahenda sint dubitat vel ipse Sanchez de Matr. l. 7. D. 57. n. 9. In Baptismo quidam putant opus esse designatione, alii contra. Salm., S. Alph. 154. Si autem plures tetigerint baptizatum, solum designati cognationem contrahunt: Trid. S. 24. de R. M. C. 2., L. 154. Canonistae contra, omnes contrahere putant, Giraldis S. 712.; et si vel omnes designati fuerint vel nulli, quotquot (verius) priores una simul tetigerint. Sanch. C. 7. D. 57. n. 13. 14., S. Alph. 154. Et si vel duo mares, vel duae foeminae fuerint adhibitae, uterque cognationem contrahit, cum Trid. super hac re nihil innovaverit ».

66. *Quisnam contrahat cognationem, si quis suscipiat infantem nomine alterius?* — Controversatur, 1.<sup>a</sup> sententia dicit contrahere solum principalem; 2.<sup>a</sup> sententia dicit contrahere solum procuratorem, quia hic solus infantem suscipit; 3.<sup>a</sup> sententia dicit neutrum contrahere, non principalem, quia non suscipit, non procuratorem, quia hic non intendit contrahere. L. 153. Verum tenendum est procul dubio *mandantem*, cognationem contrahere, non mandatarium, nisi tamen medio tempore intentionem ille revocaverit. La-Croix l. 6. p. 1. n. 365., S. C. C. 15. Mart. 1631., 11. Jun. 1881., A. S. S. V. 11. p. 413. 414. V. 14. p. 417. Hinc non interest cuius sexus sit mandatarius. S. C. C. 29. Mart. 1582., Ferrari n. 19. Nec utrum baptizatus et ipse sit vel confirmatus. Cf. Bened. XIV. Quaest. can. 227.

67. *Qualis actus requiratur in patrinis, ut contrahant cognationem?* — Requiritur, ut patrinus vel teneat aut tangat infantem dum baptizatur, vel statim levet aut suscipiat de sacro fonte, vel de manibus baptizantis vel obstetricis. S. C. C. 27. Febr. 1601. Ferrari *Baptismus* 7., 23., S. C. C. 20. Dec. 1653., 18. Dec. 1688., Giral. Expos. Iur. Pont. P. 2. S. 112. nn. 6. 7. Communiter vero asseritur, factum hunc physicum esse debere, neque moralem sive meram assistentiam sufficere. L. 148.

68. *An suscipiens infantem in Baptismo collato sub conditione contrahat cognationem?* — 1.<sup>o</sup> Affirm. si dubium sit *negativum*, h. e. si nulla solida ratio adsit pro priori baptismo. 2.<sup>o</sup> Neg. si dubium sit *positivum*, h. e. si adsit probabilis ratio pro priori baptismo: nam tunc erit cognatio, et impedimentum dubium, adeoque nullum. L. 151.

69. *An contrahat cognationem, qui ex errore suscipit unum infantem pro alio?* — R. Neg. Controversatur enim inter DD., adeoque, cum sit impedimentum dubium, impedimentum nullum erit. L. 146. 152.

70. *An contrahant cognationem spirituales, qui officium patrini et matrinae exercent in supplendis Baptismi solemnitatibus?* — R. Negative:

quia non habetur tunc Baptismus. S. C. C. 13. Jul. 1642., Ferraris 22., S. C. de P. F. 11. Sept. 1779. ad Episc. Scodren.

71. *An in privato Baptismo contrahatur spiritualis cognatio?* — Nullum dubium, quod baptizans eam contrahat. De patrinis disputatur. *Communior et probabilior* sententia, ex S. Alph. 149., negat; Cœne. enim Trid. cum loquatur de *suscipientibus de sacro fonte*, non nisi de solemnibus baptismo loquitur.

## VI. — DE SUBIECTO BAPTISMI

72. *Quodnam est Baptismi subiectum?* — R. Omnis et solus homo viator nondum baptizatus. — Ad dispositiones quod attinet, in infantibus eorum voluntatem supplet Christus et Ecclesia. In adultis vero ad *valide* recipiendum baptismum requiritur intentio saltem habitualis explicita vel saltem implicita. In iisdem adultis ad *licite* recipiendum baptismum requiritur fides et poenitentia, etc. L. 139., S. Th. 3. p. q. 79. a. 3. ad 2., 4. Dist. 6. q. 1. a. 3. ad 5.

73. *Resolves:* 1.<sup>o</sup> Valide baptizantur infantes, item perpetuo amentes, qui nunquam usi sunt ratione, et proinde censentur eiusdem conditionis ac infantes. Si autem aliquando ratione usi fuerint, *probabilius* non valet Baptismus, nisi ante amentiam illum petiverint. In praxi tamen ii sub conditione essent baptizandi, tum quia non plane constat, eos Baptismum non postulasse, tum etiam quia iuxta plures satis est, si quis habuerit voluntatem suscipiendi omnia ad salutem necessaria. Cf. sup. — 2.<sup>o</sup> Si dubium sit, an infans vivat, baptizandus est sub conditione. Hinc recte censent generatim Theologi, omnes foetus abortivos semper esse baptizandos sub conditione, *si vivat*. — 3.<sup>o</sup> Quando dubitatur, an monstrum sit homo, baptizandum *absolute*, si caput sit humanum, licet membra sint ferina; *sub conditione* vero, si caput sit ferinum, et membra humana. Quod si habeat membra hominis geminata, et dubitetur, num sit unus homo, an duo, duplex baptismus conferendus est, unus absolute, alter sub conditione, in ea parte, qua membra apparent imperfectiora Cf. Rit. Roman. L. 125.

74. *An liceat adultum incitum baptizare?* — R. Negat., idque grave est. C. *Sicut* 9. de *Jud. et Sarrac.*

75. *An infantes statim sint baptizandi?* — « Notandum quod graviter peccant qui per multum temporis differunt infantem baptizare. Id commune est quod omnes... et in Rit. dicitur, Parochus hortetur, ne pueris sacramentum tantopere necessarium nimium differatur cum periculo salutis... Communius et probabilius non est gravis dilatio nisi 10. vel 11. dies excedantur ». L. 118. Salmanticenses censent non esse mortale differre ad 15. vel etiam 20. dies, etiam sine causa urgente. Inno alii cum Suarez dicunt non esse gravem dilationem, si ad mensem non pertingat, licet non adsit causa; statim autem causa, si ad duos menses non extendatur. — S. Th. 3. p. q. 88. a. 3. 9., G. Cas. 224.

76. *An recte baptizentur filii, invitis parentibus?* — Certum est 1.<sup>o</sup> tale baptismum valitum esse, 2.<sup>o</sup> hoc baptismum esse etiam licitum, si agatur de filiis catholicorum, quippe qui Ecclesiae legibus subiciuntur. Dnus. Gousset, id facile non concedit, si impii parentes renuerint omnino. Attamen ipse Gousset observat contrarium esse commune. Etenim id caute fieri potest sine ullo discrimine; et cum filius adhuc degat inter catholicos, perversio non adeo timenda est. Verum non expedit hanc questionem practice resolvere sine episcopi consilio. — Si agatur de infidelium filiis, utrum licite, invitis parentibus baptizentur, affirmat Scotus; verum communior et in praxi tenenda sententia, quam defendunt Thomistae, docet, *generatim loquendo*, filios infidelium illi-

cite baptizari, si eorum parentes sint vel conseantur fore repugnantes, quamvis aliunde Christianis Principibus civiliter subiciantur. Etenim baptizati vel subducuntur a parentibus, et eis fit iniuria: nam *de iure naturae est, quod filius antequam habeat usum rationis, sit sub cura patris*: vel relinquuntur penes eosdem, et fit iniuria Sacramento; cum illud exponatur irreverentiae. Unde etiam non licet eos baptizare, quamvis ab utroque parente sponte offerantur, quoties iidem infantes sub potestate et educatione eorundem infidelium genitorum sunt relinquendi. Firmatur ex praxi Ecclesiae, et ex Bened. XIV. tum Instr. *Postremo nense*, tum Epist. *Probe te*. Imo quoad Hebraeorum filios adest Constitutio Julii III., qui imposuit delinquentibus suspensionem et poenam mille ducatorum. — Diximus *generatim loquendo*. Nam si *christiane poterint educari* etiam licite baptizabuntur: 1.<sup>o</sup> si parentes sint nostra municipia: tunc enim nostri potius iuris sunt quam illorum: 2.<sup>o</sup> si alteruter parentum petat, quia iusta eius voluntas voluntati iniustae alterius praefenda est in favorem fidei et prolis: 3.<sup>o</sup> si mortuo patre, consentiat avus paternus, etiam matre reluctante, cum apud ipsum sit patria potestas: 4.<sup>o</sup> si infans sit in periculo mortis, modo id fiat sine scandalo, nec proinde maius quoddam infidelium odium in christianam religionem atque in christianos saevitia concitetur: tunc enim bono prolis providebitur, quin alieni iniuria fiat: cum ab omni sit subtrahendus hominum potestate per mortem; 5.<sup>o</sup> si suae iam compos rationis baptismum petat ex se: quia in negotio Religionis iam est iuris sui, Cf. G. Cas. 215., dummodo prudenter dubitari non possit, ne postea a Catholica Religione desciscat, Bened. XIV. C. *Postremo nense*, § 22. In dubio autem de usu rationis, sufficit aetas septem annorum, generatim vero favendum est potius filio quam patri. Nam pater agit de vitando levi detrimento, nempe potestatis patriae ad modicum tempus; filius vero agit de vitando detrimento gravissimo, nempe de damnatione aeterna. De Lugo Resp. mor. l. 1. D. 4. 6; 6.<sup>o</sup> si filius sit positus extra curam parentum, ut si esset expositus: tunc enim iuri suo censerentur renuntiasse. Item si bello parentes capti sint: nam iure belli captivi sunt victoris; 7.<sup>o</sup> si pater offerat filium et postea consilium mutet: iam enim Ecclesia ius acquisisset. Ita Benedictus XIV., plura S. C. C. decreta, ac communis Doctorum sensus. — Si tamen proles iam sit, invitis parentibus, illicite baptizata, tunc Benedictus XIV. cit. Instructione prohibet eam reddere parentibus ob certum periculum perversionis prolis et profanationis Sacramenti. — Infantes filios haereticorum, utroque parente invito, Ecclesia baptizare non sol-t. Eos vero baptizatos parentibus reddere oportet, quia haeretici Christi nomen et sacra non detestantur. — Croix 297. seqq., Scav. 73.-75., L. 128.-132., S. Th. 2. 2. q. 10. a. 12., 3. p. q. 68. a. 10.

77. *An Baptismus aliquando repeti possit vel debeat?* — Potest et debet repeti sub conditione, quoties de eiusdem valore adest aliquod dubium non spernendum; secus iterari non potest sine peccato gravi, quia conatus ministrandi sacramentum subiecto incapaci sacrilegium est. — G. 248.

78. *An infantes expositi sint baptizandi?* — R. Affirm., si isti expositi fuerint absque testimonio baptismi collati, nisi aliunde constet eos rite baptizatos fuisse. Si vero expositi sint cum scedula attestante ipsos fuisse baptizatos, controvertitur. *Sententia* communior et verior docet, hos omnes sub conditione baptizandos esse. L. 135. — G. 249.

79. *An sint rebaptizandi infantes sive ab obstetricibus, sive a laicis baptizati?* — R. Negat., nisi adsit probabilis suspicio erroris in collato Baptismo. Ita communissima et vera sententia, inquit S. Lig. 136., ubi decisionem S. Congr. commemorat. — G. ib.

80. *An baptizati ab haeticis rebaptizari debeant?* — R. Certum est de fide ex Trid., validum esse baptismum collatum ab haeticis, quando omnia requisita ad sacramentum adhibentur. « Sed in conversione haeticorum a quocumque secta venerint, inquirendum de validitate baptismi in haeresi suscepti », S. O. 20. Nov. 1848. Et sic baptizandi absolute, sub



conditione, vel nullo modo; prout, facta inquisitione, certo constiterit Baptismum non fuisse rite collatum, vel res dubia sit, vel certo constiterit baptismum validum fuisse. Cf. Euchir. Mor. N. 249.

81. *De operatione caesarea in ordine ad baptizandum infantem nondum natum.* — Operatio seu sectio caesarea in hoc consistit, quod uterus matris gravidæ aperiatur, ut foetus extrahatur. Duplex praecipua quaestio occurrit, scilicet an vel quando fieri possit, aut debeat.

82. *An vel quando fieri possit?* — R. Statuendae videntur sequentes regulae: 1.<sup>a</sup> Regula. Mortua matre, certum est posse fieri operationem caesaream, et quidem statim ac de eius morte constet. Admonendus tamen est loci Praefectus seu Praepositus, et adhibendi sunt testes ab ipso approbati tum ad mortem recognoscendam, tum ad maiorem rei certitudinem, ac praesertim ne operationis auctor tanquam homicidii reus traducatur. Ratio autem cur fieri possit, evidens est: si quid enim obstaret, esset periculum matris: sed ex hypothesi de eius morte certo constat; et aliunde salvari potest vita spiritualis, imo forte et temporalis infantis. — 2.<sup>a</sup> Regula. Vivente matre, nunquam licite fieri potest operatio caesarea, quoties adest periculum seu proximum seu probabile mortis matris ex ipsa secuturæ, quamvis, ea non facta, mater et proles certo periturae sint. Ratio est, quia esset id perinde ac directe matrem occidere, quod nunquam licet. S. Th. 3. p. q. 68. a. 11. ad 3. ubi dicit: «Non debet homo occidere matrem, ut baptizet puerum». L. 106. Hinc fieri non potest operatio, quando deest chirurgus valde peritus, nec quando mater adeo est morbo debilitata, ut operatio, alias non periculosa, sit periculum mortis proximum ex circumstantiis inductura, etc. — 3.<sup>a</sup> Regula. Vivente matre, licite fieri potest operatio caesarea, positis his circumstantiis, scilicet: 1.<sup>o</sup> si illa naturaliter parere non possit, aut moritura sit antequam pariat, cum maximo periculo mortis infantis priusquam baptizari queat; 2.<sup>o</sup> si ex iudicio chirurgi periti absit proximum mortis matris periculum. Potest autem abesse tale periculum, si mater sit robusta, ut constat ex innumeris exemplis, et sententia communiori medicorum et chirurgorum, quorum ars nostris praesertim temporibus multo provecior et perfectior evasit. Elbel, 60., etc. Ratio patet; nullum enim est periculum, vel saltem valde leve est et remotum, atque adeo, si forte mors sequatur, per accidens tantum subsequi videbitur. — G. 256. 257.

83. *An vel quando fieri debeat?* — 1.<sup>o</sup> Mortua matre certo est facienda sub gravi, etiam invitis aut reluctantibus parentibus vel propinquis, si fieri possit; quia ex lege caritatis omni cura et labore salus aeterna infantis procuranda est. Ita S. Th. ib., ubi addit: «Si tamen mater mortua fuerit, vivente prole in utero, debet aperi, ut puer baptizetur». Sic etiam statuit R.t. Rom. Hoc praesertim valet, si immineat tempus partus, quia cum foetus sit robustior, maior spes illum baptizandi affulget. Porro sedula cura adhibenda est, ut regio uteri defunctae servetur calida, usquedum facta fuerit operatio; secus enim infans facilius e vita cederet, antequam baptizari potuerit. — 2.<sup>o</sup> Facienda est operatio etiam vivente matre, si ex iudicio peritorum non possit infans aliter baptizari. Mater autem tenetur per se, et speculative loquendo, sub gravi, illam pati, si fieri possit sine proximo mortis periculo. Ratio est, quia tenetur quilibet incommodum temporale pati ad vitam spiritualem et aeternam infantis servandam. Hoc sequitur ex lege generali caritatis. Ita communiter cum Elbel, 60. L. ib. — Dixi: per se et speculative loquendo; nam in praxi Confessarius cavere debet, ne urgeat matrem sub gravi obligatione ob nimium periculum, ne consensum negando moriatur in statu peccati mortalis; et sic dum vult salvare vitam spiritualem infantis, damnetur ipsa mater. Satis igitur erit illam adhortari ad incisioni consentiendum. — Cacterum, cum constet, saepissime supervivere foetum matri defunctae, affulget magna spes illum, ea mortua, baptizandi, et promde minor obligatio incisionis urget. — Mater non tenetur subire operationem, si, omissa operatione, ipsa sola iudicetur peritura; quia nemo tenetur

mediis extraordinariis et tam arduis vitam servare. Si autem modica tantum spes esset servandae prolis, mater posset quidem, sed non teneretur subire operationem, quia caritas non adeo urget in tanta incertitudine eventus. Ita communiter cum S. Lig. ib. — G. 258. 259.

## DE CONFIRMATIONE

### I. — DE CONFIRMATIONIS NATURA MATERIA ET FORMA

1. *Quid sit Confirmatio?* — Est Sacramentum, quo per manus impositionem et unctionem chrismatis in verbo, datur robur gratiae ad profitendam fidem in baptismo susceptam. Flor. Decr. pro Arm., Cat. Rom. 5., S. Th. 3. p. q. 72. a. 1.

2. *Quinam sint Confirmationis effectus?* — Est robur ad fidem, ubi opus fuerit, constanter profitendam, et ad eam data opportunitate propugnandam. Ideoque affert animae gratiam et auxilia, quibus id praestet. Insuper cum per Confirmationis sacramentum suscipiant homines potestatem et robur ad pugnam spirituales contra hostes fidei, necesse est per illius susceptionem imprimi characterem. Flor. l. c., Cat. Rom. 2. 5. 20. 23., S. Th. 3. p. q. 72. a. 1. 5. 7.

3. *Quanam sit Confirmationis materia?* — R. Duplex est, impositio manuum et unctio chrismatis. Impositio manuum, non ea quae fit initio sacrae functionis, super omnes confirmandos, sed ea quae habetur cum minister singulos confirmandos chrismate benedicto ungit. Chrisma autem conficitur ex oleo olivarum et balsamo cuiusvis regionis. Flor. Decr. pro Arm. Bened. XIV. C. *Ex quo primum*, S. C. de P. F. G. Aug. 1840., Cat. Rom. 7., S. Th. 3. p. q. 72. a. 2.

4. De adequata materia huius sacramenti haec S. Alph.: « 1.<sup>a</sup> sententia tenet materiam essentialem huius sacramenti esse manuum impositionem illam, quae habetur in Pontificali romano in principio ritus, ubi Episcopus antequam ad chrismatis unctionem accedat, extendit manus versus confirmandos, proferens orationem: Omnipotens sempiternus Deus, etc. Uctionem autem, quae postea ab Episcopo adhibetur, dicit esse materiam accidentalem, non a Christo, sed ab Ecclesia institutam... 2.<sup>a</sup> sententia dicit materiam essentialem componi tam ab impositione manuum, quae fit in principio, quam in unctione, quae deinde ab Episcopo adhibetur... 3.<sup>a</sup> sententia denique communis, vel fere communis, quam tuemur, et certissimam cum Bellarmino existimamus, tenet materiam adaequatam et totalem confirmationis esse chrismatis unctionem, quae confirmandis per impositionem manus Episcopi adhibetur... Fatemur itaque ad materiam confirmationis requiri tam unctionem, quam impositionem, sed illam tantum impositionem quae ab unctione est indistincta... Iuxta autem nostram sententiam, quod materia totalis adaequata confirmationis est unctio chrismatis, manu Episcopi peracta, advertendum est, de essentia sacramenti esse: 1.<sup>o</sup> ut unctio fiat *in fronte*, prout habetur ex C. un. *De Sacram. unctionis*, et ex Decr. Eugenii IV. iuxta communem sententiam... 2.<sup>o</sup> ut unctio fiat *in forma crucis*, iuxta S. Thom. 3. p. q. 72. a. 4. ad 3., quem communiter etiam Doctores sequuntur... 3.<sup>o</sup> ut unctio fiat *per manum ipsius Episcopi ministrantis* ». L. 164., S. Th. 3. p. q. 72. a. 9., Cat. Rom. 24.

5. *Resolves*: 1.<sup>o</sup> Invalida esset Confirmatio si fiat unctio medio instrumento. — 2.<sup>o</sup> Invalida item est, si loco frontis fiat in ore. — 3.<sup>o</sup> Licet vero debeat fieri pollice dextero Episcopi: valida tamen foret unctio, si alio digito Episcopi fieret, et etiamsi esset digitus manus sinistrae. Peccaret tamen Episcopus, si id sine necessitate faceret: ageret enim contra universalem Ecclesiae praxim, quamquam non appareat, inversionem dictae caeremoniae ad gravem culpam pertinere. L. 165.

6. *An de necessitate Sacramenti sit oleum olivarum et balsamum?* — « Certum est oleum esse de necessitate sacramenti... Et debet esse oleum olivarum... An autem balsamum sit etiam de necessitate sacramenti: 1.<sup>a</sup> sententia negat...; 2.<sup>a</sup> sententia communior et probabilior affirmat... Certum est autem neutram sententiam esse de fide neque certam: hinc omnino sacramentum conferendum est cum oleo et balsamo, et alias saltem dubium esset... Et ideo datum cum solo oleo, saltem sub conditione esset iterandum. E converso, quia prima sententia sat est probabilis, recte dicit Croix, etc., quod in articulo mortis bene poterit conferri confirmatio sub conditione ex solo oleo, si nequeat haberi chrisma ex balsamo quoque confectum; magna enim utilitas huius sacramenti iusta esset causa illud sub conditione ministrandi ». L. 162. Certum autem est balsamum requiri de necessitate praecepti L. H. A. Tr. 14. n. 39. — Cf. Flor. Deer. pro Arm., Cat. Rom. 7.-9., S. Th. 3. p. q. 72. a. 2.

7. *An chrisma debeat necessario esse benedictum?* — 1.<sup>o</sup> Affirmandum absolute est, si sermo sit de necessitate praecepti. Ita omnes cum S. Lig. 163. — 2.<sup>o</sup> Affirmandum omnino etiam, si sermo sit de necessitate Sacramenti. Id enim suadet praxis constans Ecclesiae, et Decretum Eugenii IV. in quo legitur, materiam Confirmationis esse chrisma benedictum. Ita communiter cum S. Lig. ib. Et H. A. Tr. 14. n. 39. inquit: « Materia remota Confirmationis est chrisma ex balsamo et oleo confectum per Episcopi benedictionem, ad differentiam olei baptismi et infirmorum, ut distinxit Innoc. XI. in C. *Cum venisset De Sacr. Unct.* An autem unum oleum istorum sit materia valida pro alio sacramento, negant Suar. Laym. et Henric., sed probabilius affirmant Bellarm., Castr., Bonac. et Barb. ». Cf. S. Th. 3. p. q. 72. a. 3.

8. *An chrisma debeat necessario esse illius anni?* — Hoc non requiritur de necessitate Sacramenti, quia sive sit vetus, sive novum, materia non mutatur: sed requiritur ex praecepto Ecclesiae. Hinc peccaret graviter Episcopus, qui confirmaret cum chrismate veteri. In hunc enim finem novum chrisma consecratur in Coena Domini, vetere combusto. — G. 263., L. 163.

9. *Quoniam sit Confirmationis forma?* — Sicut totalis materia adaequata Confirmationis est unctio chrismatis adhibita per manum Episcopi, sic et adis forma sunt verba, quae Episcopus unguendo profert: Signo te signo crucis, et confirmo te chrismate salutis, in nomine Patris, et Filii, et Spiritus Sancti. Flor. Deer. pro Arm., S. Th. 3. p. q. 72. a. 4., L. 167. IV.

10. *Quoniam verba huius formae sint essentialia?* — Ad validitatem sunt omnino essentialia sequentia: 1.<sup>o</sup> verbum *confirmo*, nisi alio verbo synonymo suppleatur; 2.<sup>o</sup> expressio Sanctissimae Trinitatis, ut in Baptismo; 3.<sup>o</sup> verbum *te*, quo subiectum Sacramenti designatur; 4.<sup>o</sup> verba *signo te signo crucis*, necnon verba *chrismate salutis*. Dicere autem *corroboro* pro *confirmo*, vel *sanctificationis* pro *salutis*, esset mutatio tantum accidentalis. L. 165., cum adis communiter, Flor. Deer. pro Arm., Cat. Rom. 11. 12., S. Th. 3. p. q. 72. a. 4. G. 266.

11. *An valeat forma apud Graecos usitata: Signaculum doni Spiritus Sancti?* — R. Affirm. cum sententia communi Theologorum. Sensus enim est: hoc signo donantur munera Spiritus Sancti, omisso verbo more Graecorum. Secus dicendum foret, Graecos Sacramentum Confirmationis non ha-



bere, quod valde durum est. Constat insuper ex Declaratione Benedicti XIV. in Epist. enc. *Ec quo primum* ad Episcopos ritus Graeci, 1. Mart. 1756. — G. 266., L. 164.

## II. — DE MINISTRO ET SUBIECTO CONFIRMATIONIS

12. *Quam sit Confirmationis Minister?* — 1.<sup>o</sup> Solus episcopus est minister ordinarius huius sacramenti. Ita declaravit Innocentius III. et Trid. S. 7. c. 3. — 2.<sup>o</sup> Simplex sacerdos confirmare potest tanquam minister extraordinarius ex delegatione speciali Summi Pontificis. Constat ex praxi Ecclesiae, et ex C. Bened. XIV. *Ec quamvis tempore*. L. 170. Sed sacerdotes nti debet chrismate ab episcopo benedicto. Constat ex Decreto Eugenii IV., ubi dicitur materiam Confirmationis esse chrisma ab episcopo benedictum. — G. 267., S. Th. Quodl. 11. a. 7. 3. p. q. 72. a. 11., Bened. XIV. De Syn. 1. 7. C. 7.

13. *An Papa etiam simplici Sacerdoti delegare valeat potestatem conferendi chrisma?* — Controvertitur. Affirmant non pauci cum S. Lig. 163.; at plures alii negant. — Benedictio sacerdotis absque delegatione Papae invalida est. G. Cas. 239.

14. *An Episcopus possit confirmare fideles non subditos?* — 1.<sup>o</sup> Quoad validitatem omnes confirmare potest, ut sequitur ex Ordinis potestate. — 2.<sup>o</sup> Quoad licititatem non potest confirmare, nisi qui in sua dioecesi reperiuntur; et peccaret graviter confirmando etiam suos subditos in alia dioecesi, quia confirmatio est exercitium iurisdictionis fori externi, quod peragi nequit sine licentia Ordinarii loci. Potest autem confirmare extraneos in sua dioecesi, quod consuetudine et tacita episcoporum consensione est introductum. — L. 173., D'Annib. 143.

15. *Quandonam Episcopus teneatur confirmare?* — 1.<sup>o</sup> Teneatur confirmare petentes, quoties commode potest, si ad aliud tempus proximum differre nequeat. — 2. Tenetur etiam aliquoties opportunitatem suis subditis praebere hoc Sacramentum suscipiendi. Hinc peccaret graviter, si longo tempore a Confirmatione conferenda abstineret, v. g., per octo aut decem annos, nec dioecesim circumiret, saltem per praecipua loca, nisi morali impossibilitate excusaretur. — 3.<sup>o</sup> « Si autem adsit iusta causa non peccat, qui differt per tres aut plures annos », L. 175. — Croix 388., G. 269.

16. *An peccet graviter Episcopus omittens confirmare moribundum petentem Sacramentum?* — Cum hoc Sacramentum non sit necessarium ad salutem, non adire morientes ad eos confirmandos, quia non caret incommodo, leve est, et ubi haec consuetudo viget ne leve quidem. — L. 175., Croix 390., D'Annib. 143., G. 269.

17. *Quodnam sit Confirmationis subiectum?* — Est omnis et solus homo baptizatus et nondum confirmatus, quamvis carens usu rationis. Confirmatio enim perficit vitam spirituales, quae in Baptismo accipiunt, et pro omnibus, ut Baptismus, instituta est. Ex praxi tamen generatim in Ecclesia vigente, non sunt confirmandi pueri, qui usum rationis adepti nondum sunt, nisi id ferat legitima haerorum consuetudo, quae v. gr. apud Graecos et in Hispania viget. Bened. XIV. C. *Ec quamvis*, § 6. « Certum est apud omnes licite confirmari infantes, si iustae accessant causae, nempe periculum mortis, absentia episcopi, etc. », L. 178. « Si duodecimus annus expectandus non videatur, usque ad septimum certe hoc Sacramentum differre maxime convenit ». Cat. Rom. 18. « Etiam morituris hoc sacramentum dandum est... Etiam pueri confirmati decedentes maiorem gloriam consequuntur, sicut et hic maiorem obtinent gratiam ». S. Th. 2. 2. q. 72. a. 8. ad 4. Loquens de amentibus, ait Bened. XIV. omnino ipsis ministrandam esse confirmationem.

L. 178. Etiam perpetuo amentes licite confirmantur. L. 180. — Cf. Bened. XIV. De Syn. I. 7. C. 10. n. 5. S. G. 269., S. Th. 3. p. q. 72. a 8.

18. *An et qualis sit necessitas et obligatio Confirmationem recipiendi?* — « Non est necessaria ad salutem necessitate medii, neque per se praecepti. Est communis S. Thom. et aliorum contra Scot. et Sylvest. Ratio est, tum quia Ecclesia non urget eius susceptionem ullis poenis: tum quia nec ex Scriptura, nec traditione, neque fine, aut institutione sacramenti, tale praeceptum colligitur. Et canones, qui in contrarium afferuntur, satis explicantur de necessitate ad melius esse ». Ita Busembaum apud S. Alph. 181. « Praeceptum quod habetur in Trident. S. 23. C. 4 de R. non ligat omnes, cum sit hypotheticum: sed tantum ordinandos, vel iniciandos prima tonsura. Cuius omissionem non esse mortalem contra Tan. docent Henr. Valent., Suar. et Navarr., qui addit, ne quidem Episcopum peccare mortaliter, ordinando non confirmatum: aut si ipse non confirmatus ordinet ». Busemb. ap. S. Alph. 183. G. Cas. 241. Iuxta S. Lig. est obligatio sub gravi de praecepto divino, saltem decurrente vita, et data opportuna occasione: idque probat ex Declaratione Bened. XIV. C. *Etsi pastoralis*, de ritibus et dogmatibus Graecorum, ubi ait, § 3. n. 4. « Monendi sunt (qui non sunt confirmati) ab Ordinariis locorum, eos gravis peccati reatu teneri, si cum possunt ad Confirmationem accedere, illam renuunt ac negligunt ». Notat tamen Scavini, verba Bened. XIV. non concludere pro omnibus: quia Pontifex loquitur tantum de invalide confirmatis a presbyteris graecis, qui ideo renuebant denuo ad Confirmationem accedere, quia primam ut validam habebant. Unde aderat hic ratio particularis eos obligandi ad Sacramentum Confirmationis suscipiendum, nempe ut errorem sic retractarent. Idque confirmatur ex ipso Benedicto XIV. De Syn. I. 7. C. 10. n. 9. quod opus post eam Const. editum est. C. 8. n. 8. Quare dubia lex est. — G. B. 270., D'Annib. 144., S. Th. 3. p. q. 72. a. 8.

19. *Quid agendum in dubio an aliquis sit confirmatus?* — Potest sub conditione denuo confirmari, ut patet ex dictis in Tr. de Sacram. in genere n. 42.-45. Sed ad id non tenetur, si quis vere probabiliter credat, se iam Sacramentum recepisse. — G. 270., L. H. Cr. 48.

20. *Quaenam dispositiones in confirmandis requirantur?* — 1.<sup>o</sup> Character baptismalis ad validitatem Sacramenti, et insuper in adulto intentio Sacramentum recipiendi, ut constat ex dictis in Tr. de Sacram. in genere n. 80. — 2.<sup>o</sup> Status gratiae, quia Confirmatio est Sacramentum vivorum. Quapropter qui conscius est peccati mortalis ad Sacramentum poenitentiae recurrere debet, nisi perfecte conteratur. Mos generalis est, ut nullus confirmetur, nisi schedulam parochi chirographo subsignatam exhibeat. — 3.<sup>o</sup> Ut confirmandus rudimentis doctrinae christianae imbuatur, praesertim iis, quae sunt de necessitate medii, et quae spectant ad Sacramenta poenitentiae et confirmationis. Ita communiter. — G. 272.

21. *An confirmandus debeat esse ieiunus?* — R. Negat., attenta consuetudine hodierna. Leges enim canonicae, quae ieiunium praescribebant ad recipiendam confirmationem, in desuetudinem abierunt. Ideo etiam invaluit usus conferendi illud sacramentum tempore vespertino. — G. 271., L. 184., S. Th. 3. p. q. 72. a. 6. 7.

22. *De variis praescriptionibus circa administrationem Confirmationis.* — « Confirmatio conferri potest quocumque die ». L. 184., « et quocumque tempore ». L. 174. « Probabiliter autem potest absque peccato gravi ministrari in aliquo loco decenti, etiam, extra Ecclesiam ». L. 174. 184. etiam in Ecclesiis Regularium. Bened. XIV. C. *Confirmandis* § 6. — « Episcopus debet esse indutus amictu supra rochetum, vel superpelliceum si sit Religiosus, ac stola pluviali albi coloris, mitra et baculo... Venus dicunt esse mortale omittere omnia praedicta instrumenta... secus si aliquod tantum omitatur... Advertendum quoad baculum, sufficere quod baculus maneat

publice expositus, vel a clerico detineatur... Item S. C. declaravit sufficere, quod Episcopus siue mitra, adhibita tantum stola, confirmet... Notandum omissionem alapae, secluso scandalo, nunquam esse mortale... omissionem cerei negant unquam posse esse mortalem ». L. 184. — Insuper extra casum necessitatis sub gravi requiritur patrinus, isque unus tantum, designatus a parentibus vel ab episcopo in eorum defectu, qui sub gravi confirmatus esse debet; debet praeterea esse diversus a patrino baptismi saltem extra necessitatem, eiusdem sexus ac confirmandus, et cognationem contrahit spiritualem cum confirmato et eius parentibus, dummodo tamen eum tangat, minime vero obligationem contrahit instruendi confirmatum, excipe si confirmatus non sit instructus et alius desit. — Nequit autem patrinus esse religiosus, nisi confirmandus sit pariter religiosus. — Quoad modum autem suscipiendi in confirmatione, praescribitur in Pontificali Rom. quod confirmandus ponat pedem super pedem dexterum patrini; sed recte dicit Conc. hodie receptam consuetudinem habere, quod sufficiat, ut patrinus manum dexteram super dexterum humerum confirmandi ponat, et hanc consuetudinem testatur Concina approbatam fuisse a S. C. Rituum die 20. Septemb. 1749. L. 187. — Frons confirmati obliganda est fascia linea, cruce notata, etc. Sed hodie ex desuetudine haec caeremonia non amplius in nostris partibus est in usu, etc. L. 188. « Benedictio communis, quae datur ab Episcopo confirmatis in fine, non est necessaria ad sacramentum, sed est simplex caeremonia, ut communiter dicunt DD. Hinc probabiliter ait Tamb. admonitionem, quae fit, ne confirmati ante benedictionem praefatam discedant, non videri, quod obliget ». L. ib. — L. 185.-188. S. Th. 3. p. q. 12<sup>a</sup> a. 10. 12.

## DE EUCHARISTIA

### I. — DE EUCHARISTIAE NATURA ET EFFECTIBUS

1. *Quid sit Eucharistia?* — Est Fidei nostrae mysterium, quo sub speciebus panis et vini, per sacerdotis verba consecratis, ipsemet Christus offertur, continetur, et sumitur. Flor. Decr. pro Arm., Trid. S. 13. C. 1. 3. 7., S. 22. C. 1. 6. Rationem habet sacrificii et sacramenti: sacrificii dum conficitur, sacramenti dum conficitur, permanet, et sumitur. Trid. S. 13. C. 4., S. 22. C. 1., S. Th. 3. p. q. 79. a. 5., L. 189. 190.

2. *Quamdiu Christus maneat realiter praesens in Eucharistia?* — Remanet, quamdiu species remanent integrae; desinit vero sub eis inesse statim ac species ita corrumpuntur, ut iuxta hominum aestimationem non videantur esse panis et vinum. Tunc vero ex lege a Deo in institutione huius sacramenti stabilita, speciebus substituitur eadem materia, quae panis et vino corruptis succederet. L. 225., La-Croix 474., G. B. 273. « Species non sunt retinendae in ore tamdiu, donec penitus pereant: quia tunc non manducaretur Christus, nec gratia sacramenti conferretur; uti nec si moriaris, dum hostia adhuc est in ore ». L. 226.

3. *Quamdiu sacrae species conservantur remanere integrae post Sacramenti summptionem?* — Non constat: alii dicunt post minutum, alii post quinque minuta, alii post medium quadrantem. De hac re nequaquam videtur regula quaequam generalis tradi posse. Brevior quippe aut longior mora potissimum a diversa diversorum hominum virtute digestiva, aliisque tum internis tum externis circumstantiis repetenda est. Diutius autem remanent in sacerdote, qui in Missa sub utraque specie et cum hostia maiori communicat, quam in laico, qui de more parvam hostiam tantum sumit. L. ib., etc. — G. B. 273.



4. *An Eucharistia sit unicam vel duplex Sacramentum?* — Est unicum specie sacramentum, licet sint plura signa. Etenim licet adsit pluralitas physica signi, est tamen unitas moralis: nam sacramentum Eucharistiae, quamvis speciebus panis et vini physice distinctis sit compositum, ordinatur tamen ad unam specie refectionem spirituales tanquam ad finem et effectum significatum, sicut cibus et potus materialis ordinantur ad unicam refectionem corporalem. Sic in extrema unctione sunt plures unctiones, et tamen habetur unicum sacramentum, quia plures istae unctiones ordinantur ad unum finem et effectum, ad tollendas nempe reliquias peccatorum. Ita communissime et certo cum S. Th. 3. p. q. 73. a. 2., L. 191. 199., G. 274.

5. *Quinam sint effectus Sacramenti Eucharistiae in anima?* — Praecipui sunt sequentes, scilicet: 1.<sup>o</sup> *augmentum gratiae sanctificantis*, quod praecipuum Eucharistiae effectum constituit. Nam iuxta verba Christi, Joan. 6. 56.: *Caro mea vere est cibus*, hoc sacramentum est institutum tanquam alimentum spirituale; et alimentum supponit vitam in eo qui illud suscipit: inde fit, ut per hoc alimentum vita ipsa animae, quae in gratia sanctificante praecipue consistit, corroboretur et augeatur; — 2.<sup>o</sup> *adeptio gloriae aeternae*: Christus enim hanc promittit: *Si quis manducaverit ex hoc pane, vivet in aeternum*, Joan. 6. 52. etc.; — 3.<sup>o</sup> *largitio uberrima gratiarum actualium*, quae fluunt a gratia habituali, et habitibus infusis; — 4.<sup>o</sup> *debilitatio habituum malorum et emendatio vitiorum*, praesertim libidinis; — 5.<sup>o</sup> *remissio peccatorum venialium*: constat ex Trid. S. 13. C. 2., ubi Eucharistia vocatur antidotum, quo liberamur a culpis quotidianis, et a peccatis mortalibus praeservamur; — 6.<sup>o</sup> *remissio poenae temporalis peccato debitae*: non quidem totius, sed secundum modum devotionis et fervoris, ut ait S. Th. 3. p. q. 79. a. 5.; — 7.<sup>o</sup> *unio specialis cum Christo et membris eius*, ut patet ex Joanne. 6. 57.: *Qui manducat meam carnem et bibit meum sanguinem, in me manet et ego in illo*; — 8.<sup>o</sup> *praeservatio a peccatis futuris*, tum quia aucta caritate per hunc cibum, anima fit validior contra naturam corruptam, tum quia est efficax memoria Dominicae Passionis, per quam victi sunt daemones. L. 268. 269., H. A. 5. — G. 275. Cf. Flor. Decr. pro Arm.

6. *An aliquando Eucharistia peccatum mortale delere possit?* — R. Affirm. probabilis, non quidem per se, sed per accidens ac mediate per infusionem gratiae, quando scilicet aliquis ignorans se versari in statu peccati mortalis, accedit ad Eucharistiam bona fide, et cum attritione de peccatis in antecessum commissis. Tunc nihil obstat, quominus sacramentum suum producat effectum: sed effectum producere nequit, stante peccato mortali. Ergo debet peccatum illud indirecte tollere. G. 275., L. 268.

## II. — DE MATERIA ET FORMA EUCHARISTIAE

7. *Quanam sit materia remota Eucharistiae?* — 1.<sup>o</sup> Panis et vinum sunt materia sacramenti Eucharistiae remota. Constat 1.<sup>o</sup> ex institutione ipsa huius sacramenti: Christus enim in ultima coena accepit panem et vinum, et ea consecravit in Corpus et Sanguinem suum; 2.<sup>o</sup> ex definitione Ecclesiae in Conc. Later. cap. *Firmiter*, in Flor. in Decr. unionis, et in Trid. S. 13. in omnibus fore capitulis; 3.<sup>o</sup> Accedit his omnibus unanimis traditio utriusque Ecclesiae Latinae et Graecae. — 2.<sup>o</sup> Solus panis triticeus et solum vinum de vite sunt materia valida sacramenti Eucharistiae. Constat ex Flor. in Decr. supra cit., ubi dicitur: « Tertium est Eucharistiae Sacramentum, cuius materia est *panis triticeus et vinum de vite* ». Concordat etiam perpetua traditio et praxis utriusque Ecclesiae Latinae et Graecae. *Solus panis triticeus*, qui nempe ex farina triticea, et aqua naturali, etiam acquorea, mixtus, et igne coctus sive assus, atque in sua specie incorruptus est. L. 198.

Materia inepta prorsus est panis ex hordeo, avena, amilo. Materia valida erit vinum de uvis passis seu exsiccatis expressum, nisi fuerint decoctae, vel nimia aqua admisceatur. Busemb. 206. Diana, Tr. 1. de Celebr. Missar. R. 196. n. 1. et R. 200. n. 6. Amicus D. 16. S. 3. n. 34. — 3.<sup>a</sup> Aqua modicissima vino permiscenda est, atque hoc non necessitate Sacramenti, sed praecepti ecclesiastici. Ratio 1.<sup>ma</sup> deducitur 1.<sup>o</sup> ex perpetua Ecclesiae praxi et universali Patrum traditione; 2.<sup>o</sup> ex Declaratione Conciliorum, et praesertim Florentini, quod declarat materiam calicis « esse vinum de vite, cui modicissima aqua misceri debet »; et Trid. S. 22. C. 7. Ratio 2.<sup>a</sup> deducitur ex eo quod Christus, in institutione huius sacramenti, solum vinum designaverit, et Concilia, huius mixtionis mentionem faciendo, de solo praecepto loquantur, uti Trid. l. c.; accedit doctrina Cat. Rom., qui postquam docuit hanc mixtionem non posse sine peccato mortali praetermitti, addit: « Ea (aqua) tamen si desit, sacramentum constare potest ». Praeceptum hoc grave est: et « si mixtio haec sit omissa, idque notetur ante consecrationem, adhuc facienda est, secus si post ». L. 208. — G. 276.

8. *An sit materia valida panis ex siligine seu secali confectus?* — Controvertitur. Alii affirmant, quia siligo, aiunt, videtur esse ex eadem specie ac triticum, licet sit diversae qualitatis. Alii vero multo communius, et probabilius negant: quia panis siliginis est speciei diversae, nec a divitis adhiberi communiter solet. In praxi igitur haec materia sub gravi prohibetur. — G. 278., L. 209.

9. *An sit materia valida panis ex ferre spelta effectus?* — Pariter contrahitur ac de siligine. Unde illa materia etiam ut dubia et proinde ut graviter illicita habenda est. L. ibi., et alii communiter. Attamen animadvertendum est, dari in variis regionibus diversas veri frumenti species, quae sub nomine speltae veniunt. Unde videtur attendi debere ad communem hominum aestimationem. — G. 278.

10. *An panis tam azymus, quam fermentatus sit materia valida et licita Eucharisticae?* — R. 1.<sup>o</sup> Quoad validitatem, affirmative. Ratio est, quia uterque est panis verus, ac simpliciter etiam in Scriptura sic dictus; et uterque ex farina triticea et aqua naturali efficitur. Constat etiam ex definitione Ecclesiae. Sic enim Flor. in Decr. unionis: « Definimus in azymo, sive in fermentato pane triticeo, Corpus Christi confici ». — 2.<sup>o</sup> Quoad licitatem, Latini tenentur sub gravi consecrare in azymo, et Graeci in fermentato, singuli iuxta Ecclesiae suae ritum. Constat 1.<sup>o</sup> ex praxi utriusque Ecclesiae; 2.<sup>o</sup> ex Flor. in Decr. cit., ubi additur: « Sacerdotesque in alterutro ipsum Domini Corpus conficere debere, unumquemque scilicet iuxta suae Ecclesiae, sive Occidentalis, sive Orientalis, consuetudinem ». — G. 279.

11. *An Latinus in locis Graecorum possit celebrare in fermentato, et Graecus in locis Latinorum in azymo?* — 1.<sup>o</sup> Conveniunt DD. quod si inter Graecos inveniat Ecclesia Latinorum, in qua latinus ritus servatur, sacerdos latinus debeat consecrare in azymo, et sic e converso. — 2.<sup>o</sup> Si Latinus per Graeciam transat, vel contra, communiter et probabilissima DD. docent posse utrumque celebrare sive in fermentato, sive in azymo. Ratio est quia unusquisque sequi quidem potest morem regionis, ubi reperitur, ad id tamen non tenetur. L. 203.

12. *An in casu necessitatis ad praebendum viaticum infirmo possit sacerdos latinus consecrare in fermentato?* — Quidam affirmant, sed negat communis et probabilior sententia. Ratio, quia in hoc casu praeferenda est reverentia erga tantum Sacramentum utilitati proximi, cui tale Sacramentum non est simpliciter necessarium. L. 203.

13. *Nota:* « Licetum et obligatorium esset (consecrare in pane fermentato) ad sacrificium perficiendum, si aliter perfici non posset, v. g. si sacerdos animadverteret se materiam corruptam consecrasse, nec aliam hostiam licitam habere posset ». — G. Cas. 251.

14. *An peccet graviter Sacerdos consecrans in vino acescente?* — R. Affirm., licet illud vinum sit adhuc materia valida sacramenti. Imo admittitur peccatum mortale, non tantum si vinum sit aceto proximum, sed etiam si certo incipiat acescere et corrumpi, quia videtur tunc gravis irreverentia sacramento irrogari. Ita communiter cum S. Lig. 207. Constat etiam ex Rubr. tit. 4. n. 2 « Probabiliter tamen dicunt, Gobat, Sporer, La-Croix, quod, deficiente alio vino, liceat sine scrupulo, prout solent viri probi, adhibere vinum paulisper acescens, seu non notabiliter acidum ». L. 207. Unde Rubrica non videtur accipienda cum tanto rigore, ut comprehendat omnes etiam primos gradus acrimoniae, sed tantum illos, qui proxime incipiunt constituere vinum acescens. L. H. A. Append. 3., Exam. ordinand. 98. « Adduntque Spor. et Mazzotta, quod urgente gravi necessitate, licitum esset uti vino adhuc notabiliter acescente, modo sit certum vinum ». L. 207. — Haec Rubrica, t. 4. n. 1.: « Si vinum sit factum penitus acetum, vel penitus putridum, vel de uvis acerbis, seu non maturis expressum, vel ei admixtum tantum aquae, ut vinum sit corruptum, non conficitur sacramentum » et n. 2. « Si vinum coeperit acescere vel corrumpi, vel fuerit aliquantulum acre, vel mustum de uvis tunc expressum, vel non fuerit admixta aqua, vel fuerit admixta aqua rosacea, seu alterius distillationis, conficitur sacramentum, sed conficiens graviter peccat ». — L. 206. 207., Benedict. XIV. Notif. 77., S. Th. 3. p. q. 74. a. 5.

15. *An vinum congelatum sit materia valida?* — Controvertitur. Affirm. probabilius. Ratio est, 1.<sup>o</sup> quia remanet substantialiter vinum, cum retineat eundem colorem, saporem, odorem; 2.<sup>o</sup> quia ex Rubrica Missalis species vini congelatae post consecrationem debent liquefieri admotis pannis calefactis, et deinde sumi, quippe quod est verum sacramentum, Rubr. de defect. § 10. n. 11. Ergo supponit speciem vini congelati retinere Sanguinem Christi: ergo sacrae species non mutantur substantialiter per congelationem post consecrationem: ergo nec ante. Ita S. Lig. 207., ubi dicit esse sententiam veriorum ob rationem ex citata Rubr. deductam. De sententia negante haec praeterea addit S. Alph. l. c. « puto primam sententiam nulla pollere solida probabilitate ».

16. *Quenam quantitas aquae sit in calice immiscenda?* — Sufficit aquae modicissima quantitas, ut dicit Flor. Probabiliter potest infundi aqua usque ad octavam partem vini, imo usque ad quintam partem iuxta Lugo D. 4. n. 38. Addit Busemb. sufficere, ut aqua tertiam partem non excedat. Sed in praxi haec ultima sententia non est admittenda, quamvis tertia pars non corrumpat vinum, si sit generosum. Generatim consulendum est, ne Sacerdos excedat octo vel decem guttulas. Quod si casu nimiam aquae quantitatem infuderit, iterum aliqua quantitas vini adici poterit. Sufficit autem una aquae guttula, quae sit sensibilis. — L. 210., G. 280.

17. *Quid de materia proxima, seu de usu materiae requisitae in ipsa consecratione?* — 1.<sup>o</sup> Ad validam consecrationem praeter materiam aptam requiritur, 1.<sup>o</sup> ut materia consecranda sit physice praesens: quia id necessario exigunt pronomina demonstrativa formae *hoc, hic*: aliter enim forma foret falsa, quia demonstraretur praesens id, quod non esset praesens; 2.<sup>o</sup> ut per intentionem Ministri in individuo sit determinata: quia sicut non consecrat Minister, nisi intendat consecrare: ita nec hanc materiam consecrat, nisi illam determinate intendat consecrare. Non requiritur tamen determinatio actualis, sed virtualis sufficit. L. 211.-214. — 2.<sup>o</sup> Ad licitam consecrationem requiritur, 1.<sup>o</sup> ut Sacerdos nullatenus recedat ab usu Ecclesiae praesertim Rubricis Missalis Romani determinato: hinc imprimis necesse est, ut materia consecranda sit decens et munda ob reverentiam tanto sacramento debitam; 2.<sup>o</sup> ut sit reposita in altari et in corporali, imo et in petra sacra, iuxta Bened. XIV. de Sac. Miss. sect. 2. n. 139.; 3.<sup>o</sup> ut ciborium vel calix consecrandus sit discoopertus; 4.<sup>o</sup> ut fiat tempore canonis Rubrica praescripto. L. 218, 219., S. Th. 3. p. q. 78. a. 1. ad 4. — 3.<sup>o</sup> Certum



est, necessarium esse de necessitate praecepti consecrare eucharistiam sub utraque specie. Certum item est ac commune apud omnes, neque etiam in articulo mortis licitum esse consecrare unam speciem ad viaticum infirmo porrigendum. L. 195. 196. — 4.<sup>o</sup> Ex praecepto Ecclesiae panis consecrandus debet esse figura orbiculari et integra. Licet etiam in hostia minore, qualis datur laicis, quando alia haberi non potest, et scandalum abest, celebrare privatum; imo, si causa urgeat, etiam publice die festo, eo quod nullum sit praeceptum neque constet de consuetudine obligante sub praecepto. Id admittit Tamb. etiam causa devotionis, et consentiunt Rone. etc., si absit scandalum. Non licet autem parvam sumere, et maiorem relinquere, nisi ipse eadem missa etiam istum consecraverit, quia debet communicare de suo sacrificio. Quare male facit parochus, qui renovaturus Eucharistiam, hostiam ab alio consecratam ipse sumit, et a se consecratam reponit in sacratio, vel hieotheca. L. 205., Diana Tr. 1. de Celebrat. Missar. R. 234.

18. *Resolves*: 1.<sup>o</sup> Valide consecrantur hostiae sub aliis latentes, aut aliter tectae. Item valide consecratur vinum in calice velo, palla, aut quovis modo cooperto: quia sufficit ad veram materiae praesentiam, ut per pronomina *hoc* vel *hic* demonstrari possit. L. 212., etc., et alii communissime. — 2.<sup>o</sup> Valida est consecratio, si sacerdos putet unam tantum vel duas hostias consecrandas adesse, cum sint plures sive a se, sive ab alio posita: ratio est, quia sacerdos semper praesumitur velle consecrare quicquid est decenter consecrabile. Unde si celebrans advertat post consecrationem duas hostias esse simul iunctas, utramque ut consecratam sumat iuxta Rubricam Missalis. Si vero ante consecrationem postquam obtulit, id advertat, alteram reponat, et post missam ipse vel alius sumat tanquam panem benedictum. L. 216., et alii omnes. — 3.<sup>o</sup> Idem dicendum, si quis ad altare plures hostias consecrandas attulerit, vel ante sacrificium monitus fuerit de consecrandis hostiis iam super altare positis, vel rationabili modo animadverterit ab alio afferri ut consecrentur, etsi dum consecrat, earum non ita expresse meminerit, aut etiam ad oblationem non detexerit, modo sint praesentes in corporali; quia intentio praecedens virtualiter perseverat. L. 216. — 4.<sup>o</sup> Non consecrantur hostiae, in seio sacerdote, etiam in corporali posita, quia sacerdos penitus in seius intentionem generalem illas consecrandi non habuit, adeoque neque virtualiter perseverare potest intentio quae non fuit. D'Annib. 255., Gury-Dumas 282. — 5.<sup>o</sup> Si parvae hostiae pro communicando populo afferantur sacerdoti paulo post factam oblationem, licite eas consecrare poterit, suppleta oblatione mentaliter. L. ib. — G. 282.

19. *An afferri possint hostiae consecrandae, incepto canone?* — Acriter controvertitur. Negant communiter Theologi et Rubricistae periti. Atamen plures Doctores magni ponderis id permittunt, gravissima de causa. Sic Bened. XIV. de Sacrif. Missae, t. 2. c. 158. « Communis sententia est, et plerorumque firmata consensu, non posse particulas consecrari, cum canon recitari inceperit, etiamsi ageretur de consecranda particula, quae afferenda esset pro viatico ad infirmum. Eo enim casu, parva quaedam particula detrahi posset ex hostia missae, et reservari pro infirmo... Facile quivis intelligit, ordinem missae perverti, si particulae accipiantur consecrandae, praefatione incepta. Id porro, si faciendum est, fieri non debet sine legitima causa, cuiusmodi ea esset, si magna multitudo parata ad recipiendam eucharistiam sacramento careret ». Videtur huic doctrinae subscribere S. Lig. n. 217. « Si parvae hostiae pro communicando populo afferantur sacerdoti paulo post factam oblationem, addit Aversa ante coeptam praefationem, licite eas consecrari, suppleta oblatione mentaliter, docent Dian., etc. Et hoc etiamsi canon sit inceptus ut Tamb., etc. Saltem quando plures sine communione remanerent ». Busemb. et S. Alph. l. c. Sic etiam de Herdt, Sacrae Liturgiae Praxis, Lovanii, 1855. « Quousque, et qua ratione admitti possint (hostiae minores incepto canone), auctores non conveniunt. Certum solummodo est, illas nunquam admitti posse post consecrationem panis ». Dicunt autem omnes

quod, si gravi de causa, hostiae minores afferantur post oblationem, earum oblatio mentaliter fieri debet. — G. Cas. 261.

20. *Quale sit peccatum consecrare hostiam fractam vel maculatam?* — Secluso scandalo, et rationabili causa est tantum veniale, nisi macula vel fractura sit enormis. Si tamen deprehendatur aliqua fractura vel macula, etiam notabilis, in hostia post oblationem, licite talis hostia consecrabitur, nisi scandalum populi timeatur, quia iam per oblationem fuit aliquatenus Deo dicata et sanctificata. — L. 204., La-Croix 432., D'Annib. 251., G. B. 284., alique communiter.

21. *An aliquando consecrari possit materia dubia?* — « Numquam prorsus, nec ad mortem vitandam, licet consecrare materiam dubiam: nempe propter periculum idololatriae materialis: et praeterea, si una tantum sit dubia, propter integritatem sacrificii. Verum cum haec fuerit consecrata, eam despiciere vel adorationi exponere, utrumque est grave: sed post consummationem, ante purificationem sumenda erit. Idem iuris est, si dubites, an materiam, caeteroquin aptam, consecraveris: verum haec, si iterum sub conditione rite consecrari potest, iterum est consecranda ». D'Annib. 249.

22. *Quid agendum si particulae non consecratae misceantur consecratis?* — « Si non consecratae misceantur consecratis, totus cumulus ad altare est deferendus, ut sacerdos intendat consecrare non consecratos: vel potius totum cumulum consecret sub conditione, si non sint consecratae. Et hoc potius faciendum est, quia in consecrando hostias non consecratos, deficit vera determinatio materiae, nec potest verificare verbum *hoc*, unde debent consecrari omnes hostiae sub conditione, ut valide consecrentur ». L. 216., D'Annib. 255.

23. *An censendum sit consecratum ciborium ex oblatione extra corporale relictum?* — Controvertitur. 1.<sup>a</sup> sententia probabilis affirmat. Ratio est, quia iam adfuit voluntas positiva consecrandi illud ciborium in principio Missae, nec illa voluntas fuit retractata: ergo perseveravit virtualiter tempore consecrationis. 2.<sup>a</sup> sententia negat. Ratio est, quia intentio illa consecrandi extra corporale fuisset peccatum grave, et proinde sacerdos illam habuisse non praesumitur. G. 283. Secunda sententia a S. Alph. 217. *communis et probabilior* dicitur: nempe (quia consecrari sine peccato letali non potuisset) ex praesumpta intentione celebrantis. Ita porro, si huic aliquando certum fuit, nolle se quidquam facere in Missa celebranda, quod sine peccato mortali fieri non posset. Alias dicendum foret nec eum consecrare, qui ignorans celebrat cum calice non consecrato vel corporali non benedicto. Et sane, seclusa praeterea ista generali voluntate non consecrandi in tali casu: *praesumpta* ista voluntas nulla est, cum reapse non adsit ob rei ignorantiam, sed voluntas e contra *cere adsit* praesentem materiam consecrandi. D'Annib. 255. Cum res dubio non careat, praesertim propter extrinsecam Doctorum auctoritatem, « in praxi illas particulas esse sumendas post sanguinem ». L. 16. Rubr. de def. par. III. n. 4. 5. loquens de sacerdote, qui consecravit hostiam aut *corruptam*, aut non triticam, praescribit, quod, « si illam non sumpsit, sumat *post assumptionem Corporis et Sanguinis* ». — « Particulae autem intentae extra corporale, in dubio, an sint consecratae, sumendae sunt etiam post ablationem ». L. 251.

24. *An censatur consecratum ciborium positum quidem in corporali, sed quod ex oblatione remansit clausum tempore consecrationis?* — R. Affirm. Ratio est, 1.<sup>a</sup> quia certe possunt valide consecrari hostiae in ciborio clauso, ut supra dictum est: 2.<sup>a</sup> quia sacerdos semper censetur habere intentionem absolutam consecrandi quicquid ipso sciente est supra corporale, et est honeste consecrabile, et habetur per modum continui. Ita Renter, etc. — G. 283.

25. *An censantur consecratae guttae vini exterius inhaerentes calici?*

— Guttæ exterius inhaerentes nunquam censentur consecratae. Ratio est, quia merito praesumitur intentionem sacerdotis esse consecrare illud unum, quod est licite consecrabile; illicite autem et irreverenter, seu cum magno irreverentiae periculo, et absque ulla utilitate illae guttulae consecrarentur. Ergo. Ita omnes. — G. 284., L. 215.

26. *An consecrantur guttæ vini, quæ sunt in calice separatae, quando sacerdos nihil circa eas intenderit?* — Alii negant, alii affirmant, alii denique affirmant de guttis propinquis, negant de remotis. L. 215. Probabilius consecratae minime censentur guttæ omnino a maiori quantitate separatae. Ratio est, quia non videtur esse intentio Ecclesiae, adeoque nec sacerdotis, consecrare nisi vinum, quod per modum unius potabile est, et in calice reperitur congregatum. Ita communius eum Suarez, Laymann, etc., contra alios. — « Ait La-Croix, expedire, ut sacerdos intendat eas consecrare, ne in calice sit vinum, quod non sit consecratum. Sed melius, ait S. Alph., mihi videtur id intendere de guttis proximis fundo, non vero de remotis ». L. H. A. Ex. Ordin. n. 99. — « Gavant, iubet eas abstergi, quod consuetudo probat. Qui tamen id omittit, cum non peccare, docet Tamb., imo nec expedire, si eas advertas, quando, discooperto calice, iamiam es consecraturus, et elevationem populus expectat. Post consecrationem autem nullo modo sunt abstergendæ ». L. 219. Si guttæ separatae, toti massae vicinae sint, facile huic uniri possunt, calicem parum inclinando.

27. *An consecratio unius speciei sine altera sit valida?* — Nemo dubitat, quin valida sit, si id casu accidat, et praeter intentionem. Utrum vero valide consecret sacerdos, qui positivam habeat intentionem consecrandi unam tantum speciem sine altera: communiter affirmant Suarez, etc. Ratio, quia in omni sacramento semper ac minister formam proferit super materiam, cum intentione faciendi quod facit Ecclesia, sacramentum perficitur. L. 196. Cf. S. Th. 3. p. q. 78. a. 6., Flor. Decr. pro Graec. et Arm.

28. *Quaenam sit Eucharistiae forma?* — Forma est « in consecratione corporis: *Hoc est enim Corpus meum*; sanguinis vero: *Hic est enim calix Sanguinis mei novi et aeterni Testamenti, mysterium fidei*, qui pro vobis et pro multis effundetur in remissionem peccatorum ». Sacerdos enim in persona Christi loquens hoc conficit Sacramentum. Ipsorum autem verborum virtute substantia panis in Corpus Christi, et substantia vini in sanguinem convertuntur: ita tamen quod totus Christus continetur sub specie panis, et totus sub specie vini. Quare verba significare debent transubstantiationem rei praesentis in instanti. *In instanti* h. e. non in fieri successivo, sed in facto esse: scilicet forma non quod fit significat, sed quod factum est: *Hoc est, Hic est*. Flor. Decr. pro Graec. et Arm., Trid. S. 13. C. 1., S. Th. 3. p. q. 78. a. 2., q. 75. a. 7.

29. *Resolves*: 1.<sup>o</sup> Valida, sed illicita est consecratio, si consecrans dicat: *Hic cibus est Corpus meum, hic calix est Sanguis meus, hic est Sanguis meus*; nam eadem re est; siquidem ea verba *hic est calix*, etc., sunt per metonymiam dicta; vel si particula *enim* omittatur. Item si proferas *Colpus* pro *Corpus*, *meus* pro *meum*, *es* pro *est*, *calis* pro *calix*, *Sanguis* pro *Sanguinis*, etc... Hinc deducitur, non posse excusari a peccato veniali, qui debitam diligentiam non adhibet ad verba consecrationis rite pronuntianda. L. 221. — 2.<sup>o</sup> Invalida erit consecratio, si dicas: *Hic* (adverbialiter) *est Corpus meum, hoc Corpus est meum, hic Sanguis est meus, Illud est Corpus meum, Ecce Corpus meum, hoc Corpus meum, hic panis est Corpus meum, hoc fiat, hoc fit, hoc sit Corpus meum*. L. 221., D'Annib. 254. — 3.<sup>o</sup> Dubia est consecratio, si dicas: *Haec est Caro mea*: licet enim *caro* Sacris Litteris *corpus* etiam significet, vulgo tamen et ex sua propria significatione nonnisi corporis partem importat. L. 221., D'Annib. 254. — 4.<sup>o</sup> Verba formae proferri debent in persona Christi *formaliter* et *assertive*, seu *recitative* simul



et *significative*, non vero *historice* tantum: scilicet proferenda sunt verba Christi applicando eorum significationem ad materiam praesentem, ut haec transubstantiatur in Corpus et Sanguinem Christi. Hinc invalida forma est, si quis dicat, *hoc est Corpus Christi*. Attamen scrupulus non est habendus, an verba sensu debito proferantur: nam quivis sacerdos praesumitur habere intentionem id faciendi, quod Christus fecit et instituit, et sic intendit sufficienter verba consecratoria proferre in utroque praefato sensu. *Elbel* 34., L. 220., etc. — G. 286.

30. *An ommissio vocis enim in forma consecrationis sit gravis?* — Controvertitur: 1.<sup>a</sup> sententia probabiliter negat, quia vox illa non reperitur in verbis a Christo prolatis, et aliunde quoad Ecclesiae praeceptum non videtur constituere materiam gravem. Ita S. Lig. — 2.<sup>a</sup> sententia affirmat, et hanc S. Lig. dicit non esse improbabilem. Ratio est, quia in re tam gravi non videtur dari levis materia in quacumque mutatione deliberata. Sed haec sententia parvi facienda videtur. — G. 287., L. 220.

31. *An in consecratione requirantur ut essentialia illa verba antecedentia:* Qui pridie quam pateretur, etc.... Simile modo, etc.?... — R. Negat. cum sententia communi, quam tenet S. Lig. 222., Lugo D. 11. S. 3., etc. Ratio est, quia haec verba historice tantum proferuntur, nec ullam efficaciam sacramentalem habere videntur. — G. 287., D'Annib. 254.

32. *An in consecratione Calicis sola haec verba:* Hic est calix Sanguinis mei... *sint de essentialia formae?* — 1.<sup>a</sup> sententia affirmat. Ratio est 1.<sup>o</sup> quia verba consecrationis panis sunt haec: *Hoc est Corpus meum*. Neque vero essentialia sunt alia verba: *quod pro vobis traahetur*. Ergo a pari verba consecrationis vini sunt tantum haec alia: *Hic est Sanguis meus*, vel alia aequivalentia. 2.<sup>o</sup> quia sola illa verba per se exprimunt praesentiam Sanguinis Christi sub speciebus vini. Ita communius et probabilius. 2.<sup>a</sup> sententia negat, quia posteriora verba designant virtutem sanguinis effusi in Passionem, quae operatur in hoc Sacramento. Cf. S. Th. 3. p. q. 78. a. 3. S. Alph. 223. inquit, sententiam Angelici esse valde dubiam, et addit: « Caeterum utraque sententia est speculative probabilis: sed in praxi certum est, quod sacerdotes graviter peccaret, si non proferret omnia verba, quae in consecratione Calicis habentur, et si forte tantum prima dixisset, deberet utique sub conditione, integre repetere formam ». Ita sane in Rubr. tit. 10. n. 3. praescribitur.

### III. — DE MINISTRO EUCHARISTIAE

33. *Quinam sit Minister consecrationis et dispensationis?* — 1.<sup>o</sup> Omnis et solus sacerdos est minister eucharistiae conficiendae. Constat 1.<sup>o</sup> ex Scriptura: Christus enim Sacramentum instituens, omnibus et solis Apostolis cum ipso recumbentibus, et promde omnibus et solis, qui in sacerdotio illis successuri essent, dixit: *Hoc facite in meam commemorationem*, Luc. 22., 19.; ergo omnes et soli sacerdotes hanc potestatem a Christo acceperunt; 2.<sup>o</sup> ex Trid. S. 22. C. 2. 3., Flor. Decr. pro Arm.; 3.<sup>o</sup> tandem ex universalis et perpetua traditione. S. Th. 3. p. q. 82. a. 1. — 2.<sup>o</sup> Soli sacerdotes seu presbyteri sunt ministri ordinarii dispensationis eucharistiae. Constat 1.<sup>o</sup> ex Trid. S. 13. C. 8. ubi dicitur: « Semper in Ecclesia Dei mos fuit, ut laici a sacerdotibus communionem acciperent, sacerdotes autem celebrantes seipsos communicarent »; 2.<sup>o</sup> ex praxi universali Ecclesiae. S. Th. 3. p. q. 82. a. 3. — 3.<sup>o</sup> Diacon. vi suae ordinationis, sunt ministri eucharistiae extraordinarii, ita ut possit eis committi huius sacramenti dispensatio. Constat 1.<sup>o</sup> ex praxi priorum saeculorum, in quibus diaconi passim ex commissione episcoporum, vel presbyterorum, sive generali, sive particulari, eucharistiam ministrabant; 2.<sup>o</sup> ex variis Conciliis, v. gr., Niceno I. generali, Carthaginiensi IV., etc.

L. 237., S. Th. 3. p. q. 82. a. 3. ad 1. ad 3. — 4.<sup>o</sup> Iure ordinario solus parochus, aut illius superior, potest eucharistiam dispensare. Ad hoc enim requiritur iurisdiclio, non quidem pro valore actus, ut in absolute, sed pro debito ministrandi ordine. Constat 1.<sup>o</sup> ex Conciliis, praesertim ex Carthag. I. Can. 7., et ex Milevitano, Can. 18., Clem. 1. *De Pricil.*, etc.; 2.<sup>o</sup> ex universali Ecclesiae praxi. Hinc qui sine licentia saltem praesumpta parochi eucharistiam ministrat, ius eius in re gravi violat, ideoque graviter peccat. Quando tamen parochus concedit aliis licentiam celebrandi in sua Ecclesia, semper censetur concedere licentiam quoque ministrandi eucharistiam, nisi contrarium exprimat; hoc etiam praxi communi confirmatur. L. 230. seq. — Non tamen ita facile praesumenda est licentia, si agatur de susceptione Eucharistiae ex obligatione. L. 235. Quare quoad communionem paschalem, ex Iure et universali Ecclesiae praxi, haec in propria cuiusque parochia sumenda est; item Viaticum extra casum necessitatis sine licentia parochi ministrare illicitum est. Sufficit tamen in utroque casu licentia rationabiliter praesumpta. — G. B. 288. 289.

34. *Haec S. Alph., et Basemb*: « Eucharistiam dispensare ex officio potest solus sacerdos habens iurisdictionem ordinariam, delegatam, aut saltem rationabiliter praesumptam, vel privilegium. Ratio est, quia pastorem proprium est pascere, quod praecipue fit per sacramenta ». L. 230. — « Pec at mortaliter, qui sine omni iurisdictione eucharistiam dispensat: quia violat alterius iurisdictionem in re gravi ». L. 234. — « Licet ministrat eucharistiam, qui praesumit rationabiliter pastorem factum suum approbaturum esse... Recte ait Roncaglia cum communi, quod cui conceditur facultas celebrandi, intelligitur etiam concessa facultas eucharistiam ministrandi. Et sic revera ubique usus habet ». L. 235. — « Si infirmus sacro viatico munendus sit, et proprius pastor absit, vel praesens non possit deferre eucharistiam, quivis alius sacerdos, vel regularis, vel secularis, et hoc deficiente etiam diaconus, ei conferre potest, quia tunc praesumitur voluntas episcopi aut Papae, etsi parochus renuat, sed iniuste ». L. 236. 239. — « In extrema necessitate, v. g. articulo mortis, si non esset alius, etiam diacono, imo laico licere, *secluso scandalo*, et alios seipsum communicare probabile est », L. 237., omni iterum irreverentia et scandalo remoto, quod nostris praesertim temporibus facile contingere potest. Quare casus non nisi rarissime accidere posset. L. 237. — « Habert dicit, quod occurrente necessitate, nempe tempore pestis, bene poterit iudicio episcopi etiam laicis permitti eucharistiam ministrare ». L. 237. — « Probabile est etiam *extra mortis articulum*, ex gravi causa, licere sacerdoti, *praeviso scandalo*, sacram hostiam sumere ex sacrario, vel a diacono allatam sibi ipsi dare, v. g. si in longo morbo diu non communicasset... Immo Croix, etc. dicunt, sola devotionis causa, sacerdotem semper posse seipsum communicare, quia, *praeviso scandalo*, nulla est irreverentia, nec ullibi est vetitum, nisi adsit alius sacerdos ». L. 238., La-Croix 472., G. Cas. 267. — Et D'Annib.: 262. « Diaconus permittitur eucharistiam dare in necessitate gravi: clericis, si diaconus desit, in periculo mortis; immo et laicis si desit clericus; maxime his, quibus nec poenitentia, nec Extrema-Unctio ministrari potuit. Cui autem licet aliis dare, huic et sibi dare licet, in eadem conditione rerum constituto. Adeoque licet sacerdoti, si alius sacerdos desit, seipsum communicare etiam sola devotionis causa: hoc idem licet diaconis quoties sacerdotibus licet. Clericis vero in extrema necessitate, si diaconus desit; immo et laicis, si desit clericus ». — Quoad communionem a laico exhibendam, etiam in casu necessitatis, ad Viaticum recipiendum, contraria videtur S. Thomae sententia, qui inquit 3. p. q. 82. a. 3.: « In reverentiam huius Sacramenti a nulla re contingitur, nisi consecrata: unde et corporale et calix consecrantur, et similiter manus sacerdotis ad tangendum hoc Sacramentum, unde nulli alii tangere licet, nisi in necessitatem, puta si caderet in terram, vel in aliquo alio necessitatis casu ». Et in 4. D. 13. q. 1. a. 3. ait: « tangere Corpus Christi ex officio soli sacerdoti competit; sed, in casu necessitatis, potest et debet laicus Corpus Christi tangere, etiam si sit pec-

cator, ut si in aliquo loco immundo iaceret. Sed non est simile de dispensatione sacramenti, quia receptio huius sacramenti non est necessitatis ».

35. *An ut Diaconus ministret, necessitas debeat esse extrema?* — R. Negat. cum sententia communi; sed sufficit necessitas gravis, nempe cum nullus adest sacerdos, qui commode eucharistiam ministrare possit. Sed ad id commissio episcopi vel parochi requiritur. — G. 290., D'Annib. 262., L. 236.

36. *An vel in quibusnam circumstantiis Religiosi SSmam Eucharistiam ministrare possint?* — 1.<sup>o</sup> Semper eucharistiam ministrare possunt in suis Ecclesiis sive per se sive per alios sacerdotes, excepto die Paschatis. Id constat ex privilegiis SS. Pontificum, praesertim Pauli III. et Pauli IV. Romae excipitur etiam fer. V. in *Coena Domini*. — 2.<sup>o</sup> Non possunt die Paschatis eucharistiam in suis Ecclesiis ministrare personis saecularibus, monasterio actu non inservientibus, et intra eorum septa ac Domos non residentibus, et sub eorum obedientia non viventibus; quamvis iam antea praecepto annuae communionis satisfecerint in propria parochia. Ita pluries S. C. C. apud Bened. XIV. De Syn. l. 9. C. 16., n. 3. — 3.<sup>o</sup> In aliis Ecclesiis eucharistiam ministrare non possunt, nisi de licentia saltem praesumpta parochorum, aut superiorum. — 4.<sup>o</sup> Neque Viaticum saecularibus, ut supra 2.<sup>o</sup>, nisi de expressa licentia parochorum, excepto necessitatis casu. Si vero secus agere presumant, excommunicationem incurrunt latae sententiae S. Pontifici reservatam per C. *Apostolicae Sedis* de censuris. — 5.<sup>o</sup> « Regulares licite dant eucharistiam... 1.<sup>o</sup> si aegrotus satisfecit praecepto de Viatico, cum intentione illud implendi: quia administratio eucharistiae tantum est vetita regularibus, quando praeceptum communionis obligat. Nunquam tamen, sine licentia episcopi, vel parochi, licet religiosus publice eucharistiam deferre per plateas, cum id iuri parochorum consuetudine obtento deroget: proinde eo casu in aegroti Oratorio, aliove honesto domus loco (si legitima habeatur facultas), privatim facto sacro, eucharistia est danda ». L. 239., 240., Elbel 57., La-Croix 624. 626., Bened. XIV. De Syn. l. 9. C. 15., 16.

37. *Quid de obligatione Eucharistiam dispensandi?* — 1.<sup>o</sup> Parochus, seu quivis sacerdos habens curam animarum, tenetur ex iustitia eucharistiam subditis ministrare, non solum in Paschate et in morte, sed etiam quoties rationabiliter petunt, seclusa tamen legitimi impedimenti causa. Ratio est, quia ad parochum spectat ex quasi-contractu providere, non solum ut fideles adimpleant praecepta, sed etiam ut non careant praesidiis, quae profectui spirituali valde prosunt. L. H. O. 8. — 2.<sup>o</sup> Sacerdos quilibet, sive saecularis sive regularis, tenetur, deficiente paroco, eucharistiam morituro ministrare; secus in aliis casibus. Ratio 1.<sup>mi</sup> est, quia quilibet ex caritate tenetur proximo suo in tanta extremitate constituto succurrere per hoc salutare et efficacissimum remedium. Talis enim obligatio ex generali regula caritatis evidenter sequitur. Ratio 2.<sup>di</sup> patet. Nulla enim intervenit obligatio, sive ex iustitia, cum nullus sit contractus, sive ex caritate, cum non supponatur adesse casus necessitatis. — G. 291.

38. *An Parochus teneatur etiam investigare infirmos Eucharistiam non petentes, ut eam ipsis ministret?* — R. Affirm., saltem si sint in gravi mortis periculo. Ratio est, quia officium est boni pastoris curare, ut media tam utilia et efficacia ovis in tanto periculo constitutis suppeditentur. Colligitur praeterea ex Iur. can., T. De celebratione Missarum. — G. 292.

39. *An Parochus teneatur per seipsum Eucharistiam subditis ministrare?* — R. Negat. Sufficit enim, ut provideat, ne opportune illud sacramentum petens, vel illo graviter indigens, eodem careat. Potest igitur ordinarie suam obligationem etiam per alios adimplere. Attamen praecavere debet scandalum, quod intervenire facile posset, si videretur otiosus et incuriosus, munia sua habitualiter per alios adimplendo. — G. 292.

40. *An graviter peccet Parochus, quoties Eucharistiam denegat ratio-*



*nabiliter potenti?* — R. Negat., si enim raro id faciat, v. gr., erga unum aut alterum, secluso scandalo, et gravi potentium contristatione, non peccabit nisi venialiter. Ratio est, quia in his raris et particularibus casibus non resultat gravis iniuria, nec grave damnum fidelibus potentibus, vel si adsit damnum, illud est facile reparabile. Ita omnes. — G. 292.

41. *An Parochus teneatur Eucharistiam, etiam cum vitae periculo, ministrare, v. gr., tempore pestis vel morbi contagiosi?* — R. Negat. valde probabiliter cum S. Lig. 233. Affirmant tamen plures innixi doctrina Benedicti XIV, de Syn. 1. 13. C. 19. — G. 292.

42. *Quandomam Parochus conceatur excusari ab Eucharistia subtilis potentibus ministranda?* — Legitimae excusatur 1.<sup>o</sup> quando subtili ob varias circumstantias non rationabiliter petunt, v. gr., si petant, ante missam, quando possint expectare sine magna difficultate, vel si nimis importune petunt, etc.: 2.<sup>o</sup> si ipse parochus ob infirmitatem, aliasve occupationes necessarias impeditus sit, etc.: tunc enim communionem ex mera devotione faciendam licite denegaret, aut in aliud tempus commodius differret. Attamen in hoc caute agendum est, quia ex huiusmodi denegatione fideles facile possunt scandalum accipere, et quidem, amissa fiducia debita in pastorem, a sacramentis saepius recipiendis arceri. Ita omnes. — G. 293.

43. *Quid requiratur ad licitam Eucharistiae dispensationem?* — 1.<sup>o</sup> Praeter iurisdictionem, requiritur ut minister sit liber ab omni excommunicatione, interdicto et suspensione a sacris: secus enim graviter peccaret, et irregularitatem contraheret. — 2.<sup>o</sup> Requiritur, ut minister sit in statu gratiae, quia augustissimum et sanctissimum Christi Corpus impuris manibus tractari non debet. Unde toties peccat sacerdos, quoties reus peccati mortalis communionem distribuit, licet probabiliter non tot peccata committat, quot sunt personae in eadem distributione Eucharistiae communicantes. L. 30. seq. Excusant tamen a gravi peccato gravissimi Theologi, v. gr. Lugo, de Sacramentis, D. 8. n. 155. et alii apud S. Lig. 35. — 3.<sup>o</sup> Requiritur, ut minister eucharistiam distribuatur ritu Ecclesiae consueto. Hinc generatim loquendo, omittenda est huius sacramenti administratio, quando more a Rit. Rom. vel loci consuetudine praescripto fieri nequit. L. 241. seq. — G. 294.

44. *Resolves:* 1.<sup>o</sup> Secluso casu necessitatis, extra missam, grave est eam ministrare sine ulla veste sacra, sine superpelliceo vel alba: est enim gravis indecentia et irreverentia, et contra grave praeceptum Ecclesiae. At sine lumine, sine confessione, imo sine stola leve est peccatum. Levis enim apparet irreverentia. Si minister vero desit, ipse sacerdos omnia peragere potest. Versiculi *Domine exaudi*, etc., *Dominus vobiscum*, etc. cum Oratione propria sunt de praecepto S. R. C. 24. Sept. 1842. Similiter veniale tantum habetur eucharistiam transferre sine vestibus sacris, de loco ad locum, v. gr. de altari ad aliud. Reuter, n. 168., L. 241., G. 295. 301. 302., D'Annib. 274. — 2.<sup>o</sup> Non licet sine causa plures particulas, vel grandiores tradere, ut satisfiat devotioni accipientis, quod tamen leve est. S. C. C. 12. Febr. 1699., L. 245. Si particulae deficient, et necessitas adsit, v. g. si desit alia Missa, si fideles expectare non possint, dividi possunt particulae consecratae in duas vel ad summum in tres partes, quia secus vix posset communicatio cum debita reverentia dari. S. R. C. 16. Mart. 1833., La-Croix 508. Quin imo deficientibus hostiis minoribus, sacerdos detrahare potest partem maioris a se sumendae, sive in casu Viatici moribundo deferendi, sive si esset communicaturus unus vel alter fidelis, qui secus non absque incommodo Communionem expectare deberet. L. 217. Licet in defectu minorum plures maiores consecrare easque deinde in minores partes divisas distribuere L. 245. — 3.<sup>o</sup> Infirmitas deferenda est regulariter, manifeste et honorifice. Rit. Rom. tit. 2. § 5. Dicitur *regulariter*: siquidem excipiuntur tamen quaedam circumstantiae, v. gr. loca haereticorum, ubi manifeste deferri

nequit. Item aliquando etiam in locis catholicorum, si aliter aegroto sanctum viaticum deferri absque incommodo quopiam non possit. Id tamen absque licentia episcopi, ubi consuli possit, fieri non debet. Gousset 240., G. 305. Ex Bened. XIV. C. *Inter omnigenas* habetur, quomodo tunc SS. Sacramentum sit deferendum. « Sacerdos, ait, stolam semper habeat, coopertam vestibus, in sacculo seu bursa pyxidem recondat, quam per funiculos collo appensam in sinu reponat, et nunquam solus procedat, sed uno saltem fidei, in defectu clerici, associetur ». « Putant quidam, ait S. Alph. 241., si habitus haberi non possit, aut si tempestas, aut iter faciendum, non fore irreverentiam, si sacerdos eucharistiam in pyxide, vel corporali involutam in sinu suo clam deferat. Quod certius videtur licere in locis haereticis, ubi etiam necessitate, et clam, praeciso scandalo, poterit porrigere sine stola, et superpelliceo ». — Infirmis eucharistia deferenda non est noctu, nisi necessitas urgeat morientis et, in tali casu, licet eam deferre etiam in fer. VI. Paraseev., sed privatim, etiam sine luminibus, etiam sine sacris vestibus, etiam currendo, dummodo absit scandalum. L. 241. 242. Sed nunquam licet etiam morientibus ministrare sub specie vini, quod grave est. « Ut viaticum ob locorum distantiam, difficultatem itinerum, viarum asperitatem a parochio deferri possit equitando, S. R. C. indulget, de consensu tamen Episcopi ». 23. Jan. 1740. Propter aeris inclementiam deferri etiam potest capite cooperto, sed non intra civitatem vel oppidum, et de consensu Episcopi. S. R. C. 10. Jan. 1693., 22. Jan. 1740., L. 241. 243., H. A. Tr. 15. n. 12., G. 307., D'Annib. 274., Scav. l. 3. n. 245. Eucharistia non est deferenda ad aegrum venerationis tantum causa ut adoret, vel osculetur, si sumere non possit. Id enim prohibuit Pius V. cuius prohibitionis meminit De Lugo Resp. Mor. l. 1. D. 11., L. 243. — 4.º In Oratoriis privatis, nec parochus, nec quilibet alius celebrans, sacram synaxim praebere potest, sine licentia episcopi; quamvis ex Indulto Apostolico in iis Oratoriis possit missa celebrari; ut declaravit Benedictus XIV. in Enc. *Magno*, 2. Jun. 1751. §§ 23. 24. L. 359. — 5.º « *Advertendum* est, « quod si sacerdos deferat communionem infirmo in valetudinario, et remaneant reliquiae in patena vel calice, poterit sacerdos eas sumere, si adhuc sit sacris indutus vestibus. Bene vero poterit etiam eas dare infirmo statim post particulam ipsi traditam, quia tunc censetur moraliter una communio, prout recte dicunt idem Tamb., etc., qui testatur sic usum ferre, ut post communionem aegri abluatur pyxis, et ablutio ipsi tradatur ». L. 251. Ex Rit. Rom. ablutiones debent infirmo dari.

45. *Quandoam ministrari potest Eucharistia?* — 1.º Ministrari potest tum extra missam tum in missa, ut constat ex Rit. Rom., et recepta consuetudine. In missa autem ministrari potest, qualiscumque ea sit; etiam Defunctorum, et in paramentis nigris, sive intra missam, nempe post Communionem Sacerdotis, pixidem etiam extrahendo, sive immediate ante, vel ex iusta et rationabili causa immediate post, ommissa in utroque casu benedictione et tempore paschali omisso *Alleluia*, licet Oratio et Versiculi de tempore dici debeant. Constat item ex Rit. Rom., ex praxi, et ex Resp. S. C. R. 7. Dec. 1844., 23. Jul. 1868. 26. Nov. 1878. Bened. XIV. De Sacrit. Miss. l. 3. C. 18. — 2.º Quavis die ministrari potest, excepta fer. VI. maioris hebdomadae, uti eruitur ex Rubrica, quod sub gravi prohibetur: neque dari potest in Missa Sabbati Sancti, nisi aliud ferat usus; sed post missam licet, S. R. C. 7. Sept. 1850., vel, si id ferat consuetudo, post cantatum *Gloria*, S. R. C. 13. Jan. 1882. Neque item dari potest in missa Nativitatis D. N., quae media nocte celebratur, S. R. C. 27. Jun. 1868. Excipe tamen casum privilegii vel legitimae consuetudinis. — 3.º Ministrari item potest quavis hora, qua missa celebratur, imo qualibet hora diei. Nulla enim de hac re habetur prohibitio. Verum sub vespere ministranda non est, nisi adsit aliqua specialis causa: noctu autem non nisi in casu necessitatis: tum propter hodiernam consuetudinem, tum propter scandalum vel potius admirationem vitandam: quod, ut patet, non verificatur in Communitatibus, quae SS. Eu-

charistiam in domestico Saecello asservant. ubi de infirmorum Communione agatur. L. 252. 349., Suarez D. 66. S. 5., G. 297. 305.

46. *An immediate post consecrationem possit Communicatio ex iusta quadam causa populo distribui ab alio Sacerdote ex particulari in Missa consecratis antequam Celebrans communicet?* — R. Controversitur. Alii affirmant, quia uti huiusmodi particulae possunt non consumi a sacerdote vel ab aliis communicantibus, etiamsi sint per modum unius victimae, dummodo sacerdos aliam partem materiae tunc consecratae sumat, ita poterant per alium sacerdotem deferri in alium locum pro usu fidelium etiam ante communionem sacerdotis, dummodo remaneat quantum sufficit ad integritatem sacrificii. Alii negant, quia omnes orationes et benedictiones sequentes aeque spectant ad illas, neque deest, ut alius participet prius de sacrificio, quam ipse sacerdos, qui est principaliter offerens. Diana, Tr. 1. de Celebr. Miss. R. 232. 233., G. Cas. 262.

47. *An Sacerdos laborans infirmitate in pollice et indice, Eucharistiam aliis digitis ministrare possit?* — Negandum videtur, saltem probabilius, secluso casu gravissimae necessitatis. Ita S. Lig. 244. Ratio est, quia licet tota manus sit consecrata, attamen index et pollex ex ritu Ecclesiae ad hoc munus exercendum specialiter sunt destinati. G. 296. Paulo severius, ait Biller., heic videtur exigi necessitas gravissima, et adducit La-Croix, qui de hac re ita scribit. l. 6. P. I. n. 480. « Probabile est, sacerdotem licet distribuere communionem posterioribus digitis, si nequeat primis ob chiram vel aliud impedimentum, uti habent Toletus, Arriaga, Leander, alique cum Gobat... Quia licet soli primi digiti inungantur, tamen tota manus videtur consecrata; hinc infert Gobat, sacerdotem peccatum tantum venialiter, qui sine causa digitis ultimis tangeret hostiam ». Card. D'Annib. refert utramque sententiam et ait: « Prior sententia communior est, a qua recedendum non puto, praeterquam necesse est dare viaticum morituris; quibus et medio instrumento, v. g. cochleari, dari posse non improbabile putat S. Alph. 490. », tempore e. g. pestis.

48. *Quid faciendum, si Hostia in terram decidat?* — Locus, in quem sancta hostia decidit, statim tegendus est aliqua re munda, et postea abluendus. Si cadat in mappam, seu linteolum, quo manus communicantis obteguntur, locus spinula statim signandus est, et postea pari modo abluendus. Ita Rubrica, quae tamen non obligat sub gravi iuxta communem sententiam; graviter tamen obligaret ad abluendum locum, in quem decidissent sacrae species vini, quippe ipse imbibitur; non est tamen opus, ut id in quod inciderunt comburatur. L. 250., La-Croix 484., G. B. 296. — Rubr. de defect. etc. tit. 10. n. 12.: « Si per negligentiam aliquid de Sanguine Christi ceciderit, si quidem super terram, sive super tabulam, lingua lambatur, et locus ipse radatur quantum satis est et abrasio comburatur; eius vero in sacrarium recondatur. Si vero super lapidem altaris ceciderit, sorbeat sacerdos stillam, et locus bene abluatur, et ablutio in sacrarium proiciatur. Si super linteum altaris, et ad aliud linteum stilla pervenerit; si usque ad tertium, linteamina ter abluantur; calice supposito; et aqua ablutionis in sacrario proiciatur ». Et idem ibi dicitur, si Sanguis cadat super corporale, vestes, aut tapetum. Et n. 13. « At si contingat totum Sanguinem post Consecrationem effundi, si quidem aliquid vel parum remansit, illud sumatur, et de effuso reliquo Sanguine fiat ut dictum est. Si vero nihil omnino remanserit, ponat iterum vinum et aquam, et consecret ab eo loco. Simili modo postquam coenatum est, facta primo tamen calicis oblatione, ut supra ».

49. *Quid faciendum, si Hostia decidat in vultum, barbam, aut vestes communicantis?* — In praefatis casibus omittenda est purificatio; quia melius est vitare admirationem,urbationem, aut offensionem populi, quam servare Rubricam, sub levi tantum obligantem. — G. 296., L. 250.

50. *Quid faciendum, si Hostia decidat in sinum vel intra vestes mu-*



*liris?* — Ipsa mulier hostiam extrahere debet, et porrigere sacerdoti, a quo deinde illam in os recipiat. *Sic Bened. XIV. de Sacrificio Missae, sect. 2. n. 176.* Digiti vero mulieris abluantur, et ablutio in piscinam deiciatur. Si mulier nequeat facile hostiam ibidem extrahere, seorsim recedat, v. gr. in aliquod sacellum, vel in sacristiam, etc. — G. 296.

51. *Quid agendum si supersint particulae consecratae, nec sit tabernaculum, in quo reponantur?* — Sumendae sunt a celebrante ante purificationem et ablationem, si facile fieri possit, seu si non sint in nimia quantitate. Secus ad tabernaculum proximum cum ritu consueto deferendae forent; neque committendum, ut plures hostiae fidelibus ministrentur. Caveat autem sacerdos, in quantum adiuncta permittunt, ne nimiam particularum quantitatem consecret. — G. 303.

52. *An Sacerdos ministrans Viaticum possit omittere verba illa in Rituali praescripta: Accipe Viaticum, etc.?* — R. Probabiliter affirm., casu quo infirmus magna animi tristitia communionem per modum viatici sit suscepturus. Ratio, quia ad satisfaciendum praecepto non requiritur intentio satisfaciendi. Quamvis vero omnia in Rituali caderent sub praecepto, hoc nullo pacto grave est: ad excusandum vero a praecepto levi sufficiens est illa moeroris ratio. L. 285.

53. *An pluries deferri possit Eucharistia infirmis non ieiunis, seu per modum Viatici?* — R. Affirm., et non solum si recurrat novum mortis periculum, sed etiam si idem perduret. Ita communis est vera sententia, ait S. Lig. 285. Confirmatur auctoritate Bened. XIV., qui de Syn. l. 7. C. 12. testatur nullum theologum alicuius nominis hanc sententiam negare; et addit ibid. n. 5.: « Episcopus insinuet parochis, posse et debere viaticum in eadem infirmitate iterum ac tertio administrari, praesertim si aegrotus exposcit, et si velit: poenam decernat in parochos qui aegrotis devote postulanti bus iterum et tertio Eucharistiam deferre detrectant, falsis praetextibus ». — G. 308.

54. *An Eucharistia frequenter deferri possit decumbentibus?* — R. Affirm., per se. Hoc tamen a circumstantiis pendet, scilicet a particularibus eorum dispositionibus. Parochus debet, quantum in ipso est, infirmos ad frequentem communionem adhortari. Gousset, 235. — G. B. 308.

55. *Quid agendum sacerdoti, si ad infirmum cum SS. Sacramento adveniens, eiusque confessionem excipiens, eum indispositum invenerit?* — Imprimis satagere debet confessarius, prout melius poterit, poenitentem ad meliorem frugem adducere. Si res non succedat, et v. gr. infirmus aut occasionem proximam peccati abrumpere, aut restitutionem gravem et certo debitam non promittat, absolvi sane non postet. Quid autem de communionem? Inducendus enixe est poenitens, ut, peracta confessione, declaret publice, se nolle adhuc eucharistiam suscipere. Quod si hanc declarationem praestet, iam evanesit difficultas; patet enim eucharistiam ei ministrandam non esse. Si vero id declarare degenet, atque communicare velit, eucharistia eidem, licet indisposito, ministranda est, ad servandum nempe intactum confessionis sigillum. Gousset, 237., et alii. — G. 308.

56. *Quid agendum, si infirmus nequeat aut nolit sumere ablationes, prout statuitur in Rit. Rom.?* — Potest tunc sacerdos eas prolicere in ignem apud ipsum infirmi domum, vel secum ad Ecclesiam deferre ut eam in Sacramentum proiciat. Posset etiam, rei difficultatem praevidens, digitos abluere cum Purificatorio, prius madefacto.

57. *Utinam et quomodo asserenda sit Eucharistia?* — 1°. In qualibet Ecclesia parochiali vel filiali parochiae et cathedrali servanda est eucharistia, ut opportune potentibus semper dari possit. Rit. Rom., etc. Potest etiam assevari de iure communi in Ecclesiis regularium vota solennia emittentium. Assevari etiam permittitur « in Ecclesiis monialium viventium

in clausura... Non permittitur autem in collegiis solius Ordinarii auctoritate constitutis, ut sunt conservatoria... Idem decrevit S. C. respectu granciar. regularium ». L. 124.248. In aliis autem Ecclesiis asservari nequit absque speciali Papae licentia. Sic statuerunt SS. CC. Conc. ac EE. et RR. apud Ferraris, v. *Eucharistia*, art. 1. n. 46. — 2.<sup>o</sup> Asservanda est Eucharistia in tabernaculo mundo, in medio Altari posito bene clauso, et in pyxide decenti super corporale reposita, et albo velo cooperta. Porro tabernaculum, in quo reconditur SS. sacramentum, cooperiri debet conopaeo ex teli serico, vel ex lana aut gossipio. Rit. Rom., S. C. R. 21. Jul. 1855., Aug. 1861. — 3.<sup>o</sup> Nulibi conservanda est eucharistia sine lumine, quod semper ardere debet. Sic enim in Rit. Rom. statuitur: « lampades coram eo (tabernaculo) plures, vel saltem una diu nocturne perpetuo colluceat ». Sic etiam statuerunt variae Congreg., quae volunt, ut si Ecclesia sit nimis pauper, instituatur collector elemosynarum, ut oleum sufficiens habeatur. Ferraris, v. *Eucharistia*, a. 1. n. 45. — G. 309.

58. *An aliae res sacrae in tabernaculo reponi possint?* — R. Negat. Constat ex Rit. Rom. *De Euchar.* Hinc nec Reliquiae, nec Chrisma, nec Oleum infirmorum in eo reponi possunt. — G. 310.

59. *An ciborium debeat esse consecratum, et argentum?* — R. ad 1.<sup>um</sup> Non debet necessario esse consecratum, sed sufficit, ut sit benedictum. Constat ex Rit. Rom., in quo benedictio pyxidis adnotatur inter ea, quae unctione Chrismatis non indigent. Item ex Pont. Rom. L. 248. — Ad 2.<sup>um</sup> Nihil iure communi statuitur. Et videretur quidem equiparandum calici et patenae, quae debent esse ex auro, vel argento, vel saltem ex stanno, si Ecclesia sit valde pauper. Sed non potest esse ex aere, nec ex ligno, aut vitro, etc. *De Consecr.* dist. 1. c. 45. Caeterum si vasa sacra non sint ex auro, intus deaurari debent. — G. 310.

60. *An graviter peccet qui negligit asservare lumen coram SS. Sacramento?* — R. Affirm. per se, si tempus sit notabile. Ita communiter theologi cum S. Lig. 248. Imo plures auctores dicunt tempus esse notabile, si integro die fiat. Sic Busemb., cuius verba refert et implicite approbat S. Lig. ibid. — G. 310.

61. *An requiratur oleum olivarum ad lampadem Ecclesiae nutriendam, vel aliud oleum ex vegetalibus, v. gr., ex nucibus, vel ex mineralibus, ut petroleum, sufficiat?* — Generatim oleo olivarum utendum est; ubi vero haberi nequeat, aliud oleum ex vegetalibus, quantum adiuncta ferunt, ab episcopo permitti potest. S. C. R. 9. Jul. 1864. Unde sequitur etiam petroleum non excludi, et, urgente necessitate, ab episcopo permitti posse.

62. *Quid faciendum de fragmentis Hostiarum quae reperiuntur?* — 1.<sup>o</sup> Si sacerdos inveniat fragmenta sui praesentis sacrificii, ea sumere debet, etiam post ablutionem, sive sint parva, sive magna, quia ad idem sacrificium spectant. Sic ex Rubr. tit. 7. n. 2. Hoc autem servandum est, non solum immediate post missam, sed etiam si sacerdos sit in sacristia, adhuc tamen indutus vestibus sacris. Ita communiter L. 251., Bened. XIV. *De Sacrif. Miss.* Si vero sacerdos iam sit exutus vestibus sacris, fragmenta reponere debet in tabernaculo, si adsit, vel reservare alteri sacerdoti eodem mane celebraturo. Si neutrum fieri possit, ipse eaumat. L. ib. — 2.<sup>o</sup> Si autem reliquiae fuerint in alia missa consecratae, non sunt sumendae post purificationem et ablutionem, sed in loco decenti reponi debent. Ratio est, quia Rubr. Sacerdoti non ieiuno permittit tantum sumere illas reliquias, quae ad idem sacrificium spectant. Si tamen hoc fieri non possit, et adsit grave periculum irreverentiae, tunc eas Sacerdos absumat, etiam postquam sacras vestes exuerit. Ita communiter. L. ib., D'Annib. 278. — 3.<sup>o</sup> Si laici fragmenta inveniat, moneat quamprimum sacerdotem, si quis prope sit, vel eum accersat, si inveniri queat. Sacerdos autem fragmentum reverenter colligens, reponet in ciborio, vel in loco decenti et tuto, si tabernaculum desit, ut in proxima

missa sumi queat. Si autem sacerdos non possit haberi, colligatur reverenter fragmentum ab ipso laico in charta, vel linteolo mundo, mediante spinula, et reponatur intra corporale, aut in vase decenti, donec sacerdos advenerit. — G. 312.

63. *Quid agendum, si inveniatur in altari, vel alibi, Hostia, certo vel dubie consecrata?* — 1.<sup>o</sup> Si hostia credatur certo consecrata, et aliunde videatur munda et recenter consecrata, reponenda est cum aliis in ciborio. Potest etiam sumi a celebrante ante purificationem et ablationem. Si autem non sit munda, vel si extracta a loco non mundo fuerit, aut non sit recenter consecrata, non est immiscenda cum aliis, sed celebrans eam sumere poterit ante purificationem et ablationem: quod si nimiam repugnantiam experiat, hostiam seorsim in tabernaculo reponet in vase mundo, donec corrumpatur, et corrupta in sacrarium deliciatur. Sic ex Rubr., tit. VII. *De Defect.* — 2.<sup>o</sup> Si dubie sit consecrata, sumenda est a sacerdote in missa ante purificationem et ablationem; quod si nimiam nauseam ipsi provocet, reponenda est in tabernaculo, seorsim, donec corrupta fuerit, ut modo dictum est. Sic Rubr., *De Defect.* III. n. 4. 5. — G. B. 313.

64. *Quid faciendum, si infirmus sacras species reiecit?* — 1.<sup>o</sup> Si appareant, debent solum in vase mundo colligi, in Ecclesiam deferri, et in loco tuto et bene clauso servari donec sint omnino corruptae, ita ut in piscinam sine irreverentia proici possint — 2.<sup>o</sup> Si non possint discerni, ut pote sordibus omnino permixtae, os quidem infirmi detergendum est; quidquid vero fuerit reiectum, stuppis colligatur; deinde combustis stuppis, cineres in piscinam sunt proiciendi. Renter 169., Gousset 232., G. 313. — Notanda hic Rubr. de def. M. tit. 10. n. 14. « Si sacerdos evomat Eucharistiam, si species integrae appareant reverenter sumantur, nisi nausea fiat: tunc enim species consecratae caute separentur, et in aliquo loco sacro reponantur, donec corrumpantur, et postea in sacrarium proiciantur. Quod si species non appareant, comburatur vomitus, et cineres in sacrarium mittantur ».

65. *An, vel quando renovandum sit ciborium?* — 1.<sup>o</sup> Ciborium certo, veteribus particulis consecratis omnino consumptis, S. R. C. 3. Sept. 1672., renovandum est, ne species consecratae corrumpantur. Imo renovandum est frequenter ut praescribit Rit. Rom. — 2.<sup>o</sup> Iuxta Bened. XIV. renovandae sunt particulae consecratae singulis octo aut saltem quindecim diebus C. *Etsi pastoralis.* § VI., De Sacrificio Missae, App. 3. § 6. n. 5. Et haec est praxis communior, utut Caeremoniale Episcoporum renovationem particularum octavo quoque die faciendam praescribat. — G. 314.

66. *Quando renovandum sit ciborium?* — Renovatio ciborii facienda est in ipso missae sacrificio. Celebrans, sumpto pretiosissimo Sanguine, antiquas hostias sumet, licet multae sint; potest autem 20. aut 30. hostias sic consumere iuxta Elbel 77.; imo 50. vel 60. iuxta La-Croix 501. Raro autem eveniet, ut plures sint, quia consecrari non debet, nisi ea circiter quantitas, quae sufficiens esse videatur. Si autem aliquando multo maior quantitas hostiarum absumentum foret, sacerdos eas in pluribus missis, divisi, aut etiam plures sacerdotes successive celebrantes sumere possent. Particulae autem minutiores in ciborio repertas conciet sacerdos in calicem, easque superinfuso vino, sumet et novas hostias in ciborio omnino vacuo deponet. Potest etiam vinum in ciborium infundere ad minimas particulas colligendas. Vinum tamen non erit a ciborio bibendum, sed in calicem refundendum. La-Croix, 502. Similiter vinum infundi in ciborium potest, quando purificandum est, ut in sacrarium referatur. — Si sacerdos ex inadvertentia pumsisset prae ablatione, adhuc posset purificare ciborium; et sumere reliquias, eo quod pro sumptione moraliter una reputatur. Ita La-Croix 562., Elbel 77., Tambur. de Communione, C. 2. n. 51.

67. *Nota:* Particulae consecrandae debent esse recentes. Optandum



foret ut non excederent quindecim dies, vel ad summum, mensem a tempore quo confectae sunt. Incuria parochorum et aliorum hac in re grave peccatum constituere potest. Gardellini. Consuetudo consecrandi hostias a tribus vel sex mensibus confectas, est ingens abusus omnino tollendus. Quod si huiusmodi abusum tolerare videatur parochus, eius vicarii, aut alii sacerdotes, istis hostiis uti nequeunt. S. C. R. 16. Dec. 1823. G. 315. « Verum post ablationem ... non licet sumere particulas alterius sacrificii, quae sunt in ciborio, ad illud expurgandum, ut docet Suarez. Lugo cum comm. licet contrarium probabile dicat Tamb., nisi adsit periculum irreverentiae. L. 288. 251., S. R. C. 3. Sept. 1672. Cf. supra n. 62.

#### IV. — DE SUBIECTO EUCHARISTIAE

68. *Quodnam sit Eucharistiae subiectum?* — Solus homo baptizatus eucharistiam sacramentaliter recipere potest: quia solus baptizatus est capax sacramentorum. Hinc infidelis eucharistiam recipiens, vere quidem, sed materialiter tantum, non vero sacramentaliter eam reciperet. Homo autem baptizatus, sed indispositus, sumit quidem sacramentaliter, sed non spiritualiter, seu sine fructu recipit. Baptizatus vero dispositus tum sacramentaliter tum spiritualiter, seu cum fructu sumit. Ita Trid. S. 13. C. 8. — G. 315.

69. *Quoniam sit obligatio suscipiendi Eucharistiam?* — 1.<sup>o</sup> Certum est eucharistiam non esse necessariam *necessitate medii ad 1.<sup>am</sup> iustificationem* obtinendam, secundum *realem susceptiōnem*. Utrum autem necessaria sit saltem *in voto* necessitate medii, disputatur. Ad praxim vero quod attinet res difficultatem non habet. Ex omnium enim sententia sufficit votum saltem virtuale et implicitum. « Adulti autem tale votum habent dum sacramenta baptismi aut poenitentiae suscipiunt, parvuli vero votum habent non ex voluntate propria, sed ex voluntate implicita Ecclesiae ». L. 192. Itemque disputatur, *an in re, vel in voto*, sit medium necessarium adultis ad *vitam spiritualem conservandam*. Negat Suarez, aliique; quia non desunt alia media. Affirmant Sal u., aliique, quia vita animae sine cibo spirituali conservari nequit; adeoque necessaria est saltem in voto, et quidem explicito in eo, qui necessitatem huius sacramenti advertit. Unde tenent non excusari a peccato, etiam qui semel in anno eucharistiam sumunt, si norint communionem tam raram eis non sufficere ad perseverandum, habita ratione propriae infirmitatis. L. 193. — 2.<sup>o</sup> Sumptio eucharistiae fidelibus adultis est necessaria *necessitate praecepti divini* obligantis, tum in articulo mortis per modum Viatici, tum etiam saepius in vita. Prob. tum ex SS., tum ex Conc. Nicaeno et Trid. S. 13. C. 6., tum ex praxi Ecclesiae, tum quia eucharistia est instituta per modum cibi, cuius usus saepius est necessarius. L. 290. — 3.<sup>o</sup> « Aliquando *per accidens* tenetur homo ex hoc divino praecepto ad communicandum forte etiam saepius in anno, si hoc censeret necessarium ad superandam aliquam gravem tentationem. Hoc tamen dicit Suarez rarissime evenire posse, cum ad hoc sufficere possint alia remedia, orationes, poenitentiae, etc. Eo casu autem, quo communio esset necessaria, homo illam omittendo non peccaret contra illius praeceptum, sed contra virtutem, adversus quam tentationem patitur. Caeterum certum est apud omnes, quod huic praecepto, per se loquendo, quisque satisfaciatur communicando semel in anno ». L. 295. G. 318. — 4.<sup>o</sup> Sumptio eucharistiae necessaria est etiam ex gravi praecepto Ecclesiae semel saltem in anno ad minus in Paschate, nisi forte de proprii sacerdotis consilio ob aliquam rationabilem causam ab huiusmodi susceptione duxerit abstinendum. Conc. Later. IV. C. *Omnis De Poenit. et remiss.*, Trid. S. 13. can. 9. — 5.<sup>o</sup> Sumptio eucharistiae sub utraque specie non solum

non est necessaria pro laicis: Trid. S. 21. c. 1.; verum etiam prohibita; idque etiam in necessitate Viatici sumendi. Nam tum reverentia huic sacramento debita: maxime enim in casu mortis est effusionis periculum, tum ut radicatus extirpetur haereticorum error, dicentium non contineri totum Christum sub singulis speciebus, vel usum calicis esse necessarium, et Ecclesiam errasse ministrando unam speciem sine alia, sufficiens motivum est, ut Ecclesia cum tanto rigore id prohibeat. Unde neque dari potest gutta calicis consecrati moribundo, qui non possit accipere species panis pro viatico, et posset accipere stillam sanguinis, quia in re tanti momenti non est aperiendum ostium ad alias licentias; etiamsi homo ille moriatur sine viatico. Cf. Lug. Resp. Mor. 1. 1. D. 10., Suarez D. 71. S. 3.

70. *Resolvitur*: 1.<sup>o</sup> Quisquis fidelis in periculo vitae, quod praevidet, tenetur sub mortali communicare. L. 291. — 2.<sup>o</sup> Qui post viaticum sumptum peccavit mortaliter non tenetur denuo communicare. L. 293. — 3.<sup>o</sup> Qui non communicavit in periculo mortis non tenetur postea supplere. L. 293.

71. *Quandonam pueri communicare possint, aut debeant?* — « Ob maiorem reverentiam huius sacramenti Ecclesia latina merito illud parvulis dari prohibuit ». L. 301. Idque valet etiam in periculo mortis talium parvulorum, qui adhuc rationis impotes sunt, tum quia idem adest periculum irreverentiae, tum quia talis est usus Ecclesiae Romanae. E: qui aliter ageret, peccaret graviter. L. 301. — An autem pueri statim ac habent usum rationis possint ac debeant communicare? « 1.<sup>a</sup> sententia affirmat ... 2.<sup>a</sup> sententia vero communissima et probabilior negat teneri ... Eorum autem, qui hanc sententiam tuerentur alii dicunt tales infantes nec teneri, nec posse communicare, alii vero non teneri, sed posse semper ac sciant discernere celestem hunc cibum a profano. Communiter dicunt DD. regulariter loquendo, pueros non obligari ad communionem ante annum, vel decimum annum; nec differendam eis esse communionem ultra duodecimum ». L. 301. Sane recepta consuetudo ita est interpretata praeceptum hoc, ut eo pueri non adstringantur, antequam perfectiorem habeant usum rationis, ut maiori cum reverentia et fructu eucharistiam suscipiant. « Sed quando iam pueri incipiunt aliqualem usum rationis habere, ut possint devotionem concipere huius sacramenti, tunc potest eis hoc sacramentum conferri ». S. Th. 3. p. q. 80. a. 9. ad 3., 4. Dist. 9. q. 1. a. 5. q. 4. — « Qua vero aetate, ait Cat. Rom. de Euch. Sacr. n. 68., pueris sacra mysteria danda sint, nemo melius constituere poterit quam pater et sacerdos cui illi confitentur peccata. Ad illos enim pertinet explorare et a pueris percontari an huius admirabilis Sacramenti cognitionem aliquam acceperint et gustum habeant ». Atque id spectat etiam ad Parochos, quoad pueros, qui ipsis a parentibus praesentantur. Bened. XIV. C. *Etsi minime* 7. Febr. 1844. § 4.

72. *An teneatur quis suscipere sacrum Viaticum, instante mortis periculo, si paucis ante diebus et devotione communicaverit?* — Affirmandum videtur, saltem probabilius. Ratio est, quia hoc praeceptum, ex interpretatione Ecclesiae, urget in periculo mortis, ut contra hostes spirituales hoc divino praesidio muniamur. Ergo non impletur per Communionem ante mortem factam; quia licet quis opus praescriptum impleverit, non tamen impleat tempore quo tenebatur. L. 285., Billuart, Salmant., etc. Negant tamen plures cum Lugo, D. 15., n. 39. Ratio horum est, quia praeceptum Communionis in substantia iam adimpletum est. S. Alph. l. c. de negante hac sententia ait: « Sententia communior negat, etiamsi communio praecesserit octo diebus: hanc tenent Layman, Lugo cum communi, ut asserit Ronc. cum Conc., Ang., Fill., Tab., Henr., Moll., Suar., qui cum Soto et Palud. eam tenet, si communio triduo antea sit suscepta; et probabilem putant Palud. et Salm. ... Haece sententia est satis probabilis saltem si periculum mortis naturaliter accedat, quia per breve illud tempus antecedens iam moraliter coepit imminere, quamvis fuerit ignoratum ». Imo aliqui apud Busemb. putant non esse saltem mortale communionem omittere, dummodo

in paschate sumpseris. Huic vero sententiae minime acquiescit, et iure S. Lig. 291. 297. in fine par. *Dicit*.

73. *An qui mane communicavit ex devotione, teneatur aut possit, urgente periculo mortis, Viaticum sumere?* — 1.<sup>a</sup> sententia affirmat teneri, quia tunc suscipiendum est viaticum ad adimplendum praeceptum divinum, quod cum nondum urgeret, quo tempore sumpta est communio, impleri ideo per eam sumptionem non potuit. — 2.<sup>a</sup> sententia dicit non teneri, sed posse communicare: 1.<sup>o</sup> quidem non teneri, quia tempus, quo communicavit, est moraliter idem, cum sit eadem dies; 2.<sup>o</sup> posse: quia licet rigore non videatur teneri, non ideo tamen prohibetur, quippe favores sunt ampliandi. — 3.<sup>a</sup> sententia contendit nec teneri, nec posse communicare. Ratio est, quia cum praeceptum obliget ex intentione Ecclesiae, praxis Ecclesiae est, ut nemo bis in die communiqueet; nec adest ratio, cur casus iste sit excipiendus. In praxi igitur pro libertate standum est. — « Omnes has tres sententias probabiles putat Bened. XIV. sic dicens: « In tanta opinionum dd. discrepantia, integrum erit parocho eam sententiam amplecti, quae sibi magis arriserit ». De Syn. l. 7. C. 11., S. Alph. 285., et qq. reform. 66. probabilius, ait, distinguendum inter morbum naturalem et violentum, quia in posteriori hoc casu « non accepit quis viaticum in mortis articulo constitutus: scus vero, si quis iam in aegritudine positus mane ex devotione communicavit ». — G. B. 319.

74. *An possit dari Eucharistia aegro, qui tussi laborat?* — R. Affirm., quia periculum, ne sacrae species simul cum phlegmatibus relinquantur, plerumque abest. Et ratio est, quia via, per quam sputa tussiendo expelluntur, non est oesophagus, id est via, per quam eibus ac potus in stomachum traicitur, sed est arteria aspera, per quam respiratio ad pulmones usque se protendit. Si tamen tussis adeo sit assidua, ut impediatur, quominus hostia sacra possit in stomachum transmitti, tunc a communione erit abstinendum. Rit. Rom. Quando vero aeger iugi vomitu laborat, communicare nequit, nisi forte per sex saltem horas liber a vomitu fuerit. In dubio autem, an infirmus sit sacram particulam revomiturus, ei dari non debet. — G. 320., L. 291. 292.

75. *An in periculo mortis Communio tribuenda sit pueris, qui nondum ad sacram Synaxim admissi sunt?* — R. 1.<sup>o</sup> Negat. si usum rationis nondum adepti fuerint. Ratio est, quia hoc est contra praesentem Ecclesiae disciplinam. — 2.<sup>o</sup> Affirm. quoad pueros, qui sunt rationis compotes. Imo non solum communio dari eis potest, sed etiam debet. Ratio est, quia hinc quidem pueri in tali periculo constituti tenentur ex praecepto divino communicare: inde vero utilitas eucharistiae tunc maiorem dispositionem non exposit. Graviter igitur errant parochi, qui viaticum huiusmodi pueris administrare nolunt. — G. 320., Billuart Diss. 6. a. 1. Gousset 233., Bened. XIV. De Syn. l. 7. C. 12., L. 301., S. Th. 3. p. q. 80. a. 9.

76. *An Communio in periculo mortis danda sit amentibus, semifatis, delirantibus et sensibus destitutis?* — 1.<sup>o</sup> Quoad amentes, 1.<sup>o</sup> Si fuerint perpetuo amentes, nunquam communio eis danda est. Sic ex Rit. Rom. De Euch. 2.<sup>o</sup> Si lucida intervalla saepius habeant, et desiderium communicandi manifestaverint, communio eis dari poterit: imo et debebit, secluso irreverentiae periculo. S. Th. 3. p. q. 80. a. 9., Cat. Rom., L. 302. — 2.<sup>o</sup> Quoad semifatuos, ipsis danda est communio, quando sufficientem habent discretionem, ut coelestem hunc cibum ab aliis distinguant; sed raro, scilicet tantum in articulo mortis, et ubi urget strictum communicandi praeceptum. L. 303. — 3.<sup>o</sup> Quoad delirantes: ipsis communio dari potest, si communicare valeant, secluso periculo irreverentiae erga eucharistiam. Optima autem praxis est, ut infirmo antecederet detur particula non consecrata, et sic appareat, an decenter sacram hostiam sumere possit. L. 292. — Attamen, si semifatuus ostendat communionis desiderium, ad eamque debita accedat



exteriori devotione, ita ut nulla sit irreverentia, communicatio frequentius ipsi permitti poterit. Cf. Joann. Sanchez Disp. Select. 26. n. 5. — 4.<sup>o</sup> *Quoad de-stitutos sensibus*: ipsi sane a praecepto dispensantur, cum nullius legis observantiae sint capaces. Sed non ideo dispensatur pastor ab obligatione eucharistiam ipsis ministrandi, si ante rationis amissionem praeparati fuerint. Sacramenta enim *ex opere operato* in eis operantur, qui cupierunt ea recipere, antequam usum rationis amitterent. Excipe tamen, si adsit periculum irreverentiae, aut si timeatur, ne hostiam deglutire non valeant. Gousset 232. — G. B. 321.

77. *An Communio danda sit surdis-mutis, obsessis, et epilepticis?* — R. 1.<sup>o</sup> *Quoad surdos-mutos*. Affirm., si ex signis constet, eos discretionem habere, et esse sufficienter instructos. Si non qualicumque, sed sufficienti aliqua discretionem gaudeant, saepius communicare poterunt. L. 303., S. Th. 3. p. q. 80. a. 9. — 2.<sup>o</sup> *Quoad obsessos*, distinguendum est: neganda est ipsis communicatio, quando non sunt sui compotes; secus concedenda est. Imo expedit, ut tales saepius iuxta prudentiam confessarii communicent, cum eucharistia sit speciale remedium ad daemones arcendos. — 3.<sup>o</sup> *Quoad epilepticos*: communicatio eis dari non potest, quando versantur in paroxismo actuali ob proximum irreverentiae periculum; caeteris autem temporibus non est deneganda. L. 303. — G. 322.

78. *An dari possit Communio capite damnatis?* — R. Affirm. Docet quidem Bened. XIV.: « cum consuetudinem sequendam esse, quae unoquoque loco respective esse dignoscitur ». De Syn. l. 7. c. 11.; sed *magis conformem pietati christianae* vocat usum eucharistiam illis ministrandi, et S. Pii V. testimonium hac de re profert. Pium hunc usum commendaverunt plura Galliae provincialia Concilia. v. gr. Concilium Suessionense, Auscitanum, etc. Hanc praxim quam maxime suadet Gousset 230. Communio tunc ministratur per modum Viatici. S. C. de P. F. 5. Jul. 1841. — G. 323.

79. *Quenam requirantur animae dispositiones?* — 1.<sup>o</sup> Ad recipiendam eucharistiam requiritur status gratiae, saltem prudenter existimatus. Secus gravissimum committitur sacrilegium. Ratio patet ex rei natura, necnon ex verbis Apostoli I. Cor. 11. 28.: *Probet autem seipsum homo, et sic de Pane illo edat, et de Calice bibat. Qui enim manducat et bibit indigne, iudicium sibi manducat et bibit, non diiudicans Corpus Domini*. — 2.<sup>o</sup> Non sufficit, ut status gratiae acquiratur per contritionem perfectam, sed requiritur, ut praemittatur confessio peccatorum mortalium et absolutio sacramentalis recipiatur, excepto casu *necessitatis celebrandi vel communicandi, et desit copia confessarii*. Trid. S. 13. c. 7. — G. 324., L. 256. 257.

80. *Quandonam praedicta necessitas habeatur?* — Necessitas ex qua, si confessarius desit, praemissa tantum contritione, posset quis celebrare et eucharistiam suscipere in sequentibus casibus esse censetur: 1.<sup>o</sup> periculo mortis, i. e. ut consecratur hostia pro morituro. 2.<sup>o</sup> Si sacrificium vel communicatio non possit omitti absque gravi infamia vel scandalo. 3.<sup>o</sup> Si parochus debet celebrare ex officio, et per alium non possit, ut populus sacrum audiat: neque celebrationem omittere possit sine infamia vel scandalo, L. 261., et ex Suarezio aliisque etiam si abstinere possit citra infamiam. Cf. Lugo D. 14. n. 111. D'Annib. 275. 4.<sup>o</sup> Si urgeat praeceptum de annua communione, vel si sacerdos non possit audire missam praeeptam nisi celebret. Ita plures; sed longe communius et verius alii negant. Quoad Missam audiendam S. Alph. 261. ait, quod alii *melius contradicunt*, quoad communionem vero inquit, *utraq; est probabilis*. 5.<sup>o</sup> Si sacerdos post consecrationem committat mortale, vel ante commissi recordetur. S. Th. 3. p. q. 83. a. 6. ad 2. Si vero id fiat ante consecrationem, et praesertim ante canonem, debet confiteri, si absque nota infamiae potest, adeoque et potest missam interrompere. Quin immo plures probabilius addunt, quod teneatur etiam missam deserre, si confiteri nequit. Verum vix eo in casu nota infamiae vitari poterit.

Rubr. De defect. tit. 8. n. 5., S. Th. l. c. 6." Si in scamno communicantium recorderis, quod oblitus es confiteri, nec sine nota aut scandalo gravi possit recedere. L. 260. 263.

81. *Quantomodo Confessarii copia deesse censatur?* — Censetur deesse, 1." Si nullus confessarius sit praesens, et spectatis circumstantiis debilitatis, aetatis, negotiorum, distantiae, aëris, brevitatis temporis, etc., sine gravi difficultate adiri absens non possit. 2." Si alius confessarius non adsit, nisi ignarus idiomatis, vel carens iurisdictione, vel qui n. lit aut non possit confessiones audire, vel cui non possit confiteri sine gravi damno tuo vel alieno. Attamen in his casibus contritio perfecta requiritur. Non censetur autem deesse copia confessarii, si absit is, cui soles confiteri, sed debet deesse quilibet approbatus. — G. 325., L. 264.

82. *Quenam requiratur distantia, ut Sacerdos de se censeatur?* — Non potest rigorose determinari, sed pendet a circumstantiis. Alii requirunt distantiam duarum leucarum; alii leucam unam cum dimidio vel quadrante; alii leucam unam tantum. Sed praeter rationem itineris saepe urgent aliae rationes, v. gr. infirmitas, vel temporis brevitates. Sic Sacerdos iamiam celebraturus potest excusari a confessione, etiamsi confessarius distet 50. passibus. — G. 325., L. 264.

83. *An qui recordatur peccati mortalis, quod ex inculpabili oblivione in confessione non declaravit, teneatur illud ante Communionem confiteri?* — R. 1." Negat. certo, si poenitens iam sacrae mensae assideat, vel adsit causa gravis communicandi, et difficulter iterum confiteri possit. Ratio est, quia etiamsi adesset praeceptum confessionis, non urgeret eum tanto incommodo. — 2." Si poenitens possit sine incommodo confiteri vel communionem omittere, controversitur: probabilius neque confiteri tenetur, neque a communionem abstinere: quia peccatum involuntarie omissum certe est remissum, etsi indirecte tantum; ac proinde communioni sumendae nullatenus obstat. Nec dicas, urgere Trid. praeceptum confitendi ante communionem: poenitens enim cum iam fuerit rite confessus et iustificatus per sacramentum poenitentiae, est sufficienter probatus etiam iuxta mentem Trid. L. 257., Collet, Pontas, Gousset 249., et alii contra alios, qui communius et non improbabiliter oppositum tenuerunt. S. Lig. priori sententiae magis accedit, secundam tamen in praxi suadendam censet, modo causa aliqua aliud non suadeat. H. A. 23. — G. 326.

84. *An Sacerdos, qui celebravit, vel laicus, qui communicavit conscius peccati mortalis, absque confessione, ob urgentem necessitatem, quamprimum confiteri teneatur?* — R. 1." *Quoad Sacerdotem.* Affirm. Sic enim expresse Trid. S. 13. c. 7, et prop. 38. d. ab Alex. VII. — 2." *Quoad laicum.* Negat. probabilius. Ratio est, quia Trid. loquitur tantum de sacerdotibus, *necessitate urgente celebrantibus*. Quare nec Sacerdotes mere communicantes attingit. Dubium autem est, utrum attingat eum, qui celebrat fer. VI. mai. hebdom., vel eum qui perficit Missam alterius, post consecrationem deficientis: quia casus extraordinarius est. Communissime vero asseritur non attingere sacerdotem sacrilege celebrantem, non urgente necessitate, neque deficiente copia confessarii, quibus lex magis esset obfutura, et occasio certa novi peccati, absque spe fructus. « Recte vero advertit Lugo, quod si sacerdos ex necessitate, omitta contritionem, celebraret, utique teneretur ad confitendum *quamprimum*, quia praeceptum Tridentini minime distinguit inter sacerdotem habentem, vel non habentem contritionem, sed loquitur de quocumque sacerdote *ex necessitate celebrante* ». L. 266. 268., Lugo D. 14. n. 138. 139. 150., Suarez D. 66. S. 7., La-Croix 549.

85. *Quomodo intelligendum sit praeceptum illud Sacerdotibus impositum confitendi quamprimum?* — Probabilius sufficit, ut sacerdos intra triduum confiteatur; quia cum hoc praeceptum sit tantum ecclesiasticum, vox *quamprimum* intelligi moraliter potest, prout intelligitur in aliis legibus

humanis, ubi illud verbum, aut aliud simile, ex communi interpretatione ad spatium trium dierum protenditur. L. 266., et alii. Attamen talis sacerdos non potest iterum celebrare, antequam fuerit confessus; quia non fuit excusatus a confessione nisi propter instantem necessitatem. Hinc si urgeat eadem necessitas celebrandi die sequenti, et possit confiteri, confessionem ad alium diem remittere nequit. — G. 327.

86. *Nota: 1.º prop. 39. damn. ab Alex. VII. « Illa particula quamprimum intelligitur cum sacerdos suo tempore confitebitur ». — 2.º Dicelant quidam intelligi cum primum talis sacerdos celebraverit: « Sed haec opinio est omnino improbabilis, quia tunc ipse ratione ipsius celebrationis teneretur ad confessionem, sed Tridentinum, praecisa celebratione, praeceptum confitendi quamprimum imponit ». L. 266.*

87. *An teneatur confiteri quamprimum Sacerdos celebrans post confessionem, in qua inculpabiliter alicuius peccati mortalis oblitus est? — R. 1.º Neg., si meminerit peccati post celebrationem, ut patet: quia non celebravit conscius illius peccati, ut loquitur Trident. Ita communiter. — 2.º Neg., etiam, probabilius, si meminerit peccati ante celebrationem: quia cum confessionem praemiseric, licet alicuius peccati gravis fuerit oblitus, revera non potest dici celebrasse conscius peccati mortalis sine praevia confessione. Hanc sententiam probabilem dicit S. Lig. 267., post La-Croix et alios, contra Suarez, Lugo, etc. — 3.º Neg. item si meminerit peccati, vel peccatum commiserit post Missam inceptam. Conc. enim loquitur de Sacerdote celebrante, urgente necessitate, absque praevia confessione. Rubr. Miss. De def. § VIII. n. 4., Lugo D. 14. n. 145. 146., La-Croix 548., D'Annib. 176.*

88. *An confiteri teneatur, qui ob angustiam temporis nequit omnia confiteri; vel qui habeat etiam reservata ad quae omnia absolvenda confessarius facultatem non habeat? — R. Affirm., siquidem cum fieri non possit confessio materialiter integra, sufficit formaliter integra, adeoque cum adhuc sit possibilis confessio, ea quis tenetur. Multi tamen et graves dd. negant adesse obligationem confessionis, si quis peccata habeat reservata et non reservata, et eorum opinionem probabilem censet S. Alph. 265. Omnes tamen conveniunt non adesse talem confessionis obligationem, si quis nonnisi peccata reservata habeat, ad quae absolvenda confessarius facultatem non habeat. L. 265. Cf. Commentar. de Cas. reserv. n. 40. 41. Quoad casus papales standum in praesenti est Decreto S. I. C. 23. Jun. 1866. Cf. Commentar. De Censur. n. 68.*

89. *Quid si poenitens habeat excommunicationem reservatam? — « Suarez, Lug. Con. recte censent, eum bene posse eucharistiam recipere, urgente scandalo, vel nota infamiae. Ratio, quia praeceptum Ecclesiae prohibens excommunicationis suscipere sacramenta, non obligat, concurrente praecepto naturalij vitandi scandalum, vel non obligat cum tanto incommodo perituri infamiam ». An autem possit is confiteri non habenti facultatem super excommunicationem? Ex S. Alph. 1.º sententia probabilis negat; quare potest is communicare, praemissa contritione, licet habeat alia peccata non reservata. 2.º vero sententia probabilior affirm. Ratio, quia in eo necessitatis casu excommunicatio sicut non privat susceptione eucharistiae, ita nec poenitentiae, quae debet suscipi cum possit, ut servetur divinum praeceptum praemittentiae confessionis ad communionem ». L. 265., Ithur. Cas. 52. n. 24. 25. Quoad casus papales standum in praesenti est Decreto S. I. C., de quo in praec. num.*

90. *An totum Communionis fructum impediat affectus actualis vel virtualis ad peccatum veniale; itemque actuale peccatum veniale concomitans, r. g. voluntaria distractio? — Et quid de Communionis frequentia? — R. ad 1.ºº Negat. Ita communius. Ratio est, quia omnia sacramenta gratiam ex opere operato conferunt obiectum non ponentibus. Obex autem sacramenti eucharistiae nonnisi conscientia gravis peccati est. Verum licet actualia pec-*



cata venialia, vel actualis affectus ad ipsa non tollant totum communionis fructum; eum tamen ex parte impediunt. Etenim « effectus huius sacramenti non solum est adeptio habitualis gratiae vel caritatis, sed etiam quaedam actualis refectio spiritualis dulcedinis, quae quidem impeditur, si aliquis accedat ad hoc sacramentum per peccata venialia mente distractus; non autem tollitur augmentum habitualis gratiae vel caritatis ». S. Th. 3. p. q. 79. a. 8. Dicitur, *actualia peccata venialia, vel actualis affectus ad ea*: « potest enim contingere, quod aliquis post multa peccata venialia commissa devote accedat ad hoc sacramentum, et plenarie huius sacramenti consequatur effectum ». S. Th. ib. Cf. Deer. Innoc. XI. 1679., L. Prax. 148. seqq., Trid. S. 7. c. 6., S. 13. c. 7., Suarez D. 63. S. 3. Lugo D. 14. S. 3. L. 270. — R. ad 2.<sup>um</sup> Nomine frequentis communionis intelligi potest communicatio pluries in anno, menstrua, hebdomadaria, pluries in hebdomada, quotidiana. Porro nulla haec in re determinata regula statui potest, sed « ea unice desumi potest a cuiuslibet peculiari statu, devotione, caritate ». Bened. XIV. De Syn. 1. 7. C. 12. n. 7. Etenim « circa usum huius Sacramenti duo possunt considerari: unum quidem ex parte ipsius sacramenti cuius virtus est hominibus salutaris, et ideo utile est quotidie ipsum sumere, ut homo quotidie et fructum percipiat... Alio modo potest considerari ex parte sumentis, in quo requiritur ut cum magna devotione et reverentia ad hoc sacramentum accedat. Et ideo si aliquis se quotidie ad hoc paratum inveniat laudabile est quod quotidie sumat... Sed quia multoties in pluribus hominum multa impedimenta huius devotionis occurrunt, propter corporis indispositionem vel animae: non est utile omnibus hominibus quotidie ad hoc sacramentum accedere: sed quotiescunque se ad illud homo invenerit praeparatum... Hoc sacramentum est cibus spiritualis: unde sicut cibus corporalis quotidie sumitur, ita et hoc sacramentum quotidie sumere laudabile est... Et ideo utrumque pertinet ad reverentiam huius sacramenti, et quod quotidie sumatur, et quod aliquando abstinatur... Amor tamen et spes, ad quae semper Scriptura nos provocat, praeferuntur timori ». S. Th. 3. p. q. 80. a. 10. Et 4. Sent. D. 12. q. 3. a. 1. q. 2. « Si aliquis experimentaliter cognosceret ex quotidiana sumptione fervorem amoris augeri, et reverentia non minui, talis deberet quotidie communicare: si autem sentiret per quotidianam frequentationem reverentiam minui, et fervorem non multum augeri, talis deberet interdum abstinere, ut cum maiori reverentia, et devotione postmodum accederet ».

91. *Quaenam corporis dispositio requiratur ad SS. Eucharistiam recipiendam?* — 1.<sup>o</sup> Ex praecepto Ecclesiae ad communionem requiritur ieiunium *naturale*, seu abstinencia *totalis* post mediam noctem a re qualibet, quantumvis minima, quae sumitur per modum cibi et potus, certis tamen exceptis casibus. Constat: 1.<sup>o</sup> ex universali Ecclesiae consuetudine et unanimi traditione; 2.<sup>o</sup> ex omnibus Catechismis et Ritualibus ab Ecclesia approbatis; 3.<sup>o</sup> ex variis Conciliis, et praesertim ex Conc. Const. S. 13. — 2.<sup>o</sup> Ad ieiunium illud frangendum tres requiruntur conditiones iuxta communem sententiam. 1.<sup>o</sup> Requiritur, ut quod sumitur, ab extrinseco sumatur, et in stomachum traiciatur; quia quod non provenit ab extrinseco, etsi voluntarie deglutiatur non dicitur manducatio: res enim quae manducatur, ab extra proveniunt. Hinc sanguis effluens ex ore, lingua, gingivis, etc., non frangit ieiunium. L. 279., Elbel. 91., etc. 2.<sup>o</sup> Requiritur, ut quid sumatur per modum comestionis aut potationis. Ratio est, quia iuxta sensum communem hominum eo tantum modo frangitur ieiunium naturale. Unde quidquid per modum respirationis aut salivae haeritur, ieiunium nullatenus frangit. Sic ieiunus remanes, licet per respirationem pulverem vel nauseam deglutiatis. L. 280. 3.<sup>o</sup> Requiritur ut res sumpta habeat rationem cibi, aut potus, id est, ut sit quid alterabile in stomacho. Ratio est, quia sensus iuxta communem concipiendi modum non est comestio, neque potatio. Nemo enim dicitur manducare ferrum, vitrum, lignum, etc. Ita communiter. L. 281. — G. B. 329., S. Th. 3. p. q. 80. a. 8., 4. Dist. 8. q. 1. a. 4. q. 2. ad 3.

92. *An traiectione reliquiarum cibi, quae inhaerent inter dentes, frangat ieiunium?* — R. 1.<sup>o</sup> Negat, si sit *involuntaria*, quia non habet rationem cibi. Constat etiam ex Rubr. Missalis *De defect.* n. 3. Ita omnes. — 2.<sup>o</sup> Si sit *voluntaria*, controvertitur. 1.<sup>a</sup> sententia probabilis negat; quia tales reliquiae non sumuntur per modum cibi, licet ex proposito, sed per modum salivae. S. Th. 4. D. 8. q. 1. a. 4. q. 2. ad 3. « Comestio, ait, autem principaliter dicitur a sumptione exterioris cibi, quamvis terminetur ad traiectionem cibi in ventrem, et ulterius ad nutritionem: et ideo quae interius geruntur sine exterioris cibi sumptione, non videntur solvere ieiunium naturae, nec impedire Eucharistiae perceptionem, sicut deglutio salivae: et similiter videtur de his, quae intra dentes remanent, et etiam de eructationibus ». Cf. etiam Rubr. t. 9. n. 3. 2.<sup>a</sup> sententia affirmat, quia huiusmodi traiectio, cum ex industria fiat, nova comestio videtur. Ita Roncaglia, etc. Hanc sententiam dicit probabiliorē S. Lig. 279. — G. B. 330.

93. *An guttulae aquae aut iusculi degustati, cum saliva mixtae, frangant ieiunium, si deglutiantur?* — R. 1.<sup>o</sup> Neg., si *casu* praeter intentionem traiciantur, modo non sint in *magna quantitate*. Idem dicendum de guttulis, quae involuntarie traiciuntur os lavando. Ratio est, quia non sumuntur per modum nutritionis. Constat etiam ex Rubr. Missalis, *De defect.* n. 3. S. Th. q. 80. a. 8. ad 4. — 2.<sup>o</sup> S. Alph. 279. ait.: « Dubium est si ex proposito deglutiantur. Sentiant non frangere ieiunium Conin. et Henr. ap. Croix 566. modo sint immixtae salivae: et idem sentire videntur Lugo et Tamb. dum dicunt, quod cum non sit potatio deglutire salivam, ideo nec violat ieiunium has guttulas per modum salivae traiciens: sed omnino affirmandum cum sententia communi... Et hanc docet idem D. Th. l. c., ubi postquam dixit reliquias cibi non frangere ieiunium, *si casualiter transglutiantur, dixit eandem rationem esse de reliquiis aquae vel vini, quibus os abluitur...* Conf. ex Rubr. l. c. ubi sic habetur: *idem dicendum* (scilicet non frangi ieiunium), *si lavando os, deglutiantur stillae aquae praeter intentionem*. E. si ex intentione frangitur. Idem dicendum si quis noctu immittit saccharum in ore, et post medium noctem aliquid traiciit. Ratio, quia non est illa reliquia comestionis praecedentis diei, sed est continuata comestio... Ita etiam (frangeret ieiunium) si quis sugeret sanguinem ex digito, vel lacrymas ex oculis manantes. Secus vero dicendum, si quis deglutit sanguinem defluentem e capite vel gingivis, aut saniem ex pustula oris emanantem, etiam ex industria. Ratio quia quidquid ab intrinseco provenit, non vere comeditur, nec solvit ieiunium ».

94. *An solvat ieiunium pubris tabaci sumpti per nares?* — R. Negat., etiamsi aliquid in stomachum transmittatur. Ratio est, quia licet talis materia sit nutritiva, tamen non sumitur per modum comestionis. Sic communiter. G. 331., L. 280., S. Th. l. c.

95. *An solvat ieiunium fumus tabaci aut similis?* — R. Negat, cum sententia communiori et probabiliori, quia fumus tabaci neque est cibus nec potus, neque sumitur per comestionem aut potationem; secus dicere deberemus frangere ieiunium etiam eos, qui in culina ciborum fumum tum ore tum manibus attrahunt. Et hoc valet, etiam si fumus voluntarie immittatur in stomachum. Idem videtur dicendum de succo seu odore camphorae qui per modum fumi tabaci haeritur. — G. 331. L. l. c., S. Th. l. c.

96. *An solvat ieiunium, qui sumit folium tabaci, vel aroma, ut dentibus contrahat, et phlegmata erpuat?* — R. Negat, probabiliter, etiamsi deglutiat praeter intentionem aliquid medicum succi salivae inseparabiliter mixti: quia in casu id deglutiat, non per modum cibi, sed per modum salivae traiecit. Omnes autem conveniunt, huiusmodi masticationem ante communionem esse inbecentem; unde non videtur excusanda a culpa veniali, nisi rationabilis aliqua causa intercedat. « Idem dicendum de illo, qui pulverem, aut pluvium, floccum nivis, calicem, sive muscam deglutiret;

nam si hoc accideret casu per respirationem, utique non solveret ieiunium, quia talis actio non est comestio, sed respiratio ». L. 280., S. Th. 1. c.

97. *An comestio capillorum, unguium, lemi, papiri, lapillorum, et similibus impediatur communicatio?* — 1.<sup>a</sup> sententia univ. negat, quia omnia haec non habent rationem cibi, vel saltem usu non habentur ut e mestibilia: et probabile putat Busemb. 2.<sup>a</sup> sententia univ. affirmat, quia n. n. refert quod aliquid nutriet vel non nutriet, dummodo sumatur per modum cibi. 3.<sup>a</sup> sententia communis affirmat, si edantur res digestibiles: negat vero, si res sint omnino indigestibiles. — Res enim indigestibiles rationem cibi non habent: et Ecclesia vetat ne eucharistia *post cibum aut potum* sumatur. Conc. Tol. VII. can. 2. D'Annib. 277., L. 281. S. Th. 3. p. q. 80. a. 8. ad 4. favere videtur secundae sententiae: ait enim « nec refert, utrum nutriet vel non nutriet... dummodo sumatur per modum cibi vel potus ». Attamen tertiae sententiae revera non adversatur. Hic enim est totus S. D. textus: « Et ideo neque post assumptionem aquae, vel alterius cibi aut potus vel etiam medicinae, in quantumcumque parva quantitate, licet hoc sacramentum accipere. Nec refert utrum aliquid huiusmodi nutriet vel non nutriet, aut per se, aut cum aliis, dummodo sumatur per modum cibi aut potus ». Porro nonnisi de enumeratis rebus, *in minima quantitate* sumptis, agebatur in obiectione, et ad eas S. D. responsionem restringit illa dictione vel *aliquid huiusmodi*. « Ergo illud *nutriet vel non nutriet* D. Th. refert ad res mox a se recensitas *cibi aut potus*, inter quas etiam numerat *medicinam*, quae multoties non est nutritiva. Praeterea, posset accidere, quod cibus illico evomatur, et sic non nutriet: et ideo dixit *aliquid huiusmodi* impedire Communionem, *sive nutriet, sive non nutriet* ». L. 281.

98. *An possit communicare, qui dubitat, utrum post medium noctem cibum aut potum sumpserit, aut in ipso die aliquid deglutiit?* — R. Affirm. probabilius. Ratio est, quia in casu non constat de violato ieiunio, et proinde non constat communionem esse interdictam: factum enim violati ieiunii esset probandum, prius quam invocetur lex prohibens eucharistiam non ieiuno. — G. B. 332., L. 282. et l. 1. n. 38. 39.

99. *An inter plura horologia dissonantia liceat alicui ultimum sequi ad communionem accipendam?* — Communissime affirmant, dummodo de eius errore non constat: et non sit de illis, quae ut plurimum errant, quia haec praesumuntur semper errare. L. 282.

100. *An possit communicare qui cibum deglutiit post 1.<sup>um</sup> ictum horologii sed ante ultimum?* — Affirmant Salm., etc., quia, ut dicunt, ultimus ictus moraliter eandem complet horam, ita ut omnes ictus pro unico computentur. Sed melius et communius id negant Lugo, etc. Ratio, quia ad primum horae ictum media nox iam expleta est. L. 282.

101. *An liceat edere et bibere statim post Communionem?* — R. Olim quidem post communionem praecipiebatur ieiunium usque ad Sextam. *De Consecrat.* Dist. 2. cap. 23. Sed hoc praecceptum iamdudum abrogatum est. Attamen ex decentia *moris aliqua* servari debet inter sumptionem huius sacramenti et alios cibos, saltem quamdiu species consecratae in stomacho nondum plane corruptae perseverant, nisi tamen adsit aliqua rationalibilis causa aliquid statim sumendi: secus talis comestio ob irreverentiam a veniali culpa non excusatur. — G. 333., L. 283., S. Th. 3. p. q. 80. a. 8. ad 6.

102. *An sit illicitum capere post Communionem?* — R. Negat. *per se* modo nullum hostiae fragmentum in ore remanserit. Nullum enim est periculum irreverentiae erga species sacras: quandoquidem via, per quam sputa in os conflunt, non est oesophagus, seu via cibi et potus, sed est via respirationis. Omnes tamen conveniunt congruum esse, ut communicantes per aliquod temporis intervallum ab expuendo abstineant. — G. 333., L. 283.

103. *Quandonam liceat aliquem non ieiunum communicare?* — R. Non ieiunus licite communicat 1.<sup>o</sup> in periculo mortis, ex quaunque causa prove-



niat: 2.<sup>o</sup> in periculo ne eucharistia pereat, vel male tractetur, v. g. ab haereticis, impijs; 3.<sup>o</sup> in periculo proximo gravis scandali ex omissione sacrificii vel communionis; 4.<sup>o</sup> in necessitate perficiendi sacrificium vel communionem, v. gr. si pro speciebus vini sacerdos sumpserit aquam, etc.: « quia necessitas legem non habet ». S. Th. 3. p. q. 80. a. 8., L. 284. 285., G. 333.

104. *Nota*: 1.<sup>o</sup> « Si sacerdos recordatur post consecrationem, se non esse ieiunum, certum est non teneri, nec posse missam deserere: cum praeceptum divinum perficiendi sacrificium praeponderet ecclesiastico communicandi ieiunus... Si autem recorderetur soluti ieiunii ante consecrationem, et praesertim ante canonem, debet utique desistere a missa, si possit sine infamiae nota, aut scandalo, ut etiam communiter dicunt... ex D. Th. 3. p. q. 83. a. 6. ad 2... Censet S. Bonav. et probabile id putant Sotus, etc. propter hanc rationem scandali nunquam desistendum esse a missa inchoata, quia fere nunquam sine scandalo illa omitti posset. E converso dicit Conc. raro in hoc posse scandalum accellere. Melius sentio dicendum semper scandalum posse timeri, nisi celebrans sit notae, aut saltem praesumptae prohibitae ». L. 287., D'Annib. 278. — 2.<sup>o</sup> « Si pro speciebus vini sumpsit aquam, si advertat dum habet in ore non est expenda ob periculum eliciendi fragmentum hostiae, et irreverentiam, sed deglutienda... Si pars hostiae post ablutionem sumptam calici aut palato adhaereat decentius nova ablutione (i. e. purificatione), quam digito propellitur, quamvis missale etiam permittat, ut digito attrahatur ad labium calicis, et sumatur ante ablutionem: quo modo etiam ii excusantur, qui ex devotione hostiam in ore diu retinentes, casu praemittunt aliquam ablutionis: sponte tamen id non licet, nisi bona fides, et sancta simplicitas excuset ». Ita Busemb. apud S. Alph. 288. S. D. autem ib. addit: « Licetum esse dare aegro minimam particulam simul cum ablutione, si ob siccitatem nequeat illam deglutire... Licite datur etiam sano ablutio aquae, aut vini, ut possit deglutire particulae fragmenta, quae ori haeserint... quia non censetur moraliter communionem praecessisse... tunc totum illud ex ablutione, et particulis sumitur unica sumptione... Et ideo in die Parasceves instituit Ecclesia, ut simul cum vino sumatur particula consecrata in die praecedenti: atque in Rubr. Missal. t. 10. n. 8. dicitur: si particula haereat calici, posse vinum infundi, et eam sumi: adduntque Lugo et Salm. posse iterum vinum infundi, usque dum particula sumatur ». — 3.<sup>o</sup> « Quod ob metum mortis liceat post cibum celebrare, secluso contemptu, plures DD. admittunt ». L. 289., D'Annib. 278.

105. *An sacerdos ad Viaticum ministrandum possit celebrare non ieiunus?* — R. Controversum, 1.<sup>a</sup> sententia affirmat, 2.<sup>a</sup> sententia negat. « 1.<sup>a</sup> sententiam, ait S. Alph. 285, probabilem puto, sed haec secunda se habet mihi videtur, nisi moribundus non posset sacramento poenitentiae, vel extremae-unctionis muniri: nam eo casu eucharistia poterit esse sacramentum necessitatis, ut ille ex attito fiat coëtritus. Secus vero dicendum, si sacerdos, cum esset morti proximus, deberet celebrare ad dandum alicui Viaticum: quia tunc bene poterit celebrare non ieiunus, ut praecepto Viatici satisfiat: tunc enim in eadem persona concurrunt praeceptum ecclesiae, et divinum, quod praeterendum est, ita communiter ». D'Annib. 278. ait: « ego si lateat sacerdotem non esse ieiunum, priorem sententiam tuto sequi posse reor: secus, propter scandalum, alteram omnino sequendam puto ».

106. *An Sacerdos non ieiunus celebrare possit, ut populus Missam audiat, et participet?* — De hoc non conveniunt omnes Theologi. Attamen solus ratio citatur, ut populus missam audiat, non sufficit, iuxta communem sententiam, et celebrandum, ieiunio violato, quia praestat, ut populus missa privetur, quia ut sacerdos celebrat non ieiunus, Sed facile accedit alia ratio gravis, scilicet, scandali, obmurmurationis, offensionis populi: haec autem si facile impediri non possent, v. g. monendo populum,

quod ex aliquo casu sacerdos non sit amplius ieiunus, licita esset missae celebratio, iuxta multos. — G. Cas. 300, l'Année, 278.

107. *An requiratur certitudo mortis pro eo de corpis, ut Viaticum non ieiuno ministrari possit?* — R. Negat., sed sufficit diuturnum, seu probabilitas periculi, praesertim quando timetur, ut de aegri repentina morte corrigatur. Imo graviter arguendi sunt parochi et parentes aut cognati infirmorum, qui incerti aut vano timore administrationem sacri Viatici protrahunt cum periculo ne isti absque eucharistia decedant. L. H. A. 46. Et scilicet S. Alph. 285, monet, in hoc non esse scrupul. se periculi, cum in Conc. Const. S. 13, simpliciter infraui ex ipiantur a lege ieiunii, sic autem se habet Conc. Const. Decretum: « Huiusmodi sacramentum non debet... fidelibus recipi non ieiunis, nisi in casu necessitatis aut alterius necessitatis a iure vel Ecclesia concessae vel admisso ». G. B. 334. « Infraui, ait S. Th. 3. p. 4. S. 2. S. statim communicandi sunt, etiam post cibum, si de eorum periculo dubitatur, ne sine communione decedant ».

108. *An liceat aliquando dare Communionem infirmo non ieiuno, nec periculo de mortis, s. mortis et diuturnus?* — Negandum est, attenda praxi actuali Ecclesiae, nisi in aliquo talis sit, ut per se periculum mortis inducere possit. Attamen Theologi nonnulli id aliquando permittunt, si morbus sit diuturnus, nec unquam aeger omnino ieiunus communicare valeat, modo rare fiat, v. gr., aliquoties in anno. Sic Elzel 90. Sed contrarium sententia communissima Theologorum cum Suarez, qui asserit, solum Papam hac in lege dispensare posse. Reipsa S. Pontifex raro et gravi tantum de causa dispensare solet. Videtur vero tunc accessse rationem sufficientem, ut eucharistia post medium noctem infirmo iterum administrari possit. Et quidem iuxta doctissimos theologos Romae interrogatos, nullum dubium est quod ad casum communionis annuae, seu paschalis, quae non iure Iure ecclesiastico, sed etiam divino praecipitur, quod divinum mandatum humano praestantius est. Ita Gur. Baller. 334.

109. *An liceat Communionem decano ministrare infirmo non ieiuno, qui iam Viaticum accepit?* — R. Affirm. Ratio est, quia hoc sacramentum aegrotis non datur praecise ad satisfaciendum praecepto, sed in subsidium, contra tentationes, quae tempore mortis magis urgent. Quamobrem id licet non solum, si novum recurrat periculum, sed etiam si idem periret. Ita S. Lig. 285., qui hanc sententiam veram et communem dicit, et Bened. XIV. De Syn. l. 7. C. 12. testatur nullum theologum alicuius nominis hanc sententiam negare. — G. 335.

110. *Quanto tempore debeat distare una Communionis ab alia, si aegrotus non ieiunus communicet?* — R. Sententia communior docet distare debere octo diebus circiter. Sed non improbabilius plures cum S. Lig. dicunt infirmum assuetum saepius ex devotione communicare, bis in hebdomada communionem absque ieiunio suscipere posse. Verum ad locorum, personarum, statutorumque particularium circumstantias attendendum est. Facilius autem concedi potest communicatio infirmis religiosi, vel aliis personis plis in monasterio degentibus, sive sint ieiunae, sive non, quam caeteris, quia tunc minor habetur apparatus, popularique admiratio, cum sacra eucharistia non sit publice per plateas deferenda. G. 335. Haec S. Alph. 285. « Non improbabilius Laym. Escob. et Rom. cum Hurt. dicunt, quod infirmus, assuetus saepius ex devotione communicare, bene possit altera die statim post Viaticum sumptum suscipere communionem non ieiunus. Idque in singulis diebus admittunt Pal. et Arn. de Die. ap. La-Croix 613, et probabile putat Tanb. » Ac idem fere habet S. D. in alio opere H. A. Tr. 5. n. 47. Bened. XIV. De Syn. l. 7. C. 12. monet Episcopos, ut hac in re abstractantes a variis opinionibus Parochis insinuant, « posse et debere SS. Viaticum in eadem infirmitate iterum et tertio administrari, praesertim, si ipsius aegrotantes caelestem illum panem esuriant ». De hac quaestione et praee. D'Annib. 278. scribit: « Laicis aegrotantibus licet non ieiunis communicare

ad Viaticum suscipiendum, Rit. Rom. *De Commun. Infirm.* Nec semel tantum, sed pluries, immo et quotidie, ex multorum sententia, quam non improbat S. Alph. 285. et H. A. tr. 15. n. 47. Quin potest non ieiuno dari hoc Viaticum, quamvis possit postridie ieiunus illud sumere, si vel ipse aegrotet periculose, vel parochus postridie sacris vacare debeat, La-Croix 612. Ex sola devotione non licet, Rit. Rom. l. c. § 3., nisi forte in morbo diuturno, cum putant thlth. plures, et graves, V. S. Alph. l. 6. n. 24., sed nec his posse sententia est Gury 334. *communissima*; quod vereor, ne verum sit. Ego autem puto a consuetudine cuiusque loci recedendum non esse. Quod si probabile est, eo magis licebit eis dare ad satisfaciendum praecepto paschali. Et tacite id concedere videtur Rit. Rom., quum dari vetat tantum ex devotione petentibus. Et iure prorsus, quia praeceptum huiusmodi profluit ex iure divino: nisi aliud consuetudine sit introductum ».

111. *Quid de exteriori corporis decentia?* — 1.<sup>o</sup> De iure naturali is requiritur exterior habitus et ea corporis compositio, quae internam animi reverentiam et devotionem exhibeat. Ratio patet: debetur enim huic augustissimo sacramento non solum interna, sed etiam externa veneratio, cum ipse Christus, mediis speciebus, sensibili quodam modo in eo existat et tractetur. — 2.<sup>o</sup> Nulla prorsus corporis macula per se impedit a communione, cum eucharistia sit tantum cibus animae, neque puritas minuatur corporis maculis, quae ad bonitatem vel malitiam moralem nihil conferunt. L. 271. 275. Decentia tamen et reverentia tanto sacramento debita exigit, ut si sordes exterius apparentes possint auferri, diligenter auferantur. — 3.<sup>o</sup> Nulla est obligatio abstinendi a communione propter maculas corporis occultas, vel etiam apparentes exterius, sed indelebiles. L. ib. Si tamen maculae externae, hic et nunc indelebiles, sint valde notabiles, et brevi cessare debeant, decebit, ubi commode fieri potest, communionem differre. Quando vero diutius durant, non est ratio cur aliquis alimonia coelesti privetur. Ita communiter. S. Th. 4. Dist. 9. q. 1. a. 4. q. 2.

112. *Resolves:* 1.<sup>o</sup> Mulieres accedere debent ad sacram communionem in ornatu sancto, modestiam redolente; si quae valde indecentes se sacrae mensae sisterent, communicatio eis neganda esset, cum debitis tamen cautionibus ad scandala, quantum fieri potest, praecavenda. — 2.<sup>o</sup> Lepra, fluxus sanguinis, et similia, quae sine patientis culpa eveniunt, per se non prohibent a communione, quia labe illae non obstant devotioni, quae est dispositio requisita ad communionem, L. ib., S. Th. 3. p. q. 80. a. 7. — 3.<sup>o</sup> Sacerdos infectus lepra, aut alia infirmitate horrorem excitante, celebrare potest, sed non in publico: sic enim ex iure canonico statuitur. L. ib. — 4.<sup>o</sup> Convenit ex decentia et humilitate christiana, ut milites communicaturi ad sacram mensam, depositis armis, accedant. Nulla tamen lege ad id obligantur. L. ib. Idem dicatur de laicis chirothecas deferentibus. — 5.<sup>o</sup> Sacerdos quando eucharistiam suscipit more laicorum debet esse stola indutus. Idque alii excusant a mortali, sed non a veniali, alii etiam a veniali. L. 276.

113. *An ob pollutionem teneatur quis Communionem omittere.* — R. 1.<sup>o</sup> negative, si fuerit involuntaria, et hoc etiamsi provenerit ex causa venialiter culpabili, modo non perduret notabilis mentis perturbatio orta ex illa corporis commotione, vel aliqua adsit iuxta necessitatis vel devotionis causa; secus, per se loquendo, veniale erit. Ratio, quia externa macula cum iam sit praeferta praesentem corporis decentiam non impedit. — 2.<sup>o</sup> negative, si fuerit culpabilis et non per debitam poenitentiam retractata, modo iuxta adsit causa necessitatis vel etiam utilitatis ad communionem accedendi; secus veniale erit ob reverentiam tanto sacramento debitam; cui vero satis consulitur per rationem illam *proportionatam*, quae adsit communionem suscipiendi. L. 272., S. Th. 3. p. q. 80. a. 7., 4 Dist. 9. q. 1. a. 4. q. 2.

114. *An copula conjugalis impediatur ab Eucharistia?* — R. « Veniale est accedere ad Eucharistiam die copulae habitae ob voluptatem, nisi excuset aliqua rationabilis causa. Si vero copula est habita causa procreandae



prolis, vel etiam incontinentiae vitandae, tunc est solum consilii s. communione abstinere. C. *Si vir* 7. Caus. 33. q. 7. Et sic pariter est consilii abstinere ea die, qua coniux reddidit debitum.... Post vero communionem sumptam, nullum est peccatum reddere. An autem petere? alii dicunt esse veniale; alii nullum». L. 922. 273. 274., Sporer de Matr. n. 491., S. Th. 3. p. q. 80. a. 7. ad 2., 4. Dist. 32. q. 1. a. 1. ad 1.

115. *Quid sit spiritualis Communio, et quatenus commendanda?* — Communio spiritualis dicitur pium desiderium eucharistiae sacramentum suscipiendi, cum realiter suscipi non potest. Hinc ad eam requiritur: 1. actus Fidei, quo spiritualiter communicaturus Christum vere in eucharistia praesentem sibi exhibeat; 2. actus desiderii, quo exoptet Christum in sacramento suscipere et cum ipso toto corde uniri; 3. humilis atque fervens oratio, qua petat a Jesu Christo Dno. N., ut illas sibi benigne gratias largiatur, quas sua sacramentali praesentia clementer nobis impertiri consuevit. — Haec Communio Sanctis valde in deliciis fuit, et commendatur a Conc. Trid. sess. 13. c. 8. Haec piis fidelibus valde utilis est. Etenim si Deus praemio afficit pium cuiuscunque virtutis desiderium, quanto magis desiderium ipsummet possidendi! A confessariis igitur fidelibus suis poenitentibus, sedulo insinuanda, et vehementissime commendanda est. Communio spiritualis omni tempore et in omni loco fieri potest, tam mane quam sero. Tempus tamen opportunius est ipsius missae tempus, quo scilicet sacerdos communicat: tunc enim cum augustissimum sacramentum oculis exhibeatur et vividius menti repraesentetur, ardentius corda divino amore inflammabit. Scavini, etc. — G. B. 345.

## V. — DE NATURA ET VIRTUTE SACRIFICII MISSAE

116. *Quid sit sacrificium?* — Sacrificium est: Oblatio rei sensibilis facta Deo, sacerdotis ministerio, qua rem illam destruendo vel immutando profitemur Deum esse Dominum vitae et mortis. S. Th. 2. 2. q. 86. a. 1.

117. *An Eucharistia sit sacrificium?* — R. Affirmative. Constat ex Trid. S. 22. cap. 1., can. 1. — Atque ex eodem Trid. ib. cap. 2. constat idem essentialiter esse hoc sacrificium ac sacrificium crucis; et accidentaliter tantum ab illo differre. Nam utriusque hostia eadem est: idem Sacerdos Christus in eucharistia offerens sacerdotum ministerio; utrumque sanguinis effusione conficitur, sola offerendi ratio diversa est. In illo enim sanguinis effusio realis fuit et eruento Christus immolatus; in hoc sanguinis effusio mystica est, et incruente Christus immolatur. Suarez D. 75. S. 5. — Sacrificium autem *latreuticum* est, quia est absolutissimus laetiae actus. Deo enim offertur in agnitionem supremi eius domini. Est *Eucharisticum*, quia ad gratias agendas Deo pro collatis beneficiis cum primis pertinet. Est *propitiatorium*, quia Deo offertur ad obtinendam veniam peccatorum. Est *expiatorium* seu *satisfactorium*, siquidem Deo offertur ad remissionem etiam obtinendam poenae peccatis debitae. Est *impetratorium*, nam pro aliis etiam necessitatibus et beneficiis obtinendis Deo offertur. Trid. ib. cap. 2. can. 3., S. Th. 3. p. q. 83. a. 1. — Eucharistia, ut sacrificium, *Missa* solet appellari a verbo *mittere*, vel quia in fine celebrationis huius sacrificii populus dimittitur verbis illis. *Ite, Missa est*; vel quia Christus in eo est Hostia a Deo missa.

118. *Quaenam sunt praecipuae Missae partes?* — Sunt tres. Oblatio, qua sacrificium quasi praeparatur; Consecratio, in qua essentia sacrificii habetur; in ea enim habetur mystica victimae mactatio, Suarez D. 75. S. 5.; Consummatio, qua sacrificium absolvitur et perficitur. S. Th. 3. p. q. 82. a. 4. Hinc nulla ex his sine *immani sacrilegio* omitti potest. S. Th. 3. p. q. 83. a. 6. ad 1. 2. Quare si sacerdos *Oblationem* omiserit, eam autem Consecra-

tionem mentaliter supplere debet. Bened. XIV. De Sacr. Miss. 1. 3. C. 18. n. 5. Si alterutra species non fuerit *consecrata*, ante consummationem alterius ea consecranda omnino est, post alterius consummationem utraque est consecranda, si id sine ullo scandalo, et infra breve tempus, i. e. infra horam circiter, fieri possit; secus enim non videretur idem sacrificium. Rubr. Miss. De Defect., S. Th. 3. p. q. 83. a. 6. ad 4., L. 355. Cf. De Sacr. in gen. n. 20. et 26. seqq. Si tandem celebrans moriatur vel afficiatur aliqua infirmitate ante *Consummationem vini*, vel post *Consecrationem panis*, neque infra breve tempus sacrificium prosequi possit, missa per alium sacerdotem, etiam non ieiunum aut vitandum, perficienda est, ab eo loco, quo alter cessavit, si infra breve tempus, et citra gravissimum incommodum fieri possit. Quod si sacerdos defecerit ante consecrationem, vel post consummationem nihil necesse est supplere vel prosequi, quia in primo casu sacrificium nondum est incoeptum, in altero iam expletum est. Rubr. Miss. ib., La-Croix 548., L. 355., S. Th. 3. p. q. 83. a. 6. ad 1.

119. *Pro quibusnam possit offerri Sacrificium Missae?* — Offerri potest pro omnibus illis, pro quibus oblatum est Sacrificium Crucis; nisi pro aliquo vetet Ecclesia. Nam « oblationis cruentae fructus per hanc incruentam uberrime percipiuntur ». Trid. S. 22. cap. 2. Quare offerri potest 1.<sup>o</sup> pro viatoribus baptizatis, etiam infantibus, vel energumenis, vel peccatoribus, non excommunicatis, etiam pro infidelibus, non tantum generatim pro omnibus, sed etiam pro singulis infidelibus, etiam pro regibus; quatenus est propitiatorium, expiatorium, impetratorium; 2.<sup>o</sup> pro animabus Purgatorii, quibus proddest ex infallibili promissione Christi; quatenus est expiatorium; 3.<sup>o</sup> pro Beatis; quatenus est eucharisticum. Trid. ib. et cap. 3. Vetitum autem est illud pro excommunicatis offerre, Bened. XIV. C. *In Superiori* 18. Mart. 1755. § 27. Pro excommunicato tolerato licite sacerdos missam offerre potest tum nomine proprio, tanquam privata persona, tum probabilius nomine Ecclesiae, tanquam Ecclesiae minister. Ratio quia conceditur fidelibus communicare cum illis, etiam in divinis. Pro excommunicato autem vitando licite adhuc potest sacerdos missam offerre nomine proprio; minime vero nomine Ecclesiae. La-Croix 33., L. 308. 309., S. Th. 4. D. 12. q. 2. a. 2. q. 2. ad. 4.

120. *Quotaplex sit fructus sacrificii Missae?* — Fructus sacrificii missae tripliciter considerari potest: 1.<sup>o</sup> ex parte causae, 2.<sup>o</sup> ex parte ipsius boni, quod est obtinendum per missam, 3.<sup>o</sup> ex parte personae, cui tale bonum obtinetur, seu cui applicatur missa. Ex parte *causae*, alius est *ex opere operantis*, qui nempe confertur intuitu orationis, devotionis et meriti celebrantis; alius *ex opere operato*, qui confertur intuitu meritum Christi, et vi eius promissionis. — Ex hoc fit ut sacrificium oblatum a sancto sacerdote, quatenus consideratur *ex opere operato*, non prosit magis, quam si ab indigno ministro offerretur; quia sacrificium, sic spectatum, est opus Christi, et solum a meritis Christi fructus dimanat. Quare hoc sensu recte dici potest, missam mali sacerdotis tanti valere, quanti valet missa boni sacerdotis. Secus vero dicendum, si attendatur meritum *ex opere operantis*; quo enim dignior est sacerdos et maiori devotione praeditus, dum ritus et orationes Ecclesiae peragit, tanto maior missae fructus evadit. — Ex parte *rei*, alius est meritorius, meritum nempe quod inde habetur, alius est propitiatorius, et est remissio peccatorum haud quidem per se et immediate, sed per impetrationem auxilii ad poenitentiam, qua peccata remittuntur, Trid. S. 22. cap. 2. alius est satisfactorius vel expiatorius, quatenus per se immediate remittit poenas peccatorum hominibus iustis, pro quibus offertur, tum in hac vita tum in Purgatorio. Trid. S. 25. cap. 1., alius tandem est impetratorius et est primo impetratio auxiliorum ad perficiendos actus, quibus augetur in nobis gratia sanctificans; est praeterea impetratio aliorum bonorum spiritualium, et etiam temporalium, Trid. S. 22. cap. 2. — Ex parte *subiecti*, seu eorum quibus applicatur, alius est generalis, alius specialis, alius specialissimus. — 1. Fructus generalis ille est, qui respondet sacrificio, quatenus est opus positum a sacerdote, prouti operatur nomine totius Ecclesiae.

Et omnes quidem Fideles, quamvis sacerdos de eis non cogitet, hunc fructum percipiunt: sed ipsis tribuitur per modum impetrationis tantum, prout propitiationem etiam impetratio complectitur; non vero, ut videtur, per modum satisfactionis, quia ex millenis Sacrificiis, quae quotidie offeruntur, quivis iustus, etiam inscius, immensae poenae remissionem consequeretur, quod incredibile apparet. — De fructu hoc generali, abundantiori seu specialiori modo participant adstantes sacrificio, et a fortiori ad illud cooperantes, v. gr. sacerdoti inservientes, etc. Iste autem fructus, utpote *ex opere operantis*, eo uberior est, quo maior est devotio et sanctitas assistantium et cooperantium. Hinc licet plures missam audiant, vel ei ministrent, quisque totum fructum suae devotioni proportionatum percipiet, haud secus ac si solus esset audiens vel ministrans. — 2.<sup>o</sup> Fructus *specialis* est ille, qui advenit ei vel illis, quibus sacerdos specialiter sacrificio applicat. Hi *ex opere operato* participant de sacrificio, ut est impetratorium, et propitiatorium; imo etiam, modo nihil obstat, ut est satisfactorium. — 3.<sup>o</sup> Fructus *specialissimus* ille est, qui obvenit sacerdoti offerenti, quatenus est persona privata offerens. Si enim cooperatores quilibet e sacrificio suum percipiunt fructum omnino specialem, multo magis hunc percipere debet sacerdos, qui sacrificat. An vero hunc fructum applicare aliis sacerdos possit, incertum est. Illud tamen certum est, non posse sacerdotem fructum hunc specialissimum ita alteri applicare, ut aliud hinc stipendium recipiat: quod tamen intellige, nisi hoc ipsum, cum consensu dantis aliud stipendium, fiat. — Suarez D. 79., G. B. 350, 351., L. 311, 312., S. Th. 3. p. q. 82. a. 6.

121. *An missa de Requiem magis prosit defunctis, quam Missa de Sanctis?* — R. Negat, quoad substantiam, seu *ex parte sacrificii*; quoad accidentalia utique, seu *ex parte orationum*, quarum defectum devotio supplere potest. G. 353., L. 309., S. Th., Suppl. q. 71. a. 9.

122. *An valor et fructus sacrificii Missae sit infinitus?* — « Notandum 1.<sup>o</sup> alium esse *valorem*, alium *fructum* missae. *Valor* est efficacia illa, quam habet missa ex dignitate offerentis, et rei oblatae, ad conferenda bona offerenti, et iis pro quibus offertur. *Fractus* autem sunt bona ipsa, quae intuitu sacrificii Deus confert. Unde valor a fructu differt, velut causa ab effectu ». L. 312. Quare fructus hic sumitur pro fructu qui *actu* percipitur. Porro nullum dubium est, quod *valor* missae, uti valor sacrificii Crucis, sit vere infinitus, cum ipse Christus sit hostia et offerens nunc sacerdotum ministerio, Trid. S. 22. cap. 2. Quare missa causare potest et *intensive* fructum semper maiorem, secundum quod quis plus egeat, et melius sit dispositus, et *extensive* quatenus infinitis hominibus prodesse possit, quin quidquam singulis detrahatur, sive pro uno tantum, sive pro pluribus et omnibus applicetur. — Disputatur de fructu actu percepto, quantum reapse quis capiat. Prima sententia S. Alphonso probabilior tenet hunc fructum esse infinitum, seu potius indefinitum, seu indefinite percipiendum, tum *intensive* quatenus minor vel maior reapse percipitur, secundum mensuram dispositionis hominis; tum *extensive*, quatenus ita uni reapse prosit ac pluribus. Quare si hic fructus, actu deinde perceptus, semper finitus est, id sane non est, quia ex divina institutione nonnisi tantus fructus et non maior sit percipiendus, sed id est tantum ex finita capacitate hominum, pro quibus offertur, quorum unusquisque uberiorem percipit fructum iuxta suam et offerentis dispositionem: semper vero aequè prodest singulis, pluribus applicata, ac si uni applicetur. Huius sententiae ratio est, quia Sacrificium Eucharisticum a Sacrificio Crucis non differt, nisi tantum diversa offerendi ratione. Ergo ut Sacrificium Crucis operatur ad modum causae universalis supernaturalis iuxta subiectorum capacitatem, ita etiam Sacrificium Eucharisticum. Et pro hac sententia affirmat S. Alph. *clare* esse S. Th. 3. p. q. 79. a. 5. Altera sententia, quam idem S. Alph. probabilem appellat, tenet, quod fructus actu percipiendus sit finitus, ex ipsa institutione huius sacrificii, quia nempe fuit a Christo determinatus certus gradus, et ideo quanto in plures ille distribuatur,



tanto minus singulis obvenit. Ratio huius sententiae desumitur ex usu et sensu Ecclesiae, dum missae pro una eademque re repetuntur et multiplicantur, quod signum est non habere indefinitum effectum, sed certum et limitatum ex Christi voluntate. Et huic sententiae favere videtur S. Th. 4. D. 45. q. 2. a. 4. q. 2. ad 2. Cf. Suarez D. 79. S. 11. 12.

123. *An ad Sacrificii fructum percipiendum necessaria sit missae applicatio?* — Applicatio missae est intentio, qua sacerdos vult, ut sacrificii fructus in utilitatem cedat certae personae. — Porro 1.<sup>o</sup> Non requiritur sacerdotis applicatio, ut pars fructus generalis percipiatur; sed sufficit, ut ipse velit celebrare iuxta mentem Ecclesiae: semper enim implicite talis applicatio in intentione generali celebrantis includitur. Item ut ipsi sacerdoti fructus specialissimus proveniat, necesse non est, ut cum sibi specialiter applicare velit; hic enim ipsi per se semper applicatur. Imo sunt, qui fructum hunc ita putant illius esse proprium, ut alteri applicari non possit. L. 318. — 2.<sup>o</sup> Requiritur autem applicatio sacerdotis, ut fructus specialis seu ministerialis alicui obveniat. Sacerdos enim et quidem solus personam Christi gerit; ergo sicut ipse solus in persona Christi sacrificium pro aliis offert, ita etiam solus fructum eiusdem applicat. — 3.<sup>o</sup> Sacerdos, licet nemini missam celebrare promiserit, aliquam applicationem fructus specialis sacrificii facere debet. Ratio est, 1.<sup>o</sup> quia in sua ordinatione accepit ex Christi institutione potestatem sacrificium efficiendi, et consequenter eius fructum applicandi; remaneret autem inutilis illa potestas, si sacerdos ea non uteretur; 2.<sup>o</sup> insuper si nulla fiat applicatio, non est ratio, cur uni prosit magis, quam alteri: ideoque fructus non applicatus remanet in thesauro generali Ecclesiae, et proinde minus utilis evadit. Billuart, Diss. 8. art. 4. G. 354. « Si nulli applicetur, vel incapaci, fructus manet in thesauro Ecclesiae, ut docet Suarez, vel cedit ipsi sacerdoti, vel illis, pro quibus tenetur specialiter offerre, quod ita implicite censetur intendisse ». Busemb. ap. S. Alph. 336.

124. *Quandom facienda est applicatio fructus Missae?* — R. Facienda est saltem ante consecrationem. Etenim 1.<sup>o</sup> Non valet applicatio missae post utramque consecrationem facta. Ratio est, quia iam perfectum est sacrificium: et offerri amplius non potest ad aliquem determinatum finem, actio praeferta iam facta ad unum finem, vel ad nullum finem. Intelligi enim non potest actio praeterita facta ad aliquem finem in genere, vel ad finem postea determinatum. 2.<sup>o</sup> Valet autem applicatio facta ante consecrationem, licet melius sit eam facere ante missam, vel in principio missae. Ratio est, quia cum sacrificium in consecratione in eaque sola situm sit, bene ante consecrationem offerri potest. 3.<sup>o</sup> Imo, iuxta plures, valet etiam *probabiliter* applicatio inter utramque consecrationem. Ratio, quia sacrificium consecratione calicis perficitur et consequenter sacerdos dicitur tunc sacrificare, adeoque ante calicis consecrationem adhuc sacrificium applicare potest. Tambur. Meth. celebr. Miss. C. 2. § 10. alique.

125. *An applicatio fructus Missae debeat esse actualis?* — R. Neg.; sed sufficit, ut sit habitualis, scilicet ut semel facta non retractetur. Ratio est, quia applicatio ista fit per modum donationis, adeoque per intentionem semel habitam sacerdos iam donavit fructum sacrificii sui, et proinde ei, cui donavit, debetur, et cum missa celebratur, eidem obvenit, nisi donatio revocetur. G. 355. L. 335.

126. *Si sacerdos acceperit stipendia a 10. personis, an satisfaciat celebrando eam intentione confusa et indeterminata?* — R. Negat. omnino; quia requiritur intentio determinata saltem ad certam personam; alioquin nulla est ratio, cur uni potius quam alteri missa applicetur, et sic nulli applicaretur. Attamen si quolibet missam intenderet applicare decem illis personis, singulis decimam partem cuiuslibet missae applicando, obligationi satisfaceret; quia fructus sacrificii est divisibilis, ut unicuique tribuitur, quod ei debetur; unusquisque enim in singulis decem missis decimam fructus partem percipiens, facto decimo sacro, iam totum sibi debitum fructum est adeptus,

vel etiam integrum fructum a singulis decem missis percipiet. — G. B. 356., L. 335.

127. *Quomodo determinanda sit applicatio, quando stipendia a multis ignotis dantur, ut in p̄is peregrinationibus evenire solet?* — R. Intentio facienda est pro iis, qui priora dederunt stipendia. Hoc facile succedit, quando idem sacerdos omnibus obligationibus est satisfactorius; nec obest, quod ipse partem celebrandarum missarum aliis sacerdotibus forte distribuatur: quia illas eodem ordine, quo accepit, distribuere potest: et sic sufficienter applicatio determinata videtur. Difficultas maior videtur adesse, si sacrista vel alius multa stipendia a diversis collegerit, et pecuniam confusam pluribus sacerdotibus distribuatur: qui casus obvius et frequens est. Quomodo enim tunc facienda erit Missae applicatio? Respondeo: nihil aliud faciendum est, neque aliud moraliter fieri potest, quam ut applicatio fiat iuxta ordinem temporis, quo stipendia a fidelibus erogata sunt, iuxta axioma, quod aliquando in iustitiae materia usurpatur: Qui prior tempore, potior iure. Imo nec necessarium est, ut sacerdos ad hoc explicitè attendat: siquidem sic velle agere censetur, cum id expostulet naturalis aequitas. Hinc si ex cumulo communi, v. gr. ex arca in Ecclesia posita, vel a missarum distributore, stipendia pro 20. missis acceperis, nulla alia cura tibi incumbere debet, nisi ut sacrum vigesies facias ad dantis intentionem. Distributor ipse eandem implicitam intentionem habere censetur, ut stipendia iuxta temporis antiquitatem successive eroget. Potest tamen sacerdos praefatum ordinem intentione expressa interrumpere gravi aliqua de causa, v. gr. si qua alia missa urgeat, vel maius stipendium acceperit, ut sacrum non differat, etc.

128. *An valeat applicatio facta vivo quem credis mortuum, si tantum pro eo iam mortuo celebrare debeat?* — « R. Negat. prorsus. Ratio est, quia obligatio cadit in applicationem defuncto faciendam, ad eius animam a poenis Purgatorii sublevandam: finis autem ille non obtinetur, dum pro vivo sacrificium offertur. Unde sacerdos ob eiusmodi errorem iacturum factum suum subire debet ». G. 358. « Auctoris resolutio severa tantisper videri merito poterit. Ratio est, quia satisfactorius sacrificii fructus etiam vivo prodesse potest, et a Purgatorii poenis eximere. Praeterea vivus capax est, et particeps fit eorum quoque fructuum, quorum capaces mortui non sunt. Et exinde est querendum usus, qui hoc praesidium sibi sollicitè quaerentes, praestitutas a se missas vel omnes vel magna ex parte praemittere satagunt, dum in vivis degunt ». B. ib.

129. *An valida sit applicatio missae pro priore stipendium erogatur?* — 1.<sup>o</sup> Oblatio facta pro priore, stipendium erogatur, est per se valida, sed illicita, utpote prohibita a Clemente VIII. die 15. Novemb. 1605. Sed saepe etiam invalida esset talis missae applicatio, quia saepe accidit, ut missa dicatur pro causa non adhuc existente, v. g. si stipendium offerens postulaturus sit missam pro liberatione ab infirmitate, quae non adhuc nunc contracta est: effectus enim missae deberet remanere suspensus, quod admitti nequit. S. Lig. n. 337. S. Alph. ib. addit: « bene tamen advertit Cont. Tourn., etc., quod si sacerdos praevideat, quod postulabuntur missae pro aliquo defuncto, bene potest eas nunc offerre, et deinde stipendium percipere, quia hoc casu iam offerrentur pro persona determinata ».

130. *An in applicatione Missarum liceat dividere fructus Sacrificii, eosque pro variis finibus et personis applicare?* — R. 1. negative, si quis, obligatione ex iustitia, debeat alteri missam applicare. Ille enim semper censetur petere pro se totum fructum sacrificii. Neque vero certo constat sacrum pro pluribus oblatum tantum singulis prodesse, quantum pro uno solo applicatum. Quare non potest quis duplicatum vel triplicatum stipendium accipere pro una eademque missa. Idque constat etiam ex pr. S. d. ab Alex. VII. — 2.<sup>o</sup> Quoad missas vero omnino liberas, quas nempe celebrans pro nemine tenetur applicare, vel quas ex sola fidelitate et liberali promissione: vel ex sola obedientia, seu mandato superioris, aut statuto

ordinis, licet dividere fructus, latreuticum nempe, eucharisticum, satisfactorium. Ratio in 1.<sup>o</sup> casu est, quia missa hos omnes habet fructus, celebrans autem potestatem habet applicandi fructus sacrificii, qui cum ad diversos fines tendant, pro variis istis finibus applicari possunt. Ratio in 2.<sup>o</sup> casu est, quia omnis liberalis promissio intelligitur semper promittenti quam minime onerosa. Hinc potest etiam quis unum idemque sacrificium pro pluribus applicare, iuxta sententiam de indefinita applicatione fructus sacrificii missae, si gratuita tantum promissione, ac nullo iustitiae titulo adstringatur. Ratio in 3.<sup>o</sup> casu est, quia omnis obligatio legis vel praecepti non est extendenda ultra finem legis. Hinc si e. g. superior missam praecipiat pro aliis, quam pro defunctis, applicatio ad liberandam animam libera sacerdoti manet, ut S. Franciscus Borgia Praepos. Gener. Soc. Jesu pro suis subditis declaravit a. 1564.

## VI. — DE OBLIGATIONE APPLICANDI MISSAM

131. *An habeatur obligatio missam pro alio applicandi?* — R. Affirmative: ea enim habetur 1.<sup>o</sup> ex ipso Iure, pro Episcopis, Parochis, Capitulis Ecclesiarum Cathedralium, vel Collegiatarum: 2.<sup>o</sup> ex testatorum voluntate, pro beneficiatis, capellanis, haeredibus, legatariis, etc.: 3.<sup>o</sup> ex pacto, accepto stipendio, vel ex gratuita promissione. Et hae missae *manuals* solent appellari, ut ab aliis *fundatis*, ex fundatione debitis, distinguantur. L. 314-317. Simoniacum autem non est stipendium pro missa accipere: nam « sacerdos non accipit pecuniam, quasi pretium consecrationis eucharistiae... (hoc enim esset simoniacum), sed quasi stipendium suae sustentationis ». S. Th. 2. 2. q. 100. a. 2. ad 2. Nihilominus etiam sacerdotes divites stipendium accipere possunt « tum quia hodie permittitur a consuetudine universalis Ecclesiae, tum quia quisque operarius, sive dives, sive pauper, dignus est mercede sua ». L. 317. Et favet S. Th. Quodl. 6. a. 10.

132. *An simoniae reus sit Sacerdos, qui praecipue intuitu stipendii celebret?* — R. Negat. per se, nisi nempe stipendium ut verum celebrationis pretium habeat; verum a peccato excusari non potest, cum odiosum maxime ac probrosum sit, quod sacro ministerio pecuniae lucrandae causa quis abutatur. Attamen non peccat sacerdos, qui accessorie celebret intuitu retributionis accipiendae, praesertim si ipsi necessaria sit. Nec ulla labe maculatur qui accepto stipendio ad celebrandum determinatur, licet alias sacrum fuisset omisurus: tunc enim non ratione stipendii, sed obligationis adimplendae movetur. Ita communiter. — G. 370.

133. *An obligatio applicandi missam sit gravis?* — R. 1.<sup>o</sup> affirmative, si ea ex iure, vel decedentium voluntate, vel ex pacto, accepto stipendio, procedat. Materia enim est gravis, siquidem magno fructu alter privatur. Hinc tenetur quis ad restitutionem. L. 315. — 2.<sup>o</sup> Si stipendium acceptum non sit materia gravis, alii negant esse grave, alii probabilius affirmant, quia, si ante pacto ex iustitia, alteri semper grave, damnum iniuste infertur. Idque confirmatur ex communi hac in re aestimatione; nam stipendium pro na. sis taxatum unius vel duarum libellarum materia in se gravis non est, et tamen omnes qui debitas ex ordinario stipendio missas non celebrant credunt graviter peccare et ad restitutionem teneri. L. 317. Idque valet licet quis ea quae acceptaverit stipendia sciens volens, nisi tam exigua sint ut gratis promitti se videntur. Innoc. XII. C. *Nuper*. L. 320. — 3.<sup>o</sup> Si missa debeatur ex simplici promissione, grave non est illam omittere, quia simplex promissio non obligat sub gravi. L. 317. — 4.<sup>o</sup> « Omnes autem conveniunt peccare graviter, qui omittit missam debitam ex voto, aut praecepto Praelati, quia nemo dubitare potest hanc esse materiam gravem in voto vel praecepto ». L. 317. Attamen, si religiosus scienter sacrum applicet contra



voluntatem Superioris valida erit applicatio. Ratio est, quia applicatio missae est actus potestatis ordinis. Atqui actus potestatis ordinis a superioris facultate minime pendet. Ergo ut intentio conficiendi sacramenta, ita applicatio sacri invalida fieri nequit per superioris voluntatem. L. 334. — 5.<sup>o</sup> Secunda aliunde *personali* obligatione celebrandi et applicandi missam, illud communiter loquendo non interest, utrum per se an per alium quis celebret, dummodo missa loco et tempore debitis celebretur et alteri collato integro, et non minori, stipendio, accepto ex *solo* titulo celebrationis. Pr. 9. d. ab Alex. VII., quod locum habet tantum in missis manualibus, quae non dantur intuitu personae, sed intuitu missae celebrandae. Idque ut omne turpe lucrum removeatur. Innoc. XII. C. *Nuper*. Bened. XIV. Enc. *Quanta cura*. L. 321. Quare sacrilegii et iniustitiae reus est quisquis detrahit partem stipendii, et ad restitutionem erga celebrantem tenetur, licet illa pars modica sit, et in usum pium impendatur, nisi alter omnino sponte, adeoque non rogatus, excessum remiserit. Bened. XIV. Enc. *Quanta cura*, Prop. 9. d. ab Alex. VII. L. 321. 322. — 6.<sup>o</sup> Quinimo graviter quis peccat, regulariter loquendo, non tantum si Missam omittat, verum etiam si eam non celebret intra definitum tempus: vel si nullum sit determinatum intra *modicum tempus*: i. e. pro defunctis infra unum mensem, pro vivis infra duos menses: nisi datus eleemosynam dilationi consentiat. Innoc. C. *Nuper* Ad 11. L. 317. Tempore designato elapso, adhuc poterit tunc celebrare, licet iam peccaverit, nisi causa celebrationis cessaverit: tunc enim ad restitutionem tenetur, etiamsi postea celebret. L. 317. — 7.<sup>o</sup> Grave item est, si quis loco praescripto non celebret, et locus, ex gravi causa, per se intendatur. Restituere tamen stipendium non debet, qui, accepto stipendio ad missam in altari privilegiato celebrandam, eam in alio altari celebravit, facta proportionata compensatione, lucrando deinde indulgentiam plenariam, defunctis applicabilem. L. 328. 329.

134. *Resolves*: Integrum stipendium alteri celebranti tradendum non est, si alio titulo, et intuitu personae, quis pinguis receperit stipendium e. g. 1.<sup>o</sup> si ratione beneficii missa sit celebranda. Innoc. XII. l. c. — 2.<sup>o</sup> ratione capellaniae. S. C. C. 15. Mart. 1745. Acta S. Sed. V. 8. p. 79. — 3.<sup>o</sup> ratione legati alicui ad vitam relict. L. 321. — 4.<sup>o</sup> ratione muneris parochialis. S. C. C. 25. Jul. 1874. Acta S. Sed. V. 8. p. 84. — 5.<sup>o</sup> ratione specialis obligationis et oneris suscepti, Acta S. Sed. V. 4. p. 40. — 6.<sup>o</sup> ratione paupertatis sacerdotis, amicitiae, consanguinitatis, etc. L. 321., dummodo haec dantis intentio certo moraliter constet. S. C. C. 25. Jul. 1874. C. S. S. V. 8. p. 94.

135. *Quantum pro stipendio missarum liceat accipere?* — Accipere licet stipendium lege dioecesana, vel consuetudine determinatum. Trid. S. 22. *Decr. de observ.*, etc. Non licet exigere maius stipendium, nisi ex iusta causa, e. g. extraordinarii alicuius laboris: neque licet minus accipere, si id ab Ordinario prohibitum sit. S. C. C. 16. Jul. 1689., Acta S. Sed. V. 3. d. 558., L. 320. Hoc tamen non impedit, quominus quis ex alio titulo, ex caritate vel amicitia, stipendium minus admittere possit, uti etiam stipendium maius ex mera dantis liberalitate. G. 368. Taxa dioecesana tenentur etiam Regulares. S. C. C. 16. Jan. 1639., eamque servare debent haeredes illorum, qui missas reliquerint, nulla determinata eleemosyna. Innoc. XII. C. *Nuper*, par. V. *Posito*. — L. 319. 320. — « Si ultra eleemosynam ab episcopo taxatam plus sacerdos celebraturus *exigat*, non solum delinquit contra legem Ecclesiae, verum etiam iustitiam commutativam laedit ». Bened. XIV. l. inf. c.

136. *An liceat missarum stipendia colligere, ut aliis deinde missae celebrandae tradantur?* — R. 1.<sup>o</sup> Si fiat lucri causa, id vitium est, praesertim mercatoribus et bibliopolis, ut a sanctitate tanti sacrificii omnis turpis lucri occasio, species, suspicio, removeatur, quamvis Collectores eas deinde celebrari curent per sacerdotes pauperes, datis, loco stipendii, libris, diariis religiosis et piis, etc., vel impendant in pios usus lucrum quod capitur ex permutatione librorum aut mercium cum eleemosynis. Si id causa

lucris non fiat, res est saepe periculosa: quia saepe huiusmodi missae statuto tempore, loco, etc. debent celebrari. Hinc graviter collectores peccant, et illi quoque, qui eis stipendia conferunt, vel ab eis accipiunt, utpote complices. Insuper collectores furti rei sunt, si quidpiam sibi detrahant, praeter iustum pretium officii et laboris. Bened. XIV. C. *Quanta cura*, S. C. C. 9. Sept. 1874., 24. Apr. 1875. Acta S. Sed. V. S. p. 107. L. 322. — 2.<sup>o</sup> Non est illicitum merces, diaria, libros, pro missarum applicatione concedere, adeoque nec clericis eos comparare illicitum est, eoque magis licet scriptoribus librorum, vel Ephemeridum moderatoribus, quibus huius rei causa missae sponte traduntur, sua diaria aut libros sic distrahere, et sacerdotibus ea comparare: nec licet Episcopis id vetare: dammodo 1.<sup>o</sup> missae celebrentur, 2.<sup>o</sup> absit quodlibet negotiationis vel mercaturae genus relative ad missas celebrandas, 3.<sup>o</sup> nihil detrahatur fundatorum vel oblatorum voluntati circa stipendii quantitatem, locum ac tempus celebrationis missarum, 4.<sup>o</sup> dato cui de iure testimonio de secuta missarum celebratione, 5.<sup>o</sup> tandem, exclusa quacumque studiosa collectione missarum. Quare peccat qui libros, etiam religiosos et pios *minoris emit*, applicatione missarum, eos *iusto stipendio, sed maiori pecunia*, dein venditurus: vel minoris emit, pecunia, eos iusto stipendio sed maiori, missarum applicatione, venditurus. S. Poenit. 6. Oct. 1862., 19. Nov. 1863., S. C. C. 24. Apr. 1857., 31. Aug. 1874., 24. Apr., 31. Aug. 1875., Acta S. Sed. V. S. p. 107. 607., 659., G. 375., L. 322.

137. *An sacerdos, cui offertur pingue stipendium pro hodierna Missa, possit, hoc retento, rogare alium sacerdotem, ut celebret pro ipso, promittens celebrare die sequenti pro eodem, qui pro ordinaria elemosyna est celebraturus?* — R. 1.<sup>o</sup> Negative, si id fiat saepe, vel ex industria, studiosa nempe captatione pinguioris stipendii. Id enim prae se fert speciem quandam negotiationis, et turpis lucris occasione missarum. Confirmatur ex S. C. C. 6. Maii 1865., A. S. S. V. 2. p. 203., V. 3. p. 98. — 2.<sup>o</sup> Si agatur de occurrente quodam casu controvertitur. « Recte, ait S. Alph. 322., negat Conc., quia hoc non posset excusari a specie turpis mercimonii; merito tamen id non audet damnare de peccato gravi... Affirmant La-Croix et Mazzot, quia hoc non esset retinere partem pretii, quod Pontifex damnavit, sed tantum permutare Missas et dies ». De hac sententia cl. Ball. inquit quod « non solum rationum soliditate et pondere auctoritatis longe est probabilior, sed et communissima piorum prudentumque sacerdotum praxi comprobatur ». G. 372.

138. *An obligatus ex stipendio ad celebrandum in altari privilegiato pro defuncto debeat legere Missam de Requiem, quando ritus id permittit?* — R. Affirm. Ratio est, quia ad indulgentias lucrandas id requiritur. Diebus vero quibus prohibentur missae de Requiem, sacerdos lucratur indulgentias legendo missam diei, ut pluries a S. C. declaratum est. G. 377., L. 339.

139. *An obligatus ex stipendio ad legendam Missam de Requiem, vel catholicam, satisfaciat si aliam Missam dicat?* — R. Affirm. Ratio est, quia Missa eadem est quoad substantiam; et si adsit iusta ratio, nullum erit peccatum. Hinc si Rubricae non permittant ea die legi missam vel de Requiem vel catholicam, debet legi missa diei, et sic vere satisfacit obligationi. Qui autem absque legitima ratione id facit, a peccato veniali excusari non potest; nec propria devotio ut ratio sufficiens habetur. G. 377., L. 328. 422.

140. *An stipendium percipi possit pro Missa in die Commemorationis omnium fidelium defunctorum celebranda?* — R. Affirm. Ratio est, quia non omnes sacerdotes tenentur hac die missam applicare pro omnibus defunctis, nec celebrare obligantur. Possunt igitur missam applicare ad libitum et pro omnibus defunctis in Purgatorio degentibus, vel pro aliquibus tantummodo. Constat ex Decreto S. Cong. die 4. Aug. 1663. Hoc autem posito, nihil prorsus obest, quominus stipendium pro missa accipi possit. Ita communiter. G. 377., L. 338.

141. *An Sacerdotes Soc. J. stipendium missarum accipere possint?* — 1.<sup>o</sup> Sacerdos Societatis neque pro se neque pro alio stipendium missarum, quas legit, accipere potest. Idem quoque asserendum est, si de aliis quibuslibet saceris ministeriis agatur. Constat ex Instituto Societatis, passim. Vide praesertim Epitome, nov. ed., p. 185., La-Croix, l. 4. p. 136. — 2.<sup>o</sup> Si pecunia pro missis offeratur sacerdoti Soc. vel Communitati, potest per Superiorem admitti, non quidem cum rigorosa obligatione, sed cum promissione lata dicendi aliquas missas, vel etiam unam aut alteram singulis annis ex gratitudine. Ita Castropalao. Sicque declarasse Mutium Vitelleschi Generalem testatur Burghaber centuriae 3. cas. 25. La-Croix, l. 6. part. 2. n. 146. — 3.<sup>o</sup> Item potest pecunia accipi liberaliter, et vicissim liberaliter possunt promitti missae, ita tamen ut posterior promissio non sit velut compensatio, seu solutio reciproca quasi pro stipendiis, sed mero elemosynae titulo pecunia admittatur: adeo ut offerens plane intelligat, accipi non posse alio nomine, et hoc eodem ipse largiatur. La-Croix, l. 6. p. 2. n. 146. — G. 378.

142. *Resolves*: 1.<sup>o</sup> Sacerdos Soc., cui pecunia offertur pro missis legendis, potest dicere offerenti, se missas, gratis lecturum ad ipsius intentionem, et vicissim *rogare* ipsum ut liberaliter applicare velit pecuniam oblatam ad hanc vel istam piam causam: sic offerens habebit duplicatum fructum: ordinarium scilicet missae, deinde cooperationis ad illam piam causam. Ita expresse La-Croix, ib. — 2.<sup>o</sup> Titius sacerdos Soc. legere potest missas ad intentionem Sempronii sacerdotis saecularis, qui stipendia pro missis legendis acceperit, quando hic nec ea restituere possit, nec satisfacere pro omnibus missis: quia in istis circumstantiis Titius censetur gratis et ex pura caritate legere, uti ex declaratione Claudii Aquaviva colligit La-Croix, l. 4. n. 138. — 3.<sup>o</sup> Si Titius sacerdos Soc. non recipiat quidem stipendium, attamen circa illud *disponat*, v. gr. dicat Caio: da stipendium huic pauperi, et ego ad intentionem tuam legam sacrum: vel si dicat Sempronio: tu accepta stipendium, ego loco tuo sacrum legam: illicite agit, quia sic *disponendo* circa stipendium per quendam quasi-contractum tacitum facio ut des, virtualiter accipit stipendium, illudque redonat alteri: quorum utrumque est contra votum paupertatis. Pellizarius, La-Croix, l. 4. n. 138. Sanchez, etc. — 4.<sup>o</sup> Si Paulus vir Soc. pro capellano ex fundatione obligato in canenda missa suppleat, minime peccat, quamvis capellanus suum proventum recipiat, quia ille de nulla re disponit. Idem dicendum est, si concionetur, aut aliud munus exerceat pro aliquo, qui inde consueta iura percipiat. La-Croix, l. 4. n. 139. — 5.<sup>o</sup> Si Sempronius parochus, accepto iam stipendio, *roget* Titium sacerdotem Soc. ut pro eo suppleat in missa legenda, Titius licite supplebit, modo nihil de stipendio *disponat*. La-Croix, l. 4. p. 139. Vasquez, Salas, Castropalao, contra Sanchez. Ratio est, quia stipendium a Titio, ne virtualiter quidem recipitur, cum nihil disponat circa illud, estque omnino indifferens illi, qui stipendium erogavit, a quolibet missa legatur. Confirmatur: Si Titius iturus Parisios in favorem Sempronii, gratis ferret litteras, ad quas ferendas Sempronius esset mercede conductus, utique Titius non ageret contra paupertatem, nec censeretur sibi acquirere, et Sempronio donare illam mercedem. Ergo similiter in nostro casu. La-Croix, ib. — G. 379.

143. *Quaenam sit obligatio in Soc. quoad Missas et preces iniungi consuectas?* — 1.<sup>o</sup> Religiosi Socii, qui preces et missas praeceptas non persolvunt, *per se* loquendo non peccant, quia non datur rigorosum praeceptum: non enim alia est obligatio, nisi ex regula, quae *per se* sub peccato non obligat. Suarez, et alii communiter. Attamen peccabant Superiores, si ex negligentia non eurent, ut designentur qui missas celebrent, vel orent, praesertim pro benefactoribus et fundatoribus. Sic responsum est Roma anno 1604. Non satisfaciunt vero regulae, qui missas legendas per alios legunt, quia est onus personale. Sic responsum Prov. Rheni, ann. 1634. Attamen satisfacit rogans alium, ut vice sua hodie vel hac hebdomada celebret, alio ipse



die vel alia hebdomada compensaturus. Item satisfaciunt, qui praevidentes difficultatem pro hebdomada sequenti, sacra in hebdomada, quae praecedit, anticipant. La-Croix, l. 6. part. 2. num. 168. — 2.<sup>a</sup> Missae pro defunctis Soc. induitae sive determinantur per generales Ordinis Constitutiones, sive ex particularibus regulis, sive ex superiorum praescripto, non aliam inducent obligationem quam simplicis regulae, aut simplicis ordinationis, adeoque neque sub gravi, neque sub levi *per se* obligant, secluso semper speciali praecepto. Sic ex iudicio omnium, ut testatur Pelliz. tom. 1. tract. 5. c. 9. n. 12., La-Croix, ib. n. 169., Suarez De Relig. Tr. 10. l. 8. C. 2. n. 5., Baller. — 3.<sup>a</sup> Missae affixae tempori, v. gr., quae legi debent qualibet hebdomada vel quolibet mense, si hoc tempore ob impedimentum vel morbum non potuerint celebrari, non necessario postea supplendae sunt, sed omitti possunt. Sic responsum est Prov. Rheni, ann. 1585. E contrario si ex negligentia omissae sint, postea suppleri debent. Sic responsum fuit Prov. Tolosanae, ann. 1629. La-Croix, ib. num. 171. — 4. Si Missae vel preces indicentur ad tempus indefinitum, satis est eas dicere al duos vel tres menses. Sic responsum est Prov. Neapol. ann. 1603. La-Croix, ib. n. 172. — G. 380.

## VII. — VARIA MISSAE ADIUNCTA

144. *Quibusnam diebus et quam hora celebrare liceat?* — 1.<sup>a</sup> Feria V. maior. hebd. et Sabb. Sancto Conventualis tantum Missa celebrari permittitur. Deer. Clem. XI. 15. Martii 1712., Bened. XIV. Not. 38. L. 350. Nihilominus ubi viget consuetudo, ut parochus his diebus celebret, toleranda est. Insuper in parochiis ruralibus, in quibus tres vel quatuor saltem clerici haberi nequeunt ad sacras functiones feria VI. et Sabbato Sancto peragendas, parochi de licentia episcopi, quae pluribus in locis non quaeritur, quotannis impetranda, celebrare possunt missam lectam feria V. in Coena Dom., priusquam in Cathedrali vel Matrice conventualis incipiat. S. R. C. 28. Julii 1821. Acta S. Sed. V. 1. p. 495. Et si eo die inciderit festum S. Iosephi aut Virginis ab Angelo salutatae licet tot missas celebrare quot erunt necessariae iussu et arbitrio episcopi. S. R. C. 27. Sept. 1716. Itemque in Sabbato Sancto missa Conventualis tantum celebrari permittitur. Ea celebratur in parochialibus propter benedictionem fontis, ubi extat. Feria vero VI. maior. hebd. omnino prohibitum est sub gravi celebrare. Hisce exceptis diebus quotidie celebrare permittitur. Deer. Clem. XI. 15. Mart. 1712., Bened. XIV. Not. 38., L. 349. 356. — 2.<sup>a</sup> Missa privata quaecumque hora ab aurora usque ad meridiem dici potest. Rubr. Miss. Aurora computanda est ex temporum varietate. « Omnes autem conveniunt, quod nulla sit culpa missas terminare in aurora, et eas incipere parum ante meridiem; ratio, quia tempus tam aurorae quam meridiei non mathematicae, sed moraliter accipiuntur ». L. 341. Pari modo privilegium celebrandi una hora ante auroram vel post meridiem, intelligi debet de una hora ante vel post tempus pro aliis non privilegiatis assignatum; alioquin enim privilegium parum prodesset. L. 346.

145. *An peccet graviter, qui celebrat ante auroram aut post meridiem?* — R. Affirm. si n. d. cum praeventat, aut protrahat tempus ab Ecclesia statutum: immo, si n. d. cum immutatio sit levis: immo si iusta adsit causa, omni culpa vacabit. Qualls autem censetur immutatio notabilis? controvertitur. Iuxta communioris et probabilioris sententiam gravis non habetur, nisi celebratio hora integra ante vel post tempus statutum incipiatur. G. 382., L. 346.

146. *Quandomodo liceat tempus celebrationis antevertere?* — 1.<sup>a</sup> In necessitate, v. gr. ut morituro ministretur Viaticum, quo casu liceret etiam

media nocte celebrare. 2.<sup>o</sup> Ubi est mos rationabilis, v. gr. ut opifices et famuli summo mane possint Sacrum audire. 3.<sup>o</sup> Vi privilegii a Papa vel Episcopo concessi. G. 382., L. 343. — Hos praeterea addit casus S. Alph. 344., nimirum: « 1.<sup>o</sup> post missam solemnem in festivitate, si sollemnis protrahatur ad horam et amplius post meridiem, imo probabiliter etiam post duas horas..., ne magna pars populi missa careat; 2.<sup>o</sup> Ex causa itineris per horam post meridiem vel ante auroram; 3.<sup>o</sup> sic etiam causa funeris alicuius magnatis, vel concionis, vel publicae supplicationis; 4.<sup>o</sup> si episcopo dispenset in aliquo casu particulari ex rationabili causa. Et recte dicit La-Croix, eandem facultatem habere omnes superiores, secluso privilegio, erga suos religiosos, cum sint eorum Ordinarii ».

147. *An liceat Missam saepius in die celebrare?* — 1.<sup>o</sup> Extra verae necessitatis casus missam iterare non licet. Excepe diem Nativitatis Dni., et, ubi privilegium concessum est, diem Commer. omn. defunctor. C. *Consultuisti* 3. *De Cebrat. Missar. Necessitas* haec est, ne plures amittant sacrum die festo, v. g. si unus parochus duas regat dissitas paroecias, si pars populi ob locorum distantiam ad eandem ecclesiam, vel ob angustiam ecclesiae ad eandem missam convenire non possit. — 2.<sup>o</sup> Necessitas duas Missas celebrandi agnoscenda est ab episcopo, iuxta ea quae habet Bened. XIV. C. *Declarasti*, 1746., et De Sacrif. Miss. l. 3. c. 5. 6., et ab Episcopo licentia danda est. Qua vero distantia opus sit, quove fidelium numero, ut missa possit iterari, Ordinarii arbitrio relinquitur. Et si uno lapide distent, aut viginti sint, qui alias Ecclesiae praecepto non satisfacerent, permittere poterit, immo debet. S. C. C. 31. Jul. 1851. 12. Jan. 1847. — 3.<sup>o</sup> Parochus tenetur secundam missam *pro populo*, sicut primam, nullo accepto stipendio, diebus festis applicare in parochois unitis, excepto casu, in quo Parochiarum unio talis sit, ex qua unica prorsus parochia exurgat. Quare parochus regens duas paroecias et ideo bis celebrans utrique paroeciae suam missam applicare tenetur. E contra parochus, bis celebrans in una eademque parochia, nonnisi unam missam *pro populo* applicare tenetur. — 4.<sup>o</sup> Celebrans cum iterum celebrat ieiunus esse debet. Nunquam recipi potest eleemosyna pro secunda missa celebranda, etiam ad pias causas, et quicumque sit, qui eam celebret, neque ad hanc eleemosynam recipiendam allegari potest titulus egestatis seu defectus reddituum. Verum, si quid incommodi sentiat, mercedem *ob id* exigere non prohibetur. S. C. C. Mart. 1861., 22. Febr. 1862., A. S. S. V. 1. p. 10. 11. 15., V. 6. p. 568., V. 9. p. 234. 235., 302. — S. Th. 3. p. q. 83. a. 2. ad 5.

148. *Quonam in loco liceat celebrare?* — 1.<sup>o</sup> Non licet communiter celebrare, nisi in Ecclesia, eaque consecrata vel saltem benedicta, quae non sit polluta, execrata aut interdicta; et super altari, non execrato. Sub gravi sacrilegio requiritur altare consecratum stabile vel portatile. Trid. S. 22. *Deer. De observr.*, etc., L. 373. « In Ecclesia interior violata, *nisi* prius reconciliatur, non licebit sub gravi peccato, ut Laym. etc. nisi in necessitate, cum venia Episcopi, si is adiri possit, alioquin sine ea, ut habet Card. de Lugo, celebrare, aut mortuos sepelire. Ita etiam Salm. cum Lugo, etc. Necessitas autem sufficiens censetur, si populus non habet aliam Ecclesiam, ubi missam audiat. Si vero Ecclesia polluatur incepto Canone, sacerdos utique missam prosequi debet ». L. 361. — 2.<sup>o</sup> Sub dio missam celebrare grave est, nisi ex graviore necessitate, et de licentia Ordinarii, si possit peti: v. g. si Ecclesia collapsa fuerit, vel si in solemnibus festis non capiat eos qui convenerunt. C. 11. *de Consecr.*, Rubr. Miss., Lugo D. 20. n. 48., L. 356. — 3.<sup>o</sup> Episcopus non potest amplius, ut olim, concedere facultatem celebrandi in domibus privatorum, neque in Oratorio privato. Trid. S. 22. *Deer. De observr.* Constat etiam ex S. C. C. 27. Maii 1617., 23. Jan. 1847, in qua dicitur: non licere ulli Episcopo huiusmodi licentias concedere, ne pro actu quidem transiente; hanc facultatem esse soli Rom. Pontifici reservatam. Excipitur tamen, si graves adsint causae et urgentes, et per modum actus transeuntis tantum.

S. C. C. 27. Maii 1617. et 20 Dec. 1856. L. 359. — 4.<sup>o</sup> Potest quidem episcopus facultatem concedere sacrum faciendi in oratoriis publicis, et ibi peragendi caeteras functiones sacras, quae non sunt stricte parochiales. — S. Th. 3. p. q. 83. a. 3., G. 386.

149. *In quibus Oratoriis Episcopi possint dare licentiam celebrandi?* — Permittere possunt, ut id fiat in omni loco religioso et pio. Locus autem religiosus ille dicitur, in quo pietatis et misericordiae opera exercentur, et episcopi aut alterius praesulis ecclesiastici auctoritate erectus est. Talia sunt monasteria, quaelibet religiosae Communitates, Seminaria, etc. . . . . Locus vero pius ille vocatur, qui ad pietatis et misericordiae opera constituitur, et deputatur etiam sine episcopi aut ecclesiastici praesulis auctoritate. Unde hospitalia et orphanotrophia quaelibet haberi debent ut loca pia, in quibus proinde episcopus permittere potest erectionem oratorii, etiamsi eiusmodi loca a potestate civili erecta et constituta fuerint. Adde et oratoria in carceribus erigenda. S. C. C. 27. Martii 1847. — G. B. 387.

150. *Quomodo Ecclesia polluitur, et quomodo reconciliari debeat?* — R. ad 1.<sup>um</sup> Polluitur, seu violatur, Ecclesia, quando in ea exercentur actiones quaedam turpes vel indecentes et loco sacro iniuriosae, ob quas indecens reputatur, ut ibi offeratur Hostia immaculata, et divina officia celebrentur, donec reconcilietur. Polluitur itaque Ecclesia 1.<sup>o</sup> per homicidium voluntarium mortaliter malum, seu iniuriosum saltem immunitati ecclesiasticae; 2.<sup>o</sup> per effusionem sanguinis humani ex percussione, aut vulnere graviter iniurioso; 3.<sup>o</sup> per illicitam effusionem humani seminis voluntariam; 4.<sup>o</sup> per sepulturam non baptizati, seu infidelis. Excipe probabilius, si sit cathecumenus; quia non censetur infidelis. Item si sit infans, cuius parentes sint christiani, quia tunc parentes pro ipso baptismum desiderant. Ita Pichler, Gousset 310. contra alios; 5.<sup>o</sup> per sepulturam baptizati nominatim excommunicati; non vero si sit quidem excommunicatus, sed non vitandus. De his constat ex Iure canonico. Cf. S. Lig. n. 362. Sed ut Ecclesia censetur polluta, haec crimina debent esse notoria, ita ut nullo modo celari possint. Debent etiam patrari in ipsa Ecclesia, non vero tantum in turri, tecto, in sacristia, aliisve cameris Ecclesiae adhaerentibus. L. 362. 364., G. 388. — « *Nota: to sanguinis effusionem, quae copiam significat. . . . Unde non violat si ex percussione vel vulnere levi, v. g. narium in rixa puerorum, etiamsi copiosus sanguis effluat, quia in hoc communiter non adest peccatum mortale.* » L. 35. — Non polluitur Ecclesia « per desolationem, exercitium haereticum, spurcitas hominum, vel animalium isthic stabulatorum, etc., etsi debeat et praxis habeat, ut per episcopum, vel saltem sacerdotem, cum aliqua caeremonia reconcilietur et abluatur, quod in simili casu intellige de altari ». L. 367. — R. ad 2.<sup>um</sup> 1.<sup>o</sup> Si Ecclesia fuit tantum benedicta, reconciliari potest a sacerdote delegato ab episcopo cum orationibus consuets, et cum aqua benedicta: « Aqua autem potest benedici ab ipso sacerdote. . . . Imo Bened. XIV. de Syn. etc. ait: Si (Ecclesia) simpliciter benedicta fuerit, tunc idem Gregor. IX. in cap. *Si Ecclesia, de Consecr. Eccl.*, statuit nulla praeobtentata delegatione, per simplicem sacerdotem, adhibita aqua benedicta, quam sanctam sive lustralem vocant, posse Ecclesiam pollutam reconciliari ». L. 363. — 2.<sup>o</sup> Si vero Ecclesia illa fuerit consecrata, reconciliari debet ab ipso episcopo, vel a sacerdote delegato a Papa iuxta ritum Pontificalis Romani. Attamen si non possint omitti divina officia siue gravi incommodo, episcopus aliquo impedimento detentus delegare potest sacerdotem ad Ecclesiam benedicendam simpliciter benedictione, donec ipse eam consecrare possit. Cabassut, etc. — 3.<sup>o</sup> Oratoria autem privata, licet benedicta et ad cultum deputata, non censentur pollui; et ideo reconciliatione non indigent. — G. 389., S. Th. 3. p. q. 83. a. 3. ad 3.

151. *Quomodo Ecclesia execretur, et ad cultum idonea reddatur?* — « *Execratio* dicitur, cum res sacra perdit suam consecrationem, ita ut de novo consecrari debeat, quod fit, quando ita destruitur, ut formam et usum



suum perdat ». L. 368. — R. 1.<sup>o</sup> Censetur Ecclesia execrari, quando totaliter vel ex maxima parte corrumpitur, vel destruitur, ita ut de novo, saltem ex maiori parte, aedificari debeat, aut si omnis parietum crusta, vel maior saltem pars simul auferatur. « Ecclesia (non execratur) si una (pars) post alteram (destruatur). Et hoc etiam si per intervalla hebdomadarum vel dierum Ecclesia tota nova fiat, quia quaecumque pars accedens manet consecrata, cum maius dignum trahat ad se minus dignum. Idque procedit, etiam si adsit animus totam Ecclesiam destruendi, quia intentio illa non officit, quin consecratio perduret. Neque si tectum corruat, quia consecratio est in parietibus ». L. 368. Ecclesia execrata, iterum benedicenda vel consecranda est, iuxta ritum et formam praescriptam pro benedictione vel consecratione Ecclesiarum. — 2.<sup>o</sup> Altare fixum consecrationem amittit, cum mensa seu lapis superior a stipite suo amovetur. S. C. R. 15. Maii 1819. Altaria sive portatilia sive fixa suam consecrationem amittunt per enormem fracturam vel per violationem tumuli, in quo reconduntur sacrae Reliquiae, S. C. R. 23. Sept. 1848. Nec sufficit in illis tumulari alias Reliquias authenticas; sed altaria denuo sunt consecranda. S. R. C. 7. Dec. 1844. — 3.<sup>o</sup> Vasa sacra, et aliae res consecratae execrantur, quando formam suam amittunt, nec amplius ad usum suum inservire possunt. Vestis sacra cuius notabilis pars scissa fuerit, ita ut ad debitum usum inservire non possit, manet execrata, quamvis statim sarcietur, quia iam suam formam amisit. « Uti vestibus sacris, etiam attritis, ad usus prophanos est mortale. Vestes tamen sacrae in usibus prophanis adhibitae non amittunt benedictionem ». L. 370. 371. 376. — 4.<sup>o</sup> Polluta Ecclesiae parte, integra Ecclesia pollui censetur, etiam cum coemeterio adiacente. E contrario execrata Ecclesia, non ideo execratum coemeterium. nec altaria fixa et integra consecrationem amittunt. — G. 390., S. Th. 3. p. q. 83. a. 3. ad 2. ad 3. ad 4. ad 5., L. 367.

152. *Quaenam ad missam celebrandam requirantur?* — Haec requiruntur: 1.<sup>o</sup> altare lapideum, fixum vel portatile, ab episcopo consecratum; 2.<sup>o</sup> mappa triplex ex lino vel cannabe confecta; 3.<sup>o</sup> vestes sacrae, seu ab Ordinario benedictae; 4.<sup>o</sup> calix et patena consecrata; 5.<sup>o</sup> corporale lineum vel ex cannabe, ab Ordinario benedictum; 6.<sup>o</sup> palla pariter lineae vel ex cannabe; 7.<sup>o</sup> purificatorium lineum; 8.<sup>o</sup> Missale cum pulvillo; 9.<sup>o</sup> crucifixus, non vero sola crux; 10.<sup>o</sup> candela duplex accensa ex cera; 11.<sup>o</sup> bursa, velum, manutergium, ampullae vitreae; 12.<sup>o</sup> minister masculus. — Ut grave vel leve est celebrare sine aliqua re ex istis, ita pariter grave vel leve est celebrare sine illa non benedicta, si tamen necessario sit benedicenda. — Quoad candelas autem attinet, in missis privatis non licet plures, quam duos cereos accendere, nisi celebret episcopus, vel nisi solemnitas quaedam extraordinaria aut SS. Sacramenti expositio maiorem numerum exigit. — G. 391., S. Th. 3. p. q. 83. a. 3., L. 378.-389.

153. *Quale peccatum sit celebrare sine calice, patena, corporali, palla, purificatorio?* — Celebrare sine calice et patena, nisi ex gravissima causa, grave est; sine corporali, nisi ex gravi causa, grave est; sine palla aut purificatorio leve est. — Si purificatorium facile haberi non possit, probabiliter licitum est celebrare sine eo, eiusque loco adhibere posse strophium mundum, quod postea ad prophanos usus non adhibeatur. — In necessitate, palla deficiente, aliud corporale, vel purificatorium aut bursa adhiberi possunt. Palla benedicenda probabilius est cum corporali eadem benedictione, et pro corporali adhiberi poterit. — Ut grave est celebrare sine corporali, vel sine corporali benedicto, cum immediate Christi Corpus contingat, nisi urgeat gravis necessitas, ita grave est celebrare corporali valde immundo; veniale vero si valde immundum non sit. Imo in necessitate, si ipse sacerdos vel alii debent alias omittere sacrum de praecepto, nullum est peccatum. — Corporale in extremitatibus potest esse sericum vel auro elaboratum; nec iterum benedicendum post lotionem. — L. 376. 386.-389., S. Th. 3. p. q. 82. a. 3., q. 83. a. 3. ad 7. ad 8.

154. *An calix et patena sub gravi vel sub levi tantum consecrari debeant: et ex quam materia sint conflanda?* — R. ad 1.<sup>um</sup> Consecrari debent sub mortali; praeceptum enim circa rem gravem versatur. Gousset. 323. L. 379. — Ad 2.<sup>um</sup> Ex Rubr. *Rit. serv.* etc. *De Praepar.* etc. n. 1., *De Defect.* t. 10. n. 1., calicis saltem cuppa debet esse aurea, vel argentea, vel stannea. in casu necessitatis, intus inaurata: non aerea vel vitrea. Patena item esse debet ex auro, vel argento inaurato. G. 394., S. Th. 3. p. q. 83. a. 2. ad 6., L. 370.

155. *An execratur calix si pereat inauratio?* — « Affirmant Azor, etc., quia tollitur subiectum immediatum consecrationis, cum tota unctio in superficie calicis fiat. Negant vero probabilius cum sententia communi Lugo D. 20. n. 94., etc. Ratio, quia licet unctio non fiat, nisi in superficie, tamen tota moles calicis, (seu totus calix, et non tantum eius superficies), consecratur ». L. 370.

156. *An liceat celebrare sine velo, manutergio, pulvillo, bursa?* *An etiam sine Cruce?* — R. Ad 1.<sup>um</sup> « Recte dicit Busemb. ista non benedici... Dicit La-Croix, celebrare sine velo, quando nullum habetur, non est peccatum, nam velum, manutergium, pulvillum, ait requiri tantum ad decentiam, et idem censet de bursa cum Sporer ». L. 395. « Si quid ex his desit, ex prophanis congruenter mundis mutuo accipi, et deinde priori usui reddi potest ». L. 395. — Ad 2.<sup>um</sup> Leve item est sine cruce celebrare; neque est de praecepto benedicendi. In altari, in quo expositum est Sanctissimum Sacramentum crux exponi vel non exponi potest secundum cuiusque Dioeceseos consuetudinem. Bened. XIV. C. *Accipimus*, S. C. C. 17. Sept. 1822., S. R. C. 2. Sept. 1741., L. 393.

157. *An liceat celebrare aliquando sine missali?* — « Sub gravi peccato (requiritur) missale Canonem saltem continens..... sententia vero communissima... probabiliter dicit posse quandoque sacerdotem celebrare sine missali, si hoc facile non posset habere, et ob praeteritam experientiam abesset morale periculum errandi. Hinc probabiliter inferunt Lugo, etc., licite celebrare sacerdotem, qui ob visus debilitatem memoriter missam recitat », etc. L. 390. Missali autem semper proprio quis uti debet, et qui v. g. missali utitur romano, culpa non caret, si secluso privilegio, utatur missali regularium diversi ritus, etiam in ipsorum Ecclesiis, et dum in itinere est. S. R. C. 19. Nov. 1662., L. 390., si uti possit proprio, saltem *de communi*. L. 390. At Evangelium semper Evangelio Officii respondere debet. S. R. C. 1. Sept. 1804. In Ecclesiis, unde Regulares eiecti sunt, missa non potest amplius celebrari iuxta calendarium Ordinis, neque ab ipsis regularibus, si quis quasi cappellanus, aut custos in eis remanserit, sed secundum dioecesanum calendarium. S. R. C. 20. Dec. 1864.

158. *An sufficiant duae mappae, vel una duplicata?* — « Affirmant Suarez, Laym., Holzm., Pal. cum Sa. Azor; item Bon. Henr. et Gob. ap. La-Croix 322. Attamen puto a rubr. non recedendum (quae id praescribit)... Probabiliter tamen aiunt Escob. et Ron. cum Pasq. id culpam venialem non excedere. Celebrare autem sine ulla mappa non excusatur a mortali..... e converso nulla committitur culpa si adsit gravis necessitas sic celebrandi ». L. 375. Quod superior mappa « usque ad terram pertingat » iuxta rubricam « hodie non est in usu ». L. 375.

159. *An mappae necessario debeant esse benedictae?* — R. Affirmative ex clara Rubr. Negant tamen Suarez, alique, dicentes benedictionem requiri tantum ex decentia. Ac S. Alph. ait: « Haec sententia non videtur improbabilis propter auctoritatem horum A.A., praesertim Suarii, qui testatur consuetudinem esse in contrarium ». L. 375. Caeterum « talis defectus, ut probabiliter dicunt, non excedit culpam venialem », a quo excusat « quaevis causa rationabilis ». L. 373.

160. *Quale peccatum sit celebrare sine vestibus sacris?* — Celebrare

sine ullis vestibus *sacris*, h. e. benedictis, nempe casula, stola, manipulo, alba, amictu, et cingulo, saltem regulariter loquendo, nunquam est licitum, etiam in necessitate viatici sumendi. Nam reverentia huic sacramento et sacrificio debita est iusta causa, ut Ecclesia non permittat sine *sacris* vestibus celebrari et ministrari hoc sacramentum propter gravia inconvenientia, quae, ex hac permissione oriri possunt. *Saltem regulariter loquendo*: nam si mors intentetur, nisi sacerdos celebret sine vestibus *sacris*, altari, aut calice, alii dicunt licere, alii non licere. Celebrare sine amictu vel cingulo, leve peccatum est, a quo iusta causa excusat; sine stola vel manipulo, nisi in gravi necessitate, grave est; sine alba vel casula, nisi in gravissima necessitate; et remoto scandalo, grave item est. Quando autem grave est aliqua sacra veste non uti, ea uti non benedicta grave pariter est, nisi gravis excuset et proportionata necessitas. Huiusmodi sacras vestes conficere ex prophanis, v. g. planetam ex veste serica muliebri, non est prohibitum. In Rit. Rom. Benedictio habetur Sacerdotalium Indumentorum in genere; in Pont. vero Benedictio habetur in genere et specialis cuiuslibet Indumenti. Quando autem sacerdos inferior facultatem habens aliquod Indumentum sacerdotale benedicit uti debet Benedictione Rit. Rom. S. R. C. 16. Mart. 1876. A. S. S. V. 13. p. 33. — La-Croix 327. 328. 339. 392., L. 289. 367. 377.

161. *An color vestium sit de praecepto?* — «Negant Tambur. Quarti, Diana, cum Homobono, item Suar. et Aversa ap. La-Croix. 340... sed contradicunt Spor. et Quarti. Et hoc puto probabilius... Bene tamen censent Spor. et Quarti hanc rubricam non obligare sub gravi, nisi scandalum adsit, puta si in die Paschatis, vel in quacunque missa festiva, celebraretur vestibus nigris. Addit Spor. satius esse, quocumque die facere sacrum in quolibet colore, quam illud omittere; hinc recte dicit a fortiori excusare omnem rationabilem causam, ut si concursui sacerdotum non sufficerent vestes debiti coloris». L. 378.

162. *Quale peccatum sit celebrare sine ministro?* — Est mortale iuxta omnes. Attamen communiter dicunt Doctores, licitum esse celebrare sine ministro, urgente necessitate ministrandi Viaticum. Idem concedunt alii, ut populus audiat missam de praecepto. Ita Lugo, L. 391., etc. Licet celebranti missam coeptam proseguere sine ministro, si hic forte absit, et aliquantulum expectans non revertatur, praesertim facta iam oblatione. L. 391. Si necessitas urgeat, praesertim apud moniales, permittitur, ut mulier respondeat a longe, dummodo non immediate ministret ad altare porrigendo urceolos. Id enim sub gravi prohibetur. C. *Inhibendum 1. de Cohabit. cler.* Et ideo, urgente necessitate, satius esset celebrare sine ministro quam cum femina ministrante. L. 392. — S. Th. 3. p. q. 83. a. 5. ad 12.

163. *Quale peccatum sit celebrare sine lumine?* — «Certum est apud omnes esse mortale celebrare sine ullo lumine ex C. *Litteras ult. de Celebr. Miss.*... Et hoc etiamsi urgeat necessitas ministrandi Viaticum... Si ante consecrationem deficiat lumen omnino desistendum est a celebrando, secus si post consecrationem.... Nulla est obligatio accendendi tertiam candelam post *Sanctus*; sic enim hodie communis usus habet... Communiter et probabiliter dicunt licitum esse celebrare cum oleo, vel sebo in necessitate... Non approbo autem id quod dicunt Pasq., Gob. et alii quibus consentit Suar. loquendo de lumine ex oleo, nempe non esse illicitum celebrare cum candelis ex oleo vel sebo, etiam ex sola devotione: si alias haberi non possint; nam haec non videtur causa gravis sufficiens ad excusandum a mortali... Celebrare cum unico lumine cereo probabilius et communius puto... id esse tantum veniale, a quo puto perinde, quaecumque causam rationabilem, adhuc solius devotionis, secluso scandalo, excusare». L. 394. Cf. La-Croix 392.

164. *An liceat celebrare capite cooperto?* — Non licet sacrum facere capite cooperto pileolo, absque venia Apost. Sed. C. *Nullus, De Cons.*,



Dist. 1. Utrum autem hoc sit grave an leve, controversitur. Verum secluso scandalo, non obligat eum gravi incommodo, adeoque licet infirmo vel seni, Canone excluso. Celebrare item non licet coma adscititia. Sed hoc multis in locis iam obsolevit. Cf. Ferrari v. *Coma adscititia*. Insuper nec licet celebrare nudis pedibus sine causa, quod nonnisi leve esset. Sufficit vero crepidis esse calceatum. D'Annib. 279., G. 409., L. 396. 397. 398.

165. *An liceat submissa voce vel alta omnia pronuntiare?* — Submisso omnia pronuntiare, ut neque « a circumstantibus quis audiat », neque « ipsemet se audiat », contra id quod praescribit Rubr. p. 1. Tit. 16., « probabiliter sentit Cont. Tourn. id non esse mortale... Sed recte ait in missa hoc non excusari a culpa veniali, cum in Rubr. cit. expresse praecipitur, ut celebrans *ita pronunciet, ut ipsemet se audiat*. Bene vero dicit Quarti non excusari a mortali qui sic proferret verba consecrationis... Recitari submisso quae alta voce recitanda praecipiuntur... non est mortale... sed minime potest excusari a veniali, cum oppositum expresse in Rubr. praecipitur... Quamvis bene censeat Conc. non iam oportere ut omnis populus vocem audiat, sed sufficere, ut adstantes attenti, nempe qui prope sunt ad altare, percipere valeant quae leguntur... Nulli dubium non posse excusari a veniali qui alte in missa profert quae submisso dicenda sunt, cum sit contra Rubr., quae praescribit, *ut sacerdos se audiat, et a circumstantibus non audiat*. Facile assentirem posse peccare mortaliter qui verba consecrationis vel canonis in magna parte tam alte proferret ut audiri possent ad 40. passus... Extra hunc casum agnoscere non valeo in hoc grave peccatum ». L. 414.-416.

166. *An liceat aliquid in Missa immutare?* — Nihil demere, addere, variare licet. 1.<sup>o</sup> Demere aliquid eorum, quae in missa sunt *extraordinaria*: neque semper dicuntur, *Iudica me, Gloria, Collectas additas, Credo, Sequentia, Tractum, Praefationem, Communicantes, Hanc igitur, specialia*, grave per se non est, nisi plura omittantur, quae notabilem materiam efficiant. Ea omittere, quae constanter dicuntur et *ordinaria* sunt in missa, grave per se est, nisi excuset levitas materiae. Gravitas materiae desumitur hic tum ex quantitate, tum ex qualitate. Et sic quoad ea, quae in Canone continentur, qui proxime sacrificium attingit, parva quantitas ad gravem culpam sufficit. Hinc communiter asseritur, grave esse omittere *Confessionem* cum aliis in principio missae, *Orationes* proprias missae, Epistolam, Evangelium, Offertorium, decem vel octo nomina SS. in Canone, quamlibet orationem in Canone, *Pater noster, Libera nos*, fractionem hostiae, vel illius inixtionem in sanguine, *multa* signa super oblata, purificationem patenae et calicis post sumpcionem, etc. Veniale est omittere unam tantum ex tribus orationibus principalibus, *Kyrie eleison*, Evangelium S. Joannis, in fine, unum vel aliud signum super oblata, tunctionem pectoris, abluionem digitorum in Missa, vinum in purificatione calicis, lotionem manuum ante missam, post missam nullum est peccatum; uti etiam omittere orationes ante vel post missam; omittere vero orationes vestes induendo veniale est. Mutare verba aut syncope intermediare, salvo sensu et secluso scandalo veniale pariter est. Veniale etiam est si sacerdos omittat submisso dicere in Missa solenni quae cantantur a choro, cum Sacerdos et Ministri in huiusmodi missa faciant unum L. 403.-410. — 2.<sup>o</sup> *Addere*, gravius id prohibetur propter periculum novitatis. Quare, si quid addatur, quod sit notabile et quod in Missali non contineatur, grave est, quamvis ex devotione fiat. « Si vero ex impertuna devotione addantur plures collectae ex eodem Missali, vel *Credo*, aut *Gloria, Pater, Ave*, vel quid simile, id non excedit culpam venialem... esset mortale addere *Gloria* et *Credo* in Missa de Requiem; quia haec videtur satis gravis inordinatio ». L. 411. Ex speciali devotione et ex iusta causa, commemorationem alicuius Sancti, vel collectam pro tribulatis, ad petendam pluviam, etc. addere, nec leve peccatum est. S. R. C. 12. Aug. 1854., L. 412. — 3.<sup>o</sup> *Variare*, grave vel leve est prout gravis vel

levis deformitas inde in ritu exoriatur. Quare grave est, Evangelium legere ante Epistolam; La-Croix 437. Leve autem per se est, legere unam missam, epistolam, praefationem, etc. pro alia. La-Croix 371., L. 409. Secluso scandalo et contemptu non est mortale celebrare missam votivam vel de requiem in diebus vetitis. L. 420. Cferd. de hac re 418. 419. 421. 423. 424. Notandum, Dicit nequeunt missae defunctorum in Expositione SS. Sacram. 40. Horrar. L. 418. — Cf. S. Th. 3. p. q. 83. a. 4. 5.

167. *An aliquando liceat Missam interrompere?* — 1.<sup>o</sup> Numquam licet missam interrompere *essentialiter*, seu ita ut sacrificium inceptum remaneat truncatum, nisi gravissima seu extrema urgeat necessitas, ut in casu imminuentis incendii, aut hostis ad neandum irruentis: tunc enim sacerdos, omissa calicis consecratione, posset sumere hostiam iam consecratam, vel eam secum effugiendo auferre. Quod si utramque consecrationem perfecerit, utramque speciem statim sumat, si possit: vel si non possit, secum auferat in loco vicino citissime sumendam. — 2.<sup>o</sup> Neque *accidentaliter* licet missam interrompere nisi *iusta de causa* ante oblationem, e. g. ob concionem post Evangelium, ob preces pro defunctis recitandas, ob proclamationes Bannorum faciendas. — 3.<sup>o</sup> Neque licet interrompere missam, nisi *gravi de causa* ante canonem, e. g. 1.<sup>o</sup> ob processionem excipiendam, in gratiam supervenientis Principis, vel turbae peregrinorum die festo, si alias missam audire nequeant. Ac si oblatio facta non fuerit, sacerdos de novo incipere potest, ut totum sacrum audiant: 2.<sup>o</sup> si sacerdos recorderetur de aliquo impedimento, v. gr., se non esse ieiunum, vel in statu gratiae, vel esse irregularem, modo missa sine scandalo aut nota relinqui possit: 3.<sup>o</sup> si Ecclesia polluatür aut vitandus superveniat. — 4.<sup>o</sup> Neque vero licet missam, incepto canone, interrompere nisi *graviori* de causa, et peraeta consecratione, nisi gravissima de causa, v. gr., si moribundus baptizari vel absolvi debeat. Alia autem sacramenta ministrare inter consecrationem et communionem non licet, quia non sunt tantae necessitatis. Attamen S. Viaticum ministrari posset moribundo, qui esset in propinquo, ita ut sacerdos vestes sacras exuere non deberet. Sed ad hoc etiam requiritur, ut celebrans altare e conspectu suo non amittat. S. R. C. 19. Dec. 1829. « Plerique theologi... permittunt sacerdoti missam interrompere, ut extremam unctionem administret infirmo morti propinquo, cui nullum aliud sacramentum potuit conferri ». Bened. XIV. De Syn. l. 8. c. 6. n. 5., L. 728. — 5.<sup>o</sup> Missa interrupta, si celebrans brevi redeat, resumenda est ab eo loco, ubi interrupta est, sin post horam, et nondum facta erat consecratio, ab initio iterum incipienda est: si facta erat consecratio, ab eo loco, quo interruptio facta est. — L. 352. 353. 555., S. Th. 3. p. q. 83. a. 6. ad 1.

168. *An Sacerdos infirmus celebrare possit, licet non omnes Rubricas servare queat?* — R. Affirm., si paucas et leviores tantum omittat, imprimis si privatim celebret. Imo plures gravis notae auctores permittunt infirmo celebranti, ut etiam baculo utatur, si indigeat, etc. Haec refert et approbat S. Lig. 492. « Dicit La-Croix l. 6. P. 2. n. 402, cum Vasquez, Dicastillo, et Gobat, eum, qui non posset celebrare sine baculo, licite posse illo uti. Additque Gobat, quod si quis nequiret celebrare nisi utroque brachio super altari innixus, licite sic celebraret privatim, non autem publice, nisi hoc faceret ex necessitate. Hoc tamen puto non excedere veniale, a quo videtur excusari posse, qui ob infirmitatem nequiret rectus stare, et ex sua devotione vellet celebrare, modo vitetur populi admiratio. Dicunt etiam La-Croix n. 427., et P. Concina pag. 510., n. 4., quod si quis non possit elevare hostiam, sed potest reliqua, potest celebrare privatim et etiam publice, si adsit necessitas, et populus moneatur: sed puto satis esse populum tantum monere, si quis ex devotione celebret ». G. B. 404.

169. *An Rubricae Missalis Romani sint praeceptivae?* — R. « Ex his quaedam praeceptivae sunt, B. S. Pii V. *Quo primum* V. *Volumus*, quaedam directivae. Quaedam illae, quaedam hae, inter Nostros non satis convenit:

placet sententia Merati, Quarti, et S. Alphonsi existimantium, directivas esse quae tradunt ea quae ante vel post missam agenda dicendae sunt, ceteras esse praeceptivas; ac proinde has tantum obligare pro gravitate materiae, S. Alph. l. 6. n. 399. Nihilominus non improbabilius Suarez putat, quae ex his continentur sub Tit. *De Delectibus, esse instructiones doctrinales, quae non magis obligant, quam doctrina, in qua fundantur.* D. 85. S. 1. Sed si alicui, dum hoc mysterium peragit, aliquod dubium occurrat, id faciat *quod habet minus de periculo*, D. Thom. 3. p. q. 83. a. 6. ad 2.; seu *quod magis expedire censuerit; illud semper prae oculis habendum est, ut scandalum caveatur.* Suarez D. 84. S. 2. ». D'Annib. 259. Ex sententia S. Alph. Exam. Ordin. 112., non omnes rubricae servandae extra missam sunt mere *directivae*, sed aliquae tantum. Cf. S. Th. 3. p. q. 83. a. 4. 3.

## DE POENITENTIA

### 1. — DE NATURA ET MATERIA REMOTA POENITENTIAE.

1. *Quid sit Poenitentia?* — Poenitentia est virtus, et est sacramentum. Sub primo respectu, est virtus moralis, inclinans ad peccati detestationem, quatenus est offensa Dei, nempe quatenus Deum nobis aversum et indignatum efficit, et inclinans consequenter ad propositum efficax illud in posterum vitandi, et divinae iustitiae satisfaciendi. Lugo D. 2. n. 50.-52., S. Th. 3. p. q. 85. Sub altero respectu est sacramentum N. L. per modum iudicii a Christo Domino institutum, ad peccata post baptismum commissa, homini contrito et confesso per absolutionem sacerdotalem remittenda. *Per modum iudicii*, adest enim poenitens simul reus, testis et accusator, et sacerdos iudex ferens sententiam, qui strictissima secreti obligatione tenetur. Hoc autem iudicium, ad reum absolvendum eumque cum Deo reconciliandum tendit. Hinc discrimen patet inter hoc iudicium sacramentale et forense. Flor. Decr. pro Arm., Trid. S. 14. C. 1. 2. 4. c. 1., S. Th. 3. p. q. 84. a. 1. Cf. L. 426.

2. *An in Sacramento Poenitentiae liceat sequi opiniones probabiles?* — R. 1.<sup>o</sup> Affirm. in his, quae pertinent ad iudicium, dummodo salva sit forma iudicii: forma enim dat esse rei, et iudicium ad valorem pertinet sacramenti. Et sic in his quae pertinent ad integritatem, ad iurisdictionem confessorii, etc. licet sequi opiniones probabiles. L. 468. H. A. Tr. 16. n. 29. — 2.<sup>o</sup> Negat. in his, quae pertinent ad valorem sacramenti: sacramentum enim periculo nullitatis exponeretur, excepto tamen necessitatis casu. Sacramenta enim propter homines. Cf. De Sacr. in gen. n. 47.

3. *An Sacramentum Poenitentiae sit necessarium?* — R. Affirm., pro lapsis post baptismum. Necessarium autem est ad iustificationem tum necessitate *praecepti*, tum necessitate *medii*, saltem *in voto*. Trid. S. 14. C. 4. 5., S. Th. 3. p. q. 84. a. 5., q. 86. a. 6., Suppl. q. 6. a. 1. Hinc sacramentum poenitentiae appellari solet secunda post naufragium tabula. S. Th. 3. p. q. 84. a. 6. Cum autem nullum actuale peccatum sine poenitentiae virtute possit in hac vita remitti, patet etiam hanc esse omnino necessariam ad iustificationem adulterorum, qui post baptismum lapsi sunt. S. Th. q. 86. a. 2.



4. *Quinam sit effectus Sacramenti Poenitentiae?* — Effectus huius sacramenti est absolutio a peccatis et reconciliatio cum Deo, ac, quod consequens est, remissio poenae aeternae. Flor. Deer. pro Arm., Trid. S. 14. C. 3., S. 6. C. 7., S. Th. 3. p. q. 86. a. 3. 4. 6. « Illi, qui per contritionem consecutus est remissionem peccatorum quantum ad culpam, et per consequens quantum ad reatum poenae aeternae, quae simul cum culpa dimittitur ex vi clavium... augetur gratia et poena remittitur temporalis, cuius reatus adhuc remanserat post culpae remissionem, non tamen totus, sicut in baptismo, sed pars eius... Ex vi clavium quae operatur in sacramento poenitentiae non tota poena remittitur, sed aliquid de poena temporalis, cuius reatus post absolutionem a poena aeterna remanere potuit, nec solum a poena illa, quam habet, vel suscipit ab absolutione poenitens in confitendo... sed etiam de illa poena, quae in purgatorio debetur aliquid remittitur, ut minus in purgatorio puniatur absolutus ante satisfactionem decedens, quam si ante absolutionem decederet ». S. Th. 4. D. 18. q. 1. a. 3. q. 2.

5. *Quaenam sint partes Sacramenti Poenitentiae?* — Partes sacramenti poenitentiae sunt, ut in aliis sacramentis, materia et forma. Forma sunt verba absolutionis, quae sacerdos profert. Materia vel quasi materia sunt actus poenitentis, qui in tres distinguuntur partes. Quarum prima est cordis contritio. Secunda est oris confessio. Tertia satisfactio. Flor. Deer. pro Arm., Trid. S. 14. C. 3. c. 4. « Omne autem sacramentum producit effectum suum non solum virtute formae, sed etiam virtute materiae: ex utroque enim est unum sacramentum... Unde remissio culpae est effectus poenitentiae principalis quidem ex virtute clavium, quas habent ministri, ex quorum parte accipitur id quod est formale in hoc sacramento, secundario autem ex vi actuum poenitentis pertinentium ad virtutem poenitentiae: tamen prout hi actus aequaliter ordinantur ad claves Ecclesiae. Et sic patet, quod remissio culpae est effectus poenitentiae secundum quod est virtus, principalis tamen secundum quod est sacramentum ». S. Th. 3. p. q. 86. a. 6.

6. *Quaenam sit materia remota Sacramenti Poenitentiae?* — Materia remota sunt omnia peccata post baptismum commissa. Dicuntur autem materia circa quam, quia circa illa destruenda absolutio versatur. Materia remota necessaria sunt omnia peccata mortalia, commissa post baptismum, nondum directer remissa per claves Ecclesiae, licet contritione perfecti iam deleta, vel inculpabiliter in praecedenti confessione omissa, unde in immediate sequenti confessione sunt manifestanda, cum materia libera non sint sed necessaria: adeoque necessario poenitens ab his debet absolvi, et nova imponenda est poenitentia, licet statim post absolutionem ea quis confiteatur. L. 513. Attamen quoad peccata ex oblivione vel alia iusta causa omissa nulla est obligatio ea quamprimum confitendi, cum iam sint deleta, nec proinde animae periculum adest in mora. Quare differri potest eorum confessio usquedum, vi alterius obligationis, vel sponte denuo quis confiteatur. G. 494-496. Materia remota sufficiens, sed libera, sunt omnia peccata venialia, post baptismum commissa, et omnia peccata sive mortalia sive venialia, iam alias rite clavibus Ecclesiae subiecta. C. 12. De Poenit. Extrav. 1. De Privileg., 2. De Haeret., Trid. S. 14. C. 5. C. 7., Pr. 11. d. ab Alex. VII., L. 425. 427. Ad maiorem quandam securitatem praeter peccata levia ordinaria, expedit addere vel peccatum aliquod certum, de quo vehementius quis doleat, vel saltem genericam accusationem omnium peccatorum vitae anteaetae. Reuter 202., Elbel 19., G. B. 424. — S. Th. 3. p. q. 84. a. 2.

7. *Resolves: 1.* « Omitti possunt venialia, vel omnia vel aliqua; item mortalia semel rite confessa, v. g. in confessione generali. In qua etiam non est necessarium addere peccato mortali, quod post ultimam confessionem sit commissum... nisi circumstantia aliqua v. g. speciem mutans, vel reservatio casus, vel proxima peccandi occasio aliud requirat, et poenitentia sufficiens imponatur ». L. 425., G. 424., S. Th. 4. D. 17. q. 3. a. 3. q. 5. ad 4.,

D. 18. q. 1. a. 3. q. 2. ad 4. — 2.<sup>o</sup> Insufficiens materia sunt imperfectiones, quae peccata non sunt; quod quis non fecerit bonum quod potuit, non responderit divinis inspirationibus in iis quae meri consilii sunt. La-Croix l. 5. n. 211. l. 425. — 3.<sup>o</sup> Omnium letalium peccatorum confessio certo invalida necessario repetenda est. Omnia enim peccata mortalia sunt per se clavibus subiicienda. Attamen confessio non est necessario repetenda, nisi de eius invaliditate moraliter certo constet. Ratio est, 1.<sup>o</sup> quia cum actus est certo positus, si suboritur dubitatio, an fuerit recte positus obtinet illa regula iuris: *standum est pro valore actus*; 2.<sup>o</sup> quia obligationi legis divinae de facienda confessione iam probabiliter factum est satis. L. 505., La-Croix 1221., Elbel 263., G. 511., B. 549. not. ult. — 4.<sup>o</sup> « Etsi ex errore culpabili mortaliter, peccatum tale v. g. mollietiei: vel numerum, aliamve circumstantiam necessariam omiseris, non ideo teneris repetere confessiones intermedias bona fide et legitime factas (in quibus ex naturali oblivione defectum illum non fueris confessus) cum validae fuerint et maneant validae ». L. 503.

8. *Quaenam sit materia proxima Sacramenti Poenitentiae?* — Materia *proxima*, ex qua, intrinseca et essentialis, sunt actus poenitentis, nempe contritio, confessio; acceptanda satisfactio, quae vero quoad sui executionem ad integritatem pertinet sacramenti. Lugo D. 12. n. 40. Appellantur autem illi actus a Flor. Deer. pro Arm., a Trid. S. 14. C. 3. et a S. Th. 4. D. 18. q. 1. a. 3. q. 1., *quasi materia*, non quia « verae materiae rationem non habeant, sed quia eius generis materia non sint, quae extrinsecus adhibeatur, ut aqua in baptismo et chrisma in confirmatione ». Cat. Rom. n. 13. Plures qui cum Scoto existimant totam substantiam sacramenti in sola absolutione consistere, dubium movent de mente S. Thomae, quem pro se stare affirmant. Sed ut alia nunc missa faciamus haec S. D. habet 3. p. q. 84 a. 1. ad 1. « In illis sacramentis, quae habent effectum correspondentem humanis actibus, *ipsi actus humani sensibiles* sunt *locus materiae*, ut accidit in poenitentia et matrimonio ». Cf. ib. ad 2. ad 3. Et a. 2. ead. q. « materia proxima huius sacramenti sunt actus poenitentis, cuius materia sunt peccata, de quibus *dolet*, et quae *confitetur* et pro quibus *satisfacit* ».

9. *Nota*: Peccatum dicitur *directe* remitti, quando remittitur vi clavium Ecclesiae. Ad hoc opus est ut poenitens peccatum confiteatur, et confessarius habeat super eo iurisdictionem. Dicitur *indirecte* remitti, quando remittitur vi gratiae sanctificantis, quae in sacramento poenitentiae infunditur, propterea quod impossibile sit cum quolibet peccato gravi, et non potest unum grave peccatum sine alio remitti. Id locum habet, quando peccatum est inculpabiliter omissum vel reservatum. La-Croix 597., L. 478. 504.

10. *An mortalia commissa in ipsa susceptione baptismi sint materia huius sacramenti?* — « Affirmant communissime... Sed ratio quam adducunt... non videtur convincere... pro peccato fictionis, nempe si ille susciperet baptismum existens in mortali sine dolore ». L. 427. Negat D'Annib. 164. generatim pro peccatis omnibus admissis in ipsa susceptione baptismi, et hanc veram sententiam dicit. Cf. S. Th. 3. p. q. 69. a. 10., 4. D. 4. q. 3. a. 2. q. 3.

11. *An adultus, baptizandus sub conditione, in dubio baptismi praecedentis peccata iam accusata confiteri debeat?* — R. Negat. Ratio est quia illa peccata vel sunt iam deleta si prior baptismus fuit validus; vel si fuit nullus posteriori baptismi valido delentur, et materia non sunt confessionis. Reuter 118., G. 419.

12. *An praefatus adultus confiteri debeat peccata ab ultima confessione commissa, et nondum accusata?* — Controvertitur 1.<sup>a</sup> sententia affirmat; quia urget obligatio confitendi peccata quoties non constat ea ante baptismum fuisse commissa. Quare, collato posteriori baptismi, sunt deinde illa peccata accusanda. Confirmatur ex Resp. S. O. 17. Dec. 1868. 2.<sup>a</sup> sententia negat; quia, posita probabili invaliditate prioris baptismi, peccata ista

non sunt probabiliter materia confessionis: adeoque non constat de certa obligatione. Si autem prior baptismus reapse validus fuit: peccata ista remitti poterunt sive per contritionem perfectam, sive indirecte per absolutionem cum attritione. Neque vero laud. S. O. Responsum controversiam generatim dirimit, quia datum est pro *Neoconversis in Anglia*, ob speciales illius regionis rationes. D'Annib. 164., G. B. 419., La-Croix l. 6. P. 1. n. 324. Cf. L. 473. 474. 505.

13. *An peccatum in genere tantum accusatum sit aliquando materia sufficiens confessionis, quoad eius validitatem et licetatem, v. g. si quis dicat: accuso me de omnibus peccatis ritae meae?* — R. 1.<sup>o</sup> Affirm. quoad validitatem. Nam omnes consentiunt, ut valide absolvantur infirmi in articulo mortis, milites instante praelio, nautae imminente naufragio, etc. sufficere externum aliquid signum confessionis, v. g. manus apprehensionem, functionem pectoris, etc. Cum autem essentia sacramenti non immutetur extra casum necessitatis: sed eadem semper est pro variis casibus, et in casu necessitatis et extra casum necessitatis sufficiens erit praedicta confessio quoad sacramenti valorem. La-Croix 620., Reuter 303., Lugo D. 17. n. S. L. 480. 481. 482., 486., 504. — 2.<sup>o</sup> Affirmandum probabiliter etiam videtur quoad licetatem, nam, stante certa sacramenti validitate, illiciteas aliunde exoriri non potest, quam ex positivo praecepto divino. A. hoc praeceptum non habetur, ut patet ex Trid. S. 14. C. 5., secundum quod divinum praeceptum explicandi peccata et quoad numerum et quoad speciem non habetur nisi pro peccatis gravibus, nondum per claves Ecclesiae directe remissis. Ubi igitur desint peccata gravia necessario accusanda in confessione, nulla est obligatio reliqua peccata accusandi et determinato numero et definita specie. Dicastillo De Sac. Poenit. D. 9. n. 760. seqq., Apicella Ai Confessori. Studio sull'assoluzione, etc., G. B. 421., D'Annib. 167., A. S. S. V. 4. p. 320.

14. *An adsit obligatio confitendi peccata dubia?* — 1.<sup>o</sup> Nulla est obligatio confitendi peccatum mortale positive dubium, nempe cum « utrinque adsint rationes probabiles, quod peccatum mortale fuerit vel non fuerit commissum ». Ita « sententia communissima... Ratio, quisque potest licite se conformare opinioni vere probabili ». L. 473. — 2.<sup>o</sup> Nulla pariter est obligatio confitendi peccatum mortale dubie commissum, nempe cum nulla adsit prudens ratio affirmandi dictum peccatum fuisse commissum. Ratio est, « quia Trid. S. 14. C. 5. non obligat poenitentes nisi ad confitenda omnia peccata mortalia, quorum conscientiam habent... quod importat habere notitiam certam peccati; conscientia enim nihil aliud est, nisi cordis scientia, et iudicium practicum de peccato commissio. Conscientia autem dubia neque est scientia, neque iudicium, sed suspensio iudicii, unde minime dici potest habere conscientiam peccati, qui nullam rationem habet quod illud commiserit ». L. 474. Et sane si ex communissima sententia nulla est obligatio confitendi peccatum positive dubium, quando nempe probabiliter affirmari potest fuisse commissum, licet probabiliter affirmari etiam possit non fuisse commissum, quomodo adesse poterit obligatio quando neque probabiliter dici posset peccatum fuisse commissum? Cum tale dubium solido fundamento non innitatur, oriri nequit nisi ex inani suspitione et timore peccati commissi, ut scrupulosis et timoratis conscientiis frequenter contingit. G. 477., Ithur. Cas. 44. n. 15. 18. 20. seqq. — 3.<sup>o</sup> Si agatur de peccato certe commissio, et certe in se seu obiective gravi, sed dubitetur de praestito consensu et de sufficienti advertentia: sequens regula traditur a S. Alph. 476. « Eximi debent ab obligatione confitendi peccata mortalia dubia ii, qui sunt timoratae conscientiae. Hi enim in dubio rationabiliter, imo moraliter certo credere possunt non consensisse, quia praesumptio sumitur ex communiter contingentibus... E converso oppositum est censendum de eo, qui est assuetus, de facili in peccata mortalia prolabi, quia in dubio praesumitur iste consensisse: si enim obstitisset, utique recordaretur conatus illius, quem sibi intulisset ad tentationem repellendam. Unde recte concludit La-Croix 612.,



quod vix unquam in huiusmodi hominibus, tam. 1.<sup>o</sup> quam 2.<sup>o</sup> generis datur dubium mere negativum; praesumptio enim probabilitatem fundat consensus praestiti vel dissensus». Cf. Ithur. Cas. 44. n. 15. seqq. — 4.<sup>o</sup> Si agatur de peccato dubie gravi, in se nempe et obiective, *per se loquendo* non datur obligatio confitendi talia peccata. Etenim potest quis post adhibitam diligentiam efformare sibi iudicium practicum ex notissima regula, « quod non datur certa obligatio, ubi delictum est dubium ». L. 474. Dicitur, *per se loquendo*: nam ille « qui certus est de sua actione mala, et nescit discernere, an fuerit vel ne mortalis, hic utique tenetur stare iudicio confessarii, cuius est discernere inter lepram et lepram ». L. 474., S. Th. 4. D. 21. q. 1. a. 3. ad 3. Exceptis autem scrupulosis, prodest, generatim loquendo, confiteri dubia peccata, et ad maiorem conscientiae pacem, et ut confessarius pericula noscens, in quibus poenitens versatur, possit eum monere, et opportuna suggerere remedia ad illa avertenda. L. 476. — 5.<sup>o</sup> Si dubium sit, an quis peccatum mortale, certe commissum, fuerit necne confessus, et dubium sit negativum, tenetur profecto illud confiteri. Nam lex confessionis certa est, et nulla prudens ratio suadet illi esse satisfactum. Si dubium vero sit positivum tenet S. Alph. 477. debere poenitentem illud confiteri, « cum obligatio confessionis sit certa, et satisfactio dubia ». Sed Lugo D. 16. n. 58. 59. inquit: « communiter docent omnes non teneri (quempiam) ad confitendum illud peccatum, quod probabiliter indicat, se confessum iam fuisse... nihil frequentius apud theologos, quam excusare a reiteranda confessione eum qui confessus est... iuxta probabilem aliquam sententiam de eius valore ». Atque id tradidit ipse S. Alph., in Rom. Edit. a. 1757., Benedicto XIV. dicata, l. 6. n. 477., tanquam *communem* doctrinam. Ratio patet, quia licet certa sit generalis lex, stante tamen probabili eius satisfactione, dubia iam evadit eius obligatio in concreto, in particulari casu. Ceterum idem S. D. addit l. c. « quod ille, qui diligens fuit in suis peccatis confitendis, si postea dubitat, an aliquod peccatum omiserit, postquam multum elapsum sit tempus, a quo illud patravit, non tenetur ad confitendum, cum possit credere eo casu moraliter certe iam de illo confessum fuisse... si quis prius ex prava consuetudine in plura peccata lapsus fuerit, et postea sit vere conversus per constantem vitae integritatem, si tunc dubitet, an omiserit in confessione generali vel particulari, facta cum debita diligentia, aliquod peccatum vel circumstantiam, confessarius prohibeat illi, ne recogitet quidem de praeterita vita ». Scrupulosi autem, ut communissime dicunt DD., nunquam tenentur peccata praeterita confiteri, nisi certi sint fuisse mortalia, et certi ea nunquam confessos esse. L. ib. — 6.<sup>o</sup> An qui confessus est peccatum ut dubium, illud iterum debeat confiteri, si ut certum agnoscat, controvertitur. Afirmat S. Alph. 478. 504., quia non fuit illud peccatum accusatum quoad sui individuum substantiam; nam accusatus certi peccati, non includitur in accusatione dubii peccati. Ita plures alii et graves theologi. Reuter 332., Tamb. Meth. Conf. l. 2. C. 1. § 4. n. 24., alique etiam plures et graves theologi negant: siquidem peccatum illud fuit directe remissum per claves Ecclesiae, clavibus ergo iterum subiiciendum non est. G. B. 489. « Probabilissime dicunt Sanch. etc. communissime, quod si quis confitetur peccatum, quod nec ipse, nec confessarius sciebat esse mortale, et postea novit esse mortale ex genere suo, non tenetur iterum illud confiteri. Ratio, quia hoc casu iam poenitens exposuit confessario suum peccatum, uti in sua conscientia erat tunc, et nunc est, et in praesenti nihil novi occurrit, nisi quod cognoscat nunc materiam illius peccati esse gravem, quod prius nesciebat ». L. 478. 500. — 7.<sup>o</sup> Potest quis, rigorose loquendo, non praemissa confessione, accedere ad sacram synaxim, cum peccato mortali dubio seu probabili. Ratio est, quia Trid. requirit confessionem ante Communionem pro iis tantummodo, qui sunt consilii peccati mortalis. Hinc sacerdos dubitans, an adhaeserit pravae cogitationi, seu iudicans probabiliter, se ei non adhaesisse, celebrare, praemissa tamen contritione, potest sine

confessione, quamvis copiam Confessarii habeat. L. 475. In praxi tamen confessio consulenda est. G. 481.

15. *An poenitente materiam sufficientem dubiam tantum praebente, Confessarius teneatur acquirere certam de vita praeterita, ut absolvere possit?* — R. 1.<sup>o</sup> Affirm., si velit absolvere, quia secus sacramentum periculo nullitatis exponeretur. Excipe, nisi casus occurrat, in quo poenitens conditionate absolvi possit, qua de re inferius. — 2.<sup>o</sup> Negat., si nolit absolvere, sed dimittere poenitentem cum sola benedictione; quia poenitens, qui materiam certe sufficientem non affert, ius ad absolutionem non habet. Item si poenitens videatur habere dolorem dubium de solis venialibus, non tenetur ordinarie confessarius magnam diligentiam adhibere, ut illum ad dolorem commoveat, licet multo melius id faciat. Secus autem dicendum esset, si de mortalibus dubiis ageretur, ob poenitentis periculum. — G. 422, L. 432.

16. *An sit necessario absolvendus, qui non afferat materiam necessariam, sed liberam et certam?* — R. Affirmat., per se loquendo. Ratio est, quia ex una parte poenitens rite dispositus, postquam confessionem peregerit, ius habet acquisitum ad absolutionem; ex altera vero parte confessarius nullum ius habet pro suo arbitrato absolutionem largiendi vel denegandi, et sic poenitentem defraudandi spiritualibus illis gratiae donis, quae absolutionem consequuntur. G. B. 423., D'Annib. 197., L. 604.

## II. — DE CONTRITIONE

17. *Quid et quotuplex sit contritio?* — Contritio est animi dolor ac detestatio de peccato commisso, cum proposito non peccandi de cetero. *Dolor* displicentia et animi amaritudo est, *detestatio* reprobatio et peccati est damnatio. Trid. S. 14. C. 4., S. Th. 3. p. q. 85. a. 1. ad 3., Suppl. q. 1. a. 1. — Alia autem est perfecta ex speciali caritatis motivo et *contritio* simpliciter solet appellari; alia est imperfecta ex alio motivo v. g. ex consideratione turpitudinis peccati, ex gehennae et poenarum metu, etc., et *attritio* dici solet. Trid. ib. — L. 435. 436., S. Th. 3. p. q. 87. a. 1.

18. *Quaenam sit contritionis necessitas?* — 1.<sup>o</sup> Contritio vel perfecta cum voto Sacramenti, vel imperfecta cum ipso sacramento est, omnino peccatori necessaria, necessitate medii, ad iustificationem et salutem consequendam. Illud autem votum implicitum est ipsi contritioni, neque necessario explicitum esse debet. Trid. S. 14. C. 4., S. 6. C. 6., S. Th. 3. p. q. 87. a. 1., L. 434. 437. Necessaria praeterea est necessitate divini praecepti aliquando in vita. Luc. 13., 3. 5. et in articulo mortis, ob praeceptum finem ultimum consequendi. L. 437. — 2.<sup>o</sup> « *Per se loquendo*, peccator differens poenitentiam extra periculum mortis probabiliter non committit speciale peccatum. Ratio, quia praecepta affirmativa, ut docet D. Th. in 4. D. 17. q. 3. a. 1. q. 4., debent habere tempus determinatum, in quo debeant impleri; nullibi autem constat, quale tempus sit determinatum ad huius praecepto contritionis satisfaciendum. Unde idem S. D. 2. 2. q. 14. a. 2. dixit, *impoenitentiam* finalem non esse peccatum speciale, his verbis: *impoenitentia, non quidem eo modo, quo dicit permanentiam in peccato usque ad mortem... sic non esset speciale peccatum, sed quaedam circumstantia peccati*, etc. Id tamen sane intelligendum praeciso praecepto positivo: nam ex praecepto annuae confessionis, ab Ecclesia praescriptae, quisque procul dubio tenetur ad poenitentiam, saltem semel in anno ». Quare praeceptum poenitentiae non obligat statim post patratum peccatum mortale. — *Per accidens* vero obligat praedictum praeceptum, quando aliud urget praeceptum, quod sine contritione impleri non potest, e. g. quando quis reus gravis peccati sacramentum sit suscepturus vel ministraturus; quoties sacramentum poenitentiae recipitur etiam devotionis causa. Itemque, quando quis existens

in mortali per notabile tempus differret poenitentiam. Ratio patet ex eo quod docet S. Th. 1. 2. q. 109. a. 8., ubi ait: « sine gratia iustificante, quod diu maneat absque peccato mortali, esse non potest ». « Quale autem sit hoc notabile tempus, valde DD. discrepant ». L. 437. Concina alique putant esse hebdomadam, S. Alph. 1. c. alique esse mensem, alii trimestre, alii semestre, alii annum. Communior, ut ait Palaus De Poenit. D. un. P. 3. n. 9., sententia saltem dilationem eam admittit, quam et Ecclesiae praeceptum de annua confessione, quam doctrinam S. Alph. ib. etiam S. Th. 4. D. 17. q. 3. a. 1. q. 4. attribuit, quamvis ipse « non omnino acquiescat ». Cf. Laymann 1. 6. n. 473., S. Th. Quodl. 1. a. 11. Ceterum, ut habet idem S. Alph. 1. c., « peccatores, praesertim rudes, ab hoc peccato dilatae poenitentiae ob inadvertentiam, ut plurimum, imo fere semper excusari possunt ». Cf. Lugo D. 15. n. 55. 56., Suarez D. 15. S. 6. n. 7. 8.

19. *Quales sint contritionis dotes?* — Contritio 1.<sup>o</sup> esse debet omnino vera et realis, non extimata; omnino formalis, nec virtualis sufficit, etiam pro venialibus. Trid. S. 14. C. 4., L. 443. 449. — 2.<sup>o</sup> Debet esse supernaturalis, etiam pro venialibus, quia est pars sacramenti et positiva dispositio ad supernaturalem gratiam. Supernaturalis autem esse debet, non tantum quia elicit *auxilio gratiae*, verum etiam, aliquo saltem modo, *ex parte motivi*. Ratio est, quia, ut ait Lugo D. 5. n. 141., « requiritur ad omnem iustificationem, etiam in sacramento, conversio hominis ad Deum, saltem imperfecta ». Cum autem ista conversio sit ad Deum finem *supernaturalem*, hinc *motivum* illud, saltem inadaequate inspectum, supernaturale sit oportet, non lumine rationis naturalis, sed lumine fidei propositum. Ita Bus. 433., L. 440. Quod aperte constat ex Trid. S. 14. C. 4., ubi postquam inter alia motiva recensuerit *metum gehennae* et *poenarum*, qui maxime naturali rationis lumine cogn. sci videbatur, exemplum statim adducit metus Ninivitarum, cuius certe obiectum, non naturali ratione, sed fidei lumine manifestabatur. — 3.<sup>o</sup> Esse debet *appretiative summa*, etiam pro peccatis venialibus, h. e. ut peccatum detestetur plus quam omne aliud malum, unde peccator animo paratus sit omnia potius perdere et pati, quam peccatum patrare. Non requiritur, ut *formalis comparatio* instituitur, in appretiatione inter varia mala et peccatum, quam quidem *stulte quis faceret*. S. Th. Quodh. 1. a. 9., L. 433. Neque vero contritio etiam *intensive summa* esse debet: siquidem intensitas est quid mere accidentale. Lugo D. 5. n. 84. 87., L. 441. 442., S. Th. Suppl. q. 5. a. 3., 2. 2. q. 24. a. 12., q. 45. a. 4. Neque item ulla temporis diuturnitas requiritur, quia et ipsa quid mere accidentale est. L. 433. — 4.<sup>o</sup> Debet esse *universalis*, si agatur de peccatis gravibus, minime vero si de venialibus. Ratio 1.<sup>a</sup> est, quia remissio peccatorum mortalium fit per infusionem gratiae sanctificantis, quae impossibilis est cum quolibet peccato mortali. Sufficit autem quod contritio sit universalis ex motivo universali, neque requiruntur quoad singula peccata singuli doloris actus. Tunc enim virtualiter peccata sua singula quis detestatur. Secus vero non posset quis per dolorem universalem ab occultis mundari. Trid. S. 14. C. 5., L. 438., S. Th. De Verit. q. 29. a. 5. ad 4., 4. D. 17. q. 2. a. 3. q. 5. ad 2. Ratio 2.<sup>a</sup> est, quia cum gratia sanctificans non sit impossibilis cum peccato veniali, potest unum sine alio remitti. « Hinc sufficit de uno tantum veniali poenitere, et proponere, cum venialia non sint materia necessaria, sed tantum sufficiens. Dicunt autem Lugo D. 14. ex n. 133., Tamb., Pal., ac Sporer, sufficere etiam, si quis doleat de multitudine ac frequentia venialium, etsi non doleat de singulis in particulari.... Recte etiam dicit Croix 913. cum Suar. et Tann., quod bene quisque potest dolere de venialibus deliberatis, et proponere omnia illa vitare; de semideliberatis, autem sufficit dolere, quod ea commiserit, et in posterum velit attendere ad ipsa vitanda, quantum humanae fragilitati permittitur. Et haec sunt iuxta doctrinam D. Th. 3. p. q. 87. a. 1. ad 1. ». L. 449.

20. *An contritio ad Sacramentum Poenitentiae requisita vocalis etiam esse debeat?* — Sensibilis quidem esse debet, minime vero necessario vo-



*calis*. Ratio 1.<sup>a</sup> est, quia est pars sacramenti. Ratio 2.<sup>a</sup> quia secus moribundi impotentes loqui, quamvis alia dent contritionis signa, absolvi non possent, quod est contra commune proximi et doctrinam et contra Rit. Rom. Sensibilis autem sufficienter evadit ipsa dolorosa peccatorum confessio, petitione, seu expectatione absolutionis, aliisque signis. L. 445., H. A. Tr. 16. n. 20.

21. *An contritio debeat praecedere confessionem?* — 1.<sup>o</sup> Debet certo praecedere absolutionem, vel saltem ipsi coexistere; sequi eam sane non sufficit, cum solvi peccatorum vinculo nec mereatur, nec possit qui nondum ea detestatus est. — 2.<sup>o</sup> Ad sacramenti valorem non debet dolor necessario praecedere accusationem; ratio, quia adsunt omnia requisita ad sacramentum modo dolor absolutionem praecedat; nec praeceptum praemittendi dolorem peccatorum confessioni probari potest. Lugo, Suarez, et alii communius contra alios. Caeterum quando alii Theologi dolorosam confessionem requirunt, et ideo dolorem debere praecedere: nihil aliud videtur exigere, nisi ut confessio non sit mera peccatorum narratio, sed ut sit accusatio sui in ordine ad absolutionem obtinendam. Favet Rit. Rom. *De Sacram. Poenit.*, ubi dicitur: « audita confessione, (confessarius) ad dolorem efficacibus verbis adducere conabitur », etc. Ex hoc videtur Rit. supponere, quod bene sufficit dolor post confessionem elicitus. Ita S. Alph. 445. Attamen idem S. Alph. H. A. tr. 16. n. 20. alteram inquit opinionem esse probabilem, propterea in praxi sequendam; et addit: « conveniunt autem communiter.... sufficere, si poenitens post actus doloris dicat iterum, me accuso de omnibus peccatis confessis ». Verum ipsemet S. D. hanc eandem opinionem antea tradiderat in prioribus editionibus Operis Moralis et Hom. Apost. ital. edit.: deinde vero in posterioribus editionibus Operis Moralis immutavit. Ithur. Cas. 11. n. 4. ait: « dolor sufficiens esse ad sacramentum poenitentiae mihi certe videtur, tametsi confessionem non antecedit, modo confessionem sequatur, et una cum confessione ad absolutionem ordinetur, id quod sensus ipse fidelium, et confessoriorum praxis, satis docet, et fundatur in eo quod licet tota prior peccatorum narratio tempore antecedens dolorem, nondum habuerit completam accusationis rationem, at informata postea per subsequentem contritionem, et sic subiecta clavibus a poenitente et postulante et expectante absolutionem, satis completur in ratione accusationis sacramentalis ».

22. *Per quantum temporis spatium actus doloris moraliter perduret ad valide suscipiendum sacramentum?* — Suarez D. 20. S. 4. n. 29., et Es-ob. cum Soto, Hurt et Candido censent sufficere dolorem, qui longo tempore confessionem praecesserit, modo non sit retractatus. Etenim cum talis dolor *virtualiter* perseveret in fuga peccati, et in ipsa confessione, quae fit ad statum gratiae conservandum, nulla videtur adesse ratio, cur talis dolor insufficiens habeatur. Et huic sententiae adhaerere videtur Ballerinius, G. B. 448. Cf. Lugo D. 14. n. 35. 50. — Alii autem, ut Carden. in pr. 1. Innoc. XI. p. 65. n. 88., Holzman, etc. dicunt sufficere dolorem praecedentem per unum diem; cum enim confessio sit effectus illius doloris, dolor virtualiter perseverat. Consentit Roneag. C. 3. q. 2. R. 2. etiamsi dolor praecesserit per aliquot dies, dummodo virtualiter perseveret in aliquibus mediis, puta si poenitens vi concepti doloris perstiterit in frequenti oratione, fuga occasionum, poenitentiis, etc. L. 446. Consentit etiam Gury 447., etiamsi dolor praecesserit per unum vel plures dies, modo sit elicitus ex intentione confessionis, et non fuerit per aliud peccatum retractatum. Moram etiam admittit D'Annib. 179. « unius diei; immo bidui vel tridui, si dolor interea permaneat in aliquo effectu, ut puta in afflictione corporis, in fuga occasionum, in excussione sui, etc.; dum ne interim reincadat in letalia ».

23. *An ut dolor sit materia apta debeat esse elicitus ex vel cum intentione confessionis?* — Plures affirmant, et hanc sententiam probabilem dicit S. Alph. et tutius sequendam. Negant vero Lugo D. 14. n. 37. 40., item Sporer, Moya, Gob., etc. ac probabile putat Tamb., probabilius idem S. Alph.

447., ac tanquam certum Ballerinius, G. B. 447., Ratio, tum quia ex Trid. S. 14. C. 4. illa attritio dicitur disponere ad impetrandam gratiam in sacramento quae voluntatem peccandi excludit, cum: spe veniae, quae omnia verificantur in casu nostro; tum quia tunc dolor, licet non fuerit ordinatus ad confessionem relatione antecedenti, ordinatur tamen relatione concomitanti ex eo quod tunc adhuc verificatur dolor patet fieri per confessionem.

24. *An requiratur novus actus doloris ad novam absolutionem recipiendam, quando poenitens statim post absolutionem peccatum mortale ex oblivione omissum confitetur?* — 1.<sup>a</sup> Sententia negat, quia certo perseverat prior contritio, quae utpote universalis extendebatur ad omnia peccata, etiam omissa ex oblivione; nec alioquin requiritur, ut contritio explicite ordinetur ad sacramentum. Caeterum, nova facta accusatione, sufficienter iam ordinatur. Quia imo videtur haberi dolor, aliquo modo, explicitus in actu illud peccatum accusandi. Repetita enim confessione vocali, repetitur saltem virtualiter dolor praecedentis confessionis, perseverantis adhuc moraliter ac virtualiter. — 2.<sup>a</sup> Sententia affirmat, quia per absolutionem completum est iudicium: ergo si impertienda sit nova absolutio, nova requiritur materia proxima; et quamvis dolor in se perseveret, non tamen perseverat in ordine ad absolutionem. — S. Alph. 448., loquens de hac 2.<sup>a</sup> sententia ait: « Cum sit *probabilis*, imo probabilior in praxi omnino sequendam esse dicunt Croix et Conc., saltem tutius *censeo* tenendam ». De 1.<sup>a</sup> vero ait: « *communior*, et hanc tenent Lugo, Anacl., Viva, cum Perez, Henr. et communi, Roncaglia qui vocat moraliter certam, Sporer; Elbel putat probabilissimam cum Gob., Dic., Henr., Bosc., etc., item ap. Croix, Led., Salas., Escob. et Moya, qui dicit esse indubitatum apud omnes ». Pro ea vero, ait Lugo D. 14. n. 27., « stat et communis praxis », quam testatur etiam in Disputatillus, De Sac. Tr. 8. Disp. 6. Dub. 22. n. 160., eique absolute adhaerent Diana T. 1. tr. 3. R. 95. n. 3., alique plures et graves Theologi. P. Gury 448., secundam sententiam levi dicit innoxiam fundamento, Ballerinius vero ib. ait, « neque auctoritatem, neque solidam rationem ullam suffragari eidem secundae sententiae », primam vero « in praxi tutissimam haberi posse ». D'Annib. 179. « mihi, ait, si oblitum aliquod confiteri velis, prima sententia verior videtur, quippe hoc, ut in eadem confessione, ita et in eodem dolore continetur, si denuo eadem confitearis, altera, quia nova confessio est, quae ad priorem nullatenus pertinet ».

25. *An peccet, qui confitetur veniale aliquod sine dolore?* — 1.<sup>o</sup> Si confessor aperiatur hunc ipsum doloris et propositi defectum; tunc nec sacerdos a tali peccato debet absolvere, nec in hunc finem poenitens debet illud dicere, quasi scilicet materiam sacramenti, cum revera esso talis non possit. Potest tamen licite dici vel ob humilitatem, vel ob consilium, vel ob excitationem ad veram poenitentiam. — 2.<sup>o</sup> Si veniale, de quo non dolet, aperiatur, sicut caetera, cum materia absolutionis. « Tunc, inquit Suarez D. 20. S. 6. n. 7., multi putant esse peccatum mortale... Sed licet negari non possit, quin illud sit aliqua culpa, nihilominus non censeo mortalem, quia materia talis culpa levis est: quia defectus illius doloris vel propositi per se et natura sua non est contrarius gratiae et iustificationi, qui est primarius effectus huius sacramenti per formam significatus... neque etiam impedit remissionem aliorum peccatorum venialium, de quibus vera fit accusatio capax verae absolutionis, non obstante obiectione alienius peccati venialis ». Cf. Lugo D. 14. n. 48. Caeterum et ea levis culpa, de qua Suarez, saepius acribit, vel quia poenitens ad hunc doloris defectum aut ad defectus eiusdem inordinationem non advertit, vel quia raro adest omnis displicentia, licet haec efficax satis non sit; quia in re difficile saepe est deceptionem vitare. G. B. 446. — 3.<sup>o</sup> Accedere ad sacramentum cum materia levi sine ullo dolore grave est, propter gravem irreverentiam, quae sacramento irrogatur, illud suo effectu frustrando, sive ex gravi sive ex levi materia. Lugo D. 14. n. 168. seqq., L. 449.

26. *An attritio formidolosa, seu ex metu gehennae concepta, sufficiat ad iustificationem in Sacramento Poenitentiae?* — R. Affirmat., modo

sit vere *supernaturalis*, absolute *efficax*, et tantum *materialiter* non vero *formaliter* seu *serviliter* servilis. Ratio est, 1.<sup>a</sup> quia huiusmodi attritio est vera conversio ad Deum, et vera aversio a peccato: 2.<sup>a</sup> quia hoc clare enuitur ex Trid. S. 14. C. 4., ubi dicit, attritionem conceptam ex metu gehennae et poenarum esse honestam, et disponere peccatorem ad iustificationem in sacramento poenitentiae obtinendam. — Idque certum et commune est apud DD. L. 440., S. Th. Quodl. 4. a. 1. Attritio porro vocatur serviliter servilis, ubi quis de peccato quidem dolet, illudque vult vitare ob poenas, quas a Deo intelligendas novit: adhuc tamen paratus esset peccare, si poenae istae non subsisterent. Dicitur vero simpliciter servilis, ubi quis ob poenarum quidem timorem a peccato abstinere, non tamen ita dispositus est, ut vellet peccare, si poenae illae non essent. Prior malus est, non quia timor est poenarum, sed ob pravam animi dispositionem. — G. B. 451., L. 442.

27. *Utrum attritio sufficiat ad Sacramentum Poenitentiae, concepta ex metu poenarum laici citae, quatenus irrogantur a Deo peccatorum vindice?* — 1.<sup>a</sup> Sententia negat. Ratio, quia Trid. coniunctim loquitur de *metu poenarum et gehennae*, cum docet sufficere « dolorem conceptum ex gehennae et poenarum metu », sumens utrumque pro eodem. Nam poena peccati mortalis est aeterna, et hanc peccator timere debet. 2.<sup>a</sup> Sententia affirmat. Ratio, quia particula *et* disjunctive in sensu obvio sumenda est intelligendo *Gehennam* pro inferno, Matth. 10. 28., *Poenas* pro poenis temporalibus, sive Purgatorii, sive huius vitae. Confirmatur exemplo Ninivitarum, quod ipsum Trid. adducit S. 14. C. 4. S. Alph. 443. secundam hanc sententiam probabiliorē dicit, primam vero non carere sua probabilitate, saltem extrinseca: unde concludit: « puto tutius in praxi eam servandam esse ». Verum secundam sententiam alii vocant probabilissimam. La-Croix 884., alii moraliter certam, Elbel 59., Gob., alii omnino certam, et his adhaerere videtur Ballerinius 452.

28. *An sufficiat attritio ex metu poenarum Purgatorii pro peccatis venialibus?* — R. Affirmative cum sententia communissima et moraliter certa: quia rationes omnes superiores adductae pro sufficientia attritionis ex metu gehennae, hic quoque valent. G. 452.

29. *An sufficiat attritio ad Sacramentum Poenitentiae, si ex turpitudine peccati concipiatur?* — R. Affirm. Trid. 14. C. 4. Verum *turpitudine* ista, motivum sacramentalis confessionis, ea est, quae Dei oculos offendit, quae animam foedat, Dei imaginem et similitudinem in ea deturpans: minime vero illa quae in infamia apud homines continetur et quae naturaliter inest vitio. Ratio, quia attritio non debet esse dolor de peccato utcumque, sed cum aliquo respectu ad Deum finem supernaturalem hominis; quaedam enim esse debet conversio ad Deum saltem imperfecta. Cf. Lugo D. 5. n. 140. et seqq., Suarez D. 20. S. 2. n. 10.

30. *An dari possit Sacramentum Poenitentiae validum et informe, ob defectum sufficientis doloris?* — Duplex esse potest casus: 1.<sup>o</sup> quando quispiam duplicis peccati reus, ex invincibili oblivione, de altero tantum doleat et hoc solum confiteatur; 2.<sup>o</sup> quando quis, ex ignorantia invincibili, crederet, non esse peccatum mortale accedere ad sacramentum sine dolore de omnibus, dum tamen dolor adesset de aliquo. — Porro 1.<sup>a</sup> sententia tenet, tale sacramentum esse validum et formatum, quia poenitens nullum gratiae obicem ponit. 2.<sup>a</sup> sententia tenet, esse non solum informe sed invalidum, quia dolor est insufficiens. 3.<sup>a</sup> sententia tenet esse validum sed informe: *validum*, quia nulla deest essentialis pars sacramenti, *informe*, quia unum mortale sine alio remitti, non potest: et aliud non potest remitti, quia deest dolor. Secunda sententia vera videtur doctissimo D'Annibale; 176. Tertia probabilior S. Alphonso est, 444. Cf. Lugo D. 14. n. 65. seqq., S. Th. Suppl. q. 9. a. 1., 4. D. 17. q. 3. a. 4. q. 1.

31. *An qui in articulo mortis susceperit Sacramentum Poenitentiae*



*cum attritione, teneatur insuper elicere actum contritionis?* — 1.<sup>a</sup> Sententia affirmat, et hanc tenent Suarez D. 14. S. 6. n. 18., Sanch. in Dec. T. 1. l. 1. C. 1. n. 34.; etc. Ratio, quia tempore tantae necessitatis tutiora media ad salutem sunt eligenda. 2.<sup>a</sup> Sententia negat, et hanc tenent Lugo D. 7. n. 263., Laym. C. 11. n. 7., etc. Ratio, quia obligatio tantum habetur sive tempore vitae sive tempore mortis eligendi media tuta, non autem tutiora. Atqui ex Trid. S. 14. C. 4. certum est, attritionem sufficere in sacramento ad gratiam consequendam. L. 440. Utraque sententia, ait S. Alph. 437., est probabilis, sed prima omnino consulenda, quod per se patet, cum agatur de summo salutis negotio. Addit insuper S. D. primam esse omnino sequendam, propter aliam rationem, nimirum propter obligationem elicendi tunc actum caritatis. Verum cum de hac etiam obligatione res sit controversa, pro homine nempe iam iustificato per sacramentum, qui iam habet sanctificantem gratiam et caritatem habitualement, non videtur certa obligatio imponenda. G. B. 445.

32. *An ad consequendam gratiam in Sacramento Poenitentiae praeter dolorem requirantur etiam explicite actus fidei et spii?* — R. Negat. Ratio est, quia nullo probabili argumento probari potest hos actus explicite requiri. Caeterum poenitens eliciens actum doloris, etiam explicite aliquo modo et exercite hos actus elicit, etsi non reflexe; quia tunc sine dubio credit exercite, et sperat sibi per sacramentum poenitentiae, in virtute meritorum Christi, peccata remittenda esse. — G. B. 445., L. 439.

33. *An ad iustificationem in Sacramento Poenitentiae obtinendam cum attritione etiam initium amoris requiratur?* — R. Negat., si per initium amoris intelligatur aliquis gradus caritatis perfectae, qua Deus super omnia diligitur. Ratio est, quia ad rite suscipiendum sacramentum non praereditur necessario actus, qui extra sacramentum essentialiter iustificet. Atqui actus caritatis, atque adeo « dolor, qui ad rationem contritionis sufficiat, quantumcumque parvus sit, omnem culpam delet », ut ait S. Th. q. 5. a. 3. Ergo, etc. S. Alph. 440. hoc dicit esse moraliter certum. — Concedi autem potest, initium aliquod amoris requiri, quatenus attritio, ut ad sacramentum disponit, excludere debet, ut sancta Synodus loquitur, peccandi voluntatem; alioquin autem, ut ait S. Th. 2. 2. q. 17. a. 8., « aliquis introducit ad amandum Deum per hoc, quod timens ab ipso puniri, cessat a peccato, ut Augustinus dicit ». — Atque hic notandum est, contritionem non solum remittere culpam et poenam aeternam, verum etiam posse, valde intensam et perfectam, omnem abolere poenam; quam tamen efficaciam ex natura sua necessario non habet. Trid. S. 6. C. 14. c. 30., S. 14. C. 8. c. 12. — G. B. 453, 456.

### III. — DE PROPOSITO

34. *Quid et quotuplex sit propositum; et quanam eius dotes; et necessitas?* — R. ad 1.<sup>am</sup> Propositum est voluntas non peccandi de caetero. Duplex est: 1. *explicitum*, seu *formale*, quo quis de futuro cogitans statuit non amplius peccare; 2. *implicitum*, seu *virtuale*, quod in ipsa contritione inest, quin futurum tempus prae oculis habeatur.

35. Ad 2.<sup>am</sup> Propositum verum triplici conditione gaudere debet: scilicet requiritur, ut sit firmum, efficax, et universale. 1.<sup>a</sup> *Firmum*, nimirum poenitens habere debet sinceram voluntatem non relabendi in peccatum, non obstante quocumque incommodo aut timore humano: secus enim non vellet totaliter et sincere ad Deum converti. Non debet tamen confessarius animum poenitentis tentare, adhibitis comparationibus ad perturbandam eius phantasiam idoneis. Firmum autem esse debet etiam, quando nonnisi de

venialibus agatur. L. 451. — *Efficax*, i. e. poenitens non tantum firmiter statuere debet, se amplius peccare non velle, sed etiam adhibere media necessaria ad peccatum vitandum, fugiendasque proximas occasiones, etc. Efficax propositum esse debet etiam quoad venialia, quae sint materia confessionis. Verum, si poenitens statim, et sine ulla fere resistantia relabatur, indicium aliquod, vel saltem suspicionem aliquando praeberet potest, quod proposito vere firmo caruerit: qui enim firmiter proponit, fere non adeo facile sui propositi obliviseitur, sed constans saltem per aliquod tempus perseverare solet, et conatus adhibere ad resistendum tentationibus vel peccati occasionibus, et proinde ordinarie difficilius rariusque cadit. Ita S. Lig. 459., ubi de Recidivo, Lugo, D. 14. n. 160., etc. Praevisio tamen et timor relapsus ex praeterita fragilitate, et humanae voluntatis inconstantia, nullo modo impedit sincerum propositum, firmum et efficax. La-Croix 1733. 1822., Sporer 310., L. 451. Difficultas practicae occurrit, quando poenitens bonae aliquin voluntatis, sed rei arduitate perterritus dicat: se non posse hoc vel illud promittere, ne dein datam fidem infringat. Eum erigat confessarius reponens sufficere *ut nunc serio velit, ut nitatur, ut oret*: facienti enim quod in se est, Deus non denegat gratiam: « quidquid petieritis, etc. ». Sufficit autem ut propositum sit efficax affective, id est, sufficit ut peccator sit animo paratus ad media necessaria adhibenda: quia futura de facto emendatio non est de essentia propositi. — 3.<sup>o</sup> *Universale*, seu extendi debet ad omnia peccata mortalia non patrata modo, sed etiam quae patrari possent. Ratio est, quia plena et vera ad Deum conversio dari nequit absque lethali cuiuslibet peccati aversione. Satis vero est, « ut propositum *in genere* foeditate peccati, Dei bonitate, et periculo damnationis, etc. poenitens concipiat *generale* propositum nunquam iterum peccandi mortaliter ». Suarez D. 35. S. 2. n. 2., Caietan. Summ. V. *Confessio* ad 12. qualit., Lugo D. 7. n. 199. 238., Laymann C. 4. n. 8. Quare neque requiritur neque vero semper expedit speciale propositum de singulis peccatis gravibus vitandis. Cf. n. 19. Ad venialia vero quod spectat, ut non est necessarius dolor universalis ita neque universale propositum. Cf. n. 19. L. 451. S. Th. 3. p. q. 87. a. 1.

36. Ad 3.<sup>um</sup> Propositum saltem implicitum est omnino necessarium ad peccati remissionem: quia propositum est necessarium contritionis consecrarium, ac saltem virtualiter in ipsa inclusum, ut ex huius natura et definitione constat. An vero sufficiat propositum etiam explicitum controversatur. Iuxta S. Lig. 450. triplex est sententia. Prima, quam pauci quidam tenent, absolute affirmat: quia, licet dolor includat necessario propositum, attamen explicitum requiri videtur a Tridentino aiente: « Cum proposito non peccandi de cetero ». — Secunda sententia, quam Cardenas vocat moraliter certam, absolute negat. Ratio est, quia dolor, si ex motivo generali eliciatur, includit propositum plane efficax. Alioquin vero ex Tridentina Synodo quando attritio voluntatem peccandi excludit, sufficienter disponit hominem ad impetrandam gratiam in Sacramento. Elbel 87., Laymann C. 4. n. 6., Salmant. C. 5. n. 54., Lugo, D. 14. n. 51., qui hanc sententiam dicit esse communem inter recentiores. — Tertia sententia, quam communem dici testatur S. Ligor., docet quod, si poenitens cogitet de vita futura, debet formaliter proponere emendationem. Secus si poenitens nihil de futuro cogitet. Verum si cogitet de futuro, consentiunt omnes, vix fieri posse, ut sincere poenitens simul propositum explicitum et formale non eliciat. — Suum autem de hisce iudicium sic S. Ligorius ib. interponit: « Hae duae ultimae sententiae sunt quidem probabiliores; sed quia prima non caret sua probabilitate, in praxi ante factum tutius sequenda est ». Cum autem S. Alphonso teste l. c., plerique etiam eorum, qui pro prima sententia allegantur, consentiant « quod si bona fide cum vero dolore confessus fueris sine proposito formali, non teneris confessionem repetere »: patet, in hanc conclusionem, quae unica ad praxim deservit, sententias demum omnes atque Doctorum omnium suffragium convenire. Quamvis autem S. D. dicat

se « non valere huic sententiae acquiescere »; hoc tamen apertissime repugnat doctrinae, quam alibi ipsemet tradit, 505.: « sedulo advertendum, non esse cogendos poenitentes ad repetendas confessiones, nisi moraliter certo constet eas fuisse invalidas, ut recte dicunt La-Croix, Gobat, etc. cum communi ». — Accedit auctoritas Concilii Romani sub Benedicto XIII., in Basilica Lateranensi celebrato anno universalis Iubilaei 1725. Tit. XXXII. C. 3. legitur: « Instructiones ad Sacramentum Poenitentiae et Eucharistiae, a pueris primo suscipiendorum usum et cultum pertinentes, breves simul et claras, dabimus in nostri huius Concilii fine ». Porro in Instructione pro pueris ad Sacramentum Poenitentiae accessuris, quae ad calcem eiusdem Concilii subiecta cernitur, haec Part. III. p. 303. habentur: « *Pœnitente* Chi si confessa senza dolore de' peccati, e senza proposito di non peccar più, riceve il perdono? — *Confessore* Se non ha almeno il dolore imperfetto, cioè l'attrizione, col fermo proposito, almeno implicito, di non peccare mai più, certamente, se si confessa, la Confessione non vale, e non riceve il perdono de' peccati ». In quibus manifeste ut sufficientia simul aequiparantur tum dolor imperfectus, seu attritio, tum propositum implicitum. Hinc D'Annib. 177. hanc sententiam hodie certam dici posse asserit. — S. Th., teste ipso Bellarmino, qui stat pro tertia sententia, non distinguit inter implicitum et explicitum; et iure prorsus, nam taciti et expressi eadem est efficacia. Necessitas autem illius expliciti propositi, vel est ex praecepto aliquo positivo independentem a natura iustificationis extra sacramentum, et in sacramento, vel ab ipsa dependenter. Primum dici nequit, nam 1.<sup>o</sup> poenitentia, si praecepta est, non est praecepta nisi propter iustificationem. 2.<sup>o</sup> Ipse S. Alph. fatetur, rem esse controversam et dubiam, et *probabilius* non requiri explicitum propositum; legem autem dubiam non obligare. Neque vero alterum dici potest; nam vel exigitur explicitum illud propositum a iustificatione extra sacramentum, vel a iustificatione in sacramento. Primum esse nequit: nam *formalis caritatis actus* statim iustificat, sine illo explicito proposito: ergo et contritio caritate perfecta. Alterum item esse non potest; nam non requiritur maior dispositio ad iustificationem in sacramento, quam extra sacramentum. Aliud autem est quod Trid. declarans naturam contritionis *explicite* commemorat propositum in ea inclusum, aliud est quod commemoret propositum *explicitum*; illud, non hoc facit. Neque hoc ex illo sequitur; secus requirentur etiam actus alii expliciti, quos explicite Trid. commemorat, *spei fiduciae, voti confessionis, voti satisfactionis*, etc. Neque vero inutiliter commemorat Trid. explicite propositum non peccandi de cetero. Hoc enim fecit ad explicandam vim et effectum connaturalem contritionis, cum ceteroquin dari possit dolor et contritio non continens universale propositum. Deinde Trid. statim addit, hanc contritionem fuisse quovis tempore necessariam ad iustificationem. Contritio, quovis tempore iustificans, non comprehendit necessario explicitum propositum, ut patet etiam exemplo Davidis, filii prodigi, etc. Cf. etiam Trid. S. 6. C. 14. Ac si ex Trid. ad iustificationem in sacramento sufficit profecto etiam attritio, si excludat voluntatem peccandi, sufficit profecto etiam contritio, si excludat eandem voluntatem, quin aliud requiratur. — G. B. 458-463.

#### IV. — DE CONFessione

37. *De Confessionis natura.* — Confessio est accusatio peccatorum, post baptismum patratorum, facta sacerdoti approbato, in ordine ad absolutionem. G. 463. L. 445.

38. *De Confessionis necessitate.* — 1.<sup>o</sup> Confessio est de iure divino omnibus, post baptismum lapsis in peccatum mortale, necessaria. Trid. S. 14. c. 7. — 2.<sup>o</sup> Praeceptum hoc obligat certo *per se* in periculo, eoque



magis in articulo mortis, et aliquando in vita. Ratio 1.<sup>a</sup> est, quia omnia praecepta positiva obligant saltem tempore necessitatis: secus enim nunquam obligarent, frustraque imponerentur. Ratio 2.<sup>a</sup> est, quia praecepta affirmativa non obligant tantum in extrema necessitate, sed etiam quando eorum impletio rationabiliter necessaria indicatur. — Obligat saepe *per accidens*, scilicet 1.<sup>o</sup> cum Eucharistia suscipienda est: 2.<sup>o</sup> quando urget praeceptum se reconciliandi cum Deo, vel requiritur status gratiae, v. gr. ad sacramenta administranda, vel ad ea recipienda, quae dicuntur vivorum, nec elici potest actus contritionis perfectae: 3.<sup>o</sup> quando urget gravis tentatio, quae secus superari nequeat. Sed « vix potest cogitari occasio, in qua non possit superari tentatio, aut vitari peccatum, nisi per medium confessionis ». Suarez D. 35. S. 3. n. 10. « Ideo de hac obligatione nemo hucusque scrupulum fidelibus iniecit, nec iniiciendus est ». D'Annib. 247. 4.<sup>o</sup> Si probabile sit se nunquam postea habiturum copiam confessarii. D'Annib. l. c., L. 665.

39. *An praeceptum divinum Confessionis statim obliget ac patratum est peccatum: vel quonam tempore urgeat?* — R. 1.<sup>o</sup> Non obligat statim post peccatum. Ratio est, quia talis obligatio nullo certo fundamento nititur. Ita communiter. 2.<sup>o</sup> Facile determinari nequit, quoties in vita et quo praeciso tempore urget praeceptum divinum. Quidquid sit, nihil dubitandum, quin ille satisficiat, qui vel semel tantum in anno confitetur: quia non constat praeceptum divinum frequentius urgere: iuxta multos Christus reliquit obligationis tempus Ecclesiae determinandum. Porro Ecclesia confessionem semel in anno peragendam praescripsit. Conc. Later. IV. C. *Omnes utriusque sensus*. G. B. 466.

40. *An Confessio vocalis esse debeat, seu ipsa voce fieri debeat?* — R. Affirmative. « Rationem adducunt Holzm. et Spor., quia licet confessio nullo iure praecepta sit fieri vocaliter, tamen cum communi Ecclesiae usu sit receptus modus sic confitendi, hinc nunc obtinet vim praecepti, et proinde sine gravi causa foret illicita confessio aliter facta ». L. 429. — Gravis autem causa esset, « si quis ob angorem gutturis, impedimentum linguae, aut si puella supra modum verecunda, in explicando voce sua peccata, valde gravem difficultatem sentiat ». L. ib. De ultimo hoc casu loquens Busemb. 493, addit: « scripto a confessario lecto, addat voce, de his me accuso ». Et sic nulla erit difficultas. Addit praeterea S. Alph. 493. « Idem sentit Tamb. de scrupuloso, qui putat scripto melius se explicare ». — Ceterum confessio per scripturam confessario praesenti valida est. Invalida est confessio per litteras facta absenti confessario, licet deinde absolutio detur a confessario praesente. Decr. Clem. VIII. 20. Jun. 1602., Paul. V. 14. Jul. 1605. L. 428. — Qui vero voce confiteri non potest, quia est e. g. mutus, tenetur utique saltem per nutum confiteri, secundum communem sententiam, L. 493, sed non tenetur confiteri per scripturam, tum ob periculum revelationis, tum quia scriptura est medium extraordinarium, quod nunquam de facto in Ecclesia habitum est uti praescriptum, tum quia scriptura est de se publica, et confessio de se secreta est., Diana T. I. tr. 3. R. 72. n. 2., Ithur. Cas. 38. n. 6-10., G. B. 503., alique plures. Oppositum tamen *probabilius* videtur S. Alphonsi 479. Haec vero habet S. Th. 4. D. 17. q. 3. a. 4. q. 3. ad 2.: « Dicendum, quod in eo, qui usum linguae non habet, sicut mutus, vel qui est alterius linguae, *sufficit*, quod per scriptum, aut nutum, aut interpretem confiteatur: quia non exigitur ab homine plus quam possit ... et ideo, quando *non possumus* uno modo, *debemus* secundum quod possumus confiteri ». Cf. etiam Quodl. I. a. 10.

41. *Resolves*: 1.<sup>o</sup> Muti et surdi tenentur aliquo modo confiteri, saltem per signa: nisi sint adeo ignari et hebetes, ut nihil extundi ab ipsis possit. Ratio est, quia praeceptum confessionis respicit omnes fideles, qui sua peccata ratione aliqua manifestare possunt. — Hinc muti sufficienter instructi tenentur integre confiteri, saltem signis, si haec a confessario intelligantur: si autem sint minus instructi, aut difficulter a confessario intelligi possint.

sufficiet ipsis unum tantum vel alterum peccatum manifestare, aut in genere tantum confiteri et signa doloris dare. Surdi autem, usum linguae habentes, tenentur ex parte sua confiteri peccata, quae memoriae occurrunt; sed confessarius non tenetur eos interrogare ad procurandam confessionis integritatem, ob nimiam interrogandi difficultatem et revelationis periculum. — Muti, scribere scientes, scripto confiteri non tenentur ad procurandam confessionis integritatem. Res enim saltem controversa est inter dd. Quare concludit d'Annib. 173.: « Ergo lex dubia est ». — 2.<sup>o</sup> Ignari idiotismi loci, in quo versantur, et carentes confessario, a quo intelligi possint, tenentur, urgente praeepto annuae confessionis, et in articulo mortis, confiteri aliquo modo, saltem signis generalibus. Ratio est, quia urget praeeptum divinum et ecclesiasticum. Nam etsi integre confiteri nequeunt, tenentur tamen ad id quod possunt. Neque vero confiteri tenentur per interpretem; est enim onus gravissimum, et multis periculis obnoxium, v. gr., revelationis, irrisuionis, etc. G. B. 504., Ithur. Cas. 38. n. 11. seqq., L. 479.

## V. — DE INTEGRITATE CONFESSIONIS

42. *An Confessio integra esse debeat?* — R. 1.<sup>o</sup> Affirm. Ratio est, quia nullum iudicium, causa incognita, exerceri potest: quia confessarius salutares poenitentias imponere, et efficacia remedia praescribere debet. Trid. S. 14. C. 5. c. 7. — 2.<sup>o</sup> Integritas alia est *materialis*, alia *formalis*. *Materialis* sita est in accusatione omnium peccatorum mortalium, quae simpliciter commissa sunt, vel quae post diligentem sui discussionem menti occurrunt. *Formalis* consistit in accusatione omnium peccatorum, quae post diligentem sui discussionem menti occurrunt, et quae quis hic et nunc, spectatis circumstantiis, moraliter confiteri potest vel tenetur. Integritas materialis non est semper necessaria: interdum enim est moraliter impossibilis ex inculpabili oblivione: et licet menti occurrant peccata ex aliis iustis causis confessio evadit moraliter impossibilis. Quare necessaria tantum est integritas formalis. Trid. S. 14. C. 5. — 3.<sup>o</sup> Ratione integritatis *sub gravi* accusandae sunt *species infimae* peccatorum, eorumque *numerus exactus*: ita ut neque liceat augere neque imminuere peccata. Si quis speciem infimam peccatorum confiteri non potest, debet ea confiteri quoad speciem superiorem vel genus, quod potest. Itemque si quis numerum praecise determinatum confiteri non potest, confiteri debet numerum qui magis accedit ad veritatem, adhibendo e. gr. particulam *circa*, vel, si neque hoc potest dicere debet, *quoties circa* in anno, in mense, *in hebdomada* in die, an frequenter, an raro, etc. « Bene advertit Sporer, confessarium non debere esse nimis anxium circa exquirendum numerum peccatorum in poenitente consuetudinario, quia saepe est impossibile talem numerum certum habere ». L. 466., Ithur. Cas. 38. n. 3. Particula autem *circa* sic fere a theologis intelligitur: *circa* ter est 2-4, *circa* decem 8-12, *circa* triginta 27-33, *circa* centum 95-105, *circa* mille 950-1050. L. 466., D'Annib. 168., G. 472.

43. *Resolves*: 1.<sup>o</sup> « Odium diuturnum, sicut etiam concupiscentia carnalis in mulierem necessario sunt exprimenda in confessione... propter numerum peccatorum, quae in illa diuturna mora replicantur ». L. 467. — 2.<sup>o</sup> Qui peccatorum numerum circum *circa* quantum potest declaravit, reperiens deinde notabilem excessum, illum declarare debet, quia maior numerus in minori non continetur: si e contrario reperiat deinde numerum notabiliter minorem, ad nihil tenetur: verus enim numerus in maiori fuit comprehensus. G. 473. — 3.<sup>o</sup> Ad integritatem confessionis praerequitur diligens examen, Trid. S. 14. C. 5., proq. capacitate poenitentis, temporis

mora, et ceteris circumstantiis. Ad id autem sufficit diligentia medioeris, qualem vir prudens in arduis negotiis adhibet, qualem moraliter loquendo docti et timorati adhibere solent, etiamsi quis putet maiori diligentia plura se reperturum. Bonac. t. 1. D. 5. q. 5., Laym. l. 5. tr. 6. C. 8. Ratione autem inadvertentie raro contingit confessionem esse sacrilegam ob defectum praevisi examinis. Baller. 508. Examen hoc prudenter a confessario potest suppleri discretis interrogationibus, neque maiori diligentia, quam teneatur ipse poenitens, pro sua conditione, praesertim quoad rudes, aliosque, de quibus verendum sit, ne semel dimissi amplius non redeant. Necessarium vero non est peccata scribere, ne memoria exidant: neque id consulendum est, ob periculum evulgationis. L. 471. 504., Lugo D. 16. n. 590. seqq.

44. *An necessario accusandus sit actus externus peccati?* — R. Affirm., quia est quid unum et idem cum actu interno in genere moris, et duo haec unum totale constituunt. Aliunde actus externus est directe prohibitus lege divina: v. gr., *Homicidium non facies*. Insuper absque declaratione actus externi plerumque confessarius munere suo fungi non posset, ut par est, circa monita praebenda, etc. Constat etiam ex consuetudine universali fidelium, quae legem in hoc sensu explicat, et ex pr. 25. d. ab Alex. VII., Euchir. Mor. N. 411. de 6.<sup>o</sup> Dec. Praec. G. 489.

45. *An effectus peccati necessario in confessione sit exprimendus?* — Alii affirmant, quia est malus seu peccatum saltem in causa: alii negant, quia est malus seu peccatum tantum denominative. Afirmat S. Alph. l. 5. n. 10. « Omissio, ait S. D., voluntaria in causa etiam imputatur ad peccatum, etsi voluntas postea non possit operari, puta si quis se inebriet, praevidens causa ebrietatis se omisurum missam, tunc tenetur confiteri causam et effectum illius, ebrietatem scilicet et omissionem sacri, ut melius dicunt Salm., etc. cum aliis communiter contra Vazq., etc., modo ante effectum secutum non retractetur voluntas, ut probabiliter docent Sanch., etc.: tunc enim est probabile non teneri confiteri effectum secutum. Ex hoc etiam deducitur, quod si effectus accidat post retractionem, non incurritur censura contra peccantes imposita, quia ista requirit contumaciam in actu peccati ». Cf. etiam. l. 4. n. 149. et l. 7. n. 40. Negat vero Lugo, qui haec habet: « Supponendum est in peccato, v. g. quo alium veneno occidisti, intervenire actum in primis voluntatis internum, quo voluisti dare illi venenum: deinde actionem externam, qua venenum praeparasti et dedisti; deinde effectum secutum, scilicet mortem illius... Prima et satis communis (sententia) affirmat esse explicandum effectum externum... Contrariam sententiam defendit late P. Vazquez, etc. Quae sententia verior semper mihi visa est... Ratio magis communis... est, quod actus externus, qui denominatur liber a libertate actuali actus interni est vere et proprie peccatum: effectus vero postea consecutus, in somno v. g. non est proprie peccatum... sed effectus peccati: in confessione autem explicari debent omnia et sola peccata; ideo debet explicari actus externus, quando est actus liber: non vero effectus postea secutus... quia non potest esse peccatum actuale in eo, qui actu non peccat, nec potest actu peccare qui actu non agit: ille autem qui dormit, dum eius inimicus veneno moritur, nihil tunc agit: ergo tunc non peccat ». De Poen. D. 16. nn. 437. 439. 440. 449. Verum haec sententia limitanda est, nisi poenitens incurrit censuram vel casum reservatum propter effectum secutum. Hanc limitationem ipsemet Lugo habet, iam addit: « Contingere etiam potest, quod incurratur censura ab eo, qui iam per contritionem, vel per attritionem cum sacramento est iustificatus a peccato praeterito », n. 453. Cf. etiam. n. 460. et Laymann. l. 1. T. 2. C. 2. n. 5. Verum, ut optime observat, Ithur. Cas. 40. n. 31. seqq., Cas. 50. n. 26. seqq., reservatio non est, ubi non est subiectum reservationis, seu peccatum, quum iam fuerit absolutum. Nam nullius entis nullae sunt proprietates. Quod non est, neque tale est. Ubi autem praecesserit tantum voluntatis retractatio,



causa per voluntatem retractata, non est in seipso amplius culpabilis effectus. Reservatio autem aut censura incurri non potest quando per actum non peccatur. Limitanda praeterea eadem sententia est, nisi confessarius non solum iudicis sed et doctoris, et medici officio defungens poenitentem de sacro effectu interroget. Instr. pro parv. etc. P. 4. in fine Conc. Rom. edita iussu Bened. XIV.

46. *An officiat integritati confessionis, si quis accuset venialia Confessario ordinario, mortalia vero alteri?* — 1.<sup>o</sup> R. Negat., *per se loquendo*, dummodo absolutionem nunquam recipiat, quin omnia mortalia uni manifestaverit, et ab eodem absolvatur. Ratio est, quia integra est illa confessio, quae omnia mortalia complectitur, cum venialia non sint necessario accusanda. — 2.<sup>o</sup> In praxi autem attendendum est ad poenitentium circumstantias, et ad motiva quibus ducuntur. Non enim sunt damnandi, qui aliquando graviora peccata ignoto confessario confitentur, leviora vero ordinario subiiciunt, si ex pudore, quo suffunderentur cum confessario familiariter cognito, periculo se committerent sacrilege confitendi. Quare confessarius non nisi *imprudenter* curiositate de ea re inquireret; « nisi tamen ea occasione maneat poenitens in morali occasione peccandi; aut ideo circumneat, ut liberior peccet: tum enim graviter peccabit, et ob defectum attritionis confessio erit nulla ». Hinc, licet neque *ocasio* neque *consuetudo* sint *per se* necessario accusandae: confessarius tamen *ius* habet inquirendi et de *occasione praecava*, et de *consuetudine*, tum si prudens suspicio sit quod a poenitente circa eius dispositiones decipiat, tum si inde *speciale* peccatum habeatur, tum ut *salutarem* et *convenientem* satisfactionem imponat. Cf. pr. 58. d. ab Innoc. XI. Viva in prop. 60. d. ab Innoc. XI. par. ult., Lugo D. 14. n. 172. 173. et D. 16. n. 200. seqq. G. B. 475. 485., L. 471.

47. *An officiat integritati, si quis simulet aliam vocem, ne a Confessario agnoscat?* — R. Negat., *per se*: dummodo enim omnia mortalia aperiat, confessionem integram peragit. Nec necesse est, ut a confessario nominatim cognoscatur: suffiit enim, ut confessarius praesentem peccatorem absolvere intendat: intentio autem confessarii *per se* semper ad poenitentem est determinata. La-Croix, de Sacram. in genere n. 68. — G. 476.

48. *An circumstantiae peccatorum mortalium, notabiliter aggravantes, sint necessario confitendae?* — « Adsunt tres sententiae, omnes valde probabiles. 1.<sup>a</sup> sententia affirmat. Prob. 1.<sup>o</sup> ex Rit. Rom. *De Sacram. Poenit.*... ex Catech. Rom. p. 2. c. 5. § 47. ... Prob. 2.<sup>o</sup> ratione, quia eadem ratio, quae suadet circumstantias speciem mutantem esse confitendas, urget etiam pro circumstantiis notabiliter aggravantibus, cum utraque iudicium confessarii notabiliter mutant... 2.<sup>a</sup> sententia... dicit necessario esse confitentem circumstantiam *quid*, quae scilicet attingit integritatem substantialem peccati in individuo, prout est quantitas furti. Ratio, quia alias confessarius non poterit efformare debitum iudicium de substantia peccati. 3.<sup>a</sup> sententia mihi probabilior negat esse obligationem confitendi circumstantias aggravantes... Prob. 1.<sup>o</sup> ex D. Th. 4. D. 16. q. 3. a. 2. q. 5., qui sua auctoritate magnum quidem pondus huic sententiae praestitit... Prob. 2.<sup>o</sup> rationibus. Ratio 1.<sup>a</sup>, quia... ex verbis Trid. S. 14. C. 5. videtur non obscure Concilium excludere obligationem confitendi alias circumstantias, quam mutantem speciem: quia has sufficere satis innuit, ad hoc, ut confessarius rectum efformet iudicium de gravitate criminum, et de poena imponenda. Ratio 2.<sup>a</sup>, quia alias poenitentes semper inter angustias fluctuarent, cum semper dubitare possent de integritate suarum confessionum, in determinando quae circumstantiae sint vel ne notabiliter aggravantes, D. Th. 1. c. q. 5. ad 2. ... Unde nuius sententiae Lugo assignat rationem a priori, dicens, quod Christus nihil aliud praecepit, quam confessionem peccatorum; qui autem explicat circumstantias mutantem speciem peccati, iam vere confitetur et explicat essentiam peccati cum peccati quidditas sive essentia sumatur ex ipsius ratione specifica. Ratio 3.<sup>a</sup>, quia si teneremur ma-

nifestare circumstantias notabiliter aggravantes, teneremur etiam confiteri notabiliter minuentes, nempe si quis peccavit ex ira, metu, intensiori passione, ex inductione aliorum, et similibus, quam obligationem etiam adversarii negant. Ratio ultima et potior... quia nemo tenetur servare legem dubiam... unde cum lex confitendi circumstantias aggravantes sit valde dubia, ad illam non tenemur, et ideo, bene ait Lugo, Trid. non explicavit hanc obligationem illas confitendi, quia non satis Conc. id colligere potuit ex Christi verbis et sacramenti institutione ». L. 438. — Excipe: « si circumstantia invehit censuram, vel reservationem, vel ad necessariam poenitentis directionem a confessario prudenter interrogetur ». L. 467. Instr. pro parvul. etc. P. 4. in fine Conc. Rom. edita iussu Bened. XIII.

49. *An poenitens declarare debeat diversas personas, cum quibus peccavit?* — R. Negat. *per se*. Ratio est, quia sufficit ut declaretur numerus peccatorum et eorum species; peccata autem non ideo mutant speciem, quod cum pluribus patrata fuerint. Hinc qui fornicatus est cum tribus diversis, vel ter cum eadem, satisfacit dicendo, se ter fornicatum esse; nec tenetur sponte dicere, num complex unica fuerit, an plures, num fuerint meretrices, an aliae. Attamen si confessarius de hoc interroget, poenitens respondere tenetur, quia expedit, ut confessarius sciat, utrum forte adsit proxima peccandi occasio, ut primum est, si cum eadem persona pluries peccatum fuerit. Diversa autem et satisfactio et remedia a confessario praescribenda erunt, pro *multiplicitate* et *diversitate* personarum, quibuscum quis peccaverit. — G. 491., La-Croix 1040., Bonacina De Integr. Diss. 3. n. 14., Tambur. in Deval. I. 7. C. 7.

50. *An ligatus voto castitatis peccans cum alio similiter ligato debeat utramque circumstantiam declarare?* — R. Affirm. Ratio est, quia ibi sunt duo peccata plane distincta, nempe peccatum contra proprium votum, et peccatum cooperationis cum alio ad votum illius violandum. Idem prorsus dicendum de coniugato cum uxore alterius rem habente; duplex enim adulterium committit. — G. 492., La-Croix 1063., Lugo D. 16. n. 258., Salmant. C. 6. n. 63.

51. *An Sacerdos, vel Religiosus peccans contra castitatem, conditionem suam aperire debeat, vel solum voti castitatis circumstantiam?* — Controvertitur. Sufficit probabiliter, ut uterque circumstantiam voti manifestet, quia species obligationis non videtur mutari per specialem conditionem sive sacerdotis, sive religiosi. Utriusque enim votum solemne est. Utriusque ergo peccatum ad eandem sacrilegii personalis speciem pertinet. Controversia tantum de voto simplici esse potest, de qua Cf. De 2.<sup>o</sup> Dec. Praer. Lugo D. 16. § 2., La-Croix, etc., contra aliquos. — G. B. 492.

52. *An qui commisit incestum explicare debeat qualitatem, nempe cum consanguinea, vel cum affini?* — Affirmant Lessius l. 4. C. 3. n. 79., aliique. Negant Lugo D. 16. n. 313. 316., aliique. Haec sententia probabilior existimatur a S. Alph. 469. et auctoritate ac ratione probatur S. Th. 2. 2. q. 154. a. 9. ad 2. « Persona affinis, ait, coniungitur alicui propter personam consanguinitate coniunctam, et ideo quia unum est propter alterum, eiusdem rationis inconvenientiam facit consanguinitas et affinitas ».

53. *An in incestu explicandus sit gradus consanguinitatis vel affinitatis?* — Suarez D. 22. S. 3. n. 12., Diana T. 1. tr. 7. R. 107., Sporer, aliique ex S. Th. 2. 2. q. 154. a. 9. et Caietan. ib. existimant incestus omnes eiusdem esse rationis, et ad gradum quod attinet, non haberi inde nisi circumstantiam aggravantem propter eandem virtutem pietatis, et reverentiam debitam coniunctis, quae laeditur, maior vero vel minor coniunctio non mutat speciem. Sententiam hanc approbare videtur Ballarinius ap. G. 486. — Navarrus Man. C. 7. n. 4., aliique tenent incestus speciem immutari ex vario coniunctionis gradu, quia inter gradum et gradum specialis est reverentia. Hanc sententiam minus probabilem dicit S. Alph. 470. — Salmant.

De 6.<sup>o</sup> Dec. prae. C. 5. n. 28. 36., aliique, innixi etiam auctoritate A. D. tenent speciem differre incestum in primo et in aliis gradibus tam lineae rectae quae lineae transversalis, quia reverentia debita coniunctis in primo illo gradu diversae est rationis. Hanc sententiam S. Alph. l. c. aeque probabilem dicit videri ac sequentem. — Tambur. C. 7. §. 7. n. 48. aliique consent omnes incestus inter consanguineos, excepto tantum primo gradu in linea recta, esse eiusdem speciei. Ratio, quia nonnisi in dicto primo gradu adest specialis ratio coniunctionis et reverentiae debita. « Et pro hac sententia, ait S. Alph. l. c., videtur indubitanter esse D. Th. 2. 2. q. 134 a. 9. », eamque dicit videri omnino tenendam, et addit: « imo recte Lugo D. 16. n. 314., etc. docent explicandum, an pater peccavit cum filia, vel cum matre filius, cuius culpa habet diversam malitiam ratione specialis reverentiae matri debita ».

54. *An declaranda sit propinquitas personarum in peccatis odii?* — R. 1.<sup>o</sup> Affirm., si agatur de propinquitate *propiori* ob strictum virtutis pietatis vinculum. Hinc declarandum est odium grave in parentes, filios, avos, nepotes, affines in primo gradu, in patrinos, in filios, in coniugem, et in fratres. Lugo. D. 16. n. 303. seqq., et alii communiter. — 2.<sup>o</sup> Negat. vero probabilius, si agatur de propinquitate remota, inter caeteros nempe consanguineos aut affines. Lugo. ib. et alii contra alios, qui declarandam putant circumstantiam propinquitatis etiam in quarto gradu consanguinitatis. — G. 493.

55. *An necessario accusanda sit circumstantia dignitatis personae, v. gr., si peccans sit Superior, Magistratus, Sacerdos, etc.?* — R. Neg. probabilius *per se*, i. e., seclusa ratione scandali aut officii, vel obligationis particularis. Ratio est, quia circumstantia dignitatis personae peccantis non mutat speciem peccati *per se*, sed peccatum ad summum aggravat. — G. 486.

56. *An necessario declaranda sit circumstantia peccati Confessarii cum poenitente commissi?* — R. Negat. probabilius, modo nullam relationem habeat ad confessionem. Ratio est, quia confessarius ex officio suo tenetur tantum ad rectam directionem in tribunali poenitentiae: ex qua directione nulla oritur cognatio spiritualis, ut nonnulli sunt opinati. Cf. Lugo D. 16. n. 359. seqq. Nulla insuper per hoc peccatum fit iniuria Sacramento, cum ad confessionem nullum respectum habeat. Facile tamen patet, omnino esse absterrendum tum eiusmodi poenitentem, ne apud illum sacerdotem ulterius confiteatur, tum eiusmodi confessarium, ne illum poenitentem ulterius ad confessionem admittat. — G. B. 486., Lugo D. 16. n. 351., L. l. 3. n. 451.

57. *An necessario accusanda sit circumstantia temporis sacri?* — R. Negat. Patet ex praxi universali tum confessoriorum, tum poenitentium; quippe constat, nec illos sollicitos esse de tali circumstantia interrogandi, nec hos illam declarare solitos. Circumstantia igitur temporis sacri non videtur explicanda, nisi quaedam specialiter prohibeantur ob reverentiam temporis, v. gr. ne quis die *Parasceres* ludos publicos, comoedias, aut ludicra spectacula exhibeat. — G. 487., Lugo D. 16. n. 520., L. l. 3. n. 273.

58. *An satisfaciatur integritati Confessionis, qui peccatum recens accusat tanquam olim commissum?* — « R. 1.<sup>o</sup> Affirm. *per se*, quia temporis circumstantia minime ad confessionem pertinet. Hinc obligationi confessionis satisfacit poenitens, qui nova peccata cum antiquis immisceat, vel qui confessionem generalem instituens, non discernit ab aliis peccata mortalia ab ultima confessione patrata, licet id de industria faciat ad tegendum tempus, quo peccata commisit. Cf. Lugo. D. 16. n. 53., Tambur. Meth. conf. l. 2. c. 1. — 2.<sup>o</sup> Si vero poenitens mentitur circa tempus, v. gr. si neget se peccasse hodie, et declaret peccatum velut alio tempore determinato et remoto commissum, communius putant doctores illum obligationi suae non satisfacere. Ratio est, quia actus quem posuit poenitens hodie, non est actus positus anno praeterito. Hinc dupliciter mentitur, scilicet celando peccatum hodie



patratum, et accusando peccatum, alio tempore commissum. Sic Tamb. l. c. Non desunt tamen theologi qui hoc mendacium leve putant. V. Lugo ib. ». Ita P. Gury 488. — 3.<sup>o</sup> Ratio, quae pro 2.<sup>o</sup> casu adducitur, *meram probabilitatem* non excedit. Et sane nimis probare videtur, tunc enim mendacium circa quancunque circumstantiam *accidentalem* irritam redderet confessionem. Insuper ipsemet Gury in 1.<sup>o</sup> casu ait: « Temporis circumstantia minime ad confessionem pertinet ». Et recte quidem: nam aliud est *intrinseca substantia* peccati, quae ad confessionem pertinet, aliud *accidens extrinsecum* peccati, quod ad confessionem *per se* impertinens est. Hinc praedicta ratio, quatenus urgeatur ad negandam sufficientiam illius confessionis, ipse Lugo ib. n. 53. mere *probabilem* appellat. Tamb. Exped. Conf. l. 2. C. 1. n. 6., Baller. 488., D'Annib. 173.

59. *An sit semper peccatum mortale mentiri in Confessione?* — 1.<sup>o</sup> *Per se* tunc solum peccatur mortaliter, quando mendacium versatur circa materiam *necessariam* confessionis sine iusta causa celatam, aut circa materiam gravem falso suppositam, scilicet accusando peccatum grave non commissum. (G. 474. — 2.<sup>o</sup> Mendacium igitur circa res ad confessionem seu conscientiam poenitentis non pertinentes, non est *per se* mortale: quia nec est graviter poenitenti damnosum, ut supponitur, nec graviter sacramento iniuriosum, cum ad ipsum non referatur. Ita communiter cum S. Lig. 495.-497., H. A. n. 28. Billuart, etc., contra paucos qui dicunt omne mendacium in confessione esse mortale. (G. l. c. — 3.<sup>o</sup> « Unde negatio venialis commissi, vel mortalis iam confessi, non excedit malitiam simplicis mendacii »; L. 496., adeoque *per se* neque mortale est, neque irritat sacramentum. Dicitur *per se*: Nam « sacrilegium est et absolutio nulla . . . si neges, vel mentiaris circa peccata alias rite absoluta, quando confessarius, ut iudex, vel medicus de iis aliquid, ut *necessariam* ad *praesentem* confessionem, interrogat, Lugo D. 14. S. 10., Tamb. l. 2. c. 10. § 2; secus, si ad praesentem confessionem non faciat ». — 4.<sup>o</sup> « Si quis affirmat peccatum mortale, quod non fecit, vel negat fecisse quod fecit, duplex mortale committit, unum sacrilegii contra virtutem religionis ob reverentiam sacramento debitam, alterum mendacii sibi graviter perniciosi contra virtutem veracitatis ». L. 497. — D'Annib. 173.

60. *An teneatur poenitens totam retinere Confessionem, si animadvertat, Confessarium ob somnum, vel distractionem peccata aliqui non percipisse, et nesciat qualia; vel non recte de iis iudicasse?* — R. ad 1.<sup>am</sup> Affirm., si confessio fuerit brevis, quia prudenter dubitare potest de singulis, an a confessario intellecta fuerint, necne: secus autem si proluxa fuerit confessio, et pauca tantum non percepta videantur; quia tunc prudenter praesumere potest, quod unumquodque fuerit intellectum; nec verisimile apparet, Christum integritatis praeceptum cum tanto onere imposuisse: si tamen dubium circa unum vel alterum peccatum solummodo versaretur, repetendum illud foret. (G. 515., L. 499. Invalida vero erit confessio, si confessarius nullum intellexerit peccatum, sive ob somnum, sive ob surditatem, vel distractionem. L. 498. 499. — Ad 2.<sup>am</sup> « Docent Salm., etc. non esse similiter iterandam confessionem factam bona fide confessario nescienti discernere species, et numerum, neque inter mortale et veniale, etiam in casibus obviis. Ratio, quia . . . absolutio valida est, dum ex utraque parte concurrunt iam requisita ad valorem sacramenti. Sic enim censendum est, Christum Dominum hoc sacramentum instituisse, cum tales defectus passim contingant. Hoc tamen dico intelligendum, nisi constat numerum vel species explicatas non fuisse: alias integritas confessionis certo supplenda est ». L. 500. *Bona fide*, quia si mala fide, quando poenitens cognoscit confessarium insufficientem, vel quando clare videt confessarium non percipere gravitatem sui peccati, confessio est iteranda. L. 499.

61. *An dentur causae aliquando ab integritate Confessionis excusantis?* — R. 1.<sup>o</sup> Affirmative, quia quandoque ea integritas est physice vel mora-

liter impossibilis. — 2.<sup>o</sup> Ut aliquis ratione impotentiae moralis censeatur ab integritate confessionis excusatus, licet peccata menti occurrant, hae conditiones servandae sunt: 1.<sup>o</sup> ut ea tantum peccata omittantur, quae declarari nequeunt, seu ex quorum manifestatione sequeretur gravissimum incommodum extrinsecum sive spirituale sive temporale vel poenitenti, vel confessario, vel cuipiam tertio; 2.<sup>o</sup> ut non possit inveniri alius confessarius, cui confessio integra fiat absque tali incommodo; 3.<sup>o</sup> ut confessio sit hic et nunc necessaria. L. 487. Ex communi DD. sententia adesse haece necessitas censetur. 1.<sup>o</sup> si impleri praeceptum debeat annuae confessionis vel communionis; 2.<sup>o</sup> si sumptio Eucharistiae aut Missae celebratio omitti sine nota aut scandalo non possint; 3.<sup>o</sup> si secus carere quis diu debeat sacramentorum beneficio. Cf. L. 487., 490.; 4.<sup>o</sup> imo, ut addit Suarez De Poenit. D. 23. S. 2. n. 7., si quis secus magna utilitate, quam per se sacramentum affert, privandus foret. — 3.<sup>o</sup> Numquam excusat difficultas ipsi confessioni intrinseca, quantumvis gravis ea sit. Ratio est, quia confessio ex natura sua est essentialiter laboriosa ac proinde si difficultas gravis, v. gr. magna repugnantia aut verecundia aut amissio propriae famae coram Confessario ab integritate excusaret, plerumque ab accusandis mortalibus fideles excusarentur et proinde rueret maxima ex parte institutio Sacramenti Poenitentiae. Praeterea Ecclesia non posset reservare crimina atrocia; quia id incommodum non leve poenitentibus creat. — 4.<sup>o</sup> Cessante causa excusante ab integritate materiali, praeceptum divinum confitendi omnia peccata mortalia omissa iterum urget; occurrente enim impedimento, non cessat simpliciter confessionis obligatio, sed tantum suspenditur; cessante igitur causa excusante, obligatio legis integre reviviscit; cumque praeceptum confessionis non sit affixum ad tempus aut ad circumstantiam, sed vitam integram afficiat; ideoque peccata nondum accusata, postea, si fieri possit, necessario accusanda sunt. Constat aliunde ex pr. 11.<sup>a</sup> ab Alexandro VII. damnata. — G. B. 497. D'Annib. 169.

62. *Resolves*: A confessionis integritate praecipue excusant sequentia: 1.<sup>o</sup> *Defectus extremae*, id est quando moribundus unum tantum, vel alterum peccatum exprimere potest, vel usu linguae iam destitutus aliquo tantum signo poenitentiam ostendit, absolutionemque petit. — 2.<sup>o</sup> *Defectus loquellae, et auditus*; sic ab integritate eximuntur muti et surdi, qui signis integre confiteri non possunt; item peregrini penitus aut fere penitus ignari idiomatis regionis, in qua confitentur. — 3.<sup>o</sup> *Defectus temporis*, v. gr. si milites statim ad pugnam pergere debeant. Non autem excusat sola multitudo poenitentium. — 4.<sup>o</sup> *Periculum vitae* poenitentis, confessarii, aut tertii, v. gr. si adveniant hostes, si multi in periculo naufragii vel contagii versentur. L. 494. — 5.<sup>o</sup> *Periculum famae*, v. gr. si sacerdos mox celebraturus, et confessione generali indigens, non posset integre confiteri, quin adstantes rem suspicerentur. Cf. L. 485. — 6.<sup>o</sup> *Periculum revelationis* seu violationis sigilli, v. gr. si confessarius nequeat integre confiteri, quin peccata in confessione audita manifestet, etc.; vel si poenitens ex gravi causa timeat, ne confessarius legem sigilli infringat. — 7.<sup>o</sup> *Periculum scandali vel lapsus*, tum ex parte poenitentis, tum ex parte confessarii; v. gr. si mulier certo cognosceret maximum confessarii fragilitatem, etc. — 8.<sup>o</sup> *Grave aliud damnum extrinsecum*, sive proprium sive alienum, sive spirituale, sive temporale, merito emendandum, v. g. in scrupuloso, qui perpetuo angitur de oblitis. L. 488. — L. 479.-488., G. B. 498., D'Annib. l. c.

63. *An et obligatio confitendi peccatum mortale, quod explicari nequit sine complacite manifestatione?* — 1.<sup>o</sup> « Ob peccatum veniale explicandum, aut mortale alias confessionem, non licet grave crimen alterius manifestare, ut recte dicunt Lugo, etc. Tenetur vero poenitens, quando commode potest, alium petere confessarium, cui incognita sit persona complicitis, ut eius fama servetur; nec satis probabilis videtur opinio, quam tenent Tour., etc., nempe quod hoc sit tantum de consilio; nam communiter hoc esse de praecepto

dicunt Suarez, etc. ». L. 489. — 2.<sup>o</sup> Proposita igitur quaestio casum respicit duntaxat, quo non possit quis commode adire alium confessarium, cui complex sit ignotus, et pro isto casu duplex adest opinio; altera affirmans teneri ad confitendum peccatum; altera affirmans teneri ad illud reticendum donec alius confessarius reperiatur. Ratio 2.<sup>ae</sup> sententiae, quam tenet cl. Baller. 499., est quia naturale praeceptum servandi famam proximi praefendum est praecepto servandi integritatem confessionis. Ratio 1.<sup>ae</sup> sententiae, quam sequitur S. Alph. l. c. et tenet S. Th. Opusc. 12. q. 7., est, « quia praeceptum integre confitendi servari debet semper ac licite servari potest; satis autem licite in casu nostro servari potest, cum manifestatio alicui criminis non sit illicita, quando fit ex rationabili causa, ut docet idem D. Th. 2.2. q. 73. a. 2. Ergo servari debet. Et sic respondetur rationi oppositae contrariae sententiae ». L. 1. c.

64. *Quaenam sint causae excusantes a quaerendo alio confessario cui complex sit ignotus?* — Resp. 1.<sup>o</sup> Si urgeat periculum mortis, aut praeceptum annuae confessionis; 2.<sup>o</sup> si grave sit poenitenti omittere confessionem aut communionem; 3.<sup>o</sup> si quis difficulter alteri confessario conscientiam aperiret; 4.<sup>o</sup> si quis secus in peccato etiam per unam diem remanere deberet; 5.<sup>o</sup> si quis alias privaretur beneficio alicuius indulgentiae extraordinariae; 6.<sup>o</sup> si adeundo confessarium, cui complex cognitus est, haberetur melior directio, consolatio notabiliter maior. — Hinc ratione petendi consilii, doloris leniendi, etc., saepe excusantur matres et uxores confessario manifestantes filiorum aut virorum peccata, utut iste illos cognoscat. Nimis enim durum esset, quod alium confessarium illae quaerere tenerentur. Generatim itaque non habetur ut gravis obligatio confessarium alium adeundi, complicitis occultandi causa, nisi forte de crimine valde gravi agatur. — G. 500., L. 490.

65. *Quaenam sit necessitas et utilitas Confessionis generalis?* — 1.<sup>o</sup> Censenda est *necessaria* confessio generalis, quoties praecedentes confessiones moraliter certo invalidae aut sacrilegae fuerunt, vel ex parte poenitentis ob defectum contritionis aut integritatis, vel ex parte confessarii iurisdictione carentis; in caeteris autem casibus nunquam praecipitur. Ratio utriusque patet. — 2.<sup>o</sup> Suaderi potest, quando licet de invaliditate confessionum praecedentium non constet, grave tamen de hoc dubium haberi potest. Utilis enim tunc est ad removendas animi anxietates, quae et paci conscientiae et virtutum exercitio nocent. — 3.<sup>o</sup> Permittenda est, aut etiam *prudenter* suadenda confessio generalis, etsi non necessaria, quando spectatis circumstantiis poenitens *notabilem* fructum spirituales ex ea percipiturus est, v. gr. ratione humilitatis, devotionis, fervoris, cognitionis sui ipsius, manifestationis conscientiae ad perfectionem directionem, aut maiorem animae puritatem, ad auxilia divina efficacius obtinenda, etc.: quia confessarius ex caritate maius bonum spirituale poenitentis, quando facile potest, promovere debet. — 4.<sup>o</sup> Prohibenda est in caeteris casibus ut *inutilis*, et etiam *noctiva*, quando prudenter pertimescenda sunt alia praeter iacturam temporis incommoda, scilicet scrupuli, anxietates, conscientiae perturbatio, etc.: si enim tantum onus pro confessario et poenitente non est suscipiendum sine spe notabilis fructus; a fortiori cum timore notabilis damni. — G. B. 517.

66. *Resolves:* 1.<sup>o</sup> Facile permittenda, imo suadenda est confessio generalis in praecipuis vitae christianae epochis, nempe ante primam communionem, ante electionem aut susceptionem status vitae particularis, v. gr. ante sacerdotium, professionem religiosam, aut etiam ante matrimonium: item quando quis statuit vitam perfectionem ducere. — 2.<sup>o</sup> Praeter confessionem tempore primae communionis peractam facile, generatim loquendo, permittenda est alia generalis confessio totius vitae; sed difficillime altera concedenda esset, quando prior sat accurate, bona fide et bona voluntate facta est, nisi forte in iuvenili aetate, v. gr. ante 20. annos peracta fuerit. Hinc poenitentes, qui petunt a confessario licentiam confessionem generalem



peragendi, interrogandi sunt, qua de causa id postulent, an alias iam confessi fuerint generaliter, a quo tempore, et quoties; et ex responsis indicabit confessarius, utrum expediat haec confessio, necne. — 3.<sup>o</sup> Facile permittenda est personis devotis confessio generalis partialis, nempe unius anni, seu a tempore ultimae confessionis generalis, iuxta morem servatum apud plerasque familias religiosas. Item permitti aliquando potest poenitentibus piis, ut repetant summarie paucis verbis praecipua vitae suae peccata: attente tamen ad varias personarum circumstantias. — 4.<sup>o</sup> Potissimum vero cavere debent confessarii, ne facilius poenitentes ad confessionem generalem compellant; et summopere sunt reprehendendi, qui ab omnibus novis poenitentibus hanc exigunt sub praetextu necessitatis, vel ratione directionis, etc. — 5.<sup>o</sup> Non est permittenda confessio generalis etiam in dubio de validitate praecedentium confessionum, ubi ex illa metuenda sunt incommoda notabilia, ratione scrupulorum, perturbationis conscientiae, etc., quia ob dubiam obligationem subeunda non sunt gravia ac certa incommoda. — 6.<sup>o</sup> Nunquam permittenda est confessio generalis scrupulosis aut meticulosis: quia si una permittatur, hae finitae, statim aliam facere volent, et post secundam, etiam tertiam suscipere importunis precibus petent, cum summo animae detrimento, etc. Constat enim experientia, confessionem generalem multo plures scrupulos generare, quam destruere. — G. 518.

67. *Quomodo sit generalis confessio peragenda?* — 1.<sup>o</sup> Posito, quod confessarius prudenter indicet, quod locus sit generali confessioni peragenda, si poenitens sit satis instructus et desideret ipsemet declarare sua peccata, melius omnino est eum audire, quin interroget, quantum fieri potest: si quas interrogationes necessarias vel opportunas indicabit, eas faciat, quoties et tunc cum opus fuerit, ne deinde e mente excidant. Attamen, hic notandum est, quod si confessarius patienter et attente audiat poenitentem, ab onere plurium interrogationum liberabitur tum ipse confessarius tum poenitens: siquidem solent saepe poenitentes alia postea explicantes peccata circumstantias addere necessarias quoad alia peccata antea dicta, et quas confessarius interrogare debuisset. — 2.<sup>o</sup> Si poenitens vel non sit satis instructus, vel desideret iuvari opera confessarii has praecipue interrogationes facere poterit: 1.<sup>o</sup> de confessionibus et communionibus praeteritis, an et quoties sacrilegae, ut innotescat, utrum praesens generalis confessio sit *necessaria* vel tantum *utilis*. Si tantum *utilis* sit, tum confessarius tum poenitens minus solliciti esse possunt circa confessionis integritatem, cum liberum omnino sit poenitenti declarare peccata quae velit. Si vero sit *necessaria*, tunc multo maiori diligentia, poenitens audiendus, interrogandus, adiuvandus erit. 2.<sup>o</sup> de eius aetate, de conditione matrimonii et officii, propter numerum et speciem peccatorum diiudicandam. 3.<sup>o</sup> de generalibus praeceptis Decalogi et Ecclesiae, singula percurrendo, de specialibus obligationibus proprii status: seligendo interrogationes circa peccata, in quae prudenter indicatur poenitentem incidere potuisse attenta eius conditione et spectatis personae circumstantiis. 4.<sup>o</sup> addatur ultimo loco: an aliquid aliud poenitens habeat dicendum, de quo conscientiae remorsum experiatur. — G. 519.

## VI. — DE SATISFACTIONE

68. *An Confessarius teneatur poenitentiam imponere et qualem?* — R. ad 1.<sup>am</sup> Affirm. Ratio, quia satisfactio est pars integralis sacramenti poenitentiae: confessarius autem, ut minister sacramenti, eius integritatem, etiam accidentalem, quantum in se est, procurare tenetur: secus non esset fidelis dispensator. Trid. S. 14, C. 8., G. B. 521., L. 596., S. Th. 3. p. q. 90. — Ad 2.<sup>am</sup> Confessarius tenetur poenitentias iniungere *convenientes et salubres*, tum vindicativas, tum medicinales, idest aliquo modo proportionatas numero

et gravitati peccatorum, necnon poenitentis facultatibus ac dispositionibus. Ratio ex natura rei patet, cum sacramentalis satisfactio ordinata sit in vindictam peccatorum, quae maiora vel minora, plura vel pauciora sunt, necnon ad novas culpas praecavendas. Trid. S. 14. C. 8., G. 521., L. 508, 509. S. Th. S. q. 12. a. 3.

69. *Resolves*: 1.<sup>o</sup> Quantitas poenitentiae determinari non potest; sed relinquitur iudicio et prudentiae confessarii. Rit. Rom. Gravis tamen *regulariter et per se* pro mortalibus imponenda est. G. 523., L. 508. Gravis autem censenda est illa poenitentia, quae respondet operi, quod sub gravi ab Ecclesia praecipitur, vel sub gravi obligaret si praeciperetur; e. g. missam audire, ieiunare, recitare parvum Officium B. M. V., Rosarium, etc. levis e contrario est unum Miserere, etc. G. 524., L. 515. — 2.<sup>o</sup> Nunquam sunt imponendae poenitentiae perpetuae, tum quia inducerent periculum oblivionis vel nimiae anxietatis, tum quia cum tales forte poenitentiae a variis confessariis eidem poenitenti imponerentur, hic innumeris vinculis simul et pro tota vita obstringeretur. Imo nec ordinariae sunt imponendae poenitentiae ad diuturnum tempus: v. gr., ad annum, aut ad quinque menses. L. H. A. 52., La-Croix, etc. — 3.<sup>o</sup> Nunquam eae sunt imponendae satisfactiones, quae poenitentem ludibrio aliorum exponere possunt: v. gr., ut recitet in media Ecclesia quinque Pater, brachiis extensis, etc. *A fortiori* autem imponendae non sunt poenitentiae, quae adimpleri nequeunt, quin confessionis revelatio facile subsequatur. — 4.<sup>o</sup> Nec sunt imponendae ieiunia pueris, rusticis, opificibus continuo labore defatigatis; nec filiisfamilias, qui ieiunando nimiam admirationem parentibus incurrunt, aut etiam eos offenderent. Nec sunt iniungendae peregrinationes aut prolixae preces, aut generatim elemosynae mulieribus sub potestate viri constitutis, sicut nec pauperibus iugi labore victum sibi comparantibus. — 5.<sup>o</sup> Non sunt imponendae poenitentiae multis operibus diversis implicatae, quia memoriter teneri non possent; nec, ordinariae saltem, poenitentiae nimis naturae repugnantes, v. gr., signare crucem cum lingua in terra, invisere inimicos, etc. Imprudenter etiam generatim imponitur pueris, ut veniam petant a parentibus, vel ab aliis ob inobedientiam, irreverentiam aut furtula: quia saepe odiosam reddunt confessionem, et plerumque omittuntur, etc. — G. 526.

70. *Quanta sit obligatio imponendi poenitentiam?* — 1.<sup>o</sup> Haec obligatio est *ex genere suo* gravis. Ratio est, quia obligatio rem gravem respicit, licet ex parvitate materiae peccari tantum venialiter contra ipsam possit. Lugo D. 25. n. 49., G. B. 522., L. 506. — 2.<sup>o</sup> Quoad venialia controvertitur. Alii gravem esse affirmant, quia iniunctio satisfactionis pertinet ad ritum huius sacramenti: qui ritus, cum a Christo institutus fuerit, pro re gravi habendus est. Alii vero dicunt esse levem, quia non potest probari obligatio gravis poenitentiam iniungendi pro culpis levibus tantum, siquidem in hoc nulla deordinatio gravis apparet. Utraque sententia est probabilis, ut dicit S. Lig. H. A. 47. — G. 522.

71. *Nota*: « E qua obligatione, inquit Lugo D. 25. n. 47, constat, excipi aliquos casus. Primus est, quando poenitens est impotens, ut si sit morti proximus, maxime si caret iam sensibus, et non potest poenitentiam impositam percipere... — Secundus casus est, quando confessarius ex confessione et aliis circumstantiis intelligit, poenitentem integre satisfacisse pro poena debita: et licet raro, vel nunquam possit hoc constare, addit tamen Petrus de Soto... sufficere, quod probabiliter videatur satisfacisse. — Tertius casus huic similis est, quem alii addunt, quando absque satisfactione instat perfectae remissionis remedium, v. gr. si instet martyrium subeundum; quod alii extendunt ad Indulgentiam plenam lucrandam, saltem quae sit moraliter certa. — Quartus casus est, quando poenitens ob suam fragilitatem, nullam credatur acceptaturus poenitentiam: aliquando enim oportebit condescendere eius imbecillitati ad vitanda graviora mala: nunquam tamen continget, quod aliquam, levem saltem, poenitentiam non sit acceptaturus ».

Cf. S. Th. S. q. 25. a. 1. Verum haec habet Benedict. XIV. de casu Indulgentiae plenariae et Iubilaei C. *Inter praeteritos* § 65.: « Unum tantummodo reliquum erat, ut super impositione poenitentiae a confessario non omittenda diceremus, quoniam poenitens, qui indulgentiam consecutus erat, non teneri dicebatur ad eam implendam. Cum autem nobis huiusmodi ratio laxior visa esset, in Instructione, de qua n. XXVI., mentem nostram declaravimus, statuentes, salutarem poenitentiam a confessario iniungendam esse poenitenti, etiamsi hic ad recipiendum iubilaeum praeparatus sit, ex quo sane poenitentis obligatio exoritur eandem adimplendi ». L. 519.

72. *Quandonom imponenda sit poenitentia?* — Generatim loquendo, imponenda est ante absolutionem: ratio est, quia sic servatur iudicii ordo, qui exigit ut reus satisfactionem prius spondeat, quam absolvatur. Si autem confessarius ex oblivione poenitentiam ante absolutionem non iniunxerit, eam post absolutionem imponere debet. Non est tamen grave poenitentiam post absolutionem imponere: imo probabiliter omni culpa vacat, si praesumatur, poenitentem opus ipsi iniunctum accepturum esse. — G. 533, L. 514.

73. *Qua de causa poenitentia levior imponi possit?* — 1.<sup>o</sup> Si poenitens sit valde debilis et infirmus corpore: qua de re sic Rit. Rom.: « Meminerit Sacerdos aegris non esse iniungendam gravem et laboriosam poenitentiam, sed indicendam tantum illam, quam, si convalescerint, opportuno tempore peragant ». Quod si infirmus sit constitutus in periculo mortis, tunc potest absolvi sine ulla poenitentia, licet expediat semper aliquam ei imponere. L. H. A. 49.: 2.<sup>o</sup> Si prudens timor sit, ne maiorem poenitentiam non adimpleat, aut ne ob graviorem poenitentiam a confessione avertatur; 3.<sup>o</sup> Si probabiliter maior poenitentia magis ei obfutura sit, quam profutura; 4.<sup>o</sup> Si poenitens valde contritus appareat; 5.<sup>o</sup> Si adsit tempus Indulgentiae plenariae lucrandae praesertim Iubilaei. — G. 524., L. 508.-510., S. Th. S. q. 25. a. 1. — Ad rem S. Thomas Suppl. q. 18. art. 4. O.: « Sicut medicinae in arte determinatae non omnibus competunt, sed variandae sunt secundum arbitrium medici, non propriam voluntatem sequentis, sed scientiam medicinae; ita poenae satisfactoriae... competunt omnibus, sed variandae sunt secundum arbitrium sacerdotis divino instinctu regulati. Sicut ergo medicus aliquando prudenter non dat medicinam efficacem, quae ad morbi curationem sufficiat, ne propter debilitatem naturae maius periculum oriat: ita sacerdos divino instinctu motus non semper totam poenam, quae peccato debetur, iniungit, ne infirmus aliquis ex magnitudine desperet, et a poenitentia totaliter recedat ». Quae sensa S. Doctor, Quodlib. 3. q. 13. a. 28., illustrat alio exemplo: « Videtur autem satis conveniens, quod sacerdos non oneret poenitentem gravi pondere satisfactionis; quia sicut parvus ignis a multis lignis suppositis de facili extinguitur; ita posset contingere, quod parvus affectus contritionis in poenitente nuper excitatus, propter grave onus satisfactionis extingueretur, peccatore totaliter desperante ». Quae brevius sic expressit S. Thomae discipulus, Card. Caietanus, Sum. V. *Satisfactio*: « Debiliter autem dispositis (poenitentibus) detur satisfactio parvula iuxta debilitatem animi sui, et parvulus ignis foveatur apposita palea, et non suffocetur apposisis magnis lignis desuper ». Et S. Antonip. 3. p. tit. 16. C. 20.: « Debet confessor dare talem poenitentiam, quam cretat versimiliter illum implere, ne ipsam violando deterius contingat... Confessor nullo modo debet permittere peccatorem desperatum recedere a se, sed potius imponat ei unum Pater noster, vel aliud leve, et quod alia bona quae fecerit, et mala quae toleraverit, sint ei in poenitentia concordante Thoma ». L. 509. 510.

74. *An possit imponi poenitentia sub conditione relapsus?* — R. Affirm. modo imponatur proportionata poenitentia pro peccatis confessis. *Confessis*, nam peccatorum forte committendorum confessarius nec iudex nec medicus est. L. 524.

75. *An possit imponi poenitentia publica?* — R. Negat., si agatur de pec-



catis occultis. Ita Rit. Rom. Sacus autem pro publicis. Attamen, si publica poenitentia non ita sit necessaria, confessarius non debet illam renuenti imponere, cum aliter eius salus obtineri, et scandalum reparari possit. *Non ita sit necessaria.* Necessaria quidem erit « in solo casu, quo aliter non posset, nisi per illam publicam poenitentiam, scandalum reparari, puta publice restituendo honorem alicui publice dehonorado ». Verum in hoc alioque simili casu, independenter a sacramentali poenitentia, poenitens tenetur ad eam reparationem iure naturae. Ceterum huiusmodi scandala publica fere reparari aliter possunt citra publicam poenitentiam, « nempe per publicam frequentationem sacramentorum, visitationes ecclesiarum, auditionem missarum, ingressum in aliquam Congregationem, ubi pietatis opera exercentur et similia ». L. 512 — C. *Manifesta* 1. de *Poenit. et Rem.*, Trid. S. 24. C. 8. de R., S. Th. 4. D. 14. q. 1. a. 5. q. 1.

76. *An possit imponi pro poenitentia opus alias debitum?* — Communiter et merito affirmant Lugo, Sanchez, etc. Ratio est, quia cum opus illud sit satisfactorium, bene potest per claves ad meritum satisfactionis sacramentalis elevari. « Hoc tamen non faciendum bene advertunt Suar., etc., nisi spectata fragilitate poenitentis. Communiter autem dicunt DD., quod, nisi expresse confessarius imponat opus alias praeceptum, intelligitur impositum opus supererogatorium. Si vero confessarius imponat auditionem missae per mensem, non est obligatio audire duas missas in festo ». L. 513.

77. *Quaenam sint opera, quae pro satisfactione possunt imponi?* — 1.<sup>o</sup> Commune est apud DD. non posse imponi in poenitentiam ingressum in Religionem et matrimonium. Nam utrumque omnimodam requirit libertatem. L. 511., S. Th. — 2.<sup>o</sup> « Tam oratio, quam elemosyna, et quodcumque aliud bonum opus iniunctum in sacramento poenitentiae valet pro opere poenali et afflictivo... etiam opus internum... etiam opus applicandum profunctis... etiam cessatio ab aliquo bono opere, nempe a communione, ieiunio, etc.... quia huiusmodi cessatio bene potest aliquando esse actus virtutis, saltem ad servandam obedientiam confessarii. Recte vero advertit Lugo regulariter non expedire huiusmodi poenitentiam imponere ». L. 514. S. Th. S. q. 15. a. 3.

78. *An poenitens teneatur acceptare et implere impositam satisfactionem?* — 1.<sup>o</sup> Poenitens tenetur acceptare atque implere *rationabilem* poenitentiam sacramentaliter iniunctam: quia ex dictis confessarius tenetur poenitentiam, et quidem peccatis aliquo modo proportionatam, imponere. Si autem poenitentia imponi et acceptari debet, eo ipso ratione obedientiae confessario debita, etiam adimplenda est. Trid. S. 14. C. 8., L. 515. 516., H. A. 55. S. Th. — 2.<sup>o</sup> Poenitens tenetur sub gravi implere poenitentiam gravem pro gravibus peccatis impositam: quia materia gravis per se obligat sub gravi. Probabilius autem tantum sub levi obligatur ad poenitentiam levem pro levibus culpis impositam: quia materia levis non est capax gravis obligationis. L. 517. — 3.<sup>o</sup> Poenitens implere debet poenitentiam tempore designato a confessario, vel quamprimum commode potest; et si poenitentia sub gravi obliget, graviter peccabit, si ex gravi negligentia diu eam differat: ratio est, quia per se grave est debitum notabile diu protrahere. Quoties autem poenitentia statuto tempore adimpleta non fuit, semper remanet onus eam peragendi, quia tempus tantum accessorie intenditur. — C. 527.

79. *Nota* est: 1.<sup>o</sup> « Probabile tamen est, quod si poenitenti videatur poenitentia illa iusto gravior, aut nimis onerosa respectu ad suam imbecillitatem, tunc si confessarius nollet eam moderari, posset saltem sine culpa gravi discedere absque absolutione, et alium adire confessarium, ut dicunt cum Busemb., etc. Hoc tamen intelligendum, si poenitentia illa vere sit irrationabilis, etc ». L. 516. — 2.<sup>o</sup> « Ex communi doctrina theologor., potest confessarius aliquando obligare poenitentem ad implendam poenitentiam ante absolutionem, etc ». Lugo D. 14. n. 170.-171. — 3.<sup>o</sup> Non tenetur poenitens poenitentiam adimplere, quando invalida fuit confessio; quia iudicis sententia

sacramentalis nulla fuit, ac proinde nullum adest sacramentum integrandum: alias vero his pro iisdem peccatis esset satisfaciendum. Idem dicendum est ob eandem rationem de poenitentia imposita sine absolutione. Excipe, si poenitens ad eandem confessionem perficiendam pluries accedat, et interim confessarius, ut saepius fieri solet, poenitentiam aliquam singulis vicibus imponat, quod minor in fine imponenda supersit. G. 534.

80. *An obliget sub gravi poenitentia in se quidem gravis, sed pro solis venialibus, aut mortalibus, iam antea confessis, imposita?* — R. Negat. probabilius. Ratio est, quia tunc non est necessaria satisfactio, in quantum est gravis. Unde sicut confessarius non tenebatur, imo nec poterat illam praecipere sub gravi, ita nec poenitens sub gravi implere tenetur. G. 528., L. 517. Cf. Suarez D. 38. S. 7. n. 7.

81. *An Confessarius pro gravibus culpis poenitentiam possit imponere gravem quidem, sed leviter obligantem?* — R. Affirm., quia legislator quilibet gravem materiam sub levi praecipere potest: hoc tamen generatim non expedit. L. 518. S. Alphonsus mallet, ut saltem aliquid sub gravi iniungeretur, quocum aliud deinde etiam gravius posset imponi sub levi. At ipse non dissitetur, oppositam sententiam communiorem esse; et ex hoc ipso arguitur, minus firmum esse argumentum, quod ipse a Trid. conatur pro sua opinione elicere. G. B. 528.

82. *An poenitens teneatur sub gravi implere circumstantias poenitentiae adiectas, v. gr. ut oret genibus flexis, etc.?* — Solutio pendet a maiori vel minori carnis afflictatione, quam affert circumstantia, sive per se sive respectu poenitentis. L. 517. Hoc pendere potest etiam ab intentione confessarii, quam vel ipse expresse manifestaverit, vel poenitens possit praesumere. — G. 528.

83. *An satisfaciat, qui poenitentiam impleat in mortali?* — R. Affirm., cum communi. Ratio est, quia ad satisfaciendum praecepto sufficit opus satisfactionis iniunctum ponere, licet finis praecepti non obtineatur. G. 529., L. 522.

84. *An peccet, qui implet poenitentiam in mortali?* — 1.<sup>o</sup> Certum est illum non peccare graviter. — 2.<sup>o</sup> Iuxta quosdam venialiter peccat. Ratio est, quia qui voluntarie obicem effectui etiam partiali sacramenti ponit, non videtur ab aliqua culpa excusari posse. Plures tamen graves theologi probabiliter tenent cum Lugo illum ab omni culpa eximi, quia nulla est culpa soli poenarum remissioni obicem ponere. Quando autem obex removetur, tunc satisfactionis effectus obtinetur. G. B. 529., L. 523.

85. *Quaenam poenitentiae dilatio sit culpa gravis?* — 1.<sup>o</sup> Si poenitentia fuerit levis, dilatio, quantacumque sit, nunquam erit gravis, cum ipsa poenitentiae omissio probabilis culpam levem non excederet. L. 517. — 2.<sup>o</sup> Si poenitentia sit gravis, et pro gravibus peccatis imposita, probabilis gravis reputanda est dilatio duorum vel trium mensium. G. 530., L. 521. Alii vero extendunt ad sex menses, sed hoc S. Alph. videtur, ait, nimis benignum: alii etiam usque ad annum, et hoc, S. D. ait merito, communiter relictur.

86. *An si poenitens iniunctae poenitentiae oblitus fuerit, teneatur Confessionem repetere, et aliam poenitentiam recipiat?* — R. Negat. secundum communem et probabilem sententiam. Ratio est, quia impleto poenitentiae iam semel iniunctae, per oblivionem etiam culpabilem, impossibilis effecta est. Ad impossibile autem nemo tenetur. Si tamen poenitens prudenter praesumat, confessarium adhuc esse iniunctae poenitentiae memorem, deberet ipsum, si commode possit, adire, ut ab eo, qualis sit illa, resciat. G. 530., L. 520.

87. *Quis poenitentiam commutare possit?* — 1.<sup>o</sup> Nunquam ab ipso poenitente commutari potest, ne in melius quidem, quamvis votum ab ipso

vovente possit in opus evidenter melius mutari; ratio, quia poenitentia nequit ad sacramentalis satisfactionis meritum elevari, nisi a ministro ipso sacramenti poenitentiae imposita fuerit. — 2.<sup>a</sup> Commutari potest 1. a confessario, qui eam imposuit, quia legislator potest propriam legem mutare; 2.<sup>a</sup> a quolibet alio confessario, quia quilibet alius confessarius potest esse eiusdem causae iudex, si poenitens ipsius tribunali se submittat; successor enim in eadem auctoritate potest, quidquid potuit antecessor. Excipiendum tamen videtur, iuxta communioem sententiam, si poenitentia ab ipso superiore pro casibus reservatis imposita est, quia inferior sententiam superioris mutare nequit; nisi tamen causa gravis adsit, aut consensus superioris facile praesumi possit. Id tamen alii negant, quia ablata peccatorum reservatione per superioris absolutionem, eadem est potestas superioris et inferioris confessarii. — 3.<sup>a</sup> Ad commutationem licite faciendam requiritur causa iusta, qualis est, 1.<sup>a</sup> si poenitentia videatur difficilis; 2.<sup>a</sup> si praevideatur poenitens non esse ei satisfactorius ob repugnantiam, fragilitatem, oblivionem, etc. — G. 531., L. 528., 529.

88. *An poenitens teneatur confessionem repetere ad poenitentiae commutationem obtinendam?* — 1.<sup>a</sup> Si abeat eundem confessarium, non erit necessarium repetere, quando confessarius recordetur utrumque confuse status conscientiae poenitentis. — 2.<sup>a</sup> Si alium adeat confessarium, vel etiam eundem, non amplius peccatorum memorem, *sufficit*, ut summam confiteatur: ita ut confessarius confusam status illius notitiam acquirat. — 3.<sup>a</sup> An etiam *requiratur* haec summaria confessio, si confessarius, saltem in confuse, statum poenitentis non cognoscit? 1.<sup>a</sup> Sententia affirmat. Ratio est, quia nequit confessarius poenitentiam commutare, nisi sacramentali iudicio: hoc autem iudicium non potest exercere, nisi poenitens conscientiae suae statum illi aperiat. 2.<sup>a</sup> Sententia probabiliter id negat: quia non agitur de iudicio ferendo circa culpas deletas in praecedente confessione, ubi iudicium circa illas iam fuit formatum, sed tantum de poenitentia commutanda: ad hoc autem sufficit prioris poenitentiae cognitio, et notio fragilitatis aut difficultatis ad eam implendam, ut nempe nova aliquo modo aequivalens imponatur. — G. B. 532., L. 529.

89. *An Confessarius possit poenitentiam commutare extra Confessionem?* — 1.<sup>a</sup> Negat., si confessarius sit diversus. Ratio est, quia confessarius nullam habet potestatem, nisi in iudicio sacramentali. — 2.<sup>a</sup> Si confessarius ille sit, qui poenitentiam imposuit, potest illam mutare immediate post absolutionem, antequam poenitens discedat; non vero postea saltem probabiliter. Ratio est, quia ad id requiritur et sufficit, ut praecedens confessarii iudicium moraliter perseveret, quod non videtur locum habere, si poenitens confessarium extra poenitentiae tribunal adierit. Ergo, etc. S. Alph. 529, dicit, hanc esse sententiam veriore et communioem. Alii tamen dicunt, commutationem poenitentiae fieri posse ab eodem confessario extra confessionem intra unius diei spatium, infra biduum, hebdomadam, et longius adhuc tempus, quia tunc adhuc videtur moraliter uniri cum praecedenti iudicio sacramentali. Nam quemadmodum longius spatium non impedit, quin minus moraliter uniantur aut dolor, aut confessio, aut etiam impletio satisfactionis cum absolutione, ita et de mutatione poenitentiae iudicari potest. — G. B. 533.

90. *Nota:* Si poenitens, accepta poenitentia ab uno confessario, confessionem iteret apud alium ut mitiorem poenitentiam sortiatur, vel etiam alia de causa: a priori poenitentia minime liberatur, nisi mentionem de praecedenti confessione et accepta poenitentia faciat: ratio, quia ad commutandam poenitentiam ex parte confessarii requiritur positivus voluntatis actus, quo prior obligatio revocetur. G. 534.



## VII. — DE FORMA SACRAMENTI POENITENTIAE

91. *Quaenam sit forma Sacramenti Poenitentiae?* — 1.<sup>o</sup> Forma absolutionis sic habetur in Rit. Rom.: « Misereatur tui omnipotens Deus, et dimissis peccatis tuis, perducatur te ad vitam aeternam. Amen. — Indulgentiam, absolutionem et remissionem peccatorum tuorum tribuat tibi omnipotens et misericors Dominus. Amen. — Dominus noster J. C. te absolvat, et ego auctoritate ipsius te absolvo ab omni vinculo excommunicationis (suspensionis), et interdicti, in quantum possum et tu indiges; *deinde*: Ego te absolvo a peccatis tuis in nomine Patris, et Filii, et Spiritus Sancti. Amen. — Passio Domini nostri J. C., merita B. M. Virginis et omnium Sanctorum, et quidquid boni feceris, et mali sustinueris, sint tibi in remissionem peccatorum, augmentum gratiae, et praemium vitae aeternae. Amen ». — Elevatur manus a verbo *Indulgentiam*, usque ad verbum *Passio Domini*; et fit signum crucis in poenitentem dicendo: *In nomine Patris...* Vox *suspensionis* omittitur pro laicis. Est pia consuetudo, ut Confessarius ante confessionem, dum poenitentem benedicit, dicat: « Dominus sit in corde tuo et in labiis tuis, ut rite confitearis omnia peccata tua », vel similem orationem recitet. Sed hoc sub obligationem non cadit. — 2.<sup>o</sup> Verba *Misereatur, Indulgentiam, Dominus noster, Passio*, etc. « communiter DD. dicunt, posse omitti sine ullo peccato... Hocque videtur verius, dum Trid. S. 14. C. 3. dicit, quod haec preces tantum *laudabiliter adiunguntur*, verbum enim *laudabiliter* nullum utique videtur importare praeceptum. Nemo tamen dubitat quin convenientius sit... huiusmodi preces adiacere maxime illas, quae sequuntur. *Passio Domini*, etc., cum probabile sit cum D. Th., S. Antonino, et aliis... quod per verba illa elevantur omnia bona opera poenitentis ad satisfactionem sacramentalem ». L. 430., 567., S. Th. Quodl. 3. a. 28. Rubr. ait: « in confessionis frequentioribus satis erit dicere: *Dominus noster*, etc. usque ad *Passio Domini* », exclusive. S. R. C. 27. Febr. 1847. Vox *deinde* diverso characterē in Rit. scribitur, quod indicare videtur, eam non pertinere ad ipsam absolutionis formulam, sed ad ordinem rerum dicendarum. Elevatio manus ad *validitatem* formae essentialis certo non requiritur. Flor. Decr. pro Arm., Trid. l. c. Communiter asseritur omitti posse sine gravi peccato, et plures doctique auctores asserunt omitti posse sine ullo peccato. Idemque dicunt de aperitione capitis. Busemb. L. 425., G. 428. — 3.<sup>o</sup> Absolutionem a peccatis praecedat absolutio a censuris, *Dominus noster*, etc. Absolutio haec valet, si dicat *ab omni vinculo censurarum*, vel *a censuris*. Absolutio a censuris *valide* dari potest eadem forma qua absolvitur a peccatis: *Te absolvo a peccatis tuis*, quia haec verba involvunt absolutionem a quocunque vinculo, orto ex peccatis, et nihil obstat, quominus confessarius elucere possit intentionem ad utramque absolutionem, a censuris et a peccatis. La-Croix 1567., L. 430. « Merito tamen advertunt Roncaglia, etc. id non excusari a culpa veniali, cum sit contra usum Ecclesiae. Probabiliter vero Halton., etc. id omnino excusant, si nulla adsit probabilis suspicio, quod poenitens aliquam censuram incurrerit. Ceterum recte, ait P. Concina, peccare mortaliter sacerdotem, qui contra prohibitionem Ecclesiae vellet poenitentem absolvere a peccatis et deinde a censuris ». L. ib. *A censuris*, nempe *excommunicationis, Suspendio* enim et *Interdictum* per se non privant receptione sacramenti poenitentiae. *Valide* vero poenitens absolveretur, a peccatis, si et in bona fide, non praemissa absolutione a censuris. « Ratio, quia prohibitio Ecclesiae nequit invalidare Sacramentum, cuius valor pendet a iure divino, cum omnia ad illud requisita essentialia concurrant ». L. ib. — 4.<sup>o</sup> Absolutio a peccatis essentialiter et certo in *verbis* consistit. Nutu data vel scriptura, aliasque signis invalida est. Conc. Flor. Decr. pro Arm., Trid. S. 14. C. 3., Pr. d. a Clem. VIII. 20. Jun. 1602., Paul. V. 14. Jul. 1605.,

L. 428., S. Th. 3. p. q. 84. a. 3. ad 3. Hinc essentialiter requiritur, ut poenitens absolvendus sit moraliter praesens. Pr. cit. d. a Clem. VIII. et a Paulo V. Confessarius dum formam profert cum poenitente ipso loqui videtur. Hinc praedicta « moralis praesentia reputatur illa, intra quam homines communi voce, quamvis altiori, loqui possunt et solent... Elbel cum aliis addit talem praesentiam extendi ad 20. circiter passus, praesertim ubi poenitens nondum est egressus ab aspectu confessarii. Recte vero advertit Sporer, etc. revocandum esse poenitentem, quando omnimode revocari potest. Ceterum censet eum Gob., etc. sine scrupulo absolvi poenitentem, qui recessit a confessionali, si certo scitur esse adhuc intra paucos passus. Merito autem Tamb. non approbat Leandrum, qui dicit satis esse ad praesentiam moralem, si sacerdos videat poenitentem, aut alio sensu percipiat: praesentia enim pro absolutione maiorem propinquitatem requirit, quam pro audienda concione, vel missa. Unde censet Tamb., quod si quis aliquando non posset, nisi a longe absolvi, puta si rueret e tecto, tunc absolutio sub conditione danda esset ». L. 429. — 5.<sup>a</sup> Absolutio a peccatis continetur verbis: « Ego te absolvo a peccatis tuis, in nomine Patris et Filii et Spiritus Sancti. Amen ». Certum omnino esse debitam formam non esse deprecatoriam sed indicativam: *ego te absolvo*, etc. Trid. S. 14. C. 3. Certum item est verbo *te absolvo*, ad essentialiam formae pertinere. Si dicatur: *absolvo a peccatis tuis*, probabilius valet, quia pronomen *te* satis exprimitur pronomine *tuis*. Sed communissime negant, et quia sententia haec probabilis etiam est, in praxi haec omnino sequenda esse, ex pr. 2. d. ab Innoc. XI. L. 430. Si vero dicatur: *ego te absolvo*, omitteudo, *a peccatis tuis*, communissime dicunt valere ex Catech. Rom. n. 14., et ex S. Th. 3. p. q. 84. a. 3. esse tamen grave peccatum, cum sit contra consuetudinem Ecclesiae. Alii vero tenent ipsa pertinere ad essentialiam ex verbis Christi: « *Quorum remisistis peccata* ». Et haec opinio etiam probabilis est, et ideo in praxi ab ea non est reeundum. L. 430. Si tandem *absolvo* tantum dicatur, invalida erit forma, quia nullum habet determinatum sensum et in nullum cadit determinatum subiectum. Verba autem, *in nomine*, etc. communis et vera sententia negat pertinere ad essentialiam formae. In institutione enim huius sacramenti nullam Christus mentionem fecit Trinitatis, ut in baptismo. Eorum omissionem alii putant esse mortale, alii nullum esse peccatum, alii melius, fere communiter, dicunt esse veniale, cum sit praedicta invocatio iuxta consuetudinem Ecclesiae. L. 430. — 6.<sup>a</sup> Opus non est, ut poenitens verba absolutionis audiat, et tanto minus ut eadem intelligat. Sufficit ut sacerdos vere illa proferat, et consultum est ut in praesentia aliorum, ad secretum servandum, submisce dicantur. L. 429. Quamvis quatenus est *sententia* diutius differri possit, etiam post hebdomadam e. g. possit dari, quatenus vero est *forma* ultra horam differri non potest. L. 1. 6. n. 9. Caeterum et in diem aliam dari potest, si poenitens accusationem renovet: *iterum me accuso de his quae heri, quae nudius tertius, etc. confessus sum*.

92. *An quando Confessarius absolvit, necesse sit quod peccatorum accusationum recorderetur?* — Absolutio sententia est. Quare necesse est, ut quando confessarius eam dat notitiam saltem confusam habeat eorum quae poenitens confessus est, et iam ipse habuit distinctam notitiam. Secus vix non incognita causa sententiam ferre videtur. Lugo D. 16. n. 638. 639., L. 502. — Quare 1.<sup>a</sup>, si confessarius singula peccata memoriter non retineat, quia fuit prolixa et implicata confessio, quia distulit absolutionem, quia haecenus poenitens invalide confessus est, et antea reticito peccato nunc accusato, vel dolore concepto, quo caruerat, absolutionem petit: sufficit, quod « recorderetur in confuso status poenitentis, vel resumat (si non reeorderetur) notitiam eius in confuso, et poenitens in communi se accuset de omnibus prius confessis ». L. 502. — 2.<sup>a</sup> Sed si alias poenitens extra confessionem peccata narraverat confessario, quasi amico, utrum et in isto casu sufficiat eorum notitiam in confuso resumere, disputatur. Affirmant Lugo D. 16. n. 638., alique: nam si sufficit confusa illa notitia in praecedentibus casibus, etiam in hoc sufficere debet. Sed S. Alph. alique longe plures negant; quia in praecedentibus ca-

sibus non defuit sacramentalis omnium et singularium peccatorum confessio, quam requirit Trid., in hoc vero prorsus desideratur. L. 502.

93. *An valida et licita sit absolutio conditionata?* — 1.<sup>o</sup> Certum est, validam esse in omni casu absolutionem sub conditione de *praesenti*, vel *praeterito*, impertitam; modo adsint alia requisita ad sacramenti validitatem: conditio enim nullo modo mutat sensum formae sacramentalis, quam nullatenus afficit: sed afficit tantum voluntatem confessarii, qui non intendit absolvere, nisi impleatur apposita conditio: hac autem impleta, forma evadit absoluta: et proinde nihil reperitur, quod eius validitati officere possit. Ita S. Lig. 431., ubi dicit omnes de hoc convenire. — 2.<sup>o</sup> Certum pariter est, absolutionem conditionatam esse quandoque licitam: si enim valida sit, etiam licita esse debet, urgente necessitate. L. ib., La-Croix l. 6. p. 1. n. 78. — 3.<sup>o</sup> Reicienda autem est, ut plane laxa, doctrina nonnullorum, qui tenent, conditionatam absolutionem impertiri posse levi qualibet ex causa, ac nulla urgente necessitate, etiamsi de sufficienti dispositione poenitentis mortalibus quoque peccatis gravati quomocumque dubitetur. Nemo quippe non videt quot sacrilegia induceret huiusmodi praxis. Confessarius siquidem iam non esset prudens dispensator sacramentorum, sed proliceret margaritas ante porcos: et hac absolvendi facilitate efficeret, ut poenitentes in peccatis tabescerent. L. 432. — 4.<sup>o</sup> Verum non magis admittenda est doctrina eorum, qui cum Collet, et aliis quibusdam, tenent non esse impertiendam absolutionem sub conditione nisi in extrema necessitate seu in extremo vitae periculo: huiusmodi enim doctrina summe noxia est poenitentibus, qui difficile ad Confessarium reverti possunt, et dimissi absque absolutione periculum aeternae damnationis incurrit. — G. 431. 434.

94. *In quamquam necessitate impertiri possit aut debeat absolutio sub conditione?* — Iuxta doctrinam et praxim communem statuendae videntur sequentes generales regulae: — 1.<sup>o</sup> Absolutio dari potest et debet sub conditione, quoties absolute concessa exponeret sacramentum periculo nullitatis, et absolute negata exponeret poenitentem periculo gravis damni spiritualis. — 2.<sup>o</sup> Etiamsi eiusmodi necessitas non urgeat, dari tamen absolutio potest sub conditione, quoties absolute concessa, exponeret sacramentum periculo nullitatis, et absolute negata privaret poenitentem aliquo bono spirituali notabili, licet non necessario. — G. 435.

95. *Resolves:* 1.<sup>o</sup> Absolvendus est *sub conditione* poenitens in mortali constitutus, quoties prudenter dubitatur de impertita, aut rite data absolutione: nec potest de hoc facile certitudo haberi. Ita communiter Theologi. L. 432. — 2.<sup>o</sup> Item poenitentes dubie dispositi, qui versantur in gravi mortis periculo, v. gr. mulier in partu difficili, nauta aut alius quivis longam navigationem suscepturus..., miles ante praelium..., infirmus ante operationem chirurgicam valde laboriosam..., et a fortiori reus capite plectendus, etc. Ita communiter cum S. Lig. 432. — 3.<sup>o</sup> Absolvi possunt sub conditione pueri et seniliter in dubio de usu rationis, aut sufficientis dispositionis, praemissa seria diligentia ad eos, quantum fieri potest, disponendos, in sequentibus praecipue casibus, 1. si versentur in periculo mortis; 2.<sup>o</sup> si urgeat praeceptum annuae confessionis, 3.<sup>o</sup> si confessi sint aliquod peccatum mortale. Ratio est, quia exponuntur periculo proximae damnationis, si mors urgeat, vel periculo remanendi diu in peccato mortali. Aliunde non est via et spes, quod dilata absolutione brevi dispositi redeant, et securius absolvantur, sicut de aliis forte sperari potest. Imo absolvi poterunt conditionate pluries in anno, etiamsi afferant tantum levia, ne tandiu gratia sacramentali priventur, aut remaneant in peccato mortali, si forte in illo versentur. Ita S. Lig. 432., La-Croix, 1797., et alii multi contra alios. — 4.<sup>o</sup> Probabiliter etiam absolvi possunt sub conditione sponsi dubie dispositi, proxime matrimonium contracturi: quia secus illud sacramentum sunt certo profanaturi, et animo deiectione ob denegatam absolutionem, ad auditandum non redibunt, et in peccatis contabescent. — 5.<sup>o</sup> Absolvi etiam conditionate probabiliter possunt aliquando



poenitentes pii, in dubio an materiam sufficientem clavibus subiciant. Verum multo magis praestat, ut materiam certam ex vita antea acta praebeant, et sic gratia sacramenti non priventur. L. 442. — 6.<sup>o</sup> Absolvi potest sub conditione peccator recidivus, de cuius sufficientibus dispositionibus dubitetur, \* si prudenter timeatur, quod peccator ille non amplius ad confessionem redibit, et in peccatis suis tabescet. L. 432. — G. 439.

96. *Quid speciatim quoad moribundos?* — Sequentes regulae traduntur: 1.<sup>o</sup> Absolvi potest et debet, et quidem absolute, quilibet moribundus qui aliquo modo, voce vel signo confitetur, vel absolutionem petit. Ratio est, quia adsunt omnia requisita ad sacramentum, et ad confessionem formaliter integram. L. 480. — 2.<sup>o</sup> Absolvi potest et debet, saltem conditionate, quilibet moribundus, in quo attritio et confessio praesumi possunt aliquo modo, quantumvis tenuiter probabili: quia in casu extremae necessitatis etiam in sacramentorum administratione licet uti opinione etiam parum fundata. L. 482. — 3.<sup>o</sup> Absolvi nullo modo potest moribundus, qui omnino recusat sacramentum poenitentiae, vel qui nullo modo praesumi potest attritus. Ratio luculentissime patet. — G. 505.

97. *Resolves:* 1.<sup>o</sup> Absolvendi sunt omnes moribundi nondum sensibus destituti et in absolutionem consentientes, mandatisque confessarii obtemperantes: absolute quidem si confessionem ultro requirant, aut si libenti animo confiteri proponant; conditionate vero, si aegre vix ad aliqualem confessionem inducantur, aut si de ipsorum sufficienti dispositione prudenter dubitetur. — 2.<sup>o</sup> Absolvendi sunt, saltem conditionate, omnes moribundi sensibus destituti, qui ante sensuum privationes expresse confessionis desiderium ostenderunt, v. gr. iubendo advocari sacerdotem, etc. Ratio est, quia censetur vere confiteri per testimonium adstantium: videtur enim tunc fieri veluti confessio per interpretem. Constat ex Conciliis et ex Rit. Rom. L. 481. — 3.<sup>o</sup> Absolvendi sunt sub conditione moribundi omnes sensibus omnino destituti, qui christiane vixerunt, etsi tunc nec doloris, nec desiderii confessionis signum ullum dederint. Ratio est, quia in istis praesumi potest dolor et desiderium absolutionis. L. 482. La-Croix, 1162, Elbel, 208. Collet c. 6., etc. — 4.<sup>o</sup> Absolvendi sunt conditionate etiam alii moribundi sensibus destituti, qui parum christiane vixerunt; quia adhuc in ipsis praesumi aliquo modo potest poenitentia et confessionis desiderium. Collet, ib., La-Croix, ib. L. 483. — 5.<sup>o</sup> Potest probabiliter sub conditione absolvi moribundus destitutus sensibus in actu ipso peccati, v. gr. in duello, adulterio, furto, etc. Ratio est, quia etiam ille sufficienter dispositus esse potest. Id praesertim locum habet pro illo, qui ad peccatum fortasse fuit adductus timore, respectu humano, etc. L. 483., Elbel 211. — G. 506. Cf. Commentar. De Moribundorum Absolutione et Assistentia.

## VIII. — DE CONFESSARII APPROBATIONE

98. *Quaenam requirantur ad potestatem adequatam Ministri Poenitentiae?* — Tria, scilicet 1.<sup>o</sup> potestas Ordinis: 2.<sup>o</sup> potestas iurisdictionis: 3.<sup>o</sup> approbatio. Requiritur potestas *Ordinis*, idest quae Ministro competit vi ordinationis, et est characteri sacerdotali intrinsece annexa. Ratio est, quia solis Sacerdotibus dictum est a Christo: Accipite Spiritum Sanctum: quorum remiseritis peccata, remittuntur eis. Joan. 20. 22. Constat aliunde multiplice Ecclesiae definitione. — Requiritur potestas *Iurisdictionis*, idest potestas, qua Sacerdos ut index potest in aliquos utpote subditos suos ferre sententiam. Constat ex Trid. S. 14. C. 7. — Requiritur *Approbatio* ad confessiones tum licite tum valide excipiendas, seu publicum iudicium de idoneitate Sacer-

dotis ad confessiones excipiendas. Trid. S. 23. C. 15. de Ref. — G. 537., L. 539. 540.

99. *Quid sit Approbatio?* — Approbatio definiri potest: Iuridicum Praelati iudicium de idoneitate sacerdotis ad audiendas confessiones. Hinc ad concedendam approbationem non requiritur essentialiter examen: iudicium enim prudens de idoneitate etiam sine examine haberi potest, quando de hoc aliunde constet. Hoc autem iudicium debet esse adaequatum, scilicet tum ex parte intellectus quoad scientiam et prudentiam, tum ex parte voluntatis quoad morum sanctitatem vicario Christi in hoc ministerio congruam. Haec tamen ad essentialiam non pertinent. Quocirca Ordinarius illicite quidem, valide tamen eum approbaret, qui hisce dotibus forte destituatur. « Et quamvis Episcopus interne reprobet, valet externa approbatio ad iurisdictionem conferendam ». L. 545. — G. B. 537., L. 542.

100. *An Approbatio requiratur tantum ad licitatem, vel etiam ad validitatem?* — Requiritur approbatio ad confessiones tum licite, tum valide excipiendas. Constat ex Trid. S. 23. C. 15., de R., ubi sic statuitur: « Nul- lum (Sacerdotem) etiam regularem, posse confessiones saecularium, etiam Sacerdotum, audire, nec ad id idoneum reputari; nisi aut parochiale beneficium, aut ab Episcopis per examen, si illis videbitur esse necessarium, aut alias idoneus iudicetur, et approbationem, quae gratis detur, obtineat ». — Hoc valet quoad ecclesias ritu latino utentes: non item quoad orientales. Quinino Verricelli, De Apost. Mission. Tit. XV. Q. 223., advertit, neque Missionarios latini ritus pro audiendis confessionibus indigere licentia Episcopi Graeci catholici. « Satis est, inquit, si coram Episcopo Graeco reverenter exhibeat suae Missionis, aut sacerdotalis Ordinis litteras... Imo si Episcopus Graecus non curet videre dimissorias peregrinorum Sacerdotum Graecorum, et sinat eos, nulla expressa data licentia, et ministrare Sacramentum Poenitentiae, idem videtur dicendum de Sacerdote Latino Missionario. Debet tamen Missionarius petere licentiam a Vicario Episcopi Latini Catholici, si ibi adsit ». — Dicitur autem in textu Trid. *Nullum (sacerdotem) etiam regularem*, intelligi etiam praelatum regularem; « licet non deceat, ut Doctores et Licentiat, vel Lectores in Theologia examinentur, modo legerint Moralem ». L. 542. — « An confessio venialium facta simplici sacerdoti sit illicita et invalida? Quod sit illicita hodie certum est ex Decr. Innoc. XI. de Comm. quotid. 12. Febr. 1679... Utrum autem... sit invalida? 1.<sup>a</sup> sententia communissima negat... 2.<sup>a</sup> vero sententia affirmat, et hanc *satis probabilem* puto ». L. 543. — G. B. 538., L. 541. 546. 549.

101. *Quisnam possit approbare?* — Approbare potest solus Episcopus. Ratio est, quia ad solos Ecclesiae Praelatos pertinet indicare de idoneitate Ministrorum ad audiendas confessiones deputandorum. Constat etiam ex Trid. cit. Potest autem Episcopus approbare sive per se sive per alium a se delegatum; quia approbatio est actus iurisdictionis: iurdictio autem ordinaria potest delegari. L. 550. 558. — « Porro nomine *Episcopi* etiam intelliguntur Praelati habentes iurisdictionem Episcopalem, ut quidam Abbates, et Capitulum Sede vacante, non autem Provinciales aut Generales Ordinum. Episcopus confirmatus, etsi nondum consecratus, recte potest approbare, quia iam habet iurisdictionem. Secus, si sit tantum electus, et non confirmatus: vel qui Episcopatum renunciavit, quia tunc iurisdictione caret ». L. 547. — Advertendum, porro, iuxta praesentem Ecclesiae disciplinam, una cum approbatione etiam iurdictio a Praelato Sacerdotibus conferri solet, ac proinde usu communis approbationis nomine etiam iurdictio comprehenditur. Olim vero, ante Tridentinum scilicet, cum approbatio Episcopi necessaria non esset, iurdictio communiter a Parochis concedebatur: quae quidem facultas modo in parochis vix exercitium habet, cum vix reperiri nunc possit sacerdos, qui simul cum approbatione non etiam iurisdictionem ab Episcopo iam acceperit. — G. B. 439 Cf. Bertagna, De Casuum Reservatione P. 1. C. 1. Nota.

102. *A quonam Episcopo habenda sit approbatio?* — Approbatio tribui

debet ab Episcopo dioecesis, in qua confessiones excipiendae sunt; unde non sufficit approbatio sive Episcopi poenitentium, sive Episcopi Sacerdotum. Constat ex B. Innoc. XII. a. 1700., ubi sancitum est: « Confessarios, tam saeculares quam regulares, quicumque illi sint, *in eam Bullae Cruciatæ* nullatenus posse audire poenitentes sine approbatione episcopi loci, in quo ipsi poenitentes degunt; neque ad hoc suffragari approbationem semel vel pluries ab aliis Ordinariis aliarum dioecesium obtentam, etiamsi poenitentes illorum Ordinariorum, qui tales confessarios approbassent, subditi sint ». Deinde declarat Pontifex nullas « confessiones, quae fiunt *sine approbatione Episcopi loci, in quo ipsi poenitentes degunt*. Quid clarius? Si autem adhuc cum privilegio Bullae Cruciatæ requiritur approbatio ab Episcopo loci, quanto magis sine privilegio? Verum Salm. . . dicunt oppositum sententiam non esse hac Bulla damnatam, si quis privilegium haberet generis diversi, quam Cruciatæ, puta Iubilæi, vel simile. Sed huic obstat Bulla Bened. XIV., quae incipit *Benedictus Deus*, ubi dicitur, quod datur facultas in Iubilæo tam saecularibus, quam Regularibus eligendi sibi Confessarium, modo sit ex approbatis ab Ordinario loci. Moniales vero ex eadem possunt sibi eligere Confessarium, sed nonnisi ex approbatis ad Confessiones Monialium in illo loco, quamvis pro aliis Monasteriis ». L. 548. Obstat praeterea Const. Apostolica Indulta 5. Aug. 1744. eiusdem Bened. XIV., qui statuit ac declaravit, ea, quae Praedecessores Rom. Pontifices Innoc. XII., Innoc. XIII., et Bened. XIII. decreverant « circa intelligentiam et usum indulti Bullae Cruciatæ, etiam in reliquis eiusdem generis indultis pariformiter valere atque obtinere debere ». — G. B. 540., L. 548. 549.

103. *An sufficiat approbatio praesumpta?* — R. Neg. Ratio est, quia ex Trid. requiritur approbatio actu et absolute existens, et iam obtenta. Ad eiusmodi autem approbationem requiritur consensus actualis signo aliquo declaratus. Imo nec licet incipere confessiones antequam consensus ille, per litteras petitus, receptus fuerit, etsi certo obtinendus videatur. Ita communiter. L. 570. *A fortiori* autem non valet ratihabitio approbationis etiam prudenter praesumptae; quia ratihabitio actum invalidum, qui amplius non est, absolutionis nempe fornam, quae *in verbis* consistit, validum efficere non potest. — G. 541.

104. *An Episcopus possit valide et licite limitare approbationem quoad certum tempus, locum et personas?* — R. 1.<sup>o</sup> Affirm. quoad validitatem, etiam sine causa. Ratio est, quia est actus omnino dependens a voluntate Episcopi ut Superioris. Hinc sicut valide approbationem, licet iniuste, recusare potest, sic eam potest solum cum restrictione concedere. Id constat etiam ex pr. 13.<sup>a</sup> ab Alex. VII. damn. Constat etiam ex Trid. S. 23 C. 15., ubi dicitur: *Nisi approbationem obtineat*. At vero qui eam obtinet cum restrictione, simpliciter non obtinet pro casibus exclusis. Ergo etc. L. 542., Lugo D. 21. n. 51. — 2.<sup>o</sup> Quoad licitatem, disting. Potest quidem episcopus restringere aut etiam omnino negare approbationem iusta de causa, ut patet; quia in hunc finem inducta est necessitas approbationis, ut idonei a non idoneis secerantur. Secus vero, si id absque iusta causa agat. — G. 542., L. 550. 552.

105. *Quaenam sint iustae causae approbationem limitandi ad tempus, etc.?* — Sunt ut plurimum sequentes: 1.<sup>o</sup> si nunc sit necessitas habendi plures confessarios, quae postea cesset; 2.<sup>o</sup> si adprobandus habeat quidem sufficientem scientiam, sed merito maior desideretur ad approbationem perpetuam; 3.<sup>o</sup> si prudenter timeatur, ne post habitam semel approbationem perpetuam, studium negligat; 4.<sup>o</sup> ad experiendum, quomodo se gerat in excipiendis confessionibus, videlicet, an principia generalia bene applicet in praxi, etc. — G. 542.

106. *An possit Episcopus valide et licite revocare approbationem concessam?* — R. 1.<sup>o</sup> Affirm. ratione validitatis, etiam sine iusta causa. Ratio est. 1.<sup>o</sup> quia talis revocatio fit in re episcopo ita subiecta, ut ab illo tantum



provenire queat: 2.<sup>o</sup> quia approbatio, etiam iniuste revocata, iam non existit, seu non potest dici simpliciter habita seu obtenta. Ita communiter cum S. Lig. 551., Billuart. diss. 6. art. 5. — 2.<sup>o</sup> Ratione licetatis, dist. 1.<sup>o</sup> Potest quidem episcopus iuste de causis revocare approbationem etiam illimitate concessam; hoc enim sequitur ex necessitate approbationis, quae postulat, ut quisquis cessat esse idoneus, ab officio removeatur. 2.<sup>o</sup> Non potest autem approbationem revocare sine iusta causa. Etenim ex dictis non potest episcopus approbationem denegare sine causa: ergo a fortiori non potest sine causa concessam revocare: siquidem ex effato: *Turpius eicitur, quam non admittitur hospes*. L. ib., G. 543. — Verum alii sunt, qui existimant non posse episcopus nec licite nec valide approbationem concessam revocare sine iusta causa. Ratio est, quia approbatio semel concessa, praevisio examine, non est actus gratus et favor dependens ex liberalitate et beneplacito episcopi: sed est actus iustitiae et ius acquisitum ex iuridica sententia, adeoque ex iustitia debitum, posita aptitudine. Ergo, ex mero beneplacito, neque licite neque valide cessare potest. Ita tenent Suarez D. 28. S. S. n. 7., Lugo D. 21. n. 64., Castro-Palao Tr. 23. p. 18. n. 6., Salm. c. 11. p. 61. n. 107., etc. Hanc opinionem vix in praxi probabilem censet S. Alph. 551.: qui vero eandem implicite censet probabilem ubi evidens esset iniustitia, et quocumque abesset hallucinationis periculum.

107. *An Episcopus Sacerdotem extraneum approbare possit?* — Episcopus approbare potest quemlibet idoneum in sua dioecesi actu existentem, etsi transeundo tantum. Constat ex praxi universali et sententia communi theologorum contra paucos, qui ad hoc requirunt quasi-domicilium, aut saltem domicilium habitationis in dioecesi episcopi approbantis. Ratio est, quia delegatio sive mandatum committi potest cuivis, dummodo capax sit.

## IX. — DE CONFESSARII IURISDICTIONE

108. *An praeterea ad licite et valide confessiones audiendas Iurisdictio requiratur?* — 1.<sup>o</sup> Iurisdictio generatim sumpta est quaedam potestas moralis regendi subditos. Iurisdictio ecclesiastica duplex est: alia in foro externo, et est potestas ferendi leges, infligendi poenas, etc.; alia vero in foro interno, et potestas est absolvendi, vel ligandi in tribunali Poenitentiae. Duplex est autem, scilicet 1.<sup>o</sup> *ordinaria*, quae alicui competit ratione officii habentis annexam curam animarum; 2.<sup>o</sup> *delegata*, quae alteri datur ab habente ordinariam. — 2.<sup>o</sup> Potestas *iurisdictionis* ad confessiones excipiendas necessaria est, nec sufficit potestas *ordinis*. Ratio est, quia absolutio est sententia iudicialia, quae ferri nequit nisi in subditos. Confessario igitur assignari subditi debent; hoc autem ad eum pertinet, qui auctoritate in eos subditos pollet. Idque ad rectum Ecclesiae regimen omnino requiritur. Sed maxime id constat ex Trid. S. 14. C. 7., declarante, « nullius momenti absolutionem eam esse debere, quam sacerdos in eum profert, in quem ordinariam aut subdelegatam non habet iurisdictionem ». — G. 545., L. 557.

109. *Quibusnam competat Iurisdictio?* — Iurisdictio *ordinaria* competit 1. Papae pro tota Ecclesia in utroque foro; siquidem Primatum habet iurisdictionis Conc. Vatic. C. *Pastor aeternus*. Eius vices in pluribus gerit maior Poenitentarius. — 2.<sup>o</sup> Episcopo pro sua dioecesi, pariter in utroque foro, cum haec ideo sit ipsi commissa, ut eam regat ac dirigat; itemque Archiepiscopo erga subditos suorum Episcoporum, tunc tantum quando actu visitat; et secundum communem et veriorum sententiam Vicario Generali; cum unum tribunal faciat cum Episcopo C. *Non putamus* 2. de *Consuetud.* in 6.<sup>o</sup> C. *Germana* 3. de *Appellat.* in 6.<sup>o</sup> Mortuo autem Episcopo cessat Vicarii iurisdictio, non quia eius iurisdictio non sit ordinaria; sed

quia, deficiente Episcopo, desinit ipse esse Vicarius. — 3.<sup>a</sup> Parochis pro subditis in foro interno; Trid. S. 23. C. 15. de R., et Canonico Poenitentiario in propria dioecesi, iisque omnibus, qui beneficium vel officium habent, cui adnexa est obligatio audiendi confessiones, D'Annib. 182. — 4.<sup>a</sup> Abbatibus et Prae-latis Regularium pro subditis; ex pluribus privilegiis, a Summis Pontificibus ipsis concessis. — Iurisdictio *delegata* conceditur ab Ecclesia cuilibet Sacerdoti in casu extremae necessitatis, seu in articulo mortis. Constat ex Trid. S. 14. C. 7. in *articulo mortis*, h. e. sive in articulo, sive in periculo mortis; quia eadem fere est poenitentis necessitas in periculo atque in articulo mortis; et quia in hac materia pro uno eodemque accipitur articulus et periculum, C. *Si quis suadente* 29. cau. 17. q. 4. Et sane *periculum et articulus* mortis vel pro uno eodemque sumuntur apud DD., vel si distinguantur, ea distinctio ita se habet, ut *articulus* mortem designet, *proxime instantem, moraliter certam*, et fere *inevitabilem*; *periculum* autem *quando est probabile dabitum, et frequenter solet in tali casu mors accidere*. Suarez in 3. p. T. 4. D. 26. S. 4. n. 2., Lugo de Poen. D. 18 n. 20. Ithur. Cas. 49. n. 1.-3. 10.-16., Giraldi Expos. Iur. Pont. P. 2. S. 39. par. *Verum*, L. 561. Tale autem periculum censetur adesse in praedio, in longa et periculosa navigatione, in difficili partu, in morbo periculoso, in periculo probabili incidendi in amentiam, in exigua spe libertatis pro captivis apud infideles, si credantur nullos alios sacerdotes habituri, etc. — G. 546., L. 557. 558. 559. 561.

110. *An Iurisdictio delegata subdelegari possit?* — R. Neg. generatim loquendo, videlicet nisi accedat specialis concessio delegantis; et tunc nomine ipsius delegantis subdelegari censetur. Ratio est, quia delegatus eam solam potestatem habet, quae ei conceditur; at conceditur ei sola potestas exercendi iurisdictionem, non vero eam alteri committendi, nisi aliud exprimatur. Ergo, etc. Excepe 1.<sup>a</sup> si *iurisdictio* alicui *delegetur*, velut privilegium perpetuo annexum suo officio, aut dignitati; tunc enim talis iurisdictio reputatur tanquam ordinaria prout est facultas impertita Episcopis a Trid. C. *Licet* 6. S. 24.; 2.<sup>a</sup> si *committatur* alicui *officium*, cui annexa est iurisdictionis; idque currit etiam si officium non sit proprium, sed vicarii, v. g. Viceparochi, seu Vicerectoris pro Parocho absente, aut non adhuc sacerdote. Huiusmodi Vicarius bene potest iurisdictionem suam subdelegare, non quidem totam, sed partem, pro una nempe vel altera causa. Ratio, quia tunc non tantum huic est commissum exercitium Parochi, sed etiam Parochi officium, cui competit non solus usus, sed adhuc delegatio iurisdictionis. L. 566., S. Th. Quodl. 12. a. 31.

111. *An iurisdictio delegata audiendi confessiones expirat morte, aut amotione ab officio concedentis?* — Duplex est sententia: 1.<sup>a</sup> quam Thomas Sanchez dicit esse satis probabilem, affirmat; 2.<sup>a</sup> vero, quam ut probabilior tenet idem Sanchez negat, sive ea licentia concessa sit ab episcopo, sive a quovis alio ordinario potenti concedere. Ratio est, 1.<sup>o</sup> « quia omnia iura decidentia potestatem iurisdictionis delegatae perire morte delegantis, *re integra*, agunt de potestate contentiosa, qualis non est haec... 2.<sup>o</sup> quia etsi licentia audiendi confessiones sit in poenitentium favorem, computatur merito inter *gratias factas*. Quia cum non concedatur respectu personae determinatae in peculiarem illius favorem ad ipsiusve petitionem, reputatur potius gratia facta ipsismet sacerdotibus, utpote quae in maximum eorum favorem redundat, et statim ac ipsis conceditur, est perfecte concessa, a nulliusque executione dependens. Quae *gratiae factae* definitio est, ut diximus n. 48. At *gratia facta* non expirat concedentis morte, etsi res integra sit ut n. 49. probavimus... 3.<sup>o</sup> quia ita ipsa praxis testatur. Quippe mortuo episcopo solent confessarii quicumque ab ipso expositi audire confessiones, donec licentia a capitulo aut ab episcopo successore revocetur ». Sanchez de Matr. l. 8. D. 28. n. 71., 72., qui haec praeterea addit quae ad plenior rem rei praesentis cognitionem faciunt. 1.<sup>o</sup> « quando tamen licentia esset concessa sacerdoti audiendi confessiones poenitentis determinati, in illius

poenitentis favorem, expiraret facultas morte concedentis. *re integra*, i. e. quoad confessionem nondum antea coeptam. Quia cum illa gratia sit in illius poenitentis favorem et nondum sit perfecta, sed per confessarium exequenda non habet *gratiae factae* rationem, sed *faciendae*, quam morte concedentis *re integra*, expirare diximus n. 64... 2.<sup>o</sup> licentia concessa ab episcopo vel alio praelato eligendi confessarii... verius... non expirat morte concedentis etiam *re integra*, vel amotione ab officio... quia haec facultas non tanquam delegatio, sed tanquam *gratia facta* est censenda » l. c. n. 73., 74. Cfer. Lug. Resp. Mor. l. 1. D. 20. — « Certum est, ait Bouix, de Iur. Reg. T. 2., pag. 247., per mortem concedentis non expirare licentiam *illimitatam*: et de hoc nullum est dubium. Item certum est licentiam *ad tempus determinatam*, non expirare per obitum concedentis, sed perseverare usque ad expirationem praefixi termini: quod pariter extra controversiam est. De licentiis *ad beneplacitum*, asserit quidem Clericatus, post Dianam, eas morte concedentis expirare. Sed in contrarium est *communis* doctorum sententia, quam sic exponit Ferraris (voce *approbatio*, art. 1., n. 10., etc.). Cf. S. Alph. 551. 552. 558. 559., ubi S. D. affirmat, expirare morte concedentis facultatem datam hoc modo: « usque *ad beneplacitum nostrum*, vel *ad arbitrium nostrae voluntatis*, et simili ».

112. *An Ecclesia suppleat Iurisdictionem, quando poenitentes ipsius defectum incircumcibiler ignorant?* — 1.<sup>o</sup> Advertendum prius est, defectum iurisdictionis in diversis rerum adiunctis evenire posse. Etenim error esse potest vel *communis* inter fideles, vel *privatus* tantum alicuius personae. Rursum sacerdos iurisdictione carens potest habere titulum *coloratum*, vel solum *existimatum*. Titulus autem *coloratus* est titulus in se quidem falsus, sed tamen vere collatus a superiore, et ideo prae se ferens speciem veri tituli, licet ex aliqua causa vitio occulto nullitatis laboret. Sic sacerdos, qui simoniace renuntiatur parochus, invalidum sortitur titulum ex iure canonico; et si a legitimo episcopo fuerit in parocchia constitutus, titulum habet *coloratum*. Cf. C. *Statutus* 107. cau. l. q. 1. titulus vero mere existimatus ille est, qui a fidelibus adesse reputatur, licet non existat. — 2.<sup>o</sup> Ecclesia certo supplet, si error sit *communis* inter fideles, et simul cum titulo *colorato* coniunctus. Ratio eruitur ex communi theologorum interpretatione diversis locis iuris innixa. Ut enim aiunt, Ecclesia velut pia mater ad bonum animarum iurisdictionem supplere merito censetur, cum id possit. Hoc aequale valet sive ordinariam, sive delegatam quis habeat iurisdictionem. Valet insuper, etiamsi confessarius cognoscat, se iurisdictionem non habere, v. gr. qui sciat elapsum sibi esse tempus approbationis, aut se vi sententiae secreto sibi intimatae, ab audiendis confessionibus suspensum. L. 572. — 3.<sup>o</sup> *Probabiliter* etiam supplet Ecclesia, si adsit error *communis* sine titulo *colorato*, sed cum titulo tantum *existimato* seu *ficto*. Eadem enim urget ratio ac in casu praecedente, cum etiam in hac hypothese innumerae animae perire possint. Ita Suarez, Lugo, Lessius, Billuart, Bonacina, Diana, Henriquez, Pontius, etc.; et hoc putant probabile S. Lig., Viva, Elbel, Sporer, Roncaglia, Gobat, Holzman, Herinx, Cardenas, Gousset, etc. Contradiciunt tamen alii quidam, v. gr. Busemb., Navarrus, Sylvester, Caiet., Ugol., Covarr., etc. — 4.<sup>o</sup> Non censetur Ecclesia supplere iurisdictionem, si error sit *privatus*, v. gr. si sit unius aut paucorum. Ratio est, quia Ecclesia non censetur supplere, nisi ratione boni communis, ad instar scilicet provisoris seu gubernatoris generalis, qui ad solum bonum generale societatis attendit, et bonum privatorum curae provisorum particularium relinquit. Ita communissime theologi contra paucos. — G. B. 548. Cf. Ithur. Cas. 33. Cas. 47. n. 9. 13.

113. *An liceat absolvere cum iurisdictione dubia, dubio facti, an adsit, e. g. ne defunctum approbationis tempus praeterierit, etc.?* — R. Negat., nisi aliqua necessitas urgent. Necessitas adest, 1.<sup>o</sup> si urgeat praeceptum annuae confessionis; 2.<sup>o</sup> si poenitens debeat missam celebrare, vel commu-



nicare et alias notam infamiae incurreret: 3.<sup>a</sup> si sacerdos ex obligatione celebrare teneatur. Verum ob sacramenti reverentiam absolutio sub conditione danda est, et de dubio validae absolutionis, poenitens monendus, ut eius saluti cautum sit. D'Annib. 185., G. 549., L. 571. 432.

114. *An liceat absolvere cum iurisdictione speculative probabili: seu positivo dubio iuris?* — S. Alph. 573. « Sententia communis, inquit, docet, licitum esse absolvere cum probabili iurisdictione, modo opinio sit vere probabilis, gravi fulecta ratione et auctoritate. Ita Sanchez, Lugo, qui putat tutissimam, etc., et eam vocant moraliter certam Sanchez, Tamb., Carden., ac Dieast., Illsung, Gormaz, Stoz, etc., apud Croix, L. 6. P. 1. n. 117. ». Aliam, quam sequi se dicit, sententiam sic proponit idem S. D. « Licitum quidem esse ministrare hoc sacramentum poenitentiae cum iurisdictione probabili, sed nonnisi quando adest causa gravis necessitatis, aut magnae utilitatis, ... vel causa rationalis... Ratio huius limitationis est, quia licet Ecclesia eo casu ob bonum animarum bene censi possit iurisdictionem supplere, tamen non praesumitur, nulla iusta causa accedente velle committere merae libertati sacerdotum ». — Verum huius sententiae infirmitas ostenditur ex ipsa prioris sententiae ratione, quam sic exponit et probat ipse S. Alph.: « In Ecclesia adest universalis consuetudo fere omnium confessoriorum absolvi cum iurisdictione probabili, ut testantur communiter Suarez, Lugo, Cardenas, Arriaga, Diana, La-Croix, et omnes alii auctores citati pro hac sententia. Communis autem sententia Doctorum fundat moralem certitudinem de praefata consuetudine. Et licet *contrarii* illicitum putent absolvere cum iurisdictione probabili, praescindunt tamen, *nee possunt* negare, hanc consuetudinem adesse saltem apud partem longe maiorem confessoriorum. Posita igitur ut certa hac consuetudine, certum est, licitum esse sacramentum ministrare cum iurisdictione probabili, cum ipsa consuetudo iurisdictionem praebet, prout docent Suarez, Navarrus, Barbosa, Cardenas, Quaranta, Pellizzarius; idque probant ex C. *Cum Contingat* 13. *De Foro compet.*... Iurisdictio bene ab Ecclesia suppleri potest, et moraliter certo praesumitur suppleri in hoc casu ab bonum animarum. Unde confessorius absolvens, non absolveret cum sola opinione probabili, sed moraliter certa, non directa, sed reflexa ».

115. *An haeretici, schismatici, ecommunicati ritandi, etc. valide absolvant in periculo mortis, alio sacerdoti deficiente?* — R. Affirm. Ratio, quia *omnes sacerdotes* in periculo mortis absolvere possunt. Trid. S. 14. C. 7., L. 560.

116. *An possit simplex sacerdos valide absolvere moribundum, etiam praesente confessario approbato?* — Negat S. Alph. 562. ob auctoritatem Rit. Rom. *De Sacr. Poenit.* subinit., ubi sic dicitur: « Sed si periculum mortis imminet, *approbatasque desit* confessarius, quilibet sacerdos potest a quibuscumque censuris et peccatis absolvere. Hanc sententiam plures et graves tenent theologi. Sed alii etiam plures et graves theologi affirmant. Validissimum sane argumentum praesto est: ex Conc. Trid. Sess. 14. cap. 7., ubi ea facultas absolute et universaliter *omnibus sacerdotibus*, pro quibuslibet poenitentibus, et quibuscumque peccatis et censuris, datur; et ratio assignatur universissima, *ne aliquis pereat*. Quare ubi ius non distinguit neque nos distinguere debemus, nisi ab ipso iure exceptio fiat, ut pro casu sacerdotis complicitis in peccato turpi, ut suo in loco explicatur. Insuper ratio a Conc. adducta, *ne aliquis pereat*, omnimodam amplitudinem hac in re demonstrat, ea enim seclusa, aliquis profecto perire aliquando posset ob defectum libertatis; et illud praeterea additur, quod, in eadem *Ecclesia Dei, custoditam semper fuit, ut nulla sit reservatio in articulo mortis*, ubi nulla reservatio, frustra quaeritur, qui in reservata potestatem habeat. Demum ante Conc. Trid. nulla opus erat approbatione episcopi ad confessiones audiendas, vetus ergo ius, quoad mortis articulum, non solum non est derogatum, sed confirmatum, cum Conc. ad ipsum vetus ius appellet, cum ait,

quod *in eadem*, etc. Cf. Ithur. Cas. 42., G. B. 551., Lugo D. 18. n. 23., L. 569. Cf. hic n. seq.

117. *An absolvere quis possit proprium subditum in aliena dioecesi sine approbatione Ordinarii loci?* — R. affirmative, si confessarius sit proprius illius poenitentis parochus. Ratio, quia parochi eximuntur a Cone. Trid. ab ea approbationis lege. Quare extra propriam paroeciam vel etiam dioecesim a nullo approbati debent, ut confessionem audiant proprii parochiani. Negative, si non sit parochus. Ratio, quia ex Cone. Trid. parochi tantum eximuntur. Quare alii omnes delegatam habentes iurisdictionem approbatione indigent Episcopi loci. — Non desunt tamen graves theologi, idem hae in re existimantes esse ius habentis ordinariam et delegatam potestatem. Delegatus enim delegantis utitur iurisdictione. Verum difficultas non est in praesenti quaestione de *iurisdictione*, sed de *approbatione*. Cf. L. 548., D'Annib. 186.

118. *An Parochus possit advocare parochum eiusdem vel diversae dioecesis ad confessiones in sua parochia audiendas?* — 1.<sup>o</sup> Quoad parochum eiusdem dioecesis, licet hic vi officii sui iurisdictionem specialem habeat tantum pro paroecia sua, tamen ex consuetudine fore universali confessiones etiam in universa dioecesi audire potest, nisi episcopus aliter decernat. Consulendae tamen sunt consuetudines locorum propriae. L. 544. — 2.<sup>o</sup> Quoad parochum diversae dioecesis, variae feruntur opiniones, ut inquit Bened. XIV. Instit. 86. n. 7. Qui affirmant, arguunt ex Trid. quod parochiale beneficium inserviat pro approbatione universali. Alii negant, quibus adhaeret S. Lig. 544. Huic sententiae favent Declarationes S. C. C. apud eund. S. D. Prima sententia admitti potest in iis locis, ubi adest talis consuetudo. — G. 552.

119. *An Sacerdos approbatus ab Episcopo possit audire confessiones fidelium sine venia Parochi?* — R. 1.<sup>o</sup> Quoad licentiam neg., si confessiones excipiantur in Ecclesia Parocho subiecta. Ratio est, quia debitus ordo omnino requirit, ut cum Parochus Superior immediatus sit in sua Ecclesia, ab ipso venia inibi exercendi sacra ministeria petatur. Non tamen requiritur venia Parochi ad audiendas confessiones in Sacello regularium vel monialium, sed venia Superioris vel Superiorissae loci sufficit. — 2.<sup>o</sup> Quoad validitatem, certum est iuxta omnes, non requiri licentiam Parochi extra casum annuae confessionis. Imo nec requiritur pro annua confessione, saltem per se, seu de iure communi. Constat ex communi doctrina Theologorum contra quosdam, necnon ex praesenti consuetudine et praxi universali Ecclesiae, ut testatur Bened. XIV. Instit. 18. — G. 553., L. 574.

120. *An Sacerdos in aliquo loco approbatus excipere valeat confessiones peregrinorum eo advenientium?* — R. 1.<sup>o</sup> Affirm. absolute quoad Confessarios regulares, qui speciale hoc privilegium a S. Sede Apostolica habent. C. *Inter cunctas* Pauli III., C. *Superius*, Clemens X. — 2.<sup>o</sup> Etiam affirm. quoad Sacerdotes saeculares: ratio quia talis est consuetudo universalis, quae initio originem habens ex tacito Ordinariorum consensu, nunc longo usu firmata praescripta est, atque vim legis universalis obtinet. — Gury-Dumas 554., G. B. ib., L. 569. Ita communius Theologi et Canonistae.

121. *An Episcopus possit sub poena invaliditatis prohibere, ne dioecesanum peregrinatum ad confitendum extra dioecesim?* — R. 1.<sup>o</sup> Negat., si peregrinatum ad confitendum extra dioecesim apud confessarios regulares, qui habent privilegium audientium confessiones omnium fidelium undequaque venientium. Suarez de Relig. tr. 10. l. 9. n. 19. et 20., Reiff. tr. 14. Dist. 8. q. 1. n. 11., Laym. l. 5. tr. 6. c. 10. Confirmatur Declaratione S. C. apud Fagnan. in cap. *Omnes utriusque sexus*, n. 79., ubi haec habet: « S. Congregatio declaravit regulares intra dioecesim episcopi approbantis posse etiam absolovere poenitentes alterius dioecesis, cum habeant iurisdictionem a Papa... cuius iurisdicatio non restringitur ad limites alicuius territorii, sed universus orbis

est sua dioecesis ». — 2.<sup>o</sup> Negat, etiam quoad confessarios saeculares. Extat apud Pignatelli, et Pitonium De Confess. n. 36. Declaratio S. C. 5. Apr. 1584., his verbis expressa: « Decretum Episcopi, in quo habetur, quod nullus confessorius, etiam ab Ordinario approbatus, possit tempore paschali confessiones alienius audire sine licentia proprii curati, nullo modo est observandum ». Ratio est, quia non potest episcopus universum, et seclis casibus particularibus, prohibere id quod consuetudine universali legitime praescripta, seu lege universali Ecclesiae permittitur. Neque obstat quod obicitur, nempe repugnare iuri divino, ut quis eligat sibi confessarium sine licentia proprii Pastoris. Id enim ultro conceditur; verum, qui Summo Pontifice per consuetudinem universalem permittente, confessarium sibi eligit, non eum eligit sine licentia *proprii Pastoris*. Gury-Dumas 555., Bouix De Episc. V. 2. p. 305. 306., De Paroch. p. 457., D'Annib. 183. not. 9. in fine., L. 564.

122. *An delegatus valide et licite absolvat elapso termino delegationis quotannis renovandae, v. gr., si turba poenitentium affluat ad aliquam magnam sollemnitatem?* — R. 1.<sup>o</sup> Invalide absolvit, *per se*, seu ratione iurisdictionis, quia de facto nullam habet. Attamen valide absolvet *probabilius*, saltem plerumque, ratione erroris communis, ob quem Ecclesia supplere censetur pro bono animarum. — 2.<sup>o</sup> Peccat graviter, *per se*, sacerdos, si hoc scienter agat; ratio, quia exercet munus confessarii sine legitima auctoritate; et licet tunc suppleat Ecclesia, reus est tamen, quod ipse indebite eam ad supplendum cogit. — G. 554.

123. *An Cappellani militum eos ubique sine approbatione Episcopi loci absolvere possint?* — R. 1.<sup>o</sup> Affirm., si specialiter sint delegati a Summo Pontifice ad curam spiritualem militum, aut a cappellano maiori a Papa approbato. — 2.<sup>o</sup> Si vero hac speciali delegatione careant, possunt quidem audire confessiones in dioecesi episcopi approbantis, et etiam extra illam in itinere et in castris ex tacito consensu episcoporum, ut patet ex consuetudine universali; non possunt tamen valide absolvere in stationibus nec in praesidiis sine licentia episcopi loci, quia nullam habent iurisdictionem. Constat ex variis Declarationibus S. C. 6. Mart. 1694., 29. Jan. 1707. A. S. S. V. 1. p. 681., Zacharia apud La-Croix 1518., Bouvier, de Approb., Bouix, de Parocho, p. 66., D'Annib. 182., G. 556., L. 577.

124. *An Parochi, Episcopi, Cardinales confessarium sibi eligere possint?* — R. ad 1.<sup>am</sup> Negat. ex pr. 16. d. ab Alex. VII. — Ad 2.<sup>am</sup> Affirm. ex C. *Ne pro dilatione fin. De Poenit et Rem.* Sed declaravit S. C. apud Fagn. in d. c. n. 62. id tantum intelligi, quod Episcopi extra dioecesim possint eligere sacerdotem sibi subditum. — Ad 3.<sup>am</sup> Affirm., sed Romae tantum, tam vero pro se, quam pro sua familia, et. quem elegerint in Urbe, secum extra Urbem conducere possunt. Fagn. l. c. n. 53. 65. 66. — L. 565. et de Priv. 65.

## X. — DE REGULARIBUS ET MONIALIBUS

125. *A quonam Regulares iurisdictionem et approbationem obtineant?* — 1.<sup>o</sup> Religiosi omnes Mendicantes, et quorum privilegia participant, iurisdictionem habent *immediate a Papa*, quae ipsis *communicatur* seu *delegatur a suis Superioribus* ad confessiones audiendas, tum *suorum*, tum *saecularium*. — 2.<sup>o</sup> Regulares ad audiendas *suorum* confessiones *approbationem* simul cum *Iurisdictione* accipiunt a Superioribus sui monasterii vel Ordinis: idque intelligitur non tantum de *professis*, sed etiam de *novitiis*, nec non de *famulis saecularibus, qui sunt vere de familia, et continui commensali*: quales non sunt qui tantum ipsis deserviunt; sed qui diu noctuque in domo religiosorum remanent, ibique nutriuntur, et sub eorum vivunt obedientia, licet



non ratione voti. Ad audiendas autem confessiones *saecularium* approbationem accipere debent ab Episcopo *loci*, ubi confessiones excipiendae sunt; quae approbatio non tantum ad liceitatem sed etiam ad absolutionis *validitatem* requiritur: idque intelligendum etiam de *monialibus*, quamvis sint eiusdem Ordinis, et ipsis subiectae, pro quibus *specialis* adhuc *approbatio* Episcopi *loci* requiritur. — Primum et alterum constat ex Privilegiis Regularibus concessis a Summis Pontificibus, Clem. *Dudum De Sepulturis*, etc., ex Trid. S. 23. C. 15., ex C. *Superna* Clementis X., ex communi DD. sententia. — L. 549. 552. G. 557. 558. 563. Bouix. V. 2. p. 141. 144. 214. seqq., 219. seqq. 255. seqq., Ferraris v. *Approbatio* a. l. n. 64. seq.

126. *Nota*: « Religiosos ab Episcopo ad confessiones saecularium in sua dioecesi audiendas approbatos, non posse in alia dioecesi eas absque Episcopi dioecesani approbatione audire, quamvis poenitentes subditi sint eius Episcopi, a quo ipsi religiosi iam fuerant approbati ». C. *Superna*.

127. — *An valide absolvat saeculares Religiosus, inscio vel invito Superiore, ex sola delegatione Episcopi loci?* — R. 1.<sup>a</sup> Negative, si Episcopus intenderit tantum dare approbationem, et aliunde Superior ita sit inscius ut non dederit, aut ita invitus, ut noluerit dare, vel datam voluerit auferre a suo subdito *iurisdictionem*. Ratio patet. Tunc enim Religiosus a nemine iurisdictionem habet. — 2.<sup>a</sup> Affirmative, si Episcopus intenderit etiam conferre *iurisdictionem*, ut in hodierna praxi fieri solet. Ratio est, quia Episcopus bene potest iurisdictionem Religioso, non secus ac Sacerdoti saeculari, in proprias oves conferre. Quisquis enim iurisdictione ordinaria gaudet, eam cuilibet Sacerdoti delegare potest. Billuart, etc. « Interim tamen, ait Struill. Tr. 11. q. 3. n. 32., regularis sic absolvendo peccaret leviter vel graviter pro rata inobedientiae et prohibitionis, ut cum Tamb. docet Sporer n. 682. ». Nec in huiusmodi casu posset uti privilegiis, quibus Religiosi gaudent, v. gr. ad absolvendum a quibusdam censuris: quia Religiosus huiusmodi privilegium, non nisi per ipsum Superiorem accipit, qui ex hypothese nullam subdito facultatem tribuit. Haec, quae potuerant olim in controversiam adduci, nunc omnino constant ex Declaratione S. C. EE. et RR. 2. Mart. 1866.

128. *An convictores collegiorum aut seminariorum a regularibus absolvi possint absque Episcopi approbatione utpote de familia?* — 1.<sup>a</sup> Sententia negat, quia huiusmodi convictores non sunt *de familia*, ut *famuli*. Hi enim per famulatum domo et familiae quasi incorporantur: unde *domestici* et *familiares* dicuntur. Convictores personae sunt extraneae familiae, quae pecuniam solvunt, ut victum, doctrinam, et educationem a magistris accipiant — 2.<sup>a</sup> Sententia affirmat. Ratio est 1.<sup>a</sup> quia nihil in ipsis desideratur, quominus sint *vere de familia et continui commensales*. 2.<sup>a</sup> quia *si vere de familia, et continui commensales* sunt famuli, qui a regularibus dependent ob materiale famulatum: quanto magis habendi sunt de familia convictores, qui sub perfecta dependentia et obedientia degunt Regularium. 3.<sup>a</sup> quia pluribus Ordinibus, et Congregationibus privilegium competit familiaritatis pro ipsorum convictoribus: quod ob privilegiorum communicationem aliis etiam competit. 4.<sup>a</sup> ex praxi et consuetudine eadem doctrina confirmatur. Ita Pender, Pellizarius, Schmalzgrueber, Tarquini, Montrouzier de Inst. Soc., pag. 185. seqq., Gury 564., absque quam plures. Cf. Bouix p. 204. seqq. p. 626. A. S. S. V. 3. p. 47. seqq., Lucidi Ed. 3.<sup>a</sup> p. 370. seqq., Bizzarri Collect. Ed. 1885. p. 563. seqq.

129. *An Episcopus approbationem Regularibus denegare possit?* — I. Potest Episcopus 1.<sup>a</sup> praevium examen omittere vel exigere ad approbationem, etiamsi quis ab eius antecessore, vel etiam ab eius vicario generali fuerit approbatus. 2.<sup>a</sup> ad examen revocare post approbationem, etiam simpliciter concessam, sed sine praevio examine. 3.<sup>a</sup> approbationem dare cum limitatione temporis, personarum, locorum, casuum, vel etiam denegare, *si non censeantur universaliter idonei*. 4.<sup>a</sup> Eos, qui cum limitatione approbati fue-

rint, novo subdicere examini et eam facultatem limitatam restringere, vel omnino adimere, etiam absque nova causa confessiones concernente. — Prob. ex C. *Superna*, et variis Declarationib. S. C. Bonix p. 221. seq. D'Annib. 183. not. 13. L. 552. — II. Non potest Episcopus 1.<sup>o</sup> sine causa approbationem generatim denegare regularibus; 2.<sup>o</sup> approbationem revocare omnibus regularibus eiusdem Communitatis, aut saltem confessarios regulares restringere ad duos pro qualibet Ecclesia; 3.<sup>o</sup> examen denegare regulari, absolutam pro confessionibus approbationem postulanti, et vel limitatam vel nullam dumtaxat approbationem concedere; nisi tamen certo constet Ordinario regularem non esse generaliter idoneum; 4.<sup>o</sup> cum limitatione approbare, qui ad confessiones audiendas, praevio examine, idonei generaliter reperti fuerint; 5.<sup>o</sup> concessas licentias revocare, aut limitare, aut denovo examinare, si quis praevio examine absque limitatione fuerit ab ipso Episcopo approbatus, propterea quod universaliter idoneus fuerit repertus, nisi ex scandalo, aut aliquo delicto, aut alia nova superveniente causa, quae confessiones concernat; 6.<sup>o</sup> Regulares approbando, etiam cum limitatione, eos prohibere, quominus confessiones tempore paschali excipiant; aut infirmorum et moribundorum confessionem excipiant, de qua tamen informari debet parochus sive viva voce, sive scripto apud aegrotum retento, ut ultima sacramenta tuto ministrare possit. Ubi notandum est ad infirmorum confessiones audiendas nullo pacto parochi licentiam requiri. — Prob. item ex C. *Superna*, et variis Declarationib. S. C. — Pignatelli Cons. Can. T. 4. C. 163., Bonix p. 252., de Epise. V. 2. p. 249. seqq., Bizzarri p. 326. seqq. Ed. 1885., L. 550. 552.

130. *An, Sede vacante, possit Vicarius capitularis Regulares, a defuncto Episcopo approbatos, examinare, ac si minus idoneos repererit, facultatem pro confessionibus eis adimere?* — 1.<sup>o</sup> Si Regulares obtinuerunt licentiam illimitatam, certum est neutrum posse. 2.<sup>o</sup> Idem probabiliter dicendum, si licentiam obtinuerant ad tempus determinatum, quamdiu nempe tempus illud non expiravit. 3.<sup>o</sup> Idem ex communi sententia dicendum si licentiam obtinuerant ad beneplacitum. Triplex haec assertio constat ex C. *Ergentibus* Clementis IV., C. S. Pii V. *Romani Pontificis*, C. Clem. X. *Superna*, Decis. S. C. EE. et RR. 19. Jun. 1806., Bonix p. 246. seqq., D'Annib. 183. not. 13., L. 552.

131. *An Regularis semel approbatus in aliqua dioecesi, nova approbatione indigeat, si, mutata habitatione, eodem redeat?* — R. Neg. Ratio est, quia approbatus indefinite et illimitate remanet approbatus saltem usque ad implicitam approbationis revocationem; porro in casu praesenti nulla intervenit revocatio, ne implicita quidem. Ergo, etc. Ita La-Croix 1541., Lugo D. 21. n. 44. cum sententia communi. — G. 561.

132. *An Regularis approbatus in aliqua dioecesi, nova approbatione indigeat ad valide absolvendum, si, mutato loco, per eandem dioecesim transcat?* — R. Neg. ... quia approbatio indefinite et illimitate concessa, perdurat usque ad revocationem. La-Croix 1541. — G. B. 561.

133. *An Regulares confessarium liberi sibi eligere possint?* — R. 1.<sup>o</sup> Regulares in *Conventu* degentes confiteri debent sacerdotibus Ordinis a Superiore designatis, nec ab aliis quibuslibet sive intra, sive extra domum valide absolvi absque Superioris licentia possunt. Cf. A. S. S. V. 14. p. 272., 273., L. 574. — 2.<sup>o</sup> « Non licet Superioribus Regularium confessionem subditorum audire, nisi quando peccatum aliquod reservatum admiserint, aut ipsimet subditi sponte aut proprio motu id ab eis petierint ». Decc. Clem. VIII. 25. Maii 1594. — 3.<sup>o</sup> « Superiores in singulis domibus deputent duos, tres, aut plures confessarios pro subditorum numero maiori vel minori, iique sint docti, prudentes, ac caritate praediti, qui a non reservatis eos absolvant, et quibus etiam reservatorum absolutio committatur, quando casus occurrerit, in quo eam debere committi ipse in primis confessarius iudicaverit ». Decc. Clem. VIII. — 4.<sup>o</sup> In itinere si socium eiusdem Ordinis idoneum habeant,

illi confiteri debent. Si vero desit socius idoneus confiteri possunt cuilibet sacerdoti sive regulari, sive saeculari, sive approbato, sive non. Haec autem facultas locum non habet respectu casuum reservatorum. Ex speciali Benedicti XIV. Decreto FF. Cappuccini solis approbati confiteri possunt. L. 574. 575. et App. De Priv. 111. Bouix V. 2. p. 626. — 5. Nomine autem *Regularium* hic non comprehenduntur Religiosi recentiorum Congregationum, quae non sunt Religiones strictae dictae, neque habent canonicam institutionem et approbationem, nisi speciale hac in re privilegium habeant.

134. *An monialium confessarii indigeant speciali approbatione, et confessarii sibi moniales libere eligere possint?* — Ad moniales non pertinet sibi confessarium eligere, nisi hoc ius haberent ex fundatione vel consuetudine, quo casu electus ab ipsis confessarius deberet ab Ordinario approbari. — Si moniales non sint exemptae, vel si sint exemptae et Sedi Apostolicae immediate subiectae, confessarii deputatio ad Episcopum spectat. Si moniales sint exemptae et Praelatis regularibus subiectae, confessarii eiusdem tamen Ordinis deputatio pertinet ad Praelatum regularem. Sed necesse est ut Episcopus eum approbet, et quidem *specialiter* pro monialium confessionibus; imo et pro tali conventu; ita ut non sufficiat eum approbatum iam fuisse ab Episcopo pro alio conventu. Et approbari debet toties quoties ad id muneris deputatur. — Extraordinarii confessarii deputatio ad eum pertinet, ad quem pertinet deputatio ordinarii, et saltem bis aut ter in anno offerendi sunt unus vel plures. — Etiam ex sola ratione spiritualis consolationis et profectus, extraordinarie concedi debet moniali peculiaris confessor quem expostulat, dummodo et ex parte monialis, et ex parte confessarii, quem sibi deponit, nihil appareat, ex quo dictus profectus spiritualis sperandus non sit. Si Praelatus regularis negligat dare confessarium extraordinarium, supplet eius negligentiam Episcopus. Si Episcopus ipse negligit dare confessarium extraordinarium, nihil aliud monialibus conceditur, quam ad maiorem Poenitentiarium recurrere. — Praescribitur autem ut confessarius extraordinarius saltem semel in anno sit vel saecularis, vel alterius ordinis; et eo tempore ordinarius nullus, neque abbatissae, neque novitiarum audiat confessiones. — In articulo mortis cuilibet Moniali postulanti concedatur ab Episcopo confessarius particularis; et si monisterium sit exemptum, non concedente praelato regulari, assignetur ab Episcopo, vel recusante etiam Episcopo, a Poenitentiario maiori, si tempus suppetat. Si autem non suppetat, provisum est a Conc. Trid. S. 14. C. — Moniales omnes tenentur se sistere confessario extraordinario, ut omnium libertati consulatur, eidem tamen confiteri non tenentur. — Confessarius ordinarius Monialium non potest approbari nisi pro triennio; quo elapso, non potest amplius audire confessiones in eodem monasterio sine licentia. Sed huiusmodi restrictio non ubique servatur, et tunc approbatio valet usque dum verbis aut facto revocetur. — Porro Confessarius tenetur accedere ad audientiam Monialium confessiones, toties quoties vocatus fuerit. Caeterum caveat, ne se tanquam Superiorem monasterii gerat, cum ipsi talis auctoritas nullo modo competat. — Nomine *Monialium* intelliguntur hic proprie solae mulieres sub regula in *claustris* viventes: non vero illae, quae rigorosam claustrum servare non tenentur. — Gregor. XV. C. *Inscrutabili*, Clem. X. C. *Suprema*, Bened. XIV. C. *Pastoralis curae*, S. C. EE. et RR., Ithur. Cas. 16., Bouix De Episc. V. 2. p. 253., De Iure Reg. V. 2. p. 332., D'Amib. 239. — 242., G. B. 565.—567., L. 576. 577.

135. *An absolvi possint a quolibet confessario Moniales claustratae, dum claustrum monasterium cernuntur?* — R. Affirm. cum La-Croix 1527., et aliis. Ratio est, quia Constitutiones Gregor. XV. *Inscrutabili*, et aliorum SS. Pontificum, quae prohibent, ne Moniales confiteantur alteri sacerdoti quam specialiter ab episcopo pro Monialibus approbato, non videntur intelligendae nisi de *Monialibus in Monasteriis degentibus*; supponunt enim quod Moniales semper intra claustrum versentur. Quilibet igitur confessarii, licet pro Monialibus non approbati, absolvere possunt Moniales *per accedens*



ad se venientes. Praeterea nimium incommodum plerumque adesset, si Moniales peregrinae solis confessariis specialiter approbatis confiteri deberent: saepe enim carere deberent sacramentis poenitentiae et eucharistiae. — G. 569., D'Annib. 239. Cf. Euchir. Mor. n. 565.

136. *Quid dicendum de Confessariis recentiorum Institutorum Sodaliū?* — 1.<sup>o</sup> Quoad *specialem approbationem* Episcopi in ordinario confessario, haec *ex iure canonico* requisita non est. Ius enim loquitur de *Monialibus*, strictae talibus. Verum ea requisita est ex particulari dispositione S. Sedis in approbandis Constitutionibus harum Congregationum, et ex particulari dispositione episcoporum, qui, nonnisi *exceptis Monialibus*, approbationem concedere solent, comprehendendo etiam recentiores moniales. — 2.<sup>o</sup> Quoad *confessarium extraordinarium*, pluries in anno ab episcopo constituendum, ad id Episcopus iterum stricte non obligatur *ex iure canonico*, propter eandem rationem. Verum ad id obligatur, et sub gravi, ex naturali lege caritatis et iustitiae, qua debet prospicere bono spirituali suorum subditorum; et praeterea ex ipsa ratione, qua recentiores Constitutiones approbantur: siquidem S. C. praescribere solet ut quoad confessarios observetur C. Bened. XIV., *Pastoralis curae*. — 3.<sup>o</sup> Porro, quae de *Monialibus* constituta sunt, Bened. XIV. in his quoque servari cupit, quae canonicam clausuram non habent; immo in quibuscumque mulierum et puellarum una viventium coetibus seu conservatoriis, quae unicum ordinarium confessarium ab Ordinario loci designatum habent. Quem ideo singulis trienniis renovandum esse censuit S. C. EE. et RR. 27 sept. 1861. Huic autem licet vel extra Conservatorium aut Monasterium confiteri. Ead. S. C. 22 Jan. 1847. At vero, ubi moniales aut mulieres huiusmodi in ecclesiis confiteri solent, cuivis alias approbato confiteri possunt, quod consuetudine est introductum, quamvis ordinarium confessorem habeant ab Episcopo designatum. Quare de confessario extraordinario eis offerendo non oportet sollicitum esse. G. B. 567., D'Annib. 243.

## XI. — DE RESERVATIONE

137. *Quid sit reservatio?* — Reservatio causarum generatim est avocatio iudicii alicuius causae ab inferiore iudice ad superiorem: unde fit, quod, remanente in inferiore iudice ordinaria sua potestate, adimatur ipsi potestas quoad alias graviore causas diiudicandas. Reservatio igitur casuum in re nostra, reservatio nempe peccatorum seu censurarum, in ordine ad absolutionem dandam et recipiendam, est restrictio seu limitatio iurisdictionis, i. e. negatio potestatis absolvendi a certis peccatis et censuris, salva potestate absolvendi ab aliis. Quare in reservatis nihil potest simplex confessarius: *in reservatis*, non in poenitente reservatis obstricto. Poenitens potest ab aliis absolvi, a reservatis non potest. Licet haec bona fide poenitens confiteatur, et confessarius absolvat, nonnisi *indirecte* tunc renittuntur. — Trid. S. 14. C. 7., Lugo De Euch. D. 14. n. 87. 96., L. 265. 578. 579. 596., S. Th. S. q. 20. a. 2. Cf. Commentar. De Casib. Reserv. n. 1. seqq.

138. *Quinam casus reservari possint, et quosnam de facto qui possunt reservaverint?* — 1.<sup>o</sup> Summus Pontifex, pro sua in totam Ecclesiam iurisdictione, casus in tota Ecclesia reservare potest. Casus vero de facto Summo Pontifici reservati, alii reservati sunt cum censura, alii sine censura. Casus papales cum censura reservati continentur in C. Pii IX. *Apostolicae Sedis* de censuris, quibus pauci alii deinde additi sunt. De his Cf. Commentar. de cit. Const. Casus papalis sine censura reservatus unicus est, calumniosa sollicitationis accusatio, de qua Cf. Commentar. de C. Bened. XIV. *Sacramentum Poenitentiae* n. 56. seq. Cf. etiam Comment. De Casib. Reserv. n. 11. — 2.<sup>o</sup> Episcopi pro sua in propriam diocesim iurisdictione, casus in eadem reser.

vare possunt. Casus episcopales alii sunt reservati ab ipso iure communi, alii ab ipsis Episcopis. Priores continentur laud. Const. *Apostolicae Sedis*, Cf. Comment. de hac Const. n. 48, 77. seqq. 122. Posteriores vero ab ipsis Episcopis iisdem Episcopis reservati varii sunt pro variis dioecesibus, et in propriis catalogis continentur. Iam vero non possunt Ordinarii sibi reservare casus, quos Summus Pontifex sibi reservavit. S. C. EE. et RR. 26. Nov. 1602. Cf. Suarez D. 31. S. 4. n. 25., Lugo D. 20. n. 149, 151. Faciles praeterea esse non debent in reservandis sibi maxime frequentioribus peccatis, puta contra castitatem; sed monentur, ut faciles e contra sint in concedenda, praesertim confessariis in locis ab Episcopali civitate longe positis, facultate absolvendi. Hinc monentur etiam constituere Poenitentiarios aliosque sacerdotes in dioecesi, qui possint ipsi absolvere, et aliis absolvendi facultatem dare. S. C. EE. et RR. 26. Nov. 1602. Cf. Comment. De Cas. Reserv. n. 12. Reservationes tandem Episcopales, extra Synodum factae, cum saltem de facto non habeantur ut leges perpetuae, sive consulto sive inconsulto Capitulo, cessant cessantibus ab Officio, vel defunctis Ordinariis. Cf. Comment. De Casib. Reserv. n. 13. — 3.<sup>o</sup> Parochi etiam, licet Praelati Superiores non sint, et ex hoc capite non videretur quod ipsi casus possint reservare, absolute tamen possunt, quia ordinariam habent iurisdictionem. De facto vero nulla est Parochorum reservatio, siquidem fere inutilis esset. Cf. Comment. cit. n. 9. — 4.<sup>o</sup> Praelati regulares reservare possunt, si velint, undecim casus designatos per Clem. VIII. Peccata alia vel censuras reservare nullo tenore possunt sine matura discussione et consensu Capituli Generalis in toto Ordine, aut Provincialis in Provincia. 26. Maii 1594. Cf. Comment. cit. n. 14, 15. — L. 580. — 583, 602.

139. *Quenam de facto sint conditiones peccatorum reservatorum?* — Ecclesia reservare non solet nisi graviora et externa peccata. Quare reservatio non incurritur nisi peccatum fuerit *grave* actu *simul* interno et externo, eoque consummato. Neque item incurritur sive *in dubio* iuris, sive *in dubio* facti de ipso peccato, licet post receptam absolutionem certa reservatio appareat. Cf. Comment. cit. n. 10. An aetas, metus, ignorantia excusent a reservatione? Excusant sane quando reservatio rationem habet poenae, ut in censurarum reservatione, de qua Cf. Comment. De Censuris § 1. n. 6., § 2. Excusant etiam in reservatione peccatorum, quando legislator positive declarat reservationem in poenam criminis constituere: tunc enim certe poenalis est. An vero excusent etiam quando peccatum simpliciter reservatur? Sunt qui affirmant, quia reservatio natura sua poena est vindicativa, vel saltem medicinalis, vel quia talis saltem rationabiliter praesumitur legislatoris voluntas. Sententia haec probabilis est multis, et pluribus etiam ex illis, qui ei repugnant, qui consequenter concludunt licere ea uti, dummodo confessarius poenitentem de reservatione certiore faciat, ut si postea iterum in reservata incidit, reservatione teneatur. D'Annib. 1874. Sed longe communius et verius doctores negant. Ratio, quia reservatio, natura sua poena non est; sed mere restrictio iurisdictionis quoad maiores causas, quas superior index per seipsum diiudicandas sibi advocat suoque iudicio exclusive submittit. Neque vero rationabiliter legislatoris voluntas praesumitur, quandoquidem haec neque ipsa reservationis intrinseca natura, neque ex extrinsecis legis verbis, aliisque circumstantiis desumi potest. — Et certe nulla admittenda excusatio, si explicito legislator declaret, velle se in reservatione comprehendere, et pueros, et metum patientes, et ignorantes. Cf. Comment. De Cas. Reserv. — L. 580. — 583, 596, 600.

140. *Quinam a reservatis absolvere possint et quando?* — 1.<sup>o</sup> Praeter Rom. Pont. et Maior. Poenitentiar absolvere possunt iure ordinario ipsi reservantes, quique eorum vices gerunt, Quare a casibus episcopalibus absolvunt episcopi eorumque vicarii generales, C. *Non putamus* 2. *De Consuet.* in 6.<sup>a</sup>, in propria quisque dioecesi; non item canonici poenitentarii S. C. C. ap. Pitton. n. 881. L. 599. A casibus reservatis regularium absolvunt

eorum superiores. Nequeunt vero in praesenti regulares absolvere a casibus papalibus, ex C. *Apostolicar Sedis* Pii IX. de censuris; neque absolvere possunt a reservatis episcopalibus ex pr. 12. d. ab Alex. VII. Verum absolvere possunt a reservatis ab ipso iure communi Episcopis. Siquidem haec facultas nullibi reperitur revocata. L. 599., S. O. 22. Mart. 1881. Cf. Commentar. De Censur. § V. n. 66. — 2.<sup>o</sup> Itemque a reservatis absolvunt omnes, qui ab his delegatam accipiunt *specialem* iurisdictionem super reservatis. Potestas absolvendi a reservatis data simpliciter pro casibus papalibus, vel data *etiam* pro papalibus, non valet quoad casus ab Ordinariis reservados. Bened. XIV. C. *Pas Christi*. L. 594. Potestas, data ab Ordinario pro reservatis absolvendis, pro papalibus casibus non valet. Utraque vero simpliciter data non valet pro *specialiter* seu *speciali modo* reservatis. C. *Si Episcopus* 2. De *Poenit.* in 6.<sup>o</sup> — 3.<sup>o</sup> Cum peregrini ex communis consuetudine confiteantur et absolvantur, *tanquam incolae loci*, in quo degunt, absolvi non possunt a reservatis, in loco confessionis, a simplici confessario; absolvi vero possunt a reservatis in patria, nisi eo venerint in fraudem reservationis, et agatur de censuris *ab homine* reservatis. Clem. X. C. *Superna* 21. Jun. 1670. S. C. C. 16. Sept. 1649. ap. Bened. XIV. De Syn. l. 5. C. 8., S. C. C. 12. Nov. 1612., S. Poenit. 21. Nov. 1873. In *fraudem* reservationis ille venit, qui ob hunc principalem finem venit vitandi iudicii proprii pastoris, et absolutionem a reservatis obtinendi. Quare si venit, ut tractet alia sua negotia, et deinde confiteatur, vel etiam ut melius confiteatur, iure utitur suo. De *censuris ab homine reservatis*, pro his enim invocari non potest universalis consuetudo, ut pro censuris, licet reservatis, a iure latis, quod etiam alii tamen negant. D'Annib. 346. V. 1. Ed. 3. L. 587. 592., Gury Dumas, Gury Baller., 582. — 4.<sup>o</sup> In articulo mortis omnes absolvere possunt a peccatis et censuris reservatis, quia nulla tunc est reservatio ex Trid. S. 14. C. 7. Quare ad absolvendum a casibus papalibus nulla opus est Episcopi venia, et quilibet absolvere potest a reservatis, praesente etiam superiore, vel alio potestatem habente. — G. B. 579., D'Annib. V. 1. n. 349. Ed. 3.<sup>a</sup>, 563. Cf. Commentar. De Casib. Reservat. n. 36. 37. — 5.<sup>o</sup> Superior, qui ordinariam habet iurisdictionem reservationem extra confessionem tollere potest; et poenitens tunc a quolibet confessario absolvi potest. Qui vero delegatam habet iurisdictionem, cum ea principaliter detur pro peccatis absolvendis, non nisi in sacramentali confessione a reservatis absolvere potest. Suarez De Censur. D. 7. S. 5. n. 36., Lugo D. 20. n. 74. « An autem possit superior absolvere poenitentem a reservatis, et pro aliis eum remittere ad inferiorem? Alii universe affirmant... Alii dicunt id tantum licere in casu gravis necessitatis, puta si superior non posset se expedire ab aliquo gravissimo negotio, et contra necessarium iudicaret personaliter audire peccatum reservatum. Idque admittunt Lugo D. 20. n. 78., Salm., etc. Sed in casu rarissimo, addito quod poenitens esset in necessitate communicandi, et nollet eadem peccata his confiteri. Hoc ultimum non videtur improbabile, posito casu cum omnibus his conditionibus ». L. 595. — 6.<sup>o</sup> « Qui a superiore absolutus est a reservatis, potest ab iisdem postea absolvi a quovis: quia non sunt amplius materna necessaria confessionis ». L. 596.

141. *Nota:* Superior non debet difficulter dare veniam absolvendi a reservatis, « ne alioquin cedat in destructionem, quod debebat in aedificationem ». L. 578. S. Th. 3. D. 17. q. 3. a. 3. ad 6. Quare, regulariter, graviter peccat, si ex negatione grave subditi detrimentum timeatur. L. 586. *Regulariter*, nisi nempe grave scandalum, grave damnum Communitatis impendat, cui non nisi Superior, re cognita, remedium afferre posset. L. 586. Cf. Commentar. De Casib. Reserv. n. 33. 34.

142. *An absolutus a reservatis in articulo mortis ab inferiori teneatur se sistere Superiori, si convalescat?* — R. 1.<sup>o</sup> Negat., si sermo sit de peccatis mere reservatis. Nam ex Trid. S. 14. C. 7. in articulo mortis nulla est



reservatio. Ergo nullum etiam reservationis onus, nisi aliunde probetur. — 2.<sup>a</sup> Si sermo sit de censuris reservatis, 1.<sup>a</sup> sententia absolute affirmat ex C. *Eos qui* 22. *De Sent. Excomm.* in 6.<sup>o</sup>; 2.<sup>a</sup> sententia affirmat de censuris papalibus speciali modo reservatis, negat de aliis. Ratio, quia in C. *Apostolicæ Sedis* de prioribus dicitur, quod *firma sit quoad absolutos obligatio standi mandatis Ecclesiæ si convaluerint*, de ceteris vero nihil dicitur. 3.<sup>a</sup> sententia negat etiam de prædictis censuris speciali modo reservatis; quia per C. *Apostolicæ Sedis* correctum non est Tridentinum, et illa clausula neque ex Iure Decretalium neque ex auctoritate Theologorum necessario significat obligationem sistendi se Superiori: dummodo tamen si convaluerit poenitens ea præstet, quæ superior exacturus ab eo fuisset, res notoria non fuerit, neque ad forum contentiosum deducta. Et hæc ratio tam revera valida est, ut ipse D'Annib. asserat V. 1. n. 350. Ed. 3.<sup>a</sup> *se plurimum moveri* et ratione et auctoritate, quamvis vero deinde fateatur se huic opinioni non adhaerere, quia C. *Apostolicæ Sedis* «*censuras*, non *obligationes* iure canonico introductas, coercuit, sustulit». Sed obligatio hæc non erat sane coercenda et subferenda per C. *Apost. Sed.* Nam Tridentinum est, quod coercuit et sustulit hanc obligationem, sine ulla verborum ambiguitate declarando, quod in articulo mortis *nulla sit reservatio*, deinde statim confirmans obligationem accedendi ad Superiorem *extra articulum mortis*, S. 14. C. 7. Et sane interpretari prædictam clausulam, *standi mandatis Ecclesiæ*, pro *se sistendi Superiori*, ut theologi quamplures efficiunt, plane arbitrium est. Quod perspicuus doctissimus D'Annib. aliter et magis rationali modo eam est interpretatus, nempe pro *standi Legibus Ecclesiæ*. Inde vero neque sequitur prædicta obligatio, quia hæc Lex Decretalium comparandi coram Superiore, ut iam dictum est, abolita est per Trid., et quia tunc debuisset potius dici: «*dummodo tamen firma sit quoad absolutos obligatio standi MANDATO, seu LEGI, Ecclesiæ si convaluerint*». Obvia huius clausulæ interpretatio hæc esse videtur: nempe, quia in præcedenti serie excommunicationum, speciali modo reservatarum, agebatur de gravissimis rebus, uti videre est e. g. in articulis de hæreticis et se ismatis, de absolutis complices, de usurpatoribus domini temporalis S. Sedis etc., circa quas plura sunt iam ab Ecclesia præscripta et gravissimè observanda, plura etiam adhuc præscribuntur et præscribi forte in posterum continget, ideo Legislator ne absoluti in articulo mortis, sese existiment liberos ab huiusmodi obligationibus implendis si convaluerint, illam apposuit explicite clausulam, qua declaratur, et specialiter monetur pro rei gravitate, firmas omnes permanere prædictas obligationes. Et si absolutus hæc omnia præstet, iam adæquate impletur finis illius obligationis comparandi, quam alii adstruunt. Unde ex hac opinione nullum reapse esset incommodum, G. B. 576. Cf. Commentar. De Censuris § VII. Ceterum si C. *Apost. Sed.* non coercuit *obligationes*, sed *censuras*; et ex Iure Decretalium, non obstante Tridentino, viget illa Obligatio, ea profecto tunc vixere dicenda est non tantum pro casibus speciali modo reservatis, sed pro omnibus, quod communiter non admittitur; ne ea clausula superflua omnino tunc dicatur.

143. An, *stante impedimento adeundi Superiorem, posset quis absolvi per sibi placitum confessarium a casibus reservatis?* — I. *Ex antiquo Decretalium Iure*: 1.<sup>o</sup> episcopi possunt, in prædicto casu, per se, vel per alios specialiter a se delegatos, absolvere in utroque foro ab omnibus casibus et censuris, atquequæ Apostolicæ Sedi reservatis. Constat 1.<sup>o</sup> ex CC. 2. 3. 6. 11. 13. 17. 24. 33. 37. 50. *De Sent. Excomm.*, etc., 2.<sup>o</sup> ex communi Theologorum sententia. Unde effatum: casus papalis superveniente impedimento fit episcopalis. L. 584. 599.

144. 2.<sup>o</sup> Quamvis nullo expresso iure, ex communi tamen doctrina triplex distinguuntur impedimentum, ad *breve* tempus, ad *longum* tempus, *perpetuum*. Si impedimentum sit ad *breve* tempus, h. e. non usque ad annum

vel sex menses, tunc innodatus peccato reservato vel censura reservata non potest ab alio absolvi, nisi adsit gravis causa. « *Gravis autem causa* ea est, quae excusat ab integritate materiali, adeoque nolum praeceptum paschale, vel necessitas communicandi vel celebrandi, sed etiam, si poenitens alias manere deberet in peccato mortali diu, i. e. ultra biduum; nam si in eo casu cessat lex divina de integritate confessionis, lex humana quidni cesset? ». D'Annib. 191., G. 575., L. 585., et l. 7. n. 84. 86. 88. — Porro in tali casu communis et recepta opinio habet, quod a peccato reservato quis non nisi *indirecte* absolvatur: adeoque tenetur poenitens directe postea absolvi ab habente potestatem. L. 585. 596. *A peccato reservato*: nempe sive peccatum sit sine censura, sive cum censura reservatum: a censura enim non nisi *directe* quis absolvi potest: stante autem *gravi illa causa*, a sacramentali absolutione non prohibet. Verum plures adsunt et graves doctores, qui tenent absolutionem etiam in hoc casu *directe* dari a peccato reservato, sive sine censura sive cum censura reservato. Et revera hoc *consequenter* videtur dicendum, si reapse cesset reservatio, quum humanarum legum nulla sit obligatio cum incommodo gravi: ut habet idem D. Annib. l. c. Ubi vero agatur de censuris reservatis lus non distinguit inter longum et breve tempus. C. *Nuper* 29. *De Sent. excomm.*, C. *De cetero* 11. c. t. C. *Quatinus* 58. ib. Ergo, si valet arguere a facultate positive facta a Iure, quando casus est reservatus cum censura, idem iterum *consequenter* dicendum, si casus est sine censura reservatus. Et huic quidem opinioni favet Decretum S. O. 23. Jun. 1886. Verum in hac etiam opinione poenitens procul dubio, cessante impedimento, tenetur se sistere superiori, quod in ipso Iure cautum est pro casibus cum censura reservatis: pro casibus vero sine censura reservatis, quia vi reservationis poenitens tenetur *per se* superioris iudicium subire quandocumque poterit, quare impedimentum praeteritum non potuit *per se* absolute eximere poenitentem ab hoc onere, licet potuerit ipse inferiori confessorio confiteri *ex legitima quadam epicheia*. — L. 355.

145. 3.<sup>a</sup> Si impedimentum sit ad *longum* tempus, h. e. ad annum vel sex menses, et peccatum sit cum censura reservatum, absolutio *directe* quidem datur, ex communi sententia, cui iterum favet praedictum S. O. Decretum: sed prius onere imposito se sistendi Superiori, ubi impedimentum cessaverit. Omittens autem se praesentare reincidit in eandem excommunicationem, C. *De cetero* 11. *De Sent. Excomm.*, C. *Quatinus* c. t. C. *Hos qui* 22. c. t. in 6.<sup>a</sup> Reincidentiam hanc plures sustinent etiam post C. *Apostolicae Sedis* Pii IX., censuras limitantem: quia, aiunt, ad ipsam naturam censurae pertinet, quam praedicta Const. non immutat. Alii reincidentiam limitant tantum ad casus *speciali modo* *reservatos* in praedicta Const., siquidem pro his tantum constituitur, inquit, reincidentia pro articulo mortis: ergo et consequenter pro casu impedimenti reincidentia pariter admitenda est pro iisdem casibus: secus reincidentia haberetur, quando reservatio cessat *per se*, nempe in articulo mortis: minime vero haberetur quando cessat *per accidens*, nimirum in casu impedimenti. Alii tandem reincidentiam sublatam censent per cit. Const., quia renovata non legitur in ipsa, ex qua *censurae* in praesenti desumendae sunt. Ac eadem Const. si quando in peculiari casu voluit manutenere censuram, expressit, ut in art. 4.<sup>o</sup> excommunicationum S. P. simpliciter reservatarum. Haec quantum est ex vi ipsius Constitutionis, siquidem reincidentia affirmatur in cit. Deer. S. O. — Si vero peccatum sit sine censura reservatum, ex communi sententia nullum imponitur onus sistendi se Superiori. Ratio, quia ut pro censuris reservatis id iure praescribitur, ita pro peccatis mere reservatis id praescriptum non est. G. 515. Verum onus hoc affirmat D'Annib. 101., « nullibi enim cautum est, inferiorem posse directe a peccatis reservatis absolvere poenitentem, qui diuturno impedimento laborat ».

146. 4.<sup>a</sup> Si tandem impedimentum sit *perpetuum*, h. e. ad decennium vel quinquennium, absolutio *directe* datur a peccato sive cum censura, sive

sine censura reservato et in utroque casu non imponitur onus sistendi se Superiori; in hoc enim casu simpliciter cessat reservatio; et illud quod impossibile est cum impedimento perpetuo. C. *Eos qui* 22. *De Sent. Excomm.* in 6. Ita ex communi et recepta sententia. G. 570., D. Annib. 191., L. 585.

147. 5.<sup>a</sup> Perpetuo autem impediti censentur filii familias, Regulares, senes, etiam sexagenarii, servi, pauperes, carceribus vel trireribus perpetuo damnati, infirmi, scilicet laborantes longa et gravi infirmitate li et non mortifera, obstricti cura alendi sive administrandi familiam, vel publicum gerendi officium, quod non possit relinqui sine publico impedimento, mulieres omnes, et non solum moniales: nisi exceptio habeatur, ut pro monialibus clausuram violentibus, impuberes, etiam si post pubertatem absolutionem petant: quicumque iter arripere nequeunt sine gravi damno spirituali vel temporali suo vel suorum. — CC. 2. 11. 26. 32. 37. *De Sent. excomm.*, L. 594., l. 7. n. 84. seqq.

148. 6.<sup>a</sup> Impediti adire Romam in persona non tenentur mittere epistolam, aut procuratorem, aut scribere ad S. Poenitentiarium, aut delegatum adire, quamvis possint. Ius enim non obligat reum, nisi ut personaliter superiorem adeat. S. 1. C. 18. Jul. 1860., C. *Cum desideres*, 15., C. *Quod de his* 26. *De Sent. Excomm.* cc. ab eadem S. C., L. 1. 7. n. 85.-93., Schmalz. n. 262. 246., Sanchez In Decalog. l. 2. C. 13. n. 30., Roncaglia tr. 4. cap. 6. q. 4. R. 2., G. B. 575. Et licet alii aliter opinati sint, et opinentur, favet tamen huic opinioni ipsum Decretum S. C. 23. Jun. 1886., quod cæteroque obligationem nunc imponit per epistolam recurrendi: siquidem prædictum Decretum in immutatis conditionibus inimitur. D'Ann. V. 1. n. 348. Ed. 3.<sup>a</sup>

149. 7.<sup>a</sup> Impediti adhuc Episcopum adire pro his casibus et censuris, Romano Pontifici reservatis, a quocumque confessario absolvi possunt. L. 585. Ita ex C. *Nuper* 29. *De Sent. Excomm.*, « ubi videtur indifferenter concedi facultas absolviendi Episcopo et proprio sacerdoti, cuilibet nempe confessario ». Roncaglia l. c. R. 3. Hinc probabilis etiam sententia est, quam plures et graves tenent theologi, absolutionem casuum et censurarum, stante impedimento Romanum Pontificem adeundi, non ad solum episcopum, sed ad quemlibet confessarium indistincte spectare. « Quoad censuras reservatas, ait Roncaglia . . . moneo, in iure *bene fundatam* eam sententiam, quæ asserit temporaliter impeditum adire Papam, posse a simplici confessario absolvi, nec necesse habere Episcopum adire pro absolutione a casu Papæ reservato ». Tr. 19. cap. 3. q. 3. et l. c. R. 3., et hanc sententiam omnino tenendam esse docet Passerin. De Elect. Cap. 26. n. 149. Castro Palao D. 1. P. 11. § V. n. 6., Joann. Marin Tr. 22. De Sacram. Poenit. D. 11. S. 1. n. 22., Sayrus Thesaur. Cas. Conse. lib. 2. C. 20. n. 25., Suarez De Poenit. D. 30. S. 3. n. 8., Pichler l. 5. T. 39. n. 14. Reiffenstuel l. 5. t. 7. n. 395. 396., Bertagna De Casuum Reserv. pag. 140., Ballerinius, Civiltà Cattolica, Serie 13. V. 1. p. 217. Id sane eruitur ex C. *Quamvis* 58. *De Sent. Excomm.*, et clare habetur C. *Nuper* 29. c. t. Unde opposita opinio, quæ communiter evasit, potius theologorum auctoritate, quam claro aliquo iuris textu nuntur. Theologi autem contendere leges potestatem non habent. Et hoc tam verum est, ut d'Annib., qui oppositæ adhaeret opinioni, hanc tamen fateatur. V. 1. n. 349. Edit. 3.<sup>a</sup>, « verbis canonis *optime* cohaerere ». Ceterum favet huic opinioni C. *Apostolicæ Sedis* Pii IX. de censuris; siquidem facillimum fuisset Legislatori cæteris casibus, Episcopis reservatis, hunc etiam illis addere, qui e contra prætermisus est. Quod vero in hac questione potissimum nunc est, favet huic opinioni laud. Decretum S. O. 23. Jun. 1886., cui in præsentī standum est.

150. 8.<sup>a</sup> Si agatur de casibus et censuris episcopalibus negant S. Alph. 585., l. 7. n. 92. alique plures, posse a reservatis absolvere simplicem con-



fessarium; sed certe probabilis, immo forte probabilior est sententia asserens, quod illi, qui impediti sunt Episcopum adire, possunt ab ipsis absolvi per quemcumque confessarium. Et manifeste habetur C. *Eos qui* 22. *De Sent. Excomm.* in 6.<sup>a</sup>, ubi de quocumque Superiore agitur et non tantum de Rom. Pont. G. B. 275., D'Annib. V. 1. n. 349. Edit. 3.<sup>a</sup>

151. II. *Post Decretum S. O. 23. Jun. 1886., S. Poenit. 7. Nov. 1888.* in casibus et censuris papalibus per litteras recurrendum est ad S. Poenitentiarium stante impossibilitate personaliter adeundi S. Sedem: quivis tamen simplex confessarius absolvere ab iis potest, in casibus vere urgentioribus, in quibus absolutio differri nequeat absque periculo gravis scandali vel infamiae, super quo confessariorum conscientia operatur, iniunctis de iure iniungendis, et sub poena reincidentiae in easdem censuras, nisi saltem infra mensem per epistolam et per medium confessarii absolutus recurrat ad S. Sedem. Decretum hoc ad episcopales casus non spectat. Cum nullum novum prodierit circa eos novum Decretum, immota permanet antiqua doctrina antiquo Decretalium Iure innixa. — Cf. Commentar. De Censuris §§ V VI.

152. *An Episcopi absolvere possint a casibus et censuris papalibus occultis?* — R. Affirm. ex facultate ipsis concessa per Trid. S. 24. C. 6.<sup>a</sup>, exceptis tamen casibus et censuris *speciali modo* Romano Pontifici reservatis, ut constat ex C. *Apostol. Sed.* Pii IX. Cf. Commentar. De Censuris § IV. L. 593. 594. 599.

153. *An reservatione ligatus, in necessitate communicandi, aut celebrandi, teneatur confiteri et integre confiteri confessario simplici, alio deficiente?* — 1.<sup>a</sup> Affirm. sive habeat tantum peccata reservata, sive habeat praeterea non reservata, secundum opinionem, quod confessarius simplex in tali necessitate *directe* a reservatis absolvat. Ratio, quia nulla adest ratio pro omissione confessionis et *integrae* confessionis. — 2.<sup>a</sup> Secundum aliam opinionem, quod simplex confessarius in tali casu nonnisi *indirecte* absolvat distinguendum est. Etenim, si nullum aliud mortale peccatum habeat, nisi reservatum, conveniunt DD. non teneri ad confessionem, sed sufficere ut conteratur. Ratio, quia confessarius non habens iurisdictionem, perinde est ac si obesset. Si vero mortalia simul habeat reservata et non reservata, communissima sententia tenet hunc omnino teneri ad confessionem. Ratio, quia urget praeceptum confessionis: et confessarius licet *in reservatis* iurisdictionem non habeat, habet tamen iurisdictionem in poenitentem reservatis obstricto, eumque saltem a non reservatis absolvere potest. — 3.<sup>a</sup> An autem debeat quis in tali casu accusare etiam peccata reservata: longe probabilior sententia negat. Ratio est defectus iurisdictionis in reservata. Excipiendus tamen est casus quo illa peccatorum reservatorum cognitio necessaria esset ad recte iudicandum de dispositione actuali poenitentis et ad opportuna remedia illi praescribenda, ut relapsus vitetur. — 4.<sup>a</sup> Secundum Decretum S. O. 23. Jun. 1866. Cf. n. 151. confessio eaque integra etiam casuum Summo Pontifici reservatorum peragenda est. — L. Cf. Commentar. De Casib. Reserv. n. 40. 41.

154. *An qui confessus est inferiori peccatum dubie reservatum, omnino liberetur a reservatione, etiamsi postea illud cognoscat ut certum?* — R. Affirm. Ratio, quia cum peccatum dubie reservatum sit confessus, iam directe est absolutus, ac proinde manet directe ablata reservatio. L. 600. Cf. hic n. 14.

155. *An absolvi possit a reservatis, qui peccavit in confidentiam licentiae obtinendae?* — R. Affirm. siquidem concessa facultas hunc casum non excludit. L. 601.

156. *An concessa facultas a reservatis absolvendi, extendatur etiam ad reservata commissa post ipsam?* — R. Negat. si mere pro casibus praeteritis fuerit concessa; Affirm. si fuerit concessa indefinite, pro tali poenitente, hac vice, dummodo non interponatur magna distantia inter facultatis

concessionem et nova reservata commissa, puta non ultra mensem: illa enim facultas pro *praesenti* confessione datur. L. 601. Cf. Commentar. De Casib. reservat. n. 43.

157. *An auferatur reservatio in confessione Superiori facta, invalida, sacrilega, vel qua nullatenus reservata quis accusaverit?* — R. Ad 1.<sup>am</sup> et ad 2.<sup>am</sup> Affirm. probabiliter et ex communi sententia; nam peccata, licet confessione *invalida* et *sacrilega* superiori accusata, superiori iudicium subierunt. L. 558. — Ad 3.<sup>am</sup> Affirm. saltem probabiliter, et ex sententia, quam S. Alph. communissimam dicit, si peccata reservata inculpabiliter quis omiserit, nam ubi non constet de voluntate contraria superioris, is profecto absolvit *quantum ipse potest, et poenitens indiget*. L. 597. Negat., si ex malitia praetermittantur vel inculpabiliter quidem praetermittantur in confessione aliunde sacrilega. Ratio, quia Superior in hoc casu *non vult* reapse absolvere: siquidem revera *non vult* sacrilegum absolvere, neque vult saltem eum a vinculo reservationis absolvere, cum peccatum reservatum eius iudicium non subierit. L. 598. Cf. Commentar. De Casib. Reserv. n. 31. 62. L. 598.

## XII. — DE VARIIS MINISTRI OFFICIIS

158. *De officio patris.* — Confessarius est pater spiritualis, qui spiritualement vitam poenitenti tribuit, aut reficit et fovet; in tribunali enim Poenitentiae vires gerit optimi omnium parentis, nempe ipsius Christi, et ideo a poenitentibus dulcissimo Patris nomine appellatur. Illud autem quod in vero patris nomine imprimis eminet, est insignis et inexhausta caritas. Quatenam enim dilectio patris dilectione fortior? Quatenam verior, purior, castior, constantior, sollicitudine plenior et a proprio commodo magis aliena, imo et a omni privationum et incommodorum genus paratior et promptior? Talis igitur esse debet Confessarii caritas, ita ut indutus viscera misericordiae Christi Jesu, qui non venit vocare iustos, sed peccatores, sciat studiose, patienter et mansuete cum peccatoribus agere. Leo XII. in Bulla pro lubitaeo magno anni 1825. Sic bonus pater pro filiis spiritualibus omnia sustinebit: *Caritas enim patiens..., omnia suffert..., omnia sustinet.* 2. Cor. 13. 4. — Confessarius debet esse caritate plenus erga poenitentes, tum in principio, tum in decursu, tum in fine confessionis. *In principio*, benigne omnes excipiendo. Quare maxime improbandi sunt, qui posthabitis viris, praesertim rudibus, et matribustamiliis, nonnisi adolescentularum et devotarum seminarum confessiones audiunt. Scilicet in confessiones audiunt, non ut placeant Deo, sed ut gendo indulgeant. L. Prax. 129. *In decursu*, poenitentem quantum potest adiuvando, ut bonam et salutarem confessionem periciat. Quare si poenitens non videatur sufficienter instructus et dispositus, tenetur excitare in ipso dolorem et propositum, quia absolvens indispositum exponit sacramentum periculo frustrationis, si vero illum dimittat sine aliquid uno, ipsum exponit forte periculo diu remanendi in statu peccati mortalis, aut etiam non amplius redeundi. G. 625., L. 608. Et praesertim quoniam rudiores confessarius ordinarie ipsemet eos examinare etiam debet, quia in sibi solis relictis non melius se examinabunt, et si dimittantur, nunquam magis dispositi redibunt; imo absterriti difficultate examinandae conscientiae facile a confessione abstinerebunt. G. 629., L. 607. Ac si multum temporis confessario impendendum sit, in disponendo poenitente impendat sane, nec ei curae esse debet, quod alii poenitentes expectent. L. 608. *In fine*, poenitentem efficaciter excitando ad sincerum dolorem et propositum. L. Prax. 4. — Haec autem Confessarii caritas a prudentia seiuncta esse non debet. Quare « summe cautus debet esse confessarius in excipiendis

confessionibus mulierum... ipse regulariter in confessionario cum iunioribus sit potius rigidus quam suavis » L. Prax. 119. Idem magis adhuc servandum est cum personis spiritualibus, « cum quibus est periculum maioris adhaesionis ». L. ib. S. Augustinus apud S. Th. Opusc. 64. De famil. dom. etc. ait: « sermo brevis et rigidus cum his mulieribus habendus est: nec tamen quia sanctiores, ideo minus cavendae, quo enim sanctiores fuerint, eo magis alientur ». Et S. Th. addit: « licet carnalis affectio sit omnibus periculosa, ipsis tamen magis perniciosa, quando conversatur cum persona, quae spiritualis videtur: nam quamvis principium videtur purum, tamen frequens familiaritas domesticum est periculum, quae quidem familiaritas quanto plus crescit, infirmatur principale motivum, et puritas maculatur » — Quam autem late pateat haec confessarii caritas ab ipso confessionis fine, qui spiritualis poenitentis salus est, desumendum est. Quare a confessario aliena sunt negotia temporalia ipsius poenitentis, L. 478. 621; aliena etiam sunt spiritualia et temporalia aliorum negotia. His autem se immiscere non solum aliquando est inconsultum, sed sacramentum etiam odiosum reddere potest. L. 452. Cf. C. Leonis XII. *Caritate Christi* 25. Dec. 1825, Salvatori Istruz. Prat. poi Confess. novelli.

159. *De officio medici*. — Confessarius est verus animarum medicus, cum ipsas variis peccati morbis eripere, pravis passionum affectibus adimere, et divinae gratiae restituere debeat. Confessarius igitur, ut positus medicus, debet 1. causam mali cognoscere; 2. illud sanare; 3. relapsum praecavere. — 1. *Confessarius debet causam morbi cognoscere*. « Confessario, ut sui poenitentis infirmitatibus remediis opportunis occurrat, cognoscenda est origo et causa omnium eius spiritualium morborum. Nonnulli praeter species et numerum peccatorum nihil aliud inquirunt: si poenitentem dispositum vident, statim eum absolviunt: sin minus, quin unum verbum impendant illico dimittunt, oculo retorto dicentes: Discede a me, quia te absolvere non possum. Aliter procedunt boni Confessarii: hi enim prius investigant morbi originem et gravitatem, interrogando de peccati consuetudine, de occasionibus, de tempore, de loco, de personis cum quibus, quo rerum concursu. Sic enim melius poterunt poenitentes corrigere, eos ad absolutionem dispensare, et remedia salutaria adiuungere ». L. Prax. 6. — 2.º *Debet morbum sanare*. « Cognita morbi origine et gravitate, Confessarius procedit ad debitas animadversiones faciendas. Et quamvis ipse debeat tanquam pater cum caritate poenitentes auscultare, tamen ut medicus teneatur, quantum opus est, eos monere et corrigere eos praesertim, qui, multis morbidibus gravati, ad Poenitentiae Sacramentum raro accedunt ». L. ib. 7. 10. — 3.º *Debet relapsum praecavere*. Relapsum praevocabit Confessarius, assignando poenitenti remedia morbi convenientia. Remedia autem vel generalia sunt, vel particularia. — 1.º Remedia generalia sunt 1.º oratio pia et amor erga Deum; 2.º invocatio frequens B. Mariae Virginis, sancti Angeli custodis et Sancti protectoris; 3.º frequenta Sacramentorum et confessio statim ac mortale aliquid commissum fuerit; 4.º consideratio veritatum aeternarum, praesertim mortis et finis ultimi, iuxta illud: *Memento mori* tua, et in aeternum non peccabis: Eccli. 7., 40.; 5.º recordatio Dei praesentis, cum urget tentatio, dicendo: Deus me videt; 6.º examen conscientiae vespertinum cum animi dolore et proposito; 7.º oratio mentalis et pie lectioes, praesertim pro Sacerdotibus. — 2.º Remedia particularia assignabuntur pro vitiorum diversitate: v. gr., illi, qui aliquo odio tenetur, *insinctor*, si id prudenter credatur profuturum, ut quotidie commendat Deo illum, quem odit, recitando pro ipso Orationem Dominicalem, etc. Et cum turbatur memoria iniuriae, reminiscatur contumeliarum, quibus ipse Deum affecit. Illi, qui in peccata turpia lapsus est, iniungatur ut otium vitet, malos socios et pravas occasionis fugiat Illi, qui habitum pravam per longum tempus contraxit in hoc vitio, praescribatur, ut non solum vitet occasiones proximas, sed etiam quasdam remotas, quae sibi tam a-d-bili sunt tanquam proximae. Potissimum autem curet Confessarius, ut hic frequenter



communicet: quia Eucharistia dicitur: *Vinum germinans virgines*. Et sic de aliis. Alia remedia assignabit Confessarius pro sua prudentia, inspectis circumstantiis occasionum, personarum, etc. Prudentia enim est praecipua qualitas, quae in medico eminere debet. — G. B. 603.-605., L. ib. n. 15.

160. *Animae morbi sunt habitus, occasiones, relapsus*, unde habituati, seu consuetudinarii, occasionarii, recidivi. Habituati seu consuetudinarii hic sunt, qui peccandi habitum seu consuetudinem peccati contraxerunt, in quod tamen nondum post confessionem sint relapsi. Habitum autem seu consuetudinem contraxisse dicunt, si quinquies regulariter per mensem, immo vel semel in eadem peccata relabi soleat. Recidivus dicitur ille, qui post confessionem, licet admonitus, sine ulla vel fere ulla emendatione in eadem peccata relabatur. Occasionarius tandem dicitur ille, qui reperitur in aliqua externa circumstantia, quae sive ex natura sua, sive ex fragilitate hominis, qui in illa reperitur, ad peccandum allicit seu inducit. Hinc patet occasionem aliam esse *necessariam*, aliam *voluntariam*; aliam *praesentem* seu *in esse*, quam quis secum habet, v. g. si domi quis teneat concubinam, aliam *absentem* seu *non in esse*, quam quis non habet, sed eam quaerens reperit, v. g. si concubina sit in vicina vel dissita domo; alia est *absoluta* respectu omnium, alia *relativa* respectu talis personae; alia tandem est *proxima*, in qua homines communiter ut plurimum peccant, alia *remota*, in qua communiter homines ut plurimum non peccant. — G. B. 628.-632. Porro neque habitus, neque relapsus, neque occasiones peccandi *necessitatem* important, sed peccandi tantum continent *periculum*. De his quaestio movetur, *an* absolvi debeant, et *quando* et *quoties*, antequam habitum emendaverint, relapsum praecaverint, occasionem removerint. Ratio difficultatis est dubium quod ex ipso habitu, relapsu, occasione exoritur sinceritatis doloris et propositi. *Rigidi* volunt eos non esse absolvendos ante habitum emendatum, relapsum vitatum, occasionem ablatam. *Laxi* volunt eos posse absolvi semper ac ipsi dicant ex corde dolere. Qui mediam incedant viam, quae lata est, alii quasi mathematicae vices constituunt, nempe omnibus prima vice, et deinde his, ter, quater sed non ultra, si afferant signa tantum ordinaria poenitentiae, secus vero si afferant signa extraordinaria. Omnes autem conveniunt dari posse prima vice absolutionem, et facilius absolvendos eos qui ex fragilitate ipsa naturae peccant, et qui in occasione necessaria reperiuntur. Alii vero, et his adhaeremus, rem totam inquirunt in prudenti esse aestimatione confessarii, eamque perpendendam et diiudicandam ex variis peccatorum, personarum, locorum, temporum, causarum circumstantiis. Ne vero confessarius turbet propriam conscientiam, dum pacem conscientiae poenitentis satagit conciliare, hae regulae constitui possunt: — Salm. C. 5. n. 68., L. 452. seqq., 459. seqq.

161. I. *Potest confessarius absolutionem tuto dare, semper ac prudenter indicet, poenitentem esse sufficienter dispositum*, h. e. « neque in enumerandis peccatis diligentiam, nec in detestandis dolore poenitentis omnino defuisse », Cat. Rom. P. 2. n. 60. — Prudens autem iudicium de sufficienti dispositione non necessario debet esse iudicium *certum*, sed sufficit tantum *probabile*. Ratio est, quia sacramentum poenitentiae fere certius eiusmodi iudicium non admittit. S. Th. 1. 2. q. 31., a. 3., 2. 2. q. 47. a. 9. ad 2., 3. p. q. 68. a. 4. ad 2. — Hoc autem prudens iudicium de sufficienti poenitentis dispositione ex ipsa poenitentis assertione, ex eius confessione, ex confessionis modo, aliisque circumstantiis eiusdem confessionis efformandum est. S. Th. 4. Dist. 17. q. 5. a. 3. q. 6. ad 2., Opusc. 12., Quodl. 1. a. 12., L. 459. « Scholarum catholicarum, inquit clss. Ballerinius 640. (a), doctrina certa est, *quemlibet* poenitentem... absolvi posse, si sufficientia verae poenitentiae indicia praebet ». Hoc iudicium profecto non aliunde desumi potest. — G. B. 621. 624. 625. L. 460. 461.

162. II. *Confessarius absolutionem tuto differre potest, quando poenitens, licet sit sufficienter dispositus, non est tamen incitatus, et dilatio po-*

*tius sit ei profutura, quam absolutio statim data.* Ratio 1.<sup>a</sup> est, quia ex una parte poenitens sufficienter dispositus habet ius ad absolutionem, ex altera vero, si invitatus sit, dilatio, *per se loquendo*, vel illi nullo pacto proderit, vel certe non magis proderit quam absolutio statim data. Enim vero si poenitens desiderium habet absolutionis recipiendae ex dilatione offenditur, et maxime verendum est, ne amplius redeat. Si item desiderium habet absolutionis recipiendae, cum ista sit valde bona voluntas, melius profecto sperandum erit ex tali voluntate adiuta ex gratia sacramentali, quam si hac destituatur. Ratio 2.<sup>a</sup> est, quia secus nulla ratione sufficienti privabitur poenitens gratia sacramentali, quae valet et ad remittenda et ad praecavenda peccata. — Posse autem *absolute* poenitenti, licet sufficienter disposito, et etiam absque eius consensu, absolutionem differri, constat primo ratione, quia nempe licet poenitens, sufficienter dispositus, habeat ius ad absolutionem, non tamen ius habet ad eam statim obtinendam; praesertim si retardatio utilis esse videatur ad maiorem horrorem de commissis peccatis concipiendum, et ad magis magisque firmandam constantiam seriae non amplius peccandi voluntatis. Etenim confessarii tanquam *iudicis* est definire quando et quomodo absolutionis sententia sit proferenda. Confessarius autem non solum est iudex, sed pater, doctor, medicus. Et ideo potest ante absolutionem, *tanquam pater*, praemittere monitionem et spiritualem exhortationem, qua poenitentem adversus tentationes instruat et armet. Potest item sacerdos, *tanquam doctor*, ante absolutionem docere poenitentem, quem videt multa involutum ignorantia, quae de cetero posset ipsum in plura peccata inducere. Potest pariter confessarius, *tanquam medicus*, absolutionem differre, quando merito timet poenitentem nunc absolutum facile relapsurum statim in eadem crimina, nisi ipsa difficultate, et dilati-<sup>ne</sup> absolutionis poenitens melius cognoscat gravitatem peccati, et necessitatem emendationis, et magis cautus reddatur, et in proposito non peccandi confirmetur. Cui adstipulatur experientia multorum poenitentium debili-<sup>um</sup>, qui, hoc remedio prudenter adhibito, brevi tempore solent curari, et pro recidivis, pro occasionariis, pro pueris, potissimum, videtur magis necessarium et utile, qui hoc modo melius concipiunt necessitatem perseverantiae in proposito non peccandi. Accedit theologorum auctoritas, *utilitatem* enim differendi *aliquando* absolutionem docent Suarez, Lugo, Sanchez, Fil-linceus, Gregorius Sayrus, Palaus, Bonacina, Azorius, Reginaldus, Toletus, alique plures et graves theologi. — Porro utilitas requisita ad absolutionem differendam poenitenti, ceteroquin sufficienter disposito, *notabilis* esse debet; et *ad breve tempus* tantum debet consequenter huiusmodi absolutio differri. *Ad breve tempus*, h. e. ad aliquot horas, ad diem, ad duos vel tres dies, ad hebdomadam, ad summum ad quindecim dies. Ratio est, quia grave omnino est manere in statu peccati mortalis etiam per paucos dies; et *per se loquendo* magis prodest absolutio statim data, quam eius dilatio. — At hoc absolutionis differendae remedium non tantum *utile*, sed simpliciter *necessarium* est, et illud non tantum *potest*, sed etiam *debet* confessarius adhibere, quando necessarium est ad explorandum sincerum dolorem et propositum poenitentis, *de quo non satis constat*, et de cuius sufficienti dispositione dubitatur, ut per se patet. — G. B. 621. 623. 627., Salm. C. 5. p. 4. n. 68., L. 464., S. Th. S. q. 25. a. 1. ad 4.

163. III. *Semper ac poenitens est sufficienter dispositus, neque ulla adest notabilis utilitas ex dilatione absolutionis: hanc tenetur confessarius absolute et statim dare. Semper ac ex denegata vel dilata absolutione grave poenitentis damnum sequitur, absolutio conditionate eidem danda est, si dubie sit dispositus.* Ratio 1.<sup>a</sup> est, quia absolutio concedi debet ex iustitia, et sub gravi omni poenitenti rite confesso et disposito. Neque vero ulla adest dilationis ratio, quae alia esse non posset nisi utilitatis ipsius poenitentis, quae in casu ex absolutione potius statim data habetur. Ratio 2.<sup>a</sup> est vulgare axioma: Sacramenta propter homines. Stante necessitate, providetur hominis saluti, meliori quo fieri potest modo: neque inde ulla in sacramen-

tum irreverentia aut aliud habetur incommodum. — G. B. 621. 622., L. 431. 432. 462., S. Th. S. q. 18. a. 4.

164. IV. *Quando poenitens nolit implere gravem, quam habet, obligationem, quando peccatorum commissorum sinceram dolorem non habet, neque propositum habet non peccandi de cætero, confessarius tenetur tunc absolutionem denegare.* His quidem, et his solis, deneganda est absolutio. Ratio clara est, quia hi, et hi *soli*, absolutione indigni sunt. Peccatum remitti non potest ei qui vult in peccato perseverare. — Leo XII. Exc. Litt. *Caritate Christi*, Rit. Rom. *De Sacram. Poenit.*, G. B. 626.

165. V. *Ad recidivos quod attinet, non est alia specialis doctrina, diversa a præcedenti, quæ generalis est et omnes casus complectitur.* Quare si confessarius ex omnibus circumstantiis confessionis poenitentem *prudenter* iudicat rite dispositum, eum absolvere potest, neque hic et nunc necesse est ut iudicet eum amplius non relapsurum, secus quam plurimi absolvi non possent, de quibus profecto confessarius dum eos absolvit non potest hoc iudicium efformare, quod *de cætero*, nempe toto tempore futurae vitæ non sint amplius graviter peccaturi. Non emendatio futura, sed *præsens* dolor et *propositum* sunt necessariae dispositiones ad absolutionem. Si hactenus poenitens fidem fefellit, ratio hæc non est cur in præsentia non possit absolvi, si prudenter iudicetur rite dispositus; tantum ratio esse potest sufficiens cur confessarius vel dubitet de legitima poenitentis dispositione, vel etiam persuadatur eum reapse carere prædicta dispositione. L. 459. Atque in hoc recidivorum casu, quamvis *dispositi appareant*, maxime *utilis* certe esse potest *aliquando* absolutionis dilatio, ut iam dictum est, quibus ceteroquin etiam maxime utilis per se est frequens accessus ad sacramenta, si rite nempe ad ea disponantur. Et sic in Rit. Rom. *De Sacram. Poenit.* dicitur: « In peccata facile recidentibus utilissimum fuerit consulere, ut sæpe confiteantur, et, si expediat, COMMUNICENT ». Semper autem ac exhibeat etiam post relapsum extraordinaria signa doloris tuto absolvi potest. Ratio est, quia tunc, ordinarie saltem loquendo, magis expedit ut absolutio non differatur. Absolvi item tuto potest, si absolutio facile differri non possit, ne diu in statu peccati mortalis permaneat. Sed confessarius antequam talem absolvat, cura adhibebit, ut eum ad absolutionem recipiendam certius et fructuosius disponat. Si vero *diu tantum dispositi* appareant, tunc non tantum *utile* sed *necessarium* erit absolutionem differre, nisi gravis urgeat ratio, et absolutio conditionate tantum dari potest. — G. B. 633.-640., Tolet. l. 5. c. 13., Suarez. D. 32. S. 2., L. 459.-464., S. Th. S. q. 25. a. 1. ad 4.

166. VI. *Idem de occasionariis consequenter dicendum est.* Regula communis et universalis est, eum qui est in occasione solum *remota* posse absolvi: si nempe sit aliunde rite dispositus, non vero eum, qui est in occasione *proxima* libera, quam non vult relinquere. Ratio 1.<sup>a</sup> est, quia aliquin debereus omnes de mundo exire. Ratio 2.<sup>a</sup> est, quia ille qui vult manere in illo periculo morali habendi non videtur habere propositum efficax non peccandi; nisi habeat extraordinarium dolorem et propositum: vel proponat adhibere alia remedia: quibus occasio ex *proxima* fieret *remota*. Lugo D. 14. n. 151. — Quando occasio esset necessaria, et relinqui non potest absque scandalo, gravi infamia, vel detrimento magno spirituali vel temporali, tunc licite moriet in periculo quod est necessarium, dummodo interim sit paratus uti modis præscriptis: et potest sperare divinum auxilium ad resistendum. Ratio est, quia nemo tenetur ad impossibile, sive physice, sive moraliter, et aliunde occasio peccati non est *per se* peccatum, nec in necessitate peccandi hominem constituit. Ita communiter doctores, L. 455., et hanc sententiam S. L. 456. *probabilissimam* vocat. Suarez. D. 32. S. 2. n. 4., Lugo D. 13. n. 160. — Si ille, qui absolutus est in occasione *voluntaria*, quia sincere promiserat, se eam ablaturum, vel in occasione *necessaria*, quia sincere promiserat se adhibiturum remedia a confessario præscripta, in eadem deinde reincident peccata, prout loquendo, prior absolvendus iterum non



est. antequam conatum reapse exerceat et auferendi occasionem in priori casu, et adhibendi in altero praescripta a confessario remedia, non quia *absolute* non possit etiam in praesenti habere sincerum dolorem et propositum, sed quia facile inde confessarius prudenter devenire potest in suspicionem sinceritatis doloris et propositi, L. 505. in fine; et quia prudentia exigit, ut, licet sincerus sit dolor, sincerum propositum, infirma poenitentis voluntas praesertim si occasio sit *in esse* etiam hoc medio adiuvetur dilationis absolutionis, quod in casu valde utile poterit, et de facto saepe est. Excipe iterum, nisi poenitens extraordinaria det signa doloris, urgens adsit causa, v. g. nota infamiae in omittenda communione, si ad eundem confessarium redire non possit, vel nonnisi post diuturnum tempus. Et in hoc casu si *praesens* dispositio moraliter certa appareat, absolutio absolute danda est; si vero dubia, nonnisi conditionate dari potest. — G. B. 629. 631., Suarez. D. 32. S. 2., L. 452.-458.

167. *De officio Doctoris.* — Officium doctoris duo complectitur, scientiam ipsius confessarii, obligationem docendi poenitentem.

168. *De scientia confessarii.* — Confessarius tenetur sub gravi scire ea omnia, quae ad munus suum rite obeundum requiruntur. Ratio est, quia secus huiusmodi confessarius se exponit evidenti periculo male fungendi tam gravi munere cum iniuria Sacramenti, et magno animarum detrimento. — Confessarius tamen non tenetur adeo perfectam scientiam habere, ut possit semper statim et per seipsum omnes occurrentes dubitationes solvere; sed sufficit, ut id possit in casibus communiter contingentibus, et de difficultioribus sciat saltem dubitare. Maior enim scientia difficilius haberi potest, cum nec ipsi doctores statim omnes casus solvere queant. Nec etiam tenetur confessarius de singulis peccatis accusatis discernere an sint mortalia, necne; siquidem hoc saepe impossibile est; sed sufficit ut singula audiat prout gesta sunt, et de illis iudicet, in sensu obvio et naturali, tum iuxta principia communia, tum iuxta rerum adiuncta a poenitente exposita, et remedium idoneum apponere noverit. — G. 606. 607., Lugo D. 21. n. 70. 71., L. 626. 627.

169. *Resolves:* — 1.<sup>o</sup> Confessarius quilibet tenetur scire ea omnia quae spectant ad valorem, substantiam, integritatem et effectum sacramenti poenitentiae, et quae ad licitam eius administrationem, tum ex parte sui, tum ex parte poenitentis, requiruntur. — 2.<sup>o</sup> Scire debet etiam obligationes communes et proprias statuum, varias peccatorum species, ipsorum adiuncta speciem mutantia, principia discernendi inter mortalia et venialia, et quae-nam sint mortalia et venialia in singulis praeceptis, saltem iuxta principia generalia et communem theologorum sententiam. Item quia-nam sint actus validi et liciti. Ratio patet, quia illud cognoscat, oportet, de quo iudicare debet; alioquin aequum iudicium ferre non poterit. — 3.<sup>o</sup> Cognoscere debet casus reservados, et censuras vigentes, impedimenta matrimonii, condiciones contractuum, varias causas restitutionis, radices et occasiones peccatorum, remedia ipsis afferenda, satisfactiones salutare et convenientes imponendas, etc. — 4.<sup>o</sup> Peccat igitur confessarius, qui praedictam scientiam sibi deesse noverit, etiamsi ex sola caritate et obedientia confessiones excipiat. Nec eam per se excusat approbatio episcopi: haec enim non dat scientiam ex natura rei debitam, nec eius defectum supplet. Excipe casum necessitatis. — 5.<sup>o</sup> Peccat etiam superior, qui ignaro confessario veniam dat confessiones excipiendi, quia eius peccato consentit atque cooperatur. Excipe iterum necessitatis casum. — 6.<sup>o</sup> Peccat et ipse poenitens, qui scienter eligit confessarium respectu sui ignarum; quia non vult, sicuti oportet, dirigi in via salutis, et sic grave damnum spirituale subit. Si tamen poenitens sit in bona fide, valida erit confessio; quia ex parte poenitentis intervenit integra peccatorum declaratio et debita animi dispositio; ex parte confessarii intervenit saltem cognitio peccatorum sub ratione confusa peccati, quod ad materiam sacramenti sufficit. Excipe pariter, nisi talis sit poenitens, qui sua doctrina

supplere possit insecutionem confessarii. — 7.<sup>o</sup> Experientia non potest supplere scientiam, sed solum eam iuvat. Confessarius igitur quilibet sedulo theologiae moralis studio incumbere tenetur; et ut asserit S. Lig. H. A. 100. « *Nunquam studium illud intermittere debet* ». — G. 608. 609., Lugo D. 21. n. 70. seqq., L. 627. 628., H. A. 100.

170. *De obligatione docendi poenitentes.* — Tenetur confessarius poenitentes docere ea omnia, quae pertinent ad sacramentum hic et nunc rite suscipiendum. Ratio, quia cum sacerdos sit minister sacramenti, debet procurare eius validam et licitam susceptionem, atque adeo tradere instructionem hic et nunc necessariam. — Debet docere poenitentes, ubi advertat quempiam aliquid ex iis ignorare, quae necessaria sunt ad christiane vivendum, cuiusmodi sunt, v. gr., obligationes eius propriae. — Non tamen, *per se et stricte*, illos instruere tenetur de omnibus, quae ipsi scire debent, et aliunde discere possunt. Ratio est, quia munus doctoris in confessario de se pertinet tantum ad rectam administrationem sacramenti poenitentiae. *Per accidens* tamen posset adesse obligatio ex caritate, quando difficillime hanc scientiam aut *per se*, aut *per alium*, poenitens comparare sibi posset. — Haec caritatis obligatio non est specialis confessariorum, sed communis omnium, qui noscant proximi necessitatem, et sine gravi incommodo possint ipsi prospicere. Specialis obligatio inest parochis, qui id ex officio debent. — G. B. 610., L. 607.

171. *An confessarius poenitentem monere debeat, si hic in ignorantia versetur?* — R. 1.<sup>o</sup> Affirm. si ignorantia videatur *vincibilis*, i. e. si confessarius animadvertat, poenitentem ita dubitare, ut iam desit bona fides. Ratio, quia in admonitione facienda nullum imminet periculum: alioquin vero poenitens cum eo dubio operans non immunis est a peccato. — 2.<sup>o</sup> si ignorantia sit *invincibilis*, distinguendum est. Facienda monitio est, si agatur de re necessaria necessitate medii; secus enim poenitens certe indispositus est. Si agatur de aliis rebus; affirm., si monitio sit profutura. Ratio, quia id exigitur ex generali praecepto caritatis, et ex officio Doctoris, quod habet confessarius. Si monitio non sit profutura, quamvis agatur de damno tertiae privatae personae reparando, e. g. de restitutione debiti; vel simpliciter omittenda vel differenda in meliorem occasionem. Ratio, quia esset inutilis creditori et poenitenti nociva. — 3.<sup>o</sup> Si agatur de damno publico, *per se loquendo*, facienda est monitio. Ratio est, quia bonum publicum praeferendum est bono privato poenitentis, et mali confirmatio et propagatio impedienda est, « cum quis arbitretur ea sibi licere, quae ab his qui Ecclesiae sacramenta frequentant impune exerceri animadvertit ». Bened. XIV. C. *Apostolica*. 26. Jun. 1740. Spes praeterea adest, quod, Dei iuvante gratia, facta monitio sit publico bono profutura, etiam quantum est ex parte ipsius poenitentis, si sinceram ipse affert voluntatem, ut poenitentiae sacramentum recipiat, si non statim, forte post aliquod tempus, postquam rem serio cogitaverit. *Per se loquendo*, quia si forte maius damnum timeretur ex facta monitione et privato et publicum; quia e. g. poenitens non multum terrens et pius omnino ab Ecclesia esset ideo avertendus, et ob ipsius influxum maius in Ecclesiam damnum illaturus esset, prudentiae erit dissimulare, minus malum permittendo, ut maius vietur. Illud profecto tunc valet, quod S. Alph. 610. *validissimam rationem* appellat, « quod scilicet de duobus malis minus est permittendum, ut maius evitetur ». — G. B. 611., L. 609. 614. 615. 694., Lugo D. 22. n. 29. 30.

172. *Resolves.* Monendus itaque est poenitens, 1.<sup>o</sup> quoties ipse interrogat de malitia alicuius rei, quia cum de rei licitate dubitet, in ignorantia invincibili non versatur; — 2.<sup>o</sup> quoties silentium confessarii eum obfirmaret in proposito rei malae peragendae; errorem ita tacite approbando; — 3.<sup>o</sup> quoties eius ignorantia versatur circa primaria principia iuris naturalis, aut circa conclusiones eorum proximas; quia talis ignorantia, si possibilis est, diu invincibilis esse non potest; — 4.<sup>o</sup> quoties monitione omissa, poe-

nitens in occasione proxima formaliter peccandi remansurus esset. — G. B. 611., Lugo D. 22. n. 29., Sanchez De Matr. l. 2. D. 38. n. 11., L. 615. 616.

173. *An monitio facienda sit in dubio utrum profutura sit vel obfutura?* — Quod praeponderat eligendum in casu, ut communiter traditur. Quare 1.<sup>o</sup> Affirm., si probabilius profutura sit, secus si probabilius obfutura. 2.<sup>o</sup> In dubio ex utraque parte aequali, generatim loquendo, potius vitanda sunt mala formalia, quam materialia. Hinc regulariter tacere oportet, quando periculosum est loqui. — G. 611., La-Croix 1759., Lugo D. 23. n. 31., D'Annib. 214., L. 916.

174. *An coniug. monendas sit de invaliditate matrimonii ob occultum impedimentum, quod detegit Confessarius?* — R. Negat., generatim loquendo, donec confessarius dispensationem obtinuerit, nisi haec statim et facile obtineri possit a Papa vel episcopo. Ratio est, quia plerumque maxima inde sequerentur incommoda, v. g., periculum infamiae, scandali, rixarum, vel incontinentiae, etc., et proinde fornicatio materialis evaderet formalis. — An vero possit confessarius obligare coniugem impedimenti ignarum, et negantem debitum ad illud reddendum? Resp. affirmative. Ratio est, quia stante persuasione coniugis, quod matrimonium sit validum, tenetur ille debitum reddere, ut dictamen conscientiae sequatur. — G. B. 612., Elbel 471., Sanchez De Matr. l. 2 D. 38. n. 8., L. 611.

175. *An poenitens contracturus matrimonium, de impedimento ignorato monendus sit?* — (Generatim loquendo facienda est monitio. Ratio est, quia post matrimonium ignorantia cessare haud aegre potest, v. g. ex eo quod detegatur adesse inter coniuges consanguinitas, affinitas, etc.; et tunc facile adest periculum peccandi formaliter, atque gravissima incommoda inde sequi possunt, nempe scandala, rixae et forte etiam coniugum separatio, etc. — Excipe tamen probabiliter casum, in quo nullus omnino speretur fructus ex monitione, nec facile possit detegi impedimentum; quia melius est permittere peccatum materiale, donec dispensatio obtineatur, quam praebere occasionem certi peccati formalis. — G. 613., La-Croix l. 6. p. 2. n. 540., L. 612.

176. *De officio iudicis.* — Cum sacramentum poenitentiae institutum sit per modum iudicii, ut poenitens in hoc iudicio reus et simul testis est; unde est, quod ei pro se et contra se regulariter credendum sit; ita confessarius iudex est, et hoc, ut patet *principale* et *proprium* confessarii munus est. Hinc eius est sententiam ferre, et causam ante instruere. Ad sententiam ferendam quod attinet, quandonam absolutio danda sit, differenda, deneganda iam dictum est. Cf. n. 160. seqq. Ad causam instruendam quod spectat confessarius tenetur 1.<sup>o</sup> interrogare poenitentes de specie, numero et circumstantiis speciem mutantibus, de causis peccatorum, de habitu et occasionibus proximis, quoties rationabiliter praesumit, vel prudenter dubitat, ista non sufficienter declarari. Ratio est, quia confessarius, ut minister sacramenti, debet procurare eius integritatem, et ut iudex debet sibi comparare cognitionem necessariam ad aequum iudicium ferendum. Constat etiam ex Conc. Later. IV., necnon ex Rit. Rom. — 2.<sup>o</sup> Confessarius non tenetur interrogare poenitentem, nisi cum quapiam diligentia ordinaria. Ratio est, quia poenitens ipse non tenetur summa, sed tantum mediocri, id est ordinaria diligentia se examinare. Nequit autem esse gravior obligatio Confessarii quam poenitentis, cum confessarius non teneatur examinare poenitentem nisi secundario, seu in illius defectu. — 3.<sup>o</sup> Confessarius non tenetur interrogare poenitentes, qui licet rudes, videntur sufficienter instructi pro sua conditione, diligentes in confitendo peccata cum circumstantiis iuxta statum et capacitatem suam. *A fortiori* necesse non est examinare eos, qui saepe confitentur et raro peccant graviter, ut sunt personae devotae, religiosi, ecclesiastici, nisi videatur ab eis omitti aliquid necessario explicandum. — G. 614., L. 607. 617. 629. H. A. 103., Prax. 19. 20.



177. *De praei interrogandi.* — 1.<sup>o</sup> Interrogatio debet esse *moderata*, seu confessarius cavere debet, ne sit nimis anxius in interrogando. Secus enim tum sibi, tum praesertim poenitenti gravis et onerosa erit interrogatio, et proinde etiam ipsa confessio. — 2.<sup>o</sup> Interrogatio debet esse *discreta*, id est confessarius debet interrogare cum magna prudentia, sedulo cavendo, 1.<sup>o</sup> ne interroget de peccatis, quae verosimiliter non fuerunt commissa, spectata poenitentis conditione et capacitate, etc.; 2.<sup>o</sup> ne interroget de iis, ex quibus poenitens discat peccare, aut scandalum pati possit; 3.<sup>o</sup> nec interroget curiosius aut levius etiam in iis, de quibus est interrogandum, v. g., inverecunde de inverecundis, etc. — 3.<sup>o</sup> Interrogatio debet esse *opportuna*, id est, fieri tempore et modo, quo convenit; quaedam autem interrogationes, si quando faciendae videantur, faciendae sunt ante confessionem, v. g., a quo tempore non sit confessus? an absolutus fuerit? an poenitentiam impleverit? an circa vitam praeteritam sit quietus? Quaestiones circa conditionem, statum, aetatem, etc., convenientius, data occasione, in decursu confessionis fient: sic ex una parte omnis suspicio curiositatis et levitatis vitabitur, et ex altera facilius respondebit poenitens, cum ipsius fiducia in confessarium magis adaucta fuerit. — Rit. Rom., G. B. 614, 617., Billuart Dissert. 6. art. 10. § 2., Salmant. C. 12. n. 21., Reuter Neo-Confess. C. 3., L. 607. 629., Prax. 21.

178. *Resolves:* 1.<sup>o</sup> Valde cautus esse debet confessarius interrogando de materia luxuriae, praesertim cum mulieribus, adolescentibus et pueris, qui multo facilius scandalum pati possunt. — 2.<sup>o</sup> Servanda est sedulo regula ab omnibus admissa: In materia luxuriae multo melius est in pluribus deficere, quam in uno superabundare ratione integritatis confessionis. In dubio igitur, an in tali casu interrogare possis vel debeas, pro parte negativa semper standum erit; minus enim malum est deesse integritati confessionis, quam incurrere animae perdendae periculum. — 3.<sup>o</sup> Errant autem, confessarii, qui volunt semper iudicium certum facere de peccati qualitate, an sit grave vel leve, et contorquent poenitentes, ut sciant, quali animo aut quali conscientia hoc fecerint; hi enim multoties respondebunt quicquid casu in buccam venerit, ita ut paulo post interrogati de eadem re, sint negaturi, quod antea affirmaverant. Secus tamen, si videantur sufficienter instructi, aut si dubitetur de pleno consensu tentationi praestito. Generatim autem, nisi circumstantiae aliud suadeant, praesumi potest, quod poenitens obiectum peccati, ut secundum se malum est, apprehenderit. — G. 616. 617.

179. *Quid agere debeat Confessarius in dubio de sinceritate poenitentis?* — Est regula communis, et velut axioma receptum: *Credendum est poenitenti, tam pro se, quam contra se dicenti.* Ratio est, quia poenitens in sacro tribunali reus simul et testis, sui accusator et advocatus est, et aliunde in dubio verax semper praesumendus est. Quapropter post opportunas interrogationes confessarius poenitentem negantem absolvere debet. — G. 618., L. 630. 631.

180. *Quid agere debeat Confessarius, si cognoscat certo, peccatum aliquod a poenitente reticeri aut negari?* — 1.<sup>o</sup> Si novit extra confessionem, *per se*, debet poenitentem negantem absolvere, quia poenitenti pro se et contra se dicenti credendum est; nec *per se*, relatio alterius maiorem fidem facere potest, quam declaratio ipsius poenitentis; nec proinde magis aliis, quam ipsi, confessarius credere tenetur. Etenim si poenitens peccatum illud commisit, praesumere debet confessarius, illum aut sui peccati oblitum esse, aut alteri confessum, vel iustam habere causam illud reticendi, aut relatores potius deceptos fuisse. — 2.<sup>o</sup> Si illud novit ex confessione alterius, debet, ne confessionis sigillum violetur, tantum generatim interrogare, sicut alias fecisset aut facere debuisset; si vero poenitens interrogatus negaverit, nihil reponat, sed, si id possit citra suspicionem, hortetur dumtaxat generaliter ad conscientiam cum omni fiducia aperiendam. Utrum vero debeat confessarius talem poenitentem absolvere, controversatur. S. Lig., relatis aliorum sententiis, ita concludit: « Melius, meo iudicio sentit La-Croix, quod

eo casu nullo modo absolvat, sed tantum aliquid ore ad occultandam negationem absolutionis ». Suarez De Poenit. D. 32. S. 3. n. 9. generatim docet: « *Quantumcumque* confessor sciatur peccatum poenitentis ex aliorum relatione, tenetur in hoc iudicio magis credere ipsi poenitenti propter rationem factam ». Et generatim etiam idem docet S. Th., qui praeterea discrimen notat inter loquentem in confessione *de se*, et *de aliis*. Opusc. 7. al. 12. q. 6.: « In confessione est credendum peccatori confitenti et pro se et contra se: sed contra alium nullo modo est ei credendum: alioquin daretur multis occasio fictae confessionis, et fraudulentae infamationis ». In contrarium vero, cum *de se* loquitur poenitens, sic S. Doctor In 4. Dist. 17. q. 3. art. 3. q. 5. ad 2.: « Quantum ad hanc cognitionem (scilicet per confessionis manifestationem) non potest (Sacerdos) MAIOREM CERTITUDINEM accipere, quam ut subito credat, quia hoc est ad subveniendum conscientiae ipsius: unde in foro confessionis creditur homini et pro se et contra se ». Et sane eadem omnino valet ratio in hoc casu, ac in praecedenti: nec consequenter relatio alterius potest *per se*, maiorem vim facere, quam declaratio ipsius poenitentis. — 3.<sup>o</sup> *Per se*, nam si confessarius *certo evidenter* cognoscat peccatum poenitentis, e. g. quia vidit, « non tenetur ita stare dictis poenitentis, ut non possit uti scientia sua ad convincendum et redarguendum ipsum poenitentem ». Suarez l. c. Praesumptio quidem cedere debet manifestae veritati. — G. B. 619.

181. *De officio ministri post confessionem.* — Duplex est obligatio confessarii post confessionem: 1.<sup>a</sup> *per accidens*, quoad defectus commissos reparandos: 2.<sup>a</sup> *per se*, quoad sigillum servandum. L. 618. 634.

182. *De obligatione corrigendi defectus circa valorem Sacramenti in confessione commissos.* — 1.<sup>o</sup> Huiusmodi error cum gravi culpa commissus, et supposito gravi poenitentis damno, reparandus est, etiam cum gravi incommodo confessarii, petita prius licentia a poenitente. Ratio est, quia confessarius ex officio et ex quasi contractu, inito cum poenitente, tenetur rite ei administrare sacramentum. Ob sacramentale autem sigillum sine poenitentis venia confessarius poenitentem monere non potest, si nempe gravis poenitentis offensio sequeretur. Enimvero in casu absolutionis aut nullo modo aut invalide impartitae, nihil reapse contra sigillum haberetur, si confessarius dicat: errorem intercessisse, opus esse, ut iterum absolvat, etc. — 2.<sup>o</sup> Si autem error fuerit inculpabilis vel leviter culpabilis, confessarius obligatur quidem ex iustitia ad poenitentis damnum reparandum et impediendum, sed cum minore incommodo. Verum in gravissimo poenitentis damno v. g., si sit in articulo mortis, vel in gravi periculo non amplius confitendi, neque eucharistiam suscipiendi, vel extremam unctionem, tenetur confessarius, etiam notabili suo incommodo, poenitentem monere et errorem reparare, ratione gravissimae et extremae necessitatis, in qua poenitens versatur, sin minus ex iustitia, certe ex caritate. — L. 619. 622.

183. *De corrigendis erroribus circa accidentia Sacramenti.* — Talis error non est reparandus extra confessionem, si confessarius in hoc *negative* tantum, etsi culpabiliter, se habuerit: ratio, quia confessarius non tenetur procurare integritatem sacramenti et utilitatem poenitentis, nisi in confessione, ut medicus spiritualis et minister sacramenti. — Reparandus est autem etiam extra confessionem error, si positive poenitentem in errorem induxerit: quia, ex iure naturali, quisque debet tollere causam mali, quam positive et voluntarie posuit. Quaerenda tamen est poenitentis venia, quam si poenitens denegat, confessarius ad nihil tenetur. An autem error reparandus sit etiam cum gravi incommodo, vel nonnisi cum levi incommodo, vel citra quodlibet incommodum, pendet a gravi vel levi vel nulla confessarii culpa in eo errore, a gravi vel levi vel nullo poenitentis ex eo errore detrimento, a gravamine ipsius poenitentis in sermone de confessione instaurando. Quae omnia hinc inde pensanda sunt. — G. B. 643. L. 620.

184. *Ad quid teneatur Confessarius, qui indebite poenitentem a re-*

*stitutione facienda solvit, vel e contrario ad eam obligavit?* — 1.<sup>o</sup> Si ex malitia vel ignorantia vineibili, aut gravi negligentia solverit indebite poenitentem, tenetur errorem corrigere; quod si non corrigat, vel poenitens, qui secus restituisset, interea factus sit impotens ad restituendum, confessarius ipse eius loco restituere tenetur, quia ius creditoris violavit, impediendo scilicet restitutionem ei debitam. — 2.<sup>o</sup> Item si ex malitia aut ignorantia vel negligentia gravi obligavit poenitentem ad restitutionem indebitam, tenetur ex iustitia errorem retractare; et si poenitens iam restituit, tenetur ipsi damnum resarcire. — 3.<sup>o</sup> Si inculpabiliter aut ex levi negligentia poenitentem indebite obligavit, vel ab obligatione solvit, tenetur ex iustitia errorem corrigere, non tamen cum tam gravi incommodo. Ratio est, quia ex una parte quisque tenetur ex iustitia impedire, ne sua actione etiam inculpabili pariat alteri damnum, quod facile praecavere potest; et aliunde ex culpa levi aut tantum materiali ordinarie non oritur obligatio cum gravi incommodo. Si vero negligat monere, si possit sine gravi suo incommodo, tenetur consequenter ad restitutionem. — G. 644., L. 621.

185. *Ad quid teneatur Confessarius, qui omisit monere poenitentem de restitutione facienda?* — 1.<sup>o</sup> Tenetur monere poenitentem intra confessionem de obligatione cum aliquo incommodo, si nulla aut levis tantum culpa intervenierit, saltem ratione caritatis; maiori autem cum incommodo, si in omissione graviter peccaverit. In utroque autem casu *incommodum hoc* pensandum est gravi alterius damno. — 2.<sup>o</sup> Probabilius non tenetur restituere, etiamsi monitionem omittendo graviter peccaverit; ratio, quia Confessarius non tenetur ex iustitia impedire damnum eius, cui debetur restitutio. — G. 645., L. 621.

186. *An Confessarius sine poenitentis licentia possit extra confessionem cum eo loqui de defectu commisso in confessione?* — R. Negat., si poenitens iam discesserit; ratio, quia monitio illa extra confessionem onerosa est poenitenti. Aliunde post absolutionem completum est iudicium; nec refert, quod monitio fiat ad reparandum eiusdem confessionis defectum. Attamen confessarius, etiam non petita licentia, posset ex abrupto errorem suum aperire, dicendo, v. g., se non absolvisse; qua ratione sane nec sigillum frangitur, nec rationabilis adesse potest poenitentis offensio. — G. 646., La-Croix 1776., L. 622.

187. *De obligatione sigilli confessionis.* — 1.<sup>o</sup> Sigillum confessionis est religiosa obligatio servandi secretum circa ea, quae ex confessione sacramentali cognita sunt. — 2.<sup>o</sup> Datur strictissima obligatio inviolabiliter servandi sigillum confessionis. Constat 1.<sup>o</sup> ex iure naturali, et quidem triplici titulo, nempe ex caritate, ex iustitia, ex religione; 2.<sup>o</sup> *iure divino positivo*, saltem implicito: nam ex institutione Christi confessio secreta esse debet; ergo eo ipso a Christo imposita est confessariis obligatio sigilli servandi; 3.<sup>o</sup> *ex iure ecclesiastico*: constat ex variis Iuris canon. locis, praesertim ex Conc. Lateran. IV. C. 21., *Omnis utriusque secus*. — 3.<sup>o</sup> Obligatio sigilli confessionis semper in omni casu urget, ita ut *in nullo casu possibili* liceat revelare quidquam in confessione auditum et acceptum. Ratio manifeste patet: quia si aliqua posset dari exceptio, semper homines timerent, ne tale peccatum foret illa causa frangendi licite sigillum, et proinde odiosum evaderet sacramentum poenitentiae. Porro nulla causa boni assequendi, vel mali fugiendi, istud malum odii sacramenti compensare potest. — 4.<sup>o</sup> Obligatio sigilli oritur ex *omni et sola confessione sacramentali*, quae nempe fiat cum animo se accusandi et absolutionem obtinendi. Dicitur 1.<sup>o</sup> *ex omni*..., quia tunc adest tota ratio praecepti; et hoc valet, etiamsi non collata esset absolutio quaecumque de causa, cum confessio fiat in ordine ad recipiendam aliquando absolutionem; 2.<sup>o</sup> *ex sola*..., quia sola confessio sacramentalis inducit sigilli obligationem, cum alia manifestatio quaelibet nullam relationem cum sacramento poenitentiae habeat. — G. 647., L. 634. 636.

188. *Resolves*: 1.<sup>o</sup> Confessio quae scienter fit laico vel sacerdoti iurisdic-



ctione carenti, non inducit obligationem sigilli, sed tantum secreti naturalis. Secus dicendum esset, si sacerdos credatur approbatus; quia confessio ex parte poenitentis vere est sacramentalis. — 2.<sup>o</sup> Si quis ad confessarium accedat animo eum decipiendi, irridendi, in peccatum pertrahendi, aliquid ab eo extorquendi, non se accusat in ordine ad Sacramentum, et proinde nulla est obligatio sigilli sacramentalis. — 3.<sup>o</sup> Si quis conscientiam confessario aperiat sine voluntate absolutionem suscipiendi, sed ut consilium obtineat, vel ut mandato superioris aliquo modo satisfaciatur, urget tantummodo obligatio secreti naturalis, quia hoc non fit in ordine ad absolutionem. — G. 648., L. 649.

189. *An detur paritas materiae in sigilli violatione?* — R. Negat., saltem in revelatione directa. Ratio est, quia materia, etiam levissima, includit totam rationem praecepti. — Dixi, saltem in revelatione directa: quia si periculum indirectae revelationis sit valde remotum seu parum probabile, dari potest materiae levitas. Revelatio enim, si aliqua forte tunc sequeretur, casu et per accidens subsequi censenda foret. — G. 649., L. 635, 640.

190. *An liceat uti opinione probabili in materia sigilli?* — R. Negat., quoad probabilitatem *iuris*, et quoad probabilitatem *facti*. Ratio, quia non licet uti opinione probabili in praeiudicium iuris certi, quod alter possidet. Confessarius igitur ad sigillum tenetur, in dubio, an aliquid dictum sit a poenitente in ordine ad confessionem: et ubi speculative probabile tantum sit non violari sigillum, hoc vel illud revelando, in confessione a poenitente manifestatum. — S. Ligor. 633., haec habet: « Ante omnia... videndum an in hac materia sigilli sacramentalis liceat uti opinionibus probabilibus... Viva in append. ad prop. damn. § 9. circa fin. ait, neminem posse uti scientia habita ex confessione, nisi certum sit moraliter (aut saltem certe probabilissimum) quod ex tali usu nulla eveniat confessionis revelatio, et nullum poenitenti gravamen. Ratio... quia aliter probabile gravamen poenitenti inferretur, ob quod confessio odiosa ei redderetur... Et haec ratio valde urget... Puto omnino dicendum, non licere uti opinionibus, ex quarum usu certum non sit moraliter, nullum poenitenti gravamen inferri ». Et 637.: « In dubio an aliquid sit dictum a poenitente in ordine ad confessionem, confessarius tenetur ad sigillum... Ratio, quia alias redderetur odiosa confessio, dum alioquin plura peccata, revera in confessione audita, ob defectum memoriae, et hallucinationem confessarii, possent impune manifestari ». Cf. Diana tom. 1. Tr. 8. init., Ithur. Cas. 37. n. 35., La-Croix 1946.

191. *An saltem post mortem poenitentis confessarius uti possit scientia per confessionem acquisita?* — R. « Obligatio huius sigilli strictissima est, ut nullo unquam casu, ullius boni consequendi, aut mali vitandi causa, quodvis vel minimum peccatum, aut si quid aliud sub sigillum confessionis cadit, directe vel indirecte ante et post mortem confitentis sine mortali sacrilegio revelari possit ». Laym. 1. 5. Tr. 6. C. 14. n. 2. Et Busemb. 634.: « Sigillum hoc est obligatio ad tacendum etiam post mortem poenitentis ».

192. *An confessarius interrogatus de peccato poenitentis possit dicere: illud nescire, etiam cum iuramento?* — R. Affirm., etiamsi instantia fiat, ut loquatur sine restrictione mentali, vel tanquam confessarius. Ratio, quia reapse nescit scientia humano commercio permissa. Unde semper dicere poterit, et iurare etiam se nescire, se id dicere absque aequivocatione, vel id affirmare etiam tanquam confessarium. Attamen melior semper responsio erit, importunum interrogantem obiurgare: Quaeenam interrogatio est ista, quam facis? Nam aliquando fieri posset, ut omnes intelligerent confessarium reapse ignorare rem, et sic deducerent confessionem non fuisse integram. L. 645, 646., H. A. 148., S. Th. 4. D. 21. q. 3. a. 1. ad 3.

193. *Quinam ad sigillum teneantur?* — 1.<sup>o</sup> Tenetur primario ad sigillum confessarius quilibet, sive verus, sive fictus, et per errorem legitimus existimatus, et prout etiam laicus, qui se sacerdotem fingeret, et

confessione non exigeret. Ratio est, quia quoties quis confitetur in ordine ad sacramentum, quisquis eum audit, contrahit eo ipso sigilli obligationem; si non, quoniam nullum sacramenti inde sequeretur. — 2.<sup>o</sup> Tenentur secundo, qui confessionis sunt participes seu illi omnes ad quas noticia confessionis quocumque pervenit, sive ex ipsa confessione, sive ex mediis ad illam collatis. Dicitur 1.<sup>o</sup> *ex ipsa confessione*; nam res accusata ad eorum notitiam pervenit eadem occasione seu causa, propter quam obligatio sigilli datur, scilicet, ne odium in Sacramentum creetur; 2.<sup>o</sup> *ex mediis*; nam odium melliorum in filem ipsum redundat. — G. 651., L. 645.

194. *Resolvens*: Ad sigillum tenentur 1.<sup>o</sup> interpretes adhiberi in confessione peragenda; 2.<sup>o</sup> superiores, a quibus extra Sacramentum petitur facultas absolvendi vel recipiendi absolutionem a casu reservato; 3.<sup>o</sup> qui peccatum, dum quis confitetur, sive de industria, sive etiam inculpabiliter auiant, et pariter si qui ab istis illud forte auferant; 4.<sup>o</sup> qui scribunt confessionem rudium, vel ignorantium linguam confessarii, praesertim si alio modo confessio peragi non possit; 5.<sup>o</sup> doctores a confessario consulti de licentia poenitentis; 6.<sup>o</sup> illi omnes, quibus confessarius vel alius sacrilege vel imprudenter peccata in confessione audita manifestasset. Unde de illis ne inter se colloqui possunt. — G. 651., L. 658. 647. 618., S. Th. 4. D. 21. q. 3. a. 1. q. 3. et a. 2. ad 4.

195. *An poenitens quique obligetur sigillo respectu confessarii?* — 1. Non tenetur ad sigillum sacramentale, quia obligatio sigilli est tantum in favorem poenitentis. — 2. Tenetur autem ad secretum naturale circa ea, quae revelare nequit sine iniusto confessarii damno, aut contra rationabilem eius voluntatem, vel sine iniuria et contemptu Sacramenti. — G. 652., L. 647.

196. *An confessarius possit loqui cum poenitente de ipsius confessione?* — 1. Potest loqui in confessione de omnibus confessionibus praeteritis. Ratio, quia saepe pertinet ad munera iudicis et medici, quae habet confessarius, recitare peccata prioris confessionis. — 2.<sup>o</sup> Potest etiam loqui post absolutionem antequam poenitens discesserit, vel si postea redierit. Ratio est, quia licet completum sit Sacramentum, tamen iudicium adhuc mortaliter perseverat. — 3.<sup>o</sup> Extra sacrum tribunal de ullum quidem verbum tacere poenitenti potest circa ea, quae ad eius confessionem pertinent, sine ipsius licentia. Excipe, nisi ipse poenitens prior de sua conscientia loquatur. — G. 652., L. 647. 651.-653.

197. *An teneatur ad sigillum, qui legit chartam in qua poenitens confessionem scripsit?* — 1. Negat per se. Ratio est, quia hoc non est medium de se ordinatum ad confessionem, et proinde non infert per se obligationem sigilli sacramentalis, sed tantum secreti naturalis: sub gravi tamen per se urget, nisi de levissimis culpis agatur. — 2.<sup>o</sup> Per accidens potest nasci obligatio sigilli, si charta esset aut fuisset medium necessarium ad confessionem: v. g., si scripta esset a mutis, vel directa ad superiorem aliquem reservationis causa; item si charta iam tradita esset sacerdoti; maxime vero si quis eam legeret, dum est in manu confessarii, aut in actu confessionis, aut amissa esset et in confessionem relicta, quia in his casibus ad confessionem pertinet: siquidem confessio permanens esse videtur. — G. 653., L. 650.

198. *An teneatur ad sigillum confessionis doctor consultus ab ipso poenitente?* — R. Negat, saltem probabiliter, si consulatur circa confessionem antea factam; sed tenetur tantum ad secretum naturale. Ratio est, quia obligatio sigilli oritur ex sola confessione sacramentali, in qua poenitens manifestat peccata in ordine ad absolutionem. Si consulatur circa confessionem antea factam, quia si poenitens etiam consulat circa confessionem ipsam, tamen, sigillo tenetur, cum haec consultatio velut inchoata confessio habenda sit. — G. 654., Suarez D. 33. S. 4., Billuart Diss. 8. a. 3., L. 549., S. Th. 4. D. 21. q. 3. a. 1. q. 2. par. Sed contra.

199. *Nota:* Licentia poenitentis requisita, ut confessarius loqui possit de rebus, quae confessionis sigillum exigunt, esse debet formalis et expressa, libera ac spontanea, neque revocata. Dari autem potest verbaliter, vel scripto, vel facto ipso, si e. g. poenitens ipse extra confessi nem incipiat loqui cum confessario de rebus in confessione dictis. L. 651. Circa tamen quaestio nem de licentia cum facultate poenitentis duo, inquit, extant. Primum, sunt distinguenda: « Aliud enim est, quod poenitens res suas licet in confessione, iterum extra confessi nem dicat; aliud vero, quod veritas, *ad in seipsum et contra seipsum*, det facultatem loquendi ex illa... Differentia inter hunc modum et priorem... primo est, quia facultas *semper et recondita*: pendet enim ex voluntate dantis, quae hoc contulit non aut nullatenus, neque transtulit in aliam aliquam eius irrevocabilem. At vero si semel extra confessionem dicit, quae prius in confessione dixerat, iam illa notitia irrevocabilis est, nec potest ducere poenitentem, ut postea confessor tantum in confessione sciat. Secunda quando confessor hoc posteriori modo loquitur ex facultate potest et debet dicere, se scire in confessione, et loqui ex licentia poenitentis, ut alter debito modo recipiat; at vero in priori modo non potest dicere se audivisse in confessione, quia non loquitur ex illa notitia, neque ex facultate respectu illius, sed ex nova scientia. Tertia, quia tunc is qui audit obligatur sigillo, si confessor solum loquatur ex propria facultate... non vero si loquatur ex nova notitia iuxta priorem modum. Quarta, quia ille prior modus fieri potest ex mera voluntate, sine causa quae ad sacramentum, vel potestatem pertineat, quia est res mere extrinseca sacramentum; at vero alia facultas danda non est, neque est illa utendum, nisi ex gravi causa vel utilitate rationabili ». De Poenit. D. 33. S. 5. Laymann l. 5. Tr. 6. C. 14. n. 16.. La-Croix l. 6. P. 2. n. 1960.

200. *Quidnam est sigilli obiectum?* — 1. Obiectum sigilli sunt omnia peccata confessa, et omnia quae ad individuum peccatorum explicandam pertinent. Ratio est, quia non tantum pro peccatis, sed etiam pro his omnibus, quae iuvant ad ea explicanda, urget ratio sigilli, et aliunde haec cum peccatis quid unum constituent. — 2. Obiectum sigilli est etiam quicquid in confessione manifestatum est, cuius revelatio cederet in gravamen poenitentis et in adium Sacramenti: quia sigillum in notum est, ne ex metu revelationis filiales a sacramento poenitentiae retrahantur. — G. 655., L. 640.

201. *Resolves:* Sub sigillo confessionis cadunt: 1. Omnes peccatorum circumstantiae, etiam post absolutionem declaratae: nam unum moraliter sunt cum peccatis iam accusatis: etiam per meram ignorantiam, declaratae; sed us valde difficilis redderetur confessio his praesertim, qui nesciunt discernere quae sint omnino necessaria, et quae possint et debeant omitti, in confessione proprii peccati. Imo idem dicendum, etiam si dubium esset, utrum a circumstantiae in ordine ad confessionem declaratae fuerint, necne. — 2. Peccata complis, etsi absque necessitate cum peccato essent revelata, quia ex intrinseca confessionis occasione dicta sunt. Itemque obiectum peccati, si, v. g., frater confiteatur non corriguisse fratrem ob commissum factum. Exiptione si nullum adsit revelationis periculum, nullum poenitentis gravamen, nullum adium in Sacramento: e. g. si poenitens confiteatur se gamsu de homicidio in publica platea commissum. — 3. Poenitentiae impositae, nisi forte sint valde leves, seu ex iis, quae pro levissimis culpis imponi solent. — 4. Defectus manifestati per confessionem ad explicandam peccati rationem, v. g., si poenitens dicat se sacros ordines cum irregularitate suscepisse, eo quod sit illegitimus, etc. — G. 656., Lugo D. 22. n. 59. 68., L. 640. 641.

202. *An cadant sub sigillo defectus mere civiles, e. g. paupertatis, etc.; naturales, e. g. surditatis, caecitatis, etc.; morales, e. g. ignorantiae, senectutis, etc.?* — S. Alph. existimat hos omnes defectus cadere sub sigillo, si eos defectus poenitens manifestet ad explicanda peccata: imo etiam si nihil conferant ad explicanda peccata; sed ad suam conscientiam plenius expli-



candam; imo etiamsi innotescant confessario ex actionibus ipsius poenitentis, sive ex modo confitendi; imo etiamsi ita referantur a poenitente, ut ex adiunctis colligatur eos esse communiter notos. Ratio horum omnium est, quia in 1.<sup>o</sup> casu ea explicatio ingreditur ipsam naturam peccati explicandam; in aliis vero casibus, quia cum tales defectus per se loquendo sint odiosi, semper redderet eorum manifestatio aliquo modo odiosam confessionem, ac gravamen semper aliquo modo resultat pro poenitentibus, qui ideo a confessione retardarentur. Hinc non cadunt sub sigillo: 1.<sup>o</sup> si tales defectus, *incidenter* sive *impertinenter* omnino ad confessionem ultro detegantur; sine ullo nempe ordine ad peccata explicanda, ad conscientiam melius patefaciendum, neque ex ipsa ratione confitendi cognoscantur. Ratio est, quia tunc ad confessionem nihil omnino pertinent. 2.<sup>o</sup> Si sint defectus omnino noti et publici et tales quorum manifestatio poenitenti ex se gravamen et ruborem afferre nequit, ut est esse mendicantem, caecum, etc. « Dicit autem Rone. p. 202. C. 2. Reg. 1. in Praxi, quod si aliquis poenitens communiter dignoscatur esse valde prolixus, inquietus, etc., in aliquo exponendo, tunc quia clare appareret confessarium fugere, ne ab ipsius naturali prolixitate, inquietudine, etc. taedio afficiatur, in talibus circumstantiis fugere non esset fractio sigilli. Hoc probabiliter admitti potest, si communiter pateat aliis poenitentem illum esse timoratae conscientiae, ita ut moraliter certo reputent immunem esse a gravioribus culpis ». L. 644. 641.-643. Item si confessarius noverit ex praecedentibus confessionibus aliquem solitum esse multa peccata, vel tenuem dispositionem afferre, non potest se celare, vel excusari ab eo audiendo, etiam ex aliquo praetextu apparenter iusto. Ratio, quia licet tunc « fuga illa ex praetextu apparenter iusto non redderet confessionem odiosam tali poenitenti, redderet tamen odiosam generaliter Reipublicae Christianae ». L. 659.

203. *An cadant sub sigillo virtutes et revelationes?* — « Distingendum credo: aliquando enim praedicta dicuntur ad habendam instructionem a confessario, vel ad manifestandum integre conscientiae statum; et tunc non pertinent ad materiam confessionis, nec pertinent ad sigillum, sed ad secretum naturale. Aliquando vero dici possunt ad declarandum melius aliquod peccatum, v. g. ingratitudinem erga Deum post haec, et illa dona, et beneficia Dei, vel inconstantiam in bono post tale propositum firmum procurandae perfectionis, et similia; et tunc credo, quod pertineant ad sigillum, cum iam sint, saltem in obliquo, materia confessionis, et aliunde apparet, quod poenitens non vult illa extra confessionem manifestare, sed retinere illa sub sigillo arctissimo confessionis ». Lugo D. 23. n. 58., L. 641.

204. *An violet sigillum confessionis confessarius inquiens de determinata quadam persona, sibi confessam esse sua peccata, vel venialia tantum esse confessam; vel se absolvisse; vel simpliciter confessam esse?* — 1.<sup>o</sup> Si ita in genere dicat sibi talem personam confessam esse sua peccata, vel venialia, *per se loquendo*, non violatur sigillum confessionis. Nam nihil dicitur quod ipse poenitens non manifestaverit publice et aliis et ipsi confessario actu ipso accedendi ad sacramentalem confessionem: confessione enim peccata manifestantur, saltem venialia, quibus vel iusti et sancti quotidie non carent. Quare neque ex ea manifestatione confessio fit odiosa, neque ullum obvenit gravamen poenitenti. Sigillum vero confessionis frangitur nisi vel 1.<sup>o</sup> quatenus poenitentis peccatum, reapse manifestetur sive directe, sive indirecte, vel 2.<sup>o</sup> quatenus sacramentum poenitentiae odiosum fiat, vel 3.<sup>o</sup> quatenus aliquod poenitenti gravamen obveniat. Dicitur vero de venialibus *per se loquendo*: nam, non liceret certe dicere tibi confessum esse venialia, si talibus dicatis circumstantiis, ex quibus colligi possit alios esse nocentes vel confessos mortalia, vel alias, aut hac eadem vice fuisse ipsum poenitentem etiam mortalia confessum, vel intelligeretur quodnam in specie veniale peccatum declaravit; ubi notandum quod dicendo de aliquo, quod nonnisi levia afferat exclusive, potest etiam revelari confessio, si e. g. postea cognov-

scatur fecisse secreta plura peccata, quae consequenter nunc agnoscitur ipsum tacuisse in confessione, quod maxime in pueris solet evenire. L. 638. 640., Lugo D. 23. n. 50. Cf. La-Croix 1972. — 2.<sup>o</sup> Si dicat talem poenitentem confessum esse plura venialia, vel aperiat aliquod veniale in particulari iam confessionis sigillum violatur. Ita Busemb. et S. Alph. 640. Idque constat ex doctrina communi theologorum, quia in violatione directa sigilli non admittitur parvitas materiae. — 3.<sup>o</sup> Laymann l. c. n. 6. aperte inquit non violari sigillum, si confessarius dicat bene confessum absolvisse; modo non ita loquatur ut coniei possit esse magnum peccatorem; adde, vel etiam alias ipsum non fuisse absolutum, vel alios absolutionem non recepisse, vel periculum sit quod serius appareat eius confessionem fuisse sacrilegium. — 4.<sup>o</sup> Haec Busemb. et S. Lig. 638.: « Non frangitur sigillum.... si dicas N. tibi esse confessum, etsi in certis circumstantiis hoc quoque periculosum sit. Imo si poenitens verbo, vel facto v. g. clam accedendo significaverit, se nolle scrii quod sit confessus, confessarium revelare sigillum volunt Reg. Navarr., etc. (et recte consentiunt Sporer, etc.), quia poenitens confitendo confessario extraordinario veniret in suspicionem gravioris criminis ». — G. 659. 660.

205. *An cadant sub sigillo peccata commissa in ipsa confessione, v. gr., impatientiae, contumeliae in Confessarium?* — R. 1.<sup>o</sup> Negat. rigore per se, quia culpas illas poenitens non confitetur, ut patet. — 2.<sup>o</sup> Affirm. tamen plerumque, quamvis per accidens tantum; quia licet peccata illa non sint per se materia sigilli, saepe tamen per accidens revelationis periculum aliquo modo involvunt: indicium enim probabile praebet, quod confessarius vel poenitentem noluerit absolvere, vel propter culpam graviores eum severius reprehenderit, etc. — Non caderet autem sub sigillo furtum a poenitente in damnum ipsius confessarii tempore confessionis commissum. Imo si constaret, furem ad confitendum venisse, ut furandi occasionem haberet, peccata ab ipso accusata non forent materia confessionis; siquidem talis confessio non vera, sed simulata tantum esset. — G. 658., Lugo D. 23. n. 60., L. 643.

206. *De variis modis sigillum violandi.* — Duplici modo violari potest: 1.<sup>o</sup> *directe*, revelando expresse aliquid ex sola confessione cognitum: v. g., si dicatur: Titius hoc fecit, etc.; 2.<sup>o</sup> *indirecte*, aliquid dicendo aut faciendo, aut non dicendo, non faciendo, vi sacramentalis confessionis, ex quo quis cognoscere aut suspicari possit peccatum vel defectum poenitentis vi solius confessionis cognitum, aut ex quo poenitenti vel aliis, v. g., complicitibus, possit oriri pudor, molestia, dedecus, damnum, vel quodlibet gravamen. — G. 664.

207. *Resolves*: Secretum confessionis indirecte violat 1.<sup>o</sup> qui unum prae aliis, quos audit laudans, dicit eum sola venialia commisisse, quia alii inde facile in suspicionem culpae mortalis adducuntur. — 2.<sup>o</sup> Qui de peccato poenitentis per solam confessionem cognito loquitur cum aliis, qui hoc aliunde norunt, etiamsi audientes non advertant, illud ex confessione acceptum esse: si nempe de eo loquatur ut de re, cuius ipse notitiam habet, minime vero si de eo loquatur, ut communiter solent homines loqui de re, quae sibi primum narratur, eamque primum addiscunt. Quin imo studiosum confessarii silentium suspicionem aliquando ingerere posset adversus poenitentem. — 3.<sup>o</sup> Qui dicit, se non absolvisse talem, eum remisisse ad tale tempus, vel nondum absolvisse, vel nondum expletam esse confessionem; ratio postremi est quia longa confessio denotat ordinarie multa peccata, aut indispositionem poenitentis, nisi cognosceretur esse confessionem generalem, aut a longo tempore resumptam, ita ut poenitens hoc non aegre ferat. Item qui de Titio, cognito ut fure, dicit, eum sua furta cum contritione magna sibi confessum esse. — 4.<sup>o</sup> Qui alta voce, aut alio modo a circumstantibus intelligibili, arguit poenitentem: hoc enim et grave est poenitenti, et aliis suspicionem ingerit, illum gravia peccata confessum esse; a fortiori autem,

si nimis vocem extollendo repeteret peccata poenitentis, aut de eorum circumstantiis interrogaret. — 5.<sup>o</sup> Qui loquitur cum alio confessario de peccatis alicuius poenitentis, etiamsi is utrique eadem peccata confessus fuerit. — 6.<sup>o</sup> Qui auditis paucorum confessionibus dicit se tale peccatum audivisse, licet e-let personam: singuli enim ex illa revelatione aliquid suspicionis contra se patiuntur. Item qui peccata ex confessione cognita ita narrat ut audientes possint ratione aliqua coniecere vel suspicari, quoniam ea commiserint. — 7.<sup>o</sup> Qui narrans alicuius personae peccata, quae extra confessionem cognovit, addit aliquam circumstantiam cognitam ex sola confessione, vel qui utitur notitia confessionis ad rem magis determinandam aut confirmandam. — 8.<sup>o</sup> Qui diceret, se in tali monasterio audivisse peccatum grave, etiamsi non nominaret personam: quia singuli Religiosi illius conventus detrimentum patiuntur. A fortiori violaret sigillum qui diceret, in conventu illo talia peccata committi. Secus autem si diceret, se audivisse peccatum grave alicuius religiosi in genere, quin nominaret ipsius ordinem, quia neque est revelatio sigilli, neque redundat in gravamen poenitentis, nec alicuius ordinis, cum inter varios ordines non desint aliqui minus boni religiosi. — 9.<sup>o</sup> Qui poenitentem post confessionem oculo torvo aspicit, non eum alloquitur, sicut prius facere solebat, et ostendit verbis durioribus, gestibus, aut tota agendi ratione, se recordari de eius peccatis, de his actu cogitare, et eum minoris quam antea facere. — G. B. 665. 666., L. 654. 655. 657.

208. *An violet sigillum Confessarius, qui poenitenti indisposito schedulam confessionis denegat?* — R. 1.<sup>o</sup> Affirm., quoties denegat schedulam poenitenti extra confessionem eam petenti. Ratio est, quia utitur notitia confessionis ad exterius agendum, et quidem cum magno poenitentis gravamine. — 2.<sup>o</sup> Si poenitens indispositus schedulam intra confessionem petat, quando solet dari, vel a superioribus poenitentis exigitur, negat Lugo cum aliis, quia confessarius nihil dicit, sed solum non approbat positivo testimonio illam confessionem, ad quod non tenetur. D. 23. n. 87. Sed probabilius et communius affirmant dd., quia ex denegatione schedulae notum aliis fit, poenitentem non esse rite confessum nec absolutum, ideoque erit indirecta sigilli violatio. Elbel 492., Sporer 839., L. 639. — 3.<sup>o</sup> Negat. autem, si poenitens petat schedulam in confessione extra praefatas circumstantias, seu quando non solet omnibus dari, vel a superioribus non exigitur. Ratio est, quia tunc confessarius nihil dicens, se habet mere negative, et non approbat illam confessionem testimonio positivo, ad quod non tenetur. Aliunde poenitens non compellitur necessitate declarandi aliis, se non fuisse absolutum; unde si hoc dicat, ipse suam indispositionem patefacit, non vero confessarius. Lugo D. 23. n. 87. — 4.<sup>o</sup> Interdum tamen potest confessarius etiam poenitenti indisposito dare schedulam confessionis ob varia incommoda, quae ex eius denegatione sequerentur; nec tunc cooperabitur sacrilegio poenitentis, qui forte hoc confessionis testimonio utetur ad sacramentum vivorum, v. g. cum maritiam vel matrimonium in statu peccati recipiendum; ratio, quia id suae malitiae poenitens tribuere debet. Elbel 492. — 5.<sup>o</sup> Negat. etiam quoties poenitens simulatam confessionem fecit, v. g. ad poenam fugiendam, intantum vitandam, aut schedulam arripiendam. Non enim frangitur sigillum, siue schedula denegetur intra, siue extra confessionem. Ratio est, quia sigillum erit ex sola confessione sacramentali, quae hic nullo modo habetur. Nec generatim potest confessarius talibus schedulam concedere, quia sine ratione sufficiente eorum futuro sacrilegio cooperaretur. Praeterea falsum assereret, nempe ipsos fuisse confessos, quod verum non est. Lugo D. 23. n. 87. Elbel 494. — G. 661.

209. *Quid agere debeat Confessarius detegens poenitentem esse surdum?* — 1.<sup>o</sup> Si surditatem advertat in principio confessionis, imponere poenitenti debet, ut tempore et loco opportuno redeat. — 2.<sup>o</sup> Si in decursu confessionis id deprehendat, generatim non potest alta voce poenitenti imponere ut redeat, ne aliis ingerat suspicionem, illum de materia gravi confessum fuisse; sed audiat



peccata. quo meliori modo potest, et praetermissis interrogationibus, imperiatur poenitenti absolutionem modo absoluto, si eum dispositum iudicet, vel conditionatam, si de dispositione dubitet; et poenitentiam levem ei imponat, ne alii eum graviter peccasse existiment. — G. 662., L. 644.

210. *An possit Confessarius monere complicem de licentia poenitentis, vel aliam ad complicem corrigendam?* — R. Affirm. Ratio est, quia complex ex confessione alterius complicis nullum ius acquirit ad sigillum sacramentale; hoc enim sigillum institutum est in favorem poenitentium tantum; et proinde ius secreti acquiritur illi soli, qui illud committit. — Ordinarie tamen non expedit, ut confessarius talem licentiam petat: sed satius erit, poenitentem inducere ad id extra confessionem sibi aperiendum; imo melius etiam erit, ut ipse poenitens rem deferat alteri, qui malo remedium afferre queat. — G. 663., L. 640, 641. S. Th. Opusc. 12. q. 6.

211. *An possit Confessarius communionem negare poenitenti, cui prius absolutionem negavit, si hic ad sacrum mensam accedat?* — R. Negat., etiamsi occulte petat, quia confessarius notitia confessionis ad agendum externe contra poenitentem uti nequit. « Haec sententia hodie omnino tenenda est ex Decr. Innoc. XI. ». L. 658.

212. *An frangat sigillum, qui dicit tale vitium regnare in civitate vel pago, aut ibi gravia crimina committi?* — R. Affirm., si locus sit satis angustus, v. g. si non constet tribus hominum millibus circiter. « Ratio, quia licet tunc non reveletur persona: tamen cum revelatio emanet in infamiam totius communitalis, redundat etiam in gravamen poenitentis, qui illius communitalis est membrum, et ideo ex tali revelatione redderetur ei odiosa confessio ». L. 654. Secus, si oppidum sit amplum, et crimina publica saepius ibi patrentur. L. 654.

213. *An praedicatores uti possint notitia confessionis ad loquendum de iis, de quibus non cogitassent, nisi confessionis audivissent?* — R. Affirm., secluso revelationis periculo, et poenitentium gravamine. Ratio est, quia nulla tunc habetur sigilli violatio. Sed, ut patet, generatim tantum et indiscriminate, id facere possunt, neque addendo se audisse in confessionibus. Quare cavendum omnino est, ne loquantur publice de peccatis omnino particularibus unius vel alterius poenitentis, praesertim si sermonem habeant coram aliqua parva communitate, v. g., in monasterio Monialium, etc.; quia tunc facile gravamen induci posset. — G. 668., Elbel 525., L. 654.

214. *An Sacerdos, qui ex confessione novit sibi parari insidias, possit fugere, aut alio modo damnum praecavere?* — R. 1.<sup>o</sup> Affirm., si ex tali cautione minime manifestetur aliis peccatum accusatum, nec ullum gravamen poenitenti afferatur. — 2.<sup>o</sup> Si fugere nequeat, quin aliquo modo manifestet peccatum aliquod accusatum fuisse a poenitente, tunc plures adhuc affirmant; quia revelare confessionem peccati non est revelare peccatum; et quidem in hoc casu apertum est, non oriri ex confessione notitiam peccati: sed e contra e certa notitia peccati cognitionem procedere confessionis peccati. Castro Pal. Tr. 23. P. 19. § 3. n. 18. Sed alii, quorum sententiam sequor, ait S. L., negant, et omnino negandum videtur. Ratio est, quia positus talibus circumstantiis, nempe scientiae aliorum criminis et confessionis poenitentis, fuga illa esset vera revelatio, licet indirecta, non solum confessionis factae, sed etiam peccati confessi; et licet confessarius fugam simularet ex aliquo praetextu, semper tamen rationabilem suspicionem peccati declarati praeberet. — Experientia vero ostendit, nunquam revelationem etiam indirectam necessariam esse ad ea pericula effugienda, cum vel ex licentia poenitentis, vel aliis modis obviari iis possit absque sigilli fractione. — G. 669., Lugo D. 23. n. 108. seqq., L. 659.

215. *An Superiores uti possint notitia confessionis ad gubernationem externam, si nullo modo appareat quod ex illa notitia se derivant?* — R. Negat. omnino. Ratio est, quia evidenter hoc cederet in gravamen poe-

nitentium. Insuper si fideles nossent talem doctrinam passim doceri, a confessione retraherentur. Constat etiam ex variis Decretis SS. Pontificum, praesertim Clem. VIII. 26. Maii 1594. pro regularibus. Quamvis autem hoc Decretum latum fuerit pro regularibus, ad omnes superiores extendi debet, cum eadem ratio, quae urget pro regularibus, etiam pro saecularibus valeat. Constat etiam ex Decr. S. I. C. edito auctoritate Innocentii XI. anni 1682. — G. 670., L. 656. 657.

216. *An saltem quandoque, vel quandonam Confessarius uti possit notitia confessionis?* — Iuxta omnes theologos id potest in sequentibus casibus: 1.<sup>o</sup> ad orandum pro poenitente, vel benignius erga ipsum agendum; 2.<sup>o</sup> ad consulendos libros, vel sapientes, prudenter tamen, secluso revelationis periculo; 3.<sup>o</sup> ad se dirigendum per experientiam ex confessionibus acquisitam, v. g., ad rigorem temperandum, et ad se dirigendum ex confessione unius ad alios prudenter interrogandos, vel instruendos, nullam dando prioris confessionis suspicionem; 4.<sup>o</sup> ad reformandos proprios mores, ad corrigendos proprios defectus, aut ad melius fungendum suo officio, v. g., ad saecordiam exuendam, vigilantius in subditis invigilandum, seclusa tamen revelationis suspitione, et quolibet poenitentis gravamine, ac odio in confessionem, quia quisque tenetur *defectus suos* corrigere statim ac ad eos advertit; nec potest ullus poenitens rationabiliter offendi, quod confessarius ob audita in confessione *vitam suam* in melius mutet. G. 671., L. 657.

## DE EXTREMA UNCTIONE

### DE NATURA MATERIA ET FORMA MINISTRO ET SUBIECTO E. U.

1. *Quid sit Extrema Unctio?* — Extrema Unctio sic dicta est, quia omnium sacrarum unctionum, quas Dominus Salvator noster Ecclesiae suae commendavit, ultima administranda sit. Cat. Rom. 3. — Extrema unctio est sacramentum N. L. a Christo Dno institutum, et a B. Jacobo Apost. promulgatum, quo per olei unctionem et sacerdotis orationem confertur adultis aegrotis, vita periclitantibus, salus animae, et aliquando etiam sanitas corporis. Jac. Ep. Cath. 14., 15., Trid. S. 7. c. 1. S. 14. De E. U. C. l. c. 1. 2., Flor. Decr. pro Arm., L. 706., S. Th. S. q. 29. a. 1. 3., 4. D. 23. q. 1. a. 1.

2. *Quinam sint effectus Extremae Unctionis?* — 1.<sup>o</sup> Conferre gratiam; 2.<sup>o</sup> remittere peccata venialia, et etiam mortalia, si adsint, eorumque habentur saltem attritio, si nec conteri nec confiteri quis possit: Sacramentum hoc complementum est Poenitentiae: est enim praecipue institutum ad abstergendas peccatorum reliquias. «Sed quia, cum in anima reperitur peccatum, non possunt tolli reliquiae, nisi prius tollatur peccatum: ideoque ex consequenti hoc sacramentum peccatum aufert». L. 731. Unde sacramentum est *primarium viventium, secundario mortuorum*. Quare confessio vel contritio praecedere, *per se*, debet, si infirmus in mortali versetur; 3.<sup>o</sup> peccati reliquias abstergere et aegroti animam alleviare et confirmare. Peccati reliquiae sunt non solum poenae peccatis debitae, sed etiam animi anxietas et timor, languor et torpor ad bonum; 4.<sup>o</sup> sanitatem corporis interdum, ubi saluti animae expedierit restituere. Errant ergo qui hoc sacramentum non recipiunt, nisi cum morbus ita invaluit, ut citra miraculum sanari non possint. — Jac. l. c., Trid. S. 14. De E. U. C. 2. c. 2., Flor. Decr. pro Arm. L. 716. 731., Billuart art. 7., S. Th. S. q. 29. a. 1. ad 2. ad 3., a. 2., q. 30., q. 32.

3. *An Extrema Unctio gratiam conferat in singulis unctionibus, vel nonnisi omnibus absolutis?* — Controvertitur, et utraque sententia S. Al-

phonse probabilis est. Ratio est, quia unaquaeque unctio sua materia et forma absolvitur: ex omnibus vero una tandem unctio coalescit. L. 707., H. A. Tr. 17. n. 3. Sed S. Th. S. q. 30. a. 1. ad 3. « in ultima unctione, ait, gratia confertur ». Attamen « certum est hoc sacramentum unum esse: licet enim plures sint unctiones, omnes tamen pertinent ad unam significationem interioris medellae ». L. 706.

4. *Quoniam sit Extremae Unctionis materia?* — 1.<sup>a</sup> Materia remota huius sacramenti necessario est oleum olivarum, quod non tantum ad licetatem, sed etiam ad validitatem ab episcopo benedictum esse debet. Trid. S. 14. C. 1. Flor. Decr. pro Arm., S. I. C. 13. Jan. 1665. 14. Sept. 1842., 10. Jan. 1850. *Ab episcopo*, nempe a dioecetano, vel, Sede Vacante, ab alio Episcopo vicino, in Coena Domini oleum infirmorum, sicut oleum catechumenorum et chrisma, est singulis annis renovandum, non tamen ad validitatem sacramenti, ex Clement. VIII. praecepto, et ex Rit. Rom. *De Extr. Unct.* Idque probabilius grave est. Attamen si novum oleum haberi non possit, antiquo uti licitum. L. 708. Si forte autem intra annum oleum benedictum deficere videatur, neque aliud benedictum haberi possit, modico oleo non benedicto in minori quantitate superinfuso, reparari potest. Rit. Rom. Idque pluries, licet in fine maior fuerit addita quantitas, quam fuerit illa ab episcopo benedicta, quae erat ab initio. *Benedictum*, an debeat esse benedictum in ordine ad extremam unctionem, controversatur. Alii probabiliter negant, quia Ecclesia nihil aliud exigit nisi ut sit ab episcopo benedictum. Alii probabiliter affirmant, quia speciali benedictione deputandum est ad extremae unctionis sacramentum. In praxi tamen tutius tenendum, excepto necessitatis casu, in quo postquam aliud oleum catechumenorum, vel chrisma fuerit adhibitum, quod in sacramento confirmationis et in caeremoniis baptismi adhibetur, si postea oleum infirmorum haberi possit, sacramentum est iterandum. — 2.<sup>a</sup> Materia proxima est unctio, quinque praecipue corporis partium, videlicet oculorum, aurium, narium, oris, manuum, vel si quis aliquo eorum careat partis ei proximae, licet eo a natiuitate careat. An autem omnes istae unctiones necessariae sint, necessitate sacramenti, an unus tantum sufficiat controversatur, et utraque sententia probabilis est; sed in praxi pro sententia standum est affirmante omnium necessitatem. Attamen neque ordo inter varias partium unctiones: neque in sensibus geminis unctio utriusque necessaria est ad sacramentum: sed tantum ex praecepto servanda est extra necessitatis casum. Praeterea, nisi aliud ferat usus loci, ungendi sunt pedes et renes; sed renes tantum virorum, modo commodè possint moveri. Aliubi omittitur in viris religiosis unctio renum. Mazzot. C. 1. q. 3. Ubi autem non est in usu, introducatur, si fieri potest. S. R. C. 14. Aug. 1858. — Trid. S. 14. C. 1. c. 3., Flor. Decr. pro Arm., Rit. Rom. *De Sac. Extr. Unct.* Bened. XIV. De Syn. l. 8. C. 3., L. 707.-710. 732., S. Th. S. q. 29. a. 4. 5. 6., q. 32. a. 5.-7.

5. *Quoniam sit Extremae Unctionis forma?* — Forma est: « Per istam sanctam unctionem, et suam piissimam misericordiam, indulgeat tibi Dominus quicquid per visum, sive auditum, etc. deliquisti. Amen ». Rit. Rom. *De Sac. Extr. Unct.*, Flor. Decr. pro Arm. Essentialia certo sunt: *Per istam unctionem*, quibus actio sacramentalis significatur; *Indulgeat tibi Dominus*, quibus exprimitur effectus sacramentalis; verius etiam, *Quicquid per visum, etc. deliquisti*, quibus specialis huius sacramenti effectus continetur. Essentialia e contra verius non sunt: *Per suam misericordiam*: nam verbo, *Indulgeat tibi Deus*, tacite comprehenduntur; nec certo illa: *Sanctam, Piissimam, Amen*, quae neque actionem neque effectum sacramentalem significant. Essentialia omittere grave est, accidentaliter leve vel grave prout omissio levis vel notabilis sit. Forma E. U. deprecatoria essentialiter est. Rit. Rom. l. c. Quare si indicativo vel imperativo modo proferatur, ex communiori sententia irrita est. — Trid. S. 14. *De Extr. Unct.*, Bened. XIV. De Syn. l. 7. C. 17., L. 710. 711. S. Th. S. q. 29. a. 7. 8. 9.



6. *Quinam sit Minister Extremae Unctionis?* — Minister E. U. est sacerdos. Quivis sacerdos *valide* eam confert; *liceite* solus parochus loci in quo quis infirmatur; qui eam confert etiam clericis, non tamen regularibus, et qui regularium privilegiis fruuntur. Regularibus enim confert proprius praedatus. S. Pius V. C. *Inmarcescibilem* a. 1567. Episcopus eligit ipse a quo malit ungi, sive Sacristam, i. e. maiorem Capituli sui Dignitatem, sive Curatum. Caerem. Episc. C. 38. § 4., S. C. C. 7. Jun. 1760., 24. Mart. 1873. A. S. S. V. S. p. 202. seqq. — Quilibet vero sacerdos probabilius potest *liceite* etiam hoc sacramentum ministrare ex consensu parochi rationabiliter praesumpto. Non videtur enim cum tanto rigore procedendum ubi agatur de mera delegatione ad liceitatem, et nullo modo ad validitatem sacramenti. — Valide eam conferunt sive unus sacerdos sive plures; et isti sive simul varias perficiant unctiones, unus unam partem, alius aliam inungendo et pronuntiando formam illi unctioni respondentem, sive successive, si nempe unus incipiat unctiones et alter eas prosequatur; sed grave est extra casum necessitatis, nempe vel infirmi mox morituri, vel quia unctionibus inceptis et nondum absolutis minister deficiat. Quod si contingat, alter minister unctiones nondum peractas perficere debet, peractas vero neque sub conditione repetere, nisi notabilis intercedat mora, nempe horae quadrantis; quare post quadrantem sub conditione repeti debent. — Jac. Ep. Cath. 5., 14., Triest. S. 14. C. 1. c. 4., Flor. Decr. pro Arm., L. 722. 723. 724., S. Th. S. q. 29. a. 2. ad 3., q. 31.

7. *Quomodo peragendae sint unctiones?* — Ad *validitatem* quod spectat, 1.<sup>o</sup> pars debet esse vere uncta, ungere autem est oleo linire, quare si oleum tantum distilletur unctio nulla est; utrum vero sufficiat una olei gutta controvertitur. Ceterum sufficit intingere in oleo, in singulis unctionibus, extremum digiti et ungere. L. 709. — 2.<sup>o</sup> Omnes sensus inungendi sunt et quidem continue. Ratio, quia probabile est ex omnibus unctionem coalescere, et omnibus absolutis gratiam conferri; longiori vero mora interiecta inter unam et aliam unctionem iam moralis unio non servatur et sacramentum dubium evadit. — Ad *liceitatem* quod attinet, 1.<sup>o</sup> unctio fieri debet pollice et leve est; non alio digito, nec virgula vel penicillo, etsi id usus habeat, nisi ex iusta causa, si v. g. infirmus contagioso morbo laboret. S. R. C. 9. 1847., Bened. XIV. De Syn. 1. 13. C. 19., L. 710. — 2. Unctiones fieri debent in figuram crucis, et iterum leve est; L. 728.; debito ordine, quod grave putant. L. 710., et in sensibus geminis, a dextero incipiendo, neque forma absolvenda est antequam huiusmodi paria membra perunxerit, quod leve videtur. Rit. Rom. *De Sac. Extr. Unct.*, L. 711., S. Th. S. q. 29. a. 2., q. 32. a. 5.

8. *Circa modum administrandi Extr. Unct.* Cf. Rit. Rom. Haec praetera animadvertenda: 1.<sup>o</sup> Incipit unctio ab oculis. Ut commodè inungantur, debent claudi, et unctio fieri super ambas palpebras. Si claudi non possint, unctio fiat in superciliis, iuxta angulos oculorum, ut habet perantiquum Rituale Catalanense. — 2.<sup>o</sup> Veniunt aures, quae unguntur in lobulo vel ina aurecula; non in helice vel alveolo eiusdem, idque ut facilius tergi possint. — 3.<sup>o</sup> Nares; unguntur narices foris, quae sunt nasi alae laterales, ad evitandam sternutationem, quae aliter faciendo facile oriretur. — 4.<sup>o</sup> Os, compressis labiis; hic una debet esse unctio, atque ideo sunt labia unienda ut facilius fieri possit; sed, si hoc non posset obtineri, satis erit, ut labium inferius vel superius ungatur; sunt tamen qui adhuc utrumque inungunt. — 5.<sup>o</sup> Manus; fit unctio in media palma utriusque manus, vel in alia parte viciniori, si aliter non possit, interius tamen; nam in exteriori manus parte soli Sacerdotes et Episcopi ungi debent. — 6.<sup>o</sup> Pedes; fit unctio ad metatarsum (vulgo *callo del piede*), iuxta S. Carolum fit in plantis, quia nimirum his utimur ad ambulandum. Caeterum satis erit si ea pars ungatur pedum, quae commodè potest; nec refert, si ambo ungi non possint causa morbi, vel difficultatis, vel quia unus est obtruncatus; nam haec unctio est

tantum pars integrans. Et sane pedes cadunt sub sensu tactus. — 7.<sup>o</sup> Remanet unctio licet omittatur, salva tamen remanet sacramenti essentia. Renes enim sub aliis omnibus quinque sensibus cadunt, qui ex D. Thoma « sunt uti principia agendi, ita principia peccandi ». — 8.<sup>o</sup> Quaelibet pars bombacii vel rei similis praepratae ad abstergendas partes munitas inservit pro utroque membro inuncto. Sacerdos digitum pollicem quo unxit, medulla panis bene fricat, et aqua abluit in aliquo vase ad id parato, tum manu tergio abstergit; abluitionem autem aquae cum micis et floccis bombacii ad abstergendum adhibitis refert in Sacramentum. Aliqui tamen solent haec omnia ad comburendum tradere in ipsa domo infirmi, et solum ad Sacramentum deferre bombacium aut stuppam perunctam. — L. 711. 730.

9. *Si periculum adsit imminutis mortis*, licet unctiones omnes peragere sub unica formula: « Per istam sanctam unctionem et suam piissimam misericordiam indulgeat tibi Deus quidquid deliquisti per visum (dum inungit oculos), auditum (dum inungit aures), auditum », etc., praemittendo verbum *deliquisti*, ne eo postposito, si interim infirmus moriatur, irritae prorsus fuerint peractae unctiones. L. 710. Quinimo, mox imminente morte, satis erit unica unctio in fronte, vel pectore vel scapulis his verbis: *quidquid per sensus deliquisti*; vel melius exprimendo sensus sic: *Per istam S. U. etc. indulgeat tibi Deus quidquid deliquisti per sensus, visum, auditum, gustum, odoratum et tactum*. Sed cessante periculo, debent in hoc casu unctiones omnes de more sub conditione iterari. — L. 710.

10. *Quoad varias caeremonias et preces praescriptas*, grave est, sine urgente necessitate, 1.<sup>o</sup> omittere *Orationes* a Rit. Rom. praescriptas; et si omissae fuerint ob periculum instantis mortis, postea, si tempus suppetat, dicendae erunt. *Orationes*, quae praecedunt unctiones, *Psalmi* et *Litaniae* non a ministro, sed *ab adstantibus* dicenda sunt. — 2.<sup>o</sup> Grave item est, citra necessitatem, sacramentum hoc sine superpelliceo et stola ministrare. — Leve vero est ipsum ministrare sine lumine, sine ministro, vel foemina ministrante. Iuxta plures tamen neque leve est ministrare sine lumine, vel nullum adhibere ministrum. G. B. 686. 688. Si clericus aut laicus inveniri facile nequeat, sacerdos solus omnes peragat caeremonias et orationibus ipsemet respondeat. — Rit. Rom. h. t., L. 724.-728.

11. *Quodnam sit subiectum Extremae Uctionis?* — Subiectum E. U. est homo baptizatus, qui ad usum pervenerit rationis, et aegrotus in *probabili* mortis periculo, ex morbo, partu difficili, vulnere accepto, veneno, senio, licet nondum communicaverit, licet sit mutus, surdus, caecus a nativitate; licet sit amens, si habeat lucida intervalla, licet sit delirans, vel sensibus destitutus, si antea Sacramentum petierit vel petiturus fuisset, si de hoc cogitasset, et omnis abest in Sacramentum irreverentia. — Quare invalide datur sanis praelium inituris, capite damnatis; infantibus nondum rationis usum adeptis, vel quasi infantibus, nempe idiotis et amentibus a nativitate; aegrotis extra praedictum periculum. — Semel autem tantum danda est in eadem infirmitate et periculo; si infirmitas sit diuturna, et periculum saltem *probabiliter* evaserit, novo instante periculo, iterum dari potest; et debet, si *certain* sit novum periculum. — Trid. S. 14. Doctr. de Sacram. E. U., C. 3. Flor. Decr. pro Arm., Rit. Rom. *De Sacram. E. U.*, Bened. XIV. C. *Ex quo primum*, De Syn. l. 7. C. 20. 21. 23., l. 8. C. 5.-8., Suarez D. 4. S. 2., L. 713.-721. 732., S. Th. 4. D. 23. q. 2. a. 4. q. 2., S. q. 32., q. 33.

12. *An adsit gravis obligatio recipiendi Extremam Uctionem?* — Nullum adest de hac re praeceptum. Quare remoto contemptu, scandalo, periculo certaminis cum daemone, qui eam non recipit, graviter non peccat. L. 733., S. Th. 3. p. q. 65. a. 4. Verum parochus proprius tenetur nihilominus ex officio ministrare, et consequenter graviter peccat, nisi gravi aliqua causa excusetur, petentibus eam non conferens, vel differens usquedum in-

firmus, desperata valetudine, sensibus destituatur. Sic enim infirmus caret uberiori fœctu, quem perciperisset, privatur spiritualibus viribus ad resistendum daemoni, et ad perforanda morbi incommoda; si in mortali esset attritionem concipiens gratiam assequutus esset, et si tempore congruo data fuisset, potuisset etiam consequi corporalem sanitatem. Cat. Rom. 9. L. 714. 728. 729. — Datur ex consuetudine post Viaticum, sed ante illud dare aut nullum peccatum est, aut vix leve est. Rit. Rom. *De Sacr. E. U.*, La-Croix 2120., L. 715. 716.

## DE ORDINE

### I. — DE NATURA MATERIA ET FORMA ORDINIS

1. *Quid est Ordo?* — Ordo dupliciter sumi potest, pro *Ordinatione*, seu illa actione, per quam sacra potestas tribuitur, et pro ipso *Ordine*, seu sacra potestate, Ordinationis effectu. « Nomen ordinis, ait S. Th. S. q. 34. a. 2. ad 4., dupliciter accipitur. Quandoque enim significat ipsam relationem; et sic est tam in inferiori quam in superiori... et sic non accipitur hic. Quandoque autem accipitur pro ipso gradu, qui ordinem primo modo acceptum facit. Et quia ratio ordinis invenitur, ubi primo aliquid superius altero occurrit: ideo hic gradus eminens per potestatem spirituales ordo nominatur ». Ordo sive Ordinatio est sacramentum N. L., quo traditur spiritualis potestas, in ordine ad eucharistiam, et confertur gratia ad munera ecclesiastica rite obanda. Ordo vero effectus sacramenti, est praedicta spiritualis potestas, quae tribuitur ordinato. Varii quidem sunt ordines, sed per omnes in sacerdotium, adeoque in Altaris Ministerium tenditur. Quare una est omnium potestas, cuius pars singulis tribuitur, et unum inde ex omnibus habetur Sacramentum. « Tota enim plenitudo sacramenti huius est in uno ordine, scilicet sacerdotio, sed in aliis est quaedam participatio ordinis... Et ideo omnes ordines sunt unum sacramentum ». S. Th. S. q. 37. a. 1. ad 2., Trid. S. 23. C. 2. 3. c. 2. 3., L. 744. 745., S. Th. S. q. 34. a. 1.-3., q. 35. a. 2., q. 36. a. 3., q. 37. a. 1.

2. *Quanam sit huius sacramenti effectus?* — 1.<sup>o</sup> Gratia sanctificans. 2.<sup>o</sup> Gratia sacramentalis ad ministerium rite obeundum. 3.<sup>o</sup> Impressio characteris. — S. Th. S. q. 35. a. 1. 2. Character autem imprimitur non tantum in sacerdotio, S. Th. S. q. 37. a. 5. c. q. 38. a. 1. ad 1., verum etiam in diaconatu, S. Th. ib. ad 5., in subdiaconatu, S. Th. q. 38. a. 1. ad 2., in acolytatu, S. Th. S. q. 37. a. 5. ad 5., q. 38. a. 1. ad 2., aliisque minoribus ordinibus, minime vero in prima Tonsura, S. Th. q. 40. a. 2. ad 2. Secundum autem S. D. S. q. 49. a. 5. ad 2. in episcopatu potius character non imprimitur; communis vero asseritur distinctum characterem in episcopatu etiam imprimi. 6. n. 4. 6. S., et Pont. Rom. ac Cat. Rom. P. 2. n. 22. 57. L. 378.

3. *Quid sint Ordines?* — 1.<sup>o</sup> In Ecclesia Latina sunt septem, Ostiarius, Lectornus, Exorcistatus, Acolytatus, Subdiaconatus, Diaconatus, Sacerdotium, quod in Presbyteratum et Episcopatum distinguitur. « Ordinum multitudo, ait S. Th. S. q. 37. a. 1., inducta est in Ecclesia propter tria... propter Dei sapientiam commendandam... ad subveniendum humanae infirmitati... ut via proficiendi hominibus amplior detur ». Ordinis autem sacramentum ad sacramentum eucharistiae ordinatur, quod est sacramentum sacramentorum. « Et ideo distinctio ordinum est accipienda secundum relationem ad Eucharistiam ». S. Th. S. q. 37. a. 2. Unde convenienter non-



nisi septem ordines recensentur. Enimvero « potestas ordinis aut est ad consecrationem ipsius eucharistiae, aut ad aliquod ministerium ordinatum ad hoc sacramentum eucharistiae. Si primo modo, sic est ordo sacerdotum... Cooperatio autem ministrorum est vel in ordine ad ipsum sacramentum, vel in ordine ad suscipientes. Si primo modo sic est tripliciter. 1.<sup>o</sup> enim est ministerium, quo minister cooperatur sacerdoti in ipso sacramento quantum ad dispensationem, sed non quantum ad consecrationem... et hoc pertinet ad diaconum... 2.<sup>o</sup> est ministerium ordinatum ad materiam sacramenti ordinandam in sacris vasis ipsius sacramenti; et hoc pertinet ad subdiaconos... 3.<sup>o</sup> est ministerium ordinatum ad praesentandam materiam sacramenti; et hoc competit acolytho... Ministerium ad praeparationem recipientium ordinatum non potest esse nisi super immundos, quia qui mundi sunt, iam sunt ad sacramenta percipienda idonei. Triplex autem est genus immundorum... Quidam enim sunt omnino infideles credere nolentes, et hi totaliter etiam a visione divinorum et cunctu fidelium arcendi sunt; et hoc pertinet ad ostiarios. Quidam autem sunt volentes credere, sed nondum instructi, scilicet catechumeni; et ad horum instructionem ordinatur ordo lectorum; et ideo prima rudimenta doctrinae fidei, scilicet Vetust Testamentum eis legendum committitur. Quidam vero sunt fideles instructi, sed impedimentum habentes ex daemonis potestate, scilicet energumeni; et ad hoc ministerium est ordo exorcistarum ». S. Th. I. c. « In primitiva Ecclesia propter paucitatem ministrorum omnia inferiora ministeria diaconis committebantur... Nihilominus erant omnes praedictae potestates sed implicite in una diaconi potestate. Sed postea amplius est cultus divinus et Ecclesia quod implicite habebat in uno ordine explicite tradidit in diversis ». S. Th. I. c. ad 2. Cf. Trid. S. 23. C. 2., et ib. C. 17. De R. — 2.<sup>o</sup> In Ecclesia Graeca multis abhinc saeculis quatuor tantum sunt Ordines, nempe presbyteratus, diaconatus, subdiaconatus, lectoratus. Utrum vero plures olim habuerit disputant eruditi, Cf. Theol. Wireb. n. 54. — 3.<sup>o</sup> Septem ordines sic dividuntur in Ecclesia Latina, ut quatuor primi ordines minores et non sacri, tres posteriores maiores et sacri appellentur, quia remotius illi, propius isti accedunt ad eucharistiam finem omnium ordinum. Iam vero ordo denominari potest *sacer* 1.<sup>o</sup> *communiter* quadam ratione, et hoc modo omnes ordines sunt *sacri*, utpote non profanam seu saecularem, sed sacram seu ecclesiasticam dicunt potestatem. 2.<sup>o</sup> *proprie*, secundum quod significat specialem quamdam praerogativam, non omnibus ordinibus convenientem. Si hoc modo sumatur, triplicem habet acceptionem. 1.<sup>o</sup> Ratione ipsius *potestatis* per ordinationem collatae, et sic dicitur *sacer ordo*, quatenus spiritualem tribuit potestatem in sacrificio altaris propius inserviendi. Hoc sensu sacerdotium, diaconatus, et subdiaconatus semper videtur fuisse *ordo sacer*: Trid. enim S. 23. C. 2. ait, *uniuscuiusque* septem ordinum, nomina et *propria ministeria ab ipso Ecclesiae initio in usu fuisse*. 2.<sup>o</sup> Ratione solemnisi voti *castitatis* ordini annexi, et hoc sensu *subdiaconatus* non semper fuit *ordo sacer*. 3.<sup>o</sup> Ratione hierarchicae *praelationis* seu *principatus*, et hoc modo in ordine sacro collocantur a Patribus solummodo sacerdotes et diaconi, quippe ceterum ordinum clerici non praesunt plebi, sed solummodo sacerdotibus et diaconis ministrant. S. Th. S. q. 37. a. 3. — 4.<sup>o</sup> Quod attinet ad institutionem *praedictorum* ordinum sacerdotio inferiorum, fide certum est: 1.<sup>o</sup> Institutionem *ministrorum ut sic*, quatenus hoc nomine veniunt illi qui *Sacerdotio subserciant*, abstrahendo a diversis gradibus, qui in ipsis inveniri queunt, esse iuris divini: hoc enim expresse definitum habetur in Trid. S. 23. C. 2. c. 6., 2.<sup>o</sup> Institutionem vero *singularum* ordinum, quos enumeravimus, esse *disiunctive* vel iuris simpliciter seu *immediate* divini, vel saltem iuris *mediate* divini, videlicet ex potestate divinitus concessa Ecclesiae: hoc enim evidenter habetur ex c. 2. Quod autem *singuli* immediate a Christo Domino fuerint instituti, non convenit apud auctores quoad subdiaconatus et minores ordines. Sed responsio *affirmativa* magna cum probabilitate dari potest ex c. 6. Trid. collato cum c. 2., et De R. C. 17.

4. *Quid singuli Ordines?* — 1.<sup>o</sup> Ostiariatus est Ordo, quo confertur alicui specialis potestas aperiendi et claudendi ianuam ecclesiae, ac admit-  
tendi dignos excludendique indignos. « Et ideo dicendum quod suscipit po-  
testatem, ut ex officio hoc agere possit; quamvis etiam ab aliis fieri possit,  
sed non ex officio. Et ita est in omnibus actibus minorum ordinum, quod  
possint per alios licite fieri, quamvis illi ad hoc non habeant aliquod offi-  
cium, sicut etiam in domo non consecrata potest dici missa, quamvis con-  
secratio ecclesiae ad hoc ordinatur, ut in ea missa dicatur ». S. Th. S. q.  
37. a. 4 ad 9. — 2.<sup>o</sup> Lectoratus est Ordo, quo confertur alicui specialis po-  
testas legendi Psalmos et Lectiones ex pulpito in ecclesia, ac populum ca-  
techizandi seu instruendi in rebus fidei; minime vero praedicandi. S. Th.  
S. q. 36. a. 2. ad 3., q. 37. a. 4. ad 8. — 3.<sup>o</sup> Exorcistatus est Ordo, quo  
alicui confertur specialis potestas eiiciendi daemonia. S. Th. S. q. 37. a. 4.  
ad 8. Attamen facultas exorcizandi solis reservatur Presbyteris, qui ea tantum  
de licentia Ordinarii uti possunt. — 4.<sup>o</sup> Acolytatus est Ordo, quo confertur  
alicui specialis potestas in missa solemni subdiacono inserviendi, accendendo  
cereos, praeparando et porrigendo illi ampullas vini et aquae. S. Th. q. 37.  
a. 4. ad 6. ad 7. ad 8. a. 5. ad 6., q. 38. a. 1. ad 2. — 5.<sup>o</sup> Subdiaconatus  
est Ordo, quo confertur alicui specialis potestas in missa solemni in-  
serviendi diacono et solemniter canendi Epistolam. S. Th. S. q. 37. a. 4. ad  
3. ad 4. ad 6., a. 5. ad 5., q. 38. a. 1. ad 2. Subdiaconi est etiam pallas,  
corporalia, et purificatoria abluere. — 6.<sup>o</sup> Diaconatus est Ordo, quo con-  
fertur alicui specialis potestas in missa solemni immediate assistendi presby-  
tero et solemniter canendi evangelium. S. Th. S. q. 37. a. 4. ad 3. ad 4.  
ad 6., a. 5. ad 5. q. 38. a. 1. ad 2. Diaconi est etiam ex commissione prae-  
dicare, baptizare, communionem distribuere. Utrum vero diaconus, ut ali-  
quando praedicet speciali licentia episcopis indigeat, vel licentia parochi,  
vel rectoris ecclesiae sufficiat, ex statutis particularibus vel consuetudine  
definiendum videtur. G. 697. — 7.<sup>o</sup> Presbyteratus sive Sacerdotium est  
Ordo, quo confertur alicui specialis potestas consecrandi Corpus et San-  
guinem Christi. « Et quia in proxima dispositione ad eucharistiam fit aliquis  
per hoc quod a peccatis purgatur: ideo omnium sacramentorum, quae sunt  
instituta principaliter ad purgationem peccatorum est minister proprius sacer-  
dos, scilicet baptismi, poenitentiae et extremae unctionis ». S. Th. 1. q.  
37. a. 4. ad 1. Sacerdotis est etiam varias benedictiones efficere. — 8.<sup>o</sup> Epi-  
scopatus est Ordo, quo confertur alicui specialis potestas confirmandi fi-  
deles et ordinandi ministros sacramentorum, nec non consecrandi res ad  
divinum cultum pertinentes. *Ministros sacramentorum*, latiori sensu, nempe  
non solum eos qui sacramenta conficiunt, sed etiam eos, qui conficientibus  
ex officio ministrant. Pont. Rom., L. 736. 747. 805., S. Th. S. q. 37. a. 2.

5. *Nota:* « Cum consecratio, quae fit in ordinis sacramento ordinetur  
ad sacramentum eucharistiae, ille est principalis actus uniuscuiusque ordi-  
nis, secundum quem magis proxime ordinatur ad eucharistiae sacramen-  
tum. Et secundum hoc etiam unus ordo est alio eminentior, secundum quod  
unus actus magis de proximo ad praedictum sacramentum ordinatur. Sed  
quia ad eucharistiae sacramentum quasi dignissimum, multa ordinantur,  
ideo non est inconveniens, ut praeter principalem actum, etiam multos actus  
unus ordo habeat, et tanto plures, quanto est eminentior, quia virtus quanto  
est superior tanto ad plura se extendit ». S. Th. S. q. 37. a. 4.

6. *An Episcopatus sit Ordo distinctus a Presbyteratu?* — « Negant  
S. Th., S. Bonav., et alii, qui dicunt esse extensionem ordinis presbyteratus.  
Sed communius affirmant Bellarm., Tourn., etc. tum quia in ipso traditur  
distinctus character, et specialis potestas ad eucharistiam, nempe consti-  
tuendi huius sacramenti ministros: tum quia ordo episcopatus confertur  
per manum impositionem, et per formam, *Accipe Spiritum Sanctum*, etc.  
Nec valet dicere, quod si Episcopatus esset distinctus ordo, posset episcopus  
valide saltem ordinari, licet non esset sacerdos; nam responderetur, quod hoc

ordinatione divina requiritur, sicut requiritur, ut sit baptizatus, qui vult confirmari, aut ordinari ». L. 378.

7. *Quid prima tonsura et quomodo confertur?* — Prima tonsura non est ordo, nisi late, sed tantum dispositio ad ordines, per quam quis fit clericus, a statu nempe laicali in sortem Domini transfertur, ac ad divinum cultum deputatur; et capax fit beneficii ecclesiastici ac clericalium privilegiorum. Trid. S. 23. C. 2. Confertur autem tonsione capillorum vel comae adscititiae, S. R. C. 25. Sept. 1846., cum certis verbis, per idoneum ministrum, ex institutione Ecclesiae. L. 734. 735., S. Th. S. q. 40. a. 2.

8. *An singuli Ordines sint Sacramenta?* — « Adsunt quatuor sententiae. 1.<sup>a</sup> sententia universe affirmat... 2.<sup>a</sup> sententia dicit solum sacerdotium esse sacramentum... 3.<sup>a</sup> sententia dicit esse sacramenta tantum tres ordines maiores... 4.<sup>a</sup> sententia dicit solum presbyteratum et diaconatum esse sacramenta... 1.<sup>a</sup> sententia est probabilis... 2.<sup>a</sup> sententia... non est mihi et aliis communissime satis probabilis... 3.<sup>a</sup> sententia pariter ac prima est probabilis. Sed mihi probabilior est 4.<sup>a</sup> sententia ». Ita S. Lig. 736. 737. Et n. 755. ait, quod « valde sit probabilis sententia episcopatum esse verum sacramentum distinctum a presbyteratu ». Ut autem S. Alph. fatetur, S. Th. stat pro 1.<sup>a</sup> sententia.

« Ordines, ait, habent quod sint sacramenta ex relatione ad maximum sacramentorum ». S. q. 37. a. 2. ad 1. « Ordo sacer dicitur dupliciter: uno modo secundum se, et sic quilibet ordo est sacer, cum sit sacramentum quoddam; alio modo ratione materiae, circa quam habet aliquem actum; et sic ordo sacer dicitur qui habet aliquem actum circa rem aliquam consecratam. Et sic sunt tres tantum Ordines sacri, scilicet sacerdotium et diaconatus, qui habent actum circa Corpus et Christi Sanguinem consecratum et subdiaconatus, qui habet actum circa vasa consecrata; et ideo eis etiam continentia indicitur, ut mundi et sancti sint qui sancta tractant ». ib. a. 3. « Unde cum character sit signum distinctivum ab aliis, oportet, quod in omnibus (ordinibus) character imprimatur; cuius etiam signum est, quod perpetuo manent, et nunquam iterantur. Et haec est tertia opinio, quae communior est »; ib. q. 35. a. 2.

Ad episcopatum quod attinet S. Th. S. q. 40. a. 5. videtur negare esse sacramentum; siquidem ait neque esse ordinem, neque esse sacramentum, neque imprimere characterem. Verum intelligendus videtur S. D. de ordine, de sacramento, de characterе distinctis, siquidem S. D. implicate saltem asserit in episcopatu conferri gratiam *ex opere operato*, adeoque esse sacramentum. S. q. 35. a. 1. coll. q. 38. a. 1.; et explicite Lect. 3. ep. 2. ad Tim. Explicans, enim illa verba: *Quae est in te per impositionem manuum mearum*, inquit: « A quo scilicet ordinatus erat Episcopus, in qua manus impositione data est ei gratia Spiritus Sancti ». Quare quemadmodum in ordinatione sacerdotis, in ultima manus impositione et per verba *Accipe Spiritum Sanctum*, etc. non habetur novus distinctus ordo, novum distinctum sacramentum, novus distinctus character, ita in episcopatu. Hinc Sylvester Maurus Opus Theol. T. 3. q. 265. n. 29.: « Sicut Episcopatus et Sacerdotium non sunt duo numero ordines, sed unus numero ordo, sic non sunt duo numero sacramenta, sed unum numero sacramentum; et sicut per ordinationem episcopi extenditur potestas sacerdotalis, quae est principalis, sic extenditur character sacerdotalis, qui est principalis; adeoque non tam confertur novus character, quam quaedam perfectio et extensio characteris sacerdotalis »; siquidem altera potestas alterius completiva et perfectiva est.

Iamvero quod presbyteratus sit sacramentum aperte constat ex Trid. can. 1. 2. 3. 6. simul coll. Quoad diaconatum et episcopatum id eruitur ex eodem Trid.; siquidem ex c. 6. habetur divina institutio *episcoporum* et *ministrarum*, adeoque saltem diaconorum; ex c. 4. vero habetur episcopatus et diaconatus collationi annexam esse gratiam. Illa enim verba *Accipe Spiritum Sanctum*, quae ex Trid. sunt veraciter signifi- cativa et col-



lativa gratiae, pronuntiat Episcopus non solum in ordinatione presbyteri, sed etiam in ordinatione diaconi et in consecratione episcopi. Pont. Rom. Tandem quod subdiaconatus valde probabiliter, et minores ordines etiam sint singuli probabilius sacramenta deducitur ex Flor. Decr. pro Arm., ubi aequae sub *Sacramento Ordinis* omnes ordines recensentur; materia et forma *Sacramenti* pro omnibus assignatur, et minister indicatur eiusdem *Sacramenti Ordinis, ordinarius et extraordinarius*, qui minister extraordinarius de solis ordinibus minoribus et subdiaconatu affirmari potest. Simile argumentum confici potest ex Trid.; nam C. 3. et c. 3. indefinite ait, Ordinem sive sacram Ordinationem esse Sacramentum. Praeterea in sensu obvio et naturali praedicto C. 3. et c. 3. agitur de Ordine seu sacra ordinatione, de qua sermo fuit C. 1. et 2., c. 1. et 2. Atqui ibi agitur de ordine prout complectitur non tantum presbyteratum, sed etiam alios ordines. Cf. etiam can. 6. et cap. 2. simul. Confirmatur autem ex caractere, qui tum in subdiaconatu tum in minoribus ordinibus imprimitur secundum quod deducitur ex Pont. Rom. et Cat. Rom. n. 34.

9. *Quaenam sit Ordinationis materia?* — Varia est pro variis ordinibus. In *Ordinibus minoribus* materia est sola instrumentorum traditio; instrumenta nempe materia remota, eorumdem traditio materia proxima. Quare necesse est quod ea ordinans praebeat ordinando, eaque ordinandus accipiat aut manu tangat; prout suadent Ecclesiae praxis, et verba formae. S. Th. 3. p. q. 34. a. 5. ad 3. Porro Ostiarius instrumenta Ecclesiae clavibus consistunt. Lectoratus Sacrarum Lectionum vel Scripturarum libro, Exorcistatus Exorcismorum libro, Acolytatus urecolis vacuis, et, probabilius, candelabro cum cereo extincto. — *Ordinum maiorum* materia est in Subdiaconatu sola instrumentorum traditio, nempe calicis *vacui* cum patena *vacua*, tum ex praecepto tum ex necessitate sacramenti *consecratis*, et, probabilius, libri Epistolarum; in Episcopatu sola impositio manuum; in Diaconatu et Presbyteratu probabilius *utraque*; in Diaconatu vero probabilius liber etiam Evangeliorum, et in Presbyteratu calix *cum vino*, et patena *cum hostia*. Sed utra sit essentialis an sola traditio instrumentorum, ex Flor. Decr. pro Arm., an sola manuum impositio, qua sola utitur Ecclesia Graeca, an utraque, qua utitur Ecclesia Latina, disputatur. Hinc S. Alph. 741. probabilius ait Latinum valide ordinari per materiam Graecis assignatam, nempe per solam manuum impositionem et e converso, probabiliter vero invalide. Quare in praxi tutior omnino sententia est eligenda. — Trid. S. 23. c. 4. Flor. Decr. pro Arm., Pont. Rom., L. 739. 745-749., S. Th. S. q. 34. a. 5., q. 37. a. 2. 4. 5., q. 38. a. 1. ad 1. ad 2.

10. *Quaenam sit Ordinis forma?* — Ut de materia ita de forma huius sacramenti dd. inter se non consentiunt. Pro varia materia, quae assignatur, alii consequenter volunt formam consistere in verbis, quae ab episcopo in impositione manuum recitantur, alii in verbis quae episcopus profert in traditione instrumentorum, alii in utrisque verbis. Cf. S. Th. S. q. 34. a. 4.

11. *Nota:* — 1.<sup>o</sup> In Ordinibus sacris conferendis requiritur, ut ab eodem Episcopo, qui formam profert, materia tradatur, quia cum talis sit usus Ecclesiae sic censetur Christus instituisse: ita D. Th. S. q. 38. a. 1. ad 2... Secus vero esse docet in collatione ordinum minorum. — 2.<sup>o</sup> Si conferantur Ordines ab Episcopo, alio tamen celebrante missam pro ipso, valida erit Ordinatio, sed illicita, prout declaravit S. Congr. a. 1715. coram Clemente XI. et confirmavit Innocentius XIII. in Congr. habita 5. Febr. 1722. L. 744., Bened. XIV. De Syn. l. 7. C. 26. n. 7. — 3.<sup>o</sup> In ordinatione subdiaconorum, super duos aut tres, manu dextera tangentes calicem cum patena, potest ab episcopo preferri forma: *Videte*, etc. In ordinatione vero presbyterorum cuilibet tradendus est calix cum vino et aqua et patena cum hostia, et cuilibet forma repetenda in singulari. S. R. C. 12. Nov. 1831. — 4.<sup>o</sup> In Ordinatione presbyteratus episcopus ter manus imponit: 1.<sup>o</sup> quando manus imponit nihil dicens; 2.<sup>o</sup> quando una cum presbyteris extendit manum super ini-

tiandos et fundit preces; 3.<sup>a</sup> quando post Communionem dicit: *Accipe Spiritum Sanctum*, etc. Porro manus impositio necessaria non est prima, ut certum est apud omnes, ait S. Lig. 748., sed vel secunda, quando episcopus extendit manus cum presbyteris, vel tertia, vel utraque. Illi, qui contendunt solam manuum impositionem esse presbyteratus materiam, argumentum desumunt ex Graecis, qui sola manuum impositione ordinantur; et stant pro secunda manuum impositione, nam post eam et ante tertiam manuum impositionem, ordinati iam consecrant eucharistiam simul cum episcopo: eaque vero aiunt simul traditur potestas in Corpus Christi reale et mysticum, in eucharistiam nempe conficiendam et in peccata absolventia. Illi qui stant pro traditione instrumentorum et manuum impositione, arguunt ex Flor. Deer. pro Arm. et ex Trid. S. 23. c. 4. et antiqua ac constanti Ecclesiae praxi quoad manuum impositionem. Iuxta hanc opinionem traditione instrumentorum traditur potestas in Corpus Christi reale, et tertia manuum impositione traditur potestas in Corpus Christi mysticum. Hinc alia est opinio eaque practice saltem consequenter tenenda, utramque manuum impositionem secundam et tertiam simul cum instrumentorum traditione esse materiam necessariam huius sacramenti. Varietatem vero Ecclesiae Latinae et Graecae explicant ex eo quod Christus instituerit materiam et formam huius Sacramenti in genere, et reliquerit Ecclesiae potestatem eam determinandi in specie, ac iustus de causis immutandi, modo adhibeat res et verba exprimentia illam potestatis traditionem, huius sacramenti effectum. Secunda manuum impositione simul cum instrumentorum traditione traditur potestas in Corpus Christi reale; tertia vero traditur potestas in Corpus Christi mysticum, et utraque considerari potest per modum *unius moralis*, tanquam una nempe, moraliter loquendo, manuum impositio in duas partes distributa. Quin imo prima etiam manuum impositio necessaria videtur, et unam adhuc manuum impositionem simul cum secunda constituere. Ratio est, quia si in prima manuum impositione desideratur forma, in secunda manuum impositione *corporalis tactus* desideratur. Verum si dicatur primam manuum impositionem constituere simul cum secunda manuum impositione, quae prioris continuatio est, unam manuum impositionem, iam omnis evanescit difficultas, et utrumque habetur, corporalis tactus, et forma. — 5.<sup>a</sup> « Episcopus non potest valide ordinari, nisi ab alio episcopo.... Ad talem autem ordinationem plura concurrunt, nempe impositio libri Evangeliorum super scapulas ordinati, unctio coronae ordinati, et impositio manuum trium episcoporum; item traditio baculi et annuli. Utrum vero ad valorem exigatur trium episcoporum assistentia, extra casum necessitatis? Certum est 1. quod haec requiritur ex necessitate praecepti ex Nicaen. I. c. 4. et ex Carthag. 2. c. 7. Certum 2.<sup>o</sup> videtur, ex commissione Pontificis in casu necessitatis valide fieri Ordinationem ab uno episcopo.... Ad quaesitum autem alii dicunt tres omnino requiri.... sic enim scripsit Damasus Papa in Epist. 4. contra Chorep. *Quod enim episcopi non sint qui minus quam a tribus sint ordinati episcopis, omnibus patet*. Alii tamen negant.... Ratio quia in Pontificali Rom. unus tantum episcoporum dicitur consecrator, alii vero assistentes; in aliis enim sacramentis unus tantum minister requiritur.... Utraque sententia est probabilis, unde in praxi omnino prima sequenda est ». L. 755 *Materia* essentialis ordinationis episcopi est tum impositio libri Evangeliorum tum impositio manuum. Forma vero utrique respondens essentialis est: *Accipe Spiritum Sanctum*. Theol. Wirceb. 108.

12. *An ad valorem Ordinationis requiratur contactus physicus instrumentorum?* — R. Affirm. secundum communioem et probabilioem sententiam, omnino in praxi tenendam. « Merito autem dicit Escob. n. 184. sufficere quoad valorem, quod materia una manu tangatur. Et pariter merito cum communi censent idem Escob. l. c. ac Pal. p. 4. n. 20., etc. sufficere tactum mediatum nempe si contingatur calix, patena, aut liber medio aliquo velo, vel chirotheca; qui enim sic tangit, in omnium sensu vere tangere dicitur ». L. 743. « Ipsa verba formae, ait S. Th. S. q. 34. a. 5. ad 3., vi-

dentur ostendere, quod tactus materiae sit de essentia sacramenti, quia dicitur: *Accipe hoc vel illud* ».

13. *An sit valida ordinatio presbyteri, qui acceperit patenam cum hostia, sed calicem sine vino et aqua?* — Non desunt theologi, qui saltem speculative probabilem esse existimant valorem talis ordinationis. Verum probabilius videtur oppositum; nam potestas ad sacrificium offerendum, quod utriusque speciei oblationem includit, una et indivisibilis est. Nequit ergo tradi potestas ad consecrandam unam speciem sine potestate ad consecrandam aliam. Atqui nequit in casu tradi potestas ad consecrandam speciem vini, cum haec desit. Ergo. Hinc talis ordinatio omnino est repetenda sub conditione, prout de facto repetitam esse affirmat huiusmodi casu occurrente C. De Lugo Resp. Mor. 1. l. D. 30., L. 750.

14. *An valide ordinetur qui solum calicem immediate tangit, sed non patenam?* — 1.<sup>a</sup> Sententia affirmat, quia calix et patena tunc moraliter faciunt unum. 2.<sup>a</sup> Sententia negat, quia in Pont. Rom. praescribitur tactus tam calicis quam patenae; itemque quia tunc tactus patenae potius esset moralis quam physicus. S. Alph. 753. 1.<sup>um</sup> sententiam dicit *probabiliorem*, 2.<sup>um</sup> sententiam vero non improbabilem, « et ideo in praxi tenendam: quapropter sub conditione talem clericum esse reordinandum ».

15. *An valide ordinetur, qui tangit hostiam, non autem patenam: et qui tangit calicem et patenam, non autem hostiam?* — R. Ad 1.<sup>um</sup> affirm. cum sententia communi, quae *probabilissima videtur* ex S. Alph. 751. Ratio est, quia hostia et vinum sunt materia substantialis Ordinis, quibus principaliter significatur potestas in Corpus Christi, et propter solam decentiam ex praecepto Ecclesiae usurpatur calix et patena. Attamen in praxi pars tutior sequenda est. Ad 2.<sup>um</sup> etiam affirm. cum sententia communi et veriori. Ratio est, 1.<sup>a</sup> quia tunc tangitur hostia mediante patena: non autem praescribitur ab Ecclesia tactus immediatus hostiae, sed tantum patenae, ut patet ex Pontificali; 2.<sup>a</sup> quia vinum in calice nunquam tangitur immediate: ergo nec requiritur, ut hostia immediate tangatur. Haec sententia ex eodem S. D. 752. *bene dici potest moraliter certa*. — G. 703.

16. *An sit valide ordinatus, cui in subdiaconatu non datus fuit calix vacuus, sed plenus vino et aqua?* — Illa ordinatio est probabiliter valida. Nam licet calix fuerit plenus vino et aqua, ex intentione tamen Episcopi ordinantis ipsum in subdiaconum sufficienter limitabatur, ut solum daretur calix secundum se, ut contradistinctus a quolibet contento. Calix ergo licet plenus, ut substans illi intentioni, et ita traditus significabat adhuc diminutionem potestatis, quam subdiaconus accipit in sua ordinatione, quam calix vacuus melius significat. Ex defectu ergo vacuitatis non potest certo argui defectus ordinationis validae, sed tantum illirritae, si defectus ille culpabiliter contigerit. Cf. Lugo Resp. Mor. 1. l. D. 30. n. 5. Quare potest ordinatio in casu praesenti sub conditione repeti. An autem necessario repeti debeat? Cf. n. seq.

17. *An et quomodo supplendi sunt defectus commissi in Ordinatione?* — 1. Si defectus est circa accidentalia, e. g. si defuerit unctio manuum Presbyteri initiandi, tunc quam primum suppleri debet ab eodem Episcopo, si fieri potest, seu ab alio, et occulte supplendus, si fuerit occultus, ad vitandum scandalum et turbationem aliorum. Si ita ordinatus non curaret huiusmodi defectum suppleri, vel ante suppletionem in ordine suscepto ministraret, peccaret, graviter vel leviter, prout gravis vel levis est defectus. — 2. Si defectus est circa essentialia, nempe circa materiam et formam, sub gravi cumque defectus supplendus est. Si sacramentum constet duplici materia et forma, ut in ordinatione sacerdotii, iuxta probabilem saltem plurimum sententiam, tunc si defectus est in parte antecedenti nimirum in traditione calicis et patenae, vel in secunda manuum impositione, utique totum sacramentum est iterandum, quia potestas supra Corpus Christi mysticum



fundatur in potestate supra Corpus Christi reale: secus vero si defectus est in parte posteriori, nimirum in ultima manuum impositione, quia potestas ad Corpus Christi verum iam tradita est independentem a parte subsequenti. — 3.<sup>o</sup> Dicunt autem Salm. C. 2. n. 32. hoc quidem tenendum in ordinatione presbyteratus et episcopatus, non autem aliorum ordinum: quia in eis si adest probabilitas pro valore ordinis suscepti, non requiritur supplere defectum, cum in sacerdotio postea suscipiendo omnis illorum potestas recipiatur. Sed hoc non admittendum saltem pro ordine diaconatus: nam C. *Presbyter De Sacram. non iterand.* loquens Pontifex de ordinatione diaconorum dicit, quod si impositio manuum est omissa omnino est repetenda: etsi probabile sit solam traditionem libri esse de essentia. Haec S. Th. S. q. 35. a. 5.: « Dicendum, quod non est de necessitate superiorum ordinum, quod aliquis minores ordines prius habeat, quia potestates sunt distinctae, et una, quantum est de sui ratione, non requirit aliam in eodem subiecto. Et ideo etiam in primitiva Ecclesia aliqui ordinabantur in presbyteros, qui prius inferiores ordines non susceperant: et tamen poterant omnia quae inferiores ordines possunt, quia inferior potestas comprehenditur in superiori virtute, sicut sensus in intellectu et duratus in regno. Sed postea per constitutionem Ecclesiae determinatum est, quod ad maiores ordines se non ingerat qui prius minoribus officiis se non humiliavit. Et inde est, quod qui ordinantur per saltum secundum canones (cap. *Tuae litterae, De Cler. per salt. promotio*) non reordinantur, sed id, quod omissum fuerat de praecedentibus ordinibus, eis confertur ». — 4.<sup>o</sup> Defectus circa valorem sacramenti supplendus est tempore ab Ecclesia statuto ex cit. C. *Presbyter*. Secus vero dicendum, si esset defectus accidentalis. Probabiliter vero dicunt Tamb. l. 7. C. 5. § 2 n. 13. La-Croix 2200., alique, quod si ob solum dubium iteretur ordo sub conditione, vel caeremonia aliqua poterit iterari quovis die et a quovis episcopo. — L. 757-759., La-Croix 2220. seqq.

18. *An carens Ordine licite et valide exerceat actus Ordinis?* — « Carens ordine sacerdotii, vel episcopatus invalide exerceat eorum munera. Carentes autem aliis ordinibus, licite eos exercent, si ordines sint minores: illicite si maiores. Hinc graviter peccat clericus, qui sine ordine officium diaconi, vel subdiaconi solemniter exerceat, et incurrit ipso facto irregularitatem, et excommunicationem, sed hanc ferendae sententiae ex C. 1. et 2. *De Cleric. non ordin. min.*

## II. — DE MINISTRO ET SUBIECTO ORDINIS

19. *Quinam sit Ordinis Minister?* — 1.<sup>o</sup> Trid. S. 23. c. 7. definitum est solos episcopos esse ordinarios sacramenti ordinis ministros. Episcopus vero tantum electus et confirmatus, licet possit praebere licentiam subditis, ut ab alio episcopo ordinentur, nequit tamen ordinare, nisi sit etiam consecratus. Episcopus autem consecratus, etiamsi sit degradatus et episcopatum renunciaverit, valide ordinare potest. L. 761., S. Th. S. q. 38. a. 1. — 2.<sup>o</sup> Potest S. Pontifex praebere simplici sacerdoti facultatem tonsuram et ordines minores conferendi. Et haec facultas reapse concessa est Abbatibus, qui tamen ea licite uti non possunt nisi cum regularibus sibi subditis, ex Trid. S. 23. C. 10. et S. C. C. 17. Jan. 1642., et probabiliter etiam novitiis. Negant tamen hoc communiter de presbyteratu, tanquam de ministerio excellentissimo, quod a solo Principe Ecclesiae, supremam facultatem habente, prout est episcopus, debet impertiri. S. Th. S. q. 38. a. 1. Quaestio igitur est de diaconatu et subdiaconatu: alii affirmant, alii negant, alii vero probabiliter negant de diaconatu, cuius ministerium est immediate ad Corpus Christi tangendum, illud fidelibus distribuendo, affirmant autem de subdia-

conatu, quia eius munus non habet relationem tam immediatam ad Christi Corpus. Neque huic doctrinae obstare videtur S. Th. S. q. 38. a. 1. ad 3. S. D. ibi excludit ordines maiores, qui semper in Ecclesia pro sacris habitis sunt, ut inferitur ex ipsius verbis: siquidem loquitur de ordinibus, qui habent immediatam relationem ad Corpus Christi. Sed notum est, quod ordo subdiaconatus non fuit computatus inter sacros, nisi saeculo xi. ab Urbano II., ut habetur C. *A multis De aetate et qualitate praefic.*, neque vero subdiaconatus immediatam habet relationem ad Corpus Christi, ut loquitur S. Th.: soli enim sacerdotes possunt eucharistiam conficere et soli diaconi eam deferre aut ministrare. — L. 760-766.

20. *An quilibet Episcopus licite ordines conferre possit?* — Ad licite ordines conferendos et suscipiendos requiritur ex Trid. S. 23. C. 3. et S., ut initiandus, etiam prima tonsura ut dd. communiter intelligunt, ordinetur a proprio episcopo, vel ab alieno, sed de eius licentia. Quare episcopus non potest licite ordinare nisi subditos, vel ratione originis, vel ratione domicilii, vel ratione beneficii, vel ratione familiaritatis. C. *Cum nullus 3. De temporum ordin.* in 6., 2. C. *Eos qui*, 2. e. t., Trid. S. 23. C. 9., L. 760. 769. 771. — *Ratione originis*, si scilicet in eius dioecesi sint nati. Qui vero fortuito nascitur alicubi debet ordinari ab episcopo loci, ubi pater natus est, nisi pater postea ibidem ubi natus est initiandus contraxerit domicilium. L. 769. 770. 772. 773. — *Ratione domicilii* ille tantum quoad ordines censendus est subditus, qui aliquo venit animo perpetuo ibi manendi, et hunc animum probet vel per habitationem decennii, vel per aedificationem domus cum asportatione maioris partis bonorum, manendo simul ibi per aliquod notabile tempus; debetque iurare hunc animum tunc habere. Innoc. XII. C. *Speculatores* a. 1694. L. 769. 770. 773. 778. — *Ratione beneficii* non sufficit, quod quis statim ab aliquo episcopo beneficium sit accepturus, ut ab eo ordinari possit vel primam tonsuram accipere; sed requiritur ut beneficium actu possideatur et de se sufficiat ad congruam sustentationem sine supplemento patrimonii. Qui in duabus dioecesibus beneficium habet in utraque ordinari potest. C. *Cum nullus De Temp. ord.* in 6., L. 760. 770. 774. 776. 777. — *Ratione familiaritatis*, ut possit episcopus, at non titularis tantum, aliquem ordinare, requiritur ut per triennium eum aluerit secum in suo actuali servitio, eidemque infra mensem conferat beneficium, sufficiens ad congruam sustentationem, ut nempe ordinandus, cessante familiaritate, habeat unde vivere possit. Quare parum refert in quam dioecesi beneficium positum sit; et si ordinandus beneficium aut patrimonium habeat, haec obligatio conferendi ei beneficium cessat; etsi in aedibus episcopi non habitat, modo degat in loco, ubi est episcopus vel prope. — Trid. S. 14. C. 2. de R., S. 23. C. 9., Innoc. XII. C. *Speculatores*, L. 760. 770. 778. 780. — Potest ordinandus inter varios hos episcopos eligere quem velit, et in unoquoque ordine deinde variare. Verum is qui eligitur ordinare eum non potest sine litteris testimonialibus episcopi originis, domicilii et eius loci, in quo forte quis ea aetate, et tanto tempore moratus sit, nempe sex circiter mensibus, ut canonicum impedimentum contrahere potuerit. *Testimonialibus* nempe non generatim, sed ad ordines suscipiendos datis. Ordinandi ab episcopo beneficii, si in suam dioecesim reversuri sunt, episcopus domicilii debet eos examinare ante concessionem litterarum testimonialium. Innoc. XIII. C. *Apostolici ministerii* § 5., Bened. XIII. C. *In supremo*, S. C. C. s. Aug. 1733. — Grave est conferre ordines vel tonsuram alieno subdito sine litteris dimissoriis sui episcopi, Trid. S. 7. C. 10. de R., S. 23. C. 10. de R., vel eius vicarii generalis, episcopo diu in remotis agente, C. 3. De *Temp. ordin.* in 6., vel Vicarii Capitularis post annum vacationis, vel infra annum sed non nisi aetatis. Dari autem possunt cuivis catholico episcopo S. C. C. 16. Mart. 1624., praeterquam ei qui episcopatum renuntiavit, si et loco et dignitati cessit C. 1. De *Ordin. ab episcopo, qui renunt.* Et si uni nominatim datae fuerint in gratiam ordinandi, huic integrum est, eo praetermisso alium adire. L. 788. Habentur autem instar *gratiae factae*, ideo

non expirant, resolutio iure dantis, L. 787., neque suspenduntur, eo suspensio, nisi in tempus definitum datae vel revocatae fuerint. D'Amib. 153.

21. *Quid de Regularibus?* — Ea quae praecedunt locum habent etiam in piis Congregationibus, in quibus vota simplicia dumtaxat nuncupantur. S. C. EE. et RR. 6. Maii 1864. A. S. S. V. 1. p. 366. — Regulares ex C. *Cum nullus* 3. § fin. *De Temp. ord.* in 6.<sup>o</sup> debent suscipere ordines ab episcopo, in cuius dioecesi est monasterium, ubi tunc morantur. S. C. de mandato Clementis VIII. decrevit, quod si ille episcopus non habeat ordinationem, tunc superior poterit subditis dimissorias dare ad quemcumque alium episcopum: praecipitur tamen ibi regularibus, ne ex industria differant ordinationes suorum subditorum in id tempus, quo episcopus diocesanus non est habiturus ordinationem, vel abfuturus est. Benedictus XIV. statuit, quod si episcopus diocesanus fuerit absens vel non habuerit ordinationem, non potest religiosus ab alio ordinari, nisi ostendat attestationem vicarii generalis, cancellarii aut secretarii eiusdem episcopi: alias tam ordinans, quam sic ordinatus incurrunt censuras et poenas quas incurrunt, qui ab aliquo episcopo ordinantur sine dimissoriis. Item statuit, quod talis regularis examinari debeat ab episcopo ordinante: et quod privilegia alienius Ordinis, ut eius Religiosi ordinentur a quocumque episcopo, debeant esse nominatim non vero per communicationem. Sede Vacante, « Regularibus infra annum, afferentibus dimissorias suorum superiorum, bene potest Capitulum licentiam concedere, ut ordinentur ab aliquo episcopo ». L. 788. Episcopus potest quidem sine examine religiosos ordinare, acquiescendo testimonio suorum praetorum: sed bene etiam potest, si velit, eos examinare, nisi speciale habeant privilegium. An autem novitii debeant ordinari ab episcopo loci Novitiatus, an vero originis aut domicilii? Suarez et Henr. tenent ordinandos esse ab episcopo originis vel domicilii. Sanchez et Delbene censent bene posse ordinari ab episcopo loci, ubi est Novitiatus. « Utraque sententia est probabilis. . . . modo novitius per notabile tempus iam manserit in Novitiatu: et iuramentum praestet ibi, in quantum in se est, perpetuo manendi ». L. 765. Quare regulares ordinum religiosorum, in quibus solennia vota emittuntur, durante triennio votorum simplicium, possunt ab Ordinario loci ordinari, quo tamen triennio post tyrocinium et ante solemnem professionem non licet eis concedere dimissorias nisi ad primam tonsuram et minores ordines. S. C. EE. et RR. 12. Jan. 1858. A. S. I. V. 1. — Benedictus XIII. C. *In suprema* 23. Sept. 1724., Bened. XIV. C. *Impositi nobis* a. 1747., Not. 7. 8., L. 768. 788. 792.

22. *An possit Episcopus extra dioecesim suis subditis conferre ordines vel saltem primam tonsuram?* — R. Negat. quoad ordines, nisi de licentia Ordinarii loci. Quoad tonsuram 1.<sup>a</sup> sententia negat, quia ex Trid. vetitum est episcopis exercere Pontificalia in aliena dioecesi sine licentia eius Ordinarii. 2.<sup>a</sup> Sententia affirmat, quia cum sit sententia communior et probabilior inter theologos, quod tonsura non sit ordo: ideo bene potest et solet conferri privatim sine Pontificalibus, ad quod non requiritur licentia Episcopi loci. L. 756.

23. *Quid requiratur ad valide Ordines recipiendos?* — Ad validam ordinationem recipiendam requiritur et sufficit ut quis sit mas baptizatus. Quare incapax ordinum est femina, et hermaphroditus, in quo femineus sexus praevaleat, itemque non baptizatus. Valide et contra ordinantur infantes, perpetuo amentes, caeci, muti, privati manibus, etc., etsi sint iure naturali irregulares. Dicit tamen S. Th. quod pueri ante usum rationis non possunt valide suscipere episcopatum. — C. *Tuae litterae* un. *De Cler. per salt. prom.*, Bened. XIV. C. *Eo quamvis*, § 20., L. 781. 782., S. Th. S. q. 35. a. 3., q. 39. a. 1. 2., Lugo Resp. Mor. l. 1. D. 31.

24. *Quid requiratur ad licitam Ordinum susceptionem?* — Requiritur 1.<sup>o</sup> divina vocatio et probitas vitae. Cf. De Particular. Clericor. Obliga-



tionib. n. 1. 166. 168. « Cum in quolibet ordine, ait S. Th. S. q. 36. a. 1., aliquis constituatur dux aliis in rebus divinis, quasi praesumptuosus mortaliter peccat, qui cum conscientia peccati mortalis ad ordines accedit. Et ideo sanctitas vitae requiritur ad ordinem de necessitate praecepti, sed non de necessitate sacramenti. Unde si malus ordinatur, nihilominus ordinem habet tamen cum peccato..... Debent (ordinati) bona conscientia nitere quoad Deum, et bona fama quoad homines ». Etenim per sacrum ministerium efficiuntur medij inter Deum et plebem. Hinc consequenter indignum promovens graviter peccat. « praecipue cum hoc in detrimentum Ecclesiae vergat et honoris divini ». S. Th. S. q. 36. a. 4.

25. *Requiratur* 2.<sup>o</sup>, ut ordinandus non sit neophytus, servus seu mancipium, mutilatus aliquo membro, notabilis infamiae, vel quod ordinis executionem impediatur, hermaphroditus, illegitime natus, homicida, infamis vel utcumque irregularis, suspensus, excommunicatus. — L. 782. 784., S. Th. S. q. 39. a. 3.-6.

26. *Quandomam coniugatus possit sacris ordinibus initiari?* — Certum est, quod sine licentia uxoris non licet uxorato ordines sacros suscipere, nec etiam primam tonsuram. C. Nullus ult. *De Temp. ord.* in 6.<sup>o</sup> Extrav. *Antiquar. De Voto*. Licite autem potest coniugatus ad sacros ordines promoveri, si ex iuxta causa perpetuum fecerit divortium ab uxore, ex iudicis sententia. C. *Agathosa* cau. 27. q. 2., vel ex licentia uxoris, modo ipsa castitatem voveat. C. *Coniugatus De Convers. coniugat.*, et modo licentia sit expressa et omnino spontanea. C. *Consuluit* e. t. Verius autem non tenetur uxor Religionem profiteri. C. *Coniugatus* cit., nisi ad episcopatum assumatur, tunc enim uxor omnino debet Religionem ingredi. C. *Sane* e. *De Convers. coniug.*; itemque nisi vir fieret religiosus, et uxor esset invenis, vel de incontinentia suspecta. C. *Cum sis* e. t. — An autem mulier huius viri ad ordines sacros promoti, si emisit simplex castitatis votum valide contrahat matrimonium post mortem viri? 1.<sup>a</sup> Sententia negat ex C. *Quia sunt* 10. D. 28, ubi dicitur de tali matrimonio: *Qui male sociati sunt disiungantur*. 2.<sup>a</sup> Sententia affirmat: nam licet praecipiat separatio praefatorum coniugum in poenam admissi criminis, non tamen declaratur matrimonium esse nullum. — L. 812. 827. 969.

27. *Requiratur* 3.<sup>o</sup> animus clericandi. Trid. S. 23. C. 4. Certum et commune est non peccare graviter, qui suscipiat ordines maiores et non intendat suscipere sacerdotium. Trid. S. 23. C. 4. de R., et probabile est nullum esse peccatum, quia nullo iure praescribitur ad superiores ordines ascendere. L. 783. 785.

28. *Requiratur* 4.<sup>o</sup>, ut sit confirmatus. Trid. S. 23. C. 4. An autem requiratur sub gravi praecepto? Alii affirmant, alii censent hoc non esse de praecepto, sed de consilio, alii communiter et probabilius dicunt requiri sub levi, propter levem deordinationem. L. 786. « De congruitate, ait S. Th. S. q. 45. a. 4., character or inis characterem confirmationis praesupponit, et non de necessitate ». Attamen S. C. C. 27. Sept. 1601. declaravit initium primae tonsurae et minoribus ordinibus ante confirmationem susceptam fuisse « male promissum..... beneficia minus legitime acquisivisse atque egere nova provisione..... neque posse ad sacros ordines ascendere, nisi praevia Sed. Apostolica dispensatione ». Bened. XIV. C. *Eo quatinus tempore*, § 19.

29. *Requiratur* 5.<sup>o</sup>, ut si non a proprio episcopo, sed ab alio quis, stante iusta causa, ordinetur, litteras dimissorias habeat proprii episcopi. Trid. S. 14. C. 2., L. 787. 789. Regulares exempti debent habere dimissorias a Praelatis suis, scilicet Generalibus aut Provincialibus. L. 788.

30. *Requiratur* 6.<sup>o</sup> examen scientiae convenientis, secundum ordinem, qui suscipitur. Episcopus tenetur per se vel per alios examinare ordinandos, nisi aliunde sit certus de eorum idoneitate. L. 790. 792. Si missi fuerint or-

dinandi alieno episcopo, si ab alio episcopo ordinans *potest*, si a Praelato regulari, *debet* eos iterum examinare. Bened. XIV. C. *Eo quavis* § 20. Ex Trid. S. 23. CC 4. 11. 13. 14. 15. pro prima Tonsura requiritur ut sciant fidei rudimenta, item legere et scribere: pro ordinibus minoribus ut saltem linguam latinam intelligant; pro subdiaconatu et diaconatu, ut sint « litteris et iis quae ad ordinem exercendum pertinent instructi »; pro sacerdotio, ut « ad populum docendum ea, quae scire omnibus necessarium est ad salutem, ac ad ministranda sacramenta, diligente examine praecedente, idonei comprobentur ». Quare presbyterandi scire debent ea quae pertinent ad sacrificium, ad baptismum, ad extremam-unctionem, quorum sunt ministri. Circa vero poenitentiae sacramentum non requiritur tanta scientia ut in confessario, *sed debent* saltem habere aliqualem scientiam circa materias magis obvias pro casibus necessitatis, in quibus confessiones excipere tenentur. L. 791., S. Th. 4. D. 24. q. 1. a. 3. q. 2. Benignius vero agendum cum iis qui Religionem professi sunt vitae mere contemplativae. L. 791., S. Th. 1. c. ad 1. Non prohibetur vero per hoc episcopo, quominus a suis subditis maiorem exigit scientiam. L. 792. Maior e contra scientia requiritur in presbyteris, qui curam animarum sunt habituri, siquidem « talis scientia requiritur in eo qui debet ad ordines promoveri. .... plus vel minus, secundum quod ad plura vel pauciora se eius officium extendit ». S. Th. S. q. 36. a. 2. Longe adhuc maior scientia requiritur in episcopis. Nam « ad superiores sacerdotes, scilicet episcopos, pertinet ut etiam ea, quae difficultatem facere possunt sciant, et tanto magis quanto in maiori gradu collocantur ». S. Th. S. q. 36. a. 2.

31. *Requiritur* 7.<sup>o</sup> ut ordinetur quis per debita temporum interstitia. Licet probabilius conferre primam tonsuram cum aliquo ordine minore, cum prima tonsura non sit ordo. Inter unum ordinem minorem et alium aliquod requiritur tempus, quod a Trid. S. 28. C. 11. non fuit determinatum, et in hoc bene potest episcopus dispensare, *si aliud ipsi expedire videatur* ex aliqua causa. A minoribus ordinibus ad subdiaconatum requiritur sub gravi spatium unius anni, *nisi necessitas aut Ecclesiae utilitas iudicio episcopi* aliud exerceat. A subdiaconatu ad diaconatum etiam requiritur spatium anni, ad quod tamen dispensandum sufficit iudicio episcopi quaevis rationabilis causa. Trid. S. 23. C. 13. A diaconatu ad sacerdotium ad minus requiritur spatium anni, *nisi ob Ecclesiae utilitatem ac necessitatem aliud episcopo videatur*. Trid. S. 23. C. 14. Multo magis autem grave est duos ordines sacros recipere una eademque die. Trid. S. 23. C. 3., vel ordines minores una cum subdiaconatu. C. *Cum* 2. *De eo qui furtive*. Possunt Regulares, ex licentia suorum praelatorum, *extra tempora* ordinari vi privilegii ipsis concessi a Gregorio XIII., Clemente VIII., Urbano VIII., Bened. XIII. Conc. Rom. t. 5. C. 2., Bened. XIV. Notif. 23. n. 5.

32. *Requiritur* 8.<sup>o</sup> sub gravi, ut prima tonsura ante ordines minores, et inferior ordo ante superiore suscipiatur. C. *Tunc un.* *De Cler. per salt. ord.* An autem incurratur suspensio? Cf. Commentar. De C. *Apostolicae Sedis* n. 109. Si quis vero susceperet episcopatum ante sacerdotium, invalide etiam illum susceperet. L. 793.

33. *Requiritur* 9.<sup>o</sup> ut quis ordinetur tempore debito. Ordines maiores conferri possunt tantum in sabbatis Quatuor temporum, sabbato ante Dominicam Passionis et Sabbato Sancto; et infra missam sub gravi sunt conferendi. Ex iusta causa ordinans permittitur partem ordinationis differre in Dominicam sequentem continuato ab ipso et ab ordinandis sabbati ieiunio. C. *Litteras* 13. 15. *De Temp. ord.* Ordines minores dari possunt in quolibet festo de praecepto, si conferantur uni vel duobus, vel etiam pluribus, modo generalis ordinatio fieri non videatur. Pont. Rom., C. *De eo* 3. e. t. S. R. C. 23. Maii 1836. Ordines minores conferri possunt etiam publice feria VI. ante sabbatum generalis ordinationis, et etiam feria IV. generalis ordinationis, modo adsit consuetudo, quam Palaus, Salm., Barbosa. cum aliis

testantur iam esse receptam. In missa conferre eos deest. Episcopi consecratio potest fieri quovis die dominico, C. *Ordinationes* 1. 5 C. *Quod die*, Dist. 75. et natalitiis Apostolorum. Pont. Rom.: ac hora diei tertia. Prima tonsura quolibet die et hora ac loco conferri potest. — L. 794., Lugo Resp. Mor. 1. 1. D. 34.

34. *An autem regulares, cum ordinantur extra tempora, possint ordinari in quovis festo duplici, esto non sit de praecepto?* — Duae sunt sententiae. Prima affirmat, quia Alexander VI. loquens de initiandis per hoc privilegium dixit posse ordinari *tribus diebus dominicis, sive duplicibus*. Secunda sententia negat, quia Gregorius XIII. loquens de hoc eodem privilegio, dixit *diebus dominicis et festivis diebus*. S. Alph. 797. ait: « Haec secunda sententia est tutior, et videtur probabilior: sed primam non audeo reprobare, et dico standum esse consuetudini, quae est optima legum interpretis ».

35. *Requiritur 10.<sup>o</sup> locus.* — Ex Trid. S. 23. C. 8. ordines conferendi sunt in Cathedrali Ecclesia: vel, si in alio loco conferantur, in digniori, quantum fieri potest, loci Ecclesia. Plures tamen episcopi solent ordines sacros conferre in privato etiam Sacello. Ordines autem extra diocesim conferri non possunt sine venia Ordinarii loci, et tunc episcopus tum alienos tum proprios subditos ordinare potest. Trid. S. 6. C. 5., L. 798.

36. *Requiritur 11.<sup>o</sup> aetas.* — 1.<sup>o</sup> Pro prima Tonsura requiritur ut initiandus polleat usu rationis, et ideo saltem sit septennis. Bened. XIV. C. *Inter sollicitas* a. 1745. § 19. — 2.<sup>o</sup> Pro ordinibus minoribus nulla in iure assignatur aetas: solent tamen conferri ab anno 7.<sup>o</sup> ad 14.<sup>um</sup> Bened. XIV. ib. — 3.<sup>o</sup> Pro subdiaconatu statuitur annus 22.<sup>us</sup>, pro diaconatu annus 23.<sup>us</sup>, pro sacerdotio annus 25.<sup>us</sup> Trid. S. 23. C. 22. Sufficit autem ut annus praescriptus sit inceptus. Trid. S. 24. C. 12. — 4.<sup>o</sup> Pro episcopatu requiritur annus 30.<sup>us</sup> et idem dicitur pro Cardinalatu, quamvis ex concessione Sixti V. Cardinales Diaconi possint esse aetatis suae ann. 22. — 5.<sup>o</sup> Pro beneficiis autem requiritur a. 14.<sup>us</sup> ex Trid. S. 23. C. 6. Sed si beneficium sit curatum requiritur annus 25.<sup>us</sup>, saltem inceptus. Trid. S. 24. C. 12. Pro canonicatu in Cathedralibus requiritur annus 22.<sup>us</sup> inceptus. Trid. S. 22. C. 4. In Collegiatis vero sufficit annus 14.<sup>us</sup>, cum in iure nihil pro eo sit statutum. — 6.<sup>o</sup> « Certum est autem quod episcopi nullo modo possunt in aetate dispensare ». L. 800. — L. 783. 799. 800., S. Th. S. q. 39. a. 2.

37. *Requiritur 12.<sup>o</sup>, ut initiandus exerceat ordinem prius susceptum in Ecclesia, ubi est adscriptus ex Trid. S. 23. C. 11. 13.* Sed putant Salm. C. 4. n. 74. hoc non esse de praecepto gravi, cum verba Conc. magis sint consultiua quam praeceptiva. L. 801.

38. *Requiritur 13.<sup>o</sup> prout praescribit Pontificale, ut ordinandi eucharistiam recipiant, sed hoc non sub mortali, ut ait La-Croix 2225.* Imo nec sub levi tenentur communicare initiandi ad ordines minores. Presbyteri autem verius tenentur communicare sub mortali, cum ipsi vere celebrent cum episcopo. S. Th. 3. p. q. 82. a. 2., L. 801.

39. *Requiritur 14.<sup>o</sup>, quoad sacros ordines recipiendos, titulus honestae sustentationis.* Trid. S. 21. C. 2., aliter episcopus ordinans vel dimissorius concedens tenetur ipse ordinatum in sacris alere usque dum iste titulum habeat. C. *Cam secundum De Prach.*, C. *Recepimus De Aetate et qualitat. ordin.* — Titulus sustentationis potest esse vel paupertatis vel sufficientiae, nempe beneficii sufficientis ad sustentationem, iuxta synodalem taxam suae diocesis aut patrimonii. Titulo *paupertatis* soli regulares professi ordinantur, non autem novitii. S. Pius V. C. *Romanus Pontifex*. Exeipiuntur religiosi Soc. Jesu, qui post vota simplicia ordinari possunt: et si deinde a religione dimittantur. Societas eos alere minime tenetur. — Quoad titulum *beneficii*, requiritur quod beneficium pacifice iam possideatur. Nomine beneficii potest etiam aliquis ordinari ad titulum Coadiutoriae perpetuae, vel



quotidianarum distributionum, vel Capellaniae, vel Pensionis, vel Praestimonii perpetui: minime vero sufficiunt ad titulum missarum stipendia, cum incerta sint. — Quoad titulum *patrimonii*, non possunt omnes hoc titulo ordinari, sed tantum ii, quos *episcopus indicaverit assamendos pro necessitate vel commoitate Ecclesiarum suarum*. Trid. S. 21. C. 2. Patrimonium autem debet esse iuris forma constitutum, super re certa et immobili, ac de sua natura frugifera, vel quasi immobili ut in publicis versuris. S. C. C. 29. Jun. 1704. pacifice possessa, nec aere alieno, aut hypotheca gravata. Sufficit tamen census perpetuus, etiam redimibilis: modo, si redimatur, in aliam censuum vel praediorum emptionem applicetur. Sufficit etiam, si quis de suis redditibus tot annuos aureos ad sustentationem sufficientes per instrumentum donet. Sufficit ut aliquis Comes aut Communitas obliget sua bona ad Clericum alendum. Non sufficit titulus suae industriae. Patrimonium vero sine episcopi venia renunciari non potest, etiam post associationem beneficii ad sustentationem sufficientis. — L. 813.-824. Bened. XIV. Notif. 26.

40. *An vel quomodo peccet ordinatus, qui omittit recitationem precum, quae post ordinationem per modum poenitentiae ab Episcopo imponuntur?* — Non consentiunt de hoc theologi. Alii enim dicunt, eum peccare graviter, quia materia praecepti est gravis. Alii tenent, illum minime peccare, quia episcopus praeceptum non imponit. Alii tandem consent, huiusmodi omissionem non vacare quidem culpa, sed venialem non excedere. Haec sententia probabilior videtur. Cf. S. Lig. 829. Quoad istas preces haec habet S. C. R. Declaratio in Granateusi 11. Aug. 1860.: « Verba Pontificalis Romani *Nocturnum tuis diei* intellige de unico Nocturno in feriali, vel de primo Dominicae, ut in Psalterio, id est duodecim Psalmorum cum suis antiphonis de tempore, quem Episcopus ordinans designare potest, vel ipsius diei quo habet ordinationem, vel alterius pro suo arbitrio. Quando vero Episcopus nihil aliud exprimit, quam id quod verba Pontificalis referunt, dicendum est Nocturnum feriae, quae respondeat illi diei, in quo facta est ordinatio ».

41. *An vel quomodo Neo-sacerdotes tres Missas ab Episcopo praescriptas legere teneantur?* — 1. Non tenentur eas applicare ad episcopi intensionem, et proinde stipendium pro illis accipere possunt. Ita communiter. L. ib. — 2. Nec apparet obligatio gravis eas Missas celebrandi: neque prius dicendae sunt, quam adveniant dies non impediti, cum Missae votivae esse debeant. L. ib.

42. *Ad quid teneantur Sacerdotes vi obedientiae, quam Episcopo in ordinatione promiserunt?* — Sic explicat Benedict. XIV. in Epist. *Ex quo dilectus*: « Agnoscimus, Presbyterum huiusmodi promissionis vigore ea lege inter alias adstrictum teneri, ut a servitio Ecclesiae, cui addictus fuerit, discedere nequeat sine licentia Episcopi ». L. 828.

43. *An peccet Clericus, qui initiatas in minoribus uxorem ducit?* — Per se loquendo certum est non peccare graviter, imo nec etiam leviter, si ob iustam causam hoc facit, puta ad sedandas inimicitias, aut tentationes carnis, ad subveniendum feminae pauperi, etc., alias non excusabitur a veniali ». L. 785. 783. Cf. De Partic. Clericor. Obligation. n. 103. 166.

## DE MATRIMONIO

## I. — DE SPONSALIBUS ET DE BANNIS

1. *Quid sint sponsalia?* — Sponsalia sunt promissio voluntaria, deliberata, et mutua, signo sensibili expressa, futuri matrimonii inter personas iure habiles. *Promissio*, vera, non ficta; non propositum, hoc enim nullam inducit obligationem. *Voluntaria et deliberata*, scilicet voluntate et deliberatione sufficienti ad peccatum grave, cum sponsalia sub gravi obligent. L. 831. — *Mutua*, sponsalia enim contractus sunt onerosus, conditionem involvens: si tu repromiseris. Attamen si promittens sponte velit se obligare independentem ab alterius promissione, et hoc sit certum, non habentur sponsalia, neque consequenter impedimentum publicae honestatis, sed mera promissio gratuita unam tantum partem obligans vi merae fidelitatis. Dicitur *et hoc sit certum*, quia regulariter nunquam sponsi intendunt gratis se obligare sine conditione quod alter etiam se obliget. Acceptatio autem promissionis, repromissionem de se non includit: quia potest quisque acceptare obligationem alterius, quin seipsum obliget. L. 836. 837. — *Signo sensibili expressa*, nam ad quemlibet contractum, non sufficit consensus internus, sed requiritur consensus externe expressus aut verbis aut signis. Unde non sufficit ad sponsalia taciturnitas. Valerent tamen sponsalia, si parentes ea contrahant, praesente filio, qui tacet, modo filius interne et positive consentiat. Cum enim parentes prae magno amore erga filios praesumuntur ipsis bene consulere, merito censentur filii consentire ipsorum promissioni adeoque per ipsorum promissionem suam exprimere consensum. Si filius vero interne dissentiat, « certe ad sponsalia illa a parentibus contracta non obligatur. Et idem omnino dicendum puto, si filius negative se habuerit non dissentiendo neque consentiendo ». Idemque dicendum, si parentes sponsalia contrahant pro filiis absentibus, et isti, certiores facti sponsalium a parentibus, non contradicant, si nempe vere tacite sponsalia ratificent. C. *Si infantes* un. *De Desp. imp.* in 6.<sup>a</sup> S. Th. 4. D. 27. q. 2. a. 2. ad 1.<sup>a</sup> S. q. 43. a. 2. ad 1.<sup>a</sup>, L. 838. 839. — *Inter habiles*, i. e. qui nullo impedimento a matrimonio prohibentur. Quare nulla erunt sponsalia si matrimonio obstat aliquod impedimentum. Nulla vero iuris solemnitas requiritur ad eorum validitatem, eamque neque civilis potestas, neque Ordinarii locorum apponere possunt. — *Futuri matrimonii*, ubi ergo Decr. Trid. viget de matrimonio coram parcho et testibus contrahendo, contractus *de praesenti* neque matrimonium est, quia deest forma Trid., neque sponsalia consistunt, quia *promissio* tunc neque virtualiter habetur *futuri matrimonii*. — S. Th. S. q. 43. a. 1.

2. *An teneatur Matrimonium contrahere qui fecte promisit sponsalia alteri, et se repromittenti?* — R. Negat. Etenim 1.<sup>a</sup> cum *ficta promissio* fuerit, nequit teneri vi promissionis, etiamsi fuerit iuramento firmata. S. Th. 3. D. 34. q. 1. a. 3. q. 3. — 2.<sup>a</sup> « Esto fecte promittens peccaverit contra iustitiam, alteram partem decipiendo, non tenebatur tamen ex iustitia ponere verum consensum, cum nulla ei aderat obligatio contractum inveniendi, et contra alter nullum adquisierit ius in eum ex suo consensu; ideo teneatur quantum potest ratione deceptionis damna rescindere, sed non teneatur ratione promissionis verum consensum ponere, et matrimonium con-

trahere. Secus vero dicendum, si intervenerit defloratio, quia tunc deflorans omnino tenetur ad matrimonium, cum non possit tunc alia via sat aequivalenter damnum resarcire ». L. 833. 847. et l. 3. n. 642. — Hinc, si vir mulierem inducat ad peccatum, sub ea conditione, quod eam in matrimonium sit ducturus, si votis annuerit, crimine patrato, si non *et contractus* saltem *ei damnificationis iniustus*, iuxta communissimam sententiam eam ducere tenetur, si potest: secus enim sufficeret si ei de nuptiis provideat. Ratio est, « quia aliter, si deflorator virginem deceptam non ducat, nunquam ei reddet aequale, nec damnum adaequandum reficiet ». L. 1. 3. n. 642. Idque valet etiamsi vir voverit religionem, ordines vel castitatem, et postea mulierem cognovit sub promissione vera vel ficta matrimonii. L. 1. 6. n. 833. 874. Atamen S. D. alique communiter excipiunt: 1.<sup>a</sup> si ex matrimonio timeatur pessimus exitus, ut discordiae, rixae, scandala, etc. 2.<sup>a</sup> Si vir cognoverit foeminam, putans eam esse virginem, sed corruptam invenerit: vel si ea rem deinde habuerit cum alio: si hoc enim in matrimonio sufficit, ut fiat separatio, multo magis matrimonio non contracto. Sporer 538. seqq. 3.<sup>a</sup> Si futurum sit familiae dedecus. L. 849. 851. 4. Si vir conditionem mulieris notabiliter antecellat, ob eandem rationem dedecoris familiae. L. 1. 3. n. 642-650., l. 6. n. 851., S. Th. S. q. 46. n. 2. ad 4.

3. *An sint irrita sponsalia contracta per dolum dantem causam contractui, etsi circa qualitatem, e. g. divitias, qualitates corporis, animi?* — Controvertitur. 1.<sup>a</sup> Sententia *satis probabilis* affirmat. Hoc enim sponsalium *proprium* est, quia matrimonia mutua benevolentia sponte iniri necesse est. 2.<sup>a</sup> Sententia *probabilior* negat. Etenim hoc *commune* est cuilibet contractui, ut irritus non sit, nisi defectu consensus vel obiecti. « Habet vero tunc deceptus actionem irritandi contractum propter iniuriam et defectum consensus, idque currit, etiamsi deceptio provenierit ab alio tertio, parte ignorante ». L. 835. « Probabiliter dicunt Lessius, etc. quod si res integra est, ut evenit in simplicibus sponsalibus, et error sit invincibilis, in conscientia deceptus non tenetur stare contractui, ne iudicis quidem post sententiam ». L. H. A. Tr. 18. n. 2.

4. *An sponsalia per metum inita sint ipso iure invalida?* — 1.<sup>a</sup> Si metus sit gravis, controvertitur. 1.<sup>a</sup> Sententia affirmat: si metus sit ab extrinseco et iniustus: valida enim essent, si metus foret *ab intrinseco*, puta si quis promitteret, timens ne cogeretur ad solvendum debitum: vel *iustus*, tunc enim pars contrahens irrationabiliter esset invita. Ratio, quia metus dirimit matrimonium et sponsalia sunt via ad matrimonium. 2.<sup>a</sup> Sententia negat: addit tamen ea posse rescindi a metum passis; si vero iuramentum adfuerit, debere ipsum servari donec relaxetur. Ratio, quia neque invalida sunt iure positivo, quod nihil habet de sponsalibus: neque invalida iure naturali: metus enim *per se* consensum non tollit. « Utraque sententia est probabilis, sed prima mihi videtur probabilior... quia nemo potest obligari ad exequendum actum per se nullum, et cui ius resistit, qualis esset matrimonium durante tali metu contrahendum... Ex his inferitur, quod ex huiusmodi sponsalibus minime oriatur impedimentum publicae honestatis ». L. 844. — 2.<sup>a</sup> Si metus sit levis, qui causam dederit contractui, 1.<sup>a</sup> sententia affirmat, 2.<sup>a</sup> vero communior et probabilior negat. Ratio, quia non censetur alter veram iniuriam intulisse, cum metus levis facile repelli possit. An autem in tali casu possit metum passus sponsalia in conscientia rescindere, 1.<sup>a</sup> sententia satis probabilis negat propter rationem modo allatam: 2.<sup>a</sup> vero sententia communior et probabilior affirmat. « Ratio, quia cum metus dederit causam contractui, ita ut alias initus non fuisset, ineutiens metum tenetur contractum rescindere, unde sicut ille tenetur relaxare fidem iniuste per tale n metum extortam, ita metum passus potest fidem datam revocare ». L. 844.

5. *An verba de praesenti inter impuberes apta ad matrimonium, cum hoc ex iure positivo sit nullum, habeant vim sponsalium?* — R. Affirm.



Ratio, quia quum actus non valent eo modo quo fiunt ex virtuali contrahentium voluntate, valent meliori modo quo possunt, nisi quis expresse dissentiat. Sponsalia autem virtualiter continentur in matrimonio. Hinc plures idem dicebant, si puberes matrimonium clandestine, i. e. sine parencho et testibus contrahant, in loco ubi Trid. est promulgatum. Sed hoc in praesenti negandum omnino est ex Declar. Leon. XIII. 17. Mart. 1879. « Ratio, quia cum actus est nullus non iam ex parte contrahentium, sed ex parte sui ipsius, eo quod est contra bonos mores, et ius illi resistit, Trid. S. 24. C. 1., tunc talis actus nullam parit obligationem ». L. 841.

6. *An valida sint sponsalia, quae militia, i. e. rationis advertentia supplente aetatem, ante septennium incantur?* — R. Affirm., «quia nimirum LL. septennium praescribentes stricte fundantur in praesumptione, quod nonnisi septennio expleto lumen rationis illucescit... C. *Si infantes un.* De *Despons. Impub.* in 6.<sup>o</sup> ». Ithur. Cas. 39. n. 25. Quare sponsalia licite inire possunt omnes, qui licite matrimonium inter se inire possunt, et praeterea impuberes. C. *A nobis* 8. De *Despons. impub.* Cf. S. Th. S. q. 43. a. 2.

7. *An sponsalia contracta inter habentes impedimentum dirimens sub expressa conditione; si Papa dispensaverit, impleta conditione, valida sint sine novo consensu?* — R. Affirm. Consensus enim perseverat per se usque ad impletionem conditionis. Est praeterea talis consensus in se honestus et licitus. Quare nulla est ratio, cur consensus sit renovandus. L. 843. 85<sup>o</sup>. et l. 3. n. 650. Ante tamen conditionem impletam neque sponsalia sunt, neque inducunt impedimentum publicae honestatis. Obligant tamen ad petendam dispensationem, si Papa soleat in tali impedimento dispensare. Quare peccaret sponsus si cum sorore sponsae matrimonium contraheret, non expectato eventu conditionis. Sponsalia vero cum eadem contracta essent nulla, cum esset promissio illicita de re iniusta, quae non obligat. Si vero R. Pont. dispensare non soleat, sponsalia omnino illicita essent, adeoque nullius momenti, nullamque inducerent obligationem. L. 11. cc. Cf. A. S. S. V. 1. p. 79. seqq. — Haec S. Th. generatim de sponsalibus sub conditione: « Si autem fiat dicta promissio sub conditione, distinguenda est: quia aut est conditio honesta, ut cum dicitur: *accipiam te, si parentibus placeat*; et tunc, stante conditione, stat promissio, et non stante non stat, aut est inhonesta, et hoc dupliciter: quia aut est contraria bonis matrimonii, ut si dicam: *accipiam te, si venena sterilitatis procures*, et tunc non contrahuntur sponsalia; aut non est contraria bonis matrimonii, ut si dicam: *accipiam te, si furtis meis consentias*, et tunc stat promissio; sed tollenda est conditio ».

8. *Quae et quanta sit obligatio sponsalium?* — Sponsalia obligant ad inendum matrimonium sub peccato mortali. Sunt enim contractus onerosus in re gravi. Si terminus non sit praefixus, sufficet si promittens impleat pro more regionis, vel quando a promissario requiratur. Ubi notandum est, « quod si altera pars ex oblivione, timore, verecundia vel simili causa non peteret, ut praecipue in foeminis evenit, tenetur tunc sponsus de se sine petitione matrimonium contrahere, cum commode possit... Quod si altera pars, cum possit commode petere, tacet, tunc ipsa videtur dilationem assentire ». L. 845. Quare resiliens cogi potest ad matrimonium, etiam a iudice per censuras: quod tamen raro expedit ob periculum infelicitis exitus. C. *Requisivit* 17. De *Sponsal.* L. 846., S. Th. S. q. 43. a. 1. ad 2.

9. *An valida sint sponsalia posteriora, contra priorem fulem inita, et prae illa sint adimplenda?* — 1.<sup>o</sup> « Certum est, quod si secunda sponsa fuerit conscia priorum sponsalium matrimonium cum prima debet contrahi ». — 2.<sup>o</sup> Si illa fuerit ignara « 1.<sup>a</sup> sententia dicit sponsum teneri contrahere cum secunda, si cum hac copulam habuit... 2.<sup>a</sup> sententia vero communior et probabilior dicit sponsum teneri contrahere cum prima, etiamsi adfuertit copula cum secunda... Ratio, quia promissio facta secundae sponsae semper

est nulla, utpote de re illicita, cum fuerit priori sponsae promissa: nec iniuria illata alteri ius huic adimit. Et hoc etiamsi secunda promissio fuerit iuramento firmata ». L. 848. Neque vero tenetur prior sponsa iuri suo cedere, etiamsi altera grave damnum ex defloratione patiat, quia haec debet suo crimini imputare quod tale damnum patiat, L. ib. Grave quidem peccatum est post inita sponsalia, alia attentare sponsalia, quae utpote illicita, irrita etiam sunt; nulla enim esse potest vis illicitae promissionis, quamvis intercedant et iuramentum et copula. Nam illud nequit esse vinculum iniquitatis. Haec ius quaesitum alteri adimere non potest. Sponsalia autem iniuncta cum alia aut alio, iure suo cadit quoad priora sponsalia, Sporer 237., idemque ferendum iudicium, si vel meram futuri matrimonii promissionem alteri faciat. — Bened. XIV. Notif. 46.

10. *An peccent filii familias sponsalia et matrimonium contrahentes absque parentum consensu; et an in casu valida sint?* — 1.<sup>o</sup> Illicite quidem contrahunt, si parentes sint rationabiliter inviti, puta si tale matrimonium redundaret in dedecus familiae, vel ex eo gravia scandala aut dissensiones sint exoritura. « Casu autem, quo filius non posset sine peccato tale matrimonium inire, dicunt dd. quod ad illud non obligetur, etiamsi cum iuramento sponsalia contraxisset: quia cum haec promissio esset de re illicita, iuramentum non potest esse vinculum iniquitatis... Idem dicendum putant communiter aa., scilicet non teneri sponsum ad implenda huiusmodi sponsalia cum gravi parentum iniuria, etiamsi virginem defloravit, sed sufficere quod eam dotet... Ratio, quia virtus iustitiae nequit obligare ad actum, qui sine peccato impleri non potest... Conveniunt autem dd. filios excusari saltem a mortali si absque consensu parentum nuptias contrahunt ex iustis causis.. Si pater impediatur filium ab aliquo matrimonio sine iuxta causa; tunc filius non tenetur obedire, et pater graviter peccat impediendo, ut communiter dicunt Viva, etc ». — 2.<sup>o</sup> Difficultas practice est ex disparitate conditionis utriusque contrahentis. « Certum est, quod si contrahentes tempore sponsalium non fuerint disparitatis conscii, sponsalia sunt nulla, dummodo ignorantia fuerit antecedens; valida tamen, si fuerit concomitans. Dubium est, si iam conscii fuerint. Communiter dd. dicunt teneri ad matrimonium ». Excipe tamen 1.<sup>o</sup> si ratione disparitatis in nobilitate ex illo matrimonio eveniat *dedecus* familiae. « Ratio, quia promissio est nulla, cum sit de re graviter illicita, utpote quae impleri non potest, nisi cum magno familiae detrimento ». Non sufficit autem « qualiscumque disparitas, sed requiritur notabilis, puta si vir nobilis desponsaverit filiam artificis mechanici, vel agricolae ». Excipe 2.<sup>o</sup> si ratione disparitatis in divitiis probabiliter timeantur scandalum, v. g. odia propinquorum, etc. « quia eo casu graviter peccaret sponsus contra charitatem, et ideo cum matrimonium illud contrahere, tunc esset res illicita, non potest promissio facta ad illam obligare. Et ob eandem rationem dicit Sanchez, etc. hoc dicendum etiamsi sponsa deflorationem passa fuerit. Et etiamsi, ut addit Sanchez... nulla sit inter contrahentes disparitas. Fateor quidem hanc esse communem sententiam, et per se loquendo veram, quando filius commode huiusmodi scandala vitare posset; sed si non posset sine gravi suo incommodo, rationi adductae videtur ob stare, quod charitas non obliget cum gravi incommodo... Fortene sponsus non videtur grave incommodum subiturus si omittere cogatur matrimonium cum puella, quacum credit quietam se ducturum vitam, ob vehementem amoris passionem, qua se sentit affectum erga illam? Grave quidem incommodum existimant hoc omnes dd. illi, etc... Tanto magis quod huiusmodi scandala... inito matrimonio facile evanescunt et animi conciliantur ». L. 851. Si vero nulla timeantur scandala ratione disparitatis notabilis in divitiis, quia tamen huiusmodi promissio est prodiga, putat adhuc S. Alph. l. c. sponsum ad matrimonium non teneri. « Verumtamen, addit idem S. D., cum culpa prodigalitatis non sit plus quam venialis, quavis medioeris iusta causa vitium prodigalitatis auferre potest ». Hinc, subdit S. Alph. « vix casum accidere posse, quod sponsus eam ducere non teneatur, quia

rarissime deerit aliqua ex his causis ». — 3.<sup>o</sup> Ad matrimonium autem quod spectat, certum est matrimonium esse omnino validum, licet sit sine parentum consensu, sique omnino dissentiant. Trid. S. 24. C. 1. — L. 849. 850. 851. 877., S. Th. S. q. 47. a. 6., Ithur. Cas. 14. n. 7. seqq.

11. *Quomodo dissolvantur sponsalia?* — 1.<sup>o</sup> Sponsalia dissolvuntur *per mutuum consensum*, sicut quis contractus. L. 854., S. Th. S. q. 43. a. 3. ad 5. « Inter puberes per mutuum consensum solvuntur sponsalia, etiam iuramento firmata, non solum valide, sed etiam licite, si adsit rationabilis causa: nam alias esset saltem veniale... quia iuramentum in favorem tertii, quamvis principaliter fiat in honorem Dei, semper conditionem includit, si alter acceptet, vel si non remittat ». L. 855. « Inter impuberes vero non solvuntur sponsalia, nisi ipsi fiant puberes ex C. *De illis* 7. *De despons. impub.*... Dicunt autem Sanch., etc. quod si alter sponsorum ante pubertatem dissenserit, et in tali dissensu perseveraverit, solvantur sponsalia, cum ille ad pubertatem pervenit. Si tamen interne tantum dissenserit, censent Sanch., etc. posse etiam resilire in conscientia; sed probabilius id negant Conc., etc. tum quia hoc beneficium resiliendi non conceditur a iure nisi reclamantibus, quod certe intelligitur externe, tum quia sicut ad inendum contractum non sufficit solus consensus internus, ita ad contractum solvendum nec sufficit solus internus dissensus ». L. 856. — 2.<sup>o</sup> Sponsalia item dissolvuntur, *si notabilis mutatio* accadat vel detegatur, quae si esset praevisa, sponsalia non fuissent contracta, vel quae si superveniret, iam esset sufficiens ad illa rescindenda. Ratio, quia sponsi sub hac conditione subintellecta obligari censentur. Huiusmodi mutatio haberetur, si superveniret, vel detegeretur gravis inimicitia vel odium inter ipsos sponsores, vel parentes aut consanguineos; gravis infirmitas, v. g. lepra, phytis, morbus gallicus, etc., magna debita vel grave periculum fortunae, famae, etc. L. 863. 865., S. Th. S. q. 43. a. 3. ad 3. — 3.<sup>o</sup> Dissolvuntur pariter sponsalia, si alter *perfectiorem vitae* statum inire maluerit. S. Th. l. c. Hac enim etiam tacita conditione contracta censentur. Si autem religiosa professio ipsum matrimonium ratum dissolvit, multo magis sponsalia. — 4.<sup>o</sup> Dissolvuntur tandem sponsalia per auctoritatem S. Pontificis, iusta interveniente causa, ut ex ipsa praxi Ecclesiae constat. A. S. S. V. 15. p. 587.

12. *An pars laborans occulto defectu sufficienti ad solvenda sponsalia, teneatur illum manifestare ante sponsalia, vel eis contractis ante matrimonium?* — Si defectus redderet nuptias perniciosas, ut esset infamia, lepra, morbus gallicus, etc., tenetur manifestare vel a nuptiis desistere. Idemque dicendum si sponsa ex concubitu habito cum alio sit praegnans, quia tunc periculum adest damni sponsi, quod nempe alere debeat prolem alienam, eaque inter proprias haeredes connumeretur. Si vero defectus nuptias tantum redderet minus appetibiles, uti e. g. quod sit virgo dum est corrupta, etc., tunc esto ipsa non possit virum decipere fingendo se immunitam a tali defectu, si vir ostendat se aliter nolle eam ducere; secus tamen potest etiam interrogata dissimulare, aequivoce respondendo. Ratio 1.<sup>a</sup> est, quia est contra iustitiam. Ratio 2.<sup>a</sup>, quia nemo tenetur propalare proprium defectum cum propria infamia, si non laedat ius alterius. L. 863.-865.

13. *An per alterius crimen sponsalia dissolvantur?* — Per atrox crimen alterius sponsi solvuntur sponsalia *ex parte innocentis*. Atrox crimen censetur haeresis, furtum grave, homicidium vel simile, quod grave damnum vel infamiam pariat. Ratio, quia notabilis prorsus adest mutatio rerum. *Ex parte innocentis*: nemo enim ex proprio delicto commodum reportare debet. L. 860.

14. *An fornicatio sit causa sufficiens sponsalia dissolvendi?* — 1.<sup>o</sup> « Si fornicatio fuerit ante sponsalia, certum est apud omnes posse virum, cognita fornicatione sponsae post sponsalia, eam relinquere. E converso non potest mulier rescindere sponsalia ob fornicationem sponsi cum alia ante habitam...



nisi vir insuper prolem ex alia habuerit, vel etiam nisi ipse noseatur fuisse deditus huic vitio cum pluribus foeminis se commiscendo ». L. 861. Ratio asserti est, quia sponsa notabiliter inde vilior redditur, non item sponsus. Ratio vero exceptionis est, quia merito tunc timeri potest ne sponsus sponsae sit fidem servaturus. Attamen S. Th. absolute ait: « quod quamvis nondum dederint sibi *mutuo* potestatem corporis sponsalia contrahentes, tamen ex hoc efficiuntur sibi *in vicem* suspecti de non servanda fide in futurum: *et ideo potest sibi praeccavere unus contra alium, sponsalia dirimendo* ». S. q. 43. a. 3. ad 6. — 2.<sup>o</sup> « Si vero fornicatio fuerit post sponsalia, certum est posse sponsum mulierem relinquere, si ipsa voluntarie fornicata sit... Si sponsa violenter fuerit fornicationem passa... communius et verius affirmant ». L. 1. c. Si vero sponsus esset post sponsalia fornicatus, communius et probabilius dicunt sponsum non posse recedere, multoque minus si vir metu fuerit coactus. Ratio est eadem. Verum quoad fidem datam servandum pari iure sive vir sive mulier censentur. Quare altera parte voluntarie fornicante, verius videtur posse alteram resilire. — 3.<sup>o</sup> Utroque sponso fornicante, 1.<sup>a</sup> sententia tenet, quod utrique liceat resilire; quia uterque in servanda fide eodem iure censetur; 2.<sup>a</sup> sententia, quod neutri id liceat: quia paria delicta mutua compensatione tolluntur; 3.<sup>a</sup> sententia, probabilior et communis... docet sponsum bene posse resilire, non vero sponsam. Ratio, quia in hoc non daretur aequa compensatio, cum longe turpior sit fornicatio sponsae, quam sponsi ». L. 861. 862., H. A. tr. 18. n. 18.

15. *An per impedimentum superveniens sponsalia dissolvantur?* — 1.<sup>o</sup> « Si impedimentum sit impediens, communissime et probabilius... negant sponsalia dissolvi, nisi impedimentum proveniat ex voto religionis, et valde probabiliter etiam castitatis... Ratio, quia alia impedimenta hodie non vigent ». — 2.<sup>o</sup> « Si vero impedimentum sit dirimens, certum est apud omnes dissolvi ex parte innocentis... Sufficit autem sola fama huiusmodi impedimenti... quando adest opinio impedimenti apud maiorem partem vicinia... An tunc solvantur etiam ex parte nocentis affirmat Dic., et probabile putant Salm., quia supposito tali impedimento iam factum est impossibile matrimonium. Negant vero communius et probabilius, etc., qui dicunt tunc suspendi obligationem sponsalium, donec tollatur impedimentum; quia aequum non est, ut delinquens commodum ex suo crimine reportet ». L. 857., S. Th. S. q. 43. a. 3. ad 4.

16. *An qui impedimentum apposuit teneatur dispensationem obtinere, vel ipsam oblatam acceptare?* — « Alii, ut Fill., etc., dicunt non teneri, etiamsi sponsalia fuerint iurata, nisi ad hoc obligetur ratione damni illati, nempe deflorationis, vel famae deturpatae, quia promissio intelligitur facta rebus in eodem statu manentibus... Alii, ut Rone., etc., dicunt teneri adhuc praeciso damno illato, ad procurandam dispensationem una cum expensis... etiamsi essent magnae. Ratio, quia tenetur quisque modo quo potest resarcire ius alterius, quod ipse iniuste laesit... Alii demum probabilius, ut Sanch., etc., dicunt, teneri quidem, etiam secluso damno illato, si dispensatio facile possit impetrari; secus si ad eam requirentur magnae expensae et longa mora: quia obligatio orta ex sponsalibus urget sponsum ad apponenda media tantum ordinaria et facilia, non autem difficilia et extraordinaria. Excipit tamen Spor., etc. nisi esset reparandum damnum deflorationis vel famae: quia tunc teneretur etiam magnam expensam erogare; sed non tanta ut cogeretur a suo statu decidere ». L. 858.

17. *An per matrimonium subsequens, non solum cesset obligatio sponsalium durante matrimonio, uti certum est: verum etiam omnino illa dissolvantur: ita ut mortuo coniuge, priorum sponsalium obligatio amplius non urgeat?* — 1.<sup>a</sup> Sententia affirmat, quia obligatio semel extincta nunquam reviviscit. Porro, quando res servituti seu obligationi prius obnoxia in alium transit statum, qui non ex accidentali impotentia illius obligationis excusationem afferat, sed suapte natura repugnet obligationi illi seu servi-

tuti, haec tunc non solum suspenditur, sed prorsus extinguitur. Atqui matrimonium ex natura sua est indissolubile, ac per illud coniux in perpetuum se in alterius potestatem tradit. Ergo 2.<sup>a</sup> Sententia, quam sibi S. Alph. 875. *absolute probabilior*em dicit, negat: quia neque iure positivo, neque naturali constat, quod sponsalia per matrimonium subsequens omnino irritentur, « prout patet in eo qui post votum religionis matrimonium consummaret, hic enim, mortuo coniuge, teneretur quidem votum adimplere ».

18. *An per Ordinum susceptionem sponsalia dissolvantur?* — 1.<sup>o</sup> « Per susceptionem *ordinum sacerorum* certum est etiam dissolvi sponsalia, non autem matrimonium ratum. Ita omnes... et patet ex Extrav. *Antiquae De Voto* ». L. 871. — 2.<sup>o</sup> An autem peccet qui ordines sacros suscipit, inscia vel invita sponsa? « 1.<sup>a</sup> Sententia affirmat peccare graviter, et hanc tenent Sanch. Pal., etc. Ratio, quia nullo iure concessum est ordini sacro sponsalia dirimere, sicut est datum statui religioso... 2.<sup>a</sup> Sententia vero non minus probabilis negat, eamque tenent Pont. Nav., etc. Ratio, quia in promissione sponsalium imbibita semper est conditio, nisi melior status eligatur ». L. 871. — 3.<sup>o</sup> Utrum etiam per susceptionem *ordinum minorum* dissolvantur sponsalia? « 1.<sup>a</sup> Sententia affirmat... quia talis est mutatio sponsi... ut merito iudicetur noluisse sponsa se obligare ad nuptias cum eo contrahendas... 2.<sup>a</sup> Sententia communior et verior negat... Ratio quia revera status ordinum minorum per se non est impossibilis cum matrimonio... ut patet ex C. 1. et 2. de *Cler. coniug.* ». L. 872. Sed hoc evincit sponsalia non dissolvi ex parte initiati minoribus ordinibus, minime vero non dissolvi ex parte sponsae, cui merito grave esse poterit matrimonium cum tali viro contrahere.

19. *An per ingressum in religionem unius sponsi solvantur sponsalia contracta ante professionem?* — Adsunt tres sententiae: 1.<sup>a</sup> asserit ex neutra parte dissolvi. De ea S. Alph. ait: « non videtur satis probabilis ». 2.<sup>a</sup> quam tenent Bus. Sanch. alique dicit dissolvi ex parte utriusque. Eam S. D. ostendit non satis suaderi. 3.<sup>a</sup> quae S. Alph. « absolute probabilior videtur », et communior est, dicit dissolvi tantum ex parte manentis in saeculo, quia ex eius parte tunc accedit notabilis mutatio, cum dedecori aestimetur nubere cum eo, qui religionem deseruit. Alter vero per ingressum inhabilis non fit ad contrahendum matrimonium, adeoque si egrediatur promissis stare debet. L. 870. « Teneretur sponsus ante ingressum nuptias celebrare, si hoc necessarium esset ad prolem legitimandam, scandalum reparandum, vel honori sponsae providendum, si alio modo non posset occurrere. Et hoc casu nec etiam permittitur sponso post celebrationem matrimonii ingredi religionem, illudque non consummatum relinquere: nequit enim tunc deserere uxorem, quae propter infamiam non posset alias nuptias invenire ». L. 870.

20. *Quid quoad votum ingrediendi religionem, vel suscipiendi ordines sacros, vel castitatis servandae?* — « Certum est 1.<sup>o</sup> quod vovens ingredi religionem licite voveat et debeat ingredi, nec tenetur stare sponsalibus, si vere vult fieri religiosus... Certum est 2.<sup>o</sup>... quod per huiusmodi tria vota solvantur sponsalia ex parte non vovens, cum merito censetur per ipsa vovens sponsalibus renuntiare. Certum est 3.<sup>o</sup> quod si quis post sponsalia emitit votum non solum ingrediendi, sed etiam profitendi religionem, tunc sponsalia ex parte utriusque dissolvantur: quia vovens tunc fit omnino inhabilis ad matrimonium contrahendum ». L. 873.

21. *An per votum servandae castitatis, vel suscipiendi ordines sacros solvantur sponsalia etiam ex parte coeantis?* — 1.<sup>o</sup> « Si votum antecedit sponsalia, certum est ipsa esse irrita, quia ipsorum promissio, cum sit de re illicita, non obligat ». 2.<sup>o</sup> Si subsequatur, 1.<sup>a</sup> sententia negat, eamque plures et graves theologi tenent. « Ratio, quia Deus non acceptat promissionem rei alteri promissae, et ab eo acceptatae, nec ullo iure habetur, quod spon-

salia per haec vota dirimantur ». 2.<sup>a</sup> sententia vero affirmat, eamque quamplures et graves dd. tenent ap. S. Alph. et Sanch. « qui vocat probabilissimam, et communiter probabilem vocant et tutam Salm., etc., eamque absolute docet S. Th. S. q. 52. a. 1. ad 1.... Ratio, quam communius tradunt, est, quia promissio sponsalium censetur semper facta sub conditione, nisi melior status eligatur. Idque valere dicunt etiamsi sponsalia fuerint iurata, quia iuramentum sequitur naturam actus ». L. 873. Excipe vero. « si sponsus votum ederet, ut sponsam eluderet... Item probabilius... etiamsi sine animo eludendi sponsus voverit castitatem, si postea obtineat dispensationem voti non poterit aliam ducere... Sed non omnino improbabiliter Bon. et Sanch. id negant ». L. ib. Cf. De Angelis Praelect. Iur. Can. l. 4. t. 6. n. 6.

22. *An dissensus parentum sit causa dissolvendi sponsalia?* — « Censeo dicendum, ait S. Alph. 877., quod, si pater iniuste dissentiat a tali matrimonio, filius non possit a sponsalibus recedere, et tam ipse quam pater peccarent, si vellent ea dissolvere. Secus vero, si pater iuste contradicat, nempe si matrimonium vergeret in dedecus familiae; tunc enim sponsalia illa non obligant, cum nemo possit obligari ad exequendam rem iniustam ». Et idem dicunt Laym. et Sanch. « cum aliis communiter, si ex tali matrimonio magna scandala sint oritura inter propinquos ». Atque hinc patet dissensum parentum non esse verum impedimentum impediens matrimonium. L. ib.

23. *An possit sponsus sponsalia rescindere si ipsi adventat pinguis haereditas?* — Negant communissime dd., quia sponsus « non est deceptus in conditione sponsae, in qua nulla facta est mutatio ». Plures vero probabiliter affirmant « eo quod in tali casu iam accedit notabilis rerum mutatio ». Idem consequenter dicendum, si quis contraxerit sponsalia cum una et postea offeratur ei coniugium cum altera conditionis excedenter melioris. Quod, « non auderem, ait S. Alph. 876., omnino damnare »; subdit tamen: « a contraria sententia abscedere nec unquam ego consulere auderem ».

24. *An possit sponsa resilire a sponsalibus, si sponsus alio profici-scat?* — 1.<sup>a</sup> « Certum est, quod si sponsus alio transfert suum domicilium, vel si in longinquam regionem abeat, etsi cum animo redeundi, poterit sponsa statim ad alias nuptias transire; hoc est expressum in C. De illis 5. De Sponsal.... — 2.<sup>a</sup> Si vero sponsus discessit in propinquum locum... expectandum est donec redeat; vel requiri debet sponsus, ut intra certum tempus accedat ad contrahendum matrimonium, quod si ille requisitus redditum iusta ex causa differat vel erit expectandum ad prudentis arbitrium... vel, quod securius est, causa est remittenda arbitrio iudicis... Haec autem procedunt, si in sponsalibus nullum fuerit tempus praefixum ad nuptias in-eundas... — 3.<sup>a</sup> Cum terminus sponsalibus apponitur, spectandum est, an apponatur ad sollicitandam, sive ad non differendam obligationem contrahendi matrimonium, vel an ad obligationem finiendam. Tunc apponitur ad solli-citandum, quando partes ideo praefigunt terminum, ut neutra ante illum possit alteram cogere ad implendum contractum. Tunc autem ad finiendum, quando terminus apponitur, ut eo elapso, nulla remaneat obligatio... — 4.<sup>a</sup> Porro an elapso termino ex defectu v. g. sponsi possit sponsa resilire, si inculpabiliter omiserit ille nuptias inire, iusto detentus impedimento, 1.<sup>a</sup> sententia negat... Ratio, quia non est aequum, ut privetur iure suo-qui ex iusta causa impeditur a promissis adimplendis... 2.<sup>a</sup> sententia com-munior et probabilior affirmat... Ratio, quia terminus ad hoc apponitur, ne pars parata diu maneat sine nuptiis, alias frustra tempus praefigeretur. Haec autem sententia clare probatur ex C. Sicut 22. De Sponsal.... 5.<sup>a</sup> An elapso termino remaneat libera etiam pars, quae culpabilem apposuit dila-tationem? 1.<sup>a</sup> sententia communior negat... Ratio, quia nemo debet ex suo crimine commodum reportare... 2.<sup>a</sup> sententia affirmat... et hanc expresse etiam tenet D. Th. in 4. D. 27. q. 2. a. 3. ad 2... Ratio videtur esse, quia cum terminus sit appositus ad obligationem finiendam, illo elapso cessat



obligatio... 1.<sup>a</sup> sententia est quidem longe communior, et mihi longe probabilior: sed 2.<sup>a</sup> sua probabilitate non caret ». L. 866-868., S. Th. S. q. 43. a. 3. ad 2.

25. *An resiliens a sponsalibus teneatur arrhas restituere?* — 1.<sup>o</sup> Sponsalia contrahi posse datis arrhis, nullum est dubium. Arrhae enim sunt pignus datum implendi rem promissam. Si res promissa, ut hic, licita est, licite datur pignus ad eam implendam — 2.<sup>o</sup> Resiliens culpabiliter a sponsalibus perdit suas arrhas, et tenetur ad eas alterius partis reddendas, ac ad restitutionem, quanti eius intererat talem contractum impleri. L. 852.

26. *An iuste resiliens a sponsalibus teneatur solvere poenam promissam?* — 1.<sup>o</sup> « Si poena generaliter apponatur in eum qui iuste resiliat, certum est apud omnes promissionem poenae non obligare ». L. 853. Est enim contra libertatem matrimonii. — 2.<sup>o</sup> Si adiciatur in *iniuste* resilientem, « 1.<sup>a</sup> sententia satis probabilis negat... quia adhuc libertas laederetur... 2.<sup>a</sup> sententia vero probabilior affirmat... Ratio, quia talis delictio poenae non est neque contra ius naturale, neque positivum ». L. 853., S. Th. S. q. 43. a. 1. ad 4.

27. *An ad sponsalia solvenda iudicis auctoritas requiratur?* — « In supradictis causis, quando manifestae sunt non requiritur auctoritas iudicis ad dissolvenda sponsalia, alioqui requiritur. Quod si sponsus, cognito suo iure resiliendi, nihilominus carnaliter cognoverit sponsam, censetur tacite suo iuri renuntiasse, et sponsalia ratificasse... Laym. et Pal. aiunt, quod stante probabili timore infelicis exitus, licite potest vir a sponsalibus recedere ». B. L. 878.

28. *Quid de osculis et amplexibus sponsorum inter se?* — 1.<sup>o</sup> Oscula, amplexus, alique similes actus *turpes*, vel *minus honesti* eodem plane modo ac alii, ita sponsis illiciti sunt. Ratio est, quia sponsalia nullum sponsis tribuunt speciale ius in copula et venerea delectatione, adeoque nec in istis actibus, qui periculum continent magis vel minus proximum venereae delectationis. — 2.<sup>o</sup> Oscula, amplexus, alique actus honesti ex suo *obiecto*, et *modo* eos paragendi sponsis permittuntur. Ratio est, quia isti actus liciti in se sunt, adeoque, ut aliis solutis, ita etiam sponsis permittuntur. De sponsis autem potius quam de aliis movetur speciatim quaestio, tum quia ex una parte facilius ipsis isti actus permitti possunt *ob specialem rationem*, quae pro ipsis viget, ad benevolentiam nempe mutuo fovendam, quae ipsis omnino necessaria est ad futurum matrimonium, tum quia ex altera parte *speciale* etiam adest peccati *periculum*, unde generatim consilium dandum ipsis est, ut ab hisce etiam actibus abstineant, quantum fieri potest. — Billuart Diss. 6. art. 16., L. 854.

29. *Hinc autem triplex evoritur quaestio, omnino practica.* -- 1.<sup>a</sup> quaestio est, quid de istis sponsorum actibus, ceteroquin in se honestis et licitis, sentiendum, si ad actus venereos ciendos conferant? R. Valere hic generalem regulam: tunc solum hos actus esse culpabiles, cum vel *mala est causa*, vel *est periculum proximum consensus*. — 2.<sup>a</sup> quaestio est, quid si sponso vel sponsae constet, alterum in istis actibus peccare ob pravam affectum? R. 1.<sup>o</sup> si actus illi etiam aliis fiant, licite potest alter illos actus permittere, ne infametur, vel sui suspicionem ingerat, et ne alii scandalizentur. 2.<sup>o</sup> si actus illi fiant etiam, et certum sit malitiose fieri, ubi de aliis ac de sponsis agatur, communiter dd. docent teneri repellere illos actus. Verum si de sponsis agatur, pro quibus saepe hac in re notabile incommodum adesse posset, quia alter certo a matrimonio recedet, adhibenda videtur generalis regula de scandalo accepta, posse nempe istud permitti, si citra gravi incommodum impediri nequeat, impediendum vero, si absque notabili incommodo id fieri possit. — 3.<sup>a</sup> tandem quaestio est, quid de hisce actibus sentiendum, quando ex lapsuum frequentiam periculum consentiendi in subsecuturam veneream delectationem tanquam proxima peccandi occasio haberi debet? Atque

haec quaestio, uti praecedentes, de ipsis etiam aspectibus et colloquiis fieri potest, quae iustissimam habent causam, ut per se patet: unde parentes licite omnino tales aspectus et colloquia permittere possunt: quamvis magna semper cautio et prudentia sit in his adhibenda. R. Valere hic regulam generalem de occasione *proxima, necessaria*: moraliter enim impossibile est, ut sponsus *serio* cogitans de matrimonio incedendo sponsam non invisat, aspiat, alloquatur, eique iuxta morem exhibeat alia benevolentiae signa, quae mutuum eius amorem manifestent. Media igitur confessarius suggeret non modo generalia, sed etiam specialia: ut debita servetur moderatio, neque necessitas in iis signis exhibendis excedatur: tum vero ut nunquam solus cum sola agat. Curandum item ne matrimonium diu differatur. Quod si ista et alia remedia fructum non obtineant, hoc unum superest, ut cum ipsis non secus ac cum aliis occasionariis et recidivis agatur. — G. B. V. 1. 413., Gur. Dum. Cas. V. 2. n. 695., Reuter Neo-confess. 112.

30. *An sit adulterium copula habita cum desponsata per verba de futuro?* — « Probabilius negatur cum Sanchez de Matr. 1. 1. D. 2 n. 2., Salm., Ronc. Censent autem Ronc. et Salm., quod si unus ex sponsis cum alia persona fornicetur, debeat aperire in confessione circumstantiam sponsalium, tanquam mutantem speciem ratione iniuriae alteri illatae. Probabile vero satis est cum Trull., Pont., Dian., Covarr., Lug., Sanch. et Laym. esse tantum circumstantiam aggravantem, cum sponsus per sponsalia nullum acquirat ius in corpus alterius ». L. 1. 3. n. 447., l. 6. n. 647., Billuart Diss. 6. App. 1. *Petes* 3., Ithur. Cas. 6. n. 16., Lugo de Poenit. D. 16. n. 177. 178.

31. *De necessitate Bannorum.* — 1.<sup>o</sup> Matrimonium licite contrahi non potest, *etsi calide*, sine praeviis eiusdem proclamationibus et grave est. Trid. S. 24. C. 1. 5. De R. M., C. *Cum inhibito* 3. § 1. *De Clandest. Desp.* — 2.<sup>o</sup> Omnes contracturi proclamationis legi subiiciuntur. Ex usu tamen excipiuntur Principes, quia eorum genus satis notum est, et ordinarie satis publica sunt connubia. Excipitur etiam urgentis necessitatis casus, v. g. si quis morti proximus concubinam ducere vellet ad prolem legitimandam, et periculum esset in mora. — 3.<sup>o</sup> Parochus denuntiationes omittens, etiamsi sciat nullum adesse impedimentum, graviter peccat. Lex enim obligat etiamsi in particulari casu ratio eiusdem cesset: et gravissimum semper adest periculum si res ista iudicio parochorum relinquatur. An autem peccet graviter parochus, si unam tantum proclamationem sine dispensatione omittat? Controvertitur. Alii affirmant, quia una proclamatio e tribus gravis pars totius praecepti habenda est. Alii probabiliter negant, ob oppositam rationem. Omittere autem duas denuntiationes probabilius grave est. L. 991. — 3.<sup>o</sup> Ex iusta causa episcopus eiusque vicarius generalis a lege bannorum dispensare possunt, facilius ab una vel altera denuntiatione, quam ab omnibus. Trid. S. 24. C. 1. De R. M. Dispensatio autem ab utroque episcopo obtinenda est, si sponsi ad diversas dioeceses pertineant. Si enim ex una parte et uno in loco non detegantur impedimenta, non sequitur non posse detegi ex altera parte et altero in loco. — 4. Communiter docent dd., quod episcopus non solum potest, sed etiam tenetur aliquando dispensare, nempe ad vitandum grave damnum commune vel privatum, spirituale vel temporale: quia *etiam* ad notabile bonum spirituale aut temporale communitalis vel alterius privati. — G. B. 739. 740., L. 389.-991. 1005.-1007.

32. *Quoniam in loco debant fieri denuntiationes?* — « Certum est faciendas esse in parochia utriusque contrahentis... quia sic fert consuetudo. Excipiunt Laym. etc. nisi parochiae essent valde propinquae... Si alter sponsorum de brevi moratur in aliquo loco, Pont. putat sufficere, si fiant in loco, ubi ille actu degit. Sed longe probabilius Sanch. etc. ex declar. S. C. dicunt omnino fieri debere in parochia unde discessit, quia denuntiationes ideo fiunt, ut impedimenta manifestentur, ac propterea oportet eas fieri ubi sponsi diutius sunt commorati. Et hic notandum, quod si alter sponsorum sit externus, parochus non debet facere denuntiationes, nisi

postquam ipse per fidem authenticam probaverit statum liberum coram Ordinario, ut habetur ex Instruct. S. C. S. O. . . Quoad vagos autem Trid. S. 24. C. 7. praecipit parochis non assistere eorum matrimoniis, nisi post diligentem inquisitionem adhibitam, et nisi prius ab Ordinario licentiam assistendi obtinuerint. Hinc recte ait Rone., quod graviter peccaret parochus, si tale praeceptum non servaret ». L. 991. Hinc si sponsi, ubi nunc sunt, a semestri devenerint, ibi denunciationes faciendae sunt, secus vero in loco unde discesserunt. « Generatim enim satisfit Decreto Tridentino, si matrimonia denuntiantur ubi contracturi matrimonium tempore denuntiationum sunt parochiani ». Schmalz. l. 4. t. 3. n. 14. Satis autem est quoad locum originis et prioris domicilii, vel ubi diutius fuerint commorati testimonium quaerere status liberi. Si vero unus aut uterque sponsus in duobus locis aequale habeat domicilium, vel domicilium in uno loco, in alio quasi-domicilium, in utroque banna sunt proclamanda. Plures autem dd. aiunt proclamationes fieri posse extra ecclesias in loco magni concursus, quia sic obtinetur finis Concilii. — G. B. 737., D'Annib. 323., L. 991.

33. *Quandonam proclamationes fieri debeant?* — Fieri debent diebus festis de praecepto, continuis, inter Missarum solemnia. Trid. S. 24. C. 1. De R. M. *Diebus festis de praecepto*, saltem in loco proclamationum. Plures docent posse fieri etiam die feriali, si quapiam ex causa magnus populi concursus ad Ecclesiam habeatur. Schmalz. l. 4. t. 1. n. 24. *Continuis*, i. e. nullo die festo omisso a prima proclamatione ad tertiam. Probabile putat S. Alph. 992. non graviter peccari, si dies festi, uno alterove interiecto, non sint continui, praesertim si agatur de festis praeter dominicam. Leve enim periculum est, ne populus obliviscatur. An vero possint fieri proclamationes diebus festis immediate sibi succedentibus, si occurrant? Controvertitur, et duplex est probabilis sententia. *Inter missarum solemnia*, i. e. in missa parochiali, vel conventuali. DD. addunt probabiliter, ex iusta causa fieri posse in concione, vel occasione processionis, cum congregatus est populus. Fieri non possunt in missis privatis neque in vesperis. Si tamen parochus oblitus fuerit proclamationem ultimam facere in missa, et nuptiae urgeant, eam supplere posset in vesperis. Factis proclamationibus statim contrahere licet, etiam eadem die. Si vero factis proclamationibus, matrimonium intra duos menses non sequatur, probabilius repetendae sunt proclamationes, nisi aliter episcopo videatur. Rit. Rom. Et trimestri elapso novo etiam testimonio status liberi opus est, nisi iterum aliud episcopo videatur. S. I. C. 24. Febr. 1847. ad 4. — G. B. 736., D'Annib. 323., L. 991. 992. 993.

34. *An revelari debeant cognita matrimonii impedimenta?* — 1.<sup>o</sup> Datur per se gravis obligatio impedimenta matrimonii revelandi. Ratio eruitur ex motivo religionis et caritatis, et ex ipso bannorum praecepto. — 2.<sup>o</sup> Obligatio haec spectat ad omnes cuiuscumque sexus, aetatis, parochiae, dioeceseos, etiam amicos et consanguineos; eaque quam primum *moraliter* implenda est, ne forte, dispensatione ab una aut altera proclamatione obtenta, matrimonium statim sequatur. Matrimonio autem secuto, lex quidem positiva cessat: sed lex naturalis pro circumstantiis revelationem exigere potest. — 3.<sup>o</sup> Praedicta adest obligatio, quantumvis impedimenta sint occulta eaque quae noscunt sub secreto naturali, etiam simpliciter commissio vel promissio, etiam iurato. Huiusmodi enim secretum non obligat cum grave imminet damnum communitati vel particulari personae. Probabilius vero revelationis non adest obligatio, si sit secretum commissum consilii petendi causa, v. g. advocato, medico, paroco, etc. Id enim commune bonum exigere videtur. Sed illi qui se norunt impedimenta matrimonii debent saltem monere sponso, ut a matrimonio desistant. — 4.<sup>o</sup> Tenetur quis impedimenta revelare, licet ea solus quis cognoscat nec probare possit, cum hic unius testimonium sufficiat. Ipsique contrahentes tenentur revelare, siquidem non agitur de poena subeunda, sed de peccato et scandalo vitando. — 5.<sup>o</sup> Non tenetur vero, ut alias, quis revelare cum gravi suo damno, si grave inde aliorum



scandalum sequeretur, si revelatio esset inutilis vel potius bona fide contrahentibus obfutura, si obtenta iam esset dispensatio, etc. — G. B. 741.-743., L. 994.-1002.

35. *An Parochus possit aliquando dispensare in denunciationibus?* — R. Negat., quia nullam habet iurisdictionem in foro externo. « Valde probabiliter tamen dicunt Sanch., Laym., etc. . . . quod in casibus, in quibus episcopus dispensare tenetur, et adiri non possit, periculumque sit in mora, poterit declarare praeceptum proclamationum non obligare, modo certus sit nullum adesse impedimentum. Imo in huiusmodi casibus censent Bus., Pont., etc. posse ipsos sponsos, si certi sint non esse impeditos, nuptias inire sine denunciationibus ». L. 1007.

36. *Quid parochus sit agendum, si sponsi iam sint in Ecclesia ad matrimonium contrahendum, et ex eorum confessione impedimentum adesse deprehendant?* — 1.<sup>o</sup> Si nuptiae differri nequeant sine periculo infamiae, aut aliis gravissimis incommodis, et poenitens versetur in impedimenti ignorantia invincibili, omittenda est monitio, et permittenda est matrimonii celebratio, donec dispensatio obtineatur. — 2.<sup>o</sup> Si poenitens sit in ignorantia vincibili, aut si aperte cognoscat impedimentum, nec sine infamia aut scandalo differri possit matrimonium, ne ad dispensationem quidem ab episcopo obtinendam, tunc maxima est difficultas. Iuxta S. Lig., et alios posset confessarius, seu parochus declarare, legem Ecclesiae de impedimentis non obligare in tantis angustiis, et ad matrimonii celebrationem procedere. Omnis quidem potestas in aedificationem data est, non in destructionem. Attamen quamprimum, saltem ad cautelam, dispensationem postulare deberet. Iuxta alios permitti posset simulatio contractus matrimonii cum proposito quamprimum dispensationem ab impedimento petendi. Non potest autem, aiunt, cessare naturaliter impedimentum: lex enim irritans nunquam cessat ob incommodum particulare, quodcumque illud sit. Quoties vero adiri potest episcopus, adeundus est, quia, iuxta sententiam communem, in eo casu, ab impedimentis Ecclesiasticis dispensare potest. — C. *Ubi* 2. *De Desp. Impub.*, G. B. 771., D'Annib. 324. 357., L. 613. 1122.

## II. — DE NATURA ET PROPRIETATIBUS MATRIMONII

37. *Quid sit Matrimonium?* — 1.<sup>o</sup> Matrimonium bifariam spectari potest, scilicet ut contractus, et ut Sacramentum: siquidem utrumque est. 1.<sup>o</sup> Matrimonium ut contractus est Conventio, qua vir et mulier sibi invicem legitime tradunt dominium in corpora in ordine ad actus ex se aptos ad generationem prolis, et se obligant ad individuum vitae societatem. 2.<sup>o</sup> Matrimonium ut Sacramentum definitur Sacramentum novae legis gratiam conferens ad legitimam viri et mulieris coniunctionem sanctificandam, et ad prolem pie suscipiendam, sancteque educandam. Trid. S. 24. c. 1., L. 879. 880., S. Th. S. q. 42. 44.

38. *Resolves:* Matrimonium ergo licitum est: et licitus eius usus est. Non est tamen singulis necessarium: siquidem necessarium ex sua intrinseca natura est tantum ad perfectionem multitudinis, et non ad perfectionem uniuscuiusque. S. Th. S. q. 41. a. 2. 3.

39. *Quaenam sit Matrimonii divisio?* — Matrimonium spectari potest tum quoad coniunctionem viri et mulieris, tum quoad vinculum quod ex ea oritur. Hinc dicitur 1.<sup>o</sup> *In fieri vel in facto esse*. Matrimonium *in fieri* dicitur ipse actualis contractus, qui mutuo consensu viri et mulieris perficitur. Vocatur autem *in facto esse* connubium perseverans in vinculo, quod ex matrimoniali contractu provenit. — 2.<sup>o</sup> *Legitimum, ratum et consummatum*. Matrimonium *legitimum* dicitur, quod contrahitur iuxta normam legis na-

turalis et civilis, non tamen Ecclesiae ratificationem aut rationem sacramenti habet, quale olim in lege naturae ac mosaica, et etiam nunc inter iudaeos ac gentiles initur. Matrimonium *ratum* est, quod contrahitur inter christianos nullo impedimento irretitis, inter quos tamen post contractum nondum intercessit commercium coniugale. Dicitur *ratum*, quia non solum natura et ius civile, sed etiam Ecclesia illud approbat et *ratum* habet. Matrimonium *consummatum* dicitur, quod copula coniugum completum est; quod intelligi non modo de *rato*, sed etiam de mere *legitimo* debet. Ut possit matrimonium dici *consummatum* duo requiruntur: ut 1.<sup>o</sup> coniunctio carnalis perfecta sit et sufficiens ad generationem, adeo ut, prout habetur in C. *Verum* 2. *De Conc. Coniug.*, coniuges *effecti simul fuerint una caro*. Non ea ergo sufficeret, ex qua, utut dempta mulieri foret corporalis virginitatis integritas, deficiente tamen apta virilis seminis effusione, generatio sequi non posset; 2.<sup>o</sup> ut eiusmodi coniunctioni praecesserit legitimus consensus vel matrimonium *ratum*. Copula ergo ante contractum matrimoniale habita non efficit, ut contractum dein matrimonium consummatum censeatur, atque adeo neque indissolubilitatem neque alios consummati matrimonii effectus operabitur. Unde concludens, eum, qui voto religionis obstrictus, mulierem vitiaverit, posse eam ducere, et dein, nisi alia causa obstet, religionem votam ingredi, si postquam duxit, eam rursus non cognovit. Cf. Schmalzgr. l. 4. t. 1. n. 227, 228. — 3.<sup>o</sup> Alia praeterea est matrimonii distinctio in *verum*, *praesumptum* et *putativum*. *Verum* dicitur, quod reapse et valide contractum est, atque ut tale est probatum quopiam ex iis argumentis, quibus et caetera negotia probari solent, cuiusmodi est parochi vel aliorum testimonium, liber matrimoniorum, confessio coniugum, diuturna honestae foeminae cohabitatio, etc.: Cf. Schmalzgr. l. 4. t. 1. n. 233., quocum adverte, leviores probationes sufficere, cum agitur de matrimonio sustinendo, quam cum res est de eo dissolvendo. *Praesumptum* dicitur, quod *a iure* praesumitur; quae quidem *iuris* praesumptio maxime in triplici casu locum habet. Ac 1.<sup>o</sup> quando in locis, ubi decretum Trid. de forma matrimonii non viget, post sponsalia absolute inita inter duas personas habiles, secuta est inter eas carnalis copula: tunc enim consensus de futuro praesumitur transisse in consensum de praesenti, et copula praesumitur admissa affectu coniugali. Cf. Schmalzgr. l. 4. t. 1. a. n. 115., Pirhing e. t. n. 27., et praesertim Barbosa. In Cap. *Is qui* e. t. n. 3. seqq., S. Th. S. q. 46. a. 2. 2.<sup>o</sup> Quando post sponsalia inita *sub conditione*, ante eiusdem eventum intercessit carnale inter sponso commercium: Ecclesia enim (loquimur, praecisione facta a praedicto Trid. Deer. de forma, etc.) tunc praesumit, sponso a conditione recessisse, adeoque voluisse pure et absolute matrimonium contrahere. Patet ex C. *Per tuas* 6. *De Cond. apposit.* 3.<sup>o</sup> Quando post sponsalia *de praesenti* ab impuberibus, in quibus malitia aetatem non suppleat, invalide contracta, inter eosdem, ubi adepti pubertatem fuerint, signa interveniunt ratificati consensus, cuiusmodi sunt non tantum carnalis copula, sed etiam oscula, amplexus, cohabitatio, etc. Patet ex Cap. unic. § *idem quoque* *De Desp. Impub.* in 6.<sup>o</sup> Qui tamen casus et ipse locum habere potest solum ubi praedictum Trid. Deer. non viget. Cf. Schmalzgr. l. 4. t. 1. n. 234. *Putativum* denique matrimonium dicitur, quod legitime contractum existimatur, cum tamen a parte rei oblatens aliquod impedimentum sit nullum. De quo ideo inquirunt dd., ut constet, quandenam vim legitimandi prolem tale susceptam, aliosque iuris effectus habeat. Duo porro ad id sunt necessaria: 1.<sup>o</sup> ut contractum sit bona fide saltem ab alterutro coniugum, qui nescius impellenti fuerit. Ita in C. *Ex tenore* 14. *Qui filio legit.* Quam quidem tamen *idem* non error iuris, nec dubitatio de valore matrimonii excludit, ut probat Covarruvias *De Spons.* P. 2. C. 8. §. 1. n. 9.: in dubio autem bona fides fides praesumitur. 2.<sup>o</sup> Ut matrimonium contractum publice fuerit et in facie Ecclesiae, idest coram paroco et testibus, et praemissis, vel saltem dispensatis, denunciationibus. Cf. C. fin. *De Clandest. Desp.* §. 1. — 4.<sup>o</sup> Memoranda est et alia matrimonii distinctio in *canonicum*, *potestativum* seu *civile*, et *conscientiarum*. *Canonicum* dicunt, in quo omnia con-

currunt, quaecumque a sacris Canonibus ad matrimonium praescripta sunt. *Politicum* seu *civile* illud dicunt, in quo concurrunt ea quoque, quae iure civili exiguntur, quaedam scilicet solemnitates, pacta dotalia, etc.: sine quibus matrimonium *canonice* quidem validum est, illegitimum tamen civiliter reputatur, atque adeo civilibus caret effectibus, e. g. quoad patriam viri et uxoris potestatem, quoad filiorum successionem, quoad mulieris dotem, etc. Matrimonium *consentientiae* demum, seu *morganaticum* dicitur legitima coniunctio viri cum foemina inferioris conditionis eo pacto inita, ut uxor et liberi inde nati dono nuptiali vel alia certa portione, tempore sponsalium destinata, contenti sint, et a caeteris bonis avitis ac paternis, una cum titulis, dignitatibus et insignibus absterneant: de quo adeundi Iurisperiti. Cf. Schmalzgr. l. 4. t. 1. a n. 236. Matrimonium autem *consentientiae* seu *occultum* dicitur quod clam contrahitur coram paroco, vel alio sacerdote ab Ordinario deputato, et duobus testibus familiaribus, qui ad secretum servandum tenentur. Huiusmodi matrimonia, et baptismus filiis enatis collatus in secreto matrimoniorum et baptizatorum libro adnotantur. Cavendum in ipsis est ne matrimonium quod occultum est habeatur cum scandalo tantquam turpis concubitus, ne filii illegitimi censeantur, et legitima portione destituantur, eorumque educatio negligatur. Quare sine episcopi facultate fieri non potest. Bened. XIV. C. *Satis vobis*. — G. B. 744. 745.

40. *Quaenam sint essentialia Matrimonii, quatenus Contractus?* — Ut omnes contractus, ita matrimonium constat re causa et consensu. *Res* est quod mutuo datur et accipitur, potestas seu ius in corpus, ad coeundum, in ordine ad generationem. Ipsa ergo commixtio ad essentiam non pertinet, sed ad eius tantum consummationem. Hinc coniuges licite abstinere possunt ab usu coniugii, et optare ne plures nascentur filii, quam possint alere: dummodo eos positive non impediunt, nec abortum procurent. — *Causa*, sobolis procreatio et educatio, finis primarius matrimonii, et mutuum vitae adiutorium, finis matrimonii secundarius, Gen. 1., 28.; post Adae peccatum, remedium etiam concupiscentiae, alius matrimonii secundarius finis 1. Cor. 7., 2. 5. 9. Et hi omnes fines sunt matrimonii *intrinseci*. Hinc licite matrimonium contrahitur in remedium concupiscentiae, modo proles positive non impediatur. Idque asserendum de ipso usu coniugii ad concupiscentiam sedandum. Contrarium opinatur S. Th. S. q. 49. a. 5. ad 2. Sed ab eo recedit S. Alph. 882., et iure, siquidem id *magis propria interpretatione* eruitur ex textu S. Pauli 1. c. Licetum item est matrimonium contrahere propter finem extrinsecum honestum, e. g. ob pacem familiarum conciliandam, amorem conservandum inter consanguineos, honorem familiae conservandum, sanitatem tuendam, etc. Ratio, quia « haec non est deordinatio eligere aliquem ex finibus secundariis honestis prae fine primario, modo iste non excludatur. Secus vero, si finis non sit honestus, nempe si sit voluptatis, vel cupiditatis divitiarum, vel vani honoris ». L. 883. — *Consensu* tandem perficitur, vera nempe voluntate utriusque super *eadem re*, i. e. iure coeundi, quo ultro citroque tradendo matrimonium contrahitur. Et quia matrimonium perpetuum est, si uni eorum propositum sit illud ad *tempus* tantum contrahere, ex defectu legitimae voluntatis, licet externe non manifestatae, nihil erit actum. Quare dari quidem potest matrimonium sine bono prolis et sine bono fidei, seu fidelitatis, quia haec duo matrimonii bona spectant ad usum matrimonii et esse rei ab usu suo non dependet: sed dari non potest matrimonium sine bono sacramenti seu inseparabilitate: nam haec « pertinet ad ipsum matrimonium secundum se, quia ex hoc ipso, quod per pactionem coniugalem sui potestatem sibi invicem in perpetuum coniuges tradunt, sequitur quod separari non possunt, et inde est, quod matrimonium nunquam invenitur sine inseparabilitate ». S. Th. S. q. 49. a. 3. — L. 879.-883., S. Th. S. q. 41. a. 1., q. 42. a. 2. 4., q. 44. a. 1., q. 45. a. 1., q. 48. a. 1., q. 49., 4 D. 2. q. un. a. 4., D. 26. q. 2. a. 4.

41. *Qualis consensus esse debeat?* — Consensus debet esse 1.<sup>o</sup> *Mutuus*:



consistit enim in contractu, qui est essentialiter consensus duorum, seu consensus mutuus. Unde si ex una parte deficiat, nullum erit — 2.<sup>o</sup> *De presenti*: quia per promissionem *de futuro* fiunt tantum sponsalia, non vero matrimonium. Deducitur etiam ex C. *Si inter* 31. *De Spons. et Matrim.* — 3.<sup>o</sup> *Deliberatus et voluntarius*: quia est contractus de re gravi, gravem propterea obligationem inducens: nemo autem censetur obligationem gravem sibi imponere, nisi libere ac plene consentiat. Constat ex Iure canonico, quod invalidat matrimonia ex metu gravi contracta. 4.<sup>o</sup> *Manifestatus signis externis*: quia omnis conventio inter homines aliquo signo externo cognosci debet: conventio enim mutuam acceptionem inter contrahentes necessario supponit. — S. Th. S. q. 45.

42. *An consensus verbis exprimi debeat?* — R. 1.<sup>o</sup> Negative quoad *validitatem*, quia de iure naturali in contractu sufficit ut consensus certo aliquo signo exprimatur. C. un. § fin. *De Despons. impub.* in 6.<sup>o</sup>, C. *Is qui fidem* *De Spons.*, C. *Tuae fraternitati* 25. *De Spons.* Quare sufficit ut consensus externe manifestetur e. g. annuli traditione et acceptione, et quoad mulierem etiam silentio. L. 882. 887., S. Th. S. q. 45. a. 2., q. 47. a. 3. — 2.<sup>o</sup> Affirm. quoad *licitatem*, quia alias ageretur contra rubricam et Ecclesiae consuetudinem. Attamen non videtur excedere veniale, si verba non adhibeantur: imo ab omni culpa verecundia aut alia rationalis causa excusaret. L. 888.

43. *Quid agendum, si quis dicat se fecte consensisse?* — 1.<sup>o</sup> Quoad *forum externum* fides ei non adhibetur, nisi ex circumstantiis pateat, illum aut dolo fuisse deceptum aut gravi metu inductum ad contrahendum: supponi enim nequit eum, qui libere matrimonium iniit, fecte consensisse. — 2.<sup>o</sup> Quoad *forum internum* qui asserit se *fecte* consensisse, obligandus est 1.<sup>o</sup> ad abstinendum a debito petendo et reddendo, donec vere consenserit: 2.<sup>o</sup> ordinarie etiam ad consensum verum ponendum, ut sic iniuriam comparti illatam reparet. *Ordinarie*, quia si compars separationi consentiat, vel ipse ad contrahendum coactus fuerit, consensum supplere non tenetur. — 3.<sup>o</sup> Sufficit autem ut consensus alterius consensui praecedenti et non revocato accedat. Quare, si quis coram paroco et testibus non vere consenserit, satisfacit consentiendo postea. — 4.<sup>o</sup> Caeterum coniux, qui verum assensum posuit, non obligatur credere alteri asserenti se fecte consensisse, nisi id iuramento firmaret; ideoque licite debitum peteret, donec defectus consensus evidenter probaretur. S. C. C. 24. Feb. 1720., S. Th. S. q. 45. a. 4. ad 2. — 5.<sup>o</sup> Obligatio autem ineundi vero consensu matrimonium gravissimam se facile prodit, non modo quia secus graviter peccatur contra reverentiam sacramento debitam, sed quia per iniuriam gravissimum alteri parti damnum infertur. Quippe cum in foro externo difficillime probari fictio queat, deceptae parti non permittuntur aliae nuptiae, ideoque hoc unum illi superest, ut aut Religionem ingrediatur, aut in saeculo maneat innupta. — G. B. 753., L. 887. 1113. 1114.

44. *An sufficiat consensus per procuratorem?* — 1.<sup>o</sup> Quoad *validitatem* affirmat., modo adsint conditiones requisitae, quia matrimonium habet totam rationem contractus naturalis. Contractus autem quilibet per procuratorem fieri potest. Conditiones vero ad matrimonium hoc modo contrahendum sunt 1.<sup>o</sup> ut procurator habeat speciale mandatum, ut mandatum sit de contrahendo cum determinata persona, ut mandatum exequatur per seipsum. C. fin. *De Proc.* in 6.<sup>o</sup>; 2.<sup>o</sup> ut mandans mandatum non revocaverit neque mentaliter tantum, neque etiam facite, celebrando e. g. sponsalia cum alia; 3.<sup>o</sup> ut procurator ostendat mandatum paroco et testibus, et matrimonium contrahat coram eisdem iuxta formam Trid.; 4.<sup>o</sup> ut limites mandati non excedat, si e. g. conditio requisita a mandante sit, ut contrahatur tali dote, tali tempore, etc. — 2.<sup>o</sup> Quoad *licitatem* negat., nisi causa valde gravis urgeat. Ratio est, quia iste modus contrahendi est contrarius praxi ordinariae Ecclesiae et vix inter alios, quam inter Principes et Magnatesse matrimonia fiunt. Hinc

parochus non debet propria auctoritate matrimoniis huiusmodi benedicere, ut ex praxi Ecclesiae et Ritualibus constat. — G. B. 749., L. 885. 886.

45. *An sit validum matrimonium sub conditione initum?* — 1.<sup>o</sup> Certum est, esse validum, si conditio sit *de praeterito* vel *de presenti*, et verificatur. Ratio est, quia consensus ille conditionatus statim transit in absolutum, et proinde nihil deest valori sacramenti. — 2.<sup>o</sup> Si adiciatur conditio *honestae* et *possibilis de futuro*, non perficitur matrimonium, donec conditio impleatur: quia contractus transferre debet ius mutuum in corpora *de praesenti*. Impleta autem conditione, valet sine novo consensu matrimonium: siquidem contractus conditionatus, adimpleta conditione, transit in absolutum, et eo ipso valet ratione sacramenti, quia inter christianos contractus matrimonii a sacramento disungi nequit. *Sine novo consensu*, cum tamen id multi negent, et ex S. Alph. 895. probabiliter, tutius est, consensum renovare. — 3.<sup>o</sup> Quamvis validum sit matrimonium, etsi contrahentes ignorent impletam esse conditionem, quia conditionis existentia non ab eius notitia dependet, uti tamen matrimonio non possunt ante acceptam illius adimpletionis notitiam, secus voluntate saltem et intentione fornicationem committerent. — G. B. 750., L. 890. 892. 895., S. Th. S. q. 47. a. 5.

46. *An sit licitum contrahere cum consensu conditionato?* — R. Negat. Talis modus contrahendi est illicitus, praesertim si conditio sit *de futuro*, nisi forte, ut habet S. Lig. 892., adsit urgentissima causa. Ratio est quia multa ac gravia incommoda ex tali modo contrahendi subsequi facile possunt, nempe, scandalum, iurgia, ambages, difficultates, etc. — G. 751.

47. *An sit validum Matrimonium initum sub conditione turpi?* — 1.<sup>o</sup> Si conditio turpis non repugnet substantiae matrimonii, validum censetur matrimonium *in foro externo*; quia in eo conditio pro non adiecta habetur. C. fin. *De Condit. appos.* Quoad *forum internum* controvertitur, sicut in ceteris contractibus. Ordinarie tamen non censetur conditio *sine qua non*, sed merum propositum aut promissio a contractu matrimoniali indipendens, ac proinde consensus non iudicatur tali conditione suspensus, nisi de hoc omnino constet. In dubio enim pro matrimonio semper iudicandum est. L. 891. — 2.<sup>o</sup> Negat., si conditio haec repugnet substantiae seu essentiae matrimonii, triplici nempe eiusdem bono, idest 1.<sup>o</sup> bono *sacramenti*; 2.<sup>o</sup> bono *fidei*; 3.<sup>o</sup> bono *prolis*: quod fieret, si sponsi contrahendo matrimonium, generationem prolis, fidelitatem in coniugio, aut perpetuitatem in matrimonio excluderent. Ratio est, quia tali conditione, sive interior tantum, in intentione unius aut utriusque contrahentis, sive exterius tantum, apposita, aut non habetur, aut saltem exterius non exprimitur consensus in verum matrimonium, cum ipsa substantia seu essentia matrimonii vi talis conditionis tollatur. — 3.<sup>o</sup> *A fortiori* invalidum est matrimonium si talis conditio repugnans substantiae matrimonii expresse apponatur et in pactum deducatur *in utroque foro*, etiamsi interior adesset consensus, quia consensus exterior sufficiens deesset. C. *Si conditiones* 7. *De Cond. appos.*, Lugo De Sacr. D. 8. n. 129., L. 881. — G. B. 752., D'Annib. 318., L. 882., S. Th. 4. D. 31. q. 1. a. 3.

48. *Resolves*: 1.<sup>o</sup> Si conditio turpis non afficiat ipsum Contractum, sed afficiat tantum executionem Contractus: quia matrimonio quidem volunt ligari, sed matrimonii officia adimplere nolunt, tunc graviter peccant, sed matrimonium valet. L. 881. — 2.<sup>o</sup> In locis, ubi lex adest divortii, si legis notitia se habet *antece-*  
*dentem* quoad consensum, h. e. si ideo contrahunt, quia norunt id sibi licere, et aliter non contraherent, invalidum est matrimonium; si vero se habet *concomi-*  
*tanter*, quia generalem habent voluntatem contrahendi, ita ut aequae contrahe-  
rent sine tali notitia, matrimonium validum est. Lugo De Sacr. D. 8. n. 131. 132.  
*In foro externo* generalis voluntas contrahendi semper praesumitur, nisi contra-  
rium probetur, ut docet De Bened. XIV. De Syn. L. 13. C. 22. n. 7., et declaravit  
Pius VI. Litt. ad Archiep. Pragenses. 11. Jul. 1789. — 3.<sup>o</sup> Si matrimonium initum

quidem sit sub conditione, excludente bonum prolis: sed quae honesta sit: sub conditione nempe castitatis servandae, matrimonium valet: nam adhuc habentur consensus et obiectum, quae contractui omnino essentialia sunt; obiectum enim est mutua traditio et potestas in proprium corpus. L. 881. 882. Id tamen alii negant. D'Annib. 313. — G. B. 752., D'Annib. 318.

49. « *Notandum hic, quod differt conditio a demonstratione, causa, modo, die, quia demonstratio, sine causa adiecta, puta si quis dicat duco te, quae es virgo, vel quia es virgo, non vitiat, nec suspendit matrimonium, esto causa sit falsa, aut turpis, etiam contra substantiam matrimonii, ut Sanch. l. 5. D. 19. n. 2. Nam licet ille non contraheret, si sciret eam non esse virginem, praebet tamen tunc absolute consensum, qui non impeditur, nisi ab errore circa substantiam, sive circa condiciones substantiales matrimonii. Neque suspendit modus, si dicatur v. g. duco te ut mihi inservias....., etiamsi modus sit de re turpi aut impossibili, duco te ut occidas, etc. Ratio, quia consensus non pendet a modo, sicut pendet a conditione. Et etiamsi, ait Viva cum Pal., modus sit contra substantiam matrimonii, scilicet duco te, ut adulterium facias, etc. Sed probabilius contradicunt huic Salm. cum Sanch., quia non videtur habere animum contrahendi, qui intentionem habet contractui oppositam. Utrum autem dies appositus suspendat contractum, puta si dicatur: duco te post tres dies? Negat Sanch. Sed probabilius affirmant Viva cum Con. etc., quia contrahens tunc non intendit ponere perfectum consensum, nisi post tertium diem ».*

L. 896., S. Th. S. q. 48. a. 2.

50. *Quenam sint essentialia Matrimonii quatenus Sacramentum est?* — Sacramentum matrimonii non est quid distinctum ab ipso Contractu matrimonii, sed est ipsemet matrimonii Contractus, elevatus a Christo D. N. ad esse sacramenti. Pius IX. Alloc. 27. Sept. 1853., Pr. 67. 73. Syll. d. a. Pio IX. Unde patet quod ipsi contrahentes sunt ministri et subiecti huius sacramenti. Flor. Decr. pro Arm., Trid., S. 24. C. 1. De R. M. Materia autem et forma ipso contractu continetur. Materia remota sunt ipsa corpora seu ius in corpora sponsorum, in contractu matrimonii invicem tradenda in ordine ad generationem. Materia autem proxima est mutua traditio corporum, quae per verba aut signa consensum in Contractu exprimentia perficitur; et forma est mutua contrahentium acceptatio verbis aut signis expressa. Quare inter christianos nullo impedimento sive naturali, sive divino, sive canonico laborantes haberi non potest Contractus matrimonii, quin simul matrimonii Sacramentum habeatur, et viceversa Sacramentum sine Contractu esse non potest. *Inter christianos* nam homines non baptizati non sunt capaces sacramentorum. *Nullo impedimento* etc. licet enim *per se* omnis homo baptizatus sit subiectum capax sacramenti matrimonii, *per accidens* tamen plures a matrimonio valide contrahendo arcantur propter varia impedimenta. Ex praedicta vero mutua acceptance et traditione, *vinculum* matrimonii exoritur, nempe ius et obligatio mutua in corpora in ordine ad generationem, adeoque coemptio viri et uxoris ad unam generationem et educationem prolis, et iterum ad unam vitam domesticam. — L. 879. 880. 897.-899., S. Th. 4. D. 26. q. 2. a. 1. ad 1., D. 28. q. 1. a. 3., S. q. 44. a. 1., q. 45. a. 1. 2., q. 48. a. 1.

51. *Resolves:* 1.<sup>o</sup> Matrimonium infidelium licet sit validum in ratione contractus, non tamen est sacramentum. An autem sacramentum sit matrimonium fidelis cum infideli, accedente Papae dispensatione, alii negant, G. 772., alii affirmant, Ferraris v. *Matrimonium* a. 1. n. 19. Cf. Clericatum De Matr. Decis. 4. n. 25. — 2.<sup>o</sup> Haeretici et schismatici, qui ineundo matrimonium, qui Ecclesiae leges quoad matrimonii substantiam servant, valide contrahunt et sacramento muniuntur. — 3.<sup>o</sup> Christiani omnes, qui nolunt omnino sacramentum recipere, neque valide contrahunt, etsi velint matrimonium contrahere; et si matrimonium vere contrahere volunt, etiam sacramentum recipiunt, etsi nolint sacramentum facere. Cf. Lugo De Sacr. D. 8. n. 129.-139., Schmalzgr. l. 4. t. 1. n. 302.-304., t. 19. n. 164.-176.

52. *An matrimonium civili vel ecclesiastica auctoritate regatur?* —



1.<sup>o</sup> Cum *inter christianos* contractus ipse matrimonii sit sacramentum: nequit matrimonium quatenus contractus regi potestate civili, quatenus sacramentum potestate ecclesiastica; neque simul, quatenus contractus et sacramentum est, regi ab utraque potestate civili et ecclesiastica: sed exclusive regi debet qua contractus et qua sacramentum ab auctoritate Ecclesiae. Quare ad solam Ecclesiam pertinet statuere ea, quae spectant ad substantiam huius contractus, et quoad inhabilitatem personarum et quoad formam et solemnitatem constituendam, quoad impedimenta nempe dirimentia statuenda. Itemque ad Ecclesiam solam pertinent causae matrimoniorum et sponsalium. Trid. S. 24. c. 4. 12., Bened. XIV. C. *Singulari* §§ 7. 9., Syll. pr. 74. — 2.<sup>o</sup> Cum familiae membra sint Societatis Civilis hinc Matrimonium in Societate Civili civilia parit iura et obligationes, quae *civiles* matrimonii *effectus* nuncupantur. Si quid igitur possunt civiles Principes super matrimoniis, ea tantum spectat, quae *in genere civili versantur*. Leo XIII. Enc. *Arcanum*. — 3.<sup>o</sup> Matrimonium *civile* quidam contractus non est, sed maxime *naturalis*. Matrimonii Contractus ab ipso Deo, mundi exordio, institutus est, Gen. 2., 18.; et praeterea res sacra semper fuit et est, Trid. S. 24. Doctr. De Sacr. M., Leo XIII. Enc. cit. Hinc, matrimonium, *quoad infideles*, et qua *contractus naturalis* et qua *res sacra* verius a civili Principum potestate et iurisdictione minime dependet quoad impedimenta ipsum dirimentia, secundum plurimum et gravium dd. sententiam. Sed alii sunt dd., qui infidelium matrimonia, cum non sint sacramenta, nec ideo iure canonico regi possint, ne contrahentes in re tam gravi sint exleges, Principum sive fidelium sive infidelium potestate et iurisdictione regi arbitrantur. D'Annib. 264. Huic secundae sententiae adhaere videtur S. Th. 4. D. 39. q. 1. a. 2. ad 3.: siquidem « ea quae pertinent ad legem naturae sunt determinabilia per ius positivum; et ideo *si prohibentur* ab aliquo iure positivo apud eos infideles contrahere matrimonium cum infidelibus alterius ritus, disparitas cultus *impedit* matrimonium inter eos ». Cf. S. q. 42. a. 2., 4. D. 34. q. 1. a. 1.

53. *Nota*: Cum praesenti Iure Civili matrimonium non admittatur nisi *civile*, initum nempe secundum civile ius, hinc, eo praetermisso, plura sequi possunt *gravia damna* et spiritualia et temporalia: *Spiritualia*, quia integrum erit alteri ab altero discedere et aliud inire civile matrimonium. *Temporalia*, quia vir non cogitur uxorem alere, et filii tanquam legitimi minime a lege recogniti in paternam haereditatem non succedunt. Quare praetermittendae non sunt civiles caeremoniae. Ac si civili iure sponsus et sponsa a matrimonio prohibeantur, eos matrimonio coniungere non licet iniussu Episcopi. S. Poenit. 15. Jan. 1866.

54. *An status gratiae ad Sacramentum Matrimonii requiratur?* — Sponsi matrimonium contrahentes, in statu gratiae versari debent, quia matrimonium est sacramentum *ricorum*. Qui contrahunt peccato mortali coinquinati, rei sacrilegii evadunt, nec gratias sacramentales sponsus necessaria percipiunt. Probabiliter tamen illae gratiae sunt tantum suspensae, et, remoto obice seu peccato mortali, animae applicantur. Pro praxi si nullus etus ex monitione speretur, fere melius erit indignum non monere de sacrilegio indigne accedentis, ut saltem sic minus peccet; et potius inducendus erit, ut saltem quamprimum ad confitendum accedat. — G. 773., L. 884.

55. *An parochus exigere debeat, ut praemittatur confessio matrimonio, vel ut libellus confessionis a sponsis exhibeatur?* — 1.<sup>o</sup> Non potest *absolute* per se id exigere, nisi lex seu praeceptum episcopi illud statuatur. Ratio est, quia quamvis requiratur status gratiae ad hoc sacramentum suscipiendum, non tamen requiritur necessario confessio, cum contritio absolute sufficere possit etiam iis, qui in statu peccati mortalis versantur. Aliunde parochus plerumque non innotescit, sponsos in statu gratiae non versari. — 2.<sup>o</sup> Ubi lex particularis, ut multis in locis, existit, parochus confessionem exigere debet aut saltem illius testimonium. Possunt tamen quandoque occurrere casus, in quibus haec lex exceptionem admittere videatur, uti si matrimonium iam

sit civiliter contractum, et una pars testimonium confessionis requisitum exhibeat, etc. Caeterum si sponsus non sit publicus peccator, nec de eius indignitate constet, rationes etiam minus graves sufficere possunt. Sed pro huiusmodi rerum adiunctis consultius est, ut parochus ab ipso episcopo resciat, quomodo generatim se gerere debeat. — G. 774.

56. *An in Ecclesia celebrandum sit Matrimonium et in Missa a Parocho benedicendum?* — Matrimonium in Ecclesia decet celebrari et sponsi hortandi sunt, ut recipiant benedictionem nuptialem. Si eam omittunt, aut omni vacant culpa, aut certe gravi. Matrimonium celebrari potest quovis tempore, etiam feriato, vel interdicti. Benedictio nuptialis datur in missa, et dari potest etiam postquam matrimonium est celebratum, etiam si sponsa praegnans accedat. Datur autem a solo episcopo vel parocho proprio, in eorum tantum proprio territorio, et extra tempus feriatum et interdicti. *In missa*, nempe si fieri potest *rotiva* pro sponso et sponsa; quae ideo quavis die permittitur, praeter dupl. 1. et 2. cl., dies festos de praecepto, et vigiliam Pentecostes, sed in his facienda est commemoratio pro sponso et sponsa. Semel autem data sive viro sive mulieri, iterum in secundis nuptiis dari non potest. Verum cum foeminam ea benedictio praecipue respiciat, si mulier eam nunquam acceperit, dari poterit, sive tunc primum, sive tunc iterum nubat. C. 1. 3. *De secund. nupt.*, Trid. S. 24. C. 1. De R. M., Rit. Rom. h. t., S. I. C. et S. R. C. Cf. Enchir. Morale N. 770., L. 984.988.

57. *De unitate Matrimonii.* — Unitas matrimonii in eo sita est, quod matrimonium sit coniunctio unius viri cum una foemina. — 1.<sup>o</sup> Certum est, *polyandriam*, seu coniunctionem simultaneam plurium virorum cum una foemina, pugnare cum lege naturali, quia praecipuis matrimonii finibus adversatur, nempe generationi prolis et bonae eius educationi. — 2.<sup>o</sup> Certum est, *polygamiā simultaneam* seu simultaneam coniunctionem plurium foeminarum cum uno viro, esse in omni casu prohibitam, saltem de iure positivo divino novae legis, ut constat ex Luc. 16., 18.: *Omnis, qui dimittit uxorem suam, et aliam ducit, moechatur*. Constat pariter ex Trid. S. 24. c. 2. — 3.<sup>o</sup> Certum est, secundas nuptias et posteriores esse licitas tam viro quam mulieri etiam sub lege Evangelica. Constat ex auctoritate et praxi Ecclesiae, necnon ex Scriptura sacra, 1. Cor. 7. 39. *Mulier alligata est legi, quanto tempore vir eius vivit; quod si dormierit vir eius, liberata est: cui vult nubat; tantum in Domino*. — G. 757., S. Th. S. q. 63. 65.

58. *De firmitate Matrimonii, quatenus spectat vinculum.* — Matrimonium est indissolubile, i. e. matrimonio semel contracto, divortium quoad vinculum fieri nequit, saltem de lege positiva divina. De fide est. Prob. 1.<sup>o</sup> Ex verbis Christi, Matth. 19., 6.: *Itaque iam non sunt duo, sed una caro. Quod ergo Deus coniunxit, homo non separet*. 2.<sup>o</sup> Ex verbis divi Pauli 1. Cor. 7., 10. 11.: *Iis autem qui matrimonio iuncti sunt, praecipio, non ego, sed Dominus, uxorem a viro non discedere; quod si discesserit, manere inaptam, aut viro suo reconciliari. Et vir uxorem non dimittat*. 3.<sup>o</sup> Ex Trid. S. 24. c. 7. Licet ergo etiam ante consummatum matrimonium casus incidat, quo stante non potuisset matrimonium iniri, e. g. si vir impotens, si mulier amens fiat; matrimonii vinculum perseverat. C. 25. Cau. 32. — G. 758., L. 955. S. Th. S. q. 67.

59. *Triples tamen casus est excipiendus*: nam. 1.<sup>o</sup> Dissolvi potest matrimonium *ratum et non consummatum* Christianorum, gravi de causa, *per dispensationem* Papae, ex potestate divinitus ipsi concessa. Patet ex eo quod SS. Pontifices iam multoties hac potestate usi sint, uti S. Gregorius VII., Paulus IV., etc. Bened. XIV. C. *Dei miseratione*. Cf. Perrone De Matr. t. 3. S. 2. C. 6. a. 4. Extendenda autem haec facultas est ad matrimonia consummata in infidelitate si coniuges post baptismum, quo coniugium fit *ratum*, cursus illud nondum consummaverint. Et id quidem luculentissime confirmatur ex Litteris Gregorii XIII. 25. Jan. 1585. et Ur-

bani VIII. 20. Octobris 1624. 17. Septembris 1627. G. B. 759. L. 955. 956. 959. — *Non consummatum* actu nempe per se idoneo ad effectum generationis; et ex S. Alph. 1036., S. Th. 4. D. 41. q. 1. a. 1. q. 4. ad 2. actu ex utraque parte perfecto. *Consummatum Christianorum* nullo modo dirimi potest, Matth. 19., 6.; Trid. S. 24. c. 7., De M., et idem dicendum si matrimonium a fidele cum infidele ex Rom. Pont. dispensatione contrahatur. Clemens XIII. 2. Aug. 1759., S. I. C. 1. Aug. 1753. — G. 759., L. 955. 956. — 2.<sup>o</sup> Dissolvi potest matrimonium *ratum* et *non consummatum* per *solemnem professionem religiosam* unius coniugum, atque hoc ex privilegio speciali a Christo concessio et ab Ecclesia declarato. Trid. S. 24. c. 6. *Solemnem*, i. e., non simplicium votorum etiam in Soc. Iesu, sed *solemnium*. *Professionem*, non merum in Religionem ingressum. Ut autem sponsi de huius privilegii usu deliberent, ab ipso iure duos menses post nuptias sibi concessos habent, quo tempore non tenentur reddere debitum. L. 870. 958. Imo post illud quoque bimensē, si matrimonium etiam per illicitam debiti negationem consummatum non fuerit, hoc privilegium manet. Neque illud impedit fornicatio habita inter sponso ante matrimonii celebrationem, nisi matrimonium necessarium sit ad legitimandum prolem, vel reparandum scandalum, aut sponsae honorem. Peccat tamen ille, qui matrimonium cum intentione Religionem ingrediendi contrahit, quin compartem moneat. — G. B. 759., L. 870. 958., S. Th. S. q. 61. a. 2. 3. — 3.<sup>o</sup> Dissolvi potest matrimonium etiam consummatum infidelium ex concessione divina, quando alteruter coniugum convertitur *ad Fidem christianam per susceptionem baptismi*, et alter recusat cum eo pacifice cohabitare, vel non cohabitavit, nisi cum *iniuria Creatoris*, et Religionis christianae contemptu, aut conatum adhibet, ut partem fidelem ad peccatum mortale pertrahat. Deducitur ex Declaratione Innocent. III. apud S. Lig. 956., etc. Concessio autem haec divina eruitur ex verbis Apostoli 1. Cor. 7., 12., ubi ait: *Si quis frater uxorem habet infidelem et haec consentit habitare cum illo, non dimittat illum...*; *quod si infidelis discedit, discedat, non enim servituti subiectus est frater aut soror in huiusmodi: in pace autem vocavit nos Deus*. Eandem fusius explicat Innocentius III. in C. *Quanto* 7. *De Divortis*. — G. B. 759. L. 955. 956., S. Th. S. q. 59. a. 3.-6.

60. *Nota*: 1.<sup>o</sup> Non statim dissolvitur matrimonium per susceptionem baptismi: *Crimina in baptismo solvantur non coniugia*, C. *Gaudemus* 8. *De Divortis*, C. *si quis* 28. q. 2.; sed quando coniux conversus et baptizatus novum init coniugium. Regulariter ex praescripto Iuris C. *Quanto* 7. *De Divortis*, privilegium Paulinum. *Quod si infidelis discedit, discedat*, interpretantis, pars conversa ad alia vota transire nequit, priusquam infidelis interpellatus, aut absolute recusaverit cum ea cohabitare, aut noluerit saltem cohabitare sine contumelia Creatoris. — 2.<sup>o</sup> Si non possit infidelis interpellari, propterea quod longe absit, aut fugerit vel latitet plures censent apud Sanchez l. 7. D. 74. n. 14. omitti posse interpellationem, quia nulla impossibilitas obligatio; alii, quibus adstipulatur Bened. XIV. De Syn. l. 6 C. 4. n. 3., putant necessariam esse dispensationem Pontificiam; et huic sententiae adhaesit S. C. C. 17. Jan. 1722. apud eundem Bened. XIV. l. c. — 3.<sup>o</sup> Quando lege ecclesiastica vel consuetudine ad removendum peccati perversionis periculum, prohibetur ne pars conversa cum infidele cohabitaret, nisi haec etiam velit ad fidem converti, non solum interpellari debet infidelis, an pacifice cohabitare consentiat, sed etiam an velit fidem christianam amplecti. Si autem, elapso tempore per legem vel consuetudinem praefixo, se nolle converti ad fidem declaraverit, quamvis aliunde vellet pacifice cohabitare, recuperat coniux conversus libertatem, eique permittitur, ut ad novas nuptias convolet. Privilegio Paulino non conceditur parti conversae ut novum matrimonium inire possit cum alio infidele, aut etiam cum ea techumeno vel catechumena, sed cum fidele solum baptizato. S. C. de P. F. 16. Jan. 1683. — G. B., G. Dumas 759., L. 956. 957., S. Th. S. q. 59 a. 3.-6.



61. *Quid et quatuor sit divortium?* — 1.<sup>o</sup> Divortium separatio et disiunctio est. Triplex est: quoad vinculum, quoad habitationem, quoad torum. — 2.<sup>o</sup> Divortium quoad vinculum illud est, quo vinculum ipsum matrimonii dissolvitur, ita ut priores coniuges aliud possint licite et valide matrimonium inire, quod in tribus casibus praec. num. expositis verificatur. — 3.<sup>o</sup> Divortium quoad habitationem separatio est mere quoad cohabitationem, manente matrimonii vinculo. Divortium quoad torum separatio est respiciens ipsum matrimonii usum et coniugale debitum, manente iterum matrimonii vinculo. — 4.<sup>o</sup> Coniux a coniuge divertere potest quoad habitationem et torum 1.<sup>o</sup> ex mutuo consensu, quod per se constat: dummodo absit incontinentiae periculum; sive ad tempus negotiorum causa, sive in perpetuum ob vitae perfectioris desiderium; 2.<sup>o</sup> ob adulterium coniugis, propter violatam fidem, Matth. 5. 32.; 19., 6.; CC. 4. 5. 8. *De Divort.* Ob adulterium nempe moraliter certum, non condonatum sive expresse, sive implicite per actum coniugalem non mutuum; quia tunc existeret compensatio: voluntarium non vero ex illata violentia patratum, perfectum et consummatum. Utrum etiam ob sodomiam et bestialitatem? Communis sententia affirmat, a qua ait S. Alph. 362. non esse recedendum, sed eam revera non probari. 3.<sup>o</sup> Ob haeresim. 3.<sup>o</sup> Ob quodvis grave periculum corporis et animae, Can. 28. cau. 1., CC. 8. 13. *De Rest. Spol.*, Trid. S. 24. c. 8. de M., e. g. si imminet periculum vitae, mutilationis, enormium aut frequentium saevitiarum; vel periculum perversionis. — 5.<sup>o</sup> Praedictum divortium a toro propter adulterium certo fieri potest propria auctoritate, item a toro et habitatione, dummodo si delictum sit occultum scandalum absit, quod vix abesse potest; et verius etiam propter haeresim: et propter praedictum periculum, si proximum et clarum sit. — 6.<sup>o</sup> Nemo *per se* tenetur divortium facere: siquidem neque ad id quis tenetur ex iustitia, ut indubium est; neque ex caritate, quae non urget cum gravi incommodo, quod ordinarie divortiis inest: consultur praeterea alterius incontinentiae, et maiora scandala praecaventur. — 7.<sup>o</sup> Divortium aliud est perpetuum, aliud temporaneum. Perpetuum per se est divortium factum ob adulterium, vel iudicis auctoritate. Perpetuo divortio facto, potest adhuc coniux innocens, in cuius favorem est, coniugem quando velit ad se revocare, non cogitur tamen eum admittere, cum hoc non sit sine gravi incommodo, licet conversus fuerit alter coniux ad bonam frugem, vel ipsemet in idem inciderit postea delictum, v. g. adulterii, sive propria, sive, verius, iudicis auctoritate, factum fuerit divortium. Si vero divortium temporaneum sit, cogitur coniux coniugem, ad fidem reversum, C. 6. *De Divort.*, vel amoto iam periculo, ob quod divertit, recipere. — G. L. 960.-977., S. Th. S. q. 59. a. 3. 6., q. 62.

### III. — DE IMPEDIMENTIS MATRIMONII

62. *Quid et quatuor sit matrimonii impedimentum: quonam iure constituantur, et a quonam superiore: quosnam afficiat?* — 1.<sup>o</sup> Matrimonii impedimenta sunt quaedam conditiones vel circumstantiae a iure constitutae, quae a matrimonio contrahendo prohibent. A iure, nam particulare praec. num. seu prohibitio facta alicui vel aliquibus *impedimentum* dici non solet. Bened. XIV. De Syn. l. 8. C. 14. n. 5. — 2.<sup>o</sup> Impedimenta, quae matrimonio *facto* inire vetant *impedimenta* dicuntur, quae arcent a matrimonio *valide* contrahendo *dirimentia* appellantur. *Contrahendo*, nam contractum iam, si facte superveniant, minime irritum reddunt. — Impedimenta dirimentia in leges inhabilitantes et irritantes reincident. Quare regulariter nec ignorantia nec vis et metus etiam mortis ab eis incurrendis excusant. Cf. Sanch. l. 7. D. 5., La-Croix l. 6. P. 3. n. 525., G. R. 787. 788. — 2.<sup>o</sup> Impedimenta dirimentia omnia vel iure naturali, vel iure divino, vel iure

canonice constant. Neque ea Episcopi constituere possunt, sed solum Romanus Pontifex. Bened. XIV. De Syn. l. 13. n. 23., Lugo Resp. Mor. l. 1. D. 45. n. 4. Impedimenta a Christianis Principibus introducta neque sunt dirimentia, neque proprie impediencia, et ideo in conscientia non obligant, nisi mere *per accidens*, ex damno, eis non servatis, obventuro. — 4.º Impedimenta iuris naturalis et divini omnes obligant, etiam infideles. Schmalzgr. l. 4. t. 1. n. 375. Impedimenta iuris canonici obligant tantum christianos, C. 4. De *Consang.*, C. 8. De *Divort.*, nempe catholicos et haereticos, et sic S. Sedes matrimonia mixta catholicorum et acatholicorum permittens, si quod adsit impedimentum dirimens, illud prius dispensat. Ac si matrimonium ineatur a fidele cum infidele, impedimentum ecclesiastici iuris infidelem certe directe non afficit; afficit tamen directe fidelem, et quia matrimonium contractus est, et contractus inter duos est et non potest ex una parte esse invalidum, validum ex altera, indirecte impedimentum infidelem etiam afficit, ut videre est in impedimento *disparitatis cultus, criminis*, etc. C. 1. De *Conv. infid.* Cf. Sanch. l. 7. D. 78. n. 3., Schmalzgr. l. 4. t. 7. n. 46.

63. *Resolves*: Hinc si contracto matrimonio mulier certo detegat impedimentum dirimens, vi cuius nullum fuerit matrimonium, debitum petere non potest, nec reddere, etiamsi ad id comminatione mortis cogeretur, quia coniunctio fornicaria esset, quae in nullo casu licita est. Exeipiunt quidam, nisi mulier mere passive se haberet, ita ut omnino materialiter tali actui cooperaretur; sed neque hoc concedi debet, cum de re intrinsece mala agatur: nisi iuxta sententiam probabilem, mulier metu mortis ad id cogatur, secluso tamen consensus periculo. — G. B. 787.

64. *Quot et quoniam sint impedimenta impediencia?* — 1.º Numerantur hodie quatuor: Ecclesiae vetitum, tempus, sponsalia, votum. Olim sex enumerabantur. Aderant enim impedimenta etiam *catechismi* et *criminis*. Sed haec duo impedimenta ex omnium tum theologorum, tum canonistarum consensu uti obsoleta modo habentur. — 2.º Contrahebatur autem *catechismi* impedimentum ab eo, qui respondebat pro infante, quando suppletur caeremoniae post baptismum collatum in necessitate; ex veteri enim iure oriebatur inde quaedam cognatio spiritualis, non secus ac pro patrino baptismi, quae constituebat impedimentum impediens in iisdem gradibus, ac cum patrino baptismi et confirmationis. Ex communi autem sententia, Cf. Schmalzgr. l. 4. t. 11. n. 67., Giraldis ad C. 5. eiusd. tit., Barbosa Collect. ad C. *Contracto* 5. De *Cogn. Spirit.* n. 3., etc., in desuetudinem abiit; imo Gonzalez, ad C. *Contracto* 5. De *Cogn. Spirit.*, duas ea de re affert S. Congr. Declarationes. — 3.º Impedimentum autem *criminis* poena quaedam erat ex veteri iure quibusdam gravioribus criminibus imposita, qua nempe reus prohibebatur a quovis matrimonio cum quavis persona contrahendo vel omnino, si caelebs esset, vel post coniugis mortem, si coniugatus. Crimina autem eiusmodi erant 1.º incestus; 2.º raptus alienae sponsae ad perturbandum alienum coniugium, itemque consensus sponsae in eundem raptum; 3.º uxoricidium iniuste ac privata auctoritate patratum; 4.º presbytericidium, idest iniusta sacerdotis interfectio; 5. malitiosa propriae prolis susceptio ex baptismo, ad impediendam scilicet debiti redditionem; 6.º poenitentia publica, quamdiu ageretur; 7.º matrimonium attentatum cum moniali; 8.º demum propriae prolis interfectio. — G. B. 776.

65. *Ecclesiae vetitum*. — 1.º Est prohibitio sive particularis, sive generalis, ab Ecclesia facta aut aliquo superiore ecclesiastico, ne aliquod matrimonium celebretur. — 2.º Prohibitio *particularis* habetur, quando iusta et speciali de causa matrimonium alicui interdicitur, sive a parocho, sive ab episcopo, sive a Papa, qui ultimus prohibitioni etiam irrationem addere potest. C. *Tua* 4. De *Sponsa duorum*. Possunt praeterea Papa et episcopus prohibitioni censuram adnectere C. ult. De *Matr. contracto contra interd.* — 3.º Causae iustae, propter quas ex communi dd. sententia interdicti matrimonium potest, tres praecipue enumerantur; 1.º reclamatio de sponsalibus,

quibus alteruter sponsorum prius se cum alia persona obstrinxerit: 2.<sup>o</sup> suspicio non vana latentis impedimenti, coniugium inter eos aut dirimentis aut etiam mere impedientis; 3.<sup>o</sup> timor non inanis, ne ex eo matrimonio graves rixae, inimicitiae, scandala, aliave incommoda subsequantur. Cf. Pirhing. l. 4. t. 16. n. 1. — 4.<sup>o</sup> Prohibitio *generalis* habetur; 1.<sup>o</sup> ne matrimonium contrahatur sine consensu parentum. Cf. n. 10. 22; 2.<sup>o</sup> sine bannis, Cf. n. 31. seqq.; 3.<sup>o</sup> clandestine, Cf. n. 90.; 4.<sup>o</sup> cum aetholico, Cf. n. 100. — G. B. 777.

66. *Tempus*. — Est determinatum aliquod per anni decursum tempus, quod *feriatum* dicitur et quo Ecclesia solemnitates nuptiarum vetat. Trid. S. 23. C. 10. Tale autem nunc est tempus quod fuit a prima dominica Adventus usque ad Epiphaniam inclusive, et a die Cinerum usque ad Octavam Paschatis item inclusive. — *Nunc*: nam ante Tridentinam synodum feriatum tempus erat 1.<sup>o</sup> a dominica prima Adventus usque ad Epiphaniam; 2.<sup>o</sup> a dominica Septuagesimae ad Octavam Paschatis; 3.<sup>o</sup> a feria secunda Rogationum usque ad Octavam Pentecostes; 4.<sup>o</sup> duabus aut tribus hebdomadis ante Nativitatem S. Ioannis Baptistae. Cf. S. Th. S. q. 64. a. 10., Schmalzgr. l. 4. t. 16. n. 27. Caeterum Trid. solas nuptiarum solemnitates praefato tempore prohibet, nimirum sponso benedicere, simul cum Missa pro sponso et sponsa, qua illa habetur solemnibus benedictio, sponsam cum strepitu domum deducere, convivia nuptialia solemniora instruere. Non autem vetat Parocho sponso privatim coniungere, licet variis in locis propter consuetudinem id etiam prohibeatur. Consuetudo nimirum quorundam locorum habet, non quidem ne fiant proclamationes, aut ne celebretur contractus matrimonii, neve hoc consummetur per tempora *feriata*, sed *ne celebrentur nuptiae, nisi aut urgente aliqua necessitate, aut obtenta Ordinarii licentia, etiam, si fieri possit, in casu necessitatis*: cui consuetudini utique par est, ut parochi sese accommodent. Ita Reiffenst l. 4. t. 16. n. 12., Schmalzgr. e. t. n. 34., Wiestner e. t. n. 34., König e. t. n. 3., Schambogen e. t. n. 2., Schmier Part. 3. De Matr. Cap. 1. n. 103. Neque vero, secundum antiquos canones, abstinendum est a matrimonii consummatione, sive ex praeepto sive ex consilio. Nam canones illi solum de solenni sponsae traductione loquuntur, non vero de matrimonii consummatione, atque ita necesse non est eos explicare de *mero consilio*, et non de *praeepto*: nam sollemnis illa traductio reipsa *praeepto* interdicitur. Schmalzgr. l. 4. t. 16. n. 31.-41., Bened. XIV. Instr. 80., L. 984. — G. B. 778.

67. *Sponsalia*. — Sponsalia quaelibet, sive *ecclesiastica*, sive *privata* serio contracta, nisi aut mutuo contrahentium consensu, aut alia iusta de causa legitime dissoluta fuerint, sunt impedimentum matrimonium impediens. Patet ex iure naturali; existit enim gravis obligatio iustitiae pactum ex oneroso contractu servandi. Si quis autem, non obstante illo impedimento, nuptias contrahat, validum quidem erit matrimonium, cum impedimentum hoc sit tantum impediens, non tamen licitum. C. *Duobus* l. *De sponsa duor.* G. 779.

68. *Votum*. — 1.<sup>o</sup> Quadruplex distinguitur votum matrimonium impediens, nempe 1.<sup>o</sup> votum castitatis; 2.<sup>o</sup> votum non nubendi; 4.<sup>o</sup> votum ingradienti Religionem; 4.<sup>o</sup> votum Ordines sacros suscipiendi. — 2.<sup>o</sup> *Votum castitatis*. 1.<sup>o</sup> Qui tale votum emisit, peccat graviter matrimonium iniens cum intentione illud consummandi, quia votum infringit; 2.<sup>o</sup> Peccat etiam graviter, secusa hac intentione, quia exponit se periculo vel votum vel ius alterius coniugis violandi; 3.<sup>o</sup> Contracto matrimonio, nec petere nec reddere potest debitum habente primo bimestri, quia ex privilegio divino coniuges hoc tempore ab obligatione coniugalibus debiti eximuntur. Elapso autem hoc tempore, potest quidem debitum reddere, et alterius iuri satisfacere, non tamen petere sine dispensatione a voto, aut sine suspensione seu indirecta voti irritatione ab altero coniuge facta; 4.<sup>o</sup> Debet omnino abstinere, si alter consentiat, vel ius petendi amiserit. v. gr. ob adulterium vel incestum. Quod si aegre abstinere potest, dispensationem quamprimum postulare aut



praedictam irrationem ab alio coniuge quaerere debet; 5.<sup>a</sup> Si alter coniux moriatur, ad novas nuptias convolare nequit, nisi dispensationem a voto suo etiam ad hunc effectum impetraverit. La-Croix l. 3. n. 564. — 3.<sup>a</sup> *Votum non nubendi, seu votum virginittis*. 1.<sup>a</sup> Qui voto isto emissio matrimonium contrahit, graviter peccat, ut manifestum est; 2.<sup>a</sup> Contracto matrimonio, reddere atque etiam petere potest debitum, quia iam impossibilis facta est voti observatio; 3.<sup>a</sup> Ob eandem rationem mortuo coniuge novum matrimonium saltem probabiliter contrahere potest; 4.<sup>a</sup> In praxi dubium est quandoque, an quis virginittatem seu caelibatum, vel potius castitatem voverit. Interrogandus erit poenitens, an intentione se ab *omnibus* matrimonii liberandi sanctusque Deo serviendi ductus fuerit, vel *apice amoris et affectu puritatis*: in primo casu caelibatum et virginittatem, in secundo autem vere castitatem vovisse censendus est. La-Croix, 357. — 4.<sup>a</sup> *Votum ingrediendi Religionem*. 1.<sup>a</sup> Qui tale votum emisit, peccat graviter matrimonium ineundo, tum quia se exponit periculo votum violandi; 2.<sup>a</sup> Ante matrimonii consummationem tenetur Religionem ingredi: ideoque mortaliter peccat, quando prima vice sive petendo sive reddendo debitum, matrimonium consummat: quia votum adimplere debet, quando potest. Illud autem adimplere potest non consummando matrimonium in primo bimestri, cum tunc ex privilegio divino possit quilibet Religionem ingredi, et altera pars, coniuge solemniter proficiente, a vinculo matrimonii liberetur; 3.<sup>a</sup> Post consummatum matrimonium potest petere et reddere debitum, quia executio voti facta est impossibilis, et petitio actus conjugalis non est contra illius votum, cum non voverit *castitatem*, sed *Religionem*; 4.<sup>a</sup> Etiam consummato matrimonio per se tenetur Religionem ingredi, quod illaeso compartis iure id potest, v. gr. si alter consentiat, vel ius petendi debitum amittat in perpetuum, aut si matrimonium per mortem solvatur: quia obligatio voti semper subsistit. In praxi autem in hisce casibus magis expedit, ut ad dispensationem recurratur. *Magis expedit*: nam in praxi circumstantiae ratione *attatis, prolis forte ex matrimonio susceptae, status fortunatam, habilitatis quoque ad munia religiosa* ita sunt immutatae, ut propter materiae mutationem voti obligatio fere per se cesset, nec opus sit dispensatione. — 5.<sup>a</sup> *Votum suscipiendi Ordines*. 1.<sup>a</sup> Qui votum illud emisit, peccat graviter matrimonium ineundo, ut in comperto est; 2.<sup>a</sup> Tenetur Ordines suscipere, si possit, v. gr. si obtineat consensum alterius, iuxta plures tenetur Religionem ingredi ante matrimonii consummationem, etiam invito altero, ut votum adimplere possit. Sed alii probabiliter hoc negant; 3.<sup>a</sup> Initio matrimonio, potest illud consummare, si votum amplius adimplere nequeat. — G. B. 780.-783., S. Th. S. q. 53.

69. *Quinam dispensare valeant in impedimentis impedientibus?* — 1.<sup>a</sup> Nemo dispensare potest, praeter Summum Pontificem et ex iusta causa, A. S. S. V. 15. p. 587., ab impedimento ex validis sponsalibus orto, cum hac in re de stricto iustitiae debito agatur, quod nullus praeter supremum Principem auferre potest. Sanch. l. 1. D. 61., Laymann p. 1. c. 1. n. 4. Idem dicendum de necessitate consensus parentum, quae a iure naturali repetenda est: haec tamen naturaliter cessat, si parentes iniuste dissentiant: — 2.<sup>a</sup> Episcopi, seu ordinarii animarum Pastores, iurisdictione plena in foro externo gaudentes, dispensare possunt 1.<sup>a</sup> in obligatione bannorum; 2.<sup>a</sup> quoad contractum per tempus feriatum, ubi consuetudo hunc quoque interdicit; 3.<sup>a</sup> in voto castitatis temporariae, et virginittis seu non nubendi. — 3.<sup>a</sup> Nequeunt autem dispensare 1.<sup>a</sup> quoad votum perpetuae castitatis; 2.<sup>a</sup> quoad votum ingrediendi Religionem; 3.<sup>a</sup> quoad impedimentum disparitatis cultus inter catholicos et haereticos. Hoc enim triplex impedimentum Papa reservatum est. — 4.<sup>a</sup> Regulares ex suis privilegiis dispensare valent iure pro foro interno in voto virginittis, seu non nubendi: nam eandem habent potestatem dispensandi a votis in foro interno, quae competit episcopis, iure ordinario, secundum communem dd. sententiam. — G. B. 780.-784., L. 987. 1119. 1128.

70. *Nota*: 1.<sup>o</sup> Episcopus, urgente necessitate, nempe cum periculum est in mora, dispensare potest in voto castitatis ad matrimonium contrahendum. Itemque, contracto matrimonio, Episcopus dispensare potest in eodem castitatis voto ad debitum petendum. Idem dicitur de voto continentiae, quo alteruter coniugum post contractum matrimonium se obligaverit. Cum enim vi huius voti exigere quidem debitum prohibeatur, illud tamen reddere possit, imo et debeat, non est votum perfectae castitatis, atque adeo non est Summo Pontifici reservatum. Secus dicendum, si ex communi consensu coniux uterque perpetuam continentiam vorisset. — G. B. 784., L. 986., 987., 1126.

71. *Quot et quaecumque sint impedimenta matrimonii dirimentia?* — Viginti hodie absolute enumerantur impedimenta dirimentia. Quinque ex parte *consensus* et *libertatis*, 1.<sup>o</sup> *error personae*, 2.<sup>o</sup> *error conditionis* servilis, 3.<sup>o</sup> *perjury* et *amentia*, 4.<sup>o</sup> *vis*, 5.<sup>o</sup> *raptus*. — Quatuordecim ex parte *personarum* contrahentium. Si simpliciter quis impediatur a contrahendo cum *qualibet persona*, erit impedimentum 6.<sup>o</sup> vel *impotentiae*, 7.<sup>o</sup> vel *aetatis*, quia omnino non potest, sive in perpetuum, sive ad tempus tantum; vel quia non potest ex officio suscepto, et est impedimentum 8.<sup>o</sup> *ordinis*; vel quia non potest ex voto emisso, et impedimentum habetur 9.<sup>o</sup> *voti*. Si vero quis impediatur a contrahendo tantum cum *determinata persona*, vel hoc est propter obligationem ad alteram, et est 10.<sup>o</sup> impedimentum *ligaminis*, vel propter nimiam distantiam ad ipsam, et est 11.<sup>o</sup> *disparitas cultus*, vel propter nimiam propinquitatem, et est 12.<sup>o</sup> *consanguinitas*, 13.<sup>o</sup> *cognatio spiritualis*, 14.<sup>o</sup> *cognatio legalis*, 15.<sup>o</sup> *affinitas*, 16.<sup>o</sup> *honestas publica*, vel propter indebitam coniunctionem ad ipsam et sic est *crimen*, 17.<sup>o</sup> *adulterium*, 18.<sup>o</sup> *homicidium*, 19.<sup>o</sup> *utrumque simul*. — Tandem unum est ex parte extrinsecae solemnitatis, et impedimentum est 20.<sup>o</sup> *clandestinitatis*. S. Th. S. q. 50. a. 1.

72. *De impedimento impotentiae et aetatis*. — 1.<sup>o</sup> Ad matrimonium contrahendum essentialiter requiritur res ad contrahendum habilis: substantialia enim contractus sunt res, causa, consensus. *Res* est ius *coeundi* ultro citroque tradendum acceptandum. Impotentia ergo ad *coeundum*, ita ut vir et mulier fieri non possint una caro, impedimentum matrimonii dirimens constituit, quod dicitur *impotentiae*. C. 1. § 1. *De frigid.*, Sanch. l. 7. D. 92. n. 7. — 2.<sup>o</sup> Impotentia alia est *naturalis*, alia *accidentaliter*; prima est, quae naturaliter inest, ut frigiditas qua omnino perfici nequit copula per se apta ad generationem; vel nimia caliditas, qua vir semper seminat extra vas, antequam penetrare possit; altera est quae ex accidenti est, e. g. ex abominatione viri erga mulierem, ex morbo, ex abscissione, ex maleficio. Itemque alia est *temporanea*, alia *perpetua*. Si tolli potest vel aliquo *licito* remedio *absque vitae periculo*, vel progressu annorum, temporanea est; secus perpetua. C. 1. *De Frigid.*, S. Th. 4. D. 24. a. 2. Et sic temporanea est impotentia nimiae caliditatis, et impotentia aegroti etiam in *moris* periculo. Perpetua impotentia alia est *absoluta* si nempe impotentia est secundi quoad omnes, alia est *relativa*, si tantum alicui communi-secuti prohibeat. — 3.<sup>o</sup> *Sola* impotentia *perpetua*, si sit matrimonium *antecedens*, sive *absoluta*, sive *relativa*, matrimonium dirimit, idque naturali iure; si vero etiam ignorata; *temporanea* vero matrimonio non obest. CC. 1. 2. 3. 6. *De Frigid.*, Sanch. l. 7. D. 92. n. 6., D. 97. n. 2. Quare nullum est matrimonium contractum cum castrato seu spadone, carente utroque testiculo, qui verum semen non habet. Sixtus V. C. *Cum frequenter*, Sanchez l. 7. D. 92. n. 20., cum frigido, vel morbo aut senio ita confecto, ut nulla sit via ad opus coniugale, secus enim quis vel extrema senectute a matrimonio minime prohibetur. Nullum item est matrimonium contractum cum ea, a qua quis cohibetur sive maleficio, sive naturali repugnantia, sive ob nimiam arctitudinem. C. 4. Caus. 33., CC. 5. 6. *De Frigid.* Plures et graves doctores asserunt satis esse, si vir semen ad vaginae os ingressumque

effundere possit; hoc enim ad generationem sufficere ipsa constat experientia. G. B. 855., D'Annib. 300. — 4.<sup>o</sup> Positivo tantum iure invalidum est matrimonium *impuberum*, quia *praesumuntur* impotentia quadam naturali, licet tantum temporanea, laborare. Pubertas habetur ex eodem iure canonico pro maribus anno 14.<sup>o</sup> expleto, pro feminis anno 12.<sup>o</sup> expleto, quia proxima potentia generandi citius in feminis quam in masculis incipere et desinere solet. Quare valet matrimonium impuberum, si iam coire possint, et onus coniugalis vinculi satis intelligunt, et matrimonium impuberis, qui iam possit, cum pubere, qui nondum coire possit. Itemque valet matrimonium impuberum qui rationis usum habent inter infideles, qui legibus Ecclesiae non subduntur. CC. 2. 7. 10. 14. *De Despons. impub.*, Bened. XIV. *C. Maguae nobis* 29. Jun. 1748., Sanch. l. 7. D. 104. n. 9., Schmalzgr. l. 4. t. 2. n. 48. 49., G. B. 835. — G. B. 854.-856. 835., L. 1095.-1104., S. Th. S. q. 58.

73. *Nota*: 1.<sup>o</sup> In dubio de impotentia antecedenti standum est pro valore matrimonii, et coniugibus copulam experiri permittendum est. Imo ad hoc triennium ipsis a iure canonico conceditur, non obstante maiori probabilitate pro impotentia perpetua. *C. Laudabilem De Frig. et malef.* — 2.<sup>o</sup> In dubio de impotentia consequenti, licet pariter coniugibus copulam experiri, usquequid certi sint eam perfici nullo modo posse, « licet saepe aut semper semen extra vas effundant ». L. 1103. — 3.<sup>o</sup> Impotentia non est confundenda cum sterilitate. Sterilitas ad effectum coniugalis actus non ad ipsum coniugalem actum spectat. Hinc steriles cum non sint ad actum coniugalem impotentes licite coire possunt; imo etiam matrimonium inire. Licet *per accidens* generatio non sequatur; copula tamen rite perfecta, actus adhuc *per se* aptus est ad generationem. Et sic valide contrahunt senes, qui matrimonium consummare valent; item mulieres, quae possunt semen excipere, etsi illud non retineant. G. 856., Gousset 791., L. 1095. — 4.<sup>o</sup> « *Caliditas superflua vix potest esse impedimentum perpetuum* ». S. Tho. S. q. 58. a. 1. ad 2. « *Probabiliter censent Contin. Tournely et Cabassut, quod huiusmodi coniuges, si sint iuvenes, non sunt separandi, quia processu temporis fervor ille deficit, et sic possunt fieri habiles* ». L. 1096.

74. *De impedimento ligaminis.* — Ex parte *rei* aliud habetur impedimentum *ligaminis*; si nempe ius in proprium corpus amplius non habeatur; quia alteri iam praeeistente matrimonio traditum sit; unde in alium nullo modo transferri potest; et impedimentum dirimens est. Quare *ligamen* est vinculum prioris matrimonii, quod vi *unitatis* et *indissolubilitatis* aliud inuedit matrimonium, donec ipsum perduret praecedens matrimonium. Si vero ius in proprium corpus alteri tantum sponsalibus promissum sit; impedimentum tunc tantum impediens habetur, siquidem citra alterius iniuriam coeundi ius in alium transferri non potest, excepto casu quod agatur de consanguineis sponsae in primo gradu; siquidem tunc impedimentum habetur dirimens publicae honestatis. Cf. n. 88. — Hinc si dubium habeatur circa mortem prioris coniugis, tunc non licet matrimonium contrahere; quia cum *certo* constet praecedens matrimonium, alterum iniri non potest cum praepudio prioris coniugis, si forte mortuus non fuerit; sed de eius morte *moraliter certo* constare debet. *C. Dominus* 2. *De Secund. nupt.*, *C. In praesentia* 19. *De Sponsal.* L. 901. 902. — S. Th. S. q. 62. a. 5., q. 65. 67., Schmalzgr. l. 4. t. 21. n. 4. seqq.

75. *De impedimento consanguinitatis.* — 1.<sup>o</sup> *Res* in matrimonio contrahendo non tantum debet esse *possibilis*, unde impedimenta *impotentiae* et *ligaminis* exoriuntur; verum etiam esse debet *honesta*, unde propter coniunctarum personarum reverentiam impedimenta exsurgunt *consanguinitatis*, *affinitatis*, *honestatis publicae*, propter Religionis reverentiam impedimenta habentur *Ordinis* et *Voti*. — 2.<sup>o</sup> Porro impedimenta haec partim iure naturali, partim iure canonico constant. Quae iure canonico constituuntur infideles non attingunt. Verum, si ad fidem conversi matrimonium



inire velint, tunc naturale vinculum, consanguinitatis et affinitatis, quod erat ante baptismum, post baptismum profecto perdurans, matrimonio obstat. C. ult. *De Decort.* S. Th. 4. D. 41. q. 1. a. 1. q. 1., Sanchez l. 7. D. 65. n. 4. — 3.<sup>o</sup> Consanguinitas est vinculum quarundam personarum inter se ex eo quod ab uno eodemque communi stipite proximo per carnalem generationem descendant, adeoque quod exsurgit ex unitate et participatione eiusdem sanguinis. Tria sunt in consanguinitate distinguenda, scilicet 1.<sup>o</sup> *stipites*, seu persona, ex qua aliae ducunt originem; 2.<sup>o</sup> *gradus*, seu mensura distantiae unius personae ab altera; 3.<sup>o</sup> *linea*, seu series personarum ab eodem stipite descendendum. Linea duplex est: alia *recta*, et alia *collateralis* seu *transversalis*. Prior est series personarum, quarum aliae ab aliis descendunt, vel *immediate*, ut filii a parentibus, vel *mediate*, ut nepotes ab avis, vel a proavis, etc. Posterior vero est series personarum, quae licet stipitem commune habeant, aliae tamen ab aliis non descendunt, ut sunt fratres, consobrini, etc. Linea collateralis est *aequalis* vel *inaequalis*, prout consanguinei aequaliter vel inaequaliter a communi stipite distant, ut infra explicabitur — 4.<sup>o</sup> *Consanguinitas* matrimonium dirimit in linea recta indefinite, Nicolaus I. ad Bulgaros C. 37. 39., et naturali iure saltem in primo gradu. *Saltem*, nam de aliis gradibus disputatur; L. 470., 1029. Sanchez l. 7. D. 51. n. 7., Schmalzgr. l. 4. t. 14. n. 30. In linea collateralis usque ad quartum gradum, C. 8. *Non debet De Consanguin.* An autem iure naturae matrimonium dirimatur saltem in primo gradu, nempe inter fratrem et sororem, controversatur. Verius tamen videtur nonnisi canonico iure dirimi ex Genes. 2.<sup>o</sup> 12. Illud vero certum est nunquam in hoc gradu Ecclesiam dispensasse, Bened. XIII. C. *Actas anni* 11. Oct. 1757. Cf. Schmalzgr. l. 4. t. 14. n. 45.-48. L. 470. Quoad alios gradus iuxta omnes nonnisi ecclesiastico iure matrimonium dirimitur. — 5.<sup>o</sup> Consanguinitas matrimonium dirimit etiam inter eos, qui tantum vel ex eodem patre, vel ex eadem matre nati sunt; item inter consanguineos ex illegitimis natalibus genitos. Ratio est, quia diversitas patris aut matris, vel illegitimitas, non impedit, quin carnalis consanguinitas inter eos existat. — 6.<sup>o</sup> Consanguinitas inter easdem personas ex duplici vel etiam multiplici capite oriri potest, et tunc est duplex vel multiplex propinquitas, seu impedimentum in petitione dispensationis aperiendum; ita v. gr. si duo fratres duas feminas sibi consanguineas ducant, liberi ex utroque matrimonio provenientes, dupliciter inter se consanguinei erunt et haec circumstantia necessario declaranda est. Plura exempla tum duplicatae tum triplicatae consanguinitatis vide apud De Iustis De Dispens. Matrim. Lib. 2. Cap. 3. a n. 31. — G. B. 799. - 800., L. 1029., S. Th. 8. q. 54.

76. *Regulae ad gradus consanguinitatis computandos.* — Tres ex *Iure canonico* assignantur regulae. — 1.<sup>a</sup> Regula. In linea recta *tot numerantur gradus quot personae, stipite dempto*, seu tot sunt gradus, quot sunt generationes. Hinc inter patrem et filium unicus est gradus, quia unica est generatio, seu unica filii persona, secluse patre utpote stipite. Inter nepotem et avum duo gradus numerantur, quia duae sunt generationes, licet tres intererunt personae, nempe avus, pater, et eius filius, seu nepos respectu avi. Penes pariter proavum vel abavum, et tres vel quatuor gradus habebis. — 2.<sup>a</sup> Regula. In linea collateralis aequali *tot sunt gradus quot sunt personae in eua parte, stipite dempto*. Hinc frater et soror sunt in primo gradu; quia si stipites communis seu pater seponatur, remanet unica persona ex utraque parte; et cum singuli distent uno gradu a stipite, etiam unico gradu inter se distant. Pariter patruus et consobrini, seu duorum fratrum et sororum filii, distant singuli duobus gradibus a stipite communi, seu ab avo, et proinde consanguinei sunt inter se in secundo gradu. Sic etiam de aliis docendum est. — 3.<sup>a</sup> Regula. In linea collateralis inaequali *tot sunt gradus quot personae in parte remotiori*, semper stipite dempto. Hinc si unus distet a communi stipite duobus gradibus, et eius consanguineus tribus, erunt inter se consanguinei in tertio gradu, iuxta effatum:

*Gradus remotior trahit ad se propinquiorem.* Igitur Berta consanguinea erit in secundo gradu cum patruo, seu fratre patris sui, quia distat duobus gradibus ab stipite communi, nempe ab avo suo, licet patruus ipse unico gradu ab eodem stipite separetur, cum sit stipitis filius, seu frater patris Bertae. Sic etiam de aliis quibuscumque statuendum. — 4.<sup>a</sup> Regula. Ad gradus iuxta ius civile computandos, desumitur numerus, seu summa omnium personarum in qualibet linea, stipite dempto. Proinde in linea recta, eodem in modo computantur ac gradus canonici: in linea collateralī aequali, gradus canonici duplicantur: in linea collateralī inaequali duplicatur linea minor et additur excessus maioris. — C. 2. caus. 35. q. 5., G. B. 801., L. 1029., S. Th. S. q. 54. a. 2. « Advertendum hic cum Sal. S. 24. 31. Contin. Tournely t. 2. p. 135., quod in linea transversali inaequali in suppletionē dispensationis tam ex una, quam ex altera parte debet exprimi gradus propinquior et remotior, si propinquior esset primus gradus: hoc habetur ex B. S. Pii V. *Sanctis*, quia in eo primo gradu Papa non intendit dispensare, nisi exprimatur ». L. 1031.

77. *De impedimento affinitatis.* — 1.<sup>a</sup> Affinitas est propinquitas, quam quis contrahit cum consanguineis personae, cum qua carnale commercium habet, seu est propinquitas quae exurgit ex carnali copula inter alterum et alterius consanguineos, e. g. inter virum et consanguineos uxoris, et viceversa. — 2.<sup>a</sup> Affinitas ex copula licita matrimonium dirimit in linea transversa usque ad quartum gradum, et alterius etiam in linea recta, C. Non debet S. De Consanguin.; ex copula illicita usque ad secundum, Trid. S. 24. C. 4. De R. M.; adeoque ex publico concubinato et ex matrimonio mere civili ultra secundum gradum, non extenditur. An etiam ex matrimonio nullo? Alii affirmant, sive bona sive mala fide vir et mulier coierint. Carrière De Matr. p. 163. Secundum alios, si vir et mulier bona fide coierint extenditur usque ad quartum, sin mala fide, iuxta plures, ait Scavini l. 3. n. 974. S., extenditur usque ad quartum, iuxta alios usque ad secundum. Et hoc verius videtur secundum Trid. D'Annib. 302., G. 815. — 3.<sup>a</sup> Gradus et lineae affinitatis accipiuntur sicut in consanguinitate, ita ut qui est e. g. uxoris consanguineus in primo gradu, sive rectae, sive transversae lineae, is sit affinis marito in eodem gradu lineae rectae vel transversae. — 4.<sup>a</sup> Ex certa omnium sententia affinitas matrimonium dirimit solo iure ecclesiastico in linea collateralī, et multo probabilius in linea recta, si primus gradus forte excipitur. De primo gradu lineae rectae controversitur, Schmalzgr. l. 4. t. 14. n. 101.-105., Bened. XIV. Epist. *Actas anni* 11. Oct. 1757., De Syn. l. 9. C. 13. Ecclesia tamen nunquam dispensavit in affinitate orta ex legitimo matrimonio, licet dispensaverit in affinitate orta ex illicito commercio, v. g. si quis ducat uxorem, postquam cum huius filia aut matre fornicatus fuerit. Affinitas enim, ex copula fornicaria, ob eorum tantum unionem oritur: ex legitimo matrimonio consummato, oritur tum ob carnalem copulam tum ob coniugalem societatem in communem et individuum vitam. S. Th. 4. D. 41. q. 1. a. 1. q. 3., q. 4. ad 2. Lugo Resp. Mor. l. 1. D. 40. Cum tamen res certa non sit, si duo infideles, in primo gradu lineae rectae affines ex legitimo matrimonio, contracto inter se legitimo matrimonio, ad fidem convertantur sine Pontificia dispensatione separari non possent. — 5.<sup>a</sup> Affinitas ex matrimonio sive sit impedimentum dirimens ex iure naturae, sive ex iure ecclesiastico affinitas certe est naturalis. Quare infidelis ad fidem conversus contrahere non potest cum filia, cum matre, cum sorore illius uxoris quam tempore infidelitatis legitime habuit. Ratio quia naturale vinculum etiam inter infideles exoritur ex matrimonio, et quia post baptismum perseverat, iam obnoxium fit legi irritanti Ecclesiae. An etiam ex copula illicita praedictum naturale vinculum exoritur? Negant Sanchez. l. 7. D. 65. n. 9., Lugo l. c. alique, sed verius affirmant alii plures et graves dd. ex S. Th. 4. D. 41. q. 3. 4.; nam si vir et mulier, quamvis illicite coeuntes, fiunt tamen necessario et naturaliter una caro, necessario et naturaliter alter alterius cognationis fines ingreditur eiusque consanguineis coniungitur.

Quare infidelis ad fidem conversus sine dispensatione matrimonium inire non potest cum matre vel filia, vel sorore eius, quam antea fornicarie cognoverat. D'Annib. 302. — G. B. 810. seqq., L. 1067. 1069., S. Th. S. q. 55.

78. *Nota*: 1.<sup>o</sup> Quando de eo agitur, qui filiam ducere velit, postquam cum matre fornicatus fuerit, in dispensatione addi conditio solet, *dummodo copula cum matre non antecesserit nativitatem filiae*, ut scilicet caveatur periculum, ne quis propriam filiam in matrimonium ducat. At satis impleta conditio censi potest, si copula cum matre eo tempore praecesserit, ut illud periculum prorsus absit. — 2.<sup>o</sup> Ad contrahendum affinitatem certum est requiri seminationem viri; an autem requiratur seminatio etiam feminae? Negant probabiliter Pont., Pal., La-Croix, Sanch., alique quia ad generationem non est necessarium semen femineum. Affirmant etiam probabiliter S. Bonav., Graff., alique « tum quia iuxta aliorum plurimum sententiam etiam semen feminae requiritur ad generationem, tum quia, et haec ratio fortius urget, non contrahitur affinitas, nisi coeuntes fiant una caro; at non fiunt una caro nisi semina commisceantur. Et haec sententia valde firmatur ex auctoritate D. Th... Hic tamen bene advertunt Sanch. l. 8. D. 6. n. 18., La-Croix n. 696, et Elbel p. 427. n. 236., quod in dubio praesumendum est pro copula perfecta, quia ex communiter contingentibus haec prudenter adfuisse praesumitur: quapropter si vir coierit et dubitat an seminaverit, vel an intra vas, copula praesumitur perfecta. Et sic etiam dicunt Avers., Dian., Krimer, et Gobat ap. La-Croix semper praesumi seminationem etiam mulieris, quando ipsa in coitu magnam senserit voluptatem, esto seminationem non adverterit. Imo merito dicit Elbel l. c. cum Sanch., Cleric, et aliis, quod in foro externo, ubi constat de coitu semper pronuntiandum pro impedimento affinitatis contracto, et sic etiam iudicandum in foro interno, quod praesumptioni fori externi conformari debet semper, ac non constat hanc esse falsam ». L. 1075., Schmalzgr. l. 4. t. 14. n. 71. 73. Haec. S. Th. 4. D. 41. q. 1. a. 1. q. 4. ad 2.: « Vir et femina efficiuntur una caro per mixtionem seminum. Unde quantumcumque aliquis claustra pudoris invadat, nisi commixtio seminum sequatur non contrahitur ex hoc affinitas ». — 3.<sup>o</sup> Affinitas inter coniuges contracta matrimonium ipsorum dirimere nequit, cum huic indissolubilitati iam contracto superveniat; eiusdem tamen usum impedit in poenam coniugis adulteri vel incestuosi. Constat ex pluribus locis Iuris canonici, praesertim ex Cap. *Si quis. De eo qui cognovit*, etc. Haec autem utpote ex copula illicita, vi Deer. Trid. S. 24. Cap. 4. De R. M. non contrahitur, nisi ex copula cum consanguineis alterius in primo et secundo gradu. Confirmatur ex Declaratione expressa Gregor. XIII. apud S. Lig. 1070. — G. B. 811. 813.

79. *Resolves*: 1.<sup>o</sup> Personae, quae carnaliter coniunguntur, non sunt proprie inter se affines, sed sunt principium affinitatis, et quasi stipitis locum tenent. — 2.<sup>o</sup> Affinitas esse non potest inter duas personas, quarum neutra copulam habuerit cum consanguinea alterius; idcirco consanguinei unius coniugis nullam habent affinitatem cum consanguineis alterius. — 3.<sup>o</sup> Duo fratres ducere possunt duas sorores; pater et filius ducere possunt matrem et filiam; imo filius potest ducere matrem, et pater eiusdem filiam. Haec dicunt: Affinitas non parit affinitatem. Olim affinitas pariebat affinitatem, ante triplex affinitatis genus vigebat, et quidem dirimens matrimonium. Affinitates secundi et tertii generis sustulit Innocentius III. in Cone. Lateranensi. C. *Non debet* S. *De Consang.*; quae quidem cuiusmodi fuerint, et quomodo curentur, vide apud Schmalzgr. l. 4. t. 14. n. 74. 75. — 4.<sup>o</sup> Qui peccavit cum duabus sororibus, aut consobrinis germanis, aut cum matre et filia, nullam haram ducere potest. — 5.<sup>o</sup> Vir, qui peccavit cum sorore vel consobrina, vel amita compartis suae, debitum petenti reddere tenetur, quamvis petere ipse nequeat. Ratio est, quia cum agatur de lege mere prohibente, innocens ex culpa nocentis pati non debet. — 6.<sup>o</sup> Non privatur iure petendi debitum, qui cum propriis consanguineis peccat, quia nullam



affinitatem inde cum uxore contrahit — 7.<sup>o</sup> Si uterque coniux per incestum affinitatem cum altero contraxerit, neuter potest debitum petere, quia uterque ius suum amisit; et proinde neuter tenetur, imo nec potest debitum alteri reddere. — G. B. 812., L. 1068. 1069., S. Th. S. q. 55.

80. *An uxor, si aut metu cognita a consanguineo vari, ius debitum petendi amiserit?* — R. 1.<sup>o</sup> Negat., si vis fuerit absoluta: impedimentum enim illud petendi debiti quoad coniuges incestuosos poenae tantum rationem habet: poena autem nulla esse potest, ubi nulla est culpa. — 2.<sup>o</sup> Negat. etiam quando uxor, quae vim aut metum passa est, graviter non deliquit; quia poena gravis cum culpa levi proportionem non habet. — 3.<sup>o</sup> Imo probabilius etiam negandum videtur, si uxor illa graviter peccaverit, quia metus gravis excusat a legibus humanis, etsi a lege naturali excusare non valeat: ergo cum in nostro casu excuset a lege, prout est ecclesiastica, a poena etiam per eam legem inflicta excusare debet. — G. B. 815. Cf. Schmalzgr. l. 5. t. 39. n. 79., L. 1071.

81. *An ignorantia excuset ab impedimento petendi debiti?* — R. 1.<sup>o</sup> Probabilius affirmative, si adsit ignorantia *iuris*, nempe humanae legis id prohibentis. Ratio, quia ut ignorantia excusat a transgressione humanae legis: ita etiam a poena. — 2.<sup>o</sup> Si adsit ignorantia *facti*, nempe hanc esse consanguineam uxoris, commune est non incurri impedimentum. Ratio, quia ubi deest incestus culpa, deest etiam poena. Patet etiam ex C. *Si quis 1. De eo qui cognovit*, etc. ubi hoc imponitur impedimentum *scienter* peccanti. — 3.<sup>o</sup> Satis probabiliter excusat etiam ignorantia *poenae*, cum sit poena extraordinaria. — L. 1072.-1074.

82. *Quis possit in hoc impedimento debitum petendi dispensare?* — « Communissime docent semper et absolute posse Episcopum dispensare... Ratio, quia dato quod Episcopus id non posset ex dispositione iuris, bene tamen id potest ratione consuetudinis. Hanc autem facultatem dispensandi bene potest alteri delegare non solum in particulari, sed etiam in generali. Iusuper possunt etiam in hoc impedimento dispensare omnes confessarii regulares mendicantes a provinciali ad hoc munus deputati, ex pluribus privilegiis ». L. 1076.

83. *De cognatione spirituali.* — 1.<sup>o</sup> Spiritualis cognatio est propinquitas quaedam personarum, quae ex baptismo et confirmatione exoritur. Dirimit matrimonium de iure ecclesiastico 1.<sup>o</sup> inter ministrum sacramenti et subiectum, huiusque genitores; 2.<sup>o</sup> inter patrum vel matrum filiolam vel filiolum, eorumque genitores. Trid. S. 24. C. 2. De R. M. Quare patrinus et matrina matrimonium inter se inire possunt. — 2.<sup>o</sup> Ad cognationem contrahendam baptismus est conditio necessaria quoad omnes: proinde si vel baptizans, vel parentes baptizati sint infideles, licet catechumeni, cognatio ab iis non contrahitur. Quocirca tam fidelis, qui baptizavit prolem infidelis, tam qui eam a sacro fonte suscepit, possent matrimonium contrahere non quidem cum prole baptizata, sed cum eius parentibus postquam ad fidem conversi essent. Schmalzgr. l. 4. t. 11. n. 32-35. — 3.<sup>o</sup> Certum est autem, hanc cognationem contrahi etiam ab haeretico, tum si baptizet, tum si teneat in sacro fonte, tum si prolem illius alius baptizatus sive haereticus sive catholicus, vel baptizet vel teneat. Ratio, quia quisquis characterem baptismalem habet, est capax huius cognationis, et legibus Ecclesiae subditur. Sanchez l. 7. D. 60. n. 2., Pirhing. l. 4. t. 11. n. 40. — G. B. 805., S. Th. S. q. 56. Cf. hic De Bapt. n. 52. seqq.

84. *Nota:* Parentes baptizantes filios in necessitate vel bona fide nullam contrahunt spirituales cognationem, qua ab usu coniugii prohibeantur: haec enim prohibitio rationem habet poenae, quae sine culpa non incurritur. L. n. 150. Imo probabilius nec videntur cognationem contrahere, etiamsi ex industria, seclusa necessitate, prolem baptizarent. L. ib. — G. B. 806., Schmalzgr. l. 4. t. 11. n. 38. 39.

85. *De cognatione legali.* — 1.<sup>o</sup> *Cognatio legalis* est propinquitas personarum, quae oritur ex adoptione legali. Duplex distinguitur adoptio: 1.<sup>o</sup> *Perfecta*, quae et *arrogatio* dicitur, et illa est qua persona sui iuris, rescripto principis transit in potestatem et familiam adoptantis et omnia filii legitimi iura acquirit, et haeres evadit necessarius. 2.<sup>o</sup> *Imperfecta*, quae dicitur *simplex*, illa est, qua persona extranea, quae sui iuris non est, cuiusvis competentis iudicis auctoritate, assumitur in filium vel nepotem, non tamen transit in adoptantis familiam, et potestatem, et propterea non fit huius haeres necessarius ex testamento, licet ei succedat ab intestato. — 2.<sup>o</sup> *Cognatio legalis*, nempe *perfecta* adoptio, constituit impedimentum dirimens de iure ecclesiastico, Ius romanum approbante, per quod prius impedimentum hoc inductum fuit. Eruitur ex Resp. Nicolai I. ad Bulgaros, etc. C. un. *De cogn. leg.* Et ratio est, quia cognatio obstat nuptiis propter pericula cohabitationis. S. Th. 4. D. 42. q. 2. a. 3. ad 2. Hinc viget hoc impedimentum, ubi adoptio servatur *Romano Iure*, non *recentiori*, quo adoptatus in familiam adoptantis non transit. Ita G. 809. D'Annib. 303., alique contra alios, qui tenent adoptionem quoque imperfectam, adeoque recentiori etiam iure matrimonium dirimere. « Probabilius dicunt, ait S. Alph. 1027., S. Th. S. q. 57. a. 2., Sanchez. l. 7. D. 73. n. 9., Salm. n. 41. cum aliis (cognationem legalem) oriri tantum ex adoptione perfecta ». — 3.<sup>o</sup> *Cognatio legalis* ad similitudinem cognationis naturalis ex Iure romano matrimonium dirimit inter sequentes personas: 1.<sup>o</sup> Quasi in linea recta inter adoptantem et adoptatum et eius filios, dum sunt sub paterna potestate constituti; 2.<sup>o</sup> inter adoptatum et filios adoptantis, quasi in linea collateralis, dum huius filii sub paterna potestate versantur, nec sunt emancipati; 3.<sup>o</sup> inter adoptantem et uxorem adoptati, ac vicissim inter adoptatum et uxorem adoptantis, quasi in linea recta per modum affinitatis, ut constat ex declaratione S. Congr. in Hortana 26. Sept. 1754. — 4.<sup>o</sup> Differunt inter se istae cognationes (et consequenter etiam impedimentum ex iis ortum), quod prima et postrema sint perpetuae: quocirca adoptans, v. g. ducere nequit filiam aut neptem adoptivam in uxorem, etiamsi per emancipationem adoptio fuerit soluta, nec privignus aut nurus (intellige adoptivi) iungi matrimonio possunt cum noverca aut socero, licet adoptio aut per emancipationem aut per mortem adoptantis cessaverit. Requiritur igitur dispensatio Sedis Apostolicae, quae tamen etiam in postremo casu difficillime concepitur. Secunda vero in linea collateralis durat dumtaxat, quamdiu durat adoptio. — 5.<sup>o</sup> Sex autem modis ex Iure romano solvitur adoptio: 1.<sup>o</sup> morte naturali adoptantis; 2.<sup>o</sup> morte eiusdem civili; 3.<sup>o</sup> ob nuptias incestuosas; 4.<sup>o</sup> ob dignitatem, v. g. episcopalem; 5.<sup>o</sup> per sententiam; 6.<sup>o</sup> per emancipationem. — G. B. 807., Bened. XIV. De Syn. l. 9. C. 19. Schmalzgr. l. 4. t. 12. n. 3. 10. 26., seq. L. 1027, S. Th. S. q. 57.

86. *An cognatio legalis matrimonium dirimat usque ad quartum gradum inter adoptantem et descendentes adoptati aut viceversa?* — 1.<sup>o</sup> Certo restatigitur ad primum gradum quoad adoptatum et descendentes adoptantis. Et hoc canonico constat. — 2.<sup>o</sup> Controversitur quoad adoptantem et descendentes adoptati. Probabiliter cognatio non extenditur ultra primum gradum, sed ultra adoptatum, nisi habeat descendentes sub potestate sua constitutos. Etiam secundum communioem Sanchezii sententiam, l. 7. D. 63. n. 34. ex rescripto Iure impedimentum se ad eos extendit, qui simul cum patre-familias adoptato transeunt in potestatem adoptantis. — G. B. 308., L. 1027.

87. *Reclama.* Durante itaque adoptione potest matrimonium consistere 1.<sup>o</sup> inter adoptantem et matrem adoptati; — 2.<sup>o</sup> inter adoptantem et filiam adoptivae: quia haec non est in potestate matris, ideoque non transit in potestatem adoptantis; — 3.<sup>o</sup> inter adoptantem et filiam illegitimam adoptati, quia scilicet filii illegitimi non sunt in patris potestate, atque adeo filia adoptati in casu in potestatem adoptantis non transit; — 4.<sup>o</sup> eadem de causa consistet matrimonium inter filium illegitimum adoptantis, et huius filiam

adoptivam: — 5.<sup>o</sup> inter filium et filiam duorum fratrum adoptivorum, quia isti nullo cognationis vinculo inter se vinciuntur: — 6.<sup>o</sup> inter duos adoptivos unius adoptantis: nam nullo id iure vetitum est: — 7.<sup>o</sup> inter adoptatum et sororem aut matrem adoptantis. — G. B. 808., Schmalzgr. l. 4. t. 12. n. 31. seqq., L. 1027., S. Th. 4. D. 42. q. 1. a. 2. ad 5.

88. *De publica honestate.* — Publica honestas exoritur 1.<sup>o</sup> ex sponsalibus validis, minime vero ex invalidis, C. un. *De Spons.* in 6.<sup>o</sup>, Trid. 24. C. 3. De R. M., licet occultis, S. Poenit. 10. Sept. 1834. A. S. S. V. 2. p. 381. Si sponsalia inita fuerint sub conditione resolutive, cum illico valeant, impedimentum exurgit et perseverat publicae honestatis, licet resolvantur; si vero inita fuerint sub conditione suspensiva, ea pendente, neque sponsalia sunt, neque impedimentum est: ea vero impleta, si consensus non fuerit revocatus, sine novo consensu valent, et impedimentum pariunt, L. 853. Contrahitur autem inter sponsum et consanguineas sponsae, inter sponsam et consanguineos sponsi sive legitimos sive illegitimos, C. 8. *De Spons. et Matr.*, in primo gradu lineae tum rectae tum obliquae. — 2.<sup>o</sup> *Ex matrimonio rato*, etiam invalido, dummodo non fuerit invalidum ex defectu consensus, ex errore, ex metu, ex ficto consensu: neque ex priore impedimento publicae honestatis ex sponsalibus, valide contractis. Non habetur explicitus textus iuris: sed deducitur a *fortiori*: nam vinculum matrimonii rati fortius est, quam quod oritur ex sponsalibus, C. un. *De spons.* in 6.<sup>o</sup>, S. Pius V. C. *Ad Romanum Pontificem*, § 35.. Hinc si Titius, v. g. initis sponsalibus cum Berta, ea relictis, eius sororem ducat, ad primam redire potest et debet, nec indiget dispensatione, nisi matrimonium consummaverit. *Ratio*: nam eo consummato, transit in affinitatem, et aliud non parit impedimentum, Bened. XIV. De Syn. l. 9. C. 13. n. 3. *Ex matrimonio rato*, non ex matrimonio civili, in locis ubi Deer. Trid. de matrimonio coram paracho et testibus contrahendo est promulgatum, Leo XIII. 17. mart. 1879. An neque etiam ex matrimoniis *clandestinis*? Ita existimavit Sanchez l. 7. D. 70. n. 13., contra vero opinatus est Pontius l. 7. C. 35. n. 5. Plures quidem ad stipulati sunt Sanchesio, longe plures Pontio, Attamen post cit. Leonis XIII. Decretum Sanchesii sententia omnino praeferenda consequenter est. Et utriusque ratio est, quia matrimonium *civile*, ubi promulgatum est Trid., et matrimonium *clandestinum* formam matrimonii non habent, et forma dat esse rei; unde nihil omnino sunt *in esse matrimonii*, adeoque ex illis tanquam *ex matrimonio invalido* impedimentum publicae honestatis exoriri non potest, D'Annib. 304. — 3.<sup>o</sup> Impedimentum hoc ex matrimonio sive rato, sive invalido, exortum usque ad quartum gradum progreditur lineae rectae et collateralis, C. un. *De spons.* in 6.<sup>o</sup>, L. 1061. — 4.<sup>o</sup> Porro hoc impedimentum publicae honestatis, semel contractum perpetuum est, et perdurat sponsalibus et matrimonio solutis. Nullum autem pro fundamento habet naturale vinculum, nullam naturalem cognationem, ex sponsalibus et ex matrimonio rato, sive invalido, sive valido, in infidelitate contractis. Quare eo non tenentur infideles ad fidem conversi, D'Ann. 304. — G. B. 816.-819., L. 1061.-1064.

89. *De impedimento Voti et Ordinis.* — 1.<sup>o</sup> Votum dirimens matrimonium est solum votum *solemnne castitatis*, per professionem in religione approbata emissum, C. 10. *De Conr. Coniug. Castitatis*, non vero votum *religiosum*, quia ideo et eatenus professio religiosa matrimonium dirimit, quatenus solemnne votum castitatis includit. Non dirimunt ergo matrimonium vota, utut solemnia, quorundam Ordinum Equestrum, quae profiteantur tantummodo *castitatem conjugalem*, Schmalzgr. l. 4. t. 6. n. 45. *Solemnne* votum enim simplex castitatis, etiam perfectae et perpetuae, etiam emissum in religiosis Congregationibus virorum et mulierum, matrimonium non dirimit, sed tantum impedit. Ex speciali privilegio Gregorii XIII. sunt excipienda vota simplicia, quae post biennium tyrocinii emittuntur in Societate Jesu. — 2.<sup>o</sup> Ordo matrimonium dirimens, est Ordo sacer, nempe presbyteratus, diaconatus et subdiaconatus, C. *De Diacono* 1., C. *Ex Lit.*



*terarum* 2. *Qui cler. vel vor.*, Extrav. *Antiqua De Voto*, Trid. S. 24. c. 9. Ordo sacer etiam apud Graecos et Italo-Graecos matrimonium dirimit. Bened. XIV. C. *Eo quavis tempore* § 38., C. *Etsi pastoralis* § VII. n. 27., S. C. de P. F. 24. Mart. 1858., S. I. C. 22. Dec. 1875. — 3.<sup>o</sup> Quoad votum, debet esse emissum 1.<sup>o</sup> voluntarie et deliberate; 2.<sup>o</sup> cum vera intentione se obligandi; secus enim votum validum non foret. Quoad ordinem, requiritur 1.<sup>o</sup> ut sit susceptus valide; 2.<sup>o</sup> ut sit susceptus voluntarie; adeoque non ex gravi metu. — 4.<sup>o</sup> Impedimentum ordinis iuxta sententiam communem dirimit tantum Iure ecclesiastico. Ratio est, quia ex una parte ordo *per se* non repugnat cum statu coniugali; nec adest ex altera parte prohibitio ulla divina, quae in Scripturis aut in traditione invenitur. L. 1059. Cum autem *sollemnitas voti* sit Iuris ecclesiastici, eo ipso Papa dispensare potest, dummodo adsit causa sufficiens, idest rei gravitati proportionata. Posse Pontificem ab hoc impedimento dispensare, sententia est receptissima Thh. et Canonist., quos longa serie allegat Sanchez De Matr. l. 8. d. 8. n. 7; et quidem concessae huius dispensationis exempla passim suppetunt, ut videre est apud Schmalzgr. l. 3. t. 35. n. 48. — Bened. XIV. De Syn. l. 2., G. B. 41. 759. 797. 798., L. 808. 1025. 1059., S. Th. S. q. 53.

90. *De impedimento disparitatis cultus.* — 1.<sup>o</sup> Si causa matrimonii consideretur, matrimonium institutum est ad mutuum vitae adiutorium. Ne inde potius coniugibus periculum sit pertimescendum religionis et vitae utriusque periculo cautum est impedimento *disparitatis cultus* et *criminis*, arcendo catholicos a nuptiis cum non catholicis, et coniungendo criminosum, coniuge mortuo, a nuptiis cum criminis socio. — 2.<sup>o</sup> Disparitas cultus alia est inter catholicum et acatholicum, alia inter christianum et infidelem. Prima matrimonium impedit sed non dirimit. Bened. XIV. C. *Singulari nobis*. Sanctae Sedis tantum est *mixtas* permittere nuptias catholicorum cum acatholicis, Pius VII. Litt. *Veneranda* 17. Febr. 1809. ad Episcopos Galliae, quod non nisi gravi de causa permittit, dummodo nihil metuendum sit fidei coniugis catholici, procuret hic pro viribus acatholici conversionem, et hac expressa conditione quod uterque coniux promittant se filios *omnes* nascituros in catholica Religione educaturos. Greg. XVI. Ad Archiep. Friburgens. 23 Maii 1846. Si pars haeretica, obtenta dispensatione, nolit deinde acquiescere, ut filii in catholica religione educentur, matrimonium valet, quia inde impedimenti mere impediens natura non mutatur. Si vero catholicus mixtas contrahat nuptias vel non impetrata dispensatione, vel non servata praedicta dispensationis lege, a sacramentis arcetur, quoad promiserit confessario educaturum se liberos in catholica Religione, et reparaturum scandalum aliis fidelibus datum. Pius VII. Epist. ad Card. De Frankenberg 23 Jul. 1782. Dispensatione obtenta cum solitis clausulis, parochus assistere potest huic matrimonio. S. I. C. 20 Dec. 1838., bannis omissis, nisi necessaria et opportuna videantur iudicio Ordinarii, pro detegendis impedimentis, et commissa in iis mentione religionis eorum, qui nuptias sint contracturi. S. C. de P. F. 11. Maii 1871. Celebratio huius matrimonii fieri debet coram parcho et duobus testibus iuxta praescriptum Trid., extra tamen Ecclesiam, sub qua Sacristia comprehenditur, et sine parochi benedictione. S. I. C. 25. Nov. 1838. Unde patet sacerdotem non posse tunc deferre stolam et superpelliceum. Attamen, ubi graviora adessent mala, Episcoporum arbitrio committitur, ut, aliis servatis necessariis cautionibus, « iudicent, quando commemoratae conditiones de contrahendis mixtis huius nuptiis extra Ecclesiam et absque parochi benedictione impleri minime possint, et quando in promiscuis huius coniugiis inmundis tolerari queat mos adhibendi ritum pro matrimoniis contrahendis in Dioecesano Rituali legitime praescriptum, exclusa tamen semper Missae celebratione ». Pius IX. Instr. 15. Nov. 1858. Matrimonio assistere non potest parochus: 1.<sup>o</sup> si non obtenta dispensatione, *mixtas* nuptiae contrahantur, quamvis lex eius assistantiam praescribat, nisi parochus tanquam *magistratus, publicus* interveniat. S. I. C. 20. Dec. 1838. Attamen SS. Pontifices huiusmodi assistantiam permittere solent ubi ne-

cessitas id exigit, prius alioquin omnino requisita utriusque partis promissione de prole in Catholicismo educanda. Ita Pius VII. concessit facultatem parochis qui in Russia et Germania versantur, assistendi, si cogerentur, matrimonii mixti absque obtenta dispensatione initis. Praesentia tamen parochi non impedit, quominus sponsi sic contrahentes graviter peccent. Hoc confirmavit Gregorius XVI.; 2.<sup>o</sup> Si uterque coniux nolit consentire in catholicam educationem prolis, sed pars haeretica prorsus exigit, ut proles sui sexus suam religionem sectetur. S. I. C. 17. Jun. 1829. Verum in instructione, quae addita est Litteris Gregorii XVI. ad Primate[m] et Episcopos Hungariae 20. Apr. 1841. haec habentur: «Tolerari posse (Sua Sanctitas) declaravit, ut, quoties ex temporum, locorum, ac personarum conditione matrimonium aetholici viri cum catholica muliere, et vicissim, omissis licet necessariis cautionibus, sine graviore discrimine nequeat impediri, atque insuper Ecclesiae utilitati, communique bono expedire videatur, si illud, quamvis vetitum et illicitum, coram catholico parcho potius, quam coram ministro aetholico, ad quem partes facile confugerent, contrahatur, idem catholicus parochus, aliussve sacerdos eius vice fungens, matrimonio ipsi, materiali tantum praesentia, nullo adhibito ecclesiastico ritu, intersit, perinde ac si partes unice agat meri testis, ut aiunt, qualificati seu authorizabilis, ita scilicet, ut utriusque coniugis audito consensu, deinceps pro suo officio actum valide gestum in matrimoniorum librum valeat referre». Apud Roskovam Tom. 2. pag. 818.; 3.<sup>o</sup> Si sponsi ante vel post matrimonium contrahant etiam in Ecclesia protestantica, ritu protestantico. S. I. C. 21. Apr. 1847. — 3.<sup>o</sup> Altera cultus disparitas, quae est inter baptismatum et infidelem, matrimonium dirimit, non ex lege scripta, sed ex consuetudine vim universalis legis habente. Quare omnes tenet, qui in Ecclesiam recipiuntur, etiamsi in illis locis sint, in quibus primum Christiana Religio praedicatur. Bened. XIV. Epist. ad Cardin. Eboracens. § 10.. Sanchez l. 7. D. 71., Schmalzgr. l. 4. t. 6. n. 121.-124. Dirimit autem matrimonium quamvis baptizatus ducat catechumenam, vel non baptizatus apostatam. Conditiones autem servandae in dispensationibus quoad matrimonia inter christianos et infideles, ex pluribus Instructionibus, quas habes etiam apud P. Perrone De Matr. Lib. 2. Sect. 1. C. 7. art. 2. hae praescriptae reperiuntur: 1.<sup>o</sup> Ut cohabitatio cum infideli non adduceret aut contumeliam creatoris, aut periculum perversionis; 2.<sup>o</sup> Ut proles institueretur in christiana religione; 3.<sup>o</sup> Ut dispensaretur solum in locis (intellige Provinciam, Vicariatum, etc. non vero pagum, in quo forte plures essent christiani), ubi plures essent infideles, quam christiani; 4.<sup>o</sup> Ut dispensatio gravibus tantum de causis concederetur, adeo ut potius dispensaretur in impedimentis consanguinitatis seu affinitatis, si hoc pacto vitarentur matrimonia cum infidelibus; 5.<sup>o</sup> Addit aliquando, ut adsit probabilis spes de conversione contrahentis infidelis. — G. B. 824-830., S. Th. S. q. 59. a. 1.

91. *De impedimento criminis.* — Crimen matrimonium dirimens triplex est, scilicet: 1.<sup>o</sup> adulterium, 2.<sup>o</sup> homicidium coniugis, 3.<sup>o</sup> utrumque simul, modo certae concurrant conditiones, quas subiicimus. Impedimentum hoc est impedimentum iuris tantum ecclesiastici.

92. *Adulterium solum.* — Ad impedimentum ex hoc capite incurrendum requiritur: 1.<sup>o</sup> Ut adulterium sit *verum, formale, consummatum*. Et primo quidem, *verum*, id est, ut saltem alteruter fornicator matrimonio non mere *putatio*, sed legitimo ac valido, etiamsi forte non consummato, sit coniunctus. Deinde *formale* et quidem ex utraque parte, id est, ut uterque cognoscat, alterutrum esse coniugatum. Sufficit igitur, ut quis scienter accedat ad foeminam coniugatam, nec necessarium est, ut ista coniugata sciat, etiam eum, quocum adulterat, coniugatum esse. *Formale* adulterium non adest, etiamsi solum ex ignorantia culpabili et crassa complex ignoret alterum esse coniugatum, dummodo ignorantia non fuerit affectata. Ad formale enim adulterium *dolus* requiritur. Tandem *consummatum*, intercedente

neque copula carnali perfecta. In foro externo id semper praesumitur. Haec igitur valent pro foro tantum conscientiae: in quo si Confessarius vere deprehendat, actum etiam ex parte foeminae consummatum non fuisse, non debet scrupulum impedimenti iniicere, sive de matrimonio iam contracto agatur, sive de contrahendo. Schmalzgr. l. 4. t. 7. n. 55., L. 1036.; — 2.<sup>o</sup> Ut adu *promissio* matrimonii facta ab uno adultero et ab altero saltem aliquo signo acceptata, sive haec promissio praecedat, aut comitetur, aut sequatur adulterium: sed si praecedat, requiritur, ut retractata ante adulterium non fuerit. Tum promissio tum acceptatio debet esse *vera*, et ideo non sufficit *ficta*. L. 1039., Schmalzgr. l. 4. t. 7. n. 22.-24., qui id confirmat ex C. *Significasti* 6. *De eo qui ducit*, etc. Insuper non sufficit *conditio* *matrimonii* promissio aut acceptatio, quousque conditio nondum extat. Secus dicendum, si adiecta conditio purificetur ante mortem coniugis, ac multo magis si ante patratum adulterium. Schmalzgr. l. c. n. 25.-28. Quia autem opus est formali iniuria ad impedimentum incurrendum, ideo necesse est notitiam habere coniugii utriusque partis vel saltem alterutrius: et ignorantiam excusat dummodo crassa aut supina non fuerit. C. 2. *De Constit.* in 6.<sup>o</sup> Utrunque ergo et adulterium et promissionem accipere debemus *formaliter*. « Adeoque non computatur neque adulterium ignoranter admissum, licet postea promissio scienter secuta fuerit. Barbos., Engel 4. 7. 8., nec admissum scienter post promissionem ignoranter factam, quandiu promissor ratam eam non labuerit. Sot., et Ludov. Lopez ap. Sauch. l. 7. D. 79. n. 34., quae mihi verior sententia est. Aliud existimant Sanch. l. c., Schmalzgr. l. 4. t. 7. n. 13., aliique, putantes, prout matrimonium (de quo statim dicendum), ita et promissionem ignoranter initam tacite confirmari adulterio postea scienter admissa. Sed non est par ratio, et eeu turpis promissio non est facile praesumenda, Sanch. n. 14., ita nec turpis ratihabitio. Quin puto nec ratihabitionem ex dictis sufficere, si facta fuerit altero in seio. Aliud iuris est, si matrimonium, seu potius contubernium ignoranter inierint, et postea scienter in eo perstiterint: etenim non recedendo et commiscendo illud tacite ratum habent, Sanch. l. 7. D. 79. n. 32 ». D'Annib. 309. Probabilius autem non requiritur repromissio. C. 6. *De eo qui ducit*. Verumtatem cum sua oppositas quoque sententiae non desit probabilitas, Schmalzgr. l. 4. t. 7. n. 50., in dubio an repromissio accesserit, ex generali canone, impedimentum ut mere probabile, atque adeo incertum, quod perinde est, ac nullum, censi potest. — 3.<sup>o</sup> Ut tum promissio matrimonii, tum adulterium fiant vivente priore coniuge, seu constante eodem matrimonio. Nimirum tum adulterium tum matrimonii promissio eedere in iniuriam debent unius eiusdemque coniugis: quod non contingeret, si Berta v. gr. vivente primo marito, promitteret matrimonium Titio: cum eodem vero adulterium committeret, quando post primi mariti mortem Caio nupsisset. — 4.<sup>o</sup> Adulterium ex iure matrimonium dirimit, non modo quando accedit promissio matrimonii *facta*, contrahendi scilicet *post mortem coniugis*, nam si promitteretur matrimonium contrahendum, *alio coniuge adhuc vivente*, impedimenti ratio cessat, ut cum dd. advertit Schmalzgr. l. 4. t. 7. n. 9., sed etiam si adulter, adhuc vivente coniuge, *matrimonium* de praesenti cum adultera contrahat, seu potius vere et ex animo, non fide, *attentet*; id patet ex C. *Cum habere* 5. *De eo qui ducit*, etc. Nec refert, utrum attentent matrimonium contrahere etiam parochi ac testibus, an clandestine. In statuendo enim hoc impedimento non attenditur valor matrimonii aut sponsalium, si sola promissio ratiocedat, quae invalide, uti patet, contrahuntur, sed ratio criminis. Quod si complex ignoraverit legitimum alterius coniugium, quando cum eo inivit matrimonium, duplicem distingue hypothesin; vel enim comperto alterius coniugio, adulterium, non retractans matrimonium, committit, et sic impedimentum inducitur: quia si post scientiam acceptam in matrimonio perseverat, haec merito habetur pro scienter contracto, et cum adulterio coniunctum non minus provocat ad captandam alterius mortem, quam si scienter contractum ab initio fuisset; vel matrimonium retractat ante adul-



terium, aut etiam ab adulterio, quod *materiale* prius extitisset, et non *formale*, cessat statim, ac coniugium alterius comperit, et sic ratio impedimenti abest. Schmalzgr. l. c. n. 12. et 15. — C. *Si quis vivente* Cau. 31. q. 1., CC. 1.-8. *De eo qui dux.* etc., L. 1031. seqq.

93. *Homicidium solum.* — Tres conditiones requiruntur, ut ex hoc adsit impedimentum: 1.<sup>o</sup> *Mutua conspiratio*, mandato, consilio, etc. unde non sufficit, ut coniux coniugem suum occidat, si persona, quacum matrimonium initurus est, hanc actionem ignoret, aut contradicat. Neque sufficit, quod quis, audiens coniugis occisionem, eam approbet, ac ratam habeat. Neque videtur sufficere solus consensus, quia iura machinationem requirunt. D'Annib. 310. C. *Laudabilem* 1. *De Conv. Infidel.*, L. 1033. — 2.<sup>o</sup> *Intentio matrimonii*. Ita communiter, quamvis in iure non sit expressum. Ratio est, quia finis legis est, ne quis spe matrimonii propriam vel alterius coniugem occidat. Non requiritur intentio haec ex utraque parte, sed verius, ut intentio illa aliquo modo fuerit alteri manifestata. Sufficere autem ait S. Lig. 1034, ut indicia quaedam huius intentionis praecesserint, v. gr. familiaritates, epistolae amatoriae, etc. Quare impedimentum non adest, si Titius, Caia cooperante, uxorem occidat, ut liberius Caia fruatur, vel eius filiam ducat. — 3.<sup>o</sup> *Mors realiter secuta* ex actione physica vel morali alterutrius complicitis. Patet ex iure canonico. — CC. 1. 3. C. *De eo qui dux.*, C. 1. *De Conv. Infid.*, L. 1031. seqq.

94. *Utrumque simul.* — 1.<sup>o</sup> Quando crimina adulterii et coniugicidii reperiuntur coniuncta, non requiritur mutua conspiratio ad coniugicidium, nec promissio matrimonii, sed haec sufficiunt: 1.<sup>o</sup> Adulterium, quale supra expositum est. Hinc praecedere debet coniugicidium; non tamen necesse est, ut praecedat mortis machinationi. *Praecedere coniugicidio*: si enim praecedat mors coniugis, adulterium, quod consistit in copula cum coniugo alterius, locum habere amplius non poterit. 2.<sup>o</sup> Machinatio mortis ab uno adulterorum ex intentione matrimonii: sufficit autem, ut haec intentio ab uno habeatur. Gousset 824., Carrière 739. S. Lig. insuper requirit probabilius, ut haec intentio alteri manifestetur. 3.<sup>o</sup> Mors ex machinatione unius adulterorum secuta, eodem modo ac supra dictum est de solo homicidio. L. 1036. 4.<sup>o</sup> Adulterium et coniugicidium eodem constante matrimonio admissum. — 2.<sup>o</sup> Hoc impedimentum quod propter duplex crimen unitum vocatur utrumque simul, unicum constituit impedimentum. Contra vero si et adulterium et homicidium suas proprias condiciones separatim habeant, uti expositae sunt, duplex inferunt impedimentum. — C. 1. 3. 6. *De eo qui dux.*, C. 5. Cau. 31. q. 1., L. 1031. seqq.

95. *Nota*: Impedimentum criminis, impedimentum est et poena. Quatenus impedimentum, cum impedimentum sit iuris ecclesiastici, locum non habet inter infideles, etiamsi dein ad fidem veniant. Baptismus omnia delet crimina. Quod idem dicendum, si quoad primam e receptis huius impedimenti causis, alterutrum, aut adulterium scilicet, aut promissio tantum facta sit post baptismum, Schmalzgr. l. 4. t. 7. n. 3. itemque, si quoad tertiam causam fidelis non fuit particeps caedis, quam infidelis patravit, Schmalzgr. ibid. n. 46. Contra vero si fidelis, promisso matrimonio, adulterat cum infideli, itemque si fidelis, quoad tertiam causam, eadem patravit, vel, quoad causam secundam, particeps machinationis seu caedis fuit, impedimentum incurrit, quo consequenter, licet indirecte, ligatur et infidelis, non secus ac in impedimento disparitatis cultus contingit. Immo id locum habet, etiamsi uxor fidelis hoc ideo fecerit, ut vir infidelis, inito postea cum ipsa matrimonio, ad fidem convertatur, prouti diserte habetur in C. *Laudabilem* 1. *De Convers. infid.*, ubi Pontifex hanc reddit rationem, quod tale damnum tali lucro Ecclesia compensare non velit. Schmalzgr. l. c. n. 46.-48. Quatenus poena, cum certe poena sit extraordinaria, probabilius ignorantia impedimenti ab impedimento excusatur. Communius tamen id negant, « sed principis nec certis nec evidentibus ». D'Annib. 312., G. B. 788., Krimer In Decretal.

l. 4. n. 1011-1029. Benedictus XIV. Epist. *Actas anni* ait, « nullo exemplo constare Pontificem dispensare in impedimento huiusmodi publico . . . Si impedimentum sit occultum, maior Poenitentiarius dispensat in matrimoniis, tum contractis tum contrahendis, pro foro interno, commissio adulterio, sed neutro machinante: verum si impedimentum oriatur ex adulterio, utroque vel alterutro machinante, sitque occultum, habet quidem maior Poenitentiarius facultatem dispensandi, raro tamen et semper pro foro tantum interno, his quoque servatis, ut gravis occurrat necessitas, aut grave imminet periculum, et casu in plena Congregatione aut Poenitentiariae signatura proposito ».

96. *De impedimento erroris, conditionis, furiae.* — 1.<sup>o</sup> Quantum est ex parte *consensus* impedimenta matrimonii habentur *erroris, conditionis, furiae, metus, raptus.* — 2.<sup>o</sup> *Error* dirimit matrimonium, de iure naturali, si sit *circa personam*, siquidem error substantialis, in praesenti materia, est, licet sit crassus et concomitans, e. g. si dum Titius falso existimans ducere Caiam, dicat intra se: ducerem hanc, etsi Caia non esset, secus vero si diceret: volo hanc ducere, etsi forte Caia non sit. — 3.<sup>o</sup> *Error circa qualitates personae*, vel circa naturam et proprietates matrimonii, dummodo non sit circa ipsam rem contractus, matrimonium non dirimit. Publico enim bono valde interest matrimonia non dirimi propter ullum alium errorem praeter substantialem, e. g. si quis matrimonium contrahat cum errore *facti*, existimans e. g. ducere virginem, sanam, nobilem, et e contra ducat scortum, leprosam, trivio natam, quamvis erret efficaci compartis dolo, et noluisse certe cum tali foemina contrahere; siquidem voluntas est haec interpretativa, quae, cum non sit, nihil potest efficere. Idem dicatur si quis erret errore *iuris*, putans e. g. matrimonium posse dissolvi. — 3.<sup>o</sup> Triplex excipiendus est error accidentalis, qui matrimonium dirimit. Primus casus est, quando qualitas est *conditio, sub qua* praestatur consensus; manifestum est enim, conditione deficiente, etiam conditionatum, idest consensum deficere. Alter casus est, quando qualitas est *determinativa personae*, quacum quis contrahere intendit; seu quando personam, cum qua contrahis, non cognoscis, nec determinas, nisi ex indicio et nota illius qualitatis. Qua de re Pirhing l. 4. t. 1. n. 163: « Si per qualitatem, in qua erratur, certa et individua persona designetur, animoque concipiatur, quae visu prius ignota est, tunc error redundat in errorem personae ». Item sat clare Sanchez l. 7. D. 18. n. 38.: « Ad explicandum, quando error circa qualitatem redundet in errorem personae matrimonium dirimentem, dico breviter, tunc id accidere, quando erratur circa qualitatem, quae certam personam designat, quae contrahenti prius nota non erat absque illa qualitate (scil. nisi ex illa qualitate): nec constat, mentem contrahentis fuisse in personam sibi praesentem, quaecumque illa sit, consentire ». Tertius casus est error circa *conditionem servilem* compartis qui dirimit matrimonium de iure ecclesiastico, ut constat ex lib. 4. Decretalium, tit. 9. Hoc impedimentum locum non habet amplius in Europa, non quia cesset ius, sed quia communiter deest occasio, nisi forte in partibus turcici imperii, aut si quae personae servituti adhuc mancipatae in alias Europae partes aliunde adveniant. Error autem haec in re ex communi dd. sententia matrimonium dirimit, etiamsi crassus fuerit. S. Alph. n. 1019., Schmalzgr. l. 4. t. 9. n. 29-31. Quod si contrahens sciat conditionem alterius servilem, aut coniugium ignoranter contractum, deinde, cognito errore, ratum habeat, ex omnium sententia certum est, matrimonium esse validum; ex dispositione autem Iuris Canonici, C. *Si viduam* 15. Dist. 34., scienter contrahens cum ancilla fit irregularis. S. Alph. 1018., Schmalzgr. l. c. n. 15-18.; et in secundo casu renovandus esset consensus coram parochiae testibus, nisi forte nullitas praecedentis contractus ita omnino occulta esset, ut probari non posset: tunc enim sufficeret consensus denuo a parte libera emissus. Schmalzgr. l. 4. t. 3. n. 121., et t. 9. n. 18. Hoc porro impedimentum, uti patet, valet solum quoad matrimonium liberi cum servo: non (et haec sedulo notanda pro locis, in quibus adhuc servitus viget) coniugia inter servos extra controversiam, Schmalzgr. l. c.



n. 7., valida habenda sunt, Cf. C. 2. Q. 2. Caus. 29., et S. Th. 2. 2. q. 104. art. 5., etiamsi contrahantur sine heri consensu, C. *Dignum* 1. *De Coniug. Sere.*, Schmalzgr. 1. c. n. 10.; quocirca sicut servus licite, etiam heri suo invito, matrimonium contrahit, sic herus graviter contra iustitiam peccat, si servum aut positive a matrimonio impediatur, aut illum, postquam contraxit, durius hac de causa tractet. Cf. Sanchez 1. 7. D. 21. n. 15., Schmalzgr. 1. c. n. 13. 14. — 4.<sup>o</sup> « Dicendum quod furia aut praecedat matrimonium, aut sequitur. Si sequitur, nullo modo dirimit ipsum; si autem praecedat, tunc aut furiosus habet lucida intervalla, aut non. Si habet, tunc quaevis dum est in illo intervallo, non sit tutum, quod matrimonium contrahat, quia nesciret prolem educare; tamen si contrahit, est matrimonium. Si autem non habet, vel si quando non habet contrahit, tunc quia non potest esse contractus, ubi deest rationis usus, non erit verum matrimonium ». S. Th., S. q. 58. a. 3. — G. B. 795. 796., L. 1009. seqq., S. Th. S. q. 51. 52.

97. *De impedimento vis seu metus.* — 1.<sup>o</sup> Metus levis, etiam iniustus, matrimonium non dirimit. Ratio est 1.<sup>o</sup> quia metus levis non censetur graviter et efficaciter in consensum influere; 2.<sup>o</sup> quia ex iure positivo solus metus gravis irritum facit matrimonium; 3.<sup>o</sup> quia secus innumera matrimonia fierent irrita cum maximo societatis detrimento. Metus vero *gravis* dirimit certo matrimonium de iure ecclesiastico. Requiritur tamen sequentes conditiones, scilicet, ut metus incutiatur 1.<sup>o</sup> a causa externa et libera; 2.<sup>o</sup> iniuste; 3.<sup>o</sup> ad finem contrahendi matrimonii. C. 10. 15. 18. 28. *De Spons.*, C. 2. *De eo qui ducit. De iure ecclesiastico*, an etiam de iure naturali? Disputata res est inter dd. Cf. S. Th. S. q. 47. a. 3. 4. — 2.<sup>o</sup> Utrolibet iure dirimi dicas, hoc impedimentum dispensationem non admittit, sed necesse est, ut causa metus tollatur. C. *Cum locum* 1. *De Spons. et matr.* Idecirco perseverante causa metus, nec per copulam, nec per cohabitationem (haec alias praesumuntur metu extorta) matrimonium convalidatur; durante enim metu sicut matrimonium non potest valide contrahi, sic nec convalidari contractum invalide. Secus dicendum, si prorsus libere et affectu maritali admittatur copula, ut habent communiter dd. post S. Th. 4. D. 29. q. 1. a. 3. q. 2. ad 2., vel etiam spontanea sit cohabitatio, quae, C. *Ad id* 21. *De Spons. et Matr.*, pro consensus ratificatione accipitur. Quo in casu si occultum impellimentum extitit, necesse sane non erit rursus coram parocho consensum renovare ex generali doctrina, quam ex S. Poenitentiariae decretis, S. Pii V. auctoritate latis, et S. C. C. Declarationibus, atque S. Rotae praxi confirmat Benedictus XIV. Instruct. 87. n. 62. Cf. Sanch. 1. 2. D. 36. n. 2. — 3.<sup>o</sup> Neque vero necessarium est, ut et alter coniux, qui nesciverit impedimentum, de ipso certior fiat, quando novo consensu matrimonium convalidandum est. Nam licet id forte probabilius requiratur quando utriusque contrahentis consensus invalidus est propter impedimentum, quo uterque ipso iure inhabilis est ad contrahendum, Sanchez 1. c., L. 895.; oppositum tamen dicendum videtur de casu praesenti, quando res est de *solo defectu consensus*, prout etiam fit, quando alteruter contrahentium *ficti* consentiat. Rationem ita exponit Sanchez De Matr. 1. 4. D. 18. n. 2.: « Secundo supponendum est, si post matrimonium metu extortum accedat copula sponte habita affectu coniugali, ratificari prius matrimonium, et ex tunc incipere valere, si alter, qui absque metu consenserat, in pristino consensu perseverat. Et ratio est, quia cum non oporteat consensus esse simul, et consensus illius, qui metum passus non est, fuerit legitimus, solum desiderabatur ad matrimonium consensus spontaneus illius, qui metu consenserat, ut dixi L. b. 4. Disputatione 15 n. 2. Sed hic consensus sufficienter exprimitur per copulam, etc., ex C. *Is qui* 30. *De Spons.* Ergo ea sequuta ratificatur prius matrimonium ». Et eodem modo paulo post ib. n. 3. ratiocinatur de consensu per diuturnam, mutuum ac spontaneam cohabitationem expresso, id confirmans ex iuris explicita definitione in C. *Ad id* 21. *De Spons. et Matr.*, — 4.<sup>o</sup> In dubio an metus censendus sit *gravis*, communis doctrina est, indicandum pro valore matrimonii, tum quia matrimonii causa favorabilis est, tum pro-



pter reverentiam Sacramenti. Laymann l. 5. Tr. 10. P. 2. C. 5. n. 4. Quo spectat illud Innocentii III. C. *Licet* 47. *De Test. et Attest.* «Tolerabilius est, aliquos contra statuta hominum dimittere copulatos, quam coniunctos legitime contra statuta Domini separare». Schmalzgr. l. 4. t. 1. n. 432. — 5.<sup>o</sup> Dissidium autem DD. de metus *reverentialis* sufficientia facile conciliatur, si reputes, hunc quoque metum pro adiunctorum varietate modo levem, modo gravem merito censer. Ita cum aliis Laymann l. c. n. 3., qui simili ratione iudicandum censet quoad preces importunas, quibus pro diversis personarum circumstantiis facile aut difficillime contradicere liceat, ut notant etiam Sanchez l. 4. D. 7. n. 7., Konink, Lessius, etc. — G. B. 832., L. 1045. seqq.

98. *De impedimento raptus.* — 1.<sup>o</sup> *Raptus* est violenta abductio mulieris de loco tuto in alium, ubi sub potestate raptoris detineatur matrimonii ineundi causa. Raptus dirimit matrimonium de iure ecclesiastico inter raptorem et raptam. Trid. S. 24. C. 6. — 2.<sup>o</sup> Triplex requiritur conditio ad illud impedimentum incurrendum, nempe 1.<sup>o</sup> ut mulier rapta abducatur de loco in locum. *Mulier*, quaecumque ipsa sit. An etiam *sponsa*? Affirmandum, quia lex non distinguit. Alii tamen negant, quia sponsa cogi potest ad nuptias, nisi forte iustam habeat causam a sponsalibus recedendi. *Mulier rapta*, non incurritur impedimentum, si mulier rapiat virum, quia Trid. loquitur tantum de viro raptore. *Abducatur*, non si invita retineatur in loco, quo sponte accesserat, siquidem hic stricta opus est interpretatione. Perinde autem est, sive raptor per se, sive per alios raptum exequatur: itemque sive perse et penes se, sive per alios ac penes alios raptam personam in sua retineat potestate. S. C. C. 25. Jun. 1861., A. S. V. 1. p. 15-25. Impedimentum autem incurrit qui pro se rapit, non vero qui rapiant pro alio, quamquam hi alias poenas tum civili tum canonico iure in raptores decretas incurere possunt. Schmalzgr. l. 5. t. 17. n. 20. *De loco in locum*, non contrahitur impedimentum, si abducatur de cubiculo in cubiculum eiusdem domus, quia sic proprie sub raptoris potestate non constituitur. — 2.<sup>o</sup> Ut foemina rapiatur tantum matrimonii causa: quare impedimentum non incurritur, si mulier abducatur alia de causa, v. g. libidinis explendae. Trid. enim nihil aliud intendit, nisi libertati matrimonii favere. Neque incurritur impedimentum si matrimonium contrahatur raptorem inter et raptam, postquam haec a potestate raptoris fuerit liberata. Ex Trid. textu hoc clare apparet. Durat e contra hoc impedimentum *quandiu* mulier rapta est in potestate raptoris, etiamsi libere consentiat. — 3.<sup>o</sup> Ut raptus fiat muliere repugnante, seu omnino invita, vi illata aut metu incusso. Hinc impedimentum non habetur, si mulier abductioni consentiat, tunc enim non *raptus* sed *fuga* habetur, quatenus invitae sint ii, sub quorum est potestate: et e contra impedimentum coeet, si his consentientibus invita ipsa abducatur. Raptus, *seductionis*, uti appellatur, impedimentum non constituit. Attamen si mulier dolo, aut blanditiis fuerit abducta matrimonium dirimitur, nisi manifeste appareat consensum in eo ineundo non defuisse. S. C. C. 24. Apr. 1868., 25. Jun. 27. Aug. 1861. A. S. S. V. 1. p. 23., Riganti ad Cancell. Reg. 49. n. 79. seqq. — G. B. 857. 858., L. 1107. seqq.

99. *An valeant sponsalia contracta dum mulier rapta sub potestate raptoris versatur?* — Duplex datur sententia probabilis: 1.<sup>a</sup> Sententia negat, quae sponsalia libertatem requirunt, sicut ipsum matrimonium: lex enim poenis extenditur, ubi eadem ratio militat; 2.<sup>a</sup> Sententia affirmat, et hanc probabiliorē dicit S. Lig. cum La-Croix, etc. Ratio autem huius sententiae est, quia sponsalia, utpote quae semper sunt rescindibilia, minorem libertatem, quam matrimonium, requirunt. — G. B. 859., L. 1107.

100. *De clandestinitate Matrimonii.* — 1.<sup>o</sup> Praeter rem causam et consensum in matrimonio considerata sunt eius *solemnia*, illa nempe extrinseca matrimonii forma, qua matrimonium tanquam contractus *valde* conficitur, qua sacramentum *sancte* initur. Hinc aliud exurgit matrimonii impedimentum, nempe *clandestinitatis*. — 2.<sup>o</sup> Matrimonium *clandestinum* dicitur

illud, quod contrahitur sine solemnitate ab Ecclesia requisita, nempe sine assistentia proprii parochi et duorum saltem testium. Impedimentum istud est de solo Iure ecclesiastico, cum fuerit a Trid. constitutum. S. 24. C. 1. — 3.<sup>o</sup> *Parochus proprius* hic est parochus domicilii vel quasi-domicilii, non item originis, nisi forte ibidem quis domicilium habeat, et quoad *vagos* parochus loci in quo versantur, licet alter tantum ex sponsis sit vagus. L. 1089. Si quis duobus in locis domicilium habet, vel in uno domicilium, in alio quasi-domicilium, coram quolibet eorum contrahere potest. Parochus autem *proprius* est, sive sponsi sive sponsae. Bened. XIV. Notif. 35. n. 5., L. 1087. Facultatem assistendi matrimoniis habent etiam Cardinales in suo quisque Titulo, et Pontificii Legati in Provinciis sibi conceditis. Ferraris, v. *Matrimonium* a. 3. n. 12. 20. 45. — 4.<sup>o</sup> Cum *parochus* adsit, quasi *testis qualificatus, autorizatus*, nulla opus est potestate Ordinis seu iurisdictionis. Quare licite adest etsi clericus tantum sit: valide vero etsi sit suspensus, irregularis, excommunicatus, vitandus vel acatholicus, schismaticus, etsi Episcopus id ei prohibuerit. Quod idem dicendum est de Vicario Generali, si contra Episcopi prohibitionem, vel ipse matrimonio assistat, vel cuiuspiam sacerdoti facultatem dederit assistendi. Valide item parochus adest, licet falso parochus sit, sed habeat titulum coloratum, et communi errore parochus reputetur, et probabilius etiam si adsit solus communis error, sine titulo colorato. Parochus adest valide etiam in alieno territorio, invito etiam huius loci parochi vel Ordinario, licet matrimonium solemniter benedicere non possit. Alium item delegare potest, dummodo *sacerdotem* deleget, non diaconum, sacerdotem autem *quemcumque*, etiam vitandum. *Non diaconum*, nisi forte is errore communi ut sacerdos habeatur. *Generalis* etiam delegatio, etiam tacita, aut metu extorta, sed non praesumpta, sufficit, e. g. ad exercenda parochialia munia. — 5.<sup>o</sup> Nihil refert, etsi parochus et testes adsint casu, dolo, aut vi inducti. Sufficit enim quod *sciunt* quid fiat, sive ex verbis, si caeci sint, et contrahentium voces agnoscant, sive ex signis, si sint surdi, sive per interpretem si sint ignari idiomatis. Quare valet matrimonium, etsi parochus fingat se non audire, obstruendo sibi digitis aures, non videre, oculos claudendo, neque intelligere, dummodo revera ex actibus antecedentibus et consequentibus perceperit consensum partium; si e. g. vocem sponsae vel sponsi minime audierit, sed viderit sponsum manu sponsam tenentem, S. C. C. 12. Jan. 1715., vel ei tradentem anulum, S. C. C. 28. Nov. 1671. Sufficit enim quod sint omnes moraliter praesentes sicut testes, qui de re peracta testimonium perhibere debent. Bened. XIV. De Syn. l. 13. C. 23., L. 899., D'Annib. 328. Ad matrimonii validitatem testes quilibet sufficiunt, sive mares sive foeminae, etiam parentes, moniales, infideles, sive aetate maiores, sive minores, modo rationis usum habeant, et de contracto matrimonio testari valeant. — 6.<sup>o</sup> Domicilium et quasi-domicilium hic censendum est iure canonico non civili, animo nempe habitandi in loco perpetuo vel per maiorem anni partem, neque vero opus est ipso habitationis facto praedicto tempore, sed statim ac eo loco quis advenit, domicilium, vel quasi-domicilium acquirit et valide contrahit. Quoad scholasticos, ephebos, puellas in collegiis et monasteriis expositos, infirmos in hospitalibus, si eo in loco mansuri sint per maiorem anni partem, parochus proprius quasi-domicilii non est collegii, monasterii, hospitalis rector, confessorius, cappellanus, sed parochus in cuius paroecia situm est collegium, monasterium, hospitale, itemque quoad famulos parochus proprius est parochus in cuius paroecia domicilium habent heri quibus famulantur: licet in eadem forte civitate vel oppido, domum ac domicilium iidem habeant. D'Annib. 326. In carceribus detenti, quorum causa nondum expedita est et carcer tantum *locus custoditae* est, a parochi proprii domicilii vel quasi-domicilii in matrimonium coniungi debent. Si vero eorum causa expedita sit, et damnati sint in perpetuum vel ad tempus determinatum, et carcer *locus poenae* est, tunc eorum proprius parochus est ille in cuius paroecia carcer situs est. Bened. XIV. Not. 33. — 7.<sup>o</sup> Matrimonia *clandestina* sunt om-

nino invalida in omnibus locis, ubi Concilii Decretum fuit promulgatum, et, in dubio, ubi fuerit aliquo tempore in parochia tanquam Decretum Concilii observatum. Quin Trid. clandestine contrahentes *ad sic*, i. e. sine parcho et testibus, deinceps *contrahendum* inhabiles reddit. Quare invalide ibi contrahunt illi etiam, qui domicilium vel quasi-domicilium habent uterque vel unus tantum sponsorum in locis ubi Trid. non viget. D'Annib. 327. Invalida vero non sunt in locis, ubi haec promulgatio sive culpabiliter sive inculpabiliter omisa fuit; vel in desuetudinem Decretum abiit, licet unus tantum sponsorum domicilium vel quasi-domicilium ibi habeat; alter vero domicilium vel quasi-domicilium habeat in loco ubi Trid. viget propter individuitatem contractus. Bened. XIV. De Syn. l. 6. C. 6. n. 12., Clemens XIII. 1767. ad Archiep. Mechlin. Quare hisce in locis ratum est matrimonium, quod dicitur civile, et matrimonium valet eorum, qui domicilium vel quasi-domicilium habent in loco ubi Trid. viget, nisi eo loci venerint *in fraudem*, i. e. *solo animo* matrimonium sine parcho et testibus contrahendi: minime vero, si ibidem domicilium vel quasi-domicilium prius acquisierint. S. C. C. 5. Sept. 1626., Urbanus VIII. Br. ad Archiep. Colonien. 1627., Bened. XV. C. *Paucis abhinc annis*, Not. 33., D'Annib. 327. Quin imo communior sententia tenet validum etiam esse matrimonium eorum, qui habentes domicilium vel quasi-domicilium in loco ubi Trid. viget, veniunt in alium locum, ubi Trid. non viget sine intentione quidem acquirendi domicilium vel quasi-domicilium, at simul sine intentione clandestine contrahendi, si deinde ibidem clandestine contrahant. Contrariae tamen videntur plures S. C. Decisiones. G. B. 830., D'Ann. 327. — 8.° Matrimonia *clandestina* sunt ubique illicita, et sub gravi prohibita. Ecclesia enim ea semper detestata est, ut declarat Trid. et evidenter ostendit Bened. XIV. De Syn. l. 8. C. 12. n. 4. S. Th. S. q. 45. a. 5. — 9.° Agnoscitur ut receptum Tridentini Decretum in Italia, Hispania, Lusitania, Gallia, Hollandia, Belgio, Hybernia, Bavaria, etc. Non autem receptum est in Anglia, Suecia, Saxonia, Dania, Borussia, et pluribus foederatis Helvetiae Provinciis, etc. Cf. Perrone De Matr. l. 2. S. 1. C. 6., etc. — 10.° Postremo Bened. XIV. edidit declarationem ann. 1741., in qua statuit, matrimonia clandestina, inita vel ineunda in Hollandia et in foederatis Belgii Provinciis inter haereticos, vel inter unam partem haereticam et alteram catholicam, esse valida. Nihil autem statuit circa matrimonia catholicorum inter se. Immo Benedictus XIV. expresse declaravit, ad catholicos eam dispositionem haudquaquam spectare. « Sciunt (inquit), nisi eorum ministro catholico et duobus testibus nuptias celebraverint, nunquam se neque coram Deo, neque coram Ecclesia, veros et legitimos coniuges fore ». Ita in Litteris 17. Sept. 1746. ad Simonem in Hollandia Missionarium § 3. Bullar. Tom. 3. Supplem. n. III. Vid. etiam De Syn. Lib. 6. Cap. 7. — G. B. 836-840 845-852., L. 1078. seqq., Pont. l. 5.

101. *Nota:* Benedictina Declaratio ad alias provincias vel Dioeceses extendi non potest sine S. Sedis iudicio. Pius VII. Ad Vicar. Dioecese. Trevir. 23. Apr. 1817. Illa enim Declaratio facta non est, ratione *iuris*, quia ea matrimonia erant matrimonia haereticorum, et haeretici sunt a Deer. Trid. excepti; sed speciali ratione *facti*: quia nempe valde dubitabatur in illis provinciis de promulgatione Trid. Deer., et simul huiusmodi matrimonia valida censentur. Quare praedicta Declaratione nullo pacto quaestio dirimitur: utrum haereticorum matrimonia et mixta, inita sine parcho et testibus, sint valida vel invalida in locis in quibus Trid. fuit promulgatum, et in quibus, haereticis in haereticalem societatem coeuntibus, parocchiae haereticae subintrarunt in locum catholicorum. De his enim tantum quaestio esse potest: siquidem ubi haeretici simul conviunt cum catholicis, et separatam societatem non efformant, sive habeant statum civilem, propria templa et ministros, sive non, tridentina forma tenentur, et matrimonium coram catholico parcho et testibus contrahere debent, ubi Trid. Deer. viget. Cf. Enchir. Mor. N. 838. 841., G. B. 841.



102. *An excuset ab impedimento clandestinitatis impotentia ad proprium Parochum vel Episcopum recurrendi?* — R. 1.<sup>o</sup> Affirm., si illa impotentia sit communis in aliqua provincia, v. g. durante perturbatione aliqua politica et religiosa, et diuturna, i. e. saltem per unum mensem. Ratio est, quia si lex obligaret in tali casu, esset bono communi nociva, et in detrimentum societatis vergeret. Praeterea evincitur ex Declar. S. C. apud Bened. XIV. de Syn. l. 12. C. 5. n. 5., necnon ex diversis Pii VI. Decisionibus. — 2.<sup>o</sup> Negat., si impotentia casus particulares respicit, quia lex irritans non cessat ob incommodum privatum, in casu particulari, v. g. si parochus lateat, vel fugiat, ne assistat matrimonio, cui obstant parentes, cui obstat lex civilis, etc. — G. B. L. 1079.

103. *An fideles coram alio sacerdote contrahere debeant, quando nequeant recurrere ad proprium parochum?* — R. 1.<sup>o</sup> Debet potere licentiam parochi vel episcopi per litteras, si facile fieri possit, ut aliquis sacerdos ad adstendum matrimonio delegetur. — 2.<sup>o</sup> Si non possint hanc facultatem requirere vel obtinere, valide contrahere possunt coram duobus testibus etiam sine ulla sacerdotis adstantia. Ratio est, quia simplex sacerdos, itemque alius parochus, qui saltem alterius contrahentium proprius non sit, nihil ad valorem actus conferre potest. Constat etiam ex responsione S. C. 22. Apr. 1795. a Pio VI. approbata. Respondit enim, ut in iis adiunctis tantummodo benedictio a catholico aliquo sacerdote recipiatur. — G. B. 843.

104. *An coniuges, qui deficiente parochi, clandestine contraxerunt, ad benedictionem, data opportunitate, accipiendam tenentur?* — Non tenentur quidem, sed ad hoc adhortandi sunt. Sacerdotes autem coniugibus declarare debent, huiusmodi benedictionem ad matrimonii validitatem minime pertinere. Patet ex responsione Congr. in praec. quaes. memoratae, eodemque die data, et ab eodem Pontifice approbata. — G. B. 844.

105. *An liceat matrimonium contrahere cum impedimento dubio?* — Duplex distinguendum est dubium, *facti* et *iuris*. Dubium *facti* habetur, quando dubium versatur circa peculiare factum, ex quo impedimentum exurgit, e. g. dubium sit de ipso *facto* adoptionis, muneris patrini, carnalis copulae, etc. Dubium *iuris* habetur, quando dubium est impedimentum quod ex tali vel tali *facto*, aliunde certo, nascatur, e. g. constat de imperfecta adoptione, constat de munere patrini exercito in baptismo privato; sed utrum inde enascatur impedimentum, disputatur inter dd. — 2.<sup>o</sup> Sive dubium sit *iuris*, sive sit *facti*, licet matrimonium contrahere cum impedimento dubio *iuris Ecclesiastici*. Ratio est, quia si forte impedimentum reipsa adesset, Ecclesia supplere censetur defectum contractus de iure canonico irriti, sicut et iurisdictionis defectum supplet, quoties communiter Doctores tenent eam supplere iurisdictionem in Sacramento Poenitentiae, ubi communis error intercedit. Porro opinio docens Ecclesiam supplere etiam in praesenti casu de dubio impedimento generaliter ut probabilis recepta est ab innumeris doctoribus, qui ei suffragantur. La-Croix, 534., l. 901. — 3.<sup>o</sup> Si vero in dubio, *iuris* sive *facti* agatur de impedimento *iuris naturalis* et *divini*, videlicet ligaminis, cognationis, impotentiae: in primo casu dubii ligaminis, seu praeeistentis matrimonii, utrum valide fuerit contractum, utrum coniux vere mortuus fuerit, matrimonium aliud inire non licet, nisi moraliter certo constet de invaliditate prioris matrimonii, vel de eius dissolutione. Ratio est, quia pro variis casibus vel est *certain* ius quaesitum tertii, quo eum spoliare non licet propter merum dubium: vel certe res de se gravi scandalo publico est obnoxia. C. Dominus 2. De secund. nupt. In altero casu cognationis non licet item propter publicum scandalum, quia publice scandalum affert commisceri forte filiae vel sorori: vel certe periculum adest publici scandali, si deinde filiam vel sororem esse certo detegatur. In tertio casu impotentiae licet matrimonium contrahere, quia gravissimum esset propter dubium matrimonio quempiam privare, et possidet certum ius ad ipsum, nisi impotentia probetur, vel certe favet ei praesumptio, quod sit naturaliter potens.

« Deberet tamen, ait S. Alph. 1102., ante matrimonium monere coniugem de tali dubio. Ceterum, praeiis circumstantiis et experientiis, quisque praesumitur habilis etiamsi castissime vixerit ». L. 1102. 902. — 4.<sup>o</sup> Haec per se loquendo: « nam urgente gravissima causa poterit matrimonium contrahi, modo accedat declaratio Summi Pontificis, tanquam unici interpretis legis divinae ». L. 902. « Ceterum probabiliter dicunt... quod in impedimentis dubiis bene potest episcopus dispensare. Et idem dicunt communissime dd. generice loquendo de omnibus casibus sive impedimentis Pontifici reservatis, quando dubitatur an indigeant dispensatione... Ratio, quia ex una parte, licet dispensatio huiusmodi impedimentorum sit Papae reservata, tamen cum reservatio sit odiosa, stricte est interpretanda, et restringenda tantum ad casus certos... tum quia, cum in casibus, qui frequenter occurrunt, possit inferior dispensare in lege superioris, bene poterit episcopus in impedimentis dubiis dispensare, eo quod in iis frequenter contingit dubitare de indigentia dispensationis ». L. 902.

106. *An liceat coniugibus uti matrimonio, si post nuptias initas dubium de aliquo impedimento oriatur?* — R. 1.<sup>o</sup> Negat., donec facta fuerit inquisitio sufficiens de veritate. Si tamen unus tantum dubitet, quamvis non possit debitum petere, debet tamen illud reddere alteri in bona fide petenti. — 2.<sup>o</sup> Affirm., si adhibita seria diligentia ad veritatem detegendam, dubium adhuc remaneat, quia in dubio melior est conditio possidentis, in dubio standum est pro valore actus. — G. B. 790., L. 903.-908. 1102.

107. *An valeat matrimonium contractum cum impedimento putato, sed non existente?* — 1.<sup>o</sup> Si contrahens non sit omnino certus de impedimento, sed aliquo modo dubitet de illo, validum est matrimonium. Ita communiter cum La-Croix 525. Ratio est, quia contrahit saltem conditionate, nempe in quantum possum, quamvis ad conditionem illam non reflectat: ergo, non existente impedimento, consensus iam adest absolutus. — 2.<sup>o</sup> Si contrahat cum certitudine impedimenti, quod parvi pendet, ita ut statuatur vivere in concubinato, certum est, invalidum esse matrimonium. Ratio est, quia tunc voluntas contrahendi matrimonium non est praedominans. — 3.<sup>o</sup> Si contrahat quidem cum certitudine impedimenti, sed dolens de impedimento, et non audens illud aperire, ne impediatur matrimonium, vel ne infametur, aut ex inadvertentia aliqua, controversatur. Probabilius valet matrimonium ob voluntatem praedominantem illud contrahendi. Ita La-Croix. ib. Attamen ad cautelam in praxi inducendus foret ad consensum renovandum. — G. B. 791.

108. *Quid agendum si post matrimonium contractum de impedimento certo constet?* — 1.<sup>o</sup> Si impedimentum publicum sit, separatio facienda est, ad scandalum vitandum. Cf. L. 111. — 2.<sup>o</sup> Si sit occultum, et coniuges sint in bona fide, in ea sunt regulariter relinquendi, praesertim si periculum adesset separationis vel fornicationis, ratione scandali, quod ordinarie non adest. C. *Quia circa 6. De Consang.*, Bened. XIV. Not. 87., Sanch. l. 2. D. 38. — 3.<sup>o</sup> Si sit occultum, et coniuges illud non ignorant, vel petenda est statim dispensatio, et interim neque petere neque reddere possunt, C. *Consultatemi 4. De Frig.*, vel omnino separandi sunt etiam quoad cohabitationem, *officio iudicis*, si scandala secus exorirentur, C. *Porro 3. De Divort.*, nisi malint cohabitare, quasi frater et soror, C. 4. cit. *De Frig.*, remoto quovis incontinentiae periculo, quod difficultate non caret. Verum alias nuptias inire non possunt, nisi post legitimam iudicis sententiam, quae nunquam transit in rem iudicatam, Bened. XIV. C. *Dei miseratione*. — 4.<sup>o</sup> Si alteruter tantum impedimentum cognoscat, is neque petere neque reddere potest, C. *Dominus 2. De secund. nupt.*; et vel petenda statim dispensatio, vel separatio etiam quoad habitationem facienda est.

#### IV. — DE IMPEDIMENTORUM DISPENSATIONE ET MATRIMONII REVALIDATIONE

109. *An omnia impedimenta possint dispensari, et dispensentur?* — Non omnia impedimenta possunt dispensari, ut impedimenta *impotentiae, ligaminis, consanguinitatis* in primo gradu lineae rectae. Non omnia item solent dispensari, ut *affinitas* ex copula licita in primo gradu lineae rectae, *crimen publicum, votum solemne, ordo sacer, cultus disparitas*. Horum autem aliqua nunquam, aliqua nonnisi rarissima et gravissima de causa dispensantur. Non omnia vero indigent dispensatione, *raptus, clandeinitas, defectus seu ritium consensus*. Alia quae possunt et solent dispensari, ut *cognatio, honestas publica, crimen occultum, sine gravi causa* dispensari non solent. Trid. S. 24. C. 5. De R. Hinc ad *validitatem* dispensationis obtinendae requiritur, ut nulla sit *obceptio* vel *subceptio* cadens in causam *motivam*. Superior enim non censetur dispensare, nisi sub tacita conditione, si preces veritate nitantur. *Motivam*; nam si falsitas effleratur, vel veritas taceatur tantum circa causam *impulsiivam*, dispensatio valet. — L. 1118.-1120. 1129.

110. *Quoniam sint causae iustae, ut dispensetur in impedimentis dirimentibus?* — 1.<sup>a</sup> Causae aliae sunt honestae, aliae famosae ad scandala vitanda. Honestae sunt 1.<sup>a</sup> *Actus puellar*, quae, 24. aetatis annum ingressa, haecenus virum paris conditionis, cui nubere possit, non inveniit. 2.<sup>a</sup> *Defectus dotis*, si puella nullam habeat, aut non sufficientem, ut viro paris conditionis nubere possit in proprio loco, in quo commoratur. 3.<sup>a</sup> *Angustia loci*, i. e. si mulier in loco originis, vel domicili, ratione oratricis tantum, paris conditionis virum invenire non possit. 4.<sup>a</sup> *Graves inimicitiae* solandae inter consanguineos et affines. 5.<sup>a</sup> *Lites* dirimendae super rebus magni momenti ortae inter virum et mulierem, vel inter eorum parentes. 6.<sup>a</sup> *Paupertas rivalis*, quae numerosa prole sit onerata. 7.<sup>a</sup> *Praerogativa dignitatis regiae*. 8.<sup>a</sup> *Conservatio illustris familiae*. 9.<sup>a</sup> *Conservatio honorum in eadem familia*. 10.<sup>a</sup> *Excellencia mercatorum erga Ecclesiam*. 11.<sup>a</sup> *Vertutes christianae*, quae in altero viro probabiliter non invenirentur. 12.<sup>a</sup> *Largee elemosinae* in pia opera refundenda. — 2.<sup>a</sup> Causae famosae sunt: 1.<sup>a</sup> *Copula* seuta inter contrahere volentes, et legitimatio prolis. 2.<sup>a</sup> *Nisi in familiaritas*, suspecta et periculosa, nec non *cohabitatio* sub eodem tecto, quae facile impediri non potest. 3.<sup>a</sup> *Infamia mulieris*, sive ex vera sive ex falsa suspitione orta, unde mulier cogitur remanere diffamata vel innupta, vel dispari conditionis viro nubere. 4.<sup>a</sup> *Periculum matrimonii civili*. 5.<sup>a</sup> *Periculum matrimonii mixti vel coram acatholico ministro*. 6.<sup>a</sup> *Periculum incestuosi concubitus*. 7.<sup>a</sup> *Cessatio publici concubitus*. 8.<sup>a</sup> *Remoto gravium scandalorum*, ne iterum fornicentur, ne inimicitiae exardescant. 9.<sup>a</sup> *Revalidatio matrimonii*. — Bened. XIV. Resp. ad Archiep. Turon. 26. Sept. 1754. A. S. S. V. 2. p. 62., Instr. S. C. de P. F. 9. Maii 1877., L. 1129. 1130.

111. *Quoniam sint in supplici libello exprimenda ad dispensationis validitatem?* — 1. Oratorum nomina, cognomina et dioecesis, vel dioecesium, unde originem habent, vel actualis domicili. Error in nomine vel cognomine oratorum, probabilius validitati dispensationis non offit, si sit verisimilis error et de persona constet. 2.<sup>a</sup> Species impedimenti seu impedimentorum infima, eorumque numerus, si plura sint. 3.<sup>a</sup> Causa motiva dispensationis. Haec exprimenda sunt cum Dispensatio petitur a Dataria. « Quando vero petitur a S. Poenit tacentur nomina et alia, sed tantum exprimitur persona et locus, quo litterae sunt dirigendae ». L. 1146. Causa



allata debet esse vera, tum tempore quo Rescriptum Roma expeditur, tum tempore quo executioni dispensatio mandatur; nam in rescripto dicitur: *si res ita sit*, aut quid aequivalens, vel saltem subintelligitur. Suarez De Leg. l. 6. C. 20. n. 14., De Iustis l. 1. C. 6. p. 299.-301. Alii tamen cum Garcia De Benef. P. 6. C. 2. n. 283, et Pirrho Conrado Prax. Dispens. Apost. Lib. 7. Cap. 2. n. 32. censent, satis esse quod causa existat, quo tempore Delegatus Dispensationem ipsam exequitur: quia Rescripti verba, *Si vera esse repereris*, etc. sunt futuri temporis: et alioquin Pontifex dicens in Rescripto, *Certam de praemissis notitiam non habentes*, etc., negotium committere videtur secundum ea adiuncta, quae Delegatus reperiet. L. 1132. Necesse non est, ut dispensandi causa concessionem eiusdem praecedat, sed sufficit, quod per ipsam dispensationem, huiusque modum causa ipsa consummetur. « Nam quando datur dispensatio sine causa, imponitur aliqua satisfactio vel multa in pium opus vel in aliam utilitatem Ecclesiae communem: per quod opus consurgit causa dispensationis, quae tunc fit per modum commutationis, sicut etiam in concessionem Indulgentiarum fieri diximus ». Suarez De Leg. l. 6 C. 18. n. 26., L. 1130. 4.<sup>o</sup> Cetera, quae *ex iure*, vel consuetudine, aut *ex stylo Curiae* exponenda sunt, ne petitio sit subreptitia. — Pius VII. C. *Expositum nobis* 18. Jun. 1816., Bened. XIV. C. *Magnae nobis*, Sanch. l. 8. D. 21., Reiffenst. l. 4. t. 21. App. n. 210. seqq., L. 1131.

112. *Resolves*: 1.<sup>o</sup> Exprimendum non est unum impedimentum pro alio, quamvis maius, v. g. consanguinitas pro affinitate. — 2.<sup>o</sup> In *roto* exprimendum est, utrum sit perpetuae castitatis, vel non nubendi, vel intrandi in religionem. — In *crimine*, utrum sit adulterium, an homicidium, an utrumque simul. Itemque in adulterio, an adfuerit matrimonium de facto initum, vivente adhuc alterius coniuge, siquidem longe difficilius dispensari solet. — 3.<sup>o</sup> In *publica honestate*, si sit in primo gradu, an ex matrimonio, an ex sponsalibus. Sive autem ex matrimonio sive ex sponsalibus sit, exprimenda est *linea*, et si ex matrimonio *gradus*, utrum nempe sponsalia inita sint cum matre desponsatae, an cum sorore; etenim cum illa initis difficilior conceditur dispensatio. In gradu vero inaequali sufficit exprimere remotiorem, C. *Vir*. ult. *De Consang.* Addendum praeterea est priora sponsalia *soluta fuisse*; nam alias dispensatio a Dataria non datur; a S. Poenitent. vero datur, sed sub conditione *dummodo priora sponsalia nuptio consensu fuerint resoluta*. — 4.<sup>o</sup> In *Cognitione legali* necessarium est exprimere tantum lineam et gradum. — 5.<sup>o</sup> In *Cognitione spirituali*, exprimendum utram sit paternitas seu maternitas, an fraternitas; et, tutius, utrum ex baptismo an ex confirmatione. — 6.<sup>o</sup> In *Cognitione naturali* exprimendum 1.<sup>o</sup> est utrum sit consanguinitas, an affinitas, et si affinitas utrum ex copula licita vel illicita, si intra secundum gradum contineatur. 2.<sup>o</sup> Exprimenda est *linea et gradus*, et si vicinior pro remotiore expositus fuerit dispensatio valet. Si cognatio non sit *simplex* sed *mixta* ex consanguinitate et affinitate, hoc etiam exprimendum erit; ac si gradus sint inaequales uterque exprimendus est tum in consanguinitate, tum, verius, in affinitate, licet si propinquior sit primus dispensatio non valet. Itemque si cognatio sit *multiplex*, id etiam ad validitatem exprimendum est. S. Pius V. C. *Sancto vias* 26. Aug. 1566., Bened. XIV. C. *Etsi matrimonialis* 27. Sept. 1755, Cf. Sanch. l. 8. D. 24. n. 12. « Praeterea recte advertit Tourn. quod in gradu *nupto* exprimi debet sexus, qui est in primo gradu, quia difficilior conceditur, ut nepos ducat amitam, quam patruus ducat neptem; maior enim perversio est ordinis ut nepos constituatur suae amitae caput ». L. 1136. Neque vero ad validitatem exprimenda est « copula incestuosa vel consumm et intentio per eam facilis dispensationem impetrandi, .... super quibuscumque gradibus prohibitis consanguinitatis, affinitatis, cognitionis spiritualis, nec non publicae honestatis ». Leo XIII. 25. Jun. 1885. Litt. Circ. S. O. Neque item est necessarium dicere in petitione, quoties copula habita sit cum consanguinea sponsae; quia ex variis copulis exurgit unica affinitas; debet tamen exprimi copula habita cum

variis consanguineis sponsae; quia ex iis tot diversae affinitates contrahuntur: et licet haec impedimenta non sint specie diversa, sunt tamen numero distincta. Manifestum est ex Declaratione Bened. XIV. S. Lig. n. 1138. — 7.<sup>o</sup> Si quis duplici laboret impedimento exponere debet simul in libello supplicii utrumque impedimentum, si disparata non sint sed plura numero in eadem specie vel diversa specie infima, inter se affinia, e. g. duplex consanguinitas, tam ex parte patris quam ex parte matris, duplex affinitas, consanguinitas et affinitas, votum castitatis et ingrediendi Religionem. Ac si unum sit publicum, alterum occultum, dispensatio prioris a S. Dataria petenda est, utriusque vero simul dispensatio a S. Poenitentiaria est deinde impetranda: siquidem prior dispensatio subreptionem continet, adeoque revalidanda. Bened. XIV. C. *Pastor bonus* § 41. Suarez De Leg. l. 6. C. 24., L. 1139. — 8.<sup>o</sup> Si aliam dispensationem quis antea impetraverit, eaque usus fuerit, debet illius mentionem facere, quum agitur vel de eodem castitatis *roto*, quia posterior dispensatio est quasi extensio prioris, vel *eodem crimine*, quia remissionem veniae crimina, nisi semel commissa, non habent. Suarez De Leg. l. 6. C. 23., Sanch. l. 8. D. 22. n. 2. 20. Itemque manifestandum est, si vir *rapuit* mulierem, quamvis raptum iam purgaverit. Reg. 49. Cane. Apost. De Iustis l. 2. C. 18. n. 30. seqq. — 9.<sup>o</sup> Si dispensatio concedenda sit ad ineundum matrimonium propter illicitum commercium, exprimendum est, an ab uno vel utroque *sub spe* dispensationis facilius obtinendae commercium illud habitum sit. Si dispensatio concedenda sit *post initum matrimonium*, exprimendum est, utrum *scienter*, et mala fide saltem unius partis, fuerit contractum matrimonium nullum, utrum clandestine, et utrum deinde fuerit consummatum: utrum e contrario contractum fuerit *ignoranter*, et bona fide saltem unius partis, utrum neglectis denunciationibus, et fuerit deinde iterum consummatum post cognitam nullitatem: utrum haec facta fuerint *sub spe* facilius dispensationem obtinendi. Trid. S. 24. C. 5. De R. M., Paul. IV. C. *Ab ea ipsa die*, Clem. un. *De Consang.*, S. C. de P. F. 9. Maii 1877., Cf. Sanch. l. 8. D. 25. n. 21., l. 3. D. 42. n. 7., Schmalzgr. l. 4. t. 3. n. 85. — 10.<sup>o</sup> Si revalidatio petatur dispensationis nullae ob occultum subreptionis vitium in gradibus 2.<sup>o</sup> et 2.<sup>o</sup>, vel 2.<sup>o</sup> et 1.<sup>o</sup>, exprimendum erit utrum dispensatio expedita fuerit *in forma pauperum*. Bened. XIV. C. *Pastor bonus* § 41. — L. 1131. seqq.

113. *Nota*: 1.<sup>o</sup> In casu dubiae dispensationis, valida censenda est: quia in dubio standum est pro valore actus. L. 1133. — 2.<sup>o</sup> Cessante causa motiva dispensationis, e. g. si mortua fuerit proles legitimanda, antequam dispensatio expediatur, aut fiat ab Episcopo vel ab alio, cui a Pontifice commissa fuerit, dispensatio invalida est. L. 1132. — 3.<sup>o</sup> Si causa motiva cesset, dispensatione iam expedita et a delegato supplicantibus communicata, valet dispensatio, etiamsi ea causa cesset ante matrimonii celebrationem, quia per dispensationem iam impedimentum sublatum est. L. ib.

114. *An, qui obtenta dispensatione ab impedimento affinitatis ex copula illicita, r. g., cum consanguinea sponsae, iterum cum eadem ante matrimonium peccat, nova indigeat dispensatione?* — Resp. 1.<sup>o</sup> Negat., si dispensatio nondum fuerit *erecutioni* mandata a delegato: quia tales dispensationes non sortiuntur effectum a die *expeditionis*, sed a tempore *erecutionis*. — 2.<sup>o</sup> Imo negat. etiam, licet dispensatio *erecutioni* mandata fuerit. Ratio est, quia impedimentum affinitatis iam sublatum est per dispensationem quoad effectum contrahendi matrimonium. — 3.<sup>o</sup> Si autem, contracto matrimonio, rursus peccaverit cum eadem consanguinea uxoris, privatur iure petendi debitum, quia dispensatio iuxta stylum Curiae concessa fuit ad effectum *contrahendi matrimonium*, non vero ad liberius peccandum. — 4.<sup>o</sup> Indigeret vero nova dispensatione, si peccaret cum alia sponsae consanguinea ante matrimonium, etiam post expeditam dispensationem, quia nova affinitas contraheretur. — G. B. 871., L. 1140.

115. *A quoniam impedimentorum dirimentium dispensatio petenda sit?* — A solo Romano Pontifice per se petenda est: siquidem ad eum solum proprie pertinet haec facultas. Dispensat S. Pontifex per *S. Datariam* potissimum quoad forum externum, adeoque ab impedimentis natura sua publicis, e. g. consanguinitatis, affinitatis ex matrimonio, cognationis spiritualis, etc. Dispensat autem per *S. Poenitentiarium* in foro interno, et in impedimentis occultis quoad matrimonia ineunda et inita, itemque etiam quoad forum externum, in impedimentis publicis, ex quavis rationali causa quoad pauperes. Dispensat tandem per *S. Officium* in impedimentis ex publico delicto, et per *S. C. De Prop. Fid.* pro locis eidem Congr. subiectis. — Innoc. XII. *C. Romanus Pontifex* 3. Apr. 1692., Bened. XIV. *C. Pastor bonus* 13. Apr. 1744., A. S. S. V. 7. p. 423. seqq., L. 1118. 1144.

116. *Nota:* S. Dataria dispensat vel *in forma communi*, exigendo nempe constitutam taxam, quae *componenda* solet appellari, quia ex variis impedimentis et oratoribus varie definitur; vel *in forma pauperum*, cum nempe gratis dispensat. S. Poenitentiaria vero nunc dispensat modica tantum taxa imposita, nunc gratis omnino. Ut adiri possit S. Poenitentiaria necesse est ut uterque sponsus sit *pauper*, cui nempe *in praesens* tot *reditus*, deductis oneribus *quibuscumque*, non supersunt, quibus decenter pro sua conditione alii possit. Ex Declaratione a Rectoribus Apostolicae Datariae a. 1841. data, illi reputandi sunt *pauperes*, quorum fortuna valorem 5,000. libell. non excedit: illi vero quorum fortuna 10,000. libell. valorem non excedit *ferre pauperes* dicuntur. G. B. 879. Ut vero dispensatio obtineatur gratis omnino sive a S. Poenitentiaria, sive a Dataria *in forma pauperum*, necesse est, ut uterque sponsus sit *miserabilis*, qui nempe *ex sua industria et labore tantum vivat*. Et haec Ordinarii testimonio constare debent. Instr. Urbani VIII. 6. Oct. 1671., Reiffenst. I. 4. t. 21. App. n. 398. 402., Schmalzgr. t. 16. n. 232. seqq., A. S. S. V. 1. p. 446.

117. *An valeat dispensatio in forma pauperum, cum oratores pauperes non sint?* — Illicita sane est, et graviter, ut per se patet: valida tamen, si a S. Dataria obtineatur, quia cum paupertas dispensationis causa motiva non sit, ea neque obreptionis neque subreptionis vitio laborat. Si vero obtineatur a S. Poenitentiaria controversa res est, eaque S. C. C. pluries proposita, nondum est definita. Alii affirmant, quia S. Poenitentiaria dispensat loco S. Datariae, ad quam huiusmodi dispensationes proprie pertinent. Alii negant, quia S. Poenitentiaria dispensat ex peculiari facultate a S. Pontifice concessa dispensandi in foro externo in omnibus casibus, in quibus — concurrat vera oratorum paupertas per authenticam Ordinarii attestationem comprobandam. Ergo non habet certo intentionem dispensandi ultra acceptum mandatum. A. S. S. V. 7. p. 423., L. H. A. 87.

118. *An etiam ab Episcopo, saltem aliquando, peti possit dispensatio impedimentorum?* — 1.<sup>o</sup> Peti potest ab episcopo, si hanc habeat facultatem ex speciali indulto et delegatione Romani Pontificis. Et tunc episcopus limites mandati excedere non potest, secus invalide agit. S. C. C. 26. Apr. 1873. A. S. S. V. 7. p. 297. An autem si sponsi sint diversae dioecesis, dispensatio obtinenda sit ab utroque episcopo, si uterque ex indulto speciali facultate dispensandi gaudeat? Controvertitur. Alii affirmant, et hanc opinionem probabilem dicit S. Lig. 1142., quia si unus sponsorum habilis fit ad contrahendum cum altero, iste saltem indirecte habilis quoque fit ad contrahendum cum illo: Alii negant, quia episcopus unius iurisdictionem non habet in subditum alterius: et huius opinioni favet S. C. de P. F. 21. Jun. 1828., tanquam in praxi *factum*. — 2.<sup>o</sup> Peti item potest ab episcopo in impedimentis occultis, urgentissimo necessitatis casu, quae moram non patiatur adeundi Romanum Pontificem, vel eius delegatum, neque per epistolam, sive in matrimoniis contrahendis, si celebratio matrimonii differri non possit sine gravi periculo infamiae et scandalii, Cir. n. 36., sive in matrimoniis contractis, si vel separatio sine gravi damno fieri non possit, vel dispensatio differri non possit sine



periculo incontinentiae, dummodo matrimonium initum fuerit *non scienter*, i. e. in seio impedimenti uno saltem ex sponsis, neque *spretis* publicationibus. C. *Ubi* 2. *De Spons. impub.* Trid. S. 24. C. 5. De R. M., L. 611. 612. 1121. seqq., Sanch. l. 2. D. 40. De iust. l. 2. C. 2. n. 182. seqq., Reiffenst. l. 4. t. 21. App. n. 65. 509. — 3.<sup>o</sup> Peti etiam potest dispensatio ab episcopo, in impedimentis dubiis, in quibus quamvis tunc non sit necessaria: quia lex dubia non obligat; attamen dispensatio impedimentum, si revera sit, tollit. Quare si deinde appareat vere impedimentum, nova opus non est dispensatione: secus dispensatio nihil prorsus ageret. G. B. 863. — Bened. XIV. De Syn. l. 9. C. 2., Corrad. l. 8. C. 4. n. 34. seqq., L. 1103. 1121.-1125. 1129.

119. *Quomodo sit expedienda dispensatio?* — 1.<sup>o</sup> Dispensatio concedi solet *in forma commissaria*, nempe non dispensatur sed committitur potestas dispensandi *proprio oratorum Ordinario*, in foro externo, seu *Ordinario sponsae*, si non sint eiusdem dioecesis: doctori vero in theologia, vel in iure canonico, vel confessario ab episcopo approbato pro foro interno. — 2.<sup>o</sup> Ex variis clausulis, quae in apostolico Rescripto continentur, aliae continent veras *conditiones* ad validitatem dispensationis spectantes, aliae continent tantum praecepta et monitiones ad licitatem tantum dispensationis pertinentes. — 3.<sup>o</sup> Quoad dispensationem *S. Poenitentiariae*, fiat post absolutionem his verbis, aut similibus: *Auctoritate apostolica dispenso tecum super impedimento N., quod incurristi, ut matrimonium iure* (vel initum perficere) *valeas et legitimam reddo prolem susceptam* (vel suscipiendam). *In nomine Patris*, etc. Si vero dispensatio sit a voto castitatis, dicitur: *Insuper tibi votum castitatis, quod emisisti, ut valeas matrimonium contrahere, et illo uti, in opera, quae tibi praescripsi, dispensando commuto. In nomine*, etc. Nulla formula sub poena nullitatis, imo nec sub praecepto praescribitur: nulla enim in Rit. Romano habetur. Si confessarius prolem legitime omisisset, hanc omissionem reparare posset: tunc enim causam sibi commissam et nondum absolutam continuaret. Si impedimentum sit utrique contrahenti notum et commune, uterque a respectivo confessario dispensandus est. Constat ex Respons. S. Poenitent. 15. Nov. 1748. Idem Rescriptum duobus confessariis inservire potest, et dilacerandum est ab eo, qui posterius cum suo poenitente illud exequitur. Si vero impedimentum uni tantum notum sit, unica executio requiritur. — 4.<sup>o</sup> Quoad dispensationem *Datariae* 1.<sup>o</sup> Delegatus ad dispensandum debet inquirere de veritate causarum, ut in rescripto habetur: probabilius tamen haec informatio ad validitatem non requiritur. 2.<sup>o</sup> Debet declarare coram partibus et testibus, tolli impedimentum matrimonii, et iubere ut attestatio huius dispensationis scribatur in registris dioecesis. 3.<sup>o</sup> Debet transmittere rescriptum Datariae ad parochum alterutrius partis cum licentia ut matrimonio assistere possit. 5.<sup>o</sup> Expedit omnino dispensationem dare expressis verbis, *Dispensamus*, in scriptis, et auctoritate apostolica. Dari autem potest, etsi interim Rom. Pont. mortem obierit, quia est *gratia facta*. Si data fuerit, et sponsi, mutato consilio, aliud interierint matrimonium, vidui facti, adhuc ea uti possunt. — 6. Dispensatio a Dataria semper per episcopum petenda est. Dispensatio autem a Poenitentiaria immediate ab oratore, vel ab alio eius loco, peti potest. Securius tamen et facilius ista quoque mediante episcopo et tacito nomine oratoris postulatur. Nulla est determinata formula necessario adhibenda. — G. B. 850. 884., De iustis l. 1. C. 6., L. 1. n. 197. in fin. 1131. 1146.

120. *Quanam sint praeceptae clausulae, quae in dispensationibus apponi soleant?* — Sunt sequentes: 1.<sup>o</sup> *Si ita sit, si preces veritate nitantur*. Haec ad ea tantum pertinet, quae dispensationem subreptitiam vel obreptitiam redderent. Fides autem, quoad confessarium, poenitenti adhibenda est, nisi certe sciat oppositum ex notitia extra confessionem. — 2.<sup>o</sup> *Audita prius sacramentali confessione*, idque requiritur ad valide dispensandum, licet poenitens alteri iam fuerit antea confessus. Sufficit unum tantum ex sponsis confessum fuisse, quia non debet alteri per alterum iniqua conditio

inferri, De Reg. Iur. in 6.<sup>o</sup> — 3.<sup>o</sup> *Sublata prius occasione peccandi*, nempe proxima, et voluntaria; si vero sit necessaria, sufficit ut animo auferatur, reddendo illam ex proxima remotam per debita media. — 4.<sup>o</sup> *Dummodo impedimentum sit occultum*, nempe si notum sit in oppido quinque vel sex solis personis, in civitate septem vel octo tantum, et ex circumstantiis prudenter coniciatur illud non fore divulgandum. — 5.<sup>o</sup> *Iniuncta poenitentia*, iuxta conditionem nempe ac vires poenitentis. Cfr. De Iustis l. 1. C. 7. n. 137. seqq., Riffenst. l. 4. t. 21. n. 409. — 6.<sup>o</sup> *Certiorata parte de nullitate prioris matrimonii*: ita tamen, ut oratoris delictum non sit manifestandum. Duo autem importat haec clausula, nempe 1.<sup>o</sup> ut altera pars consensum renovet; 2.<sup>o</sup> ut fiat consequenter certior de prioris consensus nullitate. Varii autem traduntur modi. Hi sunt praecepti a variis auctoritatibus assignati: 1.<sup>o</sup> Si coniux simpliciter dicat: *Nullum est matrimonium nostrum propter aliquod impedimentum*, vel: *Dixit mihi confessarius nullum esse...* ideoque renoventus consensus. 2.<sup>o</sup> Si dicat coniux: *Non habui verum consensum, quando matrimonium contraxi; novum nunc praestare volo, vis et tu praestare?* Hic modus communiter admittitur ab auctoritatibus, et recte adhiberi potest sine mendacio, cum consensus nullus non sit *verus consensus*; et aliunde coniux ignarus impedimenti satis sic cognoscit matrimonii nullitatem. 3.<sup>o</sup> Si dicat: *Angor scrupulis de valore nostri matrimonii, ideoque renovemus consensum*. Admitti potest hic modus iuxta communiori sententiam cum S. Lig. 1117. Sufficit enim, ut altera pars ponat consensum a priori independentem; ad hoc autem satis est, ut dubitet prudenter de valore primi matrimonii. — 4.<sup>o</sup> Exhibentur etiamarii alii modi a pluribus Theologis; v. g., si coniux comparti dicat: *Dic, quaeso, si nullum esset nostrum matrimonium, nonne iterum contrahere velles? Vel: Si non mihi nupsisses, nonne nunc nubere velles?* etc. Sed merito isti modi rejiciuntur: quia sic incertum est, num altera pars intendat consensum iterare in praecedens matrimonium, an vero in novum consentire. L. 1117. — 7.<sup>o</sup> *Praesentibus laceratis, sub poena excommunicationis latae sententiae*. Haec laceratio statim facienda est, sed intellige moraliter, nempe saltem infra triduum post dispensationem executam. Si autem in litteris non sit apposita clausula lacerationis, prout non apponitur quando matrimonium nondum est contractum, tunc non est obligatio eas lacerandi, sed huiusmodi dispensatio debet a parochio caute annotari in libro qui non possit a quopiam alio aspicui, quo ipse scilicet, ubi opus fuerit, fidem facere de dispensatione impetrata possit. — L. 1143., Schmalzgr. l. 4. t. 16. n. 242. seqq.

121. *Quid sit Matrimonii revalidatio*. — Est illud ex invalido ob essentialium defectum, validum reddere, praedictum defectum auferendum. Hic autem defectus provenire potest ex consensu, ex forma, ex personarum inhabilitate ad contrahendum.

122. *De revalidatione ob defectum consensus*. — Consensus tandiu habitualiter, et hic virtualiter etiam, permanet, quamdiu semel rite positus, non fuerit revocatus. Quare 1.<sup>o</sup> si unus e contrahentibus consensum non praestitit, illum praestare omnino debet, etiam altera parte inscia, et hoc tantum sufficit; secus enim nunquam habebitur matrimonium, neque alia vi et modo consensus suppleri potest. Neque vero ad matrimonii validitatem aliud per se in casu desideratur. Scire tamen debet ille, qui consensum renovat, priorem consensum fuisse nullum, et nullum matrimonium, quia secus reapse non consentit, cum nihil volitum quin praecognitum. Et sic omnino praestandus est consensus, si nunquam adfuit, vel nonnisi simulatus, erroneus, coactus, postquam error et metus cessaverit. Id valet si defectus sit occultus, licet parochus et testes conscii fuerint impedimenti. Ratio est, quia assistentia parochi et testium requiritur tantum, ut impediatur ne coniuges aliud contrahant matrimonium, non ut testentur matrimonii validitatem. Si vero defectus fuerit publicus, matrimonium tunc iterum coram parochio et testibus est contrahendum, ubi Trid. viget, secus



ubi non viget. A. S. S. V. 11. p. 346. seq. Neque autem necessarium per se est, ut etiam alter contrahens consensum renovet. L. 1114. — 2.<sup>o</sup> Si defuit utriusque contrahentis consensus necesse est, ut uterque consentiat. An autem necesse sit consensum *mutuo* ponere, vel sufficiat ut *seorsim* ponatur? Controvertitur; alii tenent sufficere si *seorsim* ponatur, quia semel posito unius consensu, huic alterius consensus accedere potest, alii *mutuo* aiunt ponendum, quia secus deficit contractus. «Certum est, ait S. Alph. 1114., quod in contractu matrimonii non requiritur simultas physica consensuum sponsorum, sed sufficit moralis, nempe si consensus unius moraliter perseverat, dum ponitur consensus alterius». Ac renovandus quidem iterum est coram parochio et testibus, si praedictus defectus fuerit publicus, secus vero si occultus, ut in praecedenti casu. — 4.<sup>o</sup> Verum, si defectus in utroque casu praecedenti licet occultus, talis est ut in foro externo sit dispensandus, et probari possit, necesse omnino est matrimonium secreto coram parochio et testibus revalidari, secus enim, si impedimentum forte manifestum fiet, coniuges divorcium possent instituere. — C. *Insuper* 4. *Qui matrim. accusa.*, C. *Proposuit* 1. *De eo qui dux.*, C. *Ad id* 21. *De Sponsal.*, G. B. 890. 891., Saneh. 1. 2. D. 32., L. 1109.-1114., S. Th. S. q. 47. a. 4. ad 2.

123. *De revalidatione ob defectum formae.* — 1.<sup>o</sup> Certum est matrimonium invalidum ratione clandestinitatis ineundum esse coram parochio et testibus secundum legem Trid., a qua raro dispensatur. — 2.<sup>o</sup> Si ambo coniuges non renuant se sistere coram parochio et testibus matrimonium *publice* vel *occulte* contrahendum est, prout eius nullitas publica vel occulta sit. Ratio, quia in primo casu scandalum est auferendum, in altero praecavendum, et integra servanda sponsorum fama. — 3.<sup>o</sup> Si una pars vel utraque renuat ad Ecclesiam pergere coniungendi sunt in sua ipsorum domo vel alio loco ab ipsis electo, dummodo adsint testes graves, quorum ope revalidatio huius matrimonii fieri possit publica, si hoc ad tollendum scandalum sit necessarium, scilicet si invaliditas prioris coniunctionis sit notoria. — 4.<sup>o</sup> Si unus renuat contrahere coram parochio, et renuentia oriatur ex ignorantia vel aliquo errore contra leges aut doctrinam Ecclesiae circa impedimenta matrimonium irritantia, renuens debita cum prudentia et in caritate instruat. Et quatenus adhuc renuat matrimonium suum in facie Ecclesiae convalidare, tunc satagendum est, ut specialem procuratorem constituat, qui eius nomine matrimonium contrahat de more; aut saltem, expresso consensu de praesenti per epistolam directam proprio parochio vel alteri sacerdoti Ordinarii aut parochi licentiam habenti, matrimonium renovetur. — 5.<sup>o</sup> Si pars indisposita ne per procuratorem quidem velit contrahere, ad dispensationem in radice matrimonii, seu ad matrimonii sanationem in radice deveniri potest, ita ut saltem innocentis partis animae salutem, prolis legitimitati et familiarum tranquillitati omnino consultum sit, et quamprimum etiam renuentis animae salutem provideri possit. — Instr. Card. Caprara Legati *a latere* in Galliis, G. B. 892. seqq.

124. *De revalidatione ob defectum inhabilitatis personae.* — 1.<sup>o</sup> Si matrimonium revalidandum sit ob personae inhabilitatem ratione alicuius impedimenti dirimentis, quod dispensetur, dispensatio sane ab eodem impedimento petenda est. — 2.<sup>o</sup> Si uterque coniux sit conscius impedimenti, uterque tenetur consensum renovare, obtenta dispensatione ad matrimonium revalidandum. Ratio est, quia scientia nullitatis matrimonii ob notum impedimentum dirimens necessario verum consensum in praecedenti matrimonii contractu excluserat. — 3.<sup>o</sup> Si una tantum pars impedimentum cognoverit, illa certo tenetur consensum suum renovare, saltem sola *seorsim*. Sequitur ex modo dictis. — 4.<sup>o</sup> Pars ignara impedimenti non deberet necessario renovare consensum ad matrimonii validitatem, si impedimentum alteram tantum partem respiceret. Ratio est, quia consensus illius fuit ab initio validus, et proinde perseverat: ergo sufficeret renovatio consensus partis inhabilis. Hinc si fidelis duxisset non baptizatam, quae ignorat impedimentum,



sufficeret, ut cessante infidelitate vel obtenta dispensatione, fidelis renovaret consensum: quia consensus infidelis fuit validus, cum Ecclesia non potuerit ei imprimere inhabilitatem personalem. L. 1114., S. Th. S. q. 47. a. 4. ad 2. — 5.<sup>a</sup> An autem renovandus sit consensus etiam a parte ignara impedimenti, cum hoc utrumque attingat? Duplex datur sententia: 1.<sup>a</sup> sententia affirmat. Ratio est, 1.<sup>o</sup> quia impedimentum tollit efficaciam consensus a principio: ergo remanet inefficax, et proinde nullum effectum producere potest, cum perseveret eodem modo, quo datus est: dispensatio autem simplex non sanat vitium, quod praecessit, sed partes reddit solummodo capaces ad consentiendum in posterum: 2.<sup>a</sup> sententia negat. Ratio est, quia prior consensus, licet effectu suo caruerit ob impedimentum a iure positivo appositum, tamen de iure naturae fuit validus, cum fuerit praestitus erga personam de iure naturae habilem ad contrahendum: ergo sublato impedimento, sufficit prior consensus, qui virtualiter in effectu per copulam conjugalem, cohabitationem, aut per alia signa externa perseverat. Ergo accedente consensu interno conjugis consensu impedimenti, expresso saltem per similia signa externa, utriusque consensus unitur et matrimonium convalidatur. — Verum *practice* consensus renovandus omnino est propter clausulam, quae in dispensatione continetur: *altera parte de nullitate prioris consensus certiorata*, quae clausula non *monitionem*, sed probabilius *conditionem* continet. L. 1115. Cf. 1116. 1117. 895. 1145. — 6.<sup>o</sup> Consensus autem renovandus est coram parcho et testibus, si impedimentum sit publicum; minime vero si sit occultum. Ratio est, quia in primo casu non posset secus matrimonium probari coram Ecclesia: in altero vero locum praeberet scandalis et partium diffamationi: et constat etiam ex praxi constanti S. Poenitentariae. — 7.<sup>o</sup> Si periculum sit, ne alter nullitatem matrimonii cognoscens consensum nolit renovari: vel, si uterque coniux impedimentum ignoret, idem adsit periculum, vel alia essent gravia diffamationis incommoda, tunc adeunda est Apostolica Sedes, ut a praedicta conditione renovationis consensus dispenset, et dispensationem concedat, quae dicitur *in radice*; siquidem assurgens usque ad originem, seu radicem matrimonii, et personam reddit habilem ad contrahendum, et sanat ipsum vitium consensus initio praestiti; adeoque matrimonium incipit *ex nunc* esse validum; et matrimonium ipsum praeterea sanat *quoad effectus*, et quoad legitimisationem prolis, *ex tunc*, i. e. quasi *ab initio* fuisset validum. Scilicet relaxat in tali casu illam conditionem renovandi consensum, qua sublata, et sublata etiam personae inhabilitate per dispensationem, ille consensus, naturali iure validus, suam exerit moralem vim, et matrimonium perficitur. Verum, uti patet, opus est, ut consensus in matrimonium vere adfuerit et perseveret, et matrimonium vere contractum fuerit, et bona fine utriusque vel saltem ex una parte, et speciem matrimonii habuerit et adhuc refineat. Quare haec dispensatio, ut patet, applicatur alterutra parte vel utraque etiam parte illius ignara. L. 1115. Dispensatio *in radice* exequenda est eodem modo, ac dispensatio simplex, addendo in formula verba *in radice*. Sic e. gr.: « Ego, auctoritate apostolica mihi concessa, matrimonium a te contractum cum N., in radice eius sano et consolido, prolemque susceptam et suscipiendam legitimam declaro, in nomine Patris, et Filii, et Spiritus Sancti ». Sed nulla formula in *Rit. Rom.* habetur. — Sanch. D. 2. S. 35. Bened. XIV. C. *Etsi*, Not. 68. 80. 87., De Syn. l. 13. C. 21. G. B. 895. seqq., L. 1109. seqq.

## V. — DE USU MATRIMONII

125. *An licitus et debitus sit Matrimonii usus?* — R. Affirm. Idque de fide est ex I. Cor. 7., 3. *Uxor vir debitum reddat; similiter autem et uxor viro*. Ratio patet ex ipsa natura contractus matrimonii, quam ipse Apostolus deinde exprimit I. e. L. 900. *Debitus*, i. e. invicem debitus. Cf. S. Th.

S. q. 44. a. 5. C., si nempe saltem tacite petatur, quia non tenentur *per se* necessario uti iure suo: sed tantum aliquando per accidens, v. g. ad avertendum periculum incontinentiae imminens coniugi. L. 938. *Inhibitus*, adeoque post biennale, et si compars ius petendi non amiserit per adulterium, vel per incestum.

125.<sup>bis</sup>. *Resolves*: 1.<sup>o</sup> Tenentur coniuges ad cohabitationem, nec potest unus diutius abesse sine alterius consensu, aut sine necessitate: haec quippe obligatio sequitur ex ipsa obligatione debitum reddendi. Causae autem iustae abeundi ad longum tempus sunt bonum publicum, familia alenda vel tuenda, damnum ab inimicis vitandum, etc. Debet autem vir, qui alibi diu manere debet, uxorem eo ducere, si commode possit, ut secum cohabitaret. Cf. S. Th. S. q. 64. a. 6. ad 1. — 2.<sup>o</sup> Graviter peccat coniux negans debitum, quatenus est periculum incontinentiae, vel gravis molestiae in altera parte. Item si neget alteri *serio* petenti. Secus autem, si compars benevole remittat, aut remisse petat, aut immoderate, v. g. post tertiam vel quartam vicem eadem n. etc.: nec si differat ad breve tempus, nempe ad noctem, vel si a nocte differat ad tempus matutinum, secluso tamen semper incontinentiae periculo. — 3.<sup>o</sup> Peccat item graviter vir vel mulier, si se impotentem reddat, etiam mediis alias licitis, invita comparte. Cf. S. Th. S. q. 64. a. 1. ad 3. a. 6. ad 4. — 4.<sup>o</sup> Possunt quidem coniuges ex gravi causa aliquid facere, ex quo per accidens sequatur effusio seminis; peccant tamen, si in usu matrimonii faciant aliquid, quo impediatur generatio, aut semen conceptum reiciatur. — 5.<sup>o</sup> « Certum est esse illicitum habere copulam propter *solum* voluptatem, ut patet ex pr. 9. d. ab Innoc. XI... Commune tamen est apud omnes, id non esse mortale, sed tamen veniale peccatum... Nullum autem erit peccatum, si coniux principaliter intendat procreationem prolis et utatur voluptate, eam moderate intendens, ut se excitet ad copulam: sicut pariter minime peccat, qui intendit moderatam delectationem in comedendo, ad praestandum corporis conveniens alimentum ». L. 912. 938. 940. 942. 954., G. B. 908. 916.

126. « *An liceat coniugibus copulari, si ob senectutem, vel aliam dispositionem plerumque acculat, quod semen extra vas effundatur?* — Affirmant probabiliter Bossius, etc. modo adsit spes probabilis seminandi intra vas, quia semper ac adest talis spes, ius habent ad copulam, et si semen effunditur, hoc per accidens evenit ». 954.

127. *An licitus sit sterilibus usus matrimonii?* — R. Affirm., tum quia nulla adest positiva lex id prohibens, tum quia steriles per se idonei sunt ad actum conjugalem perficiendum. Si autem nulla ex eo sequitur generatio, hoc per accidens est, et a natura est, omnino independens ab eo actu rite perfecto, prout a coniugibus est. Alii praeterea adsunt etiam, honesti actus conjugalis fines praeter generationem. G. B. 908.

128. « *An aliquando vir teneatur petere?* — *Per se* loquendo, non tenetur petere: tenetur vero per accidens, nimirum si uxor tacite exigat, puta si ostendat aliquod indicium, quo tacitam petitionem significet: quia in mulieribus, ob innatam etiam verecundiam, talia signa habentur pro vera petitione. Ita communiter... ex D. Th. S. q. 64. a. 5. ad 2. E converso recte dicit Sanchez, etc., ex eodem D. Th. 4. D. 32. q. un. a. 3. ad 2. non teneri mulierem reddere viro, nisi hic expresse petat: cum enim non pudeat viros expresse exigere, bene possunt uxores praesumere, quod viri expresse petentes nolint ipsas obligare ad petendum ». L. 928. Id sane valet item *per se* et ordinarie loquendo. L. ib., S. Th. S. q. 64. a. 5. ad 2., a. 6. ad 3.

129. « *An uxor teneatur aliquando petere debitum?* — Certum est 1. ordinarie non teneri... quia hoc est mulieribus notabiliter inverecundum. — Certum est 2.<sup>o</sup> in periculo incontinentiae, quod cum alter coniux est in periculo incontinentiae tam vir quam uxor tenetur petere ad liberandum alterum a periculo... — 3.<sup>o</sup> Sed dubium fit, an teneatur uxor tunc petere ex caritate vel ex iustitia? 1.<sup>a</sup> Sententia... dicit teneri ex iustitia. Ratio... tunc po-

tius est redditio quam petitio debiti... Et huic sententiae videtur adhaerere D. Th. S. q. 49. a. 5. ad 2... 2.<sup>a</sup> Sententia, quae videtur probabilior... dicit tenei tantum ex caritate. Ratio, quia ubi nulla est petitio alterius coniugis expressa vel tacita, nulla adest obligatio iustitiae ad reddendum... Ideo a D. Th. huiusmodi petitio non dicitur absolute redditio, sed *quaedam redditio debiti*... Ex hac sententia infertur, quod coniux, cum non teneatur ex iustitia, sed tantum ex caritate eo casu ad petendum, non tenetur petere cum magno incommodo: hinc probabiliter tunc excusatur uxor a petendo, si in hoc magnam verecundiam subire deberet ». L. 929. Cf. S. Th. q. 64. a. 5. ad 2., a. 6. ad 3.

130. « *An si vir se retrahat post seminationem mulieris possit ipsa statim tactibus se excitare, ut seminet?* — Negant auctor addit. ad Wigandt, etc., Ratio, quia semen mulieris non est necessarium ad generationem; item quia effusio illa mulieris, utpote separata, non fit una caro cum viro. Communius vero affirmant Wigandt, Less., etc. Ratio, tum quia seminatio mulieris pertinet ad complendum actum coniugalem, qui consistit in seminatione utriusque coniugis: unde sicut potest uxor tactibus se praeparare ad copulam, ita etiam potest actum copulae perficere... tum quia, ut plures sentiunt, seminatio mulieris est necessaria, vel saltem multum confert ad generationem, nihil enim a natura frustraneum agitur. Omnes autem concedunt uxoribus, quae frigidioris sunt naturae, posse tactibus se excitare ante copulam, ut seminent in congressu maritali statim habendo ». L. 919.

131. « *An peccent mortaliter coniuges, si incepta copula cohibeant seminationem?* — Si coniuges ambo in hoc consentiant, nec adsit periculum seminandi extra vas, id per se loquendo non est mortale: illa enim penetratio vasis feminei tunc reputatur instar tactus reverendorum, qui inter coniuges permittitur, vel saltem non est mortalis, secluso periculo pollutionis. Ita communiter... *Si ambo consentiant*, nam si alter se retrahit sine alterius consensu certe graviter peccat... *Per se loquendo*, nam sapienter advertit Sanchez, id ordinarie esse mortale, quia ordinarie adest periculum ex tali retractione effundendi semen, nisi coniuges experti sint oppositum: quo casu tamen puto nullo modo posse eos excusari saltem a veniali... si vero femina iam seminaverit, vel sit in probabili periculo seminandi, non potest quidem vir data opera a seminatione se retrahere, sine gravi culpa, quia tunc ipse est causa, ut semen uxoris proligatur... Si autem vir iam seminaverit, dubium fit, an femina totaliter peccet, si se retrahat a seminando. 1.<sup>a</sup> Sententia affirmat... Ratio, quia ut aiunt, etiam semen mulieris active concurrit ad generationem... saltem semen mulieris iuxta omnes valde confert prolis confectioni, cum ad hoc saltem fuerit a natura institutum. 2.<sup>a</sup> Sententia communior negat... Hi contrario nituntur fundamento, nempe quod semen mulieris non est necessarium ad generationem... Nec obstat... quod semen feminae conferat perfectioni prolis; nam respondent, quod non tenentur coniuges ad convenientiorem modum generandi, sed satis est si generationi non obstant ». L. 918. Licet autem S. D. hanc secundam opinionem dicat communior et probabilior, primam tamen censet satis probabilem, et ideo in praxi tenendam ad damnum prolis vitandum. Et mox S. D. subdit, neque praeteresse esse probabile posse mulierem in actu coitus animum ad alia divertere, ne contrahatur ad seminationem. Idque n. 954. dicit, verius esse mortale. Verum cum illa seminatio feminae, de qua hic proprie fit questio, nempe interioris humoris effusio, essentialis nullo modo sit generationi, et certum est, quod non ideo generatio impediatur, non videtur necessario praeterea primam opinionem tenendam. Peccatum igitur potius est ex animo impediendi generationem, quam ex re ipsa, ut contingit etiam in aliis rebus, quae quavis generationem non impediunt, si tamen hac prava intentione fiant, peccatum proinde aderit. Cf. L. n. 951.

132. « *An peccet mortaliter vir inchoando copulam in vase praeposito, et postea in ease debita eam consummari?* — Communiter et verius



affirmant... Ratio, quia huiusmodi coitus, etsi absque seminatione, est vera sodomia, quamvis non consummata; sicut ipsa copula in vase naturali mulieris alienae est vera fornicatio licet non adsit seminatio ». L. 916. Idem S. D. ib. affirmat de simplici tactu, « quia saltem talis tactus non potest moraliter fieri sine affectu sodomitico ».

133. *An liceat in coniugali actu aliam personam cogitare de eaque delectari?* — « Excusant a mortali Sanch. et Spor. coniugem, qui se excitaret ad copulam delectando de pulchritudine alterius personae, sed absque affectu turpi: ut merito dicunt hoc esse valde periculosum, et non permittendum. Sicut nec etiam permittendum puto, se excitare ad coitum, respiciendo ad imagines diversi sexus; maxime si essent sacrae, quod recte aiunt La-Croix et Spor. esse mortale propter gravem irreverentiam. An autem liceat marito delectari de copula aliena cogitata, ut se excitet ad coitum cum uxore? Ex una parte videtur negandum, cum obiectum, de quo delectatur, sit per se turpe. Ex alia non videtur damnandum talem coniugem... Illud autem... se (maritum) delectari de copula cogitata inter ipsum et alienam, dico omnino reiiciendum, cum talis delectatio sit de obiecto intrinsece malo, et ipsi coniugi omnino vetito ». L. 913. 914.

134. « *An liceat petere cum periculo sanitatis, nempe si alteruter coniugum laboret lepra, morbo gallico, pitisi, aut alio morbo contagioso?* — *Per se* loquendo non licet, cum nemo sit dominus suae vitae aut salutis. Attamen probabiliter Busemb., etc., dicunt, quod si morbus esset diuturnus, et non proxime tendens ad mortem, nempe quod non soleat de brevi et facili mortem inferre... tunc non erit illicitum sano petere, si aderit iusta causa... quia alias esset valde onerosum tandiu abstinere ab usu coniugii, quod vix poterit esse sine periculo incontinentiae. Advertendum tamen quod coniux infectus morbo gallico, aut simili contagioso, non poterit petere ab altero inseio, nisi vitium suum illi manifestet, et manifestando possit alter remediis occurrere morbo; imo nec etiam poterit reddere, nisi certiore facto sano... Ceterum vero non tenetur manifestare, quia non tenetur cum tanto detrimento suae famae coniugale debitum praestare. In omnibus enim contractibus gravissimum incommodum in solutione excusat a debito reddendo ». L. 909. 910. 950. « Hic est ordo naturalis, ut prius aliquid in seipso perficiatur, et postmodum alteri de perfectione sua communicet: et hic est etiam ordo caritatis, quae naturam perficit. Et ideo cum uxor in viro potestatem non habeat, nisi quantum ad generativam virtutem, non autem quantum ad ea quae sunt de conservatione individui ordinata, vir tenetur uxori debitum reddere in his quae ad generationem proles spectant, salva tamen prius personae incolumitate ». S. Th. S. q. 64. a. 1.

135. *Resolves*: 1.<sup>o</sup> « Commune est non teneri uxorem reddere debitum, si experta sit, non posse parere sine probabili periculo mortis, quia solutio debiti non obligat cum tanto detrimento ». L. 953. — 2.<sup>o</sup> Neque reddere coniux tenetur, si possit rationabiliter timere damnum, vel periculum grave sanitatis, quia non censentur coniuges se obligasse ad debitum cum tanto incommodo reddendum. S. Th. S. q. 64. a. 6. ad. 4. Actus coniugalis tempore morbi saltem plerumque neque sub gravi neque sub levi est illicitus, quia crebro nullum inde accidit damnum coniugibus; labor autem, qui actum comitatur, in morbum saltem communiter loquendo admodum influere nequit. Attamen ob notabilem corporis debilitatem excusantur a reddendo debito laborantes febri valida, aut alio morbo gravi. G. B. 913. 915. 916. — 3.<sup>o</sup> Non excusatur a debito reddendo uxor ob ordinaria partus, graviditatis, aut nutritionis incommoda, nec ob dolores graves quidem, sed tempore breves, nec ob dolores diuturnos sed moderatos, v. g. capitis per plures menses post partum, nec ob sanitatem aliquantisper debilitatam; quia haec omnia conditioni matrimoniali adnexa sunt: secus autem si periculum vitae, aut morbi gravissimi ex iudicio medici vere prudentis pertimescendum esset. G. B. 916., L. 952.

136. *An coniux possit et teneatur reddere, quando timetur damnum prolis nasciturae?* — Communiter et verius affirmant D. Th. 4. D. 32. q. un. a. 1. ad 4. . . Ratio assignatur a D. Th.: « Uxor tenetur viro leproso reddere debitum, et quamvis proles gigneretur infirma, tamen melius est ei sic esse, quam penitus non esse ». L. 951. — Quid si mater experta sit filios parere mortuos? Hoc casu Laym. dicit, quod bene poterit uxor reddere imo et petere, quia illa mors foetus *per accidens* evenit. Attamen Bossius alique tenent eam non posse neque reddere neque petere, quia mater ex morte prolis exponitur magno periculo vitae. Secluso ergo huiusmodi periculo, illicitum *per se* non apparet reddere et petere, licet coniux hac ratione excusari posset a reddendo. Et si adesset periculum incontinentiae, ut de facto adest, fere communiter consentiunt, quod tunc licitum sit reddere et petere, et ipse S. Alph. omnino consentire videtur. L. 952. 953.

137. « *An sit iusta causa negandi debitum, si plures nascuntur filii, quam coniuges possint alere?* — 1.<sup>a</sup> Sententia negat . . . Ratio, tum quia procreatio prolis spectat ad praecipuum finem matrimonii . . . tum quia exponeret alterum periculo incontinentiae . . . 2.<sup>a</sup> vero Sententia affirmat . . . Ratio, tum quia multiplicitas prolium futurarum cederet in noxamentum filiorum iam genitorum, tum quia in omnibus debitis magna difficultas excusat a solutione ». L. 941. Prima sententia magis aridet S. D. propter periculum incontinentiae, quod revera vix non aderit.

138. *Utrum liceat reddere illicite petenti cum peccato mortali?* — R. 1.<sup>o</sup> Negat., si culpa se tenet *ex parte actus*, e. g. si alter petat in loco sacro, vel publico. Ipse enim actus tunc illicitus est et petenti et reddenti. — 2.<sup>o</sup> Affirmat., si culpa se teneat *ex parte tantum personae*, e. g. si petat ex pravo fine, quia actus manet in se honestus, et alter non ideo amittit ius ad actum. Quare, per se loquendo, et potest et debet tunc coniux reddere. *Per se loquendo*, nam si potest facile alterius peccatum impedire, ex caritate id facere tenetur, vel eum saltem monere debet, si tamen id facere possit citra grave incommodum, quod ut plurimum adesse dicunt. L. 944. 946. Si vero compars ius amiserit per incestum, tunc alter coniux potest quidem *per se* reddere, sed non tenetur. L. 945. — Cf. S. Th. S. q. 64. a. 6.

139. « *An liceat uxori reddere debitum vel petere a viro solente seminare extra vas post copulam incoeptam?* — 1.<sup>a</sup> Sententia affirmat . . . quia cum mulier reddit aut petit dat operam rei licitae, nec ipsa propter malitiam viri debet suo iure privari. — 2.<sup>a</sup> Sententia dicit uxorem non posse nec petere nec reddere, nisi adsit gravis causa, quae ipsam excuset in permittendo peccatum viri, et in cooperando ad materiale peccati illius, alias tenetur ex caritate, cum possit sine gravi incommodo, viri peccatum impedire. Ego tamen distinguendum puto. Si agatur de reddendo debito, dico uxorem *probabiliter* posse et teneri negare debitum, si possit sine gravi incommodo, quia abusus rei sibi debita non habet ius ad rem sibi vindicandam, sed *probabiliter* videtur uxor non solum posse reddere, sed etiam teneri. Ratio, quia quando culpa se tenet ex parte personae petentis, cum ipse habeat ius ad copulam, nequit alter sine iniustitia debitum negare, si non possit monendo a tali culpa illum avertere, et tunc patet, quod reddens ne materialiter quidem cooperatur seminationi extra vas, sed tantum copulae incoepatae, quae per se omnino utrique est licita. Si vero agatur de petitione debiti, dico uxorem non posse petere, si non adsit iusta et gravis causa. Tunc enim revera tenetur ex caritate impedire peccatum viri. Iustum autem causam habebit petenti, si ipsa esset in periculo incontinentiae, vel si deberet alias privari suo iure petendi plusquam semel vel bis, cum perpetuo scrupulo, an ei sit grave incommodum, vel ne, tunc se continere ». L. 947. Cf. 1. 2. n. 53. par. Si vero.

140. *Resolves*: 1.<sup>o</sup> Peccatum viri in praecedenti casu onanismus com-

munitur appellatur. Nomen suum sortitur ab *Onan*, secundo filio patriarchae Iudae, qui post defunctum fratrem suum Her iuxta morem coactus est viduam eius Thamar ducere, ut suscitarret semen fratri suo; sed *introiens ad uxorem fratris sui, semen fundebat in terram, ne liberi fratris nomine nascerentur. Et ideo percussit eum Dominus, quod rem detestabilem faceret*. Gen. 38., 9. 10. Onanismus voluntarius est semper peccatum mortale, utpote contra naturam; ideoque nunquam coniugibus licitus esse potest. — 2.<sup>o</sup> Vir onanista nunquam a peccato gravi excusari potest, et proinde nunquam absolvendus est, nisi de peccato suo sincere doleat, illudque in posterum vitare proponat. Ratio ex dictis patet. Uxor a peccato excusari potest, si gravi de causa viro onanistae debitum reddat, modo interius ipsius peccato non assentiatur, exteriusque repugnantiam suam seriis admonitionibus, aliisve displicentiae signis ostendat. — 3.<sup>o</sup> Non peccat uxor consensum internum voluptati praeibendo, quando actum conjugalem viro onanistae permittere potest, modo assensum peccato viri non praebeat. Ratio est, quia cum minime peccet actum huiusmodi permittendo, neque peccat voluptatem ex ea provenientem admittendo, quamvis praesciat, virum copulam non esse perfecturum: actus enim ille est in se honestus et licitus mulieri, et per eam non stat, quominus debito modo perficiatur. — G. B. 921. seqq.

141. « *An coniux prohibitus a petendo ratione rotæ, vel affinitatis, aut cognationis spiritualis post matrimonium contractum, possit quandoque licite exigere debitum?* — Id admittunt communiter dd. si adsit periculum incontinentiae in altero coniuge. Imo dicunt tunc teneri petere, quia haec obligatio oritur ex ipsa institutione matrimonii. Item admittunt etiam communiter S. Th. 4. D. 38. q. 1. a. 3. q. 2. ad 4., etc. posse coniugem impeditum petere, si alter interpretative petat, nempe quando mulier, ut ait D. Th., verecunda est, et vir sentit eius voluntatem de debiti redditione. Tunc enim potest coniux impeditus se offerre, quia tunc potius est reddere quam petere ». L. 930. Attamen quoad coniugem, qui praeter necessitatem prolem suam baptizavit, satis probabilis est sententia, quae negat eum debitum petere prohiberi, eamque tenent plures et graves dd., ut ait idem S. D. 150.

142. « *An autem liceat petere coniugi impedito, si ipse sit in periculo incontinentiae?* — Affirmant Viguerius, etc., maxime si ille esset impeditus ratione affinitatis vel cognationis spiritualis, et commode non posset haberi dispensatio, essetque periculum in mora, quia lex ecclesiastica in tanto discrimine non obligat. Negant vero Sanch., etc., quia periculum incontinentiae est iusta causa dispensandi, non autem coeundi. Sed prima sententia respectu ad impedimentum ab Ecclesia impositum, mihi non videtur improbabilis, si revera dispensatio brevi obtineri nequeat, et magnum periculum sit in mora ». L. 930. De cognatione iam superiori num. dictum est.

143. « *An liceat coniugi excommunicato petere debitum, et an petere ab excommunicato?* — Quod liceat coniugi petere ab excommunicato certum est ex C. *Quoniam multos* Caus. 11. q. 3. An autem liceat excommunicato etiam petere?... Communiter et verius affirmant... Ratio, quia lex ecclesiastica non obligat eum tanto periculo, in quo esset quidem excommunicatus, si ipse non posset separari ab altero coniuge, ut revera non potest, et non posset petere ». L. 931.

144. « *An coniux teneatur reddere debitum amenti vel ebrio?* — Negant communissime et probabilius Busemb., etc. Ratio, quia licet isti dominium retineant, sunt tamen incapaces usus domini... Quamvis autem non sit obligatio reddendi coniugi amenti, vel ebrio, licitum est tamen ei reddere, ut communiter dicunt, cum usus matrimonii sit per se licitus, et proles educari possit a coniuge sanae mentis, modo absit periculum scandali vel abortus. Unde non licet coire cum uxore amente furiosa, nisi ipsa experta sit sterilis ». L. 948.



145. « *An et quomodo peccent coniuges coeundo situ innaturali?* — Situs naturalis est, ut mulier sit succuba, et vir incubus: hic enim modus aptior est effusioni seminis virilis et receptioni in vas femineum ad prolem procreandam. Situs autem innaturalis est, si coitus aliter fiat, nempe sedendo, stando, de latere, vel praepostere more pecudum, vel si vir sit succubus, et mulier incubus. . . Communiter dicunt omnes istos modos non excedere culpam venialem. Ratio, quia, licet adsit aliqua inordinatio. . . mutatio situs generationem non impedit ». L. 917. S. Th. 4. D. 31. in fin. in exp. litt. Atque ut habet idem S. Alph. et S. Th. II. c. id etiam sine ullo fit peccato, si ex iuxta causa fiat; et e contra peccatum grave est si experientia constaret, quod mutato naturali situ nihil seminis femina retineret.

146. *Nota:* Cavendum est prudenti confessario, ne de variis congregiendi modis faciat quaestiones, quae non solum inutiles sunt, sed scandali etiam plenae. Hinc si poenitens dubium de his iniciat, confessario satis erit nosse, an completa fuerit pollutio extra vas debitum. *Si dubia iniciat, aut etiam dubitandi occasione poenitens suppeditet:* nempe enim non videt, eiusmodi interrogationes, in re tam lubrica, nisi manifesta adsit necessitas, nunquam esse faciendas. G. B. 912. L. 917.

147. « *An liceat coire coniugibus tempore praegnationis?* — Commune est id non esse mortale, nisi adsit periculum abortus. . . D. Th. 4. D. 81. in fin. in expos. litt. . . Communiter non adest tale periculum. . . Et ideo non esse vexandos coniuges importunis interrogationibus. . . Utrum autem, secluso periculo abortus, sit culpa venialis? Afirmant D. Antonin. etc. Negant vero Sanch. etc., quia nullibi habetur id per se vetitum. . . Ut coitus sit licitus in matrimonio, sufficit, ut per se actus sit ad generationem idoneus; quod autem ipsa non eveniat per accidens se habet. Ceterum mihi arridet sententia, quam tenent Pont. etc., nempe quod coitus cum praegnante non potest excusari a culpa veniali, nisi adsit periculum incontinentiae, vel alia honesta causa ». L. 924. Quare agitur saltem de incerta obligatione. Causa vero honesta vix unquam abesse potest. G. B. 913.

148. « *An sit illicitum coire tempore purgationis post partum?* — Triplex adest sententia. 1.<sup>a</sup> dicit esse mortale ex C. fin. Dist. 5. 2.<sup>a</sup> Sententia dicit nullum esse peccatum. . . Quia, ut aiunt, huiusmodi immunditia est tantum materialis, non moralis. 3.<sup>a</sup> Sententia probabilior et communior. . . dicit esse veniale, non autem per se mortale Est veniale, quia talis coitus continet aliquam indecentiam. Unde, nisi excuset causa honesta, nempe periculum incontinentiae, vel dissidii, vel alia similis, nequit ab omni culpa excusari. Non autem est mortale per se loquendo, quia talis indecentia non videtur tanta, ut mortalem culpam inducat. . . *Per se*, nam poterit aliquando esse mortale, si ex concubitu gravis morbus vel notabilis aggravatio morbi immineret ». L. 926. Dispositio autem cit. C. fin. vel absolevit, vel de congruitate est, non de praecepto. Sed et levis culpa non nisi opinio est. Quare prudens confessarius ab omni profecto interrogatione abstinabit. G. B. 913.

149. « *An liceat debitum petere tempore lactationis?* — Communissime affirmant. . . Ratio, quia non extat lex prohibens ». L. 911.

150. « *An licitum sit coniugibus coire tempore menstrui?* — Tempore fluxus extraordinarii certum est licere tam reddere quam petere. . . ex D. Th. 4. D. 32. q. un. a. 2. q. 2. . . Tempore autem fluxus naturalis adsunt tres sententiae. 1.<sup>a</sup> damnat de mortali, et hanc tenet idem D. Th. I. c. q. 3. ad 1. . . 2.<sup>a</sup> Sententia dicit omni culpa carere. . . Ratio quia hodie id nullo iure prohibetur. . . Licet sit facile periculum eo tempore frustrandi semen; tamen ad coitum cohonestandum non requiritur, ut ex eo sequatur generatio, sed sufficit, quod coitus ille per se sit aptus generationi, esto per accidens semen dispergatur, ut accidit in accessu ad mulierem praegnantem aut sterilem. . . 3.<sup>a</sup> Sententia communissima et probabilior dicit coitum tempore menstrui non esse mortale, sed non excusari a veniali. Quod non sit

mortale probat ratio adducta pro 2.<sup>a</sup> sententia. Quod autem sit veniale probatur, quia talis concubitus, ... involvit quandam turpitudinem et deordinationem, cum, ... coitus tunc minus convenit fini generationis. Conveniunt autem Nav., Pal., etc., quod nullum sit peccatum coire tali tempore, si adsit aliqua causa turpitudinem illam dishonestans, nempe ad vitanda dissidia, aut incontinentiam, in se vel in altero, aut alia similia. ... An autem casu, *quo nulla adsit causa*, uxor menstruata possit et teneatur debitum reddere si maritus monitus nolit desistere? Affirmant Pal., etc. Verum probabilius negandum. ... Ratio, quia cum culpa etiam venialis se teneat ex parte actus probabilis non tenetur coniux, neque potest licite debitum reddere ». L. 925. Sed practice, marito petente, vix aut ne vix quidem pro uxore causa abest, qua possit. Ac ipse S. Th. S. q. 44. a. 4. ait: « Si vir non desistit a petitione debet (uxor) debitum reddere poscenti ». Verum cum hic etiam non nisi de levi culpa agatur, quae materia confessionis necessaria non est: cum praeterea de mera opinione pariter agatur, discretus confessarius ab omni interrogatione hac in re abstinebit. G. B. 913. Ratio autem a S. D. adducta pro 3.<sup>a</sup> sententia, recentioribus physiologicae scientiae placitis refragatur, siquidem tempore menstrui mulier aptior est ad generationem. Id quod S. D. assertit de tempore menstrui, potius de tempore subsequente dicendum est. Nam generatio difficilior est a quartodecimo die post incepta menstrua usque ad sequentem menstruum recursum. G. B. 923.

151. « *An in diebus festis vel ieiunii aut Rogationum sit illicitus actus coniugalis?* — Commune esse vetitum tunc debitum reddere cum D. Th. S. q. 64. a. 9. ... An autem sit vetitum petere? 1.<sup>a</sup> Sententia affirmat, et hanc tenent D. Th. l. c. a. 7., etc. Hoc tamen sub culpa veniali, ut ait D. Th. ib. a. 8. cum aliis non vero sub mortali, ut aliqui improbabilius tenent ... 2.<sup>a</sup> vero communior negat esse illicitum ... Ratio, quia id non habetur vetitum ullo iure ». L. 923. Hinc etiam deducitur non esse cur huiusmodi usus tempore Adventus vel Quadragesimae prohibeatur. G. B. 913. Cf. De Euch. n. 113. 114.

152. « *An sint mortales tactus et aspectus turpes inter coniuges propter solam voluptatem, sine ordine ad copulam?* — Negat sententia communis et verior ... Ratio quia status coniugalis sicut dishonestat copulam, ita etiam huiusmodi tactus et aspectus ... Sicut autem delectatio quaesita in copula culpam venialem non excedit, ita etiam in his tactibus et aspectibus ». L. 933. Enimvero cum huiusmodi actus incompleti sint de se referibiles ad actum completum et perfectum, cum hic sit licitus coniugibus non possunt illi *per se* esse iisdem illiciti. L. 932. 933. A fortiori culpa *per se* vacant huiusmodi actus, sive sint minus honesti, sive sint simpliciter inhonesti, si ad copulam immediate referantur. Tunc enim sunt quaedam copulae praeparatio et inchoatio. Quare, secluso voluntariae extra vas pollutionis aut sodomiae crimine, nihil fit *contra* bonum matrimonii. Et hac vel sola generali regula, cautus confessarius abstinere facile poterit ab imprudentibus interrogationibus, ut tum sanitati sacramenti, tum poenitentium salutem prospiciat. Levis autem culpa, quae in huiusmodi actibus inesse potest, facile ob fines ipsi matrimonio intrinsecos aut alios extrinsecos excusatur, v. g. quia ad fovendum affectum, vel ad sedandam concupiscentiam idonei sunt. G. B. 919.

153. « *Quid si coniuges ex his turpibus actibus praerideant pollutionem secuturam in se vel in altero?* » — Resolutio pendet ex intrinseca natura actus et ex modo, quo exercetur, aliisque circumstantiis. Agitur enim de voluntario in causa, quare si actus talis sit vel saltem tali modo exercetur, ut *per se* proxime influat in pollutionem, grave certe peccatum habetur. Secus vero, si actus talis est, et tali modo exercetur, adhibendo debitam cautelam ad illam impediendam, ut pollutio, si sequatur, non nisi *per accidens* sequatur. Hinc S. Alph. post tres sententias relatas circa propositam sententiam, ait: « puto probabilius dicendum, quod actus turpes inter coniuges cum periculo

pollutionis, tam in petente, quam in reddente sunt mortalia: nisi habeantur, ut coniuges se excitent ad copulam proxime secuturam, quia cum ipsi ad copulam ius habeant, habent etiam ius ad tales actus, tametsi pollutio per accidens copulam praeveniat. Actus vero pudicos etiam censeo esse mortalia, si fiant cum periculo pollutionis in se vel in altero, casu quo habeantur ob solam voluptatem, vel etiam ob levem causam; secus si ob causam gravem, puta si aliquando adsit urgens causa ostendendi indicia affectus, ad fovendum amorem, vel ut coniux avertat suspicionem ab altero, quod ipse sit erga aliam personam propensus. Probabiliter dicunt Sauch, etc., in reddente tactus etiam impudicos, nisi sint tales, ut videantur inchoata pollutio, esse licitos, quamvis adsit periculum pollutionis in alterutro, quia tunc reddens dat operam rei licitae, ad quam obligatur propter ius petentis, qui tametsi peccet, non tamen ius amittit, cum culpa se teneat ex parte personae ». L. 934.

154. « *An sit semper mortale, si vir immittat pudenda in os uxoris?* — Verius affirmant Sporer, etc., tum quia in hoc actu... adest proximum periculum pollutionis, tum quia haec per se videtur nova species luxuriae contra naturam, dicta ab aliquibus *irrumatio*. Semper enim ac quaeritur a viro aliud vas praeter vas naturale ad copulam institutum, videtur nova species luxuriae ». L. 935.

155. « *An sint mortalia tactus turpes, quos coniux habet cum seipso, altero absente, et secluso periculo pollutionis?* — 1.<sup>a</sup> Sententia negat... Ratio, quia huiusmodi tactus ab ipso statu coniugali cohonestantur, cum de natura sua ordinentur ad copulam: et ideo, secluso periculo pollutionis, non possunt esse in coniuge graviter illiciti, etsi copulam de praesenti ipse non posset consummare. 2.<sup>a</sup> vero Sententia probabilior, et in praxi omnino *suadenda*, affirmat... Ratio tum quia coniux non habet ius per se in proprium corpus, sed tantum per accidens, nempe tantum, ut possit se disponere ad copulam... tum quia tactus pudendorum, quando fiunt morose, et cum commotione spirituum per se tendunt ad pollutionem, suntque proxime connexi cum eius periculo ». L. 936. Atque ex ipsa ratione secundae sententiae probabilior profecto apparet, prima potius sententia. G. B. 919.

156. « *An sit mortalis delectatio morosa in coniuge de copula habita vel habenda, quae tamen non posset haberi de praesenti?* — 1.<sup>a</sup> Sententia affirmat... Ratio, quia talis delectatio est quasi inchoata pollutio... 2.<sup>a</sup> vero Sententia communior... dicit talem delectationem non esse mortalem, si absit periculum pollutionis, sed tantum venialem. Est venialis quia ipsa caret debito fine, cum non possit ordinari ad copulam praesentem. Non autem est mortalis, quia delectatio sumit suam bonitatem vel malitiam ab obiecto, et cum copula sit licita coniugatis, non potest esse graviter illicita illius delectatio. Et huic expresse favet D. Th. De Malo q. 12. a. 2. ad 17... Idque admittit Sporer, etiamsi habeatur delectatio venerea, orta ex commotione spirituum. 3.<sup>a</sup> demum Sententia... distinguit et dicit, quod si delectatio sit absque commotione spirituum non erit mortalis; secus si cum commotione et pollutione partium ». L. 937. Circa tres istas sententias S. D. suum deinde praefert iudicium, illud repetens ex generali doctrina: quod nempe habeatur grave peccatum, si illa delectatio sit proxime coniuncta cum periculo pollutionis; secus vero si illi delectationi proxime coniunctum non sit periculum pollutionis. Hoc autem proximum pollutionis periculum, per se loquendo, non habetur secundum S. D. ex quacumque commotione spirituum et partium alteratione; sed ex vehementi et graviori commotione spirituum S. Th. I. a. S. Alph. c. ut: « Delectationes in bonitate et malitia consequuntur operationes delectabiles; et ideo sicut carnalis commixtio non est peccatum mortale coniugato, est autem peccatum mortale non coniugato; similis etiam differentia est de delectatione et de consensu in delectationem. Non enim potest esse gravius peccatum consensus in delectationem, quam consensus in actum, ut patet per Augustinum ». At vero hoc argumentum probat, non



modo consensum in delectationem (nam hoc dicit morosa delectatio) non esse mortale, sed ne veniale quidem esse peccatum. Scilicet non potest esse graviter illicitum delectari de re licita, delectari nempe rationali delectatione, et similiter nec desiderium de copula futura, nec approbatio de praeterita, sunt *per se* illicita: quia approbatio et desiderium rei licitae illicita esse non possunt. G. B. 920.

## DE CENSURIS

### I. — DE NATURA CENSURAE

1. *Quid sit Censura?* — Est poena spiritualis medicinalis, qua homo baptizatus delinquens, et contumax per potestatem ecclesiasticam quorundam bonorum spiritualium usu privatur. — *Poena*, i. e. potissimum fori exterioris. Quare illi soli censuram ferre possunt, qui in foro exteriori iurisdictionem habent. — *Spiritualis*, quia in quadam spiritualium bonorum subtractione consistit: a potestate est spirituali seu ecclesiastica; propter bonum spirituale: et in conscientia obligans. — *Medicinalis*; nam ad hunc *proprie* finem imponitur, tanquam medicina ad praecavenda peccata nondum admissa, eaque admissa curanda, ut nempe quis non peccat, et si peccaverit ad meliorem frugem redeat. C. *Cum medicinalis* 1. *De Sent. ex.* in 6. Hinc, ut censura revera feratur per modum *censurarum*, et non generatim per modum *poenae*, necesse est, ut non feratur in perpetuum, nec in tempus determinatum, nec ad arbitrium ferentis, sed simpliciter ferenda est, ita ut statim ac reus se emendaverit, absolvi possit, cessante enim morbo medicina cessat. — *Homo baptizatus*, qui enim baptizatus non est Ecclesiae potestati non subditur. Debet autem esse rationis capax et subditus: nam qui incapax est culpa et poenae non est obnoxius; potestas autem iurisdictionis, cuius actus censura est, nonnisi in subditos exercetur. Debet etiam esse determinata quaedam persona, et non persona moralis, quae *privare* quidem potest iuribus quibus gaudeat, sed plecti non potest poenis et *censuris*, ut respiciat, cum nonnisi moralem habeat existentiam. Singulae tamen personae corporis moralis, *censuris* puniri possunt. Cf. Schmalzer, n. 44.—46 Censuris vero ab ipso *iure* latis obnoxii non sunt Cardinales et Episcopi, nisi expresse comprehendantur, excepta excommunicatione, itaque impuberes, excepto casu violationis clausurae monialium. C. *Apostolicae Sedis*. Speciali autem privilegio decursu temporis legitime introducto Reges et Reginae solis Pontificiis censuris tenentur. — *Per potestatem ecclesiasticam*; poena enim nonnisi ab habente potestatem imponi potest, et poena spiritualis ad potestatem pertinet spiritualem. — *Quorundam spiritualium bonorum usu*, censurae ergo non ipsa bona neque potestatem, seu iura ad ea, sed eorum tantum usum adimunt reo, donec ad meliorem frugem redierit. C. *Ex litteris* 11. *De Const.*

2. *Quaenam sit censurarum divisio?* — 1.<sup>a</sup> Pro variis bonis, quorum usu censura privat, triplex ea est, nempe excommunicatio, suspensio et interdictum. Excommunicatio et interdictum omnes, suspensio nonnisi clericos attingit. Excommunicatio vim habet solius *censurarum*, seu poenae *medicinalis*. Quare ferri non potest in personam moralem. C. *Romana* 5. *De Sent. ex.* in 6.<sup>o</sup> Suarez D. 18. S. 2. n. 3. Suspensio vero et interdictum ferri possunt per modum etiam merae *poenae*, seu in vindictam *culpa*e, et per modum merae *privationis*, quae etiam sine *culpa* tenet, adeoque et nocentes et innocentes. Hinc suspensio et interdictum ferri possunt propter delictum

mere praeteritum, quod nullum habeat tractum successivum, nulla praevia comminatione seu monitione, nulla causa expressa, in perpetuum, seu in determinatum tempus, vel ad beneplacitum eius, qui eam irrogavit. Ferri item possunt in personas morales, v. g. Capitulum, Civitatem, etc., et quoad innocentes rationem habent merae *praecationis*. Violatio censurae latae per modum *censurae* infert irregularitatem, si clericum eam violet ordinem exercendo, non item latae per modum *poenae*, nisi aliud speciatim iure cautum sit. — 2.<sup>a</sup> Censurae aliae sunt latae *a iure*, aliae *ab homine*. Priorae feruntur per modum *legis*, posteriores per modum *mandati seu sententiae*. Exemplum prioris generis sunt Censurae contentae in C. *Apostolicae Sedis*. Censurae contentae in Statutis Episcopalibus. Exemplum posterioris est, si Episcopus mandatum vel iudex sententiam ferat contra raptorem, ut raptam intra triduum libertati reddat, secus in excommunicationem incidat. Suarez. D. 3. S. 1. n. 2. Censura lata *a iure*, mortuo auctore, adhuc perseverat, non item lata *ab homine*: qui tamen hanc incurrit ea tenetur, ubique locorum, donec ab ea absolvatur. Censurae episcopales in synodo latae habentur ut censurae per modum *legis*, et, mortuo episcopo, perdurant; extra synodum vero latae habentur, ut censurae per modum *simplicis statuti*, et, mortuo episcopo, cessant. L. 6. — 3.<sup>a</sup> Censurae item aliae sunt *latae sententiae*; aliae *ferendae sententiae*. Sunt latae sententiae, si incurrendae statuuntur *ipso facto*, quo quis contra legem agit. Sunt ferendae sententiae, si per iudicis sententiam sunt infligendae. Quare censurae sunt ferendae sententiae, si verba legis iudicis ministerium, seu alterius actionem requirunt ad censuram incurrendam, e. g. si dicatur: praecipitur sub poena excommunicationis, excommunicatus erit, etc. Sunt vero latae sententiae si verba legis sententiam condemnatoriam, vel saltem criminis declaratoriam non includant, e. g. talia agens *ipso facto, ipso iure* excommunicatur.

3. *Quid requiratur ex parte peccati, ad censuras incurrendas?* — Requiritur 1.<sup>o</sup> ut sit *mortale*, censura enim gravissima poena est, quae consequenter mortalem culpam praesupponit. Unde *sobrie et magna circumspectione ferendae sunt*. Trid. S. 25. C. 3. De R., Bened. XIV. De Syn. l. 10. C. 2. Quare, nisi agatur de levi qualiam censura, vel saltem *ad breve tempus*, quae propter culpam levem feratur: censurae excommunicationis, suspensionis et interdicti, prout ordinarie feruntur, pro levibus culpis ferri nullo modo possunt. L. 30., Schmalzgr. l. 5. t. 39. n. 59., Suarez D. 4. S. 6. n. 12., Lugo De iust. et iur. D. 16. n. 61., Lessius l. 2. C. 12. n. 54., Sanch. in Decal. l. 7. C. 21. n. 28. 29. — 2.<sup>o</sup> Peccatum esse debet *externum*: nam Ecclesia iudicat in foro externo, ad quod censurae pertinent, non vero in foro interno. Non solum exterius debet esse peccatum, sed etiam grave in ratione actus externi. Quare qui a gravi culpa excusatur sive quoad actum internum, sive saltem quoad actum externum, a censura quoque excusatur. — 3.<sup>o</sup> Debet esse peccatum *opere consummatum*, quia leges poenales strictae sunt interpretationis. Debet nempe peccatum esse completum in suo genere secundum proprietatem verborum, quae in praecepto seu lege continentur. Schmalzgr. l. c. n. 64. — 4.<sup>o</sup> Requiritur ut peccatum non sit mere *praeteritum*, quia censura est poena medicinalis, quae proinde ferri non potest in eos, qui iam ad meliorem frugem sese receperunt. *Mere praeteritum*, si enim praeteritum delictum, ut furtum, detractio, etc. *successivum tractum* habeat, potest propter ipsum censura ferri, ea prius reo denunciata, nisi mandatum poenae, ablatum intra definitum tempus restituendi, famam reparandi etc. L. 54. *Mere praeteritum*, si nempe censura revera imponatur per modum *censurae*, seu poenae *medicinalis*, et non per modum merae poenae *vindictivae*. Quare superior qui vult peccatum aliquod *censura* punire hanc prius *comminari* debet. — 5.<sup>o</sup> *Contumacia* tandem requiritur. Per censuras enim puniuntur contumacia contra legem Ecclesiae, et quidem Ecclesiae comminantis contumacia *censuram*. C. *Pia* l. De Except. in 6. C. *Statuimus* 3. De Sent. Exc. in 6. Contumacia a contemnendo est, hinc contemptus censurae est. Quare ad censuram incurrendam necesse est, ut censura prius fuerit iam

lata, vel per modum legis generalis, vel per particulare praeceptum saltem incurrenda denunciata, nisi praecepto pareatur. L. 39. 31. Hinc, si quis a contumacia recedat, antequam censuram effectu secuto incurren- tam, reapse incurrat, eam deinde secuto effectu minime incurrit. *A contumacia recedat*, nempe confessione, vel dolore, vel voluntatis retractatione, et mo- lo quo possit conetur effectum impedire, licet revocatio innotescere non possit ei, cui forte mandatum, vel consilium dedit. L. 40.

4. *An ad incurrendam censuram monitio praerequiratur?* — R. Affirm. Ratio est, quia censura fertur ob contumaciam et inobedientiam actualem. Atqui ille qui monitus non est a ferente censuram ipsi rebellis et inobediens non est. Ergo. Quare inter dd. communiter receptum est censuram, nulla prius monitione praemissa, regulariter nullam esse. Iam age quoad censuram a *Iure* latam per modum *legis*, vel latam *ab homine* per modum *mandati*, ipsa lex et ipsum mandatum monet. Si vero censura non comprehendatur lege sive mandato tunc opus est eam comminare, seu reum necesse est monere, et quidem trina opus est monitione, quamvis hoc non spectet ad validitatem, vel una pro tribus, servato inter ipsas saltem duorum dierum spatio, vel inter hanc et sententiam spatio saltem sex dierum. Fieri autem debet reo et coram testibus, et fieri solet scripto, sed viva voce valet. Quamvis autem censura sine scriptis lata valeat, nihilominus quia hoc grave est, si oretenus lata fuerit magis *poena* praesumitur, quam *censura*. Si autem censura iam lege fuerit comminata, siquidem de censura agatur ferendae sententiae, an nova opus sit monitione disputatur, alii affirmant, et aequius est, quia huiusmodi censurae plerumque ignoratur, alii negant et est probabilius, quia lex ipsa satis monet. — G. B. 941., L. 22. 51. 65. 317., S. Th. S. q. 21. a. 3.

5. *Quinam censuras ferre possint?* — Censuram *de iure ordinario* ferre potest omnis ac solus superior ecclesiasticus habens in foro externo seu contentioso ecclesiasticam iurisdictionem, sive ordinariam, sive delegatam, nempe Papa et Concilium Generale respectu omnium fidelium, Cardinales in Ecclesiis sui tituli, Primates, Archiepiscopi, tum in dioecesibus propriis, tum in dioecesibus suffraganeorum tempore Visitationis, nec non cum agitur de causa ad eorum tribunal delata, quia tunc iurisdictione in suffraganeos pollent, Episcopi in suis dioecesibus, modo electi ac confirmati sint, esto non consecrati, Legati Sedis Apostolicae in Provinciis suae legationis, Vicarii Generales Episcoporum, nam cum ipsis Episcopis unum tribunal constituunt, Capitulum, Sede vacante, et ante electionem Vicarii Capitularis, qui deinde tali potestate exclusive gaudet, Ordinum Religiosorum Generales, Provinciales, Abbates, Praelati, Rectores, Priores Conventuales, Guardiani, etc. respectu Religiosorum sibi subditorum, iique omnes, quibus specialiter a praedictis ea potestas *ex delegatione* committitur. — Quare ab hac potestate, tum *ordinaria*, tum *delegata* excluduntur iure communi tum laici, tum mulieres omnes, etiam Abbatissae. Parochi autem, cum iurisdictionem non habeant in foro externo ordinariam, sed tantum administrationem ad rectum parochiae ordinem, hanc facultatem non habent. — Ad potestatem delegatam quod spectat, haec cessat morte delegantis, cum agatur de causa iustitiae, nisi causa a delegato iam fuerit incepta saltem per citationem. Delegatus vero ad censuras ferendas non potest alterum subdelegare, nisi expressam habuerit licentiam a delegante, vel nisi saltem sit delegatus ad quascumque causas, vel a Rom. Pont. — CC. *Perniciosa* 1. *Cum ab Ecclesiarum* 3., *Pastoralis* 11. § *Praeterea*, *Concurrente* 16., *Grave gerimus* 19., *De Off. iud. ord.*, C. *Cum episcopus* 7. e. t. in 6.<sup>o</sup>, C. *Transmissam* 15. *De Elect.*, C. *Si pro debilitate* *De Off. Deleg.*, CC. *Cum in Ecclesiis* 10., *His quae* 11. *De Maior. et obed.*, C. *Ea quae fin.* *De statu Monach.*, C. *Quaerenti* 20. *De Verbor. signific.*, C. *Cum medicinalis* 1. *De Sent. Ecc.* in 6.<sup>o</sup>, S. Th. S. q. 22. a. 1. 2. Cf. Schmalz. n. 3. 12.-21. 40., Engel n. 12.-15., Pichler Ius Canon. 1. 5. T. 39. n. 4. 5.



6. *Quid requiratur, ut ecclesiasticus Superior possit censuras ferre?* —

Requiritur 1.<sup>o</sup>, ut sit compos rationis, immo animum habeat ligandi eum, contra quem fert censuram. Ratio, quia ferre censuram est actus iurisdictionis, qui ab interiori voluntate totum suum vigorem habet. — Requiritur 2.<sup>o</sup>, ut habeat iurisdictionem expeditam quoad usum. Hinc Episcopus excommunicans, suspensus, haereticus aut schismaticus nequit ferre censuras: idem de eius vicario dicatur. Attamen occultus haereticus aut excommunicatus valide, etsi illicite, fert censuras, quia propter publicum bonum, nisi sit vitandus, Ecclesia illi conservat iurisdictionem. Immo non desunt (et videtur hodie communis opinio), qui tenent etiam « publice excommunicatum valide ferre censuras, si non sit *nominatim denuntiatus*, vel *publicus clerici percussor* ex Extr. Martini V. *Ad evitanda*, ubi sancitur excommunicatum toleratum in iis, quae pertinent ad publicum officium, non esse vitandum, nec etiam ab illis, qui id sciunt ». L. 12., S. Th. S. q. 22. a. 3. — Requiritur 3.<sup>o</sup>, ut censuram ferens libere agat, non coacte. An autem censura lata ex metu gravi sit valida, alii negant, alii verius affirmant: quia actus metu gravi factus de se est validus, nisi speciali iure positivo irritetur. Atqui iure positivo non irritatur censura ex metu lata. Ergo. Schmalz. n. 23., L. 12.

7. *An Episcopus possit ferre censuras si sit extra diocesim?* — R.

Negat. Nemo enim potest in alieno territorio iurisdictionem contentiosam exercere. Excipiuntur tamen sequentes casus: 1.<sup>o</sup> Si censura feratur non per modum *sententiae*, sed per modum *praecepti*, aut *statuti*, ad futura crimina praecavenda. 2.<sup>o</sup> Si censura feratur per modum *sententiae*, quae tamen non indigeat cognitione causae et strepitu iudiciali, vel quia est contumacia manifesta, vel quia causa iam cognita est in proprio territorio. Si strepitu iudiciali indigeat, opus est, quod venia fiat ab Ordinario loci, et partes consentiant: nemo enim invitus trahi potest extra territorium suum. 3.<sup>o</sup> Si episcopus sit iniuste expulsus a proprio territorio, tunc enim sufficit venia petita ab Ordinario loci, licet non obetnta. C. *Novit* 7. *De Off. Leg.*, Clem. *un.* *De for. comp.*

8. *An Episcopus in sua dioecesi existens possit ferre censuram in subditum extra diocesim existentem?* —

Episcopus, in sua dioecesi existens, censuris per *sententiam* ligare potest subditum, in aliena dioecesi existentem, tum pro crimine in propria commissio, tum etiam, si subditus extra diocesim delinquat: sed de re, quae in illa sit, agatur, prout si excommunicentur clerici, qui ad synodum non accedunt. Neque vero obstat, quod citatio extra territorium fieri nequeat: tunc enim sufficit, quod reus in propria domo citetur, aut in loco publico. Si item episcopus per *speciale praeceptum* alicui sub censura prohibuit delictum, hanc absens incurrit. Praeceptum enim personale est. Cum ergo subditus extra territorium ligetur praecepto, ligatur etiam censura. Ita S. Alph. n. 23., qui sententiam negantem *probabilem* dicit, cum quis delinquat *extra territorium ius dicentis*, et addit: Certum autem est, ex C. *Ut animum* 2. *De Const.* in 6.<sup>o</sup>, quod si episcopus nullum subdito antea delegerit praeceptum sub poena censurae, nequit eum censura punire, si delinquat in aliena dioecesi. Et idem dicendum, si delinquat in loco exempto, quia in eo manet, ac si esset in loco extra diocesim, ex C. *Cum Episcopus* 7. *De Off. Ord.* in 6.<sup>o</sup>, C. *Volentes* 1. *De Priv. ib.*, Clem. *Archiepiscopo* 2. c. 1. Dicitur per *sententiam*, vel *speciale praeceptum*: nam si prohibitio facta sit per Statutum territoriale, censura in delinquentem lata non afficit existentem extra territorium Statuentis censuram, ut expresse deciditur in C. *Ut animum* 2. *De Const.* in 6.<sup>o</sup>. Praelati vero regulares possunt suos subditos censuris ligare, quocumque loco existentes: quia eorum iurisdictionis est magis personalis, quam territorialis. S. Alph. n. 20., Engel n. 31. Cf. La-Croix l. 7. n. 28., Pichler Ius Can. l. 7. T. 39. n. 6.

9. *An Episcopus possit censura ligare subditum alicuium in sua dioecesi delinquentem?* — Peregrini et advenae probabiliter, iuxta Lugonem, et

alios, non incurrunt censuras *speciali iure* alicuius loci; ab ipsa enim obligatione servandi leges istius loci eximuntur. Si vero sermo sit de censuris *ab homine per sententiam* latis, possunt quidem ab episcopo loci censuris ligari postquam ipsi deliquerint in eo loco, *communem legem* violando, et non tantum eius dioecesis, et postquam eos Episcopus citaverit; si tamen *communis illa lex* aliquid praecipiat, vel prohibeat *sub excommunicatione et aliis poenis a iudice Ecclesiastico infligendis*: tunc enim ratione delicti sortitur peregrinus forum episcopi illius loci, in quo deliquit. Si vero Episcopus ipse excommunicationem propria auctoritate minuit violanti legem communem, e. g. furanti, non restituenti, etc., excommunicatio nulla est. Nam delictum immediatum, ob quod fertur excommunicatio, est contumacia et inobedientia subditi inobedientis episcopo, prohibenti furtum vel praecipienti restitutionem. Porro episcopus neque praecipere potest peregrino *non subdito*, neque consequenter specialem sententiam in eum *non subdito* ferre potest. Alii tamen cum Engel et La-Croix huic sententiae contradicunt: quia sicuti possunt ferri leges, quibus obligantur peregrini, v. g. de non gestandis armis, ita illis legibus potest addi censura, et talis peregrinus ratione delicti fit subditus tali episcopo. C. *fin. de For. Comp.* Cf. La-Croix l. 7. n. 32., Engel nn. 35, 112., Schmaltz. nn. 47. 48., S. Alph. nn. 19. 26. 27., l. 6. n. 591., Lugo Resp. Mor. l. 6. D. 22., Laymann C. 4. nn. 5. 6., Gur-Baller. n. 946.

10. *An Episcopi censuras ferre possint in Regulares?* — R. 1.<sup>o</sup> Affirmat., si non sint exempti: tunc enim legibus ac censuris episcopalibus subiiciuntur eodem plane modo ac alii clerici. Insuper, si episcopum habeant tanquam proprium praelatum, censuris ligari ab ipso poterunt aequae ac reliqui regulares a propriis superioribus. Sanch. In Dec. l. 6. C. 1. n. 11., Schmalzgr. l. 3. t. 35. n. 61. 62. — 2.<sup>o</sup> Affirm. si sint exempti, et delinquant circa ea, in quibus vi canonum et Constitutionum subiiciuntur episcoporum iurisdictioni. Ac in tali casu episcopi non ordinaria, sed delegata potestate procedunt. S. C. C. 17. Febr. 1632., Bened. XIV. De Syn. l. 9. C. 16. n. 5., l. 7. C. 41. n. 5. Cf. Barbosa De Off. et Potest. Episc. P. 3. Alleg. 105. n. 14. seq. — 3.<sup>o</sup> Negat. si sermo sit de illis regularibus, qui hac in re gaudent speciali exemptione. Duplex enim distinguenda est regularium exemptio, seu immunitas ab episcoporum censuris. Prima inde provenit, quod regulares in quibusdam exempti sint ab Ordinariorum iurisdictione, ideoque quoad haec neque censuris neque aliis poenis puniri possunt. Cum tamen in aliis sint subiecti episcopis, delinquentes in hisce rebus possunt ab ipsis, etiam censuris, puniri. Altera vero inde provenit, quod speciali privilegio gaudeant regulares quidam, nempe Mendicantes et Religiosi Societatis Jesu, ut non possint ab episcopis puniri censuris, quamvis puniri possint aliis poenis, si in illis ipsis rebus delinquant, in quibus Ordinariis locorum subiiciuntur. Unicus excipitur casus a Baller., G. B. 949., et a D'Annib. 325. ex C. *Inscrutabili* (Gregorii XV., nempe « si in alienis ecclesiis, quae suorum ordinum non sunt, absque Episcopi licentia: et in Ecclesiis suis aut suorum ordinum, non petita illius benedictione, vel ipse contradicente, praedicare praesumpserint ». Verum Innocent. X. Br. *Cum sicut accepimus* 14. Maii 1653. alium, *declarando* cit. Const. *Inscrutabili* Gregorii XV., addidit casum nempe confessionum audiendarum. Tertius etiam addendus est casus circa formam et habitum sacrarum imaginum ex C. Urbani VIII. *Sacrosanta* 15. Mart. 1642. Gardell. n. 1403.

11. *An ignorantia a censura incurrenda excuset?* — 1.<sup>o</sup> Ignorantia *invincibilis*, sive *facti*, sive *iuris*, sive *poenae*, i. e. appositae, censurae, ab ea incurrenda excusat. Deest enim contumacia. Idem ac ignorantia operatur hic oblitio et inadvertentia. L. 43. 44. — 2.<sup>o</sup> Ignorantia *vincibilis* leviter culpabilis, vel etiam graviter culpabilis, si non sit *crassa* aut *supina*, a censura etiam incurrenda excusat, secus si *crassa* et *supina* sit, ex C. *fin. De Const.* in 6.<sup>o</sup>, ubi dicitur, « ligari nolumus ignorantes, dum tamen eorum

ignorantia *crassa* aut *supina* non fuerit ». An autem revera detur ignorantia graviter culpabilis, quae tamen *crassa* aut *supina* non sit, disputatur. Communiter negant: plures tamen affirmant, quia ad ignorantiam crassam summa quaedam negligentia requiritur, et dari potest negligentia graviter culpabilis, licet non sit summa. *A fortiori* non excusat a censura incurrenda ignorantia *affectata*, sive *facti*, sive *iuris*, sive *potestatis*. G. B. 939., L. 45. — 3.<sup>a</sup> Ignorantia *vincibilis* graviter culpabilis, sive sit *crassa* aut *supina*, sive, probabiliter, etiam *affectata* a censura incurrenda excusat, si in Decreto clausula sit: *qui hoc fecerit scienter, consulto, tenere, qui hoc facere praesumpserit*, etc. Nam qui cum ignorantia qualicumque agit, *scienter* profecto non agit. G. B. 939., L. 48.

12. *An metus gravis a censura excuset?* — R. Affirm., nisi tamen legis observatio necessaria sit pro publico bono conservando, aut eius violatio cedat in contemptum fidei, vel legis, vel potestatis ecclesiasticae. Ratio responsionis est, quia ex metu delinquens, ex naturae infirmitate potius, quam ex contumacia, peccat. Ratio exceptionis est, quia in praedictis casibus humanae etiam legis obligatio non cessat.

13. *An appellatio legitime interposita a censura excuset?* — R. Affirm., si nempe interposita fuerit ante sententiam, vel post eam quidem latam, sed pendente die ex qua, vel conditione sub qua lata fuit. Itemque cessat, si die aut conditione pendentibus alter desinat esse superior, alter desinat esse subditus. Si vero absolute iam lata sit censura, eam appellatio non suspendit, unde Canonistae dicunt appellationem esse *in derogativo*, non *in suspensivo*. Semper vero recursus ad S. Sedem datur contra ipsius iniustitiam. — L. 63.-65., Suarez D. 3. S. 4. n. 10. seqq. S. 5. n. 2. S. 15. n. 18. seqq.

14. *An indicandus sit incurrisse censuram, qui dubitat, an eam incurrerit?* — 1.<sup>o</sup> In dubio *facti*, et in dubio *existentiae iuris* excusatur quis a censura incurrenda, non item in dubio *iustitiae iuris*, an nempe iusta sit censura. Ratio 1.<sup>a</sup> est, quia in dubio melior est possidentis conditio. Atqui qui dubitat, an suo facto incurrerit censuram, possidet ius spiritualibus bonis utendi. Ergo non est suo iure privandus. Ergo. L. 39. 67. Ratio 2.<sup>a</sup>, quia favores sunt ampliandi, et odia restringenda. Ergo ius, inducens poenam dubium, in benigniorem partem est accipiendum: poena enim odiosa est. Ergo. L. 67. Ratio 3.<sup>a</sup>, nam in dubio iustitiae praesumptio favet superiori. L. 32. 68. — 2.<sup>o</sup> Cum quis dubitat, an a censura, quam incurrit, sit absolutus, in foro externo pro censura, seu ligamine iudicandum ex C. *Sicut* 39. *De Sent. ecc.* adeoque absolutio petenda: in foro vero interno alii affirmant petendam a solutionem, ne forte bonorum Ecclesiae expers fiat; alii negant: Sanch. l. 10. D. 1. n. 55. Cf. S. Th. Quodl. 4. a. 14.

15. *An censura ligatur, qui eam manifeste iniustam esse noscit?* — Censura non ligatur, qui eam certo iniustam esse noscit, sive ob falsam praesumptionem facti, sive ob omissas legales formas, sive ob limites iurisdictionis praetergressos. Quare eam publice servare non tenetur, nisi ratione scandali, si adsit. L. 68., Laymann C. 6. n. 2.-4., Schmalzgr n. 80.-84., Engel n. 103.-113., Lugo De iust. et iur. D. 37. n. 188., S. Th. S. q. 21. a. 4.

16. *An possit quis ligari pluribus censuris simul?* — Propter unum idemque delictum una tantum incurritur censura, ex pluribus ab uno eodemque legislatore forte latis, illa nempe, qua aliae eminenter comprehenduntur. Sic e. g. usurpantes bona ad personas ecclesiasticas ratione suarum ecclesiarum pertinentia sola excommunicatione imodantur R. P. reservata, et non etiam Tridentina excommunicatione. Cf. Comment. De C. *Apostolicae Sedis* n. 76. Propter unum idemque delictum plures quidem incurrit quis potest censuras a diversis legislatoribus latis, ab Episcopo beneficii et ab Episcopo domicilii a Romano Pontifice et ab Ordinario loci: v. g. si Clerici monialium claustrum violantes suspensione puniantur episcopali statuto, qui excommunicationi R. P. simpliciter reservatae per C. *Apost. Sed. obnoxii*



etiam essent. Propter idem delictum iteratum, propter diversa delicta, potest quis plures censuras incurrere, pluries nempe eandem, et plures diversas eiusdem vel diversae rationis. Atque hic notandum est, quod si censura sit reservata Pontifici, per hanc reservationem videtur tum subtracta inferioribus Praelatis facultas sibi eandem censuram reservandi. Cf. Commentar. De Censuris n. 24.

17. *De absoluteione generalium censurarum.* — « Absolutio significat actum iustitiae, in quo causa aliqua, seu iudicium terminatur in favorem rei. . . Dispensatio autem est actus gratiae, seu misericordiae . . . qua aliquid relaxatur a communi lege in favorem alicuius ». Thesaurus De poenis P. 1. C. 20. Ad censuram solvendam necessaria est absolutio a iure, seu superiore legitime impertita, licet praestita fuerit iam satisfactio, si debebatur, et secuta fuerit emendatio, exceptis censuris in definitum tempus latis: eo enim finito, cessant, et quae latae sunt ad beneplacitum eas relaxantis, hoc enim mortuo, vel huius resolutio iure, cessant. L. 1. 7. n. 131. — Constat ex C. *Qua fronte* 25. *De Appel.* C. *Ec litteris* 11. *De Const.* C. *Cam desideres* 15. *De Sent. Ecc.* C. *Relatum* 37. ib., ex prop. 41. ab Alex. VII. damnata. — Huiusmodi autem absolutio dari potest a Superiore ecclesiastico, vel ab eius delegato, etsi non sit sacerdos. Et quamvis censurae poenae in primis sint fori externi, absolutio tamen ab ipsis dari potest in foro interno conscientiae, quamdiu ad externum forum non fuerint deductae, quod communi constat doctrina et praxi. Absolutio a censuris, quasi removens prohibens, prius sub gravi danda est, quam absolutio a peccatis: si tamen posterius detur, valet; et, si poenitens hanc recipiens graviter non peccaverit, valet quoque absolutio a peccatis. Cum vero non constet poenitentem censura ligari non nisi ad cautelam praemittitur. Atque ex his patet absoluteionem a censuris penitus distinctam esse ab absoluteione a peccatis, et unam sine alia stare posse. Cf. D'Annib. P. 1. n. 336. 337. Ed 3.<sup>a</sup> S. Th. S. q. 24. a. 2. ad 2., L. 122., Laymann C. 7. n. 1., Schmalz. n. 107. 111.

18. *Quinam a variis censuris absolvere possint?* — A censura, tum ab homine per modum praeccepti, vel per sententiam particularem, tum a iure reservata, absolvere tantum possunt 1.<sup>o</sup> qui censuram tulit: 2.<sup>o</sup> eius Superior: 3.<sup>o</sup> eius successor: 4.<sup>o</sup> alius ab horum quopiam delegatus. Ratio est, quia eius est absolvere, cuius est ligare. S. Alph. n. 69., Laymann C. 7., Schmalz. n. 85-93. 97., S. Thom. Suppl. q. 24. a. 1. Dicitur *censura ab homine per modum praeccepti, vel per sententiam particularem lata*: nam censurae ab homine latae, sed per modum statuti, sive generalis sententiae, iuxta probabiliorum opinionem aequiparantur latis a iure, quae non sint reservatae, de quibus in num. seq. S. Alph. n. 73., Schmalz. n. 94. Engel n. 124. A censuris, quae minus proprie tales sunt, nempe ad certum diem latis, in perpetuum, vel ad Superioris beneplacitum, ab eo tantum vel ab alio speciale habente facultatem absolvi possunt: siquidem licet expresse non sint reservatae, implicite tamen reservatae sunt, ex ipsa earum natura. Cf. Suarez D. 29. S. 1. n. 16. — Quilibet Confessarius absolvere potest a censuris, a iure latis, Papae vel Episcopo minime reservatis, tum pro foro interno, tum pro foro externo. Constat ex C. *Nuper*, 29. *De Sent. Ecc.*, Struggl. n. 29., S. Th. Suppl. q. 24. a. 1., S. Alph. n. 69-71. 326. 322. 339. l. 1. n. 191., Schmalz. n. 95-96. — « Attamen ut possit quis publice absoluteione uti, necesse est, ut de illa publice constet, . . . Ut autem publice constare censeatur, satis est, quod publice constet, illum fuisse confessum . . . habenti potestatem . . . dummodo satisfactio, quae necessaria fuerit, publice sit etiam exhibita ». Suarez D. 7. S. 5. n. 29. Id enim requiritur, quamvis censura iuridice denunciata non fuerit, ad scandalum praecavendum, et ut constet eum a sua contumacia recessisse, et ad obedientiam Ecclesiae rediisse.

19. *Variarum absoluteionis a censuris circumstantiarum.* — A censuris absolvi potest absens et invitus. Absolutio enim a censuris non est sacramentalis; sed mera relaxatio vinculi ab Ecclesia impositi, quae potest etiam

in absentes et invitos pronuntiari. Id vero non licet sine gravi causa. L. 117. 130. S. Th. S. q. 24. a. 2. — Is qui pluribus censuris est adstrictus potest absolvi ab una relictis aliis, quia inter ea non est necessaria connexio. C. *Cum pro causa* 27. *De Sent. Exc.* L. 118. 131., S. Th. q. 24. a. 3. — Absolutio, vi aut metu gravi, iniuste incusso, extorta, non valet, ex C. *unic.* *De his quae vi, etc.*, in 6. L. 119. Idem dicatur, si per errorem circa causam motivam detur. C. *Offici* 42. *De Sent. Exc.* — Schmalz, n. 99. 100. 102. Cf. Thesaurum De poenis P. I. C. 22-24.

Absolutio dari nequit, nisi prius, ubi opus fuerit, scandalum absolvendus reparaverit, parti laesae satisfecerit, vel si nequeat, cautionem idoneam praestiterit, vel nisi iuraverit aut promiserit se satisfacturum, quum primum poterit, et, si crimen sit de atrocioribus, aut de clericorum percussione agatur, se nunquam in illud relapsurum. Verum iuramentum et cautio pignoratitia ad externum forum pertinent. Quoad forum internum sufficit simplex et sincera promissio de satisfaciendo, de stando mandatis Ecclesiae, etc. C. *Porro* 7. *De Sent. Exc.*, C. *Per tuas* 40. 10. 11. ib., C. *Qua fronte* 25. *De Appell.*, C. *Odoardus* 3. *De Solut.*, C. *Ex parte* 23. *De Verb. sign.*, S. Poenit. 5. Jul. 1857. — An autem quum Pontifex dat facultatem absolvendi, *satisfacta parte*, clausula haec apponatur semper tanquam conditio *sine qua non*, alii probabiliter affirmant, alii probabiliter negant. L. 121. 129., Schmalz. n. 100. 101., G. B. 955.

Absolutio dari potest, tum *absolute*, tum *conditionate*. Absolutio item dari potest *ad reincidentiam*, i. e. ut absolutus, nisi aliquid praestet, puta nisi post tale tempus restituerit, in eandem reincidat censuram *ipso facto*. Reincidentia vel est *a iure* vel est *ab homine*. *Ab homine* tunc tantum est, cum expressa voluntate Superioris adiciatur; *a iure* vero cum claro iure contineatur. Sumus enim in odiosis. Porro censura, in quam absolutus est recasurus *nova* numero est censura, licet eiusdem speciei. Quare reincidentia addi nequit absolutioni, nisi ab eo, qui potestatem habet ferendi censuram, eaque non incurritur sine nova culpa et contumacia. L. 86. 87. 123.-125., Laymann C. 7. n. 8., Lugo De Poenit. D. 20. nn. 213. 214.

Ad *valide* absolvendum a censuris, nulla in iure praescribitur determinata formula. Quare sufficit Superioris voluntas signo sensibili manifestata, ut alteri nota fiat. Schmalz. n. 98. Ac quamvis *ipso facto* dari possit, per se loquendo; ex iure tamen non videtur praesumendum sic datum esse. Cf. Clement. *Si summus* 4. *De Sent. Exc.*, C. *Si aliquando* 41. e. t., C. *In praesentia* 46. ib., Schmalz. n. 77. 389., S. Raymund. De Penitentia Summ. l. 3. De Sententiarum Praeceptis, etc. § 36. Ad *licite* vero absolvendum in foro *sacramentali* formula adhibenda est, quae habetur in ipsa formula sacramentalis absolutionis, eademque adhibetur in foro *interno conscientiarum* extra sacramentum. In foro vero externo formula adhibenda est in Rituali et Pontificali Romano, et C. *A nobis* 28. *De Sent. Exc.*, praescripta. — Ad solennem autem et publicam absolutionem, prout in Rituali describitur, opus est mandato Episcopi, qui id tantum praecipere solet, quum totius communitatis scandalum adfuit, aliaeque servandae sunt iuris solemnitates; et sic, si sermo sit de crimine enormi, ante absolutionem, delinquentis iurare debet, nisi forte sit impuber, in tale crimen non amplius relapsurum. C. *Le tenore* 10. C. *De cetero* 11. *De Sent. Exc.*, Rit. Rom. De abs. ab excom. Qui autem potestatem habet absolvendi in foro conscientiarum a censura potest id facere etiam extra confessionem, praeter quam in iubilaeo, n. quo danda est in foro Sacramentali. Bened. XIV. C. *Inter praeteritos*, § 65. Absolutio data in foro externo, in interno etiam prodest; data in foro interno prodest toleratis etiam in externo, sed non impedit, quominus agi possit contra ipsos ad normam iuris: non item vitandis, quando id liceat, ut in iubilaeo et in articulo mortis. Bened. XIV. C. *Inter praeteritos*, § 61. Cf. S. Alph. n. 70. 116. 126.-129., et l. 6. n. 536., Gury-Baller. n. 954., Laymann P. 2. C. 6., Pichler l. 5. T. 39. n. 13.

## II. — DE EXCOMMUNICATIONE

20. *Quid sit Excommunicatio?* — Excommunicatio est censura, per quam quis privatur *communione Ecclesiae*. « Est poena, quam Ecclesia infligere potest, gravissima, ac virtute in se continet censuras alias Suspensionis et Interdicti, utpote quae non ita plene, sed tantum partialiter privant bonis Ecclesiae, seu illorum usu ». Pichler l. 4. t. 39. n. 23. Duplex est, alia *minor*, alia *maior*. Haec maior excommunicatio dupliciter patet. Alia enim est, qua quis est excommunicatus *toleratus*, quem fideles non tenentur vitare: alia est, qua quis est excommunicatus non toleratus, quem vitare tenentur.

21. *De excommunicato tolerato*. — Quoad excommunicatum *toleratum*, cuicumque etiam clam excommunicato, canonico Iure interdictum est cum aliis communicare tam in divinis quam in humanis. At fideles cum illo communicare possunt tam in humanis quam in divinis, etiam sine necessitate, quamvis non teneantur. Hinc licite spiritualia, velut sacramenta, dari possunt excommunicato, itemque licite peti possunt sacramenta ab excommunicato, etiam absque necessitate, *praevis vi excommunicationis*: nam si ille in peccato mortali est, causa iusta requiritur. Quare indirecte indultum est etiam excommunicato, ut communicare valeat sine peccato cum iis a quibus rogatur. Idem dicatur de suspensio et interdicto. C. Martini V. in Conc. Constant. *Ad evitanda*, Schmalz. n. 121.-125., S. Alph. n. 135. 138.-140. 160.

22. *De excommunicato vitando*. — Excommunicati *vitandi* duo tantum recensentur. 1.<sup>us</sup> est quivis *nomiatim* excommunicatus, qui simul sit *specialiter* ac *publice denunciatus*. *Nominatim*, i. e. nomine expresso per verba aut signa indubitata, ita ut non possit cum alio confundi. Hinc non tenemur vitare haereticos, v. g., etiamsi publice notum sit eos esse a Iure excommunicatos. *Specialiter denunciatus*, i. e. non generaliter denunciatus, sed *nominatim* etiam denunciatus. Hinc si dicatur: Excommunicamus Petrum incendiarium, et eius complices, Petrus tantum est vitandus, non vero alii, licet publice noti sint; nam sententia quoad illos est tantum generalis, et non specialis contra certam personam. *Publice denunciatus*, i. e. fieri debet denuntiatio in loco publico iuxta usum regionis. Hic autem notandum est, quod licet sufficiat, ut excommunicatus *a iure* denuntietur tantum tanquam *talis*, ut iam sit vitandus; non sufficit tamen, si *reus* sententia declaretur tantum, quod nempe *commiserit crimen*, cui annexa est excommunicatio: sed ipsamet *excommunicatio* debet a iudice denunciari. — 2.<sup>us</sup> est *Notorius clericus percussor*. *Notorius*, i. e., secundum S. Alphonsum, non solum *notorietate iuris*, sed *notorietate etiam facti*, communiter seu ordinarie saltem loquendo. *Notorietate iuris*, quod nempe notum sit vel per sententiam iudicis, vel per confessionem rei in iudicio, vel per sufficientem depositionem iudicalem. *Notorietate facti*, quod nempe pluribus reapse notum sit, ita ut factum iam non possit aliqua tergiversatione celari. Secus enim semper poterit factum *aliquo suffragio excusari*. Hinc probabiliter, percussor clerici notorius in uno loco vitandus non est in alio, ubi non est notorius. Et idem dicatur de priori casu, i. e. de nominatim excommunicato, publice iam in aliquo loco denunciato, qui sit in alio loco omnino ignotus. Ac « nisi saltem (publice) constet facto (ipso) quod percussor advertenter voluerit (cognoverit et contempserit) censuram incurrere, probabiliter nunquam est vitandus » ante ipsam sententiam iudicis specialiter eum denuntiantis. S. Alph. n. 144. Constat ex C. Conc. Constant. *Ad evitanda*, S. Alph. n. 134. 146. Cf. Diana. T. 5. Tr. 1. de Excommunic. Res. 50. n. 4. 5., Lugonem Resp. Mor. l. 2. D. 5., Laymann. C. 4., Ferraris Bibl. v. *Excomm.* art. 9. n. 5. 7.



23. *De excommunicatione minori.* — *Excommunicatio minor* privat per se tantum usu passivo seu receptione sacramentorum, et consequenter electione passiva ad beneficia et dignitates Ecclesiae. C. *Si quem* 59. *De Sent. Ecc.* C. *A nobis* 2. *De Except.* C. *Si celebrat* 10. *De Cler. exc. min.* — Ea ob unam tantum causam incurreretur, si quis nimirum cum excommunicato vitando communicaret, et a quolibet confessario absolvi poterat. C. *Nuper* 29. *De Sent. Ecc.* — Cf. S. Thom. Suppl. q. 23. a. 1. 2., S. Alph. n. 147-156., Suarez D. 24., Laymann. C. 3. n. 4.-6., Schmalz. n. 198-211. — Excommunicatio minor hodie per C. *Apostolicae Sedis* sublata est. Ita S. I. C. fer. IV. d. 5. Dec. 1883., adprobante ac plene confirmante Leone XIII. Hoc tamen non impedit. « quominus Episcopus (etiam in praesenti) in poenam alicuius criminis possit nominatim alicui interdicere usum passivum sacramentorum, vel saltem Communionis » S. Alph. n. 148. — Verum ob communicationem cum excommunicato in quibusdam peculiaribus casibus incurritur nunc excommunicatio maior, suspensio, interdictum. Cf. C. *Apostolicae Sedis* art. 16. et 17. Excommunicationum R. P. simpliciter reservatarum, art. 1. Excommunicationum nemini reservatarum, art. 6. Suspensionum, et art. 2. Interdictorum. — Cf. Synod. Dioec. Albanen. an. 1886. Append. N. 10. § XI. n. 3., Pichler n. 34. 35.

24. *De excommunicatione maiori.* — Excommunicatio maior hos habet effectus: 1.<sup>o</sup> privat susceptione et usu passivo sacramentorum. C. *A nobis* 28. *De Sent. Ecc.*, C. *Cum illorum* 32. ib., C. *Sacris*, 38. ib., C. *Si quem* 59. ib., C. fin. *De cler. excomm. ministr.* Hinc « nullus excommunicatus, sive toleretur sive non, potest ea licite (valide vero recipit, excepta poenitentia, nisi in bona fide accedat) recipere sub mortali, nisi excuset ignorantia invincibilis, metus mortis, infamiae, iacturae honorum, etc., quia censura non obligat eum tanto rigore ». S. Alph. n. 158., Schmalz. n. 140-153., Pichler n. 29., Coninck. Dub. 5.

25. 2.<sup>o</sup> Privat saltem non toleratos *communibus Ecclesiae suffragiis* et orationibus, quae nempe nomine Ecclesiae fiunt ab eius ministris, itemque fructu privat indulgentiarum. Dicitur, *communibus suffragiis* et orationibus; quare non privat *suffragiis* et orationibus *privatis*, quae nempe nomine proprio fiunt. « Unde non tantum quivis privatus, sed etiam sacerdos potest tanquam persona privata pro excommunicatis orare, etiam in publicis precibus et sacro: immo actionem sacrificandi prout pendet a merito privato operantis offerre, vel eius in Memento in particulari meminisse. Hoc est certum cum S. Thoma ». S. Alph. n. 162. Dicitur, *saltem non toleratos*, quia, ut docet idem S. D., probabiliter pro excommunicato tolerato offerri possunt sacrificia, etc. etiam nomine Ecclesiae. « Ratio, quia leges favorabiles cum omni amplitudine intelligendae sunt: dum igitur fidelibus concessum fuit communicare cum toleratis, concessum etiam fuit orationes publicas pro eis offerre: nam communicare id etiam importat, etc. ». S. Alph. n. 164. — Cf. ec., Schmalz. n. 126. 134-139., Pichler n. 29. 33., Coninck Dub. 6. Lagel n. 38. Laymann. C. 1. n. 4., S. Thom. 3 p. q. 82. a. 7. ad 3., Suppl. q. 21. a. 1. ad 1. ad 2., a 3.

26. 3.<sup>o</sup> Privat usu activo seu *administratione sacramentorum*. C. *Latore* 4. *De Cler. excomm. ministr.*, C. fin. ib. Administratio haec non tolerato illicita omnino est, praeter quam in casu extremae necessitatis aut gravis incommodi, extra quos casus *valide* tamen sacramenta conferi praeter poenitentiam, quae iurisdictionem requirit, et qua caret, nisi communis adsit error facti, vel de mortis articulo agatur. Excommunicato vero *tolerato* quandoque est licita, si nempe non ipse se ingerat, sed fideles exigant et petant: et sic potest celebrare, si sit pastor, cuius subditi teneantur audire sacrum, nec sit alius qui celebret: in gratiam enim fidelium tolerantur, non in ipsorum favorem. Hinc valide etiam poenitentiam ministrat, cum non privetur iurisdictione: hoc enim expedit ad fidelium utilitatem. S. Alph. n. 165-179., Schmalz. n. 144-146., Laymann C. 2. n. 5. Cf. Ithur. Cas. 42.

27. 4.<sup>o</sup> Privat *usu divinarum officiorum*, ita ut excommunicatus sive vitandus sive toleratus non tantum careat eorum fructu, sed etiam sub mortali ea nequeat celebrare, iisque interesse, parte notabili, ita ut moraliter censeatur *cum aliis communicare*, nisi excuset ignorantia vel necessitas vitandi scandali. Licet eadem sit lex pro vitandis et toleratis; ad hos tamen quod spectat, cum hodie vix adsit confessarius, qui excommunicatum arceat a divinis officiis, et nullus sit excommunicatus, qui existimet a divinis officiis sibi esse abstinendum, rigor iuris hac in re temperatus quibusdam videtur. Similiter peccant alii, qui cum excommunicato vitando participant, cum illo divinis assistendo, v. g. *eidem* missae; ac licet peccatum hoc ex genere suo sit mortale, ex parvitate tamen materiae veniale est, ut si exigua pars missae, g. usque v. ad evangelium tantum, cum illo audiat.

28. Porro per divina officia intelliguntur sacrificium missae, publica oratio, processio, cantus horarum, benedictio olei, aquae, candelarum, et cetera annexa ordini clericali ex institutione Christi, vel Ecclesiae, quae publice et solemniter fiunt, cum propriis ornamentis, excepta concione. S. Alph. n. 177. Hinc excommunicatus, sive toleratus sive vitandus, potest etiam tempore, quo non celebrantur divina, ecclesiam ingredi ad orandum privatim, et seorsim ab aliis in distincto sacello, et in eodem etiam sacello, ubi alii orant, privatim orare, quia privatim orando minime cum aliis communicat. Immo quamvis ex *Cap. Excommunicatos* 17. q. 3. caus. 11. interdiciatur excommunicato communicare cum aliis etiam in oratione privata; secluso tamen scandalo et contemptu, non videtur materia gravis uti socio ad recitandum officium privatim, sicut ad dicendum Rosarium. S. Alph. n. 173-178., Schmalz. n. 131-133. 178., Pichler l. c.

29. Iam vero, si excommunicatus assistat divinis Officiis et sit *vitandus*, neque monitus velit ab Ecclesia recedere, tenentur clerici eum expellere, si possunt, aut si non possunt, aut gravius incommodum timetur, ab officio cessare, alias graviter peccant. Si missae sacrificium celebretur, celebrans, nondum inchoato canone, debet abrumper missam; si inchoavit, potest, ceteris abeuntibus, Sacrum proseguiri, vel abrumper, ob sententiae utriusque probabilitatem: si consecravit, debet, solo ministro maveniente, pergere usque ad communionem inclusive; et reliqua perficere in sacristia, vel alio decenti loco. Expelli autem debet excommunicatus opera laicorum, si adsint, si vero desint, etiam clerici eum expellere debent. Ad assistentes vero quod attinet, alii probabilius dicunt eos etiam graviter peccare, nisi excuset aliqua necessitas, aut parvitas materiae; alii non improbabilius aiunt hanc communicationem adstantium culpam venialem non excedere, quia talis communicatio videtur nimis remota et accidentalis, nisi ipsi causa etiam sint ut excommunicatus intersit. Communis autem doctrina est, quod si adstantes audiant aliam missam diversam ab illa, quam audit excommunicatus, tunc nec ipsi, nec celebrans tenentur recedere, quia tunc nulla est formalis communicatio. C. *Veniens* 16., C. *Significavit* 18., C. *Nuper* 29., C. *Responso* 43. *De Sent. Erc.*, Clem. *Gravis* 2. e. t., Laymann C. 2. n. 6., Engel n. 57-59., Pichler n. 33.

30. 5.<sup>o</sup> Collatio beneficii aut dignitatis ecclesiasticae iurisdictionem habentis, facta excommunicato, uti praesentatio, electio, institutio, confirmatio, nulla est, idque licet ignoretur excommunicatio; nam ignorantia licet possit excusare a culpa, non supplet tamen defectum conditionis requisitae ad valorem actus. Beneficium enim datur propter officium. Excommunicatus autem, sive vitandus, sive toleratus, inhabilis est officio exercendo; non potest enim in officio communicare. C. *Postulastis* 7., C. *ult. De Cler. Ecc.* Hinc nequit facere fructus suos. Beneficio autem alio iam obtento non privatur, neque tenetur ante sententiam iudicis fructus restituere, si per se, vel per alium, onera eiusdem implevit. Poenae enim requirentes actionem ex parte delinquentis indigent semper sententia iudicis, saltem declaratoria. S. Alph. n. 179-183., et l. 1. n. 148. 149., Schmalz. n. 147-162., Engel n. 60.

61. Excommunicatus est etiam inhabilis ipso iure ad obtinenda quaecumque Rescripta Sedis Apostolicae, tam gratiae, quam iustitiae, quae consequenter nulla erunt. C. *Dilectus* 26. *De Rescriptis*, C. *Ipsa iure* 1. o. t. in 6.º Excepi nisi fuerint concessa *scienter, motu proprio*, vel praemissa, uti assolet, absolute a censuris; quod etiam intelligendum erit de collatione beneficii, si in concessione clausula adsit absolutionis a censuris. Pichler n. 29., Coninek Dub. 9. 10., S. Alph. n. 180. 182. Cf. Laymann. C. 2. n. 7-12.

31. 6.º Privat communicatione forensi, seu omni actu ad iudicium pertinente in foro tum ecclesiastico, tum etiam civili. C. *Decernimus* 8. *De Sent. Exc.* in 6.º Hinc Excommunicatus nequit esse iudex, advocatus, procurator, actor, tabellio, testis, tutor, curator aut executor testamenti, etc. Verum distinguendum est inter excommunicatum *toleratum* et *vitandum*. Excommunicatus toleratus nulla forensi communicatione ipso facto privatur, unde *valide* agit, si ea utatur; et *licite* etiam si requiratur. Sed iuridice repelli potest per exceptionem, tum ab adversariis, tum a iudice. Excommunicatus vero *vitandus* illicite agit; potest tamen excipere, appellare et seipsum defendere. Praeterea sententia iudicis vitandi non solum est *illicita*, sed *invalida*, cum careat iurisdictione C. *Ad probandum* 24. *De Sent. et re iud.*, C. *Cum inter* 5. *De Except.*, C. *Pia consideratione* 1. ib. Insuper nec potest licite inire contractus, nec testari, etsi faciat valide, etiam cum excommunicatum instituit haeredem.

32. 7.º Privat ecclesiastica iurisdictione. C. *Ad probandum* 24. *De Sent. et re iud.*, C. *Romana* 1. *De Suppl. negl. praelat.* in 6.º, C. *Romana* 1. *De Offic. vicar.* in 6.º, C. *Si is cui* 10. *De Off. deleg.* in 6.º Ratio autem est, quia iurisdictionis exercitium est praecipua cum fidelibus communicatio. Hinc excommunicatus *vitandus* et *illicite* et *invalidè* absolveret, eligeret ad beneficia, etc. Excommunicatus vero *toleratus*, etiam *notorius*, *valide* iurisdictionem exercet, sed *illicite* agit, nisi vel ex gravi causa, vel rogatus iurisdictionis actus exerceat; quibus in casibus a mortali peccato excusatur etiam sacramenta ministrans. S. Alph. n. 185., Ithur. Cas. 42., Laymann. C. 2. n. 13., Schmalz. n. 163. — 166., Pichler l. c., Coninek Dub. 10., Lugo *De Iust. et Iur. D.* 37. n. 6. seqq.

33. 8.º Privat ecclesiastica sepultura, quae nempe fit in loco sacro, ad sepulcrum fidelium destinato. Hinc excommunicatus *vitandus* et *toleratus* nequeunt in loco sacro sepeliri, et si in loco sacro sepulti fuerint, inde sunt extrahendi. Hoc autem intercedit discrimen inter *vitandum* et *toleratum*, quod 1.º si uterque dederit moriens signa poenitentiae, *toleratus* potest sepeliri in loco sacro, quamvis *deceat* eum prius ab excommunicatione absolvi; *vitandus* vero sepeliri in loco sacro non potest, nisi prius absolviatur. 2.º Si excommunicatus *vitandus* sepultus sit in loco sacro, locus iste tali contactu censetur pollutus, et est expiandus; si vero excommunicatus *toleratus* in loco sacro fuerit sepultus, locus sacer non censetur pollutus, nec proinde expiatione indiget — C. *Sacris* 12. *De Sepult.*, Pichler n. 29., Coninek Dub. 8., S. Alph. n. 186. 187.

34. 9.º Privat societas civilis, quae quinque involvit, *os, orare, vale, communicare, mensa*. Privatio civilis huius consortii intelligenda est tantum pro *vitandis*; nam *tolerati* ex hodierna consuetudine amplius non peccant in *civilibus* communicando cum fidelibus, etsi ab ipsis non requisiti. S. Poenit. 5. Jul. 1867. Dicitur *in civilibus*, nam *in divinis*, nonnisi requisiti, communicare possunt. Pichler l. c.

35. Insuper dantur causae graves, in quibus licet aliquando etiam cum non tolerato communicare. C. *Si vere* 34. *De Sent. Exc.* Hae causae sunt 1.º *utile*, i. e. utilitas sive spiritualis sive temporalis, tum ipsius excommunicati, tum alterius; 2.º *lex*, i. e. coniunctio matrimonialis, nisi 1.º coniuges sint per divortium separati; 2.º aut excommunicatio lata sit propter dubium valoris matrimonii; 3.º aut etiam alter coniugum sit ob haeresim



excommunicatus. An autem quis possit communicare etiam *in divinis* cum coniuge excommunicato, duplex est sententia 1.<sup>a</sup> affirmat; 2.<sup>a</sup> verior negat. 3.<sup>a</sup> *humile*, i. e. status subiectionis. Hinc filii, etiam emancipati et adoptivi, nepotes, pronepotes, et in eodem genere affines, communicare possunt cum parente. Itemque communicare possunt servi et ancillae cum domino, si ante excommunicationem fuerint in servitio; religiosi cum praelato; milites cum duce excommunicato. Et e contra parentes, mariti, domini communicare possunt cum filiis, uxoribus et famulis excommunicatis. Haec autem communicatio non extenditur etiam *in divinis*, nisi ea communicatio necessaria sit ad praestandum obsequium debitum. Hinc famuli licite comitantur dominum ad missam, ac licite iussi ministrant excommunicato celebranti, aut cum eo officium recitant, si ad id vi famulatus teneantur. 4.<sup>a</sup> *Res ignorata*, i. e. ignorantia sive iuris sive facti, tum invincibilis, tum etiam satis probabiliter vincibilis et crassa. 5.<sup>a</sup> *neccesse*, i. e. necessitas gravis sive animae, sive corporis, sive bonorum temporalium, sive communicantis, sive excommunicati, sive aliorum. Nam Ecclesiae leges de se non obligant cum gravi incommodo. — C. *Responsio* 43. *De Sent. Exc.*, C. *Inter alia* 31. ib., C. *Si vere* 35. ib., C. *Cum voluntate* 54. ib., Can. *Quoniam multos* 108. *caus.* 11. q. 3., Schmalz. n. 183-194., Pichler n. 32., S. Thom. Suppl. p. 23. a. 1., Engel n. 47-52., S. Alph. n. 200-206.

36. Iam vero *Os* sunt colloquia, litterae, et generatim signa benevolentiae, uti sunt dona mittere vel acceptare, etc. An autem signa urbanitatis excommunicato exhibere liceat, 1.<sup>a</sup> sententia negat, et ea probabilis est: 2.<sup>a</sup> sententia etiam probabilis affirmat, modo ea signa, ut est assurgere, aperire caput, cedere locum, fiant ut vitetur nota inurbanitatis, vel indignatio excommunicati, neque exhibeantur tanquam signa amicitiae aut communicationis. — *Orare* est quaelibet communicatio in divinis, v. g. assistere missae, vel officiis publicis ecclesiae, de qua supra. — *Vale* comprehendit salutationes omnes verbo aut alio signo exhibitas honoris causa, nisi haec fiant ad vitandum damnum et indignationem ipsius excommunicati. Hinc probabiliter licet excommunicatum resalutare: resalutatio enim, non honoris exhibitio, sed potius debiti solutio et mere actus urbanitatis est. Probabilius vero videtur non licere excommunicato rescribere, secundum S. Alphonsum, qui non valet acquiescere sententiae oppositae, « quia rescriptio videtur vera communicatio ». — *Communis* comprehendit omnem contractum, qui tamen validus est, si fiat, omnemque societatem, adeoque cohabitationem et cooperationem. *Mensa* comprehendit convivia per modum tamen societatis et commercii, quale non habetur certe, si casu incidas in idem iter, hospitium, mensam, immo lectum. Cf. Laymann C. 2. 16. 17., S. Alph. n. 188-195., Schmalz. n. 177., Pichler l. c. n. 31. Coninck Dub. 12., S. Thom. Suppl. q. 21. a. 1.

37. *An grave sit Excommunicationem violare?* — Communicatio *in divinis* censetur mortale, nisi excuset parvitas materiae, vel damnum grave, vel consuetudo, vel privatim tantum communicent. Cf. n. 28. 34. Quamvis vero peccent, nullam tamen poenam incurrunt, excommunicatus communicans cum aliis, et alii communicantes cum ipso, nisi in casibus iam indicatis supra n. 23. — Communicatio *in civilibus*, secluse contemptu, sed sine iusta causa, est tantum veniale. Id autem intelligitur, per se loquendo, praecisione facta a contraria consuetudine, quae toleratos ab omni excusat peccato. An autem frequenter et continue in civilibus communicare sit iterum per se loquendo mortale; duplex adest sententia probabilis, altera affirmans, altera negans. — Tandem communicatio *in crimine criminoso*, i. e. in eodem crimine seu contumacia, ob quam lata est excommunicatio, mortale peccatum est. Esset v. g. si, post excommunicationem latam ob furtum, quis adhuc communicaret cum excommunicato, ut eidem consilium aut opem suppeditaret, ne ille restitueret. Incurritur autem poena ob huiusmodi communicationem in casu indicato in C. *Apostolicae Sedis*,

Excomm. R. P. simpliciter reserv. art. 17. — C. *Significavit* 18. *De Sent. Eccl.*, S. Thom. Supp. q. 23. a. 2. 3., Quodl. 11. a. 9., S. Alph. n. 196-199, 207., Laymann C. 3. n. 1-3., Schmalz. n. 178-182. Cf. etiam n. 195-197., Pichler n. 31., Coninck Dub. 14.

### III. — DE SUSPENSIONE

38. *Quid sit suspensio?* — Suspensio est censura, qua clericus privatur usu potestatis ecclesiasticae, quam habet ratione ordinis, officii, beneficii. Quare per eam non privatur clericus passiva sacramentorum receptione, neque communibus suffragiis, etc. — Suspensio cum poena gravissima sit, infligi licite non potest sine monitione, sine scriptura, aliisque iuris formalitatibus. Quare si praelatus, vel non praemissa monitione, vel causa non expressa, vel oretenus dicat: Ego te suspendo, nisi lata fuerit per modum praecepti, aliquid nempe praecipiendo, puta famulam dimittere intra certum tempus, sub poena suspensionis ipso facto incurrenda, erit potius vel mera poena, vel simplex celebrandi prohibitio, et non censura: non enim praesumitur praelatum voluisse delinquere, censuram absque praevia monitione, vel non declarata causa, vel oretenus ferendo. Cf. n. 17. Unde eam infringens inobedientiae gravis reus esset, non ideo tamen evaderet irregularis. S. Alph. n. 317. 318. — In communitatem autem, qua talem, lata tenet quidem omnes quoad officia, vel beneficia communia: minime vero quoad beneficia vel munia particularia, neque ut *censura*, sed ut *privatio*, ac ut poena quaedam canonica, et ut inhabilitas particularis personarum ad illa. S. Alph. n. 317. Cf. Lugo Resp. Mor. l. 1. D. 18., Schmalz. n. 45. — Censura item proprie talis non est, si Episcopus *ad cautelam* clericum arceat ab exercitio sacri ministerii, non quia criminis reus sit, aut de crimine iam convictus, vel confessus; sed quia non deest sancta tractari ab illo, quem publica fama male refert. Card. De Luca Opp. Tom. 14. Annetat. ad S. Conc. Trid. Disc. 43. n. 3. 4., Bonacina T. 3. De Cens. in part. D. 3. Q. 5. P. 1., Pichler. n. 39. 41. 42

39. *De suspensione ex informata conscientia.* — Suspensio ferri praeterea potest ab Ordinario *ex informata conscientia*, nempe ex causis sibi notis, adeoque extraiudicialiter, nulla praemissa monitione, et omni appellatione remota; recursum tamen ad Ap. Sed. semper liber erit. Utrum vero huiusmodi suspensio ferri possit non solum *ob occultum crimen*, verum etiam ob delictum publicum, controvertitur. Sententia affirmans innuitur potissimum in C. Trid. S. 14. C. 1. de R., unde constat posse Episcopum « clericum ascensum ad sacros ordines ex quacunque causa, *etiam* ob occultum crimen, quomodo libet, etiam *extraiudicialiter*, interdicere, aut a suis ordinibus seu gradibus vel dignitatibus ecclesiasticis suspendere ». Sententia negans vero constat ex Instr. S. C. de P. F. 20. Oct. 1884. n. 7. Huiusmodi suspensio, cum sit ob delictum occultum, vel utcumque praeteritum, vel, si ob delictum, quod in futurum pendet, desit monitio et contentio, rationem *censurae* non habet. Quare iuxta quosdam hanc violans suspensus non incurrit irregularitatem. Iuxta alios vero, eosque plures, eam incurrit. Illos amplectitur sententiam S. C. de P. F. Instr. cit. 20. Oct. 1884. n. 11. Si item suspensio feratur in tempus definitum, utrum eam violans irregularitatem incurrat, alii negant, alii affirmant. Verius affirmandum ex C. *Cum aeterni* 1. *De Sent. et re iud.* in 6.°, si tamen ob delictum non mere praeteritum, sed aliquo saltem modo futurum lata sit, si nempe suspensio fuerit lata per modum praecepti aut statuti, aut legis, ob crimen futurum, vel etiam praeteritum habens tractum successivum. Tunc enim iam est ad praecavenda delicta, et non tantum ad praeterita punienda. Quare rationem

quoque censurae vere tunc habet. S. Alph. n. 314., Salm. T. 10. C. 5. n. 13., Bened. XIV. De Syn. l. 12. C. 8. n. 3-5., Bouix de iudic. T. 2. Parisiis 1885. pag. 310. et seqq., Scavini de Suspensione q. 2. et nota (Z), Acta S. S. V. 14. p. 299. et seqq.

40. *Quomodo cesset suspensio?* — Suspensio imposita per modum *censurae* cessat per absolutionem. Suspensio vero imposita per modum *merae poenae* spiritualis cessat per dispensationem vel remissionem Superioris, vel etiam per seipsam sine alia Superioris declaratione, nempe elapso tempore constituto, vel impleta conditione imposita. Huiusmodi suspensio per modum poenae est suspensio in perpetuum, vel ad certum tempus, v. g. ad triennium, vel donec reus satisfecerit, vel restituerit, vel ad beneplacitum Sedis, vel Superioris, in quo postremo casu suspensio etiam cessat, mortuo vel deposito Superiore, etc. — « Etsi suspensiones, quae ut purae poenae feruntur, potius *per dispensationem* tolli debeant; Doctores tamen aliqui, nullo observato discrimine, omnem suspensionem propter delictum seu in perpetuum, seu ad certum tempus impositum *absolutione* auferri aiunt; quod verbum (*absolutionis*) et in formula relaxationis usurpari solet... Eademque ratione privilegium a Sede Apostolica Confessariis Societ. Jesu concessum, quod fidelium confessionibus auditis, eos in foro conscientiae absolvere possint a quibuscumque sententiis, censuris ac poenis ecclesiasticis ex peccatis resultantibus, ad suspensiones iuris indistincte se extendit, sicut significat Avila ». Laymann C. 4. n. 4.

41. *Quotuplex sit suspensio?* — Suspensio alia est *totalis*, qua clericus arcetur ab omni ecclesiastica functione, et simul fructibus et administratione beneficii privatur; alia *partialis*, qua alterutro tantum, in totum, vel etiam in partem privatur. Haec, si sit ad breve tempus, et lata ab homine, pro sola culpa veniali infligi potest. S. Alph. n. 321. 78. *Suspensus ab ordine* simpliciter privatur exercitio solemnium, seu ex officio, illo scilicet modo, quo a laicis exerceri nequit, cuiuscumque ordinis, sive maioris, sive minoris. Attamen minorum hodie ordinum functionibus etiam laici defungi solent. Hinc suspensio usque ad minores ordines sese extendere non videtur. Neque vero *suspensus ab ordine* privatur voce in Capitulo, nec prohibetur horas in choro recitare. Is item minime privatur iurisdictione et beneficio. Hinc et *valide* absolvere potest. *Suspensus ab ordine superiore* non ideo est suspensus etiam *ab inferiore ordine*. *Suspensus ab inferiore ordine* non est etiam suspensus a superiore, nisi superioris ordinis exercitium contineatur in exercitio ordinis inferioris. S. Alph. n. 314. *Suspensus a iurisdictione* simpliciter, omni iurisdictione privatur, tum interna, tum externa; minime vero exercitio ordinis. *Suspensio ab ordine* suspensum tenet ulique. *Suspensio a iurisdictione* verius extra territorium eam ferentis nullam habet vim. *Suspensus ab officio* simpliciter, intelligitur a quovis officio, sive ab ordine, sive a iurisdictione proveniat. Officium enim hic est omnis spiritualis potestas. Hinc privatur usu tum iurisdictionis, tum ordinis, seu cuiuscumque ministerii Ecclesiastici; minime vero suspensione etiam a beneficio tenetur. Quare adhuc poterit illius fructus percipere, si tamen, saltem per alios, impleat beneficii officia et onera. *Suspensio* haec a *divinis* etiam dicitur. C. *Medicinalis* l. C. De Sent. Ecc. in 6.<sup>a</sup>, C. *Inter sollicitudines* 10. De Parg. Can., C. *Con aeterni* l. De Sent. et re iud. in 6.<sup>a</sup>. Hinc Parochus *ab officio* suspensus nec missam celebrare, nec praedicare, nec officiis praeesse, nec sacramenta ministrare potest. *Suspensus a beneficio* simpliciter privatur *fructibus et administratione* beneficii; minime vero etiam ordinis vel officii functionibus. Tenetur autem adhuc ad onera et officia beneficii praestanda, et tunc potest partem fructuum retinere quam substituto dare deberet, quia stipendium esset laboris. *Suspensus* tandem *ab officio et beneficio* simul, vel *simpliciter suspensus*, nisi ex adiunctis limitatio aliqua colligatur, totaliter suspensus censetur. — Laymann P. 3. C. 1., S. Alph. n. 315. 316., Schmalz. n. 266-269. 290-305., Engel n. 74-79.



42. *Quomodo peccet suspensionem violans?* — Peccat graviter qui suspensus exerceat actum sibi vetitum per suspensionem: nam violat praeceptum Ecclesiae in re gravi. Immo suspensus ab ordine sacro incurrit etiam irregularitatem (quae ob solam violationem suspensionis ab ordine, et non etiam a iurisdictione et beneficio, incurritur), si eiusdem ordinis officium scienter et solemniter exerceat, extra tamen casum necessitatis, seu gravis incommodi. C. *Is cui* 20. *De Sent. Exc.* in 6.<sup>o</sup>, C. *Cum aeterni* *De Sent. et re iud.* in 6.<sup>o</sup> Cf. etiam Lugo Resp. Mor. l. 2. D. 10., ubi quaestionem tractat, « utrum suspensus occultus celebrare possit sine periculo irregularitatis ad alendum se et matrem egentem ». Excusare etiam potest hac in re, tum a peccato gravi, tum ab irregularitate, levitas materiae, v. g. si exerceat actum levem iurisdictionis, aut benediceret mensam, exerceat ordinem sacrum non solemniter, vel non sacrum, quod tamen hodie, ut iam dictum est, cum etiam a laicis exerceatur, suspensione comprehendi amplius non videtur. Insuper, si suspensus toleratus se non ingerit in functiones, quibus per suspensionem prohibetur, sed ab aliis requiritur, nullo pacto peccat, neque irregularitatem incurrit. Aliter se res habet cum suspensio non tolerato, denunciato; nam iste extra urgentissimam causam, etsi a fidelibus postuletur, ea officia a quibus suspensus est exercere nequit. Verum, alii non tenentur sub mortali eum vitare, nisi censentur cooperari actui, a quo suspensus est: unde audire eius missam non erit peccatum, si non inservias, secluseo tamen scandalo.

43. Insuper statutum est, ut actus a suspensio praestitus sit nullus et irritus. « Poena haec locum duntaxat habet in iis, quae ab Ecclesia pendent, uti est iurdictio et beneficium; in his ergo suspensus, si beneficium administret, et iurisdictionem exerceat, invalidum actum facit, modo denunciatus sit tamquam suspensus; quia facta denuntiatione, privatur potestate omnimoda actus illos exercendi. Ante denuntiationem solum impeditur ab illorum exercitio, dum a fidelibus non requiritur; quando autem a fidelibus requiritur, valide et licite illos actus exerceat, ideoque necessarium est, ut iurisdictionem retineat ». Schmalz. n. 309. 306.-308., S. Alph. n. 313. Tandem « suspensum a beneficio, si eidem se ingerat et fructus percipiat, non efficitur quidem irregularis, ex communi tamen sententia beneficium perdit ipso iure, C. *Cupientes* 16. § *Ceterum* *De Elect.* in 6.<sup>o</sup> », Engel n. 77. « Quare cum beneficiatus ita suspensus per seipsum administrare beneficium nequeat, solet eidem dari oeconomus, qui redditus colligat, et eosdem iussu Episcopi piis causis applicet, reservatis suspensio alimentis necessariis ». Schmalz. n. 308. Cf. n. 17. et Pichler n. 43.

44. *De Suspensione a Pontificalibus.* — « Si Episcopus suspensus a Pontificalibus Missam celebrat solemniter in apparatu pontificali, certum est quod peccat... an autem incurrat etiam irregularitatem, affirmant Angel., etc. Negant vero probabilius Laym., etc. Ratio, quia episcopus sacrificando, non exerceat actum substantialem ordinis episcopalis, sed actum ordinis sacerdotalis, a quo non est suspensus, et quod celebratio fiat cum pontificalibus, per accidens se habet: irregularitas autem non incurritur, nisi in exercitio actus ordinis prohibiti ». S. Alph. n. 314.

Pontificalium nomine intelligitur usus auctoritativus insignium Pontificalium, videlicet mitrae, baculi pastoralis et pallii. Quare suspensus a Pontificalibus repellitur consequenter ab actibus ordinis episcopalis, qui sine praedictis insignibus fieri non debent, quales sunt confirmationis sacramentum, aut ordines conferre, virgines, Ecclesias, altaria consecrare. Potest tamen missam celebrare more aliorum sacerdotum, confessiones audire, baptizare, immo et censuras ferre, conferre beneficia, aliosque actus iurisdictionis exercere, quippe ad Pontificalia minime spectant. Laymann C. 1. n. 6. Giraldi Expos. Iur. Pontif. P. 2. S. 21. Nota 2 pag. 826.

45. Suspensioni subiaci solent *depositio et degradatio*, ob similitudinem,

quam cum ea habent, cum utraque remotio sit ab ecclesiastico ordine, iurisdictione et beneficio. Ab ea tamen longe differunt, cum huiusmodi poenae ulterius adhuc progrediantur, neque tantum *usu* potestatis ecclesiasticae: sed ipso *iure radicali*, in quantum fieri potest, privent, idque in perpetuum: unde censurae non sunt; sed poenae vindictivae. Censura item non est, sed mera poena, *privatio beneficii*. Suspensione ablata, ipso iure suspensus in suo officio et beneficio restituitur: depositus vero novo indiget titulo, ut in eo de novo reponatur. Si depositio clericum deicit ab omni officio et beneficio et clericali dignitate, *degradatio* habetur; eaque *verbalis* est, si mera iudicis sententia a clericalibus privilegiis deicitur, *realis* si sollemnis ritus accedat, quo clerico ordinum insignia detrahuntur, eisque detractis curiae traditur saeculari. Huiusmodi poenae, cum gravissimae sint, ante iudicis sententiam non incurruntur. Cf. S. Alph. n. 323, 327., Bouix de Parocho, Parisiis, 1855, pag. 365. et seqq., Laymann P. 1. C. 1. n. 3., P. 3. C. 5., Conink Disp. 16., Scavini Tr. 11. D. Un. C. 4. A. 1. Scholium et Adnot. (D). Edit. Parisiensis 3.<sup>a</sup>, Schmalz. l. c. n. 7., Bened. XIV. De Syn. l. 9. C. 6. n. 3. seqq.

#### IV. — DE INTERDICTO

46. *Quid sit Interdictum?* — Interdictum est: Censura, qua prohibetur usus omnium divinarum Officiorum, aliquorum Sacramentorum et Sepultura ecclesiastica, praecise quatenus usus est. Quare Interdictum iurisdictionem non adimit. Dicitur: *praecise quatenus usus est*: quia Excommunicatio eodem usu privat, quatenus est *communicatio* cum fidelibus; suspensio vero proprie non illum usum sed *exercitium potestatis ecclesiasticae* impedit. Et sic generali Interdicto afficiuntur tum clerici tum laici, eoque clericis prohibetur quidem sacris operari, quia haec prohibentur tempore interdicti, vel in loco interdicto, sed non tanquam *exercitium ministerii sacri*. — C. *Responso* 43. *De Sent. Ecc.*, C. *Permittimus* 57. ib., C. *Alma mater* 24. ib. in 6.<sup>o</sup>. C. *Si sententia* 16. ib., C. *Non est* 11. *De Spons.*, C. *Cum et plantare* 3. § 3. *Quod si De Priv.*, C. *Episcoporum* 8. ib. in 6.<sup>o</sup>. C. *Quod in te* 11. *De Pen. et Rem.*, S. Alph. n. 328. Cf. Schmalz. n. 340.-349. 398.-401., Engel n. 91., Pichler n. 45.

47. *Ut interdictum alios obliget duo requiruntur.* — Primum est, ut Interdictum denunciatum sit: secus enim post Extrav. *Ad Evitanda* nec interdictum locale observare, nec personaliter interdictum vitare tenemur: quamvis ipse personaliter interdictus abstinere a divinis debeat, cum primum censura ista ligatur, quia ipsis sicut excommunicatis per Extrav. cit. nullus est factus favor. Alterum est, ut passim observetur interdictum locale ab iis, in quorum gratiam est constitutum. Si ipsi enim interdictum non observent, censetur Ecclesia illud remittere. C. *Petistis* 20. *De Priv.*, Schmalz. n. 389., Pichler n. 52.

48. *De Divinis Officiis.* — Porro *divina officia*, quae in loco interdicto, vel a personis interdictis nequeunt peragi, et quibus adesse vetatur, ea sunt, quae solemniter a solis clericis exercentur in loco designato, excepta concione, uti sunt publica celebratio missae, publica celebratio horarum canonicarum in choro, publicae et solennes benedictiones, etc. — Eaque in *Interdicto generali locali*, singulis diebus prohibentur, praeter dies Nativitatis Domini, Paschatis, Pentecostes, Assumptionis B. V., diem et Octavam Corporis Christi: quibus addendum est festum Immaculae Conceptionis pro tota Hispania: tunc enim permittuntur divina officia celebrari solemniter, admissis etiam personis interdictis, quae quidem tenentur iis festis missam audire, modo qui causam interdicto dederunt, ad altare non acce-

dant, neque ad offeritorium, neque ad communionem. Aliis vero diebus licet Religiosis ac Clericis omnibus, in *Interdicto locali generali*, officia celebrare, si ipsi interdicti non sint, et celebrant ianuis clausis, submissa voce, ac sine campanarum sonitu, excommunicatis ac interdictis exclusis, illis nempe, qui tales sunt denunciati, et ita ut ab iis qui foris sunt nihil exaudiri possit, videri nihil — Quod si *Interdictum* sit *generale personale* populi, nihil impedit, quotidie celebrari in Ecclesiis divina, modo servantur conditiones nuper relatae. Ratio est, quia ex vi huius Interdicti non sunt interdictae Ecclesiae, neque Clerici. — Quando tandem *Interdictum* fuerit *locale speciale*, licitum tantum erit semel in hebdomada Missam celebrare ad renovandam Eucharistiam pro infirmis. — Iam vero licet Interdictum sit instar excommunicationis, non tamen separat a communione fidelium. Hinc si interdictus missam celebret, ei assistere possumus, et si interdictus aderit divinis officiis, et iussus abire noluerit, non ideo cessandum erit, nisi forte locus ipse sit interdictus, quia ibi lus non dat facultatem celebrandi, nisi exclusis interdictis. Neque item eiusdem sepultura coemeterium vel ecclesia polluitur. Quin licet pro eo vivo, seu vita functo offerre sacrificia, et publicas preces fundere. — C. *Responsio* 43. *De Sent. Ecc.*, C. *Permittimus* 57. ib., C. *Alma* 24. ib. in 6., C. *Quod in te* 11. *De Poen. et Rem.*, Clem. *Ex frequentibus* 1. *De Sent. Ecc.*, Martinus V. C. *Ineffabile Sacramentum*, Eugenius IV. *Eccellentissimum*, Schmalz. n. 351.—368., Laymann P. 4. C. 2. n. 2., S. Alph. n. 331., Engel n. 83. 84. 92., Giraldis Expos. iur. Pont. P. 1. S. 811., Pichler n. 50. 51.

49. *De Sacramentis*. — Sacramenta, quae in loco interdicto, vel a personis interdictis, non licet ministrare vel recipere sunt: Eucharistia, Extrema Unctio, Ordo sacer. C. *Quod in te* 11. *De Poen. et Rem.*, C. *Non est* 11. *De Spons.*, C. *Responso De Sent. Ecc.*

50. Quare licet 1.<sup>o</sup> Baptismus, qui potest dari etiam solemniter; sed non a specialiter interdicto, extra casum necessitatis. C. *Non est* 11. *De Spons.*, Schmalz. n. 351.

51. Licet 2.<sup>o</sup> Confirmatio, etiam solemniter; sed iterum minime collata a *specialiter interdicto*, vel in gratiam eius, qui fuerit specialiter interdictus, nisi prius satisfaciat, vel si non possit, cautionem praestet de satisfaciendo, vel, si neutrum possit, iuret se satisfacturum cum poterit. C. *Responso* 43. *De Sent. Ecc.*, C. *Quoniam* 19. ib. in 6.<sup>o</sup>, C. *Alma* 24. ib., C. *Clerici* 3. *De Cler. ecc. min.*, C. *Latores* 4. ib., Schmalz. n. 352.

52. Licet 3.<sup>o</sup> Poenitentia, non tamen collata a *specialiter interdicto* extra casum necessitatis, nec in gratiam eorum, qui specialiter interdicti sunt, nisi praestent satisfactionem, aut, si non possint, cautionem, vel si neutrum possint, iurent se satisfacturos cum poterunt. C. *Quod in te* 11. *De Poen. et Rem.*, C. *Alma* 24. *De Sent. Ecc.* in 6.<sup>o</sup> « Si tamen ab interdicto, specialiter etiam denunciato, administretur, probabilius sacramentum validum erit: quia Interdictum non *iurisdictionem*, sed *usum* divinatorum tollit ». Schmalz. n. 353.

53. Licet 4.<sup>o</sup> Viaticum in periculo vel articulo mortis, sed non in gratiam specialiter interdicti, nisi prius satisfaciat, vel, si non possit, cautionem praestet, vel, si neque id possit, iuret se satisfacturum. Potest hoc casu et debet SS. sacramentum ad domum aegroti deportari cum solita solemnitate, et minister clericis, candelis accensis, pulsatis cymbalis, delato Sacramento, et licitum est Sacerdoti populo illud ostendere ad adorandum, et cum ipso eadem benedicere: haec enim per interdictum non prohibentur nisi missae sacrificio. Et utem SS. eucharistia in mortis articulo existentibus ministrari possit, concessum est, ut iam diximus, cum semel in quavis hebdomada remaneat celebrato sacrificio missae. C. *Quod in te* 11. *De Poen. et Rem.*, C. *Permittimus* 57. *De Sent. Ecc.*, C. *Alma* ib. in 6.<sup>o</sup>, Laymann P. 4. C. 2. n. 1., Schmalz. n. 354.



54. Licet 5.<sup>a</sup> Extrema Unctio, « si infirmus nullum aliud sacramentum possit recipere; tunc enim potest illi extrema unctio ministrari ex praesumpta Ecclesiae voluntate: quia non est credendum, Ecclesiam suis fidelibus, et maxime morituris, subsidium sacramentorum denegare velle, maxime cum salus aeterna infirmi, sacramento non recepto, non levis periclitetur, cuius periculum maxima ex parte temperatur, sacramento extremae unctionis recepto » Schmalz., n. 355. « Religiosos autem, ait S. Alph. n. 334., commune est tempore Interdicti posse recipere communionem et extremam unctionem ».

55. Licet 6.<sup>a</sup> Ordo generaliter tantum interdictis et in loco non interdicto. Ratio est, quia quaelibet sacramentorum receptio et administratio in loco interdicto, et personis specialiter interdictis est prohibita: secus vero iis, qui generaliter interdicti sunt, in loco non interdicto. Insuper licet ordo, si casus, qui rarus omnino est, contingeret, « in aliqua provincia esse tantum sacerdotum penuriam, ut sacramentum poenitentiae et eucharistiae commode infirmis ministrari non posset. . . Ratio est quia C. *Alma* permittuntur aliqua sacramenta administrari et confici tempore Interdicti, consequenter ergo permittenda est ordinatio ministrorum, qui ad id fuerint necessarii, alias inutilis esset ista concessio. Conf. a pari: ex eo quod tempore Interdicti concessa sit ministratio baptismi et confirmationis, concessa etiam censetur benedictio fontis, et confectio chrismatis, sine quibus ministrari illa sacramenta non possunt. Ergo cum neque sine ministris ministrari sacramentum poenitentiae et eucharistiae possit, ex horum concessione recte inferitur concessa illorum ordinatio » Schmalz. n. 356.

56. Licet 7.<sup>a</sup> Matrimonium. Cum in Iure habeatur illud *contrahi posse quocumque tempore*, in Interdicto non comprehenditur. Hinc contrahi potest in loco interdicto et a personis generaliter interdictis. « Immo etiam specialiter interdicti, si poenitentes et contriti sint, nullatenus ab eo contrahendo excluduntur: quia non prohibentur ex vi obicis, qui per poenitentiam remouetur » Schmalz. n. 328. Attamen sollemnis benedictio tunc sponsis dari nequit. Haec enim sub Officio divino continetur. Quare sicut hoc, ita illa tempore Interdicti prohibetur. C. *Non est* 11. *De Spons.*, Schmalz. n. 357.-360., La-Croix n. 420., S. Alph. n. 334, Laymann C. 2. n. 1., Engel n. 94., Pichler n. 50.

57. *De Sepultura Ecclesiastica.* — In *Interdicto locali generali*, laici, qui specialiter ex sua culpa interdicti non fuerint nisi in alium locum sacrum non interdictum transferantur, ex C. *Si sententia* 16. *De Sent. Ecc.* in 6.<sup>a</sup>, sepeliendi sunt in loco non sacro, etiamsi agatur de infantibus, et amentibus. At si in loco sacro interdicto sepulti fuerint, exhumari non debent, quia hoc non habetur in Iure statutum, licet aliud sit de excommunicatis. C. *Sacris* 12. *De Sepult.* Cessante vero Interdicto, omnes in loco sacro sunt reponendi. Clerici, si sint nominatim interdicti, et interdictum servaverint, possunt sepeliri in loco sacro interdicto: sed silentio et sine solemnitate: immo in Ecclesia etiam interdicta speciali interdicto. — Si *Interdictum* sit *locale speciale*, nemini dubium est Ecclesiasticam sepulturam prohiberi laicis. — In *Interdicto* vero *personali* sive *generali* sive *particulari* tum Clerici tum laici in Ecclesia non interdicta sepeliri possunt, si non fuerint denunciati. Quibus enim vivis communicamus, etiam in mortuis communicare possumus. — Nominatim autem denunciatus interdictus, si decedat absque absolutione, et nullum poenitentiae signum dederit, aut talis signi ab ipso dati nulla sit probabilis opinio, extra locum sacrum sepeliendus est. At si constet tale signum dedisse, poterit, praestita indirecta absolutione ab interdicto, ecclesiasticae sepulturae tradi. — C. *Quod in te* 11. *De Pœn. et Rem.*, C. *Episcoporum* 8. *De Priv. in 6.*, Clem. *Eos qui* 1. *De Sepult.*, Schmalz. n. 369.-378., Laymann C. 2. n. 3., S. Alph. n. 335., Engel n. 95.-97., Salm. T. 10. C. 6. P. 6., Pichler n. 50.

58. *De Interdicto ab ingressu Ecclesiae.* — Interdictum ab ingressu

Ecclesiae interdictum quoddam speciale et partiale est, quo quis prohibetur in Ecclesia ordinem sacrum exercere, divinis officiis interesse, et ecclesiastica sepultura. Hinc « solum privat participatione divinorum in Ecclesia... ita ut sic interdictus nec celebrare in ea possit, nec sepeliri, nec dare aut recipere sacramenta, nec ministerium aliquod sacrum exercere, nec missam aut aliud divinum officium audire... Per *Ecclesiam* intelligitur quodlibet templum auctoritate episcopi deputatum ad sacra facienda, sive illud sit benedictum, sive non... Celebratio ergo vel participatio divinorum in tali Ecclesia interdicatur per hanc censuram, non extra illam... Ergo extra Ecclesiam omnia alia, quae alias licebant tali personae, postea licent, ut est facere sacrum in privato oratorio approbato, recipere sacramentum Unionis in domo sua, et quaelibet alia sacramenta extra Ecclesiam ». Suarez. De Cens. D. 35. S. 4. — Itemque « vi huius interdicti prohibetur ecclesiastica sepultura, etiam in coemeterio non contiguo... non privatur tamen aliquis ingressu coemeterii etiam contigui Ecclesiae, nec celebratione divinorum officiorum in ipso ». Suarez l. c. Vi huius interdicti non prohibetur etiam ingressus in Ecclesiam ad privatas tantum orationes in ea fundendas; immo etiam probabilius ad sacramenta in ea privatim recipienda. Concionem item in Ecclesia audire prohibitum non est. Ratio, quia nullo iure haec significantur. — C. *Sacro* 48. *De Sent. Exc.*, C. *Is cui* 20. ib. in 6.<sup>o</sup>, Schmalz. n. 379-388., Cf. Suaresium l. c., Salm. n. 89., Engel n. 98.-99., Bonacina de Interd. D. 5. P. 6. n. 11.-12., Coninck Disp. 17. Dub. 2.

59. *Quotuplex sit Interdictum?* — Interdictum aliud est *locale*, quod immediate afficit locum, aliud *personale*, quod immediate afficit personas; aliud *mixtum*, quod immediate afficit locum et personam. Horum vero quodlibet potest esse *generale* vel *particulare*, prout afficit totam quandam regionem aut communitatem, vel locum quandam determinatum, v. g. datum oratorium, vel personam quandam in particulari. — Interdictum *personale speciale* vera censura est; at interdictum *locale et personale generale* censura non est: sed privatio quaedam, adeoque omnes obligat etiam innocentes. Imponi enim potest ob valde grave delictum capitis vel praecipuorum membrorum, licet reliqui culpa vacent. Tolli autem non potest, nisi ab habente iurisdictionem in foro externo. Locus enim et communitas foro poenitentiali non subiciuntur. Idem dicendum ob eandem rationem de suspensione in communitatem lata. — Quando interdicatur civitas, interdicuntur etiam suburbia, Ecclesia Cathedralis, et Ecclesiae exemptae Regularium; et omnes illud tenentur servare, etiam Episcopus, qui tulit, uno excepto Pontifice. Licet autem in hoc casu alio ire, ut divinis officiis assistant. Immo Religiosi, quando servatur interdictum ab Ecclesia Cathedrali vel matrice, seu Paroeciali, tenentur illud servare, etiamsi nullum sit ex quocumque capite. — Si vero interdictum est *generale personale*, excipiuntur: 1.<sup>o</sup> Episcopi, qui eximuntur etiam a suspensione generali; 2.<sup>o</sup> innocentes, si alibi domicilium collocant; 3.<sup>o</sup> exteri; 4.<sup>o</sup> infantes et amentes, doli incapaces, qui tamen privantur adhuc sepultura ecclesiastica. — Quotquot autem cuivis interdicto locali vel personali generali causam dederunt, ex Decretalibus, interdicti ipso iure manent. Sed post C. *Apost. Sedis* hoc Interdictum, quod *personale speciale* est, non amplius viget. — Porro interdicto populo, non intelliguntur interdicti qui non sunt pars populi, ut clerici, studiosi, peregrini. Interdicto Clero, non interdicuntur laici, neque religiosi, immo neque alii clerici, qui ibi nullam habent officium, vel beneficium, nam hi cum clero unum corpus non constituunt. — C. *Præsenti* 10. 16. 24. *De Sent. Exc.* in 6.<sup>o</sup>, C. *Si Sententia* 19. ib., C. *Si Civitas* 17. ib., C. *Alma mater* 24. ib., C. *Auctoritate* 4. *De Priv.* in 6.<sup>o</sup>, C. *Licet* 11. ib., Clem. *Ex frequentibus* 1. *De Sent. Exc.*, Schmalz. n. 324-333., S. Alph. n. 311. 322. 329-334. 338., Laymann C. 1. 4., Engel n. 83.-88., Suarez D. 33. S. 1. n. 6., Bonacina D. 4. Q. 1. P. 1., D. 2. Q. 8. P. 14., Pichler n. 48., Coninck Dub. 1.

60. *De Violatione Interdicti.* — Tum clerici tum laici interdictum vio-

lantes, sive personale, sive locale, sive generale, sive speciale, peccant graviter, quando agatur de re gravi. — Si clerici, specialiter interdicti, ordinem sacrum excerceant, vel scientes celebrent in loco supposito interdicto, irregularitatem incurrunt. — Suspensionem et Interdictum praeterea incurrunt clerici, interdictum violantes in casibus designatis in C. *Apostolicae Sedis* par. 1. Susp. et par. 2. Interd. — Iidem clerici interdictum violantes non gaudent privilegio, vi cuius in loco sacro sepeliri possunt tempore interdicti. — Clericus vel religiosus, etiam monialis, violans interdictum locale redditur inhabilis ad electionem tam activam, quam passivam. Extenditur haec poena a plerisque DD. etiam ad violatores interdicti personalis. — C. *Cum medicinalis* 1. *De Sent. Exc.* in 6.<sup>o</sup>, C. *Is qui* 18. § *Is vero* 20. ib., C. *Is cui*. ib., Clem. *Gravis* 2. e. t., C. *Quod in te* 11. *De Poen. et Rem.*, Cone. Trid. S. 25. C. 12. *De Reg.*, Schmalz. n. 390.-397., Laymann C. 3., Coninck Dub. 3. 4., S. Alph. n. 336.

61. *De Cessatione a divinis.* — Interdicto subiaci solet *Cessatio a Divinis*, quae non est  *censura*, neque proprie poena, sed mera prohibitio et *privatio*. Est enim prohibitio primario clericis facta, ut abstineant a sacrificio missae, sacramentorum administratione, et a divinis officiis in aliquo loco sacro celebrandis. Fertur ob delictum notorium et gravissimum in ipsa Ecclesia perpetratum, si reus noluerit satisfacere, in signum moeroris Ecclesiae, ad reparandum iniuriam Ecclesiae illatam. — Cum interdicto locali affinis sit, sacramenta ac alia plura, quae in huiusmodi interdicto licent, licita etiam sunt in hac Cessatione a divinis; eam tamen violantes nullam incurrunt irregularitatem. Cum autem nullo iure prohibeatur ecclesiastica sepultura tempore Cessationis a divinis, asserenda non est. Quare non solum clerici, sed etiam laici in coemeterio et ecclesia sepeliri possunt; sine tamen divinorum officiorum solemnitate. — Imponi potest ab iisdem, qui possunt censuras ferre. Causa, propter quam imponitur, exprimi debet instrumento publico per tabellionem, seu aliis patentibus litteris, sigillo authentico munitis, quae debent tradi ei, contra quem Cessatio indicitur. Debet praeterea prius delinquens moneri, an satisfactionem et emendationem praestare velit; quia non indicitur nisi in contumaciam. — Cum res gravissima sit, obligat sub gravi, eamque servare tenentur etiam religiosi exempti. — Clem. *Ex frequentibus* 1. *De Sent. Exc.*, C. *Dilectis* 55. *De Appell.*, C. *Irrefragabili* 13. *De Off. Ord.*, C. *Si Canonici* 2. ib. in 6.<sup>o</sup>, C. *Quamvis* 8. ib., C. *Non est vobis* 11. *De Spons.*, Schmalz. n. 402.-425., Piehler n. 54., Engel n. 101. 102., Laymann P. 4. C. 6., S. Alph. n. 340., Coninck Dub. 7.

## V. — DE SEPULTURA ECCLESIASTICA

62. — *Quid Ecclesiastica Sepultura?* — Sepultura ecclesiastica, de qua in praec. par. saepe dictum est, duobus constat: loco sacro seu benedicto, qui ab Episcopo vel usu addictus est sepeliendis fidelibus, pie in Christo decedentibus, et ritu sacro in mortuo efferendo et sepeliendo. Rit. Rom. *de Exeq. de Bened. Coem.*, C. *Ad haec* 4. *De Relig. dom.* Cf. Suarez D. 12. S. 4. n. 6., Salm. Tr. 10. C. 3. n. 75.

63. *De electione Sepulturae.* — Omnes eligere possunt sepulturam ubi maluerint, quamvis extra paroeciae suae Ecclesiam vel Coemeterium, dummodo non eligant Ecclesias Monialium, et locum eligant religiosum, aut saltem non profanum, veluti oratorium privatum, et locus ius sepulturae habeat. Excipiuntur vero 1.<sup>o</sup> Regulares, nisi decesserint a propriis monasteriis adeo remoti, ut ad ea commode deferri nequeant; 2.<sup>o</sup> impuberes, quibus potest pater eligere sepulturam, aut mater, eo mortuo. Qui, nulla sibi electa



sepultura, decedit, sepeliendus est in sepulchro maiorum, nempe *familiari* (quod quis constituit sibi et familiae suae), vel *haereditario* (quod constituit sibi et haereditibus). Secus vero in ea parochia, quis sepeliendus est, in qua decessit, si in ea domicilium, vel quasi domicilium habuit. Et si extra haec loca decessit, deferendus est ad locum domicilii vel quasi domicilii; qui si autem remotus est, ut eo commode portari nequeat, sepeliendus erit vel in Ecclesia Cathedrali, si ibi exstat, vel in Ecclesia eius parochiae, in qua diem suum obiit. — Iure autem speciali Episcopi sepeliendi sunt in Eccl. Cathedrali, si alium sibi locum non eligant; uxor sepelienda erit in sepulchro ultimi viri sui; si propriam sibi non eligat sepulturam: vir autem, si prior decedat, non electa sepultura, in ea quam elegerit uxor, infantes *expositi* in sepulchro hospitalis, a quo alebantur; clerici in ea Ecclesia, in qua residentiale beneficium morientes possederant; regulares in Ecclesia sui Ordinis, licet extra monasterium decesserint, si ad eam commode deferri queant, adeoque omnes qui regularium iure fruuntur, nempe novitii, famuli, tertiarii et tertiariae, quae in monasterio perpetuo degunt: quae vero seorsim vivunt sepeliri possunt in Ecclesia Ordinis, cuius assumpserant habitum, si in his extet communio earum sepultura, nec, alia electa, decesserint; secus in Ecclesia parochiali sepeliendae sunt. Mulieres, quae de licentia Sed. Ap. monasterium intraverant, animo ibi perpetuo manendi, ibidem sepeliendae sunt: non item puellae, quae in monasterio morabantur educationis causa, quae sepeliendae sunt in parochia, ubi monasterium est. — C. 1. 3. 5. 6. 7. 10. h. t., C. 1-5. eod. t. in 6., Clem. 2. eod. t., S. C. EE. et RR. 8. Jun. 1731. 6. Maii 1870. A. S. S. V. 5. p. 568., 5. Apr. 1878., V. 11. p. 352., Ferraris h. v. n. 102. et v. *Moniales* art. 1. n. 61. 62. 63., Schmalz. 1. 3. Tit. 28. n. 1-48. 72-82., Giraldis Animadvers. ad Barbosa De Off. et Potest. Parochi P. 3. C. 26. n. 25.

64. *De Iure efferendi ducendique funus.* — Ius mortuos efferendi ducendique funus ad Ecclesiam, uti vocant hodie, *exponentem*, quoad saeculares, soli parocho regulariter competit, nempe proprio uniuscuiusque, ratione domicilii vel quasi domicilii, si quis in sua parochia decesserit et in ea sepelitur: vel etsi decesserit in sua parochia, in aliena sit sepeliendus, quamvis Ecclesia sit Regularium, vel, si in aliena parochia decesserit, et sepeliendus sit in sua. Dicitur *ad Ecclesiam*, nam ab hac ad coemeterium, *sine pompa, et recto tramite*, iis competit, quibus, non extantibus coemeteriis, sepeliendi ius foret. Episcopo haec praestant Canonici Cathedralis Ecclesiae: Regularibus praelatus: monialibus confessorius, quamvis coemeterium sit extra Ecclesiam ipsorum, et pertranseundum sit per paroeciam, «dummodo cadaver deferatur cum stola et cruce, sed absque pompa et recto tramite ad coemeterium», S. C. C. 24. Febr. 1872., 12. August. 1872. Attamen «Religiosi dispersi quoad funera subsunt Parocho loci prouti ceteri Parochiani», S. C. EE. et RR. 26 Febr. 1864. A. S. S. V. 1. p. 168. — Rit. Rom. *De Exeq.*, S. C. C. 21. Aug. 1869. A. cit. V. 5. p. 126., 221. 611., S. C. EE. et RR. 21. Mart. 1884. A. cit. V. 16. p. 551. S. C. Nov. 1713. Cf. Ferraris v. *Parochus* art. 3., Bened. XIV. Notif. 105. n. 33. seqq.

65. *In quam Ecclesia funus peragendum?* — Iusta autem funebria in ea Ecclesia sunt peragenda, in qua defunctus iussit, et si nihil iusserit, cum ea sint pars Ecclesiasticae sepulturae, in ea, in qua sepelitur, vel sepeliendus esset, si publica sint ibi communia Coemeteria. Quod si huiusmodi Ecclesia sit Ecclesia parochialis, haeredes exigere nequeunt, ut expositio cadaveris et iusta funerum alibi fiant: si vero non est Ecclesia parochialis, parochus item exigere nequit, ut in Ecclesia Parochiali fiant. Neque vero parocho tunc licet in aliena Ecclesia iusta persolvere. — Ita ex pluribus responsionibus SS. CC.

66. *De funerariis emolumentis.* — Emolumenta funeraria cedunt Ecclesiae, in qua quis sepelitur, vel *exponitur*, si in publicis coemeteriis sepeliatur. Ex his *portio* quaedam debetur parocho in compensationem operis,

quod sustinet in ministrandis suis parochianis sacramentis, quae, quia Can. iure est statuta, *Canonica* dicitur. Est autem *quarta* ex iure communi, nisi aliud consuetudine loci vel privilegio inductum sit. Ea debetur paracho domicili, vel quasi domicili, et si in alia Ecclesia conditus sit, detrahenda erit ab Ecclesia sepeliente vel exponente, nisi adsit contraria consuetudo vel privilegium. Cf. Conc. Trid. Sess. 25. de R. cap. 13., S. Pium V. C. *Etsi Mendicantium* 16. Maii 1567., § 11., Paulum V. Br. *Docet Romanum Pontificem* IV. Kal. Maii 1725., S. C. EE. et RR. 19. Apr. 1790. 18. Aug. 1843., S. C. C. 26. Nov. 1864. Acta S. S. V. 1. p. 86., S. C. C. 16. Febr. 1867., A. S. S. V. 3. p. 305., V. 5. p. 209. et seqq., V. 9. p. 27., V. 15. p. 553. seqq., V. 11. p. 381., C. 1. 4. 8. 9. 10. h. t., C. 2. eod. t. in G., Clem. 2. eod. t., Schmalz. l. c. n. 83.—93., Ferraris v. *Quarta funeralis*.

67. «Quarta funeralis, seu canonica portio debetur de omnibus, quae obveniunt ratione funeris, scilicet in die funeris». Barbosa de Paracho P. 3. C. 25. n. 36. Benedict. XIII. C. *Romanus Pontifex* 28. Apr. 1725 § 4., pro Italia et insulis adiacentibus edita, constituit: «ut... parochis defunctorum, qui in Ecclesiis quorumcumque regularium tumulabuntur, persolvatur, et cum effectu tradatur quarta pars omnium Intorticiorum et Candelarum, quibus defuncti cadaver in itinere ad ecclesiam tumulantem associabitur, nec non omnium Intorticiorum et Candelarum, quae in eadem Ecclesia circa cadaver, vel etiam in Altaribus in die funeris accenduntur. A praedicta tamen quarta funerali exceptae intelligantur, et sint, candelae, quas sacerdotes, etiam regulares, vel piarum sodalitatum confratres, funus associantes, manualiter per viam accensas deferent. Quod si funus non fiet in die tumulationis, sed ad diversam diem, vel ad aliud longius tempus differatur, paracho nihilominus assignetur Quarta pars omnium Intorticiorum et Candelarum, quae ipsamet peracti funeris die in Ecclesia, ubi defunctus humatus fuit circa Coenotaphium seu tumulum honorarium, atque etiam in altaribus eiusdem Ecclesiae accensa fuerint... Sub praedicta Quarta funerali comprehendendi non intendimus, immo expresse ab ea excipimus Legata Missarum et Anniversariorum, hisque similia pia relictia ad favorem Ecclesiae tumulantis vel exponentis a defuncto disposita», etc. Addendum quod «debetur etiam quarta paracho ex funeralibus secundo loco factis». S. C. C. 3. Aug. 1621. Cf. Barbosa l. c., Ferraris v. *Quarta funeralis*, Acta S. Sed. V. 5. p. 598. seqq.

68. *An constitutione publici coemeterii iura immutantur?* — Per constitutionem publici coemeterii mutatur tantum locus materialis sepulturae; minime vero mutantur ecclesiarum et fidelium iura quoad sepulturam et funera. Per illegitimam item Regularium suppressionem non possunt supprimi ecclesiastica eorundem iura; neque eadem iura cessant, si familiae regulares aliquo modo persistant et convivant, quamquam coram civili lege tanquam ecclesiastica Instituta non agnosantur: adhuc enim in eo casu persistit subiectum illorum iurium. S. C. C. 26. Nov. 1814., 16. Febr. 1867., 16. Sept. 1871., 24. Febr. 1872. Acta S. Sed. V. 13. p. 419., V. 20. p. 587., V. 1. p. 87. 124, 239., V. 5. p. 569.

69. *Quinam privandi sint Ecclesiastica Sepultura?* — Porro sepultura pars est communionis ecclesiasticae, adeoque «nemo christianus in communione fidelium defunctus extra Ecclesiam aut Coemeterium rite benedictum sepeliri debet». Rit. Rom. de *Esequiis*. Quibus non licet dare ecclesiasticam sepulturam habes in Rit. Rom. ibid.

70. Ad *suicidas* quod attinet, S. I. C. fer. IV. 16. Maii 1866. haec habet: «Quando certo constat vel de iracundia vel desperatione negari debet ecclesiastica sepultura, et vitari debent pompae et solemnitates exequiarum; quando autem certo constat de insaniam datur ecclesiastica sepultura cum solemnitatibus exequiarum; quando tamen dubium superest, utrum mortem quis sibi dederit per desperationem, an per insaniam, dari potest eccle-

siastica sepultura, vitatis tamen pompis et solemnitatibus exequiarum ». M. E. V. 3. P. 3. p. 115.

71. Insuper *duellantes* iuxta Benedictum XIV. C. *Detestabilem* § 9. privantur ecclesiastica sepultura, *licet absoluti fuerint, et etiam ante sententiam iudicis*. Verum duellantes non incurrunt duellantium poenas ob congressum improvisum; quamvis pugnares, ex eodem rixae impetu, ad locum aliquem idoneum ex aequo perrexerint. S. C. C. 5. Oct. 1744.

72. *Haeretici* vero, quibus deneganda est sepultura ecclesiastica non sunt haeretici occulti, sed publici et manifesti, licet nondum per Ecclesiam declarati. Constat ex C. Martini V. *Inter cunctas*, et Responsione, ab Urbano VIII. approbata. S. Off. d. 6. Nov. 1641., nec non ex C. *Apost. Sed.* art. 1. Excomm. nem. reserv.

73. Ecclesiastica sepultura deneganda non est reis, qui morte plectuntur, si dederint signa poenitentiae; sed sepeliendi sunt sine solemnitate. Neque etiam deneganda mimis et comoedis, modo sacramenta non recusaverint: nulla enim lege hoc prohibetur. Qui praecepto Communionis Pasch., vel confess. annuae non satisfecerunt, non privantur hodie sepultura Ecclesiastica, nisi post edictum propositum, quod amplius proponi non solet; et consulto Ordinario. Itemque deneganda non est peccatoribus impenitentibus, si solus sacerdos testis fuit huiusmodi impenitentiae, ad scandala vitanda. Hinc sacerdos, dubius de dispositionibus moribundi, ipsum absque testibus alloquatur, et ad confessionem inducat, modo publicum scandalum non sit reparandum. Gury n. 1013.

74. «Ubi vero dubium occurrerit Ordinarius consulatur». Rit. l. c. Si recurri ad ipsum non possit, principium valet: In dubio odia restringenda: neque vero ob gravia incommoda, quae inde provenire possint, ulli est deneganda, nisi certo de hac obligatione constet. La-Croix l. 7. n. 254.-256. «Ceterum, ait S. Alph. de Priv. n. 91., nemo sepultura privandus in quocumque casu sine sententia Episcopi, aut Superioris, si cadaver sit Religiosi». Immo addit D'Ann. P. 1. n. 116. «Privatio sepulturae Eccl. est poena fori exterioris, et poena gravissima est. Ideo quidam putant, neminem prohibendum esse Eccl. sepultura, nisi prius constiterit per sententiam Ordinarii, ipsum fuisse *Reum talis criminis, et dignum tali poena*. Utcumque, cum haec poena sit introducta Iur. Can., cuius nulla est obligatio cum incommodo gravi, si Eccl. sepultura negari non potest sine incommodo huiusmodi, eam dare (adeoque mortuum efferre ritu catholico, eiq. solemnia funerum solvere) aut omni, aut certe gravi culpa vacat, dum ne haec extorqueantur in contemptum Ecclesiae: et dum ne defunctus efferatur signis massonicis feretro, aut vexillis appositis». Et sane S. U. I. 13. Jul. 1604., censuit sepulturam haereticorum tolerandam esse, *si ei absque scandalo resisti non potest*, ap. eund. D'Ann. l. c. Attamen S. Poenit. 10. Dec. 1860. de notorie excommunicatis «Curandum, ait, ut cuncti ad normam sacrorum canonum fiant, quatenus vero absque turbarum et scandali periculo id obtineri nequeat, Parochus neque per se, neque per alios sacerdotes ad sepulturam ullo modo concurrat», i. e. passive se habeat. Pius autem IX. graviter conquestus est cum Archiep. Parisien., quod «exequiis interfuerit Magni utriusque militiae Magistri Meignan, et solemnem Absolutionem fuerit impertitus, dum et illius feretro Massonica etiam extabant insignia, et eidem funeri socii illius damnatae sectae cum eisdem insignibus assistebant». 26. Oct. 1865. versus fin.



## DE CONST. APOSTOLICAE SEDIS

..... *Motu proprio, certa scientia, matura deliberatione Nostra, deque Apostolicae Nostrae potestatis plenitudine, hac perpetuo valitura Constitutione decernimus, ut ex quibuscumque censuris sive excommunicationis, sive suspensionis, sive interdicti, quae per modum latae sententiae, ipsoque facto incurrendae, hactenus impositae sunt, non nisi illae, quas in hac ipsa Constitutione inserimus, eoque modo, quo inserimus, robur exinde habeant; simul declarantes, easdem non modo ex veterum Canonum auctoritate, quatenus cum hac Nostra Constitutione conveniunt, verum etiam ex hac ipsa Constitutione Nostra, non secus ac si primum editae ab ea fuerint, vim suam prorsus accipere debere.*

1. *Resolves:* Vi praesentis Const. eae nunc tantum censurae latae sententiae vigent de iure communi, quae vel in ipsa expresse continentur, vel ipsi post eius promulgationem accesserunt iam, vel postmodum accedent. Omnes autem illae censurae, quae in eadem Const. clare et certo continentur, etiamsi antea dici potuissent obsoletae, aut in desuetudinem abiisse, aut universim ignorari, nullam nunc talem exceptionem admittunt, et plenam obtinent vim obligandi. Instr. S. O. 15. Jun. 1870. A. S. S. V. 6. p. 433. seqq.

*Excommunicationi latae sententiae speciali modo Romano Pontifici reservatae subiaccere declaramus.*

2. *Speciali modo.* Sequentes excommunicationes speciali modo reservatae dicuntur ob triplicem rationem. 1.<sup>a</sup> est quia pro eis « generalis concessio absolventi a casibus et censuris, sive excommunicationibus Romano Pontifici reservatis nullo pacto sufficit ». Par. *A quibus.* Ubi autem notandum est, quod, etiamsi quis habeat specialem facultatem absolventi ab hisce casibus Sedi Apostolicae speciali modo reservatis, non ideo concessa etiam facultas censetur pro casu absolutionis complices, qui specialissima indiget mentione. C. S. I. 27. Jun. 1866., et 4. Apr. 1871. Continetur vero in ea speciali facultate haeresis absolvenda, cum specialissime, uti ante, non fuerit nunc excepta. Cf. Giraldi Exp. Iur. Pont. Tom. 2. P. 1. Tit. 7. S. 809. 2.<sup>a</sup> ratio est, quia excluduntur etiam a facultate absolventi, Episcopis concessa a Trid. Syn. S. 24. cap. 6. de R., licet eadem facultas, absolventi nempe ab omnibus censuris occultis, etiam Papae reservatis, firma maneat in quibuscumque aliis censuris hac eadem Const. Apostolicae Sedi reservatis, Par. *Firmam tamen.* 3.<sup>a</sup> ratio est, quia « absolvere praesumentes sine debita facultate, etiam quovis praetextu, excommunicationis vinculo Romano Pontifici reservatae innotantur, dummodo non agatur de mortis articulo; Par. *A quibus.*

1. *Omnes a christiana fide apostatas, et omnes ac singulos haereticos, quocumque nomine censantur, et cuiuscumque sectae existant, eisque credentes; eorumque receptores, fautores, ac generaliter quoslibet illorum defensores.*

3. *Apostatae sunt, qui a christiana religione penitus deficientes ad sectam mahometanam, vel aliam transeunt, vel etiam nullam. Intellige autem apostatam non solum exteriori opere vel signo, sed etiam animo. Nam dicitur apostata a christiana fide. Qui vero externe tantum apostata est, non a fide, sed a confessione fidei apostata est. Insuper de apostata sermo est a christiana fide, non tantum interius concepta, sed etiam exterius solemniter in baptismo professi. — Haeretici. Ut excommunicatio praecise ob haeresim lata incurratur, requiritur, 1.<sup>o</sup> ut haeresis sit formalis, i. e. cum errore intellectus, et pertinacia voluntatis. Pertinax autem dicitur, qui suae opinioni adhaeret, non obstante quod noverit eam adversari do-*

etrinae Ecclesiae Romanae, ipsi sufficienter propositae: vel ita est animo comparatus, ut, etiamsi illa doctrina ipsi sufficienter proponatur, nolit tamen a sua opinione dimoveri. Ratio huius ultimi disiunctionis membri est, quia quaelibet ignorantia, etiam *crassa*, et *affecteda*, iuxta veriore et communem sententiam excusat ab haeresi et haeticorum poenis. Potest enim quis optime habere *voluntatem credendi* omnia, quae ipsi sufficienter proponuntur, ut revelata a Deo, ac ut dogmata Ecclesiae, quamvis non habeat *voluntatem adhibendi diligentiam*, ut sciat quae sint a Deo revelata, quae ab Ecclesia definita. Hinc licet graviter peccet contra fidem, non est tamen *formaliter infidelis et haeticus*, sed fidelis et catholicus credens omnia quae a Deo revelata sunt ac ab Ecclesia sunt definita, et sibi sufficienter proponuntur. Cf. De Lugo De Fide D. 20. S. 6., L. 301., qui huic doctrinae adhaeret. 2.<sup>o</sup> Requiritur, ut mentis haeresis *signo externo, ex se vel ex circumstantiis* interni erroris *manifestativo, exterius prodatur*, manifestatione *graviter culpabili*, licet *nulli res immutescat*. L. 303.—305. Hinc excommunicationem non incurrunt 1.<sup>o</sup> haeticus mere mentalis, aut qui abstinet a missa audienda; 2.<sup>o</sup> qui suam haeresim manifestat ad consilium petendum. Minime vero excusat dubium *positivum* exterius proditum, quia ita dubitans *iudicat* veritatem ab Ecclesia propositam posse esse falsam. Ita S. Alph. 302. Negat tamen hoc Struggl Tr. 4. q. 2. n. 12., « quia talis non habet haeresim plane consummatam et perfectam ». Cf. Lugo De Fide D. 20. n. 17. 3.<sup>o</sup> Requiritur, ut haeresis ad *forum iudiciale* episcopi non fuerit adducta. Etenim episcopi *per se* aut *per delegatum* absolvere possunt in utroque foro a quavis haeresi, si semel ad eorum forum iudiciale fuerit deducta. Cf. L. App. de Priv. n. 39., Benedict. XIV. de Syn. l. 9 c. 4. Pii autem IX. Constitutio huic episcoporum facultati derogare non videtur. Quare episcopis nulla tantum competit facultas absolvendi ab haeresi sive *occulta*, sive *notoria*, quae ad eorum forum nondum fuerit adducta. Hinc protestantes omnes, qui vellent suam haeresim abiurare, et consequenter eam ad forum externum deducere, necesse non habent Romam recurrere, sed ab Episcopo possunt absolvi, tam pro externo quam pro interno foro, vel per seipsum vel per delegatum. — *Quocumque nomine censeatur*, peculiari nempe aliquo haeticorum nomine. — *Cuiuscumque sectae existant*, « etiamsi animo haeresi non adhaereant, sese vel nomine tenus adscribunt sectae, cuiuscumque sit ea nominis, haeticae vel schismaticae, quacumque de causa id fiat », iuxta Declarationem S. I. C. Synodus Dioecesis Albanensis anno 1886. P. 1. art. 6. n. 2. — *Credentes*, vere nempe credentes aliquid falsum horum haeticorum dogma, licet in omnibus ipsis non adhaereant, neque *nomine* particulari compellantur, e. g. Calvinistae, Lutherani, etc., neque alicui *sectae* particulari, v. g. Ecclesiae reformatae, etc., adscripti censeantur; vel credentes generatim tantum, haeticos veram fidem et religionem habere, quamvis nihil distincte et in particulari credant contra fidem. — *Receptores*, recipere est, refugium abscondendi causa praestare in suo vel alieno loco. Quare receptores sunt, qui hospitio recipiunt vel occultant, etsi semel, haeticum, ut effugiat poenas suae haeresis. — *Fautores*, favere generatim est quamvis operam alicui praestare in eius commodum et utilitatem, seu faciendo aliquid, e. g. commendando, pecuniam largiendo, seu omittendo quod quis ex officio facere debuisset. Fautores ergo sunt, qui in causa fidei haeticis favent, aut *negative*, omittendo scilicet, cum possint et teneantur ex officio, haeticum capere, custodire, punire; aut *positive* illum, quia talis est, laudibus, commendationibus, pecunia, etc. adiuvando, v. g. ut fugiat, etc. — *Defensores*, defendere est protegere aliquem, ut tuto et libere aliquid facere possit, vel aliquid protegere adversus contrarias oppugnationes. Defensores ergo errorum vel personae sunt, qui eorum errores verbis, scriptis, etc. defendunt, etsi interne aliud sentiant, vel qui impediunt, ne illi propter haeresim capiantur aut puniantur. — Haec igitur verba: *Receptores, fautores, defensores* haeticorum, *formaliter* intelligenda sunt de illis, qui favent haeticis, quatenus *haetici* sunt, nempe vel quia talem doctrinam pro-

titentur, vel etiam in ordine ad eam haeresim docendam, defendendam, aut aliquid huiusmodi. Ratio est, quia poena stricte intelligenda est iuxta subiectam materiam. Praeterea *receptores, fautores, defensores*, intellige receptione, favore, defensione perfecta. Itaque, si haeticum receptaveris, defenderis, eique faveris, ne caperetur, ille tamen captus fuerit, excommunicationem latam in receptores, fautores, defensores haeticorum non incurristi. — B. *Corrué* § 1., CC. *Sicut ait* 8., *Excommunicamus* 13., 15. *De Haeticis*, Suarez de D. 21. S. 2. 1.<sup>a</sup> Excomm., Bonacina de Censur. in part. D. 1. Q. 2. P. 1. 2. 3., S. Alph. n. 3<sup>ro</sup>, seqq., Ferraris v. *Haeresis, Haeticus*, Schmalz. 1. 5. T. 7. Cf. S. Th. Quodl. 10. a. 15. 16.

II. *Omnes et singulos scienter legentes sine auctoritate Sedis Apostolicae libros eorundem apostatarum et haeticorum haeresim propugnantes, necnon libros cuiusvis auctoris per apostolicas litteras nominatim prohibitos, eosdemque libros retinentes, imprimentes, et quomodolibet dependentes.*

4. *Scienter*, clausula haec initio posita afficit, in sensu obvio et naturali, non solum *legentes*, se etiam *retinentes, imprimentes, dependentes*. Quare ab hac censura excusat ignorantia sive facti, sive iuris, etiam crassa, et non improbabiliiter etiam affectata. L. 296. — *Legentes*, nomine lectionis intelligitur hic *lectio* proprio sensu, et humano modo, ita ut intelligat quis ea quae legit. Intelligitur praeterea *lectio* stricte talis, unde prohibetur quidem *legere*, sed non prohibetur *audire* legentem; qui forte facultatem habet; neque partem libri *memoriter recitare*; quia haec nomine *lectionis* stricte non comprehenduntur. Ithur. Cas. 39. L. 292. *Legentes*, quantitate notabili et sufficienti ad peccatum. Ita DD. communiter, qui tamen discrepant in determinatione huiusmodi quantitatis. Rectius autem distinguendum videtur, quia si, prohibitum librum legendo, statim incurras in haeresim, poteris vel paucas lineas legendo excommunicationem incurrere, quia magnum adest perversionis periculum, quod remove intendit Ecclesiae prohibitio. Si vero in materiam incurras omnino indifferentem, nulloque errore infectam, vel paginam integram legendo, a mortali, adeoque ab excommunicatione, excusaris. Ithur. l. c. nn. 30. 31., L. 284. 294. Idem de *retinentibus* dicas: qui enim librum modico tempore, v. g. uno alterove die, retinet, etiamsi animum habeat semper retinendi, excommunicationem non incurrit. Eadem enim est ratio pro tempore ac pro materia. Neque desunt theologi, qui excusant eum, qui retinet librum longiori tempore, expectans tempus opportunum ad tradendum Superiori, vel alteri licentiam habenti. — *Sine auctoritate Sedis Apostolicae*. Ergo Papa solus, aut ii, quibus ipse hanc commiserit aut delegaverit facultatem, potest dispensare super lectionem librorum, praesenti censura prohibitorum. Ergo iterum sub hac clausula, *legentes sine auctoritate Sedis Apostolicae*, ipsi Episcopi comprehenduntur. — *Libros*, plures asserunt epistolas, conciones, publica *duria* librum non esse. Disputatur etiam inter theologos de manuscriptis, an ut libri habenda sint. Folia ex libro prohibito separata, libri fragmenta, non liber sunt. Cf. S. Alph. 293., Suarez de Cens. D. 23. S. 7. n. 3. Obvio sensu haec omnia *libri* quidem non sunt; non ita solent communiter appellari, et in ipsis ecclesiasticis documentis alio proprio nomine appellantur, non communi et improprio hoc *libri* nomine. *Liber* enim proprie est, volumen plurium foliorum simul collectorum, non exiguae omnino molis, de uno eodemque vel etiam de variis argumentis tractantium. S. O. 21. Apr. 1880. declaravit: « scienter legentes ephemerides, propugnantes haeresim, non incurrere hanc excommunicationem ». A. S. S. V. 20. p. 368. — *Apostatarum et haeticorum*, additur *eorundem*: agitur ergo de illis, de quibus sermo est in praecedenti excommunicatione, nempe *quocumque nomine censeantur et cuiuscumque sectae existant*: omituntur vero *cis credentes*, quare videtur requiri ad hanc excommunicationem incurrendam, quod auctor haeticus sit aliunde notus, neque sufficere, quod primum manifestetur talis per ipsum librum. Talis enim esset potius catholicus *credens* haeticorum erroribus, quam haeticus, uti in praecedenti excommunicatione distinguitur. Attamen, si auctor *haeresim evidenter*



*certo propugnet, et evidenter pertinaci animo contra auctoritatem Ecclesiae*, eo ipso haereticus iure ac merito censebitur. Hinc si liber anonymus sit, ex ipso libro cognosci potest, an eius auctor sit haereticus. L. 282. — *Haeresim propugnantes*, « etiamsi unus tantum error in toto libro continetur, totus est prohibitus; nec, illo etiam deletio errore, licebit librum retinere, quia absolute prohibitus est vi huius clausulae ». Suarez l. c. Negant hoc ultimum, et quidem probabiliter, La-Croix n. 330., alique, quia tunc liber non continet amplius haeresim, nec ullum periculum inducit. L. 283. Verum sedulo notandum est, *haeresim propugnare* non esse simpliciter *haeresim continere*, sed haereseos patrocinium data opera, et quasi pro viribus suscipere. Quare non comprehenduntur sub hac excommunicatione libri haereticorum, qui incidenter tantum continent haeresim, cum ex professo non agant de fide. L. 287. — *Per Apostolicas litteras*. Apostolicae litterae sunt, quae nomine Romani Pontificis *immediate* prodeunt, sive in forma Brevis, sive in forma Bullae, vel alia quavis forma, dummodo in illis legatur, *Auctoritate Apostolica*, vel quid aequivalens. — *Nominatim prohibitos*, i. e. expresso in particulari libri titulo. Quare non comprehenduntur hac censura libri omnes, qui per litteras Apostolicas generali modo tantum damnantur. *Nominatim prohibitos*, verba quidem generalia sunt. Attamen ea communiter dd. intelligunt de prohibitione sub poena excommunicationis Romano Pontifici reservatae. Secus enim videtur S. Pontifex alii relaxare, quod sibi non reservat, adeoque neque tunc aderit excommunicatio *speciali modo* sibi reservata. Verum eodem hoc argumento evincitur, quod illa excommunicatio, licet Summo Pontifici reservata, *speciali tamen modo* eidem reservata non est. Nam, si eam Summus Pontifex *simpliciter* tantum sibi reservat, *specialem reservationem* eo ipso adimere videtur. Potius ergo dicendum esset agi de *prohibitione* sub poena excommunicationis *specialiter* reservatae. Sed tunc inutilis prorsus esset hic articulus 2.<sup>us</sup> Constitutionis. Quare videtur dicendum agi de prohibitione simpliciter facta sub poena excommunicationis, licet nulla ei addatur reservatio. Dicitur *sub poena excommunicationis*; quia si prohibitio fiat, vel nulla addita poena, vel alia, huc profecto non pertinet. Agitur enim hic de censuris. Cf. art. 1.<sup>um</sup> Excomm. simpliciter reservatarum. — *Retinentes*. « Retinere is dicitur, qui apud se librum habeat, sive habeat commodatum, sive depositum, sive alienum, sive ad ligandum, sive ad vendendum, sive ad bibliothecam ornandam, sive in propria, sive in aliena domo; adeo ut quovis modo, et ubivis librum habeat, censuram contra retinentes latam incurrat. Itaque non licet tibi eos vendere aut donare... Quod tamen ipse limitandum putarim, nisi vendas aut dones habenti facultatem illos legendi, tunc enim adesse credo facultatem tacitam, seu interpretativam Superiorum, qui rationabiliter inviti non censentur... Non peccares si ut alii facultatem habenti morem gerens librum aliquem prohibitum emptum Romae v. g. Fanum tecum ipse deferres; sicut neque etiam peccaret bibliopola, qui legandum diutius in officina librum detineret; quia haec omnia accessoria sunt facultati ipsi concessae, et per ipsam concessa intelliguntur ». Ithur. Cas. 39. n. 40. — *Imprimentes* sunt generatim quotquot ad impressionem *proxime* cooperantur, uti sunt qui typos componunt, atramento eos tingunt, chartas mactant, praelum versant, etc. Qui folia et libros impressos iam ordinant, *imprimentes* proprie non sunt; vendentes et alio asportantes, *retinentes* potius sunt. — *Quomodolibet defendentes*, defendentes nempe sive *verbis*, sive *scriptis*, sive *factis*, sive pravam quam continent doctrinam, sive ipsum librum materiale, si nempe impediunt, quominus liber comburatur, aut Episcopo vel Inquisitori tradatur. L. 285. Non comprehenditur vero hac censura, qui doctrinam bonam et veram, in libro contentam, approbat et laudat, dum tamen librum ipsum absolute non censeatur approbare, nec etiam qui stylum, eloquentiam, phrasim, ingenium laudat, dummodo id non arguat laudem et approbationem libri. — B. *Cornuc* § 1. Lugo de fide. D. 25. n. 94., S. Alph. n. 281.-299., Bouix de Cur. Rom. P. 3. § 3. C. 11., Suarez D. 21. S. 2. 1.<sup>a</sup> excomm., Bonacina D. 1. Q. 2. P. 4.

III. *Schismaticos, et eos, qui a Romani Pontificis pro tempore existentis obedientia pertinaciter se subtrahunt vel recedunt.*

5. *Schismatici*, proprie ii sunt, qui vel tantum ex voluntatis malitia vel etiam ex errore in doctrina fidei, subiunctionem *Romano Pontifici* denegant, a corpore Ecclesiae se separando, et novam ac separatam Ecclesiam constituendo, vel constitutae iam adhaerendo. — *Ii qui a Romani Pontificis pro tempore existentis obedientia pertinaciter se subtrahunt*, i. e. totaliter se separant ab eius ecclesiastica auctoritate, licet nulli alteri Capiti, seu supremae auctoritati ecclesiasticae adhaereant. Neque vero necesse est, ad hanc incurrendam censuram, vi huius clausulae, ut isti rebelles sint auctoritati *Romanae Sedis*, generatim inspectae; sed sufficit, ut rebelles sint auctoritati *Personae*, quae actu Romanam Sedem occupat. — *Ac recedunt*, partialiter nempe, in aliqua tantum re, *spirituali auctoritati* Romani Pontificis, pro tempore existentis, audacter rebelles existunt, eidem auctoritati in re particulari refragando, qui nempe in re particulari spirituale imperium et auctoritatem Romani Pontificis reiiciunt, uti sunt e. g. Catholici quidam liberales. Quare hanc non incurrit excommunicationem, qui Romano Pontifici obedire nollet, in re aliqua particulari, propter difficultatem rei, vel etiam propter odium in Personam; eius tamen *spiritualem auctoritatem* recognoscens: sua enim inobedientia non vere *pertinaciter* recederet a Romano Pontifice pro tempore existente, sed eius tantummodo leges, seu praecepta transgrediretur. — *Pertinaciter*, h. e. sciens volens; quare excommunicationem non incurrit, si eius denegat auctoritatem, eique se non submittit, quia legitimum non existimat, quum dubie valida eius electio sit. — C. 5. Dist. 19., B. *Coenae* § 1., Suarez D. 21. S. 2. 1.<sup>a</sup> Excomm., D. 23. S. 2. 2.<sup>a</sup> Excomm., S. 3. Par. *Melius*, Bonacina D. 1. Q. 2. P. 5.

IV. *Omnes et singulos, cuiuscumque status, gradus seu conditionis fuerint, ab ordinationibus seu mandatis Romanorum Pontificum pro tempore existentium ad universale futurum Concilium appellantes; necnon eos quorum auxilio, consilio vel favore appellatum fuerit.*

6. Quoad personas generalissima est haec censura: nam fertur in omnes cuiuscumque *status, gradus et conditionis*. Quia vero excommunicatione non fertur in communitatem, sed in singulares personas, ideo in eam, si tale delictum committat, interdicti censura fertur, de qua inferius. — *Ab ordinationibus seu mandatis*, circa nempe res spirituales. — *Pro tempore existentium*, adhuc nempe viventium, cum haec « verba aliquid operari debeant » ex C. *Si Papa* 10. *De Priv.* in 6.<sup>o</sup> — *Futurum Concilium*, non *futurum Romanum Pontificem*, neque *praesens Concilium*. Ut autem patet ex ipsa forma excommunicationis, qui auxilium, consilium, favorem praestant, excommunicationem non incurrunt, nisi effectu secuto, nisi nempe reapse *appellatum fuerit*. Hinc *auxilium, consilium* vel *favor* debet appellationem antecedere vel comitari: nam si tantum subsequatur, deturque ad resistendum pontificiis decretis sub specie talis appellationis, tunc non incurretur haec censura ex vi huius clausulae, quia revera non est datus favor ad appellandum, sed ad actiones postea secutas, quae sunt longe diversae. Minime vero distinguenda est appellatio a mandato iusto vel iniusto, quia Constitutio absolute et indistincte loquitur, et non fundatur in eo, quod res iusta vel iniusta sit, sed in eo quod sic appellans iniuriam facit auctoritati Romani Pontificis: nam facto ipso profitetur Generale Concilium esse illa superius. *Appellare* enim est ab inferiori iudice ad Superiorem provocatio. — *Consilium, favor*, licet *consilium* videatur esse aliquis *favor* vel *auxilium* morale, qui enim rectum consilium praebet non parum iuvat ad bene operandum; attamen distincta sunt; nam influxus sunt distincti, ad distinctos fines ordinati. Consilium enim est ad instructionem mentis; auxilium autem et favor ad executionem. *Consilium* dat, qui persuadet, et persuadendo impellit alium ad aliquid faciendum. Agitur enim de consilio *practico*, non de consilio *mere doctrinali*. *Auxilium* praestare est subsidium, adiumentum, opem ferre ad *ipsum actum* seu *opus externum*. *Favor* autem



a *faveo*, quod est studeo, amo, amplector, auxilium extendit ad morale etiam subsidium, v. g. laudibus, commendationibus, adiuvando. Hinc, cum in iuribus extensio fit ad consulentes et faventes, expressa fit eorum mentio. — Pius II. C. *Execrabilis*. B. *Coenae* § 2., C. *Significasti* 4. *De Electione et Electi Potest.*, Suarez D. 21. S. 2. Secunda clausula, Bonacina D. 1. Q. 3. P. 1. 2.

V. *Omnes interficientes, mutilantes, percutientes, capientes, carcerantes, detinentes, vel hostiliter insequentes S. R. E. Cardinales, Patriarchas, Archiepiscopos, Episcopos, Salisque Apostolicae legatos, vel Nuncios, aut eos a suis diocesis, territoriis, terris seu dominiis eicientes, necnon ea mandantes, vel rata habentes, seu praestantes in eis auxilium, consilium, vel favorem.*

7. *Omnes*, intellige cuiuscumque sexus aut status. — *Interficientes*, quovis modo, veneno, gladio, etc. — *Mutilantes*, i. e. membrum abscindentes. — *Percutientes* percussio manu ordinarie fit, sive immediate, sive mediante instrumento, nempe baculo. — *Capientes*, i. e. comprehendentes, libertatem abeundi impediendo. — *Carcerantes*, i. e. in carcerem detrudentes. — *Detinentes*, i. e. violenter inclusum custodientes carcere, vel loco alio, unde non possit libere exire. — *Hostiliter insequentes* sunt qui fugientem sibi que caventem animo infesto persequuntur, ut ei *malum* inferant, nempe interficiendo, mutilando, etc. Punitur enim haec insecutio, etiam alio effectum non sequuto, prout est attentatio alterius criminis per hanc legem prohibiti. Nec enim verisimile est quod lex prohibeat attentatum alicuius delicti, quod ipsa non prohibet, nec punit. Hostiliter ergo insequentes non sunt, qui insequuntur tantum dehonorandi vel diripiendi causa. — *Episcopos*, nempe consecratos: poenae enim strictae interpretationis sunt. — *Eicientes*, antea nempe receptum eicientes. — *Eicientes* generatim dictum sive publica, sive privata auctoritate, vi adhibita. — *Suis diocesis, territoriis, terris seu dominiis*, locis nempe, ubi ius habent proprietatis, iurisdictionis, domicilii, ratione sui muneris suaeque dignitatis. — *Mandantes*, mandans est, qui iubet vel rogat aliquid suo nomine fieri. — *Rata habentes*, hae pro ratihabitione requiruntur conditiones: « 1.<sup>a</sup> ut percussio sit facta nomine tuo, vel in tui gratiam; 2.<sup>a</sup> ut ratihabitionem externe significes; 3.<sup>a</sup> ut quando evenierit percussio fueris habilis ad mandatum vel consilium percussoris saltem habitualiter: nam si fueris amens non incurris; secus si ebrius, aut dormiens: ita communiter ». L. 267, Schmalz. n. 244. — *Ea mandantes, etc. praestantes in eis auxilium, etc.* *Mandantes* ergo, *auxiliantes, consulentes, faventes*, omnes quidem intelligendi de mandato, auxilio et favore efficaci, et quod graviter influxerit, et quidem *in ea*, quae nempe dicta sunt, non in aliam actionem ab eis diversam. — *Auxilium*, ille qui tantum promittit auxilium, non videtur posse dici *auxilium praestare*. — *Consilium*, e. g. utilitatem ostendendo, media idonea suggerendo. — *Favorem*, vel *positive* exhortando, incitando, vel *negative* non impediendo cum *possit et debeat*. *Debeat*, i. e. cum ex officio aut iustitia teneatur, ut *reges, indices, etc.* Si autem ex caritate tantum teneatur, censura verius non incurritur. — C. *Felices* 5. *De Poenis* in 6., Clem. 1. *De Poenis*, Extr. in. *De Consuetud.* B. *Coenae* § 11., Suarez D. 21. S. 2. 11.<sup>a</sup> Censura, D. 22. S. 3. 3.<sup>a</sup> Excomm., Bonacina D. 1. Q. 12., D. 2. Q. 3. P. 7., D. 4. Q. 3. 4., S. Alph. in. 268, 269., Ithur. Cas. 41. n. 16., Cas. 43. n. 1-3.

VI. *Impedientes directe vel indirecte exercitium Iurisdictionis ecclesiasticae, sive interni, sive externi fori, et ad hoc recurrentes ad forum saeculare, eiusque mandata procurantes, edentes, aut auxilium, consilium vel favorem praestantes.*

8. *Impedientes* reipsa, secus non erunt vere impedientes, sed conantes impedire. *Impedientes*, etiamsi ad hoc non recurrant ad forum saeculare. — *Directe*, v. g. vi aut metu incusso ipsis ecclesiasticis iudiciis. — *Indirecte*, v. g. si vis aut metus eorum consanguineis, officialibus, etc. in-



feratur. Impedire enim est facere aliquid, quo quis invitatus arceatur vel cesset ab agendo. — Quare si quis consiliis, precibus, fallaciis utitur, is potius suadere, impetrare, decipere intelligitur. — *Exercitium iurisdictionis ecclesiasticae*. Ut quis ergo hanc incurrat censuram, necesse est, ut ei resistat, qui iurisdictione insignitur, v. g. Episcopo, Parocho, etc., secus enim non erit *impedientes exercitum iurisdictionis*, sed aliquid aliud, v. g. si quis impediatur *actorem* adire iudicem, non *exercitum iurisdictionis*, sed *actoris petitionem* impedit. *Exercitum iurisdictionis*, nempe, *ex iure*, ne quis illud incipiat, vel in illo pergat. Agitur vero de exercitio iurisdictionis *ecclesiasticae*, quae a Christo Domino, vel ab eius Vicario, qua Romanus Pontifex est, promanat, et clericis competit, quatenus clerici sunt. — Agitur vero de *exercitio iurisdictionis* cuius est, e. g. peragenda committere, ea, quae sunt Ordinis, et deputare ad officia ecclesiastica; minime vero de exercitio ipsius *Ordinis*, e. g. sacrum facere, vel de exercitio ipsius *Officii* ecclesiastici, v. g. praedicare, docere, etc. — *Iurisdictionis ecclesiasticae*, sive ordinariae sive delegatae. Est autem *iurisdictionis* potestas alios regendi et gubernandi. — *Interni fori*, uti ea est, qua utitur S. Poenitentiaria, et illa est, quae ad forum conscientiae pertinet. — *Externi fori*, quae ad societatem spectat christianam, sive sit contentiosa, quae exercetur inter partes iudicio contententes, sive sit voluntaria, quae sine ullo iudiciali processu et sententia exercetur, ut e. g. Dioecesim visitare, mittere praedicatores, censuras ferre, etc. — *Et*, disiunctive intelligendum ex sensu obvio et toto contextu, ita ut altera personarum classis, quae hanc censuram incurrat, denotetur. — *Ad hoc*, i. e. ad *impediendum* praedictum exercitum, non ad aliud, e. g. ad non differendum exercitum illius iurisdictionis, et redditionem iustitiae, ad iuste decernendum, etc. *Ad hoc*, recurrentes ergo alique omnes, de quibus in sequentibus agitur, censuram hanc non incurrunt, nisi effectu secuto. — *Recurrentes ad forum saeculare*, recurrere est alterius opem contra aliquem vel aliquid implorare, quasi ab eo iniuriam quis patiatur. — *Forum* propria significatione est locus exercendorum iudiciorum. Quare eorum patrocinium implorandum est, qui in foro iurisdictionem exercent, qualis non est e. g. Praefectus urbis. Attamen videtur posse etiam latius accipi *forum saeculare* pro quolibet civili magistratu ex oppositione cum *foro interno et externo* primae partis, quod ex communi acceptione latissime patet. Et sic hanc excommunicationem incurreret clericus ab Episcopo constitutus ad saeculare forum appellans, ut beneficium retineat. — *Mandata procurantes* sunt qui *proxime* ad id cooperantur. — *Edentes*, nempe condentes, sunt magistratus civiles, seu ii qui iudiciaria vel etiam alia civili potestate mandata ipsa ferunt, talia decernendo. — *Auxilium*, etc. Cf. dicta superioribus censuris. — *Eiusque*, nempe fori saecularis. — *Aut*, videtur ergo haec ultima clausula, *aut auxilium*, etc., in sensu obvio referri tantum ad ultimam personarum classem, i. e. ad *mandata procurantes, edentes*. Verum alii eam referunt ad primam etiam, secundam et tertiam classem personarum, quas praesens censura attingit, scilicet ad *impedientes et recurrentes ac mandata procurantes, edentes*. — C. Clericis 3. De Imman. Eccles. in 6.<sup>o</sup>, B. Coenae § 16., Suarez D. 21. S. 2. 16.<sup>a</sup> Censura., Bonacina D. 1. Q. 17.

VII. *Cogentes sive directe, sive indirecte iudices laicos ad trahendum ad suum tribunal personas ecclesiasticas praeter canonicas dispositiones; itemque edentes leges vel decreta contra libertatem aut iura Ecclesiae.*

9. *Cogentes*. Cogere hic est per vim vel metum gravem iniuste inducere ad aliquid faciendum. Hinc cogentes non sunt, qui clericum criminis iudicii produnt, qui clericum debitorem conveniunt coram iudice laico. *Cogentes... iudices*, nota distingui hic cogentem a iudice coacto, ergo ipsi iudices, qui sententiam tantum ferunt contra personas ecclesiasticas, ad suum tribunal ab aliis delatas, excommunicationem hanc non incurrunt. In Instr. S. U. I. 15. Jun. 1870. dicitur: « *Cogentes*... indicat excommunicationem eos non attingere, qui subordinati sint, etiamsi iudices fuerint,

sed in eos tantum esse latam, qui a nemine coacti vel talia, vel alios ad agendum cogunt». A. S. S. V. 6. p. 433. seqq. Et in Litt. Circ. eiusdem S. U. I. 23. Jan. 1886. haec habentur: « haec Supr. C. S. R. et U. I. non semel declaravit, caput *Cogentes* non afficere nisi legislatores et alias auctoritates... Caeterum in iis locis, in quibus fori privilegio per Summos Pontifices derogatum non fuit, si in eis non datur iura sua persequi, nisi apud iudices laicos, tenentur singuli prius a proprio ipsorum Ordinario veniam petere, ut clericos in forma laicorum convenire possint: eamque Ordinarii nunquam denegabunt, tum maxime, cum ipsi controversiis inter partes conciliandis frustra operam dederint. Episcopos autem in id forum convenire absque venia Sedis Apostolicae non licet. Et si quis ausus fuerit trahere ad iudicem seu iudices laicos vel clericum sine venia Ordinarii, vel Episcopum sine venia S. Sedis, in potestate eorundem Ordinariorum erit in eum, praesertim si fuerit clericus, animadvertere poenis et censuris ferendae sententiae, uti violatorem privilegii fori, si id expedire in Domino iudicaverit». A. S. S. V. 18. p. 416. — *Cogentes* autem sive directe, sive indirecte sunt, qui vi aut metu ipsis iudicibus incusso, vel aliis personis, quae cum ipsis coniunctionem habent, eos adigunt ad trahendum ad suum tribunal personas ecclesiasticas in causa sive criminali, sive civili. — *Iudices laicos*, qui nempe pro laico tribunali ex officio ius dicunt, non alios magistratus. — *Ad trahendum*, quasi reum, non tanquam testem, peritum, etc. — *Ad suum tribunal*, ut nempe in ius trahat, non ut ei aliquid praecipiat, eum admoneat, corripiat. — *Personas ecclesiasticas*, quae nempe gaudent privilegio fori. — *Praeter canonicas dispositiones*. Plures enim dantur casus, in quibus iudex laicus, tum in civilibus, tum in criminalibus, licite contra ecclesiasticas personas procedit. Cf. de hac re Schmalz. T. 2. P. 1. Tit. 2. par. 6. De foro comp. rat. pers. Eccl. n. 80. seqq., Bizzarri Collect. pag. 178. seqq. Ed. 1885. — *Praeter canonicas dispositiones*, intellige etiam Concordata Regni cum Sede Apostolica. — *Edentes*, auctores legum et decretorum, non ceteros. — *Leges*, generales ed in perpetuum, v. g. *de regio placito*, *de regio exequatur*, etc., quae a suprema auctoritate procedunt, *vel decreta*, quae a quavis potestate sunt, etiam inferiori, sed generaliter proferuntur, non autem pro casu particulari, tunc enim *mandata*, vel *iudicium* potius *sententiae* essent. — *Libertatem aut iura*, generalissime dictum, adeoque omnia comprehendit: v. g. religiosas familias expellendo, sacra ministeria inhibendo, clericos ab instructione populi arcendo, etc. — *Ecclesiae*, nempe universalis. — C. *Clericis* 3. *De Immuni. Eccles.* in 6.<sup>o</sup>, B. *Coenac*, § 15. S. Alph. de Privil. n. 18.-24., Suarez D. 21. S. 2. 15.<sup>a</sup> Censura, Bonacina D. 1. Q. 16., D. 2. Q. 6. P. 1.

VIII. *Recurrentes ad laicam potestatem ad impediendas litteras vel acta quaelibet a Sede Apostolica, vel ab eiusdem Legatis aut Delegatis quibuscunque profecta; eorumque promulgationem vel executionem directe vel indirecte prohibentes; aut eorum causa sive ipsas partes, sive alios laedentes, vel perterrefacientes.*

10. *Recurrentes*, quicumque, quocumque modo. Recurrentes ergo erunt supplicem libellum dantes, citantes seu provocantes, appellantes, etc. — *Ad laicam potestatem*, quaelibet ipsa sit, praefecti urbium, praesides tribunalium, iudices, alique omnes *iurisdictionem exercentes in cives*. — *Ad impediendas*, re ipsa, licet enim excommunicatione directe feratur non in *impediantes*, sed in *recurrentes*: cum tamen huiusmodi *recursus* sit *ad impediantem*, et actio externa debeat esse perfecta et consummata, ut quis excommunicationem incurrat, *recursus* hic intelligendus est, effecta secuto. Idem dicendum propter eandem rationem de *prohibitione*, *laesione*, *perterrefactione*. Alii tamen aliter opinantur cum directe ipse *recursus*, ipsa *laesio* et *perterrefactio* condemnentur. — *Litteras*, quavis forma datas, dummodo tamen ab Auctoritate Apostolica procedant, unde mox dicitur: *A Sede Apostolica profecta*. — *Acta quaelibet*, sive nempe sint gratiae, sive iustitiae; sive negotium spirituale sive temporale respiciant, iuris tamen eccle-



siastici seu spiritualis. — *Acta Sedis Apostolicae* appellantur, ea quae Romani Pontificis auctoritate geruntur, sive immediate, sive mediate. Unde dicitur: *Acta quaelibet a Sede Apostolica, vel ab eiusdem Legatis aut Delegatis quibuscumque profecta*. — *Acta S. Sedis* sunt monitoria, citationes, processus, sententiae, etc. de mandato S. Sedis facta. — *Legati* « ii dicuntur, qui ad aliqua negotia gerenda a summis Principibus (et in casu nostro a S. Pontifice) deputantur, communiter differunt a *Delegatis*, quois unum peculiare negotium, nec valde implexum, aut etiam peculiaria negotia committuntur, cum Legatus habeat aut generalitatem negotiorum concredita, aut saltem valde implexum traditum munus ». De Angelis Praelect. Iur. Cap. l. 1. T. 30. n. 1. — *Profecta*, non, ne proficiantur. Quare huic excommunicationi non subiiciuntur qui huiusmodi literas vel acta impetrari impediunt. — *Promulgationem*, publicationem nempe consueta forma, ac more. — *Executionem*, i. e. quaecumque sunt necessaria ut Litterae et Acta Apostolica effectum habeant, v. g. si quis tabelliones prohibeat instrumenta super eis conficere, vel confecta partibus tradere, aut partes traditis uti. — *Prohibentes*, publica nempe auctoritate. Ut enim loquitur Pontifex in 1.<sup>a</sup> parte de *recursu ad laicam potestatem*, ita in hac 2.<sup>a</sup> parte loquitur consequenter de prohibitione ex *recursu illo ad potestatem laicam* proficiente. Attamen contraria opinio bene etiam sustinetur, quia lex non distinguit. — *Partes* sunt ii quorum interest, ut Litterae vel Acta Sedis Apostolicae promulgentur, vel executioni mandentur. — *Alios*, puta patrocinatores earundem partium, causa actorum obtentorum, aut executores, vel personas alias, ad quas acta obtenta aliqua ratione referantur, et pertineant: dicitur enim *eorum causa, sive ipsas partes, sive alias*, etc. — *Laedentes* proprie et stricte sunt, qui grave aliquod damnum alicui inferunt in bonis corporis. — *Perterrefaciētes* sunt, qui admodum grave damnum inferre minantur. *Perterrefacere* enim est valde terrefacere, valde gravem metum facere. — C. *Clericis* 3. De *Immun. Eccles.* in 6.<sup>a</sup> B. *Coenae* § 13., Suarez D. 21. S. 2. 12.<sup>a</sup> 13.<sup>a</sup> 14.<sup>a</sup> Censura, Bonacina D. 1. Q. 14.

IX. *Omnes falsarios litterarum Apostolicarum, etiam in forma Brevis ac supplicationum gratiam vel iustitiam concernentium, per Romanum Pontificem, vel S. R. E. Vice-Cancellarios seu Gerentes vices eorum, aut de mandato eiusdem Romani Pontificis signatarum. Necnon falso publicantes Litteras Apostolicas, etiam in forma Brevis, et etiam falso signantes supplicationes huiusmodi sub nomine Romani Pontificis, seu Vice-Cancellarii aut Gerentis vices praedictorum.*

11. *Falsarios*, falsarii Apostolicarum litterarum sunt, qui *dolo malo*, vel semel, *veras* litteras apostolicas adulterant, addendo, detrahendo, vel immutando aliquid, ita ut alterum decipere queant, quod vero non materialiter sed formaliter aestimari debet, iuxta nempe sensum a Romano Pontifice principaliter intentum. Dicitur *dolo malo*, quare si veras litteras corruperis mox laceraturus, nemini nocens, nullaque iniuria atficiens Romani Pontificis auctoritatem, verius est excommunicationem cessare. Castropal. Tr. 29. De Cens. D. 2. P. 7. n. 4. Minime vero *falsarii* sunt qui *falsas* litteras integras fabricant. Hi enim non *falsarii* sunt, nam *veritatem* re ipsa non mutant, sed *falsas* litteras *fabricientes* sunt, ut in B. *Coenae* habebatur, ubi *falsarii* et *falso fabricientes* distinguebantur. Suarez de Cens. D. 21. S. 1. 6.<sup>a</sup> Cens. *Falsarios*, incurritur ergo praesens excommunicatio, vi huius clausulae, statim ac falsitas perfecta fuerit, licet quis falsatis litteris minime deinde utatur. Qui autem utitur incurrit aliam excommunicationem Episcopo reservatam, de qua infra. — *Litterarum Apostolicarum*. Ergo huc non spectant litterae *aliorum quorumcumque*, ut Nuncii Apostolici, Legati a latere, Poenitentiarii maioris, SS. Congregationum, etc. Immo nec litterae Apostolicae vel Rescripta nondum signata, vel munita sigillo, vel plumbo, quia cum nondum authentica sint, nondum valent: nec ea quae valere desierint, et amplius valere non possunt, puta dispensatio a servitio chori ad tempus, hoc elapso; dispensatio matrimonialis, mortuo dispensatio, etc. —



*Etiam*, adeoque, etiam in alia forma solemniori, uti sunt Bullae. — *In forma Brevis* nomine Brevium intelliguntur Pontificiae Constitutiones, quae per Secretariam Brevium expediuntur [in membranarum albis atque subtilibus pro negotiis, ut plurimum, non ita gravioribus ac universalibus. Latino, eoque nitido caractere, conscriptae sunt: et sigillum habent cerae rubrae, in quo impressa est imago divi Petri piscationem agentis. Ideo dicuntur expediri *ab annulo Piscatoris*. Cf. De Angelis Praelect. Iur. Can. l. 1. T. 2. et 3., Bouix de Princip. P. 2. S. 2. C. 7. — *Supplicationum*, supplicationes propriae sunt petitiones ad Pontificem directae pro gratia vel iure obtinendo. Verum iuxta stylum Curiae significant potius Pontificis responsum, sive fiat simplici sigilli appositione ad petitionem, aut subscriptione nominis, sive per rescriptum, in quo petitio memoretur. Hoc secundo sensu hic sumuntur, nam sermo est de *supplicationibus per R. Pontif. etc. signatis*. — *Gratiam* vel *iustitiam concernentium*, gratiam continere dicuntur, quae aliquod continent Romani Pontificis beneficium, seu liberalitatem: iustitiam vero, quae ad lites, adeoque ad causae alicuius cognitionem, seu definitionem pertinent. — *Per Rom. Pont., vel S. R. E. Vice Canc., seu Ger. vices eorum, aut de mandato eiusd. R. Pont. signatarum*, litterarum nempe apostolicarum propria manu, proprio sigillo Pontificis, vel aliena quidem manu subsignatarum, sed eius nomine, aut de eius mandato. Agitur enim de *Litteris Apostolicis*. — *Falso publicantes* sunt: 1.<sup>o</sup> qui veras litteras apostolicas, sed adulteratas; 2.<sup>o</sup> qui simpliciter *falsas*, seu integras, falso fabricatas, modo quovis in vulgus diffundunt. Ergo si quis paucis tantum ostenderit litteras Apostolicas simpliciter confictas, ita ut *publicatae* adhuc dici non possint, hanc non incurreret excommunicationem. Exigunt aliqui modum usitatum pro auctoritativa promulgatione: verum *publicatio* idem non est ac *promulgatio*; et in hac Constitutione unum ab alio apprime distinguitur. — *Litteras Apostolicas etiam in forma Brevis*, non additur: ac *supplicationes*, ut in prima parte. — *Falso signantes supplicationes* sunt, qui falsam subscriptionem, falsum illis sigillum apponunt, ut authenticae habeantur. — *Supplicationes*, restringitur ergo haec pars ad supplicationes dumtaxat. — C. *Ad falsarium* 7. De Crim. falsi., B. *Coenae* §. 6., Bonacina D. 1. Q. 7.

X. *Absolventes complices in peccato turpi, etiam in mortis articulo, si alius sacerdos, licet non approbatus ad confessiones, sine gravi aliqua exortura infamia et scandalo, possit excipere morientes confessionem.*

12. *Absolventes*, immutatur hic et ampliatur excommunicatio lata iam a Bened. XIV., qui eam tulit contra *audentes, praesumentes absolvere, ausu temerario absolventes*. Cf. De Const. Sacram. Poenit.

XI. *Usurpantes, aut sequestrantes iurisdictionem, bona, redditus ad personas ecclesiasticas, ratione suarum Ecclesiarum, aut Beneficiorum pertinentes.*

13. *Usurpantes*, bona ecclesiastica ii hic sunt, qui illa a domino auctoritative occupant, tanquam propria, h. e. quasi ius in ipsa haberent. Hinc non comprehenduntur *fures*, qui licet rem alienam et ipsi invadant: illam tamen tanquam alienam invadunt, nullum ius in eam praetendentes, quo eam, tanquam sibi propriam, occupatam iam, retineant. S. C. S. O. 9. Mart. 1870., Roncaglia De Cens. Tr. 4. C. 4. Q. 2. R. 1. Neque vero comprehenduntur ii, qui bona ecclesiastica, ab aliis usurpata, emptione, donatione, aut quovis alio contractu acquirunt, licet et contra iustitiam et contra religionem graviter isti peccent: censuram tamen isti incurrunt latam a Tridentino S. C. S. O. 8. Jul. 1874., quae praeterea declaravit: « huiusmodi usurpatores bonorum ecclesiasticorum innodari sola excommunicatione R. P. specialiter reservata », vi praesentis Const., *Apost. Sed.*, et non etiam excommunicatione simpliciter reservata, vi Concilii Tridentini. — *Sequestrantes* hic appellantur, qui iudiciali officio et iurisdictione rem alicui tertio custodiendam iniuste committunt, vel ipsimet custodiunt,

atque ita impediunt, ne ipsa sub potestate maneat illius, ad quem pertinet, eaque libere utatur. — *Sequestrantes*, excommunicati sunt ergo iudices. Sequestrium enim ex iudicis mandato omnem suam vim habet. *Sequestrantes* sunt hic etiam qui rem in vim sequestri detinent. Actor etiam comprehendi videtur, nam bene dicitur ex usu communi *sequestrare*. — *Iurisdictionem*, etiam temporalem, ut ex toto contextu patet, et quia absolute dictum. — *Bona* sive immobilia sive mobilia. — *Reditus*, quidquid res tert, vel quidquid percipitur intuitu rei; minime vero proventus et obventiones aliunde, ceu distributiones quotidianae. — *Ad personas ecclesiasticas pertinentes*, hinc censuram hanc non incurrunt usurpantes aut sequestrantes bona *locorum piorum*, nempe nosocomiorum, laicalium confraternitatum, etc. licet isti Tridentinae censurae subiaceant. Idem dicendum de bonis, quae pertinent ad Ecclesias, sed non ad ecclesiasticas personas, v. g. bona destinata Ecclesiae reparandae, divinis obeundis, pauperibus sublevandis, puellis dotandis, etc. — *Ratione suarum Ecclesiarum aut Beneficiorum* sive saecularium, sive regularium; non incurritur ergo praesens excommunicatio, si agatur de bonis, ad ecclesiasticas personas pertinentibus, sed alia ratione. Neque etiam incurritur, si quis haec eadem usurpet, sequestret, dum beneficium vacat: praesens enim excommunicatio ipsis *personis ecclesiasticis* imprimis consulere videtur, *ad personas ecclesiasticas pertinentes*. — *Ecclesiarum*, hinc non incurrunt praesentem censuram, vi huius clausulae, usurpantes, aut sequestrantes bona *monasteriorum*. Universim et per se loquendo, bona monasteriorum non pertinent *ad personas Ecclesiasticas*, nempe ad religiosos *ratione suarum Ecclesiarum, aut beneficiorum*, puta bona Collegii religiosorum, in quo pueri educantur, etc. *Bona monasteriorum* ad *nullas personas ecclesiasticas* pertinent, sed vel ad ipsa Monasteria, vel ad Romanam Ecclesiam pertinent. — *Beneficiorum*, hinc iterum non incurrunt hanc censuram usurpantes aut sequestrantes bona vel redditus capellaniarum laicalium, *Beneficia* enim vero sensu non sunt, et in pias foundationes vel legata pia resolvuntur. Incurrunt vero usurpantes aut sequestrantes bona vel redditus beneficiorum, quae iuris patronatus laicalis sunt. Sunt enim beneficia stricto sensu accepta, quamvis obnoxia sint servituti Patronorum, qui ius habent praesentandi beneficiatum, quum vacaverint, ius habent ad quasdam honoris praerogativas, et ius aliquod ad alimenta, si ad egestatem vergant. — C. *Generali Constit. 13. De Electione et Elect. Potest.* in 6. . B. *Coenae* § 17. . Bonacina D. 1. Q. 18., Suarez D. 21. S. 2. 17.<sup>a</sup> Censura, Ferraris v. *Bona* art. 1. n. 13. seqq.

XII. *Invadentes, destruentes, detinentes per se vel per alios, Civitates, terras, loca aut intra ad Ecclesiam Romanam pertinentia: vel usurpantes, perturbantes, retinentes supremam iurisdictionem in eis; necnon ad singula praedicta auxilium, consilium, favorem praestantes.*

14. *Invadentes*, vi nempe adhibita: invadere enim est vi aut impetu ingredi; quamvis non intendant « eam (civitatem) subtrahere ex dominio Papae: neque in aliquo laedere ius Ecclesiae... quia... in Bulla non distinguitur quod id fiat animo subtrahendi civitatem ex dominio vel iurisdictione Papae, necne ». Suarez. De Cens. D. 21. S. 1. 20.<sup>a</sup> Cens. par. penult. Id confirmat distinctio, quae hic fit inter simpliciter *invadentes*, de quibus in prima parte huius censurae, et *usurpantes*, de quibus in altera parte. Ratio autem adsignatur ab eodem eximio doctore, « quia huiusmodi invasiones regulariter ac frequenter non fiunt, quin civitas saltem in parte destruat. Addit etiam Caietanus frequenter etiam non fieri, quin liberum regimen talis civitatis Ecclesiae subtrahatur ». — *Destruentes* in totum vel in partem. — *Detinentes* sive ipsimet invaserint, sive ab aliis accepta retineant, uti v. g. haeredes, si tamen sine maiori publico damno, et sine maiori ipsius temporalis Principatus Romani Pontificis damno illum statim deserere possint; et nisi accedat saltem tacitus consensus ipsius Romani Pontificis, uti pro locis pluribus in B. *Coenae* enumeratis accessisse videtur. Qua in re unus legitimus iudex est ipse Romanus Pontifex. Etenim « facile in-



telligitur quemadmodum eiusmodi Romanae Ecclesiae Principatus, licet suapte natura temporalem rem sapiat, spirituale tamen induat indolem vi sacrae, quam habet, destinationis, et arctissimi illius vinculi, quo cum maximis Rei Christianae rationibus coniungitur ». Pius IX. Br. *Cum catholica* 26. Mart. 1860. — *Vel per se vel per alios*, ad tria praecedentia refertur. — Ex hoc capite, soli viri Principes hanc excomm. incurrunt; non item Senatores et Deputati, quippe qui, non quasi *singuli*, sed quasi *Ordines* retinent. — *Iura*, i. e. temporalia et suprema, principalia, ut ius imponendi tributa, creandi magistratus, etc. — *Ad Ecclesiam Romanam pertinentia*, non ad privatas personas, etiam Summi Pontificis. — *Usurpantes*, h. e. sibi adscribentes tanquam propriam supremam iurisdictionem. — *Perturbantes*, v. g. qui directe impediunt, quominus in hisce locis leges ferantur, promulgentur, executioni mandentur; qui rebellionem promovent, etc., *satagentes constitutum regimen immutare, vel supremam iurisdictionem labefactare et imminuere*; non alii. — *Retinentes*, i. e. de facto exercentes supremam iurisdictionem loco legitimi Principis, huius iurisdictionem ita impediendo. — *Supremam iurisdictionem temporalem*, eam nempe quae soli Principi, seu supremo gubernanti competit, quae scilicet Summo Pontifici competit, ut princeps est, circa res maioris momenti, uti sunt causae Status, sanguinis, confiscationis honorum, etc. — *In eis*, h. e. civitatibus, terris, locis praedictis. — *Ad singula praedicta*, nempe ad *invadendum, destruendum* civitates, etc. *usurpandum, perturbandum, retinendum* supremam, etc. — *Auxilium praebentes*, proxima nempe cooperatione, et secluso omni gravi metu, coactione et gravi incommodo proportionato, excusante, sive proprio sive publico. *Auxilium, favorem praebentes in retinendo* minime sunt illi, qui *opinionem* tantum, quin *reipsa et formali cooperatione vel adhaesione* aliquid faciant, stant pro usurpatoribus. Encycl. Pii IX. 1. Nov. 1870., 26. Martii 1860., S. Poenit. 10. Dec. 1860. *Auxilium vero, favorem praebentes in retinendo* sunt, qui operam aliquam praestant, quae *proxime* usurpatores in detentione confirmet, v. g. largiendo pecuniam, personas in populum influentes denuntiando, scripta in vulgus diffundendo ad popularem opinionem immutandam, etc. Quaestio autem hic est, an *auxilium et favorem praebent in retinendo*, qui publica munia gerunt. Iam vero haec duplicis generis sunt: alia enim sunt mere *civilia*, quae nempe pertinent ad necessitates et utilitates civium, alia sunt *politica*, quae spectant ad regimen ipsum tuendum totius nationis. Prioris generis munera suscipere licitum est, siquidem ea directe et per se non tendunt ad usurpatorem approbandum vel confirmandum, sed dumtaxat ad publicum ordinem servandum, quem servare ipse usurpator debet ex ipsa natura societatis, quae seipsam pessumdare nequit. Quoad munera vero alterius generis S. Poenit. 10. Oct. 1860. ad generale quaesitum 13.<sup>um</sup> « An retineri et suscipi possint sub intruso Gubernio officia » respondit tolerari posse dummodo non agatur de officiis, quae directe et proxime influunt in spoliū, vel in eiusdem spoliū manutentionem, et exerceri possint absque periculo laesionis legum divinarum et ecclesiasticarum ». Et sic in spoliū manutentionem ex officio directe et proxime influunt, qui primum seu supremum magistratum gerunt in quavis provincia, etc. Instructio Pii VII. 22. Maii 1809.: 10. Jun. 1809. B. *Coenae* § 20., Bonacina D. 1. Q. 21.

15. *A quibus omnibus excommunicationibus, huc usque recensitis, absolute Romanum Pontifici pro tempore speciali modo reservatum esse et reservari; et pro ea generalem concessionem absolvendi a casibus et censuris, sacre excommunicationibus Romano Pontifici reservatis, nullo pacto sufficere declaramus, revocatis insuper earundem respectu quibuscunque indultis, concessis sub quavis forma et quibuscvis personis, etiam Regularibus cuiuscunque ordinis, congregationis, societatis, et instituti, etiam speciali mentione dignis et in quavis dignitate constitutis. Absolvere autem praesumentes sine debita facultate, etiam quorvis praefectu, excommunicationis vinculo Romano Pontifici reservatae inmodatos se sciant, dummodo*



*non agatur de mortis articulo, in quo tamen firma sit quoad absolutos obligatio standi mandatis Ecclesiae, si convaluerint.*

16. De Excommunicationibus latae sententiae speciali modo R. P. reservatis, quae accesserunt C. Apost. Sed.

XIII. Ex C. Pii IX. Romanus Pontifex 28. Aug. 1873. par. Confidimus, seqq., Acta S. Sed. V. 7. p. 404., excommunicatio fertur latae sententiae, specialiter reservata Romano Pontifici 1.<sup>o</sup> in Dignitates et Canonicos Cathedralium Ecclesiarum vacantium, ac illos, qui deficientibus Capitulis Vicarios deputant (vacantis Ecclesiae), aut vacantes Ecclesias legitime administrant, qui ante exhibitionem Litterarum Apostolicarum concedere et transferre in nominatum et praesentatum ad eandem Ecclesiam eius curam, regimen et administrationem sub quovis titulo, nomine, quaesito colore, ausi fuerint. 2.<sup>o</sup> in nominatos et praesentatos ad vacantes ecclesias qui eorum regimen et administrationem suscipere audent ex concessione et translatione a Dignitatibus et Canonicis, aliisque, de quibus supra, in eos peractam. 3.<sup>o</sup> Necnon in eos, qui praemissis paruerint, vel auxilium, consilium aut favorem praestiterint, cuiuscumque status, conditionis, praecminentiae et dignitatis fuerint.

XIV. SS. Dominus N. Pius Papa IX... iussit Ecclesiasticis Provinciis Venetae ac Mediolanensi, singulisque Dioecesibus Patriarchali ac Metropolitanae iurisdictioni subiectis, applicari atque inculcari... ea omnia, quae pro Helvetica foederatione, quoad popularem Parochorum electionem, sapientissime constituta sunt in nuperrimis Litteris Encyclicis die 21. Novembris 1873., adeoque ut quicumque, in praememoratis Dioecesibus, suffragante populo, ad Parochi sive Vicarii officium electi, audeant sive Ecclesiar, sive iurium ac honorum praesentem possessionem arripere, atque obire munia ecclesiastici ministerii, ipso facto incurrant in excommunicationem maiorem peculiariter reservatam S. Sedi, aliasque poenas canonicas, iidemque omnes fugiendi sint a fidelibus iuxta divinum monitum, tanquam alieni et fures, qui non veniant, nisi ut furentur, mactent et perdant. S. C. C. 23. Maii 1874. Acta S. Sed. V. 7. p. 702. seq.

*Excommunicationi latae sententiae Romani Pontifici reservatae subiacere declaramus.*

I. Docentes vel defendentes sive publice sive privatim propositiones ab Apostolica Sede damnatas sub excommunicationis poena latae sententiae, item docentes vel defendentes tanquam licitam praxim inquirendi a poenitente nomen complicitis, prouti damnata est a Benedicto XIV. in Const. Suprema 7. Julii 1745., Ubi primum 2. Junii 1746., Ad eradicandum 28. Septembris 1746.

17. Docentes, docere, ut credere, idem non est ac in praxim deducere: haec duo possunt reipsa seu facto optime distingui. Docere proprie est simpliciter tradere et persuadere doctrinam aliquam, sive privato sive publico magisterio. Quare si quis dumtaxat dicat, se tenere hanc vel illam propositionem non fuisse damnandam, hanc non incurrit excommunicationem. — *Defendentes*, defendere est earum patrocinium suscipere, ab oppugnationibus et contrariis rationibus eas vindicando, quasi fuerint damnatione indignae. — *Publice*, publica schola, universitate, collatione, disputatione, editis libris, etc. — *Privatim*, privata schola, collatione, disputatione, etc. Duplex hoc additum, sive publice, sive privatim, in fine positum utrumque, quod praecedat, docentes vel defendentes, afficit, uti ex sensu obvio constat. — *Ab Apostolica Sede*, nempe a Summo Pontifice, non ab Indice, non a S. C. I., a Concilio Oecumenico. — *Sub excommunicationis poena latae sententiae*. Agitur ergo hic de Romano Pontifice damnante ex Cathedra sub excommunicationis poena latae sententiae, quamvis non addatur reservata: nam primo, hoc non habetur in Const., deinde inutilis evaderet haec pars articuli. — *Item docentes*, etc. haec Bened. XIV. in C. Suprema: « Pervenit... ad aures nostras, nonnullos... quandam praxim in audiendis... Confessionibus...

*inducere* atque *introducere* coepisse; ut videlicet, si forte in poenitentes incidissent socium criminis habentes, ab iisdem poenitentibus *socii* huiusmodi seu *complicis* nomen passim *exquirerent*, atque ad illud sibi revelandum *non inducere modo suadendo* conarentur, sed... *denuntiata quoque, nisi recedarent, absolutionis sacramentalis negatione, prorsus adigerent atque compellerent*: immo etiam complicis eiusdem *notum nomen*, sed *insuper habitationis locum* sibi exigenter designari. Quam illi quidem intolendam imprudentiam, tum *procurandae complicis correctionis*, aliorumque bonorum colligendorum *specioso praetextu* colorare, tum emendicatis quibusdam doctorum opinionibus defendere non dubitarunt: cum revera opiniones huiusmodi falsas et erroneas sequendo, *vel veras et sanas male applicando*, perniciem tam suis, quam poenitentium animabus consciscerent... Nos autem... notum vobis esse volumus *memoratam superius praxim* penitus reprobendam esse... tanquam scandalosam, et perniciosam, ac tam famae proximorum, quam ipsi etiam Sacramento iniuriosam, tendentemque ad sacrosancti sigilli sacramentalis violationem, atque ab eiusdem Poenitentiae Sacramenti... usu fideles abalienantem». Agitur de complice non in re turpi tantum: sed in quovis peccato. Lex enim absolute loquitur. In prae. Const. praeter *nomen additur habitationis locus*. Verum ex C. *Ubi primum* § *Similiter*, ex C. *Apostolici ministerii* § 7. manifestum videtur, satis esse solum inquirere nomen Complicis. — In C. autem *Ubi primum*, decernitur «tales confessarios ultra peccati lethalis incursum, suspensioni ab officio audiendarum confessionum, aliisque gravioribus poenis fore subiciendos», quae, uti patet, sunt *ferendae sententiae*. Insuper in eadem C. poena imponitur excommunicationis *ipso facto* ac Romano Pontifici *reservatae* in quemlibet, qui «*ausus imposterum fuerit docere*, licitam esse *eiusmodi praxim*, prouti in relato... Brevi exponitur, ac reprobat: vel scribere aut loqui *praesumpserit* in eiusdem damnatae praxis defensionem: vel ea, quae in dicto Brevi contra eandem praxim decreta sunt, impugnare aut in alienos sensus temere detorquere seu interpretari». Tandem in praedicta C. *Ubi primum* haec de obligatione denuntiandi subduntur: «Quicumque vero alium quemlibet *aliquo ex supradictis modis* deliquisse cognoverit, eum intra terminum dierum, in Edictis S. Officii eiusmodi Inquisitionis praefigi solitum (in edicto praefigitur mensis), eidem S. Officio denuntiare teneatur: alioquin poenas non denuntiantibus per eadem Edicta infligi consuetas incurrant». Poena haec est excommunicatio reservata S. Pontifici, Inquisitoribus et Ordinariis; sed per praesentem Const. sublata est. Ab hac tamen denuntiandi obligatione sic eximitur poenitens, qui est in causa: «Verumtamen ab eiusmodi onere denuntiandi iustus de causis eximi volumus et eximimus personam ipsam poenitentem dumtaxat in causa propria, i. e. in casu, quod suum peccatum confitens a confessario adigatur ad sibi manifestandum nomen complicis in eodem peccato». Cf. C. *Apostolici ministerii*. — In C. *Ad eradicandum* Pontifex contra pravas opiniones eorum, qui docerent eas Constitutiones non ultra Lusitaniam extendi ad quam missae erant, ita rem declaravit: «Decernimus et declaramus memoratam praxim in se ipsa, et ubique locorum et temporum Apostolica Auctoritate reprobata atque damnata esse et censeri debere». — Tria igitur, ut patet, requiruntur, ut quis huiusmodi excommunicationem incurrat: 1.<sup>o</sup> ut doceat vel defendat hanc praxim licitam esse: 2.<sup>o</sup> ut utrumque simul licitum esse doceat, vel defendat, i. e. et exquirere nomen complicis et reticenti absolutionem denegare: 3.<sup>o</sup> ut temere haec doceat, vel defendat. Idque valere videtur etiam vi C. *Apostolicae Sedis*: dicitur enim ibi, *prouti damnata est a Bened. XIV.*, et.

18. *An per praedictas litteras Benedicti XIV. ita interdictum sit quacurrere nomen complicis, ut in nullo casu id liceat?* — R. Negat. 1.<sup>o</sup> quia ipse Bened. XIV. supponit casus, in quibus id liceat, iuxta *veras et sanas doctrinas*: 2.<sup>o</sup> quia aliquando confessarius circumstantias interrogare debet, ex quibus, licet per accidens, in cognitionem complicis deveniat, et aliquando etiam ipse poenitens complicem manifestare tenetur Superiori, vel alteri,

nec tamen id nisi per confessarium praestare potest. — « Confessarii bene possunt et tenentur... exquirere circumstantias necessarias, ut poenitentis conscientiae consulatur, puta si confessarius exquirat, an persona complicitis... habitet in eadem domo, licet veniat in cognitionem complicitis » S. Alph. l. 6. n. 491. Potest sane et tenetur confessarius interrogare de qualitate occasionis, ut sciat an sit occasio *proxima*, occasio *in esse*, occasio *voluntaria*, quia ex his confessarius dirigitur ad absolutionem dandam, vel differendam, vel denegandam; et ad poenitentem magis vel minus urgendum, ut statim occasionem, etiam ante absolutionem, si opus sit, dimittat. *Ituriaga*, Cas. 31. — « Potest confessarius poenitentem obligare ad manifestandum sibi complicitis nomen; non quidem quasi confessarius eam obligationem imponat, sed quia revera poenitens eam habebat, et confessarius, qui ex eius confessione hoc agnoscit, admonet illum de sua obligatione, cui si non vult satisfacere, iam merito ei absolutionem negat, quem non invenit ad absolutionem dispositum. Porro posse illum casum contingere, constat aperte: quia potest confessarius videre, ex occultatione complicitis, gravissima damna imminere, ad quae impedienda poenitens omnino tenetur: rursus videt poenitens se ipso immediate id non posse exequi, nec habere alium, per quem id possit, praeter ipsum confessarium: quo casu certum est, teneri poenitens ad illud medium unicum eligendum: quod si eligere nolit, iam non est aptus ad absolutionem recipiendam... Quando vero, et quomodo excusetur poenitens a manifestando complice propter infamiam, aut damnum proprium, quod sibi timet: ex particularibus circumstantiis iudicandum erit: tam grave enim esse potest communitatis damnum, ut poenitens teneatur illud impedire etiam cum aliquo gravi suo detrimento ». Ita Lugo de Poenit. D. 16. n. 432. 433. — Nulli dubium, ait S. Alph., quod aliquando tenetur poenitens complicem manifestare *ad aliquod grave damnum impediendum*... Eo casu poterit confessarius poenitenti imponere in genere, ut complicem revelet alicui, qui scandalum possit impedire, sed nunquam licebit confessario dicere, *revela mihi*. Si vero poenitens ex se, et sponte sua rogaret confessarium, ut complicem corrigeret, tunc confessario multa prudentia opus est, nam ordinarie loquendo non expedit, ut se immittat in huiusmodi rem; ipsi enim tantum incumbit curare damnum sui poenitentis, non alienum, et solummodo intra confessionem, non extra; et ex alia parte confessarius difficulter assumet hoc munus corrigendi sine periculo scandali, et offensionis sacri ministerii ». L. 6. n. 499.

19. *An id liceat etiam ad correctionem vel bonum publicum?* — R. Ad 1.<sup>um</sup> Negat. Constat 1.<sup>o</sup> ex Const. Bened. XIV. ll. cc. 2.<sup>o</sup> quia huiusmodi etiam correctio Sacramentum Poenitentiae odiosum redderet fidelibus, perniciose est famae proximorum, et periculum continet violationis sigillis sacramentalis. — Ad 2.<sup>um</sup> distinguendum est: si sermo sit de *damno publico* impediendo. Cf. quaestionem praecedentem, si vero agatur de *bono publico* mere promovendo, negative, ob easdem rationes.

20. *An graviter peccet confessarius: si nomen complicitis interroget, sed non sub poena denegandae absolutionis?* — R. Huiusmodi imprudens interrogatio ex curiositate, levitate, vel alia simili causa excusaretur a peccato mortali, seclusa tamen gravi proximi diffamatione, et gravi poenitentis scandalo. Ratio, quia deessent tunc graves illae rationes, quas enumerat Bened. XIV, in sua C. *Suprema*.

II. *Violentas manus, suadente diabolo, iniicientes in Clericos, vel utriusque sexus monachos, exceptis quoad reservationem casibus et personis, de quibus iure vel privilegio permittitur, ut Episcopus aut alius absolcat.*

21. *Violentas manus*, intelligitur per hoc quaevis iniuriosa actio exterior, *factis*, non *verbis*, mortalis in Clerici personam; sive per eam laedat quis eius corpus, eum pereutiendo, vulnerando, ei venenum praebendo, quando huiusmodi actio coeperit nocere; sive eius laedat *libertatem*, in carcerem eum detrudendo, C. *Nuper*, 29. *De Sent. Exc.*, etc.; sive laedat eius di-



*gnitatem*, vim ei utcumque inferendo, v. g. si sistat rhedam, qua vehitur, violenter illi detrahat pileum, eum foedet, etc. S. Alph. nn. 272.-275. 280. « Recte notant, ait S. Alph. n. 273., quod semper ac percussio existimetur graviter iniuriosa, ratione reverentiae clerico debitae, sufficere ad censuram quaevis percussio levis, etiam si levissimus tactus physicus intercedat ». *Iniuriosa* autem percussio haberetur etiamsi Clericus consentiret in eam, cum lex haec sit in favorem status. C. *Contingit* 36. *De Sent. Excomm.* Excommunicationem e contra non incurrunt, si quis Clericum percutiat defensionis causa, vel ioco: vel si Clericum percutiant, correctionis gratia, parentes, praeceptores, superiores. C. *Cum voluntate* 54. § 2., ib. C. *Ec tenore*, 10. ib. C. *Si vero*, 3. ib., C. *Super* 1. ib. — *Suadente diabolo*, hoc « tantum importat percussorem cum peccato gravi ». S. Alph. n. 275. « Haec verba non important scientiam formalem censurae, sed tantum peccati ». S. Alph. n. 48. « si autem peccatum sit grave in specie hic prohibita, erit sufficiens causa huius censurae: tale enim delictum semper suggestionem daemonis fieri praesumitur, nec per illa verba aliqua specialis circumstantia illius delicti denotatur ». Suarez de Cens. D. 22. S. 1. n. 2., Schmalz. n. 228., Elbel. n. 133. Quare clausula haec, *suadente diabolo*, nullo pacto aequivalet clausulis illis, *scienter*, *temerario ausu*, etc. et consequenter ignorantia crassa ab hac censura non excusat. — *Iniicientes*, non mandantes, consulentes, consentientes, ratihabentes, non impediunt iniicere. — *Clericos*, quo nomine intelligitur omnis prima saltem tonsura initiatus, etiamsi coniugatus sit, dummodo cum unica virgine et deferat habitum ac tonsuram clericalem, C. *un. De cler. con.* in 6.<sup>o</sup>; item, etiam excommunicatus, suspensus, interdictus, depositus verbaliter tantum, irregularis. — *Monachos*, « intellige quemvis religiosum, etiam laicum conversum, novitium, utriusque sexus. Item Tertiarios S. Dominici, S. Francisci, si gestent habitum et vivant in communitate. Item eremitas subiectos alicui regulae, vel superiori... Idem dicit Fagnanus de mulieribus conviventibus in conservatoriis, quamvis religio non sit adhuc approbata... Et idem ait Renz. de seminaristis, etc. ». L. 271., Schmalz. n. 219. — *Exceptis*, etc. Exciipiuntur ergo *casus* et *personae*, de quibus iure vel privilegio permittitur, ut Episcopus aut alius absolvat. — *Casus*, triplex distinguenda est percussio, *enormis*, *mediocris*, sive *gravis*, *levis*. Percussio est *enormis*, si qui ea Clericum vel monachum mutilavit, oculum ei exclusit, membrum rupit, ingens vulnus inflixit, et magna sanguinis copia aliunde quam e naribus effusa fuit. Est *mediocris*, si percussio contusionem affert vel deformitatem, puta si extrahitur dens, si capillorum copia evellitur, si fit suggillatio carnis, si sanguinis copia effunditur, absque tamen graviore corporis laesione. Tandem percussio *levis* ea dicitur, non quia importat peccatum veniale, sed quia, etsi mortalis sit, prudentum iudicio levis existimatur comparata cum enormi, v. g. si fit palma, pugno, fuste, lapide, non relinquendo vestigium. Animadvertendum autem est, quod percussio *levis* potest evadere *gravis* vel *enormis* ratione circumstantiarum, nimirum ratione personae laesae, personae laedentis, personae coram qua fit percussio, ratione scandali, loci, temporis, iniuriae. L. 276.-278., Extrav. *Perfectis* apud S. D. n. 277. A percussione *levi*, etiam publica, possunt absolvere Episcopi ex C. *Perrenit*, 17., C. *Si vero*, 3. *De Sent. Exc.* Et sic pariter eorum vicarii generales, quia hoc habent Episcopi de iure ordinario. Idemque possunt alii iurisdictionem quasi episcopalem habentes. L. 79. 279. A percussione vero *enormi*, aut *mediocri*, si est publica, potest absolvere tantum Papa, aut legatus a latere, qui gaudet auctoritate pontificia, ex C. *Ad Eminentiam*, 20. *De Sent. Exc.* Idem possunt legati missi ad aliquam provinciam ex C. *Excommunicatis, penult. De Off. Legati*, in Provincia duntaxat sua, nec quoad extraneos. Si vero percussio fuerit *occulta* possunt ab ea absolvere etiam Episcopi ex Trid. C. *Liveat* 6. S. 24. L. 88. 279. — *Personae*, a percussione etiam publica Episcopi absolvere possunt sanctimoniales aliasque omnes mulieres, ex CC. *Mulieres* 6., *Ea noscitur* 13., *De Monialibus* 32. *De Sent. Exc.* « Quod verum habet,

etiamsi Romam illae adire possint, quia... mulierum peregrinatio semper est, et ab iure censetur periculosa ». Ithur. Cas. 43. n. 29. « Et hoc etiamsi percussio fuerit enormis... Item eos, qui collegialiter vivunt, si percussio fuerit *gravis*, non vero si *enormis*... Item omnes impeditos adire Romam ». L. 279., C. Canonica, 50. *De Sent. Excomm.*, C. Quoniam, 9. *De Vit. et hon. Cl.* Adde et Regulares, « si percussio fuerit levis vel enormis occulta... de suorum praelatorum licentia ». L. 107. et Append. de Privil. n. 97. Cf. Suarez *De Relig.* T. 4. l. 2. c. 23. — *Aut alius*, Praelati ergo regulares absolvere possunt suos *subditos*, etiam novitios: 1.º si percusserint eiusdem ordinis consodalem, nisi percussio sit enormis, aut injecta manus fuerit in Episcopum vel Abbatem: 2.º Si percusserint religiosum alterius ordinis, dummodo adhibeatur etiam sententia Praelati, cui percussus subiicitur. Eos vero absolvere non possunt si percusserint clericum saecularem, sed ab Apostolica Sede sunt absolvendi, excepto casu percussione *levis*, quo ab Episcopo absolvi possunt. CC. *Monachi* 2., *Cum illorum* 32., *Canonica* 50. *De Sent. Exc. Religiosa* 21. e. t. in 6.º S. Alph. n. 107., ubi addit: « Notandum... quod praedicta procedunt iuxta ius *commune*; nam spectatis privilegiis. Religiosi bene possunt absolvi a suis praelatis etiamsi percussio fuerit enormis, ex pluribus privilegiis quae referunt Pal., Salm. et Ronc. Idque dicunt praelati AA. valere, etiamsi Religiosus percusserit alium alterius ordinis, vel clericum saecularem. Additque La-Croix cum Krimer, etiamsi percussio fuerit publica, ac posse Abbatem absolvi per confessarium a seipso electum ». Cf. Lucidi de Visitat. etc. C. 4. De Clero Regul. § 4. nn. 96-98., Scav. l. 1. n. 954. — *Aut alius*, « poenitente impedito superiore adire, vel in periculo mortis, a quovis confessario potest absolvi ». D'Annib. Summ. P. 1. n. 368., Ed. 3.ª C. 29. Caus. 17. q. 4., Suarez D. 22. S. 1., Schmalz. nn. 97. 243-262., Elbel n. 125-149., Bonacina D. 2. Q. 3. P. 6.

22. *An excommunicationem incurrat, qui volens occidere clericum Pertrum errore invincibili occidit clericum Antonium?* — Plures et graves dd. negant, quia illa *realis* percussio respectu clerici Antonii non fuit voluntaria, sed *mere casualis*. Alii probabilius et communiter, ut ait S. Alph. l. 3. n. 628., affirmant, quia licet error adsit in persona, clericum tamen vere vult laedere, et de facto laedit. Ergo laedit vere statum clericalem. Ergo. Cf. Suarez l. c. n. 54., Molina de Iustit. et Iure Tr. 3. D. 53. n. 2., Sanchez de Matr. l. 9. D. 32. nn. 27., Schmalz. n. 229. 234.

23. *An incurrat excommunicationem qui percutit aliquem, ignorans esse clericum, sed tali animo, ut si sciret adhuc percuteret?* — « Communius et probabilius negant Sauch. Suarez, etc., quia ignorantia concomitante adest tantum voluntas interpretativa, quae non est vera voluntas ». L. 275., Schmalz. n. 233., C. Si vero 4. *De Sent. Exc.*

III. *Duellum perpetrantes, aut simpliciter ad illud provocantes, vel ipsum acceptantes, et quilibet complices, qualemunque operam aut favorem praebentes: necnon de industria spectantes, illudque permittentes, vel quantum in illis est non prohibentes, cuiuscunque dignitatis sint, etiam regalis vel imperialis.*

24. *Duellum*, prout poena hac excommunicationis plectitur, est illicitum duorum bellum seu pugna, ex condito, statuto tempore, in loco convento, et letalibus ac paribus armis, etsi « convenerint, ut non singuli cum singulis, sed bini, terni, aut plures hinc inde pugnent ». Clemens VIII. C. *Illius vices* § 3. 5., nempe unus adversus unum, etsi plures successive cum eodem commiserint. — *Duellum perpetrantes*, i. e. duellum committentes, sive privatim, sive publice, adhibitibus nempe patrinis, affixis subscriptisque chartulis, seu provocationis libello, etc.... Comprehenduntur hic etiam illi, inter quos pactiones initae sint de dirimendo certamine, cum primum alteruter vulneratus fuerit, seu sanguinem effuderit, aut certus ictuum numerus utrinque illatus fuerit. Hi enim vere duellum perpetrant, dummodo tamen duellum

*de se letale sit. — Simpliciter ad illud provocantes*, sive scripto, vel alio exteriori signo provocent. Praesens excommunicatione incurritur, etiamsi duellum de facto non sequatur, neque accessus, nec ullus alius actus ad pugnam proximus. Nam cum dicatur *Simpliciter provocantes*, censura imponitur praecise *ob provocationem*, et non etiam *ob duellum*. — *Ipsam acceptantes*, eadem facienda animadversio ac pro *provocantibus*. — *Quilibet complices, vel qualemcumque operam aut favorem praebentes*. Quare excommunicantur mandantes, consilium dantes, comitantes, nuncii, dictantes libellos provocatorios, aut eos scribentes, vel affigentes: patrini testes, armorum magistri, etc. An autem *complices* et *cooperatores* excommunicationem incurrant, si pugna ad effectum non perducatur? Alii affirmant; alii vero negant; tunc enim non verificatur quod *duelli complices* et *cooperatores* fuerint. — *De industria spectantes*, i. e. qui data opera ad duelli locum accedunt, et duello assistunt. Hinc excommunicationem non incurrit, qui obiter et casu per locum duelli transiens aspiciit curiositate ductus. Item neque hanc excommunicationem incurrere videntur, qui spectant a longe, vel in secreto, vel alio modo, nihil ad pugnam aduendam inducente. Tandem neque hanc excommunicationem incurrit, qui locum duelli adeunt ad illud impediendum: nam rem optimam praestant. *Illud permittentes, vel quantum in illis est non impediētes*, huic ergo excommunicationi subiacent civiles illae, vel militares auctoritates, quae, cum possint, duellum minime impediunt. Domini temporales, ea non prohibentes in terris suis, etc. — (Greg. XII. C. *Ad tollendum*, Clem. VIII. C. *Illius Vices*, Bened. XIV. C. *Detestabilem*, S. Alph. n. 220., Reiffenst. l. 5. T. 14., Schmalz. l. 5. T. 14., Lugo Resp. Mor. l. 2., D. l. 2., Bonacina D. 2. Q. 3. P. 48.

IV. *Nomen dantes sectae Massonicae, aut Carbonariae, aut aliis eiusdem generis sectis, quae contra Ecclesiam, vel legitimas potestates, seu palam, seu clandestine machinantur, necnon iisdem sectis favorem qualemcumque praestantes: earumve occultos coryphaeos ac duces non denuntiantes, donec non denuntiaverint.*

25. *Nomen dantes* sunt quicumque scientes et volentes in eam admittuntur, quocumque ritu, vel quamvis sine ritu initiuntur. — *Sectae Massonicae* hominum coetus, seu societates sunt, qui adversus Ecclesiam, vel legitimum gubernium aliquid moliri sibi proponunt « sive id clam, sive palam fecerint, sive exigerint, sive non, a suis asseclis secreti servandi iuramentum ». Instr. S. I. C. 12. Jan. 1870., 10. Maii 1881., 15. Aug. 1846. A. S. S. V. 17. p. 44. V. 1. p. 290. — *Aut aliis eiusdem generis*, Sectae plane religiosas, haereticæ et schismaticæ huic non pertinent. — *Legitimas potestates*, sive civiles, sive religiosas. — *Favorem qualemcumque, qualemcumque* latissime patet: sive negative, cum debeat et possit quis facere, sive positive, vel physice, vel moraliter quis agat: sive per se, sive per alios; sive directe, sive indirecte, sive palam, sive occulto. — *Occultos coryphaeos ac duces*, non quoscumque, qui damnatis sectis nomen dederint. — *Occultos*, si igitur publice noti sint, mitti denuntiatio potest, ut eruitur ex Instr. S. O. l. Febr. 1871. — *Coryphaeos ac duces*. Per praesentem Constitutionem nulla quidem censura adest quoad denuntiationem omitteutes aliorum sectariorum. Verum remanet semper obligatio eos denuntiandi vel ex lege Ecclesiastica, si haec vigeat, vel ex lege naturali, quae graviter obligat, ubi ageretur de gravi damno evitando. — *Donec non denuntiaverint*. Denuntiatio Inquisitori vel Episcopo loci, vel quasi episcopale munus ibidem gerenti, vel alteri ab eis ad hunc effectum delegato, facienda est, ut eruitur ex Instr. cit. Ab ea autem excusare potest grave damnum proprium vel suorum, nisi periculum adsit damni communis, quod semper praestaret privato, vel inutilitas denuntiationis, propterea quod nullum remedium Praelatus sit adhibiturus. Lapsus autem notabilis temporis requiritur ad excommunicationem incurrendam pro omisa denuntiatione. Talis est integer mensis, ex quo quis obligationem novit et poterat adimplere, secundum communem regulam. Facta autem denuntiatione, cessat saltem reservatio censurae, cum conditionate feratur, *donec non denuntia-*



verint. Synodo Dioecessana Albanensi an. 1886. P. 1. art. 5. n. 3., dicitur: « censuram ipsam per denunciationem cessare. S. O. 1. Febr. 1871 ». Si iusta autem de causa, quis absolvatur antequam faciat denunciationem ab habente ad hoc potestatem, et promissionem factam denuntiationis faciendae ille deinde non servet, in eandem incidit excommunicationem, vi huius clausulae: *donce non denuntiaverint*. — Denique notandum hic est, quod absolvi non possunt qui praedictis scetis nomen dederunt, si licet emissi iuramenti poenitentiam agant, externe tamen cum iisdem sociis communicant, ratione scandali quod adest. S. C. S. O. 5. Jul. 1837. et 27 Junii 1838., approbante Gregorio XVI. S. Poenit. 8. Nov. 1821. — Clem. XII. C. *In cunctis*, Bened. XIV. C. *Providas*, Pius VII. C. *Ecclesium*, Leo XII. C. *Quo graviora*, Gregor. XVI. C. *Inter*, Pius IX. Alloc. *Qui pluribus*, 9. Nov. 1846., Ep. Enc. Leonis XIII. *Humanum genus*, 20. Apr. 1884., et Instr. S. I. C. 10. Maii 1884., Ferraris v. *Denuntiatio*.

V. *Immunitatem asyli ecclesiastici ausu temerario violare iubentes, aut violantes*.

26. *Immunitas asyli ecclesiastici* est ius, quod competit locis sacris vel religiosis, ne, qui ad ea confugiant, vi inde extrahantur. C. *Inter 6. de Immun. Eccles.* Excipiuntur tamen ex B. *Cum alias* Gregorii XIV. et ex B. *Ex quo divina* Benedicti XIII. latrones publici, viarum grassatores, depopulatores agrorum, homicidae, haeretici, rebelles rei laesae maiestatis contra personam Principis, alique, quos excipit Bened. XIII. C. cit., et Bened. XIV. C. *Officii nostri*, servatis tamen formalitatibus, duabus hisee Constitutionibus praescriptis. Cf. etiam A. S. S. V. 2. pp. 49. seqq., 120., 486. Competit hoc ius Ecclesiae, etiam nondum consecratis, pollutis, interdictis, earumque sacristiis, campanilibus, tectis, atriis, coemeteriis, etiam ab Ecclesia separatis: Oratorii ab Episcopo erectis, hospitalibus, in quibus exstat aliqua Cappella publica: domui religiosorum: Seminariis, palatiis Episcoporum, vel S. R. E. Cardinalium. CC. 9. 21. 35. 36. ult. *De Imm. Eccl.* C. 4. *De Relig. Dom.*, S. Alph. de Priv. n. 25.-27. Habita quidem ratione locorum et temporum, plura in contrarium acta, per accideus excusantur a peccato, propterea quod moraliter vitari non possint, et lex positiva cum tanto incommode non obligat. *Ausu temerario* utrumque membrum complectitur. Ex quo intelligitur, eum tantum excommunicationem incurrere, qui ab aliis minime coactus, prudens ac sciens immunitatem asyli ecclesiastici aut violare iubet, aut exequendo violat. A. S. S. V. 15. p. 539. — *Violare iubentes*. Hinc excommunicationem incurrunt omnes mandantes extrahi delinquentem ex asylo ecclesiastico, effectu violationis sequuto. — *Violantes* sunt, qui de facto reum ab asylo *vi* extrahunt, non qui tantum *attendant*. — C. 6. Caus. 17. q. 4., Tit. 49. *De Immun. Eccles.* lib. 5. Decret., Greg. XIV. C. *Cum alias*, Bened. XIII. C. *Ex quo divina*, Clem. XII. C. *In suprema*, Bened. XIV. CC. *Alias felices*, *Officii nostri*, *Elapso praecipe*. Acta S. Sed. V. 2. pp. 45. seqq. 484. seqq., Ferraris Bibl. v. *Immunitas Eccles.* Reiffenst. l. 3, Tit. 49., Bonacina D. 2. Q. 3. P. 16.

VI. *Violantes clausuram monialium, cuiuscumque generis aut conditionis, scilicet vel actatis fuerint in eorum monasteria absque legitima licentia ingrediendo; pariterque eos introducentes vel admittentes; itemque Moniales ab illa excentes extra casus ac formam a S. Pio V. in Const. Decori praescriptam*.

27. *Violantes clausuram monialium* sunt, ut constat ex sequentibus, qui in earum monasteria absque legitima licentia ingrediuntur. — *Clausura* dicitur totum illud spatium, quod septis monasterii continetur. — *Monialium*, i. e. quae religionem suam profitentur vera propriaque professione. Sermo enim hic est de ea clausura, de qua loquitur Trid. S. 25. de Reg. C. 5., et Pius V. in Const. *Decori*. Hinc ut canonicae et pontificiae clausurae non adstringuntur recentiores moniales, neque huic censurae obnoxiae sunt. S. C. EE. et RR. 1. Aug. 1839. — *Cuiuscumque generis aut conditionis*. Non videntur comprehendi etiam personae regalis familiae, quae, ratione

earum supremæ dignitatis specialiori mentione dignæ sunt, neque comprehendi videntur *praelati* sive saeculares, sive regulares ingredientiæ absque necessitate: nequit enim de ipsis dici quod ingrediantur absque facultate. — *Secus* vel *actatis*. Hinc non solum viri, sed et mulieres; non solum adulti, sed et infantes septennes, doli capaces. — *Monasteria*, nomine monasterii intelligitur domus, in qua religiosæ simul congregatæ *regulariter* vivunt. L. 231. — *Absque legitima licentia*. Non necessario ergo requiri videtur, ratione huius excommunicationis incurrendæ, ut hæc licentia *scripta* obtineatur, ut habetur in Trid. l. c., et sufficere videtur etiam licentia generalis. Et sane ille qui ingreditur, licentia accepta a Superiore, licet neque *in scriptis* habita, neque *speciali*, sed generali, non ingreditur quidem *absque legitima licentia*. Hanc licentiam concedere possunt: 1.<sup>o</sup> Episcopi *auctoritate propria*, vel *delegata*, prout monasteria sint Episcopo subiecta, vel immediate subsint Summo Pontifici. 2.<sup>o</sup> Vicarii generales, quoad monasteria dumtaxat Episcopo subiecta. 3.<sup>o</sup> Vicarii capitulares. Sede vacante, tum quoad Monasteria Episcopo subiecta, tum etiam quoad illa, quæ subduntur Sedi Apostolicæ. 4.<sup>o</sup> Episcopus, et præterea Praelatus regularis, i. e. Generalis, Provincialis, vel immediatus Superior monasterii, quoad Monasteria regularibus subiecta, nisi contraria vigeat consuetudo, ut a solo Episcopo detur. Bened. XIV. De Syn. Dioec. l. 13. c. 12. n. 23. 5.<sup>o</sup> Abbatissa, confessarius, aut alius vir prudens ex delegatione seu commissione Episcopi. L. 223. 224. 228. — Hæc autem licentia dari nequit nisi *in casibus necessariis*, adeoque gravi de causa, eaque minor requiritur pro ingressu feminae, quam viri: pro ingressu diurno quam nocturno, consanguineæ quam extraneæ, et pro ingressu in priora receptacula, quam in interiora. In necessitatibus autem urgentibus, quæ moram non patiuntur, ut in casu mortis, incendii, violentiæ, etc. non requiritur ulla licentia ad ingrediendum. L. 225. Medicus ordinarius non potest ingredi nisi ex licentia renovata singulis trimestribus: necnon debet associari a duobus monialibus senioribus, et intrare solus. Medicus extraordinarius nequit ingredi ad libitum monialium, sed tantum in defectu ordinarii, vel quando cum ordinario habendum est collegium. Insuper ingredi possunt ex licentia fabri et alii necessarii, qui artem suam intra clausuram exercere debent. L. 226. Confessarius ingredi potest ad ministranda infirmis sacramenta Poenitentiae et Eucharistiæ, non solum in periculo mortis, sed quoties ex præscripto regulæ dispensatur Communio, et quoties illa monialis communicare consuevit; item ad ministrandam Extremam Unionem, et ad commendandas animas agonizantium, stola et superpelliceo indutus, S. C. EE. et RR. Jan. 1714., non tamen ad exequias defunctæ monialis peragendas. Confessarius saecularis intrare debet sine socio, regularis vero debet habere socium probatæ vitæ et maturæ ætatis. Dum autem confessionem audit, debent assistere comitatrices ad ianuam, ita ut eum videant. L. 227. Postremo possunt ingredi monialium monasteria Episcopi in casu necessitatis aut visitationis, sed *a paucis* *hisque senioribus ac religiosis personis comitati*; idem Praelati regulares visitationis causa, semel in anno, et si sit Generalis, potest ipse habere secum duos sui ordinis socios, qui sint exemplares et maturæ ætatis; si vero alius, unum tantum; et insuper debent assistere quatuor moniales ex senioribus, quæ non separantur a Visitatore. L. 221. Bizzarri Collectan. pag. 262. Ed. 1885. Licet censuram non incurrat qui monasterium cum licentia ingressus, finito negotio, statim non egreditur, mortaliter tamen peccat, si mora sit notabilis. — *Ingrediendo*, ingredi est *intus* ire, *intus* consistere, et non tantum pedem indus ponere. — *Introducentes* sunt, qui positive coöperantur ad ingressum, *intus mittendo*, seu *in præcæcolanti ianuam aperiendo*. — *Admittentes* sunt recipientes, qui ingressum non prohibent, cum possint et debeant *ex officio*, nempe *Praefectæ et Ostiariæ*. — *Pariterque eos introducentes vel admittentes, eos, nempe violantes*. — *Extra casus*, etc. Ex C. cit. Pii V. « excusatur egressio si adsit iusta causa, nempe (ut ibi dicitur) *magni incendii, vel infirmitatis, lepræ aut epidemiciæ* ». Hinc sufficiunt ad egrediendum causæ similes, ut

bellum imminens, latronum incursus, inundatio fluminis, aut aedificii ruina. — *Ac formam*, etc. Quando enim patet aditus, et tempus, nempe si periculum patitur moram, requiritur omnino ex praefata Bulla S. Pii V. ad egrediendum licentia in scriptis habita ab Episcopo, et etiam a Praelato regulari si monasterium sit exemptum. Sed nec in praedictis casibus extra monasteria, nisi ad necessarium tempus, stare licet. — *Excentes*, i. e. toto corpore extra clausuram egredientes. S. Alph. cum aliis non admittit parvitatem materiae. Quare si monialis exeat e clausura, vel clausuram quis ingrediatur, vel uno passu, hanc excommunicationem incurrit. Quod tamen alii apud eund. S. Doct. negant, n. 229.

28. *Nota 1.* Ad maiorem castitatis custodiam, prohibetur sub gravi tum clericis tum laicis *frequens accessus ad colloquendum* cum monialibus ad clericeis sine speciali facultate et sine rationabili ac manifesta causa, et ubi non adsit legitima consuetudo in contrarium. Ista autem frequentia consistit in eo, quod quis tribus diebus continuis, vel semel singulis mensibus per annum circiter, aut quater in hebdomada monasterium adeat. Regularibus vero ista cum monialibus collocutio speciatim prohibetur, etiamsi fiat semel et per quadrantem cum dimidio, immo « per quodcumque medicum temporis spatium peccant mortaliter ». Ita S. C. 1. Mai. 1669. « Regulares accedentes ad colloquendum cum Monialibus sine licentia peccant mortaliter: etiam ex rationabili causa, quando non adest licentia ». etc. S. C. 26. Nov. 1672. Ex Decr. autem S. C. edito iussu Sixti V. a. 1590. Regularibus collocutionibus cum quibuscumque monialibus, sive suis, sive aliter ordinis, vel cum qualibet muliere in monasterio degente, imposita est poena privationis officii, vocis activae et passivae ipso facto incurrenda. Probabilius excipitur Abbatisa extra Roman. Eximuntur vero ab hac prohibitione coniuncti in 1. et 2. gradu consanguinitatis, obtenta prius venia Ordinarii, qui eam in forma praescripta et per quatuor vias ad summum quolibet annu dare potest. S. C. EE. et RR. 13. Kal. Dec. 1623. — C. *Monasteria De rit. et honest. Cleric.*, C. *Periculoso De stat. Regal.* in 6. l. 7. n. 232.-243., Bonacina T. 1. De Claus. Q. 3., Lezana Summa Quaest. Regular. V. 2. v. *Moniales* n. 17. seqq. — 2. Ex Trid. S. 25. C. de Reg. excommunicatur magistratus saecularis, si ad instantiam Episcopi, non praebent auxilium adversus inobedientes et contradictores clausurae monialium, *Excommunicatione nemini reservata*. — Bonacina D. 2. Q. 10. P. 7., De Clausura Q. 4. Ferraris v. *Moniales* art. 3. 4., Lucidi De Visit. etc. V. 2. c. 5. § 2. V. 3. Docum. LV. seqq. Ed. 3. Bizzarri Collect. pp. 301. 311. 319. 329. 347. 410. 438. 454. seqq. 546. seqq. 596. seqq. 723. seqq. Ed. 1885., Bened. XIV. De Syn. l. 9. C. 15., Schmalz. I. 3. T. 35., Reiffenst. ib.

VII. *Mulieres violantes Regularium clorum clausuram, et superiores aliosve eas admittentes.*

29. *Mulieres*. Cum eadem haec excommunicatio antea vigerit, et nihil novi nunc addatur, videtur facienda eadem exceptio ac antea. Quare excipiuntur « Reginae, electrices, et similes earumque filiae ». L. 231. 225. Mulieres, nempe rationis usum habentes et puberes. — *Violantes*, nempe ingrediendo, etiamsi eo tempore, quo nullus religiosus intus sit; hoc enim per accidens est. — *Regularium*, i. e. religiosorum, qui solennia vota emittunt: qui enim simplicia tantum vota edunt, saltem ex sacris canonibus, clausurae non subiciuntur. — *Clausura* est totum illud spatium, quod septis monasterii continetur, adeoque officinae, coenacula seu refectoria, valitudinaria, seu infirmaria, dormitoria, coquina, etc., claustra, horti, prata, viridaria, nisi separata sint clavi et muro convenienti: non item Sacristia, si ad eam ex Ecclesia aditus pateat; immo nec prima claustra, in quae vadunt mulieres ad hauriendam aquam, modo coenobium habeat alia claustra mulieribus invia. S. C. EE. et RR. 24. apr., 16. maii 1582. Ferraris V. *Conventus* art. 3., n. 9. seqq. In nonnullis Regularium Ordinibus, qui intra monasterium cubiculum habent S. Fundatoris vel alterius Sancti, legitima con-



suetudo adest admittendi ibi fideles utriusque sexus die eiusdem festo. « Ait Elbel, n. 671., quoad modum servandi clausuram, attendendas esse legitimas consuetudines ac rationabiles, auctoritate Superiorum approbatas: non autem eas, quae potius abusus et corruptelae dicendae sunt ». L. 231. Nomine autem monasterii seu conventus non veniunt domus privatae, seu residentiae, ubi unus aut alter religiosus habitare consuevit: neque domus quae aedificatur, nisi iam sint sufficientia habitacula, ita ut communitas regulariter iam vivere possit. L. 231. — *Aliosvi*, ergo etiam inferiores et subditi, *admittentes*, incurrunt hanc excommunicationem. — *Eas*, nempe *mulieres violantes*. — *Admittentes*, i. e. recipientes, approbantes admissionem, vel non impediētes, cum possint et ex officio debeant. — Cf. Suarez D. 22. S. 6. 6.<sup>a</sup> Excomm., Bonacina D. 2. Q. 3. P. 38., De Clausura Q. 5.

VIII. *Reos Simoniae realis in beneficiis quibuscumque, eorumque complices.*

30. *Reos*, non habetur hic cuiuscumque sint dignitatis. Hinc alii excludunt cardinales, alii vero eos comprehensos etiam volunt. Etenim clausula haec non ideo habetur in articulo sequenti, ut hic intelligantur exclusi: sed ut in eo articulo intelligantur inclusi etiam Cardinales et Praelati, qui antea ex multorum sententia solo interdicto ab ingressu Ecclesiae plectebantur. Pius IV. C. *Rom. Pont.* § 4. — *Simoniae realis*, ultro citroque rem et pretium dando et accipiēdo. Licet vero requiratur, ut simonia sit realis, impletio *ex utraque parte*; nihilominus, si pars tantum promissi solvatur, iam ex utraque parte intelligitur perfecta *realis* simonia, et sufficiens ad hanc excommunicationem incurrendam. — *In Beneficiis*, i. e. in beneficiis *proprie dictis*, cuiusmodi non sunt pensiones, aut vicariae temporales, etc., officia, dignitates, etc. in Ordinibus Religiosis. Quare qui pensionem spirituales vendit, licet simoniam committat, praesentem excommunicationem non incurrit. Beneficium enim est: lus perpetuum percipiendi redditus ex bonis Ecclesiae propter sacrum officium, auctoritate ecclesiastica, constitutum. *Perpetuum*, h. e. tum *obiective*, quatenus nempe ipsum beneficium ex se ita sit perpetuum, ut maneat penes beneficiatum, donec ei ex legitima causa auferatur, et ut morte beneficiati, vel amotione ipsius a beneficio, ipsum beneficium non extinguatur, sed vacet possessore, ita ut alteri sit conferendum, adeoque in se perpetuo duret: tum *subiective*, quatenus nempe beneficiatus perpetuo, quamdiu vivat, irrevocabiliter illud habere debeat. Hinc nomine beneficiorum, proprie et stricte, non veniunt parochiae, quae modo revocabili conferuntur. Alii vero hac in re aliter sentiunt. *In beneficiis*, h. e. in emendis, vel vendendis ipsis beneficiis: in Collatione, Electione, Praesentatione, aliisque actibus, qui ad beneficiorum provisionem pertinent. — *Quibuscumque*, sive nempe sint beneficia *duplicita*, sive *simplicita*: sive *iurispatronatus*, sive *liberae collationis*, etc. — *Complices*, quare poenam hanc incurrunt e. g. non modo conferens et recipiens beneficium, sed etiam il. quorum cooperatio, mediatione, favore simoniacus contractus perficitur. — *EXTR. 2. h. t.* Cf. Lugo, Resp. Mor. L. 2. D. 3. m. 2. 3., Suarez D. 22. S. 5. 4. Excomm., Bonacina D. 2. Q. 3. P. 24., Thesaur. De Poen. P. 2. *Simoniaci*.

IX. *Reos simoniae confidentialis in Beneficiis quibuscumque, cuiuscumque sint dignitatis.*

31. *Reos*, dantes nempe et accipientes beneficia eorumque fructus: itemque resignantes. Rei enim simoniae confidentialis sunt, qui confidentiale pactum inter se faciunt. *Reos*, non etiam complices, ut in praeced. art. — *Confidentiales*, quae nomina bonum habet in beneficiis ecclesiasticis: hinc additur, *in beneficiis quibuscumque*, etc. — Haec vero excommunicatio incurritur tum ob simoniam confidentialem *realem*, tum ob simoniam confidentialem *mixtam*, scilicet ex una parte tantum completam; vera enim est *confidentialis* simonia. Neque vero exigitur, ut promissum ex utraque parte impleatur. — *Cuiuscumque sint dignitatis*, adeoque praesens excommunicatio tenet et S. R. E. Cardinales aliosque Praelatos. — Pius IV. C. *Romanum*, Pius V. C. *Intol-*

*lervabilis*. Conc. Trid. Sess. 25. Cap. 7. (Cf. Suarez D. 22. S. 6. 7.<sup>a</sup> Excomm., Bonacina D. 2. Q. 3. P. 25.

X. *Reos simoniae realis ob ingressum in Religionem.*

32. *Rei*, praesentem excommunicationem ergo, in casu simoniae ingressus in Religionem, tam dantes quam recipientes incurrunt. — *Ob ingressum*, « Valde probabile est non incurrere excomm. in simplici ingressu, sed in professione ». L. 108. — *Ob ingressum*, simonia haec est iuris divini; ob sustentationem vero novitiorum nulla est simonia: professorum, simonia iuris humani est, adeoque ubi vigeat adhuc, excommunicationi huic minime obnoxia. — *In Religionem*, stricte et proprie talem. — Exr. 1. h. t. Cf. Suarez D. 22. S. 5. 2.<sup>a</sup> Excomm., Bonacina D. 2. Q. 3. P. 21.

XI. *Omnes, qui quæstum facientes ex indulgentiis, aliisque gratiis spiritualibus excommunicationis censura plectuntur Constitutione S. Pii V. Quam plenum 2. Jan. 1569.*

33. *Omnes qui*, etc. Porro praedicta C. S. Pii V. decernitur duntaxat inferiores ab Episcopis sententiam excommunicationis incurrere, § 6. — *Quæstum facientes*, necesse ergo est saltem pretii partem recipere. *Quæstum facientes*, etc., nempe 1.<sup>o</sup> largiendo indulgentias aliasque gratias spirituales, nulla cum re temporali conferendas, certam solventibus pecuniam, ita ut haec pecuniae solutio conditio sit propter illam concessionem debita, quasi eiusdem pretium, licet id praetextu fiat pii operis promovendi. 2.<sup>o</sup> litteras, quae huiusmodi gratias continent publicare praesumendo, vel indicem casuum ad indulgentiarum aedibus sacris appendi iubendo, quibus emptores renari videntur, cum palam significetur solventibus supra dicta concedi, licet iterum id fiat praetextu pii operis. Const. cit. §§ 1. 2. 3. 4. — *Aliisque gratiis spiritualibus*: hae praedicta Constitutione recensentur: 1.<sup>o</sup> facultas eligendi quemlibet sacerdotem, a quo quis non tantum a non reservatis, sed etiam a reservatis absolvatur. § 1.: 2.<sup>o</sup> « poenitentiarum iniunctarum remissiones ». § 2.: 3.<sup>o</sup> « missae sacrificium, sepultura, tempore interdicti; ciborum prohibitorum usus, assumptio duorum vel plurium Compatrum ad sacrum baptismum, contra Trid. Decretum, praeter eos, qui synodalibus, ut dicunt, Constitutionibus adseiscuntur: a simoniae reatu absolutio Sedi Apostolicae reservata », § 3. — *Excommunicationis*, etc. Sensus ergo in eadem Const. Pii V. lata contra Episcopos et Cardinales, § 6., per Const. Apost. Sed. minime renovata est. — Bonacina D. 2. Q. 3. P. 30.

XII. *Colligentes eleemosynas maioris pretii pro Missis, et ex iis lucrum captantes, faciendo eas celebrari in locis, ubi Missarum stipendia minoris pretii esse solent.*

34. *Colligentes*, collectio copiosam indicat earum eleemosynarum, et studiosam inquisitionem ad modum mercaturae. Quare hanc censuram non incurreret, qui unum vel aliud tantum stipendium colligeret: cui missae per se ipsum celebrandae sponte committantur. *Colligentes* generatim dicitur. Sublata ergo suspensio pro clericis, quam constituerat Bened. XIV. B. Quanta cura, ex qua desumitur praesens censura: *excommunicationem*, quam idem Bened. XIV. pro laicis statuerat, Pius IX. ad clericos etiam extendit. — *Colligentes eleemosynas*, etc., ubi missarum stipendia, etc. Praesens ergo censura intelligenda est de solis missis manualibus, minime vero de iis, quae propter fundationem vel beneficium, aut in perpetuum, debentur. S. Alph. l. 6. n. 321. Excomm. 3.<sup>a</sup> Cf. Acta S. Sed. V. 4. p. 39., V. 8. p. 84. — *Maioris pretii, minoris pretii*, hanc ergo censuram non incurrit, qui missas celebrare facit in loco, ubi eodem stipendio celebrantur, quamvis stipendii partem retineat. — *Ex iis lucrum captantes*, hinc censuram non incurrunt, qui colligunt ex officio eleemosynas pro missis celebrandis, si ex eis sibi retineant aequam laboris remunerationem. L. l. c. n. 332 dub. 3., vel sibi retineant quasi eleemosynam, si vere pauperes sint: vel simpliciter quasi rem alienam sibi retineant: tunc enim non quasi mercatores, sed ut veri fures habendi sunt. Neque vero censuram incurrunt ii, quibus libera-

*liter et omnino sponte* excessus remittatur. Dicitur *liberaliter et omnino sponte*, nam incurrunt, si sacerdotem rogent, ut remittat; vel ab eo quaerant, an consentiat, ut *partem* retineant; id enim Bened. XIV. l. c. inter *cacerabiles abusus* recenset. Tandem non incurrunt censuram ii etiam, qui partem e stipendio detrahunt, ut in quosdam usus pios erogetur, quamvis id S. C. C. 9. Sept. 1874. improbaverit. — *Et ex eis lucrum captantes*, excommunicatio ergo non incurritur, cum quis colligit eleemosynas, sed cum, tradito alteri stipendio minori, retinet sibi eius partem, in materia nempe gravi ratione furti. — *In locis ubi*, etc. Duae sunt de hac clausula sententiae. Prima sententia: *In locis, ubi*, etc. vox generalis est: quare huic excommunicationi subiacet non solum qui in alio loco, verum etiam qui in eodem loco, in quo eleemosynas colligit, missas minori eleemosyna celebrandas committit, si nempe stipendia ipse colligeret taxam excedentia, et non nisi statutum stipendium aliis traderet, excessu sibi retento: dicitur *taxam excedentia*, secus enim non verificaretur, quod colligeret eleemosynas *maioris pretii*; et faceret missas celebrari in loco, ubi missarum stipendia *minoris pretii esse solent*, i. e. communiter loquendo, sive ex taxa dioecesana, sive mere ex consuetudine et communi praxi. Secunda sententia: *in locis ubi*, in sensu obvio alia loca indicat. Quare censuram hanc non incurrunt qui Missas illas celebrare facit sive eodem loco, quo eas collegerat, sive alio, sed in quo eodem celebrantur stipendio. Ratio, quia revera casus hi rariores sunt, et lex casus communes, non casus raro accidentes attingit.

XIII. *Omnes qui excommunicatione mulctantur in Constitutionibus S. Pii V. Admonet nos quarto Kalendas Aprilis 1567., Innocentii IX. Quae ab hac sede pridie nonas Novembris 1591., Clementis VIII. Ad Romani Pontificis curam 26. Junii 1582., et Alexandri VIII. Inter ceteras nono Kalendas Novembris 1660., alienationem et infeudationem civitatum et locorum S. R. E. respicientibus.*

35. *Omnes*, i. e. « Omnes et singulae, tam communitates et universitates, quam cives et incolae civitatum, terrarum, et locorum praedictorum (quae nempe S. Sedi in temporalibus sunt subiecta), aliaeque quaecumque personae tum ecclesiasticae, tum saeculares, cuiusvis dignitatis et ordinis, etiam episcopalis vel maioris existentes, ac S. R. E. Cardinales..., etiamsi civitatum et terrarum earundem Gubernatores, aut Sedis Apostolicae Legati vel Pro-legati existant ». C. *Admonet nos*, § 3. *Omnes et singulae communitates et universitates*, intellige omnes et singulas personas, quae illas constituunt, et *publice in consiliis* earum communitatum et universitatum, vel *privatim alibi*, de re eadem pertractant. — *Qui excommunicatione mulctantur*, etc. Porro cit. C. S. Pii V. *Admonet nos*, l. c. excommunicatione mulctantur praedicti, primo « *tractantes, consulentes, aut alias verba facientes de infeudationibus, aut alienationibus de civitatibus et locis praefatis immediate ad nos et Sedem praefatam spectantibus et pertinentibus, etiam devolutis, etiam in feudum communiter et pluries dari solitis, etiam ex causa permutationis, vel sub annuo censu aut canone, aut alias quomodolibet, etiam contemplatione meritorum erga Sedem praefatam, aut sub praetextu necessitatis vel evidentis utilitatis faciendis* ». Excommunicatione item mulctantur praedicti, *tractantes, consulentes, aut alias verba facientes, « de postulandis a nobis et Sede praefata quibusvis personis, cuiusvis dignitatis status, gradus, etiam nobis et successoribus nostris secundum carnem coniunctis, etiam Sanctae Romanae Ecclesiae Cardinalibus, aut quavis alia temporali vel ecclesiastica dignitate fungentibus, in Duces, Vicarios, Gubernatores seu quovis aliam titulum, ad vitam, vel in perpetuum, vel longum tempus, aut etiam ad Sedis Apostolicae beneplacitum, civitatum et locorum praefatorum* ». — *Tractantes*, sive publice sive privatim. — *De infeudationibus aut alienationibus*, quocumque modo faciendis, v. g. sub annuo censu aut canone; *in perpetuum, ad vitam, ad longum tempus, ad beneplacitum S. Sedis*; quocumque titulo v. g. *gubernii, vicariatus*, quarumque causa, etiam *necessitatis vel evidentis utilitatis*. Tales causae praetextus appellantur



in B. S. Pii V., et Clemens VIII. in C. *Ad Romani Pontificis curam*, inquit: « Huiusmodi casus absolutae necessitatis, aut verae et evidenter utilitatis, facilius mente atque animo concipi et effingi, quam usuvenire posse ». — *De civitatibus et locis*, etc., etsi agatur de bonis *devolutis* ad S. Romanam Ecclesiam, vel quae antea in *feudum dari consueverint*, etc., exceptis bonis ex delicto publicatis et fisco addictis, ex Greg. XIII. C. *Tanta tamque horrenda*, § 13., Xisto V. C. *Hoc nostri Pontificatus initio*. Hinc patet non hic agi de *alienatione* proprie dicta, quae consistit in translatione perpetua domini directi et utilis in alium, ut in donatione, venditione, etc.; sed de alienatione improprie tali, qua dominium directum vel ius aliquod in loco alienato a S. Sede semper retinetur. § 1. — *Immediate spectantibus*, loca immediate subiecta sunt ea, in quibus Summus Pontifex iurisdictionem temporalem exercet sive per seipsum, sive per suos delegatos ministros, gubernatores, iudices. — Iam vero excommunicatione mulctantur omnes praedicti, si simul proponant de eligendis oratoribus. Dicitur enim in B. cit. « *Ac propterea de eligendis oratoribus, ad nos et successores nostros super praemissis vel illorum occasione mittendis, proponentes, tam ipsi quam oratores munus huiusmodi recipientes, aut alii quicumque alienationes huiusmodi Romano Pontifici pro tempore existenti, per se vel alium seu alios, insinuantes vel suadentes eo ipso sententiam excommunicationis incurrant* ». *Insinuare* idem est ac declarare mentem suam esse ut Summus Pontifex praedicta loca alienet ac infeudet. *Suadere*, ratione, motivo, permovere ad huiusmodi alienationes faciendas. *Per se vel alium seu alios*, ergo non per epistolam. — Innocentius vero IX. hanc Constitut. approbat et extendit C. cit. ad loca non tantum *devoluta*, sed etiam *derolenda* his verbis: « *Declaramus eadem Constitutione prohibitam fuisse, ac prohiberi, omnem et quaecumque infeudationem, et alienationem civitatum, terrarum, oppidorum, et locorum praedictorum (S. R. E.) eidem Sedi tam immediate quam mediate subiectorum, non solum ne fiat, neve attentetur post eorum devolutionem, sed etiam antequam devoluantur, ac omnem et quaecumque in perpetuum vel ad tempus prorogationem et extensionem infeudationum, investiturarum, ac concessionum de dictis civitatibus, terris, oppidis, et locis, nondum finitarum, ipsorumque incorporationem, quoad effectum impediendae alienationis, prorogationis, et extensionis huiusmodi, non a die eorum devolutionis sed a die ipsius Constitutionis, et etiam antequam illa devoluantur, ipso iure cum omnibus clausulis et decretis in praedicta Constitutione contentis, Camerae et Sedi Apostolicae factam censi* ». *Loca mediate subiecta* sunt ea, in quibus Summus Pontifex iurisdictionem temporalem non exercet, eamque in alium transtulit, sibi reservans dominium directum. Talia sunt status in feudum concessi. — Clemens VIII. C. cit. comprobat, confirmat, innovat et declarat Bullam S. Pii V. extensam ab Innoc. IX., revocans Constitutionem Greg. XIV. 13. Sept. 1591., qua declaraverat Constitutionem Pii V. non esse intelligendam de feudo nondum devoluto, quando evidens Ecclesiae utilitas, aut necessitas postulabat iterum esse in feudum tradendum. — Denique Alexander VII. C. cit. non modo tres enucleatas Constitutiones comprobavit, confirmavit et innovavit, verum etiam addidit declarando sub eadem Pii V. Constitutione comprehendi principatus, ducatus, civitates, etc. post eam usque ad aliud tempus et in futurum successivis temporibus in perpetuum sive devolutionis, sive alio quovis titulo, quomolibet acquisita et acquirenda per S. R. E. et Sedem et Camera Apostolicam. Item asseruit quomodo intelligendae essent Constitutiones Gregorii XIII. V. Id. Jul. 1580. et Sixti V. Kal. Jul. 1585. pro bonis confiscatis editae, necnon aliae litterae Clementis VIII. VII. Kal. Jun. 1596. datae. — Avanz. Adn. (35.), Bonacina D. 22. Q. 3. P. 41.

XIV. *Religiosos praesumentes clericis aut laicis, extra casum necessitatis, sacramentum Eucharistiae, aut Eucharistiae per viaticum ministrare absque Parochi licentia.*

36. *Religiosi*, tales hic non censentur novitii cuiusvis Ordinis vel Con-

gregationis. Nec comprehenduntur religiosi earum Congregationum, in quibus non nisi vota simplicia emittuntur. Ratio est, quia in poenalibus lex stricte est interpretanda. Ob eandem rationem neque comprehenduntur religiosi eorum Ordinum, in quibus emittuntur quidem vota sollemnia, ipsi tamen non nisi vota simplicia emiserunt. Comprehenduntur vero eo nomine religiosi omnes solemniter professi, quamvis et ipsi sint parochi. Hi enim stricte *communi iure* habentur tanquam *veri religiosi*, minime vero alii, licet vota simplicia emiserint in Religione, in qua vota sollemnia emittantur. Id positive *per speciale privilegium* declaratum est de Scholasticis Soc. Jesu. Cf. Bizarri Collectan. p. 745. Ed. a. 1885. Suarez. D. 22. S. 4. 2.<sup>a</sup> Excomm. — *Præsumptus*, cessat ergo excommunicatio, si falso existimaveris necessitatis casum adesse, vel parochi licentiam non deesse: si enim ita putabas, iam non præsumpsisti. — *Clericis et laicis*. Possunt tamen Religiosi ex Trid. S. 24. C. 11. de R. ultima sacramenta ministrare clericis et laicis, qui « actu inseriunt et intra eorum septa ac domos resident, subque eorum obedientia vivunt ». Neque vero incurritur excommunicatio, si ministraverint Regulatibus. — *Extra casum necessitatis*, quoties nempe adest periculum mortis, et parochus non potest, vel non vult infirmo sacramenta ministrare. « *Aut Eucharistiae per viaticum*, quare nulla censura, si non per Viaticum, sed ei, qui iam Viaticum recepit, iterum ex devotione ministraverint; quod neque prohibitum est, nisi sit per publicas vias incedendum. — *Absque parochi licentia*, saltem præsumpta. — *Parochi*, qui nempe curam animarum habet, aut vices eius gerit; quocumque nomine vocetur, et cuius agrotus subditus sit ex domicilio vel quasi domicilio. Quare excluduntur peregrini et vagi. — Clem. 1. *De Privil.*, Bonacina D. 2. Q. 9. P. 5.

XV. *Extrahentes absque legitima venia reliquias ex sacris Coemeteriis sive Catucumbis Romae eiusque territorii, eisque auxilium vel favorem præbentes.*

37. *Reliquiarum*, quae inveniuntur in Cryptis et Coemeteriis Urbis, quasdam SS. Martyrum esse constat, e. g. « cum phialae vitreae, aut figulinae sanguine tinctae ad loculos sepulchrorum in sacris coemeteriis vel intus vel extra ipsos reperiuntur »: S. C. Rel. et Ind. 10. Dec. 1863. A. S. S. V. 2. p. 171. Wolfgang. Mühlbauer, Decreta Authentica, v. *Sigma Martyrū*. Quasdam vero constat martyrum non esse; ut illae quas reperire est in loculis apertis. Quaedam denique utrum Martyrum sint neque, dubium est. Excommunicationem praesentem incurrit, qui priores illas *Sanctorum* reliquias extrahit, minime vero qui ceteras extrahit, sive certo constet eas *Sanctorum* non esse, sive dubitetur. — *Reliquias*, ossa nempe et cineres. Horum vel minimam particulam auferre absque venia sub gravi prohibuit Paulus V. Decret. 23. Aug. 1613. et 16. Maii 1614., simulque declaravit huiusmodi furtum nunquam excusari propter materiae parvitatem. — *Legitima venia* ab Emo Card. Vicario danda est, servata forma a Paulo V. II. c. et a Clemente X. constituta Br. *Ex commissis nobis* 13. Jan. 1672. — *Eisque*, extrahentibus. — Bonacina D. 2. Q. 3. P. 13. § Incidens.

XVI. *Communicantes cum excommunicato nominatim a Papa in crimine criminoso, ei scilicet impendendo auxilium vel favorem.*

38. *Communicantes*, tum clerici, tum laici. — *Cum excommunicato nominatim a Papa*, eo nempe quem S. Pontifex nominatim excommunicat particulari excommunicatione, vel nominatim denuntiat excommunicatum generali excommunicatione latae sententiae. Minime ergo hic comprehenditur qui a quovis alio excommunicatur, vel qui papalem excommunicationem cum incurrerit, deinde a quovis alio Ordinario nominatim denuntiatur excommunicatus. — *In crimine criminoso*, « Id est in eodem crimine, sive contumelia, ob quam lata est excommunicatio (post latam et sibi notam excommunicationem), v. g. si quis suam concubinam excommunicatam post excommunicationem iterum cognoscat, ut habetur ex C. *Si Comendatæ* 55. *De Sent. Exco.*, vel si quis post excommunicationem latam

in aliquem ob furtum, concubinatum, etc. impendit ei auxilium, aut consilium, ne restituat, ne concubinam dimittat, vel ne exeat ab excommunicatione ». L. 197. « Recte observant excommunicationem diversam esse ab ea, quae interdum consulenti, vel cooperanti v. g. ad homicidium decernitur: nam ad incurrendam excommunicationem, de qua agimus, necesse est, ut principalis prius incurrerit excommunicationem, postea alter cooperetur, et propter eam cooperationem excommunicetur. In altero vero casu cooperatio antecedit criminis consummationem et principalis criminosis excommunicationem ». Laymann. P. 2. C. 3. n. 1. — *Ei scilicet impendendo auxilium vel favorem*, non quaelibet ergo communicatio hic comprehenditur; sed communicatio 1.<sup>a</sup> cum excommunicato nominatim a Papa; 2.<sup>a</sup> in crimine criminoso; 3.<sup>a</sup> impendendo ei in eo crimine *auxilium* vel *favorem*; non additur *consilium*. *Crimen* ergo hic, ut patet, est crimen iam commissum, nam qui auxilium vel favorem impenderet in crimine committendo, cum nondum excommunicato communicaret. — C. Nuper 29. *De Sent. Excomm.*, Bonacina D. 2. Q. 3. P. 21.

XVII. *Clericos scienter et sponte communicantes in divinis cum personis a Romano Pontifice nominatim excommunicatis et ipsos in officiis recipientes.*

39. *Clerici*, ergo laici et Episcopi hanc non incurrunt censuram; disputatur de regularibus. — *Scienter et sponte*, ergo quaevis ignorantia, etiam affectata, et quivis metus seu coactio excusant. Nota haec clausulam, quae deest in art. praecedenti. — *Communicantes in divinis*, ergo non incurritur ob communicationem *in civilibus*. Ista autem communicatio in divinis gravis esse debet, ita ut non excuset parvitas materiae. — A. R. P. *nominatim excommunicatis*, idem dicendum ac in praeced. art. — *Et ipsos in officiis recipientes*, pars haec intelligitur ab auctoribus tanquam explicativa et determinativa prioris, ita ut communicatio in divinis, quae clericis sub poena excommunicationis reservatae interdicatur, illa sit tantum, qua nominatim excommunicatis a Papa admittunt ad divina officia obeunda. Hoc enim est recipere aliquem in divinis officiis. Divina vero *officia* seu *divina*, idem hic sunt, nempe sacramenta, missae sacrificium, preces *publicae*, etc. *Divina enim officia* ea sunt, quae clerici obeunt, ut Ecclesiae ministri, seu quae a solis Clericis fieri solent. — C. *Significavit* 18. *De Sent. Excomm.*, S. Alph. n. 33., Suarez. D. 10. S. 2., Bonacina T. 3. D. 2. Q. 5. P. 3. n. 3.

XVIII. Ex hac eadem Const. excommunicationem incurrunt simpliciter reservatam R. P. omnes « *absolvere praesumentes sine debita facultate, etiam quorvis praetextu* (ab excommunicationibus speciali modo R. P. reservatis) ... *dummodo non agatur de mortis articulo* ». Par. A quibus. Cf. n. 15.

40. *Absolvere praesumentes*, non simpliciter *absolventes*. — *Absolvere*, non fingere absolutionem. *Ab excommunicationibus speciali modo R. P. reservatis*, non ab aliis. — *Dummodo non agatur de mortis articulo*, vel in casu urgentiori, de quo in Deer. S. O. 30. Jun. 1886. Cf. Suarez D. 22. S. 5. 5.<sup>a</sup> Excomm.

XIX. « Ex Cone. Trid. S. 22. C. 11. de R. excommunicationem incurrunt simpliciter reservatam R. P., confirmatam per praesentem Const., par. *Practer hos*. Bonorum cuiuscunque Ecclesiae, aut pii loci occupatores: *Si quem clericorum vel laicorum, quacunque is dignitate, etiam imperiali, aut regali praefulgeat, in tantum malorum omnium radix cupiditas occupaverit, ut alicuius Ecclesiae, seu cuiusvis saecularis vel regularis beneficia, montium pietatis, aliorumque piorum locorum iurisdictiones, bona, census ac iura, etiam feudalitatem, fructus, emolumenta, seu quascunque oblationes, quae in ministrorum et pauperum necessitates converti debent, per se vel per alios, vi vel timore incusso, seu etiam per suppositas personas clericorum, seu quacunque arte, aut quocunque quesito colore, in proprios usus convertere, illosque usurpare praesumpserit, seu impedire, ne ab iis,*



*ad quos iure pertinent, percipiantur, is anathemati tamdiu subiaceat, quamdiu iurisdictiones, bona, res, iura, fructus et redditus, quos occupaverit, vel qui ad eum quomodocumque, etiam ex donatione suppositae personae, pervenerint, Ecclesiae, eiusque administratori sive beneficiato integre restituerit, ac deinde a Romano Pontifice absolutionem obtinuerit. Quod si eisdem Ecclesiae patronus fuerit, etiam iure patronatus ultra praedictas poenas, etiam... Clericus vero, qui nefandae fraudis et usurpationis huiusmodi fabricator seu consentiens fuerit, eisdem poenis subiaceat, nec non...».*

41 Conferenda est haec Trid. censura cum art. 11. et 12. excommunicationis huius Const. R. P. sp. mod. res. In istis agitur de bonis et iuribus *ad personas ecclesiasticas* ratione suarum Ecclesiarum aut beneficiorum pertinentibus, ac de locis et iuribus pertinentibus ad *Ecclesiam Romanam*. Atque huiusmodi «occupatores bonorum ecclesiasticorum innodantur sola excommunicatione R. P. specialiter reservata», S. U. I. C. 8. Jul. 1874. Acta S. Sed. V. 9. p. 315., et non etiam Tridentina censura. Haec cetera omnia bona vel iura complectitur, quae quovis modo ecclesiastica dici possunt. Cum autem haec censura latissima sit, hinc ex se ad omnium ecclesiasticorum bonorum occupatores extenditur. — *Si quem clericorum vel laicorum*, non comprehenduntur ergo Regulares. — *Si quem, etc. quacunque dignitate, etiam regali aut imperiali... Usurpare seu impedire*. Ergo decretum hoc non ad quascumque *occupationes*, sed ad *auctoritativas et potentiales* pertinet. Non ergo quisquis rem quamlibet quoquo modo in suos usus convertit: v. g. conductor, qui mercedem non solvit, commodarius, depositarius, qui rem non restituit: excommunicationem incurrit, Trid. S. 23. C. 3. nec illi, qui decimas *subtrahunt*, vel *impediunt*, Trid. S. 25. De R. C. 12., quod plane decretorium est. Neque vero comprehenduntur *alienantes*, cum pro his specialis hic habeatur censura. — *Bona*, ut alias in Iur. Can. immobilia vel mobilia pretiosa. C. 13. *De Elect.* in 6.<sup>o</sup>, Extr. *Ambitiosae, De reb. Ecc. non alien.* Intellige autem *bona*, quorum iam habetur dominium et possessio, ac ius in re, non etiam nondum possessorum, uti legata pia, etc. vel quorum nonnisi *ius ad rem* habeatur. — *Emolumenta* significant quaelibet utilitates, quomodocumque ex aliqua re provenientes. — *Piorum locorum*, quae nempe auctoritate ecclesiastica erecta sint, ad pium opus destinata, et quae dependenter ab Ecclesia reguntur et administrantur, unde dicitur: *is, usurpator, anathemati tamdiu subiaceat... quamdiu... ecclesiae eiusque administratori sive beneficiato integre restituerit.* — *Per se, vel alios*. Ergo et *mandantes* comprehenduntur, etiam clerici *cooperatores et consentientes*, dicitur enim in fine: *Clericus, qui nefandae fraudis... fabricator, seu consentiens fuerit, etc.* — *Vi, vel timore, etc.* Actio ergo, quae hoc Decreto coercetur, est *convertere in proprios usus bona, census, etc.*, ea *usurpare vel impedire*, ne ab iis ad quos iure pertinent, percipiantur; idque non utrumque, sed *vi vel timore incusso, seu quacunque arte*, nempe fraude, aut quocunque *quæsito colore*, i. e. titulo seu praetextu, et non tantum tanquam sibi propria et debita occupando. Illud autem non interest, utrum quis usurpaverit seu impedierit *per se* vel *per alios*, seu *etiam per suppositas personas*. Neque vero ii tantum excommunicantur, qui haec bona, etc. occupant, usurpant, etc. sed etiam illi, ad quos ab his *quomodocumque* pervenerint, haereditate, legato, donatione, emptione, etc. Alloc. Pii IX. *Quod praenuntiavimus* 25. Jul. 1875., S. U. I. 8. Jul. 1874. ad 2. — *Presumptio* vero requiritur. Dicitur enim *usurpare praesumpserit*. Ergo metus et ignorantia excusant. — Cf. Suarez D. 22. S. 6. 9.<sup>a</sup> Excomm., D. 23. S. 4. 1.<sup>a</sup> Excomm., Bonacina D. 1. Q. 18. P. 4., Card. De Luca App. Tom. 14. Amod. ad S. C. C. Disc. 23. — *Is anathemati tamdiu subiaceat, quamdiu, etc.* Speciali ergo opus est facultate ad hosce poenitentes absolvendos. Ea vel a S. Poenitentiarum quaerenda est vel ab Ordinariis, quibus extraordinariae ad hunc effectum conceduntur facultates.

*Excommunicationi latae sententiae Episcopis, sive Ordinariis reservatae, subiaccere declaramus:*

I. *Clericos in Sacris constitutos, vel Regulares aut Moniales post votum solenne castitatis matrimonium contrahere praesumentes, necnon omnes cum aliqua ex praedictis personis matrimonium contrahere praesumentes.*

42. *Clerici, nec omnes, sed in sacris constituti. — Regulares, moniales, non omnes, sed post votum solenne castitatis; neque vero isti omnes, sed praesumentes, adeoque excusati ignorantia; etsi postea, re cognita, in cohabitatione perseverent, quia iam tunc non contrahunt, sed antea iam contraxerunt. Agitur vero de matrimonio contrahendo, adeoque non incurritur praesens censura pro sponsalibus, neque pro matrimonio civili, cum matrimonium non sint.* Attamen S. C. I. *extensiva* interpretatione declaravit 22. Dec. 1880: « Clericos in sacris constitutos, vel Regulares aut Moniales post emissum solenne castitatis votum, praesumentes contrahere matrimonium, sic dictum, civile in locis, ubi lex Tridentina de clandestinitate viget, incurrere excommunicationem latae sententiae Episcopis seu Ordinariis reservatam ». Quin immo necesse est, ut praecisione facta a *rotis solennibus*, matrimonium alias valere possit: secus enim non verificatur, quod *matrimonium* contrahere praesumant. Hinc censura haec non incurritur, si vel desit legitimus consensus ex utraque parte, aut ex alterutra, puta si simulate contrahat, vel adsit impedimentum dirimens: in utroque enim casu matrimonium nullum est. Minime vero requiritur, ut matrimonium hoc attentatum etiam consummetur: fertur enim contra praesumptuose *contrahentes matrimonium*. — *Necnon omnes*, etc. hanc ergo excommunicationem incurrunt non tantum Clerici in sacris constituti, Regulares vel Moniales, sed etiam illi, qui cum ipsis contrahunt. — Clem. unic. *De Consensu, et Affin.*, Suarez D. 11. S. 3. n. 15., D. 4. S. 3. n. 3., D. 23. S. 5. 7<sup>a</sup> Excomm.

## II. *Procurantes abortum, effectu secuto.*

43. *Procurantes*, dicuntur proprie qui abortum *directe* intendunt, et opere exteriori *de se* efficaci, ut reapse sequatur, *de industria* conantur. Procurantes ita describuntur in B. Sixti V. 25. Oct. 1588. *Effraenatum* § 1., ubi poenae temporales contra homicidas, abortum procurantibus imponuntur: « omnes... qui per se, aut per interpositas personas abortus, seu *foetus inmatuari*... *evictionem* procuraverint percussioibus, venenis, medicamentis, potionibus, oneribus, laboribusque mulieri praegnantis impositis, ac aliis etiam incognitis vel maxime exquisitis rationibus: ita ut reipsa abortus inde secutus fuerit ». Ultra autem temporales poenas excommunicatio fertur ibid. § 7. in « omnes... qui vel quae, vel uti principales, vel uti sociae, consciaeve ad tale facinus committendum opem, consilium, favorem, potionem, vel alia cuiuscunque generis medicamenta scienter dederint, ac etiam scribendo litteras privatas vel apocryphas, vel alias, verbis aut signis iuverint aut consuluerint ». Hinc quaestio movetur, an cooperantes ope, consilio, vel alia ratione excommunicationem etiam nunc contrahant, cum nulla fiat in C. *Apost. Sed.* distinctio, sed, *procurantes* simpliciter et universim excommunicatione feriuntur. Verum distinguendum videtur. Vel enim cooperantur physice vel moraliter tantum. Si prius, videndum est, an immediate et proxime, ita ut participes sint ipsius actionis physicae, qua inferitur abortus, potionem v. g. propinando: nam tunc vere et proprie illum procurant; an e contra mediate et remote, v. g. praeparando tantum instrumenta, aut pharmaca, et tunc vere et proprie abortum non procurant, sed ea dumtaxat praestant, quibus procuretur abortus. Si posterius, quocumque modo coope- rentur sive mandato, sive consilio, aliave ratione, hi sane non sunt proprie *procurantes*, sed *mandantes* procurare, *consulentes* procurare, etc. De consulentibus nulla sane quaestio est. Communiter docent DD. eos excommunicatione hanc non incurrere. De mandante, et metum incutiente alii affirmant, quia vere sunt *per alios* abortum procurantes. Alii negant, quia in sensu omnino obvio et naturali *procurantes* abortum, sunt *per seipsos* abortum procurantes: unde in veteri iure, quia legislator et illos comprehendere voluit, expressit; *qui per se, aut per interpositas personas... procuraverint*.

Cf. Ithur. Cas. 39. n. 14. Quaestio item movetur, an in praesenti Const. nomine *procurantium* comprehendantur ipsae mulieres praegnautes, si in seipsis abortum procurent. Negant plures, propterea quod, licet Sixtus V. et Gregorius XIV. C. *Sedes Apostolica* indistincte in procurantes abortum censuram tulerint, probabilis tamen erat sententia asserens mulieres ipsas praegnautes illam excommunicationem non incurrere. Verum ista opinio nullo solido fundamento innititur. Ratio, quia illa Sixti V. et Gregorii XIV. excommunicatio non ferebatur generaliter in omnes procurantes abortum, uti indistincte fertur praesens excommunicatio C. *Apost. Sed.*, sed dumtaxat in *opem, consilium, favorem, potestatem, etc. dantes, etc.*, quae quidem respiciunt qui mulierem adiuvant, minime vero mulierem adiutam. Cf. Lugo Resp. Mor. L. 2. dub. 4. S. Alph. l. 3. n. 395. — *Abortus*, foetus *innatus* electio est. Quare chirurgi craniotomiam exercentes, licet graviter peccent, hanc censuram non incurrunt. *Abortum*: absolute dictum; quocumque ergo tempore fiat post conceptionem, sive foetus sit animatus, sive inanimatus, uti plures et gravissimi tum theologi, tum philosophi etiam nunc asserunt pro primis conceptionis diebus. Quare hypothesis foetus inanimati prorsus obsoleta non est. Neque vero omnino quoad proximi potest adhuc contemni huiusmodi hypothesis ratione irregularitatis annexae, quae non incurritur iusta *veriorum* sententiam in dubio an foetus sit vel non animatus. S. Alph. l. 3. n. : 96. — *Effecta secuto*. Non incurritur ergo praesens censura, si licet quis abortum procuraverit, haud tamen procuraverit efficaciter. — S. Alph. n. 40. 368., Lugo De Poenit. D. 16. n. 444., Pal. D. 4. P. 7 n. 15., Bonacina D. 2. Q. 2. P. 10., Ithur. Cas. 21. n. 30. et seqq.

III. *Litteris Apostolicis falsis scienter utentes; vel crimini ea in re cooperantes.*

44. *Litteris Apostolicis*, quavis forma. — *Falsis*, sive partim *veris*, immutatis; sive de integro suppositis. — *Scientes*, ergo ignorantia excusat. — *Utentes*, qui eas nempe exhibent, ut effectum habere possint, quamvis de facto non habeant, puta quia falsitas deprehenditur; sive laici, sive clerici. — *Crimini ea in re cooperantes*, qui nempe *utenti*, non qui falsificanti, proximan *operam*, non consilium, non exhortationem, in *earum* usu suppeditant. Cooperari enim est alteri opem praestare. — C. *ad falsariorum* 7. De *Crim. falsi*.

*Excommunicationi latae sententiae nemini reservatae subiaccere declaramus:*

I. *Mandantes seu cogentes tradi ecclesiasticae sepulturae haereticos notorios, aut nominatim excommunicatos, vel interdictos.*

45. *Mandantes seu cogentes*, non ergo *sepelientes*, neque simpliciter *admittentes* ad ecclesiasticam sepulturam. Quare parochus mandatis civilis auctoritatis obtemperans, et ad ecclesiasticam sepulturam nominatim excommunicatum admittens hanc censuram non incurrit. Incidit tamen in interdictum latae sententiae, *Mandantes*, qui nempe iubent vel rogant *suo nomine* rem fieri. — *Cogentes*, qui compellunt vim adhibendo. Coactio enim proprie non est, nisi ubi interveniat vis, et iniuria, si iniusta sit. *Mandantes seu cogentes*, ex subiecta materia videntur restrigendi ad mandantes seu cogentes publica potestate seu vi. Agitur enim de publica et communi sepultura. — *Tradi ecclesiasticae sepulturae*, h. e. tumulo inferre, concedere. Qui *mandant* ergo et *cogunt* excommunicationem non incurrunt, nisi post sepulturam tramitam. — *Sepultura autem ecclesiastica*, locus est sacer Christifidelibus sepelendis, vel divinis saltem officiis peragendis addictus ex Episcopi destinatione, vel etiam communi usu et consuetudine. An necessario Episcopalis benedictio requiratur; alii affirmant, alii negant. Excommunicationem hanc ergo non incurrit qui mandaret seu cogeret sepelire ritu catholico, sed in loco profano; e contra incurrit, qui mandaret seu cogeret sepelire in loco sacro, etiam nullo ritu adhibito. — *Haereticos notorios*, et non tantum vitandos. Comprehenduntur, ut patet, etiam notorii schismatici haeretici,



et apostatae a fide catholica veri haeretici. — *Nominatio*, etc., expresso nomine per verba aut signa indubitata. — *Excommunicatos vel interdictos*, publice tales denunciatos. Nemo enim tenetur vitare censuratum, si censura non sit publice denunciata, C. *Ad Evitanda*. — C. *Quicumque* 2. *De Haeret.* in 6<sup>a</sup>. Clem. 1. *De Sepult.*, Ferraris v. *Sepultura*, Suarez D. 12. S. 4. n. 6., Bonacina De Cens. D. 2. Q. 2. P. 3. § 3. n. 3., Reiffenst. l. 3. T. 28. n. 2.

II. *Lacerantes aut perterrefacientes Inquisitores, denuntiantes, testes, aliosve ministros S. Officii; eiusve Sacri Tribunalis Scripturas diripientes, aut comburentes, vel praedictis quibuslibet auxilium, consilium, favorem praestantes.*

46. *Lacerantes* sunt damnum inferentes in persona. — *Perterrefacientes* sunt plus quam gravem metum simpliciter facientes, sed metum oppido gravem. — *Ministros*, qui deputati sunt ex officio pro servitio seu negotiis gerendis S. O., e. g. Consultores, Advocati, Notarii, Executores, etc. — *S. Officii*, ubicumque sit, sive Romae sive alibi: lex non distinguit. *S. Officii*, non Episcoporum, licet hi sint Inquisitores nati. — *Scripturas*, non Scripturam. *Scripturas*, h. e. instrumenta sive publica sive privata, sive typis impressa sive manuscripta, pertinentia ad acta S. O. Dicitur enim *eiusve Sacri Tribunalis Scripturas*. — *Diripere* proprie est in partes diversas rapere, et velut praedari: rapere autem est vi auferre. Quare hanc excommunicationem non incurrunt, qui Scripturas S. Officii clam furantur, vel qui unam duntaxat, vel aliam vi auferunt. — *Diripientes, comburentes*, non aliter destruentes. — S. Pius V. C. *Si de protegendis*, Bonacina D. 2. Q. 2. P. 13.

III. *Alienantes et recipere praesumentes bona ecclesiastica absque Beneplacito Apostolico, ad formam Extravagantis Ambitosae de Reb. Eccl. non alienandis.*

47. *Alienantes*, minime ergo comprehenduntur destruentes, furantes, diripientes. Neque vero comprehenduntur omnes alienantes, sed in duntaxat, quibus Ecclesiasticorum bonorum administratio concedita est, uti sunt parrochii, rectores, etc., quorum nempe nomine et mandato alienatio fit, non eorum mandatarii. In sensu enim obvio illi hic sunt alienantes illegitime, qui servata forma Extr. *Ambitosae*, legitime alienarent. Excipiendi vero sunt Episcopi et Abbates, qui ex cit. Extr. *Ambitosae*, non excommunicatione, sed interdicti ab ingressu Ecclesiae poena plectuntur. Schmalz. l. 3. P. 1. T. 13. n. 164. — *Recipere praesumentes*, excusat ergo ignorantia. — *Alienatio* autem hic latissime accipitur, ut constat ex ipsa Extrav. *Ambitosae*, quae habetur in lib. 3. tit. 4. Extrav. commun. cap. unic. *De reb. Eccl. non alienandis*. Etenim, ait S. Pontifex, « *Omniū rerum et bonorum ecclesiasticorum alienationem, omneque pactum, per quod ipsorum dominium transfertur, concessionem, hypothecam, locationem et conductionem ultra triennium, necnon infeudationem vel contractam emphyteuticam, praeter quam in casibus iure expressis, ac de rebus et bonis in emphytheusim ab antiquo concedi solitis, et cum Ecclesiarum evidenti utilitate, ac de fructibus et bonis, quae servando servari non possunt pro instantis temporis exigentia, hac perpetua valitura Constitutione fieri prohibemus* ». Deinde additur: « *Si quis contra huius nostrae prohibitionis seriem de bonis et rebus eisdem quidquam alienare praesumpserit, alienatio, hypotheca, concessio, locatio, conductio et infeudatio huiusmodi nullius omnino sit roboris vel momenti* ». Tandem poena imponitur excommunicationis in *alienantes et recipientes*, et praecipitur, ut horum bonorum alienatio nunquam, *inconsulto Romano Pontifice*, fiat. *Alienatio*, h. e. perfecta ex utraque parte, re tradita et acceptata: neque sufficit si vendita, v. g., fuerit sub conditione suspensiva. — *Bona Ecclesiastica*, etc., quae nempe iam fuerint debite et rite acquisita, absolute acquisita, iuxta formam eiusdem Extravag. *Ambitosae*. Etenim *alienare* est acquisita iam a se abiicere, minime vero acquirendis renuntiare. Unde alienatio non est, pecuniam mutuam accipere aut dare; quamvis « *declaraverit S. C. reli-*

giosos non posse accipere mutuo pecunias cum solutione interesse... Del Bene Dub. 6. cum Molina, Barbosa, Tamb., etc. ait Praelatum vel Religiosum non posse repudiare legatum, quia illud acquiritur Ecclesiae vel Monasterio etiam ante traditionem, ut habent Iura, saltem acquiritur ius ad illud. Contradicunt vero Sanch., Bonac., Rebell., Abb., Menoc., Gob., et alii apud La-Croix n. 1364., quia ante acceptationem Ecclesia nullum ius, aut actionem ad legatum acquirit. Sed verior mihi apparet prima sententia; nam ad validitatem donationis requiritur quidem acceptatio, non autem ad legatum, quod statim acquiritur a legatario post mortem legantis». S. Alph. l. 4. n. 187. — *Bona Ecclesiastica* autem sunt bona monasteriorum, Ecclesiarum, quorumcumque locorum piorum, quamvis a laicis administrantur, dummodo tamen ecclesiastica auctoritate fuerint erecta; beneficia item ecclesiastica, minime vero cappellaniae mere laicales. *Bona Ecclesiastica*, i. e. *immobilia* et *mobilia pretiosa*, ut habetur in cit. Extr. Nomine autem *rerum pretiosarum* veniunt vasa aurea, vel argentea, gemmae, bibliothecae copiosae. Item greges et armenta totaliter considerata. Item incisio arborum et sylvarum, si fiat cum deterioratione. Venit etiam magna pecuniae summa donata ac destinata ad emenda immobilia, tunc enim illa censetur quid immobile. Non item pecunia; eoque minus reliquiae pretiosae, quod alienum est a mente Pauli II. et a proprietate verborum, nemo enim eas in patrimonio nostro esse dixerit. Neque vero quaevis rei immobilis, vel mobilis pretiosae distractio, aut locatio ultra triennium, hac Extr. vetatur. Ordinarii adhuc iure suo alienant, ut antea, praedia exigui valoris, C. *Terrulas* 53. Caus. 12. q. 2.; immo et non exigui, si quae plus incommodi quam commodi afferunt. CC. 7. 8. § ult. *De reb. Eccl. alien.*; vel si urgeat necessitas, quae moram non patitur, aut adsit occasio, quae alias transiret. Locationes quoque carent et culpa et censura, si factae fuerint ea lege, ut, finito unoquoque triennio, liceat locatori a locatione discedere. Nec est illicitum vendere redditus sui beneficii pro mercede vel pensione annua ultra triennium, quia nullo iure prohibetur; dum ne veniant, aut locentur repraesentata (anticipata) mercede. Trid. S. 25. C. 11. De R. Porro S. C. EE. et RR. d. 1. Maii 1840. pro praediis exigui valoris summam determinavit 25. Scutatorum aureorum de Camera, nempe circiter 225. libellarum italicarum, quae ob immutatum pecuniae valorem augeri in praesenti potest proportionata ratione. Alienari possunt absque Pontificis licentia res, quae verisimiliter ad triennium sine notabili deterioratione non perdurant, ut fructus, vestes, singularia iumenta, etc., res inutiles, damnosae, res quaelibet hoc pacto Ecclesiae acquisita, ut alienari possit. Schmalz. n. 38. seqq. 141. 142. 143., S. Alph. l. c. An autem pecuniae collocatae in administrationibus viarum ferrearum aut guberniorum, alienari possunt sine placito Apostolico? Plures affirmant, quia dici nequit comprehendi sub denominatione boni *immobilis*, aut *mobilis pretiosi*. Schmalz. n. 50.-52., Reiffenst. n. 15. — *Absque beneplacito Sedis Apostolicae*. Praeter causam iustam, ut alienatio rerum immobilium, et mobilium pretiosarum fieri possit, etiam opus est, ut ea fiat requisitis a iure solemnitatibus, quas tamen omnes supplet Apostolicum beneplacitum. S. Alph. l. 4. n. 187., La-Croix l. 4. n. 1363. seqq., Suarez D. 22. S. 6. 2. Excomm., Schmalz. l. 3. P. 1. Tit. 13., Bonacina D. 2. Q. 5. P. 11., Bizzari Collectan. pp. 298. 299. 537. seqq. 544. seqq., etc. Ed. 1885., Instr. S. C. de P. F. 30. Jul. 1867.

IV. *Negligentes, sive culpabiliter omittentes, denuntiare infra mensem confessarios, sive sacerdotes, a quibus sollicitati fuerint ad turpia, in quibuslibet casibus expressis a Praedecessoribus Nostris Gregorio XV. Constit. Universi 29. Aug. 1622., et Benedicto XIV. Constit. Sacramentum Poenitentiae 1. Jan. 1741.*

48. *Negligentes, etc.* Cf. De Const. Bened. XIV. *Sacramentum Poenitentiae*.

V. *Praeter hos hactenus recensitos, eos quoque quos Sacrosanctum Con-*

*cilium Tridentinum, sive reservata Summo Pontifici aut Ordinariis absolute, sive absque ulla reservatione excommunicarit. Nos pariter ita excommunicatos esse declaramus; excepta anathematis poena in Decreto sess. IV. De editione et usu Sacrorum Librorum constituta, cui illos tantum subiaccere volumus, qui libros de rebus sacris tractantes sine Ordinarii approbatione imprimunt, aut imprimi faciunt.*

49. Censurae Trid. Conc. per praesentem Const. confirmatae illae sunt, quae latae sunt *directe* ab ipso Conc., quae vel primum a Conc. Trid. fuerunt latae, vel iam antea latae, distincte et expresse commemoratae, eius auctoritate de novo inflictae fuerunt, qualis e. g. est censura, de qua mentio fit in praesenti paragr. Ea enim « ex Canone Concilii novissimi Lateranensis » desumpta expresse dicitur.

Porro haec Conc. Trid. cit. S. 4. habet: « Nulli liceat imprimere, vel imprimi facere quosvis libros de rebus sacris sine nomine auctoris, neque illos in futurum vendere, aut etiam apud se retinere, nisi primum examinati probatique fuerint ab Ordinario, sub poena anathematis... Et si Regulares fuerint, ultra examinationem et probationem huiusmodi, licentiam quoque a suis Superioribus impetrare teneantur, recognitis per eos libris iuxta formam suarum ordinationum. Qui autem scripto eos communicant, vel evulgant, nisi antea examinati probatique fuerint, eisdem poenis subiaceant, quibus Impressores ». Tridentina haec excommunicatio, quae nemini est reservata, restringitur nunc et extenditur. Restringitur ad eos dumtaxat, « qui libros de rebus sacris tractantes sine Ordinarii approbatione *imprimunt, aut imprimi faciunt* », minime comprehendens retinentes, vendentes, evulgantes, ut antea. Extenditur vero ad omnes libros, sive libri nomen auctoris non habeant, sive habeant. — *De rebus sacris*, quamvis haec verba, *de rebus sacris*, pateant latissime: nihilominus ad eos libros contrahenda sunt, de quibus agitur in cit. Decreto; agitur autem tantum de Sacrae Scripturae libris. Hinc S. C. I. 22. Dec. 1880. declaravit: « Censuram nemini reservatam, inflictam iis, qui libros de rebus sacris tractantes sine Ordinarii approbatione imprimunt, aut imprimi faciunt, restringendam esse ad libros sacrarum Scripturarum, nec non ad earundem adnotationes, et commentarios, minime vero extendendam ad libros quoscumque de rebus sacris in genere, idest ad religionem pertinentibus tractantes ». — *Sine Ordinarii approbatione*. « Librorum probatio in scriptis detur, et in fronte libri vel scripti, vel impressi authenticæ appareat ». Reg. 10. Iud. et Conc. Trid. l. c.: sola tamen approbatio Ordinarii sub dicta censura exigitur. — Suarez. D. 23. S. 7. 1.<sup>a</sup> Excomm., Bonacina D. 2. Q. 2. P. 16.

VI. Reliquae excommunicationes Tridentinae, nemini reservatae, quae per praesent. Const. retinentur, sunt sequentes: 1.<sup>o</sup> *Raptor ac omnes illi consilium, auxilium, et favorem praebentis sint ipso iure excommunicati*. S. 24. C. 6. de R. M.

50. *Raptor*, nempe mulieris ad matrimonium cum rapta contrahendum. Agitur enim de raptu, impedimento dirimente matrimonium. — *Ac omnes illi consilium, auxilium et favorem praebentes*, scilicet *ad raptum*: non item, si haec praebeant post raptum admissum, quo rapta facilius raptori nubat. — *Sint ipso iure excommunicati*. Impedimentum dirimens cessat, si rapta sub raptoris potestate non amplius detineatur: verum excommunicatio perseverat, et nonnisi absolutione finem habet. — Suarez D. 31. S. 5. par. ultima, Bonacina D. 2. Q. 2. P. 9. et De Susp. D. 3. P. 5. par. 1. n. 38.

VII. 2.<sup>o</sup> *Praecepit S. Synodus omnibus, cuiuscumque gradus, dignitatis et conditionis existant, sub anathematis poena, quam ipso facto incurrant, ne quovis modo directe vel indirecte subditos suos, vel quoscumque alios cogant, quo minus libere matrimonia contrahant*. S. 24. C. 9. de R. M.

51. *Omnibus cuiuscumque gradus, dignitatis et conditionis existant*, non tamen omnes simpliciter excommunicationem incurrunt, sed omnes tantum *temporales domini ac magistratus* cuiuscumque gradus, dignitatis et



conditionis. De his enim agitur in cap. cit. — *Sub anathematis poena*, non reservata. — *Directe*, cum vis exercetur in ipsam personam, quam quis cogere vult ad matrimonium, et immediate in ordine ad matrimonium inferatur. — *Indirecte*, cum vis exercetur in aliam personam, quae influat in personam, quam quis ad matrimonium vult cogere, vel cum vis exercetur in hanc ipsam personam non immediate in ordine ad matrimonium, sed in ordine ad aliud, quod patientem ad matrimonium cogat. — *Subditos suos vel quoscunque alios*, sub eorum iurisdictione degentes, ut habetur in eod. cap. cit., vel saltem eorum iurisdictioni aliquo modo et aliquo tempore subiectos. — *Cogant*, coactione gravi et iniusta. — *Quominus libere matrimonia contrahant*, quare coactio respicere debet matrimonium reapse contractum, neque sufficit ad excommunicationem incurrendam cogere ad sponsalia tantum, vel cogere ad matrimonium, si tamen matrimonium non sequatur. — Suarez D. 23. S. 7. 4.<sup>a</sup> Excomm., Ithur. Cas. 14. n. 14. seqq., Cas. 24. n. 14. seqq., Card. De Luca Opp. T. 14. Annotat. ad S. Conc. Trid. Disc. 26. n. 35. seqq., Bonacina D. 2. Q. 2. P. 6.

VIII. 3.<sup>o</sup> *In omnes et singulas personas, cuiuscunque qualitatis vel conditionis fuerint, tam Clericos quam laicos, saeculares vel regulares, atque etiam qualibet dignitate fungentes, si quomodocunque coegerint aliquam virginem, vel viduam, aut aliam quancunque mulierem invitam, praequam in casibus in iure expressis, ad ingrediendum monasterium, vel ad suscipiendum habitum cuiuscunque religionis, vel ad emittendam professionem; quique consilium, auxilium vel favorem dederint, quique scientes eam non sponte ingredi monasterium, aut habitum suscipere, aut professionem emittere quoquo modo eadem actui vel praesentiam, vel consensum, vel auctoritatem interposuerint. Itemque in eos, qui sanctam virginem vel aliam mulierem voluntate veli accipendi, vel voti emittendi, quoquo modo sine iusta causa impediunt.* S. 25. C. 18. De Reg.

52. *Virginem vel viduam, aut aliam quancunque mulierem.* Si ergo coactio sit alicui viro ut religionem ingrediatur, non incurritur haec censura. Quum Conc. excipiat *casus in iure expressos*, licite cogi potest mulier delinquens ad monasterium ingrediendum, in sui criminis poenam, vel ob cautionem, ne labatur in aliquam incontinentiam: ad habitum vero aut professionem raro aut nunquam. S. Alph. n. 212., Cap. 18. *De Convers. coniugator.* et Cap. 19. e. t. — *Ad ingrediendum monasterium, vel ad suscipiendum habitum, vel ad emittendam professionem.* « Tria membra distincte numerantur, scilicet coactio ad ingrediendum monasterium, ad suscipiendum habitum, et ad professionem emittendam... Concilium his haec tria enumerat tanquam omnino distincta. Et ideo in illo primo membro non dicit ingredi religionem, sed monasterium, quia nimirum per illud prohibet, ne cogantur feminae ad habitandum ibi, etiam proprio habitu retento ». Suarez. D. 23. S. 7. 6.<sup>a</sup> Excomm. Quare iuxta Suarezium, aliosque incurritur praesens censura, etiamsi quis cogat feminam ad monasterii ingressum, non ut proficiatur, nec ut habitum sumat, sed ut ibi honeste educetur. Bonacina vero D. 2. Q. 2. P. 2. n. 6., alique distinguunt utique illa tria, unde asserunt excommunicationem incurrere, qui vel ad solum ingressum mulierem cogit, licet ipsa neque habitum suscipiat, neque professionem emittat. Verum ille ingressus intelligendus est in ordine ad habitum suscipiendum vel professionem emittendam. Quare excommunicationem hanc non incurreret, qui feminam alie fine cogeret ad monasterium ingrediendum, e. g. ut ibi educetur. Primum sententiam probabiliorē existimat S. Alph. n. 212. — *Veluti accipere, vel eam emittere* idem videtur esse quod religionem profiteri; tamen quia nemo potest profiteri, nisi prius habitu suscepto, qui hanc susceptionem impediret, a fortiori impediret professionem et consequenter hanc censuram incurreret Suar. l. c., Bonacina l. c. P. 3. n. 3. Negant vero Sanchez alique « quia decretum Conc. est cum rigore accipiendum ». S. Alph. n. 212. — *Quoquo modo sine iusta causa*, ergo si cum iusta causa haec excommunicatione non incurritur. — *Impediunt*, impedire non est cogere, impedire

est sese opponere, vel obstacula apponere, ne quis quod iuste appetit assequi possit. — Cf. Ithur. Cas. 24., Sanchez in Decal. l. 4. C. 4.

IX. 4.<sup>a</sup> *Ne tantum Sacramentum (Eucharistiae) indigne atque ideo in mortem et condemnationem sumatur, statuit atque declarat ipsa S. Synodus, illis, quos conscientia peccati mortalis gravat, quantumcumque etiam se contritos existiment, habita copia confessoris, necessario praemittendam esse confessionem sacramentalem. Si quis autem contrarium docere, praedicare, vel pertinaciter asserere; seu etiam publice disputando defendere praesumpserit, eo ipso excommunicatus existat.* S. 13. can. 11.

53. *Necessario praemittendam esse, non additur, ex iure divino.* Si quis ergo defendat, confessionem praemittendam esse ex iure mere ecclesiastico excommunicationem hanc nullo modo incurrit. Verum si defendat « mandatum Tridentini factum sacerdoti, sacrificanti ex necessitate cum peccato mortali, confitendi quam primum esse consilium, non praeceptum », vel « illam particulam quam primum intelligi, cum sacerdos suo tempore confitebitur », excommunicationem incurrit R. P. simpliciter reserv. vi art. 1. illius seriei. Duae enim istae propositiones sunt propositiones 33. et 39., quas cum aliis sub poena excommunicationis reservatae Sedi Apostolicae damnavit Alexander VII. d. 18. Mart. 1663. — Suarez D. 23. S. 7. 2.<sup>a</sup> Excomm. Bonacina D. 2. Q. 12. P. 14.

X. 5.<sup>a</sup> *Tametsi dubitandum non est, clandestina matrimonia, libero contrahentium consensu facta, rata et vera esse matrimonia, quamdiu Ecclesia ea irrita non fecit, et proinde iure damnandi sunt illi, at eos S. Synodus anathemate damnat, qui ea vera ac rata esse negant, quique falso affirmant, matrimonia a filiisfamilias sine consensu parentum contracta irrita esse, et parentes ea rata vel irrita facere posse: nihilominus S. Dei Ecclesia ex iustissimis causis illa semper detestata est, atque prohibuit.* S. 24. C. 1. De R. M.

54. *Sine consensu parentum contracta irrita esse, et parentes ea rata vel irrita facere posse.* Non agitur ergo hic de potestate auctoritatis civilis. De hac agitur Sess. 24. can. 3. 4. 9. 12. et propp. damn. Synod. Pistor. 53. 59. 60. — Bonacina D. 2. Q. 2. P. 8.

55. Aliae, quae adsunt Tridentinae excommunicationes, superius iam proprio in loco enumeratae sunt: nempe 1.<sup>a</sup> de clausura, quae nemini etiam est reservata, Cf. n. 28.; 2.<sup>a</sup> de duellantibus, quae translata est in praes. Const. inter excomm. R. P. simpl. reservata, Cf. n. 24.; 3.<sup>a</sup> de usurpatoribus bonorum ecclesiasticorum, quae reservata etiam est simpl. R. P. Cf. n. 41.; 4.<sup>a</sup> tandem, quod attinet ad censuras Trid., quae sub *anathemate* in fine singulorum canonum indicuntur, omnes quidem implicite continentur, ratione haeresis, in art. primo excommunicationem R. P. speciali modo reservatarum. Idem dicendum de *Anathemate* S. 25. Decr. de Indulg.

56. *Excommunicatio quae accessit C. Apost. Sed., nemini reservata.* — Huc spectat excommunicatio in Missionarios negotiationi et mercaturae in Indiis Orientalibus tantum, et in partibus Americae, tam australibus quam septentrionalibus operam dantes, et in Superiores eorum immediatos, qui delinquentes non puniverint, iuxta Const. Urbani VIII. *Ec debito*, 21 Febr. 1633., et Clementis IX. *Sollicitudo*, 17. Jul. 1669., quam excommunicationem adhuc vigere, ex Summi Pontificis Declaratione, constat ex Encyclicis litteris a S. Congr. de Propag. Fide datis 29. Martii 1873. Acta S. Sed. V. 7. p. 317.

Haec Clemens IX. l. c. § 3.: « Omnibus et singulis personis ecclesiasticis, tam saecularibus quam regularibus, cuiuscumque status, gradus conditionis et qualitatis, ac cuiusvis Ordinis, Congregationis et Institutii... et earum cuilibet, quae ab insulis, provinciis, regna Indiarum Orientalium... ac in partes Americae, tam australes quam septentrionales a Sede Apostolica, vel Congregatione venerabilium fratrum nostrorum S. R. E. C.C., negotiis Propagandae Fidei praepositorum, aut ab earum Superio-

ribus sub nomine missionariorum, aut quovis alio titulo, pro tempore missae fuerint, aut in illis partibus quomodolibet morabuntur, sub excommunicationis latae sententiae, ac privationis vocis activae et passivae... nec non amissionis mercium et lucrorum omnium ipso facto incurrendis... poenis, tenore praesentium districtè prohibemus... ne mercaturis et negotiationibus saecularibus huiusmodi quovis praetextu, titulo, colore, ingenio, causa, occasione et forma etiam semel, per se, aut mediantibus ministris, seu aliis personis subsidiariis, directe vel indirecte, tam nomine proprio, quam suarum respective religionum... vel aliorum quorumlibet, et alias quovis modo et qualitercumque se ingerant vel immisceant. Ac ex nunc... postquam casus evenierit, merces et lucra quaecunque, quae ex eiusmodi mercaturis et negotiationibus provenierint... in usus et commodum pauperum, hospitalium, seminariorum, etc. harum serie applicamus, delinquentes teneantur consignare merces et lucra huiusmodi locorum Ordinariis... qui illa ut praefertur, et non in alios usus distribuere et erogare debeant... § 4. Insuper eisdem censuris et poenis innodamus, et innodatos jure declaramus Superiores immediatos, ac Provinciales, ac Generales praedictorum Ordinum seu Congregationum, qui eorum respective subditos in praemissis... etiam pro unica vice quomodolibet delinquentes, saltem per amotionem illorum a locis commissi per eos delicti, non puniverint. — A sententia vero excommunicationis huiusmodi per Superiores vel alium seu alios quoscunque, etiam quavis auctoritate suffultos, nemo ex praedictis delinquentibus absolvi possit, praeterquam in articulo mortis constitutis, nisi lucris huiusmodi prius restitutis».

Aut in illis partibus quomodolibet morabuntur, etiam si ab aliis vel a nemine missi fuerint: soli ergo indigenae, vel qui eo in loco nati fuerint ab excommunicatione eximuntur. Constitutio enim loquitur de accedentibus ad ea loca. — *Negotiatio* est aliquid emere, ut immutatum carius vendatur, e. g. oleum, frumentum, libros, etc. *Mercatura* vero ea quoque complectitur, quae naturaliter mutata solent revendi, e. g. mustum quod vinum factum, vitulos qui facti boves, sues qui saginati revenduntur. *Naturaliter*, nam, si hominum arte et industria mutata revenduntur, *artificium* est, quod huc non pertinet, e. g. si ex empti lana vestes, ex ferro arma, ex ligno vasa conficias. Verum si haec quoque conductis operariis praestentur, quaestuosum aliquid sunt, et a negotiatione parum distant, nec consequenter regulariter sine lethali culpa exercentur. L. l. 3. n. 836. — *Quovis modo et qualitercumque se ingerant vel immisceant*, etiam ergo pro aliis mercaturae et negotiationis operam dantes. — *Nemo ex praedictis delinquentibus*, i. e. ex illis qui negotiationibus aut mercaturis dant operam, vel eis se ingerunt et immisceant. Superiores ergo, etiam lucris non restitutis a delinquentibus, absolvi possunt, nec mora delinquentium eis nocet. — *Nisi lucris*, etc. Restitutis ergo lucris huiusmodi potest quis ab alio absolvi quam a S. Pontifice. Lucrorum condonatio nominis a S. Sede obtinenda est. Restitutio autem facienda est « locorum Ordinariis, seu eorum vicariis in spiritualibus generalibus, aut Officialibus, vel Apostolicis Vicariis, seu Provicariis ». Hi lucra restituta « in usum et commodum pauperum, hospitalium, Seminariorum ecclesiasticorum ac operariorum, (non tamen religionum... eorum, qui in praemissis vel circa ea deliquerint, sed aliorum non delinquentium...) et non in alios usus distribuere et erogare debeant ». § 3.

57. Illmus Dnus Adrianus Languillat Vicarius Apostolicus *Kiang-nan* d. 24. Febr. petit a S. C. de P. F. utrum post nuperrimam Const. *Apost. Sed.* d. 4. Oct. 1869, a Pio IX. datam censurae et poenae, quae per Const. *Ex quo singulari* et alias indictae sunt, censeantur revocatae, et quatenus affirmative responderet, an formula iuramenti, prout facit, sine ulla mutatione recitari conveniat? Sequens responsum d. 6. Jul. 1870, ab Emo S. C. Praefecto accepit: « Cum dubium ab A. Tua expositum quoad sensum Const. *Apost. Sed.* IV. Id. Oct. 1869, datae, Supremae Inquis. Congregationi propouit curassem, eadem S. Congr. sequens Decretum emisit: *Affirmative ad*



*utrumque; i. e. servari*, prout in postremo Const. *Apost. Sed.* paragrapho, *Quae vero censurae*. — Ex Litt. S. C. de P. F. ad Superiorem Seminarii Parisiensis Missionum ad Exteros. In Suprema S. O. Congr. Fer. IV. 5. Febr. elapsi mensis propositum fuit Dubium a D. Tua emissum, an scilicet post B. *Apost. Sed.* vigeant adhuc censurae praescriptae in duabus Constitutionibus s. m. Benedicti XIV. circa ritus Sinenses et Malabaricos. Porro EE. PP., omnibus diligenter consideratis, responderunt: Constitutiones Benedicti XIV. s. m. super memoratis ritibus Sinensibus et Malabaricis, amor. 1742. et 1744. editas omnino vigere, exceptis tantum censuris latae sententiae, de quibus nulla fit mentio in Const. SSmi Dni Pii PP. IX. IV. Id. Oct. edita, quae incipit *Apostolicae Sedis moderationi*: ideoque ad calcem formulae iuramenti, quod a Benedicto XIV in eadem Const. praescribitur et confirmatur, inter verba: *Poenis per praedictas Constitutiones impositis me subiectum agnosco et declaro*, inseratur, post vocem *impositis*, hoc additum: *et adhuc vigentibus*. Id Dom. Tuae EE. PP. significandum esse iusserunt. 3 Mart. 1873». Casus Conse. resoluti in Missione Nankinensi Edit. altera Zi-ka-Wei 1881. Cas. 29. in fine et Appendice Prima Chang-Hai 1879. Cas. I. initio. Eorum auctor est doctus P. Aloysius Sica S. I. Collectanea Constitutionum, etc. ad usum Operariorum Apostolicorum Parisiis 1880, pag. 580, n. 1136.

*Suspensiones latae sententiae Summo Pontifici simpliciter reservatae.*

I. *Suspensionem ipso facto incurrunt a suorum Beneficiorum perceptione ad beneplacitum S. Sedis Capitula et Conventus Ecclesiarum et Monasteriorum, aliique omnes, qui ad illarum seu illorum regimen et administrationem recipiunt Episcopus aliosve Praelatos, de praedictis Ecclesiis seu Monasteriis apud eandem S. Sedem quovis modo provisos, antequam ipsi exhibuerint Litteras Apostolicas de sua promotione.*

58. 1 *suorum beneficiorum perceptione.* « Suspendo capitulo vel conventu, non censentur suspensi singuli, nisi sint in culpa. Quando suspensio fertur in solam communitatem, non afficit singulas personas quoad munia particularia, sed tantum quoad officia vel beneficia totius communitatis ». L. 317. Beneficia vero totius communitatis ea sunt, quae ad communitatem, ut communitas est, pertinent, licet eorum fructus in singulas personas distribuuntur. — *Beneficiorum*, ea quae sunt ordinis et iurisdictionis salva permanent. — *Perceptione*, non administratione; perceptione nempe *fructuum*. — *Ad beneplacitum S. Sedis*. Suspendio ergo haec non est determinato aliquo tempore duratura, sed quamdiu placuerit S. Sedi, h. e. Romano Pontifici pro tempore existenti, eiusque successoribus, donec nempe suspensi super hoc eisdem Sedis gratiam meruerint obtinere. Quare, declarata S. Sedis voluntate remittendi seu revocandi suspensionem, sine alia absolutione expirat. Laymann P. 3. C. 3. n. 3. — *Aliique omnes*. Verba haec in obvio sensu non videntur intelligenda esse de singulis personis *capitulum et conventuum*, sed referenda videntur ad alios, qui non sunt capitulum et conventuum membra. Hinc capitula et conventus suspenduntur quidem a beneficiis communibus, quae ipsa capitula et conventus, *qua tales*, possidebant, minime vero a beneficiis, quae singulae personae possident. *Alii* vero a Capitulis et conventibus, *omnes* quidem plectuntur privatione perceptionis eorum, quae singuli obtinent. — Suspendio haec quoad Capitula et Conventus partim *poena*, partim *privatio* est, eamque incurrunt illi quoque, qui ex Capitulis et Conventibus *non receperint*. Est vero quoad alios simpliciter *poena*, quare eam non incurrunt, nisi qui mortali culpa non vacant. — *Ad regimen et administrationem recipiunt*. Censetur Episcopus vel Praelatus recipi in regimen et administrationem Ecclesiae statim ac eius auctoritas tanquam legitima agnoscitur, eum excipiendi et admit-tendo. Quare semel ac Praelatus receptus fuit, illi, qui ei recepto iam et in pacifica possessione sui officii, obedientiam praestant, suspensionem hanc non incurrunt. — *Episcopos*, alii intelligunt consecratos: quia cum simus in odiosis, stricta interpretatione utimur: alii vero intelligunt etiam simpli-

citer electos vel confirmatos, quin adhuc episcopalem consecrationem acceperint, quia dicitur, *quorvis modo provisos*, et agitur de *promotione*. Cf. Ferraris v. *Episcopus* a. 2. m. 32. 36. 38. — *Prælatos*, qui iurisdictione quasi episcopali et externa polleant, non eos, qui administratores mittuntur. — *Apud eandem S. Sedem quorvis modo provisos*, nempe « qui apud dictam Sedem promoventur, aut confirmationis, consecrationis vel benedictionis munus recipiunt ». Extravag. comm. *Iniunctae nobis* C. 1. *De Electione*. — Bonacina D. 3. Q. 4. P. 10.

II. *Suspensionem per triennium a collatione Ordinum ipso iure incurrunt aliquem ordinantes absque titulo Beneficii vel patrimonii, cum pacto, ut ordinatus non petat ab ipsi alimenta.*

59. *Suspensionem per triennium*, quare triennio transacto suspensio per se ipsam expirat. Layman P. 3. C. 3. n. 3. — *Ordinantes absque titulo beneficii vel patrimonii*, agitur ergo de collatione ordinum maiorum; ad hos enim recipiendos titulus requiritur *beneficii*, vel, hoc deficiente, *patrimonii*. — *Aliquem*, sive alienum, sive suum subditum. Cf. C. *Si Episcopus* 37. *De Praeb.* in 6.<sup>o</sup>; sive saecularem, sive regularem, regularibus tamen exceptis, privilegium hae in re habentibus. Cf. n. 61. — *Absque titulo*, ergo incurrunt censuram hanc, si quem ordinent cum titulo falso, ex quo nullum ius percipiendi fractus in ordinatum transit. Minime vero incurrunt, si quem ordinent cum titulo, sed insufficiente, licet hoc Conc. Trid. prohibeatur. — *Patrimonii*, patrimonio accenseatur pensiones perpetuae, legata perpetua Missarum, Capellaniae *manuales* sub conditione, donec ordinatus provideatur. L. l. 6. n. 825., Bened. XIV. Notif. 26. — *Cum pacto*, etc. « Innocentius III. in C. *Cum secundum Apostolum De Praeb.*, Ordinantibus, qui clericos sine titulo ad sacros ordines promovent, onus imposuit illos alendi, donec per eos ecclesiastica beneficia consequantur. Quod etiam confirmatum et explicatum est in C. *Si Episcopus De Praeben.* in 6.<sup>o</sup>, in Conc. vero Lateranensi sub Alexandro III. p. I. C. 5. addita est limitatio: *Nisi qui ordinatur de sua vel paterna haereditate subsidium possit habere*. Quae tamen nunc servanda est iuxta praescripta in Conc. Trid. in Sess. 21. c. 2. de Ref. ». Suarez. D. 31. S. I. 7.<sup>a</sup> *Suspens.* — C. *Si quis* 45. *De Simon.* Cf. Card. De Luca Opp. T. 14. Annotat. ad S. Conc. Trid. D. 14., Bonacina D. 3. Q. 1. P. 8.

III. *Suspensionem per annum ab ordinum administratione ipso iure incurrunt ordinantes alienum subditum, etiam sub praetextu beneficii statim conferendi, aut iam collati, sed minime sufficientis, absque eius Episcopi litteris dimissorialibus, vel etiam subditum proprium, qui alibi tanto tempore moratus sit, ut canonicum impedimentum contrahere ibi potuerit, absque Ordinarii eius loci litteris testimonialibus.*

60. *Ordinantes*, etiam ordines tantum minores, etiam iuxta aliquos tonsuram conferentes: verbum enim generale est, et ad omnem ordinantem extenditur. Merito tamen prima tonsura excluditur, cum ordo non sit — *Alienum subditum*, qui consequenter proprius subditus non est neque titulo *matratis*, neque *originis*, neque *domicilii*, neque *beneficii*, neque *familiaritatis*. — *Etiam sub praetextu*. Incurritur ergo praesens censura etiamsi quis sine tali praetextu subditum alienum ordinet absque litteris dimissorialibus Episcopi, cuius ille subditus est. — *Litterae dimissoriales* eae sunt, quae scripto continent expressum consensum et licentiam proprii Episcopi, ut subditum possit ab alieno Episcopo ordinari. — *Litterae testimoniales* sunt illae quae fidem faciunt aliquem dignum esse, cui ordines conferantur. Quare non sufficiunt litterae commendatitiae in genere de vita et moribus alienius absque ullo ad ordines recipiendos respectu. Verum licentia et testimonium proprii Episcopi viva voce data, certoque cognita per se sufficiunt, ut alienum subditum ordinum a suspensione excusetur. Porro, nihil interest, utrum dimissoriae, eoque magis commendatitiae, dentur in scriptis, vel oratenus, ex Trid. S. 14. De Ref. cap. 2., praeterquam Ultramontanis in Italia degen-

tibus C. 1. *De Temp. ord.* in 6. Litterae testimoniales dari debent ab Episcopo domicilii, ab Episcopo originis, ab Episcopo illius loci, ubi quis fortuito natus est, et ab Episcopo loci, ubi quis aliquandiu moratus est: si in tali loco tandiu, nempe ultra sex menses, et ea aetate, nempe post septennium, *moratus sit*, ut canonicum impedimentum contrahere potuisset. Quod hic autem de dimissoriis et testimonialibus litteris praescribitur et ad eos pertinet, qui Pii Sodalitibus seu Congregationibus, in quibus vota simplicia emittuntur, nomen dederunt. S. C. EE. 6 Maii 1864. Illis vero religionis, qui hodie ante vota solennia emittunt vota simplicia, durante triennio horum votorum post tirocinium, dimissoriae dantur a Superioribus Regularibus quoad tonsuram et ordines minores tantum, SS. CC. RR. 12. Jan. 1858.; post edita vero solennia vota quoad omnes ordines. — *Eius Episcopi*, qui ordines nempe ei conferre potuisset, vel dimissoria ad ordines concedere. *Episcopi*, autem nomine hic intelligitur etiam Vicarius Generalis, *Episcopo in remotis agente*; et Vicarius Capitularis, Sede vacante, et quidem etiam infra annum pro *arctatis*, iis nempe quibus, ratione beneficii, aut recepti aut recipiendi, opus sit non differri sacri Ordinis aut Tonsurae collationem; post annum pro non arctatis. — *Tanto tempore*, i. e., ut in matrimoniis ex priori sententia, ultra sex menses. — *Canonicum impedimentum*, puta censuras, irregularitatem, etc. — C. *Eos qui* 2. *De temp. ordin.* in 6., Innocent. XII. C. *Speculatores* 4. Nov. 1694., Card. De Luca l. c., Bonacina D. 3. Q. 1. Q. 11., Q. 2. P. 7., Giraldi Expos. Iur. Pont. P. 2. S. 96., Honorante Prax. Secret. Urb. Vicar. C. 1. N. 9.

IV. *Suspensionem per annum a collatione Ordinum ipso iure incurrit, qui excepto casu legitimi privilegii, ordinem sacram contulerit absque titulo beneficii vel patrimonii Clerico in aliqua Congregatione viventi, in qua solennis professio non emittitur, vel etiam religioso randum professio.*

61. « Pius V. Motu proprio anni 1568, qui incipit *Romanus Pontifex*, extendit decretum Conc. Trid. S. 21. C. 2. de R., quatenus titulum beneficii vel patrimonii requirit, etiam ad clericos religiosos, vel religiosos morum viventes, qui professionem et solennia vota non emiserunt, et eos aliter ordinatos ipso iure suspendit, et si ministrarent irregulares efficit ». Suarez, De Cons. D. 31. S. 1. Haec Pii V. extensio servatur per C. *Apost. Sedis*, ut constat ex praesenti suspensione. Et sic in praefata suspensione dicitur, *excepto casu legitimi privilegii*. Unde « excipiuntur Religiosi Societatis Jesu, licet vota tantum simplicia emiserint ex C. Gregorii XIII. *Ecclesiae catholicae* 28. Junii 1591. Cf. Sanchez, Consil. Mor. l. 7. C. 3. D. 35. n. 9. Dicitur autem *Clerico in aliqua congregatione*, etc. Quare, secluso speciali privilegio, *titulo paupertatis* ordinari nequeunt 1.<sup>o</sup> religiosi, qui vota simplicia emiserunt in Congregatione, cui vota simplicia tantum concessa fuere. 2.<sup>o</sup> religiosi, qui nunc vota simplicia emittunt ex mandato Pontificio, licet pertineant ad ordines, in quibus antea sola vota solennia emittebantur. S. Congr. d. 20. Jan. 1860. — *Qui... ordinem sacram contulerit*, hanc ergo suspensionem unica personarum classis incurrit, ipsi nempe *Ordinem conferentes*, seu Ordinantes. — Card. De Luca l. c., Bonacina D. 3. Q. 1. P. S., Q. 2. P. 10.

V. *Suspensionem perpetuam ab exercitio Ordinum ipso iure incurrit Religiosi eieci, extra Religionem degentes.*

62 *Religiosi*. Praedicta suspensio non attingit nisi religiosos ad solemnem professionem admissos, 1.<sup>o</sup> quia S. Congr. Card. Conc. Trid. interpret., die 21. Sept. 1624., communicato consilio cum Urbano VIII., atque ex ipsius facultate, inter alia sequens edidit decretum: « Eieci extra religionem degentes sint perpetuo suspensi ab exercitio ordinum, sublata Ordinatis locorum facultate dictam suspensionem relaxandi aut moderandi ». Porro praedicta suspensio iuxta communem Th. Th. sententiam non attingebat Religiosos, ad solemnem professionem non admissos; 2.<sup>o</sup> nam religiosorum nomine in odiosis religiosi stricte dicti, seu professi solum venire solent. Quare hanc censuram non incurrunt neque novitii, neque religiosi, qui vota sim-



plia dumtaxat emiserunt. — *Eiecti*, hanc ergo suspensionem non incurrunt Apostatae, aut fugitivi, quia *eiecti* non sunt. Neque vero incurrunt *iniuste* eiecti. Quare opus est, ut quis ex iusta causa et servato ordine iuris efficiatur. Secus enim non erit vere eiectus. — *Extra Religionem degentes*. Hac ergo suspensione non amplius ligantur eiecti ipsi, qui iterum recipiuntur, aut ad aliam religionem canonice transeunt, quia non sunt extra religionem degentes. — Bonacina D. 3. Q. S. P. 12., De Claus. Q. 2. P. 12., Lucidi Vol. 2. pag. 36. seqq. Ed. 3.<sup>a</sup>.

VI. *Suspensionem ab ordine suscepto ipso iure incurrunt, qui eundem Ordinem recipere praesumpserunt ab excommunicato, vel suspenso, vel interdicto, nominatim denunciatis, aut ab haeretico vel schismatico notorio: eum vero, qui bona fide a quopiam eorum est ordinatus, exercitium non habere Ordinis sic suscepti, donec dispensetur, declaramus.*

63. *Suspensionem ab ordine suscepto*, h. e. valide suscepto; secus enim suspensio ne intelligi quidem potest. — *Qui eundem ordinem recipere*, etc. Non est ergo suspensio *totalis* ab omni ordine suscepto, sed *partialis* ab ordine tantum, ab excommunicato, suspenso, vel interdicto, recepto. — *Ab ordine suscepto*: haec ergo suspensio non extenditur etiam ad primam tonsuram: extenditur vero ad consecrationem Episcopi: nam textus generatim loquitur. — *Ab excommunicato, vel suspenso vel interdicto* a collatione ordinum. — *Nominatim denunciatis aut ab haeretico vel schismatico notorio*. Non incurritur igitur praesens suspensio, si ordo recipiatur ab interdicto, suspenso, excommunicato, sed *tolerato*: vel ab haeretico, aut schismatico, sed *occulto*. — *Praesumpserunt*, ab hac ergo suspensione excusat ignorantia, etiam crassa aut supina, et gravis metus. — *Eum vero qui bona fide*. Hinc finita quaestio est: an nempe, si contingat aliquem sine culpa sua ordinari ab excommunicato, suspensus nihilominus maneat: de qua Cf. Suar. D. 31. S. 1., 12.<sup>a</sup> Suspens., Mazzotta, Tr. 8. D. 3. qu. 2. c. un. par. 1. num. II. — *Exercitium non habere*, oppositio, quae hic statuitur inter eum, qui *praesumit* recipere ordinem, et eum qui *bona fide* ordinatur ab excommunicato, item diversus ille loquendi modus, de primo enim dicitur *suspensionem* incurrere, de posteriori *exercitium non habere* ordinis sic suscepti, aperte innuere videtur hanc suscepti ordinis privationem non iniungi tanquam *cen- suram ordinato*, sed tanquam *privationem* et *poenam* in iniuriam Ordinantis absque debita potestate, et quasi irregularitas ex defectu. Cf. Suarez l. c. Hinc idem dicendum est etiam in casu coactionis et metus cadentis in constantem virum. Ille enim defectus potestatis non tollitur propter metum, immo quodammodo augetur, praesertim si ab ipsomet Ordinante inveniatur. — *Donec dispensetur*, dispensatio haec, uti ex *iure* constat, reservata non est S. Pontifici: neque vero hic reservatur, cum indefinite ponatur: unde intelligenda est cum clausula, *prout de iure*. *Donec dispensetur* a suo Episcopo. Ante dispensationem peccat ministrando in susceptis. — C. *Quod 1. De Schism.*, C. *Fraternitati* 2. ib. C. unie. *De Ordinalis ab Episc.* qui ren. Ep., Bonacina D. 3. Q. 1. P. 9. 10., Avanz. Comment (54), Thesaurus, de Poenis Eccles. P. 2. v. Ordo. C. 24. n. 1. V. *Limita et advertendum*, De Angelis Praelec. Iur. can. l. 1. t. 13.

VII. *Clerici saeculares ceteri, ultra quatuor menses in Urbe Roma commorantes, ordinati ab alio quam ab ipso suo Ordinario absque licentia Card. Urbis Vicarii, vel absque praerito examine coram eodem peracto, vel etiam a proprio Ordinario posteaquam in praedicto examine reiecti fuerint, necnon Clerici pertinentes ad aliquem ex sex episcopalibus suburbicariis, si ordinentur extra suam diocesim, dimissorialibus sui Ordinarii ad alium directis, quam ad Card. Urbis Vicarium; vel non praemissis ante Ordinem Sacram suscipiendum exercitiis spiritualibus per decem dies in domo urbana Sacerdotum a Missione nuncupatorum, suspensionem ab omnibus sic susceptis ad beneplacitum S. Sedis ipso iure incurrunt. Episcopi vero ordinantes ab usu Pontificalium per annum.*

64. *Clerici saeculares*. Haec ergo non pertinent ad regulares, neque ad laicos, qui tonsuram, et cum ea Ordines simul recipiant. — *Ultra quatuor menses*, non ante hoc tempus, qui nempe breviori tempore in Urbe moras traxerint. — *Clerici exteri*, hic dicuntur, qui neque ad Romanam dioecesim neque ad aliquem e sex episcopatibus suburbicariis pertinent. Id constat ex altera illa parte addita, *Clerici saeculares exteri...*, nec non *Clerici pertinentes ad aliquem e sex episcopatibus suburbicariis*, etc. — *In Urbe commorantes*, ibique adhuc pergunt commorari; dicitur enim in *Urbe commorantes*, non qui commorati fuerint, *ordinati ab alio*, etc. quare haec non pertinent ad illos, qui ordinandi quidem discedunt, sed non amplius reversuri. — *Proprio Ordinario*, ratione originis, seu domicilii, seu beneficii, seu familiaritatis. — *Posteaquam in praedictae cunctae reiecti fuerint*, non item, absque praevio praedicto examine. — *Nec non clerici pertinentes*, etc. non additur, *ultra quatuor menses*, in urbe Roma commorantes. Hanc ergo incurrunt suspensionem, licet in sua Dioecesi commorentur, si, etc. — *Episcopatus suburbicarii*, sunt Ostiensis et Veliternus, Portus et Sanctae Rufinae, Albanensis, Tuscanus, Praenestinus, atque Sabius. — *Vel non praemissis...*, *exercentis*, nempe nisi privilegio gaudeant. — *Ante Ordinem sacrum*, non quemlibet Ordinem. — *Sacerdotes a Missione*, vulgo *Lazaristae* nuncupati, ii sunt, qui S. Vincentium a Paulo fundatorem habent. — *Episcopi ordinantes*, non simplicem tonsuram conferentes. — *Suspensionem ab usu Pontificalium*. Cf. De Cens. n. 44. — Edict. Card. Vic. iussu Bened. XIV edit. 20. Mart. 1743. Declarat edita iussu Alex. VII. a 1668., A. S. S. V. 2. p. 585. seqq., Honorante Prax. Secret. c. 16.

65. Praecedentes suspensiones, non sunt omnes stricta significatione *cen-surae*; quaedam enim sunt simpliciter *poenae*, illae nempe quae feruntur *ad beneplacitum*, *in perpetuum*, vel *tempore determinato*, e. g. per *triennium*, per *annum*. Quedam vero est simpliciter *privatio*, ut illa quae fertur in clericis bona fide recipientes ordines ab episcopo nominatum excommunicato, etc. Quedam tandem est *privatio* et *poena*, ut illa quae fertur in Capitula et Monasteria. Hinc violatio suspensionis in innocentes, in personas morales, in Capitula, Monasteria, Universitates, etc.; in singulos quidem et graviter reos, aut in perpetuum, aut ad beneplacitum nullam inducit irregularitatem. An idem valeat cum suspensio feratur in diem certum, per annum, per triennium, alii negant, quia rationem *cen-surae* non habet, poenae nempe medicinalis, alii affirmant ex C. *Cum aeterni* 1. *De Sent. et re iud.* in 6<sup>o</sup>, et verius cum eo ipso, quod ab ipso iure feratur, iam est ad praecavenda futura delicta, et non tantum ad praeterita punienda. Quare ex hoc capite rationem quoque *cen-surae* vere habet. Cf. S. Alph. 1. 7. n. 314., Salm. T. 10. C. 5. n. 13.

*Suspensiones Tridentinae addendae praecedentibus suspensionibus Const. Apost. Sed. sequentes sunt:*

VIII. *Non Liceat Capitulis Ecclesiarum, Sede Vacante, infra annum a die vacationis, ordinandi licentiam, aut litteras dimissorias, seu reverendas, ut aliqui vocant, tam ex iuris communis dispositione, quam etiam cuiusvis privilegii aut consuetudinis vigore, alieni, qui beneficii ecclesiastici recepti sine recipiendi occasione non fuerint, concedere. Si secus fiat, Capitulum contraveniens Ecclesiastico subiaceat interdicto, et se ordinati, si in minoribus Ordinibus constituti fuerint, nullo privilegio clericali, praesertim in criminalibus gaudeant: in maioribus vero ab executione Ordinum, ad beneplacitum futuri Praelati, sint ipso iure suspensi*». Sess. 7. C. 10. de R.

66. *Si in minoribus ordinibus*. « Pro suscipientibus minores ordines alia poena statuitur, scilicet, ne clericali privilegio praesertim in criminalibus gaudeant: quare non suspenduntur, ut Congr. Conc. declaravit... Poena imposita ordinatis minoribus hunc (primam tonsuram recipientem) non comprehendit; quia appellatione minorum ordinum, maxime in decreto poenali et odioso, solum veniunt intelligendi quatuor minores ordines, et non prima

tonsura, quae ab illis distinguitur... *Arctatus* vero occasione beneficii recepti... ille dicitur qui beneficium obtinet, ratione cuius obligatur se promoveri facere. Ut qui obtinet parochialem ecclesiam est arctatus intra annum ad sacerdotium promoveri... *Occasione* vero beneficii recipiendi arctatus dicitur, qui vocatus est ad beneficium vacans, certum requirens ordinem, quo ipse caret». Castropal. De Cens. D. 4. P. 10. par. 1. n. 11., Suarez de Cens. D. 31. S. 1. 2.<sup>a</sup> Suspens., Bonacin. De Suspens. disp. 3. p. 5. par. 1. n. 5. — *Infra annum a die vacationis*, quia si post annum Sedes adhuc vacat, permittitur, ut Capitulum, dimissorias concedendo, provideat de novis sacerdotibus. Verum litteras dimissoriales concedere post annum ad Vicarium Capitularem, non ad Capitulum spectat. S. C. Ep. 12. Jan. 1804. Vicarius S. Pontificis, Sede Vacante, minime Trid. decreto comprehenditur. — *Ordinandi licentiam*, pro tonsura conferenda dimissoriae, etiam infra annum, concedi possunt. S. C. C. 10. Febr. 1594. — Poena haec «imposita iis, qui contra huius Sanctae Synodi sub Paulo III. Decretum (Sess. 7. C. 10. de R.) a Capitulo Episcopali Sede vacante, litteras dimissorias impetrant, ad illos, qui easdem litteras non a Capitulo, sed ab aliis quibusvis in iurisdictione Episcopi loco Capituli, Sede Vacante, succedentibus, obtinerent, mandat extendi. Concedentes autem dimissorias contra formam Decreti, ab officio et beneficio per annum sint ipso iure suspensi». C. Tr. S. 23. C. 10. de R. — Bonacina D. 3. Q. 1. P. 11.

IX. *Unusquisque a proprio Episcopo ordinatur. Quod si quis ab alio promoveri velit, nullatenus id ei, etiam cuiusvis generalis, aut specialis Rescripti, vel Privilegii praetextu, etiam statutis temporibus permittatur, nisi eius probitas ac mores Ordinarii sui testimonio commendentur; si secus fiat, Ordinarius a collatione ordinum per annum, et ordinatus a susceptorum ordinum executione, quamdiu proprio Ordinario videbitur expedire, sit suspensus.* Sess. 23. C. 8. de R.

67. *Nisi eius probitas ac mores Ordinarii sui testimonio commendentur.* Haec igitur suspensio incurritur ab alio Episcopo ordinante, ab eoque Ordinato absque litteris testimonialibus proprii Ordinarii. Quare hic non agitur de carentia litterarum dimissoriarum. «Clericus qui obtinuit, rescriptum, vel privilegium a Papa recedendi ordines a quovis Episcopo, si eos recipiat absque litteris commendatitiis proprii Episcopi incurrit eandem suspensionem ex eod. Trid., quia rescriptum illud excludit litteras dimissorias non vero commendatitias, h. e. testimoniales de vita et moribus: Bon. num. 22». Mazzotta Tract. 8. D. 3. q. 2. C. un. par. 1. n. IX. Incurritur autem haec censura «ob receptionem ordinum tam maiorum quam minorum, quia de omnibus generatim textus loquitur, scienti declaravit ibi Sacra Concilii Congregatio. Ob receptionem autem primae tonsurae non videtur hanc suspensionem contrahi». Castropal. De Cens. D. 4. P. 10. par. I. n. 4. — *Per annum*, «Quomodo tollatur suspensio lata pro determinato tempore, vel sub aliqua conditione? Resp. Si lapsum sit tempus, aut impleta conditio, cessat absque ulla absoluteione: quia ultra intentionem ferentis progredi nequit... Intermedio autem tempore, seu ante impletam conditionem tolli suspensio talis per dispensationem potest ab eo, qui eam tulit, vel ab huius Superiore, aut successore non autem ab inferiore. Adeoque si lata sit a iure communi ad certum tempus tollere illam, aut relaxare solus Pontifex potest ante tempus finitum... Ratio est, quia alias intentio Pontificis frustraretur». Schmalzgr. l. 5. Part. 4. Tit. 39. nn. 311. 312. — *Quamdiu proprio Ordinario videbitur expedire.* Haec suspensio a proprio Episcopo, cui facta est iniuria, tollenda est. — Bonacina D. 3. Q. 1. P. 11.

X. *Abbatibus, ac aliis quibuscunque, quantumvis exemptis, non liceat in posterum intra finem alicuius diocesis consistentibus, etiam si nullius diocesis, vel exempti esse dicantur, cuiquam, qui Regularis subditus sibi non sit, tonsuram vel minores Ordines conferre; nec ipsi Abbates, et alii exempti, aut Collegia vel Capitula quaecunque, etiam Ecclesiarum Cathedralium*



*litteras dimissorias aliquibus Clericis saecularibus, ut ab aliis ordinentur, concedant. Sed horum omnium ordinatio, servatis omnibus quae in huius Sanctae Synodi decretis continentur, ad Episcopos, intra quorum dioecesis fines existunt, pertineat, non obstantibus quibuscumque privilegiis, praescriptionibus, aut consuetudinibus, etiam immemorabilibus. Poenam quoque impositam iis, qui contra huius S. Synodi sub Paulo III. decretum (S. 7. C. 10. de R. Cf. n. 104.) a Capitulo episcopali, Sede Vacante, litteras dimissorias impetrant, ad illos, qui eandem litteras, non a Capitulo, sed ab aliis quibuscumque in iurisdictione Episcopi loco Capituli, Sede Vacante, succedentibus, obtulerint, mandat extendi. Concedentes autem dimissorias contra formam Decreti ab officio et beneficio per annum sint ipso iure suspensi. S. 23. C. 10. De R.*

68. *Cuiquam, etc.* « Hinc sequitur praefatos Abbates, aliosque exemptos subiei huius poenae, dum litteras dimissorias faciunt clerico saeculari, quamvis hic alias ad suam iurisdictionem pertineat. Ratio est quia Concilium loquitur de concedentibus dimissorias Clericis saecularibus ». Bonacina de Susp. D. 3. P. 5. Par. 4. n. 12. — *Collegia vel Capitula*, i. e. Sede non vacante, quae speciali quodam iure iurisdictionem habent in aliqua dioecesis parte. Aliud enim Decretum extat de Capitulis, Sede Vacante, Cf. nn. 104-118. — *Poenam quoque, etc.* Cf. n. 103. Bened. XIV. De Syn. l. 2. C. 11.

XI. *Nemo Episcoporum, qui titulares vocantur, etiamsi in loco nullius dioecesis, etiam exemplo, aut aliquo monasterio cuiusvis Ordinis residerint, aut moram traxerint, rigore cuiusvis privilegii, sibi de promovendo quoscumque vel se venientes pro tempore concessi, alterius subditum, etiam praetextu familiaritatis continuae commensalitatatis suae absque sui proprii praelati expresso consensu, aut litteris dimissoriis, ad aliquos sacros aut minores ordines, vel primam tonsuram promovere vel ordinare valeat. Contra faciens ab exercitio pontificalium per annum, taliter vero promotus ab executione ordinum sic susceptorum, donec suo Praelato risum fuerit, ipso iure sint suspensi. S. 14. C. 2. De R.*

69. *Episcopi titulares* dicuntur, qui consecrati quidem sunt pro aliqua dioecesi. Verum, quia huiusmodi dioecesis ab infidelibus, ab haereticis, vel schismaticis invasa est, Episcopus in ea neque clerum, neque populum sibi subiectum habet. Cf. Giraldi Iur. Pont. Expos. P. 1. S. 64. — *Ad aliquos sacros, aut minores Ordines, vel primam tonsuram promovere.* « Cantum est, ut nullatenus haec facultas tribuatur Episcopo titulari, adeo ut nulla in eis competentia intret. Non potest enim intrare illa originis, minusque domicilii vel beneficii, cum in Titularibus nullum ex his verificabile remaneat, quamvis aliquis de Ecclesia ab infidelibus occupata ad loca catholica veniat, ut catholice vivat, quoniam efficitur subditus illius dioecesis, ut supra insinuatur. Unde propterea remaneret solus titulus familiaritatis, qui per hoc Decretum Conciliare sublatus fuit, dum sub hoc praetextu plures committebantur fraudes, atque multi, qui ob illiteraturam, vel ob vitam et mores aliasve iustas causas per Ordinarium repellebantur, ita Ordines assumebant ». Card. De Luca l. c. Disc. 14. n. 19.

XII. *Nulli Episcopo liceat, cuiusvis privilegii praetextu, Pontificalia in alterius dioecesi exercere, nisi de Ordinarii loci expressa licentia, et in personas ei Ordinario subiectas tantum: si secus factum fuerit, Episcopus ab exercitio Pontificalium, et sic ordinati ab executione ordinum sint ipso iure suspensi. S. 6. C. 5. de R.*

70. *Nulli Episcopo.* « Quod dictum est de Episcopo, intelligendum est de Archiepiscopo, quia ipsi datum non est pontificalia exercere in dioecesi suffraganeorum, nisi in aliquibus casibus... An haec suspensio extendatur ad recipientem primam tonsuram, affirmat Rebuff... Bonac., quia Episcopus conferens primam tonsuram Pontificalia exercet, cum solis Episcopis, seu iurisdictionem quasi episcopalem habentibus, sit datum eam conferre... At prima tonsura initiatus suspensionem ibi latam non incurrit: tum quia prima

tonsura iuris rigore non est ordo... tum praecipue quia haec tonsura nulum speciale munus habet a cuius executione ea initiatus suspendi valeat ». Castropal. De Cens. D. 4. P. 10. par. 1. n. 5., Mazzotta. Tr. 8. D. 3. q. 2. c. un. par. 1. num. X., alique. Attamen ad primam tonsuram quod attinet, Card. De Luca l. c. Disc. 6. n. 8. inquit: « etiam in camera privatum sine vestibus pontificalibus ea dari potest ». Et tunc, ut ait idem De Luca, non est hoc contravenire Tridentino Decreto. Deinde n. 9. addit: « ubi vero agatur de actibus, quamvis voluntariis, pro quibus requiratur usus Pontificalium, ut sunt collatio ordinum, ministratio sacramenti confirmationis, consecratio lapidum pro altaribus, seu vasorum cum similibus, et tunc id fieri non potest, atque est contravenire huic Decreto ». Cf. etiam Disc. 14. n. 6. Verum in hoc Decreto ad suspensionem saltem quod attinet incurrendam non agitur nisi de *Ordinum* collatione: nam in altera eius parte dicitur: « si secus factum fuerit Episcopus *ab exercitio Pontificalium, et sic Ordinati*, etc. Quare iterum prima Tonsura excluditur, quae Ordo non est. — *Et in personis*, etc. Hoc Decretum non impedit, quominus Episcopus existens in aliena dioecesi, praevia licentia Ordinarii eiusdem dioecesis, possit ordines conferre, tam subditis propriis, quam Episcopis licentiam concedentis, S. C. 22. Febr. 1630.: imo etiam subditis alterius Episcopi, si huius litteras dimissoriales habeant, et licentia iterum accedat Episcopi loci. — Bonacina D. 3. Q. 1. P. 12., Q. 2. P. 12., Lugo Resp. Mor. 1. 1. D. 32.

XIII. *Episcopi quoque, quod absit, si ab huiusmodi crimine non abstinerint; et a Synodo provinciali admoniti, se non emendaverint, ipso facto sint suspensi: et si perseverent...* S. 25. C. 14. de R.

71. *Quoque*, in 1.<sup>a</sup> enim parte Decreti agitur de clericis concubinariis. Poenae vero ipsis impositae sunt ferendae sententiae. Cf. Suarez D. 31. S. 4., 2.<sup>a</sup> Suspendi. Castropal. Disp. 4. P. 10. par. 3. n. 5., Bonacina De susp. D. 5. p. 5. p. 1. n. 39., qui haec habet: « Ius antiquum correctum est per ius novum in Trid. S. 15. c. 12. de Ref., ubi dicitur: Huiusmodi Clericos esse suspendendos ab Episcopo praemissa monitione. Episcopis vero concubinariis infligitur suspensio ipso facto, si non resipuerint, postquam fuerint *admoniti* a Synodo Provinciali ». — *Ab huiusmodi crimine*, i. e. concubinato. — *Admoniti*, non requiritur trina admonitio, sed una sufficit. — *Se non emendaverint*, nisi nempe statim, moraliter loquendo, tollant occasionem delicti et scandali. — *Suspensi*, « quae suspensio absolute fertur, et sine limitatione temporis, officii aut beneficii; et ideo ex se omnia complectitur ». Suarez D. 31. S. 5. par. penult. — Bonacina D. 3. Q. 6. P. 1., Q. 7. P. 4.

XIV. *Si quis parochus vel alius sacerdos, sive regularis, sive saecularis sit, etiamsi ad sibi ex privilegio vel immemorabili consuetudine licere contendat, alterius parochiae sponsos, sine illorum parochi licentia, matrimonio coniungere aut benedicere ausus fuerit, ipso iure tamdiu suspensus maneat, quamdiu ab Ordinario eius parochi, qui matrimonio interesse debebat, seu a quo benedictio suscipienda erat, absolatur.* S. 24. C. 1. de R. M.

72. — Non explicat Conc. a quo huiusmodi sacerdotes propter tale crimen suspendantur: cum tamen verisimile non sit suspendi illum ab omni officio et beneficio, ut verbum illud simpliciter prolatum indicare videtur: tum quia poena cum illud non videtur dignum tanta poena: tum etiam quia illa poena indifferenter fertur in parochos et in sacerdotes simplices tam regulares quam saeculares. Et ita videtur suspensio solum esse de re communi omnibus illis. Censeo igitur illam esse suspensionem ab officio sacerdotali, vel ad summum a munere sacerdotali: quia iuxta communem intelligentiam canonum ex materia subiecta determinatur poena, ut in eo quis puniatur, in quo deliquit. Item quia cum sacerdos propter abusum sacerdotalis muneris suspenditur recte intelligitur suspendi formaliter, quatenus sacerdos est: atque adeo a sacerdotali munere ». Suarez de Cens. D. 31. S. 3. —

Hanc Suaresii doctrinam probabilem existimant Castropal., alique ab ipso citati. De Cens. D. 4. p. 10. par. 2. n. 2. Eandem tenet Mazzotta Tr. 8. Disp. 3. q. 2. c. un. par. 2. n. 4. qui addit « Suspendio autem benedicens secundas nuptias est sententiae ferendae, ut notant Fil. alique ». Ubi autem Trid. decretum. *Tametsi*, publicatum non est; neque haec Trid. censura locum habet. — Filliucc. Tr. 17. n. 101., Bonacina D. 3. Q. 3. P. 5.

XV. *Professionis tempus* (quoad moniales) *ne Episcopus ignoret* (ut eas explorare possit), *teneatur praefecta monasterio eum ante mensem certiorum facere. Quod si praefecta certiorum Episcopus non fecerit, quamdiu Episcopo videbitur, ab officio suspensa sit*. Sess. 25. C. 17. de Reg.

73. *Suspendio haec censura non est, sed mera poena. Agitur autem de monialibus proprie dictis, quae nempe vota solemnina emittunt.*

*Suspendio, quae accessit C. Apost. Sed., speciali modo Rom. Pont. reservata.*

XVI. *Si vero aliqui ex praedictis episcopali caractere sint insigniti in poenam suspensionis ab exercitio Pontificalium... ipso facto, absque ulla declaratione invidant Sanctae Sedi pariter reservatum.* Pius IX. C. Romanus Pontifex 28. Aug. 1873. Par. *Confidimus*, seqq.

74. *Si... Episcopali caractere sint insigniti, Episcopi ergo non excommunicationem, sed suspensionem incurrunt. Exceptio enim pro ipsis fit. Cf. n. 16. XIII. — Pariter reservatum, nempe speciali modo.*

#### *Interdicta ex Const. Apostolicae Sedis.*

I. *Interdictum Romano Pontifici speciali modo reservatum ipso iure incurrunt Universitates, Collegia et Capitula, quocumque nomine nuncupentur, ab ordinationibus seu mandatis eiusdem Romani Pontificis, pro tempore existentis, ad universale futurum Concilium appellantia.*

75. *Speciali modo reservatum, excommunicatio, quae fertur in absolventes a casibus speciali modo reservatis R. P. non videtur comprehendere eum, qui absolvit ab hoc interdicto, quia ad absolventes ab illis tantum excommunicationibus refertur, ut patet ex toto contextu, par. A quibus.* Suarez D. 37. S. 1. 6.<sup>um</sup> Interd. Cf. n. 15. — *Universitates, Collegia et Capitula*, hoc ergo interdictum non fertur in omnes et singulos, sed in ipsas communitates. Singulae personae excommunicationi subiacent. Cf. n. 6. Praesens ergo interdictum, non speciale interdictum, sed generale personarum est, afficiens non singulares personas, sed corpora moralia. Suarez de Cens. D. 37. S. 1. Quare rationem censurae non habet, adeoque clerici, qui ei causam non dederunt, ordinem exercendo illud violantes irregularitatem non contrahunt. Attamen singula tenet eorum membra, alias foret inutile, sive clericos, sive laicos, sive nocentes, sive innocentes. — *Quocumque nomine nuncupentur*, communitates aliae, similes, particularium personarum, comprehenduntur, alio quovis nomine appellatae. *Confraternitatis, Congregationis*, etc sive saeculares, sive ecclesiasticae. — *Appellantia*, « ad incurrendum hoc interdictum non est necesse, ut omnes de illa communitate, sed satis est, si maior pars appellet, vel auxilium praestet ». Mazzotta Theol. mor. Tr. 6. D. 2. quaest. 3. Append. de casib. reserv. — Nihil hic de auxilium, consilium vel favorem praebentibus, ut in excomm. spec. mod. reserv. Quare qui auxilium, favorem, consilium praebent, *ipsis communitatibus*, non singulis personis, neque excommunicationem, neque interdictum incurrunt. — B. Coenae § 2., Bonacina App. Tom. 1. De Interdicto D. 5. P. 8. n. 8. 9., Tom. 3. De Cens. in part. D. 4. Q. 1. P. 5.

II. *Scienter celebrantes, vel celebrari facientes divina in locis ab Ordinario, vel delegato Iudice, vel a iure interdictis, aut nominatim excommunicatos ad divina officia, seu ecclesiastica sacramenta, vel ecclesiasticam sepulturam admittentes, interdictum ab ingressu Ecclesiae ipso iure incurrunt, donec ad arbitrium eius, cuius sententiam contempserunt, competenter satisfecerint.*



76. *Scienter*, adverbium hoc initio positum membra omnia sequentia afficit. Omittitur autem *sponte*, ergo non quilibet metus aut coactio excusat, sed tantum gravis. — *Celebrantes vel celebrari facientes*. Interdictum ergo est speciale personale. *Celebrari* autem, etc. nefas esse intelligitur, diebus exceptis, et locis, et non servatis conditionibus, quibus ex iure licet. Cf. De Cens. n. 48. — *Divina*, quae nempe solis Ecclesiae ministris fas est obire. — *In locis interdictis*, cum haec expressio omnino generalis sit, intelligenda est non solum de interdicto locali generali, sed et de quocumque alio, adeoque comprehenduntur quaecumque loca, etiam particularia, interdicta. Iam vero loca a iure interdicta vitanda non sunt, nec proinde censura incurritur, nisi facta fuerit denuntiatio. Martin. V. C. ad *Evitand*. Necesse autem est denuntiationem fieri illius in particulari et nominatim. Cf. Suarez D. 37. S. 2. et Mazzotta Tr. 8. D. 4. q. un. c. 5. — *Nominatim excommunicatos*, quare poena fertur contra participantes cum *nominatim excommunicatis*, non vero cum suspensis et cum interdictis, de his nil dicitur. Item cum *nominatim excommunicatis*, non cum excommunicatis quibuscumque, et a quibuscumque sed ab *Ordinario* vel *Delegato Iudice* vel a *Iure*. Praeterea poena non fertur contra *omnes* participantes, et in *quibuscunque* rebus, sed contra *admittentes* et in *tribus* rebus sacris participantibus, scilicet *divinis officiis, sacramentis, ecclesiastica sepultura*. Illa autem specialis participatio, quae per verbum, *celebrari facientes*, et *admittentes* denotatur ad eos pertinet dumtaxat, ad quorum curam et officium spectat prohibere vel admittere aliquem ad huiusmodi actus. Hi sunt parochi, rectores, alique quibus Ecclesiae vel coemeteriorum cura est commissa. Quare haec poena soli *Clerici* plectuntur. « Unde (concludit Suaresius De Cens. D. 37. S. 1.) si religiosus recipiat sacramentum a persona excommunicata alioqui celebrante, vel corpus eius ad sepulturam comitetur, non videtur hanc poenam incurrere, quia ipse proprie non admittit, quamvis cooperetur: secus vero est, si religiosus scienter ministret sacramentum excommunicato denunciato: nam qui ministrat, vere admittit alium ad usum sacramentorum ». — *Sacramenta*, nempe excepta Poenitentia, et viatico in articulo mortis. — *Donec*, etc. Potest ergo huiusmodi interdictum a quocumque absolvi, sed postquam interdictum patientes *ad arbitrium eius, cuius sententiam contempserunt*, excommunicationis vel interdicti, *competenter satisfecerint*. Forte etiam cessat tunc ipso facto interdictum Cf. u. 25. — C. *Episcoporum* 8. De *Privil.* in 6.<sup>a</sup>, Suarez D. 22. S. 4. 4.<sup>a</sup> Censura., Bonacina D. 3. Q. 3. P. 1., D. 4. Q. 2. P. 6.

*Denique quoscumque alios Sacrosanctum Concilium Tridentinum suspensos aut interdictos ipso iure esse decrevit, Nos pari modo suspensioni vel interdicto eodem obnoxiosos esse volumus et declaramus.*

77. Tridentinas suspensiones superius recensuimus. Cf. n. 65. seqq. Interdicta vero Tridentina sequentia sunt, quae reservationem annexam non habent: ea tamen ex subiecta materia desumitur.

III. *Metropolitanus suffraganeos Episcopos absentes, Metropolitanam vero absentem Suffraganeus Episcopus antiquior residens sub poena Interdicti Ecclesiae, eo ipso incurrenda, infra tres menses per litteras seu nuntium Romano Pontifici denuntiare teneatur*. S. 6. C. 1. de R.

78. Haec obligatio denuntiandi absentem sub poena interdicti adest, cum Praelatus absens iam fuerit absque ulla iusta et rationabili causa per annum integrum, eiusque contumacia ultra annum perseveret. Etenim postquam Cone. poenam decrevisset privationis quartae partis fructuum unius anni, si praelatus absens fuerit per sex menses, et privationis alterius quartae partis fructuum, si idem praelatus per alios sex menses absens fuerit, subiungit: « *Crescente vero Contumacia*, ut severiori Canonum censurae subiciatur, Metropolitanus suffraganeos, etc. ». Ergo illa obligatio non adest nisi, *crescente contumacia*, post annum iam elapsam absentiae.

IV. *Capitulam Ecclesiarum Sede Vacante, infra annum a die Vaca-*

*tionis ordinandi licentiam, aut litteras dimissorias seu reverendas: alicui, qui beneficii ecclesiastici recepti sive recipiendi occasione arcatus non fuerit concedens... ecclesiastico subiaceat interdicto. S. 7. C. 10. de R.*

79. *Beneficii... occasione arcatus, Cf. n. 104.*

*Interdictum, quod accessit C. Apost. Sed., speciali modo R. P. reservatam.*

V. *Si vero aliqui ex praedictis episcopali characterē sint insigniti in poenam... interdicti ab ingressu Ecclesiae, ipso facto, absque ulla declaratione incidunt, Sanctae Sedis pariter reservatam. Pius IX. C. Romanus Pontifex 28. Aug. 1873. Par. Confidimus, seqq.*

80. *Si vero aliqui ex praedictis, Cf. nn. 16. XIII., 74. — Pariter reservatam, nempe speciali modo.*

*Quae vero censurae sive excommunicationis, sive suspensionis, sive interdicti, Nostris, aut Praedecessorum Nostrorum, Constitutionibus, aut sacris canonibus, praeter eas, quas recensuimus, latae sunt, atque hactenus in suo rigore perstiterunt, sive pro R. Pontificis electione, sive pro interno regimine quorumcumque Ordinum et Institutorum Regularium, necnon quorumcumque Collegiorum, Congregationum, coetuum, locorumque piorum, cuiuscumque nominis et generis sint, eas omnes firmas esse, et in suo robore permanere volumus et declaramus.*

81. *Constitutionibus, aut sacris canonibus.* Non ergo huc pertinent censurae latae a Regularium Superioribus, aut Capitulis seu provincialibus, seu generalibus pro Ordinibus proprii subditis. — *Pro R. Pontificis electione.* « Hodie electio Pontificis fit a Cardinalibus iuxta duas Constitutiones Gregorii XV. Earum prima est *Aeterni Patris Filius*, d. 15. Nov. 1621., et altera *Decet Romanum Pontificem*, d. 12. Martii 1622. Censurae igitur, quae adsunt pro electione S. P. ex hisce CC. sunt potissimum repetendae. Cf. Benedictum XIV. C. *Pastor bonus* n. 12. — *Pro interno regimine*, h. e. pro bono spirituali horum Ordinum, institutorum, etc... qua talia sunt, promovendo. Huiusmodi pro Regularibus sunt: 1.<sup>o</sup> Excommunicatio lata in Regulares, qui habitum religionis suae temere dimittunt, ex C. *Uti periculosa* 2. *Ne clerici vel Monachi* in 6.<sup>o</sup> Cf. Sanchez in Dec. L. 6. c. 8. n. 45.: 2.<sup>o</sup> Excommunicatio in monachos intra septa monasteriorum arma tenentes sine licentia Abbatum, ex Clem. 1. § 9. in fin. *De Stat. Monach.*; 3.<sup>o</sup> Excommunicatio in eos, qui violant clausuram vel violare permittunt. Greg. XIII. C. *Inscrutabili*, C. *Ubi gratia*, S. Pius V. C. *Decoris*; 4.<sup>o</sup> Excommunicatio in eos, qui non denuntiant supremas Inquisitioni suos subditos haereticos, vel suspectos de haeresi: vel suos subditos denunciare volentes, deterrent; vel alias retrahunt denunciare volentes de fide suspectos, sive confratres, sive superiores. Paulus V. C. *Romanus Pontifex*, Alex. VII. C. *Licet alias*; 5.<sup>o</sup> Excommunicatio in eos, qui adeunt Curias Principum, ut suis Praelatis, vel Monasteriis damnum aliquod inferant. Clem. 1. *De Statu Monach.*; 6.<sup>o</sup> Excommunicatio adversus apostatas et electos, si habitus dimiserint: ea enim et puniuntur et praecaventur crimina. Cf. Suarez D. 22. S. 5. 3.<sup>a</sup> Excomm., D. 23. S. 3. 2.<sup>a</sup> Excomm., S. 4. 10.<sup>a</sup> Excomm., 14.<sup>a</sup> Excomm., S. 5. 4.<sup>a</sup> Excomm., 5.<sup>a</sup> Excomm., 10.<sup>a</sup> Excomm., D. 31. S. 6. « Item in suo robore permanent censurae latae pro interno regimine tum ordinum et institutorum regularium in genere, tum particulariter singularium ordinum et institutorum ». S. O. 22. Mart. 1881. Synodus Dioecessana Albanensis an. 1886. Append. Num. 10. — *Locorumque piorum*, ea nempe quae proprio internoque regimine polleant, et insuper particulares coetus constituent, ecclesiastica erecta auctoritate. — *Eas omn. firmas, etc.* Non innovat ergo S. Pontifex tales censuras, sed mere declarat eas non esse abrogatas per hanc Constitutionem, et permanere in suo robore, in eo nempe statu manere, in quo reperiabantur ante praesentem Const. Quare si qua per desuetudinem, vel aliam causam cessaverit, nequaquam innovata vi praesentis Constitutionis haberi potest. Cf. Bonacina T. 3. De Cens. in part.

*Ceterum decernimus, in novis quibuscumque concessionibus ac privilegiis, quae ab Apostolica Sede concedi cuiusvis contigerit, nullo modo ac ratione intelligi unquam debere, aut posse comprehendendi facultatem absolvendi a casibus, et censuris quibuscumque Romano Pontifici reservatis, nisi de iis formalis, explicita ac individua mentio facta fuerit: quae vero privilegia aut facultates, sive a Praedecessoribus Nostreis, sive etiam a Nobis cuiuslibet Coetui, Ordini, Congregationi, Societati, et Instituto, etiam regulari cuiusvis speciei, etsi titulo peculiari praedito, atque etiam speciali mentione digno a quovis unquam tempore huc usque concessae fuerint, ea omnia, easque omnes Nostra hac Constitutione revocatas, suppressas, et abolitas esse volumus, prout reapse revocamus, supprimimus et abolemus, minime refragantibus, aut obstantibus privilegiis quibuscumque, etiam specialibus, comprehensis, vel non in Corpore iuris, aut Apostolicis Constitutionibus, et quavis confirmatione Apostolica, vel immemorabili etiam consuetudine, aut alia quacumque firmitate roboratis, quibuscumque, etiam formis ac tenoribus, et cum quibusvis derogatoriis, aliisque efficacioribus, et insolitis clausulis, quibus omnibus, quatenus opus sit, derogare intendimus, et derogamus.*

82. Duplex in praesenti Constitutione continetur privilegiorum revocatio: prima in parag. « *A quibus* ». Cf. n. 15.: altera in par. hac, *Ceterum*. Utraque revocatio, si de Regularium saltem aut de quorumcumque coetuum privilegiis sermo sit, plenissima est, ut constat ex clausulis insertis in utraque par. cit., quae plenissime derogatoriae sunt. Haec privilegiorum derogatio restringitur ad ea sola privilegia, quae ad censurarum de iure communi, seu excommunicationum suspensionum et interdictorum de iure communi vigentium, absolutionem spectant. Aperte constat ex duplici parag. cit. Cetera quaecumque privilegia integra prorsus manent. Neque vero derogantur per praesentem Constitutionem extraordinariae quaelibet facultates, *ad tempus* alicui personae vel communitati concessae ante dictam Constitutionem. S. Poenit. 5. Dec. 1873. Instr. S. O. 1. Febr. 1871. Speciali decreto S. I. C. 9. Martii 1870. Pius IX facultates confirmavit, quibus gaudebant sacerdotes omnes sive saeculares sive regulares spiritualem curam infirmis praestantes in quibuscumque hospitalibus Urbis. Acta S. Sed. V. 6. p. 284. seqq.

*Firmam tamen esse volumus absolvendi facultatem a Tridentina Synodo Episcopis concessam Sess. 24. C. 6. De R. in quibuscumque censuris Apostolicae Sedi hac Nostra Constitutione reservatis, iis tantum exceptis, quas eadem Apostolica Sedi speciali modo reservatas declaravimus.*

83. Porro Tridentina facultas sequentis tenoris est: « *Liceat Episcopis in irregularitatibus omnibus et suspensionibus, ex delicto occulto provenientibus, excepta ea quae oritur ex homicidio voluntario, et exceptis aliis deductis ad forum contentiosum, dispensare: et in quibuscumque casibus occultis, etiam Sedi Apostolicae reservatis, delinquentes quoscumque sibi subditos, in diocesi sua per seipsos, aut Vicarium, ad id specialiter deputatum, in foro conscientiae gratis absolvere, imposita poenitentia salutari* ».

*Decernentes, etc. (sequuntur hic clausulae consuetae). Dat. Romae a. MDCCCLXIX. IV. id. Octobr.*

## DE CONST. SACRAMENTUM POENITENTIAE

*De sollicitatione in confessione.* — Ad sollicitationem quod spectat, tria circa eam statuuntur in cit. Const. Primum est, ut Inquisitores et locorum Ordinarii « *severe animadvertant per condignas poenas* » § 1. in confessarios sollicitantes in confessione, qui iisdem Inquisitoribus sive Ordinariis sunt denunciandi. Alterum est, ut confessarii « *suos poenitentes, quos noverint fuisse ab aliis sollicitatos, moneant de obligatione denunciandi* » § 2. Tertium est, ut « *innocentes sacerdotes apud ecclesiasticos iudices falso sollicita-*



tionis insimulantes » priventur beneficio absolutionis, quae Summo Pontifici reservatur. § 3.

1. *Quinam sint denuntiandi?* — Denuntiandi quidem sunt « oranes et singuli sacerdotes tam saeculares quam regulares, quomodolibet exempti... cuiuscumque dignitatis et praeceminentiae, aut quovis privilegio et indulto muniti ». §§ 1. et 2, ad turpia in confessione sollicitantes. *Omnes et singuli sacerdotes*. « etiamsi sacerdotes sint, qui iurisdictione ad absolutionem valide impertiendam careant » § 2., et S. I. C. ad 5. 11. febr. 1661. « Non vero sub hisce Constitutionibus comprehenduntur interpretes, nunciave sollicitationis, vel illam mandantes, aut consilium dantes, etiamsi sint sacerdotes. Nam isti nec proprie sunt sollicitantes, aut tractatum inhonestum habentes in sacra confessione, neque actiones istae sunt actiones sacerdotales, neque ut tales veniunt sub nomine sacerdotum... Sic quoque nec comprehenditur sacerdos vel alius, qui sollicitat poenitentem, dum non sibi, sed alii confitetur ». Pignatelli Consult. Canon. Noviss. C. 117. par. *Non vero*. Neque vero denuntiandus est poenitens, qui in confessione sollicitat sacerdotem. L. 689.

2. *Quodnam sit crimen sollicitationis, propter quod confessarii sunt denuntiandi?* — Illud est, quo huiusmodi confessarii « aliquem poenitentem, quaecumque persona illa sit, vel in actu Sacramentalis Confessionis, vel ante, vel immediate post confessionem, vel occasione, aut praetextu confessionis, vel etiam extra occasionem confessionis in confessionali, sive in alio loco ad confessiones audiendas destinato, aut electo, cum simulatione audiendi ibidem confessionem, ad inhonestam, et turpia sollicitare, vel provocare, sive verbis, sive signis, sive nutibus, sive tactu, sive per scripturam, aut tunc, aut post legendam, tentaverint, aut cum eis illicitos, et inhonestos sermones, vel tractatus temerario ausu habuerint ». § 1.

3. *Quaecumque persona illa sit*, « sive mares sive feminae, quaecumque illae sint ». Instr. Univ. Inq. ad omnes Episcopos 20. Febr. 1867.

4. *In actu sacramentalis confessionis*, non aliorum sacramentorum. Actus sacramentalis confessionis verificatur inter initium confessionis et absolutionem datam. Sollicitatio habet locum *in actu sacramentalis confessionis*, vel cum confessarius tunc illicitos et inhonestos sermones, vel tractatus simpliciter habeat, vel cum media tantum tunc apponat, quibus postea sollicitat. Atque haec distinctio *formalis* sollicitationis, vel tantum *causalis*, seu sollicitationis in se, vel in medio tunc posito, intelligenda est quoad omnes alias clausulas: *immediate ante*, *immediate post*, etc. L. 676. Neque vero requiritur, uti detur absolutio. Greg. XV. ait esse denuntiandum sollicitantem *occasione confessionis, etiam ipsa confessione non secuta*.

5. *Vel ante, vel immediate post confessionem*. « Illud *immediate ante* sentiunt communius stricte intelligendum esse, ita ut nullum intervallum intercedat ». L. 677. « Sic qui mulierem ante pedes genuflexam ad confitendum, sollicitat (etsi nondum se crucis signo munierit) dicitur *sollicitare immediate ante* ». Scav. q. 5. « Illud *immediate post* communiter a DD. intelligitur, quando post confessionem nec confessarius nec poenitens ad alia se divertit, ita ut eveniat sollicitatio, antequam ulla alia actio intervenerit ». Attamen, si aliqua actio intercedat, « ex circumstantiis iudicandum, an principaliter intenta fuerit sollicitatio, et negotium ut medium; an vero negotium principaliter, et sollicitatio per accidens ». L. 677.

6. *Occasione aut praetextu confessionis*. Occasio et praetextus duo hic distincta significant. *Confessionis occasione* sollicitare est, ex *vera confessione* provocandi opportunitatem, vel motivum sumere. *Praetextu* vero confessionis sollicitat, qui confessionem praetexit, seu fecte incitat ad confessionem, ut liberius provocet. Praetextus falsa causa est, et praetexere est causam aliquam non veram afferre. Quare huiusmodi confessarius est denuntiandus, *etiam confessione non secuta*, ut addit Greg. XV. in sua Consti tu-

time. *Præteritu*, id est si sacerdos confessionem prætexat, ut sollicitet poenitentem, non si poenitens eam prætexat, ut confessarium sollicitet; nec si uterque ex condito ut alios fallant. L. 679. *Occasione confessionis* tribus modis sollicitare quis posse videtur: 1.<sup>o</sup> dum *ex* expressa aut tacita *confessionis petitione* sollicitandi motivum sumit. L. 677. — 2.<sup>o</sup> *Ex confessione ipsa*, h. e. a) dum intelligendo e. g. in ipsa confessione, quae poenitens cum alio egerit, vel agere optaverit, aut eius proclivitatem ad venerem, occasionem nanciscitur, vel verbis vel signis, ad inhonestam tunc illum provocandi; et tunc sollicitatio habetur tum *occasione* tum *actu* confessionis: b) vel quando simpliciter poenitens sub signo crucis incipit confiteri, et eum confessarius interrumpit ne incipiat, vel ne prosequatur, eundem interim sollicitans, opportunitate sumpta confessionis; et tunc sollicitatio iterum habetur tum *occasione* tum *actu* confessionis. 3.<sup>o</sup> cum *notitia* utitur, quam ex confessione habuit, ad incitandum postea poenitentem, et facilius eum movendum ad assensum. Iste autem usus notitiae confessionis debet ex circumstantiis sufficienter constare ad denuntiationis obligationem imponendam. L. 678. — Verum difficultas adest circa primum modum; siquidem tunc confessarius sollicitare videtur potius *occasione petitionis confessionis*, quam *occasione confessionis*, si tamen confessio *de praesenti* neque immediate sequatur, neque sequi debebat. Et sic Pignatelli, Consult. 104. n. 14. ait: « Non proceditur in S. Officio contra confessarium, qui *extra locum et occasionem confessionis* dicit mulieri, sibi *confiteri volenti*, ut adeat domum suam, et adeuntem carnaliter cognoscit ». Idem dicendum de promissione confessionis. Hinc idem Pignatelli Novis. Cons. Canon. C. 117. par. *Ratio autem*: « Sic etiam, inquit, non censetur, quod quis sollicitet occasione vel praetextu confessionis, si mulier omnino extra confessionem et confessionarium, ac sine aliqua simulatione, ac praetextu confessionis sollicitata nolit consentire, nisi confessarius promittat postea eius confessionem audire: quia in hoc casu consensus mulieris sollicitatae dependet a confessione, non ut *de praesenti*, et actu, sed ut in futurum habenda post factum. Ita Bordonus d. cap. 23. num. 41 ». Difficultas item adest circa tertium modum. Non enim videtur occasione *confessionis* sollicitare, qui, cognita in confessione poenitentis fragilitate, domi eum adit, et urget, quippe is *ex confessione* notitiam, *ex notitia* sollicitandi ansam capit. Pignatelli Noviss. Cons. Canon. C. 117., par. *Unde multo, et Ratio autem*.

7. *Vel etiam extra occasionem confessionis in confessionali*. Notandum hic est Responsum S. I. C. 11. Febr. 1661. ad 15.<sup>um</sup> « An sit denuntiandus confessarius, qui *sedens in confessionario* sollicitat mulierem, *stantem ante confessionarium* non simulando confessionem? — Censuerunt opinionem negativam non carere probabilitate ». Conferenda sane est haec resolutio cum resolutione eiusdem S. C. eadem die ad 4.<sup>um</sup> « An confessarius, qui feminae in confessionario dicenti se velle in crastinum confiteri illam sollicitat, et confessionem dissuadet, sit denuntiandus? — Si sollicitatio fiat *extra locum confessionis*, et absque praetextu confessionis, censuerunt negativam opinionem esse probabilem, secus in confessionario seu in loco confessionis ». In dubio 15.<sup>o</sup> mulier est *extra confessionarium, et non simulat confessionem*, et ita etiam habetur in priori parte responsionis ad 4.<sup>um</sup> At in secunda parte responsionis ad 4.<sup>um</sup> tum confessarius, tum etiam mulier sollicitata est in confessionario, et iure tunc negative respondetur; nam habetur vera *confessionis simulatio*, ut mox ex dicendis constabit; ita enim praesens clausula continuatur.

8. *Sive in alio loco ad confessiones audiendas destinato, aut electo, cum simulatione audiendi ibidem confessionem*. Triplex ergo distinguitur locus confessionum audiendarum. 1.<sup>o</sup> est confessionale ordinarium, quod confitei solent ex ligno, habens laminam ferream cum parvis foraminibus, quodque in Ecclesia collocatur. 2.<sup>o</sup> est quicumque alius locus a confessionali distinctus, *ubi confessiones audiuntur*: talis esse videtur genuflexorium, quod

est in sacristia, vel apud religiosos in cellulis, ubi confessiones excipiuntur. 3.<sup>us</sup> item quivis locus *ad confessiones audiendas electus*. Porro clausula illa: *cum simulatione audiendi ibidem confessionem*, ultimo loco posita, ad omnia antecedentia refertur, adeoque et ad primum illud membrum, *sive extra confessionis occasionem in confessionali*, refertur ex communi ea regula, quod clausula ultimo loco posita ad omnia antecedentia connexa referatur. Totum discrimen in eo esse videtur, quod ad primum et secundum locum quod attinet, requiritur quidem quod tum confessarius tum poenitens sit in *confessionario*, vel in alio loco *in quo confessiones audiuntur*, at hoc ipso tunc, *regulariter loquendo*, habetur *confessionis simulatio*, et denuntiationis urget obligatio, ut aperte constat ex citata respons. S. C. ad 4.<sup>am</sup> Ad tertium vero locum quod spectat, non sufficit quod confessarius et poenitens sint in eodem loco, vel simul colloquantur, sed opus est, ut positive confessionem simulent. Cf. Pignatelli Cons. Can. Noviss. C. 117., par. *Tertio* et seqq.

9. *Ad inhonesta et turpia*, i. e. obscena, nempe tactus, aspectus, etc. Addit Greg. XV. C. cit. « sive inter se, sive cum aliis quomodolibet perpetranda ». Hinc denuntiandus est confessarius, qui sollicitat poenitentem, ut inducat aliquam personam ad secum peccandum, de quo S. Alph. 691. iure ait: « non esse dubitandum », et Pignatelli, Cons. Canon. Noviss. C. 117., par. *Certum etiam*, « certum » esse affirmat. Denuntiandus insuper est confessarius, qui sollicitat poenitentem, ut consentiat ad peccandum non secum, sed cum alio, quod idem. S. Alph. l. c. *certum* esse dicit. « cum Bened. XIV. § 2. definiverit hunc confessarium omnino esse denuntiandum, etiamsi sollicitatio a confessario non pro seipso sed pro alia persona peracta fuerit ».

10. *An denuntiandus sit confessarius sollicitans ad actus tantum venialiter inhonestos?* — « Sententia probabilior negat » L. 683. Constat ex toto tenore Constitutionis Benedicti XIV. Neque vero huic responsioni ullo modo obstat Decr. S. I. C. 11. Febr. 1661. ad 3.<sup>am</sup> « An confessarius sollicitando propter parvitatem materiae sit denuntiandus. — Cum in rebus *venereis* non detur parvitas materiae, et si daretur, in re praesenti non daretur. (Qualificatores) esse denuntiandum, et opinionem contrariam non esse probabilem ». In quam resolutionem, hanc subdit notam Scavini: « Id intelligit, si actus sit plene deliberatus, et insuper si ex circumstantiis certe coniciatur, sacerdotem levi illo actu animum habere ulterius progrediendi. V. Liguori, Opus. Mor. l. VI. n. 683 ». Haec autem S. Doctor ibid. animadvertit: « Nec obstat dicere, quod culpa levis reddatur gravis ob reverentiam sacramento debitam... si actus est leviter pravus, levis etiam est iniuria, quae fit sacramento ». Et sane, ut notat Gur. Cas. 657. (Causa conse. Lugduni, 1875. tom. 2. num. 657.), « alias omne peccatum leve in confessione fieret grave ob irreverentiam sacramento irrogatam, quod falsum est ». Sedulo vero hic animadvertendum est, aliud esse sollicitare ad actus *leves*, aliud *per actus leves* sollicitare ad graviora, quo casu absque ullo dubio facienda est denuntiatio, modo appareat interior intentio. — Sensus obvius Decreti hic est: *Cum in rebus venereis*: non in actibus ergo merae *sensualitatis*; e. g. curiosi aspectus, etc., sed in actibus venereae voluptatis; *non detur parvitas materiae*, cum quaelibet res, vel minima, venerea sit peccatum mortale; *et si daretur*: i. e. et si, quod omnino falsum est, daretur parvitas materiae in re venerea, *in re praesenti*, nempe in sollicitatione ad inhonesta et turpia, *non daretur*: ea enim gravissime prohibita praeterea est positivo praecepto Apostolicarum Constitutionum ob reverentiam Sacramento debitam, ad removendum omnem abusum, hac in re, Sacramenti, et gravissimum periculum ruinae animarum et scandali populi christiani. Cf. Castro-Pal. Tr. 4. D. 9. P. 3. n. 4.

11. « *An confessarius, qui sollicitat poenitentem ad actus illicitos extra actus venereos, sit denuntiandus?* — Censuerunt (Qualificatores) opinio-



nem negativam esse probabilem ». S. I. C. 11. Maii 1661. ad-11.<sup>um</sup> L. 684., Bened. XIV. De Syn. C. 11. n. 14.

12. *Sollicitare vel provocare, etc. . . tentaverint, aut cum eis illicitos et inhonestos sermones vel tractatus temerario ausu habuerint.* Sollicitatio generatim est solers inductio et motus voluntatis alienae ad aliquid agendum vel patiendum. Sollicitatio vel provocatio hic est quaevis invitatio et incitatio ad res venereas a sacerdote tanquam a confessario, vel quasi confessario, facta, licet sollicitationis statim ipsum poenituerit, vel in ipsa sollicitatione destiterit. S. I. C. 11. Maii 1661. ad 2.<sup>um</sup>; unde dicitur: *sollicitare vel provocare tentaverint*; scilicet sacerdotes, confessione utcumque abutentes ad praedictum effectum, de quibus in praecedentibus fuit sermo. *Inhonestos sermones aut tractatus habere.* Dubium est, utrum hoc aliquid addat supra priorem clausulam: *sollicitare vel provocare tentaverint*, ita ut altera haec clausula *inhonestos sermones et tractatus* significet etiam, qui a confessario non processerint, et respectu quorum mere passive se habeat confessarius quoad sollicitationem, quatenus nempe, licet huiusmodi sollicitationi ex parte poenitentis consentiat, ipse tamen eum nullo pacto sollicitat; an vero explicatio quaedam sit prioris clausulae, et declaretur per eam, sollicitationem vel provocationem denunciandam haberi per quoscumque *inhonestos sermones* aut *tractatus* confessarium inter et poenitentem, sive confessarius primus incipiat, sive incipiat poenitens, ita ut uterque reapse eos *inhonestos sermones et tractatus* habeat, iisque sistatur quin ulterius procedatur: tunc enim, ut patet, mutua habetur sollicitatio, adeoque verum est, quod confessarius sollicitet. Secunda haec interpretatio magis conformis videtur obvio sensui huius locutionis: *inhonestos sermones aut tractatus habere*, ipsique Constitutioni. Etenim primo *sermones habere et inhonestos sermones habere* sensu obvio et communi non est signum mere dare consensus, vel mere respondere affirmando, sed necesse omnino est aliquos saltem sermones intermiscere. Cf. Forcellini v. *Sermo*. Tractatum item et multo magis *tractatus habere* non est alteri interroganti vel invitanti mere annuere, vel verbo respondere affirmando: sed opus est aliquo modo de aliquo negotio agendo sermonem instituere, proponendo, invitando, petendo, etc., ut aliquid fiat, ex una parte, ex altera vero consentiendo, approbando, consilium ad illud praebendo, auxilium promittendo, etc., haud quidem semper omnibus hisce actibus, vel eorum aequivalentibus, aliisque; sed certe saltem pluribus. Serus enim quinam unquam locus esse poterit *tractatui* vel *tractatibus*? Etenim dicendum tunc esset *illicitos et inhonestos sermones vel tractatus habere*, eum, qui verbo respondet mere affirmando, itemque *illicitos et inhonestos sermones vel tractatus habere*, eum qui simplici capitis signo invitanti annueret, neque tunc vel postea alium illicitum et inhonestum sermonem vel tractatum quacumque ex causa haberet. Cf. Forcellini v. *Tractatus*. Praeterea statim in ea Const. mandatur confessariis, ut moneant poenitentes de obligatione denunciandi confessarios; haud quidem quoscumque poenitentes, qui utcumque habuerint cum confessariis *inhonestos tractatus*, neque quoscumque confessarios, sed « poenitentes, quos noverint *fuisse, ut supra* (Cf. n. 2.), *ab aliis sollicitatos*, moneant de obligatione denunciandi *sollicitantes* » § 2. Quamvis autem S. Pontifex aperte addat ibidem casum *mutuae sollicitationis*, nihil tamen addit de casu confessarii mere passive se habentis respectu sollicitationis, eidem licet consentientis.

13. « *An sit denunciandus confessarius, qui dat poenitenti (nota, non ceteris) chartam in confessione (nota, non extra confessionem, a confessione omnino independentem), postea domi legendam, in qua ad venerem sollicitabat?* — Domini Qualificatores censuerunt esse denunciandum, et negativam opinionem non esse probabilem ». S. I. C. 11. Maii 1661. ad 1.<sup>um</sup> Constat etiam ex prop. 6.<sup>a</sup> damn. ab Alex. VII., confirmata a Bened. XIV. § I. simul cum prop. 7.<sup>a</sup> de hac eadem re. Damnata propositio est: « Con-

fessarius, qui in sacramentali confessione tribuit poenitenti chartam postea legendam, in qua ad venerem incitat, non censetur sollicitasse in confessione, ac proinde non est denunciandus ». Idem totidem verbis habetur in C. Bened. XIV. § I. « Sive per scripturam aut tunc aut post legendam ».

14. « *An sit denunciandus confessarius, qui audiens confessionem dat donum mulieri, ita ut dicatur illam sollicitasse?* — Idem responderunt (Qualificatores) quod ad duodecimum ». S. I. C. 11. Febr. 1661. ad 16.<sup>um</sup> « Per se loquendo, donare aliquid mulieri, non est inhonestum, neque tendit ad inhonesta, sed ad conciliandam benevolentiam, vel ad satisfaciendum gratitudini ob acceptum aliquod beneficium ». Pignatelli Consult. Canon. Noviss. C. 117. par. *Quare hac in re.* — Porro haec ad 12.<sup>um</sup>: « an confessarius, si laudet poenitentem de pulchritudine et venustate, dicatur illam sollicitare: et ideo sit denunciandus? Censuerunt (Qualificatores), si laus illa sit seria et nihil pravae intentionis redoleat, negativam esse probabilem. Si vero secus, non esse probabilem ». « Laudare pulchritudinem mulieris, etiam in confessione, non est per se ex obiecto peccatum mortale, neque est actus per se directus ad sollicitationem ad turpia ». Pignatelli Consult. Canon. Noviss. C. 117. par *Duplex autem.*

15. *An sit denunciandus confessarius si dubia sit eius sollicitatio?* — « Si dubitatur an eius factum vel dictum fuerit vera sollicitatio, tunc cum communiore et veriori sententia dicendum, non esse obligationem denunciandi... Ratio, tum quia dubia in meliorem partem accipienda sunt, et in verbis ambiguis benignior interpretatio facienda;... tum quia in dubio nemo est privandus fama, quam possidet; tum quia Bullae praecipiunt denunciari sollicitantes; sed nequit dici sollicitans, de quo dubitatur, an vere sollicitaverit; nam crimen dubium non est crimen ». L. 702. Si « factum vel dictum sit vera sollicitatio, et tantum dubitatur an ille, vel alius confessarius, id egerit vel dixerit, tunc recte dicunt Salm. tr. 21. c. 4. § 2. n. 93. cum Sousa et Hurt. eum denunciandum esse, quia dum crimen est certum, rite iudices procedere possunt ad inquirendam personam, de qua dubium vertit. Hoc tamen censeo dicendum *solo casu*, quo *facile* iudices per suam diligentiam certi fieri possint de persona sollicitante: quia alias sacerdos ille, cum possit esse innocens, remaneret aliquo modo diffamatus, et in dubio illaesa debet servari fama proximi, qui eam possidet ». L. 702. Cf. Ferraris, Bibl. Can. v. *Sollicitatio* n. 57., Scav. q. 7. Quoad casus varios dubiae sollicitationis, aliosque in quibus dd. communis censent confessarium esse denunciandum, Cf. S. Alph. 704., et Petr. Rota Enchirid. nn. 271.-278., 314.-332., 391.-396.

16. *An confessarii monere debeant poenitentes de denuntiatione facienda?* — « Meminerint praeterea omnes et singuli sacerdotes ad confessiones audiendas constituti, teneri se ac obligari, suos poenitentes, quos noverint fuisse ab aliis, ut supra, sollicitatos, sedulo monere, iuxta occurrentium casuum circumstantias, de obligatione denunciandi Inquisitoribus, sive locorum Ordinariis praedictis, personam, quae sollicitationem commiserit... Caveant insuper diligenter confessarii, ne poenitentibus, quos noverint iam ab alio sollicitatos, sacramentalem absolutionem impertiant, nisi prius denuntiationem praedictam ad effectum perducentes, delinquentem indicaverint competenti Iudici, vel saltem se, cum primum poterunt, delaturos spondeant, ac promittant ». § 2.

17. *Teneri se ac obligari suos poenitentes... sedulo monere.* Quare confessarii, invenientes poenitentes suos fuisse sollicitatos, tenentur eos monere de denuntiatione sollicitantis necessario facienda. Poenitentes suos sollicitatos, non alios, non sollicitatos; hos non praecepto positivo monere debent, sed vi praecepti naturalis, quatenus praeceptum hoc obliget in particulari casu. « Neque ab iis admonendis instruendisque, eorum bona fides excusat ». Instr. cit. n. 3. Sed, iuxta omnes, confessarius non tenetur mu-



heres et alios poenitentes suos interrogare, utrum fuerint sollicitati et monere de obligatione denunciandi, Pignatelli Cons. Can. l. c. n. 10., intellige nisi confessarius *prudenter* ex confessione audita iudicet poenitentem fuisse sollicitatum. Confessarium item qui sollicitavit non tenetur ipse monere sollicitatum de obligatione denunciandi, posito casu, quod iste poenites deinde iterum ad hunc confessarium redeat; quia de iure naturali nemo tenetur procurare, ut sua turpitudine reveletur. Hinc « sub. d. 17. Nov. 1624. decisum fuit, confessarios sollicitantes non esse cogendos ad denunciandum seipsos », ap. Giraldi l. c. pag. 641. « Et clare patet ex verbis dictae Constitutionis Gregorianae: *Ut suos poenitentes, quos noverint fuisse ab aliis sollicitatos, etc.*, ubi nota, quod Bulla dicit *ab aliis*, non autem a se ipso sollicitatus ». Ferr. n. 38. « Quamvis vero confessarius desinat poenitentem monere de obligatione ipsum denunciandi, adhuc tamen non cessat in poenitente obligatio ipsum seu alium confessarium sollicitantem denunciandi, si aliunde sciat se ad id lege Pontificia obligari: sicuti non cessat onus restitutionis in poenitente ex quo confessarius desinat ipsum monere de tali obligatione, si aliunde sciat, nec invincibiliter ipsam ignoret, ut recte docet Viva ad dictam prop. 7. Alexandri VII. n. 3. et alii passim ». Ferr. n. 60. Damnata prop. est. « Modus evadendi obligationem denunciandae sollicitationis est, si sollicitatus confiteatur cum sollicitante, hic potest ipsum absolvere absque onere denunciandi ».

18. *An si confessarius praevideat certo sollicitatum non esse denuntiaturum, debeat nihilominus monere illum de sua obligatione, et dimittere, si nolit denunciare?* — Distinguendus est duplex casus. Primus est casus mortis: an nempe, morte etiam poenitentis instante, quamvis confessarius certo praevideat, poenitentem in bona fide existentem, non esse unquam denuntiaturum, eum tamen monere debeat. Tunc enim non esse monendum existimamus. Nam nemo tenetur facere rem inutilem et noxiam. Porro iuxta hypothesin illa monitio inutilis est *bono communi* procurando, et noxia est *bono privato* poenitentis, cum tunc eum in malam fidem et in aeternam damnationem coniciat. Insuper si quid valet clausula, apposita ab eodem Bened. XIV., monendi penem poenitentes *iuxta occurrentium casuum circumstantias*, Cf. n. 30., absoluta obligatio non est *semper et in quocumque caso monendi*. Ergo saltem in exposito casu, vere extremo. — Alter casus est extra mortis periculum, an monendus sit poenitens quamvis certo praevideatur, eum non esse denuntiaturum. Tunc eum monendum esse existimamus. Ratio primo est, quia iure ac merito sperari semper potest, ut huiusmodi poenitens, confessario instante, et Dei gratia adiuvante, serius saltem facturus sit, quod hodie forte difficultate territus, facere recusat. Unde etiam nihil tunc vetat, quominus confessarius, si ad ipsum poenitens certo sit rediturus, absolutionem opportune differens, vel etiam concedens in casu necessitatis, occasionem expertet favorabilem, quando magis erit ille dispositus, et facturus praevideatur, quod frustra hodie ab ipso exigeretur. Si poenitens vero rediturus non sit ad eundem confessarium, sufficit, quod monetur de obligatione colloquendi de tali re cum suo ordinario vel alio confessorio propter rei difficultatem adhuc evadendam, et interim animo paratus sit ad obligationem implendam, si qua forte sit, et ab eodem confessario ei manifestetur. Ad istum etiam casum extenditur praedicta clausula Bened. XIV. poenitentis monendi *iuxta occurrentium casuum circumstantias*, quae ad unicum mortis extremum casum restringenda non est. Cf. Benedictum XIV. Epist. Enc. *Apostolica Constitutio*, n. 20. Insuper difficultas, quae in denuntiatione facienda poenitentem terrere potest, talis profecto non est, ut nullum habeat remedium, cum Sacra Congr., uti videmus suo in loco, varios ipsamet indicet modos, quibus longe facilius fieri potest impletio gravissimae huius obligationis.

19. *An teneatur ad denuntiationem non solum sollicitatus, sed etiam qui aliunde certo scit sollicitationem?* — R. Affirm. « si sciat crimen a



personis fide dignis; secus, si sciret a fide indignis, vel feminis levibus. Hoc autem dicendum, non iam ex Bulla Gregorii, sed ex Edicto Sacrae Inquisitionis (10. Mart. 1677.), ubi dicitur teneri ad denunciandum confessarium, qui scierit vel audierit illum sollicitasse. Vide verba relata n. 680. in fine ». L. 695. Haec S. I. C. 11. Maii 1661. ad 14.<sup>um</sup> « An quis teneatur denunciare confessarium sollicitantem, si hoc audivit non a fide dignis, sed solum a levibus personis? Censuerunt (Qualif.) opinionem negativam non carere probabilitate ». Notandum tamen hic esse affirmativam resolutionem subinferri potius ex proposita *Quaestione* quam ex *Responsione* S. C.

20. *An teneatur ad denuntiationem, qui scit sollicitationem sub secreto naturali?* — R. Affirm. « quia nemo tenetur ad secretum, etiam iuramento promissum, quando secretum vergit in damnum commune. Secus vero si sollicitatio sit manifestata ad petendum consilium; nam propositio secreti esset tunc contra humanum commercium, et etiam contra publicum bonum, quod certe in consiliis expetendis intervenit ». L. 698. Atque hoc ultimum fundatur praeterea in Decreto Alexandri VII. 8. Jul. 1660., quod Regulares, a quibus consilium petitur circa obligationem denunciandi, obligat solum ad hoc, ut moneant et obligent ad denunciandum: « Ac propterea eosdem debere omnes, et quoscumque etiam alios, a se consilium, ut supra, petentes, monere et obligare ad denunciandum ». Pignatelli Noviss. Cons. Can. C. 117. par. *Ideoque denunciari*, et seq.

21. *An deneganda sit absolutio poenitenti, qui sacerdotem sollicitantem denunciare recusat?* — R. Affirm. « Poenitentes admoniti et omnino renuentes nequeunt absolvi; qui vero ob iustam causam denuntiationem differre debent, eamque quo citius poterunt faciendam spondent serioque promittunt, possunt absolvi... Si necessitas urgeat (persona sollicitata) se gerat iuxta consilia et monita sui confessarii », stante nempe gravi difficultate denuntiationis faciendae. Instr. cit. nn. 5. et 7., Pignatelli Noviss. Cons. Can. C. 117. par. *Atque ita*, L. 694.

22. *An denuntiationem omittentes excommunicationem incurrant?* — Ex C. *Apostolicae Sedis* Pii IX. 1d. Oct. 1869. excomm. latae sent. nemini reservatam incurrunt: « Negligentes sive culpabiliter omittentes denunciare infra mensem confessarios sive sacerdotes, a quibus sollicitati fuerint ad turpia, in quibuslibet casibus expressis a praedecess. nostris (Greg. XV. C. *Universi* 20. Aug. 1622., et Bened. XIV. C. *Sacramentum Poenitentiae* 1. Junii 1741 »). *Negligentes, sive culpabiliter omittentes denunciare*, adeoque cum id facere potuerint et debuerint. *Infra mensem*, post mensem ergo elapsum incidunt in excommunicationem. Quia vero tempus non currit ignorant. *mensis* computandus est ex quo scivit: 1.<sup>o</sup> obligationem denunciandi, secus nulla culpa; 2.<sup>o</sup> excommunicationem adnexam, secus nulla contumacia; 3.<sup>o</sup> tempus obligationi praefixum, secus enim, bona fide existimans adhuc posse differre, et a culpa et a contumacia excusatur. Ceterum, si promiserit denunciaturum, et ei fides haberi possit, absolvi poterit, et non solum a peccatis autem mensem elapsum, quod in Constit. Bened. XIV. expresse cautum est. Cf. nn. 16. et 21.; sed etiam ab excommunicatione post elapsum mensem. Praesens enim excommunicatio reservata non est. Neque vero huiusmodi poenitens videtur reincidere in eandem excomm., si postea fidem fecellerit, cum absolutio absolute hic concedatur; et quando C. *Apostolicae Sedis* aliud voluit aperte expressit. Praeterea, quia « excommunicatio lata est contra non denuntiantes in termino statuto, non autem contra non denuntiantes toties quoties possunt ac debent ». Pignatelli loc. hic infra cit. *A quibus sollicitati fuerint*, solum ergo poenitentes sollicitati huic excommunicationi subduntur, minime vero omnes quicumque sollicitationem reserverunt. — Pignatelli Noviss. Cons. Can. C. 117. par. *Terminus autem*.

23. *Causae a denuntiatione facienda excusantes.* — « Si vere et rationabiliter ex denuntiatione grave timeatur damnum in vita, fama et rebus

temporalibus, excusari posset poenitens a denunciando. Ratio est, quia datur ius naturale ad haec damna praecavenda, contra quod ius non praevalet ius positivum Ecclesiae, quae ulterius non solet obligare cum gravi incommodo ad suarum legum observantiam. Accedit, leges imponentes denuntiationem de sua natura non obligare cum gravi incommodo, quia non habent illud de sua natura adnexum, uti se habent, e.g. praecepta facta militi de non relinquenda statione, vel parocho de assistendo infirmis, peste laborantibus. Quando autem lex de sua natura non exposcit cum gravi incommodo adimpleri, cessat obligare, si istud grave incommodum superveniat, ut constat de lege imponente ieiunium, auditionem Sacri, etc. Bene autem Salmanticenses dicunt, etiam cum quocumque damno faciendam denuntiationem, quoties ex hoc crimine oriretur despectus huius Sacramenti, et animarum perniciēs. Hoc autem quamvis posset non intercedere, quando certo cognosceretur aliquem semel sollicitasse non ex despectu Sacramenti, sed amore libidinis, utique eveniret quando sollicitatio oriretur ex parvipendentia Sacramenti, vel si sollicitans esset vir potens, et frequenter sollicitaret. In his ergo casibus ratio boni communis, et praecavendi damnum Religionis, praeponderat cuicumque privato damno, adeoque nunquam esset omitienda denuntiatio ». Roneaglia l. c. c. 2. q. 1. « Neque tenetur poenitens denunciare si ex denuntiatione immineat damnum notabile, puta iactura famae, honoris, vitae, aut magnae partis honorum sibi, vel suis consanguineis et affinibus, quia sollicitans non est haereticus formalis, sed suspectus de haeresi, ideoque praeceptum denuntiationis non obligat cum tanto onere: Lezan. et alii ap. Dian., qui idem docent, si confessarius sollicitans sit consanguineus personae sollicitatae, quia damnum illius censetur damnum proprium ». Mazzotta Tr. 6. disp. 2. q. 2. c. 4. *Respondeo secundo*. Item S. Alph. 699. « Dicunt, ait. Del Bene, etc., quod si femina multum repugnet adire Inquisitores, poterit expectare confessarium, qui pro ipsa denuntiationem deferat: quia praecepta positiva non obligant ad rem nimis arduam ». Salmat. nn. 86.-92., n. 23., Pignatelli Noviss. Cons. Can. C. 117. par. *Denique* et seq.

24. « Qui in partibus schismaticorum, haereticorum, et mahumetanorum degunt, licet subiecti sint Constitutionibus contra sollicitantes, tamen in iis locorum circumstantiis, in quibus nulla spes adsit punitionis denunciati, atque mulieres sine periculo et infamia denunciare nequeant, denunciatos vero facile poenam declinare posse credatur, recurrendo, vel ad Episcopos schismaticos, vel ad laicos iudices infideles, ex Decr. S. O. 21. Febr. 1630, attentis supradictis causis, absolvendi sunt, et liberandi ab huiusmodi onere denunciandi: moneri tamen debent, ut *cessantibus supranarratis periculis et impedimentis, teneantur denunciare* ». Ita Gir. l. c. pag. 640. *Nota qui*. Et pag. 641. refert inter alia Decreta, par. VII. « Decretum, quo die 22. Jan. 1627. S. O. respondens dubiis propositis a P. Carolo Iosepho Spediae, Praefecto missionum in America, declaravit, mulieres sollicitatas non teneri ad denuntiationem, si ministri Inquisitionis et Vicarii Episcopi, in longinquis regionibus degentes, sine gravi incommodo adiri nequeant, observanda tamen sunt dicta supra par. *Nota qui* ». Et Pignatelli Cons. 104. n. 14. « In partibus, ait. infidelium, ubi non servatur Decretum S. Officii, absolvuntur recusantes denunciare sollicitantes in confessione ».

25. *An mulier teneatur denunciare confessarium sollicitantem, cui ipsa consentit?* — R. Affirm. Praecipit enim Bened. XIV. *denuntiationem fieri* « sive sollicitationi poenitens consenserit, sive consensum minime praestiterit ». Ratio, quia denuntiatio fieri potest absque ullo propriae famae periculo, cum non possit de eo ab Episcopo interrogari, adeoque etiamsi interrogetur quis potest proprium consensum denegare ». L. 700. In Instr. cit. n. 6. dicitur: « cavendum quoque, ne ex denunciatis quaeratur, num sollicitationi consenserint: et convenientissimum foret, si de huiusmodi consensu, quantumvis sponte manifestato, nihil notetur in tabulis. Ex Declar. Urbani VIII. sub fer. V. d. 17. Apr. 1624 ».



26. *An mulier bona fide et simplicitate constituta, quae sollicitationem non intellexit, moneri debeat de denuntiatione, et denuntiare debeat?* — R. Negat., ratione scandali. Attamen « S. C. die 11. Maii 1707. declaravit, puellam sollicitatam in simplicitate constitutam, et absque notitia inhonestatis, teneri denuntiare confessarium sollicitantem, postquam compos effecta fuerit, et notitiam praeteritae sollicitationis acquisiverit ». Girald. l. c. pag. 641.

27. *An sollicitatus teneatur ad denuntiandum sollicitationem habitam a longo tempore, vel occultam, vel quae nequeat iuridice probari?* — R. Ad 1.<sup>um</sup> affirmative, ex aperta Declaratione Bened. XIV. B. Sacr. Poenit. § 2. L. 697. — Ad 2.<sup>um</sup> omnino affirmandum: secus enim gravissima ista lex prorsus inutilis esset, cum crimen hoc de se occultum sit. L. 696. — Ad 3.<sup>um</sup> « omnino affirmandum ». L. 695. Ratio, quia iuridica probatio hic non est necessaria.

28. *An sit denuntiandus confessarius sollicitans, si fuerit iam emendatus, vel indicatus ac punitus, vel defunctus?* — R. Ad 1.<sup>um</sup> Affirm. Idque absolute probabilius censet S. Alph. « Ratio, quia Pontifex magis, quam emendationem rei, eius punitionem intendit, ad damnum Ecclesiae reparandum, et ad resarciendum scandalum. Et ideo sancivit, denuntiationem fieri, nulla correctione fraterna praemissa (Decr. Alexandri VII. d. 8. Julii 1660.): quae utique praemittenda esset, si emendatio rei et non punitio intendenda principaliter esset. Ita Suarez, Bon., et plures cum Salm., qui hanc sententiam certe tenendam esse aiunt ». Lig. 686. Cf. etiam 701. Multi tamen apud eundem S. D. negant esse denuntiandum. « Ratio, quia finis denuntiationis est emendatio rei, et ablatio damni, quibus iam obtentis, cessante fine legis principali, cessat etiam lex naturalis denuntiationis, quae principaliter respicit emendationem; nec lex positiva eius ordinem invertere potest ». Ipsi Salmant. hanc sententiam a plurimis DD. defendi asseverant. Cf. Pignatelli, Noviss. Cons. Can. C. 177. par. *En autem*, seqq. « Finis legis denuntiationis, inquit Amort, non est emendatio personae particularis, sed securitas publica Sacramenti et animarum, castigatione certa tam abominabilis criminis, et ex metu indeclinabili omnium confessariorum incurrendi gravissima supplicia, etiam actu unico, aut semel tantum iterato, imo etiam indemnitas Ecclesiar., ne scilicet eiusmodi pestes ad officia publica subrepant, quo nihil est nocentius communi Ecclesiae bono ». De Poenit. disp. 10. § 1. qu. 19. Ratio autem, cur necessario praemittenda non sit fraterna correctio, est, quia haec « locum habet in denuntiatione evangelica, quae unice intendit emendationem fratris, non autem in denuntiatione iudiciali, quae primario punitionem intendit ad exemplum aliorum, et bonum publicum, quod bono fratris praevalet. At si sollicitatus fructum speraret ex monitione fraterna, tum fraterne corripere, tum denuntiare deberet; sic enim et correctionis naturale praeceptum, et simul positivum denuntiationis impleret ». Alasia n. 3. Cf. Benediet. XIV. De Synod. Diocl. l. 6. C. 11. n. 10.

Ad 2.<sup>um</sup> « Certum est, quod, si ipse delinquat iterum, postquam in primo crimine fuerit punitus, iterum denuntiari debet. Et idem dicendum, si de sollicitatione non fuerit plene convictus, quia tunc nec fuisset punitus. Dubium ergo est, si de eadem sollicitatione iam fuerit satis convictus, et punitus. Negant esse obligationem denuntiandi Acunna, etc. Sed longe probabilius affirmant Salm., etc. ». L. 637. Confirmatur ex S. I. C. 11. Maii 1661. ad 13.<sup>um</sup> « An sit denuntiandus confessarius, qui propter sollicitationem alterius abiuravit? — Censuerunt (Qualif.) opinionem negativam non esse probabilem, et ideo denuntiandum, quod etiam fuit resolutum die 26. Julii 1628. ». Abiuravit, « id est, qui ob aliam praecedentem sollicitationem comparuit coram Inquisitore, et abiuravit, nempe haeresim detestavit; cum enim abiuratio sit detestatio haeresis, aliquis in tantum abiurare debebat, in quantum erat haereticus vel de haeresi suspectus: et talis habebatur sollicitator, qui ideo debebat abiurare saltem ad cautelam; et si suspicio de haeresi erat levis; dicebatur abiurare de levi; si vehemens, abiurare de



vehementi. Diana, vol. V. de potest. Inquis. ». Scavini, nota. Animadvertendum praeterea est, quod in praecedenti Responsione ad 13.<sup>um</sup> 11. Febr. 1661. agitur de sollicitatione *alterius* poenitentis, ob quam abiuravit confessarius, non illius *eiusdem* poenitentis, ob cuius sollicitationem sponte comparuit. In alio vero Decreto 26. Julii 1628., citato in praedicta Responsione, uti illud Decretum habetur apud Albitium De Inconst. in Fid. Cap. 35. n. 50., statuitur *generatim* « sollicitatum teneri denunciare sollicitantem, quamvis scit, ipsum in Sancto Officio comparuisse ». Eodem generali sensu idem Decretum refertur a Giral. p. 641.

Ad 3.<sup>um</sup> « Negat probabilius, quia tunc cessat totalis finis legis, scilicet tam emendatio, quam punitio rei ». L. 692. Ita etiam Scavini q. 5. Pignat. Cons. 104. n. 14. par. *Poenitentis sollicitatae*. Et ita responsum est a S. I. C. 6. Mart. 1839., a S. Poenitent. 24. Apr. 1884.

29. *Cuinam, quomodo et quando facienda sit denuntiatio?* — Denuntiatio intra mensem, a tempore quo eius obligatio innouit, facienda est. S. C. S. Off. 10. Mart. 1677. L. 693. Cf. n. 36. Facienda autem est « Inquisitoribus sive locorum Ordinariis ». § 2. *Locorum*, i. e. loci, in quo versatur poenitens, etiam si poenitens et confessarius sollicitans ad aliam dioecesim pertinent. Ad loci Ordinarium vel Inquisitorem pertinet excipere iuratum denuntiationem, eamque transmittere ad Episcopum sacerdotis rei. In Instr. cit. n. 1. « rem, dicitur, ad Sanctam Sedem vel ad loci Ordinarium deferre debent ». Obligationi satisfacit, qui denuntiat huiusmodi delinquentes Supremo Tribunali Sacrae Romanae Universalis Inquisitionis. Pignatelli Noviss. Cons. Can. C. 117. par. *Ex parte vero*.

Denuntiationem etiam excipere possunt Vicarii Apostolici. Etenim dubium propositum est S. C. U. l.: « An Vicarii Apostolici absque speciali facultate possint accipere denuntiationes in materia sollicitationis ad turpia, et, an, eiusmodi denuntiationibus acceptis, teneantur eas ad S. Officium deferre? — R. Supplicandum SS.mo pro extensione ad omnes Vicarios Apostolicos Instructionis pro Vicario Apostolico Coercinae d. 1. Jun. 1775., cum addito, quod remittant ad S. Officium, per medium S. C. de Propag. Fide, in epistola clausa, nomina sollicitantium ». 20. Jun. 1882. Summus autem Pontifex Leo XIII. eadem die Decretum approbavit, et petitam extensionem concessit. Cf. Comment. de hac Const. n. 50. Ad Regulares quod spectat. Superiores Regulares denuntiationem hanc recipere non possunt, neque hanc causam cognoscere. Decr. Alex. VII. *Licet aliis* 8. Jul. 1660.

Cardinales vero, Episcopi et ipsi Inquisitores, qui sint vere delegati Sedis Apostolicae, in casu sollicitationis, si ea sit denuntianda, Cf. n. 1., denuntiandi sunt non Inquisitori vel Ordinario loci, sed S. Sedi, vel S. Congregationi Supr. et Univ. Inquis. « Si non possunt, vel immediate nolunt eos denuntiare Supremo Tribunali, tenentur eos denuntiare Inquisitoribus vel locorum Ordinariis, ut delictum innotescat S. Officio. Et quia obligatio denuntiandi non requirit in iudice, nisi facultatem recipiendi denuntiationes iuratas. Hoc enim sufficit, ut delictum S. Tribunali innotescat, ut postea secundum eius leges contra delinquentem procedatur ». Pignatelli Noviss. Cons. Can. C. 117. par. *Idemque*. Verum Inquisitores subdelegati, et Commissarii Inquisitoris Generalis, itemque Generales Ordinum Regularium, sollicitantes, denuntiandi sunt Inquisitoribus vel Episcopis ex B. Gregorii XV. et Benedicti XIV. « Regulares cuiuscunque dignitatis et praecminentiae, aut quovis privilegio et indulto muniti ». Ferraris l. c. nn. 42.-45., Alasia l. c. n. 3., Salmant. l. c. n. 31.

30. Ad modum vero quod attinet denuntiationis faciendae, haec cit. Instr. nn. 6.-8:

« 6. Denuntiationes anonymae contra sollicitantes ad turpia nullam vim habent: denuntiationes enim fieri debent *in iudicio*, nempe coram Episcopo iusto delegato cum interventu ecclesiastici viri, qui notarii partes teneat, et cum iuramento et cum expressione et subscriptione sui nominis: nec

sufficit si fiat per apochas, vel per litteras sine nomine et cognomine auctoris. Ceterum prohibetur, ne in recipiendis denuntiationibus praeter iudicem et notarium, virum utrumque ecclesiasticum, speciali et scripte exarata Episcopi deputatione munitum, testes intersint ».

« 7. Denuntiationis onus est personale, et ab ipsa persona sollicitata adimplendum. Verum, si gravissimis difficultatibus impediatur, quominus hoc perficere ipsa possit, tunc vel per se, vel per epistolam, vel per aliam personam sibi benevisam, suum adeat Ordinarium, vel Sanctam Sedem per Sacram Poenitentiarium, vel etiam per hanc Supremam Inquisitionem, expositis omnibus circumstantiis, et deinde se gerat iuxta instructionem, quam erit acceptura. Si vero necessitas urgeat, se gerat iuxta consilia et monita sui confessarii. Ast si nullo impedimento detenta denuntiationem omnino renuat, in hoc casu aliusque memoratis laudandus est confessarius, qui operam suam poenitenti non denegaverit, et vel Ordinarium vel Sanctam Sedem pro opportunis providentiis consuluerit, suppresso tamen poenitentis nomine. Formulas autem hisce in casibus adhibendas tradunt probati auctores, quos inter Pignatelli Consult. Canon. T. I. Cons. 104., Carona, Albitius, etc. ».

« 8. Non infrequenter occurrit casus, ut confessarius aliusque ecclesiasticus ab Episcopis (quorum utique haec potestas est) deputetur ad denuntiationes recipiendas in re ad sollicitationis crimen spectante, absque interventu notarii. Qui ad hoc gravissimum munus viri maxime idonei destinantur, de actu denuntiationis iudiciaria ratione assumendo instrui debent, ac moneri, ut statim a recepta denuntiatione eam continuo ad ipsum Episcopum, a quo fuerunt deputati, caute transmittant, neque confecti actus exemplum vel vestigium aliquod sibi retineant. Atque in hunc fere modum haud difficile denuntiandi munus adimpletur. Profecto a locorum Ordinariis efficiendum est, ne ad loca suae iurisdictioni subiecta applicare oporteat, quod pro missionibus Pernambuco in America, die 22. Jun. an. 1627, declaratum fuit. Mulieres videlicet sollicitas non teneri ad denuntiationem, si ministri Inquisitionis et Vicarii Episcopi in longinquis regionibus degentes sine gravi incommodo adiri nequeant ».

Quod si mulier neque ad hoc induci potest, ut denuntiationem in scriptis, et cum iuramento faciat confessario, ad id deputato, iuxta Decretum Inq. Rom. iussu Urbani VIII. 27. Sept. 1624., Ferraris l. c. n. 10., voluit idem Pontifex, « quod ad S. Sedem recurratur pro opportuno remedio, et interim non absolvatur talis poenitens, utpote indisposita ». Ferraris 58., Lig. 695.

31. *De falso denuntiationis crimine.* — « Et quoniam improbi quidam homines reperiuntur, qui vel odio, vel ira, vel alia indigna causa commoti, vel aliorum impiis suasionibus, aut promissis, aut blanditiis, aut minis, aut alio quovis modo incitati, tremendo Dei iudicio posthabito et Ecclesiarum auctoritate contempta, innocuos sacerdotes apud Ecclesiasticos iudices falso sollicitationis insimulant: Ut igitur tam nefaria audacia, et tam detestabile facinus metu magnitudinis poenae coercatur; quaecumque persona, quae execrabili huiusmodi flagitio se inquinaverit, vel per seipsam innocentes confessarios impie calumniando, vel seclési praecrando, ut id ab aliis fiat, a quocumque sacerdote, quovis privilegio, auctoritate et dignitate munito, praeterquam a Nobis, Nostrisque Successoribus, nisi in fine vitae et excepto mortis articulo, spe absolutionis obtinendae, quam Nobis et successoribus praedictis reservamus, perpetuo careat ». § 3.

Praesens casus reservatus, papalis est, sed sine censura. Reservatio praeterea poenalis est. « Advertunt Salm. (suasionem) intelligi de suasionem efficaci, ita ut ipsa sit causa iniustae denuntiationis secutae. Addunt intelligi, nisi suasio ante executionem denuntiationis efficaciter revocetur ». L. 693. Agitur autem, non de qualibet falsa denuntiatione, sed de denuntiatione iuridica, h. e. apud ecclesiasticos iudices tacta, apud nempe Ordinarium loci, vel Inquisitorem. — Cf. Salmant. Append. Tr. VI. C. 6. nn. 230.-232.

Tradunt communiter DD. facile fidem adhibendam non esse hac in re mulieribus: cum non raro ex odio, invidia, zelotypia innocentes sacerdotes calumniantur. Hinc movent iudicium nonnisi maturo examine ferendum, et tum confessario tum Superiori circumstantiae pensandae omnes rerum et personarum. Quare antequam confessarius denuntiationis onus poenitenti imponat, iuverit nonnunquam cognoscere, quatenam sit huiusmodi mulier, et quipiam sacerdos de quo agatur, ad eum a calumnia liberandum. Salmant. l. c. n. 105., Ferrar. l. c. n. 57., Petr. Rota Enchirid. nn. 245. 246. 248. 381.

*De absolutione complicitis.* — In Const. Bened. XIV. *Sacr. Poenit.* agitur praeterea de complicitis absolutione, de eius illicitate, et invaliditate, necnon de excommunicatione in absolventem lata. De his gradatim dicemus.

32. *Illicitas et invaliditas absolutionis complicitis.* — Haec Bened. XIV. C. cit. § 4. et 5.: « Omnibus et singulis sacerdotibus, tam saecularibus quam regularibus cuiuscumque ordinis, ac dignitatis, tametsi aliquin ad confessiones excipiendas approbatis, et quovis privilegio et indulto, etiam speciali expressione, et specialissima nota, et mentione digno suffultis, Auctoritate apostolica, et Nostrae potestatis plenitudine interdicimus et prohibemus, ne aliquis eorum, extra casum extremae necessitatis, nimirum in ipsius mortis articulo, et deficiente tunc quocumque alio sacerdote, qui confessarii munus obire possit, Confessionem Sacramentalem personae complicitis in peccato turpi, atque inhonesto, contra sextum Decalogi praeceptum commissio, excipere audeat, sublata propterea illi ipso iure, quacumque auctoritate et iurisdictione ad qualemcumque personam ab huiusmodi culpa absolvendam; adeo quidem, ut absolutio, si quam impertierit, nulla, atque irrita omnino sit, tanquam impertita a sacerdote, qui iurisdictione, ac facultate ad valide absolvendum necessaria privatus existit, quam ei per praesentes has nostras adimere intendimus; et nihilominus, si quis confessarius secus facere ausus fuerit, maioris quoque excommunicationis poenam, a qua absolvi potestatem Nobis solis, Nostrisque Successoribus dumtaxat reservamus, ipso facto incurrat. — Declarantes etiam, et decernentes, quod nec etiam in vim cuiuscumque *Iubilaei*, aut etiam *Bullae*, quae appellatur *Cruciatae Sanctae*, aut alterius cuiuslibet *Indulti*, confessionem dicti complicitis huiusmodi quisquam valeat excipere, hae sacramentalem absolutionem elargiri; cum ad hunc effectum, et in hoc casu, nullus confessarius, utpote qui in huiusmodi peccati, et poenitentis genere, iurisdictione, ut praefertur, careat, et absolvi facultate a Nobis privatus existat, habendus sit pro confessario legitimo et approbato. Non obstantibus Constitutionibus et Ordinationibus Apostolicis, praesertim quae nuncupantur *Cruciatae Sanctae*, vel *Iubilaei Universalis*, et plenarii, nec non quibusvis... Statutis, et Consuetudinibus, Privilegiis quoque, *Indultis*, et Litteris Apostolicis... Quibus omnibus... hac vice dumtaxat specialiter, et expresse derogamus, ceterisque contrariis quibuscumque ».

33. *Interdicimus et prohibemus*, etc. Duo hic sunt apprime distinguenda, *illicitas* et *invaliditas* absolutionis. Absolutio complicitis illicita semper erit *extra casum extremae necessitatis, nimirum in ipsius mortis articulo, et deficiente tunc quocumque alio confessario, qui confessarii munus obire possit*. Invalida vero semper erit praeter mortis articulum. In articulo mortis valida semper erit, etiam citra necessitatem. Sic enim Bened. XIV. C. *Apostolici*, mentem suam declaravit circa huiusmodi necessitatis casum. 1.<sup>o</sup> Ita interdictur et prohibetur complicem audire et absolvere in praedicto mortis articulo, « ut si alius aliquis sacerdos non deluerit, etiamsi forte iste alius simplex tantummodo sacerdos fuerit, sive alias ad confessiones audiendas non approbatus, possit nihilominus ipse sacerdos simplex confessionem excipere ac absolutionem impertire ». 2.<sup>o</sup> « Si casus urgentis qualitas, et concurrentes circumstantiae, quae vitari non possint, eiusmodi fuerint, ut alius sacerdos ad audiendam constitutae in dicto articulo personae confessionem vocari, aut accedere sine gravi aliqua exoritura infamia, vel scandalo nequeat; tunc alium sacerdotem perinde haberi, censerique posse ac si revera



abesset, atque deficeret: ac proinde in eo rerum statu, non prohiberi socio criminis sacerdoti absolutionem poenitenti ab eo quoque crimine impertiri. Sciatur autem complex eiusmodi sacerdos, et serio animadvertat, fore se re ipsa coram Deo, qui irrideri non potest, reum gravis adversus praedictam nostram Const. inobedientiae, latisque in ea poenis obnoxium, si praedictae infamiae, aut scandali pericula sibi ultro ipse coningat, ubi non sunt: imo intelligat teneri se graviter huiusmodi pericula, quantum in se erit, antevertere vel removere opportunis adhibitis mediis, unde fiat, ut alteri cuius sacerdoti locus pateat illius confessionis, absque ullius infamia, vel scandalo, audiendae ».

3.<sup>o</sup> « Quod si idem sacerdos, aut quovis modo sese nulla gravi necessitate compulsus, ingesserit, aut, ubi infamiae vel scandali periculum timetur, si alterius sacerdotis opera requirenda sit, ipse, ad id periculum avertendum, congrua media adhibere de industria neglexerit, atque ita personae in dicto crimine complices, eoque in articulo, ut praefertur, constitutae Sacramentali Confessionem excipere, ab eoque crimine absolutionem largiri, nulla, sicut praemittitur, necessaria causa cogente, praesumpserit: quamvis huiusmodi absolutio *valida* futura sit, dummodo ex parte poenitentis dispositiones a Christo Domino ad Sacramenti poenitentiam valorem requisitae non defuerint: non intendimus enim pro formidando mortis articulo eidem sacerdoti, quantumvis indigno, necessariam iurisdictionem auferre, ne hac ipsa occasione aliquis pereat: nihilominus sacerdos ipse violatae, ausu eiusmodi temerario, legis poenas nequaquam effugiet; ac propterea latam in dicta Constitutione maiorem excommunicationem, eodemque plane modo, quo ibidem decernitur, Nobis, et huic Sanctae Sedi reservatam, incurrit ».

34. *An si sacerdos complex, stante necessitate, in mortis articulo complices confessionem incipiat audire, et alter adveniat sacerdos, inceptam confessionem explere possit?* — R. Affirm. « Ratio est, quia quando audire inceptum, id per Pontificem, iurisdictionem illi dantem, licebat: iurisdicatio autem haec per adventum alterius non expirat: quia nimirum confessio, pro qua collata iurisdicatio est, cum coepta solum ponatur, nondum est integra, seu perfecta ». Ithur. Cas. 49. n. 17.

35. *An sacerdos complex, si complices confessionem incipiat audire in articulo mortis, stante necessitate, possit deinde, transacto mortis periculo, confessionem perficere et absolvere?* — R. Affirm. Ratio eadem est, ac in praecedenti casu. Etenim « quando confessionem audire inceptum, id tantum iurisdictione a Pontifice habita facere potuit. Atqui iurisdicatio valens tempore inchoatae confessionis perdurat donec poenitens absolvatur; nam collata est pro confessione peragenda: non agitur autem confessio, nisi ad complementum deducatur. Sicut enim morte delegantis non cessat iurisdicatio relative ad ea, quae iam sunt incepta, ut ex iur. can. constat; ita etiam in foro interno ob rationis paritatem, tamdiu iurisdicatio permanere censetur, quamdiu confessio inchoata per absolutionem completa non fuerit. Alia ratio desumitur ex incommodo maximo, quod sequeretur, si poenitens confessionem apud alium iterare deberet, hoc enim quam maxime ab Ecclesiae benignitate alienum est ». Gur. Cas. 630., Ithur. Cas. 49. nn. 21. 22. Cf. etiam. n. 23.

36. *An sacerdos complex, complice in mortis articulo absoluto, urgente necessitate, eius deinde confessionem, illo periculo transacto, ratione integritatis perficere possit?* — « Distinguendum est: vel poenitens peccata complicitatis omnia nuntiis sufficienter expressit, vel non. Si prius, sacerdos complex confessionem ratione integritatis perficere potest; secus non potest. Ratio primi est, quia per absolutionem validam peccata complicitatis *directi* remissa sunt, adeoque ipsa complicitas *directe* destructa est, et sacerdos complex sicut alius quilibet ab aliis peccatis absolvere potest. Peccata enim illa non sunt amplius materia confessionis necessaria, sed materia libera tantum, sicut peccata venialia, aut mortalia iam patefacta. Ergo iam non

existunt ratione obligationis confessionis. Ergo ruptum est complicitatis vinculum, seu desit complicitas perinde ac si nunquam exstisset. Ratio secundi est, quia tunc adhuc perdurat complicitatis vinculum: peccata enim reliqua non nisi *indirecte* remissa sunt, utpote in confessione omissa. Ergo illa peccata remanent materia confessionis necessaria. Ergo non corrumpitur complicitatis ratio, sed contra corrumpitur iurisdictio ». Gur. Cas. 632., Ithur. Cas. 49. nn. 19. 20.

37. *An complex compliceum absolvere possit non solum in articulo, verum etiam in periculo mortis?* — Praenota: *Articulus* mortis in hoc distinguitur a *periculo* mortis, quod articulus mortis proximitatem certam, periculum mortem instantem *probabilem* denotet.

R. Affirm. Ratio extrinseca est, quia *articulus* mortis et *periculum* mortis ex iure canonico, et communissima theologorum sententia, et confessoriorum praxi, aequiparantur omnino in ordine ad Sacramenta Poenitentiae, Eucharistiae et Extremae Unctionis recipienda. Ratio vero intrinseca est, quia eadem fere est, moraliter loquendo, infirmi necessitas; unde, *ne pereat*. Ecclesia sacerdotibus omnibus iurisditionem confert pro mortis articulo, etiamsi de sacerdote complice compliceum absolvente agatur; uti aperte constat ex Const. Bened. XIV. *Apostolici muneris*. Ithur. Cas. 49. nn. 4.-10., Salm. Append. Tr. VI. de B. S. Cruc. C. nn. 260. 261.

38. *Nota: Idem dicendum, etiamsi periculum mortis fuerit prudenter quidem, sed falso existimatum.* Ithur. Cas. 49. nn. 11.-15. Cum enim difficile aliquando sit distinguere verum et reale periculum a periculo tantum existimato et apparenti: omnibus absolute datur iurisdictio pro mortis articulo seu periculo prudenter existimato, *ne quis pereat*.

39. *Quid si moribundus alteri quam sacerdoti socio peccati nolit confiteri?* — R. In isto casu absolvi potest a sacerdote complice, si sit aliunde dispositus, *ne scilicet pereat*, aut periclitetur ». Gousset Theol. mor. T. 2. n. 489. — Idem dicendum est, si sacerdos alius advocatus nolit venire, vel praesens iam nolit confessionem audire. Ratio, quia tunc idem est ac si non esset copia alterius confessarii. Salmant. 253.

40. *Confessionem sacramentalem personae compliceis in peccato turpi etc.* Complicitas haec tunc habetur, cum adest duorum pluriumve *exterius, vicissim* seu *mutuo* declarata consensio, concordia, conspiratio *in peccatum turpe* atque inhonestum, *mortiferum* illud quidem, contra 6.<sup>um</sup> Decalogi praeceptum, quamvis non consummatum per copulam. Ithur. Cas. 41. nn. 22. 23., Cas. 51. nn. 10. et seqq., Salm. l. c. nn. 281. et seqq. *Exterius*, complicitas sane haberi nequit sine actu externo. *Mortale*, nam S. Pontifex loquitur de peccato quod sacramentali absolutione *necessario* delendum sit. *Mortale* vero intelligitur tum ratione actus interni, tum ratione operis exterioris. Quare praefata lex locum non habet ubi de peccatis tantum gravibus, sed dubiis, sive dubium sit iuris, sive sit facti, vel de simpliciter venialibus agitur, vel de venialibus tantum quoad actum externum, licet alteruter, vel uterque interne graviter peccaverit. Quanta vero imprudentia sit et temeritas, ob periculum scandali, confessarium compliceum adire, etiamsi agatur de venialibus tantum in hac materia eidem confessorio complici manifestantis, nemo est qui non videat. Ithur. Cas. 51. nn. 10. et seqq., Cas. 54., Salm. nn. 215. 277. 280. *Vicissim seu mutuo*. Ergo « 1.<sup>o</sup> si sacerdos occasionem nactus ex somno, vel ebrietate, femina aliqua ad libidinem explendam uteretur, non propterea iurisditionem ad illam absolvendam amitteret; quia cum tam ebria, quam dormiens peccando impares sint; neutra complex formaliter haberetur, utraque licet materialiter socia criminis in peccato contra sextum praeceptum a sacerdote patrato dici possent... 2.<sup>o</sup> Si sacerdos aliquis per summum nefas induceret feminam ad credendum, peccato prorsus vacare, si turpiter ab ipso tangi se sineret, eaque ab illo decepta bona fide ab se turpiter tangi pateretur, quin formale in se peccatum

admitteret; nec complex esset, et posset sese subicere sacramentali eiusdem sacerdotis iudicio pro absolutione non a venereo, a quo immune eam ponimus, sed ab aliis peccatis obtinenda ». Ithur. Cas. 41. nn. 25. 26., Alasia l. c. n. 6. Complicitas item non adest, de qua in hac lege, si mulier, cum qua sacerdos peccat, licet interius consentiat, exterius tamen resistat. Ithur. l. c. n. 23., Alasia l. c. « Nomine autem peccati turpis venit omne peccatum externum grave contra sextum praeceptum, licet sit solus factus, sive colloquium, ut certe dicendum sentio cum pluribus doctis ». Ratio quia « verba Bullae: *In peccato turpi atque inhonesto contra sextum praeceptum*, quaecumque peccata turpia sine dubio comprehendunt » Lig. 554., Alasia l. c. n. 2. Verum plures sunt, inter quos Amort de Poenitent. d. X., et Ithur. Cas. 51. n. 9. et Cas. 54., qui negant a Pontifice comprehendendi etiam colloquia turpia. Attamen S. C. Univers. Inquisitionis declaravit feria IV. d. 28. Maii 1873. « prohibitionem absolvendi complicem in materia turpi... comprehendendi nedum factus, verum omnia peccata gravia et exteriori commissi contra castitatem, etiam illa, quae consistant in meris colloquiis, et adspectibus, qui complicitatem important ».

41. *An praedicta complicitas comprehendat peccatum turpe confessarii cum criminoso socio, commissum etiam antequam sacris ordinibus fuerit initiatus?* — R. Affirm. Ratio est, quia S. Pontifex indefinite omnino loquitur de peccato commissio cum complice, neque illud restringit ad peccatum commissum ab ipso confessario, habente iam facultatem confessiones audiendi, vel iam in sacris constituto. Ithur. Cas. 47. nn. 2.-6., Alasia l. c. n. 2., Gury Cas. 635. 638.

42. *Sublata propterea illi, etc.* Quaestio hic movetur: An valida sit absolutio saltem aliorum peccatorum, si poenitens fuerit in bona fide, ut fit quoties de peccatis reservatis agitur? — R. Affirm. Ratio, quia in Bulla iurisdictionis quidem adimitur confessario, sed confessario complice, quoad poenitentem complicem, et, quod potissimum est, ab huiusmodi culpa, in huiusmodi peccati genere. Ergo non ab aliis, non in aliis. Confirmatur ex seq. Decis. S. Poenit. 16. Maii. 1877. « Privationem iurisdictionis absolvendi complicem in peccato turpi, et adnexam excommunicationem, quatenus confessarium illum absolverit, esse in ordine ad ipsam peccatum turpe, in quod idem confessarius complex fuit ».

43. *An error communis iurisdictionem suppleat, quando absolutio complici indebite impertitur?* — R. Negat. Ratio, quia « Ecclesia, per errorem communem suppleudo iurisdictionem, intendit consulere non aliquibus tantum, qui decepti putarent iurisdictionem huic sacerdoti inesse, sed multitudini hominum, communi persuasionem id ipsum falso existimantium. Hinc error supplens iurisdictionem respicit multitudinem, cui Ecclesia favere intendit; non vero respicit paucos, praesertim cum lex eos punire velit, actus eorum irritando. Atqui, ubi agitur de complice absolvendo, duo tantum intersunt, confessarius scilicet et complex, quos Const. Benedictina vult punire. Ergo privilegium in errore communi fundatum, nihil prorsus validitati absolutionis a complice impertitae suffragari potest ». Gur. Cas. 637. 636., Ithur. Cas. 51. n. 26., Cas. 47. nn. 10. 11.

44. *Quid si confessarius complicem inadvertenter absolveret?* — Plures affirmant absolutionem valere. Et sic Alasia n. 3. ait: « Si inadvertenter absolvat, valet absolutio, quum sublata sit iurisdictionis sacerdoti, qui confessionem sacramentalem personae complicitis in peccato turpi... excipere audeat: qui autem inadvertenter absolvit, confessionem personae complicitis excipere non audeat. Consentit et altera Constitutio, quae praesumptionem et temerarium ausum requirit. Ergo si ignorantia fuerit tantum crassa et supina, non vero affectata, absolutio valebit ». Plures e contra negant absolutionem valere. Duo enim distinguenda sunt in B. Bened. XIV., iurisdictionis ademptio et poena excommunicationis. Haec quidem tum in B. Sacram.



*poenit.* tum in Const. *Apost. regim.* fertur contra *audentes et praesumes*: illa vero confessario complici simpliciter adimitur, uti constat ex ipso tenore Bullae. Unde constat, ademptionem iurisdictionis non tanquam poenam proprie constitui, sed tanquam legem irritantem ad periculum averendum, ne sacerdos complex, complicem absolvere *audet*, et ad removendam a sacri tribunalis sanctitate omnem *turpitudinis occasionem*, et *Sacramentorum contemptum*, ut dicitur ibid. initio § 4. Hinc absolutio invalida erit quoad ipsum complicitatis peccatum, valida vero quoad alia peccata, si poenitens sit in bona fide, secundum dicta.

45. *An sacerdos dubitans, utrum poenitens sit eius complex, illum absolvere possit?* — R. Affirmat. Gury Cas. 619. Ratio: « quia durum est valde, immo durissimum sacerdotem adigere ad se prodendum, et turpitudinem suam manifestandum cum ingenti honoris iactura. Nec praesumendum est, prudentem legislatorem voluisse reum iurisdictione privare cum tanto dubio circa rem ex una parte, et tanto famae detrimento ex altera. Igitur casus praesens recidere videtur in quaestionem iurisdictionis dubiae, in qua stante gravi causa probabilius absolvere licet ». Si vero aliud esset dubium, dubium nempe esset, an confessiones antea factae fuerint validae, et poenitens generalem institueret confessionem, « si non invalida, » ait Alasia l. c. 10. 2., saltem illicita erit confessio ».

46. *An sacerdos complex iurisdictionem habeat in peccatum complicitatis per contritionem perfectam iam deletum, vel indirecte tantum per claves iam remissum, quia e. g. eius oblitus fuerit poenitens in confessione alteri facta?* — R. Negative. Ratio, quia ex Bened. XIV. confessarius privatus simpliciter est iurisdictione necessaria ad illius complicitatis peccati remissionem per claves necessario obtinendam. Ithur. Cas. 48. nn. 2. 7. 8. 11.-16., Gury Cas. 625., Alasia l. c. n. 2.

47. *An sacerdos complex iurisdictione carcat in peccatum complicitatis, etiam directe iam remissum?* — R. Negat. Ratio, quia peccatum illud non est amplius materia necessaria confessionis, sed libera.

48. *An confessarius complex complicem absolvere possit vi saltem aliquius privilegii, vel Jubilaei?* — R. Negat. Constat ex Const. Bened. XIV. § 5. Notandum autem hic est, quod invalide absolvit poenitentem, « qui vi privilegii posset absolvi a quocumque peccato summo Pontifici reservato, quia hoc peccatum non est reservatum; cum quilibet confessarius non complex ab eo possit absolvere. Ex quo consequitur, confessarium, habentem potestatem absolvendi a casibus Summo Pontifici reservatis, non posse complicem absolvere ». Alasia l. c. n. 2.

49. *An sacerdos petens facultatem, ut aliquis sacerdos complicem absolcat, proprium complicem ipsemet absolvere queat? An Episcopus concedere possit facultatem hanc complicem suum absolvendi?* — R. Ad 1.<sup>um</sup> Affirmative. « Ratio est, quia facultas absolvendi complicem postulata est in genere pro aliquo sacerdote. Ergo tam valere debet pro ipso oratore, quam pro alio: etenim, dum Superior seu Pontifex potestatem hanc pro aliquo sacerdote concedit, eam sane concedere intendit, si quis hac licentia indiget, quicumque sit ille. Insuper, necesse non est, ut cognoscat eum, qui absolvere debet. Saettler, c. 2. min. poenit. c. 2. quaer. 8. » G. Cas. 607. — R. Ad 2.<sup>um</sup> Negative. Ratio est, quia lex prohibens, ne sacerdos complicem absolvat, est lex generalis Ecclesiae et gravissimi momenti. Porro Episcopi nequeunt dispensare in legibus Ecclesiae generalibus auctoritate propria, nisi in casibus minoris momenti, et in praxi frequenter occurrentibus. Constat etiam tum ex praxi Ecclesiae, quae Episcopis, petentibus facultatem absolvendi complices, ex Indulto particulari pro quibusdam casibus numero paucis concedere solet: tum praesertim ex Const. *Apostolicae Sedis*, qua casus ille speciali modo, imo iuxta Decretum S. Inquis. 17. Jan. 1866. *specialissimo modo* Papae reservatur... Attamen obtinent nonnunquam Epi-

scopi, ut dictum est, peculiare facultates a S. Sede, quas utrum, quomodo et quando possint inferioribus confessariis communicare ex verbis Indulti iudicandum est ». G. Cas. 643.

50. *Et nihilominus, si quis confessarius secus facere ausus fuerit, maioris quoque excommuni. poenam, etc...* § 4. Porro huiusmodi poena retinetur in C. Apostolica Sedis, eaque ampliatur. Non enim excommunicatione fertur in *audentes absolvere*, sed in simpliciter « absolventes complicem in peccato turpi, etiam in mortis articulo, si alius sacerdos, licet non approbatus ad confessiones, sine gravi aliqua exorbitata infamia et scandalo, possit excipere morientis confessionem ». *Absolventes*, non ergo satis est confessionem dumtaxat audire, quin absolvatur. Confessarii tamen, fingentes et simulantes absolutionem complicitis in peccato turpi, non effugiunt excommunicationem. S. Poenit. 1. Martii 1878, S. O. 16 Dec. 1883... *Complicem*, nempe formalem, adeoque mutuo consensu, ex utraque parte exterius manifestato. *In peccato turpi*, nempe 1.<sup>o</sup> contra sextum Decalogi praeceptum; 2.<sup>o</sup> formali; nam, si alteruter peccaverit materialiter tantum, complice diei non potest; 3.<sup>o</sup> externo; 4.<sup>o</sup> gravi ex utraque parte, non modo in ratione actus interni, sed etiam in ratione actus externi; 5.<sup>o</sup> *directe* iam ab alio confessario non absoluto. *Etiam in mortis articulo*, a fortiori extra. *Si alius sacerdos licet non approbatus*, universalitas istius clausulae ita exprimitur in B. *Sacram. Poenit.* « deficiente tunc quocumque alio sacerdote, qui confessarii munus obire possit ». Hinc suspensus, vel etiam excommunicatus complici praeferendus est, *per se loquendo*. Dicitur *per se loquendo*, quia secus esset, si infamia et scandalum sequeretur. G. Cas. 626, 627. Non desunt tamen qui putant suspensum vel excommunicatum notorium, *per se* praeferendum non esse confessario complici, cum Pontificiae Constitutiones loquantur de « alio sacerdote, licet non approbato ad confessiones », qua clausula nonnisi simplices sacerdotes, nondum ad confessiones approbati, sensu obvio et communi ratione loquendi, intelliguntur. *In mortis articulo*, seu periculo, h. e. non solum tunc, cum mors est certo secutura, verum etiam tunc, quum *probabiliter* tantum est secutura.

51. *An censuram eradat sacerdos complices, qui citra necessitatem complicitis confessionem audiat in articulo mortis, si antequam absolvat facti cum poeniteat, deinde vero absolvit ob circumstantiam inchoatae confessionis?* — R. Negant auctor Cas. Conse. Bonon. Ann. 1759, mens. Maii, Cas. 2. Tom. 2., aliique. Ratio, quia nulla erat initio confessionis iurisdictio confessarii, cum non fuerit iuridice incepta, et nulla remanet in eius prosecutione. Neque vero alia est necessitas absolutionem impertiendi, quam mortis articulus, deficiente alio confessario, vel urgente scandali et infamiae periculo. Alii vero affirmant. Etenim « 1.<sup>o</sup> Non incurrit poenam pro sola confessione incepta, quia non incurritur illa poena, nisi confessio absolutione compleatur. 2.<sup>o</sup> Neque incurrisset absolvendo post mutatam voluntatem in melius, et contritionem de eo peccato elicitam; nam nemo incurrit excommunicationem per actum, qui ex una parte omitti amplius non potest, et ex altera parte omni culpa caret, immo factus obligatorius. Etenim tunc incurritur excommunicatio, quando sine ulla necessitate (scandali et infamiae vitandae) absolutio a complice impertitur. At confessarius, audita poenitentis confessione, eum absolvere cogitur; ergo excommunicationem non incurrit ». G. Cas. 628., Ithur. Cas. 50. nn. 25, 26.

## DE LECTIONE LIBRORUM PROHIBITORUM

1. *Quotuplex librorum prohibitio?* — Prohibitio librorum alia est iure naturali, alia iure positivo. Lectio librorum, e. g. falsam religionem tradentium, rerum superstitiosarum, lascivarum, et quaecumque virtutem oppugnantium, aut vitium defendentium, *per se loquendo*, iure naturali prohibetur.

Ratio, quia lectio horum librorum, per se loquendo, periculum habet annexum perversionis. Nisi igitur talis lectio fiat a viris doctis, et ex honesta intentione hos libros impugnandi, extirpandi, etc., peccaminosa erit pro rata periculi perversionis. Struggl. Tr. 4. q. 2. n. 25.

2. *Ecclesiae potestas.* — Nullum dubium est, quod Ecclesia potestatem habeat libros noxios prohibendi. Iam vero «prohibere libros per totum orbem spectat ad Summum Pontificem, et pro ipso ad S. Congregationem. Episcopi autem et Inquisitores possunt libros prohibere in territorio proprio», etiam sub poena censurae subeundae. S. Alph. n. 290. Idque sane constat ex mandato Leonis XII., addito decreto S. Congregationis, 26. Mart. 1825. Idem recentius confirmavit Pius IX. 24. Aug. 1864., qui iussit, ut Episcopi hac in re «etiam tanquam Apostolicae Sedis Delegati procedant». Eandem potestatem habent Praelati Regulares pro suis subditis. Verum huiusmodi potestas libros prohibendi parochis minime competit, cum non habeant iurisdictionem in foro externo. Cf. Scav. Tr. 8. D. 1. c. 3. art. 3. q. 1., Ithur. Cas. 39. n. 1.-7., Bouix de Cur. Rom. P. 2. S. 3. C. 1.-4.

3. *Index librorum prohibitorum.* — Praefata potestate, ut semper antehac usa est, ita utitur adhuc Ecclesia, *Indice confecto* librorum prohibitorum, quae prohibitio omnes obligat fideles, uti constat ex litteris Bened. XIV. *Quae ad Catholicas*, 23. Dec. 1757. Cf. Bouix l. c. C. 5. 6. 7. — Speciatim autem Indicem librorum prohibitorum obligare etiam in Galliis plura et nova confirmant monumenta, quae videri possunt apud Scav. l. c. q. 1. in nota adiecta: Bouix l. c. C. 9. 10. — Notandum vero est, quod plures adsunt Indicis praescriptiones, ob impossibilitatem eas observandi, vel ob universalem iam consuetudinem contrariam minime obligantes. Bouix l. c. C. 8. — *Index librorum prohibitorum* varias habuit vices. Utimur hodie Indice recognito ed edito iussu Benedicti XIV. a. 1758., cuius aliae deinceps factae sunt editiones, additis aliis libris postea proscriptis. — *Indicis* duae sunt partes. In 1.<sup>a</sup> p. habentur leges et decreta quaedam generalia; in 2.<sup>a</sup> catalogus habetur librorum *nominatim* proscriptorum. — Cf. Bouix l. c. C. 5.

4. *Quinam sunt libri, qui Ecclesiae prohibitioni subiiciuntur?* — «Nulli libri damnandi, nisi qui vel haeretici sunt, vel de haeretica pravitata suspecti, vel certe moribus et pietati nocent». Ita Pius IV. Const. *Dominici Gregis*. — Iam vero, si quando quaestio aliqua nimia animorum contentione inter catholicos scriptores exagitur, solet Ecclesia hinc inde silentium imponere, quod si violeturn, librum editum ideo prohibet sub clausula: *ob transgressionem impositi silentii*. Hoc porro adhuc est, fidem et mores et pietatem tueri, cum inutiles illae quaestiones et scandala excitent, et animos dividant, et schisma foveant: nocet sane liber paci ac concordiae. Cf. Ithur. Cas. 39. n. 38. Quos autem *legere*, eosdem et *retinere* Ecclesia prohibet Regg. Ind.

5. *Quotuplicis generis sunt libri in Indice prohibiti?* — Libri in Indice prohibiti alii nominatim sunt prohibiti, alii generalibus regulis, quae initio Indicis reperiuntur. Horum triplex est classis. 1.<sup>a</sup> classis libros continet editos vel edendos haeresiarcharum et haeticorum. *Haeresiarchae* dicuntur quotquot haereses aut primi invenerunt, aut ab aliis olim inventas suscitaverunt, aut haeticorum capita seu duces sunt vel fuerunt. Et quoniam horum libri *in auctorum odium*, h. e. ad eorundem memoriam abolendam prohibiti sunt, ut sic facilius fideles ab eorum sequela avertantur, neque ab horum vel bonis libris, ad pessimos eorundem libros legendos, incaute alliciantur, subiacent iidem libri prohibitioni, licet nullam haeresim aut errorem contineant, nec de Religione argumentum instituunt. *Haetici* vero utcumque, neque vero haeresiarchae, dicuntur ii, qui vel ex haeretica secta originem trahentes errores eiusdem sectae profitentur, vel alias de haeresi convicti fuerunt aut eam confessi, vel haeresim saltem profitentur.



Horum autem libri, non omnes prohibiti sunt, sed si errores fidei adversos propugnent, vel de Religione ex professo tractent. Dicitur de *Religione*, i. e. de rebus sacris, puta de Sacris Libris, de Fide, de Theologia, aliisque id genus rebus: *ex professo*, non ergo per transennam. — Continet 2.<sup>a</sup> classis libros alios cuiusvis auctoris, qui prohibentur vel ob haeresim, vel ob falsi dogmatis suspicionem, aliumve errorem, censura Theologica dignum, vel quia paci et caritati christianae, christiano pudori, et universim bonis moribus adversantur. — 3.<sup>a</sup> classis libros complectitur editos sine nomine auctoris, qui pravam continent doctrinam. — C. *Apostolicae Sedis*. Regg. Ind., Monitum S. Congr. editum d. 4. Mart. 1828., Scav. q. 9., Ithur. Cas. 39. n. 8-10., S. Alph. n. 289.

6. *Nota*: Libri sine nomine auctoris hodie non habentur prohibiti, si pravam non continent doctrinam, nec in Indice relati sunt. Secus vero ad 1.<sup>am</sup> vel 2.<sup>am</sup> classem pro eorum pravitate revocantur. Scav. l. c., Ithur. l. c. — « Qui ad primam classem spectant ipso iure vetantur, sana licet sit, quam continent, doctrina, nequid in Indice sint relati: contra alii qui in posteriore classe locantur, etiamsi doctrinam minus sanam continent, non antea eorumdem lectio per Indicis legem interdicitur, quam in eo speciatim signati referantur ». Ithur. l. c. n. 11. — Excipe tamen 1.<sup>o</sup> libros magicos, qui « prorsus reiiciuntur », Reg. 9. — Excipe 2.<sup>o</sup> Thalmudicos, Cabalisticos, aliosque nefarios Hebraeorum libros qui « omnino damnati et prohibiti maneant et censeantur »; adde librum Magazor Hebraeorum « quavis alia vulgari lingua, praeterquam hebraea, editum ». Observat. Ad reg. 4. et 9. Clement. VIII. iussu factae. — 3.<sup>o</sup> Prohibetur lectio Scripturae Sacrae *in vulgari lingua*, eo rigore, ut « qui absque facultate ea legere seu habere praesumpserit, nisi prius Bibliis Ordinario redditis, peccatorum absolutionem percipere non possit ». Reg. 4. Hanc autem facultatem concedere possunt Episcopi aut Inquisitores, et Praelati Regulares pro suis subditis. — 4.<sup>o</sup> « Libri qui res lascivas... *ex professo* tractant... omnino prohibentur... Antiqui vero ab Ethnicis conscripti, propter sermonis elegantiam et proprietatem permittuntur; nulla tamen ratione pueris praelegendi erunt ». Reg. 7. — 5.<sup>o</sup> Excipiendi sunt Carbonariorum catechismi, statuta, codices, et libri illi, in quibus ab ipsis describuntur, quae in eorum conventibus geri solent, vel ad eorum defensionem exarati, sive typis editi, sive manuscripti. Pius VII. C. *Ecclesium* § 11., 13. Sept. 1821. — 6.<sup>o</sup> tandem libros omnes excipo, qui prohibentur « decretis de libris prohibitis, nec in Indice nominatim expressis », quae in quatuor paragraphos tribuuntur. Quaedam in vigore amplius non sunt. Attamen. Additione novissima ad postremam Indicis librorum prohibitorum editionem an. 1881., declaratur, « tum Regulas Indicis S. Synodi Tridentinae iussu editas, tum reliqua subsequencia additamenta firma et in suo robore permanere, iis tantum exceptis, quae binis articulis Constitutionis *Apostolicae Sedis* minime congruunt », nempe art. 2.<sup>o</sup> 1.<sup>ae</sup> seriei, et art. qui habetur par. *Practer hos*, Bouix l. c. C. 6. 9. 11., Scav. Tract. de Fide vers. fin., S. Alph. nn. 288. 289.

7. *Insuper notandum est* 1.<sup>o</sup> Veterum haeresiarcharum libros, qui inter opera Patrum recensentur, hodie legere non prohibetur. Errores enim sunt iam obsoleti, et multa adsunt scitu utilia et necessaria. Lugo de F. D. 21, n. 29. — Excipienda item sunt « nonnulla opera de Religione tractantia, edita ab heterodoxis, quae communi consensu innoxia sunt, quandoque etiam rei christianae et catholicae utilia » Perrone de Fide n. 617. — 2.<sup>o</sup> Cum non constet utrum ab haeretico liber scriptus sit, an a catholico, ab hoc potius scriptum esse tenendum: favores enim ampliandi. — 3.<sup>o</sup> « Si Bibliorum versiones vulgari lingua fuerint ab Apostolica Sede approbatae, aut editae cum annotationibus desumptis ex sanctis Ecclesiae Patribus, vel ex doctis catholicisque viris, conceduntur ». Decr. Sac. Congr. Ind. 13. Jun. 1757, et 23. Jan. 1836. Eadem Sacra Congr. ad quaesitum: « Utrum permittenda impressio versionis Antiqui et Novi Testamenti exarata per Rev. Antonium

Martini sine textu latino, et sine notis », respondit: « Negative ». Quod pari ratione dicendum est, etsi una cum versione adsit latinus textus, sed sine notis. Illae vero Bibliorum partes, quae in libris spiritualibus leguntur ex recepta consuetudine et tacita superiorum approbatione permittuntur, si tamen versio catholica sit. Animadvertendum item hic est prohiberi, « Biblia sacra *haereticorum opera* impressa, vel eorundem Annotationibus, Argumentis Summariis, Scholiis et Indicibus aucta ». Decret. de lib. prohib., nec in Ind. nom. express. § 1. n. 3. — 4.<sup>o</sup> Libri vero, de controversiis fidei inter catholicos et haereticos vulgari idiomate disserentes, vi regulae 6.<sup>ae</sup> minime prohibentur. Ea enim regula et ad tempus illud refertur, quo scribebatur, ex clausula illa: *nostri temporis*, et eos ipso facto non *prohibet*, sed normam tantum exhibet, quae *permittitur*, quod a prohibitione, ipso facto lata, bene diversum est. Idque etiam attendendum est in aliis Indicis regulis. Etenim, si eadem prorsus res esset *prohibere*, et normam dare *permittendi* librorum lectionem, distinctio haec omnino inutilis et frustranea esset.

8. *An libri prohibiti, eodem pacto semper prohibiti sint*, quocumque vertantur idiomate, *etiamsi haec clausula explicite non apponatur?* — R. Affirm. Constat ex Instruct. Clement. VIII. De prohib. libr. § VI., Ithur. Cas. 39. n. 39.

9. *An legi et retineri queant libri prohibiti cum clausula*, donec corrigantur. — R. Negat. Constat ex regulis Indicis, ex cit. Instruct. Clem. VIII. De correct. libr., et ex prop. 45.<sup>a</sup> damn. ab Alexand. VII. « Libri prohibiti donec expurgentur possunt retineri, usque dum adhibita diligentia corrigantur ».

10. *Nota*: Huiusmodi *expurgatio*, ut liber iterum edatur, fieri nequit auctoritate privata, uti constat ex regg. Ind. et cit. Instr. Clem. VIII. Facta autem correctione, editiones emendatae permittuntur; non emendatae vero proscriptae manent. Cf. annotationes Secretarii ad varias editiones Indicis libr. prohibiti. initio. Nihilominus, secundum quod iam supra notatum est, cessat generatim prohibitio, si eam partem, quae prohibitioni causam dedit, detraxeris, vel deleveris: si tamen liber proscriptus non fuerit in odium auctoris, vel quia tractat ex professo de religione. S. Alph. n. 283.

11. *An haereticorum libri, neque erronei, neque de Religione tractantes, permittantur?* — R. Affirm. modo « iussu Episcoporum et Inquisitorum examinati et approbati ». Reg. 2. Ind. Verum huiusmodi clausula, quae in Regg. Indicis quoad plures librorum classes apponitur, in pluribus regionibus hodie amplius non viget. In tanta enim librorum evulgatione impossibile fere est, ut de libris omnibus Episcopi iudicium ferant. Quare si positive liber damnatus ab Episcopo loci non fuerit, vel a SS. CC. in Indicem relatus, haberi potest tanquam permissus *iure positivo*. Si tamen liber editus, quamvis sine Ordinarii approbatione, pravus sit, Ordinarii tanquam pastoris, gravis est obligatio, pro casus particularis circumstantiis et exigentia, vocem attollere, ut gregem suum arceat a lupis rapacibus.

12. *An fideles, salva conscientia, legere possint ephemerides, vel libros qui censuram Ordinarii non subierunt?* — R. « Recurrant ad confessarium ». S. C. Inquis. 1832. In hac autem re tam periculosa, et in qua tantopere advigilant Summi Pontifices « expedit ordinarie rigidiores opiniones sequi ». S. Alph. Append. De libror. prohibiti. C. 5. n. 8. Idem post S. Alph. commississime tradunt theologi.

13. *An legi possint libri prohibiti, cessante periculo perversiois et scandali?* — Quidem affirmant, quia cessante fine legis cessat lex. Sed negandum ob oppositam rationem, cum in hoc non cesset omnino finis legis, qui est « non solum ut vitetur damnum conscientiarum ex lectione pravorum librorum, sed etiam ut servetur obedientia Ecclesiae in materia tam periculosa; et ne detur ansa haereticis vel malis scriptoribus perniciosam typis demandandi ». S. Alph. l. 1. n. 199. l. 7. n. 297., Scav. l. c. q. 4. Adde

insuper, et validius, non cessare periculum universale pro aliis, et periculum hallucinationis pro seipso. Ithur. Cas. 39. n. 24.-26.

14. *An legi possint libri prohibiti ad fidem defendendum?* — R. Negat., nisi licentia statim haberi non possit, et grave sit fidei periculum in mora. Cf. Ithur. Cas. 39. n. 27., S. Alph. l. 7. n. 283., Scay., etc.

15. *An liceat prohibitos libros propria auctoritate comburere?* — R. Julius III. in B. *Cum meditator*, et Pius IV. C. *Dominici grecis*, districte praecipiunt, adeoque sub gravi, libros huiusmodi Inquisitoribus vel Episcopis tradere quam primum. Hinc Ithur. Cas. 39. n. 41. «dicendum, ait, existimo licere nemini auctoritate propria flammis id genus libros devovere». Huius legis ratio est, ut Superiores sciant, quae fidelibus propinentur venena, et antidotum praeparent. *Quam primum*, h. e. intra unum vel alterum diem, vel etiam longius tempus, si quis opportunam expectaret occasionem ad eos Superiori tradendum, vel etiam alteri habenti licentiam, ut usu receptum est. Verum affirmant Jos. D'Ann. Com. in C. *Apost. Sed.* n. 37., alique apud S. Alph. n. 299., et talis certe hodie est plurimum locorum praxis.

16. *A quo licentiam legendi libros Indice prohibitos est impetranda?* — A solo Romano Pontifice, vel a Congregationibus S. Officii aut Indicis licentia impetranda est; nam illius est permittere, cuius est vetare. Hoc ius omnibus Episcopis dabat Instructio Clem. VIII. 1598., sed illud postea ipsis sublatum est per Gregorium XV. C. *Apostolatus officium* 1622., innovata ab Urbano VIII. 1631. C. pariter incipiente, *Apostolatus officium*. Cf. Bouix l. c. C. 11., S. Alph. n. 299., Scavini l. c. q. 3.

17. *De impressione librorum.* — Regula 10.<sup>a</sup> Indicis praecipit, uti servetur quod in Conc. Lateran. sub Leone X. statutum est. Quare universim subiicit praeviae approbationi Ordinarii libros omnes edendos. Approbatio autem in scriptis data in fronte libri authenticae apparere debet. Verum, consuetudine recepta, libri iam Ordinarii approbationi non subiiciuntur, nisi religionem, h. e. fidem et mores respiciant. Immo olim degentibus in ditione Pontificia vetitum erat libros de quavis materia tractantes imprimere, vel imprimi facere sine licentia Censoris Ecclesiastici. Urb. VIII. per decret. S. U. l. 3. Oct. 1625.; hodie vero ex Encycl. Pii IX. 2. Jun. 1848. illos duntaxat, qui *morales, aut religiosi argumenti sunt*. Comprehendit autem S. Pontifex tum libros, tum *ephemerides*, de tali argumento tractantes, et addit: «in ceteris vero ita tantum articuli, qui simile argumentum habeant, vel causam ipsam Religionis, aut morum honestatis proxime attingant», sine praevia et ecclesiastica censura edi nequeunt. In libris autem narrantibus miracula vel revelationes viri, mortui sanctitatis fama, praemitti debet protestatio, qua quis solam fidem humanam miraculis narratis petat, donec S. Sedes aliud decernat. Urbanus VIII. Decr. 13. Mart. 1625., 5. Jun. 1631. La-Croix l. 3. P. 1. n. 17., l. 7. n. 381. seqq. Cf. De Const. *Apost. Sed.* n. 49.

§ III. n. 12. Decretorum De libris prohibitis, initio Indicis, dicitur: «Indulgentiarum libri omnes, Diaria, Summaria, libelli, folia, etc., in quibus earum concessionibus continentur non edantur absque licentia S. C. Indulg.». Porro S. C. Indulg. 22. Jan. 1858. declaravit, hunc articulum «ita esse intelligendum, et in praxim deducendum, ut, si agatur de edenda concessione alicuius indulgentiae, vel Summarii indulgentiarum, quod ex Brevi Apost. vel Rescripto desumendum est, aut de Summario ex auctoritate Sacrae Congregationis iam vulgato, in potestate Ordinarii sit licentiam concedere earundem indulgentiarum concessionibus typis imprimendi, dummodo pro aliquo elencho non sit specialis et expressa prohibitio; e contra vero si sit sermo de Summario vel antea collecto, sed nunquam approbato, vel nunc primum ex diversis concessionibus colligendo, requiritur expressa S. C. Indulg. licentia». Exceptio autem facta est ab eadem S. C. Indulg. 8. Januarii 1861. pro saecularium Christifidelium Archiconfraternitatibus et Con-



gregationibus ac pro Ordinibus religiosis, alias Confraternitates et Congregationes erigentibus et sibi aggregantibus, « ut Societati aggregatae ab Ordine. Instituto, seu Archiconfraternitate aggregante, tradi possit separatim et distincte a formula, ac etiam typis impressus elenchus indulgentiarum et privilegiorum ab Ordinario tamen loci recognitus: cuius impressio in hunc tantum finem permittitur, etiamsi indulgentiarum concessionem sint depromptae ex pluribus Brevibus, etc. ». — Missionarii tandem in locis Missionum libros, edere non possunt sine expressa licentia S. C. de P. F. Cf. Enchir. Mor. N. 982.

## DE IRREGULARITATE

1. *Quid sit irregularitas?* — Irregularitas definitur: impedimentum canonicum, quo quis directe et primario interdicatur a susceptione ordinum ac consequenter ab eorum usu. *Impedimentum*, h. e. inhabilitas quaedam ad ordines debito honore et reverentia suscipiendos et exercendos. Quare irregularitas censura non est. Non est enim propria poena, sed mere impedimentum et inhabilitas. Et si quando feratur etiam per modum poenae; ea medicinalis non est, sed mere punitiva. C. *Quaerenti* 20. *De Verb. Sign.*, L. 341. *Canonicum*, impedimenta enim, quas nos ordinibus prohibent, quaedam naturali iure constant, ut in mutis: quaedam iure divino, ut in foeminis: quaedam denique iure canonico, ut in spuris. Iam vero non ex illis, neque ex istis, sed ex his proprie irregularitates consistunt. C. *Is, qui* 18. *De Sent. ecc.* in 6.<sup>o</sup> Ex prioribus *impotentia* potius et *incapacitas*, quam *impedimentum* habetur. Irregularitas tamen saepe latius accipitur etiam pro inhabilitate proprie tali. *Quo directe et primario interdicatur a susceptione ordinum*: hinc irregularitas distinguitur ab *excommunicatione*, quae directe privat communione fidelium: ab interdicto, quod directo privat divinis officiis: a suspensione, quae directe privat functionibus ordinis. *Interdicatur a susceptione*, h. e. a licita tantum susceptione ordinum: quare collati valent C. *Innotuit nobis* 3. *De eo qui furto*. Consequenter ab eorum usu prohibet, nempe exercitio maiorum ordinum. C. *Henricus* 2. *De Cleric. pae.*, C. *Quaesitum* 17. *de Temp. Ordin.* Et sane absolum esset impune ordinem exercere, quem quis suscipere prohibetur. *Maiorum*, quia minores hodie a laicis etiam exerceri solent. L. 342.

2. *Resolves*: 1.<sup>o</sup> Irregularis, quamvis *illicite*, *valide* tamen absolvit. *Illicite*, quia exercet ordinem, a quo prohibitus est: *valide* quia absolvere est actus iurisdictionis, quam irregularitas per se non prohibet. « Irregularitas *nullo modo* privat iis actionibus, quae non requirunt exercitium ordinis, et quas etiam laici exercere possunt, ut recipere sacramenta, officia canere, sicut et conferre beneficia, quia haec spectant ad usum iurisdictionis, non ordinis: item matrimonio assistere, vel licentiam assistendi alteri praebere, dispensare in votis, absolvere a censuris, dare facultatem audiendi confessiones ». L. 342. — 2.<sup>o</sup> « Graviter peccat, qui in irregularitate exercet actum ordinis, aut suscipit, licet ordines ei collati sint validi... Et sic etiam peccat graviter irregularis suscipiens primam tonsuram ». L. 342. Irregularitas enim inhabilem reddit etiam ad primam tonsuram. Nam frustra ad ordines praeparatur, qui ab ordinibus prohibetur. — 3.<sup>o</sup> Ut ceterae leges inhabilitantes, ita irregularitas ipso iure, et ante omnem iudicis sententiam inhabilem reddit, tametsi lata videatur verbis futuri temporis, v. g. *erit irregularis*. At si verba requirant officium iudicis, magis suspensio quam irregularitas intelligitur. Itemque quoties in iure canonico quis ordinum usu et exercitio duntaxat prohibetur, potius *suspensio*, quam *irregularitas* intelligitur.

3. *Nota*: « Certum est, quod nulla incurritur irregularitas, nisi in iure sit expressa. C. *Is qui*, *De Sent. ecc.* in 6. .... Huius autem iuris nomine

veniunt tantum decreta Pontificis, sive Concilii a Papa approbati, non autem aliorum, nec venit consuetudo.... Hinc inferitur ad incurrendam irregularitatem non valere argumentum a simili, nec a maiori ad minus, ut communiter docent » L. 345. Atque hinc patet irregularitatem *proprie* eam tantum esse, quae ex positivo iure constituitur. Illa quae est ex naturali iure potius naturalis quaedam indignitas est, quam irregularitas. Promiscue tamen saepe usurpantur.

4. *Quotuplex sit irregularitas.* — Duplex est irregularitas: alia, quae provenit ex *delicto*; alia *ex defectu* aliquo inculpabili. Alia item *totalis* est, quae reddit inhabilem ad omnem ordinem suscipiendum, atque ad omne ordinis iam suscepti exercitium, v. g. homicidium, bigamia; alia *partialis*, quae aliquo tantum ordinis ministerio, vel solo ascensu ad ordinem superiorem, v. g. sacerdos carens oculis vel palma inhabilis est ad missam, non tamen ad confessiones audiendas, et diaconus sinistro oculo carens inhabilis est ad sacerdotium, in suo tamen ordine ministrare potest. Praeterea alia est *ad tempus*, ut defectus aetatis, alia *perpetua*, quae amplius non potest auferri, ut esset amissio oculi. L. 341. Porro irregularitas illa, quae est *totalis* et *perpetua*, *proprie* et perfecte irregularitas est.

5. *An irregularitas beneficiis etiam privet?* — R. 1.<sup>a</sup> Negat. quoad beneficium simplex, quod nullum importet ordinis sacri exercitium; nam nulla tunc adest privationis ratio. — 2.<sup>a</sup> Affirm. quoad beneficium obtinendum, cui adnexum sit officium, quo defungi irregularis non licet. Beneficium enim datur propter officium; atqui irregularis est inhabilis ad officium, cum non possit ordinem exercere. Ergo licite saltem beneficium recipere non potest. *Licite saltem*, nam si ei collatum fuerit, probabile est collationem valere, atque ideo postquam irregularis possessionem eius coeperit, si onera beneficii per alium impleat, fructus suos facit, quod vel ipse Suarez, et S. Alph. contrariae sententiae tanquam probabilioris patroni non diffidentur. Ratio, quia non sunt imponendae poenae, nisi in iure sint expressae, nullibi autem habetur expressum, quod irregularitas reddat hominem incapacem beneficii. L. 343. — 3.<sup>a</sup> Quoad beneficium vero ante irregularitatem iam *obtentum*, quod exercitium ordinis sacri requirat, si irregularitas provenit ex defectu infirmitatis, non est dubium quin possit beneficium retineri, si per alium onera impleantur. C. *Ex parte De Cler. aegr.* Si vero sit ex delicto privari debet per iudicis sententiam; et interim, licet ipse non privetur ipso facto, C. *Ex litteris De Excess. Praelat.*, tenetur tamen petere dispensationem. At si eam non petit, vel non possit obtinere, tenetur beneficium renuntiare. Ratio, quia si non potest licite beneficii oneribus satisfacere, neque potest licite illud retinere. Hanc tamen renuntiationem differre poterit, si laboret magna inopia, et alium iam delegaverit pro adimplendis beneficii oneribus. Sic communiter ius interpretantur. L. 342, 343., Scav. 574, 575.

6. *Quid statuendum de illo, qui dubitat de irregularitate incursa?* 1.<sup>a</sup> Tenetur sub gravi rem prius explorare, nisi forte ex mora inquirendi grave damnum sequi possit. Agitur enim de gravi Ecclesiae lege propter honorem et reverentiam sacramento ordinis debitam. — 2.<sup>a</sup> Debita diligentia adhibita, si dubium adhuc perseverat, *generatim loquendo* non est habendus ut irregularis, sive dubium sit negativum, sive sit positivum; sive sit facti, sive sit iuris. C. *Is qui* 18. *De Sent. ecc.* in 6.<sup>a</sup> Ratio, odia sunt restringenda; et nemo in dubio spoliandus iure suo. — 3.<sup>a</sup> Dicitur *generatim loquendo*, quia, ut verius tenendum asserit S. Alph. cum communi, excipitur dubium de homicidio (non de mutilatione); talis enim casus expresse declaratur in iure. Hoc tamen intellige, si quis certus sit de homicidio secuto, et solum dubitet, an actione sua fuerit illius causa. Imo observant id tantum valere pro clericis; et iuxta plures pro solis sacerdotibus, et solum quoad missae celebrationem, quia de hoc tantum loquitur ius: ne si forte deinde certe homicida noscatur, cum scandalo populi inveniat celebrasse. C. *Petitio tua* 24. *De Hom.* L. 346, 347, 371., Scav. 573.

7. *Quomodo tollatur irregularitas?* — 1.<sup>o</sup> Quatuor modis tolli potest irregularitas. 1.<sup>o</sup> Per cessationem causae, si irregularitas sit ex defectu e. g. aetatis, ignorantiae, etc., 2.<sup>o</sup> per baptismum, si irregularitas sit ex delicto, 3.<sup>o</sup> per dispensationem, 4.<sup>o</sup> per professionem religiosam. — 2.<sup>o</sup> Irregularitas tollitur hac vel simili forma: Dispenso tecum super irregularitate, vel irregularitatibus, *si sint plures*, in quam vel in quas, ob talem causam vel tales causas, *eas exprimens*, incurristi. Cf. Rit. Rom. *De Sac. Poenit.* Confessarius in nullis irregularitatibus potest dispensare, nisi habeat specialem facultatem. Episcopus potest ex Trid. S. 24. C. 6. dispensare in irregularitatibus provenientibus ex delicto occulto, nisi tamen sit voluntarium homicidium. Possunt generatim regulares ex variis privilegiis dispensare in iisdem irregularitatibus, in quibus possunt episcopi dispensare. Summus Pontifex in omni irregularitate dispensat ecclesiastici iuris. Pro foro externo recurrendum est ad S. Datar., pro foro interno ad S. Poenit. Bened. XIV. *C. Pastor.* — L. 332.-355. 396., Scav. 590. 591.

8. *Quid requiratur ad incurrendam irregularitatem ex delicto?* — Ut incurratur irregularitas ex delicto actus humanus esse debet. 1.<sup>o</sup> *externus*: haec enim irregularitas est poena in foro externo. 2.<sup>o</sup> *mortaliter malus*; quia est poena gravis, cui non congruit culpa levis. 3.<sup>o</sup> *plene consummatus*: odia enim sunt restringenda. L. 348. Minime vero requiritur, quod crimen sit publicum. Sed irregularitas incurritur ob crimen etiam occultum. Trid. S. 24. C. *Licet* 6., L. 349. An vero requiratur scientia legis Ecclesiae prohibentis? Sententia communissima et probabilior affirmat. L. 350. An etiam requiratur scientia *poenae*, seu irregularitatis? Controvertitur; et satis probabiliter affirmandum. L. 351. Irregularitas autem non habetur ex quovis delicto, licet enormi, sed ex delictis tantum *in Jure* constitutis, videlicet ex sequentibus.

9. *Ex mala susceptione baptismi* irregularis est, qui baptizatur ab haeretico declarato sine ulla necessitate: eius enim errori videtur communicare. C. *Ventum est* 18. Caus. 1. q. 1. Insuper qui differt baptizari usque ad mortis periculum, nam infirmæ fidei signum est. C. *Si quis* un. Dist. 57.

10. *Ex iteratione baptismi* fit irregularis qui rebaptizatur, C. *Confirmandum* 65. Dist. 50: acolythus qui ministrat rebaptizanti, C. *Ex litterarum* 2. *De Apost.*: adeoque et qui rebaptizat, ut habet communis sententia. L. 356. Sed opus est baptismo: 1.<sup>o</sup> *vero ac perfecto*: ideo non contrahitur, si quid ei desit seu materia seu forma, seu intentio susipientis vel conferentis; atque ideo nec si alteruter conditionem apposuerit, si non sum, vel non es baptizatus, licet is qui conditionem adhibet non ignoret revera collatum, et rite collatum fuisse baptismum; 2.<sup>o</sup> *notorio*, utroque, dato et iterato, ac *solemni*, C. *Ex litterarum* 2. *De Apost.*: ibi enim dicitur « Si publicum est quod proponitur ». *Publicum* multi *notorium*, multi *solemne* interpretantur. Ergo res dubia est, quandiu non adfuerit utrumque. Haec autem irregularitas prohibet a sola ordinum susceptione, a iam susceptorum exercitio non prohibet. Ignorantia vero culpabilis ab ea non excusat. C. *Quibus* 197. *De Consecr.* Dist. 4., secus si inculpabilis. — L. 356.

11. *Ob exercitium ordinis*: 1.<sup>o</sup> irregularis fit *clericus*, qui scienter et solemniter exercet *ordinem sacrum*, quem non habet. C. *Si quis* 1. C. *Ex litteris* 2. *De Cler. non ord. min.* — 2.<sup>o</sup> Is qui exercuit ordinem, quem non habet, potest ab Episcopo post biennium restitui in exercitio ordinis ultimi suscepti, et in beneficiis institui. C. *cit.* 2. — Quare irregularitatem hanc incurrit clericus non diaconus evangelium canens cum stola, vel si non sacerdos absolute sacramentaliter, etc.; 2.<sup>o</sup> E contrario irregularitatem non incurrit laicus exercens actum ordinis quem non habet. Neque irregularitatem incurrit sacerdos simplex excipiendo confessiones, quia hic revera exercet actum ordinis, quem iam habet, licet careat iurisdictione. Unde peccat, sed non incurrit irregularitatem. Propter eandem rationem peccat quidem,



sed non incurrit irregularitatem diaconus sine delegatione presbyteri extra casum necessitatis solemniter baptizans. L. 359., l. C. n. 116.

12. *Violatio censurae* — 1.<sup>o</sup> Ob censurae violationem irregularis fit, qui *ordinem sacrum*, quem habet, exercet, dum est irretitus excommunicatione *maiori*, vel interdicto, aut suspensione, quibus ordinum exercitio prohibetur, dummodo, tamen id faciat *scienter* et *serio*, ac *solemniter*. — 2.<sup>o</sup> Hanc irregularitatem incurrit etiam sacerdos, qui sacrum facit in loco interdicto. C. *Is qui* 18. *De Sent. ecc.* in 6. §. 1. — 3.<sup>o</sup> Hanc etiam irregularitatem incurrit ex communi sententia episcopus vel sacerdos censuratus cogens alium ad celebrandum coram se, ex C. *Tanta* 18. *De Ecc. Prael.* et ex C. *Illud* 5. *De Cler. ecc. min.* L. 175. 358., Suarez D. 12. S. 1. n. 5. seqq. Alii tamen hanc irregularitatem negant. Diana P. 4. Tr. 2. R. 57., Suarez D. 34. S. 4. n. 17.

13. *Resolves*: Irregularitatem hanc non incurrit qui actum ordinum maiorum exercet, sed non solemniter, i. e. diaconus sine stola, subdiaconus sine manipulo; nec qui exercet actum ordinum minorum etsi ex officio et solemniter, nec qui concionatur, aut actum exercet iurisdictionis, ut si episcopus excommunicet, et parochus assistat matrimonio, secus vero si matrimonio solemniter benediceret, itemque neque qui celebrat in Ecclesia polluta, neque qui cant in choro officium, nisi sit canonicus hebdomadarius, solemniter in choro cantans *Domine cobiscum*. L. 358.

14. *Ex mala ordinum susceptione* plures quidem recensentur a theologis et canonistis irregularitates. Irregulares nempe sunt: 1.<sup>o</sup> qui ordinantur ab episcopo excommunicato, suspenso, interdicto, haeretico, schismatico, simoniaco. L. 358. — 2.<sup>o</sup> Qui ordinem suscipit ab episcopo, qui renunciavit episcopatu quoad locum et quoad dignitatem. Navarr. Man. Confess. n. 241. — 3.<sup>o</sup> Qui censurae obnoxii ordinem recipiunt. Cf. L. 1.6. n. 799. par. *Utrum*. — 4.<sup>o</sup> Qui post matrimonium contractum ante consummationem ordinem sacrum recipit, uxore invita. L. 361. — 5.<sup>o</sup> Qui ordinatur a suo episcopo in aliena diocesi. — 6.<sup>o</sup> Qui ordinatur furtive, nempe episcopo nesciente, non approbante, ab eo non examinante. L. 361. — 7.<sup>o</sup> Qui ordinatur per saltum. Cf. L. 360. — 8.<sup>o</sup> Qui sine titulo maiores recipit ordines. — 9.<sup>o</sup> Qui uno eodemque die recipit plures ordines, quorum unus sacer est. L. 361., l. 6. n. 796. 797., Navarr. l. c. — Verum hic canonistae et theologi irregularitatem cum suspensione permiscet. Quatenus habetur, antiquo iure, suspensio constituta, ea in praesenti non viget, nisi re-novata inveniatur in C. *Apostolicis Sedis* de censura. Ad irregularitatem autem quod spectat, cum ea saltem valde dubia sit, et quoad poenas in obscuris quod minimum est tenendum est, quoad irregularitates certo iure constare debent, affirmanda sane non est. Cf. Suarez D. 31. S. 1., D. 42. S. 3.

15. *Ex iniusta membri mutilatione* 1.<sup>o</sup> irregularitas habetur, si quis nempe *gravi culpa* mutilet sive seipsum, sive alium. C. 3. 4. 5. *De Corp. vit.*, Clem. *Si furiosus* un. *De Hom.* L. 365. 379. 388. — 2.<sup>o</sup> Communissime et probabilius dicunt nomine *membra* intelligi tantum partes illas corporis, quae proprium officium habent, ab aliis distinctum, ut manus, pes, oculus. *Mutilatio* autem intelligitur hic, quando praedictum membrum a corpore separatur. L. 365. 379. — 3.<sup>o</sup> In hac irregularitate propter mutilationem bene possunt dispensare episcopi, si sit occultus et ex delicto, ex facultate Trid. S. 24. C. *Liceat*. C., ubi tantum excipitur irregularitas ob homicidium voluntarium. L. 381.

16. *Resolves*: 1.<sup>o</sup> Non fit irregularis, qui in rixa praescindit alteri digitum, pollicem, unguem, dentes, barbam, capillos, quia proprie membra non sunt. L. 378. 379. — 2.<sup>o</sup> Nec fit irregularis, qui excaecavit hominem solo visu privando, non autem oculum extrahendo; nec qui debilitat tantum membrum, et non abscindit, quia non est mutilatio. L. 380. 382. — 3.<sup>o</sup> Qui aliquid tantum *sibi* abscidit fit irregularis *ob saevitiam*, licet mem-

bri partem. v. g. digitum, imo digiti partem absciderit. C. *Si quis* 4. 7., C. *Qui partem* 6. Dist. 55., C. *Ex parte* 3. C. *Significavit* 4., C. *Ex parte* 5., *De Corp. vit. ord. vel non*. L. 365. 379. 415.-419.

17. *De homicidio*. — 1.<sup>o</sup> Triplici modo hac in re homicidium contingere potest, iuste, casualiter, iniuste. — 2.<sup>o</sup> Pro homicidio *iusto* nulla incurrit irregularitas, cum tunc nulla habeatur culpa. L. 382. 388. 389. — 3. Pro homicidio *casuali* nulla etiam incurrit irregularitas, sive rei licitae sive rei illicitae operam dando, illud eveniat. Ratio est, quia tale homicidium tunc non est voluntarium. Iura autem irregularitatem statuunt ex homicidio intendunt punire vere delinquentes homicidii culpa. Clem. *Si furiosus* un. *De Hom.* Excipe *primo*, si actio sit licita, sed effectus praevideatur, et sufficiens non adhibeatur diligentia ad illud praecavendum, tanta nempe quae excuset a peccato gravi. L. 366. 377. 382. 383.-386. *Secundo*, si actio illicita sit et communiter *periculosa* mortis: quamvis omnis adhibeatur diligentia, ne mors praevisa sequatur, quia cum opus sit de se proxime periculosum, nulla diligentia potest non periculosum fieri. L. 386. 387. — 4.<sup>o</sup> Si homicidium sit *iniustum*, sive directe volitum in se, sive indirecte volitum in causa, inseparabiliter, et proxime cum homicidio coniuncta, irregularitas incurritur. C. *Si quis* 1. *De Hom.* Trid. S. 14. C. 7. L. 365. — 5.<sup>o</sup> Irregularitatem incurrunt omnes, qui propria actione hominem occidunt. C. *Si quis* 1. *De Hom.* Trid. S. 14. C. 7. L. 367. 368. 369. Itemque irregularitatem incurrunt omnes homicidium mandantes, vel consulentes, in homicidium vere influentes, alii quoque quoquo modo efficaciter et positive cooperantes. C. *Si quis viduum* 8. Dist. 50., C. *Significasti* 18. *De Hom.*, C. *Sicut* 6. e. t., L. 370.-376. — 6.<sup>o</sup> Irregularitas per homicidium contracta tollitur per baptismum, vel potius deleta per baptismum peccato, irregularitas non habetur, C. *Si quis* Dist. 50., et per dispensationem Summi Pontificis, L. 390. Episcopi autem, si homicidium fuerit voluntarium, nullo modo possunt dispensare, in irregularitate, etiamsi illud fuerit occultum. Trid. S. 24 C. *Licet* 6., S. 14. C. 7. L. 391. 392. Si vero homicidium fuerit casuale, valde probabile est posse episcopos dispensare in irregularitate ex eo contracta, quando crimen fuerit occultum, cum Conc. in d. cap. *Licet* neget episcopis facultatem dispensandi tantum, si homicidium fuerit voluntarium, ad distinctionem casualis. L. 393. Praeterea communissime docent, quod possunt dispensare episcopi in irregularitate ex homicidio casuali, etiam notorio ad suscipiendos ordines minores, et beneficia simplicia; quia id iam poterant episcopi de iure antiquo. Trid. autem tantum reservavit irregularitatem ex homicidio voluntario, non vero casuali publico. L. 393. 394. 395. Quoad praelatos regulares Cf. S. Alph. 336.

18. *Resolvens*: 1.<sup>o</sup> « Certum est, quod si quis lethaliter quantumcumque vulneret, si mors non sequitur, irregularitatem non incurrit: quia nulla assignatur in iure propter conatum occisionis, sed tantum propter homicidium aut mutilationem ». L. 368. — 2. Mandans vel consulens in dubio, an mandatum vel consilium fuerit vel non efficax causa homicidii irregularitatem non incurrit, quia irregularitas non incurritur, nisi expressa sit in iure, iura autem loquuntur de iis, qui certe sunt causa homicidii, mandando vel consulendo, vel qui dubie homicidium committunt, non autem de iis, qui tantum dubie ad illud concurrunt. L. 371. — 3.<sup>o</sup> « Qui alium occidit ob defensionem », cum moderamine inculpatae tutelae certum est quod excusatur ab irregularitate, ut patet ex C. *Significasti* 18. § fin. *De Hom.* et ex Clem. *Si facinus*, sed tit. ... Excusatur etiam ab irregularitate qui occidit iniustum invasorem alterius innocentis, ... quia irregularitas ex homicidio privato non incurritur nisi cum peccato mortali ». L. 388. Hinc neque incurritur irregularitas, si alter iniuste occidatur ab defensionem libertatis, honoris, pudicitiae, vel honorum temporalium cum moderamine inculpatae tutelae. L. 389. Neque irregularis evadit medicus, si casu infirmus ex pharmaco praestito decedat, sine gravi medici negligentia. C. *Ad aures* *De Aet.*

et qual. ord. L. 384. — 4.<sup>a</sup> Irregulares fiunt « omnes qui ad homicidium se excitant, quamvis unus solus occidat: omnes qui praeliantur in bello iniusto, si aliquis in eo occidatur, etiamsi hoc non intendat; tunc enim saltem incurrunt irregularitatem homicidii casualis; omnes qui ministrant arma aut pecunias ad homicidium, aut bellum iniustum patrandum; omnes qui iniuste accusant, aut testificantur, aut iudicant, ut homo occidatur; omnes qui associantur occisorem animum augendo ». L. 374. 459. Irregularis fit qui procurat abortum foetus animati anima rationali, secus si animatus non sit. C. *Maiores* 32. q. 2.

19. *De irregularitatibus ex defectu.* — Cum huiusmodi irregularitates non *ex delicto*, sed *ex defectu* repetantur, nihil interest utrum exoriantur ex culpa propria vel aliena, sponte vel ex metu commissa, ante vel post baptismum, cum cognitione vel cum ignorantia positiva legis Ecclesiae; vel etiam contractae sint citra omnem culpam. Non quilibet autem defectus, sed defectus tantum in iure notati irregularitatem inducunt, iique sequentes sunt.

20. *Ex defectu natalium* 1.<sup>o</sup> irregulares sunt omnes illegitimi, quos constat esse illegitimos, eo quod ratione originis reputentur viles. Quare irregulares non sunt expositi, neque illegitimi, de quibus illegitimitas *iure* non constat. L. 432., A. S. S. V. 1. p. 352. C. 1. et fin. *De Fd. Presb.* — 2.<sup>o</sup> Tales autem communi iure legitimantur *primo* per subsequens matrimonium inter eorum parentes, modo hi tempore conceptionis et valde probabiliter tempore natiuitatis matrimonium valide contrahere potuerint. C. *Tanta Qui fil. sint leg.* L. 420. 423. — Filii autem nati ex matrimonio irritato ob aliquod impedimentum occultum, tamen putato valido, saltem ex uno sponsorum, censentur legitimi. C. *Cum inter* 2. *Qui fil. sint leg.* C. *Et tenore* e. t., secus vero, si ambo parentes tempore matrimonii fuerint in mala fide, C. *Cum inhibito* 3. § *Si quis De Clavt. desp.* Illegitimi item sunt filii nati ante matrimonium invalide contractum, licet ambo parentes putaverint validum, quia nullo iure ut legitimi approbantur. L. 424. Filii quoque nati ex matrimonio nullo, clandestino, i. e. sine denuntiationibus ac sine licentia episcopi inito, esti coram paracho et testibus, illegitimi reputantur, etiamsi parentes in bona fide contraxerint, ex eod. § *Si quis* dict. C. 3. L. 425. — Legitimantur *secundo* per professionem religiosam quoad ordines tantum, non quoad praelaturas. C. 1. *De Fd. presb.* Sed ex aliis privilegiis possunt praelati regulares dispensare in irregularitate cum suis subditis illegitimis. L. 354. 426. — Legitimantur *tertio* per dispensationem pontificiam.

21. *Ex defectu libertatis* irregulares sunt servi, ubi adhuc vigeat servitus, nisi eorum domini ordinationi consenserint. C. 1. seqq. *De Serr. non ordin.* C. *Nulli* 2. C. *Si servus* 20. Dist. 54 : coniugati, nisi uxores consentiant et castitatem voveant. Cf. De Ordine n. 26.; curiales, i. e. curiae saeculari obligati, praestito iuramento, ut iudices, advocati, etc., quamdiu talia officia habent, milites, quamdiu iuramento tenentur; thesaurarii, depositarii publici, et qui Remp. administrant; apparitores et qui saeva, turpia, exercuerunt, vel in causa sanguinis ministrarunt. C. 1. 2. 3. 4. Dist. 51., C. *Magnus* un. *De Oblig. ad rat. ord.* L. 455 456., l. 3. n. 838.

22. *Ex defectu corporis* irregularitas habetur vel quia impedit congruum exercitium ordinis, vel quia affert notabilem indecentiam aut horrorem. L. 403., S. Th. S. q. 39. a. 6.

23. *Resolves:* Ob impedimentum exercitii irregulares sunt 1.<sup>o</sup> *caecus*, qui omnino visu caret. C. ult. Dist. 55. Quod si quis iam sit sacerdos, et constet non posse errare, poterit a Summo Pontifice obtinere dispensationem. L. 1. 6. n. 390. Si alieni deest visus oculi dexteri non est irregularis, secus si sinistri; nisi possit oculo dextero sine magna deformitate Canonem legere. Si quis non sit omnino caecus, sed ita caecutiens ut non possit legere in Missali, is irregularis etiam est ad ordines *suscipiendos*. Quoad eos vero



*crecendus*, « probabiliter (dicunt) Lugo, Pal., etc. licite celebrare sacerdotem, qui ob visus debilitatem, memoriter missam recitat, modo discernat calicem et hostiam, quantum sufficit ad evitandam irreverentiam et modo ad notam effugiendam habeat missale in altari, vel alium librum loco ipsius ». L. l. 6. n. 390. Non est irregularis qui est debilis visu, ita ut indigeat perspicillis, vel qui ex obliquo intuetur. L. 404. Cf. Navarr. C. 27. n. 199., Laymann l. 1. Tr. 5. C. 7. n. 2., Pirhing l. 1. tit. 20. n. 6.

2.<sup>o</sup> *Surdus*, qui ex utraque aure penitus non audit, quia talis sacerdos, cum non possit audire vocem ministri, nequit sine indecentia celebrare. Si tamen surditas superveniat sacerdotio suscepto, non interdicitur sacerdoti celebratio: facilius enim toleratur defectus superveniens in promoti, quam in promovendo, prout de caecutiente dictum est. Surdaster autem sive difficulter audiens minime irregularis est. L. 405.

3.<sup>o</sup> *Mutus*, qui non possit loqui, aut verba integra proferre, ita ut nullam possit vocem pronuntiare quin aliquid omittat, vel nisi magna difficultate, Blasi vero sive balbutientes, aut carentes dentibus non sunt irregulares, etiamsi cum aliqua difficultate verba proferant, nisi afferant causam risus, aut contemptus. L. 406.

4.<sup>o</sup> *Claudus*, qui sine baculo nequit ire ad altare, C. Nullus episcopus 57. De Cons. Dist. 1., si sine baculo non possit sustentari in altari. Claudus, qui non indiget baculo, minime est irregularis; sicut nec etiam qui habet crura distorta: quia talis defectus veste talari facile tegi potest; secus si in hoc magna adesset deformitas. Si quis vero est instructus pede ligneo, quia habet pedem mutilum vel aridum, hic est irregularis, eo quod celebrare cum pede ligneo magnam habet indecentiam. Quod si modicus sit defectus et aliquo modo indecentia possit reparari, permitti potest iudicio episcopi celebratio. L. 407.

5.<sup>o</sup> Qui caret *manu*, aut *digitis* omnibus aut pollice irregularis est. C. ult. De Corp. rit. Idem dicunt de eo, qui caret indice, vel parte pollicis aut indicis, vel qui habet eos ita debiles, ut nequeat hostiam elevare, aut frangere. Secus, si quis careat ungue pollicis, vel indicis, ut dicitur in d. C. ult. Si quis autem iam fuerit ordinatus, et habet pollicem impeditum, in eam necessitatis probabiliter posset eucharistiam ministrare posterioribus digitis. Si quis caret tribus posterioribus digitis, etiam est irregularis. Si vero caret uno tantum digito minori non est irregularis, et idem si caret duobus. Nec pariter est irregularis, qui habet sex digitos, modo sextus digitus usum aliorum non impediat. L. 408.

6.<sup>o</sup> Nullus morbus irregularitatem inducit, nisi vel exercitium ordinis impediat, vel notabilem afferat indecentiam et scandalum. Hinc irregularis est, qui paralysi vel tussi ita laboret, ut propter tremitem manuum sit periculum effundendi calicem, vel eiciendi Eucharistiam. Itemque irregularis est abstemius, qui vinum nequit sumere, nisi cum periculo evomendi. L. 409. Cf. A. S. S. V. 7. p. 80. seqq.

24. Ratione vero deformitatis irregulares sunt 1.<sup>o</sup> ii quibus deest aliquod membrum, nempe qui carent naso, vel habent nimis deformem, illi quibus oculi eruti est, nisi per oculum vitreum reparari possit, qui carent auribus, nisi capillis talis defectus celari possit. 2.<sup>o</sup> Leprosi, C. Tua nos De Cler. acq., nisi scandalum abesset, v. g. si in loco privato celebrent, qui habent labia cariosa vel abscissa, vel faciem valde maculatam. 3.<sup>o</sup> Monstruosi, nempe qui enormem habent gibbam, pignaei sive nani, statura ita breves, ut ad risum moveant, vel brachia sufficienter extendere non possint ad altaris ministerium, hermaphroditi. Irregulares vero non sunt qui subfuso vel rubenti sunt colore. L. 410.-412.

25. *Nota*: Si aliquis ex praefatis defectibus corporis superveniat ordinibus iam susceptis, sacerdos non impeditur ab actibus illius ordinis, quos potest exercere sine incongruitate, et indecentia, ita ut sacerdos caecus aut claudus bene potest excipere confessiones, canere Evangelium, etc. C. 7. De Cler.

*agrot.* Si vero talis defectus ante ordines adveniat, absolute inducit irregularitatem, non solum ad illum ordinem, cuius exercitium impedit, sed ad omnes alios. Ratio, quia, cum omnes ordines sacerdotum respiciant, exclusus a sacerdotio censetur etiam ab omnibus ordinibus repulsus. L. 413. Alii tamen aliter opinantur. Et sic possent abstinentia conferri ordines minores, imo et subdiaconatus et diaconatus, ut possit e. g. obtinere beneficium et propriae paupertati subvenire. Navarrus Man. C. 27. n. 204.

26. In hac irregularitate proveniente ex defectu solus Papa potest dispensare. Possunt autem episcopi in dubio declarare et iudicare, an defectus corporis notabiliter impediatur exercitium ordinis, vel an magnam afferat indecentiam. L. 414. De praelatis regularibus Cf. L. ib.

27. *Ex defectu actus* irregularitas etiam ad tempus habetur, de qua Cf. De Ordine n. 36. L. 431.

28. *Ex defectu animi.* Irregularitas habetur ex defectu usus rationis, scientiae et fidei. *Ex defectu usus rationis* irregulares sunt 1. *Amontes.* Talis animae defectus vel oritur in homine post ordinationem, vel ante. Si post, cessante defectu per diuturnum tempus, Ordinarii iudicio vel Praelati si sit regularis, poterit Ordinem susceptum iterum exercere. Si ante, videndum est, an defectus pendeat a causa permanente et habituali, v. g. ab organorum laesione, et tunc non poterit amplius promoveri ad Ordines, quia ita laborantes facile relabuntur in eundem morbum, C. *Maritum* 2. Dist. 33.; au vero a causa transitoria et accidentali, v. g. a febris vel vulnere, et tunc promoveri utique poterit. L. 398. — 2. *Epileptici et daemoniaci.* Si epilepsis antecedat ordinationem, perpetuo illi sunt irregulares, attamen, si quia ante pubertatem hoc morbo affectus fuerit, et postea perfecte liberetur, diuturno accedente experimento, non censetur irregularis. Si vero tali morbo laborans iam ordinatus sit, licet non omnino sit liber, dummodo raro accessum patitur morbi, poterit privatim celebrare, adiuncto sacerdote ieiuno, qui missam in casu accessus morbi perficiat. C. *Communiter* 3. C. *Clerici* 4. Dist. 33., L. 399. — 3. In hac irregularitate, durante defectu, nec etiam Papa dispensare potest, quia illo laborantes sunt de iure divino inhabiles. L. 400.

29. *Ex defectu scientiae, illiterati* sunt omnino irregulares. « Qui sunt adeo rudes, ut ignorent etiam prima rudimenta grammaticae, ita ut nesciant praestare ea, quae pertinent ad ordinis exercitium, ad quod requiritur sane scientia linguae latinae, ipsi sunt prorsus irregulares, et graviter peccant tam ordines suscipiendo, quam eos exercendo... C. *Illiteratos* Dist. 36... Haec irregularitas, sublata causa ignorantiae, de se tollitur sine dispensatione ». L. 1. 6. n. 791., Trid. S. 23. C. 4. De R. C. *Illiteratos* 1. Dist. 36.

30. *Ex defectu fidei* irregularitatem contrahunt neophyti, seu recens ad fidem conversi qui Apostolica indigent dispensatione. Disputatur autem a dd. quousque ad fidem conversus dicatur neophytus, an usque ad unum annum, ad duos, vel ad decem. Bened. XIV. De Syn. 1. 12. C. 1. n. 6. « Putat, ait S. Alph. 402., Tolet. post decennium neophytum non esse amplius irregularem, imo antea, si Episcopus iudicet illum bene moribus profecisse ». Consentit Busemb. ib. — Neophyti non sunt, adeoque neque irregulares, baptizati in infantili aetate; neque irregulares sunt filii Judaeorum et infidelium, Bened. XIV. de Syn. 1. 12. C. 1. n. 4. 5. Filii vero haereticorum irregulares sunt usque ad 2.<sup>um</sup> gradum per lineam paternam, usque ad 1.<sup>um</sup> per maternam. Si tamen pater haeresim eiuraerit, filii irregularitate solvuntur. Bened. XIV. de Syn. 1. 13. C. 24. n. 21.

31. *Ex defectu Sacramenti,* nempe ex bigamia irregularitas exoritur, ut patet ex toto tit. De Big. Idque illatum est ex illo Apostoli 1. ad Tim. 3. *Oportet Episcopum unius uxoris esse virum. Ex defectu sacramenti,* quia is, qui duas duxit uxores, non potest apte significare unionem Christi cum Ecclesia, unica eius sponsa. L. 435. 436.

32. Bigamia triplex est, *vera, interpretativa, similitudinaria*. 1.<sup>o</sup> *Vera* est, quando quis cum duabus successive *verum* contraxit matrimonium. C. *Præcipimus*, C. *Dubium De Big.* Debet autem utrumque matrimonium esse *validum et consummatum*. L. 435. 436. — 2.<sup>o</sup> *Interpretativa* habetur, cum quis iuris *interpretatione*, sive fictione quadam duas censetur habuisse uxores, quamvis revera non habuerit. Haec bigamia tripliciter contingit. *Primo*, quando quis ducit et cognoscit viduam iam a suo priori marito cognitam, etiamsi ducat invalide, C. *A nobis ult. De Big.*, C. *Debitum* e. t., L. 437.: itemque quando quis ducit et cognoscit mulierem ab alio corruptam, C. ult. Dist. 51., C. *Curandum* Dist. 34., et secundum communione sententiam, licet invalide contrahat ob aliquod impedimentum dirimens; secus vero si quis duceret mulierem a se prius corruptam, L. 438. 439. 440. *Secundo*, quando quis cognoscit uxorem postquam illa adulterium commiserit, C. *Si cuius* 11., C. *Si laici* 12. Dist. 34. L. 441. 442. 443. *Tertio* quando quis duo contrahit et consummat matrimonia, unum validum, alterum invalidum, ex C. *Nuper* 4. *De Big.*, itemque quando quis duo contrahit matrimonia, ambo invalida, et maritali effectu consummat, L. 444. 445. 446. 447. — 3.<sup>o</sup> *Similitudinaria* contrahitur ex attentatione matrimonii, quamvis invalidi, cum corrupta vel virgine post votum solemne emissum in Religione approbata, vel post susceptionem sacri ordinis. Huiusmodi enim nubentes similes sunt contrahentibus duplex matrimonium, quatenus post connubium spirituale cum Christo initum, ab eo recedentes, attentant matrimonium contrahere, dummodo tale matrimonium sit consummatum. Irregularis vero non est laicus qui ducit monialem professam: quia iura loquuntur tantum de contrahente post proprium votum, L. 448. 449. Cf. Suarez D. 49., Sanch. De Matr. l. 7 D. 85., Schmalzgr. l. 1. tit. 21. n. 1. seqq., S. Th. S. q. 66.

33. Bigamia vera non tollitur per baptismum, neque per professionem religiosam. C. *Deinde* 3. Dist. 26., C. *Si quis viduam* 13. D. 34. Summus Pontifex potest in irregularitate ex bigamia vera et interpretativa dispensare, L. 450. Episcopus dispensare non potest in bigamia vera, et interpretativa ad ordines sacros suscipiendos, neque ad ministrandum in ipsis, neque ad beneficia ipsis annexa recipienda, L. 451., et verius etiam ad ordines minores et ad beneficia simplicia, suscipienda, L. 452. In bigamia autem similitudinaria ex delicto *occulto*, et ex duplici matrimonio, altero spirituali, altero carnali, bene possunt episcopi dispensare, etiam ad ordines sacros suscipiendos et ministrandos. C. 4. *De Cler. coniug.*, C. *Qui cler. vel vor.* L. 452. Quoad praelatos regulares Cf. L. 453. — S. Th. Quodl. 4. a 13., S. q. 66. a. 4.

34. *Ex defectu lenitatis* irregularis est 1.<sup>o</sup> qui occidit vel mutilat in bello iusto offensivo, non vero si alii occidant; nec qui occidit in bello iusto defensivo, nec qui hortatur ad occidendum etiamsi bellum sit offensivum, modo iustum. C. *Petitio tua*, C. *Dilectus*, C. *Significasti De Homic.* Bened. XIV. Not. 101., L. 457.-460., La-Croix 528. — 2.<sup>o</sup> In iudicio iusto irregulares fiunt, qui ad mortem vel mutilationem cooperantur active, efficaciter et proxime per actionem ex natura sua ad id ordinatam. Clem. *Si parvos De Hom.*, C. *Clericis*, C. *Sententiam Ne Cler. vel Mon.*, C. *Ex litteris De Ecc. Prael.* Quare irregulares fiunt indices, advocati seu procuratores contra reum agentes, lictores, carnifices, testes voluntarii, secus coacti, accusatores vel denunciatores, secus tamen si accusant reum tantum, ut proprium damnum praecaveant, vel sibi resarciatur, facta protestatione, se non velle poenam sanguinis, C. *Praelatis De Hom.* in 6.<sup>o</sup>, in causa propria aut etiam cognatorum usque ad quartum gradum. Vel nisi causa sit propriae Ecclesiae, vel si damna sint in futurum aliis inferenda, ita ut alia via impediri non possint, L. 461.-468. — 3.<sup>o</sup> Irregulares etiam sunt ex defectu lenitatis, clerici, in sacris constituti, medentes cum incisione et adustione, cum id ipsis expresse vetetur sub poena irregularitatis, C. *Sententiam Ne Cler. vel Mon.*, si ex tali incisione vel adustione mors sequatur. Si tamen



alius peritus absit, bene poterit tunc clericus aut monachus sine peccato et consequenter sine periculo irregularitatis incisionem aut adustionem adhibere. L. 384. 385. 389.

35. Ab irregularitate ex defectu lenitatis Episcopi dispensare non possunt, sed a Summo Pontifice dispensatio petenda est, quamvis irregularitas sit occulta. L. 469. « Praelati autem Regulares bene possunt cum suis subditis dispensare in hac irregularitate ». L. 469.

36. *Defectus bonae famae.* — 1.<sup>o</sup> Omnes infames irregulares sunt, C. *Infames* 6. q. 1. sive infamia sit *facti*, sive sit *iuris*. Infamia *iuris* habetur per confessionem rei in iudicio, vel per sententiam iudicis saltem declaratoriam criminis. Infamia *facti* alia mere facti, seu popularis, ex quocumque crimine et conditione est personae, eam obscurante et vilem reddente in communi hominum existimatione absque ullo iudiciario actu, alia est quidem etiam facti, quatenus est absque iudiciario actu, sed *legalis* facti est: siquidem ex crimine vel ex personae conditione est, in iure *notata*, tanquam maculante et infamante. Illa proprie *indignum* reddit, haec proprie reddit *irregularem*. Infamia *haec facti* habetur *primo* per delictum *qualificatum* evidens et publicum, seu saltem ita notorium, ut nulla possit tergiversatione celari. *Qualificatum*, h. e. cui a iure infamia annexa est. Crimina autem, quibus de iure annexa est infamia, sunt homicidium, periurium factum in iudicio, haeresis, simonia, sodomia, crimen laesae maiestatis, adulterium, proditio, rapina, lenocinium, exercitium usurarum, invasio Cardinalium, vel Episcoporum, raptus mulierum, seu ad illum cooperatio, duelum, paratio armorum contra parentes, exercitium histrionum cum turpibus repraesentationibus, ita ut non fiat sine peccato mortali, non item ars macellatoris, carnificis, lictoris, etc., cum haec officia bene exerceri possint sine peccato, aliaeque, quae ex Iure infamiam inducunt. Cf. La-Croix 562. seqq., Salm. C. 8. n. 78. seqq. *Secundo* potest irregularitas incurri ob infamiam etiam alienam, prout incurrunt filii eorum, qui damnati sunt, ob delictum laesae maiestatis, filii nati ex meretrice, filii haereticorum, et etiam nepotes per viam masculinam ab iis descendentes, modo tamen sit notorium parentes fuisse haereticos, et in haeresi decessisse. Ut autem omnes hi irregularitatem incurrant, opus est, ut nati sint post delictum. Sanch. l. 2. C. 27. n. 14. Bened. XIV. de Syn. l. 13. c. 24 n. 21. Const.<sup>um</sup> refert Cap. *In quibusdam*, de poenis, in qua filii Patroni occidentis Rectorem Ecclesiae usque ad 4.<sup>am</sup> generationem fiunt irregulares ultra amissionem iuris patronatus pro omnibus. Id autem de filiis tantum valet natis post crimen a patre commissum. — 4.<sup>o</sup> Infamia mere *facti* tollitur vel per baptismum vel per notoriam emendationem, vel etiam per mutationem loci. Infamia *iuris* tollitur aut per dispensationem, aut per aliam sententiam, qua reo sua fama restituatur. Irregularitas *legalis* facti non nisi per dispensationem tollitur. Episcopus dispensare non potest, ut infamis infamia *facti* ad sacros ordines ascendat: potest tamen, ut in susceptis ministret, si crimina sint minora adulterio, et reus egerit poenitentiam. Irregularitas ob crimen parentum, vel ob officium intame tollitur per ingressum in Religionem. Possunt regulares ex privilegiis Pii IV. et Pii V. in hac irregularitate dispensare cum suis subditis. — L. 362.-364. 352. 454., Suarez D. 48.

## DE INDULGENTIIS

1. *Quid sit indulgentia?* — « Indulgentia remissionem et facilitatem, sive, ut sic loquamur, condescensionem in Scripturis sanctis, aliisque auctoribus... significare solet ». Bellarm. De Indulg. l. 1. C. 1. Hinc Indulgentia, theologicè sumpta, definitur: remissio poenae temporalis. Deo debitae pro peccatis quoad culpam remissis, concessa a legitimo ministro extra sa-

cramentum poenitentiae per applicationem satisfactionum Christi et Sanctorum. — *Remissio poenae temporalis*: remissio enim *poenae aeternae* una cum *remissione culpe mortalis* non obtinetur nisi per sacramentum poenitentiae, vel per caritatem et contritionem perfectam cum voto sacramenti. Remissa autem culpa et poena aeterna, non semper remittitur poena temporalis, peccato etiam debita. S. Th. 3. p. q. 80. a. 4. Porro poena haec temporalis, ea est quae deinde per opera satisfactoria et per Indulgentiam in hac vita remittitur, secus erit post hanc vitam in Purgatorio luenda. Idem proportionata ratione dicendum est de peccato veniali, cui nonnisi temporalis poena debetur. S. Th. 1. e. Eius *culpa* caritate aliisque piis actibus remittitur, quibus etiam remittitur temporalis poena, sed haec iterum non semper tota remittitur, unde vel per alia satisfactoria opera vel per Indulgentiam remittenda est in hac vita, secus in Purgatorio post hanc vitam et ipsa luenda erit. Trid. S. 6. c. 30. S. 14. C. 5. S. 9. c. 12. 15., S. Th. 4. D. 16. q. 2. a. 2. q. 4., D. 17. q. 2. a. 5. q. 2., S. q. 15. a. 3. Quare indulgentia neque remissio est *reatus culpa*e, Bened. XIV. De Syn. 1. 13. C. 18. n. 7., Suarez De Poenit. D. 50. S. 1. n. 14., neque remissio est *reatus poenae aeternae*: sed remissio tantum est reatus poenae temporalis, adhuc peccato debita. *Poenae temporalis*, nempe a Deo in Purgatorio infligendae, adeoque remissio coram Deo est. Minime vero mera remissio est vel poenitentiae a confessatio impositae vel imponendae poenitentiae, vel poenitentiae canonicae, quam olim Ecclesia infligebat. Indulgentia tunc *maxime salutaris*, Trid. S. 25. Deer. De Indulg., nobis non esset. « Haec opinio, ait S. Th. 4. D. 20. q. 1. a. 3. q. 1., non videtur vera primo quia est expresse contra privilegium Petro datum, ut quod in terra remitteret et in coelo remitteretur: unde remissio, quae fit quantum ad forum Ecclesiae, valet etiam quantum ad forum Dei: et praeterea Ecclesia, huiusmodi Indulgentias largiens seu dans, magis damnificaret, quam adiuveret, quia remitteret ad graviore poenas, scilicet purgatorii, absolvendo a poenitentis iniunctis ». Quamvis autem indulgentia sit remissio poenae temporalis, et ex hoc capite nos liberat ab aliis operibus satisfactoriis: haec tamen non ideo possumus absolute negligere: siquidem ea inserviunt simul et satisfaciendum pro peccatis commissis, et ad peccata in posterum praecavenda. S. Th. Quodl. 2. a. 16. ad 3. Remissio haec temporalis poenae fit per applicationem satisfactionum Christi et Sanctorum, vi *communione sanctorum*, quae in Ecclesia adest, et potestatis qua unus potest pro alio satisfacere. « Opus unius, ait S. Th. Quodl. 2. a. 16., potest esse satisfactorium pro alio ad quem per intentionem facientis refertur. Christus autem pro Ecclesia sua sanguinem suum fudit, et multa alia fecit et sustinuit, quorum aestimatio est infiniti valoris propter dignitatem personae... similiter etiam et omnes alii Sancti intentionem habuerunt in his quae passi sunt, et fecerunt propter Deum, ut hoc esset ad utilitatem non solum sui, sed etiam totius Ecclesiae ». Cf. C. Gent. 1. 3. C. 158. n. 4. Porro satisfactiones pretii infiniti Iesu Christi, quibus accedunt satisfactiones Beatae Virginis, nec non superabundantes satisfactiones Sanctorum *thesaurum Ecclesiae* constituunt, de quo per *indulgentias* participamus. Extrav. *Unigenitus* 2. De Poenit. et Remiss. Dicitur *superabundantes*: « Et ideo, ait S. Th. 4. D. 20. q. 1. a. 3. q. 1., dicendum, quod indulgentiae valent et quantum ad forum Ecclesiae, et quantum ad iudicium Dei, ad remissionem poenae residuae post contritionem et absolutionem et confessionem, sive sit iniuncta, sive non. Ratio autem quare valere possunt est unitas corporis mystici, in qua multi operibus poenitentiae *supercooperantur* ad mensuram debitorum suorum; et multas etiam tribulationes inerte sustinuerunt patienter, per quas multitudo poenarum poterat exari, si eis deberetur: quorum meritorum tanta est copia, quod omnem poenam debitam nunc viventibus excedunt, et praecipue propter meritum Christi, quod etsi in sacramentis operatur, non tamen efficaciam eius in sacramentis includitur, sed sua infinitate efficaciam sacramentorum excedit. Dictum est autem supra a. 2. q. 3. quod unus pro alio satisfacere

potest Sancti autem, in quibus superabundantia operum satisfactionis invenitur non determinate pro istis, qui remissionem indigent, indulgentiis opera fecerunt; alias, a specie omni indulgentia remissionem consequeretur, sed communiter pro tota Ecclesia, sicut Apostolus ait ad Cor. 1. 1. se habere ea quae desunt Passioni Christi in corpore suo pro Ecclesia, ad quam scribit. Et si praestita merita sunt communia totius Ecclesiae. Ea autem, quae sunt communia multitudinis alienius dispensantur singulis de multitudine secundum arbitrium eius, qui multitudinem praestet. Unde sicut aliquis consequeretur remissionem poenae, si alius pro eo satisfecisset, ita si ei satisfactio alterius sibi per eum, qui potest, distribuatur. Cf. etiam Quod. 2. a. 16. S. q. 25. L. l. 6. n. 531.

2. *An Ecclesia potestatem habeat Indulgentias concedere vel remittere*. — R. Affirm. et de fide est. Trad. S. 25. Doctr. Indulg. Pius IV. B. *Injunctionibus* 18. Nov. 1564. — Indulgentiae autem sine causa concedi non possunt, neque licite, neque valide, Ratio, quia praedicti Ecclesiae non sunt nisi delegati Christi ad thesaurum Ecclesiae dispensandum. L. l. 6. n. 532. Iam vero « quaecumque causa adsit, quae in utilitatem Ecclesiae vergat et honorem Dei, sufficiens est ratio indulgentias elargiendi ». S. Th. 4. Sent. D. 20. q. 1. a. 3. q. 2. — Indulgentias concedere potest « Papa, principaliter, alii vero in quantum potestatem ab eo recipiant vel ordinariam vel commissam seu delegatam ». S. Th. Quod. 2. a. 16. Suarez De Poenit. D. 53. — Hanc facultatem potest summus Pontifex delegare et episcopis et simplicibus sacerdotibus. Immo, ut ait S. Th. Quod. 2. a. 16. ad 2. « Indulgentia non se extendit ad remissionem culpae, quia non est sacramentalis, unde non sequitur ordinem, sed *caritas* » potest enim et non sacerdos indulgentiam facere, si sit ad commissum ». Hinc 1.<sup>a</sup> applicatio indulgentiarum fit extra sacramentum. 2.<sup>a</sup> Episcopus electus et canonice institutus, quamvis non adhuc consecratus indulgentias concedere potest, minime vero episcopus *titularis*, vel *ambrosius*, vel *intransitus*. S. C. Indulg. 12. Jan. 1878. ad 4. 3.<sup>a</sup> Indulgentiae personales concessae ab episcopo, acquiri possunt tantum a dioecesanis, cum non a suis iuribus ligari nullus valeat vel abstinere. Cf. *Quod. artic. 4. De Poenit. et Remiss.* Potest vero episcopus indulgentias concedere suis subditis extra suam dioecesim versantibus, quia iurisdictionem personalem habet in illis. — S. Th. S. 25. q. L. l. 6. n. 532. 533.

3. *Quanam in partibus Indulgentias concedere possunt?* — 1.<sup>a</sup> Summus Pontifex pro universo catholico orbe quascumque indulgentias concedere potest pro vivis et pro defunctis. Cuiusmodi generale hanc etiam habet facultatem una cum Summo Pontifice, Concilium vero Provinciale hanc non habet potestatem. S. Th. Quod. 2. a. 16. — 2.<sup>a</sup> Episcopi concedere possunt annum indulgentiae diei consecrationis seu consecrationis Ecclesiae, et quadraginta dies aliis temporibus; et hae indulgentiae defunctis applicabiles non sunt. C. *Constit. 14. De Poenit. et Remiss.* Non potest Episcopus indulgentias concedere filijs alterius dioecesis. Possunt tamen peregrini lucrari indulgentias *beatis*, visitando e. g. Ecclesiam seu oratorium, cui concessa est indulgentia. Episcopus autem successu non potest orlem obire vel pietatis actus alios addere quadraginta dies indulgentiarum. Neque vero possunt episcopi quadraginta indulgentiarum dies concedere singulis partibus alienius pii operis, vel singulis alterius orationis verbis. S. C. Indulg. 12. Jan. 1878. — Archiepiscopi possunt concedere easdem indulgentias ac episcopi tamen in propriis dioecesium tum in illis propriae provinciae. C. *Nostro* 15. *De Poenit. et Remiss.* — 3.<sup>a</sup> « Episcopus in partibus in quibus auxiliarius Ordinarii alienius dioecesis indulgentiam 40. dierum concedere non potest, sicut dioecesanus ». S. C. Indulg. 12. Jan. 1878. — 4.<sup>a</sup> Nuntii et Legati Apostolici possunt, vi commissionum, quae ipsis fiunt a Summo Pontifice, locis propriae Nuntiaturae seu Legationis indulgentias concedere pro pio aliquo opere centum, vel ter centum dierum, dummodo annum non attingant. Pos-



sunt Ecclesiae vel Cappellae concedere indulgentias septem annorum et septem quadragenarum pro fidelibus omnibus qui receperint poenitentiae et eucharistiae sacramenta, et qui visitaverint praedicta sanctuaria, ibique oraverint ad intentionem Summi Pontificis. — 5.<sup>o</sup> Cardinales concedere possunt indulgentias centum dierum in propriis Ecclesiis titularibus, quum assistunt sacris functionibus festis diebus. Ex tacito saltem consensu Summi Pontificis potest Cardinalis maior Poenitentiarius concedere Romae centum dies indulgentiarum. — 6.<sup>o</sup> Vicarii generales, vicarii capitulares, abbates, generales, provinciales ordinum religiosorum, parochi et confessarii nullam possunt concedere indulgentiam, sine speciali Sanctae Sedis facultate. C. *Accedentibus* 12. De *Excess. Prael.* Cf. Suarez D. 55. S. 5. n. 2., S. Th. S. q. 26., La-Croix 1817. seqq.

4. *Quid in Concessionibus Indulgentiarum significant verba: in forma Ecclesiae consueta?* — Verba *in forma Ecclesiae consueta*, quae adhibentur in Concessionibus seu Indultis, nihil aliud significant, nisi quod indulgentiae conceduntur fidelibus *vere poenitentibus*, seu *vere contritis*. Lavorius Tr. De Iubilaeo et Indulg. P. 2. C. 14., Theod. a Sp. S. P. 1. p. 284. Neque vero significant specialem aliquam formulam esse adhibendam in piorum obsectorum benedictione, ut illis indulgentiae applicentur. Ad hoc enim sufficit simplex crucis signum, praeter Rosaria PP. Praedicatorum et Servitarum, pro quibus praescripta formula requiritur. S. C. Indulg. 11. Apr. 1840., 7. Jan. 1843. 29. Febr. 1864. — Possunt plura obiecta simul benedici, eisque indulgentiae applicari. S. C. Indulg. 12. Mart. 1855. Eidem obiecto possunt plures indulgentiae applicari. Et sic eidem coronae applicari possunt indulgentiae apostolicae, PP. Praedicatorum, Crucigerorum, S. Brigittae. Ad eas tamen lucrandas renovanda sunt opera iniuncta iterabilia. S. C. Indulg. 29. Febr. 1820. — Applicari generatim possunt indulgentiae quibuslibet rebus *solidis* et duraturis, minime vero fragilibus. S. C. Indulg. 24. Jan. 1846. Speciatim vero benedici possunt coronae seu rosaria ex chalibe polito (acciaio polimentato), ex ferro, stamno, plumbo, et ex vitro solido ac compacto. S. C. Indulg. 22. Mart. 1839., 29. Febr. 1820. — An autem possit quis easdem indulgentias pluries in die lucrari, pluries iterando opera iniuncta, ex alia Concessionis seu Indulti clausula, *toties, quoties*, est definiendum. Si Concessio seu Indultum nihil determinet standum est interpretationi et praxi communi Ecclesiae. Et sic eodem die pluries obtineri non possunt indulgentiae *Stationum*, seu *Visitationis Ecclesiae*. E contrario pluries obtineri possunt indulgentiae Rosarii, actuum Fidei, Spei, Caritatis, etc.

5. *Quibusnam indulgentiae applicari possint?* — 1.<sup>o</sup> Cum viventes auctoritati subsint Ecclesiae, *directe* illis Ecclesia remittit *per indulgentias* temporales poenas: et consequenter dicitur indulgentias concedi *per modum solutionis et absolutionis*, eas nempe poenas solvendo per applicationem satisfactionum Christi et Sanctorum. S. Th. 4. D. 20. q. 1. a. 3. q. 1. ad 2. — 2.<sup>o</sup> Indulgentiae defunctis, in purgatorio degentibus, etiam applicari possunt eisque applicantur *per modum suffragii*, cum Ecclesia iurisdictionem amplius non habeat in animas, quae in purgatorio detinentur. *Per modum suffragii*, offerendo nempe Deo partem satisfactionum Christi et Sanctorum, quae concessae indulgentiae respondeat, Deum rogando, ut velit solari animas purgatorii, eis tantam poenam remittendo, quantam indulgentiae obtentae respondeat. Affirmari autem infallibiliter non potest effectus realis talis indulgentiae, an nempe totaliter et tali animae applicetur. Deus enim nullam huius rei facit formalem promissionem. Sed attentata communicatione Sanctorum, pie admodum credi et sperari potest. S. C. Indulg. 28. Jul. 1840. Hinc valde utile est applicare defunctis, maiorem, quam possumus, indulgentiarum numerum. Quare « Licet effectus indulgentiarum pro vivis sit infallibilis, non est tamen infallibilis pro defunctis, cum pro eis nulla adsit promissio, unde Deus ipsas acceptat tantum ad suum beneplacitum ». L. I. 6. n. 534. Idque confirmatur ex usu et praxi Ecclesiae, celebrandi per

complures annos ac pro eisdem animabus sacra, v. g. anniversaria, etiam in altaribus privilegiatis, seu quibus inhaeret privilegium indulgentiae plenariae. Inanis autem ista praxis esset, si infallibili constaret certitudine, quod statim, primo sacro illis applicato, liberarentur. — S. Th. S. q. 71., q. 27., Lugo D. 27. n. 58., La-Croix 1336., Billuart Append. art. 6.

6. *Quotuplex sit Indulgentia?* — 1.<sup>o</sup> Indulgentia alia est *plenaria*, alia *partialis*. Plenaria est illa, qua tota poena temporalis peccatis debita remittitur. Partialis autem illa est, qua aliqua certa quantitas praedictae poenae remittitur. S. Th. Quodl. 2. a. 16. Porro indulgentia partialis, e. g. quadraginta dierum vel unius anni, non importat remissionem poenae purgatorii quadraginta dierum vel unius anni, sed remissionem tantum illius poenae purgatorii, quam quis olim obtinuisset coram Deo per poenitentiam canonicam quadraginta dierum vel unius anni. Quanta autem sit remissio poenae purgatorii respondens praedictae canonicae poenitentiae ignota nobis res est, et divinae reservatur misericordiae. Cf. Bened. XIV. De Syn. l. 13. C. 17., S. Th. S. q. 28., L. 1. 6. n. 530. 535. — 2.<sup>o</sup> Indulgentia praeterea alia est *localis*, alia *personalis*, alia *realis*. Localis est illa, quae affixa est loco determinato, e. g. determinatae ecclesiae, determinato sacello et altari, statuae vel imagini, in aliquo Sanctuario collocatae. Personalis *strictius* est illa, quae alicui vel aliquibus personis conceditur, quin omnibus fidelibus concedatur. *Minus stricto* autem est illa, quae independenter a loco determinato, vel a determinato obiecto fidelibus conceditur, propter aliquem pietatis actum. Realis tandem est illa, quae adnectitur portatilibus devotionis obiectis seu rebus, e. g. crucifixo, numismati, rosario, parvae statuae, etc. Indulgentia haec realis regulariter personalis etiam est, siquidem regulariter soli harum rerum proprietarii, quibus primum praedictae res traditae sunt, indulgentias lucrari possunt. Ac si caedem res aliis commoventur, *ut indulgentias lucrarentur*, vel eis donentur, indulgentiae amittuntur. S. C. Indulg. 6. Febr. 1657., 3 Febr. 1745. Obiecta benedicta neque vendi neque permutari possunt, secus indulgentiae amittuntur. S. C. Indulg. 4. Jun. 1721., 4. Dec. 1722. Quin imo, si quis ea emat, ut deinde benedicta distribuat, neque eorum pretium repetere potest, neque aliquid titulo etiam elemosynae, quin indulgentiae amittantur. S. C. Indulg. 22. Febr. 1847., 31 Jan. 1837., 16. Jul. 1887. Huiusmodi autem indulgentiae reales perdurant quamdiu saltem moraliter non destruantur obiectum, et sic si rosarium reficiatur, quia aliquot grana amissa sint, non ideo amittuntur indulgentiae. S. C. Indulg. 10. Jan. 1839. — 3.<sup>o</sup> Indulgentia insuper alia est *perpetua*, alia *temporanea*. Prior perdurat usque dum revocetur: posterior non nisi tempore determinato perdurat, v. g. tribus, quinque, septem annis. Indulgentiae autem *ad beneplacitum Romani Pontificis* seu *Sedis Apostolicae* concessae, perpetuae censentur, quia non ad *personam* sed ad *dignitatem* referuntur. Reg. 16.<sup>a</sup> iuris in 6.<sup>o</sup> — 4.<sup>o</sup> Indulgentia tandem alia est tantum *pro vivis*, alia tantum *pro defunctis*, alia *pro vivis* cum facultate eam applicandi defunctis. Indulgentia haec pro vivis concessa et defunctis etiam applicabilis non significat, quod quis bis indulgentiam lucrari possit sibi et defunctis, sed duntaxat quod possit eam lucrari pro libito suo vel pro se vel pro defunctis. S. C. Indulg. 15. Jan. 1839. Ut igitur indulgentia defunctis possit revera applicari requiritur 1.<sup>o</sup> ut tanquam *applicabilis* defunctis in Pontificio Indulto concedatur, 2.<sup>o</sup> ut adsit intentio talem applicationem faciendi. Suarez D. 53. S. 14. Applicari autem potest vel generatim omnibus animabus in purgatorio degentibus, vel in particulari aliquibus vel alicui tantum.

7. *An ad lucrandas indulgentias intentio praerequiratur?* — R. Affirm. nam indulgentia gratia est, quae fit volentibus ea frui: et ideo semper opera quaedam implenda praescribuntur. Verum necesse non est, ut haec intentio sit *actualis*, sed sufficit intentio *virtualis*, quae nempe semel habita et non revocata, nos movet ad opera praescripta implenda. An autem sufficiat etiam intentio mere *habitualis*, i. e. semel habita et non retractata,



quin ea nos moveat ad opera praescripta implenda, controvertitur. Graves doctores affirmant, quia indulgentia conceditur ab Ecclesia per modum *solutionis* pro opere imposito. Hoc ergo praestito, vis clavium Ecclesiae poenam solvit. Cf. Schmalzgr. l. 5. t. 38. n. 133. In indulgentiarum libro *la Raccolta* pag. XII dicitur: « necesse est habere saltem in *generali* intentionem lucrandi indulgentias ». Quare sufficit, si quis mane intentionem efformet lucrandi, durante die, omnes indulgentias, quae adnexae sint piis operibus, quae quis sit factururus. Neque vero necesse est scire determinate quanam hae indulgentiae sint, et an reapse sint. — Cf. Laymann l. 5. Tr. 7. C. 6. n. 5., Diana Tom. 4. Res. 18., Billuart App. De Indulg. art. 5., La-Croix.

8. *An ad lucrandas indulgentias requiratur, ut sit quis in statu gratiae?* — R. Affirm. « Nulli potest dimitti poena, nisi cui iam est dimissa culpa ». S. Th. 4. D. 20. q. 1. a. 5. q. 1., L. l. 6. n. 533. 534. Indulgentia praeterea ab intentione concedentis pendet. Porro indulgentia nonnisi contritis et confessis conceditur. S. Th. S. q. 27. a. 1. Attamen si indulgentia plenaria plura requirat pietatis opera, satis est, ut ultimum in statu gratiae perficiatur. *Raccolta* pag. XII., L. l. c. Si cum confessio praescripta est, post confessionem in grave qui incidat peccatum, sufficit contritionis actus, et nova tantum requiritur confessio in Iubilaeo. S. C. Indulg. 15. Mart. 1852.

9. *An qui sit in statu peccati, mortalis possit saltem indulgentias lucrari pro animabus purgatorii?* — S. C. Indulg. respondit 22. Febr. 1847. *Consulat probatos auctores*. Atqui probati auctores alii affirmant, alii negant. L. l. 6. n. 534.

10. *An peccatum veniale sit obex ad lucrandam Indulgentiam?* — « Certum est peccatum veniale non remissum quoad culpam, non posse remitti quoad poenam. Ita S. Th. S. q. 27. a. 1., quem sequuntur Viva, Sporer et alii passim. Illud tamen veniale non impedit, quominus remittatur poena debita aliis peccatis iam remissis... Nec obstat indulgentiam plenariam concessam fuisse sub ratione totalis remissionis, ita ut si poenam non tollat illius venialis non remissi, nullam tollat. Nam respondetur, quod sicut non repugnat culpam alicuius venialis remitti, quin remittatur culpa aliorum, ita et poena. Pontifex autem, concedendo indulgentiam plenariam, non praesumit velle eam restringere tantum ad eos, quibus remittuntur omnia venialia, sed potius illam concedere iuxta capacitatem subiecti, ut remittatur saltem poena venialium illorum, quorum culpa remissa est ». L. l. 6. n. 534. Atque hinc patet quod possit quis acquirere plures indulgentias plenarias eadem die. S. C. Indulg. 27. Maii 1841. Nemo tamen potest lucrari secundam indulgentiam plenariam, si post primam nulla amplius poena luenda supersit.

11. *Quid generatim requiratur quoad impletionem operum iniunctorum ad acquirendas indulgentias?* — 1.<sup>o</sup> Ea quis pie et devote personaliter et integraliter implere debet, tempore et loco aliisque circumstantiis in indulto constitutis. S. C. Indulg. 21. Mart. 1820. *Personaliter*, eleemosyna tamen in Iubilaeo praescripta, per alium impleri potest. *Integraliter*, parva omissio indulgentiam lucrari non impedit; parum pro nihilo reputatur. Nullo autem determinato ordine inter se impleri debent. Formula illa, *qui vere poenitentes confessi ac S. communione repleti ecclesiam visitaverint*, importat quidem confessionem esse peragendam etiam ab illis, qui sibi lethalis peccati consens non sunt, quae tamen confessio suffragari etiam potest si expleatur in vigilia festivitatis; verum ecclesiae visitatio impleri potest sive ante sive post aliorum piorum operum implementum. S. C. Indulg. 19. Maii 1759. — 2.<sup>o</sup> Opus, quod aliunde ex obligatione est perficiendum, sufficere non potest ad indulgentiam lucrandam, sine expressa concessionem Summi Pontificis. Bened. XIV. C. *Inter praeteritos* § 53., S. C. Indulg. 29. Maii. 1841., 7. Mart. 1888. Cf. Bened. XIV. Inst. 53. § 11. Eodem autem pio opere, cui variis titulis indulgentiae adnexae sunt, possunt omnes lucrificari: dum-



modo opera iniuncta vere iterari nequeant, vel non soleant, sicut confessio, nisi sit aliunde necessaria. S. C. Indulg. 12. Jan. 1878. ad 3. — 3.<sup>a</sup> SSinus annuit, « ut infirmi aut senio confecti in communitate, et sub regula viventes, qui ecclesias aut oratoria visitare, aliave pro indulgentiis praescripta exequi non possunt, indulgentias nihilominus lucrari valeant, adimplendo alia pia opera confessarii arbitrio praescribenda ». Leo XIII. 16 Jan. 1886. Idem privilegium iam antea concesserat Pius IX. 18. Sept. 1852. habitualiter infirmis extra communitatem, e domo ingredi impotentibus. — S. Th. S. q. 27. a. 3., L. 1. 6. n. 533. 534.

12. *Quandomam peragenda sit confessio et communio?* — 1.<sup>a</sup> Pro indulgentia iubilaei, vel in forma iubilaei omnia opera praescripta, adeoque etiam confessio et communio peragenda sunt tempore designato pro duratione iubilaei. — 2.<sup>a</sup> Pro aliis indulgentiis confessio et communio non semper est requisita. Et sic necessaria non est pro indulgentiis *Una Crucis*. Requiritur tamen ordinarie quoad plerasque indulgentias plenarias. Porro confessio et communio in pervigilio peragi possunt festivitatis, seu diei cui indulgentiae affixae sunt. S. C. Indulg. 19. Maii 1759., 22. Jan. 1822., 6. Oct. 1870., *Raccolta* pag. XXI., L. 1. c. n. 534. — 3.<sup>a</sup> Cum ad lucrandam indulgentiam praescribitur confessio, omnibus ea necessaria est, etiam illis, qui iam sunt in statu gratiae; pro his vero sufficit tantum confessio sine absolutione. S. C. Indulg. 19. Maii 1759., 20. Aug. 1822., 15. Dec. 1841., 6. Maii 1852. — 4.<sup>a</sup> Omnes illi, qui consuetudinem habent confessionem singulis hebdomadis saltem semel peragendi, lucrari possunt *omnes* et *quascunque* indulgentias; quae occurrunt ab una ad aliam confessionem, excepta indulgentia iubilaei, aliisque concessis ad instar iubilaei. Confessio tunc necessaria esset tantum, si graviter peccaverint. S. C. Indulg. 9. Dec. 1763., 5. Mart. 1855., 4. Dec. 1843., 23. Nov. 1878., 25. Febr. 1886., *Raccolta* pag. XVII. XVIII. — 5.<sup>a</sup> Communio paschalis sufficit ad lucrandas indulgentias affixas eidem diei vel diei sequenti. Eadem tamen non sufficit ad lucrandam indulgentiam iubilaei. Idemque de confessione dicendum est. S. C. Indulg. 10. Maii 1844., 19. Mart. 1841., 15. Dec. 1841., 10. Maii 1884. — 6.<sup>a</sup> Extra iubilaeum eadem confessio et communio sufficit ad lucrandas plures indulgentias plenarias eadem die vel sequenti, dummodo tamen alia praescripta opera impleantur. S. C. Indulg. 29. Maii 1841., 29. Febr. 1864. — 7.<sup>a</sup> Cum ad lucrandam indulgentiam localem vel personalem determinata ecclesia est visitanda, necessarium non est in eadem ecclesia communionem recipere, nisi etiam hoc praescriptum fuerit. Quod si communio in ea recipiatur eadem die, cui adnexa est indulgentia, et preces fundantur ad intentionem Summi Pontificis, necesse non est alteram facere visitationem. *Raccolta* pag. XXV. — 8.<sup>a</sup> Cum in articulo mortis possibile non sit communionem recipere, sufficit tunc ad lucrandam indulgentiam plenariam invocare cum contritione, et saltem corde, si ore non possit. Nomen Jesu.

13. *Quoniam sint preces recitandae?* — 1.<sup>a</sup> Preces regulariter recitandae secundum intentiones Summi Pontificis vel secundum ordinarias intentiones, non sunt saepe determinatae. Quare quis liber est eas recitare preces quas velit. S. C. Indulg. 29. Maii 1841., 13. Sept. 1888. Preces tamen *vocales* recitandae sunt. S. C. Indulg. 13. Sept. 1888., Bened. XIV. *Convocatis* 25. Nov. 1749. § 51., Enc. ad Poenit. rom. *Inter praeteritos* 3. Dec. 1749. § 83. Preces in ecclesia recitandae sunt, si praescribatur ecclesiam visitare, ibique preces fundere, secus quolibet in loco recitari possunt. *Raccolta* p. XXIV. Preces flexis genibus recitandae non sunt, nisi id etiam praescribatur. S. C. Indulg. 18. Sept. 1862. *Raccolta* p. XV. Potest autem quis eas recitare solus, vel cum socio alternatim iuxta morem. S. C. Indulg. 29. Febr. 1820. Toties preces recitandae quot sunt indulgentiae diversae, quas quis eadem die lucrari velit. *Raccolta* p. XXV. — 2.<sup>a</sup> Intentiones Summi Pontificis, quas fere semper exigit, sunt catholicae Ecclesiae exaltatio, propagatio fidei, haereseos et schismatis extirpatio, conversio peccatorum, pax et concordia

inter principes christianos. aliaeque christiani populi necessitates. Necesse non est explicite has intentiones habere; sufficit generatim orare ad intentionem Summi Pontificis. S. C. Indulg. 12. Jul. 1847. — 3.<sup>a</sup> Orationes, quibus indulgentiae adnexae sunt, possunt in qualibet lingua recitari, dummodo *tractatio* fidelis sit. Ut constet de fidelitate *translationis* sufficit Declaratio Card. Praefecti S. C. Indulg., vel Episcopi loci cui lingua vulgaris sit illa translationis. S. C. Indulg. 29. Dec. 1864. Excipitur parvum Officium B. Mariae V., quod latine est recitandum. S. C. Indulg. 13. Sept. 1888. Item dicendum de Officio Defunctorum. — 4.<sup>a</sup> Pro surdis-mutis, quando ecclesiae visitatio praescribitur, sufficit devote ecclesiam visitare; quando preces publicae praescribuntur, sufficit corde orare, dummodo simul cum aliis fidelibus in eodem loco reperiantur; quando privatae preces praescribuntur, confessarius eas commutare potest in alios pios actus aliquo modo sensiles. S. C. Indulg. 15. Mart. 1852. *Raccolta* p. XVI.

14. *Quomodo perficienda ecclesiae visitatio?* — Visitatio ecclesiae perficienda est ad lucrandas indulgentias, quando ea praescribitur, et in determinata ecclesia efficienda est, si ea sit ex indulto determinata. *Raccolta* pag. XXI. Necesse non est in ecclesiam intrare. Si ecclesia clausa sit, vel impossibile sit in eam intrare ob aliam rationem, sufficit tunc ad ianuam orare. « Existens prope fores ecclesiae in eadem esse censetur ». LAVORIUS De Iubilaeo P. 1. C. 18., L. 1. 6. n. 534. Sacella monasteriorum, seminariorum, aliarumque piarum societatum, ad quae omnibus fidelibus ex publica via liber accessus non est, non censentur oratoria publica in ordine ad lucrandas indulgentias. S. C. Indulg. 22. Aug. 1842. Visitatio ecclesiae pedibus vel curru fieri potest. Ut plures quis lucratur indulgentias visitationem ecclesiae praescribentes, plures quis efficere debet visitationes, egrediendo et iterum ingrediendo in ecclesiam. S. C. Indulg. 29. Febr. 1864. *Raccolta* pag. XXIII.

15. *Quomodo tempore implenda sint praescripta opera?* — 1.<sup>o</sup> Implenda sunt tempore determinato in ipso indulto. S. C. Indulg. 25. Sept. 1841. Confessio tamen et communicatio, ut dictum est, semper in pervigilio fieri possunt. Tempus indulgentiae pro una die determinata concessae incipit a media nocte ad mediam noctem, nisi aliud exprimatur. S. C. Indulg. 12 Jan. 1878 — 2.<sup>o</sup> Pius IX. 9. Aug. 1852. Decreto *Urbis et Orbis*, « benigne mandavit, ut omnes indulgentiae, quae hucusque quibusdam festis concessae fuerunt, ac in posterum concedentur, vel quae pro iisdem festis aliquibus ecclesiis et publicis oratoriis pariter concessae fuerunt et in posterum concedentur, vel etiam si libuerit, de consensu Ordinarii, illae concessae in sacris supplicationibus, aut in novendialibus, vel septenariis, sive triduaniis precibus ante vel post festum, vel eius octavario perdurante, translatae intelligantur pro eo die, quo festa huiusmodi *etiam quoad solennitatem tantum, et eternam celebrationem*, non vero quoad officium et missam, in aliquibus locis, vel in sessis, publicisque oratoriis, sive in perpetuum, sive aliqua occasione, sive ad tempus, eoque durante, legitime transferuntur. Cum vero transferitur *tantum officium cum missa, non autem solennitas, et exterior celebratio festi*, indulgentiarum nullam fieri translationem decrevit ».

16. *An, quando facultas conceditur commutandi opera iniuncta, ad lucrandas indulgentias, commutatio in confessione fieri debeat?* — « Standum, ait Gury 1066., regulae quam tradit Bened. XIV. C. *Inter praeteritos* § 63., ubi statuit huiusmodi commutationes in sola confessione faciendas esse. Recensita enim controversia de commutatione votorum, absolutione a censuris, ac potestate dispensandi in aliis materiis, seu opera praescripta commutandi: num haec omnia fieri debeant a confessario in actu sacramentalis confessionis, neque, ita concludit: Nos vero ad omnem difficultatem tollendam, in instructioni, C. *Convocatis*, iniuvimus, non posse a poenitentiaris ullas absolutiones, commutationes, ac dispensationes dari extra actum sacramentalis confessionis: idque nobis et congruum esse, et male-

*riae gravitati ac ministerii qualitati conveniens visum est, atque omnem controversiarum ansam eripit, et conforme est pravi Poenitentiarum nostrae apostolicae.* Verum Baller, ib. observat Benedictum XIV. l. c. loqui de facultatibus concessis, ac modo iis utendi, occasione Iubilaei a. 1750., non vero statuere legem generalem. Unde concludit, tunc solum commutationes, etc., necessario faciendas esse in confessione, quando in concessione facultatis eiusmodi conditio expresse cavetur.

## DE IUBILAEO

17. *Quid sit Iubilaeum?* — 1.<sup>a</sup> Vox *Iubilaeum* deducitur, iuxta plures, ab hebraeo *iobel*, quod significat quinquagesimum, quia apud Hebraeos annus Iubilaei anno quinquagesimo recurrebat: vel, iuxta alios, ab eodem verbo significante sonum tubae, quo indicebatur quinquagesimus annus. Iuxta alios etiam Iubilaeum deducitur a *iubal* vel *iobel*, quod significat germinare, quia anno quinquagesimo terra non colebatur, et incolae fructibus sponte germinantibus vescabantur. Ad imitationem Iubilaei veteris testamenti, institutum est Iubilaeum Ecclesiasticum, quod Romae primum celebrabatur, deinde vero in universo orbe cum plenissima peccatorum Indulgentia, magno gaudio et solemnitate coepit celebrari. Institutum est a Bonifacio VIII. C. *Antiquorum habet* 23. Febr. 1300., et quolibet anno centesimo erat celebrandum. Verum Clemens VI. Constitutione anni 1343. decrevit quinquagesimo quoque anno deinceps celebrandum. Ex decreto autem Urbani VI. quolibet anno trigesimo: et ex statuto Pauli II. quolibet anno vigesimo quinto celebrari coepit. — 2.<sup>a</sup> Iubilaeum definitur Indulgentia plenaria sollemnis, quam Summus Pontifex aliquando concedit omnibus fidelibus cum obligatione certa opera pia peragendi, tribuens simul confessariis specialem potestatem a peccatis censurisque reservatis absolvendi, ac pleraque vota commutandi. Hinc Iubilaeum non differt, nisi *accidentaliter*, ab Indulgentia plenaria ordinaria, scilicet ratione sollemnitatis et privilegiorum ipsi adnexorum, et etiam ratione uberimarum et extraordinariorum gratiarum, quae illud concomitantur. Has enim gratias omnino speciales arguunt miri et stupendi effectus, quos Iubilaeum producere solet, etiamsi non fiant sollemnes fidelium conationes, nec divinum verbum praedicetur.

18. *Quotuplex sit Iubilaeum?* — Multiplex distinguitur Iubilaeum: 1.<sup>a</sup> *Iubilaeum maius*, quod regulariter occurrit omni anno vigesimo quinto, qui annus sanctus vocatur. Dicitur etiam Iubilaeum *ordinarium*, eo quod sit iure fixum et determinatum. — 2.<sup>a</sup> *Iubilaeum minus*, quod solet concedi a singulis Summis Pontificibus post uniuscuiusque exaltationem, et in aliis peculiaribus circumstantiis, et dicitur Iubilaeum *extraordinarium*. — 3.<sup>a</sup> *Generale*, quod conceditur universo orbi, cuiusmodi semper est Iubilaeum maius, et quandoque etiam Iubilaeum minus: sed concedi solet *Urbi*, seu *Romae soli*, antequam *orbi* concedatur. — 4.<sup>a</sup> *Particulare*, quod conceditur alicui provinciae, civitati vel loco particulari, ut est celeberrimum Iubilaeum Ecclesiae *Aniciensi* concessum, quoties festum *Annuntiationis* B. Virginis in diem sacrum *Parasceves* incidit. — Annus integer ordinarie conceditur Romae ad lucrandum Iubilaeum *maius*: et anno sequenti concedi solet per extensionem omnibus aliis orbis christiani regionibus. Singulis autem parochiis ad Iubilaeum lucrandum conceduntur tantum quindecim dies vel tres hebdomadae. Iubilaeum *minus* primum etiam fit Romae, sed paucis hebdomadis, et deinde extenditur ad universum orbem, ut, decurrente anno, per tempus ab Episcopo determinandum fieri possit. Verum tum pro Iubilaeo *ordinario* tum pro *extraordinario* attendendum imprimis est ad tenorem Indulti concessi. Leo XIII. integrum annum 1886. ac pro omnibus fidelibus ad lucrandum Iubilaeum constituit. — In Iubilaeo anni



sancti, seu Iubilaeo *maiori* dum Romae celebratur, non anno sequenti, quo ad totum orbem Iubilaeum extenditur, suspenduntur toto anno omnes aliae Indulgentiae tam plenariae quam particulares concessae pro vivis, non autem quae sunt concessae pro defunctis. Imo omnes indulgentiae, etiam quae alias non erant defunctis applicabiles, iis hoc anno applicari possunt. S. C. Indulg. 16. Dec. 1749., Bened. XIV. C. *Inter praeteritos* § 24. Excipiuntur a suspensione Indulgentiarum pro vivis 1.<sup>o</sup> Indulgentiae pro moribundis; 2.<sup>o</sup> Indulgentiae pro oratione *Angelus*; 3.<sup>o</sup> Indulgentiae pro visitatione Sacratissimi Sacramenti solemniter expositi; 4.<sup>o</sup> Indulgentiae pro iis, qui comitantur SS. Sacramentum infirmis delatum; 5.<sup>o</sup> omnes Indulgentiae, quae ab alio, quam a Papa, conceduntur, a legatis *a latere*, Nunciis, Archiepiscopis, Episcopis. Bened. XIV. Br. *Cum nos nuper* 17. Maii 1749. Sed suspensa manet indulgentia benedictionis papalis, quam dant Archiepiscopi, Episcopi, etc. bis in anno. Clemens XIII. C. *In exhaustum* 3. Sept. 1762. Suspenduntur pariter facultates concessae absolvendi a casibus et censuris reservatis, commutandi vota, dispensandi in irregularitatibus. Bened. XIV. Br. *Cum nos nuper* 17. Maii 1749. § 4., C. *Inter praeteritos* § 32., C. *Convocatis* § 55. 56. Excipitur vero facultas episcopis concessa a Trid. S. 24. C. *Licet* 6. de R., aliaeque facultates, quibus gaudent de iure communi, vel ex speciali Indulto in particularibus casibus pro determinatis personis. Eademque exceptio facienda pro facultatibus concessis praelatis regularibus in favorem suorum subditorum. Bened. XIV. Br. *Cum nos nuper* § 3. Verum cum non semper eadem huius suspensionis conditiones servantur, attendendum item semper est ad tenorem Bullae Iubilaei. L. l. 6. n. 535. 536.

19. *Quid requiratur ad Iubilaeum lucrandum?* — 1.<sup>o</sup> Necesse est habere *intentionem* Iubilaeum lucrandi *virtutem* vel saltem *habitualement*. — Insuper exacte implenda sunt opera praescripta, eaque sine expressa Summi Pontificis facultate, commutari non possunt. Hanc autem facultatem ordinarie confessariis concedit pro impeditis. Layman l. 5. Tr. 8. C. 8. n. 12. — In Iubilaeo generali, sive *maiori* sive *minori*, sequentia opera coniunguntur: *Ieiunium*, *Elemosyna*, *Visitatio* Ecclesiarum, pie orando ad Summi Pontificis intentionem, *Confessio*, *Communio*. Bened. XIV. B. *Inter praeteritos* 3. Dec. 1749. pro Iubilaeo anni sancti. L. l. 6. n. 536. Pro Iubilaeo particulari attendendum est ad tenorem Indulti concessi: ordinarie tria tantum requiruntur, nempe *Confessio*, *Communio*, *Visitatio alienius Ecclesiae*. — Opera iam aliunde ex obligatione debita inservire non possunt ad Iubilaeum lucrandum, nisi id a Summo Pontifice concedatur. Bened. XIV. Enc. *Inter praeteritos* § 53., L. l. 6. n. 536. 538. Quocumque ordine, prout quis velit, impleri possunt. Necesse tamen est, ut sit quis in statu gratiae quando ultimum implet. Bened. XIV. Enc. *Inter praeteritos* § 73. 77. Nulla vero est obligatio eadem perficiendi in una eademque hebdomada. S. Poenit. 6. Mart. 1865. A. S. S. V. 1. p. 176. — Impleri autem possunt in propria dioecesi, vel in alia dioecesi, sese conformando praescriptionibus Ordinarii loci. S. C. Indulg. 28. Nov. 1759. A. S. S. V. 8. p. 486., V. 18. p. 334. Potest item quis confessionem et communionem peragere in aliena dioecesi, cetera vero opera in propria, sese iterum conformando praescriptionibus Ordinarii loci. S. Poenit. 1875., 15 Jan. 1886. A. S. S. V. 8. p. 486., V. 18. p. 334. — Si Iubilaeum protrahitur pro itinerantibus in mari, possunt hi post reditum in patriam Iubilaeum lucrari, praescripta opera implendo, vel illud lucrari cum in aliquem stationis locum pervenerint. S. Poenit. 1875. A. S. S. V. 8. p. 485., L. 538.

20. *De Confessione et Communione.* — Ad Iubilaeum lucrandum *confectio* necessaria est etiam illis, qui gravis peccati conscientiam non habent. Necessaria tamen non est *absolutio*, nisi in Bulla Iubilaei praescribatur. In hac etiam Iubilaei *confessione* confessarius sacramentalem poenitentiam imponere debet. Bened. XIV. C. *Convocatis* § 46. 64. 65., S. C. Indulg. 6. Maii 1752. — Si post peractam confessionem, et ante alia opera impleta incidat quis in peccatum grave, iterum confiteri debet ad Iubilaeum lucrandum, et

non sufficit quod conteratur. Bened. XIV C. *Convocatis* § 47., *Inter praeteritos* § 79. Alia tamen opera iam impleta non sunt iteranda. S. C. Indulg. 28. Nov. 1759. — *Annua confessio* ex obligatione, licet quis bis ad confessionem accedat, et deinde semel absolvatur ad Iubilaeum lucrandum non sufficit, sine expressa Summi Pontificis facultate. Idem de communione *pascali* dicendum est. Tum confessio tum communio Iubilaei in qualibet ecclesia fieri potest. S. C. Indulg. 9. Dec. 1763., 19. Maii 1844., S. Poenit. 25. Jan. 1875., 26. Febr. 1875., 26. Febr. 1879., 25. Mart. 1881., 15. Jan. 1886. A. S. S. V. 8. p. 555.

21. *De Visitatione Ecclesiae*. — Numerus visitationum, et numerus ecclesiarum, quae visitari debent, Bulla Iubilaei indicatur. Cum aliquo in loco sufficiens ecclesiarum numerus non habeatur, potest episcopus toties visitationem unius vel duarum ecclesiarum praescribere, quot sunt ecclesiae pro acquisitione Iubilaei visitandae. S. C. Indulg. Decr. *Urbis et Orbis* 15. Mart. 1852. Potest episcopus pro visitatione etiam publicum oratorium designare, in quo habitualiter missa celebratur. S. Poenit. 1879., 25. Mart. 1881., 15. Jan. 1886. A. S. S. V. 11. p. 528. V. 13. p. 423. V. 18. p. 334. — Potest episcopus dioecesis numerum etiam imminuere visitationum pro illis, qui eas processionaliter faciunt cum capitulo, congregationibus, confraternitatibus, et etiam cum parocho aut alio sacerdote ab ipso designato. S. Poenit. 26. Febr. 1879., 25. Mart. 1881., 15. Jan. 1886. A. S. S. V. 11. p. 527. V. 13. p. 423. V. 18. p. 333. — Regulares visitationes peragere nequeunt in propriis sacellis domesticis, neque praelati regulares ea designare possunt pro suis subditis; sed visitationem peragere debent in ecclesiis ab episcopo praescriptis. Regulares impediti possunt in particulari commutationem obtinere a proprio confessario. S. Poenit. 1875. A. S. S. V. 8. p. 554., 24. Apr. 1886., 15. Dec. 1886. — Qui aliquas peregerit visitationes in propria dioecesi, si in aliam abijt diocesim potest ibi reliquis visitationes perficere, secundum praescriptiones Ordinarii loci. S. Poenit. 1875. 15. Jan. 1886. A. S. S. V. 8. p. 486., V. 18. p. 334. — Quando in Bulla Iubilaei praescribuntur quatuor ecclesiarum visitationes in die, dies sumitur vel naturalis a media nocte ad median noctem, vel ecclesiastica a primis vespers usque ad finem crepusculi diei sequentis. A *primis vespers*, ab hora nempe qua vespers publicae, seu in choro recitantur, seu qua secundum morem recitari possunt, hora nempe circiter secunda a meridie. Bened. XIV *Inter praeteritos* § 8. 13., S. Poenit. 25. Jan. 1875. A. S. S. V. 8. p. 266., *Raccolta* p. XXII., Theodor. a Sp. S. De Indulg. II. p. 74., Martinucci, Manuale Ecclesiasticorum. Quando vero plures sunt faciendae visitationes ecclesiarum et nihil quoad tempus praescribatur, tunc possunt omnes visitationes fieri vel eadem die vel diversis diebus. S. Poenit. 1879., 25. Mart. 1881., 15. Jan. 1886. A. S. S. V. 11. p. 528., V. 13. p. 423., V. 18. p. 334. — Impleri non possunt plures visitationes faciendae, diutius in ecclesia commorando, sed necesse est egredi et iterum ingredi, quamvis immediate post quis iterum ingrediatur. Ac cum magnus esset populi concursus, etiam extra ecclesiam impleretur visitatio toti populo sese uniendo. S. Poenit. 25. Jan. 1875. A. S. S. V. 8. p. 268., 485., Theodor. a Sp. S. De Iubilaeo C. VI. § 1. n. 3. Preces autem in huiusmodi visitationibus recitandae secundum intentionem Summi Pontificis, *vocales* esse debent, et quaelibet esse possunt, cum non determinantur. Sufficit ex communi sententia recitare quinque *Pater, Ave, Gloria*. Bened. XIV. C. *Convocatis* § 51., C. *Inter praeteritos* § 83. — Qui iter Romam suscepit ad lucrandum Iubilaeum, et mortali morbo corripitur, potest confessione et communione cum debitis dispositionibus Iubilaeum lucrari. Bened. XIV. C. *Inter praeteritos* § 14. — L. l. 6. n. 536. 537.

22. *De Ieiunio Iubilaei*. — Ad lucrandum Iubilaeum ieiunium observandum est, etiam ab illis qui ex lege Ecclesiae ad ieiunium non obligantur, vel ex legitima causa a ieiunii lege vel ab abstinentia dispensantur. Si legitime quis impediatur commutationem a confessario obtinere debet. Ille

autem qui a confessario obtinuerit propter iustam causam facultatem comedendi carnes in ieiunio Iubilaei non posset simul eadem refectione pisces etiam comedere. Venia haec a confessario concessa carnes comedendi ad serotinam collationem extendi non potest, nisi existimet confessarius, debitam habens facultatem, debere quempiam omnino a ieiunio dispensare. Qui vero ex legitima venia ova et lacticina comedere potest, pisces etiam eadem refectione potest comedere. S. C. Indulg. 10. Jul. 1869., S. Poenit. 26. Febr. 1879. 25. Mart. 1881. A. S. S. V. 11. p. 527. V. 13. p. 422., Bened. XIV. Epist. Ad Archiep. Compostellan. 10. Jun. 1745. — Ieiunium in Iubilaeo praescriptum est *ieiunium ecclesiasticum*, secundum quod ex lege Ecclesiae servatur. Quare permittitur serotina collatio et matutinum frustulum praeter unicam comestionem. Prohibetur vero usus carniū, et tempore quadragesimali usus etiam lacticiniorum, S. Th. 2. 2. q. 147. a. 8. ad. 3. S. Poenit. 20. Jan. 28. Apr. 1865. A. S. S. V. 1. p. 174. 175. Ac si extra tempus quadragesimale *strictius* ieiunium expresse praescribatur, duplex tunc abstinētia a carne et a lacticiis, etiam extra tempus quadragesimae, servanda est, non obstante Indulto, Privilegio, vel generali consuetudine, permittentibus lacticina vel etiam carnes ieiunii ex praecepto Ecclesiae. S. Poenit. 16. Jan. 1886., 26. Febr. 1879., 4. Mart. 1879., 31 Mart. 1879., 25 Mart. 1881., 31. Aug. 1881. A. S. S. V. 11. p. 527., V. 13. p. 422. 423. V. 18. p. 3. 3. — Si Bulla Iubilaei dies designet, quibus ieiunium servandum sit, designatum tempus servandum est, et ieiunium valet ad lucrandum Iubilaeum, quamvis tempore designato ieiunium incidat ex praecepto servandum. Si vero Bulla Iubilaei tempus ieiunii non designet, non potest ieiunium fieri eadem die, qua habeatur aliunde ex praecepto Ecclesiae ieiunium servandum, nisi expresse id concedatur in Indulto Iubilaei, vel speciali concessione permittatur. S. Poenit. 2. Jul. 1881., 15. Jan. 1886., 10. Apr. 1886., L. 1. 6. n. 537.

23. *De Eleemosyna.* — Eleemosyna fieri potest per se et per alium, dummodo si per alium fiat proprius accedat consensus et intentio. Et sic paterfamilias eleemosynam facere potest pro se, pro uxore, pro filiis, pro famulis; superior Conventus seu Monasterii eleemosynam facere potest pro toto Conventu seu Monasterio, etc. — Si nihil praescribatur quaelibet eleemosyna sufficit pro divitibus et pro pauperibus. Si vero eleemosyna praescribatur proportionata fortunae, ea quidem, quae pro pauperibus sufficit, non sufficit pro divitibus. — Theodor. a Sp. S. I. p. 32 3., L. 1. 6. n. 538., La-Croix 1428. 1430., Laymann C. 8. n. 12.

24. *De Confessariorum facultate opera iniuncta commutandi.* — Possumt confessarii opera iniuncta Iubilaei, ex iusta causa, in alia pia opera commutare. Confessio et communicatio, itemque preces secundum intentionem Summi Pontificis, quando ab Ecclesiae visitatione separantur, ab hac commutatione excipiuntur. Verum pro pueris, qui nondum ad primam communionem admissi sunt, permittitur commutatio in aliud pium opus arbitrio confessarii. Bened. XIV. C. *Inter praeteritos* § 53. 80., C. *Convocatis* § 48. Qui sine sua culpa quacunque ex causa impeditus fuit ad communionem accedere, potest etiam dilationem obtinere a suo confessario. Ita communiter. Bourcier Opusc. De Indulg. et Iubil. C. 3. § 4., G. 1066. etc. Huiusmodi commutatio in confessione tutius certe faciēda est. Bened. XIV. C. *Convocatis* § 25., C. *Inter praeteritos* § 63., Leo XIII. 30. Jan. 1886. In Iubilaeo tamen anni 1865. praescriptorum operum commutatio fieri poterat extra confessionem. S. Poenit. 16. Mart. 1865., approbante Pio IX. A. S. S. V. 1. p. 176. L. 1. 6. n. 534. 15. Si pluries autem Iubilaeum potest lucrifici, pluries etiam ex legitima causa praescripta opera possunt commutari. S. Poenit. 2. Jul. 1881. 18. Mart. 1886. A. S. S. V. 18. p. 512.

25. *De aliis Confessariorum facultatibus.* — Potest confessarius absolvere a peccatis omnibus et censuris etiam speciali modo Summo Pontifici vel Episcopo reservatis, sive occultis, sive publicis, sive censurae latae sint



a iure sive ab homine, excepta tantum *absolutione complicitis*, et *falsa sollicitationis accusatione*, Bened. XIV. C. *Inter praeteritos* § 56-61., C. *Sacramentum Poenitentiae*. — Haec autem absolutio *semel* tantum dari potest, et *in foro* tantum *conscientiae*, satisfacta parte laesa, et reparato scandalo, et favore tantum eorum qui Iubilaeum lucrari volunt, et praescripta opera implere, Bened. XIV. C. *Inter Praeteritos* § 62, 86., S. Poenit. 1. Jun. 1869., 15. Jan. 1886. A. S. S. V. 5. p. 33., V. 18. p. 334., L. 1. 6. n. 537. Excipiebatur olim etiam haeresis, Benedict. XIV. C. *Convocatis* § 53., C. *Inter praeteritos* § 38, 85., S. O. 23. Mart. 1656. Verum in praesenti haeresis etiam comprehenditur, ea prius retractata et abiurata, S. Poenit. 1. Jun. 1869., 25. Jan. 1875., A. S. S. V. 5. p. 32., V. 8. p. 266. — Qui postquam a reservatis fuit absolutus, vel votorum commutationem obtinuit, si deinde, immutata voluntate, nolit opera iniuncta Iubilaei implere, quamvis peccet, sed non graviter ex communi sententia, manet tamen a reservatis absolutus et dispensatus a votis, Bened. XIV. C. *Inter praeteritos* § 86., C. *Convocatis* § 54., L. 1. 6. n. 537., Lugo D. 20. n. 100., Salmant. C. 13. n. 57. Ille item qui a reservatis fuit absolutus et a votis dispensatus, et qui nullam vel sacrilegam recepit absolutionem, manet absolutus a reservatis et dispensatus a votis. Id quidem negat S. Alph. l. 6. n. 537. Sed alii et graves dd. probabiliter affirmant, adeoque cum reservatio iam dubia esset practice cessat. Cf. De Poenit. n. 157., Lugo D. 20. n. 111.-113., G. B. 580., Bened. XIV. C. *Inter praeteritos* § 62., Qui tempore Iubilaei rite confessionem perfecit, quamvis in ea oblitus sit reservatorum peccatorum, potest deinde post Iubilaeum ab iisdem peccatis absolvi, siquidem a reservatione saltem fuit tunc absolutus vel ius ad illam acquisivit. Idem de votorum dispensatione dicendum L. 1. 6. n. 536, 537. q. 4., Ferraris v. *Iubilaeum* a. 2. n. 27., La-Croix 1449. Potest item confessarius absolvere poenitentem a censuris et a reservatione peccatorum eiusque vota dispensare, quamvis confessarius debeat ei absolutionem differre, si tamen impleat poenitens monita confessarii et alia Iubilaei praescripta opera peragat, deinceps absolutionem obtenturus etiam post Iubilaeum, L. 1. 6. n. 535, 537. Si quis in confessione iam peracta Iubilaei quod iam lucratus est, nullos habebat reservatos casus, neque vota dispensanda, potest adhuc *semel* a reservatis absolvi, et votis dispensari, si iterum possit Iubilaeum lucrari iterum praescripta opera peragendo, S. Poenit. 1. Jan. 1873. qui iam absolutus sit *semel* a peccatis et censuris reservatis, et Iubilaeum lucratus est, quamvis deinde repetat opera iniuncta ad iterum lucrandum Iubilaeum non potest amplius a reservatis absolvi, An autem iterum absolvi possit, si nondum Iubilaeum lucratus sit *semel*, cum nondum omnia opera iniuncta peregerit, ut illud *semel* saltem possit lucrari: alii negant, ex S. C. Indulg. 10. Jul. 1869., S. Poenit. 1. Jun. 1869., 25 Jan. 1875., 15. Jan. 1886., A. S. S. V. 5. p. 32. V. 8. p. 267. 359. V. 18. p. 333., alii vero affirmant, nisi contrarium in Bulla Iubilaei exprimatur, D. Annib. P. 3. n. 190. Ed. 2.<sup>a</sup>, et P. 1. n. 348 Ed. 3.<sup>a</sup> Cf. Bened. XIV. C. *Inter praeteritos* § 67. 73. 77. 78. 79. 84. 86 Tempore Iubilaei possunt Regulares sine ulla suorum superiorum venia confiteri cuilibet confessario regulari vel saeculari *approbato* ab Ordinario loci, vel *approbato* tantum a proprio Praelato, et possunt absolvi ab illo etiam a casibus in eorum Ordine reservatis, Bened. XIV. C. *Inter praeteritos* § 35. 36., S. Poenit. 30. Jan. 1886. Moniales vero confiteri etiam possunt cuilibet confessario, sed ab Ordinario loci pro monialibus *approbato*, L. 1. 6. n. 336., Ferraris v. *Approbatio* a. 2. n. 21. — Possunt praeterea confessarii vota *commutare*, vel *commutando dispensare* vota, et ab irregularitate ex violatione censurae dispensare, in quibus ut in reliquis omnibus tenor Bullae Iubilaei attendendus est, Bened. XIV. C. *Inter praeteritos* § 45., L. 1. 6. n. 536.

## DE ALTARI PRIVILEGIATO

26. *Quid sit Altare Privilegiatum?* — Altare privilegiatum est altare, cui summus Pontifex annexuit Indulgentiam plenariam, quae, si spectetur mens concedentis et usus potestatis clavium, animam statim liberet ab omnibus purgatorii poenis; si vero spectetur applicationis effectus, intelligenda est indulgentia, cuius mensura divinae misericordiae beneplacito et acceptationi respondet. S. C. Indulg. 28. Jul. 1840., Bened. XIV. Int. 56. n. 15. Indulgentia haec ab aliis plenariis indulgentiis, quae defunctis applicantur, non differt, nisi quatenus *certainorem* habet effectum. Etenim secundum communem dd. sententiam, ipsa non pendet a personalibus sacerdotis dispositionibus, sed a divinae victimae oblatione: siquidem ea unice adnexa est divini sacrificii celebrationi in tali altari. Hinc sacerdos qui ex stipendio accepto debet celebrare in altari privilegiato, susceptae obligationi non satisfacit celebrando in alio altari, et lucrando indulgentiam plenariam alicui pio operi vel obiecto annexum: satisfacit vero si privilegio gaudeat altaris privilegiati *personalis*. Qui *actum heroicum caritatis* faciunt tale habent privilegium. S. C. Indulg. 13. Febr. 1741., 22. Febr. 1847. 2. Maii 1852. Altare enim privilegiatum, aliud est *locale*, aliud *personale*, prout privilegium vel determinato altari, vel personae adhaeret, in quocumque altari quis celebret, sive privilegiato, sive non, sive *fixo*, sive *portatili*. S. C. Indulg. 15. Mart. 1852., 20. Mart. 1846.

27. *Quarum sint requisitae conditiones ad Altare Privilegiatum locale?* — Necesse est ut ecclesia vel oratorium, in quibus adsit, sint benedicta, neque requiritur ut sint consecrata. Necesse vero est quod altare sit *fixum*, quod nempe a loco dinoveri non possit. Quare sufficit ad constituendam qualitatem altaris fixi, ut in medio altaris stabilis et inamovibilis, licet non consecrati, lapis consecratus etiam amovibilis ponatur. Indulgentia ipsi fixo altari conceditur, non lapidi consecrato amovibili, qui unus alteri pro necessitate vel opportunitate sufficere poterit. Neque vero potest praedicta indulgentia transferri ab uno altari fixo ad aliud altare fixum in eadem ecclesia vel oratorio, sine speciali facultate. Ac indulgentia amittitur etiamsi ipsum altare fixum ab una ecclesia in aliam transferatur: minime vero si ab uno loco ad alium in eadem ecclesia transferatur, sub eadem tamen manens invocatione: vel si propter vetustatem de novo construatur, aut quoad maiorem partem reparatur, dummodo sub eodem titulo vel invocatione iterum construatur. S. C. Indulg. 22. Apr. 1752., 30. Jan. 1760., 27. Nov. 1764., 15. Dec. 1841., 24. Apr. 1843., 20. Mart. 1846., 26. Mart. 1867., 27. Sept. 1843., 16. Sept. 1723., 27. Jun. 1836., 24. Apr. 1843.


28. *Quarum sint conditiones requisitae ad lucrandam Indulgentiam Altaris Privilegiati?* — 1.<sup>a</sup> Necesse est missam applicare pro eadem anima, pro qua missa celebratur. S. C. Indulg. 31. Jan. 1848., 18. Dec. 1885. — 2.<sup>a</sup> Indulgentia applicari non potest nisi uni tantum animae, licet pro pluribus quis missam celebret. S. C. Indulg. 28. Jul. 1840., 29. Febr. 1864., 19. Jun. 1880., 19. Dec. 1887., A. S. S. V. 13., p. 139., V. 18. p. 340. — 3.<sup>a</sup> Diebus non impeditis, missa *de requiem* legenda est. S. C. Indulg. 11. Apr. 1840., 22. Febr. 1847. Aliis diebus impeditis, ratione ritus, lucratur quis indulgentiam aliam missam diei respondentem legendo. Idque valet etiam si quis missam *de requiem* non legat, ratione expositionis SS. Sacramenti, sive stationis ecclesiae, vel alterius sollemnitatis. S. C. Indulg. 11. Apr. 1840., 22. Apr. 1847., 30. Jun. 1760., 27. Nov. 1764., 29. Febr. 1864., etc.

29. *Nota:* Quando missam quis celebrat ad altare privilegiatum pro aliquo defuncto, missa per se privilegiata est, neque necesse est, ut vel offerens elemosynam, vel sacerdos intendat applicare privilegium. Non enim requiritur explicita applicationis intentio, implicita sufficit. Quando vero quis ce-

lebrat pro pluribus defunctis, si uni determinatae animae expresse privilegium non applicet, non ideo praedictum privilegium evadit inutile. Nam tunc vel applicatur alicui animae prout Deo placuerit, vel omnibus, non plenarie omnibus, sed partialiter singulis. S. C. Indulg. 5. Mart. 1855. 19. Jun. 1880. A. S. S. V. 13. p. 141. — Missa defunctorum non nisi in paramentis *nuptis* celebranda est: *violacea* adhiberi non possunt nisi in casu, quo die 2. Nov. SS. Eucharistiae sacramentum publicae fidelium adorationi sit expositum pro solenni Oratione quadraginta horarum. S. R. C. 23. Jul. 1868. Gardell. n. 5403. — Sacerdos, qui missam celebravit pro defuncto in altari privilegiato, eique applicando indulgentiam altaris privilegiati, potest eadem die, vi sacrae communionis in sacrificio peractae, lucrari aliam indulgentiam plenariam pro se vel pro animabus purgatorii, imo potest plures indulgentias plenarias animabus purgatorii lucrari, si ad eas lucrandas sacra communio praescribatur. S. C. Indulg. 10. Maii. 1844.

A. M. D. G.





# INDEX ANALYTICUS RERUM

## DE PARTICULARIBUS LAICORUM OBLIGATIONIBUS

- I. DE IUDICIBUS. — De dotibus iudicis. 3. — De requisitis ad legitimam iudicium proferendum. 4. — De sententia iusta et iniusta. 6. — De acceptione munerum. 10.
- II. DE ARBITRIS. — De arbitratorum munere. et obligationibus. 11.
- III. DE IURATIS. — Iuratorum officium et obligationes. 12.
- IV. DE ADVOCATIS PROCURATORIBUS REFERENTIBUS. — Eorum officia et obligationes, necnon honoraria seu stipendia. 13.
- V. DE NOTARIIS SCRIBIS APPARITORIBUS. — Eorum dotes; praecipui casus practici quoad exercitium eorum officii; honoraria seu stipendia ipsis debita. 16.
- VI. DE ACCUSATORIBUS. — Quinam accusare prohibeantur. 19. — Quandonam quis teneatur accusare. 20. — Quandonam quis non teneatur accusare. ib. — Quandonam quis possit accusare et accusationem omittere. 21.
- VII. DE TESTIBUS. — De obligatione testandi. 22. — Causae a testando excusantes. 23.
- VIII. DE REIS. — An reus teneatur crimen fateri? 24. — Quomodo possit se defendere. 25. — An possit fugere. 26. — De appellatione et expensis litis. 27.
- IX. DE MEDICIS CHIRURGIS PHARMACOPOLIS. — De variis eorum obligationibus. 27. — De medico tempore pestis et quoad animam infirmi. 28.
- X. DE CUSTODIBUS MERCATORIBUS ARTIFICIBUS. — Praecipua et specialia eorum peccata. 29.

## DE PARTICULARIBUS CLERICORUM OBLIGATIONIBUS

- I. DE POSITIVIS CLERICORUM OBLIGATIONIBUS. — De vitae sanctitate. 29. — De caelibatu. ib. — De gestatione habitus et tonsurae. 30. — De obligatione recitandi horas canonicas. 31. — Quanta sit divini officii obligatio. 34. — Quonam ritu divinum officium sit recitandum. 36. — Quonam ordine. 37. — Quali pronuntiatione. 38. — Quonam tempore. 40. — De loco et situ. 43. — De intentione et attentione. ib. — Causae a recitatione horarum excusantes. 44.
- II. DE OBLIGATIONIBUS NEGATIVIS CLERICORUM. — De gestatione armorum. 46. — De piscatione et venatione. ib. — De ludo alearum. ib. — De taurorum agitatione. 48. — De ingressu in cauponas. de choreis et comoediis. de habitatione cum mulieribus. ib. — De negotiatione. ib. — De alienatione rerum Ecclesiae. 49. — De artibus et officiis quae clericis prohibentur. ib.
- III. DE BENEFICIATIS. — Quid et quotuplex sit beneficium. 50. — Quibusnam et quomodo beneficia sint conferenda. 51. — Quonam beneficiarii obligationes. 52. — An digniores eligendi. 53.
- IV. DE OBLIGATIONIBUS EPISCOPORUM. — De vitae sanctitate. 56. — De residentia. ib. — De visitatione dioeceseos. 57. — De clericorum regimine. ib. — De cura habenda doctrinae. ib. — De praedicatione. ib. — De missae celebratione. ib. — De synodo dioecesana et visitatione ad SS. Limina. ib. — De potestate vicarii generalis. ib.

- V. DE CANONICIS. — De residentia, 58. — De officio chori, ib. — De missa conventuali, 59. — De assistentia episcopo debita, ib. — De canonicorum munere, sede vacante, 60.
- VI. DE PAROCHIS. — De residentia, 60. — De pauperum visitatione et aegrotorum cura, 62. — De correctione et monitione, ib. — De oratione et celebratione missae, 63. — De praedicatione, 64. — De administratione sacramentorum, ib. — De parochorum vicariis, 64.
- VII. DE SIMPLICIBUS PRESBYTERIS AC INFERIORIBUS CLERICIS. — De servitio ecclesiae praestando a presbyteris, 65. — De inferiorum clericorum dotibus, 66.

## DE PARTICULARIBUS REGULARIUM OBLIGATIONIBUS

- I. DE NATURA STATUS RELIGIOSI. — Quid sit religiosus status, 67. — De obligatione regulae, 69.
- II. DE VOCATIONE DIVINA. — De eius necessitate et signis, 70.
- III. DE NOVITIATU. — Quinam possint religionem ingredi, 71. — De aetate requisita, 73. — De eius duratione, ib. — De loco et habitu, 74. — De dispositione bonorum ante professionem, ib. —
- IV. DE PROFESSIONE. — Quid religiosa professio, 74. — Requisite ad religiosam professionem, ib.
- V. DE VOTO PAUPERTATIS. — Quatenam sit vis voti sollemnis et simplicis paupertatis, 75. — De materia gravi in transgressione voti, 77. — De peculio, ib.
- VI. DE VOTO CASTITATIS. — Obiectum huius voti, 78. — Natura voti sollemnis et simplicis castitatis, ib. — De clausura, ib. — De obligatione gestandi habitum, 79.
- VII. DE VOTO OBEDIENTIAE. — Huius voti obiectum, 79. — Discrepancia voti sollemnis et simplicis, 80.

## DE SACRAMENTIS IN GENERE

- I. DE NATURA SACRAMENTORUM. — De sacramentorum definitione, numero, institutione, causalitate, necessitate, constitutivis, 81.
- II. DE MATERIA ET FORMA SACRAMENTORUM. — Quid sit sacramentorum materia et forma, et qualis esse debeat, 83. — De earum mutatione, 84. — De earum unionem, 86. — De sacramentorum iteratione in casu dubii, 87.
- III. DE MINISTRO SACRAMENTORUM. — Quis sacramentorum *minister*, 90. — De eius intentione et attentione, ib. — De eius fide et probitate, 95. — De obligatione ministrandi sacramenta, 97. — De obligatione denegandi sacramenta, 98. — De modo sacramenta ministrandi, 102.
- IV. DE SUBIECTO SACRAMENTORUM. — Quinam sit sacramentorum subiectum, 102. — Requisite ad validam et licitam sacramentorum receptionem, ib.

## DE BAPTISMO

- I. DE NATURA BAPTISMI. — Quid et quotuplex baptismus, quatenam eius efficacia et necessitas, 105.
- II. DE MATERIA ET FORMA. — Quatenam sit materia remota et proxima baptismi, 107. — Quatenam baptismi forma, 109.
- III. DE MINISTRO. — De ministro ordinario et extraordinario, solemnitatis et necessitatis baptismi, 110. — De caeremoniis baptismi, 111. — De patrinis, 113.
- IV. DE SUBIECTO. — Quodnam sit baptismi subiectum, 116. — Requisite ad validam et licitam baptismi susceptionem, ib. — De operatione caesarea, 118.

## DE CONFIRMATIONE

- I. DE NATURA CONFIRMATIONIS. — Quid sit confirmatio, quatenam eius efficacia, 119.
- II. DE MATERIA ET FORMA. — Adequata huius sacramenti materia, 119. — Quatenam sit forma, 120.



- III. DE MINISTRO. — Quinam sit confirmationis minister, 121. — Quanam eius obligatio, ib.
- IV. DE SUBIECTO. — Quodnam sit confirmationis subiectum, 121. — Quanam confirmationis recipiendae obligatio, 122. — Quanam dispositiones requisitae, ib.

## DE EUCHARISTIA

- I. DE NATURA EUCHARISTIAE. — Quid sit eucharistia, quanam eius efficacia, 123.
- II. DE MATERIA ET FORMA EUCHARISTIAE. — De materia remota et proxima eucharistiae, 125. — Quanam eius forma, 129.
- III. DE MINISTRO EUCHARISTIAE. — Quinam sit consecrationis et dispensationis minister, 130. — De obligatione eucharistiam dispensandi, 132. — Requirita ad licitam eucharistiae dispensationem, 133. — De dispensatione eucharistiae quoad infirmos, 136. — De modo eucharistiam asservandi, ib.
- IV. DE SUBIECTO EUCHARISTIAE. — Quodnam eucharistiae subiectum, 139. — De obligatione eucharistiam recipiendi, ib. — De dispositionibus requisitis animae, 142. — De dispositionibus corporis, ieiunio et corporis decencia, 145.
- V. DE SACRIFICIO MISSAE. — An eucharistia sit sacrificium, 151. — Qualis eius efficacia, 152. — De eius applicatione, 154.
- VI. DE OBLIGATIONE APPLICANDI MISSAM. — De missarum stipendio, 156.
- VII. DE VARIIS MISSAE ADIUNCTIS. — De tempore et loco celebrationis, 160. — De requisitis ad missam celebrandam, 163. — De rubricis servandis, 165.

## DE POENITENTIA

- I. DE NATURA POENITENTIAE. — Quid sit poenitentia, eius necessitas et efficacia, essentialia sacramenti poenitentiae partes, 168.
- II. DE MATERIA REMOTA POENITENTIAE. — Quanam sit materia remota poenitentiae, 169. — De peccatis *in genere*, et dubiis, 171.
- III. DE CONTRITIONE. — Quid et quotuplex contritio, 173. — Variæ eius proprietates, ib. — Varia motiva, 176.
- IV. DE PROPOSITO. — Quid et quotuplex propositum, 178. — Eius proprietates, 178.
- V. DE CONFESSIONE. — Eius natura et proprietates, 180.
- VI. DE INTEGRITATE CONFESSIONIS. — Integritatis natura et obligatio, 182. — Actus externus, effectus peccati, 183. — Confessarii immutatio, 184. — Circumstantiæ aggravantes, ib. — Diversitas personarum earumque varia conditio, 185. — Tempus peccati, 186. — Menlacium in confessione, 187. — Confessarius dormiens vel distractus, ib. — Causae excusantes, ib. — Peccatum complicitis, 188. — Confessio generalis, 189.
- VII. DE SATISFACTIONE. — Satisfactio imponenda, 190. — Satisfactio acceptanda et implenda, 193.
- VIII. DE FORMA SACRAMENTI POENITENTIAE. — Quanam in ea essentialia, quanam accidentalia, 196. — Absolutio conditionata, 198. — Absolutio moribundorum.
- IX. DE CONFESSARI: APPROBATIONE. — Adaequata ministri poenitentiae potestas, 199. — Approbatio requisita, 200. — A quonam episcopo obtinenda, ib. — Eius limitatio et revocatio, 201.
- X. DE CONFESSARII IURISDICTIONE. — Iurisdictio requisita, ordinaria, delegata, 202. — In casu erroris communis, 204. — In casu dubii, ib. — In articulo mortis, 205. — Extra diocesim, 206. — Sine venia parochi, ib. — Quoad peregrinos, milites, parochos, episcopos, cardinales, ib.
- XI. DE REGULARIBUS ET MONIALIBUS. — Regularium iurisdietio et approbatio, quoad religiosos subditos, familiares, et saeculares, 207. — Specialis approbatio pro monialium confessionibus, 210.
- XII. DE RESERVATIONE. — De natura reservationis, 211. — De absolutione a reservatis, 212.

- XIII. DE VARIIS MINISTRI OFFICIIS. — De officio patris, 218. — De officio medici, 219. — De absolutione danda, differenda, deneganda, 220. — De recidivis et occasionariis, 222. — De officio doctoris, 223. — De scientia confessorii, ib. — De obligatione docendi et monendi poenitentes, 224. — De officio iudicis, 225. — De commissis in confessione defectibus corrigendis, 227. — De sigillo sacramentali, 228.

### DE EXTREMA UNCTIONE

- I. DE NATURA EXTREMAE UNCTIONIS. — Quid sit extrema unctio, 236. — Quatenam eius efficacia, ib.  
 II. DE MATERIA ET FORMA. — Quatenam sit materia remota, et proxima, 237. — Quatenam forma, ib.  
 III. DE MINISTRO. — Quatenam sit minister extremae unctionis, 238. — Quatenam eam administrandi modus, ib.  
 IV. DE SUBIECTO. — Quodnam sit extremae unctionis subiectum, 239. — Quatenam eam recipiendi obligatio, ib.

### DE ORDINE

- I. DE NATURA ORDINIS. — Quid sit ordo, 240. — Quatenam eius efficacia, 240. — Quot sint ordines, ib. — An omnes sint sacramenta, 243.  
 II. DE MATERIA ET FORMA. — Quatenam in singulis ordinibus sit materia remota et proxima, quatenam forma, 244. — Defectus supplendi, 246.  
 III. DE MINISTRO. — Quatenam sit ordinis minister ordinarius, extraordinarius, 247. — Quid ad licitam ordinum collationem requiratur, 248.  
 IV. DE SUBIECTO. — Quid ad validam et licitam ordinum suceptionem requiratur, 249.

### DE MATRIMONIO

- I. DE SPONSALIBUS. — De sponsalium natura et obligatione, 254. — De eorum dissolutione, 258.  
 II. DE BANNIS. — De necessitate bannorum, 263. — Variarum bannorum circumstantiarum, ib.  
 III. DE NATURA MATRIMONII. — Quid sit matrimonium, et quatenam eius divisio, 265. — Matrimonium quatenus contractus, 267. — Matrimonium quatenus sacramentum, 270. — Unitas et firmitas matrimonii, 272.  
 IV. DE IMPEDIMENTIS IMPEDIENTIBUS. — Quid et quotuplex matrimonii impedimentum, 274. — Impedimenta impedientia. Ecclesiae vetitum, tempus, sponsalia, votum, 275.  
 V. DE IMPEDIMENTIS DIRIMENTIBUS. — Impotentiae et aetatis, 278. — Ligaminis, 279. — Consanguinitatis, ib. — Affinitatis, 281. — Cognationis spiritualis, 283. — Cognationis legalis, 284. — Publicae honestatis, 285. — Voti et Ordinis, ib. — Disparitatis cultus, 286. — Adulterii, 287. — Homicidii, 289. — Utriusque simul, ib. — Erroris, conditionis, furiae, 290. — Vis seu metus, 291. — Raptus, 292. — Clandestinitatis, 293.  
 VI. DE MATRIMONII REVALIDATIONE. — De impedimentorum dispensatione, 297. — De matrimonio in variis nullitatis casibus revalidando, 302.  
 VII. DE USE MATRIMONII. — Eius licitas et obligatio, secundum se et secundum varias eius circumstantias, 304. — Actus *iuxta* naturam, *contra* naturam, *praeter* naturam, 311.

### DE CENSURIS

- I. DE NATURA CENSURAE. — Quid et quotuplex sit censura, 313. — Requirita ad censuras, 314. — Quatenam censuras ferre possint, 315. — Causae excusantes, 317. — De absolutione censurarum, 319.  
 II. DE EXCOMMUNICATIONE. — Quid sit excommunicatio, 321. — De excommunicatione tolerato, vitando, ib. — Varii maioris excommunicationis effectus, 322.  
 III. DE SUSPENSIONE. — Quid et quotuplex suspensio, 326. — Suspensio *ex informata conscientia*, 326. — Suspensio a Pontificalibus, 328. — Depositio, degradatio, ib.

- IV. DE INTERDICTO — Quid et quotuplex interdictum, eiusque effectus, 329 - Cessatio a divinis, 333.
- V. DE SEPULTURA ECCLESIASTICA. — Quid ecclesiastica sepultura, eiusque effectus; ius funeris, et funeraria emolumenta, 333. - Quinam ecclesiastica sepultura privandi, 335.

## DE CONST. « APOSTOLICAE SEDIS »

- I. EXCOMMUNICATIONES. — Speciali modo Summo Pontifici reservatae, 337. - Simpliciter Summo Pontifici reservatae, 349. - Episcopis reservatae, 364. - Nemini reservatae, 366.
- II. SUSPENSIONES. — Constitutionis *Apost. Sed.*, 373. - Concilii Tridentini, 377.
- III. INTERDICTA — Constitutionis *Apost. Sed.*, 381. - Concilii Tridentini, 382.

## DE CONST. « SACRAMENTUM POENITENTIAE »

- I. DE SOLLICITATIONE IN CONFESSIONE. — Confessarii sollicitantes denunciandi, 384. - Poenitentes de denuntiatione faciendi monendi, 384. - Causae excusantes, 391. - Cuiusmodi, quando facienda sit denuntiatio, 394. - Falsae denuntiationis crimen, 395.
- II. DE ABSOLUTIONE COMPLICITIS. — Illiceitas et invaliditas absolutionis, 396. - Complicitatis natura, 398.

## DE LECTIONE LIBRORUM PROHIBITORUM

- I. DE LIBRORUM PROHIBITIONE. — 402.
- II. DE IMPRESSIONE LIBRORUM. — 405.

## DE IRREGULARITATE

- I. DE IRREGULARITATIBUS GENERATIM. — 406.
- II. DE IRREGULARITATIBUS EX DELICTO. — 408.
- III. DE IRREGULARITATIBUS EX DEFECTU. — 4011.

## DE INDULGENTIIS

- I. DE INDULGENTIIS GENERATIM. — 415.
- II. DE IUBILAEI. — 423.
- III. DE ALTARI PRIVILEGIATO. — 428.

## IMPRIMATUR


Fr. Raphaël Pierotti O. P. S. P. A. Magister.


## IMPRIMATUR

Julius Lenti Patriar. Constantinop. Vicesgerens.



1000







BX  
1758  
B83

Bucceroni, Gennaro  
Institutiones theologiae  
moralis secundum  
doctrinam

PLEASE DO NOT REMOVE  
CARDS OR SLIPS FROM THIS POCKET

---

UNIVERSITY OF TORONTO LIBRARY

---

UTL AT DOWNSVIEW



D RANGE BAY SHLF POS ITEM C  
39 16 12 25 11 009 2